


ସତ୍ତୀଅର୍ ବାଟ୍



The New Testament in the Desiya language of India: ସତ୍ତୀଅର୍  
ବାଟ୍ (Bible)

## ସତ୍ତ୍ୱ ବାବ୍

### **The New Testament in the Desiya language of India: ସତ୍ତ୍ୱ ବାବ୍ (Bible)**

copyright © 2020 The Word for the World International

Language: ଦେଶିଆ (Desiya)

Contributor: The Word for the World International

## ସତ୍ତ୍ୱ ବାବ୍

ନୂଆ ନିୟମ, 2020

The New Testament in Desiya Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-08

---

PDF generated using Haiola and XeLaTeX on 21 Feb 2024 from source files dated 9 Apr 2023  
cd4d7c1f-dc97-5fb4-a0ba-ab968fde9cde

## Contents

ମାତିଉ	1
ମାର୍ଜକ	52
ଲୁକ୍	86
ଜଅନ୍	140
ପେରଡ଼	179
ରମିଅ	226
୧ମ କରନ୍ତିୟ	248
୨ୟ କରନ୍ତିୟ	269
ଗାଲାତିୟ	284
ଏପିସିୟ	293
ପିଲିପିୟ	301
କଲସିଅ	307
୧ମ ଡେସଲନିକିୟ	313
୨ୟ ଡେସଲନିକିୟ	318
୧ମ ତିମତି	321
୨ୟ ତିମତି	328
ତିତସ୍	333
ପିଲିମନ୍	337
ଏବ୍ରି	339
ଜାକୁବ	357
୧ମ ପିତର	363
୨ୟ ପିତର	370
୧ମ ଜଅନ୍	374
୨ୟ ଜଅନ୍	381
୩ୟ ଜଅନ୍	383
ଜିଉଦା	385
ପରକାସିତ	388

# ଯୀଶୁ ଖ୍ରୀଷ୍ଟଙ୍କ ବିଷୟରେ ମାଥୁଭ ଲେଖିଥିବା ସୁସମାଚାର ଜିସୁକିରିସ୍ଟ ବିଷୟ ନେଇକରି ମାଡ଼ିଭ ଲେଖିରଇବା ନିମନ୍ତ କବର୍

## ଏ ବଇ ବିଷୟ ଜାନ୍‌ବାଟା

ମସିଅକେ ରାଇଜ୍ ସାସନ୍ କରବା ରାଜା ଆଇସି ବଲି ବିସ୍‌ବାସ୍ କର୍ତ୍ତେରଇଲା । ମାଡ଼ିଭ ସେମନ୍ ବିସ୍‌ବାସ୍ କରିରଇବାଟା ବାଦ୍‌ଲାଇ ଦେଲା । ପର୍‌ମେସରର୍ ରାଇଜ୍ ଅଇଲାନି ଆଡ଼ମାର ରାଇଜ୍, ଏ ଜଗତର୍ ରାଇଜ୍ ନଏଁ ବଲି ସେଟା ଗୁରୁତୁସଙ୍ଗ୍ ସିକାଇତେରଇଲା ।

ମାଡ଼ିଭ ଲେକ୍‌ଲା ସୁବକବର୍ ନୁଆ ନିଅମର୍ ପର୍‌ତୁମର୍ ବଇ ଇସାବେ ମିସାଇଲେ ନିକ । କାଇକେ ବଇଲେ ପୁରନା ନିୟମର୍ ବାକିଅମନ୍ ଅଦିକ୍ ମିସି କରି ଆଟେ । ଏ ବଇ ପୁରନା ନିୟମକେ ଆରି ନୁଆ ନିୟମକେ ମିସାଇସି । ପଣ୍ଡିତମନ୍ ମିସା କଇବାଇ ମାଡ଼ିଭ ତାର ଲେକାଟାନେ ମସାର୍ ନିୟମ୍ ବଇମନର୍ ପାରା କରବାକେ ଚେସ୍‌ଟା କରିଆଟେ । ଜିସୁ ତଙ୍ଗର୍ ଉପ୍‌ରେ ସିକିଆ ଦେବା ବିଷୟ ମାଡ଼ିଭ ୫:୭ ପର୍‌ମେସର୍ ମସାର୍ ନିୟମ୍ ଦେବା ବିଷୟ ସଙ୍ଗ୍ ମିସା ତୁଲ୍‌ନା କରିଅଇସି ୨ୟ ବିବରଣି ୧୯:୩; ୨୩-୩୩

### ଏ ବଇବିତ୍‌ରେ ରଇଲାଟା

- ୧. ଜିସୁର୍ ଜନମ୍ ଆରି ତାର୍ ସେବାକାମ୍ । ୧-୪
- ୨. ଜିସୁର୍ ସେବାକାମ୍ ଆରି ସିକିଆ । ୫-୨୫
- ୩. ଜିସୁ କିରିସ୍‌ଟର୍ ମରନ୍ ଆରି ମରିକରି ଉଟ୍‌ବାଟା । ୨୬-୨୮

ଜିସୁର୍ ଆନିଦାଦିମନର୍ ନାଉଁ ତାଲିକା  
(ଲୁକ୍ ୩:୨୩-୩୮)

<sup>୧</sup> ଏଟା ଅଇଲାନି ଜିସୁକିରିସ୍‌ଟର୍ ଆନିଦାଦିମନର୍ ନାଉଁ ତାଲିକା । ସେ ଦାଉଦ୍ ବଂସର୍ ରଇଲା ଆରି ଦାଉଦ୍ ଅବ୍ରାଆମ୍ ବଂସର୍ ରଇଲା ।

<sup>୨</sup> ଅବ୍ରାଆମ୍‌ର୍ ପଅ ଇସାକ୍, ଇସାକ୍‌ର୍ ପଅ ଜାକୁବ୍, ଜାକୁବ୍‌ର୍ ପଅ ଜିଉଦା ଆରି ତାର୍ ବାଇମନ୍ । <sup>୩</sup> ଜିଉଦା ପେରସ୍ ଆରି ଜେରଅର୍ ବାବା ରଇଲା, ତାକର୍ ମାଆ ଅଇଲାନି ତାମର୍ । ପେରସ୍‌ର୍ ପଅ ଏସ୍‌ରନ୍ । <sup>୪</sup> ଏସ୍‌ରନ୍‌ର୍ ପଅ ଆରାମ୍, ଆରାମ୍‌ର୍ ପଅ ଅମିନାଦବ୍ ଅମିନାଦବ୍‌ର୍ ପଅ ନଅସନ୍, ନଅସନ୍‌ର୍ ପିଲା ସଲ୍‌ମନ୍ <sup>୫</sup> ସଲ୍‌ମନ୍‌ର୍ ପଅର୍ ନାଉଁ ବୟଜ୍, ବୟଜ୍‌ର୍ ମାଆ ରାଅବ୍ । ବୟଜ୍‌ର୍ ପଅର୍ ନାଉଁ ଅବେଦ୍ ଆରି ଅବେଦ୍‌ର୍ ମାଆର୍ ନାଉଁ ରୁଡ୍ । ଅବେଦ୍‌ର୍ ପଅ ଜସୟ,

<sup>୬</sup> ଦାଉଦ୍ ରାଜାର୍ ସାସନ୍ ବେଲେ ଅନି ଜେଡେବଲ୍ ଇସ୍ରାଏଲ୍ ଲକ୍‌ମନ୍‌କେ ବାବିଲନ୍ ଦେସେ ବାନ୍ଦି ନେଇରଇଲା ଜାକ ସେଡ୍‌କି ଆନିଦାଦିମନର୍ ତାଲିକା ଆଟେ । ଜସୟର୍ ପଅ ଦାଉଦ୍ ରାଜା । ଉରିୟର୍ ମାଇଜିର୍ ପେଟେ ଅନି ସଲ୍‌ମନ୍‌କେ ଜନମ୍ ଦେଲା, <sup>୭</sup> ସଲ୍‌ମନ୍‌ର୍ ପଅ ରିଅବିୟାମ୍ ରିଅବିୟାମ୍‌ର୍ ପଅ ଅବିୟ । <sup>୮</sup> ଅବିୟର୍ ପଅ ଆସା, ଆସାର୍ ପଅ ଜିଅସାପଟ୍, ଜିଅସାପଟ୍‌ର୍ ପଅ ଜରାମ୍, ଜରାମ୍‌ର୍ ପଅ ଉଜିୟ । <sup>୯</sup> ଉଜିୟର୍ ପଅ ଜତାମ୍, ଜତାମ୍‌ର୍ ପଅ ଆଅସ୍, ଆଅସ୍‌ର୍ ପଅ ଇଜକିୟ । <sup>୧୦</sup> ଇଜକିୟର୍ ପଅ ମନସେଅ, ମନସେଅର୍ ପଅ ଆମନ୍, ଆମନ୍‌ର୍ ପଅ ଜସିୟ । <sup>୧୧</sup> ଜସିୟ ବାବିଲନ୍ ନଅରେ ବାସା ଅଇରଇଲା ବେଲେ, ଜିକନିୟ ଆରି ତାର୍ ବାଇମନ୍ ଜନମ୍ ଅଇଲା ।

<sup>୧୨</sup> ବାବିଲନେ ବନ୍ଦିଅଇ ସାର୍‌ଲା ପଟେଅନି ଜିସୁର୍ ଜନମ୍ ଜାକ ଏଡ୍‌କି ଆନିଦାଦିମନର୍ ତାଲିକା ଆଟେ । ଜିକନିୟ ବାବିଲନେ ବାସାଅଇରଇଲା ବେଲେ, ସଲ୍‌ଟିଏଲ୍ ଜନମ୍ ଅଇଲା, ସଲ୍‌ଟିଏଲ୍‌ର୍ ପଅ ଜିରୁବାବେଲ୍, <sup>୧୩</sup> ଜିରୁବାବେଲ୍‌ର୍ ପଅ ଅବିଉଦ୍, ଅବିଉଦ୍‌ର୍ ପଅ ଏଲିୟାକିମ୍, ଏଲିୟାକିମ୍‌ର୍ ପଅ ଅଜୁର୍ । <sup>୧୪</sup> ଅଜୁର୍ ପଅ ସାଦକ୍, ସାଦକ୍‌ର୍ ପଅ ଆକିମ୍, ଆକିମ୍‌ର୍ ପଅ ଏଲିଉଦ୍, ଏଲିଉଦ୍‌ର୍ ପଅ ଏଲାଜାର୍, ଏଲାଜାର୍‌ର୍ ପଅ ମଡ୍‌ତାନ୍ । <sup>୧୫</sup> ମଡ୍‌ତାନ୍‌ର୍ ପଅ ଜାକୁବ୍, ଜାକୁବ୍‌ର୍ ପଅ ଜସେପ୍ । <sup>୧୬</sup> ଏ ଜସେପ୍ ମରିୟମ୍‌କେ ବିବା ଅଇରଇଲା । ମରିୟମ୍‌ର୍ ପେଟେଅନି ଜିସୁ ଜନମ୍ ଅଇରଇଲା । ଜିସୁ କିରିସ୍‌ଟକେ ମସିଅ ବଲି ମିସା ନାଉଁ ଆଟେ ।

<sup>୧୭</sup> ଏନ୍ତାରି ଅବ୍ରାଆମ୍‌ରେଇ ଅନି ଦାଉଦ୍ ରାଜାର୍ ଜାକ ଚଉଦ ଉତାର୍, ଦାଉଦ୍‌ରେଇ ଅନି ବାବିଲନ୍ ବନ୍ଦିରଇଲା ଜାକ ଚଉଦ ଉତାର୍, ଆରି ବାବିଲନେ ବନ୍ଦିଅଇରଇଲା ବେଲେଅନି ଜିସୁକିରିସ୍‌ଟର୍ ଜନମ୍ ଜାକ ଚଉଦ ଉତାର୍ ।

ଜିସୁର ଜନମ୍ ବିସଇ  
(ଲୁକ୍ ୨:୧-୭)

୧୮ ✨ଏଗା ଅଇଲାନି ଜିସୁ କିରିସ୍ତର୍ ଜନମ୍ ବିସଇ । ଜିସୁର ମା ମରିୟମ୍ ସଙ୍ଗ୍ ଜସେପ୍ ନାଉଁର୍ ଗଟେକ୍ ଦାଙ୍ଗ୍ଡାର ପାଇ ବିବା ମାଙ୍ଗ୍ନି ଅଇରଇଲା । ମାତର୍ ସେମନର୍ ବିବା ନ ଅଇତେ ସୁକଲ୍ ଆଡ଼ମାଇ ଅନି ଗାଗ୍ତେ ଅଇରଇବାଟା ମରିୟମ୍ ଜାନିପାରଲା । ୧୯ ଜସେପ୍ ଗଟେକ୍ ଦରମ୍ ଲକ୍ ରଇଲା ଆରି ସବୁବେଲେ ସତ୍ କାମ୍ କର୍ତେରଇଲା । ଆରି ମରିୟମ୍‌କେ ଲକ୍‌ମନର୍ ଟାନେ ନିନ୍ଦା କାତା ସୁନାଇବାକେ ମନ୍ ନ କର୍ତେ ରଇଲା । ସେଟାରପାଇ କେ ନାଜାନ୍ତେ ତାର୍ ବିବା ମାଙ୍ଗ୍ନି ପିଟାଲଦେବାକେ ଉପାଇ ପାଁର୍ତେ ରଇଲା । ୨୦ ସେ ଏନ୍ତି ଉପାଇ ପାଁର୍ଲା ବେଲେ, ଜସେପ୍‌କେ ଗଟେକ୍ ପର୍ମେସରର୍ ଦୁଡ୍ ସପ୍‌ନେ ଦେକାଇ ଅଇ କଇଲା, ଏ ଦାଉଦର୍ ନାତିର୍ ତିତି ଜସେପ୍, ତରନାଇ । ମରିୟମ୍‌କେ ମାଇଜି କରି ସଙ୍ଗ୍‌ଅ । କାଇକେବଇଲେ ସୁକଲ୍ ଆଡ଼ମାଇ ଅନି ସେ ଗାଗ୍ତେ ଅଇଲାଆତେ ।

୨୧ ✨ତାର୍‌ଟାନେଅନି ଗଟେକ୍ ପିଲା ଜନମ୍ ଅଇସି, ତମେ ତାକେ ଜିସୁ ବଲି ନାଉଁ ଦିଆସ୍, କାଇକେବଇଲେ ସେ ତାର୍ ଲକ୍‌ମନ୍କେ ସେମନର୍ ପାପେଅନି ଉଦାର୍ କର୍ସି ।

୨୨ ଆଇବା ଦିନମନ୍କେ କାଇଟା ଅଇସି ବଲି, ପର୍ମେସର ଗଟେକ୍ ବବିସତ୍‌ବକ୍‌ତାକେ ପାଟାଇ ଜନ୍ କାତା ସୁନାଇରଇଲା, ସେଟା ପୁରାପୁରୁନ୍ ଅଇବାକେ ଏ ସବୁ ଅଇଲା । ୨୩ ଗଟେକ୍ ଦାଙ୍ଗ୍‌ତି ଗାଗ୍ତେ ଅଇ ପିଲା ଜନମ୍ କର୍ସି, ଆରି ସେ ପିଲା ଲକ୍‌ମନର୍ ଟାନେ ଇମାନ୍‌ଏଲ୍ ବଲି ନାମାଇ ଅଇସି, ଏ ନାଉଁର୍ ଅରଡ୍ ଅଇଲାନି, ପର୍ମେସର ଆମର୍ ସଙ୍ଗ୍ ଆତେ ।

୨୪ ଜସେପ୍ ସଇଲା ଟାନେଅନି ଉଟି, ପର୍ମେସରର୍ ଦୁଡ୍ ଜେନ୍ତି କଇରଇଲା, ସେନ୍ତି କଲା । ମରିୟମ୍‌କେ ବିବା ଅଇଲା । ୨୫ ✨ମାତର୍ ସେ ପିଲା ଜନମ୍ ନ ଅଇବା ଜାକ ମରିୟମ୍ ସଙ୍ଗ୍ ସୁଆବସା କରେନାଇ । ଜସେପ୍ ସେ ପିଲାକେ ଜିସୁ ବଲି ନାଉଁ ଦେଲା ।

୨

ପୁରୁବ୍ ଦେସର୍ ପଣ୍ଡିତମନ୍ ଆଇବାଟା

୧ ଏରଦ୍ ରାଜାର୍ ସାସନ୍ ବେଲେ, ଜିଉଦା ରାଇଜର୍ ବେଡ୍‌ଲିଇମେ ଜିସୁ ଜନମ୍ ଅଇଲା । ଜନମ୍ ଅଇ ତନେକ୍ ଜିବାକେ ପୁରୁବ୍ ଦେସର୍ କେତେଟା ତାରାର୍ ବିସଇ ପଡ୍‌ତେ ରଇବା ପଣ୍ଡିତମନ୍ ଜିରୁସାଲାମେ ଆସି ପାଟାରଲାଇ, ୨ “ଜନ୍ ପିଲା ଜିଉଦିମନର୍ ରାଜା ଅଇବାକେ ଜନମ୍ ଅଇଲାଆତେ, ସେ କନ୍ତି ଆତେ ? କାଇକେବଇଲେ ଆମେ ପୁରୁବ୍ ଦେସେ ତାର୍ ତାରା ଦେକି ତାକେ ପୁଜା କର୍ବାର୍ ଆସିଆରୁ ।”

୩ ପଣ୍ଡିତମନର୍ କାତା ସୁନି ଏରଦ୍ ରାଜା ଆରି ତାର୍ ସଙ୍ଗ୍ ରଇବା ଜିରୁସାଲାମର୍ ଲକ୍‌ମନ୍ ସବୁ କିଲ୍‌ବିଲ୍ ଅଇଗାଲାଇ । ୪ ଆରି ଏରଦ୍ ସବୁ ମୁକିଅ ପୁଜାରିମନ୍କେ ଆରି ସାସ୍‌ତର୍ ସିକାଉମନ୍କେ ତାକାଇ କରି, “ମସିଅ ଜେ କି କିରିସ୍ତ କନ୍ ଜାଗାଇ ଜନମ୍ ଅଇଆତେ ?” ସେଟା ସେମନର୍‌ତେଇ ଅନି ବୁଜ୍‌ବାକେ ଚେସ୍‌ଟା କଲା ।

୫ ପଣ୍ଡିତମନ୍ ଏରଦ୍ ରାଜାକେ କଇଲାଇ, ଜିଉଦା ରାଇଜର୍ ବେଡ୍‌ଲିଇମ୍ ଗଡେ, ଜନ୍‌ଟାକି ଗଟେକ୍ ବବିସତ୍‌ବକ୍‌ତା ଏନ୍ତାରି ଲେକିଆତେ । ୬ ଏ ଜିଉଦା ଦେସର୍ ବେଡ୍‌ଲିଇମ୍,

ତୁଇ ଜିଉଦା ରାଇଜର୍ ମୁକିଅ ଗଡ଼ମନର୍‌ତେଇ ଅନି ସାନ୍ ନଉଁସ୍,  
କାଇକେବଇଲେ ମର୍ ଇସରାଏଲର୍ ଲକ୍‌ମନ୍କେ ବାଟ୍ ଦେକାଇସି,  
ଏନ୍ତାରି ଗଟେକ୍ ସାସନ୍‌କାରିଆ ତର୍‌ତେଇଅନି ଉବଜ୍‌ସି ।

୭ ଏଗା ସୁନି କରି ଏରଦ୍ ରାଜା ସେ ପଣ୍ଡିତମନ୍କେ ଲୁଟ୍‌ତେ ତାକାଇ, ତାରା କନ୍ ବେଲାଇ ଉଦିରଇଲା, ସେମନର୍‌ତେଇ ଅନି ଟିକ୍ ସଙ୍ଗ୍ ବୁଜିନେଲା । ୮ ତାର୍‌ପତେ ସେମନ୍କେ କଇ ପାଟାଇଲା, “ତମେ ଜାଆ ଆରି ବେଡ୍‌ଲିଇମେ ସେ ପିଲାକେ ନିମାନ୍ କରି କଜିଦେକା, ଆରି ପିଲା ମିଲ୍‌ଲେସରି ମକେ ଜାନାଆ ମୁଇ ମିସା ଜାଇ ତାକେ ଦର୍‌ସନ୍ କର୍ବି ।”

୯ ପଣ୍ଡିତମନ୍ ରାଜାର୍ କାତା ସୁନି ସେ ଜାଗାଇଅନି ବାରିଗାଲାଇ । ଗାଲାବେଲେ ଏଦେ ଦେକା ! ସେମନ୍ ପୁରୁବ୍ ଦେସେ ଜନ୍ ତାରା ଦେକି ରଇଲାଇ, ସେ ତାରା ଆରି ତରେକ୍ ଡିସ୍‌ଲା । ୧୦ ସେମନ୍ ତାରା ଦେକି ବେସି ସାର୍‌ଦା ଅଇଗାଲାଇ । ତାରା ସେମନର୍ ଆଗେ ଜାଇକରି ଜିସୁ ରଇଲା ଜାଗାର୍ ଉପ୍‌ରେ ଅଟ୍‌କିଗାଲା । ୧୧ ପଣ୍ଡିତମନ୍ ସେ ଗର୍ ବିତ୍‌ରେ ପୁରି ପିଲାକେ ତାର୍ ମା ମରିୟମ୍ ସଙ୍ଗ୍ ରଇଲାଟା ଦେକି, ତାକେ ମାଣ୍ଡିକୁଟା ଦେଇ ଜୁଆର୍ କଲାଇ, ଆରି ଆନିରଇବା ସୁନା, କୁନ୍ଦୁରୁ ଆରି ଗନ୍‌ରସ୍ ବେଟି, ପିଲାକେ ଦେଲାଇ ।

✨ ୧:୧୮ ୧:୧୮ ଲୁକ୍ ୧:୨୭ ✨ ୧:୨୧ ୧:୨୧ ଲୁକ୍ ୧:୩୧ ✨ ୧:୨୫ ୧:୨୫ ଲୁକ୍ ୨:୨୧

୧୭ ପତେ ସେମନ୍ ଏରଦର୍ ଲଗେ ଆରିତରେକ୍ ନ ଜାଇକରି ବିନ୍ ବାଟେ ନିଜର୍ ଦେସେ ବାଉଡି ଗାଲାଇ । କାଇକେବଇଲେ ଏରଦର୍ ଟାନେ ଆରିତରେକ୍ ବାଉଡି ନ ଜିବାକେ ପର୍ମେସର୍ ସେମନ୍କେ ସପ୍ନେ ଆଦେସ୍ ଦେଇରଇଲା ।

**ମିସର୍ ଦେସେ ଜିବାଟା**

୧୮ ପଣ୍ଡିତ୍ମନ୍ ଗାଲାପତେ, ପର୍ମେସରର୍ ଗଟେକ୍ ଦୁଡ୍ ଜସେପ୍କେ ସପ୍ନେ ଦର୍ସନ୍ ଦେଇ କଇଲା, “ଉଟ୍, ପିଲାକେ ଆରି ତାକର୍ ଆୟାକେ ଦାରି ମିସର୍ ଦେସେ ଦାପ୍ରେ ଉଟିଜା । ଏରଦ୍ ପିଲାକେ ମରାଇବାକେ କଜିବୁଲ୍ସି । ମୁଇ ସେ ଜାଗା ଚାଡା ବଲି ନ କଇବା ଜାକ ତେଇସେ ରୁଆ ।”

୧୪ ଏ କାତା ସୁନି ଜସେପ୍ ସେ ରାତି, ପିଲାକେ ଆରି ତାର୍ ମାକେ ଦାରି ମିସର୍ ଦେସେ ଉଟିଗାଲା । ୧୫ ଏରଦ୍ ରାଜା ମର୍ବା ଜାକ ମିସର୍ ଦେସେସେ ରଇଲାଇ, ଜେନ୍ତାର୍ କି ବବିସଡ୍ବକ୍ତା କଇରଇଲା ମାପ୍ପୁରର୍ ବାକିଅ ସିଦ୍ ଅଇଲା, ମର୍ ପିଲାକେ ମୁଇ ମିସର୍ ଦେସେଅନି ତାକି ଆନଲି ।

**ପିଲାମନ୍କେ ମରାଇବାଟା**

୧୬ ପୁରୁବ୍ ଦେସେଅନି ଆସିରଇଲା ପଣ୍ଡିତ୍ମନ୍ ତାକେ ନାତାଇ କରି ଉଟିଗାଲାଇ ଆଟଡ୍ ବଲି ଜାନି, ଏରଦ୍ ବେସି ରିସା ଅଇଗାଲା । ବେଡ୍ଲିଇମ୍ ଆରି ସେ ଲଗେ ପାକେ ରଇବା ଦୁଇ ବରସ୍ ଅନି ତଲେ ରଇଲା ସବୁ ପିଲାମନ୍କେ ମରାଇବାକେ ଆଦେସ୍ ଦେଲା । ପଣ୍ଡିତ୍ମନ୍ ଟାନେଅନି ତାରା ଡିସ୍ତେ ରଇବା ବେଲା ସେ ଜାନିରଇଲା । ସେ ଇସାବେ ପିଲାମନ୍ ବରସ୍ ଟକ୍ କରିରଇଲା ।

୧୭ ଏନ୍ତି ଅଇଲାଜେ ଜିରିମିୟ ବବିସଡ୍ବକ୍ତା କଇଲା ଏ ବାକିଅ ପୁରାପୁରୁନ୍ ଅଇଲା । ସେ ଏନ୍ତି କଇରଇଲା,

୧୮ ରାମା ନାଉର୍ ସଅରେ

ମାର୍ଚପ୍ ଅଇ କାନ୍ଦବାଟା ସୁନି ଅଇଲାନି,  
ରାଏଲ୍ ତାର୍ ପିଲାମନ୍ ପାଇ କାନ୍ଦଲାନି ।  
ତାକେ ଜେଡେକ୍ ବୁଜାଇଲେ ମିସା ବୁଜେନାଇ ।  
କାଇକେବଇଲେ ତାର୍ ପିଲାମନ୍ ସବୁ ମରିଜାଇରଇଲାଇ ।

**ମିସର୍ ଦେସେଅନି ବାଅଡ୍ବାଟା**

୧୯ ଏରଦ୍ ମଲାପତେ, ଏଦେ ଦେକା ! ମାପ୍ପୁରର୍ ଗଟେକ୍ ଦୁଡ୍ ମିସର୍ ଦେସେ ଜସେପ୍କେ ଦର୍ସନ୍ ଦେଇ କଇଲା, ୨୦ “ଉଟ୍ ଆରି ବାରଇକରି, ଦୁଇ ମାଆ ପିଲାକେ ଇସ୍ରାଏଲ୍ ଦେସେ ଦାରିଜା । କାଇକେବଇଲେ ଜନ୍ ଲକ୍ମନ୍ କି ପିଲାର୍ ଜିବନ୍ ନେବାକେ ଚେସ୍ଟା କର୍ତ୍ତେରଇଲାଇ, ସେମନ୍ ମରିଗାଲାଇ ଆଟଡ୍ ।” ୨୧ ଜସେପ୍ ଏ କାତା ସୁନି ଜିସୁ ଆରି ତାର୍ ମାଆ ମରିୟ୍ ସଙ୍ଗ୍ ବାରଇକରି ଇସ୍ରାଏଲ୍ ଦେସେ ବାଉଡି ଆଇଲାଇ ।

୨୨ ମାତର୍ ଜସେପ୍, ଏରଦର୍ ପତେ ତାର୍ ପଅ ଆର୍କିଲାୟ୍ ଜିଉଦା ରାଇଜର୍ ରାଜା ଅଇଆଟେ ବଲି ସୁନିକରି ତେଇ ଜିବାକେ ଡର୍ଲା । ୨୩ \*ମାତର୍ ଆରିଗଟେକ୍ ବିନ୍ ସପନ୍ ଇସାବେ ଗାଲିଲି ଦେସେ ଜାଇକରି ନାଜରିତ୍ ନାଉର୍ ଗଡେ ବାସା ଅଇ ରଇଲା । ଜେନ୍ତାର୍ କି ବବିସଡ୍ବକ୍ତା କଇଲା ଏ ବାକିଅ ସିଦ୍ ଅଇଲା । ସେ ଏନ୍ତି ବଲି କଇରଇଲା, “ସେ ନାଜରିତିୟା ବଲି ତାକ୍ପୁଟା ଅଇସି ।”

**୩**

**ଡୁବନ୍ ଦେଉ ଜଅନର୍ ବିସଇ  
(ମାର୍କ ୧:୧-୮; ଲୁକ୍ ୩:୧-୧୮; ଜଅନ୍ ୧:୧୯-୨୮)**

୧ ସେବେଲେ ଡୁବନ୍ ଦେଉ ଜଅନ୍ ଜିଉଦା ରାଇଜର୍ ମରୁବାଲି ବୁଏଁ ଆସି ଜାନାଇବାର୍ ଦାରିଲା । ୨ \*ସେ ଏନ୍ତି ବଲି କଇତେରଇଲା, “ପାପ୍ଟାନେଅନି ବାଉଡା, କାଇକେବଇଲେ ସରଗ୍ ରାଇଜ୍ ଲଗେ କେଟ୍ଲାନି ।” ୩ ଜିସାଇୟ୍ ବବିସଡ୍ବକ୍ତା ଜନ୍ ଲକର୍ ବିସଇନେଇ ଏ ବାକିଅ କଇରଇଲା, ଜଅନ ସେ, ସେ ଲକ୍ । ମରୁବାଲି ବୁଏଁ ଗଟେକ୍ ଲକ୍ ଆକ୍ମାରି କଇଲାନି,

“ମାପ୍ପୁରର୍ ବାଟ୍ ତିଆର୍ କରା,  
ସେ ଆଇବାକେ ଗଟେକ୍ ସଲକ୍ ବାଟ୍ କରା ।”

୪ ଜଅନ୍ ପିନ୍ଦବାଟା ଉଟ୍ ଚାମ୍ ସଙ୍ଗ୍ ତିଆର୍ ଅଇ ରଇଲା । ଆରି ଚାମର୍ ଆଁଟାବେଡା ବାନ୍ଧିଅଇତେ ରଇଲା । ସେ ଚିଟ୍ଟା ଆରି ବନେ ରଇବା ମୁଉ କାଇତେରଇଲା ।

\* ୨:୨୩ ୨:୨୩ ମାର୍କ ୧:୨୪; ଲୁକ୍ ୨:୩୯; ଜଅନ୍ ୧:୪୫    \* ୩:୨ ୩:୨ ମାତ୍ରିକ ୪:୧୭; ମାର୍କ ୧:୧୫

୫ ସେ ବେଳେ ଜିରୁସାଲମ୍ ଅନି ଗୁଲାଇ ଜିଉଦା ଦେସ୍ ଆରି ଜର୍ଦନର୍ ପାକର୍ ସବୁଟାନର୍ ଲକ୍ମନ୍ ବାରଇ ଜଅନର୍ ଲଗେ ଆଇତେରଇଲା । ୬ ଆରି ନିଜର୍ ନିଜର୍ ପାପ୍ କଲାଟା ମାନିଅଇକରି ଜଅନର୍ ଟାନେ ଜାଇ ଜର୍ଦନ ଗାଡେ ହୁବନ୍ ନେଇତେ ରଇଲା ।

୭ \*ମାତର୍ ପାରୁସି ଆରି ସାଦୁକି ମନର୍ ବିତ୍ତରେ ଅନି ମିସା କେତେକ୍ ଲକ୍ ହୁବନ୍ ନେବାକେ ଆଇବାଟା ଦେକି ଜଅନ୍ ସେମନ୍କେ କଇଲା, “ଏ ବେସି ବିସ୍ତରଇବା ସାଁପର୍ ପାରା ବସ୍ତର୍ ଲକ୍ମନ୍, ପର୍ମେସରର୍ ଟାନେଅନି ଆଇବା ଡଣ୍ଡୁତେଇ ଅନି ପାଲାଇବାକେ ତମ୍କେ କେ ଚେଡନା ଦେଲା ?” ତେବର୍ ପାଇ, ଜଦି ପାପ୍ କାମ୍ କରବାଟା ଚାଡିଆରାସ୍, ସେନ୍ତାଆଲେ ନିକ କାମ୍ କରି ଦେକାଆ । ୮ \*ଅବରାଆମ୍ ଆମର୍ ପୁରବର୍ ଆନିଦାଦି ବଲି କଇଲେ ତମ୍କେ ପର୍ମେସର୍ ଦେବା ଡଣ୍ଡୁ ନ ମିଲେ ବଲି ବାବା ନାଇ । ମୁଇ ତମ୍କେ କଇଲିନି, ପର୍ମେସର୍ ପାକ୍ନାତେଇ ଅବରାଆମର୍ ବସ୍ ତିଆର୍ କରସି । ୯ \*ଆରି ଏବେ ମିସା ଗର୍ମନର୍ ବୁନ୍ଦେ ଟେଙ୍ଗିଆ ଲାଗିଆଟେ । ଜନ୍ ଗର୍ ନିକ ପଲ୍ ନ ପଲେ, ସେଟା କାଟିକରି ଜଇଟାନେ ପିଙ୍ଗା ଅଇସି । ୧୦ ମୁଇ ସିନା ତମ୍କେ ପାପେଅନି ମନ୍ ବଦ୍ଲାଇଲାଟା ଦେକାଇଅଇବାକେ ବଲି ପାନିତେଇ ହୁବନ୍ ଦେଲିନି, ମାତର୍ ମର୍ ପଟେ ଜେ ଆଇଲାନି, ସେ ମର୍ତେଇ ଅନି ଅଦିକ୍ ବପୁଟା । ତାର୍ ପାଦର୍ ପାଣ୍ଡୁଇ ମିସା ଦାରି ନେବାର୍ ମର୍ ଅଦିକାର୍ ନାଇ, ସେ ତମ୍କେ ସୁକଲ୍ ଆଡ଼ମାଇ ଆରି ଜଇଟାନେ ହୁବନ୍ ଦେଇସି । ୧୧ ଉଡାଲି କରି ପଟ୍ ବେଗଲାଇ ନିକଟାକେ ସଙ୍ଗଇବାକେ ତାର୍ ଆଡେ କୁଲା ଆଟେ । ନିକଟା ତାର୍ କଲ୍କିତେଇ ସଙ୍ଗଇସି ଆରି ବେଗଲୁଲା ପଟ୍ ସବୁଦିନେ ଲାଗ୍ତେରଇବା ଜଇଟାନେ ପିଙ୍ଗିଦେଇସି ।”

**ଜିସୁର୍ ହୁବନ୍**  
(ମାତ୍ରିକ ୧:୧୨-୧୩; ଲୁକ୍ ୪:୧-୧୩)

୧୩ ସେଡକିବେଳେ ଜିସୁ ଜଅନର୍ ଲଗେ ହୁବନ୍ ନେବାକେ ଗାଲିଲି ଅନି ଜର୍ଦନ ଗାଡେ ଆଇଲା, ୧୪ ମାତର୍ ଜଅନ୍ ଜିସୁକେ ମନାକରି କଇଲା, “ମୁଇ ସିନା ତମର୍ ଲଗେ ହୁବନ୍ ନେବାର୍ ଆଟେ, ମାତର୍ ତମେ ମର୍ଲଗେ ଆଇଲାସିନି ?”

୧୫ ମାତର୍ ଜିସୁ ତାକେ କଇଲା, “ମର୍ କାତାଇ ରାଜି ଅଇ ଜା । କାଇକେବଇଲେ ଏଟାର୍ ଲାଗି ଆମେ ପର୍ମେସର୍ ମନ୍ କରିରଇବା କାମ୍ କରିଅଇସି ।” ସେଟାର୍ପାଇ ଜଅନ୍ ତାକେ ହୁବନ୍ ଦେବାକେ ରାଜି ଅଇଲା ।

୧୬ ଜିସୁ ହୁବନ୍ ନେବାକେ ପାନି ବିତ୍ତରେ ବୁଡି ବାରଇଲା ଦାପ୍ରେ ଏଦେ ଦେକା ! ସରଗ୍ ଉଗାଡି ଅଇ ରଇଲାଟା ଦେକ୍ଲା । ଆରି ପର୍ମେସରର୍ ଆଡ଼ମା ପରୁଆ ପାରା ଅଇ ଜିସୁର୍ ଉପ୍ରେ ଉଡର୍ଲା । ୧୭ \*ଆରି ଦେକା ଆକାସେ ଅନି ଏନ୍ତି କାତା ଆଇଲା “ଏ ମର୍ ଆଲାଦର୍ ପିଲା, ତର୍ଟାନେ ମୁଇ ବେସି ସାର୍ଦା ।”

**୪**

**ସଇତାନ୍ ଜିସୁକେ ପରିକା କରବାଟା**  
(ମାତ୍ରିକ ୧:୧୨-୧୩; ଲୁକ୍ ୪:୧-୧୩)

୧ \*ତାର୍ପଟେ ସୁକଲ୍ ଆଡ଼ମା ଜିସୁକେ ମରୁବାଲି ବୁର୍ଁ ତାକିନେଲା । ତେଇ ସଇତାନ୍ ତାକେ ପରିକା କଲା । ୨ ଜିସୁ ଚାଲିସ୍ ଦିନ୍ ଚାଲିସ୍ ରାତି ଉପାସ୍ ରଇକରି ବିତାଇଲା ପଟେ, ତାକେ ବେସି ବୁକ୍ କଲା । ୩ ସେଡକିବେଳେ ସଇତାନ୍ ତାର୍ ଲଗେ ଆସି କଇଲା “ତୁଇ ଜଦି ପର୍ମେସରର୍ ପଅ, ତେବେ ଏ ପାକ୍ନାମନ୍ ‘ରୁଟି ଅଇଜା’ ବଲି ଆଦେସ୍ ଦେସ୍ ।”

୪ ମାତର୍ ଜିସୁ କଇଲା, “ସାସ୍ତରେ ଲେକାଆଟେ ମୁନ୍ସ୍ ଅବ୍କା ରୁଟି କାଇକରି ନ ବୁଟେ, ମାତର୍ ପର୍ମେସରର୍ ଟଣ୍ଡେ ଅନି ବାରଇବା ସବୁ ବାକିଅ ଟାନେ ବୁଟସି ।” ୫ ତେଇଅନି ସଇତାନ୍ ଜିସୁକେ ସୁକଲ୍ ଗଡ୍ ଜିରୁସାଲମ୍ ତାକିନେଲା । ତେଇ ତାକେ ମନ୍ଦିର୍ ଟିପେ ଟିଆ କରାଇ କଇଲା, ୬ “ତୁଇ ଜଦି ପର୍ମେସରର୍ ପଅ, ତେବେ ଇତିଅନି ତଲେ ଡେଗଇ ଦେସ୍, ସାସ୍ତରେ ଲେକା ଆଟେ, “ପର୍ମେସର୍ ତାର୍ ହୁଡ଼ମନ୍କେ ତର୍ ବିସଇନେଇ ଆଦେସ୍ ଦେଇସି,

ଆରି ସେମନ୍ ତକେ ଆଡେ ଦାରି ଟେକ୍ବାଇ ।  
ତେବେ ତର୍ ଗଡେ ପାକ୍ନା ନ ପାଏ ।”

୭ ଜିସୁ ସଇତାନ୍କେ କଇଲା, “ ପର୍ମେସରର୍ ସାସ୍ତରେ ଏନ୍ତି ଲେକାଆଟେ, ତୁଇ ତର୍ ମାପ୍ତୁ ପର୍ମେସର୍କେ ପରିକା କରନାଇ ।”

☆ ୩:୭ ମାତ୍ରିକ ୧୨:୩୪;୨୩:୩୩ ☆ ୩:୯ ମା:୯ ଜଅନ୍ ୮:୩୩ ☆ ୩:୧୦ ମା:୧୦ ମାତ୍ରିକ ୭:୧୯ ☆ ୩:୧୭ ମା:୧୭ ମାତ୍ରିକ ୧୨:୧୮;୧୭:୫; ମାତ୍ରିକ ୧:୧୧; ଲୁକ୍ ୯:୩୫ ☆ ୪:୧ ୪:୧ ଏବ୍ରି ୨:୧୮;୪:୧୫

୮ ତାର ପତେ ସଇତାନ୍ ଜିସୁକେ ବେସି ଉର୍ ରଇବା ଗଟେକ୍ ଡଙ୍ଗର୍ ଟିପେ ତାକି ଦାରିଗାଲା । ଆରି ଦୁନିଆର୍ ସବୁ ରାଇଜର୍ ଦନ୍ ସପତି ଦେକାଇ କଇଲା, <sup>୯</sup> “ତୁଇ ଜଦି ମକେ ମାଣ୍ଡିକୁଟା ଦେଇ ଜୁଆର୍ କର୍ସୁ ବଇଲେ ମୁଇ ଏ ସବୁ ତକେ ଦେଇପାକାଇବି ।”

<sup>୧୦</sup> ତେଇ ଜିସୁ ତାକେ କଇଲା “ମର୍ଟାନେଅନି ଦୁର୍ ଅ ସଇତାନ୍, ସାସ୍ତରେ ଲେକା ଆଚେ, ତୁଇ ପର୍ମେସରକେ ଜୁଆର୍ କର୍ସୁ, ଆରି ତାକେସେ ସେବା କର୍ସୁ ।” <sup>୧୧</sup> ତାରପତେ ସଇତାନ୍ ଜିସୁକେ ଚାଡି ବାରିଗାଲା, ଆରି ଏଦେ ଦେକା ! ସରଗର୍ ଦୁର୍ମନ୍ ଆସି ଜିସୁକେ ସେବା କର୍ବାର ଦାର୍ଲାଇ ।

**ଜିସୁ ଗାଲିଲି ରାଇଜେ ତାର କାମ୍ ଆରାମ୍ କଲା**  
(ମାର୍କ ୧:୧୪-୧୫; ଲୁକ୍ ୪:୧୪-୧୫)

<sup>୧୨</sup> ତାରପତେ ତୁବନ୍ ଦେଉ ଜଅନ୍ ବନ୍ଦି ଅଇଲାଆଚେ ବଲି ଜିସୁ ସୁନିକରି ଗାଲିଲି ଉଟି ଗାଲା ।  
<sup>୧୩</sup> ତାର ପତେ, ସେ ନାଜରିତ୍ ଚାଡି କରି ସବ୍‌ଲୁନର୍ ଆରି ନପ୍ତାଲିନ୍ ନାଉର୍ ଜାଗା ଲଗେ ରଇବା ଗାଡ୍ କଣ୍ଡି ରଇଲା, କପରନାଉମେ ଜାଇ ବାସା କଲା । <sup>୧୪</sup> ଜେନ୍ତାର୍ କି ଜିସାୟ ବବିସତ୍‌ବକ୍‌ତାର୍ ଏ କାତା ପୁରୁନ୍ ଅଇଲା । ସେ କଇରଇଲା,

<sup>୧୫</sup> “ଜର୍ଦନ୍ ଗାଡ୍ ସେପାଚେ ସମ୍‌ଦୁରେ ଜିବା ବାଚେ  
ରଇଲା ସବ୍‌ଲୁନ୍ ଆରି ନାପ୍ତାଲି ନାଉର୍  
ଦୁଇଟା ଦେସ୍, ଅବିସ୍‌ବାସି ମନର୍ ଗାଲିଲି !

<sup>୧୬</sup> ଆନ୍ଦାରେ ରଇବା ଲକ୍‌ମନ୍ ବଡ୍ ଉଜଲର୍ ଦର୍ସନ୍ ଦେକ୍‌ବାଇ  
ଆରି ମରନର୍ ଆନ୍ଦାରେ ରଇଲା  
ଲକ୍‌ମନର୍ ଉପରେ ସେ ଉଜଲ୍ ଉଦ୍‌ସି ।”

<sup>୧୭</sup> ସେ ବେଲାଇ ଅନି ଜିସୁ କଇବାର୍ ଆରାମ୍ କରି ଜାନାଇବାର୍ ଦାର୍ଲା । ପାପ୍ କର୍ବାତେଇଅନି ମନ୍ ବଦ୍‌ଲାଆ, ସରଗ୍ ରାଇଜ୍ ଲଗେ କେଟ୍‌ଲା ।

**ଜିସୁ ଚାର୍ଟା କେଉଟ୍‌ମନ୍‌କେ ତାକ୍‌ଲା**  
(ମାର୍କ ୧:୧୬-୨୦; ଲୁକ୍ ୫:୧-୧୧)

<sup>୧୮</sup> ଜିସୁ ଗାଲିଲି ସମ୍‌ଦୁର୍ ପାଲି ରଇବା ଜାଗାମନ୍‌କେ ବୁଲ୍‌ବାବେଲେ ସିମନ୍ ଜାକେ କି ପିତର୍ ବଲି କଇବାଇ, ଆରି ତାର ବାଇ ଆନ୍‌ରିୟ୍, ଏ ଦୁଇ ଲକ୍‌କେ ବେଟ୍ ଅଇଲା । ଏ ଦୁଇ ବାଇ ଗାଡେ ବଇଜାଲ୍ ମାରି ମାଟ୍ ଦାର୍ତେରଇଲାଇ । <sup>୧୯</sup> ଜିସୁ ସେ ଦୁଇ ବାଇକେ ତାକି କଇଲା, “ମର୍ ସଙ୍ଗ୍ ଆସା, ମୁଇ ତମ୍‌କେ ଲକ୍‌ମନକେ ମାପୁରୁରବାଚେ ଆନ୍‌ବାଟା ସିକାଇବି ।” <sup>୨୦</sup> ସେଦାପରେ ସେମନ୍ ଜାଲ୍ ଚାଡି, ଜିସୁର୍ ପତେ ପତେ ଗାଲାଇ ।

<sup>୨୧</sup> ଜିସୁ ଆରି ତେଇଅନି କଣ୍ଡେକ୍ ଦୁର୍ ଆଗେ ଜାଇ ଜେବଦିର୍ ପଅ ଜାକୁର୍ ଆରି ତାର ବାଇ ଜଅନ୍‌କେ ବେଟ୍ ଅଇଲା । ସେଡ୍‌କିବେଲେ ଏ ଦୁଇବାଇ ତାକର୍ ବାବା ସଙ୍ଗ୍ ଡଙ୍ଗାଲ୍ ଜାଲ୍ ସାଜାଡ୍‌ତେ ରଇଲାଇ ।

<sup>୨୨</sup> ଜିସୁ ସେମନ୍‌କେ ମିସା ତାକ୍‌ଲା ଆରି ସେମନ୍ ଦାପରେ ଡଙ୍ଗା ଆରି ତାକର୍ ବାବାକେ ଚାଡିକରି ଜିସୁର୍ ସଙ୍ଗ୍ ଗାଲାଇ ।

**ଜିସୁ ପର୍ମେସରର୍ ବିସଇ ଜାନାଇ ନିମାନ୍ କର୍ବାଟା**  
(ଲୁକ୍ ୬:୧୭-୧୯)

<sup>୨୩</sup> ଜିସୁ ଗାଲିଲିର୍ ଗୁଲାଇବାଚେ ବୁଲି ବୁଲି ଜିଉଦିମନର୍ ସବୁ ପାର୍ତନା ଗର୍ମନ୍‌କେ ସିକିଆ ଦେଇ, ପର୍ମେସରର୍ ରାଇଜର୍ ବିସଇ ଜାନାଇଲା । ଆରି ବିନ୍ ବିନ୍ ରଗେ ରଇବା ଲକ୍‌ମନ୍‌କେ ସବୁ ରକାମର୍ ରଗ୍ ଆରି ସବୁ ଦୁକ୍ କସ୍‌ଟ, ନିମାନ୍ କଲା । <sup>୨୪</sup> ସିରିଆ ଦେସର୍ ଗୁଲାଇବାଚେ ତାର ନାଉ ଜାନ୍‌ଲାଇ ଆରି ଲକ୍‌ମନ୍ ତୁମା ଦାରିରଇବା, ମୁର୍ଚା ଅଇରଇବା, ଚେରେଙ୍ଗ୍ ଦାରି ରଇବା ଆରି ବିଆଦି ଦାରିରଇଲା ଲକ୍‌ମନ୍‌କେ ତାରଲଗେ ଆନ୍‌ଲାଇ । ସେ ସବୁକେ ନିକ କଲା । <sup>୨୫</sup> ଆନି ରଇବା ସବୁ ଲକ୍‌ମନ୍‌କେ ଜିସୁ ନିକ କଲା । ଗାଲିଲି ଅନି ଆରି ଦସ୍‌ଟା ସଅରେଅନି, ଆରି ଜିରୁସାଲାମ୍, ଜିଉଦା ଆରି ଜର୍ଦନ୍ ସେବାଚେ ରଇଲା ଜାଗାମନ୍‌କେତେଇଅନି ବେସି ଲକ୍‌ମନ୍ ଜିସୁର୍ ସଙ୍ଗ୍ ଗାଲାଇ ।



**ଜିସୁ ଡଙ୍ଗର୍ ଉପରେଅନି ସିକାଇବାଟା**

<sup>୧</sup> ଜିସୁ ଜବର୍ ଲକ୍‌ମନ୍ ତାର୍ଟାନେ ଆଇବାଟା ଦେକି ଡଙ୍ଗର୍ ଉପରେ ଜାଇ ବସ୍‌ଲା । ସିମନ୍ ତାକେ ଚାରିବେଡ୍‌ଡି ଗେରି ରଇଲାଇ । <sup>୨</sup> ସେବେଲେ ଜିସୁ ସେମନ୍‌କେ ସିକିଆ ଦେଇ କଇବାର୍ ଦାର୍ଲା ।

✧ ୪:୧୨ ୪:୧୨ ମାତ୍ରିକ ୧୪:୩; ମାର୍କ ୬:୧୭; ଲୁକ୍ ୩:୧୯, ୨୦ ✧ ୪:୧୩ ୪:୧୩ ଜଅନ୍ ୨:୧୨ ✧ ୪:୧୭ ୪:୧୭ ମାତ୍ରିକ ୩:୨ ✧ ୪:୨୩ ୪:୨୩ ମାତ୍ରିକ ୯:୩୫; ମାର୍କ ୧:୩୯



କେନ୍ଦ୍ରୀୟ ଲକ୍ଷ୍ୟମାନଙ୍କ ନିକ କରମ୍  
(ଲୁକ୍ ୬:୨୦-୨୩)

- ୩ “ଜନ୍ ଲକ୍ଷ୍ୟମାନ ଆତ୍ମାମାନ କାକୁରୁତି ଅଇଆତତ୍, ସେମାନଙ୍କ କେତେକ ନିକ କରମ୍, କାଇକେବଇଲେ ସରଗ୍ ରାଇଜ୍ ତାକରୁଟା ।”
- ୪ ଦୁକେ ରଇବା ଲକ୍ଷ୍ୟମାନଙ୍କ କେତେକ ନିକ କରମ୍, କାଇକେବଇଲେ ପରମେସର୍ ସେମାନଙ୍କ ଦୁକ୍ ସାରାଇସି ।
- ୫ ସୁଆଲେ ରଇବା ଲକ୍ଷ୍ୟମାନଙ୍କ କେତେକ ନିକ କରମ୍, କାଇକେବଇଲେ ସେମାନ ପରମେସର୍ ସପତ୍ କରଇରଇବା ବିସଇ ମିଲାଇବାଇ ।
- ୬ ଜନ୍ ଲକ୍ଷ୍ୟମାନ ପରମେସର୍ ମନ୍ କଲା ଇସାବେ କାମ୍ କରବାକେ ଆସା କରବାଇ, ତାକର୍ କେତେକ ନିକ କରମ୍, କାଇକେବଇଲେ ପରମେସର୍ ସେମାନଙ୍କେ ସାରଦା କରାଇସି ।
- ୭ ବିନ୍ ଲକ୍ଷ୍ୟମାନଙ୍କେ ଦୟା ଦେକାଇବା ଲକ୍ଷ୍ୟମାନଙ୍କ କେତେକ ନିକ କରମ୍, କାଇକେବଇଲେ ସେମାନଙ୍କେ ପରମେସର୍ ଦୟା କରସି ।
- ୮ ମନ୍ ବିତ୍ତରେ ନିରମଲ୍ ରଇଲା ଲକ୍ଷ୍ୟମାନଙ୍କ କେତେକ ନିକ କରମ୍, କାଇକେବଇଲେ ସେମାନଙ୍କେ ପରମେସର୍ ଦରସନ୍ ମିଲସି ।
- ୯ ସାନ୍ତିର୍ ପାଇ କାମ୍ କରବା ଲକ୍ଷ୍ୟମାନଙ୍କ କେତେକ ନିକ କରମ୍, କାଇକେବଇଲେ ସେମାନ ପରମେସର୍ ପିଲାଟକି ବଲି ନାମାଇ ଅଇବାଇ ।
- ୧୦ ✨ଜନ୍ ଲକ୍ଷ୍ୟମାନ ପରମେସର୍ ମନ୍ କଲା ଇସାବେ କାମ୍ କରଇ ଦୁକ୍ କସ୍ଟ ପାଇବାଇ, ସେମାନଙ୍କ କେତେକ ନିକ କରମ୍, କାଇକେବଇଲେ ସରଗ୍ ରାଇଜ୍ ତାକରୁଟା ।
- ୧୧ ✨“ମକେ ବିସବାସ୍ କରବାର୍ ଲାଗି ତମକେ ଲକ୍ଷ୍ୟମାନ ନିନ୍ଦା ଆରି କସ୍ଟ ଦେବାଇ, ଆରି ବୁଟାଇ ତମର୍ ବିରୁଦେ ମିର୍ କାତା କଇବାଇ, ନିଜକେ କେତେ କରମ୍ ଲକ୍ଷ୍ୟମାନ ବଲି ମନେ କରା । ୧୨ ✨ସାରଦା ଅଇ ସାରଦାଇ ରୁଆ, କାଇକେବଇଲେ ସରଗେ ତମର୍ ପାଇ ବଡ୍ ପୁରୁସ୍କାର୍ ସଙ୍ଗଇଲା ଆଟେ । ମନେରକା ସେନ୍ତାରି ତମର୍ ଆଗ୍ତୁ ରଇଲା ବିସତ୍ତବକ୍ତାମନ୍ ମିସା ଦୁକ୍ପାଇ ରଇଲାଇ ।”

ନୁନ୍ ଆରି ଉଜଲ୍  
(ମାର୍କ ୯:୫୦; ଲୁକ୍ ୧୪:୩୪-୩୫)

- ୧୩ ✨“ତମେ ସବୁ ମୁନୁସ୍ ଜାତିପାଇ ନୁନ୍ ପାରା । ମାତର୍ ନୁନ୍ ଜଦି ସୁଆଦ୍ ଆରାଇସି, ତେବେ ସେଟା କେନ୍ତ୍ର କରଇଆ ଅଇସି ? ସେଟା ଆରି କାଇ କାମେ ନ ଆସେ, ତେବେ ତାକେ ବାଇରେ ପିଙ୍ଗି ଦେବାଇ ଆରି ସେଟା ଲକ୍ଷ୍ୟମାନ ମାଣ୍ଡି ପାକାଇବାଇ ।”
- ୧୪ ✨ତମେ ଗୁଲାଇ ଜଗତର୍ ପାଇ ଉଜଲ୍ ପାରା । ଜନ୍ ଗଡ୍ ତଙ୍ଗର୍ ଉପରେ ତିଆର୍ ଅଇଲାଆଟେ, ସେଟା କେବେ ମିସା ଲୁଟି ରଇ ନାପାରେ । ୧୫ ✨କେ ମିସା ବଡି ତସାଇକରି ଆଣ୍ଡିତାବି ନ ସଙ୍ଗଅଡ୍ । ସେଟା ବଡିକୁଦ୍ ଉପରେ ସଙ୍ଗଇବାଇ ଆରି ଗରେ ରଇଲା ସବୁ ଲକ୍ଷ୍ୟମାନ ଉଜଲ୍ ଦେଇସି । ୧୬ ✨ସେନ୍ତାରିସେ ତମର୍ ଉଜଲ୍ ଲକ୍ଷ୍ୟମାନଟାମେ ଉଜଲ୍ ତିସ । ସେନ୍ତାରିଆଲେ ତମର୍ ସତ୍ତକାମ୍ ଦେକି ସେମାନ ସରଗେ ରଇବା ବାବା ପରମେସର୍ ତାକ୍ପୁଟା କରବାଇ ।

ରିତି ନିତି

୧୭ “ମୁଇ ମିସା, କରଇରଇବା ନିୟମ୍ କି ବାବବାଦିମାନର୍ ଦରମ୍ ସାସତର୍ ବୁଡାଇବାକେ ଆସିଆତି ବଲି ବାବା ନାଇ । ମୁଇ ସେଟା ବୁଡାଇବାକେ ଆସିନାଇ ମାତର୍ ସିଦ୍ କରବାକେ ଆସିଆତି । ୧୮ ✨ମନେରକିରୁଆ, ମୁଇ ତମକେ ସତ୍ କଇଲିନି ସରଗ୍ ଆରି ଦରତନି ତବିର୍ ଅଇ ରଇବା ଜାକ ମସାର୍ ନିୟମର୍ ଗଟେକ୍ ତିନ୍ ମିସା ନ ବୁଡେ । ସବୁ ବିସଇ ପୁରାପୁରୁନ୍ ନ ଅଇତେ ଏ ସବୁ ନ ଗଟେ । ୧୯ ତେବର୍ପାଇ ଜେ ମିସା ନିୟମ୍ ତେଇ ରଇବା ସବୁଟାମେଅନି ସାନ୍ ଆଦେସ୍ ନ ମାନେ ଆରି ସେନ୍ତ୍ର କରବାକେ ବିନ୍ ଲକ୍ଷ୍ୟମାନଙ୍କେ ସିକାଇସି, ସେ ସରଗ୍ ରାଇଜେ ସବୁଟାମେଅନି ସାନ୍ ଲକ୍ଷ୍ୟମାନ ବଲି ଏଜାଇଅଇସି । ମାତର୍ ଜେ ନିୟମର୍ ସବୁ ବିସଇର୍ ସାନ୍ ଆଦେସ୍ ମାନସି ଆରି ସେଟା ବିନ୍ ଲକ୍ଷ୍ୟମାନଙ୍କେ ସିକାଇସି, ସେ ସରଗ୍ ରାଇଜେ ବଡ୍ ଲକ୍ଷ୍ୟମାନ ବଲି ଏଜାଇଅଇସି । ୨୦ କାଇକେବଇଲେ ମୁଇ ତମକେ କଇଲିନି, ସାସତର୍ ସିକାଉମନ୍ ଆରି ପାରୁସିମାନଟେଇଅନି ଅଦିକ୍ ବିସବାସ୍ ରଇ, ପରମେସର୍ ମନ୍ କଲା ଇସାବେ, କାମ୍ କଲେସେ ସରଗ୍ ରାଇଜେ ଜାଇପାରାସ୍ ।”

✨ ୫:୧୦ ୫:୧୦ ୧ ମ ପିତର୍ ୩:୧୪ ✨ ୫:୧୧ ୫:୧୧ ୧ ମ ପିତର୍ ୪:୧୪ ✨ ୫:୧୨ ୫:୧୨ ପେରିତ୍ ୭:୫୨ ✨ ୫:୧୩ ୫:୧୩ ମାର୍କ ୯:୫୦; ଲୁକ୍ ୧୪:୩୪,୩୫ ✨ ୫:୧୪ ୫:୧୪ ଜଅନ୍ ୮:୧୨;୯:୫ ✨ ୫:୧୫ ୫:୧୫ ମାର୍କ ୪:୨୧; ଲୁକ୍ ୮:୧୭;୧୧:୩୩ ✨ ୫:୧୬ ୫:୧୬ ୧ ମ ପିତର୍ ୨:୧୨ ✨ ୫:୧୮ ୫:୧୮ ଲୁକ୍ ୧୭:୧୭

**ରିସା ଅଇବା ବିସଇ ନେଇ ସିକିଆ**

୨୧ “ତମେ ସୁନି ଆଚାସ୍ ଜେ, ପୁରବେଅନି ଲକ୍ମନକେ କୁଆଅଇଲା ଆଚେ, ଲକ୍ମକେ ମରାଇବାର୍ ନାଇ । ଆରି ଜେ ମରାଇସି ବଇଲେ ସେ ବିଚାର୍ କରାଇଅଇସି । ୨୨ ମାତର୍ ମୁଇ କଇଲିନି, ଜେ ମିସା ବାଇକେ ରିସା ଅଇସି, ତାକେ ସବାଟାନେ ବିଚାର୍ନା କରାଇଅଇସି । ଜେ ବାଇକେ ଏ ବେକାର୍ଟାସେ ବଲି କଇସି, ତାକେ ବଡ଼ ସବାଟାନେ ବିଚାର୍ନା କରବାକେ ଆନ୍‌ବାଇ, । ଆରି ଜେ ବାଇକେ ଏ ବକୁଆଟାସେ ବଲି କଇସି, ତାର୍‌ପାଇ ନରକର୍ ଜଇଟାନେ ପିଙ୍ଗାଇଅଇବା ବିପଦ୍ ଆଚେ । ୨୩ ସେଟାର୍‌ପାଇ ତମେ ପର୍ମେସରକେ ବେଦି ଟାନେ ନିଜର୍ ଦାନ୍ ଦେଲା ବେଲେ, ତେଇ ତମର୍ ବିରୁଦେ ତମର୍ ବାଇର୍ କାଇମିସା କାତା ଆଚେ ବଲି ମନେ ଏତାଇଲୁସ୍, ୨୪ ସେନ୍ତି ବଇଲେ ବେଦିଲଗେ ବଲିଦେବାଟା ସଙ୍ଗଇଦେଇ ବାରିଜା, ଆଗେ ନିଜର୍ ବାଇ ସଙ୍ଗ ମିସା, ତାର୍ ପଚେ ଆସି ତମର୍ ବଲି ଦିଆସ୍ ।”

୨୫ ଜଦି କେ ତମର୍ ବିରଦେ ତମ୍‌କେ ବିଚାର୍ କରବା ଜାଗାଇ ଜିବାକେ ବାଦିଅ କରସି ବଇଲେ, ବିଚାର୍ ଜାଗାଇ ଜିବା ଆଗ୍ତୁ, ବେଲ୍ ରଇତେସେ ତାର୍ ସଙ୍ଗ ରାଜି ଅ । ନଇଲେ ବିଚାର୍ କରବା ଜାଗାଇ କେଟିଗାଲେ, ସେ ତମ୍‌କେ ବିଚାର୍‌କରୁକେ ସର୍ପି ଦେଇସି ଆରି ଅଇପାରେ ବିଚାର୍ କରୁ ତମ୍‌କେ ବନ୍ଦି ଗରେ ନେବାକେ ଜମାନ୍‌କେ ସର୍ପି ଦେଇସି ।

୨୬ ମୁଇ ତମ୍‌କେ ସଡ଼ କଇଲିନି, ତମର୍ ଉପ୍ରେ ଟିକ୍ ଅଇଲା ଜରିମନାର୍ ସାରାସାରି ଅଣା ମିସା ନ ଦେବା ଜାକ, ତେଇଅନି କୁଲାସ୍ ନ ଉଆସ୍ ।

**ବେସିଆ କାମ୍ ବିସଇ ନେଇ ସିକିଆ**

୨୭ “ବେସିଆ କାମ୍ କରାନାଇ, ତମେ ପୁରୁବେ ଅନି ଏ ଆଦେସ୍ ସୁନି ଆସିଆଚାସ୍ । ୨୮ ମାତର୍ ମୁଇ ତମ୍‌କେ କଇଲିନି, ଜେ ମିସା ବିନ୍ ମାଇଜିକେ ବେସିଆକାମ୍ ଇସାବେ ଆଁକି ଦେକ୍‌ସି, ସେ ତାର୍ ସଙ୍ଗ ମନେ ମନେ ବେସିଆ କାମ୍‌ର୍ ଅପ୍‌ରାଦ୍ କଲାଆଚେ । ୨୯ \*ସେଟାର୍‌ପାଇ ତମର୍ ଉଜାବାଟର୍ ଆଁକିର୍ ଲାଗି ତମେ ପାପ୍‌କରିଆଚାସ୍, ତେବେ ସେଟା ବେଟି ପିଙ୍ଗି ଦିଆସ୍, କାଇକେ ବଇଲେ ତମର୍ ସବୁ ଗାଗଡ଼ ନରକେ ଜିବା ବାଦୁଲେ ଗଟେକ୍ ଆଁକି ନସ୍‌ଟ ଅଇବାଟା ତମର୍‌ପାଇ ନିକ । ୩୦ \*ଜଦି ତମର୍ ଉଜା ଆଡ଼ ତମ୍‌କେ ପାପ୍ କାମ୍ କରାଇଲାନି ବଇଲେ, ସେଟା କାଟି ପିଙ୍ଗି ଦିଆସ୍, କାଇକେ ବଇଲେ ତମର୍ ସବୁ ଗାଗଡ଼ ନରକେ ଜିବା ବାଦୁଲେ ଗଟେକ୍ ଆଡ଼ ନସ୍‌ଟ ଅଇବାଟା ନିକ ।”

**ଚାଡ଼ାମେଲା ବିସଇ ନେଇ ସିକିଆ**

(ମାତ୍ରିକ ୧୯:୯; ମାର୍‌କ ୧୦:୧୧,୧୨; ଲୁକ୍ ୧୬:୧୮)

୩୧ \* “ଜଦି କେ ମିସା ନିଜର୍ ମାଇଜିକେ ଚାଡ଼ିଦେବାକେ ମନ୍ କଲାନି, ସେ ତାକେ ରାଜିନାମା ପତର୍ ଲେକି ଚାଡ଼ିଦେଅ । ଏ ସିକିଆ ତମେ ଆଗ୍ତୁ ପାଇଆଚାସ୍ । ୩୨ \*ମାତର୍ ମୁଇ କଇଲିନି, ଜେକି ନିଜର୍ ମାଇଜିକେ ବେସିଆ କାମ୍ ଚାଡ଼ି ଅଲଗା ଦସ୍ ଦାରି ଚାଡ଼ିସି, ସେ ତାକେ ପାଦ୍‌ରି କରାଇବା ଅପରାଦେ ଦସିଅଇସି, ଆରି ଜେକି ଚାଡ଼ିଲା ମାଇଜିକେ ବିବା ଅଇସି, ସେ ପାଦ୍‌ରା ଅଇସି ।”

**ପର୍ମାନ ବିସଇ ନେଇ ସିକିଆ**

୩୩ “ତମେ ପୁରୁର୍ କାଲେଅନି ଏ ସିକିଆ ସୁନି ଆଇଲାସିନି, ପର୍ମାନ ବାଙ୍ଗା ନାଇ । ପର୍ମେସରର୍ ମୁଆଟେ ଜନ୍ ପର୍ମାନ କରିଆଚାସ୍ ସେଟା ପୁରାପୁରୁନ୍ କରା । ୩୪ \*ମାତର୍ ମୁଇ ତମ୍‌କେ କଇଲିନି ସପଡ଼ କରବା ବେଲେ ପର୍ମାନ ନିୟମ୍ ପାକାଆ ନାଇ । ସରଗ୍ ନାଉଁ ଦାରି ରାନ୍ ପାକାଆ ନାଇ, କାଇକେବଇଲେ ସେଟା ପର୍ମେସରର୍ ବସବା ଜାଗା । ୩୫ ଦର୍ତ୍ତନିର୍ ନାଉଁ ଦାରି ରାନ୍ ପାକାଆ ନାଇ, କାଇକେବଇଲେ, ସେଟା ପର୍ମେସରର୍ ପାଦ୍ ସଙ୍ଗଇବା ଜାଗା । ଜିରୁସାଲାମ୍ ଗଡ଼ର୍ ନାଉଁ ଦାରି ମିସା ରାନ୍ ପାକାଇବାଟା ଟିକ୍ ନାଇ, କାଇକେବଇଲେ ସେଟା ରାଜାମନର୍ ରାଜା ରଇବା ଜାଗା । ୩୬ ଆରି ନିଜର୍ ମୁଣ୍ଟୁ ଟିକ୍ କରି ପର୍ମାନ କରାନାଇ, କାଇକେବଇଲେ ତମେ, ତେଇର୍ ଗଟେକ୍ ଚେଣ୍ଟି ଦବ୍‌ଲା କି କାଲିଆ କରିନାପାରାସ୍ । ୩୭ ମାତର୍ ତମେ ପର୍ମାନ ନିୟମ୍ ନ କରି, ତର୍ ଉଁ କାତା ଉଁ ଅ, ନାଇ କାତା ନାଇ ଅ, ଇତିଅନି ଆରି ଅଦିକ୍ କାତା କଇ ପର୍ମାନ କରବାଟା ସଇତାନର୍‌ଟାନେଅନି ଆଇଲାଟା ।”

**ଇସାତଲା ବିସଇ ନେଇ ସିକିଆ**

(ଲୁକ୍ ୬:୩୦)

୩୮ “ଏ କାତା ତମେ ସୁନିଆଚାସ୍, ଆଁକିର୍ ବାଦୁଲେ ଆଁକି ଆରି ଦାଁତର୍ ବାଦୁଲେ ଦାଁଡ଼, ୩୯ ମାତର୍ ମୁଇ ତମ୍‌କେ କଇଲିନି, ତମର୍ ବିରଦେ କେ ଅନିଆଇ କାମ୍ କଲେ, ତାକେ ସୁଜାଇବାକେ ଚେସ୍‌ଟା କରା ନାଇ, ଜେ ତମର୍ ଉଜା ଗାଲେ ଚାପଡ଼ ମାର୍‌ସି, ତାକେ ଆରି ଗଟେକ୍ ଚାପଡ଼ା ମାର୍‌ବାକେ ତେବ୍‌ରି ଗାଲ୍ ମିସା

\* ୫:୨୯ ୫:୨୯ ମାତ୍ରିକ ୧୮:୯; ମାର୍‌କ ୯:୪୭    \* ୫:୩୦ ୫:୩୦ ମାତ୍ରିକ ୧୮:୮; ମାର୍‌କ ୯:୪୩    \* ୫:୩୧ ୫:୩୧ ମାତ୍ରିକ ୧୯:୭; ମାର୍‌କ ୧୦:୪    \* ୫:୩୨ ୫:୩୨ ମାତ୍ରିକ ୧୯:୯; ମାର୍‌କ ୧୦:୧୧,୧୨; ଲୁକ୍ ୧୬:୧୮; ୧୮ କରନ୍ତିୟ ୭:୧୦,୧୧    \* ୫:୩୪ ୫:୩୪ ଜାକୁବ ୫:୧୨; ମାତ୍ରିକ ୨୩:୨୨

ଦେକାଇ ଦିଆସ୍ । ୪୦ କେ ଜଦି ତମରସଙ୍ଗ ବିରଦ୍ କରି ବିଚାର ଲଗେ ଦାବିକରି ତମର କାମିଜ୍ ନେବାକେ ମନ୍ କରସି, ତାକେ ଚାଦର ମିସା ଦେଇ ପାକାଆ । ୪୧ ସନିଅମନର ବିତରେ ଅନି, କେ ମିସା ତମକେ ତାର ବଜ୍ ବୁଆଇ କରି ଗଟେକ୍ କିଲମିଟର ହୁ ଆକା ବଇଲେ, ତମେ ତାର ସଙ୍ଗ୍ ଦୁଇ କିଲମିଟର ଜା । ୪୨ କେ ଜଦି ତମକେ କାଇଆଲେ ଜିନିସ୍ ମାଙ୍ଗ୍ସି ବଇଲେ, ମନା ନ କରି ତାକେ ଦିଆସ୍ । କେ ମିସା କାଇଆଲେ ଉଦାର ମାଙ୍ଗ୍ଲେ ତାକେ ଦିଆସ୍ ।”

**ସତରୁକେ ଆଲାଦ୍ କରା  
(ଲୁକ୍ ୭:୨୭-୨୮, ୩୨-୩୬)**

୪୩ “ମଇତରକେ ଆଲାଦ୍ କରା ଆରି ତମର ସତରୁକେ ଗିନ୍ କରା । ଏ ସିକିଆ ତମେ ପୁରବେଅନି ସୁନି ଆଗାସ୍ । ୪୪ ମାତର ମୁଇ ତମକେ କଇଲିନି, ସତରୁମନକେ ଆଲାଦ୍ କରା, ଜନ୍ ଲକ୍ ତମକେ କସଟ୍ ଦେଲାଇନି, ତାକରପାଇ ପାରତନା କରା । ୪୫ ଏଟା କଲେ ସରଗର ପର୍ମେସରର୍ ପିଲା ବଲି ଚିନାପଡ଼ସା । କାଇକେ ବଇଲେ ପର୍ମେସର ବଲ୍ କାରାପ୍ ଦୁଇ ଲକର ପାଇ ମିସା ବେଲର୍ ଉଜଲ୍ ଦେଲାନି, ଆରି ଦରମ୍ ରଇବା, ଦରମ୍ ନ ରଇବା ସତରୁ ଉପରେ ବରସା ମାରାଇଲାନି । ୪୬ ତେବେ, ତମକେ ଆଲାଦ୍ କରବା ଲକ୍କେ ଆଲାଦ୍ କଲେ, ପର୍ମେସର ତମକେ କାଇକେ ପୁରୁସକାର ଦେଇସି ? ସିସ୍ତୁ ମାଙ୍ଗ୍ବା ଲକ୍ମନ ମିସା ସେନ୍ତି କରବାଇ । ୪୭ ତମେ ଜଦି ନିଜର ନିଜର ବାଇମନକେସେ ଜୁଆର କରସା, ତେବେ ଆରି ଅଦିକ୍ କାଇଟା କଲାସନି ? ବିସ୍ବାସ୍ ନକଲା ଲକ୍ମନ ମିସା ସେଟା କରବାଇ । ୪୮ ସେଟାର ପାଇ ତମର ସରଗର ବାବା ଜେନ୍ତାର ସିଦ୍, ତମେ ମିସା ସେନ୍ତାର ସିଦ୍ ଅଇବା ଦରକାର୍ ।”



**ଦାନ୍ ବିସଇନେଇ ସିକିଆ**

୧ \* ଲକ୍ମନକେ ଦେକାଇଅଇବାକେ ସବୁର୍ ମୁଆଟେ ନିକ କାମ୍ କରାନାଇ । ସେଟା କଲେ ସରଗେ ରଇବା ତମର ବାବାର ଟାନେଅନି ପୁରୁସକାର ନ ପାଆସ୍ ।

୨ ତେବେ ଗଟେକ୍ ଗରିବ୍ ଲକ୍କେ ଦାନ୍ ଦେବା ବେଲେ କୁଟିଆଲ୍ମନର ପାରା ଦେକାଇ ନ ଉଆ । ସେମନ୍ ଲକ୍ମନରତେଇ ଅନି ତାକ୍ପୁଟା ପାଇବାକେ ପାରତନା ଗରେ ଆରି ସାଇ ମଜାଇ ଦାନ୍ଦରମ୍ ଦେକାଇବାଇ । ମୁଇ ସତ୍ କଇଲିନି ଜେ, ସେମନ୍ ଇତିଅନି ସେମନର ରୁତି ପୁରାପୁରୁନ୍ ପାଇସାରି ଆତଡ୍ । ୩ ମାତର ତମେ ଅବାବେ ରଇଲା ଲକ୍କେ ସାଇଜ କଲାବେଲେ, ଏନ୍ତାରି କରା, ଜେନ୍ତିକି ତମର ଲଗର୍ ମଇତର ମିସା ଏ କାତା ନାଜାନ । ୪ ତମର ଏ ଦାନ୍ ଲୁଚ୍ତେ ଅଇରଇଲେ ମିସା ସବୁ ଦେକ୍ବା ବାବା ପର୍ମେସର ସେଟା ଦେକି ତମକେ ପୁରୁସକାର ଦେଇସି ।

**ପାରତନା ବିସଇ ନେଇ ସିକିଆ  
(ଲୁକ୍ ୧୧:୨-୪)**

୫ \* ପାରତନା କରବା ବେଲେ କୁଟିଆଲ୍ ବିସ୍ବାସିମନର ପାରା ଉଆନାଇ । କାଇକେ ବଇଲେ ସେମନ୍ ଲକ୍ମନକେ ଦେକାଇ ଅଇବାକେ ପାରତନା ଗର୍ମନକେ ଆରି ଗାଉଁର୍ ମଜା ଡାଣ୍ଡେ ଟିଆ ଅଇକରି ପାରତନା କରବାକେ ମନ୍ କରବାଇ । ମୁଇ ତମକେ ସତ୍ କଇଲିନି, ସେମନ୍ ନିଜର ନିଜର ପୁରୁସକାର ପାଇଲାଇବେ । ୬ ମାତର ତମେ ପାରତନା କରବାକେ ତମର ବାକ୍ରାଇ ଜାଇ, କାକେ ନ ଦେକାଇଅଇତେ ପୁରିକରି କାପାଟ୍ ତାବିଅଇଦିଆସ୍ ଆରି ନ ତିସାଇ ଅଇବା ତମର ସରଗର ବାବାର ଲଗେ ପାରତନା କରା । ତମେ ଲୁଚ୍ତେ ଜାଇଟା କରସା, ସେଟା ଦେକି ତମର ବାବା ତମକେ ପୁରୁସକାର ଦେଇସି ।

୭ ପାରତନା କରବା ବେଲେ ପର୍ମେସରକେ ବିସ୍ବାସ୍ ନ କରବା ଲକ୍ମନର ପାରା ଅରଡ୍ ନଇଲା କାତା ତରକେ ତର କଇ ଆଉଲି ନ ଉଆ, ବେସି ପର୍ ପାରତନା କଲେ ସେ ପର୍ମେସର ସୁନ୍ସି ବଲି, ସେମନ୍ ମନେ ବାବ୍ବାଇ । ୮ ସେମନର ପାରା ଉଆ ନାଇ । ତମେ ମାଙ୍ଗ୍ବା ଆଗ୍ତୁ ଜାଇଟା ଦରକାର୍, ତମର ସରଗର ବାବା ପର୍ମେସର ସେଟା ସବୁ ଜାନ୍ସି । ୯ ସେଟାର ପାଇ ତମେ ଏନ୍ତାରି ପାରତନା କରବାର ଆଟେ ।

ଏ ଆମର୍ ସରଗର ବାବା,  
ତମର ସୁକଲ୍ ନାଉଁ ତାକ୍ପୁଟା ପାଅ ।

୧୦ ତମର ସାସନ୍ ଆସ । ସରଗେ ତମର ମନ୍ କଲାଟା ଜେନ୍ତାରି ସିଦ୍ ଅଇଲାନି,

ଏ ରାଇଜେ ମିସା ସେନ୍ତାରି ତମେ ମନ୍ କଲାଟା ସିଦ୍ ଅ ।

୧୧ ଆଜି ଆମକେ ଦରକାର୍ ରଇଲା କାଦି କାଇବାକେ ଦିଆ ।

୧୨ ଆମର ବିରଦେ ଦସ୍ କରିରଇବା ଲକ୍ମନକେ

ଆମେ ଜେନ୍ତାର କେମା କଲୁନି, ସେନ୍ତାରି ଆମର ସବୁ ଦସ୍ କେମା କରା ।

☆ ୬:୧ ୬:୧ ମାତ୍ରିକ ୨୩:୫ ☆ ୬:୫ ୬:୫ ଲୁକ୍ ୧୮:୧୦-୧୪

୧୩ ବେସି କସ୍ତ ରଇବା ପରିକା ଆମ୍ଭେ ମୁରବୀକେ ଦିଆ ନାଇ,  
 ମାତର୍ କାରାପ୍ କାମେଅନି ରକିଆ କରା  
 ଜେନ୍ତୁକି ତମର୍ ରାଇଜ୍, ତମର୍ ବପୁ,

ଆରି ଡାକ୍ତରୀ ସବୁ ଜୁଗେଜୁଗେ ତମର୍ ଅଇକରି ରଅ\* । ଆମେନ୍ !

୧୪ ☆“ତମର୍ ବିରଦେ ଦସ୍ କରିରଇବା ବିନ୍ ଲକ୍ମନକେ ଜଦି ତମେ କେମା କରସା, ତମର୍ ସରଗର୍ ବାବା ପର୍ମେସର୍ ମିସା ତମ୍ଭେ କେମା କରସି । ୧୫ ମାତର୍ ତମେ ଜଦି ବିନ୍ ଲକ୍ମନକେ କେମା ନ କରସ, ସରଗର୍ ବାବା ମିସା ତମେ କରିରଇବା ପାପଦସ୍ କେମା ନ କରେ ।”

**ଉପାସ୍ ରଇବା ବିସଇ ନେଇ ସିକିଆ**

୧୬ “ଉପାସ୍ କରବା ବେଲେ ଦରମ୍ ବଲି ଦେକାଇଅଇଲା ଲକର୍ ପାରା ବାଇରେ ସପାସୁତର୍ ଅଇବାଟା ଚାଡିଦେବାର୍ ନାଇ । ସେମନ୍ ଉପାସ୍ କଲୁନି ବଲି ଲକର୍ ଲଗେ ଦେକାଇ ଅଇବାକେ ସେନ୍ତାରି କରବାଇ । ମୁଇ ତମ୍ଭେ ସତ୍ କଇଲିନି, ସେମନ୍ ଏନ୍ତି କରବାର୍ ଲାଗି ନିଜର୍ ପୁରୁସ୍କାର୍ ସବୁ ପାଇଲାଇବେ । ୧୭ ମାତର୍ ତମେ ଉପାସ୍ କରବା ବେଲେ, ମୁଣ୍ଡେ ଚିକନଲାଗାଇ ଅଇ ସପା ସୁଡରା ରୁଆ । ୧୮ ଜେନ୍ତୁକି ଉପାସ୍ କଲାସ୍ନି ବଲି ବିନ୍ ଲକ୍ମନ ନାଜାନତ୍ । ମାତର୍ ତମର୍ ନ ତିସବା ବାବା ସବୁ କାତା ଜାନେ । ତମେ ଲୁଚ୍ତେ ଜାଇଟା କରସା, ସେଟା ଦେକି ତମ୍ଭେ ପୁରୁସ୍କାର୍ ଦେଇସି ।”

**କରିରଇବା କାମ୍  
(ଲୁକ୍ ୧୨:୩୩-୩୪)**

୧୯ ☆“ଏ ଦୁନିଆଇ ନିଜର୍ପାଇ ଦନ୍ ଅରଜା ନାଇ । ଇତି ସଙ୍ଗଇଲା ଦନ୍ ଅଲମା କାଇ ଚିଲମ୍ ଦାର୍ସି ଆରି ଚର୍ମନ୍ କତି କାଣା କରି ଚରାଇନେବାଇ । ୨୦ ସରଗେ ତମର୍ ପାଇ ଏନ୍ତାରି ଦନ୍ ଅରଜି ସଙ୍ଗୁଆ । ତେଇ ଅଲମା ଆରି ଚିଲମ୍ ନ ଦାରେ । ଆରି ଚର୍ମନ୍ ମିସା କତି କାଣାକରି ଚରାଇ ନେଇ ନାପାରତ୍ । ଜାଗରତ୍ ! ୨୧ କାଇକେବଇଲେ ଜନ୍ମଟାନେ ତମର୍ ଦନ୍, ତେଇସେ ତମର୍ ମନ୍ ।”

**ଗାଗତର୍ ଉଜଲ୍  
(ଲୁକ୍ ୧୧:୩୪-୩୬)**

୨୨ “ତମର୍ ଆଁକି ଅଇଲାନି ଗାଗତର୍ ବଡି । ଜେଡେବେଲା ଆଁକି ନିର୍ମଲ୍ ରଇସି, ତେବେ ତମର୍ ଗୁଲାଇ ଗାଗତ୍ ମିସା ଉଜଲ୍ ବରଡି ଅଇରଇସି । ୨୩ ମାତର୍ ଜେବେ ତମର୍ ଆଁକି ନସିରଇସି, ତେବେ ସବୁ ଗାଗତ୍ ଆନ୍ଦାର୍ ଅଇସି । ତେବର୍ପାଇ ତମର୍ ମନ୍ ବିଡରର୍ ଉଜଲ୍ ଜେବେ ଆନ୍ଦାର୍ ଅଇସି, ତେବେ ସେ ଆନ୍ଦାର୍ କେଡେକ୍ ବଡ ବିପଦ୍ ।”

**ପର୍ମେସର୍ ଆରି ଦନ୍  
(ଲୁକ୍ ୧୬:୧୩; ଲୁକ୍ ୧୨:୨୨-୩୧)**

୨୪ “କେ ମିସା ଗଟେକ୍ ଲକ୍ ଦୁଇଟା ସାଉକାରର୍ ସେବାକରି ନାପାରେ । ସେ ଗଟେକ୍ ଲକ୍ କେ ମାନସି ଆରି ଗଟେକ୍ ଲକ୍ କେ ଗିନ୍ କରସି । ନଇଲେ ଗଟେକ୍ ଲକ୍ କେ ବିସ୍ବାସ୍ କରସି ଆରି ଗଟେକ୍ ଲକ୍ କେ ବିସ୍ବାସ୍ ନ କରେ । ତମେ ଏକାତର୍ ପର୍ମେସର୍କେ ଆରି ଡାବୁକାସୁକେ ସେବାକରି ନାପାରାସ୍ ।”

୨୫ ଏଟାର୍ପାଇ ମୁଇ ତମ୍ଭେ କଇଲିନି, ବର୍ଦ୍ଦବାକେ କାଇଟା କାଇରୁବେ ? ଆରି ଗାଗତର୍ ପାଇ କାଇଟା ପିନ୍ଦୁ ? ବଲି ବାବି ଚିନ୍ତା କରାନାଇ । କାଦିର୍ତେଇଅନି ଜିବନ୍, ଆରି ବସ୍ତର୍ ତେଇଅନି ଗାଗତ୍ ମୁକିଅ ଆଟେ ।

୨୬ ଚଡଇମନ୍ କେ ଦେକା, ସେମନ୍ ନ ବୁନତ୍ କି ନ କାଟତ୍, କି କଲ୍ କିତେଇ ନ ସଙ୍ଗଅତ୍, ଅଇଲେ ମିସା ସରଗର୍ ବାବା ସେମନ୍ କେ କାଇବାପାଇ ଜାଗାଇଲାନି । ତମେ କାଇ ସେମନ୍ ଚଡଇଅନି ମୁକିଅ ନୁଆସ୍ କି ? ୨୭ ବର୍ଦ୍ଦବା ପାଇ ବଲି ନିଜେ ଚିନ୍ତାକରି ବିକଲ୍ ଅଇ ଜେ ତାର୍ କଣ୍ଡେକ୍ ମିସା ବର୍ଦ୍ଦବା ଦିନ୍ ପାର୍ସି କି ? ନାଇ ନାପାରେ ।

୨୮ ବସ୍ତର୍ ପାଇ କାଇକେ ବିକଲ୍ ଅଇଲାସ୍ନି ? ଦେକା, ବନର୍ ପୁଲ୍ମନ୍ କେନ୍ତୁ ବଡଲାଇନି, ସେମନ୍ କାମ୍ଦାମ୍ କରତ୍ ନାଇ କି ନିଜର୍ ପାଇ ବସ୍ତର୍ ତିଆର୍ କରତ୍ ନାଇ, ୨୯ ମାତର୍ ମୁଇ ତମ୍ଭେ କଇଲିନି, ରାଜା ସଲ୍ମନ୍ ତାର୍ ସବୁ ଦନ୍ ସପତି ସଙ୍ଗ ମିସା ଏ ପୁଲ୍ ପାରା ସୁନ୍ଦର୍ ବସ୍ତର୍ କେବେ ପିନ୍ଦି ନ ରଇଲା । ୩୦ ଆଜି ପଦାଇ ରଇଲା ଗାଁସ୍ କାଲିକେ ନ ମିସା ରଏ । କାଟିକରି ଜଇଟାନେ ପଡାଇଦେବାଇ । ଏଲେମିସା ତାକେ ପର୍ମେସର୍ ଏନ୍ତି ସୁନ୍ଦର୍ ବେସ୍ ଦେଇସି, ତେବେ ଏ ଅଲପ୍ ବିସ୍ବାସିମନ୍, ସେ ବାଇଦରେ ତମ୍ଭେ ଅଦିକ୍ ନିମାନ୍ ବସ୍ତର୍ ନ ଦେଏ କି ? ଦେଇସିସେ ।

୩୧ ଏଟାର୍ ପାଇ କାଇଟା କାଇବି ? ଆରି କାଇଟା ପିଇବି ? ଆରି କାଇଟା ଅଡବି ବଲି ଚିନ୍ତା କରାନାଇ । ୩୨ କାଇକେବଇଲେ ପର୍ମେସର୍କେ ନାଜାନଲା ଲକ୍ମନ ଏ ସବୁ କଜିରୁଲ୍ବାଇ । ଆରି ଏ ସବୁ ବିସଇ

\* ୭:୧୩ ୭:୧୩ ଏ ବାକିଅ ପୁରନା ପାଣ୍ଡୁ ଲିପି ଟାନେ ନାଇ ☆ ୭:୧୪ ୭:୧୪ ମାର୍ଚ୍ଚ ୧୧:୨୫,୨୬ ☆ ୭:୧୯ ୭:୧୯ ଜାକୁବ ୫:୨,୩

ଜେ ତମ୍ଭେ ଲତା, ସେଟା ତମ୍ଭେ ସରଗର ବାବା ଜାନେ । ୩୩ ମାତ୍ରିକ ତମେ ତାର ରାଇଜ୍ ଆରି ସେ ତମ୍ଭେଟାନେଅନି କାଇଟା ମନ୍ କଲାନି, ସେ ବିସଇ କଜା । ସେନ୍ତାରି କଲେ, ସେ ତମ୍ଭେ ଲତାକେ ଆଇବା ସବୁ ବିସଇ ଜାଗାଇ ଦେଇସି । ୩୪ ଆରି, କାଲିକର୍ ପାଇ ଚିନ୍ତା କରାନାଇ, କାଇକେବଇଲେ କାଲିକର୍ ଚିନ୍ତା କାଲିକେ କରା । ଜନ୍ ଦିନର୍ କସ୍ଟ, ସେଦିନର୍ପାଇ ଅଦିକ୍ ଅଇସି ।



**ବିନ୍ ଲକ୍‌କେ ଦସ୍ ଦାର୍‌ବାଟା**  
(ଲୁକ୍ ୭:୩୭-୩୮, ୪୧-୪୨)

୧ ବିନ୍ ଲକ୍‌କର ଦସ୍ କଜି ବୁଲାନାଇ । ତାକର ବିଚାରର ଦସ୍ ନ ଦାରଲେ, ପର୍‌ମେସର୍ ତମ୍ଭେ ଦସ୍ ନ ଦାରେ । ୨ \*କାଇକେବଇଲେ ତମେ ବିନ୍ ଲକ୍‌କର ଦସ୍ ଜେନ୍ତି ବିଚାର କର୍‌ତେରଇସା, ସେନ୍ତାରିସେ ପର୍‌ମେସର୍ ତମ୍ଭେ ବିଚାର କର୍‌ସି । ତମେ ବିନ୍ ଲକ୍‌କମ୍‌କେ ଜନ୍ ନିୟମ୍ କର୍‌ସା, ପର୍‌ମେସର୍ ତମ୍ଭେ ସେ ନିୟମ୍ କର୍‌ସି । ୩ ତମ୍ଭେ ଆକିତେଇ ବଡ଼ କାର୍‌ରା ରଇଲେ ମିସା, କାଇକେ ତମ୍ଭେ ବାଇର୍ ଆକିଟାନେ ରଇବା କାର୍‌ରା, ନିକସଙ୍ ଦେକ୍‌ଲାସ୍‌ନି ? ୪ ନିଜର୍ ଆକିତେଇ ବଡ଼ କାର୍‌ରା ରଉରଉ ତମେ କାଇ ସାଆସେ ତମ୍ଭେ ବାଇର୍ ଆକିତେଇ ରଇବା କାର୍‌ରା ବାର୍‌କରାଇ ଦେବି ବଲି କଇଲାସ୍‌ନି ? ୫ ଏରେ କୁଟିଆଲ୍‌ମନ୍ ! ଆଗେ ନିଜର୍ ଆକିତେଇ ରଇଲା କାର୍‌ରା ବାର୍‌କରାଇ ପାକା, ତାର୍ ପଟେ ନିଜର୍ ବାଇର୍ ଆକିତେଇ ରଇବା କାର୍‌ରା ବାର୍‌କରାଇବାକେ ନିମାନ୍ କରି ଦେକି ପାରାସ୍ ।

୬ ସୁକଲ୍ ଦିନସ୍ କୁକୁର୍‌ମନ୍‌କେ ଦିଆସ୍ ନାଇ, ସେମନ୍ ପାସ୍‌ଲିକରି ତମ୍ଭେ ଚାବିପାକାଇବାଇ । ଗୁସ୍‌ରି ମନର୍ ମୁଆଟେ ମୁକ୍‌ତା ପାକାଆ ନାଇ, ସେମନ୍ ମୁକ୍‌ତାର୍ ମୁଲିଅ ନ ବୁଜିକରି ମାଣ୍ଡିପାକାଇବାଇ ।

**ମାଙ୍ଗା, କଜା ଆରି କାପାଟେ ମାରା**  
(ଲୁକ୍ ୧୧:୯-୧୩)

୭ ମାଙ୍ଗା, ତେବେ ତମ୍ଭେ ଦିଆଅଇସି । କଜା, ତେବେ ମିଲାଇସା, କାପାଟେ ମାରା କାପାଟ୍ ଉଗାଡି ଅଇସି । ୮ ଜେ ମାଙ୍ଗସି, ତାକେ ଦିଆଅଇସି, ଜେ କଜସି, ସେ ମିଲାଇସି, ଜେ କାପାଟେ ମାରସି ତାର୍‌ପାଇ କାପାଟ୍ ଉଗାଡି ଦିଆଅଇସି ।

୯ ତମ୍ଭେ ବିତ୍‌ରେ ଏନ୍ତାରି ବାବା କେ ଆଟେ କି ? ତମ୍ଭେ ପିଲା ଜଦି ରୁଟି ମାଙ୍ଗଲେ, ତାକେ ପାକ୍‌ନା ଦେଇସା ? ୧୦ ନଇଲେ ସେ ମାର୍ ମାଙ୍ଗଲେ ତାକେ ସାଁପ୍ ଦେଇସା ?

୧୧ ତମେ କାରାପ୍ ଲକ୍ ଅଇରଇଲେ ମିସା ନିଜର୍ ପିଲାମନ୍‌କେ ନିକନିକ ଜିନିସ୍ ଦେଇସା । ସେନ୍ତାରିସେ ଜନ୍ ଲକ୍‌ମନ୍ ସରଗର ବାବାକେ ମାଙ୍ଗବାଇ ସେ ସେମନ୍‌କେ ଆରି କେତେ ନିକନିକ ଜିନିସ୍ ଦେଇସି ।

୧୨ \*“ତମ୍ଭେ ପାଇ ବିନ୍ ଲକ୍‌ମନ୍ ଜାଇଟା କରଡ଼ ବଲି ମନ୍ କଲାସ୍‌ନି, ସେନ୍ତାରି ତମେ ବିନ୍ ଲକ୍‌କର୍ ପାଇ କରା । ଏଟା ଅଇଲାନି ମସା ଦେଇରଇବା ନିୟମ୍ ଆରି ବବିସ୍‌ତ୍‌ବକ୍‌ତାମନର୍ ସିକିଆର୍ ଅରଡ଼ ।”

**ଚିପଙ୍ଗା ଦୁଆର୍**  
(ଲୁକ୍ ୭:୪୩, ୪୪)

୧୩ “ଚିପଙ୍ଗା ଦୁଆର୍ ବାଟେ ଜାଆ । କାଇକେବଇଲେ ବିନାସ୍ କର୍‌ବାକେ ନେବା ନର୍‌କେ ଜିବା ବାଟ୍ ଅସାର୍ ଆରି ସୁବିଦାର୍‌ଟା । କେତେ କେତେ ଲକ୍ ସେ ବାଟେ ଜିବାଇ । ୧୪ ମାତ୍ରିକ ନ ସାର୍‌ବା ଜିବନେ ମିସି ରଇଲା ବାଟ୍, ଚିପଙ୍ଗା ଆରି ଜିବାଟା ବେସି କସ୍ଟ । ଉନା ଲକ୍ ସେ ବାଟ୍ କଜି କଜି ମିଲାଇବାଇ ।”

**ଗର୍ ଆରି ତାର୍ ପଲ୍**  
(ଲୁକ୍ ୭:୪୩-୪୪)

୧୫ “ଟକାବଣ୍ଡା କର୍‌ବା ବବିସ୍‌ତ୍‌ବକ୍‌ତାମନର୍ ତେଇଅନି ଜାଗର୍‌ତା ଅଇରୁଆ, ସେମନ୍ ବାଇରେ ମେଣ୍ଡା ପାରା ଡିସ୍‌ବାଇ ମାତ୍ରିକ ତାକର୍ ମନ୍ ବିତ୍‌ରେ ବାଲିଆଡୁର୍‌କାମନର୍ ପାରା । ୧୬ ସେମନର୍ କର୍‌ବା କାମ୍ ଦେକି ତମେ ସେମନକେ ଚିନିପାରାସ୍ । କାଟା ବୁଟାଇ ଅଙ୍ଗୁର୍ ନ ପଲେ କି କାଟାକଲି ବୁଟାଇ ଡୁମ୍‌ରି ପଲ୍ ନ ଦାରେ । ୧୭ ନିକ ଗଟେ ନିକ ପଲ୍ ଦାରସି, ବାନିଆ ଗଟର୍ ପଲ୍ ବାନିଆ ସେ । ୧୮ ନିକ ଗଟେ ବାନିଆ ପଲ୍ ନ ପଲେ କି ବାନିଆ ଗଟେ ନିକ ପଲ୍ ଅଇନାପାରେ । ୧୯ \*ନିକ ପଲ୍ ନ ଦାରଲେ ସେ ଗର୍ କାଟି କରି ଜଇଟାନେ ପାକାଇଅଇସି । ୨୦ \*ସେନ୍ତାରି ସେ ଟକାବଣ୍ଡା କର୍‌ବା ବବିସ୍‌ତ୍‌ବକ୍‌ତାମନର୍ କାମ୍ କର୍‌ବାଟାନେ ଅନି ତମେ ସେମନକେ ଚିନିପାରାସ୍ ।”

**ମୁଇ ତମ୍ଭେ ନାଜାନି**  
(ଲୁକ୍ ୧୩:୨୫-୨୭)

☆ ୭:୨ ୭:୨ ମାତ୍ରିକ ୪:୨୪ ☆ ୭:୧୨ ୭:୧୨ ଲୁକ୍ ୭:୩୧ ☆ ୭:୧୯ ୭:୧୯ ମାତ୍ରିକ ୩:୧୦; ଲୁକ୍ ୩:୯ ☆ ୭:୨୦ ୭:୨୦ ମାତ୍ରିକ ୧୨:୩୩

୨୧ ମକେ ମାପୁରୁ, ମାପୁରୁ ବଲି ଡାକ୍ତରୀ ଲକ୍ଷ୍ମୀନରତେଇ ଅନି ସବୁ ଲକ୍ଷ୍ମୀ ସରଗ୍ ରାଇଜେ କେଟିନାପାରତ୍ । ମାତର୍ ଜନ୍ ଲକ୍ଷ୍ମୀନ୍ ସରଗର୍ ବାବା ମନ୍ କଲା ଇସାବେ ଚଲାଚଲ୍ତି କର୍ବାଇ, ସେମନ୍ସେ ସରଗ ରାଇଜେ କେଟ୍ବାଇ ।

୨୨ ମାପୁରୁର୍ ବିଚାର୍ କର୍ବା ଦିନ୍ କେଟ୍ଲେ କେତେ କେତେ ଲକ୍ଷ୍ମୀ ମକେ କଇବାଇ, ଏ ମାପୁରୁ, ତମର୍ ନାଉଁ ଦାରି ଆମେ ପରମେସରର୍ ସୁବକବର୍ ଜାନାଇ ଆରୁ । ତମର୍ ନାଉଁ ଦାରି ତୁମାମନ୍କେ କେଦି ଆରୁ ଆରି କେତେକ୍ କାବାଅଇଜିବା କାମ୍ମନ୍ କରୁଆରୁ । ୨୩ ସେଡକି ବେଲେ ମୁଇ ସେମନ୍କେ କଇବି, ନାଇ, ମୁଇ ତମ୍ମକେ ନାଜାନି । କରାପକାମ୍ କର୍ବା ଲକ୍ଷ୍ମୀନ୍, ମର୍ଲଗେ ରୁଆନାଇ ।

**ଦୁଇଟା ଗର୍ ବାହୁମନ୍  
(ଲୁକ୍ ୬:୪୭-୪୯)**

୨୪ “ଜେ ମର୍ କାତା ସୁନି, ସେ ଇସାବେ ଚାଲ୍ସି, ସେ ବଡ଼ ରାଜ୍ମାନି ପାକ୍ନା ଉପ୍ରେ ଗର୍ କର୍ବା ଗିଆନଲକ୍ମର୍ ପାରା । ୨୫ ଅପର୍ବଲ୍ ବର୍ସା ମାର୍ଲାଇକେ ଗାଡ଼ ଉଡ୍ଲି ଗାଲା ଆରି ସେ ଗର୍ ଉପ୍ରେ ବେସି ପବନ୍ ଦାରଲା । ମାତର୍ ସେ ଗର୍ ବସ୍ଲେ ନାଇ । କାଇକେ ବଇଲେ ସେଟା ପାକ୍ନା ଉପ୍ରେ ତିଆର୍ ଅଇରଇଲା ।”

୨୬ “ମାତର୍ ଜନ୍ ଲକ୍ଷ୍ମୀନ୍ ମର୍ କାତା ସୁନିକରି ମିସା ସେ ଇସାବେ ଚଲାଚଲ୍ତି ନ କରଡ଼, ସେମନ୍ ବାଲି ଗାଦି ଉପ୍ରେ ଗର୍ ତିଆର୍ କରି ରଇବା ବକୁଆ ଲକ୍ଷ୍ମୀ ପାରା । ୨୭ ଅପର୍ବଲ୍ ବର୍ସା ଅଇଲାକେ ଗାଡ଼ ପୁରି ଉଚଲ୍ଲା, ଜବର୍ ବାଉଦୁକା ଆଇଲା ଆରି ଗର୍ କୁରୁପ୍ନାସ୍ ଅଇଗାଲା । ସେ କୁରୁପ୍ନାସ୍ ଅଇଲାଟା କେତେ ଇନସ୍ତା ରଇଲା !”

**ଜିସୁର୍ ଅଦିକାର୍ ବିସଇ ନେଇ ସିକିଆ**

୨୮ ✽ସାରାସାରି ଜାକ ଜିସୁ ସିକିଆ ଦେବାଟାନେ ଏ ସବୁ କାତା ସୁନିକରି ଲକ୍ଷ୍ମୀନ୍ କାବା ଅଇଗାଲା । ୨୯ ସେ ବିନ୍ବିନ୍ ସାସ୍ତର୍ ସିକାଉମନ୍ ପାରା ନ ସିକାଇକରି ନିଜର୍ ଅଦିକାର୍ ସଙ୍ଗ୍ ସିକାଇତେ ରଇଲା ।



**ଜିସୁ ଗଟେକ୍ ବଡ଼ ରଗିକେ ନିକ କଲା  
(ମାର୍କ ୧:୪୦-୪୫; ଲୁକ୍ ୫:୧୨-୧୬)**

୧ ଜିସୁ ଡଙ୍ଗ୍ରେ ଅନି ଉଡ୍ରି ଆଇଲା ଦାପ୍ରେ, ବେସି ଲକ୍ଷ୍ମୀନ୍ ତାର୍ ପଟେ ପଟେ ଇଣ୍ଡିଲାଇ । ୨ ସେବେଲେ ଗଟେକ୍ ବଡ଼ ରଗି ଜିସୁର୍ ମୁଆଟେ ଆସି ମାଣ୍ଡିକୁଟା ଦେଇ କଇଲା, “ଏ ମାପୁରୁ, ତମେ ଜଦି ମନ୍ କଲାସ୍ନି ବଇଲେ ମକେ ସୁକଲ୍ କରି ପାରାସ୍ ।”

୩ ତେଇ ଜିସୁ ଆଡ଼ ଲାମାଇ ତାକେ ଚିଇ କଇଲା, “ମୁଇ ମନ୍ କଲିନି, ସୁକଲ୍ ଅ ।” ଜିସୁ ଏଡକି କଇଲା ଦାପ୍ରେ ସେ ଲକ୍ଷ୍ମୀ ବଡ଼ ରଗେଅନି ନିକ ଅଇଲା । ୪ ଜିସୁ ତାକେ କଇଲା, “ସୁନ୍, ତୁଇ କେଡିଅଇ ନିକ ଅଇଲୁସ୍, ଏ କାତା କାକେ ମିସା କ ନାଇ, ମାତର୍ ସିଦା ପୁଜାରିର୍ ଲଗେ ଜାଇକରି ନିଜ୍ଜେ ଦେକାଇ ଅ, ଆରି ତୁଇ ନିକ ଅଇ ଆରୁସ୍ ବଲି ସବୁ ଲକ୍ଷ୍ମୀ ଟାନେ ଜାନାଇଅଇବାକେ ମସାର୍ ନିୟମ୍ ଇସାବେ ପର୍ମେସରକେ ସର୍ପିଦେସ୍ ।”

**ଜିସୁ ରମିୟ ସନିଅମନ୍ ମୁକିଅର୍ ଗତିଦାଙ୍ଗ୍ତାକେ ନିକ କଲା  
(ଲୁକ୍ ୬:୧-୧୦)**

୫ ଜିସୁ କପର୍ନାଉମ୍ ସଅରେ କେଟ୍ଲା । ସେଦାପ୍ରେ ଗଟେକ୍ ରମିୟ ସନିଅମନ୍ ମୁକିଅ ତାକେ ବେଟ୍ ଅଇକରି ବାବୁଜିଆ କରି କଇଲା । ୬ “ଏ ମାପୁରୁ, ମର୍ ଗଟେକ୍ ଗତିଦାଙ୍ଗ୍ତା ଅର୍ନାଇ ତୁଲିକରି ବେସି କସ୍ଟ ପାଇଲାନି ଉଟେ ନାଇ, ବସେ ନାଇ ।”

୭ ଜିସୁ ତାକେ କଇଲା, “ମୁଇ ଆସି ତାକେ ନିକ କର୍ବି ।”

୮ ମାତର୍ ମୁକିଅ କଇଲା, “ନାଇ ମାପୁରୁ ତମେ ଜେ ମର୍ଗରେ ପାଦ୍ ପାକାଇସା, ଏଟାର୍ପାଇ ମର୍ ଅଦିକାର୍ ନଇ । ତମେ ପଦେକ୍ କଇଦିଆ, ମର୍ ଗତିଦାଙ୍ଗ୍ତା ନିକ ଅଇଜାଇସି । ୯ କାଇକେବଇଲେ ମୁଇ ମର୍ ଉପ୍ରେ ଅଦିକାରିର୍ ତଲେ କାମ୍ କଲିନି, ଅଇଲେ ମିସା ମର୍ ତଲେ କେତେ କେତେ ସନିଅମନ୍ ଆଟଡ଼ । ସେମନ୍ ବିଡ୍ରେଅନି ଜଦି ମୁଇ ଗଟେକ୍ ଲକ୍ଷ୍ମୀକେ ଜାଆ ବଲି ଆଦେସ୍ ଦେଲେ, ସେ ଜାଇସି । ବିନ୍ଟାକେ ଆଉ ବଲି କଇଲେ ସେ ଆଇସି । ସେଡିସେ ମର୍ ଗତି ଦାଙ୍ଗ୍ତାକେ ଏଟା କର୍ ବଲି କଇଲା ଦାପ୍ରେ ସେ ସେଟା କର୍ସି ।”

୧୦ ଜିସୁ ଏଟା ସୁନି କାବା ଅଇଗାଲା, ଆରି ତାର୍ ସଙ୍ଗ୍ ଆଇବା ଲକ୍ଷ୍ମୀକେ କଇଲା, “ମୁଇ ସଡ଼ କଇଲିନି, ଇସ୍ରାଏଲ୍ ବିଡ୍ରେ କନ୍ ଲକ୍ଷ୍ମୀଟାନେ ମିସା ଏ ଲକ୍ଷ୍ମୀ ପାରା ବିସ୍ବାସ୍ ମୁଇ ଦେକିନାଇ ।

✽ ୭:୨୮ ୭:୨୮ ମାର୍କ ୧:୨୨; ଲୁକ୍ ୫:୩୨

୧୧ ✨ କାତା ତମର ମନେ ର, ପୁରୁଷ ଆରି ପସ୍ତରିମ୍ ବାଟର ଦେସେଅନି କେତେ କେତେ ଲକ୍ ସରଗ୍ ରାଇଜେ ଆସି ଅବ୍ରାଆମ୍ ଇସାକ୍ ଆରି ଜାକୁବର୍ ସଙ୍ଗ୍ ବଜିତେଇ ଗଟେକ୍ଟାନେ କାଇବାକେ ବସ୍ବାଇ । ୧୨ ✨ମାତର୍ ଜନ୍ ଲକ୍ମନ୍ ସରଗ୍ ରାଇଜେ ପୁର୍ବାର ରଇଲାଇ, ସେମନ୍କେ ବାଇରର୍ ଆନ୍ଦାରେ ପିଙ୍ଗା ଅଇସି । ତେଇ ସେମନ୍ ଦାତ୍ ମୁଣ୍ଡ କାଡ୍ରି ମାରିପିଅଇ କାନ୍ଦବାଇ ।” ୧୩ ଜିସୁ ସନିଅମନ୍ ମୁକିଅକେ କଇଲା, “ତୁଇ ଏବେ ଗରେ ଜା । ତୁଇ ଜେକ୍ତି ବିସ୍ବାସ୍ କଲୁସ୍ନି ସେନ୍ତାରିସେ ଅଇସି ।” ସମାନ୍ ସେ ବେଲାଇସେ ତାର୍ ଗତିଦାଙ୍ଗ୍ତା ପୁରାପୁରୁନ୍ ନିକ ଅଇଗାଲା ।

**ଜିସୁ କେତେ କେତେ ଲକ୍ମନ୍କେ ନିକ କଲା**  
(ମାର୍କ ୧:୨୯-୩୪; ଲୁକ୍ ୪:୩୮-୪୧)

୧୪ ଜିସୁ ପିତରର୍ ଗରେ ଜାଇ ତାର୍ ସାଡ୍ରି ଜର୍ଅଇକରି ଅବ୍ରାଇ ତୁଲି ରଇବାଟା ଦେକ୍ଲା । ୧୫ ସେ ପିତରର୍ ସାଡ୍ରିର୍ ଆତେ ଚିଇଲା ଦାପ୍ରେ ତାର୍ ଜର୍ ଚାଡ଼ିଗାଲା । ଆରି ସେ ଉଟିକରି ଜିସୁର୍ ସେବା କର୍ବାର୍ ଦାରିଲା ।

୧୬ ସଞ୍ଜ୍ ଅଇଲାକେ ଲକ୍ମନ୍, କେତେକ୍ କେତେକ୍ ତୁମା ଦାରିରଇଲା ଲକ୍ମନ୍କେ ଜିସୁର୍ ଲଗେ ଆନଲାଇ । ତାର୍ ପଦେକ୍ କାତା କଇଲା ଦାପ୍ରେସେ ତୁମା ଆଡ଼ମାମନ୍କେ ବାଠକରାଇଦେଲା ଆରି ରଗି ଲକ୍ମନ୍କେ ନିକ କଲା । ୧୭ ଏଟା କଲାର୍ ଲାଗି ଜିସୁ ଜିସାଇୟ୍ ବବିସଡ୍ବକ୍ତା ଜାନାଇ ରଇଲାଟା ପୁରାପୁରୁନ୍ ସିଦକଲା । ବବିସଡ୍ବକ୍ତା କଇରଇଲା “ଆମର୍ ଦୁକାସୁକା ସବୁ ନିଜେ ନେଲା ଆରି ଆମର୍ ଜର୍ଦ୍ଦୁକା ବଇଲା ।”

**ଜିସୁର୍ ସଙ୍ଗ୍ ଜିବା ବିସଇ**  
(ଲୁକ୍ ୯:୫୭-୬୨)

୧୮ ଜିସୁ ତାର୍ ଚାରିବେଟ୍ଟି ରଇଲା ବେସି ଲକ୍ମନ୍କେ ଦେକିକରି ତାର୍ ସିସ୍ମନ୍କେ ଗାଡ୍ ସେପାଟ୍ ଜିବାକେ କଇଲା । ୧୯ ତେଇ ଗଟେକ୍ ଜିଉଦିମନ୍ ସାସ୍ତର୍ ସିକାଉ ତାର୍ ଲଗେ ଆସି କଇଲା, “ଏ ଗୁରୁ ତମେ ଜନ୍ ଜାଗାଇ ଗାଲେ ମିସା ମୁଇ ତମର୍ ସଙ୍ଗ୍ ଆଇବି ।”

୨୦ ମାତର୍ ଜିସୁ ତାକେ କଇଲା, “କଲିଆ ରଇବାକେ ପାଆର୍ ଆତେ, ଆରି ଉଡ଼ିବୁଲ୍ବା ଚତଇମନ୍ ରଇବାକେ ଗୁଡା ଆତେ, ମାତର୍ ନର୍ପିଲା ମୁଇ, ମକେ ରଇବାକେ ଜାଗା ନାଇ ।”

୨୧ ଆରି ସିସ୍ମନ୍ ବିଡ୍ରେଅନି ଗଟେକ୍ ସିସ୍ କଇଲା, “ଏ ମାପୁରୁ, ମକେ ପର୍ତୁମ୍ ମର୍ ବାବାକେ ଜାଇ ତପି ଆଇବାକେ ମେଲାନି ଦିଆ ।”

୨୨ ମାତର୍ ଜିସୁ ତାକେ କଇଲା, “ମରିଗାଲା ଲକ୍ମନ୍ ମଲା ଲକ୍ମନ୍କେ ତପଡ୍, ତୁଇ ମର୍ ପଟେ ପଟେ ଆଉ ।”

**ଜିସୁ ବାଉ ପବନ୍କେ ତବିର୍ କଲା**  
(ମାର୍କ ୪:୩୫-୪୧; ଲୁକ୍ ୮:୨୨-୨୫)

୨୩ ତାର୍ ପଟେ ଜିସୁ ଗଟେକ୍ ଡଙ୍ଗା ଚଗ୍ଲାକେ ତାର୍ ସିସ୍ମନ୍ ମିସା ତାର୍ ସଙ୍ଗ୍ ଗାଲାଇ । ୨୪ ସେ ବେଲା ଅଟାଡ୍ ସମ୍ବୁରେ ଏକ୍ତି ବାଉପବନ୍ ଆଇଲା ଆରି ଉଲ୍କାର୍ ଲାଗି ଡଙ୍ଗା ପାନିତେଇ ବୁଡ଼ିଜିବା ପାରା ଅଇଲା । ମାତର୍ ଜିସୁ ଡଙ୍ଗା ସଇଦେଇ ରଇଲା । ୨୫ ଆରି ସିସ୍ମନ୍ ଜିସୁର୍ ଲଗେ ଜାଇକରି ତାକେ ଉଟାଇ କଇଲା, “ଏ ମାପୁରୁ ଆମ୍କେ ରକିଆ କର୍ । ନଇଲେ ଆମେ ବୁଡ଼ି ମରିଜିବୁବେ ।”

୨୬ ଜିସୁ ସେମନ୍କେ କଇଲା, “ଏ ବିସ୍ବାସେ ଡାଟ୍ ନ ରଇଲା ଲକ୍ମନ୍, ତମେ କାଇକେ ଏତେକ୍ ଡରିଗାଲାସ୍ନି ?” ଜିସୁ ବାଉପବନ୍ ଆରି ଲଅଡିକେ ଦମ୍କାଇଲା । ତେବର୍ପାଇ ବାଉପବନ୍ ଆରି ଲଅଡି ତବିର୍ ଅଇଗାଲା ।

୨୭ ଏଟା ଦେକି ସିସ୍ମନ୍ ବେସି କାବାଅଇଜାଇ ତାକର୍ ତାକର୍ ବିଡ୍ରେ କୁଆବଲା ଅଇଲା, “ଏ କେନ୍ତାର୍ ଲକ୍ ଜେ ବାଉପବନ୍ ଆରି ଲଅଡି ମିସା ଆର୍ କାତା ମାନ୍ଲାଇନି ।”

**ଜିସୁ ଦୁଇଟା ତୁମା ଡସାଇଅତମନ୍କେ ନିକ କଲା**  
(ମାର୍କ ୫:୧-୨୦; ଲୁକ୍ ୮:୨୬-୩୯)

୨୮ ଜିସୁ ଆରି ତାର୍ ସିସ୍ମନ୍ ଗାଡ୍ ସେପାଟ୍ ଗଦ୍ରିୟ୍ ନାଉର୍ ଜାଗାଇ କେଟ୍ଲା ଦାପ୍ରେ, ଦୁଇଟା ତୁମା ଡସଲା ଲକ୍ ତାକେ ବେଟ୍ ଅଇଲା । ସେମନ୍ ମସନ୍ ବିଡ୍ରେ ରଇତେରଇଲା । ଆରି ସେମନ୍ ଏକ୍ତି ରଇଲା ଜେ, ସେ ବାଟେ କେ ମିସା ଆସ୍ ଜା ନ ଅଇତେ ରଇଲା । ୨୯ ସେ ଲକ୍ମନ୍ ବେସି କିରକିରି କରି କଇଲା, “ଏ ପର୍ମେସରର୍ ପିଲା ଆମର୍ ଟାନେ ତର୍ କାଇ କାମ୍ ଆତେ ? ବେଲ୍ କାଲ୍ ନ କେଟ୍ତେ ତୁଇ କାଇ ଡଣ୍ଡ୍ ଦେବାକେ ଇଡି ଆଇଲୁସ୍ କି ?”

✨ ୮:୧୧ ୮:୧୧ ଲୁକ୍ ୧୩:୨୯ ✨ ୮:୧୨ ୮:୧୨ ମାଡ଼ିଭ ୨୨:୧୩; ୨୫:୩୦; ଲୁକ୍ ୧୩:୨୮

୩୦ ସେବେଲାକ ସେ ଜାଗାକଅନି କଣ୍ଠେକ୍ ଦୁରିକେ ଗଟେକ୍ ବଡ଼ ଗୁସ୍‌ରି ମାନ୍ଦା ଚାରାଇତେରଇଲାକ । ୩୧ କାରାପ୍ ଆଡ଼ମାମନ୍ ଜିସୁକେ ଗୁଆରି କରି କଇଲାକ, “ତୁଇ ଜଦି ଆମ୍‌କେ ଏ ଲକ୍‌ମନ୍‌ରତେଇ ଅନି ବାରକରାଇ ଦେଇସୁ ବଇଲେ ସେ ଗୁସ୍‌ରି ମାନ୍ଦା ବିଡ଼ରେ ଜିବାକେ, ଆଦେସ୍ ଦେ ।”

୩୨ ଜିସୁ ସେମନ୍‌କେ ଜା ! ବଲି କଇଲାକେ କାରାପ୍ ଆଡ଼ମାମନ୍ ସେ ଲକ୍‌ମନ୍‌ରତେଇଅନି ବାରକକରି ଗୁସ୍‌ରିମନ୍‌ର ବିଡ଼ରେ ପୁରଲାକ । ତେବର୍ ପାଇ, ଗୁସ୍‌ରିମନ୍ ଟିପେଅନି ଗସ୍‌ରି ସମ୍‌ଦୁରେ ବୁଡ଼ି ମଲାକ ।

୩୩ ଆରି ତେଇ ଗୁସ୍‌ରି ଚାରାଇତେ ରଇବା ଲକ୍‌ମନ୍ ପାଲାକ କରି ତୁମା ଡସି ରଇଲା ଲକ୍‌ମନ୍‌କେ କାଇକାଇଟା ଅଇଲା ସେଟା ସବୁ କଇଦେଲାକ । ୩୪ ଆରି ସେ ଗଡ଼ର୍ ସବୁ ଲକ୍‌ମନ୍ ଜିସୁକେ ଦେକ୍‌ବାକେ ଆଇଲାକ । ସେମନ୍ ତାକେ ଦେକିକରି ସେ ଜାଗା ଚାଡ଼ି ଜା ବଲି ଗୁଆରି କଇଲାକ ।



**ଜିସୁ ଚେରେଙ୍ଗ୍ ରଗିକେ ନିକ କରବାଟା**  
(ମାଡ଼ିଉ ୨:୧-୧୨; ଲୁକ୍ ୫:୧୭-୨୬)

୧ ଜିସୁ ଡଙ୍ଗାକ ବସି ଗାଡ଼ ସେପାଟେ ରଇଲା ନିଜର୍ ଗଡେ ବାଉଡ଼ି ଗାଲା । ୨ ଆରି ତେଇ ଲକ୍‌ମନ୍ ଗଟେକ୍ ଚେରେଙ୍ଗ୍ ରଗିକେ ବଇକରି ତାର ଲଗେ ଆନଲାକ । ଚେରେଙ୍ଗ୍ ରଗି ଅଡ଼ନାଇ ସଇରଇଲା । ସେ ଲକ୍‌ମନ୍‌ର ବିସ୍‌ବାସ୍ ଦେକି ରଗିକେ କଇଲା, “ସାଆସ୍ ଦାର୍, ତର୍ ସବୁ ପାପ୍ କେମା ଅଇଗାଲା ।”

୩ ଏ କାତା ସୁନି କେତେଟା ସାସ୍‌ତର୍ ସିକାଡ଼ମନ୍ ତାକର୍ ତାକର୍ ବିଡ଼ରେ କାତା ଅଇଲାକ, “ଏ ଲକ୍‌କାଇକେ ପରମେସରର୍ ନିନ୍ଦା କଲାନି ?”

୪ ଜିସୁ ତାକର୍ ମନ୍‌ର ଚିନ୍ତା ଜାନି କଇଲା, “ତମେ ନିଜର୍ ନିଜର୍ ମନେ କାଇକେ କାରାପ୍ ଚିନ୍ତା କଲାସ୍‌ନି ? ୫ ତମର୍ ପାପ୍‌ସବୁ କେମା ଅଇଗାଲା ବଲି କଇବାଟା ସଅଜ୍ କି 'ଉଟିକରି, ଇଣ୍ଡିଜା ବଲି କଇବାଟା ଅଦିକ୍ ସଅଜ୍ ? ୬ ମାତର୍ ଜଗତର୍ ପାପ୍ କେମା କରବାକେ ନରପିଲା, ମର୍ ଅଦିକାର୍ ଆଚେ, ମୁଇ ଏଟା ତମର୍ ମୁଆଟେ ଦେକାଇବି ।” ତାର ପଚେ ଜିସୁ ଚେରେଙ୍ଗ୍ ରଗିକେ କଇଲା, “ଉଟ୍, ନିଜର୍ ଟାଟି ଦାରି ଗରେ ଉଟିଜା ।”

୭ ଆରି ସେ ଲକ୍ ଉଟିକରି ଗରେ ବାରିଗାଲା । ୮ ଲକ୍‌ମନ୍ ସେଟା ଦେକି କାବା ଅଇଜାଇ ଡରିଗାଲାକ । ମାତର୍ ନର୍ ଲକ୍‌କେ ଏନ୍ତାରି ଅଦିକାର୍ ଦେଲାର୍ ପାଇ ପରମେସର୍କେ ଡାକ୍‌ପୁଟା କଲାକ ।

**ଜିସୁ ମାଡ଼ିଉକେ ଡାକ୍‌ଲା**  
(ମାଡ଼ିଉ ୨:୧୮-୨୨; ଲୁକ୍ ୫:୩୩-୩୯)

୯ ଜିସୁ ତେଇଅନି ଉଟି ଜିବାବେଲେ ମାଡ଼ିଉ ନାଉର୍ ଗଟେକ୍ ସିସ୍‌ତୁ ମାଙ୍ଗୁକେ, ତାର ସିସ୍‌ତୁମାଙ୍ଗୁମନ୍ ମାଙ୍ଗ୍‌ବା ଜାଗାଇ ବସିରଇଲାଟା ଦେକି କଇଲା, “ମର୍ ସଙ୍ଗ୍ ଆଉ ।” ମାଡ଼ିଉ ସିସ୍‌ତୁମାଙ୍ଗୁମନ୍ ମାଙ୍ଗ୍‌ବା ଜାଗାଇଅନି ଉଟି ଜିସୁର୍ ସଙ୍ଗ୍ ଗାଲା ।

୧୦ ଜିସୁ ମାଡ଼ିଉର୍ ଗରେ କାଇବାବେଲେ ବେସି ସିସ୍‌ତୁମାଙ୍ଗୁମନ୍, ଆରି ପାପି ଲକ୍‌ମନ୍ ତେଇ ଜିସୁ ଆରି ତାର ସିସ୍‌ମନ୍‌ର ସଙ୍ଗ୍ ବସି କାଇତେ ରଇଲାକ । ୧୧ ଏଟା ଦେକି ପାରୁସି ଲକ୍‌ମନ୍ ଜିସୁର୍ ସିସ୍‌ମନ୍‌କେ ପାଚାରଲାକ, “କାଇକେ ତମର୍ ଗୁରୁ ସିସ୍‌ତୁମାଙ୍ଗୁମନ୍‌ର ସଙ୍ଗ୍ ଆରି ପାପି ଲକ୍‌ମନ୍‌ର ସଙ୍ଗ୍ ବସି କାଇଲାନି ?”

୧୨ ଜିସୁ କଇଲା, “ନିକ ରଇଲା ଲକ୍‌ର ପାଇ ଡାକ୍‌ଦର୍ ଲଡା ନାଇ । ମାତର୍ ଜର୍‌ଦୁକାର୍ ଲକ୍‌ମନ୍‌ର ପାଇ ଡାକ୍‌ଦର୍ ଲଡା ଆଚେ । ୧୩ ସାସ୍‌ତରେ ଲେକାଅଇଆଚେ, 'ମୁଇ ପସୁ ପୁଜ୍‌ବା ବିରୁଟାନେଅନି, ଲକ୍‌ମନ୍‌କେ ଦୟା ଦେକାଇବାଟା ମନ୍ କଲିନି । ଏ କାତାର୍ ଅରଡ଼ କାଇଟା ? ଜାଇକରି ବୁଜ୍‌ବାକେ ଚେସ୍‌ଟା କରା । ମୁଇ ଦରମ୍ ଲକ୍‌ମନ୍‌କେ ଡାକ୍‌ବାକେ ଆସି ନାଇ, ପାପିମନ୍‌କେ ଡାକ୍‌ବାର୍ ଆସିଆଟି ।”

**କାଇକେ ଉପାସ୍ କରବାର୍**  
(ମାଡ଼ିଉ ୨:୧୮-୨୨; ଲୁକ୍ ୫:୩୩-୩୯)

୧୪ ତାର ପଚେ ଦିନେକ୍ ତୁବନ୍ ଦେଉ ଜଅନର୍ ସିସ୍‌ମନ୍ ଜିସୁର୍ ଲଗେ ଆସି ପାଚାରଲାକ, “ଆମେ ଆରି ପାରୁସିମନ୍ ବେସି ତର୍ ଲାକା ଉପାସ୍ କଲୁନି, ମାତର୍ ତମର୍ ସିସ୍‌ମନ୍ କାଇଜେ ଉପାସ୍ କରଡ଼ ନାଇ ?”

୧୫ ଜିସୁ ସେମନ୍‌କେ କଇଲା, “ବିବା ଦାଙ୍ଗ୍‌ତା ଜେତେବେଲେ ଜାକ ଦାଙ୍ଗ୍‌ତାମନ୍‌ର ସଙ୍ଗ୍ ବିବାଗରେ ରଇସି, ସେ ଦିନ ଜାକ ସଙ୍ଗ୍‌ର୍ ଦାଙ୍ଗ୍‌ତାମନ୍ ଦୁକ୍ ନ କରଡ଼ । ମାତର୍ ଜେତେବଲ୍ ବିବା ଅଇବା ଦାଙ୍ଗ୍‌ତାକେ ସଙ୍ଗ୍‌ର୍ଦାଙ୍ଗ୍‌ତାମନ୍‌ରଟାନେଅନି ଦାରିଜିବାଇ, ସେମନ୍ ଦୁକ୍ କରି ଉପାସ୍ କରବାଇ ।”

୧୬ କେ ମିସା ପୁରନା ଲୁଗା କାଣା ଅଇଲାଟାନେ, ନୁଆ ଲୁଗାର୍ ଗର୍‌ଣ୍ଡା ନ ସିଲାଅଡ଼, କାଇକେ ବଇଲେ ନୁଆ ଗର୍‌ଣ୍ଡା ପୁରନା ଲୁଗାକେ ବେସି ଚିରି ଦେଇସି । ୧୭ ଆରି, କେ ମିସା ନୁଆ ଅଙ୍ଗୁର୍ ରସ୍, ଚାମ୍ ସଙ୍ଗ୍

☆ ୯:୧୦ ୯:୧୦ ଲୁକ୍ ୧୫:୧,୨ ☆ ୯:୧୩ ୯:୧୩ ମାଡ଼ିଉ ୧୨:୭



ତିଆର ଅଇଲା ପୁରନା ମୁନାଇ ବେସି ଦିନ୍ ନ ସଙ୍ଗଅଡ଼, ସଙ୍ଗଇଲେ ମୁନା ପାଟିଜାଇସି ଆରି ରସ୍ ଚିଡ଼ତେ ଡାଲି ଅଇଜାଇସି । ସେଟାର ପାଇ ନୁଆ ରସ୍ ନୁଆ ମୁନାଇ ସଙ୍ଗଇବାଇ । ଏନ୍ତି ସଙ୍ଗଇଲେ ମୁନା ଆରି ରସ୍ ଦୁଇଟା ଜାକ ନସ୍ଟ ନ ଅଏ ।

**ଜାଇରସର୍ ଟକି ଆରି ଜିସୁର୍ ପଟିଆ ଜାଲି ଚିଇଲା ମାଇଜି  
(ମାର୍ଚ୍ଚକ ୫:୨୧-୪୩; ଲୁକ୍ ୮:୪୦-୫୬)**

୧୮ ଜିସୁ ସେମନ୍‌କେ ଏ ସବୁ କାତା କଇଲା ବେଲେ, ଦେକା ଗଟେକ୍ ଜିଉଦିମନର୍ ପାର୍ତନା ଗରର୍ ନେତା ଜିସୁର୍ ଲଗେ ଆସି ମାଣ୍ଡିକୁଟା ଦେଇ କଇଲା, “ମର୍ ଟକି ଏବେସେ ମରିଗାଲା ଆଚେ, ମାତର୍ ତୁଇ ଆସି ତାର୍ ଉପ୍ରେ ଆଡ଼ ସଙ୍ଗଇଲେ ସେ ବଞ୍ଚିସି ।”

୧୯ ଜିସୁ ଦାପ୍ରେ ଉଟିକରି ତାର୍ ସିସମନର୍ ସଙ୍ଗ୍ ଗାଲା ।

୨୦ ତେଇ ଗଟେକ୍ ମାଇଜି ଜିସୁର୍ ପଟ୍‌ବାଟେ ଆଇଲା । ତାକେ ବାର ବରସ୍ ଜାକ ବନି ଜାଇତେ ରଇବା ରଗ୍ ଅଇରଇଲା । ସେ ମାଇଜି ପଟେ ଜାଇ ଜିସୁର୍ ଲୁଗା ଚିଇଲା । ୨୧ ସେ ମନେ ମନେ ବାବ୍‌ଲା ମୁଇ ତାର୍ ପିନ୍‌ଲାଟା ଚିଇଲେ ନିମାନ୍ ଅଇଜିବି ।

୨୨ ମାତର୍ ଜିସୁ ପାସ୍‌ଲି କରି ତାକେ ଦେକି କଇଲା, “ଏ ନୁନି, ତରନାଇ ସାଆସ୍ ଦାର୍, ତର୍ ବିସ୍‌ବାସ୍ ତକେ ନିମାନ୍ କରିଆଚେ ।” ଏଡ଼କି କଇଲା ଦାପ୍ରେ ସେ ମାଇଜି ନିମାନ୍ ଅଇଗାଲା । ୨୩ ତାର୍ ପଟେ ଜିସୁ ଜିଉଦିମନର୍ ପାର୍ତନା ଗରର୍ ମୁକିଆର୍ ଗରେ କେଟଲା । ତେଇ ଦନକରବାକେ ଆସି ରଇଲା ଲକ୍‌ମନ୍, ଆରି ବାଜିନିଆମନ୍ କାନ୍ଦାବୁବା ଅଇବାଟା ଦେକି, ୨୪ ଜିସୁ କଇଲା, “ସବୁ ଲକ୍ ଇତିଅନି ବାରଇଜା । ଏ ଟକିତା ମରେନାଇ, ସଇଆଚେ ।” ତାର୍ କାତା ସୁନି ତେଇ ରଇଲା ଲକ୍‌ମନ୍ ତାକେ କିଜାଇବାର୍ ଦାର୍‌ଲାଇ । ୨୫ ମାତର୍ ଲକ୍‌ମନ୍‌କେ ବାରକଲା ପଟେ ଜିସୁ ବାକରାଇ ଜାଇ ଟକିର୍ ଆଚେ ଦାରି ତାକେ ଉଟାଇଲା । ଟକି ଦାପ୍ରେ ଉଟିକରି ଟିଆଅଇଲା । ୨୬ ଏ ଗଟ୍‌ନାର୍ କବର୍ ସେ ଜାଗାର୍ ଗୁଲାଇ ବାଟର୍ ଲକ୍ ସୁନ୍‌ଲାଇ ।

**ଜିସୁ ଦୁଇଟା କାଣାକେ ନିକ କଲା**

୨୭ ଜିସୁ ସେ ଜାଗାଇଅନି ବାରଇ ଜିବାବେଲେ ଦୁଇଟା କାଣା, ତାର୍ ପଟେ ପଟେ ଇଣ୍ଡି ଆଇଲାଇ । ସେମନ୍ ଆଉଲି ଅଇକରି କଇବାର୍ ଦାର୍‌ଲାଇ । “ଏ ଦାଉଦ୍ ରାଜାର୍ ପଅ ! ଆମ୍‌କେ ଦୟା କରା ।”

୨୮ ଜିସୁ ଗଟେକ୍ ଗରେ ଗାଲା ଆରି କାଣାମନ୍ ମିସା ତାର୍ ପଟ୍ ପଟ୍ ପୁରୁଲାଇ । ପୁରୁଲାକେ ଜିସୁ ସେମନ୍‌କେ ପାଚାରୁଲା, “ମୁଇ ତମର୍ ଆଁକି ନିକ କରି ପାରୁବି ବଲି ତମେ ବିସ୍‌ବାସ୍ କଲାସ୍‌ନି କି ?” ସେମନ୍ କଇଲା “ଉଁ ମାପ୍‌ରୁ ।”

୨୯ ତାର୍ ପଟେ ଜିସୁ ସେମନ୍‌ର୍ ଆଁକି ଚିଇକରି କଇଲା, “ମକେ ବିସ୍‌ବାସ୍ କଲାର୍ ଲାଗି ତମର୍ ଆଁକି ତିସ ।” ୩୦ ଜିସୁ କଇଲା ଦାପ୍ରେ କାଣାମନ୍ ଆଁକି ଦେକିପାରୁଲାଇ । ଆରି ଜିସୁ, ସେମନ୍‌କେ ଡାଟକରି, “ଏ ବିସଇ କାକେ ମିସା କୁଆ ନାଇ ।” ବଲି କଇଲା ।

୩୧ ମାତର୍ ସେମନ୍ ବାରଇ ଜାଇ ଜିସୁର୍ ଏ କରିରଇବାଟା ଗୁଲାଇ ଦେସେ ଜାନାଇଲାଇ ।

**ଗଟେକ୍ ଗୁଲା ଅଇଲା ଲକ୍ କାତା ଅଇ ପାରୁଲା**

୩୨ ଜିସୁ ଆରି ତାର୍ ସିସମନ୍ ସେ ଗରେଅନି ବାରଇ ଗାଲାବେଲେ କେତେଟା ଲକ୍‌ମନ୍ ଗଟେକ୍ ଗୁଲା ଲକ୍‌କେ ତାର୍ ଲଗେ ଆନ୍‌ଲାଇ । ତାକେ ତୁମାଦାରିରଇଲାକେ ସେ ଗୁଲା ଅଇଜାଇରଇଲା । ୩୩ ଜିସୁ ତୁମାକେ ସେ ଲକ୍‌ଟେଇଅନି କେଦଲା ପଟେ ସେ କାତାଅଇବାର୍ ଦାରୁଲା । ଆରି ତେଇ ରଇଲା ଲକ୍‌ମନ୍ କାବାଅଇଜାଇ କଇଲାଇ । “ଇସ୍‌ରାଏଲ୍ ଦେସେ ଏନ୍ତାରି ଗଟ୍‌ନା ଆମେ କେବେ ଦେକି ନ ରଇଲୁ ।” ୩୪ ମାତର୍ ପାରୁସିମନ୍ କଇଲାଇ, “ସେ ତୁମାମନର୍ ନେତାର୍ ବପୁ ସଙ୍ଗ୍ ବିନ୍ ତୁମାମନ୍‌କେ କେଦଲାନି ।”

**ଲକ୍‌ମନ୍‌କେ ଜିସୁର୍ ଦୟା**

୩୫ ଜିସୁ ଗାଉଁ ଗାଉଁ ବୁଲି ବୁଲି ଜିଉଦିମନର୍ ପାର୍ତନା ଗର୍ମନ୍‌କେ ଜାଇ ସିକାଇ ଦେଇତେ ରଇଲା । ଆରି ପର୍ମେସରର୍ ରାଇଜର୍ ନିମାନ୍ କାତା କଇତେରଇଲା । ବିନ୍ ବିନ୍ ଜର୍ ଆରି ରଗ୍ ଦାରୁଲା ଲକ୍‌ମନ୍‌କେ ସବୁ ନିକ କରିଦେଲା ଆରି ପାର୍ତନା ଗରେ ସିକିଆ ଦେଲା । ୩୬ ଆରି ତେଇ ରଇଲା ଜବର୍ ଲକ୍‌ମନ୍‌କେ ଦେକିକରି ସେ ଦୟା କଲା । କାଇକେ ବଇଲେ ସେମନ୍ ବେସି ତାକିଜାଇରଇଲା ଆରି ସାଇଜ ପାଇବାକେ କନ୍ ବାଟେ ଜିବାର୍ ଆଚେ, ଜାନିନାପାର୍ତେ ରଇଲାଇ । ସେମନ୍ ଗଉଡ଼ ନଇଲା ମେଣ୍ଡାସି ପାରା ଅଇଜାଇରଇଲାଇ । ୩୭ ସେଡ଼କିବେଲେ ସେ ସିସମନ୍‌କେ କଇଲା, “ତାସ୍

☆ ୯:୩୪ ୯:୩୪ ମାତୃକା ୧୦:୨୫;୧୨:୨୪; ମାର୍ଚ୍ଚକ ୩:୨୨; ଲୁକ୍ ୧୧:୧୫ ☆ ୯:୩୫ ୯:୩୫ ମାତୃକା ୪:୨୩; ମାର୍ଚ୍ଚକ ୧:୩୯; ଲୁକ୍ ୪:୪୪  
☆ ୯:୩୬ ୯:୩୬ ମାର୍ଚ୍ଚକ ୬:୩୪ ☆ ୯:୩୭ ୯:୩୭ ଲୁକ୍ ୧୦:୨

ସିନା ବୁଡେକ୍ । ମାଡ଼ର ସେଟା କାଟ୍‌ବାକେ, ଲକ୍‌ମନ୍ ଉନା ଆଟଡ୍ । ୩୮ ଡେବର୍‌ପାଇ ‘କେଡ୍ ରଇଲା ପଦାଇ କାଟ୍‌ବାକେ ବେସି ଲକ୍‌କେ ପାଟାଆ’ ବଲି ତାସ୍ କଲା ସାଉକାଟ୍‌କେ ପାଟନା କରା ।”

### ୧୦

**ବାରଟା ସିସ୍‌ମନ୍**  
(ମାଡ଼କ ୩:୧୩-୧୯; ଲୁକ୍ ୬:୧୨-୧୬)

୧ ଜିସୁ ତାର ବାରଟା ପେରିଡ଼ମନ୍‌କେ ଲଗେ ତାକି ତୁମା କେଡ୍‌ବାକେ, ସବୁ ରକାମର୍ ରଗ୍ ଆରି ଜର୍‌ତୁକା ନିମାନ୍ କର୍‌ବାକେ ଅଦିକାର ଦେଲା । ୨ ସେ ବାରଟା ପେରିଡ଼ମନ୍‌ର ନାଉଁ ଅଇଲାନି, ସିମନ୍ ଜାକେକି ପିତର୍ ବଲି ଡାକ୍‌ବାଇ, ଆରି ତାର ବାଇ ଆନ୍‌ରିୟ, ଜେବଦିର୍ ପଅ ଜାକୁବ୍ ଆରି ତାର ବାଇ ଜଅନ୍, ୩ ପିଲିପ୍ ଆରି ବାର୍‌ତଲମି, ତମା ଆରି ସିସ୍‌ତୁମାଙ୍ଗୁମନ୍ ମାଡ଼ିଉ, ଆଲ୍‌ପିର୍ ପଅ ଜାକୁବ୍ ଆରି ତଦିୟ, ୪ କିଣାନିୟ ସିମନ୍ ଜେ କି ଇସରାଏଲ୍ ଲକ୍‌ମନ୍‌ର ମୁକ୍‌ତିର୍ ପାଇ ଚେସ୍‌ଟା କର୍‌ଡେରଇଲା । ଆରି ଇସ୍କାରିୟଡ୍ ଜିଉଦା, ଜେ ଜିସୁକେ ସର୍‌ତୁମନ୍‌କେ ସର୍‌ପିଦେଇ ରଇଲା ।

**ବାରଟା ସିସ୍‌କେ ଦିଆଅଇରଇଲା କାମ୍**  
(ମାଡ଼କ ୬:୭-୧୩; ଲୁକ୍ ୯:୧-୬)

୫ ଜିସୁ ବାରଟା ସିସ୍‌ମନ୍‌କେ ପାଟାଇଲାବେଲେ କାଇଟା କର୍‌ବାର୍ ଆଚେ କାଇଟା ନାଇ ବଲି ଆଦେସ୍ ଦେଇ କଇଲା, “ତମେ ଜିଉଦି ନଇଲା ଲକ୍‌ମନ୍‌ର କନ୍ ଜାଗାଇ ମିସା ଜାଆନାଇ କି ସିମିରଣିୟ ଗଡେ ମିସା ପୁରାନାଇ । ୬ ମାଡ଼ର୍ ଆଜିଗାଲା ମେଣ୍ଡାମନ୍‌ର ପାରା ରଇବା ଇସରାଏଲ୍‌ମନ୍‌ର ଲଗେ ଜା । ୭ ସେମନ୍‌ର ଲଗେ ଜାଇ ଜାନାଇକରି କୁଆ, ସରଗ୍ ରାଇକ୍ ଲଗେ ଆଇଲା ଆଚେ ! ୮ ଜରର୍ ଲକ୍‌ମନ୍‌କେ ନିମାନ୍ କରା, ମଲା ଲକ୍‌ମନ୍‌କେ ଉଟାଆ, ବଡ୍ ରଗିମନ୍‌କେ ନିମାନ୍ କରା, ତୁମାମନ୍‌କେ କେଦିଦିଆସ୍ । ଏ ସବୁ ସରଗର୍ ମାପୁରୁର୍ ଡେଇଅନି ତିନ୍‌ପଲିଆରେ ମିଲାଇ ଆଟାସ୍ । ସେନ୍ତି ବିନ୍ ଲକ୍‌ମନ୍‌କେ କାଇଟା ନ ମାଙ୍ଗ୍‌ଡେ ଦିଆସ୍ । ୯ ତାରୁ ମିସା ନିଆନାଇ । ୧୦ ଆରି ବୁଲ୍‌ବା ବେଲେ ମୁନା ଦାରି ବୁଲାନାଇ । ଗଟେକ୍ ଉଡ୍‌କା ପିନ୍‌ଦା ପଟିଆ, ପାଣ୍ଡୁଇ, ଡାଙ୍ଗ୍ ନିଆ ନାଇ । ପାଇଟି କରୁ ତାର ବୁଡି ପାଇସିସେ ।”

୧୧ “ଗଟେକ୍ ଗଡେ କି ଗାର୍‌ କେଟ୍‌ସା ବଇଲେ, ଡେଇ କେ ତମ୍‌କେ ନିଜର୍ ଗରେ ଡାକ୍‌ସି, ସେ ଲକ୍‌କେ କଜା, ଆରି ବିନେ ଜିବା ଜାକ ତାକର୍ ଗରେସେ ରୁଆ । ୧୨ ଗରେ କେଟ୍‌ଲା ବେଲେ ଡେଇ ରଇଲା ଲକ୍‌ମନ୍‌କେ ଜୁଆର୍ କରି କୁଆ, ‘ତମ୍‌କେ ସାନ୍ତି ମିଲ’ । ୧୩ ସେମନ୍ ଜଦି ତମ୍‌କେ ଗତିଆ କରି ଡାକ୍‌ବାଇ, ତମେ କଇଲା ସାନ୍ତିର୍ କାତା ପୁରୁନ୍ ଅଇସି । ମାଡ଼ର୍ ସେମନ୍ ଜଦି ତମ୍‌କେ ଗତିଆ କରି ନ ଡାକ୍‌ଡ୍ ବଇଲେ, ତମେ କଇଲାଟା ତମର୍ ଲଗେ ବାଉଡି ଆଇସି । ୧୪ ଜଦି କେ ମିସା ତମ୍‌କେ ନ ଡାକ୍‌ଡ୍ କି ତମେ କଇଲା କାତା ନ ସୁନଡ୍ ବଇଲେ, ‘ଏ ଜାଗା ଚାଡ୍‌ଲୁ’ ବଲି ଗଟେକ୍ ତିନ୍ ପାରା ଦେକାଇବାକେ, ପାଦର୍ ଦୁଲି ପାପଡି, ସେ ଜାଗା ଚାଡି ଉଟିଜା । ୧୫ ଶୁକ୍‌ମୁକ୍ ତମ୍‌କେ ସଡ୍ କଇଲିନି, ବିଚାର୍‌ନା ଦିନେ ସଦମ୍ ଗମରାକେ ପର୍‌ମେସର୍ ଅଦିକ୍ ଦୟା ଦେକାଇସି ।”

**ଆଇବା ଦୁକ୍‌କସ୍‌ଟ**  
(ମାଡ଼କ ୧୩:୯-୧୩; ଲୁକ୍ ୨୧:୧୨-୧୫)

୧୬ “ସୁନା, ବାଲିଆଡୁରକାମନ୍‌ର ବିଡ୍‌ରେ ମେଣ୍ଡାମନ୍‌କେ ପାଟାଇଲା ପାରା ମୁଇ ତମ୍‌କେ ପାଟାଇଲିନି । ସାଁପର୍ ପାରା ଚାଲାକି ଅଇ ପରୁଆପାରା ସୁଆଲ୍ ଉଆ । ୧୭ ମାଡ଼ର୍ ଜାଗରଡ୍ ଅଇରୁଆ, କାଇକେ ବଇଲେ ଲକ୍‌ମନ୍ ସେମନ୍‌ର ବିଚାର୍ କର୍‌ବା ଜାଗାମନ୍‌ଡେଇ ତମ୍‌କେ ସର୍‌ପିଦେବାଇ ଆରି ପାଟନା ଗର୍‌ମନ୍‌କେ ତମ୍‌କେ କର୍‌ଡା ମାର୍‌ବାଇ । ୧୮ ଆରି ତମେ ମର୍ ସିସ୍ ଅଇଲାଟ୍ ଲାଗି, ରାଜା ଆରି ସାସନ୍ କର୍‌ବା ଲକ୍‌ମନ୍‌ର ଲଗେ ନିଆଅଇ ବିଚାର୍ କରାଇଅଇସା । ଇତିଅନି ସେମନ୍‌କେ ଆରି ଜିଉଦି ନଇଲା ଲକ୍‌ମନ୍‌ର ଡେଇ ମର୍ ବିସଇନେଇ କଇବାକେ ତମେ ବେଲା ପାଇସା । ୧୯ ତମର୍ ବିଚାର୍‌ନା ଅଇବାବେଲେ ‘କାଇଟା କଇବି, କେନ୍ତି କଇବି’ ବଲି ଚିନ୍ତା କରି ଡେରେପେଡେ ନ ଉଆ । ଟିକ୍ ସେବେଲାଇ ସେଟା ତମ୍‌କେ ଜାନାଇ ଦିଆଅଇସି । ୨୦ କାଇକେ ବଇଲେ ତମେ ନିଜେ କାଇଟା କଇବାକେ ନ ପଡେ । ବାବା ପର୍‌ମେସର୍ ସୁକଲ୍ ଆଡ଼ମାଇ ତମର୍ ଟଣ୍ଡେଅନି କାତା କଇସି ।”

୨୧ ଲକ୍‌ମନ୍ ନିଜର୍ ବାଇକେ ମରନ୍‌ର ଡଣ୍ଡ ବର୍‌ବାକେ ଦାରାଇଦେବାଇ । ବାବା ମିସା ନିଜର୍ ପିଲାମନ୍‌କେ ସେନ୍ତାରି କର୍‌ସି । ପିଲା ଟକିମନ୍ ବାବାମାଆର୍ ବିରଦେ ଉଟି ସେମନ୍‌କେ ମରାଇବାଇ । ୨୨ ମାଡ଼କେ ବିସ୍‌ବାସ୍ କଲାଟ୍ ଲାଗି ତମ୍‌କେ ସବୁ ଲକ୍ ଗିନ୍ କର୍‌ବାଇ । ମାଡ଼ର୍ ଜନ୍ ଲକ୍ ସାରାସାରି ଜାକ

☆ ୧୦:୧୦ ୧୦:୧୦ ୧ମ କରନ୍ତିୟ ୯:୧୪; ୧ମ ତିମତି ୫:୮୮ ☆ ୧୦:୧୪ ୧୦:୧୪ ପେରିଡ୍ ୧୩:୫୧ ☆ ୧୦:୧୫ ୧୦:୧୫ ମାଡ଼ିଉ ୧୧:୨୪ ☆ ୧୦:୧୫ ୧୦:୧୫ ଲୁକ୍ ୧୦:୪-୧୨ ☆ ୧୦:୧୬ ୧୦:୧୬ ଲୁକ୍ ୧୦:୩ ☆ ୧୦:୧୭ ୧୦:୧୭ ମାଡ଼କ ୧୩:୯-୧୧; ଲୁକ୍ ୧୨:୧୧, ୧୨:୧୨-୧୬ ☆ ୧୦:୨୧ ୧୦:୨୧ ମାଡ଼କ ୧୩:୧୨; ଲୁକ୍ ୨୧:୧୭ ☆ ୧୦:୨୨ ୧୦:୨୨ ମାଡ଼ିଉ ୨୪:୯; ମାଡ଼କ ୧୩:୧୩; ଲୁକ୍ ୨୧:୧୭; ମାଡ଼ିଉ ୨୪:୧୩; ମାଡ଼କ ୧୩:୧୩

ସାଆସ୍ ଦାରି ରଇସି, ସେ ମୁକ୍ତି ପାଇସି । ୨୩ ଗଟେକ୍ ନଅରେ ଦୁକ୍ କସ୍ତ ଦେଲେ, ତମେ ଆରି ଗଟେକ୍ ନଅରେ ଉଚି ପାଲାଆ । ମୁଇ ତମ୍‌କେ ସତ୍‌କାତା କଇଲିନି, ତମେ ଇସ୍‌ରାଏଲ୍ ଦେସେ ରଇବା ସବୁ ଗତେ ବୁଲି ନ ସାର୍‌ତେ, ନରପିଲା ମୁଇ ଆରି ତରେକ୍ ବାଉଡି ଆସିରଇବି ।

୨୪ ✨ “କନ୍ ସିସ୍ ମିସା ଗୁରୁର୍ ତେଇଅନି ବଡ଼ ନଏଁ । ଗତିଦାଙ୍ଗ୍‌ତା ସାଉକାର୍‌ତେଇଅନି ବଡ଼ ନଏଁ । ୨୫ ✨ସିସ୍ ତାର୍ ଗୁରୁର୍ ପାରା ଆରି ଗତିଦାଙ୍ଗ୍‌ତା ନିଜର୍ ସାଉକାର୍ ପାରା ଅଇଲେ ସେମନ୍ ସାର୍‌ଦା ଅଇବାର୍ ଆଚେ । ଗଟେକ୍ ଗରର୍ ମୁକିଆ ମକେ, ବାଲୁଜିବୁଲ୍ ବଲି ଡାକ୍‌ଲାଇନି ବଇଲେ, ଗରର୍ ଆରି ଅଦେକ୍ ଲକ୍‌ମନ୍‌କେ ବାଇଦରେ ଅଦିକ୍ କାରାପ୍ ନାଉ ଦାରି ଡାକ୍‌ବାଇ ।”

**କାକେ ଡର୍‌ବାର୍**  
(ଲୁକ୍ ୧୨:୨-୭)

୨୬ ✨ “ସେଟାର୍‌ପାଇ ଲକ୍‌ମନ୍‌କେ ତରାନାଇ । ଜନ୍ ବିସଇ କି ଲୁଚ୍‌ତେ ଆଚେ, ସେଟା କେବେ ନଇଲେ କେବେ ଡିସ୍‌ସି ଆରି ସବୁ ଲୁଚ୍‌ଲା କାତାମନ୍ ଜାନା ପଢ଼ସି । ୨୭ ଜନ୍‌ଟା ମୁଇ ତମ୍‌କେ ଆନ୍ଦାର୍ ବେଲାଇ କଇଲିନି ସେଟା ତମେ ଉଜ୍‌ଲେ କୁଆ, ଆରି ଜନ୍‌ଟା ଲୁଚ୍‌ତେ ସୁନିଆଟାସ୍ ସେଟା ଗରର୍ ଚାଉନି ଉପ୍‌ରେ ଚିଆଅଇ କୁଆ । ୨୮ ଜନ୍‌ଲକ୍‌ମନ୍ ତମର୍ ଗାଗଡ଼ ନସ୍ତ କର୍‌ବାଇ ମାତର୍ ତମର୍ ଆଡ଼ମାକେ କାଇଟା କରନାପାରତ୍ ସେମନ୍‌କେ ତରାନାଇ । ମାତର୍ ଜନ୍ ପର୍‌ମେସର୍ ତମର୍ ଗାଗଡ଼ ଆରି ଆଡ଼ମାକେ ନରକ୍ କୁଣ୍ଡେ ପିଙ୍ଗ୍‌ସି, ତାକେ ତରା । ୨୯ ତାବୁଦେଇ ଦୁଇଟା ଚେଟିଆ ଚତଇ ଗେନିପାରାସ୍, ମାତର୍ ତମର୍ ବାବା ପର୍‌ମେସର୍ ନାଜାନ୍‌ତେ ସେ ଚତଇମନ୍‌ତେଇଅନି ଗଟେକ୍ ମିସା ନ ମରତ୍ । ୩୦ ଆରି ପର୍‌ମେସର୍ ତମର୍ ମୁଣ୍ଡର୍ ଚେଣ୍ଡି ମିସା ଗଟେକ୍ ଗଟେକ୍ କରି ଏଜିଆଚେ । ୩୧ ତରାନାଇ, ବେସି ଚେଟିଆ ଚତଇମନ୍‌ତେଇ ଅନି ତମର୍ ଦାମ୍ ଅଦିକ୍ ।”

**ଜିସୁକେ ନାମ୍‌ବାଟା**  
(ଲୁକ୍ ୧୨:୮-୯)

୩୨ “ଜେ ମକେ ସବୁର୍ ମୁଆଟେ ‘ମର୍ ଲକ୍’ ବଲି ନାମ୍‌ସି, ମୁଇ ମିସା ମର୍ ସରଗର୍ ବାବାର୍ ମୁଆଟେ ସେମନ୍‌କେ ‘ମର୍ ଲକ୍’ ବଲି କଇବି । ୩୩ ✨ମାତର୍ ଜନ୍ ଲକ୍ ମକେ ସବୁର୍ ମୁଆଟେ ‘ତାକେ ନାଜାନି’ ବଲି କଇସି, ମୁଇ ମିସା ମର୍ ସରଗର୍ ବାବାର୍ ମୁଆଟେ ‘ତାକେ ନାଜାନି’ ବଲି କଇବି ।”

**ସାନ୍ତିର୍ ବାବୁଲେ କାଣ୍ଡା**  
(ଲୁକ୍ ୧୨:୫୧-୫୩; ଲୁକ୍ ୧୪:୨୭-୨୭)

୩୪ “ମୁଇ ଏ ଦୁନିଆଇ ସାନ୍ତି ଦେବାର୍ ଆସିଆଚି ବଲି ତମେ ବାବା ନାଇ । ନାଇ, ସାନ୍ତି ଦେବାକେ ଆସି ନାଇ, କାଣ୍ଡା ଦେବାକେ ଆଇଲିଆଚି । ୩୫ ମର୍ ଲାଗି ପିଲା ବାବାକେ ବିରଦ୍ କର୍‌ସି, ଚକି ଆୟାକେ ବିରଦ୍ କର୍‌ସି ଆରି ବୁଆରି ସାଡ଼ରିର୍ ବିରଦେ ଉର୍‌ସି । ୩୬ ନିଜର୍ ଗରର୍ ଲକ୍‌ମନ୍‌ସେ ନିଜର୍ ସତ୍‌ରୁ ଅଇବାଇ ।”

୩୭ “କେମିସା ଜଦି ନିଜର୍ ମାବାବାକେ ମର୍‌ତେଇଅନି ଅଦିକ୍ ଆଲାଦ୍ କର୍‌ସି, ସେ ମର୍ ସିସ୍ ଅଇନାପାରେ । ଆରି ଜନ୍ ଲକ୍ ମକେ ଆଲାଦ୍ କର୍‌ବାଟାମେ ଅନି ନିଜର୍ ପିଲାଟକିକେ ଅଦିକ୍ ଆଲାଦ୍ କର୍‌ସି ବଇଲେ ସେ ମର୍ ସିସ୍ ଅଇବାକେ ଅଦିକାର୍ ନ ପାଏ । ୩୮ ✨ଜନ୍ ଲକ୍ ନିଜର୍ କୁରୁସ୍ ବଇ ମର୍ ସଙ୍ଗ୍ ନ ଆସେ ବଇଲେ ସେ ମର୍ ସିସ୍ ଅଇବାକେ ଅଦିକାର୍ ନ ପାଏ । ୩୯ ✨ଜନ୍‌ଲକ୍ ନିଜର୍ ଜିବନ୍ ରକିଆ କର୍‌ବାକେ ଚେସ୍‌ଟା କର୍‌ସି ବଇଲେ ସେ ସେଟା ଆରାଇସି । ମାତର୍ ଜେ ମର୍ ଲାଗି ତାର୍ ଜିବନ୍ ଆରାଇସି ବଇଲେ, ସେ ସତଇସେ ସେଟା ରକିଆ କର୍‌ସି ।”

**ପୁରୁସ୍‌କାର୍**  
(ମାର୍‌କ୍ ୯:୪୦)

୪୦ ✨ “ଜନ୍ ଲକ୍ ତମ୍‌କେ ଡାକିନେଇସି, ସେ ମର୍‌ପାଇ ସେଟା କଲାନି । ଆରି ଜନ୍ ଲକ୍ ମକେ ଡାକିନେଇସି ସେ ମକେ ପାଟାଇଲା ବାବା ପର୍‌ମେସର୍‌ର୍ ପାଇ ସେଟା କଲାନି । ୪୧ ଜେ ମିସା ଗଟେକ୍ ବବିସତ୍‌ବକ୍‌ତାକେ ‘ପର୍‌ମେସର୍‌ର୍ କାତା ସୁନାଉ’ ବଲି ଡାକ୍‌ସି, ବବିସତ୍‌ବକ୍‌ତାକେ ମିଲ୍‌ବା ପୁରୁସ୍‌କାର୍‌ତେଇ ସେ ମିସା ମିସ୍‌ସି । ଆରି ଜେ ଦରମ୍ ଲକ୍‌କେ ଗରେ ଡାକ୍‌ସି, ଦରମ୍ ଲକ୍‌କେ ମିଲ୍‌ବା ପୁରୁସ୍‌କାର୍‌ତେଇ ସେ ମିସା ମିସ୍‌ସି । ୪୨ ଆରି ଜନ୍ ଲକ୍ ମର୍ ପଚେ ପଚେ ଆଇବା ମୁକିଅ ନଇଲା ଗଟେକ୍ ସାନ୍ ସିସ୍‌କେ, ଗିଲ୍‌ସେକ୍ ପାନି ଦେଇସି, ସେ ମର୍ ସିସ୍ । ସେ ପୁରୁସ୍‌କାର୍ ପାଇସି ଆକା ।”

✨ ୧୦:୨୪ ୧୦:୨୪ ଲୁକ୍ ୭:୪୦; ଜଅନ୍ ୧୩:୧୭;୧୫:୨୦ ✨ ୧୦:୨୫ ୧୦:୨୫ ମାତ୍ରିକ ୯:୩୪;୧୨:୨୪; ମାର୍‌କ୍ ୩:୨୨; ଲୁକ୍ ୧୧:୧୫  
✨ ୧୦:୨୬ ୧୦:୨୬ ମାର୍‌କ୍ ୪:୨୨; ଲୁକ୍ ୮:୧୭ ✨ ୧୦:୩୩ ୧୦:୩୩ ୨ୟ ଡିମତି ୨:୧୨ ✨ ୧୦:୩୮ ୧୦:୩୮ ମାତ୍ରିକ ୧୭:୨୪; ମାର୍‌କ୍ ୮:୩୪; ଲୁକ୍ ୯:୨୩ ✨ ୧୦:୩୯ ୧୦:୩୯ ମାତ୍ରିକ ୧୭:୨୫; ମାର୍‌କ୍ ୮:୩୫; ଲୁକ୍ ୯:୨୪;୧୨:୩୩; ଜଅନ୍ ୧୨:୨୫ ✨ ୧୦:୪୦ ୧୦:୪୦ ଲୁକ୍ ୧୦:୧୭; ଜଅନ୍ ୧୩:୨୦; ମାର୍‌କ୍ ୯:୩୭; ଲୁକ୍ ୯:୪୮

# ୧୧

## ଜିସୁ ଆରି ତୁବନ୍ ଦେଉ ଜଅନ୍ (ଲୁକ ୭:୨-୭)

୧ ଜିସୁ ବାରଟା ସିସ୍ତାନ୍‌କେ ସିକାଇ କରି କଇ ପାଟାଇ ସାରଲା ପତେ, ସେ ଜାଗା ଚାଡ଼ିକରି ଲଗେ ରଇଲା ଗଡ଼ମନ୍‌କେ ଲକ୍‌ମନ୍‌କେ ଜାଇ ସିକାଇଲା ଆରି ମାପ୍‌ରୁର କାତା ସୁନାଇବାର ଦାରଲା ।

୨ ସେ ବେଲା ତୁବନ୍‌ଦେଉ ଜଅନ୍ ବନ୍ଦିଗରେ ରଇଲା । ଜିସୁ ଜନ୍ କାମ୍‌ମନ୍ ସବୁ କରତେ ରଇଲା, ତାର କବର ସୁନି ତାର କେତେଟା ସିସ୍ତାନ୍‌କେ ଜିସୁର ଲଗେ ପାଟାଇଲା । ୩ ସେମନ୍ ଜାଇ ଜିସୁକେ ପାଟାଉଲାଇ, “ଜନ୍ ଲକ୍ ଆଇସି ବଲି ଜଅନ୍ କଇରଇଲା, ସେ ଲକ୍ ତମେ କି ? ନଇଲେ, ଆମେ ଆରି ବିନ୍ ଲକ୍‌କେ ଜାଗରୁ କି ?”

୪ ଜିସୁ ସେମନ୍‌କେ କଇଲା, “ତମେ ବାଉଡ଼ି ଜାଇ ଜନ୍‌ଟା ସବୁ ଦେକଲାସ୍ ଆରି ସୁନ୍‌ଲାସ୍, ଜଅନ୍‌କେ କଇଦିଆସ୍ । ୫ କାଣାମନ୍ ଦେକିପାରୁଲାଇନି, ଚଟାମନ୍ ଇଣ୍ଟୁଲାଇନି, ବଡ଼ ରଗିମନ୍ ନିମାନ୍ ଅଇଲାଇନି, ବଇରାମନ୍ ସୁନ୍‌ଲାଇନି, ମଲା ଲକ୍‌ମନ୍ ଜିବନ୍ ଅଇଲାଇନି ଆରି ଗରିବ୍ ଲକ୍‌ମନ୍‌କେ ନିମାନ୍ କବର କେଟ୍‌ଲାନି । ୬ ଜେ ମର୍ ବିସଇ ନେଇକରି, ‘ସେ କି ନିର୍‌ଆଲେ’ ବଲି ନ ବାବେ, ସେ କେତେ ନିକ କରମର୍ ଲକ୍ । ଜେ ମକେ ନାମ୍‌ସି ଆରି ମକେ ସବୁ ବେଲା ବିସ୍‌ବାସ୍ କରସି ତାକେ ପର୍‌ମେସର୍ ଆସିରବାଦ୍ କରସି ।” ବଲି କଇଲା ।

୭ ଜଅନ୍‌କେ ସିସ୍ତାନ୍ ବାଉଡ଼ି ଗାଲାବେଲେ ଜିସୁ ଲକ୍‌ମନ୍‌କେ ଜଅନ୍‌କେ ବିସଇ କଇଲା, ତମେ ଜଅନ୍‌କେ ଦେକ୍‌ବାକେ ଜେତେବଲ୍ ମରୁବାଲିବୁର୍‌ ଜାଇରଇଲାସ୍, କାଇଟା ଦେକ୍‌ବାକେ ଆସା କରରଇଲାସ୍ ? ପବନ୍ ମାରଲେ ଜୁଲ୍‌ବା ଗାଁସ୍ ପତର୍ ? ୮ କାକେ ଦେକ୍‌ବାକେ ଜାଇ ରଇଲାସ୍ ? କାଇ ସୁନ୍‌କେ ବସ୍‌ତର୍ ପିନ୍‌ରଇବା ଲକ୍‌କେ ଦେକ୍‌ବୁ ବଲି ଜାଇ ରଇଲାସ୍ କି ? ସେନ୍ତି ବସ୍‌ତର୍ ପିନ୍‌ବା ଲକ୍ ରାଜାର ଗରେ ରଇବାଇ । ୯ ମକେ କୁଆ, କାଇଟା ଦେକ୍‌ବାକେ ଜାଇ ରଇଲାସ୍ ? ଗଟେକ୍ ବବିସ୍‌ତର୍‌କ୍‌ତାକେ ଦେକ୍‌ବୁ ବଲିକରି କି ? ସେଟା ତ ସଡ଼, ମାତର୍ ଅବ୍‌କା ବବିସ୍‌ତର୍‌କ୍‌ତା ଟାନେଅନି ଗଟେକ୍ ଅଦିକ୍ ବଡ଼ ଲକ୍‌କେ ବେଟ୍‌ପାଇଆଟାସ୍ । ୧୦ କାଇକେ ବଇଲେ ଏ ଜଅନ୍‌କେ ବିସଇ ସାସ୍‌ତରେ ଲେକାଅଇଲା ଆତେ । ପର୍‌ମେସର୍ କଇଲା, “ତମର୍ ପାଇ ବାଟ୍ ତିଆର୍ କରବାକେ ମୁଇ ପର୍‌ତୁମ୍ ମର୍ ଦୁଡ଼କେ ପାଟାଇବି ।” ୧୧ ମୁଇ ତମ୍‌କେ ସଡ଼ କଇଲିନି, ଏ ଦୁନିଆଇ ପୁର୍‌ବେ ଅନି ଆଜିକେ ଜାକ ଜେତେକ୍ ଲକ୍ ସବୁ ଜନମ୍ ଅଇଲାଅଟାତ୍, ସବୁ ଲକ୍‌ମନ୍‌କେ ବିଡ଼ରେଅନି ତୁବନ୍ ଦେଉ ଜଅନ୍ ବଡ଼ । ମାତର୍ ସରଗ୍ ରାଇଜେ ଜେ ସବୁରଟାନେଅନି ସାନ୍, ସେ ଜଅନ୍‌କେତେ ଅନି ବଡ଼ । ୧୨ ତୁବନ୍ ଦେଉ ଜଅନ୍ ପର୍‌ମେସର୍‌କେ ନିକ କାତା ଜାନାଇବାଟା ଆରାମ୍ କଲାବେଲେ ଅନି ଆଜିକେ ଜାକ ସରଗ୍ ରାଇଜ୍ ନେଇକରି ବେସି ଜୁଇଦ୍ ଚାଲୁଲାଆତେ । ଦୟା ମାୟା ନଇଲା ଲକ୍‌ମନ୍ ତାକର୍ ବପୁସଙ୍ ସରଗ୍ ରାଇଜ୍ ଅଦିକାର୍ କରବାକେ ଚେସଟା କଲାଇନି । ୧୩ ଜଅନ୍ ଆଇବା ଜାକ ମସାର ନିୟମ୍ ଆରି ବବିସ୍‌ତର୍‌କ୍‌ତାମନ୍ ସରଗ୍ ରାଇଜର୍ ବିସଇ କଇତେ ରଇଲାଇ । ୧୪ ଜଦି ସେମନ୍‌କେ କାତା ତମେ ବିସ୍‌ବାସ୍ କରସା, ତେବେ ଜଅନ୍ ଅଇଲାନି ସେ ଏଲିୟ, ଜେ କି ପର୍‌ତୁମ୍ ଆଇବାର ରଇଲା । ୧୫ ଜାକେ କାନିଆତେ, ସେ ସୁନ ।

୧୬ ଏ ଜୁଗର୍ ଲକ୍‌ମନ୍‌କେ କାର୍ ସଙ୍ ସମାନ୍ କରବି ? ସେମନ୍ ଆଟ୍ ମଜାଇ ବସିକରି କେଲ୍‌ବା ପିଲାମନ୍‌କେ ପାରା । ଗଟେକ୍ ଦଲର୍ ପିଲାମନ୍ ଆରି ଗଟେକ୍ ଦଲ୍‌କେ କଇବାଇ, ୧୭ “ଆମେ ବିବା ବାଜା ବାଜାଇଲୁ, ମାତର୍ ତମେ ନାଟ୍ କରାସ୍ ନାଇ । ଦୁକର୍ ଗିଡ଼ ଗାଇଲୁ ତମେ କାନ୍ଦାସ୍ ନାଇ । ୧୮ ଜଅନ୍ ତର୍‌କେ ତର୍ ଉପାସ୍ କରତେ ରଇଲା ଆରି କେବେ ମିସା ମଦ୍ ନ କାଇତେ ରଇଲା, ମାତର୍ ତମେ ତାକେ ତୁମା ଦାରଲା ଲକ୍ ବଲି କଇଲାସ୍ନି । ୧୯ ମାତର୍ ନର୍‌ପିଲା ମୁଇ କାଇଲେ କି ପିଇଲେ ମକେ କାଉରାଟା ଆରି ମଦୁଆଟା ବଲି କଇଲାସ୍ନି । ସିସ୍ତୁ ମାଙ୍ଗୁମନ୍‌ ଆରି ପାପି ଲକ୍‌ମନ୍‌କେ ମଇତର୍ ବଲି କଇଲାସ୍ନି । ସେଟା ଜନ୍‌ଟା ଅବେ ଚାଡ଼ା, ପର୍‌ମେସର୍‌କେ ବିଚାର୍ ସଡ଼ ଆକା । ଏଟା ତାର୍ କାମେଅନି ଜାନାପଡ଼ସି ।”

## ବିସ୍‌ବାସ୍ ନକଲା ଗଡ଼ର୍ ଲକ୍ (ଲୁକ ୧୦:୧୩-୧୫)

୨୦ ଜନ୍ ଗଡ଼ମନ୍‌କେ ଜିସୁ ତାର୍ ବେସି କାବାଅଇଜିବା କାମ୍‌ମନ୍ କରିରଇଲା, ସେ ଗଡ଼ର୍ ଲକ୍‌ମନ୍ ନିଜେ କରିରଇବା ପାପ୍‌ଲାଗି ମନ୍ ନ ବାଦ୍‌ଲାଇଲାଟା ଦେକି, ଜିସୁ ସେ ଗଡ଼ର୍ ଲକ୍‌ମନ୍‌କେ ନିନ୍ଦା କରି କଇଲା, ୨୧ “ଏ କରାଜିନର୍ ଲକ୍‌ମନ୍, ତମେ କେତେ ଇନସ୍‌ତା ଅଇ ତଣ୍ଟୁ ପାଇସା ! ଏ ବେଡ଼ସାଇଦାର୍ ଲକ୍‌ମନ୍, ତମର୍ ଦସା ମିସା ସେନ୍ତିସେ । ତମର୍ ବିତରେ ଜନ୍ କାବାଅଇଜିବା କାମ୍‌ମନ୍ କରାଅଇଲାଆତେ, ସେଟା ସବୁ ଜଦି ମୁଇ ସର ଆରି ସିଦନ୍ ଗତେ କରି ରଇଲେ, ସେ ଗଡ଼ର୍ ଲକ୍‌ମନ୍ ପାପେଅନି ବାଅଡ଼ଲୁ ବଲି ଦେକାଇବାକେ ଗାଗ୍‌ତେ ଚାର୍ ତାଲିଅଇ, ବାସ୍‌ତା ପିନ୍‌କରି ମନ୍ ବାଦ୍‌ଲାଇତାଇ ।”

☆ ୧୧:୧୨ ୧୧:୧୨ ଲୁକ ୧୭:୧୭ ☆ ୧୧:୧୪ ୧୧:୧୪ ମାଡ଼ିଉ ୧୭:୧୦-୧୩; ମାର୍କ ୯:୧୧-୧୩

୨୭ “ମୁଇ ତମ୍ଭକେ ସତ୍ କଇଲିନି, ପରମେସରର ବିଚାରର ଦିନେ ତମ୍ଭତେଇଅନି ସର୍ ଆରି ସିଦନ୍ ଗତର ଲକ୍ଷମନ୍ଦକେ ସେ ଅଦିକ୍ ଦୟା ଦେକାଇସି ।” ୨୭ ଏ କପରନାଉମର ଲକ୍ଷମନ୍ ! ତମେ କାଇ ନିଜେ ସର୍ଗେ ଜିବାକେ ଚେସଟା କଲାସ୍ତନି ? ତମେ ନରକେ ପିଙ୍ଗା ଅଇସି । ତମର ବିତ୍ତରେ ମୁଇ ଜନ୍ କାବାଅଇଜିବା କାମ୍ମନ୍ କରଇଲି, ସେଟା ଜଦି ସଦମ୍ ଗତେ କରି ରଇଲେ, ସେ ଗତ୍ ଆଜିକେ ଜାକ ରଇତା ।

୨୪ \* “ମୁଇ ତମ୍ଭକେ ସତ୍ କାତା କଇଲିନି, ପରମେସରର ବିଚାରନା ଦିନେ ତମ୍ଭତେଇଅନି ସଦମର ଲକ୍ଷମନ୍ଦକେ ସେ ଅଦିକ୍ ଦୟା ଦେକାଇସି ।”

**ମର ଲଗେ ଆସି ପୁଣ୍ଡା**  
(ଲୁକ୍ ୧୦:୨୧-୨୨)

୨୫ ଜିସୁ ସେବେଲାଇ ପାର୍ତନା କରି କଇଲା, “ଏ ବାବା, ତମେ ସରଗ୍ ଆରି ମତ୍ପୁରର ମାପୁରୁ । ଏ ସବୁ ବିସଇ ସିକ୍ଲା ଲକ୍ ଆରି ଗିଆନି ରଇବା ଲକ୍ତେଇଅନି ଲୁଚାଇ ସଙ୍ଗଇ, ନସିକ୍ଲା ଲକ୍ମନ୍ଦର ତେଇ ଜାନାଇ ଆରୁସ୍ ବଲି ମୁଇ ତମ୍ଭକେ ଦନିଅବାଦ୍ ଦେଲିନି । ୨୬ ଓଁ ବାବା, ତମର ମନ୍ କଲା ଇସାବେ ଏ ସବୁ ଗଟ୍ଲାନି ।”

୨୬ \* “ମର ବାବା ମକେ ସବୁ ବିସଇ ଦାନ୍ କଲାଆତେ । ବାବାକେ ଚାଡ଼ି କେ ମିସା ତାର୍ ପିଲା, ମକେ ନାଜାନତ୍ । ଆରି ତାର୍ ପିଲା, ମକେ ଚାଡ଼ି କେ ମିସା ବାବାକେ ନାଜାନତ୍ । ତାର୍ ପିଲା ମୁଇ, ଜନ୍ ଲକ୍ମନ୍ଦର ଲଗେ ବାବାକେ ଦେକାଇବି, ସେମନ୍ସେ ବାବାକେ ଚିନି ପାରତ୍ ।

୨୮ “ବେସି ବଜ୍ ବଇକରି ତାକ୍ଲା ଲକ୍ମନ୍, ମର ଲଗେ ଆସା । ମୁଇ ତମ୍ଭକେ ପୁଣ୍ଡାଇବି । ୨୯ ମର ଜୁଆଡ଼ି ବଇ ମରଟାନେଅନି ସିକା । କାଇକେବଇଲେ ମୁଇ ନିଜେ ସୁଆଲ୍ ଆରି ମର ମନ୍ କୁଡ଼ଲ୍ ଅଇଲାଟ୍ ଲାଗି ତମେ ମରଲଗେ ପୁଣ୍ଡସା । ୩୦ ମୁଇ ତମ୍ଭର ଉପ୍ରେ ଜନ୍ ଜୁଆଡ଼ି ସଙ୍ଗଇବି ସେଟା ତମ୍ଭକେ ବଇବାକେ ସଅଜ୍ ଅଇସି । ଆରି ତମ୍ଭକେ ଜନ୍ ବଜ୍ ଦେବି, ସେଟା ମିସା ବେସି ଉସାସ୍ ।”



**ବିସରାମ୍ବାର ବିସଇନେଇ ପାଚାର୍ବାଟା**  
(ମାର୍କ୍ ୨:୨୩-୨୮; ଲୁକ୍ ୬:୧-୫)

୧ ତାର୍ କେତେ ଦିନ୍ ପତେ ଜିସୁ ଗଟେକ୍ ବିସରାମ୍ବାରେ ତାସ୍ପଦାର୍ ବାଟେ ଜାଇତେରଇଲା । ଜିବାବେଲେ ତାର୍ ସିସମନ୍ଦକେ ବୁକ୍ ଲାଗିଲାଜେ କେଡ୍ ଚିତାଇ କାଇବାର୍ ଦାର୍ଲାଇ । ୨ ସେଟା ଦେକି ପାରୁସିମନ୍ ଜିସୁକେ ପାଚାର୍ଲାଇ, “ଦେକ୍ ବିସରାମ୍ବାରେ ତର୍ ସିସମନ୍ କେନ୍ତାରି ସାସ୍ତରେ ରଇବା ରିତିନିତି ବିରଦ୍ କାମ୍ କଲାଇନି ।”

୩ ଜିସୁ ସେମନ୍ଦକେ କଇଲା, “ଦିନେକ୍ ଦାଉଦ୍ ଆରି ତାର୍ ସଙ୍ଗ୍ ରଇଲା ଲକ୍ମନ୍ ବୁକେ ରଇଲା ବେଲେ, ଦାଉଦ୍ କାଇଟା କରି ରଇଲା, ତମେ ସାସ୍ତରେ ପତାସ୍ ନାଇ କି ? ୪ ସେଦିନେ ସେମନ୍ ମନ୍ଦିର୍ ବିତ୍ତରେ ପୁରି, ମାପୁରୁରପାଇ ସର୍ପି ଅଇରଇବା ରୁଟି କାଇଲାଇ । ନିୟମ୍ ଇସାବେ ପୁଜାରିକେ ଚାଡ଼ି, ସେ ରୁଟି କେ ମିସା କାଇବାର୍ ଅଦିକାର୍ ନ ରଇଲା । ୫ ତମେ କାଇ ପତାସ୍ ନାଇ କି ? ମସାର୍ ନିୟମ୍ ଇସାବେ ସବୁ ବିସରାମ୍ବାରେ ପୁଜାରିମନ୍ ନିୟମ୍ ନ ମାନ୍ଲେ ମିସା, ସେଟାର୍ ପାଇ, ସେମନ୍ ଦସି ବଲି ବିଚାରନା ନ ଅଅତ୍ । ୬ ମୁଇ ତମ୍ଭକେ କଇଲିନି, ଆଜି ଏ ମନ୍ଦିର୍ଟାନେଅନି ମୁକିଅ ବିସଇ ଇତି ଆତେ ।” ୭ \* “ସାସ୍ତର କଇଲାନି, ପସ୍ ପୁଜାବି ବିରୁ ନ କରି, ଲକ୍ମନ୍ଦକେ ଦୟା କରବାଟା, ମୁଇ ମନ୍ କଲିନି । ଏ କାତାର୍ ଅରତ୍ ଜଦି ସତ୍ ଇସାବେ ବୁଜିରଇତାସ୍ବଇଲେ, ଏ ଦସ୍ ନ କଲା ଲକ୍ମନ୍ଦକେ ତମେ ଦସି ନ କରତାସ୍ । ୮ ଜାନିରୁଆ, ନରପିଲା ମୁଇ ନିଜେ ବିସରାମ୍ବାରର ମାପୁରୁ ।”

**ସୁକ୍ଲା ଆଡ୍ ନିମାନ୍ ଅଇଲା**  
(ମାର୍କ୍ ୩:୧-୬; ଲୁକ୍ ୬:୬-୧୧)

୯ ଜିସୁ ସେ ଜାଗାଇଅନି ବାରଇ ଜାଇ ପାର୍ତନା ଗରେ ପୁରଲା । ୧୦ ତେଇ ଆଡ୍ ସୁକିଜାଇରଇଲା ଗଟେକ୍ ଲକ୍ ରଇଲା । ଜିସୁର ଦସ୍ ଦାର୍ବାକେ ପାରୁସିମନ୍ ଗଟେକ୍ ଦଲଅଇ ତେଇ ଜାଗି ରଇଲାଇ । ସେଟାର୍ପାଇ ସେମନ୍ ଜିସୁକେ ପାଚାର୍ଲାଇ, “ବିସରାମ୍ବାରେ ନିମାନ୍ କରବାଟା ଆମର୍ ନିୟମର୍ ବିରଦ୍ ନସି କି ?”

୧୧ \* ଜିସୁ କଇଲା, “ଜଦି ବିସରାମ୍ବାରେ ତମ୍ଭର ବିତ୍ତରେ କାର୍ଆଲେ ମେଣ୍ଡା ଗଟେକ୍ ତେଙ୍ଗ୍ କାଲେ ଅଦର୍ଲେ, ତମେ ତାକେ ଜିକି ନ ଆନାସ୍ କି ? ୧୨ ମେଣ୍ଡାର୍ତେଇ ଅନି ଗଟେକ୍ ଲକ୍ମନ୍ ମୁଲିଅ କେତେକ୍ ଅଦିକ୍ । ସେଟାର୍ ପାଇ ଆମେ ବିସରାମ୍ବାରେ ବିନ୍ ଲକ୍କେ ସାଇଜ କରବାଟା ସାସ୍ତରେ ରଇବା

\* ୧୧:୨୪ ୧୧:୨୪ ମାଡ଼ିଭ ୧୦:୧୫; ଲୁକ୍ ୧୦:୧୨    \* ୧୧:୨୭ ୧୧:୨୭ ଜଅନ୍ ୩:୩୫; ଜଅନ୍ ୧:୧୮; ୧୦:୧୫    \* ୧୨:୬ ୧୨:୬ ମାଡ଼ିଭ ୯:୧୩    \* ୧୨:୧୧ ୧୨:୧୧ ଲୁକ୍ ୧୪:୫

ରିଡିନିଡିର ବିରଦ୍ ଅଇବା କାମ୍ ନଏଁ ।” ୧୩ ଏଡ଼କି କଇକରି ସେ ଆଡ଼ ସୁକିଜାଇରଇଲା ଲକ୍‌କେ କଇଲା, “ଆଡ଼ ସଲକ୍ କର ।”

ସେ ଲକ୍ ଆଡ଼ ସଲକ୍ କଲା ଦାପ୍‌ରେ, ସେ ଆଡ଼ ନିକ ଲକ୍‌ର ଆଡ଼ ପାରା ଅଇଗାଲା । ୧୪ ତାର୍‌ପଚେ ପାରୁସିମନ୍ ସେ ଜାଗାଇଅନି ବାରଇ ଉଟିଜାଇ ଜିସୁକେ ମରାଇବାକେ ଜଜନା କଲାଇ ।

**ମାପୁରୁ ବାଟିରଇବା ସେବା କାରିଆ**

୧୫ ତାର୍ ବିରୁଦେ ପାଁଟ୍‌ବାଟା ସୁନିକରି, ଜିସୁ ସେ ଜାଗା ଚାଡ଼ି ବିନେ ଉଟିଗାଲା । କେଡେକ୍ କେଡେକ୍ ଲକ୍ ତାର୍ ପଚେ ପଚେ ଗାଲାଇ । ଆରି ସେ ସବୁ ରଗି ଲକ୍‌ମନ୍‌କେ ନିକ କଲା । ୧୬ ତାର୍ ନିଜର୍ ବିସଇ ବିନ୍ ଲକ୍‌ମନ୍‌କେ କାଇ ବଲି ନ କୁଆ ବଲି ସେମନ୍‌କେ ଆଦେସ୍ ଦେଇଡେରଇଲା । ୧୭ ଜିସାୟ୍ ବବିସଡ଼ବକ୍‌ତାର୍ ଟାନେଅନି ପର୍‌ମେସର୍ ଜନ୍ କାତା ସୁନାଇରଇଲା, ସେଟା ପୁରାପୁରୁନ୍ କର୍‌ବାକେ ଏଟା କଲା,

୧୮ “ଏ ମର୍ ବାଟିରଇବା ସେବାକାରିଆ ।

ଆକେ ମୁଇ ଆଲାଦ୍ କଲିନି,

ତାର୍ ଲଗେ ମର୍ ସାର୍‌ଦା । ମର୍ ଆଡ଼ମା ତାର୍ ଉପ୍‌ରେ ଆସି ଡାବି ଅଇସି,

ସେ ସବୁ ଜାଡିର୍ ଲଗେ ଜାଇ ମର୍ ଟିକ୍ ବିଚାର୍‌ନା ଜାନାଇସି ।

୧୯ ସେ କାକେ କିରଜାଟି ନ କରେ । ସେ ବେସି ଆଉଲି ନ ଅଏ ।

ସାଇର୍ ମଜାଇ ଟିଆ ନ ଅଏ ଆରି ଜବର୍ ଅଇଡେ କାତା ନ କଏ ।

୨୦ ଦୁର୍‌ବଲ୍ ଲକ୍‌ମନ୍‌କେ ସେ ଆଲାଦର୍

ଚଲାଚଲ୍‌ଡି କର୍‌ସି,

ଆରି ଆକା ସାକା ନଇଲା ଲକ୍‌ମନ୍‌କେ ଦୟା କର୍‌ସି ।

ସେମନ୍ ନିଆଇ ନ ପାଇବାଜାକ ସେ

ତାର୍ କାମ୍ ବନ୍ ନ କରେ ।

୨୧ ତାକେ ସବୁ ଦେସର୍ ଲକ୍ ଆସା କର୍‌ବାଇ ।”

**ଜିସୁ ଆରି ବାଲ୍‌ଜିବୁଲ୍**

(ମାର୍‌କ ୩:୨୦-୩୦; ଲୁକ୍ ୧୧:୧୪-୨୩)

୨୨ ତାର୍ ପଚେ ଦିନେକ୍ ଲକ୍‌ମନ୍ ଗଟେକ୍ କାଣା ଅଇ ଗୁଲା ଅଇଜାଇରଇଲା ଲକ୍‌କେ ଜିସୁର୍ ଲଗେ ଆନଲାଇ । ତାକେ ଡୁମା ଦାରିରଇଲାଜେ କାତାଅଇ ନାପାର୍‌ଡେ ରଇଲା । ଜିସୁ ତାକେ ନିମାନ୍ କଲା । ଏଦେ ଦେକା ! ସେ ଦେକ୍‌ଲା ଆରି କାତା କଇପାର୍‌ଲା । ୨୩ ଜିସୁର୍ ଏ କାମ୍ ଦେକି ସବୁ ଲକ୍ କାବା ଅଇଜାଇ ପାଟାର୍ ଉଟାର୍ ଅଇଲାଇ, “ଏ କାଇ ସେ ଦାଉଦର୍ ପଅ କି ?” ୨୪ ଏଟା ସୁନି ପାରୁସିମନ୍ କଇଲାଇ, “ସେ ଡୁମାମନର୍ ମୁକିଅ ବାଲ୍‌ଜିବୁଲର୍ ଟାନେଅନି ବପୁ ପାଇ ଡୁମା ଚାଡାଇଲାନି ।”

୨୫ ଜିସୁ ତାକର୍ ମନର୍ କାତା ଜାନି ସେମନ୍‌କେ କଇଲା, ଗଟେକ୍ ରାଇଜର୍ ଲକ୍ ବିନ୍‌ବିନ୍ ଦଲେ ବାଗ୍ ଅଇ ନିଜର୍ ନିଜର୍ ବିତରେ ଲାଗାଲାଗି ଅଇଲେ, ସେ ଦେସ୍ ବେସି ଦିନ୍ ନ ରଏ । କନ୍‌ଆଲେ ସଅର୍ ନଇଲେ ଗର୍ ବିଡ଼ରେ ବିନ୍ ବିନ୍ ଦଲ୍ ଗଡ଼ିକରି ଲାଗାଜଡା ଅଇଲେ ସେମନ୍ ଦାପ୍‌ରେସେ କୁରୁପ୍‌ନାସ୍ ଅଇଜିବାଇ । ୨୬ ସେନ୍ତାରିସେ, ସଇଡାନର୍ ରାଇଜେ ଜଦି ଗଟେକ୍ ଦଲ୍ ବିନ୍ ଦଲ୍ ବିରୁଦେ ଲାଗ୍‌ଲାନି ବଇଲେ, ସେଟା କୁଟ୍‌କୁଟା ଅଇ ବିଲିଜାଇସି । ଏଟା ଜାନ୍‌ବାର୍ ଆଚେ । ୨୭ ମୁଇ ବାଲ୍‌ଜିବୁଲର୍ ବପୁ ପାଇ ଡୁମାମନ୍‌କେ ଚାଡାଇଲିନି ବଲି ତମେ କଇଲାସନି ଡେବେ, ସେମନ୍‌କେ କେଦବାକେ ତମର୍ ସିସମନ୍‌କେ କେ ବପୁ ଦେଲାନି ? ତମର୍ ସିସମନ୍‌ର୍ ଏ କାମର୍ ଲାଗି, ତମେ ଦାବି କଲାଟା ମିର୍ ବଲି ଜାନାପଡ଼ଲାନି । ୨୮ ଡୁମା ଚାଡାଇବା ବପୁ ମୁଇ ବାଲ୍‌ଜିବୁଲର୍ ଟାନେଅନି ପାଇନାଇ । ସେଟା ମୁଇ ପର୍‌ମେସର୍ ଆଡ଼ମାର୍‌ଟାନେଅନି ପାଇଆଟି । ଏଟାର୍ ପାଇ ଆରି ଗଟେକ୍ ବିସଇ ଜାନାପଡ଼ି ଗାଲାଜିଜେ ସରଗ୍ ରାଇଜ ତମର୍ ଲଗେ ଆସି କେଟିଗାଲାବେ ।

୨୯ ଆଗେ ଗଟେକ୍ ବପୁର୍ ଲକ୍‌କେ ନ ବାନ୍‌ଡେ କେ ମିସା ତାର୍ ଗରେ ପୁରିକରି ଗରେ ରଇଲାଟା ଚରାଇ ନେଇ ନାପାରଡ଼ ।

୩୦ ଏଜେ ମର୍ ବାଟେ ନ ରଏ, ବାଇଦରେ ସେ ମର୍ ବିରୁଦେ ଆଚେ । ଆରି ଜେ ମର୍ ସଙ୍ଗ ମିସିକରି ନ ଟୁଲିଆଏ, ସେ ବିଚିଦେଲାନି । ୩୧ ସେଟାର୍‌ପାଇ ମୁଇ ତମ୍‌କେ କଇଲିନି, ଜଦି କେ ଆଲେ ପାପ୍ କଲେ କି ନିନ୍ଦା କାତା କଇଲେ ମିସା, ତାର୍ ଲାଗି ତାକେ କେମା ଦିଆଅଇସି । ମାଡର୍ କେ ଜଦି ସୁକଲ୍ ଆଡ଼ମାର୍ ବିରୁଦେ କାଇ ବଲି କଇସି ବଇଲେ, ତାକେ କେମା ନାଇ । ୩୨ ଏଜଦି କେ ନର୍‌ପିଲା, ମର୍ ବିରଦେ ନିନ୍ଦା କାତା କଇଲେ, ତାକେ କେମା ମିଲ୍‌ସି, ମାଡର୍ ଜେ ଜଦି ସୁକଲ୍ ଆଡ଼ମାର୍ ବିରୁଦେ ନିନ୍ଦା କାତା କଇଲେ ତାକେ ଏବେ କି ପର୍‌କେ ମିସା କେମା ନ ମିଲେ ।

**ଗର୍ ଆରି ତାର ପଲ୍**  
(ଲୁକ୍ ୬:୪୩-୪୫)

୩୩ ✨“ନିକ ପଲ୍ ଦାର୍‌ବାର୍‌ଆଲେ ଗଟେକ୍ ଗର୍ ନିକ ଅଇବାର୍ ଆଟେ । ବାନିଆ ଗଟେ ବାନିଆ ପଲ୍ ଅଇସି । ଗର୍ କେନ୍ଦ୍ରିଟା, ତାର୍ ପଲେ ଅନି ଜାନାପଡ଼ସି । ୩୪ ✨ଏ ସାଁପ୍ ପାରା କାରାପ୍ ଲକ୍‌ମନ୍ ! ତମେ କାରାପ୍ ଅଇ ନିମାନ୍ କାତା କଇପାରାସ୍ କି ? ମନେ ଚିନ୍ତାକଲାଟା ଟଣ୍ଟୁବାଟେ ବାରଇସି । ୩୫ ଗଟେକ୍ ନିମାନ୍ ଲକ୍ ତାର୍ ମନ୍‌ବିଡ଼ରେ ଅନି ନିମାନ୍ କାତା ଆନ୍‌ସି । ଗଟେକ୍ କାରାପ୍ ଲକ୍ ତାର୍ ମନ୍ ବିଡ଼ରେ ବର୍ଡ଼ିଅଇ ରଇବା ବାଦ୍‌ଲାପାରା କାତା ବାର୍‌କରାଇ ଆନ୍‌ସି ।”

୩୬ “ତମେ କଇରଇଲା କାଇ ଲତାକେ ନଇବା ସବୁ କାତା, ବିଚାର୍‌ନା ଦିନେ ତମ୍‌କେ ଇସାବ୍ ଦେବାକେ ଅଇସି । ୩୭ ତମର୍ କାତାଅନି ତମେ ବିଚାର୍ କରାଇଅଇ, ଦସି ନଇଲେ ଦସ୍ ନ କଲା ଲକ୍ ବଲାଅଇଅଇସା ।”

**କାବାଅଇଜିବା କାମ୍ କରବାକେ ଦାବି**  
(ମାର୍‌କ ୮:୧୧-୧୨; ଲୁକ୍ ୧୧:୨୯-୩୨)

୩୮ ✨ଗଟେକ୍ ଦିନେ ଜିଉଦି ମନର୍ ନିୟମ୍ ସିକାଇଦେବା ଲକ୍‌ମନ୍ ଆରି ପାରୁସି ଲକ୍‌ମନର୍ ବିଡ଼ରେଅନି କେତେଲକ୍ ଜିସୁକେ କଇଲା, “ଏ ଗୁରୁ, ତମର୍ ଗଟେକ୍ କାବାଅଇଜିବା ଚିନ୍ ଦେକ୍‌ବାକେ ଆମେ ମନ୍‌କଲୁନି ।”

୩୯ ✨ଜିସୁ ସେମନ୍‌କେ କଇଲା, “ଏ ଜୁଗର୍ ବିସ୍‌ବାସ୍ ନ କରୁମନ୍ କେତେ କାରାପ୍, ଆରି ପର୍‌ମେସର୍‌କେ ବିସ୍‌ବାସ୍ କରନ୍‌ନାଇ । ତମେ ମକେ ଗଟେକ୍ କାବାଅଇଜିବା କାମ୍ ଦେକାଇବାକେ କଇଲାସ୍‌ନି ? ନାଇ, ଅବ୍‌କା ବାବବାଦି ଜୁନସର୍ ଜିବନେ ଗଟିରଇଲା କାବାଅଇଜିବାଟା ତମ୍‌କେ ଦେକାଇଦେଇ ଅଇସି ।”

୪୦ “ଜୁନସ୍ ଜେନ୍ଦ୍ରି ମାର୍ ପେଟେ ତିନ୍ ଦିନ୍ ତିନ୍ ରାତି ରଇଲା, ସେନ୍ଦ୍ରି ନରପିଲା ମୁଇ ମିସା ମାଟି ତଲେ ତିନ୍ ଦିନ୍ ତିନ୍ ରାତି କାଟାଇବି । ୪୧ ଜନ୍ ଦିନେ ପର୍‌ମେସର୍ ଲକ୍‌ମନର୍ ବିଚାର୍ କରସି, ସେ ଦିନେ ନିନିବିର୍ ଲକ୍‌ମନ୍ ତମର୍ ବିରୁଦେ ଦାବି କରବାକେ ଚିଆ ଅଇବାଇ । କାଇକେ ବଇଲେ ସେମନ୍ ଜୁନସର୍ କାତା ସୁନି ପାପ୍ ବାଟେଅନି ବାଅଡ଼ଲାଇ । ମୁଇ ତମ୍‌କେ କଇଲିନି, ଜୁନସର୍ ଟାନେଅନି ବଡ଼ ଲକ୍ ଇତି ଆଟେ । ୪୨ ବିଚାର୍ କରବାବେଲେ ଦକିନ୍ ଦେସେ ରଇବା ସେବା ନାଉର୍ ଗଟେକ୍ ଜାଗାର୍ ରାନି, ତମର୍ ଦସ୍ ଦେକାଇବାକେ ଚିଆ ଅଇସି, କାଇକେ ବଇଲେ ସଲ୍‌ମନର୍ ଗିଆନର୍ କାତା ସୁନ୍‌ବାକେ ବେସି ଦୁର୍ ଦେସେଅନି ସେ ଆସି ରଇଲା । ମାତର୍ ମୁଇ ତମ୍‌କେ ସଡ଼ କଇଲିନି, ସଲ୍‌ମନର୍ ଟାନେ ଅନି ଗଟେକ୍ ବେସି ବଡ଼ ଲକ୍ ଇତି ଆଟେ ।”

**ତୁମା ବାଅଡ଼ଲା**  
(ଲୁକ୍ ୧୧:୨୪-୨୬)

୪୩ ଜିସୁ ଆରି କଇଲା, ଜେତେବଲ୍ କାରାପ୍ ଆଡ଼ମା ଗଟେକ୍ ଲକର୍ ଗାଗ୍‌ଡେଅନି ବାରଇ ଜାଇସି, ସେବେଲା, ସେ ରଇବାକେ ମରୁବାଲିବୁର୍‌ ଜାଗା କଜି ବୁଲ୍‌ସି । ମାତର୍ ସେନ୍ଦ୍ରି ଜାଗା ତାକେ ନ ମିଲ୍‌ଲେ । ୪୪ ସେ ବେଲା ସେ କଇସି, “ମୁଇ ଜନ୍ ଲକର୍‌ଡେଅନି ବାରଇ ଆଇଲି ଆଟି, ତେଇସେ ଆରିତରେକ୍ ଜିବି” ବଲି ବାଉଡ଼ି ଉଟିଜାଇସି । ସେଡ଼ିକି ବେଲେ ସେ ଆସିକରି ବିଡ଼ରେ ସପାସୁତର୍ ଅଇ ପରିଚଲ୍ ରଇବାଟା ଦେକ୍‌ଲେ, ସେ ଜାଇ ତାର୍‌ଡେଅନି ଅଦିକ୍ କାରାପ୍ ରଇବା ସାଡ଼ଟା ଆଡ଼ମାମନ୍‌କେ ଡାକିଆନ୍‌ସି । ୪୫ ତାର୍ ପଟେ ସବୁ କାରାପ୍ ଆଡ଼ମାମନ୍ ଜାଇକରି ସେ ଲକର୍ ବିଡ଼ରେ ବାସାକରି ରଇବାଇ । ସେ ବେଲା ସେ ଲକ୍ ଆଗ୍‌ତୁର୍‌ଡେଅନି ଅଦିକ୍ କରାପ୍‌ଅଇଜାଇସି । ଏନ୍ଦ୍ରିସେ ଆଜିକାଲି ଜିଇବା କାରାପ୍ ଲକ୍‌ମନ୍‌କେ ଅଇସି । ବଲି କଇଲା ।

**ଜିସୁର୍ ଗରର୍ ଲକ୍‌ମନ୍**  
(ମାର୍‌କ ୩:୩୧-୩୫; ଲୁକ୍ ୮:୧୯-୨୧)

୪୬ ଜିସୁ ଜେତେବେଲା ତେଇ ରୁଣ୍ଡିରଇଲା ଲକ୍‌ମନ୍‌କେ କାତା ସୁନାଇତେ ରଇଲା, ତାର୍ ଆୟା ଆରି ବାଇମନ୍ ଆସି ତାଣ୍ଡେ ଚିଆଅଇରଇଲା । ସେମନ୍ ଜିସୁର୍ ସଙ୍ଗ୍ କାତାଅଇବାକେ ମନ୍ କର୍‌ଡେ ରଇଲା । ୪୭ ସେଡ଼ିକି ବେଲେ ଗଟେକ୍ ଲକ୍ ଜିସୁକେ କଇଲା, “ତର୍ ଆୟା ଆରି ବାଇମନ୍ ତାଣ୍ଡେ ଜାଗ୍‌ଲାଇ ଆଟଡ଼, ସେମନ୍ ତର୍ ସଙ୍ଗ୍ କାତା ଅଇବାକେ ମନ୍ କଲାଅନି ।”

୪୮ ଜିସୁ ସେମନ୍‌କେ କଇଲା, “କାକେ ମର୍ ଆୟା ଆରି ବାଇମନ୍ ବଲି ବାବ୍‌ଲାସ୍‌ନି ?” ୪୯ ତାର୍ ସିସ୍‌ମନର୍ ବାଟେ ଆଡ଼ ଦେକାଇ କଇଲା, “ଏ ଲକ୍‌ମନ୍‌ସେ ମର୍ ଆୟା ଆରି ବାଇମନ୍ ଅଇବାଇ । ୫୦ ଜେ

✨ ୧୨:୩୩ ୧୨:୩୩ ମାଡ଼ିଉ ୭:୨୦; ଲୁକ୍ ୬:୪୪ ✨ ୧୨:୩୪ ୧୨:୩୪ ମାଡ଼ିଉ ୩:୭; ୨୩:୩୩; ଲୁକ୍ ୩:୭; ମାଡ଼ିଉ ୧୫:୧୮; ଲୁକ୍ ୬:୪୫  
✨ ୧୨:୩୮ ୧୨:୩୮ ମାଡ଼ିଉ ୧୭:୧; ମାର୍‌କ ୮:୧୧; ଲୁକ୍ ୧୧:୧୭ ✨ ୧୨:୩୯ ୧୨:୩୯ ମାଡ଼ିଉ ୧୭:୪; ମାର୍‌କ ୮:୧୨

ସରଗେ ରଇବା ମର ବାବାର୍ ମନ୍ କଲା ଇସାବେ କାମ୍ କରସି, ସେମନ୍ ଆକା ମର ବାଇ, ବଇନି ଆରି ଆୟା ଅଇବାଇ ।”

### ୧୩

ବିଅନ୍ ବୁନ୍‌ବା ଲକର କାତା  
(ମାର୍କ ୪:୧-୯; ଲୁକ୍ ୮:୪-୮)

୧ ଦିନେକ୍ ଜିସୁ ତାର୍ ସିସ୍‌ମନର୍ ସଙ୍ଗ୍ ଗରେ ଅନି ବାରଇ ସମ୍‌ଦୁର୍ କଣ୍ଡି ଗାଲା । ତେଇ ସେ ବସିକରି ସିକାଇବାର୍ ଦାରଲା । ୨ \*ଲକ୍‌ମନ୍ ତାର୍ ଚାରିବେଡ଼ି ଜବର୍ ଅଇ ରୁଣ୍ଡିରଇଲାଇଜେ ସେ ଗଟେକ୍ ତଙ୍ଗାଇ ଜାଇ ବସଲା । ଲକ୍‌ମନ୍ ଚିଆ ଅଇ ତାର୍ କାତା ସୁନ୍‌ବାର୍ ଦାରଲାଇ । ୩ ଆରି ସେ କେତେକ୍ କେତେକ୍ ବିସଇ, ଉଦାଅରଣ୍ ଦେଇ, ସିକାଇତେ ରଇଲା । ସେ କଇଲା,

“ଗଟେକ୍ ଚାସି ତରେକ୍ ବିଅନ୍ ବୁନ୍‌ବାର୍ ବାରଇଲା । ୪ ଚାସି ସେ ଜମିଟାନେ ବିଅନ୍ ବୁନ୍‌ବା ବେଲେ କେତେଟା ମୁଞ୍ଜି ମଜା ବାଟେ ଅଦରଲାଜେ ସେଟା ଚଡ଼ଇମନ୍ ଆସି କାଇଦେଲାଇ । ୫ ଆରି ଅଦେକ୍ ମାଟି ଉନାରଇ ଜବର୍ ପାକ୍‌ନା ରଇବା ପଦାଇ ଅଦରଲା । ତେଇ ମାଟି ବଡ଼ଲ୍ ନ ରଇଲାଜେ ଦାପ୍‌ରେ ଆଁକ୍‌ରି ଗାଜା ଅଇଲା । ୬ ମାତର୍ ଗାଜାର୍ ଚେର୍ ବିଡ଼ରେ ଜାଏ ନାଇଜେ, କାରା କଲାକେ ସେଟା ସୁକିଗାଲା । ୭ ଆରି କେତେଟା ବିଅନ୍ କାଟାବୁଟା ବିଡ଼ରେ ଅଦରଲା, ଆରି କାଟାବୁଟା ଆଁକ୍‌ରି ଗାଜା ଅଇଲା । ବିଅନ୍‌ର ଚାରିବେଡ଼ି ବରଡ଼ି ଜାଇ ସେଟା ସବୁ ଗିଲିଦେଲା । ୮ ମାତର୍ ଆରି ବାକି ସବୁ ବିଅନ୍ ନିକ ବୁଏଁ ଅଦ୍‌ରି ବୁଟା ଅଇ ବଡ଼ିକରି ପଲ୍ ଦାରଲା । କେତେଟା ବୁଟାଇ ଡିରିସ୍ ବାଗ୍, ସାଟେ ବାଗ୍, ଆରି ସଏ ବାଗ୍ ଅନି ଅଦିକ୍ ପଲ୍‌ଦାରଲା ।”

୯ ଜିସୁ ଉଦାଅରଣ୍ ସାରାଇକରି କଇଲା, “ଜାକେ ସୁନ୍‌ଲା ପାରା କାନ୍ ଆଟେ, ସେ ସୁନ ।”

ଉଦାଅରଣ୍ କାତାର୍ ଆଦେସ୍  
(ମାର୍କ ୪:୧୦-୧୨; ଲୁକ୍ ୮:୯-୧୦)

୧୦ ପଟେ ସିସ୍‌ମନ୍ ଜିସୁର୍ ଲଗେ ଆସି ପାଟାରଲାଇ, “ତମେ ଲକ୍‌ମନ୍‌କେ ସିକାଇଲା ବେଲେ କାଇକେ ଉଦାଅରଣ୍ ଇସାବେ କଇଲାସ୍‌ନି ?” ୧୧ ଜିସୁ କଇଲା, “ସରଗ୍ ରାଇଜର୍ ଟିକି ନିକି କାତା ବୁଜ୍‌ବାକେ ତମେ ଗିଆନ୍ ପାଇଆଟାସ୍ । ମାତର୍ ସେମନ୍ ପାଅଡ଼ ନାଇ । ୧୨ \*ଜାକେ ଆଟେ, ତାକେ ଦିଆଅଇସି । ତେଇଅନି ସେ ଅଦିକ୍ ଅଦିକ୍ ଲାବ୍ କରସି । ମାତର୍ ଜାକେ ନାଇ, ତାର୍‌ଟାନେ ଜେଡ଼ିକି ଆଟେ, ସେଟା ମିସା ନିଆଅଇସି ।” ୧୩ ସେମନ୍‌କେ ମୁଇ କାତାନି ଇସାବେ ସିକାଇଲିନି । କାଇକେବଇଲେ ସେମନ୍ ଦେକି ଦେକି ରଇବାଇ, ମାତର୍ ନ ଦେକ୍‌ଲା ପାରା । ସୁନ୍‌ତେ ରଇବାଇ, ମାତର୍ ନ ସୁନ୍‌ଲା ପାରା ଆରି ନ ବୁଜଡ଼ । ୧୪ ଜିସାୟ୍ ବବିସଡ଼ବକ୍‌ତା କଇରଇବା ବାକିଅ ପୁରାପୁରୁନ୍ ଅଇଲା ।

ଏ ଲକ୍‌ମନ୍ ସୁନି ସୁନି ମିସା କାଇଟା ନ ବୁଜଡ଼  
ଦେକ୍‌ଡେରଇବାଇ, ମାତର୍ ନ ଦେକ୍‌ଲା ପାରା ।

୧୫ କାଇକେ ବଇଲେ ସେମନ୍‌ର ବୁଦି ଉନା ।

ସେମନ୍ କାନେ ବୁଟିଅଇ ଦେଇଆଟଡ଼

ଆରି ଆଁକି ଲିମିଦେଇ ଆଟଡ଼ ।

ସେନ୍ତାର୍ ନ ଅଇରଇଲେ ସେମନ୍ ଦେକିପାର୍‌ତାଇ,

ସୁନିପାର୍‌ତାଇ ଆରି ମର୍ ଲଗେ ବାଉଡ଼ି ଆଇତାଇ ।

ସେମନ୍‌କେ ମୁଇ ନିକ କରଦେଇଡ଼ି ।

୧୬ \* “ତମେ କେତେକ୍ ନିକ କରମର୍ ଲକ୍ ! ତମେ ଦେକି ପାରଲାସ୍‌ନି ଆରି ସୁନି ପାରଲାସ୍‌ନି !

୧୭ ମୁଇ ତମ୍‌କେ ସଡ଼ କଇଲିନି, କେତେକ୍ କେତେକ୍ ବବିସଡ଼ବକ୍‌ତା ଆରି ପର୍‌ମେସରର୍ ଲକ୍‌ମନ୍ ତମେ ଜନ୍‌ଟା ଦେକ୍‌ଲାସ୍‌ନି, ସେଟା ଦେକ୍‌ବାକେ, ଆରି ଜାଇଟା ସୁନ୍‌ଲାସ୍‌ନି, ସେଟାମନ୍ ସୁନ୍‌ବାକେ ମନ୍ କର୍‌ଡେରଇଲାଇ, ମାତର୍ ନାପାରଲାଇ ।”

ବିଅନ୍ ବୁନ୍‌ବା କାତାର୍ ଅରଡ଼  
(ମାର୍କ ୪:୧୩-୨୦; ଲୁକ୍ ୮:୧୧-୧୫)

୧୮ “ତେବେ ସୁନା, ବିଅନ୍ ବୁନ୍‌ବା କାତାର୍ ଅରଡ଼ କଇଲିନି । ତମେ ବୁଜ୍‌ବାକେ ଚେସ୍‌ଟା କରା । ୧୯ ଜନ୍ ଲକ୍‌ମନ୍ ସରଗ୍ ରାଇଜର୍ ବାକିଅ ସୁନି ନ ବୁଜଡ଼, ସଇତାନ୍ ଆସି ସେମନ୍‌ର ମନ୍ ବିଡ଼ରେ ଅନି ଜନ୍‌ଟା ବୁନାଅଇ ରଇସି, ସେଟା ଜିକି ଦାରିଜାଇସି । ଏଟା ଅଇଲାନି ବାଟେ ଅଦ୍‌ରି ରଇବା ବିଅନ୍‌ର ଅରଡ଼ ।”

\* ୧୩:୨ ୧୩:୨ ଲୁକ୍ ୫:୧-୩    \* ୧୩:୧୨ ୧୩:୧୨ ମାଡ଼ିଉ ୨୫:୨୯; ମାର୍କ ୪:୨୫; ଲୁକ୍ ୮:୧୮; ୧୯:୨୭    \* ୧୩:୧୭ ୧୩:୧୭ ଲୁକ୍ ୧୦:୨୩, ୨୪



୨୦ “ଜନ୍ମ ଲକ୍ଷ୍ୟମାନ ବାକିଅ ସୁନ୍ଦରୀ ଦାଫରେ ସାର୍ଦଦା ସଙ୍ଗେ ମାନବାଇ, ସେଟା ପାକନାବାଡ଼ି ଜାଗାଇ ଅଦ୍‌ରିରଇବା ବିଅନ୍ ପାରା । ୨୧ ବାକିଅ ପୁରାପୁରୁନ୍ ତାକର୍ ମନ୍ ବିଡ୍‌ରେ ଜାଇ ନ ରଏ ଜେ, ସେମନ୍ ସେଟା ବେସି ଦିନ୍ ମାନିକରି ରଇ ନାପାରଡ୍ । ବାକିଅର ଲାଗି କସ୍‌ଟ କି ବେମଜା ଆଇଲେ, ସେମନ୍ ଦାଫରେସେ ସେଟା ଚାଡ଼ିଦେବାଇ । ୨୨ କାଟାବୁଟା କେନ୍ତାବୁକି ସାନ୍ ବୁଟାମନ୍‌କେ ଚାପି ଗିଲିଦେଇସି, ସେନ୍ତାରି ଏ ଜଗତର୍ ପାଇଟି କାବାଡ୍ ଆରି ଦନ୍‌କେ ଲବ୍ ଅଇକରି, କେତେକ୍ ଲକ୍ଷ୍ୟମନ୍ ଟାନ୍ କେଟିରଇବା ବାକିଅ ନସାଇଦେଇସି । ସେମନ୍ କାଟାବୁଟାଇ ଅଦ୍‌ରଲ୍ଲା ବିଅନ୍ ପାରା । ସେମନ୍‌ର୍ କାଇ ପସଲ୍ ନ ପାଟାଅଡ୍ । ୨୩ ଜନ୍‌ଲକ୍ଷ୍ୟମନ୍ ବାକିଅ ସୁନ୍ ନିକକରି ବୁଜ୍‌ବାଇ, ନିକ ପଦାଇ ଅଦ୍‌ରିରଇବା ବିଅନ୍‌ର୍ ପାରା । ସେମନ୍ ନିକ ପସଲ୍ ଲାବ୍ କର୍‌ବାଇ କେ ସଏ ପୁଟିଅନି ଅଦିକ୍, କେ ସାଟେ ପୁଟିଅନି ଅଦିକ୍, କେ ତିରିସ୍ ପୁଟିଅନି ଅଦିକ୍ ପସଲ୍ ପାଟାଇବାଇ ।”

**ଜୁଡ୍ ଗାଁସର୍ କାତା**

୨୪ ଜିସୁ ତାର୍ ସିସ୍‌ମନ୍‌କେ ଆରି ଗଟେକ୍ ବିସଇ କାତାନି ଇସାବେ କଇଲା, ସରଗ୍ ରାଇଜ୍ ଏନ୍ତାରି ଗଟେକ୍ ଲକ୍‌ର୍ ପାରା । ସେ ଲକ୍ ତାର୍ ଜମିଟାନ୍‌ନେ ନିକ ବିଅନ୍ ବୁନ୍‌ଲା । ୨୫ ସେ ଦିନେକ୍, ରାତିଆ ସଇଲା ବେଲେ, ତାର୍ ଗଟେକ୍ ବିରଦ୍ ଲକ୍ ଆସି ସେ ଜମିଟାନ୍‌ନେ ଗାଁସ୍ ମୁଞ୍ଜି ବୁନ୍ ଦେଇ, ଉଟିଗାଲା । ୨୬ ଜେତେବେଲେ ଗର୍ ବଡ଼ି କେଡ୍ ଦାର୍‌ଲା, ମଜାଇମଜାଇ ଜୁଡ୍ ଗାଁସ୍ ଡିସ୍‌ଲା । ୨୭ ସେ ଲକ୍‌ର୍ ଦାଙ୍ଗ୍‌ତାମନ୍ ଆସି କଇଲା, “ଏ ସାଉକାର୍ ତମେ ଜମିଟାନ୍‌ନେ ନିକ ବିଅନ୍ ବୁନ୍‌ରିଇଲାସ୍, ଏତେକ୍‌ମାଣ୍ଡୁ ଜୁଡ୍ ଗାଁସ୍ କଡ଼ିଅନି ଆଇଲା?” ୨୮ ଜମି ସାଉକାର୍ କଇଲା, ମର୍ ବିରଦି ଲକ୍ ଗଟେକ୍ ଏନ୍ତା କଲାଆଟେ । ସେମନ୍ ପାଟାରିଲା, “ତେବେ ଆମେ ଜାଇ ସେ ଜୁଡ୍ ଗାଁସ୍‌ମନ୍‌କେ ଜିକି ପିଙ୍ଗିଦେବୁ କି?” ୨୯ ସାଉକାର୍ କଇଲା, “ନାଇ, ଜୁଡ୍ ଗାଁସ୍ ଜିକ୍‌ବାବେଲେ କେତେବଲ୍ ଦାନ୍‌ବୁଟା ମିସା ଜିକିଅଇଜାଇସି । ୩୦ କାଟ୍‌ବା ଜାକ ଦାନ୍ ଆରି ଜୁଡ୍ ଗାଁସ୍ ମିସ୍‌ତେ ବଡ଼ । କାଟ୍‌ବା ଲକ୍‌ମନ୍‌କେ କର୍‌ ସେମନ୍ ପର୍‌ତୁମ୍ ଜୁଡ୍ ଗାଁସ୍ କାଟି ବାରା ବାନ୍ଦି ପଡାଇ ଦେଅଡ୍ । ତାର୍ ପଟେ ଦାନ୍ କାଟି ମାଣ୍ଡୁଇ କଲ୍‌କିଟାନ୍‌ନେ ସଙ୍ଗୁ ।”

**ସର୍‌ସୁ ମୁଞ୍ଜିର୍ ଉଦାଅରଣ୍  
(ମାର୍‌କ ୪:୩୦-୩୨; ଲୁକ୍ ୧୩:୧୮-୧୯)**

୩୧ ଜିସୁ ଆରି ଗଟେକ୍ ବିସଇ କଇଲା, “ସରଗ୍ ରାଇଜ୍ ଏନ୍ତାରି ଗଟେକ୍ ଲକ୍ ତାର୍ ଜମିଟାନ୍‌ନେ ସର୍‌ସୁ ମୁଞ୍ଜି ତପିଦେଲା । ୩୨ ସେ ମୁଞ୍ଜି ସବୁର୍‌ଟାନ୍‌ନେଅନି ସାନ୍ ଅଇଲେ ମିସା ତେଇଅନି ଜନ୍ ଗର୍ ଅଇଲା, ଜମିଟାନ୍‌ନେ ରଇଲା ବିନ୍ ଗର୍‌ମନ୍‌ର୍‌ତେଇଅନି ଅଦିକ୍ ତେଙ୍ଗ୍ ଅଇ ଜୁଜୁରା ଅଇଲା । ଆରି ସେ ଗଟେ ଚଡ଼ଇମନ୍ ବାସା ଅଇଲା ।”

**କମିରର୍ ଉଦାଅରଣ୍  
(ଲୁକ୍ ୧୩:୨୦-୨୧)**

୩୩ ଜିସୁ ଆରି ତରେକ୍ ଏନ୍ତାରି କାତା କଇଲା, “ଗଟେକ୍ ମାଇଜି କଣ୍ଡେକ୍ କମିର୍ ନେଇ ଅଦ୍‌ବାସ୍‌ତା ଗୁଣ୍‌ଟାନ୍‌ନେ ମିସାଇଦେଲା । ସମାନ୍ ବେଲାଇ ସବୁଜାକ ଗୁଣ୍ କମିର୍‌ତେଇ ମିସି ପୁଲ୍‌ଲା । ସରଗ୍ ରାଇଜ୍ ବଡ଼ବାଟା ମିସା ଏନ୍ତାରିସେ ।”

**ଉଦାଅରଣ୍ ବିସଇର୍ ସିକିଆ  
(ମାର୍‌କ ୪:୩୩-୩୪)**

୩୪ ଜିସୁ ଏନ୍ତାରି ଉଦାଅରଣ୍ ଦେଇ ସିକାଇତେ ରଇଲା । ଉଦାଅରଣ୍ ନ ଦେଇ ସେ କାଇଟା ମିସା ନ ସିକାଇତେ ରଇଲା ।

୩୫ ଏଟାର୍‌ପାଇ ବବିସଡ୍‌ବକ୍‌ତାର୍ ଏ ବାକିଅ ପୁରାପୁରୁନ୍ ଅଇଲା ।  
ମୁଇ ଉଦାଅରଣ୍ ଦେଇ

ସେମନ୍‌କେ କାତା କଇବି,  
ଏନ୍ତାରିସେ କାଇଟା ତିଆର୍ ନ ଅଇବା ଆଗ୍‌ତୁଅନି ନାଜାନି ରଇବା  
ସବୁ ବିସଇ ମୁଇ ସେମନ୍‌କେ ବୁଜାଇଦେବି ।

**ଜିସୁ ଜୁଡ୍ ଗାଁସର୍ ଅରଡ୍ ବୁଜାଇଲା**

୩୬ ଜିସୁ ଲକ୍ ଗଅଲି ବିଡ୍‌ରେଅନି ବାରଇ ଆସି ଜେତେବେଲେ ଗର୍ ବିଡ୍‌ରେ ପୁର୍‌ଲା, ସେଡ୍‌କି ବେଲେ ତାର୍ ସିସ୍‌ମନ୍ ଆସି ପାଟାରିଲା, “ଆମ୍‌କେ ଜୁଡ୍ ଗାଁସର୍ ଅରଡ୍ ବୁଜାଇ ଦିଆ ।”

୩୭ ଜିସୁ କଇଲା, “ଜନ୍ ଲକ୍ ନିକ ବିଅନ୍ ବୁନ୍‌ଲା, ସେ ନର୍‌ପିଲା ମୁଇ । ୩୮ ଏ ଦୁନିଆ ଅଇଲାନି ଜମି । ଜେମନ୍ ସରଗ୍ ରାଇଜ୍ ଲକ୍, ସେମନ୍ ନିକ ବିଅନ୍ । ଜୁଡ୍ ଗାଁସ୍ ଅଇଲାନି ସଇତାନ୍‌ର୍ ବାଟେ ଜିବା ଲକ୍ । ୩୯ ଜନ୍ ବିରଦି ଲକ୍ ଜୁଡ୍ ଗାଁସ୍ ମୁଞ୍ଜି ବୁନ୍‌ଲା, ସେ ସଇତାନ୍ । କାଟାବେଟାର୍ ବେଲା ଅଇଲାନି ଜୁଗ୍ ସାର୍‌ବା

ଦିନ । ତାସ୍ କାଟ୍‌ବା ଲକ୍‌ମନ୍ ଅଇଲାଇନି ସରଗର୍ ଦୁଡ଼ମନ୍ । ୪୦ ଜୁଡ଼ ଗାଁସମନ୍ ଜେନ୍ତି ଚୁଲିଆଇକରି ପଡ଼ାଇଲାଇ, ଜୁଗର୍ ସାରାସାରି ବେଲେ ସେନ୍ତାରି ଅଇସି । ୪୧ ନର୍ପିଲା ମୁଇ ମର୍ ରାଇଜେଅନି ସବୁ ପାପ୍ କାମ୍ କଲା ଲକ୍‌ମନ୍‌କେ ଆରି ଜେଜେମନ୍ ବିନ୍ ଲକ୍‌ମନ୍‌କେ ପାପ୍ କର୍‌ବାକେ ଉସ୍‌କାଇଲାଇନି, ସେମନ୍‌କେ ଚୁଲିଆଇବାକେ ସରଗର୍ ଦୁଡ଼ମନ୍‌କେ ପାଟାଇବି । ୪୨ ସେମନ୍ ଏ ସବୁ ଲକ୍‌ମନ୍‌କେ ଲାଗି ରଇବା ଜଇଟାନେ ପିଙ୍‌ବାଇ । ତେଇ ସେମନ୍ କିଲ୍‌ବିଲ୍ ଅଇ କାନ୍‌ବାଇ ଆରି ଦାଡ଼ କାଡ଼ିଅଇବାଇ । ୪୩ ସେବେଲେ ପର୍‌ମେସର୍‌କେ ମାନ୍‌ବା ଲକ୍‌ମନ୍ ତାକର୍ ସରଗର୍ ବାବାର୍ ରାଇଜେ ବେଲ୍‌ପାରା ଜକ୍‌ମକିଜିବାଇ । ସୁନ୍‌ଲା ପାରା କାନ୍ ରଇଲେ ସୁନା ।”

**ତପିଅଇଲା ଦନର୍ ଉଦାଅରଣ୍**

୪୪ “ଦିନେକ୍ ଗଟେକ୍ ଲକ୍ ଜମିଟାନେ କୁନି ନେଉନେଉ ତପିଅଇରଇଲା ଦନ୍ ମିଲାଇଲା । ସେଟା ସେ ଗୁଡ଼ାଇପାକାଇଲା ଆରି ସାର୍‌ଦା ସଙ୍ଗ୍ ନିଜର୍ ସବୁ ଦନ୍ ବିକି ଦେଇ, ସେ ଜମି ଗେନ୍‌ଲା । ସରଗ୍ ରାଇଜ୍ ମିସା ଏନ୍ତାରି ତପିଅଇରଇବା ଦନ୍ ପାରା ।”

**ମୁକ୍‌ତାର୍ ଉଦାଅରଣ୍**

୪୫ ଆରି ସରଗ୍ ରାଇଜ୍ ଏନ୍ତାରି, ଗଟେକ୍ ସୁନାରି ବେସି ମୁଲିଅର୍ ମୁକ୍‌ତା କଜି କଜି ରଇଲା । ୪୬ ଗଟେକ୍ ବେସି ମୁଲିଅର୍ ମୁକ୍‌ତା ରଇଲାଟା ସୁନି, ସେ ତାର୍ ସବୁ ଦନ୍ ସଁପତି ବିକି ସେଟା ଗେନ୍‌ଲା । ସରଗ୍ ରାଇଜ୍ ମିସା ସେ ମୁକ୍‌ତା ପାରା ।

**ମାଟ୍ ଜାଲର୍ କାତା**

୪୭ ସରଗ୍ ରାଇଜ୍ ଗଟେକ୍ ମାଟ୍ ଦାର୍‌ବା ଜାଲ୍ ପାରା । କେଉଟ୍‌ମନ୍ ଗାଡେ ଜାଲ୍ ପାକାଇ ବିନ୍‌ବିନ୍ ରକାମର୍ ମାଟ୍ ଦାର୍‌ବାଇ ।

୪୮ “ଜାଲ୍ ବର୍‌ଡି ଅଇଗାଲେ କଣ୍ଡିତେଇ ଜିକିଆନି ନିକନିକ ମାଟ୍ ବାଟି କରି ମୁର୍‌ଡିତେଇ ସଙ୍ଗାଇବାଇ ଆରି ବେଙ୍ଗଟିମାଟ୍ ପାରାଟାମନ୍ ପିଙ୍ଗି ଦେବାଇ । ୪୯ ଜୁଗ୍ ସାର୍‌ବା ବେଲେ ଏନ୍ତାରି ଅଇସି । ସରଗର୍ ଦୁଡ଼ମନ୍ ଦରମ୍ ଲକ୍‌ର୍ ଟାନେଅନି ପାପିମନ୍‌କେ ବେଗଲାଇବାଇ । ୫୦ ସେମନ୍‌କେ ଲାଗ୍‌ବା ଜଇଟାନେ ପିଙ୍ଗିଦେବାଇ । ତେଇ ସେମନ୍ ମାରିତପିଅଇ କାନ୍‌ କସ୍‌ଟେ ମସ୍‌ଟେ ଦାଡ଼ କାଡ଼ିଅଇବାଇ ।”

**ପୁରନା ସିକିଆ ଆରି ନୁଆ ସିକିଆ**

୫୧ ଜିସୁ ସିସମନ୍‌କେ ପାଟାରୁଲା, “ଏ ସବୁ ବିସଇ ବୁଜି ପାରୁଲାସ୍‌ନି କି ?” ସେମନ୍ “ଉଁ ମାପୁରୁ ।” ବଲି କଇଲାଇ ।

୫୨ ଜିସୁ ସେମନ୍‌କେ କଇଲା, “ଜେନ୍ତାରିକି ଗଟେକ୍ ଗରର୍ ଲକ୍, ତାର୍ ବାଣ୍ଟାର୍ ଗରେଅନି ତାକେ ଦର୍‌କାର୍ ଅଇବା ଇସାବେ ନୁଆ ଦିନ୍‌ସୁ ଆରି ପୁରନା ଦିନ୍‌ସୁ ବାର୍‌କରାଇସି । ସରଗ୍ ରାଇଜେ ସିସ୍ ଅଇରଇବା ଗଟେକ୍ ଦରମ୍ ଗୁରୁ ସମାନ୍ ସେନ୍ତାରିସେ କର୍‌ସି ।”

**ଜିସୁ ନାଜରିତେ କେଟ୍‌ଲା**

(ମାଟ୍‌କ ୭:୧-୬; ଲୁକ୍ ୪:୧୭-୩୦)

୫୩ ଜିସୁ ଏ ଉଦାଅରଣ୍ କଇସାରାଇ, ସେ ଜାଗା ଚାଡ଼ି ଉଟିଗାଲା । ୫୪ ଆରି ନିଜର୍ ଜାଗାଇ ବାଅଡ଼ଲା । ସେ ଜାଗାର୍ ପାର୍‌ତନା ଗରେ ତାର୍ ସିକାଇବାଟା ସୁନି ଲକ୍‌ମନ୍ କାବା ଅଇଜାଇ କଇଲାଇ, “ଏତେକ୍ ଗିଆନ୍ ଏ କଡ଼ିଅନି ମିଲାଇଲା ? ଏ କାବା ଅଇଜିବା କାମ୍‌ମନ୍ କର୍‌ବାକେ ଆକେ କେ ବପୁ ଦେଲା ? ୫୫ ଏ କାଇ ସେ ବାଡ଼ଇର୍ ପିଲା ! ମରିୟ୍‌ମ୍ ତାର୍ ମାଆ ! ଜାକୁବ୍, ଜସେପ୍, ସିମନ୍ ଆରି ଜିଉଦା ତାର୍ ବାଇମନ୍ ! ୫୬ ତାର୍ ବଇନିମନ୍ ଇତି ଆଟଡ଼ ! ତେବେ ଏ ସବୁ ବପୁ ସେ କଡ଼ିଅନି ମିଲାଇଲା ?” ୫୭ ଏନ୍ତାରି କଇ, ସେମନ୍ ଜିସୁକେ ନାମାଡ଼ ନାଇ ।

ଜିସୁ ସେମନ୍‌କେ କଇଲା “ଗଟେକ୍ ବବିସଡ଼ବକ୍‌ତା ନିଜର୍ ଗରେ ଆରି ଗାଏଁ ଚାଡ଼ିଦେଲେ, ସବୁଟାନେ ବଲ୍ ବଲାଅଇସି ।” ୫୮ କାଇକେବଇଲେ ସେମନ୍ ଜିସୁକେ ବିସ୍‌ବାସ୍ କରଡ଼ ନାଇଜେ ସେ ତେଇ ଆରି ଅଦିକ୍ କାବା ଅଇଜିବା କାମ୍‌ମନ୍ କରେ ନାଇ ।

**୧୪**

**ତୁବନ୍ ଦେଉ ଜଅନର୍ ମରନ୍**  
(ମାଟ୍‌କ ୭:୧୪-୨୯; ଲୁକ୍ ୯:୭-୯)

୧ ସେବେଲେ ଗାଲିଲି ଦେସର୍ ସାସନ୍ କାରିଆ ଏରଡ଼, ଜିସୁର୍ ବିସଇ ସୁନ୍‌ଲା । ୨ ସେ ତାର୍‌ଟାନେ କାମ୍ କର୍‌ବା ଲକ୍‌ମନ୍‌କେ କଇଲା, “ସତଇସେ ଏ ତୁବନ୍ ଦେଉ ଜଅନ୍‌ସେ । ସେ ଆରିତରେକ୍ ଜିବନ୍ ଅଇ ଉଟି ବାଉଡ଼ି ଆଇଲାଆଟେ । ସେଟାର୍‌ପାଇ ତାର୍‌ଟାନେ କାବା ଅଇଜିବା କାମ୍ କର୍‌ବା ବପୁ ଆଟେ ।”

☆ **୧୩:୫୭** ୧୩:୫୭ ଜଅନ୍ ୪:୪୪

୩ ✨ ଆଗରୁ ଏରଦ୍ ଜଅନକେ ବାନ୍ଦବାକେ ଆଦେସ୍ ଦେଇରଇଲା ଆରି ତାକେ ସିକିଲି ସଙ୍ଗ୍ ବାନ୍ଦି, ବନ୍ଦି ଗରେ ସଙ୍ଗିଇରଇଲା । ତାର୍ ବାଇ, ପିଲିପର୍ ଫାଇଜି ଏରଦିଆର୍ ଲାଗି, ସେ ଏନ୍ତି କରିରଇଲା । ୪ ଜଅନ୍ ତାକେ କଇରଇଲା “ତମର୍ ବଡ ଏରଦିଆକେ ବିବା ଅଇବାଟା ତମର୍ ଟିକ୍ ଅଏନାଇ ।” ୫ ସେଟାର୍ପାଇ ଏରଦ୍ ଜଅନକେ ମରାଇବାକେ ଜଜନା କର୍ତେରଇଲା, ମାତର୍ ସେ ଜିଉଦି ଲକ୍ମନକେ ଡରତେରଇଲା । କାଇକେବଇଲେ ଜିଉଦି ଲକ୍ମନ୍ ଜଅନ୍ ଗଟେକ୍ ବବିସ୍ତବକ୍ତା ବଲି ମାନୁତେରଇଲା ।

୬ ମାତର୍ ଏରଦର୍ ଜନମ୍ ପୁରୁତି ଦିନେ ଏରଦିଆର୍ ଟକି, ତାକାଇରଇବା ଲକ୍ମନର୍ ମୁଆଟେ ନାଟ୍ କରିରଇଲା । ୭ ଏରଦ୍ ତାର୍ ଉପରେ ଏତେକ୍ ସାର୍ଦା ଅଇଲାଜେ, ସାର୍ଦା ଅଇ ପର୍ମାନ୍ ନିୟମ୍ କରି କଇଲା “ତୁଇ ଜାଇଟା ମାଙ୍ଗ୍ଲେ, ସେଟା ଦେବି !”

୮ ତାର୍ ଆୟାର୍ କାତା ଦାରି ଟକି କଇଲା “ମକେ ଏବେଆକା ତୁବନ୍ ଦେଉ ଜଅନର୍ ମୁଣ୍ଡ ଗଟେକ୍ ତାଲାଇ ସଙ୍ଗୁ କରି ଦିଆ ।”

୯ ଏଟା ସୁନକରି ରାଜା ଦୁକ୍ ଅଇଗାଲା । ଏଲେମିସା ସବୁର୍ ମୁଆଟେ ନିଜେ ପର୍ମାନ୍ ନିୟମ୍ କରିରଇଲାଜେ ଟକିର୍ ମନ୍ କରିରଇବାଟା ପୁରୁନ୍ କର୍ବାକେ ଆଦେସ୍ ଦେଲା । ୧୦ ସେଟାର୍ପାଇ ବନ୍ଦି ଗରେ ଜଅନର୍ ମୁଣ୍ଡ କାଟା ଅଇଲା । ୧୧ ଗଟେକ୍ ତାଲାଟାନେ ମୁଣ୍ଡ ସଙ୍ଗୁ ଟକିକେ ଦେଲା । ସେ ସେଟା ନେଇକରି ତାର୍ ମାକେ ଦେଲା ।

୧୨ ତାର୍ପରେ ଜଅନର୍ ସିସମନ୍ ଆସି ମଲା ଗାଗଡ୍ ନେଇ ତପ୍ବାକେ ଦାରିଗାଲା । ସେମନ୍ ଜାଇକରି ଜିସୁକେ ଏ ବିସଇ ଜାନାଇଲା ।

**ଜିସୁ ପାର୍ଅଜାର୍ ଲକ୍ମକେ କୁଆଇବାଟା**  
(ମାର୍କ ୬:୩୦-୪୪; ଲୁକ୍ ୯:୧୦-୧୭; ଜଅନ୍ ୬:୧-୧୪)

୧୩ ଜିସୁ ଜଅନର୍ କବର୍ ସୁନ୍ଲା ଦାପ୍ରେ ତଙ୍ଗାଇ ଚଗଲା ଆରି ଗଟେକ୍ କିନରା ଜାଗାଇ ଗାଲା । ତେଇ ସେ ଜିବାଟା ଜାନିକରି ଲଗର୍ ପାକର୍ ସଅରେ ଅନି କେତେକ୍ କେତେକ୍ ଲକ୍ମନ୍ ଗାଡ୍ କଣ୍ଡିକଣ୍ଡି ଇଣ୍ଡି ଜିସୁର୍ ପରେ ପରେ ଗାଲା । ୧୪ କେତେବେଲେ ଜିସୁ ତଙ୍ଗାଇଅନି ଉଡ୍ରି ଏତେକ୍ମାଣ୍ଡ ଲକ୍ମନକେ ଦେକ୍ଲା, ସେ ଦୟା କଲା । ତେଇ ଜେଡ୍ କି ରଗିମନ୍ ରଇଲା, ସବୁକେ ନିକ କଲା ।

୧୫ ସେଦିନେ ସଞ୍ଜବେଲା, ସିସମନ୍ ଆସି ତାକେ କଇଲା, “ବେସି ଅଲ୍ଲସମ୍ ଅଇଗାଲାନି । ଆରି ଏଟା ଗଟେକ୍ କିନରା ଜାଗା, ଲକ୍ମନକେ କଇଦିଆସ୍, ସେମନ୍ ଗାଉଁମନ୍କେ ଜାଇ କାଦି ମିଲାଇବାଇ ।”

୧୬ ମାତର୍ ଜିସୁ ସେମନ୍କେ କଇଲା, “ସେମନ୍ ଇତିଅନି ନ ଜାଅଡ୍ । ତମେ ସେମନ୍କେ କାଇଟାଆଲେ କାଇବାକେ ଦିଆସ୍ ।”

୧୭ ସିସମନ୍ କଇଲା, “ଆମର୍ ଟାନେ ଏକାଇ ପାର୍ଟା ରୁଟି ଆରି ଦୁଇଟା ମାଟ୍ ସେ ଆଟେ ।”

୧୮ ଜିସୁ କଇଲା, “ସେଟା ମର୍ଟାନେ ଦାରିଆସା ।” ୧୯ ଜିସୁ ସବୁଲକ୍ମକେ ଗାଁସ୍ ଉପରେ ବସାଇବାକେ କଇଲା । ସେ ପାର୍ଟା ରୁଟି ଆରି ଦୁଇଟା ମାଟ୍ ଦାରି ସରଗ୍ବାଟେ ଦେକି ପର୍ମେସରକେ ଦନିଅବାଦ୍ ଦେଲା, ଆରି ରୁଟି ବାଙ୍ଗାଇ କରି ସିସମନ୍କେ ଦେଲା । ସିସମନ୍ ସବୁଲକ୍ମକେ ବାଟାକରି ଦେଲା । ୨୦ ସେଟା ସବୁଲକ୍ କାଇକରି ସାକ୍ତି ଅଇଲା । ତାର୍ପରେ ସିସମନ୍ ଅଗ୍ଲି ରଇବା ରୁଟି ଆରି ମାଟ୍ ଚୁଲିଆଇ ବାର୍ଟା ତାଲାଇ ବର୍ଡି କଲା । ୨୧ ତେଇ ମାଇଜିମନ୍ ଆରି ପିଲାମନ୍କେ ଚାଡି, ସେ କାଦି ପାର୍ ଅଜାର୍ ଲକ୍ କାଇରଇଲା ।

**ଜିସୁ ପାନି ଉପରେ ଇଣ୍ଡିଲା**  
(ମାର୍କ ୬:୪୫-୫୨; ଜଅନ୍ ୬:୧୫-୨୧)

୨୨ ତାର୍ପରେ ଜିସୁ ସିସମନ୍କେ ତଙ୍ଗାଇ ବସାଇ ଗାଡ୍ ସେପାଟେ ଜିବାକେ କଇଲା । ସେ ନିଜେ ପରେ ରଇଜାଇକରି ଲକ୍ମନକେ ପାଟାଇତେ ରଇଲା । ୨୩ ସେ ଏକ୍ଲାସେ ପାର୍ତନା କର୍ବାକେ ଗଟେକ୍ ତଙ୍ଗର୍ ଉପରେ ଗାଲା ଆରି ସଞ୍ଜ ଅଇବା ଜାକ ଜିସୁ ଗଟେକ୍ ଲକ୍ମସେ ତେଇ ରଇଲା । ୨୪ ସେଡ୍ କି ବେଲେ ତଙ୍ଗା କଣ୍ଡିଅନି ବେସି ଦୁର୍ ଗାଡ୍ ବିଡ୍ରେ ଉଟିଜାଇରଇଲା । ଆରି ଜବର୍ ପବନ୍ କଲାଜେ, ଲଅଡି ଟଲ୍ମଲି ଜାଇତେରଇଲା ।

୨୫ କୁକ୍ତା ତାକେ, ଏଦେ ଦେକା ! ଜିସୁ ପାନି ଉପରେ ଇଣ୍ଡି ଇଣ୍ଡି ସିସମନ୍ ଲଗେ ଆଇଲା । ୨୬ ସିସମନ୍ ତାକେ ଦେକି କିଲ୍ବିଲ୍ ଅଇଗାଲା । ଡରମାତେ ତୁମା ବଲି କିର୍କିରଲା ।

୨୭ ସେ ଦାପ୍ରେସେ ଜିସୁ ସେମନ୍କେ ସାଆସ୍ ଦେଇ କଇଲା, “ମୁଇ କାଇକି, ତରାନାଇ ।”

୨୮ ଜିସୁର୍ ଏ କାତା ସୁନି ପିତର୍ କଇଲା, “ମାପ୍ତୁ ଜଦି ସତଇସେ ତମେ ଅଇରଇସା ବଇଲେ, ମକେ ପାନି ଉପରେ ଇଣ୍ଡି ଇଣ୍ଡି ତମର୍ ଲଗେ ଆଇବାକେ ଆଦେସ୍ ଦିଆ ।”

✨ ୧୪:୩ ୧୪:୩ ଲୁକ୍ ୩:୧୯,୨୦

୨୯ ଜିସୁ କଇଲା, “ଇଣ୍ଡି ଇଣ୍ଡି ଆଉ ।” ପିତର ଡଙ୍ଗାଅଧି ବାରଇ, ପାନି ଉପରେ ଇଣ୍ଡି ଇଣ୍ଡି ଜିସୁର ବାଟେ ଆଇବାର ଦାରଲା । ୩୦ ମାତର ପବନ୍ ଜବର ଆଇବାଟା ଦେକିକରି ଡରିଗାଲା ଆରି ପାନିଟାନେ ବୁଡ଼ିଜିବାର ଦାରଲା । ତେବେ ଆକ୍‌ମାରି କରି ଡାକଲା ଏ ମାପରୁ ମକେ ରକିଆ କର୍ !

୩୧ ଜିସୁ ସେ ଦାପରେ, ଆଡ଼ ଲାମାକକରି ତାକେ ଦାରିକରି କଇଲା, “ଏ ଅଲପ୍ ବିସ୍‌ବାସ କରୁ, କାଇକେ ଦୁଇମନିଆ ଅଇଲୁସନି ?”

୩୨ ମାତର ସେମନ୍ ଡଙ୍ଗାକେ ଚଗଲାକେ ପବନ୍ ବନ୍ଦୁଅଇ ଗାଲା । ୩୩ ଡଙ୍ଗାକ ରଇଲା ଲକ୍‌ମନ୍ ଜିସୁକେ ଜୁଆର କରି କଇଲା, “ତମେ ସତ୍‌ସେ ମାପରୁ ପିଲା ।”

**ଜିସୁ ଗିନେସରତେ ରଗିମନ୍‌କେ ନିକ କର୍‌ବାଟା**  
(ମାଡ଼ିଉ ୭:୫୩-୫୬)

୩୪ ଜିସୁ ଆରି ତାର ସିସ୍‌ମନ୍ ଗାଡ଼ଲକ୍‌କିକରି ଗିନେସରତ୍ ଜାଗାଇ କେଟ୍‌ଲା । ୩୫ ଆରି ତେଇର୍ ଲକ୍‌ମନ୍ ଜିସୁକେ ଚିନିକରି ଲଗେ ପାକେ ରଇବା ଚାରିବେଡ଼ିତ୍ ସବୁ ଜାଗାଇ କବର୍ ପାଟାଇଲା ଆରି ରଗି ଲକ୍‌ମନ୍‌କେ ତାର ଲଗେ ଆନ୍‌ଲା । ୩୬ ରଗିମନ୍ ଜିସୁର ପିନ୍‌ଲା ଲୁଗାର ଜାଲି ଚିଇବାକେ, ଆଦେସ୍ ଦେବାକେ, ଲକ୍‌ମନ୍ ତାକେ ବାବୁଜିଆକରି କଇଲା । ମାତର ଜେଡେକ୍‌ଲକ୍ ସେଟା ଚିଇଲା, ସବୁଲକ୍ ନିକଅଇଲା ।

**୧୫**

**ଆନିଦାଦି ମନର୍ ରିଡିନିଡି**  
(ମାଡ଼ିଉ ୭:୧-୧୩)

୧ ଦିନେକ୍ କେଡେଟା ପାରୁସିମନ୍ ଆରି ଦରମ୍ ଗୁରୁମନ୍ ଜିରୁସାଲାମ୍ ଅନି ଆସି ଜିସୁକେ ପାଚାରଲା, ୨ “ଆମର୍ ଆନିଦାଦିମନ୍ ଜନ୍ ରିଡିନିଡି ଦେଇଆଡ଼, ସେଟା ସବୁ କାଇକେ ତମର୍ ସିସ୍‌ମନ୍ ମାନଡ଼ନାଇ ? ବିଦି ଇସାବେ କାଇବା ଆଗ୍‌ତୁ ନିକ କରି ଆଡ଼ ନ ଦଅଡ଼ ।”

୩ ଜିସୁ କଇଲା, “ତମେ କାଇକେ ପର୍‌ମେସର୍ ଆଦେସ୍ ନ ମାନି ନିଜର୍ ରିଡିନିଡି ଇସାବେ କାମ୍ କଲାସନି ?” ୪ ପର୍‌ମେସର୍ ଆଦେସ୍ ଦେଲାଆଡେ, ମା ବାବାକେ ଆଲାଦ୍‌କରା । ଆରି କେ ମିସା ନିଜର୍ ବାବା ମାକେ ସାଇପ୍ ଦେଇକରି କାଇବଲି କଇସି ବଇଲେ, ସେ ମରନର୍ ତଣ୍ଡ ପାଇସି । ୫ ମାତର ତମେ ସିକିଆ ଦେଲାସନି ଜେ, ଗଟେକ୍ ଲକ୍ ଜନ୍ ଦନ୍ ସଙ୍ଗ ବାବା ମାକେ ସାଇଜ କରିପାର୍‌ତା, ସେଟା ପର୍‌ମେସର୍‌କେ ଦାନ କଲିଆଟି ବଲି କଇଲେ, ୬ “ସେ ଆରି ତାର ବାବା ମାଆର୍ ଦାଇଡ଼ ନେବାର ଲତାନାଇ । ଏନ୍ତାରି ତମେ ପର୍‌ମେସର୍ ଆଦେସ୍ ନ ମାନିକରି ନିଜର୍ ରିଡିନିଡି ଇସାବେ ଚାଲୁଲାସନି । ୭ ଏରେ ଦରମ୍ ଲକ୍ ବଲାଅଇବା କୁଟିଆଲ୍‌ମନ୍, ତମର୍ ବିସଇ ନେଇ ଜିସାଇୟ ବବିସଡ଼ବକ୍‌ତା କଇରଇବାଟା ଟିକ୍ ଆକା ।”

୮ ପର୍‌ମେସର୍ କଇଲାନି,  
ଏ ଲକ୍‌ମନ୍ କାତାଇସେ ମକେ ସନ୍‌ମାନ୍ ଦେଲାଇନି,  
ମାତର ସେମନର୍ ମନ୍ ମର୍‌ଡେଇଅନି ବେସି ଦୁରିକେ ।  
୯ ସେମନ୍ ମକେ ଡାକ୍‌ବାଟାନେ କାଇ ଅରଡ଼ ନାଇ,  
କାଇକେ ବଇଲେ ସେମନ୍ ଲକ୍‌ମନ୍ ତିଆରକରି ରଇବା ରିଡିନିଡି ମର୍ ଆଦେସ୍ ବଲି ସିକାଇଲାଇନି ।

**ଗଟେକ୍ ଲକ୍‌କେ କାଇଟା ଅସୁକଲ୍ କର୍‌ସି**

୧୦ ତାରପଡେ ଲକ୍‌ମନ୍‌କେ କଇଲା, “ମନ୍ ଦେଇ ସୁନା ଆରି ବୁଜ୍‌ବାକେ ଚେସ୍‌ଟା କରା । ୧୧ ଲକ୍‌ର ଟଣ୍ଡେଅନି ଜାଇଟା ବିଡ଼ରେ ଗାଲାନି, ସେଟା ତାକେ ଅସୁକଲ୍ ନ କରେ, ମାତର ଜାଇଟା, ତାର ବିଡ଼ରେଅନି ବାରଇଆଇସି, ସେଟା ତାକେ ଅସୁକଲ୍ କର୍‌ସି ।”

୧୨ ସିସ୍‌ମନ୍ ଜିସୁର ଲଗେ ଆସି ପାଚାରଲା, “ତମେ କଇଲା କାତା ପାରୁସିମନ୍‌କେ ବେସି ବାଦ୍‌ଲା, ଏଟା କାଇ ତମେ ନାଜାନାସ୍ କି ?”

୧୩ ଜିସୁ କଇଲା, “ଜନ୍ ଗର୍‌ମନ୍ ମର୍ ସରଗର୍ ବାବା ରପେ ନାଇ, ସେ ସବୁ ଜିକା ଅଇସି । ୧୪ ✨ସେମନର୍ ବିସଇନେଇ ତେରେପେଡେ ଉଆନାଇ । ସେମନ୍ କାଣାମନ୍‌କେ ବାଟ୍ ଦେକାଉ କାଣାମନ୍ । ଗଟେକ୍ କାଣା ଆରି ଗଟେକ୍ କାଣାକେ ବାଟ୍‌ଦେକାଇଲେ ଦୁଇ ଲକ୍ ଜାକ କାଲେ ଅଦର୍‌ବାଇ ।”

୧୫ ପିତର କଇଲା, “ଏ କାତା ଆମ୍‌କେ ନିକ କରି ବୁଜାଇଦେ ।”

୧୬ ଜିସୁ କଇଲା, “ଆଜିକେ ଜାକ ବିନ୍‌ଲକ୍‌ମନର୍‌ଡେଇ ଅନି ତମର୍ ବୁଜ୍‌ବା ବପୁ କଣ୍ଡେକ୍ ମିସା ଅଦିକ୍ ଅଏନାଇ । ୧୭ ତମେ ଏଡ଼କି ବୁଜାସ୍ ନାଇ କି ? ଜନ୍ ଦିନ୍‌ସୁ ମୁନୁସର୍ ଟଣ୍ଡବାଟେ ପୁରସି,

☆ ୧୫:୧୪ ୧୫:୧୪ ଲୁକ୍ ୭:୩୯

ସେଟା ପେଟ୍ ବିତ୍ତରେ ଜାଇସି ଆରି ଗାଗଡେଅନି ବାରଇ ଜାଇସି । ୧୮ \*ମାତର୍ ଜନଟା ସବୁ ମୁନୁସର୍ ଟଣ୍ଡେଅନି ବାରଇସି, ସେଟା ତାର ମନବିତ୍ତରେଅନି ଜନମ୍ ଅଇସି ଆରି ସେଟାସେ ତାକେ ଅସୁଚି କରସି । ୧୯ କାଇକେବଇଲେ ତାର ମନେ ଜନମ୍ ଅଇଲା କାରାପ୍ ଚିନ୍ତାଇଅନି ସେ ନରମାର୍‌ବାଟା, କାରାପ୍ କାମ୍ କରବାଟା, ବେସିଆ କାମ୍ କରବାଟା, ଚରବାଟା, ମିଚକାତା କଇବାଟା ଆରି ବିନଲକର୍ କୁଟକାତା କଇବା ପାରା, ବିନ୍ ବିନ୍ ରକାମର୍ ନିୟମ୍ ନଇଲା କାମ୍‌ମନ୍ କରସି ।” ୨୦ “ଏସବୁ କାମ୍ ଲକ୍‌କେ ଅସୁକଲ୍ କରସି । ମାତର୍ ସେମନ୍ କଇଲା ଇସାବେ ଆଡ୍ ନ ଦଇକରି କାଇଲେ, କେ ଅସୁକଲ୍ ନଅଅଡ୍ ।”

**ଗଟେକ୍ ମାଇଜିର୍ ବିସ୍‌ବାସ୍  
(ମାର୍‌କ ୭:୨୪-୩୦)**

୨୧ ଜିସୁ ସେ ଜାଗା ଚାଡିକରି ସର ଆରି ସିଦନର୍ ସଅରେ ଗାଲା । ୨୨ ଆରି ଦେକା, ତେଇ ବାସାକରି ରଇଲା ଗଟେକ୍ କିଶାନିୟ୍ ମାଇଜି ଜିସୁର୍ ଲଗେ ଆସି କଇଲା, “ଏ ଦାଉଦ୍ କୁଟୁମର୍ ମାପୁରୁ, ମକେ ଦୟାକରା । ମର୍ ଟକିକେ ତୁମା ଦାରଲା ଆତେ ଆରି ସେ ବଡେ କସ୍‌ଟ ପାଇଲାନି ।”

୨୩ ମାତର୍ ଜିସୁ ତାକେ ପଦେକ୍ କାତା ମିସା କଏ ନାଇ । ସିସ୍‌ମନ୍ ତାର ଲଗେ ଆସି ବାବୁଜିଆ କଲାଇ, “ତାକେ ବିଗି ପାଟାଇ ଦିଆସ୍ । ଦେକା ସେ କେନ୍ତି ଆଉଲିଅଇ ଆମ୍‌କେ କେଦିଆନ୍‌ଲାନି ?”

୨୪ ଜିସୁ କଇଲା, “ଆଜିରଇବା ମେଣ୍ଡାପାରା ବାଟ୍ ବାନା ଅଇଲା ଇସରାଏଲ୍ ଲକ୍‌ମନର୍ ଲଗେସେ ମୁଇ ଆଇଲି ଆଟି ।”

୨୫ ସେ ମାଇଜି ଆସି ଜିସୁର୍ ଗଡ୍‌ତଲେ ମାଣ୍ଡିକୁଟା ଦେଇ ଜୁଆର୍ କରି କଇଲା, “ମାପୁରୁ ମକେ ଦୟା କରା ।”

୨୬ ଜିସୁ କଇଲା, “ପିଲାମନର୍ କାଦି ନେଇ କୁକୁରର୍ ମୁଆଟେ ପିଙ୍‌ବାଟା ଟିକ୍ ନାଇ ।”

୨୭ ସେ ମାଇଜି କଇଲା, ଏଟା ସଡ୍ କାତା ମାପୁରୁ, ମାତର୍ କୁକୁରମନ୍ ମିସା ସାଉକାରର୍ ଅଦରଲା ସକ୍ତି କାଇବାକେ ପାଇବାଇ ।

୨୮ ଜିସୁ ତାକେ କଇଲା, “ତମେ ଗଟେକ୍ ତାଟ୍‌ସଙ୍ଗ୍ ବିସ୍‌ବାସ୍ କରବା ମାଇଜି । ତୁଇ ମନ୍କଲାଟା ପୁରୁନ୍ ଅଇସି ।” ସେଦାପ୍‌ରେ ତାର ଟକି ନିମାନ୍ ଅଇଲା ।

**ଜିସୁ ବେସି ଲକ୍‌ମନ୍କେ ନିକ କଲା**

୨୯ ଜିସୁ ତେଇଅନି ବାରଇ ଗାଡ୍ କଣ୍ଡି କଣ୍ଡି ଜାଇ ଗଟେକ୍ ଡଙ୍ଗର୍ ଉପ୍‌ରେ ବସଲା । ୩୦ ବେସି ଲକ୍‌ମନ୍ ତାର ଲଗେ ରୁଣ୍ଡିଲାଇ । ସେମନର୍ ବିତ୍ତରେ ଟଟା, କାଣା, ଆଡ୍‌ଗଡ୍ ସୁକିଗାଲାଟା ଆରି ବେସି ଜରର୍ ଲକ୍‌ମନ୍କେ ଆନି, ଜିସୁର୍ ପାଦ୍ ତଲେ ତୁଲାଇଲାଇ । ଆରି ସେ ସେମନ୍କେ ନିକ କଲା । ୩୧ ଗୁଲା କାତା ଅଇବାଟା, ସୁକ୍‌ଲା ଆଡ୍ ନିକ ଅଇବାଟା, ଟଟା ଇଣ୍ଡିବାଟା, କାଣା ଦେକିପାରବାଟା ଦେକି ଲକ୍‌ମନ୍ କାବା ଅଇଗାଲାଇ ଆରି ଇସରାଏଲର୍ ମାପୁରୁକେ ଜୁଆର୍ କଲାଇ ।

**ଜିସୁ ଚାରିଅଜାର୍ ଲକ୍‌କେ କୁଆଇଲା  
(ମାର୍‌କ ୮:୧-୧୦)**

୩୨ ଜିସୁ ସିସ୍‌ମନ୍କେ ଡାକି କଇଲା, “ଏ ଲକ୍‌ମନ୍କେ ଦେକି ମକେ ଦୁକ୍ ଲାଗ୍‌ଲାନି, କାଇକେ ବଇଲେ ସେମନ୍ ମର୍ ସଙ୍ଗ୍ ତିନ୍ ଦିନ୍ ଅଇଲାନି ଆତଡ୍ ଆରି ସେମନର୍ ଲଗେ କାଇଟା ମିସା ନାଇ । ସେମନ୍ ନ କାଇ ଇତିଅନି ଉଟିଜାଅଡ୍, ଏଟା ମୁଇ ମନ୍ କରି ନାଇ; କାଇକେ ବଇଲେ ବାଉଡିଗାଲାବେଲେ ବାଟେ ସେମନ୍ ତାକି ଜାଇ ଅଦର୍ ପଡ୍ ଅଇଜିବାଇ ।”

୩୩ ସିସ୍‌ମନ୍ ତାକେ କଇଲା, “ଏ ମରୁବାଲିରୁଏଁ ଏତେକ୍ ଲକ୍‌କେ କୁଆଇବାକେ ଆମେ କନ୍ତିଅନି ଏତେକ୍‌ମାଣ୍ଡ କାଦି ଆନ୍‌ରୁ ?”

୩୪ ଜିସୁ ପାଟାରଲା, “ତମର୍ ଲଗେ କେତେଟା ରୁଟି ଆତେ ?” ସେମନ୍ କଇଲା, “ସାଡ୍‌ଟା ରୁଟି ଆରି କେତେଟା ସାନ୍ ମାଟ୍ ଆତେ ।”

୩୫ ଜିସୁ ଲକ୍‌ମନ୍କେ ରୁଏଁ ବସବାକେ କଇଲା । ୩୬ ତାରପଟେ ସେ ସାଡ୍‌ଟା ରୁଟି ଆରି ମାଟ୍ ନେଇ ପର୍‌ମେସର୍‌କେ ଦନିଅବାଦ୍ ଦେଲା ଆରି ବାଙ୍ଗାଇ କରି ସିସ୍‌ମନ୍କେ ଦେଲା । ସିସ୍‌ମନ୍ ସେଟା ଲକ୍‌ମନ୍କେ ବାଟାକରି ଦେଲା । ୩୭ ସବୁ ଲକ୍‌ ପେଟ୍‌ପୁର୍‌ତେ କାଇଲା । ଆରି ସିସ୍‌ମନ୍ ଅଗଲ୍‌ଲାଟା ସାଡ୍‌ଟାଡାଲାଇ ବର୍ଡି କଲା । ୩୮ ମାଇଜିଟକି ଆରି ପିଲାମନ୍କେ ଚାଡି ଚାରି ଅଜାର୍ ଲକ୍ ଏ କାଦି କାଇରଇଲା ।

୩୯ ଏଟାର୍ ପଟେ ଜିସୁ ଲକ୍‌ମନ୍କେ ପାଟାଇ ଦେଇ ଡଙ୍ଗାଇ ଚଗି ମଗ୍‌ଦାନ୍ ଜାଗାର୍ ସନ୍ଦିଲଗେ ଗାଲା ।

\* ୧୫:୧୮ ୧୫:୧୮ ମାତ୍ରିକ ୧୨:୩୪



କାବାଅଇଜିବା କାମର ପାଇ ଦାବି  
(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ \*ଦିନେକ କେତେଟା ପାରୁସିମନ୍ ଆରି ସାଦୁକିମନ୍ ଜିସୁର ଦସ୍ ଦାରବାକେ ତାର ଲଗେ ଆଇଲାଇ । ସେମନ୍ ତାକେ କଇଲାଇ, “ପର୍ଯ୍ୟେସର୍ ତକେ ବାବୁଲା ଆଚେ ବଲି ଆମେ ଜାନ୍ବାକେ, ତୁଇ ଗଟେକ୍ ସରଗର୍ କାବାଅଇଜିବା ଚିନ୍ ଦେକା ।”<sup>୨</sup> ଜିସୁ କଇଲା, “ତମେ ସଞ୍ଜ୍ ବେଲାଇ ବାଦଲ୍ ରଙ୍ଗ୍ ଡିସ୍ଲେ ପାଗ୍ ବଲ୍ ଅଇସି ବଲି କଇସା,<sup>୩</sup> ଆରି ସାକାଲ୍ ବେଲାଇ ରଙ୍ଗ୍ ଆରି ଆନ୍ଦାର୍ ଡିସ୍ଲେ ପାନି ମାର୍ସି ବଲି ଜାନାସ୍ । ବାଦଲ୍ ଦେକି ପାଗର୍ କାତା ଆଗ୍ତୁ ଜାନ୍ସା । ମାତର୍ ଆଜିକାଲିର୍ ଡିସ୍ବା ଚିନ୍ ତମେ ବୁଜିନାପାରାସ୍ ।<sup>୪</sup> \*ଏ ଜୁଗର୍ ଲକ୍ମନ୍ କେତେ କାରାପ୍ ଆରି ପରମେସର୍କେ ବିସ୍ବାସ୍ ନ କରୁମନ୍ ! ତମେ ଗଟେକ୍ କାବାଅଇଜିବା କାମ୍ ଦେକ୍ବାକେ କଇଲାସିନ୍ ? ମାତର୍ ନାଇ, ଜୁନସର୍ ଜିବନେ ଗଟ୍ଲାଟା ଚାଡି ଆରି ଗଟେକ୍ ମିସା କାବାଅଇଜିବା କାମ୍, ତମେ ମର୍ତ୍ତେଇ ଦେକିନାପାରାସ୍ ।” ଏଟା କଇ ଜିସୁ ସେମନ୍କେ ଚାଡି ଉଟିଗାଲା ।

ପାରୁସି ଆରି ସାଦୁକିମନ୍ର ସିକିଆ

୫ ସିସମନ୍ ଗାଡ୍ ସେପାଟେ ଜିବାବେଲେ ରୁଟି ନେବାକେ ପାସ୍ରି ଜାଇରଇଲାଇ ।<sup>୬</sup> \*ଜିସୁ ସେମନ୍କେ କଇଲା, “ଜାଗ୍ରଡ୍, ପାରୁସି ଆରି ସାଦୁକିମନ୍ର କମିର୍ତେଇଅନି ତରିକ୍ନା ଅଇ ରୁଆ ।”<sup>୭</sup> ସେମନ୍ ନିଜର୍ ନିଜର୍ ବିତ୍ରେ କୁଆ ବଲା ଅଇଲାଇ, “ଆମେ ରୁଟି ଆନି ନ ରଇଲାର୍ ପାଇ ସେ ଏନ୍ତାରି କଇଲାମି ।”

୮ ସେମନ୍ କାଇଟା କଇତେ ରଇଲାଇ ସେଟା ଜାନି ଜିସୁ ସେମନ୍କେ କଇଲା, “ତମର୍ ଲଗେ ରୁଟି ନାଇ ବଲି କାଇକେ କୁଆବଲା ଅଇଲାସିନ୍ ? ତମର୍ ବିସ୍ବାସ୍ କେତେ ଦୁର୍ବଲ୍ ।<sup>୯</sup> \*ଏବେ ଜାକ ତମେ ବୁଜାସ୍ ନାଇ କି ? ପାର୍ ଅଜାର୍ ଲକ୍ମନ୍ର ବିତ୍ରେ ମୁଇ ପାର୍ଟା ରୁଟି ବାଟାକରି ରଇବା କାତା ତମେ କାଇ ପାସ୍ରି ଗାଲାସ୍ କି ? ସେଡ୍କିବେଲେ ତମେ କେତେଟା ଡାଲାଇ ବର୍ଡି କରି ରଇଲାସ୍ ?<sup>୧୦</sup> \*ଆରି ଚାରି ଅଜାର୍ ଲକ୍ମକେ ସାଡ୍ଟା ରୁଟିର୍ କାତା ମନେ ନାଇ କି ? ସେଡ୍କିବେଲେ କେତେ ଡାଲା ବର୍ଡି କରି ରଇଲାସ୍ ?

୧୧ “ମୁଇ ରୁଟିର୍ ବିସଇ ନ କଇତେ ରଇଲି, ତମେ କେନ୍ତି ବୁଜାସ୍ ନାଇ ? ମୁଇ କଇଲିନି, ପାରୁସି ଆରି ସାଦୁକିମନ୍ର କମିର୍ ପାରା ସିକିଆ ତେଇଅନି ତରିକ୍ନା ଅଇ ରୁଆ ବଲି ।”<sup>୧୨</sup> ସେଡ୍କିବେଲେ ସିସମନ୍ ବୁଜି ପାରୁଲାଇ ଜେ, ଜିସୁ ରୁଟିର୍ କମିର୍ କାତା ନ କଇତେ ରଇଲା, ମାତର୍ ପାରୁସି ଆରି ସାଦୁକିମନ୍ର ସିକିଆ ତେଇ ତରିକ୍ନା ଅଇ ରୁଆ ବଲି କଇରଇଲା ।

ପିତର୍ ଜିସୁକେ ମସିଅ ବଲି ଜାନାଇବାଟା  
(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ ଜିସୁ କାଇସେରିଆ ପିଲିପି ଗଡ୍ ପାକାପାକି ଜାଗାଇ ଗାଲା ପଟେ ସିସମନ୍କେ ପାଟାରୁଲା, “ନର୍ପିଲା କେ ବଲି ଲକ୍ମନ୍ କାଇଟା କଇଲାଇନି ?”

୧୪ \*ସେମନ୍ କଇଲାଇ, “କେତେ ଲକ୍ କଇଲାଇନି, ସେ ତୁବନ୍ ଦେଉ ଜଅନ୍ । ଆରି କେତେ ଲକ୍ ‘ସେ ଏଲିୟ’, ବିନ୍ ଲକ୍ମନ୍ କଇଲାଇନି, ‘ସେ ଜିରିମିୟ ନଇଲେ ବବିସଡ୍ବକ୍ତାମନ୍ତେଇଅନି ଗଟେକ୍ ଲକ୍’ ।”

୧୫ ଜିସୁ ପାଟାରୁଲା, “ମୁଇ କେ ବଲି ତମେ କାଇଟା ବଇଲାସିନ୍ ?”

୧୬ \*ସିମନ୍ ପିତର୍ କଇଲା, “ତମେ କିରିସ୍ଟ, ମସିଅ, ଜିବନ୍ ରଇବା ପରମେସର୍ ପିଲା ।”

୧୭ ଜିସୁ କଇଲା, “ନିମାନ୍, ଜୁନସର୍ ପିଲା, ପିତର୍ ! ଏଟା ସଡ୍, ତୁଇ ମୁନ୍ସର୍ଟାନେ ଅନି କଉସ୍ ନାଇ । ମର୍ ସରଗର୍ ବାବା ତକେ ଜାନାଇଲାକେ ତୁଇ କଇଲୁସ୍ ।<sup>୧୮</sup> ସେଟାର୍ପାଇ ମୁଇ ତକେ କଇଲିନି, ତୁଇ ପିତର୍, ଜାର୍ ଅରଡ୍ କି ପାକ୍ନା । ଏ ପାକ୍ନା ଉପ୍ରେ ମୁଇ ମର୍ ମଣ୍ଡଲି ତିଆର୍ କର୍ବି । ଜେନ୍ତିକି ମରନ୍ ପାରା ବପୁ ମିସା ତାକେ କାଇ କରିନାପାରେ ।

୧୯ \*ମୁଇ ତକେ ସରଗ୍ ରାଇଜର୍ କୁଟିକାଡି ଦେବି । ତୁଇ ଜାଇଟା ଜଗତେ ନାଇ ବଲ୍ସୁ, ସେଟା ସରଗେ ମିସା ନାଇ ଅଇସି । ତୁଇ ଜଗତେ ଜାଇଟା କରା ବଲି କଇସୁ ସେଟା ସର୍ଗେ ମିସା କରାଅଇସି ।”<sup>୨୦</sup> ସେ ମସିଅ ବଲି କାକେ ନ କଇବାକେ, ସିସମନ୍କେ ଡାବ୍ କଲା ।

ଜିସୁ ନିଜର୍ ଦୁକ୍ ଡଣ୍ ବିସଇ ଜାନାଇଲା  
(ମାର୍କ ୮:୩୧; ମାଡ଼ିଭ ୯:୧; ଲୁକ ୯:୨୨-୨୬)

\* ୧୭:୧ ୧୭:୧ ମାଡ଼ିଭ ୧୨:୩୮; ଲୁକ୍ ୧୧:୧୭    \* ୧୭:୪ ୧୭:୪ ମାଡ଼ିଭ ୧୨:୩୯; ଲୁକ୍ ୧୧:୨୯    \* ୧୭:୬ ୧୭:୬ ଲୁକ୍ ୧୨:୧    \* ୧୭:୯ ୧୭:୯ ମାଡ଼ିଭ ୧୪:୧୭-୨୧    \* ୧୭:୧୦ ୧୭:୧୦ ମାଡ଼ିଭ ୧୫:୩୪-୩୮    \* ୧୭:୧୪ ୧୭:୧୪ ମାଡ଼ିଭ ୧୪:୧,୨; ମାର୍କ ୬:୧୪,୧୫; ଲୁକ୍ ୯:୨,୮    \* ୧୭:୧୭ ୧୭:୧୭ ଜଅନ୍ ୬:୨୮,୨୯    \* ୧୭:୧୯ ୧୭:୧୯ ମାଡ଼ିଭ ୧୮:୧୮; ଜଅନ୍ ୨୦:୨୩

୨୧ ସେବେଲେଅନି ଜିସୁ ସିସ୍ତମନକେ ବୁଜିଲାପାରା କଇବାର ଦାରଲା, “ମୁଇ ଜିରୁସାଲାମ୍ ଜାଇ ଦରମ୍ଗୁରୁମନ୍, ମୁକିଅ ପୁଜାରିମନ୍ ଆରି ପାର୍ତିନମନରଟାନେ ବେସି କସ୍ତ ପାଇବି । ସାରାସାରି ମକେ ମରାଇବାଇ, ମାତର୍ ତିନ୍ ଦିନ୍ ଗାଲାପତେ ମୁଇ ଆରି ତରେକ୍ ଜିବନ୍ ଅଇ ଉଟ୍ଟି ।” ୨୨ ପିତର୍ ଜିସୁକେ ଅଁଡ୍ରେ ତାକିନେଇ ସେନ୍ତି ନ ଅ ବଲି ଦମ୍କାଇଲା । “ପର୍ମେସର୍ ତମ୍କେ କାଇଟା ନ କର, ମାପୁରୁ, ତମ୍କେ ଏ ସବୁ କେବେ ମିସା ନଅ ।” ୨୩ ଜିସୁ ପାସ୍ଲି କରି କଇଲା, “ମର୍ ମୁଆଟେଅନି ଦୁରିକେ ଜା ସଇତାନ୍ । ତୁଇ ମର୍ ବାଟ୍ ରୁଟିଦେଲୁସ୍ତି । ମକେ ନିତୁ ବଲି କଅ ନାଇ । କାଇକେ ବଇଲେ ତମର୍ ଚିନ୍ତା ମୁନ୍ସୁମନରତେଇଅନି, ପର୍ମେସରତେଇ ଅନି ନାଇ ।”

୨୪ ✱ତାରପତେ ଜିସୁ ସିସ୍ତମନକେ କଇଲା, “କେ ମିସା ମର୍ ସଙ୍ଗ୍ ଆଇବାକେ ମନ୍ କଲେ, ନିଜର୍ ମନ୍ କଲାଟା ସବୁ ଚାଡ଼ିଦେଇ, ନିଜର୍ କୁର୍ସ ବଇବାକେ ଅଇସି, ଆରି ମର୍ ପତେ ପତେ ଇଣ୍ଡୁବାକେ ଅଇସି । ୨୫ ✱କାଇକେ ବଇଲେ କେ ମିସା ନିଜର୍ ଜିବନ୍ ରକିଆ କରବାକେ ମନ୍ କର୍ସି ବଇଲେ, ସେଟା ସେ ଆରାଇସି, ମାତର୍ ଜେ ମର୍ ଲାଗି ଜିବନ୍ ଦେଇସି, ସେ ସତଇସେ ସେଟା ରକିଆ କର୍ସି । ୨୬ ଜଦି ଗଟେକ୍ ଲକ୍, ଗୁଲାଇ ଜଗଡ୍ ଜିତିକରି ନିଜର୍ ଜିବନ୍ ଆରାଇଦେଇସି ବଇଲେ ସେଟା କାଇ ଲାବ୍ ? ଜିବନ୍ ବାଉଡାଇ ପାଇବାକେ ଆଲେ ସେ କାଇଟା ମିସା ଦେଇ ନାପାରେ । ୨୭ ✱ନର୍ପିଲା ମୁଇ ବାବା ପର୍ମେସରର୍ ତାକ୍ପୁଟା ପାଇ ସରଗ୍ ଦୁଡ଼ମନର୍ ସଙ୍ଗ୍ ଆରି ତରେକ୍ ଆଇବି । ସେଡ୍କି ବେଲେ ମୁଇ ସବୁ ଲକ୍ କରଇରଇବା କାମ୍ ଦେକି ପୁରୁସ୍କାର୍ ଦେବି । ୨୮ ମୁଇ ତମ୍କେ ସଡ୍ କଇଲିନି, ନର୍ପିଲା ମୁଇ ମର୍ ରାଇଜେ ରାଜା ଅଇ ଆଇବା ଜାକ, ଇତି ରଇଲା କେତେ ଲକ୍ ନ ମରଡ୍ ।”



**ଜିସୁ ରୁପ୍ ବାଦ୍ଲାଇବାଟା**  
(ମାର୍କ ୯:୨-୧୩; ଲୁକ୍ ୯:୨୮-୩୬)

୧ ତଅ ଦିନପତେ ଜିସୁ ପିତର୍, ଜାକୁବ୍ ଆରି ଜଅନ୍ ଦୁଇ ବାଇକେ ନେଇ ଗଟେକ୍ ଡେଙ୍ଗ୍ ଡେଙ୍ଗ୍ରେ ଗାଲା । ତେଇ କେ ମିସା ନ ରଇଲାଇ । ୨ ସିସ୍ତମନ୍ ଦେକ୍ଲା ଦାପ୍ରେ ଜିସୁ, ଗଟେକ୍ ଦେକ୍ଲେ କାବା ଅଇଜିବା ରୁପ୍ ଅଇ ବାଦ୍ଲି ଗାଲା । ତାର୍ ମୁ ବେଲ୍ ପାରା ଉଜଲ୍ ଅଇଲା ଆରି ପଟିଆର୍ ଉଜଲ୍ ପୁଲ୍ପାରା ଦବ୍ ଡିସ୍ଲା । ୩ ସିସ୍ତମନ୍ ମସା ଆରି ଏଲିୟ୍ ଜିସୁର୍ ସଙ୍ଗ୍ କାତାବାର୍ତା ଅଇବାଟା ଦେକ୍ଲାଇ । ୪ ପିତର୍ ଜିସୁକେ କଇଲା, “କେତେ ସୁକର୍ କାତା, ଆଜି ଆମେ ଇତି ଆରୁ । ତମେ ଜଦି ମନ୍ କର୍ସା, ଇତି ମୁଇ ତିନଟା କୁଡିଆ ତିଆର୍ କର୍ବି । ତମର୍ ପାଇ ଗଟେକ୍, ମସା ଆରି ଏଲିୟର୍ ପାଇ ଦୁଇଟା ।”

୫ ✱✱ପିତର୍ ଏଟା କଇବାବେଲେ ଏଦେ ଦେକା ! କଣ୍ଡେକ୍ ବାଦଲ୍ ଉଜଲ୍ ଅଇ ସେମନର୍ ଉପ୍ରେ ଉଡି ଆଇଲା ଆରି ତେଇଅନି ଗଟେକ୍ ସର୍ ଆଇଲା “ଏ ମର୍ ଆଲାଦର୍ ପଅ, ଆର୍ ଲଗେ ମୁଇ ବେସି ସାର୍ଦା । ତାର୍ କାତା ମନ୍ ଦେଇ ସୁନା ।”

୬ ସିସ୍ତମନ୍ ସେ ସର୍ ସୁନି ଏତେକ୍ ଡରି ଗାଲାଇ ଜେ ସେମନ୍ ଉମ୍ତାଡିଅଇ ଅଦ୍ରିଗାଲାଇ । ୭ ଜିସୁ ସେମନର୍ ଲଗେ ଆସି ସେମନକେ ଚିଇ କରି କଇଲା, “ଉଟା, ତରା ନାଇ ।” ୮ ସେଟାର୍ ପାଇ ସେମନ୍ ଉପ୍ରେ ଦେକ୍ଲାଇଜେ ଜିସୁକେ ଚାଡି ଆରି କେ ଡିସଡ୍ ନାଇ ।

୯ ସେମନ୍ ଡେଙ୍ଗ୍ରେଅନି ଉଡ୍ରି ଆଇଲା ବେଲେ ଜିସୁ ସେମନକେ ଆଦେସ୍ ଦେଇ କଇଲା, “ନର୍ପିଲା ମୁଇ ମଲାଟାନେଅନି ଆରିତରେକ୍ ନ ଉଟ୍ଟିବା ଜାକ ଏ ଦେକ୍ଲା କାତା ତମେ କାକେ କୁଆ ନାଇ ।”

୧୦ ସିସ୍ତମନ୍ ତାକେ ପାଚାରଲାଇ “ଆମର୍ ଦରମ୍ ଗୁରୁମନ୍ ଏଲିୟ୍ ପର୍ଡୁମ୍ ଆଇସି ବଲି କାଇକେ କଇଲାଇ ଆତଡ୍ ?”

୧୧ ଜିସୁ କଇଲା, “ଉଁ ଏଲିୟ୍ ପର୍ଡୁମ୍ ଆସିକରି ସବୁ ବିସଇ ତିଆର୍ କରି ରଇବା କାତା । ୧୨ ✱ମାତର୍ ମୁଇ ତମ୍କେ କଇଲିନି, ଏଲିୟ୍ ତା ଆସି ସାରଲା ଆଟେ ଆରି ଲକ୍ମନ୍ ତାକେ ନ ଚିନି ଜନ୍ଟା ମନ୍ କଲା ସେଟା ତାକେ କଲାଇ ଆତଡ୍ । ସେନ୍ତାରିସେ ନର୍ପିଲା ମକେ ମିସା ସେମନ୍ ସେନ୍ତି କାରାପ୍ ଚଲାଚଲ୍ଡି କର୍ବାଇ ।”

୧୩ ସେଡ୍କି ବେଲେ ସେମନ୍ ବୁଜି ପାରଲାଇ ଜେ, ଜିସୁ ତୁବନ୍ ଦେଉ ଜଅନର୍ ବିସଇ କଇଲାନି ବଲି ।

**ଜିସୁ ତୁମା ଦାରଲା ପିଲାକେ ନିକ କଲା /**  
(ମାର୍କ ୯:୧୪-୨୯; ଲୁକ୍ ୯:୩୭-୪୩)

୧୪ ଜିସୁ ଆରି ତାର୍ ସିସ୍ତମନ୍ ଲକ୍ ଗଉଲି ବିଡ୍ରେ ବାଉଡି ଆଇଲା ପତେ, ଗଟେକ୍ ଲକ୍ ଜିସୁର୍ ଲଗେ ଆସି ମାଣ୍ଡିକୁଟା ଦେଇ କଇଲା, ୧୫ “ମାପୁରୁ, ମର୍ ପିଲାକେ ଦୟା କରା । ମୁର୍ତା ବେମାର୍ ଲାଗି କସ୍ତ

✱ ୧୭:୨୪ ୧୭:୨୪ ମାଡ଼ିଉ ୧୦:୩୮; ଲୁକ୍ ୧୪:୨୭ ✱ ୧୭:୨୫ ୧୭:୨୫ ମାଡ଼ିଉ ୧୦:୩୯; ଲୁକ୍ ୧୭:୩୩; ଜଅନ୍ ୧୨:୨୫ ✱ ୧୭:୨୬ ୧୭:୨୬ ମାଡ଼ିଉ ୨୫:୩୧; ରମିୟ୍ ୨:୬ ✱ ୧୭:୫ ୧୭:୫ ମାଡ଼ିଉ ୩:୧୭;୧୨:୧୮; ମାର୍କ ୧:୧୧; ଲୁକ୍ ୩:୨୨ ✱ ୧୭:୫ ୧୭:୫ ୨ ଯ୍ ପିତର୍ ୧:୧୭,୧୮ ✱ ୧୭:୧୨ ୧୭:୧୨ ମାଡ଼ିଉ ୧୧:୧୪

ପାଇଲାନି । ସେ ବେସି ତରୁ ଜଇତେଇ ଆରି ପାନିତେଇ ଅଦ୍‌ରି ଦେଲାନି । ୧୭ ତାକେ ମୁଇ ତମର୍ ସିସ୍‌ମନର୍ ଲଗେ ଆନି ରଇଲି, ମାତର୍ ସେମନ୍ ନିକ କରି ନାପାରୁଲା ।”

୧୭ ଜିସୁ କଇଲା, “ତମର୍ କେତେ ତାଟ୍ ନ ରଇବା ବିସ୍‌ବାସ୍ ଆରି ବୁଲ୍ ! ତମର୍ ସଙ୍ଗ୍ ଆରି ମୁଇ କେତେ ଦିନ୍ ରଇବି ? ଆରି କେତେ ଦିନ୍ ତମର୍ ଚଲାଚଲ୍‌ତିଟା ସୁନି ସୁନି ତୁମ୍‌ପୁଡ଼ି ରଇବି ? ସେ ପିଲାକେ ମର୍ ଲଗେ ଆନା ।” ୧୮ ପିଲା ବିତ୍‌ରେ ରଇଲା କାରାପ୍ ଆତ୍‌ମାକେ ଜିସୁ ଦମ୍‌କାଇଲା । କାରାପ୍ ଆତ୍‌ମା ଚାଡ଼ି ଉଟିଗାଲା ଆରି ସେ ଦାପ୍‌ରେସେ ପିଲା ନିକ ଅଇଗାଲା ।

୧୯ ତାର୍ ପତେ ସିସ୍‌ମନ୍ ଜିସୁ ଏକ୍‌ଲା ରଇଲା ବେଲେ ଆସି ତାକେ ପାଚାରୁଲା, “ଆମେ କାଇକେ ସେ କାରାପ୍ ଆତ୍‌ମାକେ କେଦି ନାପାରୁଲୁ ?”

୨୦ ଜିସୁ ସେମନ୍‌କେ କଇଲା, “ତମର୍ ବିସ୍‌ବାସ୍ ବେସି ଦୁର୍‌ବଲ୍ । ମୁଇ ତମ୍‌କେ ସତ୍ କଇଲିନି, ଜଦି ଗଟେକ୍ ସର୍‌ସୁ ମୁଞ୍ଜି ଏଡ଼କି ତମର୍ ବିସ୍‌ବାସ୍ ରଇଲେ, ଏ ତଙ୍ଗର୍, ଇତିଅନି ତେଇ ଗୁଟି ଜିବାକେ କଇଲେ, ସେଟା ଗୁଟି ଜାଇସି । ବିସ୍‌ବାସ୍‌ର ଲାଗି ତମେ ସବୁ ବିସଞ୍ଜ କରପାରାସ୍ ।”

**ଜିସୁ ନିଜର୍ ମରନ୍ ବିସଞ୍ଜ ଆରି ତରେକ୍ କଇଲା**

୨୧ ମାତର୍ ଉପାସ୍ ରଇକରି ପାର୍‌ତନା ନ କଲେ, କାଇ ବିନ୍ ଉପାଇ ନେଇ ମିସା ଏନ୍ତାରି ତୁମା ବାରଇ ନ ଜାଏ \* ।

୨୨ ସିସ୍‌ମନ୍ ଗାଲିଲିତେଇ ରୁଣ୍ଡିଲା ପତେ ଜିସୁ ସେମନ୍‌କେ କଇଲା, “ନର୍‌ପିଲା ମୁଇ ଲକ୍‌ମନ୍‌କେ ସର୍‌ପି ଅଇବାର୍ ଗାଲିନି । ୨୩ ତେଇ ସେମନ୍ ମକେ ମରାଇବାଇ, ମାତର୍ ତିନ୍ ଦିନ୍ ପତେ ମୁଇ ଆରି ତରେକ୍ ଜିବନ୍ ଅଇ ଉଟ୍‌ବି ।” ଜିସୁର୍ କାତା ସୁନି ସିସ୍‌ମନ୍ ବେସି ଦୁକ୍ ଅଇଗାଲା ।

**ଜିସୁ ମନ୍ଦିରର୍ ସିସ୍‌ତୁମାଙ୍ଗୁମନ୍‌କେ ଦେଲା**

୨୪ ଜିସୁ ଆରି ତାର୍ ସିସ୍‌ମନ୍ କପର୍‌ନାତମେ କେଟ୍‌ଲା ପତେ ମନ୍ଦିର୍ ପାଇ ସିସ୍‌ତୁମାଙ୍ଗୁମନ୍ ପିତର୍‌କେ ପାଚାରୁଲା, “ତମର୍ ଗୁରୁ ମନ୍ଦିରର୍ ପାଇ ସିସ୍‌ତୁ ଦେଇସି କି ନାଇ ?”

୨୫ ପିତର୍ କଇଲା, “ଦେଇସି ।” ପିତର୍ ଗର୍ ବିତ୍‌ରେ ପୁରୁପୁରୁ ଜିସୁ ତାକେ ପାଚାରୁଲା, “ସିମନ୍, ତମେ କାଇଟା ବାବ୍‌ଲାସ୍‌ନି ? ଏ ଜଗତର୍ ରାଜାମନ୍ କାର୍‌ଟାନେଅନି ସିସ୍‌ତୁ ନେବାଇ ? ତାକର୍ ନିଜର୍ ଦେସର୍ ଲକ୍‌ମନ୍‌ରଟାନେଅନି କି ବିନ୍ ଦେସର୍ ଲକ୍‌ମନ୍‌ରଟାନେଅନି ?”

୨୬ ପିତର୍ କଇଲା, “ବିନ୍ ଦେସର୍ ଲକ୍‌ମନ୍‌ରଟେଇଅନି ।” ଜିସୁ କଇଲା, “ସେନ୍ତି ବଇଲେ ରାଇଜର୍ ଲକ୍‌ମନ୍ ସିସ୍‌ତୁ ନ ଦେଅଡ଼ ? ୨୭ ମାତର୍ ଆମେ ଏବେ ସେମନ୍‌କେ ଇନ୍ କର୍‌ବାକେ ମନ୍ କରୁ ନାଇ । ତୁଇ ଗାତେ ଜାଇ ବଡ଼ସି ପାକାଆ ଆରି ଜନ୍ ମାଟ୍ ପର୍‌ତୁମ୍ ଲାଗ୍‌ସି, ତାର୍ ଟଣ୍ଡେଅନି ଗଟେକ୍ ଅଦ୍‌ଲି ମିଲାଇସୁ । ସେଟା ନେଇ ମର୍ ପାଇ ଆରି ତମର୍ ପାଇ ମନ୍ଦିରର୍ ସିସ୍‌ତୁମାଙ୍ଗୁମନ୍‌କେ ଦେଇଦେସ୍ ।”

**୧୮**

**ସରଗ୍ ରାଇଜେ ସବୁର୍‌ଟାନେଅନି କେ ବଡ଼  
(ମାର୍‌କ ୯:୩୩-୩୭; ଲୁକ୍ ୯:୪୭-୪୮)**

୧\* ସେ ବେଲେ ସିସ୍‌ମନ୍ ଜିସୁକେ ପାଚାରୁଲା, “ସରଗ୍ ରାଇଜେ ସବୁର୍‌ଟାନେଅନି କେ ବଡ଼ ?” ୨ ଜିସୁ ଗଟେକ୍ ସାନ୍ ପିଲାକେ ଡାକି ସେମନ୍‌ର ଲଗେ ଚିଆକରାଇ କଇଲା, ୩\* “ମୁଇ ତମ୍‌କେ ସତ୍ କଇଲିନି, ତମର୍ ମନ୍ ବାଦ୍‌ଲାଇ ସାନ୍ ପିଲାମନ୍‌ର ପାରା ନ ଅଇଲେ ସରଗ୍ ରାଇଜେ କେବେ ପୁରି ନାପାରାସ୍ । ୪ ଜେ ନିଜ୍‌କେ ସୁଆଲ୍ କରି ସାନ୍ ପିଲାପାରା ଅଇସି, ସେ ସରଗ୍ ରାଇଜେ ସବୁର୍‌ଟାନେଅନି ବଡ଼, ୫ ଆରି, ଜେକି ମର୍ ନାଉ ଦାରି ଏ ସାନ୍ ପିଲାକେ ନାମ୍‌ସି, ସେ ମକେ ମିସା ନାମ୍‌ସି ।”

**ବିସ୍‌ବାସେ ବିସ୍  
(ମାର୍‌କ ୯:୪୭-୪୮; ଲୁକ୍ ୧୭:୧-୨)**

୬ “ମର୍‌ତେଇ ବିସ୍‌ବାସ୍ କର୍‌ତେ ରଇବା ଏ ସାନ୍ ପିଲାମନ୍‌ର ବିତ୍‌ରେଅନି ଗଟେକ୍ ଲକ୍ କେ ଆଲେ ବିସ୍‌ବାସେ ବାଦା ଗଟାଇସି ବଇଲେ, ତାର୍ ଗାଲାଇ ଜତା ପାକ୍‌ନା ବାନ୍ଦିକରି ତାକେ ସମ୍‌ତୁରେ ବୁଡ଼ାଇଦେବାଟା ନିକ ଅଇସି । ୭ ଲକ୍‌ମନ୍‌ର ବିସ୍‌ବାସେ ବାଦା ଗଟାଇବାକେ ବେସି ବିସଞ୍ଜ ଆଟେ । ସେଟାର୍ ପାଇ ଏ ଜଗତର୍ ଦସା ବଡେ ଇନସ୍‌ତା । ସବୁ ବେଲେ ଏନ୍ତି ବାଦା ଆଇସି, ମାତର୍ ଜେ ବାଦା ଗଟାଇସି, ତାର୍ ଦସା କେତେ ଇନସ୍‌ତା ଅଇସି !”

୮\* “ଜଦି ତମେ ତମର୍ ଆଡ଼ ନଇଲେ ପାଦର୍ ଲାଗି ବିସ୍‌ବାସ୍ ଆରାଇଲାସ୍‌ନି, ତେବେ ସେଟା କାଟି ପିଙ୍ଗି ଦିଆସ୍ । ଜଡେକ୍ ପାଦ୍ ଆରି ଜଡେକ୍ ଆଡ଼ ରଇ ସବୁବେଲେ ଲାଗି ରଇବା ଜଏ ପିଙ୍ଗାଇ ଅଇବା ବାଦୁଲେ

\* ୧୭:୨୦ ୧୭:୨୦ ମାଡ଼ିଉ ୨୧:୨୧; ମାର୍‌କ ୧୧:୨୩; ୧ମ କରନ୍ତ୍ରିୟ ୧୩:୨ \* ୧୭:୨୧ ୧୭:୨୧ ଏ ପଦ୍ ସବୁ \* ୧୮:୧ ୧୮:୧ ଲୁକ୍ ୨୨:୨୪ \* ୧୮:୩ ୧୮:୩ ମାର୍‌କ ୧୦:୧୫; ଲୁକ୍ ୧୮:୧୭ \* ୧୮:୮ ୧୮:୮ ମାଡ଼ିଉ ୫:୩୦



ଗଟେକ୍ ପାଦ୍ ନଇଲେ ଗଟେକ୍ ଆଡ଼ ନ ରଇ, ନ ସାର୍‌ବା ଜିବନେ ପୁରୁବାଟା କେତେ କରମର୍ କାତା । ୯୬  
ଜଦି ତମର୍ ଆକିର୍ ଲାଗି ତମେ ବିସ୍‌ବାସ୍ ଆରାଇଲାସ୍‌ନି ବଇଲେ ତାକେ ବେଟି ପିଙ୍ଗି ଦିଆସ୍ । ଜଡେକ୍  
ଆକି ରଇ ନରକେ ପିଙ୍ଗାଅଇବା ବାଦୁଲେ ଗଟେକ୍ ଆକି ରଇ ନ ସାର୍‌ବା ଜିବନେ ପୁରୁବାଟା କେତେ  
କରମର୍ କାତା ଅଇସି ।”

**ଆଜିରଇବା ମେଣ୍ଟା  
(ଲୁକ୍ ୧୫:୩-୭)**

୧୦ \*ଏ ସାନ୍ ପିଲାମାନର୍ ବିତ୍‌ରେ ଅନି ଗଟେକ୍‌କେ ମିସା ଇନ୍‌କରା ନାଇ । ମୁଇ ତମ୍‌କେ କଇଲିନି, ଏ  
ମନର୍ ଜଡନ୍ ନେଇତେ ରଇବା ସରଗର୍ ଦୁଡ଼ମନ୍ ସବୁ ବେଲା ମର୍ ବାବାର୍ ଲଗେ ଆଡ଼ ।

୧୧ କାଇକେ ବଇଲେ ବାଟ୍ ବାନା ଅଇଲା ଲକ୍‌ମନ୍‌କେ କଜି ରକିଆ କର୍‌ବାକେ ନର୍‌ପିଲା ମୁଇ  
ଆଇଲିଆଟି \* ।

୧୨ ତମେ କାଇଟା ବାଦ୍‌ଲାସ୍‌ନି, ଜଦି ଗଟେକ୍ ଲକର୍ ସଏଟା ମେଣ୍ଟା ରଇସି ଆରି ସିତିଅନି ଗଟେକ୍  
ଆଜି ଜାଇସି, ତେବେ ସେ କାଇଟା କର୍‌ସି ? ନବେ ନଅଟା ମେଣ୍ଟାକେ ଡଙ୍ଗରେ ଚାର୍‌ବାକେ ଚାଡ଼ିଦେଇ  
ସେ ଆଜିଲା ମେଣ୍ଟାକେ କଜ୍‌ବାର୍ ବାରଇସି । † ୧୩ ମୁଇ ତମ୍‌କେ ସଡ଼ କଇଲିନି, ଜେଡେବଲ୍ ସେ ମେଣ୍ଟା  
ମିଲାଇସି, ଆଜି ନ ରଇଲା ନବେ ନଅଟା ମେଣ୍ଟାର୍ ପାଇ ତାର୍ ଜେଡକି ସାର୍‌ଦା, ଏ ଗଟେକ୍ ମେଣ୍ଟାର୍  
ପାଇ ସେ ଅଦିକ୍ ସାର୍‌ଦା ଅଇସି । ୧୪ ସମାନ୍ ସେକ୍ତି ସେ, ଏ ସାନ୍ ପିଲାମାନର୍ ତେଇ ଅନି ଗଟେକ୍ ଲକ୍  
ମିସା ବାଟ୍ ବାନା ଅଅଡ଼, ଏଟା ତମର୍ ସରଗର୍ ବାବା ମନ୍ କରେ ନାଇ ।

**ଗଟେକ୍ ବାଇ ତମର୍ ବିରୁଦେ ପାପ୍ କଲେ**

୧୫ \*“ଜଦି ତମର୍ ବାଇ ତମର୍ ବିରୁଦେ ପାପ୍ କର୍‌ସି, ତାର୍ ଲଗେ ଜାଇ ତାର୍ ପାପ୍ ତାକେ ଦେକାଇ  
ଦିଆସ୍ । ମାତର୍ ତମେ ଦୁଇ ଲକ୍ ରଇଲା ବେଲେ ଏଟା ଲୁଚ୍‌ତେ କରା । ଜଦି ସେ ତମର୍ କାତା ସୁନ୍‌ସି,  
ତମର୍ ବାଇକେ ତମେ ଆରି ତରେକ୍ ପାଇସା । ୧୬ ଆରି ଜଦି ସେ ନ ସୁନ୍‌ଲେ, ଗଟେକ୍ ଲକ୍‌କେ ନଇଲେ  
ଦୁଇ ଲକ୍‌କେ ତାକି ନେଇ ତାର୍ ଲଗେ ଜାଆ । ଆମର୍ ସାସ୍‌ତର୍ ନିୟ୍‌ମ୍ ଇସାବେ, ଦୁଇଟା ନଇଲେ ତିନିଟା  
ସାକିର୍ ମୁଆଟେ ତମର୍ ଦାବି ସଡ଼ ବଲି ଜାନା ପଡ଼ସି । ୧୭ ଏଲେ ମିସା ଜଦି ସେ ତମର୍ କାତା ନ ସୁନେ,  
ମଣ୍ଡଲିତେଇ ଜାନାଇ ଦିଆସ୍ । ସାରାସାରି ଜଦି ମଣ୍ଡଲିର୍ କାତା ମିସା ନ ସୁନେ ବଇଲେ, ତାକେ ଗଟେକ୍  
ସିସ୍‌ତୁମାଙ୍ଗୁ, ବିସ୍‌ବାସ୍ ନ କର୍‌ବା ଲକ୍ ବଲି ବାବିକରି, ତାର୍ ସଙ୍ଗ୍ ମିଲାମିସା କର୍‌ବାଟା ଚାଡ଼ି ଦିଆସ୍ ।

**ଜଗତର୍ ଆରି ସରଗର୍ ବିସଇ**

୧୮ \*“ମୁଇ ତମ୍‌କେ ସଡ଼ କଇଲିନି, ତମେ ଏ ଜଗତେ ଜାଇଟା ନାଇ ବଲ୍‌ସା, ସେଟା ସର୍‌ଗେ ମିସା  
ନାଇ ଅଇସି । ଆରି ଜନ୍‌ଟା ପାଇ ତମେ ଜଗତେ ଡ଼ କଇସା, ସେଟା ସର୍‌ଗେ ମିସା ଡ଼ ଅଇସି । ୧୯ କାଲି  
ସେଡକି ନଏଁ, ମୁଇ ତମ୍‌କେ ସଡ଼ କଇଲିନି, ଜେଡେବେଲେ ମିସା ଏ ଜଗତେ ତମେ ଦୁଇ ଲକ୍ ଜନ୍ ବିସଇ  
ନେଇକରି ଗଟେକ୍ ମନ୍ ଅଇକରି ପାର୍‌ତନା କଲେ, ମର୍ ସରଗର୍ ବାବା ତମେ ମାଙ୍ଗ୍‌ଲାଟା ପୁରୁନ୍ କର୍‌ସି  
। ୨୦ କାଇକେ ବଇଲେ ଜକ୍ତି ଦୁଇ କି ତିନ୍ ଲକ୍ ରୁଣ୍ଡିକରି ମର୍ ନାଉଁ ଦାର୍‌ବାଇ, ତେଇ ମୁଇ ଆଟି ।”

**କେମା ନ ଦେଇରଇଲା ଦାଙ୍ଗ୍‌ଡା**

୨୧ \* ଦିନେକ୍ ପିତର୍ ଜିସୁର୍ ଲଗେ ଆସି ପାଚାର୍‌ଲା, “ମାପୁରୁ, ଗଟେକ୍ ବାଇ ମର୍ ବିରଦେ ତର୍‌କେ  
ତର୍ ଦସ୍ କର୍‌ତେ ରଇଲେ, ତାକେ ମୁଇ କେତେ ତର୍ କେମା କର୍‌ବି ? କାଇ ସାଡ଼ ତର୍ କି ?”

୨୨ ଜିସୁ କଇଲା, “ନାଇ ସାଡ଼ ତର୍ ନାଇ । ସାଡ଼ ତରର୍ ସଡ଼ୁରି ଗୁନ୍ । ୨୩ ସରଗ୍ ରାଇଜର୍ ଆରି ଗଟେକ୍  
କାତା ସୁନ୍ । ଗଟେକ୍ ରାଜା ଦିନେକ୍ ତାର୍‌ଟାନେ କାମ୍‌କରୁମନ୍ ରୁନ୍ ନେଇରଇବାଟା ଇସାବ୍ କିତାବ୍  
କର୍‌ବାକେ ମନ୍ କଲା । ୨୪ ସେ ଇସାବ୍ କର୍‌ବାବେଲେ ତାର୍‌ଟାନେ ଗଟେକ୍ କାମ୍ କରୁ ଲାକ୍ ଲାକ୍ ଟାଙ୍ଗା  
ରୁନ୍ ନେଇରଇଲା ଲକ୍‌କେ ରାଜାର୍ ଲଗେ ଆନ୍‌ଲାଇ । ୨୫ ରୁନ୍ ସୁଜ୍‌ବାକେ ସେ ଲକ୍‌ଟାନେ ସେଡକି  
ବପୁ ନ ରଇଲା । ତେବର୍‌ପାଇ ରୁନ୍ ବାନ୍‌ବାକେ ବଲି ତାର୍‌ଟାନେ ଜେଡକି ରଇଲାଟା ବିକିକରି ତାକେ,  
ତାର୍ ମାଇଜିକେ ଆରି ତାର୍ ପିଲାଟକିମନ୍‌କେ ଗତି ଇସାବେ ବିକିଦେବାକେ ରାଜା ଆଦେସ୍ ଦେଲା ।”  
୨୬ କାମ୍ କରୁ ରାଜାର୍ ପାଦ୍‌ତଲେ ଅଦ୍‌ରି ଗୁଆରି କରି କଇଲା “ ଆଗିଆଁ ଆରି କେତେଦିନ୍ ଜାଗା, ମୁଇ  
ତମର୍ ସବୁଜାକ ରୁନ୍ ସୁଜିଦେବି ।” ୨୭ ରାଜା ତାକେ ଦୟ୍‌ୟା କଲା । ତେବର୍‌ପାଇ ତାକେ କେମା କରି ରୁନ୍  
ନ ବାନ୍‌ବାଇ ଚାଡ଼ିଦେଲା ।

\* ୧୮:୯ ୧୮:୯ ମାଡ଼ିଭ ୫:୨୯ \* ୧୮:୧୦ ୧୮:୧୦ ଲୁକ୍ ୧୯:୧୦ \* ୧୮:୧୧ ୧୮:୧୧ଏ ପଦ୍ ସବୁ ପୁରୁନା ପାଣ୍ଡୁ ଲିପି ଗନେ ନାଇ  
† ୧୮:୧୨ ୧୮:୧୨ ଏ ପଦ୍ ସବୁ ପୁରୁନା ପାଣ୍ଡୁ ଲିପିଗନେ ନାଇ \* ୧୮:୧୫ ୧୮:୧୫ ଲୁକ୍ ୧୭:୩ \* ୧୮:୧୮ ୧୮:୧୮ ମାଡ଼ିଭ ୧୭:୧୯;  
ଜଅନ୍ ୨୦:୨୩ \* ୧୮:୨୧ ୧୮:୨୧ ଲୁକ୍ ୧୭:୩,୪

୨୮ ମାତର୍ ସେ ଗତି ବାରଇ ଜାଇ ତାରତେଇ ଅନି ପଚାସ୍ ଟାଙ୍ଗା ରୁନ୍ କରି ରଇବା ଗଟେକ୍ ମିସ୍ତେ ରଇବା ଗତିଦାଙ୍ଗ୍ତାକେ ଦାରି ତାର୍ ଟର୍ରି ପିଚକ୍‌ବାର୍ ଦାରଲା, “ମର୍ତେଇଅନି ନେଇ ରଇଲା ସବୁ ତାବୁ ବାଉଡାଇ ହେ ।”

୨୯ ସେ ଗତି ଦାଙ୍ଗ୍ତା ତାର୍ ଗତେଦାରି ବାବୁଜିଆ କରି କଇଲା, “ସାଆସ୍ ଦାରା, ତମର୍ ସବୁ ତାବୁ ସୁଜି ଦେବି ।”

୩୦ ମାତର୍ ପର୍ତୁମ୍ ଲକ୍, ସେ ଗୁଆରି କଲାଟା ସୁନେ ନାଇ, ରୁନ୍ ସୁଜ୍‌ବା ଜାକ ତାକେ ବନ୍ଦି ଗରେ ପୁରାଇ ସଙ୍ଗାଇବାକେ ତିଆର୍ଲା । ୩୧ ଏଟା ଅଇଲାଟା ଦେକି ବିନ୍ କାମ୍ କରୁମନ୍ ଦୁକ୍ କଲାଇ । ସେମନ୍ ରାଜାର୍ ଲଗେ ଜାଇ ଜନ୍ ଜନ୍‌ଟା ଅଇରଇଲା, ସବୁ ଜାନାଇଲାଇ । ୩୨ ରାଜା ପର୍ତୁମ୍ କାମ୍ କରୁକେ ତାକାଇ କଇଲା, “ ଅଇରେ ମୁରକ୍ ଦାଙ୍ଗ୍ତା, ତୁଇ ଗୁଆରି କଲୁସ୍ ଜେ ମୁଇ ତର୍ ସବୁ ରୁନ୍ ଚାଡି ଦେଲି । ୩୩ ମୁଇ ଜେନ୍ତି ତକେ ଦୟା କଲି, ତୁଇ ମିସା ତର୍ ସଙ୍ଗର୍ କାମ୍ କରୁକେ ଦୟା କର୍‌ବାର୍ ରଇଲା ।”

୩୪ ରାଜା ବେସି ରିସା ଅଇଗାଲା ଆରି ସବୁ ଜାକ ରୁନ୍ ନ ସୁଜ୍‌ବା ଜାକ ଡଣ୍ ପାଅ ବଲି ତାକେ ବନ୍ଦି ଗରେ ପାଟାଇ ଦେଲା ।

୩୫ ଜିସୁ ଏ କାତା କଇସାରାଇ କଇଲା, “ତମର୍ ବିରୁଦେ ଦସ୍ କରି ରଇବା ବାଇମନ୍‌କେ ମନ୍ ବିତ୍‌ରେଅନି ଜଦି କେମା ନ ଦିଆସ୍, ତେବେ ମର୍ ସରଗର୍ ବାବା ମିସା ତମ୍‌କେ ଏନ୍ତାରିସେ କର୍‌ସି ।”

### ୧୯

#### ଚାତାମେଲା ବିସଇ ନେଇ ସିକିଆ (ମାର୍ଚ୍ଚକ ୧୦:୧-୧୨)

୧ ଜିସୁ ଏ ସବୁ କଇସାରଲା ପଟେ ଗାଲିଲି ଚାଡିକରି ଜର୍ଦଦନ୍ ଗାଡ୍ ସେପାଟେ ରଇଲା ଜିଉଦା ଜାଗାଇ କେଟ୍‌ଲା । ୨ ବେସି ଲକ୍‌ମନ୍ ତାର୍ ସଙ୍ଗ୍ ଗାଲାଇ ଆରି ସେ କେତେକ୍ କେତେକ୍ ରଗିମନ୍‌କେ ନିକ କଲା ।

୩ କେତେଟା ପାରୁସିମନ୍ ଜିସୁକେ ବୁଲ୍ ଦାର୍‌ବାକେ ଚେସ୍‌ଟା କଲାଇ । ସେମନ୍ ତାର୍ ଲଗେ ଆସି ପାଚାରଲାଇ, “ମସାର୍ ରିଡିନିତି ଇସାବେ ଗଟେକ୍ ଲକ୍ କାଇଆଲେ ବୁଲର୍ ପାଇ ବଲି ତାର୍ ମାଇଜିକେ ଚାଡି ଦେଇ ପାରେ କି ?”

୪ ଜିସୁ କଇଲା, “ସାସ୍‌ତରେ ପତାସ୍ ନାଇ କି ? ଆଦିପୁର୍ବେ ପର୍‌ମେସର୍ ନର୍ ଲକ୍‌କେ ମୁନୁସ୍ ଆରି ମାଇଜି କରି ତିଆର୍ କଲା । ୫ ସେତେବେଲେ ମାପୁରୁ କଇରଇଲା, ଏଟାର୍ ପାଇ ବଲି ମୁନୁସ୍, ତାର୍ ଆୟା ବାବାର୍‌ତେଇ ଅନି ବିନେ ଅଇସି ଆରି ସେମନ୍ ଦୁଇ ଲକ୍ ଗଟେକ୍ ଅଇବାଇ । ୬ ଆରି ସେମନ୍ ଅଲ୍‌ଗା ନ ଅଥଡ୍, ମିସି ରଇବାଇ । ସେମନ୍ ଦୁଇଲକ୍ ଇସାବେ ନ ରଥଡ୍ । ଜନ୍ ଲକ୍‌ମନ୍‌କେ ପର୍‌ମେସର୍ ଜଡିଆଟେ, ଲକ୍‌ମନ୍ ସେମନ୍‌କେ ବେଗ୍‌ଲାଇବାଟା ଟିକ୍‌ନାଇ ।”

୭ ଧାରୁସିମନ୍ ଆରି ପାଚାରଲାଇ, “ସେନ୍ତାର୍ ଆଲେ ମାଇଜିକେ ରାଜିନାମା ପତର୍ ଲେକି ଚାଡି ଦେବାକେ ମସା କାଇକେ ନିୟମ୍ କଲାଆଟେ ?”

୮ ଜିସୁ କଇଲା, “ତମର୍ ମନ୍‌ବିତ୍‌ରର୍ ବୁଜ୍‌ବା ବପୁ ଦୁର୍‌ବଲ୍ ରଇଲାଟା ଦେକି ମସା ତମର୍ ମାଇଜିମନ୍‌କେ ଚାଡିବାକେ ରାଜି ଅଇଲା । ମାତର୍ ଆଦିପୁର୍ବେ ତିଆର୍ ଅଇଲା ବେଲେ ଏନ୍ତାରି ନିୟମ୍ ନ ରଇଲା । ୯ ମାତର୍ ମୁଇ ତମ୍‌କେ କଇଲିନି, କେ ମିସା ତାର୍ ମାଇଜିକେ ବେସିଆ କାମ୍ ଅପ୍‌ରାଦ୍‌କେ ଚାଡି, ବିନ୍ କାଇଆଲେ କାମର୍ ପାଇ ଚାତାମେଲା କରି, ବିନ୍ ମାଇଜିକେ ସଙ୍ଗାଇଲେ, ସେ ସେ ନିଜେ ଦାରିଆ ଅଇସି ।”

୧୦ ଜିସୁର୍ ସିସମନ୍ କଇଲାଇ, “ଜଦି ମାଇଜି ମୁନୁସର୍ ବିତ୍‌ରେ ଏନ୍ତାରି ଆଟେ ବଇଲେ, ବିବା ନ ଅଇବାଟା ନିକ ।”

୧୧ ଜିସୁ କଇଲା, “ଏ ସିକିଆ ସବୁ ଲକ୍ ନ ମାନଡ୍ । ପର୍‌ମେସର୍ ଟାନେଅନି ଜନ୍‌ଲକ୍‌ମନ୍‌କେ ଏଟା ଦିଆଅଇଆଟେ ସେମନ୍‌ସେ ଏଟା ମାନ୍‌ବାଇ । ୧୨ ବିନ୍ ବିନ୍ କାମର୍‌ପାଇ ଲକ୍‌ମନ୍ ବିବା ନ ଅଇ ରଇଜିବାଇ । କେତେ ଲକ୍ ଜନମେ ଅନି ବେନ୍ତୁ ଅଇ ବିବାଅଇ ନାପାରଡ୍ । କେତେ ଲକ୍‌କେ ମୁନୁସମନ୍ ସେନ୍ତାରି କରି ଆଟଡ୍, ଆରି କେତେ ଲକ୍ ସରଗ୍ ରାଇଜର୍ ପାଇ କାମ୍ କର୍‌ବାକେ ବିବା ନ ଅଇକରି ଆଟଡ୍ । ଜନ୍ ଲକ୍‌ମନ୍ ଏ ସିକିଆର୍ ଅରଡ୍ ବୁଜିପାରଲାଇନି, ସେମନ୍ ସେଟା ମାନଡ୍ ।”

#### ଜିସୁ ସାନ୍ ପିଲାମନ୍‌କେ ଆସିର୍‌ବାଦ୍ କଲା (ମାର୍ଚ୍ଚକ ୧୦:୧୩-୧୬; ଲୁକ୍ ୧୮:୧୫-୧୬)

୧୩ କେତେ ଲକ୍ ପିଲାମନ୍‌ର ଉପ୍‌ରେ ଆଡ୍ ସଙ୍ଗାଇ ପାର୍‌ତନା କର୍‌ବାକେ, ସେମନ୍‌କେ ଜିସୁର୍ ଲଗେ ଆନ୍‌ଲାଇ । ମାତର୍ ସିସମନ୍ ସେମନ୍‌କେ ଦମ୍‌କାଇଲାଇ । ୧୪ ମାତର୍ ଜିସୁ କଇଲା, “ସାନ୍ ପିଲାମନ୍‌କେ ମର୍ ଲଗେ ଆଇବାକେ ବାଟ୍ ଦିଆସ୍ । ସେମନ୍‌କେ ମନା କରା ନାଇ । କାଇକେ ବଇଲେ ଏମନ୍ ଆକା ସରଗ୍ ରାଇଜେ ରଇବା ଲକ୍ ।”

☆ ୧୯:୭ ୧୯:୭ ମାତ୍ରିକ ୫:୩୧ ☆ ୧୯:୯ ୧୯:୯ ମାତ୍ରିକ ୫:୩୨; ୧ମ କରନ୍ତିୟ ୭:୧୦,୧୧

୧୫ ଜିସୁ ପିଲାମାନଙ୍କ ଉପରେ ଆତ୍ମ ସଙ୍ଗର ଆସିବାର କଲା । ପରେ ସେ ତେଜସ୍ବି ଉଚିତାଲା ।

ଗଟେକ୍ ସାଉକାର୍ ପିଲା  
(ମାର୍କ ୧୦:୧୭-୩୧; ଲୁକ୍ ୧୮:୧୮-୩୦)

୧୬ ଦିନେକ୍ ଗଟେକ୍ ସାଉକାର୍ ପିଲା ଜିସୁଙ୍କ ଲଗେ ଆସି ପାଚାରଲା, “କାଲ ନିକ କାମ୍‌କଲେ, ନ ସାର୍‌ବା ଜିବନ୍ ମିଲ୍‌ସି ?”

୧୭ ଜିସୁ ତାକେ କଇଲା, “ନିକ କାମ୍ ବିସଇ ନେଇକରି ମକେ କାଲକେ ପାଚାରଲୁସ୍‌ନି ? ପରମେସରସେ ସତ୍ । ତାର୍ ଆଦେସ୍ ମାନଲେ, ନ ସାର୍‌ବା ଜିବନ୍ ମିଲାଇସୁ ।”

୧୮ ସେ ପାଚାରଲା, “କାଲ କାଲ ଆଦେସ୍ ?”

ଜିସୁ କଇଲା, “ନର୍ ଲକ୍‌ମନକେ ମରାଇବାର୍ ନାଇ, ବେସିଆ କାମ୍ କରବାର୍ ନାଇ, ଚରାଇବାର୍ ନାଇ, କାର୍ ବିରୁଦେ ମିର୍ ସାକି ଦେବାର୍ ନାଇ । ୧୯ ଆୟା ବାବାର୍ ସେବା କରା ଆରି ତମର୍ ପତିସାର୍ ଲକ୍‌ମନକେ ନିଜର୍ ପାରା ଆଲାଦ୍ କରା ।”

୨୦ ସେ ବେଣ୍ଟିଆ କଇଲା, “ମୁଇ ଏ ସବୁ ଆଦେସ୍ ମାନି ଆଇଲିନି । ଆରି କାଲଟା କରବାର୍ ଆଚେ ?”

୨୧ ଜିସୁ ତାକେ କଇଲା, “ତୁଇ ଜଦି ସିଦ୍ ଅଇବାକେ ମନ୍ କଲୁସ୍‌ନି ବଇଲେ, ଜାଆ ତରଟାନେ ରଇବା ସବୁଜାକ ବିକି ଦେଇ, ସେ ତାରୁ ଗରିବ୍ ଲକ୍‌ମନକେ ଦାନ କରିଦେସ୍ । ଏଟା ସବୁ କରି ସାରାଇ ମର୍ ସଙ୍ଗ୍ ଆଉ । ସେନ୍ତାର୍ କଲେ ତକେ ସରଗେ ଦନ୍ ମିଲ୍‌ସି ।”

୨୨ ଏଟା ସୁନି କରି ସେ ବେଣ୍ଟିଆ ମୁ ଉଡ଼ରାଇଦେଇ ତେଜସ୍ବି ଉଚିତାଲା । କାଲକେ ବଇଲେ ସେ ଲକ୍ ବେସି ସାଉକାର୍ ରଇଲା ।

୨୩ ଜିସୁ ସିସ୍‌ମନକେ କଇଲା, “ମୁଇ ତମ୍‌କେ ସତ୍ କଇଲିନି, ସାଉକାର୍ ଲକ୍‌ମନ୍ ସରଗ୍ ରାଇଜେ ସଲକେ କେଟ୍‌ବାଟା ବଡେ ଆବଡ୍ । ୨୪ ଆରି ତରେକ୍ କଇଲିନି, ଗଟେକ୍ ବଡ଼ଟା ପସୁ ଜେନ୍ତି ସୁଜି କାଣାବାଟେ ଚିଙ୍ଗଲି ଜିବାକେ ଆବଡ୍, ସାଉକାର୍ ଲକ୍ ସରଗ୍ ରାଇଜେ କେଟ୍‌ବାଟା ଅଦିକ୍ ଆବଡ୍ ।” ୨୫ ସିସ୍‌ମନ୍ ଏ କାତା ସୁନି କାବାଅଇଜାଇ ପାଚାରଲାଇ, “ଏନ୍ତି ବଇଲେ କେ ତେବେ ମୁକ୍ତି ପାଇପାର୍‌ସି ?”

୨୬ ଜିସୁ ସେମନର୍ ବାଟେ ଦିରେକରି ଦେକି କଇଲା, “ମୁନ୍‌ସ୍‌ମନର୍‌ଟାନେ ଏଟା ଅଇନାପାରେ, ମାତର୍ ପରମେସରର୍ ଟାନେ ସବୁଟା ଅଇପାର୍‌ସି ।”

୨୭ ଏ କାତା ସୁନି ପିତର୍ କଇଲା, “ଦେକା, ଆମେ ସବୁଜାକ ଚାଡ଼ିକରି ତମର୍ ସଙ୍ଗ୍ ଆସିଆରୁ । ତେବେ ଆମ୍‌କେ କାଲଟା ମିଲ୍‌ସି ?”

୨୮ ଜିସୁ ସେମନକେ କଇଲା, “ଏ କାତା ସତ୍ ବଲି ଜାନ୍‌ସା, ଜେତେବେଲେ ନୁଆ ଜୁଗେ ନର୍‌ପିଲା ମୁଇ ମର୍ ତାକ୍‌ପୁଟା ଅଇବା ବସବାଟାନେ ବସ୍‌ବି । ମର୍ ବାର୍‌ଟା ସିସ୍, ତମେ ମିସା, ବାର୍‌ଟା ବସବାଟାନେ ବସି ଇସରାଏଲର୍ ବାର୍‌ଟା କୁଟୁମ୍‌କେ ସାସନ୍ କରସା । ୨୯ ଜନ୍ ଲକ୍‌ମନ୍ ମର୍‌ଲାଗି ନିଜର୍ ଗର୍, ବାଇ ବଇନି, ଆୟା ବାବା, ପିଲାଟକି ଆରି ଜମିବାଡି ଚାଡି ଆଚଡ୍, ସେମନ୍ ତାର୍ ସଏ ଗୁନ୍ ଆସିବାର୍‌ଦ୍ ପାଇବାଇ, ଆରି ନ ସାର୍‌ବା ଜିବନ୍ ମିସା ପାଇବାଇ । ୩୦ ଏବେ ଜନ୍ ଲକ୍‌ମନ୍ ଆଗ୍‌ତୁ ଆଚଡ୍, ସେମନର୍ ବିଡ଼ରେଅନି ବେସି ଲକ୍ ପରେ ଅଇଜିବାଇ । ଆରି ଜନ୍ ଲକ୍‌ମନ୍ ପରେ ଆଚଡ୍, ସେମନର୍ ବିଡ଼ରେ ଅନି ବେସି ଲକ୍ ଆଗ୍‌ତୁ ଅଇଜିବାଇ ।”

### ୨୦

#### ଅଙ୍ଗୁର୍ ବାତର୍ ବୁଡିଆର୍‌ମନ୍

୧ ସରଗ୍ ରାଇଜ୍ କେଡିଟା, ଏଟାର୍ ପାଇ ଆରି ଗଟେକ୍ କାତା ସୁନା । ଦିନେକ୍ ଗଟେକ୍ ଲକ୍ ସାକାଲ୍ ସାକାଲ୍ ତାର୍ ଅଙ୍ଗୁର୍ ବାଡେ କାମ୍ କରାଇବାକେ କୁଲିଆର୍‌ମନକେ କଜ୍‌ବାର୍ ବାରଇଲା । ୨ ସେ ଜନ୍ ଲକ୍‌ମନକେ ମିସିଲା, ସେମନକେ ଗଟେକ୍ ଦିନକେ, ଗଟେକ୍ ଲାକା ରୁପାଟାଙ୍ଗା କୁଲି ଦେବାକେ ରାଜି କରି ତାର୍ ବାଡେ ପାଚାଇଲା । ୩ ତାର୍ ପରେ ସାକ୍‌ଲିଆ ନଅଟା ବେଲେ ଆଟେ ଜାଇ, ଗଟେକ୍ ଦଲର୍ ଲକ୍ କାଲ କାମ୍ ନ କରି ଚିଆଅଇ ରଇଲାଟା ଦେକ୍‌ଲା । ୪ ସେ ଲକ୍ ସେମନକେ କଇଲା, “ତମେ ମିସା ମର୍ ଅଙ୍ଗୁର୍ ବାଡେ ଜାଇ କାମ୍ କରା, ତମ୍‌କେ ମିସା ସମାନ୍ ଇସାବେ ବୁଡି ଦେବି ।” ୫ ସେମନ୍ ଜାଇ କାମ୍ କରବାର୍ ଦାରଲାଇ । ସେନ୍ତାରିସେ ମୁଣ୍ଡବେଲାଇ, ଆଡ଼ବେଲାଇ ମିସା ଆରି କେତେଟା କୁଲିଆର୍‌ମନକେ ଆନି କାମେ ମିସାଇଲା । ୬ ସଞ୍ଜୁଆ ପାର୍‌ଟା ବେଲା ଆରି ତରେକ୍ ଆଟେ ଜାଇ ଆରି କେତେ ଲକ୍ ବୁଟାଇ ଚିଆଅଇରଇବାଟା ଦେକ୍‌ଲା । ସେମନକେ ପାଚାରଲା “ଗୁଲାଇ ମୁଇଦାନ୍ କାମ୍ ନ କରି କାଲକେ ଇଡି ଉଜେ ଉଜେ ଆଗାସ୍ ?” ୭ ସେମନ୍ ତାକେ କଇଲା, “ଆମ୍‌କେ ତା କେ ମିସା କାମେ ମିସାଅଡ୍ ନାଇ ।” ସାଉକାର୍ ସେମନକେ କଇଲା “ସେନ୍ତାରିଆଲେ ତମେ ସବୁ ଲକ୍ ମର୍ ଅଙ୍ଗୁର୍ ବାଡେ ଜାଇ କାମ୍ କରା ।”

☆ ୧୯:୨୮ ୧୯:୨୮ ମାଡ଼ିତ ୨୫:୩୧; ଲୁକ୍ ୨୨:୩୦ ☆ ୧୯:୩୦ ୧୯:୩୦ ମାଡ଼ିତ ୨୦:୧୭; ଲୁକ୍ ୧୩:୩୦

୮ ସେ ଦିନେ ସଞ୍ଜ ଅଇଲାକେ ଅଙ୍ଗୁର ବାଡ଼ର ସାଉକାର ଗୁମୁସତାକେ କଇଲା, “କୁଲିଆରମନକେ ଡାକ । ଜନ୍ ଲକ୍ମନ ସବୁର ପତେ କାମ୍ ଦାରଲାଇ, ସେମନକେ ଆଗେ ବୁଡ଼ି ଦେଇଦେସ୍ । ଜନ୍ ଲକ୍ମନ ସବୁରତେଇଅନି ପରତୁମ୍ କାମେ ମିସି ଆଚଡ଼, ସେମନକେ ଡାକର ବୁଡ଼ି ସାରାସାରି ପତେ ଦେସ୍ ।” ୯ ଜନ୍ ଲକ୍ମନ ସଞ୍ଜୁଆ ପାଁଚଟା ବେଲେ କାମେ ମିସି ରଇଲାଇ ସେମନକେ ସବୁ ଲକ୍ମନକେ ଗଟେକ୍ ଗଟେକ୍ ରୁପା ଟାଙ୍ଗା ଦେଲାଇ । ୧୦ ଜନ୍ ଲକ୍ମନ ପରତୁମ୍ କାମ୍ ଆରାମ୍ କରି ରଇଲାଇ, ସେମନକେ ଅଦିକ୍ ବୁଡ଼ି ମିଲସି ବଲି ଆସା କଲାଇ । ମାତର ସେମନ ମିସା ଗଟେକ୍ସେ ରୁପା ଟାଙ୍ଗା ମିଲାଇଲାଇ । ୧୧ ସେମନ ସେଡ଼କି ନେଇ ମୁରମୁରା ଅଇକରି ସାଉକାରରୁ ବିରୁଦେ କଇଲାଇ, ୧୨ “ସଞ୍ଜୁଆ ପାଁଚଟା ବେଲେ କାମ୍ ଆରାମ୍ କଲା କୁଲିଆରମନ ଏକାଇ ଗଟେକ୍ ଗଟାସେ କାମ୍ କଲାଇ ଆଚଡ଼ । ଆମେ ଟାଇ ଟାଇ କାରାଇ, ଦିନଜାକ କଟ୍ଲୁ, ଏଲେ ମିସା ବୁଡ଼ି ଦେବା ବେଲେ ଆମକେ ମିସା ସେମନର ସଙ୍ଗ୍ ସମାନ କରିଦେଲାସ୍ ।”

୧୩ ସାଉକାର ସେମନର ବିତରେଅନି ଗଟେକ୍ ଲକ୍ମନକେ କଇଲା, “ମଇତର ମୁଇ ତମକେ ନାଡ଼ାଇ ନାଇ । ଗଟେକ୍ ଦିନର ବୁଡ଼ି ପାଇ ଗଟେକ୍ ରୁପା ଟାଙ୍ଗା ନେଇ କାମ୍କରବାକେ ତମେତା ସବୁ ଲକ୍ମ ରାଜି ଅଇରଇଲାସ୍ । ୧୪ ତମର ସେଡ଼କି ବୁଡ଼ି ଦାରି ଗରେ ଜାଆ । ତମକେ ଜେଡ଼କି ଦେଲି ଆଚି, ଗଟେକ୍ ଗଟା କାମ୍ କରିରଇବା ଲକ୍ମନକେ ମିସା ସେଡ଼କିସେ ଦେବାକେ ମର ମନ । ୧୫ ମର ନିଜର ଦନ, ମୁଇ ଜେଡ଼ି ମନ କଲିନି, ସେଡ଼ି କରତ କରବାକେ ମରକାଇ ଅଦିକାର ନାଇ କି ? କି ମୁଇ ଦାନ ଇସାବେ ଦେଲିନି ବଲି ଆକାର ଅଇଲାସନି ?”

୧୬ \*ଜିସୁ ଏ କାତା କଇସାରାଇ କଇଲା, “ଜନ୍ ଲକ୍ମନ ଏବେ ପତେ ଆଚଡ଼ ସେମନ, ଆଗତୁ ଅଇବାଇ । ଆରି ଜନ୍ ଲକ୍ମନ ଆଗତୁ ଆଚଡ଼ ସେମନ ପତେ ସେ ରଇଜିବାଇ ।”

**ଜିସୁ ତାର ମରନ୍ ବିସଇ ଏଟାସଙ୍ଗ୍ ତିନତର ଜାନାଇଲା**  
(ମାରକ ୧୦:୩୨-୩୪; ଲୁକ୍ ୧୮:୩୧-୩୪)

୧୭ ଜିସୁ ଜିରୁସାଲମ୍ ଜିବା ବାଟେ ତାର ବାରଟା ସିସ୍ମନକେ ଗଟେକ୍ ଲଗେ ଡାକି ନେଇ, କେ ନଇଲା ବେଲେ କଇଲା, ୧୮ “ସୁନା, ଆମେ ଜିରୁସାଲମେ ଗାଲୁନି । ତେଇ ନରପିଲା ମୁଇ, ମୁକିଅ ପୁଜାରି ଆରି ଦରମ୍ ଗୁରୁମନକେ ସରପି ଅଇବି । ସେମନ ମକେ ମରନ୍ ତଣ୍ଡ ଦେବାଇ । ୧୯ ତାରପତେ ସେମନ ମକେ, ଜିଉଦି ନ ଅଇଲା ଲକ୍ମନକେ ସରପି ଦେବାଇ । ଜିଉଦି ନ ଅଇଲା ଲକ୍ମନ, ମକେ କିଜାଇବାଇ, କରତା ସଙ୍ଗ୍ ମାରବାଇ ଆରି କୁରସେ ଚଗାଇବାଇ । ମାତର ତିନଦିନ ପତେ ମୁଇ ଆରି ତରେକ୍ ଜିବନ୍ ଅଇ ଉଟ୍ବି ।”

**ଗଟେକ୍ ମାଆର ଗୁଆରି**  
(ମାରକ ୧୦:୩୫-୪୫)

୨୦ ସେଡ଼ିକିବେଲେ ଜେବଦିର ମାଇଜି ତାର ଦୁଇଟା ପିଲାମନର ସଙ୍ଗ୍ ଜିସୁରଲଗେ ଆସି ତାକେ ଜୁଆରକରି, ଗଟେକ୍ ବିସଇ ମାଙ୍ଗଲା ।

୨୧ ଜିସୁ ତାକେ ପାଚାରଲା, “ତୁଇ କାଇଟା ମନ କଲୁସନି ?” ସେ କଇଲା, “ଜେଡେବଲ୍ ତମେ ତମର ରାଇଜେ ରାଜା ଅଇସା, ମର ଏ ଦୁଇଟା ପିଲାମନକେ ତମର ଡେବ୍ରି ବାଟେ ଆରି ଉଜା ବାଟେ ବସାଇବି ବଲି ମକେ କାତା ଦିଆ ।”

୨୨ ଜିସୁ ଜେବଦିର ପିଲାମନକେ କଇଲା, “ତମେ କାଇଟା ମାଗଲାସନି ସେଟା ବୁଜି ନାପାରଲାସନି । ମୁଇ ଜନ୍ ଦୁକ୍ପୁରୁନ୍ ମୁତାର ପାନି କାଇବାର ଗାଲିନି, ତମେ କାଇ ପାରାସ୍ କି ?” ସେମନ “ଉଁ” ବଲି କଇଲାଇ ।

୨୩ ଜିସୁ ସେମନକେ କଇଲା, “ତମେ, ମର ମୁତାର ପାନି କାଇଲେ କାଇପାରାସ୍ । ମାତର ମର ଉଜା ବାଟେ ଆରି ଡେବ୍ରି ବାଟେ କେ ବସିପାରେ ସେଟା ବାଟବାକେ ମର ଅଦିକାର ନାଇ । ଜନ୍ ଲକ୍ମନର ପାଇ ମର ବାବା ସେ ଜାଗା ତିଆର କଲା ଆଚେ, ସେଟା ସେମନର ପାଇ ଆକା ।”

୨୪ ବିନ୍ ସିସ୍ମନ ଜେଡେବେଲ୍ ଏ କାତା ସୁନ୍ଲାଇ, ସେ ଦୁଇ ବାଇର ଲାଗି ବେସି ରିସା ଅଇଗାଲାଇ । ୨୫ \*ଜିସୁ ସିସ୍ମନକେ ଗଟେକ୍ଟାନେ ଟୁଲକରି କଇଲା, “ତମେତା ଜାନାସ୍ ଏ ଦୁନିଆର ରାଜାମନ ବିନ୍ ଲକ୍ମନକେ ନିଜର ଅଦିକାର କରିରଇବାଇ । ବଡ଼ ବଡ଼ ନେତାମନ ମିସା ବିନ୍ ଲକ୍ମନକେ ସାସନ୍ କରବାଇ । ୨୬ \*ମାତର ତମେ ସେନ୍ତାର ଉଆନାଇ । ତମର ବିତରେ ଗଟେକ୍ ଲକ୍ମ ବଡ଼ ଅଇବାକେ ମନ କଲାନି ବଇଲେ, ସେ ସବୁଲକର ସେବା କରବାର ଆଚେ । ୨୭ ତମର ବିତରେ ଜେ ମୁକିଅ ଅଇବାକେ ମନ କଲାସନି, ସେ ବିନ୍ ଲକ୍ମର ଗତିଦାଙ୍ଗତା ପାରା ଅଇ ସେମନର ସେବା କର । ୨୮ ଜେନ୍ତାରି କି ପରମେସର

\* ୨୦:୧୭ ୨୦:୧୭ ମାଡ଼ିଭ ୧୯:୩୦; ମାରକ ୧୦:୩୧; ଲୁକ୍ ୧୩:୩୦    \* ୨୦:୨୫ ୨୦:୨୫ ଲୁକ୍ ୨୨:୨୫,୨୬    \* ୨୦:୨୭ ୨୦:୨୭ ମାଡ଼ିଭ ୨୩:୧୧; ମାରକ ୯:୩୫; ଲୁକ୍ ୨୨:୨୭

ପାଟାଲିକା ନରପିଲା ମୁଇ ମିସା ସେବା ମିଲ ବଲି ଆସି ନାଇ, ମାତର୍ ବିନ୍ ଲକ୍ମନର୍ ସେବା କରି ସେମନ୍‌କେ ମୁକ୍ତି ମିଲ ବଲି ନିଜର୍ ଜିବନ୍ ଦେବାକେ ଆଇଲି ଆତି ।”

ଜିସୁ ଦୁଇଟା କାଣାମନ୍‌କେ ଦେକ୍‌ବା ବପୁ ଦେଲା  
(ମାର୍କ ୧୦:୪୭-୫୨; ଲୁକ୍ ୧୮:୩୫-୪୩)

୨୯ ଦିନେକ୍ ଜିସୁ ସିସ୍‌ମନ୍‌ର୍ ସଙ୍ଗ୍ ଜିରିଅ ସଅର୍ ଚାଡ଼ିକରି ଜିବାବେଲେ କେତେ କେତେ ଲକ୍ମନ୍‌ ତାର୍ ପଟେ ପଟେ ଇଣ୍ଡିବାର୍ ଦାଉଲାଇ । ୩୦ ଆରି ଏଦେ ଦେକା ! ବାଟ୍‌ପାଲି ବସି ରଇବା ଦୁଇଟା କାଣା, ଜିସୁ ସେ ବାଟେ ଆଇଲାନି ବଲି ସୁନି, ଆକ୍‌ମାରି ଡାକ୍‌ଲାଇ, “ଏ ମାପରୁ ଦାଉଦର୍ ପଅ ! ଆମ୍‌କେ ଦୟା କର ।”

୩୧ ଲକ୍ମନ୍‌ ସେମନ୍‌କେ ଦମ୍‌କାଇ କରି ରୁପ୍‌ଅଇ ରଇବାକେ କଇଲାଇ । ମାତର୍ ସେମନ୍‌ ଅଦିକ୍ ଅଦିକ୍ ଆକ୍‌ମାରି କଇଲାଇ, “ଏ ମାପରୁ, ଦାଉଦର୍ ପଅ ! ଆମ୍‌କେ ଦୟା କର ।”

୩୨ ଜିସୁ ତେଇ ଟିଆଅଇ ସେମନ୍‌କେ ଡାକି ପାଟାଲିକା, “ମୁଇ ତମର୍ ପାଇ କାଇଟା କରବି ବଲି ମନ୍ କଲାସନି ?”

୩୩ ସେମନ୍ କଇଲାଇ, “ମାପରୁ ଆମ୍‌କେ ଦେକ୍‌ବା ବପୁ ଦିଆ ।”

୩୪ ଜିସୁ ସେମନ୍‌ର୍ ପାଇ ଦୟା ଅଇ, ତାକର୍ ଆଁକି ଚିଇଲା । ସେ ଦାପ୍‌ରେସେ ସେମନ୍‌ ଦେକିପାଉଲାଇ ଆରି ଜିସୁର୍ ପଟେ ପଟେ ଗାଲାଇ ।

## ୨୧

ଜିରୁସାଲାମ୍ ଜିସୁ ଡାକ୍‌ପୁଟାରେ ଜିବାଟା  
(ମାର୍କ ୧୧:୧-୧୧; ଲୁକ୍ ୧୯:୨୮-୪୦; ଜଅନ୍ ୧୨:୧୨-୧୯)

୧ ଜିସୁ ଆରି ତାର୍ ସିସ୍‌ମନ୍‌ ଜିରୁସାଲାମ୍ ଲଗାଲଗି ଅଇ କଣ୍ଡେକ୍ ଦୁର୍ ଜାଇ ଡଙ୍ଗାରେ ରଇଲା ବେଡ୍‌ପାଗି ଆରି ବେଡିନିଆ ନାଉର୍ ଗାଏଁ କେଟ୍‌ଲାଇ । ତାର୍ ଦୁଇଟା ସିସ୍‌ମନ୍‌କେ ଆଦେସ୍ ଦେଇ କଇଲା, ୨ “ତମେ ମୁଆଟେ ରଇଲା ସେ ଗାଏଁ ଜାଆ । ତେଇ କେଟ୍‌ଲା ଦାପ୍‌ରେ, ଗଟେକ୍ ଗଦ ବାନ୍ଧିଅଇ ରଇବାଟା ଦେକ୍‌ସା ଆରି ତାର୍ ଲଗେ ତାର୍ ପିଲା ଆଟେ । ସେମନ୍‌କେ ମେଲି ମରୁଲଗେ ଦାରି ଆସା । ୩ କେ ଜଦି କାଇ ବଲି ପାଟାଲିକେ କଇସା, ଏଟା ସାଉକାଟ୍‌କେ ଦରକାର୍ ଆଟେ ।” ସେଡ଼ିକି ଦାପ୍‌ରେ ସେ ଗଦମନ୍‌କେ ଚାଡ଼ିଦେଇସି ।”

୪ ଏ ଗଦନାଅନି ବାବଦାଦିମନ୍ ଲେକି ରଇଲା କାତା ସିଦ୍ ଅଇଲା ।

୫ “ସିଅନ୍ ଗଡେ କୁଆ !

ଦେକା, ତମର୍ ରାଜା ତମର୍ ଲଗେ ଆଇଲାନି, ସେ କେତେ ସୁଆଲ୍ ଗଦପିଲାର୍ ପିଟିତେଇ ବସଲାଆଟେ

ଦେକା, ସେ ଗଦପିଲା ଉପ୍‌ରେ ବସିଆଇଲାନି ।”

୬ ସିସ୍‌ମନ୍‌ ଜାଇ ଜିସୁ କଇବା ଇସାବେ କଲାଇ । ୭ ଗଦ ଆରି ତାର୍ ପିଲାକେ ଦାରି ଆସି ତାକର୍ ଉପ୍‌ରେ ଲୁଗାମନ୍ ଅଟାଇ ଦେଲାଇ ଆରି ଜିସୁ ଗଦ ଉପ୍‌ରେ ବସଲା । ୮ ତେଇ ରଇଲା ଲକ୍ମନ୍‌ ଜିସୁ ଜିବା ବାଟେ ନିଜର୍ ନିଜର୍ ପଟିଆମନ୍ ଅଟାଇ ଦେଲାଇ ଆରି କେତେକ୍ ଲକ୍ମନ୍‌ କର୍‌ରି ଡାଲ୍ ଆନି କରି ସେ ବାଟେ ଅଟାଇଦେଲାଇ । ୯ ଜିସୁର୍ ଆଗଡୁବାଟେ ଆରି ପଟ୍‌ବାଟେ ଜାଇତେ ରଇଲା ଲକ୍ମନ୍‌ ଆକ୍‌ମାରି କରି କଇଲାଇ, “ଦାଉଦର୍ ପଅକେ ଡାକ୍‌ପୁଟା କରା, ଜେ ମାପରୁର୍ ନାଉଁ ଦାରି ଆଇଲାନି ତାକେ ପର୍‌ମେସର୍ ଆସିରବାଦ୍ କର । ପର୍‌ମେସରର୍ ଡାକ୍‌ପୁଟା କରା ।”

୧୦ ଜିସୁ ଜିରୁସାଲାମ୍ କେଟ୍‌ଲାଦାପ୍‌ରେ ସେ ଗଡର୍ ଲକ୍ମନ୍‌ ଜିସୁ କେ ? ବଲି କରି ଗୁଲାଇ ବାଟେ ଉଡ଼ରା ଅଇଗାଲା । ୧୧ ଲକ୍ମନ୍‌ ପାଟାଲିକା, “ସେ କେ ?” ବିନ୍ ଲକ୍ମନ୍‌ କଇଲାଇ, “ସେ ଅଇଲାନି ଗାଲିଲି ରାଇଜେ ରଇବା ନାଜରିଡ୍ ଗଡର୍ ବବିସଡ୍‌ବକ୍‌ତା ଜିସୁ ।”

ଜିସୁ ମନ୍‌ହରେ ଗାଲା  
(ମାର୍କ ୧୧:୧୫-୧୯; ଲୁକ୍ ୧୯:୪୫-୪୮)

୧୨ ଜିସୁ ମନ୍‌ହର୍ ବିଡ୍‌ରେ ପୁରିକରି ତେଇ ଗେନା ବିକା କର୍‌ଡେ ରଇବା ସବୁ ଲକ୍ମନ୍‌କେ ବାରକରାଇ ଦେଲା । ତାରୁ ବାଦ୍‌ଲାଉମନ୍‌ର୍ ଟେରୁଲ୍ ଆରି ପରୁଆ ବିକୁମନ୍‌ର୍ ବସ୍‌ବାଟା ପାସ୍‌ଲାଇ ଦେଲା । ୧୩ ଜିସୁ ସେମନ୍‌କେ କଇଲା, “ଦରମ୍ ସାସ୍‌ତରେ ଲେକା ଆଟେ, ମର୍ ମନ୍‌ହର୍ ପାର୍‌ତନା ଗର୍ ବଲି ନାଉଁ ଅଇସି । ମାତର୍ ତମେ ତାକେ ଚର୍‌ମନ୍‌ର୍ ଆକାତା ସାଲ୍ ପାରା କରିଆଟାସ୍ ।”

୧୪ ଜିସୁ ମନ୍‌ହରେ ରଇଲାବେଲେ କାଣାମନ୍‌ ଆରି ମେଟାମନ୍‌ ତାର୍ ଲଗେ ଆଇଲାଇ ଆରି ସେ ସେମନ୍‌କେ ନିକ କଲା । ୧୫ ମୁକିଅ ପୁଜାରିମନ୍ ଆରି ଦରମ୍ ଗୁରୁମନ୍ ତାର୍ କାବା ଅଇଜିବା କାମ୍ ସବୁ ଦେକି ଆରି ପିଲାମନ୍ ଦାଉଦର୍ ପଅର୍ ଜୟ ଜୟ ଅ, ବଲି କଇବାଟା ସୁନି ରିସା ଅଇଗାଲାଇ । ୧୬ ସେମନ୍‌

ଜିସୁକେ ପାଚାରଲାଇ, “ଏମନ୍ କାଇବଲି କଇଲାଇନି ତୁଇ ସୁନି ପାରଲୁସନି ?” ଜିସୁ କଇଲା, “ଉଁ ସୁନଲିନି । ଦରମ୍ ସାସ୍ତରେ କାଇ ଏ କାତା ପତାସ୍ ନାଇ କି ? ‘ତମେ ପିଲାମନ୍‌କେ ଆରି କଅଁଲା ପିଲାମନ୍‌କେ ଟିକ୍ ଇସାବେ ଆରାଦନା କରବାକେ’ ସିକାଇଆଚାସ୍ ?”

୧୭ ଏ କାତା କଇକରି ଜିସୁ ସେମନ୍‌କେ ଚାଡ଼ି ଜିରୁସାଲମେଅନି ବେଡ଼ନିଆଇ ଗାଲା । ସେ ତେଇ ଗଟେକ୍ ରାତି ବିତାଇଲା ।

**ଜିସୁ ତୁମ୍‌ରି ଗଟେକ୍ ସାଇପ୍ ଦେଲା**  
(ମାର୍କ ୧୧:୧୨-୧୪, ୨୦-୨୪)

୧୮ ତାର୍ ଆରକର ଦିନେ ଜିସୁ ସାକାଲ୍ ସାକାଲ୍ ଜିରୁସାଲାମ୍ ବାଉଡ଼ଲା ବେଲେ ତାକେ ବୁକ୍ କଲା । ୧୯ ବାଟ୍‌ପାଲି ଗଟେକ୍ ତୁମ୍‌ରି ଗଟ୍ ରଇଲା । ଜିସୁ ସେ ଗଟ୍ ଲଗେ ଜାଇ ତେଇ ପତର୍ ରଇବାଟା ଚାଡ଼ି, ଆରି କାଇଟା ଦେକେ ନାଇ । ତେବେ ସେ ଗଟେକ୍ କଇଲା, “ତୁଇ ଆରି କେବେ ମିସା ପଲ୍ ନ ଦାରୁସ୍ !” ସେ ଦାପ୍‌ରେ ସେ ତୁମ୍‌ରି ଗଟ୍ ସୁକିଗାଲା ।

୨୦ ଏଟା ଦେକିକରି ସିସମନ୍ କାବା ଅଇଜାଇ ପାଚାରଲାଇ, “ଏ ଗଟ୍ ଏତେକ୍ ଦାପ୍‌ରେ କେନ୍ତ୍ର ସୁକିଗାଲା ?”

୨୧ ✱ଜିସୁ କଇଲା, “ମୁଇ ତମ୍‌କେ ସଡ଼୍ କଇଲିନି, ତମର୍ ମନେ ଅଇସି କି ନ ଅଏ ବଲି ଅଲପ୍ ମିସା ନ ବାବିକରି ଜଦି ପୁରାପୁରୁନ୍ ବିସ୍‌ବାସ୍ କରସା ବଇଲେ ମୁଇ ଏ ତୁମ୍‌ରି ଗଟେକ୍ ଜେନ୍ତ୍ର କରିଆରି, ତମେ ମିସା ସେନ୍ତ୍ର କରିପାରାସ୍ । ସେଡ଼କି ଆକା ନଏ, ଏ ଡଙ୍ଗର୍ ଉଲ୍‌ଟିକରି ସମ୍‌ଦୁରେ ଜାଇ ଅଦର୍ ବଲି କଇଲେ ମିସା ସେଟା ଅଇସି । ୨୨ ତମେ ବିସ୍‌ବାସ୍ କରି ପାର୍‌ତନାଇ ଜନ୍‌ଟା ମାଙ୍‌ସା, ସେଟା ମିଲ୍‌ସି ।”

**ଜିସୁର ଅଦିକାର୍ ବିସଇ ପାଚାରବାଟା**  
(ମାର୍କ ୧୧:୨୭-୩୩; ଲୁକ୍ ୨୦:୧-୮)

୨୩ ଜିସୁ ମନ୍ଦିରେ ବାଉଡ଼ି ଆସି ତେଇ ସିକିଆ ଦେଇତେ ରଇଲା ବେଲେ ମୁକିଅ ପୁଜାରିମନ୍ ଆରି ପାର୍‌ଟିନମନ୍ ତାକେ ପାଚାରଲାଇ, “କାଇ ଅଦିକାରେ ତୁଇ ଏ ସବୁ କାମ୍ କଲୁସନି ? ତକେ ଏ ଅଦିକାର୍ କେ ଦେଲା ?”

୨୪ ଜିସୁ କଇଲା, “ମୁଇ ମିସା ତମ୍‌କେ ଏକାଇ ଗଟେକ୍ ସେ ପର୍‌ସନ୍ ପାଚାରବି । ତାର୍ ଉତର୍ ଦେଇ ପାରଲେ ମୁଇ କାଇ ଅଦିକାରେ ଏ ସବୁ କାମ୍ କଲିନି, ତମ୍‌କେ କଇଦେବି । ୨୫ ଜଅନ୍ ତୁବନ୍ ଦେବା ଅଦିକାର୍ କାର୍‌ଟାନେଅନି ମିଲାଇ ରଇଲା ? ସର୍‌ଗେଅନି କି ମୁନୁସ୍ ମନର୍‌ଟାନେଅନି ?”

ସେମନ୍ ତାକର୍ ତାକର୍ ବିଡ଼ରେ କୁଆବଲା ଅଇଲାଇ “ଏ ବିସଇ ନେଇ କାଇବଲି କଉଁ ? ଜଦି ପର୍‌ମେସର୍‌ର୍ ଟାନେଅନି ବଲି କଇଲେ, ତେବେ ସେ ଆମ୍‌କେ ‘ଜଅନ୍‌କେ କାଇକେ ବିସ୍‌ବାସ୍ କରାସ୍ ନାଇ ?’ ବଲି କଇସି । ୨୬ ଜଦି ଲକ୍‌ମନ୍‌ର୍ ଟାନେଅନି ବଲି କଇଲେ, ତେବେ ଲକ୍‌ମନ୍‌କେ ଡର୍ ଲାଗଲାନି । କାଇକେ ବଇଲେ ଜଅନ୍ ଗଟେକ୍ ବବିସଡ଼ବକ୍‌ତା ବଲି ସେମନ୍ ସବୁଲକ୍ ବିସ୍‌ବାସ୍ କଲାଇନି ।”

୨୭ ସେଟାପାଇ ସେମନ୍ ଜିସୁକେ କଇଲାଇ, “ଆମେ ନାଜାନୁ ।”

ଜିସୁ ସେମନ୍‌କେ କଇଲା, “କନ୍ ଅଦିକାରେ ଏ ସବୁ କଲିନି ସେଟା ମୁଇ ମିସା ତମ୍‌କେ ନ କଇ ।”

**ଦୁଇଟା ପିଲାର୍ କାତାନି**

୨୮ ଆଲେ ଏ ବିସଇ ତମେ କାଇ ବଲି ବାବ୍‌ଲାସ୍‌ନି କଇଦେକା ପନି ? ଗଟେକ୍ ଲକ୍‌ର୍ ଦୁଇଟା ପଅମନ୍ ରଇଲାଇ । ଦିନେକ୍ ସେ ଲକ୍ ତାର୍ ବଡ଼ ପଅକେ କଇଲା, “ମୁନାରେ, ଆଜି ଆମର୍ ଅଙ୍ଗୁର୍ ବାଡେ ଜାଇ ପାଇଟି କର । ୨୯ ‘ନାଇ ମୁଇ ନ କରି’ ବଲି ବଡ଼ ପଅ କଇଲା । ମାତର୍ ପତେ ମନ୍ ବାଦ୍‌ଲାଇ ପାଇଟି କର୍‌ବାର୍ ଗାଲା । ୩୦ ସେ ଲକ୍ ସାନ୍ ପଅକେ ମିସା ସେ କାମ୍ କର୍‌ବାକେ କଇଲା । ‘ଉଁ ବାବା ଗାଲିନି’ ବଲି ସାନ୍ ପଅ କଇଲା । ମାତର୍ ସେ କାମ୍‌ଟାନେ ମୁଲ୍‌କେ ଜାଏ ନାଇ । ୩୧ କଇଦେକା ପନି, ଏ ଦୁଇଟା ପଅର୍ ବିଡ଼ରେ କେ ତାର୍ ବାବା ତିଆର୍‌ଲାଟା ମାନିରଇଲା ?” ସେମନ୍ କଇଲାଇ, “ବଡ଼ ପଅ ।”

ଜିସୁ ସେମନ୍‌କେ କଇଲା, “ମୁଇ ସଡ଼୍ କଇଲିନି ସିସ୍‌ତୁ ମାଙ୍ଗୁମନ୍ ଆରି ବେସିଆମନ୍ ତମର୍‌ଟାନେଅନି ପରମେସର୍‌ର୍ ରାଇଜେ ଆଗତୁ କେଟ୍‌ବାଇ । ୩୨ ✱ତୁବନ୍ ଦେଉ ଜଅନ୍ ତମର୍‌ଟାନେ ଆସି ଦରମ୍‌ର୍ ବାଟ୍ ଦେକାଇ ଦେଇରଇଲା, ମାତର୍ ତମେ ତାକେ ବିସ୍‌ବାସ୍ କରାସ୍ ନାଇ, ମାତର୍ ସିସ୍‌ତୁ ମାଙ୍ଗୁମନ୍ ଆରି ବେସିଆମନ୍ ତାର୍ କଇଲା କାତା ବିସ୍‌ବାସ୍ କଲାଇ । ଏଟା ଦେକିକରି ମିସା ପତେ ତମେ ପାପ୍ କାମ୍‌କର୍‌ବାଟା ଚାଡ଼ି ମନ୍ ବାଉଡ଼ାଇ ତାକେ ବିସ୍‌ବାସ୍ କରାସ୍ ନାଇ ।”

**ଆଦିବାଗ୍ ଚାସ୍ କରୁମନର୍ ବିସଇ**  
(ମାର୍କ ୧୨:୧-୧୨; ଲୁକ୍ ୨୦:୯-୧୯)

✱ ୨୧:୨୧ ୨୧:୨୧ ମାଡ଼ିଉ ୧୭:୨୦; ୧ମ କରନ୍ତିୟ ୧୩:୨ ✱ ୨୧:୩୨ ୨୧:୩୨ ଲୁକ୍ ୩:୧୨;୭:୨୯,୩୦

୩୩ ଜିସୁ କଇଲା, “ଆରି ଗଟେକ୍ କାତା ସୁନା, ଗଟେକ୍ ସାଉକାର୍ ତାର୍ ଜମିଟାନେ ଅଙ୍ଗୁର୍ ଚାସ୍ କରିରଇଲା । ତେଇ ଚାରିବେଟ୍ଟି ବାଡ୍ ବୁନ୍‌ଲା ଆରି ଅଙ୍ଗୁର୍ ପିଲ୍‌ବାକେ ଗଟେକ୍ କୁଣ୍ଡୁ ତିଆରକଲା । ଆରି ଜାଗୁଆଲିର୍ ପାଇ ଗଟେକ୍ ମାଟା ମିସା ତିଆର୍ କରିଦେଲା । ତାର୍ ପଟେ ସେ ଜମି, ଚାସିମନ୍‌କେ ଆଦିବାଗ୍ ଇସାବେ ଦେଇକରି, ସାଉକାର୍ ବିଦେସେ ଉଟିଗାଲା ।”

୩୪ ଅଙ୍ଗୁର୍ ତଲ୍‌ବାବେଲେ ସେ ସାଉକାର୍ ତାର୍ ଦାଙ୍ଗୁଡାମନ୍‌କେ ନିଜର୍ ଆଦିବାଗ୍ ମାଙ୍ଗୁବାକେ ଚାସିମନ୍‌ରୁ ଲଗେ ପାଟାଇଲା । ୩୫ ଚାସିମନ୍ ସେ ଦାଙ୍ଗୁଡାମନ୍‌କେ ଦାରି, ଗଟେକ୍ ଲକ୍‌କେ ମାର୍‌ଲାଇ, ଆରି ଗଟେକ୍ ଲକ୍‌କେ ମରାଇଲାଇ, ଆରି ଗଟେକ୍ ଲକ୍‌କେ ପାକ୍‌ନାସଙ୍ଗ୍ ମାରିପାକାଇଲାଇ । ୩୬ ଏଟାର୍ ପାଇ ଜମି ସାଉକାର୍ ଆଗର୍‌ତେଇଅନି ଅଦିକ୍ ଗତିଦାଙ୍ଗୁଡାମନ୍‌କେ ପାଟାଇଲା । ବାଗ୍ ଚାସିମନ୍ ସେମନ୍‌କେ ମିସା ସେନ୍ତାରିସେ କଲାଇ । ୩୭ ସାରାସାରି ପଟେ ପଦା ସାଉକାର୍ ଚାସିମନ୍‌ଟାନେ ତାର୍‌ପିଲାକେ ପାଟାଇଲା । ସେ ବାବ୍‌ଲା, ସେମନ୍ ମର୍ ପିଲାକେ ବାଦିଅରେ ନାମ୍‌ବାଇ ।

୩୮ ମାତର୍ ଚାସିମନ୍ ସାଉକାର୍ ପଅକେ ଦେକିକରି ତାକର୍ ତାକର୍ ବିଡ୍‌ରେ କୁଆବଲା ଅଇଲାଇ, “ଏଦେ ଦେକା, ସାଉକାର୍ ପିଲା ! ଆସା ଆକେ ମିସା ମାରିପାକାଉ । ଏନ୍ତାର୍ କଲେ ଆକା ସାଉକାର୍ ଦନ୍ ଆମରଟା ଅଇସି ।” ୩୯ ଏନ୍ତାରି କଇକରି ସେମନ୍ ତାକେ ଜମିତେଇଅନି ଦାରି ବାର୍‌କରାଇ, ବାଇରେ ନେଇ ମାରି ମରାଇଦେଲାଇ ।

୪୦ ଜିସୁ ପାଟାରୁଲା, “ଜେଡେବେଲ୍ ଜମି ସାଉକାର୍ ଆଇସି ସେ ଚାସିମନ୍‌କେ କାଇଟା କର୍‌ସି ?”

୪୧ ସେମନ୍ କଇଲା “ବଦ୍‌ମାସ୍‌ମନ୍‌କେ ମାରି ମରାଇସି । ଆରି ଜନ୍ ଚାସିମନ୍ ସମାନ୍ ବେଲାଇ ତାର୍ ଆଦିବାଗ୍ ଦେବାଇ, ସେ ଜମି ସେମନ୍‌ର ଆଡେ ଜିମା ଦେଇସି ।”

୪୨ ଜିସୁ ସେମନ୍‌କେ କଇଲା, “ଏ ସାସ୍‌ତରର୍ କାତା କାଇ କେବେ ତମେ ପତାସ୍ ନାଇ କି ? “ଗର୍‌ବାୟୁମନ୍ ଜନ୍ ପାକ୍‌ନା ଲତାକେ ନ ଅଏ ବଲି ଚାଡିଦେଇ ରଇଲାଇ, ସେଟାସେ ଗର୍ କନର୍ ମୁକିଅ ପାକ୍‌ନା ଅଇଲା ।

ନିଜେ ମାପ୍‌ରୁଆକା ଏଟା କଲା ଆଟେ ।

ତାର୍ କାମ୍ କେଡେକ୍ କାବାଅଇଜିବା କାମ୍ !”

୪୩ ଜିସୁ ଆରି କଇଲା, “ସେଟାର୍ ପାଇ ତମକେ କଇଲିନି, ପର୍‌ମେସରର୍ ରାଇଜେ ପୁରବା ଅଦିକାର୍ ତମର୍‌ତେଇଅନି ଦାରିଜିବାଇ ଆରି ଜନ୍ ଦଲ୍ ଏ ରାଇଜର୍ ନିମାନ୍ ପଲ୍ ଦେକାଇ ପାର୍‌ବାଇ, ସେମନ୍‌କେ ସେଟା ଦିଆଅଇସି ।”

୪୪ ଆରି ଜେ ଏ ପାକ୍‌ନା ଉପ୍‌ରେ ଅଦର୍‌ସି, ସେ କଣ୍ଡୁ କଣ୍ଡୁ ଅଇଜାଇସି । ଆରି ଏ ପାକ୍‌ନା ଜାର୍ ଉପ୍‌ରେ ଅଦର୍‌ସି, ସେଟା ତାକେ ଚାପି କରି ଗୁଣ୍ଡୁ କରି ଦେଇସି\* ।

୪୫ ମୁକିଅ ପୁଜାରିମନ୍ ଆରି ପାରୁସିମନ୍ ଏ କାତା ସୁନି, ଜିସୁ ସେମନ୍‌କେ ଦେକାଇ କରି କଇଲାନି ବଲି ବୁଜିପାରୁଲାଇ । ୪୬ ସେଟାର୍ ପାଇ ସେମନ୍ ତାକେ ବାନ୍ଦାଇ ନେବାକେ ଚେସ୍‌ଟା କଲାଇ, ମାତର୍ ଲକ୍‌ମନ୍‌କେ ଡରି ସେମନ୍ ସେଟା କରି ନାପାରୁଲାଇ, କାଇକେବଇଲେ ଲକ୍‌ମନ୍ ଜିସୁକେ ଗଟେକ୍ ବବିସ୍‌ଡବକ୍‌ତା ବଲି ମନେ ବାବ୍‌ଡେରଇଲାଇ ।

# ୨୨

## ବିବା ବଜିର୍ କାତା (ଲୁକ୍ ୧୪:୧୫-୨୪)

୧ ଜିସୁ ଆରିତରେକ୍ ଉଦାଅରଣ ଦେଇ ଲକ୍‌ମନ୍‌କେ ସିକିଆ ଦେଲା । ୨ ପର୍‌ମେସରର୍ ସରଗ୍ ରାଇଜ୍ ଏନ୍ତାରି । ତରେକ୍ ଗଟେକ୍ ରାଜା ତାର୍ ପିଲାପିଲା ବଜି କରାଇଲା । ୩ ଜନ୍ ଲକ୍‌ମନ୍‌କେ ବିବା ବଜିଟାନେ କବର୍ ଦେଇରଇଲା, ସେମନ୍‌କେ ଡାକିଆନ୍‌ବାକେ ଦାଙ୍ଗୁଡାମନ୍‌କେ ପାଟାଇଲା । ମାତର୍ ସେମନ୍ ନିର୍‌ଲାଇ । ୪ ବିବାଟାନେ ଗାଗଡ୍ ଚେଲିମନ୍‌କେ ମାରି ବଜି ଅଇଲା ଆଟେ । ଦାପ୍‌ରେ ଆସା ବଲି ରାଜା ଆରି ତରେକ୍ ବିନ୍ ଦାଙ୍ଗୁଡାମନ୍‌କେ କଇପାଟାଇଲା । ୫ ମାତର୍ କବର୍ ପାଇରଇଲା ଲକ୍‌ମନ୍ ଏ କାତା ନ ମାନିକରି ନିଜର୍ ନିଜର୍ ପାଇଟି କର୍‌ବାର୍ ଦାରୁଲାଇ । କେଡେ ଲକ୍ ବାରଇକରି ପଦାଇ ଉଟିଗାଲାଇ । ଆରି କେଡେକ୍ ଲକ୍ ତାକର୍ ଦୁକାନେ ଉଟିଗାଲାଇ । ୬ ଆରି କେଡେ ଲକ୍ ରାଜାର୍ ଦାଙ୍ଗୁଡାମନ୍‌କେ ଦାରି ମାରି ମରାଇଲାଇ । ୭ ରାଜା ରିସାଅଇଜାଇ କରି ସଇନମନ୍‌କେ ପାଟାଇଲା । ସଇନମନ୍ ଜାଇକରି ସେ ମାରୁମନ୍‌କେ ମରାଇ ପାକାଇଲାଇ ଆରି ସେମନ୍ ରଇଲା ସଅର୍ ପତାଇ ପାକାଇଲାଇ । ୮ ତାର୍ ପଟେ ରାଜା ଗତିଦାଙ୍ଗୁଡାମନ୍‌କେ ଡାକି କଇଲା, ବିବା ବଜିର୍ ରାନ୍ଦାବାଡା ସାରୁଲାବେ ମାତର୍ ମୁଇ କବର୍ ଦେଇରଇଲା ଲକ୍‌ମନ୍ ଏ ବଜି କାଇବାକେ ବାଗ୍ ନାଇ ।

\* ୨୧:୪୪ ୨୧:୪୪ ଏ ବାକିଅ ପୁରନା ପାଣ୍ଡୁ ଲିପିଟାନେ ଲେକାଅଏନାଇ

୯ ଏବେ ତମେ ଜାଇକରି ଗାଉଁପାଲିର ଗୁଡା ଆରି ପୁଟ୍‌ମନ୍କେ, ଜେଡ଼କି ଲକ୍‌କେ ବେଟ୍ ଅଇସା ସେ ସବୁ ଲକ୍‌ମନ୍କେ ଆମର ବଜିଟାନେ ଡାକିଆନା । ୧୦ ତେବେ ଦାଙ୍ଗଡ଼ାମନ୍କେ ଲଗର ପାକର ଗାଉଁମନ୍କେ ବୁଲି ନିକ ଲକ୍ ଅଅଡ଼ କି ବାନିଆ ଲକ୍ ଅଅଡ଼ ଜେଡ଼କି ଲକ୍‌କେ ବେଟ୍ ଅଇଲାଇ, ସବୁକେ ଡାକି ଆନ୍‌ଲାଇ । ଆରି ବିବା ଗରେ ଲକ୍‌ମନ୍କେ ମାଣ୍ଡାଚୁଣ୍ଡା ଅଇଗାଲାଇ ।

୧୧ ପଚେ ରାଜା ଡାକାଇଲା ଲକ୍‌ମନ୍କେ ଦେକ୍‌ବାର୍ ଆଇଲା । ସେ ଲକ୍‌ମନ୍କେ ବିଡ଼ରେ ଅନି ଗଟେକ୍ ଲକ୍ ତିଆରପିଆର୍ ନ ଅଇକରି ନିକଟା ପିନ୍ଦି ନ ଆସିରଇଲାଟା ରାଜା ଦେକ୍‌ଲା । ୧୨ ରାଜା ତାର୍ ଲଗେ ଜାଇ ପାଟାରଲା, “ମଇତର, ତୁଇ ତିଆର୍ ପିଆର୍ ନ ଅଇତେ କେନ୍ତି ଏ ବଜିଟାନେ ଆଇଲୁସ୍” ସେ ଲକ୍ ଚିମ୍‌ରା ଅଇଦେଲା । ୧୩ ରାଜା ଦାଙ୍ଗଡ଼ାମନ୍କେ କଇଲା, “ତାର୍ ଆଡ଼ ଗଡ଼ ବାନ୍ଦି ବାଇରେ ନେଇ ଆନ୍‌ରେ ପିଙ୍ଗିଦିଆସ୍ । ତେଇ ସେ ଦାଁଡ଼ମୁଣ୍ଡ କାଡ଼ିଅଇ କାନ୍ଦି କାନ୍ଦି ରଅ ।”

୧୪ ଜିସୁ କାତାନି କଇସାରାଇ କଇଲା, ବେସି ଲକ୍‌କେ ଡାକ୍‌ବାଇ, ମାତର ଉନାଲକ୍‌କେ ବାଟ୍‌ବାଇ ।

**ସିସୁଟୁ ବାନ୍ଦିବାକେ ପାଟାରବାଟା**  
(ମାର୍କ ୧୨:୧୮-୨୭; ଲୁକ୍ ୨୦:୨୭-୪୦)

୧୫ କେତେଟା ପାରୁସିମନ୍ ଜାଇକରି ଜିସୁକେ ପରସନ୍ ପାଟାରି ପାନ୍ଦେ ପାକାଉଁ ବଲି ବାବ୍‌ଲାଇ । ୧୬ ସେମନ୍ ତାକର କେତେଟା ସିସୁମନ୍କେ ଆରି ଏରଦର୍ ଦଲେଅନି କେତେଟା ଲକ୍‌ମନ୍କେ ଜିସୁର ଲଗେ ପାଟାଇଲାଇ । ଏମନ୍ ଆସି ଜିସୁକେ ପାଟାରଲାଇ, “ଗୁରୁ, ତମେ ସଡ଼ କଇସା ଆରି ପରମେସରର ସଡ଼ ବିସଇ ସିକିଆ ଦେବାଟା ଆମେ ଜାନୁ । ତମେ ମୁନୁସ୍‌ମନ୍କେ ମରଜିତାକେ କାତୁର କରାସ୍ ନାଇ । ଲକ୍‌ମନ୍କେ କାଇ ବଲି ବାବ୍‌ବାଇ ବଲି ଚିନ୍ତା କରାସ୍ ନାଇ । ୧୭ ତେବେ କଇଦେକା ପନି, ଏ ବିସଇ ତମେ କାଇବଲି କଇଲାସନ୍ ? ରମିୟ ସରକାରକେ ସିସୁଟୁ ଦେବାଟା ଆମର ଦରମ୍ ସାସ୍‌ତରର ଇସାବେ ଟିକ୍ କି ନାଇ ?”

୧୮ ମାତର ଜିସୁ ସେମନ୍କେ କୁଟ୍‌କାତା ଜାନି କରି କଇଲା, “ଏ କୁଟିଆଲ୍‌ମନ୍, କାଇକେ ମକେ ପାନ୍ଦେ ପାକାଇବାକେ ଚେସ୍‌ଟା କଲାସନ୍ ? ୧୯ ଜନ୍ ଅଦ୍‌ଲି ତାରୁ ସିସୁଟୁ ଦେଲାସନ୍, ତେଇଅନି ଗଟେକ୍ ଆନିକରି ମକେ ଦେକାଆ ।” ସେମନ୍ ଗଟେକ୍ ଅଦ୍‌ଲି ଆନି ତାକେ ଦେଲାଇ ।

୨୦ ଜିସୁ ସେମନ୍କେ ପାଟାରଲା “ଏ ଅଦ୍‌ଲି ତାରୁଟାନେ କାର୍ ମୁଉ ଆରି ନାଉଁ ଆଚେ ?”

୨୧ ସେମନ୍ କଇଲାଇ, “ରମିୟ ରାଜାର୍ ମୁଉ ଆରି ନାଉଁ ଆଚେ ।” ଜିସୁ ସେମନ୍କେ କଇଲା, “ତେବେ ଜନ୍‌ଟା ରମିୟ ରାଜାର୍‌ଟା, ସେଟା ତାକେ ଦିଆସ୍ ଆରି ଜନ୍‌ଟା ପରମେସରରଟା, ସେଟା ପରମେସରକେ ଦିଆସ୍ ।”

୨୨ ଏ କାତା ସୁନି ସେମନ୍ କାବାଅଇଗାଲାଇ ଆରି ତେଇଅନି ଉଟିଗାଲାଇ ।

**ମରିକରି ଉଟ୍‌ବା ବିସଇନେଇ ପରସନ୍**  
(ମାର୍କ ୧୨:୧୮-୨୭; ଲୁକ୍ ୨୦:୨୭-୪୦)

୨୩ ସେ ଦିନେ ସାଦୁକି ଦଲର କେତେ ଲକ୍ ଜିସୁର ଲଗେ ଆଇଲାଇ । ସାଦୁକିମନ୍ ମରିଗାଲେ ଆରି ତରେକ୍ ଉଟି ନଏଁ ବଲି ବିସ୍‌ବାସ୍ କରତେ ରଇଲାଇ । ୨୪ ସେମନ୍ ଜିସୁକେ ପାଟାରଲାଇ, “ଏ ଗୁରୁ, ଜଦି ଗଟେକ୍ ଲକ୍ ପିଲାଟକି ନ ଅଇତେ ମରିଜାଇସି, ତେବେ ମରିଜାଉର୍ ବାଇ ସେ ରାଣ୍ଡି ମାଇଜିକେ ସଙ୍ଗଇସି । ଆରି ତାକର ଟାନେଅନି ଅଇଲା ପିଲାଜିଲା ସେ ମଲା ଲକ୍‌ପାଇ ଅଇସି ବଲି ମସା ନିୟମ୍ କଲା ଆଚେ । ୨୫ ଗଟେକ୍ କାତା ସୁନା । ଇତି ଆମର ବିଡ଼ରେ ସାଡ଼ବାଇ ରଇଲାଇ । ବଡ଼ ବାଇ ପିଲାଜିଲା ନ ଅଇତେ ମରିଗାଲାଜେ ତାର୍ ପିଟିର୍ ବାଇ ତାର୍ ବଉକେ ସଙ୍ଗଇଲା । ୨୬ ମାତର ବଡ଼ମଜିଆ, ମଜିଆ, ସାନ୍‌ମଜିଆ ଏନ୍ତି ଅଇକରି ସାରାସାରି ସାନର୍ ଦସା ମିସା ଏନ୍ତି ଅଇଲା । ୨୭ ସାରାସାରି ପଚେ ସେ ମାଇଜି ମିସା ମରିଗାଲା । ୨୮ ଜେବେ ମଲା ଲକ୍‌ମନ୍କେ ଉଟ୍‌ବା ଦିନ୍ ଆଇସି, ତେବେ ଏ ମାଇଜି କାର୍ ମାଇଜି ଅଇସି ? ସବୁ ଲକ୍‌ସେ ତାକେ ସଙ୍ଗଇ ରଇଲାଇ ।”

୨୯ ଜିସୁ ସେମନ୍କେ କଇଲା, “ତମେ କେତେକ୍ ବୁଲ୍ ବିସଇ ବାବ୍‌ବା ଲକ୍‌ମନ୍ ! ଦରମ୍ ସାସ୍‌ତରେ ପରମେସରର ବପୁ ବିସଇ ସମାନ୍ ଇସାବେ ଚିନ୍ତା କରାସ୍ ନାଇଜେ, ତମେ ଏ କାତା ପାଟାରଲାସନ୍ ।”

୩୦ ମରିକରି ଉଟ୍‌ଲା ପଚେ, ମଲା ଲକ୍‌ମନ୍ ସରଗର ଦୁଡ଼ମନ୍କେ ପାରା ଅଇଜିବାଇ । ସେମନ୍ ଆରି ବିବା ନ ଅଅଡ଼ କି ନ କରଡ଼ । ୩୧ ମଲା ଲକ୍‌ମନ୍ ଆରି ତରେକ୍ ଉଟ୍‌ବା ବିସଇ, ପରମେସର ଜନ୍‌ଟା କଇଲା ଆଚେ, ତମେ କାଇ ସାସ୍‌ତରେ କେବେ ପଡ଼ାସ୍ ନାଇ କି ? ୩୨ ପରମେସର କଇଲା ଆଚେ “ଆମେ ଅବ୍ରାଆମର, ଇସାକର ଆରି ଜାକୁବର ମାପୁରୁ ।”

“ପରମେସର ତା ଜିବନ୍ ରଇଲା ଲକ୍‌ମନ୍କେ ମାପୁରୁ, ମଲା ଲକ୍‌ମନ୍କେ ଅଇନାପାରେ ।”

୩୩ ଲକ୍‌ମନ୍ ଜିସୁର ସିକାଇବାଟା ସୁନିକରି କାବାଅଇଗାଲାଇ ।

☆ ୨୨:୧୩ ୨୨:୧୩ ମାଡ଼ିଉ ୮:୧୨;୨୫:୩୦; ଲୁକ୍ ୧୩:୨୮ ☆ ୨୨:୨୩ ୨୨:୨୩ ପେରିଡ଼ ୨୩:୮



**ମୁକ୍ତି ଆଦେଶ**  
(ମାଡ଼ିଉ ୧୨:୨୮-୩୪; ଲୁକ ୧୦:୨୫-୨୮)

୩୪ ଜିସୁ ସାଦୁକୀମାନଙ୍କେ ରୁପକରାଇ ରଇବାଟା ଜାନିକରି ପାରୁସିମନ୍ ସବୁଲକ୍ ଗଟେକ୍ ଅଇ ତାର ଲଗେ ଆଇଲାଇ । ୩୫ ଆରି ସେମନ୍ ବିତ୍ତରେଅନି ଗଟେକ୍ ନିୟମ୍ ସିକାଇବା ଦରମ୍ ଗୁରୁ ଜିସୁକେ ପାନ୍ଦେ ପାକାଇବାକେ ଗଟେକ୍ ପରସନ୍ ପାଟାରଲା । ୩୬ “ଏ ଗୁରୁ ମସାର୍ ଦରମ୍ ସାସ୍ତରର୍ ନିୟମ୍ ଇସାବେ ସବୁଟାନେଅନି କନ୍ ଆଦେସ୍ ମୁକ୍ତି ?”

୩୭ ଜିସୁ ତାକେ କଇଲା, “ତମର୍ ମାପରୁ, ପରମେସର୍କେ ପୁରାପୁରୁନ୍ ମନ୍ଦେଇ, ପୁରାପୁରୁନ୍ ଜିବନ୍ ଦେଇ, ପୁରାପୁରୁନ୍ ଚିନ୍ତା ସଙ୍ଗ୍ ତାକେ ମାନା ଆରି ଆଲାଦ୍ କରା । ୩୮ ଏଟା ଅଇଲାନି ସବୁଟାନେଅନି ଆଗତୁ ଆରି ମୁକ୍ତି ଆଦେସ୍ ।” ୩୯ ତାର ପତର୍ ମୁକ୍ତି ଆଦେସ୍ ଅଇଲାନି, ତମର୍ ଲଗର୍ ପାକର୍ ଗରର୍ ଲକ୍ମାନଙ୍କେ ନିଜ୍ଜେ ଆଲାଦ୍ କଲା ପାରା ଆଲାଦ୍ କରା । ୪୦ ☆ଏ ଦୁଇଟା ଆଦେସ୍ ଆକା ମସା କରିରଇବା ସବୁ ରିତିନିତି ଆରି ବବିସତ୍ତ୍ବକ୍ତାମନ୍ ସିକିଆ ଜାନାଇଲାନି ।

**କିରିସ୍ତ ଆକା ମସିଅ**  
(ମାଡ଼ିଉ ୧୨:୩୫-୩୭; ଲୁକ ୨୦:୪୧-୪୪)

୪୧ କେତେଟା ପାରୁସିମନ୍ ଜିସୁର୍ ଲଗେ ରଇଲା ବେଲେ, ଜିସୁ ସେମନ୍କେ ପାଟାରଲା । ୪୨ “କିରିସ୍ତ ମସିଅର୍ ବିସଇ, ତମେ କାଇଟା ବାବ୍ଲାସନି ? ସେ କାର୍ ପଅ ?”

ସେମନ୍ କଇଲା, “ସେ ଦାଉଦର୍ ପଅ ।”

୪୩ ଜିସୁ ପାଟାରଲା, “ସେନ୍ତାର୍ ଆଲେ ଦାଉଦ୍ ମସିଅକେ ‘ମର୍ ମାପରୁ !’ ବଲି କାଇକେ ଜାନାଇ ଆଟେ ?” କାଇକେବଇଲେ ଆଡ଼ମା ଚାଲ୍ନା ଦେଲାକେ, ସେ ଲେକିଆଟେ,

୪୪ ପରମେସର୍ ମର୍ ମାପରୁକେ କଇଲା,

“ଆମେ ତର୍ ସତ୍ତ୍ବମାନଙ୍କେ ତମର୍ ପାଦ୍ ତଲେ ନ ଆନ୍ବା ଜାକ

‘ତୁଇ ମର୍ ଉଜା ବାଟେ ବସି ରଅ ।’

୪୫ “ଜଦି ଦାଉଦ୍ ମସିଅକେ ‘ମର୍ ମାପରୁ’ ବଲି ନାମି ଆଟେ, ତେବେ ମସିଅ କେନ୍ତ୍ର ତାର୍ ପଅ ଅଇପାରସି ?”

୪୬ ଜିସୁକେ ଇତିର୍ ଉତ୍ତର୍ କେ ମିସା ଦେଇ ନାପାରୁଲା । ସେ ଦିନେଅନି, ଆରି ତାକେ କେ ମିସା କାଇ ପରସନ୍ ପାଟାରବାକେ ସାଆସ୍ କରତ୍ ନାଇ ।

**୨୩**

**ପାରୁସି ଆରି ଦରମ୍ ଗୁରୁମନ୍ ବିରୁଦ୍ଧେ ଜାଗରତ୍ କରାଇବାଟା**  
(ମାଡ଼ିଉ ୧୨:୩୮-୩୯; ଲୁକ ୧୧:୪୩-୪୬; ୨୦:୪୫-୪୬)

୧ ଜିସୁ ସିସ୍ତମାନଙ୍କେ ଆରି ତେଇ ରୁଣ୍ଡି ରଇବା ଲକ୍ମାନଙ୍କେ କଇଲା, ୨ “ପାରୁସି ଆରି ଦରମ୍ ଗୁରୁମନ୍କେ ମସାର୍ ନିୟମ୍ ଅରତ୍ ବୁଜାଇ ଦେବାର୍ ଅଦିକାର୍ ଆଟେ । ୩ ସେମନ୍ ଜାଇଟା କର୍ବାକେ କଇଲାଇନି, ସେଟା କରା, ମାତର୍ ସେମନ୍ ଜାଇ ଜାଇଟା କଲାଇନି, ସେଟା ଦେକି ସେନ୍ତାରି କରାନାଇ । କାଇକେ ବଇଲେ ସେମନ୍ ନିଜେ ଜନ୍ ସିକିଆ ଦେବାଇ, ତାର୍ ଉଲ୍ଟା କର୍ବାଇ । ୪ ସେମନ୍ ତାକର୍ ସିକିଆ ସବୁ ଲକ୍ମାନର୍ ପିଟି ଉପ୍ରେ ବେସି ବଜ୍ ପାରା ଲାଦିଦେବାଇ । ମାତର୍ ସେ ସବୁ ବଜର୍ ନିୟମ୍, ଚିନି ଆଙ୍ଗୁଟିତେଇ ଉଟାଇବା ଏଡ଼କି ମିସା ସାଇଜ ନ କରତ୍ । ୫ ☆ସେମନ୍ ଲକ୍ମକେ ଦେକାଇଅଇବାକେ ସବୁ କାମ୍ କର୍ବାଇ । ସାସ୍ତର୍ ପଦ୍ ଲେକାଅଇଲା କେତେ କେତେ ବଡ଼ ବଡ଼ ତଅଁରାମନ୍ କାପାଲେ ଆରି ପଡ଼ିଆଇ ବାନ୍ଧିଅଇ ଆଟତ୍ । ଆରି ଦେକା, ସେମନ୍ ବସ୍ତରର୍ ଜାଲି କେତେକ୍ ତେଙ୍ଗ୍ । ୬ ସେମନ୍ ବଜିମନ୍କେ ମୁକ୍ତି ଜାଗାଇ ଆରି ପାର୍ତନା ଗରେ ବାଟିଅଇରଇଲା ଜାଗା ଅଦିକାର୍ କର୍ବାକେ ମନ୍ କର୍ବାଇ । ୭ ଆଟେ ବାଟେ ଆରି ଦୁକାନେ ଲକ୍ମନ୍ ସେମନ୍କେ ମାନିକରି ଜୁଆର୍ କରତ୍ ଆରି ‘ଗୁରୁ’ ବଲି ତାକତ୍, ଏନ୍ତାରି ସେମନ୍ ମନ୍ କର୍ବାଇ । ୮ ମାତର୍ ତମ୍କେ କେ ଗୁରୁ ବଲି ତାକ୍ବାର୍ ଦର୍କାର୍ ନାଇ । କାଇକେ ବଇଲେ ସବୁ ଲକ୍ ନିଜର୍ ନିଜର୍ ବିତ୍ତରେ ବାଇ, ଆରି ତମର୍ ଗୁରୁ ଗଟେକ୍ ସେ । ୯ ଆରି ଜଗତେ ତମେ କାକେ ବାବା ବଲି ତାକ୍ବାକେ ଦର୍କାର୍ ନାଇ । କାଇକେ ବଇଲେ ତମର୍ ଗଟେକ୍ସେ ବାବା, ସେ ସର୍ଗେ ଆଟେ । ୧୦ ତମ୍କେ ନେତା ବଲି ମିସା କେ ନ ତାକତ୍, କାଇକେ ବଇଲେ ଗଟେକ୍ ସେ ନେତା, ସେ ଅଇଲାନି ମାପରୁ ମସିଅ । ୧୧ ☆ତମର୍ ବିତ୍ତରେ ଜେ ସବୁର୍ ଟାନେଅନି ମୁକ୍ତି, ସେ ତମର୍ ସେବା କର । ୧୨ ☆ଜେ ନିଜ୍ଜେ ବଡ଼ ବଲି କଇସି, ତାକେ ସାନ୍ କରାଅଇସି ଆରି ଜେ ନିଜ୍ଜେ ସାନ୍ ବଲି ବାସ୍ସି, ତାକେ ବଡ଼ କରାଅଇସି ।”

☆ ୨୨:୪୦ ୨୨:୪୦ ଲୁକ ୧୦:୨୫-୨୮ ☆ ୨୩:୫ ୨୩:୫ ମାଡ଼ିଉ ୨:୧ ☆ ୨୩:୧୧ ୨୩:୧୧ ମାଡ଼ିଉ ୨୦:୨୬,୨୭; ମାଡ଼ିଉ ୯:୩୫;୧୦:୪୩,୪୪; ଲୁକ ୨୨:୨୬ ☆ ୨୩:୧୨ ୨୩:୧୨ ଲୁକ ୧୪:୧୧;୧୮:୧୪

ଜିସୁ ଟକାବଣ୍ଡା ଗୁରୁମନକେ ନିନ୍ଦା କଲା  
(ମାଡ଼ିଉ ୧୨:୪୦; ଲୁକ ୧୧:୩୯-୪୨, ୪୪-୫୨; ୨୦:୪୭)

୧୩ “ଅଇରେ ଦରମ୍ ଗୁରୁମନ ଆରି ପାରୁସିମନ ! ସେସବେଲେ ତମର ଦସା କେତେ ଅଦିକ୍ ଅଇସି ! ଏଇ ଟକାବଣ୍ଡା ଦଲ୍, ସରଗ୍ ରାଇଜେ କେଟ୍‌ବା ଦୁଆର ତମେ ଡାବିଦେଇଆଟାସ୍ ! ନିଜେ ତେଇ କେଟାସ୍ ନାଇ ଆରି ଜନ୍‌ଲକ୍‌ମନ ତେଇ କେଟ୍‌ବାକେ ମନ୍ କଲାଇନି, ସେମନକେ ବାଟ୍ ଚାଟାସ୍ ନାଇ ।”

୧୪ “ଏ କୁଟିଆଲ୍ ଦରମ୍‌ଗୁରୁମନ ଆରି ପାରୁସିମନ ! ତମର ଇନସ୍‌ତା କେତେକ୍ କାକୁରତି ଅଇସି । ତମେ ଚାଲାକି ଅଇକରି ଜବର୍ ପର୍ ପାର୍‌ତନା କର୍‌ସା । ମାତର୍ ରାଣ୍ଡି ମାଇଜିମନର୍ ଗର୍‌ମନ ସବୁ ଦାପ୍‌ରେ ଗିଲିଦେଇସା । ତେବେ ତମକେ ଅଦିକ୍ ଡଣ୍ଡ ଦିଆଅଇସି ।”

୧୫ ଏ ଟକାବଣ୍ଡା ଦରମ୍‌ଗୁରୁମନ ଆରି ପାରୁସିମନ ! ତମେ କେତେ ଇନସ୍‌ତା ଅଇ କାକୁରତି ଅଇସା । ସମଦୁର୍ ଲଜି ବିନ୍ ବିନ୍ ଦେସ୍‌ମନକେ ଜାଇ ଗଟେକ୍ ଲକ୍‌କେ ତମର ଦରମ୍‌ଗାନେ ମିସାଇବାକେ କଜି ବୁଲ୍‌ଲାସ୍‌ନି । ମାତର୍ ସେନ୍ତାର ଗଟେକ୍ ଲକ୍‌କେ ମିଲାଇଲେ, ତାକେ ତମର ଟାନେଅନି ଅଦିକ୍, ନରକର୍ ଡଣ୍ଡ ପାଇବାକେ ବାଟ୍‌ଲାସ୍‌ନି ।

୧୬ ଏଇ ବାଟ୍ ଦେକାଉ କାଣାମନ ! ତମର ଦସା କେତେକ୍ ଇନସ୍‌ତା ଅଇସି । କେ ମନ୍‌ନିରର୍ ନାଉଁ ଦାରି ପର୍‌ମାନ କଲେ, ସେଟା ସେମନ ମାନ୍‌ବାର୍ ବାଦିଅ ନାଇ, ମାତର୍ ମନ୍‌ନିରେ ରଇଲା ସୁନାର୍ ନାଉଁ ଦାରି ଜେ ପର୍‌ମାନ କର୍‌ସି, ତାକେ ସେଟା ମାନ୍‌ବାକେ ପଡ଼ିସି ବଲି ତମେ ସିକାଇତେ ରଇସା । ୧୭ ଏଇ ବୁଦି ନ ରଇବା କାଣାମନ ! ସୁନା ବଡ଼, କି ସୁନାକେ ସୁକଲ୍ କର୍‌ତେ ରଇବା ମନ୍‌ନିର୍ ବଡ଼ ? ୧୮ ଗଟେକ୍ ଲକ୍‌କେ ବେଦିର୍ ନାଉଁ ଦାରି ପର୍‌ମାନ କଲେ ସେ ସେଟା ମାନ୍‌ବାର୍ ଆକା ଆଟେ ବଲି ନଏଁ, ମାତର୍ ବେଦି ଉପ୍‌ରେ ସଙ୍ଗାଇ ରଇବା ମାପ୍‌ରୁକେ ଦେଲାଟା ନାଉଁ ଦାରି ପର୍‌ମାନ କଲେ, ସେଟା ମାନ୍‌ବାଟା ବଲି ତମେ ସିକାଇତେ ରଇସା । ୧୯ ତମେ କେତେବଡ଼ କାଣାମନ ! କନ୍‌ଟା ମୁକିଅ ? ମାପ୍‌ରୁକେ ଦେଲାଟା କି, ମାପ୍‌ରୁକେ ଦେଲାଟା ସୁକଲ୍ କର୍‌ତେ ରଇବା ବେଦି ? ୨୦ ତେବର୍ ପାଇ କେ ମିସା ବେଦିର୍ ନାଉଁ ଦାରି ପର୍‌ମାନ କଲେ, ସେ ବେଦି ଆରି ତାର୍ ଉପ୍‌ରେ ରଇବା ମାପ୍‌ରୁକେ ଦେଇ ରଇବା ସବୁ ଜିନିସ୍ ନାଉଁ ଦାରି ପର୍‌ମାନ କର୍‌ସି । ୨୧ କେ ମିସା ମନ୍‌ନିରର୍ ନାଉଁ ଦାରି ପର୍‌ମାନ କଲେ, ସେ ମନ୍‌ନିର୍ ଆରି ତେଇ ବାସା ଅଇରଇବା ପର୍‌ମେସରର୍ ନାଉଁ ଦାରି ପର୍‌ମାନ କର୍‌ସି ।

୨୨ \*କେ ମିସା ସରଗର୍ ନାଉଁ ଦାରି ପର୍‌ମାନ କଲେ, ସେ ପରମେସରର୍ ବସ୍‌ବା ଜାଗା ଆରି ସେ ବସ୍‌ବା ଜାଗାଇ ବସି ରଇବା ପର୍‌ମେସରର୍ ନାଉଁ ଦାରି ପର୍‌ମାନ କର୍‌ସି ।

୨୩ ଏଇ କୁଟିଆଲ୍ ଦରମ୍‌ଗୁରୁମନ ଆରି ପାରୁସିମନ, ତମର ଦସା କେତେ ଇନସ୍‌ତା ଆରି କାକୁରତି ଅଇସି ! ତମେ ପର୍‌ମେସରର୍ ପାଇ ବଲି ସାନ୍ ସାନ୍ ଜିନିସ୍ ଅଇଲେ ମିସା ଦସ୍‌ବାଗ୍ ଅନି ବାଗେକ୍ ଦାନ କର୍‌ସା, ମାତର୍ ନିଆଇ, ଦୟା, ବିସ୍‌ବାସ୍ ଏକ୍ତି ମୁକିଅ ମୁକିଅ ବିସଇର୍ ନିୟମର୍ ସିକିଆ ଏଲା କଲାସ୍‌ନି । ପୁର୍‌ବର୍ ମୁକିଅ ବିସଇ ଏଲା ନ କରି, ଏ ସବୁଜାକ ଆଗତୁଅନିସେ ଅବିଆସ୍ କର୍‌ବାର୍ ରଇଲା ।

୨୪ ଏଇ ବାଟ୍‌ଦେକାଇବା କାଣା ଲକ୍‌ମନ ! ତମେ କାଇବାବେଲେ କେତେବଲ୍ ତେଇ କାଇଆଲେ କିତା ଅଦ୍‌ରି ରଇସି ବଲି ସେଟା ଚାନି ପାକାଇତେ ରଇସା । ମାତର୍ ତମେ ଗଟେକ୍ ଗଟେକ୍ ବଡ଼ ପସୁକେ ମିସା ଗିଲି କାଇପାକାଇସା ।

୨୫ ସାରାସାରି ଦିନେ ତମେ କେତେ କାକୁରତି ଅଇସା, ଏଇ କୁଟିଆଲ୍ ଦରମ୍ ଗୁରୁ ଆରି ପାରୁସିମନ ! ତମେ ଉପ୍‌ରେ ଉପ୍‌ରେ ତାଲାଗିନା ମାଜି ପରିଚଲ୍ କରିରଇସା, ମାତର୍ ସେ ବିଡ଼ରେ ଇସା ଆରି ନିଜର୍ ବିସଇ ଚିନ୍ତା କର୍‌ବାଟା ବର୍‌ତି ଅଇରଇସି ।

୨୬ ଏଇ କାଣା ପାରୁସିମନ ! ମୁତାର୍ ବିଡ଼ରେ ରଇବାଟା ଆଗତୁ ପରିଚଲ୍ କରା, ସେନ୍ତାର କଲେ ଉପ୍‌ରଟା ମିସା ପରିଚଲ୍ ଅଇଜାଇସି ।

୨୭ \*ଏଇ ଦରମ୍ ଗୁରୁମନ ଆରି ପାରୁସିମନ ! ତମକେ କେତେ ବଡ଼ ଡଣ୍ଡ ମିଲ୍‌ସି । ଏଇ କୁଟିଆଲ୍‌ମନ ! ତମେ ଉପ୍‌ରେ ଉପ୍‌ରେ ରୁନ୍‌ସଙ୍ଗ୍ ସାରଇ ରଇବା ଗୁତାମ୍ ପାରା । ଏଟାମନ ଉପ୍‌ରେ ସୁନ୍‌ର୍ ଡିସ୍‌ସି, ମାତର୍ ବିଡ଼ରେ କୁଇଲା ମଡ଼ ଆରି ଆଡ଼ଗଡ଼ ବର୍‌ତି ଅଇରଇସି ।

୨୮ ସେନ୍ତାରିସେ ତମେ ମିସା ବାଇରେ ଲକ୍‌ମନର୍ ଦେକ୍‌ତେ ଦରମ୍ ପାରା ଡିସ୍‌ତେରଇସା, ମାତର୍ ତମର୍ ବିଡ଼ରେ କୁଟ୍ କାତା, ଆଁକାର୍, ଆରି ପାପ୍ ବର୍‌ତି ଅଇଆଟେ ।

ଜିସୁ ସେମନର୍ ଡଣ୍ଡ ପାଇବାଟା ଜାନାଇଲା  
(ଲୁକ ୧୧:୪୭-୫୧)

୨୯ ଏଇ ଦରମ୍‌ଗୁରୁମନ ଆରି ପାରୁସିମନ ! ଏ ଟକାବଣ୍ଡା କରୁମନ ! ତମର ପାଇ ଏଟା କେତେକ୍ ଇନସ୍‌ତାର୍ ବିସଇ । ତମେ ବବିସଡ଼ବକ୍‌ତାମନର୍ ପାଇ ସୁନ୍‌ର୍ ସୁନ୍‌ର୍ ସମାଦି ତିଆର୍

କଲ୍ୟାଣି ଆରି ଦରମ୍ ଲକ୍ଷ୍ମୀଙ୍କେ ସବୁ ଦିନ ଏତାଇବାକେ ନାଉଁ ଲେକି ତସାଇଲ୍ୟାଣି । ୩୦ ଆରି ତମେସେ କଲ୍ୟାଣି ଜଦି ତମର ଆନିଦାଦିମନର ବେଲେ, ତମେ ରଇତାସ୍ ବଇଲେ, ସେମନର ପାରା ଚଲାଚଲତି ନ କରତାସ୍, କି ବବିସତ୍ତବକ୍ତାମନକେ ନ ମରାଇତାସ୍ । ୩୧ ଏ କାତା କଲ୍ୟାଣି ପାଇ ତମେ ବବିସତ୍ତବକ୍ତାମନକେ ମରାଉମନର ନାତି ତିତିର ଲକ୍ଷ୍ ବଲି ଏବେ ମାନଲ୍ୟାଣି ।

୩୨ ତେବେ ତମେ ଆଗତୁ ଉଆ । ତମର ଆନିଦାଦିମନ କରିରଇବା କରତା କାମ୍ ପୁରାପୁରୁନ୍ ସାରାଇ ଦିଆସ୍ ।

୩୩ ✨ଏଇ ସାଁପମନ ! ବିସରଇବା ସାଁପର କୁଟୁମର ପାରା ଲକ୍ଷ୍ମୀଙ୍କ, ତମେ କେନ୍ତ୍ର ନରକର ତଣ୍ଡେଅନି ରକିଆ ମିଲ୍ସି ବଲି ଆସା କଲ୍ୟାଣି ? ୩୪ ସେଟାର ପାଇ ମୁଇ ତମକେ କଲଲିନି, ତମର ଲଗେ ବବିସତ୍ତବକ୍ତାମନକେ, ସିକାଇବା ଗୁରୁମନକେ ଆରି ଗିଆନ୍ ରଇବା ବଡ଼ ଲକ୍ଷ୍ମୀଙ୍କେ ମୁଇ ପାଟାଇବି । ତାକର ବିତ୍ତରେଅନି ତମେ କେତେ ଲକ୍ଷ୍ମୀଙ୍କେ ମରାଇସା, କେତେ ଲକ୍ଷ୍ମୀଙ୍କେ କୁରସେ ଚଗାଇସା, ଆରି ବାକି ଲକ୍ଷ୍ମୀଙ୍କେ ପାରତନା ଗରେଅନି କରତା ସଙ୍ଗ୍ ମାରି ମାରି ଗଟେକ୍ ନଅରେ ଅନି ଆରିଗଟେକ୍ ନଅରେ କେଦି ଦେଇସା । ୩୫ ଜେନ୍ତ୍ରକି ଏବଲର ବେଲେଅନି ଆରାମ୍ କରି ବରକିଆର ପ ଜିକରିୟର ଜାକ, ଜାକେ କି ତମେ ମନ୍ଦିର ଆରି ବେଦିର ମଜାଇ ମରାଇରଇଲ୍ୟାସ୍, ଦସ୍ ନ କରିରଇବା ସବୁ ଲକ୍ଷ୍ମୀଙ୍କେ ମରାଇଲା ପାଇ ତମେ ଦସିଅଇ ତଣ୍ଡ ପାଇସା । ୩୬ ମୁଇ ସତ୍ କଲଲିନି, ଏ ସବୁ ଲକ୍ଷ୍ମୀଙ୍କେ ମରାଇଲା ପାଇ ଏ ଜୁଗର ଲକ୍ଷ୍ମୀଙ୍କ ତଣ୍ଡ ପାଇବାଇ ।

ଜିରୁସାଲାମର ପାଇ ଜିସୁର ଆଲାଦ୍  
(ଲୁକ୍ ୧୩:୩୪-୩୫)

୩୭ ଏ ଜିରୁସାଲାମ, ଏ ଜିରୁସାଲାମ, ତୁଇ ବବିସତ୍ତବକ୍ତାମନକେ ମରାଇଲୁଣି ଆରି ପର୍ମେସର ପାଟାଇରଇଲା କବର ଆନୁମନକେ ପାକନା ମାରି ମରାଇଲୁଣି । ମାଇ କୁକ୍ତା ତାର ଚିଅଁମନକେ ତେନା ବିତ୍ତରେ ଦାରି ଅଲଣ୍ଡିଲାପାରା, ତର ଲକ୍ଷ୍ମୀଙ୍କେ ମୁଇ ପାଟାଲି ରକିଆ କରବାକେ କେତେ କେତେ ତର ଚେସ୍ଟା କଲି । ମାତର ମକେ ସେନ୍ତାରି କରବାକେ ଦେଉସ୍ ନାଇ । ୩୮ ସେଟାର ପାଇ ତର ମନ୍ଦିର ବାଙ୍ଗିରୁଜି ଚିନ୍ଦିନ୍ ଅଇଜାଇସି । ୩୯ ମାତର ମୁଇ କଲଲା କାତା ରଇସି, ମାପୁରୁର ନାଉଁ ଦାରି ଜେ ଆଇଲାନି, ସେ କେତେ କରମର ଲକ୍ଷ୍ ବଲି ଏଟା ଜେବେ ଜାକ ନ କୁଆସ୍, ଆଜିଅନି ଆରି କେବେ ମକେ ଦେକି ନାପାରାସ୍ ।

୨୪

ମନ୍ଦିର କୁରୁପନାସ୍ ଅଇବା ବିସଇ ଜାନାଇବାଟା  
(ମାର୍କ୍ ୧୩:୧-୨; ଲୁକ୍ ୨୧:୫-୬)

୧ ଜିସୁ ମନ୍ଦିରେଅନି ବାରଇ ଇଣ୍ଡିଜାଇତେ ରଇବାବେଲେ ସିସ୍ମନ ମନ୍ଦିର ପିଣ୍ଡା ଦୁଆରେ ରଇବା ବଡ଼ ବଡ଼ ପାକନା ବାଟେ ଦେକାଇଲାଇ । ୨ ଜିସୁ କଇଲା, “ଏବେ ସିନା ଏ ସବୁ ଦେକଲ୍ୟାଣି । ମୁଇ ତମକେ ସତ୍ କଲଲିନି ଏ ମନ୍ଦିରର ଗଟେକ୍ ମିସା ପାକନା ତାର ଜାଗାଇ ନ ରଏ । ସବୁଜାକ ଅଦରି ବିଲିଜାଇସି ।”

ଦୁକ୍ ଆରି କସ୍ଟ  
(ମାର୍କ୍ ୧୩:୩-୧୩; ଲୁକ୍ ୨୧:୭-୧୯)

୩ ଜିସୁ ଜିଡ଼ ନାଉଁର ତଙ୍ଗର ଉପରେ ବସିରଇଲା ବେଲେ, ତେଇ କେ ନ ରଇଲା ବେଲେ, ସିସ୍ମନ ଆସି ତାକେ ପାଟାରଲାଇ, “ଏ ସବୁଜାକ କେବକେ ଅଇସି ଆମକେ କୁଆ କାଇ ଗଟନା ଗଟଲେ ଆମେ ଜାନିପାରୁ ଜେ ତମର ଆଇବା ବେଲା ଅଇଲାନି ଆରି ଏ ଜୁଗ୍ ସେସ୍ ଅଇସି ବଲି ?”

୪ ଜିସୁ କଇଲା, “ଜାଗରତ୍ତଅଇକରି ରୁଆ, ଜେନ୍ତ୍ରକି କେ ମିସା ତମକେ ନ ନାତାଅଡ଼ । ୫ କେତେ କେତେ ଲକ୍ଷ୍ମୀଙ୍କ ମର ନାଉଁ ଦାରି ଆସି କଇବାଇ, ‘ମୁଇ ଆକା କିରିସ୍ଟ ମସିଅ ।’ ସେମନ୍ ଏନ୍ତାର କଇ କେତେ କେତେ ଲକ୍ଷ୍ମୀଙ୍କେ ନାତାଇବାଇ । ୬ ତମର ଲଗେ ଅଇତେ ରଇବା ଜୁଇଦର କିଲ୍ବିଲ୍ ଅଇବାଟା ସୁନ୍ଦସା ଆରି ଦୁରିକେ ଅନି ଅଇତେ ରଇବା ଜୁଇଦର କବର ଜାନସା । ମାତର ତରାନାଇ, ବାଇଦରେ ଏନ୍ତ ଗଟନା ଅଇସି । ମାତର ଏଟାର ଅରଡ଼ ନଏଁ ଜେ, ଜୁଗକାଲ୍ କେଟିଗାଲା । ୭ ଦେସ୍ ଦେସ୍ ବିତ୍ତରେ ଜୁଇଦ୍ ଅଇସି, ଗଟେକ୍ ରାଇଜ୍ ଆରି ଗଟେକ୍ ରାଇଜ୍ ଉପରେ ଜୁଇଦ୍ କରସି । ସବୁ ବାଟେ ମରତି ଆରି ଦରତନି ରୁଲ୍ବୁଲ୍ସି । ୮ ମାତର ଏଟାମନ୍ ସବୁ ମାଇଜିମନର ଆଡ଼ଗଡ଼ ସୁକ୍ଅଇବା ବେଲେ ପରତୁମ୍ ପରତୁମ୍ ଅଇବା ଦୁକାସୁକା ପାରା । ୯ ✨ତମେ ଦାରାଇ ଅଇ ମାଡ଼ କାଇବାକେ ଆରି ମରନର ତଣ୍ଡ ପାଇବାକେ ସରପି ଅଇସା । ତମେ ମକେ ବିସ୍ବାସ୍ କଲ୍ୟାଣି ପାଇ ବଲି ସବୁ ଲକ୍ଷ୍ ଗିନ୍

✨ ୨୩:୩୩ ୨୩:୩୩ ମାଡ଼ିଉ ୩:୭;୧୨:୩୪; ଲୁକ୍ ୩:୭ ✨ ୨୪:୯ ୨୪:୯ ମାଡ଼ିଉ ୧୦:୨୨

କର୍ତ୍ତା । ୧୦ ସେତକିବେଲେ କେତେ କେତେ ଲକ୍ଷ ତାକର୍ ବିସ୍ତାସ୍ ଆରାଜବାଇ, ତାକର୍ ତାକର୍ ବିତ୍ତରେ ଗିନ୍ ଅଇକରି ତାକର୍ ତାକର୍ ବିତ୍ତରେ ବିସ୍ତାସେ ବିସ୍ ଦିଆ ଦିଇ ଅଇବାଇ । ୧୧ ସେବେଲେ କେତେ କେତେକ ଟକାବଣ୍ଡା ବବିସତ୍ତବକ୍ତା ଆସିକରି ଲକ୍ଷମନ୍ଦେ ନାତାଇବାଇ । ୧୨ ଏନ୍ତାରି ଅଇ ପାପ୍ ଅଦିକ୍ ଅଦିକ୍ ଅଇସି ଆରି ପର୍ମେସର୍ ପାଇରଇବା ଲକ୍ଷମନ୍ଦ ଆଲାଦ୍ ସିତଲ୍ ଅଇଜାଇସି । ୧୩ ଫାତର୍ ଜେ ସାରାସାରି ଜାକ ମୁର୍ଚିକରି ରଇସି, ସେ ମୁକ୍ତି ପାଇସି । ୧୪ ରାଇଜର୍ ସବୁ ବାସାର ଲକ୍ଷମନ୍ଦ ଲଗେ, ମାପ୍ତରୁ ସାକିଦେବାକେ ଦୁନିଆର୍ ଗୁଲାଇବାଟେ ତାର କାତା ସୁନାଇବାଇ । ତାରପଟେ ସେ ଜୁଗ୍ ସାରସି ।”

**ସାରାସାରି ଦିନର୍ କସ୍ତ**  
(ମାଡ଼ିଭ ୧୩:୧୪-୨୩; ଲୁକ୍ ୨୧:୨୦-୨୪)

୧୫ ଦାନିଏଲ୍ ବବିସତ୍ତବକ୍ତା ଟିକି ନିକି ଇସାବେ ଲେକିରଇବା ସେ ବାୟାବିକଲର୍ ଦିନ୍ ତମେ ଆରି ତରେକ୍ ଦେକ୍ସା । ସେଟା ସୁକଲ୍ ଜାଗାକେ ଅସୁକଲ୍ କରିଦେଇସି । ଇତିର୍ ଅରତ୍ କାଇଟା, ପଡ଼ଲା ଲକ୍ଷ ବୁଜା । ୧୬ ସେବେଲେ ଜନ୍ ଲକ୍ଷମନ୍ଦ ଜିଉଦା ରାଇଜେ ରଇବାଇ, ସେମନ୍ ତଙ୍ଗ୍ରେ ପାଲାଅତ୍ । ୧୭ ଜନ୍ ଲକ୍ଷମନ୍ ଚାଉନି ଉପ୍ରେ ରଇବାଇ, ସେମନ୍ ଗର୍ବିତ୍ତର ଜିନିସ୍ ପତର୍ ନେବାକେ ତଲେ ଆସି ତୁଟାଇ ତୁଟାଇ ବେଲା ନ ଗତାଅତ୍ । ୧୮ ଜନ୍ ଲକ୍ଷମନ୍ ପଦାଇ ଜାଇତେ ରଇବାଇ, ସେମନ୍ ତାକର୍ ଲୁଗା ପଟିଆ ନେବାକେ ଗରେ ନ ବାଉତତ୍ । ୧୯ ସେତକିବେଲେ ଗାଗ୍ତେ ରଇବା ମାଇଜିମନ୍ ଆରି ପିଲାକେ ଦୁଦ୍ କୁଆଇତେ ରଇବା ମାମନ୍ଦ ଦସା କେତେ ଇନସ୍ତା ଅଇସି । ୨୦ ଏ ସବୁ ଗର୍ନା ସିତ୍ ଦିନେ ନ ଅ । ସେଟାରପାଇ ପର୍ମେସର୍କେ ପାର୍ତନା କର୍ତେ ରୁଆ, ଜେନ୍ତାରି କି ସିତ୍ମାସେ ନଇଲେ ବିସ୍ତାମ୍ବାରେ ତମକେ ପାଲାଇବାକେ ନ ପତେ । ୨୧ ସେବେଲେ ଜନ୍ ଦୁକ୍ ପାଇବାକେ ପଡ଼ସି, ଦୁନିଆ ଡିଆର୍ ଅଇଲାଟାନେଅନି ଆଜିକେ ଜାକ ଅଇ ରଇବା ସବୁ କସ୍ତେତେଇଅନି ଅଦିକ୍ ଅଇଜାଇସି । ସେନ୍ତାରି ଦୁକ୍ ଆଗକେ ଆରି କେବେ ନ ଆସେ । ୨୨ ମାତର୍ ପର୍ମେସର୍ ଦୁକର୍ ବେଲା ଉନାକରି ଦେଇଆଟେ । ସେନ୍ତାରି ନ କରିରଇଲେ କେ ମିସା ନ ରଇତାଇ । ମାତର୍ ସେ ବାଟିରଇବା ଲକ୍ଷମନ୍ଦେ ଜିଆଇବାପାଇ ପର୍ମେସର୍ ସେ ବେଲା ଉନାକରି ଦେଇଆଟେ ।

୨୩ ସେବେଲେ କେ ଜଦି ତମକେ ଇତି କିରିସ୍ତ ଆଟେ ନଇଲେ ତେଇ ସେ ଆଟେ ବଲି କଇସି, ତାକେ ବିସ୍ତାସ୍ କରା ନାଇ । ୨୪ କାଇକେ ବଇଲେ ମୁଇ ନିଜେ ମସିଅ କି ମୁଇ ନିଜେ ବବିସତ୍ତବକ୍ତା ବଲାଇଅଇତେ ରଇବା ଟକାବଣ୍ଡାକରୁମନ୍ ସେବେଲେ ଦେକାଇଅଇବାଇ । ସେମନ୍ କାବା ଅଇଜିବା କାମ୍ମନ୍ଦ ଦେକାଇ ପର୍ମେସର୍ ବାଟି ରଇବା ଲକ୍ଷମନ୍ଦେ ମିସା ନାତାଇବାଇ । ୨୫ ଦେକା, ସେ ବେଲା ନ ଆଇବା, ଆଗ୍ତୁ ମୁଇ ତମକେ ଜାନାଇଦେଲିନି ।

୨୬ “ଦେକା, ଜଦି ଲକ୍ଷମନ୍ ସେ ମରୁବାଲି ରଇବା ଜାଗାଇ ଆଟେ ବଲି କଇବାଇ, ତମେ ତେଇ ଜାଆ ନାଇ । କି ସେମନ୍ ଇତି ଦେକିଦେକା ସେ ଲୁଟିଆଟେ ବଲି କଇବାଇ, ସେମନ୍ଦେ ବିସ୍ତାସ୍ କରା ନାଇ । ୨୭ ଉଦିଆନ୍ ଦିଗେଅନି ବୁଡ଼ି ଦିନ୍ ଜାକ ଜେନ୍ତାରି ବିଜ୍ଜି ମାରିକରି ଗୁଲାଇ ଆକାସ୍ ଉଜଲ୍ ଅଇସି, ସେନ୍ତାରି ଅଇକରିସେ ନର୍ପିଲା ମୁଇ ଆଇବି ।”

୨୮ “ଜନ୍ତୁ ମତା ପିଙ୍ଗି ରଇବାଇ, ତେଇ ମଡ଼କାଉ ଗିଦ୍ମନ୍ ରୁଣ୍ଡିରଇବାଇ ।”

**ନର୍ପିଲା ଆଇବାଟା**  
(ମାଡ଼ିଭ ୧୩:୨୪-୨୭; ଲୁକ୍ ୨୧:୨୫-୨୮)

୨୯ ସେ ଦୁକର୍ବେଲା ସାରବା ବେଲେ, ବେଲ୍ ଜାଉଲି ଜାଇସି, ଜନ୍ ଆରି ଉଜଲ୍ ନ ତ୍ରିସାଏ, ବାଦ୍ଲେଅନି ତାରାମନ୍ ଅଦର୍ବାଇ ଆରି ବାଦ୍ଲେ ଉଜଲ୍ ଦେବାଟାମନ୍ ସବୁ ବାଟ୍ ବାନା ଅଇଜିବାଇ । ୩୦ ତାର୍ ପଟେ ନରପିଲା ମୁଇ ବାଦ୍ଲେ ଆଇବାଟା ଦେକ୍ସା । ଆରି ତାକ୍ପୁଟାଅଇ ପାନି ବାଦ୍ଲେ ବପୁ ସଙ୍ଗ୍ ଆଇବାଟା ଦେକି ଦର୍ତ୍ତନିର୍ ଲକ୍ଷମନ୍ କାନ୍ଦାବୁବା ଅଇଜିବାଇ । ୩୧ ବଡ଼ ମଇରି ବାଜ୍ସି । ଆରି ଗୁଲାଇ ସରଗର୍ ଗଟେକ୍ କନେ ଅନି ବିନ୍ ବିନ୍ କନେ ରଇବା ମର୍ ବାବା ବାଟି ରଇବା ଲକ୍ଷମନ୍ଦେ କୁଲିଆଇବାକେ ମୁନ୍ସ୍ ପିଲା ମୁଇ ମର୍ ଦୁଡ଼ମନ୍ଦେ ପାଟାଇବି ।

**ଡୁମ୍ବ୍ରି ଗଟେଅନି ସିକିଆ**  
(ମାଡ଼ିଭ ୧୩:୨୮-୩୧; ଲୁକ୍ ୨୧:୨୯-୩୩)

☆ ୨୪:୧୩ ୨୪:୧୩ ମାଡ଼ିଭ ୧୦:୨୨ ☆ ୨୪:୧୭ ୨୪:୧୭ ଲୁକ୍ ୧୭:୩୧ ☆ ୨୪:୨୧ ୨୪:୨୧ ପର୍କାସିତ ୭:୧୪ ☆ ୨୪:୨୭ ୨୪:୨୭ ଲୁକ୍ ୧୭:୨୩, ୨୪ ☆ ୨୪:୨୮ ୨୪:୨୮ ଲୁକ୍ ୧୭:୩୭ ☆ ୨୪:୨୯ ୨୪:୨୯ ପର୍କାସିତ ୭:୧୨; ପର୍କାସିତ ୭:୧୩ ☆ ୨୪:୩୦ ୨୪:୩୦ ପର୍କାସିତ ୧:୭

୩୨ ତୁମ୍ଭରି ଗରେଅନି ସିକା । ଜେଡେବେଲେ ତାର କେନ୍ଦିଅନି ପତର୍ ପାଲୁଆନି କର୍ସି, ଆରି କାଁଚାପଡ଼ରିଆ ଡିସ୍ଲେ କାରାଦିନ୍ କେଟ୍ଲା ବଲି ତମେ ଜାନସା । ୩୩ ସମାନ୍ ସେନ୍ତାରେସେ ଏ ସବୁ ଜାକ ଅଇବାଟା ଦେକଲେ, ସାରାସାରି ଦିନ୍କାଲୁ ଆରାମ୍ ଅଇଲା ବଲି ତମେ ଜାନା ।

୩୪ “ଏତାଇରୁଆ, ମୁଇ ସଡ଼ କଇଲିନି, ଏବେ ଜିବନ୍ ରଇଲା ଲକ୍ମନର ବିଡ଼ରେଅନି ସବୁ ଲକ୍ମ ମରବା ଆଗ୍ତୁ, ଏସବୁ ବିସଇ ଗର୍ସି । ୩୫ ସରଗ୍ ଆରି ମର୍ପୁର କୁରୁପ୍ନାସ୍ ଅଇଜାଇସି, ମାତର୍ ମର୍ ସବୁ ବାକିଅ କେବେ ମିର୍ ନ ଅଏ ।

ସେ ଆଇବା ବେଲା କେ ମିସା ନାଜାନଡ଼  
(ମାର୍କ ୧୩:୩୨-୩୭; ଲୁକ୍ ୧୭:୨୭-୩୦, ୩୪-୩୬)

୩୬ “ସେ ଦିନ୍, ସେ ବେଲା କେବେ ଆଇସି, କେ କଇନାପାରଡ଼ । ପର୍ମେସରର୍ ପିଲା ମୁଇ ମିସା କି ସରଗର୍ ଦୁଡ଼ମନ୍ ମିସା ସେ କାତା ନାଜାନଡ଼, ବାବା ପର୍ମେସର୍ ଆକା ଜାନିଆଚେ । ୩୭ ନଅର୍ ବେଲେ ଜେନ୍ତାରି ଗଟିରଇଲା, ସମାନ୍ ସେନ୍ତାରିସେ ନର୍ପିଲା ମୁଇ ଆଇବା ବେଲା ମିସା । ୩୮ ପୁର୍ତିବି ଉପ୍ରେ ପାନି ବର୍ଡି ଅଇବାବେଲେ ଅନି ନଅ ପାନିଜାଜେ ପୁର୍ବା ଜାକ, ଲକ୍ମନ କାଆ ପିଇ ଅଇ ବିବା କାମେ ତେରେପେଡେ ଅଇରଇଲା । ୩୯ ପାନିତେଇ ସେମନ୍ ବଅଁଲି ଜିବା ଜାକ, କାଇଟା ଅଇଲାନି, ଜାନି ନ ରଇଲା । ନର୍ପିଲା ମୁଇ ଆଇବା ବେଲେ ସମାନ୍ ସେନ୍ତାରି ଅଇସି । ୪୦ ସେ ବେଲାଇ ପଦାଇ ପାଇଟି କର୍ଡେ ରଇବା ଦୁଇ ଲକ୍ମର ବିଡ଼ରେ ଅନି ଗଟେକ୍ ଲକ୍ମକେ ବାଟ୍ବାଇ ଆରି ଗଟେକ୍ ଲକ୍ମକେ ଚାଡ଼ିଦେବାଇ । ୪୧ ଗର୍ଡେରଇବା ଦୁଇଟା ମାଇଜି ମନର୍ ବିଡ଼ରେ ଅନି ଗଟେକ୍ ଲକ୍ମ ବାଟି ଅଇସି ଆରି ଗଟେକ୍ ଲକ୍ମ ରଇଜାଇସି । ୪୨ ସେନ୍ତି ବଇଲେ ତମେ ଜାଗ୍ଡେ ଅଇ ରୁଆ, କାଇକେ ବଇଲେ ତମର୍ ମାପ୍ପୁ କେଡେବେଲା ଆଇସି, ତମେ ନାଜାନାସ୍ । ୪୩ କେଡେବଲ୍ ଚର୍ ପୁର୍ସି ବଲି ଜାନିରଇଲେ, ଗର୍ ସାଉକାର୍ ଜାଗ୍ଡେ ରଇ ଚର୍କେ ଗରେ ପୁର୍ବାକେ ନ ଦେଏ । ୪୪ ତମେ ମିସା ସବୁବେଲେ ଜାଗ୍ଡେ ରଇକରି ତିଆର୍ ଅଇ ରୁଆ । କାଇକେ ବଇଲେ ତମେ ଜାଗି ନ ରଇଲା ବେଲେସେ ନର୍ପିଲା ମୁଇ ଉଟିଆଇବି ।

ବିସ୍ବାସ୍ ରଇବା ଆରି ବିସ୍ବାସ୍ ନ ରଇବା ଦାଙ୍ଗ୍ଡା  
(ଲୁକ୍ ୧୨:୪୧-୪୮)

୪୫ “ସେନ୍ତି ବଇଲେ କେ ତେବେ ନିମାନ୍ ଆରି ବୁଦି ରଇବା ଦାଙ୍ଗ୍ଡା ? ଜାର୍ ଉପ୍ରେ ସାଉକାର୍ ବିନ୍ ଦାଙ୍ଗ୍ଡାମନର୍ ଟିକ୍ ବେଲାଇ, କାଇବା କାଦି ଦେବା ଦାଇଡ଼ ଦେଇରଇସି । ୪୬ ସାଉକାର୍ ବାଉଡି ଆଇଲା ବେଲେ ସେ ଦାଙ୍ଗ୍ଡା ଜଦି ଟିକ୍ ସଙ୍ଗ୍ କାମ୍ କରରଇସି ବଇଲେ, ତାର୍ କେଡେକ୍ ନିକ କରମ୍ ! ୪୭ ମୁଇ ସଡ଼ କଇଲିନି, ସେନ୍ତାରି ଦାଙ୍ଗ୍ଡାକେ ସାଉକାର୍ ଗଟେକ୍ ଦିନେ ତାର୍ ସବୁ ଦନ୍ ସିପ୍ତିର୍ ଦାଇଡ଼ ଦେଇ ଦେଇସି । ୪୮ ମାତର୍ ସେ ଦାଙ୍ଗ୍ଡା ଜଦି ‘ସାଉକାର୍ ନ ଆସେତା’ ବଲି ବାସ୍ ଆରି ୪୯ ବିନ୍ ଦାଙ୍ଗ୍ଡାମନ୍କେ ମାର୍ପିର୍ କରି ମଦୁଆମନର୍ ସଙ୍ଗ୍ କିଆପିଆ କର୍ଡେ ରଇସି, ୫୦ ସେ ଜାଗ୍ଡେ ନ ରଇଲା ବେଲେ ଆରି ଜନ୍ ବେଲାଇ ସେ ନାଜାନି ରଏ, ସେ ଦିନେ ଆରି ସେ ବେଲାଇସେ ସାଉକାର୍ ବାଉଡିଆଇସି । ୫୧ ତାକେ ସେଡ଼କି ବେଲେ କଣ୍ଟୁ କଣ୍ଟୁ କରି କାଟି ଦେଇସି । ସେ ନାଡାଉମନର୍ ଦସାର୍ ତଣ୍ଟୁ ପାଇସି । ଆରି ସାରାସାରି ଦାଁଡ଼ କାଡ଼ି ମାର୍ପି ଅଇ କାନ୍ସି ।”

୨୫

ଦସ୍ତା ଦାଙ୍ଗ୍ଡିମନର୍ କାତା

୧ “ସେଡିକିବେଲେ ସରଗ୍ ରାଇଜେ କେଟ୍ବା ବାଟ୍ ଏନ୍ତି ଅଇସି । ଦସ୍ତା ଦାଙ୍ଗ୍ଡିମନ୍ ସବୁ ଲକ୍ମ ଗଟେକ୍ ଗଟେକ୍ ବଡି ଦାରି ବାଟେ, ବର୍ ଦାଙ୍ଗ୍ଡାକେ ଜାଗ୍ବାର୍ ଜାଇରଇଲା । ୨ ସେମନର୍ ବିଡ଼ରେଅନି ପାଁଟା ଦାଙ୍ଗ୍ଡି ଚଡୁର୍ ରଇଲା, ଆରି ପାଁଟା ଦାଙ୍ଗ୍ଡି ବକୁଆ ରଇଲା । ୩ ବକୁଆ ରଇଲା ଦାଙ୍ଗ୍ଡିମନ୍ ଅଦିକ୍ ଟିକନ୍ ନେଇ ନ ରଇଲା । ୪ ମାତର୍ ଚଡୁର୍ ରଇବା ଦାଙ୍ଗ୍ଡିମନ୍ ନିଜର୍ ନିଜର୍ ବଡି ଟାନେ ରଇବାଟା ଚାଡି ଆରି କାଁଚେ ମିସା ଟିକନ୍ ବର୍ଡି କର ନେଇରଇଲା । ୫ ବର୍ ଦାଙ୍ଗ୍ଡା ଆଇବାଟା ଅଲ୍ଲସମ୍ ଅଇଲାକେ ଦାଙ୍ଗ୍ଡିମନ୍ ଜୁମ୍ବି ଜୁମ୍ବି କର ସଇଦେଲା ।”

୬ ମଜା ରାତିବେଲାଇ ଆଉଲି ସୁନି ଅଇଲା, “ଏଦେ ଦେକା ! ବର୍ ଦାଙ୍ଗ୍ଡା ଆଇଲାବେ ! ଆସା ସେମନ୍କେ ତାକିଆନ୍ !” ୭ ଦାଙ୍ଗ୍ଡିମନ୍ ଉଟିକରି ନିଜର୍ ନିଜର୍ ବଡିମନ୍ ସାଜାଡ଼ଲା । ୮ ସେଡ଼କି ବେଲେ ବକୁଆ ଦାଙ୍ଗ୍ଡିମନ୍ ଚଡୁର୍ ରଇଲା ଦାଙ୍ଗ୍ଡିମନ୍କେ କଇଲା “ଆମ୍ବେ କଣ୍ଟେକ୍ ଟିକନ୍ ଦିଆ । ଆମର୍ ବଡି ଲିବିଗାଲାନି ।” ୯ ଚଡୁର୍ ଦାଙ୍ଗ୍ଡିମନ୍ କଇଲା, “ତମ୍ବେ ଦେଲେସରି ଆମର୍ ପାଇ ଟିକନ୍ ନ ଅଏ । ତମେ ଦୁକାନେ ଜାଇ ନିଜର୍ ନିଜର୍ ପାଇ ଟିକନ୍ ଗେନିଆନା ।” ୧୦ ସେଟାର୍ପାଇ ବୁଦି ନଇଲା

☆ ୨୪:୪୩ ୨୪:୪୩ ଲୁକ୍ ୧୨:୩୯, ୪୦ ☆ ୨୫:୧ ୨୫:୧ ଲୁକ୍ ୧୨:୩୫

ଦାଙ୍ଗୁଡ଼ିମନ୍ ଚିକନ୍ ଗେନ୍‌ବାକେ ବାରଇଲା । ସେମନ୍ ଗାଲା, ପଚେ ବର୍ ଦାଙ୍ଗୁଡ଼ା ଆସି କେଟ୍‌ଲା । ଜାଗରଡ଼ ଅଇରଇଲା ପାଁଟା ଚତୁର୍ ଦାଙ୍ଗୁଡ଼ିମନ୍ ତାକର୍ ସଙ୍ଗ ବିବା ବଜିତେଇ ଗାଲା ପଚେ କାପାଟ୍ ଡାବିଅଇଗାଲା । ୧୧ \*ସେ ବୁଦି ନ ରଇଲା ଦାଙ୍ଗୁଡ଼ିମନ୍ ପଚେ ସେ ଜାଗାଇ ଆଇଲା, ଏ ମାପୁରୁ, ଏ ମାପୁରୁ କାପାଟ୍ ଉଗାଡ଼ା, ଆମେ ବିତ୍‌ରେ ଜିବୁ ବଲି ସେମନ୍ ଆଉଲି ଅଇଲା । ୧୨ ବରଦାଙ୍ଗୁଡ଼ା କଇଲା, “ମୁଇ ସତ୍ କଇଲିନି, ତମେ କେ, ମୁଇ ନାଜାନି ।” ୧୩ କାତା କଇବାଟା ସାରାଇ, କରି ଜିସୁ କଇଲା, “ଜାଗରଡ଼ ଅଇ ରୁଆ । ସେ ଦିନ୍ କି ବେଲା କେ ମିସା ନାଜାନାସ୍ ।”

**ତିନଟା ଚାକରର କାତା**  
(ଲୁକ୍ ୧୯:୧୧-୨୭)

୧୪ \*ସରଗ୍ ରାଇଜ୍ ଏନ୍ତାରି, ସେ ବିସଇର୍ ଆରି ଗଟେକ୍ କାତା ସୁନା । ତରେକ୍ ଗଟେକ୍ ଲକ୍ ତାର ଚାକର୍ମନକେ, ତାର୍ ସପତି ଚାଡ଼ିଦେଇ ବିଦେସେ ଉଟିଗାଲା । ୧୫ ସେମନ୍‌ର୍ ପାର୍‌ବା ଇସାବେ ସେମନ୍‌କେ କେତେକ୍ କେତେକ୍ ଡାବୁ ଜିମା ଦେଲା । ଗଟେକ୍ ଲକ୍‌କେ ପାଁଟ୍ ଅଜାର୍ ରୁପା ଟାଙ୍ଗା ଦେଲା, ଗଟେକ୍ ଲକ୍‌କେ ଦୁଇ ଅଜାର୍, ଆରି ଗଟେକ୍‌ଲକ୍‌କେ ଅଜାର୍ ରୁପା ଟାଙ୍ଗା ଦେଲା । ଆରି ବିଦେସେ ଉଟିଗାଲା । ୧୬ ପାଁଟ୍ ଅଜାର୍ ରୁପାଟାଙ୍ଗା ନେଇରଇଲା ଚାକର୍ ସେ ଡାବୁ ବେବାର୍ କରି ଆରି ପାଁଟ୍ ଅଜାର୍ ଲାବ୍‌କଲା । ୧୭ ସେନ୍ତାରି ଦୁଇ ଅଜାର୍‌ଟା ନେଇରଇଲା ଚାକର୍ ମିସା ଆରି ଦୁଇ ଅଜାର୍ ଲାବ୍‌କଲା । ୧୮ ମାତର୍ ଜନ୍ ଚାକର୍ ଅଜାର୍‌ଟା ପାଇରଇଲା, ସେ ଗଟେକ୍ କାଲ୍‌କୁନି ସାଉକାର୍ ଦେଇରଇବା ସେ ରୁପା ଟାଙ୍ଗା ଲୁଚାଇ ସଙ୍ଗଇଲା ।

୧୯ “ବେସିଦିନ୍ ଗାଲା ପଚେ ସାଉକାର୍ ବାଅଡ଼ଲା ଆରି ଚାକର୍ମନର୍ ସଙ୍ଗ ଇସାବ୍‌କିତାବ୍ କଲା ।” ୨୦ ପାଁଟ୍ ଅଜାର୍ ରୁପାଟାଙ୍ଗା ନେଇରଇଲା ଚାକର୍ ଆସି ଆରି ପାଁଟ୍ ଅଜାର୍ ଦେଇ କଇଲା, “ସାଉକାର୍ ତମେ ମକେ ପାଁଟ୍ ଅଜାର୍ ଦେଇରଇଲାସ୍, ଏଦେ ଦେକା, ମୁଇ ଆରି ପାଁଟ୍ ଅଜାର୍ ଲାବ୍ କଲିଆଟି ।” ୨୧ ସାଉକାର୍ ସାର୍‌ଦା ଅଇ ତାକେ କଇଲା, “ଟିକ୍ କରିଆରୁସ୍, ତୁଇ ମର୍ କେତେକ୍ ନିକ ଆରି ବିସ୍‌ବାସ୍ ରଇବା ଚାକର୍ ! ତମେ ବିସ୍‌ବାସ୍ ସଙ୍ଗ ଉନା ଦନ୍ କାର୍‌ବାର୍ କରି ରଇଲାର୍ ପାଇ ତମ୍‌କେ ବେସି ଦନ୍ ଚାଡ଼ିଦେବି । ଆଉ ମର୍ ସଙ୍ଗ ସାର୍‌ଦା କର୍ ।”

୨୨ “ଦୁଇ ଅଜାର୍ ରୁପାଟାଙ୍ଗା ନେଇ ରଇଲା ଚାକର୍ ଆସି କଇଲା, ସାଉକାର୍ ତମେ ମକେ ଦୁଇ ଅଜାର୍ ଦେଇ ରଇଲାସ୍, ମୁଇ ଆରି ଦୁଇ ଅଜାର୍ ଲାବ୍ କଲିଆଟି ।” ୨୩ ସାଉକାର୍ କଇଲା, କେତେକ୍ ନିକ ! ତୁଇ ମିସା ମର୍ ବଡ଼ିଆ ଚାକର୍ । ଉନା ଡାବୁ ମିସା ନିକକରି କାମେ ଲାଗାଇଲୁସ୍ । ଏବେ ତର୍ ଜିମାରେ ମୁଇ ବୁଡେକ୍ ଦନ୍ ଦେବି । ଆଉ ମର୍ ସଙ୍ଗ ସାର୍‌ଦା କର୍ । ୨୪ ସାରାସାରି ଅଜାର୍ ରୁପାଟାଙ୍ଗା ପାଇରଇଲା ଚାକର୍ ଆସି କଇଲା, “ଏ ସାଉକାର୍ ମୁଇ ଜାନି, ତମେ ଗଟେକ୍ ବେସି ରିସା ଅଇବା ଲକ୍ । ବୁନି ନ ରଇବା ପଦାଇ କାଟ୍‌ସା ଆରି ବିଅନ୍ ନ ବୁନିକରି ତାସ୍ ବାରା ବାନ୍‌ସା । ୨୫ ସେଟାର୍ ପାଇ ମୁଇ ଡରିକରି ତମର୍ ଦନ୍ ମାଟିତେଇ କାଲ୍‌କୁନି ତପି ରଇଲି । ଏଦେ ଦେକା ! ତମର୍ ସେ ଟାଙ୍ଗା !”

୨୬ ସାଉକାର୍ କଇଲା, “ଅଇରେ କାମକେ ନଇଲା ବାଡୁ ! ତୁଇତା ଜାନିରଇଲୁସ୍, ମୁଇ ଜନ୍ତି ବୁନି ନ ରଇ, ତେଇ ତାସ୍ ଚୁଲିଆଇବି । ୨୭ ତେବେ ମର୍ ଟାଙ୍ଗାନେଇ ବିନ୍ ଲକ୍‌ମନକେ କଲନ୍ତର୍ ଇସାବେ ଦେଇରଇଲେ ମିସା ତେଇଅନି ମକେ କଲନ୍ତର୍ ମିଲୁତା ।” ୨୮ ଏନ୍ତାରି କଇ ସାଉକାର୍ ଆଦେସ୍ ଦେଲା, ଏ ଚାକରରଟାନେ ଅନି ସବୁ ଟାଙ୍ଗା ନେଇ, ଜାର୍ ଆତେ ଦସ୍‌ଅଜାର୍ ଆଚେ, ତାକେ ଦେଇଦିଆସ୍ । ୨୯ \*କାଇକେ ବଇଲେ ଜାକେ ଆଚେ, ତାକେ ଅଦିକ୍ ଦିଆଅଇସି । ଆରି ସେ ଅଦିକ୍ ଅଦିକ୍ ଲାବ୍ କର୍ସି । ମାତର୍ ଜାକେ ନାଇ ତାର୍‌ଲଗେ ଜାଇଟା ଆଚେ, ସେଟା ମିସା ତାରତେଇଅନି ଚାତାଇ ନିଆଅଇସି । ୩୦ \*ଏ କାମକେ ନଇଲା ଚାକର୍‌କେ ବାଇରେ ଦାରିଜା ଆରି ଆନ୍‌ଦାରେ ପଞ୍ଜିଦିଆସ୍ । ତେଇ ସେ କିଲିବିଲିଅଇ ଦାଡ଼ କାଡ଼ି ମାରି ଚପି ଅଇ କାନ୍‌ସି ।

**ସାରାସାରିର୍ ବିଚାର୍**

୩୧ \*ଜେତେବେଲା ନର୍‌ପିଲା ମୁଇ ରାଜାଅଇ ମର୍ ସରଗର୍ ଦୁଡ଼ମନର୍ ସଙ୍ଗ ଆଇବି, ଆରି ମର୍ ଡାକ୍‌ପୁଟା ବସ୍‌ବା ଜାଗାଇ ବସ୍‌ବି, ୩୨ ସବୁ ଜାଡ଼ିର୍ ଲକ୍ ମର୍ ମୁଆଟେ ଚୁଲ୍ ଅଇବାଇ । ସେଡ଼କି ବେଲା ଗଡ଼ଡ଼ ଜେନ୍ତି ମେଣ୍ଡା ଆରି ଚେଲିମନ୍‌କେ ବେଗ୍‌ଲାଇସି, ସେନ୍ତି ନର୍‌ପିଲା ମୁଇ ଲକ୍‌ମନକେ ଦୁଇ ଦଲ୍ କରି ବାଗ୍ କରବି । ୩୩ ଦରମ୍ ଲକ୍‌ମନକେ ଉଜା ବାଟେ ଆରି ବିନ୍ ଲକ୍‌ମନକେ ମର୍ ତେବ୍‌ରି ବାଟେ ସଙ୍ଗଇବି । ୩୪ ତାର୍ ପଚେ ମର୍ ଉଜାବାଟେ ରଇଲା ଲକ୍‌ମନକେ ମୁଇ କଇବି, “ଆସା, ତମ୍‌କେ ମର୍ ବାବା ଆସିର୍‌ବାଦ୍ କଲାଆଚେ । ଦୁନିଆ ତିଆର୍‌ଅଇଲା ବେଲେଅନି ଜନ୍ ରାଇଜ୍ ତମର୍ ପାଇ ତିଆର୍ ଅଇଲା ଆଚେ, ଆସା, ତେଇ ଜାଇ ପୁରା । ୩୫ ମୁଇ ବୁକେ ରଇଲି, ତମେ ମକେ କୁଆଇଲାସ୍ । ମକେ ସସ୍

\* ୨୫:୧୧ ୨୫:୧୧ ଲୁକ୍ ୧୩:୨୫    \* ୨୫:୧୪ ୨୫:୧୪ ଲୁକ୍ ୧୯:୧୧-୨୭    \* ୨୫:୨୯ ୨୫:୨୯ ମାଡ଼ିଉ ୧୩:୧୨; ମାର୍‌କ୍ ୪:୨୫; ଲୁକ୍ ୮:୧୮    \* ୨୫:୩୦ ୨୫:୩୦ ମାଡ଼ିଉ ୮:୧୨; ୨୨:୧୩; ଲୁକ୍ ୧୩:୨୮    \* ୨୫:୩୧ ୨୫:୩୧ ମାଡ଼ିଉ ୧୭:୨୭; ମାଡ଼ିଉ ୧୯:୨୮

କଲା, ତମେ ମକେ କାଇବାକେ ଦେଲାସ୍ । ମୁଇ ଚିନାର ଜାନାର ନ ରଇଲି, ମକେ ତମର ଗରେ ଗତିଆ କରି ଡାକ୍ଲାସ୍ । ୩୭ ମୁଇ ତୁମ୍ଭା ରଇଲି, ମକେ ବସ୍ତର ପିନ୍ଧାଇଲାସ୍ । ମୁଇ ଜର୍ଦାରାଇ ଅଇରଇଲି, ମକେ ଜତନ୍ କଲାସ୍ । ମୁଇ ବନ୍ଦି ଗରେ ରଇଲି ମକେ ଦେକ୍ବାର ଆସିରଇଲାସ୍ ।”

୩୭ ଦରମ୍ ଲକ୍ମନ କଇବାଇ, “ମାପୁରୁ ! କେବେ ତମେ ବୁକେ ରଇଲାଟା ଦେକି ତମ୍ଭକେ କାଇବାକେ ଦେଇରଇଲୁ ? କେବେ ତମ୍ଭକେ ସସ୍ କଲାଜେ ପାନି କାଇବାକେ ଦେଇ ରଇଲୁ ? ୩୮ କେବେ ତମେ ଚିନାର ଜାନାର ନ ଅଇରଇଲାସ୍ ଜେ ଆମେ ତମ୍ଭକେ ଗତିଆ କରି ଗରେ ଡାକି ରଇଲୁ ? ଆରି କେବେ ତୁମ୍ଭା ରଇଲାସ୍ ଜେ ପିନ୍ଧିବାକେ ବସ୍ତର ଦେଇ ରଇଲୁ ? ୩୯ କେବେ ତମେ ଜର୍ ଦାରାଇ ଅଇରଇଲାସ୍ଜେ ଆମେ ତମ୍ଭକେ ଜତନ୍ କଲୁ ? ଆରି କେବେ ତମେ ବନ୍ଦି ଗରେ ରଇଲାସ୍ଜେ ଆମେ ଦେକ୍ବାର ଆସିରଇଲୁ ?” ୪୦ ପରେ, ମୁଇ ସେମନ୍କେ କଇବି, ମୁଇ ତମ୍ଭକେ ସତ୍ତକଲିନି, ଏ ମର୍ ବାଇମନର୍ ବିତ୍ରେ ସବୁରଟାନେଅନି ଗଟେକ୍ ସାନ୍ ଲକ୍ମର୍ ପାଇ, ଜାଇଟା ସବୁ କରିଆଟାସ୍, ସେଟା ମର୍ ପାଇ କରିଆଟାସ୍ ।

୪୧ ତାରପରେ ଡେବ୍ରିବାଟେ ବସି ରଇବା ଲକ୍ମନକେ ମୁଇ କଇବି “ଏଇ ସାଇପ୍ ପାଇରଇବା ଦଲର୍ ଲକ୍ମନ ! ମର୍ ମୁଆଟେ ରୁଆନାଇ । ସଇତାନ୍ ଆରି ତାର ସଙ୍ଗ୍ ରଇଲା ଦୁତ୍ତମନର୍ ପାଇ, ସବୁବେଲେ ଲାଗି ରଇବା ଜଇକୁଣ୍ଡ ତିଆର୍ ଅଇଲାଆଟେ । ତେଇ ଜାଆ ! ୪୨ ମୁଇ ବୁକେ ରଇଲି, ତମେ ମକେ କାଇବାକେ ଦିଆସ୍ ନାଇ, ମକେ ସସ୍ କଲାଜେ ପାନି ଗୁଡିକ୍ ଦିଆସ୍ ନାଇ । ୪୩ ମୁଇ ଅଚିନାର ଅଇ ରଇଲା ବେଲେ ମକେ ଡାକାସ୍ ନାଇ । ମୁଇ ତୁମ୍ଭା ରଇଲା ବେଲେ ମକେ ବସ୍ତର ପିନ୍ଧାଆସ୍ ନାଇ । ଜର୍ ଦାରାଇ ଆରି ବନ୍ଦି ଅଇ ରଇଲା ବେଲେ, ମକେ ଜତନ୍ କରାସ୍ନାଇ ।”

୪୪ ସେମନ୍ ସେଡକିବେଲେ ମକେ କଇବାଇ, “ମାପୁରୁ, ତମ୍ଭକେ ଆମେ କେବେ ବୁକେ ରଇଲା ବେଲେ, ସସେ ରଇଲା ବେଲେ, ଅଚିନାର ରଇଲା ବେଲେ, ତୁମ୍ଭା ରଇଲା ବେଲେ ଆରି ଜର୍ ଦାରାଇଅଇ ବନ୍ଦି ରଇବାଟା ଦେକି ତମ୍ଭକେ ସାଇଜ କରୁ ନାଇ ?”

୪୫ ସତଇସେ ମୁଇ କଇବି, “ଏ ସାନ୍ ଲକ୍ମନର୍ ବିତ୍ରେଅନି ଗଟେକ୍ ଲକ୍ମକେ ସାଇଜ କର୍ବାକେ ମନାକର୍ବା ବେଲେ, ତମେ ମକେ ସାଇଜ କରାସ୍ ନାଇ । ୪୬ ଏନ୍ତାରି ଲକ୍ମନକେ ସବୁ ଦିନର୍ ପାଇ ଡଣ୍ଡ ମିଲ୍ସି ଆରି ଦରମ୍ ଲକ୍ମନ ନ ସାର୍ବା ଜିବନ୍ ପାଇବାଇ ।”

### ୨୨

#### ଜିସୁର ବିରୁଦେ ପାଁଟବାଟା

(ମାର୍ଚ୍ଚ ୧୪:୧-୨; ଲୁକ୍ ୨୨:୧-୨; ଜଅନ୍ ୧୧:୪୫-୫୩)

୧ ଜିସୁ ଏ ସବୁ ସିକିଆ ଦେଇ ସାରାଇଲା ପରେ ସିସ୍ମନକେ, ୨ “ନିସ୍ତାର ପରବ୍ ଅଇବାକେ ଆରି ଦୁଇ ଦିନ୍ ଆଟେ । ସେଟା ତମେ ଜାନାସ୍ । ସେଡକିବେଲେ ନର୍ପିଲା ମୁଇ କୁରସେ ମର୍ବାକେ ଲକ୍ମନକେ ସର୍ପି ଅଇବି ।”

୩ ସେବେଲେ ମୁକିଅ ପୁଜାରିମନ୍ ଆରି ପାର୍ଚିନ୍ମନ୍ ବଡ୍ ପୁଜାରି କୟାପାର୍ ଗରେ ରୁଣ୍ଡ ଅଇଲାଇ । ୪ ସେମନ୍ କେ ନାଜାନ୍ଲାପାରା ଜିସୁକେ ଦାରି ମରାଇବାକେ ପାଁଟନା କଲାଇ । ୫ ମାତର୍ ସେମନ୍ କଇଲାଇ, “ଆମେ ପରବ୍ ବେଲେ ଏ କାମ୍ କର୍ବାଟା ଚିକ୍ ନର୍ଏ । ସେ ବେଲେ ଲକ୍ମନ ଗଣ୍ଡଗଲ୍ ମିସା କରିପାରଡ୍ ।”

#### ଜିସୁକେ ବେଡନିଆଇ ଚିକନ୍ ଲାଗାଇଲାଇ

(ମାର୍ଚ୍ଚ ୧୪:୩-୯; ଜଅନ୍ ୧୨:୧-୮)

୬ ଜିସୁ ଦିନେକ୍ ବେଡନିଆଇ, ଆଗେଅନି ବଡ୍‌ରଗ୍ ଅଇ ରଇବା ସିମନର୍ ଗରେ ରଇଲା । ୭ ସିମନର୍ ଗରେ ସେ କାଇବାକେ ବସି ରଇଲା ବେଲେ, ଏଦେ ଦେକା ! ଗଟେକ୍ ମାଇଜି ଆଲାବାସଟା ନାଉର୍ ପାକ୍ନାସଙ୍ଗ୍ ତିଆରକଲା କଣ୍ଡିତେଇ ବେସି ଦାମର୍ ବାସ୍ନା ଚିକନ୍ ବର୍ଡି କରି ଆନି ତାର ମୁଣ୍ଡେ ଡାଲି ଦେଲା । ୮ ଏଟା ଦେକିକରି ତାର ସିସ୍ମନ୍ ରିସା ଅଇଗାଲାଇ । ସେମନ୍ ତାକେ ପାଟାରିଲାଇ, “ଏଡେକ୍ପାରା ଚିକନ୍ କାଇକେ ବୁଟାଇ ବୁଟାଇ ଡାଲିପାକାଇଲୁସ୍ ? ୯ ଏ ବାସ୍ନା ଚିକନ୍ ବିକ୍ଲେ ସରି, ବେସି ତାରୁ ମିଲ୍ଡା ଆରି ସେଟା ଗରିବ୍ ଲକ୍ମନକେ ଦାନ୍ ଦେବାର୍ ଅଇତା ।”

୧୦ ସେମନ୍ କାଇଟା ବଲି କଇଲାଇନି, ଏଟା ଜାନିକରି ଜିସୁ କଇଲା, “ତାକେ କାଇକେ ତମେ ଅଇରାନ୍ କଲାସିନି ? ସେ ମର୍ ପାଇ ଗଟେକ୍ ନିକ ଆରି ସୁନ୍ଦର୍ କାମ୍ କଲାଆଟେ ।”

୧୧ “ତମେ ସବୁବେଲେ ଗରିବ୍ ଲକ୍ମନର୍ ସଙ୍ଗ୍ ମିସ୍ସା । ମାତର୍ ମର୍ସଙ୍ଗ୍ ସବୁବେଲେ ରଇ ନାପାରାସ୍ । ୧୨ ସେ ମର୍ ଉପ୍ରେ ବାସ୍ନା ଚିକନ୍ ରକଇକରି, ମକେ ସମାଦି ଦେବା ଆଗ୍ଡୁ, ତିଆର୍ କରି ଦେଲାଆଟେ

☆ ୨୨:୨ ୨୨:୨ ଲୁକ୍ ୭:୩୭,୩୮

। ୧୩ ମୁଇ ତମକେ ସତକାତା କଇଲିନି, ଗୁଲାଇ ଜଗତେ ଜନ୍ ଜାଗାଇ ମିସା ମାପୁରୁର୍ ନିକ କବର୍ ଜାନାଇଅଇସି, ଏ ମାଇଜି ଜାଇଟା କଲାଆତେ, ତାକେ ଏତାଇକରି ସେଟା ମିସା କଇବାଇ ।”

ଜିସୁକେ ଦାରାଇଦେବାକେ ଜିଉଦାର ରାଜି  
(ମାର୍ଚ୍ଚ ୧୪:୧୦-୧୧; ଲୁକ୍ ୨୨:୩-୬)

୧୪ ଜିସୁର୍ ବାରଟା ସିସ୍ତମନ୍ ବିତ୍ତରେଅନି ଇସକାରିୟତ୍ ଜିଉଦା ନାଉର୍ ଗଟେକ୍ ସିସ୍ ମୁକିଅ ପୁଜାରିମନ୍ ଲଗେ ଜାଇ ପାଟାରଲା । ୧୫ “ଜିସୁକେ ଦାରାଇଦେଲେ ମକେ କାଇଟା ଦେଇସା ?” ସେମନ୍ ତାକେ ଚିରିସ୍ଟା ରୁପାଟାଙ୍ଗା ଏଜକରି ଦେଲାଇ । ୧୬ ସେ ଦିନେଅନି ଜିଉଦା ଜିସୁକେ ଦାରାଇ ଦେବାକେ ବେଲା କଜ୍ତେରଇଲା ।

ନିସ୍ତାର ପରବର୍ ବଜି  
(ମାର୍ଚ୍ଚ ୧୪:୧୨-୧୩; ଲୁକ୍ ୨୨:୭-୧୪, ୨୧-୨୩; ଜଅନ୍ ୧୩:୨୧-୩୦)

୧୭ ନିସ୍ତାର ପରବର୍ ପର୍ତୁମ୍ ଦିନେ ସିସ୍ତମନ୍ ଆସି ଜିସୁକେ ପାଟାରଲାଇ, “ତମର୍ ପାଇ ଆମେ କଜି ନିସ୍ତାର ପରବର୍ ବଜି ତିଆର୍ କରୁ ?”

୧୮ ଜିସୁ କଇଲା, “ନଅରେ ଜାଇ ସେ ଲକ୍ତକେ କଇସା, ତାର ଦିନକାଲ୍ କେଟି ଆଇଲାନି ବଲି ଗୁରୁ କଇଲା ଆତେ । ତାର ସିସ୍ତମନ୍ ସଙ୍ଗ୍ ତମର୍ ଗରେ ସେ ନିସ୍ତାର ପରବ୍ ମାନ୍ସି ।”

୧୯ ସିସ୍ତମନ୍, ଜିସୁ କଇଲା ଇସାବେ ନିସ୍ତାର ପରବର୍ ବଜି ତିଆର୍କଲାଇ ।

୨୦ ସଙ୍ଗ୍ ଅଇଲାକେ ଜିସୁ ଆରି ତାର ବାରଟା ସିସ୍ତମନ୍ କାଇବାର୍ ବସ୍ଲାଇ । ୨୧ କାଇବା ବେଲେ ଜିସୁ କଇଲା, “ମୁଇ ତମକେ ସତ୍ କଇଲିନି, ତମର୍ ବିତ୍ତରେଅନି ଗଟେକ୍ ଲକ୍ ମକେ ବିସ୍ବାସେ ବିସ୍ଦେଲା ପାରା କରସି ।”

୨୨ ଏ କାତା ସୁନି ସିସ୍ତମନ୍ କାବା ଅଇଗାଲାଇ । ଆରି ଗଟେକ୍ ଗଟେକ୍ ଲକ୍ ଜିସୁକେ ପାଟାରଲାଇ “ମାପୁରୁ ସେ ଲକ୍ ମୁଇ କି ?”

୨୩ ଜିସୁ କଇଲା, “ଜନ୍ ଲକ୍ କି ମର୍ସଙ୍ଗ୍ ଗିନାତେଇ ରୁଟି ଚବାଲ୍ଲା, ସେ ଆକା ।” ସେ ମକେ ବିସ୍ବାସେ ବିସ୍ ଦେଲାପାରା କରସି । ୨୪ ସାସ୍ତରର୍ ଲେକା ଇସାବେ ମୁନ୍ସପିଲା ମୁଇ ମରିଜିବି, ମାତର୍ ଜେ ମକେ ଦାରାଇ ଦେଇସି, ତାର ଦସା କେତେ ଇନସ୍ତା ଅଇସି ! ସେ ଜନମ୍ ନ ଅଇରଇଲେ ନିକ ଅଇତା ।

୨୫ ବିସ୍ବାସେ ବିସ୍ ଦେଉ ଜିଉଦା ଉଟି ପାଟାରଲା, “ଗୁରୁ ତମେ ମକେ ଦେକାଇକରି କୁଆସ୍ନାଇ ତ ?” ଜିସୁ ତାକେ କଇଲା, “ସେଟା ତୁଇସେ କଇଲୁସ୍ନି ।”

ମାପୁରୁ ବଜି

(ମାର୍ଚ୍ଚ ୧୪:୨୨-୨୬; ଲୁକ୍ ୨୨:୧୪-୨୦; ୧ମ କରନ୍ତ୍ରିୟ ୧୧:୨୩-୨୫)

୨୬ ସେମନ୍ କାଇବା ବେଲେ ଜିସୁ ଗଟେକ୍ ରୁଟି ଦାରି ପର୍ମେସର୍କେ ଦନିଅବାଦ୍ ଦେଲା, ଆରି ସେଟା ବାଙ୍ଗାଇ ସିସ୍ତମନ୍କେ ଦେଇ କଇଲା, “ଏଟା ମର୍ ଗାଗଡ୍ । ନିଆ ଆରି କାଆ ।”

୨୭ ତାରପତେ ଅଙ୍ଗୁରର୍ସ ରଇଲା ମୁତା ଦାରି ପର୍ମେସର୍କେ ଦନିଅବାଦ୍ ଦେଲା ଆରି ତାର ସିସ୍ତମନ୍କେ କଇଲା, “ତମେ ସବୁ ଲକ୍ ଏ ମୁତାରଟା କାଆ । ୨୮ ଏଟା ମର୍ ବନି । ମୁନ୍ସମନ୍ ପାପକେମାର୍ ଲାଗି ମୁଇ ମର୍ ଜନ୍ ବନି ତାଲି ଦେବି ବଲି ଗାଲିନି, ସେଟା ପର୍ମେସର୍ ନୁଆ ନିୟମ୍ ଟିକ୍ କରସି । ୨୯ ମୁଇ ତମକେ କଇଲିନି, ମର୍ ବାବାର୍ ରାଇଜେ ତମର୍ ସଙ୍ଗ୍ ନୁଆ ଅଙ୍ଗୁର୍ ରସ୍ କାଇବା ଜାକ ମୁଇ ଆରି କେବେ ଏ ରସ୍ ନ କାଇ ।”

୩୦ ତାରପତେ ସେମନ୍ ଦନିଅବାଦର୍ ଗିଡ୍ ଗାଇ ଗାଇ କରି ଜିତ୍ନାଉର୍ ପର୍ବତେ ଗାଲାଇ ।

ପିତର୍ ନାଜାନି ବଲ୍ବା ବିସଇ ଜିସୁ କଇବାଟା

(ମାର୍ଚ୍ଚ ୧୪:୨୭-୩୧; ଲୁକ୍ ୨୨:୩୧-୩୪; ଜଅନ୍ ୧୩:୩୬-୩୮)

୩୧ ସେବେଲେ ଜିସୁ ସେମନ୍କେ କଇଲା, “ଆଜି ରାତି ତମେ ସବୁ ଲକ୍ ମକେ ଚାଡ଼ିକରି ଉଟିଜାଇସା । ସାସ୍ତର୍ କଇଲାନି, ମୁଇ ମେଣ୍ଡା ଚାରାଉକେ ମରାଇବି ଆରି ମେଣ୍ଡାମନ୍ ଚିନ୍ଦିନ୍ ଅଇଜିବାଇ ।

୩୨ ☆ମାତର୍ ମୁଇ ମରିକରି ଆରି ତର୍ ଉଟ୍ଲା ପତେ, ତମର୍ ଆଗ୍ତୁ ଆଗ୍ତୁ ଗାଲିଲି ରାଇଜେ ଜିବି ।”

୩୩ ପିତର୍ ଜିସୁକେ କଇଲା, “ତମକେ ବିନ୍ ଲକ୍ମନ୍ ସବୁ ଚାଡ଼ିକରି ଉଟିଗାଲେ ମିସା ମୁଇ ଚାଡ଼ି ନ ଜାଇ ।”

୩୪ ଜିସୁ ପିତର୍କେ କଇଲା, “ମୁଇ ସତ୍ କଇଲିନି ଆଜି ରାତି କୁକ୍ତା ନ ତାକ୍ତେ, ତୁଇ ମକେ ତିନ୍ ତର୍ ନାଜାନି ବଲି କଇସୁ ।”

୩୫ ପିତର୍ କଇଲା, “ଜଦି ମୁଇ ତମର୍ ସଙ୍ଗ୍ ମର୍ବାର୍ ରଇଲେ ମିସା, ମୁଇ ତମକେ କେବେ ନାଜାନି ବଲି ନ କଇ ।” ବିନ୍ ସିସ୍ତମନ୍ ମିସା ସେଙ୍ଗାର୍ କଇଲାଇ ।



ଗେଡ଼ସିମନି ବାଡେ ଜିସୁର ପାର୍ତନା  
(ମାର୍ଚକ ୧୪:୩୨-୪୨; ଲୁକ୍ ୨୨:୩୯-୪୭)

୩୭ ତାର ପତେ ଜିସୁ ତାର ସିସ୍ତମନର ସଙ୍ଗେ ଗେଡ଼ସିମନି ନାଉଁର ଗଟେକ୍ ଜାଗାଇ ଜାଇ ସେମନକେ କଇଲା, “ତମେ ଇତି ଚନେକ୍ ବସି ରୁଆ । ମୁଇ ସେ ଲଗେ ଜାଇ ପାର୍ତନା କରବି ।” ୩୮ ସେ ପିତରକେ ଆରି ଜେବଦିର ଦୁଇଟା ପିଲାମନକେ ତାର ସଙ୍ଗେ ଡାକିନେଲା । ସେଡ଼କି ବେଲେ ସେ ବେସି ଦୁକ୍ କସ୍ତ ଆରି କିଲ୍ଲବିଲ୍ଲଅଇ, ୩୯ ସେମନକେ କଇଲା, “ଦୁକ୍ ଅଇ ମର ଜିବନ୍ ଚିଡ଼ିଗାଲା ପାରା ଲାଗ୍ଲାନି । ଇତି ତମେ ମକେ ଜାଗିରୁଆ ।”

୩୯ ଜିସୁ ତାକର ଟାନେଅନି କଣ୍ଡେକ୍ ଦୁରିକେ ଜାଇ ରୁଏଁ ଉମ୍ତାଡ଼ିଅଇ ପାର୍ତନା କଲା, “ବାବା ଜଦି ଅଇସି ବଇଲେ ଏ ଦୁକ୍ ପୁରୁନର ମୁତା ମରଟାନେଅନି ଦାରି ଜା, ମାତର ମୁଇ ମନ୍ କଲାଟା ନଏଁ, ତମେ ମନ୍ କଲାଟା ପୁରାପୁରୁନ୍ ଅ ।”

୪୦ ତାରପତେ ସେ ତିନ୍ତା ସିସ୍ତମନର ଲଗେ ବାଉଡ଼ି ଆସି ଦେକ୍ଲା, ସେମନ୍ ସଇଦେଇଆଚଡ଼ । ଜିସୁ ପିତରକେ କଇଲା, “ତମେ ଗଟେକ୍ ଗଟା ମିସା ଜାଗି ନାପାରୁଲାସ୍ ? ୪୧ ଜେକ୍ରିକି ପରିକାର୍ ବେଲାଇ ନ ଆରିଜିବାକେ, ଜାଗିରଇ ପାର୍ତନା କରା । କାଇକେ ବଇଲେ ଆଡ଼ମା କରବି ବଲି ମନ୍ କଲାନି, ମାତର ଗାଗଡ଼ ନିଚି ବଇଲାନି ।”

୪୨ ଜିସୁ ଆରି ତରେକ୍ ଜାଇ ପାର୍ତନା କଲା, “ଏ ମର ବାବା ଜଦି ଏ ଦୁକ୍ ମୁତା ମରଟାନେଅନି ନ ନେଲେ, ମୁଇ ସେଟା କାଇବାକେ ସେ ପଡ଼ସି । ମାତର ମୁଇ ମନ୍ କଲାଟା ନାଇ, ତମେ ମନ୍ କଲାଟା ପୁରାପୁରୁନ୍ ଅ ।” ୪୩ ସେ ଆରି ତରେକ୍ ବାଉଡ଼ି ଆସି ସିସ୍ତମନ୍ ସଇରଇଲାଟା ଦେକ୍ଲା । ସେମନକେ ଗୁନ୍ ଡାବି ଆନ୍ତେ ରଇଲାଜେ ଆକି ଦେକି ନାପାର୍ତେ ରଇଲାଇ ।

୪୪ ଏଟାସଙ୍ଗେ ତିନ୍ତର ଅଇଲା ଜିସୁ ସେମନକେ ଚାଡ଼ିକରି କଣ୍ଡେକ୍ ଦୁରିକେ ଜାଇ ସେନ୍ତାରି ପାର୍ତନା କଲା । ୪୫ ତାର ପତେ ସିସ୍ତମନର ଲଗେ ଆସି କଇଲା, “ଏବେ ଜାକ ତମେ ସଇଆଚାସ୍ ? ଦେକା ପରମେସରର ନରପିଲା ମୁଇ ପାପିମନକେ ସରପି ଅଇବା ବେଲା କେଟିଆଚେ । ୪୬ ଉଟା, ଜୁ । ଏଦେ ଦେକା ! ମକେ ଦାରାଇ ଦେବା ଲକ୍ ଆସି କେଟ୍ଲାବେ ।”

ଜିସୁକେ ଦାରି ବାନ୍ଦଲାଇ  
(ମାର୍ଚକ ୧୪:୪୩-୫୦; ଲୁକ୍ ୨୨:୪୭-୫୩; ଜଅନ୍ ୧୮:୩-୧୨)

୪୭ ଜିସୁ ତାର ସିସ୍ତମନକେ ଏ କାତା କଇବା ବେଲେ ତାର ବାରଟା ସିସ୍ତମନର ବିଡ଼ରେ ଅନି ଜିଉଦା ନାଉଁର ସିସ୍ ଆସି କେଟ୍ଲା । ତାର ସଙ୍ଗେ କାଡ଼ି କାଣ୍ଡା ଆରି ଟେଙ୍ଗ୍ ଡାଙ୍ଗ୍ ଦାରି ବେସି ଲକ୍ ତେଇ ଟୁଲ୍ ଅଇଲାଇ । ସେମନକେ ମୁକିଅ ପୁଜାରିମନ୍ ଆରି ପାର୍ତନିମନ୍ ପାଟାଇରଇଲାଇ । ୪୮ ବିସ୍ବାସେ ବିସ୍ ଦେଉ ଜିଉଦା ସେମନକେ ଜାନାଇ ରଇଲା । ସେ ସେମନକେ କଇରଇଲା ମୁଇ ଜନ୍ ଲକ୍କେ ରୁମ୍ବି ତାକେ ତମେ କଜ୍ଲାସ୍ନି, ତାକେ ଦାରା ।

୪୯ ଜିଉଦା ସଲକେ ଜିସୁରଲଗେ ଜାଇ ତାକେ “ଏ ଗୁରୁ ଜୁଆର୍ !” ବଲିକରି ରୁମ୍ଲା । ୫୦ ଜିସୁ ଜିଉଦାକେ କଇଲା, “ମଇତର ତର କାମ୍ ଦାପ୍ରେ ସାରାଇଦେସ୍ ।” ତାର ପତେ ସେମନ୍ ଜିସୁକେ ଦାରି ବାନ୍ଦି ପାକାଇଲାଇ ।

୫୧ ଜିସୁର ବାଟର ଗଟେକ୍ ଲକ୍ ତାର ନିଜର କାଣ୍ଡା ବାରକରାଇ ମୁକିଅ ପୁଜାରିର ଗଡ଼ିଦାଙ୍ଗ୍ତାକେ ମାର୍ଲା । ସେ ଲକ୍ କାନ୍ ଚିଡ଼ି ଗାଲା । ୫୨ ଜିସୁ ତାକେ କଇଲା, “ତର କାଣ୍ଡା ପୁରାଇକରି ସଙ୍ଗ । ଜନ୍ ଲକ୍ ମନ୍ କାଣ୍ଡା ଉଟାଇବାଇ, ସେମନ୍ କାଣ୍ଡାକ୍ସେ ମରବାଇ । ୫୩ ତୁଇ କାଇ ନାଜାନୁସ୍ କି ? ମୁଇ ମର ବାବାକେ ସାଇଜ ମାଙ୍ଗ୍ଲେ, ସେ ମରପାଇ ଦାପ୍ରେସେ, ବାରଟା ଦଲେଅନି ଅଦିକ୍ ସରଗର ଦୁଡ଼ମନକେ ପାଟାଇପାରେ । ୫୪ ମାତର ସେନ୍ତାର ଆଲେ ଏଟାମନ୍ ସବୁ ଗଟସି ବଲି ସାସ୍ତରେ ଜାଇ ଜାଇଟା ଲେକା ଅଇଲା ଆଚେ, ସେଟା କେକ୍ରି ପୁରାପୁରୁନ୍ ଅଇସି ?”

୫୫ ତାର ପତେ ଜିସୁ ତେଇ ଟୁଲ୍ ଅଇରଇବା ଲକ୍ ମନକେ କଇଲା, “ମୁଇ କାଇ ଗଟେକ୍ ପାଲାଇବା କାଙ୍ଗାରେ ଟେଙ୍ଗ୍ ଡାଙ୍ଗ୍ ଆରି କାଣ୍ଡା ଦାରି ମକେ ଦାର୍ବାର୍ ଆସିଆଚାସ୍ ? ମୁଇ ସବୁ ଦିନ୍ ମନ୍ଦିରେ ବସି ସିକିଆ ଦେଇଡେ ରଇଲି, ସେବେଲେତା ମକେ ଦାରାସ୍ ନାଇ ! ୫୬ ଜାଇଟା ଅବେ, ବବିସଡ଼ବକ୍ତାମନ୍ ସାସ୍ତରେ ଜାଇଟା ଲେକ୍ଲାଇ ଆଚଡ଼, ସେ ସବୁ ସିଦ୍ ଅଇବାକେ ଏଟା ଗଟ୍ଲା ।”

ସେଡ଼କିବେଲେ ସିସ୍ତମନ୍ ସବୁଲକ୍ ଜିସୁକେ ଚାଡ଼ି ପାଲାଇଲାଇ ।

ବଡ଼ ସବାଇ ଜିସୁର ବିଚାରନା  
(ମାର୍ଚକ ୧୪:୩୫-୬୫; ଲୁକ୍ ୨୨:୪୫-୫୫, ୬୩-୭୧; ଜଅନ୍ ୧୮:୧୩-୧୪, ୧୯-୨୪)

☆ ୨୭:୫୫ ୨୭:୫୫ ଲୁକ୍ ୧୯:୪୭; ୨୧:୩୭

୫୭ ଜିସୁକେ ବନ୍ଦି କରୁମନ୍ ତାକେ ବଡ଼ ପୁଜାରି କାୟାପାର ଗରେ ନେଲା । ସିତି ଦରମ୍ ଗୁରୁ ଆରି ପାର୍ତିନିମନ୍ ଟୁଲ୍ ଅଇରଇଲା । ୫୮ ପିତର୍ କଣ୍ଟେକ୍ ଦୁରିକେ ରଇକରି ଜିସୁକେ ଦେକ୍ତେ ରଇଲା । ଆରି ସେ କାୟାପା ଗରର୍ ତାଣ୍ଡିକାକ ଗାଲା । ଏ ସବୁ ଗଟ୍ଟନା କାଇଟା ଅଇସି ବଲି ସେଟା ଦେକ୍ବାକେ ପିତର୍ ମନ୍ଦିର୍ ଜାଗୁଆଲ୍ମନର୍ ସଙ୍ଗ୍ ତେଇ ବସଲା । ୫୯ ମୁକିଅ ପୁଜାରିମନ୍ ଆରି ବଡ଼ ସବାଇ ରଇଲା ସବୁ ଲକ୍ମନ୍ ଜିସୁକେ ମରନ୍ ଡଣ୍ଡ ଦେବାକେ ତାର୍ ବିରୁଦେ ମିର୍ କାତା କଜ୍ବାକେ ଚେସ୍ଟା କଲା । ୬୦ କେତେ କେତେ ଲକ୍ମନ୍ ଜିସୁର୍ ବିରୁଦେ ମିର୍ କାତା କଇଲା । ମାତର୍ ସେନ୍ତାରି କାଇ ବୁଲ୍ କାତା ମିସା ମିଲେ ନାଇ । ପଟେ ଦୁଇଲକ୍ ଉଟିକରି, ୬୧ ☆“ଏ ଲକ୍ ମୁଇ ପର୍ମେସରର୍ ମନ୍ଦିର୍ ବାଙ୍ଗାଲ ଦେଇ, ସେଟା ତିନ୍ ଦିନ୍ ବିତ୍ରେ ଆରି ତରେକ୍ ଉଟାଇ ଦେଇପାରି । ” ବଲି କଇରଇଲା । ୬୨ ବଡ଼ ପୁଜାରି ଚିଆଅଇକରି ଜିସୁକେ କଇଲା, “ତୁଇ କାଇକେ କାଇଟାବଲି କଉସ୍ ନାଇ ? ଏମନ୍ କଇବା କାତା ଚାପ୍ବାକେ ତୁଇ ଆରି କାଇଟା କଇବାର୍ ଆଚେ କି ?” ୬୩ ମାତର୍ ଜିସୁ ଚିମ୍ବରାଅଇ ରଇଲା । ବଡ଼ ପୁଜାରି କଇଲା, “ମୁଇ ତମ୍ବେକେ ଜିବନ୍ ରଇବା ପର୍ମେସରର୍ ନାଉଁ ଦାରି ପର୍ମାନ୍ କରାଇ ପାଟାଲିନି, ସଡ଼ କଅ, ତୁଇ କାଇ ପର୍ମେସରର୍ ପିଲା ମସିଅ କି ?”

୬୪ ଜିସୁ କଇଲା, “ତୁଇ ସମାନ୍ କାତା କଇଆରୁସ୍ । ମାତର୍ ମୁଇ ତମ୍ବେକେ ସବୁ ଲକ୍କେ କଇଲିନି, ପର୍ମେସର ପାଟାଲି ନରପିଲା ମୁଇ, ଦାପ୍ରେ ସେ ସବୁର୍ ଉପରର୍ ମାପ୍ତୁର୍ ଉଜା ବାଟେ ବସ୍ବାକେ ଗାଲିନି, ଆରି ମକେ ତମେ ସରଗେଅନି ବାଦଲ୍ ସଙ୍ଗ୍ ଉଡ଼ି ଆଇବାଟା ଦେକ୍ସା ।”

୬୫ ଏ କାତା ସୁନି ବଡ଼ ପୁଜାରି ତାର୍ ପିନ୍ଦି ରଇବାଟା ଚିପିକାଇ କଇଲା, “ଏଟା ସେ ପର୍ମେସରକେ ନିନ୍ଦା କରବାଟା ! ଆରି ବିନ୍ ସାକି ଦରକାର୍ ନାଇ । ତମେ ଏବେସେ ଏ ଲକ୍ ପର୍ମେସରକେ ନିନ୍ଦା କରବାଟା ସୁନଲାସ୍ । ୬୬ ଏ ବିସଇନେଇ କରି ତମେ କାଇଟା ବାବ୍ଲାସିନି ?”

ସେମନ୍ ସବୁ ଲକ୍ କଇଲା, “ସେ ଦସ୍ କରିଆଚେ, ମରନ୍ ଡଣ୍ଡ ପାଇବାର୍ ଦରକାର୍ ଆକା ।”

୬୭ ତାର୍ ପଟେ ସେମନ୍ ଜିସୁର୍ ମୁଏଁ ତୁଲ୍ଲା ଆରି ମାର୍ଲା । କେତେ ଲକ୍ ତାକେ ଚାପଡ଼ ସଙ୍ଗ୍ ମାରି କଇଲା, ୬୮ “ଏ କିରିସଟ ! ବବିସଡ଼ କାତା ଅଲପ୍ କଅ । ତକେ କେ ମାର୍ଲା କଇଦେକ୍ ପନି !”

**ପିତର୍ ଜିସୁକେ ନାଜାନି ବଲି କଇଲା**  
(ମାର୍କ ୧୪:୬୬-୭୨; ଲୁକ୍ ୨୨:୫୬-୬୨; ଜଅନ୍ ୧୮:୧୫-୧୮, ୨୫-୨୭)

୬୯ ପିତର୍ ବଡ଼ ପୁଜାରିର୍ ଦୁଆର୍ ମୁଆଟେ ବସି ରଇଲା ବେଲେ ଗଟେକ୍ ବଡ଼ ପୁଜାରିର୍ ପାଇଟିକାରିଆନି ଲଗେ ଆସି କଇଲା, “ତୁଇ ମିସା ଗାଲିଲିର୍ ଜିସୁର୍ ସଙ୍ଗ୍ ରଇଲୁସ୍ କାଇକି ?”

୭୦ ମାତର୍ ପିତର୍ ସବୁର୍ ମୁଆଟେ ନାତାଇ କରି ଏ କାତା କଇଲା, “ତୁଇ କାଇ ବଲି କଇଲୁସିନି ମୁଇ ନାଜାନି ।”

୭୧ ଏକ୍ତି କଇକରି ପିତର୍ ଦୁଆର୍ ମୁଆଁଟ୍ ଲଗେ ଉଟିଗାଲା । ଆରି ଗଟେକ୍ ବିନ୍ ପାଇଟିକାରିଆନି ତାକେ ଦେକି ତେଇ ରଇବା ଲକ୍ମନ୍କେ କଇଲା, “ଏ ନାଜରିତର୍ ଜିସୁର୍ ସଙ୍ଗ୍ ରଇଲା ।”

୭୨ ପିତର୍ ଆରି ତରେକ୍ କଇଲା, “ମୁଇ ପର୍ମାନ୍ କରି କଇଲିନି, ସେ ଲକ୍କେ ନାଜାନି ।”

୭୩ କେତେପର୍ ଗାଲାପଟେ ତେଇ ରଇଲା ଲକ୍ମନ୍ ପିତର୍ ଲଗେ ଆସି କଇଲା, “ବାଇଦରେ ତୁଇ ମିସା ସେମନର୍ ବିତ୍ରେଅନି ଗଟେକ୍ ଲକ୍ । ତର୍ କାତାବାର୍ତାଇଅନି ଏଟା ଜାନା ପଡ଼ିଗାଲାନି ।”

୭୪ ପିତର୍ କଇଲା, “ମୁଇ ପର୍ମାନ୍ କରି କଇଲିନି, ମର୍ କାତା ସଡ଼ ଆକା । ନଇଲେ ପର୍ମେସର୍ ମକେ ଡଣ୍ଡ ଦେଅ । ସେ ଲକ୍କେ ମୁଇ ନାଜାନି ।” ସେଦାପ୍ରେ କୁକ୍ତା ଡାକ୍ଲା ।

୭୫ ଆରି ଜିସୁ ଜନ୍ ଜନ୍ କାତା କଇରଇଲା, କୁକ୍ତା ନ ଡାକ୍ତେ ତୁଇ ମକେ ତିନ୍ ତର୍ ନାଜାନି ବଲି କଇସୁ । ସେ ସବୁ ପିତର୍ ଏତାଇଲା ଆରି ସେ ବାଇରେ ଜାଇ ବେସି ଦୁକ୍ ଅଇ କାୟଲା ।



**ପିଲାତର୍ ମୁଆଟେ ଜିସୁ**  
(ମାର୍କ ୧୫:୧; ଲୁକ୍ ୨୩:୧-୨; ଜଅନ୍ ୧୮:୨୮-୩୨)

୧ ତାର୍ ଆରକର୍ ଦିନର୍ ସାକାଲ୍ ସାକାଲ୍ ଜିସୁକେ ମରାଇଦେବାକେ ମୁକିଅ ପୁଜାରିମନ୍ ଆରି ପାର୍ତିନିମନ୍ ରାଜି ଅଇଲା ।

୨ ସେମନ୍ ଜିସୁକେ ସିକିଲି ସଙ୍ଗ୍ ବାନ୍ଦି ରମ୍ଭାଇଜର୍ ରାଜା ପିଲାତର୍ ଲଗେ ଦାରିଗାଲା ।

**ଜିଉଦାର୍ ମରନ୍**  
(ପେରିଡ଼ ୧:୧୮-୧୯)

☆ ୨୭:୨୧ ୨୭:୨୧ ଜଅନ୍ ୨:୧୯

୩୫ ଜେଡେବେଲେ ବିସବାସେ ବିସ୍ ଦେଉ ଜିଉଦା ଜିସୁକେ ମରନର୍ ଡଣ୍ଡୁ ଆଦେସ୍ ଅଇଲା ଆଚେ ବଲି ସୁନ୍‌ଲା, ସେ ଦୁକ୍ ଅଇ ଏତାଇଲା ଆରି ମୁକ୍ତିଅ ପୁଜାରିମନ୍‌କେ ଆରି ପାର୍‌ଚିନ୍‌ମନ୍‌କେ ତିରିସ୍‌ଟା ରୁପାଟାଙ୍ଗା ବାଉଡାଇଦେଇ କଇଲା, ୪ “ଗଟେକ୍ କାଇ ଦସ୍ ନ ରଇଲା ଲକ୍‌କେ ମୁଇ ବିସବାସେ ବିସ୍ ଦେଲାପାରା କରି ବଡ଼ ପାପ୍ କରିଆଚି ।” ସେମନ୍ କଇଲା, “ତେଇ ଆମର୍ କାଇଟା ଆଚେ ? ସେଟା ତର୍ ନିଜର୍ କାତା ।” ୫ ଜିଉଦା ସେମନ୍ ଦେଇରଇବା ରୁପାଟାଙ୍ଗା ମନ୍‌ହିର୍ ବିଡ଼ରେ ପିଙ୍ଗିଦେଇ ଉଟିଗାଲା । ତାର୍‌ପଚେ ସେ ଜାଇକରି ଗାଲାଇ ତର୍ ବାନ୍ଦି ଉଡ଼କିଅଇ ମରିଗାଲା ।

୬ ମୁକ୍ତିଅ ପୁଜାରିମନ୍ ଜିଉଦା ପିଙ୍ଗି ରଇଲା ରୁପାଟାଙ୍ଗାମନ୍ ଟୁଲିଆଇ କଇଲା, “ଏଟା ବନ୍ଦିର୍ ମୁଲିଅ, ଏଟା ମନ୍‌ହିର୍ ଦାନ୍‌ଦେବା ଜାଗାଇ ସଙ୍ଗଇବାଟା ନିୟମ୍ ବିରୁଦ୍‌ର୍ କାମ୍ ।” ୭ ସେ ତାରୁ କେନ୍ଦ୍ରାରି କର୍ତ୍ତ କରିଅଇସି, ଏ ବିସଇର୍ କାତାବାଡ଼ା ଅଇ କୁମାର୍‌କେଡ଼ ନାଉଁର୍ କଣ୍ଠେକ୍ ଜମି ଗେନ୍‌ଲାଇ । ଏଟା ବିନ୍ ଦେସର୍ ମଲା ଲକ୍‌ମନ୍‌ର୍ ପାଇ କବର୍ ଦେବା ଜାଗା ଅଇଲା । ୮ ତେବର୍ ପାଇ ଆଜିକେ ଜାକ ସେ ଜାଗାକେ ବନ୍ଦିର୍ ଜାଗାବଲିକରି କଇଲାଇନି । ୯ ଏ ବିସଇ ନେଇକରି ଜିରିମିୟ୍ ବବିସ୍‌ଡ଼ବକ୍‌ତା ଜେନ୍ଦ୍ରି କଇରଇଲା, ସେଟା ପୁରାପୁରୁନ୍ ଅଇଲା । ଜନ୍‌ଟା ତିରିସ୍ ଟାଙ୍ଗାକେ ବିକ୍‌ବାକେ ଇସରାଇଲର୍ ପିଲାମନ୍ ରାଜି କରିରଇଲାଇ ସେଟା ନେଲାଇ । ୧୦ ଆରି ତିରିସ୍‌ଟା ଅଦ୍‌ଲି ତାରୁ ନେଇ ସେମନ୍ କୁମାର୍ କେଡ଼ ଗେନ୍‌ଲାଇ । ଏଟା କର୍‌ବାକେ ମକେ ମାପରୁ ଆଦେସ୍ ଦେଇରଇଲା ।

**ପିଲାଡ଼ ଜିସୁକେ ଆଡୁଆ ଡାଡୁଆ ପାଚାରଲା**  
(ମାର୍‌କ ୧୫:୨-୫; ଲୁକ୍ ୨୩:୩-୫; ଜଅନ୍ ୧୮:୩୩-୩୮)

୧୧ ଜିସୁର୍ ମୁଆଟେ ଦେକି ରମ୍ ରାଇଜର୍ ସାସନ୍‌କାରିଆ ପିଲାଡ଼ ପାଚାରଲା, “ତୁଇ କାଇ ଜିଉଦି ମନର୍ ରାଜା କି ?” ଜିସୁ ତାକେ କଇଲା, ତୁଇ ସେଟା କଇଲୁସ୍‌ନି । ୧୨ ମାତର୍ ମୁକ୍ତିଅ ପୁଜାରିମନ୍ ଆରି ପାର୍‌ଚିନ୍‌ମନ୍ ଜିସୁର୍ ବିରୁଦ୍‌େ ଆନିରଇବା ନିନ୍ଦା କାତାର୍ କାଇମିସା ଉତର୍ ଦେଏ ନାଇ ।

୧୩ ତେବର୍ ପାଇ ପିଲାଡ଼ ତାକେ କଇଲା, ତର୍ ବିରୁଦ୍‌େ ସେମନ୍ ଜାଇ ଜାଇଟା କଇଲାଇନି ସେଟା କାଇ ତୁଇ ସୁନି ନାପାର୍‌ଲୁସ୍‌ନି କି ? ୧୪ ମାତର୍ ଜିସୁ ପଦେକ୍ ମିସା କଏନାଇ ଜେ ପିଲାଡ଼ କାବାଅଇଗାଲା ।

**ଜିସୁକେ ମରନର୍ ଡଣ୍ଡୁ ଦେଲା**  
(ମାର୍‌କ ୧୫:୬-୧୫; ଲୁକ୍ ୨୩:୧୩-୨୫; ଜଅନ୍ ୧୮:୩୯; ୧୯:୧୬)

୧୫ ନିସ୍‌ତାର୍ ପରର୍ ବେଲେ ରମିୟ୍ ସାସନ୍‌କାରିଆ ଲକ୍‌ମନ୍‌ର୍ ମନ୍ କଲା ଇସାବେ କାକେ ମିସା ଗଟେକ୍ ବନ୍ଦି ଲକ୍‌କେ ବନ୍ଦିଗରେଅନି ମୁକ୍‌ଲାଇଦେବା ରିତିନିତି ରଇଲା । ୧୬ ସେବେଲେ ବାର୍‌ବା ନାଉଁର୍ ଗଟେକ୍ ବଡ଼ ଟାଉଟିଆ ନର୍‌ମାରୁ ବନ୍ଦି ଅଇରଇଲା । ୧୭ ତେଇ ଆସି ରଇଲା ଲକ୍‌ମନ୍‌କେ ପିଲାଡ଼ ପାଚାରଲା, “ମୁଇ କାକେ ମୁକ୍‌ଲାଇ ଦେବି ବଲି ତମେ ମନ୍ କଲାସ୍‌ନି ? ବାର୍‌ବାକେ କି ଜିସୁକେ, ଜାକେ କିରିସ୍‌ଟ ବଲି କଇବାଇ ?” ୧୮ ପିଲାଡ଼, ଜିଉଦି ନେତାମନ୍ ଆଁକାର୍ ଅଇ ଜିସୁକେ ତାର୍‌ଟାନେ ସର୍‌ପିଦେଇ ଆଚଡ଼ ବଲି ନିକ ସଙ୍ଗ୍ ଜାନିରଇଲା ।

୧୯ ପିଲାଡ଼ ବିଚାରନା ଜାଗାଇ ବସି ରଇଲାବେଲେ ତାର୍ ମାଇଜି ଗଟେକ୍ କବର୍ କଇଲା, “କାଇ ଦସ୍‌ପାପ୍ ନ କଲା ସେ ଲକ୍‌କେ କାଇଟା କରା ନାଇ । କାଲି ରାତି ସପ୍‌ନେ ତାର୍ ଲାଗି ମୁଇ ବେସି କସ୍‌ଟ ପାଇଲି ।”

୨୦ ମୁକ୍ତିଅ ପୁଜାରିମନ୍ ଆରି ପାର୍‌ଚିନ୍‌ମନ୍ ବାର୍‌ବାକେ ମୁକ୍‌ଲାଇ ଦେଇକରି, ଜିସୁକେ ମରନର୍ ଡଣ୍ଡୁ ଦେବାକେ ଲକ୍‌ମନ୍‌କେ ପିଲାଡ଼ର୍ ଲଗେ ଜାଇ ଦାବି କର୍‌ବାକେ ଉସ୍‌କାଇଲାଇ । ୨୧ ପିଲାଡ଼ ଆରି ତରେକ୍ ଲକ୍‌ମନ୍‌କେ ପାଚାରଲା, “ମୁଇ ଏ ଦୁଇ ଲକ୍‌ର୍ ବିଡ଼ରେଅନି କାକେ ମୁକ୍‌ଲାଇ ଦେବି ବଲି ତମେ ମନ୍ କଲାସ୍‌ନି ?”

ସେମନ୍ କଇଲା, “ବାର୍‌ବାକେ ”

୨୨ ପିଲାଡ଼ ପାଚାରଲା, “ତେବେ ସବୁ ଲକ୍ ମସିଅ ବଲି ଜାନିରଇଲା ଜିସୁକେ ମୁଇ କାଇଟା କର୍‌ବି ?” “ତାକେ କୁର୍‌ସେ ଚଗାଆ” ବଲି ସବୁଲକ୍ ଆଉଲି ଅଇଲାଇ ।

୨୩ ପିଲାଡ଼ ପାଚାରଲା, “ମାତର୍ ସେ କାଇ ଦସ୍ କଲା ଆଚେ ?”

ସେମନ୍ ଆରି ଅଦିକ୍ ଆଉଲିଅଇ କଇବାର୍ ଦାର୍‌ଲାଇ “ତାକେ କୁର୍‌ସେ ଚଗାଆ ।”

୨୪ ଜେଡେବେଲେ ପିଲାଡ଼ ଦେକ୍‌ଲା ଜେ ସେମନ୍‌କେ ଆରି କାଇଟା କଇକରି ମିସା ଲାବ୍ ନାଇ, ନଇଲେ ଗଣ୍ଡଗଲ୍ ଅଇବାର୍ ଉପ୍‌ରେ ଆଚେ, ସେ ପାନି ଗୁଡ଼ିକ୍ ନେଇ, ସବୁ ଲକ୍‌ମନ୍‌ର୍ ମୁଆଟେ ଆଡ଼ ଦଇପାକାଇ କଇଲା, “ଏ ଲକ୍‌ର୍ ମରନର୍ ପାଇ ମୁଇ ଦାଇ ନାଇ । ଏଟା ତମିର୍ କାମ୍ ।”

୨୫ ଲକ୍‌ମନ୍ କଇଲା, “ତାର୍ ମରନର୍ ଡଣ୍ଡୁର୍ ଦସ୍ ପାଇବାର୍ ରଇଲେ, ସେ ଦସ୍ ଆମ୍‌କେ ଆରି ଆମର୍ ପିଲାଜିଲାକେ ପଡ଼ ।”

☆ ୨୭:୩ ୨୭:୩ ପେରିଡ଼ ୧:୧୮, ୧୯

୨୭ ସାରାସାରି ପିଲାଟୁ ବାରବାକେ ମୁକ୍ତଲାକ୍ଷ୍ମୀଦେଇ ଜିସୁକେ କରତା ସଙ୍ଗ୍ ମାର୍ବାକେ ଆଦେସ୍ ଦେଲା, ତାର୍ ପତେ କୁରସେ ମରାଇବା ପାଇ ସନିଅମନ୍‌କେ ସର୍ପି ଦେଲା ।

**ସନିଅମନ୍ ଜିସୁକେ କିଜାଇଲା**  
(ମାର୍କ ୧୫:୧୭-୨୦; ଜଅନ୍ ୧୯:୨-୩)

୨୭ ପିଲାତର ସନିଅମନ୍ ଜିସୁକେ ରମିୟ ସାସନକାରିଆର୍ ଗରେ ଦାରି ଗାଲାଇ ଆରି ତାର୍ ଚାରିବେଟ୍‌ତି ଚିଆଅଇଲା । ୨୮ ସେ ପିନ୍ଦି ରଇବାଟା ବେଟି ନେଇକରି ତାକେ ଗଟେକ୍ ଜାମ୍‌କଲି ରଙ୍ଗର୍ ବସ୍‌ତର୍ ପିନ୍ଦାଇ ଦେଲା । ୨୯ କାଟାର୍ ମୁକୁଟ୍ ତିଆର୍ କରି ତାର୍ ମୁଣ୍ଡେ ପିନ୍ଦାଇ ଦେଲା ଆରି ତାର୍ ଉଜା ଆତେ ଗଟେକ୍ ଡାଙ୍ଗ୍ ଦାରାଇ ଦେଲା । ତାର୍ ପତେ, ତାର୍ ମୁଆଟେ ମାଣ୍ଡିକୁଟା ଦେଇ କିଜାଇକରି କଇଲା, “ଏ ଜିଉଦିମନ୍‌ର ରାଜା ! ବେସି ଦିନ୍ ବଟି ରଅ ।” ୩୦ ସେମନ୍ ଜିସୁର୍ ଉପରେ ତୁକି ପାକାଇଲା ଆରି ସେ ଦାରି ରଇବା ଡାଙ୍ଗ୍‌ସଙ୍ଗ୍ ତାର୍ ମୁଣ୍ଡେ ମାର୍‌ଲା । ୩୧ ତାକେ ଏନ୍ତାରି କିଜାଇ ସାର୍‌ଲା ପତେ ରାଜା ପିନ୍ଦବା ବସ୍‌ତର୍ ବେଟିଦେଇ ତାର୍ ନିଜର୍ ବସ୍‌ତର୍ ପିନ୍ଦାଇଦେଲା ଆରି ତେଇଅନି ତାକେ କୁରସେ ଚଗାଇବାକେ ଦାରିଗାଲା ।

**ଜିସୁକେ କୁରସେ ଚଗାଇଲା**  
(ମାର୍କ ୧୫:୨୧-୩୨; ଲୁକ୍ ୨୩:୨୭-୪୩; ଜଅନ୍ ୧୯:୧୭-୨୭)

୩୨ ସେମନ୍ ଜିବାବାଟେ କୁରିଣି ସଅରର୍ ସିମନ୍ ନାଉର୍ ଗଟେକ୍ ଲକ୍‌କେ ବେଟ୍‌ଅଇଲା ଆରି ସନିଅମନ୍ ତାକେ ଜିସୁର୍ କୁରସ ବଇ ନେବାକେ ବାଦିଅ କଲା ।

୩୩ ସେମନ୍ ଗଲ୍‌ଗତା ନାଉର୍ ଗଟେକ୍ ଜାଗାଇ କେଟ୍‌ଲା । ଗଲ୍‌ଗତାର୍ ଅରଡ୍ ଅଇଲାନ୍, ମୁଣ୍ଡିଗିଗ୍‌ତି ପାରା ରଇବା ଜାଗା । ୩୪ ତେଇ ସେମନ୍ ଜିସୁକେ ପିତା ରଇବା ଅଙ୍ଗୁର୍ ରସ୍ କାଇବାକେ ଦେଲା । ସେଟା ଜିସୁ ଅଲପ୍ ଚାକିକରି ଆରି କାଏନାଇ ।

୩୫ ସେମନ୍ ଜିସୁକେ କୁରସେ ମାରି କରି ସେ ପିନ୍ଦିରଇବା ବସ୍‌ତର୍ ତାକର୍ ତାକର୍ ବିତ୍‌ରେ କେଡ୍‌ପୁଟାଲ ବାଟାକରି ନେଲା । ୩୬ ତାର୍‌ପତେ ସେମନ୍ କୁରସେ ଚଗାଇଲା ଜିସୁକେ, ତେଇ ଜାଗି ରଇଲା । ୩୭ ତାର୍ ବିରୁଦେ ଲେକାଅଇରଇବା ଗଟେକ୍ ବରଡ୍ ଲେକି ତାର୍ ମୁଣ୍ଡ ଉପରେ, ଜୁଲାଇ ରଇଲା । ସେ ବରଡ୍ ଲଗେ ଏକ୍ତି ଲେକାଅଇରଇଲା, ଏ ଅଇଲାନ୍ ଜିଉଦିମନ୍‌ର ରାଜା, ଜିସୁ ।

୩୮ ତାର୍‌ପତେ ସେମନ୍ ତେଇ ଦୁଇଟା ଚର୍‌ମନ୍‌କେ ଆନ୍‌ଲା । ଗଟେକ୍‌କେ ଜିସୁର୍ ଉଜା ବାଟେ ଆରି ଗଟେକ୍‌କେ ତାର୍ ଡେବ୍‌ରି ବାଟେ କୁରସେ ଚଗାଇଲା ।

୩୯ ସେବାଟେ ଜାଇତେ ରଇବା ଲକ୍‌ମନ୍ ମୁଣ୍ଡ୍ ଜୁଲାଇ ଜୁଲାଇ ଜିସୁକେ କିଜାଇ କିଜାଇ କଇଲା, ୪୦\* “ତୁଇସେ କାଇକି ମନ୍ଦିର୍ ବସ୍‌ଲାକ୍‌ଦେଇ ତିନ୍ ଦିନ୍‌କେ ଆରି ତରେକ୍ ତିଆର୍ କରିଦେଇତେ ରଇଲୁସ୍ ? ତୁଇ ଜଦି ପର୍‌ମେସର୍‌ର ପଅ, ନିଜ୍‌କେ ରକିଆ କର୍ ଆରି କୁରସେଅନି ଉଡ୍‌ରି ଆଉ ।”

୪୧ ମୁକ୍ତିଅ ପୁଜାରି, ଦରମ୍ ଗୁରୁ ଆରି ଜିଉଦି ଜାତିର୍ ପାର୍‌ବିନ୍ ନେତାମନ୍ ମିସା ଜିସୁକେ କିଜାଇକରି କଇଲା, ୪୨ “ସେ ବିନ୍ ଲକ୍‌ମନ୍‌କେ ରକିଆ କର୍‌ତେ ରଇଲା, ମାତର୍ ନିଜ୍‌କେ ରକିଆ କରିନାପାର୍‌ଲାନି । ସେ ଇସ୍ରାଏଲର୍ ରାଜା କାଇକି ? ଏବେ ଜଦି ସେ କୁରସେଅନି ଉଡ୍‌ରି ଆସି ପାର୍‌ସି ବଇଲେ ଆମେ ତାକେ ବିସ୍‌ବାସ୍ କରୁ । ୪୩ ସେ ନିଜେ ମୁଇ ପର୍‌ମେସର୍‌ର ପଅ ବଲି କଇ, ପର୍‌ମେସର୍‌ଟାନେ ଆସା କଲାଆତେ । ଆଲେ ଦେକୁ ତେବେ, ପର୍‌ମେସର୍ ତାକେ ଏବେ ରକିଆ କର୍‌ବାକେ ମନ୍ କଲାନି କି ନାଇ ।”

୪୪ ଜିସୁର୍ ସଙ୍ଗ୍ କୁରସେ ଚଗିରଇବା ଦୁଇଟା ଚର୍‌ମନ୍ ମିସା ତାକେ ସେନ୍ତାରି କିଜାଇଲା ।

**ଜିସୁର୍ ମରନ୍**  
(ମାର୍କ ୧୫:୩୩-୪୧; ଲୁକ୍ ୨୩:୪୪-୪୯; ଜଅନ୍ ୧୯:୨୮-୩୦)

୪୫ ସେ ଦିନେ ମୁଣ୍ଡ୍‌ବେଲାଇ ଅନି ଆଡ୍‌ବେଲାଇ ଜାକ ଗୁଲାଇ ଜଗଡ୍ ଆନ୍ଦାର୍ ଅଇଗାଲା ଆରି ସେଟା ତିନ୍ ଗନ୍‌ଗାଜାକ ରଇଲା ।

୪୬ ଆଡ୍‌ବେଲାର୍ ତିନ୍‌ଟା ବେଲେ ଜିସୁ ଆକ୍‌ମାରି କଇଲା, “ଏଲି, ଏଲି, ଲାମାସବକ୍‌ତାନି, ବଇଲେ ଏ ମର୍ ପର୍‌ମେସର୍, ଏ ମର୍ ପର୍‌ମେସର୍, ମକେ ତମେ କାଇକେ ଚାଡିଦେଲାସ୍ ?”

୪୭ ଲଗେ ଚିଆ ଅଇରଇବା କେତେ ଲକ୍ ଏଟା ସୁନିକରି କଇଲା, “ସେ ଏଲିୟୁକେ ଡାକ୍‌ଲାନି ।”

୪୮ ଗଟେକ୍ ଲକ୍ ପାଲାଇ ଜାଇ ପିତା ରଇଲା ଅଙ୍ଗୁର୍‌ରସ୍‌ଟାନେ ଗଟେକ୍ ସୁତାର୍ ଗର୍‌ଣ୍ଡା ବୁଡାଇଲା । ଆରି ସେଟା ଲାଟି ଚିପେ ବାନ୍ଦି କାଅ ବଲି ଜିସୁର୍ ମୁଆଟେ ଲାମାଇଦେଲା ।

୪୯ ବିନ୍ ଲକ୍‌ମନ୍ କଇଲା “ଚନେକ୍ ଜାଗା, ତାକେ ଏଲିୟୁ ରକିଆ କର୍‌ବାକେ ଆଇଲାନ୍ କି ନାଇ ଦେକିଦେକୁ ।” ୫୦ ଜିସୁ ଆରି ତରେକ୍ ଆକ୍‌ମାରିକରି, ସାରାସାରି ଜିବନ୍ ଚାଡିଗାଲା ।

\* ୨୭:୪୦ ୨୭:୪୦ ମାଡ଼ିଉ ୨୭:୨୧; ଜଅନ୍ ୨:୧୯

୫୧ ସେଡ଼କି ବେଲେ ମନ୍ଦିରେ ଜୁଲୁଡେ ରଇବା ପାର୍ଦା ଉପରେଅନି ତଲେ ଜାକ ଦୁଇ ଗନ୍ଦାଅଇ ଚିରିଅଇଗାଲା । ଦରତନି ଚୁଲୁବୁଲି ପାକନାମନ୍ ସବୁ ପୁଟିଗାଲା ୫୨ ଆରି କବର ଦେଇରଇବା କାଲ୍‌ମନ୍ ଉଗାଡ଼ିଅଇ କେତେକ୍ କେତେକ୍ ପର୍ମେସରର୍ ଦରମ୍ ଲକ୍‌ମନ୍ ଆରିତରେକ୍ ଜିବନ୍ ଅଇ ଉଟ୍‌ଲାଇ । ୫୩ ସେମନ୍ କବର ଦେଇରଇବା କାଲେଅନି ଉଟି ଆଇଲାଇ । ଜିସୁ ଆରିତରେକ୍ ଉଟ୍‌ଲା ପଟେ ଲକ୍‌ମନ୍, ଏମନ୍‌କେ ସୁକଲ୍ ଜାଗା ଜିରୁସାଲମେ ଜିବାଟା ଦେକ୍‌ଲାଇ ।

୫୪ ଦରତନି ଚୁଲୁବୁଲି ବିନ୍ ବିନ୍ ଗଟ୍‌ନା ଅଇବାଟା ଦେକି, ଜିସୁକେ ଜାଗିରଇବା ସନିଅମନ୍‌ର ମୁକିଅ ଆରି ବିନ୍ ସନିଅମନ୍ ଡରିଗାଲାଇ । ସେମନ୍ କଇଲାଇ, “ସତଇସେ ଏ ନିଜେ ପର୍ମେସରର୍ ପଅ ଆକା !”

୫୫ ☆ଗାଲିଲିଅନି ଜିସୁର୍ ସଙ୍ଗ୍ ରଇକରି ତାକେ ସାଇଜ କରିରଇବା କେତେଟା ମାଇଜି ଦୁରିକେ ରଇକରି ଏଟା ସବୁ ଦେକ୍‌ଡେ ରଇଲାଇ । ୫୬ ସେମନ୍‌ର ବିଡ଼ରେ ମଗ୍‌ଦଲିନି ମରିୟମ୍, ଜାକୁବ୍ ଆରି ଜସେପର୍ ମାଆ ମରିୟମ୍ ଆରି ଜେବଦିର୍ ମାଇଜି ରଇଲାଇ ।

ଜିସୁକେ କବର ଦେଲାଇ  
(ମାର୍ଚ୍ଚ ୧୫:୪୨-୪୭; ଲୁକ୍ ୨୩:୫୦-୫୬; ଜଅନ୍ ୧୯:୩୮-୪୨)

୫୭ ସଞ୍ଜବେଲାଇ ଆରାମାଡ଼ିଆ ସଅରର୍ ଜସେପ୍ ନାଉର୍ ଗଟେକ୍ ସାଉକାର୍ ଆସି କେଟ୍‌ଲା । ସେ ମିସା ଗଟେକ୍ ସିସ୍ ରଇଲା । ୫୮ ସେ ପିଲାଡ଼କେ ବେଟ୍‌ଅଇକରି ଜିସୁର୍ ମଲାମଡ଼ ଦାରିଜିବାକେ ଗୁଆରି କଲା । ଜସେପ୍ ଗୁଆରଲାକେ ପିଲାଡ଼ ମଡ଼ ନେବାକେ ଆଦେସ୍ ଦେଲା । ୫୯ ସେ ଜିସୁର୍ ଗାଗଡ଼ ଦାରିଗାଲା ଆରି ଗଟେକ୍ ନୁଆ ଚାଦର୍ ଗର୍ଣ୍ଣାଇ ଗୁଡ଼ିଆଇ ଦେଲା । ୬୦ ପାକନାଇ ତାକର୍ ନିଜର୍ ପାଇ କୁନି ରଇବା ଗଟେକ୍ ନୁଆ କବର ଦେବା ପାଆରେ ସେଟା ନେଇ ସଙ୍ଗଇଲା ଆରି ସେ ପାଆର୍ ମୁଆଟେ ଗଟେକ୍ ବଡ଼ଟା ଚାଟା ପାକନା ଡାବିଦେଇ ଉଟିଗାଲା । ୬୧ ମଗ୍‌ଦଲିନି ମରିୟମ୍ ଆରି ବିନ୍ ମରିୟମ୍ ଜିସୁକେ କବର ଦେଲା ପାଆର୍ ମୁଆଟେ ବସି ରଇଲାଇ ।

ମସନ୍ ଜାଗୁଆଲ୍‌ମନ୍

୬୨ ତାର୍ ଆରକର୍ ଦିନର୍ ବିସ୍‌ରାମ୍‌ବାରେ ମୁକିଅ ପୁଜାରିମନ୍ ଆରି ପାରୁସିମନ୍ ପିଲାଡ଼କେ ବେଟ୍‌ଅଇ କଇଲାଇ, ୬୩ ☆“ଆଗିଆଁ, ସେ ବେସି ମିରୁଆଟା । ବଟିରଇଲାବେଲେ ‘ମୁଇ ତିନ୍‌ଦିନ୍ ପଟେ ଆରିତରେକ୍ ଉଟ୍‌ବି’ ବଲି କଇଡେ ରଇଲା । ଏଟା ଆମର୍ ମନେ ଆଟେ । ୬୪ ତେବର୍ ପାଇ ତିନ୍ ଦିନ୍ ଜାକ ତାକେ କବର ଦେଲାଟାନ୍‌ନେ ଜାଗୁଆଲ୍ ଦାର୍‌ବାକେ ଆଦେସ୍ ଦିଆସ୍ । ସେକ୍ରି କଲେ ତାର୍ ସିସ୍‌ମନ୍ ତାର୍ ଗାଗଡ଼ ଚରାଇନେଇ ସେ ଜିବନ୍ ଅଇକରି ମଲାଡେଇଅନି ଉଟ୍‌ଲା ବଲି କଇନାପାରଡ଼ ।” ସେମନ୍‌ର ଏନ୍ତାରି ମିଡ଼ କାତା ଜାନାଇବାଟା ସବୁଟାନ୍‌ନେଅନି ଅଦିକ୍ କେଡି ଅଇସି ।

୬୫ ପିଲାଡ଼ କଇଲା, “ଗଟେକ୍ ଦଲ୍ ଜାଗୁଆଲ୍‌ମନ୍‌କେ ନିଆ ଆରି ତାକେ କବର ଦେଲାଟାନ୍‌ନେ କାଇଟା ନ ପୁର୍ଲା ପାରା ଜାଗାଆ ।”

୬୬ ସେମନ୍ ଜାଇକରି ଜିସୁକେ କବର ଦେଲାଟାନ୍‌ନେ ଜାଗ୍‌ବାକେ ସନିଅମନ୍ ଚିକ୍ କଲାଇ । କବର ମୁଆଟେ ଡାବି ରଇବା ପାକନା ଉପରେ ସିଲ୍‌ମାରି ଜାଗୁଆଲ୍‌ମନ୍‌କେ ଜାଗାଇଲାଇ ।

୨୮

ଜିସୁ ମରିକରି ଆରିତରେକ୍ ଉଟ୍‌ବାଟା

(ମାର୍ଚ୍ଚ ୧୬:୧-୧୦; ଲୁକ୍ ୨୪:୧-୧୨; ଜଅନ୍ ୨୦:୧-୧୦)

୧ ବିସ୍‌ରାମ୍‌ବାରେ ଆରକର୍ ଦିନେ, ରଇବାର୍ ସାକାଲେ ମଗ୍‌ଦଲିନି ମରିୟମ୍ ଆରି ବିନ୍ ମରିୟମ୍ ଜିସୁକେ ସଙ୍ଗଇରଇବା କବର ଦେକ୍‌ବାର୍ ଗାଲାଇ । ୨ ସେଡ଼କିବେଲେ ଅଟାଡ଼ ଦରତନି ଚୁଲୁବୁଲିଗାଲା । ଏଦେ ଦେକା ! ମାପ୍‌ରୁର୍ ଗଟେକ୍ ସରଗ୍ ଦୁଡ଼ ଉଡ଼ରି ଆସି, କବର ମୁଆଟେ ଡାବିରଇଲା ପାକନା ଚୁଲୁଗୁଡ଼ାଇଦେଇ ତାର୍ ଉପରେ ବସି ରଇଲା । ୩ ତାର୍ ଗୁଲାଇ ଗାଗଡ଼ ବିଜ୍‌ଲି ପାରା ଜଟକ୍‌ଡେରଇଲା ଆରି ସେ ପିନ୍‌ରଇବାଟା ବରପ୍ ପାରା ଚିଡ଼ ଦବ୍ ରଇଲା । ୪ ଜାଗୁଆଲ୍‌ମନ୍ ଦୁଡ଼କେ ଦେକି ଡରି ତର୍‌ଡ଼ରି ଗାଲାଇ ଆରି ମଲା ଲକ୍‌ପାରା ଅଇଗାଲାଇ । ୫ ସରଗର୍ ଦୁଡ଼ ମାଇଜିମନ୍‌କେ କଇଲା, “ତରା ନାଇ । ମୁଇ ଜାନି, ତମେ କୁରସେ ମରିରଇବା ଜିସୁକେ ଦେକ୍‌ବାର୍ ଆସିଆଟାସ୍ । ୬ ସେ ଇଡି ନାଇ । ସେ କଇଲା ଇସାବେ ଆରି ତରେକ୍ ଉଟି ଆଟେ । ଆସି ଦେକା, ଇଡି ତାର୍ ମଲା ଗାଗଡ଼ ସଙ୍ଗଇରଇଲାଇ ।”

୭ “ତମେ ଦାପରେ ଜାଇ ତାର୍ ସିସ୍‌ମନ୍‌କେ କୁଆ, ସେ ଆରି ତରେକ୍ ଜିବନ୍ ଅଇଆଟେ ଆରି ତମର୍ ଆଗେ ଆଗେ ଗାଲିଲି ଗାଲା ଆଟେ । ତମେ ତେଇ ତାକେ ଦେକ୍‌ସା । ମୁଇ ଜାଇଟା କଇଲି ମନେ ରକିରୁଆ ।”

☆ ୨୭:୫୫ ୨୭:୫୫ ଲୁକ୍ ୮:୨,୩ ☆ ୨୭:୬୩ ୨୭:୬୩ ମାଡ଼ିଉ ୧୭:୨୧;୧୭:୨୩;୨୦:୧୯; ମାର୍ଚ୍ଚ ୮:୩୧;୯:୩୧;୧୦:୩୩,୩୪; ଲୁକ୍ ୯:୨୨;୧୮:୩୧-୩୩

୮ ଏ କାତାସୁନି ସେମନ୍ ଦାପ୍ତରେ କବର୍ଦେଲା ଟାନେଅନି ସିସ୍ମନର୍ ଲଗେ ପାଲାଲଲା । ଡରିକରି ରଇଲେ ମିସା, ତାକର୍ ମନେ ବେସି ସାର୍ଦା ଜାନିପାର୍ତେ ରଇଲା ।

୯ ସେଦାପ୍ତରେ ଜିସୁ ସେମନ୍‌କେ ବେଟ୍‌ଅଇ କଇଲା, “ତମ୍‌କେ ସାନ୍ତି ମିଲ !” ସେମନ୍ ଜିସୁର୍ ଲଗେ ଜାଇ ତାର୍ ପାଦ୍ ଦାରି ଜୁଆର୍ କଲା । ୧୦ ଜିସୁ ସେମନ୍‌କେ କଇଲା, “ଡରା ନାଇ । ମର୍ ବାଇମନ୍‌କେ କୁଆ, ସେମନ୍ ଗାଲିଲି ଆସଡ୍ । ତେଇ ସେମନ୍ ମକେ ଦେକ୍‌ବାଇ ।”

#### ଜାଗୁଆଲ୍‌ମନ୍ ଜାନାଇବାଟା

୧୧ ମାଇଜିମନ୍ ତେଇଅନି ଇଣ୍ଡିଜାଇତେ ରଇଲା । ଜିବାବେଲେ ଜିସୁକେ କବର୍ ଦେଇ ରଇବାଟାମେ ଜାଗି ରଇଲା କେତେଟା ସନିଅମନ୍ ନଅରେ ବାଉଡି ଗାଲା । ଜାଇକରି ମୁକିଅ ପୁଜାରିମନ୍‌କେ ଏ ସବୁ ଅଇଲାଟା ଜାନାଇଲା । ୧୨ ମୁକିଅ ପୁଜାରିମନ୍ ପାର୍ଟିନମନ୍‌ ସଙ୍ଗ୍ ମିସି କୁଟ୍ ପାଁର୍ଲା । ସେମନ୍ ସନିଅମନ୍‌କେ ବେସି ତାରୁ ଲାଁର୍ଦେଇ କଇଲା, ୧୩ ତମେ କୁଆ “ଆମେ ରାତିଆ ସଇଦେଇ ରଇଲା ବେଲେ ତାର୍ ସିସ୍ମନ୍ ଆସି ତାର୍ ମଲା ଗାଗଡ୍ ଚରାଇ ଦାରିଗାଲା । ୧୪ ଜଦି ସାସନ୍‌କାରିଆ ଏ କାତା ନ ସୁନ୍‌ସି, ବଇଲେ ତମର୍ ଦସ୍ ନାଇ ବଲି ଆମେ ରୁଜାଇ ଦେବୁ । ଏ ବିସଇନେଇ ତମେ ଦାନ୍ଦା ଉଆନାଇ ।”

୧୫ ସନିଅମନ୍ ତାରୁ ନେଇକରି, ସେମନ୍‌କେ କଇରଇଲା ଇସାବେ କାମ୍ କଲା । ସେମନ୍ ସେବେଲେ ଜେନ୍ତି କଇରଇଲା, ଜିଉଦିମନ୍ ଆଜିକେ ଜାକ ସେ କାତା ଜାନାଇଲାଜନି ।

#### ଜିସୁ ସିସ୍ମନ୍‌କେ ଦେକାଇ ଅଇଲା /

(ମାର୍କ ୧୬:୧୪-୧୮; ଲୁକ୍ ୨୪:୩୬-୩୯; ଜଅନ୍ ୨୦:୧୯-୨୩; ପେରିଡ୍ ୧:୬-୮)

୧୬ \*ଜିସୁ କଇବା ଇସାବେ ତାର୍ ଏଗାର୍ଟା ସିସ୍ମନ୍ ଗାଲିଲିର୍ ଗଟେକ୍ ଡଙ୍ଗର୍ ଉପ୍ତରେ ଗାଲା । ୧୭ ଜିସୁକେ ଡଙ୍ଗର୍ ଉପ୍ତରେ ଦେକି ସେମନ୍ ତାକେ ଜୁଆର୍ କଲା । କେତେ ଲକ୍ ବିସ୍‌ବାସ୍ କରଡ୍ ନାଇ । ୧୮ ଜିସୁ ସେମନ୍‌ର୍ ଲଗେ ଜାଇ କଇଲା, “ସରଗ୍ ଆରି ମର୍ପୁରର୍ ସବୁ ଅଦିକାର୍ ମକେ ଦିଆଅଇଲା ଆଟେ । ୧୯ \*ତେବେ ତମେ ଦେସ୍‌ମନ୍‌କେ ରଇବା ସବୁ ବାସାର୍ ଲକ୍‌ମନ୍‌ର୍ ଲଗେ ଜାଇ, ସେମନ୍‌କେ ମର୍ ସିସ୍ କରାଆ । ବାବା, ପଅ ଆରି ସୁକଲ୍ ଆଡ୍‌ମାର୍ ନାଉଁଦାରି ସେମନ୍‌କେ ତୁବନ୍ ଦିଆସ୍ । ୨୦ ଆରି ମୁଇ ଜନ୍ ସବୁ ସିକିଆ ଦେଇଆଟି, ସେଟା ମାନା ବଲି ସିକାଆ । ଆରି ମନେ ରଅ, କାଲ୍ କାଲ୍ ଜୁଗ୍ ଜୁଗ୍ ମୁଇ ସବୁବେଲେ ତମର୍ ସଙ୍ଗ୍ ରଇବି ।”

## ଯୀଶୁଖ୍ରୀଷ୍ଟଙ୍କ ବିଷୟରେ ମାର୍କ ଲେଖିଥିବା ସୁସମାଚାର ଜିସୁକିରିସ୍ଟର ବିଷୟରେ ମାର୍କ ଲେଖିଲା ନିମନ୍ତ କବଚ ଏ ବଇ ବିଷୟରେ ଜାନ୍‌ବାଟା

ଜିସୁ ମାପୁରୁର ଜିବନ୍ ବିଷୟର ଟିକି ନିକି କାତା କରରଇବା ନୁଆ ନିୟମର ଚାରିଟା ବଇ ବିତ୍‌ରେଅନି ମାର୍କ ଲେକିରଇବା ସୁବ୍‌କବର୍ ଅଇଲାନି ଗଟେକ୍ । ସେ ଚାରଟା ବଇକେ ସୁସମାଚାର ବଲି କଇବାଇ । ଜନ୍‌ଟାର ଅରଡ୍ କି “ସୁବ୍‌କବର୍ ।” ସେଟା ସବୁ ଜିସୁର ମରନ୍ ପତେ ମାଡିଉ, ମାର୍କ, ଲୁକ୍ ଆରି ଜଅନର୍ ଲାଗି ଲେକା ଅଇଲା ଆଟେ । ଚାରିଟା ସୁବ୍‌କବର୍ ବିତ୍‌ରେଅନି ମାର୍କ ଲେକିରଇବା ସୁବ୍‌କବର୍ ଅଇଲାନି ସବୁରଟାନେଅନି ସାନ୍‌ଟା । ଏଟାକେ ଏକ୍ତି ମିସା ବିସ୍‌ବାସ୍ କରବାଇ ଜେ ଏଟା ସୁବ୍‌କବର୍‌ମନର୍ ବିତ୍‌ରେ ଅନି ସବୁର ଆଗତୁ କିରିସ୍‌ଟାଦ ୨୫-୨୦ ବିତ୍‌ରେ ଲେକାଅଇଲା । କେତେକ୍ ବାଇବଲ୍ ପଣ୍ଡିତ୍‌ମନ୍ ବିସ୍‌ବାସ୍ କରବାଇ ଜେ ରମ୍ ଦେସେ ରଇବା କିରସ୍‌ତାନି ମନ୍‌କେ ସାର୍‌ଦା କରାଇବାପାଇ ବଲି ରମ୍‌ଦେସେ ଏଟା ଲେକାଅଇଲାଆଟେ । ମାର୍କ, ଜେ କି ଜଅନ୍ ମାର୍କ ବଲି ଜାନିରଇଲାଇ । ସେ ପାଉଲ୍ ଆରି ବରନ୍‌ବାସର୍ ସଙ୍ଗାରି ରଇଲା, ମାତର୍ ଜେତେବେଲେ ସେ ସେମନ୍‌କେ ମାପୁରୁର ସେବା କାମର୍ ଲାଗି ଜିବାକେ ଚାଡି ଆଇଲା, ସେତେବେଲେ ସେମନ୍‌ ନାଉଁ ବଡି ବଡି ଆଇଲାବେଲେ, ଦୁକର୍ ବେଲା କେଟ୍‌ଲା ପେରିଡ୍ ୧୩:୧୩ କେତେ ବରସ୍ ଗାଲାପତେ ମାର୍କ ଆରିତରେକ୍ ବରନ୍‌ବାସର୍ ସଙ୍ଗ୍ ଜିବାକେ ଆରାମ୍ କଲାଇ ପେରିଡ୍ ୧୫:୩୭-୩୯ । ମାର୍କ ମିସା ପିତରର୍ ଗଟେକ୍ ନିଜର୍ ମଇତର୍ ପାରା ବଲି ଜାନିରଇଲାଇ ୧ ମ ପିତର୍ ୫:୧୩ । ମାର୍କ ଜିସୁର ଜିବନେ ଅଇରଇବା ସବୁ ବିଷୟର୍ ସାକି ନ ରଇଲେ ମିସା, ପଣ୍ଡିତ୍‌ମନ୍ ତାକେ ବିସ୍‌ବାସ୍ କରବାଇ । ସେ ପିତର୍ ସାକିଦେଇରଇବା ବିଷୟ ନିଜର୍ ସୁବ୍‌କବର୍ ତେଇ ଲେକିଆଟେ । ମାର୍କ ସିସ୍‌ଅଇଲାଟା ଆରି ସାରାସାରି ବେଲେ ଅଇରଇଲା କାତା ଜିସୁର ସିକିଆ ତେଇ ଜାନାଇଲାଆଟେ । ଏ ମାର୍କ ବଇଟାନେ ଜିସୁ କିରିସ୍‌ଟକେ ଗଟେକ୍ ଦରମ୍ ଚାକର୍ ଆରି ପର୍‌ମେସର୍ ଜଜ୍‌ନା କଲାଟା ପୁରାପୁରୁନ୍ କରବାକେ, ସବୁବେଲେ ତିଆର୍ ଅଇରଇବା ଆଲାଦର୍ ପିଲାପାରା ଜାନାଇଲାଆଟେ । ସେଟାରପାଇ ମାର୍କ ଜିସୁ କିରିରଇବା କାବାଅଇଜିବା କାମର୍ ବିଷୟ ଅଦିକ୍ ଲେକିଲା । ସାରାସାରି ସେ ଗୁଲାଇ ଜଗତେ ମାପୁରୁର କାତା ସୁନାଇବା ଗଟେକ୍ ମଆନ୍ ଆଦେସ୍ ସଙ୍ଗ୍ ଏ ସୁବ୍‌କବର୍‌ର ଲେକା ତେବାଇଆଟେ ।

### ବିତ୍‌ରେ ରଇବାଟା

- ୧. ତୁବନ୍ ଦେଉ ଜଅନ୍ ଆରି ଜିସୁର ତୁବନ୍ । ୧:୧-୧୩
- ୨. ଗାଲିଲିତେଇ ଜିସୁର ସେବାକାମ୍ । ୧:୧୪,୯:୫୦
- ୩. ଜିସୁ ଜିରୁସାଲାମ୍ ଜିବାଟା ଆରି ପାର୍‌ତନା ଗରେ ପୁରବାଟା । ୧୦:୧,୧୨:୪୪
- ୪. ପର୍‌କେ ଗର୍‌ବା ବିଷୟ ଜାନାଇବାଟା । ୧୩:୩୧-୩୭
- ୫. ଜିସୁର ମରନ୍ ଆରିତରେକ୍ ଉର୍‌ବାଟା ଆରି ମୁକିଅ ଆଦେସ୍ । ୧୪:୧-୧୭:୨୦

ତୁବନ୍ ଦେଉ ଜଅନର୍ ପର୍‌ଚାର୍  
(ମାଡିଉ ୩:୧-୧୨; ଲୁକ୍ ୩:୧-୧୮; ଜଅନ୍ ୧:୧୯-୨୮)

<sup>୧</sup> ଏଟା ଅଇଲାନି ପର୍‌ମେସର୍‌ର ପଅ ଜିସୁ କିରିସ୍‌ଟର ନିମନ୍ତ କବରର୍ ଆରାମ୍ । <sup>୨</sup> ଏଟା ଏକ୍ତାରି ଆରାମ୍ ଅଇଲା । ଜିସାୟ ବବିସ୍‌ତବକ୍‌ତାର ସାସ୍‌ତରେ ଜେନ୍ତାର ଲେକାଅଇଲା ଆଟେ, ପର୍‌ମେସର୍ କଇଲା, ଦେକା ମୁଇ ମର୍ କବର୍ ଜାନାଉକେ ତମର୍ ଆଗେ ପାଟାଇଲିନି, ସେ ତମର୍ ବାଟ୍ ତିଆର୍ କରସି ।

<sup>୩</sup> ତାର୍ ସର୍ ମରୁବାଲି ବୁର୍‌ଏ ଆଉଲିଅଇକରି ସୁନାଇଲାନି ମାପୁରୁର ବାଟ୍ ତିଆର୍ କରା, ତାର୍‌ପାଇ ବାଟ୍ ସଲ୍‌କାଆ ।

<sup>୪</sup> ତାର୍‌ପତେ ଏ ସବୁ କାତା ପୁରାପୁରୁନ୍ ଅଇଲା, ଜେତେବେଲେ, ତୁବନ୍ ଦେଉ ଜଅନ୍ ମରୁବାଲିବୁର୍‌ଏ ଆସି ପାପ୍ କେମାର ଲାଗି ବଲି ପାପ୍‌ଟାନେଅନି ବାଉତାଇବା ବିଷୟ କଇବାର୍ ଦାର୍‌ଲା । “ତମର୍ ପାପ୍ କେମା ଅଇବାକେ ପାପ୍‌ଟାନେ ମନ୍ ବାଦ୍‌ଲାଇ ତୁବନ୍ ନିଆ । ପର୍‌ମେସର୍ ତମର୍ ପାପ୍ କେମା କରସି ।”

<sup>୫</sup> ସେଡ୍‌କିବେଲେ ଜିଉଦାଦେସର୍ କେତେକ୍ ଲକ୍ ଆରି ଜିରୁସାଲାମ୍ ରାଇଜର୍ ସବୁ ଲକ୍‌ମନ୍ ବାରଇକରି ଜଅନର୍ କାତା ସୁନ୍ ବଲି ଆଇବାର୍ ଦାର୍‌ଲାଇ । ଆରି ନିଜର୍ ନିଜର୍ ପାପ୍‌କଲାଟା ମାନିକରି ଜର୍‌ଦନ୍ ଗାତେ ତାର୍‌ତେଇଅନି ତୁବନ୍ ନେଲାଇ ।

୭ ଜଅନ୍ ଉଚ୍ଚର ଚେଣ୍ଡିସଙ୍ଗ ତିଆର ଅଇଲା ଲୁଗା ପିନ୍ଧି, ପସୁ ଚାମର୍ ଆଁଗାବେତା ଆଁଗାଇ ବାନ୍ଧି ଅଇତେରଇଲା । ତାର କାଦି ଅଇଲା ଚିଟ୍ଟା ଆରି ବନର୍ ମୁ । ୭ ସେ ଜାନାଇକରି କଇବାର ମୁଲିଆଇଲା, “ମର୍ ପଚେ ଗଟେକ୍ ବେସି ବପୁର୍ ଲକ୍ ଆଇସି, ତାର ଗତିଦାଙ୍ଗତା ଅଇକରି ତାର ଗଡର୍ ପାଣ୍ଡୁଇ ବେଟ୍‌ବାର ମିସା ମର୍ ଅଦିକାର ନାଇ । ୮ ମୁଇ ତମ୍‌କେ ପାନିତେଇ ତୁବନ୍ ଦେଲିନି, ମାତର୍ ସେ ତମ୍‌କେ ସୁକଲ୍‌ଆଡ଼ମାଇ ତୁବନ୍ ଦେଇସି ।”

**ଜିସୁର୍ ତୁବନ୍ ଆରି ପରିକା**  
(ମାତିଉ ୩:୧୩;୪:୧୧; ଲୁକ୍ ୩:୨୧;୨୨;୪:୧-୧୩)

୯ ସେଡ଼କିବେଲେ ଜିସୁ ଗାଲିଲି ଜାଗାର ନାଜରିତ୍ ଗଡେ ଅନି ଆସି ଜର୍ଦନ୍ ଗାଡେ ତୁବନ୍ ଦେଉ ଜଅନ୍‌ର ଗାନେ ତୁବନ୍ ନେଲା । ୧୦ ସେ ପାନିତେଇ ଅନି ବାରଇ ଆଇବାବେଲେ, ସରଗ୍ ଉଗାଡି ଅଇ ପର୍‌ମେସରର୍ ଆଡ଼ମା ପରୁଆ ପାରା ଅଇ ଜିସୁର୍ ଉପ୍‌ରେ ଉଡ଼ରି ଆଇବାଟା ସେ ଦେକ୍‌ଲା । ୧୧ \*ଆରି ସର୍‌ଗେଅନି ଗଟେକ୍ ସର୍ ସୁନିଅଇଲା, “ତୁଇ ମର୍ ଆଲାଦର୍ ପିଲା, ତର୍‌ଗାନେ ମୁଇ ବେସି ସାର୍‌ଦା ।”

୧୨ ସେଦାପ୍‌ରେ ସୁକଲ୍ ଆଡ଼ମା ଜିସୁକେ ମରୁବାଲି ବୁର୍‌ ପାଟାଇଲା । ୧୩ ମରୁବାଲି ବୁର୍ ଚାଲିସ୍ ଦିନ୍ ରଇଲାବେଲେ, ସଇତାନ୍ ତାକେ ପାପ୍‌କରାଇବାକେ ଚେସ୍‌ଟା କର୍‌ତେରଇଲା । ସେ ଜାଗାଇ ବନର୍ ଜୁଡ଼ମନ୍ ରଇଲା, ଆରି ସରଗର୍ ଦୁଡ଼ମନ୍ ଆସି ତାର ସେବା କର୍‌ତେରଇଲା ।

**ଜିସୁ ଚାରିଟା କେଉଟ୍‌ମନ୍‌କେ ଡାକ୍‌ଲା**  
(ମାତିଉ ୪:୧୨-୨୨; ଲୁକ୍ ୪:୧୪,୧୫;୫:୧-୧୧)

୧୪ କେତେଦିନ୍ ଗାଲାପଚେ ଏରଦ୍‌ରାଜା ତୁବନ୍ ଦେଉ ଜଅନ୍‌କେ ବନ୍ଧି ଗରେ ସଙ୍ଗଇଲା ପଚେ ଜିସୁ ଗାଲିଲି ଗାଏଁ ବାଉଡିଆସି, ପର୍‌ମେସରର୍ ନିମାନ୍ କବର୍ ସୁନାଇବାର ଦାର୍‌ଲା । ୧୫ \*ସମାନ୍ ବେଲା ଆଇଲା, ପର୍‌ମେସରର୍ ରାଇଜ୍ ଲଗେ କେଟ୍‌ଲା ଆଚେ । ତମେ ପାପେ ଅନି ମନ୍ ବାଉଡାଇକରି ନିମାନ୍ କାତାଇ ବିସବାସ୍ କରା ।” ୧୬ ଜିସୁ ଗାଲିଲି ସମ୍‌ଦୁର୍ କଣ୍ଡିବାଟେ ଜିବା ବେଲେ ସିମନ୍ ଆରି ତାର ବାଇ ଆନ୍‌ରିଅକେ ସମ୍‌ଦୁରେ ବଇଜାଲ୍ ପାକାଇବାଟା ଦେକ୍‌ଲା, ସେମନ୍ ମାର୍ ଦାରୁ କେଉଟ୍‌ମନ୍ ରଇଲା । ୧୭ ଜିସୁ ସେମନ୍‌କେ କଇଲା, “ମର୍ ସଙ୍ଗ୍ ଆସା, ମୁଇ ତମ୍‌କେ ଲକ୍‌ମନ୍‌କେ ପର୍‌ମେସରର୍ ବାଟେ ଆନ୍‌ବା ବିସଇ ସିକାଇବି ।” ୧୮ ସେଦାପ୍‌ରେ ସେମନ୍ ଜାଲ୍ ଚାଡି ଜିସୁର୍ ପଚେ ପଚେ ଗାଲା ।

୧୯ ପଚେ କଣ୍ଡେକ୍ ଦୁର୍ ଜାଇ ଜେବଦିର୍ ପଅମନ୍ ଜାକୁବ୍ ଆରି ତାର ବାଇ ଜଅନ୍‌କେ ଡଙ୍ଗାଇ ଜାଲ୍ ସାଜାଡ଼ବାଟା ଦେକ୍‌ଲା । ୨୦ ଜିସୁ ସେମନ୍‌କେ ଦେକ୍‌ଲା ଦାପ୍‌ରେ ଡାକ୍‌ଲା, ଆରି ସେମନ୍ ଡାକର୍ ବାବା ଜେବଦିକେ ଆରି କୁଲିଆର୍‌ମନ୍‌କେ ଡଙ୍ଗାଇ ଚାଡି ତାର ସଙ୍ଗ୍ ଗାଲା ।

**ଜିସୁ ତୁମା ଦାର୍‌ଲା ଲକ୍‌କେ ନିକ କଲା**  
(ଲୁକ୍ ୪:୩୧-୩୭)

୨୧ ପଚେ ଜିସୁ ଆରି ତାର ସିସ୍‌ମନ୍ କପର୍‌ନାତମେ ଗାଲା, ଆରି ବିସରାମ୍‌ବାର କେଟ୍‌ଲାକେ ସେ ଜିଉଦିମନ୍‌ର ପାର୍‌ତନା ଗରେ ପୁରି, ଲକ୍‌ମନ୍‌କେ ସିକାଇବାର ଦାର୍‌ଲା । ୨୨ \*ଲକ୍‌ମନ୍ ତାର ସିକିଆ ସୁନି କାବା ଅଇଗାଲା, ସେ ସାସ୍‌ତର୍ ସିକାଉପାରା ନ ସିକାଇ, ନିଜର୍ ଅଦିକାର ସଙ୍ଗ୍ ସିକିଆ ଦେଇତେ ରଇଲା ।

୨୩ ସେ ଦାପ୍‌ରେ ସେମନ୍‌ର ପାର୍‌ତନା ଗରେ ଗଟେକ୍ ତୁମା ଦାର୍‌ଲା ଲକ୍ କିର୍‌କିରି କରି ଜିସୁକେ କଇଲା, ୨୪ “ଏ ନାଜରିତ୍ ଗଡର୍ ଜିସୁ, ତୁଇ କାଇକେ ଆମ୍‌କେ ଅରିଆନ୍ କଲୁସ୍‌ନି ? ତୁଇ କାଇ ଆମ୍‌କେ ବିନାସ୍ କର୍‌ବାକେ ଆଇଲୁସ୍ କି ? ତୁଇ କେ, ସେଟା ମୁଇ ଜାନି, ତୁଇ ଅଇଲୁସ୍‌ନି ପର୍‌ମେସରର୍ ସୁକଲ୍ ଲକ୍ ।”

୨୫ ଜିସୁ ତୁମାକେ ଦମ୍‌କାଇ କରି କଇଲା, “ତୁପ୍ ଅ, ଆରି ଏ ଲକ୍‌ତେଇ ଅନି ବାରଇ ଜା ।”

୨୬ ସେଡ଼କି ବେଲେ ତୁମା ତାକେ ମଡିପିଙ୍ଗି ବେସି କିର୍‌କିରି କରି ତାରଲଗେ ଅନି ବାରଇଗାଲା । ୨୭ ତେବର୍‌ପାଇ ପାର୍‌ତନା ଗରେ ରଇବା ସବୁ ଲକ୍ କାବା ଅଇଗାଲା ଆରି ତାକର୍ ତାକର୍ ବିଡ଼ରେ କୁଆବଲା ଅଇଲା । “ଏଟା କେନ୍ତାର୍ ? ଏଟା ଅଦିକାର ସଙ୍ଗର୍ ନୁଆ ସିକିଆ । ତୁମା ଆଡ଼ମାମନ୍ ମିସା, ସେ ତିଆର୍‌ଲାଟା ମାନ୍‌ଲାଇନି ।”

୨୮ ସେଡ଼କିବେଲେ ଜିସୁର୍ କାତା ଗାଲିଲିର୍ ଚାରିବେଡ଼ିର୍ ଗାଉଁମନ୍‌କେ କେଟିଗାଲା ।

**ଜିସୁ ବେସି ଲକ୍‌ମନ୍‌କେ ନିକ କଲା**  
(ମାତିଉ ୮:୧୪;୧୭; ଲୁକ୍ ୪:୩୮-୪୧)

\* ୧:୧୧ ୧:୧୧ ମାତିଉ ୩:୧୭;୧୨:୧୮; ମାର୍ଚ୍ଚ ୯:୭; ଲୁକ୍ ୩:୨୨    \* ୧:୧୫ ୧:୧୫ ମାତିଉ ୩:୨    \* ୧:୨୨ ୧:୨୨ ମାତିଉ ୭:୨୮,୨୯



୨୯ ତାର ପରେ ଜିସୁ ଆରି ତାର ସିସ୍ତାମ୍ ପାର୍ତନା ଗରେ ଅନି ବାରଇ ଜାକୁବ୍ ଆରି ଜଅନର୍ ସଙ୍ଘ୍ ସିମନ୍ ଆରି ଆନ୍ରିୟର୍ ଗରେ ଗାଲାଇ । ୩୦ ତେଇ ରଇଲା ଲକ୍ମନ୍ ସିମନ୍ ସାତ୍ରି ଜର୍କେ ସଇରଇଲା ବିସଇ ଜିସୁକେ କଇଲାଇ । ୩୧ ସେଟାର୍ପାଇ ଜିସୁ ଜାଇ ସିମନ୍ ସାତ୍ରିର୍ ଆତେ ଦାରି ଉଟାଇଲା, ସେଦାପ୍ରେ ତାର ଜର୍ ଚାଡ଼ିଗାଲା, ଆରି ସେ ଜାଇ ସେମନ୍କେ ସେବା କର୍ବାର୍ ଦାର୍ଲା ।

୩୨ ସଙ୍ଘ୍ ବେଲାଇ ବେଲ୍ ବୁଡ଼ିଗାଲା ପତେ, ଲକ୍ମନ୍ ଜରର୍ ଲକ୍ମନ୍କେ ଆରି ତୁମାଦାରି ରଇବା ସବୁଲକ୍ମନ୍କେ ଜିସୁ ଲଗେ ଆନ୍ବାର୍ ଦାର୍ଲାଇ, ୩୩ ଆରି ଗାଉଁର୍ ଲକ୍ମନ୍ ସେ ଗରର୍ ଦୁଆରେ ରୁଣ୍ଡିଲା । ୩୪ ସେଡ଼କିବେଲେ ସେ ବିନ୍ ବିନ୍ ରକାମର୍ ରଗ୍ ଅଇରଇବା ଜବର୍ ରଗି ଲକ୍ମନ୍କେ ନିମାନ୍ କଲା ଆରି ଜବର୍ ତୁମାମନ୍କେ ଚାଡ଼ାଇଲା, ମାତର୍ ସେ ତୁମାମନ୍କେ କାତା କଇବାକେ ଦେଏନାଇ । କାଇକେବଇଲେ ତୁମାମନ୍ ଜିସୁ ପର୍ମେସରର୍ ଟାନେଅନି ଆଇଲାଆତେ ବଲିକରି ଜାନି ରଇଲାଇ ।

**ଜିସୁ ଗାଲିଲି ରାଇଜେ ମାପ୍ପୁର୍ କାତା ସୁନାଇଲା**  
(ଲୁକ୍ ୪:୪୨-୪୪)

୩୫ ଆରକର୍ ସାକାଲେ କୁକ୍ତା ଡାକ୍ ବେଲାଇ ଜିସୁ ଉଟି ଗରେଅନି ବାରଇ ଜାଇ ଗଟେକ୍ କିନରା ରଇବା ଚିମ୍ପରା ଜାଗାଇ, ଜାଇ ପାର୍ତନା କର୍ବାର୍ ଦାର୍ଲା । ୩୬ ସେଡ଼କିବେଲେ ସିମନ୍ ଆରି ତାର ସଙ୍ଘ୍ ଲକ୍ମନ୍ ତାକେ କଜ୍ବାର୍ ଗାଲାଇ, ୩୭ ଜେଡେବଲ୍ ସେମନ୍ ଜିସୁକେ ବେଟ୍ ଅଇଲାଇ, ଆରି କାବାଅଇ ତାକେ କଇଲାଇ, “ସବୁ ଲକ୍ ତମ୍କେ କଜ୍ଲାଇନି ।”

୩୮ ସେଡ଼କିବେଲେ ଜିସୁ ସେମନ୍କେ କଇଲା, “ଆସା, ଆମେ ରଇବା ବିନ୍ ବିନ୍ ଗାଉଁମନ୍କେ ଜୁ, କାଇକେବଇଲେ ସେ ଜାଗାମନ୍କେ ମିସା ମୁଇ ପର୍ମେସରର୍ କାତା କଇବି । କାଇକେବଇଲେ ସେଟାର୍ପାଇସେ ମୁଇ ଆଇଲିଆଟି ।”

୩୯ ଆରି ଗାଲିଲିର୍ ସବୁଟାନେ ବୁଲି ବୁଲି ସେମନ୍ ସବୁ ପାର୍ତନା ଗରେ, ମାପ୍ପୁର୍ କାତା ସୁନାଇଲା, ଆରି ତୁମା ଦାର୍ଲା ଲକ୍ମନ୍କେ ଚାଡ଼ାଇଲା ।

**ଜିସୁ ବଡ଼ ରଗିକେ ନିକ କଲା**  
(ମାତିଉ ୮:୧,୪; ଲୁକ୍ ୫:୧୨,୧୬)

୪୦ ସେଡ଼କି ବେଲେ ଗଟେକ୍ ବଡ଼ ରଗି\* ତାର ଲଗେ ଆସି ମାଣ୍ଡିକଟା ଦେଇ ତାକେ ବାବୁଜିଆ କରି କଇଲା, “ତମେ ଜଦି ମନ୍କଲେ ମକେ ସୁକଲ୍ କରି ପାର୍ସା ।”

୪୧ ତେଇ ସେ ତାକେ ଜିବନ୍ ଦୁକାଇଲା ଆରି ଆଡ଼ ଲାମାଇ କରି ତାକେ ଚିଇକରି କଇଲା, “ମୁଇ ମନ୍ କଲିନି, ତୁଇ ସୁକଲ୍ ଅ ।” ୪୨ ସେଦାପ୍ରେ ବଡ଼ ରଗ୍ ତାର ଲଗେ ଅନି ଦୁର୍ଅଇଲା ଆରି ସେ ସୁକଲ୍ ଅଇଗାଲା । ୪୩ ଆରି, ଜିସୁ ସେ ଲକ୍କେ ଡାଟ୍ସଙ୍ଘ୍ ଆଦେସ୍ ଦେଇ ସେଦାପ୍ରେ କଇ ପାଟାଇଲା । ୪୪ “ଜାଗ୍ରଡ଼, ମୁଇ ତକେ ସୁକଲ୍ କଲି ବଲି କାକେ ମିସା କ ନାଇ, ମାତର୍ ଜା ଆରି ନିଜେ ପୁଜାରିକେ ଦେକାଇ ଅ ଆରି ମସା ଜନ୍ ଜନ୍ ବିରୁ ପର୍ମେସରକେ ଦେବାକେ ଆଦେସ୍ ଦେଲାଆତେ, ସେ ଇସାବେ ଦେସ୍ । ଏଟାର୍ ଲାଗି ତୁଇ ସୁକଲ୍ ଅଇଜାଇଆରୁସ୍ ବଲିକରି ପୁଜାରି ସବୁଲକ୍ମନ୍ ମୁଆଟେ ସାକି ଦେଅ ।”

୪୫ ମାତର୍ ସେଲକ୍ ବାରଇ ଜାଇ ଜିସୁ ସୁକଲ୍ କରିରଇବା କବର୍ ଏତେକ୍ ରାଟୁକରି କଇବୁଲ୍ଲାଇ ଜେ, ଜିସୁ ଲକ୍ମନ୍ ଦେକ୍ତେ ଦେକ୍ତେ କନ୍ ଗାଉଁମନ୍କେ ମିସା ଜାଇ ପୁରି ନାପାର୍ଲା । ମାତର୍ ବାଇରେ ଜାଇ ଚିମ୍ପରା ଜାଗାମନ୍କେ ରଇଲା । ଅଇଲେ ମିସା ଲକ୍ମନ୍ ଚାରିଦିଗେ ଅନି ତାର ଲଗେ ଆଇବାର୍ଦ୍ଦାର୍ଲାଇ ।

**୨**

**ଚେରେଙ୍ଘ୍ ବାଡ଼ ରଗି ନିମାନ୍ ଅଇଲା**  
(ମାତିଉ ୯:୧-୮; ଲୁକ୍ ୫:୧୭-୨୬)

୧ କେତେଦିନ୍ ଗାଲା ପତେ ଜିସୁ ଆରି ଚେରେକ୍ କପର୍ନାଉମେ ବାଅଡ଼ଲାକେ, ସେ ଗରେ ଆତେ ବଲି ଆଲା ଅଇଗାଲା । ୨ ସେ ଗରେ ଏତେମାଣ୍ଡ ଲକ୍ ଜମ୍ଲାଇ ଜେ, ଦୁଆରେ ମିସା ଟାନ୍ ଦାରିନାପାର୍ଲା, ଆରି ଜିସୁ ସେମନ୍ ଲଗେ ପର୍ମେସରର୍ ବାକିଅ ସୁନାଇବାର୍ ଦାର୍ଲା । ୩ ସେଡ଼କି ବେଲେ କେତେକ୍ ଲକ୍ମନ୍ ଗଟେକ୍ ଚେରେଙ୍ଘ୍ ରଗିକେ ବଇକରି ତାର ଲଗେ ଦାରିଆଇଲାଇ । ତାକର୍ ବିଡ଼ରେ ଅନି ଚାର୍ଲକ୍ ରଗିକେ ବଇରଇଲାଇ । ୪ ମାତର୍ ଲକ୍ମନ୍ ଚିପାଟେଲା ଅଇରଇଲାଇକେ, ତାକେ ଜିସୁ ଲଗେ ନେଇ ନାପାର୍ଲାଇ । ନାପାରିକରି, ଜିସୁ ଜନ୍ଟାନେ ରଇଲା, ତେଇର୍ ଚାନି ବଡ଼ଟା କାଣାକରି,

\* ୧:୩୯ ୧:୩୯ ମାତିଉ ୪:୨୩; ୯:୩୫      \* ୧:୪୦ ୧:୪୦ ବଡ଼ ରଗ୍ ଅଇରଇଲାର୍ ପାଇ ଗଟେକ୍ ଲକ୍ ପର୍ମେସରକେ ପାର୍ତନା କର୍ତ୍ତେରଇଲା, କାଇକେବଇଲେ ବଡ଼ ରଗିକେ ଜିଉଦିମନ୍ ଅସୁଚି ବଲି ବାଡ଼େ ରଇଲାଇ ।

ରଗିକେ କଟ୍ ମିସ୍ତେ ତାର୍ ମୁଆଟେ ସିଦା ଉଡ଼ରାଇଦେଲା । ୫ ଜିସୁ ସେମନ୍ତ ବିସ୍ତାସ୍ ଦେକି ତେରେଙ୍ଗ୍ ରଗିକେ କଇଲା, “ବାବୁରେ ମୁଇ ତର୍ ପାପ୍ କେମା କରିଦେଲି ।”

୬ ମାତର୍ ସେ ଗର୍ ବିଡ଼ରେ କେତେଟା ସାସ୍ତର୍ ସିକାଇବା ଲକ୍ମନ୍ ବସି ନିଜର୍ ନିଜର୍ ମନ୍ ବିଡ଼ରେ ବାବିଅଇତେରଇଲା, ୭ “ଏ ଲକ୍ ତେରେଙ୍ଗ୍ ରଗିକେ ‘ତର୍ ପାପ୍ କେମା କରିଦେଲି ।’ ବଲି କେନ୍ତି କଇପାରଲା ? ଏ ପର୍ମେସର୍କେ ନିନ୍ଦା କର୍ସିଆଟେ, ସେ ଗଟେକ୍ ମାପ୍ତୁକେ ଚାଡ଼ିଦେଲେ, ଆରି କେ ମିସା ପାପ୍ କେମା କରି ପାରଡ଼ କି ?”

୮ ସେଦାପ୍ରେ ଜିସୁ ସେମନ୍ ମନେ ମନେ ଏନ୍ତାରି ବାବିଅଇଲାଟା, ନିଜର୍ ଆଡ଼ମାଇ ଜାନି ସେମନ୍କେ କଇଲା, “ତମେ କାଇକେ ନିଜର୍ ନିଜର୍ ମନେ ଏ ସବୁଜାକ ବାବିଅଇଲାସ୍ନି ? ୯ କନ୍ଟା କର୍ବାଟା ସଅଜ୍ ଅଇଲାନି ? ବାବୁରେ ‘ମୁଇ ତର୍ ପାପ୍ କେମା କରିଦେଲି ।’ ବଲି କଇବାଟା, କି ‘ଉଟ୍ ତର୍ କଟ୍ ବଇ ଇଣ୍ଡିଜା ।’ ବଲ୍ବାଟା ? ୧୦ ମାତର୍ ଗୁଲାଇ ଜଗତର୍ ପାପ୍ କେମା କର୍ବାକେ ପର୍ମେସର୍ ପାଟାଇଲା ନର୍ପିଲା ମର୍ ଅଦିକାର୍ ଆଟେ ବଲି ଏବେ ମୁଇ, ଏ ଲକ୍କେ ନିକ କରି ଦେକାଇବି ।” ସେ ତେରେଙ୍ଗ୍ ରଗିକେ କଇଲା, ୧୧ “ମୁଇ ତକେ କଇଲିନି ଉଟ୍, ତର୍ କଟ୍ ବଇ, ନିଜର୍ ଗରେ ବାରିଜା ।”

୧୨ ସେଦାପ୍ରେ ସେ ରଗି ଉଟି କଟ୍ ବଇକରି ସବୁ ଲକ୍କର୍ ଦେକ୍ତେ ବାରଇ ଗାଲା । ସେବେଲାଇ ସବୁଲକ୍ କାବା ଅଇ ପର୍ମେସର୍ ମଇମା କରି କରି କଇଲା, “ଆମେ ଏନ୍ତାରିଟା କେବେ ମିସା ଦେକି ନ ରଇଲୁ ।”

**ଜିସୁ ଲେବିକେ ଡାକ୍ଲା**  
(ମାତିଉ ୯:୯-୧୩; ଲୁକ୍ ୫:୨୭-୩୨)

୧୩ ସେ ଆରିତରେକ୍ ସମ୍ପୁରର୍ କଣ୍ଡିବାଟେ ବାରଇଗାଲା । ବେସି ଲକ୍ମନ୍ ତାର୍ ଲଗେ ଆଇଲାକେ, ଜିସୁ ସେମନ୍କେ ସିକିଆ ଦେବାର୍ ଦାରଲା । ୧୪ ଆରି ସେ ଜାଉ ଜାଉ ଆଲ୍ପିଅର୍ ପଅ ଲେବିକେ ରମିୟ୍ ସର୍କାରର୍ ପାଇ ସିସ୍ତୁମାଙ୍ଗ୍ମନ୍ ମାଙ୍ଗ୍ବା ଜାଗାଇ ବସି ରଇବାଟା ଦେକି ତାକେ କଇଲା, “ମର୍ ସଙ୍ଗ୍ ଆଉ ।” ତେଇଅନି ସେ ତାର୍ ସିସ୍ତୁମାଙ୍ଗ୍ମନ୍ ମାଙ୍ଗ୍ବାଟା ଚାଡ଼ି ଉଟିକରି ଜିସୁର୍ ସଙ୍ଗ୍ ଗାଲା ।

୧୫ ପଟେ ଜିସୁ ଲେବିର୍ ଗରେ ଜାଇ କାଇବା ବେଲେ ବେସି ସିସ୍ତୁମାଙ୍ଗ୍ମା ଲକ୍ ଆରି ଜନ୍ ଲକ୍ମନ୍କେ ପାପି ବଲି କଇତେରଇଲା, ତାର୍ ସିସ୍ତମନ୍ ସଙ୍ଗ୍ ମିସି କାଇତେରଇଲା । କାଇକେବଲେ ଏନ୍ତାରି ବେସି ଲକ୍ ତାର୍ ସଙ୍ଗ୍ ଜାଇତେ ରଇଲା । ୧୬ ଜିସୁ ପାପି ଆରି ସିସ୍ତୁମାଙ୍ଗ୍ମନ୍ ସଙ୍ଗ୍ କାଇଲାନି, ଏଟା ଦେକିକରି ପାରୁସି ଦଲର୍ ସାସ୍ତର୍ ସିକାଉମନ୍ ତାର୍ ସିସ୍ତମନ୍କେ କଇବାର୍ ଦାରଲା, “ସେ କାଇକେ ସିସ୍ତୁମାଙ୍ଗ୍ମନ୍ ଆରି ପାପିମନ୍ ସଙ୍ଗ୍ କାଇଲାନି ?”

୧୭ ସେଟା ସୁନି ଜିସୁ ସାସ୍ତର୍ ସିକାଉମନ୍କେ କଇଲା, “ ନିମାନ୍ ଲକ୍ମନ୍ପାଇ ଡାକ୍ଦରର୍ ଲଡା ନାଇ, ମାତର୍ ନିମାନ୍ ନ ରଇଲା ଲକ୍ମନ୍କେ ଲଡା ଆଟେ । ଜେ ନିଜେ ‘ମୁଇ ଦରମ୍ ଲକ୍ ।’ ବଲି ବାବିଅଇବା ଲକ୍ପାଇ ମୁଇ ଆସିନାଇ, ମାତର୍ ପାପିମନ୍କେ ପାପ୍ଟାନେଅନି ବାଉଡାଇବାକେ ଆସିଆଟି ।”

**ଉପାସ୍ ବିସଇ**  
(ମାତିଉ ୯:୧୪-୧୭; ଲୁକ୍ ୫:୩୩-୩୯)

୧୮ ଭୁବନ୍ ଦେଉ ଜଅନର୍ ସିସ୍ତମନ୍ ଆରି ପାରୁସିମନ୍ ଉପାସ୍ କର୍ତେ ରଇଲା । ସେବେଲାଇ କେତେଲକ୍ ଆସି ଜିସୁକେ କଇଲା, “ଭୁବନ୍ ଦେଉ ଜଅନର୍ ସିସ୍ତମନ୍ ଆରି ପାରୁସିମନ୍ ସିସ୍ତମନ୍ ଉପାସ୍ କର୍ବାଇ, ମାତର୍ ତର୍ ସିସ୍ତମନ୍ କାଇକେ ଉପାସ୍ ନ କରଡ଼ ?”

୧୯ ଜିସୁ ସେମନ୍କେ କଇଲା, “ବଜିଟାନେ ବିବା ଦାଙ୍ଗ୍ଡା ରଇବା ଜାକ ବିବା ଦାଙ୍ଗ୍ଡାର୍ ସଙ୍ଗ୍ ରଇବା ଦାଙ୍ଗ୍ଡାମନ୍ ଉପାସେ ରଇବାଇ କି ? ନାଇ ନ ରଅଡ଼ । ବିବା ଦାଙ୍ଗ୍ଡା ଜେତେବେଲାଜାକ ରଇସି, ସେ ବେଲାଜାକ ସେମନ୍ ଉପାସେ ନ ରଅଡ଼ । ୨୦ ମାତର୍ ବେଲା ଆଇସି, ଜେତେବେଲେ ଲକ୍ମନ୍ ଆସି ତାକର୍ ଲଗେ ଅନି ବିବା ଦାଙ୍ଗ୍ଡାକେ ଦାରିଜିବାଇ, ସେଦିନେ ସେମନ୍ ଉପାସ୍ କର୍ବାଇ ।

୨୧ “କେ ନୁଆ ଲୁଗାର୍ ଗର୍ଣ୍ଣା ପୁର୍ନା ଲୁଗାଇ ନ ସିଲାଏ, ସିଲାଲେ ନୁଆ ଗର୍ଣ୍ଣା ପୁର୍ନା ଲୁଗାକେ ଅଦିକ୍ ଚିରି ପାକାଇସି, ଆରି ଅଦିକ୍ ବଡ଼ଟା କାଣା କରିଦେଇସି । ୨୨ ଆରି କେ ନୁଆ ଅଙ୍ଗୁର୍ ରସ୍ ପୁର୍ନା ଚାମ୍ ସଙ୍ଗ୍ ତିଆର୍ କଲା ମୁନାଇ ନ ସଙ୍ଗଅଡ଼, ସଙ୍ଗଲେ ସେ ଅଙ୍ଗୁର୍ ରସ୍ ଆରି ଚାମ୍ ମୁନା ନସିଜାଇସି । ନାଇ ନୁଆ ଅଙ୍ଗୁର୍ ରସ୍ ନୁଆ ଚାମ୍ ମୁନାଇ ସଙ୍ଗଇବାର୍ ଆଟେ ।”

**ଜିସୁ ବିସ୍ତାମ୍ ବାରର୍ ମାପ୍ତୁ**  
(ମାତିଉ ୧୨:୧-୮; ଲୁକ୍ ୬:୧-୫)

୨୩ ଜିସୁ ତରେକ୍ ବିସ୍ଵାମ୍ବାରେ ତାସ୍ ରଇବା କେଡ଼ ବାଟେ ଜାଇତେ ରଇଲା, ଆରି ଜିବାବେଲେ ତାର୍ ସିସ୍ଵାମ୍ ଦାନ କେଡ଼ ଚିତାଇତେ ଗାଲାଇ । ୨୪ ସେ ଜାଗାଇ ରଇବା ପାରୁସିମନ୍ ଜିସୁକେ କଇଲାଇ, “ଦେକ୍ ବିସ୍ଵାମ୍ବାରେ ଜନ୍ତା କରବାର୍ ଆମର୍ ବିଦି ନଏ । ତର୍ ସିସ୍ଵାମ୍ କାଇକେ ସେଟା କଲାଇନି ?”

୨୫ ଜିସୁ ସେମନ୍କେ କଇଲା, “ଆମର୍ ଡାକ୍ପୁଟା ଆନିଦାଦି ଦାଉଦର୍ ଅବାବ୍ ବେଲେ, ସେ ଆରି ତାର୍ ସଙ୍ଗର୍ ଲକ୍ମନ୍ ବୁକେ ରଇଲାଇ, ସେଡ଼କିବେଲେ ସେ କାଇଟା କରି ରଇଲା, ସେଟା କାଇ ତମେ କେବେ ପତାସ୍ ନାଇ କି ? ୨୬ ବଡ଼ ପୁଜାରି ଅବିୟାତର୍ ବେଲେ ସେ କେନ୍ତ୍ର ପର୍ମେସର୍ମ୍ ମନ୍ଦିରେ ପୁରିକରି ମାପୁରୁକେ ସର୍ପିଦେଲା ଜନ୍ ଦରସନି ରୁଟି, ପୁଜାରିମନ୍କେ ଚାଡ଼ିଦେଲେ ଆରି କେ ମିସା କାଇବାର୍ ବିଦି ନଏ, ସେଟା ସେ କାଇଲା, ଆରି ସେ ରୁଟି ନିଜର୍ ସଙ୍ଗର୍ ଲକ୍ମନ୍କେ ମିସା ବାଟାକରି ଦେଇରଇଲା ।” ୨୭ ଜିସୁ ସେମନ୍କେ କଇଲା, “ବିସ୍ଵାମ୍ବାରେ ଲକ୍ମନ୍ ସାଇଜର୍ପାଇ ଅଇଲା ଆଟେ, ସେଟା ଲକ୍ମନ୍କେ ବିଜାର୍ କରବାକେ ଅଏନାଇ । ୨୮ ତେବର୍ପାଇ ପର୍ମେସର୍ମ୍ ପାଟାଇଲା ନର୍ପିଲା ମୁଇ ବିସ୍ଵାମ୍ବାରେ ଲକ୍ମନ୍ କାଇଟା କରବାର୍ ଆଟେ, କାଇଟା କରବାର୍ ନାଇ, ସେଟା କଇବାର୍ ମର୍ ଅଦିକାର୍ ଆଟେ ।”

### ୩

#### ଜିସୁ ଗଟେକ୍ ଆଡ଼ ସୁକ୍ଲା କଲା ଲକ୍ମନ୍କେ ନିକ କଲା (ମାତିଉ ୧୨:୯-୧୪; ଲୁକ୍ ୬:୬-୧୧)

୧ ପଟେ ଜିସୁ ଆରି ଗଟେକ୍ ତର୍ ଜିଉଦିମନ୍ର୍ ପାର୍ତନା ଗରେ ଗାଲା । ତେଇ ଗଟେକ୍ ଲକ୍ ରଇଲା । ତାର୍ ଗଟେକ୍ ଆଡ଼ ସୁକିଜାଇରଇଲା । ୨ ଜିସୁ କେଜାନେ ବିସ୍ଵାମ୍ ବାରେ ନିମାନ୍ କର୍ସି ବଲି, ସେମନ୍ ଆକି ନ ମରାଇତେ ଦେକ୍ତେରଇଲାଇ, କାଇକେବଇଲେ ଜେନ୍ତ୍ରକି ତାର୍ ବିରୁଦେ ଦସ୍ ଦାରିପାର୍ବାଇ । ୩ ଜନ୍ ଲକ୍ମର୍ ଆଡ଼ ସୁକି ଜାଇରଇଲା, ତାକେ ଜିସୁ କଇଲା, “ଆଉ ମଜାଇ ଚିଆ ଅ ।” ୪ ଆରି ଜିସୁ ଲକ୍ମନ୍କେ ପାଟାଇଲା, “ବିସ୍ଵାମ୍ବାରେ କାଇଟା କରବା ନିଅମ୍ ? ନିକ କରବାର୍ କି ଆସାର୍ କରବାର୍ ? ଜିବନ୍ ବଂଚାଇବାର୍ କି ମରାଇଦେବାର୍ ?” ମାତର୍ ସେମନ୍ କାଇଟା ନ କଇ ଚିମ୍ବାଅଇ ରଇଲାଇ । ୫ ସେବେଲେ ତାକର୍ ମନ୍ ତାଟ୍ ରଇବାଟା ଦେକିକରି ଜିସୁ ଦୁକ୍ଅଇ ରିସାସଙ୍ଗ୍, ଚାରିବେଡ଼ି ଦେକ୍ଲା । ଆରି ସେ ଲକ୍ମନ୍କେ କଇଲା, “ଆଡ଼ ଲାମା ।” ସେ ଲକ୍ ଆଡ଼ ଲାମାଇଲା, ଆରି ତାର୍ ଆଡ଼ ନିମାନ୍ ଅଇଗାଲା । ୬ ତେଇଅନି ପାରୁସିମନ୍ ସେ ଜାଗାଇଅନି ଦାପ୍ରେ ବାରଇ ଜାଇ ଜିସୁକେ ମରାଉ ବଲି ତାର୍ ବିରୁଦେ ଏରଦ୍ ରାଜାର୍ ଲକ୍ମନ୍ରସଙ୍ଗ୍ ଉପାଇ ପାଟ୍ବାର୍ ଦାରୁଲାଇ । ୭ ସେଡ଼କିବେଲେ ଜିସୁ ସିସ୍ଵାମ୍ ସଙ୍ଗ୍ ଲକ୍ମନ୍ରଟାନେଅନି ବେଗ୍ଲି କରି, ସମ୍ପୁର୍ କଣ୍ଡିବାଟେ ବାରଇ ଗାଲା । ଆରି ଗାଲିଲି ଅନି ବେସି ଲକ୍ ତାର୍ ପଟେ ପଟେ ଆଇଲାଇ, ଆରି ଜିଉଦା, ି ଜିରୁସାଲାମ୍, ଇଦମ୍, ଜର୍ଦ୍ଦନ୍ର୍ ଉପର୍ ବାଟେ ରଇବା ସର ଆରି ସିଦନ୍ର୍ ଚାରିବେଡ଼ିର୍ ଲକ୍ ସେ କରୁରଇବା ସବୁ କାମର୍ କାତା ସୁନି ତାର୍ ଲଗେ ଆଇଲାଇ । ୯\* ସେଡ଼କିବେଲେ ଚିପାଟେଲା ରଇଲାକେ, ଲକ୍ମନ୍ ଜେନ୍ତ୍ରକି ଉପ୍ରେ ତାବି ନ ଅଅଡ଼, ତେବର୍ ପାଇ ଜିସୁ ସିସ୍ଵାମ୍ବାରେ ତାର୍ପାଇ ଗଟେକ୍ ସାନ୍ଟା ଡଙ୍ଗା ଆନି ଜାଗାଇବାକେ ଡିଆରୁଲା । ୧୦ କାଇକେବଇଲେ ସେ ବେସି ଲକ୍ମନ୍କେ ନିମାନ୍ କଲାଜେ ଜର୍ଦ୍ଦୁକା ଅଇରଇବା ଲକ୍ମନ୍ ତାକେ ଚିଉଁ ବଲି ଉପ୍ରେ ତାବିଅଇ ଜାଇତେରଇଲାଇ । ୧୧ ଆରି ଜେତେବେଲେ ଜିସୁକେ କରାପ୍ ଆଡ଼ମାମନ୍ ଦେକ୍ତେ ରଇଲାଇ, ସେ ଆଡ଼ମାମନ୍ ତାର୍ ମୁଆଟେ ଅଦ୍ରି ଆଉଲିଅଇ କଇତେରଇଲାଇ, “ତୁଇ ଆକା ପର୍ମେସର୍ମ୍ ପଅ ।” ୧୨ ମାତର୍ ଜିସୁ ତୁମାମନ୍କେ ତାର୍ ବିସଇନେଇ ବିନ୍ ଲକ୍ମନ୍କେ କାଇ ବଲି ନ କୁଆ ବଲି ତାଟ୍ସଙ୍ଗ୍ ଆଦେସ୍ ଦେଇତେରଇଲା ।

#### ଜିସୁ ବାର୍ଟା ସିସ୍ଵାମ୍ବାରେ ବାଟ୍ଲା (ମାତିଉ ୧୦:୧-୪; ଲୁକ୍ ୬:୧୨-୧୬)

୧୩ ଜିସୁ ପର୍ବତ୍ ଉପ୍ରେ ଜାଇ, ଜନ୍ ଲକ୍ମନ୍କେ ସେ ମନ୍ କଲା, ସେମନ୍କେ ଲଗେ ଡାକ୍ଲା, ଆରି ସେମନ୍ ତାର୍ ଲଗେ ଆଇଲାଇ । ୧୪ ସେ ବାର ଲକ୍ମନ୍କେ ବାଟ୍ଲା ଆରି ସେମନ୍କେ ତାର୍ କବର୍ ନେଉ ବଲି ଡାକ୍ଲା । ଜେନ୍ତ୍ର ସେମନ୍ ତାର୍ ସଙ୍ଗ୍ ରଇପାରତ୍ ଆରି ସେମନ୍ ତାର୍ କବର୍ ଜାନାଇବାଇ, ୧୫ ଆରି ତୁମାଟାଡାଇବାକେ ଅଦିକାର୍ ଦେଲା ।

୧୬ ଜିସୁ ବାର ଲକ୍ମନ୍କେ ବାଟ୍ଲା, ଜନ୍ ଲକ୍ମନ୍ କି ସିମନ୍, ଜାକେ ସେ ପିତର୍ ବଲି ନାଉଁ ଦେଲା, ୧୭ ଜେବଦିର୍ ପ ଜାକୁବ୍ ଆରି ତାର୍ ବାଇ ଜଅନ୍କେ ସେ ବିନେରିଗସ୍ ବଲି ନାଉଁ ଦେଲା, ଆର୍ ଅରଡ଼ ଅଇଲାନି ମେଗ୍ନାଦର୍ ପଅମନ୍, ୧୮ ଆନ୍ଦ୍ରିୟ୍, ପିଲିପ୍, ବାର୍ତଲମି, ମାତିଉ, ତମା, ଆଲ୍ପିର୍

\* ୩:୯ ୩:୯ ମାର୍ଚ୍ଚ ୪:୧; ଲୁକ୍ ୫:୧୩

ପଥ ଜାକୁବ୍, ତଦିୟ, କିଶାନିୟ ସିମନ୍, ଜେ କି ରମିୟ ସର୍କାରର୍ ବିରୁଦେ ଉଚିରଇଲା । ୧୯ ଆରି ଇସ୍କାରିୟତିୟ ଜିଉଦା, ଜେ କି ଜିସୁକେ ସତ୍‌ରୁକେ ସର୍ପି ଦେଇରଇଲା ।

(ମାତିଉ ୧୨:୨୨-୩୨; ଲୁକ୍ ୧୧:୧୪-୨୩; ୧୨:୧୦)

୨୦ ପଚେ ଜିସୁ ଗଟେକ୍ ଗରେ ପୁରଲା । ସେଡକି ବେଲେ ଲକ୍‌ମନ୍ ଆରି ତରେକ୍ ଏଡେକ୍ ରୁଣ୍ଡିଲାଇ ଜେ, ସେ ଆରି ତାର୍ ସିସମନ୍ କାଇବାର୍ ମିସା ନାପାରଲାଇ । ୨୧ “ଜିସୁକେ କାଇବାକେ ମିସା ବେଲା ନାଇ ।” ବଲି କଇ ତାକର୍ ଗରର୍ ଲକ୍ ସୁନି, ତାକେ ଗରେ ତାକିନେବାକେ ଆଇଲାଇ । କାଇକେବଇଲେ ସେମନ୍ କଇଲାଇ, “ତାର୍ ବୁଦି ବାନାଅଇଗାଲାନି ।”

**ଜିସୁ ଆରି ବାଲ୍‌ଜିବୁଲ୍**

୨୨ \*ଆରି, ଜିରୁସାଲାମ୍ ଅନି ଆସିରଇବା ସାସ୍‌ତର୍ ସିକାଉମନ୍ କଇଲାଇ, “ଆକେ ତୁମାମନର୍ ନେତା ବାଲ୍‌ଜିବୁଲ୍ ଦାରିଆଚେ, ଆରି ତୁମାମନର୍ ନେତାର୍ ବପୁସଙ୍ ତୁମା ଚାଡାଇଲାନି ।” ୨୩ ସେଡକିବେଲେ ଜିସୁ ସାସ୍‌ତର୍ ସିକାଉମନ୍‌କେ ଲଗେତାକି ଉଦାଅରନ୍ ଦେଇ କଇଲା, “ସଇତାନ୍ କେନ୍ତି ସଇତାନ୍‌କେ ଚାଡାଇ ପାରସି ? ୨୪ ଜଦି ଗଟେକ୍ ରାଇଜ୍ ଦୁଇ ବାଗ୍ ଅଇ ନିଜର୍ ବିରୁଦେ ଉଚ୍‌ସି, ତେବେ ସେ ରାଜିଅ ବେସିଦିନ୍ ନ ରଏ । ୨୫ ଗଟେକ୍ ଗର୍ ବାଗ୍ ଅଇ ନିଜର୍ ବିରୁଦେ ଉଚ୍‌ସି, ତେବେ ସେ ଗର୍ ବେସି ଦିନ୍ ନ ରଏ । ୨୬ ସେନ୍ତାର୍‌ସେ ସଇତାନ୍ ଜଦି ବାଗ୍ ଅଇ ନିଜର୍ ବିରୁଦେ ଉଚ୍‌ସି, ତେବେ ସେ ତବିର୍ ଅଇ ରଇ ନାପାରେ, ମାତର୍ ତାର୍ ବିନାସ୍ ଗଚ୍‌ସି ।

୨୭ “ମାତର୍ କେ ମିସା ବପୁ ରଇବା ଲକ୍‌କେ ପର୍‌ତୁମ୍ ନ ବାନ୍‌ଡେ, ତାର୍ ଗରେ ପୁରିକରି ସେଲକର୍ ନିଜର୍ ସବୁ ଚରାଇ ନେଇ ନାପାରେ, ମାତର୍ ସେ ବପୁ ରଇବା ଲକ୍‌କେ ଆଗେ ବାନ୍‌ଲେ ସିନା ସେ ତାର୍ ଗରେ ପୁରି ଚରିପାରସି ।

୨୮ “ମୁଇ ତମକେ ସତ୍ କଇଲିନି, ଲକ୍‌ମନର୍ ସବୁ ପାପ, ଆରି ସେମନ୍ ଜେଡେକ୍ ନିନ୍ଦା କାତା କଇ ପର୍‌ମେସରର୍ ନିନ୍ଦା କଲେ ମିସା, ସେ ସବୁଜାକ କେମା କରାଅଇସି । ୨୯ \*ଜେକି ସୁକଲ୍‌ଆଡ଼ମାର୍ ବିରୁଦେ ନିନ୍ଦା କାତା କଇସି, ତାକେ କନ୍ କାଲେ ମିସା ପର୍‌ମେସର୍ କେମା ନ ଦେଏ, ଆରି ସେ ନ ସାର୍‌ବା ପାପର୍ ଦସି ଅଇସି ।” ୩୦ ତାକେ କାରାପ୍ ଆଡ଼ମା ଲାଗିଆଚେ ବଲି ସାସ୍‌ତର୍ ସିକାଉମନ୍ କଇଲାଇକେ, ଜିସୁ ଏନ୍ତାରି କଇଲା ।

**ଜିସୁର୍ ମାଆ ଆରି ବାଇବଇନିମନ୍**

(ମାତିଉ ୧୨:୪୬-୫୦; ଲୁକ୍ ୮:୧୯-୨୧)

୩୧ ସେଡକିବେଲେ ଜିସୁର୍ ମା ଆରି ବାଇମନ୍ ଆସି ବାଇରେ ଚିଆ ଅଇ ଜିସୁକେ ତାକାଇପାଟାଇଲାଇ । ୩୨ ତେଇ ତାର୍ ଚାରିବେଡ଼ି ବସି ରଇବା ଲକ୍‌ମନ୍ ତାକେ କଇଲାଇ, “ଦେକା, ତମର୍ ମାଆ ଆରି ବାଇ ବଇନି ବାଇରେ ରଇ ତମ୍‌କେ କଇଲାଇନି ।” ୩୩ ଜିସୁ ସେମନ୍‌କେ କଇଲା, “କେ ମର୍ ମା ଆରି ବାଇବଇନିମନ୍ ?” ୩୪ ସେ ତାର୍ ଚାରିବେଡ଼ି ବସିରଇବା ଲକ୍‌ମନ୍‌କେ ଦେକିକରି କଇଲା, “ଏମନ୍ ମର୍ ମାଆ ଆରି ମର୍ ବାଇ ବଇନି । ୩୫ ଜନ୍ ଲକ୍‌ମନ୍ ପର୍‌ମେସର୍ ମନ୍‌କଲାଟା ପୁରାପୁରୁନ୍ କର୍‌ବାଇ, ସେ ମର୍ ବାଇ, ବଇନି ଆରି ମା ।”



**ବିଅନ୍ ବୁନ୍‌ବା ବିସଇର୍ କାତା**

(ମାତିଉ ୧୩:୧-୯; ଲୁକ୍ ୮:୪-୮)

୧ \*ଜିସୁ ଆରିତରେକ୍ ଗାଲିଲି ସମ୍‌ଦୁର୍ କଣ୍ଡିଟାନେ ସିକିଆ ଦେବାର୍ ଦାରଲା, ଆରି ଏଡେକ୍ ମାଣ୍ଡ ଲକ୍‌ମନ୍ ତାର୍ ଲଗେ ଚୁଲ୍‌ଅଇଲାଇଜେ, ସେ ସମ୍‌ଦୁରେ ରଇବା ଗଟେକ୍ ତଙ୍ଗାଇ ଜାଇ ବସଲା, ଆରି ଗୁଲାଇ ଲକ୍‌ମନ୍ ସମ୍‌ଦୁର୍ ପାଲିକେ ରଇଲାଇ । ୨ ଜିସୁ ସେମନ୍‌କେ ବେସି ବିସଇ ଉଦାଅରନ୍ ଦେଇ ସିକାଇଲା । ଆରି ସିକାଇବାବେଲେ ସେମନ୍‌କେ କଇଲା,

୩ “ସୁନା ଗଟେକ୍ ଚାସି ତାର୍ ବିଅନ୍ ବୁନ୍‌ବାର୍ ବାରଇଲା । ୪ ସେ ବୁନ୍ ବୁନ୍ କେଡେକ୍ ବିଅନ୍ ବାଟେ ଅଦର୍ଲା, ଆରି ଚଡ଼ଇମନ୍ ଆସି ସବୁଜାକ ବିଅନ୍ କାଇଦେଲାଇ । ୫ ଆରି କେଡେକ୍ ବିଅନ୍ ଉନା ମାଟିରଇ ତଲେ ପାକ୍‌ନା ରଇଲା ବୁର୍‌ ଅଦର୍ଲା, ଆରି ମାଟି ଉନା ରଇଲାକେ ଦାପ୍‌ରେ ଗାଜା ଅଇଲା । ୬ ମାତର୍ ବେଲ୍ ଉଦ୍‌ଲାକେ ଗାଜା ଅଇଲାଟା ପଡ଼ି ମସ୍‌ରିଗାଲା, ଆରି ଚେର୍ ବେଦି ନ ରଇଲାଜେ ସୁକିଗାଲା । ୭ ଆରି କେଡେକ୍ ବିଅନ୍ କାଟା ବୁଟା ମଜାଇ ଅଦର୍ଲା, ଆରି କାଟା ବୁଟାମନ୍ ଉଚି ବଡ଼ିକରି ଗାଜା ଅଇ ସବୁକେ ଚାପି ପାକାଇଲାଇ । ଚାପିଦେଲାକେ କାଇ ଦାନ୍ ମିସା ଅଏ ନାଇ । ୮ ମାତର୍, ଆରି କେଡେକ୍

\* ୩:୨୨ ୩:୨୨ ମାତିଉ ୯:୩୪; ୧୦:୨୫    \* ୩:୨୯ ୩:୨୯ ଲୁକ୍ ୧୨:୧୦    \* ୪:୧ ୪:୧ ଲୁକ୍ ୫:୧-୩

ବିଅନ୍ ନିକ ବୁର୍ଦ୍ଧ ଅଦରଲା ଆରି ଗାଜା ଅଇ ଉଟି ବଡ଼ିକରି ତିରିସ୍ ଗୁଣ୍ ସାଟେ ଗୁଣ୍ ଆରି ସଏ ଗୁଣ୍ ଜାକ ପସଲ୍ ଦେଲା ।”

୯ ଆରି ଜିସୁ କଇଲା, “ଜାକେ ସୁନ୍‌ବାକେ କାନ୍ ଆଟେବଇଲେ, ସେ ମନ୍‌ଦେଇ ସୁନ ।”

ଜିସୁ ସେ ଉଦାଅରନ୍ କାଇକେ କଇଲା

(ମାତିଉ ୧୩:୧୦-୧୭; ଲୁକ୍ ୮:୯-୧୦)

୧୦ ଜିସୁ ଗଟେକଲକ୍ ରଇଲା ବେଲେ ତାର୍‌ସଙ୍ଗ୍ ରଇଲା ଲକ୍‌ମନ୍ ଆରି ବାର୍‌ଟା ସିସ୍‌ମନ୍ ତାକେ ପାଟାରଲାଇ, “ତମେ କାଇକେ ଉଦାଅରନ୍ ଦେଇ ସିକାଇଲାସି ?” ୧୧ ଜିସୁ ସେମନ୍‌କେ କଇଲା, “ପର୍‌ମେସରର୍ ରାଇଜେ ଲୁଟିକରି ରଇଲା ବିସଇ ତମେ ବୁଜିପାରଲାସି, ମାତର୍ ବାଇରେ ରଇବା ବିନ୍ ଲକ୍‌ମନ୍‌କେ ଉଦାଅରନ୍ ଦେଇ କୁଆ ଅଇଲାନି ।” ୧୨ ଜେନ୍ତାରକି “ମୁଇ କର୍‌ବା କାମମନ୍ ଦେକ୍‌ତେ ରଇଲେ ମିସା ବୁଜି ନାପାରଡ୍, ଆରି କଇଲାଟାମନ୍ ସୁନି ସୁନି ମିସା ନ ବୁଜଡ୍, ବୁଜତାଇଆଲେ ସେମନ୍ ପର୍‌ମେସରର୍ ଲଗେ ବାଅଡ୍‌ତାଇ ଆରି ପାପ୍ କେମା ପାଇତାଇ ।”

ଜିସୁ କାତାନିର୍ ଅରଡ୍ ବୁଜାଇଲା

(ମାତିଉ ୧୩:୧୮-୨୩; ଲୁକ୍ ୮:୧୧-୧୫)

୧୩ ଜିସୁ ସେମନ୍‌କେ କଇଲା, “ଏ ଉଦାଅରନ୍‌ର୍ ଅରଡ୍ ତମେ ବୁଜାସ୍ ନାଇ କି ? ତେବେ ବିନ୍ ଉଦାଅରନ୍‌ର୍ ଅରଡ୍ କେନ୍ତ୍ର ବୁଜସା ? ୧୪ ଚାସି ପର୍‌ମେସରର୍ ବାକିଅ ବୁନ୍‌ସି, ୧୫ ଜନ୍‌ଲକ୍‌ମନ୍ ସୁନ୍‌ବାଇ ଆରି ସୁନ୍‌ଲା ଦାପ୍‌ରେ, ସଇତାନ୍ ଆସି ସେମନ୍‌ର୍ ଟାନେଅନି ବୁନିରଇବା ବାକିଅ ଜିକି ନେଇସି, ସେମନ୍ ବୁନିରଇବା ବାଟ୍‌ଲଗର୍ ବିଅନ୍ ପାରା । ୧୬ ସେନ୍ତାର ସେ, ଜନ୍‌ଲକ୍‌ମନ୍ ବାକିଅ ସୁନ୍‌ଲା ଦାପ୍‌ରେ ସାର୍‌ଦା ଅଇ ସେଟା ମାନ୍‌ବାଇ, ସେଲକ୍ ପାକ୍‌ନା ରଇବା ଜାଗାଇ ଅଦରଲା ବିଅନ୍ ପାରା । ୧୭ ମାତର୍ ସେମନ୍‌ର୍ ଟାନେ ରେର୍ ନ ବେଦିରଏଜେ ଚନେକର୍‌ପାଇ ବିସ୍‌ବାସ୍ କରି ରଇବାଇ, ପଟେ ବାକିଅରଲାଗି କସଟ୍ କି ତାଡ୍‌ନା ଆଇଲେ, ସେ ଦାପ୍‌ରେ ବିସ୍‌ବାସ୍ ଚାଡ଼ି ଦେବାଇ । ୧୮ ଆରି ଜନ୍‌ଲକ୍‌ମନ୍ ବାକିଅ ସୁନ୍‌ବାଇ, ମାତର୍ ତାର୍ ଦିନକର୍ ବିସଇର୍ ଚିନ୍ତା, ଦନର୍ ମାୟା ଆରି ବିନ୍ ବିନ୍ ବିସଇର୍ ଲାଲ୍‌ସାଟାନେ ପୁଟିକରି ମାପ୍‌ରୁର୍ ବାକିଅକେ ଚାପିପାଇଇସି, ତେଇ ମାପ୍‌ରୁର୍ ବାକିଅ ନିକ କାମ୍ ନ କରେ । ୧୯ ସେନ୍ତାରି ଅଦେକ୍ ଲକ୍‌ମନ୍ ବିଅନ୍ ବୁନିରଇବା କାଟାଲାଟା ବୁଇଁ ପାରା । ୨୦ ବାକିଲକ୍‌ମନ୍ ବାକିଅ ସୁନି ସେଟା ମାନ୍‌ବାଇ ଆରି ତିରିସ୍ ଗୁଣ୍, ସାଟେ ଗୁଣ୍ ଆରି ସଏ ଗୁଣ୍ ପଲ୍ ଦେବାଇ, ସେମନ୍ ବିଅନ୍ ଅଦ୍‌ରି ରଇବା ନିକ ବୁଇଁ ପାରା ।”

ବଡ଼ି କୁଦ୍‌ରା

(ଲୁକ୍ ୮:୧୬-୧୮)

୨୧ ✨ଜିସୁ ଆରିତରେକ୍ ସେମନ୍‌କେ କଇଲା, “ବଡ଼ି ତସାଇ ମାନ୍ ତଲେ କି କର୍ ତଲେ ସଙ୍ଗାଇବାକେ ନ ଆନଡ୍ । ବଡ଼ି, କୁଦ୍‌ରାଇ ସଙ୍ଗାଇବାକେ ତସାଇବାଇ । ୨୨ ✨କାଇକେବଇଲେ ଲକ୍‌ମନ୍‌କେ ଏବେଜାକ ନାଜାନି ରଇବା ବିସଇ ଜାନାଇ ଦିଆଅଇସି, ଆରି ଜନ୍ ବିସଇ ସବୁ ଲୁଚି ରଇସି, ସେଟା ମେଲାକରି ଦିଆଅଇସି । ୨୩ ଜଦି ଜାକେ ନିକ ସଙ୍ଗ୍ ସୁନ୍‌ବାର୍ ଆଟେ, ସେ ନିକ ସଙ୍ଗ୍ ସୁନ ।”

୨୪ ✨ଆରି ଜିସୁ ସେମନ୍‌କେ କଇଲା, “କାଇଟା ସୁନ୍‌ଲାସି, ସେ ବିସଇ ଏତାଇକରି ଜାଗରଡ୍ ରୁଆ । ଜନ୍ ନାପେ ତମେ ନାପସା, ସେ ନାପେ ପର୍‌ମେସର୍ ତମ୍‌କେ ନାପସି, ଆରି ତାର୍‌ତେଇଅନି ଅଦିକ୍ । ୨୫ ✨କାଇକେବଇଲେ ଜାକେ ରଇ, କାମେ ଲାଗାଇରଇସି ତାକେ ଅଦିକ୍ ଦିଆଅଇସି, ଆରି ଜାକେ ରଇ, କାମେ ନ ଲାଗାଏ, ତାର୍‌ଟାନେ ଅନି ସେ ଅଲପ୍ ରଇଲାଟା ମିସା ନିଆଅଇସି ।”

୨୬ ଆରି ସେ କଇଲା, “ପର୍‌ମେସରର୍ ରାଇଜ୍ ଏନ୍ତାରି । ଗଟେକ୍ ଲକ୍ ନିଜର୍ ପଦାଇ ବିଅନ୍ ବୁନ୍‌ସି । ୨୭ ଆରି, ସେ ଦିନ୍‌ବେଲେ କି ରାତିବେଲେ, ସଇଲେ କି କାମ୍ କଲେ ମିସା ବିଅନ୍ କେନ୍ତ୍ର ଆଁକ୍‌ରି ବଡ୍‌ସି, ସେଟା ନାଜାନେ, ୨୮ ଜମି ତାର୍‌ମନ୍‌କେ ପଲ୍ ଉବ୍‌ଜାଇସି, ପର୍‌ଡୁମ୍ ପଡର୍, ପଟେ କେଡ୍, ତାର୍‌ପଟେ ମୁଞ୍ଜି ପୁରୁନ୍ ରଇବା କେଡ୍ । ୨୯ ମାତର୍ ଚାସ୍ ପାଡ୍‌ଲା ଦାପ୍‌ରେ କାଟ୍‌ବା ବେଲା କେଟିଆଇଲେ, ଚାସି କାଟ୍‌ବାକେ ଇଲା ଲାଗାଇସି ।”

ସର୍‌ସୁ ମୁଞ୍ଜିର୍ କାତାନି

(ମାତିଉ ୧୩:୩୧, ୩୨, ୩୪; ଲୁକ୍ ୧୩:୧୮-୧୯)

୩୦ ସେ ଆରି ତରେକ୍ କଇଲା, “ଆମେ ପର୍‌ମେସରର୍ ରାଇଜ୍ କାଇଟା ସଙ୍ଗ୍ ସମାନ୍ କରୁ ? ନଇଲେ କାଇ ଉଦାଅରନ୍ ସଙ୍ଗ୍ ବୁଜାଇଦେଉଁ ? ୩୧ ସେଟା ଗଟେକ୍ ସର୍‌ସୁ ମୁଞ୍ଜି ପାରା, ବୁର୍ଦ୍ଧ ବୁନ୍‌ବା ବେଲେ ସେଟା

✨ ୪:୨୧ ୪:୨୧ ମାତିଉ ୫:୧୫; ଲୁକ୍ ୧୧:୩୩ ✨ ୪:୨୨ ୪:୨୨ ମାତିଉ ୧୦:୨୬; ଲୁକ୍ ୧୨:୨ ✨ ୪:୨୪ ୪:୨୪ ମାତିଉ ୭:୨; ଲୁକ୍ ୭:୩୮ ✨ ୪:୨୫ ୪:୨୫ ମାତିଉ ୧୩:୧୨; ୨୫:୨୯; ଲୁକ୍ ୧୯:୨୬

ପୁରୁତିବିର ସବୁ ମୁଞ୍ଚିତେଇ ଅନି ସାନ୍ତା, ୩୭ ମାତର ବୁନ୍ଲେ, ସେଟା ବଢିକରି ସବୁ ସାଗର ଟାନେଅନି ବଡ଼ ଅଇସି, ଆରି ତାର କେନ୍ଦି ଏନ୍ତି ବଡ଼ ବଡ଼ ଅଇଜାଇସି ଜେ, ସରଗର ଚତଇମନ୍ ତାର କେନ୍ଦାଇ ବାସା ଅଇବାଇ ।”

୩୮ ଜିସୁ ଏନ୍ତି କେତେକ କେତେକ ଉଦାଅରଣ୍ ସଙ୍ଗ୍ ସେମନ୍‌ର ବୁଜବା ବପୁ ଇସାବେ ବାକିଅ ସୁନାଇତେ ରଇଲା, ୩୯ ଆରି ଉଦାଅରନ୍ ନଇତେ ସେ ତାକର୍ ଲଗେ କାଇ କାତା ନ କଇତେରଇଲା । ମାତର୍ ଜିସୁ ବିନ୍ ଲକ୍‌ମନ୍ କେ ନ ରଇଲାବେଲେ ନିଜର୍ ସିସ୍‌ମନ୍‌କେ ସବୁ ବିସଇ ବୁଜାଇ ଦେଇତେ ରଇଲା ।

**ଜିସୁ ପବନକେ ତବିର କଲା**  
(ମାତିଉ ୮:୨୩-୨୭; ଲୁକ୍ ୮:୨୨-୨୫)

୩୫ ସେଦିନେ ସଞ୍ଜ ଅଇଲାକେ ଜିସୁ ସେମନ୍‌କେ କଇଲା, “ଆସା, ଗାଡ଼ ସେପାଟେ ଜୁ ।” ୩୬ ସେଡ଼କିବେଲେ ସେମନ୍ ଲକ୍ ଗଅଲି ଚାଡ଼ିକରି, ଜିସୁ ବସି ରଇଲା, ଗଟେକ୍ ଡଙ୍ଗାଇ ଜାଇ ବସ୍‌ଲାଇ । ଆରି ବିନ୍ ବିନ୍ ଡଙ୍ଗା ମିସା ତାକର୍ ସଙ୍ଗ୍ ରଇଲା । ୩୭ ପଟେ ଅଟାଡ଼ ବେସି ବାଉପବନ୍ ଆଇଲା, ଆରି ଲଅଡିର୍ ମାଡ଼କେ ଡଙ୍ଗାଇ ପାନି ପୁରୁନ୍ ଅଇବାର୍ ଦାରଲା । ୩୮ ସେଡ଼କିବେଲେ ଜିସୁ ଡଙ୍ଗାର୍ ପର୍ ଚଟୁ ମାର୍‌ବା ଲଗେ ମର୍‌ଲା ମୁଣ୍ଡିସାକରି ସଇଦେଇ ରଇଲା । ସିସ୍‌ମନ୍ ତାକେ ଉଟାଇ କଇଲା, “ଏ ଗୁରୁ, ଆମେ ରୁଡ଼ିଜିରୁବେ, ତମ୍‌କେ କାଇ ଚେଡ଼ନା ନାଇ ?”

୩୯ ସେଡ଼କିବେଲେ ଜିସୁ ଉଚି ପବନକେ ଦମ୍‌କାଇ ଦେଇ ଲଅଡିକେ କଇଲା, “ତବିର୍ ଅଇ ରୁପ୍ ର ।” ସେଡ଼କି ବେଲେ ପବନ୍ ବନ୍ଦ୍ ଅଇଲା, ଆରି ସବୁ ତବିର୍ ଅଇଲା । ୪୦ ଆରି ସେ ସିସ୍‌ମନ୍‌କେ କଇଲା, “କାଇକେ ଏତେକ୍ ଡରୁଲାସି ? ତମ୍‌କେ ଏବେଜାକ ମର୍‌ଲଗେ ବିସ୍‌ବାସ୍ ନାଇ କି ?”

୪୧ ସେମନ୍ ବେସି ଡରି ଜାଇକରି ତାକର୍ ତାକର୍ ବିଡ଼ରେ କୁଆବଲା ଅଇଲା, “ତେବେ ଏ କେ ଜେ, ପବନ୍ ଆରି ଲଅଡି ମିସା ତାର୍ ଆଦେସ୍ ମାନ୍‌ଲାଜିନି ?”



**ଡୁମାଦାରଲା ଲକ୍‌କେ ଜିସୁ ନିମାନ୍ କଲା**  
(ମାତିଉ ୮:୨୮-୩୪; ଲୁକ୍ ୮:୨୬-୩୯)

୧ ଜିସୁ ଆରି ତାର୍ ସିସ୍‌ମନ୍ ସମ୍‌ଦୁର୍ ସେପାଟେ ରଇବା ଗରାସିୟମନ୍‌ର ଜାଗାଇ କେଟୁଲାଇ । ୨ ଜିସୁ ଡଙ୍ଗାଇଅନି ଉତରୁଲା ଦାପ୍‌ରେ ଗଟେକ୍ ଡୁମା ଦାରିରଇବା ଲକ୍ ମସ୍‌ନେ ଅନି ବାରଇ ତାକେ ବେଟୁଅଇବାକେ ଆଇଲା । ୩ ସେ ଲକ୍ ମସ୍‌ନେ ବାସାଅଇରଇଲା, ଆରି କେ ମିସା ତାକେ ସିକିଲି ସଙ୍ଗ୍ ବାନ୍ଦି ନାପାରତେ ରଇଲା । ୪ ତାକେ କେତେକ୍ ଡର୍ ଗଡେ କଡୁ ଆରି ଆଡେ ସିକିଲି ସଙ୍ଗ୍ ବାନ୍ଦିଲେ ମିସା, ସେ ସିକିଲି ସବୁ ଚିଡାଇ ଦେଇ, କଡୁ ସବୁ ବାଙ୍ଗାଇ ପାକାଇତେ ରଇଲା । ତାକେ ବାନ୍ଦି ସଙ୍ଗାଇବାକେ କାର୍ ମିସା ବପୁ ନ ରଇଲା । ୫ ସେ ଦିନ୍ ରାତି ସବୁବେଲେ ମସ୍‌ନେ ଆରି କୁପ୍‌ଲିତେଇ ରଇ କିର୍‌କିର୍‌ତେ ରଇଲା, ଆରି ପାକ୍‌ନା ସଙ୍ଗ୍ ଗାଗଡେ ମୁଣ୍ଡେ ମାରିଅଇ କଣ୍ଡିଆ ବଣ୍ଡିଆ ଅଇଜାଇତେରଇଲା ।

୬ ସେ ଜିସୁକେ ଦୁରିକେ ଅନି ଦେକି ପାଲାଇ ଆସି ତାର୍ ମୁଆଟେ ଅଦରୁଲା । ୭ ଆରି ଆଉଲି ଅଇ କିର୍‌କିରି କରି କଇଲା, “ଏ ସବୁର୍ ଟାନେଅନି ବଡ଼ ପର୍‌ମେସରର୍ ପ ଜିସୁ, ମର୍ ଟାନେ ତମର୍ କାଇ କାମ୍ ଆଟେ ? ମୁଇ ତମ୍‌କେ ପର୍‌ମେସରର୍ ନାଉଁ ଦାରି ଗୁଆରି କରି କଇଲିନି, ମକେ କସ୍‌ ଦିଆନାଇ ।” ୮ କାଇକେବଇଲେ ଜିସୁ ତାକେ ଆଗଡୁ କଇତେରଇଲା, “ଏରେ ଡୁମା, ଏ ଲକ୍‌ଟାନେଅନି ବାରଇ ଜା ।”

୯ ଆରି, ଜିସୁ ତାକେ ପାଗାରୁଲା, “ତର୍ ନାଉଁ କାଇ ନାଉଁ ?” ସେ ତାକେ କଇଲା, “ମର୍ ନାଉଁ ବାଇନି ଡୁମା, ଏନ୍ତି ଆମେ ଜବର୍ ଆଟୁ ।”

୧୦ ଆରି, ସେ ଲକ୍ ଜେଡ଼ିକି ସେମନ୍‌କେ ସେ ଜାଗାଇ ଅନି ବାଇରେ ନ ପାଟାଅ ବଲି, ଜିସୁକେ ତର୍‌କେ ତର୍ ଡୁଆର୍ ବିଆର୍ କଲା ।

୧୧ ସେ ଲଗର୍ କୁପ୍‌ଲି ପାଲିକେ ବେସି ଗୁସ୍‌ରି ମାନ୍‌ା ଚାଡ଼ତେରଇଲା । ୧୨ ଆରି ଡୁମାମନ୍ ଜିସୁକେ ଡୁଆର୍ ବିଆର୍ କରି କଇଲା, “ସେ ଗୁସ୍‌ରିମନ୍‌ ବିଡ଼ରେ ପୁର୍‌ବାକେ ଆମ୍‌କେ ପାଟାଆ ।” ୧୩ ଜିସୁ ସେମନ୍‌କେ ଆଦେସ୍ ଦେଲାଦାପ୍‌ରେ, ସେ ଲକ୍ ଲଗେଅନି ଡୁମାମନ୍ ବାରଇକରି ଗୁସ୍‌ରିମନ୍‌ ବିଡ଼ରେ ପୁର୍‌ଲାଇ । ସେଡ଼କିବେଲେ, ସେ ଆଡାର୍ ବିଡ଼କିକରି ପାଲାଇଲା ଆରି କୁପ୍‌ଲି ଅନି ଗସ୍‌ରିକରି ସମ୍‌ଦୁରେ ଜାଇ ବୁଡ଼ି ମରିଗାଲା । ଆଡାରେ ଗୁସ୍‌ରି ମାନ୍‌ା ପାକାପାକି ଦୁଇଅଜାଟା ରଇଲା ।

୧୪ ଗୁସ୍‌ରିମନ୍‌କେ ଚାରାଇତେରଇବା ଲକ୍‌ମନ୍ ପାଲାଇ ଜାଇ ଗାଉଁ ଆରି ଗୁଡାମନ୍‌କେ ସେଟା ଜାନାଇଲା । ଜାନାଇଲାଟା ସୁନି ଲକ୍‌ମନ୍ “ତେଇ କାଇଟା ଅଇଲାଆଟେ ?” ବଲି ଦେକ୍‌ବାର୍ ଆଇଲା । ୧୫ ଆରି ଲକ୍‌ମନ୍ ଜିସୁର୍ ଲଗେ ଆସିକରି ସେ ଡୁମା ଦାରି ରଇଲା ଜନଲକ୍‌କେ କି ଆଗଡୁ ବାଇନି ଡୁମା ଦାରିରଇଲା, ସେ ଲକ୍ ନିମାନ୍ ଲୁଗା ପିନ୍‌କିରି ନିକ ଲକ୍‌ପାଚା ବସିରଇବାଟା ଦେକି ଡରିଗାଲା ।

୧୭ ଆରି ଜନ୍ ଲକ୍ମନ ଦେକିରଇଲା, ସେମନ୍ ସେ ତୁମା ଦାରିରଇବା ଲକ୍ମନେ କାଇଟା ଅଇରଇଲା, ସେଟା ଆରି ଗୁସ୍ରିମନ୍କେ ଅଇଲା ବିସଇ ସେମନ୍କେ କଇଦେଲା ।

୧୭ ତେଇ ଲକ୍ମନ ଜିସୁକେ ସେମନର୍ ସନ୍ଦିଅନି ଚାଡ଼ି ଜିବାକେ ବାରୁଜିଆ କଲା ।

୧୮ ପଟେ ଜିସୁ ତଙ୍ଗାଇ ଚଗ୍‌ବା ବେଲେ ଜନ୍‌ଲକ୍ମନେ ଆଗ୍ତୁ ତୁମା ଦାରିରଇଲା, ସେ ଲକ୍ମ ତାର୍ ସଙ୍ଗ ରଇବାକେ ବାରୁଜିଆ କଲା ।

୧୯ ମାତର୍ ଜିସୁ ତାକେ ଡେବାଇକରି କଇଲା, “ତମର୍ ଗରେ, ତମର୍ ନିଜର୍ ଲକ୍ମନର୍ ଟାନେ ଜା, ଆରି ପରମେସର୍ ତରପାଇ ଜନ୍ ବଡ଼ କାମ୍ କଲା ଆଟେ ଆରି ତକେ ଜନ୍ ଦୟା ଦେକାଇ ଆଟେ, ସେଟା ସବୁ ସେମନ୍କେ ଜାନାଇଦେସ୍ ।”

୨୦ ତେଇଅନି ସେ ଲକ୍ମ ଜାଇକରି, ଜିସୁ ତାର୍‌ପାଇ ଜନ୍ ବଡ଼ କାମ୍ କରିରଇଲା, ସେ ସବୁ ଦେକାପଲି ନଅରେ, ଗାଉଁମନ୍କେ କଇବୁଲୁଲା । ତେଇ ସବୁଲକ୍ କାବା ଅଇଗାଲା ।

ଜିସୁ ଗଟେକ୍ ମଲା ଟକିକେ ଜିବନ୍ ଦେଲା ଆରି ଗଟେକ୍ ରଗି ମାଇଜିକେ ନିମାନ୍ କଲା (ମାତିଉ ୮:୨୩-୨୭; ଲୁକ୍ ୮:୨୨-୨୫)

୨୧ ଜିସୁ ତଙ୍ଗା ଲକ୍ମି ଜାଇ ଆରିତରେକ୍ ବାଉଡ଼ି ଆଇଲାଦାପ୍‌ରେ, ଜବରଲକ୍ ତାର୍ ଲଗେ ରୁଣ୍ଡିଲା, ଆରି ସେ ସମ୍‌ଦୁର୍ କଣ୍ଡି ରଇଲା । ୨୨ ସେଡ଼କିବେଲେ ଜିଉଦିମନର୍ ପାର୍‌ତନା ଗରର୍ ମୁକିଅ, ଜାଇରସ୍ ନାଉର୍ ଗଟେକ୍ ଲକ୍ ଆସି ଜିସୁକେ ଦେକି ତାର୍ ଗଡ଼ତଲେ ଅଦରୁଲା । ୨୩ ଆରି ବେସି ବାରୁଜିଆ କରି କଇଲା, “ମର୍ ଟକି ମର୍‌ବା ଉପରେ ଆଟେ, ସେ ଜେଡ଼ି ନିକ ଅଇ ବଢ଼ିସି, ତେବର୍ ପାଇ ତମେ ଆସି ତାର୍ ଉପରେ ଆଡ଼ ସଙ୍ଗଇଦିଆସ୍ ।”

୨୪ ଜିସୁ ତାକର୍ ସଙ୍ଗ ଗାଲା, ଆରି ଗାଦିଲକ୍ ତାର୍ ପଟେ ପଟେ ଜିବାର୍ ଦାରୁଲା, ଆରି ଲକ୍ମନ ତାକେ ଡାବାଡାବି ଅଇତେ ରଇଲା ।

୨୫ ତେଇ ଗଟେକ୍ ବାର ବରସ୍ ଜାକ ଗାଗ୍‌ଡେଅନି ବନି ଜିବା ମାଇଜିଟକି ରଇଲା । ୨୬ ଜେ କି କେତେ କେତେ ଡାକଟର୍‌ଟାନେ ଜାଇକରି ମିସା ସାସଡ଼ି ବଗି ସବୁ ବିକିଦେଇ ରଇଲା । ମାତର୍ ଅଲପ୍‌ମିସା ନିକ ନ ଅଇ ଅଦିକ୍ ଅଦିକ୍ ଅଇଜାକେତେରଇଲା । ୨୭ ଜେଡେବେଲେ ସେ ଜିସୁର୍ ବିସଇ ସୁନି, ଲକ୍ ଗଅଲି ବିଡ଼ରେ ପର୍‌ବାଟେ ଆସି ଜିସୁର୍ ଲୁଗା ଚିଇଲା, କାଇକେବଇଲେ ସେ କଇତେ ରଇଲା, ୨୮ “କେଡ଼ି ମିସା ମୁଇ ତାର୍ ଲୁଗାଜାଲି ଅଲପ୍ ଚିଇଲେ ନିମାନ୍ ଅଇବି ।”

୨୯ ସେ ଦାପ୍‌ରେ ତାର୍ ବନି ଜିବାଟା ବନ୍ଦୁଅଇଗାଲା, ସେଟା ସେ ନିଜେ ଜାନି ପାରୁଲା । ୩୦ ସେ ଦାପ୍‌ରେ ଜିସୁ ନିଜର୍ ଟାନେଅନି ସକ୍‌ଡ଼ି ବାରଇବାଟା ଜାନିକରି ଲକ୍ମନର୍ ବାଟେ ବୁଲି ଦେକି କଇଲା, “କେ ମର୍ ଲୁଗା ଚିଇଲା ?”

୩୧ ତାର୍ ସିସମନ୍ ତାକେ କଇଲା, “ତମେତା ଦେକ୍‌ଲାସ୍‌ନି, ଲକ୍ମନ ତମର୍ ଉପରେ ଡାବା ଡାବି ଅଇଗାଲାଜନି ଆରି ତମେ କେଡ଼ି କଇଲାସ୍‌ନି, କେ ମକେ ଚିଇଲା ବଲି ?”

୩୨ ମାତର୍ ଜେ ଏଟା କରିରଇଲା, ତାକେ ଦେକ୍‌ବାକେ ସେ ଚାରିବେଡ଼ି ଆଁକି ବୁଲାଇବାର୍ ଦାରୁଲା । ୩୩ ସେଡ଼କି ବେଲେ ସେ ମାଇଜିଟକି ତାକେ ଜନ୍ ଜନ୍‌ଟା ଗଟିଆଟେ, ସେଟା ଜାନି, ଡରିକରି ତର୍‌ତରି ତର୍‌ତରି ଆସି ଜିସୁର୍ ଗଡ଼ତଲେ ଅଦରି ସବୁ ସଡ଼କାତା କଇଲା । ୩୪ ଜିସୁ ତାକେ କଇଲା, “ନୁନି, ମର୍‌ଟାନେ ବିସ୍‌ବାସ୍ କଲାକେ ତୁଇ ନିମାନ୍ ଅଇ ଆରୁସ୍, ସାନ୍ତିଅଇ ଜା ଆରି ତର୍ ରଗେଅନି ନିମାନ୍ ଅଇ ର ।”

୩୫ ସେ ଏ କାତା କଇଲା ବେଲେ ଜିଉଦି ମନର୍ ପାର୍‌ତନା ଚାଲାଉ ଜାଇରସର୍ ଗରେଅନି ଗଟେକ୍ ଲକ୍ ଆସି କଇଲା, “ତମର୍ ନୁନି ମରିଗାଲାବେ, କାଇକେ ଗୁରୁକେ ଆରି କସଟ ଦେଲାସ୍‌ନି ?”

୩୬ ମାତର୍ ଜିସୁ ସେମନ୍ କାତା ଅଇଲାଟା ନ ସୁନ୍‌ଲାପାରାଅଇ ପାର୍‌ତନା ଚାଲାଉକେ କଇଲା, “ତରାନାଇ, ଆବ୍‌କା ବିସ୍‌ବାସ୍ କରା ।” ୩୭ ଆରି ପିତର୍, ଜାକୁବ ଆରି ତାର୍ ବାଇ ଜଅନକେ ଚାଡ଼ି ଆରି କାକେ ନିଜର୍ ସଙ୍ଗ ଜିବାକେ ଦେଏ ନାଇ । ୩୮ ସେମନ୍ ପାର୍‌ତନା ଚାଲାଉର୍ ଗରେ ଆଇଲା ଦାପ୍‌ରେ, ଜିସୁ, ଆଉଲି ଅଇବାଟା ଆରି ବେସି ମାର୍‌ଟପ୍ ଅଇ କାନ୍‌ବାଟା ଦେକ୍‌ଲା । ୩୯ ମାତର୍ ବିଡ଼ରେ ଜାଇ ଲକ୍ମନ୍କେ କଇଲା, “କାଇକେ ଆଉଲି ଅଇ କାନ୍‌ଲାସ୍‌ନି ? ଏ ନୁନି ମରେ ନାଇ, ଅବ୍‌କା ସଇଦେଇଆଟେ ।” ସେଡ଼କି ବେଲେ ସେମନ୍ ଜିସୁକେ ଲାଜ୍ କରାଇ କଇବାର୍ ଦାରୁଲା ।

୪୦ ମାତର୍ ସେ ସବୁକେ ବାରକରି ଟକିର୍ ଆୟାବାବାକେ ଆରି ନିଜର୍ ସିସମନ୍ ସଙ୍ଗ, ତାକେ ଜନ୍ ଲଗେ ତୁଲାଇ ରଇଲା, ସେ ଜାଗାଇ ଗାଲା । ୪୧ ଆରି ଟକିର୍ ଆଡେଦାରି ତାକେ କଇଲା, “ଟଲିଡାକୁମ୍ !” ବଇଲେ “ଏ ନୁନି ମୁଇଁ ତକେ କଇଲିନି ଉଟ୍ !”

୪୨ ଏଡ଼କି କଇଲା ଦାପ୍‌ରେ ଟକି ଉଟି ବୁଲ୍‌ବାର୍ ଦାରୁଲା, ତାକେ ବାର ବରସ୍ ଅଇରଇଲା । ସେଡ଼କିବେଲେ ସବୁଲକ୍ମନ ଦେକି ଅଦିକ୍ କାବାଅଇଗାଲା । ୪୩ ଜେଡ଼ି ଆରି, କେ ମିସା ଟକିକେ ଗଟୁଲା

ବିସଇ ନାଜାନତ୍, ତେବର୍ ପାଇ ସେ ଚକିର୍ ଆୟାବାବାକେ ଅଦିକ୍ ତାଟ୍ ସଙ୍ଗ୍ ଆଦେସ୍ ଦେଲା, ଆରି  
“ଚକିକେ କାଇଟା ଆଲେ କାଇବାକେ ଦିଆସ୍ ।” ବଲି କଇଲା ।



**ନିଜର୍ ଗାଏଁ ଜିସୁକେ ନାମତ୍ ନାଇ**  
(ମାଡିଉ ୧୩:୫୩-୫୮; ଲୁକ୍ ୪:୧୭-୩୦)

୧ ଜିସୁ ସେ ଜାଗା ଚାଡି, ସାନ୍ବେଲେ ଅନି ବଡିଆଇଲା ନଅରେ ଆଇଲା, ଆରି ତାଟ୍ ସିସ୍ମାନ୍ ମିସା  
ତାଟ୍ ସଙ୍ଗ୍ ଗାଲାଇ । ୨ ବିସ୍ରାମ୍ବାର୍ ଆଇଲାକେ, ସେ ଜିଉଦିମନର୍ ପାର୍ତନା ଗରେ ସିକିଆ ଦେବାର୍  
ଦାର୍ଲା, ଆରି କେତେ କେତେ ଲକ୍ ତାଟ୍ କାତା ସୁନି କାବା ଅଇ କଇଲାଇ, “ଏ ଲକ୍ ଏ ସବୁଜାକ କନ୍ତି  
ଅନି ସିକିଲା ? ଆରି, ଆକେ ଏନ୍ତାରି ଗିଆନ୍ କେ ଦେଲା ? ଆରି କେବେ ନ ଅଇବା କାମର୍ ବପୁ କନ୍ତିଅନି  
ପାଇଲା ? ୩ ଏ ଲକ୍ତା ସେ ବାତଇ । ସେ ମରିୟମର୍ ପଅ, ଜାକୁବ୍, ଜସି, ଜିଉଦା ଆରି ସିମନ୍ ତାଟ୍ ବାଇ  
ଅଇବାଇ । ଆର୍ ବଇନିମନ୍ ତା ଇତି ଆମର୍ ସଙ୍ଗ୍ ଆତଡ୍ ।” ଏନ୍ତାରି କଇକରି ସେମନ୍ ତାକେ ମାନତ୍  
ନାଇ ।

୪ \*ତେଇ ଜିସୁ ସେମନ୍କେ କଇଲା, “ନିଜର୍ ନଅରର୍ କୁଟୁମର୍ ଲକ୍ମନ୍କେ ଆରି ନିଜର୍ ଗରର୍  
ଲକ୍କେ ଚାଡି ବାକି ସବୁ ଜାଗାଇ ବାବବାଦିମନ୍କେ ସନ୍ମାନ୍ ମିଲ୍ସି ।” ୫ ସେଜାଗାଇ ଆରି କେତେଟା  
ରଗିମନ୍କେ ସେ ଆଡ୍ ସଙ୍ଗାଇକରି ନିକ କର୍ବାଟା ଚାଡି ଆରି କାଇ ନ ଅଇବା କାମ୍ କରିନାପାର୍ଲା ।  
କାଇକେବଇଲେ ତେଇର୍ ଲକ୍ମନ୍ ତାକେ ବିସ୍ବାସ୍ କରଡ୍ ନାଇ । ୬ ଆରି ତେଇର୍ ଲକ୍ମନ୍ ତାକେ  
ବିସ୍ବାସ୍ ନ କର୍ବାଟା ଦେକି ଜିସୁ କାବାଅଇଗାଲା ।

**ଜିସୁ ବାରଟା ସିସ୍ମାନ୍କେ ପାଟାଇଲା**  
(ମାଡିଉ ୧୦:୫-୧୫; ଲୁକ୍ ୯:୧-୬)

୭ ପଚେ ସେ ଚାରିବେଡ୍ଡିର୍ ଗାଉଁ ମନ୍ ବୁଲି ବୁଲି ସିକିଆ ଦେବାର୍ ଦାର୍ଲା । ଏଡ୍କି ବିଡ୍ରେ  
ସେ ବାରଟା ସିସ୍ମାନ୍କେ ଲଗେ ତାକି, ଦୁଇ ଦୁଇ ଲକ୍କେ ପାଟାଇବାର୍ ଆରାମ୍ କଲା, ସେମନ୍କେ  
ତୁମାମନ୍କେ ଚାଡାଇବାକେ ଅଦିକାର୍ ଦେଲା । ୮ ଜିବାବେଲେ ଗଟେକ୍ ତାଙ୍ଗ୍ ଚାଡି ବାଟ୍ କର୍ଚର୍ ପାଇ  
ରୁଟି କି ବେସ୍ନିଟାନେ ତାରୁ ନ ନିଆ ବଲି ଆଦେସ୍ ଦେଲା । ୯ ମାତର୍ ସେମନ୍କେ ପାଣ୍ଡୁଇ ପିନ୍ଦ୍ବାକେ  
କଇଲା, ପିନ୍ଦିରଇବା ଚକା ଚାଡି ଆରି ଗଟେକ୍ ଚକା ନିଆନାଇ ବଲି କଇଲା । ୧୦ “ଜେତେବେଲେ ତମକେ  
ଜାର୍ ଗରେ ତାକ୍ବାଇ ସେ ନଅର୍ ଚାଡିଜିବା ଜାକ ତେଇସେ ରୁଆ । ୧୧ \*\*ଜଦି କନ୍ ନଅରର୍ ଲକ୍ମନ୍  
ତମକେ ନ ନାମତ୍, ଆରି ତମର୍ କାତା ନ ସୁନତ୍, ସେ ଜାଗାଇ ଅନି ଆଇବା ବେଲେ ସେମନ୍ ବିରଦେ  
ସାକି ଇସାବେ, ତମର୍ ପାଦର୍ ଦୁଲି ପାପ୍ଡିଦିଆସ୍ । ଏଟାର୍ଲାଗି ସେ ନଅରର୍ ଲକ୍ମନ୍ ଜାନ୍ବାଇ ଜେ,  
ପର୍ମେସର୍ ସେମନ୍କେ ତଣ୍ଟ ଦେଇସି ।”

୧୨ ସିସ୍ମାନ୍ ବାରଇ ଜାଇ ଲକ୍ମନ୍କେ “ତମର୍ ପାପ୍ ଟାନେଅନି ବାଉଡା ।” ବଲି ଜାନାଇଲାଇ ।  
୧୩ \*କେତେକ୍ କେତେକ୍ ଲକ୍ମନ୍ ଟାନେଅନି ତୁମା ଚାଡାଇଲାଇ, ଆରି କେତେକ୍ ରଗି ଲକ୍ମନ୍କେ  
ଟିକନ୍ ଲାଗାଇ ନିମାନ୍ କଲାଇ ।

**ତୁବନ୍ ଦେଉ ଜଅନର୍ ମରନ୍**  
(ମାଡିଉ ୧୪:୧-୧୨; ଲୁକ୍ ୯:୭-୯)

୧୪ \*ଜିସୁର୍ ନାଉଁ ସବୁବାଟେ ଉଡ୍ରା ଅଇଗାଲାକେ, ଏରଦ୍ ରାଜା ଜିସୁର୍ ବିସଇ ସୁନ୍ଲା, ଆରି ଲକ୍ମନ୍  
କଇତେରଇଲାଇ, ତୁବନ୍ ଦେଉ ଜଅନ୍ ମରିକରି ଉଟି ଆଚେ, ତେବର୍ପାଇ ଏ ସବୁ ନ ଅଇବା କାମର୍  
ସକ୍ତି ତାରଟାନେ କାମ୍ କଲାନି । ୧୫ ମାତର୍ ବିନ୍ ବିନ୍ ଲକ୍ମନ୍ କଇତେ ରଇଲାଇ, ଏ ଏଲିୟ, ଆରି  
କେ କେ କଇତେ ରଇଲାଇ, ଆଗର୍ ବାବବାଦି ମନର୍ପାରା ଗଟେକ୍ ଲକ୍ ।

୧୬ ମାତର୍ ଏରଦ୍ ଏଟା ସୁନି କଇଲା, “ମୁଇ ଜନ୍ ଜଅନର୍ ମୁଣ୍ଟ୍ କାଟାଇଲି, ସେ ମଲାତେଇଅନି  
ଉଟିଆଚେ !” ୧୭ \*ତେବେ ଏରଦ୍ ନିଜର୍ ବାଇ ପିଲିପର୍ ମାଇଜି ଏରଦିଆକେ ବିବା ଅଇ ରଇଲା ।  
ତାକେ ସାରଦା କର୍ବାକେ ନିଜେ ଏରଦ୍ ଲକ୍ମନ୍କେ ପାଟାଇ ତୁବନ୍ ଦେଉ ଜଅନ୍କେ ଦାରି, ବାନ୍ଦିକରି  
ବନ୍ଦି କର୍ବାକେ ଆଦେସ୍ ଦେଲା । ୧୮ କାଇକେବଇଲେ ଜଅନ୍ ଏରଦ୍କେ ତରକେତର୍ କଇତେରଇଲା  
“ମସାର୍ ନିୟମ୍ ଇସାବେ ନିଜର୍ ବାଇର୍ ମାଇଜିକେ ସଙ୍ଗାଇବାର୍ ତର୍ ବିଦି ନାଇ ।”

୧୯ ଏନ୍ତାରି କଇଲାକେ ଏରଦିଆ ଜଅନ୍କେ ରିସା ଅଇ ତାକେ ମରାଇବାକେ ମନ୍ କର୍ତେରଇଲା,  
ମାତର୍ ନାପାର୍ତେ ରଇଲା । ୨୦ କାଇକେବଇଲେ ଏରଦ୍ ଜଅନ୍କେ ଗଟେକ୍ ଦରମ୍ ଆରି ସୁକଲ୍ ଲକ୍

\* ୭:୪ ୭:୪ ଜଅନ୍ ୪:୪୪    \* ୭:୧୧ ୭:୧୧ ପେରିଡ୍ ୧୩:୫୧    \* ୭:୧୧ ୭:୧୧ ଲୁକ୍ ୧୦:୪-୧୧    \* ୭:୧୩ ୭:୧୩ ଜାକୁବ୍ ୫:୧୪  
\* ୭:୧୪ ୭:୧୪ ମାଡିଉ ୧୭:୧୪; ମାର୍ଚ୍ଚ ୮:୨୮; ଲୁକ୍ ୯:୧୯    \* ୭:୧୭ ୭:୧୭ ଲୁକ୍ ୩:୧୯,୨୦



ବଲି ଜାନି ଡରତେ ରଇଲା, ଆରି ତାକେ ରକିଆ କର୍ବାକେ ଚେସଟା କର୍ତେରଇଲା । ଜେତେବେଲେ ମିସା ତାର କାତା ସୁନ୍ତେରଇଲା, ବେସି କିଲ୍‌ବିଲ୍ ଅଇତେରଇଲା । ଏଲେମିସା ସେଟା ସାର୍ଦା ସଙ୍ଗ ସୁନ୍ତେରଇଲା ।

୨୧ ପଚେ ଏରଦିଆର୍ ଜାଗ୍‌ତେ ରଇବା ଦିନ୍ କେଟିଆଇଲା । ଏରଦର୍ ଜନମ୍ ଦିନେ, ନିଜର୍ ମନ୍ତ୍ରି ମନ୍‌କେ ଆରି ମୁକିଅ ମୁକିଅ ସେନାପତି ଆରି ଗାଲିଲିର୍ ବଡ଼ବଡ଼ ଲକ୍‌ମନ୍‌କେ ଡାକି, ରାତିଆ ଗଟେକ୍ ବଜିକଲା । ୨୨ ତେଇ ଏରଦିଆର୍ ଟକି ବିଡ଼ରେ ପୁରି ଏରଦ୍ ଆରି ତାର ସଙ୍ଗ୍ ବସି କାଇବା ଲକ୍‌ମନ୍‌କେ ନାଟକରି ମନ୍‌ଚାଇ ଦେଲା । ରାଜା ଟକିକେ କଇଲା, “ତୁଇ ଜାଇଟା ମନ୍ କଲୁସ୍‌ନି ସେଟା ମାଙ୍ଗ୍, ମୁଇ ତକେ ଦେବି ।” ୨୩ ଆରି ଏରଦ୍ ତାର ଲଗେ ପର୍‌ମାନ୍ କଲା, “ତୁଇ ଆମ୍‌କେ ଜାଇଟା ମାଙ୍ଗ୍‌ଲେ ମିସା, ମୁଇ ରାଇଜର୍ ଅଦ୍ ବାଗ୍ ଜାକ ତକେ ଦେଇ ଦେବି ।”

୨୪ ତେଇଅନି ସେ ବାରଇଜାଇ ତାର ମାଆକେ ପାଟାରଲା, “ମୁଇ କାଇଟା ମାଙ୍ଗ୍‌ବି ?” ତାର ମାଆ କଇଲା, “ତୁବନ୍ ଦେଉ ଜଅନର୍ ମୁଣ୍ଡ ମାଙ୍ଗ୍ ।”

୨୫ ସେଦାପ୍‌ରେ ଟକି ରାଜାର ଲଗେ ଆସି ଏଟା କଇ ମାଙ୍ଗ୍‌ଲା, “ତୁଇ ମକେ ଏବେ ତୁବନ୍ ଦେଉ ଜଅନର୍ ମୁଣ୍ଡ ଗଟେକ୍ ତାଲାଇ କାଟି ଦେ ।” ୨୬ ସେକାତା ସୁନି ରାଜା ବେସି ଦୁକ୍ କଲା ମାତର୍ ନିଜେ କାତା ଦେଇରଇଲାଟା ଆରି କାଇବାକେ ବସି ରଇବା ଲକ୍‌ମନ୍‌ମୁଆଟେ ମାଙ୍ଗ୍‌ଲାଟା ନାଇ ବଲି କଇବାକେ ମନ୍ କରେନାଇ । ୨୭ ତେବେ ରାଜା ସେଦାପ୍‌ରେ ଗଟେକ୍ ସଇନକେ ପାଟାଇ ତାର ମୁଣ୍ଡ ଆନ୍‌ବାକେ ଆଦେସ୍ ଦେଲା, ତେଇ ସଇନ ବନ୍ଦି ଗରେ ଜାଇ, ତୁବନ୍ ଦେଉ ଜଅନର୍ ମୁଣ୍ଡ କାଟ୍‌ଲା । ୨୮ ଆରି ସେ ମୁଣ୍ଡ ଗଟେକ୍ ତାଲାଇ ଆନି ଟକିକେ ଦେଲା, ଆରି ଟକି ତୁବନ୍ ଦେଉ ଜଅନର୍ ମୁଣ୍ଡ ନେଇ ତାର ମାକେ ଦେଲା । ୨୯ ଜଅନର୍ ସିସ୍‌ମନ୍ ତେଇର୍ କବର୍ ସୁନି ଆଇଲାଇ, ଆରି ମଲା ମଡ଼କେ ନେଇ ମସ୍‌ନେ ତପ୍‌ଲାଇ ।

**ଜିସୁ ବେସି ଲକ୍‌ମନ୍‌କେ କୁଆଇଲା**  
(ମାତିଉ ୧୪:୧୩-୨୧; ଲୁକ୍ ୯:୧୦-୧୭; ଜଅନ୍ ୬:୧-୧୪)

୩୦ ପଚେ \*ପେରିଡ଼ମନ୍ ଜିସୁର୍ ଲଗେ ରୁଣ୍ଡଲାଇ, ଆରି ସେମନ୍ ଜନ୍ ଜନ୍‌ଟା କରି ରଇଲାଇ, ଆରି ଜାଇ ଜାଇଟା ସିକାଇ ଦେଇରଇଲାଇ, ସେସବୁ ତାକେ ଜାନାଇଲାଇ । ୩୧ ସେଡ଼କି ବେଲେ ଜିସୁ ସେମନ୍‌କେ କଇଲା, “ତମେମନ୍ ମର୍‌ସଙ୍ଗ୍ ଆସା ଆମେ ଗଟେକ୍ କିନରା ଜାଗାଇ ଜାଇ ଚନେକ୍ ବିସରାମ୍ କରୁ ।” କାଇକେବଇଲେ କେତେକ୍ କେତେକ୍ ଲକ୍ ଆସ୍ ଜା ଅଇତେରଇଲାଇଜେ ସେମନ୍‌କେ କାଇବାକେ ମିସା ସୁଜଗ୍ ନ ମିଲ୍‌ତେ ରଇଲା । ୩୨ ତେବେ ଜିସୁ ଆରି ତାର ସିସ୍‌ମନ୍ ବାରଇ ବେଗ୍‌ଲି ଜାଇ ଡଙ୍ଗାଇ ବସି ଗଟେକ୍ କିନରା ଜାଗାଇ ଗାଲାଇ ।

୩୩ ମାତର୍ ସେମନ୍ ବାରଇ ଜିବାଟା ବେସିଲକ୍ ଦେକି ଚିନ୍‌ଲାଇ, ଆରି ସବୁ ନଅରେ ଅନି ଲକ୍‌ମନ୍ ପାଲାଇ ପାଲାଇ ଜାଇ ସେମନ୍‌ର୍ ଆଗ୍‌ତୁ କେଟ୍‌ଲାଇ । ୩୪ ✠ଜିସୁ ଡଙ୍ଗାଇଅନି ବାରଇ, ବେସି ଲକ୍‌ମନ୍‌କେ ଦେକି ତାର ଜିବନ୍ ଦୁକାଇ ଦୟାକଲା । କାଇକେବଇଲେ ସେମନ୍ ଗଉଡ଼ ନ ରଇଲା ମେଣ୍ଡାରିସି ପାରା ରଇଲାଇ ଆରି ସେ ସେମନ୍‌କେ କେତେକ୍ ବିସଇ ସିକିଆ ଦେବାର୍‌ଦାରଲା । ୩୫ ଏଡ଼କି ବିଡ଼ରେ ବେଲ୍ ବସି ଆଇବାକେ ସିସ୍‌ମନ୍ ଆସି ଜିସୁକେ କଇଲାଇ, “ଏ ଜାଗା ତା ଚିମ୍‌ରା ଜାଗା ଆରି ବେଲ୍ ମିସା ବସିଆଇଲାନି, ୩୬ ତେବର୍‌ପାଇ ଲକ୍‌ମନ୍‌କେ ପାଟାଇ ଦିଆସ୍ । ଜେଡ଼ି କି ସେମନ୍ ଚାରିବେଡ଼ିର୍ ଗାଉଁ ମନ୍‌କେ ଜାଇ ନିଜର୍ ନିଜର୍ ପାଇ କାଇବାକେ କାଇଟା ମିସା ଗେନଡ଼ ।”

୩୭ ମାତର୍ ଜିସୁ ସେମନ୍‌କେ କଇଲା, “ତମେ ସେମନ୍‌କେ କାଇଟା ମିସା କାଇବାକେ ଦିଆସ୍ ।” ସେମନ୍ ତାକେ କଇଲାଇ, “ଆମେ ଜାଇ ଆର୍ ମାସର୍ କୁଲି ତାରୁ ନେଇ ଏମନ୍‌କେ ରୁଟି ଗେନିଆନି କୁଆଇବୁ କି ?”

୩୮ ଜିସୁ ସେମନ୍‌କେ କଇଲା, “ତମର୍ ଲଗେ କେତେଟା ରୁଟି ଆଟେ ? ଜାଇ ଦେକା ।” ସେମନ୍ ଦେକିଆସି ତାକେ କଇଲାଇ, “ପାଁଟା ରୁଟି ଆରି ଦୁଇଟା ମାଟ୍ ।”

୩୯ ତେଇ ସବୁଲକ୍ ଜେଡ଼ି ଦଲ୍‌ଦଲ୍ ଅଇ କଅଁଲି ଗାଁସ୍ ଉପ୍‌ରେ ବସ୍‌ବାଇ, ଏଟାର୍‌ପାଇ ଜିସୁ ତାର୍ ସିସ୍‌ମନ୍‌କେ ଡିଆର୍‌ଲା । ୪୦ ସେମନ୍ ସଏ ସଏ ଆରି ପଟାସ୍ ପଟାସ୍ ଲକ୍ ଦାଡ଼ି ଦାଡ଼ି ଅଇ ବସ୍‌ଲାଇ । ୪୧ ପଚେ ଜିସୁ ପାଁଟା ରୁଟି ଆରି ଦୁଇଟା ମାଟ୍ ଦାରି ସରଗ୍ ବାଟେ ଦେକି ପର୍‌ମେସର୍‌କେ ଦନିଅବାଦ୍ ଦେଲା, ଆରି “ରୁଟି ବାଙ୍ଗାଇ ଲକ୍‌ମନ୍‌କେ ଦିଆସ୍ ।” ବଲି ସିସ୍‌ମନ୍‌କେ ଦେଲା । ଆରି, ସେ ଦୁଇଟା ମାଟ୍ ସବୁକେ ବାଟାକରି ଦେଲା । ୪୨ ତେଇ ସବୁଲକ୍ କାଇକରି ପେଟ୍ ପୁରାଇଲାଇ, ୪୩ ଆରି ସେମନ୍ ବାଙ୍ଗଲା ରୁଟି ଆରି ମାଟ୍ ରୁଣ୍ଡାଇ ବାର୍‌ଟା ଡାଲାଇ ପୁରୁନ୍ କଲାଇ । ୪୪ ତେଇ କାଇଲା ଲକ୍‌ମନ୍‌ର୍ ବିଡ଼ରେ ଅବ୍‌କା ମନସ୍ ପିଲାମନ୍ ପାଁଟ୍ ଅଜାର୍ ରଇଲାଇ ।

\* ୨:୩୦ ୨:୩୦ ମାପ୍‌ରୁର୍ କାତା କଇବାକେ ପାଟାଇଲା ଲକ୍‌ମନ୍ ✠ ୨:୩୪ ୨:୩୪ ମାତିଉ ୯:୩୭

ଜିସୁ ପାନିତେଇ ଇଣ୍ଡୁଲା  
(ମାତିଉ ୧୪:୨୨-୩୩; ଜଅନ୍ ୬:୧୫-୨୧)

୪୫ ସେଦାପରେ ଜିସୁ ନିଜର ସିସ୍ତାମାନଙ୍କେ ଡଙ୍ଗାକ ବସି ଗାଡ଼ ସେପାଟର ବେଡ଼ିଆଇଦାଇ ତାର ଆଗତୁ ଜିବାକେ କଇଲା, ଆରି ତେଇ ରଇଲା ଲକ୍ଷ୍ମୀମାନଙ୍କେ ନିଜର ନିଜର ଗର୍ମମାନଙ୍କେ ପାଟାଇ ଦେଲା । ୪୬ ଜିସୁ ଲକ୍ଷ୍ମୀମାନଙ୍କେ ପାଟାଇଲା ପତେ, ପାରତନା କର୍ବାକେ କୁପ୍ଲିଉପରେ ଗାଲା । ୪୭ ରାତି ଅଇଲାକେ ଡଙ୍ଗା ସମୁଦ୍ର ମଜାଇ ରଇଲା, ଆରି ସମୁଦ୍ର ପାଲି ଜିସୁ ଗଟେକ୍ ଲକ୍ଷ୍ମୀମାନଙ୍କେ ରଇଲା । ୪୮ ମୁଆଟ୍ ବାଟେ ଅନି ପବନ ଆଇତେ ରଇଲାକେ ତାର ସିସ୍ତାମାନ ଡଙ୍ଗା ଗାଟ୍ବାକେ କସ୍ତ ଅଇବାଟା ଜିସୁ ଦେକଲା । କୁକ୍ତା ଡାକେ ଜିସୁ ସମୁଦ୍ର ଉପରେ ଇଣ୍ଡି ଇଣ୍ଡି ସେମାନର ଲଗେ ଗାଲା, ଆରି ସେମାନଙ୍କେ ବାଟ୍ ଦେଇ ଜିବାଟା ସିସ୍ତାମାନ ଦେକଲା । ୪୯ ମାତର ସେମାନ ଜିସୁ ପାନିତେଇ ଇଣ୍ଡୁବାଟା ଦେକି ତୁମା ବଲି ବାବି କିରକିରଲାଇ । ୫୦ କାଇକେବଇଲେ ସବୁଲକ୍ ତାକେ ଦେକି କିଲ୍ବିଲ୍ ଅଇଜାଇତେ ରଇଲା । ସେଦାପରେ ଜିସୁ ସେମାନର ସଙ୍ଗ୍ କାତା ବାରତା ଅଇ ସେମାନଙ୍କେ କଇଲା, “ତରାନାଇ ସାଆସ୍ ଦାରା, ଏଟାତା ମୁଇ ।”

୫୧ ଆରି, ସେ ସେମାନର ଲଗେ ଜାଇ ଡଙ୍ଗାକ ଚଗ୍ଲା, ଆରି ପବନ ବନ୍ଦ୍ ଅଇଲା । ତେଇ ସେମାନ ମନେ ମନେ କାବା ଅଇଗାଲା, ୫୨ କାଇକେବଇଲେ ପାଟ୍ଟା ରୁଟିର ଗର୍ମନାଇଅନି ଜିସୁ କେ ବଲି ବୁଜି ନ ରଇଲାକେ ସେମାନର ବୁଦି ଗୁପିଜାଇରଇଲା ।

ଜିସୁ ଗିନେସରତେଇ ବେସି ଲକ୍ଷ୍ମୀମାନଙ୍କେ ନିକ କଲା  
(ମାତିଉ ୧୪:୩୪-୩୬)

୫୩ ଜିସୁ ଆରି ତାର ସିସ୍ତାମାନ ଗାଡ଼ ଲକ୍ଷ୍ମୀ ଗିନେସରତ୍ ବାଟେ ଜାଇକରି କେଟ୍ଲାଇ ଆରି ଗାଡ଼ପାଲି ଡଙ୍ଗା ବାନ୍ଦ୍ଲା । ୫୪ ଆରି, ଡଙ୍ଗାକ ଅନି ଉତରଲା ଦାପରେ, ଲକ୍ଷ୍ମୀମାନ ଜିସୁକେ ଚିନ୍ଲା । ୫୫ ଆରି ସେମାନ ଜିସୁ ଆଇଲା କବର ସୁନାଇବାକେ ସବୁ ଗାଏଁ ପାଲାଇଲା । ସେ ଜନ୍ ଜନ୍ ଜାଗାଇ ଆଟେ ବଲି ସୁନ୍ଲା, ସେ ଜାଗାଇ ଜରର ଲକ୍ଷ୍ମୀମାନଙ୍କେ କଟ୍ ମିସ୍ତେ ବଇ ଆନ୍ବାର୍ ଦାରଲା । ୫୬ ଆରି ସେ ଜେତେକ୍ ଜେତେକ୍ ଗାଉଁ, ସଅର ଆରି ପୁଟ୍ ମନଙ୍କେ କେଟ୍ଲା, ଲକ୍ଷ୍ମୀମାନ ସେ ସବୁ ଜାଗାଇ ଆଟ୍ ବଜାରମାନଙ୍କେ ରଗିମାନଙ୍କେ ସଙ୍ଗାଇଦେଇ, ସେମାନ ତାର ଲୁଗା ଅଟିଟାନେ ଚିଇବୁ ବଲି ଜୁଆରବିଆର କଲା । ଜେତେକ୍ ଲକ୍ ତାକେ ଚିଇଲା, ସବୁଲକ୍ ନିକ ଅଇଲା ।



ସୁଟି ଆରି ଅସୁଟି ବିସଇରେ ସିକିଆ  
(ମାତିଉ ୧୫:୧-୯)

୧ ପତେ ପାରୁସିମାନ ଆରି ଜିରୁସାଲାମ୍ ଅନି ଆସିରଇବା କେତେଟା ସାସ୍ତର ସିକାଉ ପଣ୍ଡିତମାନ ଜିସୁର ଲଗେ ରୁଣ୍ଡୁଲା । ୨ ତାର ସିସ୍ତାମାନର ବିଡ଼ରେ ଅନି କେତେକ୍ ସିସ୍ତାମାନ ଜିଉଦିମାନର ରିତିନିତି ଇସାବେ ଆଡ଼ ନ ଦଇତେ କାଇବାଟା ଦେକଲା ।

୩ ପାରୁସିମାନ ଆରି ସବୁ ଜିଉଦିଲକର ପାର୍ଟିନିମାନର ନିୟମ୍ ମାନି ରିତିନିତି ଇସାବେ ଆଡ଼ ନ ଦଇତେ ନ କାଇତେରଇଲା । ୪ ଆରି ଆଟ୍ବାଟ୍ କରିଆସି ରିତିନିତି ଇସାବେ ପାନି ନ ଚିଟି ଅଇତେ ନ କାଇତେ ରଇଲା । ଗିନା, ମୁତା, ପିତଲ୍ ତାଲା ଆରି ସଇବା କଟ୍ କେନ୍ଦ୍ରି ଦଇବାର୍, ସେଟା ସଙ୍ଗ୍ ଅଲ୍ଗା ରିତିନିତି ମିସା ମାନ୍ଡେରଇଲା ।

୫ ତେବେ ପାରୁସି ଆରି ସାସ୍ତର ସିକାଉମାନ ଜିସୁକେ ପାଟାରଲା, “କାଇକେ ତର ସିସ୍ତାମାନ ପାର୍ଟିନିମାନର ରିତିନିତି ନ ମାନି ଆଡ଼ ନ ଦଇ କାଇଲାକନି ?”

୬ ଜିସୁ ସେମାନଙ୍କେ କଇଲା, “ଏରେ କୁଟିଆଲ୍ମାନ, ତମର ବିସଇନେଇ ଜିସାୟ ବବିସଡ଼ବକ୍ତା ନିକସଙ୍ଗ୍ ଜାନାଇଆଟେ, ସେ ଏକ୍ତି କଇଲା ଆଟେ ।”

ପର୍ମେସର କଇଲାନି “ଏ ଜାତି, ମକେ ମୁସ୍ ସନ୍ମାନ ଦେବାଇ, ମାତର ତାକର ମନ୍ ମର୍ଟାନେଅନି ଦୁରିକେ ରଇସି ।

୭ ସେମାନ ଲକ୍ଷ୍ମୀମାନ କଲା ନିୟମ୍ ମାପୁରୁ ନିୟମ୍ ବଲି ସିକାଇବାଇ ମାତର ସେ ଉପାସନାର୍ କିଟି ମୁଲିଅ ନାଇ ।

୮ “ତମେ ପର୍ମେସର ଆଦେସ୍ ଇନକରି ନରଲକର ରିତିନିତି ଦାରି ବସିଆଟାସ୍ ।” ୯ ଆରି ଜିସୁ ସେମାନଙ୍କେ କଇଲା, ତମେ ତତୁର ଅଇ ନିଜର ରିତିନିତି ମାନବାକେ ବଲି ପର୍ମେସର ଆଦେସ୍ ନିରୁ ବଇଲାସ୍ନି । ୧୦ କାଇକେବଇଲେ ମସା ସିକିଆ ଦେଇଆଟେ, ମା ବାବାକେ ମାନା, ଆରି ଜେ କି ତାର ବାବାକେ କି ମାକେ ସାଇପ୍ ଦେଇସି, ସେ ମରନ୍ ତଣ୍ଡୁ ପାଇସି ଆକା । ୧୧ ମାତର ତମେ ସିକାଇଲାସ୍ନି କି ଜେବେ ବାବାକେ କି ମାକେ କଇସା, “ଜନ୍ଟା ମୁଇ ତମ୍ଙ୍କେ ଦେବାର୍ ରଇଲା ସେଟା କର୍ବାନ୍ ।”

କର୍ତ୍ତାଙ୍କୁ ବଢ଼ାଇବା ପାଇଁ ଯେଉଁମାନେ ଆମକୁ ମାନୁଛନ୍ତି କରାଯାଏ । ୧୭ ତେବେ ତମେ ତାର ବାବାର କି ମାଆର କାଲି ଉପକାର କରାଯାଏ ତେବେ ଯେଉଁମାନେ ତୋର ଆନିଦାଦିମାନଙ୍କୁ ବେଳେ ଅନି ଆଇବା ରିତିନିତି ମାନିକରି ପରମେଶ୍ଵରଙ୍କୁ ବାକିଏ ଏତାଇ ଦେଲାସୁନି, ଆରି ଏନ୍ତାରି କେତେକ କେତେକ କାମ୍ପାନ କଲାସୁନି ।

**ଗଟେକ୍ ଲକ୍ଷ୍ମୀଙ୍କ କାଳିଆ ଅସୁକଲ୍ କରସି  
(ମାତିଉ ୧୫:୧୦-୨୦)**

୧୫ ଜିସୁ ଆରି ତରେକ୍ ଲକ୍ଷ୍ମୀଙ୍କ ଲଗେଡାକି କଲଲା, “ତମେ ସବୁଲକ୍ ମର କାତା ସୁନା ଆରି ବୁଜା । ୧୫ ଲକ୍ଷ୍ମୀ ଟଣ୍ଡେଅନି ଏନ୍ତାରି କାଲି ବିସଇ ନାଇ, ଜନ୍ମଟା ତାର ବିଡ଼ରେ ପୁରି ତାକେ ଅସୁକଲ୍ କରି ପାରେ, ମାତର ଜନ୍ ଜନ୍ମଟା ମୁନୁସ୍ତମାନଙ୍କୁ ନେଅନି ବାରଇସି ସେ ସବୁ ତାକେ ଅସୁକଲ୍ କରସି । ୧୬\* ଜଦି ଜାକେ ସୁନ୍ଦର କାନ୍ ଆଟେ, ସେ ସୁନ୍ ।”

୧୭ ଆରି ଜିସୁ ଲକ୍ଷ୍ମୀଙ୍କ ମାୟା ଚାଡ଼ି ଗରେ ପୁରୁଲ୍ୟାପଟେ ତାର ସିସ୍ତମନ୍ ସେ ଉଦାଅରନର ଅରଡ଼ କାଳିଆ ବଲି ପାଟାର୍‌ବାର ଦାରଲା । ୧୮ ଜିସୁ ସେମାନଙ୍କେ କଲଲା, “ତମେ ମିସା କାଲି ବୁଜାସ ନାଇ ? ଜନ୍ ଜିନିସ୍ ମିସା ବାଲିରେ ଅନି ମୁନୁସ୍ତମାନଙ୍କୁ ବିଡ଼ରେ ପୁରସି, ସେଟା ତାକେ ଆସାର ନ କରେ । ୧୯ କାଲିକେବଲିକେ ସେଟା ତାର ମନ୍ ବିଡ଼ରେ ପୁରେନାଇ, ମାତର ପେଟ୍ ବିଡ଼ରେ ପୁରି କରି ବାଲିରେ ବାରଇ ଆଇସି ।” ଏନ୍ତାରି କଲଲାକେ ସବୁ କାଦି ସୁକଲ୍ ଆକା ବଲି ଜିସୁ ଜାନାଇଲା ।

୨୦ ଆରି ସେ କଲଲା, “ମୁନୁସ୍ତମାନଙ୍କୁ ବିଡ଼ରେ ଅନି ଜନ୍ମଟା ବାରଇସି, ସେଟାସେ ତାକେ ଆସାର କରସି । ୨୧ କାଲିକେବଲିକେ ମୁନୁସ୍ତମାନଙ୍କୁ ବିଡ଼ରେ ଅନି କରାପ୍ ଚିନ୍ତା ବାରଇସି । ସେଟାମନ୍ ଅଇଲାନି, ପାଦରା ପାଦରି କାମ୍, ଚରକାମ୍, ଲକ୍ଷ୍ମୀଙ୍କେ ମରାଇବା କାମ୍ । ୨୨ ବିବା ଅଇ କରବା ବେସିଆ କାମ୍, ବିବା ନଇତେ କରବା ବେସିଆ କାମ୍, ଲବାଇବାଟା, ମିଟ୍ କଇବାଟା, ଅଲ୍‌ସୁଆ ଅଇବାଟା, ଆଁକାର୍ ଅଇବାଟା, ନିନ୍ଦା କାତା କଇବାଟା, ବଡ଼ପନ୍ ଅଇବାଟା, ବକୁଆ ଅଇବାଟା । ୨୩ ଏ ସବୁ କରାପ୍ ବିସଇମନ୍ ବିଡ଼ରେଅନି ବାରଇ ଲକ୍ଷ୍ମୀଙ୍କେ ନସାଇଦେଇସି ।”

**ଗଟେକ୍ ମାଲିକିର ତାଟ୍ ବିସ୍‌ବାସ୍  
(ମାତିଉ ୧୫:୨୧-୨୮)**

୨୪ ତାରପଟେ ଜିସୁ ସେ ଜାଗା ଚାଡ଼ିକରି ସର ଆରି ସିଦନର ସଅରେ ଗାଲା । ତେଇ ଗଟେକ୍ ଗରେ ପୁରଲା । ଜେନ୍ତି କେ ମିସା ସେଟା ନାଜାନଡ଼, ଏଟା ସେ ମନ୍ କର୍ତ୍ତେ ରଇଲା, ମାତର ସେ ନ ଜାନାଇ ଅଇତେ ରଇନାପାରଲା । ୨୫ ଜିସୁ ଆଇଲାଆଟେ ବଲି ସୁନ୍‌ଲା ଦାପ୍‌ରେ, ଗଟେକ୍ ମାଲିକି ଜାର ସାନ୍ ଟକିକେ ତୁମା ଦାରିରଇଲା, ତାର ଗଡ଼ତଲେ ଆସି ଅଦରଲା । ୨୬ ସେ ସୁର ଦେସର୍ ପଇନିକିଆ ଜାଗାଇ ଜନମ୍ ଅଇ ଜିଉଦି ଜାତିର ନ ରଇଲା, ତାର ଟକିକେ ତୁମା ଚାଡ଼ାଇବାକେ ସେ ଜିସୁକେ ବାରୁଜିଆ କଲା ।

୨୭ ତେବେ ଜିସୁ ତାକେ କଲଲା, “ଆଗତୁ ପିଲାମାନଙ୍କେ ପେଟ୍ ପୁରୁନ୍ କାଲିବାକେ ଦେସ୍, କାଲିକେବଲିକେ ପିଲାମାନଙ୍କୁ କାଦି ନେଇ କୁକୁରମାନଙ୍କୁ ଟାନ୍‌ରେ ପାକାଇବାଟା ଚିକ୍‌ନାଇ ।”

୨୮ ମାତର ମାଲିକି ତାକେ କଲଲା, “ଉଁ ମାପୁରୁ, କୁକୁରମାନ ମିସା ପିଲାମାନଙ୍କୁ ଅଦ୍‌ରି ରଇଲା ସକ୍ତି କାଲିବାଇ ।”

୨୯ ସେଡ଼କି ବେଲେ ଜିସୁ ତାକେ କଲଲା, “ଏନ୍ତାରି କଲଲାରପାଇ ଜା, ତର ଟକିତେଇଅନି ତୁମା ବାରଇଗାଲାବେ ।”

୩୦ ଆରି ସେ ମାଲିକି ଗରେ ଜାଇ, ଟକି କଟେ ସଇରଇବାଟା ଆରି ତାରଟାନ୍‌ରେଅନି ତୁମା ବାରଇଜାଇ ରଇବାଟା ଦେକ୍‌ଲା ।

**ଜିସୁ ଗଟେକ୍ ଗୁଲା ବଇରାକେ ନିକ କଲା**

୩୧ ଜିସୁ ଆରିତରେକ୍ ସର ସନ୍ଦିଅନି ଜାଇ ସିଦନ୍ ଦେଇ ଦେକାପଲି ଦସ୍‌ଟା ସଅରେ ଉଡ଼ି ଗାଲିଲି ସମ୍‌ଦୁରେ ଗାଲା । ୩୨ ଆରି ତେଇ କେତେକ ଲକ୍ଷ୍ମୀଙ୍କ ଗଟେକ୍ କସ୍‌ଟସକ୍ କାତା ଅଇବା ବଇରାକେ ଜିସୁର ଲଗେ ଆନି ତାର ଉପରେ ଆଡ଼ ସଙ୍ଗାଇବାକେ ବାରୁଜିଆ କଲା । ୩୩ ଜିସୁ ସେ ବଇରାକେ ଲକ୍ଷ୍ମୀଙ୍କ ଟାନ୍‌ରେଅନି ବେଗ୍‌ଲାଇ କରି, ତାକିନେଇ ତାର ଦୁଇଟା କାନ୍‌ରେ ଆଙ୍ଗୁଟି ପୁରାଇଲା ଆରି ତୁକିକରି ଆଡ଼ସକ୍ ସେ ଲକ୍ଷ୍ମୀଙ୍କ ଜିବେ ଲାଗାଇଲା, ୩୪ ଆରି ସରଗ୍ ବାଟେ ଦେକିକରି ତେଙ୍ଗ୍ ପୁଣ୍ଡା ଦାରି ବଇରାକେ କଲଲା, “ଇପପତା !” ବଇଲେ ପୁଟିଅ ।

୩୫ ସେ ଦାପ୍‌ରେ ତାର କାନ୍ ଉଗାଡ଼ି ଅଇଲା, ଆରି ଜିବର୍ ବନ୍ଦନ୍ ପିଟିଗାଲା, ଆରି ସେ ନିମାନ୍ ସକ୍ କାତା ଅଇବାର ଦାରଲା ।

\* ୭:୧୭ ୭:୧୭ କେତକ୍ ପୁରୁନା ଲେକାଇ ଏ ପଦ୍ ଲେକାଅଏ ନାଇ

୩୭ ଜିସୁ ଲକ୍ଷ୍ମୀନକେ ଏ ବିସଇ କାକେ ନ କଇବାକେ ଆଦେସ୍ ଦେଲା, ମାତର ସେ ଲକ୍ଷ୍ମୀନକେ ଜେତେକ୍ ନିରୁବଇଲେ ମିସା ସେମନ୍ ଆରି ଅଦିକ୍ ଅଦିକ୍ ସେଟା ଜାନାଇଲା । ୩୮ ଆରି ଲକ୍ଷ୍ମୀନ ଅଦିକ୍ କାବା ଅଇ କଇଲା, “ସେ ସବୁ କାମ୍ ନିମାନ୍ ସଙ୍ଗ୍ କରିଆଚେ, ସେ ବଇରାମନକେ ସୁନ୍ଦା ବପୁ ଆରି ଗୁଲାନକେ କଇବା ବପୁ ମିସା ଦେଇଆଚେ ।”

୮

ଜିସୁ ଚାରିଅଜାର ଲକ୍ଷ୍ମୀନକେ କୁଆଇଲା  
(ମାତିଉ ୧୫:୩୨-୩୯)

୧ ସେବେଲେ ଆରି ତରେକ୍ ବେସି ଲକ୍ଷ୍ମୀନ ମିସୁଲା, ଆରି ସେମନ୍ ଲଗେ କାଇବା ପିଇବାକେ କାଇଟା ନ ରଇଲାଜେ ଜିସୁ ସିସ୍ମାନକେ ଲଗେଡାକି କଇଲା, ୨ “ଏ ଲକ୍ଷ୍ମୀନକେ ଦେକି ମକେ ଦୁକ୍ ଲାଗୁଲାନି, କାଇକେବଇଲେ ଏମନ୍ ତିନଦିନ ଅଇଲାନି ମର୍ ସଙ୍ଗ୍ ଆଚଡ୍ ଆରି ଏମନ୍ ଲଗେ କାଇବାକେ କାଇଟା ମିସା ନାଇ । ୩ ତେବେ ମୁଇ ସେମନ୍କେ ନ କୁଆଇତେ ଗରେ ପାଟାଇଲେ, ବାଟେ ସେମନ୍ ଚେଟା ଆଜିଜାଇସି, ସେମନ୍ ବିତ୍ତରେ କେତେକ୍ ଲକ୍ଷ୍ମୀନ ଦୁରେଅନି ଆସି ଆଚଡ୍ ।”

୪ ସିସ୍ମାନ୍ ତାକେ କଇଲା, “ଇତି ଏ ଚିମରା ଜାଗାଇ ଲକ୍ଷ୍ମୀନ ରଇବାଟାନେ କଡ଼ିଅନି ରୁଟି ଆନି ଏମନ୍କେ ପେଟ୍ ପୁରାଇବାର ?” ୫ ଜିସୁ ସେମନ୍କେ ପାଟାଇଲା, “ତମରଲଗେ କେତେଟା ରୁଟିଆଚେ ?” ସେମନ୍ କଇଲା, “ସାଡ଼ଟା ।”

୬ ତେଇ ଜିସୁ ସେ ସବୁ ଲକ୍ଷ୍ମୀନକେ ବୁର୍ଦ୍ଧ ବସବାକେ କଇଲା, ଆରି ସେ ସାଡ଼ଟା ରୁଟି ଦାରିକରି ପର୍ମେସରକେ ଦନିଅବାଦ୍ ଦେଇ ସେଟା ସବୁ ବାଙ୍ଗାଇକରି ବାଟାକରିଦେବାକେ ତାର୍ ସିସ୍ମାନକେ ଦେଲା । ଆରି ସେମନ୍ ଲକ୍ଷ୍ମୀନକେ ସେଟା ବାଟାକଲା । ୭ ସେମନ୍ ଲଗେ ଜେତେକ୍ ପାରା କେତେଟା ସାନ୍ ମାଟ୍ ରଇଲା, ସେଟା ମିସା ସେ ପର୍ମେସରକେ ଦନିଅବାଦ୍ ଦେଇ ବାଟାକରବାକେ କଇଲା । ୮ ତେଇ ସେମନ୍ ସବୁ ଲକ୍ଷ୍ମୀନ ପେଟ୍ପୁରତେ କାଇଲା ଆରି ଅଗଲୁଲାଟା ସାଡ଼ଟାଲା ବେଟ୍ଲା । ୯ ତେଇ ଚାରିଅଜାର ଲକ୍ଷ୍ମୀନ ରଇଲା । ୧୦ ତାର୍ପତେ ଜିସୁ ଲକ୍ଷ୍ମୀନକେ ପାଟାଇ ଦେଲା ଆରି ନିଜର୍ ସିସ୍ମାନର୍ ସଙ୍ଗ୍ ଡଙ୍ଗାଇ ଚଗି ଦଲ୍ମନୁତା ନାଉର୍ ଗଟେକ୍ ଜାଗାଇ ଆଇଲା ।

ପାରୁସିମନ୍ ଜିସୁକେ ପରିକା କଲା  
(ମାତିଉ ୧୬:୧-୪)

୧୧ ଧପତେ ପାରୁସିମନ୍ ବାରଇ ଆସି ଜିସୁର୍ ସଙ୍ଗ୍ ଦଦାପେଲା ଅଇବାର୍ ଦାରଲା । ତାକେ ପରିକା କରବାକେ ପାମେ ପାକାଉଁ ବଲି ମନକରି, ସେ ଜେ ପର୍ମେସରଟାନେଅନି ଆସିଆଚେ, ଏଟା ଦେକାଇବାକେ ଆକାସେଅନି ଗଟେକ୍ କାବାଅଇଜିବା ତିନ୍ ଦେକାଆ ବଲି କଇଲା । ୧୨ ଜିସୁ ଗଟେକ୍ ତେଙ୍ଗ୍ପୁଣ୍ଡା ପୁଣ୍ଡିକରି କଇଲା, “ଏବର୍ ଲକ୍ଷ୍ମୀନ କାଇକେ କାବା ଅଇବା ତିନ୍ ମାଙ୍ଗ୍ଲାଇନି ? ମୁଇ ତମକେ ସଡ଼ କଇଲିନି, ଆଜିକାଲିର୍ ଏ ଲକ୍ଷ୍ମୀନକେ କାବା ଅଇବା କାଇ ତିନ୍ ମିସା ଦେକାଇ ନୁଁ ।”

୧୩ ତାର୍ପତେ ଜିସୁ ଆରି ତାର୍ ସିସ୍ମାନ୍ ସେମନ୍କେ ତେଇ ଚାଡ଼ି ଡଙ୍ଗାଇ ଚଗି ଆରି ତରେକ୍ ଗାଡ଼ ସେପାଟେ ଗାଲା ।

ପାରୁସିମନ୍ ସିକିଆ ବିରୁଦେ ଜିସୁର୍ ଚେଡନା  
(ମାତିଉ ୧୬:୫-୧୨)

୧୪ ଜିସୁର୍ ସିସ୍ମାନ୍ ଡଙ୍ଗାଇ ଗାଲାବେଲେ କାଇବାକେ ରୁଟି ନେବାକେ ପାସ୍ରିଜାଇରଇଲା । ସେମନ୍ ଟାନେ ଏକାଇ ଗଟେକ୍ ସେ ରୁଟି ରଇଲା । ୧୫ ଜିସୁ ସେମନ୍କେ ଜାଗରଡ଼ କରାଇ କଇଲା, “ପାରୁସିମନ୍ ଆରି ଏରଦର୍\*କମିର୍ ଅନି ତରିକନା ଅଇ ରୁଆ ।”

୧୬ ଏଟା ସୁନି ସିସ୍ମାନ୍ ନିଜର୍ ନିଜର୍ ବିତ୍ତରେ କାତାବାରତା ଅଇକରି କଇଲା, “ଆମରଲଗେ କାଇବାକେ ରୁଟିନାଇ ବଲି ସେ ଏନ୍ତାରି କଇଲାଇନି ।” ୧୭ ସେମନ୍ କାଇ ବିସଇନେଇ କାତାବାରତା ଅଇଲାଇନି ବଲି ଜିସୁ ଜାନିକରି ସେମନ୍କେ କଇଲା, “ତମର୍ ଲଗେ ଜେଡ଼କି ଦରକାର୍ ଆଚେ, ସେଡ଼କି ରୁଟିନାଇ ବଲିକରି ତମେ କାଇକେ କାତାବାରତା ଅଇଲାସୁନି ? ଏବେଜାକ ତମେ କାଇ ଦେକାସ୍ ନାଇ କି ବୁଜାସୁନାଇ ? ତମର୍ ମନ୍ କାଇ ଆର୍ଟ୍ ଅଇଗାଲା ଆଚେ କି ? ୧୮ ଆଁକି ରଉ ରଉ ଦେକାସ୍ ନାଇ ? ଆରି, କାନ୍ ରଉ ରଉ ସୁନାସ୍ ନାଇ ? ଆମରଟାନେ ଜେତେବେଲେ କାଇବାକେ ଉନା ରଇଲା, ସେ ବେଲେ ମୁଇ କାଇଟା କରିରଇଲି ? ସେ ବିସଇ ତମେ ଏତାଆସ୍ ନାଇକି ? ୧୯ ମୁଇ ଜେତେବେଲେ ପାଁର୍ ଅଜାର ଲକ୍ଷ୍ମୀନ ବିତ୍ତରେ ପାଁଟା ରୁଟିବାଙ୍ଗାଇ ରଇଲି, ସେଡ଼କି ବେଲେ ତମେମନ୍ ସବୁ କେତେକ୍ ଡାଲା ବାଙ୍ଗଲା

\* ୮:୧୧ ୮:୧୧ ମାତିଉ ୧୬:୩୮; ଲୁକ୍ ୧୧:୧୭    \* ୮:୧୨ ୮:୧୨ ମାତିଉ ୧୬:୩୯; ଲୁକ୍ ୧୧:୨୯    \* ୮:୧୫ ୮:୧୫ ଲୁକ୍ ୧୬:୧    \* ୮:୧୫ ୮:୧୫ କମିରକେ ଗାଉଁ ଗୁଣ୍ଡେ ପାକାଇଲେ ଏଟା ରୁଟିକେ ପୁଲାଇସି, ସେମନ୍ ଅଇପର୍ ସିକିଆ ଜବର୍ ଲକ୍ଷ୍ମୀନକେ ବୁଲ୍ ବାଟେ ଦାରିଜାଇସି  
\* ୮:୧୮ ୮:୧୮ ମାର୍କ ୪:୧୨

କଣ୍ଠ ବେଟି ନେଇ ରଇଲାସ୍, ସେଟାକାଇ ତମର୍ ମନେ ନାଇ ?” ସେମନ୍ ତାକେ କଇଲାଇ, “ବାର ତାଲା ।”

୨୦ “ଆରି, ସେ ଚାରି ଅଜାର ଲକର୍ ବିତ୍ତରେ ମୁଇଁ ଜେଡେବେଲ୍ ସାତଟା ରୁଟି ବାଙ୍ଗାଇ ରଇଲି, ସେଡକିବେଲେ ତମେମନ୍ ସବୁ କେଡେକ୍ ତାଲା ବାଙ୍ଗିଲା କଣ୍ଠ ଚୁଲିଆଇ ରଇଲାସ୍ ?” ସେମନ୍ କଇଲାଇ “ସାଡ୍ ତାଲା ।”

୨୧ ଆରି ଜିସୁ ସେମନ୍‌କେ ପାଚାରଲା, “ମୁଇ କାଇଟା କଇଲିନି, ତମେ କେନ୍ତେ ବୁଜାସ୍ ନାଇ ?”

**ଜିସୁ ଗଟେକ୍ କାଣାକେ ଆଁକି ଦେକାଇଲା**

୨୨ ପଟେ ସେମନ୍ ବେତସାଇଦାଇ ଉଟି ଆଇଲାଇ, ଆରି ତେଇ କେଡେକ୍ ଲକ୍‌ମନ୍ ଗଟେକ୍ କାଣାଲକ୍‌କେ ଜିସୁର୍ ଲଗେ ଆନିକରି ତାକେ ଚିଇକରି ନିକ କର୍ବାକେ କଇଲାଇ । ୨୩ ଜିସୁ ତାକେ ଆଡେଦାରି ଗାଉଁ ବାଇରେ ଡାକିନେଲା, ଆରି ତୁକିକରି ତାର ଲାଲ୍ ସେ କାଣାର ଆଁକିଡେଇ ଲାଗାଇଲା । ତାରମୁଣ୍ଡେ ଆଡ୍ ସଙ୍ଗଇକରି “ତୁଇ ଅଲପ୍ ମିସା ଦେକି ପାରୁଲୁସ୍‌ନି କି ?” ବଲି ପାଚାରଲା ।

୨୪ ସେ ଚାରିବେଡଡି ଦେକିକରି କଇଲା, “ମୁଇ ଲକ୍‌ମନ୍ ଇଣ୍ଡୁବାଟା ଦେକିପାରୁଲିନି, ମାତର୍ ସେମନ୍ ଗର୍ପାରା ଡିସ୍‌ଲାଇନି” ବଲିକରି କଇଲା ।

୨୫ ଜିସୁ ଆରିତରେକ୍ ସେ କାଣାଲକ୍‌କର୍ ଆଁକିଡେଇ ଆଡ୍‌ସଙ୍ଗ୍ ଚିଇଲା । ସେଦାପ୍‌ରେ ଅନି ତାର ଆଁକି ନିମାନ୍ ଅଇଗାଲା ଆରି ପୁରାପୁରୁନ୍ ନିମାନ୍ ଦେକିପାରଲା । ୨୬ ଆରି ଜିସୁ ତାକେ କଇଲା, “ଏବେ ତୁଇ ଗାଏଁ ନ ଜାଆ, ମାତର୍ ତର୍ ନିଜର୍ ଗରେ ଉଟିଜା” ବଲିକରି ପାଚାଇଦେଲା ।

**ପିତର୍ କଇଲା ଜିସୁ ଅଇଲାନି କିରିସ୍‌ଟ**

(ମାତିଉ ୧୬:୧୩-୨୦; ଲୁକ୍ ୯:୧୮-୨୧)

୨୭ ତାରପଟେ ଜିସୁ ଆରି ତାର ସିସ୍‌ମନ୍ କାଇସେରିଆ ପିଲିପ୍ ନାଉର୍ ଗଡ୍‌ଲଗେ ରଇବା ଚାରିବେଡଡିର୍ ଗାଉଁ ମନ୍‌କେ ଗାଲାଇ । ବାଟେ ଜିସୁ ତାର ସିସ୍‌ମନ୍‌କେ ପାଚାରଲା, “ଲକ୍‌ମନ୍ ମକେ କେ ବଲିକରି ବାବ୍‌ଲାଇନି ?”

୨୮ \*ସେମନ୍ ତାକେ କଇଲାଇ, “କେଡେ ଲକ୍‌ମନ୍ ତମ୍‌କେ ତୁବନ୍ ଦେଉ ଜଅନ୍ ବଲିକରି କଇଲାଇନି, ଆରି ଅଦେକ୍ ଲକ୍‌ମନ୍ ତମ୍‌କେ ଆଗର୍ ଏଲିୟ ବଲି କଇଲାଇନି ଆରି କେଡେଲକ୍ ତମ୍‌କେ ପର୍‌ମେସର୍‌ଗାନେଅନି ଆଦେସ୍ ପାଇ ଆସି, କାତାଅଇବା ବବିସଡ୍‌ବକ୍‌ତା ମନର୍‌ଗାନେଅନି ଗଟେକ୍‌ଲକ୍ ବଲି କଇଲାଇନି ।” ୨୯ \*ଆରି ତମେ ମକେ କେ ବଲିକରି ବାବ୍‌ଲାଇନି ? ବଲି ଜିସୁ ସେମନ୍‌କେ ପାଚାରଲା । ପିତର୍ କଇଲା, “ତୁଇ ପର୍‌ମେସର୍ ପାଚାଇରଇବା ଉଦାକ୍‌କାରିଆ କିରିସ୍‌ଟ” ବଲି କଇଲା ।

୩୦ ତେଇ ଜିସୁ ସେମନ୍‌କେ ଡାବ୍‌ସଙ୍ଗ୍ ଜାଗରତା କରାଇ କଇଲା, “ମୁଇ କେ ବଲି କାକେ ନ କୁଆ ।”

**ନିଜର୍ ମରନ୍ ବିସଇନେଇ ଜିସୁର୍ କାତା**

(ମାତିଉ ୧୬:୨୧-୨୮; ଲୁକ୍ ୯:୨୨-୨୭)

୩୧ ତାରପଟେ ଜିସୁ ପର୍‌ମେସର୍ ଅନି ଆଇଲା ନର୍‌ପିଲାକେ କାଇ କାଇଟା ଅଇସି ବଲି ତାର ସିସ୍‌ମନ୍‌କେ ସିକାଇଦେବାର୍ ଦାରଲା । ସେ କଇଲା, “ପର୍‌ମେସର୍‌ଗାନେଅନି ଆଇଲା ନର୍‌ପିଲା ମୁଇ ବେସି ଦୁକ୍ କସ୍‌ଟ ପାଇବାର୍ ଆଟେ । ମୁକିଅ ନେତାମନ୍, ମୁକିଅ ପୁଜାରିମନ୍, ଆରି ନିୟମ୍ ସିକାଇଦେବା ଲକ୍‌ମନ୍ ମକେ ନ ନାମଡ୍ । ସେମନ୍ ମକେ ମରାଇବାଇ ଆରି ତିନ୍‌ଦିନ୍ ଗାଲାପଟେ ମୁଇ ଆରି ତରେକ୍ ମଲାଡେଇଅନି ଜିବନ୍ ଅଇ ଉଟ୍‌ବି ।” ୩୨ ଏ ସବୁ ବିସଇର୍ କାତା ଜିସୁ ତାର ସିସ୍‌ମନ୍‌କେ କାଇଟାମିସା ନ ଲୁଟାଇକରି କୁଲାକୁଲି ବାବେ କଇଦେଲା । ସେ ବେଲା ପିତର୍ ଜିସୁକେ ଅଁଡ୍‌ରେ ଡାକିନେଇକରି କଇଲା, “ତମେ କଇବା କାତା ସବୁ ସେନ୍ତ୍ର ନ ଅ ।” ୩୩ ଜିସୁ ପିଟିବାଟେ ପାସ୍‌ଲି ତାର ସିସ୍‌ମନ୍‌କେ ଦେକ୍‌ଲା ଆରି ପିତର୍‌କେ କଇଲାଇ, “ତୁଇ ଏ କାତା ସଇତାନେଅନି କଇଲୁସ୍‌ନି, ତୁଇ ମର୍‌ଗାନେଅନି ଉଟି ଜା । ତୁଇ ପର୍‌ମେସର୍ ପାରା ଚିନ୍ତା ନ କରି ଲକ୍‌ମନ୍‌ର୍ ପାରା ଚିନ୍ତା କଲୁସ୍‌ନି ।” ବଲି କଇଲାଇ ।

୩୪ \*ତାରପଟେ ଜିସୁ ସିସ୍‌ମନ୍‌କେ ଆରି ଲକ୍‌ମନ୍‌କେ ତାରଲଗେ ଡାକିକରି କଇଲାଇ “କେ ମର୍ ସିସ୍ ଅଇବାକେ ମନ୍ କଲାନି ବଇଲେ, ସେ ତାର ନିଜର୍ ମନ୍ କଲାଟା ଚାଡିଦେଇକରି କୁରସଡେଇ ମର୍‌ବା ଲକ୍‌ମନ୍ ପାଇବା ଦୁକ୍ କସ୍‌ଟ ପାରା ଦୁକ୍ କସ୍‌ଟ ପାଇବାକେ, ତିଆର୍ ଅଇକରି ମର୍‌ସଙ୍ଗ୍ ଆଇବାର୍ ଆଟେ । ୩୫ \*ମାତର୍ କେ ନିଜର୍ ଜିବନ୍ ରକିଆ କର୍ବାକେ ମନ୍ କର୍‌ସି, ସେ ସେଟା ଆରାଇସି, ମାତର୍ ଜେ ମର୍ ଲାଗି ଆରି ସୁବ୍‌କବର୍ ଜାନାଇବାକେ ତାର ଜିବନ ଆରାଇସି ବଇଲେ, ସେ ତାର ଜିବନ୍ ରକିଆ କର୍‌ସି । ୩୬ ଜଦି ଗଟେକ୍ ଲକ୍ ଦୁନିଆର୍ ସବୁ ଜିନିସ୍ ପାଇକରି, ନିଜର୍ ଜିବନ୍ ଆରାଇସି, ସେଟା ତାରପାଇ କାଇ

\* ୮:୨୮ ୮:୨୮ ମାର୍କ ୬:୧୪,୧୫; ଲୁକ୍ ୯:୭,୮ \* ୮:୨୯ ୮:୨୯ ଜଅନ୍ ୬:୨୮,୨୯ \* ୮:୩୪ ୮:୩୪ ମାତିଉ ୧୦:୩୮; ଲୁକ୍ ୧୪:୨୭  
\* ୮:୩୫ ୮:୩୫ ମାତିଉ ୧୦:୩୯; ଲୁକ୍ ୧୭:୩୩; ଜଅନ୍ ୧୨:୨୫

ଲାଭ ନାହିଁ । ୩୭ ଆରି ତାର ଆଡ଼ମାର ବାଦୁଲେ କାଉଟା ଦେଲେ ମିସା ସମାନ ନ ଅଏ । ୩୮ ପରମେସରକେ ଚାଡ଼ିକରି ରଇବା ଏ କାରାପ ଦୁନିଆଇ, ଲକ୍ମନ ଜଦି ମର ଲାଗି ଆରି ମର କାତାର ଲାଗି ଲାଜ ଅଇବାଇ, ପରମେସର ଟାନେଅନି ଆଇଲା ନରପିଲା ମୁଇ ମିସା ମର ବାବାର ବେସି ଉଜଲ ଆରି ଡାକପୁଟା ସଙ୍ଗ ଆରି ସରଗର ସୁକଲ ଦୁଡ଼ମନର ସଙ୍ଗ ଆଇଲାବେଲେ, ସେମନକେ ମରଲକ୍ମନ ବଲି କଇବାକେ ମୁଇ ମିସା ଲାଜ ଅଇବି ।”



୧ ଆରିତରେକ୍ ଜିସୁ ସେମନକେ କଇଲା, ମୁଇ ତମକେ ସତ୍ କାତା କଇଲିନି । ସେଟାରପାଇ ସୁନା, ଏବେ ଇତି ରଇବା କେତେ ଲକ୍ମନ, ପରମେସର ରାଜା ଅଇକରି ତାର ରାଇଜ୍ ସାସନ୍ କରବାଟା ନ ଦେକ୍ବା ଜାକ ନ ମରାସ୍ ।

**ଜିସୁର ସଙ୍ଗ ମସା ଆରି ଏଲିୟ**  
(ମାଡ଼ିଉ ୧୭:୧-୧୩; ଲୁକ୍ ୯:୨୮)

୨ \*ତଅ ଦିନ୍ ପତେ ଜିସୁ ପିତର ଜାକୁବ୍ ଆରି ଜଅନକେ ତାର ସଙ୍ଗ ମିସ୍ତେ ଡାକିକରି କେ ନଇବା ଗଟେକ୍ ଡେଙ୍ଗ୍ ପରବତ୍ ଉପରେ ଗାଲା । ସିତି ସେମନର ମୁଆଟେ ତାର ରୁପ୍ ବଦଲିଗାଲା । ୩ ଆରି ତାର ପଟିଆ ବେସି ଜଗ୍ଜଗି ଜାଇ, ଦବ୍ ଅଇଗାଲା । ଆରି ଏ ଦୁନିଆ ଇସାବେ କେ ମିସା ସେନ୍ତି ଦବ୍ କରି ଦଇନାପାରତ୍ । ୪ ଆରି ମସାର ସଙ୍ଗ ଏଲିୟ ଆରି ଜିସୁ ମିସ୍ତେ କାତାବାରତା ଅଇବାଟା ସେମନକେ ଡିସଲା । ୫ ତେଇ ପିତର ଜିସୁକେ କଇଲା, “ଏ ଗୁରୁ ଆମେ ଇତି ରଇବାଟା ନିକ । ଇତି ତିନିଟା କୁଡ଼ିଆ ତିଆର୍ କରୁ । ତମରପାଇ ଗଟେକ୍, ମସାରପାଇ ଗଟେକ୍ ଆରି ଏଲିୟର ପାଇ ଗଟେକ୍ ।” ୬ ପିତର କଇବା ବିସଇ କାଉଟା ବଲି ନିଜେ ନାଜାନି ରଇଲା । କାଇକେବଇଲେ ସେମନ୍ ବେସି ଡରିଜାଇରଇଲାଇ ।

୭ \*ଆରି ସେମନକେ ମେଗର୍ ଚାଇ ଡାବିଅଇଦେଲା । ସେ ମେଗେଅନି ଏନ୍ତାରି କାତା ଅଇଲା, “ଏ ମର ଆଲାଦର୍ ପ, ଆର୍ କାତା ସୁନା ।” ୮ ଆରି ଅଟାତ୍ ସେମନ୍ ଚାରିବେଡ଼ି ଦେକ୍ଲାଇ, ତାକର୍ ସଙ୍ଗ ଜିସୁକେ ଚାଡ଼ି ଆରି କାକେ ମିସା ଦେକ୍ତ ନାଇ ।

୯ ସେମନ୍ ପରବତେ ଅନି ଉଡ଼ରଲାବେଲେ ଜିସୁ ସେମନକେ ଡାବ୍ ସଙ୍ଗ ଆଦେସ୍ ଦେଇ ଏନ୍ତି ବଲି କଇଲା, “ପରମେସର ଟାନେଅନି ଆସିରଇବା ନରପିଲା ମୁଇ, ମଲାଟାନେଅନି ଆରିତରେକ୍ ନ ଉଡ଼ବା ଜାକ ଇତି କାଇକାଉଟା ତମେ ଦେକ୍ଲାସ୍, ସେ ବିସଇ କାକେମିସା ନ କୁଆ ।” ୧୦ ସେଟାରପାଇ ପରବତ୍ ଉପରେ ଜାଇଟା ସେମନ୍ ଦେକ୍ଲାଇ, ସେ ବିସଇ କାକେମିସା କଅଡ଼ ନାଇ । ମାତର୍ ମଲାଟାନେଅନି ଆରିତରେକ୍ ଉଡ଼ବା ଅରତ୍ କାଉଟା ବଲିକରି ସେମନ୍ କାତାବାରତା ଅଇତେରଇଲାଇ । ୧୧ \*ସିସମନ୍ ଜିସୁକେ ପାଚାରଲା, “ଏଲିୟ ପର୍ତୁମ୍ ଆଇବାର୍ ଆଟେ ବଲି ନିୟମ୍ ସିକାଇଦେବା ଲକ୍ମନ କାଇକେ କଇଲାଇନି ?”

୧୨ ଜିସୁ ତାର ସିସମନକେ କଇଲା, “ଉଁ ପରମେସର ବଇତେଇ ଏଲିୟ ଆଗତୁ ଆଇସି ବଲି ଲେକା ଅଇଲାକାତା ସତ୍ସେ । ଏଲିୟ ପର୍ତୁମ୍ ଆସିକରି ସବୁ ବିସଇ ଟିକ୍ କରସି, ମାତର୍ ପରମେସର ଅନି ଆସିରଇବା ନରପିଲା ମୁଇ ବେସି ବେସି କସଟ ପାଇବି ଆରି ଲକ୍ମନ ମକେ ନ ନାମତ୍ ବଲି ମିସା କାଇ ପରମେସର ବଇଟାନେ ଲେକା ଅଏନାଇ କି ? ୧୩ ମୁଇ ତମକେ ସତ୍ କଇଲିନି, ଏବେ ଏଲିୟ ଆସି ସାରଲା ଆଟେ । ଆରି ତାର ବିସଇ ପରମେସର ଟାନେ କାଉଟା ଲେକା ଅଇଲା ଆଟେ, ସେ ସେନ୍ତିସେ ଲକ୍ମନ ମିସା ତାକର୍ ନିଜର୍ ମନ୍ କଲା ଇସାବେ କରାପ୍ ଚଲାଚଲ୍ଡି କଲାଇ ।”

**ଜିସୁ ଗଟେକ୍ ପିଲାକେ ତୁମା ଚାଡ଼ାଇଲା**  
(ମାଡ଼ିଉ ୧୭:୧୪-୨୦; ଲୁକ୍ ୯:୩୭-୪୩)

୧୪ ତାରପତେ ଜିସୁ, ପିତର, ଜାକୁବ୍ ଆରି ଜଅନ୍ ବିନ୍ ସିସମନର୍ ଲଗେ କେଟ୍ଲାବେଲେ ତେଇ ବେସି ଲକ୍ମନ ରୁଣ୍ଡିରଇବାଟା ଦେକ୍ଲାଇ । ଆରି ନିୟମ୍ ସିକାଇଦେବା ଲକ୍ମନ ସିସମନର୍ ସଙ୍ଗ ଦଦାପେଲା ଅଇତେରଇଲାଇ । ୧୫ ଲକ୍ମନ ଜେତେବେଲ୍ ଜିସୁ ତେଇ ଆଇବାଟା ଦେକ୍ଲାଇ, ସାରଦାରେ କାବା ଅଇଗାଲା ଆରି ଜିସୁକେ ଦୁକ୍ ସୁକ୍ ପାଚାରବାକେ ତାରଲଗେ ପାଲାଇ ଆସି ଜୁଆର୍ କରବାର୍ ଦାରଲାଇ । ୧୬ ଜିସୁ ତାର ସିସମନକେ ପାଚାରଲା, “ତମେ ନିୟମ୍ ସିକାଇବା ଲକ୍, ମର ସିସମନର୍ ସଙ୍ଗ କାଇ ବିସଇନେଇ ଦଦାପେଲା ଅଇତେରଇଲାସ୍ ?”

୧୭ ସେ ମାନ୍ଦା ଲକ୍ମନର୍ ବିଡ଼ରେଅନି ଗଟେକ୍ ଲକ୍ ଜିସୁକେ ଡାକି କଇଲା, “ଏ ଗୁରୁ, ମୁଇ ମର ପିଲାକେ ନିକ କରବାକେ ତମର୍ ଟାନେ ଆନିରଇଲି । ତାର ବିଡ଼ରେ ଗଟେକ୍ କାରାପ୍ ଆଡ଼ମା ପୁରିକରି ଡାକେ କାତା ଅଇବାକେ ଦେଏ ନାଇ । ୧୮ ସେ କରାପ୍ ଆଡ଼ମା ପିଲାକେ ଦାରଲାବେଲେ, ଡାକେ ମଡ଼ିକରି

\* ୯:୨ ୯:୨ ୯:୨ ପିତର ୧:୧୭,୧୮ \* ୯:୭ ୯:୭ ମାଡ଼ିଉ ୩:୧୭; ମାର୍ଚ୍ଚ ୧:୧୧; ଲୁକ୍ ୩:୨୨ \* ୯:୧୧ ୯:୧୧ ମାଡ଼ିଉ ୧୧:୧୪

ଅଦରାଇଦେଲାନି ଆରି ତାର ଟଣ୍ଡେଅନି ପେପୁଲ୍ ବାରଇଲାନି ଆରି ସେ ଦାଡ଼ କାତରୁସି । ଆରି ତାର ଗାଗଡ଼ ସିଦା ଅଇଜାଇସି । ମୁଇ ତାରତେଇ ଅନି କାରାପ୍ ଆଡ଼ମାକେ ବାରକରାଇ କେଦିଦେବାଇ ବଲି ତମର୍ ସିସ୍‌ମନର୍ ଲଗେ ଆନିରଇଲି । ମାତର୍ ତମର୍ ସିସ୍‌ମନ୍ ନାପାରୁଲାଇ ।”

୧୯ ଜିସୁ ସେମନ୍‌କେ କଇଲା, “ଏ ପର୍‌ମେସର୍‌କେ ବିସ୍‌ବାସ୍ ନ ରଇବା ଆଜିକାଲିର୍ ଲକ୍‌ମନ୍, ତମେ ବିସ୍‌ବାସ୍ କର୍‌ବାକେ ଆରି କେତେ ଦିନ୍ ମୁଇ ତମର୍ ସଙ୍ଗ୍ ରଇବାର୍ ଆତେ ? ଆରି କେତେଦିନ୍ ମୁଇ ସାଆସ୍ ଦାରି ତମର୍ ସଙ୍ଗ୍ ରଇବାର୍ ଆତେ ? ସେ ପିଲାକେ ମରୁଲଗେ ଆନା ।” ୨୦ ଆରି ଲକ୍‌ମନ୍ ସେ ପିଲାକେ ଜିସୁରଲଗେ ଆନୁଲାଇ । ସେ କରାପ୍ ଆଡ଼ମା ଜିସୁକେ ଦେକ୍‌ଲା ଦାପ୍‌ରେ ପିଲାକେ ତଲେ ମଡ଼ିକରି ଅଦରାଇଲା । ଆରି ଗୁଣ୍ଡୁଲି ଗୁଣ୍ଡୁଲି କରି ତାର ଟଣ୍ଡେଅନି ପେପୁଲ୍ ବାରଇ ଜାଇତେରଇଲା ।

୨୧ ଜିସୁ ସେ ପିଲାର୍ ବାବାକେ ପାଚାରୁଲା, “ଏ ପିଲା ଏନ୍ତି ଅଇ କେତେଦିନ୍ ଅଇଲା ?” ପିଲାର୍ ବାବା କଇଲା, “ସାନ୍‌ବେଲେଅନି ” ବଲି । ୨୨ ଆରି ସେ କଇଲା, “ସେ କାରାପ୍ ଆଡ଼ମା ପିଲାକେ ମରାଇବାକେ ବେସିତର୍ ପାନିଟାନେ ଆରି ଜଇଟାନେ ମଡ଼ିକରି ଅଦରାଇ ଆତେ । ମାତର୍ ତୁଇ ଜଦି କାଇଟା କର୍‌ବାକେ ପାରୁସ୍ ବଇଲେ ଆମର୍ ପାଇ ଦୟାକରି ସାଇଜ କର୍ ।”

୨୩ ଜିସୁ ତାକେ କଇଲା, “କାଇକେ ଜଦି ପାରୁସ୍ ବଇଲେ ନିମାନ୍ କର୍ ବଲିକରି କଇଲୁସ୍‌ନି ? କାଇକେବଇଲେ ପର୍‌ମେସର୍‌କେ ବିସ୍‌ବାସ୍ କର୍‌ବା ଲକ୍‌ମନର୍ ତେଇ ସବୁ ଅଇସି ।”

୨୪ ସେ ଦାପ୍‌ରେ ପିଲାର୍ ବାବା ଆଉଲିଅଇକରି, “ମୁଇ ବିସ୍‌ବାସ୍ କଲିନି, ଆରି ଅଦିକ୍ ବିସ୍‌ବାସ୍ କର୍‌ବାକେ ମକେ ସାଇଜ କର୍ ।” ବଲିକରି କଇଲା ।

୨୫ ଏ ଗଟ୍‌ନାର୍ କାମ୍ ଦେକ୍‌ବାକେ ଲକ୍‌ମନ୍ ଏକାତରେ ପାଲାଆଇବାଟା ଜିସୁ ଦେକିକରି ସେ କାରାପ୍ ଆଡ଼ମାକେ ଦମ୍‌କାଇକରି କଇଲା, “ଏ କରାପ୍ ଆଡ଼ମା, ତୁଇ ଏ ପିଲାକେ ଗୁଲା ଆରି ବଇରା କରାଇଆରୁସ୍ । ଏ ପିଲାର୍ ଗାଗଡ଼େଅନି ବାରଇ ଉଟିଜା ଆରି କେବେ ମିସା ତାର ଗାଗଡ଼େ ନ ପୁର୍, ବଲି ମୁଇ ତକେ ଆଦେସ୍ ଦେଲିନି ।”

୨୬ ଆରି କାରାପ୍ ଆଡ଼ମା ବେସି ଆଉଲିଅଇକରି ପିଲାକେ ମଡ଼ିକରି ଅଦରାଇ, ତାରଟାନେଅନି ବାରଇଗାଲା । ଆରି ପିଲା ମରିଗାଲା ଲକର୍ ପାରା ଡିସ୍‌ଲା, ଏନ୍ତିକି କେତେକ୍ ଲକ୍‌ମନ୍ “ସେ ମରିଗାଲା ।” ବଲିକରି କଇଲାଇ । ୨୭ ମାତର୍ ଜିସୁ ସେ ପିଲାକେ ଆଡେଦାରି ଉଟାଇକରି ତାକେ ଟିଆ କରାଇଲାକେ ସେ ଟିଆଅଇଲା ।

୨୮ ଜିସୁ ଆରି ତାର ସିସ୍‌ମନ୍ ଗଟେକ୍ ଗର୍ ବିଡ଼ରେ ଗାଲାପତେ, ଲକ୍‌ମନ୍ କେ ନଇଲାବେଲେ ତାକେ ପାଚାରୁଲାଇ, “ଆମେ କାଇକେ ସେ କାରାପ୍ ଆଡ଼ମାକେ କେଦି ନାପାରୁଲୁ ?”

୨୯ ଏ କାତା ସୁନି ଜିସୁ ସେମନ୍‌କେ କଇଲା, “ଏନ୍ତାରି କାରାପ୍ ଆଡ଼ମା ପର୍‌ମେସର୍‌କେ ପାର୍‌ତନା କରିସେ କେଦ୍‌ବାର୍ ଅଇସି, ଆରି କାଇ ବାଟ୍ ନାଇ ।”

**ନିଜର୍ ମରନ୍ ବିସଇ ଜିସୁ ଆରିତରେକ୍ କଇଲାନି**  
(ମାଡିଉ ୧୭:୨୨-୨୩; ଲୁକ୍ ୯:୪୩-୪୫)

୩୦ ତାରପତେ ଜିସୁ ଆରି ତାର ସିସ୍‌ମନ୍ ସେ ଜାଗା ଚାଡ଼ିକରି ଉଟିଗାଲାଇ । ସେମନ୍ ଗାଲିଲି ଦେସର୍ ବାଟ୍‌ଦେଇକରି ଜାଇତେରଇଲାଇ । ସେମନ୍ କନ୍ ଜାଗାଇ ଆତଡ଼ ବଲିକରି ଲକ୍‌ମନ୍ ନ ଜାନଡ଼ ବଲି ଜିସୁ ମନ୍ କର୍‌ତେରଇଲା ୩୧ କାଇକେବଇଲେ ସେ ତାର ସିସ୍‌ମନ୍‌କେ ସିକାଇ ଦେବାକେ ମନ୍ କର୍‌ତେରଇଲା । ଜିସୁ ତାର ସିସ୍‌ମନ୍‌କେ କଇଲା, “ସଡ଼ ପର୍‌ମେସର୍‌ର ଟାନେଅନି ଆସିରଇବା ନର୍‌ପିଲା ମକେ, ଲକ୍‌ମନର୍ ଆତେ ସର୍‌ପି ଦେବାଇ ଆରି ସେମନ୍ ମକେ ମରାଇଦେବାଇ । ମାତର୍ ମୁଇ ମରିକରି ତିନ୍‌ଦିନ୍ ଗାଲାପତେ ଆରି ତରେକ୍ ମଲାଟାନେଅନି ଜିବନ୍ ଅଇ ଉଟ୍‌ବି ।”

୩୨ ମାତର୍ ଜିସୁ କଇବା ଏ କାତାର୍ ଅରଡ଼ ସିସ୍‌ମନ୍ ବୁଜଡ଼ ନାଇ ଆରି ସେମନ୍ ସେ କାତାର୍ ଅରଡ଼ ପାଚାରୁବାକେ ଡର୍‌ଲାଇ ।

**ସବୁର୍‌ଟାନେଅନି କେ ବଡ଼**  
(ମାଡିଉ ୧୮:୧-୫; ଲୁକ୍ ୯:୪୬-୪୮)

୩୩ ଜିସୁ ଆରି ତାର ସିସ୍‌ମନ୍ କପର୍‌ନାତମେ ଆଇଲାଇ ଆରି ସେମନ୍ ଗର୍ ବିଡ଼ରେ ଗାଲାଇ । ତାରପତେ ଜିସୁ ସେମନ୍‌କେ ପାଚାରୁଲା, “ତମେ ବାଟେ କନ୍ ବିସଇନେଇ ଦଦାପେଲା ଅଇତେରଇଲାସ୍ ?”

୩୪ ☆ମାତର୍ ତାର ସିସ୍‌ମନ୍ ଚିମ୍‌ରା ଅଇଦେଲାଇ । କାଇକେବଇଲେ ସେମନ୍ ବାଟେ, ଆମର୍ ବିଡ଼ରେ ସବୁର୍‌ଟାନେଅନି କେ ବଡ଼ ବଲି ଦଦାପେଲା ଅଇତେରଇଲାଇ । ୩୫ ☆ଜିସୁ ବସ୍‌ଲା ଆରି ତାର ବାଟ୍‌ଟା ସିସ୍‌ମନ୍‌କେ ତାରଲଗେ ଡାକାଇ ସେମନ୍‌କେ କଇଲା, “ଜଦି କେ ମୁକିଆ ଅଇବାକେ ମନ୍ କଲେ, ସେ

☆ ୯:୩୪ ୯:୩୪ ଲୁକ୍ ୨୨:୨୪ ☆ ୯:୩୫ ୯:୩୫ ମାଡିଉ ୨୦:୨୭,୨୭:୨୩:୧୧; ମାର୍କ ୧୦:୪୩,୪୪; ଲୁକ୍ ୨୨:୨୭

ସବୁରଟାନେଅନି ସାନ୍ ଅଇବାର୍ ଆଚେ, ଆରି ସବୁଲକର୍ ସେବା କର୍ବାର୍ ଆଚେ ।” ୩୭ ତାର୍ପଚେ ଜିସୁ ଗଟେକ୍ ସାନ୍ଟା ପିଲାକେ ନେଇକରି ସେମନ୍ତର୍ ମୁଆଟେ ଚିଆ କରାଇ ସେମନ୍ତକେ କଇଲା, ୩୭ ✨“କେ କେ ମର୍ ଲାଗି ଏନ୍ତାରି ଗଟେକ୍ ସାନ୍ଟା ପିଲାକେ ନାମ୍ବାଇ, ସେମନ୍ତ ମକେ ନାମ୍ଲାଇନି, ଆରି କେ କେ ମକେ ନାମ୍ଲାଇନି, ସେମନ୍ତ ମକେ ନାଇ, ମାତର୍ ମକେ ପାଟାଇରଇବା ମର୍ ବାବାକେ ନାମ୍ଲାଇନି ।”

**ଜେ ଆମ୍ବକେ ବିରଦ୍ ନ କରେ ସେ ଆମର୍ ନିଜର୍ ଲକ୍**  
(ଲୁକ୍ ୯:୪୯-୫୦)

୩୮ ଜଅନ୍ ଜିସୁକେ କଇଲା, “ଏ ଗୁରୁ, ଗଟେକ୍ ଲକ୍ ତରନାଉଁ ଦାରି ଲକ୍ମନ୍ତର୍ଟାନେଅନି କାରାପ୍ ଆତ୍ମାକେ ବାର୍କରାଇ କେଦିଦେବାଟା ଆମେ ଦେକିକରି, ତାକେ ସେନ୍ତ୍ର ନ କର୍ ବଲି କଇଲୁ, କାଇକେବଇଲେ ସେ ଆମର୍ ନିଜର୍ ଲକ୍ ନଏଁ ।”

୩୯ ମାତର୍ ଜିସୁ କଇଲା, “ତାକେ ଏନ୍ତ୍ର ନ କର୍ ବଲି ତେବାଆ ନାଇ କାଇକେବଇଲେ, ମର୍ ନାଉଁର୍ ବପୁ ପାଇକରି କାବା ଅଇଜିବା କାମ୍ମନ୍ କରପାର୍ବାର୍ ଲକ୍, ମର୍ ବିରୁଦେ କାରାପ୍ କାତା ନ କଏ । ୪୦ ✨କାଇକେବଇଲେ ଜେ ଆମ୍ବକେ ବିରଦ୍ ନ କରେ, ସେ ଆମର୍ ନିଜର୍ ଲକ୍ । ୪୧ ✨ଆରି ମୁଇ ତମକେ ସତ୍ କଇଲିନି, କେ ତମକେ ମର୍ନାଉଁ ଦାରି ଗଟେକ୍ ଗିଲାସ୍ ପାନି କାଇବାକେ ଦେଇସିବଇଲେ, ସେଟାର୍ପାଇ ସତ୍ସେ ତାକେ ପୁରୁସ୍କାର୍ ମିଲ୍ସି ।”

**ବିନ୍ ଲକ୍କେ ପାପ୍ ନ କରାଇବାକେ ସିକିଆ**  
(ମାତିଉ ୧୮:୬-୯; ଲୁକ୍ ୧୭:୧-୨)

୪୨ ଜିସୁ କଇବାର୍ ଦାର୍ଲା “ଜଦି କେ ମର୍ତେଇ ବିସ୍ବାସ୍ କରିରଇବା ଗଟେକ୍ ଲକ୍କେ, ସେ କରିରଇବା ବିସ୍ବାସ୍ ଚାଡିଦେବାକେ ପାପ୍କାମ୍ କରାଇଲାଇନି ବଇଲେ, ସେ ଲକ୍ ଗାଲାଇ ଜଡା ପାକ୍ନା ବାନ୍ଦିକରି ତାକେ ସମ୍ବୁରେ ପିଙ୍ଗିଦେବାଟା ତାର୍ପାଇ ନିକ ଅଇତା । ୪୩ ✨ଜଦି ତମର୍ ଆତ୍ ତମକେ ପାପ୍ କରାଇଲାନି ବଇଲେ, ସେ ଆତ୍ କାଟିପାକାଆ । କାଇକେବଇଲେ ଜଡେକ୍ ଆତ୍ ରଇକରି ସବୁଦିନର୍ପାଇ ଜଇଲାଗ୍ବା ନର୍କେ ପେଲାଅଇବା ବାଦୁଲେ ଗଟେକ୍ ଆତ୍ ନ ରଇକରି ସର୍ଗେ କେଟ୍ବାଟା ନିକ ଅଇସି । ୪୪ କାଇକେବଇଲେ ନର୍କେ ସେମନ୍ତର୍ କିତା ନସ୍ଟ ନ ଅଅତ୍ ଆରି ଜଇ ନ ଲିବେ । \* ୪୫ ଜଦି ତମର୍ ପାଦ୍ ତମକେ ପାପ୍କାମ୍ କରାଇଲାନି ବଇଲେ, ସେ ପାଦ୍ କାଟି ପିଙ୍ଗିଦିଆସ୍ । ଜଡେକ୍ ପାଦ୍ ରଇକରି ନର୍କେ ପେଲାଅଇବା ବାଦୁଲେ ଚଟା ଅଇକରି ସର୍ଗେ କେଟ୍ବାଟା ତମର୍ପାଇ ନିକଅଇସି । ୪୬ କାଇକେବଇଲେ ନର୍କେ ସେମନ୍ତର୍ କିତା ନସ୍ଟ ନ ଅଅତ୍ ଆରି ଜଇ ନ ଲିବେ । † ୪୭ ✨ଜଦି ତମର୍ ଆଁକିର୍ ଲାଗି ତମେ ବିସ୍ବାସ୍ ଆରାଇଲାସ୍ନି ବଇଲେ, ସେ ଆଁକି ବେଟି ପିଙ୍ଗିଦିଆସ୍ । କାଇକେବଇଲେ ଜଡେକ୍ ଆଁକି ରଇ ନର୍କେ ପେଲାଅଇବା ବାଦୁଲେ, ଗଟେକ୍ ଆଁକି ରଇକରି ସରଗ୍ ରାଇଜେ କେଟ୍ବାଟା ତମର୍ପାଇ ନିକରଇସି । ୪୮ କାଇକେବଇଲେ ନର୍କେ ସେମନ୍ତର୍ କିତା ନସ୍ଟ ନ ଅଅତ୍ ଆରି ଜଇ ନ ଲିବେ ।”

୪୯ “ଜେନ୍ତ୍ରକି ସୁନା ଜଇଟାନେ ପଡାଇକରି ନିର୍ମାଲ୍ କଲାପାରା ସବୁ ଲକ୍ମନ୍ତକେ ଜଇସଙ୍ଗ୍ ନିର୍ମାଲ୍ କର୍ବାଇ ।”

୫୦ ✨“ନୁନ୍ ଗଟେକ୍ ନିମାନ୍ ଜିନିସ୍ । ମାତର୍ ନୁନ୍ ଜଦି ତାର୍ କରିଆ ଅଇବାଟା ଆରାଇସି ବଇଲେ ସେ ଆରି ତରେକ୍ କେନ୍ତାର୍ କରିଆ ଅଇପାର୍ସି ? ତମେ ନୁନ୍ ପାରା ନିମାନ୍ ଗୁନେ ପୁରାପୁରୁନ୍ ଅଇ ସବୁଲକ୍ମନ୍ତର୍ ସଙ୍ଗ୍ ମିସି ବିଡି କରି ସୁଆଲେ ରୁଆ” ବଲି କଇଲା ।

**୧୦**

**ବିବାଅଇ ଚାଡାଚାଡି ଅଇବା ବିସଇ ଲାଗ ଜିସୁର୍ ସିକିଆ**  
(ମାତିଉ ୧୯:୧-୧୨; ଲୁକ୍ ୧୭:୧୮)

୧ ତାର୍ପଚେ ଜିସୁ ସେ ଜାଗା ଚାଡିକରି ଜିଉଦା ରାଇଜର୍ ସନ୍ଦି ଆରି ଜର୍ଦନର୍ ଆରି ଗଟେକ୍ ବାଟେ ଆଇଲା । ଆରି ସବୁ ବେଲାର୍ ପାରା ଲକ୍ମନ୍ ତାର୍ ଲଗେ ରୁଣ୍ଡିଲାଇ । ଆରି ଜିସୁ ସେମନ୍ତକେ ପର୍ମେସରର୍ କାତା ସିକାଇଦେଲା ।

୨ କେତେଟା ପାରୁସିମନ୍ ଜିସୁରୁ ଲଗେ ଆସିକରି ତାକେ ବୁଲ୍ ଦାର୍ବାକେ ଏନ୍ତାରି ପର୍ସନ୍ ପାଚାର୍ଲାଇ । “ଗଟେକ୍ ମୁନୁସ୍ ତାର୍ ମାଇଜିକେ ଚାଡିଦେବାଟା ଆମର୍ ନିୟମେ ଆଚେ କି ?”

✨ ୯:୩୭ ୯:୩୭ ମାତିଉ ୧୦:୪୦; ଲୁକ୍ ୧୦:୧୭; ଜଅନ୍ ୧୩:୨୦ ✨ ୯:୪୦ ୯:୪୦ ମାତିଉ ୧୨:୩୦; ଲୁକ୍ ୧୧:୨୩ ✨ ୯:୪୧ ୯:୪୧ ମାତିଉ ୧୦:୪୨ ✨ ୯:୪୩ ୯:୪୩ ମାତିଉ ୫:୩୦ \* ୯:୪୪ ୯:୪୪ କେତକ୍ପୁରନା ଲେକାଇ ଏ ପଦ୍ ନାଇ † ୯:୪୬ ୯:୪୬ କେତକ୍ପୁରନା ଲେକାଇ ଏ ପଦ୍ ନାଇ ✨ ୯:୪୭ ୯:୪୭ ମାତିଉ ୫:୨୯ ✨ ୯:୫୦ ୯:୫୦ ମାତିଉ ୫:୧୩; ଲୁକ୍ ୧୪:୩୪,୩୫



୩ ଜିସୁ ସେମନ୍‌ଙ୍କେ କଇଲା, “ମସା ତମ୍‌ଙ୍କେ କାଇ ଆଦେସ୍ ଦେଲା ଆଚେ ?” ୪ ✨ସେମନ୍ କଇଲାକ, “ଗଟେକ୍ ମୁନୁସ୍ ତାର୍ ମାଇଜିକେ ଚାଡ଼ିଦେବାର୍ ରାଜିନାମା ପତର୍ ଲେକି ତାକେ ଦେଲାପତେ ତାକେ ପାଟାଇଦେଇ ଅଇସି ବଲି ମସା କଇଲା ଆଚେ ।”

୫ ଜିସୁ ସେମନ୍‌ଙ୍କେ କଇଲା, “ମସା କାଇକେ ଏନ୍ତି ଲେକିରଇଲା ବଇଲେ, ତମର୍ ମନ୍‌ବିତ୍‌ରର୍ ବୁଜ୍‌ବା ବପୁ ତାର୍ ରଇଲାଟା ଦେକିକରି ସେ, ଏ ଆଦେସ୍ ଲେକିଦେଲା ଆଚେ । ୬ ଜେନ୍ତି ସାସ୍‌ତର୍ କଇଲାନି, ପର୍‌ମେସର୍ ଜେଡେବେଲେ ଏ ଦୁନିଆ ତିଆରକଲା, ସେବେଲେ ସେ ମାଇଜିମୁନୁସ୍ କରି ତିଆରକଲା ଆଚେ । ୭ ସେଟାର୍‌ପାଇ ଗଟେକ୍ ମୁନୁସ୍ ତାର୍ ବାବା ମାକେ ଚାଡ଼ିକରି ତାର୍ ମାଇଜି ସଙ୍ଗ୍ ମିସି । ୮ ସେ ଦୁଇଲକ୍ ଗଟେକ୍ ଅଇବାଇ, ଆରି ସେମନ୍ ଦୁଇଲକ୍ ଇସାବେ ନ ରଅଡ୍, ମାତର୍ ଗଟେକ୍ ଲକ୍ ଇସାବେ ରଇବାଇ । ୯ ସେଟାର୍‌ପାଇ ପର୍‌ମେସର୍ ଜନ୍ ଦୁଇଲକ୍‌ଙ୍କେ ମିସାଇଆଚେ, କେ ମିସା ସେମନ୍‌ଙ୍କେ ବିନେ ନ ବେଗ୍‌ଲାଅଡ୍ ।”

୧୦ ଜିସୁ ଆରି ତାର୍ ସିସମନ୍ ଗରେ ବାଉଡିଗାଲା ପଚେ, ସିସମନ୍ ଆରିତରେକ୍ ଏ ବିସଇ ତାକେ ପାଟାରଲାଇ । ୧୧ ✨ଜିସୁ ସେମନ୍‌ଙ୍କେ କଇଲା, “ଗଟେକ୍ ମନସ୍ ତାର୍ ମାଇଜିକେ ଚାଡ଼ପତର୍ ଦେଇ ବିନ୍ ମାଇଜିକେ ବିବା ଅଇସି ବଇଲେ, ସେ ମନସ୍ ପର୍‌ତୁମ୍ ମାଇଜିର୍ ବିରୁଦେ ପାଦ୍‌ରା କାମ୍ କଲାନି । ୧୨ ଆରି ସେନ୍ତି ସେ ଜନ୍ ମାଇଜିଟକି ତାର୍ ମୁନୁସ୍‌ଙ୍କେ ଚାଡ଼ ପତର୍ ଦେଇ, ବିନ୍ ମୁନୁସ୍‌ଙ୍କେ ବିବା ଅଇସି ବଇଲେ ସେ ମିସା ପର୍‌ତୁମ୍ ମନସ୍ ବିରୁଦେ ପାଦ୍‌ରି କାମ୍ କଲାନି ।” ବଲିକରି କଇଲା ।

**ଜିସୁ ସାନ୍ ପିଲାମନ୍‌ଙ୍କେ ଆସିର୍‌ବାଦ୍ କଲା**  
(ମାତିଉ ୧୯:୧୩-୧୫; ଲୁକ୍ ୧୮:୧୫-୧୭)

୧୩ ଗଟେକ୍ ଦିନ୍ କେଡେକ୍ ଲକ୍‌ମନ୍ ତାକର୍ ପିଲାଟକିମନ୍‌ଙ୍କେ ଜିସୁ ଆଡ୍ ସଙ୍ଗ୍ ଆସିର୍‌ବାଦ୍ କର ବଲି ତାର୍‌ଲଗେ ଆନ୍‌ଲାଇ । ମାତର୍ ତାର୍ ସିସମନ୍ ଲକ୍‌ମନ୍‌ଙ୍କେ, ଦମ୍‌କାଲାଇ । ୧୪ ଜିସୁ ଏଟା ଦେକି ବେସି ରିସାଅଇ ସିସମନ୍‌ଙ୍କେ କଇଲା, “ସାନ୍ ପିଲାମନ୍‌ଙ୍କେ ମର୍ ଲଗେ ଆଇବାକେ ବାଟ୍ ଦିଆସ୍, ସେମନ୍‌ଙ୍କେ ମନା କରାନାଇ । କାଇକେବଇଲେ ପର୍‌ମେସର୍‌ର ରାଇଜ୍ ଏନ୍ତି ପିଲାଟକିମନ୍‌ର୍ ପାରା ରଇବା ଲକ୍‌ମନ୍‌ର୍ ପାଇସେ । ୧୫ ✨ମୁଇ ତମ୍‌ଙ୍କେ ସଡ୍ କାତା କଇଲିନି, କେ ମିସା ଗଟେକ୍ ସାନ୍ ପିଲାର୍ ପାରା ନ ଅଇ, ପର୍‌ମେସର୍‌ର ରାଇଜ୍ ନ ନାମଡ୍, ସେମନ୍ କେବେ ମିସା ତାର୍ ରାଇଜେ କେଟି ନାପାରଡ୍ ।” ୧୬ ତାର୍‌ପଚେ ଜିସୁ ସାନ୍ ସାନ୍ ପିଲାଟକିମନ୍‌ଙ୍କେ ଉଟାରି ତାକର୍ ମୁଣ୍ଡେ ଚିଇକରି ଆସିର୍‌ବାଦ୍ କଲା ।

**ସାଉକାର୍ ଗର୍ ପିଲାର୍ କାତ**  
(ମାତିଉ ୧୯:୧୭-୩୦; ଲୁକ୍ ୧୮:୧୮-୩୦)

୧୭ ଜିସୁ ଆରି ତାର୍ ସିସମନ୍ ଡେଇଅନି ବାରଇ ଜିବାବେଲେ ବାଟେ ଗଟେକ୍ ଲକ୍ ପାଲାଇ ଆସି ତାର୍ ଲଗେ କେଟ୍‌ଲା ଆରି ତାର୍ ମୁଆଟେ ମାଣ୍ଡିକ୍‌ଟା ଦେଇ ପାଟାରଲା, “ଏ ନିମାନ୍ ଗୁରୁ, ନ ସାର୍‌ବା ଜିବନ୍ ମିଲାଇବାକେ ଆଲେ ମୁଇ କାଇଟା କର୍‌ବାର୍ ଆଚେ ?”

୧୮ ଜିସୁ ତାକେ କଇଲା, “ତୁଇ ମକେ କାଇକେ ନିମାନ୍ ଲକ୍ ବଲି କଇଲୁସିନି ? କାଇକେବଇଲେ ପର୍‌ମେସର୍‌ଙ୍କେ ଚାଡ଼ିକରି ଆରି ବିନ୍‌ଟା କେ ମିସା ନିମାନ୍ ଲକ୍ ନାଇ । ୧୯ ଆରି ତୁଇ ନିଅମ୍‌ତା ଜାନିଆରୁସ୍, ମାର୍‌ବାର୍ ନାଇ, ପାଦ୍‌ରାପାଦ୍‌ରି କାମ୍ କର୍‌ବାର୍ ନାଇ, ଚର୍ କାମ୍ କର୍‌ବାର୍ ନାଇ, ମିର୍ ସାକି ଦେବାର୍ ନାଇ, ଆୟା ବାବାକେ ସନ୍‌ମାନ୍ ଦିଆସ୍ ।” ବଲି କଇଲା ।

୨୦ ସେ ଲକ୍ ଜିସୁଙ୍କେ କଇଲା, “ଏ ଗୁରୁ, ମୁଇତା ଏସବୁ ଆଦେସ୍ ସାନ୍ ବେଲେ ଅନି ମାନ୍‌ଲିନି ।”

୨୧ ଜିସୁ ତାକେ ନିକକରି ଦେକ୍‌ଲା ଆରି ତାକେ ଆଲାଦ୍ କରି କଇଲା, “ତୁଇ ଏବେ ମିସା ଗଟେକ୍ ବିସଇଡେଇ ଉନା ଆରୁସ୍ । ତୁଇ ଜାଇ ତର୍ ଦନ୍‌ସ୍‌ପତି ବିକି, ସେ ତାରୁ ଗରିବ୍ ଲକ୍‌ମନ୍‌ଙ୍କେ ବାଟାକରି ଦେସ୍, ତୁଇ ସର୍‌ଗେ ଦନ୍ ପାଇସୁ । ଏନ୍ତିକରି ମର୍ ପଚେ ପଚେ ଆଉ ।” ବଲିକରି କଇଲା । ୨୨ ଜିସୁ କଇଲା ଏ କାତା ସୁନିକରି ସେ ଲକ୍ ମୁ ସୁକାଇ କରି, ଗରେ ଉଟିଗାଲା । କାଇକେବଇଲେ ସେଲକ୍ ବେସି ସାଉକାର୍ ରଇଲା ।

୨୩ ଜିସୁ ଚାରିବେଡ଼ି ଦେକିକରି ସିସମନ୍‌ଙ୍କେ କଇଲା, “ସାଉକାର୍ ଲକ୍‌ମନ୍ ପର୍‌ମେସର୍‌ର ରାଇଜେ ଜିବାଟା ବେସି କସ୍‌ଟ ଆଚେ ।”

୨୪ ଜିସୁର୍ କାତା ସୁନିକରି ସିସମନ୍ କାବା ଅଇଗାଲାଇ । ମାତର୍ ଜିସୁ ସେମନ୍‌ଙ୍କେ ଆରିତରେକ୍ କଇଲା, “ଏ ମର୍ ପିଲାମନ୍ ପର୍‌ମେସର୍‌ର ରାଇଜେ ଜିବାଟା ଲକ୍‌ମନ୍‌ଙ୍କେ କେଡେକ୍ କସ୍‌ଟ ! ୨୫ ଜେନ୍ତି ଗଟେକ୍ ବଡ୍ ଜଡ୍ ସୁଜି ବାଟେ ଚିଙ୍ଗି ଜିବାକେ କସ୍‌ଟ, ସାଉକାର୍ ଲକ୍ ପର୍‌ମେସର୍‌ର ରାଇଜେ କେଟ୍‌ବାଟା ତାର୍‌ଡେଇଅନି ଅଦିକ୍ କସ୍‌ଟ ।”

✨ ୧୦:୪ ୧୦:୪ ମାତିଉ ୫:୩୧ ✨ ୧୦:୧୧ ୧୦:୧୧ ମାତିଉ ୫:୩୨; ୧ମ କରନ୍ତିୟ ୭:୧୦,୧୧ ✨ ୧୦:୧୫ ୧୦:୧୫ ମାତିଉ ୧୮:୩

୨୬ ସିସ୍ତମନ୍ ଆରିତରେକ୍ ବେସି କାବା ଅଇଗାଲାଇ ଆରି ନିଜର୍ ନିଜର୍ ବିତ୍ତରେ କାତା ଅଇଲାଇ, “ଏନ୍ତି ବଇଲେ କେ ତେବେ ରକିଆ ପାଇସି ?”

୨୭ ଜିସୁ ସେମନ୍‌କେ ଦେକିକରି କଇଲା, “ଏ ବିସଇ ଲକ୍‌ମନ୍‌ ଟାନେ ଅଇନାପାରେ, ମାତର୍ ପର୍ମେସରର୍ ଟାନେ ସବୁଟା ଅଇପାରସି ।”

୨୮ ପିତର୍ ଜିସୁକେ କଇଲା, “ଦେକା ଆମେ ଆମର୍ ସବୁ ଚାଡ଼ିଦେଇ ତମର୍ ସଙ୍ଗ୍ ଆଇଲୁଆତୁ ।”

୨୯ ଜିସୁ ସେମନ୍‌କେ କଇଲା, “ମୁଇ ତମ୍‌କେ ସତ୍ କାତା କଇଲିନି, ଜେ ମର୍ ସଙ୍ଗ୍ ଆଇବାକେ ଆରି ପର୍ମେସରର୍ ନିମାନ୍ କାତା ଜାନାଇବାକେ ଗର୍ ଦୁଆର୍, ବାଇ ବଇନି, ମା ବାବା, ପିଲାଟକି ଆରି ଜମିବାଡ଼ି ଚାଡ଼ିକରି ଆଚେ, ୩୦ ସେ ସତ୍‌ସେ, ନିଜର୍ ଚାଡ଼ିରଇଲା ସବୁ ବିସଇତେଇଅନି ସଏ ବାଗ୍ ଅଦିକ୍ ଏ ଜୁଗେ ପାଇସି । ଗର୍ ଦୁଆର୍, ବାଇ ବଇନି, ମାଆ ବାବା, ପିଲାଟକି ଆରି ଜମିବାଡ଼ି ଏ ସବୁ ଦିନ୍‌ସୁ ଅଦିକ୍ ପାଇସି ଆରି ତାର୍ ସଙ୍ଗ୍ ଗେଞ୍ଜନା ମିସା ପାଇସି । ମାତର୍ ଆଇବା ଜୁଗେ ପର୍ମେସରର୍ ରାଇଜେ, ସେ ନ ସାର୍‌ବା ଜିବନ୍ ପାଇସି । ୩୧ ମାତର୍ ଜନ୍ ଲକ୍‌ମନ୍ ଆଗତୁ ଅଇତେରଇବାଇ, ସେମନ୍ ପଚେ ରଇବାଇ । ଆରି କେ କେ ପଚେ ରଇବାଇ, ସେମନ୍ ଆଗତୁ ରଇବାଇ ।”

**ଜିସୁ ତାର୍ ମରନର୍ ବିସଇ ଏଟା ସଙ୍ଗ୍ ତିନ୍ ପାଲି କଇଲା**

(ମାତିଉ ୨୦:୧୭-୧୯; ଲୁକ୍ ୧୮:୩୧-୩୪)

୩୨ ସେମନ୍ ଜିରୁସାଲମେ ଗାଲାବେଲେ, ଜିସୁ ସେମନ୍‌ର ଆଗତୁ ଆଗତୁ ଜାଇତେ ରଇଲା । ସେବେଲା ସିସ୍ତମନ୍ କାବାଅଇଜାଇତେ ରଇଲାଇ । ଆରି ଜିସୁର୍ ପଚେ ପଚେ ଜିବା ଲକ୍‌ମନ୍ ସବୁ ସେ ଜିରୁସାଲମେ ଗାଲାନି ବଲି ଡରିଜାଇତେ ରଇଲାଇ । ଜିସୁ ତାର୍ ବାର୍‌ଟା ସିସ୍ତମନ୍‌କେ ବିନେ ଡାକିନେଇକରି ନିଜ୍‌କେ କାଇକାଇଟା ଅଇସି, ସେ ବିସଇ କଇବାର୍ ଦାରଲା । ୩୩ ଜିସୁ ତାର୍ ସିସ୍ତମନ୍‌କେ କଇଲା, “ସୁନା ଆମେ ଜିରୁସାଲମେ ଗାଲୁନି । ତେଇ ପର୍ମେସରର୍‌ଟାନେଅନି ଆସିରଇବା ନର୍‌ପିଲା, ମକେ ବିସ୍‌ବାସେ ବିସ୍ ଦେଲାପାରା କରି ମୁକିଅ ପୁଜାରିମନ୍ ଆରି ନିୟମ୍ ସିକାଇ ଦେବା ଲକ୍‌ମନ୍‌କେ ସର୍‌ପି ଦେବାଇ । ସେମନ୍ ମକେ କିଜାଇକରି ବିଚାର୍ କରି ‘ଆକେ ମରାଇବାର୍ ଆଚେ ।’ ବଲି ରମିୟ ଲକ୍‌ମନ୍‌କେ ସର୍‌ପି ଦେବାଇ । ୩୪ ସେମନ୍ ମକେ ଟାପୁରା କର୍‌ବାଇ, ମର୍ ଉପରେ ତୁକ୍‌ବାଇ । ମକେ କର୍‌ତା ସଙ୍ଗ୍ ମାର୍‌ବାଇ, ଆରି ସାରାସାରି ମରାଇବାଇ । ମାତର୍ ମରିକରି ତିନ୍‌ଦିନ୍ ଗାଲାପଚେ, ମୁଇ ଆରି ତରେକ୍ ମଲାଟାନେଅନି ଉର୍‌ବି ।”

**ଜାକୁବ୍ ଆରି ଜଅନ୍ ମାଙ୍ଗ୍‌ବାଟା**

(ମାତିଉ ୨୦:୨୦-୨୮)

୩୫ ଜେବଦି ନାଉର୍ ଗଟେକ୍ ଲକ୍‌ର୍ ପିଲାମନ୍ ଜାକୁବ୍ ଆରି ଜଅନ୍ ଜିସୁର୍‌ତେଇ ଆସି ତାକେ କଇଲାଇ, “ଏ ଗୁରୁ, ଆମେ ତର୍‌ତେଇ ଜାଇଟା ମାଙ୍ଗ୍‌ରୁ, ତୁଇ ସେଟା କର୍ ବଲି ଆମେ ମନ୍ କଲୁନି ।”

୩୬ ଜିସୁ ପାଚାରଲା, “ମୁଇ ତମର୍ ପାଇ କାଇଟା କର୍‌ବି ବଲି ମନ୍ କଲାସିନି ?”

୩୭ ସେମନ୍ ଜିସୁକେ କଇଲା, “ତୁଇ ତର୍ ଡାକ୍‌ପୁଟା ପାଇବା ବସ୍‌ବା ଜାଗାଇ ବସ୍‌ଲା ବେଲେ ଆମର୍ ଦୁଇଲକ୍‌ର୍ ବିତ୍ତରେ ଅନି ଗଟେକ୍ ଲକ୍‌କେ ତର୍ ଉଜା ବାଟେ ଆରି ଗଟେକ୍ ଲକ୍‌କେ ତେବ୍‌ରି ବାଟେ ବସାଅ ବଲି ମନ୍ କଲୁନି ।”

୩୮ ଜିସୁ ସେମନ୍‌କେ କଇଲା, “ତମେ କାଇ ବିସଇ ମାଙ୍ଗ୍‌ଲାସିନି ସେ ବିସଇ ନାଜାନାସ୍ । ମକେ ଜନ୍ ମୁତାଇ ଦୁକ୍‌କସ୍‌ଟ ପାଇବାକେ ଆଚେ, ସେ ମୁତାର୍ ଦୁକ୍‌କସ୍‌ଟ ପାଇପାରାସ୍ କି ? ଆରି ମୁଇ ଜନ୍ ତୁବନ୍ ନେବାର୍ ଆଚେ, ସେ ତୁବନ୍ ନେଇ ପାରାସ୍ କି ?”

୩୯ ସେମନ୍ ଜିସୁକେ କଇଲା, “ଉଁ ଆମେ ପାରୁ ।” ଜିସୁ ସେମନ୍‌କେ କଇଲା, “ଏଟା ସତ୍‌ସେ । ମୁଇ ଜନ୍ ମୁତାର୍ ଦୁକ୍‌କସ୍‌ଟ ପାଇବି ଆରି ଜନ୍ ତୁବନ୍ ନେବି ତମେମିସା ସେ ମୁତାର୍ ଦୁକ୍‌ କସ୍‌ଟ ଆରି ତୁବନ୍ ପାଇସା । ୪୦ ମାତର୍ ମର୍ ଉଜାବାଟେ କି ତେବ୍‌ରିବାଟେ ବସ୍‌ବାକେ ଦେବାର୍, ମର୍ ଅଦିକାର୍ ନାଇ, ମାତର୍ ମର୍ ବାବା ବାଡ଼ସି ।”

୪୧ ଜାକୁବ୍ ଆରି ଜଅନ୍ କଇଲା କାତା ବିନ୍ ସିସ୍ତମନ୍ ଜେତେବେଲ୍ ସୁନ୍‌ଲାଇ, ଜାକୁବ୍ ଆରି ଜଅନ୍‌କେ ବେସି ରିସା ଅଇଗାଲାଇ । ୪୨ ମାତର୍ ଜିସୁ ତାର୍ ସିସ୍ତମନ୍‌କେ ଗଟେକ୍‌ଟାନେ ଡାକି କରି ସେମନ୍‌କେ କଇଲା, “ଏ ଦୁନିଆର୍ ରାଜାମନ୍ ଆରି ନେତାମନ୍ ଲକ୍‌ମନ୍‌କେ ନିଜର୍ ଅଦିକାରେ ରକ୍‌ବାକେ ମନ୍ କର୍‌ବାଇ । ଆରି ସର୍‌କାର୍ ମିସା ତାକର୍ ତଲେ ରଇଲା ଲକ୍‌ମନ୍‌କେ ନିଜର୍ ଅଦିକାରେ ରକି ରଇବାକେ ମନ୍ କର୍‌ବାଇ । ଏ ବିସଇ ତମେ ଜାନିଆଟାସ୍ । ୪୩ ମାତର୍ ତମର୍ ବିତ୍ତରେ ଏନ୍ତି ନ ରଇକରି ବିନ୍‌ବାବେ ରଇବାର୍ ଆଚେ । ତମର୍ ବିତ୍ତରେଅନି କେ ବଡ଼ ଲକ୍ ପାରା ଦେକାଇଅଇବାକେ ମନ୍ କଲାନି

☆ ୧୦:୩୧ ୧୦:୩୧ ମାତିଉ ୨୦:୧୭; ଲୁକ୍ ୧୩:୩୦ ☆ ୧୦:୩୮ ୧୦:୩୮ ଲୁକ୍ ୧୨:୫୦ ☆ ୧୦:୪୨ ୧୦:୪୨ ଲୁକ୍ ୨୨:୨୫,୨୬ ☆ ୧୦:୪୩ ୧୦:୪୩ ମାତିଉ ୨୩:୧୧; ମାର୍ଚ୍ଚ ୯:୩୫; ଲୁକ୍ ୨୨:୨୬

ବଇଲେ, ସେ ତମର ସବୁ ଲକ୍ଷ୍ମୀ ଗଣେକ୍ ଗତିଦାଙ୍ଗୁଡ଼ା ପାଠା ରଥ । ୪୪ ଜଦି କେ ତମର ବିତ୍ତରେ ଅନି ପର୍ଯ୍ୟେସରର ମୁଆଟେ ମୁକ୍ତିଅ ଲକ୍ଷ୍ମୀ ଅଇବାକେ ମନ୍ କଲାନି ବଇଲେ, ସେ ଗଣେକ୍ ଗେନଲ୍ଲା ଗତିଦାଙ୍ଗୁଡ଼ା ପାଠା ସେବା କର । ୪୫ କାଇକେ ବଇଲେ ପର୍ଯ୍ୟେସରଗେନେଅନି ଆସିରଇବା ନରପିଲା ମୁଇ, ବିନ୍ ଲକ୍ଷ୍ମୀନରଗେନେଅନି ମକେ ସେବା ମିଲ ବଲି ଆସି ନାଇ, ମାତର ସେବା କରବାକେ ଆସି ଆଟି । ଆରି ମୁଇ ଜିବନ୍ ଦେବାର ଲାଗି, ବେସି ଲକ୍ଷ୍ମୀ ଦସି ବଲି ଏଜାଇ ନ ଅଇ, ପାପେଅନି ରକିଆ ପାଇବାଇ ।”

**ଜିସୁ ବାର୍ତ୍ତିମୟ କାଣାକେ ନିକ କଲା**  
(ମାତିଉ ୨୦:୨୯-୩୪; ଲୁକ୍ ୧୮:୩୫-୪୩)

୪୬ ତାରପଟେ ଜିସୁ ଆରି ତାର ସିସ୍ତମନ୍ ଜିରିଅ ନାଉଁର ଗଡେ କେଟ୍ଲାଇ । ସେ ଗଡ଼ ଗତିକରି ଗାଲାବେଲେ, ତିମାୟ ନାଉଁର ଲକ୍ଷ୍ମୀ ପିଲା ବାର୍ତ୍ତିମୟ ବଲି ଗଣେକ୍ କାଣା ଲକ୍ଷ୍ମୀ ବାଟ୍ପାଲି ବସି ବିକ୍ ମାଙ୍ଗ୍‌ତେରଇଲା । ୪୭ ନାଜରିତର ଜିସୁ ଏବାଟେ ଆଇଲାନି ବଲି ସୁନି, ସେ ବେସି ଆଉଲି ଅଇକରି କଇଲା, “ଏ ଦାଉଦର୍ ପଅ ଜିସୁ, ମକେ ଦୟାକରା !”

୪୮ ବେସି ଲକ୍ଷ୍ମୀନ ତାକେ ଚିମ୍‌ରାଇଅଇ ରଇବାକେ କଇଲାଇ, ମାତର ସେ କାଣାଲକ୍ଷ୍ମୀ ଅଦିକ୍ ଅଦିକ୍ ଆଉଲିଅଇକରି କଇଲା, “ଏ ଦାଉଦର୍ ପଅ ! ମକେ ଦୟା କରା ।”

୪୯ ଜିସୁ ତେବିକରି କଇଲା, “ତାକେ ମର ଲଗେ ଆଇବାକେ କୁଆ ।” ଲକ୍ଷ୍ମୀନ କାଣାକେ ଡାକିକରି କଇଲାଇ, “ସାଆସ୍ ଦାରିକରି ଉଟ୍, ଜିସୁ ତକେ ଡାକ୍‌ଲାନି ।”

୫୦ କାଣା ଲକ୍ଷ୍ମୀ ତାର ଚାଦର୍ ତେଇ ପିଙ୍ଗିଦେଇକରି ଚିକାଲ୍‌ନା ତେଗଇ ଉଟ୍‌ଲା ଆରି ଜିସୁର ଲଗେ ଗାଲା ।

୫୧ ଜିସୁ ତାକେ ପାଚାରଲା “ମୁଇ ତରପାଇ କାଇଟା କରବି ବଲି ତୁଇ ମନ୍ କଲୁସ୍‌ନି ?” ସେ କଇଲା, “ଏ ଗୁରୁ, ମୁଇ ଜେନ୍ତିକି ଦେକି ପାରବି ସେଟା ମନ୍ କଲିନି ।”

୫୨ ଜିସୁ ତାକେ କଇଲା, “ଜା, ତୁଇ ନିମାନ୍ ଅଇଜାଇ ଆରୁସ୍ । କାଇକେବଇଲେ ତୁଇ ମକେ ବିସ୍‌ବାସ୍ କରି ଆଁକି ଦେକି ପାରଲୁସ୍‌ନି ।” ସେଦାପ୍‌ରେସେ କାଣା ଆଁକି ଦେକି ବାଟେ ବାଟେ ଜିସୁର ପଟେ ଜିବାର୍ ଦାରଲା ।

**୧୧**

**ଜିସୁ ଡାକ୍‌ପୁଟାଅଇ ଜିରୁସାଲାମ୍ କେଟ୍‌ଲା**  
(ମାତିଉ ୨୧:୧-୧୧; ଲୁକ୍ ୧୯:୨୮-୪୦; ଜଅନ୍ ୧୨:୧୨-୧୯)

୧ ଜିସୁ ଆରି ତାର ସିସ୍ତମନ୍ ଜିରୁସାଲାମ୍ ଲଗାଲଗି ଅଇକରି ଜିଡ଼ ନାଉଁର ଡାକ୍‌ପୁଟାରେ ରଇଲା ବେଡ୍‌ପାଗି ଆରି ବେଡ୍‌ନିଆ ନାଉଁର ଗାଏଁ କେଟ୍‌ଲାଇ । ଜିସୁ ସିସ୍ତମନ୍‌ର ବିତ୍ତରେଅନି ଦୁଇଲକ୍ଷ୍ମୀକେ ଡାକିକରି ସେମନ୍‌କେ କଇଲା, ୨ ତମେ ଆମର୍ ମୁଆଟେ ରଇଲା ଗାଏଁ ଜା । ତମେ ଗାଉଁ ବିତ୍ତରେ ଜିବାବେଲେ, ଗଣେକ୍ ଗଦ ପିଲା ବାନ୍ଧିରଇଲାଟା ଦେକ୍‌ସା । ସେ ଗଦ ପିଲାର୍ ଉପ୍‌ରେ ଏବେଜାକ କେ ମିସା ଚଗଡ଼ ନାଇ । ତାକେ ମେଲିକରି ମରଲଗେ ଦାରିଆସା । ୩ ଜଦି କେ ତମ୍‌କେ କାଇକେ ମେଲିକରି ନେଲାସ୍‌ନି ? ବଲି ପାଚାରଲେ, ମାପ୍‌ରୁକେ ଦର୍‌କାର୍ ଆଟେ ଆରି ସେ ତମ୍‌କେ ଦାପ୍‌ରେସେ ବାଉଡାଇଦେଇସି । ବଲି ସେମନ୍ ଜିବା ଆଗ୍‌ତୁ ସେମନ୍‌କେ ପାଟାଇଦେଲା ।

୪ ସେ ଗାଏଁ ଗାଲାଇ ଜେ ଗଣେକ୍ ଗରର୍ ଡାଣ୍ଡୁର୍ ତିଆଗତିଲଗେ ଗଦ ପିଲା ବାନ୍ଧିଅଇ ରଇଲାଟା ଦେକିକରି ତାକେ ଜାଇ ମେଲ୍‌ଲାଇ । ୫ ତେଇ ଚିଆଅଇରଇଲା କେତେଲକ୍ଷ୍ମୀନ କଇଲାଇ, “ତମେ କାଇଟା କଲାସ୍‌ନି ? ଆରି କାଇକେ ଏ ଗଦ ପିଲାକେ ମେଲ୍‌ଲାସ୍‌ନି ?”

୬ ସେମନ୍‌କେ ଜିସୁ ଜେନ୍ତି କଇବାକେ କଇରଇଲା, ସେନ୍ତାରିସେ ସିସ୍ତମନ୍ ଲକ୍ଷ୍ମୀନକେ କଇଲାଇ । ତାରପଟେ ସେ ଲକ୍ଷ୍ମୀନ “ଗଦ ପିଲାକେ ନିଆ ।” ବଲି କଇଲାଇ ।

୭ ସେମନ୍ ଗଦ ପିଲାକେ ଜିସୁର ଲଗେ ଆନ୍‌ଲାଇ ଆରି ନିଜର୍ ନିଜର୍ ପଟିଆମନ୍ ଗଦ ପିଲାର୍ ପିଟି ଉପ୍‌ରେ ପାକାଇଲାଇ । ଆରି ଜିସୁ ଗଦ ଉପ୍‌ରେ ବସ୍‌ଲା । ୮ ବେସି ଲକ୍ଷ୍ମୀନ ଜିସୁକେ ସନ୍‌ମାନ୍ ଦେବାକେ ନିଜର୍ ନିଜର୍ ପଟିଆମନ୍ ବାଟେ ଅଚାଇଦେଲାଇ ଆରି ବିନ୍‌ଲକ୍ଷ୍ମୀନ ଗଟର୍ ଡାଲ୍‌ପତର୍ ଆରି କେନ୍‌ମାମନ୍ କାଟିଆନିକରି ବାଟେ ଅଚାଇଦେଲାଇ । ୯ ଜିସୁର ଆଗ୍‌ତୁବାଟେ ଆରି ପର୍‌ବାଟେ ଜିବା ଲକ୍ଷ୍ମୀନ ବେସି ଆଉଲିଅଇ ଏନ୍ତି କଇତେରଇଲାଇ, “ଅସାନା, ପର୍‌ମେସର୍‌କେ ଡାକ୍‌ପୁଟା କରା । ପର୍‌ମେସର୍ ତାକେ ଆସିରବାଦ୍ କଲାଆଟେ । ୧୦ ଆମର୍ ଆନିଦାଦି ଦାଉଦ୍ ରାଜାର ରଇଜ୍ ଆଇଲାନି, ତାର ରଇଜ୍ ପର୍‌ମେସର୍ ଆସିରବାଦ୍ କର । ସର୍‌ଗେ ରଇବା ବାବା ପର୍‌ମେସର୍ ସନ୍‌ମାନ୍ ପାଇଲାପାଠା କାତା କୁଆ” ବଲି କଇଲାଇ ।

୧୧ ତାରପଟେ ଜିସୁ ଜିରୁସାଲମ୍ ଆସିକରି ପର୍ଯ୍ୟଟନର ଗର୍ ବିତରେ ପୁରୁଲା । ଆରି ଚାରିବେଡ଼ି ରଇଲା ସବୁ ଜିନିଷମନ୍ ନିମାନ୍ କରି ଦେକଲା । ସେ ବେଲା ବେସି ଅଲ୍‌ସମ୍ ଅଇଗାଲାଜେ, ସେ ବାର୍ତ୍ତା ସିସମନ୍ ସଙ୍ଗ ବେଡ଼ିଆ ନାଉର୍ ଗାଏଁ ଉଟିଜାଇକରି ତେଇ ରଇଲା ।

ଜିସୁ ତୁମ୍‌ରି ଗର୍‌କେ ସାଇପ୍‌ଦେଲା  
(ମାତିଉ ୨୧:୧୮-୧୯)

୧୨ ତାର୍ ଆରକର୍ ଦିନେ ଜିସୁ ଆରି ତାର୍ ସିସମନ୍ ବେଡ଼ିଆଇଅନି ଜିରୁସାଲମ୍ ଆଇବାବେଲେ ଜିସୁକେ ବେସି ବୁକ୍ କଲା । ୧୩ ଜିସୁ ତୁମ୍‌ରିକେ ଅନି ବେସି ପତର୍ ରଇବା ଗଟେକ୍ ତୁମ୍‌ରିଗର୍ ଦେକଲା । ଆରି ସେ ଗଟେ କେତେଟା ପଲ୍ ଦାରିରଇସି ବଲି ବାବିକରି ଗର୍‌ବୁଦେ ଗାଲା । ମାତର୍ ଗର୍‌ଲଗେ ଜାଇକରି ଦେକଲାଜେ, ଗଟେକ୍ ମିସା ପଲ୍ ମିଲେ ନାଇ । କାଇକେବଇଲେ, ସେଟା ତୁମ୍‌ରିପଲ୍ ଦାରବା ଦିନ୍ ନ ରଇଲା । ୧୪ ଜିସୁ ଗର୍‌କେ କଇଲା, “ତୁଇ ଆରି କେବେ ମିସା ପଲ୍ ନ ଦାରୁସ୍ ।” ସେ କାତା ତାର୍ ସିସମନ୍ ସୁନ୍‌ଲାଇ ।

ଜିସୁ ଜିରୁସାଲମ୍‌ର ପାର୍ତନା ଗର୍ ପରିଚଲ୍ କଲା  
(ମାତିଉ ୨୧:୧୨-୧୭; ଲୁକ୍ ୧୯:୩୯-୪୮; ଜଅନ୍ ୨:୧୩-୨୨)

୧୫ ତାର୍‌ପଟେ ଜିସୁ ଜିରୁସାଲମ୍‌ର ଗଡେ ଜାଇ, ମନ୍ଦିରେ ପୁରିକରି ତେଇ ଗେନାବିକା କରବା ଲକ୍‌ମନ୍‌କେ ଡାଣ୍ଡେ ବାରକରାଇଦେଲା । ବିନ୍ ଦେସର୍ ତାରୁ ବାଦ୍‌ଲାଇବା ଲକ୍‌ମନ୍‌ର ଟେବୁଲ୍ ଆରି ବିରୁ କରବା ପରୁଆ ବିକ୍‌ବା ଲକ୍‌ମନ୍‌ର ବସ୍‌ବା ପିଡା ପାସ୍‌ଲାଇ ପାକାଇଲା । ୧୬ ମନ୍ଦିରର୍ ଡାଣ୍ଡେ ଗେନା ବିକା କରବାକେ ସେ କାକେମିସା ଦେଏ ନାଇ । ୧୭ ତାର୍ ପଟେ ସେ ଲକ୍‌ମନ୍‌କେ ସିକାଇଦେବାବେଲେ ଏନ୍ତି କଇଲା,

“ମର୍ ମନ୍ଦିର ସବୁ ଜାତିର୍ ଲକ୍‌ମନ୍‌ର ପାର୍ତନା ଗର୍ ବଲି ନାମ୍‌ବାଇ ବଲି ପର୍ଯ୍ୟଟନର ବଇଟାନେ ଲେକା ଅଇଆଟେ,

ମାତର୍ ତମେ ସେ ଗର୍ ଚର୍‌ମନ୍‌ର ପାଆର୍ କରିଆଟାସ୍ ।”

୧୮ ତେଇ ମୁକ୍ତିଅ ପୁଜାରିମନ୍ ଆରି ନିୟମ୍ ସିକାଉମନ୍ ଏ କାତା ସୁନି, ଜିସୁକେ କେନ୍ତି ମରାଇବାର୍ ଅଇସି ବଲି ଚେସ୍‌ଟା କର୍‌ତେରଇଲାଇ । ମାତର୍ ଲକ୍‌ମନ୍‌କେ ଡର୍‌ତେରଇଲାଇ । କାଇକେବଇଲେ ଲକ୍‌ମନ୍ ସେ ସିକାଇଦେବା ବିସଇ କାବା ଅଇକରି ବେସି ମନ୍ କରି ସୁନ୍‌ତେରଇଲାଇ ।

୧୯ ଆରି ସେଦିନର୍ ସଙ୍ଗ୍ ଅଇଲାକେ ଜିସୁ ଆରି ତାର୍ ସିସମନ୍ ଜିରୁସାଲମ୍ ନଅରେଅନି ବାରଇକରି ଉଟିଗାଲାଇ ।

ତୁମ୍‌ରି ଗର୍‌ତେଇ ଅନି ସିକିଆ  
(ମାତିଉ ୨୧:୨୧-୨୨)

୨୦ ତାର୍ ଆରକର୍ ଦିନର୍ ସାକାଲେ ବାଉଡି ଆଇବାବେଲେ, ଏଦେ ଦେକା ! ସେ ତୁମ୍‌ରିଗର୍ ବୁଦେଅନି ଟିପେଜାକ ସୁକି ଜାଇରଇଲାଟା ଦେକଲାଇ । ୨୧ ସେବେଲା ଜିସୁ ଆଗୁଡୁ କଇରଇଲା କାତା ପିତର୍ ଏତାଇକରି ତାକେ କଇଲା, “ଏ ଗୁରୁ ଜନ୍ ତୁମ୍‌ରି ଗର୍‌କେ ତମେ ସାଇପ୍ ଦେଇରଇଲାସ୍, ସେ ଗର୍ ସୁକିଗାଲା ଆଟେ ।”

୨୨ ଜିସୁ ସେମନ୍‌କେ କଇଲା, “ତମେ ପର୍ଯ୍ୟଟନର ତେଇ ବିସ୍‌ବାସ୍ କରିରୁଆ । ୨୩ ☆ମୁଇ ତମ୍‌କେ ସତ୍ କାତା କଇଲିନି, ଜେ ନିଜର୍ ମନେ ଅଇସି କି ନଏ ବଲିକରି ଏନେ ତେନେ ନ ଅଇ, ସେ କଇବା କାତାଇ ବିସ୍‌ବାସ୍ କରି, ‘ଏ ଡଙ୍ଗର୍ ଉଲ୍‌ଟିକରି ସମ୍‌ତୁରେ ଜାଇ ଅଦର୍ ।’ ବଲି କଇଲେ ସେଟା ସେନ୍ତାରି ଅଇସି । ୨୪ ସେଟାର୍‌ପାଇ ମୁଇ ତମ୍‌କେ କଇଲିନି, ତମେ ପାର୍ତନା ଜନ୍‌ଟା ମିଲ୍‌ସି ବଲି ବିସ୍‌ବାସ୍ କରି ମାଙ୍ଗ୍‌ଲେ, ସେଟା ତମ୍‌କେ ମିଲ୍‌ସି । ୨୫ ☆ମାତର୍ ତମେ ପାର୍ତନା କରବା ବେଲେ ତମର୍ ମନେ କାର୍ ବିରଦେ ମିସା କାଇ କାତା ରଇଲେ, ତାକେ କେମା ଦିଆସ୍ । ଏନ୍ତି କଲେ ତମର୍ ସରଗର୍ ବାବା ମିସା ତମ୍‌କେ ତମର୍ ପାପେଅନି କେମା ଦେଇସି । ୨୬ ମାତର୍ ତମେ କେମା ନ କଲେ, ତମର୍ ସରଗର୍ ବାବା ମିସା ତମ୍‌କେ କେମା ନ ଦେଏ ।” \*

ଜିସୁର ଅଦିକାର୍ ବିସଇନେଇ ପର୍‌ସନ୍  
(ମାତିଉ ୨୧:୨୩-୨୭; ଲୁକ୍ ୨୦:୧-୮)

୨୭ ସେମନ୍ ଆରିତରେକ୍ ଜିରୁସାଲମେ ଆଇଲାଇ । ଜିସୁ ମନ୍ଦିରର୍ ଦୁଆରେ ବୁଲ୍‌ବାବେଲେ ମୁକ୍ତିଅ ପୁଜାରିମନ୍, ନିୟମ୍ ସିକାଉମନ୍ ଆରି ପାର୍ତନିମନ୍ ତାର୍ ଲଗେ ଆସି ପାଚାର୍‌ଲାଇ, ୨୮ “ତୁଇ କାଇ

☆ ୧୧:୨୩ ୧୧:୨୩ ମାତିଉ ୧୭:୨୦; ୧ମ କରନ୍ତିୟ ୧୩:୨ ☆ ୧୧:୨୫ ୧୧:୨୫ ମାତିଉ ୬:୧୪,୧୫ \* ୧୧:୨୭ ୧୧:୨୭ କେତକ୍ ପୁରା ଲେକାଇ ଏ ପଦ୍ ନାଇ

ଅଦିକାରେ ଏ ସବୁ କାମ୍‌ମନ୍ କଲୁସ୍‌ନି ? ଆରି ଏ ସବୁ କାମ୍‌ମନ୍ କର୍‌ବାକେ ତକେ କେ ଅଦିକାର୍ ଦେଲାଆତେ ?”

୨୯ ମାତର୍ ଜିସୁ ସେମନ୍‌କେ କଇଲା, “ମୁଇ ମିସା ତମ୍‌କେ ଏକାଇ ଗଟେକ୍ ସେ ପର୍‌ସନ୍ ପାଗାର୍‌ବି, ସେ ପର୍‌ସନ୍‌ର୍ ଉତର୍ ତମେ କଇଲେ, ମୁଇ ଏ ସବୁ କାମ୍ କନ୍ ଅଦିକାରେ କଲିନି, ସେଟା ତମ୍‌କେ କଇବି । ୩୦ ଜଅନ୍ ତୁବନ୍ ଦେବା ଅଦିକାର୍ ସରଗର୍ ପର୍‌ମେସରର୍‌ଟାନେଅନି ଆସିରଇଲା କି ଲକ୍‌ମନ୍‌ର୍ ଟାନେଅନି ଆସିରଇଲା ? ଏଟା ମକେ କୁଆ ।” ବଲି କଇଲା ।

୩୧ ତେଇ ସେମନ୍ ନିଜର୍ ନିଜର୍ ବିତ୍‌ରେ କୁଆବଲା ଅଇଲାଇ, “ଆମେ ଜଦି ସରଗର୍ ପର୍‌ମେସରର୍ ଟାନେଅନି ବଲି କଇବୁ ବଇଲେ, ସେନ୍ତାର୍ ଆଲେ ତମେ ଜଅନ୍ ଜନ୍‌ଟା କଇଲା ସେଟା କାଇକେ ବିସ୍‌ବାସ୍ କରାସ୍ ନାଇ ? ବଲିକରି ଜିସୁ ଆମ୍‌କେ କଇସି । ୩୨ ମାତର୍ ଲକ୍‌ମନ୍‌ର୍‌ଟାନେଅନି ବଲି କଇବାକେ ଆମ୍‌କେ ତର୍ ଲାଗିଲାନି । କାଇକେ ବଇଲେ ଜଅନ୍ ଗଟେକ୍ ବସିସ୍‌ତବକ୍‌ତା ବଲି ସେମନ୍ ସବୁଲକ୍ ବିସ୍‌ବାସ୍ କଲାଇନି ।” ୩୩ ସେଟାର୍‌ପାଇ ସେମନ୍ ଆମେ ନାଜାନ୍ । ବଲି ଜିସୁକେ କଇଲାଇ । ତାର୍‌ପଟେ ଜିସୁ ସେମନ୍‌କେ କଇଲା, “ଏନ୍ତି ବଇଲେ ମୁଇ ମିସା କନ୍ ଅଦିକାରେ ଏସବୁ କାମ୍ କଲିନି, ସେଟା ତମ୍‌କେ ନ କଇ ।”

### ୧୨

#### ଅଙ୍ଗୁର୍ ଚାସ୍ ଆରି ଆଦିବାଗ୍ କର୍‌ବା ଚାସିମନ୍ (ମାତିଉ ୨୧:୩୩-୪୬; ଲୁକ୍ ୨୦:୯-୧୯)

୧ ତାର୍‌ପଟେ ଜିସୁ ଲକ୍‌ମନ୍‌କେ ବୁଜାଇବାକେ କେତେଟା କାତାନି କଇବାର୍ ଦାରୁଲା । ପର୍‌ତୁମ୍ କାତାନି ଅଇଲାନି, ଗଟେକ୍ ଲକ୍ ଗଟେକ୍ ଅଙ୍ଗୁର୍‌ବାଡ୍ ତିଆରକରି, ତାର୍ ଚାରିବେଡ୍‌ତି ବାଡ୍ ବୁନ୍‌ଲା, ଆରି ଅଙ୍ଗୁର୍ ପିଲ୍‌ବାକେ ଗଟେକ୍ କୁଣ୍ଡ ତିଆରକଲା । ବାଡ୍ ଜାଗ୍‌ବାକେ ଗଟେକ୍ ଚାଙ୍ଗ୍ ତିଆରକଲା । ଚାସ୍ କର୍‌ବା ଲକ୍‌ମନ୍‌କେ ବାଡ୍ ଆଦିବାଗ୍ କର୍‌ବାକେ ଦେଇକରି, ସେ ଗଟେକ୍ ବିନ୍ ଦେସେ ଉଟିଗାଲା । ୨ ତାର୍‌ପଟେ ଅଙ୍ଗୁର୍ ତଲ୍‌ବା ବେଲା ଆଇଲାକେ, ସାଉକାର୍ ତାର୍ ଗଟେକ୍ ଗତିଦାଙ୍ଗ୍‌ତାକେ ଅଙ୍ଗୁର୍‌ପଲର୍ ବାଗ୍ ବାଟା ପାଇବାକେ ଚାସିମନ୍‌ର୍‌ଲଗେ ପାଟାଇଲା । ୩ ମାତର୍ ଚାସି ଲକ୍‌ମନ୍, ସାଉକାର୍ ପାଟାଇଲା ଗତିଦାଙ୍ଗ୍‌ତାକେ ଦାରିକରି ମାରିପାକାଇଲାଇ ଆରି କାଇଟା ନ ଦେଇ ରୁଟା ଆତେ ପାଟାଇଦେଲାଇ । ୪ ସାଉକାର୍ ତାର୍ ଆରିଗଟେକ୍ ଗତି ଦାଙ୍ଗ୍‌ତାକେ ଚାସିମନ୍‌ର୍ ଲଗେ ପାଟାଇଲା । ଚାସି ଲକ୍‌ମନ୍ ସେ ଗତିଦାଙ୍ଗ୍‌ତାକେ ମିସା ମୁଣ୍ଡ ପୁଟ୍‌ତେ ମାରୁଲାଇ ଆରି ଇଜଡ୍ ଜିକ୍‌ଲାଇ । ୫ ସାଉକାର୍ ଆରି ଗଟେକ୍ ଗତିଦାଙ୍ଗ୍‌ତାକେ ପାଟାଇଲା ଜେ, ଚାସିଲକ୍‌ମନ୍ ତାକେ ମର୍‌ତେ ମାରିଦେଲାଇ । ତାର୍‌ପଟେ ସାଉକାର୍ ଆରି ଗାଦି ଗତିଦାଙ୍ଗ୍‌ତାମନ୍‌କେ ପାଟାଇଲା ଜେ କେତେଟା ଗତିଦାଙ୍ଗ୍‌ତାମନ୍‌କେ ମାରୁଲାଇ ଆରି କେତେଟାକେ ମର୍‌ତେ ମାରିପାକାଇଲାଇ । ୬ ଏବେ ସାଉକାର୍‌ର୍ ଲଗେ ଗଟେକ୍ ଲକ୍‌ସେ ରଇଲା, ତାର୍ ନିଜର୍ ଆଲାଦର୍ ପିଲା । ମର୍ ପିଲାକେ ଚାସିଲକ୍‌ମନ୍ ନାମ୍‌ବାଇ ଆକା ଆରି ମର୍ ବାଗ୍ ପାଟାଇଦେବାଇ । ବଲି ବାବିକରି ସେ ସାରାସାରି ତାର୍ ପିଲାକେ ଚାସିମନ୍‌ର୍ ଲଗେ ପାଟାଇଲା । ୭ ମାତର୍ ଚାସିମନ୍ ନିଜର୍ ନିଜର୍ ବିତ୍‌ରେ କାତା ଅଇଲାଇ, “ଏ ଲକ୍ ତା ଆମର୍ ସାଉକାର୍‌ର୍ ଗଟେକ୍ ବଲି ପିଲା, ଆସା ଆମେ ଆକେ ମର୍‌ତେ ମାର୍‌ଲେ ଏ ବାଡ୍ ଆମର୍ ଅଇଜାଇସି ।” ୮ ଆରି ଚାସିମନ୍ ସାଉକାର୍‌ର୍ ପିଲାକେ ଦାରିକରି ମର୍‌ତେ ମାରି ଅଙ୍ଗୁର୍ ବାଡ୍‌ର୍ ସେପାଟେ ପିଙ୍ଗିଦେଲାଇ ।

୯ ଏ କାତାନି କଇସାରାଇଲା ପଟେ, ଜିସୁ ସେମନ୍‌କେ ପାଗାରୁଲା, “ଏନ୍ତି ବଇଲେ ଅଙ୍ଗୁର୍ ବାଡ୍‌ର୍ ସାଉକାର୍ କାଇଟା କର୍‌ସି ? ସେ ଆସିକରି ଚାସିମନ୍‌କେ ମର୍‌ତେ ମାର୍‌ସି । ଆରି ଅଙ୍ଗୁର୍ ବାଡ୍ ବିନ୍ ଲକ୍‌ମନ୍‌କେ ଆଦିବାଗ୍ କର୍‌ବାକେ ଦେଇସି ।

୧୦ “ଗର୍ ବାନ୍‌ବା ଲକ୍‌ମନ୍ ଜନ୍ ପାକ୍‌ନା ନଏଁ ବଲି ଚାଡ୍‌ଲାଇ,  
ସେ ପାକ୍‌ନା ମୁକିଆ ପାକ୍‌ନା ଅଇଲା ବଲିକରି  
ତମେ ପର୍‌ମେସରର୍ ବଇତେଇ ପଡାସ୍ ନାଇ କି ?”

୧୧ ଏ ବିସଇ ମାପୁର୍ କରାଆତେ,  
ଏଟା ଆମର୍ ପାଇ କାବାଅଇଜିବା ବିସଇ ।

୧୨ ତେଇ ଜିଉଦି ଲକ୍‌ର୍ ମୁକିଅ ପୁଜାରିମନ୍ ଜିସୁକେ ବାନ୍‌ନେବାକେ ବାଟ୍ କଇଲାଇ । କାଇକେବଇଲେ ଜିସୁ ଆମର୍ ବିରଦେ ଏ କାତାନି କଇଲାଇନି ବଲିକରି ସେମନ୍ ଜାନିରଇଲାଇ । ମାତର୍ ଲକ୍‌ମନ୍ ଆମ୍‌କେ କାଇ କାଇଟା କର୍‌ବାଇ । ବଲିକରି ତରି, ତାକେ ଚାଡିକରି ଉଟିଗାଲାଇ ।

#### ସିସ୍‌ତୁମାଙ୍ଗୁମନ୍ ବାନ୍‌ବା ବିସଇ ନେଇ ସିକିଆ (ମାତିଉ ୨୨:୧୫-୨୨; ଲୁକ୍ ୨୦:୨୦-୨୬)

୧୩ ତାରପଟେ ଜିସୁକେ ତାର କାତାଇ ବୁଲି ଦାରବାକେ ଜିଉଦି ନେତାମନ୍ କେତେଟା ପାରୁସି ଦଲର ଲକ୍ମନକେ ଆରି ଏରଦ ରାଜାର କେତେଟା ଲକ୍ମନକେ ତାର ଲଗେ ପାଟାଇଲା । ୧୪ ସେମନ୍ ଜିସୁର ଲଗେ ଆସିକରି, “ଏ ଗୁରୁ ତମେ ସତ୍ କାତା କଇଲାସି ଆରି କାକେ ମିସା ନ ତରାସ୍, ସବୁ ଲକ୍ମନକେ ସମାନ୍ ଇସାବେ ଦେକଲାସି ବଲି ଆମେ ଜାନିଆରୁ । କାଇକେବଇଲେ ତମେ ଲକ୍ମନର ଇସାବେ ନାଇ, ମାତର ସତ୍ ବାବେ ସିକାଇଲାସି । ଏବେ ଆମ୍ଭକେ କୁଆ, ରମିଅ ରାଜାକେ ସିସୁତ୍ ଦେବାଟା ନିୟମ୍ କି ନାଇ ?”

୧୫ “ଆମେ ସିସୁତ୍ ବାନ୍ଧବୁ କି ନାଇ ?” ଜିସୁ ସେମନ୍ର ମନ୍ଦିରର କୁଟ୍ କାତା ବୁଜିକରି ସେମନ୍କେ କଇଲା, “କାଇକେ ତମେ ମକେ ପାନ୍ଦେ ପାକାଇବାକେ ଚେସ୍ଟା କଲାସି ? ରମିୟ ସରକାରର ଗଟେକ୍ ଅଦଲି ତାରୁ ମର ଲଗେ ଆନା, ମୁଇ ସେଟା ଦେକ୍ବି ।” ୧୬ ସେମନ୍ ଗଟେକ୍ ଅଦଲି ତାରୁ ଆନଲାକେ ଜିସୁ ପାଟାଇଲା, “ଏ ତାରୁ ଉପରେ କାର୍ ମୁରତି ଆରି ନାଉଁ ଲେକା ଅଇଆତେ ?” ସେମନ୍ କଇଲା, “ରମିୟ ରାଜାର ମୁରତି ଆରି ତାର ନାଉଁ ଲେକା ଅଇଲାଆତେ ।”

୧୭ ଜିସୁ କଇଲା, “ଏକ୍ତି ବଇଲେ ଜନ୍ତା ରମିୟ ରାଜାର, ସେଟା ରମିୟ ରାଜାକେ ଆରି ଜନ୍ତା ପର୍ମେସରର, ସେଟା ପର୍ମେସରକେ ଦିଆସ୍ ।” ଏ କାତା ସୁନିକରି ସେମନ୍ କାବା ଅଇଗାଲା ।

**ମଲାଟାନେଅନି ଉଟ୍‌ବା ବିସଇ**  
(ମାତିଉ ୨୨:୨୩-୩୩; ଲୁକ୍ ୨୦:୨୭-୪୦)

୧୮ \*ତାରପଟେ ମଲାଟାନେଅନି ଉଟ୍‌ବା ବିସଇ, ବିସ୍‌ବାସ୍ ନ କର୍ବା ସାଦୁକି ଦଲର ଲକ୍ମନ ଜିସୁର ଲଗେ ଆସିକରି ଏ ପର୍ସନ୍ ପାଟାଇଲା । ୧୯ “ଏ ଗୁରୁ, ଜଦି ଗଟେକ୍ ଲକ୍ ବିବାଅଇକରି ପିଲାଜିଲା ନ ଅଇତେ ମରିଜାଇସି ବଇଲେ, ତାର ବାଇ ସେ ମାଇଜିକେ ବିବାଅଇ ପିଲାଜିଲା ପାଇବାର୍ ଆତେ । ଏକ୍ତି କଲେ ମରିଗାଲା ବାଇର୍ ପାଇ ସେ ପିଲାଟକିମନ୍ ତାର ନାଉଁ ଦାରବାଇ ବଲି ମସା ଆମର୍ପାଇ ନିଅମ୍ ଲେକିଦେଲା ଆତେ । ୨୦ ଏକ୍ତି ସାତ୍ ବାଇ ରଇଲା, ସବୁଟାନେଅନି ବଡ୍ ବାଇ ବିବା ଅଇଲା । ମାତର ପିଲାଟକି ନ ଅଇତେ ମରିଗାଲା । ୨୧ ସେଟାର୍ପାଇ ତାର ପଟର୍ ବାଇ ସେ ମାଇଜିକେ ସଙ୍ଗଇଲା । ସେ ମିସା ପିଲାଟକି ନଇତେ ମରିଗାଲା । ତାରପଟର୍ ବାଇ ମିସା ବିବା ଅଇ ପିଲାଟକି ନଇତେ ମରିଗାଲା । ୨୨ ସାତ୍‌ବାଇ ଜାକ ସେ ମାଇଜିକେ ଗଟେକ୍ ଲକ୍ ପଟେ ଗଟେକ୍ ଲକ୍ ବିବା ଅଇରଇଲା । ସାରାସାରି ସାତ୍ ବାଇ ଜାକ ପିଲାଟକି ନ ଅଇତେ ମରିଗାଲା । ତାରପଟେ ସେ ମାଇଜି ମିସା ମରିଗାଲା । ୨୩ ସାତ୍‌ବାଇ ଜାକ ତାକେ ବିବା ଅଇରଇଲା, ତେବେ ମରିକରି ଉଟ୍‌ଲା ବେଲେ, ସେ କାର୍ ମାଇଜି ଅଇସି ? ସାତ୍‌ବାଇ ଜାକ ତାକେ ବିବା ଅଇରଇଲା ।”

୨୪ ଜିସୁ ସେମନ୍କେ କଇଲା, “ଦରମ୍ ସାସ୍‌ତରେ ପର୍ମେସରର କାଇଟା ଲେକା ଅଇଲା ଆତେ ସେ ବିସଇ, ଆରି ତାର ବପୁର୍ ବିସଇ ତମେ ନାଜାନି କରି ବୁଲି ବାବ୍‌ଲାସି । ୨୫ ଜେତେବେଲେ ଲକ୍ମନ ମରିକରି ଆରି ତରେକ୍ ଉଟ୍‌ବାଇ, ସେବେଲେ ମୁନୁସପିଲାମନ୍ ବିବା ନ ଅଅଡ୍, କି ମାଇଜି ଟକିମନ୍‌କେ ବିବା ଅଇବାକେ ନ ଦେଅଡ୍ । ସେମନ୍ ସବୁଲକ୍ ସରଗର୍ ଦୁଡ୍‌ପାରା ଅଇବାଇ । ୨୬ ମଲାଟାନେଅନି ଉଟ୍‌ବା ବିସଇ ମସା ଲେକ୍‌ଲା ବଇଟାନେ ପଡାସ୍ ନାଇ କି ? ପର୍ମେସର୍ ଜଇଲାଗ୍‌ବା ବୁଟାଇ ମସାକେ ଦେକାଇରଇଲାଜେ, ‘ମୁଇ ଅବରାଆମର୍, ଇସାକର୍ ଆରି ଜାକୁବର୍ ପର୍ମେସର୍ ।’ ବଲି କଇଲାଟା, ଲେକା ଅଇଲାଆତେ । ମାତର ଏ ଲକ୍ମନ ସବୁ ମରିଗାଲା ଆତଡ୍ । ୨୭ ପର୍ମେସର୍ ମଲାଲକ୍ମନର୍ ମାପୁରୁ ନର୍ଏ । ସେ ଜିବନ୍ ରଇଲା ଲକ୍ମନର୍ ମାପୁରୁ । ଏ ବିସଇ ତମେ ବେସି ବୁଲି ବୁଜ୍‌ଲାସି ।” ବଲି କଇଲା ।

**କନ୍ ଆଦେସ୍ ବେସି ମୁକିଅ**  
(ମାତିଉ ୨୨:୩୪-୪୦; ଲୁକ୍ ୧୦:୨୫-୨୮)

୨୮ ଜିସୁ ଆରି ସାଦୁକି ଦଲର ଲକ୍ମନ ଦଦା ପେଲା ଅଇବାବେଲେ ଗଟେକ୍ ନିୟମ୍ ସିକାଉ ତାର ଲଗେ ଆଇଲା । ଜିସୁ ଲକ୍ମନର ପର୍ସନର ଉତର୍ ନିମାନ୍‌ସଙ୍ଗ୍ କଇବାଟା ସୁନିକରି, ତାକେ ପାଟାଇଲା, “କନ୍ ଆଦେସ୍ ସବୁଟାନେଅନି ଅଦିକ୍ ମୁକିଅ ?”

୨୯ ଜିସୁ କଇଲା, “ସବୁଟାନେଅନି ପର୍ଡୁମର୍ ମୁକିଅ ଆଦେସ୍ ଅଇଲାନି, ସୁନା ଏ ଇସରାଏଲର ଲକ୍ମନ ମାପୁରୁ ଆମର୍ ପର୍ମେସର୍ ଗଟେକ୍‌ସେ ମାପୁରୁ । ୩୦ ତମେ ତମର୍ ପୁରାପୁରୁନ୍ ମନ୍ ସଙ୍ଗ୍, ପୁରାପୁରୁନ୍ ଆଡ୍‌ମା ସଙ୍ଗ୍, ପୁରାପୁରୁନ୍ ଚିନ୍ତା ସଙ୍ଗ୍ ଆରି ପୁରାପୁରୁନ୍ ବପୁସଙ୍ଗ୍ ତାକେ ଆଲାଦ୍ କର୍‌ବାର୍ ଆତେ । ୩୧ ଆରି ପଟର୍ ମୁକିଅ ଆଦେସ୍ ଅଇଲାନି, ତମେ ନିଜକେ ଆଲାଦ୍ କଲାପାରା ପଡିସାର୍ ଲକ୍‌କେ ମିସା ଆଲାଦ୍ କରା । ଏ ଦୁଇଟା ଆଦେସ୍ ଚାଡିକରି ଆରି କାଇ ମିସା ମୁକିଅ ଆଦେସ୍ ନାଇ” ବଲି କଇଲା ।

\* ୧୨:୧୮ ୧୨:୧୮ ପେରିଡ୍ ୨୩:୮

୩୨ ଏ କାତା ସୁନି ସେ ଲକ୍ ଜିସୁକେ କଇଲା, “ଏ ଗୁରୁ, ପରମେସର୍ ଗଟେକ୍ ସେ, ତାକେ ଚାଡ଼ିଦେଲେ ଆରି କେ ମିସା ନାଇ । ଏ କାତା ତମେ ଟିକ୍ ବାବେ କଇଆଚାସ୍ । ୩୩ ପରମେସର୍କେ ସବୁ ମନ୍ଦେଇକରି ସବୁ ଚିନ୍ତା ଦେଇକରି ଆରି ସବୁ ବପୁ ଦେଇ ଆଲାଦ୍ କରବାର୍ ଆଚେ ଆରି ନିଜ୍ଜକେ ଆଲାଦ୍ କଲା ପାରା ବିନ୍ ଲକ୍କେ ମିସା ଆଲାଦ୍ କରବାର୍ଆଚେ ବଲିକରି ତମେ କଇଲା କାତା ଟିକ୍ ସେ । ଆମେ ପରମେସର୍କେ ଜେତେକ୍ ଅମ୍ କଲେ ମିସା ଆରି ଜେତେକ୍ କାଇଟା ପୁଜ୍ଲେ ମିସା, ଏ ଦୁଇଟା ଆଦେସ୍ ବେସି ମୁକିଅ ।” ବଲି କଇଲା । ୩୪ \*ସେଲକ୍ ବେସି ରୁଦି ସଙ୍ଗ୍ ଉତର୍ ଦେଲା ଆଚେ ବଲି ଜିସୁ ଦେକି, ତାକେ କଇଲା, “ତୁଇ ପରମେସର୍ ରାଇଜେ ପୁର୍ବା ଲଗେସେ ଆତୁସ୍ ।” ତାର୍ପଚେ ଆରି କେ ମିସା ଜିସୁକେ ପରସନ୍ ପାଚାର୍ବାକେ ସାଆସ୍ କରି ନାପାର୍ଲାଇ ।

**ଜିସୁ ଦାଉଦର୍ ପିଲା**  
(ମାତିଉ ୨୨:୪୧-୪୬; ଲୁକ୍ ୨୦:୪୧-୪୪)

୩୫ ଜିସୁ ଜିଉଦିମନ୍ ରୁଣ୍ଡ୍ବା ଗରର୍ ତାଣ୍ଡେ ସିକିଆ ଦେବାବେଲେ ଲକ୍ମନ୍ଦକେ ପାଚାର୍ଲା, “ପରମେସର୍ ବାଟିକରି ପାଟାଇଲା ରାଜା ଦାଉଦର୍ ନାତିତିତି ବଲିକରି ନିୟମ୍ ସିକାଇଦେବା ଲକ୍ମନ୍ଦ କେନ୍ତି କଇଲାକରି ?” ୩୬ ଦାଉଦ୍ ସୁକଲ୍ ଆଡ଼ମାଇ ଅନି ଏନ୍ତି କଇଲା, ପରମେସର୍ ମର୍ ମାପ୍ପୁକେ କଇଲା, “ମୁଇ ତର୍ ସତ୍ତରୁମନ୍ଦକେ ତର୍ ପାଦ୍ ତଲେ ନ ଆନ୍ବା ଜାକ ତୁଇ ମର୍ ଉଜାଆଡ଼ବାଟେ ବସି ର ।”

୩୭ “ଜଦି ଦାଉଦ୍ ରାଜା ନିଜେ ମାପ୍ପୁବଲି କଇରଇଲା ବଇଲେ ପରମେସର୍ ବାଟିକରି ପାଟାଇରଇବା ମସିଅ କେନ୍ତି ଦାଉଦର୍ ପିଲା ଅଇସି ?” ତେଇ ରଇଲା ବେସି ଲକ୍ମନ୍ଦ୍ ସାର୍ଦା ସଙ୍ଗ୍ ଏ କାତା ସୁନ୍ଲାଇ ।

**ଜିସୁ ନିୟମ୍ ସିକାଉମନ୍ଦକେ ଜାଗରତ୍ କରାଇଲା**  
(ମାତିଉ ୨୩:୩୬; ଲୁକ୍ ୨୦:୪୫-୪୬)

୩୮ ଜିସୁ ଆରି କେତେଟା ବିସଇ ସିକାଇଦେବା ବେଲେ କଇଲା, “ତମେ ନିୟମ୍ ସିକାଇଦେବା ଲକ୍ମନ୍ଦପାରା ଚଲାତଲ୍ତି ନ ଅଇକରି ଜାଗରତ୍ ସଙ୍ଗ୍ ରୁଆ । ସେମନ୍ ସନ୍ମାନ୍ ପାଇବାକେ ବେସି ତେଙ୍ଗ୍ ପଟିଆ ପିନ୍ଦିକରି ଏନେ ତେନେ ବୁଲ୍ବାଇ । ଆଚେ ବାଟେ ଲକ୍ମନ୍ଦଟାମେଅନି ଜୁଆର୍ ପାଇକରି ସନ୍ମାନ୍ ପାଇବାକେ ମନ୍ କର୍ବାଇ । ୩୯ ଜିଉଦିମନ୍ଦ୍ ପାର୍ତନା ଗରେ ମୁକିଅ ଜାଗାଇ, ବଜିଟାନ୍ଦ୍ ମୁକିଅ ଜାଗାଇ ବସ୍ବାକେ ମନ୍ କର୍ବାଇ । ୪୦ ଆରି ସେମନ୍ ରାଣ୍ଡି ମାଇଜିମନ୍ଦକେ ନାତାଇକରି ସେମନ୍ଦ୍ ଦନ୍ସପତି ଜୁରି ନେବାଇ । ସେମନ୍ ନିମାନ୍ ଲକ୍ ବଲିକରି ଦେକାଇଅଇବାକେ ବେସି ପର୍ ପାର୍ତନା କର୍ବାଇ । ଏନ୍ତି ଲକ୍ମନ୍ଦକେ ପରମେସର୍ ବିନ୍ ଲକ୍ମନ୍ଦଟାମେଅନି ବେସି ବଡ଼ ତଣ୍ଡ ଦେଇସି ।”

**ଗଟେକ୍ ରାଣ୍ଡିମାଇଜିର୍ ଦାନ୍ ଦେବାଟା**  
(ଲୁକ୍ ୨୧:୧-୪)

୪୧ ଜିସୁ ମନ୍ଦିର୍ ବିତ୍ରେ ଜାଇକରି ଚାନ୍ଦାଦେବା ପେଡିଲଗେ ବସିକରି ଲକ୍ମନ୍ଦ୍ ପରମେସର୍କେ କେନ୍ତି ଚାନ୍ଦା ଦେଲାକରି ବଲି ଦେକ୍ତେରଇଲା । ସାଉକାର୍ ଲକ୍ମନ୍ଦ୍ ଲଚେକ୍ ଲଚେକ୍ ତାରୁ ଦେବାଟା ଦେକ୍ଲା । ୪୨ ସାରାସାରି ଗଟେକ୍ ଗରିବ୍ ରାଣ୍ଡି ମାଇଜି ଦାନ୍ ଦେବା ପେଡିଲଗେ ଆସିକରି ତୁଇଟା ସାନ୍ ତାମା କାସୁ ପୁରାଇଦେଲା । ସେ ଦୁଇଟା ତାରୁର୍ ଦାମ୍ ଗଟେକ୍ ଗାଙ୍ଗାଇ ଅନି ମିସା ଉନା । ୪୩ ତାର୍ପଚେ ଜିସୁ ତାର୍ ସିସ୍ମନ୍ଦକେ ଲଗେ ଡାକି କଇଲା, “ମୁଇ ତମ୍କେ ସତ୍ କାତା କଇଲିନି, ଏ ସବୁ ସାଉକାର୍ ଲକ୍ମନ୍ଦ୍ ଦେଲା ତାରୁତେଇଅନି, ଏ ଅରକିଡ଼ ରାଣ୍ଡି ମାଇଜି ଅଦିକ୍ ଦେଲାଆଚେ । ୪୪ କାଇକେବଇଲେ ସବୁ ଲକ୍ମନ୍ଦ୍ ସେମନ୍ଦକେ ଦରକାର୍ ଅଇକରି ଅଗଲ୍ଲା ତାରୁ ଦେଲାଆଚେ । ମାତର୍ ଏ ଗରିବ୍ ରାଣ୍ଡି ମାଇଜି, ସେ ବର୍ତ୍ତବାପାଇ ଜେଡ଼କି ତାରୁ ରଇଲା, ସେ ସବୁ ଦେଲାଆଚେ” ବଲିକରି କଇଲା ।

**୧୩**

**ପାର୍ତନା ଗର୍ ବାଙ୍ଗାଇବା ବିସଇନେଇ ଜିସୁ କଇଲା କାତା**  
(ମାତିଉ ୨୪:୧-୨; ଲୁକ୍ ୨୧:୫-୬)

୧ ଜିସୁ, ଜିଉଦିମନ୍ଦ୍ ପାର୍ତନା ଗରେଅନି ବାରଇକରି ଜିବାବେଲେ ତାର୍ ଗଟେକ୍ ସିସ୍ ତାକେ କଇଲା, “ଏ ଗୁରୁ ଏଦେ ଦେକା ! ବଡ଼ ବଡ଼ ପାକ୍ନାଇ ମନ୍ଦିର୍ କେତେକ୍ ସୁନ୍ଦର୍ ଅଇ ତିଆର୍ ଅଇଲାଆଚେ !”

\* ୧୨:୩୪ ୧୨:୩୪ ଲୁକ୍ ୧୦:୨୫-୨୮

୨ ଜିସୁ ତାକେ କଇଲା, “ତୁଇ ଏ ବଡ଼ ବଡ଼ ପାକନାଇ ତିଆର୍ ଅଇଲା ପର୍ମେସରର୍ ଗର୍ ଦେକଲୁସନି ? ଏ ସବୁ ଗର୍ ନସଟ ଅଇଜାଇସି । ସବୁ ପାକନାମନ୍ ତୁଲିକରି ମାଟିତେଇ ଏନେତେନେ ଅଇଜାଇସି, ଗଟେକ୍ ପାକନା ଆରି ଗଟେକ୍ ପାକନାର୍ ଉପରେ ନ ରଏ ।”

ଜିସୁ ସାରାସାରି ଦିନେ ଗଟ୍‌ବା ବିସଇ କଇଲା  
(ମାତିଉ ୨୪:୩-୧୪; ଲୁକ୍ ୨୧:୭-୧୯)

୩ ତାର୍‌ପଟେ ଜିସୁ ପର୍ମେସରର୍ ଗରର୍ ମୁଆଟେ ରଇଲା ଜିଡ଼ ନାଉଁର୍ ଗଟ୍‌ମନ୍ ରଇବା ଡଙ୍ଗ୍‌ରେ ବସିରଇଲା । ସେବେଲା ପିତର୍, ଜାକୁବ୍, ଜଅନ୍ ଆରି ଆୟ୍‌ରିୟ୍, କେ ନ ରଇଲାବେଲେ ତେଇ ଆସିକରି ତାକେ ପାଚାରଲାଇ । ୪ “ଏ ସବୁ ଗଟ୍‌ନା କେବେ ଅଇସି ଆରି ସବୁ ଅଇବା ତିନମନ୍ କାଇଟା, ଆମ୍‌କେ କଇଦେ ।” ବଲି କଇଲାଇ ।

୫ ଜିସୁ ସେମନ୍‌କେ କଇଲା, “ତମେ ଜାଗ୍‌ରଡ଼ ଅଇକରି ରୁଆ, ତମ୍‌କେ କେ ମିସା ନ ନାଡାଅଡ଼ । ୬ କାଇକେବଇଲେ ବେସି ଲକ୍‌ମନ୍ ମର୍ ନାଉଁ ଦାରି, ସେମନ୍ କିରିସ୍‌ଟ ବଲି ବେସି ଲକ୍‌ମନ୍‌କେ ବୁଲ୍‌କାଇବାଇ । ୭ ମାତର୍ ଜେଡେବେଲେ ତମେ ଜୁଇଦର୍ ବିସଇ ନଇଲେ ଜୁଇଦ୍ ଇତି ଅଇସି ନଇଲେ ସିତି ଅଇସି ବଲିକରି ଲକ୍‌ମନ୍ କଇବାଟା ସୁନଲେ, କିଲ୍‌ବିଲ୍ ନ ଉଆ । ଏ ସବୁ ଗଟ୍‌ନା ଅଇସି, ମାତର୍ ସେଦାପ୍‌ରେ ଆକା ଜୁଗ୍ ସେସ୍ ନଏ । ୮ କାଇକେବଇଲେ, ଗଟେକ୍ ଦେସର୍ ଲକ୍‌ମନ୍ ଆରି ଗଟେକ୍ ଦେସର୍ ଲକ୍‌ମନ୍‌ର୍ ବିରଦେ ଜୁଇଦ୍ କର୍‌ବାଇ । ଗଟେକ୍ ରାଇଜ୍ ଆରିଗଟେକ୍ ରାଇଜର୍ ବିରଦେ ଉଟ୍‌ବାଇ । ବେସି ଜାଗାଇ ଦରତନି ରୁଲ୍‌ବୁଲ୍‌ସି, ଆରି ବେସି ଜାଗାଇ ମର୍ଡି ଅଇସି । ଏସବୁ ଗଟ୍‌ନା ଗଟେକ୍ ପିଲା ଜନମ୍ ଅଇବା ଆଗ୍‌ତୁ ଆଇବା ଦୁକାସୁକା ପାରା ଅଇସି ।”

୯ “ଏଡ଼ି ସବୁ ଅଇବା ବେଲା ତମେ ଜାଗ୍‌ରଡ଼ ରୁଆ । ଲକ୍‌ମନ୍ ତମ୍‌କେ ବାନ୍ଧିକରି ବିଚାର୍ କର୍‌ବା ଲକ୍‌ମନ୍‌କେ ସର୍‌ପିଦେବାଇ । ସେମନ୍ ନିଆଇ କର୍‌ବା ଜାଗାଇ ତମ୍‌କେ ମାରିପାକାଇବାଇ । ତମେ ମର୍ ସିସ୍ ଅଇରଇବା ଲାଗି, ସାସନ୍ କର୍‌ବା ଲକ୍‌ମନ୍‌ରଟାନ୍‌ଆରି ରାଜାମନ୍‌ର୍ ମୁଆଟେ ଟିଆ କରାଇବାଇ । ତମେ ମର୍‌ଗାନ୍‌ନେ ବିସବାସ୍ କଲା ବିସଇ ତେଇ ସାକି ଦେଇସା । ୧୦ ଏ ସବୁ ଗଟ୍‌ନା ଅଇଜିବା ଆଗ୍‌ତୁ, ସବୁ ଦେସର୍ ଲକ୍‌ମନ୍‌ର୍ ଲଗେ, ଏ ନିମାନ୍ କବର୍ କେଟ୍‌ବାର୍ ଆଟେ । ୧୧ ସେମନ୍ ତମ୍‌କେ ବାନ୍ଧିକରି ବିଚାର୍ କର୍‌ବା ବେଲେ ତେଇ କାଇଟା କଇବୁ ବଲିକରି ଆଗ୍‌ତୁ ଚିନ୍ତା କରାନାଇ । ତମେ କାଇଟା କଇବାର୍ ଆଟେ, ସେ କାତା ପର୍ମେସର୍ ତମ୍‌କେ ସମାନ୍ ବେଲାଇ ଦେଇସି । କାଇକେବଇଲେ ସେ ବେଲାଇ ତମେ ନିଜେ ନ କୁଆସ୍ ମାତର୍ ସୁକଲ୍‌ଆଡ଼ମା ତମ୍‌ରଟାନ୍‌ଆରି କାତା କଇସି । ୧୨ ବାଇ ବାଇକେ ମରାଇବାତେଇ ସର୍‌ପିଦେବାଇ ଆରି ବାବା ପିଲାକେ ମରାଇବାତେଇ ସର୍‌ପି ଦେବାଇ ଆରି ପିଲାଟକିମନ୍ ତାକର୍ ମାଆ ବାବା ବିରୁଦେ ଉଟିକରି ସେମନ୍‌କେ ମରାଇବାକେ ସର୍‌ପିଦେବାଇ । ୧୩ ତମେ ମର୍ ସିସ୍ ଅଇରଇଲାର୍ ଲାଗି ସବୁ ଲକ୍‌ମନ୍ ତମ୍‌କେ ଗିନ୍ କର୍‌ବାଇ । ମାତର୍ ଜେ ସାରାସାରି ଜାକ ମୁର୍ଡି କରି ରଇସି, ସେ ରକିଆପାଇସି ।”

ଜିସୁ ନାସ୍ କର୍‌ବା ଅସୁକଲ୍ ବିସଇ କଇଲା  
(ମାତିଉ ୨୪:୧୫-୨୮; ଲୁକ୍ ୨୧:୨୦-୨୪)

୧୪ “ମାତର୍ ତମେ ଜେଡେବେଲା କେ ମନ୍ ନ କର୍‌ବାଟା ଆରି ନାସ୍ ଅଇବା ଦିନସୁ ଜନ୍‌ଟାକି ସୁକଲ୍ ଜାଗାଇ ସଙ୍ଗିବାର୍ ନଏ, ସେ ଜାଗାଇ ସଙ୍ଗିବାର୍ ଦେକ୍‌ଲେ, ତମେ ସେ ଜାଗାଇଅନି ପାଲାଇବାର୍ ଆଟେ । ଏ ବିସଇ ପଡ଼ବା ଲକ୍‌ମନ୍, ତମେ ଏ କାତା ବୁଜା । ସେବେଲେ ଜନ୍ ଲକ୍‌ମନ୍ ଜିଉଦା ରାଇଜେ ରଇବାଇ, ସେମନ୍ ଡଙ୍ଗ୍‌ରେ ପାଲାଅଡ଼ । ୧୫ ଜଦି କେ ଗରର୍ ଚାଉନି ଉପରେ ରଇସିବଇଲେ, ସେ ଗର୍ ବିଡ଼ରେ ତାର୍ କାଇମିସା ଦିନସୁ ଆନ୍‌ବି ବଲିକରି ନ ଜାଅ । ୧୬ ଜଦି କେ ଚାସ୍ ରଇବା ପଦାଇ ରଇସି, ସେ ତାର୍ ଚାଦର୍ ଆନ୍‌ବାକେ ଗରେ ବାଉଡି ନ ଜାଅ । ୧୭ ଗାଗ୍‌ଡେ ରଇଲା ମାଇଜିମନ୍‌ପାଇ ଆରି ଦୁଦ୍ କୁଆଇବା ମାଇଜିମନ୍‌ର୍ ପାଇ ସେବେଲେ ପାଲାଇବାକେ ବେସି କସ୍ ଅଇସି । ୧୮ ଏ ସବୁ ଗଟ୍‌ନା ସିଡ଼ ଦିନେ ନ ଅଇବାକେ ପାର୍‌ତନା କରା । ୧୯ କାଇକେବଇଲେ ପର୍ମେସର୍ ଏ ଦୁନିଆ ତିଆର୍‌କଲା ଦିନେଅନି ଆଜିକେ ଜାକ ସେନ୍ତାରି ଦୁକ୍ କସ୍ ଅଏନାଇ ଆରି ପଟେ କେବେମିସା ନ ଅଏ । ସେଡ଼ି ବେସି ଦୁକ୍ କସ୍‌ଟର୍ ଗଟ୍‌ନା ସେ ଦିନମନ୍‌କେ ଅଇସି । ୨୦ ଜଦି ପର୍ମେସର୍ ଅପର୍‌ବଲ୍ ଦୁକର୍ ଦିନମନ୍ ଉନା ନ କରି ରଇଲେ, ତେବେ ଦୁନିଆର୍ କେ ମିସା ରକିଆ ନ ପାଇକରି ମରି ଜିବାର୍ ଅଇତା । ମାତର୍ ସେ ଜନ୍ ଲକ୍‌ମନ୍‌କେ ବାଟିଆଟେ ସେ ଲକ୍‌ମନ୍‌ପାଇ ସେ ଦୁକର୍ ଦିନମନ୍ ଉନା କଲାଆଟେ ।”

୨୧ ସେବେଲେ କେ ଜଦି ତମ୍‌କେ ଇତି କିରିସ୍‌ଟ ଆଟେ । ନଇଲେ ତେଇ ସେ ଆଟେ । ବଲି କଇସି, ତାକେ ବିସବାସ୍ କରା ନାଇ । ୨୨ ସେଦିନମନ୍‌କେ ମୁଇଆକା କିରିସ୍‌ଟ । ବଲିକରି ମିଡ଼ କଇବା ବବିସଡ଼

☆ ୧୩:୯ ୧୩:୯ ମାତିଉ ୧୦:୧୭-୨୦; ଲୁକ୍ ୧୨:୧୧-୧୨      ☆ ୧୩:୧୩ ୧୩:୧୩ ମାତିଉ ୧୦:୨୨      ☆ ୧୩:୧୫ ୧୩:୧୫ ଲୁକ୍ ୧୭:୩୧  
☆ ୧୩:୧୯ ୧୩:୧୯ ପର୍‌କାସିତ ୭:୧୪



କଇବାଲକ୍, ବିନ୍ ବିନ୍ ରକାମର୍ ଚିନ୍ ଆରି କାବା ଅଇଜିବା କାମ୍ମନ୍ ଦେକାଇବାଇ । ପର୍ମେସର୍ ବାଟ୍ଲା ଲକ୍ମନ୍ ତମ୍ମେ ମିସା ନାଡାଲବାକେ ଚେସ୍ଟା କର୍ବାଇ । ୨୩ ସେଦିନ୍ମନ୍ମକେ କାଇ କାଇଟା ଅଇସି ସେ ବିସଇନେଇ ତମେ ଜାଗ୍‌ରଡ୍ ଅଇ ରୁଆ । ସେଟାପାଇ, ଦେକା ସେ ବେଲା ନ ଆଇବା ଆଗ୍‌ତୁ ମୁଇ ତମ୍ମେ ଜାନାଇଦେଲିନି ।

**ଜିସୁ ଆରି ତରେକ୍ ଆଇବା ବିସଇ**  
(ମାତିଉ ୨୪:୨୯-୩୧; ଲୁକ୍ ୨୧:୨୫-୨୮)

୨୪ \*ସେଦିନ୍ମନ୍ମକେ, ସେ ଦୁକର୍ ଗଟ୍‌ନା ଅଇଲାପତେ  
ବେଲ୍ ଉଜଲ୍ ନ ଦେଇକରି ଆନ୍ଦାର୍ ଅଇଜାଇସି ଆରି ଜନ୍ ମିସା ଉଜଲ୍ ନ ଦେଏ ।  
୨୫ \*ତାରାମନ୍ ବାଦ୍‌ଲେଅନି ଅଦର୍ବାଇ ଆରି ବାଦ୍‌ଲେ ଉଜଲ୍ ରଇବାଟାମନ୍ମକେ ପର୍ମେସର୍  
ଆଲାଇଦେଇସି ।  
୨୬ \*“ସେବେଲା ନର୍ପିଲା ମୁଇ, ବେସି ବପୁତେଇ ଆରି ତାକ୍‌ପୁଟା ସଙ୍ଗ୍ ବାଦ୍‌ଲ୍‌ଟାନେ ଆଇବାଟା  
ଲକ୍‌ମନ୍ ଦେକ୍‌ବାଇ । ୨୭ ସେବେଲା ମର୍ ଦୁଡ୍‌ମନ୍ମକେ ପାଟାଇକରି ଦୁନିଆ ସାର୍‌ଲାଅନି ଆରି ସରଗ୍  
ଚିଡ୍‌ଲା ତେଇଅନି ପର୍ମେସର୍ ବାଟ୍‌ଲା ଲକ୍‌ମନ୍ମକେ ଚୁଲିଆଇବି ।”

**ତୁମ୍ମରି ଗଟର୍ ସିକିଆ**  
(ମାତିଉ ୨୪:୩୨-୩୫; ଲୁକ୍ ୨୧:୨୯-୩୩)

୨୮ “ଏବେ ତୁମ୍ମରି ଗଟର୍ ଉଦାଅରନ୍ ଅନି ଏ ବିସଇ ସିକା । ଜେଡେବେଲେ ତାର୍ କେହିଅନି ପତର୍  
ପାଲୁଆନି କରି, କାଁଟାପଡ୍‌ରିଆ ଡିସ୍‌ଲେ, କାରାଦିନ୍ କେଟ୍‌ଲା ବଲିକରି ତମ୍ମେ କେ ନ କଇଲେମିସା  
ଜାନାସ୍ । ୨୯ ସେନ୍ତିସେ ତମେ ଏ ସବୁ ଗଟ୍‌ନା ଦେକ୍‌ବାବେଲେ, ମୁଇ ଆଇବା ଦିନ୍ କେଟ୍‌ଲା, ବଲିକରି  
ଜାନସା । ୩୦ ମୁଇ ତମ୍ମେ ସତ୍‌କାତା କଇଲିନି, ଏ ଗଟ୍‌ନା ନ ଅଇବାଜାକ, ଏବେ ରଇଲା ଲକ୍‌ମନ୍ ନ  
ମରଡ୍ । ୩୧ ବାଦ୍‌ଲ୍ ଆରି ତେଇ ଉଜଲ୍ ଅଇ ରଇବାଟାମନ୍, ଦୁନିଆଇ ଆରି ତେଇରଇବା ସବୁ ଦିନ୍‌ସୁ  
ନାସ୍ ଅଇବା ସାରାସାରି ଦିନ୍ ଆଇସି, ମାତର୍ ମର୍ ବାକିଅ କେବେ ମିସା ନ ସାରେ ।”

**ଜିସୁ ଆଇବା କବର୍ କେ ନାଜାନଡ୍**  
(ମାତିଉ ୨୪:୩୬-୪୪)

୩୨ \*ମାତର୍ ସବୁ ଗଟ୍‌ନା କେବେ ଆରି ଜେଡେବେଲା ଅଇସି ବଲିକରି କେ ମିସା ନାଜାନଡ୍ । ସରଗର୍  
ଦୁଡ୍ କି ସତ୍ ମାପରୁର୍ ପିଲା ମୁଇ ମିସା ନାଜାନି । ମର୍ ବାବା ପର୍ମେସର୍ ଗଟେକ୍ ଲକ୍‌ସେ ଜାନିଆତେ ।  
୩୩ ସେ ଦିନ୍ କି ବେଲା କେବେ ଆଇସି, ସେଟା ତମେ କେ ନାଜାନାସ୍ । ସେଟାପାଇ ତମେ ଜାଗ୍‌ରଡ୍  
ଅଇ ତିଆର୍‌ଅଇ ରୁଆ । ୩୪ \*ମୁଇ ଆଇବା ଦିନ୍, ଏନ୍ତି ଗଟେକ୍ ଲକ୍ ତାର୍ ଗର୍ ଚାଡି ବିନ୍ ଦେସେ  
ଜିବା ବିସଇ ସମାନ୍ କରିଅଇସି । ସେ ନିଜର୍ ଗତିଦାଙ୍ଗ୍‌ତାମନ୍ମକେ ଡାକିକରି ସେମନ୍ କାଇ କାଇ କାମ୍  
କର୍‌ବାଟାତେ, ସେ ସବୁ ବିସଇ ସେମନ୍ମକେ କଇଲା । ବାଟ୍ ତିଆଗତି ଜାଗ୍‌ବା ଗତିଦାଙ୍ଗ୍‌ତାକେ ଡାକିକରି  
ସେ ବାଡତି ଆଇବା ଜାକ ଜାଗିକରି ରଇବାକେ କଇକରି ଗାଲା । ୩୫ ତମେମିସା ଜାଗୁଆଲର୍ ପାରା  
ଜାଗ୍‌ରଡ୍ ଅଇ ରୁଆ । କାଇକେବଇଲେ ସାଉକାର୍ ସଞ୍ଜ୍‌ବେଲା, କି ମଜାରାତି, କି କୁକ୍‌ତାତାକେ କି  
ସାକ୍‌ଲିଆ ଆଇସି ସେଟା ତମେ ନାଜାନାସ୍ । ୩୬ ଜଦି ସେ ଅଟାଡ୍ ଆସିକରି ଦେକ୍‌ଲାବେଲେ, ତମେ  
ଇସରାଇଲର୍ ଲକ୍‌ମନ୍ମକେ ପାରା ରଇବାଟା ସେ ଦେକ୍‌ବାଟ୍‌ନାଇ । ୩୭ ମୁଇ ତମ୍ମେ କାଇଟା କଇଲିନି,  
ସେ ବିସଇସେ ସବୁ ଲକ୍‌କେ କଇଲିନି । ମୁଇ ଆଇବା ଦିନ୍‌ପାଇ ତିଆର୍ ଅଇକରି ସବୁବେଲା ଜାଗ୍‌ରଡ୍  
ଅଇକରି ରୁଆ ।”

**୧୪**

**ଜିସୁକେ ମରାଇବାକେ ଜିଉଦି ନେତାମନ୍ମକେ ଜଜ୍‌ନା**  
(ମାତିଉ ୨୬:୧-୫; ଲୁକ୍ ୨୨:୧-୫; ଜଅନ୍ ୧୧:୪୫-୫୩)

୧ ନିସ୍‌ତାର୍ ପରବ୍ ଆରି କମିର୍ ନ ମିସାଇ ରୁଟି କାଇବା ପରବ୍ ଅଇବାକେ ଆରି ଦୁଇଦିନ୍ ବାକିରଇଲା  
। ସେବେଲେ ମୁକିଅ ପୁଜାରିମନ୍ ଆରି ନିୟମ୍ ସିକାଉମନ୍ କେ ନାଜାନତେ ଜିସୁକେ କେନ୍ତି ବନ୍ଦିକରି  
ମରାଇଅଇସି ବଲିକରି ବୁଦି ପାଁଟେରଇଲାଇ । ୨ ମାତର୍ ସେମନ୍ କଇଲାଇ, “ପରବ୍ ଦିନ୍‌ମନ୍ମକେ  
ତାକେ ବନ୍ଦିକରି ନସ୍ । କାଇକେବଇଲେ ଲକ୍‌ମନ୍ ଗଣ୍ଡିଗଲ୍ କର୍‌ବାଇ ।”

\* ୧୩:୨୪ ୧୩:୨୪ ପର୍‌କାସିତ ୬:୧୨    \* ୧୩:୨୫ ୧୩:୨୫ ପର୍‌କାସିତ ୬:୧୩    \* ୧୩:୨୬ ୧୩:୨୬ ପର୍‌କାସିତ ୧:୭    \* ୧୩:୩୨  
୧୩:୩୨ ମାତିଉ ୨୪:୩୬    \* ୧୩:୩୪ ୧୩:୩୪ ଲୁକ୍ ୧୨:୩୬-୩୮

**ଗଟେକ୍ ମାଇଜି ଜିସୁକେ ନାମଲା  
(ମାତିଉ ୨୬:୬-୧୩; ଜଅନ୍ ୧୨:୧-୮)**

୩ \*ଜିସୁ ବେଡ୍‌ନିଆ ଗତେ ଆଗ୍‌ତୁ ବଡ଼ ରଗ୍ ଅଇଲା ସିମନର୍ ଗରେ କାଇବାକେ ବସ୍‌ଲାବେଲେ, ଗଟେକ୍ ମାଇଜି କାଁରେ ବେସି ଦାମ୍ ଦେବା ବାସ୍‌ନା ଚିକନ୍ ଆନିକରି କାଁତର୍ ଗାଲା ବାଙ୍ଗାଲ, ଜିସୁର ମୁଣ୍ଡେ ରକଇଦେଲା । ୪ ମାତର୍ ତେଇ ରଇବା କେତେକ୍ ଲକ୍‌ମନ୍ ରିସାଅଇ ନିଜର୍ ନିଜର୍ ବିତ୍‌ରେ କାତା ଅଇଲାଲ, “ଏ ଚିକନ୍ କାଇକେ ବେକାର୍ ବେକାର୍ ନସ୍‌ଟ କରି ପାକାଇଲାନି ? ୫ ଏଟା ବରସେକର୍ କାମାଇଲାତେଇଅନି ଅଦିକ୍ ତାରୁକେ ବିକି ଗରିବ୍ ଲକ୍‌ମନ୍‌କେ ଦେବାର୍ ଅଇତା ।” ବଲିକରି ସେମନ୍ ସେ ମାଇଜିକେ ବେସି କଇପାକାଇଲାଲ ।

୬ ମାତର୍ ଜିସୁ ସେମନ୍‌କେ କଇଲା, “ସେ ମାଇଜିକେ ଚାଡ଼ିଦିଆସ୍, କାଇକେ ତାକେ ଲାଗିକରି କସ୍‌ଟ ଦେଲାସ୍‌ନି ? ସେ ମର୍‌ପାଇ ନିକ କାମ୍ କଲାଆତେ । ୭ କାଇକେବଇଲେ, ଗରିବ୍ ଲକ୍‌ମନ୍ ସବୁବେଲା ତମର୍‌ସଙ୍ଗ୍ ଆଚଡ଼ । ତମେ ଜେତେବେଲା ମନ୍‌କଲେ, ସେତେବେଲା ସେମନ୍‌କେ ସାଇଜି କରିପାରାସ୍ । ମାତର୍ ମୁଇ ଆରି ବେସିଦିନ୍ ତମର୍ ସଙ୍ଗ୍ ନ ରଇ । ୮ ଏ ମାଇଜି ଜେଡ୍‌କି ପାର୍‌ଲା, ସେଡ୍‌କି କଲାଆତେ । ସେ ମର୍ ମଲା ଗାଗଡ଼ ମସ୍‌ନେ ତପ୍‌ବା ଆଗ୍‌ତୁ ଚିକନ୍ ଲାଗାଇଦେଲା ଆଚେ । ୯ ମୁଇ ତମ୍‌କେ ସଡ଼କାତା କଇଲିନି, ଗୁଲାଇ ଜଗତେ ଜନ୍ ଜାଗାଇ ମିସା ମାପ୍‌ରୁର୍ ନିକ କବର୍ ଜାନାଇଅଇସି । ଏ ମାଇଜି ଜାଇଟା କଲାଆତେ, ତାକେ ଏତାଇକରି ସେଟା ମିସା କଇବାଇ ।”

**ଜିସୁକେ ସଡ଼ରୁମନ୍‌କେ ସର୍‌ପି ଦେବାକେ ଜିଉଦାର୍ ରାଜି  
(ମାତିଉ ୨୬:୧୭-୨୫; ଲୁକ୍ ୨୨:୩-୬)**

୧୦ ତାର୍‌ପଚେ ଜିସୁର୍ ବାର୍‌ଟା ସିସ୍‌ମନର୍ ବିତ୍‌ରେଅନି ଇସ୍‌କାରିୟ୍‌ଡ଼ ଜିଉଦା ନାଉର୍ ଗଟେକ୍ ସିସ୍ ଜିସୁକେ ମୁକିଅ ପୁଜାରିମନର୍ ଆତେ ଦାରାଇଦେବାକେ ରାଜିଅଇକରି ସେମନର୍ ଲଗେ ଗାଲା । ୧୧ ସେ ମୁକିଅ ପୁଜାରିମନ୍ ଜିଉଦାର୍ କାତା ସୁନିକରି ବେସି ସାର୍‌ଦା ଅଇଗାଲାଲ । ଏ କାମ୍ କଲେ ସେମନ୍ ଇସ୍‌କାରିୟ୍‌ଡ଼ ଜିଉଦାକେ ତାରୁ ଦେବୁ ବଲିକରି ପର୍‌ମାନ୍ କରି କଇଲାଲ । ସେଟାର୍‌ପାଇ ଇସ୍‌କାରିୟ୍‌ଡ଼ ଜିଉଦା ଜିସୁକେ ମୁକିଅ ପୁଜାରିମନ୍‌କେ ଦାରାଇ ଦେବାକେ ବେଲା କଇଲା ।

**ରକିଆ ପାଇବା ପରବର୍ ବଜି  
(ମାତିଉ ୨୬:୧୭-୨୫; ଲୁକ୍ ୨୨:୬-୧୪;୨୧-୨୩; ଜଅନ୍ ୧୩:୨୧-୩୦)**

୧୨ କମିର୍ ନ ମିସାଇକରି ରୁଟି ତିଆରକରି କାଇବା ବଜିର୍ ପରବର୍ ପର୍‌ଡୁମ୍ ଦିନେ, ରକିଆ ପାଇବା ପରବେ ମେଣ୍ଡାପିଲା ପୁଜ୍‌ବାଇ । ସେଦିନେ ଜିସୁର୍ ସିସ୍‌ମନ୍ ତାକେ “ତର୍‌ପାଇ ରକିଆ ପାଇବା ପରବର୍ ବଜି ସବୁ ଚିକ୍ କର୍‌ବାକେ ଆମେ କନ୍ ଜାଗାଇ ଜିବୁ ବଲିକରି ତୁଇ ମନ୍ କଲୁସ୍‌ନି ?”

୧୩ ସେଟାର୍‌ପାଇ ଜିସୁ ତାର୍ ଦୁଇଟା ସିସ୍‌ମନ୍‌କେ ଡାକିକରି କଇଲା ତମେ ଗତେ ଜା । ତେଇ ଗଟେକ୍ ବଡ଼ଟା ଆଣ୍ଡିତେଇ ପାନି ନେବା ଲକ୍‌କେ ଦେକ୍‌ସା । ତମେ ତାର୍ ପଚେ ପଚେ ଜା । ୧୪ ସେ ପାନିନେବା ଲକ୍ ଗଟେକ୍ ଗରେ ପୁରସି । ତମେ ମିସା ସେ ଗର୍ ବିତ୍‌ରେ ପୁରିକରି ସେ ଗରର୍ ସାଉକାର୍‌କେ କୁଆ, “ଆମର୍ ଗୁରୁ ପାଟାର୍‌ଲାନି, ମୁଇ ମର୍ ସିସ୍‌ମନର୍ ସଙ୍ଗ୍ ରକିଆ ପାଇବା ପରବର୍ ବଜି କର୍‌ବା ବାକ୍‌ରା କନ୍ତି ଆଚେ ? ୧୫ ସେ ଗରର୍ ସାଉକାର୍ ତମକେ ଗର୍ ଉପ୍‌ରେ ରଇବା ନିମାନ୍ ସଜାଇଅଇରଇଲା ଗଟେକ୍ ବଡ଼ଟା ବାକ୍‌ରା ଦେକାଇଦେଇସି । ତେଇ ଆମର୍‌ପାଇ କାଇବା କାଦି ତିଆରକରା ।” ବଲି ପାଟାଇଲା ।

୧୬ ତାର୍ ପଚେ ଦୁଇଟା ସିସ୍‌ମନ୍ ସେ ଗରେ ଗାଲାଲ । ତେଇ ଜିସୁ ସେମନ୍‌କେ ଜେନ୍ତି କଇରଇଲା, ସବୁ ସେନ୍ତି ଦେକ୍‌ଲାଲ । ସେଟାର୍‌ପାଇ ସେମନ୍ ତେଇ ନିସ୍‌ତାର୍ ପରବର୍ ବଜି ତିଆରକଲାଲ ।

୧୭ ସଞ୍ଜ୍ ଅଇଲାକେ ଜିସୁ ତାର୍ ସିସ୍‌ମନ୍‌କେ ଡାକିନେଇ ତେଇ କେଟ୍‌ଲା । ୧୮ ସେମନ୍ ବସି କାଇବାବେଲେ ଜିସୁ କଇଲା, “ମୁଇ ତମକେ ସଡ଼କାତା କଇଲିନି, ଏବେ ତମର୍ ବିତ୍‌ରେଅନି ଗଟେକ୍ ଲକ୍ ଜେକି ଆମର୍ ସଙ୍ଗ୍ କାଇଲାନି, ସେ ମକେ ସଡ଼ରୁମନ୍‌କେ ଦାରାଇଦେଇସି ।” ୧୯ ଏ କାତା ସୁନିକରି ସିସ୍‌ମନ୍ ବେସି ମନ୍‌ଦୁକ୍ ଅଇଲାଲ । ସବୁଲକ୍ ଗଟେକ୍ ଗଟେକ୍ ଅଇକରି ଜିସୁକେ ସେଲକ୍ ମୁଇ କି ? ବଲିକରି ପାଟାର୍‌ଲାଲ । ୨୦ ଜିସୁ ସେମନ୍‌କେ କଇଲା, “ତମର୍ ବାର ଲକ୍‌ର୍ ବିତ୍‌ରେଅନି ଜନ୍ ଲକ୍ ମର୍‌ସଙ୍ଗ୍ ଗିନାତେଇ ରୁଟି ଚବାଲିଆଚେ, ସେ ଆକା ।” ୨୧ “ମର୍ ବିସଇ ପର୍‌ମେସରର୍ ସାସ୍‌ତରେ କେନ୍ତି ଲେକା ଅଇଲାଆଚେ, ସେନ୍ତିସେ ସବୁ ଅଇଲାନି, ସେଟା ସଡ଼ସେ, ମାତର୍ ଜାର୍‌ଟାନେଅନି ନର୍‌ପିଲା ମୁଇ ସଡ଼ରୁମନର୍ ଆତେ ଦାରାଇଅଇବି, ସେ ବେସି ବଡ଼ ଡଣ୍ଡ ପାଇବାଲକ୍ ଆରି ସେ ଜନମ୍ ନ ଅଇରଇଲେ ନିକ ଅଇତା ।”

**ଜିସୁ ତାର୍ ସିସ୍‌ମନର୍ ସଙ୍ଗ୍ ବଜି କାଇବା ବିସଇ  
(ମାତିଉ ୨୬:୨୬-୩୦; ଲୁକ୍ ୨୨:୧୪-୨୦; ୧ମ କରନ୍ତିୟ୍ ୧୧:୨୩-୨୫)**

\* ୧୪:୩ ୧୪:୩ ଲୁକ୍ ୭:୩୭,୩୮

୨୭ ସିସ୍ତମନ୍ କାଈବାକେ ବସ୍ତାବେଲେ, ଜିସୁ ରୁତିଦାରିକରି ପର୍ଯ୍ୟେସର୍କେ ଜୁଆର୍କଲା ଆରି ସେଟା ବାଙ୍ଗାଇ ସେମନ୍କେ ଦେଇକରି କଇଲା, “ ନିଆ ଏଟା ମର୍ ଗାଗଡ଼ ।”

୨୮ ତାରପତେ ଅଙ୍ଗୁର ରସ୍ ଦାରି ପର୍ଯ୍ୟେସର୍କେ ଜୁଆର୍ କରି ସବୁ ଲକ୍‌କେ କାଈବାକେ ଦେଲାଜେ ସେମନ୍ କାଈଲା । ୨୪ ଆରି ସେ ତାର୍ ସିସ୍ତମନ୍କେ କଇଲା, ଏଟା ଅଇଲାନି ବେସି ଲକ୍‌ପାଇ ଜରାଇଲା ମର୍ ବନି । ଏ ବନି ସଙ୍ଗ୍ ପର୍ଯ୍ୟେସର୍ ଲକ୍‌ମନ୍‌ର ସଙ୍ଗ୍ ରାଜିନାମା କଲାନି । ୨୫ ମୁଇ ତମ୍‌କେ ସଡ଼ କାତା କଇଲିନି, “ମୁଇ ପର୍ଯ୍ୟେସର୍ ରାଇଜେ ନୁଆ ଅଙ୍ଗୁର ରସ୍ କାଈବା ଦିନ୍ ନ ଆଇବାଜାକ, ଏଟା ଆରି କେବେ ମିସା ନ କାଇ ।”

୨୬ ସବୁ ସିସ୍ତମନ୍ ମିସିକରି ପର୍ଯ୍ୟେସର୍‌କେ ଦନିଅବାଦର୍ ଗିଡ଼ ଗାଇ ଗାଇ କରି ଜିଡ଼ ନାଉର୍ ପର୍‌ବତେ ଗାଲା ।

**ଜିସୁର ବସିସଡ଼ କାତା**

(ମାତିଉ ୨୬:୩୧-୩୫; ଲୁକ୍ ୨୨:୩୧-୩୪; ଜଅନ୍ ୧୩:୩୬-୩୮)

୨୭ ସେବେଲେ ଜିସୁ ସିସ୍ତମନ୍‌କେ କଇଲା, “ତମେ ସବୁଲକ୍ ମକେ ଚାଡ଼ିକରି ଉଟିଜାଇସା । ସେଟା ପର୍ଯ୍ୟେସର୍‌ର ସାସ୍‌ତରେ ଏନ୍ତି ଲେକାଅଇଲାଆତେ,

“ମୁଇ ମେଣ୍ଟା ଗଡ଼ଡ଼କେ ମରାଇବି ।

ତେଇର୍ ମେଣ୍ଟାମନ୍ ଚିନ୍‌ଚତର୍ ଅଇଜିବାଇ ।”

୨୮ \*“ମାତର୍ ମୁଇ ମଲାଟାନେଅନି ଆରିତରେକ୍ ଉଟ୍‌ଲାପତେ, ତମେ ଗାଲିଲି ଦେସେ ଜିବା ଆଗ୍‌ତୁ, ମୁଇ ତମର୍ ଆଗ୍‌ତୁ ଆଗ୍‌ତୁ ଗାଲିଲି ରାଇଜେ ଜିବି ।” ୨୯ ମାତର୍ ପିତର୍ ଜିସୁକେ କଇଲା, “ସବୁ ସିସ୍ତମନ୍ ତମ୍‌କେ ଚାଡ଼ିକରି ଗାଲେ ମିସା ମୁଇ ତମ୍‌କେ କେବେ ନ ଚାଡ଼ି ।”

୩୦ ଜିସୁ ତାକେ କଇଲା, “ମୁଇ ତକେ ସଡ଼କାତା କଇଲିନି, ଆଜି ରାତି ଦୁଇତର୍ କୁକ୍‌ତା ଡାକ୍‌ବା ଆଗ୍‌ତୁ, ତୁଇ ମକେ ତିନ୍‌ଚର୍ ଚିନିନାଇ ବଲିକରି କଇସୁ ।”

୩୧ ଏ କାତା ସୁନି ପିତର୍ ଜିସୁକେ ଆରିତରେକ୍ ତାଟ୍‌ସଙ୍ଗ୍ କଇଲା, “ମୁଇ ତମର୍ ସଙ୍ଗ୍ ମର୍‌ବାର୍ ଆଲେ ମିସା କେବେ ତମ୍‌କେ ନାଜାନି ବଲି ନ କଇ ।” ଆରି ବାକି ସିସ୍ତମନ୍ ମିସା ସେନ୍ତିସେ କଇଲା ।

**ଗେଡ଼ସିମନି ବାତେ ଜିସୁର ପାର୍‌ତନା**

(ମାତିଉ ୨୬:୩୬-୪୬; ଲୁକ୍ ୨୨:୩୯-୪୬)

୩୨ ତାରପତେ ଜିସୁ ତାର୍ ସିସ୍ତମନ୍‌ର ସଙ୍ଗ୍ ଗେଡ଼ସିମନି ନାଉର୍ ଗଟେକ୍ ଜାଗାଇ ଆଇଲା । ତେଇ ଜିସୁ ସିସ୍ତମନ୍‌କେ କଇଲା, “ମୁଇ ପାର୍‌ତନା କର୍‌ବାବେଲେ ତମେ ଇତି ବସିରୁଆ ।” ୩୩ ପିତର୍, ଜଅନ୍ ଆରି ଜାକୁବ୍‌କେ ତାର୍ ସଙ୍ଗ୍ ମିସ୍‌ତେ ଡାକିନେଲା । ସେ ଦୁକ୍‌ଅଇ କିଲ୍‌ବିଲ୍ ଅଇବାର୍ ବସ୍ତା । ୩୪ ଆରି ଜିସୁ, ପିତର୍, ଜାକୁବ୍ ଆରି ଜଅନ୍‌କେ କଇଲା, “ମର୍ ମନେ ବେସି ଦୁକ୍ ଅଇଗାଲା ଆତେ । ଜିବନ୍ ଚିଡ଼ିଗାଲା ପାରା ଲାଗଲାନି । ତମେ ଇତି ବସିରଇ ଜାଗିରୁଆ ।”

୩୫ ଜିସୁ ତାକର୍‌ଗାନେଅନି କଣ୍ଟେକ୍ ଦୁରିକେ ଇଣ୍ଡିଜାଇ ଉମ୍‌ତାଡ଼ିଅଇ ବୁର୍‌ ଅଦ୍‌ରିକରି ପର୍ଯ୍ୟେସର୍‌କେ ଏନ୍ତି ପାର୍‌ତନା କଲା, “ଏନ୍ତି କରିଅଇସି ବଇଲେ, ଏ କସ୍‌ଟର୍ ବେଲା ମକେ ନ ଆସ । ୩୬ ଏ ମର୍ ବାବା ତୁଇ ମନ୍‌କଲୁସ୍ ବଇଲେ କାଇ କାମ୍ ମିସା କରିପାରୁସ୍ । ସେଟାର୍‌ପାଇ ଏ ଦୁକ୍ କସ୍‌ଟର୍ ମୁତା ମର୍‌ଗାନେଅନି ଦାରି ଜା । ମାତର୍ ମର୍ ମନ୍ କଲା ଇସାବେ ନ କରି ତମର୍ ମନ୍ କଲା ଇସାବେ କରା” ବଲି ପାର୍‌ତନା କଲା ।

୩୭ ତାରପତେ ଜିସୁ ତାର୍ ସିସ୍ତମନ୍‌ର ଲଗେ ବାଉଡ଼ି ଆଇଲାଜେ, ସେମନ୍ ସଇରଇବାଟା ଦେକ୍‌ଲା । ସେ ପିତର୍‌କେ କଇଲା, “ ସିମନ୍ ପିତର୍, ତମେ ସଇଦେଲାସିନି କି ? ଗଟେକ୍ ଗଟା ମିସା ତେତା ରଇ ଜାଗି ନାପାରଲାସିନି ? ୩୮ ତମେ ଜେନ୍ତିକି ପରିକାର୍ ପାନ୍ଦେ ନ ଅଦର୍‌ବାପାଇ ଜାଗି ରଇକରି ପାର୍‌ତନା କରା । ମନ୍ କର୍‌ବି ବଲି ମନ୍ କଲାନି ମାତର୍ ଗାଗଡ଼ ନିର୍‌ଲାନି ।”

୩୯ ଜିସୁ ଆରିତରେକ୍ ଜାଇକରି ଆଗ୍‌ତୁର୍ ପାରା କଇକରି ପାର୍‌ତନା କଲା । ୪୦ ତାରପତେ ସେ ସିସ୍ତମନ୍‌ର ଲଗେ ଆରି ତରେକ୍ ବାଉଡ଼ି ଆସି ଦେକ୍‌ଲା । ସେମନ୍ ଆରିତରେକ୍ ସଇଦେଇରଇଲା । ସେମନ୍‌ର ଆକିତେଇ ଗୁନ୍ ତାବି ଆଇତେରଇଲାଜେ ସେମନ୍ ଜିସୁକେ କାଈବଲି ମିସା କାଈବାକେ ଜାନି ନାପାରଲା ।

୪୧ ଏନ୍ତି ତିନ୍‌ଚର୍ ପାର୍‌ତନା କରି ସାରାଇଲାପତେ ଜିସୁ ସିସ୍ତମନ୍‌ର ଲଗେ ଆରିତରେକ୍ ବାଉଡ଼ି ଆଇଲା ଆରି ସେମନ୍‌କେ କଇଲା, “ଏବେଜାକ ତମେ ପୁଣ୍ଡିକରି ସଇଦେଇ ଆଟାସ୍ ? ଏଡ଼କି ଅଇସିବେ, ଏବେ ନର୍‌ପିଲା ମକେ, ପାପି ଲକ୍‌ମନ୍‌ର ଆତେ ଦାରାଇଦେବା ବେଲା ଆସି କେଟ୍‌ଲା । ୪୨ ଉଟା ଆମେ ଜୁବେ । ଏଦେ ଦେକା ! ମକେ ସଡ଼ରୁମନ୍‌କେ ଦାରାଇ ଦେବା ଲକ୍ ଆଇଲାଆତେ ।” ବଲି କଇଲା ।

\* ୧୪:୨୮ ୧୪:୨୮ ମାତିଉ ୨୮:୧୭

ଜିସୁ ବନ୍ଦି ଅଇଲା

(ମାତିଉ ୨୨:୪୭-୫୨; ଲୁକ ୨୨:୪୭-୫୩; ଜଅନ୍ ୧୮:୩-୧୨)

୪୩ ସେ ଦାପ୍ତରେ ଜିସୁ ଏ କାତା କଇବାବେଲା, ବାରଟା ସିସ୍ତମନର୍ ବିତ୍ତରେଅନି ଗଟେକ୍ ଲକ୍ ଜେକି ଇସ୍କାରିୟତ୍ ଜିଉଦା ଆସି କେଟ୍ଲା । ଆରି ତାର୍ ସଙ୍ଗ୍ ବେସି ଲକ୍ମନ୍ ରଇଲା । ସେ ଲକ୍ମନ୍ ଆତେ କାଣ୍ଡା ଆରି ଟେଙ୍ଗ୍ ଦାରିରଇଲା । ସେ ଲକ୍ମନ୍‌କେ ମୁକିଅ ପୁଜାରିମନ୍, ନିୟମ୍ ସିକାଇବା ଲକ୍ମନ୍ ଆରି ମୁକିଅ ଜିଉଦି ନେତାମନ୍, ପାଟାଇ ରଇଲା । ୪୪ ସତ୍ତୁମନର୍ ଆତେ ଦାରାଇଦେବା ଇସ୍କାରିୟତ୍ ଜିଉଦା ଜିସୁକେ ଦେକାଇଦେବାକେ ଏନ୍ତି ଗଟେକ୍ ଚିନ୍ କଇରଇଲା, “ମୁଇ ଜନ୍ ଲକ୍‌କେ ରୁମ୍‌ବି, ସେ ଆକା ଜିସୁ । ତମେ ତାକେ ବନ୍ଦିକରି ଜାଗରତ୍ ସଙ୍ଗ୍ ଦୁରିକେ ଦାରିଜାଇସା ।”

୪୫ ସେମନ୍ ତେଇ ଆସିକରି କେଟ୍ଲା ଦାପ୍ତରେ, ଇସ୍କାରିୟତ୍ ଜିଉଦା ଜିସୁର୍ ଲଗେ ଜାଇକରି “ଏ ଗୁରୁ, ଜୁଆର୍ !” ବଲିକରି ରୁମ୍‌ଲା । ୪୬ ସେବେଲା ସେଲକ୍ମନ୍ ଜିସୁକେ ଦାରି ବନ୍ଦିକରି ନେବାବେଲେ, ୪୭ ସେ ଲଗେ ଚିଆଅଇରଇଲା ଜିସୁର୍ ଗଟେକ୍ ସିସ୍ ତାର୍ କାଣ୍ଡା ବେଟି ମୁକିଅ ପୁଜାରିର୍ ଗତି ଦାଙ୍ଗ୍‌ତାର୍ ଉଜା କାନ୍ କାଟିଦେଲା । ୪୮ ଜିସୁ ସେ ଲକ୍ମନ୍‌କେ ପାଟାରଲା, “ମୁଇ କାଇ ଗଟେକ୍ ଅପ୍‌ରାଦି ଲକ୍ କି, ତମେ କାଣ୍ଡା ଆରି ଟେଙ୍ଗ୍‌ମନ୍ ଦାରି ମକେ ନେବାର୍ ଆସିଆଟାସ୍ ? ୪୯ ସବୁ ଦିନ୍ ମୁଇ ପାର୍ତନା ଗର୍ମନ୍‌କେ ସିକାଇଦେବା ବେଲେ ମୁଇ ତମର୍ ସଙ୍ଗ୍ ରଇଲି । ମାତର୍ ସେବେଲେ ମକେ ଦାରାସ୍‌ନାଇ । ମାତର୍ ପର୍ମେସରର୍ ସାସ୍‌ତରେ ଜେନ୍ତି ଲେକାଅଇରଇଲା ସେଟା ସବୁ ସତ୍ ଅଇବାକେସେ ଏନ୍ତି ଅଇଲାଆତେ ।” ୫୦ ସେବେଲା ଜିସୁର୍ ସିସ୍‌ମନ୍ ତାକେ ଚାଡି ଉଟିପାଲାଇଲା ।

୫୧ ମାତର୍ ସେବେଲା ଗଟେକ୍ ଦାଙ୍ଗ୍‌ତା ଅବକା ପାତଲ୍ ଚାଦର୍ ଡାବିଅଇ ଜିସୁର୍ ପଟେ ପଟେ ଜାଇତେରଇଲା । ଲକ୍ମନ୍ ତାକେ ବନ୍ଦିକର୍ବାକେ ଚେସ୍‌ଟା କଲାକେ ୫୨ ସେ ଦାଙ୍ଗ୍‌ତା ପାତଲ୍ ଚାଦର୍ ଚାଡିକରି ତୁମ୍‌ଣ୍ଡା ଉଟିପାଲାଇଲା ।

ଜିଉଦିମନର୍ ବଡ଼ସବା ତେଇ ଜିସୁର୍ ବିଚାର୍

(ମାତିଉ ୨୨:୫୭-୬୮; ଲୁକ ୨୨:୫୪-୫୫, ୬୩-୭୧; ଜଅନ୍ ୧୮:୧୩-୧୪)

୫୩ ପଟେ ସେ ଲକ୍ମନ୍ ଜିସୁକେ ସବୁର୍ଟାନେଅନି ବଡ଼ପୁଜାରିତେଇ ଦାରିଗାଲା । ମୁକିଅ ପୁଜାରିମନ୍, ପାର୍ଟିନମନ୍ ଆରି ନିୟମ୍ ଗୁରୁମନ୍ ସବୁଲକ୍ ଗଟେକ୍ ତେଇ ରୁଣ୍ଡୁଲା । ୫୪ ପିତର୍ ଜିସୁର୍ ଟାନେଅନି ଦୁରିକେ ରଇ ତାର୍ ପଟେ ପଟେ ଗାଲା ଆରି ମୁକିଅ ପୁଜାରିର୍ ଡାଣ୍ଡିବିତ୍ତରେ ଗାଲା । ଜାଗୁଆଲ୍‌ମନର୍ ସଙ୍ଗ୍ ବସିକରି ଜଇ ଟେକ୍‌ତେରଇଲା । ୫୫ ତେଇ ମୁକିଅ ପୁଜାରିମନ୍ ଆରି ବିଚାର୍ କର୍ବା ଜିଉଦି ନେତାମନ୍ ଜିସୁକେ ମର୍ବା ଡଣ୍ଡୁ ଦେବାକେ ତାର୍ ବିରଦେ ସାକି କଜ୍‌ତେରଇଲା । ମାତର୍ ସାକି ଦେବାକେ କେ ମିସା ମିଲ୍‌ତନାଇ । ୫୬ ବେସି ଲକ୍ମନ୍ ଆସିକରି ଜିସୁର୍ ବିରଦେ ମିର୍ ସାକି କଇଲା, ମାତର୍ ସେମନ୍ ସବୁଲକ୍ ବିନ୍ ବିନ୍ ରକାମର୍ କାତା କଇଲା ।

୫୭ ସାରାସାରି କେତେ ଲକ୍ ଉଟିକରି ତାର୍ ବିରଦେ ମିର୍ ସାକି ଦେଇ ଏନ୍ତି କଇଲା, ୫୮ “ଲକ୍ମନ୍ ତିଆରକଲା ଏ ପର୍ମେସରର୍ ମନ୍ଦିର୍ ମୁଇ ବାଙ୍ଗାଇ ଦେଇ, ସେଟା ତିନ୍ ଦିନ୍ ବିତ୍ତରେ ଆରି ତିଆରକରିଦେବି, ଜନ୍‌ଟାକି ଲକ୍ମନ୍ ତିଆର୍ ନ କରିଅତ୍ ବଲି ସେ କଇବା ଏ କାତା ଆମେ ସୁନିଆର୍ ।” ୫୯ ମାତର୍, ଏନ୍ତି ବଇଲେମିସା ଏ ଲକ୍ମନ୍ କାଇ କାଇ ବିସଇ ସବୁ କଇତେରଇଲା, ସେଟା, ଗଟେକ୍ ଲକ୍‌ର୍ କାତା ଆରି ଗଟେକ୍ ଲକ୍‌ର୍ କାତା ସଙ୍ଗ୍ ନ ମିସ୍‌ତେରଇଲା ।

୬୦ ତାର୍‌ପଟେ ସବୁଲକ୍‌ର୍ ଆଗ୍‌ତୁ ବଡ଼ ପୁଜାରି ଚିଆଅଇକରି ପାଟାରଲା, “ଏ ଲକ୍ମନ୍ ତର୍ ବିରଦେ କେତେ କାତା କଇଲାଜନି, ସେ ବିସଇନେଇ ତକେ କାଇଟା ମିସା କଇବାର୍ ଆତେ କି ?”

୬୧ ମାତର୍ ଜିସୁ ଚିମ୍‌ରା ଅଇକରି ରଇଲା, କାଇଟା ମିସା କଏନାଇ । ବଡ଼ପୁଜାରି ଜିସୁକେ ଆରି ତର୍ ପାଟାରଲା, “ତୁଇ କାଇ ପୁଜା ପାଇବା ପର୍ମେସରର୍ ପଅ କିରିସ୍‌ଟ କି ?”

୬୨ ଜିସୁ କଇଲା, “ଉଁ, ମୁଇ ସେ । ଆରି ନର୍‌ପିଲା ମୁଇ, ପର୍ମେସରର୍ ବେସି ବପୁର୍ ଉଜା ଆଡ଼ ବାଟେ ବସିରଇଲାଟା ଆରି ସରଗର୍ ମେଗେ ଆଇବାଟା ଦେକ୍‌ସା ।”

୬୩ ବଡ଼ ପୁଜାରି ଏ କାତା ସୁନିକରି ବେସି ରିସାଅଇଜାଇ ତାର୍ ନିଜର୍ ପଟିଆ ଚିରିପାକାଇଲା ଆରି ସବୁଲକ୍‌ମନ୍‌କେ କଇଲା, “ଆମ୍‌କେ ଆରି କାଇ ସାକି ଦର୍‌କାର୍ ?”

୬୪ “ସେ ପର୍ମେସରର୍ ପିଲା ବଲିକରି କଇଲାଟା ତମେ ସୁନିଆଟାସ୍ । ଏବେ ତମେ କାଇଟା ବଲି ବାବ୍‌ଲାସ୍‌ନି ?” ତେଇ ସବୁ ଲକ୍ମନ୍ ଜିସୁକେ ଦସି କରାଇ, ତାକେ ମର୍ବା ଡଣ୍ଡୁ ମିଲ୍ ବଲି କଇଲା ।

୬୫ ତେଇ ରଇଲା କେତେ ଲକ୍ମନ୍ ତାର୍ ଉପ୍‌ରେ ତୁକ୍‌ବାର୍ ଦାର୍‌ଲା । କେତେଲକ୍ମନ୍ ତାର୍ ମୁର୍ସ୍ ଡାବିକରି ତାକେ ବିଦାସଙ୍ଗ୍ ମାର୍‌ଲା । ତାକେ କିଜାଇକରି କଇଲା, “ତୁଇ ଜଦି ପର୍ମେସରର୍ କାତା

☆ ୧୪:୪୯ ୧୪:୪୯ ଲୁକ୍ ୧୯:୪୭;୨୧:୩୭ ☆ ୧୪:୫୮ ୧୪:୫୮ ଜଅନ୍ ୨:୧୯

କଇବା ବଦିସତ୍ତ୍ୱବଦ୍ଧତା ବଇଲେ, ତକେ କେ ମାର୍ଚ୍ଚଲା କ ?” ପଚେ ସନିଅମନ୍ ତାକେ ଦାରିଜାଇକରି ମାର୍ଚ୍ଚଲାଇ ।

ପିତର୍ ଜିସୁକେ ନାଜାନି ବଲି କଇଲା

(ମାତିଉ ୨୭:୨୯-୩୫; ଲୁକ୍ ୨୨:୫୭-୬୨; ଜଅନ୍ ୧୮:୧୫-୧୮, ୨୧-୨୫)

୨୭ ପିତର୍ ମଜାତାଣ୍ଡେ ଟିଆଅଇଲାବେଲେ ବଡ଼ ପୁଜାରିର୍ ଗତି ଦାଙ୍ଗୁଡି ତେଇ ଆଇଲା । ୨୭ ପିତର୍ ଜଇ ଚେକ୍‌ବାବେଲେ ତାକେ ନିମାନ୍ ଦେକିକରି କଇଲା, “ତୁଇମିସା ନାଜରିତର୍ ଜିସୁର୍ ସଙ୍ଗ୍ ରଇଲୁସ୍ ।”

୨୮ ମାତର୍ ପିତର୍ ତାକେ କଇଲା, “ସେଟା ମୁଇ ନଇ, ମୁଇ କେବେ ମିସା ଜିସୁର୍ ସଙ୍ଗ୍ ରଇନାଇ, ତମେ କାଇଟା କଇଲାସ୍‌ନି ମୁଇ ନାଜାନି ।” ତାର୍‌ପଚେ ପିତର୍ ତାଣ୍ଡେ ପୁରବା ବାଟେ ଉଟିଗାଲା ।

୨୯ ଆରି ତରେକ୍ ଗତିଦାଙ୍ଗୁଡି ପିତର୍‌କେ ଦେକି ତେଇ ଟିଆଅଇଲା ଲକ୍‌ମନ୍‌କେ କଇଲା, “ଏ ଲକ୍ ମିସା ଜିସୁର୍ ଦଲେଅନି ଗଟେକ୍ ଲକ୍ ।” ୩୦ ମାତର୍ ପିତର୍ ଆରିତରେକ୍ କଇଲା, “ଏ କାତା ମୁଲ୍‌କେ ସତ୍ ନାଇ ।” ଆରି କେତେପର୍ ଗାଲା ପଚେ, ତେଇ ରଇଲା ଲକ୍‌ମନ୍ “ତୁଇ ସେମନ୍‌ର୍ ମାନ୍‌ଆଇ ରଇଲୁସ୍ ଆକା, ତୁଇ ଗଟେକ୍ ଗାଲିଲି ଅନି ଆଇଲା ଲକ୍ ପାରା ଡିସ୍‌ଲୁସ୍‌ନି ।” ବଲି କଇଲାଇ ।

୩୧ ମାତର୍ ପିତର୍ ସାଇପ୍ ଦେଇ ରାନ୍ ପାକାଇ କଇଲା, “ମୁଇ ପର୍‌ମେସର୍‌ର୍ ନାଉଁ ଦାରି ପର୍‌ମାନ୍ କରି କଇଲିନି, ତମେ କାର୍ କାତା କଇଲାସ୍‌ନି, ମୁଇ ତାକେ ମୁଲ୍‌କେ ନାଜାନି ।”

୩୨ ପିତର୍ ଏ କାତା କଇଲା ଦାପ୍‌ରେ କୁକ୍‌ତା ଦୁଇତର୍ ତାକ୍‌ଲା । ଜିସୁ କଇରଇବା ସବୁ କାତା ପିତର୍ ଏତାଇଲା । ଜିସୁ କଇରଇଲା, କୁକ୍‌ତା ଦୁଇତର୍ ତାକ୍‌ବା ଆଗତୁ ତୁଇ ମକେ ତିନ୍ ତର୍ ନାଜାନି ବଲିକରି କଇସାରାଇରଇସୁ ବଲି । ତାର୍‌ପଚେ ପିତର୍ ବେସି ଦୁକ୍‌କରି କାନ୍‌ବାର୍ ଦାର୍‌ଲା ।

### ୧୫

ପିଲାତର୍ ମୁଆଟେ ଜିସୁର୍ ବିଚାର୍

(ମାତିଉ ୨୭:୧-୨, ୧୧-୧୪; ଲୁକ୍ ୨୩:୧-୫; ଜଅନ୍ ୧୮:୨୮-୩୮)

୧ ସାକାଲ୍ ସାକାଲ୍ ପାର୍‌ତନା ଗରର୍ ମୁକିଅ ପୁଜାରିମନ୍, ମୁକିଅ ନେତାମନ୍, ଜିଉଦି ନେତାମନ୍, ନିୟମ୍ ସିକାଇବା ଲକ୍‌ମନ୍ ଆରି ଜିଉଦି ଲକ୍‌ମନ୍‌କେ ସାସନ୍ କର୍‌ବା ସବୁ ରକାମର୍ ନେତାମନ୍ ଜିସୁକେ କାଇଟା କର୍‌ବାର୍ ଆଟେ ? ବଲି ଗଟେକ୍ ବଡ଼ ପିଟାଦି କଲାଇ । ସେମନ୍ ତାକେ ବାନ୍ଧିକରି ସାସନ୍ କର୍‌ବା ପିଲାତ୍‌କେ ସର୍‌ପିଦେଲାଇ । ୨ ପିଲାତ୍ ଜିସୁକେ ପାଚାର୍‌ଲା, “ତୁଇ କାଇ ଜିଉଦି ମନ୍‌ର୍ ରାଜା ?” ଜିସୁ ତାକେ କଇଲା, “ତୁଇ ଜନ୍‌ଟା ପାଚାର୍‌ଲୁସ୍‌ନି, ସେଟା ସତ୍‌ସେ ।” ୩ ମୁକିଅ ପୁଜାରିମନ୍ ଜିସୁକେ ଦସ୍ ଦେଇ କଇବାର୍ ଦାର୍‌ଲାଇ । ୪ ସେବେଲା ପିଲାତ୍ ତାକେ ଆରିତରେକ୍ ପାଚାର୍‌ଲା, “ତୁଇ କାଇକେ ଟିମ୍‌ରା ଅଇଦେଲୁସ୍ ? କାଇଟା ମିସା କଉସ୍ ନାଇ । ଦେକା ସେମନ୍ ତର୍ ବିରଦେ କେତେକ୍ ନିନ୍ଦା କାତା କଇଲାଇନି ।” ୫ ମାତର୍ ଜିସୁ କାତା ଅଏ ନାଇ । ସେଟା ଦେକିକରି ପିଲାତ୍ ବେସି କାବା ଅଇଗାଲା ।

ପିଲାତ୍ ଜିସୁକେ ମୁକ୍‌ଲାଇ ନାପାର୍‌ଲା

(ମାତିଉ ୨୭:୧୫-୨୬; ଲୁକ୍ ୨୩:୧୩-୨୫; ଜଅନ୍ ୧୮:୩୯; ୧୯:୧୬)

୬ ରକିଆ ପାଇବାର୍ ପରବ୍ କଲାବେଲେ ସବୁ ବରସର୍ ରିଡିନିଡି ଇସାବେ ପିଲାତ୍, ଜନ୍ ଆଲେ ବନ୍ଦି ଲକ୍‌କେ, ଲକ୍‌ମନ୍ ବାର୍‌କରାଇ ଦେବାକେ ମନ୍ କରତେରଇଲାଇ, ତାକେ ବାର୍‌କରାଇ ଦେଇତେରଇଲା । ୭ ସେବେଲେ ସର୍‌କାର୍‌ର୍ ବିରୁଦେ ଦାବିକରି ବାର୍‌ବା ନାଉଁର୍ ଗଟେକ୍ ଲକ୍ ବନ୍ଦି ଅଇରଇଲା । ଏ ଲକ୍ ଆରି କେତେଟା ଲକ୍‌ମନ୍‌ର୍ ସଙ୍ଗ୍, ଲକ୍‌ମନ୍‌କେ ମରାଇ ବନ୍ଦି ଅଇରଇଲା । ୮ ଲକ୍‌ମନ୍ ପିଲାତ୍‌ର୍‌ଟାମେ ଆସି, କଇଲାଇ, “ସବୁ ବରସର୍ ରିଡିନିଡି ଇସାବେ ଏ ତରେକ୍ ମିସା ଗଟେକ୍ ବନ୍ଦି ଲକ୍‌କେ ମୁକ୍‌ଲାଇ କରି ବାର୍‌କରାଇଦେସ୍ ।” ୯ ପିଲାତ୍ ଲକ୍‌ମନ୍‌କେ ପାଚାର୍‌ଲା, “ତମେ କାକେ ମନ୍ କଲାସ୍‌ନି ? ମୁଇ ତମର୍ ଲାଗି ଜିଉଦିମନ୍‌ର୍ ରାଜାକେ ଚାଡିଦେବି କି ?” ୧୦ ପିଲାତ୍ ରାଜା କାଇକେ ଏଡି କଇଲା ବଇଲେ, ମୁକିଅ ପୁଜାରିମନ୍ କୁଟ୍ ପାଟି ଜିସୁକେ ତାର୍ ଆତେ ସର୍‌ପିଦେଇ ଆତଡ଼ ବଲିକରି ସେ ଜାନିରଇଲା ।

୧୧ ମାତର୍ ମୁକିଅ ପୁଜାରିମନ୍ ଲକ୍‌ମନ୍‌କେ ଉସ୍‌କାଇ କରି, “ଜିସୁର୍ ବାଦୁଲେ ବାର୍‌ବାକେ ଆମର୍‌ପାଇ ବନ୍ଦି ଗରେଅନି ମୁକ୍‌ଲାଇବାକେ କୁଆ ।” ବଲି କଇଲାଇ । ୧୨ ମାତର୍ ପିଲାତ୍ ଆରିତରେକ୍ ପାଚାର୍‌ଲା, “ସେଡିଆଲେ ତମେ ଜନ୍ ଲକ୍‌କେ ଜିଉଦିମନ୍‌ର୍ ରାଜା ବଲି କଇଲାସ୍‌ନି, ତାକେ ମୁଇ କାଇଟା କର୍‌ବି ବଲି ତମେ ମନ୍ କଲାସ୍‌ନି ?”

୧୩ ଲକ୍‌ମନ୍ ବେସି ରାଟୁକରି କଇଲାଇ, “ତାକେ କୁରସେ ମରାଆ ।”

୧୪ ତେଇଅନି ପିଲାତ୍ ଆରିତରେକ୍ ଲକ୍‌ମନ୍‌କେ ପାଚାର୍‌ଲା, “କାଇକେ, ସେ କାଇ ଦସ୍ କଲାଆଟେ ଜେ ?” ମାତର୍ ଲକ୍‌ମନ୍ ଅଦିକ୍ ଅଦିକ୍ ରାଟୁଅଇକରି କଇଲାଇ, “ତାକେ କୁରୁସ୍ କାଟେ ମରାଆ ।”

୧୫ ସେପାଟିଆ ପିଲାଟୁ ଲକ୍ଷ୍ମୀଙ୍କୁ ସାହାଯ୍ୟ କରାଇବାକୁ ମନକରି ବାହାରେ ବନ୍ଦି ଗରେଅନି ମୁକ୍ତଲାଭଦେଇ ଜିସୁଙ୍କେ କରତା ସଙ୍ଗେ ମାରି, କୁରୁସକାଟେ କୁଟିମାରି ମରାଇଦେବାକୁ ସନିଅମନଙ୍କେ ସରପିଦେଲା ।

**ସନିଅମନ ଜିସୁଙ୍କେ କିଜାଇଲା**  
(ମାତିଉ ୨୭:୨୭-୩୧; ଜଅନ୍ ୧୯:୨-୩)

୧୬ ସନିଅମନ ଜିସୁଙ୍କେ ରମିୟ ସରକାରର ସାହାଯ୍ୟକାରିଆ ପିଲାଟରୁ, ମୁକ୍ତି ଅଗର ତାଣ୍ଡେ ଦାରିଗାଲା ଆରି ସେମନ୍ ବିନ୍ ସନିଅମନଙ୍କେ ଗଟେକ ଟାଣେ ତାକି ରୁଣ୍ଡାଇଲା । ୧୭ ସେମନ୍ ଜିସୁଙ୍କେ କିଜାଇବାକୁ ଜାମକଲି ରଙ୍ଗର ବସ୍ତ୍ରର ପିନ୍ଧାଇଲା ଆରି ଗଟେକ କାଟାର ମୁକୁଟ ତିଆରକରି ତାର ମୁଣ୍ଡେ ପିନ୍ଧାଇଦେଲା । ୧୮ ସେମନ୍ ଜିସୁଙ୍କେ କିଜାଇ କରି କଇଲା, “ଏ ଜିଉଦିମନର ରାଜା ତକେ ଜୁଆର, ତୁଇ ବେସି ଦିନ୍ ବର୍ତ୍ତ ।” ୧୯ ସେମନ୍ ତରକେତର ବେତ ତାଙ୍ଗ ସଙ୍ଗେ ତାର ମୁଣ୍ଡେ ମାର୍ତ୍ତେରଇଲା ଆରି ତାର ଉପରେ ତୁକି କିଜାଇକରି ମାଣ୍ଡିକୁଟା ଦେଇ ଜୁଆର କଲା । ୨୦ ସେମନ୍ ଜିସୁଙ୍କେ କିଜାଇ ସାରାଇଲାପଟେ, ଜାମକଲି ରଙ୍ଗର ବସ୍ତ୍ର ତାର ଗାଗ୍ଗେଅନି ବେଟିକରି, ନିଜର ବସ୍ତ୍ର ପିନ୍ଧାଇଦେଲା । ତାରପଟେ ସେମନ୍ ତାକେ କୁରୁସକାଟେ ମରାଇବାକୁ ଗଡ଼ ବାଇରେ ଦାରିଗାଲା ।

**କୁରସେ ଜିସୁର ମରନ**  
(ମାତିଉ ୨୭:୩୨-୪୪; ଲୁକ୍ ୨୩:୨୭-୪୩; ଜଅନ୍ ୧୯:୧୭-୨୭)

୨୧ \*ସେବେଲା ଆଲେକ୍ଜାଣ୍ଡ୍ର ଆରି କୁରନିୟ ଜାଗାର ରୁପଅର ବାବା ସିମନ୍ ନାଉର୍ ଗଟେକ ଲକ୍, ପଲିଗାରାମ୍ ଅନି ଆସିକରି ସେ ବାଟେ ଜାଇତେରଇଲା । ସେ ସନିଅମନ ତାକେ ଜିସୁର କୁରସ ବଇବାକୁ ବାଦିଅ କଲା । ୨୨ ତାରପଟେ ସେମନ୍ ଜିସୁଙ୍କେ ଗଲ୍ଗତା ନାଉର୍ ଗଟେକ ଜାଗାଇ ଦାରିଗାଲା । ଗଲ୍ଗତାର ଅରତ୍ ଅଇଲାନି, କାପାଲ୍ ଜାଗା । ୨୩ ସେମନ୍ ଜିସୁଙ୍କେ ଅସ ମିସାଇଲା ଅଙ୍ଗୁର ରସ କାଅ ବଲିକରି ଦେଲା, ମାତର ସେ ନିଚୁଲା । ୨୪ ତାରପଟେ ଜିସୁଙ୍କେ କୁରସେ ଚଗାଇଲା ଆରି ତାର ବସ୍ତ୍ର କାରବାଗେ କାଇଟା ମିଲ୍ସି ବଲି ବାଟାକରି ନେବାକୁ, କେତ୍ ପୁଟାଇକରି ନିଜର ନିଜର ବିତ୍ରେ ବାଟାକରି ନେଲା । ୨୫ ସେମନ୍ ସାକ୍ଲିଆ ନ ଗଟା ବେଲାଜ ଜିସୁଙ୍କେ କୁରସେ ଚଗାଇଲା । ୨୬ ଆରି “ଏଟା ଜିଉଦିମନର ରାଜା । ” ବଲି ନିନ୍ଦା କାତା ଲେକି କୁରୁସ ଉପରେ ତସାଇଲା । ୨୭ କୁରସେ ଜିସୁର ସଙ୍ଗେ ଆରି ଦୁଇଟା ଚର୍ମନଙ୍କେ, ତାର ଉଜାବାଟେ ଗଟେକକେ, ତେବ୍ରି ବାଟେ ଆରିଗଟେକକେ ଚଗାଇରଇଲା । ୨୮ ସେ ବୁଲ୍ କଲା ଲକ୍ଷ୍ମୀଙ୍କୁ ବିତ୍ରେଅନି ଗଟେକ ଲକ୍ ବଲି, ଇସାବ୍ ଅଇଲା ବଲିକରି \*ପର୍ମେସର ସାହାଯ୍ୟରେ ଲେକାଅଇରଇବା ବିସଇ ସିଦ୍ ଅଇଲା । ୨୯ \*ସେ ବାଟ୍ ଦେଇ ଜିବା ଲକ୍ଷ୍ମୀଙ୍କୁ ନିଜେ ନିଜେ ମୁଣ୍ଡ ଜୁଲାଇ ଜିସୁଙ୍କେ ନିନ୍ଦାକରି କଇଲା, “ପାର୍ତନା ଗର୍ ବାଙ୍ଗାଇ କରି ତିନ୍ଦିନ୍ ବିତ୍ରେ ତିଆର୍ କରୁବାଲକ୍ ଏ ସେ କି ?” ବଲି କିଜାଇଲା । ୩୦ “ତୁଇ ଏବେ କୁରସେ ଅନି ଉତ୍ତରି ନିଜ୍ଜେ ରକିଆ କର ।”

୩୧ ମୁକ୍ତି ପୁଜାରିମନ୍ ଆରି ନିୟମ୍ ସିକାଇବା ଲକ୍ଷ୍ମୀଙ୍କୁ ମିସା ନିଜର ନିଜର ବିତ୍ରେ କାତାଅଇକରି କିଜାଇଲା । ସେମନ୍ କଇତେରଇଲା, “ଦିନ୍ ଲକ୍ଷ୍ମୀଙ୍କୁ ରକିଆ କରତେରଇଲା, ମାତର ସେ ନିଜେ ରକିଆ ଅଇ ନାପାରୁଲା ।” ୩୨ “ତମେ ସତଇସେ ଇସ୍ରାଏଲ୍ ରାଜା କିରିସ୍ ଅଇରଇଲେ, କୁରସେ ଅନି ଉତ୍ତରି ଆଉ । ସେନ୍ତି ଅଇଲେ ଆମେ ଦେକିକରି ବିସ୍ବାସ୍ କରୁ ।” ବଲି କଇଲା । ଜନ୍ ଲକ୍ଷ୍ମୀଙ୍କୁ ଜିସୁର ସଙ୍ଗେ କୁରସେ ଚଗାଇରଇଲା, ସେମନ୍ ମିସା ଜିସୁଙ୍କେ ନିନ୍ଦା କଲା ।

**ଜିସୁର ମରନ**  
(ମାତିଉ ୨୭:୪୫-୫୬; ଲୁକ୍ ୨୩:୪୪-୪୯; ଜଅନ୍ ୧୯:୨୮-୩୦)

୩୩ ମୁକ୍ତିଦାନିଆ ବାଟ୍ଟା ବେଲାଅନି ତିନ୍ତା ଜାକ ଗୁଲାଇ ଦେସ୍ ଆନ୍ଦାର୍ ଅଇଗାଲା । ୩୪ ଦିନ୍ ତିନ୍ତା ବେଲେ ଜିସୁ ଆଉଲିଅଇ କଇଲା, “ଏଲଇ ଏଲଇ ଲାମା ସବକ୍ତାନି ।” ଆର୍ ଅରତ୍ ଅଇଲାନି, “ଏ ମର୍ ପର୍ମେସର ଏ ମର୍ ପର୍ମେସର, ତମେ ମକେ କାଇକେ ଚାଡ଼ିଦେଲାସ୍ ?”

୩୫ ଏ କାତା ସୁନି ସେଲଗେ ଚିଆ ଅଇରଇବା କେତେ ଲକ୍ କଇଲା, “ସେ ଏଲିୟଙ୍କେ ଡାକ୍ଲାନି ।” ୩୬ ତେଇଅନି ଗଟେକ ଲକ୍ ପାଲାଜ ଜାଇ ଅଙ୍ଗୁର ରସେ, ତୁଲା ବୁଡାଇ ତାଙ୍ଗେ ବାନ୍ଦି ଉପରେ ଲାମାଦେଲା । ସେ ଲକ୍ କଇଲା, “ଏବେ ଏଲିୟ ଆସିକରି ଆକେ କୁରସେ ଅନି ଉତ୍ତରାଇଦେଇସି କି ନାଇ ଦେକୁ ।”

୩୭ ମାତର ଜିସୁ ଆଉଲିଅଇଲା ଦାପ୍ରେ ତାର ଜିବନ୍ ଚାଡ଼ିଗାଲା ।

☆ ୧୫:୨୧ ୧୫:୨୧ ରମିୟ ୧୭:୧୩ \* ୧୫:୨୮ ୧୫:୨୮ କେତେକ ପୁରୁନା ଲେକାଇ ଏଟା ଲେକାଅଏନାଇ ☆ ୧୫:୨୯ ୧୫:୨୯ ମାର୍ଚ୍ଚ ୧୪:୫୮; ଜଅନ୍ ୨:୧୯

୩୮ ସେବେଲା ମନ୍ଦିରର ସୁକଳ୍ ଜାଗା ବିନେ କରବା ପାରଦା ଉପରେଅନି ତଲେ ଜାକ ଦୁଇ ତାଡ଼ ଅଇ ଚିରିଅଇଗାଲା । ୩୯ ତେଇ ଜିସୁର କୁରସ ମୁଆଟେ ଚିଆଅଇରଇଲା ସଏଟା ସନିଅମନର ମୁକିଅ, ଜିସୁ ସାରାସାରି ଆଉଲି ଅଇଲାଟା ଆରି ସେ କେନ୍ତୁ ଅଇକରି ମଲା, ଦେକିକରି କଇଲା, “ସତଇସେ ଏ ପରମେସରର୍ ପିଲା ରଇଲା ।”

୪୦ \*ତେଇ କେତେଟା ମାଇଜିମନ୍ ମିସା କୁରସେ ଅନି ଦୁରିକେ ଚିଆଅଇ ଦେକ୍ତେରଇଲାଇ । ସେମନ୍ ଅଇଲାଇନି, ମଗ୍ଦଲିନି ମରିୟମ୍, ସାନ୍ତା ଜାକୁବ୍ ଆରି ଜସିର୍ ମା ମରିୟମ୍ ଆରି ସଲମି । ୪୧ ଜିସୁ ଗାଲିଲିତେଇ ରଇଲାବେଲେ ଏ ମାଇଜିମନ୍ ଜିସୁର ସଙ୍ଗେ ଜାଇତେରଇଲାଇ । ଆରି ତାକେ ଦରକାର ରଇଲା ବିସଇ ସାଇଜ କର୍ତ୍ତେରଇଲାଇ । ଜିସୁର ସଙ୍ଗେ ଜିରୁସାଲାମେ ଆସିରଇଲା ବିନ୍ ମାଇଜିମନ୍ ମିସା ତେଇ ରଇଲାଇ ।

ଜିସୁର ମଲା ମଡ଼ ରାଙ୍ଗନି କାଟି ତିଆର୍ କଲା ପାଆର୍ ବିଡ଼ରେ ସଙ୍ଗଇଲାଇ  
(ମାତିଉ ୨୭:୫୭-୬୧; ଲୁକ୍ ୨୩:୫୦-୫୬; ଜଅନ୍ ୧୯:୩୮-୪୨)

୪୨ ସେ ଦିନ୍ ବିସରାମ୍ ଦିନ୍ ପାଇ ତିଆର୍ ଅଇବା ଦିନ୍ ଅଇରଇଲା । ସେଦିନେ ସଞ୍ଜବେଲା, ୪୩ ଆରାମାତିଆ ଗାଉଁର ବିଚାରକରବା ମୁକିଅ ଲକ୍ ବିଡ଼ରେ ରଇଲା ଜସେପ୍ ନାଉଁର ଗଟେକ୍ ଲକ୍, ପରମେସର ସାସନ୍ କରବା ରାଇଜର୍ ବେଲା ଆସ ବଲି ଜାଗିରଇବା ଗଟେକ୍ ଲକ୍ । ବେସି ସାଆସ୍ଅଇ ପିଲାତର୍ ଲଗେ ଜାଇକରି ଜିସୁର ମଲାମଡ଼ ମାଙ୍ଗଲା । ୪୪ ଜିସୁ ଏତେକ୍ ଦାପ୍ରେ ମରିଗାଲା ବଲି ସୁନି ପିଲାଡ଼ କାବା ଅଇଗାଲା । ତାର୍ ସନିଅମନର ନେତାକେ ଡାକି “ଜିସୁ ମଲାବେ କି ?” ବଲି ପାଚାରଲା । ୪୫ ସେ ସନିଅମନର ନେତା, ଜିସୁ ମରିଗାଲା ବିସଇ ପିଲାଡ଼କେ କଇଲା । ତାର୍ପଟେ ଜସେପ୍କେ ପିଲାଡ଼ କଇଲା, “ତୁଇ ମଡ଼ ନେଇ ପାରୁସ୍ ।” ୪୬ ସେଟାର୍ପାଇ ଜସେପ୍ ଜିସୁର ଗାଗଡ଼ କୁରସ ଉପରେଅନି ଉଡ଼ରାଇ ଆନଲା ଆରି ଗଟେକ୍ ନୁଆ ଲୁଗା ସଙ୍ଗେ ଗୁଡ଼ିଆଇକରି ରାଙ୍ଗନି କାଟି ତିଆର୍ କରି ରଇଲା ଗଟେକ୍ ପାଆରେ ନେଇକରି ସଙ୍ଗଇଲା । ଗଟେକ୍ ବଡ଼ ଚାତଡା ପାକ୍ନା ନେଇ ପାଆର୍ ମୁଆଟେ ଡାବିଦେଲା । ୪୭ ଜିସୁକେ ଜନ୍ ଜାଗାଇ ନେଇ ସଙ୍ଗଇ ରଇଲାଇ, ସେ ଜାଗା ମଗ୍ଦଲିନି ମରିୟମ୍ ଆରି ଜସିର୍ ମା ମରିୟମ୍ ଦେକିରଇଲା ।



ଜିସୁ ମରିକରି ଉଟ୍ଟଲା  
(ମାତିଉ ୨୮:୧-୮; ଲୁକ୍ ୨୪:୧-୧୨; ଜଅନ୍ ୨୦:୧-୧୦)

୧ ବିସରାମ୍ବାର୍ ସାରଲା ତାର୍ ଆରକର୍ ଦିନେ ମଗ୍ଦଲିନି ମରିୟମ୍, ଜାକୁବର୍ ମାଆ ମରିୟମ୍ ଆରି ସଲମି, ଜିସୁର ମଲା ଗାଗଡ଼େ ଲାଗାଇବାକେ ବାସ୍ନା ଚିକନ୍ ଗେନିଆନ୍ଲାଇ । ୨ ରଇବାର୍ ଦିନର୍ ସାକାଲ୍ ସାକାଲ୍ ସେମନ୍ ତାର୍ ଗାଗଡ଼ ସଙ୍ଗଇଲା ଜାଗାକେ ଜାଇତେରଇଲାଇ । ସେବେଲେ ବେଲ୍ ଉଦି ଆଇତେରଇଲା । ୩ ସେମନ୍ ନିଜର୍ ନିଜର୍ ବିଡ଼ରେ “ଜିସୁର ଗାଗଡ଼ ସଙ୍ଗଇରଇଲା ମୁଆଟର୍ ବଡ଼ ଚାତଡା ପାକ୍ନା ଆମର୍ ପାଇ କେ ଗୁରାଇଦେଇସି ତେବେ ?” ବଲି କାତା ଅଇତେରଇଲାଇ । ୪ ସେମନ୍ ସେ ଜାଗାଇ କେଟିକରି ଦେକ୍ଲାବେଲେ, ଏଦେ ଦେକା ! ସେ ବଡ଼ ଚାତଡା ପାକ୍ନା ଗୁଡ଼ିଆଇରଇଲା । ୫ ସେବେଲା ସେମନ୍ ସେ ଜାଗା ବିଡ଼ରେ ପୁରିକରି ଦେକ୍ଲାବେଲେ ଗଟେକ୍ ବିଜ୍ଜିଲି ପାରା ଜଗ୍ଜଗି ଜାଇତେରଇବା ଦବ୍ ପଟିଆ ପିନ୍ଦିରଇବା ଦାଙ୍ଗଡା, ଜିସୁର ମଡ଼ ସଙ୍ଗଇରଇଲା ଜାଗାର୍ ଉଜାବାଟେ ବସିରଇଲା । ସେଟା ଦେକି ସେମନ୍ ବେସି ଡରିଜାଇ କାବା ଅଇଗାଲାଇ ।

୬ ମାତର୍ ସେ ଲକ୍ ସେମନ୍କେ କଇଲା, “ଡରାନାଇ, ତମେ କୁରସେ ମଲା ନାଜରିଡ଼ ଗଡ଼ର୍ ଜିସୁ କିରିସ୍ଟକେ କଜ୍ଜଲାସ୍ନି କି ? ସେ ଇଡି ନାଇନି, ଏବେ ମଲାଟାନେଅନି ଉଟ୍ଟଲା ଆଟେ । ତାର୍ ମଡ଼ ସଙ୍ଗଇଲା ଜାଗା ଦେକା ।” ବଲି କଇଲା । ୭ \* “ତମେ ଜାଇକରି ତାର୍ ସିସମନ୍କେ ଆରି ପିତର୍କେ ବାଇଦରେ କୁଆ, ତମେ ଜିବା ଆଗ୍ଡୁ ଜିସୁ ଗାଲିଲି ଗଡ଼େ ଗାଲା ଆଟେ । ସେ ତମ୍କେ ଜେନ୍ତି କଇରଇଲା, ସେନ୍ତିସେ ଗାଲିଲି ଗଡ଼େ ତାକେ ଦେକ୍ସା ।” ବଲି କଇଲା । ୮ ସେ ମାଇଜିମନ୍ ବେସି କାବା ଅଇଜାଇ, ତର୍ତ୍ତରି ଜାଇକରି ସେ ଜାଗାଇଅନି ବାରଇକରି ପାଲାଇଲାଇ ଆରି ସେମନ୍ ବେସି ଡରିଜାଇକରି କାକେ ମିସା କାଇବଲି କଅଡ଼ନାଇ ।

ଜିସୁ ବେସି ଲକ୍ମନ୍କେ ଦେକାଇଅଇଲା  
(ମାତିଉ ୨୮:୯-୧୦; ଜଅନ୍ ୨୦:୧୧-୧୮)

୯ ଜିସୁ ମଲାଟାନେଅନି ଉଟ୍ଟଲା ଆଟର୍ ପର୍ତୁମ୍ ଦିନର୍ ସାକାଲେ ଜନ୍ ମାଇଜିଟାନେଅନି ଜିସୁ ସାଡ଼ଟା ଡୁମାମନ୍କେ କେଦିରଇଲା, ମଗ୍ଦଲିନି ନାଉଁର ମରିୟମ୍କେ ପର୍ତୁମ୍ ଦେକାଇଅଇଲା । ୧୦ ସେ

☆ ୧୫:୪୦ ୧୫:୪୦ ଲୁକ୍ ୮:୨,୩ ☆ ୧୭:୭ ୧୭:୭ ମାତିଉ ୨୭:୩୨; ମାର୍ଚ୍ଚ ୧୪:୨୮

ମାଉଜି ତେଇଅନି ଜାଇକରି, ଦୁକ୍‌ଅଇ କରି କାନ୍ଦତେ ରଇଲା ଜିସୁର୍ ସିସ୍‌ମନ୍‌କେ କଇଲା, <sup>୧୧</sup> “ଜିସୁ ମଲାତେଇଅନି ଉର୍‌ଲା ଆତେ ଆରି ମୁଇ ତାକେ ନିଜେ ଦେକିଆତି ।” ବଲି କଇଲା । ସିସ୍‌ମନ୍ ତାକେ ମୁଲ୍‌କେ ବିସ୍‌ବାସ୍ କରତ୍ ନାଇ ।

ଜିସୁ ଦୁଇଟା ସିସ୍‌ମନ୍‌କେ ଦେକାଇ ଅଇଲା  
(ଲୁକ୍ ୨୪:୧୩-୩୫)

<sup>୧୨</sup> ତାର୍‌ପତେ ଦୁଇଟା ସିସ୍‌ମନ୍ ଗଟେକ୍ ଗାଏଁ ଜିବାବେଲେ ଜିସୁ ସେମନ୍‌କେ ବିନ୍ ରୁପେ ଦେକାଇଅଇଲା । ସିସ୍‌ମନ୍ ତାକେ ଚିନ୍ ନାପାରୁଲା । <sup>୧୩</sup> ସେ ଦୁଇଟା ସିସ୍‌ମନ୍ ବାଉଡିଆସିକରି ବିନ୍ ସିସ୍‌ମନ୍‌କେ ଏ କାତା କଇଲା । ଏନ୍ତି କଇଲେ ମିସା ସିସ୍‌ମନ୍ ତାକର୍ କାତା ବିସ୍‌ବାସ୍ କରତ୍ ନାଇ ।

ଜିସୁ ବେସି ଲକ୍‌ମନ୍‌କେ ଦେକାଇଅଇଲା  
(ମାତିଉ ୨୮:୧୭-୨୦; ଲୁକ୍ ୨୪:୩୬-୪୯; ଜଅନ୍ ୨୦:୧୯-୨୩; ପେରିଡ୍ ୧:୬-୮)

<sup>୧୪</sup> ତାର୍‌ପତେ ଏଗାର୍‌ଟା ସିସ୍‌ମନ୍ କାଇବାବେଲେ ଜିସୁ ସେମନ୍‌କେ ଦେକାଇଅଇଲା । ଜିସୁ ମଲାଟାନେଅନି ଉର୍‌ଲାଟା ଦେକିରଇଲା ଲକ୍‌ମନ୍ କଇଲା କାତା ବିସ୍‌ବାସ୍ ନ କରି, ସେମନ୍‌ର୍ ମନ୍ ଆର୍ଟ୍ କଲାର୍ ଲାଗି ସେମନ୍‌କେ ଲାଗଲା । <sup>୧୫</sup> ଜିସୁ ସେମନ୍‌କେ କଇଲା, “ତମେ ଏ ଦୁନିଆର୍ ଗୁଲାଇବାଟେ ଜାଇକରି ସବୁ ଲକ୍‌ମନ୍‌କେ ମର୍ ନିମାନ୍ କାତା କୁଆ । <sup>୧୬</sup> ଜେ ଜେ ଏ ନିମାନ୍ କାତା ବିସ୍‌ବାସ୍ କରି ତୁବନ୍ ନେବାଇ, ସେମନ୍ ପାପେଅନି ରକିଆ ପାଇବାଇ, ମାତର୍ ଜେ ଜେ ଏ ନିମାନ୍ କାତା ବିସ୍‌ବାସ୍ ନ କରତ୍, ପର୍‌ମେସର୍ ସେମନ୍‌କେ ଡଣ୍ଟ ଦେଇସି । <sup>୧୭</sup> ଆରି ବିସ୍‌ବାସି ଲକ୍‌ମନ୍ ମର୍ ନାଉଁ ଦାରି ତୁମାମନ୍‌କେ ବାଠକରାଇ କେଦିଦେବାଇ ଆରି ନାଜାନିରଇବା ବାସାଇ କାତା ଅଇବାଇ । ଏନ୍ତି ବିସ୍‌ବାସ୍ କର୍‌ବା ଲକ୍‌ମନ୍‌ରଟାନେ ଗଟେକ୍ ଚିନ୍ ପାରା ଅଇସି । <sup>୧୮</sup> ସେମନ୍ ନାଜାନିକରି ସାଁପ୍ ଆତେ ଦାରୁଲେ କି ବିସ୍ କାଇଲେ ନ ମରତ୍ । ଜର୍‌ଦୁକାର୍ ଲକ୍‌ମନ୍‌କେ ଆଡ୍ ଚିଇ କରି ପାର୍‌ତନା କଲେ, ସେଲକ୍‌ମନ୍ ନିମାନ୍ ଅଇଜିବାଇ” ବଲି କଇଲା ।

ଜିସୁ ସର୍‌ଗେ ଗାଲା  
(ଲୁକ୍ ୨୪:୫୦-୫୩; ପେରିଡ୍ ୧:୯-୧୧)

<sup>୧୯</sup> ମାପୁରୁ ଜିସୁ ଏ ସବୁ କାତା ସେମନ୍‌କେ କଇ ସାରାଇଲା ପତେ, ପର୍‌ମେସର୍ ତାକେ ସର୍‌ଗେ ଦାରିଗାଲା ଆରି ପର୍‌ମେସର୍ ସନ୍‌ମାନ୍ ଜାଗାଇ ବସ୍‌ଲା । <sup>୨୦</sup> ତାର୍‌ପତେ ତାର୍ ସିସ୍‌ମନ୍ ଜାଇକରି ଏ ଦୁନିଆର୍ ଗୁଲାଇବାଟେ ମାପୁରୁ ଜିସୁର୍ ନିମାନ୍ କାତା କଇଲା ଆରି ମାପୁରୁ ତାକର୍ ସଙ୍ଗ୍ ରଇକରି କାବାଅଇଜିବା ବିନ୍ ବିନ୍ କାମ୍ କଲା । ଏନ୍ତାରି ସେମନ୍ କଇବା କାତା ସତ୍ ବଲି ଦେକାଇଦେଲା । \*

☆ ୧୭:୧୫ ୧୭:୧୫ ପେରିଡ୍ ୧:୮ ☆ ୧୭:୧୯ ୧୭:୧୯ ପେରିଡ୍ ୧:୯-୧୧ \* ୧୭:୨୦ ୧୭:୨୦ କେତେଟା ପୁରୁନା ଲେକାଇ ମାର୍ଚ୍ଚ ୧୭, ୯-୨୦ ନ ମିଲେ



# ଯୀଶୁଖ୍ରୀଷ୍ଟଙ୍କ ବିଷୟରେ ଲୁକ୍ ଲେଖିଥିବା ସୁସମାଚାର ଜିସୁକ୍ରିସ୍ଟର ବିଷୟ ନେଇକରି ଲୁକ୍ ଲେଖିରଚନା ନିମନ୍ତ କବର

## ଏ ବଇ ବିଷୟ ଜାନ୍‌ବାଟା

ଲୁକ୍ ଲେଖିରଚନା ନିମନ୍ତ କବର ଅଇଲାନ୍ତି, ଜିସୁକ୍ରିସ୍ଟର ଜିବନେ ଅଇରଇବା ଟିକିନିକି ବିଷୟର କାତା । ନୁଆ ନିଅମର ଚାରଟା ବଇ ବିତ୍ରେ ଅନି ଏଟା ଗଟେକ୍ । ସେ ବିତ୍ରେ ଅନି ସବୁକେ ନିମନ୍ତ କବର କଇବାଇ । ଜାର୍ ଅରଡ୍ ଅଇଲାନ୍ତି ସୁବ୍ କବର । ସେଟା ସବୁ ଜିସୁର୍ ମରନର୍ ପଟେ ମାତିଉ, ମାର୍କ୍, ଲୁକ୍ ଆରି ଜଅନର୍ ଲଗେ ଅନି ଲେକା ଅଇଆଟେ । ଲୁକ୍ ଲେକ୍ଲା ବଇଟାନ୍ତେ ଜିସୁର୍ ଜିବନେ ଗଟ୍ଲା ଲେକ୍‌ବା ସଙ୍ଗ୍ ତାର୍ ମରନ୍ ଆରି ମଲାଟାନ୍ତେ ଅନି ଉଟ୍ଲା ବିଷୟ ମିସା ଆଟେ । ତାର୍ ସିସ୍‌ମନ୍ ଜନ୍ ଜନ୍ ବିଷୟ ସବୁ କରଇଲାଇ, ସେଟାମନ୍‌ମିସା ଏ ବଇଟାନ୍ତେ ଆଟେ । ବଇକେ ପେରିଡ୍‌ମନ୍ କାମର୍ ବିଷୟ ବଲି କଇବାଇ । ଲୁକ୍ ସୁବ୍‌କବର ବଇ କେତେବେଲେ ଆରି କନ୍‌ଟାନ୍ତେ ଲେକାଅଇ ରଇଲା, ସେ ବିଷୟ କେମିସା ନିକସଙ୍ଗ୍ ନାଜାନଡ୍ । ମାତର୍ ପଣ୍ଡିଡ୍‌ମନ୍ ଜେକ୍ରିକି ଏଟା ଜିସୁକ୍ରିସ୍ଟ ଜନମ୍ ଅଇ ୭୦ ବରସ୍ ପଟେ ଲେକା ଅଇଲାଆଟେ ବଲି ବିସ୍‌ବାସ୍ କରବାଇ ।

ଲେକ୍‌ଲା ଲକ୍ ଅଇଲାନ୍ତି ଲୁକ୍ । ସେ ଗଟେକ୍ ଡାକ୍‌ଦର୍ । ତାର୍ ଲେକା ସଇଲି ଆରି କାତା ଆରି ଚାଲିଚଲନ୍ ଜାନାଇ ଦେଲାନ୍ତିଜେ, ସେ ଗଟେକ୍ ସିକିଡ୍‌ଲକ୍ ରଇଲା । ଜିସୁର୍ ଜିବନେ ଗଟିରଇବା ସବୁ ଗଟନାର୍ ଲେକା, ନିୟମ୍ ଇସାବେ ଟିକ୍ ବାଦ୍‌ନା କର୍‌ବାକେ ଇଟା କଲାନ୍ତି । ଜେକ୍ରିକି ସେଟା ବିନ୍‌ଲକ୍‌ମନ୍ ପଡିକରି ଉପକାର୍ ପାଇବାଇ ୧:୧-୩ । ସେ ଗଟେକ୍ ଜିଉଦି ଲକ୍ ନ ରଇଲା ମିସା କଲସିଅ ୪:୧୦-୧୪ ସେ ଏ ରକାମ୍ ବାଦ୍‌ନାକରି ଲେକ୍‌ଲା । ଜିଉଦି ନଇଲା ଲକ୍‌ମନ୍ ଜେନ୍‌ଡିକି ବୁଜିପାର୍‌ବାଇ । ସେ ଜିଉଦିର୍ ନିତିନିୟମ୍ କଇବାଟା ଇତି ଆମେ ସଅଜେ ଦେକ୍‌ବାର୍ ଅଇସି ୧:୮ ।

ଲୁକ୍ ଲେକ୍‌ଲା ସୁସମାଚାର୍, ମାତିଉ ଆରି ମାର୍କ୍ ବଇସଙ୍ଗେ ସମାନ୍ । କାଇକେ ବଇଲେ ସେମନ୍ ସମାନ୍ ବିଷୟ ଆରି ସମାନ୍ ବାଦ୍‌ନାଇ କଇବାଟା ଲେକିଆଟଡ୍ । ତିନ୍‌ଟା ବଇବିତ୍ରେଅନି ଲୁକ୍ ତୁବନ୍ ଦେଉ ଜଅନର୍ ଜନମ୍ ବିଷୟ ତିଆର୍ କଲାଆଟେ । ଆରି ଲୁକ୍ ପାର୍‌ତନା ଉପ୍ରେ ଦିଆନ୍ ଦେଇଆଟେ ୩:୨୧;୫:୧୬;୬:୧୨;୧୧:୧-୧୨;୨୨:୩୨; ଆରି ସେ କେମା ଉପ୍ରେ ମିସା ଦିଆନ୍ କରିଆଟେ । ୩:୩, ୧୧:୪, ୧୭:୩-୪, ୨୩:୩୪, ୨୪:୪୭

### ଏ ବଇବିତ୍ରେ ରଇବା ବିଷୟ

- ୧. ଲୁକ୍ ସୁବ୍‌କବର ଉପକର୍ମ ଆର୍ ଲେକା ଉଦେସେ ବରନା କରସି । ୧:୧-୪
- ୨. ଜିସୁର୍ ଜନମ୍ ଆରି ସେ କେକ୍ରି ସେବାକାମର୍ ପାଇ ତିଆର୍ ଅଇଲା । ୧:୫-୪:୧୩
- ୩. ଜିସୁର୍ କାମ୍ ପୁରାପୁରୁନ୍ ବିଷୟର୍ ବେଲେ ସେ ସବୁକରି ରଇଲା ଚକିଡ୍ କାମ୍ ଆରି ତାର୍ ସିକିଆ ବିଷୟ କଇଲା ଆଟେ । ଏଟା ଅଇଲାନ୍ତି ସୁବ୍‌କବରର୍ ବଡ୍ ବାଗ୍ । ୪:୧୪-୨୧:୩୮
- ୪. ତାର୍‌ପଟେ, ପଟର୍ ବାଗ୍ ଟାନ୍ତେ, ଜିସୁ କେକ୍ରି ମରିରଇଲା ମସ୍‌ନେ ତପି ଅଇରଇଲା ଆରି ମଲାଟାନ୍ତେ ଅନି ଉଟ୍ଲା ସେଟାମନ୍ ଆଟେ । ୨୨:୨୪

୧ ଏ ତିଅପିଲ୍ ମଆସୟ, ଆମର୍ ବିତ୍ରେ ଜନ୍ ସବୁ ଗଟ୍‌ନା ଗଟ୍‌ଲା, ସେସବୁ ଲେକ୍‌ବାକେ ବେସି ଲକ୍ ଟେସଟା କଲାଇ । ୨ ଆରାମ୍ ଅଇଲା ମୁଲେ, ଜେଜେ ଏ ସବୁ ଦେକିରଇଲା ଆରି ସୁବ୍ କବର ବିନ୍ ଲକ୍‌ମନ୍‌କେ ଜାନାଇଲାଇ, ସେମନ୍ ଆମ୍‌କେ କଇଲା ଇସାବେ ଲେକ୍‌ଲାଇ । ୩ ତେବର୍‌ପାଇ ଏ ମାନନିୟ୍ ତିୟପିଲ୍, ପୁର୍‌ବେଅନି ଟିକିନିକି କଜ୍‌ଲଡ୍‌କରି ତେଇ ସବୁଜାକ ରିତିନିତି ସଙ୍ଗ୍ ଅଇଲାଟା ତମର୍‌ପାଇ ମୁଇ ଲେକ୍‌ବିଆକା ବଲି ମନ୍‌କଲି । ୪ ଜେକ୍ରି ତୁଇ ସବୁ ବିଷୟର୍ ସିକିଆ ପାଇଆରୁସ୍, ସେ ସିକିଆର୍ ପୁରାପୁରୁନ୍ ସଡ୍ ପାଇପାରୁସ୍ ।

### ତୁବନ୍ ଦେଉ ଜଅନର୍ ଜନମ୍

\* ଜିଉଦା ଦେସର୍ ରାଜା ଏରଦର୍ ବେଲେ, ଅବିୟ୍ ପୁଜାରି ଦଲେ ଜିକରିୟ୍ ନାଉର୍ ଗଟେକ୍ ପୁଜାରି ରଇଲା । ତାର୍ ମାଇଜି ଏଲିସାବେଡ୍ । ସେ ଆରଣ୍ ବର୍‌ସର୍ ରଇଲା । ୨ ପର୍‌ମେସରର୍ ଦେକ୍‌ବା ଇସାବେ ସେମନ୍ ଦୁଇଲକ୍ ଜାକ ମାପ୍‌ରୁର୍ ସବୁ ଆଦେସ୍, ବିଦି ଇସାବେ କରତେରଇଲାଇ । ୩ ମାତର୍ ସେମନ୍‌କେ ପିଲାଜିଲା ନ ରଇଲା । କାଇକେ ବଇଲେ ଏଲିସାବେଡ୍ ବାଞ୍ଜି ରଇଲା । ଆରି ସେମନ୍ ଡକ୍‌ରା ଡକ୍‌ରି ଅଇଜାଇରଇଲାଇ ।

୮ ଦିନେକ ଜିକରିୟ ନିଜର ଦଲର ପାଲି ଇସାବେ, ଜିଉଦିମନର ମନ୍ଦିରେ ପୁଜାରି କାମ କରବାବେଲେ, ୯ ରିତିନିତି ଇସାବେ ଜିକରିୟର ନାଉଁ କେଡ଼ ପୁଟ୍‌ଲାଜେ ତାକେ ମାପୁରୁର୍ ମନ୍ଦିରେ ଜାଇକରି ବେଦିଟାନେ ଦୁପ୍ ଦେବାକେ ପଡ଼ଲା । ୧୦ ଆରି ଦୁପ୍ ଦେବାବେଲେ ଲକ୍‌ମନ୍ ବାଇରେ ପାରତନା କରତେ ରଇଲା ।

୧୧ ସେଡ଼କିବେଲେ ଏଦେ ଦେକା ! ମାପୁରୁର୍ ଗଟେକ୍ ଦୁଡ଼ ଦୁପ୍ ଦେବା ବେଦିର୍ ଉଜାବାଟେ ଟିଆଅଇ ତାକେ ଦର୍ସନ୍ ଦେଲା । ୧୨ ଜିକରିୟ ତାକେ ଦେକି କିଲ୍‌ବିଲ୍ ଅଇ ଡରିଗାଲା । ୧୩ ମାତର୍ ଦୁଡ଼ ତାକେ କଇଲା, “ଜିକରିୟ ଡରନାଇ, କାଇକେବଇଲେ ତମେ ଗୁଆରି କଲାଟା ପର୍ମେସର୍ ସୁନିଆଟେ । ତର୍ ମାଇଜି ଏଲିସାବେଡ଼ ଗଟେକ୍ ପିଲା ଜନମ୍ ଦେଇସି । ତମେ ତାକେ ଜଅନ୍ ବଲି ନାଉଁ ଦିଆସ୍ । ୧୪ ସେ ତମର୍ ପାଇ ବେସି ସାରଦା ଆନ୍‌ସି ଆରି କେତେ କେତେ ଲକ୍‌ମନ୍ ତାର ଜନମେ ସାରଦା କରବାଇ । ୧୫ ମାପୁରୁର୍ ଦେକ୍‌ବା ଇସାବେ ସେ ଗଟେକ୍ ଡାକ୍‌ପୁଟା ଲକ୍ ଅଇସି । ସେ ଆମର୍ ଅଇଜାଇରଇବା ଅଙ୍ଗୁର୍ ରସ୍ କି ନିସା ଜିନିସ୍ ମୁଲ୍‌କେ ନ କାଏ ଆରି ମାଆର୍ ଗରବେ ଅନି ସୁକଲ୍ ଆଡ଼ମାଇ ପୁରାପୁରୁନ୍ ଅଇ ଆଇସି । ୧୬ ଆରି ଇସରାଏଲ୍ ଲକ୍‌ମନର୍ ବିଡ଼ରେ ଅନି କେତେ କେତେ ଲକ୍‌ମନ୍କେ ମାପୁରୁ ତାର ପର୍ମେସରର୍ ଟାନେ ବାଉଡାଇସି । ୧୭ ସେ ବବିସଡ଼ବକ୍ତା ଏଲିୟର୍ ଆଡ଼ମାଇ ବପୁଅଇ ପର୍ମେସରର୍ ଆଗ୍‌ତୁ ଜାଇସି । ବାବାମନର୍ ମନ୍ ପିଲାମନର୍‌ଟାନେ ବାଉଡାଇସି । ପର୍ମେସରର୍ କାତା ନ ମାନବା ଲକ୍‌ମନ୍କେ ଦରମ୍ ଲକ୍‌ମନ୍ ଚିନ୍ତା କରବା ଟାନେ ବାଉଡାଇସି । ଆରି ପର୍ମେସରର୍ ଲକ୍‌ମନ୍କେ ତାର ପାଇ ଜାଗ୍‌ରଡ଼ କରାଇସି ।”

୧୮ ତେଇ ଜିକରିୟ ଦୁଡ଼କେ କଇଲା, “ତମେ କଇବାଟା ସଡ଼ ଅଇସି ବଲି ମୁଇ କେନ୍ତ୍ର ଜାନ୍‌ବି ? କାଇକେବଇଲେ ମୁଇତା ଡକ୍‌ରା ଅଇଗାଲିବେ, ଆରି ମର୍ ମାଇଜି ମିସା ଡକ୍‌ରି ଅଇଗାଲାନି ।”

୧୯ ଦୁଡ଼ ତାକେ କଇଲା “ମୁଇ ଗାବ୍‌ରିଏଲ୍, ମୁଇ ପର୍ମେସରର୍ ମୁଆଟେ ଟିଆ ଅଇରଇବା ଦୁଡ଼, ତମକେ ଏ କବର୍ ଜାନାଇବାକେ ମକେ ପାଟାଇଆଟେ । ୨୦ ଦେକ୍, ଏ ସବୁ ନ ଅଇବା ଦିନ୍ ଜାକ ତୁଇ ଗୁଲାଅଇ ରଇସୁ । କାଇକେବଇଲେ ମର୍ ସବୁ ବାକିଅ ସମାନ୍ ବେଲାଇସେ ପୁରାପୁରୁନ୍ ଅଇସି । ସେଟା ସବୁ ତୁଇ ବିସ୍‌ବାସ୍ କୁରୁସ୍ ନାଇ ।” ୨୧ ଏଡ଼କି ଅଇବା ବିଡ଼ରେ ଲକ୍‌ମନ୍ ଜିକରିୟକେ ବାଇରେ ଜାଗିରଇଲା ଆରି ଦେଉଲେ ତାର ଅଲ୍‌ସମ୍ ଅଇଲାଜେ ସେମନ୍ କାବାଅଇ ଜାଇଡେରଇଲା । ୨୨ ମାତର୍ ଜିକରିୟ ବାରଇ ଆସି ଲକ୍‌ମନର୍ ସଙ୍ଗ୍ କାତାଅଇ ନାପାରଲା, ତେଇ ସେ ଦେଉଲେ ଦର୍ସନ୍ ପାଇଆଟେ ବଲି ଲକ୍‌ମନ୍ ବୁଜ୍‌ଲାଇ ଆରି ସେ ଲକ୍‌ମନ୍କେ ଆଡ଼ ସଗିଆ କରି ଜାନାଇବାର ଦାରଲା ଆରି ଗୁଲାଅଇକରି ରଇଲା ।

୨୩ ଜିକରିୟ ତାର ସେବା କରବା ପାଲି ଦିନ୍ ସବୁ ସାରଲା ପଟେ ତାର ଗରେ ଉଟିଗାଲା । ୨୪ ଏଡ଼କି ଅଇ କେତେକ୍ ଦିନ୍ ଗାଲା ପଟେ ତାର ମାଇଜି ଏଲିସାବେଡ଼ ଗାଗଡେ ଅଇଲା ଆରି ସେ ପାଁଟ୍ ମାସ୍ ଜାକ କାକେ ନ ଜାନାଇ ଗରେସେ ରଇଲା । ୨୫ ତାରପଟେ ଏଲିସାବେଡ଼ କଇଲା, “ଲକ୍‌ମନର୍ ଜେଝେଟ୍ କରବାଟା ଦୁର୍ କରବାକେ ସାରାସାରି ମକେ ଦୟା କରି ମାପୁରୁ ଏନ୍ତାରି କଲାଆଟେ ।”

**ଜିସୁର ଜନମ୍ ବିସଇ**

୨୬ ଏଲିସାବେଡ଼ ଗାଗଡେଅଇ ତ ମାସ୍ ଅଇଲାକେ, ପର୍ମେସର୍ ଗାବ୍‌ରିଏଲ୍ ଦୁଡ଼କେ ଗାଲିଲି ରାଇଜର୍ ନାଜରିତ ନାଉଁର୍ ନଅରେ ଗଟେକ୍ ଦାଙ୍ଗ୍‌ଡିର୍ ଟାନେ ପାଟାଇଲା । ୨୭ \*ସେ ଦାଙ୍ଗ୍‌ଡିର୍ ନାଉଁ ମରିୟମ୍, ଦାଉଦ୍ ବସ୍‌ର୍ ଜସେପ୍ ନାଉଁର୍ ଗଟେକ୍ ଦାଙ୍ଗ୍‌ଡା ସଙ୍ଗ୍ ତାର ମାଙ୍ଗ୍‌ନି ଅଇରଇଲା । ୨୮ ଦୁଡ଼ ମରିୟମ୍‌ର୍ ଲଗେ ଆସି କଇଲା, “ଏ ନୁନି, ମାପୁରୁ ତକେ ଦୟାକଲା ଆଟେ, ଆରି ତର୍ସଙ୍ଗ୍ ଆଟେ ।”

୨୯ ମରିୟମ୍ ସରଗର୍ ଦୁଡ଼ କଇଲା ବାକିଅ ସୁନ୍‌ଲା ଆରି କାଇଟା ବୁଜିନାପାରି ଉଡୁକ୍ ଦୁଡୁକ୍ ଅଇଜାଇକରି, ବାବିବାବି ରଇଲା । ୩୦ ଦୁଡ଼ ତାକେ କଇଲା, “ମରିୟମ୍ ତର୍ ନାଇ, ତୁଇ ମାପୁରୁର୍ ଦୟା ପାଇଆରୁସ୍ । ୩୧ \*ଦେକ୍ ତୁଇ ଗାଗଡେ ଅଇ ପିଲା ଗଟେକ୍ ଜନମ୍ କରସୁ ଆରି ତାର ନାଉଁ ଜିସୁ ଦେଇସା । ୩୨ ସେ ଗଟେକ୍ ଡାକ୍‌ପୁଟା ଲକ୍ ଅଇସି ଆରି ସବୁର୍ ଉପରେ ରଇବା ପର୍ମେସରର୍ ପଅ ବଲି କଇବାଇ, ସରଗର୍ ମାପୁରୁ ତାକେ, ତାର ଆନିଦାଦି ଦାଉଦର୍ ପାରା ରାଜା କରାଇସି । ୩୩ ସେ କାଲ୍‌କାଲ୍ ଜୁଗ୍‌ଜୁଗ୍ ଇସରାଏଲ୍ ଲକ୍‌ମନ୍କେ ସାସନ୍ କରସି । ତାର ରାଇଜ୍ କେବେ ନ ସାରେ ।”

୩୪ ମରିୟମ୍ ଦୁଡ଼କେ କଇଲା, “ଏଟା କେନ୍ତ୍ର ଅଇସି ? ମୁଇତା ମୁନୁସକେ ନାଜାନି !” ୩୫ ଦୁଡ଼ ତାକେ କଇଲା, “ସୁକଲ୍ ଆଡ଼ମା ଆସି ତକେ ଡାବି ଅଇସି, ଆରି ସବୁର୍ ଉପରେ ରଇବା ପର୍ମେସରର୍ ବପୁ ତକେ ଗୁଡିଆଇ ଅଇସି, ତେବର୍‌ପାଇ ଜେ ଜାଡ଼ ଅଇସି, ସେ ସୁକଲ୍ ପର୍ମେସରର୍ ପଅ ବଲି ଡାକ୍‌ପୁଟା ଅଇସି ।”

\* ୧:୨୭ ୧:୨୭ ମାଡିଉ ୧:୧୮ \* ୧:୩୧ ୧:୩୧ ମାଡିଉ ୧:୨୧

୩୬ ଆରି ଦେକ୍, ତର୍ ଲାଗାର୍ ଲିତାର୍ ଏଲିସାବେତ୍ ଫିସା ତକ୍ରି ବେଲେ ଗାଗତେ ଆଚେ, ଜାକେ ଲକ୍ମନ୍ ବାଞ୍ଝି ବଲି କଇତେରଇଲାଇ । ତାକେ ଏବେ ଚ ମାସ୍ ଅଇଲାନି । ୩୭ କାଇକେବଇଲେ ପର୍ମେସରଟାନେ କାଇଟା ଫିସା ନ ଅଇବା କାମ୍ ନାଇ, ବଲି କଇଲା ।

୩୮ ତେଇ ମରିୟମ୍ କଇଲା, “ଦେକା, ମୁଇ ଗଟେକ୍ ମାପୁରୁର୍ ଦାସି, ତମେ କଇବା ଇସାବେ ମକେ ଅ ।” ତାର୍ପତେ ଦୁଡ୍ ତାରଟାନେଅନି ଉଟିଗାଲା ।

**ଏଲିସାବେତ୍ ଆରି ମରିୟମ୍ ବେଟ୍ଗାଟ୍**

୩୯ ସେଡ୍କିବେଲେ ମରିୟମ୍ ବାରଇକରି ଜିଉଦା ରାଇଜର୍ ତଙ୍ଗର୍ ଜାଗାର୍ ଗଟେକ୍ ନଅରେ ଉଟିଗାଲା । ୪୦ ତେଇ ଜିକରିୟର୍ ଗରେ ପୁରିକରି ସେ ଏଲିସାବେତ୍କେ ଜୁଆର୍ କଲା । ୪୧ ମରିୟମ୍ ଜୁଆର୍କଲାଟା ସୁନ୍ଲା ଦାପ୍ରେ ଏଲିସାବେତ୍ ଗର୍ବେ, ପିଲା ସାର୍ଦା ଅଇ ତେଗଇଲା ଆରି ଏଲିସାବେତ୍ ସୁକଲ୍ ଆଡ଼ମାଇ ପୁରାପୁରୁନ୍ ଅଇଲା । ୪୨ ଏଲିସାବେତ୍ ଆଉଲି ଅଇକରି କଇଲା, “ତୁଇ ସବୁ ମାଇଜିମନ୍ ବିତ୍ରେ ଅନି କେତେକ୍ ନିକ କରମର୍ ଲକ୍ ! ତର୍ ଗରବର୍ ପିଲାର୍ ଫିସା କେତେକ୍ କରମ୍ ! ୪୩ ମୁଇ କେ ଜେ ମର୍ ମାପୁରୁର୍ ମାଆ, ମକେ ଦେକ୍ବାର୍ ଆଇଲା ଆଚେ ? ୪୪ କାଇକେବଇଲେ, ଦେକ୍, ତୁଇ ଜୁଆର୍କଲାଟା ସୁନ୍ଲା ଦାପ୍ରେ ମର୍ ଗରବର୍ ପିଲା ସାର୍ଦା ଅଇ ତେଗଇଲା । ୪୫ ଜେ ବିସ୍ବାସ୍ କର୍ସି ତାର୍ କେତେକ୍ ନିମାନ୍ କରମ୍, କାଇକେବଇଲେ ମାପୁରୁ ତାକେ ଜାଇଜାଇଟା କୁଆଅଇଲାଆଚେ, ସେ ସବୁଜାକ ଅଇସି ଆକା ।”

**ମାପୁରୁକେ ମରିୟମ୍ ମଇମା ଗିଡ୍**

- ୪୬ ତେଇ ମରିୟମ୍ କଇଲା, “ମର୍ ଜିବନ୍ ମର୍ ମାପୁରୁର୍ ମଇମା କଲାନି ।
- ୪୭ ଆରି ମର୍ ଆଡ଼ମା ମର୍ ରକିଆକାରି ପର୍ମେସରଟାନେ ସାର୍ଦା କଲାନି ।
  - ୪୮ କାଇକେବଇଲେ ସେ ମର୍ପାରା କାକୁର୍ତିଆନିକେ ନିଜର୍ ଗତିଦାଙ୍ଗ୍ତି ବଲି ଏତାଇଲା ଆଚେ । ଆରି ଦେକା ଆଜିଅନି କାଲ୍କାଲ୍ ଜୁଗ୍ଜୁଗ୍, ସବୁ ଲକ୍ ମକେ ପର୍ମେସରର୍ ତେଇଅନି ଆସିର୍ବାଦ୍ ମିଲ୍ଲା ଲକ୍ ବଲି କଇବାଇ ।
  - ୪୯ କାଇକେବଇଲେ ସବୁଟାନେଅନି ବପୁର୍ ମାପୁରୁ, ମର୍ପାଇ କାବାଅଇଜିବା କାମ୍ କଲାଆଚେ, ତାର୍ ନାଉଁ ସୁକଲ୍ ।
  - ୫୦ ଆରି ଜନ୍ ଲକ୍ମନ୍ ତାକେ ଡରିକରି ରଇବାଇ, ଜୁଗେ ଜୁଗେ ସେ ସେମନ୍କେ ଦୟା କର୍ସି ।
- ୫୧ ସେ ତାର୍ ନିଜର୍ ବପୁର୍ ଆଡ୍ ଦେକାଇଆଚେ, ସେ ଆଁକାର୍ ଲକ୍ମନ୍କେ ସେମନ୍ ମନେ ବାବ୍ନା କଲାଟା ଚିନ୍ତତର୍ କଲା ଆଚେ ।
- ୫୨ ସେ ବଡ୍ ବଡ୍ ରାଜାମନ୍କେ ସେମନ୍ ରଇବାଟାନେଅନି ଉଡ଼ରାଇ ଦେଲା ଆଚେ, ଆରି କାକୁର୍ତିଆମନ୍କେ ଉପ୍ରେ ଉଟାଇ ଆଚେ ।
- ୫୩ ସେ ବୁକର୍ ଲକ୍ମନ୍କେ ନିକ ନିକ ବିସଇ ଦେଇ ସାର୍ଦା କରାଇ ଆଚେ, ସାଉକାର୍ଲକ୍ମନ୍କେ ରୁଟା ଆଡେ ବାଉଡାଇଦେଇ ଆଚେ ।
- ୫୪ ଆମର୍ ଆନିଦାଦିମନ୍କେ ଜନ୍ କାତା ଦେଇରଇଲା, ସେଟା ପୁରାପୁରୁନ୍ କଲା ଆରି ତାର୍ ନିଜର୍ ଚାକର୍ ଇସ୍ରାଏଲର୍ ଉପକାର୍ କରି ଆଚେ ।
- ୫୫ ସେ ଅବ୍ରାଆମ୍ ଆରି ତାର୍ ନାତିମନ୍କେ ତାର୍ ଦୟା କାଲ୍କାଲ୍ ଜୁଗ୍ଜୁଗ୍ ଏତାଅଡବଲି ଦେକାଇଲା ଆଚେ ।”
- ୫୬ ଆରି ମରିୟମ୍ ତିନ୍ ମାସ୍ ପାରା ଏଲିସାବେତ୍ ସଙ୍ଗ୍ ରଇ ନିଜର୍ ଗରେ ବାଉଡି ଗାଲା ।

**ତୁବନ୍ ଦେଉ ଜଅନର୍ ଜନମ୍**

୫୭ ପଚେ ଏଲିସାବେତ୍ ଆଡ଼ଗଡ୍ ସୁକ୍ ଅଇବା ଦିନ୍ କେଟି ଆଇଲାଜେ, ସେ ଗଟେକ୍ ପିଲା ଜନମ୍ ଦେଲା । ୫୮ ଆରି ମାପୁରୁଜେ ତାକେ ଦୟା କଲାଆଚେ, ଏଟା ସୁନି ଜିକରିୟର୍ ଲାଗାର୍ଲିତାର୍ ଲକ୍ ଆରି ଗତିଆ କୁଟୁମ୍ ତାକର୍ ସଙ୍ଗ୍ ସାର୍ଦା କର୍ବାର୍ ଦାରଲାଇ ।

୫୯ ଆଟ୍ ଦିନ୍ ଗାଲାପଚେ ଲକ୍ମନ୍ ପିଲାର୍ ସୁନଡ଼ଟାନେ ଆଇଲାଇ\* ଆରି ତାର୍ ବାବାର୍ ନାଉଁ ଇସାବେ ପିଲାର୍ ନାଉଁ ଫିସା ଜିକରିୟ୍ ଦେବାକେ ମନ୍କଲାଇ । ୬୦ ମାତର୍ ଏଲିସାବେତ୍ କଇଲା, “ନାଇ ତାର୍ ନାଉଁ ଜଅନ ଦିଆ ଅ ।” ୬୧ ଲକ୍ମନ୍ ତାକେ କଇଲାଇ “ତମର୍ ବସ୍ ବିତ୍ରେ ତା ଏନ୍ତାରି ନାଉଁର୍ ଲକ୍ କେ ଫିସା ନାଇ ।” ୬୨ ତେଇ ସେମନ୍ ପିଲାକେ କାଇ ନାଉଁ ଦେଉଁ ବଲି ମନ୍ କଲୁସ୍ନି ? ସେଟା ଜିକରିୟ୍କେ ଆଡ୍ ଦେକାଇକରି ପାଟାର୍ବାର୍ ଦାରଲାଇ ।

\* ୧:୫୯ ୧:୫୯ ମନସ୍ ପିଲାର୍ ଜିଡ଼ଟାନର୍ ଟିପର ଚାମ୍ କାଟ୍ବାଟା ଅଇଲାନି ସୁନଡ୍

୨୩ ସେତକିବେଲେ ଜିକରିୟ ଲକ୍ଷ୍ମୀଙ୍କୁ ଗଟେକ ଲେକ୍‌ବା ପାଟା ମାଙ୍ଗୁଲା ଆରି “ଏଦେ ଦେକା ! ତାର ନାଉଁ ଜଅନ୍ !” ବଲି ଲେକ୍‌ଲା । ତେଇ ସବୁଲକ୍ କାବା ଅଇଗାଲା । ୨୪ ସେତକି ଦାପ୍‌ରେ ଜିକରିୟର ଟଣ୍ଡୁ ପୁଟ୍‌ଲା, ସେ ଆରି ତରେକ୍ କାତା ଅଇ ପର୍‌ମେସରକେ ମଇମା କର୍‌ବାର୍ ଦାର୍‌ଲା । ୨୫ ତାର ଲଗର ପାକର୍ ଲକ୍‌ମନ୍ ଡରିଗାଲା, ଆରି ଏସବୁ କାତା ଜିଉଦା ରାଇଜର୍ ଡଙ୍ଗର୍ ଜାଗାର ସବୁ ବାଟର୍ ଲକ୍‌ମନ୍ କୁଆବଲା ଅଇଲା । ୨୬ ଆରି ସୁନିରଇବା ସବୁ ଲକ୍‌ମନ୍ କାବା ଅଇକରି, ମନେ ମନେ ବାବ୍‌ଲା, ତେବେ ଏ ପିଲା କାଇଟା ଅଇସି ? କାଇକେବଇଲେ ମାପ୍‌ରୁର୍ ବପୁ ପିଲାଟ୍‌ସଙ୍ଗ୍ ଆଟେ ବଲି ସବୁକେ ଜାନାପଡ୍‌ଲା ।

**ଜିକରିୟ ବବିସତ୍‌ବକ୍‌ତାର୍ କାତା**

- ୨୭ ଆରି ଜଅନ୍‌ର୍ ବାବା ଜିକରିୟ ସୁକଲ୍ ଆଡ୍‌ମାଇ ପୁରାପୁରୁନ୍ ଅଇ ପର୍‌ମେସରର୍ କବର୍ କଇବାର୍ ଦାର୍‌ଲା ।
- ୨୮ “ଆସା ଆମେ ଇସ୍ରାଏଲର୍ ମାପ୍‌ରୁକେ ଦନିଅବାଦ୍ ଦେଉ କାଇକେବଇଲେ ସେ ତାର ନିଜର୍ ଲକ୍‌ମନ୍‌କେ ଦୟାକରି ମୁକ୍‌ଲାଇସି ।
- ୨୯ ତାର ନିଜର୍ ଗତିଦାଙ୍ଗ୍‌ତା ଦାଉଦର୍ କୁଟୁମେ ଅନି ଆମର୍ ପାଇ ଗଟେକ୍ ବପୁ ସଙ୍ଗର୍ ଉଦାର୍‌କାରିଆକେ ଦେଲା ଆଟେ ।
- ୩୦ ପୁରବ୍ କାଲେଅନି ସୁକଲ୍ ରଇବା ନିଜର୍ ବବିସତ୍‌ବକ୍‌ତାମନ୍‌ର୍ ଟଣ୍ଡୁଅନି କାତା ଦେଇ ଜେନ୍ତି କଇରଇଲା,
  - ୩୧ ସେନ୍ତାରି ଆମ୍‌କେ ଇନ୍ କର୍‌ବା ସବୁ ସତ୍‌ରୁମନ୍‌ର୍ ଟାନେଅନି ମୁକ୍‌ଲାଅ ଆଟେ ।
- ୩୨ ଜେନ୍ତି ସେ ଆମର୍ ଆନିଦାଦିମନ୍‌ପାଇ ଦୟା ଦେକାଇଆଟେ, ଆରି ସେମନ୍‌ର୍ ସଙ୍ଗ୍ କରିରଇବା ନିଜର୍ ସୁକଲ୍ ନିୟମ୍ ଏତାଇ ଆଟେ,
- ୩୩ ଆମର୍ ପୁରବର୍ ବାବା ଅବ୍ରାଆମ୍‌କେ ଜନ୍ କାତା ଦେଇରଇଲା ।
  - ୩୪ ଆରି ଜେନ୍ତାରିକି ସତ୍‌ରୁର୍ ଆତେଅନି ଉଦାର୍ ପାଇ ଆରୁ ।
  - ୩୫ ଜେନ୍ତାରିକି ଆମେ ଜିବନ୍‌ସାରା ଦରମ୍ ସଙ୍ଗ୍, ସୁକଲ୍ ସଙ୍ଗ୍ ତାର ସେବା କର୍‌ବାକେ, ଆମ୍‌କେ ଦୟା କର୍‌ସି ।
- ୩୬ ଏ ମର୍ ନୁନା, ତୁଇ ସବୁର୍ ଉପ୍‌ରେ ରଇବା ପର୍‌ମେସରର୍ ଗଟେକ୍ ବବିସତ୍‌ବକ୍‌ତା ବଲି ଡାକ୍‌ପୁଟା ଅଇସୁ । ତୁଇ ସେ ପାଟାକରଇବା ଗଟେକ୍ ଦୁଡ୍‌ପାରା, ତାରପାଇ ବାଟ୍ ତିଆର୍ କର୍‌ସୁ ।
- ୩୭ ପାପ୍‌ଟାନେଅନି କେମା ପାଇକରି ଜେନ୍ତି କି ଉଦାର୍ ଅଇବାଇ, ସେ କାତା ଜାନାଇବାକେ ଜାଇସୁ ।
- ୩୮ ଆମର୍ ପାଦ୍ ସାନ୍ତିର୍ ବାଟେ ଆନ୍‌ବାକେ, ଆମର୍ ପର୍‌ମେସରର୍ ଆଲାଦର୍ ଦୟାର୍‌ଲାଗି, ଆମର୍‌ପାଇ ସର୍‌ଗେଅନି ବେଲ୍ ତାରାସି ।
  - ୩୯ ସେ ପୁରାପୁରୁନ୍ ଆଲାଦର୍ ଦୟାର୍‌ଲାଗି ମାପ୍‌ରୁର୍ ଲକ୍‌ମନ୍‌କେ, ସେମନ୍‌ର୍ ପାପ୍‌ଟାନେଅନି ମୁକ୍‌ଲାଇବା ଗିଆନ୍ ଦେଇସୁ । ତାର ବାଟ୍ ତିଆର୍ କର୍‌ବାକେ ମୁଲିଆଇସୁ ।”
- ୪୦ ଆରି ଜଅନ୍ ବଡିକରି ଆଡ୍‌ମାଇ ବପୁ ଅଇଲା ଆରି ଲକ୍‌ମନ୍‌ର୍ ଟାନେ ଜାନାଇ ନ ଅଇକରି କିନରା ଜାଗାମନ୍‌କେ ରଇତେ ରଇଲା । ପଟେ ସେ ଇସ୍ରାଏଲର୍ ଲକ୍‌ମନ୍‌ଟାନେ ବାକିଅ ସୁନାଇବାର୍ ଦାର୍‌ଲା ।

**୨**

**ଜିସୁର୍ ଜନମ୍  
(ମାତିଉ ୧:୧୮-୨୫)**

୧ ସେବେଲେ ରମିୟ ରାଇଜର୍ ବଡ୍ ସାସନ୍ କାରିଆ ଅଗସ୍‌ଟ କାଇସରର୍ ଆଦେସ୍ ଇସାବେ ସବୁଲକ୍‌କେ ନାଉଁ ଲେକାଇବାର୍ ଅଇଲା । ୨ କିରିଣିୟ ନାଉଁର୍ ସାସନ୍ କାରିଆ ସିରିଆ ରାଇଜ୍ ସାସନ୍ କର୍‌ବା ବେଲେ ପର୍‌ଟୁମ୍ ତର୍ ଏନ୍ତାରି ନାଉଁ ଲେକା ଅଇରଇଲା । ୩ ସେଟାର୍‌ପାଇ ବଲି ସବୁଲକ୍ ନାଉଁ ଲେକାଇବାକେ ନିଜର୍ ନିଜର୍ ନଅରେ ଗାଲା ।

୪ ଆରି ଜସେପ୍ ମିସା ନାଉଁ ଲେକାଇବାକେ ମରିୟମର୍ ସଙ୍ଗ୍ ଗାଲିଲି ରାଇଜର୍ ନାଜରିତ୍ ନାଉଁର୍ ଗଟେକ୍ ନଅରେ ଅନି ଜିଉଦା ରାଇଜର୍ ବେଡ୍‌ଲିଇମ୍ ବଲି ଦାଉଦ୍ ରାଜାର୍ ଜନମ୍ ନଅରେ ଗାଲା । କାଇକେବଇଲେ, ଜସେପ୍ ଦାଉଦ୍ ବସ୍‌ର୍ ଆରି ସେ କୁଟୁମର୍ ଲକ୍ ରଇଲା । ୫ ତାର୍‌ସଙ୍ଗ୍ ମରିୟମର୍ ବିବା ମାଙ୍ଗୁନି ଅଇରଇଲା, ଆରି ମରିୟମ୍ ଗାଗ୍‌ତେ ଅଇରଇଲା । ୬ ଜସେପ୍ ଆରି ମରିୟମ୍ ବେଡ୍‌ଲିଇମେ ରଇଲାବେଲେ, ମରିୟମ୍ ଆଡ୍‌ଗଡ୍ ସୁକ୍ ଅଇବା ଦିନ୍ କେଟି ଆଇଲା । ୭ ଆରି ମରିୟମ୍ ତାର୍ ପଣ୍ଡୁଆ ପିଲାକେ ତେଇ ଜନମ୍‌ଦେଲା, ଆରି ତାକେ ଲୁଗାସଙ୍ଗ୍ ଗୁଡିଆଇକରି ଗରୁସାଲର୍ ଡଙ୍ଗାକୁଣ୍ଡେ ତୁଲାଇରଇଲା, କାଇକେବଇଲେ ସେମନ୍‌କେ ରଇବାପାଇ ବାସାଗରେ ଟାନ୍ ନ ରଇଲା ।

**ମେଣ୍ଡା ଗଉଡ଼ମନ୍ ଜିସୁର ଜନମ୍ କବର୍ ସୁନ୍‌ଲାଇ**

୮ ବେଡ଼ଲିଇମ୍ ଲଗେ କେତେଟା ମେଣ୍ଡା ଚାରାଉ ଗଉଡ଼ମନ୍ ସେ ରାତିଆ ପଦାଇ ରଇ ତାକର୍ ମେଣ୍ଡା ଗଟାନି ଜାଗତେରଇଲାଇ । ୯ ଆରି ଏଦେ ଦେକା ! ମାପ୍‌ରୁର୍ ଦୁଡ଼ ଗଟେକ୍ ଆସି ସେମନ୍‌ର ଲଗେ ଚିଆଅଇଲା, ଆରି ମାପ୍‌ରୁର୍ ମଇମାର୍ ଉଜଲ୍ ତାକର୍ ଚାରିବେଡ଼ି ଜଲ୍‌ସିଗାଲାଜେ ଗଉଡ଼ମନ୍ ବେସି ଡରିଗାଲାଇ । ୧୦ ତେଇ ଦୁଡ଼ ସେମନ୍‌କେ କଇଲା, “ଡରାନାଇ ! ଦେକା ମୁଇ ସବୁଲକର୍‌ପାଇ ଗଟେକ୍ ବେସି ସାର୍‌ଦାର୍ କବର୍ ତମ୍‌କେ ଜାନାଇଲିନି, ଜନ୍‌ଟାକି ସବୁଲକର୍‌ପାଇ ସାର୍‌ଦାର୍ ବିସଇ ଅଇସି । ୧୧ କାଇକେବଇଲେ, ଆଜିସେ ଦାଉଦ୍ ରାଜାର ଜନମ୍ ନଅରେ ତମ୍‌ରପାଇ ଗଟେକ୍ ଉଦାରକାରିଆ ଜନମ୍‌କଲା ଆତେ, ସେ କିରିସ୍‌ଟ ମାପ୍‌ରୁ । ୧୨ ଆରି ତମ୍‌ରପାଇ ବଲି ଏଟା ଗଟେକ୍ ଚିନ୍‌ପାରା ଅଇସି, ତମେ ଲୁଗା ଗୁଡ଼ିଆଇକରି ଗଟେକ୍ ପିଲା ଗରୁସାଲର୍ ଡଙ୍ଗାଇ ହୁଲାଇ ରଇବାଟା କଜି ମିଲାଇସା ।”

୧୩ ସେଡ଼କିବେଲେ ଅଟାଡ଼ ସରଗେଅନି ଦୁଡ଼ମନ୍ ମାନ୍‌ଆଇ, ସେ ସରଗର୍ ଦୁଡ଼ଟାନେ କେଟି ପର୍‌ମେସରକେ ସୁମର୍‌ନା କରବାର୍ ଦାରଲାଇ ।

୧୪ “ସରଗେ ରଇବା ପର୍‌ମେସରର୍ ଜୟ ଜୟ କରୁ, ଆରି ଦରୁତନିଟାନେ ରଇବା ଜନ୍ ଲକ୍‌ମନ୍‌କେ ପର୍‌ମେସର୍ ବାଡ଼ଲାଆତେ ସେମନ୍‌କେ ସାନ୍ତି ମିଲ ।”

୧୫ ଦୁଡ଼ମନ୍ ମେଣ୍ଡା ଚାରାଉ ଗଉଡ଼ମନ୍‌କେ ଚାଡ଼ି ସରଗେ ଉଚିଗାଲା ପରେ, ଗଉଡ଼ମନ୍ ତାକର୍ ତାକର୍ ବିଡ଼ରେ କୁଆବଲା ଅଇବାର୍ ଦାରଲାଇ, “ଆସା ଆମେ ସବୁ ବେଡ଼ଲିଇମ୍ ଜାକ ଜାଇକରି, ପର୍‌ମେସର୍ ଜାନାଇରଇଲା ବିସଇ ଦେକୁ ।”

୧୬ ତେଇଅନି ସେମନ୍ ଦାପ୍‌ରେ ଜାଇ କଜିକରି ମରିୟମ୍, ଜସେପ୍ ଆରି ଗରୁସାଲର୍ ଡଙ୍ଗାଇ ପିଲା ହୁଲିରଇଲାଟା ଦେକ୍‌ଲାଇ । ୧୭ ସେମନ୍ ପିଲାକେ ଦେକିକରି, ଦୁଡ଼ ଜାଇ ଜାଇଟା କଇରଇଲା, ତେଇ ରଇଲା ସବୁଲକ୍‌କେ କଇଲାଇ । ୧୮ ଆରି ଜେଡ଼କି ଲକ୍ ତେଇ ରଇଲାଇ ଗଉଡ଼ମନ୍‌ର୍ ଟାନେଅନି ସେ ସବୁ କାତା ସୁନି କାବା ଅଇଗାଲାଇ । ୧୯ ମାତର୍ ମରିୟମ୍ ଏ ସବୁ କାତା ନିଜର୍ ମନେ ସଙ୍ଗଇ, ସେ ବିସଇସେ ଚିନ୍ତା କରବାର୍ ଦାରଲା । ୨୦ ଆରି ମେଣ୍ଡା ଚାରାଉମନ୍‌କେ ଦୁଡ଼ ଜେନ୍ତି କଇରଇଲା, ସେନ୍ତା ସୁନ୍‌ଲାଇ ଆରି ଦେକ୍‌ଲାଇ । ସେ ସବୁରଲାଗି ପର୍‌ମେସରର୍ ମଇମା କରି କରି ବାଅଡ଼ଲାଇ ।

**ଜିସୁକେ ପର୍‌ମେସରର୍ ଗରେ ନେଲାଇ**

୨୧ \*ଆଟ୍ ଦିନ୍ ଅଇଲାପତେ ଜିଉଦିମନ୍‌ର୍ ନିୟମ୍ ଇସାବେ ପିଲାକେ ସୁନଡ଼ କରବାକେ ମନ୍ଦିରେ ନେଲାଇ । ଆରି ପିଲାର୍ ନାଉଁ ଜିସୁ ବଲି ଦିଆଅଇଲା । ଏ ନାଉଁ ମରିୟମ୍ ଗାଗ୍‌ତେ ନ ଅଇତେ, ସରଗର୍ ଦୁଡ଼ କଇରଇଲା ।

୨୨ ପତେ ଜେଡେବଲ୍ ମସାର୍ ବିଦି ଇସାବେ, ଜସେପ୍ ଆରି ମରିୟମ୍‌ର୍ ସୁତକ୍ ଅଇରଇବା ବେଲା ପୁରୁନ୍ ଅଇଆଇଲା, ପିଲାକେ ପର୍‌ମେସରକେ ସର୍‌ପି ଦେବାକେ ଜିରୁସାଲାମ୍ ମନ୍ଦିରେ ନେଲାଇ ।

୨୩ ମାପ୍‌ରୁର୍ ଲେକା ଅଇରଇବା ସାସ୍‌ତର୍ ଇସାବେ, ସେ ବେଲେ ଜନ୍ ଗରେ ମିସା, ପର୍‌ତୁମ୍ ଜନମ୍ ଅଇଲା ପଶୁଆ ପିଲାମନ୍ ପର୍‌ମେସରର୍ ସେବାର୍ ପାଇ ସର୍‌ପି ଅଇବାଇ ବଲି ମାନ୍‌ତେ ରଇଲାଇ । ୨୪ ଜସେପ୍ ଆରି ମରିୟମ୍ ଜିସୁକେ ଲେକା ଅଇରଇବା ସାସ୍‌ତର୍ ଇସାବେ ପର୍‌ମେସରକେ ସର୍‌ପି ଦେବାକେ ଆରି ସୁକଲ୍ ଅଇବା ବିରୁର୍‌ପାଇ ଦୁଇଟା ପରୁଆ ପିଲା ଦାରି ଜିରୁସାଲାମ୍ ଗାଲାଇ ।

**ସିମିୟନ୍ ଆରି ଆନା ଜିସୁକେ ଦେକ୍‌ଲାଇ**

୨୫ ସେବେଲେସେ ଜିରୁସାଲାମେ ସିମିୟନ୍ ନାଉଁର୍ ଗଟେକ୍ ଦରମ୍ ଲକ୍ ରଇଲା । ସେ ମାପ୍‌ରୁ ଦେକ୍‌ବା ଇସାବେ ନିମାନ୍ ଲକ୍ । ଇସ୍ରାଏଲ୍ ଦେସେ ଉଦାରକାରିଆ ଆସି ସାନ୍ତି ଦେଅ ବଲି ଜାଗିରଇଲା । ଆରି ତାର୍‌ଟାନେ ସୁକଲ୍ ଆଡ଼ମା ବାସାଅଇରଇଲା । ୨୬ ସୁକଲ୍ ଆଡ଼ମା ତାକେ ଜାନାଇଦେଇରଇଲା ଜେ, ପର୍‌ମେସର୍ ପାଟାଇରଇବା ଉଦାରକାରିଆର୍ ଦର୍‌ସନ୍ ନ ମିଲ୍‌ବାଜାକ ତାର୍ ମରନ୍ ନ ଅଏ । ୨୭ ତାକେ ଆଡ଼ମା ଚାଲାଇ ଆନଲାଜେ ସେ ଦେଉଲର୍ ଡାଣ୍ଡେ ଆଇଲା, ଆରି ଜେଡେବଲ୍ ସାନ୍‌ପିଲା ଜିସୁର୍ ଆୟା ବାବା ତାକେ ବିଡ଼ରେ ଆନ୍‌ଲାଇ,

୨୮ ସେଡ଼କିବେଲେ ସିମିୟନ୍ ସାନ୍‌ପିଲାକେ କଲେ ଦାରି ପର୍‌ମେସରର୍ ମଇମା କରି କଇଲା,

୨୯ “ଏ ମାପ୍‌ରୁ ! ଏବେ ତୁଇ ନିଜର୍ ବାକିଅ ଇସାବେ ତର୍ ନିଜର୍ ଦାସ୍ ମକେ ସାନ୍ତିସଙ୍ଗ୍ ଜିବାକେ ଦେଲୁସ୍‌ନି !

୩୦ କାଇକେବଇଲେ ମର୍ ଆଁକି ତର୍ ଉଦାର୍ ଦେକି ଆତେ, ୩୧ ଜନ୍ ଉଦାରକାରିଆକେ ତମେ ସବୁଲକର୍ ମୁଆତେ ପାଟାଇ ଆଟାସ୍ ।

୩୨ ଆରି ବିଜାତି ଲକ୍‌ମନ୍‌ରପାଇ ବଲି ଜାନାଇଅଇଲା ସତର୍ ଉଜଲ୍ ଆରି ତମ୍‌ର୍ ଲକ୍‌ମନ୍ ଇସ୍ରାଏଲର୍ ମଇମା କରି ଆଟାସ୍ ।”

☆ ୨:୨୧ ୨:୨୧ ଲୁକ୍ ୧:୩୧

୩୩ ସିମିୟନରୁଟାନେଅନି ଜିସୁର ବିସଇର୍ କାତା ସୁନି ଜସେପ୍ ଆରି ମରିୟମ୍ କାବାଅଇ ଜାଇତେ ରଇଲାଇ । ୩୪ ଆରି ସିମିୟନ ସେଲକ୍‌କେ ଆସିରବାଦ୍ ଦେଇ ଜିସୁର ମାକେ କଇଲା, “ଏ ପିଲା ଇସରାଏଲ୍ ଦେସର୍ କେତେ କେତେ ଲକ୍ ଉବଜ୍‌ବାଟା ଆରି କେତେ କେତେ ଲକ୍ ବୁଡିଜିବାର୍ପାଇ ବଲି ପର୍‌ମେସର୍ ବାଟି ପାଟାଇଲା ଲକ୍ ଅଇସି । କେତେ କେତେ ଲକ୍‌ମନ୍ ତାର ବିରୁଦେ କଇବା, ଗଟେକ୍ ଚିନ୍ ପାରା ଅଇସି । ୩୫ କେତେ କେତେ ଲକ୍ ତାକେ ବିରଦ୍ କରି ନିଜର୍ ମନ୍ ବିତ୍‌ରର୍ କାତା ସବୁ ଜାନାଇବାଇ । ଆରି ତମର୍ ଜିବ୍‌ନେ ଗଟେକ୍ କାଣ୍ଟା ବୁସିଅଇରଇଲାପାରା ତମ୍‌କେ ବେସି ଦୁକ୍ ଆଇସି ।”

୩୬ ସେ ଦାପ୍‌ରେ, ଏଦେ ଦେକା ! ଆନା ନାଉର୍ ଗଟେକ୍ ମାଇଜି ବବିସଦ୍‌ବକ୍ତା ତାକର୍ ଲଗେ ଆଇଲା । ସେ ଆସେର୍ ବସର୍ ପିନ୍‌ଏଲର୍ ଟକି, ସେ ବେସି ଡକ୍‌ରି ଅଇଜାଇରଇଲା । ବିବା ଅଇ ମୁନ୍‌ସ୍ ସଙ୍ଗ୍ ସାଡ୍ ବରସ୍ ରଇକରି, ରାଣ୍ଟି ଅଇଗାଲା । ଆରି ତାକେ ଚାରିକଡିଚାରି ବରସ୍ ଅଇରଇଲା । ୩୭ ସେ ଦେଉଲେଅନି କେନେ ନ ଜାଇ, ଉପାସ୍ ରଇକରି ଦିନ୍ ରାତି ମାପ୍‌ରୁର୍ ଉପାସନା କର୍‌ତେରଇଲା । ୩୮ ପିଲାକେ ମାପ୍‌ରୁଟାନେ ସର୍‌ପି ଦେବାବେଲେ ସେ ଦେଉଲର୍ ତାଣ୍ଟେ କେଟି, ପର୍‌ମେସର୍‌ର୍ ମଇମା କରକରି ଜନ୍ ଲକ୍‌ମନ୍ ଜିରୁସାଲାମର୍ ମୁକ୍ତି ମିଲ ବଲି ଜାଗ୍‌ତେରଇଲାଇ, ସେ ଲକ୍‌ମନ୍‌କେ ପିଲାର୍ ବିସଇ କଇବାର୍ ଦାରଲା ।

**ଜସେପ୍ ଆରି ମରିୟମ୍ ନାଜରିତେ ବାଅଡ୍‌ଲାଇ**

୩୯ ପରେ ଜସେପ୍ ଆରି ମରିୟମ୍ ମାପ୍‌ରୁର୍ ରିଡିନିଡି ଇସାବେ କର୍‌ବା ସବୁ କାମ୍ ସାରାଇ, ଗାଲିଲି ନିଜର୍ ନଅର୍ ନାଜରିତେ ବାଅଡ୍‌ଲାଇ । ୪୦ ଆରି ପିଲା ଦିନକେ ଦିନ୍ ବଡିକରି ବପୁଅଇଲା, ଆରି ଗିଆନେ ପୁରାପୁରୁନ୍ ଅଇଲା । ତାକେ ପର୍‌ମେସର୍‌ର୍ ଦୟା ରଇଲା ।

**ସାନ୍ ପିଲା ଜିସୁ ଦେଉଲେ ରଇବାଟା**

୪୧ ଜିସୁର୍ ବାବା, ମା ସବୁବର୍‌ସେ ଜିଉଦିମନ୍‌ର୍ ନିସ୍‌ତାର୍ ପରବ୍ ପାଇ ଜିରୁସାଲାମେ ଜାଇତେରଇଲାଇ । ୪୨ ତରେକ୍ ଜିସୁକେ ବାର ବରସ୍ ଅଇଲାବେଲେ ସେମନ୍‌ର୍ ରିଡିନିଡି ଇସାବେ ଜିରୁସାଲାମେ ପରବ୍ ମାନ୍‌ବାର୍ ଗାଲାଇ ।

୪୩ ସେମନ୍ ପରବ୍ ସାରାଇ ବାଉଡି ଆଇଲାବେଲେ, ପିଲା ଜିସୁ ଜିରୁସାଲାମେ ରଇଗାଲା । ମାତର୍ ତାର୍ ବାବା ମାଆ ମିସା ସେ ତେଇ ରଇଲାଟା ଜାନି ନ ରଇଲାଇ । ୪୪ ତାର୍ ସଙ୍ଗର୍ ଲକ୍‌ମନ୍‌ର୍ ସଙ୍ଗ୍ ଆଟେ କାଇକି ବଲି ବାବିକରି ସେମନ୍ ଗଟେକ୍ ଦିନର୍ ବାଟେ ଇଣ୍ଟି ଉଟି ଜାଇରଇଲାଇ । ସେମନ୍ ସାଇପଡିସା, ଚିନାର୍ ଜାନାର୍ ଲକ୍‌ମନ୍‌କେ ପାଟାରି କଜ୍‌ଲାଇ । ୪୫ ତିସେନାଇକେ ଆରି କଜି କଜି ଜିରୁସାଲାମେ ବାଉଡିଗାଲାଇ । ୪୬ ତିନ୍‌ଦିନ୍ ପରେ ସେମନ୍ ତାକେ ମନ୍‌ରେ ଦେକ୍‌ଲାଇ, ସେ ସାସ୍‌ତର୍ ସିକାଉମନ୍‌ର୍ ମଜାଇ ବସି, ତାକର୍ କାତା ସୁନ୍‌ତେରଇଲା, ଆରି ପର୍‌ସନ୍ ପାଟାଟେରଇଲା । ୪୭ ଆରି ତେଇ ଜେଡ୍‌କି ଲକ୍ ତାର୍ କାତା ସୁନ୍‌ତେରଇଲାଇ, ସବୁଲକ୍ ସେ କାତା ଅଇବାଟା ଆରି ତାର୍ ବୁଦି ଦେକି କାବାଅଇ ଜାଇତେରଇଲାଇ । ୪୮ ଜସେପ୍ ଆରି ମରିୟମ୍ ମିସା ଜିସୁକେ ଦେକି କାବା ଅଇଗାଲାଇ, ଆରି ତାର୍ ମାଆ ତାକେ କଇଲା, “ତୁଇ କାଇକେ ନୁନା ଆମ୍‌କେ ଏନ୍ତାରି କଲୁସ୍ ? ଦେକ୍‌ନି ତର୍ ବାବା ଆରି ମୁଇ କେତେକ୍ କିଲ୍‌ବିଲ୍ ଅଇ କଜ୍‌ଲୁନି ।”

୪୯ ତେଇ ଜିସୁ ସେମନ୍‌କେ କଇଲା, “କାଇକେ ମକେ କଜ୍‌ତେରଇଲାସ୍ ? ମର୍ ବାବାର୍ ଗରେ ମୁଇ ରଇବାର୍ ଆଟେଆକା, ଏଟା ନାଜାନି ରଇଲାସ୍ କି ?” ୫୦ ମାତର୍ ଜିସୁ ସେମନ୍‌କେ ଜନ୍ କାତା କଇଲା, ସେଟା ସେମନ୍ ବୁଜିନାପାର୍‌ଲାଇ ।

୫୧ ପରେ ଜିସୁ ତାର୍ ବାବା ମାଆ ସଙ୍ଗ୍ ନାଜରିତେ ବାଉଡି ଆଇଲା ଆରି ତାକର୍ କାତା ମାନ୍‌ତେରଇଲା, ମରିୟମ୍ ମିସା ଏ ସବୁ କାତା ନିଜର୍ ମନ୍ ବିତ୍‌ରେ ସଙ୍ଗ୍‌ଇ ଚିନ୍ତା କଲା । ୫୨ ଜିସୁ, ଗିଆନେ, ଗାଗ୍‌ଡେ, ପର୍‌ମେସର୍ ଆରି ଲକ୍‌ମନ୍‌ର୍ ଦୟାଇ ବଡିଆଇଲା ।

**୩**

**ଡୁବନ୍ ଦେଉ ଜଅନ୍ କଇବା ନିକ କାତା**

(ମାଡିଉ ୩:୧-୧୨; ମାର୍କ ୧:୧-୮; ଜଅନ୍ ୧:୧୯-୨୮)

୧ ବଡ୍ ସାସନ୍‌କାରିଆ ତିବିରିଆ କାଇସର୍ ସାସନ୍ କର୍‌ବା ପନ୍‌ର ବରସ୍ ଅଇଲାବେଲେ, ପାନ୍ତିୟ ପିଲାଡ୍ ଜିଉଦା ରାଇଜ୍ ସାସନ୍ କର୍‌ତେରଇଲା । ଆରି ଏରଦ୍ ଗାଲିଲିର୍ ସାସନ୍‌କାରିଆ ରଇଲା । ଏରଦ୍ ବାଇ ପିଲିପ୍ ଇଡୁରିଆ ଆରି ତାକ୍‌ନିଡ୍ ରାଇଜର୍ ସାମନ୍ତ୍ ରାଜା ରଇଲା । ଲୁସାନିଆ ନାଉର୍ ଗଟେକ୍ ଲକ୍ ଅବିଲିନି ରାଇଜର୍ ସାମନ୍ତ୍ ରାଜା ରଇଲା । ୨ ଆନାନ୍ ଆରି କୟାପ୍ ନାଉର୍ ଦୁଇ ଲକ୍ ବଡ୍ ପୁଜାରି ରଇଲାଇ । ସେବେଲେ ଜିକରିୟର୍ ପଅ ଜଅନ୍, ମରୁବାଲି ବୁର୍‌ ରଇଲାବେଲେ ପର୍‌ମେସର୍‌ର୍ କାତା ସେ

☆ ୨:୩୯ ୨:୩୯ ମାଡିଉ ୨:୨୩

ସୁନ୍ଦା । ୩ ଜନ୍ମଦିନ ଗାଡ଼ ଲଗେ ରଇବା ଲଗର ପାକର ଗାଉଁଗଣ୍ଡାଇ ଜାଇ ଜଅନ୍ ପାପ୍ କେମାର ଲାଗି, ପାପ୍‌କାମ୍ ଚାଡ଼ିକରି ମାପ୍‌ରୁର ବାଟେ ଆସି ତୁବନ୍ ନେବାକେ ଜାନାଇବାର ଦାରଲା ।

୪ ଜେନ୍ତାରି ଜିସାୟ ବବିସଡ଼ବକ୍ତା ସୁନାଇରଇବା ସାସ୍ତରେ ଲେକା ଅଇଲାଆଟେ,

“ମରୁବାଲିରୁଏ ଆଉଲିଅଇ କଇବା ଗଟେକ୍ ଲକ୍ ସବଦ୍ କରି କଇଲାନି,

ମାପ୍‌ରୁ ଆଇବାଟା ତିଆରକରା,

ତାର ଆଇବା ବାଟ୍ ସଲକାଆ ।

୫ ବଡ଼ ବଡ଼ ତଙ୍ଗର ପରବଡ଼ ସବୁ ସଦରମ୍ ଅଇକରି

ଗାଡ଼ କଣ୍ଡି କଣ୍ଡି ରଇବା ଆଁଟାଲ୍ ବୁଟାଲ୍ ସାରଦି ଅଇସି,

ବାକ୍ ଟେକ୍ ବାଟ୍ ସଲକ୍ ଅଇସି,

ଆରି କାଲ୍ ତେପ୍ ଜମି ସଦରମ୍ ଅଇଜାଇସି ।

୬ ମର୍ପୁରର ସବୁଲକ୍ ପରମେସରର ଉଦାରକାରିଆକେ ଦେକ୍‌ବାଇ ।”

୭ \*ଜଅନ୍‌ଟାନେ ତୁବନ୍ ନେବାରଲାଗି ବାରଇ ଆଇବା ଲକ୍‌ମନ୍‌କେ ସେ କଇଲା, “ଏ ବିସ୍ ରଇଲା ସାଁପର୍ ବସ୍‌ର ଲକ୍‌ମନ୍, ଆଇବା ପର୍ମେସରର କପେଅନି ପାଲାଇବାକେ ତମ୍‌କେ କେ ଚେଡ଼ନା ଦେଲା ? ।” \*ତେବରପାଇ ପାପ୍‌କାମ୍ ଚାଡ଼ି ନିକ କାମ୍ କରା, ଅବରାଆମ୍‌ତା ଆମର୍ ଆନିଦାଦି ବଲି ମନେ ମନେ ବାବାନାଇ, କାଇକେବଇଲେ ମୁଇ ତମ୍‌କେ କଇଲିନି, ପର୍ମେସର୍ ଏ ପାକ୍‌ନାମନରଟାନେଅନି ମିସା ଅବରାମର୍ ପିଲାଜିଲା ଉବଜାଇ ପାରସି । ୯ \*ଏବେମିସା ଗର୍ମନର୍ ବୁନ୍ଦେ କୁରାଡ଼ି ଲାଗିଆଟେ, ତେବରପାଇ ଜନ୍ ଗର୍ ନିମାନ୍ ପଲ୍ ନ ପଲେ, ସେଟା କାଟିକରି ଜଇଟାନେ ପିଙ୍ଗାଅଇସି ।”

୧୦ ତେଇ ଲକ୍‌ମନ୍ ଜଅନ୍‌କେ ପାଚାରଲାଇ, “ସେନ୍ତାର ଆଲେ ଆମେ କାଇଟା କର୍ବୁ ?”

୧୧ ଜଅନ୍ ସେମନ୍‌କେ କଇଲା “ଜାରଟାନେ ଦୁଇଟା ପିନ୍ଦବା ଲୁଗା ଆଟେ, ଜାକେ ନାଇ, ତାକେ ସେ ଗଟେକ୍ ଦେଅ, ଆରି ଜାରଟାନେ କାଦି ଆଟେ, ସେ ମିସା ସେନ୍ତାରି ବାଟା କରି ଦେଅ ।”

୧୨ \*ସିସ୍‌ତୁମାଙ୍ଗୁମନ୍ ମିସା ତୁବନ୍ ନେବାକେ ଆସି ତାକେ ପାଚାରଲାଇ “ଏ ଗୁରୁ ଆମେ କାଇଟା କର୍ବୁ ?”

୧୩ ଜଅନ୍ ସେମନ୍‌କେ କଇଲା, “ତମର୍ ଜେଡ଼କି ନେବାର୍ ଅଦିକାର୍ ଆଟେ, ତାର୍‌ତେଇଅନି ଅଦିକ୍ ମାଙ୍ଗା ନାଇ ।”

୧୪ ସନିଅମନ୍ ମିସା ତାକେ ପାଚାରବାର ଦାରଲାଇ, “ଆରି ଆମେ କାଇଟା କର୍ବୁ ?”

ଜଅନ୍ ସେମନ୍‌କେ କଇଲା, “ବପୁ ଦେକାଇ କାଇଟା ମିସା ଜିକି ଆନା ନାଇ କି ନାତାଇକରି କାର୍ ଦନ୍‌ସପତି ଆନା ନାଇ, ତମ୍‌କେ ଜେଡ଼କି କୁଲି ମିଲ୍‌ଲାନି ସେଡ଼କି ନେଇକରି ସାରଦା ସଙ୍ଗ୍ ରୁଆ ।”

୧୫ ଲକ୍‌ମନ୍ ଆସାଅଇ କିରିସ୍‌ଟକେ ଜାଗତେ ରଇଲାଇ ଜେ, କେତେବେଲେ ଏ ମିସା କିରିସ୍‌ଟ ଅଇରଇସି ବଲି ବାବି, ଜଅନ୍‌ର ବିସଇ ଚିନ୍ତା କର୍ତେରଇଲାଇ । ୧୬ ତେବେ ଜଅନ୍ ସବୁଲକ୍‌ମନ୍‌କେ କଇଲା, “ମୁଇସିନା ତମ୍‌କେ ପାନିଟାନେ ତୁବନ୍ ଦେଲିନି, ମାତର୍ ମର୍ମଟାନେଅନି ଅଦିକ୍ ବପୁରଲକ୍ ଆଇଲାନି, ମୁଇ ତାର୍ ଗତିଦାଙ୍ଗ୍‌ତା ଅଇ ପାଦର୍ ପାଣ୍ଡୁଇ ମିସା କୁସଲାଇବାକେ ମର୍ ଅଦିକାର୍ ନାଇ । ସେ ତମ୍‌କେ ଜଇସଙ୍ଗ୍ ଆରି ସୁକଲ୍ ଆଡ଼ମାଇ ତୁବନ୍ ଦେଇସି । ୧୭ ତାର୍ ଆତେ କୁଲାଆଟେ, ତେବେ ସେ କଟାରେ ରଇଲା ଦାନ୍ ପରିଚଲ୍ କରି ଚୁଲିଆଇ କଲ୍‌କିଟାନେ ସଙ୍ଗାଇସି । କାଇ କାମେ ନ ଆଇବାଟା ଜାକ ସବୁବେଲେ ଲାଗିରଇବା ଜଇଟାନେ ପଡ଼ାଇଦେଇସି ।”

୧୮ ଜଅନ୍ ଏନ୍ତାରି କେତେକ୍ କେତେକ୍ ଉପ୍‌ଦେସ୍ ଦେଇକରି ଲକ୍‌ମନ୍‌କେ ମାପ୍‌ରୁରବାଟେ ଆଇବାକେ ମନ୍ କରାଇତେରଇଲା ଆରି ମାପ୍‌ରୁର୍ ନିକ କାତା ସୁନାଇତେରଇଲା ଆରି ପାପ୍ କର୍ବାଟାନେଅନି ବାଅଡ଼ବାକେ ବୁଜାଇତେରଇଲା । ୧୯ \*ମାତର୍ ସାମନ୍ତ ରାଜା ଏରଦ୍ ନିଜର୍ ବାଇର୍ ମାଇଜି ଏରଦିଆକେ ସଙ୍ଗାଇଲାକେ ତାର୍ କରିରଇବା ବିନ୍ ବିନ୍ ପାପ୍‌କାମର୍ ବିସଇ ଜାନି ଜଅନ୍ ତାକେ ଦମ୍‌କାଇତେରଇଲା । ୨୦ ଏରଦ୍ ଜଅନ୍‌କେ ବନ୍ଦିକରି ସେ କରିରଇବା ସବୁ ପାପ୍‌କାମର୍ ସଙ୍ଗ୍ ଏ ବଡ଼ ପାପ୍ ମିସା ଜଡ଼ଲା ।

**ଜିସୁର ତୁବନ୍**  
(ମାଡ଼ିଉ ୧୩:୧୭; ମାର୍କ ୧:୯-୧୧)

୨୧ ସବୁଲକ୍ ତୁବନ୍ ନେଲା ପଟେ ଜିସୁ ମିସା ତୁବନ୍ ନେଲା । ଆରି ପାର୍ତନା କର୍ବାବେଲେ, ଏଦେ ଦେକା ! ବାଦଲ୍ ଉଗାଡ଼ିଅଇଗାଲା, ୨୨ \*ଆରି ସୁକଲ୍ ଆଡ଼ମା ପରୁଆର୍ ଗାଗଡ଼ ଦାରି ଉଡ଼ରି ଆସି, ଜିସୁର ଉପ୍‌ରେ ବସଲା । ସର୍ଗେଅନି ଗଟେକ୍ ଏନ୍ତାରି ସବଦ୍ ଆଇଲା, “ତୁଇସେ ମର୍ ଆଲାଦର୍ ପିଲା, ତର୍ଟାନେ ମୁଇ ବେସି ସାରଦା ଅଇଲିନି ।”

\* ୩:୭ ୩:୭ ମାଡ଼ିଉ ୧୨:୩୪;୨୩:୩୩    \* ୩:୮ ୩:୮ ଜଅନ୍ ୮:୩୩    \* ୩:୯ ୩:୯ ମାଡ଼ିଉ ୭:୧୯    \* ୩:୧୨ ୩:୧୨ ଲୁକ୍ ୭:୨୯  
\* ୩:୧୯ ୩:୧୯ ମାଡ଼ିଉ ୧୪:୩,୪; ମାର୍କ ୭:୧୭,୧୮    \* ୩:୨୨ ୩:୨୨ ମାଡ଼ିଉ ୩:୧୭; ମାର୍କ ୧:୧୧; ଲୁକ୍ ୯:୩୫

ଜିସୁର ଆନିଦାଦିମନର୍ ଇସାବ୍  
(ମାତ୍ରି ୧:୧-୧୭)

୨୩ ଜିସୁ ପର୍ଯ୍ୟେସରର୍ କାମ୍ ଆରମ୍ କଲାବେଲେ ତାକେ ଡିରିସ୍ ବରସ୍ ଅଇରଇଲା । ଲକ୍ମନର୍ ବାବନା ଇସାବେ, ଜିସୁ ଜସେପର୍ ପଥ, ଜସେପ୍ ଏଲିର୍ ପଥ । ୨୪ ଏଲି ମଡ୍ଡାତର୍ ପଥ, ମଡ୍ଡାତ୍ ଲେବିର୍ ପଥ, ଲେବି ମଲ୍ଲକିର୍ ପଥ, ମଲ୍ଲକି ଜନୟର୍ ପଥ, ଜନୟ ଜସେପର୍ ପଥ, ୨୫ ଜସେପ୍ ମଡ୍ଡିଆର୍ ପଥ, ମଡ୍ଡିଆ ଅମସର୍ ପଥ, ଅମସ୍ ନାଉମର୍ ପଥ, ନାଉମ୍ ଏସ୍ମିର୍ ପଥ, ଏସ୍ମି ନଗୟର୍ ପଥ, ୨୬ ନଗୟ ମଥତର୍ ପଥ, ମଥତ୍ ମଡ୍ଡିଆର୍ ପଥ, ମଡ୍ଡିଆ ସମଇର୍ ପଥ, ସମୟି ଜସେକର୍ ପଥ, ଜସେକ୍ ଜଦାର୍ ପଥ, ୨୭ ଜଦା ଜଅନର୍ ପଥ, ଜଅନ୍ ରେସାର୍ ପଥ, ରେସା ଜିରୁବାବେଲର୍ ପଥ, ଜିରୁବାବେଲ୍ ସଅଲ୍ଡିଏଲର୍ ପଥ, ସଅଲ୍ଡିଏଲ୍ ନେରିର୍ ପଥ, ୨୮ ନେରି ମଲ୍ଲକିର୍ ପଥ, ମଲ୍ଲକି ଅଦିର୍ ପଥ, ଅଦି କସାମର୍ ପଥ, କସାମ୍ ଏଲୁଦାନର୍ ପଥ, ଏଲୁଦାନ୍ ଏରର୍ ପଥ, ୨୯ ଏର ଜିୟସୁଅର୍ ପଥ, ଜିୟସୁଅ ଏଲିଏଜର୍ ପଥ, ଏଲିଏଜ୍ ଜରିମର୍ ପଥ, ଜରିମ୍ ମଡ୍ଡାତର୍ ପଥ, ମଡ୍ଡାତ୍ ଲେବିର୍ ପଥ, ୩୦ ଲେବି ସିମିୟନର୍ ପଥ, ସିମିୟନ୍ ଜିଉଦାର୍ ପଥ, ଜିଉଦା ଜସେପର୍ ପଥ, ଜସେପ୍ ଜନାମର୍ ପଥ, ଜନାମ୍ ଏଲିଆକିମର୍ ପଥ, ୩୧ ଏଲିଆକିମ୍ ମଲାଅର୍ ପଥ, ମଲାଅ ମନାର୍ ପଥ, ମନା ମତତାର୍ ପଥ, ମତତା ନାତନର୍ ପଥ, ନାତନ୍ ଦାଉଦର୍ ପଥ, ୩୨ ଦାଉଦ୍ ଜିୟସୁଅର୍ ପଥ, ଜିୟସୁଅ ଆବେଦର୍ ପଥ, ଆବେଦ୍ ବୟଜର୍ ପଥ, ବୟଜ୍ ସେଲଅର୍ ପଥ, ସେଲଅ ନଅସନର୍ ପଥ, ୩୩ ନଅସ୍ ଅମିନାଦାବର୍ ପଥ, ଅମିନାଦାବ୍ ଅଦମିନର୍ ପଥ, ଅଦମିନ୍ ଅର୍ନିର୍ ପଥ, ଅର୍ନିର୍ ଏସ୍ରନର୍ ପଥ, ଏସ୍ରନ୍ ପେରସର୍ ପଥ, ପେରସ୍ ଜିଉଦାର୍ ପଥ, ୩୪ ଜିଉଦା ଜାକୁବର୍ ପଥ, ଜାକୁବ୍ ଇସାକର୍ ପଥ, ଇସାକ୍ ଅବ୍ରାମର୍ ପଥ, ଅବ୍ରାଆମ୍ ତେରଅର୍ ପଥ, ତେରଅ ନାଅର୍ ପଥ, ୩୫ ନାଅର୍ ସରୁଗର୍ ପଥ, ସରୁଗ୍ ରଗୁର୍ ପଥ, ରଗୁ ପେଲଗର୍ ପଥ, ପେଲଗ୍ ଏବର୍ ପଥ, ଏବ ସେଲଅର୍ ପଥ, ୩୬ ସେଲା କଇନାନର୍ ପଥ, କଇନାନ୍ ଆର୍ପାକ୍ସତର୍ ପଥ, ଆର୍ପାକ୍ସେତର୍ ସେ ମର୍ ପଥ, ସେମ ନଅର୍ ପଥ, ନଅ ଲାମେକର୍ ପଥ, ୩୭ ଲାମେକ୍ ମିତୁସେଲଅର୍ ପଥ, ମିତୁସେଲଅ ଅନକର୍ ପଥ, ଅନକ୍ ଜାରେଦର୍ ପଥ, ଜାରେଦ୍ ମଅଲେଲର୍ ପଥ, ମଅଲେଲ୍ କେନାନର୍ ପଥ ୩୮ କେନାନ୍ ଏନସର୍ ପଥ, ଏନସ୍ ସେତର୍ ପଥ, ସେତ ଆଦମର୍ ପଥ, ଆଦମ୍ ପର୍ଯ୍ୟେସରର୍ ପଥ ।



ଜିସୁକେ ସଇତାନର୍ ପରିକା  
(ମାତ୍ରି ୪:୧-୧୧; ମାର୍କ ୧:୧୨-୧୩)

୧ ଜିସୁ ସୁକଲ୍ ଆଡ୍ମାଲ ପୁରାପୁରୁନ୍ ଅଇକରି ଜର୍ଦନ୍ ଗାଡେଅନି ବାଉଡି ଆଇଲା । ଆରି ସଇତାନର୍ ଟାନେ ପରିକା କରାଇବାକେ ତାକେ ଆଡ୍ମା ଚାଲାଇ ନେଲା । ତେଇ ଚାଲିସ୍ ଦିନ୍ ଜାକ ସଇତାନ୍ ତାକେ ପରିକା କର୍ତେରଇଲା । ୨ ସର୍ତେ ଦିନ୍ ସାରଲା ପତେ ସେ ବୁକ୍‌କେ ବାୟାଚୁରା ଅଇଗାଲା ।

୩ ତେଇ ସଇତାନ୍ ଜିସୁକେ କଇଲା, “ତୁଇ ଜଦି ପର୍ଯ୍ୟେସରର୍ ପ, ତେବେ ଏ ପାକ୍‌ନା କାଦି ଅ ବଲି ଆଦେସ୍ ଦେସ୍ ।”

୪ ଜିସୁ ତାକେ କଇଲା, “ପର୍ଯ୍ୟେସରର୍ ସାସ୍ତରେ ଲେକାଅଇ ଆତେ, ମୁନୁସ୍ ଅବ୍‌କା କାଦି କାଇ ନ ବର୍ତେ ।”

୫ ତାର୍‌ପତେ ସଇତାନ୍ ଜିସୁକେ ଗଟେକ୍ ଉର୍ ଜାଗାଇ ତାକି ଦାରିଜାଇ କରି ଆଁକିମିଟ୍‌କା ମାର୍‌ବା ଏଡ୍‌କି ପର୍‌କେ ଜଗତର୍ ସବୁ ରାଇଜ୍ ଦେକାଇଲା । ୬ ଆରି ଜିସୁକେ କଇଲା, “ମୁଇ ତକେ ଏ ସବୁ ଦନ୍ ସଁପତିର୍ ଅଦିକାର୍ ଆରି ମଇମା ଦେବି । କାଇକେବଇଲେ ସେଟା ସବୁ ମକେ ସର୍ପିଦେଲାଆତେ, ଆରି ମୁଇ ଜାକେ ମନ୍ କର୍ବି, ତାକେ ଦେବି । ୭ ତେବର୍‌ପାଇ, ଜେବେ ତୁଇ ମକେ ଜୁଆର୍ କର୍ସୁ, ତେବେ ସେ ସବୁଜାକ ତର୍ ଅଇସି ।”

୮ ଜିସୁ ତାକେ କଇଲା, “ପର୍ଯ୍ୟେସରର୍ ସାସ୍ତରେ ଲେକାଅଇଆତେ, ତୁଇ ତର୍ ପର୍ଯ୍ୟେସର୍‌କେସେ ଜୁଆର୍ କର୍ସୁ, ଆରି ତାକେସେ ସେବା କର୍ସୁ ।”

୯ ପତେ ସଇତାନ୍ ଜିସୁକେ ଜିରୁସାଲାମେ ତାକିଦାରିଜାଇ, ମନ୍ଦିରର୍ ଚାଉନି ଟିପେ ଟିଆକରାଇ କଇଲା, “ତୁଇ ଜଦି ପର୍ଯ୍ୟେସରର୍ ପ, ତେବେ ଇଡିଅନି ତଲେ ତେଗଇଦେସ୍, ୧୦ କାଇକେବଇଲେ ସାସ୍ତରେ ଲେକାଆତେ ତକେ ରକିଆ କର୍ବାକେ ପର୍ଯ୍ୟେସର୍ ତାର୍ ନିଜର୍ ଦୁଡ୍‌ମନ୍‌କେ ଆଦେସ୍ ଦେଇସି । ୧୧ ଆରି ମିସା ଲେକା ଆତେ, ‘ଜେଡ୍‌କି ତର୍ ପାଦ୍ ପାକ୍‌ନାଇ ନ ପାଏ, ସେଟାପାଇ ଦୁଡ୍‌ମନ୍ ତକେ ଆଡେଦାରି ଟେକି ନେବାଇ ।’”

୧୨ ଜିସୁ ସଇତାନ୍‌କେ କଇଲା, “ଏଟା ମିସା ଲେକାଆତେ, ତୁଇ ତର୍ ମାପ୍‌ରୁ ନିଜର୍ ପର୍ଯ୍ୟେସର୍‌କେ ପରିକା କର୍ ନାଇ ।”



୧୩ ସଇତାନ୍ ସବୁ ରକାମର୍ ପରିକା ସାରାଇଲା ପରେ, ଆରି ତରେକ୍ ବେଲା ମିଲ୍‌ବାଜାକ କେତେ ଦିନର୍ ପାଇ ଜିସୁକେ ଚାଡ଼ି ଉଟିଗାଲା ।

ଜିସୁର୍ ସେବା କାମ୍ ଆରାମ୍  
(ମାତିଉ ୪:୧୨-୧୭; ମାର୍କ ୧:୧୪-୧୫)

୧୪ ତାର୍‌ପରେ ଜିସୁ ଆଡ଼ମାଇ ବପୁଅଇକରି ଗାଲିଲି ରାଇଜେ ବାଉଡ଼ିଗାଲା । ଆରି ତାର୍ କବର୍ ଗାଲିଲି ରାଇଜର୍ ଗୁଲାଇ ଗାଉଁମନ୍ ଜାନ୍‌ଲାଇ । ୧୫ ପରେ ଜିସୁ ଜିଉଦିମନର୍ ପାର୍‌ତନା ଗର୍‌ମନ୍‌କେ ବୁଲି ବୁଲି ସିକିଆ ଦେଇକରି ସବୁ ଲକର୍‌ଟାନ୍‌ନେ ଅନି ଡାକ୍‌ପୁଟା ପାଇବାର୍ ଦାର୍‌ଲା ।

ଜିସୁକେ ନାଜରିତର୍ ଲକ୍ ନାମଡ଼ନାଇ  
(ମାତିଉ ୧୩:୫୩-୫୮; ମାର୍କ ୬:୧-୬)

୧୬ ଏଡ଼କିବିତ୍‌ରେ ନାଜରିତେ, ଜନ୍ ଜାଗାଇ କି ଜିସୁ ସାନ୍‌ବେଲେ ଅନି ବଡ଼ ଅଇରଇଲା, ସେ ଜାଗାଇ ଗାଲା । ଆରି ନିଜର୍ ରିତିନିତି ଇସାବେ, ବିସ୍‌ରାମ୍ ବାରେ ଜିଉଦିମନର୍ ପାର୍‌ତନା ଗରେ କେଟି ଦରମ୍ ସାସ୍‌ତର୍ ପଡ଼ବାକେ ଟିଆ ଅଇଲା । ୧୭ ସେଡ଼କିବେଲେ ତାକେ ଜିସାୟ ବବିସ୍‌ତ୍‌ବକ୍‌ତା ଲେକିରଇଲା ଦରମ୍ ସାସ୍‌ତର୍ ଦିଆଅଇଲା, ଆରି ଜିସୁ ସେ ଜିସାୟ ବଇଟାନ୍‌ନେ ଲେକାଅଇରଇଲା ଏନ୍ତାରି ବାକିଅ ମେଲାକରି ପାଇଲା ।

୧୮ “ମାପ୍‌ରୁର୍ ଆଡ଼ମା ମର୍ ସଙ୍ଗ୍ ଆତେ,  
ତେବିରପାଇ ନଇଲା ମଇଲା ଲକ୍‌ମନର୍‌ଟାନ୍‌ନେ ସୁବ୍ କବର୍ ଜାନାଇବାକେ, ପର୍‌ମେସର୍ ମକେ  
ବାଟିକରି ପାଟାଇଲା,

ବନ୍ଦି ଗରେ ରଇବା ଲକ୍‌ମନ୍‌କେ ମୁକ୍‌ଲାଇବାକେ,  
କାଣା ଲକ୍‌ମନ୍‌କେ ଦେକାଇବା ବିସଇ ଜାନାଇବାକେ ଆରି  
ଦୁକର୍ ଲକ୍‌ମନ୍‌କେ ମୁକ୍‌ଲାଇବାକେ,

୧୯ ଆରି ମାପ୍‌ରୁ ତାର୍ ଲକ୍‌ମନ୍‌କେ ରକିଆ କର୍‌ବା ବେଲା ଆସିଆତେ, ବଲି ଜାନାଇବାକେ  
ସେ ମକେ ପାଟାଇଆତେ ।”

୨୦ ପରେ ସେ ସାସ୍‌ତର୍ ଡାବି, ପାର୍‌ତନା ଚାଲାଇବା ଗଟେକ୍ ଲକ୍‌କେ ବାଉଡ଼ାଇଦେଇ ବସିଦେଲା । ପାର୍‌ତନା ଗରେ ରଇଲା ଲକ୍‌ମନ୍ ତାକେସେ ଦେକ୍‌ତେରଇଲାଇ । ୨୧ ଜିସୁ ଲକ୍‌ମନ୍‌କେ କଇବାର୍ ଦାର୍‌ଲା, “ଆଜି ତମେ ସୁନ୍‌ଲା ଏ ଦରମ୍ ସାସ୍‌ତରର୍ ବାକିଅ ପୁରାପୁରୁନ୍ ଅଇଲା ।”

୨୨ ଜିସୁର୍ ବିସଇ ନେଇକରି ସବୁଲକ୍ ନିକ ସାକି ଦେବାର୍ ଦାର୍‌ଲାଇ ଆରି ସେ କଇବା, ମନ୍‌କେ ପାଇଲା ବାକିଅ ସୁନି କାବାଅଇଲାଇ, ଆରି ସେମନ୍ “ଏଟାକାଇ ଜସେପର୍ ପ ନର୍‌ବଁ ଜେ ?” ବଲି କଇବାର୍‌ଦାର୍‌ଲାଇ ।

୨୩ ଜିସୁ ଲକ୍‌ମନ୍‌କେ କଇଲା, “ତମେ ସେ ଗାଲା କାତା ଆରିତରେକ୍ କଇସା ବଲି ମୁଇ ଜାନିରଇଲି, ଏ ଅସ ଦେଉ, ନିଜେ ତୁଇ ନିକ ଅ, ଆରି କପର୍‌ନାଉମେ ଜାଇ ଜାଇଟା ଗଟିଆତେ ବଲି ଆମେ ସୁନିଆତୁ, ସେଟା ସବୁ ଏ ଜାଗାଇ, ତର୍ ନିଜର୍ ଜନମ୍ ନଅରେ ମିସା କର୍ ।” ୨୪ ✨“ମାତର୍ ମୁଇ ତମ୍‌କେ ସଡ଼ କଇଲିନି, ବବିସ୍‌ତ୍‌ବକ୍‌ତା ଅଇରଇବା କାକେମିସା ନିଜର୍ ଗାଏଁ ନ ନାମଡ଼ ।”

୨୫ “ମାତର୍ ମୁଇ ତମ୍‌କେ ସଡ଼କାତା କଇଲିନି, ଜେତେବେଲେ ବବିସ୍‌ତ୍‌ବକ୍‌ତା ଏଲିୟର୍ ବେଲେ ତିନ୍‌ବରସ୍ ତ ମାସ୍ ଜାକ ବାଦଲେଅନି ପାନିମାରେ ନାଇକେ ଗୁଲାଇ ଦେସେ ମର୍‌ଡ଼ି ଅଇରଇଲା, ସେବେଲେ ଇସ୍ରାଏଲ୍ ଦେସେ କେତେ କେତେ ରାଣ୍ଡିମାଇଜିମନ୍ ରଇଲାଇ । ୨୬ ରଇଲେ ମିସା ପର୍‌ମେସର୍ ଏଲିୟକେ କାର୍‌ଲଗେ ମିସା ନ ପାଟାଇ ସିଦନ୍ ଦେସର୍ ସାରିପଡ଼ ବଲି ଗଟେକ୍ ଜାଗାଇ, ଗଟେକ୍ ରାଣ୍ଡିମାଇଜିର୍ ଲଗେ ପାଟାଇଲା । ୨୭ ଆରି ମାପ୍‌ରୁର୍ ବବିସ୍‌ତ୍‌ବକ୍‌ତା ଏଲିସାୟର୍ ବେଲେ ଇସ୍ରାଏଲ୍ ଦେସେ କେତେ କୁସ୍‌ଟି ରଗି ରଇଲାଇ, ଏଲେ ମିସା ତାକର୍ ବିତ୍‌ରେ କାକେମିସା ନିକକରି ନ ରଇଲା, ସୁରିଆ ଦେସର୍ ନାମାନ୍ ନାଉର୍ ଲକ୍‌କେ ସେ ନିକକରି ରଇଲା ।”

୨୮ ଜିଉଦିମନର୍ ପାର୍‌ତନା ଗରେ ଏ କାତା ସୁନି ଲକ୍‌ମନ୍ ବେସି ରିସାଅଇଗାଲାଇ । ୨୯ ଆରି ସେମନ୍ ଉଟିକରି ଜିସୁକେ ନଅରେଅନି ବାର୍‌କରାଇଦେଲାଇ । ତାକର୍ ନଅରର୍ ଜନ୍ ପର୍‌ବଡ଼ ଉପ୍‌ରେ ତିଆର୍ ଅଇରଇଲା, ସେ ପର୍‌ବଡ଼ ଦାରେଅନି ତଲେ ପିଙ୍ଗିଦେଉଁ ବଲି, ତାକେ ତେଇ ଦାରିଗାଲାଇ । ୩୦ ମାତର୍ ଜିସୁ ସେମନର୍ ବିତ୍‌ରେ ପୁରି ଉଟିଗାଲା ।

ଜିସୁ ଗଟେକ୍ ତୁମା ଡସିରଇବା ଲକ୍‌କେ ନିମାନ୍ କଲା  
(ମାର୍କ ୧:୨୧-୨୮)

୩୧ ଜିସୁ ଗାଲିଲି ରାଇଜର୍ କପର୍‌ନାଉମ୍ ନାଉର୍ ଗଟେକ୍ ନଅରେ ଆଇଲା, ଆରି ବିସ୍‌ରାମ୍‌ବାରେ ଲକ୍‌ମନ୍‌କେ ସିକିଆ ଦେବାର୍ ଦାର୍‌ଲା । ୩୨ ✨ଲକ୍‌ମନ୍ ତାର୍ ସିକାଇବାଟା ଦେକି କାବାଅଇଗାଲାଇ,

✧ ୪:୨୪ ୪:୨୪ ଜଅନ୍ ୪:୪୪ ✧ ୪:୩୨ ୪:୩୨ ମାତିଉ ୭:୨୮,୨୯

କାଲକେବଇଲେ ତାର ବାକିଅ ଅଦିକାର ସଙ୍ଗେ ରଇଲା । ୩୩ ଦିନେକ୍ ଜିଉଦିମନର୍ ପାରତନା ଗରେ ଗଟେକ୍ ତୁମା ତସିରଇବା ଲକ୍ ରଇଲା । ସେ ଆଉଲିଅଇ କିରକିରି କଇଲା, ୩୪ “ଏ ନାଜରିତର୍ ଜିସୁ, ଆମର୍ଟାନେ ତର୍ କାଇ କାମ୍ ଆଟେ ? ତୁଇ କାଇ ଆମ୍ବକେ ମରାଇବାକେ ଆସିଆରୁସ୍ ? ତୁଇ କେ ସେଟା ମୁଇ ଜାନି, ତୁଇ ପର୍ମେସରର୍ ସୁକଲ୍ ଲକ୍ ।”

୩୫ ଜିସୁ ତାକେ ଦମ୍କାଇ କରି କଇଲା, “ତୁପ୍ ର, ଆର୍ଟାନେଅନି ବାରଇ ଜା ।” ତେଇଅନି ସେ ତୁମା ସେ ଲକ୍କେ ସବୁର୍ ମୁଆଟେ ଅଦରାଇଲା ଆରି, ତାକେ କାଇଟା ନ କରି ତାର୍ ଗାଗ୍ଡେଅନି ବାରଇ ଉଟିଗାଲା ।

୩୬ ତେଇ ସବୁଲକ୍ କାବାଅଇକରି ତାକର୍ ତାକର୍ ବିତ୍ରେ କୁଆବଲା ଅଇଲାଇ, “ଏଟା କାଇ କାତା, ସେ ବପୁ ଆରି ଅଦିକାର୍ ସଙ୍ଗେ ତୁମାମନ୍କେ ମିସା ଆଦେସ୍ ଦେଲାନି । ସେମନ୍ ମିସା ବାରଇ ଗାଲାଇନି ।” ୩୭ ଜିସୁର୍ ଏ କବର୍ ସେ ଜାଗାର୍ ଗୁଲାଇବାଟର୍ ଲକ୍ ଜାନିଲାଇ ।

**ଜିସୁ କେତେ କେତେ ଲକ୍ମନ୍କେ ନିମାନ୍ କଲା**  
(ମାତିଉ ୮:୧୪-୧୭; ମାର୍କ ୧:୨୯-୩୪)

୩୮ ପରେ ଜିସୁ ଜିଉଦିମନର୍ ପାରତନା ଗରେଅନି ଉଟି ସିମନର୍ ଗରେ ଗାଲା । ସିମନର୍ ସାତ୍ରିକେ ବେସି ଜର୍ ଅଇରଇଲାଜେ ସେମନ୍ ତାର୍ ବିସଇ ନେଇ ଜିସୁକେ କଇଲାଇ । ୩୯ ତେଇ ସେ ସିମନର୍ ସାତ୍ରିର୍ ଲଗେ ଟିଆଅଇ ଜର୍କେ ଦମ୍କାଇଲା ଆରି ତାକେ ଜର୍ ଚାଡିଗାଲା । ସେଦାପ୍ରେ ସେ ଉଟିକରି ସେମନ୍କେ ସେବା କର୍ବାର୍ ଦାରଲା ।

୪୦ ବେଲ୍‌ବସି ସଞ୍ଜ ଅଇଲାଜେ ଜର୍ଦୁକା ଅଇରଇଲା ଲକ୍ମନ୍କେ ଜିସୁର୍ ଲଗେ ଆନ୍‌ଲାଇ, ଆରି ସେ ଜର୍ଦୁକାର୍ ଲକ୍ମନ୍କେ ଗଟେକ୍ ଗଟେକ୍ ଲକ୍‌ର୍ ଉପ୍ରେ ଆଡ୍ ସଙ୍ଗେ ନିକ କଲା । ୪୧ ତୁମା ଦାରିରଇବା ବେସି ଲକ୍ମନ୍ ମିସା କିରକିରି କରି “ତୁଇ ପର୍ମେସରର୍ ପଅ !” ବଲି ଲକ୍‌ର୍ ଟାନେଅନି ଚାଡି ପାଲାଇଲାଇ । ଜିସୁ ସେମନ୍କେ ଦମ୍କାଇ କରି କାତାଅଇବାକେ ମିସା ଦେଏନାଇ, କାଲକେବଇଲେ ସେମନ୍ ତାକେ କିରିସ୍ଟ ବଲି ଜାନିରଇଲାଇ ।

**ପାରତନା ଗରେ ଜିସୁର୍ ସିକିଆ**  
(ମାର୍କ ୧:୩୫-୩୯)

୪୨ ସାକାଲ୍ ପାଇଲାଜେ ଜିସୁ ନଅରେ ଅନି ବାରଇ ଗଟେକ୍ କିନରା ଜାଗାଇ ଗାଲା । ଲକ୍ମନ୍ କଜି କଜି ତାର୍ ଲଗେ ଆଇଲାଇ, ଆରି ସେ ଜେକ୍ରିକି ତାକର୍ ଲଗେଅନି ଉଟିନଜାଅ ବଲି ଅଟ୍‌କାଇବାକେ ଚେସ୍‌ଟା କଲାଇ । ୪୩ ମାତର୍ ଜିସୁ ସେମନ୍କେ କଇଲା, “ବିନ୍ ବିନ୍ ନଅରେ ମିସା ମୁଇ ପର୍ମେସରର୍ ରାଇଜର୍ ନିକ କବର୍ ଜାନାଇବାର୍ ଆଟେ, କାଲକେ ବଇଲେ ସେଟାର୍‌ପାଇ ପର୍ମେସର୍ ମକେ ପାଟାଇଆଟେ ।”

୪୪ ଆରି ସେ ଜିଉଦା ଦେସର୍ ଜିଉଦି ଲକ୍ମନର୍ ପାରତନା ଗର୍ମନ୍କେ ବାକିଅ ସୁନାଇବାର୍ ଦାରଲା ।



**ଜିସୁ ପର୍ତୁମ୍ ସିମନକେ ଡାକଲା**  
(ମାତିଉ ୪:୧୮-୨୨; ମାର୍କ ୧:୧୩-୨୦)

୧ \*ଦିନେକ୍ ଜିସୁ ଗିନେସରଡ୍ ଗାଡକଣ୍ଡି ଟିଆଅଇରଇଲା ବେଲେ ଲକ୍ମନ୍ ମାଣ୍ଡାଚୁଣ୍ଡା ଅଇ ପର୍ମେସରର୍ ବାକିଅ ସୁନ୍‌ଡେରଇଲାଇ । ୨ ସେଡକିବେଲେ ସେ ଗାଡକଣ୍ଡି ଦୁଇଟା ଡଙ୍ଗା ରଇଲାଟା ଦେକ୍ଲା, କେଉଟ୍‌ମନ୍ ଡଙ୍ଗାଅନି ଉଡ୍ରି ଜାଲ୍ ଦଇଡେରଇଲାଇ । ୩ ସେ ଡଙ୍ଗାମନର୍ ବିତ୍ରେଅନି ଜନ୍‌ଟା କେଉଟ୍ ସିମନର୍ଟା ରଇଲା, ଜିସୁ ତେଇ ଚଟିକରି “କଣ୍ଡିତେଇଅନି କଣ୍ଡେକ୍ ଦୁର୍ ପାନିଡେଇ ଚାଲାଇନେ ।” ବଲି ସିମନକେ କଇଲା, ଆରି ଡଙ୍ଗାଇ ବସିକରି ସିକିଆ ଦେବାର୍ ଦାରଲା ।

୪ ଜିସୁ କାତା ସାରାଇକରି ସିମନକେ କଇଲା, “ଡେଙ୍ଗ୍ ପାନିଟାନେ ଜାଇକରି ମାଟ୍ ଦାର୍‌ବାକେ ତମର୍ ଜାଲ୍ ପାକାଆ ।”

୫ \*ତେଇ ସିମନ୍ କଇଲା, “ଏ ଗୁରୁ ଆମେ ସବୁଲକ୍ ଗୁଲାଇରାତି କସ୍ଟ କରି ଗଟେକ୍ ମିସା ଦାରୁନାଇ, ମାତର୍ ତମର୍ କାତା ଦାରି ମୁଇ ଜାଲ୍ ପାକାଇବି ।” ୬ ଆରି ଜାଲ୍ ପାକାଇଲାଇକେ, ଏଦେ ଦେକା ! ଏକ୍ତି ମାଟ୍ ଲାଗ୍‌ଲାଇଜେ ତାକର୍ ଜାଲ୍ ଚିରିଅଇବାର୍ ଦାରଲା । ୭ ଡଙ୍ଗାଇ ମାଟ୍ ବର୍ଡି କଲାଇଜେ ସେ ଦୁଇଟା ଡଙ୍ଗା ବୁଡ୍‌ଲା ପାରା ଅଇଗାଲା । ୮ ଏଟା ଦେକି ସିମନ୍ ପିତର୍ ଜିସୁର୍ ପାଦେ ମାଣ୍ଡିକୁଟା ଦେଇ ଜୁଆର୍ କରି କଇଲା, “ମର୍ଟାନେଅନି ଜାଆ ମାପରୁ, କାଲକେବଇଲେ ମୁଇ ଗଟେକ୍ ପାପି ମୁନ୍ସ ।”

୯ କାଲକେବଇଲେ ତେଇ ସେମନ୍ ଏଡେକ୍ ମାଟ୍ ଦାରିରଇଲାଇଜେ, ସେଟା ଦେକି ସିମନର୍ ସଙ୍ଗାରିମନ୍ କାବାଅଇଗାଲାଇ । ୧୦ ଆରି ଜେବଦିର୍ ଦୁଇଟା ପ ଜାକୁର୍ ଆରି ଜଅନ୍ ଜନ୍‌ଲକ୍ମନ୍ ସିମନର୍

✧ ୫:୧ ୫:୧ ମାତିଉ ୧୩:୧,୨; ମାର୍କ ୩:୯,୧୦,୪:୧ ✧ ୫:୫ ୫:୫ ଜଅନ୍ ୨୧:୩ ✧ ୫:୬ ୫:୬ ଜଅନ୍ ୨୧:୬

ସଙ୍ଗାରି ରଇଲା, ସେମନ୍ ମିସା ସେନ୍ତାରିସେ କାବା ଅଇଗାଲା । ଆରି ଜିସୁ ସିମନ୍‌କେ କଇଲା, “ତରାନାଇ, ଆଜିଅନି ତମେ ମାର୍ ନ ଦାରି, ଲକ୍‌ମନ୍‌କେ ମର୍‌ଟାନେ ଆନ୍‌ସା ।”

<sup>୧୧</sup> ତେଇ ସେମନ୍ ସବୁ ତାକର୍ ଡଙ୍ଗା କଣ୍ଡି ଆନି ଚାଡ଼ିଦେଇକରି ଜିସୁର୍ ପଟେ ପଟେ ଗାଲା ।

**ଜିସୁ ଗଟେକ୍ ବଡ଼ ରଗିକେ ନିମାନ୍ କଲା**  
(ମାତିଉ ୮:୧-୪; ମାର୍କ ୧:୪୦-୪୫)

<sup>୧୨</sup> ତରେକ୍ ଜିସୁ ଗଟେକ୍ ନଅରେ ରଇଲାବେଲେ ଗଟେକ୍ ଗୁଲାଇ ଗାଗଡେ ବଡ଼ରଗ୍ ଅଇରଇବା ଲକ୍ ତେଇ ରଇଲା । ସେ ଡାଣ୍ଡାସନ୍ ପଡ଼ି ମୁ ବୁର୍ବିଆଇ ଜିସୁକେ ବାରୁଜିଆ କରି କଇଲା, “ଏ ମାପୁର, ତମେ ଜଦି ମନ୍‌କଲୁସନି ବଇଲେ, ମକେ ନିକ କରପାରୁସ୍ ।”

<sup>୧୩</sup> ତେଇ ଜିସୁ ଆଡ଼ ଲାମାଇ ତାକେ ଚିଇ କରି କଇଲା, “ମୁଇ ମନ୍ କଲିନି, ତୁଇ ସୁକଲ୍ ଅ ।” ଦାପ୍‌ରେସେ ତାର ବଡ଼ ରଗ୍ ଚାଡ଼ିଗାଲା । <sup>୧୪</sup> ଆରି ଜିସୁ ତାକେ ଆଦେସ୍ ଦେଇ କଇଲା, “ଏ କାତା କାକେ କ ନାଇ । ମାତର୍ ପୁଜାରିର୍ ଲଗେ ଜା ଆରି ସେ ତକେ ପରିକା କରି ଦେକ । ତୁଇ, ‘ନିକ ଅଇଲିଆଟି’ ବଲି ବିନ୍ ଲକ୍‌ର୍ ଟାନେ ସାକିଦେବାକେ ମସାର୍ ଆଦେସ୍ ଇସାବେ ବିରୁ ଦେସ୍ ।”

<sup>୧୫</sup> ମାତର୍ ଜିସୁର୍ କବର୍ ଗୁଲାଇ ଚାରିବେଡ଼ିରଲକ୍ ଜାନ୍‌ଲା । ତାର କାତା ସୁନ୍‌ବାପାଇ ଆରି ନିଜର୍ ନିଜର୍ ରଗେଅନି ନିକ ଅଉଁବଲି ଗାଦି ଲକ୍‌ମନ୍ ଟୁଲ୍‌ଅଇବାର୍ ଦାରଲା । <sup>୧୬</sup> ମାତର୍ ଜିସୁ କିନରା ଜାଗାମନ୍‌କେ ଜାଇ ପାର୍‌ତନା କର୍‌ତେରଇଲା ।

**ଜିସୁ ଗଟେକ୍ ଚେରେଙ୍ଗ୍ ରଗିକେ ନିମାନ୍ କଲା**  
(ମାତିଉ ୯:୧-୮; ମାର୍କ ୨:୧-୧୨)

<sup>୧୭</sup> ଦିନେକ୍ ଜିସୁ ସିକିଆ ଦେଇତେରଇଲା । ତେଇ ଗାଲିଲିର୍ ସବୁ ଗାଏଁଅନି, ଜିଉଦା ଆରି ଜିରୁସାଲମେଅନି ଆସିରଇବା ପାରୁସିମନ୍ ଆରି ନିଅମ୍ ସିକାଉମନ୍ ତେଇ ବସିରଇଲା । ଆରି ରଗିମନ୍‌କେ ନିକ କର୍‌ବାକେ ମାପୁରୁର୍ ବପୁ, ଜିସୁକେ ରଇଲା । <sup>୧୮</sup> ଆରି ଏଦେ ଦେକା ! ଗଟେକ୍ ଚେରେଙ୍ଗ୍‌ବାଡ଼ ଦାରଲା ମୁନ୍‌ସକେ, କେତେଲକ୍ କର୍ ମିସ୍‌ତେ ବଇଆନିକରି, ଗର୍ ବିଡ଼ରେ ନେଇ ଜିସୁର୍ ମୁଆଟେ ସଙ୍ଗୁଅବଲି, ଚେସ୍‌ଟା କରତେରଇଲା । <sup>୧୯</sup> ମାତର୍ ଚିପାଟେଲାଋଲାଗି, ତାକେ ବିଡ଼ରେ ନେବାକେ ବାଟ୍ ମିଲେନାଇ । ଏଦେ ଦେକା ! ସେମନ୍ ରଗିକେ ଗର୍ ଉପରେ ଚଗାଇ ଚାଉନି ଉଜାଡ଼ି, କର୍ ମିସ୍‌ତେ ଲକ୍‌ମନ୍‌ର୍ ମଜାଇ ଜିସୁର୍ ମୁଆଟେ ଉଡ଼ରାଇଦେଲା । <sup>୨୦</sup> ଜିସୁ ସେମନ୍‌ର୍ ବିସ୍‌ବାସ୍ ଦେକି କଇଲା, “ଏ ବାରୁ, ତମର୍ ସବୁ ପାପ୍ କେମା ଅଇଗାଲାବେ ।”

<sup>୨୧</sup> ସାସ୍‌ତର୍ ସିକାଇବା ଲକ୍‌ମନ୍ ଆରି ପାରୁସି ଲକ୍‌ମନ୍ ମନେ ମନେ କୁଆବଲା ଅଇ, ଏନ୍ତି କଇବାର୍ ଦାରଲା, “ଏ କେ ଜେ ପର୍‌ମେସରର୍ ନିନ୍‌କଲାନି ? ପର୍‌ମେସରକେ ଚାଡ଼ି ଆରି କେ ପାପ୍ କେମା କରିପାରସି ?”

<sup>୨୨</sup> ତେଇ ସେମନ୍ ମନେ ମନେ କୁଆବଲା ଅଇବାଟା ଜାନିକରି ସେମନ୍‌କେ ଜିସୁ କଇଲା, “ତମେ କାଇକେ ସବୁଲକ୍ ନିଜର୍ ମନେ ମନେ ଏନ୍ତାରି କୁଆବଲା ଅଇଲାସନି ? <sup>୨୩</sup> କାଇଟା ଉପାସ୍ କାତା ? ତର୍ ସବୁ ପାପ୍ କେମା ଅଇଗାଲା ବଲି କଇବାଟା, କି ଉଟିକରି ଇଣ୍ଡି ଜା ବଲି କଇବାଟା ? <sup>୨୪</sup> ମାତର୍ ପୁର୍‌ତିବିର୍ ସବୁ ପାପ୍ କେମା କର୍‌ବାକେ ପର୍‌ମେସରର୍ ଟାନେଅନି ଆଇଲା ନର୍‌ପିଲା ମର୍ ଅଦିକାର୍‌ଆଟେ ।” ଏଟା ତମେ ଜେନ୍ତି ଜାନିପାରାସ୍ । ଏଟାର୍‌ପାଇ ଜିସୁ ଚେରେଙ୍ଗ୍‌ବାଡ଼ ଦାରଲା ରଗିକେ କଇଲା, “ମୁଇ ତକେ କଇଲିନି, ଉର୍ ନିଜର୍ ବିଡ଼ନା ଦାରି ଗରେ ଜା ।”

<sup>୨୫</sup> ସେଦାପରେ ଚେରେଙ୍ଗ୍ ଦାରଲା ଲକ୍ ସବୁଲକ୍‌ର୍ ଦେକ୍‌ତେ ଉଟିକରି ଜନ୍ କଟେ ସଇରଇଲା, ସେଟା ବଇ ପର୍‌ମେସରର୍ ମଇମା କରି କରି ତାର ଗରେ ଉଟିଗାଲା । <sup>୨୬</sup> ତେଇ ରଇଲା ସବୁଲକ୍ କାବା ଅଇଜାଇକରି ପର୍‌ମେସରର୍ ମଇମା କର୍‌ବାର୍ ଦାରଲା ଆରି ମାପୁରୁର୍ ଚକିଡ଼ କାମ୍ ଦେକି, “ଆଜି ଆମେ କେବେ ନ ଅଇଲାଟା ଦେକ୍‌ଲୁ !” ବଲି କଇଲା ।

**ଜିସୁ ଲେବିକେ ଡାକ୍‌ଲା**  
(ମାତିଉ ୯:୯-୧୩; ମାର୍କ ୨:୧୩-୧୭)

<sup>୨୭</sup> ତାର୍‌ପଟେ ଜିସୁ ବାରଇଜାଇ ଲେବି ନାଉଁର୍ ଗଟେକ୍ ସିସ୍‌ତୁମାଙ୍ଗୁ, ସିସ୍‌ତୁମାଙ୍ଗୁମନ୍ ମାଙ୍‌ବାଟାନେ ବସିରଇବାଟା ଦେକି, ତାକେ କଇଲା, “ମର୍‌ସଙ୍ଗ୍ ଆଉ ।” <sup>୨୮</sup> ତେଇ ଲେବି ସବୁଜାକ ଚାଡ଼ିଦେଇ ଉଟିକରି ଜିସୁର୍ ସଙ୍ଗ୍ ଜିବାର୍‌ଦାରଲା ।

<sup>୨୯</sup> ଆରି ଲେବି ଜିସୁର୍‌ପାଇ ନିଜର୍ ଗରେ, ଗଟେକ୍ ବଡ଼ ବଜିକଲା । ତେଇ ସିସ୍‌ତୁମାଙ୍ଗୁମନ୍, ଅଦିକ୍ ଲକ୍ ଆରି ବିନ୍ ବିନ୍ ଲକ୍‌ମନ୍‌ର୍ ସଙ୍ଗ୍ ସେ କାଇବାକେ ବସଲା । <sup>୩୦</sup> ତେଇ ପାରୁସିମନ୍ ଆରି ତାକର୍

☆ ୫:୩୦ ୫:୩୦ ଲୁକ୍ ୧୫:୧,୨

ଦଲର୍ ସାସ୍ତର ସିକାଉମନ୍ ଜିସୁର୍ ମୁଆଟେ ତାର୍ ସିସ୍ମନ୍‌କେ ଦସ୍ ଦେକାଇ କଇଲା, “ତମେ କାଇକେ ସିସ୍ତୁମାଙ୍ଗୁମନ୍‌ର ସଙ୍ଗ୍ ଆରି ପାପିମନ୍‌ର ସଙ୍ଗ୍ ମିସି କିଆ ପିଆ କଲାସ୍‌ନି ?”

୩୧ ଜିସୁ ସେମନ୍‌କେ କଇଲା, “ଜାକେ ଦୁକାଦାରି ରଇସି, ସେସେ ଅସ୍ କାଇସି, ଜାକେ ଦୁକା ଦାରେ ନାଇ ତାକେ ଅସ୍ ଲତାନାଇ । ୩୨ ମୁଇ ଦରମ୍ ଲକ୍‌ବଲି ନିଜ୍‌କେ ବାବ୍‌ବା ଲକ୍‌ମନ୍‌ର ପାଇ ଆସିନାଇ, ମାତର୍ ପାପି ଲକ୍‌ମନ୍‌କେ ପାପେଅନି ମନ୍ ବାଦ୍‌ଲାଇବାକେ ଆଇଲିଆଟି ।”

**ଉପାସ୍ ବିସଇନେଇ ସିକିଆ**  
(ମାତିଉ ୯:୧୪-୧୭; ମାର୍କ ୨:୧୮-୨୨)

୩୩ କେତେକ୍ ଲକ୍ ଜିସୁକେ ପାଚାରୁଲା, “ତୁବନ୍ ଦେଉ ଜଅନର୍ ସିସ୍ମନ୍ ତରକେତର୍ ଉପାସ୍ କରି ପାର୍ତନା କର୍‌ବାଇ । ପାରୁସିମନ୍‌ର ସିସ୍ମନ୍ ମିସା ସେନ୍ତାରି ସେ କର୍‌ବାଇ । ମାତର୍ ତମର୍ ସିସ୍ମନ୍ କିଆ ପିଆ କର୍‌ବାଇ ।”

୩୪ ଜିସୁ ସେମନ୍‌କେ କଇଲା, “ବର୍‌ବାଟର୍ ଲକ୍‌ମନ୍‌ରସଙ୍ଗ୍ ବର୍ ରଇଲାବେଲେ, ତମେ କାଇ ସେମନ୍‌କେ ଉପାସ୍ କରାଇପାରାସ୍ ? ନାଇ, ନାପାରାସ୍ । ୩୫ ମାତର୍ ବେଲା ଆଇସି, ଜେତେବେଲେ ତାକର୍‌ଟାନେଅନି ବରକେ ତାକିଦାରିଜିବାଇ, ସେଡକିବେଲେ ସେମନ୍ ଉପାସ୍ କଇବାଇ ।”

୩୬ ଜିସୁ ସେମନ୍‌କେ ଆରି ଗଟେକ୍ ଉଦାଅରନ୍ ଦେଇ କଇଲା, “କେ ମିସା ପୁରନା ଲୁଗା ପାଟିରଇଲାଟାନେ ନୁଆଲୁଗା ଚିରି ଚାପ୍ ନ ଦେଅଡ୍, ଚାପ୍ ଦେଲେ ନୁଆଟା ମିସା ନସିଜାଇସି, ନୁଆ ଲୁଗାର୍ ଚାପ୍ ପୁରନାଟାନେ ନ ମିସେ । ୩୭ ବେସି ଦିନର୍ ପୁରନା ଗାଗ୍‌ରିଟାନେ କେ ମିସା ଏବେ ଉଡ଼ରାଇଲା ମଦ୍ ନ ରକଅଡ୍, ତେଇ ଜଦି ସେ ମଦ୍ ରକଇ ତାବିଦେଲେ, ଗାଗ୍‌ରି ପୁଟିକରି ପଡାଅଇଜାଇସି । ୩୮ ତେବେ ମଦ୍ ଉଡ଼ରାଇଲା ଦାପ୍‌ରେ ନୁଆ ଗାଗ୍‌ରିଟାନେ ରକଇ ସଙ୍ଗ୍‌ଇବାଟାଟେ । ୩୯ ଆରି କେ ମିସା ପୁରନା ମଦ୍ କାଇକରି ଏବେ ଉଡ଼ରାଇଲା ମଦ୍ କାଇବାକେ ମନ୍ ନ କରଡ୍, କାଇକେବଇଲେ, ସେ ବାସିଟା ଆକା ନିକ ବଲି କଇସି ।”



**ବିସରାମ୍ ଦିନ୍ ବିସଇ ନେଇ ପର୍‌ସନ୍**  
(ମାତିଉ ୧୨:୧-୮; ମାର୍କ ୨:୨୩-୨୮)

୧ ତରେକ୍ ବିସରାମ୍ ବାରେ ଜିସୁ ତାସ୍ ରଇଲା ପଦାବାଟେ ଜିବାବେଲେ ତାର୍ ସିସ୍ମନ୍ କେଡ୍ ଚିଡାଇ ଆତେ ରମ୍‌ଦି କାଇତେରଇଲା । ୨ ସେମନ୍‌କେ ଦେକ୍‌ତେରଇବା ପାରୁସି ଲକ୍‌ମନ୍‌ର ବିଡ଼ରେଅନି କେତେଲକ୍ କଇଲା, “ବିସରାମ୍ ବାରେ ଜନ୍‌ଟା କର୍‌ବାର୍ ବିଦି ନଏ, ସେଟା ତମେ କାଇକେ କଲାସ୍‌ନି ?”

୩ ଜିସୁ ସେମନ୍‌କେ କଇଲା, “ଦାଉଦ୍ ଆରି ତାର୍ ସଙ୍ଗର୍ ଲକ୍‌ମନ୍ ରୁକେ ରଇଲାବେଲେ, ଦାଉଦ୍ କାଇଟା କରିରଇଲା, ସେଟା କାଇ ତମେ ପଡାସ୍ ନାଇ କି ? ୪ ସୁନା, ଦାଉଦ୍ ପର୍‌ମେସରର୍ ଗରେ ପୁରି, ପର୍‌ମେସରକେ ସର୍‌ପି ଅଇରଇଲା ଜନ୍ ରୁଟି, ପୁଜାରିମନ୍‌କେ ଚାଡି ଆରି କେ ମିସା କାଇବାର୍ ବିଦି ନ ରଇଲା, ସେଟା ନେଇକରି କାଇଲା ଆରି ତାର୍ ସଙ୍ଗର୍ ଲକ୍‌ମନ୍‌କେ ମିସା ଦେଇରଇଲା ।”

୫ ଆରି ଜିସୁ କଇଲା, “ପର୍‌ମେସର୍ ପାଟାଇରଇବା ନର୍‌ପିଲା ମୁଇ ବିସରାମ୍ ବାରେ ଲକ୍‌ମନ୍ କାଇଟା କର୍‌ବାର୍ ଆଟେ କାଇଟା କର୍‌ବାର୍ ନାଇ, ସେଟା କଇବାର୍ ମର୍ ଅଦିକାର୍ ଆଟେ ।”

**ଆଡ୍ ସୁକିଜାଇରଇଲା ଲକ୍ ନିକ ଅଇଲା**  
(ମାତିଉ ୧୨:୯-୧୪; ମାର୍କ ୩:୧-୬)

୬ ଆରି ଜିସୁ ବିନ୍ ଗଟେକ୍ ବିସରାମ୍‌ବାରେ, ଜିଉଦି ଲକ୍‌ମନ୍‌ର ପାର୍ତନା ଗରେ ଜାଇକରି ସିକାଇତେରଇଲା । ତେଇ ଗଟେକ୍ ଲକ୍ ରଇଲା । ତାର୍ ଉଜା ଆଡ୍ ସୁକିଜାଇରଇଲା । ୭ ଆରି ଜିସୁ ବିସରାମ୍‌ବାରେ ମିସା କେ ଜାନେ ନିକ କର୍‌ସି, ଏଟା ଦେକୁ ବଲି ପାରୁସି ଲକ୍‌ମନ୍ ଆରି ସାସ୍ତର୍ ସିକାଉମନ୍ ତାକେସେ ଦେକି ଦେକି ରଇଲା, କାଇକେବଇଲେ ତାର୍ ବିରୁଦେ ଦସ୍ ଦାର୍‌ବାକେ । ୮ ମାତର୍ ଜିସୁ ତାକର୍ ମନେ ବାବ୍‌ଲାଟା ଜାନିକରି, ଜନ୍ ଲକ୍‌ର ଆଡ୍ ସୁକିଜାଇରଇଲା, ତାକେ କଇଲା, “ଉଡ୍ ଆରି ସବୁଲକ୍‌ର ମୁଆଟେ ଟିଆ ଅ ।” ଆରି ସେଲକ୍ ଉଟି ଟିଆଅଇଲା । ୯ ତେଇ ଜିସୁ ସେମନ୍‌କେ କଇଲା, “ମୁଇ ତମ୍‌କେ ପାଚାରୁଲିନି, ବିସରାମ୍‌ବାରେ ବିଦି ଇସାବେ କାଇଟା କର୍‌ବାର୍ ? ନିକ କର୍‌ବାର୍ କି କାରାପ୍ କର୍‌ବାର୍ ? ଜିବନ୍ ବଟାଇବାର୍ କି ମରାଇବାର୍ ?” ୧୦ ଆରି ସେ ଚାରିବେଡ଼ି ସବୁକେ ଦେକି ସେ ଲକ୍‌କେ କଇଲା, “ତମର୍ ଆଡ୍ ଲାମାଆ ।” ତେଇ ସେ ସେନ୍ତାର୍ କଲା, ଆରି ତାର୍ ଆଡ୍ ପୁରାପୁରୁନ୍ ନିକ ଅଇଗଲା ।

୧୧ ମାତର୍ ପାରୁସିମନ୍ ଆରି ସାସ୍ତର୍ ସିକାଉମନ୍ ବେସି ରିସା ଅଇଗଲା ଆରି ଜିସୁର୍ ବିରୁଦେ “କାଇଟା କରୁ ?” ବଲି ତାକର୍ ତାକର୍ ବିଡ଼ରେ ନିଆଇ କଲା ।

ଜିସୁ ବାର୍ତ୍ତା ସିସ୍ତମନକେ ବାଚ୍ଚଲା  
(ମାତିଉ ୧୦:୧-୪; ମାର୍କ ୩:୧୩-୧୯)

୧୭ ସେବେଲେ ଦିନେକ୍ ଜିସୁ ପାର୍ତନା କର୍ବାକେ ବାରଇ, ପର୍ବତେ ଗାଲା ଆରି ଗୁଲାଇରାତି ପର୍ଯ୍ୟନ୍ତକେ ପାର୍ତନା କରି କରି ରଇଲା । ୧୩ ସାକାଲ୍ ପାଇଲାକେ, ଜିସୁ ସିସ୍ତମନକେ ଲଗେ ଡାକି ସେମନର୍ ବିତ୍ରେଅନି ବାର ଲକ୍‌କେ ବାଚ୍ଚଲା, ଆରି ସେମନକେ ପେରିଡ଼ ବଲି ନାଉଁ ଦେଲା । ୧୪ ସେମନ ରଇଲା, ସିମନ୍ ଜାକେ କି ସେ ପିତର୍ ବଲି ମିସା ନାଉଁ ଦେଲା, ଆରି ସିମନର୍ ବାଇ ଆନ୍ଦ୍ରିୟ, ଜାକୁବ୍ ଆରି ଜଅନ୍, ପିଲିପ୍ ଆରି ବାର୍ତଲମି । ୧୫ ମାତିଉ ଆରି ତମା, ଆଲ୍‌ପିର୍ ପ ଜାକୁବ୍ ଆରି ସିମନ୍, ଜାକେ କି କାଇ କାମ୍ କର୍ବାକେ ମିସା ଆଗ୍ତୁ ଅଇସି ବଲି କଇବାଇ । ୧୬ ଜାକୁବର୍ ପ ଜିଉଦା ଆରି ଇସ୍କାରିତ ଜିଉଦା, ଜେ କି ଜିସୁକେ ସତ୍‌ରୁମନକେ ସର୍ପିଦେଇ ରଇଲା ।

ଜିସୁ ସିକିଆ ଦେଲା ଆରି ନିକ କଲା  
(ମାତିଉ ୪:୨୩-୨୫)

୧୭ ଆରି ଜିସୁ ପେରିଡ଼ମନର୍ ସଙ୍ଗ୍ ଉଡ଼ିକରି, ଗଟେକ୍ ସଦ୍‌ରମ୍ ରଇଲା ଜାଗାଇ ଚିଆଅଇଲା । ଆରି ତେଇ ତାର୍ ବେସି ସିସ୍ତମନ୍, ଜିଉଦା ରାଇଜର୍ ବେସି ଲକ୍, ଜିରୁସାଲାମ୍ ଆରି ସମ୍‌ସୁର୍ ପାଲି ରଇବା ସର ଆରି ସିଦନ୍ ସଅରେଅନି ବେସି ଲକ୍‌ମନ୍ ରୁଣ୍ଡିରଇଲାଇ । ୧୮ ଲକ୍‌ମନ୍ ତାର୍ ବାକିଅ ସୁନ୍‌ବାକେ ଆରି ନିଜର୍ ନିଜର୍ ରଗେଅନି ନିକ ଅଇବାକେ ଆସିରଇଲାଇ । ଜନ୍ ଲକ୍‌ମନ୍ ତୁମା ଦାରାଇଅଇ ଦୁକ୍ କସର୍ ପାଇତେରଇଲାଇ, ସେମନକେ ଜିସୁ ନିକ କଲା । ୧୯ ସବୁଲକ୍‌ମନ୍ ଜିସୁକେ ଚିଇବାକେ ତେସ୍‌ଟା କର୍ତେରଇଲାଇ । କାଇକେବଇଲେ ତାର୍ ଗାଗ୍‌ତେଅନି ମାପ୍‌ରୁର୍ ବପୁ ବାରଇତେରଇଲା ଆରି ସବୁଲକ୍‌ମନକେ ନିକ କରତେରଇଲା ।

ସୁକ୍ ଆରି ଦୁକ୍  
(ମାତିଉ ୫:୧-୧୨)

୨୦ ସେବେଲେ ଜିସୁ ନିଜର୍ ସିସ୍ତମନର୍ ବାଟେ ଦେକି କଇଲା,  
“ତମେ ଏବେ କାକୁରୁତି ଅଇଆତାସ୍ ତମର୍ କେତେକ୍ ନିକ କରମ୍,  
କାଇକେବଇଲେ ପର୍ଯ୍ୟନ୍ତକେ ରାଇଜ୍ ତମର୍ଟା ।  
୨୧ ତମେମନ୍ ଏବେ ବୁକେ ଆତାସ୍, ତମର୍ କେତେକ୍ ନିକ କରମ୍,  
କାଇକେବଇଲେ, ତମକେ ପର୍ଯ୍ୟନ୍ତ ପୁରାପୁରୁନ୍ ଦେଇସି ।  
ତମେମନ୍ ଏବେ କାନ୍‌ଲାସ୍‌ନି, ତମର୍ କେତେକ୍ ନିକ କରମ୍,  
କାଇକେବଇଲେ ତମେମନ୍ ସାର୍‌ଦା ଅଇକରି ଆସ୍‌ସା ।”  
୨୨ \*ଲକ୍‌ମନ୍ ଜେବେ ପର୍ଯ୍ୟନ୍ତ ପାଟାଈରଇବା ନର୍‌ପିଲା ମର୍ ଲାଗି ତମକେ ଇନ୍ କର୍ବାଇ, ଆରି ବେଗ୍‌ଲାଇ ଦେବାଇ, ନିନ୍ଦାକରି ତମର୍ ନାଉଁ ମନ୍ଦ୍ ବଲି ଦାର୍‌ବାଇ, ତମର୍ କେତେକ୍ ନିକ କରମ୍ ।  
୨୩ \*ସେ ଦିନେ ସାର୍‌ଦା ଅଇ ନାଟ୍ କର୍‌ସା । କାଇକେବଇଲେ ଦେକା, ସର୍‌ଗେ ତମର୍ ପୁରୁସ୍କାର୍ ଅଦିକ୍ ଆରି ସେନ୍ତାରି ତା ସେମନର୍ ଆନିଦାଦିମନ୍, ବବିସତ୍‌ବକ୍‌ତାମନକେ କର୍ତେରଇଲାଇ ।  
୨୪ ମାତର୍ ଏ ଡଣ୍ଡ୍ ପାଉମନ୍, ତମେମନ୍ ଏବେ ସାଉକାର୍ ଆତାସ୍,  
କାଇକେବଇଲେ ତମେ ନିଜେ ନିଜେ ସୁକ୍ ପାଇଲାସ୍‌ବେ ।  
୨୫ ଏ ଡଣ୍ଡ୍‌ପାଉମନ୍, ଏବେ ତମେ ନିକସଙ୍ଗ୍ କାଇଲାସ୍‌ନି,  
କାଇକେବଇଲେ, ତମେ ବୁକେସେ ରଇସା ।  
ଏ ଡଣ୍ଡ୍‌ପାଉମନ୍, ତମେମନ୍ ଏବେ ଆସ୍‌ଲାସ୍‌ନି,  
କାଇକେବଇଲେ ପତେ ଦୁକେ ରଇକରି କାନ୍‌ସା ।  
୨୬ “ଜେତେବେଲେ ତମକେ ଲକ୍‌ମନ୍ ବଲ୍ ବଲିକରି ବାଚ୍‌ଲାଇନି, ଏ ଡଣ୍ଡ୍‌ପାଉମନ୍, ତାକର୍ ଆନିଦାଦି ତା ମାପ୍‌ରୁର୍ କାତା ବୁଲ୍‌କାଉମନର୍‌ପାଇ ସେନ୍ତାରି କର୍ତେରଇଲାଇ ।”

ସତ୍‌ରୁମନକେ ମିସା ଆଲାଦ୍ କରା  
(ମାତିଉ ୫:୩୮-୪୮; ୬:୧୨)

୨୭ “ମାତର୍ ତମେମନ୍ ସୁନି ଆତାସ୍‌ଜେ ମୁଜ୍ ତମକେ କଇଲିନି, ତମର୍ ସତ୍‌ରୁମନକେ ଆଲାଦ୍ କରା, ଜନ୍ ଲକ୍‌ମନ୍ ତମକେ ଇନ୍ କର୍ବାଇ, ସେମନର୍ ମଙ୍ଗ୍‌ଲ୍ କରା । ୨୮ ଜନ୍ ଲକ୍‌ମନ୍ ତମକେ ସାଇପ୍ ଦେବାଇ, ସେମନକେ ଆସିର୍‌ବାଦ୍ କରା । ଜନ୍ ଲକ୍‌ମନ୍ ତମକେ ଇଜଡ଼୍ ଜିକ୍‌ବାଇ, ସେମନର୍‌ପାଇ ପାର୍ତନା କରା । ୨୯ ଜେ ତମକେ ଗଟେକ୍ ଗାଲେ ଚାପଡ଼୍ ମାର୍‌ସି, ତାକେ ଆରିଗଟେକ୍ ଗାଲ୍ ମିସା ଦେକାଇଦିଆସ୍ । ଜେ ତମର୍ ଚାଦର୍ ଦାରିଜାଇସି, ତାକେ ତମର୍ ପିନ୍‌ଲାଟା ନେବାକେ ମିସା ମନା

\* ୬:୨୨ ୬:୨୨ ୧ ମ ପିତର୍ ୪:୧୪ \* ୬:୨୩ ୬:୨୩ ପେରିଡ଼ ୭:୫୨

କରାନାଇ । ୩୦ ଜେ ତମକେ ମାଙ୍ଗୁସି, ତାକେ ଦିଆସ୍ । ଆରି ଜେ ତମର୍ ଦନ୍ ସିମ୍ପତି ଉଦାର୍ ନେଇସି, ତାର୍ଟାନେଅନି ସେଟା ଆରିତରେକ୍ ମାଙ୍ଗାନାଇ । ୩୧ ଲକ୍ମନ୍ ତମ୍କେ ଜେନ୍ତି କରଡ଼ ବଲି ମନ୍ କଲାସନି, ତମେମିସା ସେମନର୍ଟାନେ ସେନ୍ତାର୍ କରା ।”

୩୨ “ଆରି ଜନ୍ ଲକ୍ମନ୍ ତମ୍କେ ଆଲାଦ୍ କଲାଇନି, ଜଦି ସେମନ୍କେସେ ତମେ ଆଲାଦ୍ କରସା ବଇଲେ କାଇ ଆସିର୍ବାଦ୍ ପାଇସା ? କାଇକେବଇଲେ ପାପିମନ୍ ମିସା ସେନ୍ତାରି କରବାଇ । ୩୩ ଜଦି ଜନ୍ ଲକ୍ମନ୍ ତମର୍ ମଙ୍ଗଲ୍ କଲାଇନି, ସେମନ୍କେସେ ମଙ୍ଗଲ୍ କରସା ବଇଲେ, କାଇ ଆସିର୍ବାଦ୍ ପାଇସା ? କାଇକେବଇଲେ ପାପିମନ୍ ମିସା ସେନ୍ତାରି କରବାଇ । ୩୪ ଆରି ଜନ୍ ଲକ୍ମନ୍ଟାନେଅନି ତମର୍ ମିଲାଇବାର୍ ଆସା ରଇସି, ଜଦି ସେମନ୍କେସେ ଉଦାର୍ ଦେଇସା ବଇଲେ, ତମେ କାଇ ଆସିର୍ବାଦ୍ ପାଇସା ? ପାପିମନ୍ ମିସା ସମାନ୍ ଇସାବେ ବାନ୍ଲାଟା ମିଲବଲି, ରୁନ୍ ଦେବାଇ । ୩୫ ମାତର୍ ତମର୍ ସତ୍ତୁମନ୍କେ ଆଲାଦ୍ କରା । ଆରି ସେମନର୍ ମଙ୍ଗଲ୍ କରା । ରୁନ୍ ବାନ୍ ବଲି ଆସା ନ କରି, ରୁନ୍ ଦିଆସ୍ । ସେନ୍ତାରିକଲେ ତମର୍ ପୁରୁସ୍କାର୍ ଅଦିକ୍ ଅଇସି । ଆରି ତମେ ପର୍ମେସରର୍ ପ ଅଇସା । କାଇକେବଇଲେ ସେ ନ ମାନ୍ବା ଲକ୍ମର୍ ଆରି କରାପ୍ ଲକ୍ମର୍ ମିସା ଦୟାକାରିଆ । ୩୬ ତମର୍ ସରଗର୍ ବାବା ଜେନ୍ତାରି ଦୟା କଲାନି, ସେନ୍ତାରି ତମେ ମିସା ଦୟା କରା ।”

**ବିନ୍ ଲକ୍ମନ୍କେ ବିଚାର୍ କରାନାଇ**  
(ମାତିଉ ୭:୫-୭)

୩୭ “ବିନ୍ଲକ୍ମର୍ ବିଚାର୍ କରାନାଇ, ସେନ୍ତାରିକଲେ ପର୍ମେସର୍ ତମ୍କେ ବିଚାର୍ କରସି । ଦସ୍ ନ ଦିଆସ୍, ସେନ୍ତାରିକଲେ ପର୍ମେସର୍ ତମ୍କେ ଦସ୍ ନ ଦାରେ । କେମା କରା, ସେନ୍ତାରିକଲେ ତମ୍କେ କେମା ମିଲସି । ୩୮ ବିନ୍ ଲକ୍ମକେ ଦାନ୍ କରା, ସେନ୍ତାରିକଲେ ପର୍ମେସର୍ ତମ୍କେ ଦାନ୍ ଦେଇସି, ଲକ୍ମନ୍ ମାନ୍ଟାନେ କାଦି ପୁରୁନ୍କରି ତାକେ ଚାପି ଜୁଲାଇ, ଉତ୍ଲାଇକରି, ତମର୍ ଅଟେଇ ଦେବାଇ, କାଇକେବଇଲେ ଜନ୍ ଇସାବେ ତମେ ନାପସା, ସେ ଇସାବେ ସେ ତମ୍କେ ନାପି ଦିଆଅଇସି ।” ୩୯ ଜିସୁ ସେମନ୍କେ ଉଦାଅରନ୍ ଦେଇ କଇଲା, “କାଣା କାଇ କାଣାକେ ବାଟ୍ ଦେକାଇପାରେକି ? ନାଇ, ନାପାରେ । ଜଦି ସେମନ୍ ସେନ୍ତାରି କରବାଇ ବଇଲେ ଦୁଇଲକ୍ମକାକ କାଲେ ନ ଅଦ୍ରେକି ? ୪୦ ଗୁରୁଟାନେଅନି ସିସ୍ ବଡ଼ ନାଇ । ମାତର୍ ସିସ୍ମନ୍ ସିକିଆ ପାଇ ସାରାଇଲେ ସିଦ୍ ଅଇ ଗୁରୁ ସମାନ୍ ଅଇବାଇ ।”

୪୧ “ଆରି କାଇକେ ତମର୍ ବାଇର୍ ଆକିଟାନେ ରଇବା ସାନ୍ କାଟ୍ରେ ଦେକଲାସନି ? ମାତର୍ ତମର୍ ନିଜର୍ ଆକିଟାନେ ଜନ୍ ବଡ଼ କାଟ୍ରେ ଆଟେ, ସେଟା ବାବିଦେକାସନାଇ । ୪୨ ତମେ ନିଜର୍ ଆକିଟାନେ ରଇବା ବଡ଼ଟା କାଟ୍ରେ ନ ଦେକିକରି, ନିଜର୍ ବାଇର୍ ଆକି ଟାନେ ରଇବା ସାନ୍ କାଟ୍ରେ ଦେକି କେନ୍ତି କଇପାରାସ୍, ଆଉ ବାଇ ତମର୍ ଆକିଅନି କାଟ୍ରେ ବାଟ୍ କରାଇଦେବି ? ଏ କୁଟିଆଲ୍ମନ୍, ପର୍ତ୍ତୁମ୍ ନିଜର୍ ଆକିଅନି କାଟ୍ରେ ବାଟ୍ କରାଇପାକା, ତାପ୍ରେ ନିଜର୍ ବାଇର୍ ଆକିଟାନେ ରଇବା କାଟ୍ରେ ସବୁ ବାଟ୍ କରାଇବାକେ, ନିକକରି ଦେକିପାରାସ୍ ।”

**ଗର୍ ଆରି ତାର୍ ପଲ୍**  
(ମାତିଉ ୭:୧୭-୨୦; ୧୨:୩୩-୩୫)

୪୩ “ନିକ ଗଟେ କାରାପ୍ ପଲ୍ ନ ପଲେ, କାରାପ୍ ଗଟେ ନିକ ପଲ୍ ନ ପଲେ । ୪୪ କାଇକେବଇଲେ ଗର୍ମନ୍କେ ତାର୍ ପଲ୍ଲଗାଗି ଜାନିଅଇସି । କାଟା ଗଟେଅନି ଲକ୍ମନ୍ ତୁମ୍ରି ପଲ୍ ନ ତଲଡ଼, କି କାଟା ବୁଟାଇଅନି ଅଙ୍ଗୁର୍ ପଲ୍ ନ ତଲଡ଼ । ୪୫ ନିକ ଲକ୍ ନିଜର୍ ମନ୍ ବିତ୍ରେ ଗରବ୍ ବିତ୍ରେ ଅନି ନିକଟା ବାଟ୍ କରାଇସି । ଆରି କାରାପ୍ ଲକ୍ମନ୍ ନିଜର୍ ମନ୍ ବିତ୍ରେ ଗରବ୍ଟାନେ ଅନି କାରାପ୍ଟା ବାଟ୍ କରାଇବାଇ । କାଇକେବଇଲେ, ମନ୍ ବିତ୍ରେ ଚିନ୍ତା କରବାଟା, ଟଣ୍ଟୁ କାତା କଇସି ।”

**ଦୁଇଟା ରକାମର୍ ଗର୍ବାଦ୍ ବା ଲକ୍**  
(ମାତିଉ ୭:୨୪-୨୭)

୪୬ “ଆରି ତମେ କାଇକେ ମକେ ଏ ମାପୁରୁ ଏ ମାପୁରୁ, ବଲି ତାକିକରି ମର୍ ଆଦେସ୍ ମାନାସ୍ ନାଇ ? ୪୭ ଜେ ମିସା ମର୍ଲଗେ ଆସି, ମର୍ କାତା ସୁନି, ସେଟା ସବୁ ମାନ୍ସି, ସେ କାର୍ ସମାନ୍ ରଇସି, ସେଟା ମୁଇ ତମ୍କେ ଦେକାଇବି । ୪୮ ସେ ଏନ୍ତାରି ଗଟେକ୍ ଗର୍ ଉଟାଇବା ଲକ୍ମର୍ପାରା । ଜେ ଗଇର୍ କରି କୁନି, କୁନାଦି ପାକ୍ନା ଉପ୍ରେ ବସାଇଲା । ବନିଆ ପାନି ଆସି ସେଟା ଉଲ୍ଲକା ମାର୍ଲା ମିସା ସେଟା ବସଲାଇ ନାପାର୍ଲା । କାଇକେବଇଲେ ସେଟା ନିମାନ୍କରି ଉଟାଇରଇଲା । ୪୯ ମାତର୍ ଜନ୍ ଲକ୍ମନ୍ ମର୍କାତା ସୁନିକରି ମିସା ସେ ଇସାବେ ଚଲାଟଲ୍ତି ନ କରଡ଼, ସେ କୁନାଦି ନ କରି, ବାଲି ଉପ୍ରେ ଗର୍କଲା ଲକ୍ମର୍ପାରା । ଜବର୍ ଅଇତେ ଉଦ୍ କାମାର୍ଲା ଦାପ୍ରେ ସେ ଗର୍ ବସ୍ଲିଗାଲା ଆରି ସେଟା ଅପର୍ବଲ୍ ବିନାସ୍ ଅଇଲା ।”

☆ ୬:୩୧ ୬:୩୧ ମାତିଉ ୭:୧୨ ☆ ୬:୩୯ ୬:୩୯ ମାତିଉ ୧୫:୧୪ ☆ ୬:୪୦ ୬:୪୦ ମାତିଉ ୧୦:୨୪,୨୫; ଜଅନ୍ ୧୩:୧୭;୧୫:୨୦  
☆ ୬:୪୪ ୬:୪୪ ମାତିଉ ୧୨:୩୩ ☆ ୬:୪୫ ୬:୪୫ ମାତିଉ ୧୨:୩୪



ଜିସୁ ଗଟେକ୍ ରମିୟ ଲକର୍ ଗତି ଦାଙ୍ଗ୍ତାକେ ନିକ କଲା  
(ମାତିଉ ୮:୫-୧୩)

୧୧ ଜିସୁ ଲକ୍ମନକେ ସବୁ କାତା କଇ ସାରାଇକରି କପର୍ନାତମ୍ ସଅରେ କେଟ୍ଲା । ୧୨ ସେବେଲେ ସଏଟା ସନିଅମନର୍ ମୁକିଆର୍ ଗଟେକ୍ ଗତିଦାଙ୍ଗ୍ତା, ଜର୍ ଅଇକରି ମଲାପାରା ଅଇଜାଇରଇଲା । ସେ ତାକେ ନିଜରଲକ୍ ପାରା ଆଲାଦ୍ କର୍ତେରଇଲା । ୧୩ ସେ ଜିସୁର୍ ବିସଇର୍ କବର୍ ସୁନି, ଜିସୁ ଜେଡିକି ଆସି ତାର୍ ଗତିଦାଙ୍ଗ୍ତାର୍ ଜିବନ୍ ରକିଆ କର୍ସି ବଲି ବାବ୍ଲା । ସେଟାରପାଇ ଜିସୁର୍ ଲଗେ କେତେଟା ଜିଉଦି ପାର୍ତିନିମନକେ ପାଟାଇ ତାକେ ବାରୁଜିଆ କଲାଇ । ୧୪ ପାର୍ତିନିମନ୍ ଜିସୁର୍ଲଗେ କେଟିକରି ତାକେ ଜୁଆର୍ ବିଆର୍ କରି କଇବାର୍ ଦାରଲାଇ, “ତାରପାଇ ତମେ ଏନ୍ତାରି କରିରଇଲେ, ନିକରଇସି । ୧୫ କାଇକେବଇଲେ ସେ ଆମର୍ ଲକ୍ମନକେ ଆଲାଦ୍ କର୍ସି ଆରି ନିଜେ ସେ ଆମର୍ ସବୁଲକର୍ ପାଇ ପାର୍ତନାଗର୍ ତିଆରକରି ଦେଇଆଟେ ।”

୧୬ ତେଇ ଜିସୁ ତାକର୍ ସଙ୍ଗ୍ ଗଲା । ସେ ଗରେ କେଟ୍ବାକେ କଣ୍ଠେକ୍ ଦୁର୍ ରଇଲାକେ, ସଏଟା ସନିଅମନର୍ ମୁକିଆ ଲକ୍ମନକେ ପାଟାଇ ତାକେ କଇଲା, “ମାପୁର୍, କସ୍ ଉଆନାଇ, କାଇକେବଇଲେ ତମେ ଜେ ମର୍ ଗରେ ପାଦ୍ ପାକାଇସା, ମର୍ ଏନ୍ତାରି ବାଗିଅ ନାଇ । ୧୭ ଏଟାରପାଇ ମୁଇ ତମର୍ଟାମେ ଆଇବାକେ ମନ୍ କରିନାଇ । ମାତର୍ ଗଟେକ୍ ପଦ୍ ଆଦେସ୍ କରା, ମର୍ ଗତିଦାଙ୍ଗ୍ତା ନିକ ଅଇଜାଇସି । ୧୮ ମୁଇ ଗଟେକ୍ ଲକର୍ ତଲେ କାମ୍ କର୍ତେରଇଲେ ମିସା ମର୍ ତଲେ ସନିଅମନ୍ ଆତଡ୍ । ଆରି ମୁଇ ଗଟେକ୍ ଲକ୍ମନକେ ଜା ବଲି କଇଲେ, ସେ ଜାଇସି । ବିନ୍ ଲକ୍ମନକେ ଆଉ ବଇଲେ ସେ ଆଇସି । ମର୍ ଗତିଦାଙ୍ଗ୍ତାକେ ଏଟା କର୍ ବଇଲେ, ସେ ସେଟା କର୍ସି ।”

୧୯ ଜିସୁ ତାର୍ ଏ ସବୁ ବିସଇ ସୁନି କାବା ଅଇଗାଲା, ଆରି ବୁଲିକରି ତାର୍ ପଟେ ଆଇତେରଇବା ଲକ୍ମନକେ କଇଲା, “ମୁଇ ତମ୍କେ କଇଲିନି, ଇସ୍ରାଏଲ୍ ବିଡ୍ରେ ମିସା ଏତେକ୍ ବଡ୍ ବିସବାସି ନ ମିଲଡ୍ ।”

୨୦ ଆରି ଜିସୁକେ ତାକ୍ବାକେ ଜାଇରଇଲା ଲକ୍ମନ ଗରେ ବାଉଡି ଆସି ଗତିଦାଙ୍ଗ୍ତା ନିକ ଅଇରଇବାଟା ଦେକ୍ଲାଇ ।

ଜିସୁ ଗଟେକ୍ ରାଣ୍ଡିମାଇଜିର୍ ମରିଜାଇରଇଲା ଦାଙ୍ଗ୍ତା ପିଲାକେ ଉଟାଇଲା

୨୧ ତେଇଅନି ଜିସୁ ନାଇନ୍ ନାଉର୍ ନଅରେ ଗଲା । ତାର୍ସଙ୍ଗ୍ ସିସମନ୍ ଆରି ଲକ୍ମନ ବେସି ଜାଇତେରଇଲାଇ ।

୨୨ ସେ ନଅରର୍ ଦୁଆର୍ଲଗେ କେଟୁ କେଟୁ, ଏଦେ ଦେକା ! ଲକ୍ମନ ଗଟେକ୍ ମଲା ଲକ୍ମନେ ବଇଆନ୍ତେ ରଇଲାଇ । ସେ ନିଜର୍ ମାଆର୍ ଗଟେକ୍ ସେ ପିଲା, ଆରି ସେ ମାଇଜି ରାଣ୍ଡିଟା । ନଅରର୍ ବେସିଲକ୍ମନ ତାର୍ ସଙ୍ଗ୍ ରଇଲାଇ । ୨୩ ସେ ରାଣ୍ଡି ମାଇଜିକେ ଦେକି ଜିସୁ ଦୁକ୍‌କଲା ଆରି ତାକେ କଇଲା, “ଏ ମାଆ କାନ୍‌ନାଇ ।” ୨୪ ଆରି, ଜିସୁ ଜାଇକରି ତାଣ୍ଡିଆ ଚିଇଲାକେ ବଇ ଆନ୍ତେରଇବା ଲକ୍ମନ ଚିଆଅଇଲାଇ । ଆରି ସେ କଇଲା, “ମୁଇ ତକେ କଇଲିନି, ନୁନା ଉର୍ !” ୨୫ ତେଇ ସେ ଦାଙ୍ଗ୍ତା ଉଟିବସଲା ଆରି କାତା କଇବାର୍ ଦାରଲା । ଆରି ଜିସୁ ସେ ଦାଙ୍ଗ୍ତାକେ ତାର୍ ମାକେ ସର୍ପିଦେଲା ।

୨୬ ତେଇ ସବୁଲକ୍ ଡରିଗାଲାଇ, ଆରି ପର୍ମେସରର୍ ମଇମା କରି କରି କଇଲାଇ “ଆମର୍ ବିଡ୍ରେ ଗଟେକ୍ ମଆନ୍ ବବିସଡ୍‌ବକ୍ତା ଆଇଲାଆଟେ, ଆରି ପର୍ମେସର୍ ନିଜର୍ ଲକ୍ମନକେ ଉଦାର୍ କର୍ବାକେ ଆସିଆଟେ ।”

୨୭ ଜିସୁର୍ ଏ ବିସଇର୍ କାତା ଗୁଲାଇ ଜିଉଦା ଦେସେ ଆରି ଚାରିବାଟର୍ ଗାଉଁଗଣ୍ଡାର୍ ଲକ୍ମନ ଜାନ୍‌ଲାଇ ।

ତୁବନ୍ ଦେଉ ଜଅନର୍ ଦୁଇଟା ସିସ୍  
(ମାତିଉ ୧୧:୨-୧୯)

୨୮ ପଟେ ତୁବନ୍ ଦେଉ ଜଅନର୍ ସିସମନ୍ ଏ ସବୁ କାତା ଜଅନକେ ଜାନାଇଲାଇ । ୨୯ ତେଇ ଜଅନ୍ ନିଜର୍ ସିସମନର୍ ବିଡ୍ରେଅନି ଦୁଇଲକ୍ମନେ ତାକି ମାପୁର୍ଲ ଲଗେ ଏନ୍ତାରି କଇ ପାଟାଇଲା, “ଜେ ଆଇବାର୍ ରଇଲା, ସେ ଲକ୍ ତମେସେ କି ? କି କାଇ ବିନ୍ ଲକ୍ମନେ ଆମେ ଜାଗ୍‌ବୁ ?”

୩୦ ସେ ଲକ୍ମନ ଜିସୁର୍ଲଗେ କେଟିକରି କଇଲାଇ, “ତୁବନ୍ ଦେଉ ଜଅନ୍ ଆମ୍‌କେ ଏନ୍ତାରି କଇ ତମର୍ଲଗେ ପାଟାଇଆଟେ, ଜେ ଆଇବାର୍ ରଇଲା, ସେ ଲକ୍ ତମେ କି ? କି କାଇ ଆମେ ଆରି ବିନ୍ ଲକ୍ମନେ ଜାଗ୍‌ବୁ ?”

୩୧ ସେବେଲେ ଜିସୁ ଜର୍ ଦୁକା, ଆରି ତୁମା ଦାରଲା ଲକ୍ମନକେ ନିକ କଲା । ଆରି କେତେଟା କାଣାମନକେ ମିସା ଆକି ଡିସାଇଲା ।

୨୨ ଜିସୁ ଜଅନର୍ ସିସ୍ତାନ୍‌କେ କଇଲା, “ତମେମନ୍ ଜନ୍ ଜନ୍‌ଟା ଦେକଲାସ୍ ଆରି ସୁନ୍‌ଲାସ୍, ସେଟା ସବୁ ଜାଇ ଜଅନ୍‌କେ ଜାନାଆ, କାଣା ଲକ୍‌ମନ୍ ଦେକିପାରୁଲାଜନି, ଚଟାମନ୍ ଇଣ୍ଡିବୁଲୁଲାଜନି, ବଡ଼ ରଚିମନ୍ ନିକ ଅଇଲାଜନି, ବଇରା ଲକ୍‌ମନ୍ ସୁନ୍‌ଲାଜନି, ମଲାଲକ୍‌ମନ୍ ଜିବନ୍‌ଅଇ ଉଟ୍‌ଲାଜନି, ଆରି ଦୁକର୍ ଲକ୍‌ମନ୍‌କେ ମାପୁରୁର୍ ବାକିଅ ସୁନାଇଅଇଲାନି । ୨୩ ଜନ୍‌ଲକ୍ ମକେ ‘କିରିସ୍‌ଟ ସେ କି ନ-ଏଁ ?’ ବଲି ନ ବାବିକରି ବିସ୍‌ବାସ୍ କରସି, ତାର୍ କେଡେକ୍ ନିକ କରମ୍ ।”

୨୪ ଜଅନର୍ ସିସ୍ତାନ୍ ବାଉଡିଗାଲାପତେ ଜିସୁ ଲକ୍‌ମନ୍‌କେ ଜଅନର୍ ବିସଇ କଇବାରୁଦାରଲା, “କାଇଟା ଦେକ୍‌ବାକେ ତମେ ମରୁବାଲି ବୁ-ଏଁ ବାରଇ ଜାଇରଇଲାସ୍ ? କାଇ ପବନେ ଜୁଲ୍‌ଡେରଇବା ବାଉଁସ୍ ନାଲା ? ୨୫ ସେଟା ନଇଲେ ତମେ କାଇଟା ଦେକ୍‌ବାକେ ବାରଇଜାଇ ରଇଲାସ୍ ? କାଇ ଜବର୍ ତାରୁଦେଇ ବସ୍‌ତର୍ ଗେନି ପିନ୍‌ରଇବା ଗଟେକ୍ ଲକ୍‌କେ ଦେକ୍‌ବାକେ ? ଦେକା, ଜନ୍ ଲକ୍‌ମନ୍ ଜେ କି ସୁନ୍‌ର ବସ୍‌ତର୍ ପିନ୍‌କରି, ସୁକର୍ ସଙ୍ଗ୍ ଦିନ୍ ବିତାଇବାଇ, ସେମନ୍ ତା ରାଜାର୍ ନଅରେ ରଇବାଇ । ୨୬ ସେନ୍ତାର୍ ନଇଲେ କାଇକେ ବାରଇ ଜାଇରଇଲାସ୍ ? କାଇ ଗଟେକ୍ ବବିସ୍‌ଡବକ୍‌ତାକେ ଦେକ୍‌ବାକେ ? ମୁଇ ତମକେ ସଡ଼ କଇଲିନି, ଜଅନ୍ ବବିସ୍‌ଡବକ୍‌ତାମନ୍‌ତେ ତେଇଅନି ମିସା ଅଦିକାର୍ ରଇବା ଲକ୍ ।” ୨୭ ଜାର୍ ବିସଇ ନେଇକରି ଦରମ୍ ସାସ୍‌ତରେ ଲେକାଆତେ । ପର୍‌ମେସର୍ କଇଲା, “ଆମେ ନିଜର୍ ଦୁଡ଼କେ ତମର୍ ଆଗେ ପାଟାଇଲୁନି, ସେ ତମର୍ ମୁଆଟେ ତମର୍‌ପାଇ ବାଟ୍ ତିଆର୍ କରସି, ଏ ସେ ଲକ୍ । ୨୮ ମୁଇ ତମକେ ସଡ଼ କଇଲିନି, ମାଇଜିମନ୍‌ଟା ଚାନେଅନି ଜାଡ଼ କିରିରଇବା ସବୁର୍ ବିଡ଼ରେ, ଜଅନର୍ ଚାନେଅନି ଆରି ମୁକିଅ କେ ମିସା ନାଇ, ଏଲେମିସା ପର୍‌ମେସର୍‌ର୍ ରାଇଜେ ଜେ ସାନ୍, ସେ ଜଅନର୍ ଚାନେଅନି ବଡ଼ ।”

୨୯ \*ଜନ୍‌ଲକ୍‌ମନ୍ ଏ ସବୁ କାତା ସୁନ୍‌ଡେରଇଲାଇ, ସେମନ୍, ଜେନ୍ତାରିକି ସିସ୍ତୁମାଙ୍ଗୁମନ୍ ମିସା ପର୍‌ମେସର୍‌ର୍ ଦାବିକଲାଟା ମାନି ଜଅନର୍ ଚାନେ ତୁବନ୍ ନେଇରଇଲାଇ । ୩୦ ମାତର୍ ପାରୁସିମନ୍ ଆରି ନିଅମ୍ ସିକାଉମନ୍ ତାକର୍ ଜିବନ୍‌ପାଇ ପର୍‌ମେସର୍ କିରିରଇବା ଜଜ୍‌ନା ମାନଡ଼ନାଇ, ଆରି ଜଅନର୍‌ଟାନେ ତୁବନ୍ ନେଅଡ଼ନାଇ । ୩୧ ଜିସୁ ଆରିତରେକ୍ କଇଲା, ଏବର୍ ଲକ୍‌ମନ୍‌କେ ମୁଇ କାର୍ ସଙ୍ଗ୍ ସମାନ୍ କରବି ? ଆରି ସେମନ୍ କାର୍ ପାରା ? ୩୨ ଜନ୍ ପିଲାମନ୍ ତାଣ୍ଡେବାଟେ ବସି ସେମନ୍ ସେମନ୍ ତାକାତାକିଅଇ କୁଆକୁଇ ଅଇବାଇ, “ ଅଇରେ, ଆମେ ତମର୍‌ଲଗେ ବାଉଁସି ପୁକ୍‌ଲୁ, ତମେ ନାଟ୍ କରାସ୍‌ନାଇ, ଦୁକର୍ ଗିଡ଼ ଗାଇଲୁ, ତମେ କାନ୍ଦାସ୍‌ନାଇ, ସେମନ୍ ତାକର୍‌ପାରା । ୩୩ କାଇକେବଇଲେ, ତୁବନ୍ ଦେଉ ଜଅନ୍ ଆସି ଉପାସେ ରଇ, ଆମଟ୍ ଅଇଲା ପଲ୍‌ରସ୍ ମିସା କାଏନାଇ, ଆରି ତମେ ତାକେ କଇଲାସିନି ତୁମା ଦାରିଆତେ ବଲି । ୩୪ ପର୍‌ମେସର୍ ପାଟାଇରଇବା ନର୍‌ପିଲା ମୁଇ ଆସି କିଆପିଆ କଲିନି, ଆରି ତମେମନ୍ କଇଲାସିନି, ଦେକା ଅ ! ଏ ଗଟେକ୍ କାଉରାଟା ଆରି ମଦୁଆଟା, ସିସ୍ତୁମାଙ୍ଗୁମନ୍‌ଆରି ପାପିମନ୍‌ର୍ ମଇତର୍ । ୩୫ ମାତର୍ ଜନ୍‌ଲକ୍‌ମନ୍ ପର୍‌ମେସର୍‌ର୍ ଗିଆନ୍ ମାନ୍‌ବାଇ, ସେମନ୍‌ଟାନେ ମାପୁରୁ ସଡ଼ ଇସାବେ ଡିସ୍‌ସି ।”

**ପାରୁସି ସିମନ୍‌ର୍ ଗରେ ଜିସୁ**

୩୬ ଆରି ପାରୁସିମନ୍‌ର୍ ବିଡ଼ରେଅନି ଗଟେକ୍ ଲକ୍ ଜିସୁକେ କାଇବାକେ ଡାକ୍‌ଲା । ତେଇ ଜିସୁ ପାରୁସିର୍ ଗରେ ଜାଇକରି କାଇବାକେ ବସ୍‌ଲା । ୩୭ \*ଆରି ଦେକା, ସେ ନଅରେ ଗଟେକ୍ ପାପି ମାଇଜି ରଇଲା । ଜିସୁ ପାରୁସିର୍ ଗରେ କାଇବାକେ ବସିଆତେ ବଲି ଜାନିକରି, ସେ ଗଟେକ୍ କଣ୍ଡିତେଇ ବାସ୍‌ନା ଚିକନ୍ ଆନ୍‌ଲା । ୩୮ ପର୍‌ବାଟେ ଜିସୁର୍ ପାଦ୍‌ଲଗେ ଚିଆଅଇ ଆଁସୁ ଜରାଇ ଜରାଇ ତାର୍ ଆଁସୁ ପାନି ସଙ୍ଗ୍ ଜିସୁର୍ ପାଦ୍ ବିଜାଇକରି ତାର୍ ଚେଣ୍ଡିସଙ୍ଗ୍ ସେଟା ପୁର୍‌ବାର୍ ଦାରଲା । ଆରି ତାର୍ ପାଦେ ତୁମି ତୁମି କରି ସେ ଚିକନ୍ ଲାଗାଇବାର୍ ଦାରଲା । ୩୯ ସେଟା ଦେକିକରି ଜନ୍ ପାରୁସି ତାକେ ଡାକିରଇଲା, ସେ ମନେ ମନେ ବାବ୍‌ଲା, “ଜଦି ଏ ଲକ୍ ବବିସ୍‌ଡବକ୍‌ତା ଅଇରଇତା ବଇଲେ, ଆକେ ଜେ ଚିଇଲାନି, ସେ କେ ଆରି ସେଟା କେନ୍ତାର୍ ମାଇଜି, ବଲି ଜାନ୍‌ତା । କାଇକେବଇଲେ ସେ ଗଟେକ୍ ପାପି ମାଇଜି ।”

୪୦ ଜିସୁ ତାକେ କଇଲା, “ସିମନ୍ ତକେ ମୁଇ ଅଲପ୍ କଇବାର୍ ଆତେ ।” ସେ କଇଲା, “ଗୁରୁ କୁଆ ତେବେ ।”

୪୧ “ଗଟେକ୍ ସାଉକାରର୍ ରୁନ୍ ନେଇରଇବା ଦୁଇଲକ୍ ରଇଲାଇ, ଗଟେକ୍‌ଲକ୍ ପାଁଡ଼ସ୍ ରୁପାଟାଙ୍ଗା ଆରି ଗଟେକ୍‌ଲକ୍ ପତାସ୍ ରୁପାଟାଙ୍ଗା ରୁନ୍ କିରିରଇଲାଇ । ୪୨ ରୁନ୍ ବାନ୍‌ବାକେ ସେମନ୍‌କେ କାଇଟା ନ ରଇଲାଜେ, ସାଉକାର୍ ଦୁଇଲକ୍‌ର୍ ଜାକ ରୁନ୍ ଚାଡ଼ିଦେଲା । ତେବେ ସେମନ୍‌ର୍ ବିଡ଼ରେ କେ ତାକେ ବେସି ଆଲାଦ୍ କରସି ?”

୪୩ ସିମନ୍ କଇଲା, “ମୁଇ ବାବ୍‌ଲିନି, ସାଉକାର୍ ଜାକେ ଅଦିକ୍ ରୁନ୍ ଚାଡ଼ିଦେଲା, ସେ ।” ଜିସୁ ତାକେ କଇଲା, “ତମେ ଚିକ୍ ବିଚାର୍ କଲାସ୍ ।” ୪୪ ଆରି ଜିସୁ ସେ ମାଇଜିର୍‌ବାଟେ ମୁ ବୁଲାଇକରି ସିମନ୍‌କେ

☆ ୭:୨୯ ୭:୨୯ ମାଡିଉ ୨୧:୩୨; ଲୁକ ୩:୧୨ ☆ ୭:୩୭ ୭:୩୭ ମାଡିଉ ୨୭:୭; ମାର୍କ ୧୪:୩; ଜଅନ୍ ୧୨:୩



କଲଲା, “ଏ ମାଉଜିକେ ଦେକନ୍ତୁସୁନି ? ମୁଇ ତମର ଗରେ ଆଇଲି, ମକେ ଗଡ଼ ଦଇବାକେ ପାନି ଦିଆସୁନାଇ, ମାତର ଏ ତାର ଆସୁପାନି ସଙ୍ଗ ମର ପାଦ ବିଜାଇ ତାର ଚେଣ୍ଡିସଙ୍ଗ ସେଟା ପୁଟିଦେଲା ।<sup>୪୫</sup> ତମେ ମକେ ରୁମାସୁନାଇ, ମାତର ମୁଇ ବିତ୍ତରେ ଆଇଲା ବେଲେଅନି ଏ ମର ପାଦେ ରୁମି ରୁମି, ତାକେନାଇ ।<sup>୪୬</sup> ତମେ ମକେ ସନ୍ମାନର ସଙ୍ଗ ମୁଣ୍ଡେ ଚିକନ୍ ଲାଗାଆସୁନାଇ, ମାତର ଏ ମର ପାଦେ ବାସନା ଚିକନ୍ ଲାଗାଇଲା ।<sup>୪୭</sup> ତେବର୍ପାଇ ମୁଇ ତକେ କଇଲିନି, ଏ ମାଉଜିର କେତେ କେତେ ପାଦ କେମାଅଇଲାଆଚେ, କାଇକେବଇଲେ ସେ ବେସି ଆଲାଦ୍ କଲା, ମାତର ଜାକେ ଅଲପ୍ କେମା ଦିଆଅଇସି, ସେ ଅଲପ୍ ଆଲାଦ୍ କରସି ।”

୪୮ ଆରି ଜିସୁ ସେ ମାଉଜିକେ କଇଲା, “ତର ସବୁ ପାଦ୍ କେମା ଅଇଲା ଆଚେ ।”

୪୯ ତେଇ ଜିସୁରସଙ୍ଗ କାଇବାକେ ବସିରଇବା ଲକ୍ମନ୍ ମନେ ମନେ କଇବାର୍ ଦାରଲାଇ, “ପାଦ୍ ମିସା କେମାକଲାନିଜେ, ଏ କେ ?”

୫୦ ମାତର ଜିସୁ ସେ ମାଉଜିକେ କଇଲା, “ତୁଇ ମକେ ବିସ୍ବାସ୍ କଲାର୍ପାଇ ବଲି ରକିଆ ପାଇଆରୁସ୍, ସାନ୍ତିସଙ୍ଗ ଉଚିଜା ।”

## ୮

### ସିସ୍ମାନର ସଙ୍ଗ ଜିସୁ

୧ ତେଇଅନି ଚନେକ୍ ଗାଲାପଚେ, ଜିସୁ ନଅରେ ନଅରେ ଆରି ଗାଏଁ ଗାଏଁ ପର୍ମେସରର ରାଇଜର ସୁବକବର କଇ ବୁଲବାର୍ ଦାରଲା, ଆରି ବାରଟା ସିସ୍ମାନ ତାର ସଙ୍ଗ ରଇଲାଇ ।<sup>୧</sup> ଜନ୍ ମାଉଜିମନ୍ ତୁମାଦାରଲା ଟାନେଅନି ଆରି ଜର୍ଦ୍ଦୁକା ଟାନେଅନି ନିକ ଅଇରଇଲାଇ, ସେମନ୍ ମିସା ତାର ସଙ୍ଗ ରଇଲାଇ । ମାଉଜିମନ୍ ବିତ୍ତରେ ଅନି ମରିୟମ୍ ଜାକେ କି ମଗଦଲିନି ମରିୟମ୍ ବଲି କଇବାଇ । ଜାରଟାନେଅନି ସାତଟା ତୁମା ବାରଇ ଜାଇରଇଲାଇ ।<sup>୩</sup> ଏରଦ୍ ରାଜାର୍ ଗୁମସ୍ତା କୁଜାର୍ ମାଉଜି ଜିଆନା, ସସନା, ଆରି କେତେକ୍ କେତେକ୍ ମାଉଜିମନ୍, ଜିସୁର ସଙ୍ଗ ରଇ ନିଜର୍ ନିଜର୍ ଦନ୍ ସାରାଇ ତାକେ ସେବା କର୍ତ୍ତେରଇଲାଇ ।

### ବିଅନ୍ ବୁନ୍ବା ଚାସିର କାତା

(ମାଡିଉ ୧୩:୧-୯; ମାର୍କ ୪:୧-୯)

୪ ଜେତେବେଲେ ଲକ୍ମନ୍ ଗଟେକ୍ ଜାଗାଇ ବୁଲୁଅଇଲାଇ, ଆରି ନଅରେ ନଅରେ ଅନି ତାରଲଗେ ଆଇଲାଜେ ଜିସୁ ଏନ୍ତି ଉଦାଅରନ୍ ଦେଇ କଇଲା,<sup>୫</sup> “ଗଟେକ୍ ଚାସି ତାର ବିଅନ୍ ବୁନ୍ବାକେ ବାରଇଲା । ସେ ବୁନ୍ ବୁନ୍ କେତେଟା ବିଅନ୍ ବାଟେ ଅଦରଲା । ଲକ୍ମନ୍ ସେଟା ମାଣ୍ଡୁରୁଣ୍ଡ କରଦେଲା ଆରି ଚତଇମନ୍ ଆସି କାଇଦେଲା ।<sup>୬</sup> କେତେଟା ପାକ୍ନା ବାଡି ରଇଲା ବୁଏଁ ଅଦରଲା, ସେଟା ଆକ୍ରି ଗାଜା ଅଇଲା, ମାତର ମାଟି ନ ବିଜିରଇଲାଜେ ସୁକିଗାଲା ।<sup>୭</sup> କେତେଟା କାଟାବୁଟାମନ୍ ମଜାଇ ଅଦରଲା । କାଟାବୁଟାମନ୍ ଦାପ୍ରେ ବଡିକରି ଆକ୍ରିଲାଟାମନ୍ କେ ଚାପିଦେଲା । ୮ ଆରି ବାକି କେତେଟା ନିକ ଜମିଟାନେ ଅଦରଲା ଆରି ସଏ ଗୁନ୍ ପଲ୍ ପଲ୍ଲା ।” ଏଟା କଇସାରାଇ ଜିସୁ ଆଉଲିଅଇକରି କଇଲା, “ଜାକେ ସୁନ୍ଲାପାରା କାନ୍ ଆଚେ, ସେ ସୁନ୍ ।”

### ଉଦାଅରନର ଅରଡ଼

(ମାଡିଉ ୧୩:୧୦-୧୭; ମାର୍କ ୪:୧୦-୧୭)

୯ ତାର ସିସ୍ମନ୍ ଏ ଉଦାଅରନ୍ ଦେଇରଇବାଟା କାଇଟା ଅଇରଇସି ବଲି ତାକେ ପାଚାର୍ବାର୍ ଦାରଲାଇ ।<sup>୧୦</sup> ତେଇ ଜିସୁ ସେମନ୍ କେ କଇଲା, “ପର୍ମେସରର ରାଇଜର ଚିକିନିକି ବିସଇ ଜାନଡ଼ ବଲି ତମକେ ଗିଆନ୍ ଦିଆଅଇଲାଆଚେ, ମାତର ବିନ୍ଲକ୍ମନ୍ କେ ଉଦାଅରନ୍ ଦେଇ କଇଅଇସି, ଜେନ୍ତାରିକି ସେମନ୍ ଦେକି ଦେକି ନ ଦେକଡ଼ କି ସୁନି ସୁନି ମିସା ନ ବୁଜଡ଼ ।”

### ବିଅନ୍ ବୁନ୍ବାଟାର ଅରଡ଼

(ମାଡିଉ ୧୩:୧୮-୨୩; ମାର୍କ ୪:୧୩-୨୦)

୧୧ “ଉଦାଅରନର କାତା ଏନ୍ତାରି, ବିଅନ୍ ଅଇଲାନି ପର୍ମେସରର ବାକିଅ ।<sup>୧୨</sup> ବାଟଲଗେ ଅଦରଲା ବିଅନ୍, ଏନ୍ତାରି ଲକ୍ମନ୍ ପାରା, ଜେମନ୍ ବାକିଅ ସୁନ୍ବାଇ । ତାରପଚେ ସଇତାନ୍ ଆସି, ଜେନ୍ତିକି ସେମନ୍ ବିସ୍ବାସ୍ କରି ରକିଆ ନ ପାଅଡ଼, ସେ ଲକ୍ମନ୍ ମନ୍ ବିତ୍ତରେଅନି ବାକିଅ ଜିକିନେଇସି ।<sup>୧୩</sup> ପାକ୍ନାବାଡି ବୁଏଁ ଅଦରଲା ବିଅନ୍ ଏନ୍ତାରି ଲକ୍ମନ୍ କେ ବୁଜାଇସି । ସେମନ୍ ବାକିଅ ସୁନି ସାର୍ଦାସଙ୍ଗ୍ ମାନ୍ବାଇ, ମାତର ସେମନ୍ କେ ତେର୍ ନ ରଇଲାର୍ପାଇ ବଲି ଚନେକ୍ ବିସ୍ବାସ୍ କରବାଇ ଆରି କାଇଆଲେ ପରିକା ବେଲାଇ ବିସ୍ବାସ୍ ଚାଡିଦେବାଇ ।<sup>୧୪</sup> ଆରି କାଟାବୁଟାମନ୍ ମଜାଇ ଅଦରଲା ବିଅନ୍ ଏନ୍ତାରି

୧ ୮:୨ ମାଡିଉ ୨୭:୫୫,୫୬; ମାର୍କ ୧୫:୪୦,୪୧; ଲୁକ ୨୩:୪୯

ଲକ୍ଷ୍ମୀଙ୍କୁ କେ ବୁଝାଇଥିଲା । ଜନ୍ମଲକ୍ଷ୍ମୀଙ୍କୁ ବାକିଅ ସୁନ୍ଦରୀ, ମାତର୍ ଜଗତର ଚିନ୍ତା, ଦନ୍ ସଂପତ୍ତିର ଚିନ୍ତା କରି କରି ଚାପିଅଇଜିବାଇ । ତେଇ ନିକ ଦାନ୍ ନ ଅଏ । ୧୫ ଆରି ନିମାନ୍ ବୁର୍ଦ୍ଧ ଅଦରଲା, ବିଅନ୍ ଏନ୍ତାରି ଲକ୍ଷ୍ମୀଙ୍କୁ ବୁଝାଇଥିଲା । ଜନ୍ ଲକ୍ଷ୍ମୀଙ୍କୁ କି ନିମାନ୍ ଆରି ଦରମ୍ ମନେ ବାକିଅ ସୁନିକରି ସେଟା ଡାଟ୍ ସଙ୍ଗ୍ ଦାରି ସଙ୍ଗାଇବାଇ ଆରି ଜାଗିରଇକରି ପଲ୍ପଲ୍ପବାଇ ।”

**ମାନ୍ ତଲେ ବତି  
(ମାର୍ଚ୍ଚକ ୪:୨୧-୨୫)**

୧୬ \* “ବତି ତସାଇ କରି କେ ମିସା ଡାଲାଡାବି ନ ସଙ୍ଗଅଡ୍ । କି କଟ୍ ତଲେ ନ ସଙ୍ଗଅଡ୍ । ମାତର୍ ବତି କୁଦରା ଉପ୍ରେ ସଙ୍ଗାଇବାଇ । ଜେନ୍ତାରିକି ଆଇଲା ଲକ୍ଷ୍ମୀଙ୍କୁ ଉଜଲ୍ ଦେକିପାରଡ୍ ।”

୧୭ \* “କାଇକେବଇଲେ, ଏନ୍ତାରି ଲୁଚିରଇବା ବିସଇ କାଇଟା ନାଇ, ଜନ୍ଟା ଜାନା ନ ପଡେ । ତାବିଅଇରଇବା ବିସଇ କାଇଟା ନାଇ ଜନ୍ଟା ଉଗାଡି ନଏ ।”

୧୮ \* “ସେଟାର ପାଇ, ଜେନ୍ତାରି ସୁନ୍ଦା, ସେ ବିସଇ ନେଇକରି ଜାଗରଡ୍ ରୁଆ । କାଇକେବଇଲେ ଜାକେ ଆଟେ ତାକେ ଅଦିକ୍ ଦିଆଅଇସି । ଆରି ଜାକେ ନାଇ, ସେ ଜେଡ୍ କି ନିଜର୍ଟା ଆଟେ ବଲି ବାବ୍ସି, ସେ ଅଲପ୍ଟା ମିସା ତାର୍ଟାନେଅନି ନିଆଅଇସି ।”

**ଜିସୁର ମାଆ ଆରି ବାଇମନ୍  
(ମାତିଉ ୧୨:୪୭-୫୦; ମାର୍ଚ୍ଚକ ୩:୩୧-୩୫)**

୧୯ ଜିସୁର ମାଆ ଆରି ବାଇମନ୍ ତାର୍ ଲଗେ ଆଇଲାଇ । ମାତର୍ ଲକ୍ଷ୍ମୀଙ୍କୁ ଜବର୍ ରଇଲାଇକେ ତାର୍ ସଙ୍ଗ୍ ମିସିନାପାର୍ଡେ ରଇଲାଇ । ୨୦ ତେଇ ଜିସୁକେ ଏ କବର୍ ଦେଲାଇ, “ତମର୍ ମାଆ ଆରି ବାଇମନ୍ ତକେ ଦେକ୍ବାକେ ମନ୍କରି ବାଇରେ ଚିଆଅଇଲାଇ ଆଟଡ୍ ।”

୨୧ ମାତର୍ ଜିସୁ ଲକ୍ଷ୍ମୀଙ୍କୁ କଇଲା, “ଜନ୍ ଲକ୍ଷ୍ମୀଙ୍କୁ ପର୍ମେସରର୍ ବାକିଅ ସୁନ୍ଦରୀ ଆରି ମାନ୍ଦରୀ ସେମନ୍ ମର୍ ମାଆ ଆରି ବାଇମନ୍ ।”

**ଜିସୁ ବାଉପବନ୍ଦକେ ତେବାଇଲା  
(ମାତିଉ ୮:୨୩-୨୭; ମାର୍ଚ୍ଚକ ୪:୩୫-୪୧)**

୨୨ ଦିନେକ୍ ଜିସୁ ଆରି ତାର୍ ସିସମନ୍ ଗଟେକ୍ ଡଙ୍ଗାଇ ଚର୍ଲାଇ, ଆରି ସେ ସିସମନ୍ଦକେ କଇଲା, “ଆସା, ଗାଡ୍ ସେପାଟେ ଜୁ ।” ତେଇ ସେମନ୍ ଡଙ୍ଗା ମେଲ୍ଲାଇ । ୨୩ ମାତର୍ ଡଙ୍ଗାଗାଟି ଗାଲାବେଲେ ଜିସୁ ସଇଦେଲା । ସେଡ୍ କିବେଲେ ଗାଡେ ଅଟାଡ୍ ବାଉପବନ୍ ଆଇଲା ଆରି ଡଙ୍ଗାଇ ପାନିପୁରି ବର୍ଡି ଅଇବାର୍ ଦାର୍ଲା । ସେମନ୍ ବଡ୍ ବିପଦେ ପଡିଗାଲାଇ । ୨୪ ତେଇ ସିସମନ୍ ଜିସୁରଲଗେ ଆସି ତାକେ ଉଟାଇ କଇଲା “ଏ ଗୁରୁ, ଏ ଗୁରୁ, ଆମେ ମରିଜିବୁବେ !” ତେଇ ଜିସୁ ଉଟିକରି ପବନ୍ ଆରି ବଡ୍ ଲଅଡିକେ ଦମକାଇଲା, ଆରି ସେଟା ସବୁ ଚିମ୍ପରାଇଅଇ ତବିର୍ ଅଇଲା । ୨୫ ସେ ସିସମନ୍ଦକେ କଇଲା, “ତମର୍ ବିସବାସ୍ କେନେ ଅଇଲା ?” ମାତର୍ ସେମନ୍ ଡରିକରି କାବାଅଇ ନିଜେ ନିଜେ କଇବାର୍ ଦାର୍ଲାଇ । “ତେବେ ଏ କେ ଜେ ପବନ୍ ଆରି ପାନିକେ ମିସା ଆଦେସ୍ ଦେଲା ଦାପ୍ରେ, ସେଟା ସବୁ ତାର୍ ଆଦେସ୍ ମାନ୍ଦରୀ ।”

**ଜିସୁ ଗଟେକ୍ ଡୁମା ଦାରିରଇବା ଲକ୍ଷ୍ମୀଙ୍କେ ନିକକଲା  
(ମାତିଉ ୮:୨୮-୩୪; ମାର୍ଚ୍ଚକ ୫:୧-୨୦)**

୨୬ ପଟେ ଜିସୁ ଆରି ତାର୍ ସିସମନ୍ ଗାଲିଲି ମୁଆଟର୍ ସେପାଟେ ଗରାସିୟମନ୍ଦର୍ ଜାଗାଇ କେଟ୍ଲାଇ । ୨୭ ଜିସୁ ଡଙ୍ଗାଅନି ଉତର୍ଲା ଦାପ୍ରେ, ସେ ନଅରର୍ ଗଟେକ୍ ଡୁମାଦାର୍ଲା ଲକ୍ଷ୍ମୀ ତାକେ ବେଟ୍ ଅଇଲା । ସେ ବେସି ଦିନେଅନି କାଇଟା ନ ପିନ୍ଧିକରି ଗରେ ନ ରଇ, ମସ୍ନେ ରଇଡେ ରଇଲା । ୨୮ ସେ ଜିସୁକେ ଦେକି କିରକିରି ତାର୍ ପାଦେ ଅଦ୍ରି, ଆଉଲିଅଇ କଇଲା, “ଏ ବେସି ବପୁର୍ସଙ୍ଗ୍ ରଇବା ପର୍ମେସରର୍ ପଅ ଜିସୁ, ମର୍ ଲଗେ ତମର୍ କାଇ କାମ୍ ଆଟେ ? ମୁଇ ତମ୍ କେ ବାବୁଜିଆ କରି କଇଲିନି, ମକେ କସଟ୍ ନ ଦିଆ ।” ୨୯ କାଇକେ ବଇଲେ ଜିସୁ ଡୁମାକେ ସେ ମୁନ୍ସର୍ ଟାନେଅନି ବାରଇଜାଅ ବଲି ଆଦେସ୍ ଦେଇରଇଲା । ସେ ଡୁମା ସେଲକ୍ କେ ଦାରିଲାଗିରଇଲା, ଆରି ଲକ୍ଷ୍ମୀଙ୍କୁ ତାକେ ସିକିଲି ସଙ୍ଗ୍ ବାନ୍ଦି ଜାଗ୍ଡେ ରଇଲାଇ । ମାତର୍ ସେ ବାନ୍ଦିଲାଟା ସବୁ ଚିଡାଇ ପାକାଇଡେରଇଲା ଆରି ଡୁମା ତାକେ କିନରା ଜାଗାମନ୍ଦକେ ଦାରିଜାଇଡେରଇଲା ।

୩୦ ଜିସୁ ତାକେ ପାଟାର୍ଲା, “ତର୍ ନାଉଁ କାଇ ନାଉଁ ?” ସେ କଇଲା, ବାଇନି, କାଇକେ ବଇଲେ ତାକେ ଗାଦା ଡୁମାମନ୍ ଦାରି ରଇଲାଇ । ୩୧ ଆରି ଜିସୁ ଜେନ୍ତିକି ସେମନ୍ଦକେ ପାତାଲେ ଜିବାକେ ଆଦେସ୍ ନ ଦେଏ, ଏଟାର୍ ପାଇ ସେମନ୍ ତାକେ ବାବୁଜିଆ କର୍ବାର୍ ଦାର୍ଲାଇ ।

\* ୮:୧୬ ୮:୧୭ ମାତିଉ ୫:୧୫; ଲୁକ୍ ୧୧:୩୩ \* ୮:୧୭ ୮:୧୭ ମାତିଉ ୧୦:୨୭; ଲୁକ୍ ୧୨:୨ \* ୮:୧୮ ୮:୧୮ ମାତିଉ ୨୫:୨୯; ଲୁକ୍ ୧୯:୨୭

୩୭ ତେଇ କୁପୁଲି ଲଗେ ଗଟେକ୍ ମାନ୍ଦା ଗୁସ୍ତରି ରାସି ଚାନ୍ତେ ରଇଲାଇ । ଆରି ସେ ଜେନ୍ତାରି ସେମନ୍ତକେ ସେ ଗୁସ୍ତରି ମାନ୍ଦାର ମଜାଇ ପୁରବାକେ ଆଦେସ୍ ଦେଇସି, ଏଟାର ପାଇ ସେମନ୍ତ ଜିସୁକେ ବାରୁଜିଆ କଲାଇ । ୩୩ ଜିସୁ ସେମନ୍ତକେ ଆଦେସ୍ ଦେଲା ଦାପ୍ତରେ ତୁମାମନ୍ତ ସେ ମୁନୁସ୍ତରଟାନେଅନି ବାରଇ ଗୁସ୍ତରି ରାସିର୍ ମଜାଇ ପୁରଲାଇ । ପୁରଲାକେ ଗୁସ୍ତରି ମାନ୍ଦା ଜବର୍ ପାଲାଇକରି ଗଡ଼ଗଡ଼ାବାଟେ ଜାଇ ଗାଡେ ଅଦ୍ରି ମରିଗାଲାଇ ।

୩୪ ଗୁସ୍ତରି ଚାରାଇତେ ରଇଲା ଲକ୍ମନ୍ତ ସେ ଗଟ୍ଟନା ଦେକି ପାଲାଇକରି ନଅରେ ଆରି ଗାଉଁମନ୍ତକେ ଜାଇ ସେ କାତା ଜାନାଇଲାଇ । ୩୫ ତେଇ ଲକ୍ମନ୍ତ ସେ ଗଟ୍ଟନା ଦେକବାକେ ବାରଇ ଆଇଲାଇ ଆରି, ସେମନ୍ତ ଜିସୁର୍ ଲଗେ ଆସି ଜନ୍ ମୁନୁସ୍ତର ଟାନେଅନି ତୁମାମନ୍ତ ବାରଇଲାଇ, ସେ ଲକ୍ ଲୁଗା ପିନ୍ଦି ନିକ ମନର୍ ସଙ୍ଗ୍ ଜିସୁର୍ ପାଦ୍ ତଲେ ବସି ରଇବାଟା ଦେକି ଡରିଗାଲାଇ । ୩୬ ଆରି ଜନ୍ଲକ୍ମନ୍ତ ଏଟା ସବୁ ଦେକି ରଇଲାଇ, ସେମନ୍ତ ସେ ତୁମା ଦାରଲା ଲକ୍ କେନ୍ତାରି ନିକ ଅଇଲା, ସେଟା ବିନ୍ ଲକ୍ମନ୍ତକେ ଜାନାଇଲାଇ । ୩୭ ତେଇ ଗରାସିୟମନ୍ତ ଚାରିବେଡ଼ିର୍ ଜାଗାର ଲକ୍ମନ୍ତ ଜିସୁକେ ତାକଟାନେଅନି ଜିବାକେ ଗୁଆରି କଲାଇ । କାଇକେବଲେ ସେମନ୍ତ ବେସି ଡରିଜାଇ ରଇଲାଇ ଆରି, ଜିସୁ ଗଟେକ୍ ଡଙ୍ଗା ବସି ବାଉଡ଼ି ଆଇଲା । ୩୮ ମାତର୍ ଜନ୍ ଲକ୍ମନ୍ତଟାନେଅନି ତୁମାମନ୍ତ ବାରଇଜାଇ ରଇଲାଇ, ସେ ଜିସୁର୍ ସଙ୍ଗ୍ ରଇବି ବଲି ଗୁଆରି କରବାରଦାରଲା । ୩୯ ମାତର୍ ସେ ତାକେ କଇକରି ପାଟାଇଲା । “ତର୍ ଗରେ ବାଉଡ଼ି ଜା ଆରି ପର୍ମେସର୍ ତର୍ଲାଗି ଜନ୍ ଜନ୍ କାମ୍ କଲାଆଟେ ସେ ସବୁ କଇଦେସ୍ ।” ତେଇ ସେ ଲକ୍ ଇଣ୍ଡିଜାଇ ଜିସୁ ତାର ପାଇ ଜନ୍ ଜନ୍ କାମ୍ କରଇଲା, ଗୁଲାଇ ନଅରେ ଜାନାଇବାର ଦାରଲା ।

**ଜାଇରସର୍ ଟକି ଆରି ବନି ଜିବା ମାଇଜି ନିକ ଅଇଲାଇ**  
(ମାତିଉ ୯:୧୮-୨୬; ମାର୍କ ୫:୨୧-୪୩)

୪୦ ଜିସୁ ଗାଡ଼ ସେପାଟେ ଅନି ଏ ପାଟେ ଆରିତରେକ୍ ବାଉଡ଼ି ଆଇଲା ପଟେ, ଲକ୍ମନ୍ତ ତାକେ ସାର୍ଦା ସଙ୍ଗ୍ ମାନଲାଇ । କାଇକେ ବଲେ ସେମନ୍ତ ତାକେ ଜାଗି ରଇଲାଇ । ୪୧ ଆରି ଏଦେ ଦେକା ! ଜାଇରସ୍ ନାଉର୍ ଗଟେକ୍ ଲକ୍ ଆଇଲା । ସେ ଜିଉଦି ଲକ୍ମନ୍ତର୍ ପାର୍ତନା ଗରର୍ ମୁକିଆ ରଇଲା । ସେ ଜିସୁର୍ ପାଦ୍ ତଲେ ଅଦ୍ରି ତାର ଗରେ ଆଇବାକେ ଗୁଆରି କଲା । ୪୨ କାଇକେ ବଲେ ତାଉଁକେ ଗଟେକ୍ସେ ବାର ବରସର୍ ଟକି ରଇଲା ଆରି ସେ ମଲାପାରା ଅଇଜାଇରଇଲା । ମାତର୍ ଜିସୁ ଜାଇତେ ରଇବାବେଲେ ଲକ୍ମନ୍ତ ତାର ଉପରେ ମାଣ୍ଡାଟୁଣ୍ଡାଅଇଜାଇତେ ରଇଲାଇ ।

୪୩ ସେଡ଼କିବେଲେ ବାର ବରସ୍ ଦାରି ବନି ଜାଇତେ ରଇବା ଗଟେକ୍ ରଗିନି ମାଇଜି ରଇଲା । ନିଜର୍ ସବୁତାରୁ ସାରାଇକରି ମିସା\* କାର୍ ଲଗେ ଜାଇ ନିକ ଅଇ ନାପାରଲା । ୪୪ ସେ ପର୍ବାଟେଅନି ଆସି ଜିସୁର୍ ଲୁଗା ଜାଲି ଚିଇଲା । ଚିଇଲା ଦାପ୍ତରେ ତାର ବନି ଜିବାଟା ତେବ୍ଲା । ୪୫ ତେଇ ଜିସୁ କଇଲା, “କେ ମକେ ଚିଇଲା ?” ମାତର୍ ସବୁ ଲକ୍ ନାଇ ବଲି କଇଲାଇଜେ, ପିତର୍ କଇଲା, “ଏ ଗୁରୁ ଲକ୍ମନ୍ତ ମାଣ୍ଡାଟୁଣ୍ଡାଅଇ ତମର୍ ଉପରେ ଡାବିଅଇଆଇଲାଇନି ।”

୪୬ ମାତର୍ ଜିସୁ କଇଲା, “କେ କି ଗଟେକ୍ ଲକ୍ ମକେ ଚିଇଲା, କାଇକେ ବଲେ ମର୍ ବିଡ଼ରେଅନି ବପୁ ବାରଇଲା ବଲି ମୁଇ ଜାନ୍ଲି ।” ୪୭ ଜେଡେବଲ୍ ମାଇଜି ଦେକଲାଜେ ମୁଇ ଲୁଟିନାପାରି, ସେ ତର୍ତରି ତର୍ତରି ଆସି ଜିସୁର୍ ପାଦେ ଅଦ୍ରି, କାଇଟାର ପାଇ ତାକେ ଚିଇଲା, ଆରି କେନ୍ତାରି ଦାପ୍ତରେ ନିକ ଅଇଲା, ସେଟା ସବୁ ଲକ୍ମନ୍ତ ମୁଆଟେ ଜାନାଇଲା । ୪୮ ତେଇ ଜିସୁ ତାକେ କଇଲା, “ନୁନି ତର୍ ବିସ୍ବାସ୍ ତକେ ନିମାନ୍ କଲାଆଟେ ସାନ୍ତିଅଇ ଉଟିଜା ।”

୪୯ ସେ ଏ କାତା କଇବା ବେଲେ ଜିଉଦିମନ୍ତର୍ ପାର୍ତନା ଗରର୍ ମୁକିଆ ଜାଇରସର୍ ଗରେଅନି ଗଟେକ୍ ଲକ୍ ଆସି କଇଲା, “ତମର୍ ଟକି ମରିଗାଲାବେ, ଗୁରୁକେ ଆରି କସଟ ଦିଆସ୍ ନାଇ ।”

୫୦ ମାତର୍ ଜିସୁ ଏଟା ସୁନି ଜାଇରସ୍କେ କଇଲା, “ତରାନାଇ ଅବକା ବିସ୍ବାସ୍ କରା, ସେ ବର୍ସି ।”

୫୧ ଜିସୁ ଜାଇରସର୍ ଗରେ ଆସି ପିତର୍, ଜଅନ୍ ଆରି ଜାକୁବ୍ ଆରି ଟକିର୍ ବାବା ମାଆ କେ ଚାଡ଼ିକରି କାକେ ମିସା ବିଡ଼ରେ ଡାକିନେଏ ନାଇ । ୫୨ ମାତର୍ ସବୁ ଲକ୍ ଟକିର୍ ଲାଗି କାନ୍ଦି କାନ୍ଦି କରି ବୁକେ ମାରିଅଇତେ ରଇଲାଇ । ତେଇ ଜିସୁ କଇଲା “କାନ୍ଦା ନାଇ, ସେ ମରେ ନାଇ, ମାତର୍ ସଇ ଦେଲାଆଟେ ।”

୫୩ ମାତର୍ ଟକି ମରିଗାଲାଆଟେ ବଲି ଜାନି ରଇଲାଇଜେ ଲକ୍ମନ୍ତ ଜିସୁକେ କିଜାଇବାର ଦାରଲାଇ । ୫୪ ମାତର୍ ଜିସୁ ଟକିର୍ ଆତେ ଦାରି କଇଲା, “ଏ ନୁନି ଉର୍ ।” ୫୫ ତେଇ ଟକିର୍ ଜିବନ୍ ବାଉଡ଼ି ଆଇଲା, ଆରି ସେ ସେଡ଼କି ବେଲେସେ ଉଟ୍ଲା । ଜିସୁ ତାକେ କାଇଟା ଆଲେ କାଇବାକେ ଦିଆସ୍ ବଲି ଆଦେସ୍ ଦେଲା । ୫୬ ତେଇ ଟକିର୍ ବାବା ମା କାବା ଅଇଗାଲାଇ, ମାତର୍ ଜିସୁ ସେ ଗଟ୍ଟନାର କାତା କାକେ ଜାନାଆ ନାଇ ବଲି ଆଦେସ୍ ଦେଲା ।

\* ୮:୪୩ ୮:୪୩ କେତେଟା ପାଣ୍ଡା ଲିପିଗାନେ ଏ ପଦ ଲେକାଅଏନାଇ



**ଜିସୁ ବାର୍ତ୍ତା ସିସ୍ତାମ୍ବକେ ପାଟାଇଲା**  
(ମାତ୍ରିତ୍ ୧୦:୫-୧୫; ମାର୍ଚ୍ଚକ ୬:୭-୧୩)

୧ ପତେ ଜିସୁ ବାର୍ତ୍ତା ସିସ୍ତାମ୍ବକେ ରୁଣ୍ଡାଇକରି, ସେମନ୍ତକେ ସବୁ ତୁମା ଚାଡାଇବାକେ, ରଗ୍ ନିକ କରବାକେ ବପୁ ଆରି ଅଦିକାର ଦେଲା । ୨ ଆରି ସେମନ୍ତକେ ପର୍ଯ୍ୟେସରର୍ ରାଇଜ୍ ଜାନାଇବାକେ ଆରି ରଗ୍ତୁକା ଅଇରଇବା ଲକ୍ମନ୍ତକେ ନିକ କରବାକେ ପାଟାଇଲା । ୩ ସେମନ୍ତକେ କଇଲା, “ତମେ ଜିବାବେଲେ ତାଙ୍ଗ୍ କି ମୁନା କି ରୁଟି, କି ତାରୁ କାଇଟା ମିସା ନିଆନାଇ । ପିନ୍ଦ୍ଲାଟା ଚାଡିକରି ଆରି ଉଟ୍ଟା ନିଆନାଇ । ୪ ଜେଡେବେଲେ ତମ୍ବକେ ଜାର୍ ଗରେ ତାକିନେବାଇ, ସେ ନଅର୍ ଚାଡି ଜିବାଜାକ ତେଇସେ ରୁଆ । ୫ ✠✠ଆରି ଜେଡେଲକ୍ ତମ୍ବକେ ନ ମାନଡ୍, ସେ ନଅରେଅନି ବାରଇ ଆଇବା ବେଲାଇ, ତାକର୍ ବିରୁଦେ ସାକି ଇସାବେ ତମର୍ ପାଦେଅନି ଦୁଲି ପାପ୍ତି ଦିଆସ୍ ।”

୬ ତେଇଅନି ସିସ୍ତାମ୍ ଜାଇକରି ଗାଉଁ ଗାଉଁ ବୁଲି ଗୁଲାଇ ଜାଗାଇ ସୁବ୍ କବର୍ କଇ କଇ ଆରି ଜର୍ତ୍ତୁକାର ଲକ୍ମନ୍ତକେ ନିମାନ୍ କରବାର ଦାରିଲାଇ ।

**ଏରଦ୍ ଚିନ୍ତାରେ ପଡିଗଲା**  
(ମାତ୍ରିତ୍ ୧୪:୧-୧୨; ମାର୍ଚ୍ଚକ ୬:୧୪-୨୯)

୭ ✠ଏଡକିବିଡରେ ଗାଲିଲିର୍ ମୁକିଅ ରାଜା ଏରଦ୍ ଏ ସବୁ ଅଇରଇବା ବିସଇ ଜାନି କାନାବାନା ଅଇଗାଲା । କାଇକେବଇଲେ ତୁବନ୍ ଦେଉ ଜଅନ୍ ମଲାତେଇଅନି ଉଟ୍ଟାଆରେ ବଲି କେ କେ କଇତେରଇଲାଇ । ୮ ଆରି, କେ କେ ଏଲିୟ୍ ଦର୍ସନ୍ ଦେଲାଆରେ ବଲି କଇଲାଇ । ବିନ୍ ଲକ୍ମନ୍ତ ପୁର୍ବକାଲର୍ ବସିସଡବକ୍ତାମନ୍ ବିଡରେଅନି ଗଟେକ୍ଲକ୍ ଉଟି ଆସିଆରେ ବଲି କଇତେ ରଇଲାଇ । ୯ ମାତର୍ ଏରଦ୍ କଇଲା, “ମୁଇ ତା ତୁବନ୍ ଦେଉ ଜଅନ୍ ମୁଣ୍ କାଟାଇଆଟି, ମାତର୍ ଜାର୍ ବିସଇ ଆମେ ଏନ୍ତାର୍ କାତା ସୁନ୍ଲୁନି, ଏ କେ ?” ଆରି ସେ ତାକେ ଦେକ୍ବିବଲି ଚେସ୍ଟା କର୍ତେରଇଲା ।

**ଜିସୁ ପାର୍ ଅଜାର୍ ଲକ୍ମନ୍ତକେ କୁଆଇଲା ବିସଇ**  
(ମାତ୍ରିତ୍ ୧୪:୧୩-୨୧; ମାର୍ଚ୍ଚକ ୬:୩୦-୪୪; ଜଅନ୍ ୬:୧-୧୪)

୧୦ ପତେ ବାର୍ତ୍ତା ସିସ୍ତାମ୍ ବାଉଡି ଆସି ଜାଇ ଜାଇଟା କରଇଲାଇ, ସେ ସବୁ ଜିସୁର୍ ଲଗେ ବାତାଇଦେଲାଇ । ତେଇଅନି ଜିସୁ ଜେଡିକି ଲକ୍ମନ୍ତରଟାନେଅନି ବିନେ ରଇବାକେ ସେମନ୍ତକେ ବେଡସାଇଦା ନାଉଁର୍ ନଅରେ ତାକିନେଲା । ୧୧ ମାତର୍ ଲକ୍ମନ୍ତ ସେଟା ଜାନିକରି ତାକର୍ ପତେ ପତେ ଗାଲାଇ । ଜିସୁ ସେମନ୍ତକେ ମିସା ଆଲାଦକରି ତାକି ପର୍ଯ୍ୟେସରର୍ ରାଇଜର୍ ବିସଇ କଇବାର୍ ଦାରିଲା । ଆରି ଜନ୍ ଲକ୍ମନ୍ତ ନିକ ଅଇବାର୍ ରଇଲା, ସେମନ୍ତକେ ନିକକଲା ।

୧୨ ଏଡକିବିଡରେ ଦିନ୍ ସାରି ରାତିଅଇବାର୍ ଆରାମ୍ ଅଇଲା, ତେଇ ପାଟାଇରଇବା ବାର୍ତ୍ତା ସିସ୍ ଜିସୁରୁଲଗେ ଆସି କଇଲା, “ଲକ୍ମନ୍ତ ଜାଇକରି ତାକର୍ପାଇ ବାସା ଆରି କାଦିର୍ପାଇ ଚାରିବେଡ୍ଡିର୍ ଗାଉଁ ଆରି ଗୁଡାମନ୍ତକେ କଜଡ୍ । ସେଟାପାଇ ତମେ ସେମନ୍ତକେ ମେଲାନି ଦିଆସ୍ । କାଇକେବଇଲେ ଆମେ ଇଡି ମେଲାନ୍ ଜାଗାଇ ଆରୁ ।”

୧୩ ମାତର୍ ଜିସୁ ସେମନ୍ତକେ କଇଲା, “ତମେ ସେମନ୍ତକେ କାଇବାକେ ଦିଆସ୍ ।” ସେମନ୍ତ କଇଲା, “ଆମର୍ଲଗେ ଏକାଇ ପାର୍ଟା ରୁଟି ଆରି ଦୁଇଟା ମାଟ୍ ଚାଡି ଅଦିକ୍ ନାଇ । ସେନ୍ତାଆଲେ ଆମେ ଜାଇକରି ଏ ସବୁଲକ୍ପାଇ କଡିଅନି କାଦି ଗେନ୍ତୁ ?” ୧୪ କାଇକେବଇଲେ ସେମନ୍ତ ଅବ୍କା ମୁନ୍ତୁପିଲାମନ୍ତସେ ପାର୍ ଅଜାର୍ ରଇଲା । ଜିସୁ ସିସ୍ତାମ୍ବକେ କଇଲା, “ଗଟେକ୍ ଗଟେକ୍ ଦାଡି, ପଟାସ୍ ଲକ୍ମନ୍ତେ ଲାକା ବସାଆ ।”

୧୫ ତେଇ ସେମନ୍ତ ସେନ୍ତାରିକରି ଲକ୍ମନ୍ତକେ ବସାଇଲା । ୧୬ ଆରି, ଜିସୁ ପାର୍ଟା ରୁଟି ଆରି ଦୁଇଟା ମାଟ୍ ଦାରି, ସରଗ୍ବାଟେ ମୁ କରି ଦନିଅବାଦ୍ ଦେଲା ଆରି ବାଙ୍ଗାଇକରି ସିସ୍ତାମ୍ବକେ ବାଟାକଲା । ୧୭ ତେଇ ସବୁଲକ୍ ପେଟ୍ ପୁର୍ତେ କାଇଲା ଆରି ସାନ୍ତି ଅଇଲା । ପତେ ସିସ୍ତାମ୍ ତେଇ ଅଗ୍ଲି ରଇବା ବାଙ୍ଗାଇଲାଟାମନ୍ ବାର ତାଲା ଉଦ୍‌ରାଇଲା ।

**ଜିସୁକେ ପିତର୍ ମାନ୍ଲା**  
(ମାତ୍ରିତ୍ ୧୨:୧୩-୧୯; ମାର୍ଚ୍ଚକ ୮:୨୭-୨୯)

୧୮ ତରେକ୍ ଜିସୁ ଗଟେକ୍ ଲକ୍ସେ କିନରା ଜାଗାଇ ବସି ପାର୍ତନା କରବାବେଲେ ସିସ୍ତାମ୍ ତାରୁଲଗେ ଆଇଲା, ଆରି ସେ ସିସ୍ତାମ୍ବକେ ପାଟାରିଲା, “ମୁଇ କେ ବଲି ଲକ୍ମନ୍ତ କଇଲାଇନି ?”

୧୯ ✠ସେମନ୍ତ କଇଲା, “କେ କେ ତୁବନ୍ ଦେଉ ଜଅନ୍, ଆରି କେ କେ ଏଲିୟ୍, ଆରି କେ କେ ପୁର୍ବର୍

✠ ୯:୫ ୯:୫ ପେରିଡ୍ ୧୩:୫୧ ✠ ୯:୫ ୯:୫ ଲୁକ୍ ୧୦:୪-୧୧ ✠ ୯:୭ ୯:୭ ମାତ୍ରିତ୍ ୧୨:୧୪; ମାର୍ଚ୍ଚକ ୮:୨୮; ଲୁକ୍ ୯:୧୯ ✠ ୯:୧୯ ୯:୧୯ ମାତ୍ରିତ୍ ୧୪:୧,୨; ମାର୍ଚ୍ଚକ ୬:୧୪,୧୫; ଲୁକ୍ ୯:୭,୮

ବସିଥିବକ୍ତାମନର ବିତ୍ତରେଅନି ଗଟେକ୍ଲକ୍ ମଲାତେଇଅନି ଜିବନ୍ ଅଇଲାଆତେ ବଲି କଇଲାଅନି ।”

୨୦ \*ସେ ସିସ୍ତମନକେ ପାଟାରୁଲା, “ମାତର ତମେ ମୁଇ କେ ବଲି ବାବ୍ଲାସନି ?” ପିତର କଇଲା “ତମେ ପର୍ମେସର ପାଟାଇଲା କିରିସଟ ।”

ଜିସୁ ତାର ମରନର ବିସଇ ଜାନାଇଲା  
(ମାତିଉ ୧୭:୨୦-୨୮; ମାର୍କ ୮:୩୦,୯;୧)

୨୧ ତେଇ ଜିସୁ ଏଟା କାକେ ନ କଇବାପାଇ ସେମନକେ ଜାଗରତ୍ କରି ତିଆରୁଲା । ୨୨ ସେ ସେମନକେ କଇଲା, “ପର୍ମେସର ପାଟାଇଲା ନରପିଲା ମୁଇ ବେସି ଦୁକ୍ କସଟ ଅଇବାରୁଆତେ । ପାର୍ତିନିମନ୍, ସାସତର ସିକାଉମନ୍ ଆରି ମୁକିଅ ପୁଜାରିମନ୍ ମକେ ନ ନାମତ୍ । ସେମନ୍ ମକେ ମରାଇବାଇ । ଆରି ତିନିଦିନ ପତେ ମୁଇ ଆରିତରେକ୍ ମଲାତେଇଅନି ଜିବନ୍ ଅଇ ଉଟ୍ ବି ।”

୨୩ \*ସେଡକିବେଲେ ଜିସୁ ସବୁଲକ୍ କଇଲା, “ତେବେ କେ ମିସା ମରସଙ୍ଗ୍ ଆଇବାକେ ମନ୍ କରସି, ସେ ନିଜର ମନକଲାଟା ସବୁ ଚାଡିଦେବାରୁ ଆତେ, ଆରି ସବୁଦିନ ତାର ନିଜର କୁରସ ବଇ ମର୍ ସଙ୍ଗ୍ ଆସ । ୨୪ \*କାଇକେବଇଲେ, ଜେ ନିଜର ଜିବନ୍ ବଂଚାଇବାକେ ମନ୍ କରସି, ସେ ସେଟା ଆରାଇସି । ମାତର ଜେ ମର୍ପାଇବଲି ଜିବନ୍ ଆରାଇସି, ସେ ସେଟା ରକିଆ କରସି । ୨୫ ଆରି ଜଦି ଗଟେକ୍ ମୁନୁସ୍ ଗୁଲାଇ ଦୁନିଆ ଜିତିକରି ନିଜେ ବିନାସ୍ ଅଇସି, କି ଆରାଇସି, ତେବେ ତାର କାଇ ଲାବ୍ ? ୨୬ ତେବେ କେ ମିସା ମର୍ପାଇ ଆରି ମର୍ ବାକିଅର୍ ଲାଜ୍ ଅଇସି, ଜେଡକିବେଲେ ପର୍ମେସର ପାଟାଇରଇବା ନରପିଲା ମୁଇ ନିଜର ଆରି ବାବାର, ଆରି ସୁକଲ୍ ଦୁତମନର ମଇମାସଙ୍ଗ୍ ବାଉଡି ଆଇବି, ସେଡକିବେଲେ ତାର ବିସଇ ନେଇ ଲାଜ୍ ଅଇବି । ୨୭ ମାତର ମୁଇ ତମକେ ସତ୍ କଇଲିନି, ପର୍ମେସରର ରାଇଜ୍ ନ ଦେକ୍ବାଜାକ ଇତି ଚିଆଅଇରଇବା ଲକ୍ମନର ବିତ୍ତରେଅନି କେତେଲକ୍, ପର୍ମେସରର ରାଇଜ୍ ଦେକ୍ବାଇ ।”

ଜିସୁ ବିନ୍ ରକାମ୍ ତିସଲା  
(ମାତିଉ ୧୭:୧-୮; ମାର୍କ ୯:୨-୮)

୨୮ ଜିସୁ ଏ ସବୁ କଇ ପାକାପାକି ଆଟ୍ ଦିନ୍ ଗାଲାପତେ, ଜଅନ୍, ପିତର ଆରି ଜାକୁବର୍ ସଙ୍ଗ୍ ପାର୍ତନା କରବାକେ ପର୍ବତ୍ ଉପ୍ରେ ଗାଲା । ୨୯ ଆରି, ସେ ପାର୍ତନା କରବାବେଲେ ତାର ମୁ ବିନ୍ ଅଇଗାଲା ଆରି ସେ ପିନ୍ଲା ଲୁଗା ଦବ୍ ଅଇ ବିଜ୍ଲିପାରା ଜିକ୍ମିକିଗାଲା । ୩୦ ଆରି ଏଦେ ଦେକା ! ସେଦାପ୍ରେ ମସା ଆରି ଏଲିୟ୍ ତାରସଙ୍ଗ୍ କାତାବାରୁତା ଅଇବାରୁ ଦାରୁଲାଇ । ୩୧ ସେମନ୍ ସରଗର୍ ମଇମାସଙ୍ଗ୍ ତିସ୍ତେ ରଇଲାଇ । ସେ କେଡି ଜିରୁସାଲାମେ ଦୁକ୍ କସଟ ପାଇ ମରିକରି ପର୍ମେସରର ଜଜନା ସିଦ୍ କରବାରୁ ଆତେ ବଲି ସେମନ୍ ଜିସୁରସଙ୍ଗ୍ କାତା ଅଇଲାଇ । ୩୨ ସେଡକିବେଲେ ପିତର ଆରି ତାର ସଙ୍ଗ୍ ଲକ୍ମନ୍ ଟାଟିଅଇତେ ସଇଦେଇରଇଲାଇ, ମାତର ସେମନ୍ ଚେତାଅଇ ଜାଗରତ୍ ଅଇବାକେ, ଜିସୁର୍ ମଇମା ଆରି ତାରସଙ୍ଗ୍ ଦୁଇଲକ୍ ଚିଆଅଇରଇବାଟା ଦେକ୍ଲାଇ । ୩୩ ମସା ଆରି ଏଲିୟ୍ ବାରଇ ଜିବା ବେଲେ ପିତର ଜିସୁକେ କଇବାରୁ ଦାରୁଲା, “ଏ ଗୁରୁ, ଆମେ ତା ଏ ଜାଗାଇ ଆରୁ, ଏଟା ନିକ ଜାଗା, ଇତି ତିନିଟା କୁଡିଆ ତିଆର୍ କରୁ । ତମର୍ପାଇ ଗଟେକ୍, ମସାରପାଇ ଗଟେକ୍ ଆରି ଏଲିୟ୍ପାଇ ଗଟେକ୍ ।” ମାତର ସେ କାଇଟା କଇଲାନି, ସେଟା ସେ ଜାନିନାପାରୁଲା ।

୩୪ ସେ ଏଡି କଇବାବେଲେ ବାଦଲ୍ ଆସି ସେମନକେ ଡାବିଅଇଦେଲା । ବାଦଲ୍ ଡାବିଦେଲାକେ ସେମନ୍ ଡରିଗାଲାଇ । ୩୫ \*ଆରି, ବାଦଲେଅନି ଏଡି ବାକିଅ ଆଇଲା, “ଏଟାସେ ମର୍ ପିଲା, ଆକେ ମୁଇ ବାଟିଆଟି, ସେ କଇବାଟା ସୁନା ।”

୩୬ ସେ ସବଦ୍ ଅଇଲାପତେ ଜିସୁ ଗଟେକ୍ଲକ୍ ସେ ତିସଲା । ଆରି, ସେମନ୍ ଚିମ୍ପରା ଅଇରଇଲାଇ, ତେଇ ଜାଇଜାଇଟା ଦେକିରଇଲାଇ, ସେବେଲେ ସେ କାତା କାକେ ନ କଇ, ମନେ ଦାରିରଇଲାଇ ।

ଜିସୁ ତୁମା ତସଲା ପିଲାକେ ନିକ କଲା  
(ମାତିଉ ୧୭:୧୪-୨୭; ମାର୍କ ୯:୧୪-୧୭)

୩୭ ଆରକର୍ ଦିନେ ଜିସୁ ଆରି ତିନିଟା ସିସ୍ତମନ୍ ତଙ୍ଗ୍ରେଅନି ଉଡ୍ରି ଆଇଲାଇ । ଆରି ସେ ଜାଗାଇ ବେସି ଲକ୍ମନ୍ ତାକର୍ସଙ୍ଗ୍ ବେଟ୍ ଅଇଲାଇ । ୩୮ ଆରି ଦେକା ଲକ୍ମନର ବିତ୍ତରେଅନି ଗଟେକ୍ ଲକ୍ ଆଉଲିଅଇ କଇଲା, “ଏ ଗୁରୁ ମୁଇ ତମକେ ବାବୁଜିଆ କଲିନି, ମର୍ ପିଲାକେ ଅଲପ୍ ଦେକି ଦୟାକରା, କାଇକେବଇଲେ ସେ ମର୍ ଗଟେକ୍ ବଲି ପଅ । ୩୯ ଦେକା, ତାକେ ଗଟେକ୍ ତୁମା ଦାରସି, ଆରି ସେ ଅଟାଡ୍ କିରକିରି ଉଟ୍ ସି, ତାକେ ସେ ଏଡି ମଡିପାକାଇସିଜେ, ତାର ମୁଏଅନି ପେପୁଲ୍ ବାରଇଜାଇସି, ଆରି ସେ

\* ୯:୨୦ ୯:୨୦ ଜଅନ୍ ୭:୨୮,୨୯ \* ୯:୨୩ ୯:୨୩ ମାତିଉ ୧୦:୩୮; ଲୁକ୍ ୧୪:୨୭ \* ୯:୨୪ ୯:୨୪ ମାତିଉ ୧୦:୩୯; ଲୁକ୍ ୧୭:୩୩; ଜଅନ୍ ୧୨:୨୫ \* ୯:୩୫ ୯:୩୫ ମାତିଉ ୩:୧୭;୧୨:୧୮; ମାର୍କ ୧:୧୧; ଲୁକ୍ ୩:୨୨ \* ୯:୩୫ ୯:୩୫ ୨ ଯ ପିତର ୧:୧୭,୧୮

ତାଙ୍କେ କହିଥାବଣ୍ଡିଆ କରି ତାର୍ତ୍ତାନେଅନି କସ୍ତେ ବାରଇଜାଇସି । ୪୦ ତାଙ୍କେ ତୁମା ଚାଡ଼ାଇବାକେ ବଲି ମୁଇ ତମର୍ ସିସ୍ତମନ୍ ଲଗେ ଆନି ଗୁଆରି କରିରଇଲି, ମାତର୍ ସେମନ୍ ନାପାରଲାଇ ।”

୪୧ ଜିସୁ କଇଲା, “ଏରେ କରାପୁବାଟେ ଜାଇ ବିସ୍ତବାସ୍ ନ କଲା ଲକ୍ମନ୍, କେତେ କାଲ୍ ଆରି ମୁଇ ତମର୍ସଙ୍ଗ୍ ମୁରଟି ରଇବି, ପିଲାକେ ଇତି ଦାରିଆସା ।”

୪୨ ପିଲା ଆଇବାବେଲେ କାର୍ ଆଡ଼ମା ତାଙ୍କେ ବୁଏଁ ଆପୁଟିଦେଇ ମଡ଼ିପାକାଇଲା, ସେ ଆଡ଼ମାକେ ଜିସୁ ଦମକାଇଲା ଆରି ପିଲାକେ ନିକକରି ତାର୍ ବାବାକେ ସରପିଦେଲା । ୪୩ ତେଇ କେବେ ଦେକି ନ ରଇବା ପର୍ମେସରର୍ ବପୁ ଦେକି ସବୁଲକ୍ କାବା ଅଇଗାଲାଇ ।

**ଜିସୁ ତାର୍ ମରନର୍ ବିସଏ ଜାନାଇଲା**  
(ମାଡ଼ିଉ ୧୭:୨୨-୨୩; ମାର୍କ ୯:୩୦-୩୨)

୪୪ ତାର୍ କରିରଇବା ସବୁ କାମରଲାଗି ସବୁଲକ୍ ଚକିଡ଼ ଅଇବାବେଲେ ସେ ସିସ୍ତମନ୍ କଇଲା, “ଏବେ ମୁଇ କାତା ନିମାନକରି କଇଦେଲିନି, ସୁନା । କାଇକେବଇଲେ ପର୍ମେସର୍ ପାଟାଇରଇବା ନରପିଲା ମୁଇ ବିସ୍ତବାସେ ବିସ୍ତଦେଲାପାରା ଲକ୍ମନ୍ କେ ସରପି ଅଇବାର୍ ଗାଲିନି ।” ୪୫ ମାତର୍ ସିସ୍ତମନ୍ ସେ କାତା ବୁଜିନାପାରଲାଇ, ଆରି ସେଟା ତାକର୍ତ୍ତାନେଅନି ଲୁଚିରଇଲା । ତେବର୍ପାଇ ସେମନ୍ ଏଟା ବୁଜିନାପାରଲେ ମିସା ଜିସୁକେ ପାଟାରବାକେ ଡର୍ତେତରଇଲାଇ ।

**ସରଗ୍ ରାଇଜେ କେ ବଡ଼**  
(ମାଡ଼ିଉ ୧୮:୧-୫; ମାର୍କ ୯:୩୩-୩୭)

୪୬ \*ତରେକ୍ ସିସ୍ତମନ୍ ବିଡ଼ରେ କେ ମୁକିଆ, ସେ ବିସଇ ନେଇ ଦଦାପେଲା ଅଇଲାଇ । ୪୭ ମାତର୍ ଜିସୁ ତାକର୍ ମନ୍ବିଡ଼ରର୍ କାତା ଜାନିକରି, ଗଟେକ୍ ସାନ୍ ପିଲାକେ ଦାରଲା ଆରି ତାକର୍ ମୁଆଟେ ଟିଆକରି ସେମନ୍ କଇଲା, ୪୮ \*କେ ମିସା ମର୍ ନାଉଁଦାରି ଏ ପିଲାକେ ନାମସି, ସେ ମକେ ନାମସି । ଜେ ମକେ ନାମସି, ସେ ମର୍ ପାଟାଇରଇବା ବାବାକେ ନାମସି । ସେଟାରପାଇ ତମର୍ ବିଡ଼ରେ ଜେ ସବୁର୍ ଟାନେଅନି ସାନ୍, ସେ ପର୍ମେସର୍ ତେଇ ମୁକିଆ ।”

**ଜନ୍ ଲକ୍ ତମର୍ ବିରଦ୍ ନଏଁ, ସେ ତମର୍ ବାଟେ**  
(ମାର୍କ ୯:୩୮-୪୦)

୪୯ ତେଇ ଜଅନ୍ କଇଲା, “ଏ ଗୁରୁ, ଆମେ ଗଟେକ୍ ଲକ୍, ତମର୍ ନାଉଁ ଦାରି ତୁମା ଚାଡ଼ାଇବାଟା ଦେକ୍ଲୁ ଆରି ତାଙ୍କେ ନ କର୍ ବଲି ତେବାଇଲୁ କାଇକେବଇଲେ ସେ ଆମର୍ ଦଲର୍ ଲକ୍ ନଏଁ ।” ୫୦ ମାତର୍ ଜିସୁ ସେମନ୍ କଇଲା, “ତେବାଆ ନାଇ, ଜନ୍ ଲକ୍ ତମର୍ ବିରଦେ ନାଇ, ସେମନ୍ ତମର୍ ବାଟେ ।”

**ଗଟେକ୍ ସମିରଣିୟ୍ ଗାଉଁ ଜିସୁକେ ନାମଡ଼ ନାଇ**

୫୧ ପଟେ ଜେତେବେଲେ ଜିସୁର୍ ସର୍ଗେ ଜିବାର୍ ବେଲା କେଟିଆଇତେରଇଲା, ସେତେବେଲେ ସେ ଜିରୁସାଲାମ୍ ଜିବାକେ ମନ୍ କଲା । ୫୨ ସେ ଜିବା ଆଗତୁ କେତେଟା ଲକ୍ମନ୍ କେ ପାଟାଇଲା । ସେମନ୍ ଜାଇକରି ଜିସୁର୍ପାଇ ସବୁ କର୍ବାକେ ସମିରଣିୟ୍ମନର୍ ଗଟେକ୍ ଗାଏଁ କେଟ୍ଲାଇ । ୫୩ ମାତର୍ ଜିସୁ ଜିରୁସାଲାମ୍ ଜିବାକେ ମନ୍ କଲାଆଟେ ବଲି ଜାନିକରି, ତାଙ୍କେ ତାକି ବସାଅଡ଼ନାଇ । ୫୪ ଏଟାଦେକି ଜାକୁବ୍ ଆରି ଜଅନ୍ କଇଲା, “ମାପୁରୁ ଏଲିୟ୍ ମିସା ଜେନ୍ତି କରିରଇଲା, \*ସେନ୍ତାରସେ ଆମେ ବାଦ୍ଲେଅନି ଜଇ ଅଦରାଇ ସେମନ୍ କେ ନାସ୍ କର୍ବାକେ ତମେ ମନ୍ କଲାସ୍ତନି କି ?”

୫୫ ମାତର୍ ଜିସୁ ବୁଲିକରି ସେମନ୍ କେ ଦମକାଇକରି କଇଲା, “ତମେମନ୍ କେନ୍ତାରି ଆଡ଼ମାର୍ ଲକ୍, ଏଟା ନାଜାନାସ୍ । ମାପୁରୁ ପାଟାଇରଇବା ନରପିଲା ମୁଇ ମୁନୁସ୍ତମନ୍ ଜିବନ୍ ନାସ୍ କର୍ବାକେ ନ ଆସି, ରକିଆ କର୍ବାକେ ଆସିଆଟେ ।” ୫୬ ତାର୍ପଟେ ସେମନ୍ ଆରିଗଟେକ୍ ଗାଏଁ ଉଟିଗାଲାଇ ।

**ଜିସୁର୍ ସିସ୍ ଅଇବାକେ ମନ୍ କର୍ବା ଲକ୍ମନ୍**  
(ମାଡ଼ିଉ ୮:୧୯-୨୨)

୫୭ ସେମନ୍ ଜିବାବେଲେ ବାଟେ ଗଟେକ୍ ଲକ୍ ଜିସୁକେ କଇଲା, “ତମେ ଜନ୍ ଜାଗାଇ ଜାଇସା, ମୁଇ ତମର୍ସଙ୍ଗ୍ ଆଇବି ।”

୫୮ ଜିସୁ ତାଙ୍କେ କଇଲା, “କକପାନ୍ଦିର୍ ପାଆର୍ ଆଟେ, ଚଡ଼ଇମନ୍ କେ ଗୁଡା ଆଟେ, ମାତର୍ ମାପୁରୁ ପାଟାଇରଇବା ନରପିଲା ମକେ ବସ୍ତାକେ ନିଜର୍ ଗର୍ ନାଇ ।”

୫୯ ତାର୍ପଟେ ଜିସୁ ଆରିଗଟେକ୍ ଲକ୍ କେ କଇଲା, “ମର୍ସଙ୍ଗ୍ ଆଉ ।” ମାତର୍ ସେ କଇଲା, “ପର୍ତୁମ୍ ଜାଇ ମର୍ ବାବାକେ ଦନ୍ କରିଆଇବାଜାକ ମକେ ଆଦେସ୍ ଦିଆ ।” ୬୦ ମାତର୍ ଜିସୁ ତାଙ୍କେ କଇଲା,

\* ୯:୪୬ ୯:୪୭ ଲୁକ୍ ୨୨:୨୪    \* ୯:୪୮ ୯:୪୮ ମାଡ଼ିଉ ୧୦:୪୦; ଲୁକ୍ ୧୦:୧୭; ଜଅନ୍ ୧୩:୨୦    \* ୯:୫୪ ୯:୫୪ କେତେଟା ପାଣ୍ଡୁ ଲିପିଟାନେ ଏନ୍ତାରି ଲେକା ଅଏ ନାଇ

“ମଲାଲକ୍ମନ୍ ମଲାଲକ୍ମନ୍‌କେ ଦନ୍ କର୍ବାକେ ଚାଡ଼ିଦିଆସ୍, ମାତର୍ ତମେ ଜାଇ ପର୍ମେସରର୍ ରାଇଜ୍ ଜାନାଆ ।” ୨୧ ଆରିଗଟେକ୍ ଲକ୍ କଇଲା, “ମାପୁରୁ ମୁଇ ତମର୍ସଙ୍ଗ୍ ଆଇବି, ମାତର୍ ଗରର୍ ଲକ୍ମନ୍‌କେ ଗାଲିନି ବଲି କଇକରି ଆଇବାକେ ଆଦେସ୍ ଦିଆ ।”

୨୨ ମାତର୍ ଜିସୁ ତାକେ କଇଲା, “ଜେ କସ୍‌ବାବେଲେ ନଙ୍ଗ୍‌ଦାରି ପଟେ ଦେକିଲାଗିରଇସି, ସେ ପର୍ମେସରର୍ ରାଇଜର୍ ସେବା କର୍ବାକେ ଅଦିକାର୍ ନ ପାଏ ।”

### ୧୦

#### ଜିସୁ ସତୁରି ଦୁଇଟା ସିସ୍‌ମନ୍‌କେ ପାଟାଇଲା

୧ ତାରପଟେ ମାପୁରୁ ଆରି ସତୁରିଦୁଇ ଲକ୍‌କେ ମିସାଇଲା ଆରି ସେ ଜନ୍ ଜନ୍ ଜାଗାଇ ଆରି ଜନ୍ ଜନ୍ ନଅରେ ଜିବାକେ ମନ୍ କରିରଇଲା, ସେ ଜାଗାମନ୍‌କେ ଦୁଇ ଦୁଇ ଲକ୍‌କରି, ସେ ଜିବା ଆଗତୁ ପାଟାଇଲା । ୨ \*ଆରି ଜିସୁ ସେମନ୍‌କେ କଇଲା, ଜମିତେଇ ପସଲ୍ ସିନା ଅଦିକ୍, ମାତର୍ କାମ୍‌କରୁମନ୍ ଉନା । ତେବର୍‌ପାଇ ତାର୍ ଚାସ୍‌କେତେ, ଅଦିକ୍ ଲକ୍‌ମନ୍‌କେ ପାଟାଇ ଦେବାକେ ଜମି ସାଉକାର୍‌ଟାନେ ଜାନାଆ । ୩ \*ତମେ ଜାଆ । ଦେକା, ବାଲିଆଡୁରକାମନର୍ ବିତ୍‌ରେ ମେଣ୍ଟାମନ୍‌କେ ପାଟାଇଲା ପାରା ମୁଇ ତମ୍‌କେ ପାଟାଇଲିନି । ୪ ତାଲା, ମୁନା କି ପାଣ୍ଟୁଇ ମିସା ନିଆନାଇ, ଆରି ବାଟେ କାକେ ଜୁଆର୍ କରାନାଇ । ୫ ଜାର୍ ଗରେ ତମେ କେଟ୍‌ଲେ, ପର୍‌ତୁମ୍ କରା, ଏ ଗରେ ସାନ୍ତି ମିଲ । ୬ ଜଦି ସେ ଜାଗାଇ ଗଟେକ୍ ସାନ୍ତିର୍ ଲକ୍ ରଇସି, ସେନ୍ତାଆଲେ ତମର୍ ଆସିର୍‌ବାଦ୍ ତାକେ ମିଲ୍‌ସି । ୭ \* ତାକର୍‌ଲଗେ ଜନ୍‌ଟା ରଇସି, ସେଟା କାଇକରି, ସେ ଗରେ ରୁଆ । କାଇକେବଇଲେ, ପାଇଟିକରୁ ନିଜର୍ ବୁଡି ପାଇବାଇଆକା । ଗର୍ ଗର୍‌କେ ଜାଆନାଇ । ୮ ଜନ୍ ନଅରେ ତମେ କେଟ୍‌ଲେ, ଆରି ଲକ୍‌ମନ୍ ତମ୍‌କେ ଡାକିନେଲେ, ତେଇ ତମ୍‌କେ ଜନ୍‌ଟା କାଇବାକେ ଦେଲେ ସେଟା କାଆ । ୯ ସେ ଜାଗାଇ ଜର୍ ଦୁକା ଅଇରଇଲା ଲକ୍‌ମନ୍‌କେ ନିକ କରା, ଆରି ସେମନ୍‌କେ କୁଆ ପର୍ମେସରର୍ ରାଇଜ୍ ତମର୍‌ଲଗେ ସେ । ୧୦ \*ମାତର୍ ଜନ୍ ନଅରେ ତମେ କେଟ୍‌ସା, ତେଇର୍ ଲକ୍ ତମ୍‌କେ ନ ଡାକିନେଲେ, ସେ ଡାଣ୍ଡେଅନି, ସେ ସାଇ ଅନି ବାରଇ କୁଆ, ୧୧ \*ତମର୍ ନଅରର୍ ଜନ୍ ଦୁଲି ଆମର୍ ପାଦେ ଲାଗିଆଟେ, ସେଟାମିସା ତମର୍‌ପାଇ ପାପୁଡିଦେଲୁନି, ଅଇଲେମିସା ପର୍ମେସରର୍ ରାଇଜ୍ ଲଗେସେ, ଏଟା ତମେ ଜାନିରୁଆ । ୧୨ \*ମୁଇ ତମ୍‌କେ ସତ୍ କଇଲିନି, ବିଚାର୍ ଅଇବାଦିନେ ସେ ନଅରର୍ ଦସା, ଡଣ୍ଡୁରଲାଗି ସଦମର୍ ଦସାତେଇଅନି ଅଦିକ୍ ରଇସି ।

#### ବିସ୍‌ବାସ୍ ନ କର୍ବା ନଅର୍ ମନ୍‌କେ ଜିସୁର୍ ଚେଡ୍‌ନା (ମାତିଉ ୧୧:୨୦-୨୪)

୧୩ ଅଇରେ ଡଣ୍ଡୁପାଇବାକେ ଜାଗିରଇବା କରାଜିନ୍ ! ଅଇରେ ଡଣ୍ଡୁପାଇବାକେ ଜାଗିରଇବା ବେଡ୍‌ସାଇଦା ! ତମର୍‌ଟାନେ ବପୁର୍‌ସଙ୍ଗ୍ ଜନ୍ ଜନ୍ ନ ଅଇବା କାମ୍‌ମନ୍ ଅଇଲାଆଟେ, ସେ ସବୁ ସର ଆରି ସିଦନେ ଅଇରଇତା ବଇଲେ, ସେମନ୍ କେତେକାଲ୍ ପୁର୍‌ବେ ବାସ୍‌ତା ପିନ୍, ଚାରେ ବସି, ମାପୁରୁଟାନେ ମନ୍ ବାଉଡାଉତାଇ । ୧୪ ଅଇଲେମିସା ବିଚାର୍‌ଦିନେ ତମର୍ ଦସା ସର ଆରି ସିଦନର୍ ଦସାଟାନେଅନି ଅଦିକ୍ ଅଇସି । ୧୫ ଆରି ଏ କପର୍‌ନାଉମ୍, ସରଗ୍ ଜେଡ୍‌କି ଉର୍, ତୁଇ କାଇ ସେଡ୍‌କିଜାକ ଉର୍ ଅଇସୁ କି ? ପାତାଲ୍ ଜେଡ୍‌କି ତଲେ ଆଟେ, ସେଡ୍‌କି ତଲେ ତକେ ଆନାଅଇସି ।

୧୬ \*ଜେଡେବେଲେ ଜନ୍ ଲକ୍‌ମନ୍ ତମର୍ କାତା ସୁନ୍‌ବାଇ, ସେମନ୍ ମର୍ କାତା ସୁନ୍‌ବାଇ । ଜନ୍ ଲକ୍‌ମନ୍ ତମ୍‌କେ ନ ମାନଡ୍, ସେମନ୍ ମକେ ନ ମାନଡ୍, ଆରି ଜନ୍ ଲକ୍‌ମନ୍ ମକେ ନ ମାନଡ୍, ସେମନ୍ ମକେ ପାଟାଇରଇବା ପର୍ମେସର୍‌କେ ମିସା ନ ମାନଡ୍ ।

୧୭ ତାରପଟେ ସେ ସତୁରି ଲକ୍ ବାଉଡି ଆଇଲାଆ ଆରି ସାର୍‌ଦାଅଇକରି କଇଲା, “ମାପୁରୁ, ତମର୍ ନାଉଁ ଦାରି ଆଦେସ୍ ଦେଲେ ତୁମାମନ୍‌ମିସା ଆମର୍ କାତା ମାନଲାଇନି ।” ୧୮ ମାତର୍ ଜିସୁ ସେମନ୍‌କେ କଇଲା, “ସଇତାନ୍ ବାଦ୍‌ଲେଅନି ବିଜ୍‌ଲି ପାରା ଅଇ ଅଦର୍‌ବାଟା ମୁଇ ଦେକ୍‌ଲି । ୧୯ ଦେକା, ମୁଇ ତମ୍‌କେ ସାଁପ୍ ଆରି ବିସ୍‌କାକ୍‌ତା ଉପ୍‌ରେ ଇଣ୍ଡୁବାକେ ବପୁ ଦେଲିଆଟି, ଆରି ସତ୍‌ରୁର୍ ଉପ୍‌ରେ ରଇବା ବପୁ ମିସା ଦେଲିଆଟି । ତମ୍‌କେ କେ ମିସା କାଇଟା କରନାପାର୍‌ଡ୍ । ୨୦ ଏଲେମିସା ଆଡ୍‌ମାମନ୍ ଆମର୍ କାତା ମାନଲାଇନି ବଲି ସାର୍‌ଦା ଉଆନାଇ । ତମର୍ ନାଉଁମନ୍ ସର୍‌ଗେ ଲେକାଅଇଆଟେ ବଲି ସାର୍‌ଦାଉଆ ।”

#### ଜିସୁ ପର୍ମେସର୍‌କେ ପାର୍‌ତନା କଲା

\* ୧୦:୨ ୧୦:୨ ମାତିଉ ୯:୩୭,୩୮    \* ୧୦:୩ ୧୦:୩ ମାତିଉ ୧୦:୧୭    \* ୧୦:୭ ୧୦:୭ ୧ମ କରନ୍ତିୟ ୯:୧୪; ୧ମ ତିମତି ୫:୧୮  
\* ୧୦:୧୦ ୧୦:୧୦ ପେରିଡ୍ ୧୩:୫୧    \* ୧୦:୧୧ ୧୦:୧୧ ମାତିଉ ୧୦:୭-୧୪; ମାର୍କ ୬:୮-୧୧; ଲୁକ୍ ୯:୩-୫    \* ୧୦:୧୨ ୧୦:୧୨ ମାତିଉ ୧୧:୨୪; ମାତିଉ ୧୦:୧୫    \* ୧୦:୧୬ ୧୦:୧୬ ମାତିଉ ୧୦:୪୦; ମାର୍କ ୯:୩୭; ଲୁକ୍ ୯:୪୮; ଜଅନ୍ ୧୩:୨୦

୨୧ ଜିସୁ ସେ ତାଣ୍ଡେ ସୁକଲ୍‌ଆଡ଼ମାଲ ପୁରୁନ୍‌ଅଇ କଇଲା, “ଏ ବାବା ! ସରଗ୍ ଆରି ମତ୍‌ପୁରର୍ ମାପୁରୁ ! ତୁଇ ଗିଆନି ଆରି ବୁଦିରଇବା ଲକ୍‌ମନରଟାନେଅନି ଏ କାତା ଲୁଚାଇରଇଲେ ମିସା, ସାନ୍ ପିଲାମନର୍ ପାରା ଲକ୍‌ରଟାନେ ଜାନାଇଲାସ୍ । ଏଟାରପାଇ ତମକେ ସୁମର୍ନା କଲିନି । ଡି ବାବା, କାଇକେବଇଲେ ତମେ ଏନ୍ତାଟା ଦେକ୍‌ବାକେ ମନ୍‌କରତେ ରଇଲାସ୍ । ୨୨ ☆ମର୍ ବାବାର ସବୁ ବିସଇ ମକେ ସର୍ପି ଅଇଲାଆଟେ, ଆରି ପଅ କେ, ଏଟା ବାବାକେ ଚାଡି ଆରି କେ ନାଜାନଡ୍, ଆରି ବାବା କେ, ଏଟା ପଅକେ ଚାଡି କେ ନାଜାନଡ୍ । ପଅ ଜାରଲଗେ ମର୍ ବାବାକେ ଜାନାଇବି ବଲି ମନ୍‌କରିରଇସି, ସେସେ ଜାନିରଇସି ।” ୨୩ ଜିସୁ ସିସ୍‌ମନରବାଟେ ମୁ ବୁଲାଇ ସେମନ୍‌କେ କଇଲା, “ତମେ ଜନ୍ ଜନ୍‌ଟା ଦେକ୍‌ଲାସ୍‌ନି, ସେ ସବୁ ଜେ ଦେକ୍‌ସି, ସେଟା ନିକ । ୨୪ କାଇକେବଇଲେ ମୁଇ ତମକେ କଇଲିନି, ତମେ ଜନ୍ ଜନ୍‌ଟା ଦେକ୍‌ଲାସ୍‌ନି, ସେ ସବୁଜାକ ଦେକ୍‌ବାକେ କେତେ କେତେ ରାଜାମନ୍ ଆରି ମାପୁରୁ କବର୍ ଜାନାଇମନ୍ ମନ୍‌କଲାଇ, ମାତର୍ ଦେକିନାପାରଲାଇ । ଆରି ତମେ ଜନ୍ ଜନ୍‌ଟା ସୁନ୍‌ଲାସ୍‌ନି, ସେ ସବୁ ସୁନ୍‌ବାକେ ସେମନ୍ ମନ୍‌କଲାଇ, ମାତର୍ ସୁନିନାପାରଲାଇ ।”

**ସମିରଣିୟ ଗତର୍ ନିକ ଲକ୍**

୨୫ ☆ତାରପଟେ ଗଟେକ୍ ଦରମ୍ ସାସ୍‌ତର୍ ସିକାଉ ତାକେ ପରିକାକରି ପାଚାରଲା, “ଏ ଗୁରୁ କେବେ ନ ସାରବା ଜିବନ୍ ମିଲାଇବାକେ ଆଲେ ମୁଇ କାଇଟା କର୍‌ବାର ଆଟେ ?”

୨୬ ଜିସୁ ତାକେ କଇଲା, “ନିୟମ୍ ସାସ୍‌ତରେ କାଇଟା ଲେକାଆଟେ ? ତୁଇ କେନ୍ତାରି ପଡ଼ୁଲୁସ୍‌ନି ?”

୨୭ ସେ କଇଲା, “ତମେ ନିଜର୍ ସବୁ ଗାଗଡ୍, ମନ୍, ଆଡ଼ମା ଆରି ବପୁ ଦେଇ ପର୍‌ମେସର୍‌କେ ଆଲାଦ୍ କରା । ଆରି ପଡିସାର ଲକ୍‌ମନ୍‌କେ ନିଜର୍ ସମାନ୍ ଆଲାଦ୍ କରା ।”

୨୮ ତାରପଟେ ଜିସୁ ତାକେ କଇଲା, “ତମେ ଟିକ୍ କଇଲାସ୍ । ଏନ୍ତା କର୍, ତେବେ ଜିବନ୍ ମିଲାଇସୁ ।”

୨୯ ମାତର୍ ସେ ନିଜେ ଦରମ୍‌ଲକ୍ ବଲି ଦେକାଇବାକେ ମନ୍‌କରି ଜିସୁକେ ପାଚାରଲା, “ତେବେ କେ ମର୍ ପଡିସାର ଲକ୍ ?”

୩୦ ଜିସୁ ତାକେ କଇଲା, ଗଟେକ୍ ଲକ୍ ଜିରୁସାଲମେଅନି ଜିରିଅ ଜିବାବେଲେ ଚର୍‌ମନର୍ ମୁଆଟେ ପଡ଼ଲା । ଚର୍‌ମନ୍ ତାର ଲୁଗାପଟିଆ ଚାତାଇ, ତାକେ ମାରଲାଇ ଆରି ମରିଗାଲାପାରା ଅଇଲାକେ ଚାଡି ଉଟିଗାଲାଇ । ୩୧ ସେଟା ଅଇସାରି କେତେପର୍ ଜିବାକେ ଗଟେକ୍ ପୁଜାରି ସେ ବାଟେ ଜାଇତେରଇଲା ଆରି ତାକେ ଦେକି, ବାଟ୍ ପିଟାଇଅଇ ଉଟିଗାଲା । ୩୨ ସେନ୍ତାରିସେ ଗଟେକ୍ ଲେବିୟ ଲକ୍ ମିସା ସେ ଜାଗାଇ ଆସି ତାକେ ଦେକି ବାଟ୍ ପିଟାଇଅଇ ଉଟିଗାଲା । ୩୩ ମାତର୍ ସମିରଣିୟର୍ ଗଟେକ୍ ଲକ୍ ତାରଲଗେ ଆସି, ଦେକ୍‌ଲା ଆରି ବେସି ମନ୍‌ଦୁକ୍ କଲା । ୩୪ ଆରି ତାରଲଗେ ଜାଇ ମାଡ଼ଅଇ କଣ୍ଡିଆ ବଣ୍ଡିଆ ଅଇଲାଟାନେ, ଟିକନ୍ ଆରି ଆମାଟ୍ ଅଙ୍ଗୁରରସ୍ ଲାଗାଇଦେଲା । ତାକେ ଗର୍‌ଣ୍ଡା ବାନ୍ଦି, ଗଦଉପ୍‌ରେ ବସାଇ, ଲକ୍‌ମନ୍ ବସି ମିଟିଙ୍ଗ୍ କର୍‌ବା ଗରେ ନେଇ ସେବାଜତନ୍ କଲା । ୩୫ ତାର ଆରକର୍ ଦିନେ ସିମିରଣିୟ ଲକ୍ ଦୁଇଟା ରୁପାଟାଙ୍ଗା ବାରକରାଇ, ମିଟିଙ୍ଗ୍ ଗରର୍ ମୁକିଆକେ ଦେଇ କଇଲା, “ଆର୍ ସେବା ଜତନ୍ କରା, ଆରି ଅଦିକ୍ କର୍‌ଟ ଅଇଲେ, ସେଟା ମୁଇ ବାଉଡିଆଇବା ବେଲେ ତମକେ ସୁଜିଦେବି ।”

୩୬ ଏ ଡିନଲକ୍‌ର୍ ବିଡ଼ରେଅନି କେ ଚର୍‌ମନର୍ ଟାନେ ମାଡ଼କାଉ ଲକ୍‌ର୍ ପଡିସାର ଲକ୍ ବଲି ବାବୁଲୁସ୍‌ନି ?

୩୭ ସାସ୍‌ତର୍ ସିକାଉ କଇଲା, “ଜନ୍ ଲକ୍ ତାକେ ଦୟାକଲା, ସେ ଆକା ।” ଜିସୁ ତାକେ କଇଲା, “ଜା ତୁଇ ମିସା ସେନ୍ତାରି କର୍ ।”

**ଜିସୁ ମାର୍‌ତା ଆରି ମରିୟମ୍‌ର୍ ଗରେ ଗାଲା**

୩୮ ☆ଜିସୁ ଆରି ତାର୍ ସିସ୍‌ମନ୍ ଜିବାବେଲେ ଗଟେକ୍ ଗାଏଁ କେଟ୍‌ଲାଇ । ତେଇ ମାର୍‌ତା ନାଉର୍ ଗଟେକ୍ ମାଇଜି ଜିସୁକେ ତାର୍ ଗରେ ଡାକି ବସାଇଲା । ୩୯ ମାର୍‌ତାକେ ମରିୟମ୍ ନାଉର୍ ଗଟେକ୍ ବଇନି ରଇଲା । ସେ ମାପୁରୁର୍ ପାଦେ ବସି ତାର୍ ବାକିଅ ସୁନ୍‌ତେରଇଲା । ୪୦ ମାତର୍ ମାର୍‌ତାକେ ବେସି ପାଇଟି ରଇଲାଜେ ଦାନ୍ଦା ଅଇଜାଇତେ ରଇଲା । ତେବର୍‌ପାଇ ସେ ଜିସୁର୍‌ଲଗେ ଆସି କଇଲା, “ଏ ମାପୁରୁ, ମର୍ ବଇନି ଗରର୍ ସବୁ ପାଇଟି ମକେ ସେ କରାଇଲାନି, ସେବାଟେ କାଇ ତମର୍ ମନ୍ ନାଇ କି ? ସେଟାରପାଇ ତାକେ କୁଆ, ସେ ମକେ ଆସି ସାଇଜ କର ।”

୪୧ ମାତର୍ ମାପୁରୁ ତାକେ କଇଲା, “ଏ ମାର୍‌ତା, ତୁଇ ବେସି ବିସଇ ଚିନ୍ତା କରି, ଦାନ୍ଦାଅଇଗାଲୁସ୍‌ନି, ୪୨ ମାତର୍, ଗଟେକ୍ ବିସଇ ଆକା ସବୁରଟାନେଅନି ମୁକିଅ । ସେଟା ମରିୟମ୍ ବାଟିକରି ନେଇଆଟେ । ସେଟା ତାରଟାନେଅନି କେ ନେଇ ନାପାରଡ୍ ।”

☆ ୧୦:୨୨ ୧୦:୨୨ ଜଅନ୍ ୩:୩୫; ଜଅନ୍ ୧୦:୧୫ ☆ ୧୦:୨୫ ୧୦:୨୫ ମାଡିଉ ୨୨:୩୫-୪୦; ମାର୍‌କ ୧୨:୨୮-୩୪ ☆ ୧୦:୩୮ ୧୦:୩୮ ଜଅନ୍ ୧୧:୧



# ୧୧

## ପାର୍ତନା ବିସଇ ନେଇ ସିକିଆ (ମାତିଉ ୬:୯-୧୩; ୭:୭-୧୧)

<sup>୧</sup> ତରେକ୍ ଜିସୁ ଗଟେକ୍ ଜାଗାଇ ପାର୍ତନା କର୍ତ୍ତେରଇଲା । ସେ ପାର୍ତନା କରି ସାରାଇଲା ପତେ, ତାକର୍ ସିସ୍ତମନର୍ ବିତ୍ତରେଅନି ଗଟେକ୍ ଲକ୍ ତାକେ କଇଲା, “ଏ ମାପୁରୁ ତୁବନ୍ ଦେଉ ଜଅନ ଜେନ୍ତାରି ନିଜର୍ ସିସ୍ତମନକେ ପାର୍ତନା କର୍ବାକେ ସିକାଇଲା, ତମେମିସା ଆମ୍ବକେ ପାର୍ତନା କର୍ବାକେ ସିକାଆ ।”

<sup>୨</sup> ଜିସୁ ସେମନକେ କଇଲା, ଜେତେବେଲେ ତମେ ପାର୍ତନା କର୍ସା, ସେତ୍ତକିବେଲେ କୁଆ,

“ବାବା ତମର୍ ନାଉଁ ସୁକଲ୍‌ବଲି ସବୁଲକ୍ ମାନତ୍ ।  
ତମର୍ ରାଇଜ୍ ଆସ ।

<sup>୩</sup> ସବୁଦିନ୍ ଆମ୍ବକେ ଆମର୍ ଦରକାର ରଇଲା କାଦି କାଇବାକେ ଦିଆ ।

<sup>୪</sup> ଆମର୍ ସବୁ ପାପ୍ କେମା କରିଦିଆସ୍,  
କାଇକେବଇଲେ ଆମେ ମିସା ଆମର୍ ବିରୁଦେ ବୁଲ୍ କଲା ଲକ୍‌ମନକେ କେମା କଲୁନି ।  
ଆମ୍ବକେ ପାପ୍ ଦସ୍ କରାଇବା ସବୁର୍ତ୍ତେଇଅନି ରକିଆ କରା ।”

<sup>୫</sup> ପତେ ଜିସୁ ତାର୍ ସିସ୍ତମନକେ କଇଲା, “ତମର୍ ଏନ୍ତାରି କାର୍ ମଇତର୍ ଆତେ କି, ଜାର୍‌ଲଗେ କି ତମେ ମଜାରାତି ଜାଇ କଇପାରାସ୍, ଏ ମଇତର୍, ମକେ ତିନ୍‌ଟା ରୁଟି ଉଦାର୍ ଦେଇରୁଆ, <sup>୬</sup> କାଇକେବଇଲେ, ମର୍ ଗଟେକ୍ ବେସି ଦୁରର୍ ସାଙ୍ଗ୍ ଆସିଆତେ, ତାକେ କାଇବାକେ ଦେବାକେ ମର୍‌ଲଗେ କାଇଟାମିସା ନାଇ । <sup>୭</sup> ଆରି ବିତ୍ତରେଅନି ସେ କଇସି, ମକେ କସ୍ତ୍ ଦିଆନାଇ, କାପାଟ୍ ତାବ୍‌ଲୁବେ, ଆରି ମର୍‌ସଙ୍ଗ୍ ମର୍ ପିଲାମନ୍ ସଇଆତତ୍ । ତମ୍ବକେ ଉଟିକରି ଦେଇନାପାରି । <sup>୮</sup> ମୁଇ ତମ୍ବକେ କଇଲିନି, ତମର୍ ମଇତର୍ ଅଇରଇଲେ ମିସା ସେ ଉଟିକରି ରୁଟି ନ ଦେଏ, ମାତର୍ ତମେ ଲାଜ୍ ନ ଅଇ ମାଙ୍ଗିଲାଗିରଇଲେ, ସେ ଉଟିକରି ତକେ ଜେତ୍‌କି ଲତା, ସେତ୍ତକି ଦେଇସି ।”

<sup>୯</sup> ମୁଇ ତମ୍ବକେ କଇଲିନି, ମାଙ୍ଗା ତେବେ ତମ୍ବକେ ଦିଆଅଇସି । କଜା, ତେଇ ତମେ ମିଲାଇସା । କାପାଟେ ବାଜାଆ, ତେଇ ତମର୍‌ପାଇବଲି ଉଗାଡି ଦିଆଅଇସି । <sup>୧୦</sup> କାଇକେବଇଲେ, ଜେ ମାଙ୍ଗିସି, ସେ ପାଇସି । ଜେ କଇସି, ସେ ମିଲାଇସି । ଜେ କାପାଟେ ବାଜାଇସି, ତାର୍‌ପାଇ କାପାଟ୍ ଉଗାଡି ଦିଆଅଇସି । <sup>୧୧</sup> “ଆରି ତମର୍ ବିତ୍ତରେ ଏନ୍ତାରି ବାବା କେ ଆତେ, ଜେ କି ଜନ୍ ବାବାକେ ତାର୍ ପଅ ମାଟ୍ ମାଙ୍ଗିଲେ, ତାକେ ମାଟ୍ ନ ଦେଇ ସାପ୍ ଦେଇସି ? <sup>୧୨</sup> କି ଗାର୍ ମାଙ୍ଗିଲେ, ସେ ତାକେ ବିସକାକ୍ତା ଦେଇସି ? <sup>୧୩</sup> ତେବେ ତମେ କରାପ୍ ଲକ୍ ଅଇଲେ ମିସା, ନିଜର୍ ନିଜର୍ ପିଲାମନକେ ନିକ ନିକ ବିସଇ ଦେବାର୍ ଜାନାସ୍ । ତେବେ ଜନ୍ ବାବା ସର୍‌ଗେଅନି ଦାନ୍ କଲାନି, ସେ ଜାନେ, ସେ ତାକେ ମାଙ୍ଗିବା ଲକ୍‌କେ କେତେକ୍ ଅଦିକ୍ ସୁକଲ୍ ଆଡ଼ମା ଦେଇସି !”

## ଜିସୁ ଆରି ବାଆଲ୍‌ଜିବୁଲ୍ (ମାତିଉ ୧୨:୨୨-୩୦; ମାର୍କ ୩:୨୦-୨୭)

<sup>୧୪</sup> ତରେକ୍ ଜିସୁ ଗଟେକ୍ ଲକ୍‌ର୍‌ତେଇଅନି ତୁମା ଚାଡାଇତେରଇଲା । ସେ ତୁମା ଗୁଲାଟା । ତୁମା ବାରଇଗାଲା ପତେ ଗୁଲା ଲକ୍ କାତା କଇଲା । କାତାକଇଲାକେ ତେଇ ରଇବା ଲକ୍‌ମନ୍ କାବାଅଇଗାଲା । <sup>୧୫</sup> \*ମାତର୍ ସେମନର୍ ବିତ୍ତରେ କେ କେ କଇଲା, “ସେ ତୁମାମନର୍ ନେତା ବାଲ୍‌ଜିବୁଲ୍‌ର୍ ସାଇଜ ନେଇ ତୁମା ଚାଡାଇସି ।”

<sup>୧୬</sup> \*ବିନ୍‌ଲକ୍‌ମନ୍ ଜିସୁକେ ପରିକାକରି ପାନ୍ଦେ ପାକାଇବାକେ ବାବ୍‌ତେ ରଇଲା । ତେବର୍‌ପାଇ ପର୍‌ମେସର୍ ତାର୍ ରକିଆକାରି ବଲି ସବୁକେ ଜାନାଇବାକେ ଗଟେକ୍ କାବାଅଇଜିବା ତିନ୍ ଦେକାଇବାକେ କଇଲା । <sup>୧୭</sup> ମାତର୍ ଜିସୁ ତାକର୍ ମନର୍ କାତା ଜାନି, ସେମନକେ କଇଲା, “ଗଟେକ୍ ରାଇଜ୍ ଦୁଇ ବାଗ୍ ଅଇକରି, ନିଜର୍ ନିଜର୍ ବିରୁଦେ ଜୁଇଦ୍ କଲେ, ସେଟା କୁରୁପ୍‌ନାସ୍ ଅଇଜାଇସି । ଗଟେକ୍ ଗରର୍ ଲକ୍ ନିଜର୍ ନିଜର୍ ବିରୁଦେ ଲାଗିଲେ, ସେ ଗର୍ ମିସା ବାଙ୍ଗିଜାଇସି । <sup>୧୮</sup> ଆରି ସଇତାନ୍ ମିସା ବାଗ୍ ବାଗ୍ ଅଇ, ନିଜର୍ ବିରୁଦେ ଉଟ୍‌ଲାନି ବଇଲେ, ତାର୍ ରାଇଜ କେନ୍ତ୍ ତବିର୍ ଅଇକରି ରଇସି ? ନାଇ ନ ରଏ । ମୁଇ କାଇକେ ଏଟା କଇଲିନି ବଇଲେ, ବାଲ୍‌ଜିବୁଲ୍‌ର୍ ସାଇଜ ନେଇ ତୁମା ଚାଡାଇଲିନି ବଲି ତମେ ତା କଇଲାସିନି । <sup>୧୯</sup> ତମର୍ ପଅମନ୍ ବାଲ୍‌ଜିବୁଲ୍‌ର୍ ବପୁ ପାଇ ସେମନକେ ଚାଡାଇବାଇ, ତେବର୍‌ପାଇ ସେମନସେ ତମ୍ବକେ ବିଚାର୍ କର୍ବାଇ । <sup>୨୦</sup> ନାଇ, ମୁଇ ପର୍‌ମେସର୍‌ର୍ ବପୁସଙ୍ଗ୍ ତୁମା ଚାଡାଇବି । ତେବେ ତା ଏଟା ଜାନାଇ ଦେଲାନି, କି ପର୍‌ମେସର୍‌ର୍ ରାଇଜ୍ ତମର୍ ଲଗେ କେଟ୍‌ଲାବେ ବଲି ।”

\* ୧୧:୧୫ ୧୧:୧୫ ମାତିଉ ୯:୩୪;୧୦:୨୫    \* ୧୧:୧୬ ୧୧:୧୭ ମାତିଉ ୧୨:୩୮;୧୭:୧; ମାର୍କ ୮:୧୧

୨୧ “ଜେଡେବେଲେ ଗଟେକ୍ ବପୁର୍ ଲକ୍ ଆଡ଼ଅତିଆର୍ ଦାରି ନିଜର୍ ଗର୍ ଜାଗସି, ସେଡେବେଲଜାକ ତାର୍ ଦନ୍ କାଜଟା ନ ଅଏ । ୨୨ ମାତର୍ ଜେଡେବେଲେ ତାର୍ ଟାନେଅନି ଅଦିକ୍ ବପୁର୍ଲକ୍ ଆସି, ତାକେ ଲାଗିକରି ଜିଡ଼ସି । ଗରର୍ ସାଉକାର୍ ଜନ୍ ଆଡ଼ଅତିଆର୍ ଦାରି ନିଜେ ରକିଆ ପାଇଡେରଇଲା , ସେ ସବୁଜାକ ବପୁର୍ ଲକ୍ ଚାଡ଼ାଇନେଇସି । ଆରି ଚାଡ଼ାଇ ନେଲାଟା ସେ ମନ୍କଲା ପାରା କାକେ ମିସା ବାଟା କରିଦେଇସି ।

୨୩ ☆“ଜେ ଆମ୍ବକେ ବିରଦ୍ ନ କରେ, ସେ ଆମର୍ ନିଜର୍ ଲକ୍ । ଜେ ମର୍ ସଙ୍ଘ୍ କୁଡ଼ାଏନାଇ, ସେ ବିଟିପାକାଇସି ।”

**ଗଟେକ୍ ତୁମା ବାରଇଗାଲା  
(ମାତିଉ ୧୨:୪୩-୪୫)**

୨୪ “ଗଟେକ୍ କରାପ୍ ଆଡ଼ମା ମୁନ୍ସର୍ଗାନେଅନି ବାରଇଗାଲାପଟେ, ସେ ଆଡ଼ମା ବିସ୍ତାମ୍ କର୍ବାକେ ସୁକ୍ଲା ଜାଗାଇ କନ୍ଥାଲେ ଲକ୍ଟାନେ ରଇବାକେ କଜି ବୁଲ୍ସି । ଆରି ଜାଗା ନ ମିଲ୍ଲେ କଇସି, ମୁଇ ଜନ୍ ଲକ୍ଟ ଟାନେଅନି ବାରଇଆସି ରଇଲି, ସେ ଲକ୍ଟାନେସେ ବାଡ଼ଡି ଜିବି । ୨୫ ଜେଡେବେଲେ ସେ ତୁମା ଚାଡ଼ଲା ମୁନ୍ସର୍ଲଗେ ଆସି ପରିଚଲ୍ଲରଇ ନିମାନ୍ ସଜାଇଅଇରଇଲାଟା ଦେକ୍ସି । ୨୬ ତାର୍ପଟେ ସେ ତୁମା ଜାଇକରି ତାର୍ଟାନେଅନି ବାନିଆରଇବା ବିନ୍ ବିନ୍ ସାଡ଼ଟା ତୁମାମନ୍କେ ଡାକିଆନ୍ସି । ସେମନ୍ କେଟିକରି ତେଇ ବାସା ଅଇବାଇ, ଆରି ସେ ଲକ୍ ଆଗ୍ତୁ ଜେନ୍ତାର୍ ଅଇରଇଲା, ତାର୍ଡେଅନି ସାରାସାରି ଅଦିକ୍ କରାପ୍ ଅଇଜାଇସି ।”

**ସଡ଼ ସାର୍ଦା**

୨୭ ଜିସୁ ଏନ୍ତାରି ସବୁ କାତା କଇବାବେଲେ ଲକ୍ମନର୍ ବିଡ଼ରେଅନି ଗଟେକ୍ ମାଇଜିଟକି ଆଉଲିଅଇ କଇଲା, “କେଡେକ୍ କରମର୍ ମାଆ ଜେ କି ତମ୍ବକେ ଜନମ୍ ଦେଲା ଆରି ନିଜର୍ ଦୁଦ୍ କୁଆଇଲା ।”

୨୮ ମାତର୍ ଜିସୁ କଇଲା, “ନାଇ, ଜନ୍ ଲକ୍ମନ୍ ପର୍ମେସରର୍ ବାକିଅ ସୁନ୍ବାଇ ଆରି ସେଟା ମାନ୍ବାଇ, ସେମନ୍ ନିକ କରମର୍ ଲକ୍ ।”

**କାବାଅଇ ଜିବାପାରା କାମର୍ ଲାଗି ଦାବି  
(ମାତିଉ ୧୨:୩୮-୪୨)**

୨୯ ☆ଲକ୍ମନ୍ ଦଲ୍ ଦଲ୍ ଅଇ ଜିସୁର୍ଲଗେ ଚୁଲ୍ ଅଇବାବେଲାଇ ସେ କଇବାର୍ ଦାର୍ଲା । “ଏବର୍ ଜୁଗର୍ ମୁନ୍ସମନ୍ କରାପ୍, ଏମନ୍ କାବା ଅଇଜିବା କାମର୍ ଚିନ୍ କଜ୍ଲାଇନି । ମାତର୍ ଜୁନସକେ ଗର୍ଲା ଚିନ୍ ଚାଡ଼ିକରି ଆରି କାଇ ବିନ୍ ଚିନ୍ ମିସା ଦିଆ ନ ଅଏ । ୩୦ କାଇକେବଇଲେ ଜୁନସ୍ ଜେନ୍ତି ନିନିବିୟ ଲକ୍ମନର୍ପାଇ ଚିନ୍ପାରା ଅଇଲା, ପର୍ମେସର୍ ପାଟାଇରଇବା ନର୍ପିଲା ମୁଇ ମିସା ଏବର୍ ଲକ୍ମନର୍ପାଇ ଚିନ୍ ପାରା ଅଇବି । ୩୧ ବିଚାର୍ନା ଦିନେ ଦକିନ୍ ଦେସେ ରଇବା ସେବା ନାଉର୍ ରାନି, ଏବର୍ ଲକ୍ମନର୍ ବିରଦେ ଉଟି, ଏମନ୍କେ ଦସି କରାଇସି, କାଇକେବଇଲେ ସେ ରାନି, ସଲ୍ମନ୍ ରାଜା ସିକାଇରଇବା ଗିଆନର୍ କାତା ସୁନ୍ବାକେ ବେସି ଦୁର୍ଅନି ଆସିରଇଲା । ଆରି ଦେକା ! ସଲ୍ମନର୍ଗାନେଅନି ଅଦିକ୍ ବଡ଼ ଲକ୍ ଇଡି ଆଟେ । ୩୨ ବିଚାର୍ନାଦିନେ ନିନିବିର୍ ଲକ୍ମନ୍ ଏବର୍ ମୁନ୍ସମନ୍ ବିରୁଦେ ଟିଆଅଇ ଏମନ୍କେ ଦସି କର୍ବାଇ । କାଇକେବଇଲେ ସେମନ୍, ଜୁନସ୍ ମାପୁର୍ କାତା ଜାନାଇଲାକେ, ପାପ୍କାମେଅନି ବାଡ଼ଡିରଇଲାଇ, ଆରି ଦେକା ! ଜୁନସର୍ ଟାନେଅନି ବଡ଼ ଲକ୍ ଇଡି ଆଟେ ।

୩୩ ☆“କେ ମିସା ବଡ଼ି ତସାଇ ମାନ୍ତଲେ ଡାବିକରି ନ ସଙ୍ଘଅଡ଼ । ମାତର୍ ବଡ଼ି ସଙ୍ଘଇବା କୁଦ୍ରାଇ ସଙ୍ଘଇବାଇ, ଜେନ୍ତାରିକି ଗର୍ବିଡ଼ରେ ଜିବାଲକ୍ମନ୍ ଉଜଲ୍ ଦେକିପାର୍ବାଇ । ୩୪ ତମର୍ ଆଁକି, ଗାଗଡ଼ ବଡ଼ି । ଜେଡେବଲ୍ ତମର୍ ଆଁକି ନିକ ରଇସି, ସେଡେବେଲେ, ତମର୍ ଗୁଲାଇ ଗାଗଡ଼ ମିସା ଉଜଲ୍ ଅଇସି । ମାତର୍ ଜେଡେବେଲେ ସେଟା ମୁର୍କି ରଇସି, ସେଡ଼କିବେଲା ତମର୍ ଗାଗଡ଼ ମିସା ଆନ୍ଦାର୍ ଅଇଜାଇସି । ୩୫ ତେବେ ମନେ ରଅ, ଜାଗ୍ଡ଼ଅଇ ରୁଆ, ଜେନ୍ତିକି ତମର୍ ବିଡ଼ରର୍ ଉଜଲ୍ କେବେ ଆନ୍ଦାର୍ ନ ଅଏ । ୩୬ ଏଗାର୍ପାଇ ତମର୍ ଗୁଲାଇ ଗାଗଡ଼ ଜଦି ଉଜଲ୍ ଅଇସି ଆରି ତେଇର୍ କଣ୍ଟେକ୍ ମିସା ଆନ୍ଦାର୍ ନ ରଏ, ସେନ୍ତାଅଇଲେ, ବଡ଼ି ଜେନ୍ତି ଜଗ୍ଡ଼ଗି ଜାଇ ଉଜଲ୍ ଦେଇସି, ସେନ୍ତାରି ତମର୍ ଗୁଲାଇ ଗାଗଡ଼ ଉଜଲ୍ ଅଇସି ।”

**ଜିସୁ ପାରୁସିମନ୍କେ ଆରି ସାସ୍ତର୍ ସିକାଉମନ୍କେ ଦସ୍ ଦେଲା  
(ମାତିଉ ୨୩:୧-୩୬; ମାର୍କ ୧୨:୩୮-୪୦)**

୩୭ ଜିସୁ କାତା କଇସାରାଇଲା ପଟେ ଗଟେକ୍ ପାରୁସିଲକ୍ ତାକେ ନିଜର୍ ଗରେ କାଇବାକେ ଡାକ୍ଲା, ଆରି ଗରେ ବସାଇଲା । ୩୮ ମାତର୍ ଜିସୁ ଜିଉଦି ରିଟିନିଡି ଇସାବେ ଦୁଆପୁଟା ନ ଅଇରଇଲାକେ ଏଟା

☆ ୧୧:୨୩ ୧୧:୨୩ ମାର୍କ ୯:୪୦ ☆ ୧୧:୨୯ ୧୧:୨୯ ମାତିଉ ୧୬:୪; ମାର୍କ ୮:୧୨ ☆ ୧୧:୩୩ ୧୧:୩୩ ମାତିଉ ୫:୧୫; ମାର୍କ ୪:୨୧; ଲୁକ୍ ୮:୧୭

ଦେକି ସେ ପାରୁସି ଲକ୍ କାବା ଅଇଗାଲା । ୩୯ ଜିସୁ ତାକେ କଇଲା, “ତମେ ପାରୁସିମନ୍ ଗିନା ଆରି ତାଲାଋ ବାଇରେ ମାଞ୍ଜିରଇସା, ମାତର୍ ତମର୍ ବିତ୍ତରର୍ ସକ୍ତି ବେନ୍‌ବେନା ରଇସି । କରାପଟା ଆରି ଲବ୍ କର୍ବାଟା ସବୁ ପୁରୁନ୍ ଅଇଆଟେ । ୪୦ ଏ ବକ୍ସୁଆମନ୍ ! ଜେ ଗାଗତର୍ ବାଇରଟା ତିଆର୍ କଲା ଆଟେ, ସେ କାଇ ବିତ୍ତରଟା ମିସା ତିଆର୍ କରେନାଇ କି ? ୪୧ ତେବର୍ପାଇ ତମେ ଜନ୍‌ଟା କଟିକରି ସଙ୍ଗଇ ଆଟାସ୍, ସେଟା ଦୁକିରୁକି ଲକ୍‌ମନ୍‌କେ ଦାନ୍‌କରା, ଆରି ଦେକା, ତମେ ପୁରାପୁରୁନ୍ ପରିଚଲ୍ ଅଇଜାଇସା ।”

୪୨ “ଅଇରେ ପାରୁସିମନ୍ ! ତମର୍ ଉପ୍ରେ ଗଟେକ୍ ବଡ଼ ଡଣ୍ଡ ଲାଦିଅଇସିବେ ! କାଇକେବଇଲେ ତମର୍ ବାତେଅନି କାମାଇଲାଟା ଦସ୍‌ବାଗ୍ ଅନି ବାଗେକ୍ ଦେଲାସିନି । ମାତର୍ ତମେ ନିଆଇ ଆରି ଦୟା ଏଲା କଲାସିନି । ଏଟାସଙ୍ଗ୍ ବାଗେକ୍ ଦେବାଟା ମିସା ଚାଡ଼ବାର୍ ନାଇ ।”

୪୩ “ଅଇରେ ପାରୁସିମନ୍, ତମର୍ ଉପ୍ରେ ଗଟେକ୍ ବଡ଼ ଡଣ୍ଡ ଲାଦିଅଇସିବେ ! କାଇକେବଇଲେ ତମେ ପାର୍‌ତନାଗରେ ମୁକିଅ ଜାଗାଇ ବସବାକେ ମନ୍ କର୍ସା ଆରି ଆଟେବାଟେ ଲକ୍‌ମନ୍‌ଟାନ୍‌ନେଅନି ଜୁଆର୍ କରାଇଅଇବାକେ ବଲ୍ ବଲାଇଅଇସା । ୪୪ ଅଇରେ ପାରୁସିମନ୍ ! ତମର୍ ଉପ୍ରେ ଗଟେକ୍ ବଡ଼ ଡଣ୍ଡ ଲାଦିଅଇସିବେ । କାଇକେବଇଲେ, ତମେ ନ ଡିସ୍‌ବା ସମାଦି ପାରା । ତାର୍ ଉପ୍ରେ ଆସା ଜା କର୍ବା ଲକ୍‌ମନ୍ ସେଟା ସମାଦି ବଲି ନାଜାନଡ଼ ।”

୪୫ ତେଇ ସାସ୍‌ତର୍ ସିକାଇବା ଦରମ୍ ଗୁରୁମନ୍‌ର୍ ବିତ୍ତରେଅନି ଗଟେକ୍ ପଣ୍ଡିତ୍ ଜିସୁକେ କଇଲା, “ଏ ଗୁରୁ ତମେ ପାରୁସିମନ୍‌ର୍ ବିସଇ କଇକରି ଆମ୍‌କେ ଲାଜ୍ କରାଇଲାସିନି ।”

୪୬ ଜିସୁ କଇଲା, “ଅଇରେ ସାସ୍‌ତର୍ ସିକାଉ ପଣ୍ଡିତ୍‌ମନ୍ ! ତମର୍ ଉପ୍ରେ ଗଟେକ୍ ବଡ଼ ଡଣ୍ଡ ଲାଦିଅଇସିବେ ! କାଇକେବଇଲେ ତମେ ଲକ୍‌ମନ୍‌କେ ବେସି ଆବଡ଼ ନିୟମ୍ ମାନ୍‌ବାକେ କଇଲାସିନି, ଆରି ସେ ନିୟମ୍ ମାନ୍‌ବାକେ ମୁଲ୍‌କେ ଆଙ୍ଗଟିତେଇ ଉଟାଇବା ଏଡ଼କି ମିସା ସାଇଜ କରାସ୍ ନାଇ । ୪୭ ଅଇରେ, ଡଣ୍ଡ ପାଉମନ୍ ! ତମର୍ ଉପ୍ରେ ଗଟେକ୍ ବଡ଼ ଡଣ୍ଡ ଲାଦିଅଇସିବେ । କାଇକେବଇଲେ, ତମେ ବବିସଡ଼ବକ୍‌ତାମନ୍‌ର୍ ମସ୍‌ନେ ସମାଦି ତିଆର୍ କର୍ତେରଇସା, ମାତର୍ ତମର୍ ଆନିଦାଦିମନ୍ ସେମନ୍‌କେ ମରାଇରଇଲାଇ । ୪୮ ତେବେ ତମର୍ ଆନିଦାଦିମନ୍‌ର୍ ଦରମ୍ କରମ୍ ବିସଇର୍ ତମେ ସାକି ଆଟାସ୍ । ଆରି ସେଟା ମାନ୍‌ଲାସିନି କାଇକେବଇଲେ ସେମନ୍ ସିନା ବବିସଡ଼ବକ୍‌ତାମନ୍‌କେ ମରାଇରଇଲାଇ, ମାତର୍ ତମେ ସେମନ୍‌ର୍ ସମାଦିର୍ କାମ୍ ତିଆର୍ କଲାସିନି । ୪୯ ତେବେ ପର୍‌ମେସର୍ ମିସା ନିଜର୍ ବୁଦିରେ କଇଲାଆଟେ, ମୁଇ ବବିସଡ଼ବକ୍‌ତାମନ୍‌କେ ଆରି କବର୍ ନେଉମନ୍‌କେ ସେମନ୍‌ର୍ ଲଗେ ପାଟାଇବି । ସେମନ୍‌ର୍ ବିତ୍ତରେ କେତେଲକ୍‌କେ ସେମନ୍ ମରାଇବାଇ ଆରି କେତେଲକ୍‌କେ ନିନ୍ଦାକରି କସ୍‌ଟ ଦେବାଇ । ୫୦ ସେଟାପାଇ ଜଗଡ଼ ତିଆର୍‌ଅଇଲାଟାନ୍‌ନେଅନି, ଏବଲର୍ ବେଲେଅନି ଆରାମ୍ କରି ବର୍‌କିଆର୍ ପ ଜିକରିୟର୍ ଜାକ, ଜାକେ କି ତମେ ମନ୍‌ଦିର୍ ଆରି ବେଦିର୍ ମଜାଇ ମରାଇରଇଲା ଜେଡ଼କି ବବିସଡ଼ବକ୍‌ତାମନ୍‌କେ ମରାଇଆଟାସ୍ ସେ ସବୁ ଡଣ୍ଡ ଏ ଆଜିକାଲିର୍ ଲକ୍‌ମନ୍ ପାଇବାର୍ ଆଟେ । ୫୧ ସେ ସବୁର୍ ମୁଲିଅ, ଏବର୍ ଲକ୍‌ମନ୍‌ର୍ ଟାନ୍‌ନେଅନି ନିଆ ଅଇସି ।”

୫୨ “ଅଇରେ, ଦରମ୍‌ଗୁରୁମନ୍ ! ତମର୍ ଉପ୍ରେ ଗଟେକ୍ ବଡ଼ ଡଣ୍ଡ ଲାଦିଅଇସିବେ ! କାଇକେବଇଲେ, ତମେ ପର୍‌ମେସର୍‌ର୍ ଗିଆନ୍‌ର୍ କାପାଟ୍ ଡାବିଦେଇ ଆଟାସ୍ । ନିଜେ ପର୍‌ମେସର୍‌ର୍ ଗିଆନ୍‌ଟାନ୍‌ନେ ନ ଜାଇକରି ତେଇ ଜିବାକେ ମନ୍‌କଲା ଲକ୍‌ମନ୍‌କେ ମିସା ବାଦାଦେଲାସ୍ ।”

୫୩ ଆରି ଜିସୁ ତେଇଅନି ବାରଇଗାଲାପଟେ, ପାରୁସିମନ୍ ଆରି ସାସ୍‌ତର୍ ସିକାଉମନ୍ ବେସି ଡାଟ୍‌ସଙ୍ଗ୍ ଜିସୁକେ ବିରଦ୍ କର୍ବାକେ ଆରାମ୍ କଲାଇ । ୫୪ ଡାଟ୍‌ଟାନ୍‌ନେଅନି ବୁଲ୍ ଦାଟ୍‌ବାକେ କାଇ କାଇ ପର୍‌ସନ୍ ପାଟାଟ୍‌ବାର୍ ଦାଟ୍‌ଲାଇ ।

### ୧୨

#### ପାରୁସିମନ୍‌ର୍ ପାରା ଉଆନାଇ (ମାଡିଉ ୧୦:୨୭-୨୭)

୧\*ଏଡ଼କି ବିତ୍ତରେ ଅଜାର୍ ଅଜାର୍ ଲକ୍ ଟୁଲ୍‌ଅଇକରି, ତାକର୍ ତାକର୍ ବିତ୍ତରେ ମାଣ୍ଡାଟୁଣ୍ଡା ଅଇଜାଇତେ ରଇଲାଇ, ସେଡ଼କିବେଲେ ଜିସୁ ପର୍‌ଡୁମ୍ ନିଜର୍ ସିସ୍‌ମନ୍‌କେ କଇବାର୍ ଦାଟ୍‌ଲା, “ପାରୁସିମନ୍‌ର୍ କମିର୍ ପାରା କପଟ୍ ତେଇଅନି ଜାଗ୍‌ରଡ଼ ଅଇରୁଆ । ୨ \*ଡାବିଅଇରଇବା ସବୁ ବିସଇ ଜାନାପଡ଼ସି, ଆରି ଲୁଚିରଇବା ବିସଇ ସବୁ ଦେକାଅଇସି । ୩ ତେବର୍ପାଇ, ତମେମନ୍ ଜନ୍ ଜନ୍‌ଟା ଆନ୍ଦାରେ କଇଆଟାସ୍, ସେ ସବୁଜାକ ଉଜ୍‌ଲେ ସୁନ୍‌ବାଇ, ଆରି ଜନ୍ ଜନ୍‌ଟା ବିତ୍ତରଗରେ, କେ ନ ସୁନ୍‌ତେ କଇଆଟାସ୍, ସେଟା ଗରର୍ ଚାନିଉପ୍ରେ ଅନି ସୁନାଇଅଇସି ।”

\* ୧୨:୧ ୧୨:୧ ମାଡିଉ ୧୭:୨; ମାର୍‌କ ୮:୧୫    \* ୧୨:୨ ୧୨:୨ ମାର୍‌କ ୪:୨୨; ଲୁକ୍ ୮:୧୭

**ପର୍ଯ୍ୟେସରକେସେ ଡରା  
(ମାତିଉ ୧୦:୨୮-୩୧)**

୪ “ମାତର୍ ତମେ ମର୍ ମଇତର୍, ତମକେ ମୁଇ କଇଲିନି, ଜନ୍ ଲକ୍ମନ୍ ଗାଗଡ୍‌କେ ମରାଇବାଇ, ମାତର୍ ତର୍ପଚେ ତମର୍ ଆତ୍ମାକେ କାଇଟା କରିନାପାରଡ୍, ସେମନ୍‌କେ ଡରାନାଇ । ୫ ମାତର୍ କାକେ ଡର୍ସା, ସେଟା ମୁଇ ତମକେ ଜାନାଇବି, ମରାଇଲାପଚେ ନର୍‌କେ ପିଙ୍ଗାକେ ଜାର ଅଦିକାର୍ ଆଚେ, ତାକେ ଡରା, ଡ୍ ମୁଇ ତମକେ ସଡ୍ କଇଲିନି, ପର୍ଯ୍ୟେସରକେ ଡରା ।

୬ “ପାର୍ଟା ଚେଟିଆ ଚଡ଼ଇ କାଇ ଅଲପ୍ ତାରୁକେ ବିକା ନଅଏ କି ? ଏଲେ ମିସା ସେମନ୍‌ର୍ ବିଡ୍‌ରେଅନି ଗଟେକ୍‌କେ ମିସା ପର୍ଯ୍ୟେସର୍ ନ ପାସ୍‌ରେ । ୭ ମାତର୍ ତମର୍ ମୁଣ୍ଡର୍ ସବୁ ଚେଣ୍ଡି ମିସା ଏଜା ଅଇଲାଆଚେ । ଡରାନାଇ, ତମେମନ୍ କେତେକ୍ କେତେକ୍ ଚେଟିଆ ଚଡ଼ଇର୍ ଟାନେଅନି ମୁକିଅ ।”

**ଜିସୁକେ ନାମି କରି ଚାଡ଼ବାଟା  
(ମାତିଉ ୧୦:୩୨-୩୩; ୧୨:୩୨; ରମିୟ ୧୦:୯-୧୦)**

୮ “ଆରି ମୁଇ ତମକେ କଇଲିନି, ଜେ ଜଦି ମକେ ଲକ୍ମନ୍‌ର୍ ମୁଆଚେ ନାମସି ଆରି ବିସ୍‌ବାସ୍ କରସି, ପର୍ଯ୍ୟେସର୍ ପାଟାଇରଇବା ନର୍‌ପିଲା ମୁଇ ମିସା ପର୍ଯ୍ୟେସରର୍ ଦୁଡ଼ମନ୍‌ର୍ ମୁଆଚେ ତାକେ ନାମ୍‌ବି । ୯ ମାତର୍ ଜେ ଲକ୍ମନ୍‌ର୍ ମୁଆଚେ ମକେ ନ ନାମି, ବିସ୍‌ବାସ୍ ନ କରେ, ତାକେ ପର୍ଯ୍ୟେସରର୍ ଦୁଡ଼ମନ୍‌ର୍ ମୁଆଚେ ମୁଇ ଇନ୍ କରବି ।”

୧୦ \* “ଆରି ଜେ ପର୍ଯ୍ୟେସର୍ ପାଟାଇରଇବା ନର୍‌ପିଲାର୍ ବିରୁଦ୍‌ଦେ କଇଲେ, ତାକେ କେମା ଦିଆଅଇସି, ମାତର୍ ଜେ ସୁକଲ୍ ଆତ୍ମାର୍ ବିରୁଦ୍‌ଦେ କଇସି, ତାକେ କେମା ନ ଦିଆଅଏ ।

୧୧ \* “ଆରି ଜେଡେବେଲେ ସେମନ୍ ତମକେ ଜିଉଦି ଲକ୍ମନ୍‌ର୍ ପାର୍‌ତନା ଗରେ, ସାସନ୍ କର୍‌ବା ଲକ୍ମନ୍‌ର୍‌ଟାନେ କି ବିନ୍ ବିନ୍ ଅଦିକାରି ମନ୍‌ଟାନେ ବାନ୍‌ନେଲେ, ସେଡ୍‌କିବେଲେ କାଇଟାବଲି କଇସା, ସେ ବିସଇ ନେଇକରି ଚିନ୍ତା କରାନାଇ । ୧୨ କାଇକେବଇଲେ କାଇଟା କଇବାକେ ଅଇସି, ସେବେଲାଇ ସୁକଲ୍‌ଆତ୍ମା ତମକେ ସିକାଇସି ।”

**ବକୁଆ ସାଉକାର୍‌ର୍ କାତା**

୧୩ ଲକ୍ମନ୍‌ର୍ ଗଅଲି ବିଡ୍‌ରେଅନି ଗଟେକ୍ ଲକ୍ ଜିସୁକେ କଇଲା, “ଏ ଗୁରୁ, ମର୍ ବାବାର୍ ସ୍‌ପତି ବାଗ୍‌ବାଟା କର୍‌ବାକେ ମର୍ ବାଇକେ କୁଆ ।” ୧୪ ଏଟା ସୁନି ଜିସୁ ତାକେ କଇଲା, “ଏ ମଇତର୍, ତମର୍ ବିଡ୍‌ରେ ନିଆଇ କର୍‌ବାକେ ଆରି ଦନ୍‌ସ୍‌ପତି ବାଗ୍‌ବାଟା କରିଦେବାକେ ମକେ କେ ଅଦିକାର୍ ଦେଲାଆଚେ ?” ୧୫ ଆରି ଜିସୁ ସେମନ୍‌କେ କଇଲା, “ଜାଗ୍‌ରତା, ସବୁରକାମର୍ ଲବ୍ କର୍‌ବାଟାନେଅନି ନିଜେ ନିଜେ ଦୁରେ ରୁଆ । କାଇକେବଇଲେ ଗଟେକ୍ ଲକ୍‌ର୍ ଜିବନ୍‌ଟାନେଅନି ଦନ୍‌ସ୍‌ପତି ବଡ୍ ବିସଇ ନଏ ।”

୧୬ ଆରି ସେ ଲକ୍ମନ୍‌କେ ଗଟେକ୍ ଉଦାଅରନ୍ ଦେଇ କଇଲା, ଗଟେକ୍ ସାଉକାର୍‌କେ ତାର୍ ଜମିଟାନେଅନି ବେସି ତାସ୍ ପାଟ୍‌ଲା । ୧୭ ସେ ଲକ୍ ମନେ ମନେ ବାବ୍‌ନାକରି କଇଲା, “କାଇଟା କରବି ? ମର୍ କାଦି ଆନି ସଙ୍ଗାଇବାକେ ଜାଗାନାଇ ।” ୧୮ ଆରି ସେ କଇଲା, “ଏନ୍ତାରି କରବି, ମର୍ କାଦି ସଙ୍ଗାଇବା ଗରର୍ କଡି ବାଙ୍ଗାଇକରି ବଡ୍ ବଡ୍ କରି ତିଆର୍କରବି ଆରି ତେଇ ମର୍ ସବୁ କାଦିକଣ୍ଡା ଜାଗରଡ୍ କରି ସଙ୍ଗାଇବି । ୧୯ ଆରି ମର୍ ଜିବନ୍‌କେ କଇବି, ର ଜିବନ୍, ତର୍‌ପାଇବଲି ବେସି ବରସର୍ କାଦିକଣ୍ଡା ସଙ୍ଗାଇ ଅଇଲାଆଚେ, ପୁଣ୍ଡ, କାଆ ଆରି ଆରାମ୍‌ସଙ୍ଗ ର ।” ୨୦ ମାତର୍ ପର୍ଯ୍ୟେସର୍ ତାକେ କଇଲା, “ଏରେ ବକୁଆ ଜଦି ଆଜି ରାତି ପର୍ଯ୍ୟେସର୍ ତର୍ ଜିବନ୍ ମାଙ୍ଗ୍‌ସି ବଇଲେ, ତୁଇ ତର୍‌ପାଇ ଜେଡ୍‌କି ସଙ୍ଗାଇଆରୁସ୍, ସେ ସବୁ କାର୍‌ଟା ଅଇସି ? ୨୧ ଜେ ନିଜର୍‌ପାଇ ଦନ୍ ଜତନ୍ କରି ସଙ୍ଗାଇସି, ସେ ପର୍ଯ୍ୟେସରର୍ ମୁଆଚେ ସାଉକାର୍ ନଏ, ତାର୍‌ପାଇ ଏନ୍ତାରି ଗର୍‌ସି ।”

**ମାପୁରୁ ଟାନେ ବିସ୍‌ବାସ୍ କର୍‌ବାର୍  
(ମାତିଉ ୭:୨୫-୩୪)**

୨୨ ଜିସୁ ନିଜର୍ ସିସ୍‌ମନ୍‌କେ କଇଲା, “ଏଟାର୍‌ପାଇ ମୁଇ ତମକେ କଇଲିନି, କାଇଟା କାଇକରି ଜିବନ୍ ବ୍‌ଟାଉ ଆରି ଗାଗଡ୍‌ପାଇ କାଇଟା ପିନ୍‌ବୁ ବଲି ଚିନ୍ତା କରାନାଇ । ୨୩ କାଇକେବଇଲେ କାଦିଟାନେଅନି ଜିବନ୍ ଆରି ବସ୍‌ତର୍‌ଟାନେଅନି ଗାଗଡ୍ ଆକା ମୁକିଅ । ୨୪ ଚଡ଼ଇମନ୍‌ର୍ ବିସଇନେଇକରି ବାବିଦେକା, ସେମନ୍ ନ ବୁନଡ୍ କି ନ କାଟ୍, ଆରି ସେମନ୍‌ର୍ ବାଣ୍ଡାର୍‌ଗର୍ କି କାଦି ସଙ୍ଗାଇବା ଆମାର୍ ଗର୍ ନାଇ । ଅଇଲେ ମିସା ମାପୁରୁ ସେମନ୍‌କେ କାଦି ଜାଗାଇଦେଇସି । ତମେ ଚଡ଼ଇମନ୍‌ର୍ ଟାନେଅନି କେତେକ୍ ଅଦିକାର୍‌ର୍ ଲକ୍ । ୨୫ ତମର୍ ବିଡ୍‌ରେ ଏନ୍ତାରିଲକ୍ ନ ରଅଡ୍, ଜେ କି ଚିନ୍ତାକରି ତାର୍ କଣ୍ଡେକ୍ ମିସା ଆଇସ୍ ବଡାଇ ପାର୍‌ସି । ୨୬ ତେବର୍‌ପାଇ ତମେମନ୍ ଗଟେକ୍ ସାନ୍ ବିସଇ ମିସା କରିନାପାର୍‌ଲାସ୍‌ନି ବଇଲେ ବଡ୍

\* ୧୨:୧୦ ୧୨:୧୦ ମାତିଉ ୧୨:୩୨; ମାର୍କ ୩:୨୯ \* ୧୨:୧୧ ୧୨:୧୧ ମାତିଉ ୧୦:୧୯,୨୦; ମାର୍କ ୧୩:୧୧; ଲୁକ୍ ୨୧:୧୪,୧୫

ବଡ଼ ବିସଇ କାଇକେ ଚିନ୍ତା କଲାସ୍ତନି ? ୨୭ ପୁଲ୍‌ମନର୍ ବିସଇ ବାବିଦେକା, ସେମନ୍ କେନ୍ତ୍ରି ପୁଟ୍‌ଲାଇନି, ସୁତା ନ କାଟଡ଼ କି ଲୁଗା ନ ବୁନଡ଼ । ଏଲେମିସା ମୁଇ ତମ୍‌କେ କଇଲିନି, ସବୁଟାନ୍‌ନେଅନି ମଆନ୍ ଆରି ଦନି ରାଜା ସଲ୍‌ମନ୍ ମିସା ସେ ପୁଲ୍‌ମନର୍ ବିଡ଼ରେଅନି ଗଟେକ୍ ପୁଲର୍ ଏଡ଼କି ସଜାଇ ନ ଅଇରଇଲା । ୨୮ ଆଜି ଜନ୍ ଗାଁସ୍ ପଦାଇ ଆଚେ, କାଲିକେ ସେଟା ରୁଣ୍ଡାଇ ଜଇ ଲାଗାଇବାଇ । ସେଟାକେ ପର୍‌ମେସର୍ ଏନ୍ତାରି ବେସ୍ ଦେଲାନି ବଇଲେ, ଏ ଅଲପ୍ ବିସ୍‌ବାସ୍ କର୍‌ବା ଲକ୍‌ମନ୍, ସେ ତମ୍‌କେ ପିନ୍‌ବାକେ କେତେକ୍ ଅଦିକ୍ ଦେଇସି !”

୨୯ “ଆରି କାଇଟା କାଇବୁ ? ବଲି ଚିନ୍ତାକରି ଲାଗିରୁଆନାଇ, ୩୦ କାଇକେବଇଲେ ପର୍‌ମେସର୍‌କେ ନାଜାନ୍‌ଲା ଲକ୍‌ମନ୍ ଏ ସବୁ ବିସଇ କଜିବୁଲୁବାଇ । ମାତର୍ ଏ ସବୁ ବିସଇ ତମ୍‌କେ ଦର୍‌କାର୍, ସେଟା ତମର୍ ବାବା ଜାନିରଇସି । ୩୧ ମୁଇ କଇଲିନି ତମେ ପର୍‌ମେସର୍‌ର୍ ସରଗ୍ ରାଇଜ୍ କଜା, ଆରି ଏ ସବୁ ବିସଇ ସେ ତମ୍‌କେ ଦେଇସି ।”

**ସରଗ୍ ରାଇଜେ ଦନ୍  
(ମାତିଉ ୭:୯-୨୧)**

୩୨ ଏ ଉନା ମେଣ୍ଡାସାସି, ତରାନାଇ, କାଇକେବଇଲେ ତମର୍ ବାବା ତମ୍‌କେ ତାର୍ ରାଇଜ୍ ଦେବାକେ ମନ୍‌କଲାଆଚେ । ୩୩ ତମ୍‌କେ ଜନ୍ ଜନ୍‌ଟା ଆଚେ, ସେଟା ବିକିଦେଇ ଗରିବ୍‌ମନ୍‌କେ ଦାନ୍ କରା । ଜନ୍‌ଟା କି କେବେ ନ ସାରେ, ନିଜର୍ ନିଜର୍‌ପାଇ ଏନ୍ତାରି କାଣା ନ ଅଇବା ବେସ୍‌ନି ତିଆର୍‌କରା । ଜନ୍‌ଟାନ୍‌ନେ ଚର୍ ନ ଆସେ କି କିଡାମନ୍ ମିସା ନ ନସାଅଡ଼ । ସରଗେ ଏନ୍ତାରି ନ ସାର୍‌ବା ଦନ୍ ସଙ୍ଗଇରୁଆ । ୩୪ କାଇକେବଇଲେ ଜନ୍‌ଟାନ୍‌ନେ ତମର୍ ଦନ୍, ତେଇସେ ତମର୍ ମନ୍ ।

**ତରିକ୍‌ନା ରଇବା ଗତି ଦାଙ୍ଗ୍‌ତା**

୩୫ ☆“ତମର୍ ଆଟର୍ ତୁଆଲ୍ ବାନ୍‌ଅଇ ସେବା କର୍‌ବାକେ ଜାଗିରୁଆ, ଆରି ବଡ଼ି ଲାଗ୍‌ତେରଅ । ୩୬ ☆ ମାପ୍‌ରୁ ବିବା ବଜିଟାନ୍‌ନେଅନି ବାଉଡ଼ିଆସି କାପାଟେ ବାଜାଉ ବାଜାଉ ଜନ୍‌ଲକ୍‌ମନ୍ ଦାପ୍‌ରେ କାପାଟ୍ ଉଗାଡ଼ବାକେ ଜାଗିରଇବାଇ, ତମେ ସେମନ୍‌ର୍‌ପାରା ଅଇରୁଆ । ୩୭ ମାପ୍‌ରୁ ଆସି ଜନ୍ ଦାଙ୍ଗ୍‌ତାମନ୍‌କେ ଜାଗ୍‌ରଡ଼ ରଇବାଟା ଦେକ୍‌ସି, ସେମନ୍ କେତେ ନିକ କରମର୍ ଲକ୍ । ମୁଇ ତମ୍‌କେ ସଡ଼ କଇଲିନି, ସେ ନିଜର୍ ଆଁଟାଇ ତୁଆଲ୍ ବାନ୍‌କରି, ସେମନ୍‌କେ କାଇବାକେ ବସାଇ, ତାକର୍‌ଲଗେ ଜାଇ ସେବାକର୍‌ସି । ୩୮ ଆରି ସେ ଜଦି ମଜାରାତି କି କୁକ୍‌ତାତାକେ ମିସା ଆସି ସେମନ୍‌କେ, ସେନ୍ତାରି ରଇବାଟା ଦେକ୍‌ସି, ସେନ୍ତାରିଆଲେ ସେ ଦାଙ୍ଗ୍‌ତାମନ୍ କେତେ ନିକ କରମର୍ ଲକ୍ । ୩୯ ☆ମାତର୍ ଏଟା ଜାନିରୁଆ, କେତେବେଲେ ଚର୍ ଆଇସି, ଏଟା ଗରର୍ ସାଉକାର୍ ଜେବେ ଜାନ୍‌ସି, ସେନ୍ତାରିଆଲେ ସେ ନିଜର୍ ଗରର୍ ପେଡ଼ି ବାଙ୍ଗାଇବାକେ ନ ଦେଏ । ୪୦ ତମେ ମିସା ଜାଗ୍‌ରଡ଼ଅଇ ରୁଆ, କାଇକେବଇଲେ, କେବେ ତମେ ବାବି ନ ରୁଆସ୍, ସେ ବେଲେ ପର୍‌ମେସର୍ ପାଟାଇରଇବା ନର୍‌ପିଲା ମୁଇ ଆଇବି ।”

**ବିସ୍‌ବାସ୍ କର୍‌ବା ଗତି ଦାଙ୍ଗ୍‌ତା କି ବିସ୍‌ବାସ୍ ନକର୍‌ବାଟା  
(ମାତିଉ ୨୪:୪୫-୫୧)**

୪୧ ସେଟାସୁନି ପିତର୍ କଇଲା, “ଏ ମାପ୍‌ରୁ ତମେ ଆମ୍‌କେସେ କି ସବୁଲକ୍‌କେ ଏନ୍ତାରି କାତା ଦେକାଇ କଇଲାସ୍‌ନି ?”

୪୨ ଜିସୁ କଇଲା, “ବିସ୍‌ବାସେ ରଇବା ଲକ୍ ଆରି ବୁଦିମାନ୍ ଲକ୍ କେ ଆଟଡ଼ ? ତାକେ ସେ ସାଉକାର୍ ଗର୍ ଚାଲାଇବା ଦାଇଡ଼ ଦେଇସି । ସେ ସମାନ୍ ବେଲାଇ ବିନ୍ ଦାଙ୍ଗ୍‌ତାମନ୍‌କେ କାଦି ଜାଗାଇ ଦେଇସି । ୪୩ ସାଉକାର୍ ଆସି, ତାର୍ ନିଜର୍ ଦାଙ୍ଗ୍‌ତା ଏନ୍ତାରି କର୍‌ବାଟା ଦେକ୍‌ସି ବଇଲେ ସେ କେତେ ନିକ କରମର୍ ଲକ୍ । ୪୪ ମୁଇ ତମ୍‌କେ ସଡ଼ କଇଲିନି, ସେ ତାକେ ନିଜର୍ ସବୁର୍ ଉପ୍‌ରେ ଅଦିକାର୍ ଦେଇସି । ୪୫ ଜଦି ସେ ଦାଙ୍ଗ୍‌ତା, ମର୍ ସାଉକାର୍ ଆଇବାଟା ଅଲ୍‌ସମ୍ ଅଇସି ବଲି ମନେକରି, ମାତୁଆଲ୍ ଅଇ ବିନ୍ ଦାଙ୍ଗ୍‌ତାମନ୍‌କେ ଲାଗ୍‌ମାର୍ କର୍‌ବାର୍ ଆରାମ୍ କର୍‌ସି, ୪୬ ସେନ୍ତାରିଆଲେ ଜନ୍ ଦିନେ ସେ ଜାଗି ନ ରଏ, ଆରି ସେ କେତେବେଲେ ଆଇବାଟା ଜାନି ନ ରଏ, ସେ ସାଉକାର୍ ଆସି ତାକେ ବେସି ବଡ଼ ଡଣ୍ଡ ଦେଇସି । ଆରି ବିସ୍‌ବାସ୍ ନ କର୍‌ବା ଲକ୍‌ର୍ ସଙ୍ଗ୍ ମିସାଇ ଦେଇସି ।”

୪୭ “ଆରି ଜନ୍ ଦାଙ୍ଗ୍‌ତା ନିଜର୍ ସାଉକାର୍ ମନ୍ ଜାନିକରି ଜାଗରଡ଼ ନ ଅଇରଏ, କି ସାଉକାର୍ ମନ୍‌କଲା ଇସାବେ ପାଇଟି ନ କରେ, ତାକେ କର୍‌ତା ସଙ୍ଗ୍ ଅପର୍‌ବଲ୍ ମାଡ଼ ଅଇସି । ୪୮ ମାତର୍ ଜେ ତାର୍ ମନ୍‌କଲାଟା ନାଜାନିକରି, ଡଣ୍ଡିଲିବା କାମ୍ କର୍‌ବାର୍ ଦାର୍‌ସି, ତାକେ ଅଲପ୍ ମାଡ଼ ଅଇସି । ଜନ୍ ଲକ୍‌କେ ଅଦିକ୍ ଦିଆଅଇରଇସି, ତାକେ ଅଦିକ୍ ଦାବି କରାଅଇସି । ଆରି ଲକ୍‌ମନ୍ ତାକେ ଜାଗ୍‌ଲଗେ ଅଦିକ୍ ସର୍‌ପି ଦେଲାଅଇଆଟଡ଼, ଅଦିକ୍ ଅଦିକ୍ ଦାବି କର୍‌ବାଇ ।”

☆ ୧୨:୩୫ ୧୨:୩୫ ମାତିଉ ୨୫:୧-୧୩ ☆ ୧୨:୩୬ ୧୨:୩୬ ମାର୍କ ୧୩:୩୪-୩୭ ☆ ୧୨:୩୯ ୧୨:୩୯ ମାତିଉ ୨୪:୪୩,୪୪

**ଜିସୁସ୍ ଲାଗି ବାଗ୍ ବାଗ୍ ଅଇବାଟା**

୪୯ ଜିସୁ କଇଲା, “ମୁଇ ଏ ଦୁନିଆଇ ଜଇ ଲାଗାଇବାଟ୍ ଆଇଲିଆଟି । ସେଟା ଜଦି ଲାଗ୍‌ବାକେ ଆରାମ୍ ଅଇଲାନି, ସେନ୍ତାଟ୍‌ଆଲେ ମୁଇ ମନକଲାଟା ପୁରାପୁରୁନ୍ ଅଇଗାଲାବେ । ୫୦ ମାତର୍ ମକେ ଆରି ଗଟେକ୍ ତୁବନେ ତୁବନ୍ ନେବାକେ ପଡ଼ସି, ଆରି ସେଟା ନ ସାର୍‌ବାଜାକ, ମର୍ ମନ୍‌ବିତ୍‌ରେ କେନ୍ତ୍ର କସ୍‌ଟ ଲାଗ୍‌ଲାନି । ୫୧ ଜଗତେ ସାନ୍ତି ଦେବାକେ ଆସିଆଟେ ବଲି ତମେ କାଇ ମକେ ବାଦ୍‌ଲାସ୍‌ନି କି ? ନାଇ ମୁଇ ସାନ୍ତି ଆନ୍‌ବାକେ ନାଇ, ମାତର୍ ବିଚାରନା କର୍‌ବାକେ ଆସିଆଟି । ୫୨ ଏବେଅନି ଗଟେକ୍ ଗରେ ପାର୍ ଲକ୍ ରଇଲେ, ଦୁଇଲକର୍ ବିରୁଦେ ତିନଲକ୍ ଆରି ତିନଲକର୍ ବିତ୍‌ରେ ଦୁଇ ଲକ୍ ବାଗ୍ ଅଇବାଇ । ୫୩ ପଅର୍ ବିରୁଦେ ବାବା, ବାବାର ବିରୁଦେ ପଅ, ଜିଇର୍ ବିରୁଦେ ମା, ମାଆର୍ ବିରୁଦେ ଜିଇ, ବୁଆରିର୍ ବିରୁଦେ ସାଡ଼ରି, ସାଡ଼ରିର୍ ବିରୁଦେ ବୁଆରି ବିନେ ଅଇବାଇ ।”

**ବେଲା ଦେକି ଜାନ୍‌ବାଟା  
(ମାତିଉ ୧୭:୨-୩)**

୫୪ ଆରି ଜିସୁ ଲକ୍‌ମନକେ କଇଲା, “ବୁଡ଼ି ଦିଗେ ବାଦଲ୍ ଚଗ୍‌ବାଟା ଦେକ୍‌ଲେ, ପାନି ଆଇସିବେ ବଲି କଇସା । ଆରି ସେନ୍ତାରି ସେ ଅଇସି । ୫୫ ଆରି ଦକ୍‌ଶିଦିଗ୍ ବାଟେଅନି ପବନ୍ ମାର୍‌ବାଟା ଜାନ୍‌ଲେ କାରା ଅଇସି ବଲି କଇସା । ଆରି ସେଟା ସେନ୍ତାରି ଅଇସି । ୫୬ ଏ କୁଟିଆଲ୍‌ମନ୍, ତମେ ଜଗତର୍ ଆରି ସରଗର୍ କାତା ଜାନି ପାଗ୍ କେନ୍ତ୍ର ଅଇସି ବଲି ଆଗ୍‌ତୁ କଇଲାସ୍‌ନି, ମାତର୍ ଏବେ କାଇଟା ଗର୍‌ସି, ସେଟା କାଇକେ ନାଜାନ୍‌ଲାସ୍‌ନି ?”

**ସତ୍‌ରୁ ସଙ୍ଘ୍ ମିସ୍‌ବାଟା  
(ମାତିଉ ୫:୨୫-୨୬)**

୫୭ “ଆରି ନିଜେ ନିଜେ କାଇକେ ଟିକ୍ ବିଚାର୍ କରାସ୍ ନାଇ ? ୫୮ ଜଦି ତମର୍ ବିରଦିସଙ୍ଘ୍ ବିଚାର୍‌କାରିଆର୍‌ଲଗେ ଗାଲାସ୍‌ନି, ମଜାବାଟେ ତାର୍‌ସଙ୍ଘ୍ ବୁଜାମାନା ଅଇବାକେ ଚେସ୍‌ଟା କରା । ନଇଲେ କେତେବେଲେ ସେ ତମକେ ବିଚାର୍‌କାରିଆର୍ ଗାନେ ଜିକ୍‌ନେଇସି, ବିଚାର୍‌କାରିଆ ସନିଅମନର୍ ଆଡେ ସର୍‌ପିଦେଇସି, ସନିଅମନ୍ ତମକେ ବନ୍ଦି ଗରେ ନେଇ ପୁରାଇଦେବାଇ ।” ୫୯ ମୁଇ ତମକେ କଇଲିନି, “କେନ୍ତ୍ରକଲେ ମିସା ସବୁ ତାବୁ ନ ସୁଜ୍‌ବାଜାକ ସେ ଜାଗାଇଅନି ବାରଇ ଆସିନାପାରାସ୍ ।”

**୧୩**

**ନିଜର୍ ପାପ୍‌କାମେଅନି ବାଉଡା, ନଇଲେ ମର୍‌ସା**

୧ ଗାଲିଲିଅନି କେତେ ଲକ୍ ଆସି ପାର୍‌ତନା ଗରେ ବଲି ଦେଇତେରଇଲାବେଲେ ପିଲାଡ଼ ତାର୍ ସଇନମନକେ ପାଟାଇ ଗାଲିଲିଅ ମନକେ ମରାଇଲା । ତେଇ ମଲାଲକର୍ ବନି ପୁଜ୍‌ଲା ପସୁର୍ ବନି ସଙ୍ଘ୍ ମିସଲା । ଏ ବିସଇ କେତେଲକ୍ ଆସି ଜିସୁକେ ଜାନାଇଲାଇ । ୨ ତେଇ ଜିସୁ ସେମନକେ କଇଲା, “ଏ ସବୁ କସ୍‌ଟ ପାଇବାକେ, ଏ ଗାଲିଲିୟମନ୍ ବିନ୍ ସବୁ ଗାଲିଲିୟମନର୍ ଗାନେଅନି ଅଦିକ୍ ପାପ୍ କଲାଇ ଆତଡ଼ ବଲି ବାଦ୍‌ଲାସ୍‌ନି କି ? ୩ ମୁଇ ତମକେ କଇଲିନି, ଜେତେବେଲେ ଜାକ ପାପେଅନି ମନ୍ ନ ବାଦ୍‌ଲାଆସ୍, ତମେ ସବୁ ଲକ୍ ସେନ୍ତାରି କୁରୁପ୍‌ନାସ୍ ଅଇଜାଇସା । ୪ ନଇଲେ ସିଲଅଡେଇ ରଇଲା ଜନ୍ ଅଟ୍‌ର ଲକର୍ ଉପରେ ବଡ଼ ଗର୍ ଅଦ୍‌ରି ମରିଜାଇ ରଇଲା, ସେମନ୍ ତେବେ ? ତମେ ସେମନକେ ଜିରୁସାଲାମର୍ ବିନ୍ ଲକ୍‌ମନର୍ ଗାନେଅନି ଅଦିକ୍ ପାପ୍ କଲାଇ ଆତଡ଼ ବଲି ବାଦ୍‌ଲାସ୍‌ନି କି ? ୫ ନାଇ, ମୁଇ ତମକେ କଇଲିନି, ପାପେଅନି ମନ୍ ନ ବାଦ୍‌ଲାଇଲେ ତମେସବୁ ଲକ୍ ସେନ୍ତ୍ର କୁରୁପ୍‌ନାସ୍ ଅଇଜାଇସା ।”

**ପଲ୍ ନ ପଲ୍‌ବା ତୁମ୍‌ରି ଗଟର୍ କାତା**

୬ ଆରି ଜିସୁ ଏ କାତାନି କଇଲା, ଗଟେକ୍ ଲକର୍ ଅଙ୍ଗୁର୍ ବାଡେ ଗଟେକ୍ ତୁମ୍‌ରି ଗର୍ ରପିରଇଲା । ସେ ସାଉକାର୍ ଆସି ତେଇ ପଲ୍ କଜ୍‌ଲା, ମାତର୍ ମିଲେନାଇ । ୭ ସେଟାର୍‌ପାଇ ସାଉକାର୍ ଅଙ୍ଗୁର୍ ବାଡର୍ ଜାଗୁଆଲ୍‌କେ କଇଲା, “ଦେକା, ଏଟା ତିନ୍ ବରସ୍ ଅଇଲା ମୁଇ ଆସି ଏ ତୁମ୍‌ରି ଗଟେ ପଲ୍ କଜ୍‌ଲିନି ମାତର୍ ମିଲାଇ ନାଇ, ଏଟା କାଟି ପାକା । ଏଟା କାଇକେ ବେକାର୍ ମାଟିକେ ମିସା କାରାପ୍ କର୍‌ସି ?” ୮ ମାତର୍ ଜାଗୁଆଲ୍ ସାଉକାର୍‌କେ କଇଲା, “ସାଉକାର୍ ଏଟାକେ ବର୍‌ସେକ୍ ମିସା ଚାଡ଼ିଦେଉଁ, ମୁଇ ଏ ବିତ୍‌ରେ ଗଟର୍ ଚାରିବେଡ଼ି କୁନିକରି କଡ଼ ଦେବି, ୯ ତାର୍ ପଟେ ଜଦି ପଲ୍ ଦାର୍‌ଲେଟା ନିକ, ନଇଲେ ତାକେ କାଟି ପାକାଉଁ ।”

**ଜିସୁ ବିସ୍‌ରାମ୍‌ବାରେ ଗଟେକ୍ କୁଡ଼ି ମାଇଜିକେ ନିକ କଲା**

☆ ୧୨:୫୦ ୧୨:୫୦ ମାର୍‌କ ୧୦:୩୮

୧୦ ତରେକ୍ ଜିସୁ ବିସ୍ତରାମ୍ବାରେ ଗଟେକ୍ ପାର୍ତନା ଗରେ ସିକିଆ ଦେଇତେରଇଲା । ୧୧ ତେଇ ଗଟେକ୍ ମାଇଜି ରଇଲା । ତାକେ ତୁମା ଦାରି ଅଟ୍ଟର ବରସ୍ ଜାକ କୁବ୍ଡି ଅଇରଇଲା । ସେ ବିଲ୍‌କୁଲ୍ ସିଦା ଅଇ ଇଣ୍ଡି ନାପାର୍ତେ ରଇଲା । ୧୨ ଜିସୁ ତାକେ ଦେକି ଲଗେ ଡାକି କଇଲା, “ଏ ନିନି ତକେ ମୁଇ, ଏ କୁବ୍ଡି ରଗେଅନି ନିକ କଲିନି ।” ୧୩ ଜିସୁ ସେ ମାଇଜିର ଉପରେ ଆଡ୍ ସଙ୍ଗାଇଲା । ସେ ମାଇଜି ସେ ଦାପ୍‌ରେସେ ସଲକ୍ ଅଇ ପର୍‌ମେସରକେ ମଇମା କର୍‌ବାର୍ ଲାଗ୍‌ଲା । ୧୪ ଜିସୁ ବିସ୍ତରାମ୍‌ଦିନେ ସେ ମାଇଜିକେ ନିକ କଲାଟା ଦେକି ଜିଉଦିମନର୍ ପାର୍ତନା ଗରର୍ ମୁକିଆ ବେସି ରିସା ଅଇଗାଲାଇ । କାଇକେ ବଇଲେ ଲକ୍‌ମନକେ ନିକ କର୍‌ବାଟା ଗଟେକ୍ କାମ୍ ବଲି ଜିଉଦି ଲକ୍‌ମନ୍ ବାବ୍‌ତେ ରଇଲାଇ । ସେଟାର ପାଇ ପାର୍ତନା ଗରର୍ ମୁକିଆ କଇଲା, “ଗଟେକ୍ ଆଟେ କାମ୍ କର୍‌ବାକେ ତଅ ଦିନ୍ ଆଟେ, ସେ ଦିନ୍ ମନକେ ତମେ ନିକ ଅଇବାକେ ଆସା । ମାତର୍ ବିସ୍ତରାମ୍ବାରେ ନିକ ଅଇବାକେ କେବେ ମିସା ଆସାନାଇ ।”

୧୫ ମାତର୍ ଜିସୁ ତାକେ ଆରି ତେଇ ରଇଲା ଲକ୍‌ମନକେ କଇଲା, “ଏ କୁଟିଆଲ୍‌ମନ୍ ! ତମେ ତମର୍ ଗରୁମନକେ ମେଲି ପାନି କୁଆଇବାକେ ନିଆସ୍ ନାଇ କି ? ସେଟା ମିସା ଗଟେକ୍ କାମ୍‌ସେ ।”

୧୬ “ମୁଇ ତାକେ ନିକ କଲି ଆଟି । ଏ ମାଇଜି ଅବ୍‌ରାଆମର୍ କୁଟୁମର୍ ଲକ୍ । ସଇତାନ୍ ତାକେ ଅଟ୍ଟର ବରସ୍ ଜାକ ଦାରି ରଇଲା । ସେ ମାଇଜି ବିସ୍ତରାମ୍ ବାରେ ନିକ ଅଇବାଟା ଟିକ୍ ନଏଁ କି ?” ୧୭ ଜିସୁ କଇଲା କାତା ସୁନି ତାର୍ ବିରଦି ଲକ୍‌ମନ୍ ଲାଜ୍ ଅଇଲାଇ । ମାତର୍ ବିନ୍ ଲକ୍‌ମନ୍ ସେ କର୍‌ବା ସବୁ କାବାଅଇଜିବା କାମ୍ ଦେକି ସାର୍‌ଦା ଅଇଗାଲାଇ ।

**ସର୍‌ସୁ ମୁଞ୍ଜିର ଉଦାଅରନ୍**  
(ମାତିଉ ୧୩:୩୧-୩୨; ମାର୍କ ୪:୩୦-୩୨)

୧୮ ତାର୍ ପଟେ ଜିସୁ କଇଲା, “ପର୍‌ମେସରର୍ ରାଇଜ୍ କେନ୍ତ୍ରାଟା, ଆରି ମୁଇ କାଇଟା ସଙ୍ଗ୍ ସେଟା ସମାନ୍ କର୍‌ବି ? ୧୯ ପର୍‌ମେସରର୍ ରାଇଜ୍ ଗଟେକ୍ ବଡ୍ ବର୍ ଗଟର୍ ସାନ୍‌ଟା ମୁଞ୍ଜି ପାରା । ଗଟେକ୍ ଲକ୍ ଗଟେକ୍ ସାନ୍‌ଟା ମୁଞ୍ଜି ରପିଦେଲା । ସେ ମୁଞ୍ଜି ତେଇ ଗାଜା ଅଇ ବଡ୍ ଗର୍‌ପାରା ଅଇଲା ଆରି ଚଡ୍‌ଇମନ୍ ଆସି ତାର୍ କେନ୍ଦାଇ ଗୁଡା ବାନ୍‌ଲାଇ ।”

**କମିରର୍ ଉଦାଅରନ୍**  
(ମାତିଉ ୧୩:୩୩)

୨୦ ଜିସୁ ଆରି କଇଲା, “ପର୍‌ମେସରର୍ ରାଇଜ୍ କେନ୍ତ୍ରାଟା ଆରି କାଇଟା ସଙ୍ଗ୍ ସମାନ୍ କରିଅଇସି ?” ୨୧ ସେଟା କମିର୍ ପାରା । ଜନ୍‌ଟା କି ଗଟେକ୍ ମାଇଜି ମାନେକ୍ ଗୁଣ୍‌ଟାନେ କଣ୍ଡେକ୍ କମିର୍ ପାକାଇ ଚକଟ୍‌ଲା ଆରି ସାରାସାରି ସେ କମିର୍, ଗୁଲାଇ ଗୁଣ୍ ଆମର୍ କରିଦେଲା ।

**ଟିପୁଞ୍ଜି ବାଟେ ଜିବା ବିସଇ**  
(ମାତିଉ ୭:୧୩-୧୪; ୨୧:୨୩)

୨୨ ତାର୍ ପଟେ ଜିସୁ ତାର୍ ସିସ୍‌ମନର୍ ସଙ୍ଗ୍ ଜିରୁସାଲମେ ଗାଲାବେଲେ ଗାଉଁମନକେ ଆରି ଗଡ୍‌ମନକେ ପର୍‌ମେସରର୍ ରାଇଜର୍ ବିସଇ ସିକାଇ ଦେଲା । ୨୩ ସେବେଲେ ଲକ୍‌ମନର୍ ବିଡ୍‌ରେଅନି ଗଟେକ୍ ଲକ୍ ଜିସୁକେ କଇଲା, “ଏ ମାପୁରୁ, ଉନା ଲକ୍‌ମନସେ ପାପେ ଅନି ରକିଆ ପାଇବାଇ କି ?”

ଜିସୁ ସେମନକେ କଇଲା, ୨୪ “ଟିପୁଞ୍ଜି ଦୁଆର୍ ବାଟେ ପୁର୍‌ବାକେ ଚେସ୍‌ଟା କରା । କାଇକେ ବଇଲେ ବେସି ଲକ୍‌ମନ୍ ସେ ଟିପୁଞ୍ଜିବାଟ୍‌ଦେଇ ଜିବାକେ ଚେସ୍‌ଟା କର୍‌ବାଇ ମାତର୍ ଜାଇ ନାପାର୍‌ଡ୍ । ୨୫ ମୁଇ ଗଟେକ୍ ଗରର୍ ସାଉକାର୍ ପାରା । ଜେଡେବଲ୍ ସେ ସାଉକାର୍ କାପାଟ୍ ଡାବି ଦେଇସି । ସେଡ୍‌କି ବେଲେ ତମେ ଦୁଆରେ ଟିଆ ଅଇ ରଇସା ଆରି କାପାଟ୍ ଡକ୍ ଡକ୍ କରି ଏ ମାପୁରୁ ଆମର୍ ପାଇ କାପାଟ୍ ଉଗାଡା ! ବଲି ଜୁଆର୍ ବିଆର୍ କର୍‌ସା । ମାତର୍ ସେ କାପାଟ୍ ନ ଉଗାଡି ସେମନକେ କଇସି, ‘ତମେ କନ୍‌ଡିଅନି ?’ ମୁଇ ତମକେ ମୁଲକେ ନାଜାନି । ୨୬ ମାତର୍ ତମେ କଇସା ‘ଏ ମାପୁରୁ ଆମେ ତମର୍ ସଙ୍ଗ୍ କାଇପିଇ ଅଇରଇଲୁ, ତୁଇ ଆମର୍ ଦୁଆର୍ ମନକେ ସିକିଆ ଦେଇତେରଇଲୁସ୍ ବଲି କଇସା’ ୨୭ ଆରି ସେ ତମକେ କଇସି, ତମେ କନ୍ ଜାଗାର୍ ଲକ୍‌ମନ୍ ମୁଇ ତମକେ ମୁଲକେ ନାଜାନି, ଏ କରାପ୍ କାମ୍ କର୍‌ବା ଲକ୍‌ମନ୍, ‘ତମେ ସବୁ ମର୍ ମୁଆଟେ ଅନି ଉଟି ଜା ।’ ୨୮ ✠ ଆରି ସେ ତମକେ ପାଟାଇଦେବା ଜାଗାଇଅନି ଅବ୍‌ରାଆମ୍ ଇସାକ୍, ଜାକୁବ୍, ଆରି ପର୍‌ମେସରର୍ ଟାନେଅନି ଆସି ରଇଲା ବବିସଡ୍ ବକ୍‌ତାମନ୍ ରଇବାଟା ଦେକ୍‌ସା । ମାତର୍ ପର୍‌ମେସର୍ ତାର୍ ରାଇଜେ ତମକେ ଜାଗା ନ ଦେଏ । ଜେଡେବଲ୍ ଏଟା ଅଇସି, ସେ ବେଲା ସେଟା ଦେକି, ତମେ କାଇକାଇ କାରାପ୍ କାମ୍‌ମନ୍ କରି ରଇଲାସ୍ ସେଟା ସବୁ ଏତାଇ କରି ମାରିଚପିଅଇ କାନ୍‌ସା ଆରି ଦାଡ୍ ମୁଣ୍ କାଡ୍‌ରି ଅଇସା । ୨୯ ଆରି ଜିଉଦି ନଇଲା ଲକ୍‌ମନ୍ ଏ ଦୁନିଆର୍ ସବୁ କନ୍‌ବିକନ୍‌

✠ ୧୩:୨୮ ୧୩:୨୮ ମାତିଉ ୨୨:୧୩; ୨୫:୩୦ ✠ ୧୩:୨୮ ୧୩:୨୮ ମାତିଉ ୮:୧୧, ୧୨

ଅନି ଆସି ପର୍ଯ୍ୟେସରର୍ ରାଇଜେ କାଇବାକେ ବସ୍‌ବାଇ । ୩୦ ✨ଆରି ଦେକା, ସାରାସାରି ରଇଲା ଲକ୍ ଆଗତୁ ଅଇବାଇ ଆରି ଆଗତୁ ରଇବା ଲକ୍‌ମନ୍ ପଟେ ଅଇଜିବାଇ ।”

**ଜିସୁ ଜିରୁସାଲମ୍‌କେ ଦେକିକରି କାନ୍‌ଲାଇ  
(ମାତିଉ ୨୩:୩୭-୩୯)**

୩୧ ସେଡକିବେଲେ କେତେଟା ପାରୁସି ଲକ୍‌ମନ୍ ଜିସୁର୍ ଲଗେ ଆସି କଇଲାଇ, “ତମେ ଏ ଜାଗା ଚାଡି ଉଚି ଜା, କାଇକେ ବଇଲେ ଏରଦ୍ ତମ୍‌କେ ମରାଇବାକେ ମନ୍ କଲାନି ।”

୩୨ ଜିସୁ ସେମନ୍‌କେ କଇଲା, “ତମେ ଜାଇ ସେ କଲିଆପାରା ଲକ୍‌କେ କୁଆ, ଦେକ୍ ଆଜି ଆରି କାଲି ମୁଇ ତୁମା ଚାଡାଇଲିନି ଆରି ନିକ କଲିନି । ଆରି ପର୍ଦିନ୍‌କେ ମୁଇ ମର୍ କାବା ଅଇଜିବା କାମ୍‌କଲିନି । ପର୍ଯ୍ୟେସରର୍ ଜଜ୍‌ନାଇ ରଇଲା ବେଲା କେଟ୍‌ବା ଆଗତୁ, ମୁଇ ଏଡି କାମ୍ କରି ସାରାଇବି । ୩୩ କାଇଟା ମିସା ଅ, ମୁଇ ଆଜି, କାଲିକେ ଆରି ପର୍ଦିନ୍‌କେ ଜାଇତେ ରଇବାର୍ ଆଟେ, କାଇକେ ବଇଲେ ପର୍ଯ୍ୟେସରର୍ ଟାନେଅନି ଆଇଲା ସବୁ ବବିସଡ୍‌ବକ୍‌ତାମନ୍‌କେ ଜିରୁସାଲାମେସେ ମରାଇଆଟଡ୍ ।”

୩୪ ଜିସୁ କଇଲା, “ଏ ଜିରୁସାଲମର୍ ଲକ୍‌ମନ୍ ! ପର୍ଯ୍ୟେସର୍ ତମର୍‌ଟାନେ ଜେଡକି ପାଟାଇରଇଲା ବବିସଡ୍‌ବକ୍‌ତାମନ୍‌କେ ମାରି ମରାଇଲାସ୍ ! ଆରି ପେରିଡ୍‌ମନ୍‌କେ ତର୍‌କେ ତର୍ ପାକ୍‌ନା ମାରି ମରାଇଲାସ୍ । ତେବେ ତମର୍‌ପାଇ ମର୍ ଲଗେ ଗଟେକ୍ କାତା ଆଟେ । ମାଇ କୁକୁଡା ଜେଡି ତାର୍ ଟିଅଁମନ୍‌କେ ତେନା ତଲେ ରୁଣ୍ଡାଇସି, ମୁଇ ସେଡି କେତେ ତର୍ ତମ୍‌କେ ରକିଆ କର୍‌ବାକେ ମନ୍ କଲି । ମାତର୍ ସେଡି କର୍‌ବାକେ ତମେ ନ ଦିଆସ୍ । ୩୫ ଦେକା, ତମର୍ ମନ୍‌ର୍ ଚାଡିଦେଇ ଆଟଡ୍ । ସେଟାର୍ ପାଇ ପର୍ଯ୍ୟେସର୍ ଏବେ ତମ୍‌କେ ‘ପାର୍‌ତନା ଗର୍ ଆରି ତମର୍ ଗଡ୍ ନିଜେ ରକିଆ କରା’ ବଲି ଚାଡି ଦେଲାଆଟେ । ମୁଇ ତମ୍‌କେ କଇଲିନି, ପର୍ଯ୍ୟେସର୍ ଜନ୍ ଲକ୍‌କେ ଆସିର୍‌ବାଦ୍ କରି ଆମର୍ ଲଗେ ପାଟାଇଲାଆଟେ ବଲି ମର୍ ବିସଇ ନେଇ, ତମେ ନ କଇବାଜାକ ମକେ ଦେକିନାପାରାସ୍ ।”

**୧୪**

**ଜିସୁ ଗଟେକ୍ ରଗିକେ ନିକକଲା**

୧ ତରେକ୍ ଜିସୁ ବିସ୍‌ରାମ୍‌ବାରେ ବଜି କାଇବାକେ ଗଟେକ୍ ପାରୁସି ନେତାର୍ ଗରେ ଗାଲା । ଆରି ସେମନ୍ ଜିସୁକେ କାଇଆଲେ ରୁଲ୍ ଦାର୍‌ବାକେ ଆଁକିମରାଇ ଦେକ୍‌ତେ ରଇଲାଇ । ୨ ତେଇ ଜିସୁ ତାର୍ ମୁଆଟେ ଗଟେକ୍ ପୁଲାରଗ୍ ଅଇରଇଲା ଲକ୍‌କେ ଦେକ୍‌ଲା । ୩ ତାର୍ ପଟେ ଜିସୁ ସେ ପାରୁସି ଆରି ମସାର୍ ନିୟ୍‌ମ୍ ସିକାଇଦେବା ଲକ୍‌ମନ୍‌କେ ପାଚାର୍‌ଲା । “ମସାର୍ ନିୟ୍‌ମ୍ ଇସାବେ ବିସ୍‌ରାମ୍‌ବାରେ ଗଟେକ୍ ରଗ୍ ଅଇଲା ଲକ୍‌କେ ନିକ କର୍‌ବା ବିଦି ଆଟେ କି ନାଇ ?”

୪ ମାତର୍ ସେମନ୍ କାଇଟାବଲି ମିସା ନ କଇ ରୁପ୍‌ଚାପ୍ ଅଇ ରଇଲାଇ । ସେଟାର୍ ପାଇ ଜିସୁ ସେ ରଗିକେ ଚିଇଲା ଆରି ନିକ କରି ପାଟାଇ ଦେଲା । ୫ ✨ତାର୍ ପଟେ ଜିସୁ ସେମନ୍‌କେ ପାଚାର୍‌ଲା, “ ବିସ୍‌ରାମ୍‌ବାରେ ତମର୍ ବିଡ୍‌ରେଅନି ଗଟେକ୍ କାର୍‌ଆଲେ ନିଜର୍ ପିଲା ନଇଲେ ଗଟେକ୍ ଗରୁ କୁଇସାଲେ ଅଦ୍‌ରି ରଇଲେ ତାକେ ଦାପ୍‌ରେ ଜିକି ନ ଆନାସ୍ କି ?” ୬ ଏତର୍ ମିସା ସେମନ୍ ଏ କାତାର୍ ଉତର୍ ଦେଇ ନାପାର୍‌ଲାଇ ।

**ସଡ୍‌ଦରମ୍ ରଇ ସେବାକର୍‌ବାର୍**

୭ ଆରି ତେଇ କାଇବାର୍ ଆସି ରଇଲା ଲକ୍‌ମନ୍ ନିଜର୍ ନିଜର୍ ପାଇ ମୁକିଅ ଜାଗା ବାଟି ରଇଲାଇ । ସେଟା ଜିସୁ ଦେକି କରି ସେମନ୍‌କେ ଏ ଉଦାଅରନ୍ ଦେଇ କଇଲା, ୮ “ଜେଡେବେଲା ତମ୍‌କେ କାର୍‌ଆଲେ ବିବାଗରେ ଜିବାକେ ଡାକ୍‌ବାଇ, ସେବେଲା ମୁକିଅ ଲକ୍‌ମନ୍ ବସ୍‌ବା ଜାଗାଇ ଜାଇ ବସାନାଇ । କାଇକେ ବଇଲେ ସେମନ୍ ତମର୍‌ତେଇଅନି ବଡ୍ ଲକ୍‌କେ ମିସା ବିବାଟାନେ ଜିବାକେ ଡାକି ରଇବାଇ । ୯ କେ ତମ୍‌କେ ଆରି ବଡ୍ ଲକ୍‌କେ ଡାକ୍‌ଲା ଆଟେ ସେ ଆସିକରି ତମ୍‌କେ କଇସି, ‘ଆକେ ଏ ନିକ ଜାଗା ଦେସ୍’ ବଲି । ତେଇ ତମେ ଉଚି ମୁକିଅ ନଇଲା ଜାଗାଇ ଜାଇ ବସ୍‌ବାର୍ ଆଟେ । ସେବେଲାଇ ତମ୍‌କେ ବେସି ଲାଜ୍ ଲାଗ୍‌ସି । ୧୦ ମାତର୍ ଜେଡେବଲ୍ ତମ୍‌କେ ଡାକ୍‌ବାଇ, ସେଡକିବେଲେ ତମେ ଜାଇ ମୁକିଅ ନଇଲା ଜାଗାଇ ବସା । ସେବେଲା ତକେ ଡାକ୍‌ଲା ଲକ୍ ଆସି କଇସି, ‘ଏ ମଇତର୍ ତୁଇ କାଇକେ ଇଡି ବସିଆରୁସ୍ ? ଆଉ ଏ ନିମାନ୍ ଜାଗାଇ ବସ୍’ । ସେବେଲା ତମର୍ ସଙ୍ଗ୍ ବସଲା ସବୁ ଲକ୍‌ମନ୍‌ର୍ ମୁଆଟେଅନି ଡାକିନେଇ ନିକ ଜାଗାଇ ବସାଇ ଦେଇସି । ଆରି ସବୁ ଲକ୍‌ର୍ ମୁଆଟେ ତମେ ସନ୍‌ମାନ୍ ପାଇସା । ୧୧ ✨କେ ନିଜ୍‌କେ ବଡ୍ ଲକ୍ ବଲି ବାବ୍‌ଲାନି ତାକେ ପର୍ଯ୍ୟେସର୍ ସାନ୍ କରାଇସି । ଆରି କେ ନିଜ୍‌କେ ସାନ୍ ଲକ୍ ବଲି ବାବ୍‌ସି ତାକେ ପର୍ଯ୍ୟେସର ବଡ୍ କରାଇସି ।” ବଲି କଇଲା ।

୧୨ ତାର୍‌ପଟେ ଜିସୁ ବଜିତେଇ ଡାକ୍‌ଲା ଲକ୍‌କେ କଇଲା, “ତୁଇ ଲକ୍‌ମନ୍‌କେ ବଜିତେଇ ଡାକ୍‌ବା ବେଲାଇ ତର୍ ମଇତର୍‌ମନ୍‌କେ, ବାଇମନ୍‌କେ, ନିଜର୍ ଲକ୍‌ମନ୍‌କେ ଆରି ସାଉକାର୍ ଲକ୍‌ମନ୍‌କେ ଡାକ୍

☆ ୧୩:୩୦ ୧୩:୩୦ ମାତିଉ ୧୯:୩୦;୨୦:୧୭; ମାର୍କ ୧୦:୩୧ ☆ ୧୪:୫ ୧୪:୫ ମାତିଉ ୧୨:୧୧ ☆ ୧୪:୧୧ ୧୪:୧୧ ମାତିଉ ୨୩:୧୨; ଲୁକ୍ ୧୮:୧୪



ନାଲ । କାଲକେବଇଲେ ସେମନ୍ କେତେବଲ୍ ମିସା ତକେ ଡାକିକରି ତୁଇ ଦେଲାପାରା ବଜି ବାଉଡାଲ ଦେଇପାରତ୍ । ୧୩ ତେବେ ତୁଇ ବଜି କଲେ ଗରିବ୍, କାଣା, ଚଟା ଆରି ଚେରେଙ୍ଗ୍‌ରଗି ଏନ୍ତାରି ଲକ୍‌ମନ୍‌କେ ଡାକି ଦେସ୍ । ୧୪ ସେନ୍ତି କଲେ ପର୍‌ମେସର୍ ତକେ ଆସିର୍‌ବାଦ୍ କର୍‌ସି । କାଲକେ ବଇଲେ ଏନ୍ତାରି ଲକ୍‌ମନ୍ ତୁଇ ଦେଲା ବଜି ବାଉଡାଲ ଦେଇ ନାପାରତ୍ । ପର୍‌ମେସର୍ ଦରମ୍ ଲକ୍‌ମନ୍‌କେ ମଲାଟାନେଅନି ଉଟାଇଲା ବେଲେ ତକେ ପୁରୁସ୍କାର୍ ମିଲ୍‌ସି ।”

**ବଡ଼ ବଜିର୍ ଉଦାଅରନ୍**  
(ମାତିଉ ୨୨:୧-୧୦)

୧୫ ଜିସୁ କଇଲା ବିସଇ ସୁନିକରି ତାର୍ ସଙ୍ଗ୍ ବଜିତେଇ କାଲବାକେ ବସି ରଇଲା ଲକ୍‌ମନ୍‌ର ବିଡ଼ରେଅନି ଗଟେକ୍ ଲକ୍ କଇଲା, “କେ କେ ପର୍‌ମେସର୍‌ର ରାଇଜେ ତାର୍ ସଙ୍ଗ୍ ବଜି କାଲବାକେ ବସ୍‌ବାଇ, ସେଟା ତାକର୍ ପାଇ ଗଟେକ୍ ବଡ଼ ଆସିର୍‌ବାଦ୍ ।”

୧୬ ଜିସୁ ସେ ଲକ୍‌କେ କଇଲା, “ତରେକ୍ ଗଟେକ୍ ଲକ୍ ବେସି ବଡ଼ ବଜି କଲା ।” ସେ ବଜିତେଇ ବେସି ଗତିଆମନ୍‌କେ ଡାକି ରଇଲା । ୧୭ ଆରି ରାନ୍‌ବାଟା ଟିକ୍ ଅଇଲା ପଚେ ସାଉକାର୍ ତାର୍ ଗତିଦାଙ୍ଗ୍‌ଡାକେ ଡାକି କଇଲା, “ମୁଇ ବଜିର୍ ପାଇ ଡାକ୍‌ଲା ଲକ୍‌କେ ଜାଇ କଅ, କାଲବାଟା ଅଇଗାଲାବେ କାଲବାକେ ଆସତ୍ ।” ୧୮ ମାତର୍ ଲକ୍‌ମନ୍ ଗଟେକ୍ ରକାମ୍ କଇଲା, “ମକେ କାମ୍ ଆଚେ, ନ ଆସୁ” ବଲି । ଗଟେକ୍ ଲକ୍ କଇଲା “ମୁଇ ନୁଆ ବେଡା ଗେନ୍‌ଲି ଆଟି ସେ ବେଡା ଦେକ୍‌ବାକେ ଜିବି । ଆସି ନାପାରି, ଦୟାକରି ତର୍ ସାଉକାର୍‌କେ ଅଲପ୍ କଇଦେସ୍ ।” ୧୯ ଆରି ଗଟେକ୍ ଲକ୍ କଇଲା, “ମୁଇ ପାଁର୍‌ମୁଣ୍ଟ୍ ଗରୁ ଗେନ୍‌ଲି ଆଟି, ଗରୁମନ୍‌କେ କସିକରି ଦେକ୍‌ବାକେ ଗାଲିନି । ଆସିନାପାରି ଦୟାକରି ତର୍ ସାଉକାର୍‌କେ ଅଲପ୍ କଇଦେସ୍ ।” ୨୦ ଆରି ଗଟେକ୍ ଲକ୍ କଇଲା, “ମୁଇ ନୁଆରେ ବିବା ଅଇଆଟି, ତେବେ ମୁଇ ଆସି ନାପାରି ।”

୨୧ ତାର୍ ପଚେ ସେ ଗତିଦାଙ୍ଗ୍‌ଡା ଆସି ସାଉକାର୍‌କେ ଏ ସବୁ କାତା ଜାନାଇଲା । ସେଟା ସୁନି ସାଉକାର୍ ବେସି ରିସାଅଇଜାଇ ତାକେ କଇଲା, “ଦାପ୍‌ରେ ଜାଇକରି ନଅରେ ଆରି ଗାଉଁ ମନ୍‌କେ ରଇଲା ଗରିବ୍, କାଣା, ଚଟା, ବଇରା ଆରି ଚେରେଙ୍ଗ୍‌ରଗିମନ୍‌କେ ଇତି ଡାକି ଆନ୍ ।” ୨୨ ସେ ଗତିଦାଙ୍ଗ୍‌ଡା ଜାଇକରି ସାଉକାର୍ କଇଲାପାରା ଲକ୍‌ମନ୍‌କେ ଆନ୍‌ଲା । ତାର୍ ପଚେ ଗତିଦାଙ୍ଗ୍‌ଡା ତାର୍ ସାଉକାର୍‌କେ କଇଲା, “ଏ ସାଉକାର୍ ତୁଇ କଇଲା ଇସାବେ ମୁଇ ଡାକିଆନ୍‌ଲି । ଏଲେ ମିସା ଆରି କେତେ ଲକ୍‌ର୍ ପାଇ ଜାଗା ଆଚେ ।” ୨୩ ଆରି ସାଉକାର୍ ସେ ଗତିଦାଙ୍ଗ୍‌ଡାକେ କଇଲା, “ଗତର୍ ସତ୍‌କ୍ ପାଲି ରଇଲା ଲକ୍‌ମନ୍‌କେ ଆରି ଗାଏଁ ରଇଲା ଗରିବ୍ ଲକ୍‌ମନ୍‌କେ ଜାଇକରି ଡାକିଆନ୍ । ମର୍ ଗରେ ଲକ୍ ପୁରୁନ୍ ଅଅଡ଼ ବଲି ମୁଇ ମନ୍ କଲିନି ।” ୨୪ ତାର୍‌ପଚେ ଜିସୁ କଇଲା, “ମୁଇ ଜନ୍ ଲକ୍‌ମନ୍‌କେ ପର୍‌ତୁମ୍ ଡାକିରଇଲି, ସେମନ୍ କଣ୍ଟେକ୍ ମିସା ଚାକି ନାପାରତ୍ ।”

**ସିସ୍ ଅଇବାର୍ ମୁଲିଅ**  
(ମାତିଉ ୧୦:୩୭-୩୮)

୨୫ ତରେକ୍ ବେସି ଲକ୍‌ମନ୍ ଜିସୁର୍ ସଙ୍ଗ୍ ଜାଇତେ ରଇଲା । ଆରି ସେ ପର୍‌ବାଟେ ବୁଲିକରି ସେମନ୍‌କେ କଇଲା । ୨୬ \* “ଜେ ମର୍ ଲଗେ ଆସିକରି ନିଜର୍ ବାବା, ମାଆ, ମାଇଜି ପିଲା, ବାଇ ବଇନି ଆରି ନିଜ୍‌କେ ମର୍‌ତେଇଅନି ଅଦିକ୍ ଆଲାଦ୍ କର୍‌ସି, ସେ ମର୍ ସିସ୍ ଅଇନାପାରେ । ୨୭ \* ଗଟେକ୍ ଲକ୍ ମର୍ ପଚେ ପଚେ ଇଣ୍ଟ୍‌ବାର୍‌ଆଲେ, ତାକେ ଦିଆଅଇଲା କୁରୁସ୍ ବଇକରି ନ ଇଣ୍ଟେ ବଇଲେ, ସେ କେବେ ମର୍ ସିସ୍ ଅଇନାପାରେ । ୨୮ ତମେ ଜଦି ଗଟେକ୍ ବଡ଼ ଗର୍ ବାନ୍‌ବାକେ ମନ୍ କଲାସ୍‌ନି ବଇଲେ, ବାନ୍‌ବା ଆଗ୍‌ତୁ କେତେକ୍ କର୍‌ତ ଅଇସି ସେଟା ବସି କରି ଇସାବ୍ କର୍‌ସା । ଆରି ସେ ଗରର୍ ସବୁ କାମ୍ କରିସାରାଇବାକେ ତମର୍ ଲଗେ ସେଡ଼କି ତାରୁ ଆଚେକି ନାଇ ବଲି ଇସାବ୍ କରିଦେକ୍‌ସା । ୨୯ ତମେ ଜଦି ଇସାବ୍ କରି ନ ଦେକ୍‌ଲେ ଗର୍ କାମ୍ ଆରାମ୍ କରି ସାରାଇ ନାପାରାସ୍ । ସେ କାମ୍ କରି ନ ସାରାଇଲେ ତମ୍‌କେ ଦେକ୍‌ବା ଲକ୍‌ମନ୍ ଆସିକରି ଲାଜକରି ଦେବାଇ । ୩୦ ସେମନ୍ କଇବାଇ, ଏ ଲକ୍ ବଡ଼ଟା ଗର୍ ବାନ୍‌ବାର୍ ଆରାମ୍ କଲା, ମାତର୍ ସାରାଇବାର୍ ନାପାରଲା ।”

୩୧ ଆରି ଜିସୁ କଇଲା, “ଗଟେକ୍ ରାଜା ଦସ୍‌ଅଜାର୍ ସନିଅ ଦାରି, କତେଅଜାର୍ ସନିଅ ରଇଲା ରାଜାସଙ୍ଗ୍ ଜୁଇଦ୍ କର୍‌ବାର୍ ଆଇଲେ, ପର୍‌ତୁମ୍ ତାର୍ ସନିଅମନ୍ ସଙ୍ଗ୍ ବସିକରି ତାର୍ ଦସ୍‌ଅଜାର ସନିଅମନ୍ ସଙ୍ଗ୍ ଜୁଇଦ୍ କଲେ ଜିତି ଅଇସି କି ନାଇ ବଲି ଜଜ୍‌ନା ନ କରେକି ? ୩୨ ଜଦି ସେ ରାଜା ଜିତି ନର୍ସି ବଲି ବାବ୍‌ଲେ ସେମନ୍ ଦୁରିକେ ରଇଲା ବେଲେସେ, ଏ ରାଜା ତାର୍ କେତେଟା ଲକ୍‌କେ ପାଟାଇ କରି, ଜୁଇଦ୍ ନ କରି ସାନ୍ତିର୍ ରାଜିନାମା କର୍‌ବାକେ କଇସି । ୩୩ ତମେମିସା ସେନ୍ତାରିସେ ମର୍ ସିସ୍ ଅଇବାକେ ମନ୍

\* ୧୪:୨୭ ୧୪:୨୭ ମାତିଉ ୧୦:୩୭ \* ୧୪:୨୭ ୧୪:୨୭ ମାତିଉ ୧୦:୩୮; ୧୭:୨୪; ମାର୍କ ୮:୩୪; ଲୁକ୍ ୯:୨୩

କଲେ ତମରତେଇ ରଇଲା ସବୁଟା ଚାଡ଼ିଦେବାକେ ମନ୍ କର୍ବାର ଆଚେ । ନଇଲେ ତମେ ମର୍ ସିସ୍ ଅଇ ନାପାରାସ୍ ।”

ଚପରା ରଇବା ନୁନ୍  
(ମାତିଉ ୫:୩; ମାର୍କ ୯:୫୦)

୩୪ “ନୁନ୍ ଗଟେକ୍ ବଡ଼ିଆ ଦିନ୍ସୁ । ନୁନ୍ ଜଦି ନୁନ୍ ପାରା କରିଆ ନ ଅଇଲେ ସେଟା ଆରିତରେକ୍ କେନ୍ତି ନୁନ୍ପାରା କରିଅଇସି । ୩୫ ସେଟା ମାଟି କି କଡ଼ କର୍ବାକେ ମିସା କାମେ ନ ଆସେ । ସେଟା ପିଙ୍ଗି ଦେବାରସେ ଅଇସି । ଜାକେ ସୁନ୍ଲାପାରା କାନ୍ ଆଚେ ସେ ସୁନ୍ ।”

### ୧୫

ଆଜ୍ଞା ମେଣ୍ଟା  
(ମାତିଉ ୧୮:୧୨-୧୪)

୧ \*ଦିନେକ୍ ଜିସୁ କଇବା କାତା ସୁନ୍ବାକେ ସିସ୍ତୁ ମାଙ୍ଗ୍ବା ଲକ୍ମନ୍ ଆରି ଏନ୍ତି ବେସି ପାପିଲକ୍ମନ୍ ତାର୍ ଲଗେ ଆଇତେ ରଇଲାଇ । ୨ ତେଇ ପାରୁସି ଲକ୍ମନ୍ ଆରି ନିୟ୍ମ୍ ସିକାଇ ଦେବା ଲକ୍ମନ୍, ଏଟା ଦେକି ତାର୍ ବିରଦେ ଏନ୍ତି କଇବାର୍ ବସଲାଇ । “ଏ ଲକ୍ମକେ ଦେକା, ସେ ପାପି ଲକ୍ମନ୍ ସଙ୍ଗ୍ ମଇତର୍ ପାରା ଅଇ ତାକର୍ ସଙ୍ଗ୍ ମିସ୍ତେ କାଇଲାନି ।” ୩ ସେଟାର୍ ପାଇ ଜିସୁ ସେମନ୍କେ ଏ ଉଦାଅରନ୍ କଇଲା ।

୪ “ଜଦି ତମର୍ ବିତ୍ତରେ ଗଟେକ୍ ଲକ୍ମର୍ ସଏଟା ମେଣ୍ଟା ରଇସି ଆରି ସେ ବିତ୍ତରେଅନି ଗଟେକ୍ ଆଜିଜାଇସି ବଇଲେ ତମେ କାଇଟା କର୍ସା ? ସେ ନବେ ନଅଟା ମେଣ୍ଟାମନ୍କେ ଚାରଡ଼ବଲି ଚାଡ଼ିଦେଇ, ଆଜିଗାଲା ଗଟେକ୍ ମେଣ୍ଟା ମିଲ୍ବାଜାକ ନ କଜାସ୍ କି ? ୫ ଆରି ଜେତେବଲ୍ ସେ ମେଣ୍ଟା ମିଲାଇସି, ବେସି ସାର୍ଦା ଅଇ ମେଣ୍ଟାକେ କନ୍ଦେ ବଇକରି ଗରେ ଦାରିଆଇସା । ୬ ତମେ ଗରେ କେଟ୍ଲା ପଚେ, ତମର୍ ମଇତର୍ମନ୍କେ ଆରି ଗର୍ ଲଗର୍ ଲକ୍ମକେ ତାକିକରି ‘ମର ସଙ୍ଗ୍ ସାର୍ଦା କରା, କାଇକେବଇଲେ ମର୍ ଆଜିଗାଲା ମେଣ୍ଟା ମିଲ୍ଲା’ ବଲି କଇସା । ୭ ସେନ୍ତାରି ମୁଇ ତମକେ କଇଲିନି, ‘ଆମେ ପାପି ଲକ୍ମନ୍ ନଉଁ ବଲି ବାବ୍ତେରଇବା ନବେ ନଅଟା ଦରମ୍ ଲକ୍ମନ୍ ରଇଲେମିସା ଗଟେକ୍ ପାପି ଲକ୍ ନିଜେ ‘ମୁଇ ଗଟେକ୍ ପାପି’ ବଲି ଏତାଇସି । ପଚେ ମନ୍ବାଦ୍ଲାଇ କରି ପର୍ମେସରର୍ ଲଗେ ଆଇସି । ସେ ନବେ ନଅଟା ଦରମ୍ ଲକ୍ମନ୍ରତେଇ ଅନି ଏ ଗଟେକ୍ ଲକ୍ମର୍ ପାଇ ସର୍ଗେ ଅଦିକ୍ ସାର୍ଦା କର୍ବାଇ ।”

ଆଜିରଲା ରୁପା ଟାଙ୍ଗା

୮ ଏ କାତା ସୁନାଇ ଦେବାକେ ଜିସୁ ଆରି ଗଟେକ୍ କାତାନି ସେମନ୍କେ କଇଲା, “ଜଦି ଗଟେକ୍ ମାଇଜିର୍ ଦସ୍ଟା ରୁପାଟାଙ୍ଗା\* ରଇଲା । ତେଇଅନି ଗଟେକ୍ ଅଦ୍ଲି ଆଜିଗାଲେ ସେ କାଇଟା କର୍ସି ? ସେ ବଡ଼ି ଲାଗାଇ ଗୁଲାଇ ଗର୍ ସେଟା ନ ମିଲ୍ବାଜାକ ବାତାନ୍ ରୁଡାନ୍ କରି କଜ୍ସି । ୯ ଆରି ସେଟା ମିଲ୍ଲା ଦାପ୍ତରେ ତାର୍ ମଇତର୍ମନ୍କେ ଆରି ଗର୍ ଲଗେ ରଇଲା ଲକ୍ମନ୍କେ କଇସି ‘ତମେ ମରସଙ୍ଗ୍ ସାର୍ଦା କରା, କାଇକେ ବଇଲେ ଆଜିଗାଲା ରୁପାଅଦ୍ଲି ତାରୁ ମକେ ମିଲ୍ଲା ଆଚେ’ । ୧୦ ମୁଇ ତମକେ କଇଲିନି, ସେନ୍ତିସେ ଗଟେକ୍ ପାପି ଲକ୍ ମାପ୍ତୁରତେଇ ମନ୍ବାଦ୍ଲାଇସି ବଇଲେ, ପର୍ମେସରର୍ ଦୁଡ଼ମନ୍ ବେସି ସାର୍ଦା କର୍ବାଇ ।”

ଆଜ୍ଞା ପିଲା

୧୧ ଏ କାତା ରୁଜାଇ ଦେବାକେ ଜିସୁ ସେମନ୍କେ ଆରି ଗଟେକ୍ କାତାନି କଇଲା । ଗଟେକ୍ ଲକ୍ମକେ ଦୁଇଟା ପିଲାମନ୍ ରଇଲାଇ । ୧୨ ଦିନେକ୍ ସାନ୍ ପଅ ତାର୍ ବାବାକେ କଇଲା, “ଏ ବାବା ତର୍ ଦନ୍ ମର୍ବାଗେ ଜେଡ଼କି ଅଇସି, ସେଟା ଏବେ ମକେ ଦେଇପାକା ।” ସେଟାର୍ ପାଇ ତାର୍ ବାବା ତାର୍ ଦନ୍ ଦୁଇବାଗ୍ କରି ତାର୍ ପିଲାମନ୍କେ ଦେଲା । ୧୩ ଅଲପ୍ ଦିନ୍ ଗାଲା ପଚେ ସାନ୍ ପିଲା ତାର୍ ବାଗର୍ ସବୁ ଦନ୍ ବିକିଦେଇ ମିଲ୍ଲା ତାରୁ ଟୁଲିଆଇ ଗଟେକ୍ ଦୁର୍ ଦେସେ ଉଟିଗାଲା । ଆରି ତାର୍ ସବୁ ତାରୁ ନିଜେ ମନ୍କଲା ଇସାବେ କର୍ଟ କଲା । ୧୪ ତାର୍ଲଗେ ରଇଲା ସବୁ ତାରୁ ସାରାଇଦେଲା । ପଚେ ସେ ଦେସର୍ ଗୁଲାଇ ବାଟେ ମର୍ଡି ଅଇଲା । ଆରି କାଇଟା ମିସା ଗେନି କାଇବାକେ ତାର୍ଲଗେ ତାରୁ ନ ରଇଲା । ୧୫ ତେବେ ସେ ଗଡେ ଗଟେକ୍ ଲକ୍ମର୍ ଗରେ କୁଲି ମିଲ୍ସି କାଇକି ବଲି କାମ୍ କଜ୍ବାର୍ ଗାଲା । ସେ ଲକ୍ ତାକେ ଗୁସ୍ରି ଚାରାଇବା କାମ୍ ଦେଲା । ୧୬ ଆରି ତାକେ ବେସି ବୁକ୍ ଲାଗ୍ତେ ରଇଲା । ତାକେ ଗୁସ୍ରିମନ୍ କାଦି କାଇବାକେ ମନ୍ଲାଗଲା ମାତର୍ ସେ କାଦି ମିସା ଦେଅଡ଼ ନାଇ । ୧୭ ସେବେଲେ ତାକେ ଚେଡ଼ନା ଆଇଲାଜେ ସେ ମନେ ମନେ ଏନ୍ତି ବାଦ୍ଲା । ମର୍ ବାବାର୍ ଗରେତା କାମ୍ କର୍ବା ଗଡ଼ିଦାଙ୍ଗ୍ତାମନ୍ କେତେ କାଦି ଉର୍ବି ଗାଲାନି । ମାତର୍ ମୁଇ ଇଡି ବୁକେ ମରିଜିବିବେ

\* ୧୫:୧ ୧୫:୧ ଲୁକ୍ ୫:୨୯, ୩୦ \* ୧୫:୮ ୧୫:୮ ଗଟେକ୍ ରୁପା ଟାଙ୍ଗା ଦାମ୍, ଗଟେକ୍ ଦିନର୍କୁଲି ତାରୁ ଏଡ଼କି

୧୮ ସେଟାର୍ପାଇ ମୁଇ ଏ ଜାଗା ଗଢ଼ିକରି ମର୍ ବାବାର ଲଗେ ବାଉଡ଼ି ଜିବି । ଆରି ତାକେ କଇବି, “ଏ ବାବା ମୁଇ ପରମେସର୍ ଆରି ତର୍ ବିରଦେ ପାପ୍ କରିଆତି । ୧୯ ମୁଇ ଆରି ତର୍ ପିଲା ଅଇବାର୍ ଅଦିକାର୍ ନାଇ ଆରି ତର୍ ଗତିଦାଙ୍ଗ୍ତାମନର୍ ବିଡ଼ରେ ଗଟେକ୍ ଗତିଦାଙ୍ଗ୍ତା ଅଇ ରଇବି” ବଲି କଇବି । ୨୦ ଆରି ସେ ଜାଗା ଗଢ଼ି ବାବାର ଲଗେ ଜିବାକେ ବାରଇଲା ।

ମାତର୍ ସେ ପିଲା ଦୁରିକେ ରଇଲାବେଲେ ବାବା ତାକେ ଦେକ୍ଲା । ତାକେ ଦେକି ବେସି କଲିକରମ୍ ଅଇ, ତାର୍ ଲଗେ ପାଲାଅ ଆସି ପାଗାଲିକରି ତୁମ୍ଲା । ୨୧ ସେ ପିଲା ତାର୍ ବାବାକେ କଇଲା, “ଏ ବାବା ମୁଇ ପରମେସର୍ ବିରଦେ ଆରି ତର୍ ବିରଦେ ପାପ୍ କଲିଆତି ସେଟାର୍ପାଇ ତର୍ ପିଲା ଅଇବାର୍ ମର୍ ଅଦିକାର୍ ନାଇ ।” ୨୨ ମାତର୍ ତାର୍ ବାବା ନିଜର୍ ଗତିଦାଙ୍ଗ୍ତାମନ୍କେ କଇଲା, “ତମେ ବେଗି ଜାଇକରି ସବୁରଗାନେଅନି ନିମାନ୍ ଚକାପଟିଆ ତାକେ ପିନ୍ଧାଇଦିଆସ୍ । ଆରି ତାର୍ ଆଙ୍ଗ୍ଟି ମୁଦି ପିନ୍ଧାଆ । ତାର୍ ଗଡେ ପାଣ୍ଡୁଇ ପିନ୍ଧାଇଦିଆସ୍ ।” ୨୩ ଆରି ତାର୍ ଗତିଦାଙ୍ଗ୍ତାମନ୍କେ କଇଲା, “ଆମର୍ତେଇ ରଇଲା ସବୁରଗାନେଅନି ଗଟେକ୍ ଗାଗଡ଼ ରଇବା ପସୁ ଆନି ମାରା, ଆରି ଆମେ ସାର୍ଦା ଅଇକରି ବଜି କରୁ । ୨୪ କାଇକେ ବଇଲେ ମର୍ ପିଲା ମରିଜାଇରଇଲା, ଆରି ଏବେ ଜିବନ୍ ଅଇଲା ଆତେ । ସେ ଆଜିଜାଇ ରଇଲା ଏବେ ମିଲ୍ଲା ଆତେ ।” ସେଟାର୍ପାଇ ସେମନ୍ ବଜି କର୍ବାର୍ ବସ୍ଲାଇ ।

୨୫ ସେ ବେଲା ତାର୍ ବଡ଼ ପଅ ତାସ୍ପଦାଇ ରଇଲା । ସେ ବାଉଡ଼ି କରି ଗର୍ ଲଗେ ଆଇବା ବେଲାଇ ବାଜାବାଇଦ୍ କରି ନାଟ୍ଟିଡ଼ କର୍ବାଟା ସୁନ୍ଲା । ୨୬ ସେ ଗଟେକ୍ ଗତିଦାଙ୍ଗ୍ତାକେ ଡାକିକରି ପାଚାର୍ଲା, “ଇତି କାଇଟା ଅଇଲାନି ?” ୨୭ ଗତିଦାଙ୍ଗ୍ତା ତାକେ କଇଲା, “ତର୍ ବାଇ ଗରେ ବାଉଡ଼ି ଆଇଲା ଆତେ । ଆରି ତର୍ ବାବା, ତର୍ ବାଇ ଜର୍ଦ୍ଦୁକା ନ ଅଇ ଜିବନ୍ ଅଇ ଆଇଲାକେ ଗଟେକ୍ ଗାଗଡ଼ ପସୁକେ ମାର୍ଲା ଆତେ ।”

୨୮ ଏ କାତା ସୁନି ବଡ଼ ପଅ ବେସି ରିସା ଅଇଗାଲା । ସେ ଗର୍ ବିଡ଼ରେ ପୁରେ ମିସା ନାଇ । ମାତର୍ ତାର୍ ବାବା ବଡ଼ ପଅର୍ ଲଗେ ଜାଇ ଗରେ ଜିବାକେ ବୁଜାଇବାର୍ ଦାର୍ଲା । ୨୯ ମାତର୍ ବଡ଼ ପଅ ତାର୍ ବାବାକେ କଇଲା, “ଦେକ୍, ମୁଇ ଏତେକ୍ ବରସ୍ ଜାକ ଗଟେକ୍ ଗତିଦାଙ୍ଗ୍ତା ପାରା ତର୍ ସେବା କଲିନି ଆରି ତର୍ କାତା ମାନି କରି ରଇଲି । ତୁଇ ମକେ କାଇଟା ଦେଇଆରୁସ୍ ? ମର୍ ମଇତର୍ମନର୍ ସଙ୍ଗ୍ ବଜି କରା ବଲି ଗଟେକ୍ ସାନ୍ଟା ପସୁ ମିସା ଦେଉସ୍ ନାଇ । ୩୦ ମାତର୍ ତର୍ ଏ ସାନ୍ ପଅ ସବୁ ଦନ୍ ଦାରିଜାଇ ବେସିଆମନ୍କେ ଦେଇ ସାରାଇଦେଲା ଆରି ସେ ଗରେ ବାଉଡ଼ି ଆଇଲାକେ ତୁଇ ତାର୍ ପାଇ ଗଟେକ୍ ଗାଗଡ଼ଟା ପସୁକେ ମାର୍ଲୁସ୍ !” ୩୧ ସେବେଲେ ତାର୍ ବାବା ବଡ଼ ପଅକେ କଇଲା, “ଏ ନୁନା ତୁଇତା ସବୁ ବେଲା ମର୍ ସଙ୍ଗ୍ ରଇଲୁସନି ଆରି ମର୍ ଜେଡ଼କି ଦନ୍ ଆତେ ସେଟା ସବୁ ତର୍ଟାସେ । ୩୨ ମାତର୍ ତର୍ ବାଇ ମରିଜାଇରଇଲା । ଏବେ ସେ ଜିବନ୍ ଅଇଆତେ ସେ ଆଜିଜାଇରଇଲା ମାତର୍ ଏବେ ମିଲ୍ଲା ଆତେ । ସେଟାର୍ପାଇ ଆମେ ସାର୍ଦା କର୍ବାର୍ ରଇଲା ।”

### ୧୬

#### ବିସ୍ବାସ କର୍ବା ଗୁମସ୍ତା

୧ ଜିସୁ ତାର୍ ସିସ୍ମାନ୍କେ ଗଟେକ୍ କାତାନି ବୁଜାଇ କଇଲା । “ଗଟେକ୍ ସାଉକାର୍ ଲକ୍ ରଇଲା । ତାର୍ ଦନ୍ ଇସାବ୍ କିତାବ୍ କର୍ବାକେ ଗଟେକ୍ ମୁକିଅ ଗତିଦାଙ୍ଗ୍ତା ରଇଲା । ଆରି ସେ ସବୁ ଦନ୍ ଏନେତେନେ କରିଦେଲାନି ବଲି ଗଟେକ୍ ଲକ୍ଟେଇ ଅନି ସାଉକାର୍ ସୁନ୍ଲା ।” ୨ ସେଟାର୍ ପାଇ ସାଉକାର୍ ମୁକିଅ ଗତିଦାଙ୍ଗ୍ତାକେ ଡାକି କଇଲା, “ତୁଇ ଟିକ୍ ସଙ୍ଗ୍ ଇସାବ୍ପତର୍ କରୁସ୍ ନାଇ ବଲି ମୁଇ ବେସି କାତା ସୁନ୍ଲିନି । ମର୍ ସବୁ ତାର୍ ଇସାବ୍ ମକେ ଦେ । କାଇକେ ବଇଲେ ତୁଇ ଆରି ମର୍ ମୁକିଅ ଗତିଦାଙ୍ଗ୍ତାର୍ କାମେ ନ ରଉସ୍ ।” ୩ ସେବେଲା ସେ ମୁକିଅ ଗତିଦାଙ୍ଗ୍ତା ମନେ ମନେ ଏତାଇଲା । ଏବେ ମୁଇ କାଇଟା କର୍ବି ? ମର୍ ସାଉକାର୍ କାମେ ଅନି ବାର୍କରିଦେବି ବଲି କଇଲା ଆତେ । ମାଟି ମାର୍ବାକେ ମକେ ବପୁ ନାଇ ଆରି ବିକ୍ ମାଗ୍ଟି ବଇଲେ ମିସା ଲାଜ୍ ଲାଗ୍ଲାନି । ୪ ମୁଇ କାଇଟା କର୍ବାର୍ ଆତେ ବଲି ଜାନି ଆତି । ମକେ ଏ କାମେଅନି ବାର୍ କରିଦେଲା ପତେ କାଇଟା କଲେ ଲକ୍ମନର୍ ଗରେ ମକେ ଡାକି ନିକକରି ଦେକ୍ବାଇ ବଲି ବାବ୍ଲା ।

୫ ତେବେ ସେ ମୁକିଅ ଗତିଦାଙ୍ଗ୍ତା ତାର୍ ସାଉକାର୍ତେଇଅନି ଉଦାର୍ ନେଲା ସବୁ ଲକ୍କେ ଡାକ୍ଲା । ପର୍ତୁମ୍ ଗଟେକ୍ ଲକ୍କେ ଡାକି ପାଚାର୍ଲା, “ତୁଇ ମର୍ ସାଉକାର୍କେ କେତେକ୍ ଦେବାର୍ ଆତେ ?” ୬ ସେ ଲକ୍ ତାକେ “ସଏ ଡାବା ଟିକନ୍ ।” ବଲି କଇଲା । ମୁକିଅ ଗତିଦାଙ୍ଗ୍ତା ତାକେ କଇଲା, “ତମେ ଉଦାର୍ ନେଲା ପତିଲଗେ ଉନା କରି ପଚାସ୍ ଡାବା ବଲି ଲେକିଦେସ୍ ।” ୭ ତାର୍ ପତେ ସେ ଆରି ଗଟେକ୍ ଲକ୍କେ ପାଚାର୍ଲା, “ତମେ କେତେକ୍ ଦେବାର୍ ଆତେ ?” ଉଦାର୍ ନେଲା ଲକ୍ କଇଲା, “ଅଜାର୍ ବାସ୍ତା ଦାନ୍ ।” ମୁକିଅ ଗତିଦାଙ୍ଗ୍ତା ତାକେ କଇଲା “ତୁଇ ଉଦାର୍ ନେଲା ପତିତେଇ ଉନାକରି ଆଟ୍ ସଅ ବାସ୍ତା ବଲି ଲେକିଦେସ୍ ।”

୮ ଏବଂ ପାଇ ସେ ମିତ୍ରୁଆ ମୁକ୍ତି ଗତିଦାଙ୍ଗତାକେ ତାର ସାଉକାର କଲଲା, “ତୁଇ ବେସି ଚାଲାକି ଅଇକରି ଏନ୍ତି କାମ୍ କରିଆରୁସ୍ । କାଇକେ ବଇଲେ ଏ ଦୁନିଆର୍ ଲକ୍ମନ୍ ନିଜର୍ କାମ୍ କରବାକେ ପର୍ମେସରର୍ ଲକ୍ମନ୍ ଟାନେଅନି ଅଦିକ୍ ଚାଲାକି ।”

୯ ଆରି ଜିସୁ କଇଲା, “ସେଟାର ପାଇ ମୁଇ ତମକେ କଇଲିନି, ଲକ୍ମନ୍ କେ ଏ ଦୁନିଆର୍ ଦନ୍ ଦେଇ କରି ନିଜର୍ ନିଜର୍ ପାଇ ମଇତର୍ କରା । ସେନ୍ତାରି କଲେ ଜେଡେବଲ୍ ତମର୍ ଦୁନିଆର୍ ଦନ୍ ସାରିଜାଇସି, ପର୍ମେସର ତମକେ କାଲକାଲ୍ ଜୁଗଜୁଗ୍ ରଇବା ଗରେ ତାକି ନେଇସି । ୧୦ କେ ସାନ୍ ବିସଇ ସତ୍ସଙ୍ଗ୍ କରସି, ସେ ବଡ଼ ବିସଇ ସତ୍ସଙ୍ଗ୍ କରସି । ସେନ୍ତାରସେ କେ ସାନ୍ ବିସଇ ନେଇକରି ସତ୍ କାମ୍ ନ କରେ ସେ ବଡ଼ ବିସଇତେଇ ମିସା ସତ୍ କାମ୍ ନ କରେ । ୧୧ ପର୍ମେସର ତମକେ ଏ ଦୁନିଆଇ ଦେଲା ତାରୁ ଆରି ଦନର୍ ବିସଇ ସତଇସେ ନ କରାସ୍ ବଇଲେ ସରଗର୍ ଦନ୍ ତମକେ ମିଲବାକେ ନ ଦେଏ । ୧୨ ତମେ ବିନ୍ ଲକ୍ମନ୍ ଦନ୍ ସତ୍ସଙ୍ଗ୍ ବେ ନ ସଙ୍ଗଇଲେ ନିଜର୍ ଦନ୍ କେ ତମକେ ଦେଇସି ? ୧୩ ଗଟେକ୍ ଗତିଦାଙ୍ଗତା ଦୁଇଟା ସାଉକାରର୍ ଦାଇଡ଼ ସମାନ୍ ବାବେ କରିନାପାରେ । କାଇକେବଇଲେ ସେ ଗଟେକ୍ ସାଉକାରକେ ଆଲାଦ୍ କରସି ଆରି ଗଟେକ୍ ସାଉକାରକେ ଗିନ୍ କରସି । ଗଟେକ୍ ସାଉକାରକେ ନାମସି ଆରି ଗଟେକ୍ କେ ନ ନାମେ । ସେନ୍ତାରସେ ଗଟେକ୍ ଲକ୍ ଏକାତରେକ୍ ଏ ଦୁନିଆର୍ ଦନ୍ ଆରି ପର୍ମେସରକେ ସମାନ୍ବାବେ ସେବା କରିନାପାରେ ।”

**ଜିସୁର୍ କେଡେଟା କାତା**

(ମାତିଉ ୧୧:୧୨-୧୩; ୫:୩୧-୩୨; ମାର୍କ ୧୦:୧୧-୧୨)

୧୪ ପାରୁସି ଦଲର ଲକ୍ମନ୍ ଏ ସବୁ କାତା ସୁନି ଜିସୁକେ ଟାପରା କଲାଇ, କାଇକେ ବଇଲେ ତାରୁ ଆକା ସେମନର୍ ଜିବର୍ ଦନ୍ ବଲି ବାବ୍ତେ ରଇଲାଇ । ୧୫ ଜିସୁ ସେମନକେ କଇଲା, “ତମେ ଲକ୍ମନ୍ ମୁଆଟେ ନିକ ବଲି ଦେକାଇ ଅଇଲାସିନି । ମାତର୍ ତମର୍ ମନ୍ବିତ୍ତରେ କାଇଟା ଆଟେ ସେଟା ପର୍ମେସର ଜାନିଆଟେ । ଜନ୍ ଦିନ୍ସୁ ଲକ୍ମନ୍ ବେସି ମୁଲିଅ ବଲି ବାବ୍ଲାଇନି ସେଟା ପର୍ମେସର ଦେକ୍ବା ଇସାବେ ବେସି ଗିନର୍ ବିସଇ ।”

୧୬ “ତୁବନ୍ ଦେଉ ଜଅନ୍ ଆସି ନିକ କାତା କଇବାଟା ଆରାମ୍ କରବା ଜାକ, ମସାର୍ ନିୟମ୍ ଆରି ବବିସତ୍ବକ୍ତାମନର୍ କାତା ତମକେ କାତାଇ ନେଇଡେ ରଇଲା । ଜଅନ୍ ଆଇଲା ପଟେ, ପର୍ମେସରର୍ ରାଇଜର୍ ସୁବ୍ କବର୍ ଜାନାଇଲାଇନି । ଆରି ନିଜର୍ ବପୁସଙ୍ଗ୍ ପର୍ମେସରର୍ ରାଇଜେ ଜିବାକେ ବେସି ଲକ୍ମନ୍ ଚେସ୍ଟା କଲାଇନି । ୧୭ ସରଗ୍ ଆରି ଦୁନିଆ ନସିଗାଲେ ମିସା ନିୟମେ ଲେକା ଅଇରଇଲାଟା ଗଟେକ୍ ମିସା ଅଇକର୍ ନ ନସେ ।”

୧୮ “କେମିସା ନିଜର୍ ମାଇଜିକେ ଚାଡ଼ି ବିନ୍ଟା ଆନ୍ଲେ, ସେ ଦାଙ୍ଗ୍ଡିସଙ୍ଗ୍ ବେସିଆ କାମ୍ କଲା ଲକ୍ ଅଇଜାଇସି । ଆରି କେ, ସେ ଚାଡ଼ଲା ଦାଙ୍ଗ୍ଡିକେ ବିବା ଅଇସି ବଇଲେ ସେ ମିସା ଦାଙ୍ଗ୍ଡିସଙ୍ଗ୍ ବେସିଆ କାମ୍ କଲା ଆଟେ ।” ବଲି କଇଲା ।

**ଗଟେକ୍ ସାଉକାର୍ ଆରି ଲାଜାର୍**

୧୯ ଜିସୁ ସେମନକେ ଗଟେକ୍ କାତାନି ବୁଜାଇକରି କଇଲା, “ଗଟେକ୍ ସାଉକାର୍ ଲକ୍ ରଇଲା । ସେ ଲଟେକ୍ ମଲ୍ ଦେଇ ଗେନ୍ଲା ନିକ ନିକ ଚକା ପଟିଆ ପିନ୍ଦ୍ତେ ରଇଲା । ସେ ସବୁଦିନ୍ ବଜି କରି ନିଜେ ସାର୍ଦା ଅଇଡେରଇଲା । ୨୦ ତେଇ ଲାଜାର୍ ନାଉର୍ ଅର୍କିଡ଼ ଲକ୍ ଗଟେକ୍ ରଇଲା । ତାର୍ ଗୁଲାଇ ଗାଗଡ଼ ଗାଉ ଅଇରଇଲା । ତାକେ ଆନିକରି ସାଉକାର୍ କାପାଟ୍ ଲଗେ ତୁଲାଇଡେ ରଇଲାଇ । ୨୧ ତେଇ ରଇ, ସେ ସାଉକାର୍ ତାଲିଅନି ଅଦରଲା ସକ୍ତି ବାଡ଼ସିତା ବେଟି କାଇବାକେ ମନ୍ କରଡେ ରଇଲା । କୁକୁର୍ମନ୍ ତାର୍ ଗାଗଡ଼ ଗାଉ ଚାଟ୍ଡେ ରଇଲାଇ ।”

୨୨ କେଡେ ଦିନ୍ ଗାଲାପଟେ ସେ ଅର୍କିଡ଼ ଲକ୍ ମରିଗାଲା । ଆରି ପର୍ମେସରର୍ ଦୁଡ଼ମନ୍ ଆସି ତାକେ ସରଗ୍ପୁରର୍ ବଜିଡେଇ ଅବ୍ରାଆମର୍ ଲଗେ ବସ୍ବାକେ ଦାରି ଗାଲାଇ । ଆରି କେଡେ ଦିନ୍ ଗାଲାପଟେ ସେ ସାଉକାର୍ ମିସା ମରିଗାଲା । ତାକେ ନେଇ ତପିଦେଲାଇ । ୨୩ ଆରି ସେ ନରକ୍ କୁଣ୍ଡେ ଗାଲା । ତେଇ ସେ ବେସି କସ୍ଟ ପାଇବାବେଲା ଉପରେ ସରଗ୍ପୁରେ ଦେକ୍ଲେ ଲାଜାର୍ ଅବ୍ରାଆମର୍ ଲଗେ ବସି ଆଟେ । ୨୪ ସେ ଆଉଲି ଅଇ କଇଲା, “ଏ ବାବା ଅବ୍ରାଆମ୍, ମକେ ଦୟା କର୍ । ଲାଜାର୍କେ ମର ଲଗେ ପାଟାଇଦେସ୍ । ସେ ଆସିକରି ନିଜର୍ ଆଙ୍ଗ୍ଟି ସଙ୍ଗ୍ ପାନି ଦେଇ, ମର୍ ଜିବ୍ କାକର୍ କର । କାଇକେ ବଇଲେ ମୁଇ ଏ ନରକ୍ପୁରର୍ ଜଇଲଗେ ବେସି କସ୍ଟ ପାଇଲିନି ।”

୨୫ ମାତର୍ ଅବ୍ରାଆମ୍ କଇଲା, “ବାରୁରେ, ତୁଇ ଜିବନ୍ ରଇଲାବେଲାଟା କାତା ମନେ ଏତାଇ ଦେକ୍ । ତର୍ ଜିବନେ ସବୁ ନିମାନ୍ ବିସଇ ପାଇରଇଲୁସ୍ । ଆରି ଲାଜାର୍ ସବୁ କାରାପ୍ ବିସଇ ପାଇଲା । ମାତର୍

☆ ୧୭:୧୩ ୧୭:୧୩ ମାତିଉ ୭:୨୪ ☆ ୧୭:୧୭ ୧୭:୧୭ ମାତିଉ ୧୧:୧୨, ୧୩ ☆ ୧୭:୧୭ ୧୭:୧୭ ମାତିଉ ୫:୧୮ ☆ ୧୭:୧୮ ୧୭:୧୮ ମାତିଉ ୫:୩୨; ୧୮ କରନ୍ତିୟ ୭:୧୦, ୧୧

ସେ ଏବେ ଏ ଜାଗା ଯାଉଥିଲା ଆତେ । ଆରି ତୁଇ ବେସି କସ୍ ପାଇଲୁସ୍ନି ।<sup>୨୭</sup> ଆରି ଗଟେକ୍ ବିସଇ ଅଇଲାନ୍ନି, ତର୍ ଆମର୍ ମଜାଇ ଗଟେକ୍ ବଡେଟା ପାଗଡ୍ ଆତେ । ଇତିର୍ ଲକ୍ ସିତି ଜାଇ ନଏ ଆରି ସିତିର୍ ଲକ୍ ଇତି ଆସି ନଏ ” ବଲି କଇଲା ।<sup>୨୮</sup> ସେ ବେଲା ସେ ସାଉକାର୍ କଇଲା, “ଏ ବାବା ଏନ୍ତି ବଇଲେ ମୁଇ ତକେ ବାବୁଜିଆ କଲିନି ଲାଜାରକେ ଦୟାକରି ମର୍ ବାବାର୍ ଗରେ ପାଟାଇଦେସ୍ ।<sup>୨୯</sup> କାଇକେ ବଇଲେ ତେଇ ମର୍ ପାଟଟା ବାଇମନ୍ ଆତଡ୍ । ଲାଜାର୍ ଜାଇ ସେମନ୍କେ ଜାଗରଡ୍ କରାଅ । ସେମନ୍ ସେ କାତା ସୁନି ପାପେଅନି ମନ୍ ବାଦ୍ଲାଅଡ୍ । ସେମନ୍ ମଲେ ମୁଇ ଏବେ ବେସି କସ୍ ପାଇବା ଏ ଜାଗା ନ ଆସଡ୍” ବଲି କଇଲା ।

<sup>୩୦</sup> ମାତର୍ ଅବରାଆମ୍ ତାକେ କଇଲା, “ସେମନ୍ ଜାଗରଡ୍ ଅଇ ରଇବାକେ ମସାର୍ ନିୟମ୍ ଆରି ବସିବକ୍ତାମନ୍ କଇଲା କାତା ସବୁ ତାକର୍ ଲଗେ ଆତେ । ସେଟା ସେମନ୍ ପଡିକରି ସିକଡ୍ ।” ବଲି କଇଲା ।<sup>୩୧</sup> ଆରି ସେ ସାଉକାର୍ ଅବରାଆମ୍କେ କଇଲା, “ସେଡ୍କି ନଏ ବାବା, ମଲାଟାନେଅନି ଉଟିକରି ଗଟେକ୍ ଲକ୍ ଜାଇ କଇଲେ ସେମନ୍ ବିସବାସ୍ କରି ପାପେଅନି ମନ୍ ବାଉଡାଇବାଇ ।” ବଲି କଇଲା ।<sup>୩୨</sup> ଅବରାମ୍ ତାକେ କଇଲା, “ତର୍ ବାଇମନ୍ ମସାର୍ ଆରି ବସିବକ୍ତାମନ୍ କାତା ନ ସୁନଡ୍ ବଇଲେ ମଲାଟାନେଅନି ଉଟିକରି ଗଟେକ୍ ଲକ୍ ଜାଇ କଇଲେ ମିସା ସେମନ୍ ନ ମାନଡ୍ ।”

## ୧୭

### ପାପ୍

(ମାତିଉ ୧୮:୨-୭; ୨୧:୨୭; ମାର୍କ ୯:୪୨)

<sup>୧</sup> ଦିନେକ୍ ଜିସୁ ତାର୍ ସିସ୍ମାମନ୍କେ କଇଲା, “ଏ ଦୁନିଆଇ ସବୁ ବେଲା ଲକ୍ମନ୍କେ ପାପ୍ କରାଇବାକେ କାଇଆଲେ ପରିକା ଆଇସି । ମାତର୍ ଜନ୍ ଲକ୍ ଏନ୍ତି ବିନ୍ ଲକ୍କେ ପାପ୍ କରାଇସି, ସେମନ୍କେ କେତେକ୍ କସ୍ଟର୍ ଦସା ଅଇସି । କାଇକେବଇଲେ ପର୍ମେସର୍ ସେମନ୍କେ ବେସି ବଡ୍ ଡଣ୍ଡ ଦେଇସି ।<sup>୨</sup> ସେନ୍ତାରି ଲକ୍, ଦରମ୍ ଲକ୍ମନ୍କେ ପାପ୍କରାଇବା ବାବୁଲେ ଗାଲାଇ ଗଟେକ୍ ବଡ୍ଟା ଜତା ପାକ୍ନା ବାନ୍ଧିକରି ଡେକ୍ ପାନିତେଇ ପିଙ୍ଗି ଦେବାପାରା ଡଣ୍ଡ ତାପାଇ ନିକ ଅଇତା ।<sup>୩</sup> ଡେବର୍ପାଇ ତମର୍ ଚଲାଚଲ୍ଡିତେଇ ବେସି ଜାଗରଡ୍ଅଇ ରୁଆ । ଜଦି ତମର୍ ବାଇ କି ବଇନି ପାପ୍ କଲେ, ସେଟା ନିକ କାମ୍ ନଏ ବଲି ଟିକ୍ କରା । ଆରି ସେ କରଇବା ବୁଲ୍ ଏତାଇ କର ମନ୍ ବାଦ୍ଲାଇସି ବଇଲେ, ତାକେ କେମା ଦିଆସ୍ ।<sup>୪</sup> ଜଦି ସେ ଗଟେକ୍ ଦିନେ ସାଡ୍ପାଲି ଜାକ ତମର୍ ବିରଦେ ପାପ୍ କରି, ପଟେ ନିଜର୍ ବୁଲ୍ କଲାଟା ଏତାଇ ମନ୍ ବାଦ୍ଲାଇକରି ତମର୍ ତେଇ ଆସି ଜେତେପାଲି କେମା ମାଗ୍ଲେ, ସେଡ୍କିପାଲି ତାକେ କେମା ଦିଆସ୍ ।”

### ବିସ୍ବାସ୍

<sup>୫</sup> ଆରି ପେରିଡ୍ମନ୍ ଜିସୁକେ କଇଲା, “ଆମର୍ ବିସ୍ବାସ୍ ଅଦିକ୍ କରିଦିଆସ୍ ।”  
<sup>୬</sup> ଜିସୁ ସେମନ୍କେ କଇଲା, “ଗଟେକ୍ ସର୍ସୁ ମୁଞ୍ଜି ପାରା ତମର୍ ବିସ୍ବାସ୍ ରଇସି ବଇଲେ ତମେ ବଡ୍ ଗଡ୍କେ ଜିକିଅଇ ସମ୍ବୁରେ ଜାଇ ରପିଅ ବଲି କଇଲେ ସେ ଗଡ୍ ତମର୍ କାତା ମନ୍ସି ।”

### ଗଟେକ୍ ଗତିଦାଙ୍ଗ୍ତାର୍ କାମ୍

<sup>୭</sup> “ଜଦି ତୁଇ ଗଟେକ୍ ସାଉକାର୍ ଅଇରଇସୁ ବଇଲେ ତର୍ ଗତିଦାଙ୍ଗ୍ତା କସ୍ବାଟାନେଅନି ନଇଲେ ଗରୁଟାରିଆଟାନେଅନି ଆସି ତାର୍ ନିଜର୍ କାମ୍ ନ ସାରାଇବା ଆଗ୍ତୁ ତୁଇ ତାକେ ‘କାଇବାକେ ବସ୍ବେ’, ବଲି କଇସୁ କି ? ନାଇ, ସେନ୍ତି ନ କଡସ୍ ।<sup>୮</sup> ମାତର୍ ସେ ନିଜର୍ କାଦି କାଇବା ଆଗ୍ତୁ ତର୍ପାଇ ରାନ୍ଧି ନ ଦେବା ଜାକ, ତୁଇ ତାକେ କାଇବାକେ ନ ଦେଉସ୍ ।<sup>୯</sup> ଆରି ତୁଇ ସେ ଗତିଦାଙ୍ଗ୍ତାକେ ‘ସବୁ କାମ୍ କରି ସାରାଇଲୁସ୍ !’ ବଲି ଦନିଅବାଦ୍ ଦେଇସୁ କି ? ନାଇ ନ ଦେଉସ୍ ।<sup>୧୦</sup> ସେନ୍ତାରି ତମ୍କେ କଇରଇଲା ସବୁ ବିସଇ କରିସାରାଇଲା ପଟେ ତମେ କଇବାର୍ ଆତେ । ଆମେ ଅବକା ଗତିଦାଙ୍ଗ୍ତାମନ୍, ଆମର୍ ଜେଡ୍କି କର୍ବାର୍ ରଇଲା, ସେଡ୍କିସେ ଆମେ କରିଆତୁ ।”

### ଦସ୍ତା ବଡ୍‌ରଗ୍ ଅଇଲା ଲକ୍ମନ୍ ନିକ ଅଇଲା

<sup>୧୧</sup> ଜିସୁ ତାର୍ ସିସ୍ମାମନ୍ ସଙ୍ଗ୍ ଜିରୁସାଲମେ ଜିବା ବେଲେ ସେ ଗାଲିଲି ଆରି ସମିରଣ ଜିଲାର୍ ମଜାଇ କେଟ୍ଲା ।<sup>୧୨</sup> ଆରି ସେ ଗାଉଁ ବିଡ୍ରେ ପୁର୍ବା ବେଲେ ବଡ୍‌ରଗ୍ ଅଇରଇଲା ଦସ୍ତା ଲକ୍ମନ୍ ତାକେ ଦୁରିକେଅନି ଦେକ୍ଲା । ସେମନ୍ ନିୟମେ ବଡ୍‌ରଗ୍ ରଇଲା ଲକ୍ମନ୍, ବିନ୍ ଲକ୍ମନ୍ ଲଗେ ଆସି ନାପାରଡ୍ । ସେଟାର୍ ପାଇ ସେମନ୍ ଜିସୁର୍ ଲଗେ ନ ଆସି ଦୁରିକେ ରଇକରି,<sup>୧୩</sup> ବେସି ଆଉଲିଅଇ କଇଲା, “ଜିସୁ ! ଏ ଗୁରୁ ! ଆମ୍କେ ଦୟାକରା ।”

☆ ୧୭:୩ ୧୭:୩ ମାତିଉ ୧୮:୧୫

୧୪ ଜିସୁ ସେମାନଙ୍କେ ଦେକି କରି କଇଲା, “ତମେ ଜାଇକରି ପର୍ଯ୍ୟେସରର୍ ପୁଜାରିମନ୍‌କେ ତମର୍ ଗାଗଡ଼ ଦେକାଆ । ତମେ ନିମାନ୍ ଅଇଲାସ୍ କି ନାଇ ବଲି ସେମନ୍ ଦେକଡ଼ ।” ପଟେ ସେ ଦସ୍ ଲକ୍ ପର୍ଯ୍ୟେସରର୍ ପୁଜାରିମନ୍‌ର ଲଗେ ଜିବା ବେଲେ, ବାଟେ ନିମାନ୍ ଅଇଗାଲା । ୧୫ ଏଦେ ଦେକା ! ସେମନ୍‌ର୍ ବିଡ଼ରେଅନି ଗଟେକ୍ ଲକ୍ ନିଜର୍ ଗାଗଡ଼ ନିମାନ୍ ଅଇଲାଟା ଦେକି, ଜିସୁର୍ ଲଗେ ବାଉଡ଼ି ଆଇଲା । ଆରି ସେ ବେସି ଆଉଲି ଅଇ ପର୍ଯ୍ୟେସରର୍ ଡାକ୍‌ପୁଟା କଲା । ୧୬ ସେ ପାଲାଆ ଆସି ଜିସୁର୍ ପାଦେ ଅଦର୍ଲା “ତମେ ମକେ ନିମାନ୍ କରିଆଟାସ୍” ବଲି ଦନିଅବାଦ୍ କଲା । ସେ ଜିଉଦି ଲକ୍ ନଏ । ସେ ସମିରଣିୟ ବଲି ଗଟେକ୍ ଜାଗାର୍ ଲକ୍ । ୧୭ ଜିସୁ ତାକେ କଇଲା, “ମୁଇତା ଦସ୍‌ଲକ୍‌କେ ନିମାନ୍ କରି ରଇଲି । ତକେ ଗଟେକ୍ ଲକ୍‌କେ ଚାଡ଼ି ଆରି ନଅ ଲକ୍ କେନେ ଗାଲାଆ ? ୧୮ ନିମାନ୍ ଅଇଲା ପଟେ ବାଉଡ଼ି ଆସି ପର୍ଯ୍ୟେସର୍କେ ଦନିଅବାଦ୍ କରବାକେ ଏ ଗଟେକ୍ ସମିରଣିୟ ଲକ୍‌ସେ ରଇଲା କି ?” ୧୯ ତାର୍ ପଟେ ଜିସୁ ତାକେ କଇଲା, “ତୁଇ ଏବେ ଉର୍ ଆରି ଜାଆ, କାଇକେ ବଇଲେ ମୁଇ ତକେ ନିମାନ୍ କରିପାର୍‌ବି ବଲି ବିସବାସ୍ କରିରଇଲୁସ୍ ।”

**ପର୍ଯ୍ୟେସରର୍ ରାଇଜ୍ ଆଇଲାନି  
(ମାତିଉ ୨୪:୨୩-୨୮, ୩୭-୪୧)**

୨୦ କେତେଟା ପାରୁସି ଲକ୍‌ମନ୍ ଜିସୁକେ “କେବେଅନି ପର୍ଯ୍ୟେସର୍ ଲକ୍‌ମନ୍‌କେ ସାସନ୍ କରସି ?” ବଲି ପାଚାରଲା । ଜିସୁ ସେମନ୍‌କେ କଇଲା, “ପର୍ଯ୍ୟେସର୍ କେନ୍ତ୍ର ସାସନ୍ କରସି, ସେ ରାଇଜ୍ ତମର୍ ଆଁକିଡେଇ ନ ତିସେ । ୨୧ ଆରି ପର୍ଯ୍ୟେସର୍ ଇତି ସାସନ୍ କଲାନି ନଇଲେ ସିତି ସାସନ୍ କଲାନି ବଲି କଇବାର୍ ନାପାରାସ୍ । କାଇକେ ବଇଲେ, ଲକ୍‌ମନ୍‌ର୍ ମନ୍ ବିଡ଼ରେ ପର୍ଯ୍ୟେସର୍ ସାସନ୍ କରସି ।”

୨୨ ପଟେ ତାର୍ ସିସ୍‌ମନ୍‌କେ କଇଲା, ଏନ୍ତ୍ର ବେଲା ଆଇସି ତମେ ପର୍ଯ୍ୟେସର୍‌ଟାନେଅନି ଆଇଲା ନର୍‌ପିଲା ମର୍‌ସଙ୍ଗ୍ ଗଟେକ୍ ଦିନ୍ ରଇବାକେ ବେସି ମନ୍ କରସା । ମାତର୍ ସେବେଲା ମକେ ଦେକି ନାପାରାସ୍ ୨୩ ଲକ୍‌ମନ୍ ତମ୍‌କେ କଇବାଇ, ପର୍ଯ୍ୟେସରର୍ ଟାନେଅନି ଆଇଲା ନର୍‌ପିଲା ଇତି ଆଟେ ସିତି ଆଟେ ବଲି । ତମେ ସେଟା ଦେକ୍‌ବାକେ ନ ଜାଆ । ତମେ କନ୍ତ୍ର ଆଟାସ୍ ଡେଇସେ ରୁଆ । ୨୪ କାଇକେବଇଲେ ପର୍ଯ୍ୟେସରର୍ ଟାନେଅନି ଆଇଲା ନର୍‌ପିଲା ମୁଇ, ବାଉଡ଼ିବାଟା ତମେ ଦେକ୍‌ସା । ସେଟା କେନ୍ତ୍ର ବଇଲେ, ଆକାସେ ଜେନ୍ତ୍ର ଗଟେକ୍ ବାଟେଅନି ଆରି ଗଟେକ୍ ବାଟେ ବିଜ୍‌ଲି ମାରିକରି ଗୁଲାଆ ଆକାସ୍ ଉଜଲ୍ ଅଇସି, ସେନ୍ତ୍ରାରିସେ ସବୁ ଲକ୍‌ମନ୍ ଦେକିଅଇସି । ୨୫ ମାତର୍ ସେଟା ଅଇବା ଆଗତ୍ ପର୍ଯ୍ୟେସରର୍ ଟାନେଅନି ଆଇଲା ନର୍‌ପିଲା ମୁଇ ବେସି ଦୁକ୍ କସ୍‌ଟ ପାଇବାର୍ ଆଟେ । ଆରି ମର୍ ସବୁ କାମ୍ ଦେକ୍‌ଲା ଲକ୍‌ମନ୍ ମକେ ନ ନାମଡ଼ ।

୨୬ ନଅ ରଇଲା ବେଲା ଲକ୍‌ମନ୍ ଜେନ୍ତ୍ରାରି ରଇଲାଆ ସେନ୍ତ୍ରାରିସେ ପର୍ଯ୍ୟେସରର୍ ଟାନେଅନି ଆଇଲା ନର୍‌ପିଲା ମୁଇ ବାଉଡ଼ି ଆଇବାବେଲେ ଲକ୍‌ମନ୍ ରଇବାଇ । ୨୭ ସେବେଲାଆ ନଅ ବଡେଟା ପାନିଜାଜେ ପୁର୍‌ବା ଦିନ୍ ଜାକ ଲକ୍‌ମନ୍ ଅଦ୍‌କାସେ ରଇଲାଆ । ସେମନ୍ ବଜି କର୍‌ବାର୍, ଦାଙ୍ଗ୍‌ଡ଼ି ଆନ୍‌ବାର୍, ଆରି ଦାଙ୍ଗ୍‌ଡ଼ି ଦେବାର୍ କର୍‌ଡେ ରଇଲାଆ । ପଟେ ବେସି ପାନିଅଇ ସବୁ ଡାବିଅଇଲା । ନଅ ଆରି ତାର୍ କୁଟୁମର୍ ଲକ୍‌କେ ଚାଡ଼ି ସବୁ ଲକ୍‌କେ ପାନି ବୁଡାଇ ପାକାଇଲାଆ । ୨୮ ଲଡ଼ ନାଉର୍ ଗଟେକ୍ ଲକ୍‌ର୍ ବେଲେ ମିସା ସେନ୍ତ୍ରା ପାରା ଅଇରଇଲା । ଲକ୍‌ମନ୍ ସବୁ ଦିନର୍ ପାରାସେ କାଆ ପିଇ, ବିକାବିକ୍‌ରି, ଗର୍‌ରପା ଆରି ଗର୍‌ବାନ୍‌ଡାଡେଇ ଲାଗିରଇଲାଆ । ୨୯ ମାତର୍ ଲଡ଼ ସଦମ୍ ନାଉର୍ ଗଡେଅନି ବାରଇକରି ଜିବା ଦିନେ ସେ ବାଦ୍‌ଲେଅନି ଜଇ ଆରି ଗନ୍‌ଗୁଲା ଆସି ଲଡ଼ ଆରି ତାର୍ କୁଟୁମର୍ ଲକ୍‌କେ ଚାଡ଼ି ସେ ଗଡର୍ ସବୁ ଲକ୍‌କେ ମରାଇ ଦେଲା । ୩୦ ପର୍ଯ୍ୟେସରର୍ ଟାନେଅନି ଆଇଲା ନର୍‌ପିଲା ମୁଇ ବାଉଡ଼ି ଆଇବା ଦିନେ ମିସା ସେନ୍ତ୍ରାରିସେ ଅଇସି ।

୩୧ ✨“ସେ ଦିନେ ନିଜର୍ ଗର୍ ଉପରେ ରଇଲେ ତୁଇ ଉଡ଼ରି ତର୍ ଦିନ୍‌ସୁ ଆନ୍‌ବାକେ ଗର୍ ବିଡ଼ରେ ନ ଜାଆ । ସେନ୍ତ୍ରାରି ତାସ୍ ପଦାଇ ରଇଲେ, ଦିନ୍‌ସୁ ବେଟି ନେବାକେ ଗରେ ନ ଆଉ । ୩୨ ଲଡର୍ ମାଇଜିକେ କାଇଟା ଅଇରଇଲା ସେଟା ଏତାଇ ଦେକା । ତାର୍ ଦନ୍ ସପତି କେନ୍ତ୍ରା ଅଇଲା ବଲି ପାସ୍‌ଲି ଦେକ୍‌ଲାଜେ ସେ ନୁନ୍ କୁମ୍ ପାସ୍‌ଲି ଗାଲା । ୩୩ ✨କେ କେ ଏ ଦୁନିଆଇ ଜିଇବା ଜିବନ୍ ମନ୍ କଲେ ତାକେ ନ ସାର୍‌ବା ଜିବନ୍ ନ ମିଲେ । ଆରି କେ କେ ଏ ଦୁନିଆଇ ଜିଇବା ଜିବନ୍ ଆରାଇସି, ତାକେ ନ ସାର୍‌ବା ଜିବନ୍ ମିଲ୍‌ସି । ୩୪ ମୁଇ ବାଉଡ଼ି ଆଇବା ସେ ରାତି, ତମେ ଦୁଇ ଲକ୍ ଗଟେକ୍ ବାକ୍‌ରାଇ ସଇରଇସା । ଗଟେକ୍ ଲକ୍‌କେ ଡାକି ନେବି, ଆରି ଗଟେକ୍ ଲକ୍‌କେ ଚାଡ଼ି ଦେବି । ୩୫ ଦୁଇଟା ମାଇଜିମନ୍ ଗର୍‌ଡେ ରଇବାଇ, ଡେଇଅନି ଗଟେକ୍ ମାଇଜିକେ ନେବି ଆରି ଗଟେକ୍‌କେ ଚାଡ଼ି ଦେବି । ୩୬ ଦୁଇ ଲକ୍ ପଦାଇ ରଇବାଇ, ଗଟେକ୍ ଲକ୍‌କେ ନେବି, ଆରି ଗଟେକ୍ ଲକ୍‌କେ ଚାଡ଼ିଦେବି ।”

✨ ୧୭:୩୧ ୧୭:୩୧ ମାତିଉ ୨୪:୧୭,୧୮; ମାର୍କ ୧୩:୧୫,୧୬ ✨ ୧୭:୩୩ ୧୭:୩୩ ମାତିଉ ୧୦:୩୯;୧୭:୨୫; ମାର୍କ ୮:୩୫; ଲୁକ୍ ୯:୨୪; ଜଅନ୍ ୧୨:୨୫

୩୭ ତାରପରେ ସିସ୍ତମନ୍ ଜିସୁକେ ପାଚାରଲାଇ, “ଏ ମାପରୁ ଏଟା କନ୍ତି ଗର୍ସି ?” ଜିସୁ ସେମନ୍କେ କଇଲା, “ଜନ୍ତି ମତା ରଇସି, ତେଇ ମଡକାଉ ଗିଦମନ୍ ରୁଣ୍ଡିରଇବାଇ ।”

### ୧୮

#### ରାଣ୍ଡି ମାଇଜି ଆରି ବିଚାର୍ କାରିଆ

୧ ଜିସୁ ଦିନେକ୍ ତାର୍ ସିସ୍ତମନ୍କେ ପର୍ମେସର୍କେ ମାଙ୍ଗ୍ବାବେଲେ ନ ତାକି ପାର୍ତନା କରକରି ରଇବାକେ, ଗଟେକ୍ କାତାନି ବୁଜାଇ କଇଲା, ୨ ଗଟେକ୍ ଗତେ ଗଟେକ୍ ବିଚାର୍ କାରିଆ ଲକ୍ ରଇଲା । ସେ ପର୍ମେସର୍କେ ନ ତର୍ତେ ରଇଲା, କି ଲକ୍ମନ୍କେ ନ ନାମତେ ରଇଲା । ୩ ସେ ଗତେ ଗଟେକ୍ ରାଣ୍ଡି ମାଇଜି ମିସା ରଇଲା । ସେ ସବୁ ବେଲେ ବିଚାର୍ କାରିଆର୍ ଲଗେ ଜାଇ ଏନ୍ତି କଇତେ ରଇଲା, ଗଟେକ୍ ଲକ୍ ମର୍ ବିରଦି ଅଇଲା ଆଟେ । ଏ ବିସଇନେଇକରି ତମେ ମର୍ ବିରଦିକେ ବିଚାର କରା । ଜେନ୍ତିକି, ସେ ମକେ ନିଆଇ ଇସାବେ ଚଲାଚଲ୍ତି କର୍ସି । ୪ ଏନ୍ତି ବେସି ଦିନ୍ ସେ ବିଚାର୍କାରିଆ ନିଆଇ କର୍ବାକେ ମନ୍ ନ କଲେ ମିସା, ସେ ଦିନ୍କେ ଆସି ବେମ୍ଜା କର୍ତେରଇଲା । ମାତର୍ ସେ ବିଚାର୍କାରିଆ ଲକ୍ ମନେ ମନେ ବାବ୍ଲା, “ମୁଇ ପର୍ମେସର୍କେ ତରି ନାଇକି ଲକ୍ମନ୍କେ ନାମି ନାଇ । ୫ ମାତର୍ ଏ ରାଣ୍ଡିମାଇଜି ସବୁ ବେଲା ଆସି ବେମ୍ଜା କଲାନି । ସେଟାପାଇ ତାକେ ନିଆଇ ମିଲ୍ଲା ପାରା ବିଚାର୍ କର୍ବି । କାଇକେ ବଇଲେ ଏନ୍ତି ବିଚାର୍ ନ କଲେ ସେ ସବୁଦିନ୍ ଆସି ମକେ ବେମ୍ଜା କର୍ତେ ରଇସି ।”

୬ ତେଇ ମାପରୁ କଇଲା, “ଏ ଅନିଆଇ ବିଚାର୍କାରିଆ କାଇଟା କର୍ବାକେ ବାବ୍ଲା, ସେଟା ତମେ ସିକା । ୭ ସେନ୍ତି ଲାରୁଆଁ ବିଚାର୍କାରିଆ ସେ ରାଣ୍ଡିମାଇଜିର୍ ବିଚାର୍ କଲା । ସେନ୍ତାର୍ ଆଲେ, ତାର୍ତେଇଅନି କେତେ ନିମାନ୍ ଇସାବେ ପର୍ମେସର୍ ସେ ବାବ୍ଲା ଲକ୍ମନ୍ର୍ ଦିନ୍ରାତିର୍ ପାର୍ତନା ସୁନି ନିମାନ୍ ନିଆଇ ବିଚାର୍ କର୍ସି । ସେମନ୍କେ ସାଇଜ କର୍ବାକେ ସେ ଅଲ୍ସମ୍ ନ କରେ । ୮ ମୁଇ ତମ୍କେ କଇଲିନି, ସେ ଦାପ୍ରେସେ ତାର୍ ଲକ୍ମନ୍ପାଇ ନିମାନ୍ ନିଆଇବିଚାର୍ କର୍ସି । ମାତର୍ ପର୍ମେସର୍ ଟାନେଅନି ଆଇଲା ନର୍ପିଲା ମୁଇ ଆରିତରେକ୍ ଆଇବାବେଲେ ଏ ଦୁନିଆଇ, ମକେ ବିସ୍ବାସ୍ କର୍ବା ଲକ୍ମନ୍କେ ଦେକ୍ବି କି ନାଇ ?”

#### ପାରୁସି ଆରି ସିସ୍ତୁମାଙ୍ଗ୍ମନର୍ କାତା

୯ ତେଇ ରଇଲା କେତେକ୍ ଲକ୍ମନ୍ ନିଜ୍କେ ମୁଇ ନିକ ଆଟି ବଲି ବାବିଅଇ ବିନ୍ଲକ୍କେ ଗିନ୍ କର୍ତେ ରଇଲାଇ । ସେନ୍ତି ଲକ୍ମନ୍ର୍ ବିସଇ ବୁଜାଇବାକେ ଜିସୁ ସେମନ୍କେ ଏ କାତାନି କଇଲା । ୧୦ ଦିନେକ୍ ଦୁଇଲକ୍ ପାର୍ତନା କର୍ବାକେ ଗଟେକ୍ ମନ୍ଦିରେ ଗାଲାଇ । ଗଟେକ୍ ଲକ୍ ପାରୁସି ଦଲ୍ଲର୍ ଲକ୍ ଆରି ଗଟେକ୍ ସିସ୍ତୁମାଙ୍ଗ୍ । ୧୧ ପାରୁସି ଲକ୍ ନିଜେ ଅଲପ୍ ଦୁରିକେ ଚିଆଅଇ ଏନ୍ତି ପାର୍ତନା କର୍ବାର୍ ବସଲା, “ଏ ପର୍ମେସର୍ ମୁଇ ତମ୍କେ ଦନିଅବାଦ୍ ଦେଲିନି । ମୁଇ ବିନ୍ଲକ୍ପାରା ଲବ୍ରା ନାଇ କି ମିର୍ମାୟା ନାଇ କି ବେସିଆ କାମ୍ କରି ନାଇ । ଆରି ତକେ ଜୁଆର୍ କଲିନି ମୁଇ ଏ ସିସ୍ତୁମାଙ୍ଗ୍ ପାରା ନଇ ।” ୧୨ ଆରି ସେ କଇଲା, “ମୁଇ ଜିଉଦିମନ୍ର୍ ନିୟ୍ମ୍ ଇସାବେ ଆଟ୍କେ ଦୁଇ ଦିନ୍ ଉପାସ୍ ରଇ ପାର୍ତନା କଲିନି । କାମାଇଲାଟାନ୍ର୍ ଦସ୍ବାଗର ବାଗେକ୍ ତମ୍କେ ଦେଲିନି ।” ବଲି ପାର୍ତନା କଲା ।

୧୩ ମାତର୍ ସେ ସିସ୍ତୁମାଙ୍ଗ୍ ଦୁରିକେ ଚିଆଅଇ ପାର୍ତନା କର୍ବା ବେଲେ ସରଗ୍ବାଟେ ଦେକ୍ବାକେ ମିସା ମନ୍ ନକରି ନିଜର୍ ବୁକେ ମାରିଅଇ ଏନ୍ତି ପାର୍ତନା କଲା । “ଏ ପର୍ମେସର୍ ମୁଇ ଗଟେକ୍ ପାପି ଲକ୍ ମକେ ଦୟା କରା !” ୧୪ ଜିସୁ ତାର୍ ସିସ୍ତମନ୍କେ କଇଲା, “ସେ ଦୁଇଲକ୍ ପାର୍ତନା ସାରାଇ ବାଅଡ୍ଲାକେ, ସିସ୍ତୁମାଙ୍ଗ୍ସେ ପର୍ମେସର୍ ଦେକ୍ବା ଇସାବେ ଦରମ୍ ରଇଲା । ପାରୁସି ନାଇ । ଜେ ବଡ୍ପନ୍ ଦେକାଇ ଅଇସି ଆରି ବଡ୍ ବଲି ବାବ୍ସି, ତାକେ ପର୍ମେସର୍ ସାନ୍ ଲକ୍ କର୍ସି । ମାତର୍ ଜେ ନିଜ୍କେ ସାନ୍ ଲକ୍ପାରା ବାବ୍ସି ତାକେ ପର୍ମେସର୍ ବଡ୍ ଲକ୍ କର୍ସି, ଏ କାତା ଏତାଇ ରୁଆ ।”

#### ଜିସୁ ସାନ୍ପିଲାମନ୍କେ ଆସିର୍ବାଦ୍ କଲା

୧୫ ଆରି ଗଟେକ୍ ଦିନେ ଲକ୍ମନ୍ ତାକର୍ ସାନ୍ସାନ୍ ପିଲାମନ୍କେ “ଜିସୁ ଚି କରି ଆସିର୍ବାଦ୍ କର ।” ବଲି ଆନ୍ତେ ରଇଲାଇ । ସିସ୍ତମନ୍ ସେଟା ଦେକି ଲକ୍ମନ୍କେ ଲାଗ୍ଲାଇ । ୧୬ ମାତର୍ ଜିସୁ ପିଲାମନ୍କେ ଲଗେ ଡାକି, ସିସ୍ତମନ୍କେ କଇଲା, “ପିଲାମନ୍କେ ମର୍ ଲଗେ ଆନ୍ବାକେ ମନାକରା ନାଇ । କାଇକେ ବଇଲେ ସରଗ୍ ରାଇଜ୍ ଏନ୍ତି ସାନ୍ ସାନ୍ ପିଲାମନ୍ର୍ ପାରା ବିସ୍ବାସ୍ କର୍ବା ଲକ୍ମନ୍ପାଇସେ । ୧୭ ଏତାଇ ରୁଆ ! ମୁଇ ତମ୍କେ ସଡକାତା କଇଲିନି । କେ ମିସା ଏ ସାନ୍ଲକ୍ ବିସ୍ବାସ୍ କଲାପାରା ମକେ ବିସ୍ବାସ୍ ନ କଲେ, ସେ ପର୍ମେସର୍ ରାଇଜେ ଜାଇ ନାପାରେ ।”

ଗଟେକ୍ ସାଉକାର୍ ଲକ୍  
(ମାତିଉ ୧୯:୧୬-୩୦; ମାର୍କ ୧୦:୧୭-୩୧)

☆ ୧୮:୧୪ ୧୮:୧୪ ମାତିଉ ୨୩:୧୨; ଲୁକ୍ ୧୪:୧୧

୧୮ ଦିନେକ ଗଟେକ ଜିଉଦି ନେତା ଜିସୁକେ ପାଚାରଲା, “ଏ ନିମାନ୍ ଗୁରୁ ! ନ ସାର୍ବା ଜିବନ୍ ମିଲାଇବାକେ ମୁଇ କାଇଟା କରବାର୍ ଆଚେ ?”

୧୯ ଜିସୁ ତାକେ କଇଲା, ମକେ କାଇକେ ନିମାନ୍ ବଲି କଇଲୁସନି ? କାଇକେ ବଇଲେ ପର୍ମେସର୍ ଗଟେକ ଲକ୍ଷେ ନିମାନ୍ । ୨୦ ମାତର୍ ମୁଇ ତମ୍ବକେ କଇଲିନି “ବେସିଆ କାମ୍ କରା ନାଇ, କାକେ ମରାଆ ନାଇ, ବିନ୍ ଲକର୍ ଦିନ୍ସୁ ଚରାଆ ନାଇ, ମିର୍ ସାକି କୁଆ ନାଇ, ଆରି ତମର ମାଆବାବାର୍ କାତା ମାନ । ପର୍ମେସର୍ ମସାକେ ଏନ୍ତି ନିୟମ୍ ଦେଲାଆଚେ ଜାନି ଆରୁସ୍ ।”

୨୧ ସେ ଲକ୍ ଜିସୁକେ କଇଲା, “ଏ ସବୁ ନିୟମ୍ ତା ମୁଇ ପିଲାବେଲେ ଅନି ମାନ୍ଲିନି । ମୁଇ ଆରି କାଇଟା କରବାର୍ ଆଚେ ?”

୨୨ ଜିସୁ ଏଟା ସୁନି ତାକେ କଇଲା, ତର୍ଟାନେ ଆରି ଗଟେକ ବିସଇ ଉନା ଆଚେ । ତର୍ ସବୁ ଦନ୍ ସପତି ବିକି ଗରିବ୍ ଲକ୍ମାନକେ ବାଟାକରିଦେସ୍ । ଏନ୍ତି କଲେ ତକେ ସର୍ଗେ ଦନ୍ ରଇସି । ଏଟା ସବୁ କଲା ପଚେ ତୁଇ ମର୍ ସଙ୍ଗ୍ ଆଉ । ୨୩ ମାତର୍ ସେ ଲକ୍ ଏ କାତା ସୁନି ମନ୍ ଦୁକ୍ ଅଇ ଉଟିଗାଲା । କାଇକେ ବଇଲେ ସେ ବେସି ସାଉକାର୍ ରଇଲା ।

୨୪ ସେ ଲକ୍ ମନ୍ଦୁକ୍ ଅଇଲାଟା ଦେକି ଜିସୁ ତାର୍ ସିସ୍ମାନକେ କଇଲା, “ସାଉକାର୍ ଲକ୍ମନ୍ ସରଗ୍ ରାଇଜେ ଜିବାଟା କେତେ କସ୍ତର୍ ବିସଇ ! ୨୫ ସେ ଲକ୍ମନ୍ ସରଗ୍ ରାଇଜେ ଜିବାଟାନେଅନି ଗଟେକ୍ ବଡ୍ ଜିଡ୍ ସୁଜିକାଣାବାଟେ ଚିଙ୍ଗିଲି ଜିବାକେ ସଅଜ୍ ଅଇସି ।” ୨୬ ଏକାତା ସୁନ୍ତେ ରଇଲା ଲକ୍ମନ୍ କଇଲା, “ଏନ୍ତି ବଇଲେ କେ ତେବେ ଉଦାର୍ ପାଇସି ?” ୨୭ ଜିସୁ କଇଲା, “ପର୍ମେସରର୍ ଟାନେ ନାପାର୍ଲା ବିସଇ କାଇଟା ନାଇ ।” ୨୮ ପିତର୍ ଜିସୁକେ କଇଲା, “ଦେକା ଆମର୍ ଗରର୍ ସବୁ ଚାଡିକରି ତମର୍ ସଙ୍ଗ୍ ଆଇଲୁଆରୁ ।”

୨୯ ଜିସୁ ସେମନ୍କେ କଇଲା, “ଉଁ ମୁଇ ତମ୍ବକେ ସଡକାତା କଇଲିନି । ଜନ୍ ଲକ୍ ପର୍ମେସରର୍ ରାଇଜ୍ ପାଇ ନିଜର୍ ଗର୍ଦୁଆର୍, ମାଇଜିପିଲା, ବାଇବଇନି, ମାଆବାବା ଆରି ପିଲାଟକିକେ ଚାଡି ଆଚେ ବଇଲେ, ୩୦ ତାକେ ଏ ଦୁନିଆର୍ ଜିବନେ, ସେ ଜେଡକି ଚାଡି ରଇଲା ତାର୍ ତେଇ ଅନି ଅଦିକ୍ ମିଲ୍ସି । ଆରି ପଚେ ତାକେ ନ ସାର୍ବା ଜିବନ୍ ମିଲ୍ସି ।”

**ଜିସୁ ଏଟାସଙ୍ଗ୍ ତିନ୍ତର୍ ଅଇଲା ତାର୍ ମରନର୍ କାତା କଇଲା  
(ମାତିଉ ୨୦:୧୭-୧୯; ମାର୍କ ୧୦:୩୨-୩୪)**

୩୧ ତାର୍ ପଚେ ଜିସୁ ତାର୍ ବାର୍ଟା ସିସ୍ମାନକେ ବିନେ ତାକିନେଇ କଇଲା, “ସୁନା ! ଆମେ ଜିରୁସାଲମେ ଗାଲୁନି, ଜନ୍ବେଲା ଆମେ କେଟ୍ଟୁ ସେବେଲା ପର୍ମେସର୍ ଟାନେଅନି ଆଇଲା ନର୍ପିଲା, ମର୍ ବିସଇ ନେଇ ବବିସଡବକ୍ତାମନ୍ ଲେକି ରଇଲା ସବୁ ବିସଇ ପୁରାପୁରୁନ୍ ଅଇସି । ୩୨ ସେଟା କାଇଟା ବଇଲେ, ଜିରୁସାଲମେ ମକେ ରମିୟ ଲକ୍ମାନକେ ସର୍ପିଦେବାଇ ଆରି ସେମନ୍ ମକେ କିଜାଇବାଇ ଆରି ଲାଜ୍ କରାଇ, ମର୍ ଉପ୍ରେ ତୁକ୍ବାଇ । ୩୩ ତାର୍ପଚେ କର୍ତା ସଙ୍ଗ୍ ମାର୍ବାଇ, ପଚେ ମକେ ମରାଇବାଇ । ମାତର୍ ତିନ୍ଦିନ୍ ପଚେ ମୁଇ ଆରି ତରେକ୍ ଜିବନ୍ ଅଇ ଉଟ୍ବି ।”

୩୪ ମାତର୍ ସିସ୍ମନ୍ ଏ ସବୁ କାତା ଅଲପ୍ ମିସା ବୁଜିନାପାର୍ଲା, ସେ ବିସଇ ସେମନ୍ଟାନେଅନି ଲୁଚିରଇଲା ।

**ଆଁକି ନ ଡିସ୍ବା ବିକାରିକେ ଜିସୁ ନିକକଲା  
(ମାତିଉ ୨୦:୨୯-୩୪; ମାର୍କ ୧୦:୪୬-୫୨)**

୩୫ ଜିସୁ ଜିରିଅ ଗଡେ କେଟାକେଟି ଅଇଲାବେଲେ ଗଟେକ୍ କାଣା ବାଟ୍ପାଲି ବସି ବିକ୍ ମାଙ୍ଗ୍ତେ ରଇଲା । ୩୬ ଜିସୁର୍ ସଙ୍ଗ୍ ଜିବା ଲକର୍ କାତା ସୁନି, “ଏଟା କାଇଟା ଅଇଲାନି ?” ବଲି ତେଇ ରଇଲା ଲକ୍ମାନକେ ପାଚାରଲା ।

୩୭ ସେ ଲକ୍ମନ୍ କାଣାକେ କଇଲା, “ନାଜରିଡ୍ ଗାଉଁର୍ ଜିସୁ ଏ ବାଟେ ଗାଲାନି ।”

୩୮ ତେଇ ସେ ଆଉଲିଅଇ କଇଲା, “ଏ ଦାଉଦ୍ ରାଜାର୍ କୁଟୁମର୍ ପିଲା ଜିସୁ ! ତମେ ମକେ ଦୟା କରା ।”

୩୯ ଆଗେ ଜିବା ଲକ୍ମନ୍ କାଣାକେ ଦମକାଇ କରି ରୁପ୍ଅଇ ରଇବାକେ କଇଲା । ମାତର୍ ସେ ଅଦିକ୍ ଅଦିକ୍ ଆଉଲିଅଇ “ଏ ଦାଉଦ୍ ରାଜାର୍ କୁଟୁମର୍ ପିଲା ଜିସୁ ! ମକେ ଦୟା କରା !” ବଲି କଇଲା । ୪୦ ଜିସୁ ତାର୍ କାତା ସୁନି ଟିଆ ଅଇଲା ଆରି, “ତାକେ ମର୍ ଲଗେ ଆନା” ବଲି ଆଦେସ୍ ଦେଲା । ୪୧ କାଣା ବିକାରି ଜିସୁର୍ ଲଗେ ଆଇଲାଜେ, ଜିସୁ ତାକେ ପାଚାରଲା, “ମୁଇ ତର୍ପାଇ କାଇଟା କରବି ବଲି ମନ୍ କଲୁସନି ?” ସେ ଜିସୁକେ “ଏ ମାପ୍ଟୁ, ମକେ ଦେକ୍ବା ବପୁ ଦିଆ । ସେନ୍ତି ମକେ ନିମାନ୍ କରିଦେ ।” ବଲି କଇଲା ।

୪୨ ତେବେ ଜିସୁ ତାକେ କଇଲା, “ତୁଇ ଦେକ୍ବାକେ ପାଆ ! ମୁଇ ତର୍ ଆଁକି ନିକ କରବି କାଇକେ ବଇଲେ, ତୁଇ ମର୍ତେଇ ବିସ୍ବାସ୍ କରି ଆରୁସ୍ ।” ୪୩ ସେ ଦାପ୍ରେ, ସେ କାଣା ଦେକି ପାର୍ଲା ।



ଆରି ପର୍ଯ୍ୟନ୍ତ ଦନିଆଦ୍ କରିକରି ଜିସୁର ସଙ୍ଘ ଗାଲା । ଏ ଗର୍ବନା ଦେକଲା ସବୁ ଲକ୍ଷ୍ମୀନ୍ ପର୍ଯ୍ୟନ୍ତ ଡାକ୍ତରୀ କଲା ।

### ୧୯

#### ଜିସୁ ଆରି ଜକିୟ

୧ ଜିସୁ ଆରି ତାର ସିସ୍ତାମ୍ ଜିରିଅ ବାଟେ ଜାଇତେ ରଇଲା । ୨ ତେଇ ଜକିୟ ନାଉଁର ଗଟେକ୍ ମୁକିଅ ସିସ୍ତାମ୍ ରଇଲା । ସେ ବେସି ସାଉକାର ରଇଲା । ୩ ଜିସୁ କେନ୍ଦ୍ରାର ଲକ୍ଷ୍ମୀ ବଲି ଦେକ୍‌ବାକେ ଜକିୟ ମନ୍ କର୍ତେ ରଇଲା । ମାତର୍ ଜିସୁର ସଙ୍ଘ ବେସି ଲକ୍ଷ୍ମୀନ୍ ଜାଇତେ ରଇଲାକେ ତାକେ ଦେକିନାପାର୍ତେ ରଇଲା । କାଇକେବଇଲେ ସେ ବୁଟି ରଇଲା । ୪ ସେଟାର୍ ପାଇ ସେ, ଲକ୍ଷ୍ମୀନ୍ ଆଗ୍ତୁ ପାଲାଜ ଜାଇ ଜିସୁକେ ଦେକ୍‌ବାକେ ଗଟେକ୍ ହୁମ୍‌ରି ଗଟେ ଚଗଲା । କାଇକେ ବଇଲେ ଜିସୁ ସେ ବାଟ୍‌ଦେଇ ଜିବାର୍ ରଇଲା । ୫ ଜିସୁ ସେ ଜାଗାଇ କେଟି ଉପ୍‌ରେ ଦେକିକରି ଜକିୟକେ କଇଲା, “ଜକିୟ ବିଗି ଉଡ୍‌ରି ଆଉ, ଆଜି ମୁଇ ତମର୍ ଗରେ ରଇବି ।”

୬ ତାର୍ ପଟେ ଜକିୟ ଦାପ୍‌ରେ ଉଡ୍‌ରି ଆସି ବେସି ସାର୍‌ଦାଅଇ ଜିସୁକେ ତାର୍ ଗରେ ତାକିନେଲା । ୭ ସେଟା ଦେକି ତେଇ ରଇଲା ଲକ୍ଷ୍ମୀନ୍ ଜିସୁ ଗଟେକ୍ ପାପି ଲକ୍ଷ୍ମୀ ଗରେ କାଇବାକେ ଗାଲାନ୍ ବଲି ଗୁର୍‌ମୁରି ଜାଇତେରଇଲା ।

୮ ଜକିୟ ଚିଆଅଇ ଜିସୁକେ କଇଲା, “ଏ ମାପୁର୍, ସୁନା ! ମର୍ ସଁପତିଅନି ଅଦାବାଗ୍ ଗରିବ୍ ଲକ୍ଷ୍ମୀନ୍‌କେ ଦାନ୍ କରିଦେବି । ଆରି ସିସ୍ତୁ ମାଙ୍ଗ୍‌ବା ବେଲାଜ କାର୍‌ଟା ଅନିଆଇକରି ଆନି ରଇଲାଟା ମୁଇ ଚାର୍‌ଗୁନ୍ ଅଦିକ୍ ବାଉଡାଇ ଦେବି ।”

୯ ଜିସୁ ଜକିୟକେ କଇଲା, “ଆଜି ଏ ଗରେ ମୁକ୍ତି ମିଲିଲା । କାଇକେବଇଲେ ଏ ମିସା ଗଟେକ୍ ଅବ୍ରାଆମର୍ ନାତିତିତି । ୧୦ ପର୍ଯ୍ୟନ୍ତ ଗାନେଅନି ଆସିରଇବା ନର୍‌ପିଲା ମୁଇ ପାପେ ରଇଲା ଲକ୍ଷ୍ମୀନ୍‌କେ ସେମନ୍‌ ପାପେଅନି ରକିଆ କର୍‌ବାକେ ଆସିଆତି ।”

#### ସୁନା ଟାଙ୍ଗାର୍ କାତାନି (ମାତିଉ ୨୫:୧୪-୩୦)

୧୧ ସେମନ୍ ଜିରୁସାଲାମ୍ ଲଗେ ଆଇଲା ବେଲାଜ ଜିସୁର ସଙ୍ଘ ଜିବା ଲକ୍ଷ୍ମୀନ୍ ତାର୍ କଇବା ସବୁ କାତା ସୁନ୍‌ତେ ରଇଲା । କାଇକେବଇଲେ ତାର୍ କାତା ସୁନ୍‌ଲା ଲକ୍ଷ୍ମୀନ୍ ପର୍ଯ୍ୟନ୍ତ ରାଇଜର୍ ସାସନ୍ ଦାପ୍‌ରେ ଅଇସି ବଲି ବାଟ୍‌ତେ ରଇଲା । ୧୨ ସେଟାର୍‌ପାଇ ସେ ଏ କାତାନି କଇଲା, ଗଟେକ୍ ବଡ୍ ଗରେ ଜନମ୍ ଅଇଲା ଲକ୍ଷ୍ମୀ ଦୁର୍ ଦେସେ ଜିବାକେ ତିଆର୍ ଅଇଲା । କାଇକେ ବଇଲେ ତେଇ ତାକେ ରାଜା କରାଇବାଇ । ସମାନ୍ ବେଲାଜ ତାର୍ ଦେସେ ସେ ବାଉଡି ଆଇସି । ୧୩ ତାର୍ ଆଗ୍ତୁ ସେ ତାର୍ ଦସ୍‌ଟା ଦାଙ୍ଗ୍‌ତାମନ୍‌କେ ତାକି, ଗଟେକ୍ ଗଟେକ୍ ଲକ୍ଷ୍ମୀକେ ଗଟେକ୍ ଗଟେକ୍ ସୁନାର୍ ଡାବୁ ଦେଇ କରି କଇଲା, “ମୁଇ ବାଉଡି ଆଇବାଜାକ ଏ ଡାବୁ ବେବାର୍ କରି ବୁତେକ୍ କରି ରୁଆ ।”

୧୪ ମାତର୍ ତାର୍ ଦେସର୍ ଲକ୍ଷ୍ମୀନ୍ ତାକେ ଇନ୍ କର୍ତେରଇଲା । ଆରି ସାସନ୍ କର୍‌ବା ଲକ୍ଷ୍ମୀନ୍ ଲଗେ କବର୍ କଇ ପାଟାଇଲା, “ଏ ଲକ୍ଷ୍ମୀ ଆମ୍‌କେ ସାସନ୍ କର ବଲି ଆମେ ମନ୍ କରୁନାଇ ।”

୧୫ ଏନ୍ତି ବଲି କଇଲେ ମିସା, ସେ ରାଜାଅଇ ଗରେ ବାଉଡି ଆଇଲା । ଆରି ସେ କାକେ କାକେ ସୁନାର୍ ଡାବୁ ଦେଇ ରଇଲା, ସେମନ୍ କେତେକ୍ ଲାକା ଲାବ୍ କଲାଜ ଆତଡ୍ ବଲି ଜାନ୍‌ବାକେ ତାକାଇ ପାଟାଇଲା । ୧୬ ତେଇ ପର୍ତୁମର୍ ଲକ୍ଷ୍ମୀ ଆସି କଇଲା, “ଏ ଆଗିଆଁ, ତମେ ଦେଲା ଗଟେକ୍ ସୁନାର୍ ଡାବୁ ନେଇ ଆରି ଦସ୍‌ଟା କଲିଆତି ।” ୧୭ ସେ ରାଜା ସାର୍‌ଦା ଅଇ ତାକେ କଇଲା “ତୁଇ ନିକ ଦାଙ୍ଗ୍‌ତା, ଅଲପ୍ ବିସଇ ଦାଇଡ୍ ନେଇ କାମ୍ କଲୁସ୍ । ସେଟାର୍‌ପାଇ ମୁଇ ତକେ ଦସ୍‌ଟା ଗଡ୍ ଉପ୍‌ରେ ସାସନ୍ କର୍‌ବାକେ ସର୍‌ପି ଦେଲିନି ।”

୧୮ ଆରି ଗଟେକ୍ ଲକ୍ଷ୍ମୀ ଆସି କଇଲା, “ଆଗିଆଁ, ତୁଇ ଦେଇରଇଲା ସୁନାର୍ ଡାବୁ ନେଇ ଆରି ପାଁଟା ଲାବ୍ କଲିଆତି ।” ୧୯ ସେ ରାଜା ତାକେ ମିସା କଇଲା “ତକେ ସାସନ୍ କର୍‌ବାକେ ପାଁଟା ଗଡ୍ ସର୍‌ପିଦେଲିନି ।”

୨୦ ମାତର୍ ଆରି ଗଟେକ୍ ଦାଙ୍ଗ୍‌ତା ରାଜାର୍ ଲଗେ ଆସି କଇଲା, “ଏ ଆଗିଆଁ, ତମେ ଦେଇରଇଲା ସୁନାର୍ ଡାବୁ ଏଦେ ଦେକା, ଗଟେକ୍ ଗର୍‌ଶ୍ଟାଇ ଗୁଡିଆ ବାନ୍ଧି ସଙ୍ଘାଇ ଦେଇରଇଲି । ୨୧ ତୁଇ ସାସନ୍ କର୍‌ବା ଲକ୍ଷ୍ମୀ ବଲି ଡରିକରି ମୁଇ ସେଟା ନେଇ ବେବାର୍ କରିନାଇ । କାଇକେବଇଲେ ଜାକେ ଦେଇ ନ ରଉସ୍ ତାର୍‌ତେଇଅନି ମାଙ୍ଗିନେଇସୁ । ଆରି ଜନ୍ତି ବୁନି ନ ରଉସ୍ ତେଇଅନି କାଟି ନେଇସୁ ।” ୨୨ ସେ ରାଜା ରିସାଅଇ କଇଲା, “ଅଇରେ ଦାଙ୍ଗ୍‌ତା, ତର୍ କାତା ଇସାବେ ଆକା ତକେ ବିଚାର୍ କର୍‌ବି । ମୁଇ ଲକ୍ଷ୍ମୀନ୍ ଜନ୍‌ଟା ଦେଇ ନ ରଇ ସେଟା ମାଗିନେବି, ଆରି ଜନ୍‌ତେଇ ବୁନି ନ ରଇ ତେଇଅନି କାଟ୍‌ବି,

☆ ୧୯:୧୦ ୧୯:୧୦ ମାତିଉ ୧୮:୧୧

ସେଟା ଜାନିରଇଲୁସ୍ । ୨୩ ସେନ୍ତାଉଆଲେ ମର୍ ସୁନାର୍ ତାରୁ କାଇକେ ବୈକେ ସଙ୍ଗତସ୍ ନାଇ ? ସଙ୍ଗଇ ରଇଲେ ତେଇଅନି ମକେ କଲକ୍ତର୍ ମିଲ୍ତା ।”

୨୪ ଆରି ସେ ଲଗେ ଚିଆଅଇଲା ଲକ୍ମନ୍‌କେ ରାଜା କଇଲା, “ତାର୍ ତେଇଅନି ଏ ଅଦ୍‌ଲି ମାଗିନେଇ ଜେ ଦସଟା ଅଦ୍‌ଲି ଲାବ୍‌କଲା ଆଚେ, ତାକେ ଦିଆସ୍ ।” ୨୫ ମାତର୍ ସେ ଲକ୍ମନ୍ ରାଜାକେ ପାଚାରଲାଇ, “ଏ ଆଗିଆଁ ତାର୍‌ଟାନେ ଦସଟା ଆଚେ ଆରି ତାକେ କାଇକେ ଦେଉଁ ?” ୨୬ ☆ସେ କଇଲା, “ମୁଇ ତମ୍‌କେ କଇଲିନି, ଜାକେ ଆଚେ ତାକେ ଅଦିକ୍ ଦିଆଅଇସି, ମାତର୍ ଜାର୍ ନାଇ, ତାର୍‌ତେଇ ରଇଲା ଅଲପ୍ ମିସା ଚାତାଇ ନିଆଅଇସି । ୨୭ ☆ମାତର୍ ଜେମନ୍ ମୁଇ ତାକର୍ ରାଜା ଅଇବାକେ ମନ୍ ନ କର୍‌ତେ ରଇଲାଇ, ସେମନ୍‌କେ ତାକି ଆନି ମର୍ ମୁଆଟେ ମରାଇଦିଆସ୍ ।”

**ଜିସୁ ଜିରୁସାଲାମ୍ ଜିତିକରି ଜିବାଟା**

(ମାତିଉ ୨୧:୧-୧୧; ମାର୍କ ୧୧:୧-୧୧; ଜଅନ୍ ୧୨:୧୨-୧୯)

୨୮ ଜିସୁ ଏ ସବୁ କାତା କଇସାରାଇ ସିସ୍‌ମନ୍‌ର୍ ଆଗ୍‌ତୁ ଆଗ୍‌ତୁ ଜିରୁସାଲାମ୍ ବାଟେ ଗାଲା । ୨୯ ଜେତେବଲ୍ ଜିସୁ ଆରି ତାର୍ ସିସ୍‌ମନ୍ ଜିତ୍‌ଗର୍‌ମନ୍ ରଇଲା ଡଙ୍ଗର୍ ପାଲି ଆରି ବେଡ୍‌ପାଗି ଆରି ବେଡ୍‌ନିଆ ଗଡେ କେଟ୍‌ଲାଇ, ସେ ସିସ୍‌ମନ୍ ବିଡ୍‌ରେ ଅନି ଦୁଇ ଲକ୍‌କେ, ସେମନ୍ ଜିବା ଆଗ୍‌ତୁ ଏନ୍ତାରି କଇପାଟାଇଲା । ୩୦ ତମର୍ ମୁଆଟେ ରଇବା ଗାଏଁ ଜାଆ । ସେ ଗାଏଁ ଗାଲେ, କେ କେବେ ମିସା ଚଗିନରଇବା ଗଦପିଲା ବାନ୍ଦିଅଇରଇଲାଟା ଦେକ୍‌ସା । ତାକେ ମେଲି ଦାରିଆସା । ୩୧ ଜେ ଜଦି ତମ୍‌କେ “କାଇକେ ମେଲି ନେଲାସ୍‌ନି ?” ବଲି କଇଲେ “ଏଟା ଗୁରୁକେ ଦର୍‌କାର୍ ଆଚେ ବଲି କୁଆ ।”

୩୨ ପଚେ ସିସ୍‌ମନ୍ ସେ ଗାଏଁ ଜାଇ, ଜିସୁ ଜେନ୍ତି କଇରଇଲା ସେନ୍ତି ଦେକ୍‌ଲାଇ । ୩୩ ଆରି ସେମନ୍ ସେ ଗଦପିଲାକେ ମେଲ୍‌ବାବେଲେ ଗଦ ପିଲାର୍ ସାଉକାର୍ ସେମନ୍‌କେ ପାଚାରଲା, “କାଇକେ ଗଦପିଲାକେ ମେଲ୍‌ଲାସ୍‌ନି ?”

୩୪ ସିସ୍‌ମନ୍ କଇଲାଇ, “ଏ ଗଦପିଲା ଗୁରୁକେ ଦର୍‌କାର୍ ଆଚେ ।” ୩୫ ସିସ୍‌ମନ୍ ଗଦ ପିଲାକେ ଜିସୁର୍ ଲଗେ ଆନି ନିଜର୍ ନିଜର୍ ଲୁଗା ଗଦର୍ ଉପ୍‌ରେ ତାବି ଜିସୁକେ ତାର୍ ଉପ୍‌ରେ ବସାଇଲାଇ । ୩୬ ଆରି ଜିସୁ ଗାଲା ବାଟେ ଲକ୍‌ମନ୍ ନିଜର୍ ନିଜର୍ ପଚିଆମନ୍ ଅଟାଇ ଦେଲାଇ ।

୩୭ ଜିସୁ ଜେତେବଲ୍ ଜିତ୍‌ଗର୍‌ମନ୍ ରଇଲା ଗଡ୍‌ଗଡା ଜାଗା ଲଗେ କେଟ୍‌ଲା, ସେବେଲା ତେଇ ରଇଲା ତାର୍ ଜେଡ୍‌କି ସିସ୍ ମାନ୍ଦା ସେ କରିରଇଲା କାବାଅଇଜିବା କାମ୍ ଏତାଇ, ସାର୍‌ଦାଅଇ ଆଉଲିଅଇକରି ପର୍‌ମେସର୍‌କେ କୁଆର୍ କରି କଇଲାଇ, ୩୮ “ପର୍‌ମେସର୍‌ର ନାଉଁ ନେଇକରି ଜନ୍ ରାଜା ଆଇଲାନି ତାକେ ସେ ଆସିର୍‌ବାଦ୍ କର । ସର୍‌ଗେ ସାନ୍ତି ଅ, ଆରି ସବୁର୍‌ଟାନେ ଅନି ବଡ୍ ପର୍‌ମେସର୍‌ର୍ ମଇମା ଅ ।”

୩୯ ସେ ସିସ୍ ମାନ୍ଦାର୍ ବିଡ୍‌ରେ କେତେଟା ପାରୁସିମନ୍ ଜିସୁକେ କଇଲାଇ, “ଏ ଗୁରୁ ତର୍‌ସଙ୍ଗ୍ ଆଇବା ସିସ୍‌ମନ୍‌କେ ଚିମ୍‌ରାଅଇ ରଇବାକେ କଅ ।”

୪୦ ମାତର୍ ଜିସୁ ସେମନ୍‌କେ କଇଲା, “ମୁଇ ତମ୍‌କେ କଇଲିନି, ଏ ଲକ୍‌ମନ୍ ଚିମ୍‌ରାଅଇ ରଇଲେ ପାକ୍‌ନାମନ୍ ତାକର୍ ନିଜେ ନିଜେ ଆଉଲି ଅଇବାଇ ।”

**ଜିସୁ ଜିରୁସାଲାମ୍‌ର୍ ପାଇ କାନ୍ଦ୍‌ଲା**

୪୧ ଜିସୁ ଜିରୁସାଲାମ୍ ଲଗେ କେଟ୍‌ଲା ବେଲେ ସେ ଗଡ୍ ଦେକି କାନ୍ଦିକରି କଇଲା, ୪୨ “ସାନ୍ତି ପାଇବାକେ କାଇଟା ଦର୍‌କାର୍, ସେଟା ଜଦି ତମେ ଆଜି ଜାନିରଇତାସ୍ ଆଲେ, କେତେ ନିକ ଅଇତା ! ମାତର୍ ସେସବୁ ଏବେ ତମେ ଦେକି ନାପାର୍‌ଲାସ୍‌ନି । ୪୩ ସେଟାର୍‌ପାଇ ବଲି ଏନ୍ତି ବେସି ବାଦା ଅଇଜିବା ଦିନ୍ ଆଇସି । ତମର୍ ସବୁର୍‌ମନ୍ ତମର୍ ଚାରିବେଟ୍‌ତି ପାରୁରି ବାନ୍ଦି ଅଟ୍‌କାଇବାଇ ଆରି ଚାରିବେଟ୍‌ତି ଅନି ତମର୍ ଉପ୍‌ରେ ମାଣ୍ଡି ଆଇବାଇ । ୪୪ ସେମନ୍ ତମ୍‌କେ ଆରି ତମର୍ ପାରୁରି ତେଇ ରଇବା ଲକ୍‌ମନ୍‌କେ ପୁରାପୁରୁନ୍ ନସାଇ କୁଟ୍‌କୁଟା କରିଦେବାଇ । ଗଟେକ୍ ପାକ୍‌ନା ମିସା ନିଜର୍ ଜାଗାଇ ନ ଚାଡ୍‌ତ । କାଇକେବଇଲେ ପର୍‌ମେସର୍ ତମ୍‌କେ ରକିଆ କର୍‌ବାକେ ଆସିରଇଲା, ସେବେଲା ତମେ ଜାନି ନାପାର୍‌ଲାସ୍ ।”

**ଜିସୁ ମନ୍ଦିରେ ଗାଲା**

(ମାତିଉ ୨୧:୧୨-୧୭; ମାର୍କ ୧୧:୧୫-୧୯; ଜଅନ୍ ୨:୧୩-୨୨)

୪୫ ଆରି ଜିସୁ ଜିରୁସାଲାମ୍ ମନ୍ଦିର୍ ବିଡ୍‌ରେ ପୁରିକରି ତେଇ ଗେନାବିକା କର୍‌ବା ଲକ୍‌ମନ୍‌କେ ବାର୍‌କରାଇଦେବାର୍ ଦାରିଲା । ୪୬ ସେମନ୍‌କେ କଇଲା, “ଦରମ୍ ସାସ୍‌ତରେ ଏନ୍ତାରି ଲେକାଅଇଲା ଆଚେ, ମର୍ ଗର୍ ପାର୍‌ତନା ଗର୍ ଅଇସି । ମାତର୍ ତମେ ସେଟା ଚର୍‌ମନର୍ ଲୁଟ୍‌ବା ଜାଗା କରିଆଟାସ୍ ।”

☆ ୧୯:୨୭ ୧୯:୨୭ ମାତିଉ ୧୩:୧୨; ମାର୍କ ୪:୨୫; ଲୁକ୍ ୮:୧୮ ☆ ୧୯:୨୭ ୧୯:୨୭ ମାତିଉ ୨୫:୧୪-୩୦

୪୭ ✨ତାର ପତେ ଜିସୁ ସବୁଦିନେ ଜିରୁସାଲମ୍ ମନ୍ଦିରେ ସିକିଆ ଦେଇତେ ରଇଲା । ମାତର୍ ମୁକିଅ ପୁଜାରିମନ୍, ସାସ୍ତର୍ ସିକାଉମନ୍ ଆରି ନେତାମନ୍ ମିସି ଜିସୁକେ ମରାଇବାକେ ଚେସ୍ଟା କର୍ତେ ରଇଲା । ୪୮ କାଇକେ ବଇଲେ ଗୁଲାଇ ଲକ୍, ଜିସୁ ସିକାଇଦେବା କାତା ଆରି ସେ କଇତେରଇବା ପଦ୍ମନ୍ ମନ୍ଦିଆନ୍ ଦେଇ ସୁନ୍ତେ ରଇଲା । ତେବର୍ ପାଇ ସେମନ୍ କେନ୍ତାର କର୍ବାର ବଲି ବାଟ୍ ମିଲାଇ ନାପାଟେ ରଇଲା ।

### ୨୦

#### ଜିସୁର ଅଦିକାର ବିସଏ ପର୍ସନ୍ (ମାତିଉ ୨୧:୨୩-୨୭; ମାର୍କ ୧୧:୨୭-୩୩)

୧ ଦିନେକ୍ ଜିସୁ ମନ୍ଦିରେ ଲକ୍ମନ୍କେ ମାପୁରୁର୍ ନିମାନ୍ କାତାର ସିକିଆ ଦେଇତେରଇଲା । ସେବେଲାଇ ମୁକିଅ ପୁଜାରିମନ୍, ନିୟମ୍ ସିକାଇଦେବା ଲକ୍ମନ୍ ଆରି ପାର୍ଟିନମନ୍ ଜିସୁର୍ ଲଗେ ଆସି ପାଟାରଲା । ୨ “ତୁଇ କାର୍ ଅଦିକାର୍ ମିଲାଇକରି ଏସବୁ ବିସଇ କଲୁସ୍ନି ? କେ ତକେ ଏ ଅଦିକାର୍ ଦେଲା ? ଆମ୍କେ କି ?”

୩ ମାତର୍ ଜିସୁ କଇଲା, “ମୁଇ ମିସା ତମ୍କେ ଗଟେକ୍ କାତା ପାଟାରବି, ତମେ ମକେ କୁଆ । ୪ ଜଅନ୍ କାର୍ ଅଦିକାର୍ ମିଲାଇ ଲକ୍ମନ୍କେ ତୁବନ୍ ଦେଇତେ ରଇଲା ? ସରଗର୍ ପର୍ମେସର୍ ଦେଲାଟାନେ ଅନି କି, ଲକ୍ମନ୍ରଟାନେ ଅନି ?”

୫ ସେବେଲାଇ ସେମନ୍ ନିଜର୍ ନିଜର୍ ବିତ୍ତରେ ଦଦାପେଲା ଅଇଲା । ଜଦି ଜଅନ୍ ତୁବନ୍ ସର୍ଗେଅନି ବଲି କଇଲେ, କାଇକେ ତାକେ ବିସ୍ବାସ୍ କରାସ୍ ନାଇ ? ବଲି କଇବାଇ । ୬ ମାତର୍ ଆମେ ଲକ୍ମନ୍ରତେଇଅନି ବଲି କଇଲେ ସବୁ ଲକ୍ ଆମ୍କେ ପାକ୍ନା ମାର୍ବାଇ । କାଇକେ ବଇଲେ, ଜଅନ୍ ସତଇସେ ପର୍ମେସରତେଇ ଅନି ଆଇଲା ବବିସ୍ତବକ୍ତା ବଲି ଆମର୍ ଜିଉଦି ଲକ୍ମନ୍ ବିସ୍ବାସ୍ କଲାଇନି । ୭ ଏଟା ବାବିକରି ସେମନ୍ “ଆମେ ନାଜାନୁ ।” ବଲି କଇଲା ।

୮ ଆରି ଜିସୁ ସେମନ୍କେ କଇଲା, “ଏନ୍ତି ବଇଲେ ମୁଇ ମିସା କାର୍ ଅଦିକାର୍ ମିଲାଇକରି ଏସବୁ ବିସଇ କଲିନି, ସେଟା ତମ୍କେ ନ କଇ ।”

#### ଅଙ୍ଗୁର୍ ବାତର୍ ଆଦିବାଗ୍ ନେବା ତାସିମନ୍ (ମାତିଉ ୨୧:୩୩-୪୪; ମାର୍କ ୧୨:୧-୧୨)

୯ ତାର ପତେ ଜିସୁ ଲକ୍ମନ୍କେ ବୁଜାଇବାକେ ଗଟେକ୍ କାତାନି କଇଲା । “ଗଟେକ୍ ଲକ୍ ତାର୍ ପଦାଇ ଅଙ୍ଗୁର୍ ତାସ୍ କରି, କେତେଟା ତାସିକେ ଆଦିବାଗ୍ କର୍ବାକେ ଦେଲା । ଦେଇକରି ସେ ବେସି ଦିନର୍ ପାଇ ଗଟେକ୍ ଦୁର୍ ଦେସେ ରଇବାକେ ଉଚିଗାଲା । ୧୦ ଆରି ଅଙ୍ଗୁର୍ ତଲ୍ବାବେଲା କେଟ୍ଲାକେ ସାଉକାର୍ ତାର୍ ଗଟେକ୍ ଦାଙ୍ଗ୍ତାକେ ତାର୍ ବାଗ୍ ମାଙ୍ଗି ଆନ୍ବାକେ ପାଟାଇଲା । ମାତର୍ ସେ ଲକ୍ମନ୍ ତାର୍ ବାଗ୍ ନ ଦେଇ ତାର୍ ଦାଙ୍ଗ୍ତାକେ କୁଟ୍କୁଟା ମାରି ରୁଟା ଆତେ ପାଟାଇଦେଲା । ୧୧ ତାର୍ ପତେ ସେ ଆରି ଗଟେକ୍ ଦାଙ୍ଗ୍ତାକେ ପାଟାଇଲା । ସେମନ୍ ତାକେ ମିସା ମାରିକରି ନିନ୍ଦା କାତା କଇ, ଲାଙ୍ କରାଇକରି ରୁଟା ଆତେ ପାଟାଇ ଦେଲା । ୧୨ ତାର୍ ପତେ ସାଉକାର୍ ଆରି ଗଟେକ୍ ଦାଙ୍ଗ୍ତାକେ ସେମନ୍ ଲଗେ ପାଟାଇଲା । ମାତର୍ ସେ ଦାଙ୍ଗ୍ତାକେ ମିସା ରଗ୍‌ରଗା ଅଇତେ ମାରି କେଦିଦେଲା ।” ୧୩ ତାର୍ ପତେ ସାଉକାର୍ ମନେ ମନେ ବାବ୍ଲା, “ଏବେ ମୁଇ କାଇଟା କର୍ବି ? ମୁଇ ବେସି ଆଲାଦ୍ କର୍ବା ମର୍ ପିଲାକେ ପାଟାଇବି । ବାଇଦରେ ସେମନ୍ ତାକେ ମାନ୍ବାଇ ।” ୧୪ ମାତର୍ ସେମନ୍ ସେ ପିଲା ଆଇବାଟା ଦେକିକରି ତାକର୍ ବିତ୍ତରେ କାତାଅଇଲା, “ଏଟାସେ ସେ ସାଉକାର୍ ପିଲା, ଆମେ ଆକେ ମରାଇଦେଲେ ଏ ସବୁ ଦନ୍ ଆମର୍ ଅଇଜାଇସି । ୧୫ ଆରି ସେମନ୍ ସାଉକାର୍ ପିଲାକେ ବାଇରେ ନେଇ ମାରି ମରାଇଦେଲା । ଏନ୍ତି ବଇଲେ ସାଉକାର୍ ସେ ଲକ୍ମନ୍କେ କାଇଟା କିରିରଇସି ? ୧୬ ମୁଇ ତମ୍କେ କଇଲିନି, ସେ ଆସିକରି ସେ ଲକ୍ମନ୍କେ ମରାଇ ଦେଇସି । ଆରି ବଡ୍ ବିନ୍‌ଲକ୍ମନ୍କେ ଆଦିବାଗ୍ କର୍ବାକେ ଦେଇସି ।” ମାତର୍ କାତାନି ସୁନ୍ତେ ରଇଲା ଲକ୍ମନ୍ କଇଲା, “ଏନ୍ତାର୍ କେବେ ମିସା ନଅ ।”

୧୭ ମାତର୍ ଜିସୁ ଲକ୍ମନ୍କେ ନିକ ଦେକିକରି କଇଲା,  
“ଏନ୍ତି ବଇଲେ ପର୍ମେସରର୍ ସାସ୍ତରେ ଲେକାଅଇଲା ଅରଡ୍ କାଇଟା ?  
ଗର୍ବାନ୍ଦବା ଲକ୍ମନ୍ ଜନ୍ ପାକ୍ନା ‘ନ-ଏ’ ବଲି ଚାଡି ଦେଇରଇଲା  
ସେ ପାକ୍ନାସେ ଗର୍ କନର୍ ମୁଲ୍ ପାକ୍ନା ଅଇଲା ।

୧୮ ଜନ୍ ଲକ୍ମନ୍ ସେ ପାକ୍ନା ଉପ୍ରେ ଅଦର୍ବାଇ, ସେମନ୍ କଣ୍ କଣ୍ ଅଇଜିବାଇ, ଆରି ସେ ପାକ୍ନା ଜାର୍ ଉପ୍ରେ ଅଦର୍ସି, ସେ ବିଲି ଆଜିଜାଇସି ।”

✨ ୧୯:୪୭ ୧୯:୪୭ ଲୁକ ୨୧:୩୭

**ସିସ୍ତ୍ରୋମାଙ୍କୁମନ୍ ଦେବା ବିସଇ ପାଟାରବାଟା**  
(ମାତିଉ ୨୨:୧୫-୨୨; ମାର୍କ ୧୨:୧୩-୧୭)

୧୯ ସେବେଲା ସାସ୍ତର ସିକାଉମନ୍ ଆରି ମୁକିଅ ପୁଜାରିମନ୍ ଜିସୁର୍ କାତାନି ସୁନି, ତାକେ ଦାପ୍ତରେ ବନ୍ଦି କର୍ବାକେ ବାଟ କଜ୍ଜତେ ରଇଲାଇ । କାଇକେ ବଇଲେ ଜିସୁ କଇବା ଅଜୁର୍ ବାଡର୍ କାତା, ସେମନ୍ ବିସଇନେଇ କଇଲାନି ବଲି ବୁଜ୍ଜଲାଇ । ମାତର୍ ସେମନ୍ ଲକ୍ମନ୍କେ ଡର୍ତେ ରଇଲାଇ ।

୨୦ ସେଟାରପାଇ ସେମନ୍ ତାର ବୁଲ୍ ଦାରବାକେ ଗଟେକ୍ ସୁଜଗ୍ କଜ୍ଜତେ ରଇଲାଇ । ସେମନ୍ କେତେଟା ଚର୍ମନ୍କେ ଲାଓଦେଇ ଦରମ୍ ଲକ୍ପାଠା ଦେକାଇ ଅଇବାକେ ପାଟାଇଲାଇ । କାଇକେ ବଇଲେ ଜିସୁର୍ ଟଣ୍ଡେଅନି ବୁଲ୍କାତା ବାରକରାଇ, ଦସ୍ ଦାରି, ରମିୟ ସାସନ୍କାରିଆକେ ସର୍ପି ଦେବାକେ ମନ୍କରତେ ରଇଲାଇ । ୨୧ ସେଟାରପାଇ ସେ ଚର୍ମନ୍ ଜିସୁକେ ପାଟାଇଲାଇ, “ଏ ଗୁରୁ, ତମେ ଟିକ୍ କଇଲାସ୍ନି ଆରି ଟିକ୍ ସିକାଇଲାସ୍ନି ବଲି ଆମେ ଜାନିଆରୁ । କାରବାଟେ ନ ଅଇ ଲକ୍ମନ୍ ଜିବନ୍ପାଇ ପର୍ମେସରର୍ ସଡ୍ ବିସଇସେ ସିକାଇଲୁସ୍ନି । ୨୨ ଏବେ ତୁଇ ଆମ୍ବକେ କଅ, ରମିୟ ସରକାରର୍ ରାଜା କାଇସର୍କେ ସିସ୍ତ୍ରୁ ଦେବାଟା ଆମର୍ ନିୟମ୍ ଇସାବେ ଟିକ୍ କି ନାଇ ?”

୨୩ ମାତର୍ ଜିସୁ ସେମନ୍ ମନ୍ବିଡ୍‌ରର୍ କାତା ଜାନିକରି କଇଲା, ୨୪ “ମକେ ଗଟେକ୍ ରମିୟ ସରକାରର୍ ଅଦ୍ଲି ତାରୁ ଦେକାଆ । ତେଇ କାର୍ ମୁର୍ତି ଆରି କାର୍ ନାଉଁ ଆଟେ ?” “କାଇସରର୍ ମୁର୍ତି ଆରି ନାଉଁ ଆଟେ ।” ବଲି ସେମନ୍ କଇଲାଇ ।

୨୫ “ସେନ୍ତାର ରଇଲେ ଜନ୍‌ଟା କାଇସରର୍ଟା ସେଟା କାଇସର୍କେ ଦିଆସ୍, ଜନ୍‌ଟା ପର୍ମେସରର୍ଟା ସେଟା ପର୍ମେସର୍କେ ଦିଆସ୍ ।” ବଲି କଇଲା ।

୨୬ ଏ କାତା ସୁନି ସବୁଲକର୍ ମୁଆଟେ ସେମନ୍ ଜିସୁର୍ ବୁଲ୍ ଦାରବାଟ୍ ନାପାରଲାଇ । ଆରି ଜିସୁର୍ କାତା ସୁନି ସେମନ୍ କାବାଅଇଜାଇ, ତୁପ୍‌ଅଇ ରଇଲାଇ ।

**ଆରିତରେକ୍ ଜିବନ୍ ଅଇ ଉଟ୍‌ବା ବିସଇ ନେଇ ପର୍ସନ୍**  
(ମାତିଉ ୨୨:୨୩-୩୩; ମାର୍କ ୧୨:୧୮-୨୭)

୨୭ ଧାର ପଟେ କେତେଟା ସାଦୁକି ଲକ୍ମନ୍ ଜିସୁର୍ ଲଗେ ଗାଲାଇ । ସେମନ୍, ମଲା ଲକ୍ମନ୍ ଆରି ତରେକ୍ ଜିବନ୍‌ଅଇ ଉଟ୍‌ବା ବିସଇ ବିସ୍‌ବାସ୍ ନ କର୍ତେ ରଇଲାଇ । ୨୮ ସେମନ୍ ଜିସୁକେ ପାଟାଇଲାଇ, “ଏ ଗୁରୁ, ମସା ଆମର୍ ପାଇ ଏକ୍ତି ନିୟମ୍ ଲେକିଆଟେ ଜେ, ଗଟେକ୍ ଲକ୍ ବିବାଅଇ ପିଲାଟକି ନ ଅଇତେ ମରିଗାଲେ ତାର୍ ବାଇ ସେ ରାଣ୍ଡିମାଇଜିକେ ସଙ୍ଗଇସି । ଆରି ପିଲାଟକି ଅଇଲେ ତାର୍ ବଡ୍‌ବାଇର୍ କୁଟୁମ୍ ରକିଆ ଅଇସି । ୨୯ ଏକ୍ତି ସାଡ୍‌ବାଇ ରଇଲାଇ । ପର୍ତୁମ୍ ବାଇ ବିବା ଅଇ ପିଲାଟକି ନଇତେ ମରିଗାଲା । ୩୦ ତାର୍ ପଟେ ବଡ୍‌ମଜିଆ ରାଣ୍ଡିମାଇଜିକେ ସଙ୍ଗଇଲା । ମାତର୍ ସେ ମସା ପିଲାଟକି ନଇତେ ମରିଗାଲା । ୩୧ ତାର୍ ପଟେ ମଜିଆବାଇ ରାଣ୍ଡିମାଇଜିକେ ସଙ୍ଗଇଲାକେ ପିଲାଟକି ନଇତେ ମରିଗାଲା । ସେକ୍ତି ସେ ରାଣ୍ଡିମାଇଜିକେ ସାଡ୍ ବାଇ ଜାକ ସଙ୍ଗଇ ପିଲାଟକି ନଇତେ ମରିଗାଲା । ୩୨ ସାରାସାରି ପଟେ ସେ ମସା ମରିଗାଲା । ୩୩ ଏକ୍ତି ବଇଲେ ମଲାତେଇଅନି ଉଟ୍‌ଲା ପଟେ ସେ କାର୍ ମାଇଜି ଅଇସି ? କାଇକେ ବଇଲେ ସେମନ୍ ସାଡ୍ ଲକ୍‌ଜାକ ତାକେ ସଙ୍ଗଇ ରଇଲାଇ ।”

୩୪ ଜିସୁ ସେମନ୍‌କେ କଇଲା, “ଏ ଜୁଗର୍ ମାଇଜି ମନ୍‌ସ୍ ବିବା ଅଇବାଇ, ୩୫ ମାତର୍ ଜନ୍ ମାଇଜିମନ୍‌ସ୍ ମଲାଟାନେଅନି ଉଟି, ଆଇବା ଜଗତେ ଜିଇବା କାଇବାକେ ବାଟିଅଇଆଟଡ୍, ସେମନ୍ ବିବା ନ ଅଅଡ୍ । ୩୬ ସେମନ୍ ପର୍ମେସରର୍ ଦୁଡ୍‌ମନ୍‌ପାଠା ଅଇ ଆରି କେବେମସା ନ ମରଡ୍ । ପଟେ ମଲାଟାନେଅନି ଉଟି ପର୍ମେସରର୍ ପିଲାଟକି ଅଇ ରଇବାଇ । ୩୭ ମସା ବଲ୍ କରି ବୁଜାଇ ଦେକାଇଦେଇ ଆଟେ । ମଲା ଲକ୍ମନ୍ ଜିବନ୍ ଅଇ ଉଟ୍‌ବାଇ । ଲାଗ୍‌ତେ ରଇବା ବୁଟାର୍ କାତାଇ, ମସା ଅବ୍ରାଆମର୍ ପର୍ମେସର୍, ଇସାକର୍ ପର୍ମେସର୍ ଆରି ଜାକୁବର୍ ପର୍ମେସର୍ ବଲି ପର୍ମେସର୍‌କେ ଜାନାଇ ଆଟେ । ୩୮ ପର୍ମେସର୍ ମଲା ଲକ୍ମନ୍ ମାପୁରୁ ନଏଁ, ଜିବନ୍ ରଇଲା ଲକ୍ମନ୍ ମାପୁରୁ । ପର୍ମେସରର୍ ଦେକ୍‌ବା ଇସାବେ ତେଇ ସେମନ୍ ସବୁ ଲକ୍ ଜିବନ୍ ଅଇଆଟଡ୍ ।”

୩୯ ତାର୍ ପଟେ କେତେଟା ସାସ୍ତର୍ ସିକାଉମନ୍ “ଏ ଗୁରୁ ତୁଇ ବଡେ ନିକସଙ୍ ଉଟର୍ ଦେଇଆରୁସ୍ !” ବଲି ଜିସୁକେ କଇଲାଇ । ୪୦ କାଇକେବଇଲେ ଜିସୁକେ ଆରି କେ ମସା ପର୍ସନ୍ ପାଟାରବାକେ ସାଆସ୍ କରଡ୍ ନାଇ ।

**ମସିଅ କାର୍ ପିଲା ?**  
(ମାତିଉ ୨୨:୪୧-୪୬; ମାର୍କ ୧୨:୩୫-୩୭)

୪୧ ତାର୍ ପଟେ ଜିସୁ ତାର୍ କାତା ସୁନ୍‌ବା ଲକ୍ମନ୍‌କେ ପାଟାଇଲା, “ପର୍ମେସର ବାଟିପାଟାଇଲା କିରିସ୍‌ଟ ଦାଉଦ୍ ରାଜାର୍ ନାଡିଡିଡି ବଲି ଲକ୍ମନ୍ କାଇକେ କଇଲାଇନି ?”

☆ ୨୦:୨୭ ୨୦:୨୭ ପେରିଡ୍ ୨୩:୮

୪୭ କାଳକେ ବଇଲେ ଦାଉଦ ରାଜା ଗିଡ଼ିଯିବାର ବଇତେଇ ନିଜେ ଏକ୍ତି ଲେକି ଆଚେ, ପରମେସର ମର ମାପୁରୁକେ କଇଲା,

୪୮ ମୁଇ ତର ବିରଦିମନକେ ଆରାଇକରି ତର ପାଦତଲେ ସଙ୍ଗଇବା ପିତାପାରା ନ କରବା ଜାକ, ତୁଇ ମର ଉଜାବାଟେସେ ବସି ର ।

୪୯ ଜଦି ଦାଉଦ ରାଜା କିରିସଟକେ ମାପୁରୁ ବଲି ତାକି ରଇଲେ ଆରି କିରିସଟ କେକ୍ତି ଦାଉଦ ରାଜାର ନାତିତି ଅଇସି ? ବଲି ପାଚାରଲା ।

ଜିସୁ ସାସ୍ତର ସିକାଇବା ଲକ୍ମନକେ ଜାଗରତ୍ କରାଇଲା  
(ମାତିଉ ୨୩:୧-୩୬; ମାର୍କ ୧୨:୩୮-୪୦)

୪୫ ସେବେଲା ସବୁ ଲକ୍ମନ ଜିସୁ ସିକାଇବା ବିସଇ ସୁନ୍ତେ ରଇଲାବେଲେ, ସେ ତାର ସିସମନକେ କଇଲା, ୪୬ “ନିୟମ୍ ସିକାଇବା ଲକ୍ମନରତେଇଅନି ଜାଗରତ୍ ରୁଆ । ସେମନ୍ ନିମାନ୍ ପଟିଆ ପିନ୍ଦି ବୁଲବାକେ ମନ୍ କରବାଇ । ଆଟେବାଟେ କୁଆର ପାଇବାକେ, ପାର୍ତନା ଗରର୍ ମୁକିଆ ଜାଗାଇ ବସବାକେ, ଆରି ବଜିତେଇ ସବୁ ଲକ୍ମନଟାନେଅନି ଆଗ୍ତୁ ବସବାକେ ମନ୍ କରବାଇ । ୪୭ ସେମନ୍ ଲାଜ୍ ନଅଇ ରାଣ୍ଡି ମାଇଜିମନକେ ନାତାଇକରି ସେମନର୍ ଦନ୍ସପତି ଜୁରି ନେବାଇ । ମାତର୍ ସେମନ୍ ନିମାନ୍ ଲକ୍ମନପାରା ଦେକାଇଅଇବାଇ । ଆରି ଲକ୍ମନର୍ ମୁଆଟେ ବେସି ଲମାଇକରି ପାର୍ତନା କରବାଇ । ଏକ୍ତାରି ଲକ୍ମନକେ ପରମେସର ବେସି ବଡ଼ ଡଣ୍ଡ ଦେଇସି ।”

## ୨୧

ଗଟେକ୍ ରାଣ୍ଡିମାଇଜିର୍ ଚାନ୍ଦା

୧ ତାର ପଟେ ଜିସୁ ଚାରିବେଡ଼ି ଦେକଲା ଆରି ସାଉକାର ଲକ୍ମନ ମନ୍ଦିରର୍ ପେଟିଆଟାନେ ଦାନ୍ ଦେବାଟା ଦେକଲା । ୨ ସେବେଲା ଗଟେକ୍ ଅରକିଡ଼ ରାଣ୍ଡି ମାଇଜି ମିସା ଜଡେକ୍ ତାମାକାସୁ ଦେବାଟା ଜିସୁ ଦେକଲା । ୩ “ମୁଇ ତମକେ ସଡ଼ କାତା କଇଲିନି, ସବୁ ଲକ୍ମନଟାନେଅନି ଏ ରାଣ୍ଡିମାଇଜି ଅଦିକ୍ ଦେଲା ଆଚେ । ୪ କାଳକେ ବଇଲେ ସାଉକାରୁ ଲକ୍ମନ ନିଜର୍ ନିଜର୍ ଅଗଲ୍ଲା ଦନ୍ତେଇଅନି ଅଲପ୍ ଅଲପ୍ ଦେଲାଇ ଆଚଡ଼ । ମାତର୍ ଏ, ନିଜେ ବଢ଼ିବା ପାଇ ତାର ଜେଡ଼କି ରଇଲା ସବୁ ଦେଲା ଆଚେ ।”

ମନ୍ଦିର ବସଲ୍ଲାଟା

(ମାତିଉ ୨୪:୩-୧୪; ମାର୍କ ୧୩:୩-୧୩)

୫ କେତେଟା ସିସମନ୍ ମନ୍ଦିରର୍ ବିସଇ ନେଇକରି ନିଆଇ କର୍ତେ ରଇଲାଇ । “ତେଇ ଲାଦିରଇବା ସୁନ୍ଦର୍ ସୁନ୍ଦର୍ ପାକ୍ନା ଆରି ପରମେସରକେ ସର୍ପି ଦେଲା ଦାନ୍ ସଙ୍ଗ୍ କେତେକ୍ ସୁନ୍ଦର୍ ଗର୍ ବାନ୍ଦ୍ଲାଇ ଆଚଡ଼” ବଲି କାତାଅଇତେ ରଇଲାଇ । ୬ “ଏକ୍ତି ଦିନ୍ ଆଇସି, ଏବେ ତମେ କାଇ କାଇଟା ଦେକ୍ଲାସନି ସେଟା ସବୁ କୁରୁପ୍ନାସ୍ ଜାଇସି । ଗଟେକ୍ ପାକ୍ନା ମିସା ତାର ଜାଗାଇ ନ ରଏ । ସବୁ ମାଟିତେଇ ମିସି ଜାଇସି ।”

ଦୁକ୍ ଆରି ତାଡ଼ନା

(ମାତିଉ ୨୪:୩-୨୪; ମାର୍କ ୧୩:୩-୧୩)

୭ ତାର ପଟେ ସେମନ୍ ଜିସୁକେ ପାଚାରଲାଇ, “ଏ ଗୁରୁ, ଏଟା ସବୁ କେବେ ଅଇସି ? ଆରି ଏ ସବୁ ଗଟ୍ନା କେଟ୍ବା ଆଗ୍ତୁ ସେଟା କେତେବଲ୍ ଅଇସି ବଲି କେକ୍ତି ଚିନି ଅଇସି ?”

୮ ଜିସୁ ସେମନକେ କଇଲା, “ଜାଗରତ୍ ଅଇକରି ରୁଆ, ନାତାଇ ଉଆ ନାଇ । ବେସି ଲକ୍ ମର ନାଉଁଦାରି ଆସି କଇବାଇ, ‘ମୁଇ ସେ ଆକା ।’ ବେଲା କେଟ୍ଲା ଆଚେ, ମାତର୍ ତମେ ସେମନର୍ ପଟେ ଜାଆ ନାଇ । ୯ ଆରି କେବେ ତମେ ଜୁଇଦ୍ ଆରି କିରମାର ଅଇବାଟା ସୁନ୍ସା, ସେବେଲା ତରା ନାଇ । କାଳକେ ବଇଲେ ଏ ସବୁ ଗଟ୍ନା ଆଗ୍ତୁ ଅଇସିସେ । ମାତର୍ ଏ ଦୁନିଆର୍ ସେସ୍ ଦିନ୍ ସେଦାପ୍ରେ ନ ଆସେ ।”

୧୦ ଆରି ଜିସୁ କଇଲା, “ଦେସ୍ ବିରୁଦେ ଦେସ୍ ଆରି ଜାତି ବିରୁଦେ ଜାତି ଉଟ୍ସି । ୧୧ ଦରତନି ତୁଲ୍ଲୁଲ୍ଲୁସି । ବଡ଼ ରଗ୍ମନ୍ ଅଇସି ଆରି ଆକାସେ କେବେ ନ ଅଇବା କାବା ଅଇଜିବା ଚିନ୍ମନ୍ ଡିସ୍ସି । ୧୨ ମାତର୍ ଏ ସବୁ ବିସଇ ନ ଅଇବା ଆଗ୍ତୁ, ତମକେ ବାନ୍ଦିକରି ନେଇ ସାସ୍ତି ଦେବାଇ, ପାର୍ତନା ଗର୍ମନକେ ବିଚାର କରି ବନ୍ଦିଗରେ ପାକାଇବାକେ ସର୍ପିଦେବାଇ । ମର୍ପାଇ ତମେ ରାଜା ଆରି ସାସନ୍ କାରିଆମନର୍ ମୁଆଟେ ଟିଆ ଅଇସା । ୧୩ ମର୍ ବିସଇ ତମେ ବିନ୍ ଲକ୍ମନକେ କଇବାକେ ଗଟେକ୍ ସମାନ୍ ବେଲା ଅଇସି । ୧୪ ଚେବର୍ ପାଇ ‘ମୁଇ ନିଜକେ କେକ୍ତି ରକିଆ କର୍ବି ?’ ସେ ବିସଇ ବାଦିକରି ଆଗେଅନି ଚିନ୍ତା କରା ନାଇ । ୧୫ କାଳକେ ବଇଲେ ମୁଇ ତମକେ ଟିକ୍ପଦ୍ କଇବାକେ ଗିଆନ୍ ଦେବି । ତମକେ ବିରଦ୍ କରବା ଲକ୍ମନ ସେ ଗିଆନ୍ ବାଦୁଲେ କାଇଟା କଇନାପାରଡ଼ । ୧୬ ଆରି ତମର୍ ମାଆ ବାବା, ବାଇ, ନିଜର୍

☆ ୨୧:୧୪ ୨୧:୧୪ ଲୁକ ୧୨:୧୧,୧୨

ଲାଗାର ଲିତାର ଲକ୍, ମଇତରମନ୍ ଆରି କୁଟୁମର ଲକ୍ମନ୍, ତମ୍ଭେ ବିରଦିମନ୍ତକେ ସରପି ଦେବାଇ ଆରି ତମ୍ଭେ ବିତ୍ତରେ ଅନି କେତେ ଲକ୍ତକେ ମରାଇଦେବାଇ । ୧୭ ତମ୍ଭେ ମରତେଇ ବିସ୍ବାସ କଲାସ୍ତାନି ବଲି ଗୁଲାଇ ଲକ୍ମନ୍ ତମ୍ଭେ ଇନ୍ କରବାଇ । ୧୮ ମାତର୍ ତମ୍ଭେ ମୁଣ୍ଡୁର୍ ଚେଣ୍ଡି ମିସା ଗଟେକ୍ ନ ନସେ । ୧୯ ତମ୍ଭେ ତାଟ୍ଅଇ ରଇଲେ ଏ ସବୁ ବିସଇ ମୁରତିକରି, ତମ୍ଭେ ଆତ୍ମାକେ ରକିଆ କରସା ।”

**ଜିରୁସାଲାମ୍ ନସ୍ତ ଅଇଜାଇସି**  
(ମାତିଉ ୨୪:୧୫-୨୧; ମାର୍କ ୧୩:୧୪-୧୯)

୨୦ “ମାତର୍ ଜେତେବଲ୍ ତମ୍ଭେ ଜିରୁସାଲାମ୍ ଗତେ ବିରଦି ସନିଅମନ୍ ଚାରିବେତ୍ତି କିନ୍ଦରି ରଇବାଟା ଦେକ୍ସା ବଇଲେ, ସେବେଲା ଜିରୁସାଲାମ୍ ନସ୍ତ ଅଇବା ବେଲା ଲଗେ କେଟ୍ଲା ବଲି ଜାନା । ୨୧ ସେବେଲାଇ କେ କେ ଜିଉଦା ଦେସେ ରଇବାଇ, ସେମନ୍ ତଙ୍ଗର୍ ବିତ୍ତରେ ପାଲାଅଡ୍ । କେ କେ ଗଡ୍ ବିତ୍ତରେ ରଇବାଇ ସେମନ୍ କେନେ ମିସା ବର୍ତ୍ତବାକେ ପାଲାଅଡ୍ । କେ କେ ଗଡ୍ ବାଇରେ ରଇବାଇ ସେମନ୍ ଗଡ୍ ବିତ୍ତରେ ନ ପୁରଡ୍ । ୨୨ କାଇକେ ବଇଲେ ସେଟା ସାସ୍ତରର୍ ସବୁ ବିସଇ ଜେନ୍ତିକି ସିଦ୍ ଅଇସି, ସେଟାର୍ ପାଇ ସେ ଦିନମନ୍ ବେସି ତଣ୍ଡୁ ପାଇବା ଦିନମନ୍ ଅଇସି । ୨୩ ସେ ଦିନମନ୍ତକେ ଗାଗତେ ରଇବା ମାଇଜିମନ୍ ଆରି ଦୁଦ୍ କୁଆଇତେରଇବା ମାଆମନ୍ତ କେତେକ୍ ଦୁକର୍ ଦିନ୍ ଅଇସି । ଏ ଦେସର୍ ଲକ୍ମନ୍ତକେ ଅପର୍ବଲ୍ ଦୁକ୍ ଆଇସି ଆରି ସେମନ୍ ତଣ୍ଡୁ ପାଇବାଇ । ୨୪ କେତେ ଲକ୍ତକେ କାଣ୍ଡାଦାର୍ ସଙ୍ଗ୍ ମରାଇବାଇ ଆରି କେତେ ଲକ୍ମନ୍ତକେ ବନ୍ଦିକରି ବିନ୍ଦିନ୍ ଦେସେ ଦାରିଜିବାଇ । ଜିଉଦି ନଇଲା ଲକ୍ମନ୍ତ ବେଲା ନ ସାର୍ବାଜାକ ଜିରୁସାଲାମ୍ ବିନାସ୍ କରବାକେ ଚାଡିଦେବାଇ ।”

**ନର୍ପିଲା ଆଇବାଟା**  
(ମାତିଉ ୨୪:୨୯-୩୧; ମାର୍କ ୧୩:୨୪-୨୭)

୨୫ \*ବାଦ୍ଲେ, ବେଲ୍ଟାନେ, ଜନ୍ତାନେ ତାରାମନ୍ତାନେ କେବେ ନ ଡିସ୍ବା ଚିନ୍ମନ୍ ଡିସ୍ସି । ଦୁନିଆର୍ ସବୁ ଦେସର୍ ଲକ୍, ବେସି ଦୁକ୍ କସ୍ଟ ପାଇବାଇ । ଜେତେବେଲା ସମ୍ବୁରର୍ ବଡ୍ ଲଅଡି ଗରଜ୍ଲେ ଲକ୍ମନ୍ କାଇଟା କରବାର୍ ଆଟେ କାଇଟା ନାଇ ବଲି ବାୟାବିକଲ୍ ଅଇଜିବାଇ । ୨୬ ଆରି ଲକ୍ମନ୍ ଦୁନିଆଇ ଆଇବା ସବୁ ଗଟ୍ନା ଦେକିକରି ‘କାଇକେ ଏଡ୍ଡି ଅଇଲାମି ?’ ବଲି ତରିକରି କେତେ ଲକ୍ ମୁରଟା ଅଇଜିବାଇ । କାଇକେ ବଇଲେ ଆକାସେ ରଇଲା ସବୁ ବିସଇ ପର୍ମେସର୍ ରୁଲ୍‌ବୁଲାଇ ଦେଇସି । ୨୭ \*ସେବେଲାଇ ଲକ୍ମନ୍ ପର୍ମେସର୍ ତେଇଅନି ଆସିରଇବା ନର୍ପିଲା ମୁଇ, ବେସି ବପୁସଙ୍ଗ୍ ଆରି ତାକ୍ପୁଟାଅଇକରି ବାଦ୍ଲେ ଆଇବାଟା ଦେକ୍ବାଇ । ୨୮ ମାତର୍ ଏ ସବୁ ଗଟ୍ନା ଆରାମ୍ ଅଇଲେ ତମ୍ଭେ ତାଟ୍ସଙ୍ଗ୍ ଚିଆଅଇ ଉପ୍ରେ ଦେକା । କାଇକେ ବଇଲେ ତମ୍ଭେ ରକିଆ ପାଇବା ଦିନ୍ ଲଗେ ଆଟେ ।”

**ଡୁମ୍ବି ଗଟ୍ଟ ସିକିଆ**  
(ମାତିଉ ୨୪:୩୨-୩୫; ମାର୍କ ୧୩:୨୮-୩୧)

୨୯ ଆରି ଜିସୁ ସେମନ୍ତକେ ଗଟେକ୍ ଉଦାଅରନ୍ କଇଲା, “ଡୁମ୍ବି ଗଟ୍ ଆରି ବିନ୍ ସବୁ ଗଟ୍ଟ କାତା ଚିନ୍ତା କରା । ୩୦ ଜେତେବେଲେ ତାର୍ କେନ୍ଦିଅନି ପତର୍ ପାଲୁଆନି କର୍ସି, ଆରି କାଁଟାପଡ୍ରିଆ ଡିସ୍ଲେ କାରାଦିନ୍ କେଟ୍ଲା ବଲି ତମ୍ଭେ ଜାନ୍ସା । ୩୧ ସେନ୍ତାରିସେ ଏ ସବୁ ବିସଇ ଅଇବାଟା ଦେକ୍ଲେ ପର୍ମେସର୍ ରାଇଜ୍ କେଟି ଆଇଲା ବଲି ଜାନ୍ସା ।”

୩୨ “ମୁଇ ତମ୍ଭେକେ ସଡ୍‌କାତା କଇଲିନି । ମନେ ରକା, ଏବେ ଜିବନ୍ ରଇବା ସବୁ ଲକ୍ମନ୍ତ ମରନ୍ ଅଇବା ଆଗ୍ଟୁ ଏ ସବୁ ଗଟ୍ସି । ୩୩ ସରଗ୍ ଆରି ମଡ୍‌ପୁର୍ ନସି ଜାଇସି, ମାତର୍ ମର୍ ବାକିଅ କେବେ ନ ନସେ ।”

**ସବୁବେଲା ଜାଗ୍‌ରଡ୍ ରୁଆ**

୩୪ “ମାତର୍ ତମ୍ଭେ ନିଜର୍ ନିଜର୍ ବିସଇ ନେଇକରି ଜାଗ୍‌ରଡ୍ ରୁଆ । ତମ୍ଭେ ମନ୍ ସବୁବେଲାଇ ବଜିବାଡ୍ କରି ମଦ୍ ପେଣ୍ଡୁମ୍ କାଇବା ବିସଇ ଆରି କେନ୍ତାନ୍ ଜିଇବାର୍ ଅଇସି କେନ୍ତାନ୍ ନାଇ ବଲି ଚିନ୍ତାକରି ରଇଲାବେଲେ, ସେ ଦିନ୍ ଅଗାଡ୍ ପାନ୍ ପାରା ଆସି ଲାଗିଜାଇସି । ୩୫ ସେନ୍ତାରିସେ ଏ ଦୁନିଆର୍ ସବୁ ଲକ୍ତକେ ସେଟା ଗଟ୍ସି । ୩୬ ସେ ଦିନମନ୍ତକେ ଗଟ୍‌ବା ସବୁ ବିସଇ ଦେଇ, କାଇ ବିପଦ୍ ନ ଅଇ ଜିବାକେ ଆରି ପର୍ମେସର୍ ପାଟାଇରଇବା ନର୍ପିଲା ମର୍ ମୁଆଟେ ଚିଆ ଅଇବାକେ, ପାର୍ତନା କରି ଜାଗ୍‌ରଡ୍ ଅଇରୁଆ ।”

୩୭ \*ଜିସୁ ସେ ଦିନମନ୍ତକେ ମନ୍ଦିରେ ଜାଇ ନିମାନ୍ କାତା ସିକାଇ ଦେଇତେ ରଇଲା । ଆରି ତାର୍ ସିସମନ୍ତ ସଙ୍ଗ୍ ସବୁ ରାତି ବାରିଜାଇ ଜିଡ୍ ନାଉର୍ ତଙ୍ଗ୍ରେ ବିତାଇତେ ରଇଲା । ୩୮ ବେସି ଲକ୍ ଜିସୁର୍ କାତା ସୁନ୍‌ବାକେ ସବୁ ଦିନ୍ ସାକାଲେ ମନ୍ଦିରେ ଜାଇତେରଇଲାଇ ।

☆ ୨୧:୨୫ ୨୧:୨୫ ପଢ଼କାସିତ ୬:୧୨,୧୩ ☆ ୨୧:୨୭ ୨୧:୨୭ ପଢ଼କାସିତ ୧:୭ ☆ ୨୧:୩୭ ୨୧:୩୭ ଲୁକ୍ ୧୯:୪୭

# ୨୨

ଜିସୁସ୍ ବିରଦେ ସଡ଼ଜିତର୍

(ମାତିଉ ୨୬:୧-୫; ମାର୍କ ୧୪:୧-୨; ଜଅନ୍ ୧୧:୪୫-୫୩)

୧ କମିର୍ ନ ପାକାଇ ରୁଟି ତିଆର୍ କରବା ପରବ୍ ଜାକେକି ନିସ୍ତାର୍ ପରବ୍ ବଲି ମିସା କଇବାଇ, ସେ ପରବ୍ ଲଗାଲଗି କେଟି ଆଇତେ ରଇଲା । ୨ ଆରି ମୁକ୍ତିଅ ପୁଜାରିମନ୍, ସାସ୍ତର୍ ସିକାଉମନ୍ ଲକ୍ମନ୍ କେ ତରତେ ରଇଲାଇ । ଜିସୁକେ କେନ୍ତି ଲୁଟ୍ତେ ମରାଉ ? ବଲି ବାଟ୍ କଜ୍ତେ ରଇଲାଇ ।

ଜିସୁକେ ଦାରାଇ ଦେବାକେ ଜିଉଦା ରାଜି ଅଇଲା

(ମାତିଉ ୨୬:୧୪-୧୬; ମାର୍କ ୧୪:୧୦-୧୧)

୩ ଆରି ଜିସୁର୍ ବାରଟା ସିସ୍ମାନର୍ ବିତ୍ରେଅନି ଇସ୍କାରିୟୁଡ଼ ଜିଉଦା ନାଉର୍ ଗଟେକ୍ ସିସ୍ ରଇଲା । ସେବେଲାଇ ତାର୍ ମନ୍ ବିତ୍ରେ ସଇତାନ୍ ପୁରିଦେଲା । ୪ ଆରି ସେ ମୁକ୍ତିଅ ପୁଜାରିମନ୍ ଆରି ମନ୍ଦିର୍ ଜାଗି ରଇବା ସେନାପତିମନ୍ ଲଗେ, କେନ୍ତିକରି ଜିସୁକେ ବିସ୍ବାସେ ବିସ୍ ଦେଲା ପାରା କରି, ତାକେ ଦାରାଇଦେବି ବଲି ସେମନ୍ ସଙ୍ଗ୍ କାତାବାର୍ତା ଅଇବାର୍ ଗାଲା । ୫ ସେଟାର୍ପାଇ ସେ ଲକ୍ମନ୍ ବେସି ସାର୍ଦା ଅଇକରି ତାକେ ତାରୁ ଦେବାକେ ରାଜି ଅଇଲାଇ । ୬ ଜିଉଦା ମିସା ରାଜି ଅଇଲା ଆରି ଲକ୍ମନ୍ ନ ଜାନ୍ତେ ଜିସୁକେ ଦାରାଇଦେବାକେ ସୁଜଗ୍ କଜ୍ତେରଇଲା ।

ନିସ୍ତାର୍ ପରବର୍ ବଜିର୍ପାଇ ଜିସୁ ଜାଗ୍ତ ଅଇଲା

(ମାତିଉ ୨୬:୧୭-୨୫; ମାର୍କ ୧୪:୧୨-୨୧; ଜଅନ୍ ୧୩:୨୧-୩୦)

୭ ତାର୍ପଟେ ନିସ୍ତାର୍ ପରବର୍ ବଜି କରି ମେଣ୍ଡାପିଲା ମାର୍ବା ଦିନ୍ ଆଇଲା । ୮ ଜିସୁ, ପିତର୍ ଆରି ଜଅନ୍ କେ ଏ କାତା କଇ ପାଟାଇଲା । “ଜା ଆରି ଆମର୍ପାଇ ନିସ୍ତାର୍ ପରବର୍ ବଜି କାଇବାକେ ଟିକ୍ କରା ।”

୯ ସେମନ୍ ଜିସୁକେ ପାଟାରଲାଇ, “ଆମେ କନ୍ ଜାଗାଇ ବଜି ତିଆରକର୍ବୁ ବଲି ତମେ ମନ୍ କଲାସ୍ନି ?”

୧୦ ଜିସୁ ସେମନ୍ କଇଲା, ଦେକା, ତମେ ଗଡ଼ ବିତ୍ରେ ପୁରବା ବେଲେ ଗଟେକ୍ ଆଣ୍ଡିତେଇ ପାନିନେଇ ଜିବା ଲକ୍ମକେ ବେଟ୍ପାଇସା । ସେ ଜନ୍ ଗରେ ପୁରସି, ତାର୍ ପଡ଼ପଡ଼ ଜାଇ ସେ ଗରର୍ ସାଉକାର୍ କେ କୁଆ, ୧୧ “ଆମର୍ ଗୁରୁ ତମ୍ କେ ଏ କବର୍ କଇ ପାଟାଇଆଟେ, ମୁଇ ଆରି ମର୍ ସିସ୍ମନ୍ କନ୍ ବାକ୍ରାଇ ରକିଆ ପାଇବା ପରବର୍ ବଜି ମାନ୍ବୁ ? ୧୨ ତାର୍ପଟେ ସେ ଲକ୍ ତମ୍ କେ ଗର୍ ଉପ୍ରେ ରଇବା ମଅଲା ତିଆର୍ ଅଇରଇଲା ଗଟେକ୍ ବଡ଼ ବାକ୍ରା ଦେକାଇ ଦେଇସି । ତେଇ ତମେ କାଦି ତିଆର୍ କରା ।”

୧୩ ସେମନ୍ ଜାଇକରି ଜିସୁ ସେମନ୍ କେ ଜେନ୍ତି କଇରଇଲା ସେନ୍ତିସେ ଦେକ୍ଲାଇ । ଆରି ନିସ୍ତାର୍ ପରବର୍ ବଜି ତିଆର୍ କଲାଇ ।

ପରବୁ ବଜି

(ମାତିଉ ୨୬:୨୬-୩୦; ମାର୍କ ୧୪:୨୨-୨୬; ୧ମ କରନ୍ତିୟ ୧୧:୨୩-୨୫)

୧୪ ସମାନ୍ ବେଲା କେଟ୍ଲାକେ ଜିସୁ ପେରିତ୍ମନର୍ ସଙ୍ଗ୍ କାଇବାକେ ମିସ୍ତେ ବସ୍ଲାଇ । ୧୫ ସେବେଲା ଜିସୁ ସେମନ୍ କଇଲା, “ମୁଇ ବୁକ୍ କସଟ୍ ପାଇବା ଆଗ୍ତୁ ନିସ୍ତାର୍ ପରବ୍ ତମ୍ ସଙ୍ଗ୍ ମିସ୍ତେ କରବାକେ ବେସି ମନ୍ କରଇଲି । ୧୬ ମୁଇ ତମ୍ କେ କଇଲିନି, ପର୍ମେସରର୍ ରାଇଜେ ଏଟା ପୁରାପୁରୁନ୍ ନ ଅଇବାଜାକ, କେବେ ମିସା ଏଟା ନ କାଇ ।”

୧୭ ଆରି ସେ ଅଙ୍ଗୁର୍ ରସ୍ ଦାରି ପର୍ମେସରକେ କୁଆର୍ କରି କଇଲା, “ଏଟା ନେଇ ତମ୍ ନିଜର୍ ନିଜର୍ ବିତ୍ରେ ବାଟା କରା । ୧୮ ମୁଇ ତମ୍ କେ କଇଲିନି ପର୍ମେସରର୍ ରାଇଜ୍ ନ ଆଇବା ଜାକ, ଏ ରସ୍ କେବେ ମିସା ନୁ କାଇ ।”

୧୯ ଆରି ରୁଟି ଦାରିକରି ପର୍ମେସରକେ ଦନିଅବାଦ୍ ଦେଇ ବାଙ୍ଗାଇ ସେମନ୍ କେ ଦେଇକରି କଇଲା, “ଏଟା ମର୍ ଗାଗଡ଼, ଜନ୍ଟା ତମ୍ ପାଇ ଦିଆଅଇଲା ଆଟେ । ମକେ ଏତାଇବା ପାଇ ଏଟା କରା ।” ୨୦ ସେନ୍ତାରିସେ କାଇଲା ପଟେ ସେ ମୁତାଇ ଅଙ୍ଗୁର୍ ରସ୍ ଦାରି କଇଲା, “ଏ ମୁତା ମର୍ ବନିତେଇ, ପର୍ମେସର୍ ଲକ୍ମନ୍ ସଙ୍ଗ୍ କଲା ନୁଆ ରାଜିନାମା । ଏଟା ତମ୍ ପାଇ ଜର୍ଲା ମର୍ ବନି ।”

୨୧ “ମାତର୍ ଦେକା ଇତି ମର୍ ସଙ୍ଗ୍ ବସି କାଇବା ଗଟେକ୍ ଲକ୍ ସେ ବିରଦି ଲକ୍ମନ୍ ଆତେ ମକେ ଦାରାଇ ଦେଇସି । ୨୨ ପର୍ମେସରର୍ ଗାନେଅନି ଆଇଲା ନର୍ପିଲା ମୁଇ, ସେ ଜେନ୍ତି ଜନ୍ନା କଲାଆଟେ, ସେନ୍ତାରିସେ ମର୍ବାକେ ଅଇସି । ମାତର୍ ଜନ୍ ଲକ୍ ମକେ ବିସ୍ବାସେ ବିସ୍ ଦେଲାପାରା ବିରଦିମନ୍ ଆତେ ଦାରାଇ ଦେଇସି, ତାକେ ବେସି ଡଣ୍ଡ ମିଲ୍ସି ।”

୨୩ ସେବେଲାଇ ସିସ୍ମନ୍ ସେମନ୍ ବିତ୍ରେ କାତା ଅଇଲାଇ, “ଏନ୍ତି ବଇଲେ ଆମର୍ ବିତ୍ରେ କେ ଜିସୁକେ ସେନ୍ତି କରସି ?”

କେ ବଡ଼ବଲି କାତାବାର୍ତ୍ତା ଅଇଲା

୨୪ ✨ତାର ପତେ ସେମାନର ବିତ୍ତରେଅନି କେ ବଡ଼ ବଲି ଦଦାପେଲା ଅଇଲା । ୨୫ ଜିସୁ ସେମାନକେ କଇଲା, “ଏ ଦୁନିଆର ରାଜାମନ୍ ସେମାନର ଲକ୍ଷ୍ୟମାନକେ ନିଜର ଅଦିକାର ଦେକାଇ ସାସନ୍ କରବାଇ । ଆରି ସେମନ୍, ଆମେ ଲକ୍ଷ୍ୟମାନକେ ଦରମ୍ କରବା ଲକ୍ ବଲି ତାକ୍ପୁଟା ଅଇବାଇ । ୨୬ ✨ମାତର ତମର ବିତ୍ତରେ ଏକ୍ତି ନ ଉଆ । କେ ବଡ଼ ସେ ସାନ୍ ଅ । ଆରି କେ ନେତା ରଇସି ସେ ସବୁଲକ୍ଷ୍ୟ ସେବା କରବାର୍ ଆତେ । ୨୭ ✨ଏ ଦୁନିଆର ଇସାବେ, ବସିକରି କାଇବା ଲକ୍ ବଡ଼ କି, ବାଟାକରି ଦେବା ଲକ୍ ବଡ଼ ? ବସିକରି କାଇବା ଲକ୍ ସେ ବଡ଼ ଅଇସି । ମାତର ମୁଇ ସେକ୍ତି ନଇ । ମୁଇ ତମର ବିତ୍ତରେ ବାଟାକରି ଦେବା ଲକ୍ ପାରା । ୨୮ ତମେ ମର ସବୁ ପରିକାଟାନେ ମରସଙ୍ଗ ରଇ ଆଇଲାସ୍ତି । ୨୯ ମର ବାବା ପରମେସର ଜେକ୍ତି ସାସନ୍ କରବାକେ ମକେ ତାର ରାଇଜର ଅଦିକାର ଦେଲା ଆତେ, ସେକ୍ତି ମୁଇ ମିସା ତମକେ ଅଦିକାର ଦେବି । ୩୦ ✨ଆରି ତମେ ମର ରାଇଜେ ମରସଙ୍ଗ ବସି କାଆପିଆ କରସା । ରାଜଗାଦି ବସି ଇସରାଏଲର ବାରଟା ଜାତିର ଲକ୍ଷ୍ୟମାନକେ ସାସନ୍ କରସା ।”

ଜିସୁ ପିତରକେ ମକେ ନାଜାନି ବଲି କଇସୁ ବଲି କଇଲା

(ମାତିଉ ୨୬:୩୧-୩୫; ମାର୍କ ୧୪:୨୭-୩୧; ଜଅନ୍ ୧୩:୩୬-୩୮)

୩୧ “ଏ ସିମନ୍, ସିମନ୍ ! ସୁନ୍ ! ଚାସି ଜେକ୍ତି ଦାନ୍ ଉଡାଲିକରି ପଟ୍ ବିନେ କରସି, ସେନ୍ତାରି ସଇତାନ୍ ତମକେ ତେରେପେତେ କରବାକେ ଆଦେସ୍ ପାଇଲା ଆତେ । ୩୨ ମାତର ତର ବିସ୍ବାସ୍ ଉନା ନ ଅ ବଲି ମୁଇ ପାର୍ତନା କଲିଆତି । ସେ ପରିକାଇ, ବିସ୍ବାସେ ଡାଟ୍ଅଇ, ଜିତି ଆଇଲେ ତର ବାଇମାନକେ ମିସା ସେକ୍ତି ଡାଟ୍ କରାଇସୁ ।”

୩୩ ସେବେଲାଇ ସିମନ୍ ଜିସୁକେ କଇଲା, “ଏ ମାପରୁ ମୁଇ ତରସଙ୍ଗ ବନ୍ଦି ଗରେ ଜିବାକେ ଆରି ମରବାକେ ମିସା ରାଜି ଆତି ।”

୩୪ ତାର ପତେ ଜିସୁ କଇଲା, “ଏ ପିତର ମୁଇ ତକେ କଇଲିନି, ତୁଇ ଏବେ ଏକ୍ତି କଇଲୁସ୍ତି, ମାତର ଆଜି ରାତି କୁକ୍ତା ନ ଡାକ୍ବା ଆଗ୍ତୁ ମକେ ତନ୍ତର ନାଜାନି ବଲି କଇସୁ ।”

ବେସ୍ତିନି, ମୁନା ଆରି କାଣ୍ଡା

୩୫ ✨ଜିସୁ ତାର ସିସ୍ମାନକେ ପାଟାରଲା । “ମୁଇ ତମକେ ପାଟାଇଲାବେଲେ ବେସ୍ତିନି, ମୁନା ଆରି ପାଣ୍ଡୁଇ ନ ନେବାକେ କଇରଇଲି । ସେବେଲାଇ ତମକେ କାଇ ଅବାଟ୍ ଅଇଲା କି ?” “ନାଇ, କାଇଟା ମିସା ଅବାଟ୍ ଅଏ ନାଇ ।” ବଲି କଇଲା । ୩୬ ଆରି ସେ କଇଲା, “ମାତର ଏବେ ତମକେ କଇଲିନି, ବେସ୍ତିନି କି ମୁନା ରଇଲେ ନିଆ । ଆରି ଜାକେ କାଣ୍ଡା ନାଇ, ସେ ପିନ୍ଦବାଟା ବିକି କାଣ୍ଡା ଗେନ । ୩୭ ମୁଇ ତମକେ କାଇକେ କଇଲିନି ‘ସେ ଅପରାଦିମାନର ସଙ୍ଗ୍ ସମାନ୍ ଦସା ପାଇଲା’ ବଲି ସାସ୍ତରେ ଲେକା ଅଇଲା କାତା ସିଦ୍ ଅଇବାକେ ଗାଲାନି ।”

୩୮ ସିମନ୍ ଜିସୁକେ କଇଲା, “ଏ ମାପରୁ, ଦେକା ଆମର ବିତ୍ତରେ ଜତେକ୍ କାଣ୍ଡା ଆତେ ।” ଜିସୁ କଇଲା, “ସେଡକି ଅଇସି ।”

ଜିସୁ ଜିତ୍ ତଙ୍ଗରେ ପାର୍ତନା କରବାକେ ଗାଲା

(ମାତିଉ ୨୬:୩୬-୪୬; ମାର୍କ ୧୪:୩୬-୪୬)

୩୯ ତେଇଅନି ଜିସୁ ଗଡ଼ ଚାଡ଼ି ଆଗ୍ତୁର ଅବିଆସ୍ ଇସାବେ ଜିତ୍ନାଉଁର ତଙ୍ଗରେ ପାର୍ତନା କରବାକେ ଗାଲା । ସିସ୍ମାନ ମିସା ତାର ସଙ୍ଗ୍ ରଇଲା । ୪୦ ଆରି ସେ ଜାଗାଇ କେଟିକରି ସିସ୍ମାନକେ କଇଲା, “ତମେ ପରିକାର୍ ପାନ୍ଦେ ନ ଲାଗାଇ ଅଇବାକେ ପାର୍ତନା କରା ।”

୪୧ ତାର ପତେ ଜିସୁ ତାକ୍ତେଇଅନି କଣ୍ଡେକ୍ ଦୁର ଜାଇ ମାଣ୍ଡିକୁଟା ଦେଇକରି ପାର୍ତନା କରବାର୍ ଦାରଲା । ୪୨ “ଏ ବାବା, ତୁଇ ମନ୍ଦକଲେ ଏ କସ୍ତର ମୁତା ମରତେଇଅନି ଦୁରିକେ ନେ । ମାତର ମୁଇ ମନ୍ଦ କଲା ଇସାବେ ନାଇ, ତର ମନ୍ଦକଲା ଇସାବେ ସିଦ୍ ଅ ।” ୪୩ ସେଡକିବେଲେ ଏଦେ ଦେକା ! ପରମେସର ଗଟେକ୍ ଦୁଡ଼ ଆସି ଜିସୁକେ ଦେକାଇଅଇଲା ଆରି ଡାଟ୍ସଙ୍ଗ ରଇବାକେ ବପୁଦେଲା । ୪୪ ମାତର ଜିସୁ ଅଦିକ୍ ବିକଲ୍ ଅଇ, ମନ୍ଦିଆନ୍ ଦେଇ ପାର୍ତନା କରବାର୍ ଦାରଲା । ତାର ଗାଗ୍ତର ଜାଲ୍ ପାନି, ବନିପାରା ଜରଜର ଅଇ ବୁର୍ଷ୍ ଡିପିଗାଲା ।

୪୫ ଆରି ଜିସୁ ପାର୍ତନା କରିସାରାଇ ସିସ୍ମାନର ଲଗେ ଗାଲା । ସେମନ୍ ସବୁ ଲକ୍ ଦୁକ୍ଅଇକରି ତାକିଜାଇ ସଇରଇଲାଟା ସେ ଦେକ୍ଲା । ୪୬ ତେଇ ସେମାନକେ କଇଲା, “ତମେ କାଇକେ ସଇଦେଇ ଆଚାସ୍ ? ଉଟା ପରିକାର୍ ପାନ୍ଦେ ନ ଲାଗାଇ ଅଇବାକେ ପାର୍ତନା କରା ।”

✨ ୨୨:୨୪ ୨୨:୨୪ ମାତିଉ ୧୮:୧; ମାର୍କ ୯:୫୪ ✨ ୨୨:୨୬ ୨୨:୨୬ ମାତିଉ ୨୩:୧୧; ମାର୍କ ୯:୩୫ ✨ ୨୨:୨୭ ୨୨:୨୭ ମାତିଉ ୨୦:୨୫-୨୬; ମାର୍କ ୧୦:୪୨-୪୪ ✨ ୨୨:୨୯ ୨୨:୨୯ ଜଅନ୍ ୧୩:୧୨-୧୫ ✨ ୨୨:୩୦ ୨୨:୩୦ ମାତିଉ ୧୯:୨୮ ✨ ୨୨:୩୫ ୨୨:୩୫ ମାତିଉ ୧୦:୯, ୧୦; ମାର୍କ ୭:୯; ଲୁକ୍ ୯:୩; ୧୦:୪



**ଜିସୁକେ ସତ୍‌ରୁମନ୍ ବନ୍ଦି କଲା**  
(ମାତ୍ରି ୨୨:୪୭-୫୨; ମାର୍କ ୧୪:୪୩-୫୦; ଜଅନ୍ ୧୮:୩-୧୧)

୪୭ ଜେଡେବଲ୍ ଜିସୁ ଏ କାତା କଇଡେରଇଲା ଗାଦି ଲକ୍‌ମନ୍ ତେଇ ଆଇଲା । ଜିସୁର ବାରଟା ସିସ୍‌ମନ୍‌ର ବିଡ୍‌ରେଅନି ଜିଉଦା ନାଉଁର ସିସ୍, ସେମନ୍‌ର ଆଗତୁ ଅଇ ସେମନ୍‌କେ ଡାକିଆନ୍‌ଲା, । ଆରି ଜିସୁକେ ରୁମିକରି ସେମନ୍‌କେ ଚିନାଇଦେଲା । ୪୮ ଜିସୁ ଜିଉଦାକେ ପାଚାରଲା, “ଏ ଜିଉଦା ପର୍‌ମେସର୍‌ତେଇ ଅନି ଆଇଲା ନର୍‌ପିଲା ମକେ, ତୁଇ ବିରଦି ଲକ୍‌ମନ୍‌କେ ରୁମିକରି ଦାରିଇଦେଲୁସ୍‌ନି କି ?”

୪୯ ସେ ବିରଦି ଲକ୍‌ମନ୍ ଜିସୁକେ ବନ୍ଦିକରି ଦାରିଜିବାଇ ବଲି ସିସ୍‌ମନ୍ ଜାନ୍‌ଲା । ସେବେଲାଇ ସିସ୍‌ମନ୍ ଜିସୁକେ ପାଚାରଲା, “ଏ ମାପରୁ, ଆମର୍ କାଣ୍ଡା ବେଟ୍‌ରୁ କି ?” ୫୦ ସିସ୍‌ମନ୍‌ର ବିଡ୍‌ରେଅନି ଗଟେକ୍ ଲକ୍, ବଡ୍ ପୁଜାରିର୍ ଗତିଦାଙ୍ଗ୍‌ଡାର ଉଜା କାନ୍ ଚିଡ୍‌ତେ କାଟିପାକାଇଲା ।

୫୧ ଏଟା ଦେକି ଜିସୁ କଇଲା, “ନିରୁ” । ସେ ଚିଡ୍‌ଲା କାନ୍ ଚିଇକରି ନିକ କଲା । ୫୨ ଜିସୁ ତାକେ ବନ୍ଦି କର୍‌ବାକେ ଆଇଲା ମୁକିଅ ପୁଜାରିମନ୍‌କେ, ମନ୍ଦିର୍ ଜାଗି ରଇବା ସେନାପତିମନ୍‌କେ ଆରି ପାର୍‌ଚିନ୍‌ମନ୍‌କେ କଇଲା, “ମୁଇ କାଇ ତାକୁ କି ? ମକେ ଦାର୍‌ବାକେ ବଡ୍ ବଡ୍ ଟେଙ୍ଗ୍ ଆରି କାତିକାଣ୍ଡା ଦାରି ଆସି ଆଚାସ୍ । ୫୩ ସବୁ ଦିନେତା ମୁଇ ମନ୍ଦିରେ ତମର୍ ସଙ୍ଗ୍ ରଇଲି, ମାତର୍ ତମେ ମକେ ବାନ୍ଦାସ୍ ନାଇ । ଏବେ ବେଲା କେଟ୍‌ଲା ଆଚେ । ମକେ କାଇଟାମିସା କର୍‌ବାକେ ପର୍‌ମେସର୍ ସଇତାନ୍‌କେ ଅନୁମତି ଦେଲାଆଚେ ।”

**ଜିସୁକେ ପିତର୍ ନାଜାନି ବଲି କଇଲା**  
(ମାତ୍ରି ୨୨:୫୨-୫୮, ୬୯-୭୫; ମାର୍କ ୧୪:୫୩-୫୪, ୬୭-୭୨; ଜଅନ୍ ୧୮:୧୨-୧୮, ୨୫-୨୭)

୫୪ ତାର୍ ପଚେ ସେମନ୍ ଜିସୁକେ ବାନ୍ଦିକରି ବଡ୍ ପୁଜାରିର୍ ଗରେ ଦାରିଗାଲା । ପିତର୍ ଦୁରିକେ ରଇ ସେମନ୍‌ର ପଚେପଚେ ଗାଲା । ୫୫ ସନିଅମନ୍ ଜଇଲାଗାଇ ଚାରିବେଡ୍‌ତି ବସ୍‌ଲା । ପିତର୍ ମିସା ସେମନ୍‌ର ସଙ୍ଗ୍ ବସ୍‌ଲା । ୫୬ ଗଟେକ୍ ଗତିଦାଙ୍ଗ୍‌ତି ପିତର୍‌କେ ଜଇପାଲି ବସ୍‌ଲାଟା ନିକକରି ଦେକି କଇଲା, “ଏ ଲକ୍ ମିସା ଜିସୁର ସଙ୍ଗ୍ ରଇଲା !”

୫୭ ମାତର୍ ପିତର୍ ରାଜି ନ ଅଇ କଇଲା, “ଏ ଗତିଦାଙ୍ଗ୍‌ତି, ତାକେ ମୁଇ ମୁଲ୍‌କେ ନାଜାନି ।” ୫୮ ଚନେକ୍ ରଇଲା ପଚେ ଆରି ଗଟେକ୍ ଲକ୍ ପିତର୍‌କେ ଦେକି କଇଲା, “ତୁଇ ମିସା ତାର୍ ସଙ୍ଗ୍ ରଇଲୁସ୍ ।” ମାତର୍ ପିତର୍ ତାକେ କଇଲା, “ମୁଇ ନଇ ।”

୫୯ ଗଟେକ୍ ଗାଁଟା ଗାଲାପଚେ ଆରି ଗଟେକ୍ ଲକ୍ ପିତର୍‌କେ ଦେକି କଇଲା, “ଏ ଲକ୍‌ମିସା ନିଜେ ତାର୍ ସିସ୍‌ମନ୍‌ର ସଙ୍ଗ୍ ରଇଲା । ଆକେ ମୁଇ ନିକକରି ଜାନି । କାଇକେ ବଇଲେ ସେ ଗଟେକ୍ ଗାଲିଲିର୍ ଲକ୍ ।” ୬୦ ଏଟା ସୁନି ପିତର୍ ସେ ଲକ୍‌କେ କଇଲା, “ଏ ବାଇ ତୁଇ କାଇଟା କଇଲୁସ୍‌ନି ? ମୁଇ ବିଲ୍‌କୁଲ୍ ନାଜାନି ।” ସେ କାତା ପିତର୍ କଇଲା ଦାପ୍‌ରେ, କୁକ୍‌ତା ତାକ୍‌ଲା । ୬୧ ସେବେଲେ ଜିସୁମାପରୁ ପିତର୍‌କେ ପାସ୍‌ଲି ନିମାନ୍ କରି ଦେକ୍‌ଲା । ଜିସୁ ଆଗତୁ କଇଲା କାତା ସେ ଏତାଇଲା । ସେ ତାକେ କଇରଇଲା ତୁଇ ମକେ ଆଜି କୁକ୍‌ତା ତାକ୍‌ବା ଆଗତୁ ତିନ୍‌ତର୍ ନାଜାନି, ବଲି କଇସୁ । ୬୨ ସେଟାର୍‌ପାଇ ପିତର୍ ସେଟା ଏତାଇ, ଦୁକ୍ ଅଇ ତାଣ୍ଡେଅନି ବିନେ ଜାଇ ବେସି କାନ୍‌ଲା ।

**ଜିସୁକେ ମାର୍‌ଲା**  
(ମାତ୍ରି ୨୨:୬୭-୭୮; ମାର୍କ ୧୪:୬୫)

୬୩ ଜିସୁକେ ଦାରିକରି ସଙ୍ଗ୍‌ରଇଲା ଲକ୍‌ମନ୍ ତାକେ ମାରିମାରି କିଜାଇଲା । ୬୪ ଆରି ତାର୍ ଆଁକି ବାନ୍ଦିକରି ତାକେ ପାଚାରଲା, “ତକେ କେ ମାର୍‌ଲା, କଅ ?” ୬୫ ଆରି କେତେଟା କାତା କଇ ତାକେ ନିନ୍ଦା କଲା ।

**ଜିସୁକେ ବଡ୍ ସବାତେଇ ଆନ୍‌ଲା**  
(ମାତ୍ରି ୨୨:୫୯-୬୬; ମାର୍କ ୧୪:୫୫-୬୪; ଜଅନ୍ ୧୮:୧୯-୨୪)

୬୬ ତାର୍ ଆର୍‌କର୍ ଦିନେ ଜୁଲ୍‌ପୁଲ୍ ଉଜଲ୍ ବେଲା, ପାର୍‌ଚିନ୍‌ମନ୍, ମୁକିଅ ପୁଜାରିମନ୍ ଆରି ସାସ୍‌ତର୍ ସିକାଇଦେବା ଲକ୍‌ମନ୍ ଗଟେକ୍‌ଟାନେ ରୁଣ୍ଡିଲା । ଆରି ଜିସୁକେ ବିଚାର କର୍‌ବା ବଡ୍‌ଟା ଜାଗାଇ ନେଲା । ୬୭ “ତୁଇ ସତଇସେ ପର୍‌ମେସର୍ ବାଟିପାଟାଇଲା କିରିସ୍‌ଟ କି ? ଆମକେ କଅ ।” ମାତର୍ ଜିସୁ ସେମନ୍‌କେ କଇଲା, “ମୁଇ କଇଲେ ମିସା ତମେ ବିସ୍‌ବାସ୍ ନ କରାସ୍ । ୬୮ ମୁଇ ତମ୍‌କେ ପାଚାରଲେ ମିସା ନ କୁଆସ୍ । ୬୯ ମାତର୍ ଏବେ ଅନି, ପର୍‌ମେସର୍‌ଟାନେଅନି ଆଇଲା ନର୍‌ପିଲା ମୁଇ ତାର୍ ଉଜାବାଚେ ବସିରଇବି ।”

☆ ୨୨:୫୩ ୨୨:୫୩ ଲୁକ୍ ୧୯:୪୭; ୨୧:୩୭

୭୦ ସେ କାତା ସୁନି ଗୁଲାଇ ଲକ୍ମନ୍ ଆଉଲିଅଇ ଜିସୁକେ ପାଚାରୁଲାଇ, “ଏନ୍ତି ବଇଲେ ତୁଇକାଇ ପରମେସରର୍ ପିଲା କି ?” ଜିସୁ ସେମନ୍‌କେ କଇଲା “ମୁଇସେ ବଲି ତମେ କଇଲାସିନି ।”

୭୧ ଆରି ସେମନ୍ କଇଲା, “ଆମ୍‌କେ ଆରି କାଇ ସାକି ଦରକାର୍ ତା ? ଆମେ ନିଜେ ତାର୍ ଚଣ୍ଡେଅନି ସୁନ୍‌ଲୁ ଆରୁ ।”

### ୨୩

ଜିସୁକେ ପିଲାତର୍ ଲଗେ ନେଲାଇ

(ମାତିଉ ୨୭:୧-୨, ୧୧-୧୪; ମାର୍କ ୧୫:୧-୫; ଜଅନ୍ ୧୮:୨୮-୩୮)

୧ ତାର୍ ପଟେ ବିଚାର୍ କରବା ବଡ଼ ସବାର୍ ଜାଗାଇ ବସିରଇଲା ସବୁ ଲକ୍ମନ୍ ଉଟିକରି ଜିସୁକେ ପିଲାତର୍ ଲଗେ ଦାରିଗାଲାଇ । ୨ ସେ ଲକ୍ମନ୍ ଜିସୁକେ ନିନ୍ଦା କରି ଏନ୍ତି କଇବାର୍ ବସିଲା, “ଏ ଲକ୍ମ ଆମର୍ ଲକ୍ମନ୍‌କେ ବୁଲ୍ ସିକିଆ ଦେଇତେ ରଇଲା ଆରି କାଇସର୍ ସମ୍‌ରାଟ୍‌କେ ସିସୁ ଦିଆସ୍ ନାଇ ବଲି ସିକାଇଲା ବେଲେ ତାକେ ଦାରୁଲୁ । ଆରି ସେ ନିଜ୍‌କେ ମୁଇ ପରମେସର୍ ବାଟି ପାଟାଇଲା ରାଜା କିରିସ୍ଟ ବଲି କଇଲାନି ।”

୩ ସେଟାର୍ ପାଇ ପିଲାତ୍ ଜିସୁକେ ପାଚାରୁଲା, “ତୁଇ କାଇ ଜିଉଦି ଲକ୍ମନ୍‌ର ରାଜା କି ?” ଜିସୁ ତାକେ କଇଲା, “ତମେତା କଇଲାସିନି ।”

୪ ତାର୍ ପଟେ ପିଲାତ୍ ମୁକିଅ ପୁଜାରିମନ୍‌କେ ଆରି ତେଇ ରଇଲା ସବୁ ଲକ୍ମନ୍‌କେ କଇଲା, “ମୁଇ ଏ ଲକ୍ମ ଦସି ବଲି କାଇ ବୁଲ୍ ଦେକି ନାଇ ।”

୫ ମାତର୍ ସେମନ୍ ତରକେତର୍ ଆଉଲିଅଇ କଇଲା, “ତାର୍ ସିକିଆର୍ ଲାଗି ସେ ଜିଉଦାର୍ ସବୁବାଟର୍ ଲକ୍ମନ୍‌ର ବିତ୍‌ରେ କଲି ଲାଗାଇଲାନି । ସେଟା, ସେ ଗାଲିଲିତେଇ ଆରାମ୍ କରି, ଏବେ ଇତି ଜାକ ଆଇଲା ଆଟେ ।”

ଜିସୁକେ ଏରଦର୍ ଲଗେ ପାଟାଇଲାଇ

୬ ଏ କାତା ସୁନି ପିଲାତ୍ ଲକ୍ମନ୍‌କେ ପାଚାରୁଲା, “ଏଟା ଗଟେକ୍ ଗାଲିଲି ଦେସର୍ ଲକ୍ମ କି ?” ୭ ପିଲାତ୍ ଜିସୁକେ ଗାଲିଲି ଦେସର୍ ଲକ୍ମ ବଲି ଜାନି, ତାକେ ଗାଲିଲି ଦେସ୍ ସାସନ୍ କରବା ଏରଦର୍‌ଲଗେ ପାଟାଇ ଦେଲା । କାଇକେ ବଇଲେ, ସେ ବେଲେ ଏରଦ୍ ମିସା ଜିରୁସାଲମେ ରଇଲା । ୮ ଏରଦ୍ ଜିସୁକେ ଦେକି କରି ବେସି ସାରଦା ଅଇଲା । କାଇକେ ବଇଲେ ଜିସୁର୍ ବିସଇ ଆଗତୁ ସୁନି ରଇଲା ଆରି ତାର୍ ମୁଆଟେ କାବା ଅଇଜିବା କାମ୍ ଦେକ୍‌ବାକେ ମନ୍ କରତେରଇଲା । ୯ ସେଟାର୍ ପାଇ ଏରଦ୍ ତାକେ କାଇ କାଇ ବିସଇ ପାଚାରୁବାର୍ ଦାରୁଲା । ମାତର୍ ଜିସୁ ତାକେ କାଇବଲି ମିସା କଏ ନାଇ । ୧୦ ସେତିକି ବେଲେ ତେଇ ଟିଆଅଇରଇଲା ମୁକିଅ ପୁଜାରିମନ୍ ଆରି ନିୟମ୍ ସିକାଉମନ୍ ସବୁ ମିସି କରି ଜିସୁର୍ ବିରୁଦେ ଆଉଲିଅଇ କଇବାର୍ ଦାରୁଲା । ୧୧ ଏରଦ୍ ଆରି ତାର୍ ସନିଅମନ୍ ଜିସୁକେ କିଜାଇଲା ଆରି ନିନ୍ଦା କଲା । ଜିସୁକେ ରାଜାମନ୍ ପିନ୍ଦା ନିମାନ୍ ପଟିଆ ପିନ୍ଦାଇ ପିଲାତ୍‌ଟାନେ ପାଟାଇ ଦେଲା । ୧୨ ସେ ଦିନେଅନି ପିଲାତ୍ ଆରି ଏରଦ୍ ମଇତର୍ ଅଇଲା । ତାର୍ ଆଗତୁ ସେମନ୍ ଦୁଇ ଲକ୍ମ ସତ୍‌ରୁ ଅଇରଇଲା ।

ଜିସୁକେ ମରବା ଦଣ୍ଡଦେଲାଇ

(ମାତିଉ ୨୭:୧୫-୨୬; ମାର୍କ ୧୫:୨-୧୫; ଜଅନ୍ ୧୮:୩୯-୧୯:୧୬)

୧୩ ତାର୍‌ପଟେ ପିଲାତ୍ ମୁକିଅ ପୁଜାରିମନ୍‌କେ, ନେତାମନ୍‌କେ ଆରି ସବୁ ଲକ୍ମନ୍‌କେ ଗଟେକ୍‌ଟାନେ ରୁଣ୍ଡାଇକରି ସେମନ୍‌କେ କଇଲା, ୧୪ ଏ ଲକ୍ମ ଲକ୍ମନ୍‌କେ ସରକାର୍ ବିରୁଦେ ବୁଲ୍ ସିକିଆ ଦେଲାନି ବଲି ମର୍ ଲଗେ ଆନିଆଗାସ୍ । ଆରି ଦେକା ମୁଇ ତମର୍ ମୁଆଟେ ତାକେ ପରିକା କଲି, ତାର୍ ବିରଦେ ତମେ ସବୁଲକ୍ ନିନ୍ଦାକଲାଟା ମିଲେନାଇ । ୧୫ ଏରଦ୍ ମିସା ତାର୍‌ଟାନେ କାଇ ବୁଲ୍‌କଲାଟା ନ ଦେକି ଆମ୍‌କେ ବାଉଡାଇଦେଲା ଆଟେ । ଏ ଲକ୍ମ ମରନ୍ ଡଣ୍ଡ ପାଇବାପାରା ବୁଲ୍ କାମ୍ କରେ ନାଇ । ୧୬ ସେଟାର୍‌ପାଇ ମୁଇ ଆକେ କରଡା ମାଡ୍ ମାରିକରି ଚାଡିଦେବି । ୧୭ ଆରି ଦେକା ସବୁ ବରସେ ରକିଆ ପାଇବା ପରଦ୍ ବେଲାଇ ଜିଉଦି ଜାତିକେ ସମ୍‌ମାନ୍ ଦେବାକେ ଗଟେକ୍ ବନ୍ଦିକେ ମୁକ୍‌ଲାଇ ଦେବା ନିୟମ୍ ରଇଲା ।

୧୮ ମାତର୍ ସବୁଲକ୍ମନ୍ ଆଉଲିଅଇ କଇଲା, “ଆକେ ମରାଆ ଆରି ଆମର୍ ପାଇ ବାର୍‌ବାକେ ଚାଡିଦିଆସ୍ ।” ୧୯ ଏ ବାର୍‌ବା ବଲ୍‌ବା ଲକ୍ମ, ସରକାର୍ ବିରଦେ ବୁଲ୍ କରିରଇଲା ଆରି ଗଟେକ୍ ଲକ୍ମକେ ମାରି ରଇଲା । ସେଟାର୍‌ପାଇ ତାକେ ବନ୍ଦି କରିରଇଲା ।

୨୦ ମାତର୍ ପିଲାତ୍ ଜିସୁକେ ଚାଡିଦେବାକେ ମନ୍‌କରି ତାର୍ ଲଗେ କାଇ ବୁଲ୍‌କଲାଟା ଡିସେନାଇ ବଲି ସେମନ୍‌କେ ତରକେ ତର୍ ବୁଜାଇଲା । ୨୧ ମାତର୍ ଲକ୍ମନ୍ ବେସି ଆଉଲି ଅଇ, “ତାକେ କୁରସେ ଚଗାଇ ମରାଆ ! ତାକେ କୁରସେ ଚଗାଇ ମରାଆ !” ୨୨ ତାର୍‌ପଟେ ପିଲାତ୍ ସେମନ୍‌କେ ଆଗେ ଦୁଇତର୍ ପାଚାରୁଲାଟା ଚାଡି ଆରିତରେକ୍ ସମାନ୍‌ଟାସେ କଇଲା, “କାଇକେ ? ସେ କାଇ ବୁଲ୍ କଲାଆଟେ ଜେ ?

ତାର୍ତ୍ତାଣେ କାଇମିସା ମରନ୍ ପାଇବା ତଣ୍ଡ ଏଡ଼କି ଦସ୍ ମିଲେ ନାଇ । ଏନ୍ତ୍ର ବଇଲେ ମିସା ତାକେ କରତା ମାଡ଼ ମାରି ଚାଡ଼ି ଦେବି ।”

୨୩ ମାତର୍ ଲକ୍ମନ୍ ଆରି ବେସି ଆଉଲିଅଇ ତରକେ ତର୍ “ତାକେ କୁରସେ ଚଗାଇ ମରାଆ !” ବଲି ବାଦିଅ କଲାଇ । ସାରାସାରି ପଚେ ସେମନ୍ ଆଉଲିଅଇଲାଟା ଜିଡ଼ଲା । ୨୪ ତାର୍ ପଚେ ପିଲାଡ଼ ଲକ୍ମନ୍ ଜାଇଟା କରବାକେ ମନ୍ କଲାଇ, ସେ ଇସାବେ ଜିସୁକେ ମରନ୍ ତଣ୍ଡ ଦେବାକେ ରାଜି ଅଇଲା । ୨୫ ପଚେ ପିଲାଡ଼ ଲକ୍ମନ୍ କଇବା ଇସାବେ, ବାରବା ନାଉର୍ ଲକ୍ ଜେ କି, ଆଗ୍ତୁ ଗଟେକ୍ ଲକ୍ କେ ମରାଇରଇଲା ଆରି ସରକାରର ବିରୁଦେ ବୁଲ୍ କାମ୍ କରି ବନ୍ଦି ଅଇରଇଲା, ତାକେ ମୁକ୍ ଲାଇଲା । ଜିସୁକେ ତାକର୍ ମନ୍ କଲା ଇସାବେ ତଣ୍ଡ ଦେବାକେ ସରପିଦେଲା ।

**ଜିସୁକେ କୁରସେ କୁଟିମାରିଲାଇ**  
(ମାଡ଼ିଉ ୨୭:୩୨-୪୪; ମାର୍କ ୧୫:୨୧-୩୨; ଜଅନ୍ ୧୯:୧୭-୨୭)

୨୬ ସନିଅମନ୍ ଜିସୁକେ ଦାରିଜିବା ବେଲେ କୁରିଣିୟ ସିମନ୍ ନାଉର୍ ଲକ୍ କେ ବେଟ୍ ପାଇଲାଇ । ଜେ କି ଗାଏଁଅନି ଜିରୁସାଲାମେ ଆଇତେରଇଲା । ତାକେ ଅଟ୍ କାଇକରି ଜିସୁ ବଇଲା କୁରସ ଲାଦିଦେଲା ଆରି ତାର୍ ପଚେ ଜିବାକେ ବାଦିଅ କଲାଇ ।

୨୭ ଆରି ବେସି ଲକ୍ମନ୍ ଜିସୁର୍ ପଚେ ପଚେ ଜାଇତେ ରଇଲାଇ । ତେଇ କେତେଟା ବୁକେ ପିଟିଅଇ କାନ୍ଦବା ମାଇଜିମନ୍ ମିସା ରଇଲାଇ । ୨୮ ମାତର୍ ଜିସୁ ସେମନ୍ ବାଟେ ପାସ୍ଲିକରି କଇଲା, ଏ ଜିରୁସାଲମ୍ ଗତର୍ ମାଇଜିମନ୍, ମରପାଇ କାନ୍ଦା ନାଇ । ମାତର୍ ନିଜର୍ ପାଇ ଆରି ନିଜର୍ ପିଲାମନ୍ ପାଇ କାନ୍ଦା । ୨୯ କାଇକେବଇଲେ ଦେକା “ଜନ୍ ମାଇଜି ବାଞ୍ଜି ଆରି କେବେ ମିସା ଗାଗ୍ତେ ନ ଅଇକରି ଆଚଡ଼, ଆରି ଜେ କି କେବେ ମିସା ଦୁଦ୍ କୁଆଏ ନାଇ, ସେମନ୍ କେତେକ୍ ନିକ କରମର୍ ଲକ୍ !” ବଲି କଇବା ଦିନ୍ ଅଇଲାନି । ୩୦ ଯେବେଲାଇ ଲକ୍ମନ୍ ତଙ୍ଗମନ୍ କେ କଇବାର୍ ଦାର୍ବାଇ, ଆମର୍ ଉପରେ ଅଦ୍ରି ଦିଆସ୍ । କୁପ୍ଲିମନ୍ କେ କଇବାର୍ ଦାର୍ବାଇ, ଆମକେ ତପିଦିଆସ୍ । ୩୧ କାଇକେ ବଇଲେ ଗଟ୍ କାଁଟାପଡ଼ିଆ ରଇଲା ବେଲେ, ଜଦି ଏ ସବୁ ଗଟ୍ ନା ଗଟ୍ ଲାନି ବଇଲେ ସେଟା ସୁକିଗାଲେ ଆରି କାଇଟା ଅଇସି ।

୩୨ ଜିସୁର୍ ସଙ୍ଗ୍ ଆରି ଦୁଇଟା ବଡ଼ ବୁଲ୍ କରିରଇବା ଲକ୍ମନ୍ କେ ମିସା ମରାଇବାକେ ନେଲାଇ । ୩୩ ଆରି ସେମନ୍ କପ୍ରି ନାଉର୍ ଗଟେକ୍ ଜାଗାଇ କେଟିକରି ଜିସୁକେ ଆରି ଚର୍ମନ୍ କେ, ତାର୍ ତେବ୍ରି ବାଟେ ଗଟେକ୍ ଲକ୍ କେ ଆରି ଉଜାବାଟେ ଗଟେକ୍ ଲକ୍ କେ ଆତେ, ପାଦେ କୁଟିମାରି ଟେକିଦେଲାଇ । ୩୪ ସେବେଲା ଜିସୁ କଇଲା, “ଏ ବାବା ଏମନ୍ କେ କେମା କରିଦିଆସ୍, କାଇକେ ବଇଲେ ଏମନ୍ କାଇଟା କଲାଇନି ସେଟା ନାଜାନଡ଼ ।” ସେମନ୍ ଜିସୁର୍ ପଚିଆ ନେଇ କାକେ ମିଲ୍ସି ବଲି କେଡ଼ ପୁଟାଇଲାଇ । ୩୫ ସବୁ ଲକ୍ମନ୍ ଟିଆଅଇ ଦେକ୍ ବାବେଲେ ଜିଉଦି ନେତାମନ୍ ଜିସୁକେ କିଜାଇକରି ଆସିଲାଇ ଆରି କଇଲା “ସେ ବିନ୍ ଲକ୍ମନ୍ କେ ରକିଆ କଲା, ଜଦି ତୁଇ ପର୍ମେସର୍ ବାଟିପାଟାଇଲା କିରିସ୍ଟ ବଇଲେ ନିଜ୍ କେ ରକିଆ କର ।”

୩୬ ଆରି ସନିଅମନ୍ ଜିସୁର୍ ଲଗେ ଆସିକରି ତାକେ ଗନ୍ଦବା ରସ୍ ଦେଇ କିଜାଇକରି କଇଲାଇ, । ୩୭ “ତୁଇ ଜଦି ଜିଉଦି ଲକ୍ମନ୍ ରାଜା, ନିଜ୍ କେ ରକିଆ କର ।”

୩୮ ଆରି ତାର୍ କୁରସର୍ ଟିପେ ଏଟା ଜିଉଦିମନ୍ ରାଜା, ବଲି ଲେକି ଅଲାଇଦେଲାଇ ।

୩୯ ତେଇ ବଡ଼ ବୁଲ୍ କରି କୁରସେ ଚଗାଇଅଇରଇବା ଗଟେକ୍ ଲକ୍ ଜିସୁକେ ନିନ୍ଦା କରି କଇଲା, “ତୁଇ ଜଦି ପର୍ମେସର ବାଟି ପାଟାଇଲା କିରିସ୍ଟ ରାଜା ଜିସୁ ବଇଲେ, ନିଜ୍ କେ ରକିଆ କରି ଆମକେ ମିସା ରକିଆ କର ।” ୪୦ ମାତର୍ ଆରି ଗଟେକ୍ ଲକ୍ ତାକେ ଦମକାଇ କରି କଇଲା, “ତୁଇ କାଇ ପର୍ମେସର୍ କେ ତରୁସ୍ ନାଇ କି ? ତୁଇ ମିସା ତାର୍ପାରା ସମାନ୍ ତଣ୍ଡ ପାଇଲୁସିନି କି ନାଇ ? ୪୧ ଆରି ଆମେ ବୁଲ୍ କରି ନିୟମ୍ ଇସାବେ ତଣ୍ଡ ପାଇଲୁନି । ମାତର୍ ସେଟା କାଇ ବୁଲ୍ କରେ ନାଇ ।” ୪୨ ଆରି ସେ ଜିସୁକେ, “ଏ ଜିସୁ, ତୁଇ ନିଜର୍ ରାଇଜେ ରାଜା ଅଇ ଆଇଲେ ମକେ ଏତାଆ ।”

୪୩ ଜିସୁ ତାକେ କଇଲା, “ମୁଇ ତକେ ସଡ଼ କଇଲିନି, ଆଜିସେ ତୁଇ ମର୍ସଙ୍ଗ୍ \* ପାରଦେସେ ରଇସୁ ।”

**ଜିସୁ ମରବାଟା**  
(ମାଡ଼ିଉ ୨୭:୪୫-୫୨; ମାର୍କ ୧୫:୩୩-୪୧; ଜଅନ୍ ୧୯:୨୮-୩୦)

୪୪ ସେବେଲେ ଆଡ଼ବେଲା ଅଇରଇଲା । ଆରି ବେଲର୍ ଉଜଲ୍ ଜାଉଁଲିଜାଇକରି, ତିନ୍ ଗାଁଟା ଜାକ ଗୁଲାଇ ଦେସ୍ ଆନ୍ଦାର୍ ଅଇଗାଲା ୪୫ ଆରି ଏଦେ ଦେକା ! ମନ୍ଦିରର୍ ସୁକଲ୍ ଜାଗା, ବିନେ କରବା ପାର୍ଦା

\* ୨୩:୩୦ ୨୩:୩୦ ପର୍କାସିତ ୬:୧୭ \* ୨୩:୪୩ ୨୩:୪୩ ଜିସୁକେ ବିସ୍ବାସ୍ କରି ମଲା ଲକ୍ମନ୍ ରଇବା ସାର୍ଦାର୍ ଜାଗା

ମଜାଲ ଦୁଇପତା ଅଇ ଚିରିଅଇଲା । ୪୭ ଆରି ଜିସୁ ଆଉଲିଅଇ କଇଲା, “ଏ ବାବା, ମର୍ ଆତ୍ମା ତକେ ସର୍ପିଦେଲିନି ।” ଏଡକି କଉ କଉ ତାର୍ ଜିବନ୍ ଚାଡିଗାଲା ।

୪୭ ରମିୟ ସନିଅମନରୁ ସେନାପତି ଏ ଗର୍ନା ଦେକି, ପର୍ମେସରର୍ ମଇମା କରି କଇଲା, “ସତଇସେ ଏ ଗଟେକ୍ ଦରମ୍ ଲକ୍ ରଇଲା ।”

୪୮ ଆରି ଜନ୍ ଲକ୍ମନ୍ ଏ ଗର୍ନା ଦେକବାକେ ରୁଣ୍ଡିରଇଲାଇ ସେମନ୍ ସେଟା ସବୁ ଦେକି ଦୁକ୍କରି ବୁକେ ମାରିଅଇ ଗରେ ବାଅଡଲାଇ । ୪୯ ମାତର୍ ଜିସୁର୍ ଚିନାର୍ଜାନାର୍ ଲକ୍ମନ୍ ଆରି ଗାଲିଲିଅନି ଆସି ତାର୍ ପର୍ପର୍ ଆଇତେରଇବା ମାଇଜିମନ୍ ଦୁରିକେ ଚିଆଅଇ ଏ ସବୁ ଦେକ୍ତେ ରଇଲାଇ ।

ଜିସୁର୍ ମତା ସଙ୍ଗଇବା ଜାଗା

(ମାତିଉ ୨୭:୫୭-୬୧; ମାର୍କ ୧୫:୪୨-୪୬; ଜଅନ୍ ୧୯:୩୮-୪୨)

୫୦ ଆରି ଦେକା, ଆରାମାଡିଆ ଗଡର୍ ଜିଉଦିମନର୍ ନେତା ଜସେପ୍ ନାଉର୍ ଗଟେକ୍ ଦରମ୍ ଆରି ମର୍ଜିତାର୍ ଲକ୍ ରଇଲା । ସେ ପର୍ମେସରର୍ ରାଇଜ୍ ଆସ ବଲି ଜାଗିରଇଲା । ୫୧ ମାତର୍ ଆରାମାଡିଆ ଗାଉର୍ ସେ ଲକ୍ ବଡସବାର୍ ଗଟେକ୍ ମେମର୍ ରଇଲେ ମିସା, ସେମନର୍ ନିଆଇ ଆରି କାମ୍ ସଙ୍ଗ୍ ରାଜିଅଇ ନ ରଇଲା । ଆରି ପର୍ମେସରର୍ ରାଇଜ୍ ଜାଗ୍ତେରଇଲା । ୫୨ ସେ ପିଲାତର୍ ଲଗେ ଜାଇ ଜିସୁର୍ ମଲା ମଡ୍ ମାଙ୍ଗା । ୫୩ ଜିସୁର୍ ମଡ୍ କୁରସେଅନି ଉଡରାଇ ଉଲ୍ଡଲା ପଟିଆଇ ଗୁଡିଆଇକରି ଜେଡ୍ଡିକି କେବେ କାକେ ନ ସଙ୍ଗଇରଇଲା, ଗଟେକ୍ ରାଙ୍ଗି କାଟି ତିଆରକରି ରଇଲା ପାଆରେ ନେଇ ସଙ୍ଗଇଲାଇ । ୫୪ ସେ ଦିନ୍ ବିସରାମ୍ବାର୍ ଦିନ୍ ନ ଅଇରଇଲା, ସେ ଦିନ୍ କେଟି ଆଇତେରଇଲା ।

୫୫ ଆରି ଗାଲିଲିଅନି ଜିସୁର୍ ସଙ୍ଗ୍ ରଇଲା ମାଇଜିମନ୍ ଜସେପର୍ ସଙ୍ଗ୍ ଜାଇକରି ପାଆର୍ ବିଡ୍ରେ ଜିସୁର୍ ଗାଗଡ୍ କେଡ୍ଡି ସଙ୍ଗଇଲା ଆଚେ ବଲି ଦେକ୍ଲାଇ । ୫୬ ସେମନ୍ ବାଉଡିଜାଇ ବାସ୍ନା ଚିକନ୍ ଆରି ବାସ୍ନା ଦିନ୍ସୁ ତିଆର୍ କର୍ତେ ରଇଲାଇ । ସେ କାମ୍ ସାର୍ବାକେ ବିସରାମ୍ବିନ୍ କେଟ୍ଲା । ଆରି ସେ ଦିନେ ମସାର୍ ନିୟମ୍ ଇସାବେ, ସେମନ୍ ବିସରାମ୍ କଲାଇ ।

୨୪

ଜିସୁ ଆରି ତରେକ୍ ଜିବନ୍ ଅଇ ଉଟ୍ଲା

(ମାତିଉ ୨୮:୧-୧୦; ମାର୍କ ୧୬:୧-୮; ଜଅନ୍ ୨୦:୧-୧୦)

୧ ଆଟର୍ ପର୍ଡୁମ୍ ଦିନର୍ ସାକାଲେ, ମାଇଜିମନ୍ ସେମନ୍ ତିଆର୍ କରିରଇବା ବାସ୍ନା ଦିନ୍ସୁ ଆରି ବାସ୍ନା ଚିକନ୍ ଦାରି ଜିସୁର୍ ମଡ୍ ରଇଲା ପାଆରେ ଗାଲାଇ । ୨ ଆରି ପାଆରର୍ ମୁଆଟେ ରଇଲା ପାକ୍ନା ଗୁଣ୍ଡିରଇଲାଟା ଦେକ୍ଲାଇ । ୩ ସେଟା ଦେକି ପାଆର୍ ବିଡ୍ରେ ଜାଇ ଦେକ୍ଲାଇ, ତେଇ ଜିସୁର୍ ଗାଗଡ୍ ନ ରଇଲା । ୪ କାଇଟା ଅଇଲାବେ, ବଲି, ବାବିକରି ରଇଲାବେଲେ, ଏଦେ ଦେକା ! ବିଜ୍ଜି ପାରା ଜଗ୍ଜଗି ଜାଇତେରଇବା ଲୁଗା ପିନ୍ଦି ଦୁଇ ଲକ୍ ସେମନର୍ ମୁଆଟେ ଚିଆ ଅଇଲାଇ । ୫ ମାଇଜିମନ୍ ସେ ଦୁଇ ଲକ୍କେ ଦେକି ଡରିକରି ଉଡାଡିଅଇ ଡୁଲିଦେଲାଇ । ସେ ଦୁଇଲକ୍ ସେମନ୍କେ କଇଲା, “ଜିବନ୍ ରଇଲା ଲକ୍କେ କାଇକେ ମଲା ଲକ୍କେ ସଙ୍ଗଇଲାଟା ନେ କଜ୍ଲାସ୍ନି ? ୬ ଜିସୁ ଇତି ନାଇ, ପର୍ମେସର ତାକେ ଉଟାଇଲାଆଚେ । ସେ ତମର୍ ସଙ୍ଗ୍ ଗାଲିଲିତେଇ ମିସ୍ତେ ରଇଲା ବେଲେ ତମ୍କେ କାଇବଲି କଇରଇଲା, ସେଟା ତମର୍ ମନେ ନାଇ କି ? ୭ ନର୍ପିଲା ପାପି ଲକ୍ମନର୍ ଆଡେ ସର୍ପାଇ ଅଇସି ଆରି ସେମନ୍ ତାକେ କୁରସେ କୁଟିମାରି ମରାଇ ଦେବାଇ । ମାତର୍ ତିନ୍ଦିନ୍ ଗାଲାପଚେ ସେ ଆରି ତରେକ୍ ଜିବନ୍ ଅଇ ଉଟ୍ସି ।”

୮ ସେଡକି ବେଲେ ମାଇଜିମନ୍ ଜିସୁ ଏଡ୍ଡି କାତା କଇରଇଲା ବଲି ଏତାଇଲାଇ । ୯ ସେଟାର୍ ପାଇ ସେମନ୍ ତେଇଅନି ଦାପ୍ରେ ବାଉଡି ଆସିକରି ଏଗାର୍ଟା ସିସ୍ମନ୍କେ ଆରି ତେଇ ରଇଲା ଲକ୍ମନ୍କେ ସେ ଜାଗାଇ ଅଇଲା ଗର୍ନା ସବୁ କଇଲାଇ । ୧୦ ମଗ୍ଦଲିନି ମରିୟମ୍, ଜଆନା, ଜାକୁବର୍ ମାଆ ମରିୟମ୍ ଆରି ତାକର୍ସଙ୍ଗ୍ ରଇଲା ବିନ୍ ମାଇଜିମନ୍ ମିସା କାଇ କାଇଟା ଗର୍ଲା, ସେ ସବୁ ବିସଇ ପେରିଡ୍ମନ୍କେ କଇଲାଇ । ୧୧ ମାତର୍ ପେରିଡ୍ମନ୍ ମାଇଜିମନର୍ କାତା ଟଣ୍ଡେ ପାନ୍ଦି କଇଲାଜି ବଲି ବିସ୍ବାସ୍ କରଡ୍ ନାଇ । ୧୨ ମାତର୍ ପିତର୍ ଅଦର୍ପଡ୍ ଅଇ ପାଲାଇ ପାଆରେ ଜାଇ ଏରି ଦେକ୍ଲା । ପାଆର୍ ବିଡ୍ରେ ଏରି ଦେକ୍ଲାକେ ତେଇ ଜିସୁକେ ଗୁଡିଆଇଲା ଉଲ୍ଡଲା ପଟିଆ ଚାଡି ଆରି କାଇଟା ନ ରଇଲା । ପିତର୍ ସେ ଗର୍ନା ଦେକି କାବାଅଇ ଜାଇକରି, ଗରେ ବାଉଡି ଆଇଲା ।

ଦୁଇଟା ସିସ୍ମନ୍ ଇମାୟୁ ଗାଏଁ ଗାଲାଇ

(ମାର୍କ ୧୬:୧୨-୧୩)

☆ ୨୩:୪୯ ୨୩:୪୯ ଲୁକ୍ ୮:୨,୩ ☆ ୨୪:୭ ୨୪:୭ ମାତିଉ ୧୬:୨୧,୧୭:୨୨,୨୩:୨୦,୧୮,୧୯; ମାର୍କ ୮:୩୧,୯:୩୧,୧୦:୩୩,୩୪; ଲୁକ୍ ୯:୨୨,୧୮:୩୧-୩୩

୧୩ ସେ ଦିନେସେ ଜିସୁର ଦୁଇଟା ସିସ୍ତାନ୍ ଜିରୁସାଲମେଅନି ଏଗାର କିଲମିଟର୍ ଦୁର୍ବଳେ ରଇଲା ଇମାୟୁ ନାଉର୍ ଗାଏଁ ଇଣ୍ଡିକରି ଜାଇତେ ରଇଲା । ୧୪ ଜିସୁକେ କାଇକାଇଟା ଅଇରଇଲା ଆରି ସେ ସବୁ ବିସଇନେଇ ସେମନ୍ କାତାଅଇ କାତାଅଇ ଇଣ୍ଡିକେ ରଇଲା । ୧୫ ସେମନ୍ ଏକ୍ତି କାତାବାରତା ଅଇ ଆଇବାବେଲେ ଏଦେ ଦେକା ! ଜିସୁ ନିଜେ ଆସି ସେମନ୍‌ର ସଙ୍ଗ୍ ଇଣ୍ଡିକାର ଦାରଲା । ୧୬ ସେମନ୍ ତାକେ ଦେକଲା, ମାତର୍ ତିନି ନାପାରଲା । ୧୭ ସେତିକିବେଲେ ଜିସୁ ସେମନ୍‌କେ କଇଲା, “ତମେ ଇଣ୍ଡି ଇଣ୍ଡି କାର ବିସଇନେଇକରି ଏତେକ୍ କାତା ଅଇଲାସ୍ତି ?” ସେବେଲା ସେମନ୍ ମନ୍‌ଦୁକ୍‌କରି ମୁଁ ସୁକାଇ ଚିଆଅଇଲା । ୧୮ “ଗାଲା କେତେଦିନ୍ ବିତ୍‌ରେ ଜିରୁସାଲାମ୍ ଜନ୍ ଗର୍ନା ଗତିଗାଲା ଆତେ ? ସେଟା ନାଜାନଲାଟା ତୁଇ ଗଟେକ୍ ଲକ୍‌ସେ କି ?”

୧୯ ଜିସୁ ସେମନ୍‌କେ ପାଚାରଲା, “କାଇଟା ଅଇରଇବା ବିସଇ ତମେ କଇଲାସ୍ତି ?” ସେମନ୍, “ନାଜରିତର୍ ଜିସୁକେ ଜାଇଟା ସବୁ ଗର୍ଲା । ସେ ଗଟେକ୍ ବବିସତ୍‌ବକ୍‌ତା ରଇଲା । ପର୍‌ମେସରର୍ ମୁଆଟେ ଆରି ଲକ୍‌ମନର୍‌ଟାନେ ଗଟେକ୍ ବପୁସଙ୍ଗର୍ ଲକ୍ ରଇଲା । ତାର୍ ସବୁକାମ୍ ଆରି କାତାଅନି ଏ ସବୁ ଜାନାପଡ୍‌ତେ ରଇଲା । ୨୦ ଆମର୍ ମୁକ୍ତି ପୁଜାରିମନ୍ ଆରି ସାସନ୍ କାରିଆମନ୍ ତାକେ ମରନ୍ ଡଣ୍ଡ ପାଇବାକେ ସତ୍‌ରୁମନ୍‌କେ ସର୍‌ପିଦେଲା ଆରି ତାକେ କୁରସେ ଚଗାଇ ମରାଇଲା । ୨୧ ସେ ଆକା ଇସରାଏଲର୍ ଲକ୍‌ମନ୍‌କେ ରକିଆ କର୍‌ସି ବଲି ଆସା କରି ରଇଲୁ । ମାତର୍ ତାକେ ମରାଇ ତିନ୍‌ଦିନ୍ ଅଇଲାନି । ୨୨ ଆମର୍ ଦଲର୍ କେତେଟା ମାଇଜିମନ୍ ଆମ୍‌କେ କାବାଅଇଜିବା କାତା କଇଲା । ସେମନ୍ ଆଜି ସାକାଲ୍ ସାକାଲ୍ ତାର୍ ମଡ୍ ରଇବା ପାଆରେ ଗାଲା । ୨୩ ମାତର୍ ତେଇ ତାର୍ ଗାଗଡ୍ ନ ରଇଲା । ସେମନ୍ କଇଲା, ପାଆରେଅନି ବାଉଡ୍‌ଲାବେଲେ ସରଗର୍ ଦୁଡ୍‌ମନ୍‌ର ଦର୍‌ସନ୍ ପାଇରଇଲା ଆରି ସେ ଦୁଡ୍‌ମନ୍ ଜାନାଇଲାଇଜେ, ସେ ଏବେ ଜିବନ୍ ଅଇଆତେ । ୨୪ ଆମର୍ ସଙ୍ଗାରିମନ୍‌ର ବିତ୍‌ରେଅନି ଜେ ଜେ ସେ ପାଆରେ ଜାଇ ଦେକଲା ମିସା ମାଇଜିମନ୍ ଜେକ୍ତି କଇରଇଲା, ସେ ସମାନ୍ ଇସାବେ ଦେକଲା । ମାତର୍ ସେମନ୍ ଜିସୁକେ ଦେକଡ୍ ନାଇ ।”

୨୫ ସେବେଲେ ଜିସୁ ସେମନ୍‌କେ କଇଲା, “ତମେ କେତେକ୍ ବକୁଆ ଲକ୍‌ମନ୍, ବବିସତ୍‌ବକ୍‌ତାମନ୍ କଇଲା କାତା ବିସବାସ୍ କର୍‌ବାକେ କାଇକେ ଜାଗରଡ୍ ଉଆସ୍ ନାଇ ? ୨୬ ଏ ସବୁ ଦୁକ୍‌କସଟ୍ ପାଇଲା ପଟେସେ ପର୍‌ମେସର ବାଟିପାଟାଇଲା କିରିସ୍‌ଟକେ ମଇମା ପାଇବାକେ ଅଇସି । ୨୭ ଜିସୁ ମସାର୍ ବଇତେଇଅନି ଆରି ବିନ୍ ବିନ୍ ବବିସତ୍‌ବକ୍‌ତାମନ୍ ଲେକିରଇଲା କାତାଅନି ଆରାମ୍ କର ସବୁ ଦରମ୍ ସାସ୍‌ତରେ ତାର୍ ଜେଡ୍‌କି ବିସଇ ଲେକା ଅଇରଇଲା, ସେ ସବୁ ସେମନ୍‌କେ ବୁଜାଇଦେଲା ।”

୨୮ ଆରି ସେମନ୍ ଜନ୍ ଗାଉଁ ଜିବାର୍ ରଇଲା, ସେ ଗାଉଁ ଲଗାଲଗି ଅଇବାକେ ଜିସୁ ଆଗ୍‌ତୁ ଗାଲାପାରା ଅଇ ଇଣ୍ଡିକାର ଦାରଲା । ୨୯ ମାତର୍ ସେ ଲକ୍‌ମନ୍ ଜିସୁକେ ସୁଡ୍‌ରାଇ କର କଇଲା, “ଆମର୍ ସଙ୍ଗ୍ ର, କାଇକେ ବଇଲେ ବେଲ୍ ବସିଗାଲା ଆରି ରାତି ଅଇଗାଲାନି ।” ସେଟାର୍ ପାଇ ଜିସୁ ସେମନ୍‌ର ସଙ୍ଗ୍ ରଇବାକେ ଗର୍‌ବିତ୍‌ରେ ଗାଲା । ୩୦ ଆରି ସେମନ୍‌ର ସଙ୍ଗ୍ କାଇବାକେ ବସଲା । ରୁଟି ଦାରି ପର୍‌ମେସରକେ ଦନିଅବାଦ୍ ଦେଇକରି ସେଟା ବାଙ୍ଗାଇକରି ସେମନ୍‌କେ ଦେଲା । ୩୧ ସେ ବେଲା ସେମନ୍‌ର ଡାବିଅଇ ଜାଇରଇଲା ଆଁକି ପିଟିଗାଲାଜେ ତାକେ ତିନି ପାରଲା । ମାତର୍ ସେ ଦାପ୍‌ରେ ଜିସୁ ସେମନ୍‌ରତେଇଅନି ମାୟା ଅଇଗାଲା । ୩୨ ସେବେଲା ସେମନ୍ ସେମନ୍‌ର ବିତ୍‌ରେ କାତା ଅଇଲା, “ଜେତେବଲ୍ ସେ ଆମର୍ ସଙ୍ଗ୍ ବାଟେ କାତା ଅଇତେ ରଇଲା, ଆରି ପର୍‌ମେସରର୍ ସାସ୍‌ତରର୍ କାତା ବୁଜାଇ ଦେଇତେ ରଇଲା, ଆମର୍ ମନ୍ ବିତ୍‌ରେ ଉଡ୍‌କ୍ ଦୁଡ୍‌କ୍ ନ ଅଇତେ ରଇଲା କି ?”

୩୩ ସେଦାପ୍‌ରେ ସେମନ୍ ଦୁଇଲକ୍ ଉଟିକରି ଜିରୁସାଲାମେ ବାଉଡି ଉଟିଗାଲା । ତେଇ ଜିସୁର୍ ଏଗାରଟା ସିସ୍ତାନ୍ ଆରି ବିନ୍‌ଲକ୍‌ମନ୍ କାତାବାରତା ଅଇତେରଇଲାଟା ଦେକଲା । ୩୪ ସେ ଲକ୍‌ମନର୍‌ତେଇଅନି ସେମନ୍ ଜିସୁମାପୁରୁ ଆରି ତରେକ୍ ଜିବନ୍‌ଅଇ ଉର୍‌ଲା ଆତେ ଆରି ସିମନ୍‌କେ ଦେକାଇଅଇଲା ଆତେ ବଲି ଜାନଲା ।

୩୫ ତାର୍ ପଟେ ଦୁଇଲକ୍ ଇମାୟୁ ଗାଉଁ ଆଇବା ବାଟେ କାଇକାଇଟା ଅଇରଇଲା ସେଟା ସବୁ କଇଲା । ଆରି ସେମନ୍ ଜିସୁ ରୁଟି ବାଙ୍ଗାଇ କର ଦେଲାବେଲେ କେକ୍ତି ତାକେ ତିନି ଦେଇରଇଲା ସେଟା ମିସା ସେମନ୍‌କେ କଇଲା ।

**ଜିସୁ ତାର୍ ସିସ୍ତାନ୍‌କେ ଦେକା ଅଇଲା**  
 (ମାତିଉ ୨୮:୧୭-୨୦; ମାର୍କ ୧୬:୧୪-୧୮; ଜଅନ୍ ୨୦:୧୯-୨୩; ପେରିଡ୍ ୧:୬-୮)

୩୬ ସେ ଦୁଇଲକ୍ ଏକ୍ତି କଇବା ବେଲେ ଏଦେ ଦେକା ! ମାପୁରୁ ନିଜେ ସେମନ୍‌ର ମଜାଇ ଚିଆଅଇଦେଲା । ଆରି ସେମନ୍‌କେ କଇଲା, “ତମ୍‌କେ ସାକ୍ତି ଅ ।” ୩୭ ମାତର୍ ସେମନ୍ ସବୁ ଲକ୍ ଏଟା ଗଟେକ୍ ବୁଡ୍ ଦେକଲୁନି ବଲି ଡରିଗାଲା । ୩୮ ଜିସୁ ସେମନ୍‌କେ କଇଲା, “ତମେ କାଇକେ ଡର୍‌ଲାସ୍ତି ? ଆରି ଦେକି କର ମିସା କାଇକେ ବିସବାସ୍ କରାସ୍ ନାଇ ? ୩୯ ମର୍ ଆତେ ଆରି ଗଡେ ଦେକା, ଏଟା ମୁଇ ନିଜେ । ମକେ

ଚିହ୍ନକରି ଦେବା । ଏଗା ମକେ ଜେନ୍ତାରି ଆଡ଼ୁ ଆରି ମାଉଁସ୍ ଆଚେ ସେନ୍ତି ବୁଡ଼କେ ନ ରଏ ।” ୪୦ ଜିସୁ ଏଗା କଇକରି, ତାର୍ ଆଡ଼ୁ ଆରି ଗଡ଼ ସେମନ୍‌କେ ଦେକାଇଲା । ୪୧ ସେଟା ଦେକି ସେମନ୍ ସାରଦା ଅଇକରି କାବାଅଇ ଗାଲାଇ ମିସା ତାକେ ବିସ୍‌ବାସ୍ କରଡ଼ ନାଇ । ସେଟାର୍ ପାଇ ଜିସୁ ସେମନ୍‌କେ ପାଟାରୁଲା, “ତମର୍ ଲଗେ କାଇଟା କାଇବାଟା ଆଚେ କି ?” ୪୨ ସେବେଲାଇ ସେମନ୍ ତାକେ କଣ୍ଠେକ୍ ବାଜୁଲା ମାଟ୍ ଦେଲାଇ । ୪୩ ସେଟା ଜିସୁ ଦାରିକରି ସେମନ୍‌ର୍ ମୁଆଟେ କାଇଲା ।

୪୪ ଜିସୁ ସେମନ୍‌କେ କଇଲା, “ମସାର୍ ନିୟମ୍ ଆରି ବବିସତ୍‌ବକ୍‌ତାମନ୍ କଇଲା କାତା ଆରି ଗିଡ଼ସଙ୍ଗିତା ବଜାଟାନେ କାଇକାଇଟା ଲେକା ଅଇଲାଆଚେ ସେ ସବୁ, ସତ୍ ଅଇବାର୍ ରଇଲା । ମୁଇ ତମର୍ ସଙ୍ଗ୍ ରଇଲାବେଲେ ଏ ସବୁ କାତା ତମ୍‌କେ କଇରଇଲି ।”

୪୫ ତାର୍‌ପଚେ ଦରମ୍ ସାସତରର୍ ଅରଡ଼ ବୁଜୁବାକେ ଜିସୁ ସେମନ୍‌ର୍ ବୁଜୁବା ବପୁ ଉଗାଡ଼ି ଦେଲା । ୪୬ ଆରି ସେମନ୍‌କେ କଇଲା, “ପର୍‌ମେସର୍ ବାଟି ପାଟାଇଲା କିରିସ୍‌ଟ ରାଜା ମୁଇ, ଏନ୍ତି ଦୁକ୍ କସ୍‌ଟ ପାଇକରି ମର୍‌ବି । ପଚେ ତିନିଦିନ ଗାଲେ ଆରି ତରେକ୍ ଉର୍‌ବି ବଲି ଲେକା ଅଇଲା ଆଚେ । ୪୭ ଆରି ଜିରୁସାଲମେଅନି ଆରାମ୍ କରି ସବୁ ଦେସର୍, ସବୁ ଜାତିର୍ ଲକ୍‌ମନ୍‌କେ ମର୍ ନାଉଁଦାରି ପାପ୍ କେମା କରାଇ, ମନ୍ ବଦ୍‌ଲାଇବାକେ କଇବାର୍ ଆଚେ । ୪୮ ତମେ ଏ ସବୁ ବିସଇର୍ ସାକି ଆଟାସ୍ । ୪୯ ଆରି ମର୍ ବାବା ଜନ୍ ଜିଦ୍ କରିରଇଲା, ମୁଇ ନିଜେ ସେଟା ପାଟାଇବି । ମାତର୍ ତମେ ପର୍‌ମେସରର୍ ଟାନେଅନି ବପୁ ନ ମିଲୁବା ଜାକ, ଏ ଜିରୁସାଲମେସେ ରୁଆ ।”

**ଜିସୁ ସରଗେ ବାଉଡ଼ି ଗାଲା**

(ମାର୍କ ୧୬:୧୯-୨୦; ପେରିଡ଼ ୧:୯-୧୧)

୫୦ ତାର୍‌ପଚେ ଜିସୁ ସେମନ୍‌କେ ବେଡ଼ନିଆ ନାଉଁର୍ ଜାଗାଇ ଜିବା ବାଟ୍‌ଜାକ ତାକିନେଲା । ଆରି ସେମନ୍‌କେ ଆଡ଼ୁ ଟେକି ଆସିର୍‌ବାଦ୍ କଲା । ୫୧ ସେ ଏନ୍ତି ସେମନ୍‌କେ ଆସିର୍‌ବାଦ୍ କର୍‌ବାବେଲେ ପର୍‌ମେସର୍ ତାକେ ସରଗ୍‌ପୁରେ ଦାରିଗାଲା । ୫୨ ସେମନ୍ ତାକେ ଜୁଆର୍ କଲାଇ ଆରି ସାରଦାଅଇ ଜିରୁସାଲମେ ବାଉଡ଼ି ଆଇଲାଇ । ୫୩ ସବୁବେଲା ମନ୍‌ହିରେ ରଇକରି ପର୍‌ମେସରର୍ ତାକ୍‌ପୁଟା କର୍‌ବାର୍ ଦାରିଲାଇ ।

# ଯୀଶୁ ଖ୍ରୀଷ୍ଟଙ୍କ ବିଷୟରେ ଯୋହନ ଲେଖିଥିବା ସୁସମାଚାର ଜିସୁକିରିସ୍ଟର ବିଷୟ ନେଇକରି ଜଅନ୍ ଲେକିରଇବା ନିମାନ୍ କବର୍

## ଏ ବଇ ବିଷୟରେ ଜାନ୍‌ବାଟା

ଜଅନ ବଇର୍ ସୁବ୍ କବର୍‌ର କାତା ମାପୁରୁ ପାଟାଈରଇବା ଜେବଦିର୍ ପ ଜଅନ୍ ଲେକିରଇଲା । ଏଟା କିରିସ୍ଟାଦ ୭୦ ଅନି ୯୦ ବିତ୍‌ରେ ଲେକାଅଇରଇଲା ବଲି କେତେକ୍ ବାଇବଲ୍ ପଣ୍ଡିତ୍‌ମନ୍ ବିସ୍‌ବାସ୍ କର୍‌ବାଇ, ମାତର୍ ଏଟା କେବେ ଅଇଲାଆଟେ, ନିକସଙ୍ଗେ କେ ମିସା ନାଜାନତ୍ । ଜିସୁର୍ ସବୁ ସିସ୍‌ମନର୍ ବିତ୍‌ରେଅନି ଜଅନ୍ ଆକା ଗଟେକ୍ ମୁକିଅ ସିସ୍ ପାରା ବଲି ଲକ୍‌ମନ୍ ଜାନିରଇଲା । ବିନ୍ ସିସ୍‌ମନର୍ ଟାନେଅନି ଜଅନ୍ ଜିସୁର୍ ମନର୍ ବିଷୟ ନିକସଙ୍ଗେ ଜାନିରଇଲା । ସେଟାର୍‌ପାଇ ଏ ସୁବ୍ କବର୍‌ଟାନେ ଜିସୁ ମନ୍ ବିତ୍‌ରେଅନି ଚିନ୍‌ତାକରିରଇବାଟା ଆରି ତାର୍ କେତେକ୍ କେତେକ୍ କାତାମନ୍ ଆମର୍‌ପାଇ ଲେକିଦେଇଆଟେ । ଜଅନ୍ କୁଲ୍‌କୁଲା ତକ୍‌ରା ଅଇବାଜାକ ବଞ୍ଚିରଇଲା । ସେ ଏପିସିୟ ଡେଇ ବେସି ବରସ୍ ବାସା କରିରଇଲା । ତେଇ ବାସାକରି ରଇଲାବେଲେ ଆକା ଏ ସୁବ୍ କବର୍ ଲେକ୍‌ଲା ଆଟେବଲି କଇବାଇ । ନୁଆ ନିୟମେ ରଇବା ପର୍‌ତୁମ୍, ଦୁଇପାଲି ଆରି ତିନ୍‌ପାଲିର୍ ଚିଟିର୍ ବଇମନ୍ ମିସା ଜେବଦିର୍ ପ ଜଅନ୍ ଲେକିରଇଲା । ଜଅନର୍ ଜିବନ୍ ସାର୍‌ବା ବେଲାଇ, ବୁମଦ୍ ସାଗରେ ରଇବା ପାତ୍‌ମ ନାଉର୍ ଗଟେକ୍ ଚାରିବେଟ୍‌ତି ପାନି ରଇ ମଜାର୍ ସୁକ୍‌ଲା ଜାଗାର୍ ଦେସେ ତାକେ ପାଟାଈରଇଲା । ତେଇ ରଇଲାବେଲେ ସେ ଜିସୁର୍ ଗଟେକ୍ ଦର୍‌ସନ୍ ପାଇରଇଲା । ଏ ଦର୍‌ସନ୍ ବିଷୟର୍ ଚିକିନିକି କାତା ଜଅନ୍ ନୁଆ ନିୟମର୍ ସାରାସାରି ବଇ, ପର୍‌କାସିତ୍ ବାକିଅ ଟାନେ ଗଟେକ୍ ଗଟେକ୍ କରି ଲେକିଆଟେ । ଜଅନର୍ ସୁବ୍ କବର୍ ମାତିଉ, ମାରକ ଆରି ଲୁକ୍ ସୁସମାଚାର୍ ଟାନେଅନି ପୁରାପୁରୁନ୍ ବିନ୍ ଆଟେ । ଜଅନର୍ ସୁସମାଚାରେ ଆମେ ଜିସୁର୍ ମନ୍ ବିତ୍‌ରେ ରଇବାଟା ଆରି ଆତ୍‌ମାର୍ ବିଷୟ ଅଦିକ୍ ଦେକିପାର୍‌ବାର୍ ଅଇସି । ଜଅନ୍ ଜିସୁ କେନ୍‌ତିରଇଲା, ତାର୍ ଅବସ୍‌ତା କାଇଟା, କେନ୍‌ତି ସବୁ ଚିକିନିକି ଲେକ୍‌ଲା ଆଟେ । ଜିସୁ ନିଜର୍ ବିଷୟରେ ଦେଇରଇବା ସିକିଆ ସବୁ ଲେକିଆଟେ । ଜେନ୍‌ତାରିକି ମୁଇ ଜିବନ୍ ଦେବା କାଦି, ମୁଇ ଜଗତର୍ ଉଜଲ୍, ମୁଇ ନିମାନ୍ ମେଣ୍ଡା ଚାରାଉ ଗଉଡ୍, ମୁଇ ଆକା ଦୁଆର୍, ମୁଇ ସେ ସତ୍ ଅଙ୍ଗୁର୍‌ମାଲ୍, ମୁଇ ବାଟ୍, ସତ୍ ଆରି ଜିବନ୍ ।

### ଏ ବଇବିତ୍‌ରେ ରଇବା ବିଷୟ

- ୧. ସୁସମାଚାରେ ଅନି ଆରାମ୍ ଅଇଲା ଜଅନ୍ । ୧:୧-୧୮
- ୨. ଜିସୁ କିରିରଇବା କେତେଟା କାବାଅଇଜିବା କାମ୍ ଜଅନ୍ । ୧:୧୯-୧୨:୫୦
- ୩. ଜିସୁ ମରିକରି ଆରିତରେକ୍ ଉଟ୍‌ବାଟା ଜଅନ୍ । ୧୩:୧-୨୦:୩୧
- ୪. ଜିସୁ ଆରିତରେକ୍ ଜିବନ୍ ଅଇକରି ଲକ୍‌ମନ୍‌କେ ଦେକାଇ ଅଇବାଟା ଜଅନ୍ । ୨୧:୧-୨୫

### ଜିବନ୍ ବାକିଅ

<sup>୧</sup> କାଇଟା ତିଆର୍ ନ ଅଇରଇଲା ପୁର୍‌ବେ ବାକିଅ ରଇଲା । ସେ ବାକିଅ ପର୍‌ମେସର୍‌ର ସଙ୍ଗ୍ ରଇଲା । ସେ ଆରି ପର୍‌ମେସର୍ ଗଟେକ୍ ରଇଲା । <sup>୨</sup> କାଇଟା ତିଆର୍ ନ ଅଇବା ଆଗ୍‌ତୁ ଏ ବାକିଅ ପର୍‌ମେସର୍ ସଙ୍ଗ୍ ରଇଲା । <sup>୩</sup> ପର୍‌ମେସର୍ ସେ ବାକିଅ ଦେଇ ସବୁ ବିଷୟ ତିଆର୍ କଲାଆଟେ । ଏ ଦୁନିଆଇ ତିଆର୍ ଅଇଲା ଗଟେକ୍ ବିଷୟ ମିସା ତାର୍‌ଟାନେଅନି ତିଆର୍ ନ ଅଇଲାଟା ନ ରଇଲା । <sup>୪</sup> ସେ ବାକିଅ ନ ସାର୍‌ବା ଜିବନର୍ ଦାନ୍ ଦେଲା ଆରି ସେ ଜିବନ୍ ଦୁନିଆର୍ ଲକ୍‌ମନ୍‌କେ ଉଜଲ୍ ଦେକାଇଦେଲା । <sup>୫</sup> ସେ ଉଜଲ୍ ଆନ୍ଦାର୍ ବିତ୍‌ରେ ସବୁବେଲେ ଉଜଲ୍ ଦେଇସି । ଆନ୍ଦାର୍ କେବେ ମିସା ସେ ଉଜଲ୍ ଲିବାଇ ନାପାରେ ।

<sup>୬</sup> ପର୍‌ମେସର୍, ଜଅନ୍ ନାଉର୍ ଗଟେକ୍ ଲକ୍‌କେ ତାର୍ କବର୍‌ନେଉ କରି ପାଟାଈଲା । <sup>୭</sup> ସେ ଲକ୍‌ମନ୍‌କେ ଉଜଲ୍ ବିଷୟ କଇବାର୍ ଆସିରଇଲା । ଜେନ୍ତାରିକି ଗୁଲାଇ ଜଗତର୍ ଲକ୍‌ମନ୍ ତାର୍‌ତେଇଅନି ସେ ଉଜଲ୍ ବିଷୟ ସୁନ୍‌ବାଇ ଆରି ବିସ୍‌ବାସ୍ କର୍‌ବାଇ । <sup>୮</sup> ଜଅନ୍ ନିଜେ ସେ ଉଜଲ୍ ନ ରଇଲା, ମାତର୍ ଲକ୍‌ମନ୍‌କେ ସେ ଉଜଲ୍ ବିଷୟର୍ ସାକି ଦେବାକେ ଆସିରଇଲା । <sup>୯</sup> ସେ ସତ୍ ଏବେ ଉଜଲ୍ ଅଇଲା, ଏ ଉଜଲ୍ ଦୁନିଆଇ ଆଇଲା ଆରି ସବୁ ଲକ୍‌ମନ୍‌ର ମନ୍‌ବିତ୍‌ରେ ରଇବା ଆକି ଡିସାଇଲା ।

☆ ୧:୨ ୧:୬ ମାତିଉ ୩:୧; ମାରକ ୧:୪; ଲୁକ୍ ୩:୧,୨

୧୦ ବାକିଅ ଏ ଦୁନିଆଇ ରଇଲା । ତାର୍ଟାନେଅନି ପର୍ଯ୍ୟେସର୍ ଏ ଦୁନିଆ ତିଆର୍ କରିରଇଲେ ମିସା ଏ ଦୁନିଆର୍ ଲକ୍ମନ୍ ତାକେ ଚିନ୍ତ ନାଇ । ୧୧ ସେ ତାର୍ ନିଜର୍ ଲକ୍ମନ୍ ଟାନେ ଆଇଲା, ମାତର୍ ତାର୍ ନିଜର୍ ଲକ୍ ଇସରାଏଲର୍ ପିଲାଜିଲା ତାକେ ନାମଡ଼ନାଇ । ୧୨ ମାତର୍ ଜେ ଜେ ତାକେ ନାମ୍ଲାଇ, ଆରି ତାକେ ବିସବାସ କଲାଇ, ସେ ଲକ୍ମନ୍ କେ ପର୍ଯ୍ୟେସର୍ ପିଲାଜିଲା ଅଇଜିବାକେ ସେ ଅଦିକାର୍ ଦେଲା । ୧୩ ସେମନ୍ ମୁନ୍ସମନ୍ ମନ୍କଲା ଇସାବେ ଜନମ୍ ଅଅଡ଼ନାଇ, କି ଗାଗଡ଼ର୍ ବନି ଇସାବେ ଅଅଡ଼ନାଇ । ନିଜେ ପର୍ଯ୍ୟେସର୍ ସେମନ୍ ବାବା ।

୧୪ ଆରି ସେ ବାକିଅ ନର୍ ଲକ୍ ଅଇକରି ଆମର୍ ସଙ୍ଗ୍ ଜିଇଲା । ତାର୍ ସଡ଼ ଆରି ଜିବନ୍ ଦୁକାଇବାଟା ପୁରାପୁରୁନ୍ ରଇଲା । ତାର୍ ବାବାର୍ ଗଟେକ୍ସେ ପିଲା ବଲି ସେ ମଇମା ପାଇରଇଲା । ତାର୍ ମଇମା ଆମେ ଦେକିଆରୁ ।

୧୫ ତୁବନ୍ ଦେଉ ଜଅନ୍ ଜିସୁର୍ ବିସଇ ଲକ୍ମନ୍ କେ ଆକ୍ମାରି କରି ଏଡ଼ାରି କଇଲା, “ଏ ଲକ୍ ବିସଇ ମୁଇ ଏଡ଼ି କଇରଇଲି, ଜେ ମର୍ପତେ ଆଇଲାନି, ସେ ମର୍ତେଇଅନି ବେସି ମୁକିଅ, କାଇକେବଇଲେ ମୁଇ ଜନମ୍ ଅଇବା ଆଗଡୁଅନି ସେ ଆତେ ।”

୧୬ “ତାର୍ ମନ୍ ବିଡ଼ରେ ରଇଲା ପୁରାପୁରୁନ୍ ଜିବନ୍ ଦୁକାଇବା ତେଇଅନି ଆମେ ସବୁ ଆସିର୍ବାଦ୍ ପାଇଆରୁ । ଉଁ, ଆସିର୍ବାଦ୍ ପତେ ଆସିର୍ବାଦ୍ ପାଇଆରୁ । ୧୭ କାଇକେ ବଇଲେ ପର୍ଯ୍ୟେସର୍ ଆମ୍ବକେ ମସାର୍ଟାନେଅନି ନିୟମ୍ ଦେଲା ଆତେ । ମାତର୍ ଜିସୁ କିରିସ୍ଟର୍ଟାନେଅନି ଆମ୍ବକେ ଜିବନ୍ ଦୁକାଇ ସଡ଼ ବାଟ୍ ଆଇଲା ଆତେ । ୧୮ କେ ମିସା କେବେ ପର୍ଯ୍ୟେସର୍ କେ ଦେକଡ଼ନାଇ । ମାତର୍ ତାର୍ ଗଟେକ୍ ବଲି ପିଲା ଜେ କି ପର୍ଯ୍ୟେସର୍ ସମାନ୍ ଆତେ ଆରି ତାର୍ କଲେ ଆତେ, ସେ ଆକା ଆମ୍ବକେ ତାର୍ ବିସଇ ଜାନାଇ ଦେଲା ଆତେ ।”

**ତୁବନ୍ ଦେଉ ଜଅନ୍ ସାକି ଦେବାଟା**  
(ମାଡ଼ିଉ ୩:୧-୧୨; ମାର୍କ ୧:୧-୮; ଲୁକ୍ ୩:୧-୧୮)

୧୯ ଜିରୁସାଲମର୍ ଜିଉଦି ନେତାମନ୍, କେତେଟା ଦରମ୍ ଗୁରୁମନ୍ କେ ଆରି ଲେବି ଦଲର୍ ଲକ୍ମନ୍ କେ ତୁବନ୍ ଦେଉ ଜଅନ୍ ଲଗେ “ତମେ କେ ?” ବଲି ପାଟାର୍ବାକେ ପାଟାଇଲାଇ ।

୨୦ ସେ ସଡ଼ ବିସଇ କଇବାକେ ନ ନିଚିକରି, ସବୁ ଲକ୍ ବୁଜିଲା ପାରା କଇଲା, “ମୁଇ କିରିସ୍ଟ ନଇ ।”

୨୧ ତେଇ ସେମନ୍ ପାଟାର୍ଲାଇ, “ସେଡ଼ି ବଇଲେ ତମେ କେ ତେବେ ? ବବିସଡ଼ବକ୍ତା ଏଲିୟୁ କି ?” ଜଅନ୍ କଇଲା, “ନଇ, ମୁଇ ଏଲିଅ ନଇ ।”

ଆରି ସେମନ୍ ପାଟାର୍ଲାଇ, “ତୁଇ ସେ ବବିସଡ଼ବକ୍ତା କି ?” ଜଅନ୍ କଇଲା, “ମୁଇ ସେ ନଇ ।”

୨୨ ତାର୍ ପତେ ସେମନ୍ ପାଟାର୍ଲାଇ, “ସେଡ଼ାର୍ଆଲେ ତମେ କେ ? ଆମ୍ବକେ ପାଟାଇଲା ଲକ୍ମନ୍ କେ ଆମେ ଜାଇ, କାଇଟା ବଲି କଇବୁ, ସେଟାର୍ପାଇ ତମର୍ ନିଜର୍ ବିସଇ ଅଲପ୍ କଇଦିଆ ।”

୨୩ ଜିସାୟ ବବିସଡ଼ବକ୍ତା ଜେଡ଼ି କଇରଇଲା, ଜଅନ୍ ସେମନ୍ କେ ସେଡ଼ି କଇଲା । “ମୁଇ ମରୁବାଲି ବୁର୍ବ୍ ଆକ୍ମାରି ବୁଲ୍ବା ଗଟେକ୍ ସବଦ୍ ମାପୁରୁ ଜିବାକେ ଗଟେକ୍ ସଲକ୍ ବାଟ୍ ତିଆର୍ କରା !”

୨୪ ତାର୍ ପତେ ପାରୁସିମନ୍ ପାଟାଇ ରଇଲା କବର୍ ନେତାମନ୍ ଜଅନ୍ କେ ପାଟାର୍ଲାଇ । ୨୫ “ତମେ ଜଦି କିରିସ୍ଟ ନୁଆସ୍, ଏଲିୟୁ ନୁଆସ୍, ଆରି ବବିସଡ଼ବକ୍ତା ନୁଆସ୍, କାଇକେ ଲକ୍ମନ୍ କେ ତୁବନ୍ ଦେଲାସ୍ନି ?” ୨୬ ଜଅନ୍ ସେମନ୍ କଇଲା, “ମୁଇ ଲକ୍ମନ୍ କେ ପାନିତେଇ ତୁବନ୍ ଦେଲିନି, ଜନ୍ ଲକ୍ କେ କି ତମେ ନାଜାନାସ୍, ମାତର୍ ସେ ତମର୍ ସଙ୍ଗ୍ ଆତେ । ୨୭ ସେ ମର୍ ପତେ ଆଇଲାନି । ଆରି ତାର୍ ଗଡ଼ିଦାକ୍ତା ଅଇ ତାର୍ ପାଣ୍ଡୁଇର୍ ପିତା ବେଟ୍ବାର୍ ମିସା ମର୍ ଅଦିକାର୍ ନାଇ ।”

୨୮ ଏ ଗଟନା ଜର୍ଦନ୍ ଗାଡ଼ର୍ ସେପାଟେ ବେଡ଼ନି ନାଉର୍ ଜାଗାଇ, ଜଅନ୍ ଲକ୍ମନ୍ କେ ତୁବନ୍ ଦେଲା ବେଲା ଅଇରଇଲା ।

**ପର୍ଯ୍ୟେସର୍ ମେଣ୍ଡା ପିଲା**

୨୯ ତାର୍ ଆର୍କର୍ ଦିନେ ଜିସୁ ତାର୍ ଲଗେ ଆଇବାଟା ଦେକିକରି ଜଅନ୍ କଇଲା, “ଏଦେ ଦେକା ! ପର୍ଯ୍ୟେସର୍ ମେଣ୍ଡାପିଲା ଜେ କି, ଏ ଦୁନିଆର୍ ସବୁ ଲକ୍ମନ୍ ପାପର୍ ଡ଼ଣ୍ଡ ବଇକରି ନେଇସି । ୩୦ ଏ ଲକ୍ ବିସଇ ମୁଇ ଆଗଡୁ ଏଡ଼ି କଇରଇଲି, ମୁଇ ଆଇଲା ପତେ ଜନ୍ ଲକ୍ ଆଇଲାନି ସେ ମର୍ତେଇଅନି ବେସି ବଡ଼ଲକ୍ ଆରି ମୁଇ ଜନମ୍ ଅଇଲା ବେସି ଆଗଡୁଅନି ଆତେ । ୩୧ ମୁଇ ନିଜେ ମିସା ସେ କେ ଅଇରଇସି ବଲି ନାଜାନିରଇଲି । ମାତର୍ ଇସରାଏଲର୍ ଲକ୍ମନ୍ ତାର୍ ବିସଇ ଜାନଡ଼ ବଲି ମୁଇ ପାନିତେଇ ତୁବନ୍ ଦେବାକେ ଆସିଆଟି ।”

୩୨ ତାର୍ ପତେ ଜଅନ୍ ଆରି ଏ ସାକି ଦେଇ କଇଲା, “ସୁକଲ୍ ଆଡ଼ମା ପରୁଆପାରା ଅଇକରି ସର୍ଗେଅନି ଉଡ଼ରି ଆସି ତାର୍ ଉପରେ ବସବାଟା ମୁଇ ଦେକିଆଟି । ୩୩ ଏଲେମିସା ସେଡ଼କିବେଲା ଜାକ ଏ ଲକ୍ ସେ



ଆକା ବଲି ମୁଇ ଜାନି ନ ରଇଲି । ମାତର ପାନିତେଇ ତୁବନ୍ ଦେବାକେ ପାଟାଈରଇଲା ପରମେସର୍ ମକେ କଇରଇଲା, ଜେଡେବେଲା ଗଟେକ୍ ଲକର୍ ଉପ୍ରେ ସୁକଲ୍ ଆଡ଼ମା ଉଡ଼ରି ଆଇବାଟା ତୁଇ ଦେକ୍ସୁ, ସେସେ ଅଇଲାନି ତୁଇ କଜ୍‌ବା ଲକ୍ । ସେ ଲକ୍ ସୁକଲ୍ ଆଡ଼ମାଈ ତୁବନ୍ ଦେଇସି । ୩୪ ଏନ୍ତି ସୁକଲ୍ ଆଡ଼ମା ତାର ଉପ୍ରେ ଉଡ଼ରି ଆଇବାଟା ମୁଇ ଦେକ୍ଲି ଆରି ସେ ପରମେସରର୍ ପିଲା ବଲି ମୁଇ ତମ୍‌କେ ସାକିଦେଲିନି” ବଲି ଜଅନ୍ କଇଲା ।

**ଜିସୁର୍ ପର୍ତୁମ୍ ସିସମନ୍**

୩୫ ତାର୍ ଆରକର୍ ଦିନେମିସା ଜଅନ୍ ସେ ଜାଗାଇସେ ରଇଲା । ଆରି ତାର୍ ଦୁଇଟା ସିସମନ୍‌ର୍ ସଙ୍ଗ୍ ଟିଆ ଅଇରଇଲା । ୩୬ ଆରି ଜିସୁ ସେ ବାଟେ ଜିବାଟା ଜଅନ୍ ଦେକିକରି କଇଲା, “ଏଦେ ଦେକା ! ପରମେସରର୍ ମେଣ୍ଡାପିଲା ଗାଲାନି ।”

୩୭ ଜଅନ୍‌ର୍ ଦୁଇଟା ସିସମନ୍ ତାର୍ କାତା ସୁନି, ଜିସୁର୍ ପଟେ ପଟେ ଗାଲାଇ । ୩୮ ଜିସୁ ପାସଲିକରି ଦେକ୍‌ବା ବେଲେ ସେ ଦୁଇଟା ସିସମନ୍ ତାର୍ ପଟେ ପଟେ ଜିବାଟା ଦେକି ସେମନ୍‌କେ ପାଟାରୁଲା ତମେ କାଇଟା କଜ୍‌ଲାସୁନି ? ସେମନ୍ ଜିସୁକେ କଇଲା, “ରାବି ତମେ କନ୍ ଜାଗାଇ ରଇଲାସୁନି ?” ରାବିର୍ ଅରଡ଼ ଅଇଲାନି ସିକାଇ ଦେବା ଗୁରୁ ।

୩୯ ଜିସୁ ସେମନ୍‌କେ କଇଲା, “ମର୍ ସଙ୍ଗ୍ ଆସା ମୁଇ ରଇବା ଜାଗା ଦେକ୍‌ସା ।” ସେଟାର୍ ପାଇ ସେମନ୍ ତାର୍ ସଙ୍ଗ୍ ଜାଇ ସେ ରଇବା ଜାଗା ଦେକ୍‌ଲା । ଆରି ସେ ଦିନେ ତାର୍ ସଙ୍ଗ୍ ରଇଲା । ସେବେଲା ସଞ୍ଜୁଆ ଚାର୍‌ଟା ଅଇରଇଲା ।

୪୦ ତାକର୍ ବିଡ଼ରେଅନି ଗଟେକ୍ ଲକ୍ ଅଇଲାନି ସିମନ୍ ପିତରର୍ ବାଇ, ଆନ୍‌ରିୟ୍ । ୪୧ ସେ ଦାପରେ ସେ ତାର୍ ବାଇ ସିମନ୍ ପିତର୍କେ କଜିକରି ବେଟ୍ ପାଇ କଇଲା, “ପରମେସର୍ ବାଟି ପାଟାଈଲା ମସିଅକେ\* ଆମେ ବେଟ୍‌ପାଇଲୁ ।” ୪୨ ତାର୍ ପଟେ ଆନ୍‌ରିୟ୍ ସିମନ୍‌ପିତର୍କେ ଜିସୁର୍ ଲଗେ ଡାକି ଆନ୍‌ଲା । ଜିସୁ ତାକେ ଦେକି କଇଲା, “ତମେ ସିମନ୍, ଜଅନ୍‌ର୍ ପିଲା ଏବେଅନି ତକେ କେପା ବଲି ଡାକ୍‌ବାଇ ।” କେପାର୍ ଅରଡ଼ ଅଇଲାନି ପିତର୍କ ଆରି ପିତର୍କ ଅରଡ଼ ଅଇଲାନି ରାଙ୍ଗ୍‌ନି ପାକ୍‌ନା ।

**ଜିସୁ ପିଲିପ୍ ଆରି ନିତନିଏଲ୍‌କେ ଡାକ୍‌ବାଟା**

୪୩ ତାର୍ ଆରକର୍ ଦିନେ ଜିସୁ ଗାଲିଲି ଦେସେ ଜିବାକେ ମନ୍ କଲା । ଆରି ସେ ଜିବା ବେଲେ ପିଲିପ୍‌କେ ବେଟ୍‌ପାଇ ତାକେ କଇଲା, “ମର୍ ସଙ୍ଗ୍ ଆଉ ।” ୪୪ ଆନ୍‌ରିୟ୍ ଆରି ପିତର୍କ ପାରା ପିଲିପ୍ ମିସା ବେଟ୍‌ସାଇଦା ଗଡ଼ର୍ ଲକ୍ ରଇଲା । ୪୫ ପିଲିପ୍ ନିତନିଏଲ୍‌କେ ବେଟ୍ ପାଇ କଇଲା, “ଜନ୍ ଲକର୍ ବିସଇ ମସାର୍ ନିୟ୍‌ମେ ଲେକିରଇଲା ଆରି ବବିସଡ଼ବକ୍‌ତାମନ୍ ଲେକି ଆଟଡ଼, ଆମେ ତାକେ ଦେକ୍‌ଲୁ ଆତୁ । ସେ ଜସେପର୍ ପିଲା ନାଜରିଡ଼ ଗଡ଼ର୍ ଜିସୁ ।”

୪୬ ନିତନିଏଲ୍ ପିଲିପ୍‌କେ ପାଟାରୁଲା, “ନାଜରିଡ଼ ଗଡ଼େଅନି କାଇଆଲେ ନିକ ବିସଇ ଆଇସି କି ?” ପିଲିପ୍ ତାକେ କଇଲା, “ତୁଇ ଆସିକରି ଦେକ୍ !”

୪୭ ଜିସୁ ନିତନିଏଲ୍‌କେ ତାର୍ ଲଗେ ଆଇବାଟା ଦେକି ତାର୍ ବିସଇ ନେଇ କଇଲା, “ଏଦେ ଦେକା ! ଏ ଗଟେକ୍ ଇସରାଏଲର୍ ସଡ଼ ଲକ୍, ଏ ଲକର୍‌ଡେଇ କାଇମିସା କୁଟ୍‌କପଟ୍ ନାଇ ।”

୪୮ ନିତନିଏଲ୍ ଜିସୁକେ ପାଟାରୁଲା “ମକେ କେନ୍ତି ଜାନୁସ୍ ?” ଜିସୁ କଇଲା, “ପିଲିପ୍ ତମ୍‌କେ ଡାକ୍‌ବା ଆଗତୁ ମୁଇ ତକେ ତୁମ୍‌ରି ଗର୍ ତଲେ ଦେକି ରଇଲି ।”

୪୯ ତାର୍ ପଟେ ନିତନିଏଲ୍ ଜିସୁକେ କଇଲା, “ଏ ଗୁରୁ, ତମେ ପରମେସରର୍ ପିଲା ଆରି ଇସରାଏଲର୍ ରାଜା !”

୫୦ ଜିସୁ ତାକେ କଇଲା, “ମୁଇ ତକେ ତୁମ୍‌ରି ଗର୍ ତଲେ ଟିଆଅଇଲାଟା ଦେକ୍‌ଲି ବଲି କଇଲାକେ ବିସବାସ୍ କଲୁସୁନି କି ? ଇଡିଅନି ଆରି ଅଦିକ୍ ବଡ଼ ବଡ଼ କାବା ଅଇଜିବା ବିସଇମନ୍ ଦେକ୍‌ସୁ ।” ୫୧ ଜିସୁ ଆରି ତରେକ୍ କଇଲା, “ମୁଇ ତକେ ସଡ଼କାତା କଇଲିନି, ସରଗ୍ ଉଗାଡ଼ି ଅଇଜାଇ ନର୍‌ପିଲା ମର୍ ଉପ୍ରେ, ପରମେସରର୍ ଦୁଡ଼ମନ୍ ଚଗି ଜିବାଟା ଆରି ଉଡ଼ରି ଆଇବାଟା ତମେ ଦେକ୍‌ସା ।”

**୨**

**କାନା ଗଡ଼େ ବିବା**

୧ ଦୁଇ ଦିନ୍ ପଟେ ଗାଲିଲି ଦେସର୍ କାନା ନାଉର୍ ଗଡ଼େ ଗଟେକ୍ ବିବା ଅଇଡେ ରଇଲା । ସେ ବିବାଡେଇ ଜିସୁର୍ ମାଆ ମରିୟମ୍ ରଇଲା । ୨ ଜିସୁ ଆରି ତାର୍ ସିସମନ୍‌କେ ମିସା ସେ ବିବାଡେଇ ଡାକି ରଇଲା । ୩ ବଜି ନ ସାର୍‌ଡେ ଅଙ୍ଗୁର୍ ରସ୍ ସାରିଗାଲାକେ ଜିସୁର୍ ମାଆ ଆସି ତାକେ କଇଲା, “ସେମନ୍‌ର୍ ଅଙ୍ଗୁର୍ ରସ୍ ସାରିଗାଲାବେ ।” ୪ ଜିସୁ ତାକେ କଇଲା, “ଏ ମାଆ, ମର୍‌ଗାନେ ତର୍ କାଇଟା ଆଟେ ? ତୁଇ ମକେ କାଇଟା ମିସା କର୍‌ବାକେ କଅ ନାଇ । ମର୍ ବେଲା ଏବେ ଜାକ ଆସେ ନାଇତା ।”

\* ୧:୪୧ ୧:୪୧ ମସିଅକେ ମସିଅର୍ ଅରଡ଼ ଅଇଲାନି କିରିସ୍‌ଟ

୫ ଜିସୁର ମା ବାଣ୍ଟାଉଗରିଆମନକେ କଇଲା, “ଜିସୁ ତମକେ ଜାଇଟା କଇସି ସେଟା କରା ।”

୬ ସେ ଜାଗାଇ ବଡ଼ ବଡ଼ ପାକନା ସଙ୍ଗ୍ ତିଆର କଲା ଚଅଟା କୁଣ୍ଡ ରଇଲା । ଜିଉଦି ଲକ୍ମନ ସୁକଲ୍ ଅଇବାକେ ସେମନର ରିତିନିତି ଇସାବେ ଏ କୁଣ୍ଡର ପାନି କାମେ ଲାଗାଇତେ ରଇଲା । ଗଟେକ୍ ଗଟେକ୍ କୁଣ୍ଡେ ସଏ ଲିଟର ଲାକା ପାନି ଦାରତେ ରଇଲା । ୭ ଜିସୁ ବାଣ୍ଟାଉଗରିଆମନକେ “ସେ କୁଣ୍ଡମନକେ ପାନି ବରତି କରା” ବଲି କଇଲା ଆରି ସେମନ୍ ସେ ସବୁ କୁଣ୍ଡେ ପାନି ବରତି କଇଲା । ୮ ତାର ପତେ ଜିସୁ ସେମନକେ ତେଇର ପାନି ଡୁମିନେଇ ବଜି ଦାଇତେ ରଇଲା ଲକ୍ମକେ ଦିଆସ୍ ବଲି କଇଲା । ସେମନ୍ ତେଇର ପାନି ଡୁମି ନେଇ ତାକେ ଦେଲା । ୯ ମାତର ସେ ସବୁ ପାନି ଅଙ୍ଗୁର ରସ୍ ଅଇଜାଇରଇଲା । ବଜି ଦାଇତେ ରଇଲା ଲକ୍ ଅଙ୍ଗୁର ରସ୍ କନ୍ତ୍ରୁଅନି ବଲି ଜାନି ନ ରଇଲା । ମାତର ସେ ପାନି ଡୁମି ନେଲା ଲକ୍ମନ ଜାନି ରଇଲା, ପତେ ସେ ଲକ୍ ରାକି କରି ଏ ରସ୍ କନ୍ତ୍ରୁଅନି ଆନୁଲା ବଲି ବିବା ଅଇବା ଦାଙ୍ଗ୍ତାକେ ତାକି ପାଚାରଲା, ୧୦ “ଲକ୍ମନ ସବୁ ବେଲା ପରଡୁମ୍ ପରଡୁମ୍ କାଇବାକେ ନିମାନ୍ ଅଙ୍ଗୁର ରସ୍ ଦେବାଇ । ଆରି ଗତିଆ ଲକ୍ମନ କାଇ ପୁରୁନ୍ ଅଇଲା ପତେ ଚପରାଟା ଦେବାଇ । ମାତର ତମେ ଏବେ ସାରାସାରି ଜାକ ନିମାନ୍ ଅଙ୍ଗୁର ରସ୍ କନ୍ତ୍ରୁ ସଙ୍ଗଇ ରଇଲାସ୍ ?”

୧୧ ଏଟା ଜିସୁ ପରଡୁମ୍ କଲା କାବାଅଇଜିବା କାମ୍ । ସେଟା ଗାଲିଲି ଦେସର କାନା ନଅରେ କରିରଇଲା । ଏନ୍ତ୍ରୁ କରି ତାର ମଇମା ଦେକାଇଲା ଆରି ତାର ସିସ୍ମନ୍ ତାକେ ବିସ୍ବାସ୍ କଲା । ୧୨ ତାର ପତେ ଜିସୁ, ତାର ମାଆ ତାର ବାଇମନ୍ ଆରି ତାର ସିସ୍ମନର ସଙ୍ଗ୍ କପରନାଉମ୍ ଗତେ ଜାଇ ତେଇ କେତେ ଦିନ୍ ପାରା ରଇଲା ।

ଜିସୁ ଜିରୁସାଲମ୍ ମନ୍ଦିରେ ଗାଲା

(ମାତିଉ ୨୧:୧୨-୧୩; ମାର୍କ ୧୧:୧୫-୧୭; ଲୁକ୍ ୧୯:୪୫-୪୬)

୧୩ ସେ ବେଲା ଜିଉଦି ଲକ୍ମନର ନିସ୍ତାର ପରବ୍ କେଟି ଆଇତେ ରଇଲା । ସେଟାରପାଇ ଜିସୁ ଜିରୁସାଲମେ ଗାଲା । ୧୪ ତେଇ ସେ ମନ୍ଦିର ବିତ୍ରେ, ଲକ୍ମନ ଗରୁଗାଇ ମେଣ୍ଟା, ଆରି ପାରୁଆମନ୍ ବେବାର କରବାଟା, ଆରି ବିନ୍ ଦେସର ତାବୁ ବାଦ୍ଲାଉମନ୍ ସେମନର ଟେବୁଲେ ବସିରଇଲାଟା ଦେକଲା । ୧୫ ତେଇ ଜିସୁ କସିରା ସଙ୍ଗ୍ କରତା ତିଆର କରି ମେଣ୍ଟା ଆରି ଗରୁମନର ସଙ୍ଗ୍ ସବୁ ଲକ୍ମନକେ ମନ୍ଦିରେଅନି ବାରକରାଇ ଦେଲା । ଆରି ଲକ୍ମନରତେଇ ଅନି ବାଦ୍ଲାଇ ନେବା ତାବୁ ସବୁ ବିଚିଦେଇ ସେମନର ଟେବୁଲ୍ ପାସ୍ଲାଇ ଦେଲା । ୧୬ ପରୁଆ ବିକ୍ବା ଲକ୍ମନକେ କଇଲା, “ଏ ସବୁ ଦିନ୍ସୁ ଇତିଅନି ଦାରିଜା । ମର ବାବାର ଗରେ ଗେନା ବିକା ଜାଗା ପାରା କରାନାଇ ।” ୧୭ ଏ ସବୁ ଗର୍ନା ଅଇବାବେଲେ ଜିସୁର ସିସ୍ମନ୍ ପରମେସରର ସାସ୍ତରେ ଲେକାଅଇଲା ଗଟେକ୍ ବାକିଅ ଏତାଇଲା । ତମର ଗରର୍ ପାଇ ରଇବା ମର ବକ୍ତି, ମର ମନ୍ ବିତ୍ରେ ଜଇ ଲାଗ୍ଲା ପାରା ଲାଗ୍ଲାନି ।

୧୮ ତେଇ ଜିଉଦି ନେତାମନ୍ ଜିସୁର ଲଗେ ବାଉଡି ଆସି ଏନ୍ତ୍ରାରି କଇଲା । “ତୁଇ ଏନ୍ତ୍ରାରି ସବୁ କାମ୍ କରବାକେ ଅଦିକାର୍ ପାଇଆରୁସ୍ ବଲି ଆମେ କେନ୍ତ୍ରୁ ଜାନ୍ତୁ ଆରି କାଇ ତିନରଲାଗି ଆମ୍‌କେ ସେଟା ଦେକାଇଲୁସ୍ନି ?” ୧୯ ଜିସୁ ସେମନକେ କଇଲା, “ତମେ ଏ ମନ୍ଦିର ବସ୍ଲାଇ ଦିଆସ୍ । ସେଟା ମୁଇ ତିନ୍ଦିନ୍ ବିତ୍ରେ ଆରିତରେକ୍ ତିଆର କରିଦେବି ।”

୨୦ ଜିସୁର ଏ କାତା ସୁନି ସେମନ୍ କଇଲା, “କାଇଟା ! ତିନ୍ଦିନ୍ ବିତ୍ରେ ତୁଇ ତିଆର କରି ପାରୁସ୍ କି ? ଏ ମନ୍ଦିର ତିଆର କରବାକେ ଚାଲିସ୍ ଚଅ ବରସ୍ ଲାଗିରଇଲା ।”

୨୧ ମାତର ଜିସୁ ତାର ନିଜର ଗାଗଡର ବିସଇ ମନ୍ଦିରକେ ଦେକାଇ କରି ଏ କାତା କଇରଇଲା । ୨୨ ସେ ମରିକରି ଆରିତରେକ୍ ଜିବନ୍ ଅଇ ଉର୍ଲା ପତେ ସିସ୍ମନର ମନେ ପଡ୍ଲା ଜେ, ସେ ଏନ୍ତ୍ରାରି କଇରଇଲା । ତେବରପାଇ ସେମନ୍ ଦରମ୍ ସାସ୍ତର ଆରି ଜିସୁର ବାକିଅ ବିସ୍ବାସ୍ କଲା ।

ଜିସୁ ମୁରୁସ୍ମନର ଗୁନ୍ ଜାନେ

୨୩ ନିସ୍ତାର ପରବ୍‌ବେଲେ ଜିସୁ ଜିରୁସାଲମ୍ ରଇଲାବେଲେ କେତେକ୍ କେତେକ୍ ଲକ୍ ସେ କରିରଇବା କାବା ଅଇଜିବା କାମ୍‌ମନ୍ କଲାଟା ଦେକି ତାକେ ବିସ୍ବାସ୍ କଲା । ୨୪ ମାତର ଜିସୁ ସେ ଲକ୍ମନ ବିସ୍ବାସ୍ କରିରଇବାଟା ସତ୍‌ବଲି ବାବେନାଇ । କାଇକେ ବଇଲେ ସେ ସବୁ ଲକ୍ମର ବିସଇ ସେ ନିକସଙ୍ଗ୍ ଜାନି ରଇଲା । ୨୫ ଲକ୍ମନର ବିସଇନେଇକରି ତାକେ, କେ ମିସା କାଇଟାବଲି କଇବାର୍ ଦରକାର୍ ନ ରଇଲା, କାଇକେବଇଲେ ସେ ତାକର ମନ୍ ବିତ୍ରେ କାତା, ନିଜେ ଜାନି ରଇଲା ।

୩

ଜିସୁ ଆରି ନିକଦିମ

✧ ୨:୧୨ ୨:୧୨ ମାତିଉ ୪:୧୩ ✧ ୨:୧୯ ୨:୧୯ ମାତିଉ ୨୭:୨୧;୨୭:୪୦; ମାର୍କ ୧୪:୫୮;୧୫:୨୯

୧ ପାରୁସିମନର ବିତରେଅନି ନିକଦିମ ନାଉଁର୍ ଗଟେକ୍ ଲକ୍ ରଇଲା । ସେ ଜିଉଦି ମନର୍ ଗଟେକ୍ ନେତା । ୨ ସେ ଦିନେକ୍ ରାତିଆ ଜିସୁର୍ ଲଗେ ଆସି କଇଲା, “ଏ ଗୁରୁ ଆମେ ଜାନୁ, ତମେ ପର୍ମେସର୍ ପାଟାଇରଇବା ଗଟେକ୍ ଗୁରୁ । କାଇକେ ବଇଲେ ଜଦି ଗଟେକ୍ ଲକ୍ ସଙ୍ଘ୍ ପର୍ମେସର୍ ନ ରଇଲେ, ତମେ ଜନ୍ ସବୁ କାବାଅଇଜିବା କାମ୍ମନ୍ କଲାସ୍ନି, ସେଡକି କାମ୍ମନ୍ କେ ମିସା କରିନାପାରଡ୍ ।”

୩ ଜିସୁ ତାକେ କଇଲା, “ମୁଇ ତକେ ସଡ୍ କାତା କଇଲିନି, ଆରିତରେକ୍ ଜନମ୍\* ନ ଅଇଲେ କେ ମିସା ପର୍ମେସର୍ ରାଇଜ୍ ଦେକି ନାପାରଡ୍ ।”

୪ ନିକଦିମ ତାକେ ପାଚାରଲା, “ଡକ୍‌ରା ଅଇଲା ଲକ୍ କେନ୍ତ୍ର ଆରି ତରେକ୍ ଜନମ୍ ଅଇସି ? ସେ ଆରି ତରେକ୍ ମାଆର୍ ପେଟ୍ ବିତରେ ଜାଇକରି ଜନମ୍ ଅଇସି କି ? ନାଇ ଅଇ ନଏଁ ।”

୫ ଜିସୁ ତାକେ କଇଲା, “ମୁଇ ତକେ ସଡ୍‌କାତା କଇଲିନି, ଗଟେକ୍ ଲକ୍ ପାନି ଆରି ଆଡ଼ମାଇଅନି ଜନମ୍ ନ ଅଇଲେ, ପର୍ମେସର୍ ରାଇଜେ ଜାଇ ନାପାରେ । ୬ ଗଟେକ୍ ନର୍ ଲକ୍ ତାର୍ ନର୍ ମାଆ ବାବାର୍‌ତେଅନି ଜନମ୍ ଅଇସି । ମାତର୍ ସୁକଲ୍ ଆଡ଼ମା ତାର୍ ଆଡ଼ମାଇ ନୁଆ ଜିବନ୍ ଦେଇସି । ୭ ସେଟାର୍‌ପାଇ ମୁଇ ତକେ ଆରିତରେକ୍ ଜନମ୍ ଅଇବାକେ ଅଇସି ବଲି କଇବା ବିସଇ ସୁନି କାବାଅଇଜାଆ ନାଇ । ୮ ପବନ୍ ଜନ୍ ବାଟେ ଜିବାକେ ମନ୍ କରସି ସେ ବାଟେସେ ଜାଇସି, ଆରି ତମେ ତାର୍ ସବଦ୍ ସୁନ୍‌ସା । ମାତର୍ ସେଟା କନ୍ତ୍ର ଅନି ଆଇସି ଆରି କନ୍ ବାଟେ ଜାଇସି ସେଟା ନାଜାନାସ୍ । ଆଡ଼ମାଇ ଜନମ୍ ଅଇଲା ସବୁ ଲକ୍‌ମନ୍ ମିସା ସେନ୍ତାରିସେ ।” ୯ ନିକଦିମ ଜିସୁକେ ପାଚାରଲା, “ଏବେ ତୁଇ କଇବା କାତା କେନ୍ତ୍ର ଅଇପାରସି ?” ୧୦ ଜିସୁ ତାକେ କଇଲା, “ତୁଇ ଇସରାଏଲର୍ ଗଟେକ୍ ବଡ୍ ଗୁରୁ ଅଇକରି ମିସା କେନ୍ତ୍ର ଏ ସବୁ କାତା ବୁଜି ନାପାରଲୁସ୍ନି ? ୧୧ ମୁଇ ତକେ ସଡ୍‌କାତା କଇଲିନି, ଆମେ ଜନ୍‌ଟା ଜାନୁ ସେଟା କଇଦେବୁ, ଜନ୍‌ଟା ଦେକିରଇବୁ ସେଟା ସାକି ଦେବୁ, ଅଇଲେ ମିସା ତୁଇ କାଇକେ ବିସ୍‌ବାସ୍ କରୁସ୍ନାଇ ? ୧୨ ମୁଇ ତକେ ଏ ଦୁନିଆର୍ ବିସଇ କଇବାବେଲେ ବିସ୍‌ବାସ୍ କରୁସ୍ ନାଇ । ଆରି ସରଗର୍ ବିସଇ କଇବି ବଇଲେ କେନ୍ତ୍ର ମକେ ବିସ୍‌ବାସ୍ କରସୁ ? ୧୩ ସର୍‌ଗେଅନି ଉଡ୍‌ରି ଆଇଲା ନର୍‌ପିଲା ମୁଇ, ମକେ ଚାଡିକରି ଆରି କେ ମିସା ସର୍‌ଗେ ଜାଅଡ୍ ନାଇତା ।”

୧୪ “ଆରି ମସା କେନ୍ତ୍ର ମରୁବାଲି ବୁଏଁ ପିତଲ୍ ସାଁପକେ ଡେଲି ଉପ୍‌ରେ ଟେକି ରଇଲା, ସମାନ୍ ସେନ୍ତାରିସେ ପର୍ମେସର୍ ତେଅନି ଆଇଲା ନର୍‌ପିଲା ମକେ ମିସା, ଗଟେକ୍ ଦିନେ ଉପ୍‌ରେ ଟେକିବାଇ । ୧୫ ତେବେ, ତାକେ ବିସ୍‌ବାସ୍ କରବା ସବୁ ଲକ୍‌ମନ୍ ନ ସାର୍‌ବା ଜିବନ୍ ପାଇବାଇ । ୧୬ ପର୍ମେସର୍ ଏ ଦୁନିଆର୍ ଲକ୍‌ମନ୍‌କେ ଏଡେକ୍ ଆଲାଦ୍ କଲାଜେ, ତାର୍ ଗଟେକ୍ ବଲି ପିଲାକେ ସର୍‌ପିଦେଲା । ଜେ ମିସା ତାକେ ବିସ୍‌ବାସ୍ କରବାଇ ବଇଲେ, ସେମନ୍ ନସଟ୍ ନ ଅଇକରି, ନ ସାର୍‌ବା ଜିବନ୍ ମିଲାଇବାଇ । ୧୭ ପର୍ମେସର୍ ତାର୍ ପିଲାକେ ଏ ଦୁନିଆଇ ବିଚାର୍ କରବାକେ ପାଟାଏନାଇ, ମାତର୍ ତାର୍ ଲାଗି ଦୁନିଆ ରକିଆ ପାଅ ବଲି ପାଟାଇ ଆଟେ । ୧୮ କେ ପର୍ମେସର୍ ପିଲାକେ ବିସ୍‌ବାସ୍ କଲାନି ତାର୍ ବିଚାର୍‌ନା ନଏଁ । ମାତର୍ ଜେ ପର୍ମେସର୍ ପିଲାକେ ବିସ୍‌ବାସ୍ କରେନାଇ ତାର୍ ବିଚାର୍‌ନା ଅଇସାର୍‌ଲାବେ । କାଇକେବଇଲେ ସେ ଗଟେକ୍ ବଲି ପିଲାକେ ବିସ୍‌ବାସ୍ କରେନାଇ । ୧୯ ଆରି ସେ ବିଚାର୍‌ନା ଏନ୍ତ୍ର ଅଇସି, ସର୍‌ଗେ ଅନି ଉଜଲ୍ ଏ ଦୁନିଆଇ ଆସିରଇଲା । ମାତର୍ ଏ ଦୁନିଆର୍ ଲକ୍‌ମନ୍ ସେ ଉଜଲେଅନି ଆନ୍ଦାର୍‌କେ ବେସି ମନ୍ କଲାଇ । କାଇକେବଇଲେ ସେମନ୍ କରବା କାମ୍ ସବୁ ବେସି କାରାପ୍ । ୨୦ ଜନ୍‌ଲକ୍‌ମନ୍ କାରାପ୍ କାମ୍ କଲାଇନି ସେମନ୍ ଉଜଲ୍‌କେ ଗିନ୍ କଲାଇନି । ଆରି ସେ ଉଜଲେ ନ ଆସଡ୍ । କାଇକେବଇଲେ ସେମନ୍ ସବୁ କାରାପ୍ କାମ୍ ସେ ଉଜଲେ ଡିସି । ୨୧ ମାତର୍ ଜନ୍‌ଲକ୍ ସଡ୍ ଆରି ଟିକ୍ ଇସାବେ କାମ୍ କରି ଚଲାଟଲ୍‌ଡି କଲାନି, ସେ ଉଜଲ୍ ଲଗେ ଆଇସି । ତେବେ, ସେ କରବା କାମ୍ ପର୍ମେସର୍ ମନ୍ କରବା ଇସାବେ ଅଇଲାନି ।”

**ଜିସୁ ଆରି ତୁବନ୍ ଦେଉ ଜଅନ୍**

୨୨ ତାର୍ ପଟେ ଜିସୁ ଆରି ତାର୍ ସିସ୍‌ମନ୍ ଜିଉଦା ଦେସେ ଗାଲାଇ ଆରି ସେ ଜାଗାଇ ରଇକରି ଲକ୍‌ମନ୍‌କେ ତୁବନ୍ ଦେଲାଇ । ୨୩ ସେ ବେଲାଇ ଜଅନ୍ ମିସା ସାଲମ୍ ଗଡ୍‌ଲଗେ ଏନନ୍ ନାଉଁର୍ ଗଟେକ୍ ଗାଏଁ ତୁବନ୍ ଦେଇତେ ରଇଲା । କାଇକେ ବଇଲେ ସେ ଜାଗାଇ ବେସି ପାନି ରଇଲା । ଆରି ଲକ୍‌ମନ୍ ଆସିକରି ତୁବନ୍ ନେଇତେ ରଇଲାଇ । ୨୪ \*ସେଡକି ଦିନ୍ ଜାକ ଜଅନ୍ ବନ୍ଦି ନ ଅଇରଇଲା ।

୨୫ ସେବେଲା ଗଟେକ୍ ଜିଉଦି ଲକ୍ ଆରି ଜଅନ୍‌ର୍ ସିସ୍‌ମନ୍ ଅସୁକଲ୍‌ଅନି ରିଡିନିଡି ଇସାବେ ସୁକଲ୍ ଅଇବା ବିସଇ ନେଇ ତାକର୍ ବିତରେ ଦଦାପେଲା ଅଇତେ ରଇଲାଇ । ୨୬ ଆରି ଜଅନ୍‌ର୍ ସିସ୍‌ମନ୍ ତାର୍ ଲଗେ ଆସି କଇଲା, “ଏ ଗୁରୁ, ତମେ ଜର୍‌ଦନ୍ ଗାଡ୍ ସେପାଟେ କାର୍‌ସଙ୍ଘ୍ ବେଟ୍ ଅଇରଇଲାସ୍ ଆରି ତାର୍ ବିସଇ ତମେ ସାକି ଦେଇତେରଇଲାସ୍, ସେ ଲକ୍ ଏବେ ଲକ୍‌ମନ୍‌କେ ତୁବନ୍ ଦେଲାନି ଆରି ସବୁ ଲକ୍‌ମନ୍ ତାର୍ ଲଗେ ଗାଲାଇନି ।” ୨୭ ଜଅନ୍ କଇଲା, “ପର୍ମେସର୍ ନ ଦେଲେ, କେ ମିସା କାଇଟା

\* ୩:୩ ୩:୩ ଆରିତରେକ୍ ଜନମ୍ ପର୍ମେସର୍ ଗନେ ଜାଡ୍ ଅଇବାଟା    ✱ ୩:୨୪ ୩:୨୪ ମାଡିଉ ୧୪:୩; ମାର୍‌କ ୬:୧୭; ଲୁକ୍ ୩:୧୯, ୨୦

ନ ପାଅଡ଼ । ୨୮ ✨ମୁଇ କଇରଇଲି ପର୍ମେସର୍ ପାଟାଇଲା ମସିଅ ମୁଇ ନଇ ବଲି । ମୁଇ ଅବକା ପାଟାଇରଇବା ଗଟେକ୍ ଦୁଡ଼ ପାରା ଅଇ ଆସିଆତି । ୨୯ ଜେ ବିବା ଅଇସି, ସେ ବର୍ ଦାଙ୍ଗଡ଼ା । ମାତର୍ ବର୍ ଦାଙ୍ଗଡ଼ାର ଲଗେ ବରର୍ ସଙ୍ଗାରି ଟିଆଅଇ ତାର କାତା ସୁନ୍ସି । ସେ ବର୍ ଦାଙ୍ଗଡ଼ାର କାତା ସୁନି, ବେସି ସାରଦା ଅଇସି । ସେନ୍ତାରିସେ ମର୍ ସାରଦା ମିସା ପୁରାପୁରୁନ୍ ଅଇଲାଆଚେ । ୩୦ ସେ ମଆନ୍ ଅଇତେ ଜାଅ ଆରି ମୁଇ ସାନ୍ ଅଇତେ ଜିବି ।”

**ସର୍ଗେଅନି ଆଇବା ଗଟେକ୍ ଲକ୍**

୩୧ “ଜେ ସର୍ଗେଅନି ଆଇଲା ଆଚେ, ସେ ସବୁ ଲକ୍ମାନର୍ତେଇଅନି ମଆନ୍ । ଜେ ଜଗତେ ଅନି ଜନମ୍ ଅଇଆଚେ, ସେ ଜଗତର୍ କାତାସେ କଇସି । ମାତର୍ ଜେ ସର୍ଗେଅନି ଆସିଆଚେ, ସେ ସବୁକଲର୍ତେଇ ଅନି ମଆନ୍ । ୩୨ ସେ ଜନ୍ତା ଦେକଲା ଆଚେ ଆରି ସୁନ୍ଲା ଆଚେ ସେ ବିସଇ ସେ ଜାନାଇଲାନି । ମାତର୍ ସେ କଇରଇବା କାତା କେ ମିସା ନାମଡ଼ ନାଇ । ୩୩ ଜେ ତାର କଇରଇବା କାତା ନାମସି, ସେ ପର୍ମେସର୍ ସଡ଼ଟା ବଲି ନାମସି । ୩୪ ଜାକେ ପର୍ମେସର୍ ପାଟାଇଲା ଆଚେ, ସେ ପର୍ମେସରର୍ ବାକିଅ କଇସି । କାଇକେ ବଇଲେ ତାକେ ପର୍ମେସରର୍ ଆଡ଼ମା ପୁରାପୁରୁନ୍ ଦିଆଅଇଲାଆଚେ । ୩୫ ✨ବାବା ପିଲାକେ ଆଲାଦ୍ କରି ସବୁ ବିସଇ ତାର ଆତେ ସର୍ପି ଦେଲାଆଚେ । ୩୬ ଆରି କେ ପର୍ମେସରର୍ ପିଲାକେ ବିସବାସ୍ କରସି, ସେ ନ ସାରବା ଜିବନ୍ ପାଇସି । ମାତର୍ ଜେ ପର୍ମେସରର୍ ପିଲାକେ ନାମେ ନାଇ, ସେ ନ ସାରବା ଜିବନ୍ ନ ପାଏ । ଆରି ପର୍ମେସରର୍ ଡଣ୍ଟ ପାଇବାକେ ସେ ରଇସି ।”

**୪**

**ଜିସୁ ଆରି ସମିରଣିୟ ମାଇଜି**

୧ ଜଅନର୍ତେଇଅନି ଜିସୁକେ ଅଦିକ୍ ସିସ୍ ଅଇବାଟା ଆରି ତୁବନ୍ ଦେବା କାତା ପାରୁସିମନ୍ ସୁନ୍ଲାଇ । ୨ ଜିସୁ ସତଇସେ ନିଜେ କାକେ ମିସା ତୁବନ୍ ନ ଦେଇତେ ରଇଲା, ମାତର୍ ତାର ସିସ୍ମନ୍ ତୁବନ୍ ଦେଇତେ ରଇଲାଇ । ୩ ତାର ବିସଇ ନେଇ ଲକ୍ମନ୍ ଏନ୍ତାରି କାତା ଅଇବାଟା ସୁନି, ଜିସୁ ଜିଉଦା ରାଇଜ୍ ଚାଡ଼ିକରି ଆରି ତରେକ୍ ଗାଲିଲି ଦେସେ ଉଟିଗାଲା । ୪ ମାତର୍ ତାକେ ସମିରଣ୍ ଗଡ଼ ବାଟେ ଜିବାକେ ପଡ଼ଲା ।

୫ ଆରି ଜାକୁବ୍ ତାର ନିଜର୍ ପିଲା ଜସେପ୍କେ ଜନ୍ ଜାଗା ଦାନ୍ ଦେଇରଇଲା, ସେ ଲଗେ ସମିରଣ୍ ଗଡ଼ ଗଟେକ୍ ସୁକାର୍ ନାଉର୍ ଜାଗାଇ ଜିସୁ ଆସି କେଟ୍ଲା । ୬ ସେ ଜାଗାଇ ଜାକୁବର୍ ଗଟେକ୍ କୁଇସାଲ୍ ରଇଲା । ଜିସୁ ଇଣ୍ଟି ଇଣ୍ଟି ତାକି ଜାଇକରି କୁଇସାଲ୍ ଲଗେ ବସି ରଇଲା । ସେବେଲା ଟିଆମୁଇଦାନ୍ ଅଇରଇଲା ।

୭ ଗଟେକ୍ ସମିରଣିୟ ମାଇଜି କୁଇସାଲେ ପାନି ନେବାକେ ଆଇଲା । ଆରି ଜିସୁ ସେ ମାଇଜିକେ କଇଲା, “ଏ ମା ମକେ ଗୁଡ଼ିକ୍ ପାନି କାଇବାକେ ଦେ ।” ୮ ସେଡ଼କିବେଲେ ତାର ସିସ୍ମନ୍ କାଦି ଗେନ୍ବାକେ ଗଡ଼ ବିଡ଼ରେ ଜାଇରଇଲା ଆରି ଜିସୁ ଗଟେକ୍ ଲକ୍ ସେ ରଇଲା ।

୯ ତେଇ ସମିରଣିୟ ମାଇଜି କାବାଅଇ ଜିସୁକେ କଇଲା, “ତୁଇ ଗଟେକ୍ ଜିଉଦି ଲକ୍ ଆରି ମୁଇ ଗଟେକ୍ ସମିରଣିୟ, ତୁଇ କେନ୍ତ୍ରି ମର୍ ଆତର୍ ପାନି କାଇବାକେ ମାଙ୍ଗ୍ଲୁସି ?” କାଇକେ ବଇଲେ, ଜିଉଦି ଲକ୍ମନ୍ ସମିରଣିୟ ଲକ୍ମାନର୍ କାଇବାତେଇ ନ କାଇତେ ରଇଲାଇ । ୧୦ ଜିସୁ ତାକେ କଇଲା, “ପର୍ମେସର୍ ଦେବା ଦାନର୍ ବିସଇ, ତୁଇ ଅଲପ୍ ଆଲେ ଜାନି ରଇଲେ ଆରି ମୁଇ କେ ବଲି ଜାନ୍ତୁସ୍ ବଇଲେ ମକେ ମାଙ୍ଗ୍ତୁସ୍ । ଆରି ମୁଇ ତକେ ଜିବନ୍ ଦେବା ପାନି ଦେଇତି ।”

୧୧ ମାଇଜି କଇଲା, “ଆଗିଆଁ, ତମର୍ ଲଗେତା ପାନି ଜିକ୍ବାକେ ବାଲ୍ଟିନାଇ, ଆରି ଏ କୁଇସାଲ୍ ବେସି ଡେଙ୍ଗ୍ ଆଚେ । କନ୍ତ୍ରିଅନି ତମେ ଜିବନ୍ ଦେବା ପାନି ମିଲାଇସୁ ? ୧୨ ତୁଇ କାଇ ଆମର୍ ଆନିଦାଦି ଜାକୁବର୍ତେଇ ଅନି ବଡ଼ କି ? ଜାକୁବ୍ ଆମ୍ବକେ ଏ କୁଇସାଲ୍ ଦେଇରଇଲା । ସେ ନିଜେ ମିସା ଏ କୁଇସାଲ୍ ପାନି କାଇତେରଇଲା । ତାର ଗରର୍ ଲକ୍ମନ୍ ଆରି ସେ ପସିରଇଲା ଗରୁଗାଲମନ୍ ଇଡିର୍ ପାନି କାଇଲାଇ” ବଲି କଇଲା ।

୧୩ ଜିସୁ ତାକେ କଇଲା, “ଏ କୁଇସାଲ୍ ପାନି କାଇବା ସବୁ ଲକ୍ମାନକେ ଆରିସେ ସସ୍ ଲାଗସି । ୧୪ ମାତର୍ ମୁଇ ଜନ୍ ପାନି ଦେବି, ସେ ପାନି ଜେ କାଇସି ବଇଲେ, ତାକେ କେବେ ମିସା ସସ୍ ନ ଲାଗେ । ମୁଇ ଜନ୍ ପାନି ଦେବି, ସେଟା ଜିବନ୍ ଦେବା ପାନି ପାରା ଉର୍ଲି ଜାଇତେରଇସି । ତେଇ ଅନି ଜେ କାଇଲେ, ସେ ନ ସାରବା ଜିବନ୍ ପାଇସି ।”

୧୫ ସେ ମାଇଜି ଜିସୁକେ କଇଲା, “ଏ ଆଗିଆଁ ମକେ ସେ ପାନି ଦେ, ଜେନ୍ତ୍ରକି କେବେ ମିସା ମକେ ସସ୍ ନ ଲାଗ ଆରି ମୁଇ ଏତେକ୍ ଦୁର୍ ପାନି ନେବାକେ ନ ଆସି ।”

୧୬ ଜିସୁ ସେ ତାକେ କଇଲା, “ତୁଇ ଜାଇକରି ତର୍ ମୁନୁସକେ ଇଡି ତାକିଆନ୍ ।”

✨ ୩:୨୮ ୩:୨୮ ଜଅନ୍ ୧:୨୦ ✨ ୩:୩୫ ୩:୩୫ ମାଡ଼ିଇ ୧୧:୨୭; ଲୁକ୍ ୧୦:୨୨

୧୭ ସେ ମାଉଜି “ମକେ ମୁନୁସ ନାଉ” ବଲି କଇଲା । ଜିସୁ ତାକେ କଇଲା, “ମକେ ମୁନୁସ ନାଉ ବଲି ସତ୍ କାତା କଇଆରୁସ୍ । ୧୮ କାଇକେ ବଇଲେ ତର୍ ପାଁଟା ମୁନୁସ୍ ରଇଲାଉ ଆରି ଏବେ ତୁଇ ଜନ୍ ଲକର୍ ସଙ୍ଗ୍ ଆରୁସ୍, ସେ ମିସା ତର୍ ମୁନୁସ୍ ନର୍ । ଏଟା ସତ୍ କଇଆରୁସ୍ ।”

୧୯ ସେ ମାଉଜି କଇଲା, “ଏ ଆଗିଆଁ ତୁଇ ଗଟେକ୍ ବବିସତର୍ କାତା କଇବା ଲକ୍ ବଲି, ଏବେ ମୁଇ ଜାନିପାରୁଲିନି । ୨୦ ଆମର୍ ସମିରଣିୟ ଆନିଦାଦିମନ୍ ପର୍ମେସର୍କେ ଏ ତଙ୍ଗ୍ରେ ଉପାସନା କର୍ତ୍ତେ ରଇଲାଉ । ମାତର୍ ତମେ ଜିଉଦି ଲକ୍ମନ୍ କଇଲାଉନି ଜିରୁସାଲମ୍‌ସେ ପର୍ମେସର୍କେ ଉପାସନା କର୍ବା ଟିକ୍ ଜାଗା ।”

୨୧ ଜିସୁ ତାକେ କଇଲା, “ଏ ମାଆ ମରକାତା ବିସ୍‌ବାସ୍ କର୍ । ଏନ୍ତାରି ବେଲା ଆଇଲାନି ତମେ ପର୍ମେସର୍କେ ଏ ତଙ୍ଗ୍ରେ କି ଜିରୁସାଲମେ ମିସା ଉପାସନା ନ କରାସ୍ । ୨୨ ତମେ ସମିରଣି ଲକ୍ମନ୍ ଜାକେ ଉପାସନା କଲାସ୍ନି ତାକେ ସତଇସେ ନାଜାନାସ୍ । ମାତର୍ ଆମେ ଜିଉଦି ଲକ୍ମନ୍ ତାକେ ଜାନିକରି ଉପାସନା କଲୁନି । କାଇକେ ବଇଲେ ମୁକ୍ତି ଜିଉଦି ଲକ୍ମନ୍‌ର୍ ତେଇଅନି ଆଇସି । ୨୩ ବେଲା ଆଇଲାନି ଆରି ସେ ବେଲା କେଟ୍‌ଲାବେ, ଜେତେବେଲା କି ସୁକଲ୍‌ଆଡ଼ମାର୍ ବପୁସଙ୍ଗ୍ ଲକ୍ମନ୍, ବାବା ପର୍ମେସର୍କେ ନିକସଙ୍ଗ୍ ଚିନ୍‌ବାଇ । ସେବେଲେ ସେମନ୍ ତାକର୍ ମନେ ସତ୍‌ସଙ୍ଗ୍ ଉପାସନା କର୍‌ବାଇ । ସେନ୍ତ୍ର ଉପାସନା କର୍ବା ଲକ୍ମନ୍‌କେ ବାବା ମନ୍ କଲାନି । ୨୪ ପର୍ମେସର୍ ଅଇଲାନି ଆଡ଼ମା । ଆରି ଜନ୍‌ଲକ୍ମନ୍ ତାକେ ଉପାସନା କଲାଉନି, ସେମନ୍ ସତ୍‌ସଙ୍ଗ୍ ଆଡ଼ମାଇ ଉପାସନା କର୍‌ବାରୁଆତେ ।”

୨୫ ସେ ମାଉଜି କଇଲା, “ମୁଇ ଜାନି, ମସିଅ ଜାକେ କି କିରିସ୍‌ଟ ବଲ୍‌ବାଇ । ସେବେଲାଉ ଆସି ଆମ୍‌କେ ସବୁ ବିସଇ ବୁଜାଇ ଦେଇସି ।” ୨୬ ଜିସୁ ତାକେ କଇଲା, “ଏବେ ତର୍ ସଙ୍ଗ୍ ଜେ କାତା ଅଇଲାନି, ମୁଇ ସେ ।”

୨୭ ସେବେଲା ଜିସୁର୍ ସିସ୍‌ମନ୍ ଗତେଅନି ବାଉଡି ଆଇଲାଉ । ଜିସୁ ଗଟେକ୍ ମାଉଜିସଙ୍ଗ୍ କାତା ଅଇବାଟା ଦେକି କାବାଅଇଗାଲାଉ । ମାତର୍ ତାକେ କେ ମିସା ତୁଇ କାଇକେ ତାର୍ ସଙ୍ଗ୍ କାତା ଅଇଲୁସ୍ନି, କି କାଇ ବିସଇ ତମେ କାତା ଅଇତେ ରଇଲାସ୍ ? ବଲି ପାଟାର୍‌ବାକେ ସାଆସ୍ କରନ୍‌ନାଇ । ୨୮ ତାର୍ ପଟେ ସେ ମାଉଜି ତାର୍ ଆଣ୍ଟିର୍ ପାନି, ତେଇ ଚାଡିକରି ସଅର୍ ବିତ୍‌ରେ ଉଟିଗାଲା ଆରି ଜାଉକରି ସବୁ ଲକ୍ମନ୍‌କେ କଇଲା, ୨୯ “ଆସା ଗଟେକ୍ ଲକ୍‌କେ ଦେକ୍‌ସା । ଆଗେ ମୁଇ ଜାଇଜାଇଟା କରିରଇଲି, ସେ ସବୁ କାତା ସେ ମକେ କଇଦେଲା । ସେ ପର୍ମେସର୍ ବାଟି ପାଟାଇଲା ରାଜା ମସିଅ ଅଇଲେ ଅଇରଇସି କାଇକି ।” ୩୦ ସେଟାର୍‌ପାଇ ଲକ୍ମନ୍ ସଅରେ ଅନି ବାରଇକରି ଜିସୁକେ ଦେକ୍‌ବାକେ ଗାଲାଉ ।

୩୧ ଏଡକି ବିତ୍‌ରେ ସିସ୍‌ମନ୍ ଜିସୁକେ “ଏ ଗୁରୁ କାଇଟା ଆଲେ ଅଲପ୍ କାଆ ।” ବଲି ବାବୁଜିଆ କଲାଉ ।

୩୨ ମାତର୍ ଜିସୁ ସେମନ୍‌କେ କଇଲା, “ମର୍ ଲଗେ ଜନ୍ କାଦି ଆଟେ, ସେ କାଦିର୍ ବିସଇ ତମେ ନାଜାନାସ୍ ।”

୩୩ ସେଟାର୍ ପାଇ ସିସ୍‌ମନ୍ ନିଜର୍ ନିଜର୍ ବିତ୍‌ରେ କୁଆବଲା ଅଇଲାଉ, “ତାର୍‌ପାଇ କେ କାଦି ଆନିଦେଲାଉ ଆଟଡ୍ କି ?”

୩୪ ଜିସୁ ସେମନ୍‌କେ କଇଲା, “ମକେ ପାଟାଇରଇବା ପର୍ମେସର୍ ମନ୍‌କଲାଟା ମାନିକରି ଆରି ସେ ଦେଇରଇବା କାମ୍ ପୁରାପୁରୁନ୍ କର୍‌ବାଟାସେ ମର୍ କାଦି । ୩୫ ତାରି ମାସ୍ ଗାଲେ କାଟାବେଟା ଦିନ୍ ଆଇସି ବଲି ତମେ କଇତେରଇସା । ମାତର୍ ମୁଇ ତମ୍‌କେ କଇଲିନି କେଟ୍‌ମନ୍‌କେ ନିକ କରି ଦେକିଦେକା । ଏବେ ତେଇର୍ ତାସ୍ ପାଟିଗାଲା ଆଟେ ଆରି କାଟ୍‌ବା ବେଲା ସମାନ୍ ଅଇଲା ଆଟେ । ୩୬ ଏବେ ମିସା ଜନ୍ ଲକ୍ ତାସ୍ କାଟ୍‌ଲାନି ତାକେ ବୁଡି ଦିଆ ଅଇଲାନି, ସେ ନ ସାର୍‌ବା ଜିବନର୍ ପାଇ ତାସ୍ ଚୁଲିଆଇଲାନି । ସେଟାର୍ ପାଇ ବୁନ୍‌ଲା ଲକ୍ ଆରି କାଟ୍‌ବା ଦୁଇ ଲକ୍‌ଜାକ ମିସି ସାର୍‌ଦା କର୍‌ବାଇ । ୩୭ କାଇକେବଇଲେ ଗଟେକ୍ ଲକ୍ ବିଅନ୍ ବୁନ୍‌ଲେ ସେଟା ବିନ୍ ଲକ୍ କାଟ୍‌ସି । ଏ କାତା ପୁରାପୁରୁନ୍ ସତ୍ । ୩୮ ତମେ ଜନ୍ତ୍ର ବୁନି ନ ରଇଲାସ୍ ତେଇ କାଟ୍‌ବାକେ ପାଟାଇଆଟି । ବିନ୍ ଲକ୍ମନ୍ କାମ୍‌କଲାଉ ଆରି ତମେ ସେମନ୍ କଲା କାମେଅନି ଲାବ୍ ପାଇଲାସ୍ନି ।”

୩୯ ସେ ସଅରର୍ କେତେକ୍ କେତେକ୍ ସମିରଣିୟମନ୍ ଜିସୁକେ ବିସ୍‌ବାସ୍ କଲାଉ । କାଇକେବଇଲେ, ସେ ମାଉଜି ସେମନ୍‌କେ କଇରଇଲା । ଆଗେ ମୁଇ ଜାଇଜାଇଟା କରିରଇଲି, ସେ ସବୁ କାତା ସେ ମକେ କଇଦେଲା । ୪୦ ଆରି ସମିରଣିୟ ଲକ୍ମନ୍ ଜିସୁର୍ ଲଗେ ଆସି ତାର୍ ସଙ୍ଗ୍ କେତେ ଦିନ୍ ରଇବାକେ ଗୁଆରି କଲାଉ, ସେଟାର୍‌ପାଇ ସେ ତେଇ ଦୁଇ ଦିନ୍ ରଇଲା ।

୪୧ ଜିସୁର୍ କାତା ସୁନି ତାକେ ବେସି ଲକ୍ମନ୍ ବିସ୍‌ବାସ୍ କଲାଉ । ୪୨ ଲକ୍ମନ୍ ସେ ମାଉଜିକେ କଇଲାଉ, “ତୁଇ କଇଲାକେ ଆମେ ବିସ୍‌ବାସ୍ କରୁନାଇ, ଆମେ ନିଜେ ତାର୍ କାତା ସୁନି କରି ଏ ଆକା ଦୁନିଆର୍ ରକିଆକରୁ ବଲି ବିସ୍‌ବାସ୍ କଲୁ ।”

ଜିସୁ ଗଟେକ୍ ରାଜାର୍ ମୁକିଅ ଲକ୍‌ର୍ ପିଲାକେ ନିମାନ୍ କଲା

୪୩ ଜିସୁ ତେଇ ଦୁଇ ଦିନ୍ ରଇଲା ପତେ ଗାଲିଲି ରାଇଜେ ଗାଲା । ୪୪ \*ଆରି ଗଟେକ୍ ବବିସତ୍‌ବକ୍ତା ନିଜର୍ ଦେସେ ସନ୍‌ମାନ୍ ନ ପାଏ ବଲି ଜିସୁ ଆଗତ୍‌ସେ ତାର୍ ସିସ୍‌ମନ୍‌କେ କଇରଇଲା । ୪୫ \*ସେଟାର୍‌ପାଇ ସେ ଜେତେବେଲା ଗାଲିଲି ଦେସେ କେଟ୍‌ଲା, ସେବେଲା ଲକ୍‌ମନ୍ ଆଲାଦ୍ ସଙ୍ଗ୍ ଡାକିନେଲାଇ । କାଇକେବଇଲେ ଆଗେ ଜିରୁସାଲାମେ ନିସ୍‌ତାର୍ ପରବ୍‌ଟାନେ ସେମନ୍ ସେ କରିରଇବା କାମ୍ ସବୁ ଦେକିରଇଲାଇ ।

୪୬ \*ଜିସୁ ଗାଲିଲିର୍ କାନା ନାଉର୍ ଗତେ ଆରି ତରେକ୍ ଗାଲା । ସେ ଗତେସେ ପାନି ଅଙ୍ଗୁର୍ ରସ୍ କରିରଇଲା । ତେଇ ରମିଅ ସାସନ୍‌କାରିଆର୍ ଗଟେକ୍ ମୁକିଅ ଲକ୍‌ର୍ ପଅ କପର୍‌ନାତ୍‌ମେ ଜର୍ ଅଇରଇଲା । ୪୭ ଜିସୁ ଜିଉଦାଇ ଅନି ଗାଲିଲି ଆଇଲା ଆଟେ ବଲି ସୁନିକରି ଜର୍ ଅଇଲା ପିଲାର୍ ବାବା ତାର୍ ଲଗେ ଗାଲା । ମର୍‌ବା ସମାନ୍ ଅଇରଇବା ପିଲାକେ ନିମାନ୍ କର୍‌ବାକେ କପର୍‌ନାତ୍‌ମେ ଜୁ ବଲି ଜିସୁକେ ଜୁଆର୍ ବିଆର୍ କଲା । ୪୮ ଜିସୁ ତାକେ କଇଲା, “ତମେ କାବା ଅଇଜିବାଟା ଆରି କେବେ ନ ଅଇଲା ପାରା କାମ୍‌ର୍ ଚିନ୍‌ମାନ୍ ନ ଦେକ୍‌ଲେ କେବେ ମିସା ମକେ ବିସ୍‌ବାସ୍ ନ କରାସ୍ ।”

୪୯ ସେ ଲକ୍ ତାକେ କଇଲା, “ଏ ଗୁରୁ, ମର୍ ପିଲା ନ ମର୍‌ବା ଆଗତ୍‌ ତମେ ମର୍ ସଙ୍ଗ୍ ଆସା ।”

୫୦ ଜିସୁ ତାକେ କଇଲା, “ଏବେ ତୁଇ ତର୍ ଗରେ ଜା, ତର୍ ପିଲା ଜିବନ୍ ଅଇଗାଲାବେ ।” ସେ ଲକ୍ ଜିସୁ କଇରଇବା କାତା ବିସ୍‌ବାସ୍ କରି ବାଉଡିଗାଲା । ୫୧ ସେ ଗରେ ଗାଲାବେଲେ ତାର୍ କେତେଟା ଗତି ଦାଙ୍ଗ୍‌ତାମନ୍ ତାକେ ବେଟ୍‌ପାଇକରି, “ତର୍ ପିଲା ନିମାନ୍ ଅଇଲାବେ” ବଲି କଇଲାଇ ।

୫୨ ସେ ଲକ୍ ତାର୍ ଗତିଦାଙ୍ଗ୍‌ତାମନ୍‌କେ ପାଚାର୍‌ଲା, “ପିଲା କେତେବେଲେ ନିମାନ୍ ଅଇଲା ?” ଗତିଦାଙ୍ଗ୍‌ତାମନ୍, “କାଲି ଗଟେ ବେଲେ ନିମାନ୍ ଅଇଲା” ବଲି କଇଲାଇ । ୫୩ ଜିସୁ ଟିକ୍ ସେବେଲାସେ ତର୍ ପିଲା ନିମାନ୍ ଅଇଲାବେ ବଲି କଇରଇଲାଟା ସେ ମୁକିଅ ଲକ୍ ମନେପାକାଇଲା । ସେଟାର୍‌ପାଇ ସେ ଲକ୍ ଆରି ତାର୍ ଗରର୍ ସବୁ ଲକ୍ ଜିସୁକେ ବିସ୍‌ବାସ୍ କଲାଇ ।

୫୪ ଜିସୁ ଜିଉଦାଇ ଅନି ଗାଲିଲି ଦେସେ ଆଇଲା ପତେ ଏଟାସଙ୍ଗ୍ ଦୁଇପାଲି କାବାଅଇଜିବା କାମ୍ କରି ରଇଲାଟା ।



ଜିସୁ ବନ୍ଦ୍‌ଟାନେ ଗଟେକ୍ ରଗିକେ ନିକ କଲା

୧ ତାର୍ ପତେ ଜିଉଦିମନ୍‌ର୍ ଗଟେକ୍ ମୁକିଅ ପରବ୍ ରଇଲା । ସେଟାର୍ ପାଇ ଜିସୁ ଜିରୁସାଲାମ୍ ଗାଲା । ୨ ଜିରୁସାଲାମ୍‌ର୍ ମେଣ୍ଡା ଦୁଆର୍ ଲଗେ ଗଟେକ୍ ବନ୍ଦ୍ ରଇଲା । ସେଟାକେ ଏବ୍‌ରି ବାସାଇ ବେତେସ୍‌ଦା ବଲି କଇବାଇ । ତେଇ ପାଟ୍‌ଟା ମଣ୍ଡପ୍ ରଇଲା । ୩ ସେ ମଣ୍ଡପ୍ ମନର୍‌ଟାନେ କେତେକ୍ କେତେକ୍ ଜର୍‌ଦୁକା ଅଇଲା ଲକ୍‌ମନ୍ ରଇତେ ରଇଲାଇ । ରଗିମନ୍‌ର୍ ବିତ୍‌ରେଅନି କାଣା, ଚଟା, ଆରି କେତେକ୍ ଅଦୁଆ ରଗିମନ୍ ରଇଲାଇ । ୪ କାଇକେବଇଲେ କେତେ କେତେବଲ୍ ପର୍‌ମେସରର୍ ଗଟେକ୍ ଦୁଡ୍ ଆସିକରି ସେ ବନ୍ଦ୍‌ର୍ ପାନି ଅଲ୍‌କା କର୍‌ତେ ରଇଲା । ଆରି ସେ ଅଲ୍‌କା ଅଇଲାପତେ, ଜନ୍ ଲକ୍ ପର୍‌ତୁମ୍ ଜାଇତେ ରଇଲା, ତାକେ କାଇ ରଗ୍ ଅଇରଇଲେ ମିସା ନିମାନ୍ ଅଇଜାଇତେରଇଲା । ୫ ତାକର୍ ବିତ୍‌ରେ ଡିରିସ୍ ଆଟ୍ ବରସ୍ ଜାକ ଡୁଲିରଇବା ଗଟେକ୍ ରଗି ଲକ୍ ରଇଲା । ୬ ତେଇ ଜିସୁ ସେ ରଗି ଡୁଲିରଇବାଟା ଦେକି, ଏ ଲକ୍ ବେସି ବରସ୍ ରଗି ବଲି ଜାନି ତାକେ ପାଚାର୍‌ଲା “ତମେ କାଇ ନିମାନ୍ ଅଇବାକେ ମନ୍ କଲାସିନି କି ?”

୭ ସେ ରଗି ଲକ୍ ଜିସୁକେ କଇଲା, “ଏ ଆଗିଆଁ ପାନି ଅଲ୍‌କା କଲାବେଲେ, ସେ ବନ୍ଦ୍ ବିତ୍‌ରେ ମକେ ନେବାକେ କେ ନାଇ । ଆରି ବନ୍ଦ୍ ବିତ୍‌ରେ ଜିବାକେ ଚେସ୍‌ଟା କଲାବେଲେ ବିନ୍ ଲକ୍ ମର୍ ଆଗତ୍‌ ଉଚିଜିବାଇ ।”

୮ ଜିସୁ ତାକେ କଇଲା, “ଉଚି ଟିଆଅ, ଆରି ତର୍ ଟାଟି ଦାରି ଇଣ୍ଡିଜା ।” ୯ ସେ ଦାପ୍‌ରେ ସେ ଲକ୍ ନିମାନ୍ ଅଇଗାଲା ଆରି ନିଜର୍ ଟାଟି ଦାରିକରି ଇଣ୍ଡିବାର୍ ଦାରଲା । ସେ ଦିନ୍ ବିସ୍‌ରାମ୍‌ବାର୍ ରଇଲା । ୧୦ ସେଟାର୍‌ପାଇ ଜିଉଦି ନେତାମନ୍, ନିମାନ୍ ଅଇଲା ରଗିକେ କଇବାର୍ ଦାରଲାଇ, “ଆଜି ବିସ୍‌ରାମ୍ ଦିନେ, ତୁଇ ଟାଟି ଦାରି ଜିବାଟା ଆମର୍ ନିୟମ୍ ନାଇ ।”

୧୧ ମାତର୍ ସେ ଲକ୍ ସେମନ୍‌କେ କଇଲା, “ଜେ ମକେ ନିମାନ୍ କଲା ସେ ମକେ ତମର୍ ଟାଟିଦାରିକରି ଜା ବଲି କଇଲାଆଟେ ।”

୧୨ ସେମନ୍ ତାକେ ପାଚାର୍‌ଲାଇ, “ଜେ ତକେ ଟାଟି ଦାରି ଜା ବଲି କଇଲା, ସେ ଲକ୍ କେ ?”

୧୩ ମାତର୍ ସେ ନିମାନ୍ ଅଇଲା ଲକ୍ ଜିସୁ କେ ବଲି ଚିନି ନରଇଲା, କାଇକେ ବଇଲେ ସେ ଜାଗାଇ ବେସି ଲକ୍‌ମନ୍ ରଇଲାଇଜେ, ଜିସୁ ତେଇଅନି ବିନେ ପିସ୍‌ଲି ଉଚିଜାଇରଇଲା ।

✧ ୪:୪୪ ୪:୪୪ ମାଡିଉ ୧୩:୫୭; ମାର୍କ ୭:୪; ଲୁକ୍ ୪:୨୪ ✧ ୪:୪୫ ୪:୪୫ ଜଅନ୍ ୨:୨୩ ✧ ୪:୪୬ ୪:୪୬ ଜଅନ୍ ୨:୧-୧୧

୧୪ ତାର ପତେ ଜିସୁ ସେ ନିକ ଅଇଲା ଲକ୍ଷକେ ମନ୍ଦିର ବିତରେ ଦେକିକରି କଇଲା, “ଦେକ୍ ଏବେ ତୁଇ ନିକ ଅଇଜାଇଆରୁସ୍ । ତୁଇ ଆରି ପାପ୍ କାମ୍ କର୍ନାଇ । ନଇଲେ ତକେ ଆରି ଅଦିକ୍ ଦୁକ୍ କସ୍ଟ ଆଇସି ମିସା ।”

୧୫ ତାର ପତେ ସେ ନିକ ଅଇଲା ଲକ୍ ଜିଉଦି ନେତାମନର୍ ଲଗେ ଜାଇକରି, “ଜେ ତାକେ ନିକ କରିରଇଲା, ସେ ଜିସୁ” ବଲି କଇଲା । ୧୬ ଏ ନିମାନ୍ କାମ୍ କଲାଟା, ବିସ୍ରାମ୍ ବାରେ ଅଇରଇଲା ଜେ, ଜିଉଦି ନେତାମନ୍ ଜିସୁକେ ଦୁକ୍ କସ୍ଟ ଦେବାର୍ ବସ୍ଲାଇ । ୧୭ ମାତର୍ ଜିସୁ ସେମନ୍କେ କଇଲା, “ମର୍ବାବା ପର୍ମେସର୍ ସବୁବେଲା କାମ୍ କଲାନ୍, ମୁଇ ମିସା ସେକ୍ତି କାମ୍ କଲିନି ।”

୧୮ ଜିସୁ ଏକ୍ତି କଇରଇଲାଜେ ଜିଉଦି ନେତାମନ୍ ତାକେ ମରାଇବାକେ ଅଦିକ୍ ଚେସ୍ଟା କଲା । କାଇକେ ବଇଲେ ଜିସୁ ବିସ୍ରାମ୍ ବାରର୍ ନିୟମ୍ ମାନେ ନାଇ ବଲି ନାଇ, ମାତର୍ ସେ ପର୍ମେସର୍କେ ମର୍ ବାବା ବଲି କଇ, ନିଜକେ ପର୍ମେସର୍ ସଙ୍ଗ୍ ସମାନ୍ କରି ରଇଲା ।

**ପଅର୍ ଅଦିକାର୍**

୧୯ ଜିସୁ ସେମନ୍କେ କଇଲା, “ମୁଇ ତମ୍କେ ସଡ୍ କଇଲିନି, ପର୍ମେସର୍ ପିଲା ମୁଇ ନିଜେ କାଇଟା ମିସା କରିନାପାରି । ମର୍ ବାବା ଜନ୍ ଜନ୍ଟା ସବୁ କର୍ବାଟା ମୁଇ ଦେକଲିନି ସେଟାସେ ମୁଇ କରିପାରି । କାଇକେ ବଇଲେ ବାବା ଜନ୍ ଜନ୍ଟା ସବୁ କଲାନ୍ ତାର୍ପିଲା ମୁଇ ମିସା ସେଟା ସବୁ ସେକ୍ତିସେ କଲିନି । ୨୦ ବାବା ମକେ ଆଲାଦ୍ କର୍ସି ଆରି ନିଜେ ଜନ୍ଟା କର୍ସି, ସେ ସବୁ ମକେ ଦେକାଇସି । ଆରି ଏବେ ଜାଇଟା ଗଟ୍ଲା ଆଟେ, ତାର୍ତେଇଅନି ଅଦିକ୍ ବଡ୍ ବଡ୍ କାବାଅଇଜିବା କାମ୍ମାନ୍ ମକେ ଦେକାଇସି । ସେଟା ସବୁ ଦେକି ତମେ ସବୁଲକ୍ କାବାଅଇଜାଇସା । ୨୧ ବାବା ପର୍ମେସର୍ ଜେକ୍ତି ମଲାଲକ୍ମନ୍କେ ଜିବନ୍ କରି ଉଟାଇସି, ସମାନ୍ ସେକ୍ତି ମୁଇ ମିସା ତାର୍ ପିଲା ଜାକେ ଜାକେ ମନ୍ କର୍ବି, ସେମନ୍କେ ମଲାତେଇଅନି ଉଟାଇବି । ୨୨ ବାବା ପର୍ମେସର୍ କାକେ ମିସା ତାର୍ ପାପ୍ କାମ୍ଲାଗି ବିଚାର୍ ନ କରେ । ମାତର୍ ସବୁ ଲକ୍ମନ୍ ବିଚାର୍ କର୍ବା ପୁରାପୁରୁନ୍ ଅଦିକାର୍ ତାର୍ ପିଲା ମକେ, ଦେଲା ଆଟେ । ୨୩ ତେବେ ସବୁ ଲକ୍ମନ୍ ବାବାକେ ଜେକ୍ତି ସମ୍ମାନ୍ ଦେଲାଜିନି, ସେକ୍ତିସେ ତାର୍ ପିଲା ମକେ ମିସା ସମ୍ମାନ୍ ଦେବାଇ । ଜଦି ଜନ୍ ଲକ୍ମନ୍ ତାର୍ ପିଲା ମକେ ସମ୍ମାନ୍ ଦେଅଡ୍ ନାଇ, ସେମନ୍ ମକେ ପାଟାଇଲା ବାବାକେ ମିସା ସମ୍ମାନ୍ ଦେଅଡ୍ ନାଇ ।

୨୪ “ମୁଇ ତମ୍କେ ସଡ୍ କଇଲିନି, ଜେ ମର୍ କାତା ସୁନି ମକେ ପାଟାଇଲା ପର୍ମେସର୍କେ ବିସ୍ବାସ୍ କର୍ସି, ସେ ନ ସାର୍ବା ଜିବନ୍ ପାଇସି । ଆରି ସେ ବିଚାର୍ନା କରାଇ ନ ଅଏ । କାଇକେବଇଲେ ସେ ମରନ୍କେ ଜିତି କରି ଜିବନ୍ ପାଇଆଟେ । ୨୫ ମୁଇ ତମ୍କେ ସଡ୍ କଇଲିନି ଏକ୍ତି ଗଟେକ୍ ବେଲା ଆଇଲାନ୍, ସେ ବେଲା ଏବେ କେଟିଆଟେ । ଜେତେବେଲା ମଲା ଲକ୍ମନ୍ ପର୍ମେସର୍ ପିଲା ମର୍ କର୍ସର୍ ସର୍ ସୁନ୍ବାଇ, ସେମନ୍ ଜିବନ୍ ଅଇ ଉଟ୍ବାଇ । ୨୬ ବାବା ଜେକ୍ତିକି ଜିବନ୍ ମୁଲ୍, ସେକ୍ତିସେ ତାର୍ ପିଲା ମୁଇ ମିସା ଜିବନ୍ ମୁଲ୍ । ୨୭ ଆରି ମୁଇ ପର୍ମେସର୍ ଟାନେଅନି ଆଇଲା ନର୍ପିଲା ଅଇଲାର୍ଲାଗି, ସବୁ ଲକ୍ମନ୍କେ ବିଚାର୍ କର୍ବା ଅଦିକାର୍ ସେ ମକେ ଦେଲାଆଟେ । ୨୮ ତମେ ଏଟାର୍ପାଇ କାବା ଉଆନାଇ, ଏକ୍ତି ବେଲା ଆଇଲାନ୍, ମରିକରି ତପିଅଇଲା ସବୁ ଲକ୍ମନ୍ ମର୍ କର୍ସର୍ ସୁନ୍ବାଇ । ୨୯ ଆରି ସେମନ୍ ସମାଦି ଅନି ଆରି ତରେକ୍ ଉଟ୍ବାଇ । କେ କେ ନିକ କାମ୍ କରିଆଟଡ୍, ସେମନ୍ ମଲାଟାନେଅନି ଜିବନ୍ ଅଇକରି ଉଟ୍ବାଇ । କାରାପ୍ କାମ୍ କରୁମନ୍ ମିସା ମଲାଟାନେଅନି ଉଟ୍ବାଇ ଆରି ଦସି ବଲାଅଇବାଇ ।”

**ଜିସୁର୍ ବିସଇର୍ କଇବା ସାକି**

୩୦ ମୁଇ ମର୍ ନିଜର୍ ଅଦିକାରେ କାଇଟା ମିସା କରିନାଇ, ବାବା ମକେ କେକ୍ତି କଇଲା ଆଟେ, ସେକ୍ତିସେ ବିଚାର୍ କର୍ବି । ଆରି ମୁଇ କର୍ବାଟା ଟିକ୍ସେ । କାଇକେବଇଲେ ମୁଇ ନିଜେ ମନ୍କଲାଟା ପୁରାପୁରୁନ୍ କର୍ବାକେ ନାଇ, ମାତର୍ ମକେ ପାଟାଇଲା ପର୍ମେସର୍ ମନ୍କଲାଟା ପୁରାପୁରୁନ୍ କଲିନି । ୩୧ ମର୍ ନିଜର୍ ପାଇ ଜଦି ମୁଇ ସାକି ଦେବି, ସେଟା ସଡ୍ ବଲି ଦାରା ନ ଜାଏ । ୩୨ ମାତର୍ ମର୍ ପାଇ ଆରି ଗଟେକ୍ ଲକ୍ ସାକିଦେଲାନ୍, ଆରି ସେଟା ମୁଇ ଜାନି । ସେ ମର୍ ବିସଇ କାଇଟା ସବୁ କଇଲାନ୍ ସେଟା ସବୁ ସଡ୍ସେ । ୩୩ ☆ତମେ ଜଅନ୍ ଲଗେ କବର୍ ନେଉମନ୍କେ ପାଟାଇ ରଇଲାସ୍, ଆରି ସେ ତମ୍କେ ସଡ୍ ବିସଇ ସାକି ଦେଲାଆଟେ । ୩୪ ମର୍ ବିସଇ କେ ମିସା ସାକି ଦେଅଡ୍ ବଲି ମୁଇ ମନ୍ କରିନାଇ । ଜେକ୍ତିକି ତମେ ପାପେଅନି ରକିଆ ପାଇସା ସେଟାର୍ ପାଇ ମୁଇ ଏ ସବୁ କଇଲିନି । ୩୫ ଜଅନ୍ ଗଟେକ୍ ବଡିପାରା ଲାଗିକରି ଅଲପର୍ ପାଇ ଉଜଲ୍ ଦେଇତେରଇଲା । ଆରି ତମେ ସେ ଉଜଲ୍, ଅଲପ୍ ଦିନର୍ ପାଇ ପାଇକରି ସାର୍ଦା ଅଇରଇଲାସ୍ । ୩୬ ମାତର୍ ମର୍ଲଗେ, ଜଅନ୍ ତେଇଅନି ଅଦିକ୍ ବପୁର୍ ଗଟେକ୍

☆ ୫:୩୩ ୫:୩୩ ଜଅନ୍ ୧:୧୯-୨୭;୩:୨୭-୩୦

ସାକି ଆଚେ । ପରମେସରର୍ ଆଦେସ୍ ଇସାବେ ମୁଇ ଜନ୍ ସବୁ କାମ୍ କଲିନି, ସେଟା ସବୁ ମର୍ ପାଇ ନିକ ସାକି । ସେ ସବୁ କଇଲାନିଜେ, ମକେ ପରମେସର ପାଟାଇଲା ଆଚେ ବଲି ।

୩୭ ✨ଆରି ମକେ ପାଟାଇଲା ବାବା ପରମେସର ମିସା ମର୍ ବିସଇ ସାକି ଦେଲାନି । ତମେ କେବେ ମିସା ତାର କର୍ ସୁନାସ୍ ନାଇ, କି ସେ କେନ୍ତାଟା ଦେକାସ୍ ନାଇ । ୩୮ ଆରି ତାର କାତା ତମର୍ ମନବିତ୍ତରେ ରଏନାଇ । କାଇକେବଇଲେ ସେ ଜାକେ ପାଟାଇଲା ଆଚେ ତାକେ ତମେ ବିସ୍ବାସ୍ କରାସ୍ ନାଇ । ୩୯ ତମେ ଜତନ୍ସଇଁ ସାସ୍ତର୍ମନ୍ ପଡି କଜ୍ଲାସ୍ନି । ତେଇଅନି ନ ସାର୍ବା ଜିବନ୍ ପାଇଅଇସି ବଲି ସେ ସବୁ ପଡ୍ଲାସ୍ନି । ସେ ସବୁ ସାସ୍ତର୍ ମର୍ ବିସଇସେ ସାକି ଦେଲାନି । ୪୦ ଏଲେମିସା ତମେ ନ ସାର୍ବା ଜିବନ୍ ପାଇବାକେ ମର୍ ଲଗେ ଆଇବାକେ ନିଚ୍ଲାସ୍ନି ।

୪୧ “ମୁଇ ମୁନୁସ୍ ଲକ୍ମନର୍ ଟାନେଅନି ଡାକ୍ପୁଟା କଜି ନାଇ । ୪୨ ମୁଇ ଜାନି, ତମେ କେନ୍ତେ ରକାମର୍ ଲକ୍, ତମର୍ ମନ୍ ବିତ୍ତରେ ପରମେସରକେ ଆଲାଦ୍ କରବାଟା ନାଇ । ୪୩ ମୁଇ ମର୍ ବାବା ପରମେସରର୍ ଅଦିକାର୍ ପାଇ ଆଇଲିଆତି । ମାତର୍ ତମେ ମକେ ନାମାସ୍ ନାଇ । ମାତର୍ ଜେତେବେଲା କେ ମିସା ବିନ୍ ଲକ୍ ନିଜେ ମନକରି ଆଇଲେ ତାକେ ଡାକିନେଲାସ୍ନି । ୪୪ ତମେ ନିଜର୍ ନିଜର୍ ବିତ୍ତରେ ସନ୍ମାନ ପାଇବାକେ ମନକଲାସ୍ନି । ମାତର୍ ପରମେସରର୍ ଆଲାଦ୍ ପାଇବାକେ ମନ୍ କରାସ୍ ନାଇ । ସେନ୍ତେ ବଇଲେ ତମେ କେନ୍ତେ ମକେ ବିସ୍ବାସ୍ କରିପାରାସ୍ ? ୪୫ ମୁଇ ତମର୍ ବିରଦେ ପରମେସରତେଇ ଦସି କରବି ବଲି ତମେ ବାବାନାଇ । ତମେ ଜନ୍ଟା ମସାର୍ ତେଇ ଆସା କରିଆରାସ୍ ସେ ସେ ତମର୍ ବିରଦେ ଦସି କଲାନି । ୪୬ ଜଦି ତମେ ମସାକେ ସତ୍ତ୍ବଲି ବିସ୍ବାସ୍ କଲାସ୍ନି ବଇଲେ ମକେ ମିସା ବିସ୍ବାସ୍ କର୍ତେ ରଇସା । କାଇକେବଇଲେ ମସା ମର୍ ବିସଇସେ ଲେକିଆଚେ । ୪୭ ମାତର୍ ସେ ଜନ୍ଟା ଲେକିଆଚେ, ତେଇ ଜଦି ତମର୍ ବିସ୍ବାସ୍ ନାଇ ବଇଲେ, ମୁଇ ଜନ୍ଟା କଇଲିନି, ସେଟା କେନ୍ତେ ବିସ୍ବାସ୍ କରସା ?”



**ଜିସୁ ପାର୍ ଅଜାର୍ ଲକ୍ମନକେ କୁଆଇଲା**  
(ମାତିଉ ୧୪:୧୩-୨୧; ମାର୍କ ୬:୩୦-୪୪; ଲୁକ୍ ୯:୧୦-୧୭)

୧ ତାର ପଚେ ଜିସୁ ଗାଲିଲି ଗାଡ୍ ସେପାଟେ ସେ ଗାଡ୍କେ ଡିବିରିଆ ଗାଡ୍ ବଲି ମିସା କଇବାଇ, ସେ ଜାଗାଇ ଗାଲା । ୨ ଆରି ବେସି ଲକ୍ମନ ତାର ପଚେ ପଚେ ଗାଲାଇ । କାଇକେ ବଇଲେ ସେ ରଗି ଲକ୍ମନକେ ତାର କାବାଅଇଜିବା ବପୁ ସଙ୍ଗି ନିମାନ୍ କରବାଟା ସେମନ୍ ଦେକି ରଇଲାଇ । ୩ ଜିସୁ ତାର ସିସ୍ମନର୍ ସଙ୍ଗି ଗଟେକ୍ ଡଙ୍ଗର୍ ଉପ୍ରେ ଜାଇ ବସ୍ଲା । ୪ ସେବେଲେ ଜିଉଦି ମନର୍ ନିସ୍ତାର୍ ପରବ୍ କେଟି ଆଇତେରଇଲା । ୫ ତାର ଲଗେ ବେସି ଲକ୍ମନ ଆଇବାଟା ଦେକିକରି ଜିସୁ ପିଲିପ୍ପକେ ପାଟାରଲା, “ଏତେକମାଣ୍ଟୁ ଲକ୍ମନର୍ ପାଇ କନ୍ତିଅନି ଜାଇ କାଦି ଗେନିଆନି ଅଇସି ?” ୬ ମାତର୍ ପିଲିପ୍ପକେ ପରିକା କରବାକେ ଜିସୁ ଏନ୍ତାରି ପାଟାରି ରଇଲା । କାଇକେ ବଇଲେ ଜିସୁ କାଇଟା କରବାକେ ଗାଲାନି ବଲି ସେ ନିଜେ ଜାନିରଇଲା ।

୭ ପିଲିପ୍ ଜିସୁକେ କଇଲା, “ଇତି ରଇଲା ସବୁ ଲକ୍ମନକେ ଦୁଇସ ତେଇ ଅନି ଅଦିକ୍ ରୁପାଟାଙ୍ଗାନ୍ \*ରୁଟି ଗେନ୍ବାକେ ପଡ୍ସି ।” ୮ ତେଇ ଆନ୍ରିୟ ନାଉର୍ ଗଟେକ୍ ସିସ୍ ରଇଲା, ସେ ସିମନ୍ ପିତରର୍ ବାଇ । ସେ କଇଲା, “ଇତି ଗଟେକ୍ ପିଲାଟ୍ ଟାନେ ପାର୍ଟା ରୁଟି ଆରି ଦୁଇଟା ବାଜ୍ଲା ସାନ୍ ମାଟ୍ ଆଚେ । ୯ ମାତର୍ ଏଡକି ଲକ୍ମପାଇ ସେଟା ନ ଅଏ ।”

୧୦ ଜିସୁ ତାର ସିସ୍ମନକେ କଇଲା, “ଲକ୍ମନକେ ଗାଁସ୍ ଉପ୍ରେ ବସାଆ ।” ସେ ପଡିଆଇ ବେସି ଗାଁସ୍ ରଇଲା । ଗାଁସ୍ ଉପ୍ରେ ସବୁଲକ୍ ବସ୍ଲାଇ । ଆରି ତେଇ ଅବ୍କା ମୁନୁସ୍ ପିଲାସେ ପାର୍ ଅଜାର୍ ଲକ୍ ରଇଲାଇ । ୧୧ ଜିସୁ ରୁଟି ଦାରି ପରମେସରକେ ଦନିଅବାଦ୍ ଦେଲା ଆରି ତେଇ ବସିରଇବା ଲକ୍ମନକେ ବାଟାକରି ଦେଲା । ସେନ୍ତେସେ ମାଟ୍ ମିସା ବାଟାକରି ଦେଲା । ତେଇ ସେମନ୍କେ ପେଟ୍ ପୁରତେ କାଇବାକେ ମିଲିଲା । ୧୨ ସବୁ ଲକ୍ମନ ପେଟ୍ ପୁରତେ କାଇଲା ପଚେ, ଜିସୁ ତାର ସିସ୍ମନକେ କଇଲା, “ଅଗଲ୍ଲା ମାଟ୍ ଆରି ରୁଟି ଗଟେକ୍ଟାନେ ଚୁଲିଆଉ, ତେବେ କଣ୍ଟେକ୍ ମିସା ନସ୍ଟ ନ ଅଏ ।” ୧୩ ଲକ୍ମନ କାଇସାରାଇଲା ପଚେ, ସେ ପାର୍ଟା ରୁଟିଅନି ଜେଡକି ଅଗଲ୍ଲା, ସିସ୍ମନ ସେଟା ଚୁଲିଆଇ କରି ବାର୍ଟା ଡାଲାଇ ବର୍ତ୍ତି କଲାଇ । ୧୪ ଜିସୁ କଲା ଏ କାବାଅଇଜିବା କାମ୍ ଦେକିକରି ତେଇ ରଇଲା ଲକ୍ମନ କଇଲାଇ “ଏ ଦୁନିଆଇ ପରମେସରର୍ ଜନ୍ ବବିସତ୍ତ୍ବକ୍ତା ଆଇବାର୍ ରଇଲା, ସତଇସେ ଏ ଆକା ।” ୧୫ ସେଦାପ୍ରେସେ ଲକ୍ମନ ଜିସୁକେ ରାଜା କରାଇବାକେ ତିଆର୍ ଅଇବାଟା ଜାନି, ତେଇଅନି ସେ ଗଟେକ୍ ଲକ୍ ଡଙ୍ଗର୍ ଉପ୍ରେ ଉଟିଗାଲା ।

✨ ୫:୩୭ ୫:୩୭ ମାତିଉ ୩:୧୭; ମାର୍କ ୧:୧୧; ଲୁକ୍ ୩:୨୨ \* ୬:୭ ୬:୭ ରୁପାଟାଙ୍ଗାନ୍ ଗଟେକ୍ ରୁପାଟାଙ୍ଗାନ୍ ମୁଲିଅ ଗଟେକ୍ ଦିନର୍ ଆଜ୍ବି



**ଜିସୁ ପାନି ଉପରେ ଇଣ୍ଡିଲା**  
(ମାତ୍ରି ୧୪:୨୨-୨୭; ମାର୍କ ୨:୪୫-୫୨)

୧୭ ସେ ଦିନେ ସଞ୍ଜ ଅଇଗାଲାକେ ଜିସୁର୍ ସିସ୍ତାନ୍ ତେଇଅନି ଉଡ଼ିକରି ଗାଡେ ଗାଲାଇ । ୧୮ ସିସ୍ତାନ୍ ତଙ୍ଗାଇ ବସି ଗାଡ଼ ସେପାଟେ ରଇଲା କପରନାଉମ୍ ଜାଗାଇ ବାଉଡ଼ବାର ଦାରୁଲାଇ । ସେଡ଼କିବେଲେ ଆନ୍ଦାର୍ ଅଇ ଆଇତେ ରଇଲା । ମାତର୍ ସେ ବେଲା ଜାକ ଜିସୁ ତାକର୍ ଲଗେ ଆସି ନ ରଇଲା । ୧୯ ଆରି ତେଇ ବେସି ବାଉ ପବନ୍ ଅଇବାର ଦାରୁଲାକେ ଗାଡେ ବେସି ବଡ଼ ବଡ଼ ଲଅଡ଼ି ଅଇତେ ରଇଲା । ୨୦ ସେମନ୍ ଚଟୁ ଗାଟି ଗାଟି ପାଁର୍ କି ଚଅ କିଲ୍‌ମିଟର୍ ଗାଲା ପତେ, ଜିସୁ ପାନି ଉପରେ ଇଣ୍ଡି ଇଣ୍ଡି ତଙ୍ଗା ଲଗେ ଆଇବାଟା ଦେକିକରି ସେମନ୍ ବେସି ଡରିଗାଲାଇ । ୨୧ ମାତର୍ ଜିସୁ ସେମନ୍‌କେ କଇଲା, “ତରାନାଇ, ଏଟା ମୁଇସେ ।” ୨୨ ଜିସୁ ଏ କାତା କଇଲା ପତେ, ସିସ୍ତାନ୍ ତାକେ ବେସି ସାର୍‌ଦା ସଙ୍ଗ୍ ତଙ୍ଗାଇ ଚଗାଇଲା । ଆରି ସେମନ୍ ଜନ୍ ଜାଗାଇ ଜାଇତେରଇଲାଇ, ସେ ଜାଗାଇ ଦାପ୍‌ରେ ଜାଇ କେଟ୍‌ଲାଇ ।

**ଲକ୍‌ମନ୍ ଜିସୁକେ କଇଲା**

୨୩ ତାର୍ ଆରକର୍ ଦିନର୍ ସାକାଲେ, ଗାଡ଼ ସେପାଟେ ରଇଲା ଲକ୍‌ମନ୍ ଜାନିପାରୁଲାଇ ଜେ, ତେଇ ଗଟେକ୍‌ସେ ତଙ୍ଗା ରଇଲା । ଆରି ସିସ୍ତାନ୍ ଜିସୁକେ ମିସ୍‌ତେ ଡାକି ନ ନେଇ, ତଙ୍ଗାଇ ବସି ମଜାଗାଡେ ଉଟିଗାଲାଇ ଆତଡ଼ ବଲି । ସେମନ୍ ତାକେ ଚାଡ଼ିକରି ଜାଇରଇଲାଇ । ୨୪ ଜନ୍ ଜାଗାଇ ମାପୁରୁ ଜିସୁ ପାରତନା କରି ଲକ୍‌ମନ୍‌କେ ରୁଟି କାଇବାକେ ଦେଇରଇଲା, ସେ ଜାଗା ଲଗେ ଡିବିରିଆ ଗାଡେଅନି ଆରି କେତେଟା ତଙ୍ଗା ଆସି କେଟ୍‌ଲା । ୨୫ ସେ ଜାଗାଇ ଲକ୍‌ମନ୍ ଜିସୁକେ ଆରି ତାର୍ ସିସ୍ତାନ୍‌କେ ବେଟ୍ ନ ଅଇଲାକେ, ତଙ୍ଗାମନ୍‌କେ ଚଗି ତାକେ କଜି କଜି କପରନାଉମ୍ ଜାଗାବାଟେ ଜିବାକେ ବାରଇଲାଇ ।

**ଜିସୁ ଅଇଲାନି ଜିବନ୍‌କାଦି**

୨୬ ଲକ୍‌ମନ୍ ଜିସୁକେ ଗାଡ଼ ସେପାଟେ ବେଟ୍‌ଅଇକରି ପାଟାରୁଲାଇ, “ଏ ଗୁରୁ ତମେ ଇଡ଼ି କେତେବଲ୍ ଆସି କେଟ୍‌ଲାସ୍ ?” ୨୭ ଜିସୁ ସେମନ୍‌କେ କଇଲା, ମୁଇ ତମ୍‌କେ ସଡ଼ କଇଲିନି, ମୁଇ କରିରଇବା କାବାଅଇଜିବା କାମ୍ ବୁଜିକରି ମକେ କଜାସ୍ ନାଇ । ମାତର୍ ତମେ ପେଟ୍ ପୁରୁତେ ରୁଟି କାଇରଇଲାସ୍ ବଲି ଆସିଆଟାସ୍ । ୨୮ ଜନ୍ କାଦି ନସିଜାଇସି, ସେ କାଦିର୍ ପାଇ ଏତେକ୍ କସଟ୍ କରାନାଇ, ମାତର୍ ଜନ୍‌ଟା ନ ନସେ, ସେଟା ନ ସାର୍‌ବା ଜିବନ୍ ଦେଇସି, ସେଟାର୍ ପାଇ କସଟ୍ କରା । ଏ କାଦି ନପିଲା ମୁଇ ଦେବି । କାଇକେ ବଇଲେ, ସେଟାର୍‌ପାଇ ବାବା ପର୍‌ମେସର୍ ମକେ ଅଦିକାର୍ ଦେଲାଆଟେ ।

୨୯ ସେବେଲେ ଲକ୍‌ମନ୍ ଜିସୁକେ ପାଟାରୁଲାଇ, “ଜନ୍‌ଟା ପର୍‌ମେସର୍ ମନ୍ କଲାନି, ସେଟା ଆମେ କର୍‌ବାର୍ ଆଲେ କାଇଟା କର୍‌ବାର୍ ଆଟେ ?”

୩୦ ଜିସୁ ସେମନ୍‌କେ କଇଲା, “ଜାକେ ପର୍‌ମେସର୍ ପାଟାଇଲା ଆଟେ, ତାକେ ତମେ ବିସ୍‌ବାସ୍ କଲେ ସେଟା କରିପାରାସ୍ ।”

୩୧ ସେବେଲା ସେମନ୍ ଜିସୁକେ ପାଟାରୁଲାଇ, “ଏଡ଼ି ବଇଲେ ଆମେ ଜେଡ଼ି ବିସ୍‌ବାସ୍ କର୍‌ବୁ, ସେଟାର୍ ପାଇ ଆମ୍‌କେ କାଇଆଲେ କାବାଅଇଜିବା କାମ୍ କରି ଦେକାଇପାରୁସ୍ କି ? କ କାଇଟା କରିପାରୁସ୍ ?”

୩୨ ଆରି ସେମନ୍ କଇଲା, “ଆମର୍ ଆନିଦାଦିମନ୍ ମରୁବାଲି ବୁର୍‌ସି ମାନା କାଦି କାଇରଇଲାଇ, ସେଟା ଆମର୍ ଦରମ୍ ସାସ୍‌ତର୍ ଇସାବେ ପର୍‌ମେସର୍ ସେମନ୍‌କେ ସର୍‌ଗେ ଅନି ଦେଇରଇଲା ।”

୩୩ ଜିସୁ ସେମନ୍‌କେ କଇଲା, “ମୁଇ ତମ୍‌କେ ସଡ଼ କଇଲିନି, ଜନ୍‌ଟା ମସା ତମ୍‌କେ ଦେଇରଇଲା, ସେଟା ସର୍‌ଗେଅନି ଆସିରଇଲା କାଦି ନସି । ମାତର୍ ମର୍ ବାବା ତମ୍‌କେ ସର୍‌ଗେଅନି ସଡ଼ କାଦି ଦେଇସି । ୩୪ ପର୍‌ମେସର୍‌କାଦି ଅଇଲାନି ଗଟେକ୍ ଲକ୍ ଜେ କି ନ ସାର୍‌ବା ଜିବନ୍ ଦେବାକେ ସର୍‌ଗେଅନି ଦୁନିଆଇ ଆସିରଇଲା” ବଲି କଇଲା ।

୩୫ ଲକ୍‌ମନ୍ ଜିସୁକେ କଇଲା, “ଆଗିଆଁ ସବୁବେଲେ ଆମ୍‌କେ ଏ କାଦି ଦିଆ ।”

୩୬ ତାର୍ ପତେ ଜିସୁ ସେମନ୍‌କେ କଇଲା, “ମୁଇ ସେ ଜିବନ୍‌କାଦି । ଜନ୍ ଲକ୍ ମର୍ ଲଗେ ଆଇସି, ସେ କେବେ ମିସା ବୁକେ ନ ରଏ । ଆରି କେ ମକେ ବିସ୍‌ବାସ୍ କର୍‌ସି ତାକେ କେବେ ମିସା ସସ୍ ନ ଲାଗେ । ୩୭ ମୁଇ ତମ୍‌କେ କଇଲିନି, ତମେ ମକେ ଦେକିକରି ମିସା ବିସ୍‌ବାସ୍ କରାସ୍‌ନାଇ । ୩୮ ମର୍ ବାବା ପର୍‌ମେସର୍ ଜନ୍ ଲକ୍‌ମନ୍‌କେ ମକେ ଦେଲା ଆଟେ, ସେ ଲକ୍‌ମନ୍ ମର୍ ଲଗେ ଆଇବାଇ । ଆରି ମର୍ ଲଗେ ଆଇବା ଲକ୍‌ମନ୍‌କେ କେବେ ମିସା ନ ବାଉଡ଼ାଇ । ୩୯ କାଇକେବଇଲେ ମୁଇ ନିଜେ ମନ୍ କଲାଟା ପୁରାପୁରୁନ୍ କର୍‌ବାକେ ଆସି ନାଇ, ମାତର୍ ମକେ ପାଟାଇରଇବା ପର୍‌ମେସର୍‌କାଦି ମନ୍‌କଲାଟା ପୁରାପୁରୁନ୍ କର୍‌ବାକେ ସର୍‌ଗେଅନି ଆସିଆଟି । ୪୦ ଜନ୍ ଲକ୍‌ମନ୍‌କେ ସେ ମକେ ଦେଲାଆଟେ, ସେମନ୍‌କେ ବିଡ଼ରେଅନି ମୁଇ ଗଟେକ୍ ଲକ୍‌କେ ମିସା ନ ଆଜାଇ । ସାରାସାରି ଦିନେ ସେ ସବୁ ଲକ୍‌କେ ଆରିତରେକ୍ ଜିବନ୍ କରି ଉଟାଇବି । ଏଟା ଆକା ସେ ମନ୍ କର୍‌ବାଟା । ୪୧ ପର୍‌ମେସର୍‌କାଦି ପିଲା ମୁଇ କେ କେ ମକେ ଦେକ୍‌ବାଇ ଆରି ବିସ୍‌ବାସ୍ କର୍‌ବାଇ, ସେମନ୍ ନ ସାର୍‌ବା ଜିବନ୍ ପାଇବାର୍ ଆଟେ ବଲି ପର୍‌ମେସର୍ ମନ୍ କଲାନି ।

ଆରି ମୁଇ ସେମନ୍‌କେ ସାରାସାରି ଦିନେ ମଲାଟାନେଅନି ଜିବନ୍ ଅଇକରି ଉଟାଇ ଦେବାର୍ ଆଚେ ବଲି ମିସା ପର୍‌ମେସର୍ ମନ୍ କଲାନି” ବଲି କଇଲା ।

୪୧ ଏଟା ସୁନିକରି ଜିଉଦି ନେତାମନ୍ ଜିସୁର୍ ବିରଦେ ସେମନ୍‌ର ବିତ୍‌ରେ ଦଦାପେଲା ଅଇଲାଇ । କାଇକେ ବଇଲେ, ଜିସୁ ମୁଇ ସର୍‌ଗେ ଅନି ଆସିରଇବା କାଦି ବଲି କଇଲାର୍ ପାଇ ସେମନ୍ ଏକ୍ତି ଅଇଲାଇ । ୪୨ ସେମନ୍ କଇଲାଇ “ଏଟା ଜସେପର୍ ପିଲା ଜିସୁ ନଏଁ କି ? ଆମେ ତାର୍ ଆୟା ବାବାକେ ଜାନି ଆତୁ । ସେ କେକ୍ତି ‘ମୁଇ ସର୍‌ଗେଅନି ଆସିଆତି’ ବଲି କଇଲାନି ?”

୪୩ ଜିସୁ ସେମନ୍‌କେ କଇଲା, ତମେ ଦଦାପେଲା ଉଆନାଇ, ଚିମ୍‌ରାଇଅଇ ରୁଆ । ୪୪ ମକେ ପାଟାଇରଇବା ପର୍‌ମେସର୍ ମର୍ ଲଗେ ଡାକି ନ ଆନ୍‌ଲେ, କେ ମିସା ମର୍ ଲଗେ ଆସିନାପାଚତ୍ । ଆରି ଜେ ଜେ ଆଇବାଇ, ସେମନ୍‌କେ ମୁଇ ସାରାସାରି ଦିନେ ମଲାଟାନେଅନି ଜିବନ୍ କରି ଉଟାଇବି । ୪୫ ବବିସତ୍‌ବକ୍‌ତାମନ୍ ଦରମ୍ ସାସତ୍‌ରେ ଲେକିଆଚତ୍, ପର୍‌ମେସର୍‌ଟାନେଅନିସେ ସବୁଲକ୍ ସିକ୍‌ବାଇ । କେ ମିସା ବାବାର୍ କାତା ସୁନି ତାର୍ ସିକିଆ ପାଇସି, ସେ ମର୍‌ଲଗେ ଆଇସି । ୪୬ କେ ମିସା ବାବାକେ ଦେକଡନାଇ । ମୁଇ ପର୍‌ମେସର୍‌ର ଡେଇଅନି ଆସିଆଚେ, ମୁଇସେ ବାବାକେ ଦେକିଆତି । ୪୭ ମୁଇ ତମ୍‌କେ ସତ୍ କଇଲିନି, ଜନ୍ ଲକ୍ ମକେ ବିସ୍‌ବାସ୍ କରସି, ସେ ନ ସାର୍‌ବା ଜିବନ୍ ପାଇସି । ୪୮ ଉଁ, ମୁଇସେ ଜିବନ୍ ଦେବା କାଦି । ୪୯ ତମ୍‌ର ଆନିଦାଦିମନ୍ ମରୁବାଲିରୁଏଁ ମାନା କାଦି କାଇରଇଲାଇ, ଏଲେମିସା ସେମନ୍ ମଲାଇ । ୫୦ ମାତର୍ ଜନ୍ କାଦି ସର୍‌ଗେଅନି ଆଇସି, ସେଟା ଜେ କାଇଲେ ମିସା, ନ ମରତ୍ ।

୫୧ ମୁଇସେ ସର୍‌ଗେଅନି ଆଇଲା ଜିବନ୍ ଦେବା କାଦି । ଏ କାଦି କାଇଲା ଲକ୍‌ମନ୍ ସବୁ ଦିନର୍ ପାଇ ବଠି ରଇବାଇ । ଏ କାଦି ଅଇଲାନି ମର୍ ଗାଗତ୍ । ଏ ଦୁନିଆର୍ ଲକ୍‌ମନ୍ କାଲ୍‌କାଲ୍ ଜୁଗ୍‌ଜୁଗ୍ ବଠି ରଇବାକେ ମର୍‌ଗାଗତ୍ ଦେବି ବଲି କଇଲା ।

୫୨ ଜିସୁ କଇଲା କାତା ସୁନି ଜିଉଦି ନେତାମନ୍ ରିସାଅଇ ଆଉଲିଅଇକରି “ଏ ଲକ୍ କେକ୍ତି ନିଜର୍ ଗାଗତ୍ ଆମ୍‌କେ କାଇବାକେ ଦେଇ ପାଚେ ?” ବଲି ଦଦାପେଲା ଅଇ କଇଲାଇ ।

୫୩ ଜିସୁ ସେମନ୍‌କେ କଇଲା, “ମୁଇ ସତ୍‌କାତା କଇଲିନି, ପର୍‌ମେସର୍ ପାଟାଇ ରଇବା ନର୍‌ପିଲା ମୁଇ, ମର୍ ଗାଗତ୍ ଆରି ବନି ନ କାଇଲେ, ଜିବନ୍ ମିଲାଇ ନାପାରାସ୍ । ୫୪ ମାତର୍ ଜନ୍ ଲକ୍ ମର୍ ଗାଗତ୍ ଆରି ବନି କାଇସି ସେ ନ ସାର୍‌ବା ଜିବନ୍ ପାଇସି । ମୁଇ ସେ ଲକ୍‌କେ ସାରାସାରି ଦିନେ ମଲାଟାନେଅନି ଉଟାଇବି । ୫୫ କାଇକେବଇଲେ, ମର୍ ଗାଗତ୍ ଅଇଲାନି ସତ୍ କାଦି ଆରି ମର୍ ବନି ଅଇଲାନି ସତ୍ ପାନି । ୫୬ ଜନ୍ ଲକ୍ ମର୍ ଗାଗତ୍ ଆରି ବନି କାଇସି, ସେ ମର୍‌ଟାନେ ରଇସି ଆରି ମୁଇ ତାର୍‌ଟାନେ ରଇବି । ୫୭ ଜିବନ୍ ରଇବା ବାବା ମକେ ପାଟାଇଆଚେ, ଆରି ତାର୍‌ଲାଗି ମୁଇ ବଠିଆତି । ସେନ୍ତାରିସେ ଜେ ମକେ କାଇସି, ମର୍‌ଲାଗି ବଠିରଇସି । ୫୮ ଏଟାସେ ସର୍‌ଗେଅନି ଆସିରଇବା କାଦି । ଜନ୍ କାଦି ତମ୍‌ର ଆନିଦାଦିମନ୍ କାଇକରି ପଚେ ମଲାଇ, ଏଟା ସେନ୍ତାରି କାଦି ନଏଁ । ଏ କାଦି ଜେ କାଇସି ସେ କାଲ୍‌କାଲ୍ ଜୁଗ୍‌ଜୁଗ୍ ବଠିରଇସି ।”

୫୯ ଜିସୁ କପର୍‌ନାଉମେ ଜିଉଦିମନ୍‌ର ପାର୍‌ତନା ଗରେ ସିକିଆ ଦେବାବେଲେ ଏ ସବୁ କାତା କଇରଇଲା ।

**ନ ସର୍‌ବା ଜିବନ୍‌ର ବାକିଅ**

୬୦ ଜିସୁର୍ ସିସ୍‌ମନ୍‌ର ବିତ୍‌ରେ ଅନି କେତେକ୍ ଲକ୍ ଏ କାତା ସୁନିକରି କଇଲା, “ଏ ସିକିଆ ମୁଲ୍‌କେ ବୁଜି ନଇଲାନି । ସେଟାର୍‌ପାଇ କେ ଏଟା ନାମ୍‌ସି ?”

୬୧ ଜିସୁକେ ଏ ବିସଇ ନେଇକରି କେ କାଇବଲି ନ କଇରଇଲେ ମିସା, ସିସ୍‌ମନ୍ କୁଆବଲା ଅଇଲାଇନି ବଲି ଜାନିକରି, ସେ ସେମନ୍‌କେ କଇଲା, “ତମେ ଏ କାତା ସୁନି ମନ୍‌ଦୁକ୍ କଲାସ୍‌ନି କି ? ୬୨ ଏକ୍ତି ବଇଲେ, ନର୍‌ପିଲା ମୁଇ ଜନ୍ ଜାଗାଇଅନି ଆସିରଇଲି, ସେ ଜାଗାଇ ଆରି ତରେକ୍ ବାଉଡି ଜିବାଟା ଦେକ୍‌ଲେ ତମେ କାଇଟା ବଲି କଇସା ? ୬୩ ପର୍‌ମେସର୍‌ର ଆଡ୍‌ମାସେ ଜିବନ୍ ଦେଇପାଚେ । ମୁନ୍‌ସର୍ ବପୁ କାଇଟା କରିନାପାଚେ । ପର୍‌ମେସର୍‌ର ଜିବନ୍ ଦେବା ଆଡ୍‌ମା ତମେ ଜେନ୍ତାରିକି ଜାନି ପାର୍‌ସା ? ସେଟାର୍‌ପାଇ ମୁଇ ଏ କାତା କଇଲିଆତି । ୬୪ ମାତର୍ ତମ୍‌ର ବିତ୍‌ରେଅନି କେତେକ୍ ଲକ୍‌ମନ୍ ମକେ ବିସ୍‌ବାସ୍ କରାସ୍ ନାଇ ।” କାଇକେବଇଲେ ବିସ୍‌ବାସ୍ ନ କର୍‌ବା ଲକ୍‌ମନ୍‌କେ ଜିସୁ ଆଗେଅନି ଜାନିରଇଲା । ଆରି ପଚେ ଜନ୍ ଲକ୍ ତାକେ ସତ୍‌ରୁକେ ସର୍‌ପି ଦେଇସି, ତାକେ ମିସା ଜାନି ରଇଲା । ୬୫ ଆରି ଜିସୁ କଇଲା, “ସେଟାର୍ ପାଇସେ ମୁଇ ତମ୍‌କେ କଇଲିନି, ଜଦି ବାବା ନ ପାଟାଇଲେ, କେ ମିସା ମର୍ ଲଗେ ଆସିନାପାଚେ ।”

୬୬ ଜିସୁ ଏ କାତା କଇଲାକେ ତାର୍ ସଙ୍ଗ୍ ଜାଇତେରଇବା ଲକ୍‌ମନ୍‌ତେଇଅନି ବେସିଲକ୍ ତାର୍ ସଙ୍ଗ୍ ଜିବାକେ ମନ୍ ନ କରି ଚାଡି ଉଟିଗାଲାଇ । ୬୭ ସେବେଲେ ଜିସୁ ତାର୍ ବାର୍‌ଟା ସିସ୍‌ମନ୍‌କେ ପାଟାର୍‌ଲା, “ତମେ ମିସା ମକେ ଚାଡିକରି ଉଟିଜିବାକେ ମନ୍ କଲାସ୍‌ନି କି ?” ୬୮ ସିସ୍‌ମନ୍ ପିତର୍ ତାକେ କଇଲା, “ମାପୁର୍ ତମ୍‌କେ ଚାଡି ଆମେ କାର୍‌ଲଗେ ଜିବୁ ? ତମ୍‌ଟାନେତା ନ ସାର୍‌ବା ଜିବନ୍‌ର ବାକିଅ ଆଚେ ।

☆ ୨:୨୮ ୨:୨୮ ମାଡିଉ ୧୭:୧୭; ମାର୍‌କ ୮:୨୯; ଲୁକ୍ ୯:୨୦

୭୯ ତମେତା ପର୍ଯ୍ୟନ୍ତ ଗାନ୍ଧେଶନି ଆଇଲା ସୁକଲ୍ ଲକ୍ ବଲି, ଏବେ ଆମେ ବିସ୍ବାସ୍ କରି ଜାନ୍ଲୁ ।” ୭୦ ଜିସୁ ସେମନ୍‌କେ କଇଲା, “ମୁଇ କାଇ ତମ୍‌କେ ବାର ଲକ୍‌କେ ବାଟି ନାଇ କି ? ଏଲେମିସା ତମର୍ ବିତ୍‌ରେଅନି ଗଟେକ୍ ଲକ୍ ସଇତାନର୍ ।” ୭୧ ଇସକାରିୟତର୍ ପିଲା ଜିଉଦାକେ ଦେକାଇକରି ସେ ଏକ୍ତି କଇରଇଲା । କାଇକେ ବଇଲେ ବାର୍‌ଟା ସିସ୍‌ମନ୍‌ ବିତ୍‌ରେ ଅନି ଜିଉଦା ଗଟେକ୍ ଲକ୍ ଅଇମିସା, ଜିସୁକେ ବିସ୍‌ବାସେ ବିସ୍ ଦେଲାପାରା ସର୍ତ୍ତୁମନ୍‌କେ ସର୍ପି ଦେବାକେ ମନ୍ କର୍ତେ ରଇଲା ।



**ଜିସୁ ଆରି ତାର ବାଇମନ୍**

୧ ତାର ପତେ ଜିସୁ ଗାଲିଲି ବାଟେ ବୁଲ୍‌ବାର୍ ଗାଲା । ସେ ଜିଉଦା ଦେସେ ଜିବାକେ ମନ୍ କରେନାଇ । କାଇକେ ବଇଲେ ଜିଉଦି ନେତାମନ୍ ତାକେ ମରାଇବାକେ ଚେସ୍‌ଟା କର୍ତେ ରଇଲାଟା, ସେ ଜାନି ରଇଲା । ୨ ସେ ବେଲେ ଜିଉଦିମନ୍‌ ଗଟେକ୍ କୁଡିଆ ପରର୍ ଲଗେ କେଟି ରଇଲା । ୩ ସେଟାର୍‌ପାଇ ଜିସୁର୍ ବାଇମନ୍ ତାକେ କଇଲା, “ତୁଇ ଏ ଜାଗା ଚାଡିକରି ଜିଉଦା ଦେସେ ପରର୍ କାଇବାର୍ ଜା, ତେବେ ତୁଇ କର୍‌ବା କାବାଅଇଜିବା କାମ୍‌ମନ୍ ତର୍ ସିସ୍‌ମନ୍ ଦେକି ପାରତ୍ ।” ୪ ଜେ ତାକ୍‌ପୁଟା ବଲି ଜାନାଇ ଅଇବାକେ ମନ୍‌କଲାନି, ସେ ନିଜର୍ କାମ୍ ଲୁଚାଇକରି ନ ସଙ୍ଗ ରଏ । ଜେତେବେଲା ତମେ ଏସବୁ କରିପାରୁଲସନି ବଇଲେ, ଦୁନିଆର୍ ସବୁଲକ୍ ତମ୍‌କେ ଜାନ୍‌ବାଇ । ୫ କାଇକେ ବଇଲେ ଜିସୁର୍ ନିଜର୍ ବାଇମନ୍ ମିସା ତାକେ ବିସ୍‌ବାସ୍ ନ କର୍ତେ ରଇଲା ।

୬ ଜିସୁ ତାର ବାଇମନ୍‌କେ କଇଲା, “ଏବେ ଜାକ ମର୍ ସମାନ୍ ବେଲା ଆସେ ନାଇତା । ମାତର୍ ତମର୍‌ପାଇ ସବୁ ବେଲା ସମାନ୍‌ସେ । ୭ ଏ ଦୁନିଆର୍ ଲକ୍‌ମନ୍ ତମ୍‌କେ ଗିନ୍ ନ କରତ୍, ମାତର୍ ମକେ ଗିନ୍ କର୍‌ବାଇ । କାଇକେ ବଇଲେ ସେମନ୍ କର୍‌ବା କାମ୍‌ମନ୍ କାରାପ୍ ବଲି ମୁଇ ଜାନାଇଲିନି । ୮ ତମେ ପରର୍ କର୍‌ବାକେ ଜାଆ, ମୁଇ ଜାଇ ନାପାରି । କାଇକେ ବଇଲେ ଏବେ ଜାକ ମର୍ ସମାନ୍ ବେଲା ଆସେ ନାଇତା ।” ୯ ଜିସୁ ସେମନ୍‌କେ ଏ ସବୁ କାତା କଇକରି ଗାଲିଲିତେଇସେ ରଇଗାଲା ।

**କୁଡିଆ ପରର୍‌ଟାନେ ଜିସୁ**

୧୦ ତାର ବାଇମନ୍ ପରର୍ ଟାନେ ଗାଲାପତେ, ଜିସୁ ମିସା ତେଇ ଗାଲା । ସେ ସବୁଲକ୍ ଦେକ୍‌ଲାପାରା ନ ଜାଇକରି ଲୁଚ୍‌ତେ ଗାଲା । ୧୧ ତେବେ ପରର୍‌ତେଇ ଜିଉଦି ନେତାମନ୍, “ଜିସୁ କକ୍ତି ଆତେ ?” ବଲି ପାଟାରି ପାଟାରି କଇଲା ।

୧୨ ତେଇ ରଇଲା ବେସି ଲକ୍‌ମନ୍ ନିଜର୍ ନିଜର୍ ବିତ୍‌ରେ ଜିସୁର୍ ବିସଇ କାତା ଅଇତେ ରଇଲା । କେତେ ଲକ୍ ଜିସୁ ବେସି ନିକ ଲକ୍, ବଲି କଇତେ ରଇଲା ମାତର୍ ଆରି ଅଦେକ୍ ଲକ୍‌ମନ୍ ତାକେ ନାଇ, ସେ ଲକ୍‌ମନ୍‌କେ ବୁଲ୍ ସିକିଆ ଦେଲାନି, ବଲି କଇତେ ରଇଲା । ୧୩ ମାତର୍ ଜିଉଦି ନେତାମନ୍‌କେ ଡରିକରି କେ ମିସା ଜିସୁର୍ ବିସଇ ସବୁଲକ୍ ଜାନ୍‌ତେ ସବୁର୍ ମୁଆଁଟେ କଅଡ୍ ନାଇ ।

୧୪ ଆରି ପରର୍ ଅଦାଅଦି ସାରିଗାଲା ପତେ, ଜିସୁ ମନ୍‌ର ବିତ୍‌ରେ ଜାଇକରି ଲକ୍‌ମନ୍‌କେ ସିକିଆ ଦେବାର୍ ଦାରଲା । ୧୫ ତେଇ ଜିଉଦି ନେତାମନ୍ କାବାଅଇଜାଇ କରି କଇଲା, “ଏ ଲକ୍ ପାଟ୍ ନ ପଡି ମିସା କେକ୍ତି ଏଡକି ବିସଇ ଜାନିଆତେ ?”

୧୬ ଜିସୁ ସେମନ୍‌କେ କଇଲା, “ମୁଇ ସିକାଇଦେବା ଏ ସିକିଆ ମର୍ ନିଜର୍‌ଟାନେ ଅନି ନଏଁ, ମାତର୍ ମକେ ପାଟାଇରଇବା ପର୍ଯ୍ୟନ୍ତ ତେଇଅନି ଆସିଆତେ । ୧୭ ଜେ ଜଦି ପର୍ଯ୍ୟନ୍ତ ମନ୍‌କଲାଟା ପୁରୁନ୍ କର୍‌ବାକେ ମନ୍ କର୍‌ସି ବଇଲେ ସେ ଜାନିପାରସି, ମୁଇ ଦେଇତେରଇବା ସିକିଆ ପର୍ଯ୍ୟନ୍ତ ଟାନେ ଅନି ଆଇଲାନି କି ସେଟା ମର୍ ନିଜର୍ ବପୁର୍ ସଙ୍ଗ୍ କଲିନି ବଲି । ୧୮ ଜନ୍ ଲକ୍ ନିଜର୍ ଅଦିକାରେଅନି କାତା କଇସି ସେ ନିଜେ ମଇମା ପାଇ ଅଇବାକେ କଇସି । ମାତର୍ ଜନ୍‌ଲକ୍ ମକେ ପାଟାଇଲା ଲକ୍ ସମ୍‌ମାନ୍ ପାଅ ବଲି ମନ୍ କର୍‌ସି ବଇଲେ, ସେ ମିଚ୍ ନ କଇ ସଡ୍ କାତା କଇସି । ଆରି ତାର୍‌ଟାନେ କାଇ ବୁଲ୍ ବିସଇ ନ ରଏ । ୧୯ ମସା ତମ୍‌କେ ନିୟମ୍ ଦେଲା ଆତେ, ଏଟା ସଡ୍ । ମାତର୍ ତମର୍ ବିତ୍‌ରେ କେ ମିସା ଏ ନିୟମ୍ ମାନାସ୍ ନାଇ । ତମେ କାଇକେ ମକେ ମରାଇବାକେ ଚେସ୍‌ଟା କଲାସନି ?”

୨୦ ଲକ୍‌ମନ୍ ତାକେ କଇଲା, “ତକେ ତୁମା ଦାରଲା ଆତେ । କେ ତକେ ମରାଇବାକେ ଚେସ୍‌ଟା କଲାନି ?”

୨୧ ଜିସୁ ସେମନ୍‌କେ କଇଲା, “ମୁଇ ଗଟେକ୍ ଚକିଡ୍ ଅଇଜିବା କାମ୍ କଲି, ସେଟା ଦେକି ତମେ କାବା ଅଇଗାଲାସ୍ । ୨୨ ‘ତମର୍ ପିଲାଜିଲାମନ୍‌କେ ସୁନତ୍ କରାଆ’ ବଲି ମସା ଆଦେସ୍ ଦେଇରଇଲା । ଅଇଲେମିସା ମସା ଏ ନିୟମ୍ ଆରାମ୍ କରି ନ ରଇଲା । ତମର୍ ଆନିଦାଦିମନ୍‌ର ବେଲେଅନି ଏଟା ଚଲିଆଇତେରଇଲା ଆରି ତମର୍ ପିଲାମନ୍‌କେ ବିସ୍‌ରାମ୍‌ବାରେ ସୁନତ୍ କରାଇଲାସନି । ୨୩ ☆ଜଦି ବିସ୍‌ରାମ୍‌ବାରେ ଗଟେକ୍ ପିଲାକେ ସୁନତ୍ କରାଇବାକେ ମସାର୍ ନିୟମ୍ ମାନାସ୍ ନାଇ, ମୁଇ ଜଦି

☆ ୭:୨୩ ୭:୨୩ ଜଅନ୍ ୫:୯

ବିସରାମ୍ଭାରେ ଗଟେକ୍ ଲକ୍ଷ୍ମୀଙ୍କୁ ପୁରାପୁରୁନ୍ ନିକ କଲେ, କାଲକେ ରିସା ଅଇଗାଲାସ୍ତନି ? ୨୪ ବାଇରର୍ ବିସଇ ଦେକିକରି କାଲ ବିଚାର କରାନାଇ । ଜନ୍ତା ଟିକ୍, ସେ ଇସାବେ ବିଚାର କରା ।”

**ଜିସୁ କାଲ ମସିଅ କି ?**

୨୫ ଜିରୁସାଲମାମ୍ କେତେକ୍ ଲକ୍ଷ୍ମୀ କଇଲାଲ, “ସେ ଜିଉଦି ନେତାମନ୍ ଜନ୍ ଲକ୍ଷ୍ମୀଙ୍କେ ମରାଇବାକେ ଚେସ୍ତା କଲାଲନି, ଏ କାଲ ସେ ଲକ୍ଷ୍ମୀ ନିର୍ଦ୍ଦୋଷ କି ? ୨୬ ଦେକା, ସବୁଲକ୍ଷ୍ମୀଗାନେ ଏଡକି ସବୁ କଇପାକାଇଲାନି, ମାତର୍ ତାକେ ର ବଲିକରି କେ ମିସା ପଦେକ୍ କଅଡନାଇ । ସତଇସେ ଏ ପର୍ମେସର୍ ପାଟାଇଲା ମସିଅ ବଲି ନେତାମନ୍ ଜାନିଆତଡ କି ? ୨୭ ଜେତେବେଲେ ପର୍ମେସର୍ ପାଟାଇଲା ମସିଅ ଆଇସି, ସେଡକିବେଲେ ସେ କନ୍ତି ଅନି ଆସିଆତେ ବଲି କେ ମିସା ନାଜାନଡ । ମାତର୍ ଏ ଲକ୍ଷ୍ମୀ କନ୍ତିଅନି ଆସିଆତେ, ସେଟା ଆମେ ସବୁ ଜାନ୍ତୁ ।”

୨୮ ଜିସୁ ମନ୍ଦିରେ ସିକିଆ ଦେବାବେଲେ ବେସି ଆଉଲିଅଇ କଇଲା, “ଉଁ ତମେ ମକେ ନିକ ସଙ୍ଗ୍ ଜାନିଆତାସ୍ । ସତଇସେ ମୁଇ କେ ଆରି କନ୍ତିଅନି ଆସିଆତି ଜାନିଆତାସ୍ କି ? ମାତର୍ ମୁଇ ମର୍ ନିଜର୍ ଅଦିକାରେ ଆସିନାଇ, ମକେ ଜେ ପାଟାଇ ଆତେ ସେ ସଡ । ତମେ ତାକେ ନାଜାନାସ୍ । ୨୯ ମାତର୍ ମୁଇ ତାକେ ଜାନି ଆତି । କାଲକେ ବଇଲେ ମୁଇ ତାର୍ତେଇଅନି ଆଇଲି ଆତି ଆରି ସେ ମକେ ପାଟାଇଲା ଆତେ ।”

୩୦ ଜିସୁ ଏ କାତା କଇବାବେଲେ, ସେମନ୍ ସୁନିକରି ତାକେ ଦାର୍ବାକେ ଚେସ୍ତା କଲାଲ । ମାତର୍ କେ ମିସା ଚିଇ ନାପାରଲାଲ । କାଲକେ ବଇଲେ ସେଡକି ବେଲା ଜାକ ତାର୍ ବେଲା କେଟି ନ ରଇଲା । ୩୧ ମାତର୍ ତେଇ ରଇଲା ଲକ୍ଷ୍ମୀମନ୍ ବିଡରେଅନି କେତେକ୍ ଲକ୍ଷ୍ମୀ ଜିସୁଙ୍କେ ବିସ୍ବାସ୍ କରି କଇଲାଲ, “ମସିଅ ଆଇଲେ ଆରଗାନେଅନି ସେ କାଲ ଅଦିକ୍ କାବା ଅଇଜିବା କାମ୍ କର୍ସି କି ? ନାଇ ନ କରେ ।”

**ଜିସୁଙ୍କେ ବନ୍ଦି କର୍ବାକେ ଚେସ୍ତା କଲାଲ**

୩୨ ଲକ୍ଷ୍ମୀମନ୍ ଜିସୁର୍ ବିସଇ ତାକର୍ ବିଡରେ ଏନ୍ତାରି କାତା ଅଇତେ ରଇଲାଟା ପାରୁସି ଦଲର୍ କେତେକ୍ ଲକ୍ଷ୍ମୀମନ୍ ସୁନଲାଲ । ତେବେ ମୁକିଅ ପୁଜାରିମନ୍ ଆରି ପାରୁସି ଲକ୍ଷ୍ମୀମନ୍ ଜିସୁଙ୍କେ ବନ୍ଦି କର୍ବାକେ କେତେଟା ମନ୍ଦିର୍ ଜାଗୁଆଲମନ୍ କେ ପାଟାଇଲାଲ । ୩୩ ପତେ ଜିସୁ କଇଲା, “ମୁଇ ଚନେକ୍ସେ ତମର୍ ସଙ୍ଗ୍ ରଇବି । ତାର୍ ପତେ ମକେ ଜେ ପାଟାଇଲା ଆତେ, ତାର୍ ଲଗେ ବାଉଡି ଜିବି । ୩୪ ତମେ ମକେ କଜ୍ସା, ମାତର୍ ବେଟ୍ ନ ଉଆସ୍ । ଆରି ମୁଇ ଜନ୍ ଜାଗାଇ ରଇବି, ସେ ଜାଗାଇ ତମେ ଆସି ନାପାରାସ୍ ।”

୩୫ ଜିଉଦି ନେତାମନ୍ ନିଜର୍ ନିଜର୍ ବିଡରେ କାତା ଅଇଲାଲ “ଏନ୍ତି ବଇଲେ ଏ ଲକ୍ଷ୍ମୀ କନ୍ତି ଜାଇସିଜେ ଆମେ ତାକେ କଜି ନାପାରୁ । ସେ କାଲ ଗିରିକ୍ ନଅରେ ଜାଇକରି ଏନେ ତେନେ ଅଇରଇବା ଆମର୍ ଲକ୍ଷ୍ମୀମନ୍ କେ ସିକିଆ ଦେଇସି କି ? ୩୬ ସେ କଇଲାନି, ତମେ ମକେ କଜ୍ସା ମାତର୍ ବେଟ୍ ଅଇ ନାପାରାସା ବଲି । ଆରି ଏନ୍ତି ମିସା କଇଲାନି, ‘ମୁଇ ଜନ୍ ଜାଗାଇ ଜିବି, ତେଇ ତମେ ଆସିନାପାରାସ୍’ ବଲି । ଏନ୍ତି ବଇଲେ ସେ କଇବା କାତାର୍ ଅରଡ୍ କାଇଟା ?”

**ଜିବନ୍ ଦେବା ପାନି**

୩୭ ପରବର୍ ସାରାସାରି ଦିନେ, ଜନ୍ତାକି ମୁକିଅ ଦିନେ, ଜିସୁ ଚିଆଅଇ ଆକ୍ମାରି କଇଲା, “ଜିଦି କାକେ ସସ୍ କଲାନି, ସେ ମର୍ ଲଗେ ଆସ । ୩୮ ଜେ ମକେ ବିସ୍ବାସ୍ କର୍ସି, ସେ ଆସି କାଅ । କାଲକେବଇଲେ ପର୍ମେସର୍ ସାସ୍ତରେ ଏନ୍ତି ଲେକା ଆତେ, ଜେ ମର୍ଗାନେ ବିସ୍ବାସ୍ କର୍ସି ତାର୍ ମନ୍ ବିଡରେଅନି ନ ସାରବା ଜିବନ୍ ଦେବା ପାନି ଉର୍ଲି କରି ବାରଇସି ।” ୩୯ ଜିସୁ ଜିବନ୍ ଦେବା ପାନି ବଲି ସୁକଲ୍ ଆଡମାର୍ ବିସଇ କଇତେ ରଇଲା । ତାକେ ବିସ୍ବାସ୍ କର୍ବା ଲକ୍ଷ୍ମୀମନ୍ କେ ପତେ ପର୍ମେସର୍ ଏ ସୁକଲ୍ ଆଡମା ଦେଇସି । ମାତର୍ ଏବେ ଜାକ, କାକେ ଦେଇ ନ ରଇଲାଲ । କାଲକେବଇଲେ ଜିସୁ ସେବେଲା ଜାକ ମଇମାଇ ପୁରାପୁରୁନ୍ ନ ଅଇରଇଲା ।

**ଲକ୍ଷ୍ମୀମନ୍ ବିଡରେ ବାଟ୍ ବିଚାର**

୪୦ ଜିସୁର୍ ଏ କାତା ସୁନିକରି କେତେକ୍ ଲକ୍ଷ୍ମୀ କଇଲାଲ, “ ସଡକାତା, ଏ ଲକ୍ଷ୍ମୀ ଗଟେକ୍ ପର୍ମେସର୍ ଟାନେଅନି ଆସିରଇବା ବବିସଡ୍ ବକ୍ତା !” ୪୧ ଆରି ଅଦେକ୍ ଲକ୍ଷ୍ମୀ କଇଲାଲ, “ସେ ପର୍ମେସର୍ ବାଟି ପାଟାଇଲା ମସିଅ” ବଲି । ଆରି ଅଦେକ୍ ଲକ୍ଷ୍ମୀମନ୍ ପାଟାଇଲାଲ, “ପର୍ମେସର୍ ବାଟି ପାଟାଇଲା ରାଜା ମସିଅ କାଲ ଗାଲିଲି ଦେସେଅନି ନ ଆସେ କି ? ୪୨ ସାସ୍ତରେ ଏନ୍ତି ଲେକା ଅଇଲା ଆତେ, ପର୍ମେସର୍ ବାଟି ପାଟାଇଲା ରାଜା ମସିଅ, ଦାଉଦ୍ ରାଜାର୍ ଜାଗାଇ, ତାର୍ କୁଟୁମେ ବେଡଲିଇମ୍ ଗତେ ଜନମ୍ ଅଇ ଆଇସି । ” ବଲି କଇଲାଲ । ୪୩ ଏନ୍ତି ସେମନ୍ ବିଡରେ ଜିସୁର୍ ବିସଇନେଇ ବାଟ୍ ବାଟ୍ ଅଇଲାଲ । ୪୪ ଆରି ଲକ୍ଷ୍ମୀମନ୍ ବିଡରେଅନି କେତେକ୍ ଲକ୍ଷ୍ମୀ ଜିସୁଙ୍କେ ବାନ୍ଦାଇ ଅ ବଲି ମନ୍ କର୍ତେରଇଲାଲ । ମାତର୍ କେ ମିସା ତାକେ ଦାରି ନାପାରଲାଲ ।

**ଜିଉଦି ନେତାମନ୍**

୪୫ ଜିସୁକେ ବନ୍ଦି କରବାକେ ଜାଇରଇବା ଜାଗୁଆଲ୍‌ମନ୍, ବାଉଡିଆଇଲାକେ ମୁକିଅ ପୁଜାରି ଆରି ପାରୁସିମନ୍ ସେମନ୍‌କେ ପାଚାରଲାଇ, “ତମେ କାଇକେ ଜିସୁକେ ବନ୍ଦି କରି ଆନାସ୍ ନାଇ ?”

୪୬ ଜାଗୁଆଲ୍‌ମନ୍ କଇଲାଇ, “ଏ ଲକ୍ କଇଲା ପାରା କାତା ଆଜିକେଜାକ କେ ମିସା କଅଡ଼ ନାଇ ।”

୪୭ ପାରୁସିମନ୍ ସେମନ୍‌କେ କଇଲାଇ, “ଏଡ଼ି ବଇଲେ ତମକେ ମିସା ସେ ବକୁଆ କରିଦେଲା କି ?”

୪୮ ଆରି ପାଚାରଲାଇ, “ଗଟେକ୍ ନେତା ନଅଇଲେ ଗଟେକ୍ ପାରୁସି ତାକେ ବିସବାସ୍ କରିଆତଡ଼ ବଲି ତମେ ସୁନିଆଚାସ୍ କି ? ୪୯ ମାତର୍ ଏ ଲକ୍‌ମନ୍, ମସାର୍ ନିୟମ୍ ନାଜାନଡ଼ । ତେବର୍ ପାଇ ଏମନ୍ ସବୁ ଅବିସାସ୍ ପାଇରଇବା ଲକ୍ ।”

୫୦ \*ତେଇ ସେ ଦଲେଅନି ନିକଦିମ ନାଉର୍ ଗଟେକ୍ ନେତା ରଇଲା । ସେ ତରେକ୍ ଜିସୁକେ ଦେକ୍‌ବାର୍ ଜାଇରଇଲା । ସେ କଇଲା, ୫୧ “ଆମର୍ ନିୟମ୍ ଇସାବେ ଗଟେକ୍ ଲକ୍‌କେ ଦସି କରବା ଆଗ୍ତୁ ତାର୍ କାତା ସୁନ୍‌ବାକେ ପଡ଼ସି ଆରି କାଇଟା କଲାଆତେ କଜ୍‌ବାକେ ପଡ଼ସି ।”

୫୨ ବିନଲକ୍‌ମନ୍ କଇଲାଇ, “ଏଡ଼ି ବଇଲେ ତୁଇ ମିସା କାଇ ଗଟେକ୍ ଗାଲିଲିର୍ ଲକ୍ କି ? କେ ମିସା ପର୍‌ମେସରର୍ ତେଇଅନି ବବିସଡ଼କାତା କଇବା ଲକ୍ ଗାଲିଲିଅନି ଆସଡ଼ ନାଇ ।”

୫୩ ତାର୍ ପତେ ତେଇ ରଇଲା ଲକ୍‌ମନ୍ ସେ ଜାଗା ଚାଡ଼ିକରି ନିଜର୍ ନିଜର୍ ଗରେ ବାଉଡି ଗାଲାଇ ।

**୮**

**ଗଟେକ୍ ଦାରିଆନି ମାଇଜି**

୧ ଜିସୁ ଜିଡ଼ ନାଉର୍ ଗର୍‌ମନ୍ ରଇଲା ପର୍‌ବତେ ଉଟିଗାଲା । ୨ ତାର୍ ଆରକର୍ ଦିନର୍ ସାକାଲେ ସେ ମନ୍ଦିରେ ବାଉଡି ଆଇଲା ଆରି ତେଇ ସବୁଲକ୍ ତାରଲଗେ ରୁଣ୍ଡୁଲାଇଜେ, ସେ ବସିକରି ସେମନ୍‌କେ ସିକାଇବାର୍ ଦାରଲା ।

୩ ସେଡ଼କିବେଲେ କେତେଟା ସାସ୍‌ତର୍ ସିକାଉମନ୍ ଆରି ପାରୁସିମନ୍, ଗଟେକ୍ ବେସିଆନି ମାଇଜିକେ ବେସିଆ କାମ୍ କରବାବେଲେ ଦାରିକରି ଜିସୁର୍ ଲଗେ ଆନ୍‌ଲାଇ । ତାକେ ସବୁ ଲକ୍‌ମନ୍ ମୁଆଟେ ଟିଆ କରାଇ ଜିସୁକେ ପାଚାରଲାଇ, ୪ “ଏ ଗୁରୁ, ଏ ମାଇଜିକେ ବେସିଆ କାମ୍ କଲାବେଲେ ଦାରିଆତୁ ।

୫ ଏନ୍ତାରି ମାଇଜିକେ ପାକ୍‌ନା ସଙ୍ଗ୍ ମାରି ମରାଆ ବଲି ମସାର୍ ନିୟମେ ଲେକା ଅଇଲା ଆତେ । ଏଡ଼ି ବଇଲେ ତୁଇ କାଇଟା ବଲି କଇଲୁସ୍‌ନି ?”

୬ ସେମନ୍ ଜେକ୍ରିକି ଜିସୁ କଇବା ଉତ୍ତର୍‌ତେଇଅନି ବୁଲ୍ ଦାରି ତାକେ ଦସି କରବାକେ ଏ କାତା କଇଲାଇ । ମାତର୍ ଜିସୁ ଲଇଁ କରି ଆଙ୍ଗଟି ସଙ୍ଗ୍ ବୁର୍ ଲେକ୍‌ବାର୍ ଦାରଲା ।

୭ ମାତର୍ ସେମନ୍ ତାକେ ତର୍‌କେ ତର୍ ପାଚାରିଲାଗି ରଇଲାଇ ଜେ ସେ ଟିଆଅଇ କଇଲା, “ ଇଡି ମୁଲ୍‌କେ ପାପ୍ ନ କଲା ଲକ୍ କେ ଆଚାସ୍ ବଇଲେ ସେ ଆଗ୍ତୁ ଆସିକରି ତାକେ ପାକ୍‌ନା ମାର ।”

୮ ତାର୍‌ପତେ ସେ ଆରି ତରେକ୍ ଲଇଁକରି ବୁର୍ ଲେକ୍‌ବାର୍ ଦାରଲା । ୯ ଜିସୁର୍ ଏ କାତା ସୁନି ମାଇଜିକେ ଆନିରଇବା ସବୁଲକ୍ ସେ ଜାଗାଇଅନି ଗଟେକ୍ ଗଟେକ୍ ଲକ୍ ବାରଇ ଉଟିଗାଲାଇ । ପର୍‌ତୁମ୍ ଡକ୍‌ରାମନ୍ ଗାଲାଇ ।

ତେଇ ସାରାସାରି ଜାକ ଜିସୁ ଆରି ସେ ମାଇଜିସେ ରଇଲାଇ । ୧୦ ଜିସୁ ଟିଆଅଇ ତାକେ ପାଚାରଲା, “ସେ ଲକ୍‌ମନ୍ କେନେ ଗାଲାଇ ? ଇଡି କେ ମିସା ତକେ ଦସ୍ ଦାରବାକେ ନାଇ କି ?”

୧୧ ସେ କଇଲା, “ନାଇ ମାପୁରୁ କେ ମିସା ମକେ ଦସି ବଲି ବିଚାର୍ କରଡ଼ ନାଇ ।” ଜିସୁ ତାକେ କଇଲା, “ମୁଇ ମିସା ତକେ ଦସି ବଲି ବିଚାର୍ ନ କରି । ମାତର୍ ଜା ଆରି ପାପ୍ କର୍ ନାଇ ।”

**ଜିସୁ ଦୁନିଆର୍ ଉଜଲ୍**

୧୨ \*ଜିସୁ ଆରିତରେକ୍ ପାରୁସିମନ୍‌କେ କଇଲା, “ମୁଇସେ ଏ ଦୁନିଆର୍ ଉଜଲ୍ । ଜନ୍ ଲକ୍ ମର୍ ପତେ ପତେ ଆଇସି, ସେ ଜିବନର୍ ଉଜଲ୍ ପାଇସି । ଆରି କେବେ ମିସା ଆନ୍‌ରେ ନ ରଏ ।”

୧୩ \* ପାରୁସିମନ୍ ତାକେ କଇଲାଇ, “ତୁଇ ନିଜେ ନିଜର୍ ବିସଇ ସାକି ଦେଲୁସ୍‌ନି, ସେଟାର୍‌ପାଇ, ତର୍ ସାକି ଦେଲାଟା ସଡ଼ ନଏ ।”

୧୪ ଜିସୁ ସେମନ୍‌କେ କଇଲା, “ନାଇ, ମୁଇ ମର୍ ନିଜର୍ ପାଇ ସାକି ଦେଲେ ମିସା, ମୁଇ ଜନ୍‌ଟା କଇଲିନି ସେଟା ସଡ଼ସେ । କାଇକେ ବଇଲେ ମୁଇ କକ୍ରିଅନି ଆଇଲି ଆଡି ଆରି କକ୍ରି ଗାଲିନି, ସେଟା ମୁଇସେ ଜାନି ।

ମାତର୍ ମୁଇ କକ୍ରିଅନି ଆଇଲିଆଡି ଆରି କକ୍ରି ଜିବି, ସେଟା ତମେ ନାଜାନାସ୍ । ୧୫ ଆରି ତମେ ମକେ ଲକ୍‌ମନର୍ ଇସାବେ ବିଚାର୍ କଲାସ୍‌ନି । ମାତର୍ ମୁଇ କାକେ ବିଚାର୍ ନ କରି । ୧୬ ଜିଡି ମୁଇ ବିଚାର୍ କର୍‌ଡି ବଇଲେ ମର୍ ବିଚାର୍ ପୁରାପୁରୁନ୍ ଟିକ୍ ଅଇତା ।

କାଇକେ ବଇଲେ ମୁଇ ଗଟେକ୍ ଲକ୍ ନାଇ, ମାତର୍ ମକେ ପାଟାଇରଇବା ମର୍ ବାବା ମିସା ମର୍ ସଙ୍ଗ୍ ମିସ୍‌ତେ ଆତେ । ୧୭ କାଇଆଲେ ଗର୍‌ନାର୍ ବିସଇ ରଇଲେ, ତୁଇ ଲକ୍‌ର୍ ସାକି ସମାନ୍ ଅଇଲାନି ବଇଲେ, ସେମନ୍ କଇଲା କାତା ସଡ଼ସେ । ତମର୍

\* ୭:୫୦ ୭:୫୦ କଥା ୩:୧,୨ \* ୮:୧୭ ୮:୧୭ ମାଡିଉ ୫:୧୪; କଥା ୯:୫ \* ୮:୧୩ ୮:୧୩ କଥା ୫:୩୧

ଦରମ୍ ସାସ୍ତରେ ଏକ୍ତି ଲେକା ଅଇଲା ଆତେ । ୧୮ ମୁଇ ନିଜେ ନିଜର୍ ବିସଇ ସାକି ଦେଲିନି, ଆରି ମକେ ପାଟାଇଲା ପର୍ମେସର୍ ମିସା ମର୍ ସାକି ଦେଲାନି ।”

୧୯ ଲକ୍ମନ୍ ଜିସୁକେ ପାଟାଇଲା “ତର୍ ବାବା କନ୍ତି ଆତେ ?” ଜିସୁ ସେମନ୍କେ କଇଲା, “ତମେ ମକେ ନାଜାନାସ୍ ଆରି ମର୍ ବାବାକେ ମିସା ନାଜାନାସ୍ । ତମେ ଜଦି ମକେ ଜାନିରଇତାସ୍ ବଇଲେ ମର୍ ବାବାକେ ମିସା ଜାନତାସ୍ ।”

୨୦ ଜିସୁ ମନ୍ଦିରର୍ ଦାନ୍ ସଙ୍ଗଇବା ପେଡିମନ୍ ରଇବା ଆକରାଇ ଏ ସବୁ ବିସଇ ସିକିଆ ଦେଇତେରଇଲା । ଆରି କେ ମିସା ତାକେ ବନ୍ଦି କରି ନାପାଟାଇଲା । କାଇକେବଇଲେ ତାର୍ ବେଲା କେଟି ନ ରଇଲା ।

**ଜିସୁ ତାର୍ ଜିବା ବିସଇ ବବିସତ୍ତକାତା କଇବାଟା**

୨୧ ଜିସୁ ଲକ୍ମନ୍କେ ଆରି ତରେକ୍ କଇଲା, “ମୁଇ ଗାଲିନି ଆରି ତମେ ମକେ କନ୍ୟା । ମାତର୍ ନିଜର୍ ନିଜର୍ ପାପ୍ କେମା ନ କରାଇଅଇ ମର୍ସା । ଆରି ମୁଇ ଜନ୍ ଜାଗାଇ ଜିବି ତମେ ତେଇ ଆସି ନାପାରାସ୍ ।”

୨୨ ଜିସୁ ଏକ୍ତି କଇଲାକେ ଜିଉଦି ନେତାମନ୍ ନିଜର୍ ନିଜର୍ ବିତ୍ତରେ କୁଆବଲା ଅଇଲା, “ସେ କାଇକେ ମୁଇ ଜନ୍ ଜାଗାଇ ଗାଲିନି, ତମେ ତେଇ ଜାଇନାପାରାସ୍ ବଲି କଇଲାନି ? ଜିସୁ କାଇ ନିଜେ ଉଚ୍ଚି ଅଇ ମର୍ବାକେ ମନ୍ କଲାନି କି ?”

୨୩ ଜିସୁ ସେମନ୍କେ କଇଲା, “ତମେ ଏ ଦୁନିଆଅନ୍ନି ଆସିଆଟାସ୍ । ମାତର୍ ମୁଇ ସର୍ଗେଅନ୍ନି ଆସିଆଟି । ତମେ ଏ ଦୁନିଆର୍ ଲକ୍, ମାତର୍ ମୁଇ ଏ ଦୁନିଆର୍ ଲକ୍ ନଇ । ୨୪ ତମେ ନିଜର୍ ନିଜର୍ ପାପ୍ କେମା ନ କରାଇଅଇତେ ମର୍ସା ବଲି ମୁଇ ତମ୍କେ କଇରଇଲି । ନିଜେ ମୁଇ ସେ । ଏଟାକେ ବିସ୍ବାସ୍ ନ କଲେ, ତମେ ନିଜର୍ ପାପେ ସେ ମର୍ସା ।”

୨୫ ଜିଉଦି ନେତାମନ୍ ପାଟାଇଲା, “ତୁଇ କେ ? ଆମକେ କି ?” ଜିସୁ ସେମନ୍କେ କଇଲା, “ଆରାମେ ଅନି ମୁଇ କେ ବଲି କଇଆଇଲିନି । ୨୬ ତମେ ପାପ୍ କରିରଇବାଟା ଆରି ଦସ୍ କରିରଇବା ବିସଇ ମର୍ ଟାନେ ବେସି ଆତେ । କାଇକେବଇଲେ, ଜେ ମକେ ପାଟାଇ ଆତେ, ତାର୍ତେଇ ଅନି ମୁଇ ଜାଇଟା ସୁନି ଆଟି, ସେଟା ସେ ଜାନାଇଲିନି ।”

୨୭ ମାତର୍ ଜିସୁ ତାର୍ ବାବାର୍ ବିସଇ ଏନ୍ତାରି କଇଲାନି ବଲି ସେମନ୍ ମୁଲ୍କେ ବୁଜି ନାପାଟାଇଲା । ୨୮ ସେଟାପାଇ ସେ ସେମନ୍କେ କଇଲା, “ତମେ ନର୍ପିଲା ମକେ କୁର୍ସେ କୁଟି ମାରି ଉଟାଇଲାବେଲେ ଜାନସା, ସେ ନିଜେ ମୁଇ ସେ । ମୁଇ ନିଜର୍ ଅଦିକାରେ କାଇଟା କରି ନାପାରି, ମର୍ ବାବାର୍ ଟାନେଅନି ଜାଇଟା ସିକ୍ଲି ଆଟି, ସେଟାସେ କଇଲିନି, ସେଟା ତମେ ବୁଜ୍ସା । ୨୯ ଜେ ମକେ ପାଟାଇଆତେ, ସେ ମର୍ ସଙ୍ଗ୍ ଆତେ । ସେ ମକେ ଏକ୍ଲା ଚାଡି ଦେଏନାଇ, କାଇକେବଇଲେ ସେ ଜାଇଟା ମନ୍କଲାନି, ମୁଇ ସେଟାସେ କଲିନି ।”

୩୦ ଜିସୁର୍ ଏ ସବୁ କାତା ସୁନି, ବେସି ଲକ୍ମନ୍ ତାକେ ବିସ୍ବାସ୍ କଲା ।

**ସତ୍ ବିସଇ ତମ୍କେ ମୁକ୍ତାଇସି**

୩୧ ଜିସୁ ତାର୍ଟାନେ ବିସ୍ବାସ୍ କରିରଇବା ଜିଉଦି ଲକ୍ମନ୍କେ କଇଲା, “ଜଦି ତମେ ମର୍ ସିକିଆ ମାନିକରି ତବିର୍ ଅଇ ରଇସା, ବଇଲେ ସତଇସେ ମର୍ ସିସ୍ ଅଇସା । ୩୨ ଆରି ତମେ ସତ୍ ବିସଇ ଜାନସା, ସେ ସତ୍ ତମ୍କେ ମୁକ୍ତାଇସି ।”

୩୩ ✱ଜିଉଦି ଲକ୍ମନ୍ ତାକେ କଇଲା, “ଆମେ ଅବ୍ରାଆମର୍ ନାତିତିମନ୍, ଆରି ଆମେ କେବେ ମିସା କାର୍ ଗତିଅଇ ରଉନାଇ, ଏକ୍ତି ବଇଲେ ତମେ କେକ୍ତି ମୁକ୍ତୟା ବଲି କଇଲୁସ୍ନି ? ଏ କାତାର୍ ଅରତ୍ କାଇଟା ?”

୩୪ ଜିସୁ କଇଲା, “ମୁଇ ତମ୍କେ ସତ୍ କାତା କଇଲିନି, ଜେ ପାପ୍ କର୍ସି, ସେ ପାପର୍ ଗତିଦାଙ୍ଗ୍ତା । ୩୫ ଗତିଦାଙ୍ଗ୍ତା ଗଟେକ୍ ଗରେ ସବୁ ଦିନର୍ପାଇ ନ ରଏ । ମାତର୍ ସେ ଗରର୍ ପିଲାସେ ସବୁଦିନର୍ପାଇ ରଇସି । ୩୬ ସେଟାପାଇ ମୁଇ ଜଦି ତମ୍କେ ମୁକ୍ତାଇବି ବଇଲେ, ସତଇସେ ତମେ ମୁକ୍ତୟା । ୩୭ ତମେ ଅବ୍ରାଆମ୍ କୁଟୁମର୍ ଲକ୍ମନ୍ ବଲି ମୁଇ ଜାନିଆଟି, ଅଇଲେ ମିସା ତମର୍ ବିତ୍ତରେଅନି କେତେ ଲକ୍ମନ୍ ମକେ ମରାଇବାକେ ଚେସ୍ଟା କଲାସ୍ନି । କାଇକେ ବଇଲେ ମର୍ ସିକିଆ ତମେ ମାନାସ୍ ନାଇ । ୩୮ ମୁଇ ମର୍ ବାବା ସଙ୍ଗ୍ ରଇଲାବେଲେ ମକେ ସେ ଜାଇଟା ଦେକାଇଆତେ, ସେଟା ତମ୍କେ କଇଲିନି । ମାତର୍ ତମର୍ ବାବା ତମ୍କେ ଜାଇଟା ସିକାଇଆତେ, ସେଟା କଲାସ୍ନି ।”

୩୯ ଜିଉଦି ଲକ୍ମନ୍ ତାକେ କଇଲା, “ଆମର୍ ବାବା ଅବ୍ରାଆମ୍ ।” ଜିସୁ କଇଲା, “ତମେ ଜଦି ସତଇସେ ଅବ୍ରାଆମ୍ ନାତିତିତି ଅଇରଇତାସ୍ ବଇଲେ, ଅବ୍ରାମ୍ କରିରଇଲା କାମ୍ମନ୍ କର୍ତାସ୍ । ୪୦ ପର୍ମେସର୍ ତେଇଅନି ସୁନଲା ସତ୍ କାତା ଚାଡି ମୁଇ ଆରି ତମ୍କେ କାଇଟା କଇନାଇ । ଅଇଲେ ମିସା ତମେ ମକେ ମରାଇବାକେ ଚେସ୍ଟା କଲାସ୍ନି । ମାତର୍ ଅବ୍ରାଆମ୍ ଏନ୍ତାରି କାଇ କାମ୍ କରି ନ ରଇଲା

✱ ୮:୩୩ ୮:୩୩ ମାତିଉ ୩:୯; ଲୁକ୍ ୩:୮

। ୪୧ ତମର ବାବାମନ ଜନ୍ କାମନା କରି ରଇଲା, ତମେ ସେଟା କଲାସନି ।” ମାତର ଜିଉଦିମନ କଇଲା, “ଆମର ବାବା ପର୍ଯ୍ୟେସରସେ । ଆମେସେ ତାର ପିଲାଟକିମନ ।”

୪୨ ଜିସୁ ସେମନକେ କଇଲା, “ଜଦି ପର୍ଯ୍ୟେସର ତମର ବାବା ଅଇରଇଲେ, ତମେ ମକେ ଆଲାଦ୍ କରତାସ । କାଇକେ ବଇଲେ ମୁଇ ପର୍ଯ୍ୟେସର ତେଇଅନି ଆସି ଏବେ ଇତି ଆତି । ମାତର ନିଜର ଅଦିକାରେ ଆସିନାଇ । ସେ ମକେ ଏ ଦୁନିଆଇ ପାଟାଇଲା ଆତେ । ୪୩ ତମେ କାଇକେ ମର କାତା ବୁଜି ନାପାରଲାସନି ? କାଇକେ ବଇଲେ ତମେ ମର ସିକିଆ ସୁନି ତବିରଅଇ ରଇ ନାପାରଲାସନି । ୪୪ ସଇତାନ ଅଇଲାନି ତମର ବାବା । ଆରି ତମେ ସେ କରବା କାରାପ୍ କାମନା କରବାକେ ମନ କଲାସନି । ସେ ଆଗତୁଅନି ଲକ୍ମନକେ ନସଟ କଲାନି, ଆରି ସେ ସଡ଼ ବିସଇ ଗିନ କଲାନି । ତାରତେଇ ସଡ଼ ବିସଇ ନାଇ । ଜେତେବେଲା ସେ ମିର୍ କଇଲାନି, ସେବେଲା ସେ ନିଜର ଗୁନ ତଲନଅନି ସେକ୍ତି କଇଲାନି । କାଇକେ ବଇଲେ ସେ ମିର୍ କଇବା ଲକ୍, ଆରି ମିର୍ କଇବା ଲକ୍ମନର ବାବା । ୪୫ ଏବେ ମୁଇ ସବୁବେଲା ସଡ଼କାତା କଇଲିନି ମିସା ତମେ ମକେ ବିସବାସ୍ କରାସନାଇ । ୪୬ ତମର ବିତ୍ରେ ଅନି କେମିସା ଗଟେକ୍ ଲକ୍ ମୁଇ ପାପ୍ କଲିଆତି ବଲି ମକେ ଦସି କରାଇପାରେ କି ? ଆରି ମୁଇ ଜଦି ସଡ଼କାତା କଇଲିନି ବଇଲେ, ତମେ କାଇଜେ ବିସବାସ୍ କରାସ୍ ନାଇ ? ୪୭ ଜେଡକି ଲକ୍ ପର୍ଯ୍ୟେସରର ଅଇଲା ଆତଡ଼, ସେମନ ପର୍ଯ୍ୟେସରର କାତା ସୁନବାଇ । ଆରି ତମେ ପର୍ଯ୍ୟେସରତେଇଅନି ଆଇଲା ଲକ୍ ନୁଆସ । ସେଟାରପାଇ ତମେ ମର ବାକିଅ ସୁନାସ୍ ନାଇ ।”

**ଜିସୁ ଆରି ଅବ୍ରାଆମ୍**

୪୮ ଜିଉଦିମନ ଜିସୁକେ ପାଚାରଲା, “ତୁଇ ଗଟେକ୍ ସମିରଣିୟ ଲକ୍, ତକେ ଗଟେକ୍ ତୁମା ଦାରଲା ଆତେ ବଲି ଆମେ କଇଲା କାତା ସଡ଼ ନର୍ସ କି ?”

୪୯ ଜିସୁ ସେମନକେ କଇଲା, “ନାଇ ! ମକେ ତୁମା ଦାରେ ନାଇ । ମୁଇ ମର ବାବାକେ ସନମାନ ଦେଲିନି । ମାତର ତମେ ମକେ ନିନ୍ଦାକାତା କଇ ଲାଜ୍ କରାଇଲାସନି । ୫୦ ମୁଇ ନିଜେ ଡାକ୍ପୁଟା ପାଇବାକେ ଚେସଟା କରିନାଇ । ମାତର ଆରି ଗଟେକ୍ ଲକ୍ ମକେ ଡାକ୍ପୁଟା କରାଇବାକେ ମନ କଲାନି । ସେ ଟିକ୍ ବାବେ ବିଚାର କରବା ମାପୁର । ୫୧ ମୁଇ ତମକେ ସଡ଼କାତା କଇଲିନି, ଜେ ମୁଇ ସିକାଇବା କାତା ମାନସି, ସେ କେବେ ମିସା ନ ମରେ ।”

୫୨ ସେମନ ଜିସୁକେ କଇଲା, “ଏବେ ଆମେ ଜାନୁ ତକେ ଗଟେକ୍ ତୁମା ଦାରଲା ଆତେ । ଅବ୍ରାଆମ୍ ଆରି ବବିସଡ଼ବକ୍ତାମନ ମରିଗାଲା ଆତଡ଼, ମାତର ତୁଇ କଇଲୁସନି ଜଦି କେ ମିସା ମର କାତା ମାନସା ବଇଲେ ସେ କେବେ ମିସା ନ ମରେ ବଲି ।” ୫୩ ସେମନ ପାଚାରଲା “ତୁଇକାଇ ଆମର ବାବା ଅବ୍ରାଆମ୍ଟାନେଅନି ବଡ଼ ଲକ୍କି ? ସେମନ ମିସା ମରିଗାଲା ଆତଡ଼ ଆରି ବବିସଡ଼ବକ୍ତାମନ ମିସା ମରିଜାଇଆତଡ଼ । ତୁଇ ନିଜକେ କେ ବଲି ବାବୁଲୁସନି ?”

୫୪ ଜିସୁ ସେମନକେ କଇଲା, “ମୁଇ ଜଦି ନିଜକେ ଡାକ୍ପୁଟା କରବି ବଲି ଚେସଟା କରତି ବଇଲେ, ସେ ଡାକ୍ପୁଟାର କାଇ ମୁଲିଅ ନାଇ । ମର ବାବା ଜାକେ କି ତମେ ତମର ପର୍ଯ୍ୟେସର ବଲି କଇଲାସନି, ସେ ସେ ମକେ ଡାକ୍ପୁଟା କରାଇଲାନି । ୫୫ ତମେ ତାକେ ନାଜାନାସ, ମାତର ମୁଇ ଜାନି । ଜଦି ମୁଇ ତାକେ ନାଜାନି ବଲି କଇବି, ସେନ୍ତାରଆଲେ ମୁଇ ମିସା ତମରପାରା ମିର୍ କଇବା ଲକ୍ ଅଇବି । ମାତର ମୁଇ ତାକେ ଜାନିଆତି ଆରି, ତାର କାତା ମାନଲିନି । ୫୬ ମୁଇ ଆଇବା ଦିନ ଦେକବି ବଲି ତମର ବାବା ଅବ୍ରାଆମ୍, ବେସି ଆସା କରି ସାରଦା ଅଇତେ ରଇଲା । ଆରି ସେ ଦିନକେ ଦେକି କରି ସାରଦା ଅଇଲା” ବଲି କଇଲା ।

୫୭ ତାର ପଟେ ଜିଉଦିମନ ଜିସୁକେ କଇଲା, “ତକେ ପଚାସ୍ ବରସ୍ ମିସା ଅଏ ନାଇତା, ତୁଇ କାଇ ଅବ୍ରାଆମ୍କେ ଦେକି ଆରୁସ୍ କି ?”

୫୮ ଜିସୁ ସେମନକେ କଇଲା, “ମୁଇ ତମକେ ସଡ଼କାତା କଇଲିନି, ଅବ୍ରାଆମ୍ ଜନମ୍ ଅଇବା ଆଗତୁଅନି ମୁଇ ଆତି ।”

୫୯ ଜିସୁ ଏ କାତା କଇବାବେଲେ ସେମନ ତାକେ ମାରବାକେ ପାକ୍ନା ବେଟ୍ଲାଇ, ମାତର ଜିସୁ, ମନ୍ଦିରେ ଅନି ବାରଇ ଲକ୍ମନର ବିତ୍ରେ ପୁରି ଉଟିଗାଲା ।



**ଜିସୁ ଗଟେକ୍ ଜନ୍ମେଅନି କାଣା ରଇଲା ଲକ୍କେ ନିମାନ କଲା**

୧ ଦିନେକ୍ ଜିସୁ ଜିବାବେଲେ ଗଟେକ୍ ଜନ୍ମେଅନି କାଣା ରଇଲା ଲକ୍କେ ଦେକ୍ଲା । ୨ ଆରି ତାର ସିସମନ ତାକେ ପାଚାରଲା, “ଏ ଗୁରୁ କେ ପାପ୍ କଲାଇଜେ ଏ ଲକ୍ କାଣାଅଇ ଜନମ୍ ଅଇଲା ? ସେ ନିଜେ କି ତାର ବାବା ମାଆର୍ ପାପର୍ ଲାଗି ?”

୩ ଜିସୁ କଇଲା, “ତାର୍ କି ତାର୍ ବାବା ମାଆର୍ କାଇ ପାପଦସ୍ ନାଇ । ପର୍ମେସରର୍ ବପୁ ତାର୍ଟାନେ ଜାନାପଡ଼ିସି ବଲି, ସେ କାଣା ଅଇ ଜନମ୍ ଅଇଲା ଆଚେ । ୪ ବେଲ୍ ରଇତେସେ ମକେ ପାଟାଇରଇବା ପର୍ମେସରର୍ କାମ୍ ଆମେ କର୍ବାର୍ ଆଚେ । ଏନ୍ତି ଆନ୍ଦାର୍ ଆଇଲାନି ସେ ବେଲାଇ କେ ମିସା କାଇ କାମ୍ କରି ନାପାରଡ଼ । ୫ ମୁଇ ଜେତେ ଦିନ୍ ଜାକ ଏ ଦୁନିଆଇ ରଇବି ସେଡ଼କି ଦିନ୍ ଜାକ ଏ ଦୁନିଆର୍ ଉଜଲ୍ ।”

୬ ଜିସୁ ଏ କାତା କଇଲା ପଚେ, ମାଟିତେଇ ତୁକି ସେ ତୁକ୍ ସଙ୍ଗ୍ କାଦ ଚକଟ୍ଲା । ଆରି ସେ କାଦ ନେଇକରି କାଣାର୍ ଦୁଇଟା ଆଁକିତେଇ ଲିପିଦେଲା । ୭ ଆରି ତାକେ କଇଲା, “ତୁଇ ଜା ଆରି ସିଲଅ ନାଉଁର୍ ବନ୍ଦେ ଜାଇକରି ମୁ ଦଇ ଆଉ ।” ସିଲଅର୍ ଅରଡ଼ ଅଇଲାନି ପାଟାଇଲାଟା । ତାର୍ ପଚେ ସେ ଲକ୍ ବନ୍ଦେ ଜାଇକରି ମୁ ଦଇଲାଜେ, ଦେକିପାରଲା ଆରି ଆଇଲା ।

୮ କେତେକ୍ ଲକ୍ମନ୍ ଏ ଲକ୍ମକେ ଆଗତୁ ବିକ୍ ମାଙ୍ଗ୍ବାଟା ଦେକି ରଇଲାଇ । ସେଟାର୍ ପାଇ ଏ ଲକ୍ମନ୍ ଆରି କାଣାର୍ ଗର୍ ଲଗର୍ ଲକ୍ମନ୍ ତାକେ ଦେକି କଇଲାଇ, “ଜନ୍ ଲକ୍ମକି ସବୁବେଲା ବସିକରି ବିକ୍ ମାଙ୍ଗ୍ତେ ରଇଲା ସେ କାଇ ଏ ଲକ୍ ନର୍ବ କି ?”

୯ କେତେ ଲକ୍ମନ୍ କଇଲାଇ, “ଉଁ ଏତାଉ ସେ ଲକ୍ସେ ।” ମାତର୍ ଆରି ଅଦେକ୍ ଲକ୍ କଇଲାଇ, “ନାଇ ଏ ସେ ଲକ୍ ନର୍ବ ମାତର୍ ତାର୍ ପାରା ଡିସ୍ଲାନି ।” ମାତର୍ କାଣା କଇଲା, “ମୁଇସେ ଆଗତୁ କାଣା ଅଇରଇଲି ।”

୧୦ ଲକ୍ମନ୍ ତାକେ ପାଟାରଲାଇ, “ଏନ୍ତି ବଇଲେ ତୁଇ କେନ୍ତି ଦେକିପାରଲୁସ୍ନି ?”

୧୧ କାଣା ସେମନ୍କେ କଇଲା, “ଲକ୍ମନ୍ ଜନ୍ ଲକ୍ମକେ ଜିସୁ ବଲି କଇଲାଇନି, ସେ କାଦ କରି ମର୍ ଆଁକିତେଇ ଲିପିଦେଲା । ତାର୍ପଚେ ସେ ମକେ ‘ସିଲଅ ନାଉଁର୍ ବନ୍ଦେ ଜାଇକରି ଦ’ ବଲି କଇଲା । ପଚେ ମୁଇ ଜାଇକରି ବନ୍ଦେ ମୁ ଦଇଲା ଦାପ୍ରେ ଦେକି ପାରଲି ।”

୧୨ ଆରି ଲକ୍ମନ୍ ତାକେ କଇଲାଇ, “ସେ କନ୍ତି ଆଚେ ?” ସେ “ମୁଇ ନାଜାନି” ବଲି କଇଲା ।

**ପାରୁସିମନ୍ ନିକ ଅଇ ରଇବା ବିସଇ ଜାନ୍ବାକେ ଚେସ୍ଟା କଲାଇ**

୧୩ ତାର୍ ପଚେ ଲକ୍ମନ୍ ଆଗେଅନି କାଣା ଅଇରଇଲା ଲକ୍ମକେ ପାରୁସିମନ୍ ଲଗେ ତାକିନେଲାଇ । ୧୪ ଜିସୁ ଜନ୍ ଦିନେ କାଦ ଲିପିକରି ତାର୍ ଆଁକି ନିକ କରିରଇଲା, ସେ ଦିନ୍ ବିସ୍ତରାମ୍ବାର୍ ରଇଲା । ୧୫ ପାରୁସି ଲକ୍ମନ୍ ତାକେ ଆରିତରେକ୍ ପାଟାରଲାଇ, “ତୁଇ କେନ୍ତାର୍ ଦେକିପାରଲୁସ୍ନି ?” ତେଇ ସେ ସେମନ୍କେ କଇଲା, “ଜିସୁ ମର୍ ଆଁକିଟାନେ କାଦ ଲାଗାଇଦେଲା । ପଚେ ମୁଇ ମୁ ଦଇ ଆଇଲି ଆରି ଏବେ ଦେକି ପାରଲିନି ।”

୧୬ କେତେଟା ପାରୁସିମନ୍ କଇଲାଇ, “ଏ ଲକ୍ ପର୍ମେସରର୍ ତେଇଅନି ଆସେ ନାଇ । ସେଟାର୍ ପାଇଁ ସେ ବିସ୍ତରାମ୍ ଦିନର୍ ନିୟମ୍ ମାନେନାଇ ।”

ଆରି ଅଦେକ୍ ଲକ୍ମନ୍ କଇଲାଇ, “ଗଟେକ୍ ପାପି ଲକ୍ କେବେ ମିସା ଏନ୍ତି କାବାଅଇଜିବା କାମ୍ କରିନାପାରେ ।” ଏନ୍ତି ଜିଉଦି ଲକ୍ମନ୍ ଦୁଇ ବାଗ୍ ଅଇଗାଲାଇ ।

୧୭ ସେଟାର୍ ପାଇ ସେମନ୍ ସେ ଲକ୍ମକେ ଆରି ତରେକ୍ ପାଟାରଲାଇ, “ତକେ ଜିସୁ ନିମାନ୍ କଲାଜେ ଦେକି ପାରଲୁସ୍ନି । ଏନ୍ତି ବଇଲେ ତୁଇ ତାକେ କେ ବଲି ବାବ୍ଲୁସ୍ନି ?”

ସେ ଲକ୍ ସେମନ୍କେ କଇଲା, “ସେ ଗଟେକ୍ ବବିସ୍ତବକ୍ତା ।”

୧୮ ଜିଉଦି ନେତାମନ୍ ସେ ନିମାନ୍ ଅଇଲା ଲକ୍ ଆଗତୁ କାଣା ରଇଲା ଜେ ଏବେ ସେ ଦେକିପାରବା ବିସଇ ମୁଲ୍କେ ବିସବାସ୍ କରଡ଼ନାଇ । ପାରୁସିମନ୍ ସେ ଲକ୍ ମାଆ ବାବାକେ ନ ଡାକ୍ବା ଜାକ ମୁଲ୍କେ ବିସବାସ୍ କରଡ଼ନାଇ । ୧୯ ସେମନ୍ ତାର୍ ମାଆ ବାବାକେ ପାଟାରଲାଇ, “ଏଟା ତମର୍ ପିଲା କି ? ସେ ଜନ୍ମେ ଅନି କାଣାଟା ବଲି ତମେ କଇଲାସ୍ନି, ଏନ୍ତି ବଇଲେ ସେ କେନ୍ତି ଦେକିପାରଲାନି ?”

୨୦ ତାର୍ ମାଆ ବାବା କଇଲାଇ, “ଉଁ ଏଟା ଆମର୍ ପିଲା । ସେ ଜନ୍ମେଅନି କାଣା ରଇଲା ବଲି ଆମେ ଜାନି ଆତୁ । ୨୧ ମାତର୍ ଏବେ ସେ କେନ୍ତି ଦେକିପାରଲାନି ଆରି କେ ତାକେ ନିମାନ୍ କଲା ସେଟା ଆମେ ନାଜାନୁ । ସେ ଏବେ ବଡ଼ ଅଇଲା ଆଚେ ତାକେ ପାଟାରା ସେ ନିଜେ କଇସି ।” ୨୨ ତାର୍ ମାଆ ବାବା ଜିଉଦି ନେତାମନ୍କେ ତରି ଏନ୍ତି ବଲି କଇଦେଲାଇ । କାଇକେ ବଇଲେ ଜିସୁକେ ଜଦି ମସିଅ ବଲି କଇସି ବଇଲେ ତାକେ ପର୍ମେସର୍କେ ଉପାସନା କର୍ବା ଗର୍ ବିଡ଼ରେ ଜିବାକେ ନ ଦେଅଡ଼ ବଲି ଆଗତୁସେ କଇରଇଲାଇ । ୨୩ ସେଟାର୍ପାଇ ସେ ମାଆ ବାବା କଇଲାଇ, “ସେ ତ ବଡ଼ ଅଇଲା ଆଚେ, ତାକେ ପାଟାରା ।”

୨୪ ସେମନ୍ ସେ ଲକ୍ମକେ ଆରି ତରେକ୍ ବିଡ଼ରେ ତାକି କରି ପାଟାରଲାଇ, “ପର୍ମେସର୍କେ ରାନ୍ ପାକାଇ କ । ଜିସୁ ଗଟେକ୍ ପାପି ଲକ୍ ବଲି ଆମେ ଜାନୁ ।”

☆ ୯:୫ ୯:୫ ମାଡିଉ ୫:୧୪; କଥନ ୮:୧୨



୨୫ ତାର ପରେ ସେମାନଙ୍କେ ସେ କଇଲା, “ସେ ପାପି ଲକ୍ଷକି ନଏଁ ସେଟା ମୁଇ ଜାନି ନାଇ । ମାତର୍ ମୁଇ ଗଟେକ୍ ବିସଇ ଜାନି ଆତି ସେଟା ଅଇଲାନି, ମୁଇ ଆଗ୍ତୁ କାଣା ରଇଲି, ଏବେ ଦେକି ପାରଲିନି ।”

୨୬ ଜିଉଦି ନେତାମନ୍ ତାକେ ପାଚାରଲାଇ, “ସେ ତକେ କାଇଟା କଲା ? କେନ୍ତୁ ତର୍ ଆକି ପିଟାଇଦେଲା ?”

୨୭ ସେ ସେମାନଙ୍କେ କଇଲା, “ମୁଇ ଆଗ୍ତୁସେ କଇ ସାରାଇଆତି, ମାତର୍ ତମେ ମାନବାକେ ମନ୍ କରାସ୍ ନାଇ । ଏବେ ଆରି ତରେକ୍ କାଇକେ ପାଚାରଲାସ୍ନି ? ତମେ ମିସା କାଇ ତାର୍ ସିସ୍ ଅଇବାକେ ମନ୍କଲାସ୍ନି କି ?”

୨୮ ସେମନ୍ ସାଇପ୍ ଦେଇ କଇଲାଇ, “ତୁଇ କାଇ ତାର୍ ସିସ୍ ଅଇସୁ, ଆମେ ନଉଁ, ଆମେ ମସାର୍ ସିସ୍ମନ୍ । ୨୯ ପର୍ମେସର୍ ମସାର୍ତେଇ କାତା ଅଇରଇଲାଟା ଆମେ ଜାନିଆତୁ, ମାତର୍ ଏ ଲକ୍ କନ୍ତିଅନି ଆଇଲାଆତେ, ସେଟା ନାଜାନୁ ।”

୩୦ ତାର ପରେ ସେ ଲକ୍ ଜିଉଦି ନେତାମନ୍ଙ୍କେ କଇଲା, “ଏଟା ଗଟେକ୍ ବେସି ବଡ଼ କାବାଅଇଜିବା ବିସଇ । ସେ ଲକ୍ ମର୍ ଆକି ନିମାନ୍ କଲାଆତେ, ମାତର୍ ସେ କନ୍ତିଅନି ଆଇଲା ଆତେ, ସେଟା ତମେ ନାଜାନୁ ବଲି କଇଲାସ୍ନି ।” ୩୧ ପାପି ଲକ୍ମନ୍ ପାର୍ତନା ପର୍ମେସର୍ ନ ସୁନେ ବଲି ସବୁ ଲକ୍ମନ୍ ଜାନିଆତଡ଼ । ମାତର୍ ଜନ୍ ଲକ୍ ପର୍ମେସର୍ଙ୍କେ ଜୁଆର୍ କରି ସେ ମନ୍କଲା ଇସାବେ ଚଲାଚଲ୍ତି କଲାନି, ସେ ତାର୍ କାତା ସୁନ୍ସି । ୩୨ ଦୁନିଆ ଆରାମେଅନି, ଜନ୍ମେ ଅନି କାଣା ରଇଲା ଗଟେକ୍ ଲକ୍ଙ୍କେ ଆକି ଡିସାଇବାଟା ଏବେ ଜାକ ମିସା ନ ସୁନିରଇଲାଇ । ୩୩ ଏ ଲକ୍ ଜଦି ପର୍ମେସର୍ ଟାନେଅନି ଆସି ନ ରଇଲେ, କେବେ ମିସା ଏ କାମ୍ କରିନାପାର୍ତା । ୩୪ ସେବେଲା ଜିଉଦି ନେତାମନ୍ କଇଲାଇ, “ତୁଇ ପାପେ ଜନମ୍ ଅଇକରି ପୁରାପୁରୁନ୍ ପାପେ ବୁଡ଼ି ଆରୁସ୍ । ତେଇଅନି ତୁଇ ବାଅଡ଼ । ଆମ୍ଙ୍କେ ସିକାଇଲୁସ୍ନି ?” ଏନ୍ତି କଇକରି ସେମନ୍ ତାକେ ଜିଉଦିମନ୍ ପାର୍ତନା ଗରେଅନି ବାକରାଇଦେଲାଇ ।

**ଆଡ଼ମା ଇସାବେ କାଣା ରଇବାଟା**

୩୫ ଜିସୁ ସେ ଲକ୍ଙ୍କେ ପାର୍ତନା ଗରେ ଅନି ବାର୍ କରାଇ ଦେଲାଟା ସୁନି ଆରିତରେକ୍ ତାକେ ଦେକାଇଅଇ, ପାଚାରଲା, “ତୁଇ ପର୍ମେସର୍ ତେଇଅନି ଆଇଲା ନର୍ପିଲାକେ ବିସବାସ୍ କଲୁସ୍ନି କି ?”

୩୬ ସେ କାଣା ଲକ୍ କଇଲା, “ଏ ଆଗିଆଁ ସେ ଲକ୍ କେ ? ମୁଇ ତାକେ ବିସବାସ୍ କର୍ବି ।”

୩୭ ଜିସୁ ତାକେ କଇଲା, “ତୁଇ ତାକେ ଦେକିଆରୁସ୍, ଆରି ଏବେ ଜନ୍ ଲକ୍ ସଙ୍ଗ୍ କାତା ଅଇଲୁସ୍ନି, ସେ ଆକା ସେ ଲକ୍ ।”

୩୮ ସେବେଲାଇ ସେ କଇଲା, “ମାପୁରୁ ମୁଇ ତକେ ବିସବାସ୍ କଲିନି ।” ଆରି ଜିସୁର୍ ମୁଆଟେ ମାଣ୍ଡିକୁଟା ଦେଇ ଜୁଆର୍ କଲା ।

୩୯ ଜିସୁ କଇଲା, “ମୁଇ ଏ ଦୁନିଆର୍ ଲକ୍ମନ୍ଙ୍କେ ବିଚାର୍ କର୍ବାର୍ ଆସିଆତି । ସେଟାର୍ ପାଇ କାଣା ଲକ୍ମନ୍ ଦେକିପାର୍ବାଇ, ଆରି ଦେକିପାର୍ବା ଲକ୍ମନ୍ କାଣା ଅଇଜିବାଇ ।”

୪୦ ଜିସୁ ଏନ୍ତି କଇବା କାତା, ଲଗେ ରଇଲା କେତେଟା ପାରୁସି ଲକ୍ମନ୍ ସୁନିକରି ତାକେ ପାଚାରଲାଇ, “ଏନ୍ତି ବଇଲେ ଆମ୍ଙ୍କେ କାଇ କାଣା ଲକ୍ମନ୍ ବଲି ବାବ୍ଲୁସ୍ନି କି ?”

୪୧ ଜିସୁ ସେମନ୍ଙ୍କେ କଇଲା, “ତମେ କାଣା ଅଇରଇତାସ୍ ଆଲେ ଦସି ନ ଅଇତାସ୍ । ମାତର୍ ଦେକି ପାରଲୁନି ବଲି କଇଲାସ୍ନିଜେ ଅଦିକ୍ ଦସି ।”

**୧୦**

**ମେଣ୍ଡା ଗଉଡ଼ର୍ କାତା**

୧ ଜିସୁ କଇଲା, “ମୁଇ ତମ୍ଙ୍କେ ସଡ଼ କଇଲିନି, ଜେ ଦୁଆର୍ ବାଟେ ନ ଜାଇ ବିନ୍ବାଟେ ଜାଇ ମେଣ୍ଡାସାଲେ କେଟ୍ସି, ସେ ଚର୍ ଆରି କାଙ୍ଗାର୍ । ୨ ମାତର୍ ଜେ ଦୁଆର୍ ବାଟେ ଜାଇ ମେଣ୍ଡାସାଲେ କେଟ୍ସି, ସେ ମେଣ୍ଡା ରାସିର୍ ଗଉଡ଼ । ୩ ଜାଗୁଆଲ୍ ଦୁଆର୍ ଉଗାଡ଼ି ଦେଇସି ଆରି ନାଉଁ ଦାରି ଡାକ୍ସି । ମେଣ୍ଡାମନ୍ ତାର୍ ଡାକ୍ଲାଟା ସୁନ୍ବାଇ, ଆରି ସେମନ୍ଙ୍କେ ବାକରାଇ ଦାରିଜାଇସି । ୪ ନିଜର୍ ସବୁ ମେଣ୍ଡାମନ୍ଙ୍କେ ବାଇରେ ଆନ୍ବା ବେଲେ, ସେ ଆଗେ ଆଗେ ଇଣ୍ଡି ଆରି ମେଣ୍ଡାମନ୍ ତାର୍ ପରେ ପରେ ଜିବାଇ । କାଇକେବଇଲେ ମେଣ୍ଡାମନ୍ ତାର୍ ଡାକ୍ଲାଟା ଜାନଡ଼ । ୫ ମାତର୍ ମେଣ୍ଡାମନ୍ କେବେ ମିସା ନ ଚିନ୍ଲା ଲକ୍ ପର୍ ପର୍ ନ ଜାଅଡ଼, ତାର୍ଲଗେଅନି ପାଲାଇବାଇ । କାଇକେବଇଲେ ସେମନ୍ ଅଚିନାର୍ ଲକ୍ ଡାକ୍ଲେ ନ ଜାଅଡ଼ ।”

୬ ଜିସୁ ସେମନ୍ଙ୍କେ ଏନ୍ତି ଉଦାଅରଣ୍ ଦେଇ କଇଲା, ମାତର୍ ସେମନ୍ ତାର୍ ଅରଡ଼ କାଇଟା ବଲି ବୁଜି ନାପାର୍ଲାଇ ।

**ଜିସୁ ନିମାନ୍ ମେଣ୍ଡା ଗଉଡ଼**

୭ ସେଟାର୍ ପାଇଁ ଜିସୁ ଆରିତରେକ୍ କଇଲା, “ମୁଇ ତମ୍‌କେ ସତ୍ କଇଲିନି ମୁଇ ମେଣ୍ଟାମନ୍‌ର୍ ତିଆଗତି । ୮ ମର୍ ଆଗତ୍ ଜେତେଲକ୍ ଆସିଆତ୍, ସେମନ୍ ସବୁଲକ୍ ଜାକ ତର୍ ଆରି କାଙ୍ଗାମନ୍, ସେଟାର୍‌ପାଇଁ ମେଣ୍ଟାମନ୍ ତାକର୍ କାତା ମୁଲ୍‌କେ ସୁନ୍‌ତନାଇ । ୯ ମୁଇ ତୁଆର୍, ଜଦି କେ ମିସା ମର୍ ବାଟେ ଆସି କେଟ୍‌ସି ବଇଲେ, ସେ ରକିଆପାଇସି, ଆରି ସେ ବିତ୍‌ରେ ଆରି ବାଇରେ ଜାଇ ଚାରି ପାରସି । ୧୦ ଚର୍, ଚରାଇବାକେ, ମରାଇବାକେ, ଆରି ନାସ୍ କର୍ବାକେସେ ଆଇସି, ମାତର୍ ମୁଇ ଜେନ୍ତିକି ସେମନ୍‌କେ ପୁରାପୁରୁନ୍ ଜିବନ୍ ଦେବାକେ ଆଇଲି ଆତି ।”

୧୧ ମୁଇ ନିମାନ୍ ମେଣ୍ଟା ଚାରାଉ ଗଉଡ୍ । ନିମାନ୍ ଗଉଡ୍ ମେଣ୍ଟାମନ୍‌ର୍ ଲାଗି ନିଜର୍ ଜିବନ୍ ମିସା ଦେଇସି । ୧୨ ଜେ ମେଣ୍ଟା ଚାରାଉ ନ୍ୟୁ, ମାତର୍ ବୁଡି ପାଉ, ମେଣ୍ଟାମନ୍ ତାର୍ ନିଜର୍‌ଟା ନଅଡ୍, ସେଟାର୍‌ପାଇଁ ତୁରକା ଆଇବାଟା ଦେକି ମେଣ୍ଟାମନ୍‌କେ ଚାଡି ପାଲାଇସି । ଆରି ତୁରକା ମେଣ୍ଟାମନ୍‌କେ ଦାରି ତିନ୍ ଚତର୍ କରଦେଇସି । ୧୩ ଜେ ବୁଡି ମିଲବଲି ମେଣ୍ଟା ଚାରାଇସି, ସେ ମେଣ୍ଟାମନ୍‌କେ ଚାଡି ଉଚିଜାଇସି । କାଇକେବଇଲେ ସେ ମେଣ୍ଟାମନ୍‌ର୍ ପାଇ ଚିନ୍ତା ନ କରେ । ୧୪ \*ମୁଇ ନିକ ମେଣ୍ଟା ଚାରାଉ । ବାବା ଜେନ୍ତାରି ମକେ ଜାନେ, ମୁଇ ମିସା ସେନ୍ତି ବାବାକେ ଜାନି, ୧୫ ସେନ୍ତାରିସେ ମୁଇ ମର୍ ନିଜର୍ ମେଣ୍ଟାମନ୍‌କେ ଜାନି । ଆରି ମେଣ୍ଟାମନ୍ ମିସା ମକେ ଜାନଡ୍ । ମୁଇ ସେମନ୍‌ର୍ ଲାଗି ମର୍ ଜିବନ୍ ଦେବାକେ ମିସା ରାଜି । ୧୬ ଏନ୍ତାରି ମର୍ ବିନ୍ ମେଣ୍ଟାମନ୍ ଆତଡ୍ । ସେମନ୍ ଏ ରାସି ଟାନେ ନାଇ, ମକେ ସେମନ୍‌କେ ମିସା ଆନ୍‌ବାକେ ପଡ୍‌ସି । ସେମନ୍ ମୁଇ ଡାକ୍‌ବାଟା ସୁନ୍‌ବାଇ ଆରି ତେଇର୍ ଗଟେକ୍ ରାସି ଅଇ ରଇବାଇ । “

୧୭ “ମର୍ ବାବା ମକେ ଆଲାଦ୍ କଲାନ୍, କାଇକେବଇଲେ ମୁଇ ମର୍ ଜିବନ୍ ଦେବାକେ ମନ୍ କଲିନି । ଆରି ମର୍ ଜିବନ୍ ଦାନ୍ କର୍‌ବି ବଇଲେ ଆରିତରେକ୍ ସେଟା ପାଇବି । ୧୮ ମର୍ ଜିବନ୍ ବିନ୍ ଲକ୍ ନେଇ ନାପାରଡ୍ । ସେଟା ମୁଇ ନିଜେ ମନକରି ଦାନ୍ କର୍‌ବି କି ଆରିତରେକ୍ ଆନ୍‌ବାକେ ମିସା ମର୍ ଅଦିକାର୍ ଆତେ । ମର୍ ବାବା ମକେ ଏ ଅଦିକାର୍ ଦେଇଆତେ ।”

୧୯ ଜିସୁର୍ ଏ ସବୁ କାତାର୍ ଲାଗି ଜିଉଦିମନ୍ ବାଗ୍ ବାଗ୍ ଅଇଗାଲାଇ । ୨୦ ସେମନ୍‌ର୍ ବିତ୍‌ରେ କେତେକ୍ ଲକ୍ କଇବାର୍ ଦାର୍‌ଲାଇ, “ତାକେ ତୁମା ଦାରିଆତେ, ସେ ବାୟାଟା, କାଇକେ ତାର୍ କାତା ସୁନ୍‌ଲାସିନି ?” ୨୧ ମାତର୍ ବିନ୍‌ଲକ୍‌ମନ୍ କଇଲାଇ, “ଏ ସବୁ କାତା ତା ତୁମା ଦାରି ରଇବା ଲକ୍ କଇନାପାରେ । ତୁମା କାଇ କାଣା ଲକ୍‌ର୍ ଆଁକି ନିମାନ୍ କରଦେଇପାରେ କି ?”

**ଜିସୁକେ ନାମଡ୍ ନାଇ**

୨୨ ସେ ବେଲେ ସିଡ୍ ଦିନ୍ ଅଇରଇଲା ଆରି ଜିରୁସାଲାମ୍ ମନ୍ଦିର୍ ତିଆର୍ କଲା ପରର୍ ଅଇତେରଇଲା । ୨୩ ତେଇ ଜିସୁ ମନ୍ଦିରେ ସଲ୍‌ମନ୍‌ର୍ ମଣ୍ଡପେ ବୁଲ୍‌ତେରଇଲା । ୨୪ ତେଇ ଜିଉଦିମନ୍ ତାକେ ଚାରିବେଟ୍‌ତିଅନି ଡାବିଅଇ ପାଚାର୍‌ବାର୍ ଦାର୍‌ଲାଇ, “ଆରି କେତେ ଦିନ୍ ଜାକ ଆମ୍‌କେ ନାଡାଇସୁ ? ତମେ ଜଦି ପର୍‌ମେସର୍ ବାଟି ପାଟାଇଲା ରାଜା ମସିଅ ଅଇରଇଲେ ଆମ୍‌କେ ସତ୍ କାତା କି ।”

୨୫ ଜିସୁ ସେମନ୍‌କେ କଇଲା, “ମୁଇ ତମ୍‌କେ ପର୍‌ତୁମ୍ କଇଆତି, ମାତର୍ ମକେ ବିସ୍‌ବାସ୍ କରାସନାଇ । ମର୍ ବାବାର୍ ଅଦିକାରେ ମୁଇ ଜନ୍ ଜନ୍ କାମ୍‌ମନ୍ କଲିଆତି, ସେ ସବୁଜାକ ମର୍ ବିସଇର୍ ସାକି ଦେଲାନ୍ତି । ୨୬ ମାତର୍ ତମେ ମକେ ବିସ୍‌ବାସ୍ କରାସନାଇ, କାଇକେବଇଲେ ତମେ ମର୍ ମେଣ୍ଟାମନ୍ ନୁଆସ୍ । ୨୭ ମର୍ ସବୁ ମେଣ୍ଟାମନ୍ ମୁଇ ଡାକ୍‌ବାଟା ସୁନ୍‌ବାଇ, ମୁଇ ସେମନ୍‌କେ ଜାନି, ଆରି ସେମନ୍ ମର୍ ପଟେ ପଟେ ଆଇବାଇ । ୨୮ ଆରି ମୁଇ ସେମନ୍‌କେ ନ ସାର୍‌ବା ଜିବନ୍ ଦେବି । ସେମନ୍ କେବେମିସା ନସ୍‌ଟ ନ ଅଅଡ୍ । ସେମନ୍‌କେ ମର୍ ଆତେଅନି କେ ମିସା ଚାଡାଇ ନେଇ ନାପାରଡ୍ । ୨୯ ମର୍ ବାବା ମକେ ଜନ୍‌ଟା ଦେଲାଆତେ, ସେଟା ସବୁର୍‌ଟାନେଅନି ଅଦିକ୍ ମୁଲିଅ । ବାବାର୍ ଆତେଅନି ସେଟା କେ ମିସା ଚାଡାଇ ନେଇ ନାପାରଡ୍ । ୩୦ ବାବା ଆରି ମୁଇ ଗଟେକ୍ ସେ ।”

୩୧ ଏ କାତା ସୁନି ଲକ୍‌ମନ୍ ତାକେ ଆରିତରେକ୍ ମାର୍‌ବାକେ ପାକ୍‌ନା ବେଟ୍‌ଲାଇ । ୩୨ ଜିସୁ ସେମନ୍‌କେ କଇଲା, “ମୁଇ ବାବାର୍ ଆଦେସ୍ ଇସାବେ ତମ୍‌କେ କେତେକ୍ କେତେକ୍ ନିମାନ୍ କାମ୍ ଦେକାଇ ଆତି, ସେ ସବୁ ନିମାନ୍ କାମ୍ ବିତ୍‌ରେଅନି, କନ୍ କାମ୍‌ପାଇ ମକେ ମାର୍‌ବାକେ ପାକ୍‌ନା ବେଟିଆତାସ୍ ?”

୩୩ ସେମନ୍ ତାକେ କଇଲାଇ, “ନିମାନ୍ କାମ୍‌ର୍ ଲାଗି ତକେ ଆମେ ମାର୍‌ବାକେ ପାକ୍‌ନା ବେଟୁନାଇ, ମାତର୍ ପର୍‌ମେସର୍‌କେ ନିନ୍ଦା କଲୁସିନି ବଲିକରି, ଆରି ତୁଇ ମନସ୍ ଅଇକରି ନିଜ୍‌କେ ପର୍‌ମେସର୍ ବଲାଇଅଇବାର୍ ଲାଗି ।”

୩୪ ଜିସୁ ସେମନ୍‌କେ କଇଲା, “ତମ୍‌ର୍ ରିଡିନିଡି ଟାନେ କାଇ ଏଟା ଲେକାନାଇ କି ? ପର୍‌ମେସର୍ କଇଲା ତମେ ପର୍‌ମେସର୍ । ୩୫ ଆମେ ଜାନ୍ ସାସ୍‌ତରର୍ ବାକିଅ ସବୁ ଦିନର୍ ପାଇ ସତ୍ । ପର୍‌ମେସର୍‌ର୍ ବାକିଅ ଜନ୍‌ଲକ୍‌ମନ୍ ଜାନିଆତଡ୍, ସେମନ୍‌କେ ପର୍‌ମେସର୍ ବଲି କୁଆ ଅଇଲାଆତେ । ୩୬ ବାବା ମକେ ବାଟିକରି ଏ ଦୁନିଆଇ ପାଟାଇଆତେ, ସେନ୍ତା ଆଲେ ମୁଇ ନିଜ୍‌କେ ପର୍‌ମେସର୍‌ର୍ ପ ବଲି କଇଲାକେ, ତମେ

\* ୧୦:୧୪ ୧୦:୧୪ ମାଡିଉ ୧୧:୨୭; ଲୁକ୍ ୧୦:୨୨

ମକେ କେନ୍ତ୍ର ପର୍ଯ୍ୟେସର୍‌କେ ନିନ୍ଦା କଲୁସ୍‌ନି ବଲି କଇଲାସ୍‌ନି ? ୩୭ ମୁଇ ଜଦି ମର୍ ବାବାର୍ କାମ୍ ନ କରି, ସେନ୍ତାଆଲେ ମକେ ବିସ୍‌ବାସ୍ କରାନାଇ । ୩୮ ଜଦି ମୁଇ ସେ ମନ୍‌କଲାଟା ପୁରାପୁରୁନ୍ କର୍‌ବି ବଇଲେ, ମକେ ବିସ୍‌ବାସ୍ ନ କଲେମିସା ମୁଇ କର୍‌ବା କାମ୍ ବିସ୍‌ବାସ୍ କରା । ସେଟାର୍ ପାଇ ତମେ ଜାନିପାରାସ୍ ଜେ, ମର୍ ବାବା ପର୍ଯ୍ୟେସର୍ ମର୍ ସଙ୍ଗ୍ ଆଚେ ଆରି ମୁଇ ତାର୍‌ଟାନେ ଆଚି ।”

୩୯ ସେମନ୍ ଆରିତରେକ୍ ଜିସୁକେ ଦାର୍‌ବାକେ ଚେସ୍‌ଟା କଲାଇ, ମାତର୍ ଜିସୁ ସେମନ୍‌କେ ଦାରାଇ ନ ଅଇକରି କସ୍‌ରି ଉଚିଗାଲା ।

୪୦ ✨ତାର୍‌ପଚେ ସେ ଆରିତରେକ୍ ଜର୍‌ଦନ୍ ଗାତର୍ ସେପାଚେ ଉଚିଜାଇକରି ଆଗେ ଜଅନ୍ ଜନ୍ ଜାଗାଇ ହୁବନ୍ ଦେଇ ରଇଲା, ସେ ଜାଗାଇ ଜାଇକରି ରଇଲା । ୪୧ ଆରି ବେସିଲକ୍‌ମନ୍ ତାର୍‌ଲଗେ ଆସିକରି କଇଲାଇ, “ଜଅନ୍ ସିନା କାଇ କାବାଅଇ ଜିବା କାମ୍ କରି ନ ରଇଲା, ମାତର୍ ଏ ଲକ୍‌ର୍ ବିସଇନେଇ ଜଅନ୍ ଜେଡକି କାତା କଇରଇଲା, ସେ ସବୁ ସଡ୍ ଆକା ।” ୪୨ ଆରି ସେ ଜାଗାଇ ବେସି ଲକ୍‌ମନ୍ ଜିସୁକେ ବିସ୍‌ବାସ୍ କଲାଇ ।

## ୧୧

### ଲାଜାର୍‌ର୍ ମରନ୍

୧ ✨ବେଡ୍‌ନିଆ ଗଡେ ଲାଜାର୍ ନାଉର୍ ଗଟେକ୍ ଲକ୍‌କେ ଜର୍ ଅଇରଇଲା । ମରିୟ୍‌ମ୍ ଆରି ତାର୍ ବଇନି ମାର୍‌ତା ସେ ଗାଏଁ ରଇଲାଇ । ୨ ✨ଏ ମରିୟ୍‌ମ୍ ଅଇଲାନ୍, ଜନ୍ ମାଇଜି କି ବେସି ଦାମ୍‌ଦେବା ବାସ୍‌ନା ଚିକନ୍ ଜିସୁର୍ ପାଦେ ରକଇକରି ତାର୍ ଚେଣ୍ଡିସଙ୍ଗ୍ ପୁଟିଦେଇରଇଲା । ତାର୍ ବାଇ ଲାଜାର୍‌କେ ଆକା ଜର୍ ଅଇରଇଲା । ୩ ସେଟାର୍‌ପାଇ ତାର୍ ବଇନିମନ୍ ଜିସୁର୍ ଲଗେ କବର୍ ପାଟାଇଲାଇ, “ମାପୁରୁ ତମେ ଜାକେ ଆଲାଦ୍ କଲାସ୍‌ନି, ସେ ବେସି ଜର୍ ଅଇଲାଆଚେ ।”

୪ ମାତର୍ ଜିସୁ ଏ କାତା ସୁନିକରି କଇଲା, “ଏ ଜର୍ ମର୍‌ବାପାଇ ଅଏ ନାଇ, ମାତର୍ ପର୍ଯ୍ୟେସର୍‌ର୍ ମଇମାର୍ ପାଇ । ସେଟାର୍ ଲାଗି, ତାର୍ ପଅ, ମୁଇ ମିସା ମଇମା ପାଇବି ।”

୫ ଜିସୁ, ମାର୍‌ତା, ତାର୍ ବଇନି ଆରି ଲାଜାର୍‌କେ ବେସି ଆଲାଦ୍ କର୍‌ତେରଇଲା । ୬ ସେଟାର୍‌ପାଇ ଲାଜାର୍ ନିକ ନ ରଇବା କବର୍ ପାଇ ଜିସୁ ଜନ୍ ଜାଗାଇ ରଇଲା, ସେ ଜାଗାଇ ଆରି ଦୁଇଦିନ୍ ରଇଲା । ୭ ତାର୍ ପଚେ ସେ ସିସ୍‌ମନ୍‌କେ କଇଲା, “ଆସା, ଆମେ ଆରିତରେକ୍ ଜିଉଦା ଦେସେ ବାଉଡି ହୁ ।”

୮ ସିସ୍‌ମନ୍ ତାକେ କଇଲାଇ, “ଏ ଗୁରୁ, ତମକେତା କେତେ ଦିନ୍ ଆଗେ, ଲକ୍‌ମନ୍ ପାକ୍‌ନା ସଙ୍ଗ୍ ମାର୍‌ବାକେ ଚେସ୍‌ଟା କର୍‌ତେରଇଲାଇ, ତମେ ଆରିତରେକ୍ ତେଇ ଜିବାକେ ମନ୍ କଲାସ୍‌ନି କି ?”

୯ ଜିସୁ କଇଲା “ଗଟେକ୍ ଦିନେ କାଇ ବାର ଗଁଟା ଉଜଲ୍ ନ ରଏ କି ? ଜନ୍ ଲକ୍‌ମନ୍ ଦିନ୍‌ବେଲାର୍ ଉଜଲେ ରଇବାଇ, ସେମନ୍ ଜଟିଆଇ ନ ଅଅଡ୍, କାଇକେବଇଲେ ସେମନ୍‌କେ ଏ ଜଗତର୍ ଉଜଲ୍ ଡିସ୍‌ସି । ୧୦ ମାତର୍ ରାତିଆ ଇଣ୍ଡଲେ ଜଟିଆଇ ଅଇବାଇ । କାଇକେବଇଲେ ସେମନ୍‌ଟାନେ ଉଜଲ୍ ନ ରଏ ।”

୧୧ ଜିସୁ ଏ ସବୁ କାତା କଇଲା ପଚେ, ସିସ୍‌ମନ୍‌କେ କଇଲା, “ଆମର୍ ସବୁଲକ୍‌ର୍ ମଇତର୍ ଲାଜାର୍ ଏବେ ସଇଆଚେ, ତାକେ ମୁଇ ଉଟାଇବାର୍ ଗାଲିନି ।”

୧୨ ତେଇ ସିସ୍‌ମନ୍ ଜିସୁକେ କଇଲାଇ, “ମାପୁରୁ, ଜଦି ସେ ସଇଲାଆଚେ ବଇଲେ ନିକ ଅଇସି ।” ୧୩ ଜିସୁ ଲାଜାର୍‌ର୍ ମରନ୍ ବିସଇ ନେଇକରି କଇରଇଲା, ମାତର୍ ସିସ୍‌ମନ୍ ଲାଜାର୍‌କେ ଗୁନର୍‌ଲାଗି ସଇଲା ବିସଇ କଇଲାନ୍ ବଲି ବାବ୍‌ଲାଇ । ୧୪ ସେଟାର୍‌ପାଇ ଜିସୁ ସେମନ୍‌କେ ନିକ ସଙ୍ଗ୍ ବୁଜ୍‌ଲା ପାରା କଇଲା, “ଲାଜାର୍ ମରିଗାଲାଆଚେ । ୧୫ ଆରି ମୁଇ ତେଇ ନ ରଇଲି, ସେଟାର୍‌ପାଇ ତମର୍ ସଙ୍ଗ୍ ସାର୍‌ଦା କଲିନି, ଜେନ୍ତାରିକି ତମେ ବିସ୍‌ବାସ୍ କର୍‌ସା । ମାତର୍ ଆସା, ଏବେ ଆମେ ତାକେ ଜାଇ ଦେକୁ ।” ୧୬ ତେଇ ତମା ନାଉର୍ ଜାକେ କି ବିଦୁମ୍ ବଲି କଇବାଇ, ସେ ତାର୍ ସଙ୍ଗ୍‌ର୍ ସିସ୍‌ମନ୍‌କେ କଇଲା, “ହୁ ଆମେ ମିସା ଗୁରୁର୍ ସଙ୍ଗ୍ ଜାଇ ତାର୍‌ସଙ୍ଗ୍ ମରୁ ।”

### ଜିସୁ ଜିବନ୍ ଆରି ମରନେଅନି ଉର୍‌ବା ଲକ୍

୧୭ ଜିସୁ ବେଡ୍‌ନିଆଇ କେଟିକରି ସୁନ୍‌ଲା ଜେ ଲାଜାର୍‌କେ ସମାଦି ଦେଇ ତାର୍‌ଦିନ୍ ଅଇରଇଲା । ୧୮ ଜିରୁସାଲାମ୍ ଅନି ବେଡ୍‌ନିଆ ତିନ୍ କିଲମିଟର୍ ତେଇଅନି ଉନାର୍ ବାଟ୍ । ୧୯ ଆରି ଜିଉଦିମନ୍‌ର୍ ତେଇଅନି କେତେକ୍ କେତେକ୍ ଲକ୍‌ମନ୍ ମାର୍‌ତା ଆରି ମରିୟ୍‌ମ୍ ଲଗେ ତାର୍ ମରିଜାଇରଇବା ବାଇର୍ ବିସଇ ସାଁତାଇବାକେ ଆସିରଇଲାଇ ।

୨୦ ଜିସୁ ଆଇଲାନ୍ ବଲି ସୁନ୍‌ଲା ଦାପ୍‌ରେ ମାର୍‌ତା ତାକେ ବେଟ୍‌ଅଇବାର୍ ଗାଲା । ମାତର୍ ମରିୟ୍‌ମ୍ ଗରେସେ ବସିରଇଲା । ୨୧ ମାର୍‌ତା ଜିସୁକେ କଇଲା, “ମାପୁରୁ ତମେ ଜଦି ଇତି ରଇତାସ୍ ବଇଲେ, ମର୍

✨ ୧୦:୪୦ ୧୦:୪୦ ଜଅନ୍ ୧:୨୮ ✨ ୧୧:୧ ୧୧:୧ ଲୁକ୍ ୧୦:୩୮, ୩୯ ✨ ୧୧:୨ ୧୧:୨ ଜଅନ୍ ୧୨:୩

ବାଇ ନ ମରତା । ୨୭ ମାତର୍, ମୁଇ ଜାନି ଆତି । ଏବେ ମିସା ତମେ ପର୍ମେସରକେ ଜାଇଟା ମାଙ୍ଗଲେ, ସେଟା ଦେଇସି ।”

୨୮ ଜିସୁ ତାକେ କଇଲା, “ତର୍ ବାଇ ଆରି ଜିବନ୍ ଅଇ ଉର୍ସି ।”

୨୪ ମାର୍ତା ଜିସୁକେ କଇଲା, “ସେ ସାରାସାରି ଦିନେ ଆରିତରେକ୍ ଉର୍ସା ବେଲାଇ ଉର୍ସି, ଏଟା ମୁଇ ଜାନି ।”

୨୫ ଜିସୁ ତାକେ କଇଲା, “ମୁଇ ଜିବନ୍ ଆରି ମରିକରି ଆରିତରେକ୍ ଉର୍ସା ଲକ୍ । ଜେ ମକେ ବିସ୍ବାସ୍ କର୍ସି, ସେ ମଲେ ମିସା, ବର୍ସି । ୨୬ ଆରି ଜେ ଜଦି ବର୍ଟି ରଇକରି ବିସ୍ବାସ୍ କର୍ସି, ସେ କେବେ ମିସା ନ ମରେ । ଏ କାତା ବିସ୍ବାସ୍ କଲାସ୍ନି କି ?”

୨୭ ମାର୍ତା ଜିସୁକେ କଇଲା, “ଉଁ ମାପରୁ, ମୁଇ ବିସ୍ବାସ୍ କଲିନି । ତମେ ସେ ପର୍ମେସରର୍ ପ । ଜନ୍ ମସିଅ ଏ ଜଗତେ ଆଇବାର୍ ରଇଲା, ତମେ ସେ ଆକା ।”

**ଜିସୁ କାନ୍ଦଲା**

୨୮ ଏ ସବୁ କାତା କଇସାରଲାପତେ ମାର୍ତା ଜାଇକରି ନିଜର୍ ବଇନିକେ କେ ନ ସୁନ୍‌ଲାପାରା ତାକି କଇଲା, “ଆଉ ଗୁରୁ ଆସିଆଟେ ଆରି ତକେ ତାକ୍‌ଲାନି ।” ୨୯ ମରିୟ୍ମ୍ ଏ କାତା ସୁନିକରି ଦାନ୍ଦା ପାନ୍ଦା ଅଇ ଜିସୁକେ ବେଟ୍ ଅଇବାର୍ ଗାଲା । ୩୦ ଜିସୁ ସେତକିବେଲା ଗାଉଁ ବିଡ୍‌ରେ ଆସି ନ ରଇଲା, ମାତର୍ ମାର୍ତା ତାକେ ଜନ୍ ଜାଗାଇ ବେଟ୍ ଅଇରଇଲା, ତେଇସେ ରଇଲା । ୩୧ ମରିୟ୍ମ୍ ଉଟିକରି ଦାନ୍ଦା ପାନ୍ଦା ଅଇ ବାଇରେ ସାଁତାଇବାକେ ଆସିରଇଲା ଲକ୍‌ମନ୍ ଦେକ୍‌ଲାଇ, ସେମନ୍ ମିସା ତାର୍ ପତେ ପତେ ଗାଲାଇ । ସେମନ୍ ବାବ୍‌ଲାଇ, ସେ କବର୍ ଲଗେ କାନ୍ଦବାର୍ ଗାଲାନି ।

୩୨ ତେଇ ଜିସୁ ଜନ୍ ଜାଗାଇରଇଲା, ମରିୟ୍ମ୍ ସେ ଜାଗାଇ କେଟ୍‌ଲା ଆରି ଜିସୁକେ ଦେକିକରି ତାର୍ ପାଦେ ତାଣ୍ଡାସନ୍ ପଡି କଇଲା, “ମାପରୁ ତମେ ଜଦି ଇତି ରଇତାସ୍‌ଆଲେ ମର୍ ବାଇ ନ ମରତା ।”

୩୩ ମରିୟ୍ମ୍ ତାକେ ଆରି ତାର୍ ସଙ୍ଗ୍ ରଇବା ଲକ୍‌ମନ୍ କାନ୍ଦତେରଇବାଟା ଦେକି ଜିସୁ ଆଡ୍‌ମାଇ ବେସି ମନ୍‌ଦୁକ୍ ଅଇଗାଲା । ୩୪ ସେ ପାଚାର୍‌ଲା, “ତାକେ କନ୍ତି କବର୍ ଦେଇଆଟାସ୍ ?”

ସେମନ୍ ତାକେ କଇଲାଇ, “ମାପରୁ ଆସିଦେକା ।”

୩୫ ଜିସୁ କାନ୍ଦଲା । ୩୬ ତେଇ ଜିଉଦି ଲକ୍‌ମନ୍ କଇଲାଇ, “ଦେକା, ସେ ଲାଜାର୍‌କେ କେନ୍ତି ଆଲାଦ୍ କର୍ତେରଇଲା ।”

୩୭ ମାତର୍ ସେମନ୍‌ର୍ ବିଡ୍‌ରେଅନି କେତେକ୍ ଲକ୍ କଇଲାଇ, “ଏ ଲକ୍ ଜନ୍ କାଣାକେ ଆଁକି ଡିସାଇରଇଲା, ସେ ମନ୍‌କଲେ କାଇ ଏ ଲାଜାର୍‌ର୍ ମରନ୍ ମିସା ତେବାଇ ନାପାର୍‌ତା କି ?”

**ଜିସୁ ଲାଜାର୍‌କେ ମଲାତେଇ ଅନି ଉଟାଇଲା**

୩୮ ତେଇ ଆରିତରେକ୍ ଜିସୁ ମନ୍ ବିଡ୍‌ରେ କିଲ୍‌ବିଲ୍ ଅଇ ସମାଦି ଲଗେ ଗାଲା । ସମାଦିଟାନେ ଗଟେକ୍ ପାଆର୍ ଆରି ପାଆର୍ ମୁଆଟେ ଗଟେକ୍ ବଡ୍ ପାକ୍‌ନା ତାବିଅଇରଇଲା । ୩୯ ଜିସୁ ତିଆର୍‌ଲା, “ଏ ପାକ୍‌ନା ଗୁଟାଇଦିଆସ୍ ।” ମରିଜାଉ ଲାଜାର୍‌ର୍ ବଇନି ମାର୍ତା କଇଲା, “ମାପରୁ ସେଟା କୁଇକରି ଗନ୍ଧି ଗାଲାବେ, କାଇକେବଇଲେ, ତାକେ କବର୍‌ଦେଇ ଚାର୍‌ଦିନ୍ ଅଇଗାଲା ।”

୪୦ ଜିସୁ ମାର୍ତାକେ କଇଲା, “ତୁଇ ଜଦି ବିସ୍ବାସ୍ କର୍ସୁ ବଇଲେ ପର୍ମେସରର୍ ମଇମା ଦେକ୍‌ସୁ ବଲି ମୁଇ ତକେ କଇ ନ ରଇଲି କି ?” ୪୧ ତେଇ ସେମନ୍ ପାକ୍‌ନା ଗୁଟାଇଲାଇ । ଜିସୁ ସରଗ୍‌ବାଟେ ମୁ କରି କଇଲା, “ବାବା ତମେ ମର୍ ପାର୍‌ତନା ସୁନ୍‌ଲାସ୍ ବଲି ମୁଇ ତମ୍‌କେ ଦନିଅବାଦ୍ ଦେଲିନି । ୪୨ ତମେ ଜେତେବେଲେ ମିସା ମର୍ ପାର୍‌ତନା ସୁନ୍‌ସା, ଏଟା ମୁଇ ଜାନି, ମାତର୍ ଜନ୍ ଲକ୍‌ମନ୍ ଏ ଚାରିବେଡ୍‌ତି ଚିଆଅଇ ଆଟଡ୍, ସେମନ୍ ଜେନ୍ତିକି ତମେଆକା ମକେ ପାଟାଇଆଟାସ୍ ବଲି ବିସ୍ବାସ୍ କର୍ବାଇ, ଏଟାର୍ ପାଇ ମୁଇ ଏନ୍ତିବଲି କଇଲି ।” ୪୩ ଏନ୍ତି କଇ ସାରାଇ ଜିସୁ ଆକ୍‌ମାରି ତାକ୍‌ଲା, “ଲାଜାର୍ ତୁଇ ବାରଇ ଆଉ ।” ୪୪ ତାକ୍‌ଲା ଦାପ୍‌ରେ ମଲା ଲାଜାର୍ ବାରଇ ଆଇଲା । ତାର୍ ଆତେ ଗତେ ମଡା ଲୁଗା ବାନ୍ଦାଅଇରଇଲା । ମୁଏ ମିସା ଗର୍‌ଣ୍ଡା ଗୁଡିଆଇ ଅଇରଇଲା । ଜିସୁ ସେମନ୍‌କେ କଇଲା “ତାକେ ବାନ୍ଦାଲାଟା କୁସ୍‌ଲାଇ କରି, ଜିବାକେ ଦିଆସ୍ ।”

**ଜିସୁର୍ ବିରୁଦେ କୁର୍ ପାଁର୍‌ବାଟା**

(ମାତିଉ ୨୨:୧-୫; ମାର୍କ ୧୪:୧-୨; ଲୁକ୍ ୨୨:୧,୨)

୪୫ ଜିଉଦି ଲକ୍‌ମନ୍‌ର୍ ବିଡ୍‌ରେଅନି, ବେସି ଲକ୍ ମରିୟ୍ମ୍‌ର୍ ଲଗେ ଆସିରଇଲାଇ, ଆରି ଜିସୁର୍ ଏ କାମ୍ ଦେକି, ତାକେ ବିସ୍ବାସ୍ କଲାଇ । ୪୬ ଆରି ସେମନ୍‌ର୍ ବିଡ୍‌ରେଅନି କେତେଲକ୍ ପାରୁସିମନ୍‌ର୍ ଲଗେ ଜାଇକରି ଜିସୁ କରି ରଇବା କାମ୍ ଲକ୍‌ମନ୍‌କେ ଜାନାଇଲାଇ । ୪୭ ପତେ ମୁକିଅ ପୁଜାରିମନ୍ ଆରି ପାରୁସିମନ୍ ଗଟେକ୍ ବଡ୍ ପାଁର୍‌ଦି ତାକାଇ କଇଲାଇ, “ଆମେ କାଇଟା କରୁ ? ଦେକା ଏ ଲକ୍ ତା କେତେକ୍ କେତେକ୍ କାବାଅଇଜିବା କାମ୍‌ମନ୍ କଲାନି । ୪୮ ଆମେ ଜଦି ଆକେ ଏନ୍ତାରି ଚାଡିଦେଉଁ ବଇଲେ ସବୁଲକ୍

ତାର୍ତ୍ତାଣେ ବିସ୍ବାସ କରବାଇ ଆରି ରମିୟ ଅଦିକାରି ଆସିକରି ଆମର୍ ଏ ମନ୍ଦିର୍ ଆରି ଆମର୍ ବିସ୍ବାସ କରବା ଦରମ୍ ସବୁ କୁରୁପନାସ୍ କରିପାକାଇସି ।”

୪୯ ମାତର୍ ସେମାନର୍ ବିତ୍ତରେଅନି ଗଟେକ୍ କୟାପା ନାଉଁର୍, ସେ ବରସର୍ ପାଇ ବାଟିରଇବା ବଡ଼ ପୁଜାରି, କଇଲା “ତମେ କେତେ ବକୁଆ ଲକ୍ମନ୍ ! ୫୦ ତମେ କାଇ ବୁଜି ନାପାରୁଲାଇସି ? ଗୁଲାଇ ଜାତି ନାସ୍ ଅଇବା ବାଦୁଲେ ଗଟେକ୍ ଲକ୍ମନ୍ ମରବାଟା ନିକ ।” ୫୧ କୟାପା ସତଇସେ ତାର୍ ନିଜର୍ତାଣେ ଅନି ଏନ୍ତି କଇ ନ ରଇଲା, ମାତର୍ ସେ ବରସର୍ ବଡ଼ ପୁଜାରି ଅଇରଇଲାର୍ ଲାଗି ପତର୍ ଗଟ୍ଟନା ସବୁ ବବିସଡ଼କାତା ତାର୍ ମୁର୍ ଅନି ବାରଇରଇଲା । ସେ ଜାନିଦେଇ ରଇଲା ଜେ, ୫୨ ଚିନ୍ ଚତର୍ ଅଇଜାଇରଇବା ପର୍ମେସରର୍ ଲକ୍ମନ୍କେ ଚୁଲିଆଇ, ଗଟେକ୍ କୁରୁମ୍ କରାଇବାକେ ଜିସୁ ମର୍ବାକେ ଗାଲାନି । ୫୩ ତେବର୍ପାଇ ସେ ଦିନେଅନି ଜିଉଦିନେତାମନ୍ ଜିସୁକେ ମରାଇବାକେ ପାଁଟନା କଲାଇ । ୫୪ ତେବେ ଜିସୁ ଜିଉଦି ଲକ୍ମନ୍ନର୍ ବିତ୍ତରେ ସବୁଲକ୍ ଜାନିଲା ପାରା ବୁଲାଟାଲା ନ କର୍ତେ ରଇଲା । ସେ ଜାଗାଇଅନି ବାରଇଜାଇକରି, ମରୁବାଲି ବୁର୍ ରଇବା କିନରା ଜାଗାଇ ରଇଲା ଏପ୍ପରମ୍ ନାଉଁର୍ ଗଟେକ୍ ଗତେ ଜାଇ ସିସ୍ମାନର୍ ସଙ୍ଗ୍ ତେଇ ରଇଲା । ୫୫ ଜିଉଦିମାନର୍ ନିସ୍ତାର ପରବ୍ କେଟିଆଇଲା । ସେ ପରବ୍ ଅଇବା ଆଗ୍ତୁ ନିଜେ ନିଜେ ସୁକଲ୍ ଅଇବାକେ ଗୁଲାଇ ରାଇଜର୍ ଲକ୍ମନ୍ ନିସ୍ତାର ପରବ୍ ଆଗ୍ତୁ ଜିରୁସାଲାମ୍ ଜିବାକେ ବାଟ୍ଦାରଲାଇ । ୫୬ ସେମନ୍ ଜିସୁକେ କଇଲା ଆରି ମନ୍ଦିର୍ ଚିଆଅଇଲାବେଲେ ତାକର୍ ତାକର୍ ବିତ୍ତରେ କୁଆବଲା ଅଇଲାଇ, “ସେ ପରବ୍ତାଣେ ନ ଆସେବଲି କାଇ ତମେ ବାବୁଲାଇସି କି ?” ୫୭ ମୁକିଅ ପୁଜାରି ଆରି ପାରୁସି ଲକ୍ମନ୍ ଜିସୁକେ ଦାରବାକେ ସେ କନ୍ତି ଆଟେ ଜାନିରଇବାଇ ବଲି, ସେଟା ଆଦେସ୍ ଦେଇରଇଲାଇ ।

୧୨

ଜିସୁକେ ବେଡ଼ନିଆଇ ଚିକନ୍ ଲାଗାଇଲା  
(ମାତ୍ରି ୨୭:୬-୧୩; ମାର୍କ ୧୪:୩-୯)

୧ ଏଡ଼କି ବିତ୍ତରେ ଜିସୁ ନିସ୍ତାର ପରବ୍ ଅଇବାକେ ଚ ଦିନର୍ ଆଗ୍ତୁ ବେଡ଼ନିଆ ଗାଲା । ତେଇ ଲାଜାରର୍ ଗର୍ । ଜିସୁ ଏ ଲାଜାର୍କେସେ ମଲାଟାଣେଅନି ଉଟାଇରଇଲା । ୨ ସେ ରାତି ତେଇ ଜିସୁର୍ପାଇ ଗଟେକ୍ ବଜି ଚିକ୍ କଲାଇ । ଆରି ମାର୍ତା ସେମନ୍କେ କୁଆପୁଟା କରାଇତେରଇଲା । ଲାଜାର୍ ଜିସୁର୍ ସଙ୍ଗ୍ ବଜିତେଇ ବସି ରଇଲା ।

୩ ✱ସେଡ଼କିବେଲେ ମରିୟମ୍ ଜଟାମାଉଁସ୍ ନାଉଁର୍ ବେସି ଦାମେ ତିଆର୍ ଅଇଲା ଅଦ୍ ଲିଟର୍ ବାସନା ଚିକନ୍ ଆନି ଜିସୁର୍ ପାଦେ ରକଇ ନିଜର୍ ଚେଣ୍ଡିସଙ୍ଗ୍ ପୁଟିଦେଲା । ଆରି ସେ ଚିକନ୍ନର୍ ସୁନ୍ଦର୍ ବାସନା ଗୁଲାଇ ଗର୍ ଗମ୍ବିଗାଲା । ୪ ଜିସୁର୍ ସିସ୍ମାନର୍ ବିତ୍ତରେ ଅନି ଇସ୍କାରିୟ୍ଡ୍ ଜିଉଦା ନାଉଁର୍ ସିସ୍, ଜେ କି ଜିସୁକେ ସଡ଼ୁମନ୍କେ ସର୍ପିଦେବାକେ ଜାଇତେ ରଇଲା, ସେ କଇଲା, ୫ “ଏ ବାସନା ଚିକନ୍ ତିନ୍ ସଅ ରୁପା ଟାଙ୍ଗାକେ ବିକିକରି ସେ ତାରୁ ଗରିବ୍ ଲକ୍ମନ୍କେ ଦେଲେ ନଇତା କି ?” ୬ ଇସ୍କାରିୟ୍ଡ୍ ଜିଉଦା ଗରିବ୍ ଲକ୍ମନ୍ନର୍ପାଇ ଚିନ୍ତା କର୍ତେରଇଲାଜେ ଏନ୍ତି କଇଲା ବଲି ନାଇ, ମାତର୍ ସେ ଗଟେକ୍ ଚର୍ । ତାର୍ ଦାଇତେ ରଇଲା ଟାଙ୍ଗାମୁନା ଟାଣେଅନି ସେ ନିଜର୍ ପାଇ କେତେକ୍ କେତେକ୍ ଲୁଟାଇ ନେଇତେରଇଲା ।

୭ ମାତର୍ ଜିସୁ କଇଲା, “ତାକେ କାଇଟା ବଲି କୁଆ ନାଇ, ତାର୍ତାଣେ ଜେଡ଼କି ଆଟେ, ସେଟା ଜେଡ଼କି ମର୍ ସମାଦି ଦିନର୍ପାଇ ସଙ୍ଗ୍ଆଟେ । ୮ ଗରିବ୍ ଲକ୍ମନ୍ ତା ସବୁବେଲେ ତମର୍ ସଙ୍ଗ୍ ରଇଲାଇନି, ମାତର୍ ମୁଇ ସବୁବେଲେ ନ ରଇ ।”

ଲାଜାର୍ ବିରୁଦେ କୁର୍ ପାଁଟବାଟା

୯ ଏଡ଼କିବିତ୍ତରେ ଜିସୁ ବେଡ଼ନିଆଇ ଆଟେ ବଲି ଜାନିକରି ବେସି ଜିଉଦି ଲକ୍ମନ୍ ଆଇଲାଇ । ଅବ୍କା ଜିସୁକେ ସେ ଦେକ୍ବାକେ ନାଇ, ମାତର୍ ଜନ୍ ଲାଜାର୍କେ ଜିସୁ ମଲାଟାଣେଅନି ଉଟାଇରଇଲା ତାକେ ମିସା ଦେକ୍ବାର୍ ଆସିରଇଲାଇ । ୧୦ ମାତର୍ ମୁକିଅ ପୁଜାରିମନ୍ ଲାଜାର୍କେ ମିସା ମରାଇବାକେ ଜଜ୍ନା କଲାଇ । ୧୧ କାଇକେବଇଲେ ତାରୁଲାଗି ବଲି କେତେକ୍ କେତେକ୍ ଜିଉଦି ଲକ୍ମନ୍ ନେତାମନ୍କେ ଚାଡ଼ି ଜିସୁକେ ବିସ୍ବାସ କର୍ତେରଇଲାଇ ।

ଜିସୁ ଜିରୁସାଲାମ୍ ପୁର୍ବାଟା  
(ମାତ୍ରି ୨୧:୧-୧୧; ମାର୍କ ୧୧:୧-୧୧; ଲୁକ୍ ୧୯:୨୮-୪୦)

୧୨ ତାର୍ ଆରକର୍ ଦିନେ ରକିଆପାଇବା ପରବେ ଆସିରଇବା ବେସି ଲକ୍ମନ୍ ଜିସୁ ଜିରୁସାଲାମ୍ ଆଇଲାନି ବଲି ସୁନ୍ଲାଇ । ୧୩ ସେଟାର୍ ପାଇ ସେମନ୍ କଜ୍ରିତାଲ୍ ଦାରି ଜିସୁକେ ବେଟ୍ଅଇବାର୍

✱ ୧୨:୩ ୧୨:୩ ଲୁକ୍ ୭:୩୭,୩୮

ଗାଲାଅ, ଆରି ଆଉଲିଅଇକରି କଇଲାଅ, “ଅଧାନା, ଜେ ମାପୁରୁର୍ ନାଉଁଦାରି ଆଇଲାନ୍ତି ତାର୍ ମଙ୍ଗଲ୍ ଅ, ପରମେସର୍ ତାକେ ଆସିର୍ବାଦ୍ କର । ସେ ଇସ୍ରାଏଲର୍ ରାଜା ଡାକ୍ପୁଟା ପାଅ ।”

୧୪ ଆରି ଜିସୁ ଗଟେକ୍ ଗଦ ପିଲାର୍ ଉପରେ ବସି ଆଇତେ ରଇଲା । ଜେନ୍ତୁକି ସାସ୍ତରେ ଲେକାଅଇଲା ଏ ବବିସଡ୍ କାତା ସିଦ୍ ଅଇଲା ।

୧୫ “ଏ ସିୟନ୍ ନଅରର୍ ଲକ୍ମନ୍, ତମେ ତରାନାଅ ଦେକା ତମର୍ ରାଜା ଗଟେକ୍ ଗଦ ପିଲାର୍ ଉପରେ ବସି ଆଇଲାନ୍ତି ।”

୧୬ ପରତୁମ୍ ପରତୁମ୍ ଜିସୁର୍ ସିସ୍ମନ୍ ଏ ବିସଇ ବୁଜି ନ ରଇଲାଅ । ମାତର୍ ଜିସୁ ଜେତେବେଲା ମଲାଟାନେଅନ୍ତି ଉଟ୍ଲା ପଟେ ଏ ସବୁଜାକ ଲେକା ଏତାଇଲାଅଜେ, ସାସ୍ତରେ ତାର୍ ବିସଇସେ ଲେକା ଅଇରଇଲା । ଆରି ସେମନ୍ ତାର୍ ପାଇ ସବୁ କାମ୍ କରିରଇଲାଅ । ୧୭ ଜିସୁ ଲାଜାର୍କେ ମଲାଟାନେଅନ୍ତି ଉଟାଇକରି ସମାଦିଅନ୍ତି ବାରଇବାକେ କଇଲାବେଲେ ଜନ୍ ଲକ୍ମନ୍ ଜିସୁର୍ ସଙ୍ଗ୍ ରଇଲାଅ, ସେମନ୍ ସେ ଗଟ୍ନା ବିସଇର୍ ସାକି ଦେବାର୍ ଦାରଲାଅ । ୧୮ ସେଟାର୍ପାଇ ଲକ୍ମନ୍ ତାକେ ବେଟ୍ଅଇବାକେ ଜାଇରଇଲାଅ । କାଇକେବଇଲେ ସେ ଆକା ଏ କାବା ଅଇବା କାମ୍ମନ୍ କଲାନ୍ତି ବଲି ସେମନ୍ ସୁନିରଇଲାଅ । ୧୯ ତେଇ ପାରୁସିମନ୍ ତାକର୍ ତାକର୍ ବିଡ୍ରେ କୁଆବଲା ଅଇଲାଅ, “ଦେକ୍ଲାସ୍ତି କାଇକି, ଆମେ ଚେସ୍ଟା କଲାଟା ଗଟେକ୍ ମିସା ଅଏନାଅ, ଦେକାନ୍ତି ଗୁଲାଅ ଦୁନିଆଜାକ ତାର୍ ପଟେ ଗାଲାନ୍ତି ।”

**କେତେଟା ଗିରିକ୍ ଲକ୍ମନ୍ ଜିସୁକେ କଜ୍ବାଟା**

୨୦ ନିସ୍ତାର୍ ପରବ୍ କରବାକେ ଆସିରଇବା ଲକ୍ମନ୍ ବିଡ୍ରେ ଗିରିକ୍ ଲକ୍ମନ୍ ମିସା କେତେଲକ୍ ରଇଲାଅ । ୨୧ ସେମନ୍ ପିଲିପର୍ ଲଗେ ଆସି ତାକେ କଇଲାଅ, “ଏ ଆଗିଆଁ ଆମେ ଜିସୁକେ ଦେକ୍ବାକେ ମନ୍ କଲୁନ୍ତି ।” ପିଲିପ୍ ବେଡ୍ସାଇଦାର୍ ଲକ୍ ରଇଲା ।

୨୨ ପିଲିପ୍ ଜାଇ ଆନ୍ଦ୍ରିୟକେ ଏ କବର୍ ଜାନାଇଲାକେ ସେମନ୍ ଜାଇ ଜିସୁକେ କଇଲାଅ । ୨୩ ଜିସୁ ସେମନ୍କେ କଇଲା, “ପରମେସର୍ତେଇ ଅନ୍ତି ଆଇଲା ନର୍ପିଲା ମୁଇ ଡାକ୍ପୁଟା ପାଇବା ବେଲା ଆସି କେଟି ଆଟେ । ୨୪ ମୁଇ ତମ୍କେ ସଡ୍କାତା କଇଲିନ୍ତି ଜଦି ଗଅମ୍ ମୁଞ୍ଜି ବୁର୍ଅଦ୍ରି ନ ମର୍ବା ଜାକ ସେକ୍ତିସେ ରଇସି । ସେଟା ମଲେ ସେ ବେସି ମୁଞ୍ଜି ଦାରସି । ୨୫ ଜେ ନିଜର୍ ଜିବନ୍କେ ବେସି ଆଲାଦ୍ କରସି, ସେ ସେଟା ଆରାଇସି । ଜେ ନିଜର୍ ଜିବନ୍ ଗିନ୍ କର୍ତେରଇସି, କାଲ୍ କାଲ୍ ଜୁଗ୍ ଜୁଗ୍ ଜାକ ତାର୍ ଜିବନ୍ ରକିଆ କରସି । ୨୬ ଜନ୍ ଲକ୍ ମର୍ ସେବା କରବାକେ ମନ୍ କଲାନ୍ତି, ସେ ମର୍ ସଙ୍ଗ୍ ଆସ । ମୁଇ ଜନ୍ ଜାଗାଇ ରଇବି, ମର୍ ସେବା କାମ୍ କରବା ଲକ୍ମନ୍ମିସା ସେ ଜାଗାଇ ରଇବାଅ । ଆରି ସେ ମର୍ ଆରି ମର୍ ବାବା ପରମେସରର୍ ସନ୍ମାନ୍ ପାଇସି ।”

**ଜିସୁ ତାର୍ ମରନ୍ ବିସଇ ନେଇ କଇବାଟା**

୨୭ ଏବେ ମର୍ ଜିବନ୍ ବେସି ବାୟାବିକଲ୍ ଅଇଗାଲାନ୍ତି । କାଇଟା କଇବି ? ଏ ବାବା ମକେ ଏ ଦୁକର୍ ବେଲାଅନ୍ତି ରକିଆ କର୍ ବଲି ଗୁଆରି କରୁବି କି ? ନାଇ ସେକ୍ତି ନ କଇ । ଦୁକ୍ କସ୍ଟ ମୁରବ୍ବାକେ ସେ ମୁଇ ଆଇଲିଆଟି । ୨୮ ଏ ବାବା ତର୍ ନାଉଁ ଡାକ୍ପୁଟା କର । ସେ ବେଲା ସର୍ଗେଅନ୍ତି ଏ କାତା କଇବା ସବଦ୍ ଆଇଲା, “ମର୍ ନାଉଁ ଡାକ୍ପୁଟା କଲିଆଟି, ଆରି ତରେକ୍ ଡାକ୍ପୁଟା କରବି ।”

୨୯ ତେଇ ଚିଆଅଇ ରଇଲା ଲକ୍ମନ୍ ଏ ସବଦ୍ ସୁନି କିରି “ଏଟା ବାଦଲ୍ ଗୁଡ୍ଗୁଡ୍ଲା” ବଲି କଇଲାଅ । ମାତର୍ ଅଦେକ୍ ଲକ୍ମନ୍, “ସର୍ଗେଅନ୍ତି ଗଟେକ୍ ଦୁଡ୍ ତାର୍ ସଙ୍ଗ୍ କାତା ଅଇଲାନ୍ତି” ବଲି କଇଲାଅ ।

୩୦ ଜିସୁ ସେ ଲକ୍ମନ୍କେ କଇଲା, “ଏ ସବଦ୍ ମର୍ ପାଇ ଅଏନାଅ, ମାତର୍ ତମର୍ ପାଇସେ ଅଇଲା । ୩୧ ଏବେ ଏ ଦୁନିଆର୍ ବିଚାର୍ କରବା ଦିନ୍ କେଟ୍ଲା ଆଟେ, ଏ ଦୁନିଆର୍ ସାସନ୍ କରୁକେ ମୁଇ ବାଇରେ ପିଙ୍ଗିଦେବି । ୩୨ ଆରି ମକେ କୁର୍ସେ ଟେକ୍ଲେ, ସବୁ ଲକ୍ମନ୍କେ ମର୍ବାଟେ ଜିକ୍ବି ” ବଲି କଇଲା । ୩୩ ସେ କେକ୍ତିଅଇ ମର୍ବାକେ ଗାଲାନ୍ତି, ସେଟା ଜାନାଇବାକେ ଏକ୍ତି କଇରଇଲା ।

୩୪ ସେବେଲା ସବୁ ଲକ୍ମନ୍ ତାକେ କଇଲାଅ, “ମସିଅ ସବୁ ଦିନର୍ ପାଇ ବଟି ରଇସି ବଲି ଆମର୍ ସାସ୍ତରେ ଲେକା ଆଟେ । ତୁଇ କେକ୍ତି ପରମେସରର୍ ପିଲାକେ କୁର୍ସେ ଟେକ୍ବାଇ ବଲି କଇଲୁସ୍ତି ? ଏକ୍ତିବଇଲେ ପରମେସରର୍ ଟାନେଅନ୍ତି ଆଇଲା ନର୍ପିଲା କେ ତେବେ ?”

୩୫ ଜିସୁ ସେମନ୍କେ କଇଲା, “ଏବେ ତମର୍ ମୁଆଟେ ଜନ୍ ଉଜଲ୍, ଉଜଲ୍ ଦେଲାନ୍ତି, ସେଟା ଚନେକ୍ପାଇସେ ରଇସି । ଜନ୍ ଜାଗାଇ ଜିବାର୍ ଆଟେ, ଉଜଲ୍ ରଇତେ ଆକା ଇଣ୍ଡା । ସେନ୍ତାର୍ଆଲେ ତମକେ ଆନ୍ଦାର୍ ନ ଡାବେ । ଆନ୍ଦାରେ ରଇବା ଲକ୍ କେନେ ଗାଲାନ୍ତି ସେଟା ନାଜାନେ । ୩୬ ସେଟାର୍ ପାଇ ତମର୍ ଲଗେ ଉଜଲ୍ ରଇତେସେ ଉଜଲ୍ ପାରା ରଇବା ମର୍କାତା ବିସ୍ବାସ୍ କରା । ତେବେ ତମେ

☆ ୧୨:୨୫ ୧୨:୨୫ ମାଡିଉ ୧୦:୩୯;୧୭:୨୫; ମାର୍କ ୮:୩୫; ଲୁକ୍ ୯:୨୪;୧୭:୩୩

ଉଜଲରୁ ଲକ୍ ଅଇସା ” ବଲିକରି କଇଲା । ଜିସୁ ଏ କାତା କଇକରି ଉଟିଗାଲା ଆରି ସେମନ୍‌କେ ନ ଦେକାଇଅଇକରି ରଇଲା ।

**ଲକ୍‌ମନ୍ ବିସ୍‌ବାସ୍ ନ କର୍‌ବାଟା**

୩୭ ଜିସୁ ସେମନ୍‌ର ଦେକ୍‌ତେ କେତେକ୍ କେତେକ୍ କାବା ଅଇଜିବା କାମମନ୍ କରଇଲେ ମିସା, ସେମନ୍ ତାକେ ବିସ୍‌ବାସ୍ କରନ୍‌ନାଇ । ୩୮ ଜେନ୍ତାରି ଜିସାୟ୍ ବବିସ୍‌ତ୍‌ବକ୍‌ତା କଇଲା କାତା ସତ୍ ଅଇଲା । ସେ ଏନ୍ତି କଇରଇଲା,

“ଏ ମାପୁରୁ, ଆମେ କଇଲା କାତା ସୁନିକରି କେ ବିସ୍‌ବାସ୍ କଲାଆଟେ ?

ଆରି ମାପୁରୁ କାରଲଗେ ତାର ରକିଆ କର୍‌ବା ବପୁ ଦେକାଇଲା ?”

୩୯ ସେଟାର୍‌ପାଇ ସେମନ୍ ବିସ୍‌ବାସ୍ ନ କର୍‌ତେରଇଲା । ତେବେ ଜିସାୟ୍ ଆରିତରେକ୍ କଇଲାଆଟେ, ୪୦ ପର୍‌ମେସର୍ ଜେନ୍ତିକି ତାକର୍ ଦେକ୍‌ବା ଆଁକି କାଶା କରଦେଇଆଟେ

ଆରି ସେମନ୍‌ର ବୁଜ୍‌ବା ବପୁ ନସାଇଦେଇଆଟେ

ସେଟାର୍‌ପାଇ ସେମନ୍ ଦେକି ନାପାରଲାଇନି

କି ମୁଲ୍‌କେ ବୁଜି ନାପାରଲାଇନି ।

ସେମନ୍ ନିକ ଅଇବାକେ ମର୍‌ଟାନେ ବାଉଡି ଆସନ୍‌ନାଇ ।

ଏଟା ପର୍‌ମେସର୍ କଇଲାନ୍ତି । ଆମେ ସେମନ୍‌କେ ନିକ ନ କରୁ ।

୪୧ ଜିସାୟ୍ ବବିସ୍‌ତ୍‌ବକ୍‌ତା ପୁର୍‌ବେ ଜିସୁ ମାପୁରୁର୍ ଏ ସବୁ ମଇମା ଜାନିରଇଲାଜେ ଏନ୍ତି ବଲି କଇରଇଲା ।

୪୨ ଏଲେ ମିସା ଜିଉଦି ନେତାମନ୍‌ର ବିତ୍‌ରେଅନି କେତେ ଲକ୍ ତାକେ ବିସ୍‌ବାସ୍ କଲା । ମାତର୍ ସେମନ୍ ପାରୁସି ମନରୁଲାଗି ପାର୍‌ତନା ଗରେ ଅନି ବାର୍‌କରାଇଦେବାଇ ବଲି ଡରିକରି କାତାବାର୍‌ତା ନ ଅଇତେ ରଇଲା । ୪୩ ସେମନ୍ ପର୍‌ମେସର୍‌କେ ମାନାଇବା ଟାନେଅନି ଲକ୍‌ମନ୍‌କେ ମାନାଇବାଟା ଅଦିକ୍ ନିକ ବଲି ବାବ୍‌ତେରଇଲା ।

**ଜିସୁର ବାକିଅ ନେଇ ଲକ୍‌ମନ୍‌ର ବିଚାର**

୪୪ ଜିସୁ ଆଉଲିଅଇ କଇଲା, “ଜନ୍ ଲକ୍ ମକେ ବିସ୍‌ବାସ୍ କର୍‌ସି, ସେ ମକେସେ ବିସ୍‌ବାସ୍ କରେନାଇ, ମକେ ଜେ ପାଟାଇଲା ଆଟେ, ତାକେ ମିସା ବିସ୍‌ବାସ୍ କଲାନ୍ତି ।” ୪୫ ଜେ ମକେ ଦେକି ଆଟେ, ସେ ମକେ ପାଟାଉକେ ମିସା ଦେକି ଆଟେ । ୪୬ ମୁଇ ଜଗତର୍ ଉଜଲ୍ ଅଇ ଆଇଲିଆଟି । ଜେ ମକେ ବିସ୍‌ବାସ୍ କର୍‌ସି, ସେ ଆରି ଆନ୍ଦାରେ ନ ରଏ । ୪୭ ଜେ ମର୍ ବାକିଅ ସୁନି ନ ମାନେ, ମୁଇ ତାର୍ ବିଚାର୍ ନ କରି । କାଇକେବଇଲେ ମୁଇ ଜଗତର୍ ଲକ୍‌ମନ୍‌କେ ବିଚାର୍ କର୍‌ବାର୍ ଆସିନାଇ, ମାତର୍ ସେମନ୍‌କେ ରକିଆ କର୍‌ବାର୍ ଆସିଆଟି । ୪୮ ଜେ ମକେ ନିତି କରି ମର୍ ବାକିଅ ନ ମାନେ, ମର୍ ଟଣ୍ଡର୍ ବାକିଅ ତାର୍ ବିଚାର୍ କାରିଆ ଅଇସି । ସାରାସାରି ଦିନେ ସେ ବାକିଅସେ ତାକେ ବିଚାର୍ କର୍‌ସି । ୪୯ ମୁଇ ନିଜର୍ ମନେ ଅନି କାଇଟା ମିସା କଇନାଇ, ଏ କାତା ସତ୍ । ମାତର୍ ମୁଇ କଇବାଟା ମକେ ପାଟାଇରଇବା ବାବା ଆଦେସ୍ ଦେଇଆଟେ । ୫୦ ଆରି ମୁଇ ଜାନିଆଟି, ତାର୍ ଆଦେସ୍ ନ ସାର୍‌ବା ଜିବନ୍ ଦେଇସି । ମର୍ ବାବା ମକେ ଜନ୍ କାତା କଇବାକେ ଆଦେସ୍ ଦେଇଆଟେ, ସେଟାସେ ମୁଇ କଇଲିନି ।

**୧୩**

**ଜିସୁ ତାର୍ ସିମନ୍‌ର ପାଦ୍ ଦଇଦେଲା**

୧ ନିସ୍‌ତାର୍ ପରବର୍ ଆଗ୍‌ତୁର୍ ଦିନ୍ ଅଇରଇଲା । ଜିସୁ, ଏ ଜଗତ୍ ଚାଡି ବାବା ପର୍‌ମେସର୍‌ର ଲଗେ ଜିବାକେ ତାର୍ ବେଲା କେଟ୍‌ଲାବେ ବଲି ଜାନିରଇଲା । ଦୁନିଆଇ ରଇବା ତାର୍ ସବୁ ଲକ୍‌ମନ୍‌କେ ସାରାସାରି ଜାକ ବେସି ଆଲାଦ୍ କର୍‌ତେରଇଲା ।

୨ ସେଦିନର୍ ରାତି ଜିସୁ ଆରି ତାର୍ ସିମନ୍ କାଇବାକେ ବସିରଇଲା । ଜିସୁକେ ବିସ୍‌ବାସେ ବିସ୍ ଦେଲାପାରା କରାଇବା ଚିନ୍ତା, ସଇତାନ୍ ସିମନ୍ ଇସ୍‌କାରିୟ୍‌ତର୍ ପିଲା ଜିଉଦାର୍ ମନେ ପୁରିକରି ଦେଲା । ୩ ବାବା ପର୍‌ମେସର୍, ତାକେ ସବୁ ବିସଇର୍ ଅଦିକାର୍ ଦେଇ ଆଟେ, ସେ ପର୍‌ମେସର୍‌ର ଟାନେଅନି ଆସିଆଟେ ଆରି ତାର୍ ଲଗେସେ ଜାଇସି, ବଲି ଜିସୁ ସବୁ ବିସଇ ଜାନିରଇଲା । ୪ ତେବର୍‌ପାଇ ସେ କାଇବା ଜାଗାଇଅନି ଉଟିକରି ଅଡି ରଇବା ବସ୍‌ତର୍ ବେଟି ସଙ୍ଗଇ, ଆଁଟାଇ ଗଟେକ୍ ତୁଆଲ୍ ବାନ୍ଦିଅଇଲା । ୫ ତାର୍ ପଟେ ସେ ଗଟେକ୍ ମୁତାଇ ପାନିନେଲା ଆରି ନିଜର୍ ସିମନ୍‌ର ପାଦ୍ ଦଇକରି ବାନ୍ଦିଅଇଲା ତୁଆଲ୍ ବେଟି ପୁଟି ଦେବାର୍ ଦାରଲା । ୬ ଜେତେବେଲେ ଜିସୁ ସିମନ୍ ପିତରର୍ ଲଗେ ଆଇଲା, ପିତର୍ ତାକେ କଇଲା, “ମାପୁରୁ ତମେ ମର୍ ପାଦ୍ ଦଇସା କି ?” ୭ ଜିସୁ ତାକେ କଇଲା, “ମୁଇ ଏବେ ଜାଇଟା କଲିନି, ସେଟା ତମେ ବୁଜି ନାପାରାସ୍, ମାତର୍ ପଟେ ବୁଜ୍‌ସା ।”

୮ ପିତରୁ ତାକେ ମନାକରି କଇଲା, “ନିରୁ, ତମେ ମର୍ ପାଦ ଦୁଆନାଇ ।” ଜିସୁ ତାକେ କଇଲା, “ମୁଇ ଜଦି ତର ପାଦ ନ ଦଇଲେ, କେବେ ମିସା ମର୍ ସିସ୍ ଅଇ ନାପାରୁସ୍ ।”

୯ ସିମନ୍ ପିତରୁ ତାକେ କଇଲା, “ମାପରୁ ସେନ୍ତାଆଲେ କାଇକେ ମର୍ ପାଦସେ ଦଇ ଦେଇସୁ ? ମର୍ ମୁଣ୍ଡ ଆରି ଆଡ଼ ମିସା ଦଇଦିଆସ୍ ।”

୧୦ ଜିସୁ ପିତରୁକେ କଇଲା, “ଜନ୍ ଲକ୍ମନ୍ ଗାଦଇ ସାରିଆଚଡ଼, ସେମନ୍ ପୁରାପୁରୁନ୍ ସୁକଲ୍ । ପାଦ ଦଇବାଟା ଚାଡ଼ି, କାଇଟା ଦଇବାର୍ ଲତାନାଇ । ଗଟେକ୍ ଲକ୍ମକେ ଚାଡ଼ି, ତମେ ସବୁଲକ୍ ସୁକଲ୍ ଆଚାସ୍ ।” ୧୧ କାଇକେ ବଇଲେ ଜନ୍ ସିସ୍ ଜିସୁକେ ସତ୍ତୁମନ୍କେ ଦାରାଇଦେଇସି ତାକେ ଜିସୁ ଜାନି ରଇଲା । ସେଟାର୍ ପାଇ ସେ ଗଟେକ୍ ଲକ୍ମକେ ଚାଡ଼ି ସବୁଲକ୍ ସୁକଲ୍ ଆଚାସ୍ ବଲି କଇଲା ।

୧୨ \*ଜିସୁ ସିସ୍ମନର୍ ପାଦ ଦଇଲା ପତେ ବେଟିରଇଲା ବସ୍ତର ପିନ୍ଦିକରି ବସି ସେମନ୍କେ ପାଚାରଲା, “ଏବେ ମୁଇ ତମର୍ ପାଇ କଲା କାମ୍ ବୁଜୁଲାସ୍ନି କି ?” ୧୩ ଆରି ସେ କଇଲା, “ତମେ ମକେ ଗୁରୁ ଆରି ମାପରୁ ବଲି ଡାକଲାସ୍ନି, ସେଟା ଟିକ୍ସେ । କାଇକେ ବଇଲେ ଗୁରୁ ଆରି ମାପରୁ ମୁଇସେ ।”

୧୪ ମୁଇ ତମର୍ ଗୁରୁ ଆରି ମାପରୁ ଅଇକରି, ତମର୍ ପାଦ ଦଇଦେଲି ଆଚି ବଇଲେ ତମେ ମିସା ତମର୍ ତମର୍ ବିତ୍ତରେ ପାଦ ଦଇବାର୍ ଆଚେ । ୧୫ ମୁଇ ଏଟା ତମର୍ ପାଇ ଗଟେକ୍ ଉଦାଅରଣ୍ ପାରା କଲିଆଚି, ତମେ ମିସା ବିନ୍ ଲକ୍ମନ୍କେ ଏଡ଼ି କରା । ୧୬ \*ମୁଇ ତମ୍କେ ସଡ଼ କାତା କଇଲିନି, ଗତିଦାଙ୍ଗ୍ତା ନିଜର୍ ସାଉକାରର୍ ତେଇଅନି ବଡ଼ ନର୍ସ । ଆରି କବର୍ ନେଉଁ କବର୍ ପାଟାଇଲା ଲକ୍ମତେଇଅନି ବଡ଼ ନର୍ସ । ୧୭ ଜଦି ତମେ ଏ ସବୁ ବିସଇ ଜାନିଆଚାସ୍, ଆରି ସେ ଇସାବେ କର୍ସା ବଇଲେ ବେସି ସାର୍ଦା ଅଇସା ।

୧୮ ମୁଇ ତମର୍ ସବୁ ଲକ୍ମ ବିସଇ ନେଇକରି କଇନାଇ, ଜନ୍ ଲକ୍ମନ୍କେ ବାଟି ଆଚି, ସେମନ୍ କେନ୍ଦ୍ରି ବଲି ଜାନିଆଚି । ମାତର୍ ସାସ୍ତରେ ଲେକା ଅଇଲା କାତା ସିଦ୍ ଅଇବାକେ ଏଡ଼ି ଗଟ୍ନା ଅଇଲାନି । ସାସ୍ତରେ ଲେକା ଅଇଲା ଆଚେ ଜେ ମର୍ ସଙ୍ଗ୍ କାଇଲାନି ସେ ମର୍ ବିରଦେ ଉର୍ସି । ୧୯ ଏବେ ଏ ଗଟ୍ନା ଅଇବା ଆଗ୍ତୁସେ ମୁଇ ତମ୍କେ ଏ କାତା କଇଲିନି । ଜେତେବେଲା ଏ ଗଟ୍ନା ଗଟ୍ସି, ତମେ ମୁଇ ମସିଅ ବଲି ବିସ୍ବାସ୍ କର୍ସା । ୨୦ \*ତମ୍କେ ସଡ଼ କାତା କଇଲିନି, ଜନ୍ ଲକ୍ମନ୍ ମର୍ କବର୍ ନେବା ଲକ୍ମନ୍କେ ନାମ୍ବାଇ, ସେମନ୍ ମକେ ମିସା ନାମ୍ବାଇ, ଆରି ମକେ ପାଟାଇଲା ପର୍ମେସର୍କେ ମିସା ନାମ୍ବାଇ ।”

**ବିସ୍ବାସେ ବିସ୍ ଦେବା ବିସଇ ଜାନାଇବାଟା**  
(ମାଡ଼ିଉ ୨୭:୨୦-୨୫; ମାର୍କ ୧୪:୧୭-୨୧; ଲୁକ୍ ୨୨:୨୧-୨୩)

୨୧ ଜିସୁ ଏ ସବୁ କାତା କଇସାରାଇଲା ପତେ, ଆଡ଼ମାଇ ବାୟାବିକଲ୍ ଅଇ ପୁଟ୍କାର୍ କରି କଇଲା, “ମୁଇ ତମ୍କେ ସଡ଼ କାତା କଇଲିନି, ତମର୍ ବିତ୍ତରେଅନି ଗଟେକ୍ ଲକ୍ ମକେ ବିସ୍ବାସେ ବିସ୍ ଦେଲାପାରା କର୍ସି ।”

୨୨ ସେ ଏ କାତା, କାର୍ ବିସଇ ନେଇକରି କଇଲାନି ବଲି ସିମନ୍ ବୁଜିନାପାରି ନିଜର୍ ନିଜର୍ ବିତ୍ତରେ ଆର୍ ମୁଏ ସେ ତାର୍ ମୁଏ ଏ, ଦେକାଦେକି ଅଇବାର୍ ଦାରଲାଇ । ୨୩ ଜିସୁର୍ ସିସ୍ମନର୍ ବିତ୍ତରେଅନି ଜଅନ୍, ଜାକେକି ଜିସୁ ମୁକିଅ ଇସାବେ ଆଲାଦ୍ କର୍ତେ ରଇଲା, ସେ ଜିସୁର୍ ଲଗେ ବସିକରି କାଇତେ ରଇଲା । ୨୪ ସିମନ୍ ପିତରୁ ଜଅନ୍କେ ସଗିଆ କରି କଇଲା, “ସେ କାର୍ ବିସଇ ନେଇକରି କଇଲାନି, ତାକେ ପାଚାର୍ ।”

୨୫ ସେଟାର୍ ପାଇ ଜଅନ୍ ଜିସୁର୍ ଉପରେ ଆଉଜି ଅଇକରି ପାଚାରଲା, “ଏ ମାପରୁ, ସେ ଲକ୍ କେ ?”

୨୬ ଜିସୁ କଇଲା, “ମୁଇ ଏ ରୁଟି ଜଲେ ଚବାଲି ଜାକେ ଦେବି, ସେ ଲକ୍ ସେ ।” ସେବେଲେ ସେ ରୁଟି ଜଲେ ଚବାଲି କରି ସିମନ୍ ଇସ୍କାରିୟତର୍ ପିଲା ଜିଉଦାକେ ଦେଲା । ୨୭ ଇସ୍କାରିୟତ୍ ଜିଉଦା ରୁଟି ମାଙ୍ଗ୍ଲା ଦାପ୍ରେ ସଇତାନ୍ ତାର୍ ମନ୍ ବିତ୍ତରେ ଜାଇକରି ଚାଇଇବାର୍ ଦାରଲା । ଜିସୁ ସେ ବେଲାଇ ତାକେ କଇଲା, “ତୁଇ ଜାଇଟା କର୍ବାକେ ଗାଲୁସ୍ନି ବେଗି କର୍ ।” ୨୮ ଜିସୁ ଏ କାତା ଇସ୍କାରିୟତ୍ ଜିଉଦାକେ କାଇକେ କଇଲା, ତେଇ କାଇବାକେ ବସି ରଇଲା ଲକ୍ମନର୍ ବିତ୍ତରେଅନି କେମିସା, ବୁଜି ନାପାରଲାଇ । ୨୯ ଇସ୍କାରିୟତ୍ ଜିଉଦାର ଲଗେ ତାବୁ ପେଡ଼ି ରଇଲାଜେ କେତେଟା ସିସ୍ମନ୍ ପାଚାରଲାଇ, “ପରବ୍ ପାଇ କାଇକାଙ୍ଗା ଦର୍କାର୍ ଆଚେ, ସେଟାର୍ପାଇ ନଇଲେ ଗରିବ୍ ଲକ୍ମନ୍କେ ଦାନ୍ଦେବାକେ ଜିସୁ ତାକେ କଇଲାଆଚେ ।”

୩୦ ତାର୍ ପତେ ଇସ୍କାରିୟତ୍ ଜିଉଦା ରୁଟି ମାଙ୍ଗି ଦାପ୍ରେ ବାରଇକରି ଉଟିଗାଲା । ସେ ବେଲେ ରାତି ଅଇରଇଲା ।

**ବୁଆ ନିୟମ୍**

\* ୧୩:୧୨ ୧୩:୧୨ ଲୁକ୍ ୨୨:୨୭    \* ୧୩:୧୭ ୧୩:୧୭ ମାଡ଼ିଉ ୧୦:୨୪; ଲୁକ୍ ୬:୪୦; ଜଅନ୍ ୧୫:୨୦    \* ୧୩:୨୦ ୧୩:୨୦ ମାଡ଼ିଉ ୧୦:୪୦; ମାର୍କ ୯:୩୭; ଲୁକ୍ ୯:୪୮; ୧୦:୧୨



୩୧ ଇସ୍କାରିୟର୍ ଜିଉଦା ବାରଇକରି ଉଟିଗାଲା ପତେ ଜିସୁ କଇଲା, “ଏବେ ପର୍ଯ୍ୟନ୍ତ ତେଜଅନି ଆଇଲା ନରପିଲା ମୁଇ ତାର୍ଟାନେଅନି ତାକ୍ପୁଟା ପାଇବା ବେଲା ଆସିଆତେ । ଆରି ମର୍ ଲାଗି ପର୍ଯ୍ୟନ୍ତ ମିସା ତାକ୍ପୁଟା ପାଇସି । ୩୨ ଜଦି ପର୍ଯ୍ୟନ୍ତ ମର୍ତ୍ତେଜଅନି ତାକ୍ପୁଟା ଅଇଲେ, ନିଜର୍ ମଇମାସଙ୍ଗ ନରପିଲା ମକେ ମିସା ତାକ୍ପୁଟା କରାଇସି । ଦାପ୍ତରେସେ ମକେ ସେନ୍ତି କରାଇସି । ୩୩ ☆ଏ ମର୍ ପିଲାମନ୍ ମୁଇ ତମର୍ ସଙ୍ଗ୍ ଚନେକର୍ପାଇ ରଇବି । ତାର୍ ପତେ ତମେ ମକେ କଜ୍ସା, ଆରି ମୁଇ ଜନ୍ତି ଗାଲିନି ତମେ ତେଜ ଜାଇନାପାରାସ୍ । ଏ ବିସଇ ଜିଉଦି ନେତାମନ୍କେ ଜେନ୍ତି କଇରଇଲି, ସେନ୍ତି ଏବେ ତମକେ ଆରିତରେକ୍ କଇଲିନି । ୩୪ ☆ମୁଇ ତମକେ ଗଟେକ୍ ନୁଆ ଆଦେସ୍ ଦେଲିନି, ତମେ ତମର୍ ନିଜର୍ ନିଜର୍ ବିତ୍ତରେ ଆଲାଦ୍ କରା । ମୁଇ ଜେନ୍ତି ତମକେ ଆଲାଦ୍ କଲିଆଟି, ତମେ ମିସା ନିଜର୍ ନିଜର୍ ବିତ୍ତରେ ଆଲାଦ୍ କର୍ବାର୍ଆତେ । ୩୫ ତମର୍ ନିଜର୍ ନିଜର୍ ବିତ୍ତରେ ଆଲାଦ୍ ରଇଲେ, ତମେ ମର୍ ସିସ୍ ବଲି ସବୁଲକ୍ ଜାନବାଇ ।”

ପିତରକେ ଜିସୁ ନାଜାନି ବଲି କଇବାଟା ଜାନାଇଲାନି

(ମାତ୍ତ ୨୭:୩୧-୩୫; ମାର୍କ ୧୪:୨୭-୩୧; ଲୁକ୍ ୨୨:୩୧-୩୪)

୩୬ ସିମନ୍ ପିତର ଜିସୁକେ ପାଚାରଲା, “ଏ ମାପ୍ତରୁ ତମେ କନ୍ତି ଗାଲାସନି ?” ଜିସୁ କଇଲା, “ମୁଇ ଜନ୍ତି ଗାଲିନି ସେ ଜାଗାଇ ଏବେ ତୁଇ ଆସି ନାପାରୁସ୍ ମାତର୍ ପତେ ଆଇସୁ ।” ୩୭ ପିତର ଜିସୁକେ କଇଲା, “ଏ ମାପ୍ତରୁ ଏବେ କାଇକେ ତମର୍ ପତେ ପତେ ଆସିନାପାରି ? ମୁଇ ତମର୍ପାଇ ମର୍ବାକେ ମିସା ରାଜିଆଟି ।” ୩୮ ଜିସୁ ତାକେ କଇଲା, “ତୁଇ କାଇକେ ମର୍ପାଇ ମର୍ସୁ ? ମୁଇ ତକେ ସତ୍ କାତା କଇଲିନି କୁକୁଡା ନ ତାକ୍ତେ ତୁଇ ମକେ ତିନ୍ ତର୍ ନାଜାନି ବଲି କଇସୁ ।”

## ୧୪

ଜିସୁ ବାବାର୍ ଲଗେ ଜିବା ବାଟ୍

୧ ଆରି ଜିସୁ କଇଲା, “ତମେ କିଲ୍ବିଲ୍ ନ ଉଆ, ପର୍ଯ୍ୟନ୍ତତାର୍ଟାନେ ବିସ୍ବାସ୍ କରା । ଆରି ମର୍ତ୍ତାନେ ମିସା ବିସ୍ବାସ୍ କରା । ୨ ମର୍ ବାବାର୍ ଗରେ ରଇବାକେ ବେସି ବାକ୍ରା ଆତେ । ଆରି ତେଜ ମୁଇ ତମର୍ ପାଇ ଜାଗା ଟିକ୍ କର୍ବାର୍ ଗାଲିନି । ଜଦି ଏଟା ସତ୍ ନଇତା ଆଲେ, ମୁଇ ତମକେ ଏନ୍ତି ବଲି ନ କଇତି । ୩ ଆରି ମୁଇ ଜାଇ ତମର୍ ପାଇ ଜାଗା ଟିକ୍ କଲା ପତେ, ଆରି ତରେକ୍ ବାଉଡି ଆସି ତମକେ ମର୍ ସଙ୍ଗ୍ ତାକିନେବି । ମୁଇ ଜନ୍ ଜାଗାଇ ରଇବି, ସେ ଜାଗାଇ ତମେ ମର୍ ସଙ୍ଗ୍ ରଇସା । ୪ ମୁଇ ଜନ୍ ଜାଗାଇ ଗାଲିନି, ତମେ ସେ ଜାଗାଇ ଜିବା ବାଟ୍ ଜାନିଆଟାସ୍ ।”

୫ ତମା ଜିସୁକେ କଇଲା, “ଏ ମାପ୍ତରୁ ତମେ କନ୍ ଜାଗାଇ ଗାଲୁସନି, ସେଟା ଆମେ ନାଜାନୁ, ଆରି ତେଜ ଜିବା ବାଟ୍ କେନ୍ତି ଜାନବୁ ?”

୬ ଜିସୁ ତାକେ କଇଲା, “ମୁଇ ସତ୍, ବାଟ୍ ଆରି ଜିବନ୍ । ମର୍ବାଟେ ନ ଗାଲେ ବାବା ପର୍ଯ୍ୟନ୍ତ ଲଗେ କେ ମିସା ଜାଇନାପାରେ ।” ୭ ସେ କଇଲା, “ଜଦି ତମେ ମକେ ଜାନିରଇତାସ୍ ବଇଲେ, ମର୍ ବାବାକେ ମିସା ଜାନତାସ୍ । ଏବେ ମିସା ତମେ ତାକେ ଜାନଲାସନି ଆରି ଦେକ୍ଲାସନି ।”

୮ ପିଲିପ୍ ଜିସୁକେ କଇଲା, “ଏ ମାପ୍ତରୁ ଆମକେ ବାବାକେ ଦେକାଇ ଦେ, ସେଡକିସେ ଆମର୍ପାଇ ବେସି ।” ୯ ଜିସୁ ତାକେ କଇଲା, “ପିଲିପ୍ ଏଡକି ଦିନ୍ ମୁଇ ତମର୍ ସଙ୍ଗ୍ ରଇଲି, ତୁଇ ମକେ ତିନି ନାପାରୁସ୍ କି ?” ଜେ ମକେ ଦେକ୍ଲା ଆତେ ସେ ମର୍ ବାବା ପର୍ଯ୍ୟନ୍ତକେ ଦେକ୍ଲା ଆତେ । କେନ୍ତି ଆମକେ ତର୍ ବାବାକେ ଦେକାଇ ଦେ ବଲି କଇଲୁସନି ? ୧୦ ତୁଇ ବିସ୍ବାସ୍ କୁରୁସ୍ ନାଇ କି ପିଲିପ୍ ? ମୁଇ ବାବାର୍ ତେଜ ଆଟି ଆରି ବାବା ମର୍ତ୍ତାନେ ଆତେ । ମୁଇ ତମକେ ଜନ୍ କାତା ସବୁ କଇଲିଆଟି, ସେ ସବୁ କାତା ମର୍ ନିଜର୍ତେଜଅନି କଇନାଇ । ମାତର୍ ବାବା ମର୍ତ୍ତେଜ ରଇକରି ତାର୍ କାମ୍, ମର୍ତ୍ତାନେଅନି କଲାନି । ୧୧ ମୁଇ ବାବାର୍ତେଜ ଆଟି ଆରି ବାବା ମର୍ତ୍ତାନେ ଆତେ ବଲି ମୁଇ କଇବା ଏ କାତା ବିସ୍ବାସ୍ କରା । ନଇଲେ ମୁଇ କର୍ବା କାମ୍ ଦେକି ବିସ୍ବାସ୍ କରା । ୧୨ ମୁଇ ତମକେ ସତ୍ କଇଲିନି, ଜେ ମକେ ବିସ୍ବାସ୍ କର୍ସି ସେ, ମୁଇ କର୍ବା ଏନ୍ତି କାମ୍ମନ୍ କର୍ସି ଆରି ମର୍ତ୍ତେଜଅନି ଅଦିକ୍ ବଡ୍ ବଡ୍ କାମ୍ମନ୍ ମିସା କର୍ସି । କାଇକେ ବଇଲେ ମୁଇ ମର୍ ବାବାର୍ ଲଗେ ଗାଲିନି । ୧୩ ତମେ ମର୍ ନାଉଁଦାରି ଜାଇଟା ମାଙ୍ଗ୍ସା ସେଟା ସବୁ ମୁଇ ତମକେ ଦେବି । ଇତିଅନି ବାବାର୍ ତାକ୍ପୁଟା ମର୍ତ୍ତେଜ ଜାନାପଡ୍ସି । ୧୪ ତମେ ଜଦି କାଇ ବିସଇ ମିସା ମର୍ ନାଉଁଦାରି ମାଙ୍ଗ୍ସା ବଇଲେ ମୁଇ ସେଟା ଦେବି ।

ସୁକଲ୍ ଆଡ଼ମାର୍ ଦାନର୍ ସପତ୍

୧୫ ତମେ ଜଦି ମକେ ଆଲାଦ୍ କର୍ସା, ମର୍ ଆଦେସ୍ ମିସା ମାନସା । ୧୬ ମୁଇ ମର୍ ବାବାକେ ଗୁଆରି କର୍ବି । ଆରି ତମର୍ ସଙ୍ଗ୍ ସବୁବେଲା ରଇବା ପାଇ, ସେ ଗଟେକ୍ ସାଇଜକାରିଆକେ ପାଟାଇସି । ୧୭ ସେ

☆ ୧୩:୩୩ ୧୩:୩୩ ଜଅନ୍ ୭:୩୪ ☆ ୧୩:୩୪ ୧୩:୩୪ ଜଅନ୍ ୧୫:୧୨, ୧୭; ୧ ମ ଜଅନ୍ ୩:୨୩; ୨ ଯ୍ ଜଅନ୍ ୧:୫

ଅଇଲାନି ସତ୍ ଆଡ଼ମା, ଜେକି ସତ୍‌ସଙ୍ଗ ପରମେସରର୍ ବିସଇ ଦେକାଇସି । ଏ ଦୁନିଆର୍ ଲକ୍‌ମନ୍ ତାକେ ନ ନାମାଡ଼, କାଇକେ ବଇଲେ ତାକେ ଦେକଡ଼ ନାଇ କି ଜାନଡ଼ ନାଇ । ମାତର୍ ତମେ ତାକେ ଜାନି ଆଟାସ୍ । କାଇକେ ବଇଲେ ସେ ତମର୍ ସଙ୍ଗ୍ ଆଟେ ଆରି ତମର୍ ମନ୍ ବିତ୍‌ରେ ରଇସି ।

୧୮ ମୁଇ ଜେଡେବଲ୍ ଜିବି, ତମ୍‌କେ ଚୁରା ପିଲାମନର୍ ପାରା କରି ଚାଡ଼ି ନ ଜାଇ । ଆରିତରେକ୍ ତମର୍ ଲଗେ ବାଉଡ଼ି ଆଇବି । ୧୯ ଚନେକ୍ ଗାଲେ ଦୁନିଆ ଆରି ମକେ ଦେକିନାପାରେ । ମାତର୍ ତମେ ଦେକ୍‌ସା, କାଇକେ ବଇଲେ ମୁଇ ସବୁବେଲେ ଜିବନ୍ ରଇବି, ଆରି ତମେ ମିସା ଜିବନ୍ ରଇସା । ୨୦ ସେ ଦିନ୍ ଆଇଲେ ତମେ ଜାନ୍‌ସା, ମୁଇ ବାବାର୍ ଲଗେ, ତମେ ମର୍ ଲଗେ, ଆରି ମୁଇ ତମର୍ ଲଗେ ସବୁବେଲେ ରଇବି ।

୨୧ “ଜେ ମର୍ ଆଦେସ୍ ମାନ୍‌ସି, ସେ ଆକା ମକେ ଆଲାଦ୍ କରସି । ଜେ ମକେ ଆଲାଦ୍ କରସି, ମର୍ ବାବା ତାକେ ଆଲାଦ୍ କରସି । ମୁଇ ମିସା ତାକେ ଆଲାଦ୍ କରି ନିଜ୍‌କେ ତାର୍‌ଟାନେ ଦେକାଇଅଇବି ।”

୨୨ ତାର୍ ପରେ ଜିଉଦା, ଇସ୍କାରିୟ୍‌ଡ଼ ଜିଉଦା ନର୍, କଇଲା “ଏ ମାପରୁ ଏଟା କେନ୍ତୁ ଅଇସି ? ତମେ ନିଜ୍‌କେ ଦୁନିଆଇ ଦେକାଇ ନ ଅଇ ଆମର୍ ଲଗେ କେନ୍ତୁ ଦେକାଇଅଇସା ?”

୨୩ ଜିସୁ ତାକେ କଇଲା, “ଜନ୍ ଲକ୍ ମକେ ଆଲାଦ୍ କରସି ସେ ମୁଇ ସିକାଇବା ବାକିଅ ମାନ୍‌ସି । ସେନ୍ତୁ କଲେ ମର୍ ବାବା ପରମେସର୍ ତାକେ ଆଲାଦ୍ କରସି । ବାବା ଆରି ମୁଇ ଆସି ସେ ଲକ୍‌ର୍ ଟାନେ ରଇବୁ । ୨୪ ଜେ ମକେ ଆଲାଦ୍ ନ କରେ, ସେ ମର୍ ବାକିଅ ନ ମାନେ । ଆରି ମୁଇ କଇବା ଏ କାତା ସବୁ ମର୍‌ତେଇ ଅନି ନର୍, ମାତର୍ ମକେ ପାଟାଇଲା ମର୍ ବାବାର୍ ତେଇଅନି କଇଲିନି ।”

୨୫ ମୁଇ ତମର୍ ଲଗେ ରଇକରିସେ ଏ ସବୁ କାତା କଇଲିନି । ୨୬ ମାତର୍ ପରମେସର୍ ଜନ୍ ସାଇଜକାରିଆ ସୁକଲ୍ ଆଡ଼ମାକେ ମର୍ ନାଉଁ ଦାରି ତମର୍ ଲଗେ ପାଟାଇସି, ସେ ତମ୍‌କେ ସବୁ ବିସଇ ସିକାଇଦେଇସି ଆରି ମୁଇ ଜନ୍ ଜନ୍ କାତା କଇଲିଆଡ଼ି ସେଟା ସବୁ ତମ୍‌କେ ଏତାଇ ଦେଇସି ।

୨୭ “ମୁଇ ତମ୍‌କେ ସାନ୍ତି ଦେଇକରି ଗାଲିନି । ମର୍ ନିଜର୍ ସାନ୍ତି ତମ୍‌କେ ଦାନ୍ ଦେଇକରି ଗାଲିନି । ଏଟା ଦୁନିଆ ଦାନ୍ ଦେଲାପାରା ସାନ୍ତି ନର୍ । ସେଟାର୍ ପାଇ ଚିନ୍ତା କରା ନାଇ କି କିଲ୍‌ବିଲ୍ ଅଇ ତରା ନାଇ । ୨୮ ମୁଇ ଜାଇଟା କଇରଇଲି, ସେଟା ସୁନିଆଟାସ୍ । ମୁଇ ଗାଲିନି ମାତର୍ ଆରି ତରେକ୍ ବାଉଡ଼ି ଆଇବି । ମକେ ଜଦି ଆଲାଦ୍ କରତାସ୍ ବଇଲେ, ମୁଇ ବାବାର୍ ଲଗେ ଗାଲିନି ବଲି ସୁନି ସାର୍‌ଦା ଅଇତାସ୍, କାଇକେ ବଇଲେ ମର୍ ବାବା ମର୍‌ତେଇଅନି ବଡ଼ । ୨୯ ଜାଇଟା ସବୁ ଗଟ୍‌ବାର୍ ଆଟେ ସେଟା ସବୁ ମୁଇ ତମ୍‌କେ ଆଗ୍‌ତୁ ଜାନାଇଦେଲି । ଜେନ୍ତୁକି ସେଟା ସବୁ ଗଟ୍‌ଲେ, ତମେ ମକେ ବିସ୍‌ବାସ୍ କରସା । ୩୦ ମୁଇ ତମର୍ ସଙ୍ଗ୍ ଆରି ଅଦିକ୍ ପର୍ କାତାବାଟା କରି ନାପାରି । କାଇକେ ବଇଲେ, ଏ ଦୁନିଆର୍ ସାସନକାରିଆ ଆଇଲାନି । ଆରି ମର୍‌ଟାନେ ତାର୍ କାଇ ଅଦିକାର୍ ନାଇ । ୩୧ ମୁଇ ମର୍ ବାବାକେ ଆଲାଦ୍ କଲିନି ଆରି ବାବାର୍ ଆଦେସ୍ ଇସାବେ କାମ୍ କଲିନି, ଏଟା ଦୁନିଆର୍ ଲକ୍‌ମନ୍ ଜାନଡ଼ ବଲି ଏନ୍ତୁ ଗଟ୍‌ନା ଅଇଲାନି । ଜୁ, ଆମେ ଏ ଜାଗାଇଅନି ବାରଇ ଉଟି ଜୁ ।”

### ୧୫

#### ଜିସୁ ସତ୍ ଅଙ୍ଗୁର୍ ମାଲ୍

୧ “ମୁଇ ଅଇଲିନି ସତ୍ ଅଙ୍ଗୁର୍ ମାଲ୍ ଆରି ମର୍ ବାବା ଅଇଲାନି ଚାସି । ୨ ମର୍‌ଟାନେ ରଇବା ପିଲ୍‌କା ମାଲେ ପଲ୍ ନ ଦାର୍‌ଲେ, ସେ କାଟି ପାକାଇସି । ଆରି ଜନ୍ ମାଲେ ପଲ୍ ଦାର୍‌ସି ସେ ମାଲ୍ ଅଦିକ୍ ପଲ୍ ଦାର୍‌ବାକେ ପରିଚଲ୍ କରସି । ୩ ମର୍‌ତେଇ ଅନି ପାଇରଇବା ସିକିଆଇ ଅନି ତମେ ପରିଚଲ୍ ଅଇସାରି ଆଟାସ୍ । ୪ ତମେ ମର୍‌ସଙ୍ଗ୍ ମିସିକରି ରୁଆ । ସେନ୍ତୁ ବଇଲେ ମୁଇ ମିସା ତମର୍ ସଙ୍ଗ୍ ରଇବି । କେନ୍ଦା ଜଦି ବୁନ୍‌ସଙ୍ଗ୍ ମିସିକରି ନ ରଇଲେ ନିଜେ ପଲ୍ ନ ଦାରେ, ସେନ୍ତୁ ତମେ ମିସା ମର୍‌ତେଇ ମିସି ନ ରଇଲେ, ପଲ୍ ଦାରିନାପାରାସ୍ ।”

୫ “ମୁଇ ଅଇଲିନି ମୁଲ୍ ଅଙ୍ଗୁର୍ ମାଲ୍, ତମେ ଅଇଲାସିନି ପିଲ୍‌କା ମାଲ୍ । ଜେ ମର୍‌ତେଇ ରଇସି ଆରି ମୁଇ ଜାର୍‌ତେଇ ରଇବି ସେ ବେସି ପଲ୍ ଦାର୍‌ସି, କାଇକେ ବଇଲେ ମକେ ଚାଡ଼ିକରି ତମେ କାଇଟା କରି ନାପାରାସ୍ । ୬ ଜେ ମର୍‌ତେଇ ନ ରଏ, ତାକେ ଗଟେକ୍ ଗରୁଣ୍ଡି କରି ପିଙ୍ଗାଲା ମାଲ୍‌ପାରା ବାଇରେ ପିଙ୍ଗି ଦେବାଇ ଆରି ସେଟା ସୁକି ଜାଇସି । ଏନ୍ତାରି ମାଲ୍‌ମନ୍‌କେ ଚୁଲିଆଇ ଜଇତେଇ ପିଙ୍ଗି ଦେବାଇ ଆରି ସେଟା ପଡ଼ି ଜାଇସି । ୭ ଜଦି ତମେ ମର୍‌ସଙ୍ଗ୍ ମିସିକରି ରଇସା ଆରି ମର୍ ବାକିଅ ତମର୍ ମନେ ରଇସି, ତମେ ମନ୍‌କରି କାଇ ବିସଇ ମାଙ୍ଗ୍‌ସା ବଇଲେ ସେଟା ମିଲାଇସା । ୮ ତମେ ବେସି ପଲ୍ ଦାର୍‌ଲେ, ମର୍ ବାବା ତାକ୍‌ପୁଟା ପାଇସି, ଆରି ଇଡିଅନି ତମେ ମର୍ ସତ୍ ସିସ୍‌ମନ୍ ବଲି ଜାନ୍‌ବାଇ । ୯ ମର୍ ବାବା ଜେନ୍ତୁ ମକେ ଆଲାଦ୍ କଲା ଆଟେ, ସେନ୍ତୁ ମୁଇ ମିସା ତମ୍‌କେ ଆଲାଦ୍ କଲିନି । ମର୍ ଆଲାଦେ ତବିର୍ ଅଇରୁଆ । ୧୦ ମୁଇ ଜେନ୍ତୁ ମର୍ ବାବାର୍ ଆଦେସ୍ ମାନିକରି ତବିର୍ ଅଇଆଡ଼ି । ସେନ୍ତୁ ତମେ ମର୍ ଆଦେସ୍ ମାନ୍‌ସା ବଇଲେ ମର୍ ଆଲାଦେ ତବିର୍ ଅଇକରି ରଇସା ।”

୧୧ “ଜେନ୍ତୁକି ମରୁ ସାର୍ଦଦା ତମର ଟାନେ ରଇକରି, ସେ ସାର୍ଦଦା ପୁରାପୁରୁନ୍ ଅଇବାକେ ତମକେ ଏ ସବୁ କାତା କଇଲିଆତି । ୧୨ \*ମୁଇ ତମକେ ଜେନ୍ତୁ ଆଲାଦ୍ କଲିଆତି, ସମାନ୍ ସେନ୍ତି ତମେ ମିସା ନିଜର ନିଜର ବିତ୍ତରେ ଆଲାଦ୍ ଅଇକରି ରୁଆ । ଏଟାସେ ମରୁ ଆଦେସ୍ । ୧୩ ନିଜର ମଇତରମନର ଲାଗି ଜିବନ୍ ଦେବାଟା ଅଇଲାନି ସବୁରଟାନେଅନି ବଡ୍ ଆଲାଦ୍ । ୧୪ ମୁଇ ତମକେ ଜନ୍ ଆଦେସ୍ ଦେଇଆତି, ସେଟା ମାନ୍ସା ବଇଲେ ତମେ ମରୁ ମଇତରମନ୍ । ୧୫ ଏବେ ମୁଇ ତମକେ ଗତିଦାଙ୍ଗତାମନ୍ ବଲି ନ ଡାକି, କାଇକେ ବଇଲେ, ଗତିଦାଙ୍ଗତା ତାର୍ ସାଉକାର୍ କାଇଟା କରସି ସେଟା ନାଜାନେ । ମାତର ମୁଇ ତମକେ ମଇତର ବଲି ଡାକବି, କାଇକେ ବଇଲେ ମୁଇ ବାବାରତେଇ ଅନି ଜନ୍ ଜନ୍ ବିସଇ ସୁନି ଆତି, ସେଟା ତମକେ କଇଦେଲିଆତି । ୧୬ ତମେ ମକେ ବାଟାସ୍ ନାଇ, ମାତର ମୁଇ ତମକେ ବାଟଲି ଆତି । ଆରି ଜାଇକରି ଅଦିକ୍ ଅଦିକ୍ ପଲ୍ ଦାର୍ବାକେ ତମକେ ଦାଇଡ୍ ଦେଲି । ତମର ପଲ୍ ସବୁ ଦିନର ପାଇ ରଇସି । ତେବେ ତମେ ମରୁ ନାଉଁ ଦାରି ବାବାକେ କାଇଟା ମାଙ୍ଗଲେ ମିସା ସେ ତମକେ ଦେଇସି । ୧୭ ତମର ତମର ବିତ୍ତରେ ଆଲାଦ୍ କରା । ଏଟା ଅଇଲାନି ମରୁ ଆଦେସ୍ ।”

**ଜଗତର ଗିନ୍**

୧୮ “ଜାନିରୁଆ, ତମକେ ଜଦି ଏ ଦୁନିଆ ଗିନ୍ କରସି, ତେବେ ତମକେ ଗିନ୍ କରବା ଆଗତୁସେ ମକେ ଗିନ୍ କଲାଆତେ । ୧୯ ତମେ ଜଦି ଏ ଦୁନିଆର ଲକ୍ଷମନ୍ ଅଇରଇତାସ୍ ଆଲେ ଏ ଦୁନିଆ ତମକେ ନିଜର ବାବି ଆଲାଦ୍ କରତା, ମାତର ମୁଇ ତମକେ ବାଟି ଦୁନିଆଇଅନି ବେଗଲାଇ ଦେଇଆତି । ସେଟାର ପାଇ ଏ ଦୁନିଆ ତମକେ ଗିନ୍କରସି । ୨୦ \*ମୁଇ ଜନ୍ଟା କଇରଇଲି ଏତାଇଦେକା, ଗତିଦାଙ୍ଗତା ତାର୍ ସାଉକାର୍ତେଇଅନି ବଡ୍ ନଏଁ ବଲି ମୁଇ ତମକେ କଇରଇଲି । ସେମନ୍ ମକେ ସାଦି ଆତଡ୍ ଆରି ତମକେ ମିସା ସାଦ୍ବାଇ । ଜଦି ସେମନ୍ ମରୁ ସିକିଆ ମାନିଆତଡ୍ ବଇଲେ ତମର କାତା ମିସା ମାନ୍ବାଇ । ୨୧ ମାତର ତମେ ମରୁ ଲକ୍ ଅଇରଇବାର ଲାଗି ସେମନ୍ ତମକେ ଏନ୍ତାରି କରବାଇ । କାଇକେ ବଇଲେ ମକେ ଜେ ପାଟାଇଲା ଆଟେ, ସେଟା ସେମନ୍ ନାଜାନଡ୍ । ୨୨ ଜଦି ମୁଇ ଆସି ଏ ସବୁ ବିସଇ ସେମନ୍କେ ବୁଜାଇ ନ ରଇତି ବଇଲେ, ସେମନ୍ ଦସି ନ ଅଇତାଇ, ମାତର ଏ ପାପର ଚଲାଚଲ୍ତି ପାଇ କାଇ ଚାଲାକି ଦେକାଇ ନାପାରଡ୍ । ୨୩ ଜେ ମକେ ଗିନ୍ କରସି, ସେ ମରୁ ବାବା ପରମେସରକେ ମିସା ଗିନ୍ କରସି । ୨୪ ଜଦି ମୁଇ ତାକର ବିତ୍ତରେ କାବା ଅଇଜିବା କାମ୍ ନ କରି ରଇଲେ, ସେମନ୍ ପାପି ବଲି ଦସି ନ ଅଇତାଇ । ମାତର ସେମନ୍ ମୁଇ କଲା କାବାଅଇଜିବା କାମ୍ମନ୍ ଦେକ୍ଲାଇ ଆତଡ୍ । ଏନ୍ତି ବଇଲେ ମିସା ସେମନ୍ ମକେ ଆରି ମରୁ ବାବା ପରମେସରକେ ଗିନ୍ କଲାଇ ଆତଡ୍ । ୨୫ ମାତର ଏସବୁ ଗଟ୍ବାର ରଇଲା । କାଇକେବଇଲେ ସେଟାର ଲାଗି ସେମନର ସାସ୍ତରେ ଜାଇଟା ଲେକାଅଇଲା ଆଟେ, ସେଟା ସିଦ୍ ଅଇଲା । କାଇ ଦସ୍ ନ ରଇତେ ସେମନ୍ ମକେ ଗିନ୍ କଲାଇ । ୨୬ ସତଇସେ ସାଇଜକାରିଆ ଆଡ୍ମା ଆଇସି । ସେ ବାବାରତେଇ ଅନି ଆସି, ପରମେସରର ସବୁ ବିସଇର ସଡ୍ ଦେକାଇଦେଇସି । ମୁଇ ତାକେ ବାବାରତେଇଅନି, ତମର ଲଗେ ପାଟାଇବି । ଆରି ସେ ମରୁ ବିସଇ ତମକେ କଇସି । ୨୭ ଆରି ତମେ ମିସା ମରୁ ବିସଇସେ କଇସା, କାଇକେବଇଲେ ଆରାମେଅନି ତମେ ମରୁ ସଙ୍ଗ୍ ଆଟାସ୍ ।”

**୧୭**

୧ “ତମେ ମକେ କରିରଇବା ବିସ୍ବାସ୍ ନ ଚାଡି, ତାଟ୍ ସଙ୍ଗ୍ ରଇବାକେ, ମୁଇ ଏ ସବୁ କାତା କଇଲିଆତି । ୨ ସେମନ୍ ତମକେ ପାରତନା ଗରେଅନି ବାରକରାଇ ଦେବାଇ । ଉଁ ଏନ୍ତାରି ବେଲା ଆଇଲାନି, ଜେ ମିସା ତମକେ ମରାଇବାଇ, ସେଟା ପରମେସରକେ ସେବା କଲାପାରା ରଇସି । ୩ ତମକେ ସେମନ୍ ଏନ୍ତି ସବୁ କାମ୍ମନ୍ କରବାଇ । କାଇକେ ବଇଲେ ସେମନ୍ ମକେ ଆରି ମରୁ ବାବାକେ ନାଜାନଡ୍ । ୪ ଏବେ ମୁଇ ଏ ସବୁ କାତା କଇଲିନି । ସେଟାର ପାଇ ଏ ସବୁ ଗଟ୍ନାମନ୍ ଗଟ୍ବା ବେଲା କେଟ୍ଲେ ମୁଇ କଇଲା କାତା ଏତାଇସା । ଆରାମେ ଅନି ମୁଇ ତମର ସଙ୍ଗ୍ ରଇଲି ଜେ ଏ ସବୁ କାତା କଇ ନ ରଇଲି ।”

**ସୁକଲ୍ ଆଡ୍ମାର କାମ୍**

୫ “ମାତର ମୁଇ ଏବେ ମରୁ ପାଟାଉର୍ ଲଗେ ଗାଲିନି । ଏଲେମିସା ତମର ବିତ୍ତରେ ଅନି କେ ମିସା ମକେ କେନେ ଜାଇସୁ ବଲି ପାଟାଉର୍ ନାଇ । ୬ ମାତର ଏବେ ମରୁ ଏ ସବୁ କାତା ସୁନିକରି ଦୁକ୍ ଅଇକରି ଆଟାସ୍ । ୭ ମୁଇ ତମକେ ସଡ୍କାତା କଇଲିନି, ମୁଇ ଉଟିଜିବା ବିସଇ ତମର ପାଇ ଗଟେକ୍ ମଙ୍ଗଲର୍ ବିସଇ ଅଇସି । କାଇକେ ବଇଲେ ମୁଇ ନ ଗାଲେ ସାଇଜକାରିଆ ତମରଟାନେ ନ ଆସେ, ମୁଇ ଗାଲେ ତାକେ ତମରଟାନେ ପାଟାଇଦେବି । ୮ ସେ ଆସିକରି ଦୁନିଆର ଲକ୍ଷମନ୍କେ ପାପ୍, ଦରମ୍ ଆରି ନିଆଇ ବିସଇର୍ ସାକି ଦେଇସି । ୯ ଏ ଦୁନିଆର ଲକ୍ଷମନ୍ ପାପ୍ ବିସଇ ବୁଲ୍ ବୁଜ୍ଲାଇ ଆତଡ୍ । ସେ ଦେକାଇ ଦେଇସି ଜେ, ମକେ ବିସ୍ବାସ୍ ନ କରବାଟାସେ ପାପ୍ । ୧୦ ଟିକ୍ ଇସାବେ ଚଲାଚଲ୍ତି କରବା ବିସଇ, ଦୁନିଆର ଲକ୍ଷମନ୍

☆ ୧୫:୧୨ ୧୫:୧୨ କଥନ ୧୩:୩୪;୧୫:୧୭; ୧ ମ କଥନ ୩:୨୩; ୨ ଯ କଥନ ୧:୫ ☆ ୧୫:୨୦ ୧୫:୨୦ ମାତିଉ ୧୦:୨୪; ଲୁକ୍ ୭:୪୦; କଥନ ୧୩:୧୭

ବୁଲ୍ ବୁଜିଆଡ଼ । ମୁଇ ମର ବାବାର ଲଗେ ବାଉଡ଼ି ଗାଲିନି, ଆରି ତମେ ମକେ ଦେକିନାପାରାସ୍ । ସେଟା ମୁଇ ମାନବା ଦରମ୍ ବିସଇ ସାକି ଦେଲାନି । ୧୧ ଦୁନିଆର୍ ଲକ୍ମନ୍ ବିଚାର କରବା ବିସଇ ବୁଲ୍ ବୁଜିଲାଇ ଆଡ଼ । କାଇକେବଇଲେ ଏ ଦୁନିଆର୍ ସାସନକାରିଆ ଦସି ବଲି ବିଚାର ଅଇ ସାରାଇ ଆଟେ ।”

୧୨ “ମୁଇ ତମ୍‌କେ କେତେକ୍ କେତେକ୍ କାତା କଇବାର୍ ଆଟେ । ମାତର୍ ଏବେ ତମେ ସେ ସବୁ କାତା ଦାରିନାପାରାସ୍ । ୧୩ ମାତର୍ ସତ୍ ଆତ୍ମା ଆଇଲେ, ସେ ତମ୍‌କେ ସବୁ ସତ୍ ବିସଇର୍ ବାଟେ ଡାକିନେଇସି । କାଇକେ ବଇଲେ, ସେ ନିଜର୍ ଅଦିକାରେ କାଇ କାତା ନ କଏ । ମାତର୍ ସେ ବାବାର୍‌ତେଇଅନି ଜନ୍ ଜନ୍ କାତା ସୁନସି, ସେ ସବୁ କଇସି । ଆରି ଆଇବା ଦିନମନ୍‌କେ କାଇଟା ଅଇସି ସେ ସବୁ ବିସଇ ମିସା କଇସି । ୧୪ ସେ ମୁଇ କଇବାଟାନେ ଅନି ନେଇକରି ଆକା ତମ୍‌କେ କଇସି । ଆରି ମକେ ଡାକ୍‌ପୁଟା କରାଇ ଦେକାଇସି । ୧୫ ଜନ୍‌ଟା ବାବାର୍‌ଟା, ସେ ସବୁ ମରଟା । ସେଟାର୍‌ପାଇ ମୁଇ ତମ୍‌କେ କଇଲିନି, ସୁକଲ୍ ଆତ୍ମା ମରଟାନେଅନି ନେଇକରି ସେ ତମ୍‌କେ କଇସି ।”

**ଦୁକର୍ ବିସଇ ଆରି ସାର୍‌ଦାର୍ ବିସଇ**

୧୬ “ଚନେକ୍ ଗାଲା ପଟେ ତମେ ଆରି ମକେ ଦେକି ନାପାରାସ୍ । ଆରି ଚନେକ୍ ଗାଲେ ଦେକ୍‌ସା ।”

୧୭ ସେବେଲେ ତାର୍ ସିସ୍‌ମନ୍ ବିତ୍‌ରେଅନି କେତେ ଲକ୍ ତାକର୍ ବିତ୍‌ରେ କୁଆବଲା ଅଇଲାଇ । “ସେ ଆମ୍‌କେ କଇଲାନି, ଚନେକ୍ ଗାଲାପଟେ ତମେ ଆରି ମକେ ଦେକି ନାପାରାସ୍, ଆରି ଚନେକ୍ ଗାଲେ ମକେ ଦେକ୍‌ସା । ମୁଇ ଏବେ ବାବାର୍ ଲଗେ ଗାଲିନି ବଲି କଇବା ଅରଡ଼ କାଇଟା ?” ୧୮ ତେବେ ସେମନ୍ କଇଲାଇ, “ଏ ଚନେକ୍ ପଟେ ବଲି କାଇକେ କଇଲାନି ? ସେ କାଇଟା ବଲି କଇଲାନି, ଆମେ ବୁଜି ନାପାରୁଲୁନି ।”

୧୯ ସେମନ୍ ମକେ ପାଟାର୍‌ବାକେ ମନ୍ କଲାଇନି ବଲି ଜିସୁ ଜାନିକରି ସେମନ୍‌କେ କଇଲା, “ଚନେକ୍ ଗାଲେ ତମେ ଆରି ମକେ ଦେକି ନାପାରାସ୍ ଆରି ଚନେକ୍ ଗାଲାପଟେ ମକେ ଦେକ୍‌ସା ବଲି କଇଲା ଏ କାତା ନେଇକରି ତମର୍ ତମର୍ ବିତ୍‌ରେ କାଇକେ କୁଆବଲା ଅଇଲାସିନି ? ୨୦ ମୁଇ ତମ୍‌କେ ସତ୍ କାତା କଇଲିନି, ତମେ ସାତାରି ସାତାରି କାନ୍‌ସା, ମାତର୍ ଦୁନିଆର୍ ଲକ୍ମନ୍ ସାର୍‌ଦା ଅଇବାଇ । ତମେ ପର୍ରୁମ୍ ଦୁକ୍ ଅଇରଇସା ମାତର୍ ତମର୍ ଦୁକ୍ ସାର୍‌ଦାଇ ପୁରୁନ୍ ଅଇଜାଇସି । ୨୧ ଗଟେକ୍ ମାଲଜି ନିକ ଅଇବା ବେଲା କେଟ୍‌ଲେ ବେସି ଦୁକ୍ ଅଇସି । କାଇକେବଇଲେ ତାର୍ ଦୁକ୍ କସ୍‌ଟର୍ ବେଲା କେଟିଆଟେ । ମାତର୍ ନିମାନ୍ ଅଇସାର୍‌ଲା ପଟେ ତାର୍ ଦୁକ୍ କସ୍‌ଟ୍ ପାସରିଜାଇସି । କାଇକେ ବଇଲେ ତାର୍‌ତେଇଅନି ଗଟେକ୍ ପିଲା ଦୁନିଆଇ ଜନମ୍ ଅଇଲା ଆଟେ । ୨୨ ସେନ୍ତାରିସେ ତମ୍‌କେ ମିସା ଅଇସି । ଏବେ ତମେ ଦୁକ୍‌ଅଇ ଆଟାସ୍, ମାତର୍ ଆରି ତରେକ୍ ମୁଇ ତମ୍‌କେ ଦେକାଇଅଇବି, ତାର୍ ପଟେ ତମେ ବେସି ସାର୍‌ଦା ଅଇସା । ଆରି କେମିସା ତମର୍ ସାର୍‌ଦା ତମରଟାନେଅନି ଚାଡାଇ ନେଇ ନାପାରଡ଼ ।

୨୩ “ସେବେଲା ତମେ ମକେ ମୁଲ୍‌କେ ନ ପାଟାରାସ୍ । ମୁଇ ତମ୍‌କେ ସତ୍ କାତା କଇଲିନି, ତମେ ମର୍ ନାଉଁ ଦାରି ବାବାକେ କାଇଟା ମିସା ମାଙ୍‌ସା ବଇଲେ ସେଟା ଦେଇସି । ୨୪ ତମେ ଏବେ ଜାକ ମର୍ ନାଉଁ ଦାରି କାଇଟା ମିସା ମାଙ୍‌ସ୍ ନାଇତା । ଏବେ ମାଙ୍‌ସା, ତେବେ ତମ୍‌କେ ମିଲ୍‌ସି । ଆରି ତମର୍ ସାର୍‌ଦା ପୁରାପୁରୁନ୍ ଅଇସି ।”

**ଦୁନିଆକେ ଜିତ୍‌ବା ବିସଇ**

୨୫ “ମୁଇ ତମ୍‌କେ କାତା ମଲ୍‌କାଇ କରି ଏ ସବୁ କଇଲିନି, ଏନ୍ତି ବେଲା ଆଇସି, ତମ୍‌କେ ଆରି ମୁଇ କାତା ନ ମଲ୍‌କାଇ, ସଲ୍‌କେ ବାବାର୍ ବିସଇ କଇଦେବି । ୨୬ ତମେ ସେ ଦିନମନ୍‌କେ ମର୍ ନାଉଁ ଦାରି ପର୍‌ମେସରକେ ବେସି ବିସଇମନ୍ ମାଙ୍‌ସା । ଆରି ମୁଇ ତମର୍ ପାଇ ବାବା ପର୍‌ମେସରର୍ ତେଇ ଗୁଆରି କରବାର୍ ଦରକାର୍ ନ ରଏ । ୨୭ କାଇକେବଇଲେ ବାବା ତମ୍‌କେ ଆଲାଦ୍ କଲାନ୍ତି, ସେ ତମ୍‌କେ ଆଲାଦ୍ କଲାନ୍ତି କାଇକେବଇଲେ ତମେ ଜେଡ଼ିକି ମକେ ଆଲାଦ୍ କରି ଆଟାସ୍, ଆରି ମୁଇ ପର୍‌ମେସରର୍ ତେଇଅନି ଆଇଲି ଆଟି ବଲି ବିସ୍‌ବାସ୍ କରିଆଟାସ୍ । ୨୮ ମୁଇ ବାବାର୍‌ଟାନେଅନି ଏ ଦୁନିଆଇ ଆସିଆଟି, ଆରି ଏବେ ମୁଇ ଏ ଦୁନିଆ ଚାଡ଼ିକରି ବାବାର୍ ଲଗେ ବାଉଡ଼ି ଗାଲିନି ।”

୨୯ ଜିସୁର୍ ସିସ୍‌ମନ୍ କଇଲାଇ, “ଏବେ ତମେ ଆମ୍‌କେ କାତା ମଲ୍‌କାଇ ନ କଇକରି ସଲ୍‌କେସେ କଇଲାସିନି । ୩୦ ତମେ ସବୁ ବିସଇ ଜାନିଆରୁସ୍, ଏଟା ଏବେ ଆମେ ଜାନ୍‌ଲୁ । ଆରି କେ ତମ୍‌କେ ଜାନେ କି ନାଇ ବଲି, ପାଟାର୍‌ବାର୍ ଲତା ନାଇ । ଏଟାର୍‌ପାଇ ତମେ ପର୍‌ମେସରର୍‌ଟାନେ ଅନି ଆସିଆରୁସ୍ ବଲି ଆମେ ବିସ୍‌ବାସ୍ କଲୁନି ।”

୩୧ ଜିସୁ ସେମନ୍‌କେ କଇଲା, “ଏବେ କାଇ ତମେ ବିସ୍‌ବାସ୍ କଲାସିନି ? ୩୨ ଦେକା, ଏନ୍ତି ବେଲା ଆଇଲାନି, ଓଁ ସେ ବେଲା କେଟ୍‌ଲା ଆଟେ, ତମେ ମକେ ଗଟେକ୍ ଲକ୍‌କେ ଚାଡ଼ି, ଏନେ ତେନେ ଅଇକରି ନିଜର୍ ନିଜର୍ ଗରେ ଉଟିପାଲାଇସା । ଏଲେମିସା ମୁଇ ଗଟେକ୍ ଲକ୍ ନାଇ, ସବୁବେଲା ମର୍ ସଙ୍‌ ବାବା ଆଟେ । ୩୩ ଜେନ୍ତାରି କି ତମେ ମର୍‌ତେଇ ରଇକରି ସାନ୍ତି ପାଇସା, ସେଟାର୍‌ପାଇ ମୁଇ ତମ୍‌କେ ଏ ସବୁ

ବିସଇ କଇଆଟି । ଏ ଦୁନିଆଇ ତମରପାଇ ବେସି ଦୁକ୍ କସ୍ ଥାଚେ, ମାତର୍ ତାଟ୍‌ସଙ୍ଗ୍ ରୁଆ, ମୁଇ ଦୁନିଆର୍ କାରାପ୍ ବପୁ ନସାଇକରି ଜିତିଆଟି ।”



**ସିସମନର୍ ପାଇ ଜିସୁର୍ ପାର୍ତନା**

୧ ଜିସୁ ଏ ସବୁ କାତା କଇସାରାଇଲା ପଚେ, ସରଗ୍ ବାଟେ ଦେକି କଇଲା, “ଏ ସରଗର୍ ବାବା, ଏବେ ବେଲା କେଟ୍‌ଲା ଆଚେ । ତମର୍ ପିଲା ମକେ ଡାକ୍‌ପୁଟା କରା । ଜେନ୍ତିକି ତମର୍ ପିଲା ମୁଇ ତମକେ ଡାକ୍‌ପୁଟା କରବି । ୨ ତମେ ମକେ ସବୁ ମୁନୁସ୍ ଜାତି ଉପ୍‌ରେ ଅଦିକାର୍ ଦେଇଆଚାସ୍ । ଆରି ଜନ୍‌ଲକ୍‌ମନ୍‌କେ ମକେ ସର୍ପି ଦେଇଆଚାସ୍, ସେମନ୍‌କେ ମୁଇ ନ ସାର୍‌ବା ଜିବନ୍ ଦେବି । ୩ ତମେସେ ଗଟେକ୍ ପର୍‌ମେସର୍, ତମକେ ଆରି ତମେ ପାଟାଇରଇବା ଜିସୁ କିରିସ୍‌ଟକେ ଜାନ୍‌ବାଟା ଅଇଲାନ୍‌ନି ନ ସାର୍‌ବା ଜିବନ୍ । ୪ ତମେ ମକେ ଜନ୍ କାମ୍‌ମନ୍ କରବାକେ ଦେଇଆଚାସ୍, ସେଟା ମୁଇ ସାରାଇ କରି, ଏ ଦୁନିଆଇ ତମକେ ଡାକ୍‌ପୁଟା କରିଆଟି । ୫ ଏ ବାବା, ଏ ଦୁନିଆ ତିଆର୍ ନ ଅଇତେ, ତମର୍ ସଙ୍ଗ୍ ରଇଲାବେଲେ, ମର୍ ଜନ୍ ଡାକ୍‌ପୁଟା ରଇଲା, ଏବେ ତମେ ରଇତେ ଆକା, ମକେ ଡାକ୍‌ପୁଟା କର୍ ।

୬ “ଏ ଜଗତର୍ ଜନ୍ ଲକ୍‌ମନ୍‌କେ ତମେ ମକେ ସର୍ପି ଦେଇରଇଲାସ୍, ସେମନର୍ ଲଗେ ମୁଇ ତମକେ ଜାନାଇଆଟି । ସେମନ୍ ତମର୍ ଅଇରଇଲାଇ, ଆରି ମକେ ସେମନ୍‌କେ ସର୍ପିଦେଲୁସ୍ । ସେମନ୍ ତମର୍ ବାକିଅ ମାନ୍‌ଲାଇନି । ୭ ତମେ ମକେ ଜନ୍ ଜନ୍‌ଟା ସର୍ପି ଦେଇ ଆଚାସ୍, ସେଟାମନ୍ ସବୁ ତର୍‌ଟାନେଅନି ଆକା ଅଇଲାଆଚେ, ବଲି ଏବେ ସେମନ୍ ବୁଜିଆଚଡ୍ । ୮ ତମେ ମକେ ଦେଇରଇବା କବର୍ ମୁଇ ସେମନ୍‌କେ ସୁନାଇଆଟି, ସେମନ୍ ସେଟା ମାନ୍ ଆଚଡ୍ । ମୁଇ ତମର୍‌ଟାନେଅନି ଆସିଆଟି ଆରି ତମେ ମକେ ପାଟାଇଆଚାସ୍, ସେମନ୍ ଏ କାତା ସଡ୍ ବଲି ଜାନିକରି ବିସ୍‌ବାସ୍ କଲାଇ ଆଚଡ୍ ।”

୯ ମୁଇ ସେମନର୍‌ଲାଗି ପାର୍ତନା କଲିନି, ଦୁନିଆର୍ ଲକ୍‌ମନର୍ ପାଇ ପାର୍ତନା କରିନାଇ । ମାତର୍ ତମେ ମକେ ଜନ୍ ଲକ୍‌ମନ୍‌କେ ଦେଇଆଚାସ୍, ସେ ଲକ୍‌ମନର୍ ପାଇ ପାର୍ତନା କଲିନି । କାଇକେ ବଇଲେ ସେମନ୍ ତମର୍ ଲକ୍‌ମନ୍ । ୧୦ ଜେଡ୍‌କି ମର୍‌ଟା, ସେ ସବୁ ତମର୍‌ଟା । ଆରି ଜେଡ୍‌କି ତମର୍‌ଟା ସେ ସବୁ ମର୍‌ଟା । ଆକର୍‌ଲାଗି ଆକା ମର୍ ଡାକ୍‌ପୁଟା ଅଇଆଚେ । ୧୧ ଏବେ ମୁଇ ତମର୍ ଲଗେ ଆଇଲିନି, ମୁଇ ଏ ଦୁନିଆଇ ରଇନାଇ । ମାତର୍ ଏମନ୍ ରଇଲାଇନି । ସୁକଲ୍ ରଇବା ବାବା ! ତମେ ଜନ୍ ଲକ୍‌ମନ୍‌କେ ମକେ ସର୍ପି ଦେଇଆଚୁସ୍, ତମେ ଦେଇରଇବା ନାଉର୍ ବପୁର୍ ଲାଗି ସେମନ୍‌କେ ରକିଆ କରା । ଜେନ୍ତାରି ତମେ ଆରି ମୁଇ ଗଟେକ୍ । ସେନ୍ତାରିସେ ସେମନ୍ ଗଟେକ୍ ଅଇରଇବାକେ ସାଇଜ କରା । ୧୨ ମୁଇ ସେମନର୍ ସଙ୍ଗ୍ ରଇଲା ବେଲେ ତମର୍ ନାଉର୍ ବପୁସଙ୍ଗ୍ ସେମନ୍‌କେ ରକିଆ କରିରଇଲି । ଜେନ୍ତି କି ସେମନ୍ କାଲ୍‌କାଲ୍ ଜୁଗ୍‌ଜୁଗ୍ ପର୍‌ମେସର୍‌ଟାନେ ଅନି ବିନେ ଅଇ ନସ୍‌ଟ ନ ଅଅଡ୍ । ଗଟେକ୍ ଲକ୍‌କେ ଚାଡି ସବୁଲକ୍‌କେ ରକିଆ କରିଆଟି । ସେ ଗଟେକ୍ ଲକ୍ ନସ୍‌ଟ ଅଇସି ଆକା । ଜେନ୍ତିକି ଦରମ୍ ସାସ୍‌ତରେ ଲେକା ଅଇଲାଟା ସିଡ୍ ଅଇବାର୍ ରଇଲା । ୧୩ ଏବେ ମୁଇ ତମର୍ ଲଗେ ଆଇଲିନି । ଏ ଦୁନିଆଇ ରଇଲା ବେଲେ ସେମନ୍‌କେ, ସେମନର୍ ମନେ ରଇବା ମର୍ ସାର୍‌ଦା ପୁରାପୁରୁନ୍ ଅଇବାକେ, ଏ ବିସଇ କଇରଇଲି । ୧୪ ମୁଇ ସେମନ୍‌କେ ତମର୍ ବାକିଅ ସୁନାଇଆଟି । ତେବର୍‌ପାଇ ଏ ଦୁନିଆ ସେମନ୍‌କେ ଗିନ୍ କଲାନ୍‌ନି । କାଇକେ ବଇଲେ ମୁଇ ଜେନ୍ତି ଏ ଦୁନିଆଇ ଅନି ଜାଡ୍ ଅଇଲାଟା ନଇ, ସେନ୍ତି ସେମନ୍ ମିସା ଏ ଦୁନିଆର୍ ନଅଡ୍ । ୧୫ ତମେ ସେମନ୍‌କେ ଏ ଦୁନିଆଇଅନି ଦାରିଜା ବଲି ମୁଇ ପାର୍ତନା କରିନାଇ । ମାତର୍ ସଇତାନର୍ ପାନ୍ଦେ ଅନି ରକିଆ କରା ବଲି ଗୁଆରି କଲିନି । ୧୬ ମୁଇ ଜେନ୍ତିକି ଏ ଦୁନିଆର୍ ନଇ, ସେନ୍ତି ସେମନ୍ ମିସା ଏ ଦୁନିଆର୍ ନଅଡ୍ । ୧୭ ତମର୍ ସଡ୍‌ସଙ୍ଗ୍ ସେମନ୍‌କେ ସୁକଲ୍ କରା, ତମର୍ ବାକିଅ ତା ସଡ୍ । ୧୮ ତମେ ମକେ ଜେନ୍ତି ଏ ଦୁନିଆଇ ପାଟାଇ ଆଚାସ୍, ସେନ୍ତାରି ମୁଇ ମିସା ସେମନ୍‌କେ ଏ ଦୁନିଆଇ ପାଟାଇଲିନି । ୧୯ ଜେନ୍ତିକି ସେମନ୍ ତମର୍‌ଟାନେ ସର୍ପି ଅଇବାଇ । ସେଟାପାଇ ମୁଇ ନିଜ୍‌କେ ତମର୍‌ତେଇ ସୁକଲ୍ ଅଇଲିନି ।

୨୦ “ମୁଇ ଅବ୍‌କା ଏ ସିସମନର୍ ଲାଗିସେ ପାର୍ତନା କରିନାଇ, ମାତର୍ ଏ ଲକ୍‌ମନ୍ ଜାନାଇବା କାତାଇଅନି ଜନ୍ ଲକ୍‌ମନ୍ ମକେ ବିସ୍‌ବାସ୍ କରବାଇ, ସେ ଲକ୍‌ମନର୍ ପାଇ ମିସା ପାର୍ତନା କଲିନି । ୨୧ ଏ ବାବା ତମେ ଜେନ୍ତାରି ମର୍‌ଟାନେ ମିସି ଗଟେକ୍ ଅଇଆଚାସ୍, ଆରି ମୁଇ ତମର୍‌ଟାନେ ମିସିକରି ଗଟେକ୍ ଅଇଆଟି । ସେନ୍ତାରିସେ ସେମନ୍ ମିସା ସେମନର୍ ବିଡ୍‌ରେ ମିସିକରି ଗଟେକ୍ ଅଇ ରଇବାକେ ମୁଇ ପାର୍ତନା କଲିନି । ଜେନ୍ତିକି ତମେସେ ମକେ ପାଟାଇ ଆଚାସ୍ ବଲି ଏ ଦୁନିଆ ବିସ୍‌ବାସ୍ କର । ୨୨ ଜେନ୍ତି ତମର୍ ଡାକ୍‌ପୁଟା ମକେ ଦେଇଆଚାସ୍, ସେନ୍ତି ସେଟା ମୁଇ ସେମନ୍‌କେ ଦେଇଆଟି । ତେବେ ଆମେ ଗଟେକ୍ ଅଇରଇଲାପାରା, ସେମନ୍‌ମିସା ସେମନର୍ ବିଡ୍‌ରେ ଗଟେକ୍ ଅଇରଇବାଇ । ୨୩ ତମେ ଜେନ୍ତି ମର୍‌ଟାନେ ଆଚାସ୍, ସେନ୍ତି ମୁଇ ମିସା ତାକର୍ ଟାନେ ରଇବି । ସେନ୍ତି ରଇଲେ ଆକା ସେମନ୍ ପୁରାପୁରୁନ୍ ଗଟେକ୍ ଅଇ

☆ ୧୭:୧୨ ୧୭:୧୨ ଜଅନ୍ ୧୩:୧୮

ରଇବାଇ । ଏକ୍ରି ଅଇଲେ ଦୁନିଆ ଜାନ୍ସି ଜେ, ତମେ ମକେ ପାଟାଇ ଆଚାସ୍, ଆରି ମକେ ଜେକ୍ରି ଆଲାଦ୍ କଲାସ୍ନି, ସେମନ୍‌କେ ମିସା ସେକ୍ରିସେ ଆଲାଦ୍ କଲାସ୍ନି ।”

୨୪ ଏ ବାବା, ତମେ ମକେ ଜନ୍ ଲକ୍‌ମନ୍‌କେ ଦେଇଆଚାସ୍, ମୁଇ ଜନ୍ ଜାଗାଇ ରଇବି, ସେମନ୍ ମିସା ମର୍ ସଙ୍ଗ୍ ରଅଡ୍ ବଲି ମନ୍ କଲିନି । ତେବେ ମକେ ଦେଇରଇବା ତାକ୍‌ପୁଟା ସେମନ୍ ଦେକ୍‌ବାଇ । କାଇକେ ବଇଲେ ତମେ ଏ ଦୁନିଆ ତିଆର୍ କର୍‌ବା ଆଗ୍‌ତୁସେ ମକେ ଆଲାଦ୍ କରିଆଚାସ୍ । ୨୫ ଏ ଦରମର୍ ବାବା, ଏ ଦୁନିଆ ତମ୍‌କେ ନାଜାନେ, ମାତର୍ ମୁଇ ତମ୍‌କେ ଜାନିଆତି । ଆରି ତମେସେ ମକେ ପାଟାଇଆଚାସ୍ ବଲି ସିସ୍‌ମନ୍ ଜାନିଆଚଡ୍ । ୨୬ ମୁଇ ସେମନ୍‌କେ ତମର୍ ବିସଇ ଜାନାଇ ଆତି, ଆରି ସବୁ ବେଲେ ଜାନାଇତେରଇବି । ତେବେ ମର୍‌ଲାଗି ସେମନ୍ ତମର୍ ଆଲାଦ୍ ଏତାଇବାଇ ଆରି ମୁଇ ସେମନ୍‌ର୍ ମନ୍ ବିଡ୍‌ରେ ରଇବି ।

## ୧୮

### ଜିସୁ ବନ୍ଦି ଅଇଲା

(ମାଡିଉ ୨୨:୪୭-୫୬; ମାର୍କ ୧୪:୫୩-୫୦; ଲୁକ୍ ୨୨:୪୭-୫୩)

୧ ଜିସୁ ଏ ପାର୍ତନା ସାରାଇକରି ନିଜର୍ ସିସ୍‌ମନ୍‌ର୍ ସଙ୍ଗ୍ କିଦ୍‌ରଣ୍ ନାଉଁର୍ ଜଲା ସେପାଟର୍ ଜାଗାଇ ଗାଲା । ତେଇ ଗଟେକ୍ ବାଡ୍ ରଇଲା, ଜିସୁ ଆରି ତାର୍ ସିସ୍‌ମନ୍ ସେ ବାଡେ ପୁରଲାଇ । ୨ ଜନ୍ ଜିଉଦା କି ଜିସୁକେ ସଡ୍‌ରୁମନ୍‌କେ ସର୍‌ପିଦେଲା, ସେ ମିସା ସେ ଜାଗା ଜାନି ରଇଲା । କାଇକେବଇଲେ ଜିସୁ ତାର୍ ସିସ୍‌ମନ୍‌ର୍ ସଙ୍ଗ୍ ସେ ବାଡେ କେଡେ ତର୍ ଜାଇରଇଲା । ୩ ସେଟାର୍ ପାଇ ଜିଉଦା ରମିୟ ସନିଅମନ୍‌ର୍ ଗଟେକ୍ ଦଲ୍, ମୁକିଅ ପୁଜାରିମନ୍ ଆରି ପାରୁସିମନ୍ ପାଟାଇ ରଇବା ମନ୍ଦିର୍ ଜାଗୁଆଲ୍‌ମନ୍‌କେ ଦାରି, ସେ ବାଡେ କେଟ୍‌ଲା । ସେମନ୍ ଆଡ୍‌ଆତିଆର୍, ଲାଁତର୍ ଆରି ଜଇଉମ୍‌ଲା ଦାରିକରି ତେଇ ଆଇଲାଇ । ୪ ସେବେଲା କାଇ କାଇ ଗଟ୍‌ନାମନ୍ ଗଟ୍‌ସି, ସେଟା ସବୁ ଜିସୁ ଜାନିକରି ଆଗ୍‌ତୁ ଗାଲା ଆରି ସେମନ୍‌କେ “ତମେ କାକେ କଜ୍‌ଲାସ୍ନି ?” ବଲି ପାଟାରଲା ।

୫ “ନାଜରିତୟ ଜିସୁକେ କଜ୍‌ଲୁନି ।” ସେମନ୍ କଇଲାଇ ।

“ମୁଇସେ ଜିସୁ ।” ବଲି ସେମନ୍‌କେ କଇଲା ।

ବିସ୍‌ବାସେ ବିସ୍ ଦେଉ ଜିଉଦା ମିସା ସେ ଲକ୍‌ମନ୍‌ର୍ ସଙ୍ଗ୍ ଚିଆଅଇରଇଲା । ୬ ଜିସୁ ଜେଡେବେଲା “ମୁଇ ଆକା ସେ ଲକ୍ ।” ବଲି ସେମନ୍‌କେ କଇଲା, ସେ ଲକ୍‌ମନ୍ ପଟେ ଗୁଟିଜାଇ ତଲେ ଅଦର୍‌ଲାଇ । ୭ ଜିସୁ ସେମନ୍‌କେ ଆରିତରେକ୍ ପାଟାରଲା, “ତମେ କାକେ କଜ୍‌ଲାସ୍ନି ?” ସେମନ୍ କଇଲାଇ, “ଆମେ ନାଜରିତୟ ଜିସୁକେ କଜ୍‌ଲୁନି ।”

୮ ଜିସୁ କଇଲା, “ମୁଇ ଆକା ସେ ଲକ୍ ବଲି ତମ୍‌କେ କଇଲି । ତମେ ଜଦି ମକେ କଜ୍‌ଲାସ୍ନି ବଇଲେ ଏ ଲକ୍‌ମନ୍‌କେ ଚାଡିଦିଆସ୍ ।” ୯ ଜେକ୍ରିକି ସେ ଆଗ୍‌ତୁ କଇରଇଲା ବାକିଅ ସିଦ୍ ଅଇସି, ବାବା ତମେ ମକେ ଜନ୍ ଲକ୍‌ମନ୍‌କେ ଦେଇଆଚାସ୍, ସେମନ୍‌ର୍ ବିଡ୍‌ରେଅନି ଗଟେକ୍ ଲକ୍‌କେ ମିସା ଆଜାଇ ନାଇ ।

୧୦ ସିମନ୍ ପିତରର୍ ଆଡେ ଗଟେକ୍ କାଣ୍ଡା ରଇଲା । ସେ କାଣ୍ଡା ବାକ୍‌କରାଇ ବଡ୍ ପୁଜାରିର୍ ଗତିଦାଙ୍ଗ୍‌ତାର୍ ଉଜା କାନ୍ ଚିଡ୍‌ଡେ ମାରଲା । ସେ ଗତିଦାଙ୍ଗ୍‌ତାର୍ ନାଉଁ ମାଲକ୍ । ୧୧ \*ମାତର୍ ଜିସୁ ପିତର୍କେ କଇଲା, “ତର୍ କାଣ୍ଡା ଜାଗ୍‌ରଡ୍ କରି କଲ୍ ବିଡ୍‌ରେ ପୁରାଇ ସଙ୍ଗାଇ ଦେସ୍ । ମର୍ ବାବା ପର୍‌ମେସର୍ ମକେ ଜନ୍ ଦୁକ୍‌କସ୍‌ଟ ପାଇବାକେ ପାଟାଇ ଆଟେ, ସେଟା ମୁଇ ନ ପାଇ କି ?”

### ଆନାର୍ ମୁଆଟେ ଜିସୁ

୧୨ ତାର୍ ପଟେ ରମିୟ ସନିଅମନ୍, ସନିଅ ମନ୍‌ର୍ ମୁକିଅ ନେତାମନ୍ ଆରି ମନ୍ଦିର୍ ଜାଗୁଆଲ୍‌ମନ୍ ଜିସୁକେ ଦାରି ବାନ୍‌ଲାଇ । ୧୩ ଆରି ତାକେ ବାନ୍ଦିକରି ପର୍‌ଡୁମ୍ କାୟାପାର୍ ସାଡ୍‌ରା ଆନାର୍ ଲଗେ ନେଲାଇ । କାଇକେ ବଇଲେ ଆନା ସେ ବରସର୍ ବଡ୍ ପୁଜାରି ରଇଲା । ୧୪ \*ଏ କାୟାପାସେ ଆଗ୍‌ତୁ ଜିଉଦି ନେତାମନ୍‌କେ, ସବୁ ଲକ୍‌ର୍ ପାଇ ଗଟେକ୍ ଲକ୍ ମର୍‌ବାଟା ଗଟେକ୍ ମଙ୍ଗ୍‌ଲର୍ ବିସଇ ବଲି କଇରଇଲା ।

### ପିତର ଜିସୁକେ ନାଜାନି ବଲି କଇବାଟା

(ମାଡିଉ ୨୨:୬୯-୭୦; ମାର୍କ ୧୪:୬୪-୬୮; ଲୁକ୍ ୨୨:୫୫-୫୬)

୧୫ ସିମନ୍ ପିତର୍ ଆରି ଗଟେକ୍ ବିନ୍ ସିସ୍ ଜିସୁର୍ ପଟେ ପଟେ ଜାଇଡେ ରଇଲାଇ । ବିନ୍ ସିସ୍ ବଡ୍ ପୁଜାରିକେ ଜାନି ରଇଲା । ସେଟାର୍‌ପାଇ ଜିସୁର୍ ସଙ୍ଗ୍ ବଡ୍ ପୁଜାରିର୍ ତାଣ୍ଡେ ପୁରଲା । ୧୬ ମାତର୍ ପିତର୍ ବାଇରର୍ ତିଆଗତିଲଗେ ଚିଆଅଇ ରଇଲା । ବଡ୍ ପୁଜାରିକେ ଜାନିରଇଲା ସିସ୍ ତାଣ୍ଡେ ବାଉଡି ଆସି ତାଣ୍ଡର୍ ତିଆଗତି ଲଗେ ଜାଗିରଇଲା । ଗତିଦାଙ୍ଗ୍‌ତିକେ କଇକରି ପିତର୍କେ ବିଡ୍‌ରେ ତାକିନେଲା ।

\* ୧୮:୧୧ ୧୮:୧୧ ମାଡିଉ ୨୨:୩୯; ମାର୍କ ୧୪:୩୬; ଲୁକ୍ ୨୨:୪୨ \* ୧୮:୧୪ ୧୮:୧୪ କଥନ ୧୧:୪୯,୫୦

୧୭ ସେ ଡିଆଗଡ଼ି ଜାଗି ରଇଲା ଗତିଦାଙ୍ଗଡ଼ି ସେବେଲା ପିତରକେ ପାଚାରଲା, “ତୁଇ ମିସା ଏ ଲକ୍ମନର ବିତରେଅନି ଗଟେକ୍ ଲକ୍ ନଉଁସ୍ କି ?”

ପିତର କଇଲା “ମୁଇ ତାର ଲକ୍ ନଇ ।” ୧୮ ସିଡ଼ କଲାଜେ ଗତିଦାଙ୍ଗଡ଼ାମନ୍ ଆରି ଜାଗୁଆଲ୍ମମନ୍ ଜଇଲାଗାଇକରି ଚାରିବେଡ଼ି ଚିଆଅଇ ଜଇ ଚେକ୍ତେ ରଇଲାଇ । ପିତର ମିସା ସେମନ୍ ସଙ୍ଗ ଚିଆଅଇକରି ଜଇଚେକ୍ତେ ରଇଲା ।

ଜିସୁକେ ବଡ଼ ପୁଜାରିମନ୍ ପରସନ୍  
(ମାଡ଼ିଉ ୨୬:୫୯-୬୬; ମାର୍କ ୧୪:୫୫-୬୪; ଲୁକ୍ ୨୨:୬୪-୭୧)

୧୯ ଏଡ଼କି ବିତରେ ବଡ଼ ପୁଜାରି ଜିସୁର ସିସମନ୍ ବିସଇ ଆରି ଜିସୁ ସିକାଇଦେଲା ବିସଇ ସେମନ୍କେ ପାଚାରବାରଦାରଲା । ୨୦ ଜିସୁ ସେମନ୍କେ କଇଲା, “ମୁଇ ସବୁବେଲେ ଲକ୍ମନର ଜାନ୍ତେ ସିକାଇତେ ରଇଲି । ଆରି ଜିଉଦି ଲକ୍ମନର ଉପାସନା ଗରେ ଆରି ମନ୍ଦିରତେଇ ସବୁ ଜିଉଦି ଲକ୍ମନ ରୁଣ୍ଡିରଇଲା ବେଲେ ସେମନ୍କେ ସିକାଇଲିଆଚି । କାଇଟାମିସା ଲୁଚ୍ତେ କଇନାଇ । ୨୧ ଏକ୍ତି ବଇଲେ କାଇକେ ମକେ ପାଚାରଲୁସନ୍ ? ଜନ୍ ଲକ୍ମନ ମୁଇ କଇଲା କାତା ସୁନିଆଚଡ଼, ସେ ଲକ୍ମନକେ ପାଚାର । ମୁଇ ଜାଇଜାଇଟା କଇଲିଆଚି, ସେଟା ସେମନ୍ ଜାନିଆଚଡ଼ ।”

୨୨ ଜିସୁ ଏ କାତା କଇବା ବେଲେ ଜିସୁର ଲଗେ ଚିଆଅଇରଇଲା ଜାଗୁଆଲ୍ମମନ୍ ବିତରେଅନି ଗଟେକ୍ ଲକ୍ ଜିସୁକେ ଗଟେକ୍ ଚାପ୍ତା ମାରି କଇଲା, “ତୁଇ ବଡ଼ ପୁଜାରିକେ ଏକ୍ତାରି କାତା ଅଇଲୁସନ୍ ?”

୨୩ ଜିସୁ ତାକେ କଇଲା “ମୁଇ ଜଦି ବୁଲ୍ କାତା କଇରଇଲେ, ସବୁର ମୁଆଟେ ମର୍ ବୁଲ୍ ଦେକାଆ, ମୁଇ ସଡ଼କାତା କଇଲିନି ବଇଲେ, ମକେ କାଇକେ ମାରଲୁସନ୍ ?” ୨୪ ତାରପରେ ଆନାନ୍ ଜିସୁକେ ବାନ୍ଦନେସେ ବଡ଼ ପୁଜାରି କାୟାପାର ଲଗେ ପାଚାଇଦେଲା ।

ପିତର ଜିସୁକେ ଆରି ତରକେ ନାଜାନି ବଲି କଇଲା  
(ମାଡ଼ିଉ ୨୬:୬୧-୬୫; ମାର୍କ ୧୪:୬୯-୭୨; ଲୁକ୍ ୨୨:୫୮-୬୨)

୨୫ ସିମନ୍ ପିତର ଚିଆଅଇ ଜଇଚେକ୍ ବା ବେଲେ ବିନ୍ ଲକ୍ମନ ତାକେ ପାଚାରଲାଇ, “ତୁଇ ମିସା ଏ ଲକ୍ମନ ସିସମନ୍ ବିତରେଅନି ଗଟେକ୍ ଲକ୍ ନଉଁସ୍ କି ?” ମାତର ପିତର କଇଲା,

“ନାଇ ମୁଇ ତାର ସିସ ନଇ ।”

୨୬ ବଡ଼ ପୁଜାରିର ଗତିଦାଙ୍ଗଡ଼ାମନ୍ ବିତରେଅନି ଗଟେକ୍ ଲକ୍ ଜାକେ କି ପିତର କାନ୍ କାଟିପାକାଇରଇଲା, ସେ ତାଟ୍ ସଙ୍ଗ କଇଲା, “ସେ ବାଡେ ମୁଇ ତକେ ତାର ସଙ୍ଗ ରଇଲାଟା ଦେକି ରଇଲି ।”

୨୭ ପିତର ଆରି ତରେକ୍ କଇଲା “ନାଇ ମୁଇ ତାକେ ମୁଲ୍କେ ନାଜାନି ।” ସମାନ୍ ସେଡ଼କି ଦାପ୍ରେ କୁକ୍ତା ଡାକ୍ଲା ।

ପିଲାତର ଲଗେ ଜିସୁକେ ନେଲାଇ /  
(ମାଡ଼ିଉ ୨୭:୧-୨, ୧୧-୧୪; ମାର୍କ ୧୫:୧-୫; ଲୁକ୍ ୨୩:୧-୫)

୨୮ ତାର ପରେ ଜିସୁକେ କାୟାପାର ଗରେଅନି ରମିୟ ସରକାର୍ ପିଲାତରତେଇ ଦାରିଗାଲାଇ । ସେଟା କୁକ୍ତା ତାକେ ଅଇରଇଲା । ଆରି ଜିସୁକେ ନିନ୍ଦା କର୍ବା ଲକ୍ମନ ନିଜକେ ଅସୁକଲ୍ ଅଇବାର୍ ଅଇସି ବଲିକରି ବିତରେ ଜାଅଡ଼ନାଇ । କାଇକେ ବଇଲେ ନିସ୍ତାର ପରବର୍ ବଜିର୍ ପାଇ ବଲି ସେମନ୍ ଅସୁକଲ୍ ଅଇବାକେ ମନ୍ ନ କର୍ତେରଇଲାଇ । ୨୯ ତେବେ ରମିୟ ସରକାର୍ ପିଲାଡ଼, ବାଇରେ ଆସିପାଚାରଲା, “ଏ ଲକ୍ମନ ବିରୁଦେ ତମର୍ କାଇ ଦାବି ଆନିଆଚାସ୍ ?”

୩୦ ସେ ଲକ୍ମନ ପିଲାଡ଼କେ କଇଲାଇ, “ଏ ଲକ୍ ଜଦି ବୁଲ୍ କାମ୍ କରି ନ ରଇଲେ, ଆମେ ତମର୍ ଲଗେ ନ ଆନ୍ତୁ ।” ୩୧ ସେଡ଼କି ବେଲା ପିଲାଡ଼ ସେମନ୍କେ କଇଲା, “ତମେ ତାକେ ଦାରିଜାଇକରି ତମର୍ ନିୟମ୍ ଇସାବେ ବିଚାର କରା ।” ଜିଉଦି ନେତାମନ୍ କଇଲାଇ, “ଗଟେକ୍ ଲକ୍ମନକେ ମରନ୍ ଡଣ୍ ଡେବାଟା ରମିୟ ସରକାର୍କେ ସେ ଆଚେ । ଜିଉଦି ଲକ୍ମନ କାକେମିସା ମରନ୍ ଡଣ୍ ଡେବାଟା ଆମର୍ ଅଦିକାର୍ ନାଇ ।” ୩୨ ଜିସୁ କେକ୍ତାରି ଅଇ ମର୍ବାକେ ଗାଲାମି ସେ ବିସଇ ନେଇକରି ଜନ୍ କାତା କଇରଇଲା ସେ କାତା ସିଦ୍ ଅଇବାକେ ଏକ୍ତି ଅଇଲା ।

୩୩ ପିଲାଡ଼ ଆରି ତରେକ୍ ମେଡ଼ ବିତରେ ବାଉଡ଼ି ଜାଇକରି, ଜିସୁକେ ତାକି ପାଚାରଲା, “ତୁଇ କାଇ ଜିଉଦି ମନର୍ ରାଜା କି ?”

୩୪ ଜିସୁ ତାକେ କଇଲା, “ତୁଇ କାଇ ଏଟା ନିଜର୍ଟାନେଅନିସେ କଇଲୁସନ୍, କି ବିନ୍ ଲକ୍ମନ ତକେ କଇଲାଜେ କଇଲୁସନ୍ ?”

☆ ୧୮:୩୨ ୧୮:୩୨ କଥନ ୩:୧୪;୧୨:୩୨

୩୫ ପିଲାତ ପର୍ଯ୍ୟନ୍ତ କଲା, “ମୁଁ ଗଟେକ ଜିଉଦି ଲକ୍ ବଲି ବାବୁଲୁସ୍ନି କି ? ତର ନିଜର ଲକ୍ମନ ଆରି ମୁକିଅ ପୁଜାରିମନ୍ ତକେ ମର୍ତ୍ତାନେ ସର୍ପି ଦେଇ ଆତଡ଼ । ତୁଇ କାଇ ବୁଲ୍ କରିଆରୁସ୍ ?”  
 ୩୬ ଜିସୁ କଇଲା “ମର୍ ରାଇଜ୍ ଏ ଦୁନିଆର୍ ରାଇଜ୍‌ପାରା ନର୍ଏ । ଜଦି ମର୍ ରାଇଜ୍ ଏ ଦୁନିଆର୍ ରାଇଜ୍ ପାରା ଅଇତା, ସେନ୍ତାରଆଲେ ମର୍ ସିସ୍‌ମନ୍ ମର୍‌ବାଟେ ଅଇ ଜୁଇଦ୍ କର୍ତାଇ । ଆରି ମକେ ଜିଉଦି ନେତାମନର୍ ଟାନେ ସର୍ପି ନ ଦେଇତାଇ । ମାତର୍ ମର୍ ରାଇଜ୍ ଏ ଦୁନିଆର୍ ରାଇଜ୍‌ପାରା ନର୍ଏ ।”  
 ୩୭ ସେବେଲେ ପିଲାତ ତାକେ ପାଟାରଲା, “ଏନ୍ତି ବଇଲେ ତୁଇ କାଇ ଗଟେକ ରାଜା ନର୍ଉସ୍ କି ?” ଜିସୁ କଇଲା, “ତୁଇସେ ମକେ ରାଜା ବଲି କଇଲୁସ୍ନି । ମୁଇ ସଡ଼ ବାଟେ ସାକି ଦେବାକେ ଆକା ଜନମ୍ କରି, ଏ ଦୁନିଆଇ ଆସିଆତି । ଜନ୍‌ଲକ୍‌ମନ୍ ସଡ଼ କଜ୍‌ଲାଇନି, ସେମନ୍‌ସେ ମର୍ କାତା ସୁନ୍‌ବାଇ ।”  
 ୩୮ ପିଲାତ ଜିସୁକେ କଇଲା “ଏନ୍ତି ବଇଲେ ସଡ଼ ବିସଇ କାଇଟା ?” ପଟେ ସେ ତାଣ୍ଡେ ବାରଇ କରି ଜିଉଦି ନେତାମନକେ କଇଲା, “ଏ ଲକ୍‌ଟ୍‌ଟାନେ ତଣ୍ଡେ ଦେବା ଏଡ଼କି କାଇ ଦସ୍ ଦେକିନାଇ ।

**ଜିସୁକେ ମରନ୍ ତଣ୍ଡେ ପାଇ ଆଦେସ୍ ଆଇଲା**  
 (ମାତ୍ତ ୨୭:୧୫-୩୧; ମାର୍କ ୧୫:୨-୨୦; ଲୁକ୍ ୨୩:୧୩-୨୫)

୩୯ “ତମର୍ ରିଡିନିଡି ଇସାବେ ନିସ୍‌ତାର ପରବ୍ ବେଲେ ଗଟେକ୍ ବନ୍ଦି ଲକ୍‌କେ, ମୁଇ ମୁକ୍‌ଲାଇବାର୍ ଆଟେ । ତେବର୍ ପାଇ ତମର୍ ଜିଉଦିମନର୍ ରାଜା ଜିସୁକେ ମୁଇ ମୁକ୍‌ଲାଇ ଦେବି । ଏଟା ତମେ ମନ୍‌କଲାସ୍ନି କି ?” ୪୦ ମାତର୍ ଲକ୍‌ମନ୍ ଆଉଲିଅଇକରି କଇଲା, “ନାଇ ଏ ଲକ୍‌କେ ନାଇ, ମାତର୍ ବାର୍‌ବାକେ ମୁକ୍‌ଲାଇ ଦିଆସ୍ ।” ଏ ବାର୍‌ବା ଗଟେକ୍ ତାକୁ ଲକ୍ ରଇଲା ।

**୧୯**

୧ ତାର ପଟେ ପିଲାତ ଜିସୁକେ ନେଇ କର୍ତା ସଙ୍ଗ୍ ମାରା ବଲି ଆଦେସ୍ ଦେଲା । ୨ ସନିଅମନ୍ କାଟାର୍ ମୁକୁଟ୍ ତିଆର୍ କରି ଜିସୁର୍ ମୁଣ୍ଡେ ପିନ୍ଧାଇଲା ଆରି ଜାମ୍‌କଲି ରଙ୍ଗର୍ ପଟିଆ ଗାଗ୍‌ତେ ପିନ୍ଧାଇଦେଲା । ୩ ସେମନ୍ ଜିସୁର୍ ଲଗେ ଆସିକରି କଇଲା “ଏ ଜିଉଦିମନର୍ ରାଜା ଜୁଆର୍ ! ତୁଇ ବେସି ବରସ୍ ବର୍ତ୍ତ !” ବଲି ତାକେ ଚାପଡ଼ ଚାପଡ଼ ମାରଲା ।

୪ ପିଲାତ ଆରି ତରେକ୍ ତାଣ୍ଡେ ବାରଇକରି ରୁଣ୍ଡିରଇଲା ଲକ୍‌ମନକେ କଇଲା, “ଦେକା, ଏବେ ମୁଇ ତାକେ ଦସି କର୍‌ବାକେ କାଇ ବୁଲ୍‌କଲାଟା ମିଲେନାଇ । ଏଟାର୍‌ପାଇ ତମର୍ ଲଗେ ଆନ୍‌ବି । ଜେଡିକି ତମେ ଜାନ୍‌ବାର୍ ଆଟେ ।” ୫ ସେବେଲା ଜିସୁ କାଟାର୍ ମୁକୁଟ୍ ଆରି ଜାମ୍‌କଲି ରଙ୍ଗର୍ ପଟିଆ ପିନ୍ଧି ତାଣ୍ଡେ ଆଇଲା । ପିଲାତ ସେମନକେ କଇଲା, “ଏଦେ ଦେକା ! ଏଦେ ସେ ଲକ୍ !”

୬ ତାକେ ଦେକଲା ଦାପରେ ମୁକିଅ ପୁଜାରିମନ୍ ଆରି ମନ୍‌ଡିର୍ ଜାଗୁଆଲ୍‌ମନ୍ ଆଉଲିଅଇକରି କଇଲା, “ତାକେ କୁରୁସେ ଚଗାଆ ! ତାକେ କୁରୁସେ ଚଗାଆ !” ବଲି । ପିଲାତ କଇଲା, “ତମେ ତାକେ ନେଇକରି କୁରୁସେ ଚଗାଆ, କାଇକେ ବଇଲେ, ମୁଇ ତାର୍‌ଟାନେ କାଇ ବୁଲ୍ ମିସା ଦେକିନାଇ ।”

୭ ଜିଉଦି ନେତାମନ୍ ତାକେ କଇଲା, “ଆମର୍ ଗଟେକ୍ ନିୟମ୍ ଆଟେ । ସେ ନିୟମ୍ ଇସାବେ ଏ ମର୍‌ବାର୍ ଆଟେ ଆକା । କାଇକେ ବଇଲେ ସେ ନିଜେ ମୁଇ ପର୍‌ମେସରର୍ ପିଲା ବଲି ଦାବି କଲାଆଟେ ।”

୮ ତେଇ ପିଲାତ ଏ କାତା ସୁନିକରି ଅଦିକ୍ ଡରିଗାଲା । ୯ ପିଲାତ ଜିସୁକେ ଆରିତରେକ୍ ତାର୍ ମେତେ ବାଉତାଇ ନେଇ ପାଟାରଲା, “ତୁଇ କନ୍ତିଅନି ଆସିଆରୁସ୍ ?”

ମାତର୍ ଜିସୁ ତାକେ ପଦେକ୍ ମିସା କଏନାଇ । ୧୦ ସେବେଲା ପିଲାତ ତାକେ କଇଲା, “ତୁଇ କାଇ ମର୍ ସଙ୍ଗ୍ କାତା ନ ଅଉସ୍ କି ? ତକେ ମୁକ୍‌ଲାଇବାର୍ ମର୍ ଅଦିକାର୍ ଆଟେ ଆରି କୁରୁସେ ଚଗାଇବାର୍ ମିସା ମର୍ ଅଦିକାର୍ ଆଟେ । ଏଟା ତୁଇ ନାଜାନୁସ୍ କି ?”

୧୧ ଜିସୁ ତାକେ କଇଲା, “ପର୍‌ମେସର୍ ତକେ ଦେଲାକେସେ ମର୍ ଉପ୍‌ରେ ତର୍ ଅଦିକାର୍ ଆଟେ, ମାତର୍ ତର୍‌ଟାନେ ମକେ ଜେ ସର୍ପି ଦେଲାଆଟେ, ତାର୍ ପାପ୍ ଅଦିକ୍ ଜବର୍ ।” ୧୨ ଏ କାତା ସୁନି ପିଲାତ ଜିସୁକେ ମୁକ୍‌ଲାଇବାକେ ଚେସ୍‌ଟା କଲା । ମାତର୍ ଜିଉଦି ଲକ୍‌ମନ୍ ଆଉଲିଅଇ କଇଲା, “ତୁଇ ଜଦି ଆକେ ମୁକ୍‌ଲାଇସୁ ବଇଲେ, ସମ୍‌ରାଟର୍ ମଇତର୍ ନର୍ଉସ୍ । ଜେ ନିଜ୍‌କେ ରାଜା ବଲି ଦାବି କର୍‌ସି, ସେ ତାର୍ ବିରଦେ କଇଲାନି ।”

୧୩ ପିଲାତ ଜିଉଦି ନେତାମନର୍‌ଟାନେଅନି ଏ କାତା ସୁନିକରି ଜିସୁକେ ବାର୍‌କରାଇ ଆନି ପାକ୍‌ନାଇ ତିଆର୍ ଅଇରଇଲା ବିଚାର୍ କର୍‌ବା ମଣ୍ଡପେ ବସ୍‌ଲା । ଜନ୍‌ଟାକି ଇବ୍‌ରୁ ବାସାଇ ଗବ୍‌ବତା ବଲି କଇବାଇ । ୧୪ ସେଦିନେ ନିସ୍‌ତାର ପରବର୍ ପାଇ ତିଆର୍ ଅଇବା ଦିନ୍ ରଇଲା । ସେଟା ସେଦିନର୍ ଆଡ଼ବେଲା ଅଇ ଆଇତେ ରଇଲା । ଆରି ପିଲାତ ଜିଉଦିନେତାମନକେ କଇଲା, “ଏଦେ ଦେକା ! ତମର୍ ରାଜା !”

୧୫ ସେବେଲା ଜିଉଦି ଲକ୍‌ମନ୍ ଆଉଲିଅଇ କଇଲା “ତାକେ ମରାଆ !  
 “ତାକେ ମରାଆ ! କୁରୁସେ ଚଗାଆ !” ପିଲାତ ସେମନକେ କଇଲା,



“ମୁଇ ତମର ରାଜାକେ କୁରସେ ଚଗାଇବି କି ?” ଏଟା ସୁନି ମୁକିଅ ପୁଜାରିମନ୍ କଇଲାଇ, “ସମ୍ଭାରାଟ୍ଟକେ ଚାଡ଼ିକରି ଆମର ଆରି କେ ରାଜା ନାଇ ।”

୧୭ ସାରାସାରି ପିଲାଡ଼ ଜିସୁକେ ସେମନର୍ ମନ୍ କଲା ଇସାବେ କୁରସେ ଚଗାଇ ମରାଇବାକେ ସର୍ପିଦେଲା । ତାରପଟେ ସନିଅମନ୍ ଜିସୁକେ ଦାରିଗାଲାଇ ।

**ଜିସୁକେ କୁରସେ ଚଗାଇଲାଇ**  
(ମାଡ଼ିଉ ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୭-୪୩)

୧୭ ଜିସୁ ତାର ନିଜର୍ କୁରସ ବଇକରି ନଅରର୍ ବାଇରେ ରଇବା କାପାଲ୍ ନାଉର୍ ଜାଗାଇ ଗାଲା । ଏର୍ରି ବାସାଇ ସେ ଜାଗାକେ ଗଲ୍ଗାତା ବଲି କଇବାଇ । ୧୮ ତେଇ ସେମନ୍ ଜିସୁକେ କୁରସେ ଚଗାଇଲାଇ । ତାର ସଙ୍ଗ୍ ଦୁଇ ଲକ୍ଟକେ ମିସା କୁରସେ ଚଗାଇଲାଇ । ଦୁଇ ଲକ୍ଟକେ ଦୁଇବାଟେ ଚଗାଇ ଜିସୁକେ ମଜାଇ କଲାଇ । ୧୯ ଆରି ପିଲାଡ଼ ନିଜେ ଗଟେକ୍ ବରଡ଼ ଲେକି କୁରସେ ଅଲାଇବାକେ ଆଦେସ୍ ଦେଲା । ସେ ବରଡ଼ତେଇ ନାଜରିତ୍ରିୟ ଜିସୁ, ଜିଉଦିମନର୍ ରାଜା ବଲି ଲେକିରଇଲା । ୨୦ ଜିସୁକେ ଜନ୍ ଜାଗାଇ କୁରସେ ଚଗାଇ ରଇଲାଇ, ସେଟା ଗଡେ ଅନି ବେସି ଦୁର୍ ନ ରଇଲା । ସେ ବର୍ଡେ ଏର୍ରି ବାସାଇ, ଲାଟିନ୍ ବାସାଇ ଆରି ଗିରିକ୍ ବାସାଇ ଲେକାଅଇରଇଲା । ବେସି ଲକ୍ଟମନ୍ ତେଇ ଲେକ୍ଲାଟା ପଡ଼ଲାଇ । ୨୧ ସେବେଲା ଜିଉଦିମନର୍ ମୁକିଅ ପୁଜାରିମନ୍ ପିଲାଡ଼କେ କଇଲାଇ “ ଜିଉଦିମନର୍ ରାଜା ବଲି ନ ଲେକି, ସେ ନିଜେ ମୁଇ ଜିଉଦିମନର୍ ରାଜା ବଲି କଇଲା ପାରା ଲେକ୍ ।”

୨୨ ପିଲାଡ଼ କଇଲା “ନାଇ ମୁଇ ଜନ୍ଗା ଲେକ୍ଲି ଆରି ସେଟା ଆରି ନ ବାଦ୍ଲାଇ ।”

୨୩ ଜିସୁକେ କୁରସେ ଚଗାଇଲା ପଟେ, ଚାରଟା ସନିଅମନ୍ ତାର ପଟିଆ ନେଇ ଚାରି ବାଗ୍ କଲାଇ । ସବୁ ସନିଅମନ୍କେ ଗଟେକ୍ ଗଟେକ୍ ବାଗ୍ ମିଲ୍ଲା । ସେମନ୍ ଜିସୁ ଉପରେ ପିନ୍ଦବା ବସ୍ତର୍ ମିସା ବେଟ୍ଲାଇ । ସେ ବସ୍ତର୍ ସିଲାଇ ନ ଅଇ ଉପରେଅନି ତଲେ ଜାକ ଗଟେକ୍ସେ ରଇଲା । ୨୪ ସେଟାର୍ପାଇ ସେମନ୍ ନିଜର୍ ନିଜର୍ ବିଡ଼ରେ କାତା ଅଇଲାଇ । “ଆମେ ଏ ପଟିଆ ନ ଚିରିକରି ଏଟା କାକେଅଇସି ବଲି ଜାନବାକେ କେଡ଼ ପୁଟାଉଁ ।” ଜେଡ଼ିକି ସାସ୍ତରେ ଲେକାଅଇଲା କାତା ସିଦ୍ ଅଇବାକେ ଏଡ଼ି ଅଇଲା । “ମର୍ ପଟିଆ ସେମନ୍ ନିଜର୍ ନିଜର୍ ବିଡ଼ରେ ବାଟା କଲାଇ, ଆରି ମୁଇ ପିନ୍ଦବା ପଟିଆର୍ ପାଇ କେଡ଼ପୁଟାଇଲାଇ ।” ସେଟାସେ ସନିଅମନ୍ କଲାଇ । ୨୫ ଜିସୁର୍ କୁରସ ଲଗେ ତାର ଆୟା ମରିୟ୍ମ, ତାର ଆୟାର୍ ବଇନି, କଲ୍ପାର୍ ମାଇଜି ମରିୟ୍ମ ଆରି ମଗ୍ଦଲିନି ମରିୟ୍ମ ଚିଆଅଇ ରଇଲାଇ । ୨୬ ଜିସୁ ବେସି ଆଲାଦ୍ କରବା ଗଟେକ୍ ସିସ୍ ତାର ମାଆର୍ ଲଗେ ଚିଆ ଅଇରଇଲାଟା ଦେକି ଜିସୁ ତାର ମାକେ କଇଲା, “ଏଦେ ଦେକା ! ତର୍ ପଅ !”

୨୭ ତାର ପଟେ ସେ ସିସ୍କେ କଇଲା “ଏଦେ ଦେକା ! ତର୍ ଆୟା !” ସେଦିନେ ଅନି ସେ ସିସ୍ ଜିସୁର୍ ମାକେ ନିଜର୍ ଗରେ ଡାକିନେଲା ।

**ଜିସୁର୍ ମରନ୍**  
(ମାଡ଼ିଉ ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ଏଡ଼ିକି ବିଡ଼ରେ ଜିସୁ ସବୁ ବିସଇ ପୁରାପୁରୁନ୍ ଅଇଲାଟା ଜାନିପାରଲା, ମାତର୍ ସାସ୍ତରର୍ ବବିସଡ଼ କାତା ପୁରା କର୍ବାପାଇ ସେ କଇଲା “ମକେ ସସ୍ କଲାନି ।”

୨୯ ତେଇ ଗଟେକ୍ ନକିଟାନେ ଚପୁରା ଅଙ୍ଗୁର୍ ରସ୍ ରଇଲା । ସନିଅମନ୍ ଗଟେକ୍ ସୁତାର ଗର୍ଣ୍ଣା ଚବାଲ୍ଲାଲାଇ ଆରି ତେଙ୍ଗ୍ ସୁଲ୍ଡାଙ୍ଗ୍ ଟିପେ ବାନ୍ଦି ଜିସୁର୍ ଚଣ୍ଡଲଗେ ଲାମାଇଦେଲାଇ । ୩୦ ଜିସୁ ସେଟା କାଇକରି “ସାରିଗାଲାବେ !” ବଲି କଇଲା । ଏଡ଼ିକି କଇକରି ତାର ଆଡ଼ମା ସର୍ପିଦେଲା ।

**ଜିସୁକେ ପାଞ୍ଜରା ତଲେ କାଁର୍ଲାଇ**

୩୧ ସେଦିନ୍ ନିସ୍ତାର ପରବର୍ ନିଉତା ଦିନ୍ ରଇଲାଜେ, ମଲା ଗାଗଡ଼ କୁରସ ଉପରେ ନ ରଏ, କାଇକେବଇଲେ ସେ ଦିନ୍ ବିସ୍ତରାମ୍ବାରର୍ ସୁକଲ୍ ଦିନ୍ ରଇଲା । ସେଟାର୍ପାଇ କୁରସେ ରଇବା ତିନୁଲକର୍ ଗଡ଼ ବାଙ୍ଗାକରି ବିନ୍ ଜାଗାଇ ନେଅଡ଼ ବଲି ଜିଉଦିଲକ୍ଟମନ୍ ପିଲାଡ଼କେ ଗୁଆରି କଲାଇ । ୩୨ ସେଟାର୍ପାଇ ସନିଅମନ୍ ଜାଇ ଜିସୁର୍ ସଙ୍ଗ୍ ଚଗାଇଅଇରଇବା ଆରି ଦୁଇଲକର୍ ଗଡ଼ ବାଙ୍ଗାକିଦେଲାଇ । ୩୩ ମାତର୍ ଜେଡେବେଲା ସେମନ୍ ଜିସୁର୍ ଲଗେ ଆସି ଦେକ୍ଲାଲାଇଜେ, ସେ ମରିଜାଇରଇଲା । ସେଟାର୍ପାଇ ସେମନ୍ ତାର ଗଡ଼ ବାଙ୍ଗାଅଡ଼ ନାଇ । ୩୪ ମାତର୍ ଗଟେକ୍ ସନିଅ ତେଲ୍ ସଙ୍ଗ୍ ତାର ପାଞ୍ଜରା ତଲେ ବୁସ୍ଲା ଦାପରେ ବନି ଆରି ପାନି ବାରଇଲା । ୩୫ ଏଟା ଜେ ଦେକି ରଇଲା, ସେ ଏ ସାକି ଦେଲାଆଟେ । (ସେଟାର୍ ପାଇ ତମେ ମିସା ବିସ୍ବାସ୍ କରା । ତାର ସାକିଦେଲାଟା ସଡ଼ସେ । ଆରି ସେ ସଡ଼କାତା କଇଲା ଆଟେ ବଲିକରି ନିଜେ ବିସ୍ବାସ୍ କରସୁ ।) ୩୬ କାଇକେବଇଲେ ସାସ୍ତରର୍ ଏ ବାକିଅ ପୁରାପୁରୁନ୍ ଅଇବାପାଇ ବଲି ଏ ସବୁ ବିସଇ ଗର୍ଲା, “ତାର ଗଟେକ୍ ଆଡ଼ ମିସା ନ ଚିଲ୍ପେ

୧୩୭ \*ପରମେସରର ସାସ୍ତରେ ଆରି ଗଟେକ୍ ବାକିଅ ଏନ୍ତାରି ଆଚେ ଜାକେ ସେମନ୍ ବୁସ୍ଲାଲଆଚଡ଼, ତାକେ ଦେକ୍‌ବାଇ ଆରି ତାର୍ ବାଟେସେ ଦେକ୍‌ତେ ରଇବାଇ ।

**ଜିସୁର ସମାଦି**

(ମାଡିଉ ୨୭:୫୭-୬୧; ମାର୍କ ୧୫:୪୨-୪୭; ଲୁକ୍ ୨୩:୫୦-୫୬)

୩୮ ଏ ସବୁ ଗଟ୍‌ନା ଅଇଲା ପଚେ ଆରାମାଡିଆ ଗଡର୍ ଜସେପ୍ ନାଉର୍ ଗଟେକ୍ ଲକ୍ ପିଲାଡକେ ଜିସୁର ଗାଗଡ଼ ମାଙ୍ଗଲା । ଜସେପ୍ ଜିସୁର ସିସ୍ ରଇଲା । ମାତର୍ ସେ ଜିଉଦି ନେତାମନ୍‌କେ ଡରିକରି ଜାନାଇ ନ ଅଇ ରଇତେ ରଇଲା । ପିଲାଡ଼ ଜସେପ୍‌କେ ଜିସୁର ଗାଗଡ଼ ନେ ବଇଲାକେ, ସେ ଜିସୁର ମଲାଗାଗଡ଼ ଦାରି ଗାଲା । ୩୯ \*ନିକଦିମ ମିସା ଜସେପର୍ ସଙ୍ଗ୍ ଗାଲା । ଏ ନିକଦିମ ଗଟେକ୍ ରାତି ଜିସୁକେ ମିସ୍‌ବାର୍ ଜାଇରଇଲା । ସେ ଜିସୁର ଗାଗଡ଼େ ଲାଗାଇବାକେ ଗନ୍‌ରସ୍ ଆରି ଅଙ୍ଗୁର ମିସାଇଲା ବାସ୍‌ନା ଚିକନ୍ ଡିରିସ୍ କେଜି ଆନିରଇଲା । ୪୦ ସେମନ୍ ଦୁଇ ଲକ୍ ମିସିକରି ଜିଉଦିମନ୍‌ର୍ ରିଡିନିଡି ଇସାବେ ଜିସୁର ଗାଗଡ଼ ନେଇ ବାସ୍‌ନା ଦିନ୍‌ସୁ ସଙ୍ଗ୍, ତେଙ୍ଗ୍ ପଟିଆ ଗୁଡିଆଇ ଦେଲାଇ । ୪୧ ତାକେ ଜନ୍ ଜାଗାଇ କୁର୍‌ସେ ଚଗାଇ ରଇଲାଇ, ସେ ଜାଗାଇ ଗଟେକ୍ ବାଡ଼ ରଇଲା । ଆରି ସେ ବାଡ଼େ ମଲା ଲକ୍‌ମନ୍‌କେ ସଙ୍ଗାଇବାକେ ଗଟେକ୍ ନୁଆ ପାଆର୍ ରଇଲା । ସେ ପାଆରେ କେବେ ମିସା କାକେ ନ ସଙ୍ଗାଇ ରଇଲାଇ । ୪୨ ବିସ୍‌ରାମ୍ ବାରର୍ ନିଉଡା ଦିନ୍ ଅଇରଇଲା ଆରି ସେ ପାଆର୍ ଲଗେ ରଇଲା ଜେ, ସେମନ୍ ଜିସୁର ଗାଗଡ଼ ନେଇକରି ସେ ପାଆରେ ସଙ୍ଗାଇଦେଲାଇ ।

**୨୦**

**ଚୁଟା ପାଆର୍**

୧ ଆଟର୍ ପରତୁମ୍ ଦିନର୍ ସାକାଲେ ଜୁଲ୍‌ପୁଲ୍ ଉଜଲ୍ ବେଲାଇ ମଗ୍‌ଦଲିନି ମରିୟମ୍ ଜିସୁକେ ପାକ୍‌ନା ସଙ୍ଗ୍ ତିଆର୍ କରି ସଙ୍ଗାଇଲା ପାଆରେ ଆସିକରି ଡାବିରଇଲା ପାକ୍‌ନା ଗୁଡିରଇଲାଟା ଦେକ୍‌ଲା । ୨ ସେଟାପାଇ ସେ ପାଲାଇ କରି ସିମନ୍ ପିତର୍ ଆରି ଜିସୁ ଜନ୍ ସିସ୍‌କେ ବେସି ଆଲାଦ୍ କର୍‌ତେ ରଇଲା, ସେମନ୍‌କେ ଆସି କଇଲା, “ସେମନ୍ ମାପୁରୁକେ, ସଙ୍ଗାଇଲା ଜାଗାଇଅନି ଦାରିଗାଲାଇ ଆଚଡ଼ । ଆରି ତାକେ କନ୍ ଜାଗାଇ ସଙ୍ଗାଇଲାଇ ଆଚଡ଼ ସେଟା ଆମେ ନାଜାନୁ ।”

୩ ସେଡ଼କି ବେଲେ ପିତର୍ ଆରି ସେ ସିସ୍, ଜିସୁକେ ସଙ୍ଗାଇଲା ଜାଗାଇ ଜିବାକେ ବାରଇଲାଇ । ୪ ସେମନ୍ ଦୁଇ ଲକ୍ ମିସ୍‌ତେ ପାଲାଇତେ ରଇଲାଇ । ଆରି ସେ ବିନ୍ ସିସ୍ ପିତର୍‌କେ ପଚେ କରି ଆଗତୁ ସଙ୍ଗାଇ ରଇଲା ଜାଗାଇ କେଟ୍‌ଲା । ୫ ସେ ପାଆର୍ ବିଡ଼ରେ ଲଇଁକରି ଏରି ଦେକ୍‌ଲାଜେ, ଏଦେ ଦେକା ! ତେଇ ଜିସୁର ଗାଗଡ଼େ ଗୁଡିଆଇ ଅଇରଇଲା ଲୁଗା ଅଦ୍‌ରିରଇଲାଟା ଦେକ୍‌ଲା । ମାତର୍ ସେ ବିଡ଼ରେ ପୁରେନାଇ । ୬ ପଚେ ସିମନ୍ ପିତର୍ ମିସା ତାର୍ ପଚେ ପଚେ ଜାଇ କେଟ୍‌ଲା ଆରି ପାଆର୍ ବିଡ଼ରେ ଜାଇ ତେଇ ଅଦ୍‌ରି ରଇଲା ଲୁଗା ଦେକ୍‌ଲା । ୭ ଆରି ଜିସୁର୍ ମୁଣ୍ଡେ ଜନ୍ ଲୁଗା ଗୁଡିଆଇ କରି ବାନ୍ଦିରଇଲାଇ, ସେଟା ପାତଲ୍ ଲୁଗା ସଙ୍ଗ୍ ନ ଅଇକରି ଗଟେକ୍ ବିନ୍‌ଟାନେ ଗୁଡିଆଇଅଇ ରଇଲା । ୮ ତାର୍ ପଚେ ସେ ବିନ୍ ସିସ୍ ଜେକି ଆଗତୁ କେଟି ରଇଲା ସେ ପାଆର୍ ବିଡ଼ରେ ଜାଇକରି ସେଟା ସବୁ ଦେକିକରି ବିସ୍‌ବାସ୍ କଲା । ୯ (ସେ ସିସ୍‌ମନ୍ ସେ ବେଲା ଜାକ ପରମେସରର୍ ବଇତେଇ ଲେକା ଅଇଲା ଇସାବେ, ଜିସୁ ମଲାଟାନେଅନି ଆରି ତରେକ୍ ଜିବନ୍ ଅଇ ଉର୍‌ସି ବଲି ବୁଜି ନ ରଇଲାଇ ।) ୧୦ ତାର୍ ପଚେ ସିସ୍‌ମନ୍ ପାଆର୍ ଦେକି ସାରାଇ ଗରେ ବାଉଡ଼ି ଉଟି ଗାଲାଇ ।

**ମଗ୍‌ଦଲିନି ମରିୟମ୍‌କେ ଜିସୁ ଦେକାଇଅଇଲାଇ**

(ମାଡିଉ ୨୮:୯-୧୦; ମାର୍କ ୧୬:୯-୧୧; ଲୁକ୍ ୨୪:୧-୧୨)

୧୧ ମାତର୍ ମରିୟମ୍ ଜିସୁର ଗାଗଡ଼ ସଙ୍ଗାଇରଇଲା ପାଆର୍ ଲଗେ ଚିଆଅଇ କାନ୍‌ତେ ରଇଲା । ସେ କାନ୍ଦି କାନ୍ଦି ଲଇଁକରି ପାଆର୍ ବିଡ଼ରେ ଦେକ୍‌ଲା, ୧୨ ଆରି ଏଦେ ଦେକା ! ତେଇ ଦବ୍‌ପଟିଆ ପିନ୍‌ରଇବା ଦୁଇଟା ସରଗର୍ ଦୁଡ଼ମନ୍ ଜିସୁକେ ଜନ୍ ଜାଗାଇ ସଙ୍ଗାଇରଇଲାଇ, ଗଟେକ୍ ଲକ୍ ମୁଣ୍ଡ୍‌ବାଟେ ଆରିଗଟେକ୍ ଲକ୍ ଗଡ଼ବାଟେ ବସିରଇଲାଟା ଦେକ୍‌ଲା । ୧୩ ସେମନ୍ ମରିୟମ୍‌କେ ପାଟାରିଲାଇ, “ତୁଇ କାଇକେ ମା କାନ୍‌ଲୁସ୍‌ନି ?” ମରିୟମ୍ କଇଲା, “ ସେମନ୍ ମର୍ ମାପୁରୁର୍ ଗାଗଡ଼ କେନେକି ଦାରିଗାଲାଇ ଆଚଡ଼ । ଆରି ସେମନ୍ ତାକେ କନ୍ତି ସଙ୍ଗାଇଲାଇ ଆଚଡ଼ ସେଟା ମୁଇ ନାଜାନି ।” ୧୪ ସେ ଏନ୍ତି କଇକରି ପାସଲ୍‌ଲା ବେଲେ, ତେଇ ଜିସୁ ଚିଆଅଇ ରଇଲାଟା ଦେକ୍‌ଲା । ମାତର୍ ମରିୟମ୍ ତାକେ ଜିସୁ ବଲି ଚିନି ନାପାରିଲା । ୧୫ ଜିସୁ ତାକେ ପାଟାରିଲା “ଏ ମାଆ ତୁଇ କାଇକେ କାନ୍‌ଲୁସ୍‌ନି ? ତୁଇ କାକେ କନ୍‌ଲୁସ୍‌ନି ?” ମରିୟମ୍ ଏ ଲକ୍ ବାଡ଼ର୍ କାମ୍ କରୁ ମାଲି ବଲି ବାବିକରି ତାକେ କଇଲା, “ଏ ଆଗିଆଁ, ତୁଇ କାଇ ଜିସୁର୍ ଗାଗଡ଼

\* ୧୯:୩୭ ୧୯:୩୭ ପର୍‌କାସିତ ୧:୭ \* ୧୯:୩୯ ୧୯:୩୯ ଜଅନ୍ ୩:୧,୨

ନେଇ ଆରୁସ୍ କି ? ତାକେ ତୁଇ କନ୍ତି ସଙ୍ଗଇ ଆରୁସ୍ ? ମକେ କଇଦେ, ମୁଇ ଜାଇକରି ତାକେ ଦାରିଜିବି ।”

୧୭ ଜିସୁ ତାକେ “ମରିୟମ୍ !” ବଲି ଡାକ୍ଲା । ମରିୟମ୍ ତାର୍ ବାଟେ ପାସ୍ଲି କରି “ରାବ୍ବୁନି !” ବଲି ଏବ୍ରି ବାସାଇ କଇଲା । ଏଟାର୍ ଅରତ୍ ଅଇଲାନି ଗୁରୁ ।

୧୮ ଜିସୁ ତାକେ କଇଲା, “ମକେ ଦାରି ର ନାଇ, ଏବେ ଜାକ ମୁଇ ବାବା ପର୍ମେସର୍ ଲଗେ ଜାଇନାଇ । ମାତର୍ ତୁଇ ଜାଇକରି ମର୍ ବାଇମନ୍‌କେ କଅ, ମୁଇ, ମର୍ ବାବା ଆରି ସେମନ୍‌ର୍ ବାବା, ମର୍ ପର୍ମେସର୍ ଆରି ସେମନ୍‌ର୍ ପର୍ମେସର୍ ଲଗେ ବାଉଡି ଗାଲିନି ।” ୧୯ ମଗଦଲିନି ମରିୟମ୍ ସିସମନ୍‌ର୍ ଲଗେ ବାଉଡି ଗାଲା ଆରି କଇଲା “ମୁଇ ମାପୁରୁକେ ଦେକ୍ଲି ଆରି ।” ଆରି ଜିସୁ କଇଲା ସବୁ କାତା ସିସମନ୍‌କେ କଇଦେଲା ।

ଜିସୁ ନିଜ୍‌କେ ସିସମନ୍‌କେ ଦେକାଇଅଇଲାଇ  
(ମାତିଉ ୨୮:୧୭-୨୦; ମାର୍କ ୧୬:୧୪-୧୮; ଲୁକ୍ ୨୪:୩୬-୪୯)

୧୯ ସେ ଦିନ୍ ଆଟର୍ ପର୍ତୁମ୍ ଦିନ୍ ଅଇରଇଲା । ସଞ୍ଜ ବେଲା ସବୁ ସିସମନ୍ ଗଟେକ୍ ତେଇ ରୁଣ୍ଡିଲାଇ । ସେମନ୍ ଜିଉଦି ନେତାମନ୍‌କେ ଡରିକରି ଗରର୍ କାପାଟ୍ ସବୁ ଡାବିଅଇଦେଇ ରଇଲାଇ । ସେ ବେଲା, ଏଦେ ଦେକା ! ଜିସୁ ଅଟାଡ୍ ସେମନ୍‌କେ ଦେକାଇଅଇକରି ସେମନ୍ ଚିଆଅଇଲା ଜାଗାଇ “ତମ୍‌କେ ସାନ୍ତି ମିଲ !” ବଲି କଇଲା । ୨୦ ଜିସୁ ଏ କାତା କଇଲା ପଟେ ନିଜ୍‌ର୍ ଆଡ୍ ଆରି ପାଞ୍ଜରା ଦେକାଇଲା । ସିସମନ୍ ମାପୁରୁକେ ଦେକିକରି ବେସି ସାର୍‌ଦା ଅଇଗାଲାଇ । ୨୧ ଜିସୁ ଆରି ତରେକ୍ ସେମନ୍‌କେ କଇଲା “ତମ୍‌କେ ସାନ୍ତି ମିଲ ! ବାବା ପର୍ମେସର୍ ମକେ ଜେନ୍ତି ପାଟାଇଆଟେ, ସେନ୍ତିସେ ମୁଇ ତମ୍‌କେ ପାଟାଇଲିନି ।” ୨୨ ତାର୍ ପଟେ ଜିସୁ ସେମନ୍‌ର୍ ଉପ୍ରେ ପୁଣ୍ଡିଲା ଆରି “ତମେ ସୁକଲ୍ ଆଡ୍‌ମାକେ ନାମା !” ୨୩ ☆ ଜଦି ତମେ ଲକ୍‌ମନ୍‌ର୍ ପାପ୍ କେମା କରସା ବଇଲେ, ପର୍ମେସର୍ ମିସା ସେମନ୍‌ର୍ ପାପ୍ କେମା ଦେଲା ଆଟେ । ଜଦି ତମେ ଲକ୍‌ମନ୍‌ର୍ ପାପ୍ କେମା ନ କରସା ବଇଲେ ପର୍ମେସର୍ ମିସା ସେମନ୍‌ର୍ ପାପ୍ କେମା ନ କରେ ।” ବଲି କଇଲା ।

ଜିସୁ ତମାକେ ଦେକାଇଅଇଲା ।

୨୪ ଜିସୁର୍ ବାର୍‌ଟା ସିସମନ୍‌ର୍ ବିଡ୍‌ରେଅନି ତମା ଜାକେକି ଜଅଁଲା ବଲି ଡାକ୍‌ବାଇ, ଜିସୁ ସିସମନ୍‌କେ ଦେକାଇଅଇଲା ବେଲେ ସେ ନ ରଇଲା । ୨୫ ସେଟାର୍ ପାଇ ତେଇ ରଇଲା ବିନ୍ ସିସମନ୍ ତମା ଆଇଲା ପଟେ କଇଲାଇ, ଆମେ ମାପୁରୁକେ ଦେକ୍ଲୁ ଆତୁ । ମାତର୍ ତମା କଇଲା, “ମୁଇ ତାର୍ ଆଟେ କୁଟିର୍ ଚିନ୍ ନ ଦେକ୍‌ତେ ଆରି ସେ ଚିନେ ମର୍ ଆଙ୍‌ଟି ନ ଚିଙ୍‌ଲାଇବା ଜାକ ଆରି ତାର୍ ପାଞ୍ଜରାଇ ଆଡ୍ ନ ପୁରାଇବା ଜାକ ବିସ୍‌ବାସ୍ ନ କରି ।”

୨୬ ଗଟେକ୍ ଆଟ୍ ଗାଲା ପଟେ ସିସମନ୍ ଆରି ତରେକ୍ ଗର୍ ବିଡ୍‌ରେ ରଇଲାଇ, ତମା ମିସା ସେମନ୍‌ର୍ ସଙ୍ଗ୍ ତେଇ ରଇଲା । କାପାଟେ ଗାତା ଦେଇରଇଲାଇ । ମାତର୍ ଏଦେ ଦେକା ! ଆଗ୍‌ତୁର୍ ପାରା ଜିସୁ ଗର୍ ବିଡ୍‌ରେ ପୁରିକରି ସେମନ୍‌ର୍ ମଜାଇ ଚିଆଅଇକରି କଇଲା, “ତମ୍‌କେ ସାନ୍ତି ମିଲ !” ୨୭ ତାର୍ ପଟେ ଜିସୁ ତମାକେ କଇଲା, “ତର୍ ଆଙ୍‌ଟି ଇତି ସଙ୍ଗଇ ମର୍ ଆଡ୍ ଦେକ୍, ଆରି ମର୍ ପାଞ୍ଜରାଇ ଆଡ୍ ପୁରାଇ ଦେକ୍ । ଆରି କେବେ ମିସା ବିସ୍‌ବାସ୍ କରିନାଇ ବଲି କଅ ନାଇ, ମାତର୍ ବିସ୍‌ବାସ୍ କର୍ ।” ୨୮ ତମା ଜିସୁକେ କଇଲା, “ଏ ମର୍ ମାପୁରୁ, ଏ ମର୍ ପର୍ମେସର୍ !”

୨୯ ଜିସୁ ତାକେ କଇଲା, “ତୁଇ ମକେ ଦେକିକରି ବିସ୍‌ବାସ୍ କଲୁସ୍‌ନି କି ? ମାତର୍ ଜନ୍ ଲକ୍‌ମନ୍ ମକେ ନ ଦେକିକରି ମିସା ବିସ୍‌ବାସ୍ କଲାଇନି, ସେମନ୍ କେତେ ସାର୍‌ଦା ପାଇବାଇ !”

ଏ ବଇର୍ ଉଦେସ୍

୩୦ ଜିସୁ ସିସମନ୍‌ର୍ ସଙ୍ଗ୍ ରଇଲାବେଲେ କେତେକ୍ କେତେକ୍ କାବାଅଇଜିବା କାମ୍‌ମନ୍ କରିରଇଲା । ସେଟା ସବୁ ଏ ବଇତେଇ ଲେକା ଅଏନାଇ । ୩୧ ମାତର୍ ଏଡ୍‌କିସେ ଲେକାଅଇଲା, “ତମେ ଜେନ୍ତିକି ବିସ୍‌ବାସ୍ କରସା ଜେ, ଜିସୁସେ ପର୍ମେସର୍‌ର୍ ପଅ, ଜେକି ମସିଅ, ଆରି ତାକେ ବିସ୍‌ବାସ୍ କଲେସେ ତମେ ଜିବନ୍ ପାଇସା ।”

## ୨୧

ଜିସୁ ସାଡ୍‌ଟା ସିସମନ୍‌କେ ଦେକାଇ ଅଇଲା

୧ ତାର୍ ପଟେ ଜିସୁ ନିଜେ ଆରି ତରେକ୍ ସିସମନ୍‌କେ ଡିବିରିଆର୍ ଗାଡ୍‌ପାଲି ଦେକାଇଅଇଲା । ସେଟା ଏନ୍ତି ଅଇଲା । ୨ ଜିସୁର୍ କେତେଟା ସିସମନ୍ ଗଟେକ୍ ତେଇ ରୁଣ୍ଡିରଇଲାଇ । ସେମନ୍ ଅଇଲାଇନି, ସିମନ୍ ପିତର୍, ବିତୁମ୍ ବଲି ଡାକ୍‌ବା ତମା ନାଉର୍ ସିସ୍, ଗାଲିଲି ଦେସର୍ କାନା ଗଡେ ରଇଲା ନିତନିଏଲ୍, ଜେବଦିର୍ ଦୁଇଟା ପିଲା ଜାକୁବ୍, ଜଅନ୍ ଆରି ବିନ୍ ଦୁଇଟା ସିସମନ୍ । ୩ ☆ ସିମନ୍ ପିତର୍ ସେମନ୍‌କେ “ମୁଇ

☆ ୨୦:୨୩ ୨୦:୨୩ ମାତିଉ ୧୬:୧୯;୧୮:୧୮ ☆ ୨୧:୩ ୨୧:୩ ଲୁକ୍ ୫:୫

ମାତ୍ର ଦାର୍ଦ୍ରା ଗାଳିନି ।” ବଲି କଇଲା । ସେମନ୍ ମିସା “ତର ସଙ୍ଗ ଆଇବୁ ।” ବଲି କଇଲା । ଆରି ତଙ୍ଗା ଚାଟି, ସେମନ୍ ଗୁଲାଇ ରାତି ଜାଲ୍ ମାରୁଲା, ମାତ୍ର ମୁଲ୍ କେ ଦାରୁନାଇ । ୪ ଆରକର୍ ଦିନେ ଦୁଲ୍ ପୁଲ୍ ଉଜଲେ ଜିସୁ ଗାଡ଼କଣ୍ଡି ଚିଆଅଇରଇଲା । ମାତ୍ର ସିସମନ୍ ତାକେ ଜିସୁ ବଲି ଚିନି ନାପାରୁଲା । ୫ ଜିସୁ ସେମନ୍ କେ ପାଚାରୁଲା, “ଏ ମଇତରମନ୍ ତମେ ଜତେକ୍ ମିସା ମାତ୍ର ଦାରାସ୍ ନାଇ କି ?” ସେମନ୍ “ମୁଲ୍ କେ ଦାରୁ ନାଇ ।” ବଲି କଇଲା । ୬ ଜିସୁ ସେମନ୍ କେ କଇଲା, “ତଙ୍ଗା ଉଜାବାଟେ ଜାଲ୍ ମାରା, ତମେ ମାତ୍ର ଦାରାସ୍ ଆଲେ ।” ସେ କଇଲା ପାରା ଜାଲ୍ ପାକାଇଲା ଜେ, ଏତର ତାକର୍ ଜାଲେ ଏତେକ୍ ମାତ୍ର ଲାଗୁଲାଜେ, ସେମନ୍ ଜାଲ୍ ଜିକି ନାପାରୁଲା । ୭ ଜିସୁ ଜନ୍ ସିସକେ ଆଲାଦ୍ କରତେ ରଇଲା, ସେ ସିସ୍ ପିତରକେ କଇଲା, “ଏଦେ ଦେକା ! ଏଟା ନିଜେ ଆମର୍ ମାପୁରୁ ସେ !” ପିତର ଏଟା ମାପୁରୁ ଆକା ବଲି କଇଲାଟା ସୁନିକରି ବେଟି ସଙ୍ଗଇଲା ବସ୍ତର ପିନ୍ଦି ଗାଡେ ତେଗଇଦେଲା । କାଇକେ ବଇଲେ ସେ ମାତ୍ର ଦାରାବାବେଲେ, ଉପରେ ପିନ୍ଦିଲା ବସ୍ତର ବେଟି ସଙ୍ଗଇ ରଇଲା । ୮ ଆରି ବାକି ସିସମନ୍ ମାତ୍ର ବରତି ରଇଲା ଜାଲ୍ ଜିକିଜିକି ତଙ୍ଗା କଣ୍ଡିତେଇ ଆନି ଲାଗାଇଲା । ସେମନ୍ କଣ୍ଡିଅନି ଦୁଇସ ଆଡ଼ ଦୁରିକେସେ ରଇଲା । ୯ ସିସମନ୍ ତଙ୍ଗାଇଅନି ଉଡ଼ିକରି ପଦାଇ କେଟ୍ ଲାବେଲେ, ଜଇରଇଲା ଇଙ୍ଗରା ଉପରେ କେତେଟା ବାଜିଅଇଲା ମାତ୍ର ଆରି ରୁଟି ସଙ୍ଗଇଅଇ ରଇଲାଟା ଦେକ୍ଲା । ୧୦ ତାର ପଟେ ଜିସୁ “ତମେ ଏବେ ଦାରୁଲା କେତେଟା ମାତ୍ର ଆନା ।” ବଲି କଇଲା ।

୧୧ ସେଟାର ପାଇ ସିମନ୍ ପିତର ଜାଇ ମାତ୍ର ବରତି ରଇଲା ଜାଲ୍ ପଦାପାଲିକେ ଜିକି ଆନୁଲା । ସେ ଜାଲେ ସଏ ପଚାସ୍ ତିନିଟା ବଡ଼ବଡ଼ ମାତ୍ର ଲାଗି ରଇଲା । ମାତ୍ରମନ୍ ଲାଗି ବେସି ବଜ୍ ରଇଲା ମିସା, ଜାଲ୍ ଚିତେନାଇ । ୧୨ ଜିସୁ ସେମନ୍ କେ “ଆସା କାଆ !” ବଲି କଇଲା । ସିସମନ୍ ବିତରେଅନି କେ ମିସା ତୁଇ କେ ? ବଲି ପାଚାରୁବାକେ ସାଆସ୍ କରତ୍ ନାଇ । କାଇକେ ବଇଲେ ସେମନ୍ ସେ ମାପୁରୁ ବଲି ଜାନି ରଇଲା । ୧୩ ଜିସୁ ତାକର୍ ଲଗେ ଜାଇ ରୁଟି ଆରି ମାତ୍ର ବାଟାକରିଦେଲା । ୧୪ ଜିସୁ ମରିକରି ଜିବନ୍ ଅଇ, ସିସମନ୍ କେ ଏଟା ସଙ୍ଗ ମିସାଇ, ତିନ୍ତର ଦେକାଇଅଇଲା ।

**ଜିସୁ ଆରି ପିତର**

୧୫ ସେମନ୍ କାଇଲା ପଟେ ଜିସୁ ସିମନ୍ ପିତରକେ କଇଲା, “ଜଅନର୍ ପଅ ସିମନ୍, ତୁଇକାଇ ଏମନ୍ ତେଇଅନି ମକେ ଅଦିକ୍ ଆଲାଦ୍ କଲୁସ୍ନି କି ?” ପିତର କଇଲା,

“ଉଁ ମାପୁରୁ ମୁଇ ଆଲାଦ୍ କଲିନି ବଲି ତୁଇ ଜାନିଆରୁସ୍ ।”

ଜିସୁ ତାକେ “ତୁଇ ମର୍ ମେଣ୍ଡାମନ୍ କେ ନିମାନ୍ କରି ଜତନ୍ କର୍ ।” ବଲି କଇଲା । ୧୬ ତାର ପଟେ ଜିସୁ ଆରି ତରେକ୍ ତାକେ ପାଚାରୁଲା, “ଜଅନର୍ ପଅ ସିମନ୍, ତୁଇ କାଇ ମକେ ସତଇସେ ଆଲାଦ୍ କଲୁସ୍ନି କି ?”

ପିତର କଇଲା, “ଉଁ ମାପୁରୁ ମୁଇ ତକେ ଆଲାଦ୍ କଲିନି ବଲି ତୁଇ ଜାନିଆରୁସ୍ ।”

ତାର ପଟେ ଜିସୁ କଇଲା, “ସେନ୍ତାରୁଆଲେ ମର୍ ମେଣ୍ଡାମନ୍ ଜତନ୍ କର୍ ।” ୧୭ ଜିସୁ ଦୁଇତର ପାଚାରି ସାରି ଆରିତରେକ୍ ପାଚାରୁଲା, “ଏ ଜଅନର୍ ପଅ ସିମନ୍ ତୁଇ ମକେ ଆଲାଦ୍ କଲୁସ୍ନି କି ?”

ଜିସୁ ତାକେ ତିନ୍ ତର ଜାକ ଗଟେକ୍ କାତାସେ ପାଚାରୁଲାଜେ ପିତର ଦୁକ୍ ଅଇଗାଲା, ଆରି କଇଲା, “ଏ ମାପୁରୁ ! ମୁଇ ଆଲାଦ୍ କଲିନି ବଲି ତୁଇ ସବୁ ଜାନିଆରୁସ୍ ।”

ଜିସୁ ପିତରକେ କଇଲା, “ତୁଇ ମର୍ ମେଣ୍ଡାମନ୍ କେ ନିମାନ୍ କରି କୁଆଉ ।

୧୮ “ମୁଇ ତକେ ସତ୍ କାତା କଇଲିନି, ତୁଇ ଦାଙ୍ଗ୍ତା ରଇଲାବେଲେ, ଚକା ପଟିଆ ପିନ୍ଦି କରି ଜେନେ ପାରୁଲା ତେନେ ଜାଇତେ ରଇଲୁସ୍ । ମାତ୍ର ତକ୍ତା ଅଇଲେ ଆଡ଼ ଟେକ୍ସୁ, ଆରି ବିନ୍ ଲକ୍ମନ୍ ତକେ ବାନ୍ଦି ଜନ୍ତ୍ର ଜିବାକେ ମନ୍ ନ ରଏ, ସେ ବାଟେସେ ତକେ ନେବାଇ ।” ୧୯ ସେ କେନ୍ତାରି ଅଇ ମରିକରି ପର୍ମେସରର୍ ତାକ୍ ପୁଟା କର୍ସି, ସେଟା ଜାନାଇବାକେ ଜିସୁ ଏନ୍ତାରି କଇଲା । ଏନ୍ତ୍ର କଇ ସାରାଇ ସେ ପିତରକେ କଇଲା “ମର୍ ସଙ୍ଗ ଆଉ ।”

**ଜିସୁର ଆଲାଦର୍ ସିସ୍**

୨୦ \*ପିତର ପାସ୍ଲିକରି ଜିସୁର ଆଲାଦର୍ ବିନ୍ ସିସକେ ଦେକ୍ଲା । ଜାକେ କି ଜିସୁ ବେସି ଆଲାଦ୍ କର୍ତେରଇଲା । ଜନ୍ ସିସ୍ କି ରାତିଆ କାଇଲାବେଲେ ଜିସୁର ବୁକେ ଆଉଜି ଅଇକରି ପାଚାରିରଇଲା । “ମାପୁରୁ କେ ତମ୍ କେ ବିସ୍ ବାସେ ବିସ୍ ଦେଲାପାରା ସତ୍ତୁମନ୍ କେ ସର୍ପି ଦେଇସି ?” ୨୧ ପିତର ସେ ସିସକେ ଦେକି ଜିସୁକେ ପାଚାରୁଲା, “ଏ ମାପୁରୁ ଆର୍ ବିସଇ କାଇଟା ଅଇସି ?”

୨୨ ଜିସୁ ତାକେ କଇଲା, “ଏ ଦୁନିଆଇ ଆରି ତରେକ୍ ଆଇବା ଜାକ ସେ ବଟି କରି ରଅ ବଲି ମୁଇ ମନ୍ କଲିନି ବଇଲେ, ଏଟାରପାଇ ତୁଇ କାଇକେ ଚିନ୍ତା କଲୁସ୍ନି ? ତୁଇ ମର୍ ସଙ୍ଗ ଆଉ ।”

\* ୨୧:୨ ୨୧:୬ ଲୁକ୍ ୫:୬ \* ୨୧:୨୦ ୨୧:୨୦ କଥା ୧୩:୨୫

୨୩ ତେବେ ଜିସୁ ଜନ୍ ସିସକେ ଆଲାଦ୍ କର୍ତ୍ତେ ରଇଲା, ସେ ନ ମରେ ବଲି କଇରଇଲା ବିସଇ ଗୁଲାଇ ବାଟର୍ ବିସ୍ବାସ୍ କର୍ବା ବାଇମନର୍ତେଇ କେର୍ଲା । ମାତର୍ ସେ ନ ମରେ ବଲି ଜିସୁ କଇ ନ ରଇଲା । ମୁଇ ଏ ଦୁନିଆଇ ଆରି ତରେକ୍ ଆଇବା ଜାକ ସେ ବଠିକରି ରଅ ବଲି ମୁଇ ଜଦି ମନ୍ କଲିନି ବଇଲେ, ଏଟାରପାଇ ତୁଇ କାଇକେ ଚିନ୍ତା କଲୁସ୍ନି ? ବଲି କଇରଇଲା ।

୨୪ ସେ ସିସ୍ ଏ ସବୁ ବିସଇ କଇଲାଆଚେ, ଏ ସବୁଜାକ ସେ ଲେକି ମିସା ଆଚେ ଆରି ସେଟା ଆମେ ଜାନୁ । ସେ ଜାଇଟା କଇଲା ଆଚେ ସେଟା ସବୁ ସଡ଼ସେ ।

#### ସାରାସାରି ବିସଇ

୨୫ ଜିସୁ କରଇଇବା କାମ୍ମନ୍ ଆରି କେତେକ୍ କେତେକ୍ ଆଚେ, ମାତର୍ ମର୍ ବିଚାର୍ ଇସାବେ ସେ ସବୁଜାକ ଜଦି ଗଟେକ୍ ଲକ୍ ଲେକ୍ଲେ, ଜେଡ଼କି ବଇ ଲେକା ଅଇସି, ସେଟାମନ୍ ସଙ୍ଗାଇବାକେ ଟାନ୍ ନ ଅଏ ।

# ପ୍ରେରିତ ମାନଙ୍କର କାର୍ଯ୍ୟ ପେରିଡ଼ ସିସ୍ତମ୍ କାମ୍ବଳା ଇସାବ୍ ଏ ବଇ ବିସଇତେଇ ଜାନ୍ବାଟା

ପେରିଡ଼ ବଇ ଅଇଲାମି ମଣ୍ଡୁଲି ଆରାମ୍ ଅଇଲା ବଇ, ଆରି କେନ୍ଦ୍ରାରି ଜିରୁସାଲମେ ଅନି ଜିଉଦା ସମରିଆ, ଆରି ବିନ୍ଦିନ୍ ଜାଗାମନ୍ଦକେ ଜାନାଇ ଅଇଲା ୧:୮ । ଏଟା ଜିସୁ ସର୍ଗେ ଜିବା ଆଗ୍ଡୁ ତାର୍ ସିସ୍ତମ୍ଦକେ କଇ ରଇଲା, ପେରିଡ଼ ବଇ ଲୁକ୍ଲେକି ରଇଲା, ଜେକି ଲୁକ୍ ସୁବ୍ବକବର୍ ମିସା ଲେକି ରଇଲା । ସେ ଗଟେକ୍ ତାକ୍ଦର୍ ରଇଲା, ଆରି କାଇଟାମିସା ବୁଲ୍ ନ କର୍ତେ ଲେକ୍ବାକେ ମନ୍ଦିଆନ୍ ଦେଇତେ ରଇଲା । ସେ ସୁବ୍ବକବର୍ ବଇଟାମେ ଆରି ପେରିଡ଼ ବଇ ଏ ଦୁଇଟା ବଇଟାମେଜାକ ତିଅପିଲ୍ଲକେ ଜାନାଇ ଆଟେ । ଜନ୍ ଲକ୍କି ସେ ଗଟେକ୍ ଗିରିକ୍ ଲକ୍ ରଇଲା ଏ ଦୁଇଟାଜାକ ବଇ ଗିରିକ୍ ଆରି ଜିଉଦି ଲକ୍ମନ୍ଦର୍ ପାଇ ଅଇରଇଲା ପେରିଡ଼ ୧:୧ ।

ଜାନ୍ବାକେ ଗାଲେ ପେରିଡ଼ ବଇ ଜିସୁକିରିସ୍ତର୍ ଜନମ୍ ଅଇକରି ୭୦-୭୪ ବିଡ଼ରେ ଲେକାଅଇ ରଇଲା । କାଇକେବଇଲେ ପାଉଲ୍ ବନ୍ଦିଗରେ ରଇକରି ମୁକ୍ତବା ଆଗ୍ଡୁ ଏ ବଇର୍ ଲେକାକାମ୍ ସାରିରଇଲା । ଲୁକ୍ ମିସା ପାଉଲ୍ ସଙ୍ଗ୍ ବୁଲି ରଇଲା, ଆରି ପେରିଡ଼ ବଇ ଆକ୍ତିଆଇ ଅନି ଲେକାଅଇ ରଇଲା । ପେରିଡ଼ ବଇ ଲୁକ୍ ସୁବ୍ବକବର୍ତେଇ ଅନି ଆରାମ୍ ଅଇଲା ଆଟେ, ଆରି ଜିସୁ ସର୍ଗେ ଜିବାଟା ଆରାମ୍ ଅଇଲାମି ଲୁକ୍ ସୁବ୍ବକବର୍ତ୍ ଆଦେସ୍ ଆରି ପେରିଡ଼ର୍ ଲେକା ଆଦେସ୍ ସଙ୍ଗ୍ ସମାନ୍ ଆଟେ । ସେ ତିଅପିଲ୍ଲକେ ଆରି ବିସବାସ୍ ବଡ଼ି ଆଇବା ଲକ୍ମନ୍ଦକେ ନିକସଙ୍ଗ୍ ରଇବାକେ ମନ୍ଦକଲାମି । ସେମନ୍ଦକେ କାଇ ସିକିଆ ଦିଆ ଅଇରଇଲା ଜିସୁକିରିସ୍ତର୍ ଜିବନ୍ ବିସଇ ଆରି ବଡ଼ିଆଇବା ବିସବାସିମନ୍ଦର୍ ବିସଇ କାଇବୁଲ୍ ନ କର୍ତେ ଇସାବ୍ ସଙ୍ଗ୍ଆଟେ । ପେରିଡ଼ ବଇଟାମେ ଆଗ୍ଡୁର୍ ମଣ୍ଡୁଲି ଜିସୁକିରିସ୍ତର୍ ଟାମେ ବିସବାସ୍ କରି ଜିଉଦା କାଇବାକେ ଆମକେ ଜାନାଇଲାମି । ଆମକେ ପେରିଡ଼ମନ୍ଦର୍ ଟାମେଅନି ଜାନାଇଲାମି କି, ଆମେ କେନ୍ଦ୍ରାରି ସୁକଲ୍ ଆଡ଼ମାଟାମେ ରଇକରି ବିନ୍ଲକ୍ମନ୍ଦକେ ସୁବ୍ବକବର୍ ଜାନାଇ ଅଇସି ।

## ଏ ବଇ ବିଡ଼ରେ ରଇବା ମୁକିଆ ବିସଇ

- ୧. ସୁକଲ୍ ଆଡ଼ମା ଆଇବାଟା ଆରି ମଣ୍ଡୁଲି ବଡ଼ବାଟା । ୧:୧-୮:୧
- ୨. ମଣ୍ଡୁଲିର୍ ଦୁକ୍ତସ୍ତର୍ ଆରି ସୁବ୍ବକବର୍ ଅଦିକ୍ ଅଦିକ୍ ବଡ଼ବାଟା । ୮:୨-୧୨:୨୩
- ୩. ପାଉଲ୍ ପର୍ତୁଗ୍ ତର୍ ସେବା କର୍ବାକେ ଜିବାଟା । ୧୨:୨୪-୧୪:୨୮
- ୪. ନୁଆ ବିସବାସିମନ୍ଦର୍ ଦର୍କାର ବିସଇ ଆରି ଜିରୁସାଲମର୍ ସେବା । ୧୫:୧-୩୫
- ୫. ପାଉଲ୍ ଦୁଇପାଲି ସେବାକାମେ ଜିବାଟା । ୧୫:୩୬-୧୮:୨୨
- ୬. ପାଉଲ୍ ତିନ୍ପାଲି ସେବାକାମେ ଜିବାଟା । ୧୮:୨୩-୨୦:୩୮
- ୭. ପାଉଲ୍ ଜିରୁସାଲମେ ବନ୍ଦିଅଇରଇଲାଟା । ୨୧:୨୭
- ୮. ପାଉଲ୍ ରମ୍ ରାଇଜେ ଜିବାଟା । ୨୨:୧-୨୮:୧-୩୧

## ସୁକଲ୍ଆଡ଼ମା ଦେଇରଇବା କାତା

ଏ ସ୍ତାରଦାର୍ ତିଅପିଲ୍, ମର୍ ପର୍ତୁଗ୍ ଲେକିରଇବା ଲୁକ୍ବଇଟାମେ ଆରାମେଅନି, ପର୍ମେସର୍ ତାକେ ସର୍ଗେ ନେବା ଦିନ୍ ଜାକ, ଜିସୁ କିରିରଇବା ଆରି ସିକାଇରଇବା ସବୁ ବିସଇ ଲେକିରଇଲି ।<sup>୨</sup> ତାର୍ ଆଗ୍ଡୁ ସୁକଲ୍ଆଡ଼ମାର୍ ବପୁସଙ୍ଗ୍ ସେ ବାଟିରଇବା ପେରିଡ଼ମନ୍ଦକେ କେତେଟା ଆଦେସ୍ ଦେଇରଇଲା ।<sup>୩</sup> ସେ ଦୁକ୍ କସ୍ତ ଅଇଲାପଟେ, ସେମନ୍ଦକେ ନିଜେ ବେସି ତର୍ ଦେକାଇଅଇଲା । ତାଲିସ୍ ଦିନ୍ଜାକ ବିନ୍ଦି ବିନ୍ଦି ବେଲାଇ ଦେକାଇଅଇଲା । ମଲାତେଇଅନି ଉଟ୍ଲାଟା ସଡ଼ସଙ୍ଗ୍ ଜାନାଇଲା । ସେମନ୍ଦ ତାକେ ଦେକଲାଇ, ଆରି ସେ ସେମନ୍ଦସଙ୍ଗ୍ ପର୍ମେସର୍ ରାଇଜ୍ ବିସଇନେଇ କାତା ଅଇଲା ।<sup>୪</sup> ତରେକ୍ ସେମନ୍ଦସଙ୍ଗ୍ ମିସିକରି କାଇବା ବେଲେ, ସେ ଏ ଆଦେସ୍ ଦେଲା, “ଜିରୁସାଲମ୍ ଟାତାନାଇ । ମାତର୍ ଜନ୍ଦଟା ମର୍ ସରଗର୍ ବାବା, ଇନାମେ ଦେବିବଲି କଇଆଟେ, ସେଟା ନ ମିଲ୍ବା ଜାକ ଜାଗିରୁଆ ।<sup>୫</sup> କାଇକେବଇଲେ ଜଅନ୍ ପାନିତେଇ ତୁବନ୍ ଦେଇରଇଲା, ମାତର୍ କେତେ ଦିନ୍ ବିଡ଼ରେ ପର୍ମେସର୍ ତମକେ ସୁକଲ୍ ଆଡ଼ମାଇ ତୁବନ୍ ଦେଇସି ।”

## ଜିସୁ ସର୍ଗେ ଜିବାଟା

☆ ୧:୧ ୧:୧ ଲୁକ୍ ୧:୧-୪ ☆ ୧:୪ ୧:୪ ଲୁକ୍ ୨୪:୪୯ ☆ ୧:୫ ୧:୫ ମାତିଉ ୩:୧୧; ମାର୍କ ୧:୮; ଲୁକ୍ ୩:୧୨; ଜଅନ୍ ୧:୩୩

୭ ଦିନେକ୍ ପେରିଡ଼ ସିସ୍ତମନ୍ ଗଟେକ୍ତେଇ ରୁଣ୍ଡିରଇଲା ବେଲେ ଜିସୁକେ ପାଚାରଲାଇ, “ମାପୁରୁ, ତମେ କାଇ ଏବେ ଇସ୍ରାଏଲର ଲକ୍ମନକେ ତାକର ରାଇଜ୍ ଆରିତରେକ୍ ବାଉଡାଇ ଦେଇସୁ କି ?” ୭ ଜିସୁ ସେମନକେ କଇଲା, “ମର ବାବା ତାର ନିଜର ଅଦିକାରସଙ୍ଗ୍ ବେଲାଗତି ଟିକ୍କରି ସଙ୍ଗ୍ ଆଚେ । ଏ ସବୁ କେବେ ଗଟ୍ସି, ସେଟା ତମର ଜାନବା ଦରକାର ନାଇ । ୮ ✱ମାତର ସୁକଲ୍ ଆଡ଼ମା ତମର ଉପରେ ଉତ୍ତରଲେ, ତମେ ପୁରାପୁରୁନ୍ ବପୁ ଅଇସା ଆରି ଜିରୁସାଲମ୍, ଜିଉଦାର ସବୁଟାନେ, ସମିରଣ୍ ଆରି ଜଗତର ସାରାସାରି ଜାକ ମର ନାଉଁ ଦାରି ସାକି ଅଇସା ।” ୯ ✱ଏଡ଼କି କାତା ସେମନକେ କଇସାରାଇଲା ପଚେ, ସେମନ୍ ଜିସୁକେ ସରଗେ ନେବାଟା ଦେକ୍ଲାଇ । ଗଟେକ୍ ଚେଲ୍କା ବାଦଲ୍ ଆସି ଡାବିଅଇଲାକେ ସେ ବାନା ଅଇଗାଲା । ଆରି ସେମନ୍ ତାକେ ଦେକି ନାପାରଲାଇ । ୧୦ ସେ ସରଗେ ଗାଲାପଚେ ମିସା ସେମନ୍ ଆଁକି ମରାଇକରି ଉପରେ ସେ ଦେକ୍ତେ ରଇଲାଇ । ସେଡ଼କିବେଲେ ଏଦେ ଦେକା ! ଦବ୍ ପଟିଆ ପିନ୍ଧଲା ଦୁଇ ଲକ୍, ସେମନର୍ ମୁଆଟେ ଆସି ଟିଆଅଇଲାଇ । ୧୧ ଆରି କଇଲାଇ “ଏ ଗାଲିଲିର ଲକ୍ମନ, ତମେ କାଇକେ ଇତି ଟିଆଅଇ ଆକାସେ ଦେକ୍ଲାସନି ? ଏ ଜିସୁକେ ପର୍ମେସର୍ ତମରଟାନେଅନି ସରଗେ ନେଲା ଆଚେ । ସେ ସରଗେ ଜେନ୍ତି ଜାଇରଇଲା, ସେନ୍ତାରିସେ ଦର୍ତ୍ତନିତେଇ ଆଇବାଟା ଦେକ୍ସା ।”

**ଜିଉଦାର ଜାଗାଇ ମତିଆସକେ ବାଟଲା**

୧୨ ତାରପଚେ ପେରିଡ଼ ସିସ୍ତମନ୍ ଜିଡ଼ ପରବତେଅନି ଜିରୁସାଲମ୍ ବାଉଡ଼ି ଗାଲାଇ । ସେ ପର୍ବଡ଼, ଜିରୁସାଲମ୍ ନଅରେଅନି ଗଟେକ୍ କିଲମିଟର୍ ଦୁର୍ ରଇଲା । ୧୩ ✱ଜିରୁସାଲେମ୍ ନଅରେ ଜାଇକରି ସେମନ୍ ରଇବା ବାକରାଇ ପୁରଲାଇ । ପିତର, ଜଅନ୍, ଜାକୁବ୍ ଆରି ତାର ବାଇ ଆନ୍ଦରିୟ, ପିଲିପ୍, ତମା, ବାର୍ତଲମି, ମାଡିଉ, ଆଲ୍ପିର୍ ପିଲା ଜାକୁବ୍, ଦେସ୍ ଆଲାଦକରବା ସିମନ୍ ଆରି ଜାକୁବର୍ ପିଲା ଜିଉଦା, ଏମନ୍ ରଇଲା ତେଇର୍ ପେରିଡ଼ ସିସ୍ତମନ୍ । ୧୪ ସେମନ୍ ତରକେତର ଗଟେକ୍ ଦଲ୍ ଇସାବେ ପାର୍ତନା କରବାକେ ରୁଣ୍ଡିତେ ରଇଲାଇ । ଆରି ସେମନର୍ସଙ୍ଗ୍ ଜିସୁର୍ ଆୟା ମରିୟମ୍, ବିନ୍ ମାଇଜିମନ୍ ଆରି ଜିସୁର୍ ବାଇମନ୍ ମିସା ମିସ୍ତେରଇଲାଇ । ୧୫ କେତେ ଦିନ୍ ଗାଲାପଚେ ପାକାପାକି ସଏ କଡେ ଲକ୍ ବିସ୍ବାସି ବାଇମନ୍ ରଇଲା ଗଟେକ୍ ସବାଇ, ପିତର ଲକ୍ମନର୍ ମୁଆଟେ ଉଟି ଟିଆଅଇ କଇଲା, ୧୬ “ଏ ମର ବାଇବଇନିମନ୍, ଜନ୍ ଇସ୍କାରିୟଡ଼ ଜିଉଦା ଜିସୁକେ ଦାରାଇଦେବାକେ ସଡ଼ୁମନକେ ବାଟ୍ ଦେକାଇ ଆନିରଇଲା, ତାର ବିସଇ, ଦାଉଦ୍ ସୁକଲ୍ ଆଡ଼ମାଇ ପୁରୁନ୍ଅଇ ବବିସଡ଼କାତା ସୁନାଇ ରଇଲା । ଦରମ୍ ସାସ୍ତରର୍ କାତା ସିଦ୍ ଅଇବାକେ ଏଟା ଗଟ୍ ବାର୍ ରଇଲା । ୧୭ ଏଲେମିସା ସେ ଆମର୍ ଦଲ୍ ଲକ୍ ରଇଲା । ଆରି ଆମର୍ ସଙ୍ଗ୍ କାମ୍ କରବାକେ ବାଟାଇଅଇ ରଇଲା ।” ୧୮ ✱ଜିଉଦା କିରିରଇବା କରାପ୍ କାମେଅନି ମିଲାଇଲା ତାବୁକେ ଗଟେକ୍ ଜମି ଗେନାଅଇରଇଲା । ଆରି ସେ ଜମିତେଇ, ଉମ୍ପାଡ଼ିଅଇ ଅଦ୍ରି ମଲା । ତାର ପେଟ୍ ଚିରିଅଇ ଆଁତି ବାରଇଗାଲା । ୧୯ ଜିରୁସାଲମ୍ ନଅରେ ବାସାଅଇରଇବା ସବୁ ଲକ୍ମନ ଏ ସବୁ ବିସଇ ସୁନ୍ଲାଇ । ସେମନର୍ ବାସାଇ ସେ ଜମିର୍ ନାଉଁ ଆକେଲ୍ଦାମା ତାର ଅରଡ଼ ଅଇଲାନି ବନିର୍ ପଦା ବଲି ନାଉଁ ଦେଲାଇ ଆଚଡ଼ ।

୨୦ ଗିଡ଼ସଙ୍ଗିତା ବଇଟାନେ ଏ ବିସଇ ଲେକା ଅଇଲା ଆଚେ,  
 “ତାର ଗର୍ ରୁଟା ଅଇଜାଅ,  
 ତେଇ ବାସା ଅଇବାକେ କେ ମିସା ନ ରଅଡ଼ ।”

ଆରି ମିସା ଲେକା ଅଇଲା ଆଚେ,  
 “ତାର ଜାଗାଇ ସେବା କରବାକେ ଆରି ଗଟେକ୍ ଲକ୍ ମିସ ।”

୨୧ ✱“ସେଟାର ପାଇ, ଜିସୁମାପୁରୁ ଆମର୍ ସଙ୍ଗ୍ ଗାଲାବେଲେ ଜେ ଆମର୍ ଦଲେ ସବୁବେଲେ ରଇଲା, ସେନ୍ତାରି ଗଟେକ୍ ଲକ୍କେ ବାଟ୍ ବାର୍ ଆଚେ । ୨୨ ଜନ୍ ଲକ୍କେ ଆମେ ବାଟ୍ ବୁ, ପର୍ମେସର୍ ଜିସୁକେ ଜେନ୍ତି ଜିବନ୍ କରି ଉଟାଇଲା, ସେ ବିସଇ ଆମର୍ସଙ୍ଗ୍ ସେ ସାକି ଅଇବାର୍ଆଚେ । ଜଅନ୍ ଜିସୁକେ ଡୁବନ୍ଦେଲା ବେଲେଅନି, ପର୍ମେସର୍ ଆମର୍ଟାନେଅନି ତାକେ ସରଗେ ନେବା ଜାକ, ସେ ଲକ୍ ଆମର୍ ଦଲେ ରଇବାର୍ ଆଚେ ।” ୨୩ ସେମନ୍ ଦୁଇ ଲକ୍ମନ ନାଉଁ ଦେଲାଇ । ଜସେପ୍ ଜେକି ବର୍ସବା ଆରି ଜୁସ୍ତକ୍ ବଲି ମିସା କଇବାଇ ଆରି ମତିୟ । ୨୪ ଆରି ସେମନ୍ ପାର୍ତନା କଲାଇ, “ମାପୁରୁ ତମେତା ସବୁ ଲକ୍ମନ ମନର୍ କାତା ଜାନାସ୍ । ଜିଉଦା ଜନ୍ ଜାଗାଇ ରଇବାର୍ ରଇଲା, ଟିକ୍ ତେଇ ଉଟିଗାଲା । ପଚେ ତାର ଜାଗାଇ ତମେ ବାଟିରଇବା ଲକ୍, ଏ ଦୁଇ ଲକ୍ମନ ବିଡ଼ରେ ଅନି କେ ଅଇରଇସି ? ୨୫ ଜେ ପେରିଡ଼ ସିସ୍ତମାମ୍ କରିପାରସି, ତାକେ ଆମ୍କେ ଜାନାଆ ।” ୨୬ ତାରପଚେ ଦୁଇ ଲକ୍ମନଟାନେଅନି ଗଟେକ୍ ଲକ୍କେ

✱ ୧:୮ ୧:୮ ମାଡିଉ ୨୮:୧୯; ମାର୍କ ୧୭:୧୫; ଲୁକ୍ ୨୪:୪୭,୪୮ ✱ ୧:୯ ୧:୯ ମାର୍କ ୧୭:୧୯; ଲୁକ୍ ୨୪:୫୦,୫୧ ✱ ୧:୧୩ ୧:୧୩ ମାଡିଉ ୧୦:୨-୪; ମାର୍କ ୩:୧୭-୧୯; ଲୁକ୍ ୬:୧୪-୧୬ ✱ ୧:୧୮ ୧:୧୮ ମାଡିଉ ୨୭:୩-୮ ✱ ୧:୨୧ ୧:୨୧ ମାଡିଉ ୩:୧୭; ମାର୍କ ୧:୯; ଲୁକ୍ ୩:୨୧; ମାର୍କ ୧୭:୧୯; ଲୁକ୍ ୨୪:୫୧

ବାଟବାକେ କେଡ଼ପୁଟାଇଲା । କେଡ଼ପୁଟାଇଲାକେ ମତିୟସର୍ ନାଉଁ ପୁଟୁଲା । ସେନ୍ତାରି, ଏଗାରଟା ସିସ୍‌ମନର୍ ଦଲେ ସେ ମିସ୍‌ଲା ।

୨

ସୁକଲ୍‌ଆଡ଼ମା ଆଇବାଟା

୧ ଜନ୍ ଦିନେ ସେମନ୍ ପେନ୍‌ଟିକସ୍ ପରବ୍ ମାନ୍‌ତେରଇଲା, ଜିସୁକେ ବିସ୍‌ବାସ୍ କରବା ସବୁ ଲକ୍‌ମନ୍ ଗଟେକ୍ ଜାଗାଇ ରୁଣ୍ଡିରଇଲା । ୨ ଅଟାଡ଼ ଆକାସେଅନି ବେସି ପବନ୍ ଆଇଲାପାରା ଗଟେକ୍ ସବଦ୍ ଅଇଲା । ଆରି ଜନ୍ ଗରେ ସେମନ୍ ବସି ରଇଲା, ସେଟା ସେ ସବଦେ ପୁରୁନ୍ ଅଇଲା । ୩ ତାରୁପଚେ ସେମନ୍ ଦେକ୍‌ଲା, କେତେଟା ଜଇଜିବ୍ ଉଦ୍‌ଲିକରି ବିଚି ଅଇଲା । ଆରି ତେଇ ରଇଲା ସବୁ ବିସ୍‌ବାସିମନ୍‌କେ ଚିଇଲା । ୪ ସେମନ୍ ସବୁଲକ୍ ସୁକଲ୍‌ଆଡ଼ମା ପୁରାପୁରୁନ୍ ଅଇଲା ଆରି ଆଡ଼ମା ଦେଲା ବପୁ ଇସାବେ ନାଜାନଲା ବାସାମନର୍ ସଙ୍ଗ୍ କାତା ଅଇବାର୍ ଦାରୁଲା ।

୫ ଜଗତର୍ ବିନ୍ ବିନ୍ ଦେସେଅନି ଆସିରଇଲା ଜିଉଦି ଲକ୍‌ମନ୍ ସେଡ଼କିବେଲେ ଜିରୁସାଲମେ ରଇଲା । ୬ ଏନ୍ତାରି ଅଇଲାଟା ଦେକି ସେମନ୍ ସାରଦା ଅଇଗାଲା । କାଇକେବଇଲେ ସେ ବିସ୍‌ବାସିମନ୍ ତାକର୍ ତାକର୍ ବାସାଇ କାତା ଅଇବାଟା ସେମନ୍ ସୁନ୍‌ଲା । ୭ ସେମନ୍‌ର ବୁଦିଗୁପିଗାଲା ଆରି କାବା ଅଇଜାଇ ପାଟାରୁଲା, “ଏନ୍ତାରି ବାସାଇ କାତା ଅଇବା ଲକ୍‌ମନ୍ ଗାଲିଲିଅନି ନଅଡ଼ କି ? ” ସେନ୍ତିଆଲେ ଆମେ କେନ୍ତି ସେମନ୍‌କେ ଆମର୍ ନିଜର୍ ନିଜର୍ ଜନମ୍ ଜାଗାର୍ ବାସାଇ କାତା ଅଇବାଟା ସୁନିଆରୁ ? ୮ ଆମେ ପାରୁତିୟ, ମାଦିୟ, ଏଲୀମିୟ ଆରି ମେସପଟାମିୟ, ଜିଉଦା ଦେସ୍ ଆରି କାପ୍‌ପାଦକିଆ, ପନ୍ତ୍ର ଆରି ଆସିଆ, ୯ ପିରିଜିଆ ଆରି ପପୁଲିଆ, ମିସର୍ ଆରି କୁରିଣି ଲଗେ ରଇଲା ଲିବିଆ ଜାଗାର୍ ଲକ୍ । ଆମର୍ ବିଡ଼ରେ ରମ୍‌ରାଇଜେଅନି ଆସିରଇବା, ଜନମେ ଅନି ଜିଉଦି ଅଇଲା ଲକ୍ ଆରୁ ଆରି ପଚେ ଜିଉଦି ଦରମ୍ ନେଲା ଲକ୍ ମିସା ଆରୁ । ୧୦ ଆମର୍ ବିଡ଼ରେଅନି କେତେଲକ୍ କିଡ଼ିୟଅନି ଆରି ଆରବିୟଅନି ଆଇଲୁ ଆରୁ । ଏନ୍ତି ଆମେ ସବୁ ବିନ୍ ବିନ୍ ଜାଗାଇଅନି ଆଇଲୁ ଆରୁ । ଏନ୍ତି ବଇଲେ ମିସା ପରମେସର୍ କଲା ବଡ଼ ବଡ଼ କାବାଅଇଜିବା କାମ୍ ଏ ଲକ୍‌ମନ୍ ଆମର୍ ନିଜର୍ ନିଜର୍ ବାସାଇ କାତାଅଇବାଟା ସୁନ୍‌ଲୁନି ।” ୧୧ ଏନ୍ତି ବଲି ସେମନ୍ ବେସି କାବାଅଇଗାଲା । ଆରି ସେମନ୍‌ର ବୁଦି ଆଜି ଗାଲା । ଆରି ତାକର୍ ତାକର୍ ବିଡ଼ରେ “ଏଟା କେନ୍ତାର୍ ଅଇଲା ତେବେ ?” ବଲି ସବୁ ବେଲେ ପାଟାରୁଡ଼ାର୍ ଅଇତେ ରଇଲା । ୧୨ ମାତର୍ ବିନ୍ ଲକ୍‌ମନ୍ ବିସ୍‌ବାସିମନ୍‌କେ କିଜାଇକରି କଇଲା, “ସେମନ୍ ମାଡ଼ିଆଟଡ଼ !”

ପିତର କବର୍ ଜାନାଇବାଟା

୧୪ ପିତର ତାର୍ ସଙ୍ଗ୍ ରଇଲା ଏଗାରଟା ପେରିଡ଼ ମନର୍ ସଙ୍ଗ୍ ଟିଆଅଇ ଆଉଲି ଅଇ କଇଲା, “ଏ ମର୍ ପାରା ଜିଉଦି ଲକ୍‌ମନ୍ ଆରି ଜିରୁସାଲମେ ରଇବା ସବୁ ବାଇମନ୍, ମର୍ କାତା ମନ୍‌ଦେଇ ନିମାନ୍ ସୁନା । ଏଟା କାଇଟା ଅଇଲାନି ବଲି ମୁଇ ତମ୍‌କେ ବୁଜାଇ କଇବି । ୧୫ ଏବେ ସାକ୍‌ଲିଆ ନଅଟା ବେଲା ଅଇଲା ଆଟେ । ତମେ ବାବ୍‌ଲାପାରା ଏ ଲକ୍‌ମନ୍ ମାତଡ଼ ନାଇ । ୧୬ ଏଟା ଜଏଲ୍ ନାଉଁର୍ ବବିସଡ଼ବକ୍ତା କଇଲା କାତା ପାରା ଗଟନା ଗଟି ଆଟେ ।”

୧୭ ସେଟା କାଇଟା ବଇଲେ ପରମେସର୍ କଇଲାନି,

“ସାରାସାରି ଦିନେ ମୁଇ ଏ ସବୁ ବିସଇ କରବି ।

ମର୍ ଆଡ଼ମା ଜବର୍ ଅଇତେ ସବୁବାଟର୍ ଲକ୍‌କେ ଦେବି ।

ତମର୍ ପିଲାଜିଲା ମୁଇ କଇବା କାତା କଇବାଇ ।

ତମର୍ ଦାଙ୍ଗ୍‌ତାପିଲାମନ୍‌କେ ମୁଇ ଦରସନ୍ ଦେକାଇବି ।

ଆରି ଡକ୍‌ରା ଲକ୍‌ମନ୍ ମର୍ ବିସଇନେଇ ସପନ୍ ଦେକ୍‌ବାଇ ।

୧୮ ସେ ଦିନମନ୍‌କେ ମର୍ ଆଡ଼ମା ଜବର୍ ଅଇତେ ମର୍ ଦାଙ୍ଗ୍‌ତା ଅଇରଇବା ମାଇଜିମୁନ୍‌ସମନ୍‌କେ ଆଜାଡ଼ି ଦେବି ।

ସେମନ୍ ମୁଇ କଇବା କାତା କଇବାଇ ।

୧୯ ଆକାସେ କାବା ଅଇଜିବା କାମ୍ କରବି ।

ଦରତନି ତେଇ ମିସା କାବାଅଇଜିବା ଚିନ୍‌ମନ୍ କରବି ।

ଲକ୍‌ମନ୍ ବନି, ଜଇ ଆରି କାଲିଆ ଦୁଆଁ ଦେକ୍‌ବାଇ ।

୨୦ ବେଲକେ ଆନ୍ଦାର୍ ଡିସ୍‌ଲା ପାରା କରାଇବି,

ଜନ୍, ବନି ପାରା ଡିସ୍‌ବାକେ କରାଇବି ।

ମୁଇ ବାଉଡ଼ି ଆଇବା ସେ ବଡ଼ ଉଜଲର୍ ଦିନ୍ ଆଗୁଡ଼ୁ, ଏଟାସବୁ ଅଇସି ।

୨୧ ଜେଡ଼କି ଲକ୍ ମର୍ ନାଉଁ ଦାରି ଡାକ୍‌ବାଇ,

ସେମନ୍‌କେ ମୁଇ ରକିଆ କରବି ।”



୨୨ ପିତର କଇଲା, “ଏ ଇସ୍ରାଏଲ୍ ଦେସର୍ ଲକ୍ଷ୍ମୀନ୍ ତମେ ମୁଇ କଇବା କାତା ସୁନା । ପରମେସର୍ସେ ବାଟି ପାଟାଇଲା ଲକ୍ଷ୍ମୀ, ନାଜରିତ୍ ଗଡ଼ର୍ ଜିସୁ ବଲିକରି ସେ ତମର୍ ଲଗେ ରଇଲା ବେଲେ, ଦେକାଇଦେଲା । ସେଟା କେନ୍ତ୍ରା ବଇଲେ, ପରମେସର୍ ତାର୍ତେଇଅନି କାବା ଅଇଜିବା କାମ୍ କଲାଆଟେ । ଏଟା ସତ୍ ବଲି ତମେ ଜାନିଆଟାସ୍ । ୨୩ ଶତର୍ ଆଗତୁର୍ ଜନ୍ନା ଇସାବେ ସେ କାତା ଦେଇସାରାଇରଇଲା କି, ଜିସୁ ତମର୍ ଆତେ ସର୍ପାଇ ଅଇସି । ତାର୍ପଟେ ତାର୍ ନିୟମ୍ ନ ମାନୁବା ଲକ୍ଷ୍ମୀନ୍ ତାକେ କୁର୍ସେ ଚଗାଇ ମରାଅତ୍ ବଲି ତମେ ତାକେ ଏନ୍ତି କଲାସ୍ । ୨୪ ଶମାତର୍ ପରମେସର୍ ଜିସୁକେ ମଲାଟାନେଅନି ଆରି ତରେକ୍ ଉଟାଇଲା । ମରନର୍ ବପୁତେଇଅନି ତାକେ ମୁକ୍ତାଇଲା । କାଇକେବଇଲେ କେ ମିସା ତାକେ ମରାଇକରି ସେ ଜାଗାଇ ସଙ୍ଗଇ ନାପାରୁଲା । ୨୫ ଏ ବିସଇ ଦାଉଦ୍ ରାଜା ଏନ୍ତି କଇ ଆଟେ । ସେଟା କାଇଟା ବଇଲେ,

“ପରମେସର୍ ସବୁ ବେଲା ମର୍ ମୁଆଟେ ରଇବାଟା ଦେକ୍ଲି ।  
ସେ ମର୍ ସଙ୍ଗ୍ ଆଟେ ।

ସେଟାପାଇ ମକେ କେ ମିସା କଟପଟ କରିନାପାରତ୍ ।

୨୬ ସେଟା ପାଇ ମୁଇ ସାର୍ଦାସଙ୍ଗ୍ ଆଟି ।

ଆରି ସାର୍ଦାର୍ କାତା କଇବି ।

ମର୍ ଏ ମର୍ବା ଗାଗଡ଼ ରଇଲେ ମିସା ମୁଇ ସବୁବେଲେ

ତମର୍ ତେଇ ଆସା କର୍ବି ।

୨୭ କାଇକେ ବଇଲେ ତୁଇ ମକେ ମଲାଲକ୍ଷ୍ମୀନ୍ ଜାଗାଇ ଚାଡ଼ି ନ ଦିଆସ୍ ।

ତମର୍ ସୁକଲ୍ ଦାଙ୍ଗ୍ତାକେ ସମାଦିଟାନେ କୁଇବାକେ ନ ଚାଡ଼ାସ୍ ।

୨୮ ତମେ ମକେ ଜିବନ୍ ବାଟ୍ ଦେକାଇ ଆଟାସ୍ ।

ତମେ ମର୍ ସଙ୍ଗ୍ ଆଟାସ୍, ସେଟାପାଇ ମୁଇ ସାର୍ଦା ସଙ୍ଗ୍ ରଇବି ।”

୨୯ ଆରି ପିତର କଇଲା, “ଏ ଇସ୍ରାଏଲ୍ ବାଇବଇନିମନ୍, ଆମର୍ ଆନିଦାଦିବେଲର୍ ଦାଉଦ୍ ରାଜାର୍ ବିସଇ ତାଟ୍ସଙ୍ଗ୍ କଇବାକେ ମର୍ ଅଦିକାର୍ ଆଟେ । ସେ ମଲାକେ ତାକେ ତପି ଦେଲା । ସେ ତପୁଲା ଜାଗା ଏବେ ଜାକ ଇତି ଆଟେ । ୩୦ ସେ ଗଟେକ୍ ବସିସତ୍ ବକ୍ତା ରଇଲା ଆରି ପର୍ମେସର୍ ସପତ୍ କରି କଇଲା ବିସଇ ଜାନିରଇଲା । ପର୍ମେସର୍ ତାକେ କାତା ଦେଇରଇଲା ଜେ, ତାର୍ ଗଟେକ୍ ନାତିତି ଦିନେକ୍ ତାର୍ପାରା ସାସନ୍ କର୍ସି । ୩୧ ଏ ବିସଇ ଆଗେ ସେ ଜାନି ରଇଲାର୍ପାଇ ପର୍ମେସର୍ ମସିଅକେ ମଲାତେଇଅନି ଆରିତରେକ୍ ଜିବନ୍ କରାଇସି ବଲି ସେ କଇପାରୁଲା ।”

“ପର୍ମେସର୍ ତାକେ ମରିକରିସେ ତେଇ ରଇବାକେ ଚାଡ଼ିଦେଏ ନାଇ ।

ଆରି ତାର୍ ଗାଗଡ଼ ସମାଦି ତେଇ କୁଇ ଜିବାକେ ଚାଡ଼େନାଇ ।”

୩୨ ଏବେ ଏ ଜିସୁକେ ପରମେସର୍ ଜିବନ୍ ଦେଇ ଉଟାଇଆଟେ । ଆମେ ସବୁ ସେ ଗଟ୍ନାର୍ ସାକି ।

୩୩ ପରମେସର୍ ତାକେ ତାର୍ ଉଜାବାଟେ ବସିବାକେ ଉଟାଇଆଟେ । ଆରି ସେ କାତା ଦେଲା ଇସାବେ ତାର୍ଟାନେଅନି ସୁକଲ୍ ଆଡ଼ମା ପାଇଲାଆଟେ । ତମେ ଏବେ ଜନ୍ନା ଦେକ୍ଲାସ୍ନି ଆରି ସୁନ୍ଲାସ୍ନି, ସେଟା ଅଇଲାନି ତାର୍ ଦାନକରି ରଇବାଟା । ଜନ୍ନା କି ସେ ଆମ୍କେ ଜବର୍ ଅଇତେ ଆଜାଡ଼ି ଦେଲାଆଟେ । ୩୪ ସରଗେ ଗାଲା ଲକ୍ଷ୍ମୀ ଦାଉଦ୍ ନଏଁ । ମାତର୍ ସେ କଇଲା,

“ପର୍ମେସର୍ ମର୍ ମାପୁରୁକେ କଇଲା

ତମର୍ ସବୁ ସତ୍ତୁମନ୍କେ ଆରାଇବା ଜାକ ମର୍ ଉଜାବାଟେ ବସ୍ ଆରି ସାସନ୍ କର୍ ।”

୩୫ ଆରି ତର୍ ସତ୍ତୁମନ୍କେ ତର୍ ପାଦ୍ତଲେ ନ ଆନୁବା ଜାକ ମର୍ ଉଜାବାଟେ ବସି ର । ୩୬ ପିତର ଆରି କଇଲା “ଏ ଇସ୍ରାଏଲ୍ ସବୁ ଲକ୍ଷ୍ମୀନ୍, ତମେ ଜନ୍ ଜିସୁକେ କୁର୍ସେ କୁଟିମାରି ମରାଇରଇଲାସ୍, ପର୍ମେସର୍ ତାକେ ମାପୁରୁ ଆରି ମସିଅ କଲାଆଟେ ବଲି ତାଟ୍ସଙ୍ଗ୍ ଜାନୁବାର୍ଆଟେ ।” ୩୭ ଏ କାତା ପିତରଟାନେଅନି ସୁନ୍ଲା ସବୁ ଲକ୍ଷ୍ମୀନ୍ ତାକର୍ ନିଜର୍ ବୁଲ୍ ଏତାଇକରି ମନ୍ ବିତ୍ରେ କିଲ୍ବିଲ୍ ଅଇଗାଲା । ସେମନ୍ ପିତରକେ ଆରି ପେରିଡ଼ମନ୍କେ ପାଟାରୁଲା, “ଏ ବାଇମନ୍ ଏନ୍ତା ବଲି କଇଲେ ଆମେ କାଇଟା କର୍ବାର୍ ଆଟେ ?” ୩୮ ପିତର ସେମନ୍କେ କଇଲା, “ତମେ ଗଟେକ୍ ଗଟେକ୍ ଲକ୍ଷ୍ମୀ ପାପେଅନି ବାଉଡ଼ିକରି ଜିସୁ କିରିସ୍ଟର୍ ନାଉଁ ଦାରି ତୁବନ୍ ନେବାର୍ ଆଟେ, ଜେନ୍ତାରି କି ତମର୍ ପାପ୍ ସବୁ କେମା ଅଇସି ଆରି ପରମେସର୍ ତମକେ ସୁକଲ୍ ଆଡ଼ମା ଦେଇସି । ୩୯ ଏ ସପତ୍ ତମର୍ପାଇ ଆରି ତମର୍ ପିଲାମନ୍ପାଇ । ଆରି ଇତିଅନି ଦୁରିକେ ରଇବା ସବୁର୍ପାଇ । ଜନ୍ ସବୁଲକ୍ଷ୍ମୀକେ ସେ, ତାର୍ ଲଗେ ତାକ୍ଲାନି ।” ୪୦ ଆରି ପିତର ସେମନ୍କେ ଜାଗରଡ଼ କରାଇବାକେ ବେସି ବିସଇ କଇଲା ଆରି ସେମନ୍କେ ବାବୁଜିଆ କଲା । ବିସ୍ବାସ୍ ନ କର୍ବା ଜିଉଦି ବାଇମନ୍କେ ଆଇତେରଇବା ବଡ଼ ତଣ୍ଡେଅନି ନିଜ୍ଜକେ ରକିଆ କରା । ବଲି କଇଲା । ୪୧ ତେଇ ପିତରର୍ କାତା ସୁନି ବେସି ଲକ୍ଷ୍ମୀ ବିସ୍ବାସ୍ କଲା ।

☆ ୨:୨୩ ୨:୨୩ ମାତିଉ ୨୭:୩୫; ମାର୍କ ୧୫:୨୪; ଲୁକ୍ ୨୩:୩୩; ଜଅନ୍ ୧୯:୧୮ ☆ ୨:୨୪ ୨:୨୪ ମାତିଉ ୨୮:୫,୬; ମାର୍କ ୧୬:୭; ଲୁକ୍ ୨୪:୫

ଆରି ସିସ୍ତମନ୍ ସେମନ୍‌କେ ହୁବନ୍ ଦେଲାଇ । ସେ ଦିନେ ତିନ୍‌ଅଜାର୍ ଲକ୍‌ମନ୍ ତାକର୍ ଦଲେ ମିସ୍‌ଲାଇ ।  
୪୨ ସେମନ୍ ପେରିଡ଼ମନ୍ ସିକାଇଲା ବିସଇ ମାନ୍‌ଲାଇ । ମିସିବିତି ରଇବାକେ, ମିସିକରି କାଇବାକେ, ଆରି  
ପାରତନା କର୍‌ବାକେ ।

**ବିସ୍‌ବାସିମନ୍‌ର ଜିଉନା କାଉନା**

୪୩ ଆରି ଲକ୍‌ମନ୍ ଡରିଜାଇତେରଇଲାଇ । ପର୍‌ମେସର୍ ପେରିଡ଼ମନ୍‌ର ତେଇଅନି ବେସି  
କାବାଅଇଜିବା କାମ୍‌ମନ୍ କର୍‌ତେ ରଇଲା । ସବୁ ଲକ୍‌ମନ୍ ପର୍‌ମେସର୍‌କେ ନାମ୍‌ଲାଇ । ୪୪ ✨ଜିସୁକେ  
ବିସ୍‌ବାସ୍ କଲା ଲକ୍‌ମନ୍ ଗଟେକ୍ ଗରର୍ ଲକ୍‌ପାରାଅଇ ରଇତେ ରଇଲାଇ । ଆରି ତାକର୍‌ତେଇ  
କାଇକାଇଟା ରଇଲା, ସେଟା ସେମନ୍ ବାଟା କର୍‌ତେରଇଲାଇ । ୪୫ ତାକର୍ ବିତ୍‌ରେ କେତେଲକ୍ ଜମି  
ଆରି ନିଜର୍‌ପାଇ ରଇବାଟା ବିକିକରି, ସେ ତାରୁ ଦର୍‌କାର୍ ଅଇଲା ଲକ୍‌ମନ୍‌କେ ଦେଇତେରଇଲାଇ ।  
୪୬ ସବୁଦିନ୍ ପାରତନା କର୍‌ବା ମନ୍‌ଦିରେ ଗଟେକ୍ ଦଲ୍‌ଅଇ ମିସ୍‌ତେରଇଲାଇ । ଗରେ ଗରେ ମିସିବିତି  
କାଇତେରଇଲାଇ । ସାର୍‌ଦାସଙ୍ଗ୍ ରଇକରି, ମନେ କାଇଟା ନ ବାବି ଦିଆନିଆ ଅଇତେରଇଲାଇ ।  
୪୭ ସେମନ୍ ପର୍‌ମେସର୍‌କେ ତାକ୍‌ପୁଟା କର୍‌ତେରଇଲାଇ ଆରି ଜିରୁସାଲେମର୍ ସବୁଲକ୍ ସେମନ୍‌କେ ନିକ  
ବଲି ବାବ୍‌ତେରଇଲାଇ । ମାପ୍‌ରୁ ଜନ୍ ଲକ୍‌ମନ୍‌କେ ମୁକ୍ତି କର୍‌ତେରଇଲା, ଦିନ୍‌କେ ଦିନ୍ ସେମନ୍‌ର  
ଦଲେ ମିସାଇତେରଇଲା ।

**୩**

**ଗଟେକ୍ ଚଟା ନିକ ଅଇଲା**

୧ ଗଟେକ୍ ଦିନେ ପିତର୍ ଆରି ଜଅନ୍ ପାରତନା କର୍‌ବାକେ ମନ୍‌ଦିରେ ଗାଲାଇ, ଜେତେବେଲେ କି  
ପାରତନା କର୍‌ବା ବେଲା ମୁଇଦାନିଆ ତିନ୍ ଗଟା ଅଇରଇଲା । ୨ ତେଇ ଗଟେକ୍ ଲକ୍ ରଇଲା । ସେ  
ଜନମେଅନି ଚଟା । ତାକେ ସବୁଦିନ୍ ଲକ୍‌ମନ୍ ବଇକରି ସୁନ୍‌ଦର୍ ବଲି କଇବା ମନ୍‌ଦିରର୍ ତିଆଗତି, ନିଆ  
ଆନା କର୍‌ତେରଇଲାଇ । ସେ ଜେଜିକି ମନ୍‌ଦିରେ ଆଇଲା ଲକ୍‌ମନ୍‌କେ ବିକ୍ ମାଙ୍ଗି ପାର୍‌ସି । ୩ ପିତର୍  
ଆରି ଜଅନ୍ ମନ୍‌ଦିର ବିତ୍‌ରେ ପୁର୍‌ବାଟା ଦେକି ସେ ସେମନ୍‌କେ କାଇଟା ମିସା ଦିଆ, ବଲି ବିକ୍‌ମାଗ୍‌ଲା ।  
୪ ପିତର୍ ଆରି ଜଅନ୍ ତାକେ ନିମାନ୍‌କରି ତିରିଆଇ ଦେକ୍‌ଲାଇ ଆରି ପିତର୍ କଇଲା, “ଆମର୍ ବାଟେ ଦେକ୍  
!” ୫ ସେ କାଇଟାଆଲେ ପାଇବା ଆସାଇ ସେମନ୍‌ର ବାଟେ ମୁ ବୁଲାଇ ଦେକ୍‌ଲା । ୬ ମାତର୍ ପିତର୍ ତାକେ  
କଇଲା, “ମର୍‌ଲଗେ ସୁନା କି ରୁପା ନାଇ, ମକେ ଜାଇଟା ଆଟେ ସେଟା ତକେ ଦେଲିନି । ନାଜରିତର୍ ଜିସୁର୍  
ନାଉଁଦାରି ମୁଇ ଆଦେସ୍ ଦେଲିନି, ଉର୍ ଆରି ଇଣ୍ଟୁ !” ୭ ଏନ୍ତି କଇକରି ପିତର୍ ତାକେ ଉଜା ଆଡ୍ ଦାରି  
ଉଟାଇଲା, ସେ ଦାପ୍‌ରେ ସେ ଲକ୍‌ର ପାଦ୍ ଆରି ଗଡ୍ ସବୁ ତାଟ୍ ଅଇଲା । ୮ ସେ ଚିକାଲ୍‌ନା ତେଗଇକରି  
ଉଟ୍‌ଲା ଆରି ଇଣ୍ଟୁବାର୍ ଦାରିଲା । ସେ ଇଣ୍ଟି ଇଣ୍ଟି ତେଗଇ ତେଗଇ ପର୍‌ମେସର୍‌ର ତାକ୍‌ପୁଟା କରକିକରି  
ତାକର୍ ସଙ୍ଗ୍ ମନ୍‌ଦିରେ ଗାଲା । ୯ ତେଇ ରଇବା ଲକ୍‌ମନ୍ ତାକେ ଇଣ୍ଟୁବାଟା ଆରି ପର୍‌ମେସର୍‌କେ ତାକ୍‌ପୁଟା  
କର୍‌ବାଟା ଦେକ୍‌ଲାଇ । ୧୦ ମନ୍‌ଦିରର୍ ସୁନ୍‌ଦର୍ ନାଉଁର୍ ତିଆଗତି ବସି ରଇଲା ମାଙ୍ଗ୍‌ତିଆ ବଲି ଚିନ୍‌ଲାଇ ।  
ଆରି ତାକେ ଜାଇଟା ଗଟି ରଇଲା ସବୁ ଜାନି କାବାଅଇଜାଇ କାନାବାନା ଅଇଲାଇ ।

**ପାରତନା ମନ୍‌ଦିରେ ପିତର୍‌ର ଜାନାଇବାଟା**

୧୧ ସେ ଲକ୍ ପିତର୍‌କେ ଆରି ଜଅନ୍‌କେ ନ ଚାଡ୍‌ତେରଇଲା । ସଲ୍‌ମନ୍‌ର ପିଣ୍ଡାଇ ତାକର୍ ସଙ୍ଗ୍  
ରଇବାଟା ଦେକି, ଲକ୍‌ମନ୍ କାବାଅଇଗାଲାଇ । ପଟେ ପାଲାଇ ଆଇଲାଇ । ୧୨ ପିତର୍ ସେମନ୍‌କେ ଦେକି  
କଇଲା, “ଏ ଇସ୍‌ରାଏଲର୍ ବାଇମନ୍, ତମେ କାଇକେ କାବାଅଇଜାଇ ଆମର୍ ବାଟେ ଏନ୍ତାର୍ ଦେକ୍‌ଲାସ୍‌ନି  
? କାଇଟା ବାବ୍‌ଲାସ୍‌ନି ? ଆମର୍ ନିଜର୍ ବପୁସଙ୍ଗ୍ କି ଦରମ୍‌ସଙ୍ଗ୍ ଏ ଲକ୍‌କେ ଇଣ୍ଟୁବା ବପୁ ଦେଲୁଆଟୁ  
? ୧୩ ଆମର୍ ଆନିଦାଦିମନ୍‌ର ପର୍‌ମେସର୍ ଅବ୍‌ରାଆମର୍, ଇସାକର୍ ଆରି ଜାକୁବର୍ ପର୍‌ମେସର୍  
ତାର୍ ସେବାକାରିଆ ଜିସୁକେ ତାକ୍‌ପୁଟା କଲାଆଟେ । ମାତର୍ ତମେ ତାକେ ସାସନ୍‌କାରିଆମନ୍‌ର ଆତେ  
ସର୍‌ପିଦେଲାସ୍ । ଏନ୍ତି କି ପିଲାଡ୍ ତାକେ ଚାଡିଦେବାକେ ମନ୍‌କରି ରଇଲେ ମିସା ତାର୍ ମୁଆଟେ ଚାଡ୍‌ନାଇ  
ବଲି କଇଲାସ୍ । ୧୪ ✨ସେ ଆକା ଗଟେକ୍‌ସେ ସୁକଲ୍ ଆରି ଦରମ୍ ଲକ୍ ରଇଲା । ମାତର୍ ତମେ ତାକେ  
ନାମାସ୍ ନାଇ ଆରି ତାର୍ ବାଦୁଲେ ଗଟେକ୍ ନର୍‌ମାରୁକେ ମୁକ୍‌ଲାଇବାକେ ପିଲାଡ୍‌କେ ଗୁଆରି କଲାସ୍ ।  
୧୫ ଜେ ଜିବନ୍‌ର ବାଟ୍ ଦେକାଉ, ତାକେ ତମେ ମାର୍‌ଲାସ୍, ମାତର୍ ପର୍‌ମେସର୍ ତାକେ ମଲାଟାମେଅନି  
ଆରି ତରେକ୍ ଜିବନ୍ କରୁ ଉଟାଇଲା । ଆମେ ଅଇଲୁନି ତାର୍ ସାକି । ୧୬ ତାର୍ ନାଉଁର୍ ବପୁ ସଙ୍ଗ୍ ଏ ଚଟା  
ନିମାନ୍ ଅଇଲାଆଟେ । ଜନ୍ ଗଟ୍‌ନା ଏବେ ତମେ ନିଜେ ଦେକି ସଡ୍ ବଲି ଜାନ୍‌ଲାସ୍, ସେଟା ଅବ୍‌କା ତାର୍  
ନାଉଁଦାରି ବିସ୍‌ବାସ୍ କଲାକେସେ ମିଲ୍‌ଲା ଆଟେ । ଜିସୁକେ ବିସ୍‌ବାସ୍ କଲାକେ ସେ ନିମାନ୍ ଅଇଲା ଆଟେ,  
ଏଟା ତମେ ଦେକ୍‌ଲାସ୍ ।”

✧ ୨:୪୪ ୨:୪୪ ପେରିଡ଼ ୪:୩୨-୩୫ ✧ ୩:୧୪ ୩:୧୪ ମାଡିଉ ୨୭:୧୫-୨୩; ମାର୍କ ୧୫:୬-୧୪; ଲୁକ୍ ୨୩:୧୩-୨୩; ଜଅନ୍ ୧୯:୧୨-୧୫

୧୭ “ସେଗାର ପାଇ ଏ ଇସ୍ରାଏଲର ବାଇମନ୍, ତମେ ଆରି ତମର ନେତାମନ୍ ଜିସୁକେ ଜାଇଟା କଲାସ୍, ସେଟା ନାନାକରି କଲାସ୍, ଏଟା ମୁଇ ଜାନି । ୧୮ ବେସି ବରସ୍ ଆଗୁତୁ ତାର ବବିସତ୍‌ବକ୍ତା ମନରଟାନେ ଅନି ଜାନାଇରଇବା କାତା ଇସାବେ ଏବେ ସିଦ୍ ଅଇଲା ଜେ, ସେ ମସିଅ ଦୁକ୍‌ପାଇବାକେ ଅଇସି । ୧୯ ସେକ୍ରିଆଲେ ତମେ ମନବାଦ୍‌ଲାଇ କରି ପରମେସରର୍ ବାଟେ ବାଉଡି ଆସା । ତେବେ ସେ ତମର ପାପ୍ କେମା କରସି ।” ୨୦ ଆରି ମାପୁରୁଟାନେଅନି ଆଡ଼ମାଇ ବପୁ ପାଇସା, ପରମେସର ତମରପାଇ ସେ ଆଗେଅନି ବାଟଲା, ମସିଅ ଜିସୁକେ ପାଟାଇସି । ୨୧ ପରମେସର ସବୁ ବିସଇ ନୁଆ କରବା ବେଲା ଜାକ ସେ ସର୍ଗେ ରଇସି । ଏଟା ପରମେସର ପୁର୍ବେ ରଇଲା ତାର ସୁକଲ୍ ବବିସତ୍‌ବକ୍ତାମନ୍‌କେ ସପତ୍ କରିରଇଲା । ୨୨ ସେ ବିସଇ ମସା କଇରଇଲା, ତମର ମାପୁରୁ ପରମେସର ତମର ଲଗେ ମର୍ପାଉ ବବିସତ୍‌ବକ୍ତାକେ ପାଟାଇସି । ତମର ବାଇମନ୍‌ର ବିଡ଼ରେ ଅନି ଗଟେକ୍ ଲକ୍‌କେ ପାଟାଇସି । ସେ ଜେଡ଼କି ବିସଇ କଇସି, ସେଟା ସବୁ ତମେ ମାନବାର ଆଟେ । ୨୩ କେ ଜଦି ସେ ବବିସତ୍‌ବକ୍ତାର କାତା ନ ନାମେ ତାକେ ପରମେସରର୍ ଲକ୍‌ମନ୍‌ରଟାନେଅନି ଅଲ୍‌ଗା କରି କୁରୁପ୍‌ନାସ୍ କରିପାକାଇସି । ୨୪ ଜେଡ଼କି କବର ସୁନିରଇବା ବବିସତ୍‌ବକ୍ତା ରଇଲା, ସାମୁଏଲ୍ ଆରି ଜେ ଜେ ତାର ପଟେ ଆଇଲା ଆରି ଏବେ ଜାଇଟା ଗଟଲା, ସେ ବିସଇ କଇରଇଲା । ୨୫ ପରମେସର ବବିସତ୍‌ବକ୍ତାମନ୍‌ର ଟଣ୍ଡେଅନି ଜନ୍‌ସବୁ କାତା ଦେଲାଆଟେ ସେଟା ତମର ପାଇସେ ଟିକ୍ । ତମର ଆନିଦାଦିମନ୍‌ର ସଙ୍ଗ୍ ଜନ୍ ରାଜିନାମା କଲାଆଟେ, ତମେ ମିସା ତେଇ ମିସିଆଗାସ୍ । ପରମେସର ଅବରାଆମ୍‌କେ କଇରଇଲା, “ମୁଇ ତମର ନାଡିଡିଡି ମନରଟାନେଅନି ଜଗତର୍ ସବୁ ଲକ୍‌କେ ଆସିରବାଦ୍ କରବି । ୨୬ ସେଗାରପାଇ ପରମେସର ତାର ସେବାକାରିଆକେ ବାଟଲା ଆରି ତମ୍‌କେ ସବୁ ଲକ୍‌କେ ବାନିଆ ବାଟେଅନି ବାଉଡାଇଆନ୍‌ବାକେ ଆରି ଆସିରବାଦ୍ କରବାକେ ପର୍ତୁମ୍ ତାକେ ତମର ଲଗେ ପାଟାଇଲା ।”

### ୪

#### ଜିଉଦି ବଡ଼ସବାଇ ପିତର ଆରି ଜଅନ୍

୧ ପିତର ଆରି ଜଅନ୍ ଲକ୍‌ମନ୍‌କେ ଏକ୍ରି ସିକିଆ ଦେଇତେ ରଇଲା ବେଲେ ମନ୍‌ରର୍ କେତେଟା ପୁଜାରି ଆରି ଜାଗୁଆଲ୍‌ମନ୍‌ର ସେନାପତି ଆରି କେତେଟା ସାଦୁକିମନ୍ ଆସି କେଟ୍‌ଲା । ୨ ସେମନ୍ ରିସା ଅଇଗାଲାଇ କାଇକେ ବଇଲେ ପେରିଡ଼୍ ସିସ୍ ଦୁଇଲକ୍ ଜିସୁ ମଲାତେଇଅନି ଉଟ୍‌ଲା ଆଟେ ବଲି ସିକାଇତେରଇଲା । ଏକ୍ରି ସିକାଇଲେସରି ଲକ୍‌ମନ୍ ମଲାଟାନେଅନି ଉଟ୍‌ବାଇବଲି ପର୍‌ମାନ୍ କର୍‌ତେ ରଇଲା । ୩ ସେଗାରପାଇ ସେ ଦୁଇଟା ପେରିଡ଼୍ ସିସ୍‌ମନ୍‌କେ ଦାରି ବାନ୍‌ଲା । ଆରି ସେ ଦିନେ ବେସି ଅଲ୍‌ସମ୍ ଅଇଜାଇରଇଲାକେ ଆରକର୍ ଦିନ୍ ଜାକ ବନ୍‌ଗରେ ରକିରଇଲା । ୪ ମାତର୍ ବେସି ଲକ୍ ସେମନ୍‌ର ସିକିଆ ସୁନିକରି ବିସ୍‌ବାସ୍ କଲା, ଆରି ତାକର୍ ବିଡ଼ରେଅନି ମୁନ୍‌ସପିଲା ସେ ଅଦିକ୍ ଅଇକରି ପାକାପାକି ପାଁଟଅଜାର୍ ଅଇଲା ।

୫ ତାର ଆରକର୍ ଦିନେ ଜିଉଦି ନେତାମନ୍, ଆରି ପାର୍‌ଟିନ୍‌ମନ୍ ଆରି ନିୟମ୍ ସିକାଉମନ୍ ଜିରୁସାଲମେ ରୁଣ୍ଡିଲା । ୬ ସେମନ୍‌ର ବିଡ଼ରେ ବଡ଼ପୁଜାରି ଆନାନ୍, କାୟାପା, ଜଅନ୍, ଆଲେକ୍‌ଜାଣ୍ଡାର୍ ଆରି ବଡ଼ ପୁଜାରିର୍ କୁଟୁମେ ରଇବା ବିନ୍ ଲକ୍‌ମନ୍ ମିସ୍‌ଲା । ୭ ପେରିଡ଼୍‌ମନ୍‌କେ ସେମନ୍‌ର ମୁଆଟେ ତାକାଇ ପାଟାରିଲା, “ତମେ ଏଟା ସବୁ କେନ୍ତାର କଲାସି ? କାର ବପୁସଙ୍ଗ୍ ନଇଲେ କାର ନାଉଁଦାରି ଏଟା କଲାସି ?”

୮ ସେଗାରପାଇ ପିତର ସୁକଲ୍‌ଆଡ଼ମାଇ ପୁରାପୁରୁନ୍ ଅଇ ସେମନ୍‌କେ କଇଲା, “ତମେ ଜେ କି ଆମର୍ ସାସନ୍‌କାରିଆମନ୍ ଆରି ପାର୍‌ଟିନ୍‌ମନ୍ ! ୯ ଜଦି ଆଜି ଏ ଟଟାର ପାଇ କରିରଇଲା ନିମାନ୍ କାମର୍‌ଲାଗି ଆମ୍‌କେ ପର୍‌ସନ୍ କଲାସି ଆରି ସେ କେନ୍ତାର ନିମାନ୍ ଅଇଲା ବଲି ଜାନ୍‌ବାକେ ମନ୍ କଲାସି, ୧୦ ତେବେ ତମେ ଆରି ଇସ୍ରାଏଲର୍ ସବୁ ଲକ୍ ଜାନ୍‌ବାର ଦରକାର୍ ଜେ, ତମର ମୁଆଟେ ଟିଆଅଇରଇଲା ଏ ଲକ୍ ଅବ୍‌କା ନାଜ୍‌ରିଡ଼ ଗଡ଼ର୍ ଜିସୁକିରିସଟର୍ ବପୁସଙ୍ଗ୍ ପୁରାପୁରୁନ୍ ନିମାନ୍ ଅଇଲା ଆଟେ । ସେ ଜିସୁକେ ତମେ କୁର୍‌ସେ ମରାଇଲାସ୍ । ମାତର୍ ପରମେସର ତାକେ ମଲାତେଇଅନି ଆରି ତରେକ୍ ଉଟାଇଲା ଆଟେ ।”

୧୧ ଜିସୁର୍ ବିସଇ ଦରମ୍ ସାସ୍‌ତରେ ଲେକା ଅଇଲାଆଟେ, ଗର୍ ତିଆରକରୁମନ୍ ଜନ୍ ପାକ୍‌ନା ନଏଁ ବଲି ପିଙ୍ଗିଦେଇ ରଇଲା, ସେଟାସେ କନର୍ ମୁକିଅ ପାକ୍‌ନା ଅଇଲା ।

୧୨ ସେ ଆକା ଆମ୍‌କେ ମୁକ୍ତି ଦେଇସି । ଗୁଲାଇ ଜଗତର୍‌ପାଇ ପରମେସର ତାକେସେ ଦେଲା ଆଟେ । ଜେ କି ଆମ୍‌କେ ରକିଆ କରସି । ୧୩ ବଡ଼ସବାର ଲକ୍‌ମନ୍ ପିତର ଆରି ଜଅନ୍‌ର ସାଆସ୍ ଦେକି କାବା ଅଇଗାଲା । ସେମନ୍ ପାଟ୍‌ସାଟ୍ ନ ପଡି ଅବ୍‌କା ଲକ୍‌ମନ୍‌ସେ ବଲି ଜାନିରଇଲା । ଆରି ସେମନ୍ ଦୁଇ ଲକ୍ ଜିସୁର୍ ସଙ୍ଗ୍ ରଇଲା ବଲି ଚିନିରଇଲା । ୧୪ ମାତର୍ ତାକର୍ ବିରୁଦେ କାଇବଲି କଇନାପାରିଲା, କାଇକେ ବଇଲେ ନିମାନ୍ ଅଇଲା ଲକ୍‌କେ ପିତର ଆରି ଜଅନ୍‌ସଙ୍ଗ୍ ଟିଆଅଇରଇଲାଟା ଦେକ୍‌ଲା ।

୧୫ ସେଗାର ପାଇଁ ସେମନ୍ ସିସ୍ତମ୍‌କେ ସେ ସବାଇଅନି ବାବୁକରାଇଦେଇକରି ତାକର୍ ତାକର୍ ବିତ୍ତରେ କାତାବାବୁତା ଅଇବାବୁ ଦାରଲାଇ । ୧୬ ସେମନ୍ କାତା ଅଇଲାଇ, “ଆମେ ଏମନ୍‌କେ କାଇଟା କରୁ ? ଏମନ୍ କରଇଇବା ଏ କାବା ଅଇଜିବା କାମ୍ ବିସଇ ଜିରୁସାଲମର୍ ସବୁ ଲକ୍ ଜାନିଗାଲାଇ ଆତଡ଼ । ଏ ସଡ଼ ଗଟେନାଇ କି ନାଜାନୁ ବଲି କଇ ନାପାରୁ । ୧୭ ମାତର୍ ଏ କାତା ଲକ୍‌ମନର୍ ବିତ୍ତରେ ଆରି ଅଦିକ୍ ଉଡ଼ରା ଅଇ ନ ଜାଅ, ଜିସୁର୍ ବିସଇ ଆରି କେବେ କାର୍ ମୁଆଟେ ନ କଇବାକେ ସେମନ୍‌କେ ଆମେ ତାଟ୍ ସଙ୍ଗ୍ ଜାଗରଡ଼ କରାଇଦେଉଁ ।” ୧୮ ସେଗାର ପାଇଁ ସେମନ୍ ପିତର୍ ଆରି ଜଅନ୍‌କେ ଆରି ତରେକ୍ ବିତ୍ତରେ ତାକ୍‌ଲାଇ । ଆରି କେବେମିସା ଜିସୁର୍ ନାଉଁ ଦାରି କାଇମିସା କାତା ନ କଇବାକେ ଆରି ସିକିଆ ନ ଦେବାକେ ଜାଗରଡ଼ କରାଇଦେଲାଇ । ୧୯ ମାତର୍ ପିତର୍ ଆରି ଜଅନ୍ କଇଲାଇ, “ତମର୍ ବାଦିଅ ଅଇରୁ, କି ପରମେସରର୍ ବାଦିଅ ଅଇରୁ, କନ୍ ବିସଇ ପରମେସରର୍ ମୁଆଟେ ଟିକ୍ ସେଟା ତମେ ବିଚାର କର । ୨୦ କାଇକେ ବଇଲେ ଆମେ ଜାଇଟା ଦେକ୍‌ଲୁ ଆତୁ ଆରି ସୁନ୍‌ଲୁ ଆତୁ ସେଟା ନ କଇକରି ରଇନାପାରୁ ।” ୨୧ ମାତର୍ ବଡ଼ସବାର ଲକ୍ ଆରି ତାଟ୍‌ସଙ୍ଗ୍ ସେମନ୍‌କେ ଦମ୍‌କାଇକରି ଚାଡ଼ି ଦେଲାଇ । ସେମନ୍‌କେ ତଣ୍ଡଦେବାଟା କସଟ ବଲି ସେମନ୍ ଜାନିପାରୁଲାଇ । କାଇକେ ବଇଲେ ସେ କାବାଅଇଜିବା କାମର୍ ଲାଗି ଲକ୍‌ମନ୍ ପରମେସର୍‌କେ ଜୁଆର୍ କରତେ ରଇଲାଇ । ୨୨ ଜନ୍ ଲକ୍ କାବା ଅଇଜିବା କାମର୍‌ଲାଗି ନିମାନ୍ ଅଇରଇଲା, ତାକେ ଚାଲିସ୍ ବରସେଅନି ଅଦିକ୍ ଅଇରଇଲା ।

**ନ ଡ଼ରବା ପାଇଁ ପାରତନା**

୨୩ ପିତର୍ ଆରି ଜଅନ୍ ମୁକଲ୍‌ଲା ଦାପ୍‌ରେ ନିଜର୍ ଦଲେ ବାଉଡ଼ିଗାଲାଇ ଆରି ମୁକିଅ ପୁଜାରିମନ୍ ଆରି ପାର୍‌ଚିନ୍‌ମନ୍ ଜାଇଟା କଇରଇଲାଇ, ସେଟା ସେମନ୍‌କେ ଜାନାଇଲାଇ । ୨୪ ବିସ୍‌ବାସିମନ୍ ସବୁ କାତା ସୁନ୍‌ଲା ପଟେ ଗଟେକ୍ ଅଇ ପରମେସର୍‌କେ ଏ ପାରତନା କଲାଇ, ଏ ମାପରୁ ! ସରଗ, ଦରତନି, ସମ୍‌ଦୁର୍ ଆରି ତେଇ ରଇବା ସବୁ ବିସଇ ତମେସେ ତିଆର୍ କଲାସ୍ ! ୨୫ ତମେ ସୁକଲ୍ ଆଡ଼ମାଇଅନି ଆମର୍ ଆନିଦାଦିମନ୍ ଆରି ତମର୍ ଦାଙ୍ଗ୍‌ତା ଦାଉଦର୍ ଟଣ୍ଡେଅନି ଏ କାତା ସୁନାଇ ରଇଲାସ୍ । ସେ କଇରଇଲା, ଜିଉଦି ନଇଲା ଲକ୍‌ମନ୍ କାଇକେ ରିସା ଅଇଲାଇ ?

ଲକ୍‌ମନ୍ କାଇକେ ରୁଟାଇ ସଡ଼ଜିତର୍ କଲାଇ ?

- ୨୬ ମାପରୁର ବିରଦେ ଆରି
- ତାକର ମସିଆର୍ ବିରଦେ
- ଜଗତର୍ ରାଜାମନ୍ ଆରି ସାସନ୍‌କାରିଆମନ୍
- ଜୁଜ୍‌ବାକେ ନିଜ୍‌କେ ତିଆର୍ ଅଇ ରୁଣ୍ଡିଲାଇ ।

୨୭ ✨କାଇକେବଇଲେ ଏ ନଅରେ ଏରଦ୍ ଆରି ପଡ଼ିୟ ପିଲାଡ଼ ଇସ୍ରାଏଲିୟମନ୍ ସଙ୍ଗ୍ ଆରି ଜିଉଦି ନ ଅଇରଇବା ଲକ୍‌ସଙ୍ଗ୍ ମିସି ଜିସୁର୍ ବିରଦେ ଜଜ୍‌ନା କଲାଇ । ସେ ସେ ତମର୍ ସୁକଲ୍ ଦାଙ୍ଗ୍‌ତା ଆରି ତମେ ବାଟ୍‌ଲା ମସିଅ । ୨୮ ତମର୍ ବପୁ ଆରି ମନ୍ କଲାଟା ଇସାବେ ଜାଇଟା ସବୁ ଗଟାଇବାପାଇ ତମେ ଟିକ୍ କରି ରଇଲାସ୍, ସେମନ୍ ଗଟେକ୍ ଅଇ ସେ ସବୁ କର୍ବାକେ ଲାଗିପଡ଼ିଲାଇ । ୨୯ “ଏ ମାପରୁ, ସେମନ୍ ଆମ୍‌କେ ଜନ୍ ଦମକ୍ ଦେଲାଇ ଆତଡ଼ ସେ ବିସଇ ସୁନା ଆରି ନ ଡ଼ରତେ ତମର୍ କାତା ଜାନାଇବାକେ ତମର୍ ଏ ଦାଙ୍ଗ୍‌ତାମନ୍‌କେ ତାଟ୍ କରା । ୩୦ ନିମାନ୍ କର୍ବାକେ ତମର୍ ଆଡ଼ ଲାମାଆ ଆରି ତମର୍ ସୁକଲ୍ ଦାଙ୍ଗ୍‌ତା ଜିସୁର୍ ନାଏଁ ନ ଅଇବା କାମ୍ ଆରି କାବା ଅଇଜିବା କାମ୍‌ମନ୍ ସାଦନ୍ କରାଆ ।”

୩୧ ସେମନ୍ ପାରତନା କରିସାରାଇଲା ପଟେ ଜନ୍ ଜାଗାଇ ରୁଣ୍ଡିରଇଲାଇ, ସେଟା ରୁଲ୍‌ରୁଲିଗାଲା । ସେମନ୍ ସବୁ ସୁକଲ୍‌ଆଡ଼ମାଇ ପୁରାପୁରୁନ୍ ଅଇଲା । ଆରି ନ ଡ଼ରତେ ପରମେସରର୍ କାତା ଜାନାଇବାବୁ ଦାରଲାଇ ।

**ବିସ୍‌ବାସିମନ୍ ନିଜର୍ ନିଜର୍ ସଁମ୍‌ପତିକେ ବାଗ୍ ମିସ୍‌ବାଟା**

୩୨ ✨ସବୁ ବିସ୍‌ବାସିମନ୍ ଗଟେକ୍ ବିସଇ ଚିନ୍ତା କରି ମନ୍ କଲାଇ । କେ ମିସା ନିଜର୍ ସଁମ୍‌ପତି ନିଜର୍ ବଲି ଦାବି ନ କର୍ତେ ରଇଲାଇ । ତାକର୍‌ଟାମେ ଜେଡ଼କି ରଇଲା ସେଟା ସବୁଲକ୍ ସମାନ୍ କରି ବାଟାସାଟା କର୍ତେ ରଇଲାଇ । ୩୩ ପେରିଡ଼ ସିସ୍ତମ୍ ବପୁସଙ୍ଗ୍ ସାକି ଦେବାର ଦାରଲାଇ । ପରମେସର୍ ମାପରୁ ଜିସୁକେ କେନ୍ଦ୍ରିକରି ମଲାଟାମେଅନି ଉଟାଇଲା ବଲି । ଆରି ପରମେସର୍ ସବୁ ବିସ୍‌ବାସିମନ୍‌କେ ଅଦିକ୍ ଅଦିକ୍ ଜିବନ୍ ଦୁକାଇଲା । ୩୪ ତାକର୍ ଦଲେ ଜିଇବା କାଇବାକେ କାକେ ମିସା ଅବାବ୍ ନ ରଇଲା । ଜନ୍ ଲକ୍‌ମନ୍‌କେ ଗର୍ ଆରି ଜମିରଇଲା, ସେମନ୍ ସେଟା ବିକିକରି ତାବୁ ଆନି, ୩୫ ପେରିଡ଼ମନ୍‌କେ ସର୍ପିଦେଇରଇଲା । ସେ ତାବୁ, ପେରିଡ଼ ମନ୍ ଅବାବେ ରଇଲା ଲକ୍‌ମନ୍‌କେ ବାଟାକରି ଦେଇତେରଇଲାଇ ।

✨ ୪:୨୭ ୪:୨୭ ଲୁକ୍ ୨୩:୭-୧୧; ମାଡ଼ିଉ ୨୭:୧,୨; ମାର୍‌କ୍ ୧୫:୧; ଲୁକ୍ ୨୩:୧; ଜଅନ୍ ୧୮:୨୮,୨୯ ✨ ୪:୩୨ ୪:୩୨ ପେରିଡ଼ ୨:୪୪,୪୫

୩୭ ସାଇପରସ୍ ନାଉଁର ଗଟେକ୍ ଜାଗାଇ ଜନମ୍ କରିରଇବା ଲେବି କୁଟୁମର୍ ଜସେପ୍, ଜାକେ ପେରିଡ଼ ସିସ୍ମନ୍ ବରନବା ବଲି ନାଉଁ ଦେଇ ରଇଲା । ବରନବାର ଅରଡ଼ ଦୁକ୍ ସାରାଇବା ପିଲା । ସେ ତାର ଜମି ବିକଲା ଆରି ୩୮ ତାରୁ ପେରିଡ଼ ସିସ୍ମନ୍‌କେ ସରପିଦେଲା ।



**ଅନନିୟ ଆରି ସପିରା**

୯ ସେ ଦଲର୍ ଅନନିୟ ନାଉଁର ଗଟେକ୍ ଲକ୍ ଆରି ତାର ମାଇଜି ସପିରା ସେମନ୍‌କେ କେତେକ୍ ଜମି ବିକଲା । ୧୦ ମାତର୍ ମାଇଜିମୁନ୍‌ସ୍ ରାଜିଅଇକରି ବିକିକରି ପାଇଲା କେତେକ୍ ତାରୁ ଅନନିୟ ନିଜର୍ ପାଇ ସଙ୍ଗଇଲା । ଅଗଲ୍‌ଲାଟା ସେ ପେରିଡ଼ ସିସ୍ମନ୍‌କେ ଦେଲା । ୩୧ ପିତର୍ ତାକେ କଇଲା, “ଅନନିୟ ତୁଇ କେନ୍ତ୍ର ସଇତାନର୍ ପାନ୍ଦେପତି ଜମି ବିକି ଆନିରଇବା ତାରୁ କେତେକ୍ ନିଜର୍ ପାଇ ସଙ୍ଗଇକରି ସୁକଲ୍ ଆଡ଼ମାର୍ ମୁଆଟେ ମିର୍ କଇଲୁସ୍ ? ୪ ବିକ୍‌ବା ଆଗ୍‌ତୁ ସେ ଜମି ତମର୍ ରଇଲା । ବିକ୍‌ଲା ପତେ ମିସା ସେ ତାରୁ ତମର୍‌ଟାସେ । ଏନ୍ତ୍ର କାମ୍ କରବାକେ କାଇକେ ମନ୍ କଲୁସ୍ ? ତୁଇ ଲକ୍‌ମନ୍‌କେ ନାତାଉସ୍ ନାଇ ମାତର୍ ପର୍ମେସର୍‌କେ ନାତାଇଆରୁସ୍ ।” ୫ ଅନନିୟ ଏ କାତା ସୁନ୍‌ଲା ଦାପ୍‌ରେ ତଲେ ଆପ୍‌ଟି ଅଇ ଅଦ୍‌ରି ମରିଗାଲା । ଜନ୍ ଲକ୍‌ମନ୍ ଏ କାତା ସୁନ୍‌ଲା ସେମନ୍ ସବୁଲକ୍ ବେସି ଡରିଗାଲା । ୬ ଦଲର୍ ଦାଙ୍ଗ୍‌ତାମନ୍ ଅନନିୟର୍ ମଲା ଗାଗଡ଼ ଲୁଗାଇ ଗୁଡ଼ିଆଇକରି ବାଇରେ ବଇକରି ଦାରିଗାଲା ଆରି ତପିଦେଲା ।

୭ ପାକାପାକି ତିନ୍‌ଗଟା ପତେ ଅନନିୟର୍ ମାଇଜି ତେଇ ଆସି କେଟ୍‌ଲା । ସେ, ଏ ଗଟ୍‌ନା ନାଜାନି ରଇଲା । ୮ ପିତର୍ ତାକେ ପାଟାରଲା “ମକେ କ ପନି, ତୁଇ ଆରି ତର୍ ମୁନ୍‌ସ୍ ଜେଡ଼କି ଜମି ବିକ୍‌ଲାସ୍, ଏଟା କାଇ ତାର ପୁରାଦାମ୍ କି ?” ସେ କଇଲା, “ଉଁ ଏଡ଼କିସେ ।”

୯ ପିତର୍ ତାକେ କଇଲା, “ମାପ୍‌ରୁର୍ ଆଡ଼ମାକେ ପରିକା କରବାକେ ତୁଇ ଆରି ତର୍ ମୁନ୍‌ସ୍ କାଇକେ ରାଜିଅଇଲାସ୍ ? ଜନ୍ ଲକ୍‌ମନ୍ ତର୍ ମୁନ୍‌ସ୍‌କେ ସମାଦି ଦେଲା ଅତର୍, ବାଟ୍ ଡିଆଗତି କେଟ୍‌ଲାଇବେ, ସେମନ୍ ତକେ ମିସା ବଇ ଦାରିଜିବାଇବେ ।” ୧୦ ସେ ଦାପ୍‌ରେ ସେ ମିସା ପିତର୍‌ର ପାଦ୍‌ତଲେ ଅଦ୍‌ରି ମରିଗାଲା । ଦାଙ୍ଗ୍‌ତାମନ୍ ବିଡ଼ରେ ଆସି ତାର ମଲା ଗାଗଡ଼ ବଇନେଲା ଆରି ତାର ମୁନ୍‌ସର୍ ଲଗେ ତାକେ ମିସା ସମାଦି ଦେଲା । ୧୧ ଜିରୁସାଲମର୍ ଗୁଲାଇ ମଣ୍ଡଲିର୍ ଲକ୍‌ମନ୍ ଆରି ଜେଡ଼କି ଲକ୍ ଏ କାତା ସୁନ୍‌ଲା, ସବୁଲକ୍ ଡରିଗାଲା ।

**କାବାଅଇଜିବା କାମ୍ ଆରି ଚିନ୍**

୧୨ ପେରିଡ଼ ସିସ୍ମନ୍‌ର ଟାନେଅନି ଲକ୍‌ମନ୍‌ ବିଡ଼ରେ ବେସି କାବା ଅଇଜିବା କାମ୍‌ମନ୍ ଆରି ଚିନ୍‌ମନ୍ ସାଦନ୍ ଅଇତେ ରଇଲା । ସବୁ ବିସ୍‌ବାସିମନ୍ ସଲ୍‌ମନ୍‌ର ମଣ୍ଡପେ ରୁଣ୍ଡେତେ ରଇଲା । ୧୩ ସେମନ୍‌ର ବିସଇ ବିନ୍‌ଲକ୍‌ମନ୍ ନିମାନ୍ କାତା କଇତେ ରଇଲା । ମାତର୍ ଦଲ୍ ବାଇରେ ରଇଲା ଲକ୍‌ମନ୍ କେ ମିସା ଦଲେ ମିସ୍‌ବାକେ ସାଆସ୍ ନ କର୍ତେ ରଇଲା । ୧୪ ଏଲେ ମିସା ପର୍ମେସର୍‌କେ ବିସ୍‌ବାସ୍ କରି ଅଦିକ୍ ଅଦିକ୍ ମାଇଜିଟକି ଆରି ମୁନ୍‌ସ୍ ପିଲାମନ୍ ଏ ଦଲେ ମିସ୍‌ଲା । ଆରି ସେ ଦଲ୍ ଦିନ୍‌କେ ଦିନ୍ ଅଦିକ୍ ଅଦିକ୍ ବଡ଼ତେ ଗାଲା । ୧୫ ପେରିଡ଼ ସିସ୍ମନ୍‌ର କାମ୍ ଅଦିକ୍ ବଡ଼ି ବଡ଼ି ଗାଲା । ଏନ୍ତ୍ରକି ପିତର୍ ଇଣ୍ଡିଗାଲାବେଲେ ତାର ଚାଇଆଲେ ଅଲପ୍ ପଡ଼ବଲି ଲକ୍‌ମନ୍ ରଗିମନ୍‌କେ ବଇଆନି ବାଟ୍‌ପାଲି କଟେ ଆରି ଟାଟିମନ୍ ଅଟାଇକରି ସୁଆଇ ଦେଇତେ ରଇଲା । ୧୬ ଜିରୁସାଲମର୍ ଚାରିବେଟ୍‌ଟି ରଇବା ଗତର୍ ରଗି ଆରି ତୁମାଦାରଲା ଲକ୍‌ମନ୍‌କେ ପେରିଡ଼ମନ୍‌ର ଲଗେ ଆନ୍‌ତେ ରଇଲା । ଆରି ସେମନ୍ ସବୁ ଲକ୍ ନିମାନ୍ ଅଇତେ ରଇଲା ।

**ପେରିଡ଼ ସିସ୍ମନ୍‌କେ ତାଡ଼ନା**

୧୭ ତାର ପତେ ବଡ଼ ପୁଜାରି, ତାରସଙ୍ଗ୍ ରଇବା ଲକ୍‌ମନ୍ ଆରି ସାଦୁକି ଦଲର୍ ଲକ୍‌ମନ୍, ସିସ୍ମନ୍‌କେ ଛାଆ ଅଇଗାଲା । ଆରି ସେମନ୍‌ର ବିରୁଦେ କାଇଟାଆଲେ କରୁ ବଲି ଜଜ୍‌ନା କଲା । ୧୮ ସେମନ୍ ପେରିଡ଼ ସିସ୍ମନ୍‌କେ ଦାରି ବାନ୍ଦିକରି ବନ୍ଦିଗରେ ସଙ୍ଗଇଲା । ୧୯ ମାତର୍ ସେ ରାତି ମାପ୍‌ରୁର୍ ଗଟେକ୍ ଦୁଡ଼ ବନ୍ଦିଗରର୍ କାପାଟ୍ ଉଗାଡ଼ିଦେଲା ଆରି ସେମନ୍‌କେ ମୁକ୍‌ଲା ଆନି କଇଲା, ୨୦ “ଜା ଆରି ମନ୍ଦିରେ ଟିଆଅଇକରି ଲକ୍‌ମନ୍‌କେ ଏ ନୁଆ ଜିବନ୍ ବିସଇ ସବୁ କାତା କୁଆ ।” ୨୧ ସିସ୍ମନ୍ ସେ ଦୁତର୍ କାତା ମାନି ସାକାଲ୍ ସାକାଲ୍ ମନ୍ଦିରେ ପୁରି ସିକିଆ ଦେବାର ଦାରଲା ।

ବଡ଼ ପୁଜାରି, ତାକର୍ ସଙ୍ଗାରିମନ୍ ଆରି ଇସ୍ରାଏଲର୍ ପାର୍‌ତିମନ୍ ଗଟେକ୍ ପୁରା ସବା ପାଇ ଡାକାଇ ପାଟାଇଲା । ତାର ପତେ ପେରିଡ଼ ସିସ୍ମନ୍‌କେ ବନ୍ଦିଗରେ ଅନି ସବାଇ ଆନ୍‌ବାକେ ବନ୍ଦିଗରର୍ ଜାଗୁଆଲ୍‌ମନ୍‌ର ମୁକିଆମନ୍‌କେ ଆଦେସ୍ ଦେଲା । ୨୨ ମାତର୍ ସେ ମୁକିଆମନ୍ ବନ୍ଦିଗରେ କେଟ୍‌ଲାକେ ପେରିଡ଼ମନ୍‌କେ ତେଇ ଦେକଡ଼ନାଇ । ସେଟାପାଇ ସେମନ୍ ବଡ଼ସବାଇ ବାଉଡ଼ି ଆଇଲା । ଆରି

ଲକ୍ଷ୍ମୀଙ୍କୁ କଲେଇ, ୨୩ “ଆମେ ବନ୍ଦି ଗରେ କେଟି ଦେକ୍ଲୁ ଜେ ଦୁଆର୍ ନିକସଙ୍ଗ୍ ଡାବି ଅଇରଇଲା । ଆରି ଜାଗୁଆଲ୍‌ମନ୍ ମିସା ଜାଗିରଇଲା । ମାତର୍ କାପାଟ୍ ଉଗାଡ଼ଲା ପତେ ଆମେ ବିଡ଼ରେ କାକେ ମିସା ଦେକ୍ଲୁ ନାଇ ।” ୨୪ ଏ କାତା ସୁନି ମୁକିଅ ପୁଜାରିମନ୍ ଆରି ମନ୍ଦିର୍ ଜାଗୁଆଲ୍‌ମନ୍ ଦାଇତେ ରଇଲା ଲକ୍ଷ୍ମୀଙ୍କୁ କାବାଅଇଗାଲା । ପେରିଡ଼ ସିସ୍‌ମନ୍‌କେ କାଇଟା ଅଇଲାଆତେ ବଲି ସେମନ୍ ବୁଜି ନାପାରଲା । ୨୫ ସେଡ଼କିବେଲେ ଗଟେକ୍ ଲକ୍ଷ୍ ଆସି କଇଲା “ସୁନା ! ଜନ୍ ଲକ୍ଷ୍‌ମନ୍‌କେ ବନ୍ଦି ଗରେ ରକିରଇଲାସ୍, ସେମନ୍ ଏବେ ମନ୍ଦିରେ ଲକ୍ଷ୍‌ମନ୍‌କେ ସିକିଆ ଦେଲାଜନି ।” ୨୬ ମନ୍ଦିରର୍ କାମ୍‌କରୁମନ୍ ଜାଗୁଆଲ୍‌ମନ୍‌ର ସଙ୍ଗ୍ ଜାଇ ପେରିଡ଼ ସିସ୍‌ମନ୍‌କେ ସୁଡ଼ରାଇକରି ଆରିତରେକ୍ ଡାକିଆନ୍‌ଲା । ସେମନ୍ ଡରାବିଡ଼ରା କରଡ଼ ନାଇ । କାଇକେବଇଲେ ସେମନ୍‌କେ ଲକ୍ଷ୍‌ମନ୍ ପାକ୍‌ନାପୁକ୍‌ନି ମାର୍‌ବାଇ ବଲି ଡରିଜାଇତେରଇଲା ।

୨୭ ପେରିଡ଼ ସିସ୍‌ମନ୍‌କେ ବିଡ଼ରେ ଡାକିଆନି ବଡ଼ସବାର୍ ମୁଆଟେ ଟିଆ କରାଇଲା, ଆରି ବଡ଼ ପୁଜାରି ସେମନ୍‌କେ ପାଚାରଲା । ୨୮ “ଏ ଜିସୁର୍ ନାଉଁ ଦାରି କାଇମିସା ସିକିଆ ନ ଦେବାକେ ତମ୍‌କେ ଡାଟ୍ ସଙ୍ଗ୍ ଆଦେସ୍ ଦେଇରଇଲୁ, ମାତର୍ ଦେକା, ତମେ କାଇଟା କରିଆଟାସ୍ ! ତମେ ଦେଇରଇବା ଏ ସିକିଆ ଜିରୁସାଲମେ ରଇଲା ଲକ୍ଷ୍‌ମନ୍‌ଟାମେ କେଟ୍‌ଲା ଆତେ । ଆରି ତାର୍ ମରନ୍ ପାଇ ଆମ୍‌କେ ଦାଇ କର୍‌ବାକେ ତେସ୍‌ଟା କଲାସ୍‌ନି !”

୨୯ ପିତର୍ ଆରି ବିନ୍ ସିସ୍‌ମନ୍ କଇଲା, “ଆମେ ତମର୍ ଆଦେସ୍ ମାନ୍‌ବା ବାଦୁଲେ ପର୍‌ମେସରର୍ ଆଦେସ୍ ମାନ୍‌ବୁ । ୩୦ ତମେ ଜିସୁକେ କୁର୍‌ସେ ଚଗାଇ ମରାଇଲାପତେ, ଆମର୍ ଆନିଦାଦିମନ୍‌ର ପର୍‌ମେସର୍ ତାକେ ମଲାଟାମେଅନି ଉଟାଇଲାଆତେ । ୩୧ ଇସ୍ରାଏଲର୍ ଲକ୍ଷ୍‌ମନ୍ ତାକର୍ ପାପେଅନି ବାଅଡ଼ ଆରି ପାପ୍ କେମା ଅଅଡ଼ ବଲି ପର୍‌ମେସର୍ ତାକେ ତାର୍ ଉଜା ବାଟେ ବସାଇଆତେ । ଜେଡ଼ିକି ସେ ଆମର୍ ସାସନ୍‌କାରିଆ ଆରି ରକିଆକର୍‌ବା ଲକ୍ଷ୍ ଅଇସି । ୩୨ ଆମେ ଏ ସବୁ ବିସଇର୍ ସାକି ଆବୁ । ଆରି ଜନ୍ ସୁକଲ୍ ଆଡ଼ମାକେ ପର୍‌ମେସର୍ ତାକର୍ ଆଗିଆଁକାରିମନ୍‌କେ ଦାନ୍‌କଲାଆତେ, ସେ ମିସା ଏଟାର୍ ସାକି ।”

୩୩ ବଡ଼ସବାର୍ ଲକ୍ଷ୍‌ମନ୍ ଏ କାତା ସୁନି ଏତେକ୍ ରିସାଅଇଗାଲା ଜେ, ପେରିଡ଼ମନ୍‌କେ ମରାଇବାକେ ମନ୍ କଲା । ୩୪ ମାତର୍ ସେମନ୍‌ର ବିଡ଼ରେଅନି ଗମଲିଏଲ୍ ନାଉଁର୍ ଗଟେକ୍ ପାରୁସି ଲକ୍ଷ୍ ରଇଲା । ସେ ନିୟମ୍ ସିକାଇତେ ରଇଲା । ତାକେ ଲକ୍ଷ୍‌ମନ୍ ମାନିଅ କର୍‌ତେରଇଲା । ସେ ବଡ଼ ସବାଇ ଟିଆଅଇ ପେରିଡ଼ମନ୍‌କେ ଚନେକର୍ ପାଇ ବାଇରେ ନେବାକେ ଆଦେସ୍ ଦେଲା । ୩୫ ଆରି ବଡ଼ ସବାର୍ ଲକ୍ଷ୍‌ମନ୍‌କେ କଇଲା, “ଏ ଇସ୍ରାଏଲିୟ୍ ବାଇମନ୍, ଏ ଲକ୍ଷ୍‌ମନ୍‌କେ ଜାଇଟା କର୍‌ବାକେ ଗାଲାସ୍‌ନି ଅଲପ୍ ବାବିଡ଼ିକ୍ରି କରି କରା । ୩୬ ତମର୍ ମନେରଇସି, ଅଲପ୍ ଆଗ୍‌ତୁ ଡିଉଦା ନାଉଁର୍ ଗଟେକ୍ ଲକ୍ଷ୍ ରମିୟମନ୍‌ର ବିରୁଦେ ଉଟ୍‌ଲା । ସେ ନିଜେ ବଡ଼ଲକ୍ଷ୍ ବଲି ଲକ୍ଷ୍‌ମନ୍‌କେ କଇଲାକେ ତାର୍ ସଙ୍ଗ୍ ଚାରିସଅ ଲକ୍ଷ୍ ମିସି ରଇଲା । ମାତର୍ ତାକେ ମରାଇଲା, ତାର୍‌ପତେ ତାର୍‌ସଙ୍ଗ୍‌ର ଲକ୍ଷ୍‌ମନ୍ ଚିନ୍‌ବିନ୍ ଅଇଗାଲା ଆରି ତାର୍ ଦଲ୍ ବୁଡ଼ିଗାଲା । ୩୭ ତାର୍‌ପତେ ଗାଲିଲି ଅନି ଜିଉଦା ନାଉଁର୍ ଆରି ଗଟେକ୍ ଲକ୍ଷ୍ ରମିୟମନ୍‌ର ବିରୁଦେ ଉଟ୍‌ଲା । ରମିୟ ସର୍‌କାର ଲକ୍ଷ୍‌ମନ୍‌ର ନାଉଁ ଲେକାଇବା ବେଲେ ଏଟା ଅଇଲା । ବେସି ଲକ୍ଷ୍‌କେ ତାର୍ ଦଲେ ମିସାଇବାକେ ସୁଡ଼ରାଇଲା । ମାତର୍ ତାକେ ମିସା ମରାଇଲା । ଆରି ତାର୍ ସବୁ ସିସ୍‌ମନ୍ ଚିନ୍‌ବିନ୍ ଅଇଗାଲା । ୩୮ ସେଟାର୍ ପାଇ ଜିସୁର୍ ସିସ୍‌ମନ୍‌ର ବିସଇ ମୁଇ ତମ୍‌କେ କଇଲିନି, ସେମନ୍ କର୍‌ବା କାମ୍ ତେବାଆ ନାଇ, ଚାଡ଼ିଦିଆସ୍ । ସେମନ୍ କର୍‌ବା କାମ୍ ଆରି ଜଜନା ଜଦି ଲକ୍ଷ୍‌ମନ୍‌ଟାମେଅନି ଆସିରଇସି, ତେବେ ସେମନ୍ ମିସା ଆରିଜିବାଇ । ୩୯ ମାତର୍ ସେଟା ଜଦି ପର୍‌ମେସରର୍‌ଟାମେ ଆସିରଇସି ବଇଲେ, ତାକେ ତମେ ଦବାଇନାପାରାସ୍ । ସେଡ଼କିଅନି ଡିସିସି ଜେ ତମେ ପର୍‌ମେସରର୍ ବିରଦେ ଜୁଜ୍‌ଲାସ୍‌ନି ।”

ବଡ଼ସବାର୍ ଲକ୍ଷ୍‌ମନ୍ ଗମଲିଏଲ୍ କଇଲା କାତା ମାନ୍‌ଲା । ୪୦ ସେମନ୍ ପେରିଡ଼ ସିସ୍‌ମନ୍‌କେ ବଡ଼ସବାର୍ ବିଡ଼ରେ ଆନ୍‌ବାକେ ଆଦେସ୍ ଦେଲା । ଡାକିଆନିକରି ସେମନ୍‌କେ କର୍‌ଡା ସଙ୍ଗ୍ ମାରାଇଲା । ଆରି ଜିସୁର୍ ନାଉଁଦାରି କାଇମିସା କାତା ନ କଇବାକେ ଆଦେସ୍ ଦେଇ ଚାଡ଼ିଦେଲା । ୪୧ ପେରିଡ଼ ସିସ୍‌ମନ୍ ସାର୍‌ଦାସଙ୍ଗ୍ ବଡ଼ସବାଇଅନି ବାରଇଲା, କାଇକେବଇଲେ ପର୍‌ମେସର୍ ଦେକ୍‌ବା ଇସାବେ ଜିସୁର୍ ସିସ୍ ଅଇକରି ଅପ୍‌ମାନ୍ ପାଇବାକେ ଅଦିକାର୍ ପାଇରଇଲା । ୪୨ ଆରି ସେମନ୍ ସବୁ ଦିନ୍ ମନ୍ଦିରେ ଆରି ଲକ୍ଷ୍‌ମନ୍‌ର ଗରେ ଗରେ ମସିଅ ଜିସୁର୍ ବିସଇର୍ ସୁକ୍‌କବର୍ ଜାନାଇଲା ଆରି ସିକିଆ ଦେବାର୍ ଦାରିଲା ।



ସାଡ଼ଟା ସେବାକାରିଆମନ୍

☆ ୫:୨୮ ୫:୨୮ ମାଡ଼ିଉ ୨୭:୨୫

<sup>୧</sup> ସେ ବେଲା, ବେସି ଜିଉଦି ଲକ୍ମନ ଜିସୁର ସିସ୍ ଅଇ ଆଇଲାଇ । ଗିରିକ୍ ବାସା କଇତେରଇବା ଜିଉଦିମନ୍, ଏବ୍ରି ବାସା କଇତେରଇବା ଜିଉଦିମନ୍ ବିରୁଦେ କାତା ଉଟାଇଲାଇ । କାଇକେବଇଲେ ଗିରିକ୍ ବାସାଇ କାତା ଅଇବା ଜିଉଦିମନ୍, ରାଣ୍ଡିମନ୍କେ ଦିନକର୍ କାଦି ବାଟା କଲାବେଲେ ତାକର୍ ରାଣ୍ଡିମନ୍କେ ଏଲା କର୍ତେରଇଲାଇ ପନି । <sup>୨</sup> ସେଟାର୍ ପାଇ ବାର୍ଟା ପେରିଡ଼ ସିସ୍ମନ୍ ସବୁ ବିସ୍ବାସିମନ୍କେ ରୁଣ୍ଡାଇକରି କଇଲାଇ, “କାଇବାଟା ବାଟାକର୍ବାର୍ ଆଟେ ବଲିକରି ପର୍ମେସରର୍ ବାକିଅ ସିକାଇବାଟା ଜଦି ଆମେ ଏଲା କର୍ତୁ ବଇଲେ ସେଟା ନିକ ବିସଇ ନଏ ।” <sup>୩</sup> ସେଟାର୍ ପାଇ ଏ ବାଇବଇନିମନ୍, ତମର୍ ବିଡ୍ରେଅନି ସୁକଲ୍ ଆଡ଼ମାଇ ଆରି ଗିଆନେ ପୁରାପୁରୁନ୍ ଅଇରଇବା ଲକ୍ ବଲି ସବୁଲକ୍ ଜାନିରଇବା ସାଡ଼ ଲକ୍କେ ବାଟା । ଆମେ ସେମନ୍କେ ଏ ସବୁ ବିସଇ କର୍ବାକେ ଦାଇଡ଼ ଦେବୁ । <sup>୪</sup> ସେନ୍ତାର୍ ଆଲେ ପାର୍ତନା ଆରି ପର୍ମେସରର୍ ବାକିଅ ସିକାଇବାକେ ଆମେ ସବୁ ଦିଆନ୍ ଦେଇପାରିଅଇସି ।”

<sup>୫</sup> ଦଲର୍ ସବୁ ଲକ୍ ପେରିଡ଼ ସିସ୍ମନ୍ କଇଲା କାତାଇ ରାଜିଅଇଲାଇ, ଆରି ଏ କାମ୍ କର୍ବାକେ ବିସ୍ବାସ୍ ଆରି ସୁକଲ୍ ଆଡ଼ମାଇ ପୁରୁନ୍ ଅଇରଇବା ତିପାନ୍ ନାଉର୍ ଗଟେକ୍ ଲକ୍, ଆରି ପିଲିପ୍, ପକ୍ରସ୍, ନିକାନର, ତିମନ୍, ପର୍ମନା ଆରି ଆଗେ ଜିଉଦି ଦରମ୍ ବିସ୍ବାସ୍ କରିରଇବା, ଆନ୍ଟିକିୟଇ ଅନି ଆସିରଇବା ଗଟେକ୍ ଜିଉଦି ନ ଅଇଲା, ନିକଲାୟକେ ବାଟଲାଇ । <sup>୬</sup> ବିସ୍ବାସିମନ୍ ଏ ସାଡ଼ଲକ୍କେ ପେରିଡ଼ମନ୍ ଲଗେ ଆନ୍ଲାଇ । ସେମନ୍କେ, ଆଡ଼ ସଙ୍ଗଇ ପାର୍ତନା କଲାଇ ।

<sup>୭</sup> ଏନ୍ତାରି ପର୍ମେସରର୍ ବାକିଅ ଗୁଲାଇବାଟର୍ ଲକ୍ ସୁନ୍ଲାଇ । ଜିରୁସାଲମେ ଅଦିକ୍ ଅଦିକ୍ ସିସ୍ମନ୍ ବଡ଼ବାର୍ ଦାରଲାଇ, ବେସି ପୁଜାରିମନ୍ ମିସା ଜିସୁକେ ବିସ୍ବାସ୍ କଲାଇ ।

**ତିପାନ୍କେ ଦାରିନେଲାଇ**

୮ ପର୍ମେସରଗାନେ ବେସି ଆସିର୍ବାଦ୍ ପାଇ ଆରି ବପୁ ସଙ୍ଗ୍ ପୁରୁନ୍ ଅଇରଇବା ତିପାନ୍, ଲକ୍ମନର୍ ବିଡ୍ରେ ବେସି ନ ଅଇବା କାମ୍ମନ୍, କାବା ଅଇଜିବା କାମ୍ମନ୍ ସାଦନ୍ କଲା । <sup>୯</sup> ମାତର୍ କେତେଲକ୍ ତାକେ ବିରଡ଼ କଲାଇ । ଏମନ୍ ଗତି କର୍ବାତେଅନି, ମୁକ୍ଲିରଇବା ଜିଉଦିମନ୍କେ ନେଇ, ଅଇରଇବା ପାର୍ତନା ଗରର୍ କେତେ ଲକ୍, ସେମନ୍ ବିଡ୍ରେଅନି କେତେଲକ୍ ସାରିଆ ଅନି, କେତେକ୍ ଆଲେକ୍ଜାଣ୍ଡ୍ରିଆ ଅନି । ସେମନ୍ ସିଲିସିଆ ଅନି ଆରି ଆସିଆଇଅନି ଆସିରଇବା ବିନ୍ ଜିଉଦିମନ୍ ସଙ୍ଗ୍ ମିସିକରି ତିପାନ୍ ବିରଦେ ଦଦାପେଲା ଅଇଲାଇ । <sup>୧୦</sup> ମାତର୍ ସୁକଲ୍ ଆଡ଼ମା ତିପାନ୍କେ ଏନ୍ତି ଗିଆନ୍ ଦେଲାଜେ, କେମିସା ତାର୍ କାତା ଚାଡ଼ାଇକରି କଇ ନାପାର୍ତେ ରଇଲାଇ । <sup>୧୧</sup> ଏଲେମିସା ସେ “ମସାର୍ ବିରଦେ ଆରି ପର୍ମେସରର୍ ବିରଦେ କାତା କଇବାଟା ଆମେ ସୁନ୍ଲୁ ।” ବଲି, ଏ ମିଡ଼ ସାକି ଦେବାକେ କେତେ ଲକ୍କେ ଲାଟ୍ ଦେଇ ଉସ୍କାଇଲାଇ । <sup>୧୨</sup> ଏନ୍ତାରିକରି ସେମନ୍ ଲକ୍ମନକେ, ପାର୍ତିମନ୍ ଆରି ସାସ୍ତର୍ ସିକାଉମନ୍କେ ରିସା ଅଇବା କାତା କଇଲାଇ । ଆରି ତିପାନ୍କେ ଦାରି ବଡ଼ସବାଇ ନେଲାଇ । <sup>୧୩</sup> ତାର୍ ପଟେ ସେମନ୍ ତାର୍ ବିରୁଦେ ମିଡ଼ ସାକି ଦେବାକେ କେତେଟା ଲକ୍ମନକେ ବିଡ୍ରେ ଆନ୍ଲାଇ । ସେମନ୍ କଇଲାଇ, “ଏ ଲକ୍ ସବୁବେଲେ ଆମର୍ ସୁକଲ୍ ମନ୍ଦିର୍ ଆରି ମସାର୍ ରିତିନିତି ବିରୁଦେ ନିନ୍ଦା କାତା କଇବୁଲାଇନି । <sup>୧୪</sup> ନାଜରିତର୍ ଜିସୁ ମନ୍ଦିର୍ ବାଙ୍ଗାଇ ପାକାଇସି ଆରି ଆମେ ମସାର୍ ଟାନେଅନି ପାଇ ରଇବା ସବୁ ବିଦିବିଦାନ୍ ବାଦ୍ଲାଇ ଦେଇସି ବଲି ଏ ଲକ୍ କଇବାଟା ଆମେ ସୁନି ଆତୁ ।” <sup>୧୫</sup> ସେଡ଼କି ବେଲେ ବଡ଼ସବାଇ ବସି ରଇବା ସବୁ ଲକ୍ ଆକିଗାଡ଼ି ତିପାନ୍ ବାଟେ ଦେକ୍ଲାଇ ଜେ, ଏଦେ ଦେକା ! ତାର୍ ମୁ ସରଗର୍ ଦୁଡ଼ ପାରା ଡିସ୍ତେ ରଇଲା ।



**ତିପାନ୍ କଇବାଟା**

<sup>୧</sup> ବଡ଼ ପୁଜାରି ତିପାନ୍କେ ପାଚାରଲା, “ତର୍ ବିରୁଦେ କଇବା ଏ ସବୁ କାତା ସଡ଼ କି ?”

<sup>୨</sup> ତିପାନ୍ କଇଲା, “ଇତି ରଇବା ମର୍ ବାଇମନ୍ ଆରି ବାବାମନ୍ ଅଲପ୍ ସୁନା, ଆମର୍ ଆନିଦାଦି ଅବ୍ରାଆମ୍ ଆରନେ ବାସା ଅଇବାକେ ଜିବା ଆଗ୍ତୁ ମଇମା କର୍ବା ପର୍ମେସର୍ ମେସପଟାମିଆଇ ଦେକାଇଅଇଲା ।” <sup>୩</sup> ଆରି ତାକେ କଇଲା, ‘ତମର୍ ଦେସ୍ ଆରି ତମର୍ କୁଟୁମ୍କେ ଚାଡ଼ିକରି ମୁଇ ଜନ୍ ଦେସ୍ ଦେକାଇବି, ସେ ଦେସେ ଜା । <sup>୪</sup> ତେବର୍ପାଇ ସେ ତାର୍ ଦେସ୍ ଚାଡ଼ିକରି ଆରାନ୍ ନାଉର୍ ଗଟେକ୍ ଦେସେ ବାସା ଅଇବାକେ ଗାଲା । ଅବ୍ରାଆମର୍ ବାବା ମଲା ପଟେ, ପର୍ମେସର୍ ତାକେ, ତମେ ରଇବା ଏ ଦେସେ ଆନ୍ଲା । <sup>୫</sup> ସେବେଲେ ପର୍ମେସର୍ ଅବ୍ରାଆମ୍କେ ଏ ଦେସେ କାଇ ଅଦିକାର୍ କି ପାଦେକ୍ ଜମି ମିସା ଦେଇ ନ ରଇଲା । ମାତର୍ ତାକେ ଏ ଦେସ୍ ପଟେ ଦେବାକେ ପର୍ମେସର୍ କାତାଦେଇରଇଲା । ଆରି ସେଟା ତାର୍ ନାଡ଼ିଡ଼ି ମନର୍ ପାଇ ଅଇସି ବଲି ସପଡ଼ କଲା । ପର୍ମେସର୍ ଏ କାତା ଦେଇରଇଲା ବେଲେ ଅବ୍ରାଆମ୍କେ ପିଲାଟକି ନ ଅଇରଇଲା । <sup>୬</sup> ସେବେଲେ ପର୍ମେସର୍ ଅବ୍ରାଆମ୍କେ ଏନ୍ତିବଲି କଇରଇଲା, “ତମର୍ ନାଡ଼ିଡ଼ିମନ୍ ବିନ୍ ଦେସେ ଚାଲିସ୍ ବରସ୍ ଜାକ ଗତି ଅଇକରି ରଇବାଇ । ସେ

ଦେସର ଲକ୍ଷ୍ମୀ ସେମାନଙ୍କେ କରାପୁ ଚଳାଚଳୁଥି ଦେକାଇବାଇ । ୭୧ ମାତର ସେମାନ ଜନ୍ ଲକ୍ଷ୍ମୀମନର ସେବା କରୁବାଇ, ମୁଇ ସେ ଲକ୍ଷ୍ମୀମନଙ୍କେ ବିଚାର କରୁବି । ପତେ ତମର ନାତିତିମନ ସେ ଦେସେଅନି ବାରଇ ଆଇବାଇ ଆରି ଏ ଜାଗାଇ ମର ଉପାସନା କରୁବାଇ ।” ୮ ତାରପତେ ପରମେସର ଅବରାଆମର ସଙ୍ଗ କାତାଦେଇ ରଇବା ରାଜିନାମାର ତିନ୍ ଇସାବେ ସୁନତ୍ କରୁବା ବିଦି ତିଆର କଲା । ଇସାକ୍ ଜନମ୍ ଅଇ ଆଟ୍‌ଦିନ୍ ପତେ ଅବରାଆମ୍ ତାକେ ସୁନତ୍ କଲା । ପତେ ଇସାକ୍ ତାର ପଅ ଜାକୁବ୍‌କେ ସେନ୍ତାରି କଲା । ସେନ୍ତାରିସେ ଜାକୁବ୍ ତାର ବାରଟା ପଅମନଙ୍କେ ସୁନତ୍ କଲା, ଜନ୍ ଲକ୍ଷ୍ମୀମନ କି ଆମର ତାକ୍‌ପୁଟା ସଙ୍ଗ ରଇବା ଆନିଦାଦିମନ ।

୯ “ଜାକୁବ୍‌ର ପଅମନ ତାକର ସାନ୍ ବାଇ ଜସେପ୍‌କେ ଇସା ଅଇକରି, ମିସର ଦେସର ବେବାରମନଙ୍କେ ବିକିଦେଲାଇ । ମାତର ପରମେସର ଜସେପ୍‌ର ସଙ୍ଗ ରଇଲା । ୧୦ ଆରି ସବୁ ଦୁକ୍ କସଟେଇଅନି ତାକେ ରକିଆ କଲା । ଜେଡେବେଲେ ଜସେପ୍ ମିସର ରାଜାର ମୁଆଟେ ଚିଆଅଇଲା, ପରମେସର ତାକେ ଗିଆନ୍ ଦେଲା । ଆରି ସବୁଲକ୍ ମନକଲାପାରା ଚଳାଚଳୁଥି ଦେଲା । ପାର ରାଜା ଜସେପ୍‌କେ ସେ ଦେସର ସାସନକାରିଆ ଆରି ତାର କୁଟୁମର ସବୁ ଦେକାରକା କରୁବା ଦାଇତ୍ ସରପି ଦେଲା । ୧୧ ଜସେପ୍ ସାସନକାରିଆ ରଇଲାବେଲେ ମିସର ଆରି କିଶାନ୍ ଦେସେ ମରୁତି ଅଇଲା ଜେ ଲକ୍ଷ୍ମୀମନ ବେସି ଅଇରାନ୍ ଅଇଗାଲାଇ । ସେବେଲେ ଆମର ଆନିଦାଦିମନଙ୍କେ କାଇଟା ମିସା କାଇବାଟା ମିଲେନାଇ । ୧୨ ମିସର ଦେସେ ଦାନ୍ ମିଲୁସି, ବଲି ସୁନି ଜାକୁବ୍ ପରୁତ୍‌ମତର ତାର ପିଲାମନଙ୍କେ କାଦି ଗେନବାକେ ପାଟାଇଲା । ଜେକି ଆମର ଆନିଦାଦିମନ ଅଇବାଇ । ୧୩ ତେଇ ସେମନ୍ ପତର ପାଲି ଗାଲାବେଲେ ଜସେପ୍ ତାର ନିଜର ବାଇମନଙ୍କେ ଚିନାଇ ଅଇଲା ଆରି ମିସରର ରାଜା ପାର ଜସେପ୍‌ର କୁଟୁମ୍‌କେ ଜାନ୍‌ଲା । ୧୪ ତାର ପତେ ଜସେପ୍ ତାର ବାବା ଜାକୁବ୍ ଆରି ତାର କୁଟୁମର ସବୁକେ ମିସାଇ ସତୁରି ପାଟ୍ ଲକ୍‌କେ ମିସରେ ଆଇବାକେ କବର ପାଟାଇଲା । ୧୫ ଜାକୁବ୍ ମିସର ଦେସେ ଗାଲା, ତେଇ ସେ, ତାର ପଅମନର ମରନ୍ ଅଇଲା । ୧୬ ସେମନର ମଲା ଗାଗତ୍ ସେକିମେ ନେଲାଇ । ଆରି ଅବରାଆମ୍ କେତେକ୍ ତାରୁଦେଇ ଆମ୍ ନାଉଁର ଗଟେକ୍ କୁଟୁମେ ଅନି ଗେନଲା ମସନେ ନେଇ ସେମନଙ୍କେ ସଙ୍ଗଇଲାଇ ।”

୧୭ ପରମେସର ଅବରାଆମ୍ ଜନ୍ ସପତ୍ ଦେଇ ରଇଲା ସେଟା ସିଦ୍‌ଅଇଲା । ମିସରଦେସେ ଆମର ଜାତିର ଲକ୍ଷ୍ମୀମନ ବେସି ବଡ଼ି ଗାଲାଇ । ୧୮ ସାରାସାରି, ଜସେପ୍‌ର ବିସଇ ଜାନି ନ ରଇବା ଗଟେକ୍ ରାଜା, ମିସର ଦେସ୍ ସାସନ କଲା । ୧୯ ସେ ଆମର ଆନିଦାଦିମନଙ୍କେ ବେସି ନାଡାଇଲା । ଆରି ବେସି ଅଇରାନ୍ କଲା । ସେମନର କଅଁଲା ପିଲାମନଙ୍କେ ନିପାତ୍ କରି ବାଇରେ ପିଙ୍ଗି ଦେବାକେ ଆଦେସ୍ ଦେଲା । ୨୦ ସେ ବେଲାଇ ମସା ଜନମ୍ ଅଇଲା । ସେ ଗଟେକ୍ ବେସି ସୁନ୍‌ର ପିଲା ରଇଲା । ତାକେ ତିନ୍ ମାସ୍ ଜାକ ଗରେସେ ପସ୍‌ଲାଇ । ୨୧ ଆରି ଜେଡେବେଲେ ବାଇରେ ଲୁଟାଇଦେଲାଇ, ପାର ରାଜାର କନିଆ ତାକେ ମିଲାଇକରି ନିଜର ପିଲାପାରା ପସ୍‌ପାଲ୍ କଲା । ୨୨ ମିସର ଦେସେ ଜେଡକି ଗିଆନ୍ ରଇଲା, ସେ ସବୁ ଗିଆନ୍ ମସାକେ ସିକାଇଲାଇ । ସେ ବଡ଼ିକରି ତାର କାତାବାରତା ଆରି କାମର ଲାଗି ଗଟେକ୍ ତାକ୍‌ପୁଟା ଲକ୍ଷ୍ମୀ ବଲାଇଅଇଲା ।

୨୩ ଜେଡେବେଲେ ମସାକେ ଚାଲିସ୍ ବରସ୍ ଅଇଲା, ସେ ତାର ଇସରାଏଲର ବାଇମନ କାମ୍ କରୁବା ଜାଗା ଦେକ୍‌ବାକେ ମନକଲା । ୨୪ ଇସରାଏଲିଅ ମନର ବିଡରେଅନି ଗଟେକ୍‌କେ ମିସରିୟର ଗଟେକ୍ ଲକ୍ଷ୍ମୀ ସାଦ୍‌ବାନ୍ କରୁବାଟା ଦେକି ମସା ତାକେ ରକିଆ କଲା । ଆରି ସେ କରୁବାଟା ସୁଜାଇବି ବଲି ମିସରିଅକେ ସେ ମରାଇଲା । ୨୫ ମସା ବାବିରଇଲା, ସେମନଙ୍କେ ମୁକ୍‌ଲାଇବାକେ ପରମେସର ତାକେ ବାଟ୍‌ଲାଆଟେ ବଲି ତାର ନିଜର ବାଇମନ ଏତାଇବାଇ । ମାତର ସେମନ୍ ସେଟା ବୁଜ୍‌ତନାଇ । ୨୬ ତାର ଆରକର ଦିନେ ଦୁଇଟା ଇସରାଏଲିଅ ମନ୍ ମାରାମାରି ଅଇତେରଇବାଟା ଦେକ୍‌ଲା । ଆରି ସେମନ୍ ମିସତ୍ ବଲି ବୁଜାଇବାକେ ଚେସ୍‌ଟା କଲା । ସେ କଇଲା, “ସୁନା ତମେ ଦୁଇ ଲକ୍ଷ୍ମୀ ଇସରାଏଲର ବାଇବାଇ ଅଇସା । କାଇକେ ଏନ୍ତାରି ମାରାମାରି ଅଇଲାସ୍‌ନି ?” ୨୭ ମାତର ଜନ୍ ଲକ୍ଷ୍ମୀ ଆରିଗଟେକ୍ ଲକ୍ଷ୍ମୀକେ କାରାପୁ କାତା କଇ ଲାଗିତେରଇଲା, ସେ ମସାକେ ଏତାଇଦେଇ କଇଲା, “ଆମ୍‌କେ ସାସନ କରୁବାକେ ଆରି ଆମ୍‌କେ ବିଚାର କରୁବା ଅଦିକାର, କେ ତକେ ଦେଇଆଟେ ? ୨୮ କାଲି ଜେନ୍ତି ଗଟେକ୍ ମିସରିୟକେ ମରାଇଲୁସ୍, ସେନ୍ତି ମକେ ମିସା ମରାଇବାକେ ମନ୍ କଲୁସ୍‌ନି କି ?” ୨୯ ଏଟା ସୁନିକରି ମସା ମିସରଦେସେଅନି ଉଟିପାଲାଇଲା ଆରି ମିଦିଅନ୍ ଦେସେ ଜାଇ ବାସାକଲା । ତେଇ କେତେ ବରସ୍ ରଇକରି ଆରି ତାର ଦୁଇଟା ପିଲା ଜନମ୍ ଅଇଲାଇ ।

୩୦ “ଚାଲିସ୍ ବରସ୍ ରଇଲା ପତେ, ମରୁବାଲି ରଇବା ଜାଗାର୍ ସିନୟ ନାଉଁର ପର୍ବତେ ଗଟେକ୍ ଜଇ ଲାଗ୍‌ବା ବୁଟାର୍ ମଜାଇ ପରମେସରର ଗଟେକ୍ ଦୁଡ୍, ମସାକେ ଦେକାଇ ଅଇଲା ।” ୩୧ ମସା ଏଟା ଦେକି ବେସି କାବା ଅଇଗାଲା, ଆରି କଣ୍ଡେକ୍ ନିକକରି ଦେକ୍‌ବି ବଲି ବୁଟା ଲଗେ ଗାଲା । ମାତର ତେଇ ସେ ମାପୁରୁର କାତା ସୁନ୍‌ଲା । ୩୨ “ମୁଇ ତମର ଆନିଦାଦି ଅବରାଆମ୍, ଇସାକ୍ ଆରି ଜାକୁବ୍‌ର ପରମେସର ।” ମସା ଡରିକରି ତରତର ଗଜ୍‌ଗଜ୍ ଅଇ ଦେକ୍‌ବାର୍ ନାପାରଲା । ୩୩ ମାପୁରୁ ତାକେ କଇଲା, “ତୁଇ



ପିନ୍ଧିରଇବା ପାଣ୍ଡୁର ବେଟ୍ । କାଲକେବଇଲେ ତୁଇ ଜନ୍ ଜାଗାଇ ଚିଆଅଇଆରୁସ୍, ସେଟା ସୁକ୍ଲୀ ଜାଗା । ୩୪ ମିସର୍ ଦେସେ ମର୍ ଲକ୍ମନ୍ କସ୍ଟ ଅଇବାଟା ଦେକିଆଟି । ମୁଇ ସେମନ୍‌ର୍ କାନ୍ଦାବୁବା ସୁନିଆଟି ଆରି ସେମନ୍‌କେ ମୁକ୍ଲାଇ ଆନ୍‌ବାକେ ଉଡ଼ରି ଆଇଲିଆଟି । ଏବେ ଆଉ, ମୁଇ ତକେ ମିସର୍ ଦେସେ ପାଟାଇବି ।”

୩୫ ମସାକେ ଇସ୍ରାଏଲର୍ ଲକ୍ମନ୍ ନିର୍ତ୍ତେରଇଲା । ସେମନ୍ ପାଟାରି ରଇଲା, “ଆମ୍‌କେ ସାସନ୍ କର୍ବାକେ ଆରି ଆମ୍‌କେ ବିଚାର କର୍ବାକେ କେ ଅଦିକାର ଦେଇଆଟେ ?” ମାତର୍ ପର୍ମେସର୍ ଆକା ନିଜେ ମସାକେ ସେ ଲକ୍ମନ୍‌ର୍ ଉପରେ ସାସନ୍ କର୍ବାକେ ଆରି ସେମନ୍‌କେ ମୁକ୍ଲାଇ ଆନ୍‌ବାକେ ପାଟାଇରଇଲା । ଜଇଲାଗ୍‌ବା ବୁଟାଇ ଦର୍ସନ୍ ଇସାବେ ଦେକାଇଅଇଲା । ୩୬ ମିସର୍ ଦେସେ, ଲଇଡ଼ ସାଗରେ ଆରି ଚାଲିସ୍ ବରସ୍ ମରୁବାଲି ବୁର୍ଷ୍ କେତେକ୍ କେତେକ୍ କାବା ଅଇଜିବା କାମ୍‌ମନ୍ ଆରି ତିନ୍‌ମନ୍ କଲା । ୩୭ ମସା ନିଜେ ଇସ୍ରାଏଲର୍ ଲକ୍ମନ୍‌କେ କଇରଇଲା, “ମକେ ଜେନ୍ତି ପର୍ମେସର୍ ପାଟାଇଲା । ସେନ୍ତାରିସେ ତମର୍ ବାଇମନ୍‌ର୍ ଲଗେ ଗଟେକ୍ ବବିସ୍‌ତ୍‌ବକ୍‌ତାକେ ପାଟାଇସି, ସେ ତମର୍ ନିଜର୍ ଲକ୍ମନ୍‌ର୍ ଟାନେଅନିସେ ଅଇସି ।” ୩୮ “ଇସ୍ରାଏଲିଅ ଲକ୍ମନ୍ ମରୁବାଲି ବୁର୍ଷ୍ ରଇଲାବେଲେ ସେ ସେମନ୍‌ର୍ ସଙ୍ଗ୍ ରଇଲା । ସିନ୍‌ୟ ପର୍ବତେ ଆମର୍ ଆନିଦାଦିମନ୍‌ର୍ ସଙ୍ଗ୍ ଦୁଡ଼ କାତା ଅଇଲାବେଲେ ସେ ରଇଲା । ଆରି ସେ ପର୍ମେସର୍‌ଟାନେଅନି ଜିବନ୍ ଦେବା ବାକିଅ ମିଲାଇକରି ଆମ୍‌କେ ଜାନାଇଲା ।”

୩୯ “ମାତର୍ ଆମର୍ ପୁରବର୍ ଆନିଦାଦିମନ୍ ମସାର କାତା ସୁନଡ଼ ନାଇ । ମିସର୍ ଦେସେ ବାଉଡ଼ି ଜୁ ବଲି ମନ୍‌କଲା ।” ୪୦ ସେଟାପାଇ ସେମନ୍ ଆରଣ୍‌କେ କଇଲା, “ଆମ୍‌କେ ମିସର୍ ଦେସେଅନି ବାରକରାଇ ଆନିଲା ମସା କେନେ ଗାଲାଆଲେ, ଆମେ ନାଜାନ୍ । ଏବେ ଆମ୍‌କେ ବାଟ୍ ଦେକାଇ ନେବାକେ କେତେଟା ପୁଡ଼ଲା ବନାଇ ଦେ । ସେମନ୍ ଆମର୍ ଦେବ୍‌ତା ଅଇ ବାଟ୍‌ଦେକାଇବାଇ ।” ୪୧ ସେବେଲେ ସେମନ୍ ତେଇ ଗଟେକ୍ ବାଟାପିଲା ପାରା ତିସ୍‌ବା ପୁଡ଼ଲା ତିଆର୍‌କଲା । ଆରି ତାରଲାଗି ପୁଜାକରୁ ବଲି ଚଗାଇଲା । ଆରି ନିଜେ ତିଆର୍ କରିରଇବା ସେ ମୁରୁତିକେ ସନ୍‌ମାନ୍ ଦେବାକେ ଗଟେକ୍ ବଜି କଲା । ୪୨ ସେଟାପାଇ ପର୍ମେସର୍ ସେମନ୍‌କେ ଦେକେନାଇ ଆରି ସେମନ୍‌କେ, ଆକାସର୍ ତାରାମନ୍ ପୁଜା କରଡ଼ ବଲି ଚାଡ଼ିଦେଲା । ଏ ବିସଇ ବବିସ୍‌ତ୍‌ବକ୍‌ତାର ବଇଟାନେ ଲେକା ଆଟେ,

“ଏ ଇସ୍ରାଏଲ୍ ବର୍ସର୍ ଲକ୍ମନ୍, ମରୁବାଲି ବୁର୍ଷ୍ ଚାଲିସ୍‌ବରସ୍ ଜାକ ତମେ ପସୁମନ୍‌କେ ମରାଇକରି ବଲି ଇସାବେ ଦେଲାସ୍ ।

ମାତର୍ ସେଟା ମର୍ପାଇ ଦେଇ ନ ରଇଲାସ୍ ।

୪୩ ମଲେକ୍ ପୁଡ଼ଲାକେ ପର୍ମେସର୍ ବଲି ତାର ତମ୍ ଗଟେକ୍ ଜାଗାଇଅନି ଆରିଗଟେକ୍ ଜାଗାଇ ବଇନେଲାସ୍ ।

ରେପାନ୍ ତାରାର ପୁଡ଼ଲା ମିସା ଗଟେକ୍ ଜାଗାଇଅନି ଆରିଗଟେକ୍ ଜାଗାଇ ବଇନେଲାସ୍ ।

ଏ ସବୁଜାକ ପୁଡ଼ଲାମନ୍‌କେ ତମେ ପୁଜାବିଦି କର୍ବାକେ ବନାଇରଇଲାସ୍ । ସେଟାପାଇ ମୁଇ ତମ୍‌କେ ତମର୍ ନିଜର୍ ଦେସେଅନି ବାବିଲନ୍ ଦେସର୍ ତେନ୍‌କେ ନେବାକେ ଜଜ୍‌ନା କର୍ବି ।”

୪୪ ତିପାନ୍ ଆରି କଇଲା, “ମରୁବାଲିବୁର୍ଷ୍ ଆମର୍ ଆନିଦାଦିମନ୍ ରଇଲାବେଲେ ପର୍ମେସର୍ ସେମନ୍‌କେ ଲେକି ଦେଇରଇବା ନିୟମ୍ ମନ୍ ବିଡ଼ରେ ରଇଲା । ସେଟା ପର୍ମେସର୍ ମସାକେ ଜେନ୍ତି ତମ୍ ତିଆର୍ କର୍ବାକେ କଇରଇଲା, ଆରି ତାକେ ଜନ୍ କାମ୍ ଦେକାଇ ରଇଲା, ଏଟା ସେନ୍ତାରିସେ ତିଆର୍ ଅଇରଇଲା ।”

୪୫ “ପଟେ ଆମର୍ ଆନିଦାଦିମନ୍ ସେମନ୍‌ର୍ ଆନିଦାଦିମନ୍‌ର୍ ଟାନେଅନି ମିଲାଇକରି ସେ ତୁମ୍ ଜିଅସୁଅ ସଙ୍ଗ୍ ବଇ ଦାରିଗାଲା । ଆରି ପର୍ମେସର୍ ବାରକରାଇ କେଦି ରଇବା ବିନ୍ ଜାତିମନ୍‌ର୍ ଦେସ୍, ସେମନ୍ ଅଦିକାର କଲା । ଦାଉଦର୍ ସାସନ୍ ବେଲେ ଜାକ ସେ ତମ୍ ତେଇସେ ରଇଲା । ୪୬ ଦାଉଦ୍ ପର୍ମେସର୍‌ର୍ ମନ୍‌କେ ଜାଇରଇଲାଜେ ଜାକୁବର୍ ପର୍ମେସର୍‌ର୍ ପାଇ ଗଟେକ୍ ମନ୍‌ର୍ ତିଆର୍ କର୍ବି ବଲି ତାର ଆଦେସ୍ ପାଇବାକେ ମନ୍ କର୍ତେ ରଇଲା । ୪୭ ପଟେ ସେ ମନ୍‌ର୍ ଦାଉଦର୍ ପଅ ସଲ୍‌ମନ୍ ତିଆର୍ କର ବଲି ମନ୍‌କଲା ।”

୪୮ ଅଇଲେ ମିସା ସବୁର୍ ଉପ୍‌ର୍ ପର୍ମେସର୍ ଲକ୍ମନ୍ ତିଆର୍ କଲା ଗରେ ବାସା ନ କରେ । ଏ ବିସଇ ବବିସ୍‌ତ୍‌ବକ୍‌ତା ଲେକିଲା ଆଟେ,

୪୯ ମାପୁରୁ କଇଲାନି, ସରଗ୍ ମର୍ ବସ୍‌ବା ଜାଗା

ଦର୍ତ୍ତନି ଅଇଲାନି ମର୍ ପାଦର୍ ପିତା ।

ତମେ ମର୍ପାଇ କେନ୍ତାରି ଗର୍ ତିଆର୍ କର୍ସା ?

ମୁଇ ପୁଣ୍ଡବାକେ କନ୍ତି ଜାଗା ଆଟେ କି ?

୫୦ “ମୁଇ ନିଜେ କାଇ ଏ ସବୁ ବିସଇ ତିଆର୍ କରି ନାଇ କି ?”

୫୧ ତିପାନ୍ ଆରି କଇଲା, “ତମେ ବିଲକୁଲ୍ କାତା ନ ମାନବା ଲକ୍ମନ୍ ।” ତମର୍ ମନ୍ ଡାବ୍ ଅଇଗାଲା ଆତେ । ମାପ୍‌ରୁର୍ ବାକିଅର୍‌ପାଇ ପୁରାପୁରୁନ୍ ବଇରା ଅଇଆରାସ୍ । ତମେ ସମାନ୍ ତମର୍ ଆନିଦାଦିମନ୍‌ର୍ ପାରା । ସବୁବେଲେ ସୁକଲ୍ ଆତ୍‌ମାକେ ବିରୁଦ୍ କଲାସ୍‌ନି । ୫୨ ତମର୍ ଆନିଦାଦିମନ୍ ବବିସ୍‌ତ୍‌ବକ୍‌ତାମନ୍‌କେ ନ ସାଦିକରି ଚାଡ଼ିରଇଲାକି କି ? ମସିଅ ଆଇସି ବଲି କେତେ କେତେ ବରସ୍ ଆଗ୍‌ତୁ ଜାନାଇବା ପର୍‌ମେସରର୍ କାତାଜାନାଉମନ୍‌କେ ମରାଇଲାକି । ଏବେ ତମେ ତାକେ ବିସ୍‌ବାସେ ବିସ୍ ଦେଲାପାରା କରି ମରାଇଆରାସ୍ । ୫୩ ତମେ ସରଗର୍ ଦୁର୍‌ମନ୍ ଜାନାଇରଇବା ରିତିନିତି ଦାରିଆରାସ୍ । ମାତର୍ ସେଟା ମାନାସ୍ ନାଇ ।

**ତିପାନ୍‌ର୍ ମରନ୍**

୫୪ ବଡ଼ ସବାର୍ ଲକ୍ମନ୍ ତିପାନ୍ କାତା ଅଇବାଟା ସୁନିକରି ବେସି ରିସା ଅଇଗାଲାକି ଆରି ରିସାର୍ ମାତେ ଦାତ୍ କାତ୍‌ରି ଅଇଲାକି । ୫୫ ମାତର୍ ତିପାନ୍ ସୁକଲ୍ ଆତ୍‌ମାକେ ପୁରାପୁରୁନ୍ ଅଇ ସରଗ୍ ବାଟେ ମୁ କଲା । ଆରି ପର୍‌ମେସରର୍ ମଇମା ଆରି ଜିସୁ ତାର୍ ଉଜାବାଟେ ଟିଆଅଇରଇବାଟା ଦେକଲା ।

୫୬ ତିପାନ୍ କଇଲା, “ଏଦେ ଦେକା ! ସରଗ୍ ଉଗାଡ଼ି ଅଇବାଟା ଆରି ନର୍‌ପିଲା ପର୍‌ମେସରର୍ ଉଜାବାଟେ ଟିଆ ଅଇରଇବାଟା ଦେକଲିନି ।”

୫୭ ବଡ଼ ସବାର୍ ଲକ୍ମନ୍ ସେ କାତା ସୁନିକରି ଆତ୍ ସଙ୍ଗ୍ କାନେ ରୁଟିଅଇଦେଲାକି, ଆରି ବେସି ଆଉଲିଅଇଲାକି । ତାର୍‌ପଟେ ସବୁଲକ୍ ଗଟେକ୍ ଅଇକରି ତିପାନ୍‌ର୍ ବାଟେ ଉଦ୍‌ଲି ଆଇଲାକି । ୫୮ ତାକେ ନଅରର୍ ବାଇରେ ଜିକିନେଇକରି ତାର୍ ଉପ୍‌ରେ ପାକ୍‌ନା ସଙ୍ଗ୍ ମାର୍‌ବାର୍ ଦାର୍‌ଲାକି । ସାକି ଦେଉମନ୍ ତିପାନ୍ ପିନ୍‌ରଇଲା ବସ୍‌ତର୍ ସାଉଲ୍ ନାଉର୍ ଗଟେକ୍ ଦାଙ୍ଗ୍‌ତାକେ ଜିମାଦେଇ ଚାଡ଼ି ଜାଇରଇଲାକି । ୫୯ ସେମନ୍ ତିପାନ୍‌ର୍ ଉପ୍‌ରେ ପାକ୍‌ନା ମାର୍‌ବା ବେଲେ ସେ ମାପ୍‌ରୁକେ ପାର୍‌ତନା କରି କଇଲା, “ମାପ୍‌ରୁ ଜିସୁ, ମର୍ ଆତ୍‌ମାକେ ସଙ୍ଗୁଆ !” ୬୦ ତିପାନ୍ ମାଣ୍ଡିକୁଟା ଦେଇ ଆକ୍‌ମାରି କଇଲା, “ମାପ୍‌ରୁ, ଏମନ୍‌ର୍ ବିରଦେ ଏ ପାପ୍ ଆରି ଏତାଆ ନାଇ କି ତଣ୍ଡ ଦିଆସ୍‌ନାଇ ।” ଏଡ଼କି କଇଲା ଦାପ୍‌ରେ ତାର୍ ଜିବନ୍ ଚାଡ଼ିଗାଲା ।

**୮**

**ମଣ୍ଡଲିକେ ତାଡ଼ନା**

୧ ସାଉଲ୍ ତିପାନ୍‌ର୍ ମରନେ ରାଜିଅଇକରି ତେଇ ରଇଲା ।

ସେ ଦିନେଅନି ଜିରୁସାଲାମେ ରଇବା ମଣ୍ଡଲିମନ୍‌କେ ଲକ୍ମନ୍ ଜବର୍ ତାଡ଼ନା ଦେବାର୍ ଆରାମ୍ କଲାକି । ସେଟାର୍‌ପାଇ ପେରିଡ଼ ସିସ୍‌ମନ୍ ତେଇରଇଲାକି ଆରି ବିନ୍ ବିସ୍‌ବାସିମନ୍ ଜିବନ୍ ଆତେଦାରି ଜିଉଦା ଆରି ସମିରଣ୍ ଜାଗାଇ ପାଲାକିଲାକି । ୨ ପର୍‌ମେସର୍‌କେ ନାମ୍‌ବା କେତେକ୍ ଲକ୍ ଆକ୍‌ମାରି କାନ୍ଦିକରି ତିପାନ୍‌ର୍ ମଲା ଗାଗଡ଼ ନେଇ ସମାଦି କଲାକି ।

୩ ମାତର୍ ସାଉଲ୍ ମଣ୍ଡଲିକେ କୁରୁପ୍‌ନାସ୍ କର୍‌ବାକେ ଚେସ୍‌ଟା କଲା । ସେ ଗରେ ଗରେ ଜାଇ ଜିସୁକେ ବିସ୍‌ବାସ୍ କର୍‌ବା ମୁନ୍‌ସ୍ ପିଲା ଆରି ମାଇଜି ଟକିମନ୍ ସବୁକେ ଜିକି ଆନି ବନ୍ଦି ଗରେ ପୁରାଇ ଦେଲା ।

**ସମିରଣ୍ ଜାଗାଇ ସୁବ୍‌କବର୍ ଜାନାଇବାଟା**

୪ ଜିରୁସାଲାମେଅନି ପାଲାକିରଇବା ବିସ୍‌ବାସିମନ୍ ଗୁଲାକିବାଟେ ଜାଇ ସୁବ୍‌କବର୍ ଜାନାଇବାର୍ ଦାର୍‌ଲାକି । ୫ ସେମନ୍‌ର୍ ବିଡ଼ରେଅନି ପିଲିପ୍ ବଲି ଗଟେକ୍ ଲକ୍ ସମିରଣ୍‌ର୍ ମୁକିଅ ନଅରେ ଜାଇ, ତେଇ ରଇବା ଲକ୍ମନ୍‌କେ ମସିଅ କଇରଇବା କାତା ଜାନାଇଲା । ୬ ପିଲିପ୍ କଇବା କାତା ସୁନି ଆରି ସେ କିରିରଇବା କାବା ଅଇଜିବା କାମ୍‌ମନ୍ ସବୁ ଦେକି ଲକ୍ମନ୍ ତାକେ ଅଦିକ୍ ମନ୍‌ଦିଆନ୍ ଦେଇ ସୁନ୍‌ବାର୍ ଦାର୍‌ଲାକି । ୭ କେତେ କେତେ ଲକ୍ମନ୍‌ର୍ ଟାନେଅନି ତୁମାମନ୍ କିରକିରି କରି ବାରଇ ଗାଲାକି । କେତେ କେତେ ଚେରେଙ୍ଗ୍ ରଗି ଆରି ଆତ୍ ଗଡ଼ ନ ଆଇବାଟାମନ୍ ନିକ ଅଇଗାଲାକି । ୮ ଏଟାର୍ ପାଇ ସେ ନଅର୍ ସାଇସାର୍‌ଦା ଅଇରଇଲା ।

୯ ସମରିଆ ଜାଗାଇ ସିମନ୍ ନାଉର୍ ଗଟେକ୍ ଲକ୍ ତାର୍ ଜନ୍ତର୍ ମନ୍ତର୍ ବିଦିଆ କରିକରି ତେଇର୍ ଲକ୍ମନ୍‌କେ କାବା କରାଇତେରଇଲା । ୧୦ ସେ, ମୁଇ ନିଜେ ଗଟେକ୍ ବଡ଼ ଲକ୍ ବଲାକିଅଇତେରଇଲା । ଆରି ସେ ନଅରେ ରଇବା ସାନ୍ ବଡ଼ ସବୁ ତାକେ ମାନିରଇଲାକି । ପର୍‌ମେସରର୍ ଜନ୍ ବପୁ ମଆନ୍ ସେ ବପୁ ଏଟା ଆକା ବଲି ଲକ୍ମନ୍ କଇତେ ରଇଲାକି । ୧୧ ବେସି ବରସ୍ ଦାରି ତାର୍ ଗୁନି ବିଦିଆର୍ ବପୁ ସଙ୍ଗ୍ ତେଇର୍ ଲକ୍ମନ୍‌କେ କାବା କରାଇତେରଇଲା । ସେଟାର୍‌ପାଇ ଗୁଲାକି ସମିରଣ୍‌ୟ ଲକ୍ମନ୍ ତାକେ ମାନିକରି ରଇଲାକି । ୧୨ ମାତର୍ ପିଲିପ୍‌ର୍ ଟାନେଅନି ପର୍‌ମେସରର୍ ରାଇଜ ଆରି ଜିସୁର୍ ବିସଇ ସୁନ୍‌ଲାକି । ସୁନିକରି ତେଇର୍ ଲକ୍ମନ୍ ମାପ୍‌ରୁକେ ବିସ୍‌ବାସ୍ କଲାକି । ଆରି ସେ ଜାଗାର୍ ବିସ୍‌ବାସ୍ କଲା ମନସ୍ ପିଲା ଆରି ମାଇଜିଟକିକେ ପିଲିପ୍ ତୁବନ୍ ଦେଲା । ୧୩ ସିମନ୍ ନିଜେ ପିଲିପ୍ ଜାନାଇରଇବା

☆ ୮:୩ ୮:୩ ପେରିଡ଼ ୨୨:୪,୫;୨୨:୯-୧୧

ମାପୁରୁର ବାକିଅ ସୁନି ବିସ୍‌ବାସ୍ କଲା । ଆରି ପିଲିପ୍ ତାକେ ତ୍ରୁବନ୍ ଦେଲା । ସେ ପିଲିପ୍‌ର ସଙ୍ଗ୍ ସବୁଜାଗାଇ ଜିବାର ଦାରଲା । ପିଲିପ୍ କରିରଇବା କାବା ଅଇଜିବା କାମ୍‌ମନ୍ ଆରି ଚିନ୍‌ମନ୍ ଦେକିକରି ସେ କାବା ଅଇଜାଇତେରଇଲା ।

<sup>୧୪</sup> ସମରିଆର୍ ଲକ୍‌ମନ୍ ପର୍‌ମେସରର୍ ବାକିଅ ବିସ୍‌ବାସ୍ କଲାଅ ଆଚଡ଼ ବଲି ଜିରୁସାଲାମ୍ ରଇବା ପେରିଡ଼ ସିସ୍‌ମନ୍ ସୁନ୍‌ଲାଇ । ପିତର୍ ଆରି ଜଅନ୍‌କେ ସେମନ୍‌ର୍ ଲଗେ ପାଟାଇଲାଇ । <sup>୧୫</sup> ସେମନ୍‌ ତେଇ କେଟ୍‌ଲା ପଟେ ସମିରଣର୍ ବିସ୍‌ବାସିମନ୍ ସୁକଲ୍ ଆଡ଼ମା ପାଇବାକେ, ପାର୍‌ତନା କଲାଇ । <sup>୧୬</sup> କାଇକେ ବଇଲେ ସେଡ଼କିବେଲ୍ ଜାକ କାର୍ ଉପ୍‌ରେ ସୁକଲ୍ ଆଡ଼ମା ଉଡ଼ି ନ ରଇଲା । ସେମନ୍‌କେ ଜିସୁକିରିସ୍‌ଟର୍ ନାଉଁଦାରି ଅବ୍‌କାସେ ତ୍ରୁବନ୍ ଦେଇରଇଲା । <sup>୧୭</sup> ପିତର୍ ଆରି ଜଅନ୍‌ ସେମନ୍‌ର୍ ଉପ୍‌ରେ ଆଡ଼ ସଙ୍ଗଇଲା ଦାପ୍‌ରେ ସେମନ୍‌ ସୁକଲ୍ ଆଡ଼ମା ପାଇଲାଇ ।

<sup>୧୮</sup> ପେରିଡ଼ ସିସ୍‌ମନ୍ ବିସ୍‌ବାସିମନ୍‌ର୍ ଉପ୍‌ରେ ଆଡ଼ ସଙ୍ଗଇଲାକେ ସୁକଲ୍‌ଆଡ଼ମା ପାଇଲାଟା ଦେକି, ସିମନ୍, ପିତର୍ ଆରି ଜଅନ୍‌କେ ତାରୁ ଜାଡ଼ଲା ଆରି କଇଲା, <sup>୧୯</sup> “ମୁଇ ବିନ୍ ଲକର୍ ଉପ୍‌ରେ ଆଡ଼ ସଙ୍ଗଇଲେ, ସେମନ୍‌ ଜେନ୍ତି ସୁକଲ୍ ଆଡ଼ମା ପାଇପାର୍‌ବାଇ, ସେଟାର୍ ପାଇ ମକେ ସେ ବପୁ ଦିଆ ।” <sup>୨୦</sup> ମାତର୍ ପିତର୍ ତାକେ କଇଲା, “ତର୍ ତାରୁ ତର୍ ସଙ୍ଗ୍ ନସ୍‌ଟ ଅ । ତର୍ ସଙ୍ଗ୍ ତର୍ ତାରୁ ମିସା ନର୍‌କେ ଜାଅ । କାଇକେବଇଲେ ପର୍‌ମେସରର୍ ଦାନ୍ ତାରୁସଙ୍ଗ୍ ଗେନ୍‌ବି ବଲି ବାବ୍‌ଲୁସ୍‌ନି ।” <sup>୨୧</sup> ଆମର୍ କାମ୍‌ଟା‌ନେ ତର୍ କାଇମିସା ବାଗ୍ ନାଇ, କାଇକେବଇଲେ ପର୍‌ମେସର୍ ଦେକ୍‌ବା ଇସାବେ ତର୍ ମନ୍ ନିକ ନାଇ । <sup>୨୨</sup> ସେଟାର୍ ପାଇ ତମର୍ ଏ କରାପ୍ ବାବ୍‌ନାର୍ ପାଇ ମନ୍ ବାଦ୍‌ଲାଆ । ଏନ୍ତାରି ବିସଇ ଚିନ୍ତାକଲାର୍ ପାଇ ମାପୁରୁ ଜେନ୍ତାରି କେମା ଦେଇସି, ତାର୍ ଲାଗି, ମାପୁରୁକେ ପାର୍‌ତନା କର୍ । <sup>୨୩</sup> କାଇକେ ବଇଲେ ମୁଇ ଦେକ୍‌ଲିନି ଜେ ତର୍ ମନ୍ ଆଁକାରେ ବର୍‌ଡି ଅଇଆଟେ । ତୁଇ ପାପର୍ ବନ୍‌ନେ ବନ୍‌ଅଇ ଆତୁସ୍ ।”

<sup>୨୪</sup> ସିମନ୍ ସେମନ୍‌କେ କଇଲା, “ତମେ ଜାଇଟା ସବୁ କଇଲାସ୍ ସେଟା ଜେନ୍ତି ମର୍ ଉପ୍‌ରେ ନ ଗଟ । ମୁଇ ତମ୍‌କେ ବାରୁଜିଆ କଲିନି ମର୍‌ପାଇ ମାପୁରୁକେ ପାର୍‌ତନା କରା ।” <sup>୨୫</sup> ନିଜର୍ ଜିବନେ ଅଇରଇବା ବିସଇର୍ ସାକି ଆରି ମାପୁରୁର୍ ସୁବ୍ କବର୍ କଇସାରାଇଲା ପଟେ ପିତର୍ ଆରି ଜଅନ୍ ଜିରୁସାଲାମେ ବାଅଡ଼ଲାଇ । ବାଅଡ଼ବା ବାଟେ ସେମନ୍ ସମିରଣର୍ ବେସି ଗାଉଁମନ୍‌କେ ସୁବ୍‌କବର୍ ଜାନାଇଲାଇ ।

**ପିଲିପ୍ ଆରି ଇତିଅପିଆର୍ କାମ୍‌କରୁ**

<sup>୨୬</sup> ପର୍‌ମେସରର୍ ଗଟେକ୍ ଦୁଡ଼ ପିଲିପ୍‌କେ କଇଲା, “ତିଆର୍ ଅ, ଆରି ଦକିଣ୍ ଦିଗେ ଜିରୁସାଲାମେଅନି ଗାଜା ବଲି ଗଟେକ୍ ଜାଗାଇ ଜିବାବାଟେ ଜା । ଆଜିକାଲି ଏବାଟେ ଆରି ଲକ୍‌ମନ୍ ଆସ୍ ଜା କରଡ଼ ନାଇ ।” <sup>୨୭</sup> ପିଲିପ୍ ତିଆର୍ ଅଇ ସେବାଟେ ଗାଲା । ଏଦେ ଦେକା ! ଇତିଅପିଆର୍ ଗଟେକ୍ ଲକ୍ ! ସେ ଗଟେକ୍ ବେଜୁ ରଇଲା । ସେ ଜିରୁସାଲାମେ ପାର୍‌ତନା କର୍‌ବାକେ ଆସିରଇଲା । <sup>୨୮</sup> ସେ ଗଟେକ୍ ମୁକିଅ ଆରି ଇତିଅପିଆ ରାନିର୍ ବାଣ୍ଟାର୍‌ଗରିଆ ରଇଲା । ସେ ପର୍‌ମେସର୍‌କେ ଉପାସନା କର୍‌ବାକେ ଜିରୁସାଲାମ୍ ଜାଇରଇଲା । ତାର୍ ରତେ ବସି ଗରେ ବାଉଡ଼ି ଆଇତେରଇଲା । ବସିକରି ଜିସାୟ୍ ବବିସଡ଼ବକ୍‌ତାର୍ ବଇଟା‌ନେଅନି ଆଉଲି ଅଇ ପଡ଼ତେରଇଲା । <sup>୨୯</sup> ସୁକଲ୍‌ଆଡ଼ମା ପିଲିପ୍‌କେ କଇଲା, “ସେ ରତେ ଜା ଆରି ସେ ଲକର୍ ଲଗେ ର ।” <sup>୩୦</sup> ପିଲିପ୍ ପାଲାଇ ପାଲାଇ ଗାଲା ଆରି ସେ ଲକ୍ ଜିସାୟ୍ ବବିସଡ଼ବକ୍‌ତାର୍ ବଇ ପଡ଼ବାଟା ସୁନ୍‌ଲା । ସେ ତାକେ ପାଟାର୍‌ଲା “ତୁଇ ଜାଇଟା ପଡ଼ଲୁସ୍‌ନି, ସେଟା ବୁଜିପାର୍‌ଲୁସ୍‌ନିକି ?”

<sup>୩୧</sup> ସେ ବାଣ୍ଟାର୍ ଗରିଆ କଇଲା, “କେ ମିସା ଗଟେକ୍ ଲକ୍ ବୁଜାଇ ନ ଦେଲେ ମୁଇ କେନ୍ତି ବୁଜିପାର୍‌ବି ?” ତାର୍ ସଙ୍ଗ୍ ରତେ ବସ୍‌ବାକେ ସେ ପିଲିପ୍‌କେ ଡାକ୍‌ଲା । ପିଲିପ୍ ଜାଇ ବସ୍‌ଲା । <sup>୩୨</sup> ଦରମ୍ ସାସ୍‌ତରର୍ ଏ ପଡ଼ ପଡ଼ତେ ରଇଲା,

“ମରାଇବାକେ ନେବା ମେଣ୍ଟାପାରା, ଲକ୍‌ମନ୍ ତାକେ ଡାକିନେଲାଇ,  
ଗଟେକ୍ ମେଣ୍ଟାର୍ ବାଲ୍ କାଟ୍‌ବା ବେଲେ ଜେନ୍ତି ସେ ଚିମ୍‌ରାଇଅଇରଇସି,  
ସେନ୍ତାରି ସେ ପଦେକ୍ ମିସା କାତା କଏ ନାଇ ।

<sup>୩୩</sup> ଲକ୍‌ମନ୍ ନିନ୍ଦା କଲାବେଲେ ତାକେ ନିଆଇ ମିଲେ ନାଇ

ତାର୍ କୁଟୁମର୍ ଲକର୍ ବିସଇ, କେ କଇ ନାପାରଡ଼,  
କାଇକେବଇଲେ ମର୍‌ପୁରେ ତାର୍ ଜିବନ୍ ସାରିଗାଲା ଆଟେ ।”

<sup>୩୪</sup> ବାଣ୍ଟାର୍‌ଗରିଆ ପିଲିପ୍‌କେ ପାଟାର୍‌ଲା, “ମୁଇ ତକେ ଗୁଆରି କଲିନି । ବବିସଡ଼ବକ୍‌ତା କାର୍ ବିସଇ କଇଲାନି, ମକେ କୁଆ । ତାର୍ ନିଜର୍ ବିସଇ କି ଆରି କାର୍ ବିସଇ ?” <sup>୩୫</sup> ପିଲିପ୍ ଦରମ୍ ସାସ୍‌ତରର୍ ଏ ପଦେଅନି ଆରାମ୍ କରି ଜିସୁର୍ ବିସଇର୍ ସୁବ୍ କବର୍ ତାକେ ଜାନାଇଲା । <sup>୩୬</sup> ସେମନ୍ ଜାଉ ଜାଉ ଗଟେକ୍ ବନ୍ ଲଗେ କେଟ୍‌ଲାଇ । ସେ ବାଣ୍ଟାର୍‌ଗରିଆ କଇଲା, <sup>୩୭</sup> “ଇତି ପାନି ଆଟେ, କାଇ ଅସୁବିଦା ନ ରଇଲେ ମକେ ତ୍ରୁବନ୍ ଦିଆ ।”

<sup>୩୮</sup> ସେ ଲକ୍ ରଡ଼ ତେବାଇବାକେ ତିଆର୍‌ଲା । ପିଲିପ୍ ଆରି ସେ, ପାନି ବିଡ଼ରେ ଗାଲାଇ ଆରି ପିଲିପ୍ ତାକେ ପାନିତେଇ ତ୍ରୁବନ୍ ଦେଲା । <sup>୩୯</sup> ସେମନ୍ ପାନିତେଇଅନି ବାରଇ ଆଇଲା ପଟେ, ମାପୁରୁର୍ ଆଡ଼ମା

ପିଲିପ୍ପକେ ଆରିଗଟେକ୍ ଜାଗାଇ ମାୟା କରି ଦେଲା, ସେ ଲକ୍ ପିଲିପ୍ପକେ ଆରି କେବେ ଦେକି ନାପାରୁଲା, ମାତର ସାରଦାଇ ପୁରୁନ୍ ଅଇ ତାର ବାଟେ ଉଟିଗାଲା ।<sup>୪୦</sup> ଚନେକ୍ ଗାଲା ପଟେ ପିଲିପ୍ପ ଦେକ୍ଲାଜେ ସେ ଅସଦର ବଲି ଗଟେକ୍ ଜାଗାଇ କେଟିଆଟେ । ତେଇଅନି ସେ କାଇସେରିଆଇ ଗାଲା ଆରି ବାଟେ ରଇବା ସଅର୍ମାନକେ ସୁବ୍ କବର୍ ଜାନାଇଲା ।



**ସାଉଲ୍ ମନ୍ ବାଦ୍ଲାଇଲା**

<sup>୧</sup> ସେ ସବୁ ଗଟବା ବେଲେ, ସାଉଲ୍ ମାପୁରୁର୍ ସିସ୍ମାନକେ ମରାଇଦେବି ବଲି ଦମ୍‌କାଇତେ ରଇଲା । ସେ ବଡ଼ ପୁଜାରିର୍ ଲଗେ ଗାଲା ।<sup>୨</sup> ଜାଇକରି ଦାମାସ୍କାସେ ଜିଉଦିମନର୍ ପାର୍ତନା ଗରେ ଦେବାକେ ଅଦିକାରର୍ ଚିଟି ମାଙ୍ଗ୍ଲା । ଦାମାସ୍କାସେ ଜନ୍ ମାଇଜି ଆରି ମୁନ୍ସୁମନ୍ ମାପୁରୁର୍ ବାଟେ ଆଇଲାଇ ଆଚଡ଼, ସେମନ୍‌କେ ବନ୍ଦିକରି ତଣ୍ ଦେବାକେ, ଜିରୁସାଲମର୍ ଜିଉଦି ନେତାମନର୍‌ଟାନେ ଆନିଅଇସି । ବାନ୍ଦିକରି ଜିରୁସାଲମେ ଆନ୍‌ବାକେ ସାଉଲ୍‌କେ ଏ ଚିଟି ଅଦିକାର୍ ଦେଲା ।

<sup>୩</sup> ସାଉଲ୍ ଦାମାସ୍କସ୍ ନଅର୍ ଲଗାଲଗି ଅଇବା ବେଲେ, ଅଟାଡ଼ ବାଦ୍‌ଲେଅନି ଗଟେକ୍ ଉଜଲ୍ ସାଉଲ୍‌ର୍ ଚାରିବେଡ଼ତି ଜଗ୍‌ଜଗି ଗାଲା ।<sup>୪</sup> ତେଇ ସେ ତଲେ ଅଦ୍‌ରି ଗାଲା ଆରି ଗଟେକ୍ କଇବା କାତା ସୁନ୍‌ଲା “ଏ ସାଉଲ୍ ତୁଇ ମକେ କାଇକେ ସାଦ୍‌ଲୁସ୍‌ନି ?”

<sup>୫</sup> ସେ କଇଲା, “ତମେ କେ ମାପୁରୁ ?”

“ତୁଇ ଜାକେ ସାଦ୍‌ଲୁସ୍‌ନି, ସେ ଜିସୁ ମୁଇ ।<sup>୬</sup> ଏବେ ଉର୍, ନଅରେ ଜା, କାଇଟା କର୍‌ବାକେ ଅଇସି, ତେଇ ତକେ ଜାନାଇବି ।”

<sup>୭</sup> ସାଉଲ୍‌ର୍ ସଙ୍ଗ୍ ଜିବା ଲକ୍‌ମନ୍ କାବାଅଇଜାଇ ତେବିଦେଲାଇ, ତାକର୍ ଟଣ୍ଡେଅନି ପଦେକ୍ କାତା ବାରଏ ନାଇ । କଇବା ସବଦ୍ ସେମନ୍ ସୁନ୍‌ଲାଇ, ମାତର୍ କାକେ ଦେକି ନାପାରୁଲା ।<sup>୮</sup> ସାଉଲ୍ ଉଟି ଆଁକି ଦେକ୍ଲା ମାତର୍ ତାକେ କାଇଟା ଡିସେ ନାଇ । ତେବେ ତାର୍ ସଙ୍ଗର୍ ଲକ୍‌ମନ୍ ଆତେ ଦାରି ଦାମାସ୍କସ୍ ଡାକିନେଲାଇ ।<sup>୯</sup> ତିନ୍‌ଦିନ୍ ଜାକ ସେ କାଇଟା ଦେକି ନାପାରୁଲା ଆରି ତିନ୍‌ଦିନ୍ ଜାକ କାଏ ନାଇ କି ପିଏ ନାଇ ।

<sup>୧୦</sup> ଦାମାସ୍କସେ ଅନନିୟ ନାଉର୍ ଗଟେକ୍ ବିସ୍‌ବାସି ଲକ୍ ରଇଲା, ସେ ମାପୁରୁର୍ ଦର୍‌ସନ୍ ପାଇଲା, ମାପୁରୁ ତାକେ କଇଲା, “ଅନନିୟ !”

ସେ କଇଲା, “ମୁଇ ଇତି ଆଟି ମାପୁରୁ, କୁଆ ।”

<sup>୧୧</sup> ମାପୁରୁ କଇଲା, “ତିଆର୍ ଅ । ସଲକ୍ ନାଉର୍ ବାଟ୍‌ଦାରି ଜିଉଦାର୍ ଗରେ ଜା । ତେଇ ତାର୍‌ସସେଅନି ଆସି ରଇବା ସାଉଲ୍ ନାଉର୍ ଗଟେକ୍ ଲକ୍‌କେ କଜ୍ । ସେ ପାର୍ତନା କଲାନି ।<sup>୧୨</sup> ସେ ଦର୍‌ସନ୍ ଦେକ୍ଲାବେଲେ ଅନନିୟ ବଲି ଗଟେକ୍ ଲକ୍ ତାର୍ ଗରେ ପୁର୍‌ବାଟା ସେ ଦେକିଆଟେ, ତୁଇ ଜା ଆରି ସେ ଜେଡ଼ିକି ଆରିତରେକ୍ ଦେକିପାର୍‌ସି ତାର୍ ଉପ୍‌ରେ ଆଡ଼ ସଙ୍ଗ ।”

<sup>୧୩</sup> ମାତର୍ ଅନନିୟ କଇଲା, “ମାପୁରୁ ଏ ଲକ୍ ଜିରୁସାଲମେ ତମର୍ ଲକ୍‌ମନ୍‌କେ ଜେଡ଼କି ପାପ୍ କାମ୍ କଲା ଆଟେ, ସେ ବିସଇ କେତେ କେତେ ଲକ୍ ମକେ ଜାନାଇ ଆଚଡ଼ ।<sup>୧୪</sup> ଆରି ସେ ଲକ୍ ମୁକିଅ ପୁଜାରିମନର୍ ଟାନେଅନି ଅଦିକାର୍ କାଗଜ୍ ନେଇକରି ଦାମାସ୍କାସେ, ତମ୍‌କେ ପାର୍ତନା କର୍‌ବା ଲକ୍‌ମନ୍‌କେ ଦାରି ନେବାକେ ଆସିଆଟେ ।”

<sup>୧୫</sup> ମାପୁରୁ ତାକେ କଇଲା, “ଜାଆ ଜିଉଦି ନ ଅଇଲା ଲକ୍‌ମନ୍, ତାକର୍ ରାଜାମନ୍ ଆରି ଇସରାଏଲ୍‌ର୍ ଲକ୍‌ମନ୍‌କେ, ମର୍ ନାଉଁ ଜାନାଇବାକେ ଆରି ମର୍ ସେବା କର୍‌ବାକେ ମୁଇ ତାକେ ବାଟ୍‌ଲି ଆଟି ।<sup>୧୬</sup> ସେ ମର୍ ପାଇ ଜେଡ଼କି ସବୁ କସଟ ମୁର୍‌ବାର୍ ଆଟେ, ମୁଇ ନିଜେ ତାକେ ଜାନାଇବି ।”

<sup>୧୭</sup> ଅନନିୟ ଗାଲା ଆରି ସାଉଲ୍ ରଇବା ଗରେ କେଟ୍‌ଲା । ସାଉଲ୍‌କେ ବେଟ୍‌ଅଇ ତାର୍ ଉପ୍‌ରେ ଆଡ଼ ସଙ୍ଗ ତାକେ କଇଲା, “ଏ ବାଇ ସାଉଲ୍, ଇତି ତର୍‌ଟାନେ ଆଇବାକେ ମାପୁରୁ ଜିସୁ ମକେ ପାଟାଇଆଟେ । ତୁଇ ଇତି ଆଇବା ବାଟେ ସେସେ ତକେ ଦେକାଇଅଇଲା । ତୁଇ ଜେଡ଼ିକି ଆରି ତରେକ୍ ଦେକି ପାରୁସ୍ ଆରି ସୁକଲ୍ ଆଡ଼ମାଇ ପୁରାପୁରୁନ୍ ଅଇପାରୁସ୍ । ସେଟାର୍‌ପାଇ ପୁର୍‌ମେସର୍ ମକେ ପାଟାଇଆଟେ ।”

<sup>୧୮</sup> ଅନନିୟ ଏ କାତା କଇଲା ଦାପ୍‌ରେ ଏଦେ ଦେକା ! ସାଉଲ୍‌ର୍ ଆଁକିଅନି ମାଟ୍ କସ୍‌ଲି ପାରାଟା କୁସ୍‌ଲି ଅଦର୍‌ଲା । ସେ ଆରି ତରେକ୍ ଦେକି ପାରୁଲା । ସେ ଉଟ୍‌ଲା ଆରି ଅନନିୟ ତାକେ ତୁବନ୍ କଲା ।<sup>୧୯</sup> ଆରି କାଆପିଆ ଅଇ ବପୁ ଅଇଲା । ସାଉଲ୍ ଜିସୁକେ ବିସ୍‌ବାସ୍ କର୍‌ବା ଲକ୍‌ମନର୍ ସଙ୍ଗ୍ ଦାମାସ୍କସେ କେତେ ଦିନ୍ ରଇଲା ।

**ଦାମାସ୍କସେ ସାଉଲ୍‌ର୍ ମାପୁରୁର୍ କାତା ଜାନାଇବାଟା**

<sup>୨୦</sup> ସେ ସିଦା ପାର୍ତନା କର୍‌ବା ଗର୍‌ମନ୍‌କେ ଜାଇ ଜିସୁସେ ପର୍‌ମେସର୍‌ର୍ ପଅ ବଲି ଜାନାଇବାର୍ ଦାରୁଲା ।

୨୧ ଜନ୍ ଲକ୍ଷ୍ମୀନ ତାର କାତା ସୁନ୍ଦରୀ, କାବାଅଇଜାଇକରି ପାଟାରୁଲାଇ, “ଜିରୁସାଲମେ ଜିସୁକେ ବିସ୍ବାସ କରି ପାରତନା କରବା ଲକ୍ଷ୍ମୀନକେ ଜନ୍ଲକ୍ଷ୍ମୀ ମରାଇତେ ରଇଲା, ଏ କାଇ ସେ ଲକ୍ଷ୍ମୀ ନର୍ବ କି ? ସେମନକେ ମୁକିଅ ପୁଜାରିମନର ଲଗେ ଦାରିନେବାକେ ସେ କାଇ ଇତି ଆସି ନ ରଇଲା କି ?”

୨୨ ମାତର ସାଉଲ ଦରମ୍ ସାସତରେ ଅନି, ଜିସୁ ଆକା ମସିଅ ବଲି ସତ୍ ଦେକାଇଲା । ଏ ବିସଇଟାନେ ତାର କଇବା କାତା ଏତେ ବପୁ ରଇଲା ଜେ, ଦାମାସକସେ ବାସାଅଇ ରଇବା ଜିଉଦିମନ୍ ତାର କଇବା କାତାର ଗଟେକ୍ ମିସା ଉତର ଦେଇନାପାରୁଲାଇ ।

୨୩ ☆କେତେଦିନ ଗାଲା ପତେ ଜିଉଦିମନ୍ ଗଟେକ୍ ଅଇକରି ସାଉଲକେ ମରାଇବାକେ ପାଟନା କଲା । ୨୪ ମାତର ସାଉଲ ସେମନର କୁଟ୍ କାତା ଜାନୁଲା । ସାଉଲକେ ମରାଇବାକେ ସେମନ୍ ଦିନ ରାତି ନଅର ସବୁ ଦୁଆରମନକେ ଜାଗୁଲା । ୨୫ ମାତର ଦିନେକ୍, ରାତିବେଲେ ସାଉଲର ସିସମନ୍ ତାକେ ଡାଲାଇ ସାଜାତି ନଅର ଚାରିବେଟି ରଇବା ପାଟୁରିର୍ କାଶା ବାଟେ ତଲେ ଉତରାଇଦେଲା ।

**ଜିରୁସାଲମେ ସାଉଲ**

୨୬ ସାଉଲ ଜିରୁସାଲମେ ଜାଇ ସିସମନର ସଙ୍ଗ୍ ମିସ୍ବାକେ ଚେସଟା କଲା । ମାତର ସେମନ୍ ସାଉଲକେ ଗଟେକ୍ ସିସ୍ ବଲି ମୁଲକେ ବିସ୍ବାସ କରତ୍ ନାଇ । ସବୁ ଲକ୍ଷ୍ମୀ ତାକେ ତରତେ ରଇଲା । ୨୭ ମାତର ପତେ, ବରନବା ତାକେ ପେରିଡ଼ ସିସମନର ଲଗେ ନେଲା । ଦାମାସକସର୍ ବାଟେ କେନ୍ଦ୍ରି ସାଉଲ ମାପୁରୁର୍ ଦର୍ସନ୍ ପାଇରଇଲା, ଆରି ମାପୁରୁ ତାକେ କାତା କଇରଇଲା, ଏ ସବୁ ବିସଇ ସେମନକେ ବୁଜାଇକରି କଇଲା । ଦାମାସକସେ ସାଉଲ ନ ତରତେ କେନ୍ଦ୍ରି ଜିସୁର୍ ନାଉ ଦାରି ତାର ବାକିଅ ଜାନାଇରଇଲା, ସେମନକେ ଟିକି ନିକି ବୁଜାଇ କରି କଇଲା । ୨୮ ଆରି ସାଉଲ, ପେରିଡ଼ ସିସମନର ସଙ୍ଗ୍ ରଇଲା ଆରି ଜିରୁସାଲମର୍ ଗୁଲାଇବାଟେ ଜାଇ, ନ ତରତେ ମାପୁରୁର୍ ବାକିଅ ଜାନାଇଲା । ୨୯ ସାଉଲ ଏ ସବୁ ବିସଇ ଗିରିକ୍ ବାସା କଇବା ଜିଉଦିମନର ସଙ୍ଗ୍ ଦଦାପେଲା ଅଇଲା । ମାତର ସେମନ୍ ସାଉଲକେ ମରାଇବାକେ ଚେସଟା କଲା । ୩୦ ବିସ୍ବାସି ବାଇମନ୍ ଏ କାତା ଜାନିକରି ସାଉଲକେ କାଇସରିଆ ନାଉର୍ ଗଟେକ୍ ଜାଗାଇ ଦାରିଗାଲା । ଆରି ତେଇଅନି ତାକେ ତାରସିସ୍ ବଲି ବିନ୍ ଗଟେକ୍ ଜାଗାଇ ପାଟାଇ ଦେଲା ।

୩୧ ଜିଉଦା, ଗାଲିଲି ଆରି ସମିରଣେ ରଇବା ମଣ୍ଡଲିମନର ପାଇ ସେବେଲା ଗଟେକ୍ ସାନ୍ଦ୍ରି ବେଲା ରଇଲା । ସୁକଲ୍ ଆଡ଼ମା ସେମନର ସଙ୍ଗ୍ ରଇଲା ଜେ ଲକ୍ଷ୍ମୀନ ଦିନକେଦିନ ଅଦିକ୍ ଅଦିକ୍ ଅଇ ଡାଟ୍ ଅଇଲା । ଜିସୁକେ ବିସ୍ବାସକରବା ଲକ୍ଷ୍ମୀନ, ମାପୁରୁକେ ଡରିକରି ଆରି ମାନିକରି ଜିଇତେ ରଇଲା ।

**ଲୁଦା ଆରି ଜପପା ଜାଗାଇ ପିତର**

୩୨ ପିତର ବିନ୍ ବିନ୍ ଜାଗାଇ ବୁଲି ବୁଲି ତରେକ୍ ଲୁଦାଇ ବାସାଅଇରଇବା, ମାପୁରୁର୍ ଲକ୍ଷ୍ମୀନର ସଙ୍ଗ୍ ମିସ୍ବାକେ ଗାଲା । ୩୩ ତେଇ ଏନିୟ୍ ନାଉର୍ ଗଟେକ୍ ଲକ୍ଷ୍ମୀକେ ସେ ବେଟ୍ ଅଇଲା, ଏନିୟ୍କେ ତେରେକ୍ ବାଡ଼ ଦାରି ଆଟ୍ ବରସ୍ ଅଇଜାଇରଇଲା । ସଇଲାଟାନେଅନି ଉଟି ନାପାରତେ ରଇଲା । ୩୪ ପିତର ତାକେ କଇଲା, “ଏନିୟ୍ ଜିସୁ ମାପୁରୁ ତକେ ନିକ କରିଆତେ । ଉଟ୍ ଆରି ତର ଅର୍ନା ସାଜାଡ଼ ।” ୩୫ କଇଲା ଦାପରେ ଏନିୟ୍ ଉଟି ଟିଆଅଇଲା । ଏଟା ଦେକି କରି ଲୁଦା ଆରି ସାରନେ ବାସା ଅଇରଇବା ସବୁ ଲକ୍ଷ୍ମୀନ ମାପୁରୁର୍ ବାଟେ ଆଇବାକେ ମନ୍ କଲା ।

୩୬ ଜପାଇ, ଟାବିତା ନାଉର୍ ଗଟେକ୍ ବିସ୍ବାସି ମାଇଜି ବାସା ଅଇରଇଲା । ତାର ଗିରିକ୍ ନାଉର୍, ଦାରକାସ୍ । ତାର ଅରତ୍ କଟ୍ଟରା । ସେ ସବୁବେଲା ସତ୍ କାମ୍ କରି, ରଗି ଦୁକିମନର ସେବା କରତେ ରଇଲା । ସେବେଲେ ସେ ରଗବେମାର୍ ଅଇ ମରିଗାଲା । ୩୭ ତାର ଲକ୍ଷ୍ମୀବାକ୍ଷମନ୍ ଟାବିତାର୍ ମଲାମତ୍ ପାନିଦୁଆଇଲା ଆରି ଲୁଗା ସଙ୍ଗ୍ ଗୁଡ଼ିଆଇ ଉପର୍ ତାଲାର୍ ବାକ୍ରାଇ ସୁଆଇଦେଲା । ୩୮ ଜପା ଜାଗା ଲୁଦାଇଅନି ଦୁରିକେ ନ ରଇଲା । ପିତର ଲୁଦାଇ ଆତେ ବଲି ସୁନିକରି ଜପାଇ ରଇବା ବିସ୍ବାସିମନ୍ ଦୁଇ ଲକ୍ଷ୍ମୀକେ ପିତରର ଲଗେ କଇ ପାଟାଇଲା । “ଅଲସମ୍ ନ କରି, ଦାପେ ଆମର୍ ଲଗେ ଚନେକ୍ ଆସା ।” ୩୯ ପିତର ଡିଆର୍ ଅଇକରି ସେମନର ସଙ୍ଗ୍ ଗାଲା । ତେଇ ସେ କେଟ୍ଲା ଦାପରେ ଲକ୍ଷ୍ମୀନ ତାକେ ଉପର୍ ତାଲାର୍ ବାକ୍ରାଇ ଡାକି ନେଲା । ରାଣ୍ଡି ମାଇଜିମନ୍ ଚାରିବେଡ଼ି ଅଇକରି କାନ୍ଦି କାନ୍ଦି ଦାରକାସ୍ ଜିବନ୍ ରଇଲାବେଲେ ସିଲାଇ ରଇବା ବସତର୍ ଆରି ଲୁଗାମନ୍ ସବୁ ପିତରକେ ଦେକାଇଲା । ୪୦ ପିତର ବାକ୍ରାଇଅନି ସବୁକେ ବାକ୍ରାଇ ଦେଲା ଆରି ମାଣ୍ଡିକୁଟା ଦେଇ ପାରତନା କଲା । ତାରପତେ ଦରକାସ୍ ମଲା ଗାଗଡ଼ରବାଟେ ଦେକିକରି କଇଲା, “ଟାବିତା ଉଟ୍ !” ଏଦେ ଦେକା ! ଦରକାସ୍ ଆଁକି ଦେକ୍ଲା ଆରି ପିତରକେ ଦେକି ଉଟିକରି ବସ୍ଲା । ୪୧ ପିତର ଆଡ଼ ଲାମାଇ ତାକେ ଉଟାଇଲା । ତାର ପତେ ତେଇ ରୁଣ୍ଡି ରଇଲା ସବୁ ବିସ୍ବାସି ଆରି ରାଣ୍ଡି ମାଇଜିମନକେ ଡାକି ଦରକାସ୍କେ ସର୍ପିଦେଲା । ୪୨ ଏ କବର୍ ଜପାର୍ ଗୁଲାଇ ବାଟର୍ ଲକ୍ଷ୍ମୀ ସୁନ୍ଲାଇ ଆରି କେତେ କେତେ ଲକ୍ଷ୍ମୀନ ମାପୁରୁକେ ବିସ୍ବାସ

☆ ୯:୨୩ ୯:୨୩ ୨ୟ କରକ୍ରିୟ ୧୧:୩୨,୩୩

କଲାଇ । ୪୩ ପିତର ବେସି ଦିନ୍ ଜପାଇ ସିମନ୍ ନାଉଁର ଗଟେକ୍ ଲକ୍, ଜେକି ପସୁମନ୍ ଚାମ୍ ସଙ୍ଗ୍ କାଇକାଇ ଜିନିସିମନ୍ ତିଆର୍ କରି ବଢ଼ତେ ରଇଲା, ତାର୍ ଗରେ ରଇଲା ।

୧୦

ପିତର ଆରି କର୍ନିଲିଅ

୧ କାଇସରିଆ ଅନି କର୍ନିଲିଅ ନାଉଁର ଗଟେକ୍ ଲକ୍ ରଇଲା । ସେ, ଇଟାଲି ଅନି ଆଇବା ଗଟେକ୍ ବଡ଼ ଦଲର ରମିୟ ସନିଅମନ୍, ନେତା ରଇଲା । ୨ ସେ ଗଟେକ୍ ଦରମ୍ ଲକ୍ ରଇଲା । ସେ ଆରି ତାକର୍ ଗରର ଲକ୍ମନ୍ ସବୁ ପର୍ମେସର୍କେ ଉପାସନା କର୍ତେ ରଇଲା । ସେ ରକିଦୁକି ଜିଉଦିମନ୍କେ ବେସି ଉପକାର କର୍ତେ ରଇଲା । ଆରି ଜେତେବେଲ୍ ମିସା ପର୍ମେସର୍କେ ପାର୍ତନା କର୍ତେ ରଇଲା । ୩ ଦିନେକ୍ ଆଡ଼ବେଲାର୍ ତିନ୍ଟା ବେଲେ କର୍ନିଲିଅ ପାର୍ତନା କଲାବେଲେ, ଗଟେକ୍ ଦର୍ସନ୍ ପାଇଲା । ତେଇ ପର୍ମେସର୍କେ ଦୁଡ଼ ଆସି ତାକେ “କର୍ନିଲିଅ !” ବଲି ଡାକ୍ବାଟା ନିକ ସଙ୍ଗ୍ ଦେକ୍ଲା ।

୪ ସେ ଡରିକରି ସରଗର୍ ଦୁଡ଼ବାଟେ ଦେକିକରି କଇଲା, “କାଇଟା ବଲି କଇଲୁସି ମାପୁରୁ ?”

ସରଗର୍ ଦୁଡ଼ କଇଲା, “ପର୍ମେସର୍ ତର ପାର୍ତନା ଆରି ଦୁକିରକିମନ୍କେ ଦାନ୍ କର୍ବାଟା ଦେକି ସାର୍ଦା ଅଇଲା । ଆର୍ ବାଦୁଲେ କାଇଟାଆଲେ ଦେବାକେ ସେ ମନ୍ କଲାନି । ୫ ଏବେ ସିମନ୍ ପିତର ନାଉଁର ଗଟେକ୍ ଲକ୍କେ ଇତି ତାକି ଆନ୍ବାକେ, ଜପାଇ ଲକ୍ ପାଟାଆ । ୬ ସେ ସମ୍ପୁରୁ କଣ୍ଟି ବାସାଅଇରଇବା ସିମନ୍ ନାଉଁର ଗଟେକ୍, ପସୁମନ୍ ଚାମ୍ ସଙ୍ଗ୍ କାଇକାଇଟା ତିଆର୍ କର୍ବା ଲକ୍ ଗରେ ରଇଲାନି ।” ୭ ଏଡ଼କି କାତା କଇ ସରଗର୍ ଦୁଡ଼ ଉଟିଗାଲା । କର୍ନିଲିଅ ତାକର୍ ଗରର ଦୁଇଟା ଗତିଦାଙ୍ଗ୍ତାକେ ଆରି ତାକେ ସେବା କର୍ତେରଇବା ଆରି ପର୍ମେସର୍କେ ଉପାସନା କର୍ତେରଇବା ଗଟେକ୍ ସଇନକେ ଡାକାଇଲା । ୮ ସେ ସେମନ୍କେ ଦୁଡ଼ କଇରଇବା ସବୁ କାତା ଜାନାଇ କରି ଜପାଇ ପାଟାଇଲା ।

୯ ତାର୍ ଆରକର୍ ଦିନେ ଆଡ଼ବେଲାଇ ସେମନ୍ ଜପାର୍ ଲଗାଲଗି ଅଇଲାବେଲେ, ପିତର ପାର୍ତନା କର୍ବାକେ ମେଡ଼ଗରର ଚାଉନି ଉପରେ ଜାଇ ରଇଲା । ୧୦ ସେ ଉପାସ୍ ସାରାଇକରି, କାଇଟାଆଲେ କାଇବାକେ ମନ୍ କଲା ଆରି କାଦି ତିଆର୍ ଅଇବା ବେଲାଇ ସେ ଗଟେକ୍ ଦର୍ସନ୍ ଦେକ୍ଲା । ୧୧ ଏଦେ ଦେକା ! ଆକାସ୍ ଉଗାଡ଼ିଅଇଲାଟା ଆରି ଗଟେକ୍ ବଡ଼ ଚାଦର୍ ଚାରିକନେ ବାନ୍ଧିଅଇକରି ଦର୍ତନି ଉପରେ ଉଡ଼ିଆଇବାଟା ଦେକ୍ଲା । ୧୨ ତେଇ ଜଗତେ ରଇବା ରକାମ୍ ରକାମର୍ ଗଡ଼ ସଙ୍ଗ୍ ଇଣ୍ଟୁବା ପସୁ, ରାଙ୍ଗ୍ବା ଜନ୍ତୁ ଆରି ଉଡ଼ବା ଚଡ଼ଇମନ୍ ! ୧୩ ଆରି ସେ ଗଟେକ୍ କାତା ଅଇବା ସବଦ୍ ସୁନ୍ଲା, “ପିତର ! ଉଡ଼ ସେମନ୍କେ ମାରିକରି କାଆ !”

୧୪ ମାତର ପିତର କଇଲା, “ନାଇ ମାପୁରୁ, ଆମର୍ ଜିଉଦି ନିୟମ୍ ଇସାବେ ଅସୁକଲ୍ ବଲି କଇବା କାଇ ମାଉଁସ୍ ମିସା କାଇନାଇ ।”

୧୫ ସେ ସବଦ୍ ଆରି କଇଲା “ପର୍ମେସର୍ ଜନ୍ଟା ସୁକଲ୍ କଲାଆଚେ ସେଟା ନିର୍ବାର୍ ନାଇ ।” ୧୬ ଏନ୍ତାରି ତିନ୍ତର ଅଇଲା ପଚେ ଚାଦର୍ ସରଗ୍ ବାଟେ ଚଗାଇ ଦାରି ଗାଲାଇ ।

୧୭ ପିତର ଜନ୍ ଦର୍ସନ୍ ପାଇରଇଲା, ତାର୍ ଅରଡ଼ କାଇଟା, ସେଟା ବାବି କାନାବାନା ଅଇଗାଲା । ଚିକ୍ ସେକ୍ତି ଅଇଲାବେଲେ, ଏଦେ ଦେକା ! କର୍ନିଲିଅ ପାଟାଇଲା ଲକ୍ମନ୍ ସିମନ୍କେ କଜି କଜି ଆସି, ତାର୍ ଗରର ବାଡ଼ିଆଗତି ଲଗେ ଟିଆଅଇଲା । ୧୮ ସେମନ୍ ତାକିକରି ପାଟାରଲାଇ, “ସିମନ୍ ପିତର, ନାଉଁର ଗତିଆ ଲକ୍ ଇତି ଆଚେ କି ?” ୧୯ ପିତର ସେ ଦର୍ସନ୍ ବିସଇ ଚିନ୍ତା କର୍ତେ ରଇଲାବେଲେ ଆଡ଼ମା ତାକେ କଇଲା, “ସୁନ୍ ! ତକେ ତିନ୍ ଲକ୍ କଇଲାଇନି ।”

୨୦ “ଉଡ଼, ତଲେ ଜାଆ । ଏ ଲକ୍ମନ୍ ସଙ୍ଗ୍ ଜିବାକେ ନିର୍ନାଇ, କାଇକେବଇଲେ ମୁଇ ସେମନ୍କେ ପାଟାଇଆଟି ।”

୨୧ ତେଇଅନି ପିତର ସେ ଲକ୍ମନ୍ ଲଗେଜାଇ କଇଲା, “ତମେ ଜାକେ କଇଲାସିନି, ସେ ଲକ୍ ମୁଇ, ତମେ କାଇକେ ଆସି ଆଚାସ୍ ?”

୨୨ ସେମନ୍ କଇଲା, “କର୍ନିଲିଅ ନାଉଁର ରମିୟ ସଇନମନ୍ ନେତା ଆମ୍କେ ପାଟାଇଆଚେ । ଜେ କି ଗଟେକ୍ ଦରମ୍ ଲକ୍ ଆରି ପର୍ମେସର୍କେ ନାମ୍ସି । ଗୁଲାଇ ଜିଉଦି ଲକ୍ମନ୍ ତାକେ ନାମ୍ବାଇ । ତୁଇ କଇବାଟା ସୁନ୍ବାକେ, ସେ ତକେ ତାର୍ ଗରେ ଡାକାଇଆଚେ । ଏନ୍ତାରି କର୍ବାକେ ପର୍ମେସର୍ ପାଟାଇଲା ଦୁଡ଼ ତାକେ ତିଆର୍ଲା ଆଚେ ।” ୨୩ ପିତର ସେମନ୍କେ ବିଡ଼ରେ ତାକିନେଇକରି ସେ ରାଡ଼ି ତେଇ ରଇବାକେ ଗୁଆରି କଲା ।

ତାର୍ ଆରକର୍ ଦିନେ ସେ ଉଟି ସେମନ୍ ସଙ୍ଗ୍ ଗାଲା । ଆରି ଜପା ନାଉଁର ଜାଗାର୍ କେତେଟା ବିସବାସି ବାଇମନ୍ ମିସା ସେମନ୍ ସଙ୍ଗ୍ ଗାଲା । ୨୪ ଆରି ଗଟେକ୍ ଦିନେ ସେମନ୍ ସିସେରିଆଇ କେଟ୍ଲାଇ । ତେଇ କର୍ନିଲିଅ ତାର୍ ମଇତର୍ମନ୍କେ ଆରି କୁଟୁମର୍ ଲକ୍ମନ୍କେ ରୁଣ୍ଡାଇକରି

ପିତରୁକେ ଜାଗିରଇଲା । ୨୫ ପିତରୁ ଗରୁ ବିତରେ ଜିବାବେଲେ କରନିଲିଅ ତାକେ ବେଟ୍‌ଅଇ, ତାରୁ ପାଦେ ଡାଣ୍ଡାସନ୍ ପଡ଼ି ଜୁଆରୁ କଲା । ୨୬ ପିତରୁ ତାକେ ଉଟାଇକରି କଇଲା, “ଟିଆ ଅ, ମୁଇ ମିସା ତରପାରା ଗଟେକ୍ ମୁନୁସ୍‌ସେ ।” ୨୭ ପିତରୁ କରନିଲିଅରୁ ସଙ୍ଗ୍ କାତା ଅଇ ଅଇ ଗରୁ ବିତରେ କେଟ୍‌ଲା ଆରି ତେଇ ବେସିଲକ୍ ରୁଣ୍ଡିରଇବାଟା ଦେକ୍‌ଲା । ୨୮ ସେ ସେମନ୍‌କେ କଇଲା, “ଜିଉଦି ନ ଅଇଲା ଲକ୍‌ମନରୁ ସଙ୍ଗ୍ ମିସ୍‌ବାଟା କି ତାକର ଗରେ ଜିବାଟା ଆମରୁ ଜିଉଦି ଲକ୍‌ମନରୁ ବିଦି ନାଇ । ସେଟା ତମେ ନିକକରି ଜାନାସ୍ । ଏଲେମିସା କନ୍‌ଆଲେ ଗଟେକ୍ ଲକ୍‌କେ ଅସୁକଲ୍ ଇସାବେ ଦେକ୍‌ବାରୁ ନାଇ ବଲି ପରମେସରୁ ମକେ କଇଲାଆଟେ । ୨୯ ତେବେ ମକେ ଡାକାଇଲା ଦାପ୍‌ରେ କାଇଟା ନ ବାବିକରି ଆଇଲି । ମକେ କାଇକେ ଡାକାଇଲୁସ୍ ତେବେ ? ସେଟା ମୁଇ ଜାନ୍‌ବାକେ ମନ୍ କଲିନି ।”

୩୦ କରନିଲିଅ କଇଲା, ତିନ୍‌ଦିନ୍ ଆଗତୁ ଆଡ଼ବେଲାରୁ ତିନ୍‌ଟା ସମାନ୍ ଏଡ଼କି ବେଲାଇ, ମୁଇ ଗରେ ପାରୁତନା କରୁତେ ରଇଲି । ସେଡ଼କି ବେଲେ, ଏଦେ ଦେକା ! ଦବ୍ ପଟିଆ ପିନ୍ ରଇବା ଗଟେକ୍ ଲକ୍ ମରୁ ମୁଆଟେ ଟିଆଅଇଲା, ଆରି କଇଲା, ୩୧ “କରନିଲିଅ ! ପରମେସରୁ ତରୁ ପାରୁତନା ସୁନ୍‌ଲା ଆରି ତମେ ଦୁକିରକିକେ ସାଇଜ କରୁବାଟା ଦେକି ସାର୍‌ଦା ଅଇଆଟେ । ୩୨ ସିମନ୍ ପିତରୁ ନାଉଁରୁ ଗଟେକ୍ ଲକ୍‌କେ ଆନ୍‌ବାକେ ଜପା ନାଉଁରୁ ଜାଗାଇ, ଲକ୍‌ମନକେ ପାଟାଆ । ସେ ସମ୍‌ଦୁରୁ କଣ୍ଡି ବାସାଅଇରଇବା ପସୁମନରୁ ଚାମ୍ ସଙ୍ଗ୍ କାଇକାଇଟା ତିଆରୁକରୁ ସିମନରୁ ଗରେ ଗତିଆ ଅଇଆଟେ । ୩୩ ତେବରୁ ପାଇ, ମୁଇ ତକେ ଦାପ୍‌ରେ ଡାକାଇଲି, ଆରି ତମେ ମରୁ କାତା ମାନିକରି ଆସି ଆଟାସ୍ । ଏବେ ଆମେ ସବୁ ଲକ୍ ପରମେସରୁ ରଇବା ଏ ଜାଗାଇ ରୁଣ୍ଡିଆରୁ । ମାପରୁ ତକେ ଜନ୍‌ଟା କଇବାକେ ଆଦେସ୍ ଦେଲା ଆଟେ, ସେଟା ସୁନ୍‌ବାକେ ଜାଗିଆରୁ ।”

**ପିତରୁର ଉପଦେସ୍**

୩୪ ସିତିଅନି ପିତରୁ କଇଲା, “ଏବେ ମୁଇ ବୁଜିପାରୁଲିନି ଜେ ପରମେସରୁ କେତେଟା ଦଲ୍‌ମନକେସେ ଡାକ୍‌ସି, ସେନ୍ତାରି ନର୍‌ସି, ମାତରୁ ସବୁକେ ସମାନ୍ ଇସାବେ ଡାକ୍‌ସି । ୩୫ ଜନ୍ ଜାତିରୁ ଲକ୍ ମିସା ତାକେ ତରିକରି, ତାରୁ ମୁଆଟେ ସଡ଼କାମ୍ କଲେ, ମାପରୁ ତାକେ ଡାକ୍‌ସି । ୩୬ ଇସ୍ରାଏଲିଅ ମନରୁ ଲଗେ ପରମେସରୁ ଜନ୍ କବରୁ ପାଟାଇରଇଲା, ସେଟା ତୁଇ ଜାନିଆରୁସ୍ । ଜିସୁ କିରିସଟ ଜେ କି ସବୁରୁ ମାପରୁ, ସେ କିରିରଇବା କାମେଅନି ସବୁଲକ୍‌ମନ୍ ସାନ୍ତିସଙ୍ଗ୍ ମିସ୍‌ବାଇ, ବଲି ପରମେସରୁ ଆମ୍‌କେ ଜାନାଇଲାଆଟେ । ୩୭ ତୁବନ୍ ଦେଉ ଜଅନ୍ ପାପ୍ କାମ୍ କରୁବାଟାମେଅନି ବାଉଡ଼ବା ବିସଇ ଆରି ତୁବନ୍ ନେବା ବିସଇ କଇଲାପଟେ, ଗାଲିଲିଅନି ଆରାମ୍ କରି ଗୁଲାଇ ଜିଉଦାରୁ ସବୁବାଟେ ଜନ୍ ଗଟ୍‌ନାସବୁ ଗଟ୍‌ଲା ଆଟେ, ସେଟା ତୁଇ ଜାନୁସ୍ । ୩୮ ନାଜରିତରୁ ଜିସୁରୁ ବିସଇ ଆରି ପରମେସରୁ ତାକେ କେନ୍ତ୍ର ସୁକଲ୍ ଆଡ଼ମା ଆରି ବପୁ ପୁରାପୁରୁନ୍ ଦେଇରଇଲା, ସେଟା ଜାନୁସ୍ । ଆରି ଜାନିଆରୁସ୍, ସେ ସବୁ ବାଟେ ଜାଇ ନିକନିକ କାମ୍‌ମନ୍ କିରିରଇଲା । ସଇତାନରୁ ବାନ୍‌ନେ ରଇଲା ଲକ୍‌ମନକେ ମୁକ୍‌ଲାଇଲା । କାଇକେବଇଲେ ପରମେସରୁ ତାରୁ ସଙ୍ଗ୍ ରଇଲା । ୩୯ ଜିସୁ ଇସ୍ରାଏଲ ଦେସେ ଆରି ଜିରୁସାଲାମେ ଜେଡ଼କି ସବୁ କାମ୍‌ମନ୍ କଲା, ଆମେ ସବୁ ଲକ୍ ତାରୁ ସାକି ଆରୁ । ତାରୁପଟେ ତାକେ କୁରୁସେ କୁଟି ମାରି, ମରାଇଲା । ୪୦ ମାତରୁ ପରମେସରୁ ତାକେ ତିନ୍‌ଦିନ୍ ଅଇଲାକେ ମଲାତେଇଅନି ଉଟାଇ ଜିବନ୍ କରାଇ, କେତେଲକ୍‌କେ ଦେକାଇଦେଲା । ୪୧ ସବୁଲକ୍ ତାକେ ଦେକ୍‌ବାକେ ପରମେସରୁ ଦେଏନାଇ, ଅବ୍‌କା ସେ ବାଟୁଲା ସାକିମନକେସେ । ତାକେ ଆରିତରେକ୍ ଜିବନ୍ କରାଇଲାପଟେ, ତାରୁ ସଙ୍ଗ୍ କାଆ ପିଇ ଅଇରଇଲା ଲକ୍‌ମନ୍ ଆମେସେ । ୪୨ ଲକ୍‌ମନରୁ ଲଗେ ସୁବ୍‌କବରୁ ଜାନାଇବାକେ ସେ ଆମ୍‌କେ ଆଦେସ୍ ଦେଲା । ବୁଟିରଇବା ଲକ୍‌ରୁ ଆରି ମଲା ଲକ୍‌ରୁ ବିଚାରୁକାରିଆ ଇସାବେ ତାକେସେ ବାଟୁଲା ଆଟେ, ଏ କାତାରୁ ସାକିଦେବାକେ ମିସା ସେ ଆମ୍‌କେ ଆଦେସ୍ ଦେଲାଆଟେ । ୪୩ ସବୁ ବବିସଡ଼ବକ୍‌ତାମନ୍ ତାରୁ ବିସଇନେଇ, ଏ କବରୁ କଇରଇଲା । ଜେ ମସିଅକେ ବିସ୍‌ବାସ୍ କରୁସି, ମସିଅ କିରିରଇବା କାମରୁ ଲାଗି, ପରମେସରୁ ତାରୁ ପାପ୍‌କେମା କରୁସି ।”

**ବିସ୍‌ବାସ୍ ନ କିରିରଇବା ଲକ୍ ସୁକଲ୍ ଆଡ଼ମା ପାଇଲାଇ**

୪୪ ପିତରୁ ସିକିଆ ଦେବା ବେଲେ ଜେତେ ଲକ୍ ସୁନ୍‌ତେ ରଇଲାଇ, ସେ ସବୁ ଲକ୍‌ରୁ ଉପରେ ସୁକଲ୍ ଆଡ଼ମା ଉଡ଼ି ଡାବିଅଇଲା । ୪୫ ଜିଉଦିନଇଲା ଲକ୍‌ମନରୁ ଉପରେ ମିସା ପରମେସରୁ ସୁକଲ୍ ଆଡ଼ମା ଡାବିଅଇବାଟା ଦେକି ଜପାଇଅନି ପିତରୁ ସଙ୍ଗ୍ ଆସିରଇବା ଜିଉଦି ବିସ୍‌ବାସିମନ୍ କାବାଅଇଗାଲାଇ । ୪୬ କାଇକେବଇଲେ ସେମନ୍ ପରମେସରୁକେ ଡାକ୍‌ପୁଟା କରୁବାଟା, ଆରି ବିନ୍‌ବିନ୍ ବାସାଇ କାତାଅଇବାଟା, ଜିଉଦି ବିସ୍‌ବାସିମନ୍ ସୁନ୍‌ଲାଇ । ଜପାଇଅନି ଆସିରଇବା ଜିଉଦି ବିସ୍‌ବାସିମନ୍‌କେ ପିତରୁ କଇଲା, ୪୭ “ପରମେସରୁ ଆମ୍‌କେ ଜେନ୍ତ୍ର ସୁକଲ୍‌ଆଡ଼ମା ଦେଲାଆଟେ, ସେନ୍ତାରିସେ ଏ ଲକ୍‌ମନକେ ମିସା ଦେଲାଆଟେ । ସେମନ୍‌କେ ତୁବନ୍ ନ ନିଆ ବଲି କେ ମିସା ଅଟ୍‌କାଇପାରୁସି କି ?”

୪୮ ସେଗାର ପାଇ ପିତର ସେମାନଙ୍କେ ଜିସୁକିରିସଟର ନାଉଁ ଦାରି ତୁବନ୍ ଦେଲାପତେ କରୁନିଲିଅ ଆରି ତାର ସଙ୍ଗ ରଇବାଲକ୍ମନ୍ ତାକେ ଆରି କେତେ ଦିନ୍ ସେମାନର୍ ସଙ୍ଗ ରଇବାକେ ବାବୁଜିଆ କଲାଇ ।

## ୧୧

### ଜିରୁସାଲମ୍ ମଣ୍ଡଳିକେ ପିତର ଜାନାଇବାଟା

୧ ଜିଉଦି ନଇଲା ଲକ୍ମନ୍ ମିସା ପରମେସରର୍ ବାକିଅ ନାମି ଆଚଡ଼ ବଲି ପେରିଡ଼ ସିସ୍ମନ୍ ଆରି ଜିଉଦା ରାଇଜର୍ ବିନ୍ ବିସ୍ବାସି ବାଇମନ୍ ସୁନ୍ଲାଇ । ୨ ପିତର କାଇସେରିଆ ଅନି ଜିରୁସାଲମ୍ ଗାଲା । ଜିଉଦି ନଇଲା ଲକ୍ମନ୍‌କେ ସୁନ୍‌ଡ଼ କରୁ ବଲି କଇବା ଲକ୍ମନ୍ ତାକେ ବାକାନିକରି କଇଲାଇ, ୩ “ତୁଇ ଜିଉଦି ନଇଲା ଗରେ, ଅବ୍‌କା ଗତିଆଅଇ ଜାଉସ୍ ନାଇ, ତେଇ କାଇଲୁସ୍ ମିସା ।” ୪ ମାତର ମୁଲେଅନି କରୁନିଲିଅକେ କାଇକାଇଟା ଗଟିରଇଲା, ସେଟା ବୁଜାଇବାକେ ପିତର କଇଲା । ୫ “ମୁଇ ଜପା ନାଉଁର୍ ନଅରେ ପାରତନା କରବା ବେଲେ ଗଟେକ୍ ଦରସନ୍ ଦେକଲି । ଗଟେକ୍ ବଡେଟା ଚାଦର୍ ଚାରିକନେ ତରସଙ୍ଗ ବାନ୍ଦି ଜୁଲାଇଅଇ ଆକାସେଅନି ଉତରଲା ଆରି ସେଟା ମରଲଗେ ଅଟକଲା ।” ୬ ସେ ବିଡ଼ରେ, ଗରେପସବା ପସୁ, ତଙ୍ଗରେ ରଇବା ପସୁ, ରାଜି ବୁଲୁବାଟାମନ୍ ଆରି ବିନ୍ ବିନ୍ ରକାମର୍ ଚତଇମନ୍ ରଇଲାଟା ନିକକରି ଦେକଲି । ୭ ତାରପତେ ଗଟେକ୍ କାଟ୍ ସୁନ୍ଲି, “ପିତର ! ଉଟ, ମାରିକରି କାଆ ।” ୮ ମାତର ମୁଇ କଇଲି, “ନାଇ ମାପରୁ ! ମୁଲକେ ନିଟି ! ଆମର୍ ଜିଉଦିମନର୍ ନିୟମ୍ ମନାକରିରଇବା ଇସାବେ, ଏବେ ଜାକ କାଇମିସା ମାଉସ୍ ଟଣ୍ଡେ ଚିଆଇ ନାଇତା ।” ୯ ସରଗେଅନି ଆରିତରେକ୍ ଏ କାଟ୍ ଆଇଲା, “ପରମେସର୍ କାଇଟା ଆଲେ କାଇ ଅଇସି ବଲି କଇଲେ ସେଟା ନିର୍ବାର ନାଇ ।” ୧୦ ଏନ୍ତାରି ତିନ୍‌ତର ଅଇଲା ପତେ, ସେ ଜିଉଦିମନ୍ ରଇଲାଟା ସଙ୍ଗ ସେ ଚାଦର୍ ସରଗ୍ ଉପରେ ଜିକିନେଲାଇ । ୧୧ ସମାନ୍ ବେଲାଇସେ, କରୁନିଲିଅ ପାଟାଇଲା ତିନ୍ ଲକ୍ ସିସେରିଆଇ ଅନି ମୁଇ ରଇବା ଗରେ ଆସି କେଟ୍‌ଲାଇ । ୧୨ ଦୁଇମନିଆ ନ ଅଇ ସେମାନର୍ ସଙ୍ଗ ଜିବାକେ ମକେ ସୁକଲ୍‌ଆଡ଼ମା ଚାଲ୍‌ନା ଦେଲା । ଜପାରର୍ ଏ ଚଅଟା ବିସ୍ବାସି ବାଇମନ୍ ମିସା ମର୍ ସଙ୍ଗ ସିସେରିଆଇ ଗାଲାଇ ଆରି ଆମେ ସବୁ ଲକ୍ କରୁନେଲିଅର୍ ଗରେ କେଟ୍‌ଲୁ । ୧୩ ତାର ଗରେ ସେ କେନ୍ଦ୍ରି ସରଗ୍ ଦୁତର୍ ଦରସନ୍ ପାଇରଇଲା, ସେ ବିସଇ ଆମ୍‌କେ ଜାନାଇଲା । ସରଗ୍ ଦୁତ୍ ତାକେ ଏନ୍ଦ୍ରି କଇରଇଲା, ଜପାତେଇ ରଇବା ପିତରକେ, ତାର ଆରି ଗଟେକ୍ ନାଉଁ ଅଇଲାନି ସିମନ୍, ତାକେ ଇତି ଡାକି ଆନ୍‌ବାକେ ଲକ୍ ପାଟା । ୧୪ ସେ ଆସି ତମକେ ସିକିଆ ଦେଇସି ଆରି ସିତିଅନି ତମକେ ଆରି ତମର୍ ଗରର୍ ଲକ୍‌କେ ପରମେସର୍ ରକିଆ କରସି । ୧୫ ଆରି ମୁଇ ଜେଡେବଲ୍ ସିକିଆଦେବାର୍ ଆରାମ୍ କଲି, ଆଗେ ସୁକଲ୍‌ ଆଡ଼ମା ଜେନ୍ତାରି ଆମର୍ ଉପରେ ଡାବିଅଇରଇଲା, ସେନ୍ତାରି ସେମାନର୍ ଉପରେ ଡାବିଅଇଲା । ୧୬ ତାରପତେ ମୁଇ ମାପରୁର୍ ଏ ବାକିଅ ଏତାଇଲି, ଜଅନ୍ ତମକେ ପାନି ସଙ୍ଗ ତୁବନ୍ ଦେଲା, ମାତର ପରମେସର୍ ତମକେ ସୁକଲ୍‌ଆଡ଼ମାଇ ତୁବନ୍ ଦେଇସି । ୧୭ “ଏଟା ପୁରାପୁରନ୍ ସଡ଼ ଜେ, ଆମେ ମାପରୁ ଜିସୁକିରିସଟକେ ବିସ୍ବାସ୍ କଲାକେ ପରମେସର୍ ଆମ୍‌କେ ଜନ୍ ଦାନ୍ ଦେଲାଆଟେ, ଜିଉଦିନଇଲା ଲକ୍‌ମନ୍‌କେ ମିସା ସେ ଦାନ୍ ଦେଲା ଆଟେ । ଜଦି ପରମେସର୍ ମନ୍ କରସି ବଇଲେ, ମୁଇ କେ ଜେ ପରମେସରର୍ ଏ କାମ୍ ଅଟକାଇବି !”

୧୮ ଜିଉଦି ବିସ୍ବାସିମନ୍ ଏଟା ସୁନ୍ଲା ପତେ ଆରି ନ ବାକାନିକରି ପରମେସରକେ ଡାକ୍‌ପୁଟା କଲାଇ, “ସେନ୍ତାର ଆଲେ ଜିଉଦିନଇଲା ଲକ୍‌ମନ୍‌କେ ମିସା ପାପ୍ କଲାଟା ମାନିଅଇକରି ନ ସାରବା ଜିବନ୍ ପାଇବାକେ ସେ ସୁଜଗ୍ ଦେଲାଆଟେ ।”

### ଆନ୍‌ଟିୟକର୍ ମଣ୍ଡଳି

୧୯ \*ଜିରୁସାଲେମର୍ ଲକ୍‌ମନ୍ ତିପାନ୍‌କେ ମରାଇଲାପତେ ବିସ୍ବାସିମନ୍‌କେ ଡାଡ଼ନା ଦେଲାଇ । ତେଇଅନି କେତେଲକ୍ ତିନ୍‌ବିନ୍ ଅଇଗାଲାଇ । ସେମନ୍, ପିନିସିଆ, ସାଇପରସ୍ ଆରି ଆନ୍‌ଟିଅକ୍ ଟାନେ ଜାଇ ଅବ୍‌କା ଜିଉଦିମନ୍‌କେସେ ସୁବ୍ କବର୍ ଜାନାଇଲାଇ । ୨୦ ମାତର କେତେଟା ସାଇପରସ୍ ଆରି କୁରିନିୟର୍ ବିନ୍ ବିସ୍ବାସିମନ୍, ଆନ୍‌ଟିଅକେ ଜାଇ ଜିଉଦି ନଇଲା ଲକ୍‌ମନ୍‌ତେଇ ଜିସୁ ମାପରୁର୍ ସୁବ୍ କବର୍ ଜାନାଇଲାଇ । ୨୧ ପରମେସରର୍ ବପୁ ସେମାନର୍ ସଙ୍ଗ ରଇଲା ଆରି ବେସି ଲକ୍ ବିସ୍ବାସ୍ କରି ମାପରୁର୍ ବାଟେ ମନ୍ ବାଉଡାଇଲାଇ ।

୨୨ ଆନ୍‌ଟିୟକିଆଇ ବେସି ଲକ୍ ଜିସୁର୍‌ଟାନେ ବିସ୍ବାସ୍ କଲାଇନି ବଲି ଜିରୁସାଲେମର୍ ମଣ୍ଡଳିମନ୍ ସୁନ୍ଲାଇ । ଆରି ସେମନ୍ ବରୁନବାକେ ଆନ୍‌ଟିୟକିଆଇ ପାଟାଇଲାଇ । ୨୩ ବରୁନବା ତେଇ କେଟିକରି ପରମେସର୍ ସେ ଲକ୍‌ମନ୍‌କେ କେନ୍ଦ୍ରି ଆସିର୍‌ବାଦ୍ କଲାଆଟେ, ସେଟା ଦେକି ସାରଦା ଅଇଲା । ଆରି ମନ୍‌ପରାନ୍ ଦେଇକରି ମାପରୁକେ ବିସ୍ବାସ୍ କରି ଚଲାଟଲ୍‌ତି କରବାକେ ସେମନ୍‌କେ ସିକିଆ ଦେଇ

\* ୧୧:୧୭ ୧୧:୧୭ ପେରିଡ଼ ୧:୫ ☆ ୧୧:୧୯ ୧୧:୧୯ ପେରିଡ଼ ୮:୧-୪



ସାର୍ଦ୍ଦା କଲା । ୨୪ ବରନବା ସୁକଲ୍‌ଆଡ଼ମାଲ ଆରି ବିସ୍‌ବାସେ ପୁରୁନ୍ ଅଇ ରଇବା ଗଟେକ୍ ଦରମ୍ ଲକ୍ ରଇଲା । ସେ କବର୍ ଜାନାଇଲାକେ ବେସି ଲକ୍ ମାପରୁର୍ ଲଗେ ଆଇଲା ।

୨୫ ତାର୍ ପଟେ ବରନବା ସାଉଲ୍‌କେ କଜ୍‌ବାକେ ତାର୍‌ସସ୍ ଜାଗାଇ ଗାଲା । ୨୬ ତେଇ ତାକେ ବେଟ୍‌ପାଇ ବରନବା ଆନ୍‌ଟିଅକେ ଡାକି ଦାରିଆଇଲା । ପୁରା ଗଟେକ୍ ବରସ୍ ଜାକ ବରନବା ଆରି ସାଉଲ୍ ତେଇ ମଣ୍ଡଲିର୍ ବିସ୍‌ବାସିମନ୍‌ର୍ ସଙ୍ଗ୍ ମିସି, ଲକ୍‌ମନ୍‌କେ ସିକିଆ ଦେଲା । ଏ ଆନ୍‌ଟିଅକର୍ ବିସ୍‌ବାସିମନ୍‌କେସେ ଲକ୍‌ମନ୍ ସିଗ୍ ପର୍‌ଡୁମ୍ କିରିସ୍‌ଟାନ୍ ବଲି କଇରଇଲା ।

୨୭ ସେବେଲାଇ କେତେଟା ବବିସ୍‌ଡ଼ବକ୍‌ତାମନ୍ ଜିରୁସାଲମେଅନି ଆନ୍‌ଟିଅକେ ଆଇଲା । ୨୮ ✨ସେମନ୍‌ର୍ ବିଡ଼ରେଅନି ଆଗାବ୍ ନାଉର୍ ଗଟେକ୍ ଲକ୍ ଆଡ଼ମାର୍ ବପୁ ସଙ୍ଗ୍ ପୁରୁନ୍ ଅଇ, ଗୁଲାଇ ଦେସେ ଗଟେକ୍ ବଡ଼ ମରଡ଼ି ଅଇସି ବଲି ବବିସ୍‌ଡ଼ କାତା ସୁନାଇ ରଇଲା । ଏଟା ବଡ଼ ସାସନ୍‌କାରିଆ କଲ୍‌ଡିୟ ରମଦେସେ ସାସନ୍ କଲାବେଲେ ଗଟି ରଇଲା । ୨୯ ଆନ୍‌ଟିଅକର୍ ସିସ୍‌ମନ୍ ଜିଉଦାଇ ରଇଲା ବିସ୍‌ବାସି ବାଇମନ୍‌କେ ତାକର୍ ପାରଲା ଏଡ଼କି ତାବୁ ପାଟାଇବାକେ ଟିକ୍ କଲା । ୩୦ ସେମନ୍ ତାବୁ ଜମାଇକରି ବରନବା ଆରି ସାଉଲ୍‌ର୍ ଆତେ, ମଣ୍ଡଲିର୍ ପାର୍‌ଟିମନ୍‌ର୍ ଲଗେ ପାଟାଇ ଦେଲା ।

### ୧୨

#### ଅଦିକ୍ ତାଡ଼ନା

୧ ଏ ବେଲାଇ, ଏରଦ୍ ରାଜା ଜିରୁସାଲମ୍ ମଣ୍ଡଲିର୍ କେତେକ୍ ବିସ୍‌ବାସିମନ୍‌କେ ତାଡ଼ନା ଦେବାର୍ ଦାରଲା । ୨ ଜଅନର୍ ବାଇ ଜାକୁବ୍‌କେ କାଣ୍ଡା ସଙ୍ଗ୍ ମାରି ମରାଇଲା, ଜାକୁବ୍ ଜଅନର୍ ବଡ଼ ବାଇ ରଇଲା । ୩ ଜାକୁବ୍‌କେ ମରାଇଲାଟା ଜିଉଦିମନ୍‌କେ ସାର୍ଦ୍ଦା କରାଇଲା । ଏଟା ଦେକି ଏରଦ୍ ପିତର୍କେ ମିସା ବନ୍ଦି କର୍‌ବାକେ ତିଆରଲା । ଏଟା ଜିଉଦିମନ୍ କମିର୍ ନ ମିସାଇତେ ରୁଟିକର୍‌ବା ପରବ୍ ବେଲେ ଅଇରଇଲା । ୪ ସଇନମନ୍ ପିତର୍କେ ବାନ୍ଦିକରି ବନ୍ଦିଗରେ ପୁରାଇଲା । ରକିଆ ପାଇବା ପରବର୍ ପଟେ ସବୁ ଲକ୍‌ର୍ ମୁଆଟେ ବିଚାରନା କର୍‌ବି ବଲି ଏରଦ୍ ବାବି ରଇଲା । ସେଟାର୍‌ପାଇ ଗଟେକ୍ ଦଲେ ଚାରିଲକ୍ ଲାକା ଅଇ, ଚାରିଟା ଦଲ୍‌କରି ସନିଅମନ୍ ତାକେ ଜାଗିରଇଲା । ୫ ପିତର୍ ବନ୍ଦିଗରେ ରଇଲାବେଲେ ଜିରୁସାଲମେ ରଇବା ମଣ୍ଡଲିର୍ ବିସ୍‌ବାସିମନ୍ ଗଟେକ୍ ଅଇକରି ତାର୍‌ପାଇ ପର୍‌ମେସର୍‌କେ ପାର୍‌ଡନା କର୍‌ଡେରଇଲା ।

#### ପିତର୍କ ବନ୍ଦିଗରେ ଅନି ମୁକଲ୍‌ବାଟା

୬ ଜନ୍ ଦିନେ ଏରଦ୍ ପିତର୍କେ ଲକ୍‌ମନ୍‌ର୍ ମୁଆଟେ ଆନ୍‌ବାକେ କାତା ଦେଇରଇଲା, ତାର୍ ଆଗ୍‌ତୁର୍ ରାତି ପିତର୍କ ବନ୍ଦିଗରେ ଦୁଇଟା ଜାଗୁଆଲ୍‌ମନ୍‌ର୍ ମଜାଇ ସଇରଇଲା । ତାକେ ସନିଅମନ୍‌ର୍ ମିସ୍‌ଡେ ଦୁଇଟା ଆତେ ଦୁଇଟା ସିକ୍‌ଲି ସଙ୍ଗ୍ ବାନ୍ଦିରଇଲା । ଆରି ଜାଗୁଆଲ୍‌ମନ୍ ବନ୍ଦିଗରର୍ ଦୁଆରେ ଜାଗିରଇଲା । ୭ ସେ ଦାପ୍‌ରେ, ଏଦେ ଦେକା ! ମାପରୁର୍ ଗଟେକ୍ ଦୁଡ଼ ଆସି ପିତର୍କର୍ ମୁଆଟେ ଟିଆଅଇଲା ଆରି ଗୁଲାଇ ବାକ୍‌ରା ଉଜଲ୍ ଅଇଗାଲା । ସରଗର୍ ଦୁଡ଼ ପିତର୍କେ କନ୍ଦେ ଦାରି ରୁଲ୍‌ଗୁଲାଇଲା ଆରି ସଇଲାଟାନ୍‌ଅନି ଉଟାଇକରି କଇଲା “ଦାପ୍‌ରେ ଉଟ୍ !” ଉଟ୍‌ଲା ଦାପ୍‌ରେ ବାନ୍ଦି ଅଇରଇଲା ସିକ୍‌ଲି କୁସ୍‌ଲିଗାଲା । ୮ ତାର୍‌ପଟେ ଦୁଡ଼ କଇଲା, “ଆଁଟାଇ ତୁଆଲ୍ ବାନ୍ଦିଅ ଆରି ପାଣ୍ଡୁଇ ପିନ୍ ।” ପିତର୍କ ସେନ୍ତ୍ର କଲା ପଟେ ଦୁଡ଼ କଇଲା, “ଚାଦର୍ ଡାବିଅଇକରି ମର୍ ସଙ୍ଗ୍ ଆଉ ।” ୯ ପିତର୍କ ଦୁଡ଼ର୍ ପଟେ ପଟେ ବନ୍ଦିଗରେ ଅନି ବାରଇ ଆଇଲା । ଦୁଡ଼ ଜନ୍‌ଟା କର୍‌ଡେରଇଲା, ସେଟା ସଡ଼ କି ନର୍‌ବି ବଲି ଜାନି ନାପାର୍‌ଡେରଇଲା । “ଏଟା ଗଟେକ୍ ଦର୍‌ସନ୍ ଦେକ୍‌ଲିନି ।” ବଲି ବାବ୍‌ଡେରଇଲା । ୧୦ ସେମନ୍ ଜାଗୁଆଲ୍‌ମନ୍ ରଇବା ଦୁଇଟା ଜାଗା ଜିଡିକରି ପଟେ ନଅରେ ପୁର୍‌ବା ଲୁଆ କାପାଟ୍ ରଇବା ଲଗେ ଆଇଲା । ତାକର୍‌ପାଇ ଲୁଆ କାପାଟ୍ ତାର୍‌ମନ୍‌କେସେ ଉଗାଡିଅଇଗାଲା ଆରି ସେମନ୍ ବାରଇ ଉଟିଆଇଲା । ସେମନ୍ ବାଟେ ଇଣ୍ଡୁ ଇଣ୍ଡୁ ଅଟାଡ଼ ସରଗର୍ ଦୁଡ଼ ପିତର୍କେ ଚାଡ଼ି ମାୟା ଅଇଗାଲା ।

୧୧ ତାର୍‌ପଟେ ଜାଇଟା ଗଟିରଇଲା, ସେଡ଼କିବେଲେ ତାକେ କାଇଟା ଅଇରଇଲା, ସେଟା ପିତର୍କ ଜାନିପାରି କଇଲା, “ଏଟା ସଡ଼ ବଲି ମୁଇ ଜାନିଆଟି । ଏରଦ୍ ଟାନେଅନି ଆରି ଜିଉଦି ଲକ୍‌ମନ୍ ଜାଇଟା ଗଟ୍‌ସି ବଲି ଆସା କରଇରଇଲା, ତେଇଅନି ମକେ ରକିଆ କର୍‌ବାକେ ମାପରୁ ସରଗର୍ ଦୁଡ଼କେ ପାଟାଇରଇଲା ।”

୧୨ ନିଜର୍ ବିସଇ ଜାନିକରି ସେ ଜଅନ୍ ମାର୍କର୍ ଆୟା ମରିୟ୍‌ମର୍ ଗରେ ଗାଲା । ତେଇ ବେସି ବିସ୍‌ବାସିମନ୍ ରୁଣ୍ଡିକରି ପିତର୍କର୍ ପାଇ ପାର୍‌ଡନା କର୍‌ଡେ ରଇଲା । ୧୩ ପିତର୍କ ବାଇରର୍ କାପାଟେ ଟକ୍‌ଟକ୍ କରି ମାର୍‌ଲାକେ, ରଦା ନାଉର୍ ଗଟେକ୍ ଗଡ଼ିଦାଙ୍ଗ୍‌ଡି କାପାଟ୍ ଉଗାଡ଼ବାକେ ଆଇଲା । ୧୪ ପିତର୍କର୍ କର୍‌ସର୍ ଜାନିପାରି ସେ ଏତେକ୍ ସାର୍ଦ୍ଦା ଅଇଲା ଜେ କାପାଟ୍ ନ ଉଗାଡ଼ି ବିଡ଼ରେ ପାଇଲକରି ତେଇର୍ ବିସ୍‌ବାସିମନ୍‌କେ କଇଲା, “ପିତର୍କ ବାଇରେ ଟିଆଅଇଲା ଆଟେ ।” ୧୫ ସେମନ୍ ତାକେ କଇଲା,

✨ ୧୧:୨୮ ୧୧:୨୮ ପେରିଡ଼ ୨୧:୧୦

“ତୁଇ ବାୟାଅଇଲୁସ୍ତନି ! ମାତର୍ ଏଟା ସତ୍ ।” ବଲି ସେ ତାଟ୍ ସଙ୍ଗ୍ କଇଲାଗଲାକେ, ସେମନ୍ ଏଟା ତାଟ୍ ଦୁଡ଼ କାଇକି,” ବଲି ବାବ୍ଲାଇ ।

୧୭ ପିତର୍ ତରକେ ତର୍ କାପାଟେ ମାର୍ତେ ରଇଲା । ସାରାସାରି ସେମନ୍ କାପାଟ୍ ଉଗାଡି ତାକେ ଦେକି କାବାଅଇଗଲାଇ । ୧୭ ସେ ଆଡ଼ ସାଗିଆକରି ସେମନ୍‌କେ ଚିମରା ଅଇବାକେ କଇଲା । ଆରି ମାପୁରୁ କେନ୍ତ୍ର ତାକେ ବନ୍ଦି ଗରେଅନି ବାଟକରାଇ ଆନ୍‌ଲା, ସେ ବିସଇ ସେମନ୍‌କେ କଇଲା । ତାଟ୍ ପଟେ ଏ ସବୁ କାତା ଜାକୁର୍ ଆରି ବିନ୍ ସବୁ ବାଇମନ୍‌କେ ଜାନାଆ ବଲି କଇଲା । ପଟେ ସେ ତେଇଅନି ବିନ୍‌ବାଟେ ଉଟିଗଲା ।

୧୮ ସାକାଲ୍ ପାଇଲାକେ “ପିତର୍ କେନେଗାଲା ?” ବଲି ଜାଗୁଆଲ୍‌ମନ୍ କିଲ୍‌ବିଲ୍ ଅଇଗଲାଇ । ୧୯ ଏରଦ୍ ଏଟା ସୁନିକରି ପିତର୍‌କେ କଜ୍‌ବାକେ ତାଟ୍ ସନିଅମନ୍‌କେ ଆଦେସ୍ ଦେଲା । ମାତର୍ ସେମନ୍ ତାକେ ମିଲାଇ ନାପାରୁଲାଇ । ତେବେ ସାରାସାରି ଜାଗୁଆଲ୍‌ମନ୍‌କେ ପାଟାରୁଲା । କେନ୍ତ୍ର ଏଟା ଅଇଲାଟା କଇନାପାରୁଲାକେ ସେମନ୍‌କେ ମରନର୍ ଡଣ୍ଡ ଦେବାକେ ଆଦେସ୍ ଦେଲା ।

ତାଟ୍ ପଟେ ଏରଦ୍ ଜିଉଦା ରାଇଜେଅନି ଜାଇ କେତେ ଦିନର୍‌ପାଇ କାଇସରିଆଇ ବାସା ଅଇରଇଲା ।

**ଏରଦର୍ ମରନ୍**

୨୦ ସେ ବେଲାଇ ଏରଦ୍ ସର୍ ଆରି ସିଦନର୍ ଲକ୍‌ମନ୍‌କେ ବେସି ରିସା ଅଇରଇଲା । ସେଟାର୍ ପାଇ ତେଇର୍ ଲକ୍‌ମନ୍ ଗଟେକ୍ ଦଲ୍, ତାକେ ବେଟ୍ ଅଇବାକେ ଗାଲାଇ । ପର୍ତୁମ୍ ସେମନ୍ ରାଜା ସଇବା ଗର୍ ଦାଇତେ ରଇଲା ବାଲିସ୍‌ଟେକେ ବୁଜାଇ, ତାଟ୍ ସାଇଜ ପାଇଲାଇ । ତାଟ୍ ପଟେ ସେମନ୍ ଏରଦର୍ ଲଗେ ଜାଇ ସାକ୍ତିସଙ୍ଗ୍ ରଉଁ ବଲି କାତା ଅଇଲାଇ, କାଇକେ ବଇଲେ ଏରଦର୍ ରାଇଜେଅନି ସେମନ୍‌ର୍ ଦେସେ କାଇବା ଜିନିସ୍ ଜାଇତେରଇଲା ।

୨୧ ଜନ୍ ଦିନେ ଏରଦର୍ ସଙ୍ଗ୍ ସେମନ୍ ବେଟ୍ ଅଇବାକେ ଟିକ୍ କରିରଇଲାଇ, ସେ ରାଜାମନ୍ ପିନ୍‌ବା ବସ୍‌ତର୍ ପିନ୍‌ଲା ଆରି ତାଟ୍ ବସ୍‌ବା ଜାଗାଇ ବସି ଲକ୍‌ମନ୍‌କେ ଗଟେକ୍ ବାସନ୍ ଦେଲା ।

୨୨ ସୁନ୍‌ବା ଲକ୍‌ମନ୍ ଆଉଲିଅଇଲାଇ, “ଜେ କାତା ଅଇଲାନି, ସେ ଲକ୍ ନଏଁ, ମାତର୍ ପର୍‌ମେସର୍ !”

୨୩ “ମୁଇ ପର୍‌ମେସର୍ ନଇ,” ବଲି କଏ ନାଇକେ ଦାପୁରେ ମାପୁରୁର୍ ଦୁଡ଼ ଏରଦ୍‌କେ ରଗି କରାଇଲା । ସେଟାର୍‌ପାଇ ତାଟ୍ ଗୁଲାଇଗାଗଡ଼ କିତା କାଇଲାଇ ଆରି ମରିଗାଲା ।

୨୪ ଏ ବେଲାଇ ବିସ୍‌ବାସିମନ୍ ପର୍‌ମେସରର୍ ବାକିଅ ସୁନ୍‌ଲାଇ ଆରି ବିସ୍‌ବାସ୍ କର୍‌ବା ଲକ୍‌ମନ୍ ବଡ଼ିଗାଲାଇ । ୨୫ ଜିଉଦା ଦେସର୍ ବିସ୍‌ବାସିମନ୍‌କେ ତାଟୁ ଦେଇ ସାରାଇକରି ବର୍‌ନବା ଆରି ସାଉଲ୍, ଆନ୍‌ଟିଅକିଆଇ ଆଇଲାଇ । ଜଅନ୍ ଆରି ମାର୍‌କକେ ମିସା ସେମନ୍ ସଙ୍ଗ୍ ନେଇ ଜିରୁସାଲମେ ବାଅଡ଼ଲାଇ ।

**୧୩**

**ବର୍‌ନବା ଆରି ସାଉଲ୍‌କେ ପେରିଡ଼ ସିସ୍ ଇସାବେ ବାଟି ପାଟାଇଲାଇ**

୧ ଆନ୍‌ଟିଅକି ମଣ୍ଡଲିତେଇ କେତେଟା ବବିସ୍‌ଡ଼ବକ୍‌ତା ଆରି ସିକିଆ ଦେବା ଗୁରୁ ରଇଲାଇ । ସେମନ୍‌ର୍ ବିଡ଼ରେ ରଇଲାଇ ବର୍‌ନବା, ସିମନ୍ ଜାକେ କି ନିଗର୍ ଡାକ୍‌ତେରଇଲାଇ, ଲୁସିଅସ୍, ଜେ କି କୁରିନିୟ୍ ଅନି ଆସିରଇଲା, ମନଏଁମ୍ ଜେ କି ଏରଦର୍ ଗରେ ବଡ଼ି ରଇଲା ଆରି ସାଉଲ୍ । ୨ ସେମନ୍ ମାପୁରୁର୍ ସେବା ଆରି ଉପାସ୍ କଲାବେଲେ, ସୁକଲ୍ ଆଡ଼ମା ସେମନ୍‌କେ କଇଲା, “ମୁଇ ଜନ୍ କାମ୍‌ପାଇ ସାଉଲ୍ ଆରି ବର୍‌ନବାକେ ଡାକ୍‌ଲି ଆଟି, ସେଟାର୍ ପାଇ ସେମନ୍‌କେ ଅଲ୍‌ଗା କରା ।”

୩ ସେଟାର୍‌ପାଇ ସେମନ୍ ଉପାସ୍ କଲାଇ ଆରି ପାର୍‌ତନା କରି ତାକର୍ ଉପ୍‌ରେ ଆଡ଼ ସଙ୍ଗ୍‌ଇ ସେମନ୍‌କେ କବର୍ କଇବା କାମେ ପାଟାଇଲାଇ ।

**ସାଇପରସ୍ ତେଇ ସେବା କାମ୍**

୪ ସୁକଲ୍ ଆଡ଼ମାଇଅନି ଆଦେସ୍ ପାଇକରି ଜାଇରଇବା ବର୍‌ନବା ଆରି ସାଉଲ୍ ସେଲୁକିଆଇ ଗାଲାଇ । ଆରି ତେଇଅନି ପାନି ଜାଜେ ବସି ସାଇପରସ୍ ସମ୍‌ଦୁର୍ ମଜାଇ ରଇବା ଜାଗାଇ ଗାଲାଇ । ୫ ସାଲାମି ଗଡେ କେଟି ଜିଉଦିମନ୍‌ର୍ ପାର୍‌ତନା ଗର୍‌ମନ୍‌କେ ପରମେସରର୍ ବାକିଅ ଜାନାଇଲାଇ । ଜଅନ୍ ମାର୍‌କ ମିସା ସେମନ୍‌ର୍ ସଙ୍ଗ୍ ରଇକରି ସେମନ୍‌କେ ସାଇଜ କର୍‌ତେ ରଇଲାଇ ।

୬ ସେମନ୍ ସାଇପରସ୍ ଜାଗା ଚାଡ଼ି ପାପ୍‌ତେ ନାଉଁର୍ ଜାଗାଇ ଗାଲାଇ । ତେଇ ବାଉଜିସୁ ନାଉଁର୍ ଗଟେକ୍ ମୁଁତର୍ ସିକିରଇବା ଜିଉଦିକେ ବେଟ୍‌ଅଇଲାଇ । ସେ ନିଜକେ ମିର୍‌ରେ ବବିସ୍‌ଡ଼ବକ୍‌ତା ବଲି କଇତେ ରଇଲା । ୭ ସେ ସମ୍‌ଦୁର୍ ମଜାଇ ରଇଲା ଜାଗାର୍ ସାସନ୍ କାରିଆର୍ ସର୍‌ଗିଅ ପାଉଲ୍‌ର୍ ମଇତର୍ ରଇଲା । ସର୍‌ଗିଅସ୍ ଗଟେକ୍ ଗିଆନି ଲକ୍ ରଇଲା । ସେ ପରମେସରର୍ ବାକିଅ ସୁନ୍‌ବାକେ ମନ୍ କରି ବର୍‌ନବା ଆରି ପାଉଲ୍‌କେ ଡାକାଇଲା । ୮ ମାତର୍ ଗୁନିଆଁ ଏଲିମାସ୍, (ଏଟା ତାଟ୍ ଗିରିକ୍ ନାଉଁ) ସେମନ୍‌କେ ନିତୁ ବଲି କଇଲା, କାଇକେ ବଇଲେ, ସେ ସାସନ୍ କାରିଆ କିରିସ୍‌ଟକେ ବିସ୍‌ବାସ୍ ନ କର ବଲି ବାବ୍‌ତେ ରଇଲା ।

୯ ମାତର ସାଉଲ୍ ଜାର ନାଉଁକି ପାଉଲ୍, ସୁକଲ୍ ଆଡ଼ମାଲ ପୁରୁନ୍ ଅଲ୍, ମାତର ଜାନିରଇବା ଲକର ବାଟେ ନିକ ଦେକ୍ଲା । ୧୦ ଆରି କଇଲା, “ଏ ସଇତାନର ପିଲା ! ତୁଇ, ସବୁ ନିମାନ୍ ବିସଇ ବିରଦ୍ କଲାସ୍ତି । ତୁଇ ସବୁ ରକାମର କରାପ୍ କାମେ ପୁରୁନ୍ ଅଲ୍ ଆରୁସ୍ ଆରି ସବୁବେଲେ ପରମେସରର କାମ୍ ମିଡ଼ ବଲି ଦେକାଇବାକେ ଚେସଟା କଲୁସ୍ତି । ୧୧ ଏବେ ମାପରୁର ଆଡେ ଡଣ୍ଡ ପାଇସୁ । ତୁଇ କାଶା ଅଇଜାଇକରି ଚନେକରପାଇ ବେଲର ଉଜଲ୍ ଦେକି ନାପାରୁସ୍ ।”

ସେଦାପରେ ଏଲିମାସର ଆଁକି ଦୁର୍ତ୍ତରି ଆନ୍ଦାର୍ ଅଇଗାଲାପାରା ଲାଗ୍ଲା । ଆରି ତାକେ ଆଡେ ଦାରି ତାକିନେବାକେ ଗଟେକ୍ ଲକ୍‌କେ ଏନେତେନେ ଆଣ୍ଡାଲି ଅଇ କଜି ରୁଲ୍ଲା । ୧୨ ଏଟା ଦେକି ସାସନ୍‌କାରିଆର ବିସ୍‌ବାସ୍ ଅଇଲା, କାଇକେ ବଇଲେ ମାପରୁର ସିକିଆ ସୁନି ସେ କାବା ଅଇଜାଇରଇଲା ।

**ପିସିଦିଆର ଆନ୍‌ଟିୟକ ତେଇ ସେବା କାମ୍**

୧୩ ପାଉଲ୍ ଆରି ତାର୍ ସଙ୍ଗ୍ ଜିବା ଲକ୍‌ମନ୍ ପାପସ୍ ଜାଗାଇ ଅନି ପାନିଜାଜେ ଜାଇ ପପୁଲିଆର ପରଗା ନାଉଁ ଜାଗାର୍ ଗଟେକ୍ ଗଡେ କେଟ୍‌ଲାଲ । ଜଅନ୍‌ମାରୁକ ତେଇ ସେମନ୍‌କେ ଚାଡିକରି ଜିରୁସାଲାମ୍ ବାଉଡିଗାଲା । ୧୪ ସେମନ୍ ପରଗାଇଅନି ଜାଇ ପିସିଦିଆର ଆନ୍‌ଟିୟକେ କେଟ୍‌ଲାଲ । ଆରି ବିସ୍‌ରାମ୍‌ବାର୍ ଦିନେ ପାର୍‌ତନା ଗରେ ଜାଇ ବସ୍‌ଲାଲ । ୧୫ ମସାର୍ ନିୟମ୍ ଆରି ବବିସଡ଼ବକ୍‌ତାମନର୍ ଲେକା ପଡ଼ଲା ପଟେ, ପାର୍‌ତନା ଚାଲାଉମନ୍ ସେମନ୍‌କେ ଏ କାତା କଇପାଟାଇଲାଲ, “ବାଇମନ୍ ଜଦି ଲକ୍‌ମନର୍ ସାର୍‌ଦା ବଡାଇବାପାରା ଉପଦେସ୍ ଦେବାର୍ ଆଟେ, ତେବେ କୁଆ ।” ୧୬ ପାଉଲ୍ ଚିଆଅଇ ଲକ୍‌ମନ୍‌କେ ଚିମ୍‌ରାଇ ଅଇବାକେ ଆଡ଼ ସାଗିଆ କରି କଇଲା ।

“ଇତି ରୁଣ୍ଡୁଅଇଲା ଇସ୍ରାଏଲ ବାଇମନ୍ ଆରି ପରମେସରକେ ପାର୍‌ତନା କରବା ଜିଉଦି ନଇଲା ଲକ୍‌ମନ୍, ମର କାତା ସୁନା ! ୧୭ ଇସ୍ରାଏଲ୍ ଜାତିର ପରମେସର ଆମର୍ ଆନିଦାଦିମନ୍‌କେ ବାର୍‌ଲା । ଆରି ମିସର ଦେସେ ସେମନ୍ ପରଦେସିଅଇ ରଇତେ ରଇଲା ବେଲେ, ଗଟେକ୍ ବଡ଼ ଜାତି କଲା । ପରମେସର ତାର୍ ବଡ଼ ବପୁ ସଙ୍ଗ୍ ସେମନ୍‌କେ ମିସରେଅନି ବାର୍‌କରାଇ ଆନ୍‌ଲା । ୧୮ ଆରି ଚାଲିସ୍ ବରସ୍ ଜାକ ମରୁବାଲିରୁଏ ସେମନ୍‌ର ସାଦ୍‌ବାନ୍ କଲାଟା ମୁରର୍‌ଲା । ୧୯ ସେ କିଶାନେ ସାଡ଼ଟା ଦଲ୍‌କେ ନସ୍‌ଟ କରି ତାର୍ ବାର୍‌ଲା ଲକ୍‌ମନ୍‌କେ ସେ ଦେସ୍ ଦେଲା । ୨୦ ପାକାପାକି ଚାର୍ ସଅ ପଟାସ୍ ବରସ୍ ବିଡ଼ରେ ଏ ସବୁ ଗଟନା ଗଟିଗାଲା ।”

“ତାର୍ ପଟେ ସାମୁଏଲ୍ ବବିସଡ଼ବକ୍‌ତାର୍ ବେଲା ଜାକ ପରମେସର ସେମନ୍‌ର ଉପ୍‌ରେ ବିଚାର୍‌ପଡିମନ୍‌କେ ବାର୍‌ଲା । ୨୧ ଜେତେବେଲେ ସେମନ୍ ଗଟେକ୍ ରାଜା ଦର୍କାର୍ ବଲି କଇଲାଲ, ପରମେସର ସେମନ୍‌କେ ଚାଲିସ୍ ବରସ୍ ଜାକ ସାସନ୍ କରବାକେ ବେନ୍‌ଜାମିନ୍ କୁଟୁମର୍ କିସଅର୍ ପଅ ସାଉଲ୍‌କେ ବାର୍‌ଲା । ସାଉଲ୍ ଇସ୍ରାଏଲିୟମନ୍‌କେ ଚାଲିସ୍‌ବରସ୍ ସାସନ୍ କଲା । ୨୨ ତାର୍ ପଟେ ପରମେସର ତାକେ ରାଜା ପଦ୍ ଚାଡାଇକରି ଦାଉଦ୍‌କେ ସେମନ୍‌ର ରାଜା କଲା ।” ପରମେସର ତାର୍ ବିସଇ କଇରଇଲା, “ମୁଇ ଜନ୍ ରକାମେ ଲକ୍‌ମନ୍‌କେ ଆଲାଦ୍ କରବି, ଜେସିର୍ ପଅ ଦାଉଦ୍ ସେନ୍ତାରି ଗଟେକ୍ ଲକ୍ । ସେ ମୁଇ ମନ୍‌କଲା ଇସାବେ ସବୁଜାକ କାମ୍ କରସି ।” ୨୩ ଏ ଦାଉଦ୍ କୁଟୁମର୍ ଲକ୍‌ଟାମେଅନି ପରମେସର ସେ କାତା ଦେଲା ଇସାବେ ଜିସୁକେ ଇସ୍ରାଏଲ୍ ଜାତିର୍ ମୁକ୍‌ତିକାରିଆ କଲାଆଟେ । ୨୪ ✨ଜିସୁ ତାର୍ କାମ୍ ଆରାମ୍ କରବା ଆଗଡୁ, ଜଅନ୍ ଇସ୍ରାଏଲ୍‌ର ସବୁ ଲକ୍‌ର ଲଗେ ଜାନାଇକରି, ସେମନ୍‌କେ ପାପେଅନି ମନ୍ ବାଉଡାଇ ତୁବନ୍ ନେବାକେ ଅଇସି ବଲି କଇରଇଲା । ୨୫ ✨ଆରି ଜଅନ୍ ତାର୍ ସେବା କାମ୍ ସାରାଇବା ଆଗଡୁ ଲକ୍‌ମନ୍‌କେ ପାଟାର୍‌ଲା, “ମର୍ ବିସଇ ତମେ କାଇଟା ବାବ୍‌ଲାସ୍ତି ? ତମେ ଜାକେ ଜାଗି ଆଟାସ୍, ମୁଇ ସେ ନଇ । ମାତର୍ ସୁନା ! ସେ ଦାପ୍‌ରେ ଆଇଲାନି । ତାର୍ ଗତିଦାଙ୍ଗ୍‌ତା ଅଇକରି ପାଣ୍ଡୁଇର୍ ପିତା ମିସା କୁସ୍‌ଲାଇବାକେ ମର୍ ଅଦିକାର୍ ନଇ ।”

୨୬ ଏ ମର୍ ଇସ୍ରାଏଲ୍‌ର ବାଇମନ୍, ଅବ୍ରାଆମର୍ ନାଡିଡିଡିମନ୍ ଆରି ପରମେସରକେ ପାର୍‌ତନା କରବାକେ ଇତି ରୁଣ୍ଡୁଲା ଜିଉଦି ନଇଲା ଲକ୍‌ମନ୍, ଆମ୍‌କେ ସେ ମୁକ୍‌ତିର୍ କବର୍ ମିଲ୍ଲା ଆଟେ । ୨୭ ମାତର୍ ସେ ଆକା ଉଦାର୍‌କାରିଆ । ଜିରୁସାଲମର୍ ଲକ୍ ଆରି ସେମନ୍‌ର ନେତାମନ୍ ବିସ୍ରାମ୍‌ବାରେ ବବିସଡ଼ବକ୍‌ତାମନର୍ ଲେକାଇଅନି ପଡ଼ଲାଟା ଲକ୍‌ମନ୍ ରୁଜଡ଼ନାଇ । ଏଲେମିସା ଜିସୁକେ ଦସି କରି ବବିସଡ଼ବକ୍‌ତାମନର୍ କାତା ସିଦ୍ କଲାଲ । ୨୮ ✨ଜିସୁକେ ବେସି ଲକ୍ ଦସ୍‌ଦେଲାଲ । ମାତର୍ କେ ମିସା ମରନର୍ ଡଣ୍ଡ ପାଇବା ଏଡ଼କି ଦସ୍ କଜି ନାପାର୍‌ଲାଲ । ଏଲେମିସା ତାକେ ମରନର୍ ଡଣ୍ଡ ଦେବାକେ ପିଲାଡ଼କେ ବାଦିଅ କଲାଲ । ୨୯ ✨ସାସ୍‌ତରେ ଜନ୍ ସବୁ ବିସଇ ଲେକା ଆଟେ, ସେ ଇସାବେ ସବୁ କାମ୍ କଲାପଟେ ସେମନ୍ ତାକେ କୁର୍‌ସେଅନି ଉଡ଼ରାଇ ଆନ୍‌ଲାଲ । ବିନ୍‌ଲକ୍‌ମନ୍ ଆସିକରି ତାର୍ ଗାଗଡ଼ ନେଇ

☆ **୧୩:୨୪** ୧୩:୨୪ ମାର୍କ ୧:୪; ଲୁକ୍ ୩:୩ ☆ **୧୩:୨୫** ୧୩:୨୫ ଜଅନ୍ ୧:୨୦; ମାଡିଉ ୩:୧୧; ମାର୍କ ୧:୭; ଲୁକ୍ ୩:୧୭; ଜଅନ୍ ୧:୨୭  
☆ **୧୩:୨୮** ୧୩:୨୮ ମାଡିଉ ୨୭:୨୨,୨୩; ମାର୍କ ୧୫:୧୩,୧୪; ଲୁକ୍ ୨୩:୨୧-୨୩; ଜଅନ୍ ୧୯:୧୫ ☆ **୧୩:୨୯** ୧୩:୨୯ ମାଡିଉ ୨୭:୫୭-୬୧; ମାର୍କ ୧୫:୪୨-୪୭; ଲୁକ୍ ୨୩:୫୦-୫୬; ଜଅନ୍ ୧୯:୩୮-୪୨

ସମାଦିତାଣେ ସଙ୍ଗଇଲା । ୩୦ ମାତର୍ ପର୍ଯ୍ୟନ୍ତ ତାକେ ମଲାତେଇଅନି ଉଟାଇଲା । ୩୧ \*ବେସି ଦିନ୍ ଜାକ, ତାର୍ ସଙ୍ଗ ଗାଲିଅନି ଜିରୁସାଲମ୍ ଆଇବାଜିବା ଲକ୍ମନ୍ ତାକେ ଦେକ୍ଲା । ଏବେ ସେମନ୍ ଇସ୍ରାଏଲ୍ ଲକ୍ମନ୍‌ତେଇ ତାର୍ ସାକି ଆତଡ଼ । ୩୨ ଆମର୍ ଆନିଦାଦିମନକେ ପର୍ଯ୍ୟନ୍ତ କାତା ଦେଇରଇଲା ଇସାବେ ଆମେ ତମ୍‌କେ ଏ ସୁବ୍ କବର୍ ଜାନାଇଲୁନି । ୩୩ ପର୍ଯ୍ୟନ୍ତ ଜିସୁକେ ମଲାତେଇଅନି ଉଟାଇକରି ସେଟା ସିଦ୍ କଲାଆତେ । ସେମନ୍ ପିଲାମନ୍ ଆମ୍‌କେ, ଆମର୍ ବିତ୍‌ରେ ସେ କାତା ଦେଲାଟା ସିଦ୍ ଅଇଲା ଆତେ । ଗିଡ଼ ସଙ୍ଗିତାର୍ ଦୁଇ ଲମର୍ ଗିତେ ଦାଉଦ୍ ଏନ୍ତାରି ଲେକିଆତେ, “ତମେ ମର୍ ପଅ,

ଆଜି ମୁଇ ସବୁକେ ଦେକାଇ ଆତି ଜେ ସତଇସେ ମୁଇ ତର୍ ବାବା ।”

୩୪ ଆରି ପର୍ଯ୍ୟନ୍ତ ପୁରବେଅନି ସପଡ଼ କରି କାତାଦେଇରଇଲା । ମୁଇ ତାକେ ମଲାତେଇଅନି ଉଟାଇବି । ତାର୍ ଗାଗଡ଼ ସମାଦିତେଇ କୁଇ ଜିବାକେ ନ ଦେଇ । ଦାଉଦ୍‌କେ ଦେଇ ରଇବା ସପଡ଼ ଇସାବେ

ସତଇସେ ମୁଇ ତମ୍‌କେ ସୁକଲ୍ କରି ସବୁ ଆସିରବାଦ୍ ଦେବି ।

୩୫ ଦାଉଦ୍ ଆରି ଗଟେକ୍ ଗିତସଙ୍ଗିତାଇ ଲେକ୍‌ଲାଆତେ,

ମୁଇ ମରିଗାଲେ ମର୍‌ଗାଗଡ଼ ଦୁଇ ସମାଦିତେଇ କୁଇ ଜିବାକେ ଚାଡ଼ି ନ ଦେଉସ୍ ।

୩୬ ଦାଉଦ୍ ସାସନ୍ କଲାବେଲେ ପର୍ଯ୍ୟନ୍ତ ମନ୍ କଲା ଇସାବେ କାମ୍ କରି ସାରାସାରି ମଲା । ଆରି ଆନିଦାଦିମନ୍ ସଙ୍ଗ ତପିଅଇଲା । ତାର୍ ଗାଗଡ଼ ସମାଦିତେଇ କୁଇଲା । ୩୭ ମାତର୍ ପର୍ଯ୍ୟନ୍ତ ଜାକେ ମଲାଟାଣେଅନି ଉଟାଇଲା, ତାର୍ ଗାଗଡ଼ କୁଏ ନାଇ । ୩୮ ତେବର୍‌ପାଇ ମର୍ ଏ ଇସ୍ରାଏଲ୍‌ର ବାଇମନ୍, ତମେ ଏଟା ଜାନିରୁଆ । ଜିସୁ କରିରଇବା କାମେଅନି ସେ, ତମର୍ ପାପ୍ କେମା ଅଇସି । ୩୯ ମସାର୍ ନିୟମ୍ ମାନିକରି ଆରୁ ବଇଲେ ପାପ୍ କେମା ନ ଅଇତା । ମାତର୍ ଜିସୁ ଟାଣେ ବିସ୍‌ବାସ୍ କଲାର୍‌ପାଇ ଆମେ ସବୁଲକ୍ ପାପେ ଅନି ମୁକ୍‌ଲି ଆରୁ, ସେଟା ତମେ ଜାନ୍‌ବାର୍ ଆତେ । ୪୦ ଜାଗ୍‌ରଡ଼, ବସିସ୍‌ବକ୍‌ତାମନ୍ ଜାଇଟା କଇଲା ଆତଡ଼, ସେଟା ଜେଡ଼ିକି ତମ୍‌କେ ନ ଗଟ । ୪୧ ପର୍ଯ୍ୟନ୍ତ କଇଲା, ଏ ମକେ କିଜାଇବା ଲକ୍ମନ୍ ! ତମେମନ୍ କିଲ୍‌ବିଲ୍ ଅଇ ମରା !

କାଇକେ ବଇଲେ ତମର୍ ବେଲାଇ ମୁଇ ଜନ୍ କାମ୍ କର୍‌ବାକେ ଗାଲିନି,

ସେଟା ଜେ ମିସା ବୁଜାଇ କଇଲେ, ତମେ ବିସ୍‌ବାସ୍ ନ କରାସ୍ ।

୪୨ ପାଉଲ୍ ଆରି ବର୍‌ନବା ପାର୍‌ତନା ଗରେଅନି ବାରଇବା ବେଲେ, ଆରି ଗଟେକ୍ ବିସ୍‌ରାମ୍‌ବାରେ ବାଉଡ଼ି ଆସି ଏ ସବୁ ବିସଇ ଆରି ବୁଜାଇବାକେ, ଲକ୍ମନ୍ ବାବୁଜିଆ କଲା । ୪୩ ଲକ୍ମନ୍ ପାର୍‌ତନା ଗରେଅନି ଉଟିଗାଲା ପତେ, ବେସି ଜିଉଦିମନ୍ ଆରି ଜିଉଦି ଦରମ୍ ନେଇରଇବା ଜିଉଦି ନ ଅଇଲା ଲକ୍ମନ୍, ସାଉଲ୍ ଆରି ବର୍‌ନବାର୍ ସଙ୍ଗ ଜିବାର୍‌ଦାର୍‌ଲା । ପେରିଡ଼୍ ସିସ୍‌ମନ୍ ତାକର୍ ସଙ୍ଗ କାତା ଅଇ ପର୍ଯ୍ୟନ୍ତ ଜିବନ୍‌ଦୁକାଇଲାଟାକେ ମାନିକରି ଜିଇବାକେ ସେମନ୍‌କେ ସାର୍‌ଦା କରାଇଲା ।

୪୪ ତାର୍ ଆର୍‌କର୍ ବିସ୍‌ରାମ୍‌ବାରେ ଆନିଅକିଅ ଗତର୍ ସବୁ ଲକ୍ ମାପ୍‌ରୁର୍ ବାକିଅ ସୁନ୍‌ବାକେ ଜିଉଦିମନ୍ ପାର୍‌ତନା ଗରେ ରୁଣ୍ଡିଲା । ୪୫ ବେସି ଲକ୍ ରୁଣ୍ଡିଲାଟା ଦେକି, ଜିଉଦି ନେତାମନ୍ ଇସା ଅଇଲା । ଆରି ପାଉଲ୍ କଇବା କାତା, ବିରଦ୍ କରି ନିନ୍ଦା କଲା । ୪୬ ମାତର୍ ପାଉଲ୍ ଆରି ବର୍‌ନବା ଅଦିକ୍ ଡାବ୍ ସଙ୍ଗ କଇଲା, “ପର୍‌ତମେ ପର୍ଯ୍ୟନ୍ତ ବାକିଅ ତମର୍ ଲଗେ ଜାନାଇବାର୍ ଦରକାର୍ ରଇଲା । ମାତର୍ ତମେ ସେଟା ନିର୍‌ଲାସ୍ନି । ଆରି ତାର୍ ସଙ୍ଗ ନ ସାର୍‌ବା ଜିବନ୍ ପାଇବାକେ ଅଦିକାର୍ ନାଇ ବଲି ବିଚାର୍ କଲାସ୍ନି । ସେଟାର୍‌ପାଇ ଆମେ ତମ୍‌କେ ଚାଡ଼ି, ଏ କାତା ଜିଉଦି ନଇଲା ଲକ୍ମନ୍‌କେ କଇବାର୍ ଗାଲୁନି । ୪୭ କାଇକେ ବଇଲେ ମାପ୍‌ରୁ ଆମ୍‌କେ ଏ ଆଦେସ୍ ଦେଲା ଆତେ ।” ଆନ୍ଦାରେ ଉଜଲ୍ ଅଇଲାପାରା

ଜିଉଦି ନ ଅଇଲା ଲକ୍ମନ୍‌କେ ମର୍ ବିସଇ ଜାନାଇବାକେ ମୁଇ ତମ୍‌କେ ବାଟିଆତି ।

ଜେନ୍ତାରି କି ମୁଇ ସେମନ୍‌କେ ରକିଆ କରି ପାର୍‌ବି ବଲି ଦୁନିଆର୍ ସବୁ ଲକ୍ମନ୍‌କେ ତମେ କଇପାରାସ୍ ।

୪୮ ଜିଉଦି ନଇଲା ଲକ୍ମନ୍ ଏଟା ସୁନି ବେସି ସାର୍‌ଦା ଅଇଗାଲା ଆରି ପର୍ଯ୍ୟନ୍ତ କବର୍ ପାଇ ଦୁଆର୍ କଲା । ଜନ୍ ଲକ୍ମନ୍ ନ ସାର୍‌ବା ଜିବନ୍ ପାଇ ବାଟାଇ ଅଇରଇଲା, ସେମନ୍ ସେ କବର୍ ସୁନି ବିସ୍‌ବାସ୍ କଲା ।

୪୯ ତେଇର୍ ବିସ୍‌ବାସିମନ୍ ସେ ଜାଗାଇ ବୁଲି ବୁଲି ମାପ୍‌ରୁର୍ ବାକିଅ ଜାନାଇଲା । ୫୦ ମାତର୍ ସେ ଗତର୍ ବଡ଼ ଲକ୍ମନ୍ ଆରି ପର୍ଯ୍ୟନ୍ତକେ ଉପାସନା କର୍‌ବା ଉପର୍‌କେ ରଇବା ଜିଉଦି ନ ଅଇଲା ମାଇଜିମନ୍‌କେ ସୁଡ଼ରାଇକରି, ତେଇର୍ ଜିଉଦିମନ୍, ପାଉଲ୍ ଆରି ବର୍‌ନବାକେ ବିରଦ୍ କଲା । ସେମନ୍ ତାଉଁକେ ତାଡ଼ନା ଦେବାର୍ ଆରାମ୍ କଲା । ଆରି ସେ ଜାଗାଇଅନି ବାର୍ କରିଦେଲା । ୫୧ \*ତେଇଅନି

\* ୧୩:୩୧ ୧୩:୩୧ ପେରିଡ଼୍ ୧:୩    \* ୧୩:୫୧ ୧୩:୫୧ ମାଡ଼ିଉ ୧୦:୧୪; ମାର୍‌କ ୬:୧୧; ଲୁକ୍ ୯:୫;୧୦:୧୧

ଜିବାବେଳେ ପେରିଡ଼ ସିସ୍ତମନ୍ ସେ ଲକ୍ଷ୍ୟମନ୍ ବିରଦେ ତାକର୍ ପାଦର୍ ଦୁଲି ପାପ୍ତିଦେଇ ଇକନିଅତେଇ ଗାଲାଇ । ୫୨ ଆନ୍ତିଅକର୍ ବିସ୍ତାସିମନ୍ ସୁକଲ୍ ଆଡ଼ମାଇ ଆରି ସାର୍ଦାଇ ପୁରୁନ୍ ଅଇଲାଇ ।

### ୧୪

#### ଇକନିୟତେଇ କାମ୍

୧ ଜନ୍ତା ଆନ୍ତିଅକିତେଇ ଗଟିରଇଲା, ସେ ସମାନ୍ ବିସଇ ଆକିଅଟାନେ ମିସା ଅଇଲା । ପାଉଲ୍ ଆରି ବର୍ନବା ପାର୍ତନା ଗରେ ଏକ୍ତି ତାଟ୍ ସଙ୍ଗ୍ ପର୍ତ୍ତାର୍ କଲାଇ ଜେ ବେସି ଜିଉଦି ଆରି ଗିରିକ୍ ଲକ୍ଷ୍ୟମନ୍ ଜିସୁକେ ବିସ୍ତାସ୍ କଲାଇ । ୨ ମାତର୍ ଜନ୍ ଜିଉଦିମନ୍ ସେ ବାକିଅ ବିସ୍ତାସ୍ କରନ୍ଦନାଇ, ସେମନ୍ ଜିଉଦି ନ ଅଇଲା ଲକ୍ଷ୍ୟମନ୍ କେ ବେମ୍ଜା କରି, ବିସ୍ତାସି ବାଇମନ୍ କେ ବିରଦ୍ କରାଇଲାଇ । ୩ ଏଲେମିସା ପାଉଲ୍ ଆରି ବର୍ନବା ତେଇ ବେସିଦିନ୍ ରଇକରି ତାଟ୍ ସଙ୍ଗ୍ ମାପୁରୁର୍ ବିସଇ ଜାନାଇଲାଇ । ମାପୁରୁ ଏମନ୍ କେ କାବା ଅଇଜିବା କାମ୍ ମନ୍ କରି ଦେକାଇବାକେ ବପୁଦେଲା । ଏକ୍ତାରି ମାପୁରୁ ତାର୍ ଜିବନ୍ ଦୁକାଇଲା ବାକିଅ ସତ୍ ବଲି ଦେକାଇଲା । ୪ ଇକନିଆ ନଅରର୍ ଲକ୍ଷ୍ୟମନ୍ ଦୁଇଟା ଦଲେ ବାଗ୍ ଅଇଲାଇ । ସେମନ୍ ବିଡ଼ରେଅନି କେତେ ଲକ୍ ଜିଉଦିମନ୍ ବାଟେ ଆରି କେତେ ଲକ୍ ପେରିଡ଼ ସିସ୍ତମନ୍ ବାଟେ ଅଇଲାଇ ।

୫ ତାର୍ପଟେ କେତେଟା ଜିଉଦି ନଇଲା ଲକ୍ ଆରି ଜିଉଦିମନ୍ ସେମନ୍ ନେତାମନ୍ ସଙ୍ଗ୍ ଏକ୍ତୁର୍ ଅଇ ପେରିଡ଼ ସିସ୍ତମନ୍ କେ ବେସି କାରାପ୍ ଚଲାଚଲ୍ତି କରି ସେମନ୍ ଉପରେ ପାକ୍ନା ମାରି ମରାଇଦେବାକେ ପାଁଚ୍ଲାଇ । ୬ ମାତର୍ ପାଉଲ୍ ଆରି ବର୍ନବା ସେଟା ଜାନିକରି ଲୁକାନିଆଇ ରଇବା ଲୁସ୍ତାରା ଆରି ଦର୍ବି ଗଡ଼ ଚାରିବେଡ଼ିର୍ ଜାଗାଇ ଦାପ୍ରେ ପାଲାଇଲାଇ । ୭ ଆରି ସିତି ସୁବ୍ କବର୍ ଜାନାଇଲାଇ ।

#### ଲୁସ୍ତାରା ଆରି ଦର୍ବିତେଇ ସେବା କାମ୍

୮ ଲୁସ୍ତାରାତେଇ ଜନ୍ମେଅନି ଗଡ଼ ବାଙ୍ଗିଟି ରଇଲା ଗଟେକ୍ ଚଟା ଲକ୍ ରଇଲା । ସେ ବିଲ୍ କୁଲ୍ ଇଣ୍ଡି ନାପାର୍ତେ ରଇଲା । ୯ ତେଇ ବସି, ସେ ପାଉଲ୍ ସିକିଆ ସୁନ୍ତେ ରଇଲା । ତାର୍ ମନେ ବିସ୍ତାସ୍ ଅଇଲାଆଟେ ଆରି ସେ ନିମାନ୍ ଅଇପାର୍ସି ବଲି ପାଉଲ୍ ଜାନି ପାର୍ଲା । ସେଟାର୍ ପାଇ ତାର୍ବାଟେ ଡିରିଆଇ ଦେକି, ୧୦ ଆଉଲିଅଇ କଇଲା, “ମଇତର୍ ପାଦ୍ ମାଣ୍ଡିକରି, ସିଦା ଟିଆ ଅ !” ସେ ଲକ୍ ତେଗଇ କରି ଚାରିବେଡ଼ି ଇଣ୍ଡି ବାଦ୍ଲା । ୧୧ ତେଇ ରୁଣ୍ଡିଲା ଲକ୍ ମନ୍ ପାଉଲ୍ କାମ୍ ଦେକି ତାକର୍ ଲୁକାନିଆ ବାସାଇ ସାର୍ଦା ଅଇ ଆଉଲିଅଇବାଦ୍ ଦାଦ୍ଲାଇ । “ଦେକା, ଏ ଲକ୍ ମନ୍ ସତଇସେ ଦେବ୍ତା ଅଇରଇବାଇ । ନିଜେ ମନସ୍ ରୁପ୍ ଦାରି ଉଡ଼ି ଆଇଲାଇ ଆଚ୍ଡ଼ ।” ୧୨ ସେମନ୍ ବର୍ନବାକେ ଜିଅସ୍ ବଲି ଜେ କି ତାକର୍ ମୁକିଅ ଦେବ୍ତା ରଇଲା, ଆରି ପାଉଲ୍ କେ ଏରମିସ୍ ବଲି ନାମ୍ଲାଇ । ଏରମିସ୍ କାଇକେବଇଲେ ସେ ବେସି କାତା ଅଇତେରଇଲା । ୧୩ ଗଡ଼ ବାଇରର୍ ମୁଆଟେ ରଇଲା ଜିଅସ୍ ମନ୍ଦିରର୍ ପୁଜାରି, ଦୁଆର୍ ଲଗେ କେତେଟା ପୁଲ୍ ମାଲା ପିନ୍ଦାଇକରି, କେତେଟା ସଣ୍ଡିମନ୍ କେ ଆନଲା । କାଇକେବଇଲେ ସେ ଆରି ସିତି ରୁଣ୍ଡିଲା ଲକ୍ ମନ୍ ପେରିଡ଼ ସିସ୍ତମନ୍ ପାଇ ବଲ୍ଦମନ୍ କେ ବିରୁ କର୍ବାକେ ମନ୍ କରିରଇଲାଇ ।

୧୪ ସେମନ୍ ଜନ୍ କାମ୍ କର୍ବାକେ ଜାଇରଇଲାଇ, ବର୍ନବା ଆରି ପାଉଲ୍ ସେଟା ସୁନ୍ଲା ଦାପ୍ରେ, ନିଜର୍ ବସ୍ତର୍ ଚିରିପାକାଇଲାଇ, ଲକ୍ ମନ୍ ବିଡ଼ରେ ପାଲାଇଜାଇ ଆଉଲିଅଇ କରି କଇଲାଇ, ୧୫ “ଏ ଲକ୍ ମନ୍ ତମେ କାଇକେ ଏଟା କଲାସ୍ନି ? ଆମେ ତମର୍ ପାରା ଲକ୍ ସେ । ତମକେ ସୁବ୍ କବର୍ ଜାନାଇବାକେ ଆଇଲୁଆଟୁ । ଆରି ଏ ତୁଚାଇ ରଇବା ପୁଡ଼ଲାମନ୍ କେ ପୁଜା କର୍ବାଟା ଚାଡ଼ିକରି, ଜିବନ୍ ରଇବା ପର୍ମେସର୍ କେ ଉପାସନା କରା ବଲି, କଇବାକେ ଆସିଆଟୁ । ଏ ପର୍ମେସର୍ ସରଗ, ଦର୍ତନି, ସମ୍ପୁର୍ ଆରି ତାର୍ ବିଡ଼ରେ ରଇବା ସବୁ ବିସଇ ଡିଆର୍ କଲାଆଟେ । ୧୬ ପୁର୍ବେ ନିଜେ ମନ୍ଦିର ନିଜର୍ ବାଟେ ଜିବାକେ, ପର୍ମେସର୍ ଲକ୍ ମନ୍ ଚାଡ଼ିଦେଇ ରଇଲା । ୧୭ ମାତର୍ ତାକର୍ ସବୁ ନିମାନ୍ କାମେଅନି ସେ ସବୁବେଲାଇ ଚିନ୍ ଦେକାଇଆଟେ; ସେ ଆକାସେଅନି ପାନି ଆରି ସମାନ୍ ବେଲାଇ କାଦି ପାଚାଇସି, ବେସି କାଦି ଜାଗାଇସି ଆରି ସାର୍ଦା ସଙ୍ଗ୍ ତମର୍ ମନ୍ ପୁରୁନ୍ ଅଇଜାଇସି ।” ୧୮ ଏଡ଼କି କଇଲେ ମିସା, ପାଉଲ୍ ଆରି ବର୍ନବାର୍ପାଇ ବଲି ଦେବାର୍ ଆଟେଆକା ବଲି କଇଲାଇ ।

୧୯ ପଟେ ପିସିକିଆର୍ ଆନ୍ତିଅକ ଆରି ଇକନିୟଅନି କେତେଟା ଜିଉଦିମନ୍ ଆଇଲାଇ । ସେମନ୍ ଲକ୍ ମନ୍ କେ ସୁଡ଼ାଇକରି ତାକର୍ବାଟେ ନେଲାଇ । ପାଉଲ୍ କେ ପାକ୍ନାମାରାଇଲାଇ ଆରି ତାକେ ମଲାବଲି ବାବି ଗଡ଼ ବାଇରେ ଅର୍ଗତି ଜିକିନେଲାଇ । ୨୦ ମାତର୍ ବିସ୍ତାସିମନ୍ ଆସି ତାର୍ ଚାରିବେଡ଼ି ଟିଆଅଇଲାକେ, ସେ ଉଟିକରି ତାକର୍ ସଙ୍ଗ୍ ଗଡ଼ ବିଡ଼ରେ ବାଅଡ଼ଲା । ତାର୍ ଆର୍କର୍ ଦିନେ ସେ ଆରି ବର୍ନବା ଲୁସ୍ତା ଚାଡ଼ି ଦର୍ବିଏ ଗାଲାଇ ।

#### ସିରିଆର୍ ଆନ୍ତିୟକତେଇ ବାଅଡ଼ଲାଇ

୨୧ ପାଉଲ୍ ଆରି ବରନବା ଦର୍ବିତେଇ ସ୍ତବ୍ କବର୍ ଜାନାଇକରି ବେସି ଲକ୍ମନକେ ସିସ୍‌କଲାଇ । ତାର ପତେ ସେମନ୍ ଲୁସ୍‌ତାରା, ଦର୍ବି, ଇକନିଆ ଆରି ପିସିଦିଆର୍ ଆନ୍‌ଟିଅକିତେଇ ବାଉଡି ଗାଲାଇ । ୨୨ ସେମନ୍ ବିସ୍‌ବାସିମନ୍‌କେ ବିସ୍‌ବାସେ ତାଟ୍‌ଅଇ ରଇବାକେ ସାର୍‌ଦା କଲାଇ । ସେମନ୍ ସିକିଆ ଦେଇ କଇଲାଇ, “ପରମେସର୍‌ର ରାଇଜେ କେଟ୍‌ବାକେ ଆଲେ ଆମ୍‌କେ ବେସି ଦୁକ୍‌କସ୍‌ଟ ଦେଇ ଜିବାକେ ଅଇସି ।” ୨୩ ସବୁ ମଣ୍ଡଲିର୍ ପାର୍‌ଟିନ୍‌ମନ୍‌କେ ବାଟ୍‌ଲାଇ ଆରି ଜନ୍ ମାପ୍‌ରୁର୍‌ତେଇ ସେମନ୍ ବିସ୍‌ବାସ୍ କରି ରଇଲାଇ, ସେମନ୍‌କେ ପାର୍‌ତନା ଆରି ଉପାସ୍ ସଙ୍ଗ୍ ସର୍‌ପାଇଲାଇ ।

୨୪ ପିସିଦିଆ ବାଟ୍‌ଦେଇ ସେମନ୍ ପପୁଲିଆଇ ଆଇଲାଇ । ୨୫ ତାର୍‌ପତେ ପର୍‌ଗାଇ କେଟ୍‌ଲାଇ । ଆରି ମାପ୍‌ରୁର୍ କାତା ଜାନାଇ ଆତାଲିଆତେଇ ଗାଲାଇ । ୨୬ ଆତାଲିଆଇ ସେମନ୍ ପାନିଜାଜେ ଚଟି ଆନ୍‌ଟିଅକିଅତେଇ ବାଉଡି ଆଇଲାଇ । ଏ ଆନ୍‌ଟିଅକିଅର୍ ବିସ୍‌ବାସିମନ୍ ପାଉଲ୍ ଆରି ବରନବାକେ ପର୍‌ମେସର୍‌ଟାନେ ସର୍‌ପାଇଦେଇକରି ବିନ୍ ଜାଗାମନ୍‌କେ ମାପ୍‌ରୁର୍ ବାକିଅ ଜାନାଇବାକେ ପାଟାଇରଇଲାଇ ।

୨୭ ସେମନ୍ ଆନ୍‌ଟିଅକିଅ କେଟି ମଣ୍ଡଲିର୍ ଲକ୍ମନକେ ରୁଣ୍ଡାଇଲାଇ । ପରମେସର୍ ତାକର୍‌ଟାନେ କରିରଇବା ସବୁ କାମ୍ ସେମନ୍‌କେ ଜାନାଇଲାଇ । ଜିଉଦି ନ ଅଇଲା ଲକ୍ମନ ଜିସୁଟାନେ ବିସ୍‌ବାସ୍ କର୍‌ବାକେ ପର୍‌ମେସର୍ କେନ୍ଦ୍ରି ବାଟ୍ ଉଗାଡ଼ଲା, ସେଟା ସବୁଜାକ ସେମନ୍‌କେ ଜାନାଇଲାଇ । ୨୮ ପାଉଲ୍ ଆରି ବରନବା ତେଇ ବିସ୍‌ବାସିମନ୍‌ର ସଙ୍ଗ୍ ବେସି ଦିନ୍ ଜାକ ରଇଲାଇ ।

## ୧୫

### ଜିରୁସାଲାମେ କିରିସ୍‌ଟିଆନ୍ ସବା

୧ ଜିଉଦାଇଅନି କେତେକ ଲକ୍ ଆନ୍‌ଟିଅକ୍ ନଅରେ ଆଇଲାଇ । ସେମନ୍ ଆନ୍‌ଟିଅକ୍‌ର ବିସ୍‌ବାସି ବାଇମନ୍‌କେ ଏନ୍ତି କଇକରି ସିକାଇଲାଇ, “ମସାର୍ ନିୟ୍‌ମ୍ ଇସାବେ ଜଦି ତମେ ସୁନଡ଼ ନ ଉଆସ୍, ତମର୍ ପାପର୍ ତଣ୍ଡେଅନି ମୁକ୍ତି ନ ପାଆସ୍ ।” ୨ ଏ ବିସଇ, ସେମନ୍‌ର ସଙ୍ଗ୍ ପାଉଲ୍ ଆରି ବରନବା ବେସି ଦଦାପେଲା ଅଇଲାଇ । ତେବର୍‌ପାଇ ଆନ୍‌ଟିଅକ୍‌ର ବିସ୍‌ବାସିମନ୍ ରାଜି ଅଇଲାଇଜେ, ପାଉଲ୍ ଆରି ବରନବା ଆରି ଆନ୍‌ଟିଅକ୍ ମଣ୍ଡଲିଅନି କେତେ ଲକ୍ ଜିରୁସାଲାମେ ଜାଅଡ଼ ଆରି ତେଇର୍ ପାର୍‌ଟିନ୍ ଆରି ପେରିଡ଼ ସିସ୍‌ମନ୍‌ର ସଙ୍ଗ୍ ଏ ବିସଇ କାତା ଅଅଡ଼ ।

୩ ଆନ୍‌ଟିଅକ୍‌ର ମଣ୍ଡଲି ସେମନ୍ ଜିବାଟା ସୁବିଦା କିରିଦେଇ ପାଟାଇଲାଇ । ସେମନ୍ ପିନିସିଆ ଆରି ସମିରଣ୍ ବାଟ୍ ଦେଇ ଜିବାବେଲେ, ଜିଉଦି ନଇଲା ଲକ୍ମନ କେନ୍ଦ୍ରି ମନ୍ ବାଦ୍‌ଲାଇକରି ପରମେସର୍‌କେ ନାମ୍‌ଲାଇ, ସେ ବିସଇ ଜାନାଇଲାଇ । ଏ କାତା ସୁନି ବିସ୍‌ବାସି ବାଇମନ୍ ବେସି ସାର୍‌ଦା ଅଇଲାଇ । ୪ ସେମନ୍ ଜିରୁସାଲାମ୍ କେଟ୍‌ଲା ପତେ ମଣ୍ଡଲିର୍ ଲକ୍, ପେରିଡ଼ ସିସ୍‌ମନ୍ ଆରି ମଣ୍ଡଲିର୍ ପାର୍‌ଟିନ୍‌ମନ୍‌କେ ବେଟ୍‌ଅଇଲାଇ । ଆରି ପରମେସର୍ ତାକର୍‌ଲଗେ କିରିରଇବା କାମ୍ ବିସଇ ପାଉଲ୍ ଆରି ବରନବାକେ ଜାନାଇଲାଇ । ୫ ମାତର୍ ପାରୁସି ଦଲର୍ କେତେଟା ବିସ୍‌ବାସିମନ୍ ଟିଆଅଇ କଇଲାଇ, “ ଜିଉଦି ନଇଲା ଲକ୍ମନ ସୁନଡ଼ ଅଇବାର୍ ଆତେ ଆକା ଆରି ମସାର୍ ବିନ୍ ନିୟ୍‌ମ୍‌ମନ୍ ମାନ୍‌ବାକେ ମିସା ସେମନ୍‌କେ ସିକାଇବାର୍ ଆତେ ।”

୬ ଏ ବିସଇ ଆଲ୍‌ଟନା କର୍‌ବାକେ ପେରିଡ଼ ସିସ୍‌ମନ୍ ଆରି ମଣ୍ଡଲିର୍ ପାର୍‌ଟିନ୍ ରୁଣ୍ଡାଇଲାଇ । ୭ \*ବେସି ପର୍ ଦଦାପେଲା ଅଇଲା ପତେ ପିତର୍ ଟିଆଅଇ କଇଲା, “ମର୍ ବାଇବଇନିମନ୍ ଜିଉଦି ନଇଲା ଲକ୍ମନ, ସୁନିକରି ବିସ୍‌ବାସ୍ କର୍‌ବାକେ ସେମନ୍‌ଟାନେ ସ୍ତବ୍‌କବର୍ ଜାନାଇବାକେ, ଆଗେଅନି ମକେସେ ବାଟ୍‌ଲାଆତେ । ଏଟା ତମେ ଜାନାସ୍ ।” ୮ \*ସବୁ ଲକ୍ମନର୍ କାତା ଜାନ୍‌ବା ପରମେସର୍ ଆମ୍‌କେ ଜେନ୍ଦ୍ରି ସୁକଲ୍ ଆଡ଼ମା ଦାନ୍ କଲା ଆତେ, ସମାନ୍ ସେନ୍ଦ୍ରି ବିସ୍‌ବାସ୍ କର୍‌ବା ଜିଉଦି ନଇଲା ଲକ୍ମନକେ ମିସା ଦାନ୍‌ଦେଇ ସେମନ୍‌କେ ବାଟ୍‌ଲା ଆତେ । ୯ ସେମନ୍‌ର ଆରି ଆମର୍ ବିଡ଼ରେ, ସେ କାଇମିସା ବଡ଼ସାନ୍ ଦେକେ ନାଇ । ସେମନ୍ ଜିସୁକେ ବିସ୍‌ବାସ୍ କଲାର୍‌ପାଇ, ସେ ସେମନ୍‌କେ ସୁକଲ୍ କଲାଆତେ । ୧୦ ସେନ୍ଦ୍ରି ଆଲେ ଗଟେକ୍ ବଡ଼ ବଜ୍ ପିଟିତେଇ ଲାଦିଦେଲାପାରା, ଆମର୍ ସବୁ ନିୟ୍‌ମ୍ ମାନ୍‌ବାର୍ ଆତେ ବଲି କଇକରି ପର୍‌ମେସର୍‌କେ କାଇକେ ପରିକା କଲାସ୍‌ନି ? ଆଜି ଜନ୍ ବଜ୍ ବଇବାକେ, ଆମର୍ ଆନିଦାଦିମନ୍ କି ଆମେ ମିସା ବଇ ନାପାର୍‌ତେ ରଇଲୁ । ୧୧ ନାଇ, ମନେ ଏତାଇଦେକା, ଆମେ ଜେନ୍ଦ୍ରି ବିସ୍‌ବାସ୍ କରି ମାପ୍‌ରୁ ଜିସୁ ଜିବନ୍‌ଦୁକାଇଲାକେ ମୁକ୍ତି ପାଇଆଚୁ, ସେମନ୍ ମିସା ସେନ୍ଦ୍ରିସେ ।”

୧୨ ତାର୍‌ପତେ ପାଉଲ୍ ଆରି ବରନବାଟାନେଅନି ଜିଉଦି ନଇଲା ଲକ୍ମନର୍‌ତେଇ ପରମେସର୍ ଜନ୍ ସବୁ କାବା ଅଇଜିବା କାମ୍‌ମନ୍ ଆରି ଚକିଡ଼ ବିସଇ କରି ରଇଲା, ସେ ସବୁ କାତା ସୁନି ଦଲର୍ ସବୁ ଲକ୍ ଟିମ୍‌ରାଅଇ ରଇଲାଇ । ୧୩ ସେମନ୍ କଇସାରାଇଲା ପତେ ଜାକୁର୍ କଇଲା, ଏ ମର୍ ବାଇବଇନିମନ୍ ମର୍ କାତା ସୁନା ! ୧୪ ପରମେସର୍ ପର୍‌ତମେ ଜିଉଦି ନଅଇଲା ଲକ୍ମନକେ ଆଲାଦ୍ କରି, ତାର୍ ନିଜର୍ ଲକ୍

\* ୧୫:୭ ୧୫:୭ ପେରିଡ଼ ୧୦:୧-୪୩    \* ୧୫:୮ ୧୫:୮ ପେରିଡ଼ ୧୦:୪୪;୨:୪

ଅଥଡ଼ ବଲି, ତାକର୍ ବିଡ଼ରେ ଅନି, ଲକ୍ମନକେ ବାଡ଼ଲାଇ । ଏ କାତା ସିମନ୍ ବୁଜାଇ ଦେଇଆତେ ।  
୧୫ ପର୍ଯ୍ୟେସର୍ କରଇବା ଏ କାମ୍ ବବିସଡ଼ବକ୍ତାମନ୍ କଇରଇବାଟା ସଙ୍ଗ୍ ସମାନ୍ ଆତେ ।

୧୬ ମାପୁରୁ କଇଲା,

“ତାର୍ ପଟେ ମୁଇ ନିଜେ ଦିନେକ୍ ବାଉଡ଼ି ଆଇବି,  
ଆରି ଦାଉଦର୍ ବାଙ୍ଗିଜାଇରଇବା ରାଇଜ୍ ଆରିତରେକ୍ ତିଆର୍ କର୍ବି ।  
ଜେନ୍ତିକି ସେଟା ପୁରାପୁରୁନ୍ ଡାଟ୍ ରଇସି ।

୧୭ ତେଇଅନି ସବୁଜାକ ମନସ୍ ଜାତି ମର୍ ଲଗେ ଆଇବାଇ,

ଜନ୍ ଜିଉଦି ନଇଲା ଲକ୍ମନକେ ମାପୁରୁ ନିଜର୍  
କର୍ବାକେ ଡାକ୍ଲାଆତେ  
ସେମନ୍ ସବୁ ଲକ୍ ମକେ ନାମ୍ବାଇ ।

୧୮ ମାପୁରୁ ଏ କାତା କଇଲାନି,

ଜେ କି ବେସି ଆଗୁରୁ ଏ କାତା କଇରଇଲା ।”

୧୯ ଏବେ ଜାକୁବ୍ କଇବାକେ ଆରାମ୍‌କଲା । ସେ କଇଲା, “ମର୍ ବିଚାର୍ ଇସାବେ, ଜନ୍ ଜିଉଦି ନଇଲା ଲକ୍ମନ ପରମେସରର୍ ବାଟେ ବାଅଡ଼ଲାଇ ଆତଡ଼, ଆମେ ଆରି ସେମନ୍‌କେ ଅଇରାନ୍ ନ କରୁ । ୨୦ ଏଲେ ସେମନ୍ ଆରି ଜେନ୍ତିକି ପୁଡ଼ଲା ଦେବ୍‌ତାମନ୍‌କେ ସର୍ପିଦେଲା କାଇମିସା ଅସୁକଲ୍ କାଦି ନ କାଆ, ବିନ୍ ଲକର୍ ମାଇଜି କି ମୁନ୍ସର୍ ସଙ୍ଗ୍ ମିସ୍‌ବାଟାନେଅନି ଦୁରିକେ ରଅଡ଼, ଟର୍ରି ପିଡ଼କି ମରାଇରଇବା ପସୁର୍ ମାଉଁସ୍ କି ବନି, ନ କାଅଡ଼ ଏ ସବୁ ବିସଇଟାନେ ସେମନ୍‌କେ ଉପଦେସ୍ ଦେଇ, ସେମନ୍‌ର ଲଗେ ଗଟେକ୍ ଚିଟି ଲେକୁ । ୨୧ କାଇକେବଇଲେ ବେସି ଦିନେଅନି ସବୁ ବିସ୍‌ରାମ୍‌ବାରେ ଆମର୍ ପାର୍‌ତନା ଗର୍ମନ୍‌କେ ମସାର୍ ନିୟମ୍ ପଡ଼ଲାଇନି, ଆରି ସବୁ ଗତେ ସେ ନିୟମ୍‌ମନ୍ ଜାନାଇଲାଇନି ।”

**ଜିଉଦିନଇଲା ବିସ୍‌ବାସିମନ୍‌ର ଲଗେ ଚିଟି**

୨୨ ପଟେ ପେରିଡ଼୍ ସିମନ୍, ମଣ୍ଡଲିର୍ ପାର୍‌ତିନମନ୍, ଆରି ସବୁ ମଣ୍ଡଲିର୍ ବାଇମନ୍ ରୁଣ୍ଡିଲାଇ । ସେମନ୍ ରାଜିଅଇରଇବା କାତା ଆନ୍‌ଟିଅକର୍ ବିସ୍‌ବାସିମନ୍‌କେ ଜାନାଇବାକେ ପାଉଲ୍ ଆରି ବର୍ନବା ସଙ୍ଗ୍ ଜିବାକେ କେତେଲକ୍‌କେ ବାଡ଼ଲାଇ । ବର୍ସବା ନାଉଁର୍ ଜିଉଦା ଆରି ସିଲାକେ ବାଡ଼ଲାଇ । ଏ ଦୁଇଲକ୍‌କେ ସବୁ ବିସ୍‌ବାସିମନ୍ ସନ୍‌ମାନ୍ ଦେଇତେରଇଲାଇ । ୨୩ ବିସ୍‌ବାସିମନ୍ ଏ ତଲେ ଲେକାଅଇଲା ଚିଟି, ସେ ଦୁଇ ଲକ୍‌କର୍ ଆତେ ପାଟାଇଲାଇ ।

“ଆନ୍‌ଟିଅକ୍, ସିରିଆ ଆରି ସିଲିସିଆ ରଇବା ଜିଉଦିନଇଲା ଆମର୍ ବାଇମନ୍, କୁଆର୍ ! ଜିରୁସାଲମର୍ ପେରିଡ଼ମନ୍, ପାର୍‌ତିନମନ୍ ଆରି ତମର୍ ବାଇମନ୍, ଏ ଚିଟି ପାଟାଇଲୁନି । ୨୪ ଆମେ ସୁନ୍‌ଲୁନି ଜେ, ଆମର୍ ଦଲେଅନି କେତେ ଲକ୍ ତମର୍‌ଟାନେ ଆସି, ଜାଇଜାଗା ସିକାଇଆତଡ଼, ତେଇଅନି ସେମନ୍ ତମ୍‌କେ କଟପଟ ଆରି ତେରେପେତେ କଲାଇଆତଡ଼ । ମାତର୍ ଆମେ ସେମନ୍‌କେ ସେନ୍ତାରି କର୍ବାକେ, କାଇମିସା ଆଦେସ୍ ଦେଉନାଇ । ୨୫ ସେଟାର୍ ପାଇ ଆମେ ସବୁ ଲକ୍ ଗଟେକ୍ ଅଇକରି କେତେଟା କବର୍ କଉମନ୍‌କେ ବାଟି, ତମର୍ ଲଗେ ପାଟାଇବାକେ ଟିକ୍ କଲୁ । ସେମନ୍ ଆମର୍ ଆଲାଦର୍ ମଇତର୍‌ମନ୍, ବର୍ନବା ଆରି ପାଉଲର୍ ସଙ୍ଗ୍ ଜିବାଇ । ୨୬ ଏ ମଇତର୍‌ମନ୍ ମାପୁରୁ ଜିସୁର୍ ସେବାତେଇ ନିଜର୍ ଜିବନ୍ ସର୍ପିଦେଇ ଆତଡ଼ । ୨୭ ସେଟାର୍ ପାଇ ଜିଉଦା ଆରି ସିଲାକେ ତମର୍ ଲଗେ ପାଟାଇଲୁନି । ଆମେ ଜାଇଟା ଲେକିଆତୁ, ସେଟା ତମ୍‌କେ ସେମନ୍ ନିଜେ ବାତାଇଦେବାଇ । ୨୮ କେତେଟା ଦର୍କାର୍ ରଇଲା ନିୟମ୍ ଚାଡ଼ି, ତମର୍ ଉପରେ ଆରି କାଇମିସା ବଜ୍ ନ ଲାଦ୍‌ବାକେ ଆମେ ସୁକ୍‌ଆଡ଼ମାଇ ଅନି ଚାଲ୍‌ନା ପାଇଲୁଆତୁ । ୨୯ ସେ କେତେଟା ନିୟମ୍ ଅଇଲାନି ପୁଡ଼ଲା ଦେବ୍‌ତାମନ୍‌କେ ପୁଜା କରଇବା କାଇମିସା କାଦି କାଇବାର୍ ନାଇ । ଟର୍ରି ପିଡ଼କି ମରାଇଲା କନ୍ ମିସା ପସୁର୍ ବନି କି ମାଉଁସ୍ କାଇବାର୍ ନାଇ । ଆରି ବିନ୍ ମାଇଜି କି ମୁନ୍ସର୍ ମିଲାମିସା ଟାନେଅନି ଦୁରିକେ ରଇବାର୍ । ଏ ସବୁ କାମ୍ ନ କର୍ବାକେ ତମେ ଜାଗ୍‌ରଡ଼ ରଇଲେ, ଅଇଜାଇସି । ଏଡ଼କିକେ ରଇଲୁନି ।”

୩୦ ଜନ୍ କବର୍ କଉମନ୍‌କେ ପାଟାଇ ରଇଲାଇ, ସେମନ୍ ଆନ୍‌ଟିଅକ୍‌ତେଇ ଜାଇ ବିସ୍‌ବାସିମନ୍‌ ସବୁ ଦଲ୍‌କେ ରୁଣ୍ଡାଇକରି ସେ ଚିଟି ଦେଲାଇ । ୩୧ ତେଇର୍ ବିସ୍‌ବାସିମନ୍ ସେ ଚିଟି ପଡ଼ିକରି ବେସି ସାର୍‌ଦା ଅଇଗାଲାଇ । ୩୨ ଜିଉଦା ଆରି ସିଲା ନିଜେ ଦୁଇ ଲକ୍ ବବିସଡ଼ବକ୍ତା ରଇଲାଇ । ସେମନ୍ ଆନ୍‌ଟିଅକର୍ ବିସ୍‌ବାସି ବାଇମନ୍‌କେ ବେସିଦିନ୍ ରଇକରି, କବର୍ ଜାନାଇ, ସେମନ୍‌ ବିସ୍‌ବାସ୍ ଡାଟ୍ କଲାଇ । ୩୩ ତେଇ କେତେ ଦିନ୍ ରଇଲା ପଟେ, ଜନ୍‌ଲକ୍‌ମନ୍ ସେମନ୍‌କେ ପାଟାଇରଇଲାଇ, ସେମନ୍‌ର ଲଗେ ବାଉଡ଼ି ଜିବାକେ, ବିସ୍‌ବାସି ବାଇମନ୍ ସେମନ୍‌କେ ସାନ୍ତି ସଙ୍ଗ୍, ପାଟାଇ ଦେଲାଇ । ୩୪ ମାତର୍ ସିଲା ତେଇସେ ରଇବାଟା ଟିକ୍ ବଲି ତେଇ ରଇବାକେ ମନ୍ କଲା ।

୩୫ ପାଉଲ୍ ଆରି ବର୍ନବା ଆନ୍‌ଟିଅକ୍‌ତେଇ କେତେ ଦିନ୍ ରଇକରି ବେସି ଲକ୍‌ମନ୍‌ ସଙ୍ଗ୍, ମିସିବିଡ଼ି ମାପୁରୁର୍ ବାକିଅ ଜାନାଇଲାଇ ଆରି ସିକିଆ ଦେଲାଇ ।

**ପାଉଲ୍ ଆରି ବରନବା ବିନେ ଅଇଲାଇ**

୩୭ କେତେ ଦିନ ପଚେ ପାଉଲ୍ ବରନବାକେ କଇଲା, “ଜୁ, ଆମେ ବାଉଡ଼ି ଜୁ, ସବୁ ଗଡ଼ମନକେ, ଆମର ଜନ୍ ବାଇମନକେ ମାପୁରୁର ବାକିଅ ଜାନାଇ ରଇଲୁ, ସେମନକେ ବେଟ୍ ଅର୍ଡ଼ ଆରି ସେମନ୍ ବିସବାସେ କେନ୍ତି ଆଚଡ଼ ବୁଜି ଦେକୁ ।” ୩୭ ଜଅନ୍ ମାରକକେ ମିସା ତାକର୍ ସଙ୍ଗ୍ ନେବାକେ ବରନବା ମନ୍ କଲା । ୩୮ \*ମାତର୍ ପାଉଲ୍ କଇଲା “ନିରୁ, କାଇକେ ବଇଲେ, ପପୁଲିଆଇ ଜନ୍ ଦିନେ ଆମର୍ କାମ୍ ସାରି ନ ରଇଲା, ସେ ଆମକେ ଚାଡ଼ି ବାଉଡ଼ି ଉଟିଆଇଲା ।” ୩୯ ଏ ବିସଇ, ବେସି କୁଆବଲା ଅଇଲାଇ ଆରି ସେମନ୍ ବିନେ ଅଇଲାଇ । ବରନବା ଜଅନ୍ମାରକକେ ନେଇ ସାଇପରସେ ଜିବା ପାନିଜାଜେ ଚଗ୍ଲାଇ । ୪୦ ମାତର୍ ପାଉଲ୍ ତାରସଙ୍ଗ୍ ଜିବାକେ ସିଲାକେ ବାଟ୍ଲା । ଆରି ମାପୁରୁର ଜିବନ୍ଦୁକାନି ତେଇ ସେମନକେ ସର୍ପିଦେଇ, ବିସବାସିମନ୍ ପାଟାଇ ଦେଲାଇ । ୪୧ ପାଉଲ୍ ଆରି ସିଲା, ସିରିଆ ଆରି ସିଲିସିଆଇ ବୁଲି ବୁଲି କରି ତେଇର୍ ମଣ୍ଡଲିମନକେ ଡାଟ୍ କରାଇଲାଇ ।



**ପାଉଲ୍ ଆରି ସିଲାର୍ ସଙ୍ଗ୍ ତିମତି ଜିବାଟା**

୧ ତେଇଅନି ପାଉଲ୍ ଦର୍ବି ଆରି ଲୁସ୍ତାରାଇ ଆଇଲା । ସେ ନଅରେ ତିମତି ନାଉର୍ ଗଟେକ୍ ବିସବାସି ଲକ୍ ରଇଲା । ତାର ମାଆ ଗଟେକ୍ ଜିଉଦି ବିସବାସି ରଇଲା । ମାତର୍ ତାର ବାବା ଗଟେକ୍ ଗିରିକ୍ ଲକ୍ ରଇଲା । ୨ ଲୁସ୍ତାରା ଆରି ଇକନିଅତେଇ ରଇବା ସବୁ ବିସବାସି ବାଇମନ୍ ତିମତିକେ ସନ୍ମାନ କର୍ତ୍ତେରଇଲାଇ । ୩ ପାଉଲ୍ ତାର ସଙ୍ଗ୍ ତିମତିକେ ନେବାକେ ମନ୍ କଲା, ସେଟାର୍ପାଇ ଜିବା ଆଗଡୁ ମସାର୍ ନିୟମ୍ ଇସାବେ ତାକେ ସୁନଡ଼ କଲା । ଜେନ୍ତିକି ସେ ଜାଗାର୍ ଜିଉଦିମନ୍ ତାକେ ନିନ୍ଦା ନ କରଡ଼ । କାଇକେବଇଲେ ତେଇର୍ ଲକ୍ମନ୍ ତିମତିର୍ ବାବା ଗିରିକ୍ ଲକ୍ ବଲି ଜାନିରଇଲାଇ । ୪ ସେମନ୍ କେଟ୍ଲା ସବୁ ଜାଗାଇ ଜିଉଦି ନ ଅଇଲା ବିସବାସିମନ୍ପାଇ, ଜିରୁସାଲମର୍ ପାର୍ତିନମନ୍ ଆରି ପେରିଡ଼ମନ୍ ରାଜି ଅଇରଇବା ନିତିନିୟମ୍ ବିସଇ କଇଲାଇ । ଏ ସବୁ ନିୟମ୍ ମାନବାକେ ବିସବାସିମନକେ କଇଲାଇ । ୫ ସେଟାର୍ପାଇ ମଣ୍ଡଲିମନର୍ ଲକ୍ମନ୍ ବିସବାସେ ଡାଟ୍ ଅଇଲାଇ ଆରି ଦିନକେ ଦିନ ତାକର୍ ବିସବାସ୍ ବଡ଼ବାର୍ ଦାରଲାଇ ।

**ମାସିଦନିଆଇ ଜିବା ପାଇ ତରୟାତେଇ ପାଉଲ୍କେ ଚାଲ୍ନା ମିଲ୍ବାଟା**

୬ ସୁକଲ୍ଆଡ଼ମା ସେମନକେ ଆସିଆ ଦେସେ ମାପୁରୁର୍ କାତା କଇବାକେ ଚାଲ୍ନା ଦେଅଡ଼ନାଇକେ, ସେମନ୍ ପିରିଜିଆ ଆରି ଗାଲାତିଅ ଜାଗାଇ ଗାଲାଇ । ୭ ମିସିଆର୍ ସନ୍ଦିଲଗେ କେଟି ବିତିନିଆ ରାଇଜେ ଜିବାକେ ଚେସ୍ଟା କଲାଇ । ମାତର୍ ବାରଇଲାବେଲେ ଜିସ୍ତୁରଲାଗି ତାକର୍ ବିଡ଼ରେ ରଇବା ସୁକଲ୍ ଆଡ଼ମା, ସେମନକେ ଜିବାକେ ଚାଲ୍ନା ଦେଏନାଇ । ୮ ସେଟାର୍ ପାଇ ସେମନ୍ ମିସିଆବାଟ୍ ଦେଇ ତରଆତେଇ ଗାଲାଇ । ୯ ତରଆଇ ରଇଲାବେଲେ, ସେ ରାତିଆ ପାଉଲ୍ ଗଟେକ୍ ଦର୍ସନ୍ ଦେକ୍ଲା । ସେ ଦର୍ସନେ ମାସିଦନିଆର୍ ଗଟେକ୍ ଲକ୍ ଚିଆଅଇ ବାବୁଜିଆ କରି କଇଲା “ମାସିଦନିଆଇ ଆସି ଆମକେ ସାଇଜ କରା !” ୧୦ ପାଉଲ୍ ଏ ଦର୍ସନ୍ ଦେକ୍ଲା ଦାପ୍ରେ, ମାସିଦନିଆଇ ଜିବାକେ ଆମେ ତିଆର୍ ଅଇଲୁ, କାଇକେବଇଲେ ଆମେ ନିକ ସଙ୍ଗ୍ ଜାନ୍ଲୁ, ପର୍ମେସର୍ ତେଇର୍ ଲକ୍ମନର୍ ବିଡ଼ରେ, ସୁବ୍ କବର୍ ଜାନାଇବାକେ ଆମକେ ଡାକ୍ଲା ଆଚେ ।

**ପିଲିପିତେଇ ଲୁଦିଆର୍ ମନ୍ ପେରାନି**

୧୧ ଆମେ ତରଆଅନି ଜାଜେ ଚଗି ସିଦା ସାମ୍ତରା ଗାଲୁ ଆରି ତାର୍ ଆରକର୍ ଦିନେ ନିଆପଲି କେଟ୍ଲୁ । ୧୨ ତେଇଆମେ ଉଡ଼ରିକରି ମାସିଦନିଆ ଜିଲାର୍ ମୁକିଅ ଗଡ଼ ପିଲିପେ ଗାଲୁ । ଏ ଗଡ଼ ଗଟେକ୍ ରମିୟ ଦଲ୍ ରଇବା ଗଡ଼ ରଇଲା । ତେଇ ଆମେ ବେସି ଦିନ ଜାକ ରଇଲୁ । ୧୩ ବିସରାମ୍ବାରେ ଗଡ଼ ବାଇରର୍ ଗାଡ଼ କଣ୍ଡି ଗାଲୁ । ତେଇ ଜିଉଦିମନ୍ ରୁଣ୍ଡିକରି ପାର୍ତନା କର୍ବାକେ ଗଟେକ୍ ଜାଗା ବଲି ବାବ୍ଲୁ । ଆମେ ତେଇ ବସ୍ଲୁ ଆରି ତେଇ ରୁଣ୍ଡି ରଇବା ମାଇଜି ମନର୍ ସଙ୍ଗ୍ କାତାବାଟା ଅଇଲୁ । ୧୪ ସେମନର୍ ବିଡ଼ରେଅନି ତୁୟଟିରା ଗଡ଼ର୍ ଲୁଦିଆ ନାଉର୍ ଗଟେକ୍ ମାଇଜି, ଆମର୍ କାତା ସୁନ୍ତେରଇଲା । ସେ ବେସି ଦାମ୍ ଅଇବା ଜାମ୍କଲିଆ ରଙ୍ଗ୍ ଲୁଗା ବିକ୍ତେରଇଲା । ସେ ପରମେସର୍କେ ପାର୍ତନା କର୍ବା, ଜିଉଦି ନ ଅଇଲା ଲକ୍ । ପାଉଲ୍ ମାପୁରୁର୍ କାତା କଇଲାବେଲେ ସେଟା ନାମବାକେ ମାପୁରୁ ତାର ମନ୍ ଉଗାଡ଼ିଦେଲା । ୧୫ ବିସବାସ୍ କଲାପଚେ, ସେ ଆରି ତାର କୁଟୁମର୍ ଲକ୍ ତୁବନ୍ ନେଲାଇ । ତାର ପଚେ ସେ ଆମକେ ଡାକିକରି କଇଲା, “ଜଦି ସତଇସେ ମୁଇ ମାପୁରୁକେ ବିସବାସ୍ କଲିନି ବଲି ତମେ ବାବ୍ଲାସ୍ନି, ତେବେ ଆସି ମର୍ ଗରେ ରୁଆ ।” ସେ ଏନ୍ତି କଇ ଆମକେ ତାର ଗରେ ଜିବାକେ ସୁଡ଼ରାଇଲା ।

**ପିଲିପିର୍ ବନ୍ଦି ଗରେ ପାଉଲ୍ ଆରି ସିଲା**

\* ୧୫:୩୮ ୧୫:୩୮ ପେରିଡ଼ ୧୩:୧୩



୧୭ ଆରି ଗଟେକ୍‌ଦିନେ ଆମେ ପାର୍ତନା ଜାଗାଇ ଜାଇରଇଲୁ । ତେଇ ଡ୍ରମା ଡସିରଇବା ଗଟେକ୍ ଗତିଦାଙ୍ଗୁଡ଼ିକେ ବେଟ୍‌ଅଇଲୁ । ସେ ତାର ବିଡ଼ରେ ରଇଲା କାରାପ୍‌ଆଡ଼ମାର୍ ବପୁ ସଙ୍ଗ୍ ବବିସଡ଼ କାତା କଇପାର୍‌ତେ ରଇଲା । ସେ ଲକ୍‌ମନର୍ ଆଡ଼ ଦେକି, ବବିସଡ଼ କାତା କଇଦେଇକରି, ସାଉକାର୍‌ମନ୍କେ ବେସି ତାରୁ କାମାଇଦେଇତେରଇଲା । ୧୭ ଆମେ ତାରଲଗେ ଗାଲାକେ, ସେ ପାଉଲ୍ ବଲି କିର୍କିରି ଆମର୍ ପର୍ ପର୍ ଆଇଲା । ଆରି କଇଲା, “ଏ ଲକ୍‌ମନ୍ ସବୁର୍‌ଟାନେଅନି ବଡ଼ ପରମେସରର୍ ସେବାକରୁମନ୍ । ତମେ କେନ୍ତ୍ର ମୁକ୍ତି ପାଇସା, ଏ କାତା ସେମନ୍ କଇଲାଇନି ।” ୧୮ ସେ ଦାଙ୍ଗୁଡ଼ି ବେସି ଦିନ୍ ଦାରି ଏନ୍ତି କଲା । ସାରାସାରିପତେ ପାଉଲ୍ ବିଜାର୍ ଅଇଲା । ସେ ପର୍‌ବାଟେ ପାସଲି ଦେକି କାରାପ୍‌ଆଡ଼ମାକେ ଦମ୍‌କାଇକରି କଇଲା, “ଜିସୁ କିରିସ୍‌ଟର୍ ନାଉଁ ଦାରି ଆଦେସ୍ ଦେଲିନି, ତାର୍‌ତେଇଅନି ବାରଇ ଜା ।” ସେ କଇଲା ଦାପରେ, କରାପ୍‌ଆଡ଼ମା ତାର୍‌ତେଇଅନି ବାରଇଗାଲା ।

୧୯ ଜେତେବେଲ୍ ତାକର୍ ସାଉକାର୍‌ମନ୍କେ ନିଜର୍ ଦନ୍ ଅରଜ୍‌ବାଟା, ବୁଡ଼ିଗାଲା ବଲି ଜାନ୍‌ଲାଇ, ପାଉଲ୍ ଆରି ସିଲାକେ ଗଡ଼ର୍ ମଜାଇ ରଇବା ରମିଅ ଅଦିକାରିର୍ ଲଗେ ଜିକି ଆନ୍‌ଲାଇ । ୨୦ ସେମନ୍‌କେ ତାକର୍ ମୁଆଟେ ଆନି ଦସ୍‌ଦେଇ କରି କଇଲା “ଏମନ୍ ଜିଉଦି ଲକ୍, ଆମର୍ ଗଡ଼େ ଆସି ଗଣ୍ଡୁଗଲ୍ କଲାଇନି ।” ୨୧ ଆମର୍ ନିୟମ୍ ବିରଦେ ରିଡ଼ିନିଡ଼ି ସିକାଇଲାଇନି । ଆମେ ରମିଅ ଲକ୍, ସେଟାର୍ ପାଇ ଏ ରିଡ଼ିନିଡ଼ି ମାନି ନାପାରୁ । ୨୨ ସାଉକାର୍ ମନର୍ କାତାମିସାଇ ତେଇ ରଇଲା ଲକ୍‌ମନ୍, ପାଉଲ୍ ଆରି ସିଲାର୍ ବିରଦେ ଉଡ଼ିଲାଇ ।

ସେ ଅଦିକାରିମନ୍ ପାଉଲ୍ ଆରି ସିଲାର୍ ବସ୍‌ତର୍ ଚିରିକରି କର୍ତ୍ତା ସଙ୍ଗ୍ ମାର୍‌ବାକେ ଆଦେସ୍ ଦେଲାଇ । ୨୩ ବେସି ମାଡ଼କାଇଲା ପତେ ସେମନ୍‌କେ ବନ୍ଦି ଗରେ ପୁରାଇଲାଇ ଆରି କୁଟିଦେଇ ଜାଗ୍‌ବାକେ ବନ୍ଦି ଗର୍ ଜାଗୁଆଲ୍‌କେ ଆଦେସ୍ ଦେଲାଇ । ୨୪ ଏ ଆଦେସ୍ ପାଇ ବନ୍ଦି ଗର୍ ଜାଗୁଆଲ୍ ସେମନ୍‌କେ ଗଟେକ୍ ବିଡ଼ରର୍ ବାକ୍‌ରାଇ ପୁରାଇ ଦେଇ, ବଜ୍‌ରଇବା ଦାରୁମୁଟ୍‌ଲାଇ ତାକର୍ ଗଡ଼ ବାନ୍ଦିଦେଲା ।

୨୫ ପାଉଲ୍ ଆରି ସିଲା ମଜା ରାତି ବେଲାଇ ପର୍‌ମେସର୍କେ ପାର୍‌ତନା କରି ଗିଡ଼ ଗାଇତେ ରଇଲାଇ । ବନ୍ଦି ଗରେ ରଇବା ବିନ୍‌ଲକ୍‌ମନ୍ ସେଟା ସବୁ ସୁନ୍‌ତେ ରଇଲାଇ । ୨୬ ସେଡ଼କିବେଲେ, ଅଟାଡ଼ ବେସି ଦର୍‌ତନି ତୁଲ୍‌ତୁଲ୍‌ଲା ଆରି ବନ୍ଦି ଗରର୍ ପାକାଇଲା କୁନାଦି ପାକ୍‌ନା ଆଲିଗାଲା, ସେ ଦାପରେ କାପାଟ୍‌ମନ୍ ଉଗାଡ଼ି ଅଇଗାଲା ଆରି ସବୁ ବନ୍ଦିମନର୍ ସିକ୍‌ଲି କୁସଲି ଗାଲା । ୨୭ ବନ୍ଦି ଗରର୍ ଜାଗୁଆଲ୍ ଚେତାଅଇ ଉଡ଼ିଲା ଆରି ବନ୍ଦି ଗରର୍ କାପାଟ୍ ଉଗଡ଼ା ଅଇରଇଲାଟା ଦେକ୍‌ଲା । ସେ ବନ୍ଦିମନ୍ ସବୁ ପାଲାଇ ଆତଡ଼ ବଲି ବାବ୍‌ଲା । ସେଟାର୍ ପାଇ ସେ ତାର୍ କାଣ୍ଡା ବେଟି ବୁସି ଅଇ ମର୍‌ବାକେ ଜାଇତେ ରଇଲା । ୨୮ ମାତର୍ ପାଉଲ୍ ଆଉଲିଅଇ କଇଲା, “ନିଜେ ତର୍ ଗାଗଡ଼ କାଟିଅଇ ନସାନାଇ । ଆମେ ସବୁ ଲକ୍ ଇତି ଆତୁ ! କେ ପାଲାଉ ନାଇ ।”

୨୯ ବନ୍ଦି ଗର୍ ଜାଗୁଆଲ୍ ଗଟେକ୍ ବଡ଼ି ଆନ୍‌ବାକେ ତିଆର୍‌ଲା । ଆରି ସେ ବଡ଼ି ଦାର୍‌ଲା ଆରି ତର୍‌ତରି ତର୍‌ତରି ଆସି ପାଉଲ୍ ଆରି ସିଲାର୍ ଗଡ଼ ତଲେ ଅଦର୍‌ଲା । ୩୦ ତାର୍ ପତେ ସେମନ୍‌କେ ବାଇରେ ନେଇ ପାଟାର୍‌ଲା, “ଆଗିଆମନ୍ ! ପର୍‌ମେସରର୍ ଡ଼େଣ୍ଡୁଅନି ରକିଆ ପାଇବାକେ ମୁଇ କାଇଟା କର୍‌ବାର୍ ଆତେ ?”

୩୧ ସେମନ୍ କଇଲା, “ମାପ୍‌ରୁ ଜିସୁକେ ବିସ୍‌ବାସ୍ କଲେ, ତୁଇ ଆରି ତମର୍ କୁଟୁମର୍ ସବୁ, ମୁକ୍ତି ପାଇସା ।” ୩୨ ତାର୍ ପତେ ସେମନ୍ ତାକେ ଆରି ତାକର୍ ଗରର୍ ସବୁ ଲକ୍‌କେ ମାପ୍‌ରୁର୍ ବାକିଅ କଇଲାଇ । ୩୩ ସେ ଦାପରେ ମଜାରାତି ବେଲେ, ବନ୍ଦି ଗର୍ ଜାଗୁଆଲ୍ ସେମନ୍‌କେ ଡାକିନେଇ ସେମନ୍‌ର୍ ଗାଉ ଅଇଲାଟା ସବୁ ଦଇଦେଲା । ତାର୍‌ପତେ ସେ ଆରି ତାର୍ କୁଟୁମର୍ ସବୁ ଲକ୍ ଡ୍ରବନ୍ ନେଲାଇ । ୩୪ ତାର୍‌ପତେ ସେ ପାଉଲ୍ ଆରି ସିଲାକେ ତାକର୍ ଗରେ ଡାକିନେଇ କାଇବାକେ ଦେଲା । ତେଇ ପରମେସର୍କେ ବିସ୍‌ବାସ୍ କଲାର୍ ପାଇ ସେ ଆରି ତାର୍ କୁଟୁମର୍ ସବୁ ଲକ୍‌ମନ୍ ସାର୍‌ଦା ଅଇଗାଲାଇ ।

୩୫ ଆରିଗଟେକ୍ ଦିନର୍ ସାକାଲେ ରମିଅ ସାସନ୍‌କାରିଆମନ୍ ସେ ଲକ୍‌ମନ୍‌କେ ଚାଡ଼ି ଦିଆସ୍ ବଲି ଜାଗୁଆଲ୍‌ମନ୍‌କେ କଇକରି ପାଟାଇଲାଇ ।

୩୬ ସେଟାର୍ ପାଇ ବନ୍ଦିଗର୍ ଜାଗୁଆଲ୍ ପାଉଲ୍‌କେ କଇଲା, “ରମିଅ ସାସନ୍‌କାରିଆ ତମ୍‌କେ ଆରି ସିଲାକେ ଚାଡ଼ି ଦେବାକେ ଆଦେସ୍ ଦେଲା ଆତେ । ଏବେ ତମେ ଏ ଜାଗାଇଅନି ସାନ୍ତି ସଙ୍ଗ୍ ଉଟି ଜା ।” ୩୭ ମାତର୍ ପାଉଲ୍ ସନିଅମନ୍‌କେ କଇଲା, “କାଇମିସା ଅପରାଦେ ଦସି ଅଇ ନ ରଇଲେ ମିସା, ସେମନ୍ ଆମ୍‌କେ ଲକ୍‌ମନର୍ ମୁଆଟେ ମାର୍‌ଲାଇ । ଆମେ ରମିଅ ଲକ୍, ମାତର୍ ସେମନ୍ ଆମ୍‌କେ ବନ୍ଦି କଲାଇ । ଏବେ ଆମ୍‌କେ ଲୁଟ୍‌ତେ ଚାଡ଼ିଦେବାକେ ମନ୍ କଲାଇନି । ଏଟା କର୍‌ବାକେ ଆମେ ନ ଦେଉଁ । ରମିୟ୍ ଅଦିକାରି ନିଜେ ଆସି ଇତି ଆମ୍‌କେ ମୁକ୍‌ଲାଅ ।”

୩୮ ସନିଅମନ୍ ରମିଅ ସାସନ୍‌କାରିଆକେ ଏ କାତା ଜାନାଇଲାଇ । ପାଉଲ୍ ଆରି ସିଲା ରମିଅ ଲକ୍ ବଲି ସୁନି ସେମନ୍ ଡରିଗାଲାଇ । ୩୯ ସେଟାର୍‌ପାଇ ବନ୍ଦିଗରେ ଜାଇ ସେମନ୍‌କେ କେମା ମାଙ୍ଗ୍‌ଲାଇ ଆରି ସେମନ୍‌କେ ବନ୍ଦି ଗରେଅନି ବାକ୍‌ରାଇ ଗଡ଼ ଚାଡ଼ି ଉଟିଜିବାକେ ବାବୁଜିଆ କଲାଇ । ୪୦ ପାଉଲ୍ ଆରି

ସିଲ୍ଲା ବନ୍ଦି ଗରେଅନି ବାରଇ ଲୁଦିଆର ଗରେ ଗାଲାଇ । ତେଇ ସେମନ୍ ବିସ୍ବାସି ବାଇମନ୍‌କେ ବେଟ୍ ଅଇ, ସେମନ୍‌କେ ସାର୍‌ଦା କରାଇ, ସେ ଜାଗା ଚାଡ଼ିଉଟିଗାଲାଇ ।

### ୧୭

#### ତେସଲନିକିତେଇ ସେବା କାମ୍ କରବାଟା

୧ ପାଉଲ୍ ଆରି ସିଲ୍ଲା ଅମ୍‌ପିପଲି ଆରି ଆପଲନିଆ ବାଟ୍‌ଦେଇ ତେସଲନି ଜାଗାଇ କେଟ୍‌ଲାଇ । ତେଇ ଜିଉଦିମନ୍‌ର ଗଟେକ୍ ପାର୍‌ତନା ଗର୍ ରଇଲା । ୨ ପାଉଲ୍ ତାର୍ ରିତିନିତି ଇସାବେ, ପାର୍‌ତନା ଗରେ ଗାଲା । ତେଇ ସେ ଲାଗି ଲାଗି ତିନ୍‌ଟା ବିସ୍‌ରାମ୍‌ବାରେ ଲକ୍‌ମନ୍‌ର ସଙ୍ଗ୍ କାତାବାର୍‌ତା କଲା । ୩ ଦରମ୍ ସାସ୍‌ତର୍ ପଡ଼ିକରି ବୁଜାଇଲା ଜେ, ମସିଅ ଦୁକ୍ ପାଇବାର୍ ରଇଲା ଆରି ପର୍‌ମେସର୍ ତାକେ ମଲାତେଇଅନି ଉଟାଇବାର୍ ରଇଲା । ପାଉଲ୍ କଇଲା, “ଜନ୍ ଜିସୁର୍ ବିସଇ ମୁଇ ଜାନାଇଲି, ସେ ଅଇଲାନି ମସିଅ ।” ୪ ସେମନ୍‌ର ବିଡ଼ରେଅନି କେତେ ଲକ୍ ଏଟା ବିସ୍‌ବାସ୍ କଲାଇ । ପାଉଲ୍ ଆରି ସିଲ୍ଲାର୍ ସଙ୍ଗ୍ ମିସ୍‌ଲାଇ । ସେନ୍ତି ଡାକ୍‌ପୁଟା ରଇବା ମାଇଜିମନ୍ ଆରି ପର୍‌ମେସର୍‌କେ ପାର୍‌ତନା କରବା ଗିରିକ୍ ମନ୍‌ର ଗଟେକ୍ ବଡ଼ ଦଲ୍ ମିସା ସେମନ୍‌ର ସଙ୍ଗ୍ ମିସ୍‌ଲାଇ ।

୫ ମାତର୍ କେତେଟା ଜିଉଦିମନ୍ ପାଉଲ୍ ଆରି ସିଲ୍ଲାକେ କୁଟ୍ କରି, କାଇ କାମ୍ ନ କରବା ଅଲ୍‌ସିଆ ଲକ୍‌ମନ୍‌କେ ଏକ୍‌ଜୁଟ୍ କଲାଇ, ଆରି ଟୁଲିଆଇ, ଗୁଲାଇ ଗଡ଼ ଜାକର୍ ଲକ୍‌କେ ଉସ୍‌କାଇ ରିସା କରାଇଲାଇ । ସେମନ୍ ପାଉଲ୍ ଆରି ସିଲ୍ଲାକେ କଜି ଆନ୍‌ବାକେ ଗଟେକ୍ ଜେସନ୍ ନାଉର୍ ଗରେ ଜାଇ, ତାର୍ ଗର୍ ଚପିପାକାଇଲାଇ । ୬ ମାତର୍ ତେଇ ପାଉଲ୍ ଆରି ସିଲ୍ଲା ଡିସ୍‌ତ ନାଇଜେ, ସେମନ୍ ଜେସନ୍ ଆରି ବିନ୍ କେତେଟା ବିସ୍‌ବାସି ବାଇମନ୍‌କେ, ଗଡ଼ ନେତାମନ୍‌ର ଲଗେ ଜିକିନେଇ ଆଉଲିଅଇ କଇଲାଇ, “ଏ ଲକ୍‌ମନ୍ ଚାରିବେଟ୍‌ତି ଗଣ୍ଡିଗଲ୍ କଲାଇନି ! ଏବେ ଆମର୍ ଗଡେ ମିସା ଆଇଲାଇ ଆଟ୍ ୭ ଆରି ଏସନ୍ ସେମନ୍‌କେ ତାର୍ ଗରେ ରକିରଇଲା । ଜିସୁ ନାଉର୍ ଦାରି ଆରି ଗଟେକ୍ ରାଜା ଆଟେ ବଲି କଇକରି ସେମନ୍ ଆମର୍ ବଡ଼ ସାସନ୍‌କାରିଆର୍ ନିୟମ୍ ବାଙ୍ଗ୍‌ଲାଇନି ।” ୮ ଏ କାତା କଇ ସେମନ୍, ଲକ୍‌ମନ୍‌କେ ଆରି ସାସନ୍‌କାରିଆର୍ ବିରଦେ ଆଉଲି ଅଇକରି ବେସି ରିସା କରାଇଲାଇ ଆରି ଗଣ୍ଡିଗଲ୍ କରାଇଲାଇ । ୯ ସାସନ୍ କରୁମନ୍ ଜେସନ୍ ଆରି ବିସ୍‌ବାସିମନ୍‌ତେଇଅନି ଚାଡ଼ବାକେ, ଜେଡ଼କି ତାରୁ ବାନ୍‌ବାକେ ରଇଲା, ଲାଟ୍ ନେଇକରି ସେମନ୍‌କେ ଜାମିଲେ ଚାଡ଼ିଦେଲାଇ ।

#### ବେରିଆଇ ସେବାକାମ୍

୧୦ ରାତି ଅଇଲା ଦାପ୍‌ରେ, ବିସ୍‌ବାସି ବାଇମନ୍ ପାଉଲ୍ ଆରି ସିଲ୍ଲାକେ ବେରିଆ ନାଉର୍ ଜାଗାଇ ପାଟାଇଦେଲାଇ । ସେମନ୍ ତେଇ କେଟି, ଜିଉଦି ଲକ୍‌ମନ୍‌ର ପାର୍‌ତନା ଗରେ ଗାଲାଇ । ୧୧ ତେସଲନିର୍ ଜିଉଦିମନ୍‌ର ଗାନେଅନି ବେରିଆର୍ ଜିଉଦିମନ୍ କୁଲାକୁଲି ମନ୍ ରଇବା ଲକ୍ ରଇଲାଇ । ସେମନ୍ ଅଦିକ୍ ମନ୍‌ଦିଆନ୍ ଦେଇ ସିସ୍‌ମନ୍‌ର ସିକିଆ ସୁନ୍‌ଲାଇ । ଆରି ପାଉଲ୍ କଇଲା କାତା, ସଡ଼ କି ନାଇ ବଲି ଜାନ୍‌ବାକେ ସବୁ ଦିନ୍ ଦରମ୍ ସାସ୍‌ତର୍ ପଡ଼ତେରଇଲାଇ । ୧୨ ସେମନ୍‌ର ବିଡ଼ରେଅନି ବେସି ଲକ୍ ବିସ୍‌ବାସ୍ କଲାଇ । ବେସି ସାଉକାର୍ ଅଇ ସନ୍‌ମାନ୍ ପାଇବା ଗିରିକ୍ ମାଇଜି ଆରି ଗିରିକ୍ ଲକ୍‌ମନ୍ ମିସା ବିସ୍‌ବାସିମନ୍‌ର ସଙ୍ଗ୍ ମିସ୍‌ଲାଇ । ୧୩ ମାତର୍ ଜେତେବଲ୍ ତେସଲନିର୍ ଜିଉଦିମନ୍ ସୁନ୍‌ଲାଇ ଜେ ବେରିଆତେଇ ମିସା ପାଉଲ୍ ପର୍‌ମେସର୍‌ର ବାକିଅ ଜାନାଇଲାନି, ସେମନ୍ ତେଇ ଆସି ପାଉଲ୍‌ର ବିରଦେ ଗଣ୍ଡିଗଲ୍ କରବାକେ ଲକ୍‌ମନ୍‌କେ ଉସ୍‌କାଇଲାଇ । ୧୪ ସେ ଦାପ୍‌ରେ ବିସ୍‌ବାସି ବାଇମନ୍ ପାଉଲ୍‌କେ ସମ୍‌ଦୁର୍ ପାଲିବାଟେ ପାଟାଇଦେଲାଇ, ମାତର୍ ସିଲ୍ଲା ଆରି ତିମତି ଦୁଇ ଲକ୍ ବେରିଆଇ ରଇଲାଇ । ୧୫ ପାଉଲ୍‌କେ ଡାକିନେବା ଲକ୍‌ମନ୍, ତାର୍ ସଙ୍ଗ୍ ଆତେନସ୍ ଜାକ ଗାଲାଇ । ତେଇଅନି ସେମନ୍ ବେରିଆଇ ବାଉଡି ଆସି, ସିଲ୍ଲା ଆରି ତିମତିକେ କଇଲାଇ, “ତମ୍‌କେ ପାଉଲ୍ ବେଗି ମିସ୍‌ବାକେ କବର୍ ପାଟାଇ ଆଦେସ୍ ଦେଲାଆଟେ ।”

#### ଆତେନେସ୍‌ତେଇ ପାଉଲ୍‌ର୍ ସେବାକାମ୍

୧୬ ସିଲ୍ଲା ଆରି ତିମତିକେ ଆତେନେସ୍‌ତେଇ ଜାଗି ରଇଲା ବେଲେ, ଗଡ଼ଜାକର୍ ଲକ୍ ପୁଜା କରବା ଦେବ୍‌ତାମନ୍‌ର ମୁର୍‌ତିମନ୍ ଦେକି, ପାଉଲ୍‌ର୍ ମନ୍ ବେସି ଉଡୁକ୍‌ଦୁଡୁକ୍ ଅଇଗାଲା । ୧୭ ସେଟାର୍‌ପାଇ ସେ ଜିଉଦିମନ୍‌ର ପାର୍‌ତନା ଗରେ ସେମନ୍‌ର ସଙ୍ଗ୍, ଆରି ପର୍‌ମେସର୍‌କେ ପାର୍‌ତନା କରବା ଜିଉଦି ନଇଲା ଲକ୍‌ମନ୍‌ର ସଙ୍ଗ୍, ଏ ବିସଇ ସବୁ ଦିନ୍ ଆଲ୍‌ଚନା କରବାର୍ ଦାର୍‌ଲା । ଆଟେବାଟେ ଜିବାଆଇବା କରବା ଲକ୍‌ମନ୍‌ର ସଙ୍ଗ୍ ସେ ବିସଇ ଆଲ୍‌ଚନା କଲା । ୧୮ କେତେଟା ଏପିକିଉରିଆନ୍ ଆରି ଟଇକ୍ ସିକିଆ ଦେବା ଗୁରୁମନ୍‌ର ସଙ୍ଗ୍ ଦଦାପେଲା ଅଇଲାଇ । ସେମନ୍‌ର ବିଡ଼ରେଅନି କେତେ ଲକ୍ କଇଲାଇ, “ଏ ବକୁଆ ବଡ଼ପନିଆ, କାଇଟା କଇବାକେ ଚେସ୍‌ଟା କଲାନି ?”

ବିନ୍ ଲକ୍‌ମନ୍ କଇଲାଇ, “ବିନ୍ ଦେସେ ରଇବା ଦେବ୍‌ତାମନ୍‌ର ବିସଇ, ସେ ଜାନାଇଲାନି ପାରା ଲାଗ୍‌ଲାନି ।” ଜିସୁ ଆରି ତରେକ୍ ଜିବନ୍ ଅଇ ଉଟ୍‌ଲା ବିସଇ ପାଉଲ୍ ଜାନାଇବାଟା ସୁନି ସେମନ୍ ଏନ୍ତି

କଲଲା । ୧୯ ସେଗାର୍‌ପାଇଁ ସେମନ୍ ପାଉଲ୍‌କେ ଦାରି ସେ ନଅରର୍ ବିଚାର କରବା ଜାଗା, ଜନ୍‌ଟା କି ଏରିଅପାଗସ୍ ତେଇ ଆନଲା । ଆରି ତେଇ କଲଲା, “ତୁଇ ଜନ୍ ନୁଆ ସିକିଆ ବିସଇ କଲଲୁସ୍‌ନି, ସେ ବିସଇ ଆମେ ଜାନବାକେ ମନ୍ କଲୁନି ।” ୨୦ ତୁଇ କଲବା କେତେଟା କାତା ଆମେ ଆଗତୁ କେବେ ସୁନି ନ ରଇଲୁ । ଆମେ ତାର୍ ଅରଡ଼ ଜାନବାକେ ମନ୍ କଲୁନି । ୨୧ କାଇକେବଇଲେ ଆତେନେସର୍ ଲକ୍ ଆରି ତେଇ ରଇବା ବିନ୍ ଦେସର୍ ଲକ୍‌ମନ୍ ନୁଆ ବିସଇ ସୁନ୍‌ବାକେ ଆରି କଲବାକେ ବଲ୍‌ପାଇତେ ରଇଲା । ତେଇ ସେମନ୍ ବେସି ବେଲା ଦେଇତେ ରଇଲା ।

୨୨ ପାଉଲ୍ ସେ ଗଡ଼ର୍ ସବା ମୁଆଟେ ଚିଆ ଅଇ କଲଲା, ଆତେନିଅର୍ ଲକ୍‌ମନ୍, ତମେ ସବୁ ଦରମ୍ ଲକ୍ ବଲି ଜାନାପଡ଼ଲାନି । ୨୩ କାଇକେବଇଲେ, ମୁଇ ତମର୍ ନଅରେ ବୁଲି ଦେକ୍‌ଲା ବେଲେ, ତମର୍ ପୁଜା କରବା ଜାଗାମନ୍ ଦେକ୍‌ଲି । ତେଇ ଗଟେକ୍ ବେଦି ରଇଲା । ଗଟେକ୍ ନ ଜାନଲା ଦେବ୍‌ତାକେ, ଲେକାରଇଲାଟା ମିସା ଦେକ୍‌ଲି । ତମେ ଜାକେ ନାଜାନି ପୁଜାକଲାସ୍‌ନି । ଏବେ ତାର୍ ବିସଇ ତମକେ ଜାନାଇଲିନି । ୨୪ \*ପରମେସର୍ ଦୁନିଆ ଆରି ତେଇ ରଇଲା ସବୁ ବିସଇ ତିଆର୍ କଲା । ସେ ସରଗ୍ ଆରି ଜଗତର୍ ମାପରୁ । ଲକ୍‌ମନ୍ ତିଆର୍ କଲା ମନ୍‌ରେ ରଇବାକେ ମନ୍ ନ କରେ । ୨୫ ଆମେ ତାର୍ ପାଇ କାମ୍ କରି ତାକେ ଦେଇପାରୁ ପାରା କାଇଟା ମିସା ସେ ମନ୍ କରେ ନାଇ । କାଇକେବଇଲେ ସେ ସବୁକେ ଜିବନ୍, ପବନ୍ ଆରି ସବୁ ଦରକାର୍ ରଇଲାଟା ଦେଲାଆତେ । ୨୬ ଗଟେକ୍ ଲକ୍‌ଅନି ସେ ସବୁ ମୁନ୍‌ସ୍ ଜାତିକେ ତିଆର୍ କଲା । ଆରି ତାର୍ ଆଦେସ୍ ଇସାବେ ସେମନ୍ ଦୁନିଆର୍ ବିନ୍ ବିନ୍ ଜାଗାଇ ବାସା ଅଇଲା ଆତଡ଼, ସେଟା ପୁରବେଅନି ପରମେସର୍ ଟିକ୍ କଲାଆତେ । ୨୭ ତାକର୍ ଆଦେସ୍ ରଇଲା ଜେ ସବୁ ଲକ୍ ତାକେ କଜି କରି ବେଟ୍ ଅଅଡ଼ । ମାତର୍ ସତଇସେ ପର୍ମେସର୍ କାର୍‌ଟାନେଅନି ମିସା ଦୁରିକେ ନାଇ । ୨୮ ଏ ବିସଇ କେକି ଗଟେକ୍ ଲକ୍ କଲଲା ଆତେ, “ତାର୍ ଲଗେ ଆକା ଆମର୍ ଜିବନ୍‌ର୍ କୁଟିକାଡ଼ି ଆତେ ।”

ତମର୍ ବିଡ଼ରେଅନି କେତେଲକ୍ କଇଆତଡ଼, ଆମେ ମିସା ତାର୍ ପିଲାଜିଲା ।

୨୯ ଆମେ ପର୍ମେସର୍‌ର୍ ପିଲାଜିଲା ଅଇଲାର୍ ପାଇ ମୁନ୍‌ସ୍ ତିଆର୍ କଲା ସୁନା, ରୁପା ନଇଲେ ପାକ୍‌ନା ସଙ୍ଗ୍ ତିଆର୍ କଲା ପୁଡ଼ଲା, ପରମେସର୍ ରୁପ୍ ବଲି ବାବି ନାପାରୁ । ୩୦ ଲକ୍‌ମନ୍ ପରମେସର୍‌କେ ଜାନି ନ ରଇଲା ବେଲେ, ସେ ଦସ୍ ଦାରି ନ ରଇଲା, ମାତର୍ ଏବେ ସବୁ ଜାଗାର୍ ସବୁ ଲକ୍‌ମନ୍‌କେ, ସେମନ୍‌ର୍ ପାପ୍ ବାଟେଅନି ବାଅଡ଼ବାକେ ଆଦେସ୍ ଦେଲାନି । ୩୧ ସେ ଗଟେକ୍ ଦିନ୍ ଟିକ୍ କଲା ଆତେ । ସେ ଦିନେ, ସେ ବାଟିରଇବା ଲକ୍‌ର୍ ସଙ୍ଗ୍ ଗୁଲାଇ ଦୁନିଆର୍ ବିଚାର୍ କରସି । ସେ ଲକ୍ ମଲାଟାନେଅନି ଉଟି ଏ କାତା ସଡ଼ ବଲି, ସବୁକେ ଜାନାଇଲା ଆତେ ।

୩୨ ପାଉଲ୍‌ର୍‌ଗାନେ, ମଲାଟାନେଅନି ଉଟ୍‌ଲା ବିସଇ ସୁନି ସେମନ୍‌ର୍ ବିଡ଼ରେଅନି କେତେ ଲକ୍ ତାକେ କିଜାଇଲା, ମାତର୍ ବିନ୍ ଲକ୍‌ମନ୍ କଲଲା, “ତମର୍‌ତେଇଅନି ଆମେ ଆରିତରେକ୍ ଏ ବିସଇ ସୁନ୍‌ବାକେ ମନ୍ କଲୁନି ।” ୩୩ ପାଉଲ୍ ସେ ଦିନର୍ ସବାଇ ଅନି ଉଟି ବାରିଗାଲା । ୩୪ ତାୟନିସିଅସ୍ ନାଉର୍ ସବାର୍ ଗଟେକ୍ ମେମର୍, ଦାମାରି ନାଉର୍ ଗଟେକ୍ ମାଇଜି ଆରି କେତେଟା ଲକ୍, ବିସ୍‌ବାସ୍ କରି ତାର୍ ସଙ୍ଗ୍ ମିସ୍‌ଲା ।

## ୧୮

### କରନ୍ତିୟ ନଅରେ ପାଉଲ୍‌ର୍ ସେବାକାମ୍

୧ ତାର୍‌ପତେ ପାଉଲ୍ ଆତେନ୍‌ସ୍ ଚାଡ଼ି କରନ୍ତିଅ ଗାଲା । ୨ ତେଇ ପନ୍‌ତସ୍‌ତେଇ ଜନମ୍ କରିରଇବା ଆକିଲା ନାଉର୍ ଗଟେକ୍ ଜିଉଦିକେ ବେଟ୍ ଅଇଲା । ବଡ଼ ସାସନ୍‌କାରିଆ କଲଡ଼ିଅସ୍, ସବୁ ଜିଉଦିକେ ରମ୍ ଦେସ୍ ଚାଡ଼ବାକେ ଆଦେସ୍ ଦେଇରଇଲା । ସେଗାର୍‌ପାଇଁ, ସେ ଅଲପ୍ ଦିନ୍ ଆଗତୁ ତାର୍ ମାଇଜି ପିରିସ୍‌କିଲାର୍ ସଙ୍ଗ୍ ଇଟାଲିଅନି ଆସିରଇଲା । ୩ ପାଉଲ୍ ସେମନ୍‌କେ ବେଟ୍ ଅଇବାକେ ଜାଇ ସେମନ୍‌ର୍ ସଙ୍ଗ୍ ରଇଲା । କାଇକେବଇଲେ ସେ ମିସା ସେମନ୍‌ର୍ ପାରା ତୁମ୍ ତିଆର୍ କରି ଜିଉନାକାଜନା କର୍ତେରଇଲା । ୪ ଜିଉଦି ଆରି ଗିରିକ୍ ମନ୍ ମାପରୁକେ ଅଦିକ୍ ବିସ୍‌ବାସ୍ କରାଇବାକେ, ସବୁ ବିସ୍‌ରାମ୍‌ବାରେ ପାର୍‌ତନା ଗରେ ଆଲ୍‌ଟନା କର୍ତେ ରଇଲା ।

୫ ସିଲା ଆରି ତିମତି ମାସିଦନିଆଇଅନି ବାଉଡ଼ି ଆଇଲା ପତେ ପାଉଲ୍ ଜିଉଦିମନ୍‌ର୍ ଲଗେ ଜିସୁର୍ ସ୍‌ବ୍ କବର୍ ଜାନାଇବାକେ ପୁରାପୁରି ବେଲା ଦେଲା ଆରି ଜିସୁକେ ମସିଅ ବଲି ସାକି ଦେଲା । ୬ ମାତର୍ ସେମନ୍ ତାକେ ବିରଦ୍ କରି ତାର୍ କୁର୍ ପାଁର୍‌ବାର୍ ଦାର୍‌ଲା, ସେଟା ବିରଦ୍ କରବା ଇସାବେ, ତାର୍ ବସ୍‌ତରର୍ ଦୁଲି ପାପ୍‌ଡ଼ିଦେଇ ସେ ସେମନ୍‌କେ କଲଲା, “ଜଦି ତମେ କୁରୁପ୍‌ନାସ୍ ଅଇସା, ତେବେ ସେଗାର୍‌ପାଇ ତମେ ନିଜେ ଦାଇ ଅଇସା । ମୁଇ ଏଗାର୍‌ପାଇ ଦାଇ ନଇ, ଏବେ ମୁଇ ଜିଉଦି ନଇଲା ଲକ୍‌ମନ୍‌ର୍ ଲଗେ ଜିବି ।” ୭ ସେଗାର୍‌ପାଇ ସେ ସେମନ୍‌କେ ଚାଡ଼ି ପର୍ମେସର୍‌କେ ପାର୍‌ତନା କରବା ତିତସ୍ ଜୁସ୍‌ତ ନାଉର୍

\* ୧୭:୨୪ ୧୭:୨୪ ପେରିଡ଼ ୭:୪୮

ଗଟେକ୍ ଜିଉଦି ନଇଲା ଲକର ଗରେ ରଇବାକେ ଗାଲା । ଜୁସ୍ତର ଗର୍ ପାର୍ତନା ଗର୍ ଲଗେ ରଇଲା ।<sup>୮</sup> ପାର୍ତନା ଗରର୍ ମୁକିଅ କିରିସ୍ପସ୍ ଆରି ତାର୍ କୁଟୁମର୍ ସବୁ ଲକ୍ ମାପରୁତେଇ ବିସ୍ବାସ୍ କଲାଇ ଆରି କରନ୍ତିଅର୍ ଅଦିକ୍ ଅଦିକ୍ ଲକ୍ ପାଉଲର୍ ସିକିଆ ସୁନି ବିସ୍ବାସ୍ କଲାଇ ଆରି ପାନିତେଇବୁଡି ତୁବନ୍ ନେଲାଇ ।

<sup>୯</sup> ଗଟେକ୍ ରାତି, ପାଉଲ୍ ଦର୍ସନ୍ ଦେକ୍ଲା । ଦର୍ସନେ ମାପରୁ ତାକେ କଇଲା, “ତର୍ ନାଇ, ଜାନାଇତେ ରଅ, ସେଟା ତେବାନାଇ ।<sup>୧୦</sup> କାଇକେ ବଇଲେ ମୁଇ ତର୍ ସଙ୍ଗ୍ ଆତି । କେ ତମକେ କାଇଟା କରି ନାପାରଡ଼, କାଇକେବଇଲେ ଏ ନଅରେ ମର୍ ବେସି ଲକ୍ ଆଚଡ଼ ।”<sup>୧୧</sup> ସେଟାର୍ପାଇ ପାଉଲ୍ ପରମେସରର୍ ବାକିଅ ସିକିଆ ଦେଇ, ତେଇ ବର୍ସେକ୍ ଚ ମାସ୍ ଜାକ ରଇଗାଲା ।

<sup>୧୨</sup> ଗାଲିୟନ୍ ଆକାୟର୍ ରମିଅ ସାସନ୍କାରିଆ ରଇଲା ବେଲେ, ଜିଉଦିମନ୍ ଏକ୍ଜୁଟ୍ଅଇ ପାଉଲ୍କେ ଦାରି ବିଚାରନା ଜାଗାଇ ନେଲାଇ ।<sup>୧୩</sup> ସେମନ୍ କଇଲାଇ, “ଏ ଲକ୍ ଆମର୍ ନିୟମ୍ ବିରଦେ ପରମେସରକେ ପାର୍ତନା କରବାକେ ଲକ୍ମନ୍କେ ସୁଡ଼ରାଇଲାନି ।”

<sup>୧୪</sup> ପାଉଲ୍ କାତା ଅଇବାକେ ଗାଲାବେଲେ, ଗାଲିଅ ଜିଉଦିମନ୍କେ କଇଲା, “ଜଦି ଇତି କାଇ ଦସ୍ ନଇଲେ ଅପରାଦର୍ ବିସଇ ରଇସି, ତେବେ ତମର୍ ବିସଇ ସମାଲି କରି, ତମର୍ କାତା ସୁନ୍ବାଟା, ମର୍ ଇସାବେ ଟିକ୍ ଅଇସି ।<sup>୧୫</sup> ମାତର୍ ଏ କାତା ତମର୍ ବିଦିବିଦାନ୍ ଆରି ରିତିନିତିର୍ କାତା ଅଇଲାର୍ ପାଇ, ଏଟା ତମେ ଟିକ୍କରବାଟା ନିକ ଅଇସି । ମୁଇ ଏନ୍ତି ବିଚାର୍ ନ କରି ।”<sup>୧୬</sup> ଏନ୍ତି କଇକରି ସେମନ୍କେ ବିଚାରନା ଜାଗାଇଅନି କେଦିଦେଲା ।<sup>୧୭</sup> ସେମନ୍ ପାର୍ତନା ଗରର୍ ମୁକିଆ ସସ୍ତନସ୍କେ ଦାରି ବିଚାରନା ଜାଗାର୍ ମୁଆଟେ ମାଡ଼ମାର୍ଲାଇ । ମାତର୍ ଗାଲିଅ ସେଟାକେ ମନ୍ଦେଏ ନାଇ ।

**ସିରିଆର୍ ଆନଟିୟକ୍ତେଇ ପାଉଲ୍ ବାଅଡ଼ଲା**

<sup>୧୮</sup> ପାଉଲ୍ କରନ୍ତିତେଇ ବିସ୍ବାସି ବାଇମନ୍ ସଙ୍ଗ୍ ବେସି ବେଲା ଜାକ ରଇଲା । ତାର୍ପଟେ ସେମନ୍କେ ଚାଡ଼ି ପିରିସ୍କିଲା ଆରି ଆକିଲାର୍ ସଙ୍ଗ୍, ସିରିଆ ଜିବାକେ ପାନିଜାଜେ ବାଟ୍ ଦାର୍ଲାଇ । ସେକେରିଆଅନି ଜିବାଟା ଆରାମ୍ କରବା ଆଗ୍ଡୁ ତାକର୍ ଗଟେକ୍ ମାନଡ଼ ଇସାବେ ପାଉଲ୍ ମୁଣ୍ଡ କୁରାଇଅଇଲା ।<sup>୧୯</sup> ସେମନ୍ ଏପିସ୍ତେଇ କେଟ୍ଲା ପଟେ ପାଉଲ୍ ପିରିସ୍କିଲା ଆରି ଆକିଲାକେ ପାଟାଇଦେଲା । ତେଇ ସେ ପାର୍ତନା ଗରେ ଜାଇ ଜିଉଦିମନ୍ ସଙ୍ଗ୍ କାତାବାର୍ତା ଅଇଲା ।<sup>୨୦</sup> ଲକ୍ମନ୍ ତାକେ ଆରି ବେସି ଦିନ୍ ରଇବାକେ କଇଲାଇ, ମାତର୍ ସେ ରାଜି ନଇଲା ।<sup>୨୧</sup> ଜିବା ବେଲାଇ ସେ ସେମନ୍କେ କଇଲା, “ଜଦି ପରମେସର୍ ମନ୍ କଲେ, ତମର୍ ଲଗେ ବାଉଡ଼ି ଆଇବି ।” ତାର୍ ପଟେ ସେ ଏପିସେ ଅନି ଜାଜେ ଚଗି ଗାଲା ।

<sup>୨୨</sup> ସେ ସିରିଆ କେଟିକରି ତେଇଅନି ଜିରୁସାଲାମେ ଗାଲା ଆରି ମଣ୍ଡଲିକେ ଜୁଆର୍ ଜାନାଇ ତେଇଅନି ଆନଟିକିଅ ଗାଲା ।<sup>୨୩</sup> ତେଇ କେତେ ଦିନ୍ ରଇଲା ପଟେ, ସେ ଆରି ତରେକ୍ ଜିବାଟା ଆରାମ୍ କରି ଗାଲାଡ଼ିଆ ଆରି ପିରିଜିଆ ବାଟ୍ଦେଇ ଗାଲା । ବାଟେ ବିସ୍ବାସିମନ୍କେ ବିସ୍ବାସେ ତାଟ୍ ଅଇରଇବାକେ ସାଆସ୍ ଦେଲା ।

**ଏପିସ୍ ଆରି କରନ୍ତିତେଇ ଆପଲ**

<sup>୨୪</sup> ସେ ବେଲାଇ ଆଲେକ୍ଜାଣ୍ଡ୍ରିଆଇ ଜନମ୍ ଅଇ ରଇଲା, ଆପଲ୍ ନାଉର୍ ଗଟେକ୍ ଜିଉଦି ଏପିସେ ଆଇଲା । ସେ ଗଟେକ୍ ନିମାନ୍ ସଙ୍ଗ୍ କାତାକଡ଼ ଆରି ଦରମ୍ ସାସ୍ତରେ ତାର୍ ବେସି ଗିଆନ୍ ରଇଲା ।<sup>୨୫</sup> ସେ ମାପରୁ ଜିସୁର୍ ବାଟ୍ ବିସଇ ସିକିଆ ପାଇରଇଲା ଆରି ଆଡ଼ମାଇ ପୁରାପୁରନ୍ ଅଇକରି ବେସି ସାର୍ଦା ସଙ୍ଗ୍ ସଡ଼ କାତା ବାଟ୍କରି, ସିକିଆ ଦେଇତେ ରଇଲା । ମାତର୍ କାଲି ଜଅନ ତୁବନ୍ ଦେବା ବିସଇ ଜାନି ରଇଲା ।

<sup>୨୬</sup> ପାର୍ତନା ଗରେ ସେ ନ ତର୍ତେ ସିକିଆ ଦେବାକେ ଲାଗ୍ଲା । ତାର୍ ସିକିଆ ସୁନି ପିରିସ୍କିଲା ଆରି ଆକିଲା ତାକର୍ ନିଜର୍ ଗରେ ତାକିନେଲାଇ ଆରି ତେଇ ପରମେସରର୍ ବାଟ୍ ବିସଇ ଅଦିକ୍ ବୁଜାଇଦେଲାଇ ।<sup>୨୭</sup> ତାର୍ ପଟେ ଆପଲ୍ ଆକାୟା ରାଇଜେ ଜିବାକେ ଟିକ୍ କଲାକେ, ଏପିସର୍ ବିସ୍ବାସି ବାଇମନ୍ ତାକେ ସାଇଜ୍ କଲାଇ ଆରି ତାକେ ସାର୍ଦା ସଙ୍ଗ୍ ଗଡ଼ିଆ କରବାକେ କଇ ଆକାୟାର୍ ବିସ୍ବାସିମନ୍କେ ଚିଟି ଲେକ୍ଲାଇ । ସେ ତେଇ କେଟିକରି ପରମେସର ଜିବନ୍ ଦୁକାଇଲାକେ ବିସ୍ବାସି ଅଇରଇବା ଲକ୍ମନ୍କେ ବେସି ସାଇଜ୍ କଲା ।<sup>୨୮</sup> ଜିସୁ ଜେ ମସିଅ, ତାକର୍ ବେସି ତାଟ୍ ଜୁକ୍ତି, ଦରମ୍ ସାସ୍ତରେଅନି ଜାନାଇ କରି, ଜିଉଦିମନ୍କେ ଆରାଇଲା ।

**୧୯**

**ଏପିସିଏ ପାଉଲ୍**

<sup>୧</sup> ଆପଲ୍ କରନ୍ତିଏ ରଇଲାବେଲେ, ପାଉଲ୍ ସେ ରାଇଜର୍ ଉପର୍ ବାଗେ ବୁଲି ସାରାଇ, ଏପିସିଏ କେଟ୍ଲା । ତେଇ ସେ କେତେଟା ସିସ୍ମନ୍କେ ବେଟ୍ ଅଇଲା ।<sup>୨</sup> ସେମନ୍କେ ପାଚାର୍ଲା “ତମେ ବିସ୍ବାସି ଅଇବା ବେଲାଇ ସୁକଲ୍ ଆଡ଼ମା ପାଇରଇଲାସ୍ କି ?”

ସେମନ୍ କଇଲା, “ସୁକଲ୍ ଆଡ଼ମା ଆଚେ ବଲି ଆମେ କେବେ ମିସା ସୁନ୍ ନାଇ ।” ୩ ପାଉଲ୍ ପାଟାରୁଲା, “ସେନ୍ତି ଆଲେ ତମେ କେନ୍ତାରି ତୁବନ୍ ନେଇ ଆଚାସ୍ ?”

ସେମନ୍ କଇଲା “ତୁବନ୍ ଦେଉ ଜଅନର୍ ତୁବନ୍ ।”

୪ \*ପାଉଲ୍ କଇଲା, “ଜନ୍ ଲକ୍ମନ୍ ପାପେଅନି ବାଉଡ଼ି ରଇଲା, ଜଅନର୍ ତୁବନ୍ ସେମନ୍ ପାଇ ଟିକ୍ ରଇଲା । ମାତର୍ ତାରପଚେ ଜେ ଆଇବାର୍ ରଇଲା, ଜନ୍ଟା କି, ଜିସୁ, ତାର ଲଗେ ବିସ୍ବାସ୍ କରବାକେ, ଜଅନ୍ ଇସ୍ରାଏଲ୍ ଲକ୍ମନ୍କେ କଇରଇଲା ।”

୫ ଏଟା ସୁନି ସେମନ୍ ମାପୁରୁ ଜିସୁର୍ ନାଉଁ ଦାରି ତୁବନ୍ ନେଲା । ୬ ପାଉଲ୍ ସେମନ୍ ଉପରେ ଆଡ଼ ଟିକ୍ଲା ଆରି ସୁକଲ୍ ଆଡ଼ମା ତାକର୍ଟାନ୍ତେ ଉତରଲା । ସେମନ୍ ବିନ୍ ବିନ୍ ବାସାଇ କାତା କଇଲା ଆରି ପରମେସରର୍ ସୁବ୍ କବର୍ ଜାନାଇଲା । ୭ ସେମନ୍ ମୁନ୍ସ ପିଲା ବାର ଲକ୍ ରଇଲା ।

୮ ତାର ପଚେ ପାଉଲ୍ ତିନ୍ ମାସ୍ ଜାକ ନ ଡରତେ ପାର୍ତନା ଗରେ କାତାବାର୍ କରି ପରମେସରର୍ ରାଇଜ୍ ବିସଇ ସେମନ୍ ମନେ ବିସ୍ବାସ୍ ଜନ୍ମାଇବାକେ ଚେସ୍ଟା କଲା । ୯ ମାତର୍ ସେମନ୍ ବିଡରେଅନି କେତେକ୍ ଲକର୍ ମନ୍ ତାଟ୍ ରଇଲା । ସେମନ୍ ବିସ୍ବାସ୍ କରନ୍ତନାଇ । ଦଲର୍ ସବୁ ଲକର୍ ମୁଆଟେ ସେମନ୍ ମାପୁରୁ ବାଟ୍ ବିସଇନେଇ, ତିପୁଲ୍ କାତା କଇଲା । ସେଟାର୍ପାଇ ପାଉଲ୍ ସେମନ୍କେ ଚାଡ଼ି, ବିସ୍ବାସିମନ୍କେ ନେଇ, ସବୁ ଦିନ୍ ଟିରାନସ୍ ନାଉଁର୍ ଗରେ ନିଆଇ କରବାର୍ ଦାରଲା । ୧୦ ଏଟା ଦୁଇ ବରସ୍ ଦାରି ଚାଲିଲା । ରମ୍ ଦେସର୍ ଆସିଆ ଦେସେ ବାସା କରିରଇବା ବେସି ଜିଉଦି ଆରି ଗିରିକ୍ ଲକ୍ ମିସା ମାପୁରୁ ବାକିଅ ସୁନ୍ଲା ।

**ଏସକେବାର ପଅମନ୍**

୧୧ ପରମେସର ପାଉଲ୍ ଡେଇଅନି ବେସି ବଡ଼ ବଡ଼ କାବାଅଇଜିବା କାମ୍ମନ୍ କଲା । ୧୨ ଏନ୍ତି କି ପାଉଲ୍ ପୁଟିଅଇବା ଉର୍ମାଲ୍ ଆରି ବସ୍ତର୍ ରଗିମନ୍ ଲଗେ ନେଲେ, ସେମନ୍ ନିମାନ୍ ଅଇତେ ରଇଲା । ସେମନ୍ ଗାଗ୍ଡେଅନି କାରାପ୍ ଆଡ଼ମାମନ୍ ସବୁ ବାରଇଜାଇତେ ରଇଲା । ୧୩ କେତେଟା ଏନେତେନେ ବୁଲ୍ବା ତୁମା ଚାଡ଼ାଇବା ଜିଉଦିମନ୍ ମିସା, ଜିସୁର୍ ନାଉଁ ଦାରି ତୁମା ଚାଡ଼ାଇବାକେ ଚେସ୍ଟା କଲା । ସେମନ୍ କାରାପ୍ ଆଡ଼ମାମନ୍କେ କଇତେ ରଇଲା, “ପାଉଲ୍ ଜାନାଇବା ଜିସୁର୍ ନାଉଁ ଦାରି ତକେ ଆଦେସ୍ ଦେଲିନି ।” ୧୪ ଏସକେବା ନାଉଁର୍ ଗଟେକ୍ ଜିଉଦି, ବଡ଼ ପୁଜାରିର୍ ସାଡ଼ଟା ପିଲାମନ୍, ଏ ରକାମ୍ କରତେ ରଇଲା ।

୧୫ ମାତର୍ କାରାପ୍ ଆଡ଼ମା ସେମନ୍କେ କଇଲା, “ମୁଇ ଜିସୁକେ ଜାନି ଆରି ପାଉଲ୍କେ ଚିନ୍ଲି ଆତି, ମାତର୍ ତମେ କେ ?”

୧୬ କାରାପ୍ ଆଡ଼ମା ଦାରିରଇଲା ଲକ୍, ସେମନ୍କେ ଦାରି ଚାବ୍କାତର୍ କରି ପାକାଇଲା । ସେମନ୍ ଲୁଗାପଟିଆ ଚିରି ତୁମ୍ପଣ୍ଡା କରିଦେଲା । ସେମନ୍ କଣ୍ଡିଆ ବଣ୍ଡିଆ ଅଇ ତାର ଗରେଅନି ବାରଇ ପାଲାଇଲା । ୧୭ ଏପିସେ ବାସାଅଇରଇବା ଜିଉଦି ବିସ୍ବାସିମନ୍ ଆରି ଗିରିକ୍ ଲକ୍ମନ୍, ଏ ବିସଇ ସୁନି ଡରିଗାଲା ଆରି ତେଇ ମାପୁରୁ ଜିସୁର୍ ନାଉଁ ଅଦିକ୍ ତାକ୍ପୁଟା ଅଇଲା । ୧୮ ବିସ୍ବାସିମନ୍ ବିଡରେଅନି ବେସି ଲକ୍ ସବୁର୍ ମୁଆଟେ ନିଜେ କଲା କାରାପ୍ କାମ୍ ମାନଲା । ୧୯ ପାଙ୍ଗନ୍ ବିଦିଆ ଅବିଆସ୍ କରତେରଇବା ବେସି ଲକ୍ମନ୍ ତାକର୍ ବଇମନ୍ ଆନି ଚୁଲିଆଇକରି ସବୁ ଲକର୍ ମୁଆଟେ ପଡ଼ାଇ ଦେଲା । ସବୁ ମିସିକରି ସେମନ୍ ବଇର୍ ଦାମ୍ ପଚାସ୍ ଅଜାର୍ ରୁପାଟାଙ୍ଗା ଏଡ଼କି ରଇଲା । ୨୦ ଏନ୍ତିବାବରେ ପରମେସରର୍ ବାକିଅ ଅଦିକ୍ ଅଦିକ୍ ଗୁଲାଇବାଟେ ଉଡ଼ରା ଅଇଜାଇ ଅଦିକ୍ ବପୁ ଅଇବାର୍ ଦାରଲା ।

**ଏପିସସ୍ତେଇ କିରମାର**

୨୧ ଏ ସବୁ ଗଟନା ପଚେ ପାଉଲ୍ ମାସିଦନିଆ ଆରି ଆକାୟା ବାଟ୍ ଦେଇ ଜିରୁସାଲମେ ଜିବାକେ ଟିକ୍ କଲା । ସେ କଇଲା, “ଡେଇ ଗାଲା ପଚେ, ମୁଇ ରମ୍ ଦେସେ ମିସା ଜିବାର୍ ଆଚେ ।” ୨୨ ସେଟାର୍ପାଇ ସେ ତାର ଦୁଇଟା ସଙ୍ଗାରି, ତିମତି ଆରି ଏରାସ୍ତସ୍ତକେ ମାସିଦନିଆ ପାଟାଇଲା, ମାତର୍ ସେ ନିଜେ ଆସିଆ ଦେସେ ଆରି କେତେ ଦିନ୍ ରଇଲା ।

୨୩ ଏଡ଼କି ବିଡରେ ମାପୁରୁ ଦେକାଇରଇବା ବାଟ୍ ବିସଇ ନେଇ, ଗଟେକ୍ ବେସି ବଡ଼ ଗଣ୍ଡଗଲ୍ ଅଇବାଟା ଉବଜଲା । ୨୪ ଦିମିତିରିୟ ନାଉଁର୍ ଗଟେକ୍ ରୁପାର୍ ପୁଡ଼ଲା ତିଆର୍ କରୁ, ଆର୍ତେମି ଦେବିର୍ ମନ୍ଦିରେ ପୁଡ଼ଲା ତିଆର୍ କରତେ ରଇଲା । ଏନ୍ତାରି ବେବାରକରି ପୁଡ଼ଲା ତିଆର୍ କରୁମନ୍, ବେସି ଲାବ୍ ପାଇତେ ରଇଲା ।

୨୫ ସେଟାର୍ପାଇ ସେ ତାର ସଙ୍ଗର୍ ବେବାରିମନ୍କେ ରୁଣ୍ଡାଇକରି କଇଲା, “ଆଗିଆମନ୍, ଏ ବେବାର୍ ଆମ୍‌କେ ସାଉକାର୍ କଲାଆଚେ ବଲି ସବୁ ଲକ୍ ଜାନାସ୍ । ୨୬ ଏବେ, ଏ ଲକ୍ ପାଉଲ୍ କାଇଟା କଲାନି, ସେଟା ତମେ ନିଜେ ଦେକିପାରଲାସ୍‌ନି ଆରି ସୁନି ପାରଲାସ୍‌ନି । ସେ କଇଲାନି, ଲକର୍ ଆତେ ତିଆର୍ କଲା

\* ୧୯:୪ ୧୯:୪ ମାଡିଉ ୩:୧୧; ମାର୍କ ୧:୪,୭,୮; ଲୁକ୍ ୩:୪,୧୨; ଜଅନ୍ ୧:୨୭,୨୭

ଦେବତା ସବୁ ବିଲକ୍ଷ୍ମ ଦେବତା ନଅଡ଼ । ସେ ଇତି ଏପିସେ ଆରି ସବୁ ଆସିଆ ଦେସେ ବେସି ଲକ୍ଷ୍ମନକେ ଏ ବିସଇ କଇ ଉସକାଇଲାନ୍ତି । ୨୭ ସେଟାରପାଇ ଆମର ବେବାର ରୁଡ଼ିଜିବାର ଉପରେ ଆଟେ । କାଲି ସେଡ଼କି ନଏ, ଜନ୍ ଦେବି ଆସିଆଇ ଆରି ଗୁଲାଇ ଜଗତେ ସବୁଟାଣେଅନି ପୁଜାପାଇସି, ସେ ତାକ୍ପୁଟା ଆରତେମି ଦେବି, ମନ୍ଦିରର ତାକ୍ପୁଟା ଆରି ନ ରଏ, ଆରି ଆରତେମି ଦେବିର ମରଜିତା ନସଟ ଅଇସି ।”

୨୮ ଲକ୍ଷ୍ମନ ଏ କାତା ସୁନି ରିସା ଅଇଗାଲାଇ ଆରି ଆଉଲିଅଇ କଇଲାଇ, “ଏପିସିୟର ଆରତେମି ବଡ଼ଦେବିର ତାକ୍ପୁଟା ଅ !” ୨୯ ଏ ଗଣ୍ଡଗଲ୍ ଅଇଲାଟା ଗୁଲାଇ ନଅରେ କେଟିଗାଲା । ଲକ୍ଷ୍ମନ ପାଉଲ୍ ସଙ୍ଗ୍ ରଇବା ମାକିଦନିଆର ଗାୟ ଆରି ଆରିସ୍ତାକସ୍, ଦୁଇଲକ୍ଷ୍ମନେ ଦାରି, ଦାପ୍ରେ ଜୁଇଦ୍ ବାଟେ ପାଲାଇଲାଇ । ୩୦ ତେଇ ପାଉଲ୍ ଏକଲ୍ୟସେ ଲକ୍ଷ୍ମନର ବିଡ଼ରେ ଜିବାକେ ମନକଲା । ମାତର ବିସବାସିମନ୍ ତାକେ ବିଡ଼ରେ ଜିବାକେ ଚାଡ଼ନ୍ଦାଲ । ୩୧ ଆସିଆ ରାଇଜର୍ କେତେଟା ମୁକ୍ତି ସାସନ୍ କାରିଆମନ୍ ମିସା ପାଉଲ୍ ମଇତର ରଇଲାଇଜେ, ପାଉଲ୍ କେ ଜୁଇଦ୍ ପଡ଼ିଆଇ ନ ଜାଅ ବଲି, କବର୍ ପାଟାଇଲାଇ । ୩୨ ଏଡ଼କି ବିଡ଼ରେ ରୁଣ୍ଡିରଇବା ସବୁ ଲକ୍ଷ୍ମନ ରିସା ଅଇଜାଇରଇଲାଇ । ଲକ୍ଷ୍ମନ ଦଲ୍ଦଲ୍ ଅଇକରି ଏକାତା, ସେ କାତା କଇକଇ କରି ଆଉଲିଅଇ ଜାଇତେ ରଇଲାଇ । ମାତର ସେମନର ବିଡ଼ରେଅନି କେତେକ୍ ଲକ୍ଷ୍ମ, କାଇକେ ରୁଣ୍ଡିଆଟ୍ ବଲି ନାଜାନିରଇଲାଇ । ୩୩ ସେମନର ବିଡ଼ରେଅନି କେତେକ୍ ଲକ୍ଷ୍ମ ଏଟାରପାଇ ଆଲେକ୍ଜାଣ୍ଡାରକେ ଦାଇ କଲାଇ । କାଇକେବଇଲେ ଜିଉଦି ଲକ୍ଷ୍ମନ, ଆଗ୍ଡୁ ତାକେ ଟିଆ କରାଇରଇଲା । ଆଲେକ୍ଜାଣ୍ଡାର ଲକ୍ଷ୍ମନକେ ଆଡ଼ଟେକି ଚିମରାଇଅଇ ରଇବାକେ କଇଲା ଆରି ତାର ବାସନ୍ଟାଣେ ବିସବାସିମନର ବାଟେ ଅଇକରି ରୁଜାଇବାକେ ଚେସଟା କଲା । ୩୪ ମାତର ସେ ଗଟେକ୍ ଜିଉଦିଲକ୍ ବଲି ଜାନକରି ଲକ୍ଷ୍ମନ ଏକାତରେକ୍ ଆଉଲିଅଇକରି “ଆରତେମି ଦେବିର ଜୟ ଜୟ ଅ !” ବଲି ଦୁଇ ଗଟା ଜାକ ଆଉଲି ଅଇ ରଇଲାଇ ।

୩୫ ପଟେ ନଅରର ଅଦିକାରେ ରଇବା ଗଟେକ୍ କାମକରୁ, ଲକ୍ଷ୍ମନକେ ରୁଜା ସୁଜା କରି ଚିମରା କଲା ଆରି କଇଲା, “ଏ ଏପିସିୟର ବାଇମନ୍, ଏପିସିୟ ନଅରେ ବଡ଼ଦେବି ଆରତେମିର ମନ୍ଦିର ଆରି ଆକାସେଅନି କସ୍ରି ଆଇଲା ସୁକଲ୍ ପାକ୍ନା ରକିଆ କର୍ବା ଦାଇଡ଼, ଏପିସିୟ ନଅରେ ରଇବା ଲକ୍ଷ୍ମନର । ୩୬ କେ ମିସା ଏଟା ନଏ ବଲି କଇନାପାରଡ଼ । ସେଟାର ପାଇ ତମେ ସବୁ ଲକ୍ଷ୍ମ ଚିମରାଇ ଉଆ । କାଇକାମ୍ ମିସା ବକୁଆପାରା କରାନାଇ । ୩୭ ଏ ଲକ୍ଷ୍ମନ ମନ୍ଦିରେଅନି କାଇଟା ଚରି କରଡ଼ ନାଇ, କି ଆମର ଦେବିର ବିରଦେ, କାଇମିସା କାରାପ୍ କାତା କଅଡ଼ ନାଇ, ଏଲେମିସା ତମେ ଏମନ୍କେ ଦାରି ଆନିଆରାସ୍ । ୩୮ ଜଦି ଦିମିତରିୟ ଆରି ତେଇର୍ ପୁଡ଼ଲା ତିଆରକରୁମନ୍କେ, କାର ବିରଦେ ଦାବାକରବାଟା ଆଟେ, ସେଟା ବିଚାର କରବାକେ ଆମର ଲକ୍ଷ୍ମନ ଆଟଡ଼ । ଆରି ବିଚାର ଅଇବା ଗଟେକ୍ ଦିନ୍ ଆଟେ । ତେଇ ସେ ଦାବା ବିସଇ କଇପାରାସ୍ । ୩୯ ଜଦି ଆରତେଇଅନି ଆରି ଅଦିକ୍ କାଇଟା ଜାନବାକେ ମନ୍ କଲାସ୍ନି, ତେବେ ଲକ୍ଷ୍ମନ ଟିକ୍କଲା ନିୟମର୍ ସବାଇ, ସେଟା ଟିକ୍ କରାଅଇସି । ୪୦ ଆଜି ଜାଇଟା ଗଟ୍ଲା ଆଟେ, ତେଇ ଗଣ୍ଡଗଲ୍ କରବା ଆରି ଦାବା କରବା ବିସଇ ଆମର ବିରଦେ କାତା ଉଟିପାରେ । ଏ ଗଣ୍ଡଗଲ୍ କାଇମିସା କାରନ୍ ଦେକାଇ ନାପାରୁ ।” ୪୧ ଏ ସବୁ କାତା କଇ ସେ ଲକ୍ଷ୍ମନକେ ଚିମରା କରାଇ ସବା ସେସ୍ କଲା ।

### ୨୦

#### ପାଉଲ୍ ମାସିଦନିଆ ଆରି ଆକାୟା ଜିବାଟା

୧ ଗଣ୍ଡଗଲ୍ ବନ୍ଦ ଅଇଲା ପଟେ, ପାଉଲ୍ ବିସବାସିମନକେ ଗଟେକ୍ତେଇ ରୁଣ୍ଡାଇ ସାରଦାର କାତା ସୁନାଇଲା । ସେମନକେ ଜିବିବେ ବଲି କଇ, ତେଇଅନି ବାରଇ ମାକେଦନିଆଇ ଗାଲା । ୨ ତେଇର୍ ସବୁ ଜାଗାଇ ଗାଲା, ଆରି ବେସି ଲକ୍ଷ୍ମନକେ ଉପଦେସ୍ ଦେଇ, ସାରଦା କରାଇଲା, ତାରପଟେ ସେ ଗିରିସେ ଗାଲା । ୩ ତେଇ ସେ ତିନ୍ ମାସ୍ ରଇଲା, ଆରି ସିରିଆଇ ଜିବାକେ ତିଆର୍ ଅଇଲାବେଲେ, ଜିଉଦିମନ୍ ତାକର୍ ବିରଦେ କୁଟ୍ପାଟ୍ଲାଇନି ବଲି କବର୍ ପାଇ ମାକିଦନିଆବାଟେ ବାଉଡ଼ି ଜିବାକେ ଟିକ୍ କଲା । ୪ ବେରିଆତେଇ ରଇବା ପୁରର୍ ପଅ ସପାତର୍, ତେସ୍ଲନିକିୟ ଆରିସ୍ତାକସ୍ ଆରି ସେକୁଦ୍, ଦର୍ବିର ଗାୟ, ଏସିଆ ଦେସର୍ ତୁକିକ୍, ତରପିମ୍ ଆରି ତମତି । ୫ ସେମନ୍ ଆଗ୍ଡୁ ଜାଇ ତରିୟାଇ ଆମକେ ଜାଗି ରଇଲାଇ । ୬ କମିର୍ ନ ପାକାଇ ରୁଟି କାଇବା ପରବର୍ ପଟେ, ଆମେ ପିଲିପେଅନି ପାନିଜାଜେ ଜାଇ ପାଟ୍ ଦିନ୍ ପଟେ ତରିୟାଇ ସେମନର୍ ସଙ୍ଗ୍ ମିସ୍ଲୁ ଆରି ତେଇ ଗଟେକ୍ ଆଟ୍ ଜାକ ରଇଲୁ ।

#### ପାଉଲ୍ ତରିୟାତେଇ ସାରାସାରି ଜାକ ରଇବାଟା

୭ ଆଟର୍ ପରତୁମ୍ ଦିନର୍ ସଞ୍ଜବେଲାଇ ଆମେ ସବୁଲକ୍ ମିସି କାଇବାକେ ରୁଣ୍ଡୁଲୁ । ପାଉଲ୍ ଲକ୍ଷ୍ମନକେ ମଜାରାତି ଜାକ ଉପଦେସ୍ ଦେଲା । କାଇକେବଇଲେ ତାର ଆରକର୍ ଦିନେ ସେ ଜାଗା ଚାଡ଼ି ଜିବାର ରଇଲା । ୮ ଜନ୍ ଉପର୍ ତାଲାର ବାକ୍ରାଇ ଆମେ ସବା କର୍ତେ ରଇଲୁ, ତେଇ ବେସି ବଡ଼ିମନ୍

ଲାଗିରଇଲା । ୯ ତେଜ ଇଉଟିକସ୍ ନାଉଁର ଗଟେକ୍ ଦାଙ୍ଗ୍ତା କିଡ଼କି ଲଗେ ବସି ରଇଲା । ପାଉଲ୍ କାତା କଇବା ବେଲାଇ, ତାକେ ଗୁନ୍ ଡାବି ଆଇଲା, ସେ ଗୁନ୍ର ଲାଡେ, ତିନ୍ତାଲାର୍ ଗର୍ ଉପ୍ରେଅନି ତଲେ ଅଦ୍ରିଦେଲା । ସେମନ୍ ତାକେ ଉଟାଇବା ବେଲାଇ, ସେ ମରିଜାଇରଇଲା । ୧୦ ମାତର୍ ପାଉଲ୍ ତଲ୍ଲକେ ଉଡ଼ି ଆସି ତାକେ ପାଟାଲି, ଦାରି କଇଲା, “ତରା ନାଇ । ତାକେ ଜିବନ୍ ଆଟେ ।” ୧୧ ତାର୍ପଟେ ସେ ଉପ୍ରେ ବାଉଡିଜାଇ ରୁଟି ବାଙ୍ଗାଇ କାଇଲା, ଆରି ବେଲ୍ ଉଦ୍‌ବାଜାକ ସେମନ୍ର ସଙ୍ଗ୍ ବେସି କାତାବାର୍ତା ଅଇ ତେଜଅନି ବାରଇଲା । ୧୨ ଲକ୍‌ମନ୍ ଦାଙ୍ଗ୍ତାକେ ଜିବନ୍ ରଇଲାଟା ଦେକି ତାର୍ ଗରେ ଦାରିଗାଲାଇ ଆରି ସାର୍ଦା ଅଇଲାଇ ।

**ତରୟାଇ ଅନି ମିଲିଟସେ ଜିବାଟା**

୧୩ ଆମେ ଆଗତ୍ ଜାଜେ ଚଗି, ଆସସେ ଜିବାକେ ବାରଇଲୁ । ତେଜଅନି ଆମେ ପାଉଲ୍‌କେ ଜାଜେ ନେଇଜିବାକେ ଟିକ୍ କରିରଇଲୁ । କାଇକେବଇଲେ ସେ ସମ୍‌ଦୁର୍‌ବାଟେ ଜାଇ, ସେ ଜାଗାଇ କେଟ୍‌ବି ବଲି କଇରଇଲା । ୧୪ ସେ ଜେଡେବେଲା ଆମ୍‌କେ ଆସସେ ବେଟ୍ ଅଇଲା, ଆମେ ତାକେ ଜାଜେ ଚଗାଇ ମିଡିଲିନି ଜାଗାଇ ଗାଲୁ । ୧୫ ତେଜଅନି ଆରି ଜିବାର୍‌ଦାରି ତାର୍ ଆର୍କର୍ ଦିନେ କିଅସ୍ ଲଗେ କେଟ୍‌ଲୁ । ତାର୍ ଆର୍କର୍ ଦିନେ ମିଲିଟସେ କେଟ୍‌ଲୁ । ଆରି ଗଟେକ୍ ଦିନ୍ ପଟେ ଆମସେ କେଟ୍‌ଲୁ । ତାର୍ ଆର୍କର୍ ଦିନେ ମିଲିଟସେ କେଟ୍‌ଲୁ । ୧୬ ଆସିଆ ରାଇଜେ ଆରି ବେସି ଦିନ୍ ନ ରଇକରି, ଏପିସସ୍ କଣ୍ଟିକଣ୍ଟି ଜାଜ୍ ଚାଲାଇବାକେ ପାଉଲ୍ ଟିକ୍ କଲା । ଜଦି ଅଇପାର୍‌ସି, ପେନ୍‌ଟିକସ୍ ଦିନେ ଜିରୁସାଲମ୍ କେଟ୍‌ବାକେ ସେ ତେରେପେଡେ ଅଇଡେ ରଇଲା ।

**ଏପିସି ମଣ୍ଟଲିର୍ ନେତାମନ୍‌କେ ପାଉଲ୍‌ର ପାଟାଇବା କାତା**

୧୭ ପାଉଲ୍ ମିଲିଟସେଅନି ଏପିସି ମଣ୍ଟଲିର୍ ପାର୍‌ଟିନ୍ ମନ୍‌କେ ତାର୍ ସଙ୍ଗ୍ ମିସ୍‌ବାକେ ଡାକାଇଲା । ୧୮ ସେମନ୍ ଆସି କେଟ୍‌ଲାକେ ପାଉଲ୍ କଇଲା, “ରମିୟ ରାଇଜର୍ ଆସିଆଇ କେଟ୍‌ଲା ପର୍‌ଡୁମ୍ ଦିନେଅନି, କେନ୍ତି ତମର୍ ସଙ୍ଗ୍ ବେସି ବେଲା କାଟାଇଲି ଆଟି, ସେଟା ତମେ ଜାନିଆଟାସ୍ । ୧୯ ଜିଉଦିମନ୍ କୁଟ୍ ପାଁର୍‌ନାର୍ ଲାଗି, ମକେ ଜନ୍ ଦୁକ୍ କସ୍‌ଟ ପାଇକରି ମୁରଟ୍‌ବାକେ ପଡ଼ଲା, ସେ ବିଡ଼ରେ ମୁଇ ପରମେସରର୍ ସେବାକାରିଆ ଇସାବେ ଆଁସୁପାନି ଜଡାଇ, ମୁଣ୍ଟ ତଲେକରି, କାମ୍ କଲିଆଟି । ୨୦ ତମେ ଜାନିଆଟାସ୍, ଲକ୍‌ମନ୍ ଲଗେ କବର୍ ଜାନାଇଲାବେଲେ ଆରି ତମର୍ ଗର୍‌ମନ୍‌କେ ଉପ୍‌ଦେସ୍ ଦେଲାବେଲେ, ତମର୍ ଉପକାର୍ ଅଇଲାପାରା କାଇ ବିସଇ ମିସା ଜାନାଇବାକେ ମୁଇ ଦୁଇମନିଆ ଅଇନାଇ ।” ୨୧ ଜିଉଦି ଆରି ଗିରିକି ଲକ୍‌ମନ୍‌କେ ସବୁକେ ମୁଇ ତାଟ୍ ସଙ୍ଗ୍ ଜାଗର୍‌ଡ଼ ରଇବା କାତା ସୁନାଇ ରଇଲି, ଜେନ୍ତାରିକି, ସେମନ୍ ପାପେଅନି ବାଉଡିକରି ପର୍‌ମେସରର୍ ବାଟେ ମନ୍ ଦେଅଡ଼ ଆରି ମାପରୁ ଜିସୁକେ ବିସ୍‌ବାସ୍ କରଡ଼ । ୨୨ ଏବେ ସୁକଲ୍‌ଆଡ଼ମାର୍ ଚାଲ୍‌ନାଦେଲା ଆଦେସ୍ ମାନିକରି, ମୁଇ ଜିରୁସାଲମେ ଗାଲିନି । ତେଜ ମକେ କାଇଟା ଅଇସି ନାଜାନି । ୨୩ ସୁକଲ୍‌ଆଡ଼ମା ମକେ ଜାଗର୍‌ଡ଼ କରିଦେଇ ଆଟେ ଜେ, ମୁଇ ସବୁ ନଅରେ ବନ୍ଦି ଗରେ ରଇକରି କସ୍‌ଟ ପାଇବି । ୨୪ ମର୍ ନିଜର୍ ଜିବନ୍, ମର୍ ପାଇ, ମୁଇ ଇନ୍ କଲିନି । ପର୍‌ମେସରର୍ ଜିବନ୍ ଦୁକାଇଲା ବିସଇ ଆରି ମାପରୁ ଜିସୁ ଜନ୍ କାତା ଜାନାଇବାକେ ମକେ ଦାଇଡ଼ ଦେଲାଆଟେ, ସେଟା ସାରାଇବି ଆରି ସୁବ୍ କବର୍ ଜାନାଇବାଟା ପୁରାପୁରୁନ୍ କର୍‌ବି । ଏଡ଼କି ସେ ମୁଇ ମନ୍ କଲିନି ।

୨୫ “ପର୍‌ମେସରର୍ ରାଇଜ୍ ବିସଇ ଜାନାଇବାକେ ମୁଇ ତମର୍ ସବୁ ଲକ୍‌ର୍ ଲଗେ ଜାଇଆଟି । ଏବେ ମୁଇ ଜାନିଆଟି, ତମର୍ ବିଡ଼ରେଅନି କେମିସା ମର୍ ମୁଁ କେବେ ଦେକି ନାପାରାସ୍ । ୨୬ ତେବର୍‌ପାଇ ଆଜି ବେଲା ମିଲିଲା ଆଟେ ବଲି ମୁଇ ତାଟ୍ ସଙ୍ଗ୍ ତମ୍‌କେ ଜାନାଇଲିନି । ତମର୍ ବିଡ଼ରେଅନି କେ ଜଦି ବାଟ୍ ବାନା ଅଇଗାଲେ, ସେଟାର୍‌ପାଇ ମୁଇ ଦାଇ ନଇ । ୨୭ କାଇକେବଇଲେ ତମର୍‌ଟାନେ ପର୍‌ମେସରର୍ ସବୁଜାକ ଆଦେସ୍ ଜାନାଇବାକେ, ମୁଇ ଦୁଇମନିଆ ଅଇନାଇ । ୨୮ ତେବର୍‌ପାଇ ତମେ ନିଜର୍ ବିସଇ ଆରି ସୁକଲ୍‌ଆଡ଼ମା ତାର୍ ସଡ଼ ଗିଆନେ ଜନ୍ ବିସ୍‌ବାସି ମାନ୍‌କେ ଦେକାରକାପାଇ ଚାଡ଼ିଦେଇ ଆଟେ, ସେ ସବୁ ବିସଇଟାନେ ଜାଗର୍‌ଡ଼ ଉଆ । ମେଣ୍ଟା ଚାରାଉ ଗଉଡ଼ପାରା ପରମେସରର୍ ମଣ୍ଟଲିର୍ ଜଡନ୍ ନିଆ । ସେ ମଣ୍ଟଲିକେ ପରମେସର୍ ତାର୍ ନିଜର୍ ବନିଦେଇ ଗେନିଆଟେ । ୨୯ ମୁଇ ଜାନିଆଟି, ମୁଇ ଗାଲାପଟେ ତମର୍ ବିଡ଼ରେ ଅପର୍‌ବଲ୍ ଗଦ୍‌ଡୁର୍କାମନ୍ ଆଇବାଇ ଆରି ମେଣ୍ଟାଋସିକେ ତିନ୍ ଚତର୍ କରିସେ ଚାଡ଼ବାଇ । ୩୦ ବେଲା ଆଇସି, ତମର୍ ନିଜର୍ ଦଲ୍‌ର୍ କେଡେ ଲକ୍ ବିସ୍‌ବାସିମନ୍‌କେ ମିଟ୍ କାତା କଇ ତାକ୍‌ର୍ ବାଟେ ଡାକି ନେବାଇ । ୩୧ ସେ ବେଲେ ତମେ ଜାଗର୍‌ଡ଼ ଅଇ ରୁଆ । ମୁଇ ତିନ୍ ବରସ୍ ଜାକ ଦିନ୍ ରାତି ଆଁସୁପାନି ଜରାଇ, ତମ୍‌କେ ଗଟେକ୍ ଗଟେକ୍ କରି, ସବୁ ଲକ୍‌କେ ସିକାଇ ଆଟି, ଏ କାତା ଏତାଇରୁଆ ।”

୩୨ “ଏବେ ମୁଇ ତମ୍‌କେ ପରମେସର୍‌କେ, ଆରି ତାର୍ ଜିବନ୍ ଦୁକାଇବା ବାକିଅଟାନେ ସର୍‌ପି ଦେଲିନି । ସେ ବାକିଅ ତମ୍‌କେ ତାଟ୍ କରାଇସି ଆରି ପରମେସରର୍ ଲକ୍‌ମନ୍ ପାଇ ଅଇବା ସବୁ ଆସିର୍‌ବାଦ୍ ତମ୍‌କେ ଦେଇପାର୍‌ସି । ୩୩ ମୁଇ କାର୍ ସୁନା, ରୁପା କି ଲୁଗାପଟିଆ ମିଲାଇବି ବଲି ଆସା କରିନାଇ ।

☆ ୨୦:୨୪ ୨୦:୨୪ ୨ୟ ଡିମତି ୪:୭

୩୪ ମର ଏ ଦୁଇଟା ଆଡେ କସଟ କରି, ମର ପାଇ ଆରି ମରସଙ୍ଗ ରଇବାଲକର୍ ପାଇ, ଦରକାର ରଇଲାଟା ପୁରାପୁରୁନ୍ କଲିଆଟି ଏଟା ତମେ ଜାନିଆଟାସ୍ । ୩୫ ମିଲାଇବାଟାନେଅନି ଦାନଦେବାଟା ଅଦିକ୍ ସାରଦାର ବିସଇ ଅଇରଇସି । ନିଜେ ଜିସୁ ମାପୁରୁ ଏ ବାକିଅ ସୁମରନା କରିରଇଲା । ଏନ୍ତାରି କସଟ କାମେଅନି ନାପାରଲା ଲକ୍ମନକେ ସାଇଜ କରବାର ଆଡେ । ଏ ବିସଇ ମୁଇ ତମକେ ସବୁବେଲେ କରିଦେକାଇଆଟି ।”

୩୬ ଏ ସବୁ କାତା କଇସାରାଇ ପାଉଲ୍ ସେମନର୍ ସଙ୍ଗ ମାଣ୍ଡିକୁଟା ଦେଇ ପାରତନା କଲା । ୩୭ ସବୁ ଲକ୍ କାନ୍ଦି କାନ୍ଦି କରି ପାଉଲ୍କେ ପାଟାଲିକରି ରୁମ୍ବୋଟ୍ କରି ପାଟାଇଦେଲା । ୩୮ ପାଉଲ୍ ସେମନକେ “ତମେ ଆରି ମକେ ଦେକିନାପାରାସ୍ ।” ବଲି କଇରଇଲାକେ, ସେମନ୍ ବେସି ମନ୍ଦୁକ୍ ଅଇଜାଇରଇଲା । ଲକ୍ମନ ପାଉଲ୍କେ ପାଟାଇ ଦେବାକେ, ଜାଜେ ନେଇ ଚାଡ଼ିଲା ।

### ୨୧

#### ପାଉଲ୍ ଜିରୁସାଲାମେ ଜିବାଟା

୧ ସେମନକେ ପାଟାଇଦେଇକରି ଆମେ ତେଇଅନି ଜାଜେ ଚଗି ସିଦା କସ୍ ନାଉର୍ ଜାଗାଇ କେଟ୍ଲୁ । ତାର ଆରକର୍ ଦିନେ ରଦେ କେଟ୍ଲୁ, ସମ୍ପୁର ପାଲି ପାଲି ଜାଇ ପାତାରା ନାଉର୍ ଜାଗାଇ ଗାଲୁ । ୨ ତେଇଅନି ପିନିସିଆଇ ଜାଇତେ ରଇବା ଗଟେକ୍ ଜାଜେ ଚଗି ଜିବାର ଦାରଲୁ । ୩ ତାରପଡେ ଡିସଡେରଇବା ସାଇପରସ୍ ନାଉର୍ ଗଟେକ୍ ଜାଗାଇ କେଟ୍ଲୁ । ତେଇଅନି ତାର ଦକିଣ୍ଡିଗ୍ ବାଟେ ଜାଇ ସିରିଆଇ କେଟ୍ଲୁ । ଆମେ ଟାୟର୍ ନାଉର୍ ଗଟେକ୍ ଜାଗାଇ, ପାନିଜାଜେଅନି ଉତରଲୁ, କାଇକେ ବଇଲେ, ଏ ଜାଜେଅନି ଦିନ୍ସୁମନ୍ ଉଡ଼ରାଇବାର ରଇଲା । ୪ ତେଇ ଆମେ କେତେଟା ବିସବାସିମନର୍ ସଙ୍ଗ ବେଟ୍ ଅଇ ସେମନର୍ ସଙ୍ଗ ଗଟେକ୍ ଆଟ୍ ରଇଲୁ, ସୁକଲ୍ଆଡ଼ମାର ଚାଲନା ପାଇକରି ସେମନ୍, ଜିରୁସାଲାମେ ଜିବାକେ ପାଉଲ୍କେ ମନା କଲା । ୫ ମାତର୍ ସେମନର୍ ସଙ୍ଗ ଗଟେକ୍ ଆଟ୍ ରଇଲା ପଡେ, ଆମେ ସେମନକେ ଚାଡ଼ିକରି ଆମର୍ ବାଟେ ଉଟି ଆଇଲୁ । ଆମ୍ଭେ ପାଟାଇ ଦେବାକେ ସେମନ୍ ନିଜର୍ ନିଜର୍ ପିଲା ମାଇଜି ସଙ୍ଗ ଗଡ଼ ବାଇରେ ରଇବା, ସମ୍ପୁର କଣ୍ଡିଜାକ ଆଇଲା । ତେଇ ଆମେ ସବୁ ଲକ୍ ମାଣ୍ଡିକୁଟା ଦେଇ ପାରତନା କଲୁ । ୬ ତାରପଡେ ଆମେ ସେମନର୍ ସଙ୍ଗ, ଜୁଆରବେଟ୍ ଅଇ ଜାଜେ ଚଗଲୁ, ସେମନ୍ ଗରେ ବାଉଡ଼ି ଗାଲା ।

୭ ଆମେ ଟାୟରେଅନି ପାନିଜାଜେ ବାରଇ ପଡ଼ଲମା ନାଉର୍ ଜାଗାଇ କେଟ୍ଲୁ, ତେଇ ବିସବାସି ବାଇମନର୍ ସଙ୍ଗ ଜୁଆରବେଟ୍ ଅଇ ଗଟେକ୍ ଦିନ୍ ରଇଲୁ । ୮ ଆରକର୍ ଦିନେ ଆମେ ସେ ଜାଗା ଚାଡ଼ି, ସିସେରିଆ ନାଉର୍ ଜାଗାଇ କେଟ୍ଲୁ, ତେଇ ମାପୁରୁ କାତା ଜାନାଇବା, ପିଲିପର୍ ଗରେ ରଇଲୁ, ଜିରୁସାଲାମେ ସେବା କରବାକେ ବାଟାଇଅଇରଇବା ସାଡ଼ ଲକ୍ ବିଡ଼ରେଅନି, ପିଲିପ୍ ଗଟେକ୍ ଲକ୍ ରଇଲା । ୯ ପିଲିପର୍ ଚାରଟା ଦାଙ୍ଗଡ଼ି ଟକିମନ୍ ବିବା ନ ଅଇକରି ରଇଲା, ସେମନ୍ ପରମେସର୍ କଇଲା କାତା ଜାନାଇତେ ରଇଲା । ୧୦ ଆମେ ସେ ଜାଗାଇ ବେସି ଦିନ୍ ରଇଲା ପଡେ, ଜିଉଦା ରାଇଜେଅନି ଆଗାବ୍ ନାଉର୍ ଗଟେକ୍ ବବିସଡ଼ବକ୍ତା ତେଇ ଆଇଲା । ୧୧ ସେ ଆମର୍ ଲଗେ ଆସି ପାଉଲ୍ ଆଟାବେଡା ନେଲା, ତେଇ ସେ ନିଜର୍ ଆଡ଼ ଗଡ଼ ବାନ୍ଦି କରି କଇଲା, “ସୁକଲ୍ଆଡ଼ମା ମକେ ଜାନାଇଲା ଆଡେ ଜେ, ଏ ଆଟାବେଡାର୍ ସାଉକାରକେ ଜିରୁସାଲାମର୍ ଜିଉଦିମନ୍, ଏନ୍ତି ବାନ୍ଦି ଜିଉଦିନଇଲା ଲକ୍ମନକେ ସର୍ପିଦେବାଇ ।”

୧୨ ଏଟା ସୁନି ଆମେ ଆରି ସେ ଜାଗାଇ ରଇଲା ବିନ୍ଲକ୍ମନ, ପାଉଲ୍କେ “ଜିରୁସାଲାମେ ନ ଜାଆ” ବଲି ବାରୁଜିଆ କଲୁ । ୧୩ ମାତର୍ ପାଉଲ୍ କଇଲା, “ତମେ ଏଟା କାଇଟା କଲାସ୍ନି, କାଇକେ ଏନ୍ତି କାନ୍ଦାବୁବା ଅଇ ମର୍ ମନ୍ କିଲ୍ବିଲ୍ କଲାସ୍ନି? ଜିରୁସାଲାମ୍ ଅବ୍ବା ବାନ୍ଦାଇ ଅଇବାକେସେ ନାଇ, ମାତର୍ ମୁଇ ମାପୁରୁ ଜିସୁର୍ ପାଇ ମରବାକେ ମିସା ରାଜି ଆଟି ।”

୧୪ ଆମେ ତାକେ ବୁଜାଇ ନାପାରି, ତେଇଅନି ଚିମ୍ବରାଇ ଅଇ କଇଲୁ “ମାପୁରୁ ମନ୍ କଲାଟା ପୁରାପୁରୁନ୍ ଅ ।”

୧୫ ତେଇ କେତେଦିନ୍ ରଇକରି, ଆମର୍ ଦିନ୍ସୁପଡର୍ ସାଜାଡ଼ି ଜିରୁସାଲାମେ ଜିବାକେ ବାରଇଲୁ । ୧୬ ସିସେରିଆର୍ କେତେଟା ସିସମନ୍, ଆରି ସାଇପରସର୍ ମନାସନ୍ ନାଉର୍ ବିସବାସି ମିସା ଆମର୍ ସଙ୍ଗ ଆଇଲା । ମନାସନ୍ ଗରେ ଆମେ ରଇବାକେ ଟିକ୍ ଅଇରଇଲା ।

#### ଜାକୁବର୍ ସଙ୍ଗ ପାଉଲ୍ ବେଟ୍ ଅଇବାଟା

୧୭ ଜିରୁସାଲାମର୍ ବିସବାସି ବାଇମନ୍ ଆମ୍ଭେ ସାରଦାସଙ୍ଗ ଗଡ଼ିଆ କଲା । ୧୮ ତାର ଆରକର୍ ଦିନେ ପାଉଲ୍ ଆମର୍ ସଙ୍ଗ ଜାକୁବ୍କେ ଦେକବାକେ ଗାଲା, ମଣ୍ଡିଲିର୍ ସବୁ ପାରତିମନ୍ ତେଇ ରୁଣ୍ଡି ରଇଲା । ୧୯ ପାଉଲ୍ ସେମନକେ ଜୁଆରବେଟ୍ ଅଇ ତାକର୍ କାମେଅନି, ପରମେସର୍ ଜିଉଦିନଇଲା

☆ ୨୧:୮ ୨୧:୮ ପେରିଡ଼ ୨:୫;୮:୫ ☆ ୨୧:୧୦ ୨୧:୧୦ ପେରିଡ଼ ୧୧:୨୮



ଲକ୍ଷ୍ମୀନର ବିତ୍ତରେ ଜାଣିବା କରିରଇଲା ତାର ଗଟେକ୍ ଚିକିନିକିର ତାଲିକା ଦେଲା । ୨୦ ତାର କାତା ସୁନ୍ଦରୀପତେ ସେମନ୍ ସବୁ ଲକ୍ଷ୍ ପରମେସରର୍ ତାକ୍ପୁଟା କଲା । ତାରପତେ କଇଲା, “ବାଇ ପାଉଲ୍, ତମେ ଦେକ୍ଲାସ୍ନି, କେନ୍ତି, ଏବେ ଅଜାର୍ ଅଜାର୍ ଜିଉଦିମନ୍ ମାପୁରୁ ଜିସୁକେ ମାନ୍ଲାଇନି ଆରି ସେମନ୍ ରିତିନିତି ମିସା ମାନ୍ଲାଇନି । ୨୧ ସେମନ୍ କବର୍ ପାଇଆତଡ଼ ଜେ, ତମେ ଜିଉଦିନଇଲା ଦେସେ ବାସା ଅଇରଇଲା, ଜିଉଦିମନ୍କେ ମସାର ରିତିନିତି ଚାଡ଼ିଦେବାକେ, ସେମନ୍ ପିଲାମନ୍କେ ସୁନ୍ତ ନ କର୍ବାକେ ଆରି ଜିଉଦି ରିତିନିତି ନ ମାନ୍ବାକେ ସିକିଆ ଦେଲାସ୍ନି । ୨୨ ତମେ ଇତି କେଟିଆଟାସ୍ ବଲି ସେମନ୍ ସତ୍ତସେ ସୁନ୍ବାଇ । ସେନ୍ତି ଆଲେ କାଇଟା କରିଅଇସି ? ୨୩ ଆମେ ମନ୍କଲୁନି ତମେ ଗଟେକ୍ କାମ୍ କରା ବଲି । ଇତି ରଇଲା ଚାରିଲକ୍ ଗଟେକ୍ ମାନ୍ତୁ କଲାଆତଡ଼ । ୨୪ ସେମନ୍ ସଙ୍ଗ୍ ଜାଆ । ସୁକଲ୍ ଅଇବା ବିଦି ମାନ୍ବାତେଇ ସେମନ୍ ସଙ୍ଗ୍ ମିସା ଆରି ସେମନ୍ କର୍ତା ଦେ । ତାରପତେ ସେମନ୍ ନିଜର୍ ନିଜର୍ ମୁଣ୍ଡ କୁରାଇ ଅଅଡ଼ । ଇତିଅନି ଜାନାପଡ଼ସି ଜେ, ତମର୍ ବିସଇ ବାରଇରଇବା କାଇମିସା କବର୍ ସତ୍ ନର୍ସ, ମାତର୍ ତମେ ମସାର ରିତିନିତି ଇସାବେ ଜିବନ୍ ଜିଇଲାସ୍ନି । ୨୫ ✨ମାତର୍ ଜିଉଦି ନ ଅଇଲା ଲକ୍ଷ୍ମୀନ ବିସ୍ବାସି ଅଇଆତଡ଼ । ସେମନ୍କେ ଗଟେକ୍ ଚିଟି ଲେକି ଉପ୍ଦେସ୍ ଦେଲୁଆତୁ ଜେ, ଆମର୍ କଇଲା କାତା ଇସାବେ, ସେମନ୍ ପୁତ୍ଲାମନ୍କେ ବିରୁକଲା କାଦି ନ କାଅଡ଼, ବନି ନ କାଅଡ଼, ଟର୍ଟି ପିଟକି ମରାଇରଇବା ପସୁର୍ ମାଉସ୍ ନ କାଅଡ଼ ଆରି ବିନ୍ ମାଇଜିମନ୍ ସଙ୍ଗ୍ ପାପ୍ କାମ୍ କର୍ବାଟାନେଅନି ଦୁରିକେ ରଅଡ଼ ।”

୨୬ ତାର ପର୍ଦିନେ ପାଉଲ୍ ସେ ଚାର୍ ଲକ୍ଷ୍ ସଙ୍ଗ୍ ସୁକଲ୍ ଅଇବା ବିଦି ମାନ୍ଲା । ତାର ପତେ ସେ ମନ୍ଦିରେ ଜାଇ ସୁକଲ୍ ଅଇବା କାମ୍ କେବେ ସାର୍ସି, ଆରି କେତେବଲ୍ ବିରୁ କର୍ବାଟା ଅଇସି, ସେଟା ଜାନାଇଦେଲା ।

**ପାଉଲ୍ ମନ୍ଦିର ବିତ୍ତରେ ବନ୍ଦି ଅଇଲା**

୨୭ ଏ ସୁକଲ୍ ଅଇବା କାମର୍ ସାତ୍ ଦିନ୍ ଗାଲା ପତେ, ଆସିଆ ରାଇଜର୍ କେତେଟା ଜିଉଦିମନ୍ ପାଉଲ୍କେ ମନ୍ଦିରେ ଦେକ୍ଲାଇ, ସେମନ୍ ତେଇ ରୁଣ୍ଡିଲା ଲକ୍ଷ୍ମୀନକେ ଉସକାଇକରି ପାଉଲ୍କେ ଦାରୁଲା । ୨୮ ସେମନ୍ ଆଉଲି ଅଇକରି କଇଲା, “ଏ ଇସ୍ରାଏଲର୍ ବାଇମନ୍ ଆମ୍କେ ସାଇଜ କରା ! ଏ ଲକ୍ଷ୍ ଚାରିବାଟେ ଜାଇକରି ଇସ୍ରାଏଲ୍ ମନ୍ କିରଦେ, ମସାର ନିୟମ୍ ଆରି ଏ ମନ୍ଦିର ବିରଦେ, ସିକିଆ ଦେଲାନି । ଏବେ କେତେଟା ଗିରିକ୍ ଲକ୍ଷ୍ମୀନକେ ମନ୍ଦିର ବିତ୍ତରେ ଆନି, ଏ ସୁକଲ୍ ଜାଗା ଅସୁକଲ୍ କଲା ଆତେ ।” ୨୯ ✨ସେମନ୍ ଗଡ଼ ବିତ୍ତରେ ଏପିସସର୍ ତର୍ପିମ୍କେ ପାଉଲ୍ ସଙ୍ଗ୍ ଦେକି ରଇଲାର୍ ପାଇ ବାଦ୍ଲାଇ ଜେ, ପାଉଲ୍ ତାକେ ମନ୍ଦିରେ ନେଲା ଆତେ ବଲି ।

୩୦ ଗଡ଼ ଗୁଲାଇ ବାଟେ ରିସାର୍ କିଲ୍ବିଲ୍ ତାବିଅଇଗାଲା । ଲକ୍ଷ୍ମୀନ ପାଉଲ୍କେ ମନ୍ଦିର ବାଇରେ ଅର୍ଗତି ଆନ୍ଲାଇ, ଆରି ମନ୍ଦିରର୍ କାପାଟ୍ମନ୍ ତାବିଦେଲା । ୩୧ ରିସାଅଇଲା ଲକ୍ଷ୍ମୀନ ପାଉଲ୍କେ ମରାଇବାକେ ଚେସ୍ଟା କଲା, ମାତର୍ ସମାନ୍ ସେ ବେଲାଇ “ ଜିରୁସାଲାମେ ଗଣ୍ଡଗଲ୍ ଚାଲୁଲା ଆତେ ।” ବଲି ରମିୟ୍ ସନିଅମନ୍ କବର୍ ସୁନ୍ଲାଇ । ୩୨ ସେ କେତେଟା ସେନାପତି କେତେଟା ସନିଅମନ୍କେ ଦାରି ଦାପ୍ରେ, ଗର୍ନା ଗର୍ଲା ଜାଗାଇ ଆସି କେଟ୍ଲା । ଲକ୍ଷ୍ମୀନ ସନିଅ ଆରି ସେନାପତିକେ ଦେକିକରି ପାଉଲ୍କେ ମାର୍ବାଟା ଚାଡ଼ିଦେଲା । ୩୩ ସେନାପତି ପାଉଲ୍କେ ବନ୍ଦିକରି, ତାକେ ଦୁଇଟା ସିକ୍ଲିତେଇ ବାନ୍ଦ୍ବାକେ ଆଦେସ୍ ଦେଲା, ତାର ପତେ ସେ ପାଚାରୁଲା, “ଏ ଲକ୍ଷ୍ କେ ? ଆରି ସେ କାଇଟା କଲା ଆତେ ?” ୩୪ ଲକ୍ଷ୍ମୀନର୍ ମାନ୍ଦାଅନି କେ କେତେ ରକାମ୍ କାତା କଇ ଆଉଲିଅଇଲା । ଏନ୍ତି କିରମାର୍ ଅଇଲା ଜେ, ସନିଅମନ୍ ମୁକିଆ, ସତ୍ତସେ, ଏ ଗର୍ନା କାଇକେ ଅଇଲା ବଲି ବୁଜିନାପାରୁଲା । ସେଟାପାଉ ସେ ପାଉଲ୍କେ ଗଡ଼ବିତ୍ତରେ ଦାରିଜିବାକେ ସନିଅମନ୍କେ ଆଦେସ୍ ଦେଲା । ୩୫ ସନିଅମନ୍ ପାଉଲ୍କେ ଦାରି ଚର୍ବା ପାଉଟେ କେଟ୍ଲା ଦାପ୍ରେ, ତାର ଚାରିବେଡ଼ି ରଇଲା ଲକ୍ଷ୍ମୀନ ବେସି ଆଉଲି ଅଇଲାକେ ସନିଅମନ୍ ତାକେ ବଇ ଦାରିଗାଲା । ୩୬ ବଇନେବା ବେଲେ ଲକ୍ଷ୍ମୀନ ପର୍ପର୍ ଆସି ତାକେ ମରାଆ ବଲି ଆଉଲି ଅଇତେରଇଲା ।

**ପାଉଲ୍ ନିଜର୍ ବିସଇ ସାକି ଦେବାଟା**

୩୭ ପାଉଲ୍କେ ସନିଅମନ୍ ଗଡ଼ବିତ୍ତରେ ନେବାବେଲେ ସେ ସନିଅମନ୍ ମୁକିଆକେ କଇଲା, “ମୁଇ ତମର୍ ସଙ୍ଗ୍ କାତା ଅଇପାର୍ବି କି ?”

ସନିଅମନ୍ ମୁକିଆ କଇଲା, “ତୁଇଟା ଗିରିକ୍ କଇଲୁସ୍ନି । ୩୮ ସେନ୍ତି ଆଲେ କେତେ ଦିନ୍ ଆଗେ ମିସରର୍ ଜନ୍ ଲକ୍ଷ୍ ଚାରି ଅଜାର୍ କାଙ୍ଗାମନ୍ ସଙ୍ଗ୍ କେଟିରଇଲା, ତମେ ସେ ଲକ୍ଷ୍ ନୁଆଁସ୍ !”

୩୯ ପାଉଲ୍ କଇଲା, “ମୁଇ ସିଲିସିଆର୍ ତାର୍ସିସେ ଜନମ୍ କରିରଇବା ଗଟେକ୍ ଜିଉଦି, ଗଟେକ୍ ମୁକିଅ ଗଡ଼ର୍ ଲକ୍ଷ୍ । ଏ ଲକ୍ଷ୍ମୀନକେ ବୁଜାଇ କଇବାକେ ଦୟାକରି ମକେ ଅଲପ୍ ଆଦେସ୍ ଦିଆ ।”

✧ ୨୧:୨୫ ୨୧:୨୫ ପେରିଡ଼ ୧୫:୨୯ ✧ ୨୧:୨୯ ୨୧:୨୯ ପେରିଡ଼ ୨୦:୪

୪୦ ସେନାପତି ତାକେ ଆଦେସ୍ ଦେଲାକେ ପାଉଲ୍ ପାଉର୍ ଉପରେ ଚିଆଅଇ, ଲକ୍ମନକେ ଚିମ୍ବରା ଅଇବାକେ ଆଡ଼ ସାଗିଆ କଲା । ସେମନ୍ ଚିମ୍ବରା ଅଇଲାକେ, ପାଉଲ୍ ଇବ୍ରୁ ବାସାଇ କଇଲା ।

### ୨୨

୧ “ମର୍ ସଙ୍ଗାରି ଜିଉଦି ବାଇ ଆରି ବାବାମନ୍, ମର୍ ନିଜର୍ବାଟେଅନି ମୁଇ ଜାଇଟା କଇଲିନି ସେଟା ସୁନା !” ୨ ସେମନ୍ ସଙ୍ଗ୍ ସେ ଇବ୍ରୁ ବାସାଇ କାତା କଇବାଟା ସୁନି, ଲକ୍ ମାନ୍ଦା ରୁପଟାପ୍ ଅଇଲାକେ ଆରି ପାଉଲ୍ କଇବାକେ ଦାରଲା,

୩ ✽“ମୁଇ ଗଟେକ୍ ଜିଉଦି ଲକ୍, ସିଲିସିଆର୍ ତାର୍ସିସେ ମର୍ ଜନମ୍, ମାତର୍ ମୁଇ ଜିରୁସାଲାମେ କାଇପିଇ ବଡ଼ ଅଇରଇଲି ଆରି ଗମଲିଏଲର୍ ସିସ୍ ରଇଲି । ଆମର୍ ଆନିଦାଦିମନ୍ ରିତିନିତି, ମୁଇ ଟିକ୍ ଇସାବେ ସିକିରଇଲି ଆରି ତମର୍ ପାରା ପରମେସର୍କେ ମାନିକରି ଜିଇତେରଇଲି । ୪ ✽ମାପୁରୁ ବାଟେ ଜିବା ଲକ୍ମନକେ ମାର୍ଦଦାର୍ କରି ସେମନ୍କେ ମରାଇଦେଇତେ ରଇଲି । ମାଇଜିଟକି ମୁନୁସ୍ପିଲା ସବୁକେ ବାନ୍ଦିକରି ବନ୍ଦି ଗରେ ପୁରାଇ ଦେଇତେ ରଇଲି । ୫ ମର୍ ଏ କାତା ପୁରା ସଡ଼ । ବଡ଼ ପୁଜାରି ଆରି ବଡ଼ ସର୍ବାର୍ ସବୁ ପାର୍ତିନମନ୍ ସାକି ଆଟଡ଼ । ଲକ୍ମନକେ ବନ୍ଦି କରି ସିକିଲି ସଙ୍ଗ୍ ବାନ୍ଦି ଜିରୁସାଲାମ୍ ଦାରିଆଇବାକେ, ମୁଇ ବଡ଼ ପୁଜାରିର୍ ଟାନେଅନି ଆଦେସ୍ ପତର୍ ପାଇ, ଦାମାସ୍କସେ ରଇବା ଜିଉଦି ବାଇମନ୍ ଲଗେ ଗାଲି ।”

#### ପାଉଲ୍ ତାର୍ ମନ୍ ବାଦଲାଇଲା ବିସଇନେଇ ଚିକିନିକି କଇଲା

୬ “ମୁଇ ଜେତେବେଲା ବାରଇ ଜିରୁସାଲାମେ ଜିବାବେଲେ ଦାମାସ୍କସ୍ ଲଗାଲଗି ଅଇଲି, ପାକାପାକି ମୁଣ୍ଡବେଲାଇ, ଆକାସେଅନି ଗଟେକ୍ ଉଜଲ୍ ମର୍ ଚାରିବେଡ଼ି ଉଜଲ୍ ଅଇଗାଲା ।” ୭ ମୁଇ ବୁର୍ସ୍ ଉମତାଡ଼ିଅଇ ଅଦ୍ରିଗାଲି ଆରି ମର୍ପାଇ ଏ କାତା ସୁନଲି, ସାଉଲ୍, ସାଉଲ୍ ! ମକେ ତୁଇ କାଇକେ କସ୍ଟ ଦେଲୁସ୍ନି ? ୮ ମୁଇ ପାଟାରଲି, “ମାପୁରୁ, ତମେ କେ ? ସେ ମକେ କଇଲା, ‘ତମେ ଜାକେ କସ୍ଟ ଦେଲାସ୍ନି’ ମୁଇ ସେ ନାଜରିତର୍ ଜିସୁ ।” ୯ ମର୍ସଙ୍ଗ୍ ରଇଲା ଲକ୍ ସେ ଉଜଲ୍ ଦେକ୍ଲାଇ, ମାତର୍ ମର୍ ସଙ୍ଗ୍ କାତା ଅଇବା ଲକ୍ମନ୍ ସର୍ ସୁନି ନାପାରଲାଇ । ୧୦ ମୁଇ ପାଟାରଲି, “ମାପୁରୁ, ମୁଇ କାଇଟା କର୍ବି ?” ମାପୁରୁ ମକେ କଇଲା, “ଉଟ୍, ଆରି ଦାମାସ୍କସେ ଜାଆ, ପରମେସର୍ ତର୍ ପାଇ ଜନ୍ କାମ୍ ଟିକ୍ କଲା ଆଟେ, ସେଟା ତମକେ ତେଇ ଜାନାଇ ଦିଆଅଇସି ।” ୧୧ ସେ ଉଜଲ୍ ଏତେକ୍ ଉଜଲ୍ ରଇଲା ଜେ, ସେ ଉଜଲ୍ ବପୁ ସଙ୍ଗ୍, ମୁଇ କାଣା ଅଇଜାଇରଇଲି । ସେଟାର୍ପାଇ ମର୍ ସଙ୍ଗ୍, ଜିବା ଲକ୍ମନ୍, ମର୍ ଆତେ ଦାରି, ମକେ ଦାମାସ୍କସେ ଡାକିନେଲାଇ ।

୧୨ ଦାମାସ୍କାସେ ଅନନିଅ ନାଉର୍ ଗଟେକ୍ ଦରମ୍ ଲକ୍ ରଇଲା । ସେ ଆମର୍ ରିତିନିତି ନାମି କରି ରଇଲା, ତେଇ ରଇବା ଜିଉଦିମନ୍ ସବୁ ତାକେ ବେସି ନାମ୍ତେ ରଇଲାଇ । ୧୩ ସେ ମର୍ଲଗେ ଆସି ଚିଆଅଇ କଇଲା, “ବାଇ ସାଉଲ୍, ତୁଇ ଆକି ଆରି ତରେକ୍ ଦେକ୍ ।” ଟିକ୍ ସେ ଦାପ୍ରେ, ମୁଇ ଆରି ତରେକ୍ ଦେକ୍ବା ବପୁ ପାଇଲି । ୧୪ ସେ କଇଲା, “ଆମର୍ ଆନିଦାଦିର୍ ମାପୁରୁ ସେ ମନକର୍ବାଟା ଜାନ୍ଦାକେ, ତାର୍ ଦରମର୍ ଦାଙ୍ଗ୍ତାକେ ଦେକ୍ବାକେ ଆରି ତାର୍ କାତା ସୁନ୍ଦାକେ, ତକେ ବାଟ୍ଲା ଆଟେ । ୧୫ ତୁଇ କାଇଟା ଦେକିଆରୁସ୍ ଆରି ସୁନି ଆରୁସ୍, ସେଟା ସବୁ ଲକ୍ମନ୍ ଲଗେ ଦେକାଇବାକେ ଆରି ସୁନାଇବାକେ ତାକର୍ ସାକି ଅଇସୁ । ୧୬ ଆରି କାଇକେ ଅଲ୍ସମ୍ କଲୁସ୍ନି ? ଉଟ୍, ତୁବନ୍ ନେ, ଆରି ତାକେ ପାର୍ତନା କରି ତର୍ ସବୁ ପାପେଅନି ପରିଚଲ୍ ଅ ।”

#### ଜିଉଦି ନଇଲା ଲକ୍ମନର୍ତେଇ ମାପୁରୁର୍ କାତା ଜାନାଇବାକେ ପାଉଲ୍କେ ଡାକିଆ ଅଇଲା

୧୭ “ମୁଇ ଜିରୁସାଲାମେ ବାଉଡ଼ି ଜାଇ, ତେଇର୍ ମନ୍ଦିରେ ପାର୍ତନା କର୍ବାବେଲେ, ମକେ ମାପୁରୁର୍ ଦର୍ସନ୍ ମିଲ୍ଲା । ୧୮ ମାପୁରୁ ମକେ ନିଜେ ଦେକାଇଅଇ କଇଲା, ଦାପ୍ରେ ଜିରୁସାଲାମ୍ ଚାଡ଼ି ଉଟି ଜା, କାଇକେ ବଇଲେ ଇଡିର୍ ଲକ୍ମନ୍ ମର୍ ବିସଇ, ତୁଇ ସାକିଦେବାଟା ନ ନାମଡ଼ ।” ୧୯ ମୁଇ କଇଲି “ମାପୁରୁ, ମୁଇ ପାର୍ତନା ଗର୍ମନକେ ଜାଇ, ତମକେ ବିସ୍ବାସ୍ କର୍ବା ଲକ୍ମନକେ, କେନ୍ତାରି ବନ୍ଦି କରି ରଇଲି ଆରି ମାଡ଼ ମାରି ରଇଲି, ଏଟା ସେମନ୍ ନିକ ସଙ୍ଗ୍ ଜାନଡ଼ । ୨୦ ✽ଆରି ଜେତେବେଲ୍ ତମର୍ ସାକି ଦେଇ ରଇବା ତିପାନକେ ମରାଇଦେଲାଇ, ମୁଇ ନିଜେ ତେଇ ରଇଲି, ତାକେ ମାରି ମରାଇଦେବାକେ ରାଜିଅଇରଇଲି । ମାରୁମନ୍ ବେଟ୍ଲା ବସ୍ତର୍ ଜାଗି ରଇଲି ।” ୨୧ ମାପୁରୁ ମକେ କଇଲା, “ଜାଆ ମୁଇ ତକେ ବେସି ଦୁରିକେ ଜିଉଦି ନଇଲା ଲକ୍ମନର୍ ଲଗେ ପାଟାଇବି ।”

୨୨ ପାଉଲ୍ ଏ କାତା କଇବାଜାକ ଲକ୍ମନ୍ ମନ୍ଦିଆନ୍ ଦେଇ ସୁନ୍ତେ ରଇଲାଇ, ମାତର୍ ତାର୍ ପଟେ ସେମନ୍ ଆଉଲିଅଇକରି କଇଲାଇ, “ତାକେ ଜଗତେଅନି ବାଟକରାଇ ଦିଆସ୍ ! ମରାଇ ଦିଆସ୍, ସେନ୍ତା ଲକ୍ ଜିଇବାକେ ଲଡା ନାଇ !” ୨୩ ସେମନ୍ ଆଉଲି ଅଇକରି ବସ୍ତର୍ ଉପରେ ଉଡାଇତେରଇଲାଇ ଆରି

ଦୁଲି ମିସା ଉପରେ ଉତ୍ତାପରେ ରଇଲା । ୨୪ ରମିୟ ସନିଅମନର୍ ମୁକିଆ ପାଉଲ୍‌କେ ଗଡ଼ ବିଡ଼ରେ ଦାରିଜିବାକେ ସନିଅମନକେ ତିଆରଲା ଆରି ଜିଉଦିମନ୍ କାଇକେ ତାର ବିରୁଦ୍ଧେ ଆଉଲି ଅଇଲାଇନି, ସେଟା ଜାନବାକେ ପାଉଲ୍‌କେ କରଡ଼ା ସଙ୍ଗ୍ ମାରବାକେ ଆଦେସ୍ ଦେଲା । ୨୫ ମାତର୍ ସେମନ୍ ତାକେ କରଡ଼ା ମାରବାକେ ବାନ୍ଧିରଇଲା ବେଲେ, ପାଉଲ୍ ତେଇ ରଇବା ଗଟେକ୍ ଅଦିକାରିକେ କଇଲା, “କାଇ ଦସ୍ ନ ରଇକରି ଏବେ ଜାକ ବିଚାରନା ନ ଅଇରଇବା ଗଟେକ୍ ରମିଅ ଲକ୍‌କେ କରଡ଼ା ସଙ୍ଗ୍ ମାରବାଟା, ଏଟା ତୁଇ ନିୟମ୍ ମାନଲୁସ୍‌ନି କି ?”

୨୬ ଏ କାତା ସୁନିକରି ସନିଅ ଗାଲା ଆରି ସନିଅମନର୍ ମୁକିଅକେ କଇଲା, “ତୁଇ କାଇଟା କଲୁସ୍‌ନି? ଏ ଗଟେକ୍ ରମିଅ ଲକ୍ !”

୨୭ ସନିଅମନର୍ ମୁକିଅ ପାଉଲ୍‌କେ ଲଗେ ଜାଇ ପାଟାରଲା, “ସତଇସେ ତମେ କାଇ, ରମିଅ ଲକ୍ କି ?” ପାଉଲ୍ ଉତର୍ ଦେଲା “ଉଁ ।”

୨୮ ସେନାପତି କଇଲା, “ମୁଇ ରମିଅ ସରକାରକେ ତାରୁ ଦେଇକରି ଗଟେକ୍ ରମିଅ ଲକ୍ ଅଇଲି ଆତି ।”

ପାଉଲ୍ କଇଲା “ମାତର୍ ମୁଇ ଜନମ୍ କଲାବେଲେଅନି ରମିଅ ଲକ୍ ।”

୨୯ ଏଟା ସୁନିକରି ଜନଲକ୍‌ମନ୍ ପାଉଲ୍‌କେ ପାଟାରବାର ଜାଇରଇଲା, ସେମନ୍ ପର୍‌କେ ଗୁଟ୍‌ଲାଇ । ପାଉଲ୍ ଗଟେକ୍ ରମିୟ ଲକ୍ ବଲି ଜାନଲାକେ, ସେମନ୍‌ର ନେତା ମିସା ଡର୍‌ଲା । କାଇକେବଇଲେ ପାଉଲ୍‌କେ ସିକ୍‌ଲି ସଙ୍ଗ୍ ବାନ୍ଧବାକେ ସେ ସେ ତିଆରିରଇଲା ।

**ବଡ଼ ସବାର ମୁଆଟେ ପାଉଲ୍**

୩୦ ଜିଉଦିମନ୍ ପାଉଲ୍‌କେ କାଇବଲି ନିନ୍ଦା କର୍‌ତେରଇଲା, ସେଟା ଜାନବାକେ ସନିଅମନର୍ ମୁକିଅ ମନ୍ କର୍‌ତେରଇଲା । ତେବର୍‌ପାଇ ତାର୍ ଆର୍‌କର୍ ଦିନେ ସବୁ ପୁଜାରିମନ୍‌କେ ଆରି ବଡ଼ ସବାର୍ ମେମର୍‌ମନ୍‌କେ ରୁଣ୍ଡାଇବାକେ ତିଆରଲା । ତାର୍ ପଟେ ସେ ପାଉଲ୍‌କେ ବାନ୍ଧିଲା ସିକ୍‌ଲି କୁସ୍‌ଲାଇ, ଦାରିକରି ଆନଲା ଆରି ବଡ଼ ସବାଇ ତାକର୍ ମୁଆଟେ ଟିଆ କରାଇଲା ।

**୨୩**

୧ ପାଉଲ୍ ବଡ଼ସବାର୍ ଲକ୍‌ମନ୍‌କେ ସିଦା ଦେକି କଇଲା, “ଏ ଇସରାଏଲର୍ ବାଇମନ୍ ! ଆଜିକେ ଜାକ ମୁଇ ପରମେସରର୍ ମୁଆଟେ କେନ୍ତାର୍ ଜିବନ୍ ବିତାଇ ଆତି, ସେ ବିସଇଟାନେ ମନ୍ ପୁରାପୁରୁନ୍ ନିର୍ମଲ୍ ଆଟେ ।” ୨ ଏ କାତା ସୁନିକରି ଅନନିଅ ନାଉର୍ ବଡ଼ ପୁଜାରି ପାଉଲ୍‌କେ ଲଗେ ଟିଆଅଇରଇବା ଲକ୍‌ମନ୍‌କେ, ତାର୍ ଗାଲେ ଚାପଡ଼ ମାରା ବଲି ତିଆରଲା । ୩ \*ପାଉଲ୍ ତାକେ କଇଲା, “ଏ ତୁନ୍ ମାରିଅଇଲା ଦବ୍‌ଲା ଉଆଁରି କଡ଼ି, ପର୍‌ମେସର୍ ତକେ ଡଣ୍ଡ ଦେଇସି ଆକା । ନିୟମ୍ ଇସାବେ ମର୍ ବିଚାର୍ କର୍‌ବାକେ, ତୁଇ ତେଇ ବସିଆରୁସ୍ । ଏଲେ ମିସା, ନିୟମ୍ ବାଜିକରି ମକେ ମାରବାକେ ତିଆରଲୁସ୍‌ନି !”

୪ ଲଗେ ରଇବା ଲକ୍‌ମନ୍ ପାଉଲ୍‌କେ କଇଲା, “ପର୍‌ମେସର୍ ବାଟିରଇବା ବଡ଼ ପୁଜାରିକେ ତୁଇ ନିନ୍ଦା କଲୁସ୍‌ନି !”

୫ ପାଉଲ୍ କଇଲା, “ଏ ଇସରାଏଲର୍ ବାଇମନ୍, ସେ ବଡ଼ ପୁଜାରି ବଲି ମୁଇ ନାଜାନିରଇଲି । ସାସ୍‌ତରେ ଲେକାଆଟେ, ତମେ ନିଜର୍ ଜାତିର୍ ସାସନ୍‌କାରିଆକେ କରାପ୍ କାତା କଇବାରନାଇ ।”

୬ \*ବଡ଼ ସବାର୍ ମେମର୍‌ମନ୍‌କେ ବିଡ଼ରେ କେତେଟା ପାରୁସି ଆରି କେତେଟା ସାଦୁକିମନ୍ ରଇଲାଟା ଦେକି ପାଉଲ୍ ବଡ଼ ସବାର୍ ଲକ୍‌ମନ୍‌କେ ଦେକାଇ ଆଉଲି ଅଇକରି କଇଲା, “ଏ ଇସରାଏଲର୍ ବାଇମନ୍, ମୁଇ ଗଟେକ୍ ପାରୁସି ଲକ୍, ମର୍ ଆୟା ବାବା ମିସା ପାରୁସି । ମଲା ଲକ୍‌ମନ୍ ଆରିତରେକ୍ ଉର୍‌ବାଟା ମର୍ ଆସା ଆଟେ ବଲି, ଇତି ମର୍ ବିଚାରନା ଅଇଲାନି ।”

୭ ପାଉଲ୍ ଏ କାତା କଇଲା ଦାପ୍‌ରେ, ପାରୁସି ଆରି ସାଦୁକିମନ୍‌କେ ବିଡ଼ରେ ଲାଗାଜଡ଼ା ଅଇଗାଲାଇ ଆରି ସେମନ୍ ବେଗ୍‌ଲି ଗାଲାଇ । ୮ \*କାଇକେବଇଲେ ସାଦୁକିମନ୍‌କେ ବିସ୍‌ବାସ୍ ଇସାବେ ମଲା ଲକ୍‌ମନ୍ ନ ଉଟ୍‌ । ସରଗର୍ ଦୁଡ଼ କି ଆଡ଼ମା ମିସା ନାଇ ବଲି, ବିସ୍‌ବାସ୍ କର୍‌ବାଇ, ମାତର୍ ପାରୁସିମନ୍ ଏ ତିନିଟା ଜାକ ବିସ୍‌ବାସ୍ କର୍‌ତେରଇଲା । ୯ ସେମନ୍‌କି ରଜାଟି ଅଇବାଟା ଅଦିକ୍ ଅଦିକ୍ ଅଇଆଇଲା । ପାରୁସି ଦଲ୍‌କେ କେତେଟା ଦରମ୍ ଗୁରୁ ଉଟିକରି ଡାଟ୍ ସଙ୍ଗ୍ କଇଲା, “ଆମେ ଏ ଲକ୍‌କେ ଚାନେଅନି କାଇ ଦସ୍ ମିସା ମିଲାଉ ନାଇ । କେଜାନେ ଆକେ ଗଟେକ୍ ସରଗର୍ ଦୁଡ଼ କି ଆଡ଼ମା କାତା କଇରଇସି ।” ୧୦ ତାକର୍ ଦଦାପେଲା ଅଦିକ୍ ଅଦିକ୍ ଅଇଗାଲାକେ ଲକ୍‌ମନ୍ ପାଉଲ୍‌କେ ଗନ୍ଦାଗନ୍ଦା କରି ଚିରି ପାକାଇବାଇ ବଲି ସନିଅମନର୍ ମୁକିଅ ଡର୍‌ଲା । ତେବେ ସେ ଗଣ୍ଡଗଲ୍ ଅଇବା ଲକ୍‌ମନ୍‌କେ ବିଡ଼ରେଅନି ପାଉଲ୍‌କେ ରକିଆ କରି ଗଡ଼ ବିଡ଼ରେ ଦାରି ଜିବାକେ ସନିଅମନକେ ତିଆରଲା ।

\* ୨୩:୩ ୨୩:୩ ମାଡିଉ ୨୩:୨୭,୨୮    \* ୨୩:୬ ୨୩:୬ ପେରିଡ଼ ୨୬:୫; ପିଲିପିୟ ୩:୫    \* ୨୩:୮ ୨୩:୮ ମାଡିଉ ୨୨:୨୩; ମାର୍କ ୧୨:୧୮; ଲୁକ୍ ୨୦:୨୭

୧୧ ସେ ରାତି ମାପରୁ ପାଉଲର ଲଗେ ଟିଆଅଇ କଇଲା, “ତର ନାଇ ! ମର୍ ପାଇ ଇତି ଜିରୁସାଲୀମେ ତୁଇ ସାକି ଦେଇ ଆରୁସ୍ । ରମ୍ ଦେସେ ମିସା ତୁଇ ସେନ୍ତାରି କରବାର୍ ଆତେ ।”

### ପାଉଲକେ ମରାଇବାକେ ଜଜ୍ଜନା କରବାର୍

୧୨ ଆରକର ଦିନର୍ ସାକାଲେ କେତେଟା ଜିଉଦିମନ୍ ଗଟେକ୍ଟାନେ ରୁଣ୍ଡି ଜଜ୍ଜନା କଲାଇ । ପାଉଲକେ ନ ମରାଇବା ଜାକ ସେମନ୍ ଅରନ୍ପାନି ନ ଚିତ୍ତ ବଲି ସପତ୍ କଲାଇ । ୧୩ ଚାଲିସତେଇଅନି ଅଦିକ୍ ଲକ୍ ଏ ଜଜ୍ଜନା କଲାଇ । ୧୪ ସେମନ୍ ଜାଇକରି ମୁକିଅ ପୁଜାରିମନ୍କେ ଆରି ପାର୍ଟିମନ୍ କେ କଇଲାଇ, “ପାଉଲକେ ନ ମରାଇବା ଜାକ ଅରନ୍ପାନି ନ ଚିତ୍ତ ବଲି ଆମେ ସପତ୍ କରିଆରୁ । ୧୫ ତମେ ଆରି ବଡ଼ସବାର ଲକ୍ମନ୍ ରମିୟ ନେତା ପାଉଲକେ ଇତି ଆରିତରେକ୍ ଆନା ବଲି କବର୍ ପାଟାଆ । ତାର ବିସଇର୍ ଟିକିନିକି ଜାନୁବାର୍ ଆତେ ବଲି ମିଡ଼ କଇକରି ଆନାଆ । ସେ ବଡ଼ ସବାଇ ଆଇବା ବେଲେ ତାକେ ବାଟେ ଜାଗି ମାରି ମରାଇଦେବୁ ।”

୧୬ ପାଉଲର ବାନ୍ଜା ଏମନ୍ କୁଟ୍ କାତା ସୁନିକରି ଗଡ଼ ବିଡ଼ରେ ଗାଲା ଆରି ସବୁ କାତା ପାଉଲକେ କଇଦେଲା । ୧୭ ପାଉଲ୍ ଗଟେକ୍ ରମିୟ ଅଦିକାରିକେ ତାକାଇ କରି କଇଲା, “ଏ ଦାଙ୍ଗ୍ତାକେ ସନିଅମନ୍ ମୁକିଅ ଲଗେ ଦାରି ଜାଅତ୍ । ସେ ତାକେ କାଇଟାକି କଇବାର୍ ଆତେ ।” ୧୮ ସନିଅ ତାକେ ମୁକିଆର୍ ଲଗେ ନେଇ କଇଲା, “ବନ୍ଦି ରଇବା ପାଉଲ୍ ମକେ ତାକି ଏ ଦାଙ୍ଗ୍ତାକେ ତମର୍ ଲଗେ ଆନ୍ବାକେ କଇଲା । ତମକେ ପନି ସେ କାଇଟା କଇବାର୍ ଆତେ ।”

୧୯ ସନିଅମନ୍ ମୁକିଅ ତାର୍ ଆଡ଼ ଦାରିକରି ଗଟେକ୍ ପାଲିକେ ତାକିନେଲା ଆରି ପାଟାରୁଲା, “କାଇଟା କଇବାର୍ ଆତେ କଅ !”

୨୦ ଦାଙ୍ଗ୍ତା କଇଲା, “ପାଉଲର ଟିକିନିକି ବିସଇ ଜାନୁବାର୍ ଆତେ ବଲି ନାଡ଼ାଇକରି ତାକେ ଜିଉଦିମନ୍ ବଡ଼ ସବାଇ ନେବାକେ, ତମକେ ଗୁଆରି କରବାଇ । ୨୧ ମାତର୍ ତମେ ତାକର୍ କାତା ସୁନା ନାଇ । କାଇକେ ବଇଲେ ଚାଲିସତେଇଅନି ଅଦିକ୍ ଲକ୍ ଲୁଟିକରି ପାଉଲକେ ମରାଇବାକେ ଜାଗିଆତତ୍ । ‘ତାକେ ନ ମରାଇବା ଜାକ ଅରନ୍ପାନି ନ କାଉଁ’ ବଲି ସପତ୍ କଲାଇ ଆତତ୍ । ଏବେ ସେମନ୍ ତମର୍ ଆଦେସ୍ ଦେବାଟାକେ ଜାଗିକରି ଆତତ୍ ।”

୨୨ ସନିଅମନ୍ ମୁକିଅ କଇଲା, “ତୁଇ ମକେ ଏ କାତା ଜାନାଇ ଆତି ବଲି କାକେ କଅ ନାଇ ।” ଏନ୍ତାରି କଇକରି ଦାଙ୍ଗ୍ତାକେ ପାଟାଇ ଦେଲା ।

### ପାଉଲକେ ସାସନ୍କାରିଆ ପେଲିକ୍ସ ଲଗେ ପାଟାଇଦେଲାଇ

୨୩ ସନିଅମନ୍ ମୁକିଅ ତାର୍ ତଲେ ରଇଲା ଦୁଇଟା ସନିଅକେ ତାକାଇ କଇଲା, “ଆଜି ରାତି ନଅଟା ବିଡ଼ରେ ସିସେରିଆ ଜିବାକେ ଦୁଇସ ସନିଅକେ ତିଆର୍, ଆରି ସତୁରିଟା ଗଡ଼ାଇ ଚଗୁମନ୍ ଆରି ଦୁଇ ସଅ ବରୁଟି ଦାରୁମନ୍କେ ଟିକ୍ କର । ୨୪ ପାଉଲ୍ ଜିବା ପାଇ କେତେଟା ଗଡ଼ା ଦିଆସ୍ ଆରି ନିକ ସଙ୍ଗେ ତାକେ ସାସନ୍କାରିଆ ପେଲିକ୍ସ ଲଗେ ଦାରି ଜାଆ ।” ୨୫ ସନିଅମନ୍ ମୁକିଅ ପେଲିକ୍ସକେ ଏନ୍ତି ଗଟେକ୍ ଚିଟି ଲେକ୍ଲା,

୨୬ “ଏ ଚିଟି ମୁଇ କାଲାଡିଆକେ ଲିସିଆର୍ ସବୁଟାନେଅନି ତାକ୍ପୁଟା ରଇବା ସନ୍ମାନର୍ ସାସନ୍କାରିଆ ପେଲିକ୍ସକେ ଲେକ୍ଲିନି, ଜୁଆର୍ ! ୨୭ ଆଗିଆ, ଜିଉଦିମନ୍ ଏ ଲକ୍କେ ଦାରି ତାକେ ମର୍ତ୍ତେ ମାରିଦେବାକେ ଚେସ୍ଟା କରତେ ରଇଲାଇ । ସେ ଗଟେକ୍ ରମିୟ ଲକ୍ ବଲି ଜାନୁଲା ପଟେ, ମୁଇ ତାକେ ମର୍ ସନିଅମନ୍ ସଙ୍ଗେ ତାକେ ରକିଆ କଲି । ୨୮ ସେମନ୍ ବିରଦେ ସେ କାଇ ଦସ୍ କଲା ଆତେ, ସେଟା ଜାନୁବାକେ ତାକେ ମୁଇ ସେମନ୍ ବଡ଼ସବାଇ ଦାରିଗାଲି । ୨୯ ମାତର୍ ସେ ମରନ୍ କି ବନ୍ଦି ଡଣ୍ଡ ପାଇବା ପାରା କାଇମିସା ବୁଲ୍ କାମ୍ କରେ ନାଇ ବଲି ମୁଇ ଜାନିପାରଲି । ତାର ବିରଦେ ଅଇଲା ଦାବା ସବୁ, ତାକର୍ ନିଜର୍ ଦରମ୍ ବିସଇ । ୩୦ ଆରି ତାର ବିରଦେ ଗଟେକ୍ କୁଟ୍ ଜଜ୍ଜନା ଅଇଲାନି ବଲି କବର୍ ସୁନି, ବେଗି ବେଗି ତମର୍ ଲଗେ ପାଟାଇ ଦେବାକେ ଟିକ୍ କଲି, ତାର ବିରଦେ ରଇଲା ଦାବା, ତର୍ ମୁଆଟେ ଜାନାଇବାକେ ତାର ଦାବାଦାରିମନ୍କେ ମୁଇ କଇଲିଆତି ।”

୩୧ ସନିଅମନ୍ ସେ ଆଦେସ୍ ଇସାବେ ପାଉଲକେ ସେ ରାତି ଆନ୍ତିପର୍ଟିସେ କେଟାଇଦେଲାଇ । ୩୨ ତାର୍ ଆରକର ଦିନେ ଇଣ୍ଡିଜିବା ସନିଅମନ୍ ଗଡ଼େ ବାଉଡିଗାଲାଇ ଆରି ଗଡ଼ାଇ ଜାଉ ସନିଅମନ୍କେ ଜିବାକେ କଇଲାଇ । ୩୩ ସନିଅମନ୍ ପାଉଲକେ ଦାରି ସିସେରିଆଇ କେଟ୍ଲାଇ । ତେଇ ସନିଅମନ୍ ମୁକିଅର୍ ଚିଟି ସଙ୍ଗେ ପାଉଲକେ ସାସନ୍କାରିଆର୍ ଆତେ ଜିମାଦେଇଦେଲାଇ । ୩୪ ସାସନ୍କାରିଆ ଚିଟି ପଡ଼ି ପାଉଲକେ କନ୍ ରାଇଜେଅନି ଆସିଆରୁସ୍ ? ବଲି ପାଟାରୁଲା । ପାଉଲ୍ ସିଲିସିଆଇଅନି, ବଲି ଜାନୁଲା । ୩୫ ସେ କଇଲା, “ତମର୍ ଦାବାଦାରିମନ୍ ଆସି କେଟ୍ଲା ପଟେ, ମୁଇ ତର୍ କାତା ସୁନ୍ବି ।” ତାର୍ ପଟେ ପାଉଲକେ ଏରଦ୍ ରାଜାର୍ ନଅରେ ବନ୍ଦି କରି ସଙ୍ଗାଇବାକେ ଆଦେସ୍ ଦେଲା ।

# ୨୪

## ଜିଉଦିମନ୍ ପାଉଲ୍‌କେ ଦସି କଲାଇ

<sup>୧</sup> ପାଁଦିନ୍ ପତେ ବଡ଼ ପୁଜାରି ଅନନିୟ କେତେଟା ପାର୍‌ଡିନ୍ ଆରି ତରତୁଲସ୍ ନାଉଁର୍ ଗଟେକ୍ ଅକିଲ୍ ସଙ୍ଗ୍ ସିସେରିଆଇ ଗାଲାଇ । ସେମନ୍ ପେଲିକ୍‌ସର୍ ମୁଆଟେ ଟିଆଅଇ ପାଉଲ୍‌ର୍ ବିରଦେ ସେମନ୍‌ର୍ ଦାବା ଜାନାଇଲାଇ । <sup>୨</sup> ତାର୍‌ପତେ ପାଉଲ୍‌କେ ତେଇଆନି ଟିଆ କରାଇଲାଇ ଆରି ତରତୁଲସ୍ ଏକ୍ତି ତାକର୍ ଦାବାମନ୍ ସବୁ ଜାନାଇଲା ।

“ଆଗିଆଁ, ତମେ ଗଟେକ୍ ଡାକ୍‌ପୁଟା ଲକ୍, ତମର୍ ନିମାନ୍ ସାସନ୍‌ଅନି ଆମେ ବେସି ଦିନ୍ ଦାରି ସାର୍‌ଦା ଅଇ ସାକ୍ତି ସଙ୍ଗ୍ ଜିଇଲୁନି, ଆମର୍ ଦେସର୍ ମଙ୍ଗଲ୍ ପାଇ ବେସି ଦରକାର୍ ରଇଲା କାମମନ୍ କରାଇଆଟାସ୍ । <sup>୩</sup> ସବୁଜାଗା ଆରି ସବୁ ବେଲାଇ ଆମେ ଏଟାକେ ନାମ୍‌ଲୁନି, ଏଟାପାଇ ଆମେ ତମ୍‌କେ ମାନି ଆଇଲୁନି । <sup>୪</sup> ସେଟା ଜାଇଟା ଅ, ମୁଇ ତମର୍ ଅଦିକ୍ ବେଲା ନେବାକେ ମନ୍ କରନାଇ । ସେଟାପାଇ ଆମର୍ ଗଟେକ୍ ଚଟ୍ ଅରସାସଙ୍ଗର୍ କାତା ସୁନ୍‌ବାକେ ବାରୁଜିଆ କଲିନି । <sup>୫</sup> ଏ ଲକ୍ ଗଟେକ୍ ବେସି ବଡ଼ ଗଣ୍ଡଗଲ୍ କରାଉ ବଲି ଆମେ ଜାନ୍, ସେ ଦେସ୍‌ବିଦେସେ ସବୁ ବାଟେ ବୁଲିବୁଲି ଜିଉଦିମନ୍‌କେ କିରମାର କରାଇବାକେ ଉସ୍‌କାଇଲାନି, ସେ ନାଜରିଡ଼ ଦଲ୍‌ର୍ ଗଟେକ୍ ନେତା । <sup>୬</sup> ସେ ଆମର୍ ମନ୍‌ଦିର୍ ଅସୁକଲ୍ କର୍ବାକେ ଚେସ୍‌ଟା କଲାବେଲେ ଆମେ ତାକେ ବନ୍ଦି କଲୁ । <sup>୭</sup> ଆମର୍ ନିୟମ୍ ଇସାବେ ଏ ଲକ୍‌କେ ବିଚାର୍ କର୍ବାକେ ଆମେ ମନ୍ କର୍ତେରଇଲୁ । <sup>୮</sup> ଆର୍ ବିରଦେ ଜନ୍ ସବୁ ଦାବା କଲୁଆଟୁ, ସେଟା ତମେ ଏ ଲକ୍‌କେ ପାଟାରିକରି ଜାନିପାରାସ୍ ।” <sup>୯</sup> ତେଇରଇଲା ଜିଉଦିମନ୍ ଏଟା ସଡ଼ବଲି ତାଟ୍ ସଙ୍ଗ୍ ସେ କାତାଇ ରାଜି ଅଇଲାଇ ।

## ପାଉଲ୍ ପେଲିକ୍‌ସର୍ ମୁଆଟେ ମାନିଆଇବାଟା

<sup>୧୦</sup> ତାର୍‌ପତେ ସାସନ୍‌କାରିଆ ପାଉଲ୍‌କେ କାତା ଅଇବାକେ ସାଗିଆ କଲାକେ ପାଉଲ୍ କଇଲା ।

“ମୁଇ ଜାନି ଜେ ବେସି ବରସ୍ ଦାରି ତମେ ଏ ଜାତିର୍ ବିଚାରକରୁ ଅଇ ଆଟୁସ୍, ସେଟାପାଇ ତମର୍ ମୁଆଟେ କଇବାଟା କେତେ କରମର୍ କାତା । <sup>୧୧</sup> ଆଗିଆ, ତମେ ନିଜେ କଜିକରି ଜାନିପାରାସା ଜେ, ପାକାପାକି ବାରଦିନ୍ ତଲେ, ମୁଇ ଜିରୁସାଲାମେ ପାର୍‌ତନା କର୍ବାକେ ଜାଇରଇଲି । <sup>୧୨</sup> ମନ୍‌ରେ କାର୍ ସଙ୍ଗ୍, ମୁଇ ଦଦାପେଲା କର୍ବାଟା ଜିଉଦିମନ୍ ଦେକି ନ ରଇଲାଇ କି ପାର୍‌ତନା ଗର୍‌ମନ୍‌କେ କି ଗଡ଼ର୍ କନ୍ ବିନ୍ ଜାଗାଇ ଲକ୍‌ମନ୍‌କେ ଉସ୍‌କାଇବାଟା ଦେକି ନ ରଇଲାଇ । <sup>୧୩</sup> ସେଟାପାଇ ମର୍ ବିରଦେ ଏବେ ଆନିରଇବା ଦାବାର୍ ପାଇ, ସେମନ୍ କାଇମିସା ସାକି ଦେଇ ନାପାରଡ଼ । <sup>୧୪</sup> ଏଲେ ମିସା ମୁଇ ତମର୍ ଲଗେ ରାଜି ଅଇଲିନି ଜେ, ଜନ୍ ବାଟ୍ ସେମନ୍ ମିର୍ ବଲି କଇଲାଇନି, ସେ ବାଟେ ଜାଇ, ଆମର୍ ଆନିଦାଦିମନ୍‌ର୍ ପରମେସର୍‌କେ ପାର୍‌ତନା କଲିନି । ମାତର୍ ମୁଇ ମିସା ମସାର୍ ରିତିନିତି ଆରି ବବିସଡ଼ବକ୍‌ତାମନ୍‌ର୍ ସାସ୍‌ତରେ ଲେକାଅଇଲା ସବୁ ବିସଇ ବିସ୍‌ବାସ୍ କଲିନି । <sup>୧୫</sup> ଏମନ୍‌ର୍ ପାରା, ମାପୁରୁର୍ ଲଗେ ମର୍ ଗଟେକ୍ ଆସା ଆଟେ ଜେ, ନିକ ଲକ୍ ଅଅଡ଼ କି କାରାପ ଲକ୍ ଅଅଡ଼, ସବୁ ମଲାଟାମେଅନି ଉଟ୍‌ବାଇ । <sup>୧୬</sup> ସେଟାପାଇ ପରମେସର୍‌ ଆରି ମୁନ୍‌ସର୍ ମୁଆଟେ ନିର୍‌ମଲ୍ ବିବେକ୍ ଇସାବେ ଚଲାଟଲ୍‌ତି କର୍ବାକେ ସବୁବେଲେ ଚେସ୍‌ଟା କଲିନି ।

<sup>୧୭</sup> “ବେସି ବରସ୍ ଦାରି ଦୁରିକେ ରଇଲା ପତେ, ଜିରୁସାଲେମର୍ ଲକ୍‌ମନ୍‌ର୍ ପାଇ କିଟି ତାରୁ ନେବାକେ ଆରି ବଲିଦେବାକେ ମୁଇ ତେଇ ଜାଇରଇଲି । <sup>୧୮</sup> ମୁଇ ନିର୍‌ମଲ୍ ଅଇବା ବିଦି ସାରାଇଲା ବେଲେ, ସେମନ୍ ମକେ ମନ୍‌ରେ ଦେକ୍‌ଲାଇ । ସେଡ଼କିବେଲେ ମର୍ ଲଗେ ବେସି ଲକ୍ ନ ରଇଲାଇ କି କାଇମିସା ଗଣ୍ଡଗଲ୍ ଅଇ ନ ରଇଲା । <sup>୧୯</sup> ମାତର୍ ତେଇ ଆସିଆ ଦେସର୍ କେତେଟା ଜିଉଦି ରଇଲାଇ, ଜଦି ସେମନ୍‌କେ ମର୍ ବିରଦେ କାଇଟା କଇବାର୍ ରଇଲା, ଆଗ୍‌ତୁ ସେମନ୍ ନିଜେ ତମର୍ ମୁଆଟେ ଆସି ଦାବା କର୍ବାର୍ ରଇଲା । <sup>୨୦</sup> ଆରି ତରେକ୍ ମୁଇ ଜେତେବେଲା ବଡ଼ ସବାର୍ ମୁଆଟେ ଟିଆଅଇରଇଲି, କନ୍ ଅପରାଦେ ଦସି ଅଇଲି, ସେଟା ଇତି ରଇଲା ଲକ୍‌ମନ୍ କଅଡ଼ । <sup>୨୧</sup> ଏଲେମିସା ମୁଇ ଗଟେକ୍ କାତା କଇରଇଲି । ସେମନ୍‌ର୍ ମୁଆଟେ ଟିଆ ଅଇରଇଲା ବେଲେ ମଲାଲକ୍‌ମନ୍ ଆରିତରେକ୍ ଉଟ୍‌ବାଇ ବଲି ତାଟ୍ ସଙ୍ଗ୍ ବିସ୍‌ବାସ୍ କରତେ ରଇଲାର୍ ପାଇ ଆଜି ତମର୍‌ଟାମେ ବିଚାର୍‌ନା ପାଇଲିନି । ଏଟାକେ ଚାଡ଼ି ଆରି ସେମନ୍‌ର୍ ମୁଆଟେ କିଟି କଇନାଇ ।”

<sup>୨୨</sup> ପେଲିକ୍‌ସ୍ ସେ ବାଟ୍ ବିସଇର୍ ଟିକିନିକି ଜାନି ରଇଲାର୍ ପାଇ ସୁନାଇବାଟା ବନ୍ଦି କରି କଇଲା, “ସନିଅମନ୍‌ର୍ ମୁକିଅ ଲିସିଅସ୍ କେଟ୍‌ଲା ପତେ, ମୁଇ ତମର୍ ବିଚାର୍‌ନା ସୁନାଇବି ।” <sup>୨୩</sup> ତାର୍‌ପତେ ସେ ଅଦିକାରେ ରଇବା ମୁକିଆକେ କଇଲା, “ପାଉଲ୍‌କେ ବନ୍ଦି ଇସାବେ ଜାଗିରଇବାର୍ ଆଟେ, ମାତର୍ ତାକେ ଦରକାର୍ ଅଇବା ଜିନିସ୍ ତାର୍ ଲକ୍‌ମନ୍ ଆନିଦେଲେ, ସେଟା ତେବାଇବାର୍ ନାଇ ।”

## ପେଲିକ୍‌ସ୍ ଆରି ଦୁର୍‌ସିଲାର୍ ମୁଆଟେ ପାଉଲ୍

☆ ୨୪:୧୭ ୨୪:୧୭ ପେରିଡ଼ ୨୧:୧୭-୨୮ ☆ ୨୪:୨୧ ୨୪:୨୧ ପେରିଡ଼ ୨୩:୬

୨୪ କେତେଦିନ ପରେ ପେଲିକସ୍ ତାର ଜିଉଦି ମାଲଜି ଦୁର୍ଦ୍ଦିଲ୍ଲା ସଙ୍ଗେ ତେଇ ଆଇଲା । ସେ ପାଉଲ୍‌କେ ଡାକାଇ ଜିସୁକ୍ରିସ୍‌ଟକେ ବିସ୍‌ବାସ୍ କରବା ବିସଇ, ତାର କାତା ନିକକରି ସୁନ୍‌ଲା । ୨୫ ମାତର୍ ଜେତେବେଲେ ପାଉଲ୍ ଦରମ୍ ଚଲାଚଲ୍‌ତି ଆରି ଲକ୍‌ମନ୍ ନିଜର୍ ପାପର୍ ଗୁନ୍‌ଚଲନ୍ ଇସାବେ ନ ଜାଇକରି ନିଜେ ଦାରିଅଇରଇବା ବିସଇ, ଆରି ଆଇବା ଦିନର୍ ବିଚାରନା ବିସଇ କଇବାକେ ଦାରଲା, ପେଲିକସ୍ ଡରିଜାଇକରି “ତମେ ଏବେ ଜାଇପାରାସ୍ ।” ବଲି କଇଲା, “ବେଲା ପାଇଲେ ଆରି ତରେକ୍ ମୁଇ ତମ୍‌କେ ଡାକାଇବି ।” ୨୬ ସେ ବେଲା ପାଉଲ୍ ତାକେ କେତେକ୍ ଡାବୁ ଲାଟ୍ ଡେଇସି ବଲି ସେ ଆସା କରି ରଇଲା, ସେଟାର ପାଇ ସେ ତରକେ ତର୍ ତାକେ ଡାକାଇ ତାର ସଙ୍ଗେ କାତାବାର୍ତା ଅଇବାର୍ ଦାରଲା ।

୨୭ ଏନ୍ତି ଦୁଇ ବରସ୍ ଗାଲାପରେ ପରକ୍‌ୟସ୍ ପେସ୍‌ଟସ୍ ପେଲିକର୍ ଜାଗାଇ ସାସନ୍‌କାରିଆ ଅଇ ଆଇଲା । ପେଲିକସ୍ ଜିଉଦିମନ୍‌କେ ବଲ୍‌ବଲାଇ ଅଇବାକେ ମନ୍ କରି ପାଉଲ୍‌କେ ନ ମୁକ୍‌ଲାଇ ବନ୍ଦି ଗରେ ଚାଡ଼ି ଉଟିଗାଲା ।

### ୨୫

#### ସମ୍‌ରାଟର୍ ଲଗେ ପାଉଲ୍‌ର୍ ଗୁଆରି

୧ ପେସ୍‌ଟସ୍ ସାସନ୍‌କାରିଆ ଅଇକରି ଆଇଲା ଜାଗାଇ, ତିନ୍ ଦିନ୍ ପରେ, ସେ ସିସିରିଆ ଅନି ଜିରୁସାଲମେ ଗାଲା । ୨ ସେ ଜିରୁସାଲମେ ରଇଲାବେଲେ, ତେଇ ମୁକ୍‌ଅ ପୁଜାରି ଆରି ଜିଉଦିନେତାମନ୍ ଆରି ତରେକ୍ ପାଉଲ୍‌ର୍ ବିରଦେ ରଇବା ଦାବି ନେଇ, ସେମନ୍‌ର୍ ଲଗେ ଗାଲାଇ । ସେମନ୍ ପେସ୍‌ତେସ୍‌କେ ବାବୁଜିଆ କଲାଇ, ୩ ଜେଜ୍‌ଜିକି ପାଉଲ୍‌କେ ଜିରୁସାଲମେ ଆନ୍‌ବାକେ ଗୁଆରି କଲାଇ । କାଇକେବଇଲେ ବାଟେ ଜାଗିରଇ ସେମନ୍ ପାଉଲ୍‌କେ ମାରିମରାଇବାକେ ଜଜ୍‌ନା ତିଆର୍ କରିରଇଲାଇ । ୪ ପେସ୍‌ଟସ୍ କଇଲା, “ପାଉଲ୍‌କେ ଗଟେକ୍ ବନ୍ଦି ଇସାବେ ସିସିରିଆଇ ରକାଅଇଲା ଆଟେ ଆରି ବେଟି ମୁଇ ତେଇ ବାଉଡ଼ି ଜିବି । ୫ ଜଦି ସେ କାଇ ଦସ୍ କଲା ଆଟେ, ତେବେ ତମର୍ ନେତାମନ୍ ମର୍ ସଙ୍ଗେ ସିସିରିଆଇ ଆସଡ୍ ଆରି ତାର ବିରଦେ ସେମନ୍‌ର୍ ଦାବା ଜାନାଅଡ୍ ।”

୬ ପେସ୍‌ଟସ୍ ସେମନ୍‌ର୍ ସଙ୍ଗେ ଆଟ୍ ଦସ୍ ଦିନ୍ ଜିରୁସାଲମେ ରଇକରି ସିସିରିଆଇ ବାଅଡ଼ଲା । ତାର ଆରକର୍ ଦିନେ ବିଚାର୍ କରବା ଗରେ ବସି ପାଉଲ୍‌କେ ଆନ୍‌ବାକେ ଆଦେସ୍ ଦେଲା । ୭ ପାଉଲ୍ ଆଇଲା ଦାପ୍‌ରେ ଜିରୁସାଲମେଅନି ଆସିରଇବା ଜିଉଦିମନ୍ ତାକର୍ ଚାରିବେଟ୍‌ତି ବେଡ଼ି ଚିଆ ଅଇଲାଇ ଆରି ତାର ବିରଦେ କେତେକ୍ କେତେକ୍ ବଡ଼ ବଡ଼ ଦାବା କଲାଇ, ମାତର୍ ସେମନ୍ ଏ ସବୁ ସଡ଼ ବଲି ଦେକାଇ ନାପାରଲାଇ । ୮ ମାତର୍ ପାଉଲ୍ ନିଜେ ନିଜର୍ ବାଟେ ଅନି କଇଲା, “ଜିଉଦିମନ୍‌ର୍ ରିତିନିତି, ମନ୍‌ରର୍ କି ରମିଅ ସାସନ୍‌କାରିଆ, କାର୍ ମିସା ବିରଦେ ମୁଇ ଦସ୍ କରିନାଇ ।”

୯ ମାତର୍ ପେସ୍‌ଟସ୍ ଜିଉଦିମନ୍‌କେ ବଲ୍ ବଲାଇ ଅଇବାକେ ମନ୍ କରି ପାଉଲ୍‌କେ ପାଚାରଲା, “ଜିରୁସାଲମେ ଜିବାକେ ଆରି ତେଇ ମର୍ ମୁଆଟେ, ଏ ସବୁ ଦାବାର୍ ବିଚାର୍ କରବାକେ ତୁଇ କାଇ ରାଜି ଅଇସୁ କି ?”

୧୦ ପାଉଲ୍ କଇଲା, “ମୁଇ ବଡ଼ ସାସନ୍‌କାରିଆର୍ ନିଜର୍ ବିଚାରନା ଜାଗାଇ ଚିଆ ଅଇଲିଆଟି, ଇତିସେ ମର୍ ବିଚାର୍ ଅଇବାର୍ ଦରକାର୍ । ତମେ ନିକକରି ଜାନାସ୍ ଜେ, ମୁଇ ଜିଉଦିମନ୍‌ର୍ ବିରଦେ କାଇମିସା ଦସ୍ କରିନାଇ । ୧୧ ଜଦି ମୁଇ ରିତିନିତି ନ ମାନି ମରନ୍ ତଣ୍ଡ ପାଇବାପାରା କାଇ ଦସ୍ କଲିଆଟି ବଇଲେ, ମର୍‌ବାକେ ନ ଡରି । ମାତର୍ ସେମନ୍ ମର୍ ବିରଦେ ଆନିରଇବା ଦାବା ବିଡ଼ରେ କାଇମିସା ସଡ଼ ନ ରଏ, ତେବେ କେ ମିସା ମକେ ସେମନ୍‌କେ ସର୍‌ପିଦେଇ ନାପାରଡ୍ । ବଡ଼ ସାସନ୍‌କାରିଆ ଆକା ମକେ ବିଚାରନା କର ବଲି ଗୁଆରି କଲିନି ।”

୧୨ ତାରପରେ ପେସ୍‌ଟସ୍ ତାର ସବାଇ ରଇଲା ଲକ୍‌ମନ୍‌ର୍ ସଙ୍ଗେ କାତାବାର୍ତା ଅଇ କଇଲା, “ତମେ ବଡ଼ ସାସନ୍‌କାରିଆ ବିଚାର୍ କର ବଲି ଗୁଆରି କରିଆଟାସ୍, ସେଟାର ପାଇ ତମ୍‌କେ ବଡ଼ ସାସନ୍‌କାରିଆର୍ ଲଗେ ପାଚାଇବି ।”

#### ଆଗ୍‌ରିପା ଆରି ବର୍‌ନିକିର୍ ମୁଆଟେ ପାଉଲ୍

୧୩ କେତେଦିନ ପରେ ରାଜା ଆଗ୍‌ରିପା ଆରି ବର୍‌ନିସ୍ ପେସ୍‌ଟସ୍‌କେ ଜୁଆର୍ ଜାନାଇବାକେ କାଇସରିଆଇ ମିସ୍‌ବାର୍ ଆଇଲାଇ । ୧୪ ତେଇ ସେମନ୍ କେତେ ଦିନ୍ ରଇଲା ପରେ ପେସ୍‌ଟସ୍ ପାଉଲ୍‌ର୍ ବିସଇ ରାଜାକେ ଜାନାଇଲା, “ପେଲିକସ୍ ବନ୍ଦିକରି ଜାଇରଇବା ଗଟେକ୍ ଲକ୍ ଇତି ଆଟେ ।” ୧୫ ମୁଇ ଜେତେବେଲା ଜିରୁସାଲମ୍ ଜାଇରଇଲି, ଜିଉଦିମନ୍‌ର୍ ମୁକ୍‌ଅ ପୁଜାରିମନ୍ ଆରି ସେ ଦରମ୍‌ର୍ ପାର୍‌ଚିମନ୍‌ର୍ ତାର ବିରଦେ କେତେଟା ଦାବା କଲାଇ ଆରି ତାକେ ଦସି କରବାକେ ମକେ କଇଲାଇ । ୧୬ ମାତର୍ ମୁଇ ସେମନ୍‌କେ କଇଲି ଜେ, ଗଟେକ୍ ଦସିକେ ବିଚାର୍ କରବା ଗରେ, ତାକେ ଦାବା କରୁମନ୍‌ର୍ ମୁଆଟେ ନିଜର୍ ବାଟେଅନି କଇବାକେ ବେଲା ଦେବା ଆଗ୍‌ଡୁ, ତାକେ ଦସି କରବାଟା ଆମର୍ ରମିୟମନ୍‌ର୍

ନିୟମେ ନାହିଁ ।<sup>୧୭</sup> ସେମନ୍ ଇତି ଆଇଲା ପତେ ମୁଇ ଅଲ୍‌ସମ୍ ନ କରି, ତାର୍ ପର୍ଦିନେ ବିଚାର୍ କରବା ଗରେ ବସ୍‌ଲି ଆରି ସେ ଲକ୍‌କେ ବିଡ଼ରେ ଆନ୍‌ବାକେ ଆଦେସ୍ ଦେଲି ।<sup>୧୮</sup> ମର୍ ବାବ୍‌ବାଟା ବୁଲ୍ ରଇଲା, ସେମନ୍ ତାର୍ ବିରୁଦେ ଆନିରଇବା ଦାବି, ସେ କରିରଇବା କରାପ୍ ବିସଇ ଅଇରଇସି ବଲି ବାବ୍‌ଲି, ମାତର୍ ସେନ୍ତାର୍ ନ ରଇଲା ।<sup>୧୯</sup> ସେମନ୍‌ର୍ ଦାବି ତାକର୍ ନିଜର୍ ଦରମ୍ ବିସଇ ରଇଲା, ଆରି ଜିସୁ ବଲି ଗଟେକ୍ ମରିଜାଇରଇବା ଲକ୍‌କର୍ ବିସଇ ରଇଲା । ମାତର୍ ସେଲକ୍ ବର୍ତ୍‌ଲା ଆତେ ବଲି ପାଉଲ୍ କଇଲା ।<sup>୨୦</sup> ଏ ସବୁ ବିସଇର୍ ସଡ଼ କେନ୍ତ୍ର ବାକରାଇବି ବଲି ମୁଇମିସା ନାଜାନିରଇଲି, ତେବେ ଏ ସବୁ ବିଚାର୍‌ନା କରବାକେ ପାଉଲ୍‌କେ ଜିରୁସାଲମେ ଜାଇସୁ କି ନାହିଁ ବଲି ପାଚାରଲି ।<sup>୨୧</sup> ମାତର୍ ପାଉଲ୍, ନିଜେ ରମ୍ ରାଇଜର୍ କାଇସର୍ ରାଜା, ତାର୍ ବିଚାର୍ କର ବଲି କଇ ସନିଅମନ୍ ରକିଆ କରଡ଼ ବଲି ମନ୍ କଲା । ସେଟାର୍‌ପାଇ ବଡ଼ ସାସନ୍‌କାରିଆ ଲଗେ ପାଟାଇବା ଜାକ ବନ୍ଦି କରି ରକ୍‌ବାକେ ଆଦେସ୍ ଦେଲିଆତି ।

<sup>୨୨</sup> ଆଗ୍‌ରିପା ପେସର୍‌ସକେ କଇଲା, “ମୁଇ ନିଜେ ଏ ଲକ୍‌କର୍ କାତା ସୁନ୍‌ବାକେ ମନ୍ କଲିନି ।” ପେସର୍‌ସ୍ କଇଲା,  
 “କାଲିକେ ତମେ ତାର୍ କାତା ସୁନ୍‌ସା ।”

<sup>୨୩</sup> ତାର୍ ଆରକ୍‌କର୍ ଦିନେ ଆଗ୍‌ରିପା ଆରି ବର୍‌ନିସ୍ ଆସି କେଟ୍‌ଲାଇ । ସେମନ୍ ରାଜାମନ୍ ପିନ୍‌ଲାପାରାଟା ପିନ୍‌ର ଇଲା । ସନିଅମନ୍‌ର୍ ନେତାମନ୍ ଆରି ସେ ଗଡ଼ର୍ ବଡ଼ ବଡ଼ ଲକ୍‌ମନ୍‌ର୍ ସଙ୍ଗ୍ ବେସି ତାକ୍‌ପୁଟା ସଙ୍ଗ୍ ଆସି, ବିଚାର୍‌ନା ଜାଗାଇ ପୁରୁଲାଇ । ପେସର୍‌ସ୍ ଆଦେସ୍ କଲାକେ, ପାଉଲ୍‌କେ ବିଡ଼ରେ ଆନିଲାଇ ।<sup>୨୪</sup> ପେସର୍‌ସ୍ କଇଲା, “ରାଜା ଆଗ୍‌ରିପା ଆରି ରୁଣ୍ଡି ରଇଲା ସବୁ ଲକ୍‌, ତମେ ଏ ଜନ୍ ଲକ୍‌କେ ଦେକ୍‌ଲାସ୍‌ନି, ତାର୍ ବିରଦେ ଇଡ଼ିର୍ ଜିଉଦିମନ୍ ଆରି ଜିରୁସାଲମର୍ ଜିଉଦିମନ୍ ମର୍ ଲଗେ ଦାବା କଲାଇ ଆତଡ଼ । ସେମନ୍ ତାକେ ମରାଉଁ ବଲିକରି କଇ ଆଉଲି ଅଇଲାଇନି ।<sup>୨୫</sup> ମାତର୍ ମୁଇ କଜି ବାକରାଇଲି ଜେ, ଏ ଲକ୍‌ ମରନ୍ ଡ଼ଣ୍ଡୁ ପାଇବା ଏଡ଼କି, କାଇ ଦସ୍ କରେନାଇ । ସେ ନିଜେ ବଡ଼‌ସାସନ୍‌କାରିଆକେ ଗୁଆରି କଲାର୍ ପାଇ, ମୁଇ ତାକେ ତେଇ ପାଟାଇବାକେ ଟିକ୍ କଲି ଆତି ।<sup>୨୬</sup> ମାତର୍ ତାର୍ ଦାବି ବିସଇ ଟିକ୍ ସଙ୍ଗ୍ ବଡ଼‌ସାସନ୍‌କାରିଆକେ ଲେକ୍‌ବାକେ ମର୍ ଲଗେ କାଇଟା ନାହିଁ । ସେଟାର୍‌ପାଇ ମୁଇ ସବୁର୍ ମୁଆଟେ ଆରି ଏ ଆଗ୍‌ରିପା ରାଜା, ତମର୍ ମୁଆଟେ ଆନିଲି ଆତି, ଜେନ୍ତ୍ର କି ତାର୍ ବିସଇ ତମେ ନିକ ସଙ୍ଗ୍ କଇଲା ପତେ ବଡ଼‌ସାସନ୍‌କାରିଆକେ ଲେକିପାରବି ।<sup>୨୭</sup> କାଇକେବଇଲେ ଗଟେକ୍ ବନ୍ଦିର୍ ବିରଦର୍ ଦାବା ନିକ‌ସଙ୍ଗ୍ ନ ଦେକାଇ, ବଡ଼‌ସାସନ୍‌କାରିଆର୍ ଲଗେ ପାଟାଇବାଟା ଟିକ୍ ନଏଁ ବଲି ମୁଇ ବାବ୍‌ଲିନି ।”

## ୨୭

### ଆଗ୍‌ରିପା ମୁଆଟେ ପାଉଲ୍ ନିଜର୍ ବିସଇ ସାକି ଦେବାଟା

<sup>୧</sup> ଆଗ୍‌ରିପା ପାଉଲ୍‌କେ କଇଲା, “ତକେ ତର୍ ନିଜର୍ ବିସଇ ଜାଇଟା କଇବାର୍ ଆତେ, ସେଟା କଇବାକେ ଅଦିକାର୍ ଦିଆଅଇଲା ।” ପାଉଲ୍ ଆଡ଼ ଉଟାଇକରି ନିଜର୍‌ବାଟେଅନି କଇଲା,

<sup>୨</sup> “ରାଜା ଆଗ୍‌ରିପା ! ଜିଉଦିମନ୍ ମକେ ଜନ୍ ସବୁ ବିସଇ ନେଇ ଦସି କରିଆତଡ଼, ସେଟାର୍ ବିରଦେ ତମର୍ ମୁଆଟେ, ନିଜର୍ ବାଟେଅନି କଇବାକେ ବେଲା ପାଇଲାର୍ ପାଇ ମୁଇ କେତେ କରମର୍ ଲକ୍ ବଲି ବାବ୍‌ଲିନି ।”<sup>୩</sup> କାଇକେବଇଲେ ଜିଉଦିମନ୍‌ର୍ ରିଡିନିଡି ବିସଇ ଆରି ସେମନ୍‌ର୍ ଲାଗାଜଡା ବିସଇ ତମେ ନିକ‌ସଙ୍ଗ୍ ଜାନାସ୍ । ମୁଇ ଗୁଆରି କଲିନି, ତମେ ବିଜାର୍ ନ ଅଇକରି ମର୍ ସବୁକାତା ସୁନା ।

<sup>୪</sup> “ପିଲାବେଲେଅନି କେନ୍ତ୍ର ମୁଇ ଜିଇଲି ଆତି, ସେଟା ଜିଉଦିମନ୍ ଜାନଡ଼ । ପର୍‌ତୁମ୍ ମର୍ ନିଜର୍ ଦେସେ ଆରି ପତେ ଜିରୁସାଲମେ ମୁଇ କେନ୍ତ୍ର ଜିବନ୍ କାଟ୍‌ଲି ଆତି, ସେଟା ମିସା ସେମନ୍ ଜାନଡ଼ ।<sup>୫</sup> ଆଗେଅନି ମୁଇ ଜିଉଦି ନିୟମ୍ ସବୁ ମାନିକରି ପାରୁସିମନ୍‌ର୍ ପାରା ଚଲାଚଲ୍‌ଡି କଲିଆତି, ସେ ବିସଇ ସେମନ୍ ସାକି ଦେଇପାରଡ଼ ।”<sup>୬</sup> ପର୍‌ମେସର୍ ଆମର୍ ଆନିଦାଦିମନ୍‌କେ ଜନ୍ କାତା ଦେଇ ରଇଲା, ତେଇ ମର୍ ଆସା ରଇଲାର୍‌ପାଇ ଆଜି ମୁଇ ଇତି ବିଚାର୍‌ନା କରାଇଅଇବାକେ ଟିଆ ଅଇଲିଆତି ।<sup>୭</sup> ମାତର୍ ଏ ରାଜା, ଏ ଆସା ଆମର୍ ବାଟା ଜିଉଦି ଜାଡ଼ିର୍ ଲକ୍ ଦିନ୍ ରାତି ମାପୁରୁକେ ପାରତନା କରି, ପାଇବାକେ ଆସାକଲାଇନି । ଆରି ଏ ଆସାର୍ ଲାଗି ଆମର୍ ଜିଉଦିମନ୍ ମକେ ଦସି କରିଆତଡ଼ ।<sup>୮</sup> ପର୍‌ମେସର୍ ମଲା ଲକ୍‌କେ ଉଟାଇସି, ବଲି କାଇକେ ବିସବାସ୍ କରିନାପାରୁଲାସ୍‌ନି ?

<sup>୯</sup> “ମୁଇ ମିସା ସେମନ୍‌ର୍ ପାରା ରଇଲି । ନାଜରିତ୍‌ୟ ଜିସୁର୍ ବାଟେ ଜିବା ସବୁ ଲକ୍‌ମନ୍‌ର୍ ବିରୁଦେ ମର୍ ଜେଡ଼କି ବସୁ ସଙ୍ଗ୍ ମିସା କାମ୍ କରବାର୍ ଆତେ ବଲି ଚିନ୍ତା କଲି ।<sup>୧୦</sup> ମୁଇ ଜିରୁସାଲମେ ସେନ୍ତ୍ର କଲି । ମୁକିଅ ପୁଜାରିମନ୍‌ର୍‌ତେଇଅନି ଅଦିକାର୍ ଚିଟି ପାଇ, ପର୍‌ମେସରର୍ ବେସି ଲକ୍‌ମନ୍‌କେ ବାନ୍ଦି କରି, ବନ୍ଦି ଗରେ ପୁରାଇଦେଲି । ଆରି ସେମନ୍‌କେ ମରନ୍‌ର୍ ଡ଼ଣ୍ଡୁ ଦେବାକେ ବିଚାର୍‌ନା କଲାବେଲେ, ସେମନ୍‌ର୍ ବିରୁଦେ ଟିଆଅଇଲି ।<sup>୧୧</sup> କେତେ କେତେ ତର୍ ପାରତନା ଗର୍‌ମନ୍‌କେ ସେମନ୍ ବିସବାସ୍

☆ ୨୭:୫ ୨୭:୫ ପେରିଡ଼ ୨୩:୬; ପିଲିପିୟ ୩:୫ ☆ ୨୭:୯ ୨୭:୯ ପେରିଡ଼ ୮:୩; ୨୨:୪, ୫

ଚାତୁ ବଲି ମାର୍ବବାକେ ତିଆରଲି, ସେମନର୍ ଉପରେ ଏତେ ରିସା ଅଇଜାଇରଇଲି ଜେ, ସେମନ୍‌କେ କସ୍‌ଟ ଦେବାକେ ବିଦେସେ, ରଇବା ଗଡ଼ମନ୍‌କେ ମିସା ଜାଇରଇଲି ।”

**ନିଜେ ବାଦ୍‌ଲାଇଲା ବିସଇ ପାଉଲ୍ କଇବାଟା**

୧୭ “ଏଟା କରବାକେ ମୁଇ ମୁକିଅ ପୁଜାରିମନର୍‌ତେଇଅନି ଅଦିକାର୍ ଚିଟି ଆରି ଆଦେସ୍ ନେଇ ଦାମାସ୍କସେ ଜାଇରଇଲି । ୧୩ ଏ ରାଜା ଏଗରିପା, ଅଟାଡ଼ ଦିନେକ୍ ମୁଣ୍ଟୁବେଲା ଲଗେ, ଜିବାବାଟେ ବେଲ୍ ତାରାସେଅନି ଅଦିକ୍ ଉଜଲ୍ ଦେକ୍ଲି । ସର୍‌ଗେଅନି ସେ ଉଜଲ୍ ଆସି ମକେ ଆରି ମର୍ ସଙ୍ଗ୍ ଜିବା ଲକର୍ ଚାରିବେଟ୍‌ତ ବିଟି ଅଇଲା ।” ୧୪ ଆମେ ସବୁ ଲକ୍ ତଲେ ଅଦ୍‌ରି ହୁଲିଦେଲୁ ଆରି ଇବ୍‌ରୁ ବାସାଇ ମକେ କଇତେରଇବା ଏ କାତା ସୁନ୍‌ଲି, “ସାଉଲ୍, ସାଉଲ୍ !” ତୁଇ ମକେ କାଇକେ କସ୍‌ଟ ଦେଲୁସ୍‌ନି ? କସ୍‌ଲାବେଲେ କସ୍‌ବାଲକ୍ ବଲଦ୍‌କେ ତୁତାରିବୁସ୍‌ଲେ ବଲଦ୍ ଲାଡ଼ମାର୍‌ବା ପାରା, ତୁଇ ନିଜେ କସ୍‌ଟ ପାଇଲୁସ୍‌ନି । ୧୫ “ମୁଇ ପାଗାରଲି, ‘ମାପରୁ ତମେ କେ ?’ ସେ କଇଲା, ‘ମୁଇ ଜିସୁ, ମକେସେ ତୁଇ କସ୍‌ଟ ଦେଲୁସ୍‌ନି ।’ ୧୬ ମାତର୍ ଉଟିକରି ଚିଆ ଅ । ତକେ ମର୍ ସେବାକାରିଆ କରବାକେ, ଦରସନ୍ ଦେଲିଆତି । ଆଜି ତୁଇ ମର୍ ବିସଇ ଜାଇଟା ଦେକ୍‌ଲୁସ୍ ଆରି ପଟ୍‌କେ ମିସା ମୁଇ ଜାଇଟା ଦେକାଇବି, ସେ ବିସଇ ତୁଇ ବିନ୍ ଲକ୍‌ମନ୍‌କେ ସାକିଦେସ୍ । ୧୭ ଜନ୍ ଜିଉଦି ଆରି ଜିଉଦିନଇଲା ଲକ୍‌ମନର୍‌ତେଇ ତକେ ପାଟାଇବି, ସେମନର୍‌ତେଇ ଅନି ତାଡ଼ନା ପାଇଲେ, ମୁଇ ତକେ ରକିଆ କରବି । ୧୮ ତୁଇ ସେମନର୍ ଆଁକି ପିଟାଇଦେସ୍ ବଲି ମୁଇ ତକେ କଇଲିନି । ଜେନ୍ତିକି ସେମନ୍ ଆନ୍ଦାରେଅନି ଉଜଲେ ଆରି ସଇତାନର୍ ବାନ୍‌ନେଅନି ମାପରୁର୍ ବାଟେ ବାଅଡ଼ବାଇ । ଜେନ୍ତିକି ମକେ ବିସବାସ୍ କଲାର୍ ପାଇ, ସେମନର୍ ପାପ୍ କେମା ଅଇସି । ଆରି ମାପରୁ ବାଟ୍‌ଲା ଲକ୍‌ମନର୍ ସଙ୍ଗ୍ ସେମନ୍‌କେ ମିସା ଡାକିନେବାଇ ।”

**ନିଜର୍ କାମ୍ ବିସଇ ପାଉଲ୍ ସାକି ଦେବାଟା**

୧୯ “ସେଟାରପାଇ ଏ ରାଜା ଆଗରିପା ମୁଇ ସର୍‌ଗେଅନି ଜନ୍ ଦରସନ୍ ପାଇଲିଆତି, ସେଟା ପୁରାପୁରୁନ୍ ମାନଲି । ୨୦ \*ସେନ୍ତାରି ମୁଇ ପରତମେ ଦାମାସ୍କସେ ଆରାମ୍‌କରି ତାର୍‌ପଟେ ଜିରୁସାଲାମେ, ପଟେ ଜିଉଦାର୍ ସବୁବାଟେ ଆରି ଜିଉଦିନଇଲା ଲକ୍‌ମନର୍ ବିତରେ ମାପରୁର୍ ବିସଇ ଜାନାଇଲି । ଜେନ୍ତିକି ସେମନ୍ କରଇରବା ପାପ୍ ଏତାଇ, ଦୁକ୍‌କରି ମାପରୁର୍‌ବାଟେ ବାଅଡ଼ବାଇ । ଆରି ସେମନ୍ ଜନ୍‌ଟା ମାନିଆଇଲା ଆତଡ଼, ସେଟା ତାକର୍ ତଲାଟଲ୍‌ତିଅନି ଜାନିଅଇସି । ୨୧ ଏଟାରପାଇ ମୁଇ ମନ୍ଦିରେ ରଇଲାବେଲେ ଜିଉଦିମନ୍ ମକେ ଦାରି ମରାଇବାକେ ଚେସ୍‌ଟା କଲାଇ । ୨୨ ମାତର୍ ପରମେସର୍ ମକେ ଆଜିକେଜାକ ରକିଆ କଲାଆତେ ଆରି ସେଟାରପାଇ ଆଜି ସାନ୍ ବଡ଼ ସବୁ ଲକର୍ ଲଗେ ସମାନ୍ ଇସାବେ ମର୍ ସାକିଦେବାକେ ଚିଆକରାଇଆତେ । ବବିସଡ଼ବକ୍‌ତା ଆରି ମସା ଜାଇଟା ଗଟ୍‌ସି ବଲି କଇରଇଲାଇ, ଚିକ୍ ସେ କାତା ମୁଇ କଇଲିନି । ୨୩ \*ମସିଅ ଦୁକ୍ ପାଇସି ଆରି ମଲାଲକ୍‌ମନର୍ ବିତରେଅନି ସିଗ୍ ପରତୁମେ ଉଟି, ଜିଉଦି ଆରି ଜିଉଦି ନଇଲା ଲକ୍‌ମନର୍ ଲଗେ ମୁକ୍‌ତିର୍ ଉଜଲ୍ ଦେକାଇସି ।”

୨୪ ପାଉଲ୍ ନିଜର୍ ବାଟେଅଇ କଇଲା ବେଲେ, ପେସ୍‌ଟସ୍ ତାକେ ଆଉଲିଅଇ କରି କଇଲା, “ପାଉଲ୍, ତୁଇ ବାୟା ଅଇଗାଲୁସ୍ ! ତୁଇ ପାଟ୍‌ପତି ବେସି ପାଇରଇବା ଗିଆନ୍ ତକେ ବାୟା କଲାଆତେ ।”

୨୫ ପାଉଲ୍ କଇଲା, “ଏ ମାପରୁ ପେସ୍‌ଟସ୍, ମୁଇ ବାୟା ଅଇନାଇ, ମୁଇ ଜାଇଟା କଇଲିନି ସେଟା ପୁରାପୁରୁନ୍ ସଡ଼ । ଆରି ତବିର୍ ବୁଦିର୍ କାତା କଇଲିଆତି । ୨୬ ଏ ରାଜା ଅଗରିପା ! ତମେ ଏ ବିସଇ ଜାନିରଇଲାର୍ ପାଇ, ତମର୍ ମୁଆଟେ ଏ କାତା କଇବାକେ ସାଆସ୍ କଲିନି ! ମୁଇ ଜାନାଇରଇବା ସବୁ ବିସଇର୍ କାଇ କାତା ମିସା, ସେ ନାଜାନେ, ବଲି ମୁଇ ବିସବାସ୍ କରନାଇ ! କାଇକେବଇଲେ ଏଟା ଲୁଟ୍‌ତେ କରାଅଏ ନାଇ । ୨୭ ରାଜା ଆଗରିପା, ତମେ ବବିସଡ଼ବକ୍‌ତାମନ୍‌କେ ବିସବାସ୍ କଲାସ୍‌ନି ତ ? ମୁଇ ଜାନି ତମେ ବିସବାସ୍ କଲାସ୍‌ନି !”

୨୮ ଆଗରିପା ପାଉଲ୍‌କେ କଇଲା, “ଏ ଅଲପ୍ ବେଲା ବିତ୍‌ରେ ତୁଇ କାଇ ମକେ ବିସବାସି କରିଦେବି ବଲି ବାବ୍‌ଲୁସ୍‌ନି କି ?”

୨୯ ପାଉଲ୍ କଇଲା, “ଚନେକ୍ ଅ କି ପରେକ୍ ଅ, ପରମେସରର୍ ଲଗେ ମର୍ ଏଡ଼କି ମାଙ୍ଗ୍‌ଲିନି । ଅବ୍‌କା ତମେସେ ନାଇ ରାଜା, ଆଜି ମର୍ କାତା ସୁନିରଇବା ସବୁ ଲକ୍ ମର୍‌ପାରା କିରିସ୍‌ଟର୍ ସିସ୍ ଉଆ । ମାତର୍ ମର୍‌ପାରା ଏନ୍ତି ସିକ୍‌ଲିସଙ୍ଗ୍ ବାନ୍‌ନାଇ ଉଆ ବଲି ମୁଇ କଇନାଇ ।”

୩୦ ତାର୍ ପଟେ ରାଜା, ସାସନ୍‌କାରିଆ, ଆରି ବର୍‌ନିସ୍ ଆରି ବିନ୍ ଲକ୍‌ମନ୍ ଜିବାକେ ଉଟ୍‌ଲାଇ । ୩୧ ସେମନ୍ ବାରଇଲା ବେଲେ ତାକର୍ ତାକର୍ ବିତ୍‌ରେ କଇଲାଇ, “ଏ ଲକ୍ ଏନ୍ତି କାଇମିସା କାମ୍ କରେ ନାଇ, ଜନ୍‌ଟା କି ସେ ମରନର୍ ଡଣ୍ଡ୍ ପାଇବାକେ କି ବନ୍ଦି ଅଇବାକେ ।” ୩୨ ଆଗରିପା ପେସ୍‌ଟସ୍‌କେ କଇଲା, “ଜଦି ଏ ଲକ୍ ବଡ଼ସାସନ୍‌କାରିଆଟାନେ ବିଚାର୍ ପାଇବି ବଲି ଗୁଆରି କରି ନ ରଇଲେ, ତେବେ ଆମେ ତାକେ ଚାଡ଼ି ଦେଇତୁ ।”

☆ ୨୬:୨୦ ୨୬:୨୦ ପେରିଡ଼ ୯:୨୦;୨୮:୨୯ ☆ ୨୬:୨୩ ୨୬:୨୩ ୧ମ କରନ୍ତିୟ ୧୫:୨୦



# ୨୭

## ପାଉଲ୍ ରମ୍ ଦେସେ ଗାଡ଼ ଗାଡ଼ ଜିବାଟା

<sup>୧</sup> ଆମେ ଜେଡେବେଲେ ପାନି ଜାଜେ ବସି ଇଟାଲି ଜିବାକେ ଟିକ୍ କଲାଲ, ସେଡ଼କିବେଲେ କେଡେଟା ବସି ଅଇଲା ଲକ୍‌କେ ଆରି ପାଉଲ୍‌କେ ରମିୟ ସନିଅମନର୍ ସେନାପତି ଜୁଲିୟସ୍‌କେ ସରପି ଅଇଲାଲ । <sup>୨</sup> ଆମେ ସବୁଲକ୍ ରମ୍ ରାଇଜର୍ ଆସିଆ ଜାଗାର୍ ଗାଡ଼କଣ୍ଡି ରଇଲା ବିନ୍ ବିନ୍ ଜାଗାଇ ଜୁ ବଲି ଆଡ଼ରାମୁଦିୟମର୍ ଗଟେକ୍ ପାନିଜାଜେ ବସି ଗାଲୁ । ଆରି ମାକିଦନିଆ ବଲି ଗଟେକ୍ ଜାଗାର୍ ଆରିସ୍‌ତାକସ୍ ନାଉର୍ ଡେସଲନିକି ଲକ୍ ଆମର୍ ସଙ୍ଗ୍ ରଇଲା । <sup>୩</sup> ଆରକର୍ ଦିନେ ଆମେ ସିଦନେ କେଟ୍‌ଲୁ । ଜୁଲିୟସ୍ ପାଉଲ୍‌କେ ବେସି ଦୟା ଦେକାଇଡେରଇଲା । ପାଉଲ୍‌ର୍ ସଙ୍ଗାରିମନର୍ ଟାନେଅନି ତାର୍ ଦରକାର୍ ଅଇବା ଜିନିସ୍‌ମନ୍ ଟୁଲିଆଇବାକେ ତାକର୍‌ସଙ୍ଗ୍ ଜାଇ ମିସ୍‌ଡ଼ ବଲି ପାଉଲ୍‌କେ ଆଦେସ୍ ଦେଲା । <sup>୪</sup> ଆମେ ତେଇଅନି କେଡେଦୁର୍ ଗାଲାପତେ ପବନ୍ ଅଇଲାଜେ ସାଇପରସ୍ ଗାଡ଼ର୍ ପାଲି ପାଲି ଗାଲୁ । <sup>୫</sup> ସିଲିସିଆ ଆରି ପପୁଲିଆ ନାଉର୍ ଦୁଇଟା ଜାଗା ଜିତିକରି ଲୁକିଆ ବଲି ମୁରା ନଅର୍ ଜାଗାଇ ଆଇଲୁ । <sup>୬</sup> ତେଇ ସେନାପତି ଆଲେକ୍‌ଜାଣ୍ଡ୍ରିଆର୍ ଗଟେକ୍ ପାନି ଜାଜ୍ ଇଟାଲି ଜାଇଡେରଇଲାଜେ ଆମ୍‌କେ ଦେକି, ସେ ଜାଜେ ବସାଇଲା ।

<sup>୭</sup> ପତେ ଆମ୍‌କେ ବେସିଦିନ୍ ଲାଗିଗାଲା ଦିରେ ଦିରେ ଜାଇ କରି କେଡେକ୍ କସ୍‌ଟେ କିଦ୍ ନାଉର୍ ଗଟେକ୍ ଜାଗାଇ କେଟ୍‌ଲୁ । ତେଇ କେଟ୍‌ଲା ପତେ ବେସି ପବନ୍ ଆଇଲାଜେ ଆମେ ଆରି ଆଗ୍‌କେ ଜାଇ ନାପାରୁଲୁ । ତେବେ ସାଲନି ବଲି ଗଟେକ୍ ଜାଗାର୍ ମୁଆଟ୍ ବାଟେ ଜାଇ କିରିଡ଼ର୍ ପାଲି ପାଲି ଗାଲୁ । <sup>୮</sup> ଆରି ପାଲି ପାଲି ଆସି ବଡେ କସ୍‌ଟେ ସୁନ୍‌ର୍ ବନ୍ଦ୍ ବଲି ଗଟେକ୍ ପାନିଜାଜ୍‌ମନ୍ ଲାଗ୍‌ବାଟାନେ ଆସି କେଟ୍‌ଲୁ । ସେଟା ଲାସିଆ ସଅର୍ ଲଗେ ରଇଲା ।

<sup>୯</sup> ସେ ଜାଗାଇ ଆମେ ବେସିଦିନ୍ ରଇଲୁ । ଜିଉଦିମନର୍ ଉପାସ୍ ମାନିଅଇବା ପରବ୍ ସାରି ଜାଇରଇଲା । ତେବେ ଗାଡ଼ ଗାଡ଼ ଜିବାଟା ବିପଦ୍ ରଇଲା । ସେଟାର୍‌ପାଇ ପାଉଲ୍ ସେମନ୍‌କେ ଜାଗରଡ଼ କରାଇ କଇଲା, <sup>୧୦</sup> “ମଇଡ଼ର୍‌ମନ୍ ଆମେ ଏ ଗାଡ଼ ଗାଡ଼ ଗାଲେ ସରି ଜାଆଜ୍ ଆରି ଜିନିସ୍‌ପତର୍ ଆକା କେଡି ନ ଅଏ, କେଡେବେଲେ ଜାଜେ ଜିବା ଲକ୍‌ମନର୍ ମିସା ଦସା କେଟ୍‌ସି ।” <sup>୧୧</sup> ମାତର୍ ସେନାପତି ପାଉଲ୍‌ର୍ କାତା ବିସ୍‌ବାସ୍ ନ କରି, ଜାଜ୍ ଚାଲାଉ, ଜାଜ୍ ସାଉକାର୍‌ର୍ କାତା ବିସ୍‌ବାସ୍ କଲା । <sup>୧୨</sup> ସେ ଗାଡେ ସିଡ଼ମାସେ ରଇବାଟା ବେସି କସ୍‌ଟେ ରଇଲା । ତେବେ କେଡି କରି ମିସା କସ୍‌ଟେ ମସ୍‌ଟେ ପେନିକସ୍ ବଲି ଗଟେକ୍ ଜାଗାଇ କେଟି, ଦରକାର୍ ପଡ଼ଲେ ତେଇ ରଇବାକେ ଜାଜେ ଜିବା କେଡେଲକ୍‌ମନ୍ କର୍‌ଡେରଇଲାଲ । ପିନିକସ୍ ଅଇଲାନି କିରିଡେ ଦକିଣ୍, ପଟିମ୍ ଆରି ଉଡର୍ ପୁରୁବ୍ ଦିଗେ ରଇବା ଗଟେକ୍ ଜାଗାର୍ ନାଉଁ ।

## ସମ୍‌ଦୁରେ ପାନିପବନ୍ ଆଇବାଟା

<sup>୧୩</sup> ଜେଡେବେଲେ ଦକିନ୍ ଦିଗ୍‌ବାଟେଅନି ଅଲପ୍ ଅଲପ୍ ପବନ୍ ଆଇଲା, ସେଡେବେଲେ ଜାଜେ ବସିରଇବା ଲକ୍‌ମନ୍ ଏଟା ଗଟେକ୍ ସୁବ୍‌କବର୍ ବଲି ବାବ୍‌ଲାଲ । ଜାଜ୍ ଅଟ୍‌କାଇବା ପାର୍‌ଦା ଟେକିଦେକ୍‌ଲାଲ ଆରି କିରିଡ଼ ଗାଡ଼ ପାଲି ପାଲି ଜାଜ୍ ଚାଲାଉ ଚାଲାଉ ନେବାର୍ ଦାର୍‌ଲାଲ । <sup>୧୪</sup> ମାତର୍ ଚନେକ୍ ଗାଲା ପତେ କିରିଡ଼ବାଟେଅନି ଉଡର୍ ପୁରବ୍ ବଲି କଇବା ପବନ୍ ଆଇଲା । <sup>୧୫</sup> ସେ ପବନ୍ ଅପର୍‌ବଲ୍ ଆସି ଜାଜେ ପିଟିଅଇଲା । ପବନ୍ ଆଇବା ମୁଆଟ୍‌ବାଟେ ଜାଜ୍ ନେବାକେ ଚେସ୍‌ଟା କରି କରି ନାପାରି ତାକିଗାଲୁ । ତେବେ ପବନ୍ ଜାଜ୍‌କେ ପାନି ଟାନେ ଉପ୍‌କାଇକରି ନେଅ ବଲି ଚାଡ଼ିଦେଲୁ । <sup>୧୬</sup> ଆରି କାଉଦ୍ ବଲି ଗୁଲାଲ ବାଟେ ପାନି ରଇକରି ମଜାଇ ସୁକ୍‌ଲା ବୁଇଁ ରଇବା ଜାଗାର୍ ଦକିଣ୍ ଦିଗ୍‌ବାଟେ ଗାଲାବେଲେ ଅଲପ୍ ପବନ୍‌ଟାନେ ଅନି ରକିଆ ପାଇଲୁ । ତେଇ ଆମେ କସ୍‌ଟେମସ୍‌ଟେ ଜାଆଜ୍‌ର୍ ସାନ୍‌ଡ଼ଙ୍ଗା କାଇ ବିପଦ୍ ନଇଡେ ସଙ୍ଗାଇପାରୁଲୁ । <sup>୧୭</sup> ଜାଜ୍ ଚାଲାଉମନ୍ ସାନ୍ ଡଙ୍ଗା ଜାଜ୍‌ଉପ୍‌ରେ ଟେକି ନେଲାଲ ଆରି ଡର୍ ସଙ୍ଗ୍ ଡାଟ୍‌କରି ଜାଜ୍‌ର୍ ଚାରିବେଟ୍‌ତି ନ ବାଙ୍ଗ୍ ବଲି ବାସି ଦେଲାଲ । ଜାଜ୍ ଚାଲାଉମନ୍ ଜାଜ୍‌କେ ଲିବିଆର୍ ପାଲି ପାଲି ବାଲିବନ୍ଦ୍ ବାଟେ ଉଟିଜାଇସି ବଲି ଜାଜେ ବାସି ରଇବା ତେରା ଉଡ଼ରାଇକରି ପବନେ ସେ ବୁଲି ବୁଲି ର ବଲି ଚାଡ଼ି ଦେଲାଲ । <sup>୧୮</sup> ଚନେକ୍ ମିସା ନ ତେବି ଅପର୍‌ବଲ୍ ପବନ୍ ଆଇବାର୍ ଦାର୍‌ଲା ଜେ, ତାର୍ ଆରକର୍ ଦିନେ ସେମନ୍ ଜାଜେଅନି ଜିନିସ୍ ପତର୍ ପାନିଡେଇ ପିଙ୍ଗ୍‌ବାର୍ ଦାର୍‌ଲାଲ । <sup>୧୯</sup> ତାର୍ ଆରକର୍ ଦିନେ ସେମନ୍ ଜାଜ୍‌ର୍ ପାଇ ଦରକାର୍ ଅଇବା କେଡେଟା ଜିନିସ୍ ବେଟି ପିଙ୍ଗି ଦେଲାଲ । <sup>୨୦</sup> ବେସି ଦିନ୍ ଅଇଗାଲା ଆମେ ବେଲର୍ ମୁକ୍ ନାଇ କି ତାରାର୍ ମୁକ୍ ଦେକୁନାଇ ସେଡି ରଇଗାଲୁ । ପବନ୍ ଚନେକ୍ ମିସା ତେବେ ନାଇ, ଅଦିକ୍ ଅଦିକ୍ ଆଇଡେସେ ରଇଲା । ସାରାସାରି ଆମେ ବର୍‌ବାର୍ ଆସା ଚାଡ଼ି ଦେଇରଇଲୁ ।

<sup>୨୧</sup> ଏଡେକ୍ ଦିନ୍ ଅଇଲା ସବୁ ଲକ୍‌ଜାକ ନ କାଇ ନ ପିଇ ରଇଲା ପତେ ପାଉଲ୍, ଜାଜେ ଜିବା ଲକ୍‌ମନର୍ ମଜାଇ ଟିଆଅଇ କଇଲା, ମଇଡ଼ର୍‌ମନ୍ ତମେ ମର୍ କାତା ଦାରି କିରିଡେଅନି ଜାଜ୍ ନ ଆନି ରଇଲେ ଆମ୍‌କେ ଏ ଦସା ନ ଆଇତା । <sup>୨୨</sup> ମାତର୍ ଏବେ ତମ୍‌କେ ଗୁଆରି କରି କଇଲିନି, ନ ଡରି, ବରସ୍ ଅଇରୁଆ

। ତମର ବିତ୍ତରେଅନି କେ ମିସା ନ ମରାସ୍ । ଜାଜସେ ନସଟ ଅଇସି । ୨୩ କାଇକେବଇଲେ ମୁଇ ଜାର୍ ଲକ୍ ଅଇଲିଆତି, ଆରି ଜନ୍ ପର୍ମେସରକେ ପାରତନା କଲିନି, କାଲି ରାତି ତାର ଗଟେକ୍ ସରଗର୍ ଦୁଡ଼ ମକେ ଆସି କଇଲା, ୨୪ ପାଉଲ୍ ତୁଇ ତର୍ ନାଇ । ବାଇଦରେ ସମ୍ପରାଟର୍ ମୁଆଟେ ତୁଇ ଚିଆ ଅଇସୁଆକା । ପର୍ମେସର୍ ତକେ ଜିବନ୍ ଦୁକାଇଲାଆତେ । ଜେ କି, ତକେ ଆରି ତର୍ ସଙ୍ଗ୍ ଜାଇତେ ରଇବା ସବୁ ଲକ୍ମନ୍‌କେ ବଞ୍ଚାଇସି । ୨୫ ତେବେ ବାଇମନ୍ ତମେ ନ ତରି ବରସ୍ ଅଇରୁଆ । କାଇକେ ବଇଲେ ମୁଇ ପର୍ମେସରକେ ବିସ୍‌ବାସ୍ କଲିନି, ମକେ ଜେନ୍ତି କଇଲାଆତେ ଟିକ୍ ସେନ୍ତାରିସେ ଅଇସି । ୨୬ ମାତର୍ ଆମେ ଆଗ୍‌କେ ଗାଲେ ଗଟେକ୍ ଗୁଲାଇବାଟେ ପାନି ରଇକରି ମଜାଇ ରଇବା ସୁକ୍ଲା ଜାଗାଇ ପବନ୍ କେଟାଇସି ।

୨୭ ଏନ୍ତାରି ଆମେ ବାଉପବନ୍ ଆରାମ୍‌ଅଇକରି ଚଉଦ ଦିନ୍ ଚଉଦ ରାତି ମିସା ଅଇଗାଲା । ପବନ୍ ଆମ୍‌କେ ବୁମ୍‌ସ୍ ସମ୍‌ଦୁରେ ଏନେ ତେନେ ନେଇତେରଇଲା । ମଜାରାତି ଅଇଲାକେ ଜାଜ୍ ଚାଲାଉମନ୍ ଗଟେକ୍ କଣ୍ଡିପାଲି ଲଗାଲଗି ଆଇଲୁ ବଲି ଅନ୍‌ମାନ୍ କଲାଇ । ୨୮ ତେବେ ସେମନ୍ ଗଟେକ୍ ବଜ୍ ଜିନିସ୍ ତର୍‌ସଙ୍ଗ୍ ବାନ୍ଧିକରି ନାପିକରି ଜାନ୍‌ଲାଇ ଜେ, ତେଇ ସଏ କତେ ପୁର୍ ପାନି ତେଙ୍ଗ୍ ରଇଲା । ଆରି କଣ୍ଡେକ୍ ଦୁର୍ ଆଇଲାକେ ନବେ ପୁର୍ ପାନି ନାପୁଲାଇ । ୨୯ ପାନି ଜାଜ୍ କନ୍‌ଆଲେ ତଙ୍ଗ୍‌ରର୍ ପାକ୍‌ନାଇ ତୁକାଇ ଅଇଜାଇସି ବଲି ତରିକରି ସେମନ୍ ପର୍‌ବାଟେ ଚାର୍‌ଟା ଜାଜ୍ ଅଟ୍‌କାଇବାଟା ପାକାଇଲାଇ । ଆରି ଦାପ୍‌ରେ ସାକାଲ୍ ପାଅ ବଲି ପାରତନା କଲାଇ । ୩୦ ତାର୍ ପଟେ ଜାଜ୍ ଚାଲାଉମନ୍ ଜାଜେଅନି ଲୁଟି ପାଲାଇବାକେ ତେସ୍‌ଟା କଲାଇ । ସାନ୍ ତଙ୍ଗା ବାନ୍ଧିରଇବା ତର୍ ବେଟି ତଙ୍ଗା ସମ୍‌ଦୁରେ ଉଡ଼ରାଇଲାଇ । ସେମନ୍ ଆରି କେତେଟା ଜାଜ୍ ଅଟ୍‌କାଇବାଟା ମୁଆଟ୍‌ବାଟେ ପାକାଇବୁ ବଲି ନାତାଇଲାଇ । ୩୧ ମାତର୍ ପାଉଲ୍, ସେନାପତି ଆରି ସନିଅମନ୍‌କେ କଇଲା, “ଜଦି ଜାଜ୍ ଚାଲାଉମନ୍ ଜାଜେ ନ ରଇଲେ ତମେ ମରିଜାଇସା ।” ୩୨ ସେଟାର୍‌ପାଇ ସନିଅମନ୍ ତଙ୍ଗାର୍ ତର୍ କାଟି ଦେଲାଇ ଆରି ପାନି ଉପ୍‌ରେ ବଲି ଜାଅ ବଲି ଚାଡ଼ି ଦେଲାଇ ।

୩୩ ପାଉଲ୍ କୁକ୍‌ତାତାକେ ସବୁ ଲକ୍‌କେ କାଆ ବଲି ବାରୁଜିଆ କଲା । ସେ କଇଲା, ଆଜିକେ ଚଉଦ ଦିନ୍ ଅଇଗାଲା କାଆସ୍ ନାଇ, ପିଆସ୍ ନାଇ, ବୁକେସେ ଆଚାସ୍ । ୩୪ ତେବେ ମୁଇ ତମ୍‌କେ କାଇଟା ଆଲେ କାଆ ବଲି ବୁଜାଇଲିନି, କାଇକେ ବଇଲେ, ବଞ୍ଚି ରଇବାର୍ ଆଲେ କାଇବାର୍ ଆତେଆକା । ତରା ନାଇ ! ତମ୍‌କେ କାଇଟା ନ ଅଏ । ୩୫ ପାଉଲ୍ ଏନ୍ତାରି କଇକରି ରୁଟି ଦାର୍‌ଲା ଆରି ସବୁ ଲକ୍‌କର୍ ମୁଆଟେ ପର୍‌ମେସରକେ ଦନିଅବାଦ୍ ଦେଇ ରୁଟି ଚିତାଇ କାଇବାର୍ ଦାର୍‌ଲା । ୩୬ ତେଇ ସେମନ୍ ସବୁ ଲକ୍ ସାଆସ୍ ଅଇକରି ଆରି ନିଜେ ନିଜେ କାଇବାର୍ ଦାର୍‌ଲାଇ । ୩୭ ଆମେ ସେ ଜାଜେ ସବୁ ଲକ୍ ମିସି ଦୁଇସ୍ ସତୁରି ଚଅ ଲକ୍ ରଇଲୁ । ୩୮ ସବୁ ଲକ୍ ପେଟ୍ ପୁର୍‌ତେ କାଇ ସାର୍‌ଲା ପଟେ ଜାଜ୍ ଉସାସ୍ ଅ ବଲି ଜାଜେ ରଇଲା ସବୁ କାଦିକଣ୍ଡା ସମ୍‌ଦୁରେ ପିଙ୍ଗି ଦେଲାଇ ।

**ଜାଜ୍ ତୁକାଇ ଅଇଲା**

୩୯ ସାକାଲ୍ ପାଇଲାକେ କଣ୍ଡିର୍ କନ୍ ଜାଗାଇ ଆସି କେଟ୍‌ଲୁଆରୁ ବଲି ଜାଜ୍ ଚାଲାଉମନ୍ ଜାନି ନାପାରୁଲାଇ । ମାତର୍ ସେମନ୍ ଦେକ୍‌ଲାଇ, ଜେ ସେଟା ଗଟେକ୍ ସମ୍‌ଦୁର୍ ଆରି ଗାଡ଼ ମିସ୍‌ଲା ବାଲିପଟା ଜାଗା । ଜଦି ପାରଲେ ତେଇ ଜାଜ୍ ଲାଗାଉଁ ବଲି ତେସ୍‌ଟା କଲାଇ । ୪୦ ସେଟାର୍‌ପାଇ ଜାଜ୍ ଅଟ୍‌କାଇବାକେ ବାନ୍ଧି ରଇବା ତର୍ ସବୁ କାଟି ଦେଇ, ସେଟା ସବୁ ସମ୍‌ଦୁରେ ତପି ଅଇବାକେ ଚାଡ଼ି ଦେଲାଇ । ଆରି ଜାଜ୍ ସଲ୍‌କାଇବାକେ ବାନ୍ଧି ରଇବା ତର୍ କୁସ୍‌ଲାଇଦେଇ ମୁଆଟେ ବାନ୍ଧି ଅଇରଇବା ତେରାକେ ଟେକି ଦେଲାଇ । ସେନ୍ତା କଲାକେ ଜାଜ୍ ପବ୍‌ନେ ଟେଲାଇ ଟେଲାଇ ଅଇକରି କଣ୍ଡିବାଟେ ଜିବାର୍ ଦାର୍‌ଲା । ୪୧ ଗାଡ଼ ଆରି ସମ୍‌ଦୁର୍ ମିସ୍‌ଲା ସାଙ୍ଗାମର୍ ବାଲିପାଟାଇ, ଜାଜ୍ ତୁକାଇ ଅଇ ମୁଆଟ୍‌ ବାଟର୍‌ଟା ତଲେ ତପିଅଇ ଅଟ୍‌କି ଦେଲା । ଅପର୍‌ବଲ୍ ଲଉଡ଼ି ଆସି ଜାଜର୍ ପର୍‌ବାଟେ ତୁକାଇ ଅଇଲାକେ ପର୍ ବାଟର୍‌ଟା ମିସା ବାଙ୍ଗି କଣ୍ଡି କଣ୍ଡି ଅଇଗାଲା ।

୪୨ ସନିଅମନ୍ ବନ୍ଧି ଲକ୍‌ମନ୍‌କେ ପଅଁରି ପଅଁରି ଉଟିଜିବାଇ ବଲି ବାବି କରି ମାରିମରାଇବାକେ ବାବୁଲାଇ । ୪୩ ମାତର୍ ସେନାପତି ପାଉଲ୍‌ର୍ ଜିବନ୍ ବଞ୍ଚାଇବି ବଲି ବାବ୍‌ତେ ରଇଲା । ତେବେ ସେ ସନିଅମନ୍‌କେ ସେନ୍ତାରି କରାନାଇ ବଲି ମନାକଲା । ଜେଟ୍‌କି ପଅଁରି ପାର୍‌ବା ସବୁ ଲକ୍‌ମନ୍‌କେ ପାନିଟା'ନେ ତେଗଇକରି ପଅଁରି ପଅଁରି କଣ୍ଡିତେଇ ଜିବାକେ ଆଦେସ୍ ଦେଲା । ୪୪ ଆରି ବାକି ଲକ୍‌ମନ୍‌କେ ଜାଜର୍ ବାଙ୍ଗା ପାଟା ଆରି କାଇ କାଇଟାମନ୍ ଦାରି ପଅଁରି କରି ବାରୁଆ । ବଲି କଇଲା । ଏନ୍ତାରି ଅଇ ସବୁଲକ୍ କାଇଟା ନ ଅଇତେ କଣ୍ଡି ଆସି ବାରଇଲାଇ । ସାରାସାରି ଆମେ ସବୁଲକ୍ କଣ୍ଡି କେଟ୍‌ଲୁ ।

**୨୮**

**ମାଲ୍‌ଟା ଜାଗାଇ ପାଉଲ୍**

<sup>୧</sup> କାଈଟା ନ ଅଇ, କଣ୍ଠିପାଲି ଜାଇ ଦେକ୍ଲୁ ଜେ, ଆମେ ମେଲିତି ନାଉଁର୍ ଚାରିବେଟ୍ତି ପାନିର୍ ମଜାଇ ରଇବା ସୁକ୍ଲୀ ଜାଗାଇ କେଟିଆଚୁ । <sup>୨</sup> ତେଇ ପୁର୍ବେଅନି ରଇବା ଲକ୍ମନ୍ ଆମ୍ବକେ ଆଲାଦ୍ ଦେକାଇଲାଇ, ସେବେଲେ ବର୍ସା ମାରି ସିଡ଼ ଅଇତେ ରଇଲା । ସେଟାର୍ ପାଇ ସେମନ୍ ଆମ୍ବକେ ଜଇ ଲାଗାଇ ଗତିଆ ମାନ୍ଲାଇ । <sup>୩</sup> ପାଉଲ୍ ଗଟେକ୍ ବିଡ଼ା ଦାରୁ ଜଇତେଇ ପାକାଇବା ବେଲେ ଜଇ ତାତିର୍ ଲାଗି ବିଡ଼ାଇଅନି ଗଟେକ୍ ବିସ୍ତରଇବା ସାଁପ୍ ବାରଇଲା ଆରି ପାଉଲ୍ ଆତେ ଚଗି ଚାବି ତସିରଇଲା । <sup>୪</sup> ସେ ଜାଗାର୍ ଲକ୍ମନ୍ ପାଉଲ୍ ଆତେ ଚାବିକରି ତସି ଜୁଲ୍ତେ ରଇବା ସାଁପ୍ବକେ ଦେକି ତାକର୍ ତାକର୍ ବିଡ଼ରେ କୁଆବଲା ଅଇଲାଇ, “ଏ ବାଇଦରେ ଗଟେକ୍ ନରୁମାରୁ ଲକ୍, ସେ ଜାଈଟା ମିସା ଅ ବେ, ସେ ସମ୍ବୁରେ ରକିଆ ପାଇରଇଲେ ମିସା ତାର୍ କରମ୍ ତାକେ ବୁଡ଼ବାକେ ନ ଦେଏ ।” <sup>୫</sup> ମାତର୍ ପାଉଲ୍ ତାର୍ ଆଡ଼ ଜିଞ୍ଜାଡ଼ଲାକେ ସାଁପ୍ ଜଇତେଇ ଅଦରୁଲା ଆରି ତାକେ କାଈଟା ଅଏନାଇ । <sup>୬</sup> ଲକ୍ମନ୍ ପାଉଲ୍ ଆଡ଼ ପୁଲିଜାଇସି ନଇଲେ ଅଟାଡ଼ ଅଦରି ମରିଜାଇସି ବଲି ଜାଗିରଇଲାଇ, ମାତର୍ ବେସି ପର୍ ଜାଗିକରି ଦେକ୍ଲାଇ ମିସା ତାକେ କାଈଟା ଅଏ ନାଇ । ପଟେ ସେମନ୍ କାତା ପାସ୍ଲାଇକରି କଇଲାଇ “ଏ ଗଟେକ୍ ଦେବ୍ତା !”

<sup>୭</sup> ତେଇଅନି ଅଲପ୍ ଦୁରିକେ ସେ ଜାଗାର୍ ମୁକିଅ ନେତା, ତାର୍ ନାଉଁ ପବ୍ଲିଅ । ତାର୍ କେତେଟା ପଦା ରଇଲା, ସେ ଆମ୍ବକେ ଗତିଆ ମାନିକରି ତାକିନେଲା । ଆରି ଆମେ ତିନ୍ ଦିନ୍ ଜାକ ତାକର୍ ଗରେ ଗତିଆ ଅଇ ରଇଲୁ । <sup>୮</sup> ସେବେଲେ ପବ୍ଲିଅସର୍ ବାବା ଜର୍ ଆରି ରକଡ଼ଜାତା ଦାରାଇଅଇ ହୁଲିରଇଲା । ପାଉଲ୍ ତାକର୍ ବାକ୍ତାଇ ଜାଇ ତାର୍ପାଇ ପାରତନା କରି ତାର୍ ଉପରେ ଆଡ଼ ଚିଇ ତାକେ ନିମାନ୍କଲା । <sup>୯</sup> ଏ ଗର୍ନା ପଟେ ସେ ଜାଗାର୍ ଜେଡ଼କି ରଗିମନ୍ ସବୁ ପାଉଲ୍ ଲଗେ ଆସି ନିମାନ୍ ଅଇଲାଇ । <sup>୧୦</sup> ସେମନ୍ ଆମ୍ବକେ ବେସି ବିନ୍ ବିନ୍ ରକାମର୍ ଜିନିସ୍ ଇନାମେ ଦେଲାଇ ଆରି ଆମେ ତେଇଅନି ଜାଜେ ବସି ଜିବାବେଲେ ସେମନ୍ ଆମ୍ବପାଇ ଦର୍କାର୍ ରଇଲା ସବୁ ଜିନିସ୍ ଜାଜେ ଆନି ଦେଲାଇ ।

**ମାଲ୍ଟା ଜାଗାଇଅନି ରମ୍ ଦେସେ**

<sup>୧୧</sup> ସେ ଜାଗାଇଅନି ବାରଇବାକେ ଆମ୍ବକେ ତିନ୍ମାସ୍ ଲାଗ୍ଲା । ସିଡ଼ଦିନ୍ ଅଇରଇଲାକେ ତବିରୁଅଇଲା ଆଲେକ୍ଜାଣ୍ଡ୍ରିଆ ନଅରେଅନି ଆସିରଇବା ଗଟେକ୍ ଜାଜେ ଆମେ ବାରଇଲୁ । ସେ ଜାଜର୍ ନାଉଁ ରଇଲା ଜୁଲି ଦେବ୍ତା । <sup>୧୨</sup> ପର୍ତୁଗ୍ ସିରକ୍ସ୍ ନାଉଁର୍ ନଅରେ କେଟି ତେଇ ତିନ୍ଦିନ୍ ରଇଲୁ । <sup>୧୩</sup> ତେଇଅନି ଆରି ତରେକ୍ ଜିବାଟା ଆରାମ୍ କରି ଆମେ ରେଜିଅମ୍ ସଅରେ କେଟ୍ଲୁ । ତାର୍ ଆର୍କର୍ ଦିନେ ଦକିଣ୍ ଦିଗେଅନି ପବନ୍ ଆଇଲା ଆରି ଦୁଇଦିନ୍ ପଟେ ପୁଡେଅଲି ସଅରେ କେଟ୍ଲୁ । <sup>୧୪</sup> ତେଇ କେତେଟା ଜିସୁକେ ବିସ୍ବାସ୍ କର୍ବା ବାଇମନ୍କେ ମିସ୍ଲୁ । ତାକର୍ ସଙ୍ ଗଟେକ୍ ଆର୍ ରଇବାକେ ସେମନ୍ ଆମ୍ବକେ ବାବୁଜିଆ କଲାଇ । ସାରାସାରିପଟେ ଆମେ ରମ୍ ଦେସେ ଜାଇ କେଟ୍ଲୁ । <sup>୧୫</sup> ଆମେ ଗାଲା କବର୍ ସୁନିକରି ରମ୍ ଦେସର୍ ବିସ୍ବାସି ବାଇମନ୍ ତେଇଅନି ଆପିଅ ଜାଗାର୍ ଆଟେ ଆରି ତିନ୍ସରା ନାଉଁର୍ ନଅର୍ମନ୍ ଜାକ ଆମ୍ବକେ ବେଟ୍ ଅଇବାକେ ଇଣ୍ଟି ଇଣ୍ଟି ଆଇଲାଇ । ସେମନ୍କେ ଦେକି ପାଉଲ୍ ପର୍ମେସର୍ବକେ ଦନିଅବାଦ୍ ଦେଲା ଆରି ବେସି ସାର୍ଦା ଅଇଲା ।

**ରମିୟମନ୍ ନଅରେ ପାଉଲ୍**

<sup>୧୬</sup> ଆମେ ରମ୍ ଦେସେ କେଟ୍ଲା ପଟେ ପାଉଲ୍କେ ଗଟେକ୍ ସନିଅ ସଙ୍ ଗଟେକ୍ ଗରେ ରଇବାକେ ଆଦେସ୍ ମିଲ୍ଲା ।

<sup>୧୭</sup> ତିନ୍ ଦିନ୍ ପଟେ ପାଉଲ୍ ସେ ଜାଗାର୍ ଜିଉଦି ନେତାମନ୍କେ ଗଟେକ୍ ସବା କର୍ବାକେ କବର୍ ପାଟାଇଲା । ସେମନ୍ ଆସି ରୁଣ୍ଡିଲାକେ ପାଉଲ୍ ସେମନ୍କେ କଇଲା, “ଏ ଇସ୍ରାଏଲ୍ ବାଇମନ୍, ମୁଇ ଆମର୍ ଲକ୍ମନ୍ ବିରୁଦେ କି ଆମର୍ ଆନିଦାଦିମନ୍ ଟାନେଅନି ସିକିରଇବା ରିତିନିତି ବିରୁଦେ କିଟି କରିନାଇ, ଏଲେ ମିସା ଜିରୁସାଲାମର୍ ଜିଉଦିମନ୍ ମକେ ଦାରି ବନ୍ଦିଗରେ ପୁରାଇ ରମିଅମନ୍କେ ସର୍ପିଦେଲାଇ । <sup>୧୮</sup> ମକେ ପାଟାର୍ ଉଟାର୍ କଲା ପଟେ ମରନ୍ ତଣ୍ ପାଇବା ଏଡ଼କି କାଇ ଅପ୍ରାଦ୍ କରେ ନାଇ ବଲି ଜାନ୍ଲାଇ । ପଟେ ରମିଅ ଲକ୍ମନ୍ ମକେ ମୁକ୍ଲାଇବାକେ ମନ୍ କର୍ତେ ରଇଲାଇ । <sup>୧୯</sup> ମାତର୍ ଜିଉଦି ଲକ୍ମନ୍ ମକେ ଚାଡ଼ବାକେ ରାଜି ଅଅଡ଼ନାଇ । ତେବେ ମର୍ ନିଜର୍ ଲକ୍ମନ୍ ବିରୁଦେ ମର୍ କାଇ ଦାବି ନ ରଇଲା ମିସା, ମୁଇ ବଡ଼ସାସ୍ନକାରିଆକେ ଗୁଆରି କର୍ବି ଆକା ବଲି ବାବ୍ଲି । <sup>୨୦</sup> ସେଟାର୍ପାଇ ଏ ବିସଇ କାତାବାର୍ତା ଅଉଁ ବଲି ମୁଇ ତମକେ ତାକାଇ ଆତି । ଇସ୍ରାଏଲ୍ ଲକ୍ମନ୍ ଏବେ ଜାକେ ଆସା କରି ଆଇଲାଇନି, ତାର୍ପାଇ ବଲିକରି ମୁଇ ଆଜି ସିକ୍ଲି ସଙ୍ ବାନ୍ଧାଇ ଅଇଆତି ।”

<sup>୨୧</sup> ସେମନ୍ କଇଲାଇ, “ଆମ୍ବକେ ଜିଉଦା ଦେସେଅନି ତମର୍ ବିସଇ କାଇ ଚିଟି ଗଟେକ୍ ମିସା ମିଲେ ନାଇ, କି ବାଇମନ୍ ବିଡ଼ରେଅନି କେ ମିସା ଇତି ଆସି ତମର୍ ବିସଇର୍ ବୁଲ୍ କାତା ସୁନାଅଡ଼ ନାଇ କି କଅଡ଼ ମିସା ନାଇ । <sup>୨୨</sup> ମାତର୍ ତମେ କାଈଟା ବଲି ବିସ୍ବାସ୍ କଲାସ୍ନି, ସେଟା ତମର୍ଟାନେଅନି ଆମେ

☆ ୨୮:୧୯ ୨୮:୧୯ ପେରିଡ଼ ୨୫:୧୧

ସୁନ୍‌ବାକେ ମନ୍ କଲୁନି । କାଲକେବଇଲେ, ଗୁଲାଇବାଟର୍ ଲକ୍ ତମର୍ ଦଲ୍ ବିରୁଦେ କାତା ଅଇଲାଇନି ।

୨୩ ସେମନ୍ ଗଟେକ୍‌ଦିନ୍ ଟିକ୍ କଲାଅ ଆରି ଟିକ୍ କଲା ଦିନେ ସେମନ୍‌ର ବିତ୍‌ରେଅନି ବେସି ଲକ୍ ପାଉଲ୍ ରଇବା ଜାଗାଇ ଆଇଲାଇ । ପାଉଲ୍ ସେମନ୍‌କେ ସାକାଲେଅନି ସଞ୍ଜଜାକ ପରମେସର୍ ରାଇଜ୍ ବିସଇ ବୁଜାଇଦେଲା ଆରି ମସାର୍ ରିତିନିତି ଆରି ବବିସଡ଼ବକ୍‌ତାମନ୍ ଲେକ୍‌ଲା ସାସ୍‌ତରର୍ ବାକିଅ ଦେକାଇକରି ଜିସୁର୍ ବିସଇ ବୁଜାଇଲା । ୨୪ ତେଇ କେତେ ଲକ୍ ପାଉଲ୍ କଇଲା କାତା ବିସବାସ୍ କଲାଅ, ମାତର୍ କେତେ ଲକ୍ ବିସବାସ୍ କରଡ଼ ନାଇ । ୨୫ ତେବେ ତାକର୍ ତାକର୍ ବିତ୍‌ରେ ଦଦାପେଲା ଅଇକରି ବାରଇ ଉଟିଗାଲାଇ । ପାଉଲ୍ ଗଟେକ୍ କାତା କଇଲା, ସୁକଲ୍ ଆଡ଼ମା ତମର୍ ଆନିଦାଦିମନ୍‌କେ ଜିସାୟ୍ ବବିସଡ଼ବକ୍‌ତା ଡଣ୍ଡେଅନି ସଡ଼ କାତା କଇରଇଲା ! ୨୬ ସେ କଇରଇଲା, “ଏ ଲକ୍‌ମନ୍‌କେ ଜାଇ କଅ, ତମେ ସୁନି ସୁନି ରଇସା, ମାତର୍ ନ ବୁଜାସ୍ ।

ଦେକି ଦେକି ରଇସା, ମାତର୍ ନ ଚିନାସ୍ ।”

୨୭ କାଲକେ ବଇଲେ ଏ ଲକ୍‌ମନ୍‌ର ମନ୍ ବେସି ଆଁଟ୍, ସେମନ୍ ନିଜର୍ ନିଜର୍ ଆଁକି ଲିମିଦେଇ ଆଚଡ଼ ଆରି କାନ୍ ରୁଟି ଦେଇ ଆଚଡ଼, ସେମନ୍ ଜଦି ଆଁକି ଦେକ୍‌ତାଇ, ଆରି ରୁଟି ଅଇଲା କାନ୍ ଉଗାଡ଼ି ସୁନ୍‌ତାଇ । ସେନ୍ତାର୍ ଆଲେ ସେମନ୍ ମନେ ମନେ ବୁଜ୍‌ତାଇ ।

ଆରି ସେମନ୍ ମରୁଲଗେ ବାଅଡ଼ତାଇ ଆରି ମୁଇ ସେମନ୍‌କେ ନିକ କରଡ଼ି । ଏଟା ପରମେସର୍ କଇଲାନି ।

୨୮ ସାରାସାରିପତେ ପାଉଲ୍ କଇଲା “ତେବେ ପରମେସରର୍ ମୁକ୍ତି ଜିଉଦିନଇଲା ଲକ୍‌ମନ୍‌ର ପାଇ ଆଇଲା ଆଚେ । ଏଟା ତମେ ଜାନିରୁଆ, ସେମନ୍ ମିସା ସେଟା ମାନ୍‌ବାଇ ।” ୨୯ ପାଉଲ୍ ଏ ସବୁ କାତା କଇଲାକେ, ଜିଉଦିମନ୍ ନିଜର୍ ନିଜର୍ ବିତ୍‌ରେ ଦଦାପେଲା ଅଇଅଇକରି ଉଟିଗାଲାଇ । ୩୦ ପାଉଲ୍ ଗଟେକ୍ ଗର୍ ବାଡାକରି ତେଇ ଦୁଇ ବରସ୍ ଜାକ ରଇଲା ଆରି ତାକେ ଦେକ୍‌ବାକେ ଆଇଲା ସବୁ ଲକ୍‌ମନ୍‌କେ ତେଇ ଗଡ଼ିଆ ମାନ୍‌ତେରଇଲା । ଜେଡ଼କି ଲକ୍ ପାଉଲ୍‌ର ଲଗେ ଆଇତେ ରଇଲାଇ ସେ ସବୁ ଲକ୍‌କେ ଡାକି, କାକେ ନ ଡର୍‌ତେ କଲା । ୩୧ ଆରି ତାକେ କେ ମିସା ତେବାଅଡ଼ ନାଇ । ସେ ପରମେସରର୍ ରାଇଜ୍ ବିସଇ ଜାନାଇକରି ମାପୁରୁ ଜିସୁକିରିସଟର୍ ବିସଇ ସିକିଆ ଦେଇତେରଇଲା ।

## ରୋମିୟ ମଣ୍ଡଳୀର ବିଶ୍ୱାସୀ ମାନଙ୍କ ନିକଟକୁ ପାଉଲଙ୍କର ପତ୍ର ରମିଅ ମଣ୍ଡଳୀର ଲକ୍ଷ୍ମଣନେ ପାଉଲ୍ ଚିଠି ଲେଖିଲାଟା ଏ ବଇଟାନେ ଜାନ୍‌ବାଟା

ରମିଅ ବଇ ପେରିଡ଼ ପାଉଲ୍‌ର ଲାଗି ଲେକାଅଇରଇଲା । ଏ ବଇ ଜିସୁକିରିସ୍‌ଟ ଜନମଅଇକରି ୫୪ ଅନି ୫୮ ବିଡ଼ରେ ଅଇରଇଲା ।

ପାଉଲ୍ ରମ୍ ରାଇଜେ ଜିବା ଆଗ୍‌ତୁ ଜିଉଦି ବିସ୍‌ବାସି ଆରି ଜିଉଦି ନ ଅଇରଇବା ବିସ୍‌ବାସିମନ୍‌କେ ତିଆର୍‌ବାକେ ଏ ଚିଠି ଲେକିରଇଲା । ଜେନ୍ତାରିକି ସବୁ ଲକ୍ଷ୍ମଣ ବିସ୍‌ବାସ୍ କରି ନାମ୍‌ବାଇ ୧୪:୧୭ । ଏଟାର୍‌ପାଇ ସେ କରନ୍‌ତି ନଅରେ ରଇବା ବେଲାଇ ରମିଅ ବିସ୍‌ବାସିମନ୍‌କେ ତିଆର୍‌ବାକେ ଏ ଚିଠି ରଇଲା ।

ରମିଅ ବଇ ସବୁ ଜାଗାର୍ ଆରି ସବୁ ବେଲାର୍ ବିସ୍‌ବାସିମନ୍‌ପାଇ, ଏଟା ଗଟେକ୍ ଗୁର୍‌ତୁ ସଙ୍ଗର୍ ବଇ । କାଇକେବଇଲେ, ପାଉଲ୍ ଏ ବଇଟାନେ ଜିସୁକେ ବିସ୍‌ବାସ୍ କଲେ ଆମ୍‌କେ କେନ୍‌ତି ମୁକ୍ତି ମିଲ୍‌ସି, ସେଟା ନିକସଙ୍ଗ୍ ଗଟେକ୍ ଗଟେକ୍ କରି ବୁଜାଇଦେଲାଆଟେ । ପାଉଲ୍ ପୁରନା ନିଅମ୍‌କେ ମିସା ଜିସୁକିରିସ୍‌ଟର୍ ସୁବ୍ କବର୍‌ଟାନେ ମିସାଇଆଟେ । ଏ ବଇତେଇ ୧:୧୭ ଟାନେ ରଇବା ବାକିଅକେ ନେଇକରି କେତେକ୍ କେତେକ୍ ପଣ୍ଡିତମନ୍ ଦାବିକରି ଏଟା ଏ ସବୁବଇର୍ ମୁଲ୍ ବଲି କଇଲାଇନି । ଜନ୍‌ଟା ଇତି ଜାନାଇଲାଇନି କି, ମୁଇ ବାକିଅ ଜାନାଇବାକେ ଲାଜ୍ ନ ଅଇ । କାଇକେବଇଲେ ଜେଡ଼କି ଲକ୍ ବିସ୍‌ବାସ୍ କର୍‌ବାଇ, ସେ ସବୁ ଲକ୍‌ପାଇ ଏଟା ପର୍‌ମେସର୍‌ର୍ ବପୁ । ପର୍‌ତୁମେ ଜିଉଦିମନ୍‌ପାଇ ଆରି ଜିଉଦି ନ ଅଇଲା ଲକ୍‌ମନ୍‌ପାଇ ମିସା ।

ପର୍‌ତୁମ୍ ବାଗେ ୧-୧୨ ଟିକିନିକିର୍ ବିସଇ ଆରି ଦୁଇରେ ଅଇଲାନି ବିସ୍‌ବାସି ଇସାବେ କେନ୍‌ତି ଚଲାଟଲ୍‌ତି କର୍‌ବାର୍ ଆଟେ, ସେଟା ତିଆର୍‌ଲାନି ।

### ଏ ବଇବିଡ଼ରେ ରଇବାଟା

- ୧. ପାଉଲ୍ ନିଜ୍‌କେ ଜାନାଇଅଇକରି କାର୍‌ଟାନେ ଚିଠି ଲେଖିଲାନି, ସେଟା କଇକରି ଆରାମ୍ କଲାନି । ୧:୧-୧୫
- ୨. ମୁନୁସ୍‌ଜାତିର୍ ରାଇଜ୍ ଆରି ଜିସୁକିରିସ୍‌ଟର୍ ଲାଗି ମୁକ୍ତି ଅଇବାଟା । ୧:୧୭;୧୧:୩୭
- ୩. କିରିସ୍‌ଟର୍ ଟାନେ ରଇକରି ଜିଉନାକାଉନା କର୍‌ବା ବିସଇରେ ପାଉଲ୍ ତିଆର୍‌ଲାଟା । ୧୨:୧-୧୫:୧୩
- ୪. ସେ ରମିୟ ମଣ୍ଡଳୀର ଲକ୍‌ମନ୍‌କେ ଦନିଅବାଦ୍ ଦେଇକରି ଲେକା ସାରାଇଲାଟା । ୧୭

### ପାଉଲ୍ କୁଆର୍ ଜାନାଇବାଟା

<sup>୧</sup> ମୁଇ ପାଉଲ୍ ଏଟା ଲେକ୍‌ଲିନି, ମୁଇ କିରିସ୍‌ଟ ଜିସୁର୍ ଗଟେକ୍ ସେବାକାରିଆ । ପର୍‌ମେସର୍ ମକେ ବାଟ୍‌ଲା ଆରି ତାର୍ ନିମାନ୍ କବର୍ ଜାନାଇବାକେ ସର୍‌ପିଦେଲା । ରମ୍ ରାଇଜେ ରଇବା ତମର୍ ସବୁଲକ୍‌ପାଇ ମୁଇ ଏ ଚିଠି ପାଟାଇଲିନି ।

<sup>୨</sup> ପର୍‌ମେସର୍ ଏ ବିସଇ ଆଗେଅନି କାତା ଦେଇରଇଲା, ଆରି ସୁକଲ୍ ସାସ୍‌ତରେ ସେ ସବୁ ଲେକ୍‌ବା ପାଇ ତାର୍ ବବିସ୍‌ଡ଼ବକ୍‌ତାମନ୍‌କେ ତିଆର୍‌ଲା । <sup>୩</sup> ଏ ସୁବ୍‌କବର୍‌ତେଇ ପର୍‌ମେସର୍‌ର୍ ପଅ, ଆରି ଆମର୍ ମାପୁରୁ ଜିସୁକିରିସ୍‌ଟର୍ ବିସଇ ଆଟେ । ସେ ଏ ମର୍‌ପୁରେ ନର୍ ରୁପ୍‌ଦାରି ଦାଉଦର୍ ନାତିତିତି ଅଇ ଜାଡ଼ ଅଇଲା । <sup>୪</sup> ମାତର୍ ସେ ପୁରାପୁରୁନ୍ ସୁକଲ୍ ରଇଲା, ଆରି ପର୍‌ମେସର୍‌ର୍ ବଡ଼ ବପୁସଙ୍ଗ୍ ତାକେ ମଲାଟାନେଅନି ଉଟାଇଲା । ମଲାଟାନେଅନି ଉଟ୍‌ଲାର୍‌ପାଇ ସେ ପର୍‌ମେସର୍‌ର୍ ପଅ ବଲି ଦେକାଇଲା । <sup>୫</sup> ପର୍‌ମେସର୍ କିରିସ୍‌ଟର୍ ତେଇଅନି ମକେ ଗଟେକ୍ ପେରିଡ଼ କଲାଆଟେ, ଜେନ୍ତାରି କି ସବୁ ଜଗତର୍ ଲକ୍‌ମନ୍‌କେ ତାର୍ ବିସଇ ଜାନାଇବି । ସେମନ୍ ସେଟା ବିସ୍‌ବାସ୍ କରି ମାନ୍‌ବାଇ । <sup>୬</sup> ଏ ରମ୍ ଦେସର୍ ଲକ୍ ! ତମେମିସା ଜିସୁକିରିସ୍‌ଟର୍ ସିସ୍ ଅଇବାକେ ବାଟାଇ ଅଇଆଟାସ୍ ।

<sup>୭</sup> ରମେ ରଇବା ସବୁ ଲକ୍‌କେ ଏ ଚିଠି ଲେକ୍‌ଲିନି । କାଇକେବଇଲେ ତମ୍‌କେ ପର୍‌ମେସର୍ ଆଲାଦ୍ କଲାନି । ଆରି ତାର୍ ନିଜର୍ ଲକ୍ ଅଇବାକେ ଡାକି ଆଟେ ।

ଆମର୍ ବାବା ପର୍‌ମେସର୍ ଆରି ମାପୁରୁ ଜିସୁକିରିସ୍‌ଟ ତମ୍‌କେ ଜିବନ୍ ଦୁକାଇ ସାନ୍ତି ଦେଅ ।

### ଦନିଅବାଦର୍ ପାର୍‌ତନା

<sup>୮</sup> ମୁଇ ତମ୍‌କେ ପର୍‌ତମେ ଏ ବିସଇ କଇବାକେ ମନ୍ କରି ରଇଲିଜେ, ତମର୍ ସବୁଲକ୍‌ପାଇ ମୁଇ ମାପୁରୁ ଜିସୁର୍ ନାଉଁ ଦାରି ପର୍‌ମେସର୍‌କେ ଦନିଅବାଦ୍ ଦେଲିନି । କାଇକେବଇଲେ ଗୁଲାଇ ଜଗତର୍ ଲକ୍, ତମେ ବିସ୍‌ବାସ୍ କରିରଇବା ବିସଇ ସୁନ୍‌ଲାଇନି । <sup>୯</sup> ମୁଇ ମର୍ ସବୁ ମନ୍‌ପରାନ୍ ଦେଇ

ଜନ୍ ପରମେସରକେ ସେବା କଲିନି, ଆରି ଜନ୍ ପରମେସରର ପଅର୍ ସୁବ୍ କବର୍ ଜାନାଇଲିନି, ସେ ପରମେସର୍ ମର୍ ସାକି । ୧୦ ମୁଇ ପାର୍ତନା କଲାବେଲେ ତମ୍‌କେ ସବୁବେଲେ ଏତାଇଲିନି । ସେ ମନ୍ କଲେ, ମକେ ତମର୍ ଲଗେ ଜିବାକେ ବେଲା ଟିକ୍ କରି ଦେଅ ବଲି ପରମେସରକେ ଗୁଆରି କଲିନି । ୧୧ ତମର୍ ଲଗେ ଆଇବାକେ ମୁଇ ବେସି ମନ୍ କଲିନି । ମର୍ ପାଇରଇଲା ଆଡ଼ମାର୍ ଦାନ୍ ବିସଇ ଜାନାଇବାଟାନେଅନି ତମର୍ ବିସବାସ୍ ତାଟ୍ କରାଇବି । ୧୨ ଏଟାର୍ ଲାଗି ତମର୍ ବିସବାସେଅନି ମର୍ ବିସବାସ୍ ତାଟ୍ ଅଇସି ଆରି ମର୍ ବିସବାସେଅନି ତମର୍ ବିସବାସ୍ ତାଟ୍ ଅଇସି ।

୧୩ ✨ବାଇବଇନିମନ୍, ତମର୍ ଟାନେ ଆଇବାକେ ମୁଇ ବେସି ତର୍ ମନ୍ କରିରଇଲି, ମାତର୍ ଦାରାବାନ୍ଦାଅଇ ଜାଇରଇଲି ଜେ ଆଜିକେ ଜାକ ଆସି ନାପାରଲିନି । ବିନ୍ ବିନ୍ ଜାଗାର୍ ଜିଉଦି ନଇଲା ଲକ୍‌ମନର୍ ବିତ୍‌ରେ ସୁବ୍‌କବର୍ ଜାନାଇକରି ମକେ ଜେଡ଼କି ସାର୍‌ଦା ମିଲ୍‌ଲା ଆତେ, ତମର୍ ଜାଗାଇ ମିସା ସେଟା କର୍‌ବାକେ ମୁଇ ମନ୍ କଲିନି । ୧୪ କାଇକେବଇଲେ, ଗିରିକ୍ ଲକ୍‌ମନର୍ ପାରା ଗିଆନ୍ ରଇଲେ ମିସା, ମୁରକ୍ ଲକ୍ ଅଇରଇଲେ ମିସା, ସିକିରଇବା ଲକ୍ ଅଇରଇଲେ ମିସା, କି ନ ସିକିରଇବା ଲକ୍ ଅଇରଇଲେ ମିସା, ଏ ସବୁ ଦଲର୍ ଲକ୍‌ମନର୍ ପାଇ ମର୍ ଦାଇଡ଼ ଆତେ । ୧୫ ସେଟାର୍ ପାଇ ରମ୍ ଗଡ଼ର୍ ଲକ୍, ତମର୍ ଲଗେ ମିସା ନିମାନ୍ କବର୍ ଜାନାଇବାକେ ମୁଇ ମନ୍ କଲିନି ।

**ସୁବ୍‌କବର୍ ବପୁ**

୧୬ ✨ସେ ସୁବ୍ କବର୍‌ଟାନେ ମର୍ ପୁରାପୁରୁନ୍ ଆସାଆତେ, ସେଟା ସିଗ୍ ପର୍‌ତମେ ଜିଉଦି ଲକ୍‌ମନର୍ ପାଇ ଆରି ତାର୍ ପଟେ ବିସବାସ୍ କର୍‌ବା ଜିଉଦି ନଇଲା ଲକ୍‌ମନର୍ ପାଇ ପରମେସରର୍ ବଡ଼ ବପୁ । ୧୭ ଲକ୍‌ମନ୍ ପରମେସରର୍ ଲଗେ କେନ୍ତ୍ର ଦରମ୍ ଲକ୍ ବଲାଇ ଅଇ ପାର୍‌ବାଇ, ତାର୍ ଉପାଇ ତେଇ ଦେକାଇ ଦିଆଅଇଲା ଆତେ । ଆରାମେ ଅନି ସାରାସାରିଜାକ ମୁକ୍ତି ପାଇବା ଗଟେକ୍ ମାତର୍ ଉପାଇ ଅଇଲାନି, ବିସବାସ୍ । ସାସ୍‌ତରର୍ ବାକିଅ ଇସାବେ “ଜେ ବିସବାସ୍ କରି ପରମେସରର୍ ମୁଆଟେ ଦରମ୍ ବଲାଇ ଅଇସି, ସେ ବଢ଼ସି ।”

**ପାପ୍‌କେ ପରମେସରର୍ ରିସା**

୧୮ ଜନ୍ ପାପି ଲକ୍‌ମନ୍ ନିଜର୍ କାରାପ୍ କାମେଅନି ସଡ଼ ବିସଇ ଅଟ୍‌କାଇବାଇ, ସେମନର୍ ବିରଦେ ସର୍‌ଗେଅନି ପରମେସରର୍ ରିସା ଦେକାଇ ଅଇସି । ୧୯ କାଇକେବଇଲେ ପରମେସରର୍ ବିସଇନେଇ ଜାଇଟା ଜାନ୍‌ବାର୍ ରଇଲା ସେମନ୍ ସେଟା ଜାନ୍‌ଲାଇ ଆତଡ଼ । ପରମେସର୍ ନିଜେ ସେଟା ଦେକାଇ ଦେଲାଆତେ । ୨୦ ପରମେସର୍ ଜଗଡ଼ ତିଆର୍ କଲାତେଇଅନି, ତାର୍ ନ ଦେକାଇଅଇବା ଗୁନ୍ ଅଇଲାନି, ତାର୍ କାବାଅଇଜିବା କାମ୍ ଆରି ନ ସାର୍‌ବା ବପୁ । ସେ ତିଆର୍ କଲା ବିସଇତେଇ ସେଟା ଦେକିଅଇଲାନି । ସେଟାର୍ ପାଇ ସେମନ୍ ନାଜାନୁବଲି କଇନାପାରଡ଼ । ୨୧ ✨ସେମନ୍ ପରମେସରକେ ଜାନିକରି ମିସା ନିକ ନାମଡ଼ ନାଇ କି ତାକେ କାଇ ବିସଇ ନେଇକରି ମିସା ଦନିଅବାଦ୍ ଦେଅଡ଼ ନାଇ । ସେମନ୍ ଚିନ୍ତା କର୍‌ବାଟା ସବୁ କାରାପ୍ ଆରି ତାକର୍ ରୁଟାଇ ରଇବା ମନ୍, ଆନ୍ଦାରେ ଆତେ । ୨୨ ସେମନ୍ ନିଜକେ ଗିଆନି ବଲି ବାବ୍‌ଲାଇନି, ମାତର୍ ସତଇସେ ସେମନ୍ ବକୁଆ । ୨୩ ସଡ଼ ପରମେସରକେ ନ ନାମିକରି ନସିଜିବା ମୁନ୍‌ସ୍, ପସୁ, ଚଡ଼ଇ, ସାଁପ୍‌ପାରା ପୁଡ଼ଲା ତିଆର୍ କରି ସେଟାମନ୍‌କେ ପୁଜା କଲାଇନି ।

୨୪ ସେଟାର୍ ପାଇ ପରମେସର୍ ସେମନ୍‌କେ ଚାଡ଼ିଦେଲାଆତେ, ଆରି ସେମନ୍ ନିଜର୍ ନିଜର୍ ମନ୍ କଲା କାରାପ୍ କାମେ ରୁଡ଼ି ରଇଲାଇନି । ସେମନ୍ ତାକର୍ ତାକର୍ ବିତ୍‌ରେ ଲାଜ୍‌ଅଇଜିବା ମିସାବିତା କର୍‌ବାଟା ସଙ୍ଗ୍‌ଆତଡ଼ । ୨୫ ସେମନ୍ ପରମେସରର୍ ବିସଇଟାନେ ରଇବା ସଡ଼ ବାଦୁଲେ ମିଟ୍ ଦାରିକରି ଆତଡ଼ । ସବୁବେଲେ ଡାକ୍‌ପୁଟା ପାଇବା ପରମେସରକେ ପାର୍‌ତନା ନ କରି, ତିଆର୍ କଲା ଦିନ୍‌ସୁମନ୍‌କେ ପାର୍‌ତନା କଲାଇନି । ସେ କାଲ୍ କାଲ୍ ଜୁଗ୍ ଜୁଗ୍ ଡାକ୍‌ପୁଟା ପାଅ ! ଆମେନ୍ ।

୨୬ ସେମନ୍ ଲାଜ୍‌ଅଇଜିବା ପାପ୍‌କାମେ ରୁଡ଼ି ରଇଲାର୍ ପାଇ ପରମେସର୍ ସେମନ୍‌କେ ଚାଡ଼ି ଦେଲାଆତେ । ତାକର୍ ମାଇଜିମନ୍ ନିଜର୍ ମୁନ୍‌ସ୍‌ମନର୍ ସଙ୍ଗ୍ ସୁଆବସା ନ ଅଇ, କାରାପ୍ ଇସାବେ ବିନ୍ ମୁନ୍‌ସ୍‌ମନର୍ ସଙ୍ଗ୍ ସୁଆବସା କଲାଇନି । ୨୭ ସେନ୍ତାରିସେ ମୁନ୍‌ସ୍‌ମନ୍ ମିସା ଆଲାଦେ ମାଇଜି ସଙ୍ଗ୍ ସୁଆବସା ନ କରି ନିଜର୍ ନିଜର୍ ବିତ୍‌ରେ କାରାପ୍ ଅଇ ମିସାବିତା ଅଇବା ଚିନ୍ତାଇ ଜଲି ଗାଲାଇନି । ମୁନ୍‌ସ୍‌ମନ୍ ତାକର୍ ତାକର୍ ବିତ୍‌ରେ ଲାଜ୍ ଅଇବା ଚଲାଚଲ୍‌ତି କଲାଇନି ଆରି ସେଟାର୍ ପାଇ ଡ଼ଣ୍ ପାଇବାକେ ତିଆର୍ ଅଇଲାଇନି ।

୨୮ ଏ ଲକ୍‌ମନ୍ ପରମେସରର୍ ବିସଇନେଇ ନିମାନ୍ ବାବ୍‌ବାକେ ମନ୍ ନ କଲାର୍ ପାଇ, ପରମେସର୍ ସେମନ୍‌କେ ଚାଡ଼ି ଦେଲାଆତେ । ଆରି ମନ୍ ବିତ୍‌ରେ କାରାପ୍ ଚିନ୍ତା କର୍‌ବାଟା କରଡ଼ ବଲି ଚାଡ଼ିଦେଲାଆତେ । ଏଟାର୍‌ପାଇ ସେମନ୍ ନ କର୍‌ବା କାମ୍ କର୍‌ବାଇ । ୨୯ ତାକର୍ ବିତ୍‌ରେ ସବୁରକାମର୍ କାରାପ୍ ବିସଇ, ଜନ୍‌ଟାମନ୍‌କି, କାରାପ୍ ଚିନ୍ତା କର୍‌ବାଟା, ବାନିଆ ଚିନ୍ତା କର୍‌ବାଟା, ଲବାଇବାଟା, ଲାଟ୍

✨ ୧:୧୩ ୧:୧୩ ପେରିଡ଼ ୧୯:୨୧ ✨ ୧:୧୬ ୧:୧୬ ମାର୍‌କ୍ ୮:୩୮ ✨ ୧:୨୧ ୧:୨୧ ଏପିସିୟ ୪:୧୭,୧୮

ନେବାଟା, ତାକର ତାକର ବିତ୍ତରେ ଛାଡ଼ାତଲା ଅଇବାଟା, ନର ମରାଇବାଟା, କିରମାର ଅଇବାଟା, ନାତାଇବାଟା, ଆଁକାର କରବାଟା ଆରି କୁଟକାତା ଅଇବାଟା ବରତି ଅଇଆଟେ ।<sup>୩୦</sup> ସେମନ୍ କାନେ ପୁସୁର ପାସାର ଅଇବାଟା, ବିନ୍ ଲକ୍ଷକେ ନିନ୍ଦା କରବାଟା, ପରମେସରକେ ଗିନ୍ କରବାଟା, ବଡ଼ପନ୍ ଅଇବାଟା, ବଡ଼ପନିଆ କାତା ଅଇବାଟା, ବିନ୍ଲକ୍ଷକେ ପାନ୍ଦେ ଅଦରାଇବାଟା, ଆରି ଆୟା ବାବାର କାତା ନ ମାନବାଟା, <sup>୩୧</sup> ଦରମ୍ ବିବେକ୍ ନ ଅଇବାଟା, କାତା ଦେଲା ପଟେ ସେଟା ବାଙ୍ଗାଇବାଟା, ତାକର ବିତ୍ତରେ ଆଲାଦ୍ ନ କରବାଟା ଆରି ଜିବନ୍ ନ ଦୁକାଇବାଟା ।<sup>୩୨</sup> ଜନ୍ ଲକ୍ଷମନ୍ ଏନ୍ତି ଚଲାଚଲ୍ତି କରବାଇ ସେମନ୍ ମରିଜିବାଟା ନିକ । ପରମେସରର୍ ଏ ନିୟମ୍ ସେମନ୍ ଜାନ୍ଲେ ମିସା ଏନ୍ତିସେ ଚଲାଚଲ୍ତି କରବାଇ, ଅବ୍କା ସେଟା ନଏଁ, ମାତର୍ ଏନ୍ତି ଚଲାଚଲ୍ତି କରବା ଲକ୍ଷ ବାଟେ ଅଇକରି, ସାରଦା ସଙ୍ଗ୍ ଏଟା ଟିକ୍ ବଲି ସେମନ୍କେ କଇବାଇ ।

## ୨

### ପରମେସରର୍ ସତ୍ତ୍ୱ ଦରମର୍ ବିଚାର୍

<sup>୧</sup> \*ତେବେ ଏ ମର୍ ମଇତରମନ୍, ତମେ କାଇ ବିନ୍ ଲକ୍ଷର ବିଚାର୍ କଲାସ୍ତି କି ? ତମେ ଜେ ଅଇରଇଲେ ମିସା, ଏନ୍ତି କରବାଟା ଟିକ୍ ନଏଁ । ବିନ୍ ଲକ୍ଷର ଦସ୍ଦାରି ତମେ ଜଦି ନିଜେ ସେ ଦସ୍ କରତେ ରଇସା ବଇଲେ, ତମେ ନିଜେ, ନିଜ୍ଜକେ ଦସି ବଲାଇ ଅଇଲାସ୍ତି ।<sup>୨</sup> ଆମେ ଜାନ୍, ପରମେସର୍ ଏନ୍ତି କରତେ ରଇବା ଲକ୍ଷମନ୍କେ ଟିକ୍ ସଙ୍ଗ୍ ବିଚାର୍ କରସି ।<sup>୩</sup> ଜନ୍ କାରାପ୍ କାମର୍ ଲାଗି ତମେ ବିନ୍ ଲକ୍ଷମନ୍ ଦସ୍ ଦାରଲାସ୍ତି, ସେଟା ତମେ ନିଜେ କରତେ ରଇସା, ସେଟାର୍ ପାଇ ତମେ ପରମେସରର୍ ବିଚାର୍ ଜାଗାଇ ଟିଆ ନଉଁ ବଲି ବାବ୍ଲାସ୍ତି କି ?<sup>୪</sup> ସେନ୍ତି ବଇଲେ ତା, ତମେ ପରମେସରର୍ ବେସି ଜିବନ୍ ଦୁକାଇଲାଟା, ଉଦାର୍ କରବାଟା ଆରି ମୁରଟ୍ଟବାଟାକେ ନାମାସ୍ ନାଇ । ତମେ ସତଇସେ ଜାନିଆଟାସ୍ ଜେ, ତମର୍ ମନେ କାରାପ୍ କାମ୍ ଅଇଲାଟା ମାନିଅଇବାକେ ପରମେସର୍ ଏଡେକ୍ ଦୟା କଲାଆଟେ ।<sup>୫</sup> ମାତର୍ ତମେ ବଡ଼ପନିଆ ଆରି ମନ୍ ଜିଦିଆ । ସେଟାର୍ ପାଇ ସାରାସାରି ବିଚାର୍ନା ଦିନେ ପରମେସର୍ ଟିକ୍ ସଙ୍ଗ୍ ତାର୍ ବିଚାର୍ନା ଦେକାଇସି । ସେ ରିସାର୍ ଦିନେ ନିଜର୍ ପାଇ ରିସା ଟୁଲିଆଇଲାସ୍ତି ।<sup>୬</sup> କାଇକେବଇଲେ ପରମେସର୍ ସେ ଦିନେ ତାର୍ କରମ୍ ଇସାବେ ସବୁକେ ପୁରୁସକାର୍ ଦେଇସି ।<sup>୭</sup> ଜନ୍ ଲକ୍ଷମନ୍ ଡାକ୍ପୁଟା, ସନ୍ମାନ୍ ଆରି ଅମର୍ ଅଇବା ଆସାଇ ମୁରଟ୍ଟକରି ସଡ଼କାମ୍ କରିଜିବାଇ, ସେମନ୍କେ ପରମେସର୍ ନ ସାର୍ବା ଜିବନ୍ ଦେଇସି ।<sup>୮</sup> ମାତର୍ ଜନ୍ ଲକ୍ଷମନ୍ ନିଜର୍ ଲାବ୍ ଆରି ସତ୍ତ୍ୱ ରଇବା ବିସଇ ନ ମାନି, ମିଟକାତା ମାନ୍ବାଇ, ସେମନ୍ ଉପରେ ବଡ଼ ରିସା ଆଇସି ।<sup>୯</sup> ଜନ୍ ଲକ୍ଷମନ୍ କାରାପ୍ କାମେ ବୁଡି ଆଚଡ୍, ସେମନ୍ ପାଇ କସ୍ଟ ଆରି ଦୁକର୍ ଦିନ୍ ଆଇଲାନି । ସବୁକେ ଆଗ୍ଡୁ ଜିଉଦିକେ ଆରି ତାର୍ ପଟେ ଜିଉଦି ନଇଲା ଲକ୍ଷମନ୍ ପାଇ ।<sup>୧୦</sup> ମାତର୍ ଜନ୍ ଲକ୍ଷମନ୍ ସତ୍ତ୍ୱ ଇସାବେ କାମ୍ କଲାଇନି, ସେମନ୍ ଜିଉଦି ଅଅଡ୍ କି ଜିଉଦି ନଇଲା ଲକ୍ଷ ଅଅଡ୍, ସେମନ୍କେ ପରମେସର୍ ଡାକ୍ପୁଟାକରି ସନ୍ମାନ୍ ଆରି ସାନ୍ତି ଦେଇସି ।<sup>୧୧</sup> କାଇକେ ବଇଲେ ପରମେସର୍ ଗଟେକ୍ ତୁଲାଇସେ ସବୁର୍ ବିଚାର୍ କରସି ।

<sup>୧୨</sup> ଜିଉଦି ନଇଲା ଲକ୍ଷମନ୍, ମସା ଲେକ୍ଲା ନିୟମ୍ ପାଅଡ୍ ନାଇ । ନିୟମ୍ ନ ପାଇ ପାପ୍ କଲାଇ, ସେମନ୍ ନିୟମ୍ ନ ଅଇତେ କୁରୁପ୍ନାସ୍ ଅଇବାଇ । ଆରି ଗଟେକ୍ବାଟେ ଜିଉଦିମନ୍ ନିୟମ୍ ଜାନିକରି ମିସା, ପାପ୍ କଲାଇ, ସେମନ୍ ସେ ନିୟମ୍ ଇସାବେ ଡଣ୍ଡ ପାଇବାଇ ।<sup>୧୩</sup> କାଇକେବଇଲେ ଲକ୍ଷମନ୍ ଉଜେ ନିୟମ୍ ସୁନ୍ଲେସେ ପରମେସରର୍ ମୁଆଟେ ଦରମ୍ ଲକ୍ଷ ବଲି ଏଜାଇଅଇ ନାପାରଡ୍, ମାତର୍ ନିୟମ୍ ନାମ୍ଲେସେ ଅଇପାରଡ୍ ।<sup>୧୪</sup> ଜିଉଦିନଇଲା ଲକ୍ଷମନ୍ ନିୟମ୍ ନାଇ, ମାତର୍ ସେମନ୍ ଅବିଆସ୍ କରି ନିୟମ୍ ବିଦିମନ୍ ନାମ୍ବାଇ, ସେଟାସେ ସେମନ୍ ନିୟମ୍ ପାରା ।<sup>୧୫</sup> ସେମନ୍ କାମ୍ଦାମ୍ଟାନେଅନି ଟିକ୍ ସଙ୍ଗ୍ ଜାନାପଡ଼ଲାନି ଜେ, ନିୟମ୍ ବିଦିବିଦାନ୍ ସେମନ୍ ମନେ ଲେକାଅଇଲା ଆଟେ । ଏ କାତା ସତ୍ତ୍ୱ, ସେମନ୍ ବିବେକ୍ ଟିକ୍ ବଲି କଇବା ଚଲାଚଲ୍ତିଅନି ଜାନାପଡ଼ଲା । ଜେନ୍ତାରିକି ସତ୍ତ୍ୱ କାମ୍ କଲାବେଲେ ତାକର ବିବେକ୍, ଉଁ ବଲି କଇସି, ଆରି କାରାପ୍ କାମ୍ କଲାବେଲେ ବିବେକ୍ ସେମନ୍କେ ଦସି କରାଇସି ।<sup>୧୬</sup> ଜନ୍ ଦିନେ ପରମେସର୍ ଜିସୁକରିସ୍ଟର୍ ଟାନେଅନି ମୁନ୍ସର୍ ବିତ୍ତରେ ଲୁଟ୍ଲା ବିସଇମନ୍ ବିଚାର୍ କରସି, ସେ ଦିନେ ମୁଇ ଜାନାଇ ରଇଲା ସୁବ୍ବବର୍ ଇସାବେ ଏ ସବୁ ଗଟ୍ସି ।

### ଜିଉଦି ଲକ୍ଷମନ୍ ଆରି ନିୟମ୍

<sup>୧୭</sup> ତମେମନ୍ ତେବେ ? ନିଜ୍ଜକେ ଜିଉଦି ବଲାଇଅଇଲାସ୍ତି, ନିୟମ୍କେ ଆସାକରି ଆରି ପରମେସର୍ ସଙ୍ଗ୍ ମିସାବିତା କରବାଟା ନେଇ ବଡ଼ପନ୍ ଅଇଲାସ୍ତି, <sup>୧୮</sup> ପରମେସର୍ ତମ୍ବଟାନେଅନି କାଇଟା ମନ୍ କଲାନ୍ ସେଟା ତମେ ଜାନିଆଟାସ୍ । ଆରି ନିୟମେଅନି ସତ୍ତ୍ୱ ଆରି ସତ୍ତ୍ୱ ନ ଅଇବା ଗିଆନ୍ ପାଇଆଟାସ୍, <sup>୧୯</sup> ସତଇସେ ଜାନିଆଟାସ୍ ଜେ, ତମେ କାଶାକେ ବାଟ୍ଦେକାଇବା ଲକ୍ଷ, ଆନ୍ଦାରେ ରଇବା ଲକ୍ଷମନ୍ ପାଇ ଉଜଲ୍ ପାରା ।<sup>୨୦</sup> ବକୁଆମନ୍କେ ନିମାନ୍ କାତା କଇବା ଲକ୍ଷ, ଗିଆନ୍ ନ ରଇବା ଲକ୍ଷମନ୍ ଗୁରୁ

\* ୨:୧ ୨:୧ ମାଡିଉ ୭:୧; ଲୁକ୍ ୬:୩୭

। ତମେ ବିସ୍ବାସ କଲାସନି ଜେ, ନିୟମ୍ ଜାନିକରି ପୁରାପୁରୁନ୍ ସତ୍ ଆରି ଗିଆନ୍ ପାଇଆବାସ୍ ବଲି ।  
 ୨୧ ତମେ ବିନିଲକ୍ମନକେ ସିକାଇଲାସନି, ମାତର୍ କାଇକେ ନିଜେ ସିକାସ୍ ନାଇ ? ଚରାଇବାର୍ ନାଇ  
 ବଲି ସିକିଆ ଦେଇ ନିଜେ ଚରାଇଲାସନି କି ? ୨୨ ପାଦ୍‌ରା କାମ୍ କରାନାଇ ବଲି କଇ, ନିଜେ ପାଦ୍‌ରା  
 କାମ୍ କଲାସନି କି ? ପୁତୁଲା ପୁଜାକେ ଗିନ୍ କରି ଦେଉଲର୍ ଦିନ୍‌ସୁ ଚରୁଲାସନି କି ? ୨୩ ପରମେସରର୍  
 ନିୟମ୍ ମିଲାଇଆତୁ ବଲି ବଡ଼ପନ୍ ଦେକାଇଲାସନି, ମାତର୍ ସେଟାକେ ଏଡ଼ିଦେଇକରି ତାକେ ଲାଜ୍  
 କରାଇଲାସନି କି ? ୨୪ ସାସ୍ତରେ ଲେକାଅଇଲା ଆଚେ, “ତମ୍‌ରୁଲାଗି ଜିଉଦି ନଇଲା ଲକ୍ମନର୍ ବିତ୍‌ରେ  
 ପରମେସର୍ ନିନ୍ଦା ପାଇଲାନି ।”

୨୫ ଜଦି ତମେ ନିୟମ୍ ମାନଲେ, ତମ୍‌ର ସୁନତ୍ ଅଇବାଟା ଟିକ୍ ଆଚେ । ଜଦି ନିୟମ୍ ନ ମାନଲେ ସୁନତ୍  
 ନ ଅଇଲା ଲକ୍ମନର୍ ସଙ୍ଗ୍ ସମାନ୍ । ୨୬ ଜଦି ସୁନତ୍ ନ ଅଇଲା ଗଟେକ୍ ଜିଉଦି ନଇଲା ଲକ୍ ନିୟମ୍‌ର  
 ବିଦିବିଦାନ୍ ସବୁ ନାମ୍‌ତେ ରଇସି, ପରମେସର୍ ତାକେ ସୁନତ୍ ଲକ୍ ଇସାବେ ନ ତାକେ କି ? ୨୭ ସେଟାର୍  
 ପାଇ ଗାଗ୍‌ତେ ସୁନତ୍ ନ ଅଇରଇଲା ଜିଉଦି ନ ଅଇଲା ଲକ୍ମନ, ନିୟମ୍ ମାନିକରି ତମ୍‌ ବିଚାର୍  
 କର୍‌ବାଇ, କାଇକେ ବଇଲେ ତମେ ଗାଗ୍‌ତେ ସୁନତ୍ ଅଇ ନିୟମ୍ ପାଇରଇଲେ ମିସା, ସେଟା ନାମାସ୍  
 ନାଇ । ୨୮ ଉଜେ ଗାଗ୍‌ତେ ସୁନତ୍ ଅଇ ଉପ୍‌ରେ ଉପ୍‌ରେ ଜିଉଦି ବଲି ଚିନାଇଅଇବା ଲକ୍ ସତଇସେ  
 ଜିଉଦି ନଅତ୍ । ୨୯ ଜେ ମନ୍ ବିତ୍‌ରେଅନି ଜିଉଦି, ସେ ଅଇଲାନି ସତଇସେ ଜିଉଦି । ସତଇସେ ସୁନତ୍  
 ମନ୍ ବିତ୍‌ରର୍ ବିସଇ । ସେଟା ସୁକଲ୍ ଆଡ଼ମାର୍ କାମ୍ । ଲେକଲା ନିୟମ୍ ସେଟା କରିନାପାରେ । ଏନ୍ତାରି  
 ଲକ୍ ଲକ୍ମନର୍‌ଟାନେଅନି ଡାକ୍‌ପୁଟା ନ ପାଏ, ମାତର୍ ପରମେସର୍‌ଅନି ପାଇସି ।

**୩**

୧ ତେବେ ଜିଉଦି ନଇଲା ଲକ୍ମନର୍‌ତେଇଅନି ଜିଉଦିମନର୍ ଅଦିକ୍ ସୁବିଦା କାଇଟା ? ସୁନତ୍ କଲେ  
 କାଇ ଲାବ୍ ? ୨ ସବୁ ରକାମର୍ ଲାବ୍ ଆଚେ । ତେବେ ପର୍‌ତୁମ୍, ପରମେସର୍ ତାର୍ କବର୍ ଜାନାଇବା  
 ଦାଇତ୍ ଜିଉଦିମନର୍ ଆତେ ଦେଲା ଆଚେ । ୩ ତେବେ କାଇଟା ଅଇସି ? ଜିଉଦିମନର୍ ବିତ୍‌ରେଅନି  
 କେତେ ଲକ୍ ବିସ୍ବାସ୍ ନ କଲେ ପରମେସର୍ କାତା ଦେଇରଇବାଟା ପୁରାପୁରୁନ୍ ନ ଅଏ କି ? ୪ କେବେ  
 ନାଇ । ମୁନ୍‌ସମନ୍ ସବୁ ଲକ୍ ମିଚୁଆ ଅଇଲେ ମିସା, ପରମେସର୍ ସତ୍‌ସେ । ସାସ୍ତରେ ଲେକା ଆଚେ,  
 “ତମ୍‌ର ବାକିଅ ଅନି ତମେସେ ସତ୍ ବଲି ଚିନାଇ ଉଆ,

ତମେ ବିଚାର୍ କରାଇ ଅଇଲାବେଲେ ଜିତି କରି ରୁଆ ।”

୫ ଇତି ଗଟେକ୍ ପର୍‌ସନ୍ ଅଇପାରେ, “ଆମ୍‌ର କାରାପ୍ ଚଲାଚଲତି, ପରମେସରର୍ ଦରମ୍‌କେ ଚିନାଇ  
 ଦେଇସି ବଇଲେ, ସେ ଆମ୍‌କେ ଡଣ୍ଡଦେଇ ଅନିଆଇ କଲାନି ବଲି କଇପାରିଅଇସି କି ? ୬ କେବେ ନାଇ  
 । ପରମେସର୍ ଜଦି ନିଆଇତେଇ ନାଇ, ତେବେ ସେ କେନ୍ତ୍ର ଜଗତର୍ ନିଆଇ ବିଚାର୍ କର୍‌ସି ?”

୭ “ଜଦି ମୁଇ ମିଚ୍ କଇବାଟା ପରମେସରର୍ ସତ୍ ଅଦିକ୍ ଡିସି କରି ଡାକ୍‌ପୁଟା କରାଇସି ବଇଲେ, ମୁଇ  
 କାଇକେ ପାପି ବଲି ଡଣ୍ଡ ପାଇବି ?” ୮ ସେନ୍ତାଆଲେ “ଆସା, ଆମେ କାରାପ୍ କାମ୍ କରୁ ଜେନ୍ତାରି କି  
 ତେଇଅନି ନିକ ବିସଇ ବାରଇସି” ବଲି କଇଅଇସି କି ? ନାଇ, କଇ ନଏ । ମୁଇ ସମାନ୍ ଏନ୍ତ୍ର କାତା  
 କଇଲିନି ବଲି ଦାବା କରି କେତେ ଲକ୍ ମକେ ଇଜତ୍ ଜିକ୍‌ଲାଇନି । ସେମନ୍ ସେଟାର୍ ପାଇ ଜନ୍ ଡଣ୍ଡ  
 ପାଇବାର୍ ରଇଲାଇ, ସତଇସେ ପାଇବାଇ ।

**ଗଟେକ୍‌ଲକ୍ ମିସା ଦରମ୍ ଲକ୍ ନାଇ**

୯ ତେବେ କାଇ ଜିଉଦିମନର୍ ଜିଉନା କାଉନା, ଜିଉଦି ନଇଲା ଲକ୍ମନର୍‌ଟାନେଅନି ଅଦିକ୍ ନିକ କି  
 ? ନାଇ, ମୁଲ୍‌କେ ନାଇ ! ମୁଇ ଆଗ୍‌ତୁଅନି କଇଲି ଆଚି ଜେ, ସେମନ୍ ଦୁଇ ଦଲ୍ ଜାକ ପାପର୍ ସାସନେ  
 ଆଚତ୍ । ୧୦ ସାସ୍ତରେ ଲେକା ଆଚେ,

ଦରମ୍ ଲକ୍ କେ ନାଇ ଗଟେକ୍ ଲକ୍ ମିସା ନାଇ,

୧୧ କେ ମିସା ଗିଆନ୍ ରଇବା ଲକ୍ ନାଇ ।  
 ସତଇସେ ପରମେସର୍‌କେ ଉପାସନା କର୍‌ବା ଲକ୍ ନାଇ ।

୧୨ ସେମନ୍ ସବୁ ଲକ୍ ପରମେସର୍‌ଟାନେଅନି ଅନି ଦୁରିକେ ଜାଇ ଆଚତ୍ ।

ସେମନ୍ ବାଟ୍ ବାନା ଅଇଗାଲାଇ ଆଚତ୍ ।  
 କେ ଗଟେକ୍ ଲକ୍ ମିସା ସତ୍ କାମ୍ କରତ୍ ନାଇ ।

୧୩ ସେମନର୍ କାତା କଇବାଟାନେ ଅଦିକ୍ ନାଡାଇବାଟା ଆଚେ,

ଟଣ୍ଡେଅନି ଗାଡ୍ ଗାଲାପାରା ମିଚ୍ କାତା ବାରଇଲାନି ।  
 ଜିବ୍‌ତଲେ ନାଗ୍ ସାପର୍ ବିସ୍ ପାରା ଆଚେ ।

୧୪ ସେମନର୍ କାତା, ପିତା ଅଇ, ଅବିସାପେ ପୁରୁନ୍ ଅଇଆଚେ ।

୧୫ ସେମନ୍ ମାର୍‌ବାକେ ଆରି ମରାଇବାକେ ତେରେପେତେ ଅଇଲାଇନି ।



୧୭ ସେମନ୍ ଜନ୍ବାଟେ ଗାଲାଇନି, ତେଇ କୁରୁପ୍ନାସ୍ ଅଇବାଟା ଆରି କସ୍ ଅଇବାଟା ଉବଜ୍‌ଲାନି

୧୭ ସେମନ୍ ସାନ୍ତିର୍ ବାଟ୍ ନାଜାନଡ୍,

୧୮ କି ପରମେସର୍‌କେ ଡରବାଟା ସିକଡ୍ ନାଇ ।

୧୯ ଆମେ ଜାନୁ, ଜନ୍ ଲକ୍‌ମନ୍ ନିୟମର୍ ସାସନ୍ ତଲେ ଆଚଡ୍, ତେଇର୍ ସବୁ ବିଦିବିଦାନ୍ ମାନବାକେ ବାଦିଅ । ପରମେସର୍ ଜେଡେବଲ୍ ଗୁଲାଇ ଜଗତର୍ ବିଚାର୍ କର୍ସି, ନିୟମ୍ ନ ମାନଲା ଲକ୍‌ମନ୍ କାଇ କାମ୍ ମିସା ଦେକାଇକରି, ଦସ୍ କରିନାଇ ବଲି କଇନାପାରଡ୍ । ୨୦ ଫାତର୍ ନିୟମର୍ ରିତିନିତି ମାନିକରି କେ ମିସା ପରମେସର୍‌ର୍ ମୁଆଟେ ଦରମ୍ ଲକ୍ ଅଇନାପାରେ । ନିୟମେଅନି ସେ ଲକ୍ ଅବ୍‌କା ପାପର୍ ବଜ୍‌ସେ ପାଇସି ।

**ବିସ୍‌ବାସ୍ କରି ଦରମ୍ ବଲାଇଅଇବାଟା**

୨୧ ମାତର୍ ଏବେ ଲକ୍‌ମନ୍ ତାର୍ ମୁଆଟେ ଦରମ୍ ବଲି ଏଜାଇ ଅଇବାକେ, ପରମେସର୍ ଜନ୍‌ଟା ଜଜ୍‌ନା କରି ରଇଲା, ସେଟା ସେ ଆମ୍‌କେ ଜାନାଇଦେଲାଆଟେ । ମାତର୍ ଏଟା ନିୟମ୍ ମାନଲାକେ ଅଏନାଇ । ଏ ଜଜ୍‌ନା ମସାର୍ ନିୟମେ ଆରି ବିନ୍ ବବିସଡ୍‌ବକ୍‌ତାମନ୍‌ର୍ ଟାନେ ମିସା ରଇଲା । ୨୨ ଉଜେ ଜିସୁକ୍‌ରିସ୍‌ଟକେ ବିସ୍‌ବାସ୍ କଲାକେ ଏବେ ଆମେ ପରମେସର୍‌ର୍ ଦେକ୍‌ବା ଇସାବେ ଦରମ୍ ଲକ୍ ବଲାଇ ଅଇଆରୁ । ପରମେସର୍ କେଡେ ଲକ୍‌କେ ଆଲାଦ୍ କରି ଆରି କେଡେକ୍ ଲକ୍‌କେ ଗିନ୍ କରେନାଇ । କିରିସ୍‌ଟକେ ବିସ୍‌ବାସ୍‌କର୍‌ବା ସବୁ ଲକ୍‌ମନ୍‌କେ ଏ ଅଦିକାର ଦେଲାଆଟେ । ୨୩ ସବୁ ଲକ୍ ପାପ୍ କଲାଇ ଆଚଡ୍ ଆରି ପରମେସର୍‌ର୍ ପୁରାପୁରୁନ୍ ମଇମାଇଅନି ଉନା ଅଇଗାଲାଇ ଆଚଡ୍ । ୨୪ ମାତର୍ ପରମେସର୍ କିରିସ୍‌ଟ ଜିସୁର୍‌ଡେଇଅନି ଇନାମେ ନ ସାର୍‌ବା ଜିବନ୍ ଦୁକାନି ଦାନ୍ କଲାଆଟେ । ଜନ୍ ଲକ୍‌ମନ୍ ସେଟା ମିଲାଇଆଚଡ୍, ସେମନ୍‌କେ ମାପୁର୍ ଜିସୁ ମୁକ୍‌ତି ଦେଇସି । ସେମନ୍ ପରମେସର୍‌ର୍ ମୁଆଟେ ଦରମ୍ ଲକ୍ ବଲାଇ ଅଇବାଇ । ୨୫ ପରମେସର୍ ଜିସୁକେ ଦାନକଲା, ଜେକ୍‌ଟିକି ତାର୍ ମରନ୍, ତାକେ ବିସ୍‌ବାସ୍ କର୍‌ବା ଲକ୍‌ମନ୍‌ର୍ ପାପ୍ କେମାର୍ ବାଟ୍ ଦେକାଇସି । ସେ ନିଜର୍ ଦରମ୍ ଅଇଲାଟା ଦେକାଇବାକେ ଏଟା କଲା । ସେ ସବୁ ମୁର୍‌ତିକରି ଲକ୍‌ମନ୍ ଆଗ୍ରୁ କରିରଇବା ପାପ୍ ଦାରେ ନାଇ । ୨୬ ମାତର୍ ଏବେ ସେ ତାର୍ ଦରମ୍ ଅଇଲାଟା ଦେକାଇବାକେ ସେ ସବୁ ପାପ୍, ଜନ୍ ପାପ୍ କି ଜିସୁ କୁର୍‌ସକାଟେ ଦାରିରଇଲା, ତେଇ ମିସାଇ ଆଟେ । ଏଟାର୍‌ଲାଗି ପରମେସର୍ ପୁରାପୁରୁନ୍ ଦରମ୍ ଆଟେ । ଆରି ଜେଡ୍‌କି ଲକ୍ ଜିସୁକେ ବିସ୍‌ବାସ୍ କର୍‌ବାଇ ସେ ସବୁ ଦରମ୍ ଲକ୍ ବଲି ଏଜାଇଅଇବାଇ ।

୨୭ ସେନ୍ତାର୍‌ଆଲେ ଆମେ କାଇ ବିସଇନେଇ ବଡ୍‌ପନ୍ ଅଇବାର୍ ଆଟେ ? ନାଇ ସେକ୍ଟି କାଇଟା ମିସା ନାଇ । ଆମେ ବଡ୍‌ପନ୍ ଦେକାଇବାକେ କାଇ ବିସଇ ଆଟେ କି ? ଆମେ ପୁରାପୁରି ନିୟମ୍ ମାନଲୁନି ବଲିକରି କି ? ନାଇ, ଅବ୍‌କା ବିସ୍‌ବାସ୍ କର୍‌ବାଟାସେ ଆମର୍ ବଡ୍‌ପନ୍ ଦେକାଇବାଟା । ୨୮ ଆମେ ସତଇସେ ବୁଜି ପାରଲୁ ଜେ, ଗଟେକ୍ ଲକ୍ ଅବ୍‌କା ବିସ୍‌ବାସ୍ କରିସେ ଦରମ୍ ଲକ୍ ବଲାଇ ଅଇସି, ନିୟମ୍ ମାନିକରି ନାଇ । ୨୯ ପରମେସର୍ କାଇ ଉଜେ ଜିଉଦିମନ୍‌ର୍‌ସେ ପରମେସର୍ କି ? ସେ କାଇ ଜିଉଦିନଇଲା ଲକ୍‌ମନ୍‌ର୍ ପରମେସର୍ ନର୍‌ସି କି ? ସତଇସେ ସେ ସବୁ ଲକ୍‌ର୍ ପରମେସର୍ । ୩୦ ପରମେସର୍ ଗଟେକ୍‌ସେ । ଜିଉଦି ଆରି ଜିଉଦିନଇଲା ଲକ୍‌ର୍ ପାଇ ସମାନ୍ । ସେମନ୍‌ର୍ ବିସ୍‌ବାସ୍ ପାଇ ସେମନ୍‌କେ ଦରମ୍ ଲକ୍ ଇସାବେ ବାଟ୍‌ସି । ୩୧ ଏଟାର୍ ଅଚଡ୍ କାଇଟା, ଏନ୍ତାରି ବିସ୍‌ବାସ୍ କରି ନିୟମ୍ ନସାଇଦେଉଁ କି ? ନାଇ, ଆମେ ଜଦି ଜିସୁକ୍‌ରିସ୍‌ଟକେ ବିସ୍‌ବାସ୍ କର୍‌ବୁ ବଇଲେ, ନିୟମ୍‌କେ ମିସା ଡାଟ୍ କର୍‌ବୁ ।

**୪**

**ବିସ୍‌ବାସ୍‌ଲାଗି ଅବ୍‌ରାଆମ୍ ଦରମ୍ ଅଇଲା**

୧ ଆମର୍ ବାବା ଅବ୍‌ରାଆମର୍ ବିସଇନେଇ କାଇଟା ବଲି କଉଁ ? ସେ ଆମର୍ ଜିଉଦି ବ୍‌ସର୍ ଆନିଦାଦି ରଇଲା । ସେ କେକ୍ଟି ଦରମ୍ ବଲାଇ ଅଇଲା ? ୨ ଜଦି ଅବ୍‌ରାଆମ୍ ନିଜର୍ କରିରଇବା କାମେଅନି ସେ ପରମେସର୍‌ର୍ ମୁଆଟେ ଦରମ୍ ଲକ୍ ବଲାଇ ଅଇତା, ସେ ବଡ୍‌ପନ୍ କାତା କଇପାରତା । ମାତର୍ ସେଟା ପରମେସର୍‌ର୍ ମୁଆଟେ ଅଇ ନାପାରେ । ୩ ଯାସ୍‌ତର୍ ଇସାବେ, “ଅବ୍‌ରାଆମ୍ ପରମେସର୍‌ର୍‌ଡେଇ ବିସ୍‌ବାସ୍ କଲା, ଆରି ଏ ବିସ୍‌ବାସ୍‌ର୍ ଲାଗି ପରମେସର୍ ତାକେ ଦରମ୍‌ଲକ୍ ଇସାବେ ନିଜର୍ କଲା ।” ୪ ଜେ କାମ୍ କର୍‌ସି ସେ ବୁଡି ପାଇସି ଆକା । କାର୍‌ଟାନେଅନି ଦାନ୍ ଇସାବେ ନ ପାଏ । ୫ ମାତର୍ ଜେ ନିଜର୍ ଉପ୍‌ରେ ଆସା ନ କରି, ପରମେସର୍‌ର୍‌ଡେଇ ବିସ୍‌ବାସ୍ କର୍‌ସି, ତାର୍ ବିସ୍‌ବାସ୍‌ର୍ ଲାଗି, ଅପୁରାଦର୍ ଦସ୍ ନ ଦାରି ଚାଡିଦେବା ପରମେସର୍, ତାକେ ଦରମ୍‌ଲକ୍ ଇସାବେ ଡାକ୍‌ସି । ୬ ଜନ୍ ଲକ୍‌ର୍ ରିତିନିତି ନ ଦେକି ପରମେସର୍ ତାକେ ଦରମ୍‌ଲକ୍ ବଲି ଡାକ୍‌ସି, ସେନ୍ତାରି ଲକ୍‌ର୍ ବିସଇନେଇ ଦାଉଦ୍ କଇଆଟେ, ୭ ଜାର୍ ଦସ୍ ଦଇଅଇଲା ଆଟେ ସେ କେଡେ କରମର୍ ଲକ୍ ।

☆ ୩:୨୦ ୩:୨୦ ଗାଲାତିୟ ୨:୧୭ ☆ ୩:୨୨ ୩:୨୨ ଗାଲାତିୟ ୨:୧୭ ☆ ୩:୩୦ ୩:୩୦ ଗାଲାତିୟ ୩:୨୦ ☆ ୪:୩ ୪:୩ ଗାଲାତିୟ ୩:୬

ଜେ ପାପକେମା ପାଇଲାଆତେ ସେ କେତେ କରମର୍ ଲକ୍ ।

୮ ମାପୁରୁ ଜାର ପାପର ଇସାବ୍ ନ କରେ,  
ସେ କେତେ କରମର୍ ଲକ୍ !

୯ ଇତି ଦାଉଦ୍ ଜନ୍ ଲକ୍ମନକେ କେତେ କରମର୍ ଲକ୍ ବଲି କଇଲାଆତେ, ସେମନର୍ ବିତ୍ରେ କାଇ ଅବ୍‌କା ସୁନତ୍ ଅଇଲା ଲକ୍‌ସେ ରଇଲାକି କି ? ନାଇ, ସୁନତ୍ ନ ଅଇଲା ଲକ୍ ମିସା କେତେ କରମର୍ ଲକ୍ ଅଇପାରତ୍ । ଆମେ କଇଲୁନି ଅବ୍ରାଆମ୍ ବିସ୍‌ବାସ୍ କଲାକେସେ ଦରମ୍ ଲକ୍ ଇସାବେ ଏଜାଇଅଇଲା, ୧୦ ଏଟା କେତେବେଲେ ଗଟିରଇଲା ? ଅବ୍ରାଆମ୍ ସୁନତ୍ ଅଇଲା ପତେ କି, ତାର୍ ଆଗତ୍ ? ଆଗତ୍, ପତେ ନାଇ । ୧୧ ସୁନତ୍ ଅଇବା ଆଗତ୍, ଅବ୍ରାଆମର୍ ବିସ୍‌ବାସ୍ ଲାଗି ପରମେସର୍ ତାକେ ଦରମ୍ ଲକ୍ ଇସାବେ ତାକି ରଇଲା । ଏଟା ଜାନାଇବାକେ ଗଟେକ୍ ଚିନ୍‌ପାରା ଅବ୍ରାମ୍ ଏ ସୁନତ୍‌ବିଦି କର୍‌ବାଟା ନାମି ରଇଲା । ଜେନ୍ତାରକି ଜନ୍ ଲକ୍ମନ ସୁନତ୍ ନ ଅଇକରି ମିସା, ବିସ୍‌ବାସ୍ କର୍‌ବାଇ, ସେମନ୍ ଦରମ୍‌ଲକ୍ ବଲି ଏଜାଇ ଅଇବାଇ । ସେଟାର୍‌ପାଇ ଗାଗତ୍ ଇସାବେ ଅବ୍ରାଆମ୍ ସେମନର୍ ବାବା ବଲାଅଇଲୁ, ୧୨ ଅବ୍ରାଆମ୍ ସୁନତ୍ ଅଇବା ଆଗତ୍ ବିସ୍‌ବାସ୍ ଜନ୍ ଚିନ୍ ଦେଇରଇଲା, ଜଦି ସୁନତ୍ ନଇଲା ଲକ୍ମନ୍ ନିଜର୍ ଜିବନେ ସେ ରକାମ୍ ବିସ୍‌ବାସ୍ ଦେକାଇ ପାର୍‌ବାଇ ବଇଲେ, ଅବ୍ରାଆମ୍ ସେମନର୍ ମିସା ବାବା ।

**ପରମେସର୍ ବିସ୍‌ବାସିମନକେ ଦେଇରଇବା କାତା**

୧୩ ✨ଅବ୍ରାଆମ୍ ନିୟମ୍ ମାନୁଲାର୍ ପାଇ ନାଇ, ଅବ୍‌କା ବିସ୍‌ବାସ୍ କଲାପାଇ ସେ ଦରମ୍ ଲକ୍ ବଲି ଏଜାଇଅଇରଇଲା । ଆରି ସେଟାର୍ ପାଇ, ସେ ଆରି ତାର୍ କୁଟୁମର୍ ଲକ୍ମନ୍ ଜଗତର୍ ଅଦିକାରି ଅଇବାଇ ବଲି ପରମେସର୍ କାତା ଦେଇରଇଲା । ୧୪ ✨ଜନ୍ ଲକ୍ମନ୍ ନିୟମ୍ ମାନୁବାଇ, ଅବ୍‌କା ସେମନ୍‌ସେ ଜଦି ପରମେସର୍‌ର ଦାନ୍ ପାଇବାଇ, ତେବେ ଲକ୍ମନର୍ ବିସ୍‌ବାସ୍ ରୁଟାଇ ଅଇସି । ପରମେସର୍ ଦେଇରଇବା କାତା ମିସା ରୁଟାଇସେ । ୧୫ ନିୟମ୍ ନ ମାନୁଲାର୍‌ପାଇ ଲକ୍ମନ୍ ପରମେସର୍‌ର ବଡ୍ ରିସାଇ ପଡ୍‌ବାଇ । ମାତର୍ ଜନ୍ତ୍ର ନିୟମ୍ ନାଇ, ତେଇ ନିୟମ୍ ନ ମାନୁବା କାତା ଉଟେ ନାଇ ।

୧୬ ✨“ ସେଟାର୍‌ପାଇ ପରମେସର୍ କାତା ଦେଇରଇବାଟା ବିସ୍‌ବାସ୍ ଲାଗି ରଇସି । ଜନ୍ ଲକ୍ମନ୍ ନିୟମ୍ ମାନୁବାଇ, ଅବ୍‌କା ସେମନର୍ ପାଇସେ ପରମେସର୍ କାତା ଦେଏ ନାଇ । ଅବ୍ରାଆମର୍ ପାରା ବିସ୍‌ବାସ୍ କର୍‌ତେ ରଇବା ସବୁର୍ ପାଇ ସେଟା ଲତା । କାଇକେବଇଲେ ଅବ୍ରାମ୍ ସେମନର୍ ଆଡ୍‌ମା ଇସାବେ ରଇବା ବାବା ।” ୧୭ ଏ ବିସଇ ସାସ୍‌ତରେ ଲେକାଆତେ “ତକେ ଆମେ ସବୁ ବସ୍‌ର୍ ବାବା କରିଆରୁ ।” ପରମେସର୍‌ର ଇସାବେ ଏ କାତା ଦେଲାଟା ଟିକ୍ ରଇଲା, କାଇକେ ବଇଲେ ଜନ୍ ପରମେସର୍‌କେ ଅବ୍ରାଆମ୍ ବିସ୍‌ବାସ୍ କର୍‌ତେ ରଇଲା, ସେ ପରମେସର୍‌ର ବାକିଅ ମଲା ଲକ୍ମନକେ ଜିବନ୍ କର୍‌ସି ଆରି କାଇଟା ନଇଲାତେଇଅନି ସବୁ ବିସଇ ତିଆର୍ କର୍‌ସି । ୧୮ ଆସା କର୍‌ବାକେ କାଇଟା ନ ରଇଲେ ମିସା, ଅବ୍ରାଆମ୍ ବିସ୍‌ବାସ୍ କରି ଆସାଅଇ ରଇଲା । ସେଟାର୍ ପାଇ ସେ ସବୁ ବସ୍‌ର୍ ବାବା ଅଇଲା, କାଇକେ ବଇଲେ ସେ ସାସ୍‌ତରେଅନି କାତା ମିଲାଅଇଲା, “ ତାର୍ କୁଟୁମର୍ ଲକ୍ମନ୍ ଏଜି ନାପାର୍‌ବା ଆକାସର୍ ତାରାପାରା ଅଇବାଇ ।” ୧୯ ତାକେ ସେଡ୍‌କିବେଲେ ସଏ ବରସ୍ ଅଇରଇଲା । ମାତର୍ ତାକର୍ ମଲାପାରା ଗାଗତ୍ କାତା ବାବି, କି ସାରା ଜେକି ଆରି ପିଲା ପାଇ ନାପାରେ, ଏ କାତା ଜାନିକରି ମିସା, ତାକର୍ ବିସ୍‌ବାସ୍ ଉନା ଅଏନାଇ । ୨୦ ସେ ତାର୍ ବିସ୍‌ବାସେଅନି ବିନେ ବେଗଲେ ନାଇ, କି ପରମେସର୍ ଦେଇରଇବା କାତା ଅଇସି କି ନଏ ବଲି କଏନାଇ । ସେ ବିସ୍‌ବାସ୍ କରି ବପୁ ସଙ୍ଗ୍ ପୁରାପୁରୁନ୍ ଅଇଲା ଆରି ସେ ପରମେସର୍‌କେ ତାକ୍‌ପୁଟା କଲା । ୨୧ “ପରମେସର୍ ଜନ୍ କାତା ଦେଇରଇଲା, ସେଟା ସେ କର୍‌ସି ଆକା ବଲି ତାଟ୍‌ସଙ୍ଗ୍ ବିସ୍‌ବାସ୍ କଲା ।” ୨୨ ସେ ବିସ୍‌ବାସ୍ ଲାଗି ଅବ୍ରାଆମ୍ ପରମେସର୍ ଦେକ୍‌ବା ଇସାବେ ଦରମ୍ ଲକ୍ ବଲି ଏଜାଇଅଇଲା । ୨୩ ଦରମ୍ ଲକ୍ ଇସାବେ ଏଜାଇଅଇବାଟା ସାସ୍‌ତରର୍ କାତା, ଉଜେ ଅବ୍ରାମ୍‌କେସେ ଅଇସି, ସେନ୍ତାରି ନାଇ । ୨୪ ସେଟା ଆମର୍‌ପାଇ ମିସା ଲେକାଅଇଆତେ । ଆମେ ମିସା ପରମେସର୍‌କେ ବିସ୍‌ବାସ୍ କଲେ ଦରମ୍ ଲକ୍ ବଲି ଏଜାଇଅଇରୁ । ସେ ମାପୁରୁ ଜିସୁକେ ମଲାତେଇଅନି ଆରି ତରେକ୍ ଜିବନ୍ କରି ଉଟାଇଲା ଆତେ ବଲି ବିସ୍‌ବାସ୍ କଲୁନି । ୨୫ ମାପୁରୁ ଜିସୁ ଆମର୍ ପାପର୍ ଲାଗି ମରିରଇଲା ଆରି ପରମେସର୍‌ତେଇ ଆମ୍‌କେ ଦରମ୍ ଲକ୍ କରାଇବାକେ ଆରି ତରେକ୍ ଜିବନ୍ ଅଇ ଉଟ୍‌ଲା ।



**ପରମେସର୍ ସଙ୍ଗ୍ ମିସିବିଡିରଇବାଟା**

୧ ଏବେ ଆମେ ବିସ୍‌ବାସ୍ କଲାର୍ ପାଇ ପରମେସର୍ ଦେକ୍‌ବା ଇସାବେ ଦରମ୍ ଲକ୍ ବଲାଅଇଲୁ ଆରୁ ଆରି ମାପୁରୁ ଜିସୁ କିରିସ୍‌ଟର ଲାଗି ପରମେସର୍ ସଙ୍ଗ୍ ସାନ୍ତି ସଙ୍ଗ୍ ଆରୁ । ୨ କାଇକେବଇଲେ ଆମେ ବିସ୍‌ବାସ୍ କଲାର୍ ପାଇସେ ତାର୍ ଜିବନ୍ ଦୁକାଇଲାଟାନେ ଆମ୍‌କେ ଆନି ଆତେ । ଜନ୍‌ତେଇ କି ଏବେ

✧ ୪:୧୩ ୪:୧୩ ଗାଲାତିୟ ୩:୨୯ ✧ ୪:୧୪ ୪:୧୪ ଗାଲାତିୟ ୩:୧୮ ✧ ୪:୧୭ ୪:୧୭ ଗାଲାତିୟ ୩:୭

ଆମେ ଆତ୍ମ । ଆମେ ବେସି ସାର୍ଦା ସଙ୍ଗ ବଡ଼ପନର କାତା କଇବୁ । କାଇକେବଇଲେ ପରମେସରର ଡାକ୍ ପୁଟାଟେଇ ମିସ୍ତୁ ବଲି ଆମ୍ଭେ ଆସା ଆତେ ।<sup>୩</sup> ସବୁ ରକାମର ଦୁକ୍ କସ୍ତ ମୁରତି କରି ସାର୍ଦା ଅଇଲୁନି, କାଇକେବଇଲେ ତେରେପେତେ ନ ଅଇ କସ୍ତ ମୁରତଲେ, ମନେ ସାଆସ୍ ଆଇସି ।<sup>୪</sup> ସାଆସ୍ ଦାରି ରଇଲେ ପରମେସର ସାର୍ଦା ଅଇସି । ତାର ସାର୍ଦାଅନି ଆସା ଆଇସି ।<sup>୫</sup> ଏ ଆସା ଆମ୍ଭେ ମୁରମୁରା ଅଇବାକେ ନ ଦେଏ, କାଇକେ ବଇଲେ ପରମେସର ଆମ୍ଭେ ସୁକଲ୍ ଆତ୍ମା ଦେଇ କରି ଆମର ମନେ ତାର ଆଲାଦ୍ ବରତି କରିଦେଲାଆତେ । ସୁକଲ୍ ଆତ୍ମା ଆମର ପାଇ ରଇବା ପରମେସରର ଦାନ ।

<sup>୬</sup> ଆମ୍ଭେ କେ ମିସା ଆକାସାକା ନ ରଇଲା ବେଲେ, ପରମେସର ଟିକ୍ କଲା ବେଲାଇ କିରିସ୍ତ ପାପିମନର ପାଇ ମଲା ।<sup>୭</sup> ଦରମ୍ ଲକର ପାଇ କେ ମିସା ଗଟେକ୍ ଲକ୍ ମରବାଟା ଆମେ ନାଜାନୁ, ମାତର ଏନ୍ତାରି ମିସା ଅଇସି ଜେ, ଗଟେକ୍ ନିମାନ୍ ଲକରପାଇ ନିଜର ଜିବନ୍ ଦେବାକେ କେ ଆଲେ ସାସ୍ କରବାଇ ।<sup>୮</sup> ମାତର ଆମେ ପାପି ରଇଲାବେଲେ ଜିସୁ ଆମର ପାଇ ନିଜର ଜିବନ୍ ସରପିଦେଲା । ଇତିଅନି ପରମେସର ଆମ୍ଭେ କେତେକ୍ ଆଲାଦ୍ କଲାନ୍ତି, ସେଟା ଜାନାପତିଆତେ ।<sup>୯</sup> କିରିସ୍ତର ବନିରଲାଗି ପରମେସର ଆମ୍ଭେ ଦରମ୍ ଲକ୍ କଲାଆତେ । ସେନ୍ତି ଆଲେ ପରମେସରର ବଡ଼ ରିସାଇଅନି ଆମ୍ଭେ ରକିଆ କରବାକେ କିରିସ୍ତ କେତେକ୍ ମନ୍ଦିଆନ୍ ନ ଦେଏ !<sup>୧୦</sup> ଆମେ ପରମେସରର ସତ୍ତୁ ରଇଲାବେଲେ ତାର ପିଲା ଆମର ପାଇ ଜିବନ୍ ଦେଲା । ତେଇଅନି ପରମେସର ସଙ୍ଗ ଆମେ ଆରିତରେକ୍ ଜଡ଼ିଅଇଲୁ । ତାର ସଙ୍ଗ ଆରିତରେକ୍ ଜଡ଼ିଅଇଲା ପରେ, ଏବେ କିରିସ୍ତର ଜିବନର ଲାଗି ଆମେ ରକିଆ ପାଇବାକେ କେତେକ୍ ଅଦିକ୍ ନ ପାଉ ?<sup>୧୧</sup> ଅବ୍ କା ସେଡ଼କିସେ ନଏ, ମାପରୁ ଜିସୁକିରିସ୍ତର ତେଇଅନି ପରମେସର ଜନ୍ ସବୁ କାମ୍ କଲାଆତେ, ସେଟାର ପାଇ ଆମର ମନ୍ ଉଡ଼ୁକ୍ ଉଡ଼ୁକ୍ ଆରି ସାର୍ଦା ପୁରୁନ୍ ଅଇଆତେ । ସେ ଜିସୁ ପରମେସର ସଙ୍ଗ ଆମ୍ଭେ ଆରିତରେକ୍ ମିସାଇଲା ଆତେ ।

**ଆଦମ୍ ଆରି କିରିସ୍ତ**

<sup>୧୨</sup> ପରତମେ ଗଟେକ୍ ଲକ୍ ସେ ପାପ୍ କରିରଇଲା । ଆରି ପାପର ଲାଗି ମରନ୍ ଆଇଲା । ସବୁ ଲକ୍ ପାପ୍ କଲାନ୍ ପାଇ ମରନ୍ ସବୁ ମୁନ୍ସୁ ଜାତିକେ ତାରିଅଇଲା ।<sup>୧୩</sup> ନିୟମ୍ ମିଲ୍ ବା ଆଗ୍ତୁ ଲକ୍ ମନ୍ ପାପ୍ କରତେରଇଲା । ମାତର ନିୟମ୍ ନ ରଇବାଟାମେ ପାପର ଇସାବ୍ ନ ଅଇତେରଇଲା ।<sup>୧୪</sup> ଆଦମର ବେଲାଅନି ମସାର ବେଲା ଜାକ, କେ ଆଦମର ପାରା କାତା ନ ମାନି, ସେ କରି ରଇବା ପାପ୍ ପାରା ନ କରିରଇଲେ ମିସା, ସବୁ ଲକ୍ ମଲା । ଜେ ଆଇବାର ରଇଲା, ସେ ଆଦମର ଗଟେକ୍ ରୁପ୍ ।<sup>୧୫</sup> ମାତର ପରମେସରର ଇସାବ୍ ନଇଲା ଦାନ୍ ଆରି ଆଦମର ପାପ୍ ବିଡ଼ରେ କେତେକ୍ କେତେକ୍ ଦୁର୍ ଆତେ । ଗଟେକ୍ ଲକ୍ ପାପର ପାଇ ବେସି ଲକ୍ ମରନ୍ ଅଇଲା । ମାତର ପରମେସର ତାର ଜିବନ୍ ଦୁକାଇଲାକେ, ଲକ୍ ମନର ପାଇ ଆରି ଗଟେକ୍ ଲକ୍ କେ ଇନାମେ ଦେଲା । ସେ ବଡ଼ ଇନାମ୍ ଜିସୁ କିରିସ୍ତର ଜିବନ୍ ଦୁକାଇଲାକେ ପୁରାପୁରୁନ୍ ଅଇଲା ।<sup>୧୬</sup> ସେ ଗଟେକ୍ ପାପ୍ କାମ୍ ଅଇଲା ପରେ ସବୁ ମୁନ୍ସୁ ଜାତି ବିଚାରନା ଜାଗାଇ ଟିଆଅଇ ଦସି ବଲାଇ ଅଇଲା । ମାତର ଏବେ ଜବର ଲକ୍ ପାପର ଲାଗି ଲକ୍ ମନର ଆସା ନ ରଇଲେ ମିସା, ପରମେସର ଦାନ୍ କଲାକେ ଦସି ନାଇ ବଲି ଏଜାଇଅଇଲା ।<sup>୧୭</sup> ଏଲେମିସା ଗଟେକ୍ ମୁନ୍ସୁ ପାପର ପାଇ ସବୁ ଲକ୍ କେ ମରନର ଡଣ୍ଡୁ ଆଇଲା । ମାତର ସେ ଗଟେକ୍ ମୁନ୍ସୁ ଜନ୍ଟାକି କିରିସ୍ତ, ଜାଇଟା କଲାଆତେ ସେଟା କେତେକ୍ ବଡ଼ ବିସଇ ! ଜେତେକ୍ ଲକ୍ ପରମେସର ବଡ଼ ଜିବନ୍ ଦୁକାଇଲାଟା ଜବର ଅଇତେ ଇନାମେ ମିଲାଇଆତଡ଼, ସେମନ୍ ଜିସୁକିରିସ୍ତର ବାଟେଅନି ସବୁ ଲକ୍ ତାରଟାମେ ଦରମ୍ ବଲାଇ ଅଇବାଇ । ସେମନ୍ କିରିସ୍ତର ସଙ୍ଗ ଜିତି କରି ଜିଉନା କାଉନା କରି ସାସନ୍ କରବାଇ ।

<sup>୧୮</sup> ଗଟେକ୍ ଲକ୍ ପାପ୍ ଜେନ୍ତି ଗୁଲାଇ ଲକ୍ କେ ଡଣ୍ଡୁ ଆନାଇଲା, ସେନ୍ତିସେ ଗଟେକ୍ ଲକ୍ ଦରମ୍ ଗୁଲାଇ ଲକ୍ ପାଇ ମୁକ୍ତି ଆରି ନ ସାର୍ଦା ଜିବନ୍ ଆନିଦେଲାଆତେ ।<sup>୧୯</sup> ଗଟେକ୍ ଲକ୍ ଆଦେସ୍ ନ ମାନିଲାର ପାଇ ଜେନ୍ତିକି ସବୁ ଲକ୍ ପାପି ଅଇଲା, ସେନ୍ତି ଗଟେକ୍ ଲକ୍ ଆଦେସ୍ ମାନିଲେ ପରମେସର ମୁଆଟେ ଦରମ୍ ଲକ୍ ବଲାଇଅଇବାଇ ।

<sup>୨୦</sup> ନିୟମ୍ ଚାଲିଲାର ପାଇ କାରାପ୍ କାମ୍ ବଡ଼ଲା । ମାତର ପାପ୍ ବଡ଼ି ବଡ଼ି ଗାଲାକେ ପରମେସରର ଜିବନ୍ ଦୁକାନି ମିସା ବେସି ବଡ଼ଲା ।<sup>୨୧</sup> ପାପ୍ ଜେନ୍ତିକି ସବୁରପାଇ ମରନର ଡଣ୍ଡୁ ଆନିରଇଲା, ସେନ୍ତି ପରମେସରର ଜିବନ୍ ଦୁକାନି ମାପରୁ ଜିସୁ କିରିସ୍ତର ସାଇଜେ ଅନି ଆମ୍ଭେ ଦରମ୍ ବାଟେ ଡାକିନେଇ ନ ସାର୍ଦା ଜିବନ୍ ଦେଇସି ।



ପାପରଲାଗି ମରନ୍, ମାତର କିରିସ୍ତ ସଙ୍ଗ ମିସ୍ ଲାପାଇ ନ ସାର୍ଦା ଜିବନ୍

୧ ସେନ୍ତ୍ରୀଆଲେ କାଲଟା କଉଁ ? ପରମେସରର୍ ଜିବନ୍‌ଦୁକାନି ଆରି ଅଦିକ୍ ମିଲ୍‌ସି ବଲି ଆମେ କାଇ ଆରି ସେ ପାପେ ରଇକରି ଚଲାଚଲ୍‌ତି କରୁ କି ? ୨ ନାଇ କେବେ ନାଇ । ପାପ୍ କରବା ବିସଇତେଇ ଆମେ ମରିଗାଲୁଆରୁ । ଆରି କେନ୍ତ୍ରୀ ପାପ୍ କରତେସେ ରଇବୁ ? ୩ ତମେ ଜାନାସ୍, ତୁବନ୍ ନେଲାକେ ଜିସୁକିରିସ୍‌ଟର୍ ସଙ୍ଗ୍ ମିସିକରି ଆମେ ତାର୍ ମରନେ ମିସା ମିସିଆରୁ । ୪ ସେଟାର୍‌ପାଇ ତୁବନ୍ ନେଲାପତେ ଆମେ ତାର୍ ମରନେ ମିସି, ତାର୍ ସଙ୍ଗ୍ ତପି ଅଇଲୁଆରୁ । ସେ ଜେନ୍ତ୍ରୀ ବାବାର୍ ତାକ୍‌ପୁଟା ବପୁ ସଙ୍ଗ୍ ଆରିତରେକ୍ ଉଟ୍‌ଲା, ଆମେ ମିସା ସେନ୍ତ୍ରୀ ନୁଆ ଜିବନ୍ ପାଇକରି ଚଲାଚଲ୍‌ତି କରବାର୍ ଆଟେ ।

୫ କାଇକେବଇଲେ ଆମେ ମରନେ ମିସି ତାର୍ ସଙ୍ଗ୍ ଗଟେକ୍ ଅଇଲୁ ଆରୁ, ତାକେ ଆରିତରେକ୍ ଉଟ୍‌ବାତେଇ ମିସା, ତାର୍ ସଙ୍ଗ୍ ଗଟେକ୍ ଅଇକରି ରଇବୁ । ୬ ଆମେ ଜାନିଆରୁ, କିରିସ୍‌ଟର୍ ସଙ୍ଗ୍ କୁରସେ ଆମର୍ ପୁରନା ଜିବନ୍ ମରିଗାଲାଆଟେ । ତେଇଅନି ଆମର୍ ପାପର୍ ଚଲାଚଲ୍‌ତି କୁରୁପ୍‌ନାସ୍ ଅଇଲା ଆଟେ ଆରି ଆମେ ପାପର୍ ଗତିଅନି ମୁକ୍‌ଲିଆରୁ । ୭ କାଇକେବଇଲେ ମୁନୁସ୍ ମରିଗାଲେସେ, ପାପର୍ ବାନ୍‌ନେଅନି ରକିଆ ପାଇସି । ୮ ଆମେ ଜିସୁର୍ ସଙ୍ଗ୍ ମରିରଇଲାର୍ ପାଇ, ତାର୍ ସଙ୍ଗ୍ ମିସା ଜିବନ୍ ଅଇବୁ ବଲି ବିସ୍‌ବାସ୍ କଲୁନି । ୯ ଆମେ ଜାନୁ, କିରିସ୍‌ଟର୍ ମଲାତେଇଅନି ଉଟ୍‌ଲାପାଇ, ସେ ଆରି କେବେ ମିସା ନ ମରେ । ତାର୍ ଉପ୍‌ରେ ଆରି କେବେ ମରନର୍ ସାସନ୍ ନ ଚାଲେ । ୧୦ ସେ ଜନ୍ ମରନ୍ ପାଇଲା, ତାର୍‌ଲାଗି ପାପର୍ ବପୁତେଇଅନି ଏକାତରେକ୍ ଆମ୍‌କେ ମୁକ୍‌ଲାଇଲା । ସେ ଏବେ ଜନ୍ ଜିବନେ ଜିଇଲାନି, ସେଟା ପରମେସରର୍ ସଙ୍ଗ୍ ମିସିକରି ରଇଲା ଜିବନ୍ । ୧୧ ସେନ୍ତ୍ରୀ ତମେ ମିସା ପାପେ ମରିଜାଇଆରୁ ବଲି ଏତାଆ । ତମେ ଏବେ କିରିସ୍‌ଟର୍ ଜିସୁର୍ ଜିବନେଅନି ପରମେସରର୍ ସଙ୍ଗ୍ ମିସିଲାସ୍ ।

୧୨ ତମର୍ ନସିଜିବା ଗାଗଡ୍ ଉପ୍‌ରେ ଆରି ପାପ୍ ଅଦିକାର୍ ନ କର, ସେଟାର୍‌ପାଇ ଆମର୍ ଏ ଗାଗଡ୍ ମନ୍‌କରବା କାରାପ୍ ବିସଇ ମାନିକରି ରୁଆନାଇ । ୧୩ କାରାପ୍ କାମର୍ ଲାଗି ଆମର୍ ଗାଗଡ୍ କଣ୍ଟେକ୍ ବାଗ୍ ମିସା ପାପ୍ କରବାକେ ଦିଆସ୍‌ନାଇ । ମାତର୍ ଦରମ୍ କାମ୍ କରବାପାଇ ତମର୍ ଗୁଲାଇ ଗାଗଡ୍ ତାକେ ସର୍‌ପି ଦିଆସ୍ । ପରମେସରର୍ ତମ୍‌କେ ମରନେଅନି ଜିବନ୍ କରି ଆନୁଲାଆଟେ । ୧୪ କାଇକେ ବଇଲେ ପାପ୍ ତମର୍ ଉପ୍‌ରେ ସାସନ୍ ନ କର । ତମେ ଆରି ନିୟମର୍ ତଲେ ନାଇ । ମାତର୍ ପରମେସରର୍ ଜିବନ୍‌ଦୁକାନି ଅନି କାଇଟା ନ ଅଇତେ ଆଟାସ୍ ।

**ଦରମ୍ ଗତିଦାଙ୍ଗ୍‌ତା**

୧୫ ସେନ୍ତ୍ରୀଆଲେ ଆମେ ନିୟମର୍ ତଲେ ନ ରଇ, ପରମେସରର୍ ଜିବନ୍‌ଦୁକାନି ପାଇଲୁ ଆରୁ ବଲି ପାପ୍ କରତେ ରଉଁ କି ? ନାଇ, କେବେ ମିସା ନଏଁ । ୧୬ ଏଲେ ମିସା ତମେ ଜାନିଆଟାସ୍, ଜଦି ତମେ କାକେ ତର୍ ତଲେ ଆକା ମୁଇ ବଲି କଇକରି ତାର୍ ପୁରାପୁରୁନ୍ କାତାମାନୁସା ବଇଲେ, ତମେ ତାର୍ ଗେନଲା ଗତିଦାଙ୍ଗ୍‌ତା । ଜଦି ପାପର୍ ଗତିଦାଙ୍ଗ୍‌ତା ଅଇସା, ଏଟାର୍ ଦସା ଅଇସି ମରନ୍, ଜଦି ଦରମର୍ ବାଟେ ଇଣ୍‌ସା, ବଇଲେ ନ ସାର୍‌ବା ଜିବନ୍ ପାଇସା । ୧୭ ମୁଇ ପରମେସର୍କେ ଦନିଅବାଦ୍ କଲିନି, ତମେ ଗଟେକ୍ ବେଲାଇ ପାପର୍ ଗତିଦାଙ୍ଗ୍‌ତା ଅଇରଇଲାସ୍ ମିସା, ଏବେ ଜନ୍ ସିକିଆ ଟାନେ ପାଇରଇବା ସଡ୍, ପୁରାପୁରୁନ୍ ମନ୍‌ଦେଇକରି ନାମ୍‌ଲାସିନି । ୧୮ ଏବେ ତମେ ପାପେଅନି ମୁକ୍‌ଲିକରି ଦରମର୍ ଗତିଦାଙ୍ଗ୍‌ତା ଅଇଆଟାସ୍ । ୧୯ ଗଟେକ୍ ବେଲାଇ ତମେ ତମର୍ ଗୁଲାଇ ଗାଗଡ୍, ମନ୍, ପରାନ୍, ଅସୁକଲ୍ ଆରି କାରାପ୍ ଚଲାଚଲ୍‌ତି କରବାକେ ଗତିଦାଙ୍ଗ୍‌ତା ଅଇ ସର୍‌ପି ଦେଇରଇଲାସ୍ । ସେନ୍ତ୍ରୀସେ ସୁକଲ୍ ଆରି ଦରମ୍ ଚଲାଚଲ୍‌ତିପାଇ ଦରମର୍ ଲଗେ ନିଜ୍‌କେ ପୁରାପୁରୁନ୍ ସର୍‌ପିଦିଆସ୍ ।

୨୦ ତମେ ପାପର୍ ଗତିଦାଙ୍ଗ୍‌ତା ରଇଲାବେଲେ, ଦରମ୍ ଜିବନ୍ ଜିଇବାକେ ମୁର୍‌ମୁରା ଅଇରଇଲାସ୍ । ୨୧ ଏବେ ତମ୍‌କେ ଜନ୍ କାମ୍‌ମନ୍ କରବାକେ ଲାଜ୍‌ଲାଗ୍‌ଲାନି, ସେଡ୍‌କିବେଲେ ସେ ସବୁ କରତେ ରଇଲାସ୍ । ତେଇଅନି ତମ୍‌କେ କାଇ ଲାବ୍ ଅଇଲା ? ସେ ସବୁ କାମର୍ ଦସା ଅଇଲାନି ମରନ୍ । ୨୨ ମାତର୍ ତମେ ଏବେ ପାପେଅନି ମୁକ୍‌ଲିକରି ପରମେସରର୍ ଗତିଦାଙ୍ଗ୍‌ତା ଅଇଆଟାସ୍ । ଏଟାର୍ ଲାବ୍ ଅଇଲାନି, ପରମେସରର୍‌ତେଇ ପୁରାପୁରୁନ୍ ସଲଦ୍ । ଆରି ଇତିଅନି ମିଲ୍‌ବାଟା ଅଇଲାନି ନ ସାର୍‌ବା ଜିବନ୍ । ୨୩ ପାପ୍ କାମର୍ ବୁତି ଅଇଲାନି ମରନ୍, ମାତର୍ ପରମେସରର୍ ଜାଟାଇକରି ଦାନ୍ ଦେଇଆଟେ । ସେଟା ଆମର୍ ମାପୁରୁ ଜିସୁ କିରିସ୍‌ଟର୍ ସଙ୍ଗ୍ ମିସିକରି ମିଲାଇରଇବା ନ ସାର୍‌ବା ଜିବନ୍ ।



**ବିବାର୍ ଉଦାରନ୍**

୧ ଏ ବାଇବଇନିମନ୍, ଏବେ ମୁଇ ଜାଇଟା କଇବାକେ ଗାଲିନି, ସେଟା ଅଇଲାନି ନିୟମ୍ । ନିୟମ୍ କାଇଟା ବଲି ତମେ ବୁଜିପାରାସ୍, ତାର୍ ଅରଡ୍ ମିସା ଜାନାସ୍ । ମୁନୁସ୍ ଅବୁକା ତାର୍ ଜିଇବା କାଇବା ଦିନ୍ ଜାକ ନିୟମର୍ ତଲେ ରଇସି । ୨ ବିବା ଅଇବା ବିସଇ ଦେକ୍‌ଲେ, ମୁନୁସ୍ ବଟି ରଇବା ଜାକ, ତାର୍ ମାଇଜି

☆ ୭:୪ ୭:୪ ରମିୟ ୭:୧୨

ସଙ୍ଗ ବିବା ବାନ୍ଧନେ ବାନ୍ଧିଅଇରଇସି । ମାତର୍ ମୁନୁସ୍ ମରିଗାଲା ପତେ ତାର୍ ମାଇଜି ଏ ନିୟମେଅନି ମୁକଲ୍ସି । <sup>୩</sup> ସେ ବଠି ରଇଲା ବେଲେ, ତାର୍ ମାଇଜି ଜଦି ବିନ୍ ମୁନୁସ୍ କେ ବିବା ଅଇସି, ତେବେ ତାକେ ଚାଡ଼ରି ବଲି କଇବାଇ, ମାତର୍ ମୁନୁସ୍ ମରନ୍ ପତେ ବିନ୍ ମୁନୁସ୍ କେ ବିବା ଅଇଲେ, ତାକେ ଆରି ଚାଡ଼ରି ବଲି ନ କଅଡ଼ । ନିୟମ୍ ଇସାବେ ସେ ଗଟେକ୍ ମୁକଲି ରଇବା ମାଇଜି । <sup>୪</sup> ଏ ମର୍ ବାଇବଇନିମନ୍, ତମେ ମିସା ସମାନ୍ ସେନ୍ତାରିସେ । ନିୟମ୍ ଇସାବେ କିରିସ୍ ଗାଗତେ ମିସଲାର୍ ପାଇ ତମେମିସା ମରିଆଟାସ୍ । ଏବେ ତମେ ତାର୍ ଗା । ପର୍ମେସର୍ ତାକେ ମରନେଅନି ଉଟାଇଆଟେ । ଜେନ୍ତାରିକି ତାର୍ ସେବାକାମେ ଆମେ ମିସା ମିସ୍ତୁ । <sup>୫</sup> ଜେତେଦିନ୍ ଜାକ ଆମେ ଗାଗଡ଼ ମନ୍ କଲା ଇସାବେ ବାନ୍ଧିଅଇରଇଲୁ, ନିୟମ୍ ଆମ୍ବେ ନାଇ ବଲି କଇତେରଇଲା । ସେଟା ଆମର୍ ପାପ୍ ଅଦିକ୍ ଅଦିକ୍ କରାଇତେ ରଇଲା । ଆରି ଆମେ ମରନ୍ ବାଟେ ଜାଇତେରଇଲୁ । <sup>୬</sup> ଏବେ ଆମେ ନିୟମର୍ ସାସନେଅନି ମୁକଲ୍ଲୁ ଆରୁ, କାଇକେବଇଲେ ଜନ୍ ଗା ଆମ୍ବେ ଦିନେକ୍ ବନ୍ଧି କରି ସଙ୍ଗାଇରଇଲା, ସେଟା ଆମର୍ ବିତ୍ରେ ମରିଗାଲାଆଟେ । ଆମେ ଆରି ଆଗତୁର୍ ପାରା ଲେକାଅଇଲା ନିୟମ୍ ଇସାବେ ପର୍ମେସର୍ କେ ସେବାକରୁ ନାଇ । ଏବେ ସୁକଲ୍ ଆଡ଼ମା ଦେକାଇଲା ବାଟେ ଇଣ୍ଟୁନି ।

**ନିୟମ୍ ଆରି ପାପ୍**

<sup>୭</sup> ତେବେ ଆମେ କାଇଟା ବଲି କଉଁ, ନିୟମେସେ ପାପ୍ ଆଟେ କି ? ସେଟା ସତଇସେ ନଏଁ । ମାତର୍ ପାପ୍ କାଇଟା ? ସେଟା, ମକେ ନିୟମ୍ ଜାନାଇଦେଲା ଆଟେ । “ବିନ୍ ଲକର୍ ଦିନ୍ ସୁ ଲବାଇବାର୍ ନାଇ ।” ଏ ଆଦେସ୍ ଜଦି ନିୟମ୍ ତେଇ ନ ରଇତା, ଲବାଇବାଟା କାଇଟା ବଲି ମୁଇ ନାଜାନ୍ତି । <sup>୮</sup> ମାତର୍ ଉପ୍ରେ ଆଦେସର୍ ସୁବିଦାନେଇ ପାପ୍ ମର୍ ବିତ୍ରେ ବିନ୍ ବିନ୍ ରକାମର୍ କାରାପ୍ ମନ୍ କର୍ବାଟା ଜନ୍ମାଇଲା । ନିୟମ୍ କେ ଚାଡ଼ିଦେଲେ ପାପ୍ ମଲା ସମାନ୍ ଆଟେ । <sup>୯</sup> ଗଟେକ୍ ବେଲାଇ, ମୁଇ ନିୟମ୍ ନାଜାନି କରି ଜିଇତେ ରଇଲି, ନିୟମ୍ ଜାନ୍ଲା ପତେ ପାପ୍ ପୁରଲା, <sup>୧୦</sup> ଆରି ମୁଇ ମରିଗାଲି । ଜନ୍ ନିୟମ୍ ଜିବନ୍ ଦେବାକେ ଟିକ୍ କରିରଇଲା, ସେଟା ମର୍ ପାଇ ମରନ୍ ଆନ୍ଲା । <sup>୧୧</sup> କାଇକେବଇଲେ ନିୟମର୍ ସୁବିଦା ନେଇ ମକେ ପାପ୍ ନାଡ଼ାଇଲା ଆରି ମରାଇଲା ।

<sup>୧୨</sup> ନିୟମ୍ ପର୍ମେସର୍ ଗାଗତେ ଆଇଲାକେ ସୁକଲ୍ ଆଟେ । ତାର୍ ଆଦେସ୍ ସବୁ ସୁକଲ୍, ଟିକ୍ ଆରି ବେସି ନିକ । <sup>୧୩</sup> ସେନ୍ତାଆଲେ ଜନ୍ ଗା ନିକ, ସେଟା କାଇକେ ମର୍ ମରନ୍ ଆନ୍ବାଟା ଅଇରଇଲା ? ସେନ୍ତାରି କେବେ ନ ଅ । ମାତର୍ ପାପ୍ ମରନ୍ ଅଇଲା । ତାର୍ ନିୟମ୍, ଜେନ୍ତାରି ଆମର୍ ପାପ୍ କେତେକ୍ କାରାପ୍ ଆଟେବଲି ଡିସାଇବାକେ ପର୍ମେସର୍ ଜନ୍ମା ରଇଲା । ତେବର୍ ପାଇ ତାର୍ ନିୟମ୍ ଲାଗି ଏଟା ସାଦନ୍ କଲା ।

**ମୁନୁସ୍ ମନେ ଦୁଇମନିଆ**

<sup>୧୪</sup> ଆମେ ଜାନ୍ ଜେ, ନିୟମ୍ ଆଡ଼ମାଇ ଆଇସି, ମାତର୍ ମୁଇ ମର୍ ଗାଗଡ଼ ମନ୍ କଲାଟାକେ ମାନ୍ ଲାର୍ ପାଇ ପାପ୍ ଗତିଦାଙ୍ଗତା ଅଇଲିଆଟି । <sup>୧୫</sup> \*ମୁଇ ଜନ୍ ଗା କଲିନି, ସେଟା ବୁଜି ନାଇ, ମାତର୍ ଜନ୍ ନିକ କାମ୍ କର୍ବାକେ ମନ୍ କଲିନି ସେଟାସେ କରିନାପାରଲିନି । ଆରି ଜନ୍ କାରାପ୍ କାମ୍ କର୍ବାକେ ମୁଇ ମୁଲ୍ କେ ମନ୍ କରି ନାଇ, ସେଟାସେ କଲିନି । <sup>୧୬</sup> ମାତର୍ ମୁଇ ମନ୍ ନ କରି ରଇବା କାମ୍ କର୍ବାର୍ ଲାଗି, ନିୟମ୍ ଟିକ୍ ଆଟେ ବଲି ମାନ୍ଲିନି । <sup>୧୭</sup> ସେଟା ପାଇ ଏ ସବୁ ଜାକ କାମ୍ ମୁଇ କରି ନାଇ । ମର୍ ବିତ୍ରେ ରଇବା ପାପ୍ ସେଟା କଲାନି । <sup>୧୮</sup> ମର୍ ଗାଗଡ଼ କାରାପ୍ ମନ୍ କର୍ବାଟା ନେଅନି କାଇମିସା ନିମାନ୍ ବିସଇ ନ ଆସେ ବଲି ମୁଇ ଜାନ୍ଲିନି । କାଇକେବଇଲେ ନିକ କାମ୍ କର୍ବାକେ ମନ୍ ରଇଲେ ମିସା ସେଟା କରି ନାପାରଲିନି । <sup>୧୯</sup> ସେଟା ପାଇ ଜନ୍ ନିକ କାମ୍ କର୍ବାକେ ମୁଇ ମନ୍ କଲିନି, ସେ କାମ୍ ନ କରି, ଜନ୍ କାରାପ୍ କାମ୍ କର୍ବାକେ ମୁଲ୍ କେ ମନ୍ ନାଇ, ସେଟାସେ କଲିନି । <sup>୨୦</sup> ଜଦି ମୁଇ ମନ୍ ନ କର୍ବାଟା କରିଲାଗି ଆଟି, ସେନ୍ତାଆଲେ ଜାଇଟା କଲିନି, ସେଟା ମୁଇ ସତଇସେ କରିନାଇ, ମର୍ ବିତ୍ରେ ରଇଲା ପାପ୍ ସେଟା କଲାନି ।

<sup>୨୧</sup> ଏଟା ମର୍ ବିତ୍ରେ ଗଟେକ୍ କାମ୍ କର୍ବା ନିୟମ୍ ବଲି ମନେ ଅଇଲାନି । ଜନ୍ ଗା ନିକ, ସେଟା ମୁଇ କର୍ବାକେ ଗାଲାବେଲେ, ଅବ୍ କା କାରାପ୍ ବିସଇସେ କଲିନି । <sup>୨୨</sup> ପର୍ମେସର୍ ନିୟମ୍ ନାମ୍ବାକେ ମୁଇ ବେସି ମନ୍ କଲିନି, <sup>୨୩</sup> ମାତର୍ ମର୍ ମନ୍ କଲା ବିରଦେ ମର୍ ଗାଗଡ଼ ତେବାଇବା ବିଦି ସବୁବେଲେ ଜୁଇଦ୍ କଲାନି । ମର୍ ଗାଗଡ଼େ କାମ୍ କର୍ତେ ରଇବା ସବୁ ପାପ୍ ମକେ ବନ୍ଧି କରି ସଙ୍ଗାଇଲା ଆଟେ । <sup>୨୪</sup> କେତେ କରମ୍ ନଇଲା ଲକ୍ ମୁଇ ! ମରନର୍ ମୁଏଁ ଜିକିନେବା ଏ ଗାଗଡ଼ ଚଲାଚଲ୍ଡି ଅନି କେ ମକେ ମୁକଲାଇସି ? <sup>୨୫</sup> ପର୍ମେସର୍ ଦନିଅବାଦ୍ ପାଅ ! ମାପ୍ତୁ ଜିସୁ କିରିସ୍ ଲାଗି ମୁଇ ଉଦାର୍ ପାଇଆଟି ।

ତେବେ, ଏଟା ଅଇଲାନି ମର୍ କରମ୍ । ପର୍ମେସର୍ ନିୟମ୍ କାଲି ମୁଇ ମର୍ ମନେ ନାମି ପାର୍ବି । ମାତର୍ ମର୍ ମୁନୁସ୍ ଇସାବର୍ ଚଲାଚଲ୍ଡି ମକେ ପାପ୍ ଗତି ଦାଙ୍ଗତା ଅଇବାକେ ବାଦିଅ କଲାନି ।

\* ୭:୧୫ ୭:୧୫ ଗାଲାତିୟ ୫:୧୭

# ୮

## ଆତ୍ମାଫଳ ଜିବନ୍ ରକ୍ଷାବାଟା

<sup>୧</sup> ତେବେ ଆମେ ଜେଡ଼କି ଲକ୍ ଜିସୁ କିରିସ୍ତର୍ ସଙ୍ଗ୍ ମିସିକରି ଆରୁ, ଆମର୍ପାଇ ଆରି ପରମେସରର୍ ଡଣ୍ଟ ନାଇ । <sup>୨</sup> ଜିସୁ କିରିସ୍ତର୍ ସଙ୍ଗ୍ ମିସିଲାରପାଇ ସୁକଲ୍ଆତ୍ମା ଆମ୍ବକେ ନୁଆ ଜିବନ୍ ଦେଲାଆତେ । ତେଇଅନି, ପାପ୍ କଲେ ମରବା ନିୟମେଅନି, ଆମ୍ବକେ ମୁକ୍ତଲା ଅତେ । <sup>୩</sup> ସେ ଆମର୍ ଗୁନ୍ତଲନ୍ ନିକ ନ ରକ୍ଷାଲକେ, ମସା ଦେଇରକ୍ଷା ରିତିନିତି ମାନୁ ନାଇ । ତେଇ ନିୟମ୍ ସାଇଜ କରି ନାପାରଲା । ମାତର୍ ସେଟା ପରମେସର କରିଆତେ । ସେ ଆମର୍ ପାରା ପାପିମନର୍ ଗଟେକ୍ ଗାଗଡ଼ ଦାରାଇ ତାର୍ ପଅକେ ପାଟାଇଲା । ଆରି ସେ ଏନ୍ତାରିକରି ଆମର୍ ଉପରେ ରକ୍ଷା ପାପର୍ ସାସନ୍ କୁରୁପନାସ୍ କଲା । <sup>୪</sup> ଆମେ ଜେଡ଼ାରି କି ନିୟମର୍ ସବୁ ଆଦେସ୍ ମାନିକରି ରକ୍ଷୁ, ସେଟାର୍ ପାଇ ପରମେସର ଏନ୍ତି କଲାଆତେ । ଆମେ ଏବେ ମୁନ୍ସର୍ ଚଲାଚଲ୍ତି ନ କରି ସୁକଲ୍ଆତ୍ମାର୍ ବାଟେ ଇଣ୍ଟଲେସେ ଏନ୍ତି କରୁଅଇସି । <sup>୫</sup> ଜନ୍ ଲକ୍ମନ୍ ମୁନ୍ସର୍ ଚଲାଚଲ୍ତି ଇସାବେ ଜିଉନା କାଉନା କର୍ତେରକ୍ଷା, ସେମନ୍ ନିଜର୍ ଗାଗଡ଼ର୍ ମନ୍ କର୍ବାଟା ଚିନ୍ତା କର୍ତେରକ୍ଷା । ମାତର୍ ଜନ୍ ଲକ୍ମନ୍ ସୁକଲ୍ଆତ୍ମାର୍ ଚାଲ୍ନା ଇସାବେ କାମ୍ବକର୍ବାଇ, ସେମନ୍ ସୁକଲ୍ଆତ୍ମା ଜନ୍ ବିସଇ କର୍ବାକେ ମନ୍ କରାଇସି, ସେଟା କର୍ବାଇ । <sup>୬</sup> ମୁନ୍ସର୍ ଚଲାଚଲ୍ତି ଇସାବେ ଗାଲେ ମରନ୍ ଦସା ଅଇସି, ସୁକଲ୍ଆତ୍ମାର୍ ଚାଲ୍ନା ଇସାବେ ଗାଲେ ଜିବନ୍ ଆରି ସାନ୍ତି ମିଲ୍ସି । <sup>୭</sup> ଜଦି ଗଟେକ୍ ଲକ୍ ତାର୍ ଗାଗଡ଼ର୍ ମନ୍ କଲା ଇସାବେ ଚଲାଚଲ୍ତି କର୍ସି, ସେ ପରମେସରର୍ ବିରଦି ଅଇସି । କାଇକେ ବଇଲେ ସେ ପରମେସରର୍ ନିୟମ୍ ମାନେ ନାଇ, ସେ ସେଟା କର୍ବାକେ ନାପାରେ । <sup>୮</sup> ଜନ୍ ଲକ୍ମନ୍ ମୁନ୍ସର୍ ଚଲାଚଲ୍ତି ଇସାବେ କାମ୍ କଲାଇନି, ସେମନ୍ ପରମେସରକେ ସାର୍ଦା କରିନାପାରଡ଼ ।

<sup>୯</sup> ଜଦି ସତଇସେ ପରମେସରର୍ ସୁକଲ୍ଆତ୍ମା ତମର୍ ବିତ୍ରେ ଆତେ, ତେବେ ତମେ ଆରି ମୁନ୍ସର୍ ଚାଲିଚଲନ୍ ପାରା ଜିଉନାକାଉନା କରିନାପାରାସ୍, ମାତର୍ ଜିବନେ ସୁକଲ୍ ଆତ୍ମାର୍ ଆଦେସ୍ ମାନସା । ଜାର୍ତେଇ କିରିସ୍ତର୍ ଆତ୍ମା ନାଇ, ସେ କେବେ ମିସା ତାକର୍ ଲକ୍ ଅଇନାପାରେ । <sup>୧୦</sup> ମାତର୍ ତମର୍ ବିତ୍ରେ କିରିସ୍ତର୍ ବାସାଅଇ ରକ୍ଷି ବଇଲେ, ତମର୍ ଗାଗଡ଼ ପାପେ ନସ୍ଟ ଅଇବାକେ ଜାଇତେ ରକ୍ଷଲେ ମିସା, ସୁକଲ୍ଆତ୍ମା ତମ୍ବକେ ଜିବନ୍ ଦାନ୍ ଦେଇସି । କାଇକେ ବଇଲେ ତମେ ପରମେସରର୍ ମୁଆଟେ ଦରମ୍ ଲକ୍ ବଲି ଏଜାଇଅଇ ଆଟାସ୍ । <sup>୧୧</sup> ଜଦି ତମର୍ ବିତ୍ରେ ଜିସୁକେ ମଲାତେଇଅନି ଉଟାଇଲା ପରମେସରର୍ ଆତ୍ମା ଆତେ, ତେବେ ସେ ଆତ୍ମାର୍ ସାଇଜ ସଙ୍ଗ୍, ପରମେସର ଜେ କି କିରିସ୍ତକେ ମଲାତେଇଅନି ଉଟାଇଲା, ସେନ୍ତିସେ ତମର୍ କୁଇଜିବା ଗାଗଡ଼ ମିସା ଜିବନ୍ କର୍ସି ।

<sup>୧୨</sup> ତେବେ ଏ ବାଇବଇନିମନ୍, ଆମର୍ କାମ୍ ଅଇଲାନି, ମୁନ୍ସର୍ ଗୁନ୍ତଲନ୍ ଇସାବେ ଜିଉନାକାଉନା ନ କରୁ । <sup>୧୩</sup> କାଇକେବଇଲେ ସେନ୍ତି କଲେ, ତମେ ମରସା ମାତର୍ ସୁକଲ୍ଆତ୍ମାର୍ ସାଇଜ ସଙ୍ଗ୍ ନିଜର୍ ପାପଚଲନ୍ ନସ୍ଟ କରି ଆରି ପାପ୍ କାମ୍ ନ କରାସ୍, ତେବେସେ ତମେ ବୁଝା । <sup>୧୪</sup> ଜନ୍ ଲକ୍ମନ୍ ପରମେସରର୍ ଆତ୍ମା ଇସାବେ ଚାଲ୍ଲାଇନି, ସେମନ୍ସେ ପରମେସରର୍ ପିଲାଟକି । <sup>୧୫</sup> କାଇକେବଇଲେ ପରମେସର ଦେଲା ଆତ୍ମା, ତମ୍ବକେ ଗତିଦାଙ୍ଗ୍ଡା ଅଇବା ତେଇଅନି ମୁକ୍ତଲାଆତେ । ତମେ ଆରି ତର୍ବାର୍ ଲଡା ନାଇ । ମାତର୍ ସୁକଲ୍ଆତ୍ମା ତମ୍ବକେ ପରମେସରର୍ ପିଲାଟକି କରିଆତେ । ତାର୍ ବପୁ ଏତାଇକରି ଏବେ ଆମେ ପରମେସରକେ “ବାବା, ମର୍ ବାବା !” ବଲି ଡାକ୍ଲୁନି । <sup>୧୬</sup> ପରମେସରର୍ ଆତ୍ମା ଆମର୍ ବିତ୍ରେ ଆତ୍ମା ସଙ୍ଗ୍ କର୍ ମିସାଇ ଆମ୍ବକେ ତାର୍ ପିଲାଟକି ବଲି ଜାନାଇଲାନି । <sup>୧୭</sup> କାଇକେବଇଲେ ଆମେ ପରମେସରର୍ ପିଲାଟକି । ତାର୍ ଲକ୍ମନ୍କେ କାତା ଦେଇରକ୍ଷା ଆସିର୍ବାଦେ ଆମେ ମିସୁ । ଆରି କିରିସ୍ତର୍ ପାଇ ପରମେସର ଜନ୍ଟା ଟୁଲାଇ ସଙ୍ଗାଇଲା ଆତେ, ତେଇ ମିସା ଆମର୍ ପାଇ ବାଟା ଆତେ । ଜଦି ଆମେ ଜିସୁର୍ ଦୁକ୍ପାଇବାତେଇ ମିସୁ ଆରୁ, ତେବେ ତାର୍ ଡାକ୍ପୁଟା ପାଇବାତେଇ ମିସା ମିସୁ ।

## ଡାକ୍ପୁଟାର୍ ଦିନ୍

<sup>୧୮</sup> ଜନ୍ ଡାକ୍ପୁଟାର୍ ଦିନେ ଆମେ ମିସବାକେ ଗାଲୁନି, ଦେକ୍ଲେସରି ଏ ଜିବନେ ଅଇବା ଆମର୍ ଦୁକ୍ କସ୍ଟ କିଟି ନାଇ । <sup>୧୯</sup> ପରମେସର ତିଆରକଲା ସବୁଜାକ ଜାଗର୍ତା ସଙ୍ଗ୍ ସେ ଦିନକେ ଜାଗି ଆଟଡ଼ । ସେବେଲାଇ ପରମେସର ତାର୍ ସଡ଼ ପିଲାଟକିମନ୍ କେ, ବଲି ଦେକାଇସି । <sup>୨୦</sup> କାଇକେବଇଲେ ପରମେସର ତିଆର କରରକ୍ଷା ସବୁଜାକ, ଅବିସାପେ ପୁରୁନ୍ ଅଇଲାଆତେ । ଜନ୍ବାଟେ ଜିବାର୍ ରକ୍ଷଲା ସେ ବାଟେ ନ ଜାଇ, ବିନ୍ ବାଟେ ଗାଲାଆତେ । ମାତର୍ ଏଟା ତାର୍ ନିଜର୍ ମନ୍ କଲା ଇସାବେ ଅଏନାଇ । ପରମେସର ମନ୍ କଲାକେସେ ଅଇଲା । ଏଲେମିସା ତାର୍ ଆସା ରକ୍ଷଲା, <sup>୨୧</sup> ଜେନ୍ତିକି ଗଟେକ୍ ଦିନେ କୁଇଜିବାଟାନେ ଅନି ମୁକ୍ଲିକରି ପରମେସରର୍ କୁଟୁମର୍ ଡାକ୍ପୁଟାଇ ମିସୁ । <sup>୨୨</sup> ମାତର୍ ଏବେ ଜାକ

☆ ୮:୧୧ ୮:୧୧ ୧ମ କରକ୍ତିୟ ୩:୧୭ ☆ ୮:୧୫ ୮:୧୫ ଗାଲାତିୟ ୪:୫-୭ ☆ ୮:୧୫ ୮:୧୫ ମାର୍କ ୧୪:୩୭; ଗାଲାତିୟ ୪:୭

ତିଆରୁଅଇଲାଟା ସବୁ, ଗାଗଡେ ରଇଲା ମାଜି ନିକଅଇବା ଦୁକା ପାରା ଅଇକରି “ଆନା, ଆୟା !” ଅଇଲାନି । ୨୩ ଆମେ, ପରମେସର୍ ଦେଲା ପର୍ତୁମର୍ ଦାନ ପାରା ସୁକଲ୍‌ଆଡ଼ମା ପାଇଲୁଆରୁ, ଆମେ ମିସା ବିଡରେ ବିଡରେ “ଆନା, ଆୟା !” ଅଇଲୁନି । ଏଲେମିସା ପରମେସର୍ ଆମ୍‌କେ କୁଟୁମର୍ ଲକ୍ କରାଇକରି ପୁରାପୁରୁନ୍ ମୁକଲାଇସି ବଲି ଜାଗିକରି ଆରୁ । ୨୪ କାଇକେବଇଲେ ଆସା କଲାକେସେ ଆମେ ମୁକ୍ତି ପାଇଆରୁ । ମାତର୍ ଜାଇଟା ତିସଲାନି ସେଟର୍ ପାଇ ଆସାକର୍ବାଟା, ସେଟା ସତଇସେ ଆସା ରକ୍‌ବାଟା ନର୍ । କେ କାଇ ତିସବାଟାକେ ଆସା କର୍ସି କି ? ନାଇ, ନ କରେ । ୨୫ ମାତର୍ ଆମେ ଜଦି ନ ତିସବା ବିସଇ ଆସାକର୍ବୁ, ତେବେ ଆମ୍‌କେ ସାଆସ୍ ସଙ୍ଗ୍ ଜାଗବାକେ ପଡସି ।

୨୬ ଆମ୍‌କେ ବପୁ ନାଇ, ମାତର୍ ସୁକଲ୍‌ଆଡ଼ମା ଆମ୍‌କେ ସାଇଜ କର୍ସି । କେନ୍ତାରି ପାର୍ତନା କର୍ବାକେ ଅଇସି, ସେଟା ଆମେ ନାଜାନୁ । ସେଟର୍ ପାଇ ଜନ୍‌ଟା ଆମେ କଇ ନାପାରୁଲୁନି, ସେଟା ସୁକଲ୍‌ ଆଡ଼ମା ନିଜେ ଆମର୍‌ପାଇ “ଆନା, ଆୟା !” ଅଇକରି ପରମେସର୍‌କେ ଗୁଆରି କର୍ସି । ୨୭ ପରମେସର୍ ଆମର୍ ମନର୍ କାତା ଜାନେ । ସୁକଲ୍‌ଆଡ଼ମା ମନର୍ ଚିନ୍ତା ସେ ଜାନେ । କାଇକେବଇଲେ ସୁକଲ୍‌ଆଡ଼ମା ପରମେସର୍ ମନ୍ କଲା ଇସାବେ, ତାକର୍ ଲକ୍‌ମନର୍ ପାଇ ଗୁଆରି କର୍ତେ ରଇସି ।

୨୮ ଜନ୍ ଲକ୍‌ମନ୍କେ ପରମେସର୍ ତାର୍ ମନ୍ କଲାଟା ପୁରାପୁରୁନ୍ କର୍ବାକେ ଡାକ୍‌ଲାଆଟେ, ଆରି ସେମନ୍ ତାକେ ଆଲାଦ୍ କଲାଇନି, ସେମନ୍‌ର୍ ପାଇ ସେ ସବୁ ମଙ୍‌ଲର୍ ବିସଇ କରାଇଦେଇସି । ୨୯ ଜନ୍ ଲକ୍‌ମନ୍କେ ପରମେସର୍ ବାଟ୍‌ଲା ଆଟେ, ସେମନ୍‌କେ ତାର୍ ପଅ ପାରା ଅଇବାକେ ଆଗତୁସେ ଚିକ୍ କିଆଟେ । ସେନ୍ତିଆଲେ, ଗଟେକ୍ ବଡ୍ କୁଟୁମେ, ତାର୍ ପଅ ସେମନ୍‌ର୍ ବଡ୍ ବାଇ ଅଇସି । ୩୦ ଜନ୍ ଲକ୍‌ମନ୍ ଏନ୍ତାରି ବାଟିଅଇଲାଇ ଆଟଡ୍, ସେମନ୍‌କେ ଡାକିଆଟେ । ସେ ଲକ୍‌ମନ୍କେ ପରମେସର୍‌ର୍ ମୁଆଟେ ଦରମ୍‌ଲକ୍ ବଲାଇ ଅଇ, ତାର୍ ଡାକ୍‌ପୁଟାଇ ମିସାଇ ଆଟଡ୍ ।

**ପରମେସର୍‌ର୍ ଆଲାଦ୍**

୩୧ ଏ ସବୁର୍‌ତେଇଅନି ଆରି କାଇଟା କଇବାର୍ ଅଇସି ? ଜଦି ପରମେସର୍ ଆମର୍ ବାଟେ ଆଟେ, ତେବେ କେ ଆମର୍ ବିରଦି ଅଇପାର୍ସି ? ୩୨ ପରମେସର୍ କେବେମିସା ଆମର୍ ବିରଦି ନର୍, କାଇକେବଇଲେ ସେ ନିଜର୍ ପଅକେ ମିସା ରକିଆ ନ କରି ଆମର୍ ପାଇ ଦାନ ଦେଇଆଟେ । ସେନ୍ତିଆଲେ ସେ ଆମର୍ ପାଇ କାଇ ସବୁ ବିସଇ ଦାନ ନ ଦେଏ କି ? ୩୩ ପରମେସର୍ ବାଟ୍‌ଲା ଲକ୍‌ମନ୍କେ କେ ଦସିବଲି କଇପାର୍ସି ? ସେମନ୍‌କେ ସେ ନିଜେ କାଇ ଦସ୍ କରି ନ ରଇବା ଲକ୍ ବଲି ଉଡୁରା କଲାଆଟେ । ୩୪ ତେବେ ସେମନ୍‌କେ ଦସି ବଲି କେ କଇନାପାରଡ୍ । କିରିସ୍‌ଟ୍ ଜିସୁ ତା କେବେ ନ କରେ, କାଇକେବଇଲେ ତାକେ ପରମେସର୍ ମଲାତେଇଅନି ଜିବନ୍ କରି ଉଟାଇଲାଆଟେ । ଏବେ ସେ ପରମେସର୍‌ର୍ ଉଜାବାଟେ ରଇକରି ଆମର୍‌ପାଇ ଗୁଆରି କରି ପାର୍ତନା କଲାନି । ୩୫ ସେନ୍ତାଆଲେ ତେବେ କେ ମିସା ଆମ୍‌କେ କିରିସ୍‌ଟ୍‌ର୍ ଆଲାଦେଅନି ବେଗ୍‌ଲାଇ ନାପାରଡ୍ । ଦୁକେ ରଇଲେ ମିସା, କସ୍‌ଟ ପାଇକରି ରଇଲେ ମିସା, ନିନ୍ଦା ପାଇକରି ରଇଲେ ମିସା, କାକୁର୍ତି ଅଇକରି ରଇଲେ ମିସା, ରୁକେ ରଇଲେ ମିସା, ବିପଦେ ରଇଲେ ମିସା କି ମରାଇଲେ ମିସା ଏ ସବୁ ବେଗ୍‌ଲାଇ ନାପାରେ । ୩୬ ସାସ୍‌ତରେ ଲେକାଆଟେ,

“ତମର୍‌ଲାଗି ସବୁ ଦିନ୍ ଆମେ ମରନର୍ ମୁଆଟେ ଗାଲୁନି,

ପୁଜବାକେ ନେଲା ମେଣ୍ଡାପିଲା ପାରା ଆମେ ବାଟି ଅଇଲୁ ଆରୁ ।”

୩୭ ଜେ ଆମ୍‌କେ ଆଲାଦ୍ କଲାଇନି, ତାର୍ ସାଇଜ ସଙ୍ଗ୍ ଆମେ ଏ ସବୁର୍ ଉପରେ ଜିତି ଆରୁ । ୩୮ ମୁଇ ସତଇସେ ଜାନୁଲିନି ଜେ, ପରମେସର୍ ଜନ୍ ବଡ୍ ଆଲାଦ୍ ଆମ୍‌କେ ଦେକାଇଲାଆଟେ, ସେ ଆଲାଦେଅନି କାଇଟା ମିସା ଆମ୍‌କେ ବେଗ୍‌ଲାଇ ନାପାରେ । ଆମେ ମରିଗାଲେ କି ଜିବନ୍ ରଇଲେ, ସରଗର୍ ଦୁଡ୍ ଅଅଡ୍ କି ସାସନ୍‌କାରିଆମନ୍, କି କାଇ ବିନ୍ ବପୁ, କି ଏବେ ଜନ୍‌ଟା ଅଇଲାନି, ପର୍‌କେ ଜନ୍‌ଟା ଅଇସି, ୩୯ ଉପ୍‌ରର୍ ଦୁନିଆ କି ତଲର୍ ଦୁନିଆ, ଏ ଜଗଡେ ତିଆର୍ ଅଇରଇବା କାଇ ବିସଇ ମିସା ପରମେସର୍‌ର୍ ବଡ୍ ଆଲାଦେ ଅନି ଆମ୍‌କେ ବେଗ୍‌ଲାଇ ନାପାରେ । ଆମର୍ ମାପ୍‌ରୁ ଜିସୁକିରିସ୍‌ଟ୍‌କେ ଦେଲା ପରମେସର୍‌ର୍ ସେ ବଡ୍ ଆଲାଦେ ଅନି, ଏ ସବୁ ବିସଇ ଆମ୍‌କେ ଦେକାଇଲା ଆଟେ । ଏଟା ମୁଇ ଜାନିଆଟି ।



**ପରମେସର୍ ଆରି ତାକର୍ ଲକ୍‌ମନ୍**

୧ ମୁଇ ତମ୍‌କେ ଗଟେକ୍ ସଡ୍‌କାତା କଇବି । ମୁଇ କିରିସ୍‌ଟ୍‌ର୍ ଲକ୍, ଆରି ସୁକଲ୍‌ ଆଡ଼ମା ମର୍ ବିବେକ୍‌କେ ଡାକିନେଲାନି । ସେଟାପାଇ ମିସା ମୁଇ ମିଡ୍ କଇନାଇ ବଲି ଜାନୁଲିନି । ୨ ଏଟା ମୁଇ କିରିସ୍‌ଟ୍‌କେ ସାକିଦେଇ କଇଲିନି । ମୁଇ ଜେ କେଡେକ୍ ତେରେପେଡେ ଆରି ନ ସାର୍‌ବା ଦୁକେ, ମର୍ ମନ୍ କେଡେକ୍ ଉଡୁକ୍ ଦୁଡୁକ୍ ଅଇଲାନି । ୩ କାଇକେବଇଲେ ମର୍ ରକଡ୍ ମାଉଁସ୍ ରଇବା ଜିଉଦି

☆ ୮:୨୩ ୮:୨୩ ୨ୟ କରନ୍ତିୟ ୫:୨-୪

ବାଇବଲ୍‌ନିମନ୍ କିରିସ୍‌ଟଙ୍କେ ବିସ୍‌ବାସ୍ କରନ୍ତୁ ନାହିଁ । ଜଦି ଏମା ଅଇପାରିସି, ତେବେ ମୁଇ ମନ୍ କଲିନି, ନିଜେ ତାକର୍ ପାଇ ପରମେସରର୍‌ଟାନେ ସାଇପ୍ ପାଇକରି, କିରିସ୍‌ଟର୍‌ଡେଇ ଅନି ବେଗଲ୍‌ବି ବଲି । ୪ କାଇକେବଲ୍‌ଲେ ସେମନ୍ ପରମେସରର୍‌ ଲକ୍ । ପରମେସରର୍‌ ସେମନ୍‌କେ ନିଜର୍ ପିଲା କରି ବାଟିଆଟେ । ସେ ସେମନ୍‌ର୍ ଲଗେ ନିଜର୍ ଡାକ୍‌ପୁଟା ଦେକାଇରଇଲା । ସେମନ୍‌ର୍ ସଙ୍ଗ ରାଜିନାମା କରି ସେମନ୍‌କେ ନିୟମ୍ ଦେଇରଇଲା । ସେମନ୍ ସତଇସେ ପାର୍‌ତନା କରବାଇ । ସେମନ୍‌କେ ପରମେସରର୍ କାତା ଦେଇରଇଲା । ୫ ସେମନ୍ ଆମର୍ ଡାକ୍‌ପୁଟା ଜିଉଦି ଆନିଦାଦିମନ୍‌ର୍ ନାତିତିମନ୍ । ଆରି ମୁନ୍‌ସ୍ ରୁପ୍ ଦାରି କିରିସ୍‌ଟ ତାକର୍ କୁଟୁମେଅନି ଜନମ୍ ଅଇଲା । ସବୁର୍‌ଟାନେଅନି ବେସି ବପୁର୍ ପରମେସରର୍ ଜୁଗେ ଜୁଗେ ଡାକ୍‌ପୁଟା ପାଅ, ଆମେନ୍ ।

୬ ପରମେସରର୍ ତାର୍ କାତା ଦେଇରଇଲାଟା ପୁରାପୁରୁନ୍ କରେନାଇ ବଲି ମୁଇ କଇନାଇ । କାଇକେବଲ୍‌ଲେ ଇସରାଏଲିୟମନ୍‌ର୍ କେତେଟା ନାତିତିମନ୍ ପରମେସରର୍ ଲକ୍ ନଅଡ୍, ୭ କି ଅବ୍ରାଆମର୍ କୁଟୁମର୍ ସବୁ ଲକ୍ ପରମେସରର୍ ପିଲାଟକି ନ ଅଅଡ୍ । ପରମେସରର୍ ଅବ୍ରାଆମକେ କଇରଇଲା, “ମୁଇ ତର୍ ଜନ୍ କୁଟୁମର୍ ବିସଇନେଇ କାତା ଦେଇରଇଲି, ସେମନ୍ ଇସାକର୍ ଟାନେଅନି ଜାଡ୍ ଅଇବାଇ ।” ୮ ଏଟାର୍ ଅରଡ୍ ଅଇଲାନି, ଗାଗଡ୍ ଦାରି ଜନମ୍ ଅଇବା ପିଲାଟକି ନାହିଁ । ଜେ କି ପରମେସରର୍ ପିଲାଟକିମନ୍ ଅଇବାଇ, ମାତର୍ ତାର୍ କାତା ଦେଇରଇବା ଇସାବେ ଜନମ୍ କରିରଇବା ପିଲାଟକିମନ୍ ତାର୍ ମୁଆଟେ ସତଇସେ ତାର୍ ପିଲାଟକି ବଲି ଏଜାଇ ଅଇବାଇ । ୯ ପରମେସରର୍ ଅବ୍ରାଆମକେ ଏକ୍ତି କାତା ଦେଇରଇଲା, “ସମାନ୍ ଏ ଦିନେ ଆମେ ବାଉଡି ଆଇଲାବେଲେ, ସାରା ଗଟେକ୍ ପିଲା ଜନମ୍ ଦେଇରଇସି ।”

୧୦ ଏ ପିଲା ଆମର୍ ପୁର୍‌ବର୍ ଆନିଦାଦି ଇସାକ୍ ରଇଲା । ରିବିକାର୍ ଜର୍‌ଆଁଲା ପିଲାମନ୍‌ବିଡ୍‌ରେ ଅନି ଗଟେକ୍ ବାବା ଇସାକର୍‌ଟାନେଅନି ଅଇରଇଲା । ୧୧ ପରମେସରର୍ ରିବିକାକେ କାତା ଦେଇରଇଲା । ବଡ୍ ପିଲା ସାନ୍ ପିଲାର୍ ଗତିଦାଙ୍ଗ୍‌ତା ଅଇସି । ଜ୍‌ଲା ପିଲାମନ୍ ଜନମ୍ ନ ଅଇତେ, ଆରି ନିକ କାମ୍ କି ବାନିଆ କାମ୍ କରବା ଆଗଟୁ ଏଟା ପର୍‌ମେସରର୍ କଇରଇଲା । ଜନ୍ ପିଲାକେ ସେ ବାଡ୍‌ଲା, ପିଲା କରିରଇବା କାମର୍ ଲାଗି ଅଏନାଇ । ମାତର୍ ପର୍‌ମେସରର୍ କରିରଇବା ଜଜନାର୍ ପୁରାପୁରୁନ୍ ଅଇବାକେସେ ସେଟା ଅଇଲା । ୧୨ ଏଟାର୍ ପାଇ ତାକେ ଏ କାତା କଇରଇଲା । “ବଡ୍ ପିଲା ସାନ୍ ପିଲାର୍ ଗତିଦାଙ୍ଗ୍‌ତା ଅଇସି ।” ୧୩ ସାସ୍‌ତର୍‌ର୍ ବାକିଅ ଇସାବେ “ଜାକୁବ୍‌କେ ମୁଇ ଆଲାଦ୍ କଲି, ମାତର୍ ଏସକେ ନାହିଁ ।”

୧୪ ସେନ୍ତାର୍ ଆଲେ କାଇଟା ବଲି କର୍, “ପରମେସରର୍ ଅନିଆଇ କରସି କି ? ନାହିଁ କେବେ ନ କରେ ।” ୧୫ କାଇକେବଲ୍‌ଲେ ସେ ପୁର୍‌ବେ ମସାକେ କଇରଇଲା, “ମୁଇ ଜାକେ ମନ୍ କରବି ତାକେ ଦୟା ଦେକାଇବି ଆରି ଜିବନ୍ ଦୁକାଇବି । ୧୬ ସେଟାର୍ ପାଇ ପରମେସରର୍ ତାର୍ ଲକ୍‌ମନ୍‌କେ ଦେବା ସବୁ ମଙ୍ଗଲ୍‌ର୍ ଦାନ୍ ଲକ୍‌ମନ୍ ମନ୍ କଲାକେ କି ତାକର୍ ନିକ କାମ୍ କଲାକେ ଅଏ ନାହିଁ । ମାତର୍ ପର୍‌ମେସରର୍ ଜିବନ୍ ଦୁକାନିଟାନେଅନି ସେ ସେଟା ଅଇଲାଆଟେ ।” ୧୭ ସାସ୍‌ତର୍ ଇସାବେ ପରମେସରର୍ ମିସରର୍ ରାଜାକେ କଇରଇଲା, “ତକେ ଦେଇ ମର୍ ବପୁ ଦେକାଇବି ଆରି ଗୁଲାଇ ଜଗଡ୍‌କେ ମର୍ ଡାକ୍‌ପୁଟା ଦେକାଇବାକେ ମୁଇ ତକେ ରାଜା କରିଆଟି ।” ୧୮ ତେବର୍‌ପାଇ ପରମେସରର୍ ମନ୍‌କଲା ଇସାବେ, ସେ କାକେ କାକେ ଦୟା ଦେକାଇସି ଆରି କାକେ କାକେ ମନ୍ ଆର୍ ଅଇବାକେ ଚାଡିଦେଇସି ।

**ପରମେସରର୍ ରିସା ଆରି ଜିବନ୍‌ଦୁକାନି**

୧୯ ତମର୍ ବିଡ୍‌ରେଅନି କେ ଆଲେ ମକେ କଇବାଇ, “ସେନ୍ତାର୍‌ଆଲେ, ପରମେସରର୍ କାଇକେ ଲକ୍‌ମନ୍‌କେ ଦସି କଲାନି ? ପରମେସରର୍ ମନ୍ କଲାଟା ବାଦ୍‌ଲାଇବା ଲକ୍ କେ ମିସା ଆଟଡ୍ କି ?” ୨୦ ମାତର୍ ମୁଇ ତମ୍‌କେ କଇବି, “ଏ ମଇତର୍ ପରମେସରର୍ କାତା ନାହିଁ ବଲ୍‌ବାକେ ତମେ କେ ?” ଗଟେକ୍ ଆଣ୍ଟି ମକେ କାଇକେ ଏକ୍ତିକରି ଗଡ୍‌ଲୁସ୍ ବଲି କୁମାର୍‌କେ ପାଚାରି ନାପାରେ । ୨୧ ନିଜର୍ ମନ୍ କଲା ଇସାବେ ମାଟି ଚକ୍‌ଟିକରି ଆଣ୍ଟି ଗଟେକ୍ ତିଆର୍ କରବାକେ କୁମାର୍‌ର୍ ସବୁ ଅଦିକାର୍ ଆଟେ । ଗଟେକ୍ ଚକ୍‌ଟ୍‌ଲା ମାଟି ବେଲାଇଅନି ଦୁଇ ରକାମର୍ ଆଣ୍ଟି ତିଆର୍ କରସି । ତେଇଅନି ଗଟେକ୍‌କେ ପରବ୍ ଦିନ୍‌ମନ୍‌କେ ବାଇବାଇ । ଆରି ଗଟେକ୍ ଉଜର୍ ଦିନ୍‌ମନ୍‌କେ ବାଇବାଇ । ତେଇ ତାର୍ ସବୁ ଅଦିକାର୍ ଆଟେ ।

୨୨ ପରମେସରର୍ ମିସା ଟିକ୍ ସେକ୍ତିସେ କଲାଆଟେ । ଜେତେବେଲେ ତାର୍ ରିସା ଆରି ବପୁ ଦେକାଇବାକେ ମନ୍ କରତେ ରଇଲା, ଜେଡ୍‌କି ଲକ୍ ତାର୍ ରିସାର୍ ଆଣ୍ଟିତେଇ ଅଦ୍‌ରି ନସ୍‌ଟ ଅଇବାକେ ରଇଲା, ସେମନ୍‌ର୍ ପାଇ ପରମେସରର୍ ବେସି ଜିବନ୍‌ଦୁକାଇଲା । ୨୩ ଆରି ସେ ତାର୍ ବେସି ବଡ୍ ଡାକ୍‌ପୁଟା ଦେକାଇବାକେ ଆମ୍‌କେ ବେସି ଜିବନ୍‌ଦୁକାଇଲା ଆଟେ । ଆରି ଆମ୍‌କେ ବେସି ଆଗଟୁ ସେ ବାଟି ରଇଲା । ୨୪ ଜନ୍ ଲକ୍‌ମନ୍‌କେ ସେ ଡାକିଆଟେ, ସେ ବିଡ୍‌ରେ ଆମେ ମିସା ଆଟୁ । ସେଟା ଅବ୍‌କା ଜିଉଦିମନ୍‌ର୍ ବିଡ୍‌ରେ ଅନି ନାହିଁ, ମାତର୍ ଜିଉଦି ନଅଇଲା ଲକ୍‌ମନ୍‌ର୍ ବିଡ୍‌ରେଅନି ମିସା । ୨୫ ଏ ବିସଇନେଇ ଅସେୟ୍ ବଇତେଇ ପରମେସରର୍ କଇଆଟେ,



“ଜନ୍ ଲକ୍ମନ ଆମର ଲକ୍ ନ ରଇଲା, ସେମନ୍‌କେ ମୁଇ ଏବେ ନିଜର ଲକ୍ ଇସାବେ ଡାକ୍‌ବି ।  
ଜନ୍ ଜାତିକେ ମୁଇ ଆଲାଦ୍ କରି ନ ରଇଲି, ତାକେ ‘ଆମର ନିଜର’ ବଲି ଡାକ୍‌ବି ।”

୨୬ “ଜନ୍ ଜାଗାଇ ସେମନ୍‌କେ କଇରଇଲୁ,  
“ତମେ ଆମର ଲକ୍ ନୁଆଁସ୍ ”

“ତେଇ ସେମନ୍ ଜିବନ୍ ରଇବା ପରମେସରର ପିଲାଟକି ବଲାଅଇବାଇ ।”

୨୭ ଆରି ଇସ୍ରାଏଲ୍ ବିସଇନେଇ ଜିସାୟ କଇଲା ଆଚେ, “ଇସ୍ରାଏଲିୟମନ୍ ସମଦୁରର ବାଲିପାରା  
ଅଇଲେ ମିସା, ସେମନ୍‌ର ବିତ୍‌ରେଅନି କେତେଲକ୍‌ସେ ମୁକ୍ତି ପାଇବାଇ । ୨୮ କାଇକେବଇଲେ ମାପୁରୁ  
ଦାପୁରେସେ ଗୁଲାଇ ଜଗତର ନିଆଇ ବିଚାର କରସି ।” ୨୯ ଜେନ୍ତକି ଜିସାୟ ମିସା କଇରଇଲା,  
“ସବୁଟାମେଅନି ବପୁ ରଇବା ମାପୁରୁ, ଆମର କେତେଟା ଲକ୍‌ମନ୍‌କେ ରକିଆ କରି ନ ରଇଲେ, ଆମର  
ଦସା ସଦମ୍ ଆରି ଗମ୍‌ରାଲ୍ ଲକ୍‌ମନ୍‌ର ପାରା ଅଇତା ।”

**ଇସ୍ରାଏଲିୟମନ୍ ମୁକ୍ତି ପାଇ ପାଉଲର୍ ପାର୍ତନା**

୩୦ ସେଟାର ପାଇ ଜିଉଦି ନଇଲାଲକ୍‌ମନ୍‌ର ବିସଇନେଇ ଏଟା କଇପାରୁ, ସେମନ୍ ଦରମ୍ ଲକ୍  
ବଲାଅ ଅଇବାକେ ମନ୍ କରି ନ ରଇଲା ମିସା, ସେମନ୍‌ର ବିସ୍‌ବାସ୍ ଲାଗି ସେମନ୍ ପରମେସରର  
ମୁଆଟେ ଦରମ୍‌ଲକ୍ ବଲାଅ ଅଇଲାଆଚେ । ୩୧ ମାତର୍ ଇସ୍ରାଏଲର୍ ଲକ୍‌ମନ୍ ନିୟମ୍ ଆନିକରି  
ପରମେସରର ମୁଆଟେ ଦରମ୍ ଲକ୍ ବଲାଅ ଅଇବାକେ ବେସି ଚେସ୍‌ଟା କଲାଇ, ମାତର୍ ନାପାରୁଲାଇ  
। ୩୨ କାଇକେ ନାପାରୁଲାଇ ? କାଇକେବଇଲେ ସେମନ୍ ପରମେସରକେ ବିସ୍‌ବାସ୍ ନ କରତେ ନିୟମ୍  
ମାନ୍‌ବାକେ ଚେସ୍‌ଟା କଲାଆଚେ ତାର୍ ମୁଆଟେ ଦରମ୍ ବଲାଅ ଅଇବାକେ ବାବୁଲାଇ । ଏଟାରୁଲାଗି  
ବାଟେ ଗାଡିରଇବା ବଡ଼ ପାକ୍‌ନାଟାମେ ଚେସାଅଇଲା ଲକ୍‌ମନ୍‌ପାରା ଅଇଗାଲା । ୩୩ ଜେନ୍ତକି  
ସାସ୍‌ତରେ ଲେକାଆଚେ,

ଦେକା ଆମେ ସିୟନେ ଗଟେକ୍ ବାଦାପାକାଇବା ପାକ୍‌ନା ଆରି  
ଅଟ୍‌କାଇବା ରାଙ୍‌ନିପାକ୍‌ନା ସଙ୍‌ଗଲୁ ଆରୁ,  
ତେଇ ଲକ୍‌ମନ୍ ଜଟିଆଇ ଅଇ ଅଦର୍‌ବାଇ ।  
ମାତର୍ ଜେ ତାକେ ବିସ୍‌ବାସ୍ କରସି, ସେ କେବେ ମୁରମୁରା ନ ଅଏ ।

**୧୦**

୧ ଏ ବାଇବଇନିମନ୍, ମର ନିଜର ଲକ୍ ମୁକ୍ତି ପାଅଡ଼ ବଲି ମୁଇ ବେସି ମନ୍ କଲିନି । ଆରି ଏଟାରୁପାଇ  
ମୁଇ ସବୁବେଲେ ପରମେସରକେ ପାର୍ତନା କଲିନି । ୨ ସେମନ୍ ପରମେସରକେ ପୁରାପୁରୁନ୍ ବିସ୍‌ବାସ୍  
କଲାଇନି । ମାତର୍ ତାକେ କେନ୍ତାରି ସାର୍‌ଦା କରାଇବାର୍ ଆଚେ, ସେଟା ନାଜାନଡ଼ । ୩ ଲକ୍‌ମନ୍‌କେ ନିଜର୍  
ମୁଆଟେ ଦରମ୍ ବଲାଅ ଅଇବାକେ, ପରମେସର ଜନ୍ ଜନ୍‌ନା କଲା, ସେଟା ସେମନ୍ ନିତୁଲାଇ । ମାତର୍  
ନିଜେ ଜନ୍‌ନା ତିଆର୍ କରି, ନିୟମ୍‌ର ବାଟେ ଇଣ୍‌ଲାଇ । ୪ କିରିସ୍‌ଟ ଆଇଲାତେଇଅନି ନିୟମ୍ ମାନ୍‌ବାଟା  
କାଇ ମୁଲିଅ ନାଇ । ଜେନ୍ତାରି କି ତାକେସେ ବିସ୍‌ବାସ୍ କଲେ, ମୁନ୍‌ସ୍ ପରମେସରର ମୁଆଟେ ଦରମ୍ ଲକ୍  
ବଲି ଏଜାଇ ଅଇସି ।

**ସବୁର୍ ପାଇ ମୁକ୍ତି**

୫ ନିୟମ୍ ମାନ୍‌ବାତେଇଅନି ଦରମ୍‌ଲକ୍ ଅଇବା ବିସଇ ମସା ଲେକ୍‌ଲା ଆଚେ । ଜଦି ଜନ୍ ଲକ୍‌ମନ୍  
ନିୟମ୍‌ର ସବୁଜାକ ଆଦେସ୍ ମାନ୍‌ବାଇ, ସେମନ୍ ବର୍‌ବାଇ । ୬ ମାତର୍ ଲକ୍‌ମନ୍ ବିସ୍‌ବାସ୍‌କରି  
ପରମେସରର ମୁଆଟେ ଦରମ୍ ବଲାଅଅଇବାଇ, ସେ ବିସଇ ସାସ୍‌ତରେ ଏନ୍ତି ଲେକାଆଚେ, କେ ସର୍‌ଗେ  
ଜାଇକରି କିରିସ୍‌ଟକେ ଉଡ଼ରାଇ ଆନ୍‌ସି ? ବଲି ମନେ ମନେ କଇ ଉଆନାଇ । ୭ ଆରି କୁଆନାଇ, କେ  
ପାତାଲେ ଜାଇକରି କିରିସ୍‌ଟକେ ମଲାଟାମେଅନି ଆରିତରେକ୍ ଉଟାଇ ଆନ୍‌ସି ? ୮ କାଇକେବଇଲେ  
ସାସ୍‌ତରେ ଏନ୍ତାରି ମିସା ଲେକାଅଇଆଚେ, “ପରମେସରର କବର୍ ତମର୍ ଲଗେ, ତମର୍ ଟଣ୍ଡେ ଆରି  
ମନେ ଆଚେ ।” ବିସ୍‌ବାସ୍ ବିସଇର୍ ଏ କବର୍‌ସେ ଆମେ ଜାନାଇଲୁନି । ୯ ଜଦି ଉଁ, କିରିସ୍‌ଟସେ ମାପୁରୁ  
ବଲି କଇଲାସ୍‌ନି ଆରି ଉଁ, ପରମେସର ତାକେ ମଲାତେଇଅନି ଉଟାଇଲା ଆଚେ ବଲି ମନେ ମନେ  
ବିସ୍‌ବାସ୍ କଲାସ୍‌ନି, ସେନ୍ତାର୍ ଆଲେ ତମେ ମୁକ୍ତି ପାଇସା । ୧୦ ଆମର୍ ବିସ୍‌ବାସ୍‌ର ଲାଗି ପରମେସର  
ଆମ୍‌କେ ଦରମ୍ ଲକ୍ ବଲି ଏଜୁଲାନି । ଆରି ଟଣ୍ଡେ ଉଁ ବଲି ମାନିଆଇଲୁନିଜେ ଆମେ ମୁକ୍ତି ପାଇଆରୁ  
। ୧୧ ସାସ୍‌ତର୍ ଇସାବେ, “କେ ମିସା ତାକେ ବିସ୍‌ବାସ୍ କରସି, ସେ ବିସ୍‌ବାସ୍ କରି କେବେ ଲାଜ୍ ନ ଅଏ ।”  
୧୨ କାଇଟାବଇଲେ, ଜିଉଦି ଆରି ଜିଉଦି ନଇଲା ଲକ୍‌ର ବିତ୍‌ରେ କାଇ ସାନ୍ ବଡ଼ ନାଇ । ସେଟାରୁ ପାଇ  
ସବୁ ଲକ୍‌ର ତା ଗଟେକ୍ ମାପୁରୁ, ଆରି ଜେଡ଼କି ଲକ୍ ତାକେ ପାର୍ତନା କରବାଇ ସେ ସବୁ ଲକ୍‌କେ ମଙ୍‌ଲ୍  
କରସି । ୧୩ କାଇକେବଇଲେ “ଜେ ମିସା ମାପୁରୁ ନାଉଁ ଦାରି ପାର୍ତନା କରସି, ସେ ମୁକ୍ତି ପାଇସି ।”

୧୪ ମାତର ସେମନ୍ ତାକେ ବିସ୍ବାସ ନ କଲେ, କେନ୍ତ୍ରି ତାର ନାଉଁ ଦାରି ପାରତନା କରବାଇ ? ଆରି ତାର ବିସଇର ସୁବକବର ନ ସୁନିରଇଲେ କେନ୍ତ୍ରି ବିସ୍ବାସ କରବାଇ ? ଆରି ସେମନ୍‌କେ କବର ନ ସୁନାଇଲେ, କେନ୍ତ୍ରି ସୁନବାଇ ? ୧୫ ଆରି କବର ନେଉକେ ନ ପାଟାଇଲେ କେନ୍ତ୍ରି ଜାନାଇସି ? ଏ ବିସଇ ସାସ୍ତରେ ଲେକା ଆତେ “ସୁବକବର ଜାନାଉମନ୍ ଆଇବାଟା, କେତେ ସାର୍ଦାର କାତା !” ୧୬ ମାତର ସୁବକବର ଜାନାଇବାଟାନେ ସବୁ ଲକ୍ ମାନତ୍ ନାଇ । ସେଟାର ପାଇ ଜିସାଇୟ ଲେକଲା ଆତେ, “ଏ ମାପୁରୁ, ଆମେ କଇଲା କାତା ସୁନିକରି କେ ବିସ୍ବାସ କରତନାଇ ।” ୧୭ ତେବର୍‌ପାଇ ସୁବକବର ସୁନବାଟାନେଅନି ବିସ୍ବାସ ଅଇସି । ଆରି କିରିସଟକେ ଜାନାଇବାଟା ସେ ସୁବକବର ।

୧୮ ମାତର ମୁଇ ପାଟାରଲିନି ଇସ୍ରାଏଲର ଲକ୍‌ମନ୍ କାଇ, ସେ କବର ସୁନତ୍ ନାଇ କି ? ବାଇଦରେ ସୁନିଆତତ୍, କାଇକେବଇଲେ ଲେକାଆତେ,  
 “ଜାନାଉମନ୍‌ର ସବଦ୍ ଗୁଲାଇ ଜଗତ୍ ତାବିଅଇଗାଲା ଆତେ, ସେମନ୍‌ର କାତା ରାଇଜ୍ ଚିତ୍‌ଲା ଜାକ କେଟ୍‌ଲା ଆତେ ।”

୧୯ ଆରି ତରେକ୍ ମୁଇ ପାଟାରଲିନି, ଇସ୍ରାଏଲର ଲକ୍‌ମନ୍ ସେଟା ନିକସଙ୍ଗ୍ ବୁଜତ୍ ନାଇ କି ? ଉଁ ବୁଜିଆତତ୍ । କାଇକେବଇଲେ ବେସି ବରସ୍ ଆଗତୁ ମସା ଉତର୍‌ଦେଇ ଲେକଲା ଆତେ,  
 ଗଟେକ୍ ନାଜାନଲା ଜାତିକେ ସାଇଜ କରି

ମର ଲକ୍‌ମନ୍‌କେ ଛିଆ କରାଇବି ।  
 ସେନ୍ତ୍ରି ଗଟେକ୍ ବକୁଆ ଜାତିର ଲକ୍‌କେ ଦୟାକରି  
 ମୁଇ ସେମନ୍‌କେ ରିସା କରାଇବି ।

୨୦ ଜିସାଇଅ ଆରି ମିସା ତାଟ୍‌ସଙ୍ଗ୍ କଇଲା ଆତେ,  
 “ଜନ୍ ଲକ୍‌ମନ୍ ମକେ ନ କଜ୍‌ତେରଇଲାଇ,  
 ସେମନ୍ ମକେ ବେଟ୍ ପାଇଲାଇ,

ଜନ୍ ଲକ୍‌ମନ୍ ମର ବିସଇ ନ ପାଟାରତେ ରଇଲାଇ,  
 ମୁଇ ନିଜେ ସେମନ୍‌କେ ଦେକାଇଅଇଲି ।”

୨୧ ମାତର ପରମେସର୍ ଇସ୍ରାଏଲର ବିସଇ କଇଲାନି, “ଗୁଲାଇଦିନ୍ ସେମନ୍‌କେ ଡାକି ନେବାକେ ଆତ୍ ଲାମାଇଲି, ମାତର ସେମନ୍ ମକେ ନ ମାନିକରି ବିରଦ୍ କଲାଇ ।”

## ୧୧

### ଇସ୍ରାଏଲମନ୍‌ର ପାଇ ପରମେସର୍‌ର ଦୟା

୧୨ ମୁଇ ଆରିତରେକ୍ ପାଟାରଲିନି, “ତେବେ ପରମେସର୍ ସବୁ ଜିଉଦି ଲକ୍‌ମନ୍‌କେ ଚାଡି ଦେଲା ଆତେ କି ? ନାଇ, କେବେ ନାଇ । ମୁଇ ମିସା ନିଜେ ସେମନ୍‌ପାରା ଗଟେକ୍ ଜିଉଦି, ଅବ୍ରାଆମ୍‌ତା ମର ଆନିଦାଦି ଆରି ମୁଇ ବେନ୍‌ଜାମିନ୍ କୁଟୁମର ଲକ୍ ଅଇଆତି ।” ୨ ପରମେସର୍ ମୁଲେଅନି ବାଚିରଇଲା ତାର ଲକ୍‌ମନ୍‌କେ କେବେ ମିସା ଚାଡେନାଇ । ତମେ ସାସ୍ତରେ ପଡିଆଟାସ୍, ଏଲିଅ କେନ୍ତ୍ରି ଇସ୍ରାଏଲ ମନ୍‌ର ପାପୁର୍ ଚଲାଚଲ୍‌ଡିର୍‌ପାଇ ପରମେସର୍‌କେ ପାର୍‌ତନା କରିରଇଲା, ୩ “ଏ ମାପୁରୁ, ସେମନ୍ ତମର ବବିସଡ୍‌ବକ୍‌ତାମନ୍‌କେ ମରାଇଆତତ୍ ଆରି ତମର ପୁଜା କରବା ବେଦି ସବୁ ବାଙ୍ଗାଇ ପାକାଇଲାଇ ଆତତ୍ । ମୁଇ ଗଟେକ୍ ଲକ୍‌ସେ ତକେ ପୁଜା କରବାକେ ଆତି । ମକେ ମିସା ସେମନ୍ ମାରିପାକାଇବାକେ ତେସଟା କଲାଇନି ।” ୪ ପରମେସର୍ ଏଲିଅକେ କାଇବଲି କଇ ରଇଲା । “କାରାପ୍ ଦେବ୍‌ତା ବାଲ୍ ପୁଡ୍‌ଲାକେ ପୁଜା ନ କରିରଇବା ତମର ବିଡ୍‌ରେଅନି ସାତ୍ ଅଜାର ଲକ୍‌କେ ମର ପାଇ ସଙ୍ଗାଇ ଆତି ।” ୫ ଏବେ ସେ ସମାନ୍ ବେଲା ଗଟ୍‌ଲା ଆତେ । ପରମେସର୍ ଜିବନ୍ ଦୁକାଇ ଜନ୍ ଲକ୍‌ମନ୍‌କେ ବାଚି ରଇଲା, ସେମନ୍‌ର ବିଡ୍‌ରେଅନି ଅଲପ୍ କେତେଟା ଜିଉଦିମନ୍ ଅଗଲି ଆତତ୍ । ୬ ପରମେସର୍ ସେମନ୍‌କେ ତାର ନିଜର୍ ଜିବନ୍ ଦୁକାଇକରି ବାଟ୍‌ଲା ଆତେ । ସେମନ୍ କରି ରଇବା ନିକ କାମର୍ ଲାଗି ନାଇ । ଜଦି ସେମନ୍‌ର ନିକ କାମର୍ ଲାଗି ସେମନ୍‌କେ ବାଚିରଇତା, ତାର ଜିବନ୍ ଦୁକାନି ସଡ୍ ଜିବନ୍ ଦୁକାନି ନ ଅଇତା ।

୭ ତେବେ କାଇଟା ଅଇଲା ? ଇସ୍ରାଏଲର ଲକ୍‌ମନ୍ ନିଜେ ଦରମ୍ ବଲାଇଅଇବାକେ ଗଟେକ୍ ବାଟ୍ କଜ୍‌ଲାଇ । ମାତର ତେଇଅନି ଗଟେକ୍ ସାନ୍ ଦଲ୍‌କେସେ ପରମେସର୍ ବାଚିରଇଲା । ଆରି ବାକିଲକ୍‌ମନ୍ କେ ମିସା ସେ ଡାକ୍‌ଲାକେ ସୁନତ୍ ନାଇ । ୮ ସାସ୍ତରର୍ ବାକିଅ “ଜେନ୍ତ୍ରିକି ପରମେସର୍ ସେମନ୍‌ର ଆଁକି ଆରି ମନ୍ ବାଦି ଦେଲା ଆତେ । ଏବେ ଜାକ ସେମନ୍ ଦେକି ନାପାରଲାଇନି କି ସୁନି ନାପାରଲାଇନି ।”

୯ ସେମନ୍‌ର ବିସଇନେଇ ଦାଉଦ୍ ଲେକଲା ଆତେ,  
 ସେମନ୍ ଆମେ ପାପ୍ କରୁନାଇ ବଲି ବୁଲ୍ ଚିନ୍ତା କରତ୍ । ସେମନ୍ ତେଇ ଅଦ୍‌ରି ଜାଅତ୍ ।  
 ଅଦ୍‌ରିଜାଇକରି ଡଣ୍ଡ ପାଅତ୍ ।

୧୦ ସେମନ୍ କାଣାକାଣି ଅଇକରି କାଇଟା ମିସା ଦେକି ନାପାରତ୍ ।  
ସବୁବେଳେ ଦୁକ୍ କସଟ ପାଇପାଇ

ସେମନ୍ର ଆଁଟା ସବୁବେଳର ପାଇ ବାଁକ୍ ଅଇଜାଅ ।

୧୧ ମର୍ ସଙ୍ଗର୍ ଜିଉଦିମନ୍ ଜଟିଆଇ ଅଇକରି ଆଜିଜାଇ ନସଟ ଅଇଗାଲାଇ । ମାତର୍ ସେମନ୍କେ ବାଉଡାଇ ଆନ୍ବାକେ ପର୍ମେସର୍ ନାପାରେ ବଲି ବାବ୍ଲାସ୍ନି କି ? ନାଇ ସେ ପାରସି । ସେମନ୍ ପର୍ମେସରର୍ ବାକିଅ ନିଚ୍ଲାଇକେ ଜିଉଦି ନ ଅଇଲା ଲକ୍ମନ୍ ମୁକ୍ତି ପାଇଲାଇ ଆଚତ୍ । ଜେନ୍ତାରି କି ଜିଉଦିମନ୍ ଛାଁସା ଅଇଜିବାଇ । ୧୨ ଜିଉଦିମନ୍ର ନ ମାନ୍ବାଟା, ଜଗତର୍ ବିନ୍ ଲକ୍ମନ୍କେ ବେସି ଆସିର୍ବାଦ୍ ମିଲ୍ଲା । ଜିଉଦିମନ୍ ପର୍ମେସର୍କେ ନ ମାନ୍ଲାକେ ଜିଉଦି ନ ଅଇଲା ଲକ୍ମନ୍ ତାର୍ଟାନେ ଅନି ବଡ୍ ଆସିର୍ବାଦ୍ ପାଇଲାଇ । ସେନ୍ତାରିଆଲେ ପର୍ମେସର୍ ବାଟି ରଇବା ସବୁ ଜିଉଦିମନ୍ ବିସ୍ବାସ୍ କଲେ, ସେ ଆସିର୍ବାଦ୍ କେତେକ୍ ଅଦିକ୍ ଅଇସି ।

**ଜିଉଦିନଇଲା ଲକ୍ମନ୍ର ମୁକ୍ତି**

୧୩ ଜିଉଦି ନଇଲା ଲକ୍ମନ୍, ତମ୍ବେ ମୁଇ କଇଲିନି, ପେରିତ୍ସିସ୍ ଇସାବେ ତମ୍ବେ ବିତ୍ରେ କାମ୍ କର୍ବାକେ ପର୍ମେସର୍ ମକେ ବାଟ୍ଲା ଆଚେ । ସେ ମକେ ଜେଡ୍ କି କାମ୍ ଦେଲାଆଚେ, ସେଟା ମୁଇ ଜତନ୍ସଙ୍ଗ୍ କଲିନି । ୧୪ ମୁଇ ତମ୍ବେ ସାଇଜ କଲାପାଇ, ମର୍ ସଙ୍ଗର୍ ଜିଉଦିମନ୍ ଛାଁସା ଅଅଡ୍ ବଲି ମୁଇ ମନ୍ କଲିନି । କେ ଜାନେ ସେମନ୍ର ବିତ୍ରେଅନି କେତେଲକ୍ ବିସ୍ବାସ୍ କରି ପର୍ମେସରର୍ ତଣ୍ଡେଅନି ରକିଆ ପାଇବାଇ । ୧୫ ଜିଉଦିମନ୍ ପର୍ମେସରର୍ ଟାନେଅନି ବେଗଲଲାକେ, ଜିଉଦି ନ ଅଇଲା ଲକ୍ମନ୍ ତାର୍ ନିଜର୍ ଲକ୍ ଅଇପାରଲାଇ । ସେନ୍ତାରିଆଲେ ଜିଉଦି ଲକ୍ମନ୍ ତାର୍ଟାନେ ଆରିତରେକ୍ ବାଉଡିଆଇଲେ, ଜିଉଦି ନ ଅଇଲା ଲକ୍ମନ୍କେ କେତେକ୍ ଅଦିକ୍ ଆସିର୍ବାଦ୍ ଅଇସି । ସେନ୍ତାରି ଅଇଲେ କେତେକ୍ ନିକ କରମ୍ ! ସବୁ ମଲାଲକ୍ମନ୍ ଜିବନ୍ଅଇ ଉଟ୍ଲାପାରା ଅଇସି ।

୧୬ ରୁଟିତେଇଅନି କଣ୍ଡେକ୍ ପର୍ମେସର୍କେ ଦିଆଅଇରଇଲେ, ସବୁଜାକ ରୁଟି ଦିଆଅଇଲା ଆଚେ ବଲି ବାବ୍ବାର୍ । ଗଟେକ୍ ଗଟର୍ ଚେର୍ ସୁକଲ୍ ରଇଲେ, ତାର୍ କେନ୍ଦାକଡ୍ ମିସା ସୁକଲ୍ ଆଚେ ବଲି ବାବ୍ବାକେ ଅଇସି । ୧୭ ଇସ୍ରାଏଲ୍ କୁଟୁମର୍ ଲକ୍ମନ୍ ପର୍ମେସର୍ ଜତନ୍ କରଇରଇବା ଗଟେକ୍ ଜିଡ୍ ଗଟର୍ ପାରା । ସେ ଗଟେଅନି କେତେଟା କେନ୍ଦି ବାଙ୍ଗାକରି ବନର୍ ଜିଡ୍ ଗଟର୍ କେନ୍ଦା ତେଇ, ଜଡିଆଚେ । ତମେ ଜିଉଦି ନ ଅଇଲା ଲକ୍ମନ୍ ସେ ବନର୍ ଜିଡ୍ ଗଟ୍ ପାରା । ଏବେ ତମେ ଜିଉଦିମନ୍ ତାଟ୍ ଆଡ୍ମାର୍ ଜିବନ୍ତେଇ ଜଡିଅଇଆଚାସ୍ । ୧୮ ସେଟାର୍ ପାଇ ତମେ ଜିଉଦିମନ୍ ଟାନେଅନି ବଡ୍ ବଲି ବାବାନାଇ । କାଇକେବଇଲେ ତମେ ଅବ୍କା କେନ୍ଦାସେ ଆରି କେନ୍ଦାମନ୍ କାଦି ଗଟର୍ ଚେରେଅନିସେ ଆଇସି । ଚେରର୍ କାଦି କେନ୍ଦାଅନି ନ ଆସେ ।

୧୯ “ଉଁ ତମେ କଇପାରାସ୍, ଜିଉଦି ନ ଅଇଲା ଲକ୍ମନ୍ ଆମେସେ ବଡ୍ । କାଇକେବଇଲେ ଆମ୍ବେକେ ଜଡ୍ବାକେ କେନ୍ଦାମନ୍ ବାଙ୍ଗାକଲାଇ ।”

୨୦ ତମ୍ବେ ଜଡିଆଚେ, ସେଟା ସଡ୍ ସେ । ମାତର୍ ଜିଉଦିମନ୍ ବିସ୍ବାସ୍ ନ କଲାପ୍ ପାଇ ପର୍ମେସର୍ ସେମନ୍କେ କାଟିଦେଲାଆଚେ । ତମେ ବିସ୍ବାସ୍ କଲାକେସେ ତମ୍ବେ ଜଡିଆଚେ । ସେଟାପାଇ ବଡ୍ପନ୍ ନ ଅଇ ଡରିକରି ରୁଆ । ୨୧ କାଇକେବଇଲେ ଜଡି ଗଟେଅନି ନିଜେ ବାରଇଲା କେନ୍ଦା ପାରା ଜିଉଦିମନ୍କେ ପର୍ମେସର୍ ବାଙ୍ଗାକଦେଲା, ତେବେ ବନେଅନି ଆନି ଜଡିରଇବା କେନ୍ଦାମନ୍କେ କେତେକ୍ ଅଦିକ୍ ସେ ନ ବାଙ୍ଗାଏ ? ସେ କେନ୍ଦାମନ୍ ଅଇଲାନି, ତମେ ବିସ୍ବାସ୍ ନ କଲା ଜିଉଦି ନଇବା ଲକ୍ମନ୍ । ୨୨ ଇଡିଅନି ଆମେ ଦେକ୍ଲୁନି ପର୍ମେସର୍ କେନ୍ଦି ଆଲାଦକାରିଆ, ଆରି ସାସନ୍କାରି ମିସା ! ଜନ୍ ଲକ୍ମନ୍ ତାର୍ କାତା ମାନ୍ତ୍ ନାଇ, ସେମନ୍କେ ଡଣ୍ଡ ଦେଲା । ମାତର୍ ତାର୍ ଦୟା ତମେ ତାଟ୍ ସଙ୍ଗ୍ ଦାରିରଇଲେ, ସେ ତମ୍ବେ ଦୟା ଦେକାଇସି । ଜଡି ସେନ୍ତାରି ନ କଲେ, ତମ୍ବେ ମିସା କାଟିଦେଇସି । ୨୩ ଜଡି ଜିଉଦିମନ୍ ବିସ୍ବାସ୍ କଲେ, ଗଟର୍ ବୁନ୍ଦେ ରଇବା ତାକର୍ ଆଗର୍ ଜାଗାଇ ପର୍ମେସର୍ ସେମନ୍କେ ବାଉଡାଇସି । କାଇକେବଇଲେ ସେଟା ପର୍ମେସର୍ସେ କରପାରେ । ୨୪ ତମେ ଜିଉଦିନଇଲା ଲକ୍ମନ୍ ବନର୍ ଜିଡ୍ ଗଟର୍ ବାଙ୍ଗାକଲା କେନ୍ଦାପାରା । ସବୁବେଳେ ଜଡ୍ବାଟାନେ କଲାପାରା ନ କରି, ପର୍ମେସର୍ ନିଜେ ଜତନ୍ କର୍ବା ଗଟେ, ତମ୍ବେ ଜଡ୍ଲାଆଚେ । ଜିଉଦିମନ୍ ସେ ନିଜେ ଜତନ୍ କରଇରଇବା ଗଟର୍ପାରା । ସେନ୍ତାରିଆଲେ ଗଡ୍ବୁନ୍ଦେ ରଇବା କେନ୍ଦାମନ୍କେ ଆଗର୍ ଜାଗାଇ ନେଇ ଜଡ୍ବାକେ କେତେକ୍ ଅଦିକ୍ ସଅଜ୍ ଅଇସି ।

**ସବୁ ଲକ୍ମନ୍ ପାଇ ପର୍ମେସରର୍ ଆଲାଦ୍**

୨୫ ଏ ବାଇବଇନିମନ୍, ଏ ବିସଇଟାନେ ଗଟେକ୍ ଲୁଟିରଇଲା ସଡ୍ ତମେ ବୁଜା ବଲି ମୁଇ ମନ୍ କଲିନି । ଆମେ ଜିଉଦିମନ୍ ଟାନେଅନି ବଡ୍ ଆରୁ ବଲି ତମେ ବଡ୍ପନ୍ ନ ଅଇବାକେ, ଏଟା ତମ୍ବେ ବୁଜାଇଲିନି । ଜିଉଦିମନ୍ କାତା ନ ମାନ୍ବାଟା, ବେସିଦିନ୍ ଜାକ ନ ରଏ । ମାତର୍ ଜେଡ୍ କି ଜିଉଦି ନ ଅଇଲା

ଲକ୍ଷ୍ମୀଙ୍କୁ ପରମେଶ୍ୱର ବାଚ୍ଛାଣାରେ, ସେମନ୍ ବିସ୍ୱାସ କରବାଜାକ ସେଟା ରଇସି । ୨୭ ତାର ପଚେ  
ଇସ୍ତରାଏଲିଆମନ୍ ସବୁ ଲକ୍ଷ୍ମୀ ଏ ସାସ୍ତରର ଇସାବେ ରକିଆ ପାଇବାଇ ।

ମୁକ୍ତିକାରିଆ ଜିଉଦିମନର୍ ବିତ୍ତରେ ଅନି ଆଇସି,

ଆରି ତାର ଲାଗି ଜାକୁବର୍ କୁଟୁମେଅନି ସବୁ ତାକର୍ କାରାପ୍ ଚଲାଚଲ୍ତି ଚାଡ଼ବାଇ ।

୨୭ ସେମନର୍ ପାପ୍ ରଇବା ଚଲାଚଲ୍ତି ମୁଇ ଦାରିଜିବାବେଲେ, ସେମନର୍ ସଙ୍ଗ୍ ଏ ରାଜିନାମା କର୍ବି ।  
୨୮ ସୁବ୍ କବର୍ ବିସ୍ୱାସ ନ କରି ଜିଉଦିମନ୍ ପରମେଶ୍ୱରର୍ ସତ୍ତୁ ଅଇଗାଲାଇ । ଏନ୍ତାରି ଅଇଲାକେ ତମେ  
ଜିଉଦି ନ ଅଇଲା ଲକ୍ଷ୍ମୀମନ୍ ମୁକ୍ତି ପାଇଲାସ୍ । ଏନ୍ତାରି ଅଇଲେମିସା ପରମେଶ୍ୱର ଜନ୍ କାତା ତାକର୍  
ଆନିଦାଦିମନ୍କେ ଦେଇରଇଲା, ଆରି ସେମନ୍ ତାର ବାଚିରଇବା ଲକ୍ଷ୍ମୀମନ୍ ଅଇଲାକେ ମିସା, ସେମନ୍  
ତାର ଲକ୍ଷ୍ମୀ ଅଇଆଚଡ଼ । ୨୯ କାଇକେବଇଲେ ପରମେଶ୍ୱର ଜନ୍ ଲକ୍ଷ୍ମୀମନ୍କେ ବାଚିକରି ଆସିର୍ବାଦ୍  
କର୍ସି, ସେ ଦାନ୍ ଦେବାକେ ଜାଗର୍ତା ରଇସି । ୩୦ ଜିଉଦିନଇଲା ଲକ୍ଷ୍ମୀମନ୍ ତମେ ପୁରବେ ପରମେଶ୍ୱରର୍  
କାତା ନ ମାନ୍ତେ ରଇଲାସ୍, ମାତର୍ ଜିଉଦିମନ୍ କାତା ନ ମାନ୍ଲାର୍ ପାଇ, ଏବେ ତମେ ପରମେଶ୍ୱରର୍  
ଜିବନ୍ ଦୁକାନିର୍ ଆଲାଦ୍ ପାଇଆଚାସ୍ । ୩୧ ଏଟା ଜିଉଦି ଅଇରଇବା ଲକ୍ଷ୍ମୀମନ୍ ପାଇ ମିସା ସେନ୍ତାରିସେ  
। ଏବେ ସେମନ୍ କାତା ନ ମାନ୍ଲେ ମିସା, ତମ୍କେ ଜେନ୍ତାରି ପରମେଶ୍ୱର ଦୟା ଦେକାଇ ଆଲାଦ୍  
କଲାଆଚେ, ସେ ପର୍ତ୍ତେ ସେମନ୍କେ ମିସା ଦୟା ଦେକାଇସି । ୩୨ ଗୁଲାଇ ମନସ୍ ଜାତି ତାର କାତା ନ  
ମାନ୍ଲାକେ ତଣ୍ଟ ପାଇବାର୍ ଆଚେ ବଲି ପରମେଶ୍ୱର ଦେକାଇଲା ଆଚେ । ତାର ଜିବନ୍ ଦୁକାଇଲାଟା  
ସବୁକେ ଡିସ୍ ସି ବଲି ଏନ୍ତାରି କଲାଆଚେ ।

**ପରମେଶ୍ୱରର୍ ତାକ୍ପୁଟା**

୩୩ ପରମେଶ୍ୱରର୍ ଦୟା କେତେକ୍ ବଡ଼ ! ତାର ଗିଆନ୍ ଆରି ବିଚାର୍ କର୍ବା ବପୁ କେ ବୁଜିନାପାରଡ଼ !  
ସେ ଜନ୍ଟା ଡ଼ କର୍ସି, ସେଟା ଲକ୍ଷ୍ମୀମନ୍ ବୁଜିନାପାରଡ଼ । ସେ ଜନ୍ କାମ୍ କର୍ବାକେ ଗାଲାନ୍ତି, ସେଟା କେ  
ବାତାଇ ନାପାରଡ଼ । ୩୪ କାଇକେବଇଲେ ସାସ୍ତରେ ଏନ୍ତାରି ଲେକା ଅଇଲାଆଚେ ।

“ପରମେଶ୍ୱର ମନେ ଚିନ୍ତା କର୍ବାଟା କେ ବୁଜି ପାରଡ଼ ?

ତାକେ କେ ମିସା ବୁଦିର୍ କାତା କଇବାକେ ଲତାନାଇ ।”

୩୫ ତାକେ କାଇଟା ଉନା ନାଇ ।

ସେ ଆମର୍ ରୁଣି ଅଇବାକେ, ତାକେ କାଇଟା ଦେଇ ନାପାରୁ ।

୩୬ ଧୃତିଆର୍ ଅଇଲା ସବୁ ବିସଇ ସେ ସେ ଚାଲାଇଲାନ୍ତି । ଆରି ସବୁ ବିସଇ ତାର୍ପାଇସେ । ପରମେଶ୍ୱର,  
କାଲେ କାଲେ ଜୁଗେ ଜୁଗେ, ତାର୍ ତାକ୍ପୁଟା ଅ । ଆମେନ୍ !

**୧୨**

**ପରମେଶ୍ୱର୍କେ ସେବା କର୍ବା ଜିବନ୍**

୧ ସେଟାର୍ ପାଇ ଏ ବାଇବଇନିମନ୍, ଆମର୍ ଉପ୍ରେ ପରମେଶ୍ୱରର୍ ବଡ଼ ଜିବନ୍ଦୁକାନିର୍ ଲାଗି,  
ତମ୍କେ ମୁଇ ବାବୁଜିଆ କଲିନି, ପରମେଶ୍ୱରର୍ ଲଗେ ଗଟେକ୍ ବଲି ଇସାବେ ନିଜର୍ ଜିବନ୍ ସର୍ପିଦିଆସ୍  
। ଏନ୍ତାରି ବଲି ଅଇବାଟା ମର୍ବାକେ ନର୍ସ, ମାତର୍ ତାର୍ ସେବାକର୍ବାକେ ନିଜେ ସର୍ପି ଅଇବାଟା । ସେନ୍ତି  
ଅଇଲେ ପରମେଶ୍ୱର ସାର୍ଦା ଅଇସି । ପରମେଶ୍ୱର୍କେ ଏ ରକାମ୍ ଉପାସନା କର୍ବାର୍ ଆଚେ । ୨ ଏ  
ଜଗତେ ରଇବା ଲକ୍ଷ୍ମୀମନ୍ ପାରା ଚଲାଚଲ୍ତି ଇସାବେ ଜିଉନା କାଉନା କରାନାଇ । ପରମେଶ୍ୱର ତମର୍  
ମନ୍ ନୁଆକରି ବାଦ୍ଲାଅ । ସେନ୍ତି ଅଇଲେ ସେ ମନ୍ କର୍ବାଟା ବୁଜିପାର୍ସା । ଆରି ଜନ୍ ଚଲାଚଲ୍ତି ତାର୍  
ମୁଆଟେ ନିକ, ସିଦ୍ ଆରି ତାକେ ସାର୍ଦା କରାଇସି, ସେଟା ଜାନି ପାର୍ସା ।

୩ ପରମେଶ୍ୱର ମକେ ଜିବନ୍ଦୁକାଇକରି ଅଦିକାର୍ ଦେଲାକେ ତମ୍କେ ସବୁ ଲକ୍ଷ୍ମୀକେ କଇଲିନି, ।  
କେ ମିସା ମୁଇ ବିନ୍ ଲକ୍ଷ୍ମୀମନେଅନି ବଡ଼ ବଲି ବାବାନାଇ । ପରମେଶ୍ୱର ତମ୍କେ ଜେଡ଼କି ବିସ୍ୱାସ୍  
ଦେଲାଆଚେ, ସେଡ଼କି ନିଜ୍କେ ବିଚାର୍ କରା । ୪ ଆମ୍କେ ସବୁଲକ୍ଷ୍ମୀକେ ଗାଗ୍ତେ ବିନ୍ ବିନ୍ ବାଗ୍ ଆଚେ ।  
ସେ ଗାଗ୍ତର୍ ବିନ୍ ବିନ୍ ବାଗ୍, ବିନ୍ ବିନ୍ କାମ୍ ଆଚେ । ୫ ସେନ୍ତାରିସେ ଆମେ ଜେଡ଼କି ଲକ୍ଷ୍ମୀ କିରିସ୍ତେତେଇ  
ମିସଲୁଆରୁ, ଆମେ ତାର୍ ଗାଗ୍ତ୍ ଅଇଲୁଆରୁ । ଗାଗ୍ତର୍ ଆଡ଼ ଗଡ଼ ପାରା ଆମେ ସବୁ ଲକ୍ଷ୍ମୀ ମିସିଆରୁ ।  
୬ ସେଟାର୍ ପାଇ ପରମେଶ୍ୱର ଆମ୍କେ ଜିବନ୍ ଦୁକାଇ ଜେଡ଼କି ବିନ୍ ବିନ୍ ବପୁର୍ ଦାନ୍ ଦେଲା ଆଚେ,  
ସେ ସବୁ ବପୁ ଆମର୍ କାମେ ଲାଗାଇବାର୍ ଆଚେ । ଜଦି ଆମ୍କେ ପରମେଶ୍ୱରର୍ ବାକିଅ ଜାନାଇବା  
ବପୁ ଦେଲାଆଚେ, ସେନ୍ତାରିଆଲେ ଆମେ ପାଇରଇବା ବିସ୍ୱାସ୍ ଇସାବେ ସେଟା କର୍ବାର୍ ଆଚେ ।  
୭ ଜଦି ଆମର୍ ସଙ୍ଗର୍ ଲକ୍ଷ୍ମୀକେ ସାଇଜ କର୍ବା ବପୁ ଦେଲାଆଚେ, ତେବେ ସେଟା କର୍ତ୍ତେ ରଇବାର୍  
ଆଚେ । ଜଦି ପରମେଶ୍ୱରର୍ ବାକିଅ ସିକାଇବାଟା ଦେଲାଆଚେ, ତେବେ ସେଟା ଜତନ୍ ସଙ୍ଗ୍ କର୍ବାର୍

☆ ୧୧:୩୭ ୧୧:୩୭ ୧ମ କରନ୍ତିୟ ୮:୭ ☆ ୧୨:୪ ୧୨:୪ ୧ମ କରନ୍ତିୟ ୧୨:୧୨ ☆ ୧୨:୭ ୧୨:୭ ୧ମ କରନ୍ତିୟ ୧୨:୪-୧୧

ଆଚେ ।<sup>୮</sup> ବିନ୍ ଲକ୍ଷ୍ମୀନକେ ସାର୍ଦ୍ଦା କରାଇବାକେ ବପୁ ଦେଇରଇଲେ, ସେଟା କରତେ ରଉଁ । ଅରକିଡ଼ ଲକ୍ଷ୍ମୀନକେ ଦାନ୍ କରୁବା ବପୁ ଦେଇରଇଲେ, କାଇଟା ନ ବାବିକରି ଦାନ୍ କରୁ । ବିନ୍ ଲକ୍ଷ୍ମୀ କାମ୍‌କେ ଦେକାରକା କରୁବା ଅଦିକାର ଦେଇରଇଲେ, ନିଜେ ବେସି କାମ୍ କରୁବାରୁଆଚେ । ଜଦି ବିନ୍ ଲକ୍ଷ୍ମୀନକେ ଦୟା ଦେକାଇବା ବପୁ ଦେଲାଆଚେ, ବିଜାର୍ ନ ଅଇ ସାର୍ଦ୍ଦା ସଙ୍ଗ କରୁବାରୁ ଆଚେ ।

<sup>୯</sup> ବିନ୍ ଲକ୍ଷ୍ମୀନକେ ଆଲାଦ୍ କରୁବାରୁ ଆଲେ କାଇ କପଟ୍ ରଇବାରୁ ନାଇ । କାରାପ୍ ଚଲାଚଲ୍‌ତି ଗିନ୍ କରି, ସଡ଼ ଚଲାଚଲ୍‌ତି ଚାଡ଼ୁବାରୁ ନାଇ ।

<sup>୧୦</sup> ତମେ କିରିସଟ୍‌ଟାଟାନ୍‌ନେ ବାଇବଇନି ଅଇଲାରୁ ପାଇ, ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କରି ସନ୍‌ମାନ୍ କରା । <sup>୧୧</sup> ନିସଡ଼ ନଅଇକରି ଲାଗିରୁଆ । ଜିବନ୍ ପରାନ୍ ଦେଇକରି ପରମେସରକେ ସେବା କରା । <sup>୧୨</sup> ଆମ୍‌କେ ରଇବା ଆସାରୁ ଲାଗି ଆମେ ସାର୍ଦ୍ଦା ଅଉଁ । ଦୁକ୍ କସ୍‌ଟ ଆଇଲେ ମୁରତିକରି ରଉଁ । ସବୁବେଲା ପରମେସରକେ ପାରତନା କରତେ ରଉଁ । <sup>୧୩</sup> ଆମ୍‌ର ଟାନ୍‌ନେ ରଇବା ଅରକିଡ଼ ବାଇବଇନିମନ୍‌କେ ସାଇଜ କରୁ । ନ ଜାନ୍‌ବା ଲକ୍ଷ୍ମୀନ ଆମ୍‌ର ଗରେ ଆଇଲେ ଗତିଆ କରି ଡାକିନେଉଁ ।

<sup>୧୪</sup> \*ଜନ୍‌ଲକ୍ଷ୍ମୀନ ତମ୍‌କେ ନିନ୍ଦା କରୁବାଇ, ସେମନ୍‌କେ ପରମେସର ଆସିରୁବାଦ୍ କରବଲି ପାରତନା କରା । ସେମନ୍‌କେ ଆସିରୁବାଦ୍ କରା, ସାଇପ୍ ଦିଆସ୍ ନାଇ । <sup>୧୫</sup> ଜଦି ଗଟେକ୍ ଲକ୍‌କେ ସାର୍ଦ୍ଦାରୁ ଦିନ୍ ଆଇଲାଆଚେ, ତେବେ, ତାରୁ ସଙ୍ଗ ମିସି ସାର୍ଦ୍ଦା କରା, ଜଦି ଦୁକ୍ ଦିନ୍ ଆସିରଇଲେ, ସେ ଲକ୍ଷ୍ମୀ ସଙ୍ଗ ମିସି ଦୁକ୍ କରା । <sup>୧୬</sup> ସବୁ ଲକ୍‌କେ ସମାନ୍ ଇସାବେ ଆଲାଦ୍ ଦେକାଆ । ଆଁକାରୁ ବୁଦି ଚାଡ଼ିକରି ସଲଦ୍ ଅଇ ସାନ୍ ସାନ୍ କାମ୍ କରୁବାକେ ମିସା ରାଜି ଉଆ । ନିଜ୍‌କେ ଗିଆନ୍ ରଇବାଲକ୍ ବଲି ଦେକାଇ ଉଆନାଇ ।

<sup>୧୭</sup> କେ ତମ୍‌କେ ଅନିଆଇ କଲେ, ତାକେ ବେର୍ ଦାରୁବାରୁ ନାଇ, ଜନ୍ ଚଲାଚଲ୍‌ତି ସବୁର୍ ମନ୍‌କେ ଜାଇସି, ସେଟା କରତେରଇବାରୁ । <sup>୧୮</sup> ସବୁ ଲକ୍ଷ୍ମୀ ସଙ୍ଗ ସୁସାରେ ଜିଇବାକେ ଜେତେକ୍ ପାରାସ୍, ସେତେକ୍ ରେସ୍‌ଟା କରା । <sup>୧୯</sup> ମର୍ ଆଲାଦ୍‌ରୁ ବାଇବଇନିମନ୍, ଜଦି କେ ତମ୍‌କେ ଅନିଆଇ କଲେ, ତମେ ବେର୍ ଦାରାନାଇ, କାଇକେବଇଲେ, ପରମେସରସେ ଡ଼ଣ୍ଟୁ ଦେଇସି । କାଇକେ ବଇଲେ ସାସ୍‌ତରେ ଲେକା ଆଚେ । ମାପରୁ କଇଲାନି, “ମୁଇ ବେର୍ ଦାରୁବି । ମୁଇ ଡ଼ଣ୍ଟୁ ଦେବି ।” <sup>୨୦</sup> ଏଲେ ସାସ୍‌ତରୁ ଲେକା ଇସାବେ “ତମ୍‌ରୁ ସଡ଼ୁ ବୁକେ ରଇଲେ, ତାକେ କାଇବାକେ ଦିଆସ୍, ସସେ ରଇଲେ, ପାନି କୁଆ । ଏନ୍ତାକଲେ ସେ ତମ୍‌କେ କରୁରଇବା ଅନିଆଇରୁ ଲାଗି ବେସି ଲାଜ୍ ଅଇଜାଇସି ।” <sup>୨୧</sup> ମିଡ଼ କାମ୍ କରି ଆରିଜାଆ ନାଇ, ସବୁ ବିସଇ ସଡ଼ ବାବେ କରି ଜିଡିକରି ରୁଆ ।

### ୧୩

#### ସାସନ୍ କରୁମନ୍‌କେ ନାମ୍‌ବାଟା

<sup>୧</sup> ସାସନ୍‌କାରିଆମନ୍‌ରୁ କାତା ସବୁ ଲକ୍ ମାନ୍‌ବାକେ ବାଦିଅ, କାଇକେବଇଲେ ପରମେସର ଆଦେସ୍ ନ ଦେଲେ କେ ମିସା ସାସନ୍ କରୁବାକେ ଅଦିକାର ନ ପାଏ । ଗାଦିଟାନ୍‌ନେ ରଇଲା ସାସନ୍‌କାରିଆମନ୍‌କେ ପରମେସର ବସାଇଲା ଆଚେ । <sup>୨</sup> ସେଟାରୁ ପାଇ ଜେ ଗାଦିତେଇ ବସ୍‌ଲା ସାସନ୍‌କାରିଆମନ୍‌କେ ବିରଦ୍ କରୁସି, ସେ ପରମେସର ତିଆରକଲା ଗାଦିର ବିରଦ୍ କଲାନି । ଜେ ଏଟା କରୁସି ସେ ପରମେସର ବିଚାରୁନା ଜାଗାଇ ଚିଆଅଇସି । <sup>୩</sup> ଆମ୍‌ର ଚଲାଚଲ୍‌ତି ସଡ଼ ରଇଲେ ସାସନ୍‌କାରିଆକେ ଡ଼ରୁବାରୁ ଦରକାର ନାଇ । କାରାପ୍ ରଇଲେ ଡ଼ରୁବାରୁ ଆଚେ । ସାସନ୍‌କାରିଆମନ୍‌କେ ତମେ ଡ଼ରୁବାକେ ମନ୍ କରାସ୍ ନାଇ, ସେନ୍ତାଆଲେ ନିକ କାମ୍ କରା ଆରି ସେମନ୍ ତମ୍‌କେ ନାମ୍‌ବାଇ । <sup>୪</sup> ସେମନ୍ ପରମେସର ଗତିଦାଙ୍ଗ୍‌ତାମନ୍ ଆରି ତମ୍‌ରୁ ନିକପାଇସେ କାମ୍ କଲାଇନି । ତମେ ଜଦି କାରାପ୍ କାମ୍ କରତେରଇସା, ତେବେ ସେମନ୍‌କେ ଡ଼ରୁବାରୁ ଆଚେ । କାଇକେବଇଲେ ତମ୍‌କେ ଡ଼ଣ୍ଟୁ ଦେବାକେ ଡାକର୍ ଅଦିକାରୁ ଆଚେ । ସେମନ୍ ପରମେସର ଗତିଦାଙ୍ଗ୍‌ତା ଆରି ଜେଡ଼କି ଲକ୍ କାରାପ୍ କାମ୍ କରତେରଇବାଇ, ସେମନ୍‌କେ ପରମେସର ଡ଼ଣ୍ଟୁ ଦେବାଇ । <sup>୫</sup> ସେଟାରୁପାଇ ତମେ ସାସନ୍‌କାରିଆମନ୍‌ରୁ କାତା ମାନ୍‌ବାରୁ ଆଚେ । ଉଜେ ପରମେସର ଡ଼ଣ୍ଟୁ ଡ଼ରିକରି ନାଇ, ମାତର୍ ନିଜର୍ ବୁଦିସଙ୍ଗ୍ ଏଟା ଟିକ୍ କାମ୍ ବଲି ଜାନିକରି ମିସା ଏଟା କରୁବାରୁ ଆଚେ ।

<sup>୬</sup> \*ଏଟାରୁପାଇ ତମେ ସିସ୍‌ଟୁ ମିସା ଦେଲାସ୍‌ନି, କାଇକେବଇଲେ ସାସନ୍‌କାରିଆମନ୍ ଟିକ୍‌ସଙ୍ଗ୍ କାମ୍ କଲାବେଲେ ପରମେସର ସେବା କରତେ ରଇବାଇ । <sup>୭</sup> ସେଟାରୁ ପାଇ ସେମନ୍ ଜେଡ଼କି ପାଇବାରୁ ଆଚେ ସେଟା ସେମନ୍‌କେ ଦେଇଦିଆସ୍ । ତମେ ସିସ୍‌ଟୁ କି ଅଡ଼ି ଜାଇଟା ଦେବାରୁ ଆଚେ, ସେଟା ବାନ୍‌ଦିଆସ୍ ଆରି ସେମନ୍‌କେ ନାମିକରି ସନ୍‌ମାନ୍ କରା ।

#### ନିଜର୍ ନିଜର୍ ବିଡ଼ରେ ଆଲାଦ୍

☆ ୧୨:୧୪ ୧୨:୧୪ ମାଡ଼ିଉ ୫:୪୪; ଲୁକ୍ ୬:୨୮ ☆ ୧୩:୭ ୧୩:୭ ମାଡ଼ିଉ ୨୨:୨୧; ମାର୍କ ୧୨:୧୭; ଲୁକ୍ ୨୦:୨୫

୮ ନିଜର ନିଜର ବିତ୍ତରେ ଆଲାଦ୍ କରାକରି ଅଇବାଟା ଚାଡ଼ି ଆରି କାଇ ବିସଇ କାର୍ ଲଗେ ମିସା ଉଦାର୍ ଉଆ ନାଇ । ଜେ ଏଟା ବିନ୍ ଲକରପାଇ କରସି, ସେ ନିୟମ୍ ମାନସି । ୯ ନିୟମ୍ତେଇ ଲେକାଅଇଲା ଆଟେ, “ବେସିଆ କାମ୍ କରବାର୍ ନାଇ, ନର୍ ମାରବାର୍ ନାଇ, ଚରାଇବାର୍ ନାଇ, ବିନ୍ ଲକର୍ ଦିନ୍ସୁ ଲବାଇବାର୍ ନାଇ ।” ନିଜକେ ଆଲାଦ୍ କଲାପାରା ବିନ୍ ଲକ୍ମନକେ ଆଲାଦ୍ କରା । ଏ ଗଟେକ୍ ଆଦେସ୍ ଜଦି ତମେ ମାନସା, ନିୟମେ ରଇବା ସବୁ ଆଦେସ୍ ମାନଲାପାରା ଅଇସି । ୧୦ କାଇକେବଇଲେ ତମେ ଗଟେକ୍ ଲକ୍ମନେ ଆଲାଦ୍ କରତେ ରଇଲେ, କେବେ ମିସା ତାକେ ଅନିଆଇ ନ କରାସ୍ । ଆରି ତମେ ଜଦି ସେମନକେ ଆଲାଦ୍ କରସାବଇଲେ, ସବୁ ନିୟମ୍ ମାନକରିଆଟାସ୍ ।

୧୧ ଏବେ ତମେ ଏଟା କରବାର୍ ଆଟେ । କାଇକେବଇଲେ ବେଲା କେଟୁଲାଆଟେ । ଆମେ ସଇରଇବା ଲକରପାରା ନ ଅଇକରି ଚେତା ଅଇ ଜାଗରତ୍ ଅଇରଇବାର୍ ଆଟେ । ବିସ୍ବାସ୍ କରବା ବେଲା ଆଗତୁ ରଇଲେ ମିସା ଆମର୍ ମୁକ୍ତି ପାଇବା ଦିନ୍ ଲଗେ ଅଇଆଟେ । ୧୨ ରାତି ଦାପୁରେ ସାରିଜାଇସିବେ, ସାକାଲ୍ ଅଇବାକେ ଗାଲାନି । ସେଟାରପାଇ ଆସା, ରାତିଆ କରିରଇବା କାରାପ୍ କାମ୍ ସବୁ ଚାଡ଼ିକରି, ଉଜ୍ଲେ ଜୁଇଦ୍ କରବା ଆଡ଼ଆଡ଼ିଆର୍ ଦାରୁ । ୧୩ ବେସିଆମନର୍ ଦଲେ ମିସ୍ବାର୍ ନାଇ, ମାତୁଆଲ୍ମନର୍ ଦଲେ ଜିବାର୍ ନାଇ, ବିନ୍ ମାଇଜିମନର୍ ସଙ୍ଗ୍ ମିସିରଇବାର୍ ନାଇ, ଲାଗାଜଡ଼ା ଅଇବାର୍ ନାଇ ଆରି ଈସା ଅଇବାର୍ ନାଇ । ଆମେ ଜେଡ଼କି ଲକ୍ ଉଜ୍ଲେ ରଇଆତୁ, ଟିକ୍ ସଙ୍ଗ୍ ଚଲାଚଲ୍ଡି କରୁ । ୧୪ ମାପୁରୁ ଜିସୁକିରିସଟର୍ ଆଡ଼ଆଡ଼ିଆର୍ ଦାରି ରଇ । ଆରି ଆମର୍ ପାପର୍ ଗୁନଟଲନ୍ ନ ମାନକରି ଆମେ ମନ୍ କରବାଟା ପୁରାପୁରୁନ୍ ନ କରୁ ।

## ୧୪

### ବିନ୍ଲକର୍ ଦସ୍ ଦାରାନାଇ

୧ ✨ଜଦି କେତେକ୍ ଲକ୍ କିରିସଟକେ ବିସ୍ବାସ୍ କଲାଇନି, ମାତର୍ ତାକର୍ ବିସ୍ବାସ୍ ଡାଁଟନାଇ, ସେମନକେ ମିସା ତାକି ମିସାଆ । ମାତର୍ ସେମନର୍ ଚିନ୍ତା କରବାଟା ତମର୍ପାରା ନ ରଇଲେ, ତାକର୍ ସଙ୍ଗ୍ ଦଦାପେଲା ଉଆ ନାଇ । ୨ କେତେକ୍ ଲକର୍ ବିସ୍ବାସ୍, ଜେନ୍ତି ରକାମର୍ କାଦିକେ ମିସା ଡି ବଲି କଇବାଇ । ମାତର୍ ଜାର୍ ବିସ୍ବାସ୍ ଏବେଜାକ ଡାଁଟନାଇ ସେମନ୍ କାଇ ମାଉସ୍ ମିସା କାଇବାର୍ ନର୍ସ, ଅବକା ସାଗଡାଲ୍ସେ କାଇବାଇ । ୩ ଜନ୍ ଲକ୍ମନ ସବୁଜାକ କାଇବାଇ, ସେମନ୍ ଆମେ ଅବକା ସାଗଡାଲ୍ କାଇବା ଲକରଟାନେଅନି ବଡ଼ ବଲି ବାବ୍ବାର୍ ନାଇ । ସେନ୍ତାରିସେ ଜନ୍ଲକ୍ମନ ଅବକା ସାଗଡାଲ୍ସେ କାଇବାଇ, ସେମନ୍ ଆମେ ସବୁରକାମର୍ କାଦିକାଇବା ଲକ୍ମନଟାନେଅନି ବଡ଼ ବଲି ବାବ୍ବାର୍ନନାଇ । କାଇକେବଇଲେ ପର୍ମେସର୍ ଦୁଇ ଦଲର୍ ଲକ୍ମନକେ ମିସା ବାବ୍ଲା ଆଟେ । ୪ ବିନ୍ ଲକର୍ ଦାଙ୍ଗ୍ଡାମନକେ ଆମେ ବିଚାର୍ କରବାର୍ ନାଇ । କାଇକେବଇଲେ ସେମନ୍ କରବା କାମ୍ କଲାଇ ଆଟଡ଼ କି ନାଇ ବଲି ତାକର୍ ସାଉକାର୍ ଦେକ୍ସି । ଆରି ପର୍ମେସର୍ ଜନ୍ଟା ମନ୍ କଲାନି, ସେମନ୍ ସେଟା କରବାଇ । କାଇକେବଇଲେ ପର୍ମେସର୍ ସେମନକେ ସାଇଜ କଲାନି ।

୫ ସେନ୍ତାରିସେ, ବିନ୍ଦିନ୍ ମନଟାନେଅନି କନ୍ଥାଲେ ଗଟେକ୍ଦିନ୍ ସୁବ୍ଦିନ୍ ବଲି କେତେ ଲକ୍ ବାବ୍ବାଇ । ବିନ୍ ଲକ୍ମନ ସବୁଦିନ୍ ସମାନ୍ ବଲି ବାବ୍ବାଇ । କନ୍ଟା ଟିକ୍ ରଇସି ବଲି ଲକ୍ମନ ନିଜେ ନିଜେ ବିଚାର୍ କରବାର୍ ଆଟେ । ୬ ଜନ୍ ଲକ୍ମନ ବିନ୍ଦିନ୍ ମନଟାନେଅନି ଗଟେକ୍ ଦିନ୍ ସୁବ୍ ବଲି ବାବ୍ବାଇ, ସେମନ୍ ପର୍ମେସର୍କେ ସାର୍ଦା କରାଇବାକେ ସେନ୍ତାରି ବାବ୍ବାଇ । ସେନ୍ତାରିସେ, ଜନ୍ଲକ୍ମନ ସବୁ ରକାମ୍ କାଦି କାଇବାଇ, ସେଟା ପର୍ମେସର୍କେ ସାର୍ଦା କରାଇବାକେ କରବାଇ ଆରି ସେଟାରପାଇ ତାକେ ଦନିଅବାଦ୍ ଦେବାଇ । ଆରି ଜନ୍ଲକ୍ମନ ଅବକା ସାଗଡାଲ୍ କାଇବାଇ, ସେମନ୍ ସେଟା ପର୍ମେସର୍ ସାର୍ଦା ଅଇସି ବଲି କାଇଲାଇନି ଆରି ସେମନ୍ ମିସା ତାକେ ଦନିଅବାଦ୍ ଦେଲାଇନି । ୭ ଆମର୍ ବିତ୍ତରେ ସବୁଲକ୍ ଦର୍ତନିତେଇ ବଠିରଇଲେ କି ମରିଗାଲେ ମିସା ପର୍ମେସର୍ । ୮ ଆମେ ବଠିରଇଲେ ପର୍ମେସର୍ ପାଇ, ମରିଗାଲେମିସା ସେନ୍ତାରିସେ । ତେବର୍ପାଇ ଆମେ ବଠିରଇଲେ କି ମରିଗାଲେ ପର୍ମେସର୍ ପାଇସେ । ୯ କାଇକେବଇଲେ କିରିସଟ ମରିଗାଲା ଆରି ମଲାତେଇଅନି ଆରିତରେକ୍ ଉଟ୍ଲା । ସେଟାରପାଇ ସେ ମଲାଲକ୍ମନକେ ଆରି ଜିବନ୍ ରଇଲା ଲକ୍ମନକେ ସାସନ୍ କରସି । ୧୦ ✨ତେବେ ତମେ କାଇକେ ଅବକା ସାଗଡାଲ୍ କାଇବା ବାଇମନକେ ବିଚାର୍ କଲାସିନି ? ଆରି ଜନ୍ଲକ୍ମନ ସବୁ ରକାମ୍ କାଦି କାଇଲାସିନି, ଅବକା ସାଗଡାଲ୍ କାଇବା ଲକ୍ମନକେ କାଇକେ ଗିନ୍ କଲାସିନି ? କାଇକେବଇଲେ ଆମେ ସବୁଲକ୍ ପର୍ମେସର୍ ମୁଆଟେ ଟିଆ ଅଇଲେ, ସେ ଆମକେ ବିଚାର୍ କରସି । ୧୧ କାଇକେବଇଲେ ସାସ୍ତରେ ଲେକାଆଟେ, “ମାପୁରୁ କଇଲାନି, ମୁଇ ଜିବନ୍ ରଇବା ପର୍ମେସର୍, ତେବର୍ପାଇ ସବୁ ମୁନ୍ସୁଜାତି ମର୍ ମୁଆଟେ ମାଣ୍ଡିକୁଟା ଦେବାଇ ।

✨ ୧୪:୧ ୧୪:୧ ରମିୟ ୨:୧୭ ✨ ୧୪:୧୦ ୧୪:୧୦ ୨ୟ କରନ୍ତିୟ ୫:୧୦

ମୁଁ ପରମେସ୍ୱର ବଲି ସବୁ ଲକ୍ ନାମ୍ବାଇ ।”

୧୨ ସେବେଲେ ଆମେ ସବୁ ଲକ୍ ପରମେସ୍ୱର ଲଗେ ଚିଆଅଇ ଆମେ କରିରଇବା କାମର୍ ଇସାବ୍ ଦେବାକେ ପଡ଼ସି ।

**ବାଇକେ ନସ୍ତ ଅଇବାକେ ନ ଦିଆସ୍**

୧୩ ସେଟାର ପାଇ ତମର୍ ବିତ୍ରେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ବିଚାର କରାନାଇ । ତାର ବାଦୁଲେ ଆମର୍ ବାଇମନର୍ ଚଲାଚଲ୍‌ତିତେଇ ବିନ୍ ଲକ୍‌କେ ପାପ୍ କରାଇବା କାଇମିସା ବିସଇ ଆତେ କି ନାଇ, ସେଟା ଆମେ ନିଜେ ଦେକ୍‌ବାର୍ ଆତେ । ୧୪ ଜିସୁ ମାପ୍‌ରୁର୍ ସଙ୍ଗ୍ ମିସ୍‌ଲାର୍‌ପାଇ ପରମେସ୍ୱର ଦେକ୍‌ବା ଇସାବେ କାଇ କାଦି ମିସା ନିର୍‌ବାଟା ନାଇ ବଲି ମୁଇ ଜାନି । ମାତର୍ କାଇମିସା ଗଟେକ୍ କାଦି ପରମେସ୍ୱର ନିର୍‌ଲା ଆତେ ବଲି ଗଟେକ୍ ଲକ୍ ବିସ୍‌ବାସ୍ କଲେ, ସେଟା ସେ ନ କାଇଲେ ତାର୍‌ପାଇ ନିକ । ୧୫ ତମେ କାଇ କାଦି ମିସା କାଇଲାର୍‌ପାଇବଲି ଜଦି ତମର୍ ଗଟେକ୍ ବାଇକେ ଦୁକ୍ କରାଇସା, ସେନ୍ତାର୍‌ଆଲେ ତାର୍‌ପାଇ ତମର୍ କାଇ ଆଲାଦ୍ ନାଇ ପାରା ଆତେ । ତମର୍ କାଇବା କାଦିର୍‌ଲାଗି ଆରିଗଟେକ୍ ଲକ୍ ମନ୍ କଲାନ୍ତି । ସେଟା ନିକ ନର୍ । କାଇକେବଇଲେ ସେ ମିସା ତମର୍ ସଙ୍ଗର୍ ବିସ୍‌ବାସି । ଆରି ତାର୍ ଜାଗାଇମିସା କିରିସ୍‌ଟ ମଲାଆତେ । ୧୬ ଜଦି ଆରି କନ୍ ରକାମ୍ ଚଲାଚଲ୍‌ତି ପରମେସ୍ୱର ମନ୍କେ ଜାଏ ନାଇ ବଲି କେତେଟା ବିସ୍‌ବାସି ବାବ୍‌ବାଇ, ମାତର୍ ସେଟା ବଲ୍ ବଲି ତମେ ବାବ୍‌ସା ବଇଲେ ସେଟା କରା ନାଇ । ସେନ୍ତାର୍‌ଆଲେ ସେଟା ନିକ ନର୍ ବଲି କେ ବାବିନାପାରଡ୍ । ୧୭ ପରମେସ୍ୱର ରାଇଜର୍ ସାସନ୍ ଅବ୍‌କା ନ କାଇବା କାଦିପିଦିର୍ ନିଅମର୍‌ପାଇ ନାଇ । ମାତର୍ ତାର୍ ମୁଆଟେ ଦରମ୍ ବଲାଇଅଇବାଟା, ବିନ୍ ଲକ୍‌ମନର୍ ସଙ୍ଗ୍ ମିସି ସୁକ୍‌ସାନ୍ତିସଙ୍ଗ୍ ରଇବାଟା, ଆରି ସୁକ୍‌ଲାଆଡ଼ମା ଦେଇରଇବା ସାର୍‌ଦା ବିସଇ ଆତେ । ୧୮ ଆମେ କିରିସ୍‌ଟକେ ଏ ରକାମ୍ ନାମ୍‌ଲେ, ପରମେସ୍ୱରକେ ସାର୍‌ଦା କରାଇବୁ ଆରି ବିନ୍ ଲକ୍‌ମନ୍କେ ନାମାଇବୁ ।

୧୯ ସେଟାର ପାଇ ଆସା, ଆମେ ଏନ୍ତାରି ଚଲାଚଲ୍‌ତି କରୁ, ଜେନ୍ତାରିକି ଆମର୍ ଆମର୍ ବିତ୍ରେ ସୁକ୍ ସାନ୍ତିସଙ୍ଗ୍ ରଇଅଇସି । ଆରି ଆମର୍ ବିସ୍‌ବାସ୍ ତାଟ୍ ରଇସି । ୨୦ ଜନ୍ କାଦି କାଇବାକେ ବିନ୍ ଲକ୍‌କର୍ ମନ୍‌ନାଇ, ସେ କାଦି କାଇକରି, ପରମେସ୍ୱରକେ କାମ୍ ନସାଆ ନାଇ । ଜନ୍ ରକାମ୍ କାଦିମିସା କାଇଅଇସି । ମାତର୍ ତମେ କାଇଲାର୍‌ପାଇ ବିନ୍ ଲକ୍‌ମନ୍କେ ପାପ୍‌ବାଟେ ଡାକିନେଲେ, ସେଟା ବୁଲ୍ । ୨୧ ବିନ୍ ଲକ୍‌ମନ୍ ନିର୍‌ବା କାଦି ଆମେ କାଇବାର୍ ନାଇ । କି ମଦ୍ କାଇବାର୍ ନାଇ । ଆମର୍ ବିତ୍ରେ ରଇବା ଗଟେକ୍ ବାଇ କି ବଇନିକେ ପାପ୍‌ବାଟେ ଜିବା ବିସଇ ନ କରୁ । ୨୨ ଏ ବିସଇନେଇ ତମେ କାଇଟା ବିସ୍‌ବାସ୍ କଲାସ୍‌ନି ସେଟା ପରମେସ୍ୱର ଆରି ତମର୍ ବିତ୍ରେ ରଅ । ଜନ୍ ଲକ୍‌ମନ୍ ନିଜର୍ ଚଲାଚଲ୍‌ତିର୍‌ପାଇ ନିଜର୍ ବିବେକ୍ ସେମନ୍‌କେ ଦସ୍ ନ ଦାରେ, ସେ କେତେକ୍ କରମର୍ ଲକ୍ । ୨୩ ଜଦି ଗଟେକ୍ ଲକ୍ ତାର୍ କାଇବାଟା ଟିକ୍ କି ନାଇ ବଲି ବାବ୍‌ଲାନ୍ତି, ଆରି ମନ୍କେ ନ ଲାଗ୍‌ବା କାଦି କାଇସି, ସେନ୍ତାର୍‌ଆଲେ ସେ, ପରମେସ୍ୱର ବିରୁଦ୍‌ ପାପ୍‌କଲାନ୍ତି । କାଇକେବଇଲେ ସେ ନିଜର୍ ବିବେକ୍‌କେ ମାନେନାଇ । ଜନ୍‌ଟା ନିକ ନର୍ ବଲି ଆମେ ବିସ୍‌ବାସ୍ କଲୁନି, ଆରି ସେଟାସେ କରିଆଇଲୁନି, ସେନ୍ତାର୍‌ଆଲେ ଆମେ ପାପ୍‌କଲୁନି ।

**୧୫**

**ବିନ୍‌ଲକ୍‌କେ ସାର୍‌ଦା କରାଆ**

୧ ଏବେ ଆମେ, ଜାର୍ ବିସ୍‌ବାସ୍ ତାଟ୍ ଆତେ, ଜନ୍ ଲକ୍‌ମନ୍ ବିସ୍‌ବାସେ ଦୁର୍‌ବଲ୍ ଆତଡ୍ ଆରି ଅସୁବିଦାଇ ଆତଡ୍, ସେମନ୍‌କେ ଆମେ ସାଇଜ କର୍‌ବାର୍ ଆତେ । ଆରି ନିଜେ ସାର୍‌ଦା ରଇବା ବିସଇ ଚିନ୍ତା କର୍‌ବାର୍ ନାଇ । ୨ ମାତର୍ ଆମର୍ ବାଇବଇନିମନ୍‌କେ ସାର୍‌ଦା କରାଇବାକେ ଆରି ସେମନର୍ ବିସ୍‌ବାସ୍ ତାଟ୍ କର୍‌ବାକେ ତାକର୍ ପାଇ ନିକ ବିସଇ କର୍‌ବାର୍ ଆତେ । ୩ କାଇକେବଇଲେ କିରିସ୍‌ଟ ନିଜ୍‌କେ ସାର୍‌ଦା କରାଏ ନାଇ । ମାତର୍ ସାସ୍‌ତରେ ଏନ୍ତାରି ଲେକାଅଇଲାଆତେ, ଜନ୍ ଲକ୍‌ମନର୍ କାରାପ୍ କାତା ତମକେ ନିନ୍ଦାକଲା, ସେଟା ମକେମିସା ନିନ୍ଦା କଲାଇ । ୪ କାଇକେବଇଲେ ସାସ୍‌ତରେ ଜେଡ୍‌କି ଲେକା ଅଇଲାଆତେ, ସେ ସବୁ ଆମକେ ସିକାଇବାକେ । ଜେନ୍ତାରିକି, ସାସ୍‌ତରେଅନି ଜନ୍ ମୁର୍‌ଚି ରଇବାଟା ଆରି ସାର୍‌ଦା କରାଇବାଟା ଆମେ ମିଲାଇଆରୁ, ତେଇଅନି ଆମର୍ ଆସା ବଡ଼ସି । ୫ ପରମେସ୍ୱରସେ ଆମକେ ମୁର୍‌ଚିରଇବାଟା ଆରି ସାର୍‌ଦା କରାଇବାଟା ଦେଇସି । ଆରି ଜିସୁକିରିସ୍‌ଟର୍ ବାଟେ ଇଣ୍ଡି କରି ସବୁର୍ ମନ୍ ଗଟେକ୍ ଅଇବାକେ ସାଇଜ କର । ୬ ଜଦି ସେଟା ଅଇଲେ ଆମର୍ ମାପ୍‌ରୁ ଜିସୁକିରିସ୍‌ଟର୍ ବାବା ଆରି ଆମର୍ ପରମେସ୍ୱରକେ ଡାକ୍‌ପୁଟା କର୍‌ବାତେଇ ତମେ ସବୁ ଗଟେକ୍ ଅଇସା ।

**ଜିଉଦି ଆରି ଜିଉଦିନଇଲା ଲକ୍‌ମନର୍ ପାଇ ସୁବ୍ କବର୍**

୭ କିରିସ୍‌ଟ ଜେନ୍ତା ତମକେ ଡାକ୍‌ଲା ଆତେ, ତମେ ମିସା ସେନ୍ତା ତମର୍ ସଙ୍ଗର୍ ବିସ୍‌ବାସିମନ୍‌କେ ଡାକିନିଆ । ତମେ ଜଦି ଏନ୍ତା କଲେ ପରମେସ୍ୱର ଡାକ୍‌ପୁଟା ପାଇସି । ୮ କିରିସ୍‌ଟ ଜିଉଦିମନର୍‌ଲଗେ ଗଟେକ୍

ଗତିଦାଙ୍ଗତାପାରା ଅଇଲା । ପରମେସର୍ ତାକର୍ ଆନିଦାଦିମନ୍‌କେ ଜନ୍ କାତା ଦେଇରଇଲା, ସେଟା ସତ୍‌ସଙ୍ଗ ସେ ପୁରାପୁରୁନ୍ କର୍‌ସିଆକା ବଲି ଦେକାଇବାକେ ସେନ୍ତାରି କରିରଇଲା ।<sup>୯୯</sup> ଜିଉଦି ନ ଅଇଲା ଲକ୍‌ମନ୍‌କେ ପରମେସର୍ ତାର ଦୟା ଦେକାଇସି, ଆରି ସେମନ୍ ତାକେ ଡାକ୍‌ପୁଟା କର୍‌ବାଇ । ଜେନ୍ତାରି କି ସେମନ୍ ତାକେ ଡାକ୍‌ପୁଟା କର୍‌ବାଇ । ଏ ବିସଇ ସାସ୍‌ତରେ ଲେକା ଆତେ ।

ମୁଇ ଜିଉଦିନଇଲା ଲକ୍‌ମନ୍‌ର ବିତ୍‌ରେ ତମ୍‌କେ ଡାକ୍‌ପୁଟା କର୍‌ବି,  
ସବୁବେଲା ତମର୍ ଡାକ୍‌ପୁଟାର୍ ଗିଡ୍ ଗାଇବି ।

<sup>୧୦</sup> ଆରି ଏନ୍ତାରିମିସା ଲେକାଆତେ,  
“ତମେ ଜିଉଦିନଇଲା ଲକ୍‌ମନ୍ ଏ ସାର୍‌ଦାଇ ମିସା  
କାଇକେବଇଲେ ଏବେ ତମେ ଜିଉଦିମନ୍‌ରପାରା ।  
ତମେ ପରମେସର୍‌ର ବାଟିରଇବା ଜିଉଦିମନ୍‌ରପାରା ।”

<sup>୧୧</sup> ଆରିତରେକ୍ ସେ କଇଲାଆତେ  
“ଜେଡ୍‌କି ଜିଉଦି ନ ଅଇଲା ଲକ୍‌ମନ୍ ପରମେସର୍‌କେ ତୁସ୍‌ତିକରା !”  
ଆରି ଗୁଲାଇ ମୁନୁସ୍ ଜାତି ତାକେ ଡାକ୍‌ପୁଟା କରା ।

<sup>୧୨</sup> ଆରି ଜିସାଇଅ କଇଆତେ,  
“ଜେସିର୍ କୁଟୁମେଅନି ଗଟେକ୍ ଲକ୍ ବାରଇସି,  
ସେ ଜିଉଦି ନଇଲା ଲକ୍‌ମନ୍‌କେ ସାସନ୍ କର୍‌ସି  
ଆରି ସେମନ୍ ତାକେ ବିସ୍‌ବାସ୍ କର୍‌ବାଇ ।”

<sup>୧୩</sup> ପରମେସର୍ ଜେକି ସବୁ ଆସାର୍ ମୁଲ୍‌ତେଲି । ତମର୍ ବିସ୍‌ବାସର୍ ଲାଗି ସେ ତମ୍‌କେ ସବୁ ସାନ୍ତି ସାର୍‌ଦା ଦେଅ । ସୁକଲ୍ ଆଡ୍‌ମାର୍ ବପୁ ସଙ୍ଗ୍ ତମର୍ ଆସା ଅଦିକ୍ ଅଇଜାଅ ।

**ଜିଉଦିନଇଲା ଲକ୍‌ମନ୍‌ର ଟାନେ ପାଉଲର୍ ସେବାକାମ୍**

<sup>୧୪</sup> ଏ ବାଇବଇନିମନ୍ ତମର୍ ବିସ୍‌ବାସ୍ ନିକଆତେ, ବଲି ମୁଇ ଜାନିଆତି । ଆରି ପରମେସର୍‌ର ବାକିଅ ତମେ ନିକସଙ୍ଗ୍ ବୁଜ୍‌ଲାସ୍‌ନି ଆରି ଏବେ ତମେ ବିନ୍ ଲକ୍‌ମନ୍‌କେ ମିସା ସିକାଇପାର୍‌ସା ।<sup>୧୫</sup> ମାତର୍ ଏ ଚିଟିତେଇ ତମ୍‌କେ କେତେଟା ବିସଇନେଇ ଜାଗରଡ୍ କରାଇବାକେ ମୁଇ ବପୁ ଅଇଲି ଆତି । କାଇକେବଇଲେ ପରମେସର୍ ମକେ ଅଦିକାର୍ ଦେଲାକେ ମୁଇ ତାଟ୍‌ସଙ୍ଗ୍ ଏଟା ତମ୍‌କେ କଇଲିନି ।<sup>୧୬</sup> କିରିସ୍‌ଟ ଜିସୁର୍ ଦାଙ୍ଗତା ଇସାବେ ଜିଉଦି ନଇଲା ଲକ୍‌ମନ୍‌ର ପାଇ କାମ୍ କର୍‌ବାକେ ପରମେସର୍ ମକେ ବାଟ୍‌ଲାଆତେ । ପରମେସର୍‌ର ସୁବ୍‌କବର୍ ଜାନାଇବା ପାଇ ମୁଇ ଗଟେକ୍ ଦରମ୍ ଗୁରୁ ଇସାବେ କାମ୍‌କଲିନି । ଜେନ୍ତାରିକି ଜିଉଦିନଇଲା ଲକ୍‌ମନ୍ ଗଟେକ୍ ସୁକଲ୍ ବଲି ଇସାବେ ପରମେସର୍‌କେ ସର୍‌ପିଦେବାଇ । ଏ କାମ୍ ସୁକଲ୍‌ଆଡ୍‌ମା ପୁରାପୁରୁନ୍ କର୍‌ସି ।<sup>୧୭</sup> କିରିସ୍‌ଟ ଜିସୁର୍‌ତେଇ ମକେ ମିସାଇଲାଟ୍‌ପାଇ, ତାର୍ ଏ ସେବା କାମ୍ କର୍‌ବାକେ ମୁଇ ମୁଲ୍‌କେ ଲାଜ୍ ଅଇନାଇ ।<sup>୧୮</sup> ଜିଉଦି ନ ଅଇଲା ଲକ୍‌ମନ୍‌କେ ପରମେସର୍‌ର ଆଦେସ୍ ମାନ୍‌ବାକେ କିରିସ୍‌ଟ ମକେ ଦେଇକରି ଜନ୍‌ଟା ସାଦନ୍ କଲାଆତେ, ଅବ୍‌କା ସେଟାସେ ମୁଇ ତାଟ୍ ସଙ୍ଗ୍ କଇବି । କାଇଟା କଇବାର୍‌ଆତେ, ଆରି କାଇଟା କର୍‌ବାର୍‌ଆତେ, ସେମକେ ଜାନାଇଲାକେ ଏଟା ଅଇଲା ।<sup>୧୯</sup> ଚିନର୍ ଲାଗି, କାବାଅଇଜିବା କାମର୍‌ଲାଗି ଆରି ସୁକଲ୍‌ଆଡ୍‌ମାର୍ ବପୁର୍‌ଲାଗି ଏଟା ସବୁ କଲାଆତେ । ସେଟାର୍ ପାଇ ମୁଇ ଜିରୁସାଲମେଅନି ଇଲିରିକମ୍‌କେ ଗାଲାବେଲେ ବାଟେ କିରିସ୍‌ଟର ସୁବ୍‌କବର୍ ପୁରାପୁରୁନ୍ ଜାନାଇଲି ଆତି ।<sup>୨୦</sup> ଜନ୍ ଜାଗାମନ୍‌କେ ଲକ୍‌ମନ୍ କିରିସ୍‌ଟର୍ ବିସଇ ସୁନନ୍‌ନାଇ, ସିତି ତାର୍ କବର୍ ଜାନାଇବାର୍ ମର୍ ଆଦେସ୍ ରଇଲା । କାଇକେବଇଲେ ଜନ୍‌ଲକ୍‌ମନ୍‌କେ ସୁବ୍‌କବର୍ ବିନ୍‌ଲକ୍‌ମନ୍ ଜାନାଇ ସାରାଇଆଟ୍, ତେଇ ମୁଇ ଆରିତରେକ୍ କଇବାକେ ମନ୍ କରିନାଇ ।<sup>୨୧</sup> ଜେନ୍ତାରିକି ସାସ୍‌ତରେ ଲେକା ଆତେ,  
“ଜନ୍‌ଲକ୍‌ମନ୍ ତାର୍ ନାଉଁ ଏବ୍‌କେଜାକ ସୁନନ୍‌ନାଇ, ଏବେ ସେ କେ ବଲି ଜାନବାଇ ।  
ଜନ୍‌ଲକ୍‌ମନ୍‌କେ ଏବେଜାକ ତାର୍ ବିସଇ ଜାନାଅଡ୍‌ନାଇ, ସେମନ୍ ବୁଜ୍‌ବାଇ ।”

**ରମଦେସେ ଜିବାକେ ପାଉଲର୍ ଜଜନା**

<sup>୨୨</sup> \*ମୁଇ ବେସିତର୍ ତମ୍‌କେ ଦେକିଆଇବାଟା ପିଟିଗାଲା ଆତେ ।<sup>୨୩</sup> ମାତର୍ ଏ ଜାଗା ଲଗେ ମର୍ କାମ୍ ସାରିଗାଲା ଆତେ । ଆରି ତମ୍‌କେ ଦେକ୍‌ବାକେ ମର୍ ବେସି ବରସର୍ ଆସା ଏବେ ପୁରାପୁରୁନ୍ ଅଇସି ।<sup>୨୪</sup> ସାରାସାରି ଏବେ ମୁଇ ତମ୍‌କେ ଦେକ୍‌ବାକେ ଆସିଅଇସି । ଏସ୍‌ପେନ୍ ଦେସେ ଜିବା ବାଟେ ତମ୍‌କେ ଦେକିଆଇବି ବଲି ବାବ୍‌ଲିଆତି । ତମର୍‌ଟାନେ ସାର୍‌ଦାସଙ୍ଗ୍ କେତେ ବେଲା ବିତାଇଲା ପତେ ତମର୍ ସାଇଜେ ଏସ୍‌ପେନ୍ ଦେସେ ଉଟିଜିବି ।

\* ୧୫:୨୨ ୧୫:୨୨ ରମିୟ ୧:୧୩



୨୫ ☆ଏବେ ମୁଁ ପରୁତୁମ୍ ଜିରୁସାଲମେ ଗାଲିନି । କାଲକେବଇଲେ ତେଇର୍ ବିସ୍ବାସିମନ୍‌କେ ସେବାକାମେ ସାଇଜ କରବା କେତେକ୍ ତାରୁ ନେଇଦେବାକେ ମକେ କଇଲାଲ ଆଚଡ୍ । ୨୬ ମାକିଡନିଆ ଆରି ଗିରିସର୍ ଆକାୟାତେଇ ରଇବା ବିସ୍ବାସିମନ୍ ଜିରୁସାଲମେ ରଇବା ଅରକିଡ୍ ବିସ୍ବାସିମନ୍‌ପାଇ ଏ ସାଇଜ ପାଟାଇବାଟା ନିକ ରଇସି ବଲି ବାବଲାଲ । ୨୭ ☆ସେମନ୍ ବେସି ସାରଦାଅଇ ଏ ସାଇଜ ଦେଲାଲନି । ଏଟା ଦେଇକରି ସେମନ୍ ଟିକ୍ ବିସଇ କଲାଲ । କାଲକେବଇଲେ, ଜିରୁସାଲମେ ରଇବା ବିସ୍ବାସିମନ୍‌ଟା ଟାନେ ସେମନ୍ ରୁନି ଅଇଆଚଡ୍ । ସେଟା କେନ୍‌ତିବଇଲେ ଜିଉଦିମନ୍‌ଟାନେଅନିସେ ପର୍‌ମେସର୍‌ର୍ ବାକିଅ ଇତିର୍ ଜିଉଦି ନ ଅଇଲା ଲକ୍‌ମନ୍‌କେ ଆନିରଇଲା । ସେଟାପାଇ ତେଇର୍ ଅରକିଡ୍ ଜିଉଦିମନ୍‌କେ କେତେକ୍ ତାରୁ ସାଇଜ ପାଟାଇବାଟା ନିକ ବିସଇ । ୨୮ ଆରି ମର୍ ଏ କାମ୍ ସାରାଇକରି ସେମନ୍‌ ସାଇଜର୍‌ପାଇ ଆନିରଇବା ତାରୁ ସର୍‌ପିଦେଲା ପଟେ, ମୁଁ ଇସ୍‌ପେନ୍‌ଦେସେ ଜିବାକେ ବାରଇବି । ଆରି ବାଟେ ତେବିକରି ତମ୍‌କେ ଦେକବି । ୨୯ ମୁଁ ଜାନିଆଟି, ତମ୍‌ଟାନେ କେଟ୍‌ଲାବେଲେ କିରିସ୍‌ଟର୍ ପୁରାପୁରୁନ୍ ଆସିରବାଦ୍‌ନେଇ ମୁଁ ଆଇବି ।

୩୦ ଏ ମର୍ ଆଲାଦର୍ ବାଇବଇନିମନ୍ ! ଆମର୍ ମାପୁରୁ ଜିସୁ କିରିସ୍‌ଟର୍ ନାଉଁ ଦାରି ଆରି ସୁକଲଆଡ୍‌ମା ଦେଲା ଆଲାଦର୍ ପାଇ ମୁଁ ତମ୍‌କେ ଗୁଆରି କଲିନି, ମର୍ ପାଇ ମନ୍‌ଦେଇ ପାର୍‌ତନା କର୍‌ତେରୁଆ । ୩୧ ଜିଉଦା ଦେସେ ରଇବା ବିସ୍ବାସି ନ କଲା ଲକ୍‌ମନ୍‌ଟା ଟାନେଅନି ମକେ କାଇଟା ନ ଅଅ ବଲି ପାର୍‌ତନା କରା । ଜିରୁସାଲମର୍ ବିସ୍ବାସିମନ୍‌କେ ଜନ୍ ସାଇଜ ମୁଁ ନେଇଦେଲିନି, ସେଡ୍‌କିରେ ସେମନ୍ ସାରଦାସଙ୍ଗ୍ ଅଅଡ୍, ବଲି ସେଟାପାଇ ମିସା ପାର୍‌ତନା କରା । ୩୨ ସେଟା ସାରଲାପଟେ ପରମେସର୍ ମନ୍ କଲେ ମୁଁ ତମ୍‌ର୍ ଲଗେ ଆଇବି । ଆରି ତମ୍‌ର୍ ସଙ୍ଗ୍ ସାରଦାସଙ୍ଗ୍ କେତେଦିନ୍ ରଇକରି ମର୍ ମନେ ସାନ୍ତି ପାଇବି । ୩୩ ସାନ୍ତିଦେବା ପରମେସର୍ ତମ୍‌ର୍ ସବୁ ଲକ୍‌ର୍ ସଙ୍ଗ୍ ରଅ । ଆମେନ୍ ।

## ୧୭

### ଜୁଆର୍

୧ ଏ ଚିଟିତେଇ ପିବି, ଜେ କି କିରିସ୍‌ଟର୍ ଲାଗି ଆମର୍ ବଇନି ଅଇଲାଆଟେ, ତାର୍ ବିସଇ ଜାନାଇଲିନି । ସେ କେକ୍ ଜାଗାଇ ରଇବା ମଣ୍ଡୁଲିଟାନେ ଏବେ ସେବାକାମ୍ କଲାନି । ତାକେ ମୁଁ ତମ୍‌ର୍‌ଲଗେ ପାଟାଇଲିନି । ୨ ଆମର୍ ମାପୁରୁ ନାଉଁ ଦାରି ତାକେ ତାକିନିଆ । କାଲକେବଇଲେ ଏଡ୍‌ଡାରି ଚଲାଟଲୁଡି ବିସ୍ବାସିମନ୍‌ପାଇ ନିକ । ତାକେ କାଲଆଲେ ଲଡା ରଇଲେ ସାଇଜ କରା । କାଲକେବଇଲେ ସେ ମକେ ଆରି ବେସି ବିସ୍ବାସିମନ୍‌କେ ସାଇଜ କଲାଆଟେ ।

୩ ☆ କିରିସ୍‌ଟର୍ ମର୍ ସଙ୍ଗ୍ କାମ୍‌କରୁମନ୍ ପିରିସ୍‌କିଲା ଆରି ଆକିଲାକେ ମର୍ ଜୁଆର୍ ଜାନାଆ । ୪ ସେମନ୍ ମକେ ସାଇଜ କଲାପାଇ ନିଜର୍ ଜିବନ୍ ବିପଦେ ପାକାଇ ଆଚଡ୍ । ଏଟାପାଇ ମୁଁ ସେମନ୍‌କେ ବେସି ଜୁଆର୍ କଲିନି । ଅବ୍‌କା ମୁଁ‌ସେ ନାଇ, ଇତି ରଇବା ସବୁ ଜିଉଦି ନଇଲା ମଣ୍ଡୁଲିମନ୍ ମିସା ସେମନ୍‌କେ ଜୁଆର୍ ଜାନାଇଲାଲନି । ୫ ସେମନ୍‌ ଗରେ ପାର୍‌ତନାକେ ରୁଣ୍‌ବା ମଣ୍ଡୁଲିକେ ମିସା ମର୍ ଜୁଆର୍ ଜାନାଇଲିନି ।

ମର୍ ଆଲାଦର୍ ମଇତର୍ ଏପାଇନେତନ୍‌କେ ମର୍ ଜୁଆର୍ ଜାନାଇଲିନି । ଆସିଆ ରାଇଜେ ସେ ସିଗ୍ ପରୁତୁମ୍ କିରିସ୍‌ଟ୍ ବିସ୍ବାସି ଅଇରଇଲା । ୬ ତମ୍‌ର୍ ନିକ ପାଇ ବେସି କସ୍‌ଟ ପଡିରଇବା ମରିୟମକେ ମର୍ ଜୁଆର୍ ଜାନାଇ ଦିଆସ୍ । ୭ ଆନ୍‌ରନିକ୍ ଆରି ଯୁନିୟାକେ ମର୍ ଜୁଆର୍ ଜାନାଇଲିନି । ଏ ଦୁଇଟା ମର୍ ସଙ୍ଗ୍‌ର୍ ଜିଉଦିଲକ୍ । ସେମନ୍ ମର୍ ସଙ୍ଗ୍ ବନ୍ଦିସାଲେ ରଇଲାଲ । ମର୍ ଆଗତୁ ସେମନ୍ କିରିସ୍‌ଟକେ ବିସ୍ବାସ କଲାଲ । ଆରି ସବୁ ପେରିଡ୍ ସିସ୍‌ମନ୍ ସେମନ୍‌କେ ସନ୍‌ମାନ୍ ଦେବାଇ ।

୮ ମାପୁରୁଲଗେ ମର୍ ଆଲାଦର୍ ମଇତର୍ ଆମ୍‌ପଲିଆକେ ଜୁଆର୍ ଜାନାଇଦିଆସ୍ । ୯ କିରିସ୍‌ଟର୍ ସେବାଇ ମର୍ ସଙ୍ଗାରି ଉର୍‌ବାନ ଆରି ମର୍ ଆଲାଦର୍ ମଇତର୍ ତାକିୟକେ ମିସା ମର୍ ଜୁଆର୍ ଜାନାଇଦିଆସ୍ । ୧୦ କିରିସ୍‌ଟକେ ବିସ୍ବାସକରି ସେବାକର୍‌ବା ଆପଲ ଆରି ଆରିସ୍‌ତବଲର୍ କୁରୁମର୍ ସବୁକେ ମର୍ ଜୁଆର୍ ଜାନାଇଦିଆସ୍ । ୧୧ ମର୍ ସଙ୍ଗ୍‌ର୍ ଜିଉଦି ଏରଦିୟନ୍ ଆରି ନାରସିସର୍ ଗରେ ରୁଣ୍‌ବା ବିସ୍ବାସି ବାଇବଇନିମନ୍‌କେ ମର୍ ଜୁଆର୍ ଜାନାଇଦିଆସ୍ ।

୧୨ ମାପୁରୁର୍ ସେବାଇ ଲାଗିରଇଲା ତିରିପନ୍ ଆରି ତିରିପସା ଆରି ମାପୁରୁର୍ ପାଇ ବେସି କସ୍‌ଟ ପଡିରଇବା ଆଲାଦର୍ ପର୍‌ସିସ୍‌କେ ମର୍ ଜୁଆର୍ ଜାନାଇଦିଆସ୍ । ୧୩ ☆ମାପୁରୁର୍ ମୁକିଅ ଦାଙ୍ଗ୍‌ତା ରୁପସ୍ ଜେ କି ସେବା କାମ୍‌ଟାନେ ଆବଡ୍ ଅଇ କଲାଆଟେ । ଆରି ମର୍ ଆୟାପାରା ତାକର୍ ଆୟାକେ ମିସା ମର୍ ଜୁଆର୍ । ସେ ମକେ ନିଜର୍ ପଅ ପାରା ଦେକଲା । ୧୪ ଆସୁକିରି, ପେଲେଗନ୍, ଅର୍‌ମିସ୍, ପାଡ୍‌ରବା, ଅର୍‌ମାସ୍ ଆରି ସେମନ୍‌ର୍ ସଙ୍ଗ୍ ରଇବା ସବୁ ବିସ୍ବାସି ବାଇବଇନିମନ୍‌କେ ଜୁଆର୍ ଜାନାଆ । ୧୫ ପିଲଲଗ୍

☆ ୧୫:୨୫ ୧୫:୨୫ ୧ମ କରକ୍ରିୟ ୧୬:୧-୪ ☆ ୧୫:୨୬ ୧୫:୨୬ ୧ମ କରକ୍ରିୟ ୯:୧୧ ☆ ୧୬:୩ ୧୬:୩ ପେରିଡ୍ ୧୮:୨ ☆ ୧୬:୧୩ ୧୬:୧୩ ମାର୍‌କ ୧୫:୨୧

ଆରି ଜୁଲିଆ, ନିରୁସ୍ ଆରି ତାର ବଇନି ଆରି ଅଲୁମ୍ପା ଆରି ସେମନର୍ ସଙ୍ଗ୍ ରଇତେରଇବା ସବୁ ପର୍ଯ୍ୟେସରର୍ ଲକ୍ମନକେ ମର୍ ଜୁଆର୍ ଜାନାଆ ।

୧୭ ତମର୍ ବିତ୍ତରର୍ ଆଲାଦ୍ ଦେକାଇକରି ଗଟେକ୍ ଲକ୍ ଆରି ଗଟେକ୍ ଲକ୍‌କେ ଜୁଆର୍‌ବେଟ୍ ଉଆ । କିରିସ୍‌ଟର୍ ସବୁ ମଣ୍ଡଲି ତମ୍‌କେ ଜୁଆର୍ ଜାନାଇଲାନି ।

**ପାଉଲର୍ ସାରାସାରି ଆଦେସ୍**

୧୭ ଏ ମର୍ ବାଇବଇନିମନ୍, ମୁଇ ତମ୍‌କେ ବାବୁଜିଆ କଲିନି, ତମେ ଜାଗ୍‌ରତ୍ ଅଇକରି ରୁଆ । ତମର୍ ବିସ୍‌ବାସ୍ ଆରି ଗଟେକ୍ ମନ୍ ଅଇରଇବାଟା ଜନ୍ ଲକ୍‌ମନ୍ ବେଗ୍‌ଲାଇବାକେ ଚେସ୍‌ଟା କଲାଇନି, ତାକ୍‌ଟାନେଅନି ଦୁରିକେ ରୁଆ । କାଇକେବଇଲେ, ତମେ ଜନ୍ ସିକିଆ ପାଇଆଟାସ୍, ତାର୍ ବିରଦ୍ କଲାଇନି । ୧୮ ଜନ୍ ଲକ୍‌ମନ୍ ଏନ୍ତାରି କାମେ ବୁଡି ଆତଡ୍, ସେମନ୍ ଆମର୍ ମାପ୍‌ରୁ କିରିସ୍‌ଟର୍ ଆଦେସ୍ ମାନଡ୍ ନାଇ । ସେମନ୍ କାଲି ନିଜର୍ ମନ୍ କର୍‌ବାଟା ପୁରାପୁରୁନ୍ କର୍‌ବାକେ ତେରେପେତେ ଅଇଲାଇନି । ସୁଆଦ୍ କାତା ଆରି ତିପୁଲ୍ କାତା କଇ ଦରମ୍ ଲକ୍‌ମନ୍‌କେ ବୁଲ୍‌କାଇଦେଲାଇନି । ୧୯ ତମେ ପର୍ଯ୍ୟେସରର୍ ଆଦେସ୍ ମାନଲାସ୍‌ନି ବଲି ତାର୍ ସୁବ୍‌କବର୍ ଗୁଲାଇବାଟର୍ ଲକ୍ ଜାନ୍‌ଲାଇ । ସେଟାର୍ ପାଇ ମୁଇ ବେସି ସାର୍‌ଦା । ମୁଇ ମନ୍ କଲିନି, ତମେ ସଡ୍ ବିସଇତେଇ ଗିଆନି ଉଆ ଆରି କାରାପ୍ ବିସଇତେଇ ବୁଡି ରୁଆନାଇ । ୨୦ ଆରି ସାନ୍ତିଦେଉ ପରମେସର୍ ତମର୍ ଲାଗି ସଇତାନ୍‌କେ ପୁରାପୁରୁନ୍ କୁରୁପ୍‌ନାସ୍ କର୍‌ସି ।

ଆମର୍ ମାପ୍‌ରୁ ଜିସୁକିରିସ୍‌ଟର୍ ଜିବନ୍‌ଦୁକାଇଲାଟା ତମର୍ ସଙ୍ଗ୍ ସବୁବେଲେ ରଅ ।

୨୧ ✱ମର୍ ସଙ୍ଗ୍ ମିସିକରି କାମ୍‌କରବା ସଙ୍ଗାରି ତିମତି, ଆରି ଆମର୍ ଜିଉଦି ବାଇମନ୍ ଲୁକିଅ, ଜାସନ୍ ଆରି ସପିପାଡ୍‌ର ତମ୍‌କେ ଜୁଆର୍ ଜାନାଇଲାଇନି ।

୨୨ ମୁଇ ତରତିଅ, ମର୍ ସଙ୍ଗାରି ପାଉଲ୍, କଇଦେଲାକେ ଏ ଚିଟି ଲେକ୍‌ଲିଆଟି । ମାପ୍‌ରୁର୍ ନାଉଁ ଦାରି ମୁଇ ତମ୍‌କେ ଜୁଆର୍ ଜାନାଇଲିନି ।

୨୩ ✱ଗାୟ୍‌ସ୍ ତମ୍‌କେ ଜୁଆର୍ ଜାନାଇଲାନି । ମୁଇ ତାର୍ ଗରେ ରଇଲିନି ଆରି ତାର୍ ଗରେ ରୁଣ୍‌ବା ଇତିର୍ ବିସ୍‌ବାସିମନ୍ ତମ୍‌କେ ଜୁଆର୍ ଜାନାଇଲାଇନି । ଏ ଗତର୍ ତାବୁ ଇସାବ୍‌କିତାବ୍ କରୁ ଏରାସ୍‌ଟ ଆରି ବାଇ କାର୍‌ତ ମିସା ତମ୍‌କେ ଜୁଆର୍ ଜାନାଇଲାନି । ୨୪ ମାପ୍‌ରୁ ଜିସୁକିରିସ୍‌ଟର୍ ଜିବନ୍‌ଦୁକାନି ତମର୍ ସବୁ ଲକ୍‌ର ଲଗେ ରଅ ।

**ପାର୍‌ତନା ଆରି ସାର୍‌ଦାସଙ୍ଗ୍ ଏ ଚିଟି ସାର୍‌ଲାଟା**

୨୫ ଆସା, ପରମେସର୍‌କେ ଡାକ୍‌ପୁଟା କରୁ । ମୁଇ ଜାନାଇତେରଇବା ଜିସୁ କିରିସ୍‌ଟର୍ ବିସଇର୍ ସୁବ୍ କବର୍ ଆରି ଜୁଗ୍ ଜୁଗ୍ ଦାରି ଲୁଟି ରଇବା ଚିକିନିକିର୍ ସଡ୍ ଇସାବେ ରଇବା ତମର୍ ବିସ୍‌ବାସ୍ ପରମେସର୍ ଡାଟ୍‌କରି ସଙ୍ଗାଇବାକେ ପାରେ । ୨୬ ସେ ଚିକିନିକିର୍ ସବୁ ସଡ୍ ବବିସଡ୍‌ବକ୍‌ତାମନର୍ ସାସ୍‌ତରେ ସେ ଜାନାଇଲା ଆଟେ । ଆରି ଏବେ ମାପ୍‌ରୁ ପରମେସରର୍ ସଡ୍ ଜୁଗ୍ ଜୁଗ୍ ଅନି ସବୁ ଲକ୍‌ମନର୍ ବିତ୍ତରେ ଜାନାଇଆଟେ । ଇତିଅନି ସବୁ ବିସ୍‌ବାସ୍ କରି ପରମେସରର୍ କାତାମାନି ଚାଲି ପାର୍‌ବାଇ ।

୨୭ ମାପ୍‌ରୁ ଜିସୁ କିରିସ୍‌ଟର୍‌ତେଇଅନି ସବୁ ଜାନ୍‌ବା ଗଟେକ୍‌ସେ ପରମେସର୍ କାଲେ କାଲେ ଜୁଗେ ଜୁଗେ ଡାକ୍‌ପୁଟା ପାଅ । ଆମେନ୍ !

# କରନ୍ତିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ପ୍ରଥମ ପତ୍ର କରନ୍ତିୟ ମଣ୍ଡଳୀର ଲକ୍ଷ୍ମଣନେ ପାଉଲ୍ ପରତୁମ୍ଭର ଚିଠି ଲେଖିଲାଟା

## ଏ ବଇ ବିସଇତେଇ ଜାନ୍‌ବାଟା

ପରତୁମ୍ଭ କରନ୍ତିୟ ଚିଠି ପେରିତ୍ ପାଉଲ୍ ଲେଖିରଇଲା । ଏଟା ଜିସୁ କିରିସ୍ଟ ଜନମ୍ ଅଇକରି ୫୫ ବରସ୍ ପତେ ଲେଖିରଇଲା । ୧:୧ପାଉଲ୍ ଲେଖିରଇଲା ଦୁଇଟା ଚିଠି ବିତ୍‌ରେଅନି ଏଟା ୧ ମ ଚିଠି । ସେ ଏପିସିତେଇ ରଇଲା ବେଲାଇ ଏ ଚିଠି ଲେଖିରଇଲା । ମାକିଦନିଆଅନି କରନ୍ତି ବାସାଅଇଲା ଆଗେ ଲେକାଅଇରଇଲା । ୧୭:୫-୯ ।

ପାଉଲ୍ ଏ ଚିଠିଟାଣେ ମଣ୍ଡଳୀ ବିତ୍‌ରେ ଅଇତେ ରଇବା କରାପ୍ କାମ୍, ଦଲ୍ ଦଲ୍ ବିତ୍‌ରେ ବେଗ୍‌ଲା ବେଗ୍‌ଲି ଅଇବାଟା, ପାପ୍ କାମ୍ କରବାଟା ଜାନିରଇଲା । ଏ ସବୁ ବିସଇ ମଣ୍ଡଳୀର ଲକ୍ଷ୍ମଣନେ ଟାଣେ ସୁନିକରି ଏ ସବୁର ଉତ୍ତର ଦେବାକେ ଦିଆନ୍ ଦେଇତେ ରଇଲା । କରନ୍ତିୟ ନଅରେ ମୁନୁସ୍ ପିଲା ମାଈଜିଟକି ଅଇବା କରାପ୍ କାମ୍ ପାଇ ତାକ୍‌ପୁଟା ରଇଲା । ତେବର୍ ପାଇ ମଣ୍ଡଳୀମନ୍‌କେ ଏନ୍ତାରି ଅସୁବିଦାମନ୍ ଆଇତେ ରଇଲା । ୧ ମ କରନ୍ତି ଆଲାଦ୍ ବିସଇ ଗଟେକ୍ ବାଗ୍ ଦାରିଆଟେ ।

### ଏ ବଇଟାଣେ ରଇବାଟା

- ୧. ପାଉଲ୍ କରନ୍ତିଏ ରଇବା ଲକ୍ଷ୍ମଣନେ ଜୁଆର୍ ଜାନାଇଲାନି ଆରି ସେମନ୍‌ ପାଇ ପରମେସର୍‌କେ ଦନିଅବାଦ୍ ଦେଲାନି । ୧:୧-୯
- ୨. ପାଉଲ୍ କରନ୍ତି ମଣ୍ଡଳୀଅନି ସୁନି ରଇବା ମଣ୍ଡଳୀ ମଣ୍ଡଳୀ ବେଗ୍‌ଲି ଜାଇରଇବା ବିସଇ ସିକିଆ ଦେଲାନି । ୧:୧୦;୪:୨୧
- ୩. ବିନ୍‌ଟା ଅଇଲାନି ମାଈଜିଟକି ମୁନୁସ୍ ପିଲା ଅଇବା କାରାପ୍ କାମ୍ କରି ଗଟେକ୍ ଲକ୍ ଆରି ଗଟେକ୍ ଲକ୍‌କେ କରଟ୍ ଦୁଆର୍ ଜାକ ନେବା ବିସଇ ଲେକିଆଟେ । ୫-୬
- ୪. ପତେ ଜିବା ବିସଇ ମୁର୍ତ୍ତିମନ୍‌କେ ବଲିଦେବାଟା, ସବୁ ମିସିକରି ପାର୍‌ତନା କରବାଟା, ଆଡ୍‌ମାଇ ଦାନ୍ ପାଇଲାଟା ଆରି ମରି କରି ଆରି ତରେକ୍ ଉଟ୍‌ବାଟା ବିସଇ ଲେକା ଆଟେ । ୭-୧୫
- ୫. ସାରାସାରି ସେ ନିଜେ କରତେରଇବା କେତେଟା ବିସଇ ଲେକିକରି ସାରାଇଲାନି । ୧୭

୧ ମୁଇ ପାଉଲ୍ ଆରି ଆମର୍ ସଙ୍ଗର୍ ବିସ୍‌ବାସି ସସ୍‌ତିନା ଜୁଆର୍ ଜାନାଇଲୁନି । ପରମେସର୍‌ର ମନ୍ କଲା ଇସାବେ କିରିସ୍ଟ ଜିସୁର୍ ପେରିତ୍ ଅଇବାକେ ମକେ ବାଟିଆଟେ ।

୨ \*କରନ୍ତିୟ ନଅରେ ରଇବା ପରମେସର୍‌ ମଣ୍ଡଳୀର ଲକ୍ଷ୍ମଣନେ ଲେଖିଲୁନି । ପରମେସର୍‌ ତମକେ ଜିସୁକିରିସ୍ଟ ସଙ୍ଗ୍ ମିସାଇ, ତାର୍ ନିଜର୍ ଲକ୍ କଲାଆଟେ । ଆରି ମାପୁରୁ ଜିସୁକିରିସ୍ଟକେ ଉପାସନା କରବା, ସବୁ ଜାଗାଇ ରଇବା ଲକ୍‌ର୍ ସଙ୍ଗ୍ ତମକେ ସୁକଲ୍ ଅଇବାକେ ବାଟିଆଟେ । ସେ ଆମର୍ ମାପୁରୁ ଆରି ତାକର୍ ମିସା ।

୩ ଆମର୍ ବାବା ପରମେସର୍ ଆରି ଜିସୁ କିରିସ୍ଟ ତମକେ ଜିବନ୍ ଦୁକାଇ ସାନ୍ତି ଦେଅ ।

### କିରିସ୍ଟର୍ ଟାଣେ ଆସିର୍‌ବାଦ୍

୪ କିରିସ୍ଟ ଜିସୁର୍‌ଟାଣେ ପରମେସର୍‌ର ଜେନ୍ତି ଜିବନ୍ ଦୁକାଇରଇଲା, ସେ ଜିବନ୍ ଦୁକାନିର୍ ଲାଗି, ମୁଇ ସବୁବେଲେ ତମର୍ ବିସଇନେଇ ପରମେସର୍‌କେ ଦନିଅବାଦ୍ ଦେଲିନି । \*କାଇକେବଇଲେ ତମେ କିରିସ୍ଟ ସଙ୍ଗ୍ ମିସିକରି ଆଗାସ୍ ବଲି ପରମେସର୍‌ ତମକେ ଲତାକେ ଅଇବା ସବୁ ବିସଇ, ତମର୍ କାତା ଅଇବା ବପୁ ଆରି ସବୁ ରକାମର୍ ଗିଆନ୍ ଦେଇଆଟେ । ୬ କିରିସ୍ଟର୍ ବିସଇନେଇ ତମକେ ଜନ୍ କବର୍ କଇରଇଲୁ, ସେଟା ଟିକ୍ ଆକା ବଲି ଜାନା ପଡ୍‌ଲାନି । ୭ ତେବେ ତମେ ଆମର୍ ମାପୁରୁ ଜିସୁ କିରିସ୍ଟର୍ ଏ ଜଗତେ ବାଉଡି ଆଇବାଟା ଜାଗିରଇବାକେ ସବୁ ରକାମର୍ ଆଡ୍‌ମାର୍ ଦାନ୍ ମିଲାଇ ଆଗାସ୍ । † ଜେନ୍ତିକି ଆମର୍ ମାପୁରୁ ଜିସୁ ଆଇବା ଦିନେ ତମକେ କାଇ ମିସା ନିନ୍ଦା ନ ଅ । ଏଟାପାଇ ମାପୁରୁ ତମକେ ସାରାସାରି ଜାକ ମିସା ତବିର୍ କରି ସଙ୍ଗଇସି ।

୯ ଜନ୍ ପରମେସର୍‌ର ଲାଗି ତମେ ତାର୍ ପଅ ଜିସୁ କିରିସ୍ଟ, ଆମର୍ ମାପୁରୁସଙ୍ଗ୍ ମିସିବିଡି ରଇବାକେ ବାଟିଅଇ ଆଗାସ୍, ସେ ସେନ୍ତି କରସି ଆକା ବଲି ତାଟ୍ ସଙ୍ଗ୍ ବିସ୍‌ବାସ୍ କଲାସିନି ।

ବିସ୍‌ବାସିମନ୍ ବେଗ୍‌ଲା ବେଗ୍‌ଲି ଅଇବାଟା

\* ୧:୨ ୧:୨ ପେରିତ୍ ୧୮:୧

୧୦ ଏ ମର ବାଇବଲନିମନ୍, ଆମର ମାପରୁ ଜିସୁ କିରିସ୍ଟର ନାଉଁ ଦାରି ମୁଇ ତମକେ ବାବୁଜିଆ କଲିନି, ଜେନ୍ତୁକି ତମେ ସବୁଲକ୍ ଗଟେକ୍ କାତାଇ ରାଜି ଉଆ, ଆରି ତମର ତମର ବିତ୍ତରେ ବେଗଲ୍ଲା ବେଗଲ୍ଲି ଉଆନାଇ । ମାତର ତମେ ଗଟେକ୍ ଦଲ୍, ଗଟେକ୍ ମନ୍ ଆରି ଗଟେକ୍ କାତାଇ ରାଜି ଉଆ । ୧୧ ତମର ତମର ବିତ୍ତରେ ଲାଗାଜତା ଆଚେ ବଲି ମୁଇ କିଲିୟର କୁଟୁମେ ଅନି ସୁନିଆତି । ୧୨ ମୁଇ ବାବୁଲିନି, ତମର ବିତ୍ତରେ କେତେଲକ୍ କଇବାଇ, ଆମେ ପାଉଲର ବାଟେ ଜିବାଲକ୍, କେତେଲକ୍ ଆପଲର ବାଟେ ଜିବାଲକ୍, କେତେଲକ୍ କେପାର ବାଟେ ଜିବା ଲକ୍, ଆରି କେତେଲକ୍ ଆମେ କିରିସ୍ଟର ବାଟେ ଜିବା ଲକ୍ । ୧୩ କିରିସ୍ଟକେ ମୁକା ମୁକା କରି ବାଗ୍ ବାଗ୍ କଲାପାରା ଦଲ୍ ଅଇଆଚାସ୍ । ମୁଇ ପାଉଲ୍, ତମର ପାଇ କୁରସେ ମରିରଇଲି କି ? କି ତମେ ପାଉଲର ନାଉଁ ଦାରି ତୁବନ୍ ନେଇରଇଲାସ୍ ?

୧୪ ✨ସେଗାରପାଇ କିରିସ୍ଟ ଆରି ଗାଅକେ ଚାଡଲେ ତମର ବିତ୍ତରେ ଆରି କାକେ ମିସା ତୁବନ୍ ଦେଇ ନାଇ ବଲି ମୁଇ ପରମେସରକେ ଦନିଅବାଦ୍ ଦେଲିନି । ୧୫ ତମେ ମର ନାଉଁ ଦାରି ତୁବନ୍ ନେଇଆଚାସ୍ ବଲି କେତେବେଲେ କେ ମିସା କଇଦେବାଇ । ୧୬ ✨ଉଁ ତିପାନ୍କେ ଆରି ତାର କୁଟୁମର ଲକ୍କେ ମିସା ତୁବନ୍ ଦେଇରଇଲି । ଆରି କାକେ ତୁବନ୍ ଦେଲିଆତି କି ନାଇ ବଲି ମକେ ଏଡ୍ ଆସେ ନାଇ । ୧୭ କାଇକେବଇଲେ କିରିସ୍ଟ ମକେ ତୁବନ୍ ଦେବାକେ ପାଟାଏ ନାଇ, ନିମାନ୍ କବର ଜାନାଇବାକେ ପାଟାଇଲା ଆଚେ । ଜଦି ଲକ୍ମନର ଗିଆନ୍ ଇସାବେ ସେଟା ମୁଇ କରତି, ସେନ୍ତାର ଆଲେ କିରିସ୍ଟର କୁରସର କବରର ବପୁ ଉନା ଅଇତା । ୧୮ କୁରୁପନାସ୍ ଅଇଜାଇତେରଇବା ଲକ୍ମନରପାଇ, କୁରୁସେ ଅଇଲା କିରିସ୍ଟର ମରନର କାତା, କାଇ ମୁଲିଅ ନାଇ । ମାତର, ଆମରପାଇ ସେଟା ପରମେସରର ବପୁ । ଆମେ ମୁକ୍ତି ପାଇତେରଇବା ଲକ୍ମନ । ୧୯ ତେବେ ଦରମ୍ ସାସ୍ତରେ ଏନ୍ତି ଲେକାଆଚେ,

ମୁଇ ଗିଆନ୍ ରଇବା ଲକ୍ମନର ଗିଆନ୍ ନସାଇବି,  
ଆରି ବୁଦି ରଇବା ଲକ୍ମନର ବୁଦି  
କାଇ ଲତାକେ ନ ଆଇଲା ପାରା କରବି ।

୨୦ ତେବେ ଗିଆନ୍ ରଇବା ଲକ୍ମନର ବିସଇ କାଇଟା କଇଅଇସି ? ସାସ୍ତର ସିକାଉମନର ବିସଇ କାଇଟା କଇ ଅଇସି ? ଆରି ଏ ଜୁଗର ଦଦାପେଲା ଅଇବା ଲକ୍ମନର ବିସଇ କାଇଟା କଇଅଇସି ? ପରମେସର ଏ ଜଗତର ଗିଆନ୍ ରଇବା ଲକ୍ମନକେ କାଇ ଲତାକେ ନ ଆଇବାଟା ବଲି କଏ ନାଇ କି ?

୨୧ ଏ ଜଗତର ଲକ୍ମନ ତାକର ଚାଲାକିସଙ୍ ପରମେସରକେ ନ ଜାନଡ୍ ବଲି, ସେ ନିଜର ଗିଆନ୍ ଇସାବେ ଟିକ୍କଲା । ଆମେ ଜାନାଇବା ବିସଇ ଜନ୍ଟା କି କାଇ ମୁଲିଅ ନାଇ ବଲି ଲକ୍ମନ କଇବାଇ, ସେଟା ବିସବାସ୍ କରବା ଲକ୍ମନକେ ମୁକ୍ତି ଦେବାକେ ପରମେସର ସାରଦା ଅଇଲା । ୨୨ ଜିଉଦିମନ୍ କାବା ଅଇଜିବା ଚିନ୍ ପାଇ ଦାବି କଲାଜନି । ଗିରିକ୍ମନ୍ ଗିଆନ୍ କଜ୍ଲାଜନି । ୨୩ ମାତର ଆମେ କୁରୁସ୍ ଉପରେ ଚଗାଇ ଅଇରଇବା କିରିସ୍ଟର ବିସଇ ଜାନାଇଲୁନି । ଏ କାତା ସୁନ୍ଲେ ଜିଉଦିମନ୍ ରିସା ଅଇଗାଲାଜନି ଆରି ଜିଉଦି ନଇଲା ଲକ୍ମନ ସେ କାତାର କାଇ ମୁଲିଅ ନାଇ ବଲି ବାବୁଲାଜନି । ୨୪ ମାତର ଜିଉଦି ଅଅଡ୍, କି ଜିଉଦି ନଇଲା ଲକ୍ ଅଅଡ୍, ଜନ୍ ଲକ୍ମନ ବାଟି ଅଇଆଚଡ୍, ସେମନର ପାଇ କିରିସ୍ଟ ପରମେସରର ବପୁ ଆରି ପରମେସରର ଗିଆନ୍ ପାରା ଆଚେ । ୨୫ ତେବେ ଜନ୍ଟା ପରମେସରର ବକ୍ତୁଆ ବିସଇ ସେଟା ମୁନୁସର ଗିଆନେ ଅନି ଅଦିକ୍ ଆଚେ, ଆରି ଜନ୍ଟା ପରମେସରର ଦୁର୍ବଲ୍ ବିସଇ, ସେଟା ମୁନୁସର ବପୁଟାନେଅନି ଅଦିକ୍ ବପୁ ।

୨୬ ଏ ବାଇବଲନିମନ୍, ପରମେସର ତମକେ ବାବୁଲା ବେଲେ ତମେ କେନ୍ତାର ରଇଲାସ୍ ବାବିଦେକା । ଜଗତର ବିଦି ଇସାବେ ବେସିଲକ୍ ଗିଆନି ନ ରଇଲାସ୍ । ବେସିଲକ୍ ନେତା ନ ରଇଲାସ୍ ଆରି ବଡ୍ ଗରେ ଜନମ୍ ନ ଅଇରଇଲାସ୍ । ୨୭ ପରମେସର ଗିଆନି ଲକ୍ମନକେ ଲାଜ୍ କରାଇବାକେ ଜଗତର ଦୁର୍ବଲ୍ ଲକ୍ମନକେ ବାବୁଲା, ଜେନ୍ତୁକି ଜଗତେ ଗିଆନି ରଇବା ଲକ୍ମନ ଆରି ବପୁ ରଇବା ଲକ୍ମନ ଲାଜ୍ ଅଇଜିବାଇ । ୨୮ ତେବର ପାଇ, ପରମେସର ଏ ଜଗତର କାଇ ଲତାକେ ନ ଆସେ ବଲି କଇବା ଲକ୍ମନକେ, ଆରି ସବୁବେଲେ ତଲେ ରଇ ଲକ୍ମନ ଗିନ୍ କରତେରଇବା ଲକ୍କେ ବାବୁଲାଆଚେ । ୨୯ ଜେନ୍ତାର କି ଜଗତ ବିତ୍ତରେ ଜନ୍ ଲକ୍ମନ ବଡ୍ ବଲି ନାମାଇ ଅଇବାଇ, ସେମନ୍ କାଇ ଲତାକେ ନ ଆସଡ୍ ଆରି ପରମେସରର ମୁଆଟେ କେ ମିସା ବଡ୍ପନ୍ ଅଇ ନ କଅଡ୍ । ୩୦ ମାତର ପରମେସର ତମକେ କିରିସ୍ଟ ଜିସୁର ସଙ୍ ମିସାଇଆଚେ ଆରି ସେ କିରିସ୍ଟକେସେ ଆମରପାଇ ଗିଆନ୍ ପାରା କରିଆଚେ । ତାରଲାଗି ଆମେ ପରମେସର ସଙ୍ ସଡ୍ ମିସାବିତା ଅଇଲାଟା ଆରିତରେକ୍ ଜଡିଅଇଲାଆଚେ । ଆମେ ଦରମ୍ ଆରି ସୁକଲ୍ ଲକ୍ ଅଇ ପାପେ ଅନି ମୁକ୍ତି ପାଇଆତୁ । ୩୧ ମାତର ଜେନ୍ତୁ ଦରମ୍ ସାସ୍ତରେ ଲେକା ଅଇଆଚେ, ଜେ ଜଦି ବଡ୍ପନ୍ ଅଇସି, ତେବେ ସେ ମାପରୁ କଲା କାମ୍ ତେଇ ବଡ୍ପନ୍ ଅ ।

✨ ୧:୧୨ ୧:୧୨ ପେରିଡ୍ ୧୮:୨୪ ✨ ୧:୧୪ ୧:୧୪ ପେରିଡ୍ ୧୮:୮; ପେରିଡ୍ ୧୯:୨୯; ରମିୟ ୧୭:୨୩ ✨ ୧:୧୬ ୧:୧୬ ୧ମ କରନ୍ତଃ ୧୭:୧୫

# ୨

## କୁରୁସକାଟେ ମଲା କିରିସଟର କାତା

<sup>୧</sup>ଏ ବାଇବଇନିମନ୍, ଜେଡକିବେଲେ ମୁଇ ତମର୍ ଲଗେ ପର୍ମେସରର୍ ଟିକିନିକି କାତା ସୁନାଇବାକେ ଆସି ରଇଲି ପଣ୍ଡିତମନର୍ ପାରା କି ବାସଣ ଦେବା ଲକ୍ଷପାରା ବଡ଼ ବଡ଼ କାତା କଇ ନ ରଇଲି । <sup>୨</sup>କାଇକେବଇଲେ କୁରୁସ କାଟେ ମରିରଇବା ଜିସୁ କିରିସଟକେ ଚାଡ଼ି ଆରି ବିନ୍ ବିସଇ ତମକେ ନ କଇ ବଲି ମୁଇ ଟିକ୍ କଲି । <sup>୩</sup>ଏସେବେଲେ ମୁଇ ତମର୍ ଲଗେ ଦୁରବଲ୍ ଅଇ ଡରିକରି ରଇଲି ଆରି ତରତରି ଗଜଗଜି ରଇଲି । <sup>୪</sup>ଜେନ୍ତିକି ତମର୍ ବିସବାସ୍ ମୁନ୍ଦୁସର୍ ଗିଆନ୍ ଉପରେ ନ ରଇକରି ପର୍ମେସରର୍ ବପୁ ଉପରେ ବାନ୍ଧିଅଇ ରଅ । <sup>୫</sup>ତେବର୍ପାଇ ମର୍ ସିକିଆ ଆରି ମୁଇ ସୁନାଇବା ବାକିଅ, ମର୍ ନିଜର୍ ଗିଆନେ ଅନି ନ ରଇଲା । ଚାଲାକି କାତା କଇକରି ମୁଇ ସୁନାଇଲାଟା ତମକେ ବିସବାସ୍ କରାଇନାଇ । ମାତର୍ ପର୍ମେସରର୍ ଆଡ଼ମା ଆରି ତାର ବପୁ ସଙ୍ଗ୍ ମୁଇ କଇଲା ବିସଇ ସଡ଼ ବଲି ଜାନାପଡ଼ଲା ।

## ପର୍ମେସରର୍ ଗିଆନ୍

<sup>୬</sup>ଏଲେମିସା ଆମେ ଜେଡେବଲ୍ ଆଡ଼ମାଇ ବଡ଼ିରଇବା ବିସବାସିମନର୍ ସଙ୍ଗ୍ ରଇଲାବେଲେ ଗିଆନର୍ କାତା କଇଲୁନି । ମାତର୍ ସେଟା ଏ ଜୁଗର୍ ଗିଆନ୍ ନର୍ବ କି ଏ ଜୁଗର୍ ନସଟ ଅଇଜାଇରଇବା ନେତାମନର୍ ଗିଆନ୍ ନର୍ବ । <sup>୭</sup>ନାଇ, ଜନ୍ ଗିଆନର୍ ବିସଇ ଆମେ କଇଲୁନି, ସେଟା ପର୍ମେସରର୍ ଟିକିନିକି ଗିଆନର୍ କାତା । ପୁରବେ ପର୍ମେସରର୍ ତାର ଜଜନା କାକେ ମିସା ଜାନାଏ ନାଇ । ସେ ଜଜନା ଇସାବେ, ପଟକେ ଆମର୍ ମଇମାର୍ପାଇ ସେ ବାଟିରଇଲା । <sup>୮</sup>ଏ ଜୁଗର୍ ଅଦିକାରିମନକେ ମିସା ସେଟା ବୁଜଡ଼ନାଇ । କାଇକେବଇଲେ ସେମନ୍ ସେଟା ଜାନିରଇଲେ ତାକ୍ପୁଟା ମାପୁରୁକେ କୁରସେ ମାରି ନ ରଇତାଇ ।

<sup>୯</sup>ଜେନ୍ତାରି କି ସାସ୍ତରେ ଲେକା ଆଟେ, ଜନ୍ଟାକି କାର୍ ଆକି କେବେ ଦେକେନାଇ,

କାର୍ କାନ୍ କେବେ ସୁନେ ନାଇ ଆରି କେ ମିସା କେବେ ବାବି ନ ରଅଡ଼, ସେ ସବୁ ବିସଇ, ପର୍ମେସରର୍ ଜନ୍ ଲକ୍ମନକେ ଆଲାଦ୍ କଲାନ୍ତି,

ତାକର୍ପାଇ ତିଆର୍ କଲାଆଟେ ।

<sup>୧୦</sup>ମାତର୍ ଆମକେସେ ପର୍ମେସରର୍ ତାର ଟିକିନିକି ବିସଇ ଜାନାଇଆଟେ । ସେ ସୁକଲ୍ ଆଡ଼ମାସେ ସବୁ ବିସଇ ସିକାଇସି ଆରି ତାର ବିଡ଼ରେ ରଇବା ଟିକିନିକି ଚିନ୍ତା ମିସା କର୍ସି । <sup>୧୧</sup>ମୁନ୍ଦୁସ୍ କର୍ବା ଚିନ୍ତା ସବୁ ତାର ବିଡ଼ରେ ରଇବା ଆଡ଼ମାକେ ଚାଡ଼ଲେ ଆରି କେ ମିସା ନାଜାନଡ଼ । ସେନ୍ତିସେ ପର୍ମେସରର୍ ସବୁ ଚିନ୍ତା କଲାଟା ତାର ଆଡ଼ମାକେ ଚାଡ଼ିଦେଲେ ଆରି କେ ମିସା ନାଜାନଡ଼ । <sup>୧୨</sup>ଏ ଜଗତର୍ ଲକ୍ମନ ପାଇରଇବା ଆଡ଼ମା ପାରା ଆମେ ପାଉନାଇ । ମାତର୍ ପର୍ମେସରର୍ ଆଡ଼ମା ପାଇଆଡ଼ୁ । ଜେନ୍ତାରିକି ଜନ୍ ସବୁ ବିସଇ ଆମକେ ସେ ଦେଲାଆଟେ, ସେଟା ସବୁ ଆମେ ଜାନ୍ତୁ ।

<sup>୧୩</sup>ତେବେ ସେ ସବୁ ବିସଇ ମିସା ଆମେ ଜଗତର୍ ଗିଆନ୍ ଇସାବେ ସିକାଉନାଇ, ମାତର୍ ଜନ୍ ବିସଇ ଆମକେ ପର୍ମେସରର୍ ସୁକଲ୍ ଆଡ଼ମା ସିକାଇଲା ଆଟେ, ସେ ବିସଇ ଆକା ସିକାଇଲୁନି । ଜନ୍ ଲକ୍ମନ ସୁକଲ୍ ଆଡ଼ମା ପାଇଆଟଡ଼, ସେ ଲକ୍ମନକେ ଏ ଆଡ଼ମାର୍ ବିସଇ ସିକାଇଲୁନି । <sup>୧୪</sup>ମାତର୍ ସୁକଲ୍ ଆଡ଼ମା ନ ପାଇ ରଇବା ଲକ୍, ଆଡ଼ମାର୍ ବିସଇ ନ ମାନେ, ମାତର୍ ସେଟାମନ୍ ତାରପାଇ ଗଟେକ୍ କାଇଟା ନାଜାନ୍ବା ବକୁଆ ପାରା, ଆରି ସେ ସେଟା ବୁଜି ନାପାରେ, କାଇକେବଇଲେ ସେ ସବୁ ବିସଇ ସୁକଲ୍ ଆଡ଼ମା ସିକାଇଲେ ସେ ବୁଜିଅଇସି । <sup>୧୫</sup>ମାତର୍ ଜନ୍ଲକ୍ମନ ଆଡ଼ମା ପାଇଆଟଡ଼, ସେ ସବୁ ବିସଇର୍ ମୁଲିଅ, ସଡ଼ ବାବେ ବିଚାର୍ କର୍ସି । ଏଲେ ମିସା ତାକେ କେ ବିଚାର୍ ନ କରଡ଼ । <sup>୧୬</sup>ସାସ୍ତରେ ଲେକା ଅଇଲାପାରା କେ ମିସା ମାପୁରୁର୍ ମନର୍ କାତା ଜାନି ନାପାରଡ଼, କି କେ ମିସା ତାକେ ସିକାଇ ନାପାରଡ଼ । ମାତର୍ ଆମେ କିରିସଟର ମନ୍ ପାଇଆଡ଼ୁ ।

# ୩

## ମଣ୍ଡୁଲିଟାନେ କିର ଜାଟି

<sup>୧</sup>ଏ ବାଇବଇନିମନ୍, ମୁଇ କରନ୍ତିୟତେଇ ରଇଲାବେଲେ ସୁକଲ୍ ଆଡ଼ମା ପାଇଲା ଲକ୍ମନର୍ ଇସାବେ ତମକେ କାତା ଅଇ ନାପାରଲି । ମାତର୍ ନିଜେ ମନ୍କଲା ଇସାବେ ରଇବା ଲକ୍ମନର୍ ଇସାବେସେ କାତା ଅଇଲି । କାଇକେ ବଇଲେ ତମେ ସେବେଲେସେ, ବିସବାସ୍ କର୍ବାକେ ମୁଲିଆଇ ରଇଲାସ୍ । କିରିସଟର୍ ତେଇ କଅଁଲା ପିଲାମନର୍ ପାରା । <sup>୨</sup>ମୁଇ ତମକେ ଆଁଟ୍ କାଦି ନ ଦେଇ କରି ଦୁଦ୍ କାଇବାକେ ଦେଇରଇଲି । କାଇକେବଇଲେ ତମେ ଆଁଟ୍ କାଦି କାଇବାର୍ ନାପାରତେ ରଇଲାସ୍ । ଏବେ ମିସା ନାପାରାସ୍ । <sup>୩</sup>ତେବେ, ତମେ ନିଜର୍ ମନ୍ କଲା ଇସାବେ ରଇବା ଲକ୍ମନର୍ପାରା ଆଟାସ୍ । ମୁଇ ଏଟାର୍

✧ ୨:୩ ୨:୩ ପେରିଡ଼ ୧୮:୯ ✧ ୩:୨ ୩:୨ ଏବ୍ରି ୫:୧୨,୧୩

ପାଇଁ କଲିନି, କାଳକେବଳେ ତମର ତମର ବିତ୍ତରେ ଈଶା ତଲା, ଲାଗାଜତା ଆରି ଜାତିନିତି ଆଚେ । ତମେ ନିଜର ମନ୍ କଲା ଇସାବେ ରଇବା ଲକ୍ ବଲି ଜାନାପଡ଼ଲାନି । ଜଗତର ଲକ୍ମନର ପାରା, ନିଜର ମନ୍ କଲା ଇସାବେ ଚଲାଚଲ୍ତି କଲାସ୍ତନି । ୪ \*ଜେନ୍ତୁକି ତମର ବିତ୍ତରେ କେତେଲକ୍ କଇବାଇ, ଆମେ ପାଉଲର ବାଟେ ଗାଲୁନି । ତେଇଅନି ଆରି କେତେଲକ୍ କଇବାଇ, ଆମେ ଆପଲର ବାଟେ ଗାଲୁନି । ସେଡ଼କିବେଲେ ତମେ କାଇ ନିଜର ମନ୍ କଲା ଇସାବେ ରଇବା ଲକ୍ ନୁଆସ୍ କି ?

\* ସେ ଇସାବେ ଦେକ୍ଲେ ଆପଲ୍ କେ ? ଆରି ମୁଇ ମିସା କେ ? ଆମେତା ଅବ୍ କା ସେବା କରୁମନ୍ । ଜେନ୍ତୁକି ତମକେ ବିସ୍ବାସ୍ କରବାକେ ଆମେ ସାଇଜ କଲୁ । ପରମେସର୍ ଆମ୍ବକେ ଜନ୍ କାମ୍ କରବାକେ ଦେଇରଇଲା, ଆମେ ସେ କାମ୍ କରିଆରୁ । ୬ \*ମୁଇ ମୁଞ୍ଜି ରପ୍ଲା ଲକ୍ ପାରା, ଆରି ଆପଲ୍ ଗଟେ ପାନିଦେଲା ଲକ୍ ପାରା । ମାତର୍ ପରମେସର୍ ସେ ଗର୍ ବଡ଼ାଇଆଚେ । ୭ ସେନ୍ତୁସେ ଜେ ରପିରଇସି ଆରି ଜେ ପାନି ଦେଇସି, ତାକର୍ କାଇଟା ନାଇ, ଜେ ବଡ଼ାଇରଇସି, ସେ ପରମେସର୍ ସେ ସବୁଟା । ୮ ଜେ ରପ୍ଲା ଆଚେ ଆରି ଜେ ପାନି ଦେଲାଆଚେ, ସେ ଦୁଇଲକ୍ ଗଟେକ୍ କାଇଆଲେ ଲଡ଼ାପାଇ କାମ୍ କଲାଇନି । କାଳକେବଳେ ସେମନ୍କେ ପରମେସର୍ ନିଜର ନିଜର କାମ୍ ଇସାବେ ପୁରୁସକାର ଦେଇସି । ୯ ଆମେ ପରମେସର୍ ସଙ୍ଗ୍ କାମ୍ କରବା କୁଲିଆର୍ ମନ୍ । ଆରି କରନ୍ତୁୟର୍ ବିସ୍ବାସିମନ୍ ତମେ, ପରମେସର୍ ଚାସ୍ କରବା ଜମି, ଆରି ତାର୍ ଗର୍ । ୧୦ ପରମେସର୍ ମକେ ଦେଇରଇବା ତାର୍ ଜିବନ୍ ଦୁକାନି ଇସାବେ ମୁଇ ଗଟେକ୍ ସବୁ ଜାନିରଇବା ଗର୍ ତିଆରକରୁ ପାରା କୁନାଦି ବସାଇଆଟି । ସେବେଲେଅନି ବିନ୍ ଲକ୍ ତାର୍ ଉପରେ ତିଆର୍ କଲାନି । ମାତର୍ ତିଆର୍ କରବା ବେଲେ ତମେ, ଗଟେକ୍ ଗଟେକ୍ ଲକ୍ ଜାଗରତ୍ ରଇବାର୍ ଆଚେ । ୧୧ କାଳକେବଳେ, ଜନ୍ କୁନାଦି ତିଆର୍ ଅଇସାରଲା ଆଚେ, ତାକେ ଚାଡ଼ି ଅଲଗା କୁନାଦି କେ ମିସା ତିଆର୍ କରି ନାପାରତ୍ । ସେ କୁନାଦିର୍ ମୁଲ୍ ପାକ୍ନା ଅଇଲାନି ଜିସୁକିରିସଟ । ୧୨ ମାତର୍ କେତେକ୍ ଗର୍ ବାହୁମନ୍ କୁନାଦି ଉପରେ ସୁନା, ରୁପା ଆରି ବେସି ଦାମ୍ ଅଇବା ପାକ୍ନା ସଙ୍ଗ୍ ବାହୁଲାଇନି । ଆରି କେତେକ୍ ଲକ୍ ଦାରୁ, ଗାଁସ୍ ଆରି ପିରି ସଙ୍ଗ୍ କୁନାଦି ଉପରେ ବାହୁଲାଇନି । ୧୩ କିରିସଟ ଆରି ତରେକ୍ ଆଇବା ଦିନେ ଗଟେକ୍ ଗଟେକ୍ ଲକ୍ କରଇରଇବା ସବୁ କାମ୍ କେନ୍ତାଟା ବଲି ଜଇଟାନେ ଜାନାପଡ଼ିଜାଇସି । ସେଟା ଗଟେକ୍ ଏନ୍ତି ବେଲା ଆଇସି ଜେତେବେଲେ ସବୁ ଜିନିସ୍ ଜଇଟାନେ ପଡ଼ାଇ ପରିକା କରାଅଇସି । ୧୪ ଜନ୍ଲକ୍ମନ୍ କରଇରଇବା କୁନାଦି ଉପରେ ଜଇର୍ ପରିକାଟାନେ ନ ନସେ, ସେ ପୁରୁସକାର ପାଇସି । ୧୫ ଜଦି ଜାର୍ କାମ୍ ପଡ଼ି ଜାଇସି, ସେ କାମ୍ କରୁକେ କାଇଟା ନ ମିଲେ । ମାତର୍ ସେ ଲକ୍ ଲାଗ୍ତେରଇବା ଜଇଟାନେଅନି ରକିଆ ପାଇଲା ପାରା ନିଜେ ରକିଆ ପାଇସି ।

୧୬ \*ତମେ ନିକ ସଙ୍ଗ୍ ଜାନିଆଚାସ୍, ତମେ ଅଇଲାସ୍ତନି ପରମେସରର୍ ମନ୍ଦିର୍ । ଆରି ତାର୍ ଆଡ଼ମା ତମର ଗାଗଡ଼ ବିତ୍ତରେ ବାସାଅଇଆଚେ । ୧୭ ଜଦି କେ ମିସା ପରମେସରର୍ ମନ୍ଦିର୍ ନସାଇସି, ତେବେ ପରମେସର୍ ତାକେ ନସାଇସି । କାଳକେବଳେ ପରମେସରର୍ ମନ୍ଦିର୍ ସୁକଲ୍ଟା । ତମେମନ୍ ଆକା ସେ ମନ୍ଦିର୍ ।

୧୮ ନିଜକେ ମିସା ନାତାଇ ନ ଉଆ । ଜେ ଜଦି ମୁଇ ଜଗତର୍ ଇସାବେ ଗିଆନ୍ ରଇବାଲକ୍ ବଲି ମନେ ମନେ ବାସ୍, ତେବେ ସେ ସଡ଼ ଗିଆନ୍ ପାଇବାକେ ଆଲେ, କାଇଟା ନାଜାନ୍ଲା ବକୁଆ ଲକ୍ପାରା ଅଇବାର୍ ଆଚେ । ୧୯ କାଳକେବଳେ ଏ ଜଗତର୍ ଗିଆନ୍ ପରମେସରର୍ ମୁଆଟେ କାଇ ଲଡ଼ାକେ ନ ଆସେ । ଜେନ୍ତୁକି ସାସ୍ତରେ ଲେକା ଆଚେ, ଗିଆନ୍ ରଇଲା ଲକ୍ମନ୍କେ ତାକର୍ ଚାଲାକିତେଇସେ ପରମେସର୍ ଦାର୍ସି । ୨୦ ଆରିତରେକ୍ ସାସ୍ତରେ ଲେକାଆଚେ । ଗିଆନ୍ ରଇବା ଲକ୍ମନ୍ ବାବ୍ବାଟା ସବୁ ରୁଗାଇସେ ବଲି ପରମେସର୍ ଜାନିଆଚେ । ୨୧ ଆରି କେ ମିସା ଲକ୍ମନ୍ କରଇରଇବା କାମ୍ଟାନେ ବଡ଼ପନ୍ ନ ଉଆ । ଏବେ ତମେ ସବୁ ବିସଇର୍ ଅଦିକାର୍ ପାଇଆଚାସ୍ । ୨୨ ଜଦି ମୁଇ ଅଇଲେ କି, ଆପଲ୍ ଅଇଲେ କି, ପିତର୍ ଅଇଲେ କି, ଜଗତର୍ କାଇଟା ମିସା ଅଇଲେ, ତମେ ମଲେ କି ବୁଟ୍ଲେ, ଏବେ ଜାଇଟା ଅଇଲେ କି ପଡ଼କେ ଜନ୍ଟା ଅଇଲେ ମିସା, ସବୁ ବିସଇ ତମର ମଙ୍ଗଲର୍ ପାଇସେ । ୨୩ ମାତର୍ ତମେ କିରିସଟର୍ ଲକ୍, ଆରି କିରିସଟ ପରମେସରର୍ ।

### ୪

#### କିରିସଟର୍ ପେରିଡ଼ମନ୍

୧ ତେବେ ତମେ ଆମ୍ବକେ କିରିସଟର୍ ସେବା କରୁମନ୍ ବଲି ନାମ୍ବାର୍ ଆଚେ । ଆରି ପରମେସର୍ ଆମ୍ବକେ ଟିକିନିକି ସଡ଼ ବିସଇର୍ ବାଣ୍ଟାରଗରିଆର୍ ଦାଇଡ଼ ଦେଲାଆଚେ । ୨ ଆରି ସେନ୍ତାରି ଦାଇଡ଼ ନେଇରଇବା ସେବାକରୁମନ୍ ସଡ଼ ବାବେ କାମ୍ କରବାର୍ ଆଚେ । ୩ ମାତର୍ ତମର ବିତ୍ତରେ କେତେକ୍ ଲକ୍ କି, ବିନ୍ ଲକ୍ କେ ମିସା ମର୍ କାମ୍ ଦେକି ମକେ ବିଚାରନା କଲେ, ମକେ କାଇଟା ନଏ । ମୁଇ ନିଜେ

\* ୩:୪ ୩:୪ ୧ମ କରନ୍ତଃସ୍ଥ ୧:୧୨    \* ୩:୬ ୩:୬ ପେରିଡ଼ ୧୮:୪-୧୧; ପେରିଡ଼ ୧୮:୨୪-୨୮    \* ୩:୧୭ ୩:୧୭ ୧ମ କରନ୍ତଃସ୍ଥ ୬:୧୯; ୨ୟ କରନ୍ତଃସ୍ଥ ୬:୧୭

ମର ବିଚାରନା ନ କରି ।<sup>୪</sup> କାଇକେବଇଲେ ମୁଇ ନିଜର ବିରୁଦ୍ଧେ କାଇ ଦସ୍ କଲାଟା ମର ମନ୍ ନାଜାନେ । ଅଇଲେ ମିସା ମୁଇ ଇତି କାଇ ଦସ୍ ନ କଲା ଲକ୍ ବଲି କଇନଏ । ମାତର ଜେ ମକେ ବିଚାର କରସି, ସେ ମାପରୁ ।<sup>୫</sup> ସେଟାରପାଇ ତମେ କାକେ ମିସା କାଇ ବିସଇ ନେଇ ବିଚାର କରାନାଇ । କାଇକେବଇଲେ ବିଚାରନା କରବାକେ ବେଲା ଅଏ ନାଇତା । ମାପରୁ ବିଚାରନା କରବାକେ ଆଇବାଜାକ ଜାଗା । ମାପରୁ ଆଇଲେ ଆକା ସାରାସାରି ବିଚାରନା ଅଇସି । ସେ ଆନ୍ଦାର ବିତ୍ତରେ ଲୁଚ୍ତେ ରଇଲା ସବୁ ବିସଇ ଉଜଲେ ଦେକାଇ ଦେଇସି । ଆରି ଲକ୍ମନର ମନ୍ ବିତ୍ତର କାତା ସବୁ ଦେକାଇ ଦେଇସି । ସେଡ଼କି ବେଲେ ସବୁଲକ୍ ପରମେସରର ଟାନେଅନି ଲାଡ଼ ପାଇବାଇ ।

<sup>୬</sup> ଏ ବାଇବଇନିମନ୍, ମୁଇ ଏ ସବୁ କାତା ତମେ ସିକା ବଲି, ମର ବିସଇ ଆରି ଆପଲର ବିସଇ ଉଦାଅରନ୍ ଦେଇ କଇଲି । ଜେଡ଼କି ସାସ୍ତରେ ଲେକାଅଇଲାଟାନର ଅରଡ଼ ତମେ ସିକସା । ସାସ୍ତରେ ଜେଡ଼କି ସବୁ ଲେକା ଅଇଲାଆତେ, ତାରଟାନେଅନି ଅଦିକ୍ କରାନାଇ । ସେନ୍ତାରି କଲେ କାକେ ମିସା ନେଇକରି ବଡ଼ପନ୍ ନ ଉଆସ୍, ଆରି କାକେ ମିସା ଇନ୍ ନ କରାସ୍ ।<sup>୭</sup> କାଇକେବଇଲେ ବିନ୍ ଲକ୍ମନଟାନେଅନି କେ ତମକେ ବଡ଼ କରଡ଼ ନାଇ । ଆରି ଜନ୍ ଗୁଣ୍ଡ ତମେ ଦାନ ଇସାବେ ମିଲାଇଆଗାସ୍ ସେଟା ପରମେସର ଦେଲାଆତେ । ତେବେ ତମର ନିଜରଟା ବଲି ବଡ଼ପନ୍ ଅଇ କଇ ନାପାରାସ୍ ।

୮ ତମକେ ଦରକାର ରଇଲା ସବୁ ବିସଇ ମିଲାଇ ଆଗାସ୍ କି ? ତମେ କାଇ ସାଉକାର ଅଇସାରି ଆଗାସ୍ କି ? ଗଟେକ୍ ଗଟେକ୍ ରାଜା ଅଇଜାଇଆଗାସ୍ କି ? ଏଲେ ମିସା ଆମେ ଅଇ ନାପାରଲୁନି । ସତଇସେ ତମେ ରାଜାଅଇତାସ୍ କି ? ସେନ୍ତାରିଆଲେ, ଆମେ ମିସା ତମର ସଙ୍ଗ୍ ରଇ କାମ୍ କରଡ଼ୁ ।<sup>୯</sup> ମାତର ମୁଇ ବାବଲିନି ପରମେସର ଆମର ପାରା ପେରିଡ଼ମନକେ ଦାଡ଼ି ସାରାସାରି ଜାଗା ଦେଲାଆତେ । ଜଗତର ସବୁ ଲକ୍ ଆରି ସରଗର ଦୁଡ଼ମନ୍ ଦେକ୍ତେ ରଇବାବେଲେ ଆମେ, ବନ୍ଦି ଅଇଲା ଲକ୍ମନକେ ମରାଇବାକେ ନେଲାପାରା ଆରୁ ।<sup>୧୦</sup> ଆମେ କିରିସ୍ତର ଲାଗି ବକୁଆ ଲକ୍, ମାତର ତମେ କିରିସ୍ତର ସଙ୍ଗ୍ ମିସଲାର ପାଇ ବୁଦିରଇବା ଲକ୍ । ଆମେ ବୁଦିବଲି, ମାତର ତମେ ବପୁରଇବା ଲକ୍, ତମକେ ଲକ୍ମନ ସନ୍ମାନ ଦେଲାଇନି, ମାତର ଆମକେ ସନ୍ମାନ ମିଲେନାଇ ।<sup>୧୧</sup> ଏବେ ଜାକ ମିସା ଆମକେ ପେଟ୍ପୁରତେ କାଇବାପିଇବାକେ ମିଲେନାଇ । ପିନ୍ଦବାକେ ବେସି ପୁରନା ବସତର ଆତେ । ଲକ୍ମନ ଆମକେ ମାରଲାଇନି ଆରି ରଇବାକେ ଜାଗା ନଇଲାର ପାଇ ଏନେତେନେ ଅଇ ବୁଲୁଲୁନି ।<sup>୧୨</sup> ଆବଡ଼ କାମ୍ କରି ଆମେ ଦିନକେ ଦିନ ଜୁଲିସୁକି ଗାଲୁନି । କେ ଆମକେ ସାଇପ୍ ଦେଲେ ତାକେ ଆମେ ଆସିରବାଦ୍ କଲୁନି, ଆରି ଉଡ଼ା ସୁନିକରି ମିସା ମୁରଟି କରି ରଇଲୁନି ।<sup>୧୩</sup> ନିନ୍ଦା ପାଇଲେ, ଆଲାଦର କାତା କଇଲୁନି । ଆମେ ଏବେ ଜାକ ମିସା ଜଗତର କାତରା ପାରା ଅଇଆରୁ । ଲକ୍ମନ ଆମକେ ଆଣ୍ଡି ଦଇରଇବା ମୁରକି ପାନିପାରା ଦେକ୍ଲାଇନି ।

<sup>୧୪</sup> ମୁଇ ତମକେ ଲାଜ୍ କରାଇବାକେ ଏ ସବୁ ବିସଇ ଲେକିନାଇ, ମାତର ତମକେ ମର ଆଲାଦର ପିଲାଟକି ବଲି ଏତାଇ କରି ଚେଡ଼ନା ଦେବାକେ, ଏ ସବୁ ଲେକ୍ଲିନି ।<sup>୧୫</sup> କାଇକେବଇଲେ ତମରଟାନେ କିରିସ୍ତର ବିସଇ ସିକାଇବାକେ କେତେକ୍ କେତେକ୍ ଗୁରୁ ରଇଲେ ମିସା, ବାବା ଇସାବେ ତମକେ ବେସି ଲକ୍ ନାଇ । କିରିସ୍ତ ଜିସୁରତେଇ ମିସଲାର ପାଇ ମୁଇ ତମର ବାବା ଅଇଗାଲି । କାଇକେବଇଲେ ମୁଇ ତମକେ ଜିସୁକିରିସ୍ତର ସୁବ୍‌କବର କଇରଇଲି ।<sup>୧୬</sup> ଏତେବେ ମୁଇ ତମକେ ବାବୁଜିଆ କରି କଇଲିନି, ମୁଇ ଜାଇଟା କଲିନି ତମେ ମିସା ସେନ୍ତାରି କରା ।<sup>୧୭</sup> ସେଟାରପାଇ ମୁଇ ତିମତିକେ ତମର ଲଗେ ପାଟାଇ ଆତି । ମୁଇ ତାକେ ଆଲାଦ୍ କଲିନି । ସେ ମର ନିଜର ପିଲା ପାରା ଆରି ମାପରୁର ସେବାକାମେ ସବୁ ନିକସଙ୍ଗ୍ କରସି । ଜେଡ଼କିବେଲେ ସେ ତମରଟାନେ ଆଇସି, କିରିସ୍ତରତେଇ ମିସଲାର ପାଇ ବଲି ମୁଇ କେନ୍ଦ୍ରି ଚଲାଚଲ୍ତି କଲିନି, ସେ ବିସଇନେଇ ସେ ତମକେ କଇସି । ସେ ସମାନ୍ ବିସଇ, ସବୁ ମଣ୍ଡଲିର ବିସବାସିମନକେ ମୁଇ ସିକାଇଲିନି ।

<sup>୧୮</sup> ସେ କରନ୍ତିଅତେଇ ଆରି କେବେ ନ ଆସେ, ବଲିକରି ତମର ବିତ୍ତର କେତେ ଲକ୍ ବଡ଼ପନ୍ ଅଇଆଗାସ୍ ।<sup>୧୯</sup> ମାତର ଜଦି ମାପରୁ ମନ୍ କଲେ ମୁଇ ଦାପ୍ତରେ ତମରଟାନେ ଆଇବି । ଏ ବଡ଼ପନ୍‌ଆ ଲକ୍ମନ କାଇ କାତା ଅଇଲାଇନି ବଲି ମୁଇ ନିଜେ ଜାନବି ଆରି ତାକର ବପୁ ପରମେସରଟାନେଅନି କି ନାଇ, ସେଟା ଜାନବି ।<sup>୨୦</sup> ପରମେସରର ରାଇଜ୍, ଅବ୍‌କା କାତା ଅଇବା ବିସଇ ନଏ, ମାତର ବପୁର ସଙ୍ଗ୍ ରଇବା ବିସଇ ।<sup>୨୧</sup> ମୁଇ ଆଇଲାବେଲେ ତମକେ କେନ୍ଦ୍ରି ଚଲାଚଲ୍ତି ଦେକାଇବାର ଆତେ ? ମୁଇ ବେଡ଼ତାଙ୍ଗ୍ ଦାରି ତମର ଲଗେ ଆଇବାର୍ କି, ଆଲାଦ୍ ଆରି ସାନ୍ତିର ମନ୍ ଦାରି ଆଇବି ?



ମଣ୍ଡଲିତେଇ ବେବିଚାର

✧ ୪:୧୨ ୪:୧୨ ପେରିଡ଼ ୧୮:୩ ✧ ୪:୧୬ ୪:୧୬ ୧ମ କରନ୍ତଃ ୧୧:୧; ପିଲିପିୟ ୩:୧୭

୧ ମୁଇ ସତ୍ତ୍ୱେ ସୁନ୍ଦଲି ଜେ, ତମର ବିତ୍ତରେ ବେସିଆ କାମ୍ ଆଚେ । ଆରି ଏନ୍ତାରି ବେସିଆ କାମ୍, ଜନ୍ତାକି ବିସ୍ବାସ୍ ନ କଲା ଲକ୍ଷ୍ମୀ ବିତ୍ତରେ ମିସା ନାଇ । ଜେନ୍ତାକି ନିଜର ସାନ୍ ଆୟାର ସଙ୍ଗ୍ ସୁଆବସା ଅଇଲାନି । ୨ ଆରି ତମର ବିତ୍ତରେଅନି ଗଟେକ୍ ଲକ୍ଷ୍ମୀ ଏନ୍ତାରି କାମ୍ କଲାଆଚେ, ତେବେ ତମେ କାଇକେ ବଡ଼ପନ୍ ଦେକାଇଲାସନି ? ସେ କରିରଇବା ପାପ୍ କାମ୍ ଲାଗି ଲାଜ୍ ଅଇକରି ସେନ୍ତାରି ଲକ୍ଷ୍ମୀକେ ତମର ବିତ୍ତରେଅନି ବାରକରାଇ ଦେବାର ରଇଲା । ୩ ମୁଇ ଗାଗଡ଼ ଇସାବେ ତମର ଚାନେ ନ ରଇଲେମିସା ସେନ୍ତି କରବାର ରଇଲା, ଏଲେ ମିସା ଆଡ଼ମାଇ ତମର ସଙ୍ଗ୍ ଆଚି । ଜେ କି ଏନ୍ତାରି କାମ୍ କରିଆଚେ, ମୁଇ ତେଇ ରଇଲା ପାରା, ବେସି ବଡ଼ ଦସ୍ କଲା ଲକ୍ଷ୍ମୀକେ ତଣ୍ ଦେବାର ଆଚେ ବଲି ମାପରୁ ଜିସୁକିରିସ୍ତର ନାଉଁ ଦାରି, ମୁଇ ବିଚାର କରି ସାରାଇ ଆଚି । ୪ ତମେ ମାପରୁ ଜିସୁର ନାଉଁଦାରି ଗଟେକ୍ଲଗେ ରୁଣ୍ଡ ଅଇଲା ବେଲେ ମର ଆଡ଼ମା ଆରି ମାପରୁ ଜିସୁର ବପୁ ତେଇ ଆଚେ । ୫ ଏନ୍ତାରି ଲକ୍ଷ୍ମୀକେ ତାର ଗାଗଡ଼ କୁରୁପନାସ୍ ଅଇଜିବାକେ ସଇତାନର ଆଡେ ସର୍ପି ଦେବାର ଆଚେ । ସେନ୍ତାରି କଲେ ମାପରୁ ଆରି ତରେକ୍ ଆଇବା ବେଲେ ତାର ଆଡ଼ମା ରକିଆ ପାଇପାରସି ।

୬ ଏନ୍ତାରି ଲକ୍ଷ୍ମୀକେ ତମର ମଣ୍ଡୁଲିତେଇ ସଙ୍ଗ୍ଲକ୍ଷ୍ମୀକି ଏନ୍ତି ବଡ଼ପନ୍ ଅଇବାଟା ବଲ୍ଲନାଇ । ମନେ ରକା କଣ୍ଡେକ୍ କମିରର ଲାଗି, ଚକଟଲା ସବୁ ଗୁଣ୍ଡ ଆମଟ୍ ଅଇଜାଇସି, ଏଟା କାଇ ତମେ ନାଜାନାସ୍ କି ? ୭ ତମର ବିତ୍ତରେ ରଇବା ପାପର ପୁରନା କମିର ପିଙ୍ଗିଦେଇ ପୁରାପୁରୁନ୍ ସୁକଲ୍ ଉଆ । ସେନ୍ତାରି କଲେ ତମେ କମିର ନଇତେ ଚକଟଲା ନୁଆ ଗୁଣ୍ଡ ପାରା ଅଇସା । ମୁଇ ଜାନି, ଏବେମିସା ତମେ ସେନ୍ତାରି ଆଗସ୍ । ଆମର ନିସ୍ତାର ପରବ୍ ଦିନ୍ ତିଆର୍ ଅଇ ସାରଲା ଆଚେ । ପରବର ମେଣ୍ଡାପିଲା ନିଜେ କିରିସ୍ତ ସର୍ପି ଅଇଆଚେ । ୮ ତେବେ ଆସା, ଆମର ପାପ୍ ଆରି କାରାପ୍ ରଇବା ପୁରନା କମିର ଚାଡ଼ିଦେଉଁ ଆରି କମିର ନ ମିସଲା ରୁଟି ପାରା ଜେନ୍ତିକି ସତ୍ତ୍ୱ ଆରି ସୁଆଲ୍ ଅଇ ଏ ପରବର ସାରଦା କରୁ ।

୯ ମୁଇ ଆଗଡ଼ୁ ବେସିଆମନର ସଙ୍ଗ୍ ନ ମିସ୍ବାକେ ଚିଟି ଲେକିରଇଲି । ୧୦ ତାର ଅରଡ଼ ନଏଁ ଜେ ଏ ଜଗତେ ରଇବା ବେସିଆ, ଲବରା, ଚରନା ଆରି ମୁରତି ପୁଜା କରବା ଲକ୍ଷ୍ମୀ ମୁଲ୍ଲକେ ମିସା ନାଇ ବଲି । ଜଦି ସେନ୍ତାରି କଲେ ତମେ ଜଗତ୍ ଚାଡ଼ି ବାରଇଜିବାକେ ପଡ଼ସି । ୧୧ ମାତର ମର କଇବାଟା ଅଇଲାନି, ଜନ୍ ବାଇ ମୁଇ ବିସ୍ବାସି ବଲି କଇକରି ବେବିଚାର୍ କାମ୍ କରସି, କି କାଇଟା ଦେବାକେ ମିସା ଲବ୍ କରସି, କୁଟ୍ କାତା କଇସି, ପୁଡ଼ଲା ପୁଜା କରସି, ବିନ୍ ଲକ୍ଷ୍ମୀ ଦକ୍ଷିପକ୍ଷିକରି ନେଇସି, ଆରି ମାଡୁଆଲ୍ ଅଇସି ବଇଲେ, ତାର ସଙ୍ଗ୍ ମିସାନାଇ । ଏନ୍ତିକି ତାର ସଙ୍ଗ୍ ମିସିକରି କାଇବାର ମିସା ନାଇ ।

୧୨ ବିସ୍ବାସ୍ ନ କରବା ଲକ୍ଷ୍ମୀକେ ବିଚାର କରବାକେ ମୁଇ କେ ? ପର୍ମେସର ସେମନ୍କେ ବିଚାର କରସି । ଜନ୍ ଲକ୍ଷ୍ମୀ ମଣ୍ଡୁଲିତେଇ ରଇବାଇ, ସେମନ୍କେ ବିଚାର କରବାଟା ଆମର କାମ୍ । ୧୩ ସାସ୍ତରେ ଲେକା ଅଇଲାପାରା ତମର ବିତ୍ତରେ ଜନ୍ଲକ୍ଷ୍ମୀ ସେନ୍ତାରି କାରାପ୍ ଚଲାଚଲ୍ତି କଲାମି, ତାକେ ତମର ବିତ୍ତରେଅନି ବାରକରାଇ ଦିଆସ୍ ।



**ବିସ୍ବାସିମନର ବିଚାର**

୧ ଜଦି ତମର ବିତ୍ତରେ ଗଟେକ୍ ବିସ୍ବାସି ବାଇକେ ଆରି ଗଟେକ୍ ବିସ୍ବାସି ବାଇର ବିରୁଦେ କାତା ରଇଲେ, ସେଟା ବିଚାର କରବାକେ ବିସ୍ବାସ୍ ନ କଲା ବିଚାରକାରିଆର୍ ଲଗେ ଜାଆ ନାଇ । ତାର ବାଦୁଲେ ବିସ୍ବାସିମନ୍ ସେଟା ବିଚାର କରଡ଼ । ୨ ମନେ ରଅ, ପର୍ମେସରର ଲକ୍ଷ୍ମୀ ଜଗତର ଲକ୍ଷ୍ମୀମନର ବିଚାର କରବାଇ । ସେନ୍ତାରିଆଲେ, ଏ ଗଟେକ୍ ସାନ୍ ବିସଇ ବିଚାର କରିନାପାରାସ୍ କି ? ୩ ଏଦେ ସୁନା ! ଦିନେକ୍ ଆମେ ସରଗର ଦୁଡ଼ମନ୍କେ ବିଚାର କରୁ । ତେବେ ଏ ଜିବନେ ଆଇବା ସାନ୍ ସାନ୍ ବିସଇ ବିଚାର କରବାକେ ଅଦିକ୍ ସଅଜ୍ ନଏଁ କି ? ୪ ଜଦି ବିନ୍ ବିସ୍ବାସି ମନର ସଙ୍ଗ୍ ଲାଗାଜଡ଼ା ଅଇଲେ ରାଜିନାମା କରବାକେ ତମର ମଣ୍ଡୁଲି ବିତ୍ତରେ ବିସ୍ବାସ୍ ଇସାବେ ସନ୍ମାନ ନ ପାଇବା ଲକ୍ଷ୍ମୀଟାନେ କାଇକେ ଗାଲାସନି ? ୫ ମୁଇ ତମକେ ଲାଜ୍ କରାଇବାକେ ଏ କାତା ଲେକିଆଚି । ବିସ୍ବାସି ବାଇ ବାଇ ବିତ୍ତରେ କିରମାର ଅଇଲାଟା ରାଜିନାମା କରବାକେ ସତଇସେ ତମର ବିତ୍ତରେ ଗଟେକ୍ ମିସା ବୁଦି ରଇଲା ଲକ୍ଷ୍ମୀ ନାଇ କି ? ୬ ଏଦେ ଦେକା ! ଏଟା କେନ୍ତାରି କଲାସନି ? ଗଟେକ୍ ବିସ୍ବାସି ବାଇ ଆରି ଗଟେକ୍ ବାଇର ବିରୁଦେ ବିଚାରନା ଗରେ ଗାଲାମି, ଆରି ସେ ବିଚାରନା, ବିସ୍ବାସ୍ ନ କରୁମନ୍କେ ସର୍ପିଦେଲାସନି ।

୭ ତମେ ତମର ତମର ବିତ୍ତରେ ଲାଗାଜଡ଼ା ଅଇକରି କରଟ୍ ଦୁଆର୍ ଜାକ ଗାଲାସନି । ଇତିଅନି ଜାନା ପଡ଼ଲାମିଜେ ମିସାବିତାଟାନେ ପୁରାପୁରୁନ୍ ଆରି ଜାଇ ଆଗସ୍ । ତମର ପାଇ ଅନିଆଇ ମୁରତିକରି, କେତି ଅଇବାଟା ମୁରତିକରି ରଇଲେ ନିକ ଅଇତା । ୮ ତାର ବାଦୁଲେ ତମର ତମର ବିତ୍ତରେ ଅନିଆଇ ଆରି କେତି କଲାସନି । ସେଟା ମିସା ନିଜର ବିସ୍ବାସି ବାଇବଇନିମନ୍କେ ! ୯ ମନେରଅ ଜନ୍ ଲକ୍ଷ୍ମୀ ପାପେରଇକରି ବୁଡ଼ବାଇ ସେମନ୍ ପର୍ମେସରର ରାଇଜେ ଜାଇ ନାପାରଡ଼ । ନିଜେ ନାତାଇ ଉଆନାଇ

✧ ୫:୭ ୫:୭ ଗାଲାତିୟ ୫:୯



। ଜନ୍ ଲକ୍ମନ ନିୟମ ବିରୁଦ୍ଧେ ଚଲାଚଳ୍ପି କଲାକନି କି ମୁରତି ପୂଜା କଲାକନି କି ବେବିଚାର କାମ୍ କଲାକନି କି ମନସ୍ ମନସ୍ ବିତ୍ରେ ଆରି ମାଇଜି ମାଇଜି ବିତ୍ରେ ଅଇବା କାରାପ୍ କାମ୍ କଲାକନି, ବେସିଆ କାମ୍ କଲାକନି, ୧୦ ଚରନା ଅଇଲାନି, କି ଦନ୍ ଲବ୍‌ରା ଅଇଲାନି, ମାତୁଆଲ୍ କି ନିନ୍ଦା କରବାଲକ୍ ଅଇଲାନି କି ଅଲ୍‌ଗା ଲକ୍‌ର୍ ଜିନିସ୍ ଚରାଇବା ଲକ୍ ଅଇଲାନି, ଏମନ୍ ପର୍ମେସରର୍ ରାଇଜେ ଜାଇ ନାପାରତ୍ । ୧୧ ମାପୁରୁକେ ବିସ୍‌ବାସ୍ କରବା ଆଗତୁ, ତମର୍ ବିତ୍ରେ କେ କେ ଏନ୍ତାରି ଅଇରଇଲାସ୍, ମାତର୍ ପର୍ମେସର୍ ତମର୍ ପାପ୍ ସବୁ ଦଇ ଦେଲା । ଆରି ମାପୁରୁ ଜିସୁ କିରିସ୍‌ଟ ଆରି ସୁକଲ୍ ଆତ୍‌ମାର୍ ଲାଗି ଦରମ୍ ବଲାଇ ଅଇଆଟାସ୍ ।

**ବେବିଚାରେ ଅନି ବାଉଡ଼ା**

୧୨ \*ତମର୍ ବିତ୍ରେ କେତେଲକ୍ କଇବାଇ, “ମୁଇ ଜନ୍‌ଟା ମନ୍ କଲିନି, ସେଟା କରବି” । ମୁଇ କଇବି, “ଉଁ, ସେଟା ସତ୍, ମାତର୍ ସବୁ ବିସଇ ମର୍ ପାଇ ନିକ ନିର୍” । କେତେଲକ୍ କଇବାଇ ସବୁ କରବାକେ ମର୍ ଅଦିକାର୍ ଆଟେ, । ମାତର୍ ମୁଇ କଇବି, ଜନ୍ ବିସଇ ମିସା ମକେ ଦାରି ରକିରଇବାକେ ମୁଇ ନ ଦେଇ, । ୧୩ କେତେଲକ୍ କଇବାଇ, ପେଟ୍ ଜଦି କାଦି କାଇବାକେ ମନ୍ କଲାନି ବଇଲେ କାଦି କାଇବାଟା ନିକ, । ମାତର୍ ମୁଇ କଇଲିନି, ପର୍ମେସର୍ ଗଟେକ୍ ଦିନ୍ ଏ ଦୁଇଟାକେ ମିସା କୁରୁପ୍‌ନାସ୍ କରସି । ଗାଗଡ୍ ବେବିଚାର୍ କାମ୍ କରବାକେ ନାଇ, ମାତର୍ ମାପୁରୁର୍ ସେବା କରବାକେ ଲାଗ । ଗାଗଡ୍‌କେ ଦର୍କାର୍ ଅଇବାଟା ମାପୁରୁ ଜାଗାଇସି । ୧୪ ପର୍ମେସର୍, ମାପୁରୁ ଜିସୁକେ ତାର୍ ନିଜର୍ ବପୁସଙ୍ ମଲାତେଇଅନି ଉଟାଇଲା । ସେନ୍ତାରିସେ ଆମକେ ମିସା ଉଟାଇସି, ।

୧୫ ତମର୍ ଗାଗଡ୍ କିରିସ୍‌ଟର୍ ଗାଗଡ୍‌ତେ ମିସିକରି ଆଟେ, ଏଟା କାଇ ତମେ ନାଜାନାସ୍ କି ? ତେବେ ମୁଇ କାଇ କିରିସ୍‌ଟର୍ ଗାଗଡ୍‌ର୍ ଗଟେକ୍ ବାଗ୍ ନେଇକରି ବେସିଆର୍ ଗାଗଡ୍‌ତେ ମିସାଇବି କି ? ନାଇ, ସେନ୍ତାରି କେବେ ମିସା ନ ଅ । ୧୬ ମାତର୍ ଜେ ବେସିଆ ସଙ୍ ମିସସି, ସେ ତାର୍ ସଙ୍ ଗଟେକ୍ ଗାଗଡ୍ ଅଇସି । ଏଟା ତମେ ନାଜାନାସ୍ କି ? କାଇକେବଇଲେ ଲେକା ଅଇଆଟେ, ସେ ଦୁଇଲକ୍ ଜାକ ଗଟେକ୍ ଅଇବାଇ । ୧୭ ମାତର୍ ଜେ ମାପୁରୁର୍ ସଙ୍ ମିସସି, ତାର୍ ଆତ୍‌ମା ଆରି ମାପୁରୁର୍ ଆତ୍‌ମା ଗଟେକ୍ ଅଇଜାଇସି ।

୧୮ ବେବିଚାର୍ କାମେଅନି ଦୁରିକେ ରୁଆ । ଲକ୍‌ମନ୍ କାଇ ବିନ୍ ପାପ୍ କଲେ ମିସା, ସେଟା ତାର୍ ଗାଗଡ୍‌ର୍ ବିରୁଦ୍ଧେ ନିର୍ । ମାତର୍ ଜେ ବେବିଚାର୍ କାମ୍ କରସି, ସେ ନିଜର୍ ଗାଗଡ୍ ବିରୁଦ୍ଧେ ପାପ୍ କରସି । ୧୯ \*ମନେ ରଅ, ତମର୍ ଗାଗଡ୍ ସୁକଲ୍ ଆତ୍‌ମା ରଇବା ମନ୍ଦିର୍, ଜନ୍ ଆତ୍‌ମା ତମର୍ ବିତ୍ରେ ବାସା ଅଇଲାଆଟେ, ସେଟା ପର୍ମେସରର୍ ଟାନେଅନି ମିଲାଇ ଆଟାସ୍ । ତମେ ନିଜେ, ନିଜର୍ ନୁଆସ୍ ମାତର୍ ପର୍ମେସରର୍ । ୨୦ କାଇକେବଇଲେ ପର୍ମେସର୍ ତମକେ ଜବର୍ ଦାମ୍ ଦେଇକରି ଗେନିଆଟେ, ସେଟାର୍ ପାଇ ତମର୍ ଗାଗଡ୍‌ର୍ କାମ୍ ସଙ୍ ପର୍ମେସରର୍ ମଇମା କରା ।



**ବିବା ବିସଇରେ ନିୟମ**

୧ ଏବେ ତମେ ଲେକ୍‌ଲାଟାନେ ଜନ୍ ସବୁ ବିସଇ ଆଟେ, ସେ ସବୁର୍ ଉତର୍ ମୁଇ ଦେବି । ତମେ ପାଚାରିରଇଲାସ୍ ବିସ୍‌ବାସିମନ୍ ବିବା ନ ଅଇବାଟା ନିକ କି ? ୨ ଉଁ ସେଟା ସତ୍, ମାତର୍ ବେସି ଲକ୍ ବେବିଚାର୍ କାମେ ଚଲାଚଳ୍ପି କଲାକନି । ମୁଇ କଇଲିନି ଗଟେକ୍ ଗଟେକ୍ ମୁନୁସ୍‌କେ ତାର୍ ନିଜର୍ ମାଇଜି ଆରି ଗଟେକ୍ ଗଟେକ୍ ମାଇଜିକେ ତାର୍ ନିଜର୍ ମୁନୁସ୍ ରଇବାର୍ ଆଟେ । ୩ ଗଟେକ୍ ମନସ୍ ବିବା ଅଇଲାର୍ ଲାଗି, ତାର୍ ମାଇଜିକେ କିରିରଇବା ସବୁ ଦାଇଡ୍ କରବାର୍ ଆଟେ । ସେନ୍ତାରିସେ ମାଇଜି ମିସା ତାର୍ ମୁନୁସ୍‌କେ କରବାର୍ ଆଟେ । ୪ ମାଇଜିକେ ତାର୍ ନିଜର୍ ଗାଗଡ୍‌ର୍ ଅଦିକାର୍ ନାଇ, ମାତର୍ ମୁନୁସ୍‌ର୍ ଆଟେ । ସେନ୍ତାରିସେ ମୁନୁସ୍‌କେ ତାର୍ ନିଜର୍ ଗାଗଡ୍‌ର୍ ଅଦିକାର୍ ନାଇ, ମାତର୍ ମାଇଜିର୍ ଆଟେ । ୫ ଦୁଇ ମାଇଜି ମୁନୁସ୍ ବେଗ୍‌ଲିକରି ନ ରଅଡ୍ । ମାତର୍ ବେଗ୍‌ଲିକରି ରଇବାର୍ ଆଲେ, ଦୁଇ ଲକ୍ ରାଜି ଉଆ । ଜେନ୍ତାରି କି ସେ ବେଗ୍‌ଲି ରଇବା ବେଲାଇ, ପାର୍‌ତନା କିରିଅଇସି । ମାତର୍ ତାର୍‌ପଟେ ଆରିତରେକ୍ ଆସି ମିସାଆ । ଏନ୍ତାରିକଲେ ସଇତାନର୍ ପରିକାତେଇ ଅନି ତମେ ରକିଆ ପାଇସା । କାଇକେବଇଲେ ତମକେ ମୁର୍ଚିକିରି ରଇବା ବପୁ ଉନା ଆଟେ ।

୬ ଏ ବିସଇ ମୁଇ ତମକେ ଜେଡ୍‌କି କଇଲି ଆଟି, ସେଟା ଆଦେସ୍ ଦେଲା ପାରା କଇନାଇ, ମାତର୍ ତମର୍ ଦୁର୍‌ବଲ୍ ଜାନିକରି ଉପଦେସ୍ ଦେଲା ପାରା କଇଲିନି । ୭ ତମେ ସବୁଲକ୍ ମର୍‌ପାରା ବିବା ନ ଉଆ ବଲି ମୁଇ ମନ୍ କଲିନି । ମାତର୍ ଗଟେକ୍ ଗଟେକ୍ ଲକ୍‌କେ ପର୍ମେସରର୍ ଟାନେଅନି ମୁଲିଅ ରଇବା ଦାନ୍ ମିଲିଆଟେ । ଗଟେକ୍ ଲକ୍‌କେ ଗଟେକ୍ ରକାମ୍‌ଟା ଆରି ବିନ୍ ଲକ୍‌କେ ବିନ୍ ରକାମ୍ ଦାନ୍ ଦେଲାଆଟେ ।

\* ୭:୧୨ ୭:୧୨ ୧ମ କରନ୍ତିୟ ୧୦:୨୩ \* ୭:୧୯ ୭:୧୯ ୧ମ କରନ୍ତିୟ ୩:୧୭; ୨ୟ କରନ୍ତିୟ ୭:୧୭

୮ ଏବେ ମୁଁ ବିବା ନ ଅଇରଇବା, ଆରି ରାଣ୍ଡି ମାଉଜିମନ୍ଦକେ କଇଲିନି, ତମେ ମର୍ ପାରା ଏକଲା ରଇଲେ ତମର୍ପାଇ ନିକ ଅଇସି । ୯ ମାତର୍ ତମେ ଜଦି ମନର୍ ଲାଲ୍‌ସା ମୁର୍ଚ୍ଚକରି ରଇ ନାପାରଲ୍‌ସାନ୍ତି ବଇଲେ, ବିବା ଅଇବାଟା ନିକ । କାଇକେବଇଲେ ଲାଲ୍‌ସାଇ ପଡ଼ିଜିବା ବାଦୁଲେ ବିବା ଅଇବାଟା ନିକ ।

୧୦ \*ମାତର୍ ବିବା ଅଇବା ବିସ୍‌ବାସିମନ୍ଦକେ ମୁଁ ଆଦେସ୍ ଦେଲିନି, ମୁଁ ଦେଇ ନାଇ ମାତର୍ ମାପରୁ ଦେଲାନି । ଜଦି ତମେ ଗଟେକ୍ ବିବାଇ ମାଉଜି, ସେନ୍ତାର୍ ଆଲେ ମୁନ୍ଦୁସ୍‌କେ ଚାଡ଼ି ବିନେ ନ ରୁଆ । ୧୧ ଜଦି ତାକେ ଚାଡ଼ଲେ, ବିବା ନ ଅଇତେ ରୁଆ । ନଇଲେ ଆରି ଗଟେକ୍ ତର୍ ନିଜର୍ ମୁନ୍ଦୁସ୍ ସଙ୍ଗ୍ ମିସା । ଜଦି ତମେ ବିବାଇ ମୁନ୍ଦୁସ୍, ନିଜର୍ ମାଉଜିକେ ନ ଚାଡ଼ା ।

୧୨ ଏବେ ମୁଁ ବିସ୍‌ବାସିମନ୍ଦ ଜେ କି ବିସ୍‌ବାସ୍ ନ କଲାଟାମନ୍ଦକେ ବିବା ଅଇଆଚତ୍, ସେମନ୍ଦକେ କଇଲିନି, ମୁଁ କଇନାଇ ମାପରୁ କଇଲାନି, । ଜଦି ଗଟେକ୍ ବିସ୍‌ବାସି, ବିସ୍‌ବାସ୍ ନଇଲା ମାଉଜିକେ ବିବା ଅଇଲାଆଚେ, ଆରି ସେ ମାଉଜି ତାର୍ ସଙ୍ଗ୍ ମିସି ରଇବାକେ ମନ୍ଦ କରସି ବଇଲେ, ସେ ବାଇ ତାକେ ନ ଚାଡ଼ । ୧୩ ଆରି ଜନ୍ ବିସ୍‌ବାସି ମାଉଜି ବିସ୍‌ବାସ୍ ନ କଲା ମୁନ୍ଦୁସ୍‌କେ ବିବାଅଇରଇସି, ଆରି ସେ ତାର୍‌ସଙ୍ଗ୍ ମିସି ରଇବାକେ ମନ୍ଦ କରସି, ତେବେ ସେ ନିଜର୍ ମୁନ୍ଦୁସ୍‌କେ ନ ଚାଡ଼ । ୧୪ କାଇକେବଇଲେ ଜଦି ତମେ ଗଟେକ୍ ବିସ୍‌ବାସି ମାଉଜି, ବିସ୍‌ବାସ୍ ନ କରବା ମୁନ୍ଦୁସ୍‌କେ ବିବା ଅଇଆଚାସ୍, ତର୍ ମୁନ୍ଦୁସ୍ ତର୍ ସଙ୍ଗ୍ ମିସ୍‌ଲାର୍‌ପାଇ ତାକେ ପର୍ମେସର୍ ତାର୍ ନିଜର୍ ସୁକଲ୍ ଲକ୍ କଲାଆଚେ । ସେନ୍ତାରିସେ ବିସ୍‌ବାସ୍ ନ କରିରଇବା ମାଉଜିକେ, ପର୍ମେସର୍ ତାକଲା ଆଚେ । କାଇକେବଇଲେ ସେ ବିସ୍‌ବାସ୍ କରବା ମନ୍ଦ ସଙ୍ଗ୍ ମିସ୍‌ଲା ଆଚେ । ଏନ୍ତାରି ନ ରଇଲେ ତମର୍ ପିଲାମନ୍ଦ ବିସ୍‌ବାସ୍ ନ କରବା ଲକର୍ ପିଲାମନ୍ଦପାରା ଅଇତାଇ । ମାତର୍ ଏବେ ସେମନ୍ଦକେ ମିସା ପର୍ମେସର୍ ତାର୍ ନିଜର୍ ଲକ୍ କଲାଆଚେ ।

୧୫ ସେ ଜାଇଟା ମିସା ଅ, ଜଦି ଗଟେକ୍ ବିସ୍‌ବାସ୍ ନ କଲା ଲକ୍ ତାର୍ ବିସ୍‌ବାସି ମାଉଜି କି ମୁନ୍ଦୁସର୍ ଟାନେଅନି ବିନେ ଅଇବାକେ ମନ୍ଦ କଲାନି ବଇଲେ, ସେ ବିନେ ଅ । ଏନ୍ତାରି ଅଇଲେ କିରିସ୍‌ଟକେ ବିସ୍‌ବାସ୍ କରବା ମାଉଜି କି ମୁନ୍ଦୁସ୍ ବିବା ବନ୍ଦନେ ଅନି ମୁକ୍ତି ଆଚେ । ପର୍ମେସର୍ ତମ୍‌କେ ସାନ୍ତିସଙ୍ଗ୍ ମିସି ବିଡ଼ି ଜିଇବାକାଇବାକେ ତାକଲା ଆଚେ । ୧୬ ଅଇପାରେ, ତୁଇ ଗଟେକ୍ ବିସ୍‌ବାସି ବିବାଅଇଲା ମାଉଜି, ତର୍ ବିସ୍‌ବାସ୍ ନ କଲା ମୁନ୍ଦୁସ୍‌କେ କିରିସ୍‌ଟର୍ ଟାନେ ବିସ୍‌ବାସ୍ କରାଇପାରୁସ୍ । ସେନ୍ତାରିସେ ତୁଇ ଗଟେକ୍ ବିସ୍‌ବାସି ବିବାଅଇଲା ମୁନ୍ଦୁସ୍, ତର୍ ବିସ୍‌ବାସ୍ ନ କଲା ମାଉଜିକେ କିରିସ୍‌ଟର୍ ଟାନେ ବିସ୍‌ବାସ୍ କରାଇ ପାରୁସ୍ ।

**ପର୍ମେସର୍ କଇଲା ଇସାବେ ଚଲାଚଲ୍‌ତି କରା**

୧୭ ମାପରୁ ଜାକେ ଜେନ୍ତି ଜିବନ୍ ଦୁକାଇ ଆଚେ, ପର୍ମେସର୍ ଜାକେ ଜନ୍ ଇସାବେ ତାକଲା ଆଚେ, ସେ ସେନ୍ତାର୍ ଜିଉନା କାଉନା କର । ମୁଁ ସବୁ ମଣ୍ଡଲିଟାନେ ଏ ରକାମ୍ ଆଦେସ୍ ଦେଲିନି । ୧୮ ଜଦି ତମେ ଗଟେକ୍ ସୁନତ୍ ଅଇଲା ଜିଉଦି ଲକ୍ ଆରି ପର୍ମେସର୍ ତମ୍‌କେ ତାକଲାଆଚେ, ସେନ୍ତାର୍ ଆଲେ ତମେ ତମର୍ ଗାଗ୍‌ତେଅନି ସୁନତ୍ ଚିନ୍ ଲିବାଇବାକେ ଚେସ୍‌ଟା କରା ନାଇ । ସେନ୍ତାରିସେ ତମେ ଜଦି ଜିଉଦି ନ ଅଇଲା ଲକ୍ ଜାକେ କି ପର୍ମେସର୍ ତାକଲା ଆଚେ, ତମେ ସୁନତ୍ ଅଇବାକେ ଚେସ୍‌ଟା କରାନାଇ । ୧୯ ଲକ୍‌ମନ୍ଦ ସୁନତ୍ ଅଇବାଟା କି ସୁନତ୍ ନ ଅଇବାଟା କାଇଟା ନାଇ, ପର୍ମେସର୍ ଆଦେସ୍ ମାନ୍‌ବାଟାସେ ମୁକ୍ତିଅ । ୨୦ ମାପରୁ ତମ୍‌କେ ଜନ୍ ଇସାବେ ତାକିଆଚେ, ତମେ ସେ ଇସାବେ ରୁଆ । ୨୧ ପର୍ମେସର୍ ତମ୍‌କେ ତାକଲାବେଲେ ତମେ କାଇ ଗତିଦାଙ୍ଗ୍‌ତା ରଇଲାସ୍ କି ? ସେ ବିସଇନେଇ ମନ୍ଦୁକ୍ କରାନାଇ । ଜଦି ତର୍ ସାଉକାର୍ ତକେ ମୁକ୍ତିଲାଇଲାନି, ତେବେ ଉଚିଜା । ୨୨ ମାପରୁ ତାକଲାବେଲେ ଜେ ଗତିଦାଙ୍ଗ୍‌ତା ରଇଲା ସେ ଏବେ ମୁକ୍ତି ରଇଲା ଲକ୍ । କାଇକେବଇଲେ ମାପରୁ ତାକେ ମୁକ୍ତିଲାଇ ଆଚେ । ସେନ୍ତାରିସେ ଏବେ ଜେ ମୁକ୍ତିକରି ଆଚେ, ସେ କିରିସ୍‌ଟର୍ ଗତିଦାଙ୍ଗ୍‌ତା । ୨୩ ତମ୍‌କେ ଅଦିକ୍ ଦାମ୍ ଦେଇ ଗେନାଅଇଆଚେ । ଲକ୍‌ମନ୍ଦ ଗତିଦାଙ୍ଗ୍‌ତା ଉଆ ନାଇ । ୨୪ ଏ ବାଇବଇନିମନ୍ଦ, ତମ୍‌କେ ପର୍ମେସର୍ ତାକଲାବେଲେ ଜନ୍ ଇସାବେ ରଇଲାସ୍, ସେ ଇସାବେ ପର୍ମେସର୍ ସଙ୍ଗ୍ ମିସିକରି ରଇବାର୍ ଆଚେ ।

**ବିବା ନ ଅଇରଇବା ଆରି ରାଣ୍ଡି ମାଉଜିମନ୍ଦ ବିସଇରେ ପର୍ସନ୍**

୨୫ ଏବେ ମୁଁ ବିବା ନ ଅଇଲା ଦାଙ୍ଗ୍‌ତାଦାଙ୍ଗ୍‌ତି ବିସଇନେଇ ଲେକ୍‌ବି । ସେ ବିସଇନେଇ ମାପରୁର୍ ଲଗେଅନି କାଇ ଆଦେସ୍ ପାଇନାଇ । ମାତର୍ ପର୍ମେସର୍ ମକେ ଦୟା କରି ଗଟେକ୍ ସତ୍‌ଦରମ୍ ଲକ୍ ଇସାବେ ନିଜର୍ ମନ୍ଦ କାତା କଇଲିନି ।

୨୬ ଏବର୍ ଦୁକ୍ କସ୍‌ଟର୍ ବେଲା ଏତାଇଲେ, ମୁଁ ବାବ୍‌ଲିନି ଗଟେକ୍ ଲକ୍ ଜେନ୍ତାରି ଆଚେ, ସେନ୍ତାରିସେ ରଇବା ଦରକାର୍ । ୨୭ ତମେ କାଇ ମାଉଜି ସଙ୍ଗ୍ ବାନ୍ଧିଅଇ ଆଚାସ୍ କି ? ସେନ୍ତାରିଆଲେ ମୁକ୍ତିବାକେ ଚେସ୍‌ଟା କରାନାଇ । ତମେ କାଇ ବିବା ଉଆସ୍ ନାଇ କି ? ସେନ୍ତାରିଆଲେ ମାଉଜି କଜ୍‌ବାକେ ଚେସ୍‌ଟା କରାନାଇ । ୨୮ ଜଦି ତମେ ବିବାଅଇ ଆଚାସ୍, ବଇଲେ ତମେ ପାପ୍ କରାସ୍ ନାଇ । ଜଦି ଗଟେକ୍ ଦାଙ୍ଗ୍‌ତି

\* ୭:୧୦ ୭:୧୦ ମାଡ଼ିଉ ୫:୩୨;୧୯:୯; ମାର୍କ ୧୦:୧୧,୧୨; ଲୁକ୍ ୧୭:୧୮

ବିବାଅଇସି, ସେ ମିସା ପାପ୍ କରେନାଇ । ମାତର୍ ବିବାଅଇଲା ଲକ୍ମନ୍ ଦୁକ୍ କସ୍ତ୍ ମୁରତିକରି ରଇବାକେ ପଡ଼ସି । ଏନ୍ତାରି ଦୁକ୍ କସ୍ତ୍ ବେଲାଇ ସିତିଅନି ରକିଆ ପାଆ, ବଲିକରି ମୁଇ ମନ୍ କଲିନି ।

୨୯ ମାତର୍ ଏ ବାଇମନ୍ ମୁଇ ତମ୍‌କେ କଇଲିନି, ଏବେ ଆମ୍‌କେ ଅଲପ୍ ଦିନ୍ ଆଚେ । ଏଟାର୍ ପାଇ ଏବେଅନି ଜେ ବିବା ଅଇଆଚେ ସେ ବିବା ନ ଅଇଲା ଲକ୍ମନ୍ ପାରା ରଅ । ୩୦ ସେନ୍ତାରିସେ ଜନ୍ ଲକ୍ମନ୍ କାନ୍ଦାବୁବା ଅଇରଇଲାସ୍‌ନି, ସେମନ୍ କାନ୍ଦାବୁବା ନ ଅଇ ରଇଲା ଲକ୍ମନ୍ ପାରା ରୁଆ । ଆରି ଜନ୍ ଲକ୍ମନ୍ ସାର୍‌ଦା ଅଇରଇଲାଇନି, ସେମନ୍ ସାର୍‌ଦା ନ ଅଇଲା ଲକ୍ମନ୍ ପାରା ଅଇ ରଅଡ଼ । ଜନ୍ ଲକ୍ମନ୍ ଗେନ୍‌ବାଇ, ସେଟା ନିଜର୍‌ଟା ନଏଁ ବଇଲାପାରା ରଅଡ଼ । ୩୧ ଜନ୍ ଲକ୍ମନ୍ ଜଗତର୍ ଜିନିସ୍ ନେଇ ବେବାର୍‌ପାନି କଲାଇନି, ସେମନ୍ ସବୁବେଲେ ସେ ବିସଇ ଚିନ୍ତା ନ କଲା ଲକ୍ମନ୍ ପାରା ରଅଡ଼ । କାଇକେବଇଲେ ଜନ୍ ଜଗତେ ଆମେ ଆରୁ, ସେ ଜଗତର୍ ସବୁ ଜିନିସ୍ ବୁଡ଼ିଜାଇସି ।

୩୨ ମାତର୍ ତମେ ଏ ବିସଇନେଇ ତେରେପେତେ ଉଆନାଇ । ବିବା ନ ଅଇଲା ଲକ୍ମନ୍ ସବୁବେଲେ ମାପ୍‌ରୁରେ ସେବା କାମ୍ କର୍‌ବାକେ ମନ୍ କର । କାଇକେବଇଲେ ମାପ୍‌ରୁକେ ସାର୍‌ଦା କରାଇବାଟା ତାର୍ ମୁକିଅ କାମ୍ । ୩୩ ମାତର୍ ଜେ ବିବାଅଇଆଚେ, ସେ ଏ ଜଗତର୍ ସବୁ ବିସଇନେଇ ଚିନ୍ତା କର୍‌ସି । କାଇକେବଇଲେ ସେ ତାର୍ ମାଇଜିକେ ସାର୍‌ଦାସକ୍ ରକ୍‌ବାକେ ମନ୍ କର୍‌ସି । ୩୪ ସେନ୍ତାସେ ତାର୍ ମନ୍ ଦୁଇବାଟେ ଜିକ୍‌ଟାନ୍ ଅଇଲାନି । ବିବା ନ ଅଇଲା ମାଇଜି କି ଦାଙ୍ଗ୍‌ତି ମାପ୍‌ରୁର୍ କାମ୍ ବିସଇ ଚିନ୍ତା କର୍‌ସି । କାଇକେବଇଲେ ସେ ତାର୍ ଗାଗଡ଼ ଆରି ଆଡ଼ମା ପର୍‌ମେସର୍‌କେ ସର୍‌ପି ଦେବାକେ ମନ୍ କର୍‌ସି । ମାତର୍ ବିବା ଅଇଲା ମାଇଜି ଏ ଜଗତର୍ ସବୁଦିନର୍ ବିସଇ ଚିନ୍ତା କର୍‌ସି । କାଇକେ ବଇଲେ ତାର୍ ମୁନ୍‌ସକେ ସାର୍‌ଦା କର୍‌ବାକେ ସେ ବାବ୍‌ତେ ରଇସି ।

୩୫ ଏ କାତା ମୁଇ ତମ୍‌କେ ନିଜର୍ ମଙ୍ଗଲର୍ ପାଇ କଇଲିନି । ତମ୍‌କେ ଆଦେସ୍ ମାନ୍‌ବାକେ ଦେଇ ନାଇ ମାତର୍ ତମେ ଜେନ୍ତିକି ସଡ଼ ବାବେ ଚଲାଚଲ୍‌ତି କରି ଏନେତେନେ ଚିନ୍ତା ନ ଅଇକରି ପୁରାପୁରୁନ୍ ବାବେ ମାପ୍‌ରୁକେ ସର୍‌ପି ଅଇବାକେ କଇଲିନି ।

୩୬ କନିଆ ମାଙ୍ଗ୍‌ନି ଅଇଲାପଚେ ଜଦି ଜନ୍ ମନସ୍ ତାର୍ ମାଙ୍ଗ୍‌ଲା ମାଇଜି ସକ୍ ଚିକ୍‌ସକ୍ ଚଲାଚଲ୍‌ତି କରି ନାପାରୁଲାନି ଆରି ତାର୍ ଲାଲ୍‌ସା ସେ କନିଆ ଉପ୍‌ରେ ବଡ଼ିଗାଲାନି, । ତାର୍ ଇସାବେ ବିବା ଅଇବାର୍ ଆଚେ ଆକା ବଇଲେ, ସେ ବିବା ଅଇ ପାରେ । ଏଟାର୍‌ପାଇ କାଇ ପାପ୍ ନାଇ । ୩୭ ମାତର୍ ସେ ଜଦି କାର୍ ବାଦିଅ ନ ଅଇ ତାର୍ ମନ୍ ତାଟ୍ କରି ଚିକ୍‌କଲେ, ଆରି ତାର୍ ମନ୍ କଲାଟା ପୁରାପୁରୁନ୍ ଦାରି ରକିପାର୍‌ଲେ, ସେ ଡିଣ୍ଡା ଟକିକେ ବିବା ନ କଲେ ନିକ । ୩୮ ତେବେ ଜାକେ ଡିଣ୍ଡା ଟକିର୍ ମାଙ୍ଗ୍‌ନି ଅଇଲା ଆଚେ, ସେ ଚିକ୍ କାମ୍ କଲାନି, ମାତର୍ ଜେ ବିବା ନ ଅଏ, ସେ ତାର୍ ତେଇଅନି ଅଦିକ୍ ନିମାନ୍ କାମ୍ କଲାନି ।

୩୯ ମୁନ୍‌ସ୍ ଜିବନ୍ ରଇବା ଜାକ, ମାଇଜି ବାନ୍ଦି ଅଇରଇସି । ଜଦି ମୁନ୍‌ସ୍ ମରିଜାଇସି, ତେବେ ମାଇଜି ମାପ୍‌ରୁକେ ବିସବାସ୍ କର୍‌ବା ଲକ୍‌କେ, କାକେ ମିସା ବିବା ଅଇପାର୍‌ସି । ୪୦ ମୁଇ ବାବ୍‌ଲିନି ସେ ବିବା ନ ଅଇ ସେନ୍ତାସେ ରଇଲେ ଅଦିକ୍ ସୁକ୍ ମିଲ୍‌ସି । ଆରି ଏଟା ପର୍‌ମେସର୍‌ ସୁକଲ୍ ଆଡ଼ମାର୍ ମନ୍ କଲାଟା ବଲି ମୁଇ ବାବ୍‌ଲିନି ।

### F

#### ପୁଜା କଲା ପର୍‌ସାଦ୍ ବିସଇ ପର୍‌ସନ୍

୧ ଏବେ ମୁଇ ଦେବିଦେବ୍‌ତାମନ୍‌କେ ପୁଜ୍‌ଲା ମାଉଁସ୍ ବିସଇନେଇ ଲେକ୍‌ଲିନି । ଏଟା ସଡ଼ ଜେ ଆମ୍‌କେସେ ବୁଦି ଆଚେ ବଲି ତମେ ଜନ୍‌ଟା କଇଲାସ୍‌ନି, ସେଟା ଆମେ ଜାନିଆରୁ । ସେନ୍ତା ଗଟେକ୍ ଲକ୍‌କେ ଆଁକାର୍ ଜନମ୍ କରାଇସି । ମାତର୍ ଆଲାଦ୍ ଆମ୍‌ର୍ ବିସ୍‌ବାସ୍‌କେ ତାଟ୍ କରାଇସି । ୨ ଜନ୍ ଲକ୍, ଏ ବିସଇ ମୁଇ ଅଲପ୍ ଜାନିଆଟିବଲି ବାବ୍‌ସି, ସେ ସତଇସେ ଜାଇଟା ଜାନ୍‌ବା ଦର୍‌କାର୍, ସେଟା ଜାନେ ନାଇ । ୩ ମାତର୍ ଜନ୍‌ଲକ୍ ଜଦି ପର୍‌ମେସର୍‌କେ ଆଲାଦ୍ କଲାନି, ତାକେ ପର୍‌ମେସର୍‌ ଜାନେ ।

୪ ତେବେ ଦେବିଦେବ୍‌ତାମନ୍‌କେ ପୁଜ୍‌ଲା ମାଉଁସ୍ ବିସଇ ଜାନିଆରୁ ଜେ, ଏ ଜଗତେ ଦେବି ଦେବ୍‌ତା ବଲି କାଇଟା ନାଇ । ଆମ୍‌ର୍ ପର୍‌ମେସର୍‌କେ ଚାଡ଼ିଦେଲେ ଆରି କେ ମିସା ପର୍‌ମେସର୍ ନାଇ । ୫ କାଇକେବଇଲେ ସରଗ୍ ପୁରେ ଅ କି ମର୍‌ପୁରେ ଅ ଜନ୍‌ଟାମନ୍‌କେ ଦେବିଦେବ୍‌ତା ବଲି କଇଲାଇନି, ଏଲେ ମିସା ସେମନ୍ ରଇପାରଡ଼ । ଏନ୍ତି କେତେକ୍ କେତେକ୍ ଦେବ୍‌ତା ଆରି ମାପ୍‌ରୁ ଆଚଡ଼ । ୬ ସେମନ୍ ରଇଲେ ମିସା ଆମ୍‌ର୍ ଗଟେକ୍ ଆକା ବାବା ପର୍‌ମେସର୍, ଜନ୍ ବାବା କି ସବୁ ତିଆର୍ କଲାଆଚେ, ଆରି ଆମେ ତାର୍ ଲାଗି ବ୍‌ର୍‌ଲୁନି, ମାତର୍ ଗଟେକ୍ ବଲି ମାପ୍‌ରୁ ଜିସୁ କିରିସ୍‌ଟ, ତାର୍ ଲାଗି ସବୁ ବିସଇ ଅଇଆଚେ, ଆରି ତାର୍ ଲାଗି ଆମେ ବ୍‌ର୍‌ଲୁନି ।

୭ ଏଲେ ମିସା ଏ ସଡ଼ ଗିଆନ୍ ସବୁଲକ୍ ନାଜାନଡ଼ । ମାତର୍ କେତେଲକ୍ ଆଗେଅନି ଦେବି ଦେବ୍‌ତା ଆଚଡ଼ ବଲି ବାବିକରି ସେମନ୍‌କେ ପୁଜା କରି ଆଇଲାଇନି । ସେମନ୍‌ର୍ ବିସ୍‌ବାସ୍ ତାଟ୍ ନାଇଜେ ଦେବିଦେବ୍‌ତାମନ୍‌କେ ପୁଜ୍‌ଲାଟା କାଇଲେସରି ସେମନ୍ ସୁକଲ୍ ଅଇବାର୍ ନଏ ବଲି ବାବ୍‌ଲାଇନି ।

୮ ମାତର କାଦି କାଇବାଟା, ପରମେସ୍ୱରୀନେଅନି ଆମ୍ଭକେ ବିନେ ନ କରେ । ଆମେ କାଇଲେ କାଇ ଲାଭ ନଏ, କି ନ କାଇଲେ ମିସା କାଇଟା ନ ଜାଏ ।

୯ ମାତର କାଇଟା କାଇଲାସନି ସେ ବିସଇନେଇ ଜାଗରତ ରୁଆ । ତମେ ଜନ୍ମଟା କାଇଲାର ଲାଗି ତମର ଜନ୍ମ ବାଇର ବିସ୍ୱାସ୍ ତାଟ୍ ନାଇ, ସେ ତମରଲାଗି ପାପ୍ କରବାର ନାଇ । ୧୦ କାଇକେ ବଇଲେ, ତମେ ଗଟେକ୍ ବୁଦ୍ଧି ରଇଲା ଲକ୍ । ପୁଜ୍ଲାଟା କାଇଲେ କାଇଟା ନଏ ବଲି ଜାନାସ୍ । ଜଦି ମନ୍ ବିତ୍ରେ ବିସ୍ୱାସେ ତାଟ୍ ନଇଲା ତମର ଗଟେକ୍ ବାଇ, ସେ ତମ୍ଭକେ ମନ୍ଦିରେ କାଇବାଟା ଦେକ୍ଲେ, ତାକେ ମିସା ପୁଜ୍ଲାଟା କାଇବାକେ ମନ୍ ଲାଗସି । ୧୧ ତେବେ ସେ ବାଇ ନସ୍ ଅଇଲାନି, କାଇକେବଇଲେ ପୁଜ୍ଲାଟା କାଇଲାକେ ପାପ୍ କଲିନି ବଲି ସେ ବାସ୍ । କିରିସ୍ତ୍ ସେ ବାଇରପାଇ ମଲାଆତେ ବଲି ମିସା ତମର ମନେ ରଇବାର୍ ଆଟେ । ୧୨ ଏନ୍ତାରି ତମେ ସଙ୍ଗର୍ ବିସ୍ୱାସି ବାଇମନର୍ ବିରୁଦେ ପାପ୍ କଲାସନି ଆରି ତାକର୍ ବୁଜ୍ବା ବପୁ ଉନାଟାକେ, ବାଦା ଦେଇ ମାପରୁ ଜିସୁର୍ ବିରୁଦେ ମିସା ପାପ୍ କଲାସନି । ୧୩ ତେବେ ମୁଇ ପୁଜ୍ଲା ମାଉସ୍ କାଇଲାର ଲାଗି ମର୍ ବାଇବଇନିମନ୍ଦକେ ପାପ୍ କରାଇଲିନି ବଇଲେ, ମୁଇ କେବେ ମିସା ସେଟା ନ କାଇ । କାଇକେବଇଲେ ସେଟାରଲାଗି ମର୍ ବାଇବଇନିମନ୍ ପାପେ ନ ପଡ୍ତ ।



**ପେରିତ୍ ସିସ୍ମନର୍ ଅଦିକାର୍**

୧ ମର୍ ଜାଇଟା ମନ୍ କଲାଟା, ସେଟା କାଇ କରିନାପାରି କି ? ମୁଇ କାଇ ଗଟେକ୍ ପେରିତ୍ ନଇ କି ? ମୁଇ କାଇ ଆମର୍ ମାପରୁ ଜିସୁର୍ ଦର୍ସନ୍ ପାଇ ନାଇ କି ? ତମେ ସବୁ, ମୁଇ ମାପରୁର୍ ପାଇ କରିରଇବା କାମର୍ ଲାଗି ବିସ୍ୱାସ୍ କଲାସ୍ ନାଇ କି ? ୨ ଜଦି ମକେ ବିନ୍ ଲକ୍ମନ୍ ଗଟେକ୍ ପେରିତ୍ ବଲି ନ ନାମ୍ଲେ ମିସା, ତମେ ମକେ ସତ୍ ଇସାବେ ନାମି ଆଟାସ୍ । କାଇକେବଇଲେ ମାପରୁର୍ ସଙ୍ଗ୍ ତମର୍ ଜିବନ୍ ମିସ୍ଲାଟ୍ ଲାଗି, ମର୍ ପେରିତ୍ ପଦର୍ ସାକି ଆଟାସ୍ ।

୩ ତମେ ଗଟେକ୍ ପେରିତ୍ କି ? ବଲି ମକେ ପର୍ସନ୍ କରବା ଲକ୍ମନ୍ଦକେ ମୁଇ ଏ କାତା କଇବି । ୪ ଆମେ ମାପରୁ ଜିସୁର୍ ପେରିତ୍ ମନ୍ । ତାର୍ କାମର୍ ଲାଗି, କାଇବାଟା କି ପିଇବାଟା ମିଲ୍ଲେ, ସେଟା ନେବାର୍ ମର୍ ଅଦିକାର୍ ନାଇ କି ? ୫ ଅଲ୍ଗା ପେରିତ୍ମନର୍ ପାରା, ପିତର୍ ଆରି ଆମର୍ ମାପରୁ ଜିସୁର୍ ବାଇମନର୍ ପାରା, ବିସ୍ୱାସ୍ କରିରଇବା ମାଇଜିକେ ବିବା ଅଇକରି ତାକେ ମର୍ ସଙ୍ଗ୍ ନେବାକେ କାଇ ମର୍ ଅଦିକାର୍ ନାଇ କି ? ୬ ଅବ୍ କା ଜିଇବା କାଇବାକେ ମୁଇ ଆରି ବର୍ନବା ଆବଡ୍ କାମ୍ କର୍ତେ ରଇବୁ କି ? ୭ ବାବିଦେକା, ଗଟେକ୍ ସଇନ ଜୁଇଦେ ରଇଲାବେଲେ ନିଜେ କର୍ତ କରି କେବେ କାମ୍ କରିପାରେ କି ? ନାଇ, ନାପାରେ । କି ଗଟେକ୍ ଚାସି ତାର୍ କେତେ ଅନି ଅଇଲା ପସଲ୍, ତାର୍ କାଇବାର୍ ଅଦିକାର୍ ନାଇ କି ? ଆରି କେ ଗରୁଗାଇ ପସିରଇକରି ସେମନର୍ ଦୁଦ୍ ନ କାଅଡ୍ କି ?

୮ ମୁଇ କାଇ ଏଟା ମୁନ୍ସ୍ ଇସାବେ କଇଲିନି କି ? ନିୟମେ ଏଟା ଲେକା ଅଏ ନାଇ କି ? ୯ ସେ ନିୟମେ ଏନ୍ତାରି ଲେକା ଅଇଆଟେ । ଦାନ୍ ଗାନାଇ ବୁଲ୍ତେ ରଇବା ବଲଦର୍ ତମ୍ନାଇ ବାନ୍ଦାନାଇ । ଜେନ୍ତି କି ସେ ଅଲପ୍ ଅଲପ୍ କାଇତେରଇସି । ଏ ନିୟମ୍ ଲେକ୍ଲାବେଲେ ପର୍ମେସ୍ କାଇ ଏ ବଲଦ୍ମନର୍ ବିସଇସେ ଚିନ୍ତା କର୍ତେରଇଲା କି ? ୧୦ ଏଟା ଆମର୍ ପାଇ ଲେକା ଅଇଲାଆଟେ । ଜେନ୍ତିକି ଜନ୍ ଲକ୍ମନ୍ କସ୍ବାତେଇ ଆରି କାଟ୍ବାତେଇ ମିସ୍ଲାଇ ଆତଡ୍, ସେମନ୍ଦକେ ତେଇର୍ ପସଲ୍ଟାନେ ବାଗ୍ ମିଲ୍ସି ବଲି ଆସା କରି କାମ୍ କରବାଇ । ୧୧ ଆମେ ତମର୍ ବିତ୍ରେ ଆଡ୍ମାର୍ ମୁଞ୍ଜି ବୁନ୍ଲୁ ଆଟୁ । ସେଟାର୍ ପାଇ ତମର୍ଟାନେ ଅନି କାଇ ଜଗତର୍ ପସଲ୍ ପାଇବାକେ ମନ୍ କରବାଟା, ଗଟେକ୍ କାରାପ୍ କାତା କି ? ୧୨ ତମର୍ ଟାନେଅନି ଏଟା ଆସା କରବାକେ ଜଦି ବିନ୍ ଲକ୍ମନର୍ ଅଦିକାର୍ ଆଟେ, ସେନ୍ତି ବଇଲେ ତାକର୍ଟାନେଅନି ଆମର୍ ଅଦିକାର୍ ବେସି ନଏ କି ?

ଏଲେ ମିସା ସେ ଅଦିକାର୍ ଆମେ ବେବାର୍ କରୁନାଇ, ମାତର୍ କିରିସ୍ତ୍ ସୁବ୍କବର୍ଦ୍ଦକେ କାଇମିସା ଅସୁବିଦା ନ ଆସ ବଲି ଆମେ ସବୁ ରକାମର୍ କସ୍ଟ ମୁର୍ଚି କରି ରଇଲୁନି । ୧୩ ଜନ୍ ଲକ୍ମନ୍ ମନ୍ଦିରେ ସେବା କଲାଇନି, ସେମନ୍ ମନ୍ଦିରେ ଅନି କାଦି ପାଇବାଇ । ଆରି ଜେ ସବୁଦିନେ ବେଦିଟାନେ ବଲି ଦେଲାଇନି, ସେମନ୍ ବେଦିଟାନେ ବଲିକଲା ବାଟାଇ ମିସ୍ବାଇ, ଏଟା ତମେ ଜାନିଆଟାସ୍ । ୧୪ ସୁସମାଟାର୍ ଜାନାଇବା ଲକ୍, ତେଇଅନି ଜିଉନା କାଉନା କରା ବଲି ମାପରୁ ଆଦେସ୍ ଦେଲାଆଟେ ।

୧୫ ମାତର୍ ମୁଇ ଏନ୍ତାରି କାଇମିସା ଅଦିକାର୍ ମାଙ୍ଗିନାଇ, ଏ ବିସଇ ଦାବି କରବାକେ ମୁଇ ଲେକିନାଇ । ତମର୍ଟାନେଅନି ମାଙ୍ଗିବା ବାଦୁଲେ ମୁଇ ମରିଜିବି ସିନା, ନ ମାଙ୍ଗି । କାଇକେବଇଲେ ମୁଇ ତମର୍ଟାନେ କାଇଟା ନ ମାଙ୍ଗିତେ କାମ୍ କଲି, ବଲି ବଡ୍ପନ୍ ଅଇବି । ୧୬ ସୁବ୍କବର୍ ସୁନାଇଲିନି ବଲି ମର୍ ବଡ୍ପନ୍ ଅଇବା ଅଦିକାର୍ ନାଇ, କାଇକେବଇଲେ ଏଟା ମକେ ତିଆରିରଇବା କାମ୍ । ଜଦି ମୁଇ ସୁବ୍କବର୍ ନ

ଜାନାଇଲେ ମକେ ବଡ଼ ଡଣ୍ଡ ମିଲ୍ଲିସି । ୧୭ ଏଟା ଜଦି ମୁଇ ନିଜର୍ ମନ୍ କଲା ଇସାବେ କଲେ, କୁଲି ପାଇବାକେ ମର୍ ଅଦିକାର ରଇତା । ମାତର୍ ପରମେସର୍ ମକେ ଏ କାମ୍ ସର୍ପି ଦେଲାକେ, ମୁଇ ଏଟା କଲିନି । ୧୮ ସେନ୍ତାଆଲେ ମକେ କେତେକ୍ କୁଲି ମିଲ୍ଲାନି ? ମର୍ କରଟା ପାଇ ମାଙ୍ଗବାକେ ମର୍ ଦାବି ରଇଲେ ମିସା, ମୁଇ କୁଲି ନ ପାଇତେ ସୁବକବର୍ ଜାନାଇଲିନି । ସୁବକବର୍ ଜାନାଇବାକେ ଜନ୍ ଅଦିକାର୍ ମୁଇ ପାଇ ଆଟି, ସେଟାସେ ମର୍ କୁଲି ।

୧୯ ଏଟାପାଇ ମୁଇ କାର୍ ତଲିଆ ନାଇ କି କାର୍ ଗତିଦାଙ୍ଗଡା ନାଇ । ଅଇଲେ ମିସା କେତେକ୍ କେତେକ୍ ଲକ୍‌କେ କିରିସ୍‌ଟରତେଇ ଆନ୍‌ବାକେ ମୁଇ ସବୁଲକର୍ ଗତିଦାଙ୍ଗଡା ଅଇଆଟି । ୨୦ ମୁଇ ଜିଉଦି ଲକ୍‌ମନକେ ପାଇବାକେ, ତାକର୍ ପାରା ଚଲାଚଲ୍‌ତି କଲିନି, ଜେନ୍ତୁକି ମୁଇ ସେମନକେ କିରିସ୍‌ଟର୍ ବାଟେ ଆନିପାର୍‌ବି । ମୁଇ ଜଦି ମସାର୍ ନିୟମର୍ ତଲିଆର୍ ନ ଅଇରଇଲେ ମିସା, ସେମନକେ କିରିସ୍‌ଟର୍ ବାଟେ ଆନ୍‌ବାକେ, ନିୟମ୍ ମାନ୍‌ବା ଲକ୍‌ର ପାରା ଚଲାଚଲ୍‌ତି କଲିନି । ୨୧ ସେନ୍ତାରିସେ ଜିଉଦି ନ ଅଇଲା ଲକ୍‌ମନର୍ ସଙ୍ଗ୍ ରଇଲାବେଲେ, ମୁଇ ଜିଉଦି ନିୟମ୍ ମାନି ନାଇ । ସେ ବେଲେ ମୁଇ ଜିଉଦି ନ ଅଇଲା ଲକ୍‌ର ପାରା ଚଲାଚଲ୍‌ତି କର୍‌ବି । ଜେନ୍ତୁକି ସେମନକେ କିରିସ୍‌ଟର୍ ବାଟେ ଆନିପାର୍‌ବି । ଏଟା ଅରଡ଼ ନଏଁ ଜେ ମୁଇ ପରମେସର୍ ନିୟମ୍ ମାନି ନାଇ । କାଇକେବଇଲେ ମୁଇ କିରିସ୍‌ଟର୍ ନିୟମର୍ ତଲେ ଆଟି । ୨୨ ଜେତେବେଲେ ମୁଇ ବିସ୍‌ବାସେ ଦୁର୍‌ବଲ୍ ଲକ୍‌ର ସଙ୍ଗ୍ ରଇବି, ତାକର୍‌ପାରା ଦୁର୍‌ବଲ୍ ଅଇବି । ଜେନ୍ତୁକି ସେନ୍ତୁଅଇକରି ସେମନକେ କିରିସ୍‌ଟର୍ ବାଟେ ଆନି ପାର୍‌ବି । ସେଟାପାଇ ମୁଇ ବିନ୍ ବିନ୍ ଲକ୍‌ରଟାନ୍‌ଦେ ବିନ୍ ବିନ୍ ରକାମ୍ ଅଇରଇଲି । କେନ୍ତୁକି ମିସା ମୁଇ ସେମନକେ ରକିଆ କର୍‌ବି ।

୨୩ କିରିସ୍‌ଟର୍ ସୁବକବର୍ ସବୁବାଟେ ଜାନାଇବାକେ ଆରି ତାର୍ ଆସିର୍‌ବାଦ୍ ପାଇବାକେ ମୁଇ ସବୁଟା କଲିନି । ୨୪ ଆରାଜିତା ଟାନେ ପାଲାଇବା ଲକ୍ ବେସି ଆଟଡ଼, ଏଟା ସଡ଼ । ମାତର୍ ଗଟେକ୍ ଲକ୍‌କେସେ ପୁରୁସ୍‌କାର୍ ମିଲ୍ଲିସି । ଏଟା ତମେ ଜାନିଆଟାସ୍ । ତମେ ମିସା ପୁରୁସ୍‌କାର୍ ପାଇଲା ପାରା ପାଲାଆ । ୨୫ ଜେ ପାଲାଇବାଟାନେ ବାଗ୍ ନେଇସି, ସେ ଅବିଆସ୍ କରି, ତାର୍ ଗାଗଡ଼ ଡାଟ୍ କରରଇସି । ଆରି ସେ ଦାପେ ନସିଜିବା ପୁରୁସ୍‌କାର୍ ମିଲାଇବାକେ ସେଟା କର୍‌ସି । ମାତର୍ ଆମେ, କେବେ ମିସା ନ ନସ୍‌ବା ପୁରୁସ୍‌କାର୍ ପାଇବାକେ, ସେଟା କଲୁନି । ୨୬ ମୁଇ ଏନେତେନେ ନ ଦେକି ସାରାସାରି କେଟ୍‌ବାଟାନେ ପାଲାଇବା ଲକ୍‌ର ପାରା ଆଟି । ମୁଇ ଗଟେକ୍ ବିଦା ସଙ୍ଗ୍ ଜୁଇଦ୍ କର୍‌ବା ଲକ୍‌ରପାରା, ଜେକି ତାର୍ ବିଦା ମାର୍‌ଲେ ପାଇସି ଆକା । ୨୭ ମୁଇ କସ୍‌ଟ ମୁର୍‌ଟିକରି ଗାଗଡ଼ ମେଲା ଚାଡ଼ିନାଇ । କାଇକେ ବଇଲେ ବିନ୍ ଲକ୍‌ମନର୍ ଲଟେ ସୁବକବର୍ ଜାନାଇରଇଲେ ମିସା ମକେ ଜେନ୍ତୁକି ନାଇବଲିକରି ନ କଅଡ଼ ।

### ୧୦

#### ମୁର୍‌ତିପୂଜା ବିରୁଦ୍ଧେ ଜାଗରତା

୧ ଏ ମର୍ ବାଇବଇନିମନ୍, ଆମର୍ ଆନିଦାଦିମନ୍, ଜନ୍ ଲକ୍‌ମନ୍ ମସାର୍ ବାଟେ ଜାଇତେରଇଲାଇ, ସେମନକେ କାଇଟା ଅଇଲା ଏତାଇ ଦେକା । ସେମନ୍ ସବୁ ଲକ୍ ବାଦଲ୍ ତଲେ ରଇ ରକିଆ ପାଇତେରଇଲାଇ । ଆରି ରଙ୍ଗ୍ ସମ୍‌ଦୁରେ ନ ବୁଡ଼ତେ ଇଣ୍ଡି ଇଣ୍ଡି ଲଙ୍ଗ୍‌ଲାଇ । ୨ ସେମନ୍ ସବୁ ବାଦଲେ ଆରି ସମ୍‌ଦୁରେ ଡୁବନ୍ ନେଲାଇ । ମସାର୍ ସିସ୍‌ମନ୍ ବଲି ସେମନକେ ଗଟେକ୍ ଚିନ୍ ରଇଲା । ୩ ଆରି ସବୁଲକ୍ ପରମେସର୍ ଜାଗାଇ ରଇବା କାଦି କାଇଲାଇ, ୪ ଆରି ସେ ପାକ୍‌ନାଇ ଅନି ଆଇବା ପାନି କାଇଲାଇ । ସେ ପାକ୍‌ନା ଅଇଲାନି କିରିସ୍‌ଟ । ୫ ଏଲେମିସା ସେମନର୍ ବିଡ଼ରେ ଅନି ବେସି ଲକ୍‌କେ ପରମେସର୍‌ର ସାର୍‌ଦା ନ ରଇଲା । ସେଟାପାଇ ସେମନ୍ ମରୁବାଲି ବୁଏଁ ମଲାଇ ।

୬ ସେମନ୍ ଜନ୍ ରକାମ୍ ଆସାର୍ ବିସଇର୍ ପାଇ ଲାଲ୍‌ସା ଅଇ ରଇଲାଇ, ଆମେ ମିସା ସେ ରକାମ୍ ଲାଲ୍‌ସା ନ ଅଉଁ । ସେଟାପାଇ ଏ ସବୁ ଗଟ୍‌ଲା ବିସଇ ଆମର୍‌ପାଇ ଲେକାଅଇଆଟେ । ୭ ଜେନ୍ତୁକି ସେମନର୍ ବିଡ଼ରେ ଅନି କେତେଲକ୍ ପୁଡ଼ଲା ପୂଜା କର୍‌ବାର୍ ଦାର୍‌ଲାଇ, ତମେ ସେନ୍ତାରି ପୁଡ଼ଲା ପୂଜା କର୍‌ବାଟା, ଆରାମ୍ କରା ନାଇ । ସାସ୍‌ତରେ ଲେକା ଅଇଆଟେ, ଜେନ୍ତୁକି ଲକ୍‌ମନ୍ ପୂଜାକଲାଟା କାଇବାକେ ବସିରଇଲାଇ ଆରି ମଦ୍ କାଇକରି ବେବିଟାର୍ କର୍‌ବାର୍ ଦାର୍‌ଲାଇ । ୮ ଜେନ୍ତୁକି ସେମନର୍ ବିଡ଼ରେ କେତେଲକ୍ ବେସିଆ କାମ୍‌କରି ଗଟେକ୍ ଦିନେ କଡେ ତିନ୍ ଅଜାର୍ ଲକ୍ ପରମେସର୍‌ର ଡଣ୍ଡ ପାଇକରି ମରିଗାଲାଇ । ସେନ୍ତାରି ଆମେ ବେସିଆ କାମ୍ ନ କରୁ । ୯ ସେନ୍ତୁସେ ସେମନର୍ ବିଡ଼ରେ କେତେଲକ୍ ମାପୁରୁକେ ପରିକା କଲାଇ ଆରି ବିସ୍ ରଇବା ସାଁପ୍ ଟକାଇ ଅଇକରି ମଲାଇ । ସେନ୍ତାରି ଆମେ ମାପୁରୁକେ ପରିକା ନ କରୁ । ୧୦ ସେମନ୍ ଜେନ୍ତୁକି ପରମେସର୍‌ର ବିରୁଦ୍ଧେ ଡାକର୍ ଡାକର୍ ବିଡ଼ରେ ଦଦାପେଲା ଅଇକରି, କୁରୁପ୍ ନାସ୍ କର୍‌ବା ଦୁଡ଼ରଲାଗି ମରିଆଜିଗାଲାଇ । ତମେ ସେନ୍ତାରି ଦଦାପେଲା ଉଆନାଇ ।

୧୧ ସବୁ ଲକ୍‌ପାଇ ଏ ସବୁ ଗଟ୍‌ନା ଗଟ୍‌ଲା । ଆରି ଆମ୍‌କେ ଚେଡ଼ନା ପାଇବାକେ ସେଟା ସବୁ ଲେକାଅଇଆଟେ । କାଇକେବଇଲେ ଏ ଜଗତର୍ ସାରାସାରି ବେଲା ଆସି କେଟ୍‌ଲା ଆଟେ ।

୧୭ ସେଟାର୍‌ପାଇ ଜେ ମୁଇ ନିଜେ ଡାଟ୍ ଆଟି ବଲି ମନେ ମନେ ଏତାଇସି, ସେ ବିସ୍‌ବାସେ ଅନି ବିନ୍‌ବାଟେ ନ ଜାଆ, ସେଟାର୍‌ପାଇ ଜାଗରତ୍ ରୁଆ । ୧୩ ଆମ୍‌କେ ପରିକା ଜାଇ ପରିକା ଆଇସି, ସେଟା ନୁଆ ବିସଇ ନର୍‌ଏ । କାଇକେବଇଲେ ସବୁବେଲେ ଏନ୍ତାରି ଲକ୍‌ମନ୍‌କେ ପରିକା ଆଇତେରଇସି । ମାତର୍ ପର୍‌ମେସର୍ ତାର କାତାଇ ଡାଟ୍ ଆଟେ । ଆମ୍‌କେ ମୁର୍‌ଟି ନାପାର୍‌ଲା ପାରା ପରିକା ଅଇବାକେ ସେ ନ ଦେଏ । ପରିକା ଆଇବାବେଲେ ସେ ଆମ୍‌କେ ବପୁ ମିସା ଦେଇସି ଆରି ତେଇ ଅନି ରକିଆ ପାଇବା ବାଟ୍ ଦେକାଇସି ।

୧୪ ସେଟାର୍ ପାଇ ଏ ମର୍ ଆଲାଦର୍ ବାଇବଇନିମନ୍, ପୁଡ୍‌ଲା ପୁଜା କର୍‌ବା ଟାନେଅନି ଦୁରିକେ ଉଟିଜା । ୧୫ ମୁଇ ରୁଦି ରଇଲା ଲକ୍‌ମନ୍‌କେ କଇଲା ପାରା କଇଲିନି । ମୁଇ କାଇଟା କଇଲିନି ସେଟା ତମେ ବିଚାର୍ କରା । ୧୬ ଜେତେବେଲେ ଆମେ ମାପୁରୁର୍ କାଦିର୍‌ପାଇ ରୁଣ୍ଡୁ, ଜନ୍ ମୁତାଇଅନି ଆମେ କାଇରୁ, ସେ ମୁତାର୍‌ପାଇ ଆମେ ପର୍‌ମେସର୍‌କେ ଦନିଅବାଦ୍ ଦେଲୁନି । ସେ ମୁତାଇଅନି କାଇଲାବେଲେ ଆମେ କିରିସ୍‌ଟର୍ ବନିତେଇ ମିସଲୁନି । ଜନ୍ ରୁଟିଆମେ ବାଙ୍ଗାଇରୁ, ସେଟା କାଇଲାବେଲେ କିରିସ୍‌ଟର୍ ଗାଗ୍‌ତେ ମିସଲୁନି । ୧୭ କାଇକେବଇଲେ ରୁଟି ଗଟେକ୍ ଅଇଲେ ମିସା ଆମେ ବୁଡେକ୍ ଲକ୍ ଆରୁ । ସେ ଗଟେକ୍ ରୁଟି ଆମେ ମିସିକରି କାଇବାବେଲେ ଗଟେକ୍ ଗାଗ୍‌ତ୍ ଅଇଗାଲୁନି ।

୧୮ ଜିଉଦି ମନର୍ ବିସଇ ବାବିଦେକା । ଜନ୍ ଲକ୍‌ମନ୍ ପୁଜାକଲା ମାଉଁସ୍ କାଇଲାଇନି, ସେମନ୍ କାଇ ବେଦିଲଗେ ଉପାସନା କଲାବେଲେ ନ ମିସତ୍ ? ୧୯ ଏଟାର୍‌ପାଇ ମୁଇ କଇଲିନି ଜେ, ଦେବ୍‌ତାମନର୍ ବଲି କଲା ପର୍‌ସାଦ୍ କାଇଟା ନାଇ କି ପୁଡ୍‌ଲା ବଲି କାଇଟା ନାଇ । ୨୦ ପୁଡ୍‌ଲାକେ ପୁଜା କରୁମନ୍ ସେମନ୍ ଜନ୍ ଜନ୍‌ଟା ବଲି ଇସାବେ ସର୍‌ପି ଦେଲାଇନି, ସେସବୁ ପର୍‌ମେସର୍‌କେ ନ ସର୍‌ପାଇ କରି ତୁମାମନ୍‌କେ ସରପୁଲାଇନି । ସେଟାର୍‌ପାଇ, ତମେ ତୁମାମନ୍‌ର୍ ପୁଜାଟାନେ ମିସା ନାଇ । ୨୧ ତମେ ଜଦି ମାପୁରୁର୍ କାଦିଟାନେ ମିସିଆଟାସ୍, ସେନ୍ତାଆଲେ ତୁମାମନ୍‌କେ ପୁଜିରଇବା କାଦି ତମେ କାଇବାର୍ ନାଇ । ୨୨ ଜଦି ମାପୁରୁ ଆମର୍ ଉପରେ ରିସା ଅଇଲେ, ତାର୍ ତଣ୍ଡେଅନି ଆମେ ରକିଆ ପାଇ ନାପାରୁ । କାଇ ମାପୁରୁର୍ ଟାନେଅନି ଆମେ ଅଦିକ୍ ବପୁ ଆରୁକି ?

୨୩ ସବୁ ବିସଇ କର୍‌ବାକେ ଆମର୍ ଅଦିକାର୍ ଆଟେ, ସେନ୍ତି ସେମନ୍ କଇବାଇ, ସେଟା ସତ୍ । ମାତର୍ ମୁଇ କଇଲିନି ସବୁ ବିସଇ ଆମ୍‌କେ ସାଇଜ ନ କରେ । ୨୪ କେ ମିସା ଅବ୍‌କା ନିଜର୍ ପାଇ କାଇଟା ନିକ ଅଇସି ବଲି ଚିନ୍ତା ନ କରି, ନିଜର୍ ବାଇମନର୍ ମଙ୍ଗଲ୍ ବିସଇ ମିସା ଚିନ୍ତା କରା ।

୨୫ ଆଟେ ବିକ୍‌ରି ଅଇବା ଜନ୍ ମାଉଁସ୍ ମିସା କାଇବାର୍ ତମର୍ ଅଦିକାର୍ ଆଟେ, ତମର୍ ବିବେକର୍ ପାଇ ଏଟା ପୁଜା କଲାଟା କି ନାଇ ? ବଲି ନ ପାଟାରି କାଇଦିଆସ୍ । ୨୬ ଜେନ୍ତିକି ସାସ୍‌ତରେ ଲେକା ଅଇଲାପାରା ଏ ଗୁଲାଇ ଜଗତେ ରଇବାଟା ମାପୁରୁର୍‌ଟା ।

୨୭ ଜଦି ବିସ୍‌ବାସ୍ ନ କଲା ଗଟେକ୍ ଲକ୍ ତମ୍‌କେ ତାର୍ ଗରେ କାଇବାକେ ଡାକ୍‌ଲେ, ତମେ ଜିବାକେ ମନ୍ କର୍‌ସା ବଇଲେ ତେଇ ତମ୍‌କେ ଜାଇଟା ଦେଲେ ମିସା ସେଟା କାଇଦିଆସ୍ । ମାତର୍ ତମର୍ ବିବେକର୍ ଲାଗି ଏଟା ପୁଜାକଲାଟା କି ନାଇ ? ବଲି ପାଟାରି ନାଇ । ୨୮ ମାତର୍ କେମିସା ତମ୍‌କେ ଏ କାଦି ପୁଜା କଲାଟା । ବଲି କଇଲେ, ସେଟା ନିଟା । ଜେନ୍ତିକି ସେ କଇଲାର୍‌ପାଇ ଆରି ତମର୍ ବିବେକର୍‌ପାଇ ସେଟା କାଆ ନାଇ । ୨୯ ସେଟା ତର୍ ବିବେକର୍ ପାଇ ନାଇ, ସେଟା କଇଲା ଲକ୍‌ର୍ ବିବେକର୍ ପାଇ ।

ବାଦିଅରେ କେ ମିସା ପାଟାରି ପାରତ୍, ଜଦି ଆମର୍ ମନ୍ କଲା ଇସାବେ କାଇଟା ମିସା କର୍‌ବାକେ ଅଦିକାର୍ ଆଟେ, ବିନ୍ ଲକ୍‌ର୍ ବିବେକର୍ ଲାଗି ମୁଇ କାଇକେ ନ କାଇ ? ୩୦ ସେ କଇସି, “ଜଦି ମୁଇ ପର୍‌ମେସର୍‌କେ ଦନିଅବାଦ୍ ଦେଇ କାଇବି, ତେବେ ମର୍ ସଙ୍ଗର୍ ବିସ୍‌ବାସିମନ୍ ମକେ କାଇକେ ନିନ୍ଦା ଦେବାର୍ ଆଟେ ?”

୩୧ ତେବର୍‌ପାଇ ବାଟ୍ କା, କି ପାନି କା, କି ଜାଇଟା ମିସା କରା, ପର୍‌ମେସର୍ ଡାକ୍‌ପୁଟା ପାଇବାକେ ସବୁ କରା । ୩୨ ଜିଉଦି ଅ କି ଜିଉଦି ନ ଅଇଲା ଲକ୍ ଅ କି ତମର୍ ସଙ୍ଗର୍ ପର୍‌ମେସର୍‌ର୍ ମଣ୍ଡଲିର୍ ବିସ୍‌ବାସି ଅ, କାକେ ମିସା ତମର୍ ଚଲାଚଲ୍‌ତି ଦେକି ନିନ୍ଦା ପାଇବାକେ ଦିଆସ୍‌ନାଇ । ୩୩ ତମେ ମର୍‌ପାରା ଚଲାଚଲ୍‌ତି କରା, ମୁଇ ସବୁଲକ୍‌ର୍ ମଙ୍ଗଲ୍ ଅ ବଲି ଚେସ୍‌ଟା କଲିନି । ମୁଇ ମର୍ ନିଜର୍ ମଙ୍ଗଲ୍ ଅ, ବଲି ଚିନ୍ତା କରିନାଇ, ମାତର୍ ସବୁଲକ୍‌ର୍ ମଙ୍ଗଲ୍ ଅ ବଲି ଚିନ୍ତା କଲିନି । ଜେନ୍ତିକି ସେମନ୍ ସବୁଲକ୍ ରକିଆ ପାଇବାଇ ।

## ୧୧

୧ ମୁଇ ଜେନ୍ତାରି ମାପୁରୁର୍ ପଟେ ପଟେ ଗାଲିନି, ତମେମନ୍ ମିସା ସେନ୍ତାରି ମର୍ ପଟେ ପଟେ ଆସା ।

### ଉପାସନା କଲାବେଲେ ଅଡ୍‌ନା

୨ ତମେ ସବୁ ବିସଇଟାନେ ମକେ ଏତାଇଲାସିନି ଆରି ମୁଇ ତମ୍‌କେ ଜନ୍ ସବୁ ବିଦିବିଦାନ୍ ସିକାଇଆଟି, ସେ ସବୁ ମାନ୍‌ଲାସିନି, ସେଟାର୍ ପାଇ ମୁଇ ତମ୍‌କେ ଦନିଅବାଦ୍ ଦେଲିନି । ୩ କିରିସ୍‌ଟ୍ ସବୁ ମୁନୁସ୍

☆ ୧୦:୧୨ ୧୦:୧୭ ମାଡିଇ ୨୭:୨୭-୨୮; ମାର୍‌କ ୧୪:୨୨-୨୪; ଲୁକ୍ ୨୨:୧୯,୨୦ ☆ ୧୦:୨୩ ୧୦:୨୩ ୧ମ କରନ୍ତଃ ୬:୧୨ ☆ ୧୧:୧ ୧୧:୧ ୧ମ କରନ୍ତଃ ୪:୧୬; ପିଲିପିୟ ୩:୧୭

ପିଲାମନର ନେତା, ଆରି ମୁନୁସ୍ ମାଈଜିର ନେତା, ଆରି ପର୍ଯ୍ୟେସର୍ କିରିସ୍ଟର ନେତା । ଏଟା ତମେ ଜାନିରୁଆ ବଲି ମୁଇ ମନ୍ କଲିନି । ୪ ଜେଡେବେଲେ ତମେ ମଣ୍ଡୁଲିତେଇ ରୁଣ୍ଡିଆ, ତେଇ ଗଟେକ୍ ମୁନୁସ୍ ପିଲା ପାର୍ତନା କଲାନି କି ପର୍ଯ୍ୟେସର୍ କାତା ଜାନାଇଲାନି, ସେ ତାର୍ ମୁଣ୍ଡି ଡାବ୍‌ବାର୍ ନାଇ । ସେନ୍ତାର୍ କଲେ ସେ କିରିସ୍ଟକେ ଲାଜ୍ କରାଇସି । ୫ ସେନ୍ତାରିସେ ଗଟେକ୍ ମାଈଜି ପାର୍ତନା କଲାନି, କି ପର୍ଯ୍ୟେସର୍ କାତା ଜାନାଇଲାନି, ସେ ତାର୍ ମୁଣ୍ଡି ଅଡ୍‌ନା ପାକାଇବାର୍ ଆଟେ । ସେନ୍ତାର୍ ନ କଲେ ସେ ମୁନୁସ୍‌କେ ଲାଜ୍ କରାଇସି । ସେ ଗଟେକ୍ ମୁଣ୍ଡିରି ମାଈଜିର୍ ପାରା ରଇସି । ୬ କାଇକେବଇଲେ ସେ ମାଈଜି ଜଦି ଅଡ୍‌ନା ନ ପାକାଏ, ତାର୍ ଚେଣ୍ଡି କାଟିଦେବାଟା ନିକ । ଗଟେକ୍ ମାଈଜି ଜଦି ତାର୍ ଚେଣ୍ଡି କାଟ୍‌ସି କି ମୁଣ୍ଡି କୁରାଇସି, ସେଟା ତାର୍ ପାଇ ଲାଜର୍ ବିସଇ, ସେଟାର୍‌ପାଇ ସେ ମୁଣ୍ଡି ଅଡ୍‌ନା ପାକାଇବାର୍ ଆଟେ । ୭ ମାତର୍ ଗଟେକ୍ ମୁନୁସ୍ ପିଲା ପାର୍ତନା କଲାବେଲେ ତାର୍ ମୁଣ୍ଡି ଅଡ୍‌ନା ପାକାଇବାର୍ ଦର୍‌କାର୍ ନାଇ । କାଇକେ ବଇଲେ ସେ ପର୍ଯ୍ୟେସର୍ ଚାଇ ଆରି ତାର୍ ଡାକ୍‌ପୁଟା ଦେକାଇସି । ଆରି ମାଈଜି ମୁନୁସ୍‌ର ଡାକ୍‌ପୁଟା ଦେକାଇସି । ୮ କାଇକେବଇଲେ ମୁନୁସ୍ ମାଈଜିର୍ ତେଇଅନି ତିଆର୍ ଅଏନାଇ, ମାତର୍ ମାଈଜି ମୁନୁସ୍‌ତେଇ ଅନି ତିଆର୍ ଅଇଆଟେ । ୯ ମନସ୍ ମାଈଜିର୍ ପାଇ ତିଆର୍ ଅଏନାଇ । ମାତର୍ ମାଈଜି ମୁନୁସ୍‌ର ପାଇ ତିଆର୍ ଅଇଲାଆଟେ । ୧୦ ସେଟାର୍ ପାଇ ମାଈଜିମନ୍ ମୁଣ୍ଡି ଅଡ୍‌ନା ପାକାଇବାଟା ନିକ, ଜେଡିକି ସରଗର୍ ଦୁଡ୍‌ମନ୍ ମିସା ସେ ତାର୍ ମୁନୁସ୍‌ର ଅଦିକାରେ ଆଟେ ବଲି ଜାନବାଇ । ୧୧ ମାତର୍ ଆମେ ବିସ୍‌ବାସିମନର୍‌ପାଇ ମାଈଜି ନଇତେ ମୁନୁସ୍ ରଇ ନାପାରେ କି ମୁନୁସ୍ ନଇତେ ମାଈଜି ରଇ ନାପାରେ । ୧୨ ମାଈଜି ମୁନୁସ୍‌ର ଗାଗ୍‌ତେ ଅନି ଜାଡ୍ ଅଇଲେମିସା, ମୁନୁସ୍ ମିସା ମାଈଜି ଜନମ୍ ଦେଲାକେ ଜାଡ୍ ଅଇଆଟେ । ମାତର୍ ସବୁ ବିସଇ ପର୍ଯ୍ୟେସର୍ ଟାନେଅନି ଜାଡ୍ ଅଇଆଟେ ।

୧୩ କନ୍‌ଟା ନିକ ବଲି ତମେ ନିଜେ ନିଜେ ବିଚାର୍ କରା । ଜଦି ଗଟେକ୍ ମାଈଜି ମଣ୍ଡୁଲିତେଇ ସବୁର୍ ମୁଆଟେ ମୁଣ୍ଡି ଅଡ୍‌ନା ନ ପାକାଇ ପାର୍ତନା କଲେ ସେଟା ସୁନ୍‌ର୍ କି ? ନାଇ ସୁନ୍‌ର୍ ନାଇ । ୧୪ ସେନ୍ତାରିସେ ଜଗତର୍ ଜାନବା ବିସଇ ନେଇକରି ମୁନୁସ୍ ପିଲା ଜଦି ମାଈଜିମନର୍ ପାରା ଚେଣ୍ଡି ବଡାଇରଇଲେ ସେଟା ଲାଜର୍ କାତା । ୧୫ ମାତର୍ ମାଈଜିଟକି ଚେଣ୍ଡି ବଡାଇଲେ ତାର୍‌ପାଇ ସୁନ୍‌ର୍ ବିସଇ । କାଇକେବଇଲେ ପର୍ଯ୍ୟେସର୍ ତାର୍ ତେଙ୍ଗ୍ ଚେଣ୍ଡି ତାର୍ ମୁଣ୍ଡି ତାବି ଅଇବାକେ ଦେଲା ଆଟେ । ୧୬ ଜଦି ଏ ବିସଇନେଇ କେ ମିସା ମର୍ ଆଦେସ୍ ମାନବାକେ ମନ୍ ନ କରେ, ଆମେ କି ପର୍ଯ୍ୟେସର୍ ବିନ୍ ମଣ୍ଡୁଲିମନ୍‌କେ ମିସା ଏଟା ଚାଡି ଆରି କାଇ ଅବିଆସ୍ ନାଇ ।

**ମାପୁରୁର ବଜି**

୧୭ ଆରି ଗଟେକ୍ ବିସଇ ମୁଇ କଇବାର୍ ଆଟେ । ତମେ ଉପାସନା କର୍‌ବାକେ ରୁଣ୍ଡିଲାବେଲେ ଗଟେକ୍ କର୍‌ବା ବିସଇ ମର୍ ମନ୍‌କେ ଜାଏନାଇ । କାଇକେବଇଲେ ତମେ ରୁଣ୍ଡିଲାର୍ ଲାଗି ତମର୍ ବିସ୍‌ବାସ୍ ଡାଟ୍ ଅଏନାଇ, ମାତର୍ ଦୁର୍‌ବଲ୍ ପାରା ଅଇଗାଲାନି । ୧୮ ମୁଇ ସୁନିଆଟି ଜେ, ତମେ ଉପାସନା କର୍‌ବାକେ ରୁଣ୍ଡିଲାବେଲେ ବାଗ୍ ବାଗ୍ ଅଇକରି ଗଟେକ୍ ବାଟର୍ ଲକ୍ ଆରି ଗଟେକ୍ ବାଟର୍ ଲକ୍‌କେ ବିରଦ୍ କଲାସିନି ଆରି ଏଟା ସଡ୍ ବଲି ମୁଇ ଜାନି । ୧୯ ତମର୍ ବିଡ୍‌ରେ ଏନ୍ତାରି ଅଇବାଟା ନିକ । ଜେନ୍ତାରି କି ତେଇଅନି ପରିକାଟାନେ ସିଦ୍ ଅଇଲା ଲକ୍‌ମନ୍ ବାରଇବାଇ । ୨୦ ଜେଡେବେଲେ ତମେ ମାପୁରୁର୍ କାଦି କାଇବାକେ ଗଟେକ୍ ଜାଗାଇ ଜମ୍‌ଲାସିନି, ସେଟା ସତଇସେ ମାପୁରୁର୍ କାଦି ନଏ, ୨୧ କାଇକେ ବଇଲେ, ତମର୍ ବାଇମନର୍‌ପାଇ କାଇଟା ଚାଡାସ୍ ନାଇ । ଏଟାର୍‌ପାଇ କେତେଲକ୍ ବୁକେ ଉଟିଗାଲାଜିନି । ଆରି କେତେଲକ୍ ମାଡ୍‌ଲାସିନି । ୨୨ ତମେ କାଇବାକେ କାଇ ନିଜର୍ ଗର୍ ନାଇ କି ? ତମର୍ ଲାଗି ତମର୍ ଗରିବ୍ ବାଇମନ୍ ଲାଜ୍ ଅଇଗାଲାଜିନି । ଆରି ବାକି ବିସ୍‌ବାସିମନ୍‌କେ ଇଜଡ୍ ଜିକାଇଲାସିନି । ଏ ବିସଇ ଆରି ମୁଇ ତମ୍‌କେ କାଇଟା ବଲି କଇବି ? ଏନ୍ତାରି ଅ ବଲି କଇବି କି ? ନାଇ, ନ କଇ ।

୨୩ କାଇକେବଇଲେ ମାପୁରୁର୍ ସିକିଆ ପାଇଲି ଆଟି, ସେଟାସେ ମୁଇ ତମ୍‌କେ ସିକାଇଆଟି । ଜନ୍ ରାଡି ଆମର୍ ମାପୁରୁ ଜିସୁ ବିସ୍‌ବାସେ ବିସ୍ ଦେଲାପାରା ଅଇଲା, ସେ ରୁଟିନେଇ, ପର୍ଯ୍ୟେସର୍‌କେ ଦନିଅବାଦ୍ ଦେଲା । ୨୪ ଏଟା ତମର୍ ପାଇ ବଲିଅଇରଇବା ମର୍ ଗାଗଡ୍, ମକେ ଏତାଇବାକେ ଏନ୍ତାର୍ କରା । ୨୫ ସେନ୍ତାରିସେ କାଇଲା ପଟେ, ସେ ମୁତା ଦାରିକରି କଇଲା “ଏ ମୁତା ପର୍ଯ୍ୟେସର୍‌ର ନୁଆ ରାଜିନାମା, ଜନ୍‌ଟା କି ମର୍ ନିଜର୍ ବନି ଦେଲାକେ, ଟିକ୍ ଅଇଲା ।”

୨୬ ଆମର୍ ମାପୁରୁ ଜିସୁ ବାଅଡ୍‌ବାଜାକ, ଜେଡକିତର୍ ରୁଟି କାଇସା କି ଏ ମୁତାଇ ଅନି ଡୁକ୍‌ସା, ତମେ ମାପୁରୁର୍ ମରନ୍ ବିସଇର୍ କବର୍ ଜାନାଇସା । ୨୭ ଏଟାର୍ ଅରଡ୍ ଅଇଲାନି, ଜେ ଜଦି ମାପୁରୁକେ ସନ୍‌ମାନ୍ ନ ଦେଇ, ଏ ରୁଟି କାଇସି କି ମୁତାଇ ଅନି ଡୁକ୍‌ସି, ସେ ମାପୁରୁର୍ ଗାଗଡ୍ ଆରି ବନିର୍ ବିରୁଦେ ପାପ୍ କଲାନି । ୨୮ ସେଟାର୍‌ପାଇ ତମେ ନିଜ୍‌କେ ପରିକା କରି ଦେକ୍‌ବାର୍‌ଆଟେ, ଦେକି ସାରାଇ ଏ ରୁଟି କାଇଅଇସି ଆରି ମୁତାଇଅନି ଡୁକି ଅଇସି । ୨୯ କାଇକେବଇଲେ ଜଦି ସେ ରୁଟି କାଇଲାବେଲେ ଜେ ମାପୁରୁର୍ ଗାଗଡ୍ ଆରି ମୁତାଇଅନି ଡୁକ୍‌ଲାବେଲେ ସଡ୍‌ବିସଇ ନ ବୁଜଡ୍, ସେମନ୍ ନିଜେ ନିଜର୍ ଉପ୍‌ରେ ପର୍ଯ୍ୟେସର୍‌ର ଡଣ୍ଡ ଡାକି

ଆନଲାଇନି । ୩୦ ସେଟାପାଇଁ ତମର ବିତ୍ତରେ ବେସି ଲକ୍ଷ ଦୁର୍ବଲ୍ ଆତ୍ମା ଆରି ବିନ୍ ବିନ୍ ଜର ଦାରାଇ ଅଇଆତ୍ମା ଆରି ମଲ୍ଲାସ୍ତ୍ର ନିସା । ୩୧ ମାତର ଆମେ ଜଦି ନିଜ୍ଜକେ ପରିକା କରତା ଆଲେ, ପର୍ଯ୍ୟେସରର ଡକ୍ଟ ଆମର ଉପରେ ନ ଆଇତା । ୩୨ ମାତର ଜଗତର ଲକ୍ଷମନର ପତର ଡକ୍ଟଲଗେ ଅନି ଆମ୍ଭେ ରକିଆ କର୍ବାକେ ପର୍ଯ୍ୟେସର ଆମ୍ଭେ ବିଚାର କରି ଦେଇସି ।

୩୩ ତେବେ ଏ ମର ବାଇବଇନିମନ୍, ତମେ ଆମର ମାପୁରୁ କାଦି କାଇବାକେ ରୁଣ୍ଡଲ୍ ବେଲେ ଗଟେକ୍ ଲକ୍ଷ ଆରି ଗଟେକ୍ ଲକ୍ଷକେ ଜାଗା । ୩୪ ଜଦି କେ ରୁକେ ଆଟେ, ସେ ନିଜର ଗରେ କାଇକରି ଆଇବାରୁ ଆଟେ । ଜେକ୍ଟିକି ତମେ ରୁଣ୍ଡଲ୍ ବେଲେ ପର୍ଯ୍ୟେସରର ଡକ୍ଟ ତମର ଉପରେ ନ ଆସେ । ଆରି ରଇଲ୍ଲା ବିନ୍ ବିନ୍ ବିସଇମନ୍ ମୁଇ ଆଇଲେ, ପଟେ ରୁଜାଇ ଦେବି ।

## ୧୨

### ସୁକଲ୍ ଆତ୍ମାର ଦାନ

୧ ମର ବାଇମନ୍, ତମେ ସୁକଲ୍ ଆତ୍ମା ଦେବା ଦାନ ବିସଇର ଜାଇଟା ଲେକିରଇଲ୍ଲାସ୍ ସେଟା ନିକସଙ୍ଗ୍ ବୁଜା ବଲି ମୁଇ କଲିନି । ୨ ତମେ ଜିସୁକେ ବିସ୍ବାସ କରବା ଆଗତୁ ଜିବନ୍ ନ ରଇବା ପୁତ୍ଲମାନକେ ପୁଜାକରି ବାଟ୍ ବାନା ଅଇଜାଇ ରଇଲ୍ଲାସ୍ । ୩ ସେଟାପାଇଁ ମୁଇ ଏବେ ତମକେ କଇଲିନି, ଜନ୍ ଲକ୍ଷ ସୁକଲ୍ ଆତ୍ମାର ଚାଲିନା ପାଇଲାଆଟେ, ସେ ଜିସୁକେ ଅବିସାପ୍ ଦେଇ ନାପାରେ । ଆରି ଜନ୍ ଲକ୍ଷ ତାର ଆତ୍ମା ପାଏନାଇ, ସେ ଜିସୁ ପର୍ଯ୍ୟେସର ବଲି କଇନାପାରେ ।

୪ \*ସୁକଲ୍ ଆତ୍ମାର ଦାନ ବିନ୍ ବିନ୍ ରକାମ୍, ମାତର ଜନ୍ ଆତ୍ମା ସେଟାମନ୍ ଦେଇସି ସେ ଗଟେକ୍ ସେ । ୫ ସେବା ବିନ୍ ବିନ୍ ରକାମର, ମାତର ଜନ୍ ମାପୁରୁ ସେବା ପାଇଲାନି, ସେ ଗଟେକ୍ ସେ । ୬ କାମ୍ କରବା ବପୁ ବିନ୍ ବିନ୍ ରକାମର, ମାତର ପର୍ଯ୍ୟେସର ଗଟେକ୍ । ସେ ଆକା ସବୁକେ ବପୁ ଦେଲାନି । ୭ ମାତର ସବୁ ଲକ୍ଷ ମଙ୍ଗଲ୍ ପୁରାପୁରୁନ୍ ଅଇବାକେ ବିନ୍ ବିନ୍ ଲକ୍ଷର ବିତ୍ତରେ ସୁକଲ୍ ଆତ୍ମାର ବପୁ ବିନ୍ ବିନ୍ ଇସାବେ ଜାନାପଡସି । ୮ ସୁକଲ୍ ଆତ୍ମା କାକେ କାକେ ବୁଦିର ବାକିଅ କଇବାକେ ଦେଇସି, ଆରି କାକେ କାକେ ଗିଆନର ବାକିଅ ଦେଇସି । ୯ ସେ ଗଟେକ୍ ସୁକଲ୍ ଆତ୍ମାସେ କାକେ କାକେ ବିସ୍ବାସ ଦେଇସି ଆରି କାକେ କାକେ ନିକ ଅଇବା ବପୁର ଦାନ ଦେଇସି । ୧୦ କାକେ କାକେ କାବାଅଇଜିବା କାମ୍ କରିପାରବା ବପୁ, କାକେ କାକେ ପର୍ଯ୍ୟେସର ଜାନାଇଲା କାତା କଇବା ବପୁ, କେତେ ଲକ୍ଷକେ ଆତ୍ମା ଦେଇରଇବା ଦାନ ଚିନ୍ଦବା ବପୁ, ଆରି କେତେକ୍ ଲକ୍ଷକେ ସେ ନାଜାନି ରଇବା ବିନ୍ ବିନ୍ ବାସାଇ କାତା କଇବା ବପୁ, ଆରି କେତେକ୍ ଲକ୍ଷକେ ସେ ବାସାର ଅରଡ୍ ବୁଜାଇବା ବପୁ ଦେଇରଇସି । ୧୧ ମାତର ଏ ସବୁଜାକ ବପୁ ଗଟେକ୍ ଆତ୍ମାସେ କରି ରଇସି । ସେ ନିଜର ମନ୍ କଲା ଇସାବେ ବିନ୍ ବିନ୍ ଲକ୍ଷମନ୍କେ ବିନ୍ ବିନ୍ ବିସଇର ଦାନ ଦେଇରଇସି ।

### ଗଟେକ୍ ଗାଗଡ୍ ମାତର ବେସି ଆତ୍ମଗଡ୍

୧୨ \* ଜେକ୍ଟିକି ବିନ୍ ବିନ୍ ବାଗ୍ ମିସକରି ରଇଲେ ମିସା ଗାଗଡ୍ ଗଟେକ୍ସେ, ସେନ୍ତାରିସେ କିରିସ୍ଟ ଗଟେକ୍ ଗାଗଡ୍ ପାରା । ଜନ୍ତେଇ କି ବିନ୍ ବାଗ୍ ମିସିଆଟଡ୍ । ୧୩ କାଇକେବଇଲେ ଆମେ ସବୁ ଜିଉଦି ଅଇଲେ କି ଜିଉଦି ନ ଅଇଲେ ମିସା, ଗତିଦାଙ୍ଗ୍ତା ଅଇଲେ କି ନିଜର ଇସାବେ ଚଲାଚଲ୍ତି କଲେ ମିସା ପର୍ଯ୍ୟେସରର ସେ ସମାନ୍ ଗଟେକ୍ ଆତ୍ମାର ଲାଗି, ଗଟେକ୍ ଗାଗଡ୍ ଅଇବାକେ ତୁବନ୍ ନେଇଆତୁ । ଆରି ଏ ସମାନ୍ ସୁକଲ୍ ଆତ୍ମା ପାଇଆତୁ ।

୧୪ ଆମର ଗାଗଡ୍ ବିସଇ ଆରି ଗଟେକ୍ତର ଚିନ୍ତା କରିଦେକୁ । ସେଟାକେ ଗଟେକ୍ ବାଗ୍ ନାଇ ମାତର ବେସି ବାଗ୍ ଆଟେ । ୧୫ ଜଦି ପାଦ୍, “ମୁଇ ଆତ୍ ନଇ, ମୁଇ ଗାଗଡ୍ ନଇ ।” ବଲିକରି କଇଲେ ମିସା ପାଦ୍ ଗାଗଡ୍ରେ ସେ । ୧୬ ସେନ୍ତିସେ କାନ୍ ଜଦି, ମୁଇ ଆଁକି ନଇ, ମୁଇ ଗାଗଡ୍ରେ ମିସ୍ବାଟା ନଇ ସେନ୍ତି କଇଲେ ମିସା ଆଁକି ଗାଗଡ୍ରେଟାସେ । ୧୭ ସବୁ ଗାଗଡ୍ ଜଦି ଗଟେକ୍ ଆଁକିସେ ରଇଲେ, ତେବେ ସୁନ୍ବାଟା କନ୍ତି ରଇତା ? ସବୁ ଗାଗଡ୍ ଜଦି ଗଟେକ୍ କାନ୍ସେ ଅଇତା, ତେବେ ସୁଙ୍ଗ୍ବାଟା କନ୍ତି ରଇତା ? ୧୮ ମାତର ଗାଗଡ୍ ସେନ୍ତାରି ନର୍ସ । କାଇକେବଇଲେ ପର୍ଯ୍ୟେସର ତାର ନିଜର ମନ୍ କଲା ଇସାବେ ଗାଗଡ୍ରେ ସବୁ ବାଗ୍, ସମାନ୍ ଜାଗାଇ ସାଜାଡି ସଙ୍ଗିଆଟେ । ୧୯ ଆରି ଗାଗଡ୍ରେ ଜଦି ଗଟେକ୍ସେ ବାଗ୍ ରଇତା, ତେବେ ଗାଗଡ୍ରେ ବଲି କେନ୍ତି ବଲାଇ ଅଇତା ? ୨୦ ମାତର ସଡ୍ ବିସଇ ଅଇଲାନି ବେସି ବାଗ୍ ରଇଲେ ମିସା ଗାଗଡ୍ ଗଟେକ୍ସେ ।

୨୧ ତର ଟାମେ ମର କାଇ ଲତା ନାଇ, ବଲି ଆଁକି ଆତ୍ମକେ କଇନାପାରେ କି, ମୁଣ୍ଡ ପାଦ୍କେ କଇ ନାପାରେ । ୨୨ କାଇକେବଇଲେ ଜନ୍ ଗାଗଡ୍ରେ ବାଗ୍ ବିନ୍ଦାମନର ତେଇଅନି ଦୁର୍ବଲ୍ ଆଟେ ବଲି ଆମେ ବାଦ୍ଲୁନି, ସେଟାମନ୍ସେ ଆମ୍ଭେ ବେସି ଲତାକେ ଆଇସି । ୨୩ ଆରି ଜନ୍ ଗାଗଡ୍ରେ ବାଗ୍ ବେସି ମୁକିଅ



ନାହିଁ, ଆରି ସୁନ୍ଦର ନ ଡିସେ, ସେଟାମନ୍ଦେ ଆମେ ନିକସଙ୍ଗ ଜତନ୍ କରି ତାବ୍ଲୁନି । ୨୪ ଆରି ଜନ୍ ବାଗ୍ ବାଇରେ ଅନି ସୁନ୍ଦର ଡିସିସି, ସେଟାମନ୍ଦେ ସେନ୍ତାରି ଜତନ୍ କରବା ଦରକାର ନାହିଁ । ପର୍ମେସର୍ ଆମର୍ ଗାଗଡର୍ ବାଗ୍ମନ୍ଦେ କାଇକେ ଏନ୍ତି ସାଜାଇଲା ବଇଲେ, ଜନ୍ଟାକି ବେସି ମୁକିଅ ନାହିଁ ବଲି ଆମେ ବାବ୍ଲୁନି, ସେଟାମନ୍ଦେ ଆମେ ନିକସଙ୍ଗ ଜତନ୍ କରି ସନ୍ମାନ୍ ଦେବୁ । ୨୫ ଜେନ୍ତାରି କି ଗାଗଡର୍ ବାଗ୍ ସବୁ ଗଟେକ୍ ବାଗ୍ ଆରି ଗଟେକ୍ ବାଗ୍‌କେ ବିରଦ୍ ନ କରେ, ମାତର୍ ତାକର୍ ତାକର୍ ବିଡ୍ରେ ସାଇଜ ଅଇବାଇ । ତେବେ ଗାଗଡର୍ ଗଟେକ୍ ବାଗ୍‌କେ ଦୁକା ଅଇଲେ, ସେଟା ସବୁରପାଇ ଦୁକା । ୨୬ ଗଟେକ୍ ବାଗ୍ ଦୁକା ଅଇଲେ, ଆରି ଅଲ୍‌ଗା ବାଗ୍‌କେ ମିସା ଦୁକା ଅଇସି । ଗଟେକ୍ ବାଗ୍ ତାକ୍‌ପୁଟା ଅଇଲେ, ସେମନ୍ ସବୁ ମିସି ସାରଦା ଅଇବାଇ ।

୨୭ ଆମେ ଜେଡ୍‌କି ଲକ୍ ବିସ୍‌ବାସି, କିରିସ୍‌ଟର୍ ଗାଗଡ୍ ସଙ୍ଗ ସମାନ୍ କରିଅଇସି । ଆରି ତେଇ ଆମେ ଗଟେକ୍ ଗଟେକ୍ ବାଗ୍ । ୨୮ କିରିସ୍‌ଟର୍ ଏ ଗାଗ୍‌ଡେ ପର୍ମେସର୍ ବିନ୍ ବିନ୍ ଲକ୍‌ମନ୍‌କେ ବିନ୍ ବିନ୍ କାମ୍ ଦେଲାଆଟେ । ପର୍‌ଡୁମ୍ ପେରିଡ୍ ଇସାବେ ବାଟ୍‌ଲା ଲକ୍, ତାର୍ ପଟେ ବବିସଡ୍ କାତା କଇବା ଲକ୍‌ମନ୍‌କେ, ସିକାଡ୍‌ମନ୍‌କେ, କାବାଅଇଜିବା କାମ୍ କରବା ଲକ୍‌କେ, ନିକ କରବା ଲକ୍‌ମନ୍‌କେ, ସାଇଜ କରବା ଲକ୍‌ମନ୍‌କେ, ନେତା ଇସାବେ ଦାଇଡ୍ ନେବାକେ, ଆରି ନାଜାନ୍‌ଲା ବାସାଇ କାତା କଇବା ଲକ୍‌ମନ୍‌କେ ବାଟ୍‌ଲା ଆଟେ । ୨୯ ସେମନ୍ ସବୁଲକ୍ ପେରିଡ୍ ନଅଡ୍ କି ବବିସଡ୍‌ବକ୍‌ତା କି ସିକାଡ୍‌ମନ୍ ନଅଡ୍ । ସବୁଲକ୍‌କେ କାବା ଅଇଜିବା କାମ୍ କରବା ବପୁ ନାହିଁ । ୩୦ କି ନିକ କରବା ବପୁ କି ନାଜାନ୍‌ବା କାତାଇ କଇବା ବପୁ, କି ଜନ୍‌ଟା କଇଲାଟା ବୁଜାଇବା ବପୁ ନାହିଁ । ୩୧ ତେବେ ଅଦିକ୍ ମୁକିଅ ରଇବା ବପୁ ପାଇବାକେ ଆମେ ମନ୍ କରବାର୍ ଆଟେ । ସବୁରଗାନେ ଅନି ମୁକିଅ ବପୁର୍ ବିସଇ ମୁଇ ତମ୍‌କେ ଜାନାଇବି ।

## ୧୩

### ଆଲାଦ୍

୧ ଜଦି ମୁଇ ଲକ୍‌ମନ୍‌ର ବାସାଇ କି ସରଗର୍ ଦୁଡ୍‌ମନ୍‌ର ବାସାଇ କାତା ଅଇବି । ମର୍ ବାଇମନ୍‌କେ ମୁଇ ଆଲାଦ୍ ନ କରି ବଇଲେ, ମର୍ କାତା ରୁଟାଇସେ, ଜେନ୍ତିକି ଗଟେକ୍ ସବଦ୍ ଅଇକରି ବାଜ୍‌ବା ଗାଟା ପାରା । ୨ କିରିସ୍‌ଟାରି ମକେ ମାପୁରୁର୍ ବାକିଅ ବୁଜାଇବା ବପୁ ରଇଲେ ମିସା, କି ମୁଇ ସବୁ ବିସଇ ଜାନିରଇଲେ ମିସା, ଟିକି ନିକି ବିସଇ ବୁଜିରଇଲେ ମିସା ଆରି ମର୍ ବିସ୍‌ବାସ୍ ଏଡେକ୍ ତାଟ୍ ଆଟେ ଜେ, ତଙ୍ଗର୍ ଉଟ୍‌କାଇବା ପାରା ମର୍ ଡାଁଟର୍ ବିସ୍‌ବାସ୍ ରଇଲେ ମିସା ବାଇମନ୍‌ର ପାଇ ଆଲାଦ୍ ନାହିଁ ବଇଲେ ମୁଇ ରୁଟାଇସେ । ୩ ଜଦି ମୁଇ ମର୍ ସବୁ ଦନ୍ ସପତି ଅର୍‌କିଡ୍ ଲକ୍‌ମନ୍‌କେ ଦେଇରଇଲେ ମିସା, ଆରି କିରିସ୍‌ଟର୍‌ପାଇ ମର୍ ଗାଗଡ୍ ପଡାଇବାକେ ସର୍‌ପି ଦେଲେ ମିସା ମର୍ ଆଲାଦ୍ ନାହିଁ ବଇଲେ, ମର୍‌ପାଇ କାଇ ଲାବ୍ ନାହିଁ ।

୪ ଆମେ ବାଇମନ୍‌କେ ଆଲାଦ୍ କଲେ ଦାପେ ରିସା ନ ଅଇ ଦୟା ଦେକାଇବୁ । ଆଁକାର୍ ନ ଅଇ, ବଡ୍‌ପନ୍ ନ ଅଇ ଲକ୍‌ମନ୍‌କେ ନିଜର୍ ତଲିଆ ନ ଦେବୁ । ୫ ଆମେ କାରାପ୍ ବେବାର୍ ନ କରୁ, ନିଜେ ପାଇବାକେ ମନ୍ ନ କରୁ । ଦାପେ ବିରବିରା ନ ଅଉଁ ଆରି ଆଗେ କଲା ବୁଲ୍ କାମ୍‌ମନ୍‌ର ଇସାବ୍ ନ କରୁ । ୬ ଆମେ ଦରମ୍ ନଇଲାଟାକେ ଦେକି ସାରଦା ନ ଅଉଁ, ମାତର୍ ସଡ୍ ଟାନେ ସାରଦା ଅଇବୁ । ୭ ସବୁ ବିସ୍‌ବାସ୍ କର୍‌ବୁ, ସବୁଟା ଆସାକର୍‌ବୁ, ସବୁବିସଇ ମୁରବ୍‌ବାଟା ନ ଟାଡୁ ।

୮ ଆଲାଦ୍ କରାକରି ଅଇବାଟାର୍ ସେସ୍ ନାହିଁ । ପର୍‌ମେସର୍‌ର ବାକିଅ କଇବା ବପୁ, ଆରି ନାଜାନ୍‌ବା ବାସା କଇବା ବପୁ, ସବୁ ସାରିଜାଇସି । ସେନ୍ତାରିସେ ଆମ୍‌କେ ଗିଆନ୍ ରଇଲେ ମିସା ସେଟା ଆଜିଜାଇସି । ୯ ମାତର୍ ଆମର୍ ଗିଆନ୍ ଏବେ ଜାକ ପୁରାପୁରୁନ୍ ଅଏ ନାଇତା । ଆରି ପର୍‌ମେସର୍‌ର ବାକିଅ କଇବାଟା ମିସା ଏବେ ଜାକ ପୁରାପୁରୁନ୍ ଅଏ ନାଇତା । ୧୦ ମାତର୍ ଜେଡେବେଲେ ଗଟେକ୍ ଦିନ୍ ଆଇସି, ଆମେ ସବୁ ନିକକରି ଜାନ୍‌ବୁ । ସେ ଦିନ୍‌ମନ୍‌କେ ଲକ୍‌ମନ୍ ସଙ୍ଗର୍ ବିସ୍‌ବାସିମନ୍‌କେ ସିକାଇବାକେ ଦରକାର ନ ପଡେ ।

୧୧ ମୁଇ ଜେଡେବେଲେ ପିଲା ରଇଲି, ପିଲାମନ୍ କଇଲାପାରା କାତା ଅଇଲି ଆରି ପିଲାମନ୍ ଚିନ୍ତା କଲାପାରା ଚିନ୍ତା କର୍‌ତେରଇଲି ଆରି ସେମନ୍ ବାବ୍‌ଲା ପାରା ବାବ୍‌ତେରଇଲି । ମାତର୍ ମୁଇ ଏବେ ବୟସେ ବଡ୍ ଅଇଗାଲିଜେ ପିଲାମନ୍‌ର ପାରା ଚଲାଚଲ୍‌ତି କରବାଟା ଚାଡିଦେଲି । ୧୨ ମାତର୍ ଜନ୍‌ଟା ଆମେ ଏବେ ଦେକ୍‌ଲୁନି, ସେଟା ଦର୍‌ପନେ ଦେକ୍‌ଲାପାରା ସେଡେକ୍ ନିକ ଡିସେ ନାହିଁ । ମାତର୍ ଗଟେକ୍ ଦିନ୍ ଆଇସି, ଜେବେ କିରିସ୍‌ଟାକେ ଆମର୍ ମୁଆଟେ ଦେକ୍‌ବୁ । ସେ ବେଲେ ଆମେ ନିକସଙ୍ଗ ଜାନ୍‌ବୁ । ଏବେ ଆମେ ଉନା ବିସଇ ଜାନ୍‌ଲୁନି, ମାତର୍ ସେ ଦିନ୍‌ମନ୍‌କେ ଆମେ ପୁରାପୁରୁନ୍ ବାବେ ଜାନ୍‌ବୁ । ଜେନ୍ତାରି କି ପର୍‌ମେସର୍ ଆମ୍‌କେ ପୁରାପୁରୁନ୍ ବାବେ ଜାନେ ।

✧ ୧୨:୨୮ ୧୨:୨୮ ଏପିସିୟ ୪:୧୧ ✧ ୧୩:୨ ୧୩:୨ ମାଡିଇ ୧୭:୨୦;୨୧:୨୧; ମାର୍କ ୧୧:୨୩

୧୩ ସାରାସାରି ତିନଟା ବିସଇ ଆଚେ, ପରମେସର ଟାନେ ବିସବାସ୍ କରବାଟା, ସେ କାତା କଇଲାଟା ଆସା କରବାଟା, ଆରି ବାଇମନର୍ ପାଇ ରଇବା ଆମର୍ ଆଲାଦ୍ । ଏ ତିନଟା ବିତ୍ତରେଅନି ବାଇମନକେ ଆଲାଦ୍ କରବାଟା ସବୁଟାନେଅନି ମୁକିଅ ବିସଇ ।

### ୧୪

#### ସୁକଲ୍ ଆତ୍ମାର ଦାନ ଦେବାଟା

୯ ତେବେ ବାଇମନକେ ଆଲାଦ୍ କରବାକେ ତମର୍ ସବୁ ବସୁ ସାରାଆ । ସୁକଲ୍ଆତ୍ମା ଜନ୍ ସବୁ ବସୁ ଦେଲାନି, ସେଟା ପାଇବାକେ ମିସା ମନ୍ କରା । ସେ ବିତ୍ତରେ ଅନି ପରମେସରର୍ ବାକିଅ ଜାନାଇବା ବସୁ ପାଇବାକେ ମନ୍ କରା । ୯ କାଇକେବଇଲେ ଜେ ନାଜାନଲା ବାସା ସଙ୍ଗ୍ କାତା ଅଇସି, ସେ ଲକ୍ମନର୍ ସଙ୍ଗ୍ ନାଇ, ମାତର୍ ପରମେସର୍ ସଙ୍ଗ୍ କାତା ଅଇଲାନି । କାଇକେବଇଲେ ତାର୍ କାତା କେ ମିସା ବୁଜଡ୍ ନାଇ । ସେମନ୍ ଆତ୍ମାର ବସୁର୍ ସଙ୍ଗ୍ ଲୁଚ୍ତେ ରଇବା ସଡ୍ ବିସଇ କାତା ଅଇଲାଅନି । ୧୦ ମାତର୍ ଜେ ପରମେସରର୍ ବାକିଅ ଜାନାଇସି, ଲକ୍ମନର୍ ସଙ୍ଗ୍ କାତା ଅଇସି । ଜେନ୍ତାରିକି, ସେମନକେ ସାଇଜ, ସାରଦା ଆରି ଦୁକ୍ ସାରାଇବାଟା ଦେଇରଇସି । ୧୧ ଜେ ନାଜାନଲା ବାସାଇ କାତାଅଇସି, ସେଟା ତାର୍ ନିଜର୍ ବିସବାସକେ ଡାଟ୍ କରାଇସି । ମାତର୍ ଜେ କି ପରମେସରର୍ ବାକିଅ ଜାନାଇସି, ସେ ଗୁଲାଇ ମଣ୍ଡଲିର୍ ବିସବାସ୍ ଡାଟ୍ କରାଇସି ।

୧୨ ତମେ ସବୁଲକ୍ ନାଜାନଲା ବାସାଇ କାତା ଅଇଲେ ମୁଇ ସାରଦା ଅଇବି । ମାତର୍ ପରମେସରର୍ ବାକିଅ ଜାନାଇବାକେ ବସୁ ଉଆ ବଲି ମୁଇ ଅଦିକ୍ ମନ୍ କଲିନି । କାଇକେବଇଲେ ପରମେସରର୍ ବାକିଅ ପାଇକରି ଜାନାଇବା ଲକ୍, ନାଜାନବା ବାସାଇ କାତା ଅଇବା ଲକର୍ ଟାନେଅନି ମୁକିଅ । ଜଦି ମଣ୍ଡଲିର୍ କେ ମିସା ସେ କଇଲା ବିସଇର୍ ଅରଡ୍ ନ ବୁଜାଇବାଜାକ ଗୁଲାଇ ମଣ୍ଡଲି ସାଇଜ ନଏ । ୧୩ ତେବେ ଏ ବାଇବଇନିମନ୍ ମୁଇ ତମଟାନେ ଆଇଲାବେଲେ, ଜଦି ନାଜାନଲା ବାସାଇ କାତା କଇଲେ, ତମକେ କେନ୍ତ୍ର ଡାଟ୍ କରାଇବି ? ମୁଲକେ ନାଇ, ଜଦି ମୁଇ ପରମେସର୍ ଟାନେଅନି ପାଇଲା ବାକିଅ, କି ଗିଆନ୍, କି ବଦିସଡ୍ କାତା ସିକ୍‌ବା ବିସଇ ନ ଜାନାଇଲେ, ତେବେ ତମକେ କେନ୍ତ୍ର ଡାଟ୍ କରାଇବି ?

୧୪ ସେନ୍ତାରିସେ ବାଉସି ଆରି ଡୁଡୁଙ୍ଗା ପାରା ଜିବନ୍ ନ ରଇବା ବାଇଦ୍ ବିସଇ ବାବିଦେକ୍, ସେଟା ଜଦି ବାଜନ୍‌ତେଇ ବିନ୍ ସର୍ ନ ରଇଲେ, ସେଟା ବାଜଲାନି ବଲିକରି ଜାନି ନଏ ।

୧୫ ସେନ୍ତାରିସେ ସନିଅମନ୍ ଜନ୍ ବାକା ବାଜାଇବାଇ, ଜଦି ତାର୍ ସବଦ୍ ଟିକ୍ ନାଇ, ଜୁଇଦେ ଜିବାଜେ କେ ମିସା ଜାଗରଡ୍ ନ ଅଅଡ୍ । ୧୬ ସେନ୍ତାରିସେ ନ ବୁଜବା କାତା କଇଲେ, ତମେ କାଇଟା କାତା ଅଇଲାସ୍‌ନି ବଲି କେ ବୁଜି ନାପାରଡ୍ । ତମର୍ କାତା ପବନ୍ ଉତାଇନେଲା ପାରା ଅଇସି । ୧୭ ଏ ଜଗତେ କେତେକ୍ କେତେକ୍ ବାସା ଆଚେ । ଆରି ସେଟାର୍ ସବୁର୍ ଅରଡ୍ ଆଚେ । ୧୮ ମାତର୍ କାତାଅଇରଇବା ବାସା ଜଦି ମୁଇ ବୁଜି ନାପାରଲିନି, ସେ ବାସାଇ କାତା ଅଇବା ଲକ୍ମନ୍ ମର୍ ଅଚିନାର୍ ଲକ୍ ପାରା, ମୁଇ ମିସା ସେମନର୍ପାଇ ଅଚିନାର୍ ପାରା । ୧୯ ତେବେ ତମେ ଜେନ୍ତାରିକି ସୁକଲ୍ ଆତ୍ମାର୍ ବିନ୍ ବିନ୍ ରକାମର୍ ଦାନ ପାଇବାକେ ମନ୍ କଲାସ୍‌ନି, ସେ ସବୁର୍ ଟାନେଅନି ଜନ୍ ସବୁ ଦାନ ତମର୍ ମଣ୍ଡଲିକେ ଡାଟ୍ କରାଇସି, ସେ ଦାନ ବାଇବାକେ ତେସ୍‌ଟା କରା ।

୨୦ ତେବେ ଜେ ନାଜାନଲା ବାସାଇ କାତା ଅଇସି, ସେ କାତା ଅଇଲାଟା ବୁଜାଇବା ଦାନ ମିଲ ବଲି ପାର୍‌ତନା କର । ୨୧ କାଇକେବଇଲେ ମୁଇ ଜଦି ନାଜାନବା ବାସାଇ ପାର୍‌ତନା କରବି, ମର୍ ଆତ୍ମା ପାର୍‌ତନା କଲାନି । ମାତର୍ ମର୍ ବୁଜବାର୍ ବସୁ ତେଇ ମିସେନାଇ । ୨୨ ତେବେ ମୁଇ କାଇଟା କରବି ? ମର୍ ଆତ୍ମାଇ ପାର୍‌ତନା କରବି, ମାତର୍ ବୁଜଲା ପାରା ମିସା ପାର୍‌ତନା କରବି । ମର୍ ଆତ୍ମାଇ ଗିଡ୍ କଇବି । ମାତର୍ ବୁଜଲାପାରା ମିସା ଗିଡ୍ କଇବି । ୨୩ କାଇକେବଇଲେ ପରମେସର୍‌କେ ଆତ୍ମାଇସେ ଦନିଅବାଦ୍ ଦେଇସା, ସବାଇ ରଇଲା ମାମୁଲି ଲକ୍ମନ୍ ତମର୍ ପାର୍‌ତନା ସୁନିକରି, କେ ଆମେନ୍ ବଲି କଇପାରବାଇ ? ନାଇ ନା ପାରେ । କାଇକେବଇଲେ ତମେ କାଇଟା କଇଲାସ୍‌ନି, ସେଟା ସେ ନାଜାନେ । ୨୪ ତେବେ ପରମେସରର୍ ଟାନେ ତମର୍ ଦନିଅବାଦ୍ ଦେବାଟା ବେସି ନିକ ରଇଲେ ମିସା ତମର୍ ବିନ୍ ବାଇମନକେ ଡାଟ୍ କରାଇ ନାପାରଲାସ୍ ।

୨୫ ମୁଇ ପରମେସର୍‌କେ ଦନିଅବାଦ୍ ଦେଲିନି, ମୁଇ ତମର୍ ସବୁଟାନେଅନି ଅଦିକ୍, ନାଜାନଲା ବାସାଇ କାତା କଇପାରି । ୨୬ ମାତର୍ ମଣ୍ଡଲିର୍ ଉପାସନା ବେଲାଇ, ନାଜାନଲା ବାସାଇ ଅଜାର୍ ଅଜାର୍ ପଦ୍ ନ କଇକରି ସବୁଲକ୍ ବୁଜଲା ପାରା ପାଟ୍‌ଟା ପଦ୍ କଇବାଟା ନିକ ।

୨୭ ଏ ବାଇବଇନିମନ୍ ତମେ ପିଲାମନର୍ ପାରା ଚିନ୍ତା କରାନାଇ । କାରାସ୍ ବିସଇତେଇ ପିଲାପାରା ଉଆ । ମାତର୍ ବୁଦି ଆରି ବିଚାର୍ କରବାତେଇ ବଡ୍ ଲକର୍ ପାରା ଅଇବାର୍ ଦରକାର୍ । ୨୮ ସାସ୍‌ତରେ ଲେକାଆଚେ, ମାପୁର କଇଲାନି, ବିନ୍ ବାସା କଇବା ଲକ୍ମନର୍ ବାଟେଅନି

ଏ ଲକର ସଙ୍ଗେ ମୁଁ କାତା ଅଇବି ।  
 ନାଜାନୁବା ବାସା କଇବା ଲକର ଟଣ୍ଡେଅନି  
 ମୁଁ ଏ ଜାତିସଙ୍ଗେ କାତା ଅଇବି,  
 ଏଲେ ମିସା ସେମନ୍ ମର କାତା ନ ସୁନଡ଼ ।

୨୭ ନାଜାନୁବା ବାସା କାତା ଅଇବା ବପୁ, ବିସ୍ବାସ ନ କଲା ଲକ୍ମନର ପାଇ ଗଟେକ୍ ତିନ୍ ପାରା ।  
 ମାତର ବିସ୍ବାସିମନରପାଇ ନାଇ । ଆରି ପରମେସରର ବାକିଅ ଜାନାଇବା ବପୁ ବିସ୍ବାସି ମନରପାଇ  
 ଗଟେକ୍ ତିନ୍, ଆରି ବିସ୍ବାସ ନ କରବା ଲକ୍ମନର ପାଇ ନାଇ ।

୨୮ ତେବେ ତମେ ମଣ୍ଡୁଲି ଇସାବେ ରୁଣ୍ଡୁଲା ବେଲେ ନାଜାନୁଲା କାତା କଇସା ବଇଲେ, ତେଇରଇବା  
 ବିନ୍ ଲକ୍ମନ ଆରି ବିସ୍ବାସ ନ କରବା ଲକ୍ମନ କାଇଟା ବଲି କଇବାଇ ? “ଏ ତା ବାୟା ଅଇଗାଲା ଆତେ  
 !” ୨୪ ଜଦି ସବୁଲକ୍ ପରମେସର ଜାନାଇଲା କାତା କଇଲାସିନି, ଜଦି ତେଇ ଗଟେକ୍ ବିସ୍ବାସ ନ କଲା  
 ଲକ୍ କି ଗଟେକ୍ ମାମୁଲି ଲକ୍ ଆଇଲେ, ତେବେ ସେ ନିଜର ପାପର ବିସଇର ଚେଡ଼ନା ପାଇସି । ଆରି ସେ  
 ସୁନଲା ସବୁ ବିସଇର କାତାଇଅନି ତାକେ ବିଚାର ଅଇସି । ୨୫ ଆରି ତାର ମନେ ଲୁଚି ରଇବା ବିସଇ ସବୁ  
 ଜାନାପଡ଼ସି । ପତେ ସେ ପରମେସରକେ ଡାଣ୍ଡାସନ୍ ପଡ଼ି, ତାର କରିରଇବା ପାପ୍ ମାନିଅଇକରି “ତମର  
 ବିଡ଼ରେ ସତଇସେ ପରମେସର ଆତେ !” ବଲି କଇସି ।

**ମଣ୍ଡୁଲି ସାନ୍ତି ରକିଆ କରବାଟା**

୨୬ ଏ ବାଇବଇନିମନ୍, ମର କଇବା କାତା ଅଇଲାନି, ତମେ ଉପାସନା କରବାକେ ରୁଣ୍ଡୁଲା ବେଲାଇ  
 ଏନ୍ତାରି କରା । ତମର ବିଡ଼ରେଅନି କାକେ କାକେ ଗିଡ଼ ଆତେ, କାକେ କାକେ, ସିକିଆ ଦେବାଟା ଆତେ,  
 ଆରି କାକେ କାକେ ପରମେସରର ଟାନେ ଅନି କାତା ପାଇ, ସେଟା ଜାନାଇବାଟା ଆତେ, କି ନାଜାନୁଲା  
 ବାସାଇ କାତା କଇବାଟା ଆତେ, ଆରି କାକେ କାକେ ନାଜାନୁଲା ବାସାଇ କଇଲା କାତାର ଅରଡ଼ ବୁଜାଇବା  
 ବପୁ ଆତେ, ଏନ୍ତି କାଇଟା ନଇଲେ କାଇଟା ଆତେ । ଏଟା ସବୁ ଅଇସି, ତେବେ ମଣ୍ଡୁଲିର ବିସ୍ବାସି  
 ମନର ବିସ୍ବାସ ଡାଟ ଅଇସି । ୨୭ ଜଦି କେ ନାଜାନୁଲା ବାସାଇ କାତା ଅଇଲେ, ଦୁଇ ତିନ୍ ଲକର  
 ତେଇଅନି ଅଦିକ୍ ଲକ୍ ନ କଅଡ଼ । ଆରି ଗଟେକ୍ ଲକର ପତେ ଗଟେକ୍ ଲକ୍ କଇବାର ଆତେ । ଆରି  
 ସେ କାତା ବୁଜାଇ ଦେବା ଲକ୍ ମିସା ତେଇ ରଇବାର ଆତେ । ୨୮ ଜଦି ସେଟା ବୁଜାଇବାକେ ତେଇ  
 କେ ନାଇ, ସେ ଉପାସନା ରୁପ୍ ଅଇ ରଅ । ସେ ଅବକା ମନେ ମନେ ପରମେସରର ସଙ୍ଗେ କାତା ଅ  
 । ୨୯ ଜଦି ପରମେସରଟାନେଅନି କାତା ପାଇ, ଜାନାଇବା ଲକ୍ ଆତଡ଼, ତେବେ ଦୁଇ ଲକ୍ କି ତିନ୍ ଲକ୍  
 ରଇବାର । ସେ ବେଲାଇ ତେଇ ରଇଲା ଲକ୍ମନ ସେ ବାକିଅ ବିଚାର କରବାର ଆତେ । ୩୦ ମାତର  
 ଉପାସନାତେଇ ରଇବା ଜଦି କାକେ ଅଟାଡ଼ ପରମେସରର ଟାନେ ଅନି କାତା ପାଇସି, ତେବେ ବାକିଅ  
 କଇତେରଇବା ଲକ୍ ତେଇ ବୟ କରିରଇବାର ଆତେ । ୩୧ କାଇକେବଇଲେ ତମେ ଏନ୍ତାରି କଲେ  
 ପରମେସରର ବାକିଅ, ଗଟେକ୍ ଲକର ପତେ ଗଟେକ୍ ଲକ୍, କଇ ପାରାସ୍ । ଜେନ୍ତିକି ସବୁଲକ୍ ସିକିଆ  
 ପାଇକରି ଚେଡ଼ନା ଅଇବାଇ । ୩୨ ମାତର ପରମେସରର ବାକିଅ ଜାନାଇବା ଦାନ, ଜାନାଇବା ଲକର  
 ତଲିଆ ରଇବା ଦରକାର । ୩୩ କାଇକେବଇଲେ ପରମେସର ଆଗାପଟା ନ ଅଇକରି ସବୁ ବିସଇ ଅର୍ସା  
 ସଙ୍ଗେ ଅ, ବଲି ମନ୍ କଲାନି ।

ପରମେସରର ବିନ୍ ଉପାସନା ମଣ୍ଡୁଲିତେଇ ଜେନ୍ତାରି, ୩୪ ତମେ ମଣ୍ଡୁଲି ଇସାବେ ରୁଣ୍ଡୁଲା ବେଲେ,  
 ମାଇଜିମନ୍ ରୁପ୍ଟାପ୍ ଅଇରଇବାର ଆତେ । ତେଇ ସେମନ୍ କାତା କଇବାକେ ସେମନ୍କେ ଆଦେସ୍  
 ମିଲେନାଇ । ଜିଉଦି ନିୟମ୍ ଇସାବେ ସେମନ୍ ମନସ୍ ପିଲାଟୁ ତଲିଆ ରଇବାର ଆତେ । ୩୫ ସେମନ୍ ଜଦି  
 କାଇ ବିସଇ ବୁଜବାକେ ମନ୍ କଲାଇନି, ଗରେ ଜାଇ କରି ନିଜର ମୁନୁସକେ ପାଟାର । କାଇକେବଇଲେ  
 ମଣ୍ଡୁଲିଟାନେ କାତା କଇବାଟା ମାଇଜିମନ୍ର ପାଇ ଗଟେକ୍ ଲାଜର କାତା ।

୩୬ କାଇଟା ? ପରମେସରର ବାକିଅ ତମର ଟାନେଅନି ଜାଡ଼ ଅଇଲା ଆତେ କି ? ସେ ବାକିଅ କାଇ  
 ତମରଟାନେସେ ଆସିରଇଲା କି ? ନାଇ ଆସି ନ ରଇଲା । ୩୭ କେ ଜଦି ତମର ବିଡ଼ରେ ପରମେସରର  
 ବାକିଅ ଜାନାଇବା ଲକ୍ କି ସୁକଲ୍ ଆଡ଼ମା ଅନି ଦାନ ପାଇଲିଆତି ବଲି ବାବସି, ସେନ୍ତିଆଲେ ମୁଁ ତମକେ  
 ଜାଇ ଜାଇଟା ଲେକ୍ଲିନି, ସେ ସବୁ ଜେ ମାପରୁର ଆଦେସ୍, ଏଟା ସେ ଜାନୁବାର ଆତେ । ୩୮ ଜଦି ସେ ଏ  
 ସବୁ କାତା ନ ସୁନେ କି ନ ମାନେ, ତମେ ମିସା ତାର କାତା ସୁନା ନାଇ କି ମାନା ନାଇ ।

୩୯ ସେଟାରପାଇ ଏ ବାଇବଇନିମନ୍ ପରମେସରର କାତା ଜାନାଇବାକେ ମନ୍ କରା, ମାତର ନ ବୁଜବା  
 ବାସାଇ କାତା କଇବାକେ କାକେ ନିରୁ ବଲି କୁଆନାଇ । ୪୦ ତମର ସବୁ କାମ୍ ଟିକ୍ ବାବେ ଆରି ଅର୍ସା  
 ସଙ୍ଗେ କରବାର ଦରକାର ।



୧୯ ଏ ବାଇବଲ୍‌ନିମନ୍, ମୁଁ ତମର ଲଗେ ଜନ୍ ସୁବକବର ଜାନାଇରଲି ସେଟା ତମ୍ଭେ ଏତାଇଦେବି ବଲି ମନ୍ କଲିନି । ସେଟା ତମେ ମାନି ରଇଲାସ୍ ଆରି ତେଇସେ ତମର ବିସ୍ବାସ୍ ଡାଞ୍ଚ ଆଚେ । ୧୯ ଜଦି ଏ ସୁସମାଚାର ତମେ ଡାଞ୍ଚ ସଙ୍ଗ୍ ଦାରିରଇସା, ତେବେ ଉଦାର ପାଇସା, ନଇଲେ ତମେ ବେକାର୍ ବିସ୍ବାସି ଅଇ ଆଚାସ୍ ।

୨୦ କାଇକେବଇଲେ ଜନ୍ ସିକିଆ ମୁଁ ପାଇରଇଲି, ତେଇଅନି ଏ ବଡ଼ ସିକିଆ ତମ୍ଭେ ସିକାଇ ରଇଲି । ସାସ୍ତର ଇସାବେ କିରିସ୍ତ ଆମର୍ ପାପ୍ କେମା ଅଇବାକେ ମରିଗାଲା । ୨୦ ତାକେ ତପିରଇଲାଇଜେ, ସାସ୍ତର ଇସାବେ ତିନଦିନ୍ ନ ଅଇତେ ତାକେ ପର୍ମେସର୍ ଜିବନ୍ କରି ଉଟାଇଲା । ୨୧ ସେ ପିତର ଆରି ତାର ବାରଟା ପେରିଡ଼ ସିସ୍ତମକେ ଦରସନ୍‌ଦେଲା । ୨୨ ତାର ପତେ ତର ସଙ୍ଗ୍ ଜାଇତେରଇବା ଏକାତର ପାଞ୍ଚଅ ଲଗେଅନି ଅଦିକ୍ ବାଇମନ୍‌କେ ଦରସନ୍‌ଦେଲା । ସେମନ୍‌ର ବିତ୍ରେ ଅନି କେତେଲକ୍ ମରିଗାଲା ଆରି ବେସି ଲକ୍ ଆଜିକେ ଜାକ ଜିବନ୍ ଆଚଡ଼ । ୨୩ ତାରପତେ ସେ ଜାକୁବ୍‌କେ ଆରି ସବୁ ପେରିଡ଼ମନ୍‌କେ ଦରସନ୍‌ଦେଲା ।

୨୪ ସେ ଦରସନ୍‌ଦେଲା ଲକ୍‌ମନ୍‌ର ବିତ୍ରେ ସାରାସାରି ମୁଁ ରଇଲି । ସବୁର ପତେ, ଦିନ୍ ନ କେଟେ, ଜନମ୍ ଅଇଲା ପିଲା ପାରା ମକେ ମିସା ଦରସନ୍‌ଦେଲା । ୨୫ ସବୁ ପେରିଡ଼ ସିସ୍ତମନ୍‌ର ବିତ୍ରେ ଅନି ମୁଁ ସେ ସାନ୍ । ପେରିଡ଼ ବଲି ତାକାଇ ଅଇବାକେ ମର୍ ଅଦିକାର୍ ନାଇ । କାଇକେବଇଲେ ପର୍ମେସର୍‌ର ମଣ୍ଡଲିର୍ ବିସ୍ବାସିମନ୍‌କେ ମୁଁ କସ୍ତ ଦେଇତେ ରଇଲି । ୨୬ ଅଇଲେ ମିସା, ପର୍ମେସର୍‌ର ଜିବନ୍ ଦୁକାଇଲାଟାନ୍‌ଅନି ମୁଁ ଏବେ ଏନ୍ତାରି ଆଚି । ତାର ଜିବନ୍ ଦୁକାଇଲାଟା ମକେ ଦାରି ଆଚେ ବଲି ଜାନା ପଡ଼ଲାନି । କାଇକେବଇଲେ ମର୍ ସଙ୍ଗ୍‌ର ପେରିଡ଼ ମନ୍‌ରଟାନ୍‌ଅନି ମୁଁ ଅଦିକ୍ କାମ୍ କରିଆଚି । ମାତର୍ ସେଟା ମର୍ ନିଜର୍ ବପୁସଙ୍ଗ୍ ନାଇ, ପର୍ମେସର୍ ଜିବନ୍ ଦୁକାଇ ମକେ ସାଇଜ କଲା । ୨୭ ଅଇଲେ ମିସା ମୁଁ ସୁବକବର ଜାନାଇଲେ କି ସେମନ୍ ଜାନାଇଲେ ମିସା କିଟି ବିନ୍ ନାଇ । କାଇକେବଇଲେ ଆମେ ସବୁ ଜାନାଇବାଟା ଗଟେକ୍ ବିସଇସେ । ସେଟା ତମେ ବିସ୍ବାସ୍ କରିଆଚାସ୍ ।

**ଆମେ ଆରିତରେକ୍ ଉଟ୍‌ବା ବିସଇ**

୨୮ ଜଦି କିରିସ୍ତକେ ପର୍ମେସର୍ ମଲାତେଇଅନି ଜିବନ୍ କରି ଉଟାଇଆଚେ ବଲି ଆମେ ସିକାଇଲୁନି, ତେବେ କାଇକେ ତମର ବିତ୍ରେ କେତେଲକ୍, ମଲା ଲକ୍‌ମନ୍‌ର, ଆରି ତରେକ୍ ଜିବନ୍ ଅଇବାଟା ନାଏ, ବଲି କଇଲାସ୍‌ନି ? ୨୯ ମଲା ଲକ୍‌ମନ୍ ଆରିତରେକ୍ ଜିବନ୍ ନ ଅଇବାଟା ଜଦି ସଡ଼, ତେବେ କିରିସ୍ତକେ ମିସା ଜିବନ୍ କରାଇ ଉଟାଏ ନାଇ । ୩୦ ଆରି, ଜଦି କିରିସ୍ତକେ ମଲାତେଇ ଅନି ଉଟାଏ ନାଇ, ତେବେ ଆମେ ଜାନାଇବାଟା ରୁଟାଇସେ, ତମେ ବିସ୍ବାସ୍ କରବାଟା ମିସା ରୁଟାଇସେ । ୩୧ ସେତକିସେ ନାଏ, ଆମେ ପର୍ମେସର୍‌ର ବିସଇର୍ ମିଟ୍ ସାକି ଦେଇତେରଇଲୁ ବଲି ଜାନାପଡ଼ସି । କାଇକେବଇଲେ ଆମେ କିରିସ୍ତକେ ଜିବନ୍ କରାଇ ଉଟାଇ ଆଚେ ବଲି କଇରଇଲୁ । ମାତର୍ ମଲାଲକ୍ ଜିବନ୍ ଅଇ ନ ଉଟଡ଼, ସେଟା ଜଦି ସଡ଼, ସେନ୍ତାରିଆଲେ ପର୍ମେସର୍ କିରିସ୍ତକେ ଜିବନ୍ କରାଇ ଉଟାଏ ନାଇ । ୩୨ ଜଦି ମଲା ଲକ୍‌ମନ୍‌କେ ନ ଉଟାଏ, ତେବେ, କିରିସ୍ତକେ ମିସା ଉଟାଏ ନାଇ । ୩୩ ଜଦି କିରିସ୍ତକେ ଉଟାଏ ନାଇ, ତେବେ ତମର ବିସ୍ବାସ୍ କରବାଟା ରୁଟାଇସେ । ଆରି ତମେ ଏବେ ଜାକ ନିଜର୍ ନିଜର୍ ପାପେ ଆଚାସ୍ । ୩୪ ସେନ୍ତାରିସେ ଜନ୍ ଲକ୍ କିରିସ୍ତକେ ବିସ୍ବାସ୍ କରି ମରିଗାଲା ଆଚଡ଼, ସେମନ୍ ରକିଆ ଅଅଡ଼ ନାଇ, ମାତର୍ ନସ୍ତ ଅଇଆଚଡ଼ । ୩୫ ଜଦି କିରିସ୍ତର୍ ଟାନ୍‌ଆମର୍ ଆସା କରିରଇବାଟା ଏ ଜଗତର୍ ଜିବନ୍ ସଙ୍ଗ୍ ସାର୍‌ସି, ତେବେ ସବୁଲକ୍‌ର ତେଇଅନି ଆମର୍ କେତେକ୍ କାକୁର୍ତିର୍ କରମ୍ ।

୩୬ ମାତର୍ କିରିସ୍ତକେ ମଲାତେଇଅନି ଉଟାଇଆଚେ, ଏଟା ଅଇଲାନି ସଡ଼ ଆରି ଏନ୍ତାରିସେ ସବୁ ମଲା ଲକ୍‌ମନ୍‌କେ ପର୍ମେସର୍ ଜିବନ୍ କରି ଉଟାଇସି, ଏଟା ଆମେ ଜାନ୍ । ୩୭ କାଇକେବଇଲେ ଗଟେକ୍ ଲକ୍‌ର ଲାଗି ଗୁଲାଇ ଲକ୍ ମର୍‌ବାର୍‌ଆଚେ । ସେନ୍ତାରିସେ ଗଟେକ୍ ଲକ୍‌ର ଲାଗି ଗୁଲାଇ ଲକ୍‌କେ ମଲାତେଇଅନି ଉଟାଅଇସି । ୩୮ ଜେକ୍ରି ଆଦମର୍ ବସେଅନି ଆଇଲା ଲକ୍‌ମନ୍ ମର୍‌ବାଇ, ସେନ୍ତାରିସେ କିରିସ୍ତର୍‌ତେଇ ରଇଲା ସବୁଲକ୍ ଜିବନ୍ ଅଇ ଉଟ୍‌ବାଇ । ୩୯ ମାତର୍ ଗଟେକ୍ ଗଟେକ୍ ଲକ୍ ଆଗାପଟା ଇସାବେ ଉଟ୍‌ବାଇ । ପର୍‌ଡୁମ୍ କିରିସ୍ତ ତାରପତେ ସେ ଆଇବା ଦିନେ ଜେଡ଼କି ଲକ୍ ସବୁ ତାରଲଗେ ରଇଲାଇ । ୪୦ ତାରପତେ ଜୁଗର୍ ସାରାସାରି ଦିନ୍ କେଟ୍‌ସି । ସେତକିବେଲେ ସବୁ ସାସନ୍‌କାରିଆମନ୍‌କେ, ଅଦିକାର୍ ଆରି ବପୁ ରଇଲା ଲକ୍‌ମନ୍‌କେ ସେ ଆରାଇସି ଆରି ବାବା ପର୍ମେସର୍‌କେ ସେ ରାଇଜ୍ ସର୍ପି ଦେଇସି । ୪୧ କାଇକେବଇଲେ ପର୍ମେସର୍ ତାର ସବୁ ସଡ଼ୁମନ୍‌କେ ଆରାଇ, ତାର ପାଦ୍‌ତଲେ ଆନ୍‌ବାଜାକି କିରିସ୍ତ ସାସନ୍ କରବାର୍ ଆଚେ । ୪୨ ସାରାସାରି ପତେ ସଡ଼ୁମନ୍ ମିସା ଆରିଜିବାଇ । ୪୩ ଜେକ୍ରି କି ସାସ୍ତରେ ଲେକା ଅଇଲାଆଚେ, ପର୍ମେସର୍ ସବୁ ବିସଇ ତାର ପାଦ୍‌ତଲେ ସଙ୍ଗାଇଆଚେ ।

☆ ୧୫:୪ ୧୫:୪ ମାଡିଉ ୧୨:୪୦; ପେରିଡ଼ ୨:୨୪-୩୨ ☆ ୧୫:୫ ୧୫:୫ ଲୁକ୍ ୨୪:୩୪; ମାଡିଉ ୨୮:୧୭,୧୭; ମାର୍କ ୧୭:୧୪; ଲୁକ୍ ୨୪:୩୨; ଜଅନ୍ ୨୦:୧୯ ☆ ୧୫:୮ ୧୫:୮ ପେରିଡ଼ ୯:୩-୬ ☆ ୧୫:୯ ୧୫:୯ ପେରିଡ଼ ୮:୩

ସବୁ ବିସଇ ବଲି, କଇବା ବେଲେ ତାର ଅରତ୍ ଅଇଲାନି, ପର୍ମେସର୍‌କେ ଚାଡ଼ି ସବୁ ବିସଇ । ସେ ଆକା ସବୁ ବିସଇ କିରିସର୍‌ ତଲିଆ କରି ସଙ୍ଗାଆତେ । ୨୮ ସବୁ ବିସଇ କିରିସର୍‌ ତଲେ ସଙ୍ଗାଲ୍ଲା ପତେ, ନିଜେ କିରିସର୍‌ ଜେ କି ପଅ, ସେ ପର୍ମେସର୍‌ ତଲିଆ ଅଇ ରଇସି । ସବୁ ବିସଇ ପର୍ମେସର୍‌ ତାର୍ ତଲିଆ କରି ସଙ୍ଗାଆତେ ଆରି ପର୍ମେସର୍‌ ପୁରାପୁରୁନ୍ ସବୁର୍ ଉପରେ ସାସନ୍ କର୍ସି ।

୨୯ ମଲାଲକ୍‌କେ ଆରିତରେକ୍ ନ ଉଟାଏ, ଜଦି ଏଟା କେନ୍ତାର୍ ଜେ ମଲା ଲକ୍‌ମନର୍ ପାଇ ତାର୍ ମଇତର୍‌ମନ୍ ଡୁବନ୍ ନେଲାଇନି ? ତେବେ ସେମନ୍‌କେ କାଇଟା ମିଲ୍‌ସି ? ଜଦି ମଲାଲକ୍‌ମନ୍‌କେ ନ ଉଟାଅଡ଼, ସେନ୍ତାର୍ ଆଲେ କାଇକେ ଏମନ୍ ମଲା ଲକ୍‌ମନର୍‌ପାଇ ଡୁବନ୍ ନେଲାଇନି ? ୩୦ ଆରି ଆମେ ମିସା କାଇକେ ସବୁ ବେଲେ ଆମର୍ ଜିବନ୍ ବିପଦେ ପାଇକତେ ରଇବୁ ? ୩୧ ଏ ମର୍ ବାଇବଇନିମନ୍ ଦିନକେ ଦିନ୍, ଲକ୍‌ମନ୍ ମକେ ମରାଇବାକେ ଚେସ୍‌ଟା କଲାଇନି । ମୁଇ ଏଟା କାଇକେ କଇଲିନି ବଇଲେ, ତମର୍‌ଟାନେ ମର୍ ଜନ୍ ବଡ଼ପନ୍ ଆତେ, ଆରି ଆମର୍ ମାପୁରୁ ଜିସୁକିରିସର୍‌ ଟାନେ ଆମର୍ ଜିବନ୍ ମିସିରଇଲାଜେ ମୁଇ କଇଲିନି । ୩୨ ଏପିସି ସଅରେ ମୁଇ ବେସି କସ୍‌ଟ ପାଇଲି । କାଇକେବଇଲେ ଜନ୍ ଲକ୍‌ମନ୍ ମକେ ବିରଦ୍ କଲାଇ, ସେମନ୍‌ର୍ ସଙ୍ଗ୍ ଡଙ୍ଗାରେ ରଇବା ପସୁମନର୍ ପାରା ଜୁଜିରଇଲି । ତେଇ ଆମେ ଜେନ୍ତି କସ୍‌ଟ ପାଇତେରଇଲୁ, ସେନ୍ତାରି ଅଇଲାକେ ଆମ୍‌କେ କାଇ ଲାବ୍ ମିଲ୍‌ଲା ? ଜଦି ମଲା ଲକ୍‌ମନ୍‌କେ ନ ଉଟାଏ, ତେବେ ଏନ୍ତାରି କଇବାଟା ନିକ ରଇସି । “ଆସା ଆମେ ବଜିକରି କାଉଁ, କାଇକେବଇଲେ ଆମେ କାଲିକେ ମର୍‌ବାର୍ ଅଇସିବେ ।”

୩୩ ନାଡ଼ାଇ ଉଆନାଇ, କାରାପ୍ ଲକ୍‌ମନର୍ ସଙ୍ଗ୍, ସାଙ୍ଗ୍ ଅଇଲେ ସେମନ୍ ତମର୍ ନିକ ଚଲାଚଲ୍‌ତି କର୍‌ବାଟା ନସାଇ ଦେବାଇ । ୩୪ ଟିକ୍‌ସଙ୍ଗ୍ ଚିନ୍ତା କରା । ତମର୍ ପାପର୍ ଚଲାଚଲ୍‌ତି କର୍‌ବାଟା ଚାଡ଼ିଦିଆସ୍ । କାଇକେବଇଲେ ପର୍ମେସର୍‌କେ ନାଜାନ୍‌ଲା କେତେକ୍ ଲକ୍‌ ତମର୍ ବିଡ଼ରେ ଆଚଡ଼ । ଏଟା ମୁଇ ତମ୍‌କେ ଲାଜ୍ କରାଇବାକେ କଇଲିନି ।

**ଆରିତରେକ୍ ଜିବନ୍ ଅଇବା ଗାଗଡ଼**

୩୫ କେତେଲକ୍ ପାଚାର୍‌ବାଇ, “ମଲା ଲକ୍‌ମନ୍‌କେ କେ ଜିବନ୍ ଦେଇ ଉଟାଇସି ? ଆରି ସେମନ୍‌ର୍ ଗାଗଡ଼ କେନ୍ତାର୍ ରଇସି ?” ଜେ ଏନ୍ତାରି ପର୍‌ସନ୍ ପାଚାର୍‌ସି, ସେ ବକୁଆଟା । ୩୬ ତମେ ଜାନାସ୍ । ଜେତେବେଲେ ଗଟେକ୍ ମୁଞ୍ଜି ରପା ଅଇସି, ମୁଞ୍ଜିର୍ ଉପ୍‌ରର୍ ତପା କୁଇଜାଇସି, ମାତର୍ ବିଡ଼ରର୍‌ଟା ଆଁକର୍‌ସି । ୩୭ ଜେତେବେଲେ ଗଟେକ୍ ମୁଞ୍ଜି ରପା ଅଇସି, ସେଟା ଦାନ୍ ଅ, କି ଆରି କାଇ ମୁଞ୍ଜି ଅ, ମୁଞ୍ଜିସେ ରପି ଅଇସି । ପତେ ବଡ଼ିରଇବା ବୁଟା ନ ରପଡ଼ । ୩୮ ପର୍ମେସର୍‌ ନିଜର୍ ମନ୍ କଲା ଇସାବେ ମୁଞ୍ଜିତେଇଅନି ଆଁକରି ଗଡ଼ ଅ, ବଲି ଟିକ୍ କଲା । ଆରି ସେ ବିନ୍ ବିନ୍ ରକାମର୍ ମୁଞ୍ଜି ବଡ଼ବାକେ ଦେଲା, ଜେନ୍ତିକି ଗଟେକ୍ ଗଟେକ୍‌କେ ତାର୍ ଗାଗଡ଼ ରୁପ୍ ବାଦ୍‌ଲାଇସି ।

୩୯ ଜିବନ୍ ରଇବା ସବୁ ଗାଗଡ଼ ସମାନ୍ ନଏ । ଲକ୍‌ମନ୍‌କେ ଗଟେକ୍ ରକାମ୍ ଗାଗଡ଼, ପସୁ ଚଡ଼ଇ ଆରି ମାଟ୍‌ମନ୍‌କେ ବିନ୍ ବିନ୍ ରକାମ୍ ଗାଗଡ଼ ଆତେ ।

୪୦ ସେନ୍ତିସେ ସର୍‌ଗେ ରଇବାଟାମନ୍ ଆରି ଦର୍‌ତନି ରଇବାଟାମନ୍ ଆଚଡ଼ । ଜେନ୍ତିକି ସର୍‌ଗେ ରଇବାଟାମନ୍‌ର୍ ସୁନ୍‌ର୍ ଗଟେକ୍ ରକାମ୍, ଦର୍‌ତନି ରଇବାଟାମନ୍‌ର୍ ବିନ୍ ବିନ୍ ରକାମ୍ । ୪୧ ବେଲ୍ ତାର୍ ନିଜର୍ ଇସାବେ ସୁନ୍‌ର୍ ଆତେ । ସେନ୍ତାରିସେ ଜନ୍ ତାରାମନ୍ ମିସା ନିଜର୍ ନିଜର୍ ଇସାବେ ସୁନ୍‌ର୍ ଆଚଡ଼ ।

୪୨ ସେନ୍ତାରିସେ ଆମର୍ ଗାଗଡ଼ ଆରି ଜନ୍ ଗାଗଡ଼ ପର୍ମେସର୍ ଉଟାଇସି, ଦୁଇଟାଜାକ ବିନ୍ ଆତେ । କାଇକେବଇଲେ ଆମର୍ ଗାଗଡ଼ ଏବେ ମରିକରି କୁଇଜାଇସି । ମାତର୍ ଜନ୍ ଗାଗଡ଼ ପର୍ମେସର୍ ଉଟାଇସି, ସେଟା କେବେ ନ ମରେ । ୪୩ ସେଟା ତପ୍‌ଲାବେଲେ ଦୁର୍‌ବଲ୍ ଅଇ ସୁନ୍‌ର୍ ନ ରଏ । ମାତର୍ ଉଟାଇଲାବେଲେ ସୁନ୍‌ର୍ ରଇକରି ଡାଁର୍ ରଇସି । ୪୪ ତପ୍‌ଲା ବେଲେ ଅବ୍‌କା ଗାଗଡ଼, ମାତର୍ ଉଟାଇଲାବେଲେ ଆଡ଼ମାର୍ ଗାଗଡ଼ ଅଇସି । ଅବ୍‌କା ଗାଗଡ଼ ଆତେ ବଇଲେ ଆଡ଼ମାର୍ ଗାଗଡ଼ ମିସା ରଇବାର୍ ଆତେ । ୪୫ ଜେନ୍ତାରିକି ଲେକା ଅଇଲାଆତେ, ପର୍‌ତୁମ୍ ମୁନୁସ୍ ଜେ କି ଆଦମ୍, ତାକେ ତିଆର୍ କରି ଜିବନ୍ ଦେଇରଇଲା, ମାତର୍ ସାରାସାରିପତର୍ ଆଦମ୍ ନ ସାର୍‌ବା ଜିବନ୍ ଦେବା ଆଡ଼ମା ଅଇଲା । ୪୬ ମାତର୍ ଆଡ଼ମାର୍ ଗାଗଡ଼ ପର୍‌ତୁମ୍ ନ ଆସେ । ତୁଟାଇ ଗାଗଡ଼ ଅଇସି, ତାର୍‌ପତେ ଆଡ଼ମାର୍ ଗାଗଡ଼ । ୪୭ ପର୍‌ତୁମ୍ ଆଦମ୍ ମାଟିସଙ୍ଗ୍ ତିଆର୍ ଅଇ ଏ ଦର୍‌ତନି ଆଇଲା । ମାତର୍ ପତର୍ ଆଦମ୍ ସର୍‌ଗେ ଅନି ଆଇଲା । ୪୮ ଜନ୍ ଲକ୍‌ମନ୍ ଏ ଦର୍‌ତନିର୍, ସେମନ୍ ଜେ କି ମାଟି ସଙ୍ଗ୍ ତିଆର୍ ଅଇରଇଲା, ତାର୍‌ପାରା । ଆରି ଜନ୍ ଲକ୍‌ ସର୍‌ଗର୍, ଜେ କି ସର୍‌ଗେ ଅନି ଆଇଲା, ତାର୍‌ପାରା । ୪୯ ଜେନ୍ତିକି ଆମେ ଜନ୍‌ଲକ୍ ମାଟିସଙ୍ଗ୍ ତିଆର୍ ଅଇରଇଲା, ତାର୍ ବାନିମୁର୍‌ତି ଆତୁ, ସେନ୍ତାରିସେ ଜେ ସର୍‌ଗେଅନି ଆଇଲା ତାର୍ ପାରା ବାନିମୁର୍‌ତି ଦାର୍‌ବୁ ।

୫୦ ଏ ବାଇବଇନିମନ୍, ମୁଇ କଇବା ଅରଡ଼ ଅଇଲାନି ବନି ମାଉଁସ୍ ରଇବା ଗାଗଡ଼ ପର୍ମେସର୍‌ର୍ ରାଇଜେ ମିସିନାପାରଡ଼ । ଆରି ଜନ୍ ଗାଗଡ଼ ମର୍‌ବାଇ, ସେମନ୍‌କେ ନ ସାର୍‌ବା ଜିବନ୍ ଦେଇ ନଏ ।

୫୧ ✨ସୁନା, ମୁଞ୍ଚ ତମକେ ଗଟେକ୍ ଆଗ୍ରତୁ ନ ଜାନାଇରଇବା ବିସଇ କଇବି । ଆମେ ସବୁଲକ୍ ନ ମରୁ, ମାତର୍ ଆମର୍ ଗାଗଡ୍ ସବୁ ବାଦଲି ଜାଇସି । ୫୨ ଗଟେକ୍ ଲକ୍ ଆଁକି ମିଟ୍‌କା ମାର୍‌ଲା ବିତ୍‌ରେ ସେଟା ଗଟ୍‌ସି । ସାରାସାରିର୍ ମଇରି ବାଜ୍‌ଲା ବେଲେ ମଲା ଲକ୍‌ମନ୍ ଜିବନ୍ ଅଇ ଉଟ୍‌ବାଇ । ସେମନ୍ ଆରି କେବେ ମିସା ନ ମରଡ୍ ଆରି ଆମେ ସବୁ ବଦଲି ଜିବୁ । ୫୩ କାଇକେବଇଲେ ଆମର୍ ଏ ମରବା ଗାଗଡ୍ ନ ମରବା ଗାଗଡ୍ ଅଇ ବାଦଲିଜାଇସି । ୫୪ ସେଟା ଅଇଲାବେଲେ ଜନ୍‌ଟା କି ସାସ୍‌ତରେ ଲେକା ଅଇରଇଲା, ସେଟା ପୁରାପୁରୁନ୍ ଅଇସି ମରନ୍ ଆରିଜାଇକରି, ଜିଡ୍‌ବାଟା ପୁରାପୁରୁନ୍ ଅଇଲା ।

୫୫ ତେବେ ଆମେ କଇ ପାର୍‌ବୁ,  
 ଅଇରେ ମରନ୍ ! ତୁଇ କେନେ ଜିଡ୍‌ଲୁସ୍ ?  
 ଅଇରେ ମରନ୍ ! କେନେ ତର୍ ବପୁ ?

୫୬ ଆମର୍ ପାପେଅନି ଆମ୍‌କେ ବାଦ୍‌ବା ବପୁ ମରନ୍ ପାଇଲା ଆଟେ । ଆରି ପର୍‌ମେସର୍‌ର୍ ନିୟମ୍ ନ ମାନ୍‌ଲାତେଇଅନି ପାପ୍ ବପୁ ପାଇସି । ୫୭ ମାତର୍ ଆମେ ପର୍‌ମେସର୍‌କେ ଦନିଅବାଦ୍ ଦେଲୁନି । କାଇକେବଇଲେ ଆମର୍ ମାପ୍‌ରୁ ଜିସୁ କିରିସ୍‌ଟ କଲା କାମେଅନି ପାପ୍‌କେ ଆରି ମରନ୍‌କେ ଆରାଇବା ବପୁ ସେ ଆମ୍‌କେ ଦେଲାଆଟେ ।

୫୮ ସେଟାପାଇ ଏ ମର୍ ଆଲାଦର୍ ବାଇବଇନିମନ୍, ଡାଁଟ୍ ଅଇକରି ରୁଆ । ମାପ୍‌ରୁ ଜିସୁକିରିସ୍‌ଟର୍ ସେବା କାମ୍ ଆବଡ୍ ଅଇକରି କରା । କାଇକେବଇଲେ ତମେ ଜାନାସ୍, ତାର୍‌ପାଇ ଜନ୍ କାମ୍ ସବୁ କର୍‌ସା, ସେଟା ସବୁ ଲଡାକେ ଆଇସି ।



**ସାବୁ ଲକର୍ ପାଇ ଦାନ୍**

୧ ✨ଜିଉଦା ମଣ୍ଡଲିର୍ ବିସ୍‌ବାସିମନ୍‌କେ ତାରୁ ସାଇଜ କର୍‌ବା ବିସଇ ମୁ ଲେକ୍‌ଲିନି । ମୁ ଗାଲାତିଅ ମଣ୍ଡଲିମନ୍‌କେ ଜାଇଟା କର୍‌ବାକେ ଆଦେସ୍ ଦେଲିଆଟି, ସେ ଆଦେସ୍ ଡାଁଟ୍ ସଙ୍ଗ୍ କର୍‌ବାରୁଆଟେ । ୨ ତମର୍ କାମାଇବା ଇସାବେ, ସବୁ ବିସ୍‌ବାସିମନ୍, ବିସ୍‌ରାମ୍ ଦିନେ ମଣ୍ଡଲିତେଇ ରୁଣ୍ଡିଲାବେଲେ ଅଲପ୍ ଅଲପ୍ ତାରୁ ଜମାଇବାରୁ ଆଟେ । ଜେନ୍ତ୍ରିକି ମୁଞ୍ଚ ଅଇଲାବେଲେ ଆରି ତାରୁ ତଲ୍‌ବାକେ ନ ଲାଗେ । ୩ ମୁଞ୍ଚ ଅଇଲାବେଲେ ତମେ ବାଟିରଇବା ଲକ୍‌ମନ୍‌କେ ଗଟେକ୍ ଚିଟି ଲେକିଦେବି ଆରି ସେମନ୍ ଜମାଇଲା ତାରୁ ଆରି ସେମନ୍‌କେ ଜାନାଇବା ଚିଟି ଦାରି, ଜିରୁସାଲାମ୍ ଜିବାଇ । ୪ ଜଦି ମର୍ ଜିବାକେ ଦର୍‌କାର୍ ଅଇସି ବଇଲେ ସେମନ୍ ମର୍‌ସଙ୍ଗ୍ ଜାଇପାରଡ୍ ।

**ପାଉଲର୍ ଉପାଇ**

୫ ✨ମାତର୍ ମୁଞ୍ଚ ଏବେ ମାକିଦନିଆଇ ଗାଲିନି । ତେଇଅନି ଜାଇ ଅଇଲେ ତମର୍ ଲଗେ ଆଇବି । ୬ ମୁଞ୍ଚ ତେଇ ତମର୍ ସଙ୍ଗ୍ କେତେକ୍ ଦିନ୍ ରଇବି । ଅଇପାରେ ସିଡ୍‌ଦିନ୍ ସାର୍‌ବା ଜାକ । ତାର୍‌ପଟେ ଜନ୍ତ୍ରି ଜିବାକେ ମନ୍ କଲିନି, ତେଇ ଜିବାକେ ତମେ ମକେ ସାଇଜ କରିପାରାସ୍ । ୭ କାଇକେବଇଲେ ଜିବାବେଲେ ବାଟେ ତମର୍ ସଙ୍ଗ୍ ବେଟ୍ ଅଇକରି ଚନେକ୍‌ସେ ରଇବାକେ ମର୍ ମନ୍ ନାଇ । ମୁଞ୍ଚ ଆସା କଲିନି ମାପ୍‌ରୁ ମନ୍ କଲେ ମୁଞ୍ଚ ତମର୍ ସଙ୍ଗ୍ ଏତର୍ ବେସି ଦିନ୍ ରଇବି ।

୮ ✨ମାତର୍ ମୁଞ୍ଚ ପେନ୍‌ଟିକସ୍‌ଟ୍ ପରବ୍ ଜାକ ଏପିସିଏ ରଇବି, ୯ ଇତି ମର୍ ବିରଦେ ବେସିଲକ୍ ରଇଲେ ମିସା, ସପଲ୍ ଅଇବା କାମ୍ କର୍‌ବାକେ ମର୍ ପାଇ ଦୁଆର୍ ଉଗାଡି ଅଇଆଟେ ।

୧୦ ✨ଜଦି ତିମତି ତମର୍‌ଟାନେ ଆଇଲେ, ତାକେ ଗତିଆ କରି ଡାକିନିଆ । କାଇକେବଇଲେ ସେ ମିସା ମର୍‌ପାରା ମାପ୍‌ରୁର୍ କାମ୍ କଲାନି । ୧୧ ସେଟାର୍ ପାଇ ତାକେ କେ ମିସା ସାନ୍ ପାରା ଦେକାନାଇ । ମାତର୍ ତାକେ ସାଇଜ କରା, ଜେନ୍ତ୍ରିକି, ସେ ତମର୍ ଜାଗାଇଅନି ଗାଲାବେଲେ, ସାନ୍ତ୍ରିସଙ୍ଗ୍ ଜାଇପାର୍‌ସି । ଆରି ସେ ମର୍‌ଲଗେ ବାଅଡ୍‌ସି । ଇଡିର୍ ବାଇବଇନିମନ୍‌ର୍ ସଙ୍ଗ୍ ମୁଞ୍ଚ ତାକେ ଜାଗ୍‌ଲିନି ।

୧୨ ବାଇ ଆପଲର୍ ବିସଇ ମୁଞ୍ଚ କଇଲିନି । ବିନ୍ ବିସ୍‌ବାସିମନ୍‌ର୍ ସଙ୍ଗ୍ ତମ୍‌କେ ବେଟ୍ ଅଇବାକେ ମୁଞ୍ଚ ତାକେ ବେସି ତର୍ ସାର୍‌ଦା କରାଇଲି, ମାତର୍ ସେ ଏବେ ଜିବାକେ ମୁଲ୍‌କେ ରାଜି ଅଏନାଇ । ପଟେ ସୁଜର୍ ମିଲ୍‌ଲେ ସେ ତମର୍‌ଟାନେ ଆଇସି ଆକା ।

**ସାରାସାରିର୍ କାତା**

୧୩ ତମେ ଜାଗରଡ୍ ରଇକରି ବିସ୍‌ବାସେ ଡାଁଟ୍ ରୁଆ । ବପୁ ଅଇକରି ସାଆସେ ରୁଆ । ୧୪ ତମେ କର୍‌ବା ସବୁ କାମ୍ ଆଲାଦେ ସାରାଇବାରୁ ଆଟେ ।

✨ ୧୫:୫୧ ୧୫:୫୧ ୧ମ ତେସଲନିକିୟ ୪:୧୫-୧୭ ✨ ୧୭:୧ ୧୭:୧ ରମିୟ ୧୫:୨୫,୨୬ ✨ ୧୭:୫ ୧୭:୫ ପେରିଡ୍ ୧୯:୨୧ ✨ ୧୭:୮ ୧୭:୮ ପେରିଡ୍ ୧୯:୮-୧୦ ✨ ୧୭:୧୦ ୧୭:୧୦ ୧ମ କରନ୍ତିୟ ୪:୧୭

୧୫ ☆ଏ ବାଇମନ୍, ତମେ ତିପାନ୍ ଆରି ତାର କୁଟୁମ୍ ବିସଇ ଜାନାସ୍ । ସେମନ୍ ଆକାୟାର୍ ପରତୁମ୍ ବିସ୍ବାସିମନ୍ ଆରି ପରମେସରର୍ ଲକ୍ମନର୍ ସେବାଇ ନିଜେ ସର୍ପି ଅଇଲାଇ ଆଚଡ୍ । ଏ ବାଇବଇନିମନ୍ ମୁଇ ତମ୍ବେ ବାବୁଜିଆ କଲିନି, ୧୬ ଏନ୍ତାରି ଦାଇଡ୍ ନେବା ଲକ୍ମନର୍ ତଲିଆ ରୁଆ । ଆରି ସେମନର୍ ସଙ୍ଗ୍ ସେବା କରବା ଲକ୍ମନର୍ ତଲିଆ ଉଆ ।

୧୬ ତିପାନା, ପରତୁନାଡ୍ ଆରି ଆକାଇ ଇତି ଆଇଲାକେ ମୁଇ ବେସି ସାର୍ଦା ଅଇଲିନି । କାଇକେବଇଲେ ତମେ ନ ରଇଲେ ମିସା ସେମନ୍ ତମର୍ ଜାଗାଇ ରଇଲା ପାରା । ୧୭ ତମ୍ବେ ଜେନ୍ତି ସାର୍ଦା କରାଇଲାଇ, ମକେ ମିସା ସେନ୍ତି ସାର୍ଦା କରାଇଲାଇ । ଏନ୍ତାରି ଲକ୍ମନ୍କେ ନାମବାର୍ ଆଚେ ।

୧୯ ☆ଆସିଆ ଦେସର୍ ମଣ୍ଡଲିମନ୍ ତମ୍ବେ ଜୁଆର୍ ଜାନାଇଲାଇନି । ଆକିଲା, ପିରିସ୍କିଲା ଆରି ସେମନର୍ ଗରେ ଉପାସନା କରତେରଇବା ମଣ୍ଡଲି ମାପୁରୁର୍ ନାଉଁ ଦାରି ତମ୍ବେ ତାକର୍ ମନ୍ ବିଡ୍ରେ ଅନି ଜୁଆର୍ ଜାନାଇଲାଇନି ।

୨୦ ଇତିର୍ ବାଇବଇନିମନ୍ ସବୁ ତମ୍ବେ ଜୁଆର୍ ଜାନାଇଲାଇନି । ତମର୍ ତମର୍ ବିଡ୍ରେ ଆଚେ ଦାରାଦାରି ଅଇ କିରିସ୍ଟର୍ ଆଲାଦେ ସାଲାମ୍ କରି ଜୁଆର୍ବେଟ୍ ଉଆ ।

୨୧ ମୁଇ ପାଉଲ୍, ଏଡକିସେ ଲେକି ଜୁଆର୍ ଜାନାଇଲିନି ।

୨୨ ଜଦି କେ ମାପୁରୁକେ ଲାଡ୍ ନ କରେ, ସେ ଅବିସାପ୍ ପାଅ । ମାରାନାତା, ଆମର୍ ମାପୁରୁ ଆସ ।

୨୩ ମାପୁରୁ ଜିସୁର୍ ଜିବନ୍ ଦୁକାନି ତମର୍ଟାନେ ରଅ ।

୨୪ କିରିସ୍ଟ ଜିସୁକିରିସ୍ଟର୍ ସଙ୍ଗ୍ ମିସିରଇବା ସବୁକେ ମର୍ ଆଲାଦ୍ ରଅ ।

# କରକ୍ରିୟା ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ଦ୍ୱିତୀୟ ପତ୍ର କରକ୍ରିୟା ମଣ୍ଡଳୀର ଲକ୍ଷ୍ମଣଗଣାନେ ପାଉଲ୍ ଦୁଇପାଲି ଚିଠି ଲେଖିଲାଟା

## ଏ ବଇ ବିସଇନେଇକରି ଜାନ୍‌ବାଟା

୨ ଯୁ କରକ୍ରିୟା ଜିସୁ କିରିସ୍ଟ ଜନମକରି ଲଗାଲଗି ୫୫-୫୭ ପତେ ପେରିଡ଼ ପାଉଲ୍ ଲେକିରଇଲା । ୧:୧ ଆମରଗାନେ ରଇଲା କରକ୍ରିୟା ମଣ୍ଡଳୀକେ ଲେକାଅଇରଇବା ଚିଠି ବିଡ଼ରେଅନି ଏଟା ଅଇଲାନି ପାଉଲ୍‌ର ଦୁଇ ଲମ୍ଫ ଚିଠି । ଆର୍ ଆଗତୁ ପାଉଲ୍ କରକ୍ରିୟା ମଣ୍ଡଳୀକେ ରିସାଅଇ ଲାଗିକରି ଚିଠି ଲେକିରଇଲା ବଲିକରି ପଣ୍ଡିତମନ୍ ବିସ୍‌ବାସ୍ କରବାଇ । ୨:୩-୪ପଦେ ଏଟା ଜାନାଇଲାନି । ସେ ସମାନ୍ ଚିଠି କାଇଟାମିସା ଆମରଗାନେ ନାଇ ।

ପାଉଲ୍ ମାକିଦନିଆଇ ରଇଲା ବେଲେସେ ୨ ଯୁ କରକ୍ରିୟା ଲେକିରଇଲା ୨:୧୩ ୨ ଯୁ କରକ୍ରିୟା ପାରା ଚିଠି ଆରି ନାଇ । ସେଟା ନିଜର୍ ପାଇସେ ଆରି ସାର୍‌ଦାର୍ ପାଇସେ ଆଟେ । ଡିଡସର୍ ଟାନେଅନି କରକ୍ରିୟା ମଣ୍ଡଳୀର୍ ସବୁ ନିକ ବିସଇ ସୁନି କରି ପାଉଲ୍ ସାର୍‌ଦା ଜାନାଇଲାନି । ଏ ଚିଠିଟାନେ ନୁଆ ନିୟମର୍ ଦାନ୍ ଦେବା ବିସଇ ସିକିଆ ପାଇବାର୍ ଅଇସି । ଏ ପାକୁଡାଇ ପାଉଲ୍ ଜିରୁସାଲମର୍ ବିସ୍‌ବାସିମନ୍‌କେ ସାଇଜର୍ ପାଇ ବଲି ତାରୁ ଉଟାଇବାକେ ଆଦେସ୍ ଦେଲାନି ୮:୯ । ଆରି ମିସା ଏଟା ଜାନାଇଲାନିଜେ, ମଣ୍ଡଳୀ ବାଇରେ ରଇକରି କେତେଟା ମିରୁଆ ପେରିଡ଼ମନ୍ ସେମନ୍ ନିଜେ ଉପରେ ଉଟୁ ବଲି ପାଉଲ୍‌ର ବିରୁଦେ ଉଟୁଲାଇନି । ସେମନ୍ କେତେଟା ମଣ୍ଡଳୀର୍ ନିକ ନିକ ଲକ୍ଷ୍ମଣକେ ତାକର୍ ତାକର୍ ବିଡ଼ରେ ଜୁଜାଇଲାଇନି । ସେମନ୍ ପାଉଲ୍‌ର ଅଦିକାରକେ ସଡ଼ କି ମିଟ୍ ବଲି ବାବ୍‌ଡେରଇଲାଇ । ଜନ୍‌ଗାର୍ ପାଇ କି ୨ ଯୁ କରକ୍ରିୟା ସାରାସାରିବାଟେ ମୁଇ ନିଜେ ଗଟେକ୍ ଜିସୁକିରିସ୍ଟର୍ ଅଦିକାରର୍ ପେରିଡ଼ ଅଇଆଟି ବଲି ତାଟ୍ ସଙ୍ଗ୍ ଦେକାଇଲା ।

### ଇଟି ରଇବାଟା

- ୧. ପାଉଲ୍ ଚିଠି ଲେଖିବାକେ ଆରାମ୍ କରବା ଆଗତୁ ଜୁଆର୍ ଜାନାଇଲାନି । ୧:୧-୭
- ୨. ପାଉଲ୍ ସେ ଜିବାକେ ତିଆର୍‌ଅଇଲାଟା ବାଦ୍‌ଲାଇଲା ଆରି ସେମନ୍‌ର ସୁନିରଇବା କାତା ବିସଇ ସେମନ୍‌କେ ଜବାବ୍ ଦେବାଟା ୧:୮-୭:୧୭
- ୩. ପାଉଲ୍ ଜିରୁସାଲମେ ରଇବା ବିସ୍‌ବାସିମନ୍‌ର ପାଇ ଦାନ୍ ଉଟାଇବାକେ ଆଦେସ୍ ଦେବାଟା । ୧:୮-୯:୧୫
- ୪. ସାରାସାରିବେଲେ ପାଉଲ୍ ପେରିଡ଼ ପଦକେ ରକିଆ କରବାଟା ଆରି ଆରିତରେକ୍ ଜିବାକେ ଜାଗରଡ଼ ଅଇବାଟା । ୧୦:୧-୧୩:୧୦

୧ \*ମୁଇ ପାଉଲ୍, ପର୍‌ମେସରର୍ ମନ୍ କଲା ଇସାବେ କିରିସ୍ଟ ଜିସୁର୍ ଗଟେକ୍ ପେରିଡ଼ ସିସ୍ ବାଟାଇଅଇଲିଆଟି ।

ମୁଇ ଆରି ଆମର୍ ବାଇ ତିମତି ଆରି କରକ୍ରିୟାଟାନେ ରଇବା ପର୍‌ମେସରର୍ ଗୁଲାଇ ମଣ୍ଡଳୀମନ୍‌କେ ଆରି ଆକାଇଆଟାନେ ରଇବା ସବୁ ପର୍‌ମେସରର୍ ଲକ୍ଷ୍ମଣକେ, ଏ ଚିଠି ଲେଖିଲୁନି । ୨ ଆମର୍ ବାବା ପର୍‌ମେସର ଆରି ମାପୁରୁ ଜିସୁର୍ ଟାନେଅନି ଜିବନ୍ ଦୁକାଇଲାଟା ଆରି ସାନ୍ତି ତମ୍‌କେ ଅ ।

### ପର୍‌ମେସରକେ ପାଉଲ୍‌ର ଦନିଅବାଦ୍

୩ ଆମର୍ ମାପୁରୁ ଜିସୁ କିରିସ୍ଟର୍ ବାବା ପର୍‌ମେସରକେ ଦନିଅବାଦ୍ ଦେଉଁ । ସେ ଆମର୍ ଦୟାକାରିଆ ବାବା ଆରି ଜାର୍ ଟାନେଅନି କି ଆମ୍‌କେ ସବୁ ବିସଇର୍ ସାଇଜ ଆଇସି । ୪ ସେ ଆମ୍‌କେ ସବୁ ଦୁକ୍ କସ୍‌ଟ ଆଇଲେ ସାଇଜ କରସି । ସେନ୍ତାରିସେ ବିନ୍ ବିନ୍ ରକାମର୍ କସ୍‌ଟ ପାଇଡେରଇବା ଲକ୍ଷ୍ମଣକେ ଆମେ ଜେନ୍ତି ଦୁକ୍ ସାରାଇବୁ । ପର୍‌ମେସର ଟାନେଅନି ଜନ୍ ସାଇଜ ଆମେ ପାଇଲୁଆରୁ, ସେ ସାଇଜର୍ ଲାଗି, ଆମେ ମିସା ବିନ୍ ଲକ୍ଷ୍ମଣକେ ସାଇଜ କରୁ । ୫ କାଇକେବଇଲେ ଜେନ୍ତିକି କିରିସ୍ଟର୍‌ଡେଇ ମିସ୍‌ଲାର୍‌ପାଇ ଆମର୍ ଦୁକ୍, କସ୍‌ଟ ଅଦିକ୍ ଅଦିକ୍ ଅଇଆଟେ, ସେନ୍ତାରିସେ କିରିସ୍ଟର୍ ଲାଗି ଆମର୍ ଦୁକ୍ ସାରାଇବାଟା ମିସା ଅଦିକ୍ ଅଦିକ୍ ଅଇଲାନି । ୬ ମାତର୍ ଆମ୍‌କେ ଦୁକ୍ କସ୍‌ଟ ଅଇଲେ, ସେଟା ତମର୍ ଦୁକ୍ ସାରାଇବାକେ ଆରି ନ ସାର୍‌ବା ଜିବନ୍ ପାଇବାକେ । ସେନ୍ତାରିସେ ଜେଡେବେଲେ ଆମେ ପର୍‌ମେସରର୍ ଟାନେଅନି ସାଇଜ ମିଲାଇବୁ, ସେଟା ତମର୍‌ପାଇ ମିସା ସାଇଜ ମିଲୁଲା ପାରା । ଏନ୍ତାରି ସେ ତମର୍ ବିସ୍‌ବାସ୍ କରବାଟା ତାଟ୍ କରାଇସି, ଜେନ୍ତିକି ଆମେ ଦୁକ୍‌କସ୍‌ଟ ଆଇଲେ ମିସା ମୁର୍ଚି କରି ଆରୁ, ସେନ୍ତାରି ଦୁକ୍ କସ୍‌ଟ ଆଇଲେ ତମେ ମିସା ମୁର୍ଚି କରି ରଇପାରାସ୍ । ୭ ଏଟାର୍‌ଲାଗି ତମର୍‌ଟାନେ ଆସା କରବାଟା ତାଟ୍

\* ୧:୧ ୧:୧ ପେରିଡ଼ ୧୮:୧



ଅଇଲାଆଚେ । କାଇକେବଇଲେ, ଆମେ ଜାନିଆରୁ, ଆମକେ ଦୁକ୍ କସଟ ଆଇଲେ ମିସା ମୁରଚିକରି ଆରୁ, ତମେ ମିସା ସେନ୍ତାରି ମୁରଚିକରି ଆଚାସ । ଜେନ୍ତାରି କି ପରମେସର୍ ଟାନେଅନି ଆମେ ସାଇଜ ମିଲାଇଆରୁ । ସେନ୍ତାରିସେ ତମେ ମିସା ସାଇଜ ମିଲାଇଆଚାସ ।

୮ \*କାଇକେ ବଇଲେ, ଏ ବାଇବଇନିମନ୍, ଆସିଆ ରାଇଜେ ଆମକେ ଅଇରଇବା ବଡ଼ ଦୁକ୍ କସଟ ବିସଇ ତମେ ଜାନିରୁଆ ବଲି ଆମେ ମନ୍ କଲୁନି । ମୁରଚି ନାପାରଲା ବଡ଼ ପରିକା ଆଇଲା । ଏନ୍ତାରି କି ଆମେ ଆରି ନ ରଇକରି ମରିଜିବାର୍ ଅଇସିବେ ବଲି ବାବ୍ତେରଇଲୁ । ୯ ଓଁ, ଆମକେ ମରନ୍ ଆସି ଡାବିଅଇରଇଲା । ମାତର୍ ନିଜର୍ ନିଜର୍ ଉପରେ ଆସା ନ କରି, ଜନ୍ ପରମେସର୍ ମଲା ଲକ୍ମନ୍କେ ଉଟାଇସି, ତାର ଉପରେ ଆସା କର୍ବାକେ ଏ ସବୁ ଅଇଲା । ୧୦ ସେ ଆମକେ ମରନ୍ଟାନେ ଅନି ବଟାଇଲା । ସେଟାରପାଇ ଆମେ ରକିଆ ପାଇଲୁ । ମରନ୍ ରଇଲା ଆକା, ମାତର୍ ମରୁନାଇ । ଆରି ସେ ଆମକେ ସାଇଜ କରତେରଇସି ଆକା ବଲି ଜାନିଆରୁ । ଆମକେ ବଡ଼ ଆସା ଆଚେ ଜେ, ସେ ଆମକେ ସାଇଜ କର୍ବାଟା କେବେ ନ ତେବାଏ । ୧୧ ତମେ ଆମର୍ ପାଇ ପାର୍ତନା କରି ଆମକେ ସାଇଜ କର୍ବାର୍ ଆଚେ । ସେନ୍ତାରି କଲେ ପରମେସର୍ ସବୁ ପାର୍ତନାଇ ମାଙ୍ଗ୍ଲାଟା ପାଟାଇସି । ଆରି ବେସି ଲକ୍ ପରମେସର୍କେ ଦନିଆବାଦ୍ ଦେବାଇ । କାଇକେବଇଲେ ସେ ଆମକେ ଆସିର୍ବାଦ୍ କଲାଆଚେ ।

**ପାଉଲ୍ ଜଜନା କଲାଟା ବାଦ୍ଲାଇଲା**

୧୨ ବାଇମନ୍ ଆମେ ବଡ଼ପନ୍ ଅଇକରି କଇବା ଗଟେକ୍ କାତା ଆଚେ । ସେଟା ଆମେ ସଡ଼ ବଲି ଜାନ୍ଲୁନି ଆରି ସେଟା ଅଇଲାନି, । ସବୁଲକର୍ଟାନେ ଆରି, ତମର୍ଟାନେ ମିସା ଆମର୍ ଚଲାଚଲ୍ତି ସୁକଲ୍ ଆରି ଦରମ୍ ଆଚେ । ଏଟା ଆମର୍ ବିବେକ୍ ସାକି ଦେଲାନି । ଲକ୍ମନ୍ ଗିଆନ୍ ଇସାବେ ଆମେ କରୁନାଇ, ମାତର୍ ପରମେସରର୍ ଜିବନ୍ ଦୁକାଇଲା ବପୁର୍ ସଙ୍ଗ୍ ଏ ସବୁଜାକ କଲୁନି । ୧୩ କାଇକେ ବଇଲେ, ଆମେ ଚିଟି ପାଟାଇଲା ବେଲେ ତମେ ଜାଇଜାଇଟା ପଡ଼ିକରି ବୁଜିପାରାସ, ସେଟାସେ ଲେକି ପାଟାଇଲୁନି । ୧୪ ଏବେ ଆମେ ଜାଇଟା କଲୁନି, ସେ ବିସଇ ତମେ ଅଲପ୍ ଅଲପ୍ ବୁଜ୍ଲାସ୍ନି । ମାତର୍ ମୁଇ ଆସା କଲିନି, ସେଟା ତମେ ପୁରାପୁରୁନ୍ ବୁଜି ପାରସା । ଜେନ୍ତାରି କି, ଆମର୍ ମାପୁରୁ ଜିସୁ ବାଉଡ଼ଲା ଦିନେ, ତମେ ଆମର୍ ଲାଗି ସାର୍ଦା କର୍ସା, ସେନ୍ତାରିସେ ଆମେ ମିସା ତମର୍ଲାଗି ସାର୍ଦା କର୍ବୁ ।

୧୫ ଏଟା ସବୁ ତମେ ବୁଜି ପାରସା, ସେଟା ଜାନିକରି ମୁଇ ତମର୍ଟାନେ ବୁଲିଆଇବି ବଲି ମନ୍କଲି । ଜେନ୍ତାରି କି ମୁଇ ତମକେ ଦୁଇତର୍ ସାଇଜ କରିପାରବି । ୧୬ \*କାଇକେବଇଲେ ମୁଇ ମାକିଦନିଆଇ ଜିବାବାଟେ ତମର୍ଟାନେ ଆସି ରଇବି ବଲି ମନ୍କଲି । ଆରି ମୁଇ ଗରେ ବାଅଡ଼ବାବେଲେ ଆରିତରେକ୍ ତମର୍ଟାନେ ତେବ୍ବି ବଲି ମନ୍ କଲି । କାଇକେବଇଲେ ମୁଇ ଜେବେ ଜିଉଦା ଦେସେ ଜିବାକେ ବାରଇବି, ସେ ବେଲେ ତମେ ମକେ ସାଇଜ କରି ପାରାସ । ୧୭ ତେବେ ମୁଇ ଏନ୍ତାରି ମନ୍ କଲାକେ ମକେ ତମେ ଦୁଇ ମନିଆ ଲକ୍ ବଲି ବାବ୍ଲାସ୍ନି କାଇକି । ନିଜର୍ ମନ୍ କଲା ଇସାବେ ଚିନ୍ତା କର୍ବା ଗଟେକ୍ ଲକ୍ମନ୍ପାରା ତମେ ମକେ ବାବ୍ଲାସ୍ କାଇକି । ମୁଇ ଆଇବି ବଲି କଇଲେ ମିସା ତମର୍ ମନେ ସେ ନ ଆସେ, ବଲି ବାବ୍ଲାସ୍ କାଇକି । ୧୮ ଜଦି ପରମେସର୍ କଇବାଟା ସଡ଼, ସେନ୍ତାରି ଆଲେ ମୁଇ କଇବାଟା ମିସା ସଡ଼ ସେ । ଏକାବେଲେ ଓଁ ଆରି ନାଇ ବଲି, ନ କଇ । ୧୯ \*ମୁଇ, ସିଲାନ୍ ଆରି ତିମତି, ପରମେସରର୍ ପଅ ଜେ କି କିରିସ୍ଟ ଜିସୁ, ତାର୍ ବିସଇନେଇ ତମକେ ଜାନାଇରଇଲୁ । ସେ ଓଁ ଆରି ନାଇ, ବଲି କଇବା ଦୁଇ ମନିଆ ଲକ୍ ନଏ । ୨୦ ତାର୍ଲାଗି ପରମେସର୍ ଓଁ ବଲି, କଇରଇବାଟା, ସବୁଜାକ ପୁରାପୁରୁନ୍ କର୍ସି । ସେଟାରପାଇ ଜିସୁକିରିସ୍ଟକେ ଆମେ ଆମେନ୍ ବଲି, କଇବାଟା ପରମେସରର୍ ମଇମା ପାଇ ଅଇସି । ୨୧ ତମକେ ଆରି ଆମକେ ଜିସୁକିରିସ୍ଟତେଇ ମିସିରଇବାକେ ଆଇବା ତାଟ୍ ବିସ୍ବାସ୍ ଆନ୍ବାଟା, ପରମେସର୍ ସେ । ଆରି ସେ ଆମକେ ବାଟ୍ଲା ଆଚେ । ୨୨ ଆମେ ତାର୍ଟା ବଲି ଜାନ୍ବାକେ ସେ ଆମକେ ତାର୍ ଚିନ୍ ମାରଲା ଆଚେ ଆରି ସୁକଲ୍ଆଡ଼ମା ଆମର୍ ବିଡ଼ରେ ଦାନ୍ କଲା ଆଚେ । ପରମେସର୍ ଆମର୍ପାଇ ଜେଡ଼କି ବିସଇ ସଙ୍ଗାଇଆଚେ, ସେ ଆଡ଼ମାର୍ ଲାଗି ଆମେ ସେଟା ସବୁ ପାଇବୁ ବଲି ଜାନ୍ଲୁନି ।

୨୩ ଜଦି ମୁଇ କଇବାଟା ସଡ଼ ନାଇ, ସେନ୍ତାରିଆଲେ ପରମେସର୍ ମକେ ଡଣ୍ଡ ଦେଅ । ମୁଇ କରନ୍ତିଅତେଇ ବୁଲି ଆଇବାକେ କାଇକେ ଅଏ ନାଇ ବଲି ସେ ଜାନେ । ମୁଇ ତେଇ ଆଇଲେ, ତମର୍ ଚଲାଚଲ୍ତିର୍ ବୁଲ୍ଟିକ୍ ଦେକ୍ଲେ, ତମେ ଦୁକ୍ କର୍ତାସ । ୨୪ ତମେ କନ୍ଟା ମାନ୍ବାର୍ ଆଚେ, କନ୍ଟା ନାଇ, ସେଟା ଆଦେସ୍ ଦେବାକେ ଆମେ ମନ୍ କରୁନାଇ । କାଇକେବଇଲେ, ତମର୍ ବିସବାସ୍ ତାଟ୍ ଅଇଗାଲା ଆଚେ । ତମର୍ ସଙ୍ଗ୍ ମିସିକରି କାମ୍ କର୍ବାକେ ଆମେ ମନ୍ କଲୁନି । ଜେନ୍ତାରିକି ତମେ ସାର୍ଦା ଅଇସା ।

\* ୧:୮ ୧:୮ ୧ମ କରନ୍ତିୟ ୧୫:୩୨ \* ୧:୧୭ ୧:୧୭ ପେରିଡ଼ ୧୯:୨୧ \* ୧:୧୯ ୧:୧୯ ପେରିଡ଼ ୧୮:୫

### ୨

୧୧ ମାତର ମୁଞ୍ଚ ଆଗତୁ ଆଇଲା ବେଲେ ଜେନ୍ତୁକି ତମକେ ଦୁକ୍ ଦେଲି, ସେନ୍ତୁ ଆରିତରେକ୍ ଦୁକ୍ ଦେବାରୁ ଆଲେ ନ ଆସି ବଲି ବାବତେ ରଇଲି । ୨ ଜଦି ମୁଞ୍ଚ ତମକେ ଦୁକ୍ ଦେବି, ତେବେ କେ ମକେ ସାରଦା କରାଇବାଇ ? ଜନ୍ ଲକ୍ କେ ମୁଞ୍ଚ ଦୁକ୍ ଦେଇରଇଲି, ସେ ସମାନ୍ ଲକ୍ ତମେ ଆକା । ୩ ସେଟାରପାଇ ମୁଞ୍ଚ ତମକେ ଚିଟି ଲେକିରଇଲି । ଜନ୍ ଲକ୍ ମନ ମକେ ସାରଦା କରାଇବାରୁ ଆଟେ, ମୁଞ୍ଚ ଆଇଲେ ସେମନ୍ ସେ ମକେ ଦୁକ୍ ଦେଅଡ଼ ବଲି ମନ୍ କରିନାଇ । ମୁଞ୍ଚ ଜାନି, ମୁଞ୍ଚ ସାରଦା ଅଇକରି ରଇଲେ, ତମେ ମିସା ସବୁଲକ୍ ସାରଦା ଅଇରଇସା । ୪ ମୁଞ୍ଚ ମନେ ମନେ ବେସି ଦୁକ୍ କସ୍ ଅଇକରି ଆରି ମନେ ମନେ କାନ୍ଦି ଆସୁଜରାଇ କରି ଲେକି ରଇଲି, ଜେନ୍ତୁକି ତମେ ଦୁକ୍ ଅଇରୁଆ ବଲିକରି ମୁଞ୍ଚ ବାବିନାଇ । କାଇକେବଇଲେ ମୁଞ୍ଚ ତମକେ ବେସି ଆଲାଦ୍ କଲିନି । ଏଟା ଜେନ୍ତୁକି ତମେ ଜାନିରୁଆ ।

#### ଦସିକେ କେମା ଦେବାଟା

୫ ଏବେ ତମର ବିତ୍ତରେ ଜେ ପାପ୍ କରି ତମକେ ଦୁକ୍ ଦେଲା ଆଟେ, ସେ ଅବକା ମକେ ଦୁକ୍ ଦେଏନାଇ, ମାତର ତମକେ ସବୁକେ ଦୁକ୍ ଦେଲାଆଟେ । ସବୁକେ ନଇଲେ ମିସା, କେତେଲକ୍ କେ ଦେଇଆଟେ । ତାର ପାପ୍ କଲାଟା ଅଦିକ୍ ବଡ଼ ଅଇକରି ତିସ ବଲି ମୁଞ୍ଚ ମନ କରିନାଇ । ୬ ତମର ବିତ୍ତରେ ଜବର ଲକ୍ ତାକେ ଡଣ୍ଡ ଦେଲାଇ ଆଟଡ଼ । ଆରି ସେମନ୍ ତାକେ ଦେଇରଇବା ଡଣ୍ଡ ତାରପାଇ ଅଇଜାଇସି । ୭ ଏବେ ତମେ ତାକେ କେମା ଦେଇକରି ସାଆସ୍ ଦେବାରୁ ଆଟେ । ସେନ୍ତାରି ନ କଲେ, ସେ ବେସି ଦୁକ୍ ଅଇକରି ତାର ମନ୍ ବାଙ୍ଗିଜାଇସି । ୮ ସେଟାରପାଇ ତାକେ ଆରିତରେକ୍ ଆଲାଦ୍ କରା ବଲି ମୁଞ୍ଚ ତମକେ ବାବୁଜିଆ କଲିନି । ୯ କାଇକେବଇଲେ ତମେ ବିସ୍ ବାସର୍ ପରିକାତେଇ ତାଟୁଅଇ ରଇଲାସ୍ କି ନାଇ, ଆରି ତମେ ମର୍ ଆଦେସ୍ ମାନଲାସ୍ କି ନାଇ ବଲି ଜାନିବାକେ ମୁଞ୍ଚ ତମକେ ଆଗତୁରୁ ସେ ଚିଟି ଲେକିରଇଲି ।

୧୦ ଜେତେବେଲେ ମିସା ତମେ ସେ କରିରଇବା କାମର୍ ପାଇ ତାକେ କେମା କରସା, ତେବେ ମୁଞ୍ଚମିସା ତାକେ କେମା କରବି, ଜଦି କାଇଟା ମିସା ମୁଞ୍ଚ କରବାରୁ ରଇଲା, ତମରପାଇ ମୁଞ୍ଚ କିରିସ୍ ଟର୍ ମୁଆଟେ ସେମନ୍ କେ କେମା ଦେଇସାରାଇ ଆଟି । ୧୧ ଜେନ୍ତୁକି ସଇତାନ୍, ଆମର୍ ଉପରେ ଜିତି ନାପାରେ, କାଇକେବଇଲେ, ସେ କରିରଇବା ସବୁ ଜନ୍ନା ଆମେ ଜାନିଲୁନି ।

୧୨ \*କିସ୍ ଟର୍ ସୁବକବର୍ ଜାନାଇବାକେ ମୁଞ୍ଚ ଜେତେବେଲେ ଆଇଲି, ତରୁଆୟାଇ ସେବା କାମର୍ପାଇ ମାପୁରୁ ବାଟ୍ ମେଲାଅଇଆଟେ ବଲି ମୁ ଜାନି ପାରୁଲି । ୧୩ ମାତର ଆମର୍ ବାଇ ତିତସକେ ବେଟ୍ ନ ଅଇଲି ଜେ ମର୍ ମନେ ମନେ ବେସି ଚିନ୍ତା ରଇଗାଲା । ତେବର୍ ପାଇ ମୁଞ୍ଚ ତେଇର୍ ଲକ୍ ମନକେ ଗାଲିନିବେ ବଲି ତେଇଅନି ମାକିଦନିଆଇ ଉଟିଗାଲି ।

#### ଜିସୁର ଲାଗି ଜିତ୍ ବାଟା

୧୪ ମାତର ପର୍ମେସର୍ ଦନିଅବାଦ୍ ପାଅ । କିରିସ୍ ଟେଇ ମିସିରଇଲାରପାଇ ତାର ଜିତ୍ ଲା ଦଲର୍ ଦାଡିତେଇ ବନ୍ଦି ଲକ୍ ଇସାବେ ପର୍ମେସର୍ ଆମକେ ସବୁବେଲେ ଡାକିନେଲାନି । ସବୁଲକ୍ କେ କିରିସ୍ ଟର୍ ବିସଇ ଜାନାଇବାକେ ସେ ଆମର୍ ଦେଇକରି କାମ୍ କଲାନି । ଜନ୍ନା କି ଦୁପ୍ ପାରା ସବୁ ଜାଗାଇ ବାସନା ମାରସି । ୧୫ କାଇକେବଇଲେ ଆମେ କିରିସ୍ ଟର୍ ପର୍ମେସର୍ କେ ପଡ଼ାଇ ଦେଇତେରଇବା ଦୁପ୍ ପାରା ଆତୁ । ଆମେ ଜାନାଇତେରଇବା ସୁବକବର୍ ଗଟେକ୍ ସୁନ୍ଦର୍ ବାସନା ପାରା ସବୁଲକ୍ କେ ଗାଲାନି । ଗଟେକ୍ ବାଟର୍ ଲକ୍ ମନ ଆଜିଗାଲାଜନି, ଆରି ଗଟେକ୍ ବାଟର୍ ଲକ୍ ମନ ରକିଆ ପାଇଲାଜନି । ୧୬ ଜନ୍ ବାଟର୍ ଲକ୍ ମନ ଆଜିଗାଲାଜନି, ସେମନ୍ ପାଇ ସେଟା ଗନ୍ । ଆରି ସେଟା ମର୍ ବାଟେ ଡାକିନେଇସି । ମାତର ଜନ୍ ବାଟର୍ ଲକ୍ ରକିଆ ପାଇଲାଜନି, ସେଟା ସେମନ୍ କେ ସୁନ୍ଦର୍ ବାସନା । ଆରି ସେଟା ନ ସାରବା ଜିବନ୍ ତେଇ ଡାକିନେଇସି । ଏ ଆବଡ଼ କାମ୍ କେ ମିସା କରି ନାପାରଡ଼ । ୧୭ କେତେକ୍ ଲକ୍ ମନ ପର୍ମେସର୍ ବାକିଅ ବେବାରୁ କର୍ତେତେରଇବା ଜିନିସ୍ ପାରା ବାଇବାଇ, ମାତର ଆମେ ସେନ୍ତାରି ନାଇ । କାଇକେବଇଲେ ପର୍ମେସର୍ ଆମକେ ପାଟାଇଆଟେ । କିରିସ୍ ଟର୍ ଗତିଦାଙ୍ଗ୍ ଇସାବେ, ଆମେ ତାର ମୁଆଟେ ସଡ଼ ବାକିଅ ଜାନାଇବୁ ।

### ୩

#### ନୁଆ ନିୟମର୍ ଗତି

୧ ଆମେ ଆରିତରେକ୍ ନିଜକେ ଉପର୍ କେ ଉଟାଇବା କାତା କଇଲୁନି ବଲି ତମେ କୁଆ ନାଇ । ଆମେ ତେଇ ରଇବା କେତେଟା ଦରମ୍ ଗୁରୁମନର୍ ପାରା ନାଇ । ବିନ୍ ଲକ୍ ତେଇଅନି ଏ ଲକ୍ ନିକଟା ବଲି ଚିଟି ଆନଲେ, ତମେ ସେମନ୍ କେ ଡାକି ନେଇସା, ଆରି ତମର୍ ଜାଗା ଚାଡ଼ିକରି ଗାଲେ, ଏ ଲକ୍ ନିକଟା ବଲିକରି ତମର୍ ଟାନେଅନି ଏମନ୍ ଚିଟି ମାଙ୍ଗ୍ ବାଇ । ଆମକେ ସେନ୍ତାରି ଚିଟି ଦର୍କାର ନାଇ । ୨ ତମେ ସେ ଆମର୍ ମନ୍ ବିତ୍ତରେ ଲେକିଅଇ ରଇବା ଚିଟି । ସବୁ ଲକ୍ ତମକେ ଦେକ୍ ବାଇ ଆରି ତମର୍ ଚଲାଟଲ୍ ଡି

☆ ୨:୧୨ ୨:୧୨ ପେରିଡ଼ ୨୦:୧

ଜାନ୍‌ବାଇ । ୩ କିରିସ୍ତ ଥାମ୍‌କେ ଏ ଚିତି ଲେକ୍‌ଲା ଆତେ । ଏଟା ସିରା ସଙ୍ଗ୍ ଲେକା ଅଏନାଇ, ମାତର୍ ଜିବନ୍ ରଇବା ପର୍‌ମେସର୍‌ର ଆତ୍‌ମା ସଙ୍ଗ୍ ଲେକାଅଇଆତେ । ଏଟା ପାକ୍‌ନାଇ ଲେକା ନ ଅଇକରି ଲକ୍‌ମନର୍ ମନ୍‌ବିତ୍‌ରେ ଲେକାଅଇଆତେ ।

୪ ଆରି କିସ୍‌ଟର୍ ଲାଗି ପର୍‌ମେସର୍‌କେ ଆସା କରି ଆମେ ସାଆସ୍ ସଙ୍ଗ୍ କଇପାରୁଲୁନି । ୫ ଏ କାମ୍ ଆମେ ନିଜର୍ ବପୁ ସଙ୍ଗ୍ କରି ପାରୁ ବଲି କଉନାଇ । ପର୍‌ମେସର୍ ଆକା ଆମ୍‌କେ ବପୁ ଦେଇସି । ୬ ସେ ତା ଆମ୍‌କେ ବପୁ ଦେଲାଆତେ, ଜେନ୍ତୁକି ଆମେ ତାର ନୁଆ ରାଜିନାମା କଲାଟା ସବୁକେ ଜାନାଇ ପାରୁ । ସେଟା ଲେକ୍‌ଲା ନିୟମ୍ ନଏ, ମାତର୍ ତାର ଆତ୍‌ମାଇ ଅନି ଅଇଲାଟା । ଲେକ୍‌ଲା ନିୟମ୍ ମରନ୍ ଆନ୍‌ସି, ମାତର୍ ପର୍‌ମେସର୍‌ର ଆତ୍‌ମା ନ ସାରବା ଜିବନ୍ ଦେଇସି ।

୭ ମସାର ନିୟମ୍ ପର୍‌ତମେ ଚେପ୍‌ଟା ପାକ୍‌ନାଇ ଲେକା ଅଇରଇଲା ଆରି ସେ ନିୟମ୍ ଦେଲାବେଲେ ପର୍‌ମେସର୍‌ର ମଇମା ଡିସ୍‌ତେରଇଲା । ମସାର ମୁଏ ରଇଲା ସେ ମଇମା ଉନା ଉନା ଅଇଜାଇତେରଇଲା । ଅଇଲେ ମିସା ତାର ଉଜଲ୍‌ପାଇ ଇସ୍‌ରାଏଲ୍‌ର ଲକ୍‌ମନ୍ ତାର ମୁଏ ଆଁକି ସଙ୍ଗ୍ ନାପାର୍‌ତେରଇଲା । ଜଦି ପର୍‌ମେସର୍ ମରନ୍ ଆନ୍‌ବା ସେ ନିୟମ୍ ମଇମା ସଙ୍ଗ୍ ପାଟାଇରଇଲା, ଠ ତେବେ ପର୍‌ମେସର୍‌ର ଆତ୍‌ମାଇ ଅନି ଆଇବା ନୁଆ ରାଜିନାମା ଆରି କେତେକ୍ ଅଦିକ୍ ମଇମାସଙ୍ଗ୍ ରଇସି । ୮ ଲକ୍‌ମନ୍ ଡଣ୍ଡ ପାଇବାଇ ବଲି ଜାନାଇ ଅଇବା କାମ୍, ଜଦି ମଇମା ସଙ୍ଗ୍ ଆଇଲା, ତେବେ ଆମର୍ ସବୁ ପାପ୍ କେମା ଅଇଲାଆତେ ବଲି ଜାନାଇବା ବାକିଅ କେତେକ୍ ଅଦିକ୍ ମଇମା ଅଇରଇସି ? ୯ ପର୍‌ତୁମ୍ ନିୟମ୍ ମଇମା ବେସି ଉଜଲ୍ ରଇଲା, ମାତର୍ ଏବେ ନୁଆ ନିୟମ୍ ରାଜିନାମାର୍ ଲାଗି ପୁରନା ନିୟମ୍ ମଇମା ଉନାଅଇଗାଲା ଆତେ । ୧୦ ଜଦି ଆଗର୍ ପର୍‌ମାନ୍ ନିୟମ୍ ପାକାଇ କାତା ଦେଇରଇବାଟା ଚନେକ୍‌ପାଇ ଅଇଲେ ମିସା ମଇମାସଙ୍ଗ୍ ରଇଲା, ତେବେ ନୁଆ ପର୍‌ମାନ୍ ନିୟମ୍ ପାକାଇ ଦେଇରଇବାଟା, ଜନ୍‌ଟା କି କେବେ ନ ସାରେ, ସେଟା କେତେକ୍ ଅଦିକ୍ ମଇମା ସଙ୍ଗ୍ ରଇସି !

୧୧ ଆମ୍‌କେ ଏ ଆସା ରଇଲାକେ, ଆମେ ବେସି ସାଆସ୍ ସଙ୍ଗ୍ ଆତୁ । ୧୨ ଆମେ ମସାର ପାରା ନାଇ, ସେ ମୁ ତାବିଅଇ ରଇଲା । ଜେନ୍ତୁକି, ଲିବି ଆଇତେରଇବା ଆରି ଇସ୍‌ରାଏଲ୍‌ର ଲକ୍‌ମନ୍ ତେଇର୍ ମଇମା ଉନା ଅଇକରି ପୁରାପୁରନ୍ ଜିବାଟା ନ ଦେକ୍ । ୧୩ ସେବେଲେ ଇସ୍‌ରାଏଲ୍‌ର ଲକ୍‌ମନ୍ ନ ବୁଜ୍‌ତେରଇଲା, ତାକର୍ ମନ୍ ତାବ୍‌ଲା ପାରା ଅଇରଇଲା । ଆରି ସେମନ୍ ପୁରନା ରାଜିନାମାର୍ ବଇମନ୍ ପଡ୍‌ଲାକିନି ଜେ ଏବ୍‌କେ ଜାକ ବୁଜ୍‌ତ ନାଇ । ଜେତେବେଲେ ଜାକ ସେମନ୍ କିରିସ୍‌ଟ୍‌ତେଇ ନ ମିସି ରଅଡ୍, ସେ ବେଲା ଜାକ ତାକର୍ ମନର୍ ତାବ୍‌ନା ନ ବେଟି ଅଏ । ୧୪ ଏବେ ଜାକ ମିସା ସେମନ୍ ମସାର ନିୟମ୍ ପଡ୍‌ବାବେଲେ, ତାକର୍ ମନ୍ ସେନ୍ତୁ ତାବିସେ ଅଇରଇସି । ୧୫ ମାତର୍ ସାସ୍‌ତର୍ କଇଲାନି, “ଜଦି ଜେ ମାପୁରୁର୍ ବାଟେ ମନ୍ ବାଉଡାଇଲେ, ତାର ମନେ ତାବିଅଇ ରଇବାଟା ଉଗାଡି ଅଇସି ।” ୧୬ ଏ ଚିତିତେଇ ମାପୁରୁ ବଲି କଇବାଟା ଅଇଲାନି ଆତ୍‌ମା ଆରି ମାପୁରୁର୍ ଆତ୍‌ମା ଜନ୍ତୁ ମିସା ରଇଲେ, ତେଇ ଆମେ ମୁକ୍‌ଲି କରି ଆତୁ । ୧୭ ତେବେ ଆମେ ଜେଡ୍‌କି ଲକ୍ ସବୁ ମାପୁରୁକେ ବିସ୍‌ବାସ୍ କରିଆତୁ, ଆମର୍ ମୁଁ ତାବି ଅଏନାଇ । ପର୍‌ମେସର୍‌ର ବପୁ ଆରି ମଇମା ଦେକାଇଅଇବା ଗଟେକ୍ ଦର୍‌ପନ୍ ପାରା ଆମେ ଆତୁ । ଆମେ ତାର୍‌ପାରା ଅଇବା ଜାକ ଦିରେ ଦିରେ ବାଦ୍‌ଲାଇ ଅଇ ଆଇଲୁନି । ପର୍‌ମେସର୍‌ର ଆତ୍‌ମାସେ ଆମ୍‌କେ ବାଦ୍‌ଲାଇଲାନି ।

### ୪

#### ମାଟି ଆଣ୍ଡିତେଇ ସରଗର୍ ଦନ୍

୧ ପର୍‌ମେସର୍ ତାର ଜିବନ୍ ଦୁକାଇକରି ଆମ୍‌କେ ଏ ସେବାକାମ୍ ଦେଲାଆତେ । ସେଟାର୍‌ପାଇ, ଆମେ ବପୁ ନଇଲା ଲକ୍‌ର୍ ପାରା କାମ୍ କରୁନାଇ । ୨ ଆମେ ଲୁଚ୍‌ତେ ରଇବା କାମ୍ କି ଲାଜ୍ କରାଇବା କାମ୍ କରୁନାଇ । ଆମେ ଲକ୍‌ମନ୍‌କେ ନାତାଉ ନାଇ । ଆମେ ଜାନାଇତେରଇବା ମାପୁରୁର୍ ବାକିଅ ତେଇ ମିଟ୍ ସିକିଆ ମିସାଉ ନାଇ । ମାତର୍ ସବୁଲକ୍ ବୁଜ୍‌ଲାପାରା ସଡ୍ ସିକିଆ ଦେଲୁନି । ଜେନ୍ତୁର୍ କି, ମୁଇ କଇଲା ବାକିଅ ଲକ୍‌ମନ୍ ତାକର୍ ବିବେକ୍‌ଟାନ୍‌ନେ ସଡ୍ ବଲି ଜାନ୍‌ବାଇ । ଆମେ କର୍‌ବା ସବୁ କାମ୍ ପର୍‌ମେସର୍‌ର ମୁଆଟେ ଆତେ । ୩ ଜଦି ଆମେ ଜାନାଇବା ସୁବ୍‌କବର୍ ନ ବୁଜ୍‌ବା ଲକ୍ ଆତଡ୍, ସେନ୍ତୁର୍ ଆଲେ ସେମନ୍‌ସେ ଆଜିଜାଇରଇବା ଲକ୍ । ୪ ଏ ଜଗତର୍ କାରାପ୍ ସାସନ୍‌କାରିଆ ତାକର୍ ମନ୍ ଆନ୍‌ଦାର୍ କରି ଦେଇଆତେ ଜେ, ସେମନ୍ ବିସ୍‌ବାସ୍ କରଡ୍ ନାଇ । ଜନ୍ ଉଜଲ୍ ତାକର୍ ଉପ୍‌ରେ ଉଜଲ୍ ଦେଲାନି, ସେଟା ନ ଦେକ୍‌ବାକେ ସେ ଆଗ୍‌ଟିଦେଲାନି । କିରିସ୍‌ଟ୍‌ର ମଇମାର୍ ଉଜଲ୍ ତାର୍ ସୁବ୍‌କବରେଅନି ଆଇସି । କିରିସ୍‌ଟ୍ ସମାନ୍ ପର୍‌ମେସର୍‌ର ପାରାସେ ଆତେ । ୫ କାଇକେବଇଲେ ଆମେ ନିଜର୍ ବିସଇ ଜାନାଇ ଅଉନାଇ । ମାତର୍ ଜିସୁ କିରିସ୍‌ଟ୍ ଜେ କି ମାପୁରୁ, ତାର ବିସଇ ଜାନାଇଲୁନି । ଜିସୁର୍ ଲାଗି ତମର୍ ଗତିଦାଙ୍ଗ୍‌ତା ଇସାବେ ଆମେ ନିଜେ ଜାନାଇଅଇଲୁନି । ୬ ପର୍‌ମେସର୍ ଜେ କି କଇଲା “ଉଜଲ୍ ଆନ୍‌ଦାରେ ଅନି ଉଜଲ୍ ଦେଇସି ।” ସେ ସମାନ୍ ପର୍‌ମେସର୍ କିରିସ୍‌ଟ୍ ମୁଏ ଅନି ତାର୍ ଉଜଲ୍ ଆମର୍ ବିତ୍‌ରେ ଉଜଲ୍ କରାଇଲା । ଜେନ୍ତୁରି କି କିରିସ୍‌ଟ୍ ତେଇ ରଇବା ପର୍‌ମେସର୍‌ର ମଇମା, ଆମେ ବୁଜି ପାରୁ ।

୭ ଆମେ ଗଟେକ୍ ମାଟି ଆଣ୍ଟି ପାରା । କାଲକେବଇଲେ ଆମ୍ଭେକେ ବପୁ ନ ରଇଲେ ମିସା ପର୍ମେସର୍ ତାର ବେସି ମୁଲିଅ ରଇବା ବାକିଅ ଆମ୍ଭେକେ ସର୍ପି ଦେଲାଆତେ । ଜେନ୍ତାରି କି ଆମ୍ଭେକେ ବପୁ ନ ରଇକରି ପର୍ମେସର୍କେସେ ବେସି ବପୁ ଆତେ ବଲି ଲକ୍ମନ୍ ଜାନ୍‌ବାଇ । ୮ ଆମେ ସବୁ ରକାମର୍ ଦୁକ୍‌କସ୍‌ଟ ଅଇକରି ଗାଲୁନି, ଏଲେ ମିସା କସ୍‌ଟ ପାଉ ନାଇ । କେବେ କେବେ କାଇଟା କର୍‌ବୁ ବଲି ଗିଆନ୍ ନ ରଇଲା ଲକ୍‌ପାରା ଅଇଲୁନି, ଅଇଲେମିସା ମନ୍‌ଦୁକ୍ କରୁ ନାଇ । ୯ ସର୍‌ବୁମାନର୍ ଟାନେଅନି ଉଡା ସୁନି ସୁନି ରଇଲୁ, ଏଲେମିସା ମାପୁରୁ ଆମ୍ଭେକେ ଚାଡେ ନାଇ । ଆମର୍ ଗାଗ୍‌ଡେ କେଡେକ୍ କେଡେକ୍ ମାଡ୍ ଅଇଲା । ଅଇଲେ ମିସା ମାପୁରୁ ଆମ୍ଭେକେ ବିନାସ୍ ଅଇବାକେ ଦେଏନାଇ । ୧୦ ଆମେ ସବୁବେଲେ ଜିସୁର୍ ମରନ୍ ଆମର୍ ଗାଗ୍‌ଡେ ଏତାଇଲୁନି । ଜେନ୍ତାରି ଜିସୁର୍ ଜିବନ୍‌ମିସା ଆମର୍ ଗାଗ୍‌ଡେ ତିସ୍‌ସି ।

୧୧ ଆମେ ଜିସୁର୍ ସଙ୍ଗ୍ ରଇଲାର୍ ପାଇ ବର୍‌ବାଜାକ ମର୍‌ବା ବିପଦେ ଆରୁ । ଜେନ୍ତାରି ଲକ୍‌ମନ୍ ଏ ମର୍‌ବା ଗାଗ୍‌ଡେ ଜିସୁ ବର୍‌ଚିରଇବାଟା ଦେକ୍‌ବାଇ । ୧୨ ଏନ୍ତାରିସେ ଆମେ ମରନ୍ ଦାରିଆରୁ । ମାତର୍ ତମର୍‌ଟାନେ ଜିବନ୍ ଅଇ ଆଇଲାନି । କାଲକେବଇଲେ ତମେ ନ ସାର୍‌ବା ଜିବନ୍ ପାଇସା ।

୧୩ ସାସ୍‌ତରେ ଲେକା ଅଇଲାପାରା “ ମୁଇ ବିସ୍‌ବାସ୍ କଲି, ତେବର୍‌ପାଇ ମୁଇ କାତା ଅଇଲି ” । ସେ ସମାନ୍ ବିସ୍‌ବାସ୍ ଆଡ୍‌ମାଇ, ଜନ୍ ବାକିଅ ମୁଇ ବିସ୍‌ବାସ୍ କଲିଆଟି, ସେଟାସେ ମୁଇ ଏବେ ଲକ୍‌ମନ୍‌କେ ଜାନାଇଲାନି । ୧୪ କାଲକେ ବଇଲେ ଆମେ ଜାନିଆରୁ ପର୍ମେସର୍ ଜେ କି ମାପୁରୁ ଜିସୁକେ ଜିବନ୍ କରି ଉଟାଇଲା, ସେ ଆମ୍ଭେକେ ମିସା ମାପୁରୁ ଜିସୁର୍ ସଙ୍ଗ୍ ଉଟାଇସି । ଆରି ତମର୍ ସଙ୍ଗ୍ ଆମ୍ଭେକେ ମିସା ପର୍ମେସର୍‌ର ମୁଆଟେ ନେଇସି । ୧୫ ତେବର୍‌ପାଇ ଜେଡ୍‌କି ସବୁ ସାଦ୍‌ନା ବାନ୍‌ନା ଆଇଲାନି, ସେ ସବୁ ବିସଇ ତମର୍ ମଙ୍ଗ୍‌ଲର୍‌ପାଇ ସେ ଅଇଲାନି । ପର୍ମେସର୍‌ର ଜିବନ୍ ଦୁକାଇଲାଟା ଅଦିକ୍ ଅଦିକ୍ ଅଇକରି ଲକ୍‌ମନ୍‌ରଟାନେ କେଟ୍‌ସି, ଆରି ସେମନ୍ ସବୁଲକ୍ ତାକେ ଦନିଅବାଦ୍ ଦେବାଇ ।

**ବିସ୍‌ବାସ୍ କରି ଜିଇବାଟା**

୧୬ ତେବର୍‌ପାଇ ଆମେ ସାଆସ୍ ନ ଅଇରଇବା ଲକ୍‌ର୍ ପାରା ନ ଅର୍ । କାଲକେବଇଲେ ଆମର୍ ବାଇରର୍ ଗାଗ୍‌ଡ୍ ମରିମରି ଆଇଲେ, ମିସା ବିଡ୍‌ରେ ରଇବା ଲକ୍ ଦିନ୍‌କେ ଦିନ୍ ନୁଆ ଅଇ ଆଇଲାନି । ୧୭ କାଲକେ ବଇଲେ ଆମର୍ ଦୁକ୍ କସ୍‌ଟ ସବୁ ଉନା ଅଇକରି ଚନେକର୍‌ପାଇ । ମାତର୍ ସେଟା ଆମ୍ଭେକେ ନ ସର୍‌ବା ସବୁଦିନର୍ ମଇମା ଆନ୍‌ସି । ସେଟା ଆମର୍ ଦୁକ୍ କସ୍‌ଟ ଟାନେଅନି ବଡ୍ ରଇସି । ୧୮ ତେବର୍‌ପାଇ ଆମେ ଏ ଜଗଡେ ତିସ୍‌ବା ବିସଇ ଆସା ନ କରି ନ ତିସ୍‌ବା ବିସଇ ଆସା କଲୁନି । କାଲକେବଇଲେ ଦେକ୍‌ବା ବିସଇ ସବୁଦିନ୍ ନ ରଏ, ମାତର୍ ନ ଦେକ୍‌ବା ବିସଇ ସବୁ ଦିନର୍‌ପାଇ ରଇସି ।



୧୯ ଆମର୍ ଗାଗ୍‌ଡ୍ ତୁମ୍ ଟାନିକରି ବାନ୍‌ରଇବା ଗର୍‌ପାରା । ଆରି ଆମେ ଜାନୁ ଜେ ଜେଡେବେଲେ ମିସା ଏଟା ବାଙ୍ଗି ଜାଇସି, ତେବେ ସର୍‌ଗେ ରଇବାପାଇ ଆମ୍ଭେକେ ଗଟେକ୍ ଗର୍ ଆତେ । ଏଟା ନିଜେ ପର୍ମେସର୍ ତିଆର୍ କଲାଟା । ସେଟା କେବେ ବିନାସ୍ ନ ଅଏ । ସବୁ ଦିନର୍‌ପାଇ ରଇସି । ୨ ମାତର୍ ଆମେ ଏ ଜଗଡେ ରଉ ରଉ ଏଡ୍‌କି କସ୍‌ଟ ପାଇଲୁନି । ସର୍‌ଗେ ରଇବା ଆମର୍ ନୁଆ ଗାଗ୍‌ଡ୍ ଏବେଆକା ଆମ୍ଭେକେ ମିଲ ବଲି ଆମେ ମନ୍ କଲୁନି । ୩ କାଲକେବଇଲେ ମଲାତେଇଅନି ଆମ୍ଭେକେ ଉଟାଇଲାବେଲେ ଆମର୍‌ପାଇ ଗଟେକ୍ ଗାଗ୍‌ଡ୍ ଦର୍‌କାର୍ ଆତେ । ୪ ଏ ଜଗଡେ ଆମେ ବର୍‌ଚି ରଇଲାବେଲେ, ଇଡିର୍ ଗାଗ୍‌ଡ୍ ନେଇକରି ଜେଡ୍‌କି ଦୁକ୍ କସ୍‌ଟ ପାଇବାର୍ ଆତେ, ସେଟା ସବୁ ବଇକରି ଆଉଜି ଗାଲୁନି । ମାତର୍ ଏ ଗାଗ୍‌ଡ୍ ଚାଡ୍‌ବାକେ ଆମେ ମନ୍ କରୁ ନାଇ । ସର୍‌ଗେ ଅନି ଆଇବା ନୁଆ ଗାଗ୍‌ଡ୍ ଆମ୍ଭେକେ ମିଲ ବଲି ମନ୍ କଲୁନି । ସେନ୍ତାରିଆଲେ ମରନ୍‌କେ ସର୍‌ପି ଦେଇରଇବା ଏ ଗାଗ୍‌ଡ୍‌ର ବାଦୁଲେ ସବୁଦିନର୍ ପାଇ ଜିବନ୍ ରଇବା ଗଟେକ୍ ଗାଗ୍‌ଡ୍ ମିଲାଇବୁ । ୫ ମାତର୍ ପର୍ମେସର୍ ଆମର୍‌ପାଇ ଏ ସବୁ ବିସଇ ଜାଗାଇଦେଇ ସାରାଇଆତେ । ଜେନ୍ତାରି ଆଇବା ଦିନ୍‌ମନ୍‌କେ ଏଟାସବୁ ଅଇସି । ଏଟା ସବୁ ସେ ପୁରାପୁରୁନ୍ କର୍‌ସି ବଲି ଆମ୍ଭେକେ ଚିନ୍ ଇସାବେ ସୁକଲ୍ ଆଡ୍‌ମା ଦେଲାଆତେ ।

୬ ସେଟାର୍ ପାଇ ଆମେ ସବୁବେଲେ ସାଆସ୍ ଅଇକରି ଆରୁ । ଏ ସାର୍‌ବା ଗାଗ୍‌ଡେ ଆମେ ରଉ ରଉ, ମାପୁରୁ ରଇବା ଗରେ ଅନି ଦୁରିକେ ବାସା ଅଇଆରୁ ବଲି ଜାନିଆରୁ । ୭ ଏ ଜଗଡେ ରଇବା ଆମର୍ ଜିବନ୍, ପର୍ମେସର୍‌ଟାନେ ବିସ୍‌ବାସ୍ କରି ରଇଲୁନି । କାଲକେବଇଲେ ଜନ୍ ଜାଗାଇ ଆମେ ବାସା ଅଇବାକେ ଗାଲୁନି, ସେ ଜାଗା ଏବେଜାକ ଆମେ ଦେକୁ ନାଇତା । ୮ ଉଁ ଆମର୍ ବିସ୍‌ବାସ୍ ସବୁବେଲେ ଡାଁଟ୍ ଆତେ । ଏ ସାରିଜିବା ଗାଗ୍‌ଡ୍ ଚାଡିକରି ମାପୁରୁ ଗରେ ଜିବାକେ ବଲି ଆମେ ଜାନିଆରୁ । ୯ ମାତର୍ ଏବେ ଆମେ ଜନ୍ତୁ ରଇଲେ ମିସା, ଏ ଜଗଡେ ରଇଲେ କି, ପର୍ମେସର୍ ରଇବାଟାନେ ରଇଲେ ମିସା, ସେ ଜନ୍‌ଟା ଆମର୍‌ଟାନେଅନି ଆସା କଲାନି, ସେଟା ପୁରାପୁରୁନ୍ ଅ ବଲି ଆମେ ମନ୍ କଲୁନି ।

୧୦ ✨ଆମେ ସବୁଲକ୍ କିରିସ୍ତର ମୁଆଟେ ଆଇବାକେ ପଡ଼ସି । କାଇକେବଇଲେ ସେ ଆମର୍ କାମ୍ ବିଚାର କରସି । ଏ ଜଗତେ ରଇକରି ଆମେ ଜନ୍ଟା କଲୁଆରୁ, ସେଟା ନିକ ଅ କି ନ ଅ, ସେ ଇସାବେ ଆମ୍‌କେ ଗଟେକ୍ ଗଟେକ୍ ଲକ୍‌କେ ବୁଡ଼ି ମିଲ୍‌ସି ।

**କିରିସ୍ତର ଦେଇ ପର୍ମେସର୍ ସଙ୍ଗ୍ ମଇତର୍**

୧୧ ଆମେ ଜାନିଆରୁ ମାପ୍‌ରୁ ଆମ୍‌କେ ବିଚାର କରବାବେଲେ ଗଟେକ୍ ଡରବା ବେଲା ଅଇସି । ସେଟାର୍‌ପାଇ ଆମେ ଲକ୍‌ମନ୍‌କେ ମାନାଇଲୁନି । ପର୍ମେସର୍ ଆମ୍‌କେ ପୁରାପୁରୁନ୍ ଜାନିଲାନି । ଆରି ମୁଇ ଆସା କଲିନି ତମେ ମିସା ତମର୍ ମନେ ମନେ ମକେ ଜାନିରୁଆ । ୧୨ ଏଟା ସବୁ ଲେକିକରି ତମେ ଆମ୍‌କେ ଆରିତରେକ୍ ଏ ଲକ୍ ନିକ ବଲିକରି କୁଆଇଅଇବାକେ ଆମେ ମନ୍ କରୁନାଇ । ମାତର୍ ଆମେ ଆସା କରବାଟା ଟିକ୍ ଆଟେ, ସେଟା ତମେ ଜାନା ବଲି ଆମେ ମନ୍ କଲୁନି । ଆରି ଜନ୍ ଲକ୍‌ମନ୍ ନିକ ଗୁନ୍ ନ ମାନିକରି, ବାଇରେ ଡିସ୍‌ବା ବିସଇଟାନେ ବଡ଼ପନ୍ ଅଇବାଇ, ସେମନ୍‌କେ ବୁଜାଇପାରାସ୍ । ୧୩ କେତେଲକ୍ ଆମେ ବାୟା ଅଇଗାଲୁଆରୁ ବଲି ବାବ୍‌ବାଇ । ସେନ୍ତାଆଲେ ସେନ୍ତି ଅଇବାଟା ପର୍ମେସର୍ ମନ୍ କଲା ଇସାବେ । ଜଦି ଆମେ ନିକ ଆରୁ ବଲି ବାବ୍‌ଲେ ସେଟା ତମର୍ ବଲ୍ ପାଇ । ୧୪ କିରିସ୍ତର ଆଲାଦ୍ ଆମ୍‌କେ ବାଟ୍ ଦେକାଇଲାନି । ସେଟା ଆମେ ଜାନିଆରୁ । ସେଟାର୍ ଲାଗି ଆମେ ସବୁଲକ୍ ତାର୍ ମରନେ ମିସିଆରୁ । ୧୫ ସେ ସବୁ ଲକ୍‌ପାଇ ମଲାଆଟେ । ଜେନ୍ତି କି ଜନ୍‌ଲକ୍‌ମନ୍ ବଠି ଆଟଡ୍, ସେମନ୍ ନିଜର୍ ପାଇ ନ ବଠଡ୍ । ଜେ ତାକର୍ ପାଇ ମରିକରି ଜିବନ୍ ଅଇ ଉଟ୍‌ଲା, ଅବ୍‌କା ତାର୍ ପାଇସେ ବଠିବାର୍ ଆଟେ ।

୧୬ ଏ ଜଗତର୍ ଲକ୍‌ମନ୍ ବିଚାର କଲାପାରା ଆମେ ଲକ୍‌ମନ୍‌କେ ବିଚାରନା କରୁନାଇ । ପୁର୍ବେ ଆମେ କିରିସ୍ତକେ ମିସା ଏ ଜଗତର୍ ଲକ୍ ବିଚାର କଲାପାରା କର୍ତ୍ତେରଇଲୁ । ମାତର୍ ଏବେ ଆମେ ସେନ୍ତି କରୁନାଇ । ୧୭ ଜେ ଜଦି କିରିସ୍ତ ସଙ୍ଗ୍ ମିସ୍‌ଲେ ସେ ଗଟେକ୍ ନୁଆ ଲକ୍ ଅଇସି । ପୁର୍ନା ଚଲାଚଲ୍‌ତି ଆରି ନାଇନି, ସବୁଜାକ ନୁଆ ଅଇଗାଲା ଆଟେ । ୧୮ ଏଟା ସବୁ ପର୍ମେସର୍ କଲାଆଟେ । ସେ କିରିସ୍ତକେ ଦେଇ ଆମ୍‌କେ ସତ୍‌ରୁ ରଇବା ତେଇଅନି ମଇତର୍ କରିଆଟେ । ବିନ୍ ଲକ୍‌ମନ୍‌କେ ମିସା ତାର୍ ମଇତର୍ କରାଇବା କାମ୍ ଆମ୍‌କେ ସର୍ପି ଦେଲାଆଟେ । ୧୯ ତେବେ ଆମେ ଏ ବିସଇ ଜାନାଇଦେଲୁନି, ଜେ କିରିସ୍ତର ଲାଗି ପର୍ମେସର୍ ସବୁ ମୁନ୍‌ସ୍ ଜାତିକେ ତାର୍ ନିଜର୍ ମଇତର୍ କରିପାରସି । ଆରି ସେ ତାକର୍ ସବୁ ପାପ୍ କେମା କରିଦେଇସି । ବିନ୍ ଲକ୍‌ମନ୍‌କେ ମିସା ତାର୍ ମଇତର୍ କରାଇବା କାମ୍ ଆମ୍‌କେ ସର୍ପି ଦେଲାଆଟେ ।

୨୦ ପର୍ମେସର୍ ଆମ୍‌କେ ଦେଇ ତମ୍‌କେ ବାବୁଜିଆ କଲାନି । ଏଟାର୍‌ପାଇ କିରିସ୍ତ ଆମ୍‌କେ ପାଟାଇଲା ଆଟେ । ଆରି କିରିସ୍ତର ଲାଗି ଆମେ ମିସା ତମ୍‌କେ ବାବୁଜିଆ କଲୁନି । ପର୍ମେସର୍ ତମ୍‌କେ ସତ୍‌ରୁଟାନେଅନି ମଇତର୍ କର । ୨୧ କିରିସ୍ତକେ କାଇ ପାପ୍ ନ ରଇଲା । ମାତର୍ ଆମର୍ ପାପର୍ ପାଇ ଆକା ସେ ଡଣ୍ ପାଅ ବଲି ପର୍ମେସର୍ ଟିକ୍ କଲା । କିରିସ୍ତ ସଙ୍ଗ୍ ମିସ୍‌ଲାର୍‌ପାଇ ଏବେ ପର୍ମେସର୍ ଆମ୍‌କେ ଦରମ୍ ଲକ୍ ଇସାବେ ଦେକ୍‌ଲାନି ।



୧ ତେବେ ପର୍ମେସରର୍ ଏ କାମେ, ଆମେ କାମ୍‌କରୁମନ୍ ଅଇଲୁଆରୁ ଜେ, ତମ୍‌କେ ଆମେ ବାବୁଜିଆ କଲୁନି । ତମେ ତାର୍ ଜିବନ୍ ଦୁକାଇଲାଟା ମିଲାଇ ଆଟାସ୍ । ସେଟା ତୁଟାଇ ନ ଅ । ୨ ପର୍ମେସର୍ କଇବାଟା ସୁନା ।

“ ତମ୍‌କେ ଦୟା ଦେକାଇବା ବେଲା ସମାନ୍ ଅଇଲାକେ,  
ମୁଇ ତମେ ଗୁଆରି କଲାଟା ସୁନ୍‌ଲି ।  
ଜନ୍ ଦିନେ ମୁଇ ମୁକ୍‌ଲାଇବା ଦିନ୍ ବଲି ଟିକ୍ କଲି,  
ସେ ଦିନେ ମୁଇ ତମ୍‌କେ ସାଇଜ କଲି ।”

ସୁନା ! ପର୍ମେସର୍ ତମ୍‌କେ ତାର୍ ଆଲାଦ୍ ଦେକାଇବି ବଲି, ଟିକ୍ କଲା ଦିନ୍ ଆଜିସେ । ତମର୍ ପାପର୍ ଡଣ୍ଡେ ଅନି ସେ ତମ୍‌କେ ରକିଆ କରବା ଦିନ୍ ଆଜି ସେ ।

୩ ଜେନ୍ତିକି ଆମର୍ ସେବା କାମେ ଲକ୍‌ମନ୍ ଆମ୍‌କେ ଦସ୍ ନ ଦାରଡ୍ ବଲି ଆମେ ମନ୍ କରୁନାଇ । ସେଟାର୍‌ପାଇ କିରିସ୍ତର ପଟେ ଜିବା ଲକ୍‌ମନ୍‌କେ ଆମ୍‌କେ ଆଗ୍‌ଟୁ ନାଇ । ୪ ତାର୍ ବାଦୁଲେ ଆମେ ଜାଇଟା କଲେ ମିସା ପର୍ମେସରର୍ ସେବାକାରିଆ ଇସାବେ କଲୁନି । ଜେନ୍ତିକି, କିରିସ୍ତର ଲାଗି ଉଡାସୁନ୍‌ବା ଟାନେ, ଦୁକ୍ କସ୍‌ଟ ଟାନେ, ଆମେ ସାଆସ୍ ଅଇ ମୁର୍ଚିକରି ଆରୁ । ୫ ✨ଆମେ କରଡା ମାଡ୍ କାଇ ବନ୍ଦି ଗରେ ରଇଆରୁ, ମାନ୍ଦା ଲକ୍‌ଟାନେ ଅନି କେଦାଇଅଇଆରୁ, ବେସି ଆବଡ୍ କାମ୍ କରି ଆରୁ, ନ ସଇକରି ରଇଲୁଆରୁ, ଦିନ୍ ଦିନ୍ ଦାରି ନ କାଇ ନ ପିଇ କରି ରଇଆରୁ । ୬ ଆମର୍ ସୁକଲ୍ କାମେ,

✨ ୫:୧୦ ୫:୧୦ ରମିୟ ୧୪:୧୦ ✨ ୬:୫ ୬:୫ ପେରିଡ୍ ୧୭:୨୩

ଆମର ଗିଆନେ, ଆମର ମୁରୁଚି ରଇବାଟାନେ, ଆମର ଦୟା ଦେକାଇବାଟାନେ, ସୁକଲ୍‌ଆଡ଼ମାଟାନେ, ଆମର ସତ୍ ଆଲାଦ୍‌ଟାନେ, ଆମେ ପରମେସରର୍ ସେବା କାରିଆ ବଲିକରି ଜାନାଇ ଅଇଲୁନି ।<sup>୭</sup> ଆମେ ସିକାଇବା ବାକିଅ ସତ୍ ବାକିଅ । ଆରି ଆମର ସଙ୍ଘ ପରମେସରର୍ ବପୁ ଆଟେ । ପରମେସର ଦେକ୍‌ବା ଇସାବେ, ଆମର ଦରମ୍ ବଲାଇ ଅଇବାଟା ଗଟେକ୍ ଆଡ଼ଆଡ଼ିଆର୍ ପାରା । ଆମର ସତ୍‌ରୁମନର୍ ବିରୁଦ୍ଦେ ଜୁଜ୍‌ବାକେ ଆରି ନିଜ୍‌କେ ରକିଆ ପାଇବାକେ, ସେଟା ବାଇଲୁନି ।<sup>୮</sup> କେବେ କେବେ ଆମ୍‌କେ ସନ୍‌ମାନ୍ ମିଲୁଲାନି । ମାତର୍ କେବେ କେବେ ତଲେ ପାକାଇଲାଇନି । କେବେ କେବେ ନିକ ଲକ୍ ବଲାଇଅଇଲୁନି । ମାତର୍ କେବେ କେବେ ଆମେ ନିନ୍ଦା ପାଇଲୁନି ।<sup>୯</sup> ଆମେ ମିରୁଆ ବଲାଇଅଇଲୁନି । ମାତର୍ ସତ୍ କାତା କଇଲୁନି । ନାଜାନ୍‌ତେ ରଇଲେ ମିସା ସବୁଲକ୍ ଜାନି ଆତତ୍ । ମଲା ସମାନ୍ ରଇଲୁ, ମାତର୍ ଆଜିକେ ଜାକ ବତିଆରୁ । ତଣ୍ ପାଇଲୁ ମିସା ମରୁନାଇ ।<sup>୧୦</sup> ବେସି ଦୁକେ ରଇଲେ ମିସା ସାର୍‌ଦା ସଙ୍ଘ ଆରୁ । ଆମେ ଅରକିତ୍ ପାରା ଅଇରଇଲେ ମିସା, ବିନ୍ ଲକ୍‌ମନ୍‌କେ ସାଉକାର୍ କରାଇଆରୁ । ଆମେ କାଇଟା ନ ରଇବା ଲକ୍‌ର୍ ପାରା ଆରୁ, ମାତର୍ ସବୁଜାକ ଆମର୍‌ଟା ।

<sup>୧୧</sup> ଏ କରକ୍ତିଏ ରଇବା ଆମର ମଇତରମନ୍, କାଇ କପଟ୍ ନ କରି, ଆମର ମନେ ଜାଇଟା ରଇଲା, ସେଟା ସବୁ ତମର ମୁଆଟେ କଇଲୁଆରୁ । ଆମେ ତମକେ ବେସି ଆଲାଦ୍ କଲୁନି ।<sup>୧୨</sup> ତମରପାଇ ବଲିକରି ଆମର ଆଲାଦ୍ ଉନା ଅଏ ନାଇ । ମାତର୍ ଆମର୍ ପାଇ ରଇବା ତମର ଆଲାଦ୍ ଉନା ଅଇଆଟେ ।<sup>୧୩</sup> ନିଜର୍ ପିଲାମନ୍‌କେ କଇଲା ପାରା ତମ୍‌କେ କଇଲିନି, ଆମେ ଜେନ୍ତାରି କି ତମ୍‌କେ ଆଲାଦ୍ କଲୁନି, ସେନ୍ତାରିସେ ତମେ ଆମ୍‌କେ ଆଲାଦ୍ କରା ।

**ବିସ୍‌ବାସ୍ ନ କଲା ଲକ୍‌ମନର୍ ଟାନେ ଜାତାଇ ଉଆନାଇ**

<sup>୧୪</sup> ତମେ ବିସ୍‌ବାସ୍ ନ କରବା ଲକ୍‌ମନର୍ ସଙ୍ଘ ମିସିକରି କାମ୍ କରାନାଇ । ସେ କାମ୍ କେବେମିସା ନ ଅଏ । କାଇକେବଇଲେ ସତ୍ ଆରି ମିର୍ ମିସାଇ ନ ଅଏ । ଉଜଲ୍ ଆରି ଆନ୍ଦାର୍ ନ ମିସତ୍ ।<sup>୧୫</sup> କିରିସଟ୍ ଆରି ସଇତାନ୍ କାଇ ବିସଇଟାନେ ମିସା ରାଜି ନ ଅଅତ୍ । ଗଟେକ୍ ବିସ୍‌ବାସ୍ କରବା ଲକ୍ ଆରି ଗଟେକ୍ ବିସ୍‌ବାସ୍ ନ କରବା ଲକ୍, ଗଟେକ୍ ଟାନେ ମିସିକରି ନ ରଅତ୍ ।<sup>୧୬</sup> \*ପରମେସରର୍ ମନ୍ଦିରେ ପୁଡ଼ଲା ପୁଜା କର୍‌ବାର୍ ନ ଅଏ । ଆମେ ପରମେସରର୍ ମନ୍ଦିର୍ ପାରା । କାଇକେବଇଲେ ଜିବନ୍ ରଇବା ପରମେସର୍ ଆମର୍ ବିତ୍‌ରେ ବାସା ଅଇଆଟେ । ସେ ନିଜେ କଇଲାଆଟେ

“ଜନ୍ ଲକ୍‌ମନ୍ ମର୍ ଲକ୍,

ମୁଇ ସେମନର୍ ସଙ୍ଘ ରଇବି ।

ତାକର୍ ବିତ୍‌ରେ ଚାଲାବୁଲା କର୍‌ବି । ମୁଇ ସେମନର୍ ପରମେସର୍ ଅଇବି ।

ଆରି ସେମନ୍ ମର୍ ଲକ୍ ଅଇବାଇ ।”

<sup>୧୭</sup> ତେବେ ମାପୁରୁ କଇଲାନି,

“ଜନ୍ ଲକ୍‌ମନ୍ ମର୍ ସଙ୍ଘ ଆସତ୍ ନାଇ,

ସେ ମାନ୍‌ଆ ଅନି ଚାଡ଼ି କରି ବେଗ୍‌ଲି ଉଟିଆସା ।

ସୁକଲ୍ ନ ରଇବା କାଇଟା ମିସା ଚିଆନାଇ ।

ସେନ୍ତାର୍‌ଆଲେ ମୁଇ ତମ୍‌କେ ଡାକିନେବି ।”

<sup>୧୮</sup> ମୁଇ ତମର୍ ବାବା ଅଇବି ଆରି,

ତମେ ମର୍ ପିଲାଜିଲା ଅଇସା ।

ଏଟା ସବୁର୍‌ଟାନେ ଅନି ବପୁ ରଇବା

ମାପୁରୁ କଇଲାନି ।



<sup>୧</sup> ତେବର୍‌ପାଇ ଏ ମର୍ ଆଲାଦ୍‌ର୍ ମଇତରମନ୍, ପରମେସର୍ କାତା ଦେଇରଇବାଟା ସବୁ ଆମ୍‌କେ ସର୍‌ପିଆଟେ । ତେବର୍‌ପାଇ ଜନ୍‌ଟା ସବୁ ଆମର୍ ଗାଗଡ଼କେ ଆରି ଆଡ଼ମାକେ ସୁକଲ୍ ନ କରାଏ, ସେଟା ସବୁ ଚାଡ଼ିଦେଉଁ । ପରମେସର୍‌କେ ଡରିରଇକରି ପୁରାପୁରୁନ୍ ସୁକଲ୍ ଅଇରଉଁ ।

**ପାଉଲ୍ ସାର୍‌ଦା ଅଇଲାଟା**

<sup>୨</sup> ତମେ ଆମ୍‌କେ ଅଦିକ୍ ଆଲାଦ୍ କରବା ଦରକାର୍ । ଆମେ ତମର୍ ବିରୁଦ୍ଦେ କାଇ ଦସ୍ କରୁନାଇ । ଆମେ କାକେ ନସଟ୍ କରୁନାଇ, କି କାକେ ନାତାଉ ନାଇ ।<sup>୩</sup> ମୁଇ ତମ୍‌କେ ଦସ୍‌ଦେବାକେ ଏ କାତା କଇନାଇ । ଆଗ୍‌ତୁ କଇଲାପାରା, ଆମେ ତମ୍‌କେ ସତ୍‌ସେ ଆଲାଦ୍ କଲିନି, ବଟି ରଇଲେ କି ମଲେ ମିସା, ତମେ ଆମର୍ ମନ୍ ବିତ୍‌ରେ ଆଗାସ୍ ।<sup>୪</sup> ତମର୍ ଲଗେ ମର୍ ବିସ୍‌ବାସ୍ ଆଟେ । ଆରି ମୁଇ ତମର୍

\* ୭:୧୭ ୭:୧୭ ୧ମ କରକ୍ତିୟ ୩:୧୭;୭:୧୯

ବିସଇନେଇ ବଡ଼ପନ୍ ଅଇଲିନି । ଆମେ ବେସି ଦୁକ୍ କସଟ ଆଇଲେ ମିସା ସାଆସ୍ ଦାରି ଆତୁ । ମର୍ ମନ୍ବିଡ଼ରେ ସାର୍ଦା ଅଦିକ୍ ଅଦିକ୍ ଅଇକରି ଉଠୁଲି ଗାଲାମି ।

୫\* ଆମେ ମାକିଦନିଆଇ ଆଇଲାପତେ ମିସା ଚନେକ୍ ପୁଣ୍ଡୁଆଇ । କାଇକେବଇଲେ ତେଇ ଦୁକ୍ କସଟ ରଇଲା, କେତେଲକ୍ ଆମର୍ ବିରଦେ କଇ ଲାଗାଜଡା କଲାଇ । ଆମେ ମନ୍ ବିଡ଼ରେ ବେସି ଡରିଜାଇତେ ରଇଲୁ । ୬ ମାତର୍ ଜେ କି ଆକା ସାକା ନ ରଇବା ଲକ୍ମନ୍ଦକେ ଦୁକ୍ ସାରାଇବା ପର୍ମେସର୍ ତିତସ୍କେ ଆନାଇ କରି ଆମକେ ସାର୍ଦା କରାଇଲା । ୭ ଅବ୍କା ସେ ଆଇଲାକେସେ ଆମେ ସାର୍ଦା ଅତନାଇ, ମାତର୍ ତମର୍ ଲାଗି ତିତସ୍ ବେସି ସାର୍ଦା ଅଇଗାଲା ବଲି ଆମକେ କଇଲାର୍ପାଇ ମିସା ସାର୍ଦା ଅଇଲୁ । ତମେ ମକେ ଦେକ୍ବାକେ ମନ୍ କଲାସ୍ନି ବଲି ମିସା ସେ କଇଲା । ଆରି ତେଇ ମକେ ଜେଡ଼କି ଗଟ୍ଲା, ସେଟାର୍ପାଇ ଦୁକ୍ ଅଇକରି ଆଟାସ୍ । ଆରି ତମେ ମର୍ବାଟେ ଅଇକରି କଇବାକେ ମିସା ରାଜିଆଟାସ୍ । ଏଟାମନ୍ ସବୁ ସୁନିକରି ମୁଇ ବେସି ସାର୍ଦା ଅଇଗାଲି ।

୮ ମର୍ ଚିଟିରଲାଗି ତମେ ଦୁକ୍ ଅଇରଇଲେ ମିସା, ସେ ଚିଟି ତମକେ ପାଟାଇଲି ବଲି, ମୁଇ ଦୁକ୍ କରିନାଇ । ସେ ଚିଟିର ଲାଗି ତମେ ଚନେକର୍ ପାଇ ଦୁକ୍ କରିରଇଲାସ୍ ଜେ ଜାନିକରି, ମୁଇ ମିସା ଦୁକ୍ ଅଇରଇଲି, ଏଟା ସଡ଼ । ୯ ମାତର୍ ମୁଇ ଏବେ ସାର୍ଦାସକ୍ଷେ ଆଟି । ତମକେ ଦୁକ୍ଦେଇ ଆଟି ବଲିକରି ନାଇ, ମାତର୍ ସେ ଦୁକ୍ ଲାଗି ତମେ ତମର୍ ଚଲାଚଲ୍ଡି ବଦ୍ଲାଇଲାସ୍ । ସେ ଆସିରଇବା ଦୁକ୍ ପର୍ମେସର୍ ମନ୍ କଲା ଇସାବେ ଅଇବାଟା । ଜେକ୍ରିକି ମାନିଆଇସା । ସେନ୍ତାର୍ପାଇଲେ ଆମେ ତମର୍ ପାଇ କାଇ ବାଦା ଆନୁନାଇ । ୧୦ କାଇକେବଇଲେ ଜଦି ଗଟେକ୍ ଲକ୍ମନ୍ ଦୁକ୍ ପର୍ମେସର୍ ମନ୍ କଲା ଇସାବେ ଆଇସି, ସେଟା ନିଜର୍ ପାପ୍ କଲାଟା ମାନିଅଇକରି, ମନ୍ ବାଉଡାଇବାକେ ଲଡାକେ ଆଇସି । ତେଇ କାଇ ମିସା ଦୁକ୍ ନାଇ । ମାତର୍ ମୁନୁସ୍ମନର୍ ଚାନେଅନି ଅଇବା ଦୁକ୍ ମରନ୍ଦାଟେ ଡାକିନେଇସି । ୧୧ ତମକେ ଦୁକ୍ ଦେଇକରି ପର୍ମେସର୍ କାଇଟା କଲାଆଟେ ଦେକିଦେକା । ଜେକ୍ରିକି ଏବେ ତମେ ଚିକ୍ ଚଲାଚଲ୍ଡି କର୍ବାକେ ମନ୍ କଲାସ୍ନି, ବୁଲ୍ କାମ୍ କରୁନାଇ ବଲି ବୁଜାଇବାକେ ଚେସ୍ଟା କଲାସ୍ନି, ଲାଜ୍ ପାଇବା କାମ୍ କର୍ବାକେ ବାକାନ୍ଲାସ୍ନି, ଡରିକରି ଆଟାସ୍, ଆମେ ଆରିତରେକ୍ ବେଟ୍ ଅଇବୁ ବଲି ମନ୍ କଲାସ୍ନି, ମକେ ସାର୍ଦା କରାଇବାକେ ମନ୍ କଲାସ୍ନି, ପାପ୍ କଲା ଲକ୍ମକେ ଦାପ୍ରେ ଡଣ୍ଡ ଦେଲାସ୍, ଏଟା ସବୁ କଲାକେ ସେ କରିରଇବା ପାପେ ତମର୍ କାଇ ବୁଲ୍ ନାଇ ।

୧୨ ଜନ୍ ଲକ୍ ପାପ୍ କରିଆଟେ, ତାର୍ ବଲ୍ ପାଇ କି ଜନ୍ ଲକ୍ ବିରୁଦେ ପାପ୍ କରାଇଅଇଲା, ତାର୍ ବଲ୍ ପାଇ ମୁଇ ସେ ଚିଟି ଲେକିନାଇ । ମାତର୍ ଆମକେ ତମେ ଏତେକ୍ ଆଲାଦ୍ କଲାସ୍ନି, ସେଟା ତମେ ନିକସକ୍ ଜାନ୍ବାକେ ମୁଇ ଲେକିରଇଲି । ପର୍ମେସର୍ ଏଟା ଜାନିଆଟେ । ୧୩ ସେଟାର୍ପାଇ ତମେ ଆମକେ ବେସି ସାର୍ଦା କରାଇଲାସ୍ ।

ଅବ୍କା ଆମେସେ ସାର୍ଦା ଅଇଲୁ ସେଡ଼କି ନଏଁ, ମାତର୍ ତିତସ୍ ସାର୍ଦା ଅଇଲାଟା ଦେକିକରି ମିସା ଆମେ ସାର୍ଦା ଅଇଲୁ । ତମେ ସବୁ ତାକେ ସାର୍ଦା କରାଇଲାକେ ସେ ମିସା ସାର୍ଦା ଅଇରଇଲା । ୧୪ ତିତସ୍ ତମର୍ଟାନେ ନ ଆଇବା ଆଗଡୁ, ମୁଇ ତମର୍ ବିସଇ ବଡ଼ପନ୍ ଅଇକରି ତାକେ କଇରଇଲି । ସେ ତମର୍ଟାନେ ଆଇଲାକେ ମୁଇ ବଡ଼ପନ୍ ଅଇକରି ସବୁ କଇଲାଟା ସଡ଼ ବଲି ଜାନ୍ଲା । ତମେ ମକେ ଲାଜ୍ କରାସ୍ ନାଇ । ମୁଇ ତମକେ ଜାଇଟା ସବୁ କଇଲି ଆଟି, ସେଟା ସଡ଼ । ଆରି ତିତସ୍କେ ଜାଇଟା କଇରଇଲି ସେଟା ମିସା ସଡ଼ ବଲି ଜାନାପଡ଼ଲାମି । ୧୫ ତେବେ ତମେ ତାର୍ ସବୁ ଆଦେସ୍ ମାନ୍ଲାସ୍ ଆରି ତମେ ତାକେ ସାର୍ଦାଇ ରଇସି କି ନ ରଏ ବଲି ଡରିକରି ରଇଲାଟା ସେ ଏଡ଼ କଲା । ତମର୍ ପାଇ ରଇବା ତାର୍ ଆଲାଦ୍, ଅଦିକ୍ ଅଦିକ୍ ଅଇ ଆଇଲାମି । ୧୬ ତମର୍ଟାନେ ମର୍ ପୁରାପୁରୁନ୍ ଆସା ଆଟେ ବଲିକରି ମୁଇ ବେସି ସାର୍ଦା ଅଇଲିନି ।

୮

ବିସ୍ବାସିମନ୍ ଦାନ୍ ଦେବାଟା

୧\* ଏ ମର୍ ବାଇବଇନିମନ୍, ମାସିଦନିଆର୍ ବିସ୍ବାସିମନ୍କେ ପର୍ମେସର୍ ଜିବନ୍ଦୁକାଇ ରଇଲାର୍ପାଇ ତେଇ କାଇଟା ଗଟ୍ଲା, ସେଟା ତମେ ଜାନିରୁଆ ବଲି ମୁଇ ମନ୍ କଲୁନି । ୨ ବେସି ବଡ଼ ଦୁକ୍ କସଟ ପାଇ, ମୁରଟି ରଇକରି, ତେଇ ସେମନ୍ ବେସି ସାର୍ଦା କଲାଇ । ତାକର୍ ସାର୍ଦା ଏତେକ୍ ବଡ଼ିଜାଇରଇଲା ଜେ ସେମନ୍ ଅର୍କିଡ଼ ଅଇରଇଲେ ମିସା ତାକର୍ ବିସ୍ବାସି ବାଇମନ୍ ପାଇ ବେସି ବେସି ଦାନ୍ କଲାଇ । ୩ ସେମନ୍ ଜେଡ଼କି ଦେବାର୍ ରଇଲା, ତାର୍ତେଇଅନି ଅଦିକ୍ ଦେଲାଇ ବଲି ମୁଇ ସାକି ଦେଲିନି । ଦେବାର୍ ମନ୍ ରଇଲାକେ ନିଜର୍ ମନ୍ କଲା ଇସାବେ ଦେଲାଇ । ୪ ଜିଉଦା ଦେସେ ରଇବା ପର୍ମେସର୍ ଲକ୍ମନ୍ଦକେ ସାଇଜ କର୍ବାକେ ସେମନ୍ ମିସା ମିସଡ଼ ବଲି ଆମକେ ବାରୁଜିଆ କଲାଇ । ୫ ତାକର୍ଟାନେଅନି ଆମେ ଜେଡ଼କି ଆସା କରିରଇଲୁ, ତାର୍ତେଇଅନି ଅଦିକ୍

☆ ୭:୫ ୭:୫ ୨ୟ କରକ୍ରିୟା ୨:୧୩ ☆ ୮:୧ ୮:୧ ରମିୟ ୧୫:୨୭

ଦେଲା । କାଳକେବଳେ ପରତମେ ସେମନ୍ ନିଜେ ନିଜେ ମାପରୁକେ ସର୍ପି ଅଇଲା । ତାରପତେ ପରମେସରୁ ମନ୍ କଲା ଇସାବେ ସେମନ୍ ଆମ୍ବେ ମିସା ସର୍ପି ଅଇଲା ।<sup>୯୬</sup> ତେବର୍ପାଇ ତିତସ୍ ଜେ କି ତମର୍ ବିତ୍ରେ ଏ କାମ୍ ଜେନ୍ତି ଆରାମ୍ କରିରଇଲା, ସେନ୍ତାରି ଆକା ତମର୍ ଆଲାଦର୍ ଦାନ୍ ସାରାଅ ବଲି ଆମେ ତାକେ ବାରୁଜିଆ କଲୁ ।<sup>୯୭</sup> ତମେ ବେସି ବିସଇଟାନେ ପୁରାପୁରୁନ୍ ଆଚାସ୍ । ସବୁ ବିସଇଟାନେ ସାଉକାର୍ ଅଇଆଚାସ୍ । ବିସ୍ବାସେ ଡାଞ୍ଚିଆଚାସ୍, ବାକିଅ ସିକାଇବାକେ ଜାନିଆଚାସ୍, ବାକିଅତେଇ ତମର୍ ଗିଆନ୍ ଜବର୍ ଆଚେ, ସଙ୍ଗର୍ ବିସ୍ବାସିମନ୍ କେ ସାଇଜ କର୍ବାଟା ଆରି ଆମର୍ପାଇ ରଇବା ତମର୍ ଆଲାଦ୍ ବେସି ବଡ଼ ଆଚେ । ସେନ୍ତାରିସେ ଦାନ୍ ଦେବାଟାନେ ମିସା ଅଦିକ୍ ଅଦିକ୍ ଦିଆସ୍ ବଲି ଆମେ ମନ୍ କଲୁନି ।

୮ ଏଟା ତମ୍ବେ ମୁଇ ତିଆରଲା ପାରା କଇନାଇ, ମାତର୍ ବିନ୍ ବିସ୍ବାସିମନ୍ ତାର ବାଇମନ୍ କେ କେନ୍ତି ଅଦିକ୍ ମନ୍ କରି ସାଇଜ କଲାଜନି, ସେଟା ଜାନିରଇବାକେ କଇଲିନି । ସେମନ୍ କଲାପାରା ତମେ କରିପାରାସ୍ ଆରି ସେଟା ଦେକି ତମର୍ ଆଲାଦ୍ ସଡ଼ କି ମିର୍ ବଲି ମୁଇ ଜାନିପାରବି ।<sup>୯୮</sup> ଆମର୍ ମାପରୁ ଜିସୁକିରିସ୍ଟର୍ ଜିବନ୍ ଦୁକାଇ ଅଇଲା ବିସଇ ତମେ ଜାନିଆଚାସ୍ । ସର୍ଗେ ସେ ବେସି ସାଉକାର୍ ଅଇରଇଲେ ମିସା ସେ ନିଜେ ଅରକିଡ଼ ଅଇଆଇଲା । ଜେନ୍ତି କି ତାରଲାଗି ତମେ ସାଉକାର୍ ଅଇସା ।

<sup>୯୯</sup> ସାଇଜ କର୍ବାକେ ତମେସେ ଆଗତୁ ଅଇଲାସ୍ ଆରି ପରୁ ଅନି ଆରାମ୍ କରିଆଚାସ୍ । ଏବେ ମୁଇ ବାବୁଲିନି, ସେଟା ତମେ ସାରାଇଦେବାଟା ନିକ । ଉଜେ କାମ୍ କର୍ବାଟାସେ ନାଇ, ମାତର୍ କାମ୍ କର୍ବାକେ ମନ୍ କରି କର୍ବାକେ ତମେ ପରତୁମ୍ ଆଚାସ୍ ।<sup>୧୦୦</sup> ତେବେ ତମେ ସେଟା କରା, ଆରି ଦେବାଟା ସାରାଇଦିଆସ୍ । ତମେ ବେସି ସାରଦା ଅଇ ମୁଲିଆଇଲାସ୍ । ସେନ୍ତାରିସେ ସାରଦା ଅଇ ସାରାଇବାର୍ ଆଚେ । ଗଟେକ୍ ଗଟେକ୍ ଲକ୍ ଜେଡ଼କି ଦେଇପାରାସ୍, ସେଡ଼କି ଦେଇ ସାରାଇଦିଆସ୍ ।<sup>୧୦୧</sup> କାଳକେ ବଇଲେ ଜଦି ତମ୍ବେ ଦାନ୍ ଦେବାକେ ମନ୍ ଆଚେ, ତମର୍ ପାରବା ଏତେକ୍ ଦେଲାସ୍ନି । ତମେ ଦେବାଟା ପରମେସର୍ ସଙ୍ଗଇସି । କାଳକେବଇଲେ, ତମେ ନାପାରବା ଏଡ଼କି ଦିଆ ବଲି ମାଙ୍ଗେ ନାଇ ।

<sup>୧୦୨</sup> ତମର୍ ବାଇମନ୍ କେ ସାଇଜ କରିକରି ତମର୍ଟା ଉନା ଅଇଜାଅ ବଲି ମୁଇ ମନ୍ କରିନାଇ । ମାତର୍ ଏବେ ତମର୍ ଟାନେ ଜବର୍ ଆଚେଜେ, ଜାକେ ଲତାଆଚେ, ତାକେ ସାଇଜ କର୍ବାଟା ଟିକ୍ ରଇସି ।<sup>୧୦୩</sup> ଏନ୍ତାରିକଲେ, ତମ୍ବେ ଜେଡେବେଲେ ଲତା ପଡ଼ସି, ଆରି ସେମନ୍ କେ ଜବର୍ ରଇଲେ, ସେମନ୍ ତମ୍ବେ ସାଇଜ କର୍ବାଇ । ଏନ୍ତାରି ଦୁଇ ବାଟର୍ ଲକ୍ ସମାନ୍ ଇସାବେ ପାଇବାଇ ।<sup>୧୦୪</sup> ଜେନ୍ତିକି ସାସ୍ତରେ ଲେକା ଅଇଆଚେ, ଜେ ଅଦିକ୍ କାମାଇଲା, ତାରଟା ଉର୍ରେ ନାଇ, ଆରି ଜେ ଉନା କାମାଇଲା, ତାକେ ଉନା ଅଏନାଇ ।

**ତିତସ୍ ମଇତର୍ମନ୍**

<sup>୧୦୫</sup> ଆମେ ପରମେସରୁକେ ଦନିଅବାଦ୍ ଦେଲୁନି, ଜେନ୍ତି ତମ୍ବେ ସାଇଜ କର୍ବାକେ ମନ୍ କଲୁ, ସେନ୍ତାରିସେ ତିତସ୍ କେ ମିସା ସାଇଜ କର୍ବାକେ ମନ୍ ଦେଲା ।<sup>୧୦୬</sup> ଆମେ ଜେଡେବେଲେ ତିତସ୍ କେ ତମର୍ଟାନେ ଜିବାକେ କଲୁ, ସେ ଦାପ୍ରେ ଜିବାକେ ରାଜି ଅଇଲା । ସେ ନିଜେ ମନ୍ କରି ତମର୍ଟାନେ ଜାଇ ତମ୍ବେ ସାଇଜ କର୍ବି ବଇଲା ।<sup>୧୦୭</sup> ତାର୍ ସଙ୍ଗ୍ ଆରି ଗଟେକ୍ ବାଇକେ ମିସା ପାଟାଇଲୁନି । ଏ ଲକ୍ ଜିସୁକିରିସ୍ଟର୍ ସୁବ୍ କବର୍ ଜାନାଇଲାନିଜେ ସବୁ ବିସ୍ବାସିମନ୍ ତାକେ ସମ୍ମାନ୍ ଦେଲାଜନି ।<sup>୧୦୮</sup> କାଲି ସେଡ଼କିରେ ନଏ, ତମେ ଦେଇରଇବା ଆଲାଦର୍ ଦାନ୍ ଆମେ ଲତା ରଇବା ବାଇମନ୍ ଲଗେ ନେବାବେଲେ, ଆମର୍ ସଙ୍ଗ୍ ଜିବାକେ ସବୁ ବିସ୍ବାସିମନ୍ ତାକେ ବାଟିକରି ପାଟାଇଆଚଡ଼ । ଏଟା ପରମେସର୍ ଡାକ୍ ପୁଟା ପାଇବାକେ ଆରି ତମ୍ବେ ସାଇଜ କର୍ବାକେ ଆମେ ସାରଦା ଅଇକରି ଏନ୍ତାରି କଲୁନି ।

<sup>୧୦୯</sup> ଆମର୍ ଲାଗି ସେବା କାମର୍ ପାଇ ତମେ ଆଲାଦ୍ ସଙ୍ଗ୍ ଦେଇ ଜମାଇରଇଲା ଏ ତାରୁ ଜନ୍ଟାକି ଆମେ ଦାରିଗାଲୁନି, ଏ ତାରୁ ବିସଇନେଇ ଆମ୍ବେ କେ ମିସା ନିୟା ନ କରଡ଼ । ସେଟାପାଇ ଆମେ ଜାଗରଡ଼ ଅଇଆଚୁ ।<sup>୧୧୦</sup> କାଳକେ ବଇଲେ ଆମେ କର୍ବା କାମ୍ ସବୁ ଟିକ୍ ରଇବାର୍ ଆଚେ । ଅବ୍ କା ପରମେସର୍ ଦେକ୍ବା ଇସାବେସେ ନାଇ ମାତର୍ ଲକ୍ ମନ୍ ଦେକ୍ବା ଇସାବେ ମିସା ଅ ।

<sup>୧୧୧</sup> ଆମେ ଆରି ଗଟେକ୍ ବାଇକେ ମିସା ତିତସ୍ ଦଲ୍ ସଙ୍ଗ୍ ପାଟାଇଲୁନି । ଏ ବାଇକେ ଆମେ ବେସି ତର୍ ପରିକା କଲୁଆଚୁ । ଆରି ତାକେ ସାଇଜ କର୍ବାକେ ବେସି ମନ୍ ଆଚେ । ଏବେ ସେ ଅଦିକ୍ ମନ୍ କଲାନି । କାଳକେବଇଲେ ସେ ତମ୍ବେ ଅଦିକ୍ ଆସା କଲାନି ।<sup>୧୧୨</sup> ଏବେ ତିତସ୍ ବିସଇ ଜାନବାର୍ ଆଲେ ସେ ତମ୍ବେ ସାଇଜ କର୍ବାକେ ମର୍ ସଙ୍ଗ୍ କାମ୍ କଲାନି । ଆରି ସେ ଦୁଇଟା ବିନ୍ ବାଇମନ୍ ଇଡିର୍ ବିସ୍ବାସିମନ୍ କଇଲାକେସେ ତାର୍ ସଙ୍ଗ୍ ଗାଲାନି । ସେମନ୍ କର୍ବା କାମର୍ ଲାଗି କିରିସ୍ଟ ଡାକ୍ ପୁଟା ଅଇସି ।<sup>୧୧୩</sup> ସେମନ୍ ତେଇ କେଟ୍ରେ ସରି ତମେ ଆଲାଦ୍ କରି ସେମନ୍ କେ ଡାକିନିଆ । ଜେନ୍ତାରି କି ତମର୍ ଆଲାଦ୍ ସଡ଼ ବଲି ସବୁ ବିସ୍ବାସିମନ୍ ଜାନ୍ବାଇ ଆରି ତମର୍ ବିସଇନେଇ ଆମେ ବଡ଼ପନ୍ ଅଇ ସବୁ କଇବାଟା, ସଡ଼ ବଲି ଜାନ୍ବାଇ ।





**ବିନ୍ ବିସ୍‌ବାସି ମନ୍କେ ସାଇଜ**

<sup>୧</sup> ଜିଉଦାଦେସେ ରଇବା ପର୍ମେସରର୍ ଲକ୍‌ମନ୍କେ ଦାନ୍ ଦେଇ ପାଟାଇତେରଇବା ତାବୁ ବିସଇ ତମକେ ଆରି ମୁଇ ନ ଲେକି । <sup>୨</sup> କାଇକେବଇଲେ ମୁଇ ଜାନି ଆତି, ତମେ ସବୁବେଲେ ସାଇଜ କର୍ବାକେ ସାରଦା ଅଇଲାସ୍‌ନି । ଆରି ମୁଇ ବଡ଼ପନ୍ ଅଇ ତମର୍ ବିସଇନେଇ ମାକିଦନିଆର୍ ଲକ୍‌ମନ୍କେ କଇ ଆତି । ମୁଇ କଇଲି “ଆକାୟାର୍ ବାଇବଇନିମନ୍ ପରୁଅନି ସାଇଜ କର୍ବାକେ ଜାଗିଆତଡ଼ ।” ସେମନ୍ ଏଟା ସୁନ୍‌ଲାବେଲେ ତାକର୍ ବିଡ଼ରେ ଅନି ବେସି ଲକ୍ ଦେବାକେ ମନ୍ କଲାଇ । <sup>୩</sup> ଏବେ ମୁଇ ଏ ବାଇବଇନିମନ୍କେ ପାଟାଇଲିନି । ଜେନ୍ତୁକି ତମର୍ ବିସଇନେଇ ମୁଇ ବଡ଼ପନ୍ ଅଇ କଇଲାଟା ଅବକା କାତାଇ ନ ରଅ । ମାତର୍ ମୁଇ କଇଲାପାରା ତମେ ଦାନ୍ ଦେବା ତାବୁସଙ୍ଗ୍ ଜାଗରଡ଼ ଅଇ ରୁଆ । <sup>୪</sup> ମାତର୍ ମାକିଦନିଆର୍ ଲକ୍‌ମନ୍ ଜଦି ମର୍ ସଙ୍ଗ୍ ଆସି ତମେ ଜାଗରଡ଼ ନ ଅଇଲାଟା ଦେକ୍‌ଲେ, ତାକର୍ ମୁଆଟେ ଆମେ ଲାଜ୍ ଅଇଜିବାର୍ ଅଇସି । ଆରି ତମେ ମିସା ଲାଜ୍ ଅଇଜାଇସା । କାଇକେବଇଲେ ଆମେ ତମକେ ବେସି ଆସାକରି ରଇଲୁ । <sup>୫</sup> ତେବେ ମୁଇ ବାବ୍‌ଲି, ଏ ବାଇବଇନିମନ୍, ମୁଇ ଜିବା ଆଗତୁ ସେମନ୍ ଜାଇକରି ଜନ୍ ଦାନ୍ ତମେ ଦେବୁ ବଲି କଇତେରଇଲାସ୍, ସେଟା ଜମାଇକରି ସଙ୍ଗିଆକେ ସେମନ୍କେ ବାରୁଜିଆ କର୍ବି । ଜଦି ଆମେ ସେନ୍ତାରି କର୍ବୁ ବଇଲେ, ଦାନ୍ ଦେବା ତାବୁ ମୁଇ ଆଇଲା ବେଲେ, ଜାଗରଡ଼ ଅଇରଇସି । ଆରି ସେଟା ତମେ ନିଜେ ମନ୍ କରି ଦେଲାସ୍ । ବାଦିଅ କଲାକେ ଦିଆସ୍ ନାଇ ବଲି ଜାନାପଡ଼ସି ।

<sup>୬</sup> ତମର୍ ମନେ ର । ଜଦି ଗଟେକ୍ ଚାସି ଉନା ବିଅନ୍ ବୁନ୍‌ସି, ସେ ଉନା ପସଲ୍ ପାଇସି । ଆରି ଜନ୍ ଚାସି ବୁଡେକ୍ ବିଅନ୍ ବୁନ୍‌ସି, ସେ ବୁଡେକ୍ ପସଲ୍ ପାଇସି । <sup>୭</sup> ଦାନ୍ ଦେବାକେ ତମେ ଜେନ୍ତୁ କାତାବାରତା ଅଇଆଟାସ୍, ସେନ୍ତାରି ଦେବାର୍‌ଆତେ । ଦୁକ୍ ଅଇକରି ନାଇ କି କେ ବାଇଦ କଲାପାଇ ନାଇ । କାଇକେବଇଲେ ତମେ ସାରଦା ସଙ୍ଗ୍ ଦେଲେ ପର୍ମେସର୍ ସେଟା ମନ୍ କର୍ସି । <sup>୮</sup> ଆରି ତମକେ ଜେଡ଼କି ଲତା ଆଟେ, ତାରତେଇଅନି ଅଦିକ୍ ପର୍ମେସର୍ ଦେଇ ପାରସି । ଜେନ୍ତାରିକି ନିଜର୍‌ପାଇ ଜେଡ଼କି ଦର୍‌କାର୍, ସେଡ଼କି ତମର୍‌ଟାନେ ସବୁ ବେଲେ ରଇସି ଆରି ବିନ୍ ଲକ୍‌ମନ୍କେ ସାଇଜ କର୍ବାକେ ମିସା ଜବର୍ ରଇସି । <sup>୯</sup> ସାସ୍‌ତର୍ କଇଲାପାରା

ଲତାକେ ଆଇବା ଲକ୍‌ମନ୍କେ ସେ ଜବର୍ ଦେଇସି ଆରି

ତାର୍ ଜିବନ୍ ଦୁକାଇଲାଟା କେବେ ମିସା ନ ସାରେ ।

<sup>୧୦</sup> ଆରି ପର୍ମେସର୍ ଜେ କି ବୁନ୍‌ବାକେ ବିଅନ୍ ଆରି କାଇବାକେ କାଦି ଦେଇସି, । ସେ ତମକେ ଜେଡ଼କି ବିଅନ୍ ଦର୍‌କାର୍ ସେଡ଼କି ଦେଇସି । ଆରି ସେଟା ବଡ଼କରି ବେସି ପସଲ୍ ଅଇସି । କାଇକେବଇଲେ ତମେ ଜବର୍ ଦେଲାସ୍‌ନି । <sup>୧୧</sup> ସେ ତମକେ ସାଉକାର୍ କରାଇସି । ଜେନ୍ତାରି କି ତମେ ସବୁବେଲେ ଜବର୍ ଦେଇପାରାସ୍ । କାଇକେବଇଲେ ଆମର୍‌ଟାନେଅନି ପାଇରଇବା, ତମେ ଦେଲା ଦାନର୍‌ପାଇ ବେସି ଲକ୍ ପର୍ମେସର୍କେ ଦନିଅବାଦ୍ ଦେବାଇ । <sup>୧୨</sup> ତମେ କର୍ବା ଏ ନିକ କାମର୍ ଲାଗି ପର୍ମେସରର୍ ଲକ୍‌ମନ୍କେ ଲତାକେ ଆଇବା ବିସଇ ପୁରାପୁରୁନ୍ ଅଇଲାନି । ଆରି ପର୍ମେସର୍‌ଟାନେ ଦନିଅବାଦ୍ ଆଜାତି ଅଇଲାପାରା ମିସା ଅଇଲାନି । <sup>୧୩</sup> ତମେ କର୍ବା ଏ ନିକ କାମ୍ ଦେକିକରି ଲକ୍‌ମନ୍ ପର୍ମେସର୍କେ ମଇମା କର୍ବାଇ । କାଇକେବଇଲେ ବିସ୍‌ବାସ୍ କରିରଇବା କିରିସ୍‌ଟର୍ ସୁବକବର୍ ତମେ ମାନ୍‌ଲାସ୍‌ନି । ଆରି ସେମନ୍କେ ଆରି ବିନ୍‌ଲକ୍‌ମନ୍କେ ମିସା ଜବର୍ ଦେଲାସ୍‌ନି । <sup>୧୪</sup> ପର୍ମେସର୍ ଜିବନ୍ ଦୁକାଇ ତମକେ ଦୟା ଦେକାଇଲାପାଇ ସେମନ୍ ବେସି ଆଲାଦ୍ ଅଇକରି ତମର୍‌ପାଇ ପାର୍‌ତନା କର୍ବାଇ । <sup>୧୫</sup> ପର୍ମେସରର୍ ବେସି ମୁଲିଅ ରଇବା ଦାନର୍‌ପାଇ ଆମେ ତାକେ ଦନିଅବାଦ୍ ଦେଉଁ ।



**ପନି କାତା ବିରୁଦେ ପାଉଲ୍ ଉତର୍ ଦେବାଟା**

<sup>୧</sup> ମୁଇ ପାଉଲ୍ ତମକେ ବାରୁଜିଆ କଲିନି, ମୁଇ ତମର୍ ସଙ୍ଗ୍ ରଇଲାବେଲେ, ତମକେ ଲାଗ୍‌ବାକେ ଡର୍‌ସି ବଲି କେତେଲକ୍ କଇଲାଇନି । ମାତର୍ ଲେକ୍‌ବାକେ ସାଆସ୍ ଅଇକରି ବାଦ୍‌ଲାପାରା ଲେକ୍‌ଲାମି ବଲି କଇଲାଇନି । ଆମେ କିରିସ୍‌ଟର୍ ସଙ୍ଗ୍ ଗାଲୁନି, ଜେ କି ବେସି ସୁଆଲ୍ ଆରି ଦରମ୍ । ସେଟା ନେଇକରି ବାରୁଜିଆ କଲିନି । <sup>୨</sup> ମୁଇ ତେନେ ଆଇଲାବେଲେ ତମର୍ ଚଲାଟଲ୍‌ତି ନିକ ଅଇରଅ । ଜେନ୍ତାରି କି ମୁଇ ତମକେ ଲାଗ୍‌ବାକେ ନ ପତେ । ମାତର୍ ଜନ୍ ଲକ୍‌ମନ୍ ଏ ଜଗତର୍ ଲକ୍ ପାରା ନିଜର୍ ମନ୍ କଲା ଇସାବେ ଗାଲାଇନି ବଲି ଆମର୍ ବିସଇନେଇ କଇଲାଇନି, ସେମନ୍କେ ଲାଗ୍‌ବାକେ ମୁଇ ନ ଡରି । <sup>୩</sup> ଆମେ ଏ ଜଗତେ ବୁଡ଼ୁନି ଏଟା ସଡ଼, ମାତର୍ ଲକ୍‌ମନର୍ ଗିଆନ୍ ସଙ୍ଗ୍ ଜୁଜିକରି ରତନାଇ । <sup>୪</sup> ଜନ୍ ଆଡ଼ ଆଡିଆର୍ ସଙ୍ଗ୍ ଆମେ ଜୁଜୁଲୁନି, ସେଟା ଲକ୍‌ମନର୍‌ଟାନେଅନି ଆସେନାଇ, ମାତର୍ ସେଟା ବେସି ବପୁର୍ ସଙ୍ଗ୍ ରଇବା ପର୍ମେସରର୍ ଟାନେଅନି ଆଇସି । ଏ ବପୁ ସଙ୍ଗ୍ ପର୍ମେସରର୍ ବିରୁଦେ ତାର୍ ସଡ଼ୁମନ୍ ଉଟାଇରଇବା

ଢାଁଟର କତି ଜାକ ଆରି ଲକ୍ମନର ମନ୍ ବିତ୍ତରେ ଦଦାପେଲା ଅଇବା ଚିନ୍ତା ସବୁ ଆମେ ଆରାଜପାରୁବୁ । <sup>୫</sup> ବଡ଼ପନ୍ ଅଇବା ଲକ୍ମନ ପରମେସରର ବିରୁଦେ ନିଜ୍ଜକେ ଉଟାଇବାଟା ଆରି ଜେଡ଼କି ସବୁ ଚିନ୍ତା ପରମେସରର ଗିଆନ୍ ଉପରେ ଉଠିସି, ସେଟା ସବୁ ଜାକ ଆମେ ବାନ୍ଧିକରି କିରିସଟକେ ମାନତ୍ ବଲି ସରପାଇବୁ । <sup>୬</sup> ତମେ କିରିସଟର ଆଦେସ୍ ସବୁ ମାନଲାଟା ଦେକାଇଲା ପତେ, ତେଇ ରଇବା ଜେଡ଼କି ସବୁ ବିସ୍ବାସିମନ୍, ଜନ୍ଲକ୍ମନ କି ତାର ଆଦେସ୍ ମାନବାକେ ମନ୍ କରତ୍ ନାଇ, ସେମନ୍କେ ଡଣ୍ଡ ଦେବାକେ ଆମେ ଜାଗରତ୍ ଅଇକରି ରଇବୁ ।

<sup>୭</sup> ତମେ ଲକ୍ମନର ବାଇରର ବିସଇ ଦେକ୍ଲାସ୍ନି । କାଇକେବଇଲେ ତମର ବିତ୍ତରେ କେତେଲକ୍ ବୁଲ୍ ଚିନ୍ତାକରି ଆମେସେ କିରିସଟର ସତ୍ ସେବାକରୁମନ୍ ବଲି ବାବ୍ଲାଇନି । ସେମନ୍ ଆରିତରେକ୍ ନିଜ୍ଜର ବିସଇ ଚିନ୍ତାକରି ଦେକ୍ବାର୍ ଆଟେ । କାଇକେବଇଲେ ସେମନ୍ ଜେନ୍ତାରି ଆଟତ୍ ଆମେ ମିସା ସେନ୍ତାରି କିରିସଟର ସତ୍ ଦାସ୍ । <sup>୮</sup> ତମର ଉପରେ ଆମର ଅଦିକାର୍ ଆଟେ । ସେଟା ପରମେସର୍ ଆମ୍ଭକେ ଦେଇରଇଲା । ମାତର୍ ସେ ଅଦିକାରର ବିସଇନେଇ ଜଦି ମୁଇ ବେସି ବଡ଼ପନ୍ ଅଇଲିଆଟି, ସେଟାର୍ପାଇ ମକେ ଲାଜ୍ ନ ଲାଗେ । ତମ୍ଭକେ ନସ୍ତ କରବା ଅଦିକାର୍ ସେ ମକେ ଦେଏନାଇ, ମାତର୍ ଜେନ୍ତି କି ତମର ବିସ୍ବାସ୍ ଢାଁଟ୍ କରାଇବି । <sup>୯</sup> ଏ ଚିଟି ଲେକିକରି ମୁଇ ତମ୍ଭକେ ଡରାଇବାକେ ମନ୍ କରନାଇ । <sup>୧୦</sup> ମାତର୍ ତମ୍ଭକେ ଲେକ୍ଲାବେଲେ ଦମ୍ଭକାଇ କରି ଲେକ୍ଲିନି ବଲି କେତେଲକ୍ କଇଲାଇନି । ମାତର୍ ତମ୍ଭ ସଙ୍ଗ୍ ରଇଲାବେଲେ ମୁଇ ଦୁର୍ବଲ୍ ଅଇକରି ମର୍ କଇଲା ପଦ୍ କାଇ ମୁଲିଅ ନାଇ ପାରା ରଇଲା । <sup>୧୧</sup> ଜନ୍ ଲକ୍ମନ ଏନ୍ତାରି କାତା ଅଇବାଇ, ଚିଟିଟାନ୍ ଆମେ ଜନ୍ ବିସଇ ଲେକିଆରୁ, ତେଇ ଆଇଲେ, ସମାନ୍ ବିସଇସେ କରୁବୁ ବଲି ସେମନ୍ ଜାନ୍ବାର୍ ଆଟେ ।

<sup>୧୨</sup> ଜନ୍ଲକ୍ମନ ଆମେ ନିଜେ ବଡ଼ଲକ୍ ବଲି ବାବିଅଇଲାଇନି, ସେମନ୍ ସଙ୍ଗ୍ ସମାନ୍ ଅଇବାକେ ଆମେ ମନ୍ କରୁନାଇ । ସେମନ୍ ସବୁରଟାନ୍ ଅନି ଆମେ ଆକା ଜାନ୍ଆରୁ ବଲି ବୁଲ୍ ଚିନ୍ତା କଲାଇନି । ସେମନ୍ ସତଇସେ ବକୁଆ । ନିଜ୍ଜକେ ନାପ୍ବାକେ, ନାପି ଅଇବାଟା ନିଜେ ତିଆର୍ କଲାଇନି । ନିଜ୍ଜକେ ବିଚାର୍ କରବାକେ ପରିକା ନିଜେ ତିଆର୍ କଲାଇନି । <sup>୧୩</sup> ମାତର୍ ଆମେ, ଆମର୍ କାମ୍ ବିସଇନେଇ ଅଦିକ୍ ବଡ଼ପନ୍ ଅଉନାଇ । ଆମେ ଜେଡ଼କି ବଡ଼ପନ୍ ଅଇବାର୍ ଆଟେ ସେଡ଼କି ବଡ଼ପନ୍ ଅଇବୁ । ପରମେସର୍ ଆମ୍ଭକେ ଜେଡ଼କି କାମ୍ ଦେଲାଆଟେ, ସେଡ଼କି କାମେ, ଆମେ ବଡ଼ପନ୍ ଅଇବୁ । ଆରି ତମର ବିତ୍ତରେ ଆମେ କରବା କାମ୍ ମିସା ତେଇ ମିସ୍ଲା ଆଟେ । <sup>୧୪</sup> ପରମେସର୍ ଆମ୍ଭକେ ଦେଇରଇବା କାମେ ତମେ ମିସ୍ଲାର୍ପାଇ କିରିସଟର ସୁବ୍ବବର୍ ନେଇକରି ଆଇଲାବେଲେ, ପରମେସର୍ ଆମ୍ଭକେ ଦେଲା କାମେଅନି ବାଇରେ ଜାଏ ନାଇ । <sup>୧୫</sup> ତେବର୍ପାଇ ବିନ୍ ଲକ୍ମର କାମ୍ କଲାଟା ନେଇକରି ଆମେ ନିଜେ ଡାକ୍ପୁଟା ଅଉନାଇ । ସେ କାମ୍ କରବାକେ ପରମେସର୍ ଆମ୍ଭକେ ଦେଏ ନାଇ । ମାତର୍ ତମର ବିସ୍ବାସ୍ ଡାଟ୍ ଅ ବଲି ଆମେ ମନ୍ କଲୁନି । ଜେନ୍ତିକି ତମର ଜାଗାଇ ଆମେ କରବା କାମ୍ ଅଦିକ୍ ଅଦିକ୍ ଅଇସି । କାଇକେବଇଲେ ପରମେସର୍ ଆମ୍ଭକେ ଦେଇରଇବା କାମେଅନି ଅଦିକ୍ କରବାକେ ଆମେ ମନ୍ କରୁନାଇ । <sup>୧୬</sup> ସେନ୍ତାଆଲେ ଆମେ ଜାଇକରି କିରିସଟର ସୁବ୍ବବର୍ ତମର ଜାଗାଇ ଅନି ତେନ୍କର୍ ଜାଗା ମନ୍କେ ଜାନାଇବୁ । କାଇକେବଇଲେ ଆମ୍ଭକେ ଦେଇରଇବା କାମେସେ ଆମେ ବଡ଼ପନ୍ ଅଇବୁ ବଲି ମନ୍ କଲୁନି । ବିନ୍ ଲକ୍ କିରିରଇବା କାମ୍ଟାନ୍ ବଡ଼ପନ୍ ନ ଅଉଁ ।

<sup>୧୭</sup> ସାସ୍ତର୍ କଇଲାପାରା “ଜେ ବଡ଼ପନ୍ ଅଇବାକେ ମନ୍ କଲାନ୍, ସେ ମାପ୍ପୁ କଲା କାମେସେ ବଡ଼ପନ୍ ଅଇବାର୍ ଆଟେ ।” <sup>୧୮</sup> କାଇକେ ବଇଲେ ଗଟେକ୍ ଲକ୍ ନିଜେ ବଲ୍ ବଲାଅଇଲେ, ମାପ୍ପୁ ଡାକେ ଅଦିକାର୍ ନ ଦେଏ । ମାତର୍ ମାପ୍ପୁ ଦେକ୍ବା ଇସାବେ ଜେ ନିକ, ସେ ତାର୍ ନିଜର୍ ଲକ୍ ଅଇସି ।

## ୧୧

### ପାଉଲ୍ ଆରି ନାଡ଼ାଇବା ସିସମନ୍

<sup>୧</sup> ଜଦି ମୁଇ ବକୁଆ ଲକ୍ମରପାରା କାତା କଇଲେ ମିସା ତମେ ସେଟା ସୁନି ଚିମ୍ବରା ଅଇରୁଆ । <sup>୨</sup> ମାପ୍ପୁ ତମର ବିସଇନେଇ ମର୍ ଲକ୍ମନ ମକେସେ ନାମିକରି ରଅତ୍ ବଲି ଦାରିଆଟେ । ସେନ୍ତିସେ ମୁଇ ମିସା ତମକେ ପରମେସର୍କେସେ ମନ୍ କରା ବଲି ଆସା କଲିନି । ସୁକଲ୍ ଅଇରଇବା ଗଟେକ୍ ଦାଙ୍ଗ୍ଡିପାରା ମୁଇ ତମକେ ଗଟେକ୍ ଦାଙ୍ଗ୍ଡାର୍ ପାଇ ମାଙ୍ଗ୍ନି କଲିଆଟି । ସେ ଅଇଲାନି ନିଜେ କିରିସଟ । <sup>୩</sup> ମୁଇ ତମର ବିସଇନେଇ ବାବି ବାବି ଆଟି । କେତେବେଲେ ତମର ମନର୍ ଚିନ୍ତା କିରିସଟତେଇ ଅନି ବିନ୍ ବାଟେ ଜାଇସି ଆରି ତାର୍ପାଇ ରଇବା ତମର ଆଲାଦ୍ ପୁରାପୁରୁନ୍ ମନ୍ ସଙ୍ଗ୍ ନ ରଏ । ଅବା ପାରା ତମେ ନାଡ଼ାଇଅଇସା ମିସା । ଜେନ୍ତିକି ସେ ଗଟେକ୍ ଚତୁର୍ ସାଁପର୍ କାତା ଦାରି ନାଡ଼ାଇଅଇଲା । <sup>୪</sup> କାଇକେବଇଲେ, ଜଦି କେ ମିସା ତମର ଲଗେ ଆସି କି ଆମେ ତମକେ ଜାନାଇରଇବା ଜିସୁର୍ ବିସଇକେ ଚାଡ଼ି, ବିନ୍ ସିକିଆ ଦେଲେ ତମେ ସାର୍ଦା ଅଇସା । ସୁକଲ୍ ଆଡ଼ମାକେ ନ ପାଇକରି ବିନ୍ ଆଡ଼ମାକେ ପାଇଲାସ୍ନି । ଆରି ସେମନ୍ ଜନ୍ ସୁବ୍ବବର୍ ଜାନାଇଲାଇନି, ସେଟା ଆମେ ଜାନାଇବା ସୁବ୍ବବର୍ ନଏଁ ।

୫ ତମର ଟାନେ ଜେଡ଼କି ସିକାଉମନ୍ ଆତଡ଼ । ଜଦି ସେମନ୍ ଆମେ ସବୁରଟାନେଅନି ମୁକିଅ ପେରିଡ଼ମନ୍ ବଲି ନିଜେ କଇଅଇଲେ ମିସା, ସେମନ୍ ମରଟାନେଅନି ବଡ଼ ବଲି ମୁଇ ବାବି ନାଇ । ୬ ମୁଇ ଅଦିକ୍ କାତା କଇ ନାପାରଲେ ମିସା, ସଡ଼ ସିକିଆ ଜାନିଆତି । ଆରି ମୁଇ ତମକେ ଜେଡେବେଲେ ଜାକ ଏ ସିକିଆ ଦେଇଡେରଇଲି, ଏଟା ତମକେ ଜାନାଇଆତି ।

୭ ତମକେ ମୁଇ ଜେଡେବେଲେ ସୁବକବର ଜାନାଇରଇଲି, କେବେ ମିସା ମର ବୁଡ଼ି ମାଜି ନାଇ । ତମକେ ମୁକିଅ ଲକ୍ କରାଇବାକେ ମୁଇ ନିଜେ ତଲକେ ଅଇଲି । ମୁଇ କରିରଇଲାଟା ବୁଲ୍ ରଇଲା କି ? ୮ ମୁଇ ତମର ବିଡ଼ରେ ସେବା କାମ୍ କଲାବେଲେ, ବିନ୍ ମଣ୍ଡୁଲିର ଲକ୍ମନ୍ ମରପାଇ କରଟ ଅଇଲାଟା ଦେଲାଇ । ତମକେ ସାଇଜ କରବାକେ ତାରଟାନେଅନି ମୁଇ ଚରାଇକରି କଲାପାରା ଅଇଲା । ୯ ମୁଇ ତମରଟାନେ ରଇଲାବେଲେ ମକେ ଲଡ଼ା ରଇଲାବେଲେ, ତମରଟାନେଅନି ମାଜିନାଇ । କାଇକେବଇଲେ ମାକିଦନିଆର୍ ବାଇବଇନିମନ୍ ମକେ ଜାଇଟା ଲଡ଼ା ରଇଲା, ସେଟା ସବୁ ଆନିଦେଲାଇ । ପୁରବେ ଜେକ୍ଟି ରଇଲା, ପଡ଼କେ ମିସା ମୁଇ ତମରଟାନେଅନି କାଇଟା ନ ମାଜି । ୧୦ ମୁଇ ବଡ଼ପନ୍ ଅଇକରି ଏନ୍ତାରି କଇବାଟା ଆକାୟାର୍ କେ ମିସା ମର ବିରୁଦେ କଇନାପାରଡ଼ । ମୁଇ କଇବାଟା ସଡ଼ । କାଇକେବଇଲେ କିରିସଟ୍ ମରସଙ୍ଗ୍ ଆଟେ । ୧୧ ମକେ ଆଲାଦ୍ ନାଇକେ ମାଙ୍ଗେ ନାଇ ବଲି ବାଦ୍ଲାସ୍ନି କି ? ମାତର ମୁଇ ତମକେ ସତଇସେ ଆଲାଦ୍ କରବାଟା ପଡ଼ମେସର୍ ଜାନେ ।

୧୨ ମୁଇ ତମରଟାନେ ଅନି କାଇକେ ବୁଡ଼ି ନେଇନାଇ ବଇଲେ, ଜେନ୍ତାରିକି ତମର ଟାନେ ରଇବା ବିନ୍ ପେରିଡ଼ମନ୍ ବଡ଼ପନ୍ ଅଇକରି, ଆମେ ପରମେସର୍ ପାଇ କରବା କାମ୍ ସମାନ୍ ଆଟେ ବଲି କଇନାପାରଡ଼ । ୧୩ ସେମନ୍ ସଡ଼ ପେରିଡ଼ମନ୍ ନଅଡ଼ । ସେମନ୍ ମିରୁଆଟାମନ୍ । ଜେ କି ନିଜର୍ ନିଜର୍ କାମ୍ ବିସଇନେଇ ମିର୍ କଇବାଇ । ଆରି ସେମନ୍ ମିର୍ ବେସ୍ ଦାରିକରି ଆମେ ସଡ଼ ପେରିଡ଼ ବଲି ଦେକାଇଅଇବାଇ । ୧୪ ଏଟା ଦେକି କାବାଅଇ ଜାଆ ନାଇ । କାଇକେବଇଲେ, ସଇତାନ୍ ମିସା ନିଜେ ବାଦ୍ଲାଅଇ ଉଜଲର୍ ଦୁଡ଼ ପାରା ଦେକାଇ ଅଇସି । ୧୫ ସେନ୍ତାର୍ ଆଲେ ତାର୍ ସେବାକାମ୍ କରୁମନ୍ ମିସା ବାଦ୍ଲାଅଇ ଦରମ୍ କାମ୍ କରୁମନ୍ ପାରା ଦେକାଇଅଇଲେ, ସେଟା କାବା ଅଇଜିବା ବିସଇ ନଏ । ସାରାସାରି ସେମନ୍କେ ତାକର୍ କରିରଇବା କାରାପ୍ କାମ୍ ଇସାବେ ତଣ୍ଟି ମିଲ୍ସି ।

**ପେରିଡ଼ ସିସ୍ ଇସାବେ ପାଉଲର୍ ଦୁକ୍**

୧୬ ମୁଇ ଏ କାତା ଆରିତରେକ୍ କଇଲିନି ଜେ, ଏଟା ଗଟେକ୍ ବକୁଆଟା, ବଲି ବାବାନାଇ । ଜଦି ତମେ ମକେ ବକୁଆ ବଲି ମାନ୍ଲାସ୍ନି, ମୁଇ କଇବା ଏ ବଡ଼ପନ୍ କାତା ଆରି ଅଲପ୍ ସୁନାତା । ସେନ୍ତାର୍ କଲେ ମୁଇ ବଡ଼ପନ୍ ଅଇ କାତା ଅଇବି । ୧୭ ମୁଇ ଏ କଇବା କାତାମନ୍ ମାପରୁ ମକେ କଅ ବଲି ମନ୍ କରେନାଇ । ମାତର ଏ କାତା ଗଟେକ୍ ବକୁଆ ଲକ୍ପାରା ବଡ଼ପନ୍ ଅଇକରି କଇଲିନି । ୧୮ କାଇକେବଇଲେ, ଏ ଜଗତେ ତାକର୍ ନିଜର୍ କାମ୍ ବିସଇନେଇ ବଡ଼ପନ୍ ଅଇ କଇବାଲକ୍ ବେସି ଆତଡ଼ । ମୁଇ ମିସା ମର ବିସଇନେଇ ବଡ଼ପନ୍ ଅଇକରି କଇବି । ୧୯ ତମେ ସବୁ ବୁଡ଼ି ରଇବା ଲକ୍ ବଲି ବଲାଇ ଅଇଲାସ୍ନି । ମାତର ବକୁଆ ମନର୍ କାମ୍ ଦେକ୍ଲେ ରୁପ୍ ଅଇଆଟାସ୍ । ୨୦ ଡେବରପାଇ ସେମନ୍ ଜଦି ତମକେ ଗତିଦାଙ୍ଗ୍ତା କରି ସଙ୍ଗାଇଲେ, କି ତମର ଦନ୍ ସପତି ନେଲେ, କି ତମକେ କାଇଆଲେ ପାନ୍ଦେ ପାକାଇଲେ, କି ଆମର୍ ତଲେ ରୁଆ ବଲି କରି କଇଲେ କି ଏନ୍ତାରି କି କେ ତମର ଗାଲେ ଚାପଡ଼ ମାରଲେ ମିସା ତମେ ମୁର୍ଚ୍ଚି କରି ରଇସା । ୨୧ ସେ ସବୁ କାରାପ୍ ବିସଇ କରବାକେ ଆମ୍ କେ ସାଆସ୍ ନ ରଇଲା । ଏଟା ସଡ଼ ବଲି କଇବାକେ ମୁଇ ଲାଜ୍ ଅଇନାଇ ।

ମାତର ସେମନ୍ କାଇ ବିସଇନେଇ ବଡ଼ପନ୍ ଅଇ କାତା ଅଇବାକେ ସାଆସ୍ କରବାଇ, ସେକ୍ଟି ମୁଇ ମିସା ସାଆସ୍ କରବି । ଦେକା ! ମୁଇ ଏଟା ଗଟେକ୍ ବକୁଆ ଲକ୍ପାରା କାତା ଅଇଲିନି । ୨୨ ସେମନ୍ ଜଦି ଆମେ ଏବ୍ରି ବସର୍ ଲକ୍ ବଇଲେ, ମୁଇ ମିସା ଡେଇରଟାସେ, ଜଦି ଆମେ ଇସ୍ରାଏଲର୍ ନାତିଡିଡି ବଇଲେ, ମୁଇ ମିସା ଡେଇର ଗଟେକ୍ । ଅବରାଆମ୍ ଆମର୍ ଆନିଦାଦି ବଇଲେ, ସେ ମର ମିସା ଆନିଦାଦି । ୨୩ ସେମନ୍ ଜଦି ଆମେ କିରିସଟ୍ ଦାଙ୍ଗ୍ତା ବଇଲେ, ମୁଇ ମିସା ଗଟେକ୍ ଦାଙ୍ଗ୍ତା । ମାତର ସେମନ୍ ଟାନେ ଅନି ମୁଇ ଅଦିକ୍ ନିକ ଦାଙ୍ଗ୍ତା । ନିଜକେ ବଡ଼ କରାଇ ମୁଇ ଗଟେକ୍ ବାୟାଲକ୍ପର ପାରା କାତା ଅଇଲିନି ବଲି ଜାନିଆତି । ମୁଇ ତାକରଟାନେ ଅନି ଅଦିକ୍ ଆବଡ଼ କାମ୍ କରିଆତି, ଅଦିକ୍ ତର ବନ୍ଦିଗରେ ରଇଆତି, ଅଦିକ୍ ତର ମାଡ଼ କାଇଆତି, ଅଦିକ୍ ତର ମଲାସମାନ୍ ଅଇଜାଇରଇଲି । ୨୪ ମୁଇ ଜିଉଦି ଲକ୍ମନରଟାନେଅନି ପାଁପାଲି ଡିରିସ୍ ନ ଡାଙ୍ଗ୍ ମାଡ଼କାଇ ଆତି । ୨୫ ରମିଅମନରଟାନେ ଡିନ୍ତର କରଡ଼ା ସଙ୍ଗ୍ ମାଡ଼କାଇ ଆତି । ଗଟେକ୍ତର ସେମନ୍ ମକେ ପାକ୍ନା ମାରଲାଇ । ମୁଇ ଜନ୍ ଜାଜେ ଜାଇଡେରଇଲି, ସେ ଜାଜ୍ ଡିନ୍ତର ବୁଡ଼ି ଜାଇରଇଲା । ତରେକ୍ ମର ଜାଜ୍ ନସିଗାଲାକେ ମୁଇ ଗଟେକ୍

☆ ୧୧:୯ ୧୧:୯ ପିଲିପିୟ ୪:୧୫-୧୮ ☆ ୧୧:୨୩ ୧୧:୨୩ ପେରିଡ଼ ୧୭:୨୩ ☆ ୧୧:୨୫ ୧୧:୨୫ ପେରିଡ଼ ୧୭:୨୨; ପେରିଡ଼ ୧୪:୧୯

ଦିନ ଆରି ଗଟେକ ରାତି, ସମସ୍ତରେ ଉପକି ଅଇ ରଇଲି । ୨୭ ✨ମୁଇ ଜିବାବେଲେ ବାଟେ, ମର୍ ମୁଆଟେ କେତେକ କେତେକ ବିପଦ ଆଇଲା । ଜେନ୍ତିକି, ବନିଆର୍ ବିପଦେ, ଚର୍ମନର୍ ବିପଦେ, ମର୍ ଜିଉଦି ବାଇମନର୍ ବିପଦେ, ଜିଉଦି ନ ଅଇଲା ଲକ୍ମନର୍ ବିପଦେ, ସଅରେ ଅଇରଇବା ବିପଦେ, କିନରା ଜାଗା ମନର୍ ବିପଦେ, ତଙ୍ଗରର୍ ଜିଉଦି ଜିଆଦ୍ ମନର୍ ବିପଦେ, ସମସ୍ତରେ ବନିଆ ଆଇଲାବେଲର୍ ବିପଦେ ଆରି କିରିସ୍ତର୍ ବିସ୍ବାସିମନ୍ ବଲି ନାଡାଇ ଅଇରଇବା ଲକ୍ମନର୍ ବିପଦେ । ୨୮ ମର୍ କାମ୍ ଆବଡ୍ କାମ୍ ଆରି ମୁଇ ସବୁବେଲେ ଆବଡ୍ କାମ୍ କଲିଆତି । ବେସି ତର୍ ରାତିଆ ସଇ ନାପାରୁଲି, ବୁକେ ସସେ ରଇଆତି, ବେସି ତର୍ ମକେ କାଦି କେଟେ ନାଇ, ପିନ୍ଦାବାକେ ବସତର୍ ନାଇ, କି ରଇବାକେ ଗର୍ ନ ରଇଲା । ୨୯ ସେ ସବୁ ବିସଇ ମର୍ପାଇ ଅଇରଇଲା । ମାତର୍ ଆରି ମର୍ ବିନ୍ ବିନ୍ ଦୁକ୍ କସଟ୍ ଆଟେ । ସବୁ ମଣ୍ଡଲିର୍ ପାଇ ଚିନ୍ତା କରି ମୁଇ ଦୁକ୍ କସଟ୍ ପାଇଲିନି । ୩୦ ଜଦି କିରିସ୍ତର୍ ଲଗେ ରଇବା କାର୍ ବିସ୍ବାସ୍ ଉନା ଅଇସି ବଇଲେ ମକେ ମିସା ଦୁର୍ବଲ୍ ଲାଗସି । କେ ଜଦି ପାପ୍ କଲେ, ତାର୍ ଲାଗି ମୁଇ ବେସି ଦୁକ୍ କସଟ୍ ପାଇଲିନି ।

୩୦ ମୁଇ ବଡ୍ପନ୍ ଅଇ କାତା ଅଇବାକେ ମନ୍ କରନାଇ । ଜଦି ସେନ୍ତି କର୍ବାର୍ ଆଲେ, ମକେ ଗଟିରଇବା, ଦୁକ୍ କସଟ୍ ବିସଇନେଇ ମୁଇ ବଡ୍ପନ୍ ଅଇବି । ସେନ୍ତାର୍ଆଲେ ମୁଇ କେତେ ଦୁର୍ବଲ୍ ଆତି ବଲି ତମେ ଜାନସା । ୩୧ ମୁଇ ତମ୍କେ ଜେଡ୍କି ବିସଇ କଇଲି, ସେଟା ସବୁ ସଡ୍ । ଗଟେକ ମିସା ମିର୍ ନର୍ । ଆମର୍ ମାପରୁ ଜିସୁର୍ ବାବା ପର୍ମେସର୍ ଏଟା ଜାନେ । ସେ ଜୁଗ୍ ଜୁଗ୍ ଡାକ୍ପୁଟା ପାଅ । ୩୨ ✨ପୁର୍ବେ ମୁଇ ଦାମାସ୍କାସେ ରଇଲା ବେଲେ ରାଜା ଆରେତାସରର୍ ତଲେ ଗଟେକ୍ ସାସନ୍ କାରିଆ ରଇଲା । ସେ ସଅର୍ ସଦି ଜାଗବାକେ ତାର୍ ସନିଅମନ୍କେ କଇଲା । ଜେନ୍ତାରି କି ଜେଡେବେଲେ ମୁଇ ସେ ସଅରେ ବାରଇତି, ସେମନ୍ ମକେ ଦାର୍ତାଇ । ୩୩ କେନ୍ତି ବଇଲେ ତେଇର୍ ପାକ୍ନା ପାଚୁରିର୍ କାଣାବାଟେ ମକେ ଚାଟ୍ନାଇ ପୁରାଇ ଉଡ୍ରାଇ ଦେଲାଇ । ଆରି ତାର୍ ଗାନେ ଅନି ବ୍ଟିଗାଲି ।

## ୧୨

### ପାଉଲ୍ ଦର୍ସନ୍ ଦେକ୍ଲାଟା

୧ ସେନ୍ତାର୍ଆଲେ ମୁଇ ବଡ୍ପନ୍ ଅଇ କଇଲା ଗାନେ କାଇ ଲାବ୍ ନଇଲେ ମିସା ମୁଇ ବଡ୍ପନ୍ ଅଇ କାତା ଅଇବି । ଏବେ ମୁଇ ଦର୍ସନ୍ ବିସଇ ଆରି ମାପରୁ ମକେ ଜାନାଇଲା ବିସଇ ତମ୍କେ କଇବି । ୨ ମୁଇ ଜାନିରଇବା ଗଟେକ୍ ବିସ୍ବାସି ଆଟେ । ଜାକେ କି ଚଉଦ ବରସର୍ ଆଗେ ସର୍ଗେ ନେଲାଇ । ସେ ସଡ୍ରେ ସର୍ଗେ ଗାଲା କି ତାକେ ଦର୍ସନେ ସେ ସରଗ୍ ଦେକାଇଅଇଲା କି ନାଇ ବଲି ମୁଇ ନାଜାନି । ସେଟା ପର୍ମେସର୍ ସେ ଜାନେ । ୩ ମାତର୍ ମୁଇ ଜାନିଆତି, ତାକେ ସର୍ଗେ ନେଲାଇ ବଲି । ମୁଇ ଆରି ତରେକ୍ କଇଲିନି ସେ ସତଇସେ ତେଇ ଗାଲା କି ଦର୍ସନେସେ ସରଗ୍ ଦେକାଇ ଅଇରଇଲା, ସେଟା ମୁଇ ନାଜାନି । ସେଟା ପର୍ମେସର୍ସେ ଜାନେ । ୪ ଆରି ସେ ତେଇ ରଇଲାବେଲେ ଲକ୍ମର୍ ବାସାଇ କାତା ନ ଅଇବା ବିସଇ ସୁନ୍ଲା । ଜନ୍ଟା ମୁନ୍ସ୍ ମନର୍ କଇବାର୍ ଅଦିକାର୍ ନାଇ, ସେଟା ମିସା ସେ ସୁନ୍ଲା । ୫ ଏ ଲକ୍ମର୍ ବିସଇନେଇ ମୁଇ ବଡ୍ପନ୍ ଅଇ କାତା ଅଇବି, ମାତର୍ ମର୍ ନିଜର୍ ବିସଇନେଇ ବଡ୍ପନ୍ ଅଇ କାତା ନ ଅଇ । ମର୍ ଦୁର୍ବଲ୍ ରଇବା ବିସଇଟାନେସେ ମୁଇ ବଡ୍ପନ୍ ଅଇବି । ୬ ମୁଇ ଜଦି ବଡ୍ପନ୍ ଅଇ କାତା ଅଇବାକେ ମନ୍ କଲେ, ସେଟା ବୁଦି ନ ରଇଲା ଲକ୍ମ ବଡ୍ପନ୍ ଅଇଲାପାରା ନ ଅଏ । ମୁଇ କଇବାଟା ସବୁ ସଡ୍ । ମାତର୍ ମୁଇ ବଡ୍ପନ୍ ଅଇକରି କାତା ନ ଅଇ । କାଇକେବଇଲେ ଲକ୍ମନ୍ କେତେବେଲେ ମିସା ମକେ ମୁଇ ଜେଡ୍କି ଆତି, ତାର୍ତେଇଅନି ଅଦିକ୍ ଗଟେକ୍ ବଡ୍ ଲକ୍ମ୍ ଇସାବେ ଦେକ୍ବାଇ । ମୁଇ କର୍ବା କାମ୍ ଦେକିକରି ଆରି ମୁଇ କଇବା କାତା ସୁନିକରିସେ ସେମନ୍ ମାନ୍ବାଇ ।

୭ ମୁଇ ପର୍ମେସର୍ ଗାନେଅନି ବେସି ବଡିଆ ଦର୍ସନ୍ ପାଇଲିଆତି ବଲିକରି ବଡ୍ପନ୍ ନ ଅଇବାକେ ପର୍ମେସର୍ ମକେ ଦୁକାଇବା ଗଟେକ୍ ରଗ୍ ଦେଲା । ଏ ରଗ୍ ସଇତାନର୍ ଦୁଡ୍ପାରା ମାର୍ବାକେ ମର୍ ଗାଗଡେ ଆଟେ । ଜେନ୍ତି କି ମୁଇ ଆରି ବଡ୍ପନ୍ ନ ଅଇ । ୮ ଏ ରଗ୍ ମର୍ଗାନେଅନି ଦାରିଜାଅ ବଲି ମୁଇ ତିନ୍ତର୍ ମାପରୁକେ ଗୁଆରି କଲି । ୯ ମାତର୍ ସେ ଏନ୍ତାରି କଇଲା, “ତମ୍କେ ଜେଡ୍କି ସବୁ ଲଡା ଆଟେ, ମର୍ ଜିବନ୍ ଦୁକାଇଲାଟା, ସେଟା ପୁରାପୁରୁନ୍ କର୍ବାକେ ଅଇସି । କାଇକେବଇଲେ ଜେଡେବେଲେ ତୁଇ ଦୁର୍ବଲ୍ ରଇସୁ, ସେବେଲେ ମର୍ ବପୁ ନିକକରି ଡିସସି ।” ତେବେ ମର୍ ଦୁର୍ବଲ୍ ବିସଇନେଇ ବଡ୍ପନ୍ ଅଇକରି କଇବାକେ ମକେ ବେସି ସାର୍ଦା ଲାଗସି । କାଇକେବଇଲେ ମୁଇ ଦୁର୍ବଲ୍ ରଇଲାବେଲେ କିରିସ୍ତର୍ ବପୁ ମକେ ସାଇଜ କର୍ବାଟା ଜାନଲିନି । ୧୦ ସେଟାର୍ ପାଇ ମକେ କିରିସ୍ତର୍ ଲାଗି ଜେଡ୍କି ସବୁ ଗଟ୍ସି, ମୁଇ ସାର୍ଦା ଅଇ ରଇବି । ଜେନ୍ତିକି ମର୍ଗାଗଡ୍ ଦୁର୍ବଲ୍ ରଇଲେ ମିସା, ନିନ୍ଦା ପାଇଲେ ମିସା, ଦୁକ୍ କସଟ୍ ଅଇରଇଲେ ମିସା, ଆରି ସାଦ୍ବାନ୍ଦ୍ ଅଇ ଦୁକ୍ କସଟ୍ ପାଇଲେ ମିସା । କାଇକେବଇଲେ ଜେଡେବେଲେ ମୁଇ ଦୁର୍ବଲ୍ ଅଇଆତି, ସେଡ୍କି ବେଲେ ମୁଇ ବପୁ ଅଇଆତି ।

✨ ୧୧:୨୭ ୧୧:୨୭ ପେରିଡ୍ ୯:୨୩; ପେରିଡ୍ ୧୪:୫ ✨ ୧୧:୩୨ ୧୧:୩୨ ପେରିଡ୍ ୯:୨୩-୨୫

**କରକ୍ତିଅର୍ ଲକ୍ଷ୍ୟମାନର ପାଇ ପାଉଲର ବାବନା**

<sup>୧୧</sup> ନିଜେ ବଡ଼ ଅଇବାକେ ମୁଇ ବକୁଆ ଲକ୍ଷ୍ୟ ପାରା ଅଇଲିନି । ମାତର ମୁଇ ତମ୍ଭେ ଦସ୍ ଦେଲିନି । କାଇକେବଇଲେ ତମେ ଜଦି ମକେ ସନ୍ମାନ ଦେଇତାସ୍, ମୁଇ ଏନ୍ତାରି ନ କରତି । ମୁଇ କାଇ କାମେ ନାଇ, ବଲି କେତେଲକ୍ କଇଲେ ମିସା ତମର ସେ ପେରିଡ଼ମାନର ଟାନେ ଅନି ଉନା ନଇ । <sup>୧୨</sup> ଜେତେବେଲେ ମୁଇ ତମରଟାନେ ରଇଲି, ସେ ବେଲେ ମୁଇ ମୁରତିକରି ରଇବା କାବା ଅଇଜିବା କାମମନ୍ ଆରି ତିନମନ୍ ତମେ ଦେକିରଇଲାସ୍ । ସେଟା ଦେକି ମୁଇ ଗଟେକ୍ ପେରିଡ଼ ବଲି ତମେ ଜାନଲାସ୍ । <sup>୧୩</sup> ବିନ୍ ମଣ୍ଡଲିମନ୍‌କେ ମୁଇ ଜାଇଟା କରିରଇଲି, ସେ ସମାନ ବିସଇସେ ତମରପାଇ ମିସା କଲି । ଏଡ଼କି ସେ ଜେ ତମ୍ଭେ ବୁଡ଼ି ମାଜି ତମର ଉପରେ ବଜ୍ ଟାପାଇନାଇ । ଜଦି ସେଟା ମର ବୁଲ୍ ଅଇଲା ଆତେ ବଇଲେ ମକେ କେମା କରିଦିଆସ୍ ।

<sup>୧୪</sup> ଦେକା, ଏଟା ସଙ୍ଗ୍ ତିନ୍ ତର ଅଇଲାବେ ମୁଇ ତମରଲଗେ ବୁଲି ଆଇବି ବଲି ଜାଗିଆତି । ଆଗର ପାରା ଏବେ ମିସା ତମରଟାନେ ଅନି କାଇଟା ନ ମାଜି । ତମେ ଦେବାଟା ମୁଇ ମନ୍ କରିନାଇ, ତମର ଆଲାଦ୍ ମନ୍ କଲିନି । ଏନ୍ତାରି ନଏଁ ଜେ ପିଲାମନ୍ ଆୟା ବାବାରପାଇ ସଙ୍ଗଇବାଇ, ମାତର ଆୟାବାବା ପିଲାମାନର ପାଇ ସଙ୍ଗଇବାର ଆତେ । <sup>୧୫</sup> ସତଇସେ ମର ଜେଡ଼କି ସବୁ ଆତେ, ସେଟା ସବୁଜାକ ତମ୍ଭେ ଦେବାକେ ମୁଇ ସାରଦା ଅଇବି । ଜେନ୍ତାରି କି ତମ୍ଭେ ସାଇଜ କରବାକେ ମର ଗାଗଡ଼ ମିସା ସର୍ପି ଅଇଦେବି । ତମର ପାଇ ରଇବା ମର ଆଲାଦ୍ ଅଦିକ୍ ଅଦିକ୍ ଅଇ ଆଇଲାନି, ମାତର ମର ପାଇ ରଇବା ତମର ଆଲାଦ୍ ଉନା ଅଇ ଆଇଲାନି ।

<sup>୧୬</sup> ମୁଇ ତମରଟାନେଅନି ବୁଡ଼ି ମାଜିନାଇ, ସେଟା ସଡ଼ ବଲି ତମେ କଇଲାସ୍‌ନି, ମାତର ତମର ବିଡ଼ରେ କେତେ ଲକ୍ କଇଲାଇନି, ଜେ ମୁଇ ଚାଲାକି ଆରି ମର ଲାଗି ତମେ ନାଡ଼ାଇଅଇଲାସ୍ । <sup>୧୭</sup> ମୁଇ ତମ୍ଭେ କେନ୍ତେ ନାଡ଼ାଇଲି ? ମୁଇ ତମର ଲଗେ ଜନ୍ ଲକ୍ଷ୍ୟମନ୍‌କେ ପାଟାଇ ରଇଲି, ସେମାନର ଦେଇ ନାଡ଼ାଇଲି କି ? <sup>୧୮</sup> ମୁଇ ତିତସ୍‌କେ ତମର ଲଗେ ଜିବାକେ ବାବୁଜିଆ କଲି । ଆରି ତାରସଙ୍ଗ୍ ଜିବାକେ ଗଟେକ୍ ବିସବାସି ବାଇକେ ମିସା ପାଟାଇରଇଲି । ତିତସ୍‌କାକ ତମର ଲଗେ ଅନି କାଇଟା ଲାବ୍ କଲା ଆତେ କି ? ତିତସ୍ ତମ୍ଭେ ନାଡ଼ାଇଲା ବଲି ତମେ କଇନାପାରାସ୍ । କାଇକେବଇଲେ, ସେ ଆରି ମୁଇ, ଆମେ ସୁକଲ୍ କାମର ପାଇସେ ଏଟା କଲୁନି ।

<sup>୧୯</sup> ଆମେ ତମର ବିରୁଦେ କାଇ ଦସ୍ କରୁନାଇ ବଲି ତମ୍ଭେ ଦେକାଇ ଅଇବାକେ ଚେସ୍‌ଟା କଲୁନି ବଲି ତମେ ବାସ୍‌ସା ମିସା । ମାତର ସେନ୍ତାରି ନାଇ । ଆମେ କିରିସ୍‌ଟର ଲକ୍ ଇସାବେ ପରମେସରର ମୁଆଟେ କାତା ଅଇଲୁନି । ଆଲାଦ୍‌ର ମଇତରମନ୍ ! ତମର ଟାନେ ଆମେ ଜେଡ଼କି ବିସଇ କଲୁଆତୁ, ସେଟା ତମର ବଲ୍ ପାଇ । <sup>୨୦</sup> ମୁଇ ବେସି ଚିନ୍ତାଇ ଆତି, ମୁଇ ତମର ଟାନେ ଆଇଲାବେଲେ, ମନ୍ ନ କରବା ଚଲାଚଲ୍‌ତି ତମର ବିଡ଼ରେ ଦେକ୍‌ବି ମିସା । ସେନ୍ତାରି ଅଇଲେ, ମୁଇ ତମ୍ଭେ ଦମ୍‌କାଇବାକେ ପଡ଼ସି ଆରି ସେଟା ତମେ ମନ୍ ନ କରାସ୍ । ତେଇ କେତେଟା ଜୁଜିଆଲ୍‌ମନ୍, ଇସ୍‌ଲିଆମନ୍, ଦାପରେ ରିସା ଅଉମନ୍, ନିଜର ବିସଇ ଦେକାଇ ଅଉମନ୍, ତାର ବାଇମନ୍‌କେ ନିନ୍ଦା କରୁମନ୍, ତିପ୍‌ଲିଆମନ୍, ବଡ଼ପିଆମନ୍, ଆରି ବିସବାସିମନ୍ ଗଟେକ୍ ମନ୍ ନ ଅଇଲାଟା ଦେକ୍‌ବି । <sup>୨୧</sup> ମୁଇ ଚିନ୍ତାଇ ଆତି ଜେ, ମୁଇ ଆରିତରେକ୍ ଆଇଲାବେଲେ, ତମର ମୁଆଟେ ମକେ ପରମେସର ଲାଜ୍ କରାଇସି । ଆରି ମୁଇ ବେସି ଦୁକ୍ ଅଇବି । କାଇକେବଇଲେ, ଆଗେ ଜେଡ଼କି ଲକ୍ ପାପ୍ କରି ଆଟଡ଼ ବଲି ମୁଇ ଜାନିଆତି । ସେମନ୍ ଏବ୍‌କେ ଜାକ ତାକର କାରାପ୍ ଚଲାଚଲ୍‌ତିର ଲାଗି ମାନି ଅଅଡ଼ ନାଇ । ଜନ୍‌ଟାକି ନିଜର କାରାପ୍ ମନ୍ କଲା ଇସାବେ ବୁଡ଼ବାଟା ଆରି ବେସିଆ କାମ୍ କରବାଟା ।

**୧୩**

**ସାରାସାରି ଜୁଆର କରି ମନା କରବାଟା**

<sup>୧</sup> ଏଟାସଙ୍ଗ୍ ତିନ୍‌ତର ଅଇଲାବେ ତମର ଲଗେ ମୁଇ ଆଇଲିନି । ସାସ୍‌ତର କଇଲାପାରା "ମଣ୍ଡଲିର ବାଇମାନର ବିରୁଦେ ନିନ୍ଦା କାତା ଉଟ୍‌ଲେ, ସେଟା ତିନ୍ ଲକ୍ ନଇଲେ ଦୁଇଲକ୍ଷ୍ ସାକିର ମୁଆଟେ ସବୁଜାକ ରାଜିନାମା କରାଇବାର ଆତେ । <sup>୨</sup> ଆଗେ ପାପ୍‌କରି ରଇବା ଲକ୍ଷ୍ୟମନ୍‌କେ, ଆରି ଏବେ ପାପ୍ କଲା ଲକ୍ଷ୍ୟମନ୍‌କେ ମୁଇ ତମର ଲଗେ ଦୁଇପାଲି ଆଇଲା ବେଲେ କଇରଇଲି । ମୁଇ ତେଇ ନ ଆଇବା ଆଗ୍‌ତୁ କଇଲିନି, ମୁଇ ଆରିତରେକ୍ ଆଇଲାବେଲେ କେ ଜଦି ତାକର ପାପେ ଅନି ନ ବାଉଡ଼ଡ଼, । ସେମନ୍‌କେ ଦୟା ନ ଦେକାଇ । <sup>୩</sup> ମୁଇ କଇବାଟା ଏ ସବୁ କିରିସ୍‌ଟର ଆଦେସେ ଅନି ଆଚେବଲି ଜାନବାକେ ତିନ୍ ମାଜିଲାସ୍‌ନି । ମୁଇ ତମ୍ଭେ ଡ଼ଣ୍ଡ ଦେଲାବେଲେ ସେ ତିନ୍ ବିସଇ ଜାନସା । କିରିସ୍‌ଟ ତମର ବିଡ଼ରେ କାଇ କାମ୍ କଲେ ମିସା ବପୁର ସଙ୍ଗ୍ କରସି, ଦୁର୍‌ବଲ୍ ଅଇକରି ନାଇ । <sup>୪</sup> କାଇକେବଇଲେ କୁରସେ ଚଗାଇଲାବେଲେ ସେ ଦୁର୍‌ବଲ୍ ପାରା ଡ଼ିସ୍‌ଲେ ମିସା ପରମେସରର ବପୁସଙ୍ଗ୍ ସେ ବୁଡ଼ିଆତେ

। ସେନ୍ତାରିସେ କିରିସ୍ତର୍ତେଇ ମିସି ରଇଲାରପାଇ ଆମେ ମିସା ଦୁର୍ବଲ୍ ପାରା ଡିସଲୁନି । ମାତର୍ ପର୍ମେସରର୍ ବପୁ ସଙ୍ଗ୍ ଜିଇ ରଇରୁ ଆରି ତମର୍ ବିତ୍ତରେ କର୍ବା ଜନ୍ କାମେ ମିସା ତାର୍ ବପୁ ରଇସି ।

<sup>୫</sup> ତମେ ନିଜେ ନିଜେ ବିସ୍ବାସେ ଆଗାସ୍ କି ନାଇ, ବିଚାର୍ କରି ଦେକା । ଜିସୁକିରିସ୍ତର୍ ତମର୍ ବିତ୍ତରେ ବାସା ଅଇଆରେ ବଲି ନାଜାନାସ୍ କି ? ତମେ ବିସ୍ବାସ୍ କରାସ୍ ନାଇକେ, କିରିସ୍ତର୍ ତମର୍ତାନେ ବାସା ଅଏନାଇ ।<sup>୬</sup> ମାତର୍ ମୁଇ ଆସା କଲିନିଜେ, ଆମେ ସବୁଲକ୍ କିରିସ୍ତର୍ ପେରିଡ୍ ଅଇଆରୁ ।<sup>୭</sup> ତମେ କାଇ କରାପ୍ କାମ୍ ନ କରା ବଲି, ଆମେ ପର୍ମେସର୍କେ ଗୁଆରି କଲୁନି । ଇତି ପୁରାପୁରୁନ୍ ଟିକ୍ କରିଆରୁ ବଲି ଆମେ ଦେକାଇବାକେ ଜାଉନାଇ, ମାତର୍ ସେଟା ନାପାରି ରଇଲେ ମିସା, ତମେ ଜେକ୍ଟିକି ସତ୍‌କାମ୍ କର୍ସା, ଏଟାରପାଇ ଆମେ ପାର୍ତନା କଲୁନି ।<sup>୮</sup> ସତ୍ ବିସଇର୍ ବିରୁଦେ ଆମେ କାଇଟା ନ କରୁ, ମାତର୍ ତାର୍ ପାଇ ଟିଆ ଅଇରୁ ।<sup>୯</sup> ଜଦି ଲକ୍‌ମନ୍ ଆମ୍‌କେ ଦୁର୍ବଲ୍ ଆଚଡ୍ ବଲି କଇଲେ ମିସା, ଆମେ ସାର୍ଦାସଙ୍ଗ୍ ଆରୁ । ତମେ ଆକା ବିସ୍ବାସେ ଡା଼ର୍ ରଇବାର୍ଆରେ । ଆରି ତମର୍ ଚଲାଚଲ୍‌ତି ସିଦ୍ ଅଇଜାଅ ବଲି ଆମେ ଗୁଆରି କଲୁନି ।<sup>୧୦</sup> ମୁଇ ନ ଆଇତେ ଏ ସବୁଜାକ ତମ୍‌କେ କାଇକେ ଲେକ୍‌ଲିନି ବଇଲେ, ଜେକ୍ଟିକି ମୁଇ ଆଇଲାବେଲେ ମାପୁରୁ ମକେ ଦେଇରଇବା ଅଦିକାର୍ ସଙ୍ଗ୍ ତମ୍‌କେ ତଣ୍ଟ ଦେବାକେ ନ ପଡେ । ଜନ୍ ଅଦିକାର୍ ତମର୍ ବିସ୍ବାସ୍ ବଡାଇବାକେ ଦେଲାଆରେ, ମାତର୍ ସେଟା ଉନା କର୍ବାକେ ନାଇ ।

<sup>୧୧</sup> ଏବେ ଏ ମର୍ ବାଇବଇନିମନ୍ ମୁଇ ରଇଲିନି । ତମର୍ ଚଲାଚଲ୍‌ତି ସିଦ୍ କର୍ବାକେ ଜବର୍ ଚେସ୍ଟା କରା । ମର୍ ଆଦେସ୍ ସବୁ ମାନିକରି ରୁଆ । ସବୁଲକ୍ ଗଟେକ୍ ମନ୍ ଅଇକରି ସାନ୍ତିଅଇ ରୁଆ । ତେବେ ଆଲାଦ୍ ଆରି ସାନ୍ତିର୍ ପର୍ମେସର୍ ତମର୍ ସଙ୍ଗ୍ ରଇସି ।

<sup>୧୨</sup> ତମେ ରୁଣ୍ଡଲା ବେଲେ ନିଜର୍ ନିଜର୍ ବିତ୍ତରେ କିରିସ୍ତର୍ ଆଲାଦେ ଜୁଆର୍ବେଟ୍ ଉଆ । ଇତି ରଇବା ପର୍ମେସରର୍ ଲକ୍‌ମନ୍ ତମ୍‌କେ ଜୁଆର୍ ଜାନାଇଲାଇନି ।

<sup>୧୩</sup> ଆମର୍ ମାପୁରୁ ଜିସୁକିରିସ୍ତର୍ ଜିବନ୍ ଦୁକାଇଲାଟା, ପର୍ମେସରର୍ ଆଲାଦ୍ ଆରି ସୁକଲ୍ ଆଡ୍‌ମାର୍ ମିସିକରି ରଇବାଟା, ତମର୍ ସବୁ ଲକର୍ ସଙ୍ଗ୍ ରଅ । ଜୁଆର୍ ।

## ଗାଳାତିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ପତ୍ର ଗାଳାତିୟ ମଣ୍ଡଳୀର ଲକ୍ଷ୍ୟମାନଙ୍କେ ପାଉଲ୍ ଚିଠି ଲେଖିଲାଟା ଏ ବଇ ବିସଇ ପଦେକ୍ ଜାନ୍‌ବାଟା

ଗାଳାତିୟ ବଇ ପେରିଡ୍ ପାଉଲ୍ ଲେକିଆଟେ । ୧:୧ ଏ ଚିଠି ଗାଳାତିୟ ମଣ୍ଡଳୀର ବିସ୍ୱାସୀମାନଙ୍କେ ଲେକାଅଇରଇଲା । ଏଟା ଜିସୁକିରିସ୍ଟ ଜନମ୍ ଅଇକରି ୪୮-୫୭ ବିଡ୍‌ରେ ଲେକିରଇଲା । ଗାଳାତିୟର ଲକ୍ଷ୍ୟମନ୍ ରମ୍ ରାଇଜର୍ ଗାତିଆ ନାଉର୍ ଜାଗାଇ ବାସା ଅଇରଇଲା । ପାଉଲ୍ ଏ ଚିଠି ଲେଖିଲା ବେଲେ କନ୍ତି ରଇଲା, ସେ ବିସଇ ପଣ୍ଡିତମନ୍ ନିକସଙ୍ଗ ନାଜାନଡ୍ । ମାତର୍ ଏପିସେ ନଇଲେ କରନ୍ତି ଏ ଦୁଇଟା ଜାଗାଇ ରଇସି କାଇକି ବଲି କଇବାଇ । ପାଉଲ୍ ଗାଳାତିୟ ମଣ୍ଡଳୀତେଇ ରଇବା ଜିଉଦି ଆରି ଜିଉଦି ନ ଅଇଲା ବିସ୍ୱାସୀମାନର୍ କୁଟୁମ୍, ଜାଗା ସବୁ ମିସାଇକରି ଚିଠି ଲେକିଆଟେ । ସେ ମିଡ୍ ସିକିଆ ବିରଦ୍ କର୍‌ବାପାଇ ଅଦିକ୍ ଦିଆନ୍ ସଙ୍ଗ ଲେକିଆଟେ । ସେଟା ଜିଉଦିମାନଙ୍କେ ପୁରନା ନିୟମର୍ ତାକର୍ ରିତିନିତି ମାନି ଚଲ୍‌ବାକେ ଲେକାଅଇଆଟେ । ଦେକ୍‌ବାକେଗାଲେ ସୁନଡ୍ ଅଇବା ବିଦି ବିସଇ ଅଦିକ୍ ଦିଆନ୍ ଦିଆଅଇଆଟେ । ବିସ୍ୱାସୀମାନର୍ ବିଡ୍‌ରେଅନି କେତେକ୍ ଲକ୍, ଜନ୍ ଲକ୍‌ମାନଙ୍କେ କି ଜୁଡାଇମ୍ ବଲି କଇତେରଇଲା । ସେମନ୍ ଜିଉଦି ନଇଲା ବିସ୍ୱାସୀମାନଙ୍କେ ସୁନଡ୍ ଅଇବା ରିତିନିତି ମାନବାକେ କଇତେରଇଲା ।

ସେମନ୍ ପାଉଲ୍ କେନ୍ତି ପେରିଡ୍ ଅଇବା ଅଦିକାର୍ ପାଇଲା, ସେ ବିସଇ ପାଚାଡ୍‌ତେରଇଲା । ପାଉଲ୍ ସେମାନଙ୍କେ କେତେଟା କାତାନି ସଙ୍ଗ ମିସାଇକରି ସେ ପେରିଡ୍ ଅଇଲା ଅଦିକାର୍ ବିସଇ ଜୁକ୍ତି କର୍‌ତେରଇଲା । ୧:୧-୨:୧୪ ଜିସୁକିରିସ୍ଟଙ୍କେ ବିସ୍ୱାସ୍ କଲେ ମୁକ୍ତି ପାଇବାର୍ ଅଇସି ବଲି ବୁଜାଇକରି ସୁବ୍‌କବର୍‌କେ ରକିଆକରିଆଟେ ୨:୧୬ । ଜନ୍‌ଟାକି ପର୍‌ମେସର୍ ଦୟାକଲେ ଅଇସି, ମୁନୁସ୍ କଲାଟା ନଏ ।

### ଏ ବିଡ୍‌ରେ ରଇବାଟା

- ୧. ପାଉଲ୍ ଜୁଆର୍ ଜାନାଇବାଟା । ୧:୧-୫
- ୨. ଆଗତ୍ ପାଉଲ୍‌ର୍ ଜିବନ୍ କେନ୍ତାର୍ ରଇଲା, ତାର୍ ସିକିଆଦେବା ଅଦିକାର୍ ଆରି ରିତିନିତି ମାନବା ବିସଇ । ୧:୬-୨:୨୧
- ୩. ରିତିନିତି ମାନବାଟା ଆରି ପର୍‌ମେସର୍‌ର୍ ଦୟାଟାନେ ଅନି ମୁକ୍ତି ପାଇବାଟା । ୩-୪
- ୪. ନିକ ବିସ୍‌ବାସି ଅଇକରି ଜିଉନା କାଉନା ବିସଇର୍ ସିକିଆ । ୫:୧-୬:୧୦
- ୫. ପାଉଲ୍ ଜୁଆର୍ ଜାନାଇବାଟା ଆରି ପର୍‌ମେସର୍‌ର୍ ଟାନେ ରଇକରି ଜିବନ୍ ବାଦ୍‌ଲାଇବା ବିସଇ ଜାଗ୍‌ରଡ୍ କରାଇଲାନି । ୬:୧୧-୧୮

<sup>୧</sup> ମୁଇ ପେରିଡ୍ ସିସ୍ ପାଉଲ୍ । ପେରିଡ୍ ସିସ୍ ଅଇବାକେ ମୁଇ ଲକ୍‌ମାନର୍‌ଟାନେଅନି କି ଲକ୍‌ମାନର୍ ମାଲାକାରିଆ ଇସାବେ ତାକ୍‌ରା ପାଇନାଇ । ଏ ତାକ୍‌ରା ମୁଇ ବାବା ପର୍‌ମେସର୍‌ର୍ ଆରି ଜିସୁ କିରିସ୍ଟର୍‌ର୍ ତେଇଅନି ପାଇଲିଆତି । ପର୍‌ମେସର୍‌ ତାକେ ମଲାଟାନେଅନି ଉଟାଇଆଟେ । <sup>୨</sup> ଆରି ଏଟା ଗାଳାତିୟ ମଣ୍ଡଳୀତେଇ ରଇବା ତମର୍‌ପାଇ ମର୍ ଚିଠି । ଜନ୍ ବିସ୍‌ବାସି ବାଇବଇନିମନ୍ ମର୍ ସଙ୍ଗ ଆଟଡ୍, ସେମନ୍ ମିସା ମର୍ ସଙ୍ଗ ଜୁଆର୍ ଜାନାଇଲାଇନି ।

<sup>୩</sup> ଆମର୍ ବାବା ପର୍‌ମେସର୍ ଆରି ମାପୁର୍ ଜିସୁ କିରିସ୍ଟ ତମ୍‌କେ ଜିବନ୍ ଦୁକାଇ ସାନ୍ତି ଦେଅ ।

<sup>୪</sup> ଏବେ ଏ ପାପ୍ ବର୍‌ଡି ଅଇରଇବା ଜଗତେଅନି ଆମ୍‌କେ ଉଦାର୍ କର୍‌ବାକେ ଆମର୍ ବାବା ପର୍‌ମେସର୍ ମନ୍ କଲାଟା, ମାନିକରି କିରିସ୍ଟ ଆମର୍ ପାପର୍ ପାଇ ନିଜ୍‌କେ ସର୍‌ପିଦେଲା । <sup>୫</sup> ପର୍‌ମେସର୍ କାଲ୍ କାଲ୍ ଜୁଗ୍ ଜୁଗ୍ ତାକ୍‌ପୁଟା ପାଅ । ଆମେନ୍ !

### ଗଟେକ୍ ସେ ସୁବ୍‌କବର୍

<sup>୬</sup> କିରିସ୍ଟ ଜିବନ୍ ଦୁକାଇକରିସେ ତମ୍‌କେ ତାକିରଇଲା । ମାତର୍ ତମେ ତାକେ ଏତେକ୍ ଦାପ୍‌ରେ ଚାଡିଦେଇକରି ଆରି ଗଟେକ୍ ବିନ୍ ସୁବ୍‌କବର୍‌ବାଟେ ମନ୍ ଦେଲାସ୍‌ନି । ତମର୍ ଏ ମନ୍ ବାଦ୍‌ଲାଇବାଟା ଦେକିକରି ଇତି ମୁଇ କାବା ଅଇଗାଲିନି । <sup>୭</sup> ଏ ସୁବ୍‌କବର୍ ଚାଡି ଆରି ଗଟେକ୍ ବିନ୍ ସୁବ୍‌କବର୍ ନାଇ । ମାତର୍ ମୁଇ ଏନ୍ତି କଇଲିନି, କାଇକେ ବଇଲେ କେତେଲକ୍ କିରିସ୍ଟର୍ ସୁବ୍‌କବର୍ ବିନ୍ ବିନ୍ ରକାମ୍ କରି, ତମ୍‌କେ କଟପଟ କର୍‌ବାକେ ଚେସ୍‌ଟା କଲାଇନି ବଲି ମୁଇ ସୁନ୍‌ଲିନି ।<sup>୮</sup> ମାତର୍ ଆମେ ତମର୍ ଲଗେ ଜନ୍ ସୁବ୍‌କବର୍ ଜାନାଇ ରଇଲୁ, ଜଦି ସେଟାକେ ଚାଡି ବିନ୍ ଗଟେକ୍ ସୁବ୍‌କବର୍ ଆମେ ନିଜେ, ନଇଲେ ସରଗ୍ ଦୁଡ୍ ମିସା ଜାନାଇସି ବଇଲେ, ସେ ଅବିସାପ୍ ପାଅ । <sup>୯</sup> ଏଟା ଆମେ ଆଗତ୍ କଇରଇଲୁ ଆରି ମୁଇ ଏବେ

ଆରି ତରେକ୍ କଇଲିନି, ତମେ ତମର ଜିବନେ ଜନ୍ ସୁବ୍‌କବର୍ ଜାନାଇଲାସ୍, ସେଟା ଚାଡି ଆରି ଜଦି କେ, କାଇମିସା ବିନ୍ ସୁବ୍‌କବର୍ ଜାନାଇସି ବଇଲେ ସେ ଅବିସାପ୍ ପାଅ ।

୧୦ ଏଟା ସୁନି ତମେ ମନେ ମନେ କାଇଟା ବାବ୍‌ଲାସିନି ? ମୁଇ ଲକ୍‌ମନର୍ ମାନବାଟା ପାଇବାକେ ଚେସଟା କଲିନି କି ? ନାଇ, କେବେ ନାଇ । ମୁଇ ପରମେସରର୍ ମାନବାଟାସେ ମନ୍ କଲିନି । ମୁଇ କାଇ ଡାକ୍‌ପୁଟା ଅଇବି ବଲି ମନ୍ କଲିନି କି ? ମୁଇ ଜଦି ଏବେ ଜାକ ଡାକ୍‌ପୁଟା ଅଇବାକେ ମନ୍ କରତି ବଇଲେ, ଆଜି କିରିସଟର୍ ସେବାକାରିଆ ନ ଅଇତି ।

**ପାଉଲ୍ କେନ୍ତାରି ପେରିଡ୍ ସିସ୍ ଅଇଲା**

୧୧ କାଇକେବଇଲେ, ଏ ବାଇବଇନିମନ୍ ମୁଇ ତମ୍‌କେ ଜନ୍ ସୁବ୍‌କବର୍ ଜାନାଇଲିନି, ସେଟା ମୁନ୍‌ସରଟାନେଅନି ବାରଏ ନାଇ । ୧୨ ତେବେ ମୁଇ ସେଟା ମୁନ୍‌ସ୍ ମନର୍ ଟାନେଅନି ପାଇନାଇ, କି କେ ମକେ ସିକାଅଡ୍ ନାଇ । ନିଜେ ଜିସୁ କିରିସଟ୍ ସେଟା ମକେ ଜାନାଇଲା ଆଟେ ।

୧୩ ✨ଆଗ୍‌ତୁ ମୁଇ ଜିଉଦି ଦରମ୍ ନାମ୍‌ବା ବେଲାଇ ଜେନ୍ତିକି ଜିଇତେ କାଇତେ ରଇଲି । ପାର୍‌ତନା କରବାକେ ରୁଣ୍ଡିବା ଲକ୍‌ମନକେ କେନ୍ତି କସ୍‌ଟ ଦେଇତେ ରଇଲି ଆରି ସେଟାମନ୍ ନସ୍‌ଟ କରବାକେ କେନ୍ତି ଚେସଟା କରଇଲି, ଏଟା ସବୁ ବିସଇ ତମକେ ଜାନାଇଦିଆଅଇଆଟେ । ୧୪ ✨ଜିଉଦି ଦରମ୍ ମାନବା ବେଲେ, ମୁଇ ଦାଙ୍ଗ୍‌ଡା ବଇସେ ଆମର୍ ଜିଉଦିମନର୍ ବିଡ୍‌ରେ ସବୁକେ ଅନି ଆଗ୍‌ତୁ ରଇଲି ଆରି ଆମର୍ ଆନିଦାଦିମନ୍ ବିସବାସ୍ କରି ଆଇତେରଇବା ରିଡିନିତି ବେସି ଡାଟ୍ ସଙ୍ଗ୍ ମାନ୍‌ଡେରଇଲି ।

୧୫ ✨ମାତର୍ ପରମେସର୍ ତାର୍ ଜିବନ୍ ଦୁକାଇ ମର୍ ମାଆର୍ ଗର୍‌ବେ ରଇଲା ବେଲେ, ମକେ ବାଟିରଇଲା ଆରି ତାର୍ ସେବା କରବାକେ ଡାକ୍‌ଲା । ୧୬ ଆରି ଜେଡେବେଲେ ଜିଉଦି ନଇଲା ଲକ୍‌ମନର୍ ଟାନେ ସୁବ୍‌କବର୍ ଜାନାଇବାକେ ପର୍‌ମେସର୍ ମକେ ତାର୍ ପଅକେ ଦେକାଇଲା, । ଏ ବିସଇନେଇ ମୁଇ କାରଲଗେ ଜିବି ଆରି ସେମନ୍ ମକେ ସିକାଇଦେଅଡ୍ ବଲି ଚିନ୍ତାକରି ନାଇ । ୧୭ ଜେନ୍ତିକି ମର୍ ଆଗ୍‌ତୁ ଜେଡ୍‌କି ଲକ୍ ପେରିଡ୍ ସିସ୍ ଅଇରଇଲାଇ, ସେମନର୍ ସଙ୍ଗ୍ ମିସ୍‌ବାକେ ଜିରୁସାଲାମେ ଜାଇନାଇ । ସେବେଲେ ମୁଇ ଦାପ୍‌ରେ ବାରଇ ଆରବ୍ ଦେସେ ଉଟିଗାଲି । ଜାଇକରି ଆରିତରେକ୍ ଦାମାସ୍କସେ ବାଉଡି ଆଇଲି । ୧୮ ✨ଆରି ତିନ୍ ବରସ୍ ପଟେ ମୁଇ ପିତରକେ ବେଟ୍ ଅଇବାକେ ଜିରୁସାଲାମେ ଗାଲି । ତେଇ ତାର୍‌ସଙ୍ଗ୍ ଦୁଇ ଆଟ୍ ରଇଲି । ୧୯ ମାତର୍ ମାପ୍‌ରୁର୍ ବାଇ ଜାକୁବ୍‌କେ ଚାଡ୍‌ଲେ ଆରି ମୁଇ କନ୍ ପେରିଡ୍ ସିସ୍‌କେ ମିସା ବେଟ୍ ଅଇନାଇ ।

୨୦ ମୁଇ ଜେଡ୍‌କି ବିସଇ ଲେକ୍‌ଲିନି, ସେଟା ସଡ୍, ପରମେସର୍ ଜାନିଆଟେ ମୁଇ କାଇଟା ମିସା ମିଟ୍ କଇନାଇ !

୨୧ ତାର୍‌ପଟେ ମୁଇ ସିରିଆ ଆରି ସିଲିସିଆର୍ ବେସି ଜାଗାଇ ଜାଇରଇଲି । ୨୨ ସେବେଲା ଜିଉଦା ରାଇଜେ ରଇଲା କିରସ୍‌ଟକେ ବିସ୍‌ବାସ୍ କରବା ମଣ୍ଡଲିର୍ ଲକ୍‌ମନ୍ ମକେ ନିକସଙ୍ଗ୍ ନାଜାନି ରଇଲାଇ । ୨୩ ବିନ୍ ଲକ୍‌ମନ୍ ମର୍ ବିସଇ ଜାଇଟା କଇରଇଲାଇ, ସେମନ୍ ସେଡ୍‌କିସେ ଜାନିରଇଲାଇ । ବିନ୍ ଲକ୍‌ମନର୍‌ଟାନେଅନି ସେମନ୍ ସୁନିରଇଲାଇ କି, ଜନ୍ ଲକ୍ ଗଟେକ୍ ବେଲାଇ ଆମକେ କସ୍‌ଟ ଦେଇତେ ରଇଲା, ଆମର୍ ଦରମ୍ କୁରୁପ୍‌ନାସ୍ କରିଦେବାକେ ଚେସ୍‌ଟା କରତେ ରଇଲା, ଏବେ ସେ ଆକା ମାପ୍‌ରୁର୍ ସୁବ୍‌କବର୍ ଜାନାଇଲାନି ! ୨୪ ସେଟାର୍ ପାଇ ସେମନ୍ ମର୍‌ପାଇ ପରମେସରର୍ ଡାକ୍‌ପୁଟା କରତେରଇଲାଇ ।

**୨**

**ପାଉଲ୍ ଆରି ବିନ୍ ପେରିଡ୍ ସିସ୍‌ମନ୍**

୧ ✨ଚଉଦ ବରସ୍ ପଟେ ବର୍‌ନବାର୍ ସଙ୍ଗ୍ ମୁଇ ଜିରୁସାଲାମେ ବାଉଡିଆଇଲି । ଆମର୍ ସଙ୍ଗ୍ ତିତସ୍‌କେ ମିସା ଡାକି ନେଇରଇଲୁ । ୨ ମୁଇ ତେଇ ଜିବାର୍ ଆଟେଆକା ବଲି ପରମେସରର୍‌ଟାନେଅନି ଆଦେସ୍ ପାଇ ଜାଇରଇଲି । ଜିଉଦି ନ ଅଇଲା ଲକ୍‌ମନର୍ ଲଗେ ମୁଇ ଜନ୍ କବର୍ ଜାନାଇଲିନି, ସେଟା ଜିରୁସାଲାମର୍ ନେଡା ବଲି ମାନିଅ ପାଇରଇବା ଲକ୍‌ମନ୍, ଗଟେକ୍ ଗରେ ବସ୍‌ଲା ବେଲେ, ତେଇ ରୁଜାଇ ଦେଲି । ଜେନ୍ତିକି ମର୍ ଆଗର୍ ପଟର୍ ଜାନାଇବା ସୁବ୍‌କବର୍ ବେକାର ନ ଅ, ସେଟାର୍ ପାଇ ମୁଇ ଦିଆନ୍ ଦେଇରଇଲି । ୩ ମୁଇ କଇଲା ବିସଇ ସେମନ୍ ରାଜି ଅଇଲାଇ । କାଇକେବଇଲେ ମର୍ ସାଙ୍ଗ୍ ତିତସ୍, ଗଟେକ୍ ଗିରିକ୍ ଲକ୍ ଅଇରଇଲେ ମିସା, ତାକେ ସୁନଡ୍ ଅ ଆକା ବଲି ବାଦିଅ କରଡ୍ ନାଇ । ୪ ଏଲେମିସା କେଡେକ୍ ଲକ୍ ତାକେ ସୁନଡ୍ କରବାକେ ମନ୍ କରତେ ରଇଲାଇ । ସେମନ୍ ବିସ୍‌ବାସି ବାଇ ବଲି ନାଡାଇକରି କୁଟିଆଲ୍ ଇସାବେ ଦଲେ ମିସିରଇଲାଇ । କିରିସଟ୍ ଜିସୁର୍ ସଙ୍ଗ୍ ମିସିରଇଲାର୍ ଲାଗି ଆମେ ଜନ୍ ମୁକ୍‌ଲିରଇବା ଦିନ୍ ପାଇଲୁଆରୁ, ସେ ବିସଇ କଜି ମିଲାଇବାକେ ସେମନ୍ ମନ୍ କରତେ ରଇଲା ।

✨ ୧:୧୩ ୧:୧୩ ପେରିଡ୍ ୮:୩;୨୨:୪,୫;୨୨:୯-୧୧ ✨ ୧:୧୪ ୧:୧୪ ପେରିଡ୍ ୨୨:୩ ✨ ୧:୧୫ ୧:୧୫ ପେରିଡ୍ ୯:୩-୬;୨୨:୭-୧୦;୨୨:୧୩-୧୮ ✨ ୧:୧୮ ୧:୧୮ ପେରିଡ୍ ୯:୨୭-୩୦ ✨ ୨:୧ ୨:୧ ପେରିଡ୍ ୧୧:୩୦;୧୫:୨



ଆମ୍ଭଙ୍କ ଆରିତରେକ୍ ମସାର୍ ନିୟମର୍ ଦାଙ୍ଗଡା କର୍ବାକେ ମିସା ମନ୍ କରତେରଇଲା । ୫ ମାତର୍ ତମର୍ ଲାଗି, ସୁବ୍‌କବର୍ ସତ୍‌ସଙ୍ ଦାରି ରକ୍‌ବାକେ, ଆମେ ସେ ନାଡାଉମନ୍‌କେ ଚନେକ୍ ମିସା ବେଲା ଦେଇ ନ ରଇଲୁ ।

୬ ମାତର୍ ଜନ୍ ଲକ୍‌ମନ୍ ନେତା ବଲାଇ ଅଇତେ ରଇଲାଇ, ସେମନ୍ ଜେ ମିସା ଅଅଡ୍, ସେଟାର୍ ପାଇ ମକେ କାଇଟା ନ ଅଏ । କାଇକେବଇଲେ ପରମେସର୍ କାକେ ମିସା ବାଇରର୍ ଚଲାଚଲ୍‌ତି ଦେକି ବିଚାରନା ନ କରେ । ସେ ନେତାମନ୍ ମକେ କାଇମିସା ନୁଆ ଜନ୍‌ନା ନ ଦେଇରଇଲାଇ । ୭ ଆରି ଗଟେକ୍ ବାଟେ ସେମନ୍ ଦେକ୍‌ଲାଇ ଜେ, ପରମେସର୍ ଜେନ୍ତିକି ପିତର୍‌କେ ଜିଉଦିମନ୍‌ର ଲଗେ ସୁବ୍‌କବର୍ ଜାନାଇବାକେ ଦାଇଡ୍ ଦେଇ ରଇଲା, ସେନ୍ତି ଜିଉଦି ନଇଲା ଲକ୍‌ମନ୍‌ର୍ ଟାନେ ସୁବ୍‌କବର୍ ଜାନାଇବାକେ ମକେ ଦାଇଡ୍ ଦେଲାଆଟେ । «କାଇକେବଇଲେ ପିତର୍ ଜେନ୍ତି ପରମେସର୍‌ର୍ ବପୁ ପାଇକରି ଜିଉଦିମନ୍‌ର୍ ପାଇ ପେରିଡ୍ ସିସ୍ ଇସାବେ ଦାଇଡ୍ ପାଇରଇଲା, ସମାନ୍ ସେନ୍ତି, ମୁଇ ମିସା ପରମେସର୍‌ର୍ ବପୁ ପାଇକରି ଜିଉଦି ନଇଲା ଲକ୍‌ମନ୍‌ର୍ ପାଇ ପେରିଡ୍ ସିସ୍ ଇସାବେ ଦାଇଡ୍ ପାଇଲିଆଟି । ୮ ନେତା ଇସାବେ ଏଜାଇଅଇରଇବା ଜାକୁବ୍, ପିତର୍ ଆରି ଜଅନ୍, ଡ୍ ବଲି ମାନି ଅଇରଇଲାଇ ଜେ, ପରମେସର୍ ମକେ ଏ ମୁକିଅ କାମର୍ ଦାଇଡ୍ ଦେଲାଆଟେ । ସେଟାର୍ ପାଇ ସେମନ୍ ମକେ ଆରି ବରନବାକେ, ଆମେ ମିସିକରି କାମ୍ କରୁବଲି ଗଟେକ୍ ଚିନ୍ ଇସାବେ ଆଡ୍ ମିଲାଇଲାଇ । ବରନବା ଆରି ମୁଇ ଜିଉଦି ନଇଲା ଲକ୍‌ମନ୍‌ର୍ ବିଡ୍‌ରେ ଆରି ସେମନ୍ ଜିଉଦିମନ୍‌ର୍ ବିଡ୍‌ରେ କାମ୍ କର୍ବୁ ବଲି ରାଜି ଅଇରଇଲୁ । ୯ ସେମନ୍ ଆମ୍ଭଙ୍କେ ସେମନ୍‌ର୍ ଦଲେ ଅବାବେ ରଇଲା ଲକ୍‌ମନ୍‌କେ ଏତାଇତେରୁଆ ବଲି ଅବ୍‌କା ଏଡ୍‌କି ଗୁଆରି କିରିରଇଲାଇ । ସେ ବିସଇ କର୍ବାକେସେ ମର୍ ମନ୍ ରଇଲା ।

**ଆନ୍ତିଅକ୍‌ତେଇ ପାଉଲ୍ ପିତର୍‌କେ ମନାକର୍‌ବାଟା**

୧୧ ପିତର୍ ଆନ୍ତିଅକ୍‌ତେଇ ଆସି ରଇଲା ବେଲେ ମୁଇ ସବୁ ଲକ୍‌ର୍ ମୁଆଟେ ତାକେ ମନାକିରଇଲି, କାଇକେ ବଇଲେ ସତଇସେ ସେ ବୁଲ୍ କାମ୍ କରତେରଇଲା । ୧୨ ଆଗ୍‌ତୁ ସେ ଜିଉଦି ନଇଲା ଲକ୍‌ମନ୍‌ର୍ ସଙ୍ କାଇତେରଇଲା, ମାତର୍ ଜେଡେବଲ୍ ଜାକୁବ୍ ପାଟାଇରଇବା ଲକ୍‌ମନ୍‌ ତେଇ ଆଇଲାଇ, ତେଇ ମିସିକରି କାଇବାଟା ଚାଡି ବିନେ ରଇଲା । ଜନ୍ ଜିଉଦି ବିସ୍‌ବାସିମନ୍ ଜିଉଦି ନଇଲାଟାମନ୍‌କେ ସୁନଡ୍ ଉଆ ବଲି ବାଦିଅ କରତେରଇଲାଇ, ସେମନ୍‌କେ ଡରି ପିତର୍ ଏନ୍ତି କଲା । ୧୩ ବିନ୍ ଜିଉଦି ବାଇମନ୍ ମିସା ପିତର୍ ସଙ୍ ମିସି କୁଟିଆଲ୍‌ମନ୍‌ର୍ ପାରା ଚଲାଚଲ୍‌ତି କର୍ତେ ରଇଲାଇ । ଏନ୍ତିକି ବରନବା ମିସା ସେନ୍ତାରି ଅଇଗାଲା । ୧୪ ସବୁର୍ ମୁଆଟେ ମୁଇ ପିତର୍‌କେ କଇଲି, “ତୁଇ ଜିଉଦି ଅଇକରି ମିସା, ଜିଉଦି ନଇଲା ଲକ୍‌ର୍ ପାରା କେତେଟା ଜିଉଦି ରିଡିନିଡି ଚାଡିଦେଇ ଆରୁସ୍ । ସେନ୍ତାଆଲେ ଜିଉଦି ନ ଅଉମନ୍‌କେ ଆମର୍ ଦରମର୍ ସବୁ ରିଡିନିଡି ମାନ୍‌ବାକେ କେନ୍ତି ବାଦିଅ କଲୁସ୍‌ନି ?”

**ବିସ୍‌ବାସର୍ ଲାଗି ମୁକ୍ତି**

୧୫ ଏବେ ଆମ୍ଭଙ୍କେ ଜନ୍‌ମେଅନି ଜିଉଦି ଲକ୍ ବଲି ଜାନଡ୍ । ପରମେସର୍‌ର୍ ନିୟମ୍ ନାଜାନଲା ଜିଉଦି ନଇଲା ଲକ୍‌ମନ୍‌ର୍‌ପାରା ନ‌ଉଁ । ୧୬ ଅଇଲେ ମିସା ଆମେ ଜାନୁ, ମସାର୍ ନିୟମର୍ ଦାବି ପୁରାପୁରୁନ୍ କଲେ ନ‌ଏଁ, ମାତର୍ ଉଜେ ଜିସୁ କିରିସ୍‌ଟର୍‌ତେଇ ବିସ୍‌ବାସ୍ କଲେ, ଗଟେକ୍ ଲକ୍ ପରମେସର୍‌ର୍ ମୁଆଟେ ଦସ୍ ନ ରଇବା ଲକ୍ ବଲାଇଅଇସି । ତାର୍ ମୁଆଟେ ଦରମ୍ ଲକ୍ ବଲାଇଅଇବାକେ, ଆମେ ଜିଉଦିମନ୍ ମିସା ଜିସୁକିରିସ୍‌ଟେକେ ବିସ୍‌ବାସ୍ କଲୁନି । କାଇକେବଇଲେ ପରମେସର୍‌ର୍ ମୁଆଟେ କେମିସା ନିୟମ୍ ମାନ୍‌ବା ଲକ୍ ଦରମ୍ ବଲି ଏଜାଇ ନ ଅଅଡ୍ । ୧୭ ମାତର୍ କିରିସ୍‌ଟର୍ ସଙ୍ ମିସିରଇଲାକେ ତାର୍ ମୁଆଟେ ଆମେ ଦରମ୍‌ଲକ୍ ବଲି ଏଜାଇ ଅଇବୁ । ମାତର୍ ମସାର୍ ନିୟମ୍ ଇସାବେ, ଜିଉଦି ନଇଲା ଲକ୍‌ମନ୍‌ର୍ ପାରା ଆମେ ପାପିଲକ୍ ବଲି ଏଜାଇ ଅଇଲୁନି । କିରିସ୍‌ଟ୍ ଲକ୍‌ମନ୍‌କେ ପାପ୍ କରାଇବାକେ ବାଦିଅ କଲାନି ବଲି ତାର୍ ଅରଡ୍ ଆଟେ କି ? ନାଇ, ଏନ୍ତାରି କେବେ ନ ଅଏ । ୧୮ କାଇକେବଇଲେ ମୁଇ ମସାର୍ ନିୟମ୍ ପିଟି ପାସ୍‌ଲିଦେଲି । ମାତର୍ ଜନ୍ ନିୟମ୍ ମୁଇ ଚାଡିଦେଇରଇଲି, ସେଟା ଆରିତରେକ୍ ମାନ୍‌ବାକେ ଚେସ୍‌ଟା କଲେ ସତଇସେ ପାପି ଅଇଜିବି । ୧୯ ନିୟମର୍ ପାଇ ମୁଇ ମଲାସମାନ୍ ଅଇଆଟି । ନିୟମର୍ ଲାଗି ସେ, ପରମେସର୍‌ର୍ ମୁଆଟେ ଦସି ଅଇକରି ମରନର୍ ଡଣ୍ଟ ପାଇଲି । ୨୦ ପରମେସର୍‌ର୍ ପାଇ ବର୍‌ବାକେ ମକେ କିରିସ୍‌ଟର୍ ସଙ୍ କୁର୍‌ସେ ମରାଇଆଟେ । ଏବେ ମୁଇ ଜିଇକରି ରଇନାଇ । ମାତର୍ କିରିସ୍‌ଟ୍ ମର୍‌ଟାନେ ଜିଇକରି ଆଟେ । ଏବେ ମର୍ ଗାଗଡ୍ ବିସ୍‌ବାସର୍ ଲାଗି ଜିବନ୍ ଆଟେ । ଜନ୍‌ଟା କି ପରମେସର୍‌ର୍ ପଅ ଜିସୁ କିରିସ୍‌ଟ୍ ମକେ ଆଲାଦ୍ କରି ମର୍‌ପାଇ ସେ ନିଜେ ସର୍‌ପି ଅଇଲା । ତାକେ ବିସ୍‌ବାସ୍ କରି ମୁଇ ଜିଇଲି ଆଟି । ୨୧ ଏଟାର୍‌ପାଇ ପରମେସର୍‌ର୍ ଜିବନ୍ ଦୁକାଇଲାଟାକେ ମୁଇ କେବେ ମିସା ନାଇ ବଲି କଇନାପାରି

☆ ୨:୧୭ ୨:୧୭ ରମିୟ ୩:୨୦; ରମିୟ ୩:୨୨

। କାଲକେ ବଇଲେ ନିୟମ୍ ମାନଲେ ଜଦି ଗଟେକ୍ ଲକ୍ ତାର୍ ମୁଆଟେ ଦରମ୍ ଲକ୍ ଅଇପାରେ, ତେବେ କିରିସ୍ତ ମଲାଟ୍ କିଟି ମୁଲିଅ ନାଇ । ଏ ସବୁ ବିସଇ ମୁଇ ଆନ୍ତିଅକେ କଇଲି ।

### ୩

#### ନିୟମ୍ କି ବିସ୍ବାସ୍

<sup>୧</sup> ଏ ବକ୍ତୁଆ ଗାଳାତିଅମନ୍ ! କେ ତମକେ ଏନ୍ତାରି ବୁଲ୍ ସିକିଆ ଦେଇ ଚଟ୍ପଟ୍ କରାଇଲାନି ? ତମର୍ ମୁଆଟେ ତା କୁରସେ ମରିରଇବା ଜିସୁ କିରିସ୍ତର୍ ବିସଇ ଅର୍ସା ସଙ୍ଗ୍ ବାତାଇ ଦେଇଆତୁ । <sup>୨</sup> ଗଟେକ୍ କାତା ମକେ କଇଦେକାପନି, ମସାର୍ ନିୟମ୍ ମାନଲକେ ତମେ ସୁକଲ୍ ଆତ୍ମା ପାଇଆବାସ୍ କି, ସୁବକବର୍ ସୁନି ସେଟା ବିସ୍ବାସ୍ କଲାକେ ? <sup>୩</sup> ତମେ କେନ୍ତାର୍ ଏତେକ୍ ବୁଦି ନଇଲା ଲକର୍ ପାରା ଅଇଗାଲାସ୍ନି ? ଆତ୍ମାର୍ ବପୁ ପାଇକରି ତମେ ଜନ୍ ବିସ୍ବାସର୍ ଜିବନ୍ ଆରାମ୍ କଲାସ୍, ସେଟା କାଇ ନିଜର୍ ବପୁସଙ୍ଗ୍ ସାରାଇବାକେ ମନକଲାସ୍ନି କି ? <sup>୪</sup> ସେଟାର୍ପାଇ ତମେ ଆଗ୍ତୁ ସିକ୍ଲାଟା ସବୁ ବେକାର୍ କି ? ତେଇଅନି କାଇଟା ମିସା ସିକାସ୍ ନାଇ କି ? <sup>୫</sup> ପରମେସର୍ କାଇକେ ତାର୍ ଆତ୍ମା ଦେଇ ତମର୍ ବିତ୍ରେ କାବାଅଇଜିବା କାମ୍ ମନ କଲା ? ତମେ ମସାର୍ ନିୟମ୍ ମାନଲାର୍ ପାଇ କି ଜନ୍ ସୁବକବର୍ ତମକେ ଜାନାଇରଇଲା ସେଟା ବିସ୍ବାସ୍ କଲାକେ ?

<sup>୬</sup> \*ଅବ୍ରାଆମ୍ କାତା ଏତାଇ ଦେକା । ସାସ୍ତରେ ଲେକାଆଟେ, “ସେ ପରମେସର୍ କଇଲା ବିସଇ ବିସ୍ବାସ୍ କଲା । ଆରି ତାର୍ ବିସ୍ବାସର୍ ଲାଗି ପରମେସର୍ ତାକେ ଦରମ୍ ଲକ୍ ଇସାବେ ଲେକା କଲା ।” <sup>୭</sup> \*ଜନ୍ ଲକ୍ ମନ ବିସ୍ବାସ୍ କରବାଇ, ସେମନ୍ ସେ ଅବ୍ରାଆମ୍ କୁଟୁମର୍ ଲକ୍ । ଏଟା ତମେ ଜାନ୍ବାର୍ ଆଟେ । <sup>୮</sup> ପୁରବେଅନି ଦରମ୍ ସାସ୍ତରେ ଲେକାଅଇଲା ଆଟେ ଜେ, ବିସ୍ବାସ୍ କଲେସେ ପରମେସର୍ ଜିଉଦିନଇଲା ଲକ୍ ମନକେ ମିସା ଦରମ୍ ଲକ୍ ଇସାବେ ଲେକା କରସି । ପରମେସର୍ ତମର୍ଟାନେଅନି ଜଗତର୍ ସବୁ ଲକ୍ କେ ଆସିର୍ବାଦ୍ କରସି । ଏ କବର୍ ପର୍ତୁମ୍ ଅବ୍ରାଆମ୍ କେ ଜାନାଇ ଦିଆଅଇରଇଲା । <sup>୯</sup> ଅବ୍ରାଆମ୍ ବିସ୍ବାସ୍ କରି ଆସିର୍ବାଦ୍ ପାଇରଇଲା । ସେଟାର୍ ପାଇ ଜେଡକି ଲକ୍ ବିସ୍ବାସ୍ କରବାଇ, ସେମନ୍ ସବୁ ଲକ୍ ତାର୍ ପାରା ଆସିର୍ବାଦ୍ ପାଇବାଇ ।

<sup>୧୦</sup> ଜନ୍ ଲକ୍ ମନ ରିତିନିତିର୍ ନିୟମ୍ ମାନଲୁନି ବଲି ବଡ୍ପନ୍ ଅଇବାଇ, ସେମନ୍ ସାଇପ୍ ପାଇବାଇ । କାଇକେ ବଇଲେ ଦରମ୍ ସାସ୍ତରେ ଲେକାଆଟେ, “ମସାର୍ ନିୟମ୍ ବଇଟାନେ ଜାଇଟା ସବୁ ଲେକାଅଇଲା ଆଟେ, ଜଦି କେ ସେଟା ପୁରାପୁରୁନ୍ ନ ମାନେ, ସେ ପରମେସର୍ ସାଇପ୍ ପାଇସି ।”

<sup>୧୧</sup> ଏଟା ନିକସଙ୍ଗ୍ ଜାନାପଡ୍ଲାନି । ରିତିନିତିର୍ ନିୟମ୍ ମାନିକରି କେ ମିସା ପରମେସର୍ ମୁଆଟେ ଦରମ୍ ବଲାଅଇ ନ ଅଅଡ୍ । କାଇକେବଇଲେ ଦରମ୍ ଲକ୍ ବିସ୍ବାସର୍ ଲାଗି ବୁଟ୍ବାଇ । <sup>୧୨</sup> ନିୟମ୍ ମାନବାଟା ଆରି ବିସ୍ବାସ୍ କରବାଟା ଦୁଇଟା ମୁଲକେ ନ ମିସେ । ଦରମ୍ ସାସ୍ତରେ ଲେକାଆଟେ, ଜନ୍ ଲକ୍ ନିୟମ୍ ଦାବି ଇସାବେ କାମ୍ କରସି ସେ ଜିବନ୍ ପାଇସି ।

<sup>୧୩</sup> ଆମେ କେ ମିସା ନିୟମ୍ ସବୁ ଆଦେସ୍ ମାନି ନାପାରୁ । ସେଟାର୍ପାଇ ଆମେ ସବୁ ଡଣ୍ଡ୍ ପାଇବାର୍ ରଇଲା । ମାତର୍ କିରିସ୍ତ ଆମର୍ ସାଇପ୍ ନିଜେ ନେଲା ଆରି ନିୟମ୍ ସାଇପେଅନି ଆମ୍ କେ ମୁକ୍ଲାଇଲା । ଦରମ୍ ସାସ୍ତରେ ଲେକାଆଟେ, ଜେ ଗଟେ ଡକ୍ଟିଅଇ ମର୍ସି, ସେ ପରମେସର୍ ତେଇ ଅନି ସାଇପ୍ ପାଇଲା ଲକ୍ ! <sup>୧୪</sup> ଅବ୍ରାଆମ୍ ଜନ୍ ଆସିର୍ବାଦ୍ କରବାକେ ସପଡ୍ କରିରଇଲା ଜିଉଦି ନଇଲା ଲକ୍ ମନ ମିସା ସେଟା ପାଇବାଇ, ସେଟାର୍ ପାଇ କିରିସ୍ତ ଏ କାମ୍ କଲାଆଟେ । ସେଟାର୍ ପାଇ ବିସ୍ବାସ୍ କରି ଆମେ ମିସା ପରମେସର୍ କାତା ଦେଲା ଇସାବେ ସୁକଲ୍ ଆତ୍ମା ପାଇପାରୁ ।

#### ନିୟମ୍ ଆରି ସପଡ୍

<sup>୧୫</sup> ଏ ବାଇବଇନିମନ୍ ! ପରମେସର୍ ଅବ୍ରାଆମ୍ କେ ଜନ୍ ସପଡ୍ ଦେଇ ରଇଲା, ସେଟା ବାତାଇବାକେ ମୁଇ ଗଟେକ୍ ଉଦାଅରନ୍ କଇବି । ଜେତେବଲ୍ ଦୁଇ ଲକ୍ ଗଟେକ୍ ବିସଇତେଇ ରାଜିନାମା ଲେକ୍ବାଇ, ସେ ରାଜିନାମା କେ ମିସା ବାଙ୍ଗାଇ ନାପାରଡ୍ । କି ତେଇ କାଇଟା ମିସାଇ ନାପାରଡ୍ । <sup>୧୬</sup> ସେନ୍ତାର୍ ସେ ପରମେସର୍ ଅବ୍ରାଆମ୍ ଆରି ତାର୍ ନାତିତିତିକେସେ ସପଡ୍ ଦେଇରଇଲା । ଏ ବିସଇନେଇ ନାତିତିତିମନ୍ ବଲି ସାସ୍ତରେ ଲେକାଅଇବାଟା, ଅବ୍ରାଆମ୍ ସବୁ ନାତିତିତିମନ୍ କେ କଏନାଇ । ମାତର୍ ଗଟେକ୍ ଲକ୍ କେସେ କଇଲାଆଟେ । ଜେ କି କିରିସ୍ତ । <sup>୧୭</sup> ମର୍ କଇବାର୍ ଅରଡ୍ ଅଇଲାନି, ପରମେସର୍ ଅବ୍ରାଆମ୍ ସଙ୍ଗ୍ ଗଟେକ୍ ରାଜିନାମା ତିଆର୍ କରିରଇଲା, ଆରି ସେଟା ମାନବାକେ ସପଡ୍ କରିରଇଲା ।

ଜନ୍ ନିୟମ୍ ଚାରି ସଅ ଡିରିସ୍ ବରସ୍ ପଟେ ଦିଆଅଇଲା, ସେ ନିୟମ୍ ରାଜିନାମା କେ ମିସା ବାଙ୍ଗାଇ ଦେଇ, ପରମେସର୍ ଦେଇରଇବା ସପଡ୍ ନସ୍ତ କରିନାପାରେ । <sup>୧୮</sup> \*ପରମେସର୍ ଆସିର୍ବାଦ୍

\* ୩:୭ ୩:୭ ରମିୟ ୪:୩   \* ୩:୭ ୩:୭ ରମିୟ ୪:୧୭   \* ୩:୧୮ ୩:୧୮ ରମିୟ ୪:୧୪

ପାଇବାଟା ଜଦି ନିୟମ୍ ମାନବା ଉପରେ ଅଇସି ବଇଲେ, ତେବେ ସେଟା ଆରି ତାକର୍ ସପତର୍ ଲାଗି ଅଇଲାଟା ବଲି କଇ ନଏ । ସେଟାର ପାଇ ପରମେସର୍ ଅବରାଆମ୍‌କେ ଅବ୍‌କା ତାର୍ ସପତ୍ ଇସାବେ ସେ ଆସିରବାଦ୍ ଦେଇରଇଲା ।

୧୯ ତେବେ ନିୟମ୍ କାଇକେ ଦିଆଅଇଲା ? ମୁନୁସର୍ ସତ୍ ନ ଅଇବା ସବୁ କାମ୍ ଦେକାଇ ଦେବାକେ ଦିଆଅଇଲା । ଆରି ଅବରାଆମର୍ ଜନ୍ କୁଟୁମ୍ ଦେକି ପରମେସର୍ ସେ ସପତ୍ କରିରଇଲା, ସେ ଲକ୍ ଆଇବା ଜାକ ନିୟମର୍ ଦରକାର୍ ରଇଲା । ପରମେସର୍ ଗଟେକ୍ ଲକ୍‌କେ ମାଲାକାରିଆ କରାଇ ସରଗର୍ ଦୁତ୍‌ମନର୍ ଆତେ ନିୟମ୍ ପାଟାଇରଇଲା । ୨୦ ମାତର୍ ଅବରାଆମ୍‌କେ ସପତ୍ ଦେଲା ବେଲେ ମାଲାକାରିଆମ୍ ନ ରଇଲା । ପରମେସର୍ ନିଜେସେ ସପତ୍ କରିରଇଲା ।

**ନିୟମର୍ ଆଦେସ୍**

୨୧ ନିୟମ୍ କାଇ ପରମେସର୍‌ର ସପତ୍ ବିରଦ୍ କଲାନ୍ତି କି ? ନାଇ କେବେ ନାଇ ! କାଇକେବଇଲେ ଲକ୍‌କେ ଜିବନ୍ ଦେଲାପାରା ଗଟେକ୍ ନିୟମ୍ କରା ଅଇତା, ତେବେ ସେଟା ମାନଲେସରି ସେ ପରମେସର୍‌ର ମୁଆଟେ ଦସ୍ ନ କଲାଲକ୍ ବଲାଇ ଅଇତା । ୨୨ ମାତର୍ ଦରମ୍ ସାସ୍‌ତରେ ଲେକା ଆତେ, ସବୁ ମୁନୁସ୍ ଜାତି ପାପର୍ ତଲେ ଆତଡ୍, ସେଟାର୍ ପାଇ କିରିସ୍‌ଟ ବିସ୍‌ବାସିମନ୍, ଜିସୁ କିରିସ୍‌ଟର୍‌ତେଇ ବିସ୍‌ବାସ୍ କଲାର୍ ପାଇ ସପତର୍, ଆସିରବାଦ୍ ପାଇବାଇ ।

୨୩ ବିସ୍‌ବାସର୍ ଜୁଗ୍ ଆଇବା ଆଗତୁ ଆରି ଦେକାଇଅଇବା ଜାକ, ନିୟମ୍ ଆମ୍‌କେ ବନ୍ଦି କରି ରକିରଇଲା । ୨୪ କିରିସ୍‌ଟର୍ ଆଇବା ଜାକ ଆମେ ନିୟମର୍ ତଲେ ରଇଲୁ । ମାତର୍ ତାର୍ ପତେ, କାଲି ବିସ୍‌ବାସେଅନି ଆମେ ପରମେସର୍‌ର ମୁଆଟେ ଦସି ନଇଲା ଲକ୍ ବଲାଇ ଅଇବୁ । ୨୫ ଏବେ ବିସ୍‌ବାସର୍ ଜୁଗ୍ କେଟିଆତେ, ଆମେ ଆରି ନିୟମର୍ ତଲେ ନାଇ ।

୨୬ ବିସ୍‌ବାସ୍ କଲାକେ କିରିସ୍‌ଟ ଜିସୁର୍ ସଙ୍ଗ୍ ମିସିକରି, ଆମେ ସବୁ ପରମେସର୍‌ର ପିଲାଟକି ଅଇଆବୁ । ୨୭ ଆମେ ତୁବନ୍ ନେଇକରି କିରିସ୍‌ଟର୍ ସଙ୍ଗ୍ ଗଟେକ୍ ଅଇଆବୁ ଆରି ଏବେ ଜିସୁ କିରିସ୍‌ଟର୍ ଜିବନ୍ ରୁପର୍ ବସ୍‌ତର୍ ପିନ୍ ଆବୁ । ୨୮ ସେଟାର୍ ପାଇ ଜିଉଦି ଆରି ଜିଉଦିନଇଲା ଲକ୍, ଗେନାଅଇଲା ଗତିଦାଙ୍ଗ୍‌ତାଦାଙ୍ଗ୍‌ତି କି ମୁକ୍‌ଲାଇଲା ଲକ୍, ମୁନୁସ୍ କି ମାଇଜି ବିତ୍‌ରେ, କାଇଟା ମିସା ବିନ୍ ନାଇ । ଆମେ ସବୁ ଲକ୍ ଜିସୁର୍ ସଙ୍ଗ୍ ମିସିକରି ଗଟେକ୍ ଅଇଆବୁ । ୨୯ ଜିଉଦି ତମେ କିରିସ୍‌ଟର୍ ଲକ୍, ତେବେ ତମେ ମିସା ଅବରାଆମର୍ କୁଟୁମର୍ ଆରି ପରମେସର୍ ଜାଇଟା ସପତ୍ କଲାଆତେ, ସେଟା ମିଲାଇସା ।



୧ କାତା ଇସାବେ କଇଅଇସି । ପିଲା ବାବାର୍ ସବୁ ଦନ୍‌ସ୍‌ପତି ପାଇବାର୍ ଅଦିକାର୍ ଆତେ, ମାତର୍ ସବୁ ଜାକ ତାର୍ ଅଇରଇଲା ପତେ ମିସା, ବୟସ୍ ନ ଅଇବା ଜାକ ସେ ଗତିଦାଙ୍ଗ୍‌ତା ଇସାବେ ଲେକା ଅଇସି । ୨ ବୟସ୍ ନ ଅଇବା ଜାକ, ତାର୍ ବାବା ଟିକ୍ କର୍‌ବା ବେଲା ନ ଅଇବା ଜାକ, ବିନ୍ ଲକ୍‌ମନ୍ ତାକେ ଜତନ୍ କର୍‌ବାଇ ଆରି ତାର୍ ସବୁ ବିସଇ ଦେକାରକା କର୍‌ବାଇ । ୩ ସେନ୍ତାରିସେ ଆମେ ମିସା ଆଡ୍‌ମାର୍ ଇସାବେ ବୟସ୍ ନ ଅଇବା ଆଗତୁ, ଜଗଡ୍‌କେ ସାସନ୍ କର୍‌ବା ନିଅମ୍, ଆରି ରିତିନିତିର୍ ଗତିଦାଙ୍ଗ୍‌ତା ଅଇ ରଇଲୁ । ୪ ସାରାସାରି ଜେତେବଲ୍ ସମାନ୍ ବେଲା କେଟ୍‌ଲା, ପରମେସର୍ ତାର୍ ନିଜର୍ ପଅକେ ପାଟାଇଲା । ଗଟେକ୍ ମାମୁଲି ଟକିର୍ ଗର୍‌ବେଅନି ଜାଡ୍ ଅଇକରି ସେ ଜିଉଦି ନିଅମ୍ ମାନିକରି ଜିଇଲାଇ କାଇଲାଇ । ୫ ଜେଡ୍‌କି ଦରକାର୍ ରଇଲା ମୁଲିଅ ଦେଇ, ନିଅମର୍ ବନ୍ଦନେଅନି ଲକ୍‌ମନ୍‌କେ ମୁକ୍‌ଲାଇବାକେ ଆରି ସେମନ୍‌କେ ପରମେସର୍‌ର ପିଲାଜିଲା ଅଇବାକେ ବେଲା ଟିକ୍ କର୍‌ବାକେ, ତାର୍ ଜିବନ୍‌ର୍ ଆଦେସ୍ ରଇଲା ।

୬ ତମେମନ୍ ଜେ ପରମେସର୍‌ର ପିଲାଜିଲା, ଏଟା ଦେକାଇ ଦେବାକେ, ପରମେସର୍ ତାର୍ ପଅର୍ ଆଡ୍‌ମା ଆମର୍ ମନ୍ ବିତ୍‌ରେ ପାଟାଇଲା ଆତେ । ସେ ଆଡ୍‌ମା ଆଉଲିଅଇ କଇଲାନ୍ତି, “ବାବା ! ଏ ମର୍ ବାବା !” ୭ ସେଟାର୍‌ପାଇ ତମେ ଆରି ବିକିଅଇରଇବା ଗତିଦାଙ୍ଗ୍‌ତା ନୁଆସ୍, ମାତର୍ ପିଲାମନ୍ । ତମେ ତାର୍ ପିଲାଜିଲା ଅଇଲାର୍ ଲାଗି, ପରମେସର୍ ତାର୍ ପିଲାଟକିମନ୍‌ପାଇ ଜାଇଟା ସଙ୍ଗାଇଲା ଆତେ, ସେଟା ସବୁ ତମ୍‌କେ ଦାନ୍ କରିଦେଇସି ।

**ଗାଳାତିଅମନର୍ ପାଇ ପାଉଲର୍ ଚିନ୍ତା**

୮ ଆଗତୁ ତମେମନ୍ ପରମେସର୍‌କେ ଜାନ୍ତି ନ ରଇଲାସ୍, ସେଟାର୍ ପାଇ ତମେ ମିଡ୍ ଦେବିଦେବ୍‌ତାମନର୍ ଗତି ଅଇରଇଲାସ୍ । ୯ ମାତର୍ ଏବେ ତମେ ପରମେସର୍‌କେ ଜାନ୍ତିଆଟାସ୍, ନଇଲେ ମୁଇ କଇବି ପରମେସର୍ ତମ୍‌କେ ଜାନ୍ତିଆତେ । ତେବେ ଏଟା କେନ୍ତୁ ଅଇପାରେ ଜେ, ତମ୍‌କେ ରକିଆ କରିନାପାରି, ବସୁ ନ ରଇ ନସିଜିବା ଦେବ୍‌ତାମନର୍ ଲଗେ ଆରି ତରେକ୍ ବାଉଡି ଜିବାକେ ମନ୍ କଲାସିନି ? ତମେ କାଇକେ ଆରି ତରେକ୍ ସେମନ୍‌ର୍ ଗତିଦାଙ୍ଗ୍‌ତା ଅଇବାକେ ମନ୍ କଲାସିନି ? ୧୦ ଦୁକର୍

☆ ୩:୨୯ ୩:୨୯ ରମିୟ ୪:୧୩ ☆ ୪:୫ ୪:୫ ରମିୟ ୮:୧୫-୧୭

କାତା, ତମେ କେତେଟା ଦିନ, ମାସ, ପାଞ୍ଚ ଆରି ବରସକେ ବେସି ମନଦିଆନ୍ ଦେଲାସ୍ତନି । ୧୧ ମୁଇ ତମର୍ ପାଇ ବେସି ଚିନ୍ତା କଲିନି । ତମର୍ପାଇ ମର୍ ସବୁ କାମ୍ ବେକାର୍ ଅଇଲା କି ?

୧୨ ବାଇମନ୍, ମୁଇ ତମକେ ଜୁଆର୍ କରି କଇଲିନି, ମୁଇ ଜେନ୍ତାର୍ କଇଲିନି, ସେନ୍ତାରି ଜିଆ । ମୁଇ ଜିଉଦି ଅଇଲେ ମିସା ତମର୍ପାରା ଜିଉଦି ନଇଲା ଲକ୍ ପାରା ଅଇକରି, ମସାର୍ ନିୟମେଅନି ମୁକ୍ଲିଆତି । ଆରି ତମେ ମକେ କାଇମିସା ଅନିଆଇ କରାସ୍ ନାଇ । ୧୩ ମୁଇ ପର୍ତୁମ୍ ତର୍ କାଇକେ ତମର୍ ସଙ୍ଗ୍ ରଇଲି, ସେଟା ଏତାଆ । ସେଡକି ବେଲେ ମକେ ଜର୍ଅଇରଲାକେ ତମକେ ସୁବ୍‌କବର୍ ଜାନାଇରଇଲି । ୧୪ ମାତର୍ ମର୍ ଗାଗଡ୍ ନିକ ନ ରଇଲାର୍ପାଇ ତମକେ ବେସି ଅସୁବିଦା ଅଇଲା । ଅଇଲେମିସା ତମେ ମକେ ଏଲା କରାସ୍ ନାଇ କି ଚାଡି ଦିଆସ୍ ନାଇ, ମାତର୍ ମକେ ଗଟେକ୍ ସରଗର୍ ଦୁଡ୍‌ପାରା ଡାକି ରଇଲାସ୍ । କିରିସ୍ଟ ଜିସୁକେ ଜେନ୍ତୁ ତମେ ଡାକ୍‌ତାସ୍, ସେନ୍ତୁ ମକେ ମିସା ଡାକ୍‌ଲାସ୍ । ୧୫ ସେବେଲା ତମେ କେତେକ୍ ସାର୍ଦା ରଇଲାସ୍ ! ମାତର୍ ଏବେ ଆମର୍ ବିଡ୍‌ରେ ରଇବା ସେ ସାର୍ଦା କେନେ ଗାଲା ? ତମର୍ ବିସଇ ମୁଇ ଡାବ୍‌ସଙ୍ଗ୍ କଇଲିନି ଜେ, ଜଦି ଅଇପାର୍ତା ଆଲେ, ତମର୍ ନିଜର୍ ନିଜର୍ ଆଁକି ବେଟି ଆନି ମକେ ଦେଇତାସ୍ ! ୧୬ ମାତର୍ ମୁଇ ଏବେ ସଡ୍ କଇଲାର୍ ପାଇ, କାଇ ତମର୍ ସଡ୍‌ରୁ ଅଇଗାଲି ଆତି କି ?

୧୭ ସେ ବିନ୍ ଲକ୍‌ମନ୍ ତମର୍ ବାଟେ ବେସି ଦିଆନ୍ ଦେଲାଇନି । ମାତର୍ ସେମନର୍ ଦିଆନ୍ ଦେବାଟା ସଡ୍ ଇସାବେ ନାଇ । ସେମନ୍ ଏଟା ମନ୍ କଲାଇନି, ଜେନ୍ତୁକି ମର୍ବାଟେଅନି ତମକେ ବିନେ କଲେ, ତମେ ଡାକ୍‌ରବାଟେ ମନ୍ କର୍‌ସା । ୧୮ ବିନ୍ ଲକ୍‌ମନ୍ ତମର୍ ବାଟେ ବେସି ଦିଆନ୍ କର୍‌ବାଟା ନିକ ବିସଇ । ମୁଇ ରଇଲା ବେଲେ କି ନ ରଇଲା ବେଲେ ସେମନ୍ ତମର୍ଟାନେ ଦିଆନ୍ ଦେବାଟା ନିକ ବିସଇ, ମାତର୍ ଡାକ୍‌ର୍ ଦିଆନ୍ ଦେବାଟା ଟିକ୍ ରଇବାର୍ ଆଟେ । ୧୯ ଏ ମର୍ ଆଲାଦର୍ ପିଲାମନ୍, ତମର୍ ବିଡ୍‌ରେ କିରିସ୍ଟର୍ ପାରା ଚଲାଚଲ୍‌ତି ଅଇ ଆଇବାକେ, ମୁଇ ଆରିତରେକ୍ ଆଡ୍‌ଗଡ୍ ସୁକ୍ ଅଇବା ପାରା ଦୁକ୍‌କସ୍‌ଟ ପାଇଲିନି । ୨୦ ଜେନ୍ତୁରିକି ମୁଇ ଏବେ ତମର୍ ଲଗେ ରଇକରି ଦାକାପୁକା ନ କରି, ବିନ୍ ଇସାବେ କାତା ଅଇବାକେ ମନ୍ କଲିନି । କାଇକେବଇଲେ ମୁଇ ତମର୍ ବିସଇନେଇ ବେସି ଚିନ୍ତା କଲିନି ।

**ଆଗାର୍ ଆରି ସାର୍‌ର୍ ବିସଇନେଇ କଇବାଟା**

୨୧ ମସାର୍ ରିଡିନିଡିର୍ ତଲେସେ ରଇବାକେ ତମେ ମନ୍ କଲାସ୍ତନି କି ? ମକେ କଇଦେକାପନି, ତମେ କାଇ ରିଡିନିଡିଟାନର୍ ବାକିଅ ସୁନାସ୍ ନାଇ କି ? ୨୨ ଅବ୍‌ରାଆମକେ ଦୁଇଟା ପଅ ରଇଲାଇ । ଗଟେକ୍ ତାର୍ ଗରେ ପାଇଟି କର୍‌ବା କୁଲିଆର୍‌ନିର୍ଟା, ଆରି ଗଟେକ୍ ତାର୍ ନିଜର୍ ବିବାଇ ମାଇଜିର୍ଟା । କାଇକେବଇଲେ ଲେକା ଆଟେ, ୨୩ ଜନ୍‌ଟା କୁଲିଆର୍‌ନିର୍ ପଅ, ସେ ମୁନ୍‌ସର୍ ମନ୍ କଲା ଇସାବେ ଜନମ୍ ଅଇଲା । ଜନ୍‌ଟା ବିବାଇ ମାଇଜିର୍ଟା, ପର୍‌ମେସର୍ କରଇରଇବା ସପଡ୍ ଇସାବେ ଜାଡ୍ ଅଇଲାଟା । ୨୪ ଏ କାତା ଗଟେକ୍ ଜଟ୍‌କା ଇସାବେ ଆଟେ । କାଇକେବଇଲେ ଦୁଇଟା ମାଇଜି ଦୁଇଟା ରାଜିନାମା ପାରା । ଗଟେକ୍ ରାଜିନାମା ଆରାବ୍ ଦେସେ ରଇବା ସିନଅ ପର୍‌ବଡ୍ ଉପରେ ପର୍‌ମେସର୍ ମସାକେ ଦେଇରଇବା ନିୟମ୍ । ଏ ରାଜିନାମା ଆଗାର୍‌କେ ସମାନ୍ କରି ଅଇସି । କାଇକେବଇଲେ ଆଗାର୍ ଆରି ତାର୍ ପିଲାମନ୍ ଗତି ଅଇରଇଲାଇ । ସମାନ୍ ସେନ୍ତାରିସେ ଏ ରାଜିନାମାର୍ ପିଲାମନ୍ ସବୁଲକ୍ ଗତିଦାଙ୍ଗ୍‌ତା । ୨୫ ଆଗାର୍‌କେ ଆରବର୍ ସିନଅ ପର୍‌ବଡ୍ ସଙ୍ଗ୍ ସମାନ୍ କରଇଅଇସି, କନ୍ତୁଅନି ନିୟମ୍ ଆଇଲାଆଟେ । ତାକେ ଏବର୍ ଜିରୁସାଲାମ୍ ସଅରକେ ମିସା ସମାନ୍ କରଇଅଇସି । କାଇକେବଇଲେ, ଜିରୁସାଲାମେ ରଇବା ଜିଉଦିମନ୍ ମସାର୍ ନିୟମ୍ ବିସ୍‌ବାସ୍ କଲାଇନି । ସେ ନିୟମ୍ ବିସ୍‌ବାସ୍ କରି ନିୟମର୍ ଗତିଦାଙ୍ଗ୍‌ତା ଅଇଆଟଡ୍ ।

୨୬ ମାତର୍ ଅବ୍‌ରାଆମର୍ ବିବାଇ ମାଇଜି ଜେ କି ଗତିଦାଙ୍ଗ୍‌ତା ନ-ଏଁ, ତାକେ ସରଗର୍ ଜିରୁସାଲାମକେ ସମାନ୍ କରଇଅଇସି । ସେ ଆମେ ବିସ୍‌ବାସ୍ କର୍‌ବା ସବୁ ଲକ୍‌ର୍ ମାଆ । ୨୭ ଜେନ୍ତୁରିକି ସାସ୍‌ତରେ ଲେକାଅଇଆଟେ,

“ ଅଇରେ ବାଞ୍ଜି ମାଇଜି, ତୁଇ ସାର୍‌ଦା ଅ,  
କେବେମିସା ପିଲାଜିଲା ପାଇବା ଦୁକାସୁକା  
ଦାରାଇ ଅଇବାଟା ନାଜାନିରଇଲେ ମିସା  
ଆଉଲି ଅଇ ତର୍ ସାର୍‌ଦା ସବୁକେ ଜାନାଇଦେସ୍ । କାଇକେବଇଲେ ମୁନ୍‌ସ୍ ସଙ୍ଗ୍  
ବାସା ଅଇରଇବା ମାଇଜିର୍ ଟାନେଅନି ଗଟେକ୍ ଚାଡ୍‌ରି  
ମାଇଜିର୍ ପିଲାଜିଲା ଅଦିକ୍ ଅଇସି । ”

୨୮ ଏ ବାଇବଇନିମନ୍ ତମେ ଇସାକର୍ ପାରା ପର୍‌ମେସର୍ ସପଡ୍ କରି ପାଟାଇରଇବା ପିଲାଜିଲା ଅଇଗାଲାସ୍ । ୨୯ ସେବେଲେ ଅବ୍‌ରାଆମର୍ ପିଲା ଜେ କି ଗାଗଡ୍‌ର୍ ଇସାବେ ଜନମ୍ ଅଇରଇଲା, ତାର୍ ସାନ୍ ବାଇକେ ସାଦ୍‌ବାନ୍ କଲା । ଜେ କି ପର୍‌ମେସର୍ ଆଡ୍‌ମା ଇସାବେ ଜନମ୍ ଅଇଲା । ସେଟା ଏବେ ମିସା ଅଇଲାନି । ୩୦ ମାତର୍ ଏ ବିସଇନେଇ ସାସ୍‌ତର୍ କାଇଟା କଇଲାନି ? ତେଇ ଲେକାଅଇଆଟେ, କୁଲିଆର୍‌ନି ଆରି ତାର୍ ପଅକେ ବାର୍‌କରାଇ ଦିଆସ୍ । କାଇକେବଇଲେ କୁଲିଆର୍‌ନିର୍ ପଅ ବିବାଇ

ମାଈଜିର ପଥର ସଙ୍ଗ ବାବାରୁ ଦନ୍ ସପତି ପାଇନାପାରେ । ୩୧ ତେବେ ଏ ମର ବାଇବଇନିମନ୍ ଆମେ କୁଲିଆରନିର ପିଲାଜିଲା ନଉ, ବିବାଇ ମାଈଜିର ପିଲାଜିଲା ।



**ତମର ମୁକଲ୍ଲାଟା ଜତନ୍ କରା**

୧ ଏବେ ଆମେ ବାନ୍ଦନେଅନି ମୁକଲିଆରୁ । ଆମ୍ଭକେ କିରିସ୍ତ ବାନ୍ଦନେଅନି ମୁକଲାଇଆଟେ । ସେଟାର ପାଇ ଆମେ ବାନ୍ଦନ୍ କୁସଲାଇ ତାଟ୍ ସଙ୍ଗ ରଉଁ । ଆରି ତରେକ୍ ଗତିଦାଙ୍ଗଡାର ବାନ୍ଦନେ ବାନ୍ଦିଅଇବାକେ ନ ଦେଉ ।

୨ ମୁଇ ପାଉଲ୍ ଏବେ କଇଲିନି ସୁନା, ତମେ ଜଦି ପର୍ମେସରର୍ ମୁଆଟେ ଦରମ୍ ଅଇବାକେ ସୁନତ୍ ଅଇବା ରିତିନିତି ମାନ୍ଲାସ୍ନି, ତମ୍ଭକେ କିରିସ୍ତ ଆରି ଲତାନାଇ ବଲି ତେଇଅନି ଜାନା ପଡ୍ଲାନି । ୩ ଜନ୍ ଲକ୍ ସୁନତ୍ ଅଇବାକେ ଗାଲାନି, ମୁଇ ଆରିତରେକ୍ ତାକେ ଜାଗରତ୍ କରାଇଦେଲିନି ଜେ, ମସାର ନିୟମ୍ ପୁରାପୁରନ୍ ମାନ୍ବାର୍ ଆଟେ । ୪ ତମର ବିତ୍ତରେ ଜେଡ୍ କି ଲକ୍ ନିୟମ୍ ମାନ୍ଲାର୍ପାଇ ପର୍ମେସରର୍ ମୁଆଟେ ଦରମ୍ ଅଇବାକେ ଚେସ୍ଟା କଲାସ୍ନି, । ତମେ କିରିସ୍ତତେଇ ଅନି ବିନେ ଅଇଆଟାସ୍, ଆରି ପର୍ମେସରର୍ ଜିବନ୍ ଦୁକାଇଲାତେଇଅନି ବାଇରେ ଆଟାସ୍ । ୫ ମାତର୍ ଆମେ ଆସାକଲୁନି ଜେ, ପରମେସର୍ ଆମ୍ଭକେ ତାର୍ ବିଚାର୍ ଇସାବେ ଦସ୍ ନଇଲା ଲକ୍ ବଲି କଇସି, ଜନ୍ ସୁକଲ୍ ଆଡ୍ମାର୍ ବପୁ ବିସ୍ବାସର୍ ଲାଗି ଆମର୍ ବିତ୍ତରେ କାମ୍ କଲାନି, ସେ ବପୁର୍ ଲାଗି ସେଟା ଅଇସିବଲି ଆମେ ଜାଗଲୁନି । ୬ କାଇକେବଇଲେ ଜିସୁ କିରିସ୍ତର୍ ସଙ୍ଗ ମିସିକରି ଜିଇଲେ କାଇଲେ, ସୁନତ୍ ଅଇବାଟା କି ସୁନତ୍ ନ ଅଇବାଟା କାଇଟା ମିସା ନାଇ । ଏକାଇ ଗଟେକ୍ସେ ଦରକାର୍ ରଇଲା ବିସଇ । ସେଟା ଅଇଲାନି, ବିସ୍ବାସେ ତାଟ୍ ରଇ ଆଲାଦ୍ ସଙ୍ଗ ଦାଇତେ ରଇବା କାମ୍ କର୍ବାର୍ ।

୭ ତମେ ନିମାନ୍ ସଙ୍ଗ ଆଗ୍ଭକେ ଜାଇତେ ରଇଲାସ୍ ! ସତ୍ ବାଟେ ଇଣ୍ଟିଲା ବେଲେ, କେ ତମକେ ଅଟ୍ଟକାଇଲା ? କାରାପ୍ ବାଟେ ଜିବାକେ କେ ଉସ୍ତକାଇଲା ? 「 ତମ୍ଭକେ ତାକି ରଇଲା ପରମେସର୍ଟାନେଅନି ଏଟା ଅଏନାଇ । ୮ କାତାଇ ଆଟେ, ତକ୍ଟି ରଇବା ସବୁ ଅଟାଗୁଣ୍ଟ ପୁଲାଇବାକେ କଣ୍ଟେକ୍ସେ କମିର୍ ଲତା । ୯ ସେଟା ଜାଇଟା ଅଇଲେ ମିସା ଅଅବେ, ଏବେ ଜାକ ମର୍ ତମର୍ ଉପ୍ରେ ଆସାବର୍ସା ଆଟେ । କାଇକେ ବଇଲେ ଆମେ ସବୁ ଲକ୍ ମାପୁରୁର୍ ସଙ୍ଗ ମିସି ଆରୁ । ମୁଇ ବିସ୍ବାସ୍ କଲିନି, ତମେ ମର୍ ସିକିଆ ବିରଦ୍ ନ କରାସ୍ । ଆରି ଜନ୍ ଲକ୍ ତମ୍ଭକେ କଟପଟ କଲାଇନି, ସେ ଜେ ଅଇରଇଲେ ମିସା, ତାକେ ପର୍ମେସର୍ ଡଣ୍ଟ ଦେଇସି ।

୧୦ ମାତର୍ ଏ ବାଇବଇନିମନ୍, ମୁଇ ଆଜିକେଜାକ ଜିଉଦି ନ ଅଇଲା ଲକ୍ମନ୍ ବିସ୍ବାସ୍ କଲେ ମିସା, ସୁନତ୍ କର୍ବାର୍ ଆଟେ ଆକା ବଲି ସିକାଇଲିନି ପନି । ମୁଇ ଏନ୍ତାରି ସିକାଇଲିନି ବଲି, କେତେକ୍ ଲକ୍ମନ୍ କଇବୁଲୁଲାଇନି । ସେନ୍ତାଆଲେ ମୁଇ ଏବେ ମିସା କାଇକେ ନିନ୍ଦା ପାଇଲିନି ? ତେବେ ମୁଇ କିରିସ୍ତର୍ କୁରୁସ୍ ବିସଇ ଜାନାଇବାଟା ସୁନିକରି ଜିଉଦିଲକ୍ମନ୍ ରିସା ନ ଅଇତାଇ । ୧୧ ମୁଇ ମନ୍ କଲିନି, ଏ ବିସଇନେଇ ଜେ ଜେ ତମ୍ଭକେ କଟପଟ କଲାଇନି, ସେମନ୍ ଆରି ଅଲପ୍ ଆଗ୍ଭକେ ଜାଅଡ୍ । ଉଜେ ସୁନତ୍ ନ ଅଇ ସେମନର୍ ଲିଙ୍ଗ୍ ପୁରାପୁରନ୍ କାଟି ଦେଅଡ୍ !

୧୨ ଏ ବାଇବଇନିମନ୍, ନିୟମର୍ ତଣ୍ଟେଅନି ମୁକଲାଇ ଅଇବାକେ ପର୍ମେସର୍ ତମ୍ଭକେ ତାକ୍ଲାଆଟେ । ମାତର୍ ଜାଗରତ୍, ଏବେ ଆରି ଗାଗଡର୍ ମନ୍ କର୍ବାଟା ସବୁ ପୁରାପୁରନ୍ କରିଅଇସି ବଲି କୁଆନାଇ । ମାତର୍ ଆଲାଦେଅନି ଚଲାଚଲ୍ଡି ଅଇ ତମର୍ ବିତ୍ତରେ ଗଟେକ୍ ଲକ୍ ଆରି ଗଟେକ୍ ଲକ୍ଟ ସେବା କରା । ୧୩ କାଇକେ ବଇଲେ ସବୁ ନିୟମ୍ ଏ ଗଟେକ୍ ବାକିଅତେଇ ସିଦ୍ ଅଇସି, ତମେ ନିଜ୍ଭକେ ଆଲାଦ୍ କଲାପାରା ବିନ୍ ଲକ୍ଭକେ ଆଲାଦ୍ କରା । ୧୪ ମାତର୍ ତମେ ଜଦି କିରମାର ଅଇ ତମର୍ ବିତ୍ତରେ ଚାବାକାଡ୍ରେ ଅଇସା, ତେବେ ଜାଗରତ୍, ଜେଡ୍ଡିକି ତମର୍ ଗଟେକ୍ ଲକ୍ ଆରି ଗଟେକ୍ ଲକ୍ଭକେ ମାରି ନସ୍ଟ ନ ଉଆ ।

**ସୁକଲ୍ଆଡ୍ମା ଆରି ଲକ୍ମନର୍ ଚଲନ୍**

୧୫ ମର୍ କଇବା କାତା ଅଇଲାନି, କେନ୍ତ୍ର ଚଲାଚଲ୍ଡି କର୍ବାର୍ ସେଟା ସୁକଲ୍ଆଡ୍ମା ତମ୍ଭକେ ସିକାଅ । ସେନ୍ତ୍ର ବଇଲେ, ତମେ ଆରି ଲକ୍ଟ ଚଲନ୍ ଆରି ଲାଲ୍ସା ବାଟେ ନ ଜାଆସ୍ । ୧୬ ଲକ୍ଟ ଚଲନ୍ ସୁକଲ୍ଆଡ୍ମାର୍ ବିରଦି । ସେନ୍ତ୍ର ସେ ସୁକଲ୍ଆଡ୍ମା ମନ୍ କର୍ବାଟା, ଲକ୍ଟ ଚଲନ୍ ବିରଦି । ଏମନ୍ ଗଟେକ୍ ଲକ୍ ଆରି ଗଟେକ୍ ଲକ୍ଟ ସତ୍ତୁର୍ । ସେଟାର୍ ପାଇ ତମେ କାଇଟା କର୍ବାକେ ମନ୍ କଲାସ୍ନି ସେଟା କରି ନାପାରାସ୍ । ୧୭ ଜଦି ସୁକଲ୍ଆଡ୍ମା ତମ୍ଭକେ ଚାଲ୍ନା ଦେଇସି, ତେବେ ତମେ ଆରି ମସାର୍ ନିୟମର୍ ତଲେ ନାଇ ।

୧୮ ଗାଗଡର୍ କାମ୍ମନ୍ ତା ନିକ ସଙ୍ଗ ଜାନା ପଡ୍ଲାନି, ବେସିଆ କାମ୍ କର୍ବାଟା, ସୁକଲ୍ ନଇଲାଟା, ୧୯ କାରାପ୍ ଇସାବେ ଦେକ୍ବାଟା, ପୁଡ୍ଲାପୁଜା କର୍ବାଟା, ଜାଦୁବିଦିଆ କର୍ବାଟା, ଲାଗାଜତା କରି ସତ୍ତୁର୍

☆ ୫:୯ ୫:୯ ୧ମ କରନ୍ତିୟ ୫:୬ ☆ ୫:୧୭ ୫:୧୭ ରମିୟ ୭:୧୫-୨୩

ଅଇବାଟା, ଆଁକାର୍ ଅଇବାଟା, ରିସା ଅଇବାଟା, କାମ୍ ଅଇଲାପତେ ପାଚାରି ନ ଦେକବାଟା, ଦଲ୍ଲବିରଦି ଅଇବାଟା, କିରମାର୍ ଅଇବାଟା, ୨୧ ଛୁଆତଲା ଅଇବାଟା, ମାଡୁଆଲ୍ ଅଇବାଟା, ମଜାମଜ୍ଲିସ୍ ଅଇବାଟା, ଏ ସବୁ କାମ୍‌ମନ୍ ମୁଇ ଆଗତୁ ଜେନ୍ତି ତମ୍‌କେ କଇରଇଲି, ସେଟାର୍ ପାଇ ଆରିତରେକ୍ କଇଦେଲିନି ଜେ, ଜନ୍ ଲକ୍‌ମନ୍ ଏନ୍ତାରି କାମ୍ କରବାଇ, ସେମନ୍ ପରମେସରର୍ ରାଇଜେ ପୁରବା ଅଦିକାର ପାଇ ନାପାରତ୍ ।

୨୨ ମାତର୍ ଆଡ଼ମାର୍ ପଲ୍ ଅଇଲାନି, ଆଲାଦ୍ କରାକରି ଅଇବାଟା, ସାରଦାସଙ୍ଗ୍ ରଇବାଟା, ସାନ୍ତିସଙ୍ଗ୍ ରଇବାଟା, ମୁରଟିକରି ରଇବାଟା, ବିନ୍‌ଲକ୍‌କେ ଉପକାର୍ କରବାଟା, ନିମାନ୍ ଚଲାଚଲ୍‌ତି କରବାଟା, ବିସ୍‌ବାସେ କାମ୍‌କରବାଟା, ସଲଦ୍ ଅଇବାଟା, ଆଡ଼ମାଇ ସାଆସ୍ ଦାରି ଚଲାଚଲ୍‌ତି କରବାଟା, ୨୩ ଏ ସବୁର୍ ଚଲନ୍ ମାନ୍‌ବା ଲକ୍ ନିୟମର୍ ବିରୁଦେ କାଇଟା ନ କରେ । ୨୪ ଜନ୍ ଲକ୍‌ମନ୍ କିରିସ୍‌ଟ ଜିସୁର୍, ସେମନ୍ ତାକର୍ ଗାଗଡ଼କେ ତାର୍ ମନ୍ କରବାଟା ଆରି ଆସା କରବାଟା ସଙ୍ଗ୍ କୁରସତେଇ ମରାଇ ଆଚଡ଼ । ୨୫ ଜଦି ଆମେ ସୁକଲ୍‌ଆଡ଼ମାଇଅନି ଜିବନ୍ ପାଇଆରୁ, ତେବେ ଆଡ଼ମାର୍ ଇସାବେ ଚଲାଚଲ୍‌ତି କରୁ । ୨୬ ଆମେ ରୁଚାଇ ବଡ଼ପନ୍ ଅଇ ଗଟେକ୍ ଲକ୍ ଆରି ଗଟେକ୍ ଲକ୍‌କେ ରିସା ନ କରୁ ଆରି ଛୁଆ ନ କରୁ ।



### ମିସିବିଡ଼ିକରି ବଜ୍ ରୁଆ

୧ ଏ ବାଇବଇନିମନ୍ ଜଦି ତମର୍ ବିଡ଼ରେ କେ କାରାପ୍ କାମ୍ କଲା ବେଲେ ଦାରାପଡ଼ଲେ, ତମର୍‌ଟାମେ ଜେ ସୁକଲ୍ ଆଡ଼ମାଇଅନି ଚାଲ୍‌ନା ପାଇଲାନି, ସେ ତାକେ ଟିକ୍ ବାଟେ ଆନ୍‌ବାର୍ ଆଚେ । ମାତର୍ ସେ ଏ କାମ୍ ସାରଦା ଆରି ସଲଦ୍‌ସଙ୍ଗ୍ କରବାର୍ ଆଚେ । ଆରି ଜାଗରଡ଼, ଜେନ୍ତିକି ସେ ନିଜେ ସେନ୍ତାର୍ କାମ୍ କରବାକେ ମନ୍ କରବାର୍ ନାଇ । ୨ ତମର୍ ତମର୍ ବିଡ଼ରେ, ଜିବନେ ଆଇବା ବଜ୍ ବିସଇ ବଇବାକେ ସାଇଜ କରାକରି ଉଆ । ଏନ୍ତାରି କଲେ ତମେ କିରିସ୍‌ଟର୍ ଆଦେସ୍ ମାନ୍‌ସା । ୩ ଜେ ନିଜର୍ ବିସଇନେଇ ବଡ଼ ବଲି ବାସ୍‌ସି, ସତଇସେ ଦେକଲେ ସେ ବଡ଼ ନଏ । ସେ ନିଜେ ନାଡ଼ାଇ ଅଇଲାନି । ୪ ସବୁ ଲକ୍ ନିଜର୍ ନିଜର୍ ଚଲାଚଲ୍‌ତି ବିଚାର୍ କରି ଦେକବାର୍ ଆଚେ । ଜଦି ସେଟା ନିକ ଅଇରଇସି, ତେବେ ସେ ନିଜେ ସାରଦା ଅ । ଆରି ବିନ୍ ଲକ୍‌କର୍ କାମ୍‌ସଙ୍ଗ୍ ନିଜେ କଲାଟା ସମାନ୍ ନ କର । ୫ କାଇକେ ବଇଲେ ସବୁ ଲକ୍ ନିଜର୍ ନିଜର୍ ଜିବନେ ଆଇବା ବଜ୍ ବଇବାକେ ପଡ଼ସି ।

୬ ଜନ୍ ଲକ୍‌ମନ୍ ବାକିଅଟାମେ ସିକିଆ ପାଇଲାଇନି, ସେମନ୍‌ଟାମେ ଜନ୍‌ଟା ଆଚେ, ସେଟା ତାକର୍ ସିକାଉମନ୍‌ର୍ ସଙ୍ଗ୍ ବାଟା କରବାର୍ ଆଚେ ।

୭ ପରମେସର୍ ନାଡ଼ାଇ ନ ଅଏ, ନିଜେ ନାଡ଼ାଇ ଉଆ ନାଇ । ଜେ ଜନ୍‌ଟା ବୁନିରଇସି, ସେ ସମାନ୍‌ଟା ଆକା କାଟ୍‌ସି । ୮ ଜେ ନିଜର୍ ଗାଗଡ଼ର୍ ଗୁନ୍‌ଚଲନ୍ ଇସାବେ ବୁନ୍‌ସି, ସେ ଗାଗଡ଼େଅନି ବାରଇବା ମରନ୍‌ର୍ କେଡ଼ କାଟ୍‌ସି । ମାତର୍ ଜେ ଆଡ଼ମାର୍ ଇସାବେ ବୁନ୍‌ସି, ସେ ଆଡ଼ମାଇଅନି ବାରଇଲା ନ ସାରବା ଜିବନ୍‌ପାରା କେଡ଼ କାଟ୍‌ସି । ୯ ସେଟାର୍ ପାଇ ଆମେ ନିକ କାମ୍ କରି ଲାଗି ରଇବୁ । କାଇକେ ବଇଲେ ନ ତାକ୍‌ଲେ ସେ ସମାନ୍ ବେଲାଇ ପସଲ୍ ପାଇବାର୍ ଅଇସି । ୧୦ ସେନ୍ତି ବଇଲେ ଜେତେକ୍ ତର୍ ବେଲା ପାଇଲୁନି, ସବୁବେଲା ସବୁର୍‌ସଙ୍ଗ୍, ଜନ୍‌ଲକ୍‌ମନ୍ ଆମର୍ ବିସ୍‌ବାସି କୁଟୁମେ ମିସ୍‌ଲାଇ ଆଚଡ଼, ସେମନ୍‌ର୍ ପାଇ ନିମାନ୍ କରବାର୍ ଆମର୍ ଦାଇଡ଼ ।

### ସାରାସାରି ବେଲର୍ ଜାଗରଡ଼ କରାଇବା କାତା

୧୧ ଦେକା, କେତେ ବଡ଼ ବଡ଼ ଅଇକରସଙ୍ଗ୍ ମୁଇ ତମ୍‌କେ ଏ ଚିଟିର୍ ସାରାସାରି କାତା ମର୍ ନିଜର୍ ଆଚେ ଲେକ୍‌ଲିନି । ୧୨ ଜନ୍ ଲକ୍‌ମନ୍ ବାଇରର୍ ରିଡିନିଡି ମାନିକରି ତାକ୍‌ପୁଟା ପାଇବାକେ ମନ୍ କରବାଇ, ସେମନ୍ ତମ୍‌କେ ସୁନଡ଼ ଅଇବାକେ ବାଦିଅ କଲାଇନି । କିରିସ୍‌ଟର୍ କୁରସର୍ ଲାଗି ସେମନ୍ ଜେନ୍ତି ସଙ୍ଗର୍ ଜିଉଦିମନ୍‌ର୍ କସ୍‌ଟ ନ ପାଇବାର୍ ଲାଗି ଏଟା କଲାଇନି । ୧୩ କାଇକେ ବଇଲେ ଜନ୍ ଲକ୍‌ମନ୍ ସୁନଡ଼ ବିଦିକେ ଟିକ୍ ବଲି କଇଲାଇନି, ସେମନ୍ ନିଜେ, ମସାର୍ ସବୁ ନିୟମ୍ ମାନ୍‌ଡ଼ ନାଇ । ଜେନ୍ତି କି ତମେ ସୁନଡ଼ ଅଇ ସେମନ୍‌ର୍‌ବାଟେ ମିସ୍‌ଲାସ୍ । ଏଟା ନେଇକରି ବଡ଼ପନ୍ ଅଇବାଇ । ୧୪ ମାତର୍ ମାପୁରୁ ଜିସୁ କିରିସ୍‌ଟର୍ କୁରୁସ୍ ଚାଡ଼ିକରି ଆରି କାଇତେଇ ବଡ଼ପନ୍ ଅଇବାଟା ମର୍‌ଟାମେଅନି ଦୁରିକେ ରଅ । କାଇକେବଇଲେ ଜଗଡ଼ ଜନ୍ ବିସଇର୍ ପାଇ ବେସି ଦାନ୍ଦା ଅଇଲାନି, ସେଟା ମୁକିଅ ବିସଇ ବଲି ମୁଇ ନ ବାବି । ଆରି ଜଗଡ଼ ମିସା ମକେ କାଇ ମୁଲିଅ ନ ଅଇଲା ଲକ୍ ପାରା ଦେକ୍‌ଲାନି । ୧୫ କେ ସୁନଡ଼ ଅଇଲା, କେ ସୁନଡ଼ ଅଏନାଇ, ସେଟା କିଟି ନାଇ । ମାତର୍ ପର୍‌ମେସର୍ ଆମ୍‌କେ ନୁଆ ଜନମ୍ ଦେଲାଆଚେ, ସବୁର୍‌ଟାମେଅନି ସେଟାସେ ମୁକିଅ ବିସଇ । ୧୬ ଜନ୍ ଲକ୍‌ମନ୍ ନିଜର୍ ଜିବନେ ଏ କାତା ଦାରବାଇ, ସେମନ୍ ସବୁ ଲକ୍ ଆରି ପରମେସରର୍ ସବୁ ଲକ୍‌ମନ୍ ଜିବନେ ସାନ୍ତି ଆରି ଜିବନ୍ ଦୁକାନି ପାଇବାଇ ।

<sup>୧୭</sup> ସାରାସାରି ଏଡ଼କି କଇଲିନି, ଆଜିଅନି ବୁଲୁ ସିକିଆ ଦେଇକରି ମକେ ଆରି କେ ମିସା କସ୍ତ ନ ଦେଅ, କାଇକେ ବଇଲେ ମୁଇ ଜିସୁର୍ ଗତିଦାଙ୍ଗ୍ଡା ବଲି ଦେକାଇବାକେ ମର୍ ଗାଗ୍ଡେ ତାର୍ କଣ୍ଡିଆ ତିନ୍ ଆଚେ ।  
<sup>୧୮</sup> ଏ ବାଇବଇନିମନ୍ ! ଆମର୍ ମାପୁରୁ ଜିସୁକିରିସ୍ତର୍ ଜିବନ୍ ଦୁକାନି ତମର୍ ସବୁ ଲକର୍ ଲଗେ ରଅ । ଆମେନ୍ !

## ଏପିସିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କର ପତ୍ର ଏପିସିୟ ମଣ୍ଡଳୀର ବିଶ୍ୱାସୀମାନଙ୍କେ ପାଉଲ୍ ଚିଠି ଲେଖିଲାଟା ଏ ବଇର ବିସଇ ଜାନବାଟା

ଏପିସିୟ ମଣ୍ଡଳୀର ଲକ୍ଷ୍ମଣଙ୍କେ ପାଉଲ୍ ଲେଖିରଇଲା ଚିଠି ପାକାପାକି ୬୦ କିରିସ୍ତାଦ ବିତ୍ତରେ ଲେଖାଅଇରଇଲା । ଏଟା କଲସିଅ ମଣ୍ଡଳୀର ଲକ୍ଷ୍ମଣଙ୍କେ ଲେଖିରଇଲା ବେଲେ ଲେଖା ଅଇରଇଲା । ଜେ ଏ ଚିଠି ଲେଖିଲା ଆତେ, ସେ ନିଜେ ପେରିତ୍ ପାଉଲ୍ ବଲି ଜାନାଇଅଇଲା ଆତେ ୧:୧ । କଲସିଅ ବଇଟାନେ ନିଜେ ଜାନାଇ ନ ଅଇରଇଲେ ମିସା କେତେଟା ପଣ୍ଡିତମନ୍ ଏପିସିୟ ବଇ ପାଉଲ୍ ଲେଖିଲାଆତେ ବଲି କଇବାଇ । ଏଟାରପାଇ ସବୁ ମଣ୍ଡଳୀକେ ଚିଠି ବାଟ୍‌ବା ଆଦେସ୍ ନେଇକରି ଲେଖାଅଇରଇସି କାଇକି ବଲି କଇବାଇ । ପାଉଲ୍ ଏଟା ମିସା ଜାନାଇଦେଇ ଆତେ, କି ଏ ଚିଠି ଲେଖିବା ବେଲେ ସେ ବନ୍ଦି ରଇଲା । ୩:୧;୪:୧, ୬:୨୦ । ପାଉଲ୍ ତୁକିକକେ ଏ ଚିଠି ଦେଇକରି ଏପିସିୟ ମଣ୍ଡଳୀତେଇ ପାଟାଈରଇଲା ୬:୨୧-୨୨ ।

ଏପିସିୟ ଅଇଲାନ୍ ଏସିଆ ଦେସର୍ ଗଟେକ୍ ବଡ଼ ସଅର୍ ଆରି ରାଜ୍‌ଦାନି ରଇଲା । ଏପିସି ଗିରିକ୍ ଦେବ୍‌ତା ଆର୍ତେମିର୍ ଉପାସନା କର୍ବାକେ ଆରି ମନ୍ଦିରର୍ ପାଇ ଡାକ୍‌ପୁଟା ରଇଲା । ପେରିତ୍ ୯:୨୩-୩୧ । ଏପିସିୟ ମଣ୍ଡଳୀ ପର୍ତୁଗୁ ଡାକ୍ ରଇଲା, ମାତର୍ ପତେ ପତେ ଉନା ଉନା ଅଇଆଇଲା । ପର୍ତୁଗାସିତ ୨:୧-୭ । ପାଉଲ୍ ତାର୍ ଚିଠି ଲେଖିଲା ଅଦା ବାଗେ ପର୍ତେସର୍ ତାର୍ ଲକ୍ଷ୍ମଣଙ୍କେ କେନ୍ଦ୍ରି ବାଟ୍‌ଲାଆତେ ଆରି ଜିସୁକିରିସ୍‌ଟର୍ ଲାଗି କେନ୍ଦ୍ରି ପାପେଅନି ରକିଆ କଲାଆତେ, ସେଟା ବୁଜାଇଦେଇଆତେ ।

ପାଉଲ୍ ମଣ୍ଡଳୀକେ ଗାଗଡ଼ ସମାନ୍ କରି କିରିସ୍‌ଟ ଇତିର୍ ମୁଣ୍ଡ ଆରି କନର୍ ମୁଲ୍‌ତେଲି ବଲି କଇଆତେ, ଜନ୍‌ଟାକି ସଙ୍ଗ୍ ମିସିକରି ବଡ଼ି ଅଦିକ୍ ଅଦିକ୍ ଅଇଲାନ୍ । ପାଉଲ୍ ଚିଠିଟାନେ ଅଦାବାଟ୍ ବିଶ୍ୱାସୀମାନର୍ ଜିବନ୍ କେନ୍ଦ୍ରି ରଇବାର୍, ସେ ବିସଇ ଆଦେସ୍ ଦେଲାଆତେ ।

### ଏ ବଇ ବିତ୍ତରେ ରଇବାଟା

- ୧. ପାଉଲ୍ ଜୁଆର୍ କରି ନିଜେ ଜାନାଇଅଇଆତେ । ୧:୧-୨
- ୨. କିରିସ୍‌ଟର୍ ସଙ୍ଗ୍ ମଣ୍ଡଳୀର୍ ମିସାବିତା ଅଇବାଟା । ୧:୩-୩:୨୧
- ୩. ବିଶ୍ୱାସିର୍ ଜିବନ୍ କେନ୍ଦ୍ରି ବିତାଇବାର୍ । ୪:୧-୬:୨୦
- ୪. ପାଉଲ୍ ସାରାସାରି ଜୁଆର୍ ଜାନାଇବାଟା । ୬:୨୧-୨୪

୧\*ମୁଇ ପାଉଲ୍ ପର୍ତେସର୍ ମନ୍ କଲା ଇସାବେ କିରିସ୍‌ଟ ଜିସୁର୍ ଗଟେକ୍ ପେରିତ୍ ସିସ୍ ଅଇ ବାଟି ଅଇଆଟି ।

ଜିସୁ କିରିସ୍‌ଟର୍ ସଙ୍ଗ୍ ମିସିକରି ବିଶ୍ୱାସିସଙ୍ଗ୍ ଜିଉନା କାଉନା କର୍ତେ ରଇବା ଏପିସିୟର୍ ବିଶ୍ୱାସୀମାନର୍ ଲଗେ ଏ ଚିଠି ଲେଖିଲିନି ।

୨ଆମର୍ ବାବା ପର୍ତେସର୍ ଆରି ମାପୁର୍ ଜିସୁକିରିସ୍‌ଟ ତମ୍‌କେ ସବୁଲକ୍‌କେ ଜିବନ୍ ଦୁକାଇକରି ସାନ୍ତି ଦେଅ ।

### ଆଡ଼ମାର୍ ଆସିର୍ବାଦ୍

୩ଆମର୍ ମାପୁର୍ ଜିସୁ କିରିସ୍‌ଟର୍ ବାବା ପର୍ତେସର୍ ଦନିଅବାଦ୍ ପାଅ । କାଇକେ ବଇଲେ ସେ ଆମ୍‌କେ କିରିସ୍‌ଟର୍ ସଙ୍ଗ୍ ମିସାଇକରି ସର୍ଗେ ରଇବା ସବୁଜାକ ଆଡ଼ମାଇଅନି ମିଲାଇବା ଆସିର୍ବାଦ୍ ଦେଇଆତେ । ୪କିରିସ୍‌ଟର୍ ସଙ୍ଗ୍ ମିସିରଇକରି ଆମେ ଜେନ୍ଦ୍ରି ପର୍ତେସର୍ ଅଇବୁ, ସେଟାରପାଇ ସେ ଆମ୍‌କେ ଜଗଡ଼ ତିଆର୍ ନ ଅଇବା ଆଗତୁ ବାଟି ରଇଲା ।

ଜେନ୍ଦ୍ରିକି ସୁକଲ୍ ଆରି କାଇ ଦସ୍ ନ ଅଇତେ ତାର୍ ମୁଆଟେ ଚିଆଅଇବୁ । ୫ତାର୍ ଆଲାଦର୍ ଲାଗି, ଜିସୁ କିରିସ୍‌ଟର୍ ସଙ୍ଗ୍ ସେ ଆମ୍‌କେ ତାର୍ ନିଜର୍ ପଅଜି ପାରା କର୍ବାକେ ବାଟିଆତେ । ଏଟାସେ ତାର୍ ଆଦେସ୍ ଆରି ସାର୍‌ଦା । ୬ଜେନ୍ଦ୍ରିକି ତାର୍ ବଡ଼ ଜିବନ୍ ଦୁକାନିର୍ ଲାଗି ଆମେ ତାକେ ଡାକ୍‌ପୁଟା କରୁ । ତାର୍ ଆଲାଦର୍ ପଅ କରି ରଇଲା କାମର୍ ଲାଗି, ଇନାମେ ତାର୍ ଜିବନ୍ ଦୁକାଇଲାଟା ସେ ଆମ୍‌କେ ଦେଲା ଆତେ । ୭\*କିରିସ୍‌ଟ ବନି ଜରାଇ ମଲାରପାଇ ଆମେ ମୁକ୍ତି ପାଇଆତୁ ଆରି ଆମର୍ ସବୁଜାକ ପାପ୍ କେମା ଅଇଲା ଆତେ । ପର୍ତେସର୍ ଜିବନ୍ ଦୁକାଇଲାଟା କେତେ ବଡ଼ ବିସଇ !

୮ସେଟା ସେ ଆମ୍‌କେ ନ ସାରାଇତେ ଦେଇଆତେ । ସବୁ ଗିଆନ୍ ଆରି ବୁଜ୍‌ବା ବପୁ ସଙ୍ଗ୍ ମିସା ଦେଲା ଆତେ । ୯ଆଗତୁ ଆମେ ଜାନି ନ ରଇଲା ତାର୍ ଜଜ୍‌ନାର୍ ଚିକିନିକି ବିସଇ, ସେ ଆମ୍‌କେ ଜାନାଇ ଆତେ ।

\* ୧:୧ ପେରିତ୍ ୧୮:୧୯-୨୧;୧୯:୧    \* ୧:୭ ୧:୭ କଲସିଅ ୧:୧୪



ସେଟା ଜିସୁ କିରିସ୍ଟର ଦେଇ ସେ ପୁରାପୁରୁନ୍ କଲାଆଚେ, କାଇକେ ବଇଲେ ଏଟା ତାକେ ସାର୍ଦା କଲା ।

<sup>୧୦</sup> ସରଗେ ଆରି ଜଗତେ ତିଆର୍ ଅଇରଇବା ସବୁ ବିସଇ ଗଟେକ୍ଟାନେ ଆନ୍ବାକେ ପର୍ମେସରର୍ ଜଜନା ରଇଲା । କିରିସ୍ଟ ସେସବୁ ବିସଇର୍ ମୁଣ୍ଡ ପାରା ଅଇକରି ରଇସି । ଏଟା ସମାନ୍ ବେଲାଇ ସେ ପୁରାପୁରୁନ୍ କରସି ।

<sup>୧୧</sup> କିରିସ୍ଟର୍ ସଙ୍ଗ ମିସାଇ କରି, ପରମେସର୍, ଆମେ ଜିଉଦିମନ୍‌କେ ବାଟି ଆଚେ । କାଇକେ ବଇଲେ ଆଗେ ଅନି ଏନ୍ତାରି କରବାକେ ସେ ଜଜନା କରି ରଇଲା । ସେ ଜେନ୍ତାରି ମନ୍ କରସି, ସେ ଇସାବେ ସବୁ ବିସଇ ପୁରାପୁରୁନ୍ କରସି । <sup>୧୨</sup> ଜେନ୍ତାରିକି ଆମେ ଜେଡକି ଜିଉଦି ଲକ୍ ପର୍‌ଡୁମ୍ କିରିସ୍ଟକେ ଆସାକରି ରଇଲୁ, ସବୁଲକ୍ ପରମେସର୍‌କେ ମଇମା କରୁ !

<sup>୧୩</sup> ତମେ ମିସା ଜେଡେବେଲେ ମୁକ୍ତି ପାଇବା, ଏ ସୁର୍ କବରର୍ ସଡ଼ କାତା ସୁନ୍‌ଲାସ୍, ସେ ବେଲେଅନି ପର୍ମେସରର୍ ଲକ୍ ଅଇଆଚାସ୍ । ତମେ କିରିସ୍ଟକେ ବିସ୍‌ବାସ୍ କଲାକେ, ପର୍ମେସର୍ ସେ ଦେଇରଇବା କାତା ଇସାବେ ସୁକଲ୍ ଆଡ଼ମା ଦାନ୍ କରିଆଚେ । ଆରି ସେ ତମ୍‌କେ ଚିନ୍ କଲାଆଚେ । <sup>୧୪</sup> ପର୍ମେସର୍ ତାର ଲକ୍‌ମନ୍‌କେ ଜେଡକି ବିସଇ ଦାନ୍ କରବାକେ କାତା ଦେଲାଆଚେ, ସେ ସବୁଜାକ ଆମେ ମିଲାଇପାରୁ । ସୁକଲ୍‌ଆଡ଼ମା ଆମର୍‌ବାଟେ ଚିଆଅଇସି । ପର୍ମେସର୍ ତାର ଲକ୍‌ମନ୍‌କେ ପୁରାପୁରୁନ୍ ନିଜେ ମନ୍‌କରି ମୁକ୍ତି ଦେଇସି । ଏଟା ସଡ଼ ବଲିକରି, ଆସା ପର୍ମେସର୍‌କେ ମଇମା କରୁ !

**ପାଉଲର୍ ପାର୍ତନା**

<sup>୧୫</sup> ସେଟାର ପାଇ ମାପରୁ ଜିସୁର୍ ଲଗେ ତମେ ବିସ୍‌ବାସ୍ କରବାଟା ଆରି ପର୍ମେସରର୍ ଲକ୍‌ମନ୍‌ର ପାଇ ରଇବା ତମର୍ ଆଲାଦର୍ ବିସଇ ସୁନ୍‌ଲା ଦିନେଅନି, <sup>୧୬</sup> ମୁଇ ପର୍ମେସର୍‌କେ ତମର୍‌ପାଇ ଦନିଅବାଦ୍ ଦେଇ ଆଇଲିନି । ମୁଇମିସା ପାର୍ତନା କଲାବେଲେ ତମର୍‌ପାଇ ପର୍ମେସର୍‌କେ ଦନିଅବାଦ୍ ଦେବାକେ ପାସ୍‌ରି ଜାଇ ନାଇ । ମୁଇ ପାର୍ତନା କଲାବେଲେ ତମ୍‌କେ ଏଡାଇଲିନି । <sup>୧୭</sup> ଆରି ଡାକ୍‌ପୁଟାର୍ ବାବା, ଆମର୍ ମାପରୁ ଜିସୁକିରିସ୍ଟର୍ ପର୍ମେସର୍‌କେ ପାର୍ତନା କଲିନି । ଜେନ୍ତାରିକି ସେ ତମ୍‌କେ ସୁକଲ୍ ଆଡ଼ମା ଦେଇସି । ସେ ଆଡ଼ମା ତମ୍‌କେ ଗିଆନ୍ କରାଇସି ଆରି ପର୍ମେସର୍‌କେ ତମର୍ ମୁଆଟେ ଦେକାଇସି । <sup>୧୮</sup> ମୁଇ ପାର୍ତନା କଲିନି, ଜେନ୍ତାରିକି ତାର ଉଜଲ୍ ଦେକ୍‌ବାକେ ତମର୍ ଆଡ଼ମାର୍ ଆକି ତିସ । ଜେନ୍ତାରିକି ଜନ୍ ଆସା ନେଇକରି ତମେ ତାର ଲଗେ ଆସି ଆଚାସ୍, ସେଟା ଜାନିପାରାସ୍ । <sup>୧୯</sup> ତାର ଲକ୍‌ମନ୍‌ର ପାଇ ସେ ଦେଇରଇବା କାତାର୍ ସବୁ ବଡ଼ ଆସିର୍‌ବାଦ୍ କେଡେକ୍ ଅଦିକ୍ ଆଚେ । ଆରି ଆମର୍ ପାରା ବିସ୍‌ବାସିମନ୍‌ର ପାଇ ରଇବା ତାର ବପୁ କେଡେ ବଡ଼, ସେଟା ତମେ ଜାନି ପାରାସ୍ । <sup>୨୦</sup> ଏବେ ଆମର୍ ବିଡ଼ରେ କାମ୍ କର୍‌ଡେରଇବା ସେ ବପୁର୍ ସଙ୍ଗ୍‌ସେ, ପର୍ମେସର୍ କିରିସ୍ଟକେ ମଲାଡେଇଅନି ଉଟାଇକରି ତାର ଉଜାବାଟେ ବସାଇଆଚେ । <sup>୨୧</sup> କିରିସ୍ଟ ସର୍‌ଗେ, ସାସନ୍ କରବା ଲକ୍‌ମନ୍‌କେ, ସନ୍‌ମାନ୍ ପାଇବା ଲକ୍‌ମନ୍‌କେ, ବପୁରଇବା ଲକ୍‌ମନ୍‌କେ ଆରି ସାସନ୍‌କାରିଆମନ୍‌ର ଉପରେ ସାସନ୍ କରସି । ତାର ଅଦିକାର୍ ଏବର୍ ସାସନ୍‌କାରିଆମନ୍‌ର କି ଆଇବା ଦିନର୍ ସାସନ୍‌କାରିଆମନ୍‌ର ଡେଇଅନି ଅଦିକ୍ ବପୁ ସଙ୍ଗର୍ ଆଚେ । <sup>୨୨</sup> \*ପର୍ମେସର୍ ସବୁବିସଇ କିରିସ୍ଟର୍ ପାଦ୍‌ତଲେ ସଙ୍ଗାଇଆଚେ । ଆରି ସବୁ ବିସଇର୍ ଉପରେ, ସବୁଡେଇଅନି ଉପରେ ମାପରୁ କରି ମଣ୍ଡଲିକେ ଦାନ୍‌କଲା ଆଚେ । <sup>୨୩</sup> ମଣ୍ଡଲି ଅଇଲାନି କିରିସ୍ଟର୍ ଗାଗଡ଼ । କିରିସ୍ଟର୍ ଜିବନ୍ ସଙ୍ଗ୍ ମଣ୍ଡଲି ପୁରାପୁରୁନ୍ ଅଇସି । ଆରି କିରିସ୍ଟ ସବୁବିସଇ ପୁରାପୁରୁନ୍ କରସି ।

**୨**

**ମରନ୍‌ଗାନେ ଅନି ଜିବନ୍**

<sup>୧</sup> \* ଆଗତୁ ତମର୍ ପାପର୍ ଲାଗି, ତମେ ଆଡ଼ମାଇ ମରି ରଇଲାସ୍ । <sup>୨</sup> ସେବେଲେ ଜଗତର୍ ସଡ଼ ନଇଲା ବାଟେ ଇଣ୍ଡ୍‌ଡେରଇଲାସ୍ ଆରି ଆକାସର୍, ଗାଗଡ଼ ଦାରି ନ ରଇବା, ସାସନ୍‌କାରିଆର୍ ତଲେ ରଇଲାସ୍ । ସେ ସାସନ୍‌କାରିଆ ଏବେ ପର୍ମେସରର୍ ଆଦେସ୍ ନ ମାନ୍‌ବା ଲକ୍‌ମନ୍‌କେ ସାସନ୍ କଲାନ୍ତି । <sup>୩</sup> ସତଇସେ ଆମେ ସବୁଜାକ, ସେ ରକାମ୍ ରଇଲୁ ଆରି ଗାଗଡ଼ର୍ ଆରି ମନ୍‌ର ଲାଲ୍‌ସା ଇସାବେ ଜିଉନା କାଉନା କର୍‌ଡେ ରଇଲୁ । ଆରି ଅଲ୍‌ଗା ଲକ୍‌ମନ୍‌ର ପାରା ଆମେମିସା ପର୍ମେସରର୍ ରିସାର୍ ଡଣ୍ଡ ପାଇବାକେ ଜାଇଡେ ରଇଲୁ ।

<sup>୪</sup> ମାତର୍ ଏ ରକାମ୍ ରଇଲେମିସା ଦୟାଦେକାଇବା ପର୍ମେସର୍, ଆମ୍‌କେ ଜନ୍ ବଡ଼ ଆଲାଦ୍ ସଙ୍ଗ୍ ଆଲାଦ୍ କଲା, <sup>୫</sup> ସେଟାର୍‌ପାଇ ଆମ୍‌କେ କିରିସ୍ଟର୍ ସଙ୍ଗ୍ ଜିବନ୍ କଲାଆଚେ, ସେ ଜିବନ୍ ଦୁକାଇଲାକେ ତମେ ମୁକ୍ତି ପାଇ ଆଚାସ୍ । <sup>୬</sup> ପର୍ମେସର୍ କିରିସ୍ଟର୍ ସଙ୍ଗ୍ ଆମ୍‌କେ ଉଟାଇଲା ଆଚେ, ଆରି ତାର୍ ସଙ୍ଗ୍ ଗଟେକ୍ ଅଇବାର୍ ଲାଗି, ସରଗ୍ ଉପରେ ସାସନ୍ କରବାପାଇ ବଲିକରି, ତାର୍ ସଙ୍ଗ୍ ବସାଇଲା

\* ୧:୨୨ ୧:୨୨ କଲସିଅ ୧:୧୮ \* ୨:୧ ୨:୧ କଲସିଅ ୨:୧୩

ଆଚେ । ୭ ଜେନ୍ତୁକି ଆଇବା ଦିନମନକେ ଜିସୁ କିରିସ୍ତର ଲାଗି ରଇବା ତାର ବଡ଼ ଜିବନ୍ଦୁକାଇଲାଟା, ସବୁକେ ଦେକାଇ ଅଇସି । ୮ କାଇକେବଇଲେ ପର୍ମେସର ଜିବନ୍ଦୁ ଦୁକାଇଲାପାଇ, ତମେ ମୁକ୍ତି ପାଇ ଆରୁସ୍, ସେଟା ତମେ ବିସ୍ବାସ କଲାର ଲାଗି, । ତମେ କରିରଇବା କାଇ ନିକ କାମର ଲାଗି ନାଇ, ସେଟା ପର୍ମେସର ଦାନ । ୯ ଜେନ୍ତୁକି ଏ ବିସଇନେଇ କେ ମିସା ନିଜେ ବଡ଼ପନ୍ ଅଇ ନାପାରେ । ୧୦ ପର୍ମେସରସେ ଆମକେ ତିଆର କଲା ଆଚେ । ତମେ କିରିସ୍ତର ସଙ୍ଗ ମିସଲାରପାଇ, ନିକ କାମ କରବାକେ ସେ ଆମକେ ନୁଆ କଲା ଆଚେ । ଏଟା ଆଗତୁଆନି ସେ ଆମର ପାଇ ମନ୍ କରି ରଇଲା ।

**କିରିସ୍ତରଟାନେ ଗଟେକ୍**

୧୧ ତମେ, ଜିଉଦି ନ ଅଇଲା ଲକ୍ମନ୍, ଆଗେ କେନ୍ତାର ରଇଲାସ୍ ଏତାଇ ଦେକା । ନିଜେ ସୁନତ୍ ବଲାଇଅଇତେ ରଇବା ଜିଉଦିମନ୍ ତମକେ ସୁନତ୍ ନ ଅଇଲା ଲକ୍ ବଲି କଇତେ ରଇଲାଇ । ମାତର ସୁନତ୍ ଅଇବାଟା ଗାଗତେ କରବା କାମ୍ । ୧୨ ଆଗେ ତମେ କିରିସ୍ତର ଲଗେ ଅନି ଦୁରକେ ରଇଲାସ୍ । ଆରି ପର୍ମେସର ବାଚିରଇବା ଲକ୍ମନଟାନେ ମିସି ନ ରଇଲାସ୍ । ତାର ଲକ୍ମନକେ କାତା ଦେଇ, ତିଆର କରିରଇବା ନିୟମଟାନେ, ତମର କାଇ ମିସା ଅଦିକାର ନ ରଇଲା । ତମେ ଜଗତେ ବାସାକରି, କାଇ ଆସା ନ ରଇକରି ପର୍ମେସରର ଲକ୍ ନ ଅଇ ରଇଲାସ୍ । ୧୩ ଗଟେକ୍ ବେଲାଇ ଦୁରିକେ ରଇଲାସ୍ । ଏବେ ଜିସୁର ସଙ୍ଗ ମିସିକରି କିରିସ୍ତ ବନି ଦେଇ ମଲାରପାଇ ତାର ଲଗେ ଅଇଆଟାସ୍ । ୧୪ କାଇକେ ବଇଲେ ଜିଉଦି ଆରି ଜିଉଦି ନଇଲା ଲକ୍ମକେ ଗଟେକ୍ କରି, କିରିସ୍ତ ନିଜେ ଆମର ବିତ୍ରେ ସାନ୍ତି ଆନିଦେଇ ଆଚେ । ସେମନକେ ବେଗଲାଇକରି ନିଜର ନିଜର ସତ୍ତର ପାରା କରି ସଙ୍ଗଅଇରଇବା ପାରୁରି, ସେ ତାର ଗାଗତ୍ସଙ୍ଗ ବାଙ୍ଗାଇଲା ଆଚେ । ୧୫ \*ସେ ଜିଉଦିମନ୍ ମାନିଆଇତେରଇବା ସବୁ ରିଡିନିଡି ନିୟମ ବାଙ୍ଗାଇକରି, ଜିଉଦି ଆରି ଜିଉଦି ନଇଲା ଲକ୍ମନଟାନେଅନି ତାର ସାଇଜ ପାଇତେରଇବା ଗଟେକ୍ ନୁଆ ମୁନୁସ୍ଜାତି ତିଆର କଲାଆଚେ । ଏନ୍ତାରି କରି ଦୁଇ ଦଲ୍ ବିତ୍ରେ ସେ ସାନ୍ତି ଆନିଦେଇ ଆଚେ । ୧୬ \*ସେ କୁରସେ ମଲାରପାଇ ବଲି ତାକର ତାକର ବିତ୍ରେ ସତ୍ତର ଅଇ ରଇବାଟା, ଲିବାଇଦେଇଆଚେ । କୁରସର ଲାଗି ସେ ଦୁଇଟାଜାକ ମିସାଇକରି ଗଟେକ୍ ଗାଗତ୍ ପାରା କଲାଆଚେ । ଆରି ସେମନକେ ପର୍ମେସରର ଲଗେ ବାଉତାଇ ଆନୁଲାଆଚେ । ୧୭ ସେଟାର ପାଇ କିରିସ୍ତ ଆଇଲା ଆରି ପର୍ମେସରତେଇଅନି ଦୁରିକେ ଜାଇ ରଇବା ଜିଉଦି ନଇଲା ଲକ୍ମନକେ ଆରି ତାର ଲଗର ଜିଉଦିମନକେ ସୁବକବର ସୁନାଇଲା । ୧୮ କିରିସ୍ତର ଲାଗିସେ ଜିଉଦି ଆରି ଜିଉଦି ନଇଲା ସବୁଲକ୍ ଗଟେକ୍ ଆଡ଼ମାଇ, ବାବାର ମୁଆଟେ ଆସି ପାରଲୁ ।

୧୯ ତେବର ପାଇ ଏ ଜିଉଦି ନଇଲା ଲକ୍ମନ୍, ତମେ ଆରି ବିନ୍ ଦେସେ ବାସା ଅଇରଇବାଲକ୍ ନୁଆସ୍ । ଏବେ ପର୍ମେସରର ଲକ୍ମନଟାନେ ତମେମିସା ତାର ରାଇଜେ ମିସବା ଲକ୍ ଆରି ତାର ଜାତିର କୁଟୁମର ଲକ୍ । ୨୦ ତମେ ମିସା ପେରିଡ଼ ସିସମନ୍ ଆରି ବବିସତ୍ତବକତାମନ୍ କରିରଇବା କୁନାଦି ଉପରେ, ତିଆର ଅଇଲା ଗର୍ ପାରା । ସେ ଗର୍ କନର୍ ମୁଲ୍ ପାକ୍ନା ଅଇଲାନି କିରିସ୍ତ ଜିସୁ । ୨୧ ସେ ଆକା ଗର୍କେ ସମାନକରି ସଙ୍ଗଇଲା ଆଚେ ଆରି ମାପୁରୁପାଇ ଗଟେକ୍ ସର୍ପିଦେଲା ସୁକଲ୍ ମନ୍ଦିରପାରା କଲାଆଚେ । ୨୨ କିରିସ୍ତର ସଙ୍ଗ ମିସଲାର ପାଇ, ଗଟେକ୍ ଗର୍ ପାରା ତମେ ସବୁକେ ମିସିକରି ତିଆର କଲାନି । ଜେନ୍ତୁକି ତମେ ପର୍ମେସର ତାର ଆଡ଼ମାଇ ରଇବା ଗଟେକ୍ ବାସା ଅଇବା ଗର୍ ପାରା ଅଇସା ।

**୩**

**ଜିଉଦି ନଇଲା ଲକ୍ମର ପାଇ ପାଉଲର କାମ୍**

୧ ଏଟାରଲାଗି ତମର ପାରା ଜିଉଦି ନଇଲା ଲକ୍ମର ପାଇ, କିରିସ୍ତ ଜିସୁର ଲାଗି ବନ୍ଦି ଅଇରଇବା ପାଉଲ୍ ମୁଇ, ପର୍ମେସରକେ ପାରତନା କଲିନି । ୨ ତମର ନିକପାଇ ପର୍ମେସର ତାର ଜିବନ୍ଦୁ ଦୁକାଇଲାଟେ ତେଇଅନି ମକେ ଏ କାମ୍ ଦେଇଆଚେ । ଏଟା ନିଜେ ସୁନିଆଟାସ୍ । ୩ ପର୍ମେସର ସେ ଜାନାଇ ନରଇଲା ବିସଇ ମକେ ଜାନାଇ ଆଚେ । ଏ ବିସଇ ମୁଇ ଆଗତୁ ତମକେ ଅଲପ୍ ଲେକି ରଇଲି । ୪ \*ସେଟା ପଡ଼ଲେ, କିରିସ୍ତର ପାଇ ରଇବା ପର୍ମେସରର ଟିକିନିକି ବିସଇ ମୁଇ ବୁଜଲିଆଟି ବଲି, ତମେ ଜାନି ପାରସା । ୫ ଆଗର ଲକ୍ମନକେ ଏ ଟିକିନିକି ବିସଇ ନ କୁଆଅଇ ରଇଲା । ମାତର ଏବେ ତାର ଆଡ଼ମା ଦେଇ, ସେ ବାଚି ରଇବା ତାର ସୁକଲ୍ ପେରିଡ଼ମନକେ ଆରି ବବିସତ୍ତବକତାମନକେ ସେ ଜାନାଇଲା ଆଚେ । ୬ ଏ ଲୁଟି ରଇବା ବିସଇ ଅଇଲାନି, ସୁବକବରର ଲାଗି, ଜିଉଦି ବିସ୍ବାସିମନର ସଙ୍ଗ, ଜିଉଦି ନଇଲା ବିସ୍ବାସିମନ୍ ମିସା ପର୍ମେସରର ଆସିରବାଦେ ମିସବାଇ । ସେମନ୍ ମିସିକରି, ଗଟେକ୍ ଗାଗତ୍ ପାରା ଅଇଜିବାଇ । ମାପୁରୁ ଜିସୁ କିରିସ୍ତର ଲାଗି ପର୍ମେସର ଦେଇ ରଇବା ସବୁ କାତାଇ ବାଗ୍ ଅଇସା ।

\* ୨:୧୫ ୨:୧୫ କଲସିଅ ୨:୧୪    \* ୨:୧୭ ୨:୧୭ କଲସିଅ ୧:୨୦    \* ୩:୪ ୩:୪ କଲସିଅ ୧:୨୭,୨୭

୭ ପରମେସର ତାର ଜିବନ୍ ଦୁକାଇଲାର୍ ତେଇଅନି ମକେ ଜନ୍ ଦାନ୍ ଦେଇ ଆଚେ, ସେଟାର୍ ଲାଗି ମୁଇ ନିମାନ୍ କବର୍ ଜାନାଇବା ଲକ୍ ଅଇଲିଆଟି । ତାର୍ ବପୁ ମର୍ ବିତ୍ରେ କାମ୍ କଲାର୍ ଲାଗି ଏଟା ଅଇଲା । ୮ ମୁଇ ପରମେସରର୍ ଲକ୍ମନର୍ ସବୁଟାଣେଅନି ସାନ୍ ଅଇଲେ ମିସା ଜିଉଦିନଇଲା ଲକ୍ମନକେ କିରିସ୍ତରଟାଣେ ରଇବା ନିକ ନିକ ବିସଇ ଜାନାଇବାକେ ମକେ ସେ ବାଟଲା ଆଚେ । ଏ ବିସଇ ଲକ୍ମନ ବୁଜ୍ବାକେ ଆବଡ୍ ରଇବାଟା । ୯ ପରମେସର ତାର୍ ଲୁଚ୍ତେରଇବା ଜଜ୍ନା କେନ୍ତାର୍ ପୁରାପୁରୁନ୍ କର୍ସି, ସେଟା ସବୁ ଜାନାଇବାକେ ମିସା ମକେ ବାଟଲା ଆଚେ । ସବୁ ବିସଇ ତିଆର୍ କଲା ବେଲେଅନି, ଏବେ ଜାକ ସେ ତାର୍ ଟିକିନିକି ବିସଇ ଲୁଚାଇକରି ସଙ୍ଗରଇଲା, । ୧୦ ଜେନ୍ତାରକି ମଣ୍ଡୁଲିର୍ ଟାଣେଅନି ତାର୍ ବିନ୍ ବିନ୍ ରକାମର୍ ଗିଆନ୍ ସର୍ଗର୍ ସାସନ୍କାରିଆମନ୍କେ ଆରି ବପୁ ରଇବାଟାମନ୍କେ, ସେ ଜାନାଇସି । ୧୧ ଜଗଡ୍ ତିଆର୍ କର୍ବା ଆଗ୍ରୁ, ଏଟା ସେ ଜଜ୍ନା କରଇଲା । ଏଟା ଆମର୍ ମାପୁରୁ ଜିସୁ କିରିସ୍ତର୍ ଲାଗି ସେ ପୁରାପୁରୁନ୍ କଲା ଆଚେ । ୧୨ କିରିସ୍ତର୍ ତେଇ ବିସ୍ବାସ୍ କଲାର୍ ପାଇ ଆରି ତାର୍ ସଙ୍ଗ୍ ମିସି ରଇଲାର୍ ପାଇ, ନ ଡରତେ, ସାଆସ୍ ଅଇକରି, ପରମେସରର୍ ମୁଆଟେ ଟିଆ ଅଇବୁ । ୧୩ ସେଟାର୍ ପାଇ ମୁଇ ତମ୍କେ ବାବୁଜିଆ କରି କଇଲିନି, “ତମର୍ ପାଇ ବଲି ଅଇବା ମର୍ ବୁକ୍ କସ୍ତର୍ ପାଇ ମନ୍ଦୁକ୍ କରାନାଇ, ଏ ସବୁ ତମର୍ ବଲ୍ ପାଇ ଅଇଆଚେ ।”

**କିରିସ୍ତର୍ ଆଲାଦ୍**

୧୪ ସେଟାର୍ପାଇ ବଲିକରି ମୁଇ ପରମେସରର୍ ମୁଆଟେ ମାଣ୍ଡୁକ୍ଟା ଦେଇ ପାର୍ତନା କଲିନି, ୧୫ ତାର୍ ଲାଗିସେ ସରଗର୍ ଆରି ପୁରତିବିର ସବୁ କୁଟୁମ୍ ଅଇଲା ଆଚେ, ୧୬ ମୁଇ ପାର୍ତନା କଲିନି ଜେନ୍ତିକି ସେ ତାର୍ ନ ସାରବା ମଇମାଇଅନି, ତାର୍ ଆଡ୍ମା ତମ୍କେ ବପୁ ଦେଇସି, ଜେନ୍ତିକି ତମର୍ ମନ୍ ତାଟ୍ ଅଇସି । ୧୭ ମୁଇ ପାର୍ତନା କଲିନି, ଜେନ୍ତିକି ତମର୍ ବିସ୍ବାସର୍ ଲାଗି, କିରିସ୍ତ ତମର୍ ବିତ୍ରେ ବାସା ଅଇସି । ଆରି, ତମେ ପରମେସରକେ ଆରି ବିନ୍ ଲକ୍କେ ଆଲାଦ୍ କଲାଟାଣେଅନି, ବୁର୍ଦ୍ଧ ଜାଇତେରଇବା ଗଟର୍ ଚେର୍ପାରା ଆରି କୁନାଦି ଉପରେ ତିଆର୍ ଅଇଲା ଗର୍ ପାରା ତାଟ୍ ଅଇସା । ୧୮ ମୁଇ ପାର୍ତନା କଲିନି ତମେ ପରମେସରର୍ ଲକ୍ମନର୍ ସଙ୍ଗ୍ ମିସିକରି କିରିସ୍ତର୍ ଆଲାଦ୍ ବୁଜ୍ବାକେ ବପୁ ପାଇସା । ତାର୍ ବଡ୍ ଆଲାଦ୍ ସଙ୍ଗ୍ ସେ ଆମ୍କେ ଆଲାଦ୍ କଲା ଆଚେ । ୧୯ ଉ, ନରଲକ୍ ବୁଜ୍ବା ତେଇଅନି ଅଦିକ୍ କିରିସ୍ତ ଆମ୍କେ ଆଲାଦ୍ କଲା ଆଚେ, ସେ ଆଲାଦ୍ ତମେ ଜାନା ବଲି ମୁଇ ପାର୍ତନା କଲିନି । ଜେନ୍ତାରିକି ତମର୍ ଚାଲାଚାଲ୍ତି ପରମେସରର୍ ପାରା ଅଇ ଆଇସି ।

୨୦ ପରମେସର ଜେକି ଆମେ ତାକେ ମାଙ୍ଗ୍ବା ତେଇଅନି କି ଚିନ୍ତା କର୍ବା ତେଇଅନି ଅଦିକ୍ କିରିସ୍ତର୍ସି, କାଇକେ ବଇଲେ ତାର୍ ବଡ୍ ବପୁ ସଙ୍ଗ୍ ସେ ଆମର୍ ବିତ୍ରେ କାମ୍ କରି ଆଇଲାନି । ୨୧ ମଣ୍ଡୁଲିଟାଣେ ଆରି କିରିସ୍ତ ଜିସୁରଟାଣେଅନି ପରମେସରର୍ ବଡ୍ ବପୁ ବିନ୍ ଲକ୍କେ ଡିସ୍ଲାନି, ତାର୍ ବଡ୍ ବପୁର୍ ଲାଗି ପରମେସରକେ ଡାକ୍ପୁଟା କରୁ, କାଲକାଲ୍ ଜୁଗ୍ଜୁଗ୍ ସେ ଡାକ୍ପୁଟା ପାଇତେରଅ । ଆମେନ୍ !



**ଗଟେକ୍ ଗାଗଡ୍**

୧ ଏ ସବୁର୍ଲାଗି ମାପୁରୁର୍ ସେବାକାରିଆ ମୁଇ ବନ୍ଦିଗରେ ଆଟି । ମାପୁରୁ ତମ୍କେ କେନ୍ତାରି ଚଲାଚଲ୍ତି କର୍ବାକେ ଡାକ୍ଲାଆଚେ, ସେନ୍ତାରିସେ କରାବଲି ମୁଇ ତମ୍କେ ବାବୁଜିଆ କଲିନି । ୨ ତମେ ଲକ୍ମନର୍ ସଙ୍ଗ୍ ମିସାବିଡା ଅଇଲାବେଲେ, ପୁରାପୁରୁନ୍ ଦରମ୍ ଅଇ ସୁଆଲେ ରୁଆ । ତମେ ଗଟେକ୍ ଲକ୍ ଆରି ଗଟେକ୍ ଲକ୍କେ ଆଲାଦ୍ କଲାର୍ପାଇ ସାଆସ୍ ଅଇ, ମୁରଟକରି ରୁଆ । ୩ ଜନ୍ଟା କି ଗଟେକ୍ ମନ୍ ଅଇକରି ରଇବାକେ ସୁକଲ୍ଆଡ୍ମା ଆମ୍କେ ବାନ୍ଦିଆଚେ, ସେନ୍ତାରି ସାନ୍ତି ଅଇକରି ରୁଆ । ୪ ଆମେ ସବୁ ବିସ୍ବାସି ବାଇବଇନିମନ୍ ଗଟେକ୍ ଗାଗଡ୍ ପାରା ଆରି ସବୁଲକ୍ ସମାନ୍ ଆଡ୍ମା ମିଲାଇଆବୁ । ସେନ୍ତାରିସେ ସମାନ୍ ଆସିର୍ବାଦ୍ ମିଲାଇବାକେ ସେ ଆମ୍କେ ଡାକ୍ଲାଆଚେ । ୫ ଆମ୍କେ ଗଟେକ୍ ମାପୁରୁ ଆଚେ, ସମାନ୍ ସିକିଆଇ ବିସ୍ବାସ୍ କଲୁନି ଆରି ସମାନ୍ ଭୁବନ୍ ନେଲୁ ଆବୁ । ୬ ଗଟେକ୍ ପରମେସରକେ ଆମେ ଉପାସନା କଲୁନି । ଜେ କି ସବୁର୍ ବାବା ଅଇଆଚେ । ସେ ଆମର୍ ବିତ୍ରେ ରଇକରି ଆରି ଆମ୍କେ ଦେଇକରି ସବୁର୍ ଉପରେ ସାସନ୍ କଲାନି ।

୭ ମାତର୍ କିରିସ୍ତ ଆମେ ବିନ୍ ବିନ୍ ଲକ୍କେ ବିନ୍ ବିନ୍ ଦାନ୍ ଦେଲାଆଚେ । ସେଟା କାକେ କେନ୍ତାରି ବାଟା କର୍ବାର୍ ଆଚେ, ସେ ସେ ଟିକ୍ କଲାଆଚେ । ୮ ତେବର୍ ପାଇ ସାସ୍ତରେ ଲେକାଅଇଲା ଆଚେ, “ସେ ତାର୍ ସଡ୍ମୁମନ୍କେ ଆରାଇକରି ଜେଡେବେଲେ ଉର୍ ରଇବା ଜାଗାଇ ଗାଲା,  
 ତାର୍ ଆରାଇ ରଇବା ସଡ୍ମୁମନ୍କେ ବାନ୍ଦିକରି ନେଲା  
 ଆରି ତାର୍ ଦାନ୍ ବିନ୍ ବିନ୍ ଲକ୍କେ ଦେଲା ।

☆ ୪:୭ ୪:୭ କଲସିଅ ୩:୧୨,୧୩

୯ “ସେ ଗଟେକ ଉଁଡ଼ ଜାଗାଇ ଗାଲା ।” ଏନ୍ତାରି ଲେକ୍‌ବା ଅରଡ଼ କାଇଟା ? ଏଟାରୁ ଆରଡ଼ ଅଇଲାନ୍ତି, କିରିସ୍ଟ ଉଡ଼ରି କରି ଏ ଜଗତେ ଆସି ସାରି ଆଚେ । ୧୦ ଜେ କି ଏ ଜଗତେ ଉଡ଼ରି ଆଇଲା, ସେ ସମାନ୍ ଲକ୍‌ସେ, ସର୍ଗେ ଅନି ଉପ୍‌ରେ ରଇବା ଜାଗାଇ ଚରି ଗଲା । ଜେନ୍ତାରି କି ସେ ଗୁଲାଇ ଜଗତ୍‌କେ ପୁରାପୁରୁନ୍ କରସି ।

୧୧ ସେ ଆକା କେତେ ଲକ୍‌ମନ୍‌କେ ପେରିଡ଼ ଅଇବାକେ, କେତେଲକ୍‌କେ ବବିସଡ଼ କାତା କଇବାକେ, କେତେଲକ୍‌କେ ସୁବ୍‌କବର୍ ଜାନାଇବାଟା ଅଇବାକେ, କେତେଲକ୍‌କେ ମଣ୍ଡୁଲି ଚାଲାଇବାକେ ଆରି କେତେଲକ୍‌କେ ସିକାଇବାକେ ବପୁ ଦେଇ ବାଟ୍‌ଲାଆଚେ । ୧୨ ପର୍‌ମେସରର୍ ଲକ୍‌ମନ୍ ଜେନ୍ତାରି କି ତାକେ ସେବା କରିପାରଡ଼, ତାର୍‌ଲାଗି ଏ ସବୁ ଦାନ୍ ତାର୍ ଲକ୍‌ମନ୍‌କେ ଦେଲା । ଏନ୍ତାରି ଅଇ କିରିସ୍ଟର୍ ଗାଗଡ଼ ପାରା ଅଇବା ବିସବାସିମନ୍ ବପୁ ଅଇ ସିଦ୍ ଅଅଡ଼ । ୧୩ ଏନ୍ତାରି ଅଇ ଆମେ ସବୁ ବିସବାସେ ବଡ଼ିକରି ଆରି ପର୍‌ମେସରର୍ ପଅକେ ଜାନିକରି, ସିଦ୍ ଅଇରୁ । ଆମେ ଜେନ୍ତାରିକି ପୁରାପୁରୁନ୍ କିରିସ୍ଟର୍ ପାରା ଅଇରୁ । ସେ ପୁରାପୁରୁନ୍ ସିଦ୍ ଆଚେ । ୧୪ ତେବେ ଆମେ ସାନ୍ ପିଲାମନର୍ ପାରା ନ ଅଇ କରି, ଜଗତର୍ ମନସ୍‌ମନର୍ ସିକିଆଇ ଆରି ତାକର୍ ଦଦାପେଲା ଅଇବା ପାରା ବିଚାରନା ଇସାବର୍ ବିନ୍ ବିନ୍ ସିକିଆଇ, ଗାଡ଼ର୍ ଲଅଡ଼ି ଆରି ମାର୍‌ବା ପବନ୍ ଜେନ୍ତାରି ଡ଼ଙ୍ଗାକେ ଏନେତେନେ କରସି, ସେନ୍ତାରି ତାକର୍ ସିକିଆ ସୁନିକରି ଏନେତେନେ ନ ଅଉଁ । ୧୫ ତାର୍ ବାଦୁଲେ ଆମେ ପର୍‌ମେସରର୍ ସଡ଼ ବିସଇର୍ ଆଲାଦ୍ ଜାନାଉଁ । ସେନ୍ତାରି ମୁଣ୍ଡ ଇସାବେ ରଇବା କିରିସ୍ଟର୍ ପାରା ଆମେ ସବୁ ବିସଇତେଇ ସିଦ୍ ଅଇ, ତାର୍ ପାରା ଅଇରୁ ।

୧୬ ☆ କାଇକେବଇଲେ କିରିସ୍ଟ ତାର୍ ସବୁ ଲକ୍‌ମନ୍‌କେ ମିସାଇକରି ସଙ୍ଗଇ ଆଚେ । ଗଟେକ୍ ଗାଗଡ଼ର୍ ସଦି ଜେନ୍ତାରିକି ସେ ଗାଗଡ଼ର୍ ସବୁ ବାଗ୍‌କେ ମିସାଇକରି ସଙ୍ଗଇସି, ସେନ୍ତାରିସେ ଗାଗଡ଼ର୍ ଗଟେକ୍ ଗଟେକ୍ ବାଗ୍ ନିଜର୍ ନିଜର୍ କାମ୍ କଲେ, ଗୁଲାଇ ଗାଗଡ଼ ବଡ଼ିକରି ବପୁ ଅଇସି ।

**କିରିସ୍ଟର୍ ଲଗେ ନୁଆଜିବନ୍**

୧୭ ତେବର୍ ପାଇ ମାପ୍‌ରୁର୍ ନାଉଁଦାରି ମୁଇ ତମ୍‌କେ ଜାଗରତା କରିଦେଲିନି । ତମେ ଆରି ପର୍‌ମେସରକେ ନାଜାନୁଲା ଲକ୍‌ପାରା ଚଲାଚଲ୍‌ଡ଼ି କରା ନାଇ । ୧୮ ସେମନ୍ ଚିନ୍ତାକର୍‌ବାଟା ରୁଚାଇସେ । ସେମନ୍ ପର୍‌ମେସରର୍ ବିସଇ ରୁଜି ନାପାରଡ଼ । ଆରି ସେ ଦେଇରଇବା ଜିବନେ ଅନି ଦୁରିକେ ଆଚଡ଼ । ସେମନ୍ ତାକର୍ ମନ୍ ଡାଟ୍ କଲାପାଇ ତାକେ ନାଜାନଡ଼ । ୧୯ ସେମନ୍ ପାପ୍ କାମ୍ କଲେ ମିସା, ବୁଲ୍ କଲି ବଲି ଲାଜ୍ କି ଦୁକ୍ ନ ଅଅଡ଼ । ତେବର୍‌ପାଇ ସବୁରକାମର୍ ବେସିଆ କାମ୍ କର୍‌ବାଟାନେ ସର୍‌ପିଅଇ ଆଚଡ଼ । ଏନ୍ତାରି କାମ୍ କରି କରି ଆରି କର୍‌ବାକେସେ ଲାଲ୍‌ସା ଅଇ ଆଚଡ଼ ।

୨୦ ମାତର୍ ତମେ କିରିସ୍ଟର୍ ଟାନେଅନି ସେନ୍ତାରି ସିକିଆ ସିକାସ୍ ନାଇ । ୨୧ ତମେ ଜେତେବେଲେ ତାର୍ ବିସଇ ସୁନିକରି ସିକ୍‌ଲାସ୍, ସେଟା ତାର୍ ସଡ଼ ସିକିଆଅନି ସିକ୍‌ଲାସ୍ । ୨୨ ☆ଆଗ୍‌ଡୁ ଜନ୍ ପୁରନା ଚଲାଚଲ୍‌ଡ଼ି କରି ତମେ ଜିଉନା କାଉନା କର୍‌ତେ ରଇଲାସ୍, ସେଟା ଚାଡ଼ବାକେ ତମ୍‌କେ ସିକାଇ ରଇଲାଇ । ତମର୍ ମନେ କାରାପ୍ ଚିନ୍ତା ଆଇବାଟା, ତମ୍‌କେ ନାତାଇକରି ତମର୍ ଜିବନ୍ ନସାଇ ଦେଲାଇ । ୨୩ ତମେ ଚିନ୍ତା କର୍‌ବାଟା ପର୍‌ମେସର୍ ନୁଆକରି ବାଦ୍‌ଲାଇବାକେ ତାକେ ସର୍‌ପି ଦିଆସ୍ ବଲି ସିକାଇଲାଇ ଆଚଡ଼ । ୨୪ ☆ ପର୍‌ମେସର୍ ତମ୍‌କେ ତାକର୍ ଗୁନ୍‌ଚଲନ୍ ପାରା ରଇବା ନୁଆ ଗୁନ୍‌ଚଲନ୍ ଦେଲାଆଚେ । ତେବର୍‌ପାଇ ସେ ରକାମ୍ ଚଲାଚଲ୍‌ଡ଼ି କରା । ପୁରାପୁରୁନ୍ ଦରମ୍ ଅଇକରି ସୁକଲ୍ ଅଇରୁଆ ।

୨୫ ତମର୍ ବିଡ଼ରେ ମିଟ୍ କଇବାଟା ଚାଡ଼ିଦିଆସ୍, ନିଜର୍ ନିଜର୍ ବିଡ଼ରେ ସଡ଼ କୁଆକୁଇ ଉଆ । କାଇକେବଇଲେ ଆମେ ସବୁଲକ୍ ଗଟେକ୍ ଗାଗଡ଼ର୍ ବିନ୍ ବିନ୍ ବାଗ୍ ଅଇଲୁଆରୁ । ୨୬ ଜେତେବେଲେ ରିସା ଆଇଲେ, ସେତେବେଲେ ପାପ୍‌କରା ନାଇ । ବେଲ୍ ନ ବୁଡ଼ତେ ତମର୍ ରିସା ଚାଡ଼ି ଦିଆସ୍ । ୨୭ ତମ୍‌କେ ପାପ୍ କରାଇବା ସଇତାନ୍‌କେ ଜାଗା ଦିଆସ୍‌ନାଇ । ୨୮ ଜେ ଚରାଇତେ ରଇଲା, ସେ ଆରି ନ ଚର୍ ଅଅ । ମାତର୍ ନିଜେ ତାର୍ ଜିଉନା କାଉନାର୍ ପାଇ କାଇଆଲେ ନିକ କାମ୍ କର । ସେନ୍ତାରିଆଲେ ଅର୍‌କିଡ଼ ଲକ୍‌ମନ୍‌କେ ଦେବାକେ ତାର୍‌ଟାନେ କାଇଟା ମିସା ରଇସି । ୨୯ ଜନ୍ କାତା ବିନ୍‌ଲକ୍‌ମନ୍‌କେ ଲଡାକେ ନ ଆସେ, ସେନ୍ତାରି କାତା ତମର୍ ଟଣ୍ଡେ ଅନି ନ ବାରଅ । ତାର୍‌ବାଦୁଲେ ସେମନ୍‌କେ ସାର୍‌ଦା କରାଇ ବପୁ ଆଇବା କାତା କୁଆ । ଜେନ୍ତାରିକି ସୁନ୍‌ବା ଲକ୍‌ମନ୍ ତାକର୍ ଲଡାକେ ଆଇବା ବେଲାଇ ସେଟା ସୁନିକରି ସାର୍‌ଦା ଅଇବାଇ । ୩୦ ପର୍‌ମେସରର୍ ସୁକଲ୍ ଆଡ଼ମାକେ ଦୁକ୍ ଦିଆସ୍ ନାଇ । ତାକେ ମୁକଲ୍‌ବା ଦିନ ଜାକ ଗଟେକ୍ ଚିନ୍ ଇସାବେ ସେ ତମ୍‌କେ ଦେଲାଆଚେ । ୩୧ ସବୁ ରକାମର୍ କୁଟ୍ କାତା ଚିନ୍ତା କର୍‌ବାଟା, ରିସା ଅଇବାଟା, କିରଜାଟି କର୍‌ବାଟା, ନିନ୍ଦା କାତା କଇବାଟା, ଇସା ତଲା ଅଇବାଟା, ଏ ସବୁଜାକ ତମର୍‌ଟାନେ ଅନି ଦୁରିକେ ସଙ୍ଗୁଆ । ୩୨ ☆ ତାର୍ ବାଦୁଲେ ତମର୍ ତମର୍ ବିଡ଼ରେ ମାନାମାନି ଅଇକରି ଆଲାଦ୍ ସଙ୍ଗ

☆ ୪:୧୭ ୪:୧୭ କଲସିଅ ୨:୧୯ ☆ ୪:୨୨ ୪:୨୨ କଲସିଅ ୩:୯ ☆ ୪:୨୪ ୪:୨୪ କଲସିଅ ୩:୧୦ ☆ ୪:୩୨ ୪:୩୨ କଲସିଅ ୩:୧୩

ଦରମ୍ ଅଇ ରୁଆ । ଜେନ୍ତ୍ରକି କିରିସ୍ତର୍ ଲାଗି ପର୍ମେସର୍ ତମ୍‌କେ କେମା କରିଦେଲା ଆଚେ । ତମେମନ୍ ମିସା ସେ ରକାମ୍ ନିଜର୍ ନିଜର୍ ବିତ୍‌ରେ କେମା କରାକରି ଉଆ ।



**ଉଜଲର୍ ଜିବନ୍**

<sup>୧</sup> ପର୍ମେସର୍‌କେ ବେସି ଆଲାଦ୍ କର୍‌ବା ତାର୍ ପିଲାମନ୍ ଅଇବାକେ, ତାର୍‌ପାରା ଅଇ ଗଟେକ୍ ଆଲାଦର୍ ଚଲାଚଲ୍‌ତି କରା । <sup>୨</sup> ଜେନ୍ତ୍ରାର୍ କି କିରିସ୍ତ ଆମ୍‌କେ ଆଲାଦ୍ କରି ଆମର୍ ପାଇ ମରି ରଇଲା । ଗଟେକ୍ ସୁନ୍‌ର ବାସ୍‌ନା ଅଇବା ବଲି ପାରା ସେ ତାର୍ ଜିବନ୍ ପର୍ମେସର୍‌କେ ସର୍‌ପିଦେଲା ।

<sup>୩</sup> ମାତର୍ ତମର୍ ବିତ୍‌ରେ ବେସିଆ ଇସାବେ ରଇବା ଚଲାଚଲ୍‌ତି, କି କାଇ ରକାମର୍ ସୁକଲ୍ ନ ଅଇବାଟା କି ଲବ୍ ଅଇବାଟା ଆଚେ, ବଲି ବିନ୍ ଲକ୍‌ମନ୍ ନ କଅଡ୍ । କାଇକେବଇଲେ ଏଟା ସବୁ ପର୍ମେସର୍‌ର ସୁକଲ୍ ଲକ୍‌ମନ୍ କର୍‌ବା ଟିକ୍ ବିସଇ ନଏ । <sup>୪</sup> ସେନ୍ତାରିସେ ଜନ୍‌ଟାକି ଲଡାକେ ନ ଆଇବା ଗୁନ୍‌ଚଲନ୍, କି କାରାପ୍ କାତା, ଲାଜ୍ କର୍‌ବା କାତା କି ଟାପୁରା କାତା ତମର୍‌ଟାନେ ନ ତିସ । ଏଟାମନ୍ ତମର୍‌ଟାନେ ରଇବାଟା ଟିକ୍ ନଏ । ତାର୍‌ବାଦୁଲେ ତମେ ପର୍ମେସର୍‌କେ ଦନିଅବାଦ୍ ଦେବା କାତା କୁଆ । <sup>୫</sup> ତମେ ଜାନ୍‌ବାର୍ ଆଚେ ଜେ, କେନ୍ତାରି ମିସା ବେସିଆ କାମ୍ କର୍‌ବା ଲକ୍, କି ସୁକଲ୍ ନ ଅଇଲା ଲକ୍, କି ଲବ୍‌ରା ଲକ୍ ପର୍ମେସର୍‌ର ଆରି କିରିସ୍ତର୍ ରାଇଜେ ରଇବା କାଇ ବିସଇ ମିଲାଇବାକେ ଅଦିକାର୍ ପାଇ ନାପାରଡ୍ । ଗଟେକ୍ ଲବ୍‌ରା, ପୁଡ୍‌ଲା ପୁଜା କର୍‌ବା ଲକର୍ ସଙ୍ଗ୍ ସମାନ୍ ।

<sup>୬</sup> ବିନ୍ ଲକର୍ ଟାନେଅନି କାଇ ଲଡାକେ ନ ଆଇବା ରୁଟା କାତା ସୁନି ନାତାଇ ଉଆ ନାଇ । କାଇକେବଇଲେ, ଏନ୍ତାରି କରି ତାକେ ନ ନାମ୍‌ବା ଲକ୍‌ମନ୍‌କେ ପର୍ମେସର୍ ଡଣ୍ଡ ଦେଇସି । <sup>୭</sup> ତେବର୍‌ପାଇ ସେନ୍ତାରି ଲକ୍‌ମନ୍‌ର ସଙ୍ଗ୍ ମିସା ନାଇ । <sup>୮</sup> କାଇକେବଇଲେ ଆଗ୍ରୁ ତମେ ଆନ୍ଦାରେ ରଇଲାସ୍ । ମାତର୍ ଏବେ ମାପୁରୁର୍ ସଙ୍ଗ୍ ମିସ୍‌ଲାର୍‌ପାଇ ଉଜଲେ ପୁରି ଆଟାସ୍ । ତେବର୍‌ପାଇ ଉଜଲେ ରଇବା ଲକ୍‌ମନ୍‌ପାରା ଚଲାଚଲ୍‌ତି କରା । <sup>୯</sup> କାଇକେବଇଲେ, ଉଜଲେ ରଇଲେ ତେଜଅନି ସବୁ ରକାମର୍ ନିକ, ଦରମ୍, ଆରି ସଡ୍ ବିସଇ ବାରଇସି । <sup>୧୦</sup> ପର୍ମେସର୍‌କେ ସାର୍‌ଦା କରାଇବା ବିସଇ କଜିକରି ମିଲାଆ । <sup>୧୧</sup> ଆନ୍ଦାରେ ରଇବା ଲକ୍‌ମନ୍ କର୍‌ବା କାଇ ମୁଲିଅ ନ ରଇବା କାମେ ମିସାନାଇ । ସେଟାମନ୍‌କେ କାଇ ମୁଲିଅ ନାଇ । ତାର୍ ବାଦୁଲେ ସେନ୍ତାରି କାରାପ୍ ଅଇବା କାମ୍ ନ ଲୁଟାଇ ଦେକାଇଦିଆସ୍ । <sup>୧୨</sup> ସେନ୍ତାରି ଲୁଟେ କର୍‌ବା କାମର୍ ବିସଇ କାତା ଅଇବାକେ ମିସା ଲାଜ୍ ଲାଗ୍‌ସି । <sup>୧୩</sup> ଏନ୍ତାରି କାମ୍ ନ ଲୁଟାଇ ବାରକରାଇଲେ, ତେଇର୍ ସଡ୍ ବିସଇ ଲକ୍‌ମନ୍ ଦେକ୍‌ବାଇ । <sup>୧୪</sup> କାଇକେବଇଲେ ଉଜଲର୍ ସବୁ ବିସଇ ଉଜଲ୍‌ସେ । ସେଟାର୍ ପାଇ ଏନ୍ତାରି ଲେକାଅଇଲାଆଚେ, “ଏ ଗୁନେରାମନ୍ ଉଟା,

ମଲାପାରା ନ ରଇକରି ଜିବନ୍ ରୁଆ,  
କିରିସ୍ତ ତମ୍‌କେ ଉଜଲ୍ ଦେଇସି ।”

<sup>୧୫</sup> ତେବେ ତମର୍ ଚଲାଚଲ୍‌ତି କର୍‌ବାଟାନେ ଜାଗ୍ରଡ୍ ରୁଆ । ବକୁଆ ଲକ୍‌ମନ୍‌ପାରା ନ ଅଇ ବୁଦିରଇବା ଲକ୍‌ପାରା ରୁଆ । <sup>୧୬</sup> ସବୁବେଲେ ନିକ କାମ୍ କର୍‌ବାକେ କଜ୍‌ତେ ରୁଆ । କାଇକେବଇଲେ ଏ ଜୁଗର୍ ଲକ୍‌ମନ୍ ବେସି କାରାପ୍ ଆଚଡ୍ । <sup>୧୭</sup> ତେବର୍‌ପାଇ ବୁଦିନଇଲା ଲକ୍ ପାରା ନଅଇ ମାପୁରୁର୍ ମନ୍‌କଲାଟା କଜିକରି ମିଲାଆ ।

<sup>୧୮</sup> ମଦ୍ ପେଣ୍ଡମ୍ କାଇ ମାତା ନାଇ । କାଇକେବଇଲେ ସେଟା ତମ୍‌କେ ଡିଲା ଚାଡ୍‌ବା ଗରୁଗାଇର୍ ପାରା ଚଲାଚଲ୍‌ତି କର୍‌ବାକେ ଡାକିନେଇସି । ତାର୍‌ବାଦୁଲେ ସୁକଲ୍‌ଆଡ୍‌ମା ବାନ୍ଦିନେବାକେ ସର୍‌ପିଡିଆ । <sup>୧୯</sup> ଟିକ୍ ସଙ୍ଗିତାର୍ ଗିଡ୍, ଆଡ୍‌ମାଇ ଅନି ଆଇବା ବିନ୍ ଗିଡ୍‌ମନ୍, ତମର୍ ବିତ୍‌ରେ କୁଆକୁଇ ଉଆ । ଗିଡ୍ କଇକରି ନିଜେ ନିଜେ ମନ୍‌ବିତ୍‌ରେ ମାପୁରୁକେ ଡାକ୍‌ପୁଟା କରା । <sup>୨୦</sup> ଆମର୍ ମାପୁରୁ ଜିସୁକିରିସ୍ତର୍ ନାଉଦାରି ସବୁବେଲେ ସବୁ ବିସଇର୍‌ପାଇ ବାବା ପର୍ମେସର୍‌କେ ଦନିଅବାଦ୍ ଦିଆସ୍ ।

**ମାଇଜି ମୁନୁସ୍**

<sup>୨୧</sup> କିରିସ୍ତର୍‌ପାଇ ରଇବା ତମର୍ ସନ୍‌ମାନର୍ ଲାଗି, ତମର୍ ତମର୍ ବିତ୍‌ରେ ସର୍‌ପାସର୍‌ପି ଉଆ । <sup>୨୨</sup> ଏ ମାଇଜିମନ୍ ତମେ ଜେନ୍ତାର୍ ମାପୁରୁକେ ସର୍‌ପିଅଇ ଆଟାସ୍, ସେନ୍ତାରି ତମର୍ ନିଜର୍ ନିଜର୍ ମୁନୁସ୍‌କେ ମିସା ସର୍‌ପି ଉଆ । <sup>୨୩</sup> କାଇକେବଇଲେ କିରିସ୍ତ ଜେ କି ତାର୍ ଗାଗଡ୍‌ପାରା ରଇବା ମଣ୍ଡଲିର୍ ନେତା ଆଚେ, ସେନ୍ତାରିସେ ମୁନୁସ୍ ମିସା ତାର୍ ମାଇଜିର୍ ନେତା ଆଚେ । କିରିସ୍ତସେ ତାର୍ ମଣ୍ଡଲିକେ ରକିଆ କଲାଆଚେ । <sup>୨୪</sup> ତେବର୍‌ପାଇ ମଣ୍ଡଲି ଜେନ୍ତାର୍ କିରିସ୍ତକେ ସର୍‌ପି ଅଇସି, ସେନ୍ତାରି ଏ ମାଇଜିମନ୍, ତମେ ମିସା ସବୁ ବିସଇତେଇ ତମର୍ ମନସ୍‌ମନର୍ ଟାନେ ସର୍‌ପି ଅଇବାର୍‌ଆଚେ ।

☆ ୫:୧୭ ୫:୧୭ କଲସିଅ ୪:୫ ☆ ୫:୧୯ ୫:୧୯ କଲସିଅ ୩:୧୭,୧୭ ☆ ୫:୨୨ ୫:୨୨ କଲସିଅ ୩:୧୮; ୧ ମ ପିତର୍ ୩:୧

୨୫ ✧ ଏ ମୁନୁସ୍‌ମନ୍, କିରିସ୍‌ଟ ଜେନ୍ତାର୍ ମଣ୍ଡଲିକେ ଆଲାଦ୍ କରି, ତାକେ ସୁକଲ୍ କର୍ବାକେ ନିଜେ ସର୍ପିଅଇଲା, ସେନ୍ତାରିସେ ତମେ ମିସା ନିଜର୍ ମାଇଜିମନ୍‌କେ ଆଲାଦ୍‌କରା । ୨୬ କିରିସ୍‌ଟ ପର୍ମେସରର୍ ବାକିଅ ସଙ୍ଗ୍ ଆରି ପାନିସଙ୍ଗ୍ ଦଇକରି ମଣ୍ଡଲିକେ ସୁକଲ୍ କଲା । ୨୭ ମଣ୍ଡଲିକେ ତାର୍ ମୁଆଟେ ଆନଲାବେଲେ, ମଣ୍ଡଲି ଜେନ୍ତାରି କି, କାଇ ମୁର୍କି ନ ଅଇତେ, ଅସୁକଲ୍ ନଇତେ, କାଇ ଦସ୍ ନ ଅଇତେ ରଇ, ତାର୍ ବାଦୁଲେ ସୁକଲ୍ ଆରି ସିଦ୍ କାରାଇ ତାକେ ଟିଆ କରାଇସି । ୨୮ ସେନ୍ତାରିସେ ମୁନୁସ୍‌ମନ୍ ନିଜର୍ ଗାଗଡ୍‌କେ ଜତନ୍ କରି ଆଲାଦ୍ କଲାପାରା ନିଜର୍ ମାଇଜିମନ୍‌କେ ସେନ୍ତାରି କରା । ଜେ ନିଜର୍ ମାଇଜିକେ ଆଲାଦ୍ କର୍ସି, ସେ ନିଜ୍‌କେ ମିସା ଆଲାଦ୍ କର୍ସି । ୨୯ କେ ମିସା କେବେ ନିଜର୍ ଗାଗଡ୍‌କେ ଗିନ୍ ନ କରେ । ମାତର୍ ତାର୍‌ପାଇ ଦୁଆପୁଟା କରି କାଦି କୁଆଇସି । ଜେନ୍ତାରି କି କିରିସ୍‌ଟ ତାର୍ ମଣ୍ଡଲିର୍ ପାଇ ଜତନ୍ କଲାନି । ୩୦ କାଇକେବଇଲେ ଆମେ ସବୁ ତାର୍ ଗାଗଡର୍ ବାଗ୍ ଅଇଆରୁ ।

୩୧ ଏଟାର୍‌ପାଇ ଦରମ୍ ସାସ୍‌ତରେ ଲେକାଅଇଆଟେ ମୁନୁସ୍ ତାର୍ ନିଜର୍ ଆୟା ବାବାକେ ଚାଡ଼ି ନିଜର୍ ମାଇଜିର୍ ସଙ୍ଗ୍ ମିସି ଜାଇସି । ଆରି ସେ ଦୁଇଲକ୍ ମିସି ଗଟେକ୍ ଅଇବାଇ । ୩୨ ଏଟା ଗଟେକ୍ ବଡ଼ ଲୁଟି ରଇବା ବିସଇ । ମାତର୍ ମୁଇ କିରିସ୍‌ଟ ଆରି ମଣ୍ଡଲି ବିତ୍‌ରେ ମିସିବିଡ଼ି ରଇବା ବିସଇ କାତା ଅଇଲିନି । ୩୩ ସାରାସାରି ତମେ ଗଟେକ୍ ଗଟେକ୍ ଲକ୍ ନିଜେ ନିଜେ ଆଲାଦ୍ ଅଇଲାପାରା ନିଜର୍ ନିଜର୍ ମାଇଜିକେ ସେନ୍ତାରି କର୍ବାର୍ ଆଟେ । ଆରି ମାଇଜିମନ୍ ତାକର୍ ମୁନୁସ୍‌ମନ୍‌କେ ସନ୍‌ମାନ ଦେବାର୍ ଆଟେ ।



**ବାବା ମାଆ ଆରି ପିଲାଟକି**

୧ ✧ ଏ ମର୍ ପିଲାଟକିମନ୍, ତମେ ମାପୁରୁର୍ ସଙ୍ଗ୍ ମିସଲାର୍‌ପାଇ ଆୟା ବାବାର୍ କାତା ମାନିକରି ରୁଆ । ତମେ ଏନ୍ତାରି କର୍ବାର୍ ଆଟେଆକା । ୨ ଏନ୍ତାରି ଲେକା ଅଇଲାଆଟେ, ନିଜର୍ ଆୟା ବାବାକେ ସନ୍‌ମାନ ଦିଆସ୍ । ଜେନ୍ତାରି କି ତମର୍‌ପାଇ ସବୁ ବିସଇ ମଙ୍ଗଲ୍ ରଇସି । ଆରି ତମେ ସାର୍‌ଦା ଅଇ ବେସି ଦିନ୍ ଜାକ ଏ ଜଗତେ ବଠିରଇସା । ୩ ଏଟା ଅଇଲାନି ପର୍ମେସରର୍ ପର୍‌ତୁମ୍ ଆଦେସ୍ ଜନ୍‌ଟା କି ସେ ଗଟେକ୍ ଦେଇରଇବା କାତା ମିସା ତେଇ ମିସାଇଆଟେ ।

୪ ✧ ଏ ବାବାମନ୍, ପିଲାମନ୍‌କେ ରିସା କରାଆ ନାଇ । ତାର୍ ବାଦୁଲେ ସେମନ୍‌କେ ମାପୁରୁର୍ ବାକିଅ ଇସାବେ ସିକାଇକରି ବତାଆ ।

**ଗତିଦାଙ୍ଗ୍‌ତା ଆରି ସାଉକାର୍**

୫ ✧ ଏ ଗତିଦାଙ୍ଗ୍‌ତାମନ୍, ଏ ଜଗତେ ରଇବା ସାଉକାର୍‌ମନ୍‌କାତା ମାନିକରି ରୁଆ । ସେମନ୍‌କେ ସନ୍‌ମାନ ଦେଇ, ପୁରାପୁରୁନ୍ ମନ୍ ସଙ୍ଗ୍ ନାମିକରି ରୁଆ । ଜେନ୍ତାରି କି ତମେ କିରିସ୍‌ଟକେ ନାମିକରି ରଇସା । ୬ ଅବ୍‌କା ସେମନ୍‌ର୍ ମୁଆଟେ ବଲ୍ ବଲାଇ ଅଇବାକେ ନାଇ, କି ସେମନ୍ ଦେକ୍‌ଲାବେଲେସେ ନାଇ । ମାତର୍ କିରିସ୍‌ଟର୍ ଗତିଦାଙ୍ଗ୍‌ତା ପାରା, ପର୍ମେସର୍ ମନକଲାଟା ପୁରାପୁରୁନ୍ ମନ୍ ଦିଆନ୍ ଦେଇ କରା । ୭ ତମ୍‌କେ ଦାଇଡ୍ ଦେଇରଇବା ସବୁ କାମ୍ ସାର୍‌ଦା ସଙ୍ଗ୍ କରା । ଜେନ୍ତାରିକି ତମେ ଅବ୍‌କା ଲକ୍‌ମନ୍‌ର୍ ପାଇ କାମ୍ ନ କରି ମାପୁରୁର୍ ସେବା କଲା ପାରା କରା । ୮ କାଇକେବଇଲେ ତମେ ନିକ କାମ୍ କଲେ, ମାପୁରୁ ତମ୍‌କେ ପୁରୁସକାର୍ ଦେଇସି । ତମେ ଗତିଦାଙ୍ଗ୍‌ତା ଅଇରୁଆ କି ମୁକଲ୍‌ଲା ଲକ୍ ଅଇରୁଆ ।

୯ ✧ ଏ ସାଉକାର୍‌ମନ୍, ସେନ୍ତାରିସେ ତମର୍ ଦାଙ୍ଗ୍‌ତାମନ୍‌କେ ନିକସଙ୍ଗ୍ ଦେକାରକା କରା । ସେମନ୍‌କେ ଦାକାପୁକା ଦିଆସ୍ ନାଇ । ତମର୍ ମନେ ରଅ, ତାକର୍ ଆରି ତମର୍ ସାଉକାର୍ ସର୍‌ଗେ ଆଟେ । ଆରି ସେ ସାନ୍ ବଡ଼ ନ ବାବି ଦେକାରକା କର୍ସି ।

**ଆଡ଼ମାର୍ ଆଡ଼ଆଡ଼ିଆର୍**

୧୦ ସାରାସାରି ପଟେ, ମାପୁରୁର୍ ଗାନେ ମିସିକରି ତାର୍ ବପୁପାଇକରି ଡାଟ୍‌ଅଇରୁଆ । ୧୧ ପର୍ମେସର୍ ତମ୍‌କେ ଦେଇରଇବା ଜୁଇଦର୍ ସବୁ ରକାମ୍ ଆଡ଼ ଆଡ଼ିଆର୍ ସାଜାଡ଼ିକରି ରୁଆ । ଜେନ୍ତାରିକି ତମ୍‌କେ ସଇତାନ୍ ନାଡାଇବା ବେଲେ ତାକେ ବିରଦ୍ କରିପାରାସ୍ । ୧୨ କାଇକେବଇଲେ ଆମେ ଜଗତର୍ ଲକ୍‌ମନ୍‌ର୍ ବିରୁଦେ ଜୁଇଦ୍ କରୁନାଇ । ମାତର୍ କାରାପ୍ ଆଡ଼ମାମନ୍‌କେ, ଆନ୍ଦାରେ ରଇବା ଜଗତର୍ ସାସନ୍‌କାରିଆମନ୍‌କେ, ଆରି ସର୍‌ଗେ କାରାପ୍ ବପୁ ପାଇରଇବା ଆଡ଼ମାମନ୍‌ର୍ ବିରୁଦେ ଜୁଇଦ୍ କଲୁନି । ୧୩ ତେବର୍‌ପାଇ ପର୍ମେସର୍ ଦେଇରଇବା ସବୁରକାମ୍ ଜୁଜ୍‌ବା ଆଡ଼ ଆଡ଼ିଆର୍ ଗଟେକ୍ ସନିଅ ପିନ୍‌ଲାପାରା ପନ୍‌କି ସାଜାଡ଼ା । ସେନ୍ତାର୍ ରଇଲେ ସଇତାନ୍ ଆରି ତାର୍ କାରାପ୍ ଆଡ଼ମାମନ୍ ତମ୍‌କେ ଜୁଜ୍‌ଲାବେଲେ ସେମନ୍‌କେ ତମେ ବିରଦ୍ କରି ପାରାସ୍ । ଜୁଇଦର୍‌ପାଇ ସବୁ ରକାମ୍‌ଟା ସାଜାଡ଼ି ରଇଲେ ତମେ ପଟେ ନ ଗୁଟିକରି ଟିଆଅଇ ପାର୍‌ସା ।

✧ ୫:୨୫ ୫:୨୫ କଲସିଅ ୩:୧୯; ୧ ମ ପିତର୍ ୩:୭ ✧ ୬:୧ ୬:୧ କଲସିଅ ୩:୨୦ ✧ ୬:୪ ୬:୪ କଲସିଅ ୩:୨୧ ✧ ୬:୫ ୬:୫ କଲସିଅ ୩:୨୨-୨୫ ✧ ୬:୯ ୬:୯ କଲସିଅ ୪:୧; କଲସିଅ ୩:୨୫

୧୪ ତେବେ ଦୁଇଦରପାଇଁ ତମେ ଏନ୍ତାରି ଜାଗରତ୍ ଉଥା । ଜେନ୍ତାରି କି, ପର୍ମେସରର୍ ସତ୍ ଆଁଟାବେଡା, ଆଁଟାଇ ବାନ୍ଦିଅଇ, ତାର୍ ଦରମର୍ ସାଞ୍ଜୁ ଜଗାଡି ଅଇ, ୧୫ ସୁବ୍‌କବରେଅନି ଆଇବା ସାନ୍ତିର୍ ପାଣ୍ଡୁଇ ପିନ୍ଦି ସାଜାଡି ଉଥା । ୧୬ ଏ ସବୁର୍ ଉପରେ ବିସ୍‌ବାସର୍ ତେବାଇବା ତାଲ୍ ଦାରିରୁଥା । ଏ ତାଲ୍‌ସଙ୍ଗ୍ ସଇତାନ୍ ତମର୍ ମୁଆଟେ ବିନ୍ଦିବା ଜଇର୍ କାଣ୍ ଅଟ୍‌କାଇ ପାର୍‌ସା ।

୧୭ ଆରି ମାପୁରୁ ଦେଇରଇବା ମୁକ୍ତି, ଗଟେକ୍ ଟପିପାରା ମୁଣ୍ଟ୍ ରକିଆ କର୍‌ବାକେ ପିନ୍ଦିରୁଥା । ସୁକଲ୍‌ଆଡ଼ମା ଦେଇରଇବା କାଣ୍ ଦାରିରୁଥା । ସେ କାଣ୍ ଅଇଲାନି ପର୍ମେସରର୍ ବାକିଅ । ୧୮ ସୁକଲ୍‌ଆଡ଼ମା ଚେଡନା ଦେଲା ଇସାବେ ପାର୍‌ତନା କରା । ସବୁ ରକାମର୍ ପାର୍‌ତନା ଆରି ଗୁଆରିସଙ୍ଗ୍ ପାର୍‌ତନା କରା । ଏଟାର୍‌ଲାଗି ଜାଗରତ୍ ଅଇରୁଥା । ପର୍ମେସରର୍ ଲକ୍‌ମନର୍‌ପାଇ ପାର୍‌ତନା କରିଲାଗିରୁଥା । ୧୯ ମର୍‌ପାଇ ମିସା ପାର୍‌ତନା କରା । ଜେନ୍ତୁକି ମୁଇ କାତା ଅଇବାବେଲେ ପର୍ମେସରର୍ ମକେ ଟିକ୍ ବାକିଅ ଦେଅ । ସେନ୍ତାର୍ କଲେ, ସୁବ୍ କବରର୍ ଲୁଟିରଇବା ବିସଇ ମୁଇ କାକେ ନ ଡରିକରି ଲକ୍‌ମନ୍କେ ଜାନାଇ ପାର୍‌ବି । ୨୦ ଏବେ ମୁଇ ବନ୍ଦି ଅଇ ରଇଲେ ମିସା କିରିସ୍‌ଟର୍ ସୁବ୍‌କବର୍ ଜାନାଇବାପାଇ ଗଟେକ୍ ରାଜାର୍ ଦୁଡ୍ ପାରା ଅଇଲିଆତି । ସୁବ୍‌କବର୍ ଟିକ୍ ସଙ୍ଗ୍, ନ ଡରିକରି ଜାନାଇବାକେ ପର୍ମେସରର୍ ମକେ ବପୁ ଦେଅ ବଲି ପାର୍‌ତନା କରା ।

#### ସାରାସାରି କୁଆର୍‌ବେଟ୍ ଅଇବାଟା

୨୧ ✠✠ ତକିକସ୍ ଜେ କି ଆମର୍ ଆଲାଦର୍ ବାଇ, । ସେ ମାପୁରୁକେ ବିସ୍‌ବାସ୍ ସଙ୍ଗ୍ ସେବା କଲାନି । ମୁଇ କେନ୍ତୁ ଆତି ଆରି କାଇଟା କଲିନି, ସେ ସବୁ ବିସଇ ତମ୍‌କେ କଇଦେଇସି । ୨୨ ଆମ୍‌କେ ଗଟ୍‌ବା ବିସଇ ସବୁ ତମେ ଜାନିରୁଥା ବଲିକରି ମୁଇ ତାକେ ତମର୍‌ଟାନେ ପାଟାଇଲିନି । ଆରି ସେ ତମ୍‌କେ ସାର୍‌ଦା କରାଇସି ।

୨୩ ଆମର୍ ବାବା ପର୍ମେସରର୍ ଆରି ମାପୁରୁ ଜିସୁକିରିସ୍‌ଟ୍ ସବୁ ବିସ୍‌ବାସି ବାଇମନ୍କେ ସାନ୍ତି ଦେଅ । କିରିସ୍‌ଟ୍‌କେ ବିସ୍‌ବାସ୍ କରି ତମର୍ ବିଡ୍‌ରେ ଆଲାଦ୍ କରାକରି ଅଇବାକେ ସେମନ୍ ତମ୍‌କେ ସାଇଜ କରତ୍ ।

୨୪ ଆମର୍ ମାପୁରୁ ଜିସୁ କିରିସ୍‌ଟ୍‌କେ ଜେଡକି ଲକ୍ ଆଲାଦ୍ କଲାଇନି, ସେମନ୍‌କେ ପର୍ମେସରର୍ ତାର୍ ଜିବନ୍ ଦୁକାଇଲାଟା ଆରି ନ ସାର୍‌ବା ଆଲାଦ୍ ଦେଅ ।

## ପିଲିପିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ପତ୍ର ପିଲିପିୟ ମଣ୍ଡଳୀର ବିଶ୍ୱାସୀମାନଙ୍କେ ପାଉଲ୍ ଚିଠି ଲେଖିଲାଟା ଏ ବଇର ବିସଇ ପଦେକ୍ ଜାନବାଟା

ଜିସୁକିରିସ୍ଟ ଜନମ୍ ଅଇକରି ୬୧ ବରସ୍ ପତେ ପାଉଲ୍ ପିଲିପିୟ ମଣ୍ଡଳୀର ବିଶ୍ୱାସୀମାନର ଲଗେ ଏ ଚିଠି ଲେକିରଇଲା । ଏ ଚିଠି ପାଉଲ୍ ରମ୍ ରାଇଜେ ବନ୍ଦି ରଇଲାବେଲେ ଲେକିରଇଲା ୧:୧୩ ।

ପିଲିପି ସଅରେ ରଇବା ମଣ୍ଡଳୀମାନଙ୍କେସେ ଏ ଚିଠି ଲେକାଅଇରଇଲା । ଆମେ ପେରିଡ୍ ବଇଟାମେ ମିସା କେତେଟା ବିସଇ ପିଲିପିୟ ବଇର ବିସଇ ଜାନିପାରିଅଇସି । ପିଲିପି ମାକିଦନିଆର୍ ରାଜ୍‌ଦାନି ରଇଲା । ଏଟା ମାକିଦନିଆଇ ତିଆର୍ ଅଇରଇବା ପର୍ତୁମ୍ ମଣ୍ଡଳି ରଇଲା । ଏ ମଣ୍ଡଳି ପାଉଲ୍ ଆରି ସିଲା ମିସିକରି ଆରାମ୍ କରିରଇଲା । ଆରି ତେଇ ରଇଲାବେଲେ ଗଟେକ୍ ରାଡିର୍‌ପାଇ ସେମନ୍‌କେ ବନ୍ଦିକରି ସଙ୍ଗଇରଇଲା ପେରିଡ୍ ୧୬ ।

ପାଉଲ୍ ଏ ଚିଠି ଲେକିବାକେ କେତେଟା ଆଦେସ୍ ରଇସି ମିସା । ସେ ବନ୍ଦି ରଇବା ବିସଇ ସୁନି ମଣ୍ଡଳୀର ଲକ୍‌ମନ୍ ଚାନ୍ଦା ଉଟାଇକରି ପାଟାଇରଇଲାଇଜେ ସେମନ୍‌କେ ଦନିଅବାଦ୍ ଦେବା ଉଦେସେ ଚିଠି ଲେକିଲାଆଟେ ୪:୧୦-୧୯ । ସେ ମିସା ତାର୍ ବନ୍ଦିରଇଲା ବେଲର୍ ଚିକିନିକି ବିସଇ ମଣ୍ଡଳିତେଇ ତିମତିକେ ଆରି ଏପୁରାପଦିଡ୍‌କେ ଜାନାଇଦେଲାନି । ବିଶ୍ୱାସୀମନ୍ ଜେଡ୍‌କି ସେମନ୍‌କେ ମାନିକରି ଜୁଆର୍ ଜାନାଇବାଇ ଆରି ତାକର୍ ଦାଇତେ ନାମିକରିରଇବାଇ ୨:୧୯-୩୦ ।

### ଏ ବଇ ବିଡ୍‌ରେ ରଇଲାଟା

- ୧. ପିଲିପିୟ ମଣ୍ଡଳିକେ ପାଉଲ୍ ଜୁଆର୍ ଜାନାଇବାଟା । ୧:୧-୨
- ୨. ପାଉଲ୍‌ର କସ୍ଟ ପଡିରଇଲାଟା ଆରି ବାବ୍‌ବାଟା । ୧:୩-୨:୩୦
- ୩. ବିଶ୍ୱାସୀମନ୍ କିରିସ୍‌ଟକେ ବିଶ୍ୱାସକରି ଜିଉନାକାଉନା କର୍ବାକେ ପାଉଲ୍ ତିଆରି ଆଟେ । ୩:୧-୪:୯
- ୪. ପାଉଲ୍ ଚାନ୍ଦାକରି ଦାନ୍ ଦେବାକେ ପିଲିପେ ରଇବା ମଣ୍ଡଳୀର ବିଶ୍ୱାସୀମାନଙ୍କେ ଜୁଆର୍ ଆରି ଦନିଅବାଦ୍ ଜାନାଇଆଟେ । ୪:୧୦-୨୩

### ପାଉଲ୍‌ର ପାର୍ତନା

୧\*ଏ ଚିଠି ପାଉଲ୍ ଆରି ତିମତି, କିରିସ୍ଟ ଜିସୁର୍ ଦୁଇଟା ଗତିଦାଙ୍ଗ୍‌ତାମନ୍ ଲେକିଲୁନି । ଜିସୁକିରିସ୍ଟର୍ ଅଇକରି ପିଲିପି ନଅରେ ରଇବା ସବୁ ପର୍ମେସରର୍ ଲକ୍‌ମନ୍‌ରପାଇ ଏଟା ଲେକାଅଇଲା ଆଟେ । ତମର୍ ବିଡ୍‌ରେ ନେତା ଅଇକରି ତମ୍‌କେ ସାଇଜ କର୍ବା ଲକ୍‌ମନ୍‌ରପାଇ ମିସା । ୨ ଆମର୍ ବାବା ପର୍ମେସର୍ ଆରି ମାପୁରୁ ଜିସୁକିରିସ୍ଟ ତମ୍‌କେ ଜିବନ୍ ଦୁକାଇକରି ସାନ୍ତି ଦେଅ ।

### ପାଉଲ୍‌ର ପାର୍ତନା

୩ ମୁଇ ତମ୍‌କେ ଜେଡ୍‌କିତର୍ ଏତାଇଲିନି, ସେଡ୍‌କିତର୍ ମର୍ ପର୍ମେସରକେ ଦନିଅବାଦ୍ ଦେଇତେରଇବି । ୪ ପାର୍ତନା କଲାବେଲେ ସବୁତର୍ ତମ୍‌ରପାଇ ସାରଦାସଙ୍ଗ୍ ପାର୍ତନା କଲିନି । ୫ କାଇକେବଇଲେ ସୁବ୍‌କବର୍ ଜାନାଇବା କାମେ ତମେ ମର୍ ସଙ୍ଗ୍ ମିସିକରି ରଇଲାସ୍ । ବିଶ୍ୱାସ୍ କର୍ବା ପର୍ତୁମ୍ ଦିନେଅନି ଆଜିକେ ଜାକ ତମେ ମକେ ଏଟା କଲାସନି । ଆରି ଏବେ ମିସା କରି ଆଇଲାସନି । ୬ ପର୍ମେସର ଜେକି ତମର୍ ମନ୍ ବିଡ୍‌ରେ କାମ୍ କର୍ବାକେ ଆରାମ୍‌କରିଆଟେ, ଜିସୁକିରିସ୍ଟ ବାଉଡିଆଇବା ଜାକ, ସେଟା କରି ସାରାଇସି । ୭ ତମେ ସବୁବେଲେ ମର୍ ମନ୍ ବିଡ୍‌ରେ ଆଟାସ୍ । ତେବ୍‌ରପାଇ ତମର୍ ବିସଇନେଇ କରି ଏନ୍ତାରି ବାବ୍‌ବାଟା ଟିକ୍ ସେ । ମୁଇ ବନ୍ଦି ନ ଅଇକରି ରଇଲାବେଲେ କି ଏବେ ବନ୍ଦି ରଇକରି ସୁବ୍‌କବର୍ ବିରୁଦେ ଦଦାପେଲା ଉଟ୍‌ଲାବେଲେ, ଏଟା ସଡ୍ ଆକା ବଲି ଡାଟ୍‌ସଙ୍ଗ୍ ଦେକାଇବାଟାମେ ମିସା, ତମେ ସବୁ ମିସବାକେ ପର୍ମେସର୍ ବେଲା ଟିକ୍ କରି ଦେଲାଆଟେ । ୮ ମୁଇ ତମ୍‌କେ ସବୁ ଲକ୍‌କେ ଆରିତରେକ୍ ଦେକବି ବଲି ମନ୍ କଲିନି । ଏ ବିସଇତେଇ ନିଜେ ପର୍ମେସର୍ ସାକିଆଟେ । କାଇକେବଇଲେ ଜିସୁକିରିସ୍ଟ ଆଲାଦ୍ କଲାପାରା ମୁଇ ତମ୍‌କେ ଆଲାଦ୍ କଲିନି ।

୯ ମୁଇ ତମ୍‌ରପାଇ ଏନ୍ତାରି ପାର୍ତନା କଲିନି, ଜେନ୍ତାରିକି ତମେ ଆଲାଦ୍ କର୍ବାଟାମେ ଅଦିକ୍ ଅଦିକ୍ ବଡ୍‌ସା । ପର୍ମେସର୍ ଜେନ୍ତାରି ଆଟେ, ସେ ବିସଇ ତମେ ଅଦିକ୍ ଅଦିକ୍ ଜାନ୍‌ସା ବଲି ମୁଇ ପାର୍ତନା କଲିନି । ଆରି ଜେଡେବଲ୍ ମିସା କନ୍‌ଟା ସଡ୍ କନ୍‌ଟା ବୁଲ୍ ସେଟା ଜାନିପାର୍‌ସା । ୧୦ ସେନ୍ତାରିଆଲେ ଟିକ୍

\* ୧:୧ ୧:୧ ପେରିଡ୍ ୧୭:୧୨



ବିସଇ କନ୍ଦଟା ବଲି ବାଟିକରି କରିପାରୁଥା । ଆରି ଏବେଅନି କିରିସ୍ତର୍ ବାଉଡି ଆଇବାଜାକ ସବୁ ପାପେଅନି ମୁକ୍ତିକରି କାଇ ଦସ୍ ନ ଅଇକରି ରଇପାରୁଥା । ୧୧ ଜେନ୍ତାରିକି ଗଟେକ୍ ପଲ୍ ଦେବା ଗର୍ ପଲ୍ ଦେଇସି, ସେନ୍ତାରିସେ ତମେ ମିସା ଜିସୁକିରିସ୍ତର୍ ବପୁ ସଙ୍ଗ୍ ଦରମ୍ କାମର୍ ପଲ୍ ଦେଇଥା । ଏଟା ପର୍ମେସର୍କେ ଡାକ୍ପୁଟା ଆରି ମଇମା କରସି ।

**କିରିସ୍ତର୍ ଅଇଲାନି ଆମର୍ ଜିବନ୍**

୧୨ ଏ ବାଇବଇନିମନ୍, ତମେ ଜାନ୍‌ବାର୍ ଆଟେ କି କିରିସ୍ତର୍‌ପାଇ ମର୍ ଜିବନେ ଜେଡୁକି ଗଟିଆଟେ, ତାରଲାଗି ଅଦିକ୍ ଲକ୍ ସୁବ୍‌କବର୍ ବିସ୍‌ବାସ୍ କର୍‌ବାକେ ଗଟେକ୍ ବାଟ୍ ଆଇଲା । ୧୩ ଜେନ୍ତାରିକି, ସମ୍‌ଗାଟର୍ ମେଡେ ଜେଡୁକି ସଇନ ଜାଗିଆଟଡ, ସେମନ୍ ସବୁ ମୁଇ କିରିସ୍ତର୍‌କେ ସେବା କଲାର୍ ପାଇ ବନ୍ଦିଗରେ ଆଟିବଲି ଜାନ୍‌ଲା । ୧୪ ମୁଇ ବନ୍ଦିଗରେ ରଇଲାପାଇ, ଇତି ରଇବା କେଡେକ୍ କେଡେକ୍ ବିସ୍‌ବାସି ବାଇବଇନିମନ୍‌କେ ମାପରୁ ବପୁ ଦେଲାଆଟେ । ପର୍ମେସର୍‌ର ବାକିଅ ନ ଡର୍‌ଡେ ଜାନାଇବାକେ ସେମନ୍‌କେ ଏବେ ସାଆସ୍ ଆଟେ ।

୧୫ ଅଇଲେ ମିସା ସେମନ୍‌ର ବିଡରେ ଅନି କେଡେଲକ୍ ମକେ ଆଁକାର୍ କଲାପାଇ କିରିସ୍ତର୍ ବିସଇ ଜାନାଇବାକେ ମନ୍ କଲାଇନି । ସେମନ୍ ମର୍‌ଟାନେଅନି ବଡୁ ବଲି ଦେକାଇଅଇବାକେ ଏନ୍ତି କଲାଇନି । ମାତର୍ ଆରି କେଡେକ୍ ଲକ୍ ଏଟା ସଡୁ ବଲି ମନେବାବିକରି କଲାଇନି । ୧୬ ଏ ଲକ୍‌ମନ୍ ମକେ ଆଲାଦ୍ କଲାର୍ ପାଇ ସୁବ୍‌କବର୍ ଜାନାଇଲାଇନି । କିରିସ୍ତର୍ ସୁବ୍‌କବର୍ ଦେକାରକା କର୍‌ବାକେ ପର୍ମେସର୍‌ସେ ମକେ ଏ ବନ୍ଦିଗରେ ସଙ୍ଗାଇଆଟେ ବଲି ଜାନିକରି ମିସା । ୧୭ ମାତର୍ ଜନ୍ ଲକ୍‌ମନ୍ ମକେ ଆଁକାର୍ କଲାଇନି, ମର୍‌ଟାନେଅନି ବଡୁ ଅଇରୁ ବଲିକରି, କିରିସ୍ତର୍ ସୁବ୍‌କବର୍ ଜାନାଇଲାଇନି । ତାକର୍ ମନେ ଏଟା ସଡୁବଲି ବାବିକରି କରଡନାଇ । ମୁଇ ବନ୍ଦି ଗରେ ରଇକରି ଜେଡୁକି କସ୍ ମୁରର୍‌ଲିନି, ତାଡେଇଅନି ଅଦିକ୍ କସ୍ ମିସାଇବାକେ କୁଟ୍ ପାଁର୍‌ଲାଇନି ।

୧୮ ମାତର୍ ଏଟା ମର୍‌ପାଇ କାଇଟା ନାଇ । ସେମନ୍ ସଡଇସେ କଲେ କି ବୁଲ୍ କାମର୍ ପାଇ କଲେ ମିସା, କିରିସ୍ତର୍ ବିସଇର୍ କବର୍ ଜାନାଇ ଅଇଲେ, ସେଟା ମୁକିଅ ବିସଇ । ଆରି ସେଟାପାଇ ମୁଇ ସାର୍‌ଦା ସଙ୍ଗ୍ ରଇବି । ୧୯ ଆରି ମୁଇ ସାର୍‌ଦା ଅଇଡେରଇବି । କାଇକେବଇଲେ ତମେ ମର୍‌ପାଇ ପାର୍‌ଡନା କଲାସିନି ବଲି ମୁଇ ଜାନି । ଆରି ଜିସୁକିରିସ୍ତର୍ ସୁକଲ୍ ଆଡ଼ମାର୍ ସାଇଜର୍‌ଲାଗି ପର୍ମେସର୍ ମକେ ମୁକ୍‌ଲାଇସି । ୨୦ ମୁଇ ଦିଆନ୍ ଦେଇ ଆରି ଆସା କରି ଜାଗ୍‌ଲିନି । ମୁଇ ଜିବନ୍ ରଇଲେ କି ମର୍‌ବାକେ ଅଇଲେ ମିସା ମର୍ କାମ୍‌ଟାନେ ଏଲା ନ କରି । ମାତର୍ ଅଦିକ୍ ସଙ୍ଗ୍ ରଇବା ଲକ୍‌ମନ୍ ମୁଆଟେ କାତା ଅଇବାକେ ମକେ ଅଦିକ୍ ସାଆସ୍ ଆଇସି । ଏନ୍ତାରିକରି ମୁଇ ଜେଡୁକି କାମ୍ କଲିନି, କିରିସ୍ତର୍‌କେ ଡାକ୍‌ପୁଟା କରାଇବି । ୨୧ କାଇକେବଇଲେ ମର୍‌ପାଇ ଜିଇବା କାଇବାଟା ସବୁ କିରିସ୍ତର୍‌ସେ । ଆରି ମର୍ ଇସାବେ, କିରିସ୍ତର୍‌ଟାନେ ରଇକରି ମର୍‌ବାଟା ବେସି ନିକ । ୨୨ ମୁଇ ଜିଇରଇଲେ, କିରିସ୍ତର୍‌ପାଇ ନିକ ସଙ୍ଗ୍ କାମ୍ କରିଅଇସି । ମାତର୍ ମଲେ ନିକ କି ଜିଇରଇଲେ ନିକ ବଲି ଜାନି ନାପାର୍‌ଲିନି । ୨୩ ଏ ଦୁଇଟା ବିଡରେ କାଇଟା କର୍‌ବି ବଲି ଜିକାଟାନା ଅଇଲିନି । ଏ ଜିବନ୍ ଚାଡି ସର୍‌ଗେ କିରିସ୍ତର୍ ସଙ୍ଗ୍ ରଇବାକେ ମୁଇ ମନ୍ କଲିନି । କାଇକେବଇଲେ ସେଟା ଅଦିକ୍ ନିକ । ୨୪ ମାତର୍ ତମର୍‌ପାଇ ମୁଇ ଜିଇକରି ରଇବାଟା ବେସି ମୁକିଅ ବିସଇ । ୨୫ ଏ ବିସଇ ମୁଇ ଡାଁର୍ ସଙ୍ଗ୍ ଜାନ୍‌ଲିନି । ଡେବର୍‌ପାଇ ମୁଇ ଜିଇକରି ରଇବି ଜେନ୍ତାରିକି, ତମେ ବିସ୍‌ବାସେ ଡାଁର୍ ଅଇସା ଆରି ବିସ୍‌ବାସ୍ କଲାପାଇ ସାର୍‌ଦା ଅଇସା । ୨୬ ସେନ୍ତାରିଆଲେ, ମୁଇ ତମର୍ ସଙ୍ଗ୍ ଆରିତରେକ୍ ମିସ୍‌ବାବେଲେ, ଜିସୁକିରିସ୍ତର୍ ସଙ୍ଗ୍ ମିସ୍‌ଲାପାଇ ତମେ ମର୍ ବିସଇନେଇ ବଡୁପନ୍ ଅଇସା ।

୨୭ ସବୁଟାନେଅନି ମୁକିଅ ବିସଇ ଅଇଲାନି ଏଟା । କିରିସ୍ତର୍ ସୁବ୍ କବର୍ ବିସ୍‌ବାସ୍ କର୍‌ବା ଲକ୍‌ମନ୍ କେନ୍ତାରି ଚଲାଚଲ୍‌ଡି କର୍‌ବାର୍‌ଆଟେ, ତମେ ସେନ୍ତାରି କରା । ମୁଇ ତମ୍‌କେ ଦେକ୍‌ବାର୍ ଆଇଲେମିସା, କି ତମର୍‌ଟାନେଅନି ଦୁରିକେ ରଇ ଅବ୍‌କା ସୁନିପାର୍‌ଲେ ମିସା ଏନ୍ତାରି ଜିଇଡେରୁଆ । ଏଟାରିଲାଗି ତମେ ସବୁ ଗଟେକ୍ ମନ୍ ଅଇ ମିସିଆଟାସ୍ ବଲି ମୁଇ ଜାନିପାର୍‌ବି । ଜନ୍ ଲକ୍‌ମନ୍ ସୁବ୍ କବର୍‌ର ବିରୁଦେ ଦଦାପେଲା କଲାଇନି, ତାକର୍ ମୁଆଟେ କିରିସ୍ତର୍ ସୁବ୍‌କବର୍ ଦେକାରକା କର୍‌ବାକେ ତମେ ସବୁ ଗଟେକ୍ ଅଇ ଟିଆଅଇଲାସିନି ବଲି ମୁଇ ଜାନ୍‌ବି । ୨୮ ଜନ୍ ଲକ୍‌ମନ୍ ତମର୍ ବିରଦେ ଆଇଲାଇନି, ସେମନ୍‌କେ ଡରା ନାଇ । ତମେ ସାଆସ୍ ଦାରିରଇଲେ, ପର୍ମେସର୍ ସେମନ୍‌କେ କୁରୁପ୍‌ନାସ୍ କରି ତମ୍‌କେ ରକିଆ କରସି ବଲି ଜାନ୍‌ବାଇ । ଏ ସବୁ ବିସଇ ପର୍ମେସର୍‌ସେ କରସି । ୨୯ କାଇକେବଇଲେ ପର୍ମେସର୍ ତମ୍‌କେ କିରିସ୍ତର୍‌କେ ଅବ୍‌କା ବିସ୍‌ବାସ୍ କର୍‌ବା ଦାନ୍ ଦେଏନାଇ, ମାତର୍ ତାର୍‌ପାଇ ଦୁକ୍ କସ୍ ପାଇକରି ରଇବା ଦାନ୍ ମିସା ଦେଲାଆଟେ । ୩୦ ତମର୍ ବିରୁଦେ ଆଇବା ଲକ୍‌ମନ୍ ସଙ୍ଗ୍ ଜନ୍ ଜୁଇଦେ ତମେ ରଇଲାସ୍,

☆ ୧:୧୩ ୧:୧୩ ପେରିଡ୍ ୨୮:୩୦ ☆ ୧:୩୦ ୧:୩୦ ପେରିଡ୍ ୧୭:୧୯-୪୦

ସେନ୍ତାରିସେ ଗଟେକ୍ ଜୁଇଦେ ମୁଇ ମିସା ପିଲିପିଡେଇ ରଇଲାବେଲେ ଅଇଲାଟା ତମେ ଦେକିଆଟାସ୍ । ଆରି ଏବେ ମିସା ସେ ଜୁଇଦେ ମୁଇ ଆଟି ବଲି ତମେ ସୁନି ଆଇଲାସ୍ନି ।

୨

କିରିସ୍ଟର ଦରମ୍ ଆରି ତାକ୍‌ପୁଟା

୧ ଜଦି କିରିସ୍ଟର ସଙ୍ଗ୍ ମିସିଲାଟ୍ ପାଇ ତମର୍ ମନ୍ ସାର୍ଦା ଅଇଲାଆଟେ, ଆରି ତାର୍ ଆଲାଦର୍ ଲାଗି ସାନ୍ତି ପାଇଆଟାସ୍, ଜଦି ସୁକଲ୍‌ଆଡ଼ମାର୍ ସଙ୍ଗ୍ ମିସିବିଡିକରି ଆଟାସ୍, ଆରି ଜଦି କିରିସ୍ଟ ତମକେ ଜିବନ୍ ଦୁକାଇ ଦୟା ଦେକାଇଆଟେ, ୨ ସେନ୍ତାରିଆଲେ, ମୁଇ ତମକେ ଜୁଆର୍ କରି କଇଲିନି, ତମର୍ ତମର୍ ବିଡ଼ରେ ଗଟେକ୍ ମନ୍ ଉଆ । ଗଟେକ୍ ଲକ୍ ଆରି ଗଟେକ୍ ଲକ୍‌କେ ସମାନ୍ ଇସାବେ ଆଲାଦ୍ କରା । ଗଟେକ୍ ଚିନ୍ତା କରା ଆରି ତମର୍ ଆଡ଼ମାଇ ଗଟେକ୍ ଅଇକରି ତମର୍ ବାବ୍‌ବାଟା ଗଟେକ୍ ଅ । ଏନ୍ତାରି କରି ମକେ ପୁରାପୁରୁନ୍ ସାର୍ଦା କରାଆ । ୩ ବିନ୍ ଲକ୍‌ମନର୍ ଟାନ୍‌ନେଅନି ନିଜେ ବଡ଼ ଅଇବାକେ ଚେସ୍‌ଟା କରାନାଇ । ଅବ୍‌କା ବଡ଼ପନ୍ କାତା କଇବାକେ କାଇ ବିସଇ ମିସା କରାନାଇ । ତାର୍ ବାଦୁଲେ ନିଜ୍‌କେ ସାନ୍ କରା । ବିନ୍ ଲକ୍‌ର୍ ଟାନ୍‌ନେଅନି, ନିଜେ ମୁଇ ବଡ଼ ବଲି ବାବାନାଇ । ୪ ମର୍ ନିଜ୍‌ପାଇ କାଇଟାକଲେ ଅଦିକ୍ ନିକ ରଇସି ବଲି ଅବ୍‌କା ସେଟାସେ ବାବି ବାବି ରୁଆନାଇ । ବିନ୍ ଲକ୍‌ପାଇ ଜନ୍ ବିସଇ ନିକ ରଇସି, ସେଟାମିସା ଏତାଇରୁଆ । ୫ କିରିସ୍ଟ ଜିସୁର୍ ମନ୍ ଜେନ୍ତି ରଇଲା, ତମର୍ ମନ୍‌ମିସା ସେ ରକାମ୍ ଅ ।

୬ ସେ ପର୍‌ମେସରର୍ ପାରା ସବୁ ରକାମ୍ ରଇଲେ ମିସା, ତାର୍ ସଙ୍ଗ୍ ସମାନ୍‌ଅଇ ରଇବା ଅଦିକାର୍ ନିଜ୍‌ପାଇ ଦାରିକରି ରଇବି ବଲି ମନ୍ କରେ ନାଇ ।

୭ ତାର୍ ବାଦୁଲେ ସେ ନିଜେ ମନ୍‌କରି, ତାକେ ରଇଲା ସବୁଟା ଚାଡ଼ିଦେଇ ଗଟେକ୍ ଗଡ଼ିଦାଙ୍ଗ୍‌ଡାର୍ ରୁପ୍ ଦାରିଆଇଲା । ନର୍ ଲକ୍ ପାରା ଅଇକରି ନର୍ ଲକ୍‌ର୍ ବାନିମୁର୍ତି ଦାରି ଜାଡ଼ଅଇଲା ।

୮ ନର୍‌ଲକ୍ ପାରା ଅଇ ଆଇଲାପଟେ, ସେ ପର୍‌ମେସରର୍ ଆଦେସ୍ ମାନିକରି, ନିଜ୍‌କେ ଆରି ଅଦିକ୍ ସାନ୍‌କଲା । ଲକ୍‌ମନ୍ ମରାଅଡ଼ବଲି ସର୍‌ପାଇଅଇଲା । ଅବ୍‌କା ମର୍‌ବାକେ ନାଇ, ମାତର୍ କୁରୁସ୍ କାଟେ କୁଟିମାରାଇଅଇ ଚଗାଇଅଇବାକେ ମିସା ।

୯ ତେବର୍‌ପାଇ ପର୍‌ମେସର୍ ତାକେ ସବୁର୍‌ତେଇଅନି ଉପରେ ଉଟାଇଲା । ଆରି ସବୁର୍ ନାଉଁଟାନ୍‌ନେଅନି ଅଦିକ୍ ତାକ୍‌ପୁଟା ଆରି ଅଦିକାର୍ ରଇବା ନାଉଁ ତାକେ ଦେଲା ।

୧୦ ଜେନ୍ତିକି ସରଗ୍‌ପୁରେ, ମର୍‌ପୁରେ ଆରି ପାତାଲେ ରଇବା ସବୁ, ଜିସୁକେ ମାଣ୍ଡିକୁଟା ଦେଇ ଜୁଆର୍ କର୍‌ବାଇ । ସେଟାପାଇ ପର୍‌ମେସର୍ ଏ ସବୁ କଲାଆଟେ ।

୧୧ ଆରି ସବୁ ଲକ୍ ଜିସୁକିରିସ୍‌ସେ ମାପରୁ ବଲି ମାନିଅଇବାଇ । ଏନ୍ତାରି ଅଇଲେ ବାବା ପର୍‌ମେସର୍ ତାକ୍‌ପୁଟା ପାଇସି ।

ପୁର୍‌ତିବିତେଇ ଉଜଲ୍‌ଅଇ ରୁଆ

୧୨ ତେବର୍ ପାଇ, ଏ ମର୍ ଆଲାଦର୍ ମଇତର୍‌ମନ୍, ତମେ ଜେନ୍ତାରିକି, ମାପରୁର୍ ଆଦେସ୍ ମାନିକରି ରଇଆଟାସ୍, ଜାଗିରଇ ଡରିକରି ତମର୍ ମୁକ୍ତିର୍ କାମ୍ ପୁରାପୁରୁନ୍ କରା । ମୁଇ ରଇଲାବେଲେସେ ନାଇ, ମାତର୍ ମୁଇ ଦୁରିକେ ରଇଲେ ମିସା ଏଟା କରା । ୧୩ ପର୍‌ମେସର୍ ନିଜେ ତମର୍ ବିଡ଼ରେ ଏ କାମ୍ କଲାପାଇ ତମେ ଏଟା କରିପାର୍‌ସା । ତମକେ ଜାଇଟା କରଡ଼ ବଲି ସେ ମନ୍ କଲାନି, ସେ ସମାନ୍ ମନ୍ କର୍‌ବାଟା, ତମକେ ମିସା ଦେଇସି । ଆରି ସେଟା କର୍‌ବାକେ ବପୁ ମିସା ଦେଇସି ।

୧୪ ମୁର୍‌ମୁରା ଆରି କିରଜାଟି ନ ଅଇକରି ସବୁ ଲକ୍‌ଜାକ କାମ୍ କରା । ୧୫ ଏନ୍ତାରିକଲେ, ତମେ କାରାପ୍ କାମ୍ କଲାସ୍ନି ବଲି ବିନ୍‌ଲକ୍ କାଇ ଦସ୍ ନ ଦାରଡ଼ ଆରି ତମେ ସୁକଲ୍ ଅଇସା । ପାପ୍‌କରି କାରାପ୍ କାମ୍ କର୍‌ବା ଲକ୍‌ମନର୍ ମଜାଇ ପର୍‌ମେସରର୍ ସିଦ୍ ପିଲାଟକି ଇସାବେ ତମେ ରଇସା । ତାକର୍ ବିଡ଼ରେ ଆନ୍ଦାର୍ ଜଗତେ ଉଜଲ୍ ଜଟକଲା ପାରା ତମର୍ ଚଲାଚଲ୍‌ତି ଡିସ୍‌ସି । ୧୬ ନ ସାର୍‌ବା ଜିବନ୍‌ର୍ କବର୍ ସବୁ ଲକ୍‌କେ ଜାନାଆ । ଏନ୍ତାରିକଲେ, କିରିସ୍ଟ ବାଅଡ଼ବା ଦିନେ ମୁଇ ତମର୍ ବିସଇର୍ ଲାଗି ବଡ଼ପନ୍ ଅଇବି । ତମର୍ ବିଡ଼ରେ ଆବଡ଼ ଅଇକରି କିରିରଇବା କାମ୍ ତୁଟାଇ ଅଏ ନାଇ ବଲି ସେ ଦିନେ ଡିସ୍‌ସି ।

୧୭ ସୁବ୍‌କବର୍ ବିସ୍‌ବାସ୍ କଲାପାଇ, ତମେ ଜେନ୍ତାରି ଦୁକ୍ କସ୍‌ଟ ପାଇକରି ମୁର୍‌ଚ୍‌ଲାସ୍ନି, ସେନ୍ତାରିସେ ମୁଇ ମିସା ସୁବ୍‌କବର୍ ଜାନାଇଲାର୍ ପାଇ ଦୁକ୍ କସ୍‌ଟ ପାଇକରି ମରିମିସା ଜିବି । ସେନ୍ତାରିଅଇଲେ ମିସା ମୁଇ ନିଜେ ସାର୍‌ଦା ଅଇ ତମର୍‌ସଙ୍ଗ୍ ସାର୍‌ଦା କର୍‌ବି । ୧୮ ସେନ୍ତାରିସେ ତମେମିସା ସାର୍‌ଦା ଅଇକରି ମର୍‌ସଙ୍ଗ୍ ସାର୍‌ଦା କର୍‌ବାର୍ ଆଟେ ।

ତିମତି ଆରି ଏପାପର୍‌ଦିଡ଼

୧୯ ଜଦି ମାପରୁ ମନ୍‌କଲେ, ତିମତିକେ ତମର୍‌ଟାନ୍‌ନେ ଦାପ୍‌ରେ ପାଟାଇବାକେ ମନ୍ କଲିନି । ତାର୍‌ଟାନ୍‌ନେଅନି ତମେ ନିକ ଆଟାସ୍ ବଲି ସୁନ୍‌ଲେ, ମୁଇ ମିସା ସାର୍‌ଦା ଅଇବି । ୨୦ ତିମତିକେ ଚାଡ଼ିଦେଲେ

ଆରି ତମର ବିସଇ କେ ମିସା, ଅଦିକ୍ ଚିନ୍ତା କରବା ଲକ୍ ମର ଲଗେ ନାଇ । ସେ ତମର ଦୁକ୍ ସୁକ୍ ବିସଇନେଇ ସତଇସେ ଚିନ୍ତା କରସି । ୨୧ ମୁଇ କାଇକେ ଏନ୍ତାରି କଇଲିନି ବଇଲେ, ସବୁ ଲକ୍ ନିଜର ନିଜର ମନ୍ କଲାଟା ପୁରାପୁରୁନ୍ କରବାକେ ମନ୍ କରବାଇ । ଜିସୁକିରିସ୍ତ ମନ୍ କଲାଟା ପୁରାପୁରୁନ୍ କରବାକେ ମନ୍ କରତ୍ ନାଇ । ୨୨ ତମେତା ଜାନିଆଟାସ, ତିମତି ନିଜକେ ସତ୍‌ବାବେ କାମ୍ କରବା ଲକ୍ ପାରା ଦେକାଇଅଇଆଟେ । ସେ ଜେନ୍ତିକି ଗଟେକ୍ ପଅ, ତାର୍ ବାବା ସଙ୍ଘ୍ ସେବା କରସି, ସେନ୍ତାରିସେ ସେ ମରସଙ୍ଘ୍ ସୁବକବର ଜାନାଇବା କାମେ ମିସିଆଟେ । ୨୩ ତେବର୍ ପାଇ, ମକେ କାଇଟା ଗଟ୍‌ସି, ସେଟା ଜାନିଲା ଦାପ୍‌ରେ, ତାକେ ତମର ଲଗେ ପିଲିପିଡେଇ ପାଟାଇବି ବଲିକରି ଆସା କଲିନି । ୨୪ ମୁଇ ମାପୁରୁର୍ ଲଗେ ବିସ୍‌ବାସ୍ କଲିନିଜେ, ମୁଇ ନିଜେ ମିସା ଦାପ୍‌ରେ ତମ୍‌କେ ଦେକ୍‌ବାକେ ଆଇବି ।

୨୫ ମାତର୍ ଆମର୍ ବାଇ ଏପାପର୍‌ଦିତକେ ତମ୍‌ଟାମେ ପାଟାଇବି ବଲି ମୁ ମନେ ମନେ ବାବ୍‌ଲିନି । ସେ ମର୍ ସଙ୍ଘ୍ କାମ୍ କରି ସୁବକବରର୍ ଦେକାରକା ପାଇ ଆବଡ୍ କଲା । ତମର ବାଦୁଲେ ମର ସବୁ ବିସଇ ପୁରାପୁରୁନ୍ କରବାକେ ତାକେ ତମେ ପାଟାଇରଇଲାସ୍ । ୨୬ କାଇକେ ବଇଲେ ସେ ତମ୍‌କେ ଦେକ୍‌ବାକେ ବେସି ମନ୍ କଲାନି । ଆରି ତାକେ ବେମାର୍ ଦାରାଇ ଅଇଆଟେ ବଲିକରି ତମେ ସୁନିକରି ଦାନ୍ଦାପାନ୍ଦା ଅଇରଇଲାସ୍ ବଲି ସେ ଜାନିରଇଲା । ୨୭ ଓଁ, ସେ ମର୍‌ବା ଉପ୍‌ରେ ରଇଲା । ଆରି ପର୍‌ମେସର୍ ତାକେ ଦୟାକଲା । ଅବ୍‌କା ତାକେସେ ନାଇ, ମାତର୍ ଜେନ୍ତିକି ମର୍‌ପାଇ ଦୁକ୍‌ଉପ୍‌ରେ ଦୁକ୍ ନ ଆସ ବଲି ମକେ ମିସା ଦୟାକଲା । ୨୮ ତେବର୍‌ପାଇ ମୁଇ ତାକେ ଆରିତରେକ୍ ବେସି ସାର୍‌ଦା ସଙ୍ଘ୍ ପାଟାଇଲିନି । ଜେନ୍ତିକି ତମେ ତାକେ ଆରିତରେକ୍ ଦେକି ସାର୍‌ଦା ଅଇସା ଆରି ମୁଇ ମିସା ଦୁକ୍ ନ କରି । ୨୯ ତେବର୍‌ପାଇ ତାକେ ଗଟେକ୍ ବିସ୍‌ବାସି ବାଇ ଇସାବେ ସାର୍‌ଦା ସଙ୍ଘ୍ ତାକିନିଆ । ତାର୍‌ପାରା ଲକ୍‌ମନ୍‌କେ ସନ୍‌ମାନ୍ ଦିଆସ୍ । ୩୦ କାଇକେବଇଲେ କିରିସ୍‌ଟର୍ ଲାଗି ବଲିକରି ସେ ତାର୍ ଜିବନ୍ ବିପଦେ ପାକାଇଲା । ଆରି ତମେ ମର୍‌ଲାଗି ବଲିକରି ସେବାକାମେ ଜାଇଟାସବୁ ଉନା ଅଇଲାଆଟେ, ସେଟା ସବୁଜାକ ସେ ପୁରାପୁରୁନ୍ କଲା ।

### ୩

#### ସତ୍‌ବାବ୍‌ରେ ଦରମ୍‌କରୁ

୧ ସାରାସାରି ପଟେ ଏ ମର୍ ବାଇବଇନିମନ୍, ମୁଇ ତମ୍‌କେ ଆଗତୁ କଇଲାଟା ଆରିତରେକ୍ କଇବାକେ ମକେ ବିଜାର୍ ଲାଗେନାଇ । କାଇକେବଇଲେ ସେନ୍ତାରି କଲେ ବୁଲ୍ ବିସଇ ସିକାଉମନର୍‌ଟାମେଅନି ତମେ ଜାଗର୍‌ତ୍ ଅଇରଇସା । ୨ କୁକୁର୍‌ମନର୍ ପାରା ରଇବା ସେନ୍ତାରି ଲକ୍‌ମନର୍ ଟାମେଅନି ଜାଗର୍‌ତା ରୁଆ । କାଇକେବଇଲେ ସେମନ୍ କାରାପ୍ ବିସଇ କଲାଲିନି । ବିସ୍‌ବାସି ଅଇବା ମନସ୍ ପିଲାମନ୍ ସବୁ ସୁନଡ୍ ଅଇବାର୍ ଆଟେ ବଲି କଇଲାଲିନି । ୩ କାଇକେ ବଇଲେ ଆମେସେ ସତଇସେ ପର୍‌ମେସର୍‌ର ଲକ୍ । ଆମେସେ ସୁକ୍‌ଲ୍‌ଆଡ୍‌ମାର୍ ସାଇଜ ସଙ୍ଘ୍ ପର୍‌ମେସର୍‌କେ ଜୁଆର୍ କଲୁନି । ଆମେ ଜିସୁ କିରିସ୍‌ଟକେ ତାକ୍‌ପୁଟା କଲୁନି । ଆମର୍ ନିଜର୍ ରିତିନିତି ସେ ମୁକିଅ ବଲି ଚଲୁନାଇ । ୪ ମୁଇତା ଆମର୍ ରିତିନିତି ଇସାବେ ଚାଲ୍‌ବାକେ ଅଦିକ୍ ମନ୍ କରତି । ଜଦି କେଆଲେ ବିନ୍ ଲକ୍ ରିତିନିତିକେ ଆସା କରବାଇ, ସେନ୍ତାରିଆଲେ ସେମନର୍‌ତେଇଅନି ମୁଇ ଅଦିକ୍ କରତି । ୫ ପର୍‌ମେସର୍ ଆମର୍ ଆନିଦାଦିମନ୍‌କେ ତିଆର୍‌ଲାପାରା ଗଟେକ୍ ଆର୍ ଅଇଲାକେ ମକେ ସୁନଡ୍ କରିରଇଲାଇ । ମୁଇ ଗଟେକ୍ ଇସରାଏଲର୍ ଲକ୍ । ଦେକ୍‌ବାକେ ଗାଲେ ମୁଇ ବେନ୍‌ଜାମିନ୍ କୁଟୁମର୍ ଲକ୍ । ମୁଇ ଗଟେକ୍ ଏବ୍‌ରିଅ ଆରି ଆମର୍ ଆନିଦାଦିମନ୍ ମିସା ଏବ୍‌ରିଅ ରଇଲାଇ । ମସାର୍ ରିତିନିତି ମାନ୍‌ବାକେ ଗଟେକ୍ ପାରୁସି ପାରା ରଇଲି । ୬ ପର୍‌ମେସର୍ ମନ୍‌କଲାଟା ପୁରାପୁରୁନ୍ କରବାକେ ମୁଇ ବେସି ମନ୍ କଲି ଆରି ସେନ୍ତାରି କରୁ କରୁ ଜିସୁର୍ ସିସ୍‌ମନ୍‌କେ କସ୍‌ଟ ଦେଲି । ଆମର୍ ଜିଉଦି ନିୟମ୍ ସବୁ ପୁରାପୁରୁନ୍ ମାନ୍‌ଲାର୍ ପାଇ ଜଦି ଗଟେକ୍ ଲକ୍ ଦରମ୍ ଅଇପାର୍‌ତା ବଇଲେ, ମୁଇ ସେନ୍ତାରି ଅଇତି । କାଇକେବଇଲେ ମୁଇ ସେ ସବୁ ନିୟମ୍ ମାନ୍‌ତେରଇଲି । ୭ ମାତର୍ ଆଗେ ମୁଇ ଜେଡ୍‌କି ସବୁ ବିସଇ ବେସି ମୁଲିଅ ଆଟେବଲି ବାବ୍‌ତେରଇଲି, ଏବେ କିରିସ୍‌ଟର୍ ସଙ୍ଘ୍ ମିସ୍‌ଲାର୍ ପାଇ ସେଟାମନ୍ ସବୁ ରୁଟାଇସେ ବଲି ଜାନ୍‌ଲିନି । ୮ ସେଡ୍‌କିସେ ନର୍‌ଏ ଆଗତୁ ଜେଡ୍‌କି ସବୁ ବିସଇ ପର୍‌ମେସର୍‌କେ ସାର୍‌ଦା କରାଇବାକେ କର୍‌ତେରଇଲି, ଜିସୁ କିରିସ୍‌ଟକେ ମର୍ ମାପୁର୍ ବଲି ମାନ୍‌ଲାଡେଇଅନି, ସେଟା ରୁଟାଇସେ ବଲି ଜାନ୍‌ଲିନି । ତାର୍‌ପାଇ ମୁଇ ସବୁ ବିସଇ ଚାଡିଦେଲିଆଟି । କିରିସ୍‌ଟର୍ ସିସ୍ ଅଇବି ବଲିକରି ସେଟାମନ୍ ରୁଟାଇସେ ବଲି ଏଡ୍‌କଲିନି । ୯ ଜେନ୍ତାରି କି ମୁଇ ତାର୍ ସଙ୍ଘ୍ ପୁରାପୁରୁନ୍ ମିସିରଇବି । ରିତିନିତି ମାନିକରି ପର୍‌ମେସର୍‌ର ମୁଆଟେ ଦରମ୍ ଲକ୍ ଅଇବି ବଲି ଚେସଟା କର୍‌ତେରଇଲି, ଏବେ ସେଟା ସବୁ ଚାଡିଦେଲି । ତାର୍ ବାଦୁଲେ କିରିସ୍‌ଟକେ ବିସ୍‌ବାସ୍ କଲାପ୍‌ପାଇ ପର୍‌ମେସର୍ ମକେ ଦରମ୍ ଲକ୍ ଇସାବେ ଦେକ୍‌ଲାନି । ୧୦ ମୁଇ କିରିସ୍‌ଟକେ ଜାନ୍‌ବି ବଲି ମନ୍ କଲିନି । ଆରି ପର୍‌ମେସର୍ ତାକେ ଜନ୍ ବପୁସଙ୍ଘ୍ ମଲାଡେଇଅନି ଉଟାଇଲା, ସେ ବପୁ ମୁଇ ମର୍

✧ ୩:୫ ୩:୫ ରମିୟ ୧୧:୧; ପେରିଡ୍ ୨୩:୨;୨୬:୫ ✧ ୩:୬ ୩:୬ ପେରିଡ୍ ୮:୩;୨୨:୪;୨୨:୯-୧୧

ଜିବନେ ମିଲାଇବି ବଲି ଆସା କଲିନି । ସେ ଜେନ୍ତାରି ମର୍ପପାଇ ଦୁକ୍ କସ୍ତ ପାଇଲା, ସେନ୍ତାରିସେ ମୁଇମିସା ତାରପାଇ ଦୁକ୍ କସ୍ତ ପାଇବି ଆରି ତାର ମରନେ ମିସ୍ବି ।<sup>୧୧</sup> ସେନ୍ତାରି ପର୍ମେସର୍ ଜେଡ୍‌କି ଲକ୍‌କେ ମଲାତେଇଅନି ଜିବନ୍ କରି ଉଟାଇସି, ସେମନର୍ ବିଡ୍‌ରେଅନି ମୁଇ ଗଟେକ୍ ଲକ୍ ଅଇବି ।

**ପୁରୁସ୍କାର୍ ପାଇବାକେ ପାଲାଇଲିନି**

<sup>୧୨</sup> ଏ ସବୁ ବିସଇ ମୁଇ କରିସାରାଇ ଆତି ବଲି କଇନାଇ । ପର୍ମେସର୍ ମକେ ସିଦ୍ କରି ସାରାଇଆଚେ ବଲି ମିସା ମୁଇ କଇନାଇ । ମାତର୍, କିରିସ୍‌ଟର୍ ପାରା ଅଇବାକେ ମୁଇ ବେସି ଚେସ୍‌ଟା କଲିନି । ସେଟାରପାଇ କିରିସ୍‌ଟ ମକେ ବାବ୍‌ଲା ଆଚେ ।<sup>୧୩</sup> ନାଇ, ମର୍ ବାଇବଇନିମନ୍, ଏ ସବୁଜାକ କିରିସାରାଇଆତି ବଲି ମୁଇ କଇନାଇ । ମାତର୍ ଅଦିକ୍ ଗଟେକ୍ ମୁକିଅ ରଇବା ବିସଇ ମୁଇ କଲିନି, । ଜେଡ୍‌କି ସବୁ ବିସଇ ଅଇସାରଲା ଆଚେ, ସେଟା ସବୁ ପାସରି ଚାଡ଼ିଦେଇକରି କିରିସ୍‌ଟ ଜନ୍ ରକାମ୍ ମକେ ଅଇବାରୁଆଚେ ବଲି ମନ୍ କଲାନି, ସେନ୍ତାରି ଅଇବାକେ ମୁଇ ଚେସ୍‌ଟା କଲିନି ।<sup>୧୪</sup> ମର୍ ସାରାସାରି ଜାଗାଇ କେଟ୍‌ବା ଜାକ ଆଗତୁ ଆଗତୁ ଗାଲିନି । ଜେଡ୍‌କି ମୁଇ ସର୍ଗେ ପୁରୁସ୍କାର୍ ପାଇବି । ଜିସୁକିରିସ୍‌ଟ ମର୍ପପାଇ ଜେଡ୍‌କି ବିସଇ କଲାଆଚେ, ସେଟାରପାଇ ସେ ପୁରୁସ୍କାର୍ ମୁଇ ସର୍ଗେ ପାଇବି ।

<sup>୧୫</sup> ସେନ୍ତାରୁଆଲେ ଆସା, ଆମେ ଜେଡ୍‌କି ଲକ୍ ସୁକଲ୍ ଅଇଆରୁ, ଏ ରକାମ୍ ବିସଇ ସମାନ୍ ଇସାବେ ଚିନ୍ତା କର୍ତେରଉଁ । ଆରି ଜଦି ଏ ସବୁ ବିସଇପାଇ ତମେ ମର୍ ସଙ୍ଗ୍ ରାଜି ଉଆସନାଇ, ଟିକ୍ ସଙ୍ଗ୍ ଚିନ୍ତା କର୍ବାକେ ପର୍ମେସର୍ ତମ୍‌କେ ସାଇଜ କର୍ସି ।<sup>୧୬</sup> କେନ୍ତ୍ର ମିସା ପର୍ମେସର୍ ଜେଡ୍‌କି ବିସଇ ସବୁ ଆମ୍‌କେ ଦେକାଇ ସାରାଇଆଚେ, ସେ ସବୁଜାକ ଆମେ ମାନ୍‌ବାରୁ ଆଚେ ।

<sup>୧୭</sup> ଏ ମର୍ ବାଇବଇନିମନ୍, ମୁଇ ଜେନ୍ତାରି କଲିନି, ତମେ ମିସା ସେନ୍ତାରିସେ କରା । ଆମେ ତମର୍ ସଙ୍ଗ୍ ରଇଲାବେଲେ ଜେଡ୍‌କି ଚଲାଚଲ୍‌ତି କର୍ତେରଇଲୁ, ସେଟା ଜାଗର୍‌ଡ୍ ସଙ୍ଗ୍ ଦେକା ଆରି ସେନ୍ତାରି ଚଲାଚଲ୍‌ତି କରା ।<sup>୧୮</sup> କାଇକେ ବଇଲେ ମୁଇ ତମ୍‌କେ ଆଗତୁ କେତେତର୍ କଇ ସାରାଇଆତି, ଆରି ଏବେ ବେସି ଦୁକ୍‌କର୍ ସଙ୍ଗ୍ କାନ୍ଦିକରି କଇଲିନି, ବେସି ଲକ୍ କିରିସ୍‌ଟର୍ ବିରଦି ଇସାବେ ଚଲାଚଲ୍‌ତି କର୍ବାଇ ।<sup>୧୯</sup> ସାରାସାରି ପର୍ମେସର୍ ସେମନ୍‌କେ ବିନାସ୍ କର୍ସି । ସେମନ୍ ଅବ୍‌କା ଗାଗଡ୍ ମନ୍ କର୍ବାଟା ପୁରାପୁରୁନ୍ କର୍ବାକେ ମନ୍ କଲାଇନି । ଲାଜର୍ ବିସଇ କରି ସାରଦା କଲାଇନି । ଅବ୍‌କା ଏ ଜଗତର୍ ବିସଇସେ ଚିନ୍ତା କଲାଇନି ।<sup>୨୦</sup> ମାତର୍ ଆମେତା ସରଗର୍ ଲକ୍‌ମନ୍, ସେ ଜାଗାଇଅନି ଆମର୍ ଉଦାରକାରିଆ ମାପୁରୁ ଜିସୁକିରିସ୍‌ଟ ବାଉଡି ଆଇବା ବେଲାକେ ଆମେ ଜାଗ୍‌ଲୁନି ।<sup>୨୧</sup> ଜେଡ୍‌କି ତାକେ ଜଗତର୍ ସବୁ ବିସଇ ସର୍ପିଅଇବାଇ, ସେନ୍ତାରି ତାରଟାନେ ବପୁ ଆଚେ । ସେ ବପୁସଙ୍ଗ୍ ଆମର୍ ମର୍ବା ଗାଗଡ୍‌ମନ୍‌କେ ନୁଆ କରି ବାଦ୍‌ଲାଇସି । ପର୍ମେସର୍ ତାକେ ଜିବନ୍ କରି ଉଟାଇଲାବେଲେ, ସେ ଜନ୍ ମଇମାର୍ ଗାଗଡ୍ ପାଇରଇଲା, ସେନ୍ତାରି ରଇବା ମଇମାର୍ ଗାଗଡ୍ ଆମ୍‌କେ ମିସା ଦେଇସି ।

**୪**

**ସିକିଆ ଆରି ଆଦେସ୍**

<sup>୧</sup> ତେବର୍ ପାଇ ଏ ମର୍ ବିସବାସି ବାଇବଇନିମନ୍, ମୁଇ ତମ୍‌କେ ଆଲାଦ୍ କରି ଦେକ୍‌ବାକେ ମନ୍ କଲିନି, ତମେ ମକେ ବେସି ସାରଦା କରାଇଲାସିନି ଆରି ତମେ ଆକା ମର୍ ପୁରୁସ୍କାର୍ । ମର୍ ମଇତର୍‌ମନ୍, ମୁଇ ତମ୍‌କେ ଜେଡ୍‌କି ବିସଇ କଇଆତି, ସେନ୍ତାରିସେ ମାପୁରୁଟାନେ ବିସବାସେ ତାଟ୍ ରୁଆ ।

<sup>୨</sup> ଇୟଦିଆକେ ଆରି ସନ୍ତୁକେ ମୁଇ ବାବୁଜିଆକରି କଇଲିନି, ତମେ ଦୁଇଲକ୍ ଜାକ ମାପୁରୁର୍ ଲକ୍ ଅଇଆଟାସ୍ । ତେବର୍ ପାଇ ତମର୍ ବିଡ୍‌ରେ ଗଟେକ୍ ମନ୍ ଅଇ ରାଜିଉଆ ।<sup>୩</sup> ଆରି ବାଇ ଜେ କି ସବୁବେଲେ ମକେ ସାଇଜ କର୍ସୁ, ଏ ଦୁଇଟା ମାଇଜିମନ୍ ସାନ୍ତି ସଙ୍ଗ୍ ରଇବାକେ ତୁଇ ସାଇଜ କର୍ । କାଇକେବଇଲେ ସୁବ୍‌କବର୍ ଜାନାଇବା କାମେ ସେମନ୍ ମର୍ସଙ୍ଗ୍ ରଇକରି ବେସି ଆବଡ୍ ଅଇଲାଇ ଆଚଡ୍ । ସେନ୍ତାରିସେ କେଲେମେନ୍‌ଟ ଆରି ବିନ୍ ଲକ୍‌ମନ୍ ମିସା ମର୍ ସଙ୍ଗ୍ କାମ୍ କର୍ତେରଇଲାଇ । ପର୍ମେସର୍ ତାର୍ ବଇଟାନେ ସେମନ୍‌ର୍ ସବୁ ଲକ୍‌କର୍ ନାଉଁ ଲେକ୍‌ଲା ଆଚେ । ସେ ସବୁ ଲକ୍ ନ ସାର୍‌ବା ଜିବନ୍ ପାଇଲାଇ ଆଚଡ୍ ।

<sup>୪</sup> ମାପୁରୁର୍ ସଙ୍ଗ୍ ମିସିରଇଲାପାଇ ସବୁବେଲେ ସାରଦା ଅଇକରି ରୁଆ । ମୁଇ ଆରିତରେକ୍ କଇଲିନି ସାରଦା ଅଇକରି ରୁଆ ।

<sup>୫</sup> ଦରମ୍ ଅଇକରି ସବୁ ଲକ୍‌କର୍ ସଙ୍ଗ୍ ଚଲାଚଲ୍‌ତି କରା । ମାପୁରୁ ଆଇବା ଦିନ୍ କେଟି ଆଇଲାନି ବଲି ପାସରାନାଇ ।<sup>୬</sup> କାଇ ବିସଇ ନେଇକରି ମିସା ଚିନ୍ତା କରି ଦାନ୍ଦା ଉଆନାଇ । ତାର୍ ବାଦୁଲେ ସବୁ ଗଟ୍‌ନା ଅଇଲା ବେଲେ, ତମ୍‌କେ ଜାଇଟା ଲଡା ଆଚେ, ସେ ବିସଇ ପର୍ମେସର୍‌କେ ଗୁଆରି କରା । ଆରି ପାର୍‌ତନା କଲାବେଲେ, ତାକେ ଦନିଅବାଦ୍ ମିସା ଦିଆସ୍ ।<sup>୭</sup> ଏନ୍ତାରି କଲେ, ପର୍ମେସର୍ ତମ୍‌କେ ସାନ୍ତି

☆ ୩:୧୭ ୩:୧୭ ୧ମ କରନ୍ତିୟ ୪:୧୭;୧୧:୧

ଦେଇସି । ଏ ସାନ୍ତି ଲକ୍ଷ୍ମୀନ୍ ବୁଦ୍ଧବା ସାନ୍ତିରପାରା ନାଇ । କିରିସ୍ତ ଜିସୁସ୍ ସଙ୍ଗ୍ ମିସ୍ଲାର୍ପାଇ ଜଦି ଏ ସାନ୍ତି ତମେ ପାଇଲେ, ତମର୍ ଜିବନେ କସ୍ତ ଆଇଲେ ମିସା ନ ଡରିକରି, ଚିନ୍ତାକରି ଦାନ୍ଦା ନ ଅଇବାକେ ସାଇଜ କରସି ।

୮ ସାରାସାରି ପଟେ ଏ ମର୍ ବାଇବଇନିମନ୍, ଜେଡକି ସବୁ ବିସଇ ନିକ ରଇସି, ଜେଡକି ସବୁ ବିସଇ ସନ୍ମାନ ପାଇସି, ଜନ୍ ସବୁ ବିସଇ ସତ୍ ରଇସି, ଜନ୍ ସବୁ ବିସଇ ପାପ୍ ନଇତେ ରଇସି, ଜନ୍ ସବୁ ବିସଇ ଦରମ୍ ରଇସି, ଆରି ଡାକ୍ପୁଟା ରଇସି, ଏ ସବୁ ବିସଇନେଇ ଚିନ୍ତା କରା । ୯ ତମ୍‌କେ ମୁଇ ଜେଡକି ସବୁ ବିସଇ ସିକାଇରଇଲି, ଆରି ତମେ ମାନିରଇଲାଇ ସେଟା ସବୁ କର୍ତେତରୁଆ । ମୁଇ ଜେଡକି ବିସଇ କଇତେରଇଲି, ସେଟା ସୁନ୍‌ତେରଇଲାଇ ଆରି ଜେଡକି ବିସଇ କର୍ତେତରଇଲି, ସେଟା ଦେକିରଇଲାଇ, ସେଟା ସବୁ କର୍ତେତରୁଆ । ପର୍ମେସର୍ ତମ୍‌ସଙ୍ଗ୍ ରଇ ତମ୍‌କେ ସାନ୍ତି ଦେଇସି ।

**ଦାନ୍ ଦେବାର୍‌ଲାର୍‌ଗି ଦନିଅବାଦ୍**

୧୦ ମାପ୍‌ରୁର୍ ସଙ୍ଗ୍ ମିସ୍ଲାର୍ ପାଇ ମୁଇ ବେସି ସାର୍‌ଦା ଅଇଲିନି । କାଇକେବଇଲେ, ମକେ ଲଡାକେ ଲାଗ୍‌ବାଟା ପାଟାଇଦେଲାଇକେ ତମେ ମର୍ ବିସଇ ଚିନ୍ତା କଲାସିନି ବଲି ମୁଇ ଜାନ୍‌ଲିନି । ତମର୍ ଆଲାଦ୍ ଦେକାଇବାକେ ଏବେସେ ତମ୍‌କେ ବେଲା ଚିକ୍ ଅଇଲା । ୧୧ ମକେ ଲଡାକେ ଲାଗ୍‌ବା ବିସଇ ମର୍‌ଲଗେ ନ ରଇଲାଇକେ ବଲି ଏନ୍ତାରି କଇନାଇ । କାଇକେବଇଲେ ମର୍ ଜିବନର୍ କାଇ ରକାମର୍ ଗଟ୍‌ନା ଆଇଲେ ମିସା, ସାର୍‌ଦା ସଙ୍ଗ୍ ରଇବାକେ ସିକ୍‌ଲିଆଟି । ୧୨ ଅଲପ୍‌କେ ମିସା ସାର୍‌ଦାସଙ୍ଗ୍ ରଇବାକେ, କି ବୁଡେକ୍ ରଇଲେ ମିସା ସାର୍‌ଦା ସଙ୍ଗ୍ ରଇବାକେ ସିକ୍‌ଲିଆଟି । ପେଟ୍ ପୁର୍ତେ କାଇଲେମିସା, କି ବୁକେ ରଇଲେ ମିସା, ଲଡାକେ ଆଇବା ସବୁ ବିସଇ ରଇଲେ ମିସା, ନ ରଇଲେ ମିସା, ସାର୍‌ଦାସଙ୍ଗ୍ ରଇବାକେ ମୁଇ ଜାନି । ୧୩ ଏ ସବୁ ଗଟ୍‌ନା ଆଇଲେ ମିସା ମୁଇ ମୁର୍ଚିକରି ରଇବାକେ ସିକ୍‌ଲିଆଟି । କାଇକେବଇଲେ, କିରିସ୍ତ ମକେ ବପୁ ଦେଲାନି ।

୧୪ ଏନ୍ତାରି ଅଇଲେ ମିସା ଅବାବ୍ ରଇଲା ବେଲାଇ, ତମେ ମକେ ଦୟାଦେକାଇ ମର୍‌ପାଇ ସାଇଜ ପାଟାଇଲାସ୍ । ୧୫ ପିଲିପିଅତେଇ ରଇବା ବାଇବଇନିମନ୍, ତମେ ସତଇସେ ଜାନିଆଟାସ୍, ସିଗ୍ ପର୍‌ଡୁମ୍ ସୁବ୍‌କବରର୍ ବିସଇ ସିକାଇବା ବେଲେ, ମୁଇ ମାକେଦନିଆଇଅନି ଜେଡେବଲ୍ ବାରଇ ଜାଇରଇଲି, । ବିସ୍‌ବାସି ମନର୍ ଦଲ୍ ବିଡ୍‌ରେ, ତମର୍ ମଣ୍ଡଲିର୍ ବିସ୍‌ବାସିମନ୍‌ସେ ମକେ ଡାବୁ ଦାନ୍ କରୁରଇଲାସ୍ । ୧୬ ଡେସଲିନିକିଆ ନଅରେ ରଇବାବେଲେ ମିସା ମକେ ଲଡା ରଇଲାବେଲେ, ତମେ ଦୁଇତର୍ ଦାନ୍ ପାଟାଇଲାସ୍ । ୧୭ ତମ୍‌କେ ମୁଇ ଦାନ୍ ପାଟାଇତେରଅଡ୍ ବଲି ଏନ୍ତାରି କଇନାଇ । ମାତର୍ ମକେ ସାଇଜ କଲାର୍ ପାଇ, ପର୍ମେସର୍ ତମ୍‌କେ ପୁରୁସ୍କାର ଦେଅ ବଲି ମୁଇ ମନ୍ କଲିନି । ୧୮ ତେବେ ତମେ ମର୍‌ପାଇ ପାଟାଇଲାଟା ସବୁଜାକ ମର୍‌ଗାନେ କେଟ୍‌ଲା ଆଟେ । ଆରି ସେଟା ମର୍‌ପାଇ ଅଦିକ୍ । ତମେ ପାଟାଇଲା ସବୁ ବିସଇ ଏପାପର୍‌ଦିସ୍ ମର୍‌ଲଗେ ଆନ୍‌ଲାଇକେ, ମକେ ଲଡାକେ ଆଇବା ସବୁ ମୁଇ ମିଲାଇଆଟି । ଏନ୍ତାରି କଲାଇକେ ତମେ ପର୍ମେସର୍‌କେ ସର୍‌ପି ଦେଲା ନିକ ବାସ୍‌ନା ଅଇବା ଦାନ୍ ପାରା ଅଇଲା ଆଟେ । ସେ ସେଟା ସଙ୍ଗ୍‌କରି ସାର୍‌ଦା ଅଇଲାଆଟେ । ୧୯ ଜିସୁକିରିସ୍ତ କରୁ ରଇବା କାମର୍ ଲାଗି, ବେସି ରଇବା ତାର୍ ଦନ୍‌ସ୍‌ପତି ଟାନେଅନି ସେ ତକେ ଲଡାକେ ଆଇବା ସବୁ ବିସଇ ଦେଇସି । ୨୦ ଆମର୍ ସରଗର୍ ବାବା ପର୍ମେସର୍ କାଲ୍ କାଲ୍ ଜୁଗ୍‌ଜୁଗ୍ ଡାକ୍‌ପୁଟା ପାଅ । ଆମେନ୍ !

**ସାରାସାରିର୍ ଜୁଆର୍**

୨୧ କିରିସ୍ତ ଜିସୁକେ ବିସ୍‌ବାସ୍ କର୍‌ବା ପର୍ମେସରର୍ ସବୁ ଲକ୍ଷ୍ମୀନ୍‌କେ ଜୁଆର୍ କରା । ମର୍‌ସଙ୍ଗ୍ ରଇବା ଆମର୍ ବିସ୍‌ବାସି ବାଇବଇନିମନ୍ ତାକର୍ ଜୁଆର୍ ଜାନାଇଲାଇନି । ୨୨ ଏ ନଅରେ ରଇବା ବାକି ସବୁ ପର୍ମେସରର୍ ଲକ୍ଷ୍ମୀନ୍ ତମ୍‌କେ ଜୁଆର୍ ଜାନାଇଲାଇନି । ଜନ୍ ବିସ୍‌ବାସିମନ୍, ଜନ୍‌ଲକ୍ କି ରମିଅ ସାସନ୍‌କାରିଆର୍ ଗତିଦାଙ୍ଗ୍‌ଡା ଅଇଲାଆଟଡ୍, ସେମନ୍ ତାକର୍ ଜୁଆର୍ ଜାନାଇଲାଇନି ।

୨୩ ମାପ୍‌ରୁ ଜିସୁକିରିସ୍ତ ତମ୍‌କେ ଜିବନ୍ ଦୁକାଇ ଦୟା କଲାଟା ତମର୍ ବିଡ୍‌ରେ ରଅ ।

## କଲସିଅ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କ ପତ୍ର କଲସିଅ ମଣ୍ଡଳୀର ବିସ୍ତରାସିମାନଙ୍କେ ପାଉଲ୍ ଚିଠି ଲେଖିଲାଟା ଏ ବଇର ବିସଇ ପଦେକ୍ ଜାନବାଟା

କଲସିଅତେଇ ଲେକିରଇବା ଚିଠି ଅଇଲାନି ପାଉଲ୍ ଲେକିରଇବାଟା୧:୧ । ଦେକ୍‌ବାକେ ଗାଲେ ଜିସୁକିରିସ୍‌ଟ ଜନମ୍‌ଅଇକରି ୭୦ କିରିସ୍‌ଟାଦ ପାକାପାକି ଲେକାଅଇଆଟେ । ରମ୍ ରାଇଜେ ବନ୍ଦି ରଇଲା ବେଲେ ସେ ଏ ଚିଠି ଲେକିରଇଲା । କଲସିଅ ବଇ ସଙ୍ଗ୍ ଏପିସିୟ ଆରି ପିଲିପିୟ ବଇମାନଙ୍କେ ମିସା ବନ୍ଦି ଗରୁ ବଇ ବଲି କଇବାଇ । କାଇକେବଇଲେ ପାଉଲ୍ ବନ୍ଦିଗରେ ରଇବା ବେଲେ ଏ ବଇ ଲେକିରଇଲା । ସେ କଲସିଅ ସଥରେ ରଇବା ମଣ୍ଡଳୀମାନଙ୍କେ ଏ ବଇ ଲେକିରଇଲା । ପାଉଲ୍ ଏ ମଣ୍ଡଳୀ ଆରାମ୍ ନ କରିରଇଲା, ଜନ୍‌ଟା ସେ ୨:୧ ତେଇ ଜାନାଇଆଟେ, ମାତର୍ ବେସି ଲକ୍ ତେଇ ତାର ଦାଇତେ ରଇବା କାତା ମନେପାକାଇଲାଇନି । ଏପାପରସ୍ ଏ ମଣ୍ଡଳୀ ତିଆରକିରଇଲା । ସେଟାରପାଇ ସେ କଲସିଅର୍ ଗଟେକ୍ ଲକ୍ ରଇଲା ।

ପାଉଲ୍ କଲସିଅ ମଣ୍ଡଳୀଟାନେ ଅଇତେରଇବା କେତେଟା ମିର୍ ସିକିଆର୍ପାଇ ବାବ୍‌ତେରଇଲା । ସେ ଚିଠିଟାନେ ଏ ବିସଇ ଲେକ୍‌ବାକେ ବେସି ଦିନ୍ ବିତାଇରଇଲା । ଅଇଲେ ଅଇରଇପାରେ କେତେଟା ଜିଉଦି ବିସ୍ତରାସିମନ୍ ଜନ୍‌ଲକ୍‌ମନ୍ କି ବିନ୍ କେତେଟା ବିସ୍ତରାସିମାନଙ୍କେ ପୁରନା ନିୟମର୍ ଜିଉଦି ରିତିନିତି ନିକସଙ୍ଗ୍ ମାନବାକେ ବାଦିଅ କର୍ତ୍ତେରଇଲାଇ । ସେମନ୍ ସୁନତ୍ ବିଦିର୍ ନିୟମ୍ ମାନବାକେ ବାଦିଅ କର୍ବାକେ ଚେସ୍‌ଟା କର୍ତ୍ତେରଇଲାଇ । ପାଉଲ୍ ଲତାକେ ନ ଆଇବା ବିସ୍ତରାସିମନ୍ ବିସଇ ନିକ ସଙ୍ଗ୍ ଲେକିଆଟେ । କେ ଅଇଲେ ମିସା ଗଟେକ୍ ଲକ୍ କିରିସ୍‌ଟକେ ଚାଡି ପର୍ମେସରର୍ ମୁଆଟେ ତାର୍ ଅଇ ନାପାରେ ୧:୧୫-୨୦ । ମାତର୍ ଏ ନର୍ ଲକ୍‌ମନ୍ ଦଦାପେଲାର୍‌ଲାଗି ତିଆରଅଇରଇବା ସିକିଆ କାଇ କାମ୍‌କେ ନ ଦେଏ ୨:୮ ।

### ଏ ବଇ ବିତ୍‌ରେ ରଇବାଟା

- ୧. କଲସିଅ ମଣ୍ଡଳୀକେ ପାଉଲ୍ ଜୁଆର୍ ଜାନାଇବାଟା । ୧:୧-୨
- ୨. କିରିସ୍‌ଟର୍ କେବେ କେ କରି ନ ରଇବା କାମ୍ ଆରି ମିର୍ ସିକିଆ ବିସଇ ନେଇକରି ପାଉଲ୍ ଉତର୍ ଦେବାଟା । ୧:୩-୩:୪
- ୩. ପାଉଲ୍ ଗଟେକ୍ ନିମାନ୍ ବିସ୍ତରାସି ଅଇ ଜିଉନା କାଉନା କର୍ବାକେ କଇଲାଆଟେ । ୩:୫-୪:୨
- ୪. ପାଉଲ୍ ଏ ଚିଠି ବିନ୍ ବିନ୍ ମଣ୍ଡଳୀତେଇ ମିସା ପଡ୍‌ବାକେ କଇକରି, ଆରି ଜୁଆର୍‌ବେଟ୍ ଜାନାଇ ସରାଇଲାନି । ୪:୭-୧୮

୧ ଏ ଚିଠି ମୁଇ ପାଉଲ୍ ଆରି ବିସ୍ତରାସର୍ ଲାଗି ଆମର୍ ବାଇଅଇରଇବା ତିମତି ମିସି ଲେକ୍‌ଲୁନି । ପର୍ମେସର୍ ମକେ ବାବ୍‌ଲାର୍‌ପାଇ ମୁଇ ଜିସୁକିରିସ୍‌ଟର୍ ଗଟେକ୍ ପେରିଡ୍ ଅଇଆଟି ।

୨ କଲସି ନଅରେ ରଇବା ପର୍ମେସରର୍ ଲକ୍‌ମନ୍ ତମ୍‌କେ, ମୁଇ ଏ ଚିଠି ଲେକି ପାଟାଇଲିନି । ତମେ ଆମର୍ ବିସ୍ତରାସ୍ ରଇବା ବାଇବଇନିମନ୍ ଆରି କିରିସ୍‌ଟର୍ ସଙ୍ଗ୍ ମିସିଆଗାସ୍ ।

ଆମର୍ ବାବା ପର୍ମେସର୍ ତମ୍‌କେ ଜିବନ୍ ଦୁକାଇ ସାନ୍ତି ଦେଅ ।

### ଦନିଅବାଦ୍ ଦେବା ପାର୍‌ତନା

୩ ଆମେ ତମର୍‌ପାଇ ପାର୍‌ତନା କଲାବେଲେ ଆମର୍ ମାପୁରୁ ଜିସୁକିରିସ୍‌ଟର୍ ବାବା ପର୍ମେସର୍‌କେ ଦନିଅବାଦ୍ ଦେଲୁନି । ୪ କାଇକେବଇଲେ ମାପୁରୁ ଜିସୁକିରିସ୍‌ଟର୍ ତେଇ ରଇବା ତମର୍ ବିସ୍ତରାସ୍ ଆରି ପର୍ମେସରର୍ ଲକ୍‌ମନ୍ ପାଇ ରଇବା ତମର୍ ଆଲାଦର୍ ବିସଇ ଆମେ ସୁନିଆରୁ । ୫ ତମେ ପର୍ତୁଗ୍ ସୁବ୍ କବରର୍ ବିସଇ ସୁନ୍‌ଲାବେଲେ, ସୁବ୍‌କବରେ ରଇବା ଆସାକର୍‌ବା ବିସଇ ଜାନିରଇଲାସ୍ । ତେବର୍‌ପାଇ ତମେ ବିସ୍ତରାସ୍ କରି ପର୍ମେସରର୍ ଲକ୍‌ମନ୍‌କେ ଆଲାଦ୍ କର୍ତେ ରଇଲାସ୍ । ତମର୍‌ପାଇ ସର୍‌ଗେ ତିଆର୍ ଅଇରଇବା ପୁରୁସ୍‌କାର୍ ଆସାକରି ଏନ୍ତାରି କଲାସ୍ । ୬ ଗୁଲାଇ ଜଗତର୍ କେତେକ୍ କେତେକ୍ ଲକ୍‌ମନ୍ ଏ ସୁବ୍‌କବର୍ ବିସ୍ତରାସ୍‌କରି ତାକର୍ ମନ୍ ବାଦ୍‌ଲାଇଲାଇନି । ତମେ ସୁବ୍‌କବର୍ ସୁନ୍‌ଲା ପର୍ତୁଗ୍ ଦିନେଅନି ତମର୍ ବିତ୍‌ରେ ମିସା ଏନ୍ତାରିସେ ଅଇରଇଲା ଆରି ପର୍ମେସର୍ ଜିବନ୍ ଦୁକାଇଲା ସତ୍ ବିସଇ ତମେ ପୁରାପୁରୁନ୍ ଜାନିରଇଲାସ୍ । ୭\*ପର୍ମେସର୍ ତାର୍ ଜିବନ୍ ଦୁକାଇ ଦୟା ଦେକାଇଲା ବିସଇ ଆମର୍ ଆଲାଦର୍ ଗତିଦାଙ୍ଗ୍‌ତା ଏପାପରାସ୍ ତମ୍‌କେ ସିକାଇରଇଲା । ଆମର୍ ବାଦୁଲେ ସେ ବିସ୍ତରାସ୍ ରଇକରି କିରିସ୍‌ଟକେ ସେବାକଲାନି । ୮ ପର୍ମେସର୍ ଲକ୍‌ମନ୍‌କେ ଆଲାଦ୍ କର୍ବାକେ ତମ୍‌କେ ସୁକ୍‌ଲ୍‌ଆତ୍‌ମା କେନ୍ତାରି ସାଇଜ କଲାଆଟେ ବଲି ଏପାପରାସ୍ ଆମ୍‌କେ ଜାନାଇଆଟେ ।

\* ୧:୭ ୧:୭ କଲସିଅ ୪:୧୨; ପିଲିମନ୍ ୧:୨୩

୯ ଆମେ ତମର ବିସଇର୍ ଏ ନିକ କବର୍ ସୁନିକରି, ତମରପାଇ ପାରତନା କରିଲାଗିଆରୁ । ତାର ସୁକ୍ଲଆତ୍ମାଅନି ପାଇରଇବା ଗିଆନ୍ ଆରି ବୁଦ୍ଧବା ବପୁସଙ୍ଗ ସେ ମନକଲାଟା ତମେ ପୁରାପୁରୁନ୍ ଜାନିପାରସା ବଲି ଆମେ ମାପରୁକେ ଗୁଆରି କଲୁନି । ୧୦ ତେବର୍ପାଇ ତମେ ତାକେ ସାରଦା କରାଇଲାପାରା ଚଲାଚଲୁତିକରି ସେ ମନକଲାପାରା ଜିଉନାକାଉନା କରସା । ବିନ୍ ଲକ୍ମନକେ ସାଇଜ କରିଲାଗିରଇସା ଆରି ପର୍ମେସରର୍ ବିସଇ ଜାନ୍ବାକେ ଅଦିକ୍ ଅଦିକ୍ ବଡିଆଇସା । ୧୧ ତାର ବଡ ବପୁସଙ୍ଗ ନିଜେ ବପୁଅଇ ତମେ ସାରଦାସଙ୍ଗ ମୁଚିକରି ରଇପାରସା । ୧୨ ବାବା ପର୍ମେସର୍ ଉଜଲର୍ ରାଇଜେ ତାର ଲକ୍ମନର୍ ପାଇ ଜାଇଟା ଚୁଲିଆଇ ଆଚେ, ତେଇ ମିସ୍ବାକେ ସେ ତମକେ ବାଟଲା ଆଚେ । ସେଟାରପାଇ ସାରଦା ସଙ୍ଗ ତାକେ ଦନିଅବାଦ୍ ଦେଇସା । ୧୩ ସେ ଆମ୍ଭକେ ଆନ୍ଦାରର୍ ବପୁତେଇଅନି ମୁକ୍ତାଇକରି ତାର ଆଲାଦର୍ ପଅର୍ ରାଇଜେ ତାକିଆନିଆଚେ । ୧୪ ✨ତାର ପଅର୍ଲାଗି ସେ ଆମ୍ଭକେ ମୁକ୍ତାଇକରି ଆମର୍ ସବୁ ପାପ କେମା କରିଦେଲାଆଚେ ।

**କିରିସ୍ତ ଆରି ତାର କାମ୍**

୧୫ କିରିସ୍ତ ନ ତିସ୍ବା ପର୍ମେସରର୍ ସମାନ୍ ବାନିମୁଚି ଆଚେ । ତିଆର୍ କରିରଇବା ସବୁର୍ ଉପ୍ରେ, ପର୍ତୁମ୍ ଜନମ୍ ଅଇଲା ପଅ ଇସାବେ, ତାର ଅଦିକାର୍ ଆଚେ । ୧୬ କାଇକେବଇଲେ ପର୍ମେସର୍ ତାରଟାନେଅନି ସବୁ ବିସଇ ତିଆର୍କଲା ଆଚେ । ଜଗତେ ରଇବାଟା ସବୁଜାକ, ସର୍ଗେ ରଇବାଟା ସବୁଜାକ, ତିସ୍ବାଟା ଆରି ନ ତିସ୍ବାଟା, ବପୁରଇ ସାସନ୍ କର୍ବା ଦୁଡମନ୍ ଆରି ଆତ୍ମା ରଇବାଟାମନ୍ । କିରିସ୍ତର୍ତେଇଅନି ସବୁ ବିସଇ ତିଆର୍ କରିରଇଲା ଆରି ତାରଲାଗିସେ ସବୁ ବଠିଆଚଡ । ୧୭ କାଇଟା ତିଆର୍ ନ ଅଇତେ ସେ ରଇଲା, ଆରି ତାରଟାନେ ସବୁ ବିସଇ ମିସିକରି ଚାଲୁତେରଇସି । ୧୮ ✨ମଣ୍ଡୁଲି ଅଇଲାନି ତାର ଗାଗଡ୍ ଆରି ସେ ମଣ୍ଡୁଲିର୍ ମୁଣ୍ଡ । ମୁଣ୍ଡ ଗାଗଡ୍କେ ସାସନ୍ କଲାପାରା, ସେ ମଣ୍ଡୁଲିକେ ସାସନ୍ କଲାନି । ତାକେସେ ପର୍ମେସର୍ ମରନେଅନି ପର୍ତୁମ୍ ଉଟାଇରଇଲା । ଜେନ୍ତିକି କିରିସ୍ତ ସବୁର୍ ଉପ୍ରେ ସାସନ୍ କରସି । ୧୯ କାଇକେବଇଲେ ପର୍ମେସର୍ ତାର ପଅକେ ତାର ପୁରାପୁରୁନ୍ ଗୁନଚଲନ୍ସଙ୍ଗ ରଅ ବଲି ଟିକ୍ କରିରଇଲା । ୨୦ ✨ଆରି କିରିସ୍ତର୍ଟାନେଅନି ସେ ତିଆର୍ କରିରଇବା ସବୁଜାକ, ତାରଟାନେ ବାଉଡାଇ ଆନ୍ବି ବଲି ଟିକ୍ କରିରଇଲା । ଦର୍ତନିଟାନେ ରଇବାଟା ଅ କି ସର୍ଗେ ରଇବାଟା ଅ । ତାର ପଅ କୁରୁସକାଟେ ମରି ବନି ଜରାଇଲାପାଇ ସବୁ ବିସଇ ତାରଟାନେ ସାନ୍ତିଅଇ ରଇସି ।

୨୧ ଗଟେକ୍ ବେଲାଇ ତମେ ପର୍ମେସରର୍ ଟାନେଅନି ବେଗଲି ରଇଲାସ୍ । ତମେ କରିରଇବା ଆରି ମନେ ବାବିରଇବା କାରାପ୍ ବିସଇର୍ ଲାଗି ତାର ସଡ୍ଡୁ ଅଇରଇଲାସ୍ । ୨୨ ମାତର୍ ଏବେ କିରିସ୍ତ ନର୍ ରୁପ୍ ନେଇ ମଲାର୍ ପାଇ ସେ ତମକେ ତାର ମୁଆଟେ ସାନ୍ତି ସଙ୍ଗ ଆଇବାକେ ଟିକ୍ କଲାଆଚେ । ତମେ ତାର ମୁଆଟେ ଟିଆଅଇଲାବେଲେ ତମକେ ପୁରାପୁରୁନ୍ ସୁକ୍ଲ ଇସାବେ କାଇ ପାପ୍ ନ କରି, କାଇ ନିନ୍ଦା ନ ରଇଲା ଲକ୍ମପାରା ସେ ଦେକ୍ସି । ୨୩ ତମେ ବିସ୍ବାସ୍ କରିଲାଗିରଇଲେ, ତମର୍ ବିସ୍ବାସ୍ ତାଟ୍ ରଇସି । ସୁବ୍ କବର୍ଟାନେ ମାପରୁ ଜନ୍ ଆସା ଦେବି ବଲି କାତା ଦେଇଆଚେ, ସେ ଆସା ପାଇବାଟାନେଅନି ତମକେ କେ ମିସା ନ ତେବାଅଡ । ଏ କବର୍ ତମେ ଆଗଚୁ ସୁନିସାରାଇଆଚାସ୍ । ଆରି ଜଗତର୍ ଗୁଲାଲକ୍କେ ଜାନାଇଅଇଆଚେ । ଏ ସୁବ୍ କବର୍ ଜାନାଇବାକେ ମୁଇ ପାଉଲ୍ ଗଟେକ୍ ଗତିଦାଙ୍ଗ୍ଡା ଅଇଲିଆଟି ।

**ମଣ୍ଡୁଲିତେଇ ପାଉଲର୍ କାମ୍**

୨୪ ଏବେ ମୁଇ ସାରଦାଅଇଆଟି । କାଇକେବଇଲେ ଜେଡ୍ଡି ଦୁକ୍କସ୍ତ ମୁଇ ମୁଚିକରିଆଟି, ସେଟା ତମର୍ ନିକପାଇ । ତାର ବାଦୁଲେ ରଇକରି ଜେଡ୍ଡି ଦୁକ୍କସ୍ତ ମକେ ମୁଚିବାକେ କିରିସ୍ତ ମନ୍ କଲାନି, ସେଟା ସବୁ ସାରଦାସଙ୍ଗ କଲିନି । ତାର ଗାଗଡ୍ ପାରା ରଇବା ତାର ମଣ୍ଡୁଲିର୍ ନିକପାଇ ମୁଇ ସେଟା କଲିନି । ୨୫ ପର୍ମେସର୍ ମକେ ମଣ୍ଡୁଲିର୍ ଗତିଦାଙ୍ଗ୍ଡା କରିଆଚେ । ତମକେ ସାଇଜ କର୍ବାକେ ସେ ମକେ ବାଟିଆଚେ । ତାର କବର୍ ତମକେ ପୁରାପୁରୁନ୍ ଜାନାଇବାଟା ଅଇଲାନି ମର୍ କାମ୍ । ୨୬ ପୁରବେ ବଠିରଇବା ସବୁଲକର୍ ଟାନେଅନି ଏ ବିସଇ ଲୁଚାଇକରି ସଙ୍ଗଇରଇଲା । ମାତର୍ ଏବେ ସେଟା ତାର ଲକ୍ମନକେ ସେ ଜାନାଇଆଚେ । ୨୭ ଜିଉଦି ନ ଅଇଲା ଲକ୍ମନର୍ ପାଇ ସେ ଟିକ୍ କରିରଇବା ମଇମାସଙ୍ଗର୍ ଜଜନା ତାର ଲକ୍ମନକେ ଜାନାଇବାକେ ପର୍ମେସର୍ ଟିକ୍କଲା । ସେ ଲୁଚିରଇବା ବିସଇ ଅଇଲାନି, ଜିଉଦି ନଇଲା ଲକ୍ମନର୍ଟାନେମିସା କିରିସ୍ତ ରଇସି । ଆରି ସେ କାତା ଦେଇରଇବା ସବୁ ରକାମର୍ ମଇମା ତମେମିସା ପାଇସା ବଲି ଜାନିରୁଆ । ୨୮ କିରିସ୍ତର୍ ବିସଇ ରଇବା ଏ କବର୍ ଆମେ ସବୁକେ ଜାନାଇଲୁନି । ଆମେ ସବୁକେ ଜାଗର୍ତ୍ କରାଇ, ସେ ଆମ୍ଭକେ ଦେଇରଇବା ଗିଆନ୍ ସଙ୍ଗ ସିକାଇଲୁନି । ଜେନ୍ତାରିକି ସେମନ୍ ତାର ମୁଆଟେ ଟିଆଅଇଲାବେଲେ କିରିସ୍ତର୍ସଙ୍ଗ ମିସିରଇଲା

✧ ୧:୧୪ ୧:୧୪ ଏପିସିୟ ୧:୭ ✧ ୧:୧୮ ୧:୧୮ ଏପିସିୟ ୧:୨୨,୨୩ ✧ ୧:୨୦ ୧:୨୦ ଏପିସିୟ ୨:୧୭

ସବୁଲକ୍ ପୁରାପୁରୁନ୍ ସିଦ୍ ଅଇରଇବାଇ । ୨୯ ଏ କାମ୍ ମୁଇ ପୁରାପୁରୁନ୍ କର୍ବାକେ ମକେ କିରିସ୍ଟ ଦେଇରଇବା ବଡ଼ ବପୁସଙ୍ ଆବଡ଼ ଅଇ କଲିନି ।

୨

୧ କାଇକେବଇଲେ ତମର୍ପାଇ, ଲାଉଦିକିଆର୍ ଲକ୍ମନକେ ଆରି ଏବେ ଜେଡ଼କି ଲକ୍ ମକେ ନ ଦେକିରଇଲାଇ, ସେ ସବୁଲକର୍ ପାଇ, ମୁଇ କେତେକ୍ କସ୍ଟ କଲିନି, ସେଟା ତମେ ଜାନା ବଲିକରି ମନକଲିନି । ୨ ଏ ସବୁ ବିସଇ ତମକେ ଆତ୍ମା ଇସାବେ ସାରଦା କରାଇବାପାଇ ମୁଇ କଲିନି । ଜେଡ଼ାରିକି ତମେ ଗଟେକ୍ ମନ୍ ଅଇକରି ଆଲାଦ୍ କରାକରି ଅଇସା । ତମେ ପୁରାପୁରୁନ୍ ବୁଦ୍‌ବାବେଲେ ବେସି ଆସା ଆରି ସାରଦା ଅଇରଇସା । ଜଦି ତମକେ ଏ ଆସା ରଇଲେ, ପର୍ମେସର୍ ଜଜ୍ନା କଲାଟା ଜାନିପାରାସ୍ । ସେ ଆସା ପୁର୍ବେ ରଇଲା ଲକ୍ମନକେ ଜାନାଇ ନ ରଇଲା । ସେଟା ନିଜେ କିରିସ୍ଟର୍ ବିସଇସେ ।

୩ ସେ ନିଜେ ଏ କବରର୍ ଅରଡ଼ ବୁଜାଇପାରସି । ସେଟା ଗଟେକ୍ ବେସି ମୁଲିଅ ରଇବା ବିସଇ । ୪ କେ ମିସା କାତାର ଚାଲାକିସଙ୍ ତମକେ ନ ନାଡ଼ାଅଡ଼ ବଲି ଆସାକରି ଏଟା ମୁଇ ତମକେ ଲେକଲିନି । ସେମନ୍ କଇବା କାତା ସଡ଼ପାରା ଲାଗ୍‌ଲେମିସା ନାଡ଼ାଇ ଉଆନାଇ । ୫ କାଇକେବଇଲେ ଗାଗଡ଼ ଇସାବେ ମୁଇ ତମର୍ ସଙ୍ ନ ରଇଲେ ମିସା ଆତ୍ମା ଇସାବେ ଆଟି । ତମେ କିରିସ୍ଟକେ ଡାଟ୍‌ସଙ୍ ବିସ୍ବାସ୍ କଲାଟା ଆରି ଗଟେକ୍ ମନ୍ ଅଇରଇବାଟା ଦେକି ମୁଇ ବେସି ସାରଦା ଅଇଲିନି ।

କିରିସ୍ଟର୍‌ତେଇ ପୁରାପୁରୁନ୍ ଜିବନ୍

୬ ତେବେ ଜିସୁକିରିସ୍ଟକେ ତମର୍ ମାପୁରୁ ଇସାବେ ଜେଡ଼ି ବିସ୍ବାସ୍ କରିଆଟାସ୍, ସେନ୍ତାରି ତାର୍‌ସଙ୍ ମିସିକରି ରୁଆ । ୭ କିରିସ୍ଟର୍ ବିସଇ ବିସ୍ବାସ୍ କରିରଇବା କବର୍ ଡାଟ୍‌ସଙ୍ ଦାରିରୁଆ । ତାର୍ ବିସଇ ଅଦିକ୍ ଅଦିକ୍ ସିକା ଆରି ବିସ୍ବାସେ ଡାଟ୍ ଉଆ । ଜେଡ଼ିକି ତମକେ ସିକାଇଲାପାରା, ପର୍ମେସର୍‌କେ ଦନିଅବାଦ୍ ଦେଇତେରୁଆ ।

୮ କେ ମିସା ନିଜର୍ ଚାଲାକିକରି ପର୍ମେସରର୍ ବିସଇ ତିଆରକରି ରଇବାଟା ସଙ୍ ତମକେ ପାନ୍ଦେ ନ ଲାଗାଅଡ଼, ସେଟାର୍‌ପାଇ ଜାଗ୍‌ରଡ଼ ଅଇରୁଆ । ସେମନ୍ ସିକାଇବାଟା କାଇ ଲଡ଼ାକେ ନ ଆସେ ଆରି ସେଟା ସଡ଼ ବିସଇ ନଏ । ସେଟା ବିନ୍ ଲକ୍‌ରଟାନ୍‌ଅନି ସୁନି ସୁନି ଆଇବାଟା ଆରି ସେଟା ଏ ଜଗଡ଼ ବିଡ଼ରେ ରଇବା ନିୟମ୍ । ମାତର୍ କିରିସ୍ଟର୍ ବିସଇଟାନ୍‌େ ରଇବା, ସଡ଼ ସିକିଆ ନଏ । ୯ କାଇକେବଇଲେ ନରୁପ୍ ଦାରିରଇବାବେଲେ ମିସା କିରିସ୍ଟ ପୁରାପୁରୁନ୍ ପର୍ମେସର୍ ରଇଲା । ୧୦ ଆରି ତମେ ତାର୍ ସଙ୍ ମିସିରଇଲାପାଇ ଆତ୍ମା ଇସାବେ ପୁରାପୁରୁନ୍ ଅଇଆଟାସ୍ । ବିନ୍ ବିନ୍ ବପୁ ଆରି ଅଦିକାର୍ ଉପରେ ରଇ, କିରିସ୍ଟର୍ ସାସନ୍ ବଡ଼ ।

୧୧ ତମେ କିରିସ୍ଟ ସଙ୍ ମିସ୍‌ଲାର୍‌ପାଇ ସୁନଡ଼ ଅଇଲାପାରା ଅଇଆଟାସ୍ । ଜେଡ଼ିକି ତମର୍ ପାପର୍ ଗୁନ୍‌ଚଲନେ ଅନି ମୁକ୍‌ଲିଆଟାସ୍ । ଗାଗଡ଼ ଇସାବେ ସୁନଡ଼ ଅଇଆଟାସ୍ ବଲି ମୁଇ କଇନାଇ, ମାତର୍ କିରିସ୍ଟସେ ତମର୍ ପାପର୍ ଗୁନ୍‌ଚଲନେଅନି ମୁକ୍‌ଲାଅଆଟେ । ୧୨ ତମେ ଜେତେବେଲେ ତୁବନ୍ ନେବାକେ ପାନିଟାନ୍‌େ ବୁଡ଼ଲାସ୍, ସେଟା ତମର୍ ପାପର୍ ଗୁନ୍‌ଚଲନ୍ କିରିସ୍ଟର୍ ସଙ୍ ମରିକରି ତପିଅଇଲାପାରା ଅଇରଇଲାସ୍ । ପାନିବିଡ଼ରେଅନି ବାରଇଲାଟା ନୁଆ ଗୁନ୍‌ଚଲନ୍ ଦାରି କିରିସ୍ଟର୍ ସଙ୍ ଆରି ତରେକ୍ ଉଟ୍‌ଲାପାରା ଅଇଲା । ପର୍ମେସର୍ ତାର୍ ବପୁସଙ୍ ମଲାତେଇଅନି ଜିବନ୍‌କରି କିରିସ୍ଟକେ ଉଟାଇଲା ବଲି ତମେ ବିସ୍ବାସ୍ କଲାପାଇ ଏଟା ତମକେ ଗଟ୍‌ଲା । ୧୩ ତମେ ଜିଉଦି ନ ଅଇଲା ଲକ୍ମନ ପର୍ମେସରର୍ ନିୟମ୍ ନ ମାନିଲାପାଇ ତାର୍‌ଟାନ୍‌େଅନି ବେଗ୍‌ଲି ରଇଲାସ୍ । ଆରି ତମର୍ ପାପର୍ ଗୁନ୍‌ଚଲନ୍‌ର୍ ବପୁଅନି ମୁକ୍‌ଲି ନ ରଇଲାସ୍ । ମାତର୍ ପର୍ମେସର୍ କିରିସ୍ଟର୍ ସଙ୍ ଗଟେକ୍ ନୁଆ ଜିବନ୍ କରି ତମକେ ଉଟାଇଆଟେ । ସେ ଆମର୍ ସବୁ ପାପ୍ କେମାକରି ଦେଲାଆଟେ । ୧୪ ଆମେ କିରିସ୍ଟକେ ସବୁ ପାପ୍ ଲେକାଅଇରଇବା ଚିଟିପତର୍ ଜନ୍‌ଟା କି ଆମ୍‌କେ ଦସିକରିରଇଲା, ସେ ସବୁ ପର୍ମେସର୍ ଲିବାଇଦେଲା । ଲେକ୍‌ଲାଟାମନ୍ କୁରୁସ୍‌କାଟେ କୁଟି ମାରି କୁରୁପ୍‌ନାସ୍ କଲା । ୧୫ ସାସନ୍ କିରି ଅଦିକାରେ ରଇବା ସବୁ କାରାପ୍ ଆତ୍ମାମନକେ ସେ ଆରାଇଲା । କିରିସ୍ଟ କୁରୁସ୍‌କାଟେ ମଲାକେ, ସେ ସବୁ ସାସନ୍‌କାରିଆମନକେ ଆରାଇଲା ବଲି ଦେକାଇଲା ।

୧୬ ତେବର୍‌ପାଇ ତମର୍ କାଇବା, ପିଇବା, ବିସଇ ଅ କି ତାକର୍ କେତେଟା ପରବ୍‌ଟାନ୍‌େ କି ଉଆଁସ୍‌ରାତି ବେଲେ କି ବିସ୍‌ରାମ୍‌ବାରେ ତମେ ମିସାସ୍‌ନାଇ, ବଲି କାକେ ବିତାର୍ କର୍ବାକେ ଦିଆସ୍‌ନାଇ । ୧୭ ଏ ସବୁ ନିୟମ୍ ପର୍ମେସର୍ ଆମ୍‌କେ ଦେବିବଲି କାତାଦେଇରଇବା ବିସଇର୍ ଚିନ୍ । ଏ ସବୁ ନିୟମ୍ ଚିନ୍ କିରିସ୍ଟର୍‌ଟାନ୍‌େ ପୁରାପୁରୁନ୍ ସିଦ୍ ଅଇସି । ୧୮ ନିଜକେ ନିଟ୍‌କରି ସେମନ୍ ଉପାସନା କଲାପାରା ଦୁଡ଼ମନକେ ଉପାସନା କର୍ବାକେ, କାକେମିସା ବାଦିଅ କର୍ବାକେ ଦିଆସ୍‌ନାଇ

୨:୧୨ ୨:୧୨ ରମିୟ ୬:୪    ୨:୧୩ ୨:୧୩ ଏପିସିୟ ୨:୧-୫    ୨:୧୪ ୨:୧୪ ଏପିସିୟ ୨:୧୫    ୨:୧୬ ୨:୧୬ ରମିୟ ୧୪:୧-୭



। ସେନ୍ତାଉକଲେ ପର୍ଯ୍ୟେସର୍ କାତାଦେଇରଇବା ପୁରୁସ୍କାର୍ ତମ୍ଭେ ନ ମିଲେ । ସେନ୍ତାରି ସିକାଇବା ଗଟେକଲକ୍, ପର୍ଯ୍ୟେସର୍ଟାନେ ଅନି ଦର୍ସନ୍ ଦେକିଆଡି ବଲିକରି ଅଦିକାର୍ ସଙ୍ଘ୍ ସିକାଇଲାନି । ସେ ତାର୍ ଚାଲକିସଙ୍ଘ୍ ନିଜେ ତିଆରକରିରଇବା ବିସଇର୍ ଲାଗି ବଡ଼ପନ୍ ଅଇସି, ମାତର୍ ସତଇସେ ସେନ୍ତାରି ବଡ଼ପନ୍ ଅଇବାକେ କାଇଟାମିସା ନାଇ । <sup>୧୯</sup> ✱କିରିସ୍ଟର୍ ବିସଇଟାନେ ରଇବା ସଡ଼ ସିକିଆ ଚାଡିଦେଲାଇ ଆଚଡ଼ । କିରିସ୍ଟ ଜେ କି ଗାଗଡର୍ ମୁଣ୍ଟ୍ ଅଇଆଚେ । ମୁଣ୍ଟ୍ ଜେନ୍ତାଉକି ଗାଗଡ଼କେ ବାଟ୍ ଦେକାଇସି, ସେନ୍ତାରିସେ ତାର୍ ଲକ୍ମନ୍ ଗଟେକ୍ ଅଇରଇବାକେ କିରିସ୍ଟ ବାଟ୍ ଦେକାଇସି । ଗାଗଡ଼ର୍ ସନ୍ଧି ଆରି ଚିର୍ ଗାଗଡ଼କେ ଗଟେକ୍ କରି ସଙ୍ଘାଇଲାପାରା । ଆରି ପର୍ଯ୍ୟେସର୍ ମନ୍କଲପାରା ସେଟା ବଡ଼ସି ।

**କିରିସ୍ଟ ସଙ୍ଘ୍ ମରୁ ନଇଲେ ଜିଉଁ**

<sup>୨୦</sup> ତମେ କିରିସ୍ଟର୍ ସଙ୍ଘ୍ ମଲାର୍ପାଇ ଏ ଜଗତର୍ ସାସନ୍କାରିଆମନ୍ ଟାନେଅନି ମୁକ୍ତିଆଚାସ୍ । ତେବେ ଏ ଜଗତେ ରଇବା ନିୟମନ୍ ଏବେ ଜାକ କାଇକେ ମାନିଆଚାସ୍ ? <sup>୨୧</sup> ଏନ୍ତାରିଟାମନ୍ ଦାରାନାଇ କି କାଆନାଇ କି, ଏନ୍ତାରିଟାମନ୍ ଚିଆନାଇ ମିସା । ଏ ନିୟମନ୍ କାଇକେ ମାନିକରି ଆଚାସ୍ ? <sup>୨୨</sup> ଏ ସବୁଜାକ ନିୟମ୍ ମାନିକରି ଚାଲିଲେ ତମ୍ଭେ କାଇ ଲଡାକେ ନ ଆସେ । କାଇକେବଇଲେ ସେଟା ଲକ୍ମନ୍ ତିଆରକଲାଟା । <sup>୨୩</sup> ଏ ରକାମର୍ ନିୟମ୍ ବେସି ଚିଆନ୍ ରଇଲାପାରା ତିସି । ବାଦିଅକରି ଦୁଡ଼ମନ୍କେ ଉପାସନା କରବାଟାନେ ଆରି ଲକ୍ମନ୍କେ ଦେକାଇଅଇଲା ପାରା ନିଜ୍ଜେ ନିବକରି ଆରି ଗାଗଡ଼କେ କସଟ୍ ଦେବା ବିସଇ ସିକାଇବାଇ । ମାତର୍ ଏ ସବୁ ନିୟମ୍ ଲକ୍ମନ୍ ପାପର୍ ଗୁନ୍ତଲନ୍ ଜାଗରଡ଼ କରି ସଙ୍ଘାଇବାକେ କାଇ ମୁଲିଅ ନ ରଏ ।

**୩**

<sup>୧</sup> କିରିସ୍ଟର୍ ସଙ୍ଘ୍ ମରିରଇଲାର୍ ପାଇ ଆରି ତାର୍ ସଙ୍ଘ୍ ନୁଆଜିବନ୍ ପାଇ ପର୍ଯ୍ୟେସର୍ ତମ୍ଭେ ଉଟାଇଲାର୍ପାଇ ସରଗେ ରଇବା ବିସଇ ଦେକ୍ତେରୁଆ । ତେଇ କିରିସ୍ଟ ପର୍ଯ୍ୟେସର୍ ଉଜାବାଟେ ବସିଆଚେ । <sup>୨</sup> ଏ ଜଗତର୍ ବିସଇ ନ ବାବିକରି ସରଗର୍ ବିସଇ ଚିନ୍ତାକରା । <sup>୩</sup> କାଇକେବଇଲେ ତମେ ମରିକରି ପର୍ଯ୍ୟେସର୍ ମୁଆଟେ କିରିସ୍ଟର୍ ସଙ୍ଘ୍ ମିସିରଇବା ଜିବନ୍ ବିତାଇଲାସିନି । ସେ ଜିବନ୍ ଲୁଚିକରିଆଚେ । <sup>୪</sup> କିରିସ୍ଟ ଅଇଲାନି ତମର୍ ଜିବନ୍ । ସେ ବାଅଡ଼ଲାବେଲେ ତମେ ମିସା ସବୁର୍ ଦେକ୍ତେ ତାର୍ ମଇମାତେଇ ମିସା ।

**ପୁରନା ଆରି ନୁଆ ଜିବନ୍**

<sup>୫</sup> ତମର୍ ପାପର୍ ଗୁନ୍ତଲନ୍ ଇସାବେ ଜେଡ଼କି ସବୁ ପାପ୍ କାମ୍ କର୍ତେରଇଲାସ୍, ସେଟାମନ୍ ଆରି କରାନାଇ । ଜେନ୍ତାରି କି ବେସିଆ କାମ୍, ସୁକଲ୍ ନ ରଇବା ଚଲାଚଲ୍ତି, ଗାଗଡ଼ର୍ ଲାଲ୍ସାଅଇବାଟା, କାରାପ୍ ବିସଇ ମନ୍ କରବାଟା, ଆରି ଲବ୍ ଅଇବାଟା, ଏ ସବୁ ବିସଇ ପୁଡ଼ଲାମନ୍କେ ଜୁଆର୍ କରବାଟା ସଙ୍ଘ୍ ସମାନ୍ । <sup>୬</sup> ଏ ସବୁ କାମେ ବୁଡ଼ିକରି ଜନଲକ୍ମନ୍ ପର୍ଯ୍ୟେସର୍ କାତା ନ ମାନଡ଼, ସେମନ୍କେ ତାର୍ ବଡ଼ ରିସା ଆଇସି । <sup>୭</sup> ପୁରବେ ତମେ ମିସା ଏ ସବୁ କାମେ ମିସି ରଇକରି ସେନ୍ତାରି ଚଲାଚଲ୍ତି କର୍ତେରଇଲାସ୍ ।

<sup>୮</sup> ମାତର୍ ଏବେ ସେନ୍ତାରି ବିସଇ କରା ନାଇ । ଜେନ୍ତାରି ରିସା ଅଇବାଟା, ଇସାତଲା କରବାଟା, ବିନ୍ଲକ୍କେ ଗିନ୍ କରବାଟା, ନିନ୍ଦାକାତା କଇବାଟା, ଆରି ପିଟ୍ତେ କାତାକଇବାଟା ଚାଡିଦିଆସ୍ । <sup>୯</sup> ✱ନିଜର୍ ନିଜର୍ ବିଡ଼ରେ ମିର୍ କାତା କୁଆବଲା ଉଆନାଇ । କାଇକେ ବଇଲେ ତମେ ପୁରନା ଗୁନ୍ତଲନ୍ ସବୁ ଅବିଆସ୍ ଚାଡିଦେଇକରି, <sup>୧୦</sup> ✱ନୁଆ ଚଲାଚଲ୍ତି ଆରାମକରି ଆଚାସ୍ । ପର୍ଯ୍ୟେସର୍ ତମ୍ଭେ ଦେଇରଇବା ଏ ନୁଆ ଚଲାଚଲ୍ତିତେଇ ତମେ ତାର୍ ବିସଇ ଅଦିକ୍ ଅଦିକ୍ ଜାନ୍ସା ଆରି ତାର୍ପାରା ଅଦିକ୍ ଅଦିକ୍ ଅଇଆଇସା । <sup>୧୧</sup> ତମେ ଜିଉଦି ଲକ୍ ଉଆ କି ଜିଉଦି ନ ଅଇଲା ଲକ୍ ଉଆ, ସୁନଡ଼ ଅଇଲାଲକ୍ କି ସୁନଡ଼ ନ ଅଇଲା ଲକ୍, ଦାପ୍ରେ ରିସା ଅଇ ମାରିମରାଇବା ଲକ୍ କି ବିନ୍ ଦେସର୍ ଗତିଦାଙ୍ଘା କି ମୁକ୍ଲାଇଲା ଲକ୍, ସେଟା କାଇଟା ନଏଁ । ମାତର୍ କିରିସ୍ଟ ସବୁଟାନେ ଆଚେ ଆରି ସେ ଆକା ସବୁର୍ ଉପ୍ରେ ସାସନ୍ କଲାନି ।

<sup>୧୨</sup> ✱ତେବେ ପର୍ଯ୍ୟେସର୍ ତମ୍ଭେ ତାର୍ ଲକ୍ ଅଇବାକେ ବାଚିରଇଲାର୍ ପାଇ ଆରି ତମ୍ଭେ ଆଲାଦ୍ କରି ସୁକଲ୍ ଲକ୍ ଅଇବାକେ ବେଗ୍ଲାଇଲାର୍ ପାଇ, ଦୟା ଦେକାଇବାକେ, ଦରମ୍ ଅଇବାକେ, ନିର୍ ଅଇବାକେ, ସୁଆଲ୍ ଅଇବାକେ, ମୁର୍ଚିକରି ରଇବାକେ ଜାଗରଡ଼ ଉଆ । <sup>୧୩</sup> ✱ତମର୍ ତମର୍ ବିଡ଼ରେ ଦସ୍ ଦାରାଦାରି ଅଇ ବୁଲ୍ଲକଲେ କେମା ଦିଆଦିଇ ଉଆ । ବିନ୍ ଲକ୍ ବିରଦ୍ କାତା ରଇଲେ ମୁର୍ଚିକରି କେମା ଦିଆଦିଇ ଉଆ । ମାପୁରୁ ତମ୍ଭେ କେମା ଦେଲାପାରା ତମର୍ ବିଡ଼ରେ କେମା କରାକରି ଉଆ । <sup>୧୪</sup> ଏ ସବୁ ବିସଇ କରି ତମର୍ ବିଡ଼ରେ ଆଲାଦ୍ କରାକରି ଉଆ । ସେନ୍ତାଆଲେ ତମେ ଗଟେକମନ୍

✱ ୨:୧୯ ୨:୧୯ ଏପିସିୟ ୪:୧୭ ✱ ୩:୯ ୩:୯ ଏପିସିୟ ୪:୨୨ ✱ ୩:୧୦ ୩:୧୦ ଏପିସିୟ ୪:୨୪ ✱ ୩:୧୨ ୩:୧୨ ଏପିସିୟ ୪:୨

ଅଇକରି ରଇବାଟା ସିଦ୍ଧ ଅଇସି । ୧୫ ତମେ ସବୁଲକ୍ଷ୍ମୀ ଗଟେକ୍ ଗାଗ୍ରେ ରଇବା ବିନ୍ ବିନ୍ ଥାଇଲାର୍ ପାଇ, କରବା ସବୁ କାମେ କିରିସ୍ତ ତମ୍ଭେ ବାଟ୍ ଦେକାଅ । ସେ ତମ୍ଭେ ସାନ୍ତି ଦେଲା ଆତେ । ତମେ ସାନ୍ତି ସଙ୍ଗ୍ ରଇବାକେ ସେ ତମ୍ଭେ ବାଟ୍ ଲାଆତେ । ଆରି ପର୍ମେସର୍‌କେ ଦନିଅବାଦ୍ ଦେଇତେରୁଆ ।

୧୬ \*କିରିସ୍ତର୍ ବାକିଅ ଦିଆନକରି ଲାଗିରୁଆ । ତମ୍ଭେ ତମ୍ଭେ ବିତ୍ରେ ସିକିକରି ଜାଗ୍ରେ ଅଇରୁଆ । ଏଟା ଗିଆନ୍ ସଙ୍ଗ୍ କରା । ଗିତ୍ ସଙ୍ଗିତା ବଇର୍ ଗିତ୍‌ମନ୍, ବିନ୍ ଗିତ୍‌ମନ୍ ଆରି ସୁକଲ୍ ଗିତ୍‌ମନ୍ କଇତେରୁଆ । ମନ୍‌ବିତ୍ରେ ଦନିଅବାଦ୍ କଇକରି ପର୍ମେସର୍‌କେ ଗିତ୍ କଇତେରୁଆ । ୧୭ ତମେ କାଇଟା ମିସା କଇଲେ କି କଲେ, ସେ ସବୁ ମାପ୍‌ରୁ ଜିସୁର୍ ନାଉଦାରି ବାବା ପର୍ମେସର୍‌କେ ଦନିଅବାଦ୍ ଦିଆସ୍ ।

**ନୁଆ ଜିବନର୍**

୧୮ \*ଏ ମାଇଜିମନ୍, ତମେ ନିଜର୍ ନିଜର୍ ମୁନ୍‌ସମନର୍ କାତା ମାନିକରି ରୁଆ । ଜିସୁ କିରିସ୍ତର୍ ସଙ୍ଗ୍ ମିସିରଇଲାର୍ ପାଇ ଏନ୍ତାରି କରବାଟା ନିକ ।

୧୯ \*ଏ ମୁନ୍‌ସମନ୍, ତମେ ନିଜର୍ ନିଜର୍ ମାଇଜିମନ୍‌କେ ଆଲାଦ୍ କରି ଦରମ୍ ଉଆ ।

୨୦ \*ଏ ପିଲାଟକିମନ୍, ତମ୍ଭେ ଆୟାବାବାର୍ କାତା ମାନିକରି ରୁଆ । ସେଟା ପର୍ମେସର୍‌କେ ସାର୍‌ଦା କରାଇସି ।

୨୧ \*ଏ ଆୟା ବାବାମନ୍, ତମ୍ଭେ ପିଲାଟକିମନ୍‌କେ ସବୁବେଲେ ଲାଗିକରି ମନ୍ ବାଙ୍ଗାଆ ନାଇ ।

୨୨ \*ଏ ଗତିଦାଙ୍ଗ୍‌ତାମନ୍, ତମେ କରିରଇବା ସବୁକାମ୍‌ଗାନେ ତମ୍ଭେ ଜଗତେରଇବା ସାଉକାର୍‌ମନର୍ କାତା ମାନିକରି ରୁଆ । ସେମନ୍ ତମ୍ଭେ କାମ୍ ଦେକି ବଲ୍ ବଲ୍‌ବାକେ ନାଇ ମାତର୍ ମାପ୍‌ରୁକେ ଡରିକରି ସତ୍ ମନେ ରଇ ସବୁ କାମ୍ କରା । ୨୩ ତମେ ଜାଇଟା କଲେମିସା ପୁରାପୁରୁନ୍ ମନ୍, ଦିଆନ୍, ଜିବନ୍, ପରାନ୍ ଦେଇ ମାପ୍‌ରୁପାଇ କଲା ଇସାବେ କରା । ଲକ୍‌ମନର୍ ପାଇ କାମ୍ କଲାପାରା କରାନାଇ । ୨୪ କାଇକେବଇଲେ ମାପ୍‌ରୁ ତମ୍ଭେ ପୁରୁସ୍କାର୍ ଦେଇସି ଆରି ତାର୍ ଲକ୍‌ମନ୍‌କେ ସେ ଦେବି ବଲି କାତା ଦେଇରଇବା ସବୁ ଆସିର୍‌ବାଦ୍ ତମେ ପାଇସା ବଲି ଜାନିଆଟାସ୍ । ତମେ ସେବା କରବା ସାଉକାର୍ କିରିସ୍ତ, ବଲି ଏତାଇରୁଆ ।

୨୫ \*ଜଦି କେ ମିସା ବୁଲ୍ କାମ୍ କରି ଲାଗିରଇଲେ, ପର୍ମେସର୍‌ ସେମନ୍‌କେ ଡଣ୍ଡ ଦେଇସି ଆରି ସେ ସବୁଲକ୍‌କେ ସମାନ୍ ନାପ୍‌ବା ଡାଙ୍ଗ୍‌ସଙ୍ଗ୍ ବିଚାର୍ କରସି ।

**୪**

୧ \*ଏ ସାଉକାର୍‌ମନ୍, ତମ୍ଭେ ଦାଙ୍ଗ୍‌ତାମନ୍‌କେ ଜତନ୍ କରା ଆରି ସେମନ୍‌କେ ସବୁକେ କାଇ ଅନିଆଇ ନ କରି ଚଲାଚଲ୍‌ତି କରା । କାଇକେବଇଲେ ସର୍‌ଗେ ମିସା ତମ୍ଭେ ପାଇ ଗଟେକ୍ ସାଉକାର୍ ଆତେ ବଲି ଏତାଆ ।

**ବିନ୍ ବିନ୍ ବିସଇର୍ ଆଦେସ୍ ଦେବାଟା**

୨ ପାର୍‌ତନା କରିଲାଗିରୁଆ । ଆରି ଜାଗ୍‌ରେ ଅଇରୁଆ । ପର୍ମେସର୍‌କେ ସବୁବେଲେ ଦନିଅବାଦ୍ ଦେଇତେରୁଆ । ୩ ଆମ୍‌ର୍ ପାଇ ମିସା ପାର୍‌ତନା କରା । ଜେନ୍ତିକି କିରିସ୍ତର୍ ବିସଇଟାନେ ରଇବା ଏ ସୁବ୍‌କବର୍ ଆମେ ସବୁଲକ୍‌କେ ଜାନାଇପାରୁ । ଏ ସୁବ୍‌କବର୍ ସେମନ୍ ଆଗ୍‌ତୁ ନାଜାନିରଇଲାଇ । ଏ ସୁବ୍‌କବର୍ ଜାନାଇଲାର୍‌ପାଇ ମୁଇ ଏବେ ବନ୍ଦିଗରେ ଆଟି । ୪ ଜେନ୍ତିକି ମୁଇ ଜେଡ୍‌କି ଲକ୍‌କେ ଏ ସୁବ୍‌କବର୍ ନିକସଙ୍ଗ୍ ଜାନାଇବି, ସେଟାପାଇ ପାର୍‌ତନା କରା ।

୫ \*ମାପ୍‌ରୁ ଜିସୁକିରିସ୍ତକେ ବିସ୍‌ବାସ୍ ନ କଲା ଲକ୍‌ମନର୍‌ତେଇ ଜାଗ୍‌ରେ ସଙ୍ଗ୍ ଚଲାଚଲ୍‌ତି କରା । ତମେ ମିଲାଇରଇବା ସବୁ ବେଲା ବୁଦିର୍ ସଙ୍ଗ୍ କରା । ୬ ସେମନ୍‌କେ ସମ୍‌ମାନ୍ ଦେଇ କାତା ଉଆ । ଜେନ୍ତିକି ତମେ କଇବା ବିସଇ ସେମନ୍ ମନ୍‌କରବାଇ । ତେବେ ତମେ ବିସ୍‌ବାସ୍ କରବା ବିସଇଟାନେ କାଇଆଲେ କାତା ଉଟ୍‌ଲେ, ତମେ ଉତ୍‌ର୍ ଦେଇପାର୍‌ସା ।

**ସାରାସାରିର୍ କାତା**

୭ \*\*ତୁକିକ କଲସିଅ ଆଇଲାବେଲେ ମକେ କାଇକାଇଟା ଗଟ୍‌ଲାନି ବଲି ତମ୍ଭେ କଇଦେଇସି । ସେ, ମୁଇ ବେସି ଆଲାଦ୍ କରବା ଗଟେକ୍ ବିସ୍‌ବାସି ବାଇ । ସେ ବିସ୍‌ବାସ୍ ସଙ୍ଗ୍ କାମ୍ କରସି ଆରି ମର୍ ସଙ୍ଗ୍ ମାପ୍‌ରୁକେ ସେବା କରସି । ୮ ଆମ୍‌କେ କାଇଟା ଗଟ୍‌ଲାନି ବଲି ତାର୍‌ଟାନେଅନି ଜାନ୍‌ସା । ଆରି ସେ ତମ୍ଭେ ବିସ୍‌ବାସ୍ କରାଇବାଟା ଡାଟ୍ କରାଇସି । ଏଟାପାଇ ତାକେ ତମ୍ଭେଟାନେ ପାଟାଇଲିନି । ୯ \*ଅନିସିମ୍‌କେ

\* ୩:୧୭ ୩:୧୭ ଏପିସିୟ ୫:୧୯, ୨୦ \* ୩:୧୮ ୩:୧୮ ଏପିସିୟ ୫:୨୨; ୧ ମ ପିତର୍ ୩:୧ \* ୩:୧୯ ୩:୧୯ ଏପିସିୟ ୫:୨୫; ୧ ମ ପିତର୍ ୩:୭ \* ୩:୨୦ ୩:୨୦ ଏପିସିୟ ୬:୧ \* ୩:୨୧ ୩:୨୧ ଏପିସିୟ ୬:୪ \* ୩:୨୨ ୩:୨୨ ଏପିସିୟ ୬:୫-୮ \* ୩:୨୫ ୩:୨୫ ଏପିସିୟ ୬:୯ \* ୪:୧ ୪:୧ ଏପିସିୟ ୬:୯ \* ୪:୫ ୪:୫ ଏପିସିୟ ୫:୧୭ \* ୪:୭ ୪:୭ ପେରିତ୍ ୨୦:୪; ୨ୟ ତିମତି ୪:୧୨ \* ୪:୭ ୪:୭ ଏପିସିୟ ୬:୨୧, ୨୨ \* ୪:୯ ୪:୯ ପିଲିମନ୍ ୧:୧୦-୧୨

ତାର୍ ସଙ୍ଗେ ପାଟାଇଲିନି । ସେ ଆମର ଆଲାଦର ବେସି ବିସ୍ବାସ ରଇବା ବାଇ । ସେ ତମର ନଅରର ଲକ୍ । ଇତି ଗଟ୍ ବା ସବୁ ବିସଇ ସେମନ୍ ତମ୍ବେ ଜାନାଇବାଇ ।

୧୦ ✨ଆରିସତାକସ୍ ତାର୍ ଜୁଆର୍ ଜାନାଇଲାନି । ସେ ମର ସଙ୍ଗେ ବନ୍ଦିଗରେ ଆଚେ । ବରନବାର୍ ମେଏନାବାଇ ମାରକ ମିସା ଜୁଆର୍ ଜାନାଇଲାନି । ମାରକର ବିସଇ ତମେ ସୁନିସାରାଇ ଆଚାସ୍ । ସେ ତମର ଲଗେ ଆଇଲେ ତାକେ ତାକି ନିଆ । ୧୧ ଜୁସ୍ତ ନାଉଁଦାରି ତାକ୍ପୁଟା ଅଇଲା ଜିୟସୁୟ ମିସା ତମ୍ବେ ଜୁଆର୍ ଜାନାଇଲାନି । ଏ ତିନ୍ ଲକ୍ସେ ଇତି ରଇବା ଜିଉଦି ବିସ୍ବାସିମନ୍ । ପର୍ମେସରର ରାଇଜ୍ ବିସଇତେଇ ରଇବା ସୁବକବର୍ ଜାନାଇବାକେ ସେମନ୍ ମର ସଙ୍ଗେ କାମ୍ କଲାଇନି । ସେମନ୍ ମକେ ବେସି ସାର୍ଦା କରାଇଆଚଡ୍ ।

୧୨ ✨ଏପାପରା ତାର୍ ଜୁଆର୍ ଜାନାଇଲାନି । ସେ ମିସା ତମର ନଅରର ଲକ୍ । ସେ ମିସା ଗଟେକ୍ ଜିସୁକିରିସ୍ଟର୍ ଗତିଦାଙ୍ଗ୍ଡା । ସେ ତମରପାଇ ସବୁବେଲେ ମନ୍ଦିଆନ୍ ଦେଇ ପାର୍ତନା କରିଲାଗିରଇସି । ଜେନ୍ତିକି ତମେ ତାଟ୍ ଅଇ ସିଦ୍ ଅଇସା ଆରି ପର୍ମେସର୍ ତମ୍ବେ କରା ବଲି ମନ୍କଲାଟା ଜାନିରଇସା । ୧୩ ଏରାପଲି ଆରି ଲାଉଦିକିଆଇ ରଇବା ବିସ୍ବାସିମନରପାଇ ଆରି ତମରପାଇ ମିସା ସେ ଆବଡ୍ ଅଇଲାନି ବଲି ମୁଇ ସାକି ଦେଲିନି । ୧୪ ✨ଆମର୍ ଆଲାଦର୍ ନିଜେ ଅସଦେଉ ଲୁକ ଆରି ଦିମା ତମ୍ବେ ଜୁଆର୍ ଜାନାଇଲାଇନି ।

୧୫ ଲାଉଦିକିଆତେଇ ରଇବା ବାଇବଇନିମନ୍କେ, ମର ଜୁଆର୍ ଜାନାଇଦିଆସ୍ । ବଇନି ନୁମ୍ପାକେ ଆରି ତାର୍ ଗରେ ରୁଣ୍ଟ୍ ବା ସବୁ ବିସ୍ବାସିମନ୍କେ ମିସା ମର ଜୁଆର୍ ଜାନାଆ । ୧୬ ତମେ ଏ ଚିଟିତେଇ ଲେକ୍ଲାଟା ସୁନିସାରାଇଲାପଚେ ଲାଉଦିକିଆଇ ରଇବା ବାଇବଇନିମନ୍କେ ମିସା ସୁନାଇଦେବାର୍ଆଚେ ଆକା । ୧୭ ✨“ମାପୁରୁ ତକେ ସର୍ପିଦେଲା କାମ୍ ତୁଇ କରିସାରାଇବାର୍ ଆଚେ ଆକା” ବଲି ଆରକିପସ୍କେ କୁଆ ।

୧୮ ମୁଇ ପାଉଲ୍ ଏଟା ନିଜେ ଲେକ୍ଲିନି, “ଜୁଆର୍ ! ମୁଇ ବନ୍ଦିଗରେ ଆଟିବଲି ଏତାଆ ।” ପର୍ମେସରର ଜିବନ୍ ଦୁକାଇ ଦୟା ଦେକାଇଲାଟା ତମର ସଙ୍ଗେ ରଅ ।

✨ ୪:୧୦ ୪:୧୦ ପେରିଡ୍ ୧୯:୨୯;୨୭:୨; ପିଲିମନ୍ ୧:୨୪; ପେରିଡ୍ ୧୨:୧୨,୨୫;୧୩:୧୩;୧୫:୩୭-୩୯ ✨ ୪:୧୨ ୪:୧୨ କଲସିଅ ୧:୭; ପିଲିମନ୍ ୧:୨୩ ✨ ୪:୧୪ ୪:୧୪ ୨ୟ ତିମତି ୪:୧୧; ପିଲିମନ୍ ୧:୨୪; ୨ୟ ତିମତି ୪:୧୦; ପିଲିମନ୍ ୧:୨୪ ✨ ୪:୧୭ ୪:୧୭ ପିଲିମନ୍ ୧:୨

## ତେସଲନିକିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କର ପ୍ରଥମ ପତ୍ର ତେସଲନିକିୟ ମଣ୍ଡଳୀର ବିସ୍ତାରିତମାନଙ୍କେ ପାଉଲ୍ ପରତୁମ୍ଭର ଚିଠିଲେଖଲାଟା ଏ ବଇର ବିସଇ ଜାନ୍‌ବାଟା

୧ ମ ତେସଲନିକିୟ ଚିଠି ପେରିଡ଼ ପାଉଲ୍ ଲେକାଅଇରଇଲା୧:୧ । ଏଟା ପାଉଲ୍ ପରତୁମ୍ଭ ତରୁ ଲେକାଅଇରଇଲା ଆରି ଏଟା ବାଇବଲେ ଗଟେକ୍ ବାଗ୍ ଅଇଆଟେ । ଏଟା ଜିସୁକିରିସ୍ଟ ଜନମ୍ ଅଇକରି ଲଗାଲଗି ୫୧ ବରସ୍ ପଟେ ଲେକା ଅଇଲାଆଟେ । ଜେତେବେଲେ ପାଉଲ୍ ତେସଲନିକିୟ ମଣ୍ଡଳୀକେ ଚିଠି ଲେଖଲା, ସେବେଲେ ସେ କରନ୍ତିଅ ମଣ୍ଡଳୀତେଇ ରଇଲା । ଜନ୍ ମଣ୍ଡଳୀକେ କି ସେ ମିସ୍ନାରି ଇସାବେ ଦୁଇପାଲି ଗାଲାବେଲେ ତାପ୍ନା କରିରଇଲା । ପେରିଡ଼ ୧୭:୧-୧୦ ।

ଏଟା କେତେଟା ଜିଉଦି ଆରି କେତେଟା ଗିରିକ୍ ବାସା କଇବା ଲକ୍ମନ୍ ଆକା କରିରଇଲାଇ ବଲି ପେରିଡ଼ ବଇଟାନେ କୁଆଅଇଆଟେ । ପାଉଲ୍ ମଣ୍ଡଳୀ ତାପ୍ନା କଲା ପଟେ, ବେସି ଦିନ୍ ତେସଲନିକିଏ ରଇନାପାରଲା । ତେବର୍ପାଇ ତେଇ ରଇବା ବିସ୍ତାରିତମାନଙ୍କେ ନ ଡରିକରି ରଇବାକେ ସେ ଏ ଚିଠି ପାଟାଇଲା । ଗଟେକ୍ ବିସ୍ତାସି କେନ୍ତାରି ଜିଉନା କାଉନା କରବାକେ ପଡ଼ସି, ଏ ଚିଠି ଟାନେ କେତେକ୍ କେତେକ୍ ବିସଇ, ଆରି ବିନ୍ ବିନ୍ ଜାନ୍‌ବା କାତା ଆଟେ । ପାଉଲ୍ କେତେଟାଟାନେ ଆରିତରେକ୍ ଆଇବା ବିସଇ ମନ୍‌ଦିଆନ୍ ଦେଲାଆଟେ । ଜେନ୍ତିକି ତେସଲନିକିୟ ମଣ୍ଡଳୀର ବିସ୍ତାରିତମନ୍ ଏ ବିସଇତେଇ କାଇ ଅସୁବିଦା ନ ଅଇକରି ଆଗ୍ତୁ ଅଇତେରଇଲାଇ । ପାଉଲ୍ ଜିସୁ ଆରିତରେକ୍ ଆଇବାଟା ନେଇ କେନ୍ତାରି ଜିଉନା କାଉନା କରବାରୁ ଆରି ପର୍ମେସର୍‌କେ ସାର୍ଦା କରାଇବାକେ ଜାନାଇଲାନି । ୫:୬-୮ ।

### ଏ ବଇଟାନେ ରଇଲାଟା

- ୧. ପାଉଲ୍ ମଣ୍ଡଳୀକେ ଜୁଆର୍ ଜାନାଇ କରି ଆରି ପର୍ମେସର୍‌କେ ଦନିଅବାଦ୍ ଦେଇକରି ଚିଠି ଆରାମ୍ କଲାଆଟେ । ୧
- ୨. ପଟେ ସେ ତିମତି ଆନିରଇବା କବର୍ ଆରି ତାର୍ କାମ୍ ବିସଇନେଇ ବୁଜାଇଲା । ୨-୩
- ୩. ଜିସୁକେ ବିସ୍ତାସ୍ କଲା ଲକ୍ ସେ ଆରିତରେକ୍ ଆଇବା ଜାକ ଜାଗିରଇକରି କେନ୍ତାରି ଜିଉନା କାଉନା କରବାରୁ ସେଟା ଚେତାଇ କରି ଆଦେସ୍ କଲାନି । ୪:୧-୫:୧୫
- ୪. ପାଉଲ୍ ଆରିତରେକ୍ ମଣ୍ଡଳୀକେ ଜୁଆର୍ ଜାନାଇକରି ସେମନ୍‌କେ ଚିଠି ପଡ଼ବାକେ ବାଦିଅ କରାଇ ସେସ୍ କଲାନି । ୫:୧୭-୨୮

୧ \*ମୁଇ ପାଉଲ୍ ଆରି ମର୍ ବାଇମନ୍ ସିଲାନ୍, ଆରି ତିମତି ତେସଲନିକିୟ ମଣ୍ଡଳୀତେଇ ରଇବା ଲକ୍ମନ୍‌କେ ଏ ଚିଠି ଲେଖୁନି । ବାବା ପର୍ମେସର୍ ଆରି ମାପ୍‌ରୁ ଜିସୁକିରିସ୍ଟ ଜିବନ୍ ଦୁକାଇଲା ସାନ୍ତି ତମ୍‌କେ ମିଲ ।

### ତେସଲନିକିୟ ମନର୍ ବିସ୍ତାସର୍

୨ ଆମେ ସବୁବେଲେ ତମର୍ ସବୁ ଲକ୍‌ପାଇ ପର୍ମେସର୍‌କେ ଦନିଅବାଦ୍ ଦେଇତେରଇବୁ ଆରି ପାର୍‌ତନା କଲାବେଲେ ତମର୍ ବିସଇ ସବୁବେଲେ ଜାନାଇତେରଇବୁ । ୩ ତମେ ବିସ୍ତାସ୍ କରି କେନ୍ତି ଚଲାଟଲ୍‌ତି କଲାସ୍‌ନି ଆରି ତମର୍ ତମର୍ ବିଡ଼ରେ ରଇବା ଆଲାଦର୍ ଲାଗି, ମିସିବିଡି କେନ୍ତି ସାଇଜ କରାକରି ଅଇଲାସ୍‌ନି ଆରି ମାପ୍‌ରୁ ଜିସୁ କିରିସ୍ଟ ଟାନେ ତମର୍ ବିସ୍ତାସ୍ କେନ୍ତି ତାଟ୍ ଅଇଆଟାସ୍ । ୪ ବାଇବଇନିମନ୍ ! ଆମେ ଜାନିଆରୁ ଜେ, ପର୍ମେସର୍ ତମ୍‌କେ ଆଲାଦ୍ କଲାନି । ଆରି ସେ ତମ୍‌କେ ନିଜର୍ ଲକ୍ କର୍‌ବି ବଲି ବାଟ୍‌ଲାଆଟେ । ୫ ଜେତେବେଲେ ଆମେ ତମ୍‌କେ ଏ ସୁବ୍ କବର୍ ଜାନାଇରଇଲୁ, ସେଟା ଅବ୍‌କା କାତାଇ ନ ରଇଲା, ମାତର୍ ସୁକଲ୍‌ଆଡ଼ମାର୍ ବପୁ ସଙ୍ଗ୍ ଆରି ସେଟା ସଡ଼ ବଲି ପୁରାପୁରୁନ୍ ବିସ୍ତାସର୍ ସଙ୍ଗ୍ ରଇଲା । ତମେ ଜାନାସ୍, ତମର୍ ସଙ୍ଗ୍ ରଇଲାବେଲେ ଆମେ କେନ୍ତି ରକାମେ ଜିଉନାକାଉନା କର୍‌ତେରଇଲୁ, ଜେନ୍ତିକି ତମର୍ ମଙ୍ଗଲ୍ ଅ ବଲି ଆମର୍ ବାବ୍‌ନା ରଇଲା । ୬ \*ତମେ ଚଲାଟଲ୍‌ତିତେଇ ଆମର୍ ପାରା ଆରି ମାପ୍‌ରୁର୍ ପାରା ରଇଲାସ୍ । ତମ୍‌କେ ଦୁକ୍‌କସର୍ ଅଦିକ୍ ରଇଲେ ମିସା ସୁକଲ୍ ଆଡ଼ମାର୍ ଟାନେଅନି ମିଲାଇରଇବା ସାର୍ଦା ସଙ୍ଗ୍ ସୁବ୍ କବର୍ ମାନ୍‌ଲାସ୍ । ୭ ତେବେ ତମେ ମାକିଦନିଆ ଆରି ଆକାୟାତେଇ ରଇବା ସବୁ ବିସ୍ତାସିମନ୍‌କେ ଗଟେକ୍ ବାଟ୍‌ଦେକାଉ ପାରା ରଇଲାସ୍ । ୮ ତମର୍‌ଲଗେଅନି ମାସିଦନିଆ ଆରି ଆକାୟାର୍ ଜାଗାମନ୍‌କେ ଅବ୍‌କା ମାପ୍‌ରୁର୍ ସୁବ୍‌କବର୍‌ସେ ବିଚି ନ ଅଇରଇଲା । ମାତର୍ ତମେ ମାପ୍‌ରୁକେ ବିସ୍ତାସ୍ କରିରଇବା କାତା ସବୁ ବାଟେ

\* ୧:୧ ୧:୧ ପେରିଡ଼ ୧୭:୧    \* ୧:୬ ୧:୬ ପେରିଡ଼ ୧୭:୫-୯

ଜାନାପଦୁଲା ଆଚେ । ଏ ବିସଇ ଆରି ଆମେ ଅଦିକ୍ କଇବା ଦରକାର୍ ନାଇ । ୯ ଆମେ ତମରଲଗେ ଆଇଲାବେଲେ ତମେ ଜେନ୍ତି ଆଲାଦରସଙ୍ଗ୍ ଡାକିରଇଲାସ୍ ଆରି ତୁଚା ପାକ୍ନାମନ୍ ପୁଜା କରବାଟା ଚାଡିକରି ଜିବନ୍ ରଇବା ପରମେସରକେ ଉପାସନା କରବାକେ ଆଗ୍ତୁ ଆସିରଇଲାସ୍ । ଏ ସବୁ ବିସଇ ତେଇର୍ ଲକ୍ମନ୍ କାତା ଅଇଲାଇନି । ୧୦ ଆରି ପରମେସର୍ ତାର୍ ନିଜର୍ ଜନ୍ ପଅକେ, ମଲା ଲକ୍ମନ୍ ବିତ୍ରେ ଅନି ଉଟାଇଲା । ଆରି ଜେ କି ଆଇତେରଇବା ପରମେସରର୍ ବଡ଼ ଡଣ୍ଡୁତେଇଅନି ଆମ୍ବେ ରକିଆ କରସି । ତାର୍ପିଲା ଜିସୁ ସର୍ଗେଅନି ଆରିତରେକ୍ ଆଇବାଟାକେ ଆମେ ଜାଗିକରି ରଉଁ । ଏ ସବୁ ବିସଇ ମିସା ତେଇର୍ ଲକ୍ମନ୍ କାତାବାରତା ଅଇଲାଇନି ।

## ୨

### ତେସଲନିକିତେଇ ପାଉଲର୍ କାମ୍

୧ ଏ ବାଇବଇନିମନ୍ ତମେ ନିଜେ ଜାନି ଆଚାସ୍, ତମରଲଗେ ଆମେ ଆଇଲାଟା ତୁଚାଇ ନ ରଇଲା । ୨ \*ତମର୍ଟାନେ ଆଇବା ଆଗ୍ତୁ ପିଲିପେ ଆମ୍ବେ କେନ୍ତି ଦୁକ୍ ନିନ୍ଦା ଅଇରଇଲା, ସେଟା ତମେ ଜାନାସ୍ । ବେସି ଲକ୍ ଆମ୍ବେ ବିରଦ୍ କଲେ ମିସା ସୁବ୍‌କବର୍ ତମ୍ବେ ଜାନାଇବାକେ ପରମେସର୍ ସାଆସ୍ ଦେଇରଇଲା । ୩ ଆମେ ବାରୁଜିଆ କଲାଟା, ଲକ୍ମନ୍ ବୁଲ୍ ଆଦେସ୍ ଅନି ନ ରଇଲା ଆରି ନାଡାଇବାଟା କି ବୁଲ୍‌ବାଟେ ନେବା ବିସଇ ନ ରଇଲା । ୪ ମାତର୍ ସବୁବେଲେ ଆମେ ପରମେସରର୍ ମନ୍ କଲା ଇସାବେ ସେ କାତା କଇତେରଇବୁ । କାଇକେବଇଲେ ସେ ଆମ୍ବେ ବାଟିକରି ସୁବ୍‌କବର୍ ଜାନାଇବା ଦାଇଡ଼ ସର୍ପି ଦେଲାଆଚେ । ଲକ୍ମନ୍‌କେ ସାର୍ଦା କରାଇବାକେ ଆମର୍ ଆଦେସ୍ ନାଇ । ଜନ୍ ପରମେସର୍ ଆମର୍ ମନ୍ ବିତ୍ରେଟା ପରିକା କରି ଦେକିପାରସି, ତାକେ ଆକା ସାର୍ଦା କରବାକେ ଆମେ ଚେସ୍‌ଟା କଲୁନି । ୫ ତମେଟା ନିକ କରି ଜାନାସ୍ । ଆମେ କେବେ ମିସା ତମ୍ବେ ସାର୍ଦା କରାଇବା କାତା କଇ ନ ରଇଲୁ । ଆମର୍ ଲବ୍‌ଅଇବାଟାକେ ଲୁଟାଇକରି ସଙ୍ଗୁନାଇ । ତମରଲଗେ କାରାପ୍ ବେବାର୍ କରି ନ ରଇଲୁ । ଏ ବିସଇଟାନେ ପରମେସର୍ ଆମର୍ ସାକି । ୬ ଆମେ କାରଲଗେ ଅନି ସନ୍‌ମାନ୍ ପାଇବୁ ବଲି ଚେସ୍‌ଟା କରି ନ ରଇଲୁ । ତମର୍ଟାନେ ଅନି କି ବିନ୍ ଲକର୍ ଟାନେଅନି ମିସା ନାଇ । ୭ ଜଦି କିରିସ୍‌ଟ ପାଟାଇରଇବା ପେରିଡ଼ ଇସାବେ ଆମ୍ବେ ତମେ ମାନିକରି ରୁଆ ବଲି ଦାବି କରୁ । ମାଆ ଜେନ୍ତି ନିଜର୍ ପିଲାମନ୍‌କେ ଜତନ୍ କରତେରଇସି, ଆମେ ତମରଲଗେ ରଇବା ବେଲାଇ ସେରକାମ୍ କରତେରଇଲୁ । ୮ ଆମେ ତମ୍ବେ ବେସି ଆଲାଦ୍ କଲୁ ଜେ, ତମ୍ବେ ଅବ୍‌କା ପରମେସରର୍ ସୁବ୍ କବର୍ ଜାନାଇବୁ ବଲି ନାଇ, ମାତର୍ ତମରଲଗି ନିଜକେ ସର୍ପି ଅଇବାକେ ମିସା ତିଆର୍ ଅଇରଇଲୁ । ତମେ ଆମର୍ କେତେକ୍ ନିଜର୍ ନ ରଇଲାସ୍ ! ୯ ଏ ବାଇବଇନିମନ୍ ଆମେ ଆବଡ଼ ଅଇ ଗାଗ୍‌ତେ ବାଦିଜାଇରଇଲେ ମିସା ମାନିଅଇ କାମ୍ କଲାଟା ତମ୍ବେ ମନେରଇସି । ଆମେ ଜେନ୍ତିକି ତମର୍ ଉପ୍ରେ ବଜ୍ ନ ଅଇକରି, ଏଟାର୍‌ପାଇ ଦିନ୍ ରାଡି କସ୍‌ଟ ପାଇ ପରମେସରର୍ ସୁବ୍‌କବର୍ ତମ୍ବେ ଜାନାଇରଇଲୁ ।

୧୦ ଜେତେବେଲେ ଆମେ ତମର୍ଟାନେ ରଇଲୁ, ଆମେ କେନ୍ତି ସୁକଲ୍‌ଅଇ, ସତଇସେ କାଇ ଦସ୍ ନ ଅଇକରି ଚଲାଚଲ୍‌ତି କରତେରଇଲୁ । ନିଜେ ପରମେସର୍ ଆରି ତମେ ଆକା ଆମର୍ ସାକି ଆଚାସ୍ । ୧୧ ତମେଟା ଜାନାସ୍ । ବାବା ଜେନ୍ତି ନିଜର୍ ପିଲାମନ୍‌କେ ଚଲାଚଲ୍‌ତି କରତା, ଆମେ ମିସା ସମାନ୍ ସେନ୍ତାରିସେ ଚଲାଚଲ୍‌ତି କରିରଇଲୁ । ୧୨ ଆମେ ତମ୍ବେ ସାଆସ୍ ଦେଇରଇଲୁ, ଦୁକ୍ ସାରାଇରଇଲୁ, ଆରି ପରମେସର୍‌ଟାନେ ଟିକ୍‌ସଙ୍ଗ୍ ଚଲାଚଲ୍‌ତି ଅଇ ବର୍‌ବାକେ ବାରୁଜିଆ କରତେରଇଲୁ । ପରମେସର୍ ଜେ କି ତାର୍ ରାଇଜେ ଆରି ତାର୍ ମଇମା ଟାନେ ମିସିରଇବାକେ ତମ୍ବେ ଡାକ୍‌ଲାନି ।

୧୩ ଆମେ ପରମେସର୍‌କେ ଏଟାର୍‌ପାଇ ମିସା ଦନିଅବାଦ୍ ଦେଲୁନି, କାଇକେବଇଲେ ଜେତେବେଲେ ଆମେ ତାର୍ ସୁବ୍‌କବର୍ ତମ୍ବେ ଜାନାଇରଇଲୁ ସେଟା ପରମେସର୍ ଟାନେ ଅନି ଆଇଲା ବାକିଅ ବଲି ତମେ ମାନ୍‌ଲାସ୍ । ଏଟା ଲକ୍ମନ୍ ଟାନେଅନି ଆସି ଆଚେ ବଲି ନାଇ । ସତଇସେ ସେଟା ପରମେସରର୍ ବାକିଅ । ଆରି ତମର୍‌ପାରା ବିସବାସିମନ୍ ମନ୍ ବିତ୍ରେ, ସେଟା ଡାଟ୍ ଅଇରଇସି । ୧୪ \*ଏ ବାଇବଇନିମନ୍ ଜିଉଦା ଦେସେ ରଇବା ପରମେସରର୍ ମଣ୍ଡଲିମନ୍‌କେ ଆରି ତେଇ ରଇବା କିରିସ୍‌ଟ ବିସବାସିମନ୍‌ଲଗି ଜନ୍ ଗଟ୍‌ନା ଗଟିରଇଲା, ତମର୍‌ପାଇ ମିସା ସେ ଗଟ୍‌ନା ଗଟ୍‌ଲା ଆଚେ । ସେମନ୍ ଜିଉଦିମନ୍ ଲଗେଅନି ଜନ୍ ରକାମ୍ ତାଡ୍‌ନା ପାଇରଇଲାଇ, ତମେ ମିସା ନିଜର୍ ଦେସର୍ ଲକ୍ମନ୍ ଲଗେଅନି ସେ ସମାନ୍ ତାଡ୍‌ନା ପାଇଆଚାସ୍ । ୧୫ \* ଜିଉଦିମନ୍ ମାପ୍‌ରୁ ଜିସୁକେ ଆରି ବବିସ୍‌ଡ଼ବକ୍‌ତାମନ୍‌କେ ମରାଇରଇଲାଇ ଆରି ଆମ୍ବେ ମିସା ଦୁକ୍ କସ୍‌ଟ ଦେଇରଇଲାଇ । ସେମନ୍‌ଟାନେ ପରମେସର୍ ସାନ୍ତି ନାଇ । ସେମନ୍ ସବୁ ମୁନ୍‌ସକାତିର୍ ସଡ଼ୁ ।

\* ୨:୨ ୨:୨ ପେରିଡ଼ ୧୭:୧୯-୨୪; ପେରିଡ଼ ୧୭:୧-୯      \* ୨:୧୪ ୨:୧୪ ପେରିଡ଼ ୧୭:୫      \* ୨:୧୫ ୨:୧୫ ପେରିଡ଼ ୯:୨୩,୨୯;୧୩:୪୫,୫୦;୧୪:୫,୧୯;୧୭:୫,୧୩;୧୮:୧୨

୧୬ ଜେନ୍ତାରି କି ଜନ୍ ସୁଦ୍ଧାକବର ଜାନାଇଲେ ଜିଉଦି ନଇଲା ଲକ୍ମନକେ ମୁକ୍ତି ମିଲି ପାରସି, ସେଟା ଚାଡ଼ି ଦେଅଡ଼ ବଲି ଆମ୍ଭକେ ସେମନ୍ ଚେସ୍ଟା କଲାଇନି । ଏନ୍ତାରି ସେମନ୍ କର୍ତ୍ତେରଇବା ପାପ ଅଦିକ୍ ଅଦିକ୍ ବଡ଼ିଜାଇକରି ସାରାସାରି ଆସି କେଟିଆଚେ । ଏବେ ସାରାସାରି ବେଲାଇ ସେମନ୍ ବିରୁଦ୍ଧେ ପର୍ମେସରର୍ ରିସା ଅଇଆଚେ ।

**ପାଉଲ୍ ଆରିତରେକ୍ ଜିବାକେ ମନ୍‌କଲା**

୧୭ ଏ ବାଇବଇନିମନ୍ ଜେଡେବେଲେ ଆମେ ଚନେକର୍ପାଇ ତମର୍ଟାନେଅନି ବିନେ ଅଇଜାଇରଇଲୁ, ସେଟା ଗାଗଡ଼ ଇସାବେ । ମାତର୍ ଆମର୍ ମନ୍ ବିଡ଼ରେ ତମେ ସବୁବେଲେ ବାସାଅଇରଇଲାସ୍ । ତମ୍ଭକେ ଏତାଇ ଏତାଇ କରି ବେସି ଚିନ୍ତା କର୍ତ୍ତେରଇଲୁ । ପଚେ ଆରିତରେକ୍ ତମ୍ଭକେ ଦେକ୍‌ବାକେ ଚେସ୍ଟା କର୍ତ୍ତେରଇଲୁ । ୧୮ ମାତର୍ ତମର୍ଲଗେ ବାଉଡ଼ିଆଇବାକେ ଆମ୍ଭକେ ବେସି ମନ୍‌ରଇଲା । ମୁଇ ନିଜେ ତମର୍ଲଗେ ବାଉଡ଼ିଆଇବାକେ ଗଟେକ୍‌ତର୍ ଚେସ୍ଟାକରିରଇଲି, ମାତର୍ ଏଟାପାଇ ଆମ୍ଭକେ ସଇତାନ୍ ବାଦା ଦେଲା । ୧୯ ସେ ଗାଲା କାତା ଗାଲାବେ । ମର୍ ଆସା ଆଚେ, ମାପରୁ ଜିସୁ ଆଇବା ବେଲେ ତମେ ଆମର୍ ଆସା, ସାର୍‌ଦା ବଡ଼ପନ୍ ଆରି ଜିଡ଼ବାଟା । ୨୦ ତମେ ସବୁବେଲେ ଆମର୍ପାଇ ତାକ୍‌ପୁଟା ଆରି ସାର୍‌ଦା ।

**୩**

୧ \*ସାରାସାରିପଚେ ଆମେ ଦୁକ୍ କସ୍ଟ ମୁରଟି ନାପାରିକରି ଆଡିନେସ୍‌ଡେଇ କାର୍ ସଙ୍ଗ୍ ନ ମିସିକରି ଜିଉନାକାଉନା କରୁବଲି, କାତା ଅଇଲୁ । ୨ ତମ୍ଭକେ ବପୁ କରାଇବାକେ ଆରି ତମର୍ ବିସ୍‌ବାସ୍ ଡାଟ୍ କରାଇବାକେ ତମର୍ ଲଗେ ଆମର୍ ବାଇ ତିମତିକେ ପାଟାଇରଇଲୁ । ସେ ଆମର୍‌ସଙ୍ଗ୍ କିରିସ୍‌ଟର୍ ସୁଦ୍ଧାକବର ଜାନାଇକରି ପର୍ମେସରର୍ ସେବା କଲାନି । ୩ ତମର୍ ଉପ୍‌ରେ ଅଇଡେରଇବା ବିପଦର୍ ଲାଗି ଜେନ୍ତାରି କେ ମିସା ବିନ୍ ବାଟେ ନ ଜାଅଡ଼ । ସେଟାପାଇ ସେ ତମ୍ଭକେ ସାଇଜ କର୍ସି । ଏଲେମିସା ତମେତା ଜାନାସ୍, ଆମ୍ଭକେ ମିସା ଏନ୍ତାରି କସ୍ଟ ମିଲ୍‌ଲାନି, ଏଟା ଆମର୍ ପାଇ ପର୍ମେସର ମନ୍ କର୍‌ବାଟା । ୪ ଆମେ ତମର୍‌ସଙ୍ଗ୍ ରଇଲା ବେଲେ, ବେସି ଆଗେଅନି ଆମ୍ଭକେ ଦୁକ୍‌କସ୍ଟ ଆଇସି ବଲି ପୁର୍‌ବେଅନି ଜାନାଇ ଦେଇରଇଲୁ । ଏବେ ତମେ ଜାନ୍‌ଲାସ୍‌ନି, ଟିକ୍ ସେଟାସେ ଗଟ୍‌ଲା । ୫ ଏଟାପାଇ ତମର୍ ବିସଇ ନାଜାନିକରି ମୁଇ ରଇ ନାପାର୍‌ଲି । ତମେ ବିସ୍‌ବାସେ ଆଟାସ୍ କି ନାଇ ଚିନ୍ତାକରି ମୁଇ ତିମତିକେ ପାଟାଇଲି । ଏଟାପାଇ ବଲି କେଡେବେଲେ ସଇତାନ୍ ତମ୍ଭକେ ପରିକା କରି ଆମେ ଆବଡ଼ ଅଇ କଲାଟା ତୁଚାଇ ଜାଇସି ବଲି ତର୍ତ୍ତେ ରଇଲି ।

୬ \*ମାତର୍ ତିମତି ତମର୍ଲଗେଅନି ବାଉଡ଼ି ଆସି ତମର୍ ବିସ୍‌ବାସ୍ ଆରି ଆଲାଦର୍ ବିସଇର୍ ସୁଦ୍ଧାକବର ଆନ୍‌ଲା । ସେ ଆମ୍ଭକେ ଜାନାଇଦେଲାଆଚେଜେ, ତମେ ସବୁବେଲେ ଆମ୍ଭକେ ଆଲାଦ୍ ସଙ୍ଗ୍ ଏଡ଼ କଲାସ୍‌ନି ଆରି ଆମେ ଜେନ୍ତାରି ତମ୍ଭକେ ଦେକ୍‌ବାକେ ମନ୍ କଲୁନି, ତମେ ମିସା ସେରକାମ୍ ଆମ୍ଭକେ ଦେକ୍‌ବାକେ ମନ୍ କଲାସ୍‌ନି । ୭ ଡେବେ ଏ ବାଇବଇନିମନ୍, ଆମେ କାକୁର୍ତି ଅଇ ଦୁକ୍ କସ୍ଟ ପାଇଲା ବେଲେ ତମର୍ ବିସ୍‌ବାସ୍‌ଲାଗି ସାର୍‌ଦା ଅଇଲୁନି । ତମର୍ ବିସ୍‌ବାସ୍ ଆକା ଆମ୍ଭକେ ସାଆସ୍ ଦେଇକରି ସଙ୍ଗ୍‌ଆଚେ । ୮ କାଇକେବଇଲେ ଏବେ ତମେ ଡାଟ୍‌ଅଇ ମାପରୁ ସଙ୍ଗ୍ ମିସିକରି ଆଟାସ୍ । ଏଟା ଆମେ ଜାନିକରି ଆରିତରେକ୍ ସାର୍‌ଦା ସଙ୍ଗ୍ ଜିଇଲୁନି । ୯ ଉଁ, ଆମର୍ ପର୍ମେସରର୍ ମୁଆଟେ ତମର୍ ଲାଗି ଆମେ ସବୁଲକ୍ ସାର୍‌ଦା ଅଇଲୁନି । ସେଟାପାଇ ତମର୍ଲାଗି ପର୍ମେସରକେ ଦନିଅବାଦ୍ ଦେଲୁନି । ୧୦ ତମେ ବିସ୍‌ବାସ୍ କଲାଟାନେ କେଡେଟା ଉନା ଆଚେ । ସେଟା ପୁରାପୁରୁନ୍ କର୍‌ବାକେ, ଆମେ ତମର୍‌ସଙ୍ଗ୍ କେନ୍ତା ମିସିପାରୁ, ଏଟାପାଇ ଦିନ୍ ରାତି ପାର୍‌ତନା କରିଲାଗିଆତୁ ।

୧୧ ତମର୍ଲଗେ ଆଇବାକେ ଆମ୍ଭକେ ଆମର୍ ବାବା ପର୍ମେସର ଆରି ଆମର୍ ମାପରୁ ଜିସୁ ବାଟ୍ ତିଆର୍‌କରି ଦେଅଡ଼ । ୧୨ ଜେନ୍ତାରି ଆମର୍ ଆଲାଦ୍ ତମର୍ପାଇ ବଡ଼ିଆଇଲାନି, ସେନ୍ତାରିସେ ନିଜର୍ ନିଜର୍ ବିଡ଼ରେ, ଆରି ସବୁ ଲକ୍ମନକେ ମାପରୁ ଆଲାଦ୍ ବଡ଼ାଇକରି ଅଦିକ୍ କର । ୧୩ ମାପରୁ ଏନ୍ତାରି ତମ୍ଭକେ ଡବିର୍ କରାଅ । ଜେଡେବେଲେ ଆମର୍ ମାପରୁ ଜିସୁ ତାର୍ ନିଜର୍ ସୁକଲ୍ ଲକ୍ମନର୍ ସଙ୍ଗ୍ ଆଇବା ବେଲେ, ତମେ କାଇ ଦସ୍ ନ ଅଇଡେ ଆରି ସୁକଲ୍ ଅଇ, ବାବା ପର୍ମେସରର୍ ମୁଆଟେ ଟିଆଅଇସା ।

**୪**

**ପର୍ମେସର ଦେକ୍‌ବା ଇସାବେ ସାନ୍‌ଡିରେ ରଇବା ଜିବନ୍**

୧ ଡେବେ ଏ ବାଇମନ୍ ସାରାସାରି ବେଲାଇ କେନ୍ତାରି ଚଲାଚଲ୍‌ତି କଲେ ପର୍ମେସର ସାର୍‌ଦା ଅଇସି, ସେ ବିସଇ ତମେ ଆମର୍ଟାନେଅନି ସିକିଆଟାସ୍ । ଆରି ସେନ୍ତାରିସେ ଚଲାଚଲ୍‌ତି କଲାସ୍‌ନି । ତମେ ଜେନ୍ତାରି କଲାସ୍‌ନି, ସେ ଇସାବେ ଆରି ଆଗତୁ ଆଗତୁ ଜିବାକେ ଆମେ ତମ୍ଭକେ ମାପରୁ ଜିସୁର୍

\* ୩:୧ ୩:୧ ପେରିଡ଼ ୧୭:୧୫ \* ୩:୬ ୩:୬ ପେରିଡ଼ ୧୮:୫

ନାଉଁଦାରି ବାବୁଜିଆ କରି ସାରଦା କରାଇଲୁନି ।<sup>୨</sup> କାଇକେବଇଲେ ମାପୁରୁ ଜିସୁର୍ଟାନେଅନି ଆଦେସ୍ ପାଇକରି ଜାଇ ଜାଇଟା କର୍ବାକେ କଇରଇଲୁ, ସେଟା ତମେ ଜାନାସ୍ ।<sup>୩</sup> ଜେନ୍ତାରି କି ତମେ ବେସିଆ କାମ୍ଟାନେଅନି ବିନେ ରଇକରି, ସୁକଲ୍ ସଙ୍ଗ୍ ରଇବାଟା ପର୍ମେସର୍ ମନ୍ କଲାନି ।<sup>୪</sup> ସବୁଲକ୍ ସୁକଲ୍ ଆରି ଆଲାଦସଙ୍ଗ୍ ନିଜର୍ ନିଜର୍ ମାଇଜିମନର୍ ସଙ୍ଗ୍ ରଇବାକେ ସିକା ।<sup>୫</sup> ଆରି, ଜେନ୍ତାରି ବିସ୍ବାସ୍ ନ କଲା ଲକ୍ମନର୍ପାରା ପର୍ମେସରର୍ ବାକିଅ ନ ମାନିକରି ଆସାର୍ କାମ୍ କରାନାଇ ।<sup>୬</sup> ଜେ ଜଦି ଏ ବିସଇ ନ ମାନିକରି କନ୍ ବିସ୍ବାସି ବାଇକେ ମିସା ଅନିଆଇ କର୍ସି ବଇଲେ, ମାପୁରୁ ଏ ସବୁ ବିସଇ ନେଇ ତଣ୍ଟ ଦେଇସି । ଏ କାତା ଆମେ ପୁର୍ବେ ଜାନାଇଦେଇ ଆତୁ ।<sup>୭</sup> କାଇକେବଇଲେ ପର୍ମେସର୍ ଆମକେ ସୁକଲ୍ ନ ଅଇକରି ଜିଉନା କାଉନା କର୍ବାକେ ତାକେନାଇ ମାତର୍ ସୁକଲ୍ ଅଇ ରଇବାକେ ତାକିଆଟେ ।<sup>୮</sup> ତେବେ ଜେ ଆମର୍ ଏ ସିକିଆ ନ ନାମେ, ସେ ଅବକା ମୁନୁସକେ ନ ନାମେ । ମାତର୍ ଜନ୍ ପର୍ମେସର୍ ତମର୍ ବିତ୍ତରେ ସୁକଲ୍ଆଡ଼ମା ଦେଇସି, ତାକେ ନ ନାମେ ।

<sup>୯</sup> ଏ କିରିସ୍ଟ ବିସ୍ବାସି ବାଇବଇନିମନ୍, ତମର୍ ଆଲାଦ୍ କର୍ବା ବିସଇ ଆମେ ଆରି ଅଦିକ୍ ଲେକ୍ବାର୍ ଦରକାର୍ ନାଇ । କାଇକେବଇଲେ ତମେ ପର୍ମେସର୍ଟାନେଅନି ନିଜର୍ ନିଜର୍ ବିତ୍ତରେ ଆଲାଦ୍ କର୍ବାଟା ସିକିଆଟାସ୍ ।<sup>୧୦</sup> ଆରି ଗୁଲାଇ ମାକିଦନିଆଇ ରଇବା ସବୁ ବିସ୍ବାସି ବାଇମନକେ ସେନ୍ତାରି କଲାସିନି । ଏଲେମିସା, ତମେ ଆରି ଅଦିକ୍ ଅଦିକ୍ ସେନ୍ତାରି କରା ।<sup>୧୧</sup> ଆରି ତମକେ ପୁର୍ବେ ଦିଆଅଇରଇବା ଆଦେସ୍ ଇସାବେ ତମେ ସାନ୍ତିସଙ୍ଗ୍ ରଇକରି ନିଜର୍ ନିଜର୍ କାମେ ଲାଗିରୁଆ, ପାଇଟି କାବାଡ଼ କରି ରୁଆ । ଏଟାରପାଇ ଆମେ ତମକେ ବାବୁଜିଆ କଲୁନି ।<sup>୧୨</sup> ଏନ୍ତାରି କଲେ ବିସ୍ବାସ୍ ନ କର୍ବା ଲକ୍ମନ ମିସା ତମକେ ନାମ୍ବାଇ । ଆରି କାଇଟା ମିସା ଅବାବ୍ ନ ଅଏ । ତମକେ ଦରକାର୍ ରଇବା ବିସଇପାଇ ବିନ୍ଲକ୍କେ ଆସା କର୍ବାକେ ନ ପଡେ ।

**ମାପୁରୁ ଆରିତରେକ୍ ଆଇବାଟା**

<sup>୧୩</sup> ଏ ବାଇବଇନିମନ୍, ଆସା ନ କର୍ବା ବିନ୍ ଲକ୍ମନର୍ ପାରା ଦୁକ୍ ଚିନ୍ତା ଅଇ ରୁଆନାଇ । ଏଟାରପାଇ ତମେ ମରିଜାଇରଇବା ଲକ୍ମନର୍ ବିସଇ ଜାନିରୁଆ ।<sup>୧୪</sup> କାଇକେବଇଲେ ଜିସୁ ମରିକରି ଆରିତରେକ୍ ଉଟିଆଟେ ବଲିକରି ଆମେ ବିସ୍ବାସ୍ କଲୁନି । ତେବେ ଆମେ ତାଟ୍ ସଙ୍ଗ୍ ଜାନି ଆତୁ କି, ଜନ୍ ଲକ୍ମନ ଜିସୁକେ ବିସ୍ବାସ୍ କରି ମରିଆଟଡ଼, ସେ ଆରିତରେକ୍ ଆଇଲେ ପର୍ମେସର୍ ତାଟ୍ ସଙ୍ଗ୍ ସେମନକେ ଦାରିଜାଇସି ।

<sup>୧୫</sup> ଏବେ ଆମେ ତମକେ ଜନ୍ ସିକିଆ ଦେଲୁନି, ସେଟା ମାପୁରୁର୍ ସିକିଆ । ମାପୁରୁ ଆଇବା ବେଲେ ଜେଡ଼କି ଲକ୍ ଆମେ ନ ମରିକରି ଜିଇ ଆତୁ, ଆମେ ଦେକ୍ବା ଆଗତୁ ମରିଜାଇରଇବା ବିସ୍ବାସିମନ୍ ମାପୁରୁକେ ଦେକ୍ବାଇ ।<sup>୧୬</sup> କାଇକେବଇଲେ ମାପୁରୁ ନିଜେ ଆଦେସ୍ ଦେଇ, ମୁକିଆ ଦୁତର୍ ସର୍ ଆରି ପର୍ମେସରର୍ ବାଜାମଇରି ସଙ୍ଗ୍ ସର୍ଗେ ଅନି ଉତର୍ସି । ଜିସୁକିରିସ୍ଟକେ ବିସ୍ବାସକରି ଜନ୍ଲକ୍ମନ ମରିଆଟଡ଼ ସେମନ୍ ତେଇ ପର୍ତମେ ଉର୍ବାଇ ।<sup>୧୭</sup> ତାରପଟେ ଆମେ ଜେଡ଼କି ଲକ୍ ଜିବନ୍ ରଇବୁ, ସେବେଲେ ମେଗମାଲାଇଅନି ସେମନର୍ସଙ୍ଗ୍ ଉଡ଼ିକରି ସବୁବେଲେ ମାପୁରୁର୍ ସଙ୍ଗ୍ ସରଗ୍ପୁରେ ରଇବୁ ।<sup>୧୮</sup> ଏସବୁ କାତାମନ୍ ସୁନାଇକରି ତମେ ନିଜର୍ ନିଜର୍ ଲକ୍ମନକେ ସାଆସ୍ କରାଆ ।



**ମାପୁରୁ ଆରିତରେକ୍ ଆଇଲାନି ତିଆର୍ ଅଇରୁଆ**

<sup>୧</sup> ଏ ବାଇମନ୍, ମାପୁରୁ ଜିସୁର୍ ଦିନ୍ କେବେ ଆରି କେତେବେଲେ ଗର୍ସି, ସେ ବିସଇ ତମକେ ଆରି ଅଦିକ୍ ଲେକ୍ବାକେ ଲଡା ନାଇ, <sup>୨</sup> କାଇକେବଇଲେ ମାପୁରୁର୍ ଦିନ୍ ଗଟେକ୍ ଚର୍ ରାତିଆ ଗରେ ଆସି ପୁର୍ଲାପାରା କେଟ୍ସି । <sup>୩</sup> ଜେତେବେଲେ ଲକ୍ମନ ସାନ୍ତିସଙ୍ଗ୍ ରଇକରି ଆମକେ ଆରି କାଇ ବିପଦ୍ ନ ଆସେ ବଲି ବାବ୍ତେରଇବାଇ, ସେଡ଼କିବେଲେ ଅଟାଡ଼ ଗାଗ୍ଡେଅଇ ରଇଲା ମାଇଜିକେ ପିଲା ଜନମ୍ ଅଇବାବେଲର୍ ଦୁକାସୁକାପାରା ବିନାସର୍ ବେଲା ଆସି କେଟ୍ସି । ଆରି ସେମନ୍ କାଇଟା କଲେମିସା ତେଇଅନି ବୈଟି ନାପାରଡ଼ ।<sup>୪</sup> ମାତର୍ ଏ ବାଇବଇନିମନ୍, ଏବେ ତମେ ଆନ୍ଦାରେ ବାସାଅଇ ରୁଆସ୍ ନାଇ । ତେବେ ସେ ଦିନ୍ ତମର୍ ନାଜାନ୍ତେ ଆରି ଜାଗ୍ଡେ ନ ରଇଲା ବେଲାଇ ଚର୍ପାରା ଅଇ ନ ଆସେ ।<sup>୫</sup> ତମେ ସବୁଲକ୍ ଉଜଲ୍ ଆରି ଦିନ୍ ବେଲର୍ ପିଲାମନ୍ । ଆମେ ରାତିଆଇ କି ଆନ୍ଦାରେ ରଉନାଇ ।<sup>୬</sup> ତେବେ ଆସା, ଆମେ ବିନ୍ ଲକ୍ମନର୍ ପାରା ଗୁନି ଗୁନି କରି ନ ରଉଁ । ଚେତା ଅଇକରି ଜାଗ୍ଡେସଙ୍ଗ୍ ରଉଁ ।<sup>୭</sup> ତେବେ ଜନ୍ ଲକ୍ମନ ସଇବାଇ, ସେମନ୍ ରାତିବେଲେ ସଇବାଇ । ଆରି ଜନ୍ ଲକ୍ମନ ମାଡ଼ବାଇ, ସେମନ୍ ରାତିଆ ମାଡ଼ବାଇ ।<sup>୮</sup> ଆମର୍ ବିସ୍ବାସ୍ ଆରି ଆମର୍ ଆଲାଦ୍ ଗଟେକ୍ ରକିଆ ପାଇବା ଲୁଆର୍ ବସ୍ତର୍ ପାରା ରକିଆ କର୍ସି । ଆମର୍ ଆସା ଗଟେକ୍ ଲୁଆର୍ ଟପି ପାରା ଆମକେ ରକିଆ କର୍ସି ।

☆ ୪:୧୫ ୪:୧୫ ୧ମ କରକ୍ରିୟ ୧୫:୫୧, ୫୨ ☆ ୫:୨ ୫:୨ ମାଡ଼ିଉ ୨୪:୪୩; ଲୁକ୍ ୧୨:୩୯; ୨ ଯୁ ପିତର୍ ୩:୧୦ ☆ ୫:୮ ୫:୮ ଏପିସିୟୁ ୬:୧୩-୧୭

୯ କାଈକେବଇଲେ ପର୍ମେସର୍ ଆମକେ ରିସାର୍ ମୁତାର୍ ଡଣ୍ଡ ପାଇବାକେ ନ ବାଟିକରି ଆମର୍ ମାପୁରୁ ଜିସୁକିରିସ୍ଟର୍ ଲାଗି, ମୁକ୍ତି ପାଇବାକେ ତିଆର୍ କଲାଆଟେ । ୧୦ ସେ ଆମର୍ ଲାଗି ତାର୍ ଜିବନ୍ ଦେଲା । ଜେକ୍ତିକି ଆମେ ଜାଗ୍‌ରଡ୍ ଅଇକରି ରଇଲେ କି ସଇକରି ରଇଲେ ମିସା ତାର୍ ସଙ୍ଗ୍ ଜିଇକରି ରଇବାର୍ ଅଇସି । ୧୧ ତେବେ ତମେ ଜେନ୍ତାରି କଲାସ୍‌ନି, ସେନ୍ତାରି ନିଜର୍ ଲକ୍‌ମନ୍‌କେ ଦୁକ୍ ସାରାଆ । ଆରି ସାଇଜ କର୍‌ତେରୁଆ ।

**ସାରାସାରି କାତା**

୧୨ ଏ ବାଇବଇନିମନ୍, ଆମେ ତମକେ ଗୁଆରି କଲୁନି । ତମର୍ ବିତ୍‌ରେ ଜନ୍ ଲକ୍‌ମନ୍ କସ୍‌ଟ କର୍‌ବାଇ, ଆରି ମାପୁରୁର୍ ସେବା କାମେ ମିସିକରି, ନେତା ପାରା ରଇକରି ତମକେ ସିକାଇବାଇ, ସେମନ୍‌କେ ମାନିଅ କରା । ୧୩ ତାକର୍ କାମର୍ ଲାଗି ସେମନ୍‌କେ ଜିବନ୍ ପରାନ୍ ଦେଇକରି ଆଲାଦ୍ କରା । ନିଜର୍ ନିଜର୍ ଲକ୍‌ମନ୍‌ର ସଙ୍ଗ୍ ସାକ୍ତିସଙ୍ଗ୍ ରୁଆ ।

୧୪ ଏ ବାଇବଇନିମନ୍, ଆମେ ତମକେ ଗୁଆରି କଲୁନି । ପାଇଟି କାବାଡ୍ ନ କରି ବାଡୁ ଅଇ ରଇବା ଲକ୍‌ମନ୍‌କେ ଜାଗ୍‌ରଡ୍ କରା । ତାକ୍‌ଲା ପୁଣ୍ଡିଲା ଲକ୍‌ମନ୍‌କେ ଜତନ୍ କରା । ଡର୍‌ବା ଲକ୍‌ମନ୍‌କେ ସାଆସ୍ ଦିଆସ୍ । ଲକ୍‌ମନ୍‌ର୍ କୁଆ କାତା ମୁରଟି କରି ରୁଆ । ୧୫ ଜାଗ୍‌ରତା, କେ ମିସା କାର୍‌ଆଲେ ଅନିଆଇର୍ ବାଦୁଲେ ଅନିଆଇ ନ କରା । ତାର୍ ବାଦୁଲେ ନିଜର୍ ନିଜର୍ ବିତ୍‌ରେ ଆରି ସବୁଲକର୍ ପାଇ ସବୁବେଲେ ମଙ୍ଗଲ୍ କର୍‌ବାକେ ଚେସ୍‌ଟା କରା ।

୧୬ ସବୁବେଲେ ସାର୍‌ଦାଅଇ ରୁଆ । ୧୭ ସବୁବେଲେ ପାର୍‌ତନା କରା । ୧୮ ସବୁ ସୁକ୍ ଦୁକ୍ ବେଲେ ମାପୁରୁକେ ଦନିଅବାଦ୍ ଦିଆସ୍ । କାଈକେବଇଲେ କିରିସ୍‌ଟ ଜିସୁର୍ ସଙ୍ଗ୍ ମିସିକରି ଜିଉନା କାଉନା କଲାସ୍‌ନି ବଲି ପର୍ମେସର୍ ତମର୍‌ଟାନେ ଅନି ମାଙ୍ଗ୍‌ଲାନି ।

୧୯ ସୁକଲ୍‌ଆଡ୍‌ମାକେ ଏଲା କରାନାଇ । ୨୦ ସୁକଲ୍‌ଆଡ୍‌ମା କଇଲା କାତା ଏଲା କରାନାଇ । ୨୧ ସବୁ ବିସଇ ପରିକା କରି ଦେକା, ଜନ୍‌ଟା ସଡ୍, ସେଟା ଚାଡାନାଇ । ୨୨ ସବୁ ରକାମର୍ କାରାପ୍ କାମେଅନି ଦୁରିକେ ରୁଆ ।

୨୩ ନିଜେ ସାକ୍ତି ଦେବା ପର୍ମେସର୍ ତମକେ ପୁରାପୁରୁନ୍ କରି ସୁକଲ୍ କର । ଆରି ଆମର୍ ମାପୁରୁ ଜିସୁ ଆରିତରେକ୍ ଆଇବା ବେଲେ, ତମର୍ ଆଡ୍‌ମା, ଜିବନ୍, ଗାଗଡ୍ କାଈ ଦସ୍ ପାପ୍ ନ ଅଇକରି ସଙ୍ଗ୍‌ଇ ରଅ । ୨୪ ଜେ ତମକେ ବାଡ୍‌ଲା ଆଟେ, ସେ ସେଟା କର୍‌ସି । କାଈକେବଇଲେ ସେ ବିସ୍‌ବାସ୍ ରକ୍‌ବା ଲକ୍ ।

୨୫ ଏ ବାଇବଇନିମନ୍, ଆମର୍‌ପାଇ ମିସା ପାର୍‌ତନା କରା ।

୨୬ ସବୁ ବାଇମନ୍‌କେ ସୁକଲ୍ ରଇ, ଆତେ ଦାରି ଜୁଆର୍ କରା ।

୨୭ ସବୁ ବାଇବଇନିମନ୍‌ର୍ ଲଗେ ଏ ଚିଟି ପତାଆ ବଲି ମୁଇ ମାପୁରୁର୍ ନାଉଁ ଦାରି ତମକେ ମୁଇ ତିଆର୍‌ଲିନି ।

୨୮ ମାପୁରୁ ଜିସୁ ଜିବନ୍ ଦୁକାଇ ଦୟା କଲାଟା ତମର୍ ସଙ୍ଗ୍ ର ।



## ତେସଲନୀକିୟ ମଣ୍ଡଳୀର ବିଶ୍ୱାସୀମାନଙ୍କୁ ପାଉଲଙ୍କର ଦ୍ୱିତୀୟ ପତ୍ର ୨ ଯ ତେସଲନିକିୟ ମଣ୍ଡଳିର ବିସ୍ତାରିତମନ୍ତ୍ରଣା ପାଉଲ୍ ଦୁଇପାଲି ଚିଠି ଲେଖିଲାଟା ଏ ବଇର ବିସଇ ଜାନ୍‌ବାଟା

୨ ଯ ତେସଲନିକିୟ ବଇ ତେସଲନିକିୟ ମଣ୍ଡଳିତେଇ ଲେଖିଲା ଦୁଇ ପାଲି ଜାଇରଇଲା ଚିଠି । ଏ ଚିଠି ପେରିଡ଼ ପାଉଲ୍ ଲେଖାଇରଇଲା ୧:୧ । ୧ ମ ତେସଲନିକିୟର ଦାପେ ଦାପେସେ କିରିସ୍ତ ଜନମ୍ କରି ୫୧ ବରସ୍ ଗାଲା ପଚେ ଏ ଚିଠି ଲେଖି ରଇଲା । ତେସଲନିକି ମଣ୍ଡଳିକେ ଚିଠି ଲେଖିଲା ବେଲେ ପାଉଲ୍ କରନ୍ତିୟ ମଣ୍ଡଳିତେଇ ରଇଲା । ଜନ୍ ମଣ୍ଡଳିକେ କି ସେ ମିସ୍ନାରି ଇସାବେ ଦୁଇ ପାଲି ଗାଲାବେଲେ ଗଠି ରଇଲା ପେରିଡ଼ ୧୭:୧-୧୦ ।

କେତେଟା ଜିଉଦିମନ୍ ଆରି କେତେଟା ଗିରିକ୍ ଲକ୍ମନର ଲାଗି ଏ ମଣ୍ଡଳି ତାପୁନା ଅଇଲା ଆଚେ ବଲି ପେରିଡ଼ ବଇଟାନ୍ କଇଲାଆଚଡ଼ । ତେସଲନିକି ମଣ୍ଡଳି ଲେଖାଅଇରଇବା ଚିଠିଟାନ୍ କିରିସ୍ତ ଆରିତରେକ୍ ଆଇବାଟା ଆରି ସାରାସାରିବେଲାଠି ବିସଇ ଲେଖାଅଇଲାଆଚେ । କାଇକେବଇଲେ ପାଉଲ୍ ତାର ଚିଠିଟାନ୍ ଏ ଦୁଇଟା ଜାକ ତେସଲନିକି ମଣ୍ଡଳିକେ ଲେଖିଆଚେ । ୨ ଯ ତେସଲନିକିୟଟାନ୍ ଲେଖାଅଇବା ବିସଇ ପାକାପାକି ଅଦା ବିସଇ ସାରାସାରିବେଲା ବିସଇରେସେ ଆଚେ । ପାଉଲ୍ ଅଲ୍‌ସିଆ ବିସଇନେଇ ମିସା ତରିକ୍ନା କରାଇଲାନ୍ତି । ସବୁ ମୁନୁସ୍ ଜାତି ସେମନ୍ କାଦିର୍ ପାଇ ପାଇଟିକାବାଡ଼ କରବାର୍ ଆଚେ ୩:୭-୧୦ ।

### ଏ ବଇ ବିଡ଼ରେ ରଇବାଟା

- ୧. ପାଉଲ୍ ତାର ଚିଠିଟାନ୍ ତାର ନିଜର୍ ମଇତରମନ୍‌କେ ଚିନାର୍ ଜାନାର୍ କରାଇ ଆରାମ୍ କଲାନ୍ତି । ୧:୧-୨
- ୨. ତେସଲନିକି ମଣ୍ଡଳିର ପାଇ ପରମେସର୍‌କେ ଦନିଅବାଦ୍ ଦେଲାନ୍ତି ଆରି ପାର୍ତନା କଲାନ୍ତି । ୧:୩-୧୨
- ୩. ୨ ଯ ଅଦିଆଇ ଜଗତର୍ ସାରାସାରି ବେଲାଠି ବିସଇ କଇଲାନ୍ତି । ୨:୧-୧୭
- ୪. ସେ ଅଲସ୍‌କେ ବିରଦ୍ କଲାନ୍ତି ଆରି ପାଇଟିକାବାଡ଼ କରବା ବିସଇ କଇଲାନ୍ତି । ୩:୧-୧୫
- ୫. ପାଉଲ୍ ଆରିତରେକ୍ ମଣ୍ଡଳିର ଲକ୍ମନକେ ଜୁଆର୍ ଜାନାଇକରି ସାରାଇଲାନ୍ତି । ୩:୧୬-୧୮

୧ \*ମୁଇ ପାଉଲ୍, ବାବା ପରମେସର୍ ଲଗେ ଆରି ମାପୁରୁ ଜିସୁକିରିସ୍ତ ତେଇ ରଇବା ତେସଲନିକିୟ ମଣ୍ଡଳିର ଲକ୍ମନକେ ଏ ଚିଠି ଲେଖି ପାଟାଇଲିନ୍ତି । ମର୍ ସଙ୍ଗ୍ ରଇକରି ସିଲା ଆରି ତିମତି ମିସା ଜୁଆର୍ ଜାନାଇଲାଇଲିନ୍ତି ।

୨ ଆମର୍ ବାବା ପରମେସର୍ ଆରି ମାପୁରୁ ଜିସୁକିରିସ୍ତ ତମ୍‌କେ ଜିବନ୍ ଦୁକାଇ ସାନ୍ତି ଦେଅ ।

### ଜିସୁ ଆରିତରେକ୍ ଆସି ବିଚାର୍ କରବାଟା

୩ ଏ ବାଇବଇନିମନ୍ ତମର୍‌ପାଇ ଆମେ ପରମେସର୍‌କେ ସବୁବେଲେ ଦନିଅବାଦ୍ ଦେବା କାତା । ଏଟା ଚିକ୍ ବିସଇ । କାଇକେବଇଲେ ତମର୍ ବିସ୍‌ବାସ୍ ଅଦିକ୍ ଅଦିକ୍ ଅଇଲାନ୍ତି । ଆରି ତମର୍ ନିଜର୍ ନିଜର୍ ବିଡ଼ରେ ସବୁଲକ୍‌କେ ଆଲାଦ୍ ବଡ଼ିଗାଲାନ୍ତି । ୪ ତମେ ଜେଡ଼କି ସବୁ ଉଡ଼ାସୁନିକରି ମିସା ବିସ୍‌ବାସ୍ କରି ବପୁସଙ୍ଗ୍, ତାଟ୍ ଅଇକରି ଆଚାସ୍ । ଏ କାତା ଆମେ ପରମେସର୍‌ର ମଣ୍ଡଳିମନ୍‌କେ ବଡ଼ପନ୍ ଅଇକରି କଇଲୁନ୍ତି ।

୫ ପରମେସର୍‌ର ଜନ୍ ରାଇଜର୍‌ପାଇ ତମେ ଦୁକ୍ କସ୍ଟ ପାଇଲାସ୍‌ନି, ସେ ରାଇଜ୍ ପାଇସା । ପରମେସର୍‌ର ବିଚାର୍ କରବାଟା ଚିକ୍ ଆକା, ଇତିଅନ୍ତି ସେଟା ଜାନିଅଇଲାନ୍ତି । ୬ ଜନ୍‌ଟା ଚିକ୍, ସେଟା ପରମେସର୍ ପୁରାପୁରୁନ୍ କରସି । ଜନ୍‌ଲକ୍ମନ ଏବେ ତମ୍‌କେ କସ୍ଟ ଦେଲାଇଲି, ସେମନ୍ କସ୍ଟ ପାଇବାଇ । ୭ ପରମେସର୍ ତମର୍ ଦୁକ୍ କସ୍ଟ ଅଇବାଟା ସାରାଇକରି ଆମ୍‌କେ ମିସା ସାନ୍ତି ଦେଇସି । ଜେଡେବେଲେ ମାପୁରୁ ଜିସୁ ସର୍‌ଗେଅନ୍ତି ତାର ବପୁର୍ ଦୁଡ଼ମନ୍‌ର ମଜାଇ ବପୁଅଇ ଆଇସି, ପରମେସର୍ ଏ କାମ୍ ପୁରାପୁରୁନ୍ କରସି । ୮ ଜନ୍‌ଲକ୍ମନ ପରମେସର୍‌କେ ନାଜାନଡ଼, ଆରି ଆମର୍ ମାପୁରୁ ଜିସୁର୍ ବାକିଅ ନ ମାନଡ଼, ସେନ୍ତାରି ଲକ୍ମନକେ ସେ ଡଣ୍ଟ ଦେବାକେ ଲାଗ୍‌ତେରଇବା ଜଇସଙ୍ଗ୍ ଆଇସି । ୯ ସେ ଲକ୍ମନ ମାପୁରୁର୍ ମୁଆଟେ ତାଟ୍‌ସଙ୍ଗ୍ ତାକ୍‌ପୁଟା ପାଇବା ତେଇଅନ୍ତି, କାଲ୍ କାଲ୍ ଜୁଗ୍ ଜୁଗ୍ ପାଇ କୁରୁପ୍‌ନାସ୍ ଅଇଜିବାଇ । ୧୦ ସେଦିନେ ମାପୁରୁ ତାର ଲକ୍ମନର୍ ଟାନ୍‌ଅନ୍ତି ଆରି ସବୁ ଲକ୍ମନର୍

\* ୧:୧ ପେରିଡ଼ ୧୭:୧

ଟାନେଅନି ଡାକ୍ତରୀ ଅଇ ସନ୍ମାନ ପାଇସି । ଏମନ୍ତ ବିତରେ ତମେ ମିସା ମିସା । କାଇକେବଇଲେ ଆମେ ଜନ୍ କବର୍ ଦେଇରଇଲୁ, ସେଟା ତମେ ବିସ୍ବାସ କଲାସ୍ ଆରି ମାନଲାସ୍ ।

୧୧ ତମକେ ଜେନ୍ତି ଜିଉନା କାଉନା କର୍ବାପାଇ ପର୍ମେସର୍ ବାଟଲା ଆଚେ, ସେନ୍ତାରି ଚଲାଚଲୁତି କରାଇବାକେ ଆମେ ପର୍ମେସର୍କେ ଗୁଆରି କଲୁନି । ସେ ତାର ବପୁସଙ୍ଗ୍ ସବୁ ଆସା କର୍ବା ସତ୍ ପୁରାପୁରୁନ୍ କରି ତମର୍ ବିସ୍ବାସ ଡାକ୍ କର । ସେଟାପାଇ ଆମେ ସବୁବେଲେ ତମର୍ଲାଗି ପାର୍ତନା କଲୁନି । ୧୨ ଏନ୍ତାରି କଲେ ଆମର୍ ସବୁଲକର୍ ପର୍ମେସର୍ ଆରି ମାପୁରୁ ଜିସୁକିରିସ୍ଟ ଜିବନ୍ ଦୁକାଇ ତମକେ ମିସା ଡାକ୍ତରୀ କରାଇସି । ଆରି ତମେ ମିସା ତାର୍ଟାନେ ଡାକ୍ତରୀ ଅଇସା ।

### ୨

#### କାରାପ୍ କର୍ବା ଲକ୍

୧ \*ଏ ବାଇବଇନିମନ୍, ମାପୁରୁ ଜିସୁକିରିସ୍ଟ ଆରିତରେକ୍ ଆଇବା ବିସଇ ଆରି ତାର୍ଲଗେ ଆମେ ସବୁଲକ୍ ରୁଣ୍ଡୁଅଇବା ବିସଇ, ତମକେ ଆମେ ବାବୁଜିଆ କଲୁନି । ୨ କାର୍ଲଗେଅନି ମିସା ମାପୁରୁର୍ ଦିନ୍ କେଟ୍ଲାବେ, ବଲିକରି ସୁନିଦେଇ କିଲ୍ବିଲ୍ ଉଆନାଇ । ଜଦି ସେ କବର୍ ଆମେ ବବିସତ୍‌କାତା କଇଲୁ କି ଜାନାଇଲୁ ନଇଲେ ଚିଟିଟାନେ ଲେକିଆତଡ୍ ବଲି ସୁନଲେ ମିସା ସେନ୍ତାର୍ ଉଆନାଇ । ୩ କେ ମିସା ସେନ୍ତାରିକରି ତମକେ ବୁଲ୍ ବାଟେ ନ ନେଅ । କାଇକେବଇଲେ ପର୍ତୁମ୍ ଦରମର୍ ପାଇ ବିରଦ୍ ଅଇସି । ତାର୍ପଚେ ବିନାସ୍ କରୁ ଜେ କି ପାପି ମୁନୁସ୍ ଆଇବା ଦରକାର୍ । ସେ ପାପି ମୁନୁସ୍ ନ ସାର୍ବା ମରନେ ଜାଇସି । ୪ ସେ ଦୁରାଚାର୍ ମୁନୁସ୍ ଜନ୍ ସବୁ ବିସଇ ପର୍ମେସର୍ ବଲି ଲକ୍‌ମନ୍ ପୁଜା କଲାଇନି, ସବୁଟାନେଅନି ସେ ନିଜେ ମୁକିଅ ବଲି କଇସି । ଜେନ୍ତି କି ପର୍ମେସର୍ ମନ୍ଦିରେ ବସିକରି ମୁଇ ଆକା ପର୍ମେସର୍, ବଲି ଦେକାଇ ଅଇସି ।

୫ ମୁଇ ତମର୍ ସଙ୍ଗ୍ ରଇଲାବେଲେ ତର୍କେ ତର୍ ଏ ସବୁ ବିସଇ ଏତାଇ ଦେଇତେ ରଇଲି । ସେଟା କାଇ ତମର୍ ମନେ ନାଇ କି ? ୬ ଅଇଲେମିସା ସେ ବିପଦ୍ ଏବେ ନ ଗଟେତା । କାଇକେବଇଲେ ତାର୍‌ସଙ୍ଗ୍ ଜୁଜ୍‌ବାକେ ଏବେ ଗଟେକ୍ ବପୁ ଆଚେ । ସେଟା କାଇ ତମେ ଜାନାସ୍ କି ? ସମାନ୍ ବେଲାଇ ସେ କାରାପ୍ ଲକ୍ ବାରଇସି । ୭ କାଇକେବଇଲେ ଏବେ ମିସା ଲୁଚ୍‌ତେ ଅନିଆଇର୍ ପାପ୍ କାମ୍ ଚାଲିଆଚେ । ଜନ୍ କାରାପ୍ ଲକ୍ ମାପୁରୁର୍ ବାଟେ ଜିବା ଲକ୍‌ମନ୍‌କେ ବିରଦ୍ କଲାନି, ସେ ଲକ୍ ବିନାସ୍ ନ ଅଇବା ଜାକ୍, ଏଟା ଏନ୍ତିସେ ଅଇତେରଇସି । ୮ ସେଡ୍‌କିବେଲେ ସେ କାରାପ୍ ଲକ୍ ଦେକାଇ ଅଇସି । ତାକେ ମାପୁରୁ ଜିସୁ ତାର୍ ନିଜର୍ ଟଣ୍ଡେଅନି ବାରଇବା ପୁଣ୍ଡା ସଙ୍ଗ୍ ନାସ୍ କର୍ସି । ଆରି ତରେକ୍ ସେ ଡାକ୍ତରୀ ସଙ୍ଗ୍ ଆଇବାବେଲେ ସେ କାରାପ୍ ଲକ୍ ବିନାସ୍ ଅଇଜାଇସି । ୯ \*ସେ କାରାପ୍ ଲକ୍, ସଇତାନର୍ ବପୁ ପାଇକରି ଆଇସି । ଆରି କାବା ଅଇବା କାମ୍‌ମନ୍ କରି ଦେକାଇସି । ୧୦ କେତେ କେତେ ଲକ୍‌ମନ୍ ସେ କର୍ବା କାମେ ଜାଇ କିଲ୍ବିଲ୍ ଅଇବାଇ ଆରି ନସ୍ତ ଅଇଜିବାଇ । ଜନ୍ ସତ୍ ମାନିକରି ସେବାଟେ ଗାଲେ, ସେମନ୍ ନ ସର୍ବା ଜିବନ୍ ପାଇତାଇ, ସେଟା ଚାଡିଦେଇରଇବା ଲାଗି ସେମନ୍‌କେ ଏ ଦସା ଅଇସି । ୧୧ ସେମନ୍ ଜେନ୍ତିକି ମିର୍ କାତା ବିସ୍ବାସ୍ କର୍ବାଇ, ସେଟାପାଇ ପର୍ମେସର୍ ସେମନ୍‌ଟାନେ ସତ୍ ନଇବା ବପୁ ପାଟାଇସି । ୧୨ ଜେନ୍ତିକି ଜନ୍ ଲକ୍‌ମନ୍ ସତ୍ ବିସଇ ବିସ୍ବାସ୍ ନ କରି ମିର୍ ବିସଇ ବିସ୍ବାସ୍ କରି ସାର୍‌ବା ଅଇବାଇ, ସେମନ୍ ସବୁଲକ୍ ଏ ରକାମ୍ ଡଣ୍ଡୁ ପାଇବାଇ ।

#### ବିସ୍ବାସେ ତବିର୍ ଅଇରଇବାର୍

୧୩ ଡେବର୍‌ପାଇ ଏ ବାଇବଇନିମନ୍, ତମର୍‌ପାଇ ସବୁବେଲେ ପର୍ମେସର୍‌କେ ଦନିଅବାଦ୍ ଦେବାର୍ ଆଚେ । କାଇକେ ବଇଲେ ପର୍ମେସର୍ ତମକେ ଆଲାଦ୍ କଲାନି ଆରି ଆଗେଅନି ସେ ତମକେ ବାଟ୍‌ଲା ଆଚେ । ଜେନ୍ତିକି ସେ ତମକେ ରକିଆ କରି ପାର୍‌ସି । ସୁକଲ୍ ଆଡ୍‌ମାର୍ କାମର୍ ଲାଗି ତମେ ସୁକଲ୍ ଅଇ ସତ୍ ବିସଇ ବିସ୍ବାସ୍ କରି ପାର୍‌ସା । ୧୪ ଆମେ ତମର୍‌ଟାନେ ଜନ୍ ନିମାନ୍ କବର୍ ଜାନାଇଆଚୁ, ସେଟାଲାଗି ପର୍ମେସର୍ ତମକେ ବାଟ୍‌ଲା ଆଚେ । ଆମର୍ ମାପୁରୁ ଜିସୁ କିରିସ୍ଟର୍ ନାଉଁ ଡାକ୍ତରୀ ଅଇବା ଟାନେ ମିସାଇବାକେ ବାଟିଆଚେ । ୧୫ ତେବେ ଏ ବାଇବଇନିମନ୍, ତମେ ତବିର୍ ଅଇକରି ରୁଆ । ଆମେ ବାକିଅ ଦେଲାଟାନେ ଅନି, କି ଚିଟିତେଇ ଅନି ତମେ ଜନ୍‌ଟା ସିକିଆଚାସ୍, ସେ ସବୁ ଚାତାନାଇ ।

୧୬ ନିଜେ ଆମର୍ ମାପୁରୁ ଜିସୁ କିରିସ୍ଟ, ଆରି ଜନ୍ ଆମର୍ ବାବା ପର୍ମେସର୍ ଆମ୍‌କେ ଆଲାଦ୍ କଲା, ସେ ଆକା ଆମ୍‌କେ ଜିବନ୍ ଦୁକାଇକରି କେବେ ନ ସାର୍‌ବା ବପୁ ଆରି ଆସା ଦେଇଆଚେ । ୧୭ ସେ ସବୁବେଲେ ସତ୍ କାମ୍ କର୍ବାକେ ଆରି ବାକିଅତେଇ ତବିର୍ ଅଇ ରଇବାକେ ସାଇଜ କର ।

\* ୨:୧ ୨:୧ ୧ମ ଡେସଲନିକିୟ ୪:୧୫-୧୭    \* ୨:୯ ୨:୯ ମାଡିଉ ୨୪:୨୪

### ୩

#### ପାର୍ତନାୟ ଲାଗି ଗୁଆରି

<sup>୧</sup> ଏ ବାଇବେଲନିମନ୍, ସାରାସାରି ଆମରପାଇ ପାର୍ତନା କରା । ମାପୁରୁର ବାକିଅ ତମର ବିତ୍ତରେ ଜେନ୍ତୁକି ଦାପ୍ତରେ ଡାବିଅଇ ଜାଇରଇଲା, ସେନ୍ତାରିସେ ଦାପ୍ତରେ ଗୁଲାଇବାଟେ ବିଚିଅଇକରି ଡାକ୍ପୁଟା ଅ । <sup>୨</sup> ଜେନ୍ତାରି କି ପରମେସର ଆମକେ ପଟ୍ଟକାର ଆରି କୁଟିଆଲ୍ ଲକ୍ମନର ଟାନେଅନି ରକିଆ କର । କାଇକେବଇଲେ, ସବୁଲକ୍ ମାପୁରୁର ବାକିଅ ବିସ୍ବାସ୍ କରଡ଼ ନାଇ । ଏଟାରପାଇ ଆରିତରେକ୍ ପାର୍ତନା କରା ।

<sup>୩</sup> ମାତର ମାପୁରୁ, କାତା ରକିଆକାରି । ସେ ତମକେ କାରାପୁଟାନେଅନି ରକିଆ କରି ତବିର କରାଇସି । <sup>୪</sup> ଆମେ ଜେଡ଼କି ସବୁ ଆଦେସ୍ ଦେଲେ ମିସା ତମେ ସେଟା କଲାସ୍ନି, ଆରି କର୍ସା ମିସା । ଏଟା ମାପୁରୁ ଟାନେ ତମର ବିସଇ ନେଇ ଆମେ ଡାଟସଙ୍ଗର ବିସ୍ବାସ୍ ।

<sup>୫</sup> ଆରି ମାପୁରୁ ତମର ମନକେ ପରମେସର ଆଲାଦ୍ ଆରି କିରିସ୍ଟର ସାଆସ୍ ବାଟେ ଜିବାକେ ସାଇଜ କର ।

#### ଅଲସର୍ ବିରୁଦେ ଚେତାଇବାଟା

<sup>୬</sup> ଏ ବାଇବେଲନିମନ୍, ଆମେ ତମକେ ଆମର ମାପୁରୁ ଜିସୁ କିରିସ୍ଟର ନାଉଁ ଦାରି ଆଦେସ୍ ଦେଲୁନି । କନ୍ ବାଇ ମିସା ଆମରଟାନେଅନି ପାଇରଇବା ସିକିଆ ଇସାବେ ମାନିକରି ବାଡୁଅଇକରି ଚଲାଚଲୁଡି କରସି ବଇଲେ, ତାରଟାନେଅନି ବେଗ୍ଲି ଦିଆସ୍ । <sup>୭</sup> କାଇକେବଇଲେ, ତମେ, ଆମେ କଲାପାରା କରବା ଦରକାର୍ । ଆରି ସେଟା କେନ୍ତାରି କରବାର୍ ନିଜେ ଜାନିଆଟାସ୍ । ସେଟାରପାଇ ଆମେ ତମର ଟାନେ ବାଡୁଅଇକରି ଚଲାଚଲୁଡି କରୁନାଇ । <sup>୮</sup> କାର୍ ଗରେ ମିସା ଉଜେ ଉଜେ ମାଜି ନ କାଇତେରଇଲୁ । ତମର ବିତ୍ତରେ କାରମିସା ବଡ଼ ପାରା ନ ଅଇ ରଇକରି କସ୍ଟ ପାଇ, ଆବଡ଼ ପାଇଟି କରି ଦିନରାତି କାମ୍ କରତେରଇଲୁ । <sup>୯</sup> ତମକେ କାଇବାଟା ମାଜ୍ବାକେ ଆମର ଅଦିକାର ରଇଲା, ମାତର ସେନ୍ତାରି କରୁନାଇ । କାଇକେବଇଲେ ତମରପାଇ ଗଟେକ୍ ଉଦାଅରନ୍ ଦେକାଇବାକେ ସେନ୍ତାରି କଲୁ । <sup>୧୦</sup> ତମର ସଙ୍ଗ୍ ରଇଲାବେଲେ ଆମେ ତମକେ କଇରଇଲୁ, ଜନ୍ ଲକ୍ ପାଇଟି କାବାଡ଼ ନ କରେ, ସେ ବାଡ଼ପେଜ୍ ନ କାଅ ।

<sup>୧୧</sup> ଏବେ ଏ କାତା ଆରିତରେକ୍ କଇଲୁନି, କାଇକେବଇଲେ ଆମେ କବର ପାଇଲୁ ଆରୁଜେ, ତମର ବିତ୍ତରେ କେତେକ୍ ଲକ୍ମନ ବାଡୁ ଅଇକରି ଜିଉନାକାଉନା କଲାଇନି । କାଇ ପାଇଟି ନକରି ବିନ୍ ଲକର କାମେ ମଜାଇ ଅଇସି ଆରି କାଇଟାମିସା ନ କରଡ଼ । <sup>୧୨</sup> ମାପୁରୁ ଜିସୁକିରିସ୍ଟର ନାଉଁ ଦାରି ଆମେ ସେ ଲକ୍ମନକେ ଜାଗରଡ଼କରି ଆଦେସ୍ଦେଲୁନି, ସେମନ୍ ସେନ୍ତାରି କରବାଟା ଚାଡ଼ିଦେସ୍ । ଜେନ୍ତାରିକି ନିଜର ପେଟରପାଇ କାଦି ପାଇବାକେ ପାଇଟି କରଡ଼ ।

<sup>୧୩</sup> ମାତର ଏ ବାଇବେଲନିମନ୍ ତମେ ସଡ଼କାମ୍ କରବାକେ ଡାକିଜାଆ ନାଇ । <sup>୧୪</sup> ଏ ଚିଟିଲଗେ ତମକେ ଜନ୍ କବରପାଟାଇଲୁ ଆରୁ, କେନ୍ତୁ ଆଲେ ତମର ବିତ୍ତରେଅନି କେ ମିସା ସେଟା ମାନ୍ବାକେ ମନ୍ ନ କରେ, ସେନ୍ତାରି ଲକ୍କେ ଚିନିରୁଆ ଆରି ତାରସଙ୍ଗ୍ ମିସିବିଡି ରଇବାଟା ଚାଡ଼ି ଦିଆସ୍ । <sup>୧୫</sup> ସେନ୍ତାର୍ କଲେ ସେ ଲାଜ୍ ଅଇଜାଇସି । ମାତର ତାରସଙ୍ଗ୍ ସଡ଼ରୁ ପାରା କାତାବାର୍ତା ନ ଅଇକରି, ନିଜର ବିସ୍ବାସି ବାଇପାରା ତାକେ ଜାଗରଡ଼ କରା ।

#### ସାରାସାରି କାତା

<sup>୧୬</sup> ଜନ୍ମାପୁରୁ ଆମକେ ସାନ୍ତି ଦେଲାନି, ସେ ତମକେ ସବୁବେଲେ ଆରି ସବୁରକାମ୍ ସାନ୍ତିଦେଅ । ମାପୁରୁ ତମର ସବୁରଲଗେ ରଅ ।

<sup>୧୭</sup> ମୁଇ ମର ନିଜର୍ ଆଡେ ଏଟା ଲେକ୍ଲିନି । ପାଉଲର୍ ଜୁଆର୍ ଜାନାଇଲୁନି । ମୁଇ ଲେକିରଇବା ସବୁ ଚିଟିପତର ଲଗେ ମୁଇ ଏନ୍ତାରି ଦସ୍ତକଡ଼ କରି ଲେକିରଇବି ।

<sup>୧୮</sup> ଆମର ମାପୁରୁ ଜିସୁକିରିସ୍ଟର ଜିବନ୍ ଦୁକାନି ତମକେ ସବୁକେ ମିଲ ।

## ତୀମଥୁଙ୍କ ନିକଟକୁ ପାଉଲଙ୍କର ପ୍ରଥମ ପତ୍ର ପାଉଲ୍ ତିମତିଙ୍କେ ଲେଖିରଇବା ପତ୍ରତୁମ୍ ଚିଠି ଏ ବଇର ବିସଇ ଜାନ୍‌ବାଟା

ପତ୍ରତୁମ୍ ତିମତି ବଇ ଗଟେକ୍ ଚିଠିପାରା । ପେରିତ୍ ପାଉଲ୍‌ଟାନେଅନି ତରସିସ୍ ତିମତିରପାଇ ଏ ଚିଠି ଲେକାଜାଇ ଆଟେ ।

ପତ୍ରତୁମ୍ ତିମତି ଜିସୁକିରିସ୍ଟ ଜନମ୍ ଅଇକରି ୬୨-୬୪ ବିତ୍ରେ ଲେକାଅଇଆଟେ । ଏଟା ପାଉଲ୍‌ର ଜିବନର୍ ସାରାସାରିର୍ ବେଲା ଅଇରଇସି କାଇକି । ପାଉଲ୍ ଆରି ତିମତି ଦୁଇଲକ୍ ମିସିବିତିକରି ରଇଲାଇ । ସେ କେବେକେବେ ତିମତିଙ୍କେ ପ ବଲିକରି ଡାକ୍ତେ ରଇଲା । ପିଲିପିୟ ୨:୨୨; ପତ୍ରତୁମ୍ ତିମତି ୧:୨; ୧:୧୮ । ଏଟା ପାଉଲ୍‌ରଟାନେ ଅନି ଲେକି ରଇବା ଚାରଟା ଚିଠି ବିତ୍ରେ ଅନି ଏଟା ଅଇଲାନି ଗଟେକ୍ । ଜନ୍‌ଟାନେକି ମଣ୍ଡୁଲିକେ ଚାଡକରି ଗଟେକ୍ ଲକ୍ ବିସଇରେ ଜାନାଇଲାନି । ଅଲ୍‌ଗା ତିନଟା ବଇ, ଦୁତିଅ ତିମତି, ତିତସ୍ ଆରି ପିଲିମନ୍ । ପତ୍ରତୁମ୍ ତିମତିଟାନେ ମଣ୍ଡୁଲିକେ ଏନ୍ତାରି ଉପାସନା କର୍ବା ବିସଇ ଆଟେ । ୨:୧-୫ ।

ଇତି ମଣ୍ଡୁଲିର୍ ନେତାମନ୍ କେନ୍ତାରି ରଇବାରୁଆଟେ ସେ ବିସଇରେ ଲେକାଅଇଆଟେ । ୩:୧-୧୩ ମିର୍ ସିକିଆ ଦେଉମନର୍‌ଟାନେ ଅନି କେନ୍ତା ଜାଗରତା ରଇବାରୁ ସେ ବିସଇରେ ଆଟେ । ୧:୧-୧୧, ୪:୧-୫, ୬:୨-୫ । ତିମତିଙ୍କେ ମଣ୍ଡୁଲି ବିତ୍ରେ କେନ୍ତାରି ଗଟେକ୍ ନେତାଅଇବା ଦରକାର୍ ସେଟା ପାଉଲ୍ ସିକିଆଦେବା ବିସଇ ଜାନାଇଲାନି ପତ୍ରତୁମ୍ ତିମତି ଏବର୍ ଗାଉମନକେ ରଇବା ମଣ୍ଡୁଲି ଚାଲାଇବାକେ କେନ୍ତାରି କାମ୍ କର୍ବାରୁ ଆଟେ ସେଟା ଜାନାଇଲାନି । ଆରି ଆମର୍ ଜୁଗର୍ ମଣ୍ଡୁଲିର୍ ନେତାମନର୍ ପାଇ କେତେଟା ମୁଲିକା ଉପାଇରେ ସିକାଇଲାନି ।

### ଏ ବଇ ବିତ୍ରେ ରଇବାଟା

- ୧. ପାଉଲ୍ ତିମତିଙ୍କେ ଜୁଆର୍ ଜାନାଇକରି ଲେକ୍‌ଲାଟା ମୁଲିଆଇ ଆଟେ । ୧:୧-୨
- ୨. ପାଉଲ୍ ତିମତିଙ୍କେ ମିର୍ ସିକିଆ ଦେବା ଗୁରୁମନର୍ ବାଟେ ନ ଜିବାକେ ଜାଗରତ୍ କରାଇଆଟେ । ୧:୩-୧୧
- ୩. ପାଉଲ୍ କିରିସ୍ଟଙ୍କେ କେତେକ୍ ବିସ୍ବାସ୍ କଲାନି ସେଟା ଜିସୁଟାନେ ବୁଜାଇଲାନି । ୧:୧୨-୧୯
- ୪. ପାଉଲ୍ ମଣ୍ଡୁଲିଟାନେ ସେବାକର୍ବାଟା ଆରି ନେତାମନର୍ ବିସଇରେ ଆଦେସ୍ ଦେଇ ଆଟେ । ୨-୩
- ୫. ସାରାସାରି ପାଉଲ୍ ତିମତିଙ୍କେ କେତେଟା କର୍ବା ବିସଇ ଜାନାଇକରି ଲେକା ସାରାଇଲାନି । ୪-୬

### ତିମତିର୍ ଲଗେ ପେରିତ୍ ପାଉଲ୍‌ର ପତ୍ରତୁମ୍ ଚିଠି

<sup>୧</sup> ମୁଇ ପାଉଲ୍ ଜିସୁକିରିସ୍ଟର୍ ଗଟେକ୍ ପେରିତ୍, ଏ ଚିଠି ଲେକ୍‌ଲିନି । ଆମର୍ ମୁକ୍ତିକାରିଆ ପର୍‌ମେସର୍ ଆରି ଆମେ ଆସା କରିରଇବା କିରିସ୍ଟ ଜିସୁର୍ ଆଦେସ୍ ଇସାବେ ବାଟିଅଇଆଟି ।

<sup>୨</sup> \*କିରିସ୍ଟଙ୍କେ ବିସ୍ବାସ୍ କଲାରପାଇ, ତୁଇ ତିମତି ମର୍ ନିଜର୍ ପଅ ଅଇ ଆତୁସ୍ । ଆମର୍ ବାବା ପର୍‌ମେସର୍ ଆରି ମାପରୁ ଜିସୁ କିରିସ୍ଟ ତମ୍‌କେ ଜିବନ୍ ଦୁକାଇ ଦୟା ଦେକାଅ ଆରି ସାନ୍ତି ଦେଅ ।

### ସତ୍ ନଇଲା ଉପଦେସ୍ ପାଇ ଜାଗରତା

<sup>୩</sup> ମୁଇ ମାକିଦନିଆଇ ଜିବା ଆଗ୍‌ତୁ ତମ୍‌କେ ଏପିସିଅତେଇ ରୁଆ ବଲି କଇରଇଲି । ତେଇ ଜନ୍ ଲକ୍‌ମନ୍ ବୁଲ୍ ସିକିଆ ସବୁ ଦେଲାଇନି, ସେମନ୍‌କେ ବୁଲ୍ ସିକିଆ ଦେବାଟା ବନ୍ଦ୍ କର୍ବାକେ ଆଦେସ୍ ଦିଆସ୍ ବଲି ମୁଇ ତମ୍‌କେ କଇରଇଲି । <sup>୪</sup> ସେମନ୍ ଟଣ୍ଡେ ପାନ୍ଦି କାତା କଇବାଇ ଆରି ଆଗ୍‌ତୁର୍ ଆନିଦାଦିମନର୍ କୁଟୁମର୍ କାତା ତିଆର୍ କର୍ବାଟା ଚାଡାବଲି ତିଆରା । ଲକ୍‌ମନ୍‌କେ ଏନ୍ତାରି ସିକିଆ ଦେଇତେରଇଲେ ଲକ୍‌ମନ୍ ତେଇ ଦଦାପେଲା ଅଇବାଇ । ବିସ୍ବାସ୍ ମାନିକରି ଜନ୍‌କାମ୍ ପର୍‌ମେସର୍ ସେମନ୍‌କେ କରତ୍ ବଲି ମନ୍ କଲାନି, ସେଟା ସେମନ୍ କରତ୍ ନାଇ । <sup>୫</sup> ତମେ ଏନ୍ତାରିଟା ତିଆରା ଜେନ୍ତାରିକି, ସେମନ୍ ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କର୍ବାଇ । ଜନ୍ ଲକ୍‌ମନ୍‌କେ ସତ୍ ବିସ୍ବାସ୍ ଆରି ସୁକଲ୍ ଜିବନ୍, କାଇ କପର୍ ନ ରଇବା ମନ୍ ଆଟେ, ସେମନ୍‌ସେ ଏଟା କରିପାର୍‌ବାଇ । <sup>୬</sup> ମାତର୍ ଜନ୍ ଲକ୍‌ମନ୍ ବୁଲ୍ ସିକିଆ ଦେଲାଇନି, ଏ ସବୁ ବିସଇ ଚାଡିଦେଇକରି ତୁଟା ବିସଇ କାତା ଅଇଲାନି । <sup>୭</sup> ନିୟମ୍ ଗୁରୁ ଇସାବେ ସବୁଲକ୍ ସେମନ୍‌କେ ନାମତ୍ ବଲି ସେମନ୍ ମନ୍ କଲାଇନି । ମାତର୍ ସେମନ୍ ସିକାଇବା ବିସଇ ନିଜେ ବୁଜନ୍‌ନାଇ ଆରି ସାଆସ୍ ସଙ୍ ଜନ୍‌ଟା ସତ୍ ବଲି କଇଲାଇନି, ସେଟା ସତ୍ କି ନର୍‌ ବଲି ନାଜାନତ୍ ।

\* ୧:୨ ୧:୨ ପେରିତ୍ ୧୭:୧

୮ ପର୍ଯ୍ୟନ୍ତ ନିୟମଗାନେ କାଲ ଅନିଆଇ ନାଇ । ମାତର୍ ଲକ୍ମନ ସେଟା ଟିକ୍ ସଙ୍ଗ୍ ସିକାଇବାରୁ ଆଟେ । ୯ ଦରମ୍ କାମ୍ କରବା ଲକ୍ମନରପାଇ ନିୟମ୍ ତିଆର୍ ନ ଅଇରଇଲା । ତାର ବାଦୁଲେ ଜନ୍ ଲକ୍ମନ ତାର ବିରଦି ଅଇରଇଲା, ଆରି ତାର କାତା ମାନି ନ ରଇଲା, ସେନ୍ତାରି ଲକ୍ମନର ପାଇ ପର୍ଯ୍ୟନ୍ତ ନିୟମ୍ ତିଆର୍ କରିରଇଲା । ଜନ୍ ଲକ୍ମନ ପର୍ଯ୍ୟନ୍ତ ରଏ ନାଇ ବଲି ଚଲାଚଲ୍ଲତି କଲାଇନି, ଜନ୍ ଲକ୍ମନ ପାପ୍ କରବା, କରାପ୍ କାମ୍ କରତେରଇବା, ଆରି ପର୍ଯ୍ୟନ୍ତକେ ସନ୍ମାନ ନ ଦେଇତେରଅଡ଼, ଜନ୍ ଲକ୍ମନ କି ତାକର୍ ଆୟା ବାବାମନକେ ମରାଇବାଇ କି ବିନ୍ ଲକ୍ମନକେ ମିସା ମରାଇବାଇ, ୧୦ ବେବିଚାର୍ କାମ୍ କରି ପାପ୍ କରବା, ମୁନୁସ୍ ମୁନୁସ୍ ବିତ୍ତରେ ଆରି ମାଇଜିମାଇଜି ବିତ୍ତରେ ବେବିଚାର୍ କାମ୍ କରବା ଲକ୍ମନରପାଇ, ଗତିଦାଙ୍ଗତା ଇସାବେ ଲକ୍ମନକେ ବିକ୍ବା ସାଉକାର୍ ମନରପାଇ, ଜନ୍ ଲକ୍ ସତ୍ କଅଡ଼ନାଇ, ସତ୍ତସେ କଇବି ବଲି କାତା ଦେଇରଇକରି ମିଟ୍ କଇବା ଲକ୍ମନରପାଇ ଆରି ପର୍ଯ୍ୟନ୍ତ ବିସଇଟାନେ ରଇବା ସତ୍ ସିକିଆ ବିରୁଦେ ଜେଡ଼କି ସବୁ କାତା ଉତ୍ସି, ସେ ସବୁରପାଇ । ୧୧ ଏ ସତ୍ ସିକିଆ ସୁବକବରର୍ ସିକିଆ ସଙ୍ଗ୍ ମିସ୍ସି । ଆମର୍ ତାକପୁଟା ପର୍ଯ୍ୟନ୍ତ ମଇମା ଆରି ଜନ୍ ସୁବକବର୍ ଜାନାଅ ବଲି ସେ ମକେ ଦାଇଡ଼ ଦେଲାଆଟେ, ସେଟାମିସା ମିସ୍ସି ।

**ମାପୁରୁ ଦୟାର ପାଇ ଦନିଅବାଦ୍**

୧୨ ଆମର୍ ମାପୁରୁ ଜିସୁ କିରିସ୍ଟକେ ମୁଇ ଦନିଅବାଦ୍ ଦେଲିନି । ସେ ମକେ ବପୁ ଦେଲାଆଟେ । ତାର ମୁଆଟେ ଗଟେକ୍ ବିସ୍ବାସ୍ ସଙ୍ଗ୍ ରଇବା ଗତି ଦାଙ୍ଗତା ଇସାବେ ଏଜ୍ଲା ଆରି ତାକେ ସେବା କରବାକେ ମକେ ବାଟଲା । ୧୩ ଗଟେକ୍ ବେଲାଇ କିରିସ୍ଟର ବିସଇର୍ କାରାପ୍ କାତା କଇତେରଇଲେ ମିସା ଆରି ବିନ୍ ବିସ୍ବାସିମନକେ କାରାପ୍ ଇସାବେ ଦେକି ନିନ୍ଦା କରତେରଇଲି ମିସା, ପର୍ଯ୍ୟନ୍ତ ମକେ ଦୟା ଦେକାଇଲା । କାଇକେବଇଲେ ମୁଇ କାଇଟା କରତେରଇଲି, ସେଟା ନିଜେ ନାଜାନୁତେରଇଲି । ଆରି ମୁଇ କିରିସ୍ଟକେ ବିସ୍ବାସ୍ ନ କରିରଇଲି । ୧୪ ଆମର୍ ମାପୁରୁ ମକେ ବେସି ଦୟା ଦେକାଇଲା । ଜେନ୍ତାରି କି, କିରିସ୍ଟ ଜିସୁର ସଙ୍ଗ୍ ମିସ୍ଲାରପାଇ ମୁଇ ତାକେ ବିସ୍ବାସ୍ କରି ବିନ୍ ଲକ୍ମନକେ ଆଲାଦ୍ କରିପାରଲି । ୧୫ ଏଟା କଇବାଟା ପୁରାପୁରୁନ୍ ସତ୍ ଆଟେ । ଆରି ସେଟା ଅଇସି କି ନର୍ସ ବଲି ନ ବାବିକରି ନାମ୍ବାରୁ ଆଟେ । ପାପିମନକେ ଉଦାର୍ କରବାକେ କିରିସ୍ଟ ଜିସୁ ଏ ଜଗତେ ଆଇଲା ଆରି ପାପିମନ ବିତ୍ତରେଅନି ମୁଇ ବଡ଼ ପାପି । ୧୬ ଏଲେମିସା ଏଟାରପାଇ ମକେ କିରିସ୍ଟ ଦୟା ଦେକାଇଲା । ସେ ମକେ କେମା କଲାକେ କେତେକ୍ ମୁର୍ଚିକରି ଆଟେ ବଲି ଦେକାଇବାକେ ସେ ମନ୍ କଲା । ବିନ୍ ଲକ୍ମନେଅନି ମୁଇ ଅଦିକ୍ ପାପ୍ କଲିଆଟି । ଏଟା ଏନ୍ତାରି ଅଇଲା । ଜେନ୍ତକି ଦିନେକ୍ ଜେଡ଼କି ଲକ୍ସବୁ ତାକେ ବିସ୍ବାସ୍ କରି ସବୁଦିନରପାଇ ମୁକ୍ତି ପାଇବାଇ ସେମନରପାଇ ମୁଇ ଗଟେକ୍ ସାକି ଇସାବେ ରଇବି । ୧୭ ଜନ୍ ରାଜା କାଲ୍ କାଲ୍ ଜୁଗ୍ ଜୁଗ୍ ସାସନ୍ କରସି, ଆରି ଜାକେ କି କେ ଦେକି ନାପାରଡ଼, ସେ ଆକା ଗଟେକ୍ ପର୍ଯ୍ୟନ୍ତ । ସେ କାଲ୍ କାଲ୍ ଜୁଗ୍ ଜୁଗ୍ ମଇମା ଆରି ସନ୍ମାନ ପାଅ । ଆମେନ୍ !

୧୮ ମର୍ ପଅ ତିମତି, ମୁଇ ତକେ ଏଟା ତିଆରଲିନି, ତମେ କାଇଟା କରସା ବଲି ସୁକଲ୍ ଆଡ଼ମା କେତେଟା ବବିସତ୍ ବକ୍ତାମନକେ ଜାନାଇରଇଲା ଇସାବେ ମୁଇ ଏଟା କଇଲିନି । ସେ ବବିସତ୍ ବକ୍ତାମନ କଇଲା ବିସଇ ସୁବକବରର୍ ଦେକାରକା କରବା ଜୁଇଦର୍ କାମେ ତମେ ଜେନ୍ତକି ସାରଦା ସଙ୍ଗ୍ ମିସ୍ସା, ସେ ବିସଇ କଇଲିନି । ୧୯ ତାର୍ସଙ୍ଗ୍ ସବୁବେଲେ ବିସ୍ବାସ୍ କରବାଟା ଚାଡ଼ାନାଇ । ଆରି ଏଟା ସତ୍ ବଲି ନିଜେ ଜାନିରଇବା ବିସଇ କରତେରୁଆ । କେତେକ୍ ଲକ୍ ନିଜର୍ ବିବେକ୍ କଇବାଟାକେ ଦିଆନ୍ ନ ଦେଇକରି କିରିସ୍ଟକେ ବିସ୍ବାସ୍ କରବାଟା ଚାଡ଼ିଦେଇଆଟଡ଼ । ୨୦ ସେମନର ବିତ୍ତରେ ଉମନାୟକେ ଆରି ଆଲେକ୍ ଜାଣ୍ଡାକେ ବିନ୍ ବିସ୍ବାସି ମନରଟାନେଅନି ବେଗ୍ଲାଇକରି ସଇତାନକେ ସର୍ପିଦେଲିଆଟି । ଏନ୍ତାରି କଲେ ପର୍ଯ୍ୟନ୍ତ ବିରଦେ କାରାପ୍ କାତା କଇବାଟା ସେମନ୍ ଚାଡ଼ିଦେବାଇ ବଲି ଆସା କଲିନି ।

**୨**

**ପାରତନାର ନିୟମ୍**

୧ ପର୍ଯ୍ୟନ୍ତ ବିସଇ ତମକେ ତାର୍ସଙ୍ଗ୍ କଇଲିନି, ସେଟା ଅଇଲାନି ସବୁଟାନେଅନି ମୁକିଅ ବିସଇ । ସବୁ ଲକ୍ମନରପାଇ ପର୍ଯ୍ୟନ୍ତକେ ଗୁଆରି କରା । ସେମନରପାଇ ପାରତନା କରି ମଜାଇ ଉଆ ଆରି ସେମନର ପାଇ ତାକେ ଦନିଅବାଦ୍ ଦିଆସ୍ । ୨ ରାଜା ମନକେ ଆରି ଅଦିକାରେ ରଇକରି ସାସନ୍ କରବା ଲକ୍ମନରପାଇ ପାରତନା କରା । ସେନ୍ତାରି କଲେ କାଇଟା ନ ଅଇତେ ସାକ୍ତିସଙ୍ଗ୍ ରଇପାରସା । ଆରି ଆମେ କାକେ ନ ତର୍ତ୍ତେ ପର୍ଯ୍ୟନ୍ତକେ ପାରତନା କରି ତାର୍ ମନ୍ କଲା ଇସାବେ ଚଲାଚଲ୍ଲତି କରିପାରବୁ । ୩ ଲକ୍ମନର ପାଇ ଏନ୍ତାରି ପାରତନା କରବାର୍ ଦରକାର୍ ଆକା । କାଇକେବଇଲେ ଏ

☆ ୧:୧୩ ୧:୧୩ ପେରିଡ଼ ୮:୩;୯:୪,୫

ରକାମର ପାରତନା ଆମର ଉଦାରକାରିଆ ପରମେସରକେ ସାରଦା କରାଇସି । ୪ ସବୁଲକ୍ ଜେନ୍ତାର କି ରକିଆ ପାଅଡ଼ ଆରି ସଡ଼ ବିସଇ ଜାନଡ଼ ବଲି ପରମେସର ମନ୍ କଲାନି । ୫ କାଇକେବଇଲେ ଗଟେକ୍ ସେ ପରମେସର ଆଟେ । ଆରି ଗଟେକ୍ ସେ ଲକ୍ ଆଟେ, ଜେ କି ପରମେସର ଆରି ଲକ୍ ମନର ବିଡ଼ରେ ସାନ୍ତି ଆନିପାରସି । ସେ ଲକ୍ ଅଇଲାନି ଜିସୁ କିରିସ୍ଟ । ୬ ସବୁଲକ୍ କେ ମୁକ୍ ଲାଇବାକେ ସେ ନିଜେ ସରପି ଅଇଲା । ସମାନ୍ ବେଲାଇ ପରମେସର ତାକେସେ ବାଟଲା । ସେ ସବୁକେ ରକିଆ କରବି ବଲି ମନ୍ କଲାଟା ଏନ୍ତାରି ଜାନାଇଲା । ୭ \*ତେବର୍ପାଇ ପରମେସର ତାର ସୁବ୍ କବର୍ ଜାନାଇବାକେ ଆରି ତାର ପେରିଡ଼ ଅଇବାକେ ମକେ ବାଟଲା । ମୁଇ ମିର୍ କଇନାଇ, ସଡ଼ସେ କଇଲିନି । ଜିଉଦି ନ ଅଇଲା ଲକ୍ ମନକେ ମିସା ସୁବ୍ କବରର୍ ସଡ଼ ବିସଇ ଜାନାଇବାକେ ମକେ ବାଟିରଇଲା ।

୮ ମୁଇ ମୁନୁସ୍ ପିଲାମନକେ କଇଲିନି, ସେମନ୍ ଜେତେବେଲେ ପାରତନା କରବାକେ ରୁଣ୍ଡୁବାଇ, ସୁକଲ୍ ଚଲାଚଲ୍ଡି ଅଇକରି ତାକର ଆଡ଼ ଟେକି ପାରତନା କରଡ଼ । ଜଦି ଏବେ ମିସା ସେମନ୍ ଦଦାପେଲା ଅଇରଇଲେ କି ଲାଗାଲାଗି ଅଇରଇଲେ, ସେଟା ରାଜିନାମା କରବାର୍ ଆଟେ । ୯ \*ସେନ୍ତାରିସେ ମାଇଜିମନ୍ ମିସା ଜାଗରଡ଼ ରଇକରି ସୁଆଲ୍ ସୁତର୍ ଉଆ । ମୁଣ୍ଡୁର୍ ଚେଣ୍ଡିତେଇ ଚିକ୍ ଟାକ୍ ନ କରି, ସୁନା କି ମୁକ୍ତା କି ଅଦିକ୍ ଦାମ୍ ଦେଇରଇବା ଲୁଗା ନ ପିନ୍ଧିକରି, ନିକ ବୁଦିସଙ୍ ମରଜିତା ସଙ୍ ନିଜ୍ କେ ମାନୁଲାପାରା ତିଆର୍ ଉଆ । ୧୦ ତାର ବାଦୁଲେ ବିନ୍ ଲକ୍ ମନକେ ଦୟା ଦେକାଅଡ଼ । ପରମେସରକେ ଜୁଆର୍ କଲୁନି ବଲି କଇବା ମାଇଜିମନ୍ ପାଇ ସେଟା ନିକ ଚଲାଚଲ୍ଡି ଅଇସି । ୧୧ ମାଇଜିମନ୍ ଚିମରାଇଅଇ ରଇ ସୁଆଲ୍ ସୁତର୍ ଅଇକରି ବସଡ଼ । ୧୨ ମୁଇ ମାଇଜିମନ୍ କେ ସିକାଇବା ଅଦିକାର୍ କି ମୁନୁସର୍ ଉପରେ ସାସନ୍ କରବା ଅଦିକାର୍ ଦେଇନାଇ । ତାର ବାଦୁଲେ ସେମନ୍ ଚିମରାଇଅଇ ରଅଡ଼ । ୧୩ କାଇକେ ବଇଲେ ପରମେସର ପରତମେ ଆଦମ୍ କେ ତିଆର୍ କଲା । ତାର ପଟେ ଅବାକେ । ୧୪ ପରତମେ ଆଦମ୍ ସଇତାନରଟାନେ ନାତାଇ ଅଏନାଇ, ମାତର୍ ମାଇଜି ନାତାଇ ଅଇ ପରମେସରର ଆଦେସ୍ ନ ମାନିକରି ପାପି ଅଇଲା । ୧୫ ମାତର୍ ମାଇଜିମନ୍ ପିଲାଟକିମନ୍ କେ ଜନମ୍ ଦେଇକରି ଉଦାର୍ ପାଇବାଇ । ସେମନ୍ କିରିସ୍ଟକେ ବିସ୍ ବାସ୍ କରି ବିନ୍ ଲକ୍ ମନକେ ଆଲାଦ୍ କରି ସୁଆଲ୍ ସୁକଲ୍ ସଙ୍ ଚଲାଚଲ୍ଡି କରଡ଼ ।

## ୩

### ମଣ୍ଡୁଲିର ନେତାମନ୍

୧୬ କାତା ସଡ଼ ଜେ, କେ ଜଦି ମଣ୍ଡୁଲିଟାନେ ମୁକିଅ ପଦ୍ ପାଇବାକେ ମନ୍ କଲାନି, ତେବେ ସେ ନିମାନ୍ କାମ୍ କରବାକେ ମନ୍ କଲାନି । ୧୭ \*ତେବର୍ପାଇ ଜେନ୍ତିକି ତାର ଜିବନେ ବିନ୍ ଲକ୍ ମନର କାଇ ନିନ୍ଦା ନ ରଇବାର୍ । ସେ ଗଟେକ୍ ମାଇଜି ସଙ୍ ଇରଇବାର୍ ଆଟେ । ନିଜେ ଜାଗରଡ଼ ରଇକରି, ନିଜର୍ ଜିବନେ ସୁସ୍ତା ରଇକରି, ସବୁଲକ୍ ସନ୍ ମାନ୍ ପାଇକରି, ଆଇଲା ଲକ୍ ମନକେ ତାକିନେବା ପାରା ଲକ୍ ଅଇକରି, ଲକ୍ ମନକେ ବୁଦିର୍ କାତା ସିକାଇବା ଲକ୍ ଅଇ, ୧୮ ନ ମାତି କିରି, କିରମାର୍ ନ ଅଇକରି ସାନ୍ତିସଙ୍ ରଇ, ଦଦାପେଲା ନ ଅଇକରି, ଦନ୍ ମିଲାଇବାକେ ଆସା ନ ଅଇକରି ରଇବାର୍ ଆଟେ । ୧୯ ନିଜର୍ କୁଟୁମ୍ କେ ନିକକରି ଚଲାଇତେରଇବାର୍ ଆଟେ । ଆରି ତାର ପିଲାଟକିମନ୍ କେ ସେ ତିଆର୍ଲାଟା ମାନ୍ ବାକେ ବାଦିଅ କରାଇବା ସିକିଆ ଦେଇରଇବାର୍ ଆଟେ । ୨୦ ଜଦି କେ ମିସା ନିଜର୍ କୁଟୁମ୍ କେ ଚଲାଇବାର୍ ନାଜାନେ, ସେ କେନ୍ତି ପରମେସରର୍ ମଣ୍ଡୁଲିର୍ ଦାଇଡ଼ ନେଇପାରସି ? ୨୧ ସେ ନୁଆ ନୁଆ ବିସ୍ ବାସ୍ କରବା ଲକ୍ ନ ରଇବାର୍ ଆଟେ । ନଇଲେ ସେ ବଡ଼ପନିଆ ଅଇକରି ସଇତାନ୍ ଜେନ୍ତାରି ଡ଼ଣ୍ଡୁ ପାଇଲା, ସେ ମିସା ସେନ୍ତାରି ଡ଼ଣ୍ଡୁ ପାଇସି । ୨୨ ତାର ଚଲାଚଲ୍ଡି ଦେକି ବିସ୍ ବାସ୍ ନ କରବା ଲକ୍ ମନ ମିସା ତାକେ ଗଟେକ୍ ସନ୍ ମାନର୍ ଲକ୍ ପାରା ନାମ୍ ବାର୍ ଆଟେ । ଜେନ୍ତିକି ଲକ୍ ମନ ତାକେ ନିନ୍ଦା ନ କରି ସଇତାନର୍ ପାନ୍ଦେ ନ ଲାଗେ ।

### ମଣ୍ଡୁଲିର ସେବା କରୁମନ୍

୨୩ ସେନ୍ତାରିସେ ମଣ୍ଡୁଲିର ସେବା କରୁମନ୍ ମୁକିଅର୍ ପାରା ସବୁ ଲକ୍ ଚଟାନେଅନି ସନ୍ ମାନ୍ ପାଇବା ଲକ୍ ରଇବାର୍ ଆଟେ । ସେମନ୍ ସଡ଼ ବାବେ ଚଲାଚଲ୍ଡି କରବାର୍ ଆଟେ । ମଦୁଆ ଲକ୍ ଅଇ ରଇବାର୍ ନାଇ । ତାରୁକାସୁର୍ ପାଇ ଆସା ନ ରଇବାର୍ ଆଟେ । ୨୪ ପରମେସର ଜନ୍ ସଡ଼ କବର୍ ସେମନ୍ କେ ଜାନାଇଆଟେ, ସେଟା ସେମନ୍ ତାଟ୍ ସଙ୍ ବିସ୍ ବାସ୍ କରବାର୍ ଆଟେ । ଆରି ସେମନ୍ ପାପେ ରଉନାଇ ବଲି ତାକର୍ ବିବେକ୍ ସାକିଦେବାର୍ ଆଟେ । ୨୫ ମଣ୍ଡୁଲିର ସେବାକରୁ ଅଇବା ଆଗ୍ତୁ ବିନ୍ ଲକ୍ ମନ ସେମନ୍ କେ ପରିକା କିରି ଦେକଡ଼ । କାଇ ଦସ୍ ନ ରଇଲେ ସେମନ୍ ସେବା କରବାକେ ଦାଇଡ଼ ନେଅଡ଼ । ୨୬ ସେନ୍ତାରିସେ ତାକର୍ ମାଇଜିମନ୍ ମିସା ବିନ୍ ଲକ୍ ସନ୍ ମାନ୍ ପାଇଲା ପାରା ଚଲାଚଲ୍ଡି କରଡ଼ । ସେମନ୍ ତିପୁଲ୍ କାତା କଇବାର୍ ନାଇ । ତାର ବାଦୁଲେ ନିଜେ ଜାଗରଡ଼ ରଇବାର୍ ଆଟେ । ସେମନ୍ ସଡ଼ ଲକ୍ ବଲି ବିନ୍ ଲକ୍

\* ୨:୭ ୨:୭ ୨ୟ ତିନି ୧:୧୧    \* ୨:୯ ୨:୯ ୧ ମ ପିଡ଼ର୍ ୩:୩    \* ୩:୨ ୩:୨ ତିତସ୍ ୧:୭-୯

ଆସା କରବାରୁ ଆଚେ ।<sup>୧୨</sup> ସେବାକରୁ ଗଟେକ୍ ମାଉଜି ସଙ୍ଗଇ, ତାରୁ ପିଲାଟକିମନ୍ଦକେ, ତାରୁ କୁଟୁମ୍ବରୁ ବିନ୍ ଲକ୍ମନକେ, ଆରି ଗତିଦାଙ୍ଗତାମନ୍ଦକେ ନିକସଙ୍ଗ ଜତନ୍ କରବାରୁ ଆଚେ ।<sup>୧୩</sup> ସେବାକାରିଆମନ୍ ଆବଡ୍ ଅଇ ନିକ କାମ୍ କଲେ, ଲକ୍ମନର ଟାନେଅନି ଅଦିକ୍ ସନ୍ମାନ ମିଲ୍ଲସି । ସେନ୍ତାରି ଲକ୍ କିରିସଟ ଜିସୁର ବିସଇ ବିନ୍ ଲକ୍ମନକେ ତାଟ୍ ସଙ୍ଗ କଇପାର୍ବାଇ ।

**ବିସ୍ବାସର ସତ୍**

<sup>୧୪</sup> ମୁଇ ଏପିସେ ଆସି ଦାପ୍ରେ ତମ୍ବକେ ଦେକ୍ବି ବଲି ମନ୍ କଲିନି । ଅଇଲେ ମିସା ଏ ଚିଟିଟାନେ ତମ୍ବକେ ମୁଇ ତିଆରଲିନି ।<sup>୧୫</sup> କାଇକେବଇଲେ ଜଦି ମର୍ ଆଇବାଟା ଅଲ୍ସମ୍ ଅଇଲେ ମିସା, ପର୍ମେସରର କୁଟୁମ୍ ଇସାବେ ମଣ୍ଡୁଲିଟାନେ ତମେ ଗଟେକ୍ ଲକ୍ ଆରିଗଟେକ୍ ଲକ୍କେ କେନ୍ତାରି ମିସିକରି ରଇବାରୁଆଚେ, ସେ ବିସଇ ତମେ ଜାନ୍ସା । ଏ ମଣ୍ଡୁଲି ପର୍ମେସରର, ଜେକି ସତଇସେ ବଠିଆଚେ । ସେ କୁନାଦି ଆରି ମୁଲ୍ ତେଲି ପାରା ଅଇ ସତ୍ ବିସଇକେ ତାଟ୍ କରାଇଲାନି ।

<sup>୧୬</sup> ଆମର୍ ବିସ୍ବାସଟାନେ କେ ନାଜାନ୍ଲା ପାରା ବିସଇ ଲୁଟିକରି ଆଚେ । ସେନ୍ତାରି ନଏଁ ବଲି କେ କଇନାପାରଡ୍ ।

“ ଜିସୁକିରିସଟ ନର୍ ରୁପ୍ ଦାରି ଆଇଲା ।

ସେ ନିଜେ ପର୍ମେସରର ପଅ ବଲି ସୁକଲ୍ ଆଡ଼ମା କାତାଦେଲା ଆଚେ ।

ଦୁଡ଼ମନ୍ ତାକେ ଦେକ୍ଲାଇ ।

ତାରୁ ବିସଇର ସତ୍ କବର୍ ଗୁଲାଇ ରାଇଜେ ଜାନାଇଲାଇ ।

ସବୁ ଜାଗାରୁ କେତେକ୍ କେତକ୍ ଲକ୍ମନ୍ ତାକେ ବିସ୍ବାସ୍ କଲାଇ ।

ପର୍ମେସର ତାକେ ସର୍ଗେ ନେଲା ।”



**ବୁଲ୍ ସିକିଆ ଦେଉମନ୍ଦକେ ଜାଗରତା କରାଇବାଟା**

<sup>୧</sup> ସୁକଲ୍ ଆଡ଼ମା ନିକସଙ୍ଗ କଇଲାନି, ସାରାସାରି ଦିନେ, ଲକ୍ମନ୍ ସତ୍ ବିସଇ ବିସ୍ବାସ୍ କରବାଟା ଚାଡ଼ିଦେବାଇ । କାରାପ୍ ଆଡ଼ମାମନ୍ ସିକିଆ ମାନ୍ବାଇ । ଆରି ସେମନ୍ ସିକାଇବା ବୁଲ୍ ସିକିଆ ବିସ୍ବାସ୍ କରବାଇ ।<sup>୨</sup> ଏନ୍ତାରି ସିକିଆ ଦେବାବେଲେ ଏଟା ସତ୍ ସିକିଆବଲି ଲକ୍ମନ୍ ମାନ୍ବାଇ । ମାତର୍ ସେଟା ମିର୍ ସିକିଆ ରଇସି । ସେମନ୍ ଟିକ୍ କଲାଇନି କି ବୁଲ୍ କଲାଇନି, ସେଟା ନିଜେ ଜାନି ନ ରଅଡ୍ । ଜେନ୍ତାରି କି ତପ୍ଲା ଲୁଆସଙ୍ଗ ମାଉଁସଟାନେ ଚାପ୍ଲେ ମରିଜାଇସି, ସେନ୍ତାରିସେ ।<sup>୩</sup> ସେମନ୍, ମାଇଜି ମନ୍ସ ବିବା ଅଇବାରୁ ନାଇ ଆରି କାଇ କାଇ କାଦି କାଇବାରୁ ନାଇ ବଲି ବୁଲ୍ ସିକିଆ ଦେବାଇ । ସବୁ ରକାମର୍ କାଦି ପର୍ମେସର ତିଆର୍ କଲାଆଚେ । ଜେନ୍ତାରି କି ଜେଡକି ସବୁ ଲକ୍ ତାରୁ ସତ୍ କବର୍ ବିସ୍ବାସ୍ କରବାଇ, ସେମନ୍ ସେ କାଦିର ଲାଗି ତାକେ ଦନିଅବାଦ୍ ଦେବାଇ ।<sup>୪</sup> ସେନ୍ତାରି ସିକିଆ ଦେଉମନ୍ ବୁଲ୍ ସିକିଆ ଦେଲାଇନି । କାଇକେବଇଲେ କାଦି ଆରି ପର୍ମେସର ତିଆର୍କଲା ସବୁ ବିସଇ ନିକଆଚେ । ଆରି କାଇ ରକାମର୍ କାଦି ମିସା ନିଡ଼ବାରୁ ନାଇ । ତାରୁ ବାଦୁଲେ ସବୁ କାଦି ନିକ ବଲି ମାନିକରି ତାକେ ଦନିଅବାଦ୍ ଦେବାରୁ ଆଚେ ।<sup>୫</sup> କାଇକେବଇଲେ ପର୍ମେସର କଇରଇବା ବାକିଅ ଆରି ଆମର୍ ପାର୍ତନା ବିସଇ ସବୁ ସୁକଲ୍ ଅଇଆଚେ ।

**କିରିସଟ ଜିସୁର ନିକ ସେବାକାରିଆ**

<sup>୬</sup> ଏ ସବୁ ବିସଇ ତମେ ବିସ୍ବାସିମନ୍ଦକେ ସିକାଇବାରୁ ଲାଗି, ତମେ ଜିସୁ କିରିସଟକେ ସେବା କଲାସ୍ନି । ତମର୍ ବିସ୍ବାସର ଲାଗି ଆରି ସତ୍ ସିକିଆ ମାନ୍ଲାରୁ ଲାଗି ପର୍ମେସର ତମ୍ବକେ ବଡ଼ାଇସି ।<sup>୭</sup> ଜନ୍ ସବୁ ସିକିଆ ମିର୍, ଆରି ଜନ୍ଟା ସବୁ ଟଣ୍ଡେପାନ୍ଦି କଇବାଟାନେ ଅନି ଦୁରିକେ ରୁଆ । ତାରୁ ବାଦୁଲେ ନିଜେ ଜାଗରଡ୍ ରଇକରି ପର୍ମେସର ଜନ୍ଟା ମନ୍ କଲାନି, ସେନ୍ତାରି ଚଲାଚଲ୍ଡି କରା ।<sup>୮</sup> କାଇକେବଇଲେ ଗାଗଡକେ ବୁଲାଟାଲା କରି ନିକ ସଙ୍ଗ ସଙ୍ଗଇବାଟା କେତେଟା କାମର୍ ପାଇ ନିକ ବିସଇ । କାଇକେବଇଲେ ଏଟା ଜଗତେ ବଠିରଇଲେ କି ମରିଗାଲେ ମିସା ତାକେ ଲଡାକେ ଆଇସି । ମାତର୍ ଆଡ଼ମା ଚଲାଚଲ୍ଡି କରବାଟା ସବୁ କାମେ ନିକ ରଇସି ।<sup>୯</sup> ଏଟା ବାଇଦରେ ସତ୍ ଆକା । ଏଟା ସବୁଲକ୍ ଅଇସି କି ନ ଅଏ ବଲିକରି ପୁରାପୁରୁନ୍ ବିସ୍ବାସ୍ କରିଅଇସି ।<sup>୧୦</sup> ଆମେ ପର୍ମେସରକେ ବିସ୍ବାସ୍ କଲାପାଇ କସଟ୍ ଅଇ କାମ୍ କରି ଏଟା ଆସା କଲୁନି । ସେ ସତଇସେ ବଠିଆଚେ । ସେ ଗୁଲାଇ ମନ୍ସ ଜାତିର୍ ଉଦାରକାରିଆ, ଜେଡକି ସବୁ ତାକେ ବିସ୍ବାସ୍ କଲାଇନି, ତାକର୍ପାଇ ଅଦିକ୍ ।

<sup>୧୧</sup> ମୁଇ ତମ୍ବକେ ଜେଡକି ବିସଇ ଲେକ୍ଲିଆଟି ସେଟାସବୁ ବିନ୍ ଲକ୍ମନକେ ସିକାଆ ଆରି ତିଆରା ।<sup>୧୨</sup> ତକେ ଦାଙ୍ଗତା ଆଚେ ବଲି କେ ମିସା ଇନ୍ ନ କର । ମାତର୍ ସବୁ ବିସ୍ବାସି ମନ୍ପପାଇ ଗଟେକ୍ ସାକିପାରା ନିକ ଚଲାଚଲ୍ଡି କର୍ । ସବୁ ବେଲେ ସତ୍ କାତା କଇତେର, ନିକସଙ୍ଗ ଚଲାଚଲ୍ଡି କର୍ତେରଇବା, ଲକ୍ମନ୍ଦକେ ଆଲାଦ୍ କର୍ତେରଇବା, କିରିସଟକେ ବିସ୍ବାସ୍ କର୍ତେରଇବା, ପାପେ

ରଥନାଲ । ୧୩ ମୁଇ ତରଟାନେ ଆଇବା ଜାକ ବିସ୍‌ବାସିମନ୍ ରୁଣ୍ଡିଲା ବେଲାଇ, ଜେନ୍ତାରି କି ସବୁଲକ୍ ନିକକରି ସୁନ୍‌ଲାପାରା ସାସ୍‌ତର୍ ପଡିଦେସ୍ । ତେଇର୍ ଅରଡ୍ ସେମନ୍‌କେ ବୁଜାଇଦେସ୍ । ୧୪ ପର୍‌ମେସର୍ ତରପାଇସେ ବଲିକରି ଜନ୍ ଦାନ୍ ଦେଲାଆଟେ, ସେ କାମେ ଲାଗିର । ଏଟା ବବିସ୍‌ତବକ୍‌ତାମନ୍ ଆରି ପାର୍‌ତିମନ୍ ତର୍ ମୁଣ୍ଡେ ଆଡ୍ ସଙ୍ଗଇ ପାର୍‌ତନା କଲାବେଲେ, ତୁଇ ପର୍‌ମେସର୍‌ର ଟାନେଅନି ପାଇରଇଲୁସ୍ । ୧୫ ଏ ସବୁ ବିସଇ ପୁରାପୁରୁନ୍ ମନ୍ ଦିଆନ୍ ଦେଇ କର୍ । ଜେନ୍ତାରିକି, ସୁବ୍‌କବର୍ ଜାନାଇବାଟାନେ ଆରି ସିକାଇବାଟାନେ ତୁଇ ଆଗ୍‌ତୁ ଆଗ୍‌ତୁ ଗାଲୁସ୍‌ନି ବଲି ଲକ୍‌ମନ୍ ଦେକ୍‌ବାଇ । ୧୬ ତୁଇ ଜାଗ୍‌ରଡ୍ ସଙ୍ଗ ଚଲାଚଲ୍‌ତି କର୍ । ଆରି ପର୍‌ମେସର୍‌ର ବିସଇ ଜନ୍‌ଟା ସିକାଇଲୁସ୍‌ନି, ସେ ବିସଇଟାନେ ଜାଗ୍‌ରଡ୍ ର । ଏଟା କରିଲାଗିର । କାଇକେବଇଲେ ସେନ୍ତାରି କଲେ, ତୁଇ ନିଜ୍‌କେ ଆରି ତର୍ କାତା ସୁନ୍‌ବା ଲକ୍‌କେ ରକିଆ କର୍‌ସୁ ।



**ବିସ୍‌ବାସିମନ୍‌ରୁତି କର୍‌ବା କାମ୍**

୧ ତରଟାନେଅନି ବୟସେ ବଡ୍ ରଇବା ଲକ୍‌କେ ଡାକ୍‌ସଙ୍ଗ୍ ଦାକାପୁକା ଦେସ୍‌ନାଇ । ତାର୍ ବାଦୁଲେ ନିଜର୍ ବାବାକେ ବାବୁଜିଆ କଲାପାରା ସନ୍‌ମାନ୍ ସଙ୍ଗ୍ କର୍ । ବଇସେ ସାନ୍ ରଇଲା ଲକ୍‌ମନ୍‌କେ ନିଜର୍ ବାଇ ଇସାବେ କାତା ଅ । ୨ ବଇସେ ବଡ୍ ରଇବା ମାଇଜିମନ୍‌କେ ନିଜର୍ ମାଆ ପାରା ଆରି ଦାଙ୍ଗ୍‌ଡିମନ୍‌କେ ନିଜର୍ ବଇନି ପାରା ମାନିକରି ର । ସେମନ୍‌କେ ମନେ ମନେ ମିସା ପାପ୍ ଇସାବେ ଦେକ୍‌ନାଇ ।

୩ ରାଣ୍ଡିଜୁଣ୍ଡିମନ୍‌କେ ସନ୍‌ମାନ୍ ଦେକାଇ ଜତନ୍ କର୍ । ୪ ଜଦି କନ୍ ରାଣ୍ଡିମାଇଜିକେ ପିଲାଟକି କି ନାତିତିତି ରଇଲେ, ସେମନ୍ ନିଜର୍ କୁଟୁମର୍ ଲକ୍ ଇସାବେ ତାକେ ଜତନ୍ କରଡ୍ । ସେନ୍ତାରି ସେମନ୍ ଆୟା ବାବାମନ୍‌କେ ଆରି ଆନିଦାଦିମନ୍‌କେ ତାକର୍ ଆଲାଦ୍ ବାଉଡାଇ ଦେଅଡ୍ । ଏଟା ପର୍‌ମେସର୍‌କେ ସାର୍‌ଦା କରାଇସି । ୫ ଜନ୍ ରାଣ୍ଡିମାଇଜି ଜାକେ କି ଆକାସାକା ନାଇ, ସେ ପର୍‌ମେସର୍‌କେ ଆସାକରିଆଟେ, ସେ ଦିନ୍‌ରାତି ତାକେ ଗୁଆରିକଲାନ୍, ତାକେସେ ମଣ୍ଡଲିର୍ ବିସ୍‌ବାସିମନ୍ ଜତନ୍ କର୍‌ବାର୍ ଆଟେ । ୬ ମାତର୍ ଗଟେକ୍ ରାଣ୍ଡି ମାଇଜି ଅବ୍‌କା ନିଜେ କର୍‌ବା ବିସଇ ମନ୍‌କରି, ପର୍‌ମେସର୍ ତାକେ ଜନ୍‌ଟା କର ବଲି ମନ୍ କଲାନ୍, ସେଟା ନ କରରଇଲେ, ସେ ବ୍‌ଟିରଇକରି ମିସା ମଲା ସମାନ୍ ଆଟେ । ୭ ରାଣ୍ଡି ମାଇଜିମନ୍‌ର ଜତନ୍ ପାଇ ମୁଇ ଜେଡ୍‌କି ଆଦେସ୍ ଦେଲିଆଟି, ସେଟା ସବୁ ମାନା ବଲି ବିସ୍‌ବାସିମନ୍‌କେ ତିଆର୍ । ଜେନ୍ତାରିକି ସେମନ୍‌କେ କେ ମିସା ନିନ୍ଦା କର ନାପାରଡ୍ । ୮ କେ ଜଦି, ତାର୍ ନିଜର୍ ଲକ୍‌ମନ୍‌କେ କି କୁଟୁମର୍ ଲକ୍‌ମନ୍‌କେ ଲତାକେ ରଇବା ବିସଇ ନ ଦେଲେ, ସେ ଜନ୍‌ଟା ବିସ୍‌ବାସ୍ କଲିନି ବଲି କଇସି, ସେ ସତଇସେ ସେଟା ବିସ୍‌ବାସ୍ କରେନାଇ । ସେ ବିସ୍‌ବାସ୍ ନ କରରଇବା ଲକ୍‌ଟାନେଅନି ଅଦିକ୍ ଇନ୍ ।

୯ ଗଟେକ୍ ରାଣ୍ଡି ମାଇଜି କଡେଚାରି ବରସ୍ ନ ଅଇଡେ, ତାକେ ରାଣ୍ଡି ବଲି ଲେକା କର୍‌ବାର୍ ନାଇ । ସେ ଗଟେକ୍ ମୁନ୍‌ସର୍ ସଙ୍ଗ୍‌ସେ ମିସିରଇବାର୍‌ଆଟେ । ୧୦ ବିନ୍ ଲକ୍ ଦେକ୍‌ବା ଇସାବେ, ସେ ବେସି ଦରମ୍ ଅଇ, ବିନ୍ ଲକ୍‌କେ ସାଇଜ କର୍‌ବାର୍ ଆଟେ । ଜେନ୍ତାରି କି ନିଜର୍ ପିଲାମନ୍‌କେ ନିକ ସଙ୍ଗ୍ ବଡାଇରଇସି, ଆଇଲା ଲକ୍‌ମନ୍‌କେ ଗତିଆ ଇସାବେ ଡାକ୍‌ସି, ପର୍‌ମେସର୍‌ର ସୁକଲ୍ ଲକ୍‌ମନ୍‌ର ଗଡ୍ ଦଇଦେଇସି, ଦୁକ୍ କସ୍‌ଟେ ରଇବା ଲକ୍‌ମନ୍‌କେ ସାଇଜ କର୍‌ସି, ଲକ୍‌ମନ୍‌କେ ସାଇଜ କର୍‌ବାକେ ବିନ୍ ବିନ୍ କାମ୍ କର୍‌ଡେରଇସି ।

୧୧ ଡକ୍‌ରି ନ ରଇବା ରାଣ୍ଡିମନ୍‌କେ ରାଣ୍ଡି ଇସାବେ ଲେକା କର୍ ନାଇ । କାଇକେବଇଲେ ସେମନ୍ ରାଣ୍ଡି ଇସାବେ କିରିସ୍‌ଟକେ ସେବା କର୍‌ବି ବଲି କାତା ଦେଇରଇଲେ ମିସା, ମୁନ୍‌ସର୍ ସଙ୍ଗ୍ ରଇବି ବଲି ମନ୍ ଆଇଲେ, ଆଗ୍‌ତୁ ଦେଇରଇବା କାତା ପାସ୍‌ରିଜାଇ ଆରିତରେକ୍ ବିବା ଅଇବାକେ ମନ୍ କର୍‌ବାଇ । ୧୨ ଆରିତରେକ୍ ବିବା ଅଇଲାର୍ ପାଇ ସେମନ୍ ଦସି ଅଇବାଇ । କାଇକେବଇଲେ, ସେମନ୍ ଆଗ୍‌ତୁ ଦେଇରଇବା କାତା ପୁରାପୁରୁନ୍ କରଡ୍ ନାଇ । ୧୩ ଏଟାର୍ ମିସ୍‌ଡେ ସେମନ୍ ଅଲସ୍ ଅଇବାଟା ସିକ୍‌ବାଇ । ଆର୍ ଗରେ ତାର୍ ଗରେ ଜାଇ ବେଲା ବିତାଇବାଇ । ତିପୁଲ୍ କାତା କଇ ବିନ୍ ଲକ୍‌ର୍ ବିସଇ କାତାବାର୍‌ତା ଅଇବାଇ । ୧୪ ଡେବର୍‌ପାଇ ଡକ୍‌ରି ନ ରଇବା ରାଣ୍ଡିମନ୍‌କେ ମୁଇ ତିଆର୍‌ଲିନି, ଆରିତରେକ୍ ଗର୍ ବସାଇ ପିଲାଟକିର୍ ଜତନ୍ କରା । ସେନ୍ତାରି କଲେ ଆମର୍ ବିରଦିମନ୍ ଆମକେ ନିନ୍ଦା ନ କରଡ୍ । ୧୫ କାଇକେବଇଲେ ସେମନ୍ ପର୍‌ମେସର୍‌ର ଟାନେଅନି ଦୁରିକେ ଜାଇ ସଇତାନର୍ ସଙ୍ଗ୍ ଜିଇବାକେ ଆରାମ୍ କଲାଇ ଆଟଡ୍ । ୧୬ ଜଦି କନ୍‌ଆଲେ ମାଇଜି କିରିସ୍‌ଟକେ ବିସ୍‌ବାସ୍ କର୍‌ସି, ଆରି ତାର୍ କୁଟୁମେ ରାଣ୍ଡିମାଇଜିମନ୍ ରଇବାଇ, ସେ ଆକା ସେମନ୍‌କେ ସାଇଜ କର୍‌ବାର୍ ଆଟେ । ବିନ୍ ବିସ୍‌ବାସିମନ୍ ସେ ଦାଇଡ୍ ନେଇ କରଡ୍ ବଲି ସେ ଆସା କର୍‌ବାର୍ ନାଇ । ଏଟା ଜେନ୍ତାରିକି ଜାକେ ଆକାସାକା ନ ରଅଡ୍ ସେମନ୍‌କେ ବିସ୍‌ବାସିମନ୍ ଜତନ୍ କରପାରଡ୍ ।

୧୭ ଜନ୍ ପାର୍‌ତିମନ୍ ମଣ୍ଡଲିର୍ ନେତା ଅଇ ତାକିନେଲାଇନି, ସେମନ୍ ଦୁଇଗୁନ୍ ବୁଡି ପାଇବା ଦର୍‌କାର୍ । କାଇକେବଇଲେ ସୁବ୍‌କବର୍ ଜାନାଇବାଟା ଆରି ସିକାଇବାଟା ସେମନ୍‌କେ ଦାଇଡ୍ ଇସାବେ ଦେଲାଇ



ଆଚଡ଼ । ୧୮ \*ସାସ୍ତରେ ଜେନ୍ତ୍ରୀ ଲେକାଅଇଲା ଆଚେ, ଗାନାଇ ଦାନ ମାଣ୍ଡାଇବାବେଳେ ବଲଦର୍ ଟଣ୍ଡେ କଡ଼ରା ବାନ୍ଦା ନାଇ ଆରି କାମ୍ କରୁ ସାଉକାର୍ଟାନେଅନି ତାର କୁଲି ପାଇସି ଆକା । ୧୯ ଗଟେକ୍ ପାର୍ଟିନ୍ ବିରୁଦେ ନିନ୍ଦା କାତା ଉଟ୍ଲେ, ଦୁଇ କି ତିନିଲକର୍ ସାକି ନଇଲେ, ସେଟାକେ ମାନ ନାଇ । ୨୦ ପାପେ ରଇବା ଗଟେକ୍ ପାର୍ଟିନ୍କେ ସବୁର୍ ମୁଆଟେ ଲାଗ । ଜେନ୍ତ୍ରୀକି ବିନ୍ ପାର୍ଟିନ୍ମନ୍ ସେନ୍ତାରି ପାପ୍ କର୍ବାକେ ଡର୍ବାଇ ।

୨୧ ଆମର୍ ବାବା ପର୍ମେସର୍ ଜିସୁକିରିସ୍ଟ ଆରି ସେ ବାଟିରଇବା ଦୁର୍ମନ୍କେ ସାକିକରି ମୁଇ ତକେ ତିଆରଲିନି, ମୁଇ ତିଆରଲା ଏ ସବୁ ବିସଇ କାଇ ବଡ଼ସାନ୍ ନ ଦେକିକରି କର୍ । ୨୨ ଗଟେକ୍ ଲକ୍କେ ପରିକା ନ କର୍ବା ଜାକ ତାକେ ମୁକିଅ ଇସାବେ, ତର୍ ଆଡ଼ ତାର ମୁଣ୍ଡେ ସଙ୍ଗାଇ, ସେବା କାମର୍ ପାଇ ସରପ୍ ନାଇ । ନଇଲେ ତାର ପାପର୍ ପାଇ, ତୁଇ ଦାଇ ଅଇସୁ । ତୁଇ ନିଜେ ପାପ୍ ନ କର୍ବାକେ ଜାଗ୍ ରର୍ ।

୨୩ ଆରି ତୁଟା ପାନି ନ କାଇକରି ତର୍ ପେଟର୍ ଲାଗି ଅଲପ୍ ଅଙ୍ଗୁର୍ ମଦ୍ ମିସା କାଆ । କାଇକେବଇଲେ ତୁଇତା ସବୁବେଲେ ନିକ ରତସ୍ ନାଇ ।

୨୪ କେତେ ଲକ୍ ସବୁର୍ ଦେକତେ ପାପ୍ କଲାଇନି । ଜେନ୍ତ୍ରୀକି ତୁଇ ସେଟା ଜାନିପାରଲୁସ୍ନି । ସେମନ୍ ଚଲାଚଲ୍ତି ପରିକା କର୍ବା ଆଗ୍ତୁ, ତୁଇ ସେଟା ଜାନ୍ସୁ । ମାତର୍ ଆରି କେତେଲକର୍ ପାପ୍ ବେସି ଦିନ୍ ଅଇଲେ ମିସା ଜାନି ନର୍ । ୨୫ ସେନ୍ତାରିସେ କେତେ ଲକ୍ କର୍ବା ନିକ ବିସଇ ସବୁକେ ତିସ୍ସି । ସେମନ୍ କର୍ବା ନିକ ବିସଇ ଦାପ୍ରେ ନ ତିସ୍ଲେ ମିସା କେତେଦିନ୍ ପଟେ, ସେଟା ଲକ୍ମନ୍ ଜାନ୍ବାଇ ।



୧ ଜନ୍ ବିସ୍ବାସିମନ୍ ଗତିଦାଙ୍ଗ୍ତା ଇସାବେ ଗଟେକ୍ ସାଉକାର୍ ତଲେ କାମ୍ କଲାଇନି, ସେମନ୍ ତାକର୍ ସାଉକାର୍ମନ୍କେ ଅଦିକ୍ ସନ୍ମାନ୍ ଦେବାର୍ ଆଚେ । ଜେନ୍ତାରି କି, ପର୍ମେସର୍ ନାଉଁ ଆରି ଆମେ ସିକାଇବାଟା କେ ନିନ୍ଦା ନ କରଡ଼ । ୨ ଜଦି ତାକର୍ ସାଉକାର୍ମନ୍ କିରିସ୍ଟକେ ବିସ୍ବାସ୍ କଲାଇନି, ସେନ୍ତାରିଆଲେ ବିସ୍ବାସି ସାଉକାର୍ମନ୍କେ, ବିସ୍ବାସ୍ ନ କର୍ବା ସାଉକାର୍ମନ୍ ତେଇଅନି, କିରିସ୍ଟର୍ଟାନେ ବାଇ ଇସାବେ ସନ୍ମାନ୍ ଉନା ଦେକାଇଲେ ଅଇସି ବଲିକରି ବାବ୍ବାର୍ ନାଇ । ତାର୍ ବାଦୁଲେ ସେମନ୍ପାଇ ଅଦିକ୍ ଆବଡ଼ କାମ୍ କର୍ବାର୍ ଆଚେ । କାଇକେବଇଲେ ସେମନ୍ ଜନ୍ ସାଉକାର୍ପାଇ କାମ୍ କଲାଇନି, ସେମନ୍ ମିସା ବିସ୍ବାସି ଲକ୍ । ଆରି କିରିସ୍ଟର୍ଟାନେ ବାଇ ଇସାବେ ଆଲାଦ୍ କଲାଇନି । ବିସ୍ବାସି ମନ୍କେ ଏ ସର୍ତେ ବିସଇ ସିକାଆ । ଆରି ସେଟା କର୍ବାକେ ସେମନ୍କେ ସାର୍ଦା କର୍ ।

**ବୁଲ୍ ସିକିଆ ଆରି ସଡ଼ ଦନ୍**

୩ ଜଦି କେ ବୁଲ୍ ବିସଇ ସିକାଇଲାଇନି, ଆରି ଆମର୍ ମାପୁରୁ ଜିସୁକିରିସ୍ଟର୍ ସଡ଼ ସିକିଆଟାନେ ରାଜି ନ ଅଅଡ଼, ୪ ସେନ୍ତାରି ଲକ୍ ବେସି ବଡ଼ପନିଆ ଆରି ସେ କାଇଟା ନାଜାନେ । ସେ ସବୁବେଲେ ଦଦାପେଲା କରି କାଇ ମୁଲିଅ ନ ରଇବା ବିସଇନେଇ ଜଗ୍ତାଜାଟି କର୍ତେରଇବାକେ ମନ୍ କର୍ସି । ଏନ୍ତାରି କରି କରି ଲକ୍କେ ଇସା କର୍ବାଟା, କିରଜାଟି କର୍ବାଟା, ନିନ୍ଦା କର୍ବାଟା ଆରି କାରାପ୍ ଚିନ୍ତା, ୫ ଗଟେକ୍ ଲକ୍ ଆରି ଗଟେକ୍ ଲକ୍ ସଙ୍ଗି କିରଜାଟି ଅଇ ଲାଗି ରଇସି । ସେନ୍ତାରି ଲକ୍ ମନ୍ କାରାପ୍ ଅଇଲା ଆଚେ ଆରି ସଡ଼ ବିସଇ ତାକର୍ ମନ୍କେ ନ ଜାଏ । ସେମନ୍ ପର୍ମେସର୍ ବିସଇ ସିକାଇତେରଇଲେ ତାରୁ ମିଲ୍ତେରଇସି ବଲି ବାବ୍ଲାଇନି ।

୬ ତାର୍ ବାଦୁଲେ ଆମେ ଜେଡେବେଲେ ପର୍ମେସର୍କେ ସାର୍ଦା କରାଉଁ, ଆରି ଆମ୍କେ ଜେଡ଼କି ଆଚେ ସେଡ଼କି ସଙ୍ଗ୍ ସୁସ୍ତା ସଙ୍ଗ୍ ରଉଁ, ତେବେ ଆମେ ଜବର୍ ଅଇତେ ମିଲାଇଆତୁ । ୭ କାଇକେବଇଲେ ଆମେ ଜନମ୍ ଅଇଲାବେଲେ ତୁଟାଆତେ ଆଇଲୁ, ଆରି ଜେଡେବେଲେ ମର୍ବୁ, ତୁଟା ଆତେସେ ଉଟିଜିବୁ । ୮ ତେବେ ଆମ୍କେ ଲଡାକେ ଆଇବା କାଦି ଆରି ପିନ୍ଦବାକେ ବସ୍ତର୍ ରଇଲେ ସେଡ଼କିସଙ୍ଗ୍ ସୁସାରେ ରଇବାର୍ ଅଇସି । ୯ କେତେ କେତେ ଲକ୍ ସାଉକାର୍ ଅଇବାକେ ଏନ୍ତ୍ରୀ ମନ୍ କର୍ବାଇଜେ, ସେମନ୍ ଜିବନେ କାଇ ପରିକା ଆଇଲେ ମିସା ତେଇ ଅଦର୍ବାଇ । ଗଟେକ୍ ପସୁ ପାରା ପାନ୍ଦେ ଲାଗ୍ବାଇ । ଜେଡ଼କି ବିସଇ ତାକର୍ପାଇ ଆରି ବିନ୍ ଲକ୍ ପାଇ କାରାପ୍ ଆରି ବିପଦ୍ ଆନ୍ସି, ସେ ସବୁ ବିସଇ କର୍ବାକେ ମନ୍ କର୍ବାଇ । ଏନ୍ତାରି ମନ୍ କର୍ବାଟା ଅଦିକ୍ ଅଦିକ୍ ବାବି, ସେମନ୍ କୁରୁପ୍ନାସ୍ ଅଇଜିବାଇ । ୧୦ କାଇକେବଇଲେ ଜନ୍ ଲକ୍ମନ୍ ତାରୁ ଆସାକରି ଆଚଡ଼, ସେ ତାରୁ ମିଲାଇବାକେ ବିନ୍ ବିନ୍ ରକାମର୍ କାରାପ୍ ବିସଇ କର୍ବାକେ ମନ୍ କର୍ବାଇ । କେତେଲକ୍ କିରିସ୍ଟର୍ ବିସଇଟାନେ ରଇବା ସିକିଆ ବିସ୍ବାସ୍ କର୍ବାଟା ଦିରେ ଦିରେ ଚାଡ଼ିଦେଇଆଚଡ଼ । କାଇକେବଇଲେ ସେମନ୍ ତାରୁ ମନ୍କଲା ଆରି ନିଜେ ବୁସିଅଇଲା ଲକ୍ପାରା ବେସି ରକାମ୍ ଦୁକ୍ କସ୍ଟେ ପଡ଼ଲାଆଚଡ଼ ।

\* ୫:୧୮ ୫:୧୮ ମାଡିଉ ୧୦:୧୦; ଲୁକ୍ ୧୦:୭

ପାଉଲର ସାରାସାରି କାତା

<sup>୧୧</sup> ମାତ୍ର ଏ ଡିମତି, ତୁଇ ଗଟେକ୍ ପର୍ଯ୍ୟେସରର ଲକ୍ । ତୁଇ ଏଟାମନ୍ ଚାଡ଼ିଦେସ୍ । ସତ୍ ବିସଇଆକା କର୍ବାକେ ବେସି ଆବଡ୍ ଅ । ପର୍ଯ୍ୟେସର୍ ଜେନ୍ତି ମନ୍ କଲାନି, ସେନ୍ତାରି ଚଲାଟଲ୍ଡି କର୍ । କିରିସ୍ଟକେ ବିସବାସ୍ କର୍ । ବିନ୍ ଲକ୍ମନ୍କେ ଆଲାଦ୍ କର୍ । ପର୍ଯ୍ୟେସର୍ ତିଆରଲାଟା ମାନ୍ବାକେ କେ ଚାଡ଼ନାଇ । ଲକ୍ମନ୍ର ସଙ୍ଘ ରିସା ଅ ନାଇ । <sup>୧୨</sup> ଗଟେକ୍ ନିକ ସଇନ ଜେନ୍ତାରି ଜୁଇଦେ ଜୁଇବାକେ କେବେ ନ ଚାଡ଼େ, ସେନ୍ତାରିସେ ତୁଇ ମିସା ପର୍ଯ୍ୟେସର୍କେ ବିସବାସ୍ କରି ତାର୍ ତିଆରଲାଟା ମାନ୍ବାକେ ଚାଡ଼ନାଇ । ଜନ୍ ନ ସାର୍ବା ଜିବନ୍ ପର୍ଯ୍ୟେସରଟାନେ ଆଚେ, ସେଟା ତୁଇ ନିଜର୍ପାଇ ଆନ୍ । ସେ ବିସଇ ମିଲାଇବାକେ ବେସି ଲକ୍ମନ୍ ମୁଆଟେ କାତା ଦେଇରଇଲୁସ୍ । <sup>୧୩</sup> \*ପର୍ଯ୍ୟେସର୍ ମର୍ ସାକି, ଜେ କି ସବୁକେ ବର୍ଦ୍ଧବାକେ ଦେଇସି । ଆରି ଜିସୁକିରିସ୍ଟ ଜେ କି, ପନ୍ଥୁଅ ପିଲାଡ୍ ପାଟାରଲା ବେଲେ ସତ୍ କଇଲା, ଏ ତୁଇ ଲକ୍ମନ୍ ସାକି ନେଇକରି ମୁଇ ତକେ ତିଆରଲିନି, <sup>୧୪</sup> ଆମର୍ ମାପୁରୁ ଜିସୁକିରିସ୍ଟ ବାଉଡ଼ି ଆଇବା ଜାକ ମୁଇ ତକେ ତିଆରିରଇବା ଜେଡ୍ କି ସବୁ ବିସଇ ମାନିକରି, କାଇ ନିନ୍ଦା ନ ଅଇତେ ର । <sup>୧୫</sup> ସେ ବାଉଡ଼ି ଆଇବାଟା ପର୍ଯ୍ୟେସର୍ ଟିକ୍ କଲା ବେଲାଇ ଗର୍ସି, ସେ ଗଟେକ୍ ଲକ୍ସେ ସାସନ୍କାରିଆ । ସେ ସେ ରାଜାମନ୍ର ଉପ୍ରେ ରଇବା ରାଜା ଆରି ମାପୁରୁମନ୍ର ଉପ୍ରେ ରଇବା ମାପୁରୁ । <sup>୧୬</sup> ସେ କାଲ୍ କାଲ୍ ଜୁଗ୍ ଜୁଗ୍ ବର୍ଦ୍ଧି ଆରି ତାର୍ ଚାରିବେଟ୍ଟି ରଇବା ଉଜ୍ଜଲେ କେ ଆସିନାପାରଡ୍ । ବର୍ଡି ରଇବା କେ ମିସା ତାକେ ଦେକଡ୍ ନାଇ ଆରି କେବେ ମିସା ଦେକିନାପାରଡ୍ । ଲକ୍ମନ୍ ତାକେ ଡାକ୍ପୁଟା କର୍ବାଇ ଆରି ତାର୍ଟାନେ ସବୁବେଲେ ବେସି ବପୁ ରଇସି । ଆମେନ୍ ।

<sup>୧୬</sup> ଏ ଜିବନର୍ ବିସଇନେଇ ଜେଡ୍ କି ଲକ୍ମନ୍ ସାଉକାର୍ ଅଇ ଆଚଡ୍, ବିନ୍ ଲକ୍ମନ୍ଟାନେଅନି ସେମନ୍ ନିକ ବଲି ନ ବାବ୍ବାକେ ତିଆର୍ । ଦନ୍ ସଁପଡ଼ି ଉପ୍ରେ ବେସି ଆସା କର୍ବାର୍ ନାଇ ବଲି ସେମନ୍କେ ସିକା । କାଇକେବଇଲେ ତାରୁ ଦାପ୍ରେ ମାୟାଅଇଜାଇସି । ତାର୍ ବାଦୁଲେ ସେମନ୍କେ ଲଡାକେ ଲାଗ୍ବା ବିସଇ ସବୁ ଦେବାକେ ପର୍ଯ୍ୟେସରଟାନେ ଆସା ରକ୍ବାକେ ସିକାଇଦେସ୍ । ସେ ଆକା ଆମର୍ପାଇ କାଇଟା ନ ଦେକି, ସବୁ ବିସଇ ସାର୍ଦା କର୍ବାକେ ଦେଇସି । <sup>୧୭</sup> ଦରମ୍ ମନେ ଲକ୍ମନ୍କେ ସାଇଜ କର୍ବାକେ ସେମନ୍କେ କଇଦେସ୍ । ଅରକିଡ୍ ଲକ୍ମନ୍କେ କାଇଟା ନ ବାବି ଦେବାକେ, ତାକର୍ ଟାନେ ରଇଲାଟା ସାର୍ଦା ସଙ୍ଘ ବାଟାକର୍ବାକେ କଇଦେସ୍ । <sup>୧୮</sup> ଏନ୍ତାରି ତାକର୍ ନିକ କାମ୍ସବୁ ଗଟେକ୍ ବଡ୍ ଦନ୍ ଇସାବେ ସେମନ୍ ସର୍ଗେ ସଙ୍ଘଆଚଡ୍ । ସେନ୍ତାର୍ ଆଲେ ସେମନ୍ ତାକର୍ ନିଜର୍ପାଇ ଜିବନ୍ ମିଲାଇବାଇ ।

<sup>୨୦</sup> ଏ ଡିମତି, ପର୍ଯ୍ୟେସର୍ ତକେ ଜନ୍ଟା କର୍ବାକେ ଦାଇଡ୍ ଦେଲାଆଚେ, ସେ ଦାଇଡ୍ ନିକ ସଙ୍ଘ କର୍ । ଆସା ନ ରଇବା ରୁଟା କାତା, କାଇ ଲଡାକେ ନ ଆଇବା କାତାବାର୍ତା ଆରି ପର୍ଯ୍ୟେସରର୍ ବିସଇଟାନେ ରଇବା ସତ୍ ସିକିଆ ଜନ୍ ଲକ୍ ବିରଦ୍ କଲାଇନି, ସେମନ୍ଟାନେଅନି ଦୁରିକେ ର । ସେଟା ସେମନ୍ ସିକ୍ବା ଗିଆନ୍ ବଲି ବୁଲ୍ ବୁଜ୍ଲାଇନି । <sup>୨୧</sup> ଏ ବୁଲ୍ ସିକିଆ କେଡେଲକ୍ ମାନିକରି କିରିସ୍ଟର୍ ବିସଇଟାନେ ରଇବା ସତ୍ ସିକିଆ ଚାଡ଼ିଦେଇଆଚଡ୍ । ପର୍ଯ୍ୟେସର୍ ଜିବନ୍ ଦୁକାଇ ଦୟା ଦେକାଇଲାଟା ତର୍ ସଙ୍ଘ ସବୁବେଲେ ରଅ । ଆମେନ୍ !

## ତିମଥୁଙ୍କ ନିକଟକୁ ପାଉଲଙ୍କର ଦ୍ଵିତୀୟ ପତ୍ର ପାଉଲ୍ ତିମତିଙ୍କେ ଦୁଇପାଲି ଲେକିରଇବା ଚିଠି ଏ ବଇ ବିସଇରେ ଜାନ୍‌ବାଟା

ତିମତି ବଇ ପାଉଲ୍‌ରୁଟାନେଅନି ତରସିସେ ତିମତିର୍ ଲଗେ ଲେକାଅଇରଇବା ଚିଠି । ଦୁତିଅ ତିମତି ପାଉଲ୍‌ରୁ ଜିବନର୍ ସାରାସାରିର୍ ବେଲେ ଲେକାଅଇ ରଇବା ଚିଠି ।

ଏ ଚିଠି ଲେକାଅଇଲା ବେଲେ ସେ ରମିୟରାଇଜେ ବନ୍ଦିଅଇ ରଇଲା ୧:୧୭ ପାଉଲ୍ ଆରି ତିମତି ଦୁଇଲକ୍ ସବୁବେଲେ ମିସିବିତି ରଇଲା ଆରି ପାଉଲ୍ ତିମତିଙ୍କେ ପ ପାରା ଜାନାଇତେ ରଇଲା ପିଲିପିୟ ୨:୨୨୧ମ ତିମତି ୧:୨;୧:୧୮ ।

ଏଟା ପାଉଲ୍‌ରୁ ଚାରଟା ଚିଠିଟାନେ ଅନି ଗଟେକ୍‌ଚିଠି । ଜନ୍‌ଟାନେକି ମଣ୍ଡୁଲିକେ ଗଟେକ୍ ଲକ୍‌ଇସାବେ ଜାନାଇ ଆଟେ । ଆରି ବିନ୍ ତିନୁଟା ଚିଠି ଅଇଲାନି ପର୍ତୁଗ୍ ତିମତି, ତିତସ୍ ଆରି ପିଲିମନ୍ । ଦୁଇପାଲି ଚିଠିଲେକା ଅଇଲାବେଲେ ରମିୟରାଇଜେ କସ୍‌ଟ ଦେଇତେ ରଇଲା । ଏନ୍ତାରି ଅଇତେରଇଲାକେ ପାଉଲ୍ ବନ୍ଦିରଇଲା କାଇକି ଆରି ତିମତିଙ୍କେ କସ୍‌ଟ ଆଇଲେ ମିସା ମୁର୍ଚିକରି ରଇବାକେ ଆଦେସ୍ ଦେଇତେ ରଇଲା । ପର୍ତୁଗ୍ ତିମତିପାରା ପାଉଲ୍ ତିମତିଙ୍କେ ମିର୍ ସିକିଆ ଦେଉ ଗୁରୁମନର୍ ବିସଇ ନେଇକରି କେତେଟା ଜାଗରତା ରଇବା ବିସଇ ଜାନାଇଲା ଆଟେ । ପର୍ତୁଗ୍ ତିମତି ୧:୧୭-୧୮ ପାଉଲ୍ ତିମତିଙ୍କେ ଆଇବା ଦିନମନକେ କେତେକ୍ କସ୍‌ଟ ପାଇବା ବେଲା ଆଟେ ବଲି କଇଲାନି । ୩:୧

### ଏ ବଇ ବିତ୍‌ରେ ରଇବାଟା

- ୧. ପାଉଲ୍ ତିମତିଙ୍କେ ଆଲାଦ୍ ଜାନାଇକରି ସାସ୍ ଦେଇଆଟେ । ୧:୧-୧୮
- ୨. ପାଉଲ୍ ତିମତିଙ୍କେ କେନ୍ଦ୍ରି ମୁର୍ଚିରଇ ଦେକାଇବାଇ ସେଟା ବପୁଦେଲାନି । ୨:୧-୧୩
- ୩. ସାରାସାରିପଟେ ପାଉଲ୍ କେତେଟା ଜାନାଇବା ବିସଇ କଇଆଟେ । ୨:୧୪-୧୬
- ୪. ଆଇବା ଦିନମନକେ କେନ୍ଦ୍ରିଅଇ ଜାଗରତା ଅଇବାଟା ଆଟେ ଆରି ସତ୍‌ବାଟ୍ ବାଟ୍‌ବାକେ ଜାଗରତା କଲାଆଟେ । ୩:୧-୪:୮
- ୫. ପତ୍ତୁଲ୍ ତିମତିଙ୍କେ କେତେଟା ନିଜର୍ ବିସଇ ଜାନାଇ କରି ଲବ୍ ବିସଇ ଜାନାଇଆଟେ । ୪:୯-୨୨

### ପେରିଡ୍ ପାଉଲ୍ ତିମତିଙ୍କେ ଦୁଇପାଲି ଚିଠି ଦେବାଟା

୧ ମୁଇ ପାଉଲ୍ ଏ ଚିଠି ଲେକ୍‌ଲିନି । ଜିସୁକିରିସ୍‌ଟର୍ ଗଟେକ୍ ପେରିଡ୍ ଅଇବାକେ ପର୍‌ମେସର୍ ମକେ ବାଟ୍‌ଲା ଆଟେ । ନ ସାର୍‌ବା ଜିବନ୍ ପାଇବା ଜନ୍ ସୁବ୍ କବର୍ ପର୍‌ମେସର୍ କାତା ଦେଇରଇଲା, ସେଟା ଜାନାଇବାକେ ମକେ ପାଟାଇଲାଆଟେ । ସେ ଜିବନ୍ କିରିସ୍‌ଟର୍ ସଙ୍ଗ୍ ମିସିରଇବା ଜିବନ୍ ।

୨\*ଏ ଚିଠି ତିମତି ମୁଇ ତକେ ଲେକ୍‌ଲିନି । ତୁଇ ମର୍ ଆଲାଦର୍ ପଅ ପାରା ଅଇ ଆରୁସ୍ । ଆମର୍ ବାବା ପର୍‌ମେସର୍ ଆରି ଆମର୍ ମାପୁରୁ ଜିସୁକିରିସ୍‌ଟ, ତକେ ଜିବନ୍ ଦୁକାଇ ଦୟା ଦେକାଅ ଆରି ସାନ୍ତି ଦେଅ ।

### ଦନିଅବାଦ୍ ଆରି ସାର୍‌ଦା କରାଇବାଟା

୩ ମୁଇ ପର୍‌ମେସର୍‌କେ ଦନିଅବାଦ୍ ଦେଲିନି । ମର୍ ଆନିଦାଦିମନ୍ ଜେନ୍ତାର୍ ତାକେ ସେବା କଲାଇ, ସେନ୍ତାରି ମୁଇ ମିସା ତାକେ ସେବା କଲିନି । ମର୍ ବିବେକ୍ ମକେ ଦସ୍ ଦେଏ ନାଇ । ମୁଇ ତର୍‌ପାଇ ଦିନ୍‌ରାତି ପାର୍‌ତନା କଲିନି । ୪ ଆମେ ଦୁଇ ଲକ୍ ବେଗଲ୍‌ଲାବେଲେ ତୁଇ ଦୁକ୍ ଅଇ ଆଁସୁ ଜରାଇଲୁସ୍, ସେଟା ମର୍ ମନେଆଟେ । ତେବର୍‌ପାଇ ତକେ ଦେକ୍‌ବି ବଲି ମୁଇ ବେସି ମନ୍ କଲିନି । ଜେନ୍ତାରି କି ମୁଇ ପୁରାପୁରୁନ୍ ସାର୍‌ଦା ଅଇବି । ୫\*ତୁଇ ସତଇସେ ଜିସୁକିରିସ୍‌ଟକେ ବିସ୍‌ବାସ୍ କରିଆରୁସ୍ ବଲି ମର୍ ମନେଆଟେ । ତୁଇ ବିସ୍‌ବାସ୍ କର୍‌ବା ଆଗ୍‌ତୁ ତର୍ ଆମା ଲଇ ଆରି ତର୍ ଆୟା ଉନିସ୍ ତାକେ ବିସ୍‌ବାସ୍ କର୍‌ତେରଇଲାଇ । ସେନ୍ତାରିସେ ତୁଇ ବିସ୍‌ବାସ୍ କର୍‌ବାଟା ଡାଁଟ୍ ଆଟେବଲି ମୁଇ ଜାନ୍‌ଲିନି । ୬ ତେବର୍‌ପାଇ ମୁଇ ମର୍ ଆଡ୍, ତର୍ ମୁଣ୍ଡେ ସଙ୍ଗ୍‌ଇ ପାର୍‌ତନା କଲାବେଲେ, ଜନ୍ ଆଡ୍‌ମାର୍ ଦାନ୍ ପର୍‌ମେସର୍ ତକେ ଦେଇରଇଲା, ସେଟା ବଂଗାଇକରି ସଙ୍ଗ୍ ବଲି ଏତାଇଦେଲିନି । ୭ କାଇକେବଇଲେ ଜନ୍ ଆଡ୍‌ମା ପର୍‌ମେସର୍ ଆମ୍‌କେ ଦେଲାଆଟେ, ସେଟା ଆମ୍‌କେ ତର୍‌ବାକେ ନ ଦେଏ । ତାର୍ ବାଦୁଲେ ଆଡ୍‌ମାଇ ବପୁ ଦେଇସି, ବିନ୍ ଲକ୍‌ମନକେ ଆଲାଦ୍ କର୍‌ବାକେ ସିକାଇସି ଆରି ନିଜ୍‌କେ ଜାଗରତ୍ ରଇବାକେ ସିକାଇସି ।

୮ ତେବର୍‌ପାଇ ଆମର୍ ମାପୁରୁ ଜିସୁକିରିସ୍‌ଟର୍ ବିସଇ, ବିନ୍ ଲକ୍‌କେ ଜାନାଇବାକେ ଲାଜ୍ ଅ ନାଇ । ତାର୍ ପାଇ ମୁଇ ଏବେ ବନ୍ଦିଗରେ ଆଟି, ମର୍‌ପାଇ ମିସା ଲାଜ୍ ଅ ନାଇ । ମାତର୍ ସୁବ୍ କବରର୍ ଲାଗି ଦୁକ୍ କସ୍‌ଟ ପାଇବାକେ ମର୍‌ସଙ୍ଗ୍ ମିସ୍ । ସେନ୍ଦ୍ରି କର୍‌ବାକେ ପର୍‌ମେସର୍ ତକେ ବପୁ ଦେଇସି । ପର୍‌ମେସର୍

\* ୧:୨ ୧:୨ ପେରିଡ୍ ୧୭:୧    \* ୧:୫ ୧:୫ ପେରିଡ୍ ୧୭:୧

ଆମ୍ଭେ ନ ସାର୍ବବା ମରନେଅନି ବଂଚାଇକରି ଗଟେକ୍ ସୁକଲ୍ ଚଲାଚଲ୍ତି କରବାକେ ଡାକିନେଲା ଆଚେ ।<sup>୯</sup> ନିକ କାମ୍ କଲାର୍ ପାଇ ସେ ଆମ୍ଭେ ବାଚେନାଇ । ମାତର ତାର୍ ନିଜର୍ ଜଜ୍ନା ଇସାବେ ସେ ଆମ୍ଭେ ବାଚିକରି ତାର୍ ଦୟା ଦେକାଇଲା ଆଚେ । ଏ ଜଗତ୍ ତିଆର୍ ନ ଅଇତେ ପରମେସର୍ ଜିବନ୍ ଦୁକାଇ, ଜିସୁକିରିସ୍ଟକେ ଆମ୍ଭେଲାଗି ଏ ଜଗତେ ପାଟାଇଲା ।<sup>୧୦</sup> ଆରି ଏବେ ସେ ଜିବନ୍ ଦୁକାଇ ଦୟା ଦେକାଇଲାଟା, ପରମେସର୍ ଆମ୍ଭେ ଜାନାଇଆଚେ । ଏଟା ଆମ୍ଭେ ରକିଆକାରି ଜିସୁକିରିସ୍ଟ ଜେ କି ଆମ୍ଭେଟାଣେ ଆଇଲା । ମରନର୍ ବପୁକେ ସେ କୁରୁପ୍ନାସ୍ କଲା । ଆରି ସୁବ୍ କବର୍ ଜାନିଲାର୍ପାଇ ନ ସାର୍ବବା ଜିବନ୍ ପାଇବାକେ ସେ ଆମ୍ଭେ ବାଟ୍ ଦେକାଇଲା ।

<sup>୧୧</sup> ✨ଜିସୁକିରିସ୍ଟର୍ ବିସଇ ରଇବା ଏ ସୁବ୍ କବର୍ ପରମେସର୍ ମକେ ଜାନାଇବାକେ କଇଆଚେ । ଗଟେକ୍ ସିକାଇବା ଲକ୍ ଆରି ପେରିଡ୍ ଇସାବେ, ସେ ମକେ ବାଚିଆଚେ ।<sup>୧୨</sup> ଏଟାର୍ ଲାଗି ମୁଇ ଏ ବନ୍ଦିଗରେ ଦୁକ୍ କସ୍ଟ ପାଇଲିନି । ପାଇଲେ ମିସା ଲାଜ୍ ଅଇନାଇ । କାଇକେବଇଲେ ମୁଇ ଜାକେ ବିସ୍ବାସ୍ କରିଆଚି, ତାକେ ଜାନି, ଆରି ମୁଇ ତାକେ ଜନ୍ତା ସର୍ପି ଆଚେ, ସେଟା ସେ ବାଉଡି ଆଇବା ଦିନ୍ ଜାକ, ଜତନ୍ କରି ସଙ୍ଗାଇବାକେ ତାର୍ ବପୁ ଆଚେ । ଏଟା ମୁଇ ଡାଟ୍ ସଙ୍ଗ୍ ବିସ୍ବାସ୍ କଲିନି ।<sup>୧୩</sup> ତୁଇ ମରଟାଣେଅନି ସଡ୍ ସିକିଆ ସୁନିଆରୁସ୍ । ସେନ୍ତାରିସେ ଚଲାଚଲ୍ତି କର୍ । ଜିସୁକିରିସ୍ଟର୍ ସଙ୍ଗ୍ ମିସ୍ଲାର୍ ପାଇ ଏଟା ବିସ୍ବାସ୍ ଆରି ଆଲାଦ୍ ସଙ୍ଗ୍ କର୍ ।<sup>୧୪</sup> ଜନ୍ ସୁବ୍ କବର୍ ପରମେସର୍ ତକେ ଦେଇଆଚେ, ସେଟାକେ ଦେକାରକା କର୍ । ଆମ୍ଭେ ବିଡ୍ରେ ରଇବା ସୁକଲ୍ ଆଡ୍ମାର୍ ବପୁସଙ୍ଗ୍ ସେଟା ଦେକାରକା କର୍ ।

<sup>୧୫</sup> ଆସିଆ ଦେସେ ରଇବା ବେସି ବିସ୍ବାସିମନ୍ ମକେ ଚାଡିକରି ଗାଲାଇ ଆଚଡ୍ ବଲି ତୁଇ ଜାନିଆରୁସ୍ । ତେଇ ପୁଗେଲ୍ ଆରି ଅର୍ମଗେନା ମିସା ମକେ ଚାଡି ଉଟିଗାଲାଇ ।<sup>୧୬</sup> ଅନିସିପର୍ ଆରି ତାର୍ କୁଟୁମ୍ ମକେ ମାପୁରୁ ଦୟାକର । କାଇକେବଇଲେ ମୁଇ ବନ୍ଦିଗରେ ରଇଲାବେଲେ ସେ ମକେ ଦେକବାକେ ଲାଜ୍ ଅଏନାଇ । ତାର୍ ବାଦୁଲେ ସେ ତରକେ ତର ଆସି ମକେ ସାର୍ଦା କରାଇଲା ।<sup>୧୭</sup> ସେ ରମ୍ ଦେସେ ଆଇଲା ଦାପ୍ରେ ମକେ ବେଟ୍ ଅଇବାଜାକ ସବୁ ଜାଗାଇ କଇଲା ।<sup>୧୮</sup> ବଡ୍ ବିଚାରନା ଦିନେ ତାକେ ଜେନ୍ତି ମାପୁରୁ ଦୟା କର । ତୁଇ ନିଜେ ଜାନିଆରୁସ୍ ଏପିସିତେଇ ସେ ମକେ କେତେକ୍ ସାଇଜ କଲା ।

## ୨

### କିରିସ୍ଟ ଜିସୁକେ ବିସ୍ବାସ୍ କରିରଇବା ସନିଅ

<sup>୧</sup> ଏ ମର୍ ଆଲାଦର୍ ପ । ଜିସୁକିରିସ୍ଟ ଆମ୍ଭେ ଜିବନ୍ ଦୁକାଇ ଦୟା ଦେକାଇଲାର୍ ପାଇ ଡାଟ୍ ଅଇ ର ।<sup>୨</sup> ଜେଡ୍ କି ଲକ୍ମନ୍ ବିନ୍ ଲକ୍ମନ୍କେ ସିକାଇବାକେ ଅଦିକାର୍ ପାଇଆଚଡ୍, ଏନ୍ତାରି ଲକ୍ମନ୍କେ ସବୁ ବିସଇ ସର୍ପିଦେସ୍ । କେତେକ୍ କେତେକ୍ ସାକିମନ୍ ମୁଆଟେ ତୁଇ ମରଟାଣେଅନି ଜନ୍ ସାକି ସୁନିଆରୁସ୍, ସେନ୍ତାରି ଲକ୍ମନ୍କେ ସେ ସବୁଜାକ ସର୍ପିଦେସ୍ ।

<sup>୩</sup> କିରିସ୍ଟ ଜିସୁର୍ ଗଟେକ୍ ନିକ ସନିଅ ଅଇ, ମର୍ପାରା ଦୁକ୍ କସ୍ଟ ମୁରଟିକରି ରଥ ।<sup>୪</sup> ଗଟେକ୍ ସନିଅର୍ ବିସଇ ବାବିଦେକା । ସଇନ ଜୁଇଦ୍ କେ ଜିବାକେ ଜାଗରଡ୍ ଅଇବାବେଲେ, ଏ ଜଗତର୍ ବିସଇ କରବାକେ ମନ୍ ନ ଦେଏ । କାଇକେବଇଲେ, ସେ ତାର୍ ଉପ୍ରେ ଅଦିକାରିକେ ସାର୍ଦା କରାଇବାକେ ମନ୍ କର୍ସି ।<sup>୫</sup> ସେନ୍ତାରିସେ, ଗଟେକ୍ ପାଲାଇବା ଲକ୍ମନ୍ ବିସଇ ବାବିଦେକ୍ । ଜେ ଆରାଜିତାଟାଣେ ପାଲାଇବାକେ ମନ୍ କର୍ସି, ସେ ଜଦି ଆରାଜିତାର୍ ନିୟମ୍ ମାନିକରି ନ ପାଲାଇଲେ, ତାକେ ସେ ଇନାମ୍ ନ ମିଲେ ।<sup>୬</sup> ଗଟେକ୍ ଚାସିର୍ ବିସଇ ବାବିଦେକ୍, ଜନ୍ ଚାସି କସ୍ଟ କରିରଇସି, ସେ ପର୍ଡୁମ୍ ପଲ୍ ପାଇବା ଦର୍କାର୍ ।<sup>୭</sup> ମୁଇ ଜାଇଟା କଇଲିନି, ସେଟା ବାବିଦେକ୍, ମାପୁରୁ ସବୁ ବିସଇଟାଣେ ତକେ ଗିଆନ୍ ଦେଇସି ।

<sup>୮</sup> ମୁଇ ଜନ୍ ସୁବ୍ କବର୍ ତକେ ଜାନାଇରଇଲି, ତେଇ ଜିସୁକିରିସ୍ଟକେ ଏତାଉଁ । ସେ ଦାଉଦର୍ କୁଟୁମେ ଜନମ୍ ଅଇଲା ଆରି ପରମେସର୍ ତାକେ ମରନେଅନି ଉଟାଇଲା ।<sup>୯</sup> ସେ ସୁବ୍ କବର୍ ଲାଗି ମୁଇ ଦୁକ୍ କସ୍ଟ ଅଇ ଆଇଲିନି ଆରି ଗଟେକ୍ ଦସ୍ କଲା ଲକ୍ମନ୍ପାରା ବନ୍ଦିଗରେ ଆଚି । ମାତର ପରମେସର୍ ବାକିଅ ବାନ୍ଦାଇଅଇ ରଏନାଇ ।<sup>୧୦</sup> ସେନ୍ତାରିସେ ବାଚିଅଇଲା ଲକ୍ମନ୍ ମିସା କେବେ ନ ସାର୍ବବା ମଇମା ସଙ୍ଗ୍ ଜିସୁକିରିସ୍ଟ ଦେବା ମୁକ୍ତି, ପାଇବାଇ । ସେମନ୍ ଲାଗି ଏ ସବୁ ବିସଇ ମୁଇ ମୁରଟିକରି ରଇଲିନି ।<sup>୧୧</sup> ଏ ବାକିଅ ସଡ୍,

ଜଦି ଆମେ ତାର୍ ସଙ୍ଗ୍ ମରିଜାଇଆରୁ,

ସେନ୍ତାର୍ ଆଲେ ଆମେ ତାର୍ ସଙ୍ଗ୍ ବର୍ବୁ ମିସା,

<sup>୧୨</sup> ✨ଜଦି ଆମେ ମୁରଟିକରି ରଇରୁ

ତେବେ ତାର୍ ସଙ୍ଗ୍ ସାସନ୍ ମିସା କର୍ବୁ ।

✨ ୧:୧୧ ୧:୧୧ ୧ମ ଡିମ୍ବି ୨:୭ ✨ ୨:୧୨ ୨:୧୨ ମାଡିଉ ୧୦:୩୩; ଲୁକ୍ ୧୨:୯

ଆମେ ଜଦି ତାକେ ନ ନାମୁ,  
 ସେ ଆମ୍ଭକେ ମିସା ନ ନାମେ ।  
 ୧୩ ମାତରୁ ଆମେ ବିସ୍ତବାସ୍ କରବାଟା ଏଲା କଲେ ମିସା  
 ସେ କାତା ଦେଇରଇବାଟା ସବୁ କରିସାରାଇସି ।  
 କାଇକେବଇଲେ ସେ ତାର କାତା ନ ବାଦଲାଏ ।

**ନିମାନ୍ ସେବା କରୁ**

୧୪ ପଦେକ୍ କାତା ନେଇ ଦଦାପେଲା ଅଇତେରଇଲେ, ସେଟା ରୁଚାଇସେ । ସୁନ୍ଦବା ଲକ୍ଷ୍ମୀନକେ ନସ୍ତକରି ଦେଇସି । ଏନ୍ତାରି କଇ ପରମେସରର୍ ମୁଆଟେ ଲକ୍ଷ୍ମୀନକେ ତାଟ୍‌ସଙ୍ଗ୍ ଆଦେସ୍ ଦେସ୍ । ୧୫ ସତ୍ ବାକିଅ ନିମାନ୍ ସଙ୍ଗ୍ ଜାନା । ଲାଜ୍ ନଇଲା କାମ୍ କରବା ଲକ୍ଷ୍ମୀପାରା ମାପୁରୁ ଲଗେ ନିଜ୍‌କେ ଅଦିକାର୍ ପାଇଲା ଲକ୍ଷ୍ ବଲି ଦେକାଇଅଇବାକେ ଜତନ୍ ଅ । ୧୬ ମାତରୁ ଜନ୍ ଲକ୍ଷ୍ମୀନ୍ ଆସାର୍ କାତାଇ ଆରି ବକୁଆ କାତାଇ ଦିଆନ୍ ଦେଇତେ ରଇବାଇ, ସେନ୍ତାରି ଲକ୍ଷ୍ମୀନର୍ ଟାନେଅନି ଦୁରିକେ ର । ଜନ୍ ଲକ୍ଷ୍ମୀନ୍ ସେନ୍ତାରିଟାନେ ମିସ୍‌ବାଇ, ସେ ଲକ୍ଷ୍ମୀନ୍ ପରମେସରର୍ ଟାନେଅନି ଦୁରିକେ ଜିବାଇ । ୧୭ ତାକର୍ କାତା ଗାଗତେ ଅଦିକ୍ ଅଦିକ୍ ଅଇବା ଗଟେକ୍ ଗାଉପାରା ଅଇ ଲକ୍ଷ୍ମୀନକେ ନସାଇସି । ସେନ୍ତାରିସେ ଉମନାଅ ଆରି ପିଲିଡ୍ ଲକ୍ଷ୍ମୀନକେ ଏନ୍ତି ସିକିଆ ଦେଇ ବୁଲ୍‌ଲାଇନି । ୧୮ ସେମନ୍ ମଲାଲକ୍ ଉଟି ସାରିଆଟେ ବଲି କଇକରି ସତ୍‌କେ ଚାଡିଦେଇଆଟଡ୍ । ଏନ୍ତାରି କଇକରି କେତେ କେତେ ଲକ୍ଷ୍ ବିସ୍ତବାସ୍ ନସାଇଦେଇ ଆଟଡ୍ । ୧୯ ଅଇଲେମିସା ପରମେସର୍ ଜନ୍ କୁନାଦି ବସାଇଆଟେ, ସେଟା ତାଟ୍‌ସେ ରଇସି । ସେ କୁନାଦି ଉପ୍‌ରେ ଏନ୍ତାରି ଲେକା ଅଇଲାଆଟେ, “ମାପୁରୁ ତାର ନିଜର୍ ଲକ୍ଷ୍‌କେ ଜାନେ, ଆରି ଜେଡ୍‌କିଲକ୍ ସବୁ ଆମେ ମାପୁରୁ ଲକ୍ଷ୍ ବଲାଇଅଇଲାଇନି, ସେମନ୍ ବୁଲ୍ କାମେ ଅନି ଦୁରିକେ ରଅଡ୍ ।”

୨୦ ଗଟେକ୍ ରାଜାର୍ ଗରେ କେତେ ରକାମର୍ ଗିନାକୁଡ୍‌କା ରଇସି, କେତେଟା ସୁନା ରୁପା ସଙ୍ଗ୍ ତିଆର୍ ଅଇଲାଟା, କେତେଟା ଗର୍ ଆରି ଚିକଟ୍ ମାଟିସଙ୍ଗ୍ ତିଆର୍ ଅଇଲା, କେତେଟା ବିବା ବଜି ବେଲ୍‌ପାଇ ଆରି କେତେଟା ଦିନକେ ବାଇବାକେ ରଇସି । ୨୧ ଜେ ନିଜ୍‌କେ ସବୁ ରକାମର୍ ପାପେଅନି ଜାଗ୍‌ରଡ୍ କରିରଇସି, ମାପୁରୁ ସେମନ୍‌କେ ନିକ କାମର୍‌ପାଇ ବାଇସି । କାଇକେବଇଲେ, ସେ ଦେକ୍‌ବା ଇସାବେ, ସେମନ୍ ନିକ ଲକ୍ ଆରି ସବୁ ରକାମର୍ ଦରମ୍ କାମର୍‌ପାଇ ନିଜେ ସର୍ପି ଅଇଲାଇ ଆଟଡ୍ । ୨୨ ମାତରୁ ଦାଙ୍ଗ୍‌ଡା ବଇସେ ରଇବା ଗାଗତର୍ ମନ୍‌କରବାଟାନେଅନି ତୁଇ ଦୁରିକେ ର । ଚିକ୍ ବିସଇ କରବାକେ ଚେସ୍‌ଟା କର୍ । ବିସ୍‌ବାସେ ଡାଟ୍ ରଅ । ବିନ୍ ଲକ୍ଷ୍ମୀନକେ ଆଲାଦ୍ କର୍ । ଆରି ତାକର୍ ସଙ୍ଗ୍ ସାନ୍ତିସଙ୍ଗ୍ ର । ମନକେ ସୁକଲ୍ କରି ଜେଡ୍‌କି ସବୁଲକ୍ ମାପୁରୁକେ ପୁଜା କଲାଇନି, ସେମନ୍‌ର୍ ସଙ୍ଗ୍ ଏ ସବୁଜାକ କର୍ । ୨୩ ଆସାର୍ କାତାଇଅନି, ରୁଚାଇ ଦଦାପେଲା ଅଇବା କାତାଇଅନି ଦୁରିକେ ର । କାଇକେବଇଲେ, ସେନ୍ତାରି ଟାନେ ମିସ୍‌ବା ଲକ୍ଷ୍ମୀନ୍ ସବୁ କିରଜାଟି ଅଇକରି ସାରିଜିବାଇ । ଏଟା ତୁଇ ଜାନିଆଡୁସ୍ । ୨୪ ମାପୁରୁକେ ସେବା କରବା ଏନ୍ତାରି ଗଟେକ୍ ଲକ୍ଷ୍ କିରଜାଟି କରବାରନାଇ । ତାର ବାଦୁଲେ, ସେ ସବୁକେ ସୁଆଲେ ଚଲାଚଲ୍‌ତି କରବାର୍ । ସେ ନିକସଙ୍ଗ୍ ସିକାଇବାକେ ଜାନ୍‌ବାର୍‌ଆଟେ । ଦାପ୍‌ରେ ରିସା ନ ଅଇକରି ମୁର୍ଚି ରଇବାର୍ ଆଟେ । ୨୫ ପରମେସର୍ ତାର ମନ୍ ବାଉତାଇବାକେ ଦେଇସି, ସେଟା ଆସାଅଇ ତାର ବିରଦେ କାତା ଅଇବା ଲକ୍ଷ୍ମୀନକେ ସେ ଦରମ୍ ସଙ୍ଗ୍ ସୁଆଲ୍ କରବାର୍ ଆଟେ । ସତ୍ ବିସଇ ଜାନ୍‌ବାକେ ସେମନ୍‌କେ ସାଇଜ କର । ୨୬ ତାର ଚିନ୍ତା କରବାଟାନେ ସେମନ୍ ସତ୍ ବିସଇ ଅଇସି କି ନାଇ ବଲି ନ ବାବିକରି ରଇବାର୍ । ତାର ମନ୍ କଲାଟା ପୁରାପୁରୁନ୍ କରବାକେ ସଇତାନ୍ ସେମନ୍‌କେ ବନ୍ଦିକରି ନେଲାଆଟେ । ତାର ପାନ୍‌ଅନି ସେମନ୍ ରକିଆ ପାଅଡ୍ ।

**୩**

**ସେସ୍ କାଲେ ଗଟଲା ଗଟନା**

୧ ମାତରୁ ଜାନିର । ଜଗତର୍ ସାରାସାରି ଦିନମନ୍‌କେ ବେସି ଦୁକ୍ କସ୍‌ଟ ବେଲା ଆଇସି । ୨ କାଇକେବଇଲେ ଲକ୍ଷ୍ମୀନ୍ ନିଜେ ଆଲାଦ୍ ଅଇକରି ବିନ୍ ଲକ୍ଷ୍‌କେ ଆଲାଦ୍ ନ କରଡ୍ । ସେମନ୍ ତାବୁକାସୁ ଆସାକରବା ଲକ୍ଷ୍, ନିଜର୍ ବିସଇଟାନେ ବଡ୍‌ପନ୍ ଅଇବା ଲକ୍ଷ୍, ବିନ୍ ଲକ୍ଷ୍‌କେ ନିନ୍ଦା କରବା ଲକ୍ଷ୍, ତାକର୍ ଆୟା ବାବାର୍ କାତା ନ ମାନ୍‌ବା ଲକ୍ଷ୍, ଦନିଅବାଦ୍ ଦେବାଟା ପାସର୍‌ବା ଲକ୍ଷ୍, ପରମେସରର୍ ବିସଇକେ ସନ୍‌ମାନ୍ ନ ଦେବା ଲକ୍ଷ୍, ୩ ବିନ୍ ଲକ୍ଷ୍ମୀନକେ କେମା ନ ଦେବା ଲକ୍ଷ୍, ବିନ୍ ଲକ୍ଷ୍ ବିସଇ ମିର୍ କଇବା ଲକ୍ଷ୍, ନିଜେ ଜାଗ୍‌ରଡ୍ ନ ରଇବା ଲକ୍ଷ୍, କିରଜାଟି ଅଇବା ଲକ୍ଷ୍, ନିକ ବିସଇ ଗିନ୍ କରବା ଲକ୍ଷ୍, ୪ ବିସ୍‌ବାସେ ବିସ୍ ଦେବା ଲକ୍ଷ୍, ବକୁଆ ବିସଇ କରବା ଲକ୍ଷ୍, ବିନ୍ ଲକ୍ଷ୍‌ଟାନେଅନି ବଡ୍ ବଲାଇଅଇବା ଲକ୍ଷ୍, ପରମେସର୍‌କେ ଆଲାଦ୍ କରବା ବାଦୁଲେ ନିଜ୍‌କେ ସାର୍‌ଦା କରାଇବା ଲକ୍ଷ୍ । ୫ ପରମେସର୍‌କେ ସେବା କଲିନି ବଲି ଦେକାଇବାଇ, ମାତରୁ ତାର ବପୁ ତାକର୍ ଜିବନ୍ ବାଦ୍‌ଲାଇବାକେ ନ ଦେଅଡ୍ ।

ସେନ୍ତାରି ଲକ୍ଷ୍ମୀନରଣାନେଅନି ଦୁରିକେ ର ।<sup>୬</sup> କାଈକେବଇଲେ ଏନ୍ତାରି ଲକ୍ଷ୍ମୀ ବିନ୍ ଗରମନକେ ପୁରିଦେଇ ତେଇ ରଇବା ମାଈଜିମନକେ ନାଡ଼ାଇଲାଇନି । ଏ ମାଈଜିମନ ତାକର୍ ପାପର୍ ଲାଗି ନିଜକେ ଦସ୍ ଦେଇ ବିନ୍ ବିନ୍ ରକାମର୍ କରାପ୍ ମନକର୍ବାଟାସଙ୍ଗ୍ ପୁରାପୁରୁନ୍ ଅଇଲାଆତଡ଼ ।<sup>୭</sup> ସେମନ୍ ସବୁବେଲେ ବିନ୍ ବିନ୍ ରକାମର୍ ସିକିଆ ସିକ୍‌ବାକେ ମନ୍ କଲାଇନି । ମାତର୍ ତେଇର୍ ସତ୍ ବିସଇ ନାଜାନଲାଇନି । ଠ ଆଗର୍ କାଲେ ଜେନ୍ତାରିକି, ଜୁନସ୍ ଆରି ଜମ୍‌ବିରିସ୍ ମସାର୍ ବିରୁଦେ ଉଟ୍‌ଲାଇ, ସେନ୍ତାରିସେ ଏ ସିକାଉମନ୍ ମିସା ସତ୍‌କେ ବିରଦ୍ କଲାଇନି । ସେମନ୍‌ର୍ ମନ୍ କରାପ୍ ଅଇଆତେ । ଆରି ବିସ୍‌ବାସର୍ କାତା ଉଟ୍‌ଲେ ତାକର୍‌ଟା ତୁଟାଇସେ ।<sup>୮</sup> ମାତର୍ ସେମନ୍ ନିଜେ ପାଁତିରଇବାଟା ସବୁବେଲର୍‌ପାଇ ନ ରଏ । କାଈକେବଇଲେ ଜାନାସ୍ ଆରି ଜିମିରସ୍ ବକୁଆଟାମନ୍ ବଲି ଆଗ୍‌ତୁର୍ ଲକ୍ଷ୍ମୀ ଜାନଲାଇ, ସେନ୍ତାରିସେ ଏବର୍ ଲକ୍ଷ୍ମୀମନ୍ ମିସା ସେମନ୍ ବକୁଆ ବଲି ଜାନବାଇ ।

**ତିମତିକେ ପାଉଲର୍ ସେସ୍ କାତା**

<sup>୧୦</sup> ମାତର୍ ତିମତି ତୁଇ ମର୍ ସବୁ ବିସଇ ଜାନିଆରୁସ୍ । ମୁଇ ଲକ୍ଷ୍ମୀନକେ କେନ୍ତାରି ସିକାଈଲିନି, କେନ୍ତାରି ଚଲାଚଲ୍‌ତି କଲିନି, ମର୍ ଆଦେସ୍ କାଈଟା, ମର୍ ବିସ୍‌ବାସ୍ କେନ୍ତାଟା, ମୁଇ କେନ୍ତା ମୁର୍ଚିକରି ରଇଲିଆତି, ବିନ୍ ବିନ୍ ଲକ୍ଷ୍ମୀନକେ କେନ୍ତା ଆଲାପ୍ କରିଆତି ଆରି ମକେ ଆଇଲା ଦୁକ୍ କସ୍‌ଟ ମିସା ଜାନୁସ୍ ।<sup>୧୧</sup> \*ଲକ୍ଷ୍ମୀମନ୍ ମକେ ଦୁକ୍ କସ୍‌ଟ ଦେଲାଟା ଆନ୍‌ଟିକିୟ୍, ଈକନିୟ୍ ଆରି ଲୁସ୍‌ତା ନଅର୍‌ମନକେ କାଈ କାଈଟା ଅଇରଇଲା ଆରି କେତେକ୍ ଅଦିକ୍ କସ୍‌ଟ ପାଇରଇଲି, ସେ ସବୁ ବିସଇ ତୁଇ ଜାନୁସ୍ । ମାତର୍ ମାପୁରୁ ଜିସୁ ମକେ ସବୁ ଦୁକ୍ କସ୍‌ଟ ଟାନେଅନି ରକିଆ କଲା ।<sup>୧୨</sup> ଦେକ୍‌ବାକେଗାଲେ ଜେଡ୍‌କି ଲକ୍ଷ୍ମୀ ଜିସୁକିରିସ୍‌ଟକେ ବିସ୍‌ବାସ୍ କରି ପର୍‌ମେସର୍ ଦେକ୍‌ବା ଈସାବେ ଦରମ୍ ଚଲାଚଲ୍‌ତି କର୍‌ବାକେ ମନ୍ କଲାଇନି, ସେମନ୍ ସବୁ ବିସ୍‌ବାସ୍ ନ କଲା ଲକ୍ଷ୍ମୀନରଣାନେଅନି ଦୁକ୍ କସ୍‌ଟ ପାଇବାଇ ।<sup>୧୩</sup> ମାତର୍ କରାପ୍ ଲକ୍ଷ୍ମୀମନ୍ ଆରି ନାଡ଼ାଉମନ୍ ଅଦିକ୍ ଅଦିକ୍ କରାପ୍ ଅଇଜିବାଇ । ସେମନ୍ ଲକ୍ଷ୍ମୀନକେ ନାଡ଼ାଇକରି ନିଜେ ନାଡ଼ାଇଅଇବାଇ ।<sup>୧୪</sup> ମାତର୍ ତୁଇ ଜେଡ୍‌କି ବିସଇ ସିକିଆରୁସ୍, ଆରି ସେଟା ସବୁ ସତ୍ ବଲି ବିସ୍‌ବାସ୍ କରିଆରୁସ୍, ସେଟା ସବୁ ଡାଟ୍ ସଙ୍ଗ୍ ଦାରି ର । କାଈକେବଇଲେ, ନିକ ସିକାଈବା ଲକ୍ଷ୍ମୀନର ଟାନେଅନି ଏ ସବୁ ସିକିଆରୁସ୍ ।<sup>୧୫</sup> ଆରି ତୁଇ ପିଲାବେଲେ ଅନି ସୁକଲ୍ ସାସ୍‌ତର୍ ଜାନିଆରୁସ୍ । କିରିସ୍‌ଟ ଜିସୁକେ ବିସ୍‌ବାସ୍ କଲାଟ୍ ପାଇ ପର୍‌ମେସର୍ ତକେ ରକିଆ କର୍‌ସି ବଲି ତୁଇ ଜାନୁଲୁସ୍‌ନି ।<sup>୧୬</sup> ସବୁ ସାସ୍‌ତର୍ ପର୍‌ମେସର୍‌ର୍ ଟାନେଅନି ଆଇଲା ଆଟେ, ଆରି ସେଟା ଲକ୍ଷ୍ମୀନକେ ସିକାଈବାକେ, ବୁଲ୍ ଅଇଲାଟା ଟିକ୍ କର୍‌ବାକେ, ଟିକ୍ ବିସଇ କର୍‌ବାକେ, ଆରି ଲକ୍ଷ୍ମୀନକେ ସିକାଈବାକେ ଆମ୍‌କେ ସାଇଜ କର୍‌ସି ।<sup>୧୭</sup> ଜେନ୍ତାରି କି, ପର୍‌ମେସର୍‌କେ ସେବା କର୍‌ବା ଗଟେକ୍ ଲକ୍ଷ୍ମୀ ପୁରାପୁରୁନ୍ ତିଆର୍ ଅଇ, ସବୁ ଦରମ୍ କାମ୍ କର୍‌ବାକେ ବପୁ ପାଇସି ।

**୪**

<sup>୧</sup> ପର୍‌ମେସର୍ ଆରି ଜିସୁକିରିସ୍‌ଟ ମର୍ ସାକି । ଜେକି ମଲା ଲକ୍ଷ୍ମୀନର ଆରି ଜିବନ୍ ରଇଲା ଲକ୍ଷ୍ମୀନର ବିଚାର୍ କର୍‌ସି । ତାର୍ ରାଇଜର୍ ଲାଗି, ସେ ଜଗତେ ସାସନ୍ କର୍‌ବାକେ ଆଇସି । ସେଟାପାଇ ମୁଇ ତମକେ ତିଆରଲିନି ।<sup>୨</sup> ସୁବ୍ କବର୍ ସବୁକେ ଜାନାଆ । ଲକ୍ଷ୍ମୀମନ୍ ସେଟା ସୁନ୍‌ବାକେ ମନ୍ କଲାବେଲେ କି ନ ସୁନ୍‌ବା ବେଲେ ସେଟା ଜାନାଇବାକେ ଜାଗିର । ବୁଲ୍‌କରି କାରାପ୍ କାମ୍ କର୍‌ବା ଲକ୍ଷ୍ମୀନକେ ସେଟା ଚାଡ଼ବାକେ ଡାଟ୍ ସଙ୍ଗ୍ କ । ଆସା ନ ଚାଡ଼ି ପର୍‌ମେସର୍‌ର୍ ବାକିଅ ସିକାଈତେର । ସେମନ୍‌କେ ନିକ କାମ୍ କର୍‌ବାକେ ସାର୍‌ଦା କରାଆ ।<sup>୩</sup> ଗଟେକ୍ ବେଲା ଆଇସି, ଜେତେବେଲେ ସତ୍ ସିକିଆ ସୁନ୍‌ବାକେ ଲକ୍ଷ୍ମୀମନ୍ ମନ୍ ନ କରଡ଼ । ତାର୍ ବାଦୁଲେ ସେମନ୍ ଜନ୍ କାରାପ୍ ବିସଇ କର୍‌ବାକେ ମନ୍ କର୍‌ବାଇ, ସେଟା କର୍‌ତେରଇବାଇ । ବିନ୍ ବିନ୍‌ଟା ସିକାଈମନକେ ଡାକିକରି, ତାକର୍ ଟାନେ ଜନ୍ ସାର୍‌ଦାର୍ ବିସଇ ସୁନ୍‌ବାକେ ମନ୍ କର୍‌ବାଇ, ସେନ୍ତାରି ଲକ୍ଷ୍ମୀନକେ ଡାକିଆନ୍‌ବାଇ ।<sup>୪</sup> ସତ୍ ବିସଇ ଦିଆନ୍ ନ ଦେଇକରି କାତାନିମନ୍ ସୁନ୍‌ବାକେ ମନ୍ କର୍‌ବାଇ ।<sup>୫</sup> ମାତର୍ ତିମତି, ତୁଇ ନିଜେ ସବୁବେଲେ ଜାଗ୍‌ରଡ଼ ଅଇ ର । ଦୁକ୍ କସ୍‌ଟ ଆଇଲେ ମୁର୍ଚିକରି ର । ସୁବ୍‌କବର୍ ଜାନାଇତେର । ତର୍ ଦାଇତେ ରଇବା ସବୁ କାମ୍ କର୍‌ତେରଇବାଟ୍ ।

<sup>୬</sup> ଗଟେକ୍ ପୁଜାରି ଜେନ୍ତାରିକି ବେଦିଟାନେ ବଲି ଚଗାଇସି, ସେନ୍ତାରିସେ, ଏବେ ମର୍ ଜିବନ୍ ସର୍‌ପାଇ ଅଇବା ବେଲା କେଟିଆଟେ । ତାର୍‌ଲାଗି ଏ ସବୁ ଆଦେସ୍ ମୁଇ ତକେ ଦେଲିନି ।<sup>୭</sup> ଆରାଜିଟାଟାନେ ମୁଇ ନିକସଙ୍ଗ୍ ଜୁଇଦ୍ କଲିଆତି । ଜେଡ୍‌କି ପାଲାଈବାର୍ ରଇଲା ମୁଇ ନିକସଙ୍ଗ୍ ସାରାଇଲି । ଆରି ମୁଇ ମର୍ ବିସ୍‌ବାସ୍ ଆରାଇନାଇ । ଠ ଏବେ ସର୍‌ଗେ ମର୍‌ପାଇ ଜିଡ୍‌ଲା ମୁକୁଟ୍ ସଙ୍ଗ୍‌ଆଟେ । ଏ ମୁକୁଟ୍ ପର୍‌ମେସର୍‌ର୍ ମୁଆଟେ ମୁଇ ଦରମ୍ ସଙ୍ଗ୍ ଚଲାଚଲ୍‌ତି କଲାଟ୍‌ପାଇ ଆଟେ । ମାପୁରୁ ଜେ କି କାକେ ଅନିଆଇ ନ କରି ବିଚାର୍ କର୍‌ସି, ତାର୍ ବିଚାର୍‌ନା ଦିନେ ସେ ମୁକୁଟ୍ ମକେ ପୁରୁସ୍କାର୍ ଈସାବେ ଦେଇସି

\* ୩:୧୧ ୩:୧୧ ପେରିଡ୍ ୧୩:୧୪-୫୨; ପେରିଡ୍ ୧୪:୧-୭; ପେରିଡ୍ ୧୪:୮-୨୦

। ସେଟା ଅବକା ମରପାଇ ନାଇ, ମାତର୍ ଜେଡକି ଲକ୍ ସେ ବାଉଡି ଆଇବାଟା ଜାଗିଆଚଡ୍, ସେମନ୍‌କେ ସବୁକେ ଦେଇସି ।

**ନିଜର୍ ଆଦେସ୍**

୯ ତିମତି, ଜେଡେକ୍ ଦାପରେ ତୁଇ ମରଲଗେ ଆଇବାକେ ଚେସ୍‌ଟା କର୍ । ୧୦ ✨କାଇକେବଇଲେ ଦିମା ଏବେ ମକେ ଚାଡିକରି ଡେସଲନିକି ଗାଲାଆଚେ । ସେ ଏ ଜଗତର୍ ବିସଇ ଅଦିକ୍ ମନ୍ କଲାନି । କର୍ସିନ୍ ଗାଲାଡିଆଇ ଗାଲା, ଆରି ତିତସ୍ ଦୁଲ୍‌ମତି ଗାଲା । ୧୧ ✨ଲୁକ୍ ଗଟେକ୍ ଲକ୍‌ସେ ମର୍ସଇ ଆଚେ । ତୁଇ ଆଇଲାବେଲେ ମାର୍‌କକେ ତର୍ ସଇଁ ଡାକିଆନ୍ । କାଇକେବଇଲେ ଇତି ରଇଲାବେଲେ ମର୍ କାମେ ସେ ସାଇଜ କର୍ସି । ୧୨ ✨ତିକିକସକେ ମୁଇ ଏପିସିଆ ପାଟାଇଆତି । ୧୩ ✨ତୟସ୍ ନଅର୍ ଚାଡିଲାବେଲେ କର୍ପର୍ ଗରେ ମୁଇ ମର୍ ଅଡବାଟା ଚାଡିଆତି । ତୁଇ ଆଇବାବେଲେ ସେଟା ଦାରିଆଉ । ଆରି ମର୍ ବଇପତରମନ୍ ଆରି ଲଡାକେ ଆଇବା କାଗଜ୍‌ପତର୍ ମିସା ଦାରିଆଉ । ମେଣ୍ଡାର୍ ଚାମ୍ ସଇଁ ତିଆର୍ ଅଇଲାଟା ଚାଡିବାର ନାଇ ।

୧୪ ✨କ୍‌ସ୍ କାମ୍ କରୁ ଆଲେକ୍‌ଜାଣ୍ଡେର୍ ମକେ ବେସି ଅନିଆଇ କରି ଆଚେ । ସେ କଲା କାମର୍ପାଇ ମାପୁରୁ ତାକେ ବେସି ଡଣ୍ଟ ଦେଇସି । ୧୫ ତୁଇ ମିସା ତାର୍‌ଟାନେଅନି ଜାଗ୍‌ରଡ୍ ରଅ । ସେ ଆମର୍ ସିକିଆ ଡାଟ୍ ସଇଁ ବିରଦ୍ କରିରଇଲା ।

୧୬ ମୁଇ ପର୍‌ଡୁମ୍‌ତର୍ ନିଜକେ ରକିଆ କର୍ବାକେ ବିଚାର୍‌ନା ଜାଗାଇ ଗାଲାବେଲେ, ମର୍ବାଟେ ଅଇକରି ସାକି ଦେବାକେ କେ ନ ରଇଲାଇ । ତାର୍ ବାଦୁଲେ ସବୁଲକ୍ ମକେ ଚାଡିଦେଲାଇ । ଏ କାମର୍ପାଇ ସେମନ୍‌କେ ପର୍‌ମେସର୍ ଡଣ୍ଟ ନ ଦେଅ । ୧୭ ସେ ବିଚାର୍‌ନା ଜାଗାଇ ଜେଡକି ଜିଉଦି ନ ଅଇଲା ଲକ୍‌ମନ୍ ରୁଣ୍ଡିରଇଲାଇ, ସେମନ୍‌କେ ସବୁକେ ଜିସୁକିରିସ୍‌ଟର୍ ସୁବ୍‌କବର୍ ଜେନ୍ତାରିକି ମୁଇ ପୁରାପୁରୁନ୍ ବାବେ ଜାନାଇପାର୍‌ବି, ସେଟାପାଇ ମାପୁରୁ ମର୍ସଇଁ ରଇକରି ମକେ ବପୁଦେଲାଆଚେ । ସେ ବିଚାର୍‌ନାର୍ ସାରାସାରି ମକେ କାଇବାକେ ଆସିରଇବା ଗଟେକ୍ ସିଅର୍ ଟାନେଅନି ରକିଆ କଲାପାରା ମାପୁରୁ ରକିଆ କଲା । ୧୮ ବିପଦେ ପାକାଇବା ସବୁ ଗର୍‌ନାଇଅନି ମାପୁରୁ ଜିସୁ ମକେ ରକିଆ କରି, ସର୍‌ଗେ ରଇବା ତାର୍ ରାଇଜେ କାଇଟା ନ ଅଇତେ ଡାକିନେଇସି । କାଲ୍ କାଲ୍ ଜୁଗ୍ ଜୁଗ୍ ସେ ଆକା ଡାକ୍‌ପୁଟା ପାଅ । ଆମେନ୍ !

**ପାଉଲର୍ ଜୁଆର୍**

୧୯ ✨ପିର୍‌ସିଲାକେ ଆରି ଆକିଲାକେ ଜୁଆର୍ ଜାନାଆ । ଆରି ଅନିସିପରର୍ କୁରୁମକେ ମିସା ମର୍ ଜୁଆର୍ ଜାନାଆ । ୨୦ ✨ଏରାସ୍‌ତ କରନ୍ତିଅ ନଅରେ ଆଚେ । ଆରି ତରପିମସକେ ଜର୍ ଅଇଲାକେ ମୁଇ ତାକେ ମିଲିତି ଚାଡିଦେଇ ଆସିଆତି । ୨୧ ତୁଇ ସିଡ୍‌ଦିନ୍ ଅଇବା ଆଗ୍‌ତୁ ଆଇବାକେ ଚେସ୍‌ଟା କର୍ । ଇଉବୁଲ୍ ପୁଦେନ୍‌ସ୍, ଲିନ୍, କଲ୍‌ଦିଆ ଆରି ଇତିରଇବା ସବୁ ବିସ୍‌ବାସି ବାଇବଇନି ତକେ ଜୁଆର୍ ଜାନାଇଲାଇନି ।

୨୨ ପର୍‌ମେସର୍ ଜିବନ୍ ଦୁକାଇ ଦୟା କଲାଟା ତମର୍ ସଇଁ ରଅ ।

✨ ୪:୧୦ ୪:୧୦ କଲସିଅ ୪:୧୪; ପିଲିମନ୍ ୧:୨୪; ୨ୟ କରନ୍ତିୟ ୮:୨୩; ଗାଲାଡିୟ ୨:୩; ତିତସ୍ ୧:୪ ✨ ୪:୧୧ ୪:୧୧ କଲସିଅ ୪:୧୪; ପିଲିମନ୍ ୧:୨୪; ପେରିଡ୍ ୧୨:୧୨,୨୫;୧୩:୧୩;୧୫:୩୭-୩୯; କଲସିଅ ୪:୧୦; ପିଲିମନ୍ ୧:୨୪ ✨ ୪:୧୨ ୪:୧୨ ପେରିଡ୍ ୨୦:୪; ଏପିସିୟ ୬:୨,୨୨; କଲସିଅ ୪:୭,୮ ✨ ୪:୧୩ ୪:୧୩ ପେରିଡ୍ ୨୦:୬ ✨ ୪:୧୪ ୪:୧୪ ୧ମ ତିମତି ୧:୨୦; ରମିୟ ୨:୬ ✨ ୪:୧୯ ୪:୧୯ ପେରିଡ୍ ୧୮:୨;୨ୟ ତିମତି ୧:୧୭,୧୭ ✨ ୪:୨୦ ୪:୨୦ ପେରିଡ୍ ୧୯:୨୨; ରମିୟ ୧୭:୨୩; ପେରିଡ୍ ୨୦:୪;୨୧:୯

## ତିତସ୍ତ ନିକଟକୁ ପାଉଲଙ୍କର ପତ୍ର ପାଉଲ୍ ତିତସ୍ତଙ୍କେ ଚିଠିଲେଖଲୀଟା ଏ ବଇର ବିସଇ ଜାନ୍‌ବାଟା

ପାଉଲ୍ ଚାର୍ଟା ଚିଠି ବିତ୍ରେଅନି ତିତସ୍ତ ବଇ ଗଟେକ୍ । ଜନ୍‌ଟାକି ମଣ୍ଡୁଲିକେ ନ ଜାନାଇକରି ଲକ୍‌ମନ୍‌କେ ଜାନାଇଲାନି । ବିନ୍ ତିନଟା ଚିଠି ଅଇଲାନି ୧ ମ ତିମତି, ୨ ଯୁ ତିମତି ଆରି ପିଲିମନ୍ । ପାଉଲ୍ ତିତସ୍ତଙ୍କେ ଜେନ୍ତ୍ରକି ସେ ସବୁ ଲକ୍‌ମ୍ ମୁଆଟେ ଆଉଲିଅଇକରି ଏ ଚିଠି ପତ ବଲି ଲେଖଲାନି । ପେରିଡ୍ ଇସାବେ ତାର୍ କାଇକାଇଟା ରଇବାର୍ ଦରକାର୍ ସେ ବିସଇରେ ବୁଜାଇଲାନି । ଏଟା କେତେଟା ବିସଇ ତିତସ୍ତ ଆଗେଅନି ଜାନିରଇଲା । ଏ ଚିଠି କିରିସ୍ତ ଜନମ୍ ଅଇକରି ୬୩-୬୪ ବରସ୍ ବିତ୍ରେ ପାଉଲ୍ ଲେଖି ରଇସି ।

ପାଉଲ୍ କିରିତର୍ ଦିପେ ରଇଲା ମଣ୍ଡୁଲିମନ୍‌କେ ଚାଲାଇବାକେ ତିତସ୍ତଙ୍କେ ଆଦେସ୍ ଦେଲାନି । ସେ ସମାନ୍ ସିକିଆ ତିମତିକେ ମିସା ଦେଲାଆଟେ । ପାଉଲ୍ ଏ ଚିଠିଟାନ୍‌କେ ତିତସ୍ତଙ୍କେ ମଣ୍ଡୁଲିର୍ ମୁକିଅ ଲକ୍‌ମନ୍‌କେ ବାଟ୍‌ଲା ଆରି ସେମନ୍‌କେ ସିକାଇବା ବିସଇରେ ଲେଖଲାନି । ଆଜିର୍ ମଣ୍ଡୁଲି ଆରି ମଣ୍ଡୁଲିର୍ ନେତାମନ୍ ସାସନ୍ କର୍ବାକେ କେନ୍ତ୍ର ଗୁନ୍‌ଚଲନ୍ ରଇବାର୍ ଆଟେ ତାର୍ ଚିକିନିକି ସଙ୍ଗ୍ ଦିଆନ୍ ଦେବାର୍ ଦରକାର୍, ସେଟା ଚିଠିତେଇ ଲେଖଲା ଆଟେ ।

### ଏ ବଇ ବିତ୍ରେ ରଇଲାଟା

- ୧. ପାଉଲ୍ ତିତସ୍ତଙ୍କେ ସୁଆଲ୍ ଲକ୍‌ମନ୍‌କେ ବାଟ୍‌ବାକେ ଆଦେସ୍ ଦେଲାନି । ୧:୧-୧୬ ।
- ୨. ତାର୍‌ପଟେ ସେ ଲକ୍‌ମନ୍‌କେ ମିସା ଦରମ୍ ଜିବନେ ଜିଇବା କାଇବାକେ ସିକିଆ ଦେବାକେ ଆଦେସ୍ ଦେଲାନି, ଜନ୍‌ଟାକି ପରମେସର୍‌କେ ସାର୍‌ଦା କରାଇସି । ୨:୧-୩:୧୧
- ୩. ସାରାସାରି ପାଉଲ୍ ତାକର୍ ସାରାସାରି କାତା ଲେକି ଲେଖବାଟା ସାରାଇଲାଜିନି । ୩:୧୨-୧୫

### ତିତସ୍ତଙ୍କେ ପାଉଲ୍‌ର ଚିଠି

୧ ମୁଇ ପାଉଲ୍, ଏ ଚିଠି ଲେଖଲିନି । ମୁଇ ପରମେସର୍‌କେ ସେବାକରି ଜିସୁକିରିସ୍‌ଟର୍ ଗଟେକ୍ ପେରିଡ୍ ଅଇଆଟି ।

ଜନ୍ ଲକ୍‌ମନ୍‌କେ ତାର୍‌ଟାନ୍‌କେ ତାର୍ ସଙ୍ଗ୍ ବିସ୍‌ବାସ୍ କର୍ବାକେ ପରମେସର୍ ବାଟ୍‌ଲା ଆଟେ, ଆରି ସେମନ୍ ଜେନ୍ତ୍ରକି ଜିସୁକିରିସ୍‌ଟର୍ ନିକ ସିକିଆ ବୁଜ୍‌ବାଇ, ସେନ୍ତାରି ଲକ୍‌ମନ୍‌କେ ସାଇଜ କର୍ବାକେ ମୁଇ ବାଟିଅଇଆଟି । ଏ ସିକିଆ ନିକସଙ୍ଗ୍ ଜାନ୍‌ଲେ, ପରମେସର୍‌କେ ସାର୍‌ଦା କରାଇବା ପାରା ଚଲାଟଲ୍‌ତି କର୍ବାକେ ସେମନ୍ ସିକ୍‌ବାଇ ।<sup>୨</sup> ଏନ୍ତାରିଅଇ ସେମନ୍ କାଲ୍‌କାଲ୍ ଜୁଗ୍‌ଜୁଗ୍ ପରମେସର୍‌ର ସଙ୍ଗ୍ ବର୍‌ବାକେ ଆସା କର୍ବାଇ । କାଇକେବଇଲେ କାଇଟା ତିଆର୍ ନ ଅଇତେ କାଲ୍‌କାଲ୍ ଜୁଗ୍‌ଜୁଗ୍ ତାର୍ ଲକ୍ ତାର୍ ସଙ୍ଗ୍ ବର୍‌ବାଇ ବଲି ପରମେସର୍ କାତା ଦେଇରଇଲା । ଏଟା ପୁରାପୁରୁନ୍ ସତ୍ ବଲି ଆମେ ଜାନ୍‌ଲୁନି । କାଇକେବଇଲେ ସେ କେବେ ମିଟ୍ ନ କଏ ।<sup>୩</sup> ପରମେସର୍ ଚିକ୍ କଲା ବେଲାଇ ମୁଇ ସୁବ୍‌କବର୍ ଜାନାଇଲିକେ, ଲକ୍‌ମନ୍ ସେଟା ବୁଜ୍‌ବାକେ ସେ ବପୁଦେଲା । ଏଟା ପରମେସର୍‌ର କାମ୍ । ସେ ଆକା ଆମ୍‌କେ ରକିଆ କରସି । ସେ ଏ ଦାଇଡ୍ ଦେଇକରି ମକେ ତିଆର୍‌ଲା ଆଟେ ।

୪ ଏ ତିତସ୍ତ, ତର୍‌ପାଇ ମୁଇ ଏ ଚିଠି ଲେଖଲିନି । ଆମେ ଜିସୁକିରିସ୍‌ଟଙ୍କେ ବିସ୍‌ବାସ୍ କଲାର୍‌ପାଇ ତୁଇ ମର୍ ନିଜର୍ ପଅପାରା ଅଇ ଆରୁସ୍ ।

ବାବା ପରମେସର୍‌କେ ଆରି ଆମର୍ ଉଦାର୍‌କାରିଆ ଜିସୁକିରିସ୍‌ଟଙ୍କେ ମୁଇ ବାବୁଜିଆ କଲିନି, ସେମନ୍ ତକେ ଦୟା ଦେକାଅଡ୍ ଆରି ସାନ୍ତି ଦେଅଡ୍ ।

### କିର୍ତ୍ତତେଇ ତିତସ୍ତର୍ କାମ୍

୫ କିର୍ତ୍ତେ ତକେ ରଇଜା ବଲି ମୁଇ କଇରଇଲି । ଜେଡ୍‌କି ସବୁ କାମ୍ କରିସାରାଇବାକେ ମକେ ବେଲା ନ ରଇଲା, ସେଟା କରିସାରାଇବାକେ ମୁଇ ସେନ୍ତାରି କଲି । ଏଟା ଅଇଲାନି ପର୍‌ଡୁମ୍ ବିସଇ । କିର୍ତ୍ତେ ରଇବା ସବୁ ଜାଗାର୍ ମଣ୍ଡୁଲିମନ୍‌କେ ପାର୍‌ଟିନ୍ ଇସାବେ ଲକ୍‌ମନ୍‌କେ ବାଟ୍ । ମୁଇ ତର୍ ସଙ୍ଗ୍ ରଇଲାବେଲେ ଏ ବିସଇନେଇ ତକେ ତିଆରି ରଇଲି ।<sup>୬</sup> ଜନ୍ ଲକ୍‌କେ ତୁଇ ପାର୍‌ଟିନ୍ ଇସାବେ ବାଟ୍‌ସୁ, ସେ ଏନ୍ତାରି ଲକ୍ ଅଇବାର୍ ଆଟେ, କେ ମିସା ତାକେ ବୁଲ୍ କଲାନି ବଲି ଦସ୍ ଦେଇନାପାରଡ୍ । ତାକେ ଗଟେକ୍ ସେ ମାଇଜି ରଇବାର୍ ଆଟେ । ତାର୍ ପିଲାଟକିମନ୍ କିରିସ୍‌ଟଙ୍କେ ବିସ୍‌ବାସ୍ କର୍ବାଟ୍ ଆଟେ ।

✧ ୧:୪ ୧:୪ ୨ୟ କରନ୍ତିୟ ୮:୨୩; ଗାଲାତିୟ ୨:୩; ୨ୟ ତିମତି ୪:୧୦ ✧ ୧:୬ ୧:୬ ୧ମ ତିମତି ୩:୨-୭



ସେମନ୍ ନିଜ ଚଳାଚଳୁତି କରତେରଇବାର୍ ଆଚେ । ଜେନ୍ତାରି କି ତାକର୍ ଆୟାବାବାମନକେ ମାନଡ଼ ନାଇ କି ନିଜର୍ ମନ୍ କଲା ଇସାବେ ଚଳାଚଳୁତି କଲାଲନି ବଲି ସେମନ୍କେ କେ ଦସ୍ ଦାରି ନାପାରଡ଼ ।<sup>୭</sup> ବିନ୍ ବିସ୍ବାସିମନ୍କେ ଜତନ୍ କରବାକେ ଦାଇଡ଼ ଇସାବେ ପର୍ମେସର୍ ଗଟେକ୍ ପାର୍ତିନକେ ଦେଲାଆଚେ । ତେବର୍ ପାଇ ଜନ୍ ମଣ୍ଡଲିର୍ ପାର୍ତିନକେ ତୁଇ ବାଟ୍ସୁ, ତାକେ କାଇ ଦସ୍ ନ ରଥ । ସେ ବଡ଼ପନିଆ ନ ରଇବାର୍, ଦାପ୍ରେ ରିସା ନ ଅଇବାର୍, ମଦୁଆ ନ ରଇବାର୍, ବିନ୍ ଲକର୍ ସଙ୍ଗ୍ କିରଜାଟି ନ ଅଇବାର୍, ତାରୁକେ ଆସା ନ କରବାର୍ ।<sup>୮</sup> ସେନ୍ତାରି ନ ଅଇକରି ଲକ୍ମନକେ ତାକିନେବା ଲକ୍, ଦରମ୍ ବିସଇ କରବାକେ ମନ୍ କରବା ଲକ୍, ନିଜେ ଜାଗରଡ଼ ରଇବା ଲକ୍, ବଡ଼ ସାନ୍ ଇସାବେ ନ ଦେକ୍ବା ଲକ୍, ସୁକଲ୍ ଇସାବେ ଚଳାଚଳୁତି କରବା ଲକ୍, ନିଜେ ମନକରବା ବିସଇଟାନେ ଜାଗରଡ଼ ଅଇବା ଲକ୍, ରଇବାର୍ ଆଚେ ।<sup>୯</sup> ସେ ଲକ୍ ଆମେ ସିକାଇତେରଇବା ସୁବ୍ କବର୍ ତାଟ୍ସଙ୍ଗ୍ ବିସ୍ବାସ୍ କରିରଇବାର୍ ଆଚେ । ଏ କବର୍ ସଡ଼ ଆରି ନ ବାଦ୍ଲେ ବଲି ସେ ଜାନ୍ବାର୍ ଆଚେ । ଏନ୍ତାର୍ ଆଲେ ସେ ଲକ୍ମନକେ ସଡ଼ ବିସଇ ସିକାଇପାରସି । ଆରି ଜନ୍ ଲକ୍ ତାର୍ ବିରୁଦେ କାତା ଅଇଲାଲନି, ତାକର୍ ବୁଲ୍ ଦେକାଇପାରସି ।

<sup>୧୦</sup> ମଣ୍ଡଲିର୍ ପାର୍ତିନମନର୍ ଅଦିକାର୍ ନ ନାମ୍ବା ଲକ୍ ବେସି ରଇଲାର୍ପାଇ ମୁଇ ତକେ କଇଲିନି । କାଇ ମୁଲିଅ ନ ରଇବା କାତା ସବୁ ସେମନ୍କେ ସିକାଇକରି, ସେମନ୍କେ ବିସ୍ବାସ୍ କରାଇଲାଲନି । ଜିଉଦି ନିୟମ୍ ଇସାବେ ସବୁ ବିସ୍ବାସିମନ୍ ସୁନଡ଼ ଅଇବାର୍ ଆଚେ ବଲି ସିକାଇଲାଲନି ।<sup>୧୧</sup> ଏନ୍ତାରି ଲକ୍ମନକେ ସିକାଇବାକେ ଦେସ୍ ନାଇ । କାଇକେବଇଲେ ନ ସିକାଇବା ବିସଇ ସିକାଇକରି ସେମନ୍ ଗୁଲାଲ କୁଟୁମ୍ମନକେ ବିସ୍ବାସ୍ କରାଇ, ସଡ଼ ବିସଇତେଇ ଅନି ବାଉଡାଇଲାଲନି । ଲକ୍ମନର୍ଟାନେଅନି ତାରୁ ମିଲାଇବାକେ ମିସା ଏନ୍ତାରି କଲାଲନି ।<sup>୧୨</sup> କିରତେଅନି ଆଗେ ଗଟେକ୍ ଗିଆନ୍ ରଇବା ଲକ୍ ରଇଲା । ସେ ଏନ୍ତାରି କଇରଇଲା, “ କିରତେରଇବା ଲକ୍ମନ ବେସି ମିଟ୍ କଇବାଇ । ସେମନ୍ ବନର୍ ପସୁପାରା ଚଳାଚଳୁତି କରବାଇ ଆରି ସେମନ୍ ବେସି ଅଲସିଆ ଆରି କାଉରାମନ୍ ।”<sup>୧୩</sup> କିରତେ ରଇବା ଲକ୍ ବିସଇ ସେ ବବିସଡ଼ବକ୍ତା କଇଲାଟା ଏବେ ମିସା ସଡ଼ସେ । ତେବର୍ ପାଇ ସେମନ୍କେ ତାଟ୍ ସଙ୍ଗ୍ ଦମକାଇକରି କଇବାର୍ ଆଚେ । ଜେନ୍ତାରିକି ସେମନ୍ ସଡ଼ ସିକିଆ ବିସ୍ବାସ୍ କରବାଇ ।<sup>୧୪</sup> ଜିଉଦି ଲକ୍ମନ ତିଆରକଲା କାତାନିମନ୍ ନ ମାନିକରି ଆରି ସଡ଼ ସିକିଆ ନ ମାନିକରି ରଇବା ଲକ୍ମନର୍ ତିଆରକଲା ରିତିନିତି ଦିଆନ୍ ନ କରଡ଼ ।<sup>୧୫</sup> ଜନ୍ ଲକ୍ମନ ପର୍ମେସର୍ ଦେକ୍ବା ଇସାବେ ସୁକଲ୍ ରଇବାଇ, ସେନ୍ତାରିସେ ତାକର୍ପାଇ ସବୁ ବିସଇ ସୁକଲ୍ ରଇସି । ମାତର୍ ଜନ୍ ଲକ୍ମନର୍ ବିବେକ୍ ସେମନ୍କେ ଦସି କରସି, ସେମନ୍ କାରାପ୍ ଅଇ ଜିସୁକିରିସଟ୍ଟକେ ବିସ୍ବାସ୍ ନ କଲେ, ତାକର୍ପାଇ କାଇ ବିସଇ ମିସା ସୁକଲ୍ ନାଇ ।<sup>୧୬</sup> ଏ ଲକ୍ମନ ପର୍ମେସର୍କେ ଜାନିଆତୁ ବଲି କଇ ବୁଲ୍ବାଇ, ମାତର୍ ତାକର୍ ଚଳାଚଳୁତିଟାନେ ସେଟା ନ ଡିସେ । ସେମନ୍ ଗିନ୍ କରବାଲକ୍, କାତା ନ ମାନ୍ବା ଲକ୍ ଆରି କାଇ ଦରମ୍ ବିସଇ କଇବାକେ ନାପାରଡ଼ ।

## ୨

### ସଡ଼ ଦରମର୍ କାତା

<sup>୧</sup> ମାତର୍ ତିତସ୍ତ ତୁଇ ବିସ୍ବାସିମନ୍କେ ଜନ୍ ବିସଇ ସିକାଇଲୁସିନି ସେଟା ଜିସୁକିରିସଟ୍ଟର ସଡ଼ ସିକିଆ ଇସାବେସେ ସିକା ।<sup>୨</sup> ପର୍ତୁମ୍ ତକ୍ରାମନକେ ତାକର୍ ଜିବନେ ନିଜ ଚଳାଚଳୁତି କରବାକେ ସିକା, ଜେନ୍ତାରି ନିଜେ ବୁଦିର୍ସଙ୍ଗ୍ ରଇ, ଲକ୍ମନର୍ଟାନେଅନି ସନ୍ମାନ୍ ପାଇବାଲକ୍ ପାରା ଅଇ ଜାଗରଡ଼ ରଇବାର୍ । ସେମନ୍ ପର୍ମେସର୍କେ ତାଟ୍ସଙ୍ଗ୍ ବିସ୍ବାସ୍ କରି ବିନ୍ ଲକ୍ମନକେ ସଡ଼ସଙ୍ଗ୍ ଆଲାଦ୍ କରି ମୁରଟି ରଇବାର୍ ଆଚେ ।<sup>୩</sup> ସେନ୍ତାରିସେ ତକ୍ରିମନକେ ମିସା ସିକାଆ । ଜେନ୍ତାରି, ସେମନ୍ ସୁକଲ୍ ଚଳାଚଳୁତି କରବାଇ । ତିପୁଲ୍ କାତା ନ କଇକରି, ମାଡୁଆଲ୍ନିମନ୍ ନ ଅଇକରି, ତାର୍ ବାଦୁଲେ ବିନ୍ ଲକ୍ମନକେ ନିଜ ବିସଇ ସିକାଅଡ଼ ।<sup>୪</sup> ଏନ୍ତାରି କଲେ ସେମନର୍ ଟାନେଅନି ଦାଙ୍ଗ୍ଡିମନ୍ ନିଜ ଚଳାଚଳୁତି କରବାଟା ସିକ୍ବାଇ । ସେମନ୍ ପର୍ତୁମ୍ ନିଜର୍ ମୁନୁସ୍କେ ଆରି ପିଲାଟକିମନକେ ଆଲାଦ୍ କରବାଟା ସିକଡ଼ ।<sup>୫</sup> ନିଜେ ଜାଗରଡ଼ ଅଇକରି ମୁନୁସ୍ମନକେ ସୁକଲ୍ ଚଳାଚଳୁତି କରି, ନିଜର୍ ଗର୍ଦୁଆର୍ ଚାଲାଇକରି, ବିନ୍ ଲକ୍ମନକେ ଦୟା ଦେକାଇକରି ଆରି ନିଜର୍ ମୁନୁସ୍ କାତା ମାନିକରି ରଇବାକେ ସିକା । ସେନ୍ତାର୍ କଲେ ପର୍ମେସର୍ ଆମ୍କେ ସର୍ପି ଦେଲା କବର୍ କେ ମିସା ନିନ୍ଦା ନ କରଡ଼ ।

<sup>୬</sup> ସେନ୍ତାର୍ ସେ ଦାଙ୍ଗ୍ଡାମନକେ ମିସା ନିଜେ ଜାଗରଡ଼ ରଇବାକେ ସିକା ।<sup>୭</sup> ତୁଇ ନିଜେ ସବୁ ବିସଇଟାନେ ନିଜ ଚଳାଚଳୁତି କର୍ । ଜେନ୍ତାରି କି ତକେ ଦେକିଦେକି ଦାଙ୍ଗ୍ଡାମନ୍ ସେନ୍ତାରି ଅଇବାଇ । ସିକାଇଲାବେଲେ, ମନ୍ ସଡ଼ ରଇକରି ଲକ୍ମନର୍ ମୁଆଟେ ସନ୍ମାନ୍ ପାଇଲାପାରା ପର୍ମେସରର୍ ବିସଇ ସିକା ।<sup>୮</sup> ଜେଡ଼କି ବିସଇ ସିକାଇଲୁସିନି, ସେ ସବୁ ବିସଇ ସଡ଼ ରଥ ଜେନ୍ତାରିକି ଲକ୍ମନ ନିନ୍ଦା କରିନାପାରଡ଼ । ଜେଡ଼କି ଲକ୍ ଜିସୁକିରିସଟ୍ଟପାଇ ତୁଇ କରବା କାମ୍ ବିରଦ୍ କଲାଲନି, ସେମନ୍ ସବୁ ଲାଜ୍ ଅଇଜିବାଇ । କାଇକେବଇଲେ ଆମ୍କେ ନିନ୍ଦା କରବାକେ ତାକର୍ଟାନେ କାଇଟା ନ ରଏ ।

୯ ତରୁ ମଣ୍ଡଲିମାନଙ୍କେ ରଇବା ଗତିଦାଙ୍ଗତାମନଙ୍କେ ତାକର ସାଉକାର୍ମାନଙ୍କେ ମାନିକରି ରଇବାକେ ସିକା । ତାକର କରବା କାମ୍ ଦେକି ସାଉକାର୍ମାନ ସାରଦା ଅଅଡ୍ ଆରି ସାଉକାର୍ମାନଙ୍କେ ସେମନ୍ ଚଣ୍ଡୁ ନ ଲାଗାଅଡ୍ । ୧୦ ସାଉକାରର କାଇ ଜିନିସ୍ ନ ଚରାଇକରି ସବୁବେଲେ ଦରମ୍ ଚଲାଚଲ୍ତି କର । ସେମନ୍ଙ୍କେ ସାଉକାର ବିସବାସ୍ କରବାର୍ ଆଚେ । ତାକର ନିକ ଚଲାଚଲ୍ତି କରବାଟା ଦେକି ଆମ୍ଙ୍କେ ମୁକ୍ତି ଦେବା ପରମେସରର କବର ସୁନ୍ବାକେ ଲକ୍ମନ ମନ୍ କରବାଇ ।

୧୧ କାଇକେ ବଇଲେ ପରମେସର ଗୁଲାଇ ମୁନ୍ସୁଜାତିକେ ପାପେଅନି ମୁକ୍ତି କରବାକେ ତାର୍ ଦୟା ଦେକାଇଲା ଆଚେ । ୧୨ ସେ ଦୟା କଲାକେ, କାରାପ୍ ଚଲାଚଲ୍ତି କରବାଟା ଚାଡିକରି, ବିସବାସ୍ ନ କରବା ଲକ୍ମନ କରବା ଚଲାଚଲ୍ତି ନ କରି, ସେମନ୍ ଲାଲ୍ସା ଅଇବା ବିସଇ ମନ୍ ନ କରବାକେ ପରମେସର ଆମ୍ଙ୍କେ ସିକାଇଲାନି । ତାର୍ ବାଦୁଲେ ଜେଡ୍କି ଦିନ୍ ଆମେ ଏ ଜଗତେ ବଠିଆରୁ, ସେଡ୍କି ଦିନ୍ ନିଜେ ଜାଗରଡ୍ ରଇ, ଦରମ୍ ଚଲାଚଲ୍ତି କରି ତାକେ ସାରଦା କରାଇବାକେ ସେ ଆମ୍ଙ୍କେ ବପୁ ଦେଲାନି । ୧୩ ଜନ୍ ବଡ୍ ଦିନ୍ ଆଇବାକେ ଆମେ ଜାଗିଆରୁ, ସେଡ୍କି ଦିନ୍ ଜାକ ଏନ୍ତାରିସେ ଚଲାଚଲ୍ତି କରୁ । ସେ ଦିନେ ଜିସୁକିରିସଟ୍ ଜେକି ଆମ୍ଙ୍କେ ପରମେସର ଆରି ମୁକ୍ତିକାରିଆ, ତାର୍ ସବୁ ତାକ୍ପୁଟା ସଙ୍ଗ୍ ଏ ଜଗତେ ବାଉଡିଆଇସି । ୧୪ \*ଏ ଜିସୁ କିରିସଟ୍ ଆମ୍ଙ୍କେ ଲାଗି ମରବାକେ ନିଜେ ସର୍ପିଅଇଲା । ପାପର ବାନ୍ଦନେଅନି ମୁକ୍ତଲାଇବାକେ ଆରି ତାର୍ପାଇ ସୁକଲ୍ ଲକ୍ କରାଇବାକେ ସେ ଏନ୍ତି କଲା । ସେ ଦେକ୍ବା ଇସାବେ, ଦରମ୍ କାମ୍ କରବାକେ ବେସି ମନ୍ କରବା ଲକ୍ ଅଇବାକେ ମିସା ।

୧୫ ତେବର୍ପାଇ ତିତସ୍ତ, ତୁଇ କିରତେ ରଇବା ବିସବାସିମନଙ୍କେ, ମୁଇ ତକେ କଇରଇବା ସବୁ ବିସଇ ସିକାଇଦେସ୍ । ଏ ସବୁ ବିସଇ କରବାକେ ସାରଦା କରା ଆରି ନ କଲେ ସେମନ୍ଙ୍କେ ଜାଗରଡ୍ କରା । ସେନ୍ତାରି କରବାକେ ତର ଅଦିକାର୍ ଆଚେ । ତୁଇ ସିକାଇଲା ବିସଇମନ୍ କେ ମିସା ନିର୍ ଇସାବେ ନ ନାମଡ୍ ।

### ୩

#### ବିସବାସି ମନର୍ କାତାବାର୍ତା

୧ ସାସନ୍କାରିଆ ଆରି ଅଦିକାରିମନର୍ ତଲେ ରଇକରି ସେମନ୍ ତିଆରୁଲାଟା ମାନିକରି ରଇବାକେ ମଣ୍ଡଲିର୍ ବାଇବଇନିମନଙ୍କେ ଏତାଇଦେସ୍ । ବିନ୍ ଲକ୍ଙ୍କେ କାଇ ସାଇଜ ମିସା କରବାକେ ଜାଗରଡ୍ ଅଇରଅଡ୍ । ୨ ବିନ୍ ଲକ୍ଙ୍କେ ବିସଇ ମିର୍ ନ କଇ ସବୁର୍ ସଙ୍ଗ୍ ସାନ୍ତିସଙ୍ଗ୍, ଆଲାଦେ, ମନ୍ବିଡ୍ରେ ଦରମ୍ରେଇ ମିସିବିଡି ରଅଡ୍ । ୩ କାଇକେବଇଲେ ଗଟେକ୍ ବେଲାଇ ଆମେମିସା ବକୁଆ ଲକ୍ପୋରା ରଇ ପରମେସରର କାତା ନ ମାନିକରି, ବୁଲ୍ ବିସଇ କରତେରଇଲୁ । ଆମ୍ଙ୍କେ ପାପର ଗୁନ୍ତଲନ୍ ଇସାବେ ଜେଡ୍କି ସବୁ ବିସଇ ରଇଲା, ସେଟା ସବୁ ସାରଦାସଙ୍ଗ୍ କରତେରଇଲୁ । ବିନ୍ ଲକ୍ଙ୍କେ ତିପୁଲ୍ କାତା ଗୁଲାଇବାଟେ ବିଚିକରି ସେମନ୍ଙ୍କେ ଛୁଆ କରତେରଇଲୁ । ସେମନ୍ ଆମ୍ଙ୍କେ ଗିନ୍ କରତେରଇଲାଇ, ଆମେମିସା ସେମନ୍ଙ୍କେ ଗିନ୍ କରତେରଇଲୁ । ୪ ମାତର୍ ଆମେ ସେନ୍ତାରି ଚଲାଚଲ୍ତି କରତେରଇଲେ ମିସା ଆମ୍ଙ୍କେ ମୁକ୍ତିକାରିଆ ପରମେସର ନିଜର୍ ଦୟା ଆରି ଆଲାଦ୍ ଆମ୍ଙ୍କେ ଦେକାଇଆଚେ । ୫ ପାପର ତଣ୍ଡେଅନି ସେ ଆମ୍ଙ୍କେ ମୁକ୍ତଲାଇଲା । ଆମେ ଦରମ୍ କାମ୍ କଲାପାଇ ସେ ଆମ୍ଙ୍କେ ଏନ୍ତି କରେନାଇ । ମାତର୍ ସେ ଆମ୍ଙ୍କେ ଜିବନ୍ ଦୁକାଇ ଦୟା ଦେକାଇଲାକେସେ । ସୁକଲ୍ ଆଡ୍ମା ଦେଇକରି ସେ ଆମ୍ଙ୍କେ ରକିଆ କଲା । ଜେକି ଆମ୍ଙ୍କେ ସବୁ ପାପ୍ ଦଇକରି ନୁଆ ଜିବନ୍ ଦେଲା । ୬ ଆମ୍ଙ୍କେ ରକିଆକାରି ଜିସୁକିରିସଟ୍ କଲା କାମ୍ଙ୍କେ ଲାଗି ପରମେସର ଏଟା କଲା । କାଇ ମୁଲିଅ ନ ଦେଇ ଜେଡ୍କି ବଇଲେ ସେଡ୍କି ଆମ୍ଙ୍କେ ସୁକଲ୍ଆଡ୍ମା ଦେଲା ଆଚେ । ୭ ପରମେସର ଆମ୍ଙ୍କେ ତାର୍ ପିଲାଟକି କରବାକେ ଏନ୍ତାରି କଲା ଆଚେ । ତାର୍ସଙ୍ଗ୍ କାଲ୍କାଲ୍ ଜୁଗ୍ଜୁଗ୍ ବଠିବାକେ ଆମେ ଆସା କରବାର୍ ଅଇସି । ଆମ୍ଙ୍କେପାଇ ରଇବା ତାର୍ ବଡ୍ ଦୟାରୁଲାଗି, ତାର୍ ମୁଆଟେ ଦସି ଇସାବେ ନ ଦେକେ । ପରମେସର ଆମ୍ଙ୍କେ କାଇ ଦସ୍ ନ କଲା ଲକ୍ବଲି ଜାନାଇଆଚେ । ୮ ମୁଇ ତକେ ଲେକିରଇବା ଏ ସବୁ ବିସଇ ସଡ୍ ବଲି ମାନିଅଇସି ।

ତେବର୍ପାଇ ମୁଇ ତକେ ବାବୁଜିଆକରି କଇଲିନି, ତୁଇ ସିକାଇବାବେଲେ ଏ ସବୁ ବିସଇ ନ ପାସ୍ରି ଏତାଇତେ ର । ଜେନ୍ତାରିକି ପରମେସରଙ୍କେ ଜେଡ୍କି ଲକ୍ ବିସବାସ୍ କରବାଇ, ସେମନ୍ ସବୁ ଦରମ୍ କାମ୍ କରବାକେ ମନ୍ଦିଆନ୍ ଦେବାଇ । ଏନ୍ତାରି ସିକିଆ ଦେଲେ ସବୁ ଲକ୍ପୋରା ସେଟା ନିକ ଆରି କାମ୍ଙ୍କେ ଆଇସି । ୯ ମାତର୍ ଜନ୍ ଲକ୍ମନ କାଇ ଲତାକେ ନ ଆଇବା ବିସଇପୋରା ଦଦାପେଲା ଅଇବାଇ, ଆରି ତାକର୍ କୁଟୁମର୍ ଆନିଦାଦିମନର୍ ବିସଇ କଇ ଲାଗିରଇବାଇ, ତୁଟାଇ ତୁଟାଇ ଦଦାପେଲା ଅଇବାଇ ଆରି ମସା ମିଲାଇରଇବା ରିଡିନିଡି ବିସଇନେଇ ଲାଗାଲାଗି ଅଇବାଇ, ସେନ୍ତାରିଟାନେ ପୁର୍ନାଇ । କାଇକେବଇଲେ ଏଟା କାକେ ଲତାକେ ନ ଦେଏ, ଆରି ତୁଟାଇସେ । ୧୦ ବିସବାସିମନର୍ ବିଡ୍ରେ ଜଦି କେ ମିସା ଗଟେକ୍ ବେଗ୍ଲାଇବା ଲକ୍ ରଇଲେ, ତାକେ ଡାଟ୍ ସଙ୍ଗ୍ କଇକରି ଚାଡାଇଦେସ୍ । ସେ ନ ଚାଡ୍ଲେ

\* ୨:୧୪ ୨:୧୪ ୧ ମ ପିତର୍ ୨:୯

ଆରିତରେକ୍ ଜାଗରତା କରା । ତାର୍ପରେ ମିସା ସେ କରିଲାଗିରଇଲେ ତାକେ ଚାଡ଼ିଦେସ୍ । <sup>୧୧</sup> ଏନ୍ତାରି ଲକ୍ ସତ୍ ବିସଇତେଇଅନି ମନ୍ ବାଉତାଇଲା ଆତେ ବଲି ତୁଇ ଜାନିପାରୁସ୍ । ତାର୍ ପାପରଲାଗି ସେ ପରମେସରର୍ ମୁଆଟେ ଦସ୍ କରିଆତେ ବଲି ଲକ୍ମନ୍ ନିକସଙ୍ଗ୍ ଜାନ୍ବାଇ ।

**ସାରାସାରି ବେଲର୍ କାତା**

<sup>୧୨</sup> ଧକେ ସାଇଜ କର୍ବାକେ ମୁଇ ଆରତେମସ୍କେ ନଇଲେ ତେକିକସ୍କେ ପାଟାଇବି । ଆକର୍ ବିତ୍ରେ କେ ଆଲେ ଆଇଲେ, ତୁଇ ତେଇଅନି ବାରଇ ନିକପଲି ନଅରେ ମକେ ବେଟ୍ ଅଇବାକେ ଆଉ । କାଇକେବଇଲେ ସିତ୍ମାସ୍ ସାର୍ବାଜାକ ତେଇ ରଇବାକେ ମୁଇ ମନ୍ କଲିନି । <sup>୧୩</sup> ଧଜିନି ନାଉର୍ ଗଟେକ୍ ଅକିଲ୍ ଆରି ଆପଲ୍ ନାଉର୍ ଆରିଗଟେକ୍ ଲକ୍ ଜିବାକେ ବାରଇବାବେଲେ, ସେମନ୍କେ ଜେଡ୍କି ସାଇଜ ଲତା ଆତେ, ସେଟା ସବୁ କରିଦେସ୍ । ସେମନ୍କେ ଲତାକେ ଆଇବାଟା ଜାଗାଇଦେସ୍ । <sup>୧୪</sup> ସେଟାକେ ଚାଡ଼ି କିରତେରଇବା ଆମର୍ ସବୁ ବିସ୍ବାସି ବାଇବଇନିମନ୍, ଦରମ୍ କାମ୍ କରବାଟା ନ ଚାଡ଼ିକରି, ପାଇଟିକାବାଡ୍ କର୍ତେରଅଡ୍ । ସେନ୍ତାରି କଲେ, ଅବାବେ ରଇଲା ଲକ୍ମନ୍କେ ଦେଇପାର୍ବାଇ । ଆରି ବିସ୍ବାସିମନ୍ ବେକାର୍ ଜିବନ୍ ନ ବିତାଅଡ୍ ।

<sup>୧୫</sup> ମର୍ ସଙ୍ଗ୍ ରଇବା ସବୁ ବିସ୍ବାସିମନ୍ ତକେ ଜୁଆର୍ ଜାନାଇଲାଇନି । କିରତେରଇବା ଆମର୍ ବିସ୍ବାସି ବାଇବଇନିମନ୍ ଜେଡ୍କିଲକ୍ ଆମ୍କେ ଆଲାଦ୍ କଲାଇନି, ସେମନ୍କେ ସବୁକେ ଆମର୍ ଜୁଆର୍ ଜାନାଇଦେସ୍ ।

ପରମେସର୍ ତାର୍ ଜିବନ୍ ଦୁକାଇ ତମ୍କେ ଦୟା ଦେକାଅ ।

☆ **୩:୧୨** ୩:୧୨ ପେରିଡ୍ ୨୦:୪; ଏପିସିୟ ୬:୨୧,୨୨; କଲସିଅ ୪:୭,୮; ୨ୟ ଡିମତି ୪:୧୨ ☆ **୩:୧୩** ୩:୧୩ ପେରିଡ୍ ୧୮:୨୪; ୧ମ କରନ୍ତିୟ ୧୭:୧୨

## ଫିଲିମନଙ୍କ ନିକଟକୁ ପାଉଲଙ୍କ ପତ୍ର ପାଉଲ୍ ପିଲିମନ୍‌ଙ୍କେ ଚିଠି ଲେଖିଲାଟା ଏ ବଇ ବିସଇରେ ଜାନ୍‌ବାଟା

ସବୁରୁଅନି ସାନ୍ ବଇ ପିଲିମନ୍ ପେରିତ୍ ପାଉଲ୍ ଲେଖିଲା ଆତେ ୧:୧ । ଜେଡେବଲ୍ ସେ ଏ ବଇ ଲେଖିଲା ସେଡକିବେଲେ ସେ ବନ୍ଦି ଗରେ ବନ୍ଦି ଅଇରଇଲା । ଜାର୍ ଅରତ୍ ଏଟା ଅଇପାରେ ସେ ରମଦେସେଅନି ଲେଖିଆତେ । ଜଦି ସେ ରମଦେସେ ରଇଲା କିରିସଟ ଜନମର୍ ପାକାପାକି ୨୧ ବରସ୍ ପତେ ଏ ଚିଠି ଲେଖି ରଇପାରେ । ଜନ୍‌ଟା କି ସେ ସମାନ୍ ବେଲାଇସେ କଲସିଅ ମଣ୍ଡଲିକେ ମିସା ଲେଖି ରଇସି । ସେ ଏ ଚିଠି ପିଲିମନ୍ ନାଉର୍ ଗଟେକ୍ ଲକ୍‌କେ ଲେଖିଆତେ । ପିଲିମନ୍ ଗଟେକ୍ ମଣ୍ଡଲିକ୍ ଆରି ଗତିଦାଙ୍ଗ୍‌ତାମନର୍ ସାଉକାର୍ ରଇଲା । ପାଉଲ୍ ଲେଖିଲାଜନି ଜେ, ସେ ଅନିସିମସ୍‌କେ ତଣ୍ଡୁ ନ ଦେଅ ଜେ କି ଚରିକରି ପିଲିମନର୍ ଟାନେଅନି ଦୁରିକେ ପାଲାଇରଇଲା । ରମିୟ ନିୟମ୍ ଇସାବେ ପିଲିମନ୍ ଅନିସିମସ୍‌କେ ମରନର୍ ତଣ୍ଡୁ ଦେବାର୍ ଅଦିକାର୍ ରଇଲା । ଅନିସିମସ୍‌କେ କିରିସେ ବାଇ ଇସାବ୍‌ରେ ତାକ୍‌ବାକେ ପିଲିମନ୍‌କେ ପାଉଲ୍ ବାଦିଅ କରି ବାବୁଜିଆ କରି ସାର୍‌ଦା ଦେଲାନି । ପାଉଲ୍ ଅନିସିମସ୍‌କେ ପିଲିମନର୍ ଜାଗାଇ ସେବା କାମ୍ କର୍‌ବାକେ ରାଜିଅଇବାକେ କଇଦେଲା । ୧:୧୩-୧୪

### ଏ ବଇ ବିତ୍‌ରେ ରଇଲାଟା

- ୧. ପାଉଲ୍ ପିଲିମନ୍‌ଙ୍କେ ଜୁଆର୍ ଜାନାଇବାଟା । ୧:୧-୩
- ୨. ପାଉଲ୍ ଅନିସିମସ୍‌ର ବାଟେଅଇ ଅନିସିମସ୍‌କେ ଗଟେକ୍ କିରିସଟ୍‌ରେତଇ ଗଟେକ୍ ବାଇ ଇସାବେ ନାମ୍‌ବାକେ ପିଲିମନ୍‌ଙ୍କେ କଇଲାନି । ୧:୪-୨୧
- ୩. ପାଉଲ୍ ଗଟେକ୍ ଜାଗାଇଅନି ଆରି ଗଟେକ୍ ଜାଗାଇ ଜିବାକେ ରଇଲା ମନ୍‌ବିତ୍‌ରର୍ କାତାକେ ଜାନାଇଲାନି ଆରି ଜୁଆର୍ ପାଟାଇଲାନି । ୧:୨୨-୨୫

୧ ମୁଇ ପାଉଲ୍ ଜେକି ଜିସୁକିରିସଟ୍‌ର ଲାଗି ବନ୍ଦି ଆତି । ଆରି ଆମର୍ ବାଇ ତିମତି । ଆମେ ମିସିକରି ଆମର୍ ମଇତର୍ ଆରି ସଙ୍ଗର୍ କାମ୍‌କରୁ ପିଲିମନ୍‌ଙ୍କେ ଏ ଚିଠି ଲେଖିଲୁନି । ୨ \*ତର୍ ଗରେ ରୁଣ୍ଡିକରି ପାର୍‌ତନା କର୍‌ବା ମଣ୍ଡଲିକେ, ଆରି ଆମର୍ ବଇନି ଆପିୟାକେ, ଗଟେକ୍ ସନିଅ ପାରା ଆମର୍ ବିସ୍‌ବାସ୍ ଦେକାରକା କର୍‌ବା ଆରକିପସ୍‌କେ ମିସା ଏ ଚିଠି ଲେଖିଲୁନି ।  
 ୩ ଆମର୍ ବାବା ପରମେସର୍ ଆରି ମାପୁରୁ ଜିସୁ କିରିସଟ୍ ତାର୍ ଜିବନ୍ ଦୁକାଇ ଦୟା ଦେକାଅ ଆରି ସାନ୍ତି ଦେଅ ।

### ପିଲିମନର୍ ଆଲାଦ୍ ଆରି ବିସ୍‌ବାସ୍

୪ ବାଇ ପିଲିମନ୍, ମୁଇ ଜେଡେବେଲେ ମିସା ପାର୍‌ତନା କର୍‌ବା ବେଲେ, ତକେ ଏତାଇକରି ପର୍‌ମେସର୍‌କେ ଦନିଅବାଦ୍ ଦେଲିନି । ୫ କାଇକେବଇଲେ ପର୍‌ମେସର୍‌ର ଲକ୍‌ପାଇ ରଇବା ତମର୍ ଆଲାଦ୍ ଆରି ମାପୁରୁ ଜିସୁରଟାନେ ରଇବା ତମର୍ ବିସ୍‌ବାସ୍ ମୁଇ ସୁନିଆତି । ୬ କିରିସଟ୍‌ର ସଙ୍ଗ୍ ଆମେ ମିସଲାର୍‌ପାଇ ଆମର୍ ଜିବନେ ଜେଡକି ସବୁ ଆସିର୍‌ବାଦ୍ ପାଇଆରୁ, ସେଟା ସବୁ ନିକ ସଙ୍ଗ୍ ବୁଜ୍‌ବାକେ ଆମେ ତମର୍ ସଙ୍ଗ୍ ରଇଲାବେଲେ, ବୁଜିପାର୍‌ବୁ ବଲି ମୁଇ ଆସା କଲିନି । ୭ ଏ ମର୍ ଆଲାଦର୍ ବାଇ, ତର୍ ଆଲାଦ୍ ମକେ ବେସି ସାର୍‌ଦା କରାଇଲା ଆତେ । ପର୍‌ମେସର୍‌ର ସବୁଲକର୍ ମନ୍ ମିସା ତୁଇ ସାର୍‌ଦା କରାଇ ଆରୁସ୍ ।

### ଅନିସିମସ୍ ପାଇ ଗୁଆରି

୮ ତେବେ ଏଟାର୍‌ଲାଗି କିରିସଟ୍‌ର ପାଇ ଗଟେକ୍ ବାଇ ଇସାବେ ତକେ ତିଆର୍‌ବାକେ ମର୍ ପୁରାପୁରୁନ୍ ଅଦିକାର୍ ଆତେ । ୯ ମାତର୍ ମୁଇ ତକେ ଆଲାଦ୍ କଲିନି, ସେଟାର୍‌ଲାଗି ଅବ୍‌କା ବାବୁଜିଆ କର୍‌ବି । ମୁଇ ପାଉଲ୍ କିରିସଟ୍ ଜିସୁର୍ ମୁକିଅ କବରନେଡ ଅଇରଇଲେମିସା, ତାର୍‌ଲାଗି ଏବେ ମୁଇ ବନ୍ଦିଅଇଆତି । ୧୦ \*ଅନିସିମସ୍ ଜେକି କିରିସଟ୍‌ର ଲାଗି ମର୍ ନିଜର୍ ପଅ ପାରା ଅଇଗାଲା ଆତେ । ତାର୍ ବାବୁଲେ ମୁଇ ତକେ ବାବୁଜିଆ କଲିନି । ଆମେ ବନ୍ଦିଗରେ ରଇଲା ବେଲେ, ମୁଇ ତାର୍ ଆଡ୍‌ମା ଇସାବେ ରଇବା ବାବା ପାରା ଅଇଆତି । ୧୧ ଗଟେକ୍ ବେଲାଇ ସେ ତର୍‌ପାଇ ଅବ୍‌କା ରଇଲା । ମାତର୍ ଏବେ ଆମର୍ ଦୁଇଲକର୍ ଲତାକେ ଲାଗ୍‌ବା ଲକ୍ ଅଇଲା ।

୧୨ ମୁଇ ଏବେ ତାକେ ତର୍ ଲଗେ ପାଟାଇଲିନି । ମର୍ ଜିବନେ କାନ୍ଦି କାନ୍ଦି ଆତି । ୧୩ ତାକେ ବନ୍ଦିଗରେ ମର୍ ସଙ୍ଗ୍ ରଅ ବଲି ମନ୍ କର୍‌ତେରଇଲି । ସୁବ୍ କବରର୍ ଲାଗି ତର୍ ବାବୁଲେ ସେ ମକେ ଇତି ସାଇଜ

\* ୧:୨ ୧:୨ କଲସିଅ ୪:୧୭    \* ୧:୧୦ ୧:୧୦ କଲସିଅ ୪:୯

କରତା । ୧୪ ମାତର ତୁଇ ମକେ ସାଇଜ କର ଆକା ବଲି ବାଦିଅ କରିନାଇ । ତୁଇ ନିଜେ ମନ୍‌କରି କଲେ, ମୁଇ ମନ୍ କରତି । ତେବେ ତୁଇ ରାଜି ନ ଅଇତେ ମୁଇ କାଇଟା ନ କରି ।

୧୫ ଜେନ୍ତାରିକି ଅନିସ୍‌ମସ୍ ଆରି ତୁଇ, ସାଉକାର୍ ଆରି ଗତିଦାଙ୍ଗତା ପାରା ନ ଅଇ, ମରୁବା ଜାକ ନିଜର ବାଇ ଇସାବେ ରଇବାକେ, ଚନେକର୍‌ପାଇ ତରଟାନେଅନି ଦୁରିକେ ରଇଲା । ୧୬ ଆରି ଏବେ ସେ ଅବକା ଗତିଦାଙ୍ଗତା ନଏଁ, ମାତର କିରିସ୍‌ଟର୍ ଲାଗି ଗଟେକ୍ ଆଲାଦର୍ ବାଇ ଅଇଆଟେ । ମୁଇ ତାକେ ବେସି ଆଲାଦ୍ କଲିନି । କିରିସ୍‌ଟର୍ ଲାଗି ଗଟେକ୍ ବାଇ ଇସାବେ ଆରି ଗତିଦାଙ୍ଗତା ଇସାବେ ସେ ତର୍‌ପାଇ କେତେକ୍ ଅଦିକ୍ ଆଲାଦର୍ ଲକ୍ ଅଇସି ।

୧୭ ତେବର୍‌ପାଇ ତୁଇ ମକେ ଜଦି ସଙ୍ଗର୍‌କାମ୍‌କରୁ ଇସାବେ ଦେକ୍‌ଲୁସ୍‌ନି, ଜେନ୍ତି ତୁଇ ମକେ ତାକିନେଇତୁସ୍, ସେନ୍ତାରିସେ ତାକେ ମିସା ତାକିନେ । ୧୮ ସେ ଜଦି ତର କାଇ ପାପ୍‌ଦସ୍ କରି ରଇଲେ, କି କାଇଟା ଦେବାର୍ ରଇଲେ ସେଟା ମର୍ ରୁନ୍‌ବଲି ବାବ୍ । ୧୯ ଏବେ ମୁଇ ନିଜେ ଲେକ୍‌ଲିନି ମୁଇ ପାଉଲ୍ ତକେ ସୁଜ୍‌ବି । ତୁଇତା ମର୍ ରୁନି ଅଇ ଆତୁସ୍, ଏଟା ମୁଇ ତକେ ଏତାଇଦେବାକେ ଲତା ନାଇ । ୨୦ ତେବେ ତୁଇ ଜେକି କିରିସ୍‌ଟର୍ ଲାଗି ମର୍ ବାଇଅଇଆତୁସ୍ । ମର୍‌ପାଇ ଏ ଗଟେକ୍ କାମ୍ କରି ମକେ ସାର୍‌ଦା କିରାଆ ।

୨୧ ଏଟା ଲେକ୍‌ଲାବେଲେ, ମୁଇ ତାଟ୍ ସଙ୍ଗ୍ ଜାନିଆଟି, ମୁଇ ମାଙ୍ଗ୍‌ବା ବିସଇ ତୁଇ କରସ୍ ଆକା । ଦେକ୍‌ଲେ, ମାଙ୍ଗ୍‌ଲାତେଇଅନି ଅଦିକ୍ କରସ୍ । ୨୨ ଏଟାଚାଡି ମର୍‌ପାଇ ଗଟେକ୍ ବାକ୍‌ରା ସାଜାଡି ର । କାଇକେବଇଲେ, ତୁଇ ପାର୍‌ତନା କଲା ଇସାବେ ମୁଇ ତରଲଗେ ଦାପ୍‌ରେ କେଟିପାର୍‌ବି ।

**ଜୁଆର୍‌ବେଟ୍**

୨୩ ☆ଏପାପ୍‌ରା ଜେକି କିରିସ୍‌ଟର୍ ଲାଗି ମର୍‌ସଙ୍ଗ୍ ବନ୍ଦିଅଇଆଟେ, ସେ ତାର୍ ଜୁଆର୍ ଜାନାଇଲାନି ।

୨୪ ☆ସେନ୍ତାରିସେ, ମର୍ ସଙ୍ଗ୍‌ର କାମ୍ କରୁମନ୍ ମାର୍‌କ, ଆରିସ୍‌ତାକସ୍, ଦିମା ଆରି ଲୁକ୍ ମିସା ।

୨୫ ଆମର୍ ମାପ୍‌ରୁ ଜିସୁ କିରିସ୍‌ଟ ଜିବନ୍ ତୁକାଇ ଦୟା ଦେକାଇଲାଟା ତମର୍ ସବୁର୍ ସଙ୍ଗ୍ ର ।

☆ ୧:୨୩ ୧:୨୩ କଲସିଅ ୧:୭:୪:୧୨ ☆ ୧:୨୪ ୧:୨୪ ପେରିଡ୍ ୧୨:୧୨,୨୫;୧୩:୧୩;୧୫:୩୭-୩୯; କଲସିଅ ୪:୧୦; ପେରିଡ୍ ୧୯:୨୯;୨୭:୨; କଲସିଅ ୪:୧୦; କଲସିଅ ୪:୧୪; ୨ୟ ତିମତି ୪:୧୦; କଲସିଅ ୪:୧୪; ୨ୟ ତିମତି ୪:୧୧

## ଏହି ମାନଙ୍କ ନିକଟକୁ ପଢ଼ ଏବ୍ରି ଲକ୍ଷ୍ମଣର ଲଗେ ଚିଠି ଲେଖିଲାଟା ଏ ବଇ ବିସଇରେ ଜାନ୍‌ବାଟା

ଏବ୍ରି ବଇ ଗଟେକ୍ ଲକ୍ଷ୍ମଣକେ ସାରଦା କରାଇବା ଚିଠି । ପୁରୁନା ନିୟମର ବିନ୍ ବିନ୍ ବବିସଡ଼ କାତା, ପୁରାପୁରୁନ୍ ଅଇରଇବା ବିସଇ ଏ ବଇଟାନେ ମିଲାଇବାର୍ ଅଇସି । ଏଟା ଗଟେକ୍ ଉପଦେସ୍ ଦେବା ବଇପାରା । ଇତି ପାକାପାକି ୭୦ ଅନି ଅଦିକ୍ ପୁରୁନା ନିୟମର ବିସଇ ଆଚେ । ଜନଟାକି ଜିସୁ କିରିସଟ୍ କେନ୍ଦ୍ରବାବେ ବବିସଡ଼ କାତା ଆରି ଜିଉଦି ପୁଜାରିମନର୍ କରମ୍ ପୁରାପୁରୁନ୍ କଲା, ସେଟାମନ୍ ଏ ବଇଟାନେ ଆମେ ମିଲାଇବାର୍ ଅଇସି । ସେଟାର୍‌ପାଇ ଏଟା ଜିଉଦି ବିସବାସିମନ୍କେ ଗଟେକ୍ ବପୁଦେବା ବଇ । ଜିସୁ ଜେନ୍ତାରି ରିତିନିତି ମନ୍ ସାରାଇଲା, ଜନ୍‌ଟାକି ପୁଜାରିମନ୍ ଆରିତରେକ୍ କେବେ ବଲି ନ ଦେଅଡ଼, ସେଟା ଏବ୍ରି ଚିଠିଟାନେ ଦେକାଇଆଚେ ।

ଜିସୁ କିରିସଟ୍ ଅଇଲାନି ସବୁରକାମର୍ ପାପର୍ ବଲି । ଏଟା ଗଟେକ୍‌ତରକେସେ ସବୁବେଲର୍‌ପାଇ ଅଇସି । ଏବର୍ ଜୁଗର୍ ବିସବାସିମନର୍‌ପାଇ ଏବ୍ରି ଲେଖିଲା ଚିଠିଟାନେ ବପୁ ରଇବାଟା ଡିସ୍‌ଲାନି । କିରିସଟ୍ ଆକା ଆମ୍‌କେ ପର୍‌ମେସରର୍ ସଙ୍ଗେ ରଇକରି ଜିଇବା କାଇବାଟା କରିପାରସି ଆରି ତାକେ ଆସାକରି ତାର୍ ସଙ୍ଗେ ରଇବାର୍ ଆରି ଇଶ୍ଟୁବାର୍ ଅଇସି । ୧୨:୨ । ଏବ୍ରି ବଇ କେ ଲେଖିଲାଆଚଡ଼ ସେଟା ଏବେଜାକ ଜାନାପଡେନାଇ । ମାତର୍ ପଣ୍ଡିତମନ୍ ପେରିଡ଼ ପାଉଲ୍ ଲୁକ୍ ନଇଲେ ବର୍‌ନବା ଲେକିରଇବାଇ ବଲି କଇଆଚଡ଼ । ଏଟା କେବେ ଲେକା ଅଇଲାଆଚେ, ସେଟାମିସା କେ ନାଜାନଡ଼ । ମାତର୍ କେତେକ୍‌ଲକ୍ ଏଟା ଜିସୁକିରିସଟ୍ ଜନମ୍ ଅଇକରି ୭୦ କିରିସଟାବ୍‌ଦରେ ଲେକିଆଚଡ଼ ବଲି ବିସବାସ୍ କଲାଇନି ।

ଜିରୁସାଲାମ୍ ମନ୍ଦିର୍ ୭୦ କିରିସଟାବ୍‌ଦରେ ନସ୍‌ଟ ଅଇଗାଲା, ମାତର୍ ଏ ଚିଠିଲଗେ ଲେଖିଲା ଲକ୍, ଏଟା ନ ନସ୍‌ଲାପାରା କଇଲା ଆଚେ । ଏବ୍ରି ଚିଠି କଇବାକେ ଗାଲେ ରମିୟ ନଅରେ ଲେକା ଅଇରଇଲା । ୧୩:୨୪ ଆରି ବିନ୍ ବିନ୍ ମଣ୍ଡଲିମନ୍କେ ବାଟାକରି ଦେଇରଇଲାଇ ।

### ଏ ବଇ ବିଡ଼ରେ ରଇବାଟା

- ୧. ଜେ ଲେଖିଲାଆଚେ ସେ ଜିସୁକିରିସଟ୍ ଅଇଲାନି ପର୍‌ମେସରର୍ ବବିସଡ଼ବକ୍ତା ଦୁଡ଼ମନର୍ ଟାନେମିସା ମୁକିଅ ବଲି ଜାନାଇଦେଲାନି । ୧:୧-୪:୧୩
- ୨. ଲେଖିଲା ଲକ୍ ମିସା ଜାନାଇଦେଲାନି କି, ଜିରୁସାଲମେ ପୁଜାରି ଇସାବେ ସେବା କର୍‌ତେରଇବା ଲକ୍‌ମନର୍‌ଟାନେ ମିସା ଜିସୁ ମୁକିଅ । ୪:୧୪-୭:୨୮
- ୩. ପର୍‌ମେସର୍ ମସାକେ ନିୟମ୍ ଦେଇକରି ତାର୍ ଲକ୍‌ମନର୍ ସଙ୍ଗେ କରିରଇବା ରାଜିନାମା ଟାନେଅନି ଜିସୁର୍ ସେବା କର୍‌ବାଟା ମୁକିଅ । ୮:୧-୧୦:୩୧
- ୪. ଲେକିରଇବା ଲକ୍ ଜିସୁକେ ସବୁକାମେ ମୁକିଅ ବଲି ବୁଜାଇଦେଲାଆଚେ । ଆରି ସବୁର୍‌ପାଇ ଏ ଆଦେସ୍ ଦେଇଆଚେ । ୧୦:୩୨-୧୩:୧୭
- ୫. ଲେଖିଲା ଲକ୍ ଏ ଚିଠିଟାନେ କେତେଟା ବିସଇ ମୁରଟିକରି ରଇବାକେ ଆଦେସ୍ ଦେଲାଆଚେ । ଆରି ଜୁଆର୍‌ବିଆର୍ ଜାନାଇକରି ଏ ଲେକା ସାରାଇଆଚେ । ୧୩:୧୮-୨୫

### ପଅର୍ ଲାଗି ମାପୁରୁର୍ ବାକିଅ

<sup>୧</sup> ପର୍‌ମେସର୍ ପୁର୍‌ବେ ବିନ୍ ବିନ୍ ବେଲାଇ ଆରି ବିନ୍ ବିନ୍ ବାଟେ ବବିସଡ଼ବକ୍ତା ମନ୍କେ ପାଟାଇକରି, ଆମର୍ ଆନିଦାଦିମନର୍ ସଙ୍ଗ୍ କାତା ଅଇଲା । <sup>୨</sup> ମାତର୍ ଏ ସେସ୍ କାଲେ ତାର୍ ପଅକେ ପାଟାଇକରି ତାର୍ କାତା ଜାନାଇ ଆଚେ । ତାର୍‌ଲାଗି ଏ ଜଗଡ଼ ତିଆର୍ କଲାଆଚେ ଆରି ଜଗଡ଼ର୍ ସବୁ ବିସଇର୍ ଉପରେ ତାକେ ଅଦିକାର୍ ଦେଲାଆଚେ । <sup>୩</sup> ପର୍‌ମେସରର୍ ମଇମାର୍ ଉଜଲ୍ ମାପୁରୁ ଜିସୁର୍‌ଟାନେ ଡିସ୍‌ସି । ପର୍‌ମେସର୍ ଜେନ୍ତାରି ଆଚେ, ତାର୍ ପଅ ସେନ୍ତାରିସେ । ଜନ୍ ବପୁର୍ ବାକିଅ ପଅ କାତା ଅଇସି, ସେ ବାକିଅ ସଙ୍ଗ୍ ତିଆର୍‌କଲାଟା ସେ ସାସନ୍ କର୍‌ସି । ଆମର୍ ପାପର୍ ଲାଗି କେମା କରିସାରାଇଲା ପଚେ, ସେ ସର୍‌ଗେ ବାଅଡ଼ଲା । ଆରି ସବୁର୍‌ତେଇଅନି ବପୁ ରଇବା ପର୍‌ମେସରର୍ ଉଜାବାଟେ ସାସନ୍ କର୍‌ବାକେ ବସିଲା ।

ପର୍‌ମେସରର୍ ପ ମୁକିଆ

୪ ପରମେସର୍ ତାର ପଥକେ ସରଗର୍ ଦୁତ୍ତମନ୍ ଟାନେଅନି ମୁକ୍ତି କଲା ଆରି ସେମନଟାନେଅନି ତାକେ ବଡ଼ ନାଉ ଦେଲା । ୫ କାଇକେବଇଲେ, ପରମେସର୍ ତାର କନ୍ ଦୁତ୍ତକେ ମିସା ଏନ୍ତାରି କଏ ନାଇ, ତୁଇ ମର୍ ପଥ,

ଆଜିଅନି ମୁଇ ତର୍ ବାବା ଅଇଲି ଆତି,  
ତାର କନ୍ ଦୁତ୍ତର୍ ବିସଇ ଏନ୍ତାରି କଏନାଇ,  
ମୁଇ ତର୍ ବାବା ଅଇବି ଆତି  
ସେ ମର୍ ପଥ ଅଇସି ।

୬ ମାତର୍ ପରମେସର୍ ଜେଡେବେଲେ ତାର ପଶୁଆ ପଥକେ ଏ ଜଗତେ ପାଟାଇଲା, ସେ ଏନ୍ତାରି କଇରଇଲା,  
ପରମେସର୍ ଦୁତ୍ତମନ୍ ତାକେ ସେବା କରବାଇ ।

୭ ମାତର୍ ସରଗର୍ ଦୁତ୍ତମନ୍ ବିସଇନେଇ ପରମେସର୍ ଏନ୍ତାରି କଇରଇଲା,  
ପରମେସର୍ ତାର ଦୁତ୍ତମନ୍କେ ପବନ୍ ପାରା କଲାଆତେ ।

ଆରି ତାର ଦାଙ୍ଗାମନ୍କେ ଲାଗ୍‌ବା ଜଇପାରା କଲାଆତେ ।  
୮ ତାର ପଥର୍ ବିସଇ ସେ ଏନ୍ତାରି କଇରଇଲା,  
“ଏ ପରମେସର୍ ତର୍ ରାଇଜ୍ କାଲ୍‌କାଲ୍ ଜୁଗ୍‌ଜୁଗ୍ ରଇସି, ଆରି କେବେ ନ ସାରେ ।  
କାଇ ଅନିଆଇ ନ କରି ତର୍ ଲକ୍‌ମନ୍କେ ସାସନ୍ କଲୁସ୍ନି ।

୯ ସତ୍ ବିସଇ ମନ୍‌କରି ବିନ୍ ବିସଇ ଗିନ୍ କଲୁସ୍ନି ।  
ଡେବର୍‌ପାଇ ତର୍ ପରମେସର୍ ତକେ ବାଟ୍‌ଲାଆତେ ।  
ସେ ତକେ ଆଲାଦ୍ କରି

ତର୍ ସଙ୍ଗାରିମନ୍‌କେ ତେଇଅନି ଅଦିକ୍ ସନ୍‌ମାନ୍ ଦେଇ ସାର୍‌ଦା କରାଇଆତେ ।”

୧୦ ସେ ଏନ୍ତାରି ମିସା କଇଲାଆତେ,  
“ଏ ମାପରୁ ଆରାମେ ଅନି ତୁଇ ଜଗତ୍ ତିଆର୍ କରିଆରୁସ୍ ।  
ଆରି ତର୍ ନିଜର୍ ଆତେ ଆକାସ୍ ଆରି ତେଇ ରଇବା ସବୁଜାକ ତିଆର୍ କଲୁସ୍ ।  
୧୧ ସେଟା ସବୁ ମାୟା ଅଇଜାଇସି, ମାତର୍ ତୁଇ ସବୁଦିନର୍‌ପାଇ ରଇସୁ ।  
ସେଟା ସବୁ ପୁର୍ନା ଲୁଗା ପାରା ଚିରି ଅଇଜାଇସି ।  
୧୨ ଲୁଗା ଦୁନାଇକରି ସଙ୍ଗଇଲା ପାରା ତୁଇ ସେଟାମନ୍‌କେ ସଙ୍ଗଇସୁ ।  
ଆରି ଲୁଗା ପାଲଟନା କଲାପାରା ବାଦ୍‌ଲାଇସୁ ।  
ମାତର୍ ନିଜେ ତୁଇ ନ ବାଦ୍‌ଲି କରି  
କାଲ୍ କାଲ୍ ଜୁଗ୍ ଜୁଗ୍ ରଇସୁ ।”

୧୩ ପରମେସର୍ ତାର କନ୍ ଦୁତ୍ତମନ୍‌କେ ମିସା କଏନାଇ,  
“ମୁଇ ତମର୍ ଦୁତ୍ତମନ୍‌କେ ତମର୍ ପାଦ୍‌ତଲେ  
ନ ସଙ୍ଗଇବା ଜାକ  
ମର୍ ଉଜାବାଟେ ବସି ରୁଆ ।”

୧୪ ଡେବର୍‌ପାଇ ପିଲାମନ୍ ସବୁ ରକଡ୍ ମାଉଁସ୍ ମିସି ରଇବାକେ ସେ ମିସା ନିଜର୍ ସେ ରକାମ୍ ସିତି ମିସିଗାଲା, ଆରି ତାର ମରନ୍ ସଙ୍ଗ୍ ମରନର୍ ଅଦିକାରି ସୟ୍‌ତାନ୍‌କେ ବିନାସ୍ କଲା ।

### ୨

#### ବଡ଼ ମୁକ୍ତି

୧ ଆମେ ଜେକ୍ତିକି ସତ୍‌ଟାନେଅନି ବିନେ ନ ବେଗ୍‌ଲୁ, ସେଟାପାଇ ଆମେ ସୁନିରଇବା ସତ୍ ବାକିଅଟାନେ ଡାଙ୍ଗ୍‌ଅଇ ରଇବା ଦରକାର । ୨ କାଇକେ ବଇଲେ ପୁର୍ବେ ପରମେସର୍ ସରଗ୍ ଦୁତ୍ତମନ୍ ଅନି ଜାନାଇ ଆତେ, ସେଟା ସତ୍ ବଲି ପର୍‌ମାନ୍ ଅଇଆତେ, ଜନ୍ ଲକ୍‌ମନ୍ ସେଟା ମାନତ୍ ନାଇ, ସେମନ୍ ଡଣ୍ଡ ପାଇଆତଡ୍ । ୩ ଡେବେ ଏନ୍ତାରି ରଇବା ବଡ଼ ମୁକ୍ତି ଆମେ ଏଲା କରିଦେଲେ କେକ୍ତି ରକିଆ ପାଇବାର୍ ଅଇସି ? ଏ ମୁକ୍ତିର୍ ବିସଇ ପର୍‌ତମେ ମାପରୁ ନିଜେ ଜାନାଇ ଆତେ ଆରି ତାରଟାନେଅନି ସୁନିରଇବା ଲକ୍‌ମନ୍ ତେଇର୍ ସତ୍ ଆମର୍‌ଟାନେ ପର୍‌ମାନ୍ କରି ଜାନାଇ ଆତଡ୍ । ୪ ସେମନ୍ ପର୍‌ମାନ୍ କଲାଟା ସତ୍ ବଲି ପରମେସର୍ ମିସା ସାକିଦେଲା । କାଇକେବଇଲେ ସେ ସେମନ୍‌କେ, କେଡେ ରକାମ୍ ଚିନ୍ ଆରି କାବାଅଇଜିବା କାମ୍‌ମନ୍, ନ ଗର୍‌ବା ଗର୍‌ନାମନ୍ କରବାକେ ବପୁଦେଲା । ତାର ମନ୍ କଲା ଇସାବେ ସୁକଲ୍‌ଆଡ୍‌ମାର୍ ଦାନ୍ ମିସା ସେମନ୍‌କେ ବାଟାକରି ଦେଇ ରଇଲା ।

ଜିସୁ ପୁରାପୁରୁନ୍ ବାବ୍‌ରେ ନର୍‌ରୁପ୍ ଦାରଲା

୫ ପରମେସ୍ୱର ନୁଆ ଜଗତ୍ ତିଆର୍ କରସି । ଆରି ଆମେ ଜନ୍ ଜଗତର୍ କାତା କଲୁନି, ତେଇର୍ ସାସନ୍ କରବାକେ, ସେ ସରଗର୍ ଦୁତ୍ତମନକେ ବାଟିକରି ମିସାଏ ନାଇ । ୬ କାଇକେ ବଇଲେ ଦରମ୍ପାସ୍ତରେ ଏନ୍ତି ଲେକାଅଇଆଚେ,

“ଏ ପରମେସ୍ୱର, ମୁନୁସ୍ କେ ଜେ  
ତମେ ତାର୍ପାଇ ଚିନ୍ତା କଲାସ୍ନି ?  
ଆରି ମୁନୁସ୍ ଏତେକ୍ ଇନ୍ ଅଇଲେ ମିସା  
ତାକେ ଜତନ୍ କଲାସ୍ନି ।

୭ ତମେ ତାକେ ସରଗର୍ ଦୁତ୍ତମନର୍ ଟାନେଅନି ଅଲପ୍ ଉନା କରି ଆଚାସ୍ ।  
ସେମନକେ ମଇମା ଆରି ତାକ୍ପୁଟା କରିଆଚାସ୍ ।

୮ ସବୁ ବିସଇର୍ ଉପରେ ସାସନ୍ କରବାକେ ଅଦିକାର୍ ଦେଇଆଚାସ୍ ।”

ଇତି ଲେକାଅଇଆଚେ, କାଇ ବିସଇ ନ ଗାଡି ମୁନୁସ୍ କେ ସବୁ ବିସଇ ଉପରେ ସାସନ୍ କରବାକେ ଦେଇଆଚେ । ଇତିଅନି ଜାନାପତି ଗାଲାନିଜେ ସବୁ ବିସଇ ତାର୍ ଅଦିକାରେ ଆଚେ । ମୁନୁସ୍ ଏବେ ସବୁ ବିସଇର୍ ଉପରେ ଅଦିକାର୍ କରେ ନାଇତା । ଏଟା ଏବେ ଆମେ ଜାନ୍ଲୁନି । ୯ ଆମେ ଦେକ୍ଲୁନି, ଜିସୁ କେନ୍ତ୍ର ଚନେକର୍ପାଇ ସରଗର୍ ଦୁତ୍ତମନର୍ ଟାନେଅନି ତଲେ ଅଇରଇଲା । ଆରି ଜେନ୍ତ୍ରକି ସେ ପରମେସ୍ୱରର୍ ଦୟା ପାଇକରି ସବୁଲକର୍ ପାଇ ଜନ୍ ଦୁକ୍ କସ୍ଟ ପାଇକରି ମଲା, ସେ ମରନର୍ ଲାଗି ଏବେ ଆମେ ତାକେ ମଇମା ଆରି ତାକ୍ପୁଟା ଅଇଲାଟା ଦେକ୍ଲୁନି । ୧୦ ପରମେସ୍ୱର ସବୁ ବିସଇ ତିଆର୍କରି ସଙ୍ଗଇଲା ଆଚେ । ସେଟାର୍ପାଇ ଜିସୁକେ ଦୁକ୍ କସ୍ଟ ପାଇବାକେ ସେ ଦେଲା । ଏନ୍ତାରି ଅଇ ସେ ସିଦ୍ ଅଇଲା ଆରି ଆମର୍ ବିତ୍ରେଅନି ବେସି ଲକ୍, ତାର୍ ପଅ ଅଇଗାଲୁ । ଜେନ୍ତାରି କି ଆମେ ମିସା ତାର୍ ମଇମା କଲାଟାନେ ମିସୁ, କାଇକେବଇଲେ ଜିସୁ ପାପର୍ ତଣ୍ଡେଅନି ଆମ୍ବକେ ମୁକ୍ଲାଇଲା ।

୧୧ ସେ ଆମ୍ବକେ ପାପେ ଅନି ସୁକଲ୍ କଲାଆଚେ । ଆରି ଆମେ ଜେ କି ସୁକଲ୍ ଅଇଆଚୁ, ଆରି ଜେ କି ଆମ୍ବକେ ସୁକଲ୍ କରିଆଚେ, ନରଲକ୍ମନର୍ ଗଟେକ୍ ସେ ବାବା । ଏଟାର୍ଲାଗି ଜିସୁ ସେମନକେ ବାଇବଇନି ବଲିକରି କଇବାକେ ଲାଜ୍ ଅଏ ନାଇ । ମାତର୍ ତାର୍ କୁଟୁମ୍ ବଲି ତାକ୍ସି । ୧୨ ଜିସୁ ପରମେସ୍ୱରକେ କଇଲା ଆଚେ,

“ମୁଇ ତମର୍ ସବୁଜାକ କାମ୍ ମର୍ ବାଇମନକେ ଜାନାଇବି ।

ସେମନ୍ ରୁଣ୍ଡିଲାଟାନେ ତମ୍ବକେ ସୁମର୍ନା କରବି ।”

୧୩ ସେ ଏନ୍ତାରି ମିସା କଇଲାଆଚେ,

“ପରମେସ୍ୱରଟାନେ ମୁଇ ଆସା କରବି ।”

ଆରି ସେ କଇଲା, “ପରମେସ୍ୱର ମକେ ଦେଲା ପିଲାଟକିମନ୍, ମର୍ସଙ୍ଗ ଆଚତ୍ ।”

୧୪ ଇତି ଜନ୍ ଲକ୍ମନକେ ପିଲାମନ୍ ବଲି ତାକ୍ଲାଇନି, ସେମନ୍ ବନି ମାଉଁସ୍ ରଇବା ଗାଗଡ୍ ସଙ୍ଗର୍ ଲକ୍ମନ । ଜିସୁ ମିସା ସେମନର୍ ପାରା ଗଟେକ୍ ଗାଗଡ୍ ନେଲା ଆରି ତାକର୍ ଗୁନ୍ତଲନତେଇ ମିସୁଲା । ତାର୍ ମରନର୍ ଲାଗି ସେ ମରନର୍ ଉପରେ ବପୁ ରଇବା ସଇତାନକେ ପୁରାପୁରୁନ୍ ବାବେ ଆରାଇଲା । ୧୫ ଜନ୍ ଲକ୍ମନ ମରନକେ ଡରିକରି ରଇଲାଇ, ସେଟାର୍ ପାଇ ସେମନ୍ ଜନମେ ଅନି ଗତିଦାଙ୍ଗ୍ଡା ପାରା ଅଇରଇଲାଇ । ସେମନକେ ସେ ମରନର୍ ତଣ୍ଡେଅନି ମୁକ୍ଲାଇଲା । ୧୬ ଇତିଅନି ନିକ କରି ଜାନିଅଇଲାନି ଜେ, ସେ ସରଗର୍ ଦୁତ୍ତମନକେ ସାଇଜ କରେନାଇ । ତାର୍ ବାଦୁଲେ ଆମେ ଜନ୍ଲକ୍ମନ କି ଅବ୍ରାଆମର୍ ବସ୍ତର୍ ନାତିତିତି ବଲି ଏଜାଇଅଇଲୁନି, ସେ ଆମ୍ବକେ ସାଇଜ କଲାନି । ୧୭ ତେବର୍ ପାଇ ସେଟା ଦରକାର୍ ରଇଲା ଜେ ଆମେ ଜନ୍ଲକ୍ମନକି ତାର୍ ବାଇବଇନି ଅଇଲୁଆଚୁ, ସେ ସମାନ୍ ଆମର୍ ପାରା ଅଇରଇବାକେ । ସେନ୍ତାର୍ ଆଲେ ସେ ଆମର୍ ପରମେସ୍ୱର ଟାନେ ରଇବା ସତ୍ସଙ୍ଗ୍ ଆରି ଦୟାସଙ୍ଗ୍ ରଇବା ବଡ୍ ପୁଜାରି । ସେ ଆମର୍ ବଡ୍ ପୁଜାରି ଅଇଲାକେ ଆମର୍ ପାପର୍ କେମା ଅଇଲା । ୧୮ ସେ ଦୁକ୍ କସ୍ଟ ପାଇଲା ଆରି ପରିକା କରାଇ ଅଇଲା, ଏବେ ଆମେ ଜେଡ୍ କି ଲକ୍ ପରିକା କରାଇଅଇଲୁନି, ଆମ୍ବକେ ସବୁକେ ସାଇଜ କରିପାରସି ।

### ୩

#### ଜିସୁ କିରିସ୍ଟ ମସାର୍ ଟାନୁ ବଡ୍

୧ ଏ ମର୍ ବିସ୍ବାସି ବାଇବଇନିମନ୍, ଜନ୍ଲକ୍ମନକେ କି ପରମେସ୍ୱର ତାର୍ ଲକ୍ ବଲି ବାଟ୍ଲା ଆଚେ, । ଆମେ ଜିସୁର୍ ବିସଇ ଅଲପ୍ ବାବିଦେକୁ । କାଇକେବଇଲେ ଜେଡ୍ କି ସବୁ ବିସଇ ଆମର୍ ବିସ୍ବାସର୍ ଲାଗି ଆଚେ, ତାକେ ସେ ପରମେସ୍ୱର ବଡ୍ ପୁଜାରି ଇସାବେ ପାଟାଇଲା । ୨ ମସା ଜେନ୍ତାରି ପରମେସ୍ୱରର୍ କୁଟୁମେ ସଡ୍ ବାବେ କାମ୍ କଲା, ସମାନ୍ ସେନ୍ତାରିସେ, ସେ ମିସା ସଡ୍ ବାବେ ପରମେସ୍ୱରର୍ ଆଦେସ୍ ମାନବାକେ ସଡ୍ ସଙ୍ଗ୍ କଲା ଆରି ପରମେସ୍ୱରସେ ତାକେ ବାଟି ପାଟାଇରଇଲା । ୩ ଗର୍ତେଇଅନି ଗର୍



ତିଆରକଲ୍ଲା ମେସତୁରି ଅଦିକ୍ ସନ୍ମାନ ପାଇସି । ସେନ୍ତାରିସେ ଜିସୁ ମସାରଟାନେଅନି ଅଦିକ୍ ବଡ଼ ବଲି ସନ୍ମାନ ମିଲ୍ସି ।<sup>୪</sup> କାଇକେବଇଲେ ସବୁ ଗର୍ ମେସତୁରିସେ ତିଆର୍ କର୍ସି । ମାତର୍ ପର୍ମେସର୍ ସବୁ ବିସଇ ତିଆର୍ କଲାଆତେ ।<sup>୫</sup> ମସା ଗତିଦାଙ୍ଗତା ଇସାବେ ପର୍ମେସର୍ ଗରେ କାମ୍ କର୍ତେରଇଲା, ଆରି ପର୍ମେସର୍ ଜନ୍ମଟା ଆଇବା ଦିନମନ୍‌କେ ଜାନାଇସି, ସେଟାଆକା ସେ କଇରଇଲା ।<sup>୬</sup> ମାତର୍ କିରିସ୍ଟ ଅବକା ଗତିଦାଙ୍ଗତାସେ ନ ରଇ ଗଟେକ୍ ପଅ ରଇଲା । ତାର ବାବାର ଗରେ ରଇବା ସବୁ ଦାଇଡ଼ ସେ ସଡ଼ ବାବେ କଲା । ଆମେ ଜଦି ମୁର୍ଚ୍ଚିରଇକରି ଆସା କଲାଟା ମିଲାଇବୁ ବଲି ଜାଗିରଇଲେ, ତାର କୁଟୁମେ ମିସବୁ ।

**ଇସପରର ଲକ୍‌ମନ୍ ପୁଣ୍ଡବାଟା**

<sup>୭</sup> ସୁକଲ୍ ଆଡ଼ମା ଜେନ୍ତାର କଇଲାନି,  
 “ଆଜି ଜଦି ତମେ ପର୍ମେସର୍ କାତା ସୁନ୍‌ସା,  
 † ଜେନ୍ତାର, ମରୁବାଲି ବୁର୍ଷ୍ ତମର୍ ଆନିଦାଦିମନ୍ ମାପୁରୁକେ ପରିକା କଲାଇ  
 ଆରି ତାର ବିରଦେ ଟିଆ ଅଇଲାଇ,  
 ସେ ରକାମ୍ ତମେ ନିଜର୍ ମନ୍ ଆର୍ଟ କରାନାଇ ।”

<sup>୮</sup> କାଇକେବଇଲେ ସେ ଜେଡ଼କି କିରିରଇବା କାବାଅଇଜିବା କାମ୍‌ମନ୍ ଚାଲିସ୍ ବରସ୍‌ଜାକ ଦେକ୍‌ଲେ ମିସା, ସେମନ୍ ତାର ବପୁକେ ପରିକା କିରିଲାଗିରଇଲା ।

<sup>୯</sup> ସେଟାରପାଇ ପର୍ମେସର୍ ସେ ଲକ୍‌ମନ୍‌କେ ରିସାଅଇଲା, ଆରି କଇଲା, ସେମନ୍ ବେଗ୍‌ଲିକରି ବିନ୍ ବିସଇମନ୍ କିରିଲାଗିଆତଡ଼ । ମୁଇ ତିଆରଲାଟା କର୍ବାକେ ନିର୍‌ଲାଇନି ।

<sup>୧୦</sup> ସେଟାର ପାଇ ମୁଇ ରିସାଅଇ ସପଡ଼କରି କଇଲି, ମୁଇ ଜନ୍‌ଦେସେ ପୁଣ୍ଡବାକେ ଦେଇଡ଼ି, ସେ ଦେସେ କେବେ ମିସା ତମ୍‌କେ ପୁରବାକେ ନ ଦେଇ ।

<sup>୧୧</sup> ତେବର୍ ପାଇ ଏ ମର୍ ବିସ୍‌ବାସି ବାଇବଇନିମନ୍, ଜାଗର୍‌ତାଅଇ ରୁଆ, ଜେନ୍ତାରିକି ତମର୍ ବିଡ଼ରେଅନି କେ ମିସା କାରାପ୍ ମନ୍ ରଇକରି ପର୍ମେସର୍‌କେ ବିସ୍‌ବାସ୍ ନ କରା, ଆରି କେ ମିସା ଜିବନ୍ ରଇବା ପର୍ମେସର୍ ଟାନେଅନି ବେଗ୍‌ଲି ନ ଜା ।<sup>୧୨</sup> ତମର୍ ବିଡ଼ରେ କେ ମିସା ପାପର୍‌ଲାଗି ନାଡ଼ାଇ ଅଇବାର ନାଇ । ସେଟାରଲାଗି ତମର୍ ମନ୍ ଆର୍ଟ ଅଇଜାଇସି । ଆମର୍ ଜିଇବାକାଇବା ଦିନ୍ ସାର୍‌ବାଜାକ ଆମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଏ ବିସଇ ଜାଗର୍‌ଡ଼ କରାଇବାର ଆତେ ।<sup>୧୩</sup> କାଇକେବଇଲେ ଆମେ ଜଦି ସାରାସାରି ଦିନ୍ ଜାକ ଆମର୍ ବିସ୍‌ବାସ୍ ଡାଟ୍ ସଙ୍ଗ୍ ଦାରିରଇବୁ, ସେନ୍ତାରଆଲେ ଆମେ ସବୁଲକ୍ କିରିସ୍ଟର୍ ସଙ୍ଗ୍ ବାଗ୍ ନେଇ ମିସିକରି ରଇବୁ ।

<sup>୧୪</sup> ଦରମ୍‌ସାସ୍‌ତରେ ଏନ୍ତାରି ଲେକା ଅଇଲାଆତେ  
 “ଜଦି ତମେ ଆଜି ପର୍ମେସର୍ ବାକିଅ ସୁନ୍‌ସା,  
 ତମର୍ ଆନିଦାଦିମନ୍ ଜେନ୍ତା ତାକର୍ ମନ୍ ଆର୍ଟକରି ତାକେ ବିରଦ୍ କଲାଇ,  
 ସେନ୍ତାରି ତମର୍ ମନ୍ ଆର୍ଟ କରାନାଇ ।”

<sup>୧୫</sup> ପର୍ମେସର୍ ବାକିଅ ସୁନିକରି ମିସା ଜେଡ଼କି ଲକ୍ ତାକେ ବିରଦ୍ କଲାଇ, ସେ ଲକ୍‌ମନ୍ କେ ? ଜନ୍ ଲକ୍‌ମନ୍‌କେ ମସା ମିସର୍‌ଦେସେଅନି ବାର୍‌କରାଇ ଆନିରଇଲା ସେମନ୍ ନ ଅଅଡ଼ କି ?<sup>୧୬</sup> ଚାଲିସ୍ ବରସ୍ ଜାକ ପର୍ମେସର୍ କନ୍ ଲକ୍‌ମନ୍‌କେ ରିସା ଅଇରଇଲା, ସେମନ୍ କେ ? ଜନ୍ ଲକ୍‌ମନ୍ କି ପାପ୍ କିରିରଇଲା ଆରି ମରୁବାଲି ବୁର୍ଷ୍ ମରିଜାଇରଇଲା, ସେମନ୍ ନଅଡ଼ କି ?<sup>୧୭</sup> ପର୍ମେସର୍ ଜେବେ ସପଡ଼କରି କଇରଇଲା ଜେ, ସେମନ୍ ତାର ପୁଣ୍ଡବାଦେସେ କେବେମିସା ପୁରି ନାପାରଡ଼, ସେବେଲେ ସେ କନ୍ ଲକ୍‌ମନ୍‌କେ କଇରଇଲା ? ଜନ୍‌ଲକ୍‌ମନ୍ ତାର କାତା ନିର୍‌ଡ଼େ ରଇଲା ସେମନ୍‌କେସେ ।<sup>୧୮</sup> ଆମେ ଏନ୍ତାରି ଜାନୁ ଜେ, ସେମନ୍ ବିସ୍‌ବାସ୍ କରଡ଼ ନାଇଜେ ପର୍ମେସର୍ ତିଆର୍ କିରିରଇବା ପୁଣ୍ଡବା ଜାଗାଇ ସେମନ୍ ପୁରି ନାପାରଲାଇ ।

**୪**

<sup>୧</sup> ପର୍ମେସର୍ ଆମ୍‌କେ କାତା ଦେଇରଇଲାଜେ, ସେ ଆମର୍‌ପାଇ ଗଟେକ୍ ପୁଣ୍ଡବା ଜାଗା ତିଆର୍ କଲାଆତେ । ତେବର୍ ପାଇ ଆମେ ଜାଗର୍‌ଡ଼ ରଇବାକେ ପଡ଼୍‌ସି । ଜେନ୍ତାକି ଆମର୍ ବିଡ଼ରେ ସେନ୍ତାରି କେ ନ ରଅଡ଼, ଜେ କି ସେ ଜାଗାଇ ପୁରିନାପାରଡ଼ ।<sup>୨</sup> କାଇକେବଇଲେ ଆମର୍ ଆନିଦାଦିମନ୍‌ପାରା ଆମେ ମିସା ସୁବ୍‌କବର୍ ସୁନିଆଡ଼ୁ । ମାତର୍ ସେମନ୍ ସେଟା ସୁନିକରି ମିସା ମାନଡ଼ ନାଇ, କାଇକେବଇଲେ ସେଟା ସେମନ୍ ବିସ୍‌ବାସ୍ କରଡ଼ ନାଇ ।<sup>୩</sup> ଆମେ ଜେଡ଼କି ଲକ୍ ବିସ୍‌ବାସ୍ କର୍ବୁ, ଆମେସେ ସେ ପୁଣ୍ଡବା ଜାଗାଇ ପୁର୍‌ବୁ । କାଇକେବଇଲେ ତାକର୍ ବିସଇନେଇ ପର୍ମେସର୍ କଇଲାଆତେ,  
 “ମର୍ ରିସାଇ ମୁଇ ସପଡ଼ କରିଆଟି ।  
 ମୁଇ ତିଆର୍ କିରିରଇବା ପୁଣ୍ଡବା ଜାଗାଇ ସେମନ୍‌କେ ନ ପୁରାଇ ।”

ଜଗତ୍ ତିଆର୍ ଅଇଲା ବେଲେଅନି ସେ ପୁଣ୍ଡବା ଗର୍ ତିଆର୍ ଅଇରଇଲା । ଏଲେ ମିସା ପର୍ମେସର୍ ସେନ୍ତାରି କଇରଇଲା । ୪ କାଇକେବଇଲେ ଆଟର୍ ସାରାସାରି ଦିନର୍ ବିସଇ ସାସ୍ତରେ ଏନ୍ତାରି ଲେକାଅଇଲାଆଚେ, “ପର୍ମେସର୍ ସବୁଜାକ କାମ୍‌ସାରାଇ କରି ଆଟର୍ ସାରାସାରି ଦିନେ, ଅଲପ୍ ପୁଣ୍ଡଲା ।” ୫ ଆରି ଏ ବିସଇ ବିନ୍‌ଟାନେ ଲେକାଅଇଆଚେ । “ସେମନ୍ ମର୍ ପୁଣ୍ଡବା ଜାଗାଇ କେବେ ମିସା ପୁରିନାପାରତ୍ ।” ୬ ପର୍ତମେ ଜେଡକିଲିକ୍ ସୁବ୍‌କବର୍ ସୁନିରଇଲାଇ, ନିଜେ ବିସ୍‌ବାସ୍ କରତ୍ ନାଇ ଆରି ସେମନ୍ ସେ ପୁଣ୍ଡବା ଜାଗା ପାଅତ୍ ନାଇ । ତାର୍‌ପଚେ ପର୍ମେସର୍ ବିନ୍ ଲକ୍‌ମନ୍ ପୁରବାକେ ଆଦେସ୍ ଦେଲା । ୭ ଲକ୍‌ମନ୍ ତେଇ ପୁରବାକେ ପର୍ମେସର୍ ଆରି ଗଟେକ୍ ବେଲା ବାଟଲା । ସେ ବେଲା ଅଇଲାନି ଆଜି । ବେସି ବରସ୍ ପଚେ ପର୍ମେସର୍ ମୁଇ କଇଲା ବିସଇ ଦାଉଦର୍ ସାସ୍ତରେ ଲେକାଅଇରଇଲା, “ଆଜି ଜଦି ପର୍ମେସରର୍ ସବଦ୍ ସୁନ୍‌ଲେ

ତମର୍ ମନ୍ ଆଟ୍ କରା ନାଇ ।”

୮ ଆମେ ଏ ବିସଇ ମିସା ଜାନିଆରୁ ଜେ, ପର୍ମେସର୍ ଜନ୍ ବିସ୍‌ରାମ୍ ଜାଗାର୍ ପାଇ ସପତ୍ କରିରଇଲା, ସେ ଜାଗା ଜିଅସୁଆ ଆମର୍ ଆନିଦାଦିମନ୍‌କେ ଡାକି ନେଇ ରଇବା ଜାଗା ନଏ । ଜଦି ସେ ଜାଗା ସେଟା ଅଇରଇତା, ତେବେ ପର୍ମେସର୍ ଆରି ଗଟେକ୍ ପୁଣ୍ଡବା ଦିନର୍ କାତା ନ କଇତା । ୯ ସେଟାର୍‌ପାଇ ଏଟା ସତ୍ ଆକା । ଆଟର୍ ସାରାସାରି ଦିନେ ପର୍ମେସର୍ ପୁଣ୍ଡଲାପାରା ତାକର୍ ଲକ୍‌ମନ୍‌ର ପାଇ ଗଟେକ୍ ପୁଣ୍ଡବା ବେଲା ସଙ୍ଗାଆଚେ । ୧୦ କାଇକେବଇଲେ ପର୍ମେସର୍ ସପତ୍ କରିରଇବା ବିସ୍‌ରାମେ ଜେଡକିଲିକ୍ ପୁରବାଇ, ସେ ବିସ୍‌ରାମ୍ କଲାପାରା, ତାକର୍ କାମେଅନି ବିସ୍‌ରାମ୍ କର୍‌ବାଇ । ୧୧ ସେଟାର୍‌ପାଇ ଆମେ ସବୁଲକ୍ ମନ୍ ଦିଆନ୍ ଦେଇକରି, ସେ ବିସ୍‌ରାମ୍ ଜାଗାଇ ପୁରବାକେ ଚେସ୍‌ଟା କରୁ । ଆମର୍ ଆନିଦାଦିମନ୍‌ରପାରା ନ ଅଇବାକେ ଆମେ ଜାଗ୍‌ରତ୍ ରଉ । ପର୍ମେସର୍ କଇଲାଟା ବିସ୍‌ବାସ୍ ନ କଲାପାଇ, ସେମନ୍ ସେଜାଗାଇ ପୁରି ନାପାରଲାଇ ।

୧୨ ପର୍ମେସରର୍ ବାକିଅ ଜିବନ୍‌ରଇବାଟା ଆରି ବେସି ବପୁରଇ ଦୁଇବାଟେ ଦାର୍‌ରଇବା ଗଟେକ୍ ଲାଗନ୍ କାଣ୍ଡା ପାରା । ସେଟା ଆଡର୍ ଗଟି ଆରି ଆଡ୍ ବିଡ୍‌ରେ ରଇବାଟା କାଟ୍‌ସି । ଗଟେକ୍ ଲକ୍‌ମନ୍ ବିଡ୍‌ରେ ରଇବା ସବୁ ବିସଇ ବିଚାର୍ କରିପାରସି । ମନ୍ ବିଡ୍‌ରେ ଲୁଚିରଇବା ସବୁ ବିସଇ ମିସା । ୧୩ ପର୍ମେସରଟାନେ କାଇ ବିସଇ ମିସା ଲୁଚିକରି ନ ରଏ । ତାର୍ ଆକିଟାନେ ସବୁ ବିସଇ ଉଗାଡି ଅଇରଇଲାପାରା ଆଚେ । କାଇକେବଇଲେ ସେ ସବୁ ବିସଇ, ଗଟେକ୍ ନ ଚାଡିକରି, ସବୁ ଜାନେ । ଆରି ତାର୍ ଲଗେ ଆମେ ଆମର୍ ନିଜର୍ ବିସଇର୍ ଇସାବ୍ ଦେବାର୍ ଆଚେ ।

**ଜିସୁଆକା ବଡ୍ ମୁକିଅ ପୁଜାରି**

୧୪ ଜିସୁ ପର୍ମେସରର୍ ପଅ ଅଇଲାକେ, ସେ ଆମର୍ ମନେ ଜନ୍ ବଡ୍ ପୁଜାରି ବଲି ବିସ୍‌ବାସ୍ କରି ଦାରିକରି ଆରୁ, ସେଟା ତାଟ୍ କରୁ । ୧୫ ସେ ଆମର୍ ବାଦୁଲେ ବଡ୍ ପୁଜାରିଅଇ ପର୍ମେସରର୍ ମୁଆଟେ ଗାଲାଆଚେ । ଆରି ଜେଡକି ରକାମ୍ ପରିକା, ଜେଡେକ୍ କସ୍‌ଟ ଆମେ ପାଇଲୁନି, ସେଟା ଆମର୍ ବଡ୍ ପୁଜାରି ସବୁବେଲେ ଆମର୍ ସଙ୍ଗ୍ ମିସିକରି କଲାନି । କାଇକେବଇଲେ ଜେଡକି ସବୁ ଆମେ କଲୁନି, ସେଟା ସବୁଜାକ ସେ ମିସା କଲା । ମାତର୍ ସେ କେଡେବେଲେ ମିସା ପାପ୍ କରେ ନାଇ । ୧୬ ତେବର୍‌ପାଇ ତମେ ସାଆସ୍ ସଙ୍ଗ୍ ପର୍ମେସରର୍ ଟାନେ ଜାଇଅଇସି, ଜଦି ଆମେ ମାଙ୍ଗ୍‌ଲେ ସେ ଜିବନ୍ ଦୁକାଇ ଆମ୍‌କେ ଦୟା କର୍‌ସି ଆରି ସାଇଜ ଦର୍‌କାର୍ ରଇବାବେଲେ, ଆମ୍‌କେ ସାଇଜ କର୍‌ସି ।



୧୭ ଜିଉଦିମନ୍‌ର ଜେଡକି ବଡ୍ ପୁଜାରିମନ୍ ତାକର୍ ନିଜର୍ ଲକ୍‌ମନ୍‌ରେଡେଅନି ବାଚାଇଅଇବାଇ । ତାକର୍‌ବାଟେଅନି ପାପ୍ କେମା କର୍‌ବା ବଲି ଆରି ସର୍‌ପିଦେବା ବଲି, ଦେଇକରି ପର୍ମେସର୍କେ ସେବା କର୍‌ବାଇ । ୧୮ ଜେଡେବେଲେ ତାର୍ ସଙ୍ଗାରିମନ୍ ନାଜାନିକରି ରଇବାଇ, ଆରି ବୁଲ୍ କାମ୍ କରିରଇବାଇ, ସେ ସେମନ୍‌ର ସଙ୍ଗ୍ ଦୟାଦରମ୍ ଦେକାଇକରି ରଇପାରସି । କାଇକେବଇଲେ ତାର୍ ଜିବନେ ମିସା ବେସି ବୁଲ୍ ରଇସି । ୧୯ ଆରି ତାକେ ମିସା ବେସି ବୁଲ୍ ରଇଲାକେ ସେ ଅବ୍‌କା ବିନ୍ ଲକ୍‌ମ୍ ପାପର୍ ପାଇ ବଲି ଦେଲେ ନଏ, ମାତର୍ ନିଜର୍ ପାପର୍‌ଲାଗି ମିସା ବଲି ସର୍‌ପିଦେବାକେ ପଡ୍‌ସି । ୨୦ କେ ମିସା ନିଜେ ବାଟିଅଇକରି ବଡ୍‌ପୁଜାରିର୍ ବେସି ସନ୍‌ମାନ୍ ପାଇବା ପଦ୍ ପାଇ ନାପାରେ । ମାତର୍ ଗଟେକ୍ ଲକ୍ ପର୍ମେସର୍ ଡାକ୍‌ଲା ଇସାବେସେ ବଡ୍ ପୁଜାରିର୍ ପଦ୍ ପାଇଅଇସି । ଜେନ୍ତାରି କି କେଡେ କେଡେ ବରସ୍ ପୁରବେ ଆରଣ୍‌କେ ବାଟିରଇଲା ।

୨୧ ସେନ୍ତାରିସେ କିରିସଟ୍ ବଡ୍ ପୁଜାରିର୍ ସନ୍‌ମାନ୍ ପାଇବାକେ ନିଜ୍‌କେ ବଡ୍ କରେ ନାଇ । ମାତର୍ ପର୍ମେସର୍କେ ତାକେ ବାଟଲା । ତାର୍ ବାଦୁଲେ ସେ ତାକେ କଇଲା, “ତୁଇ ମର୍ ପଅ, ଆଜି ମୁଇ ତର୍ ବାବା ଅଇଲିଆଟି ।”

୭ ଆରି ଗଟେକ୍ ଜାଗାଇ ମିସା ସେ କଇଲା,  
 “ତୁଇ ପୁଜାରି ପଦ୍ ପାଇକରି  
 ମଲ୍ଲକିସେଦକର୍ କୁଟୁମ୍ ପାରା  
 କାଲ୍ କାଲ୍ ଜୁଗ୍ ଜୁଗ୍ ପୁଜାରି ଅଇ ରଇସୁ ।”

୭ \*ଜିସୁ ଏ ଜଗତେ ରଇଲାବେଲେ, ସେ ଆକ୍ମାରି କାନ୍ଦିକରି ଆରି ଆଁସୁ ଜରାଇକରି କାନ୍ଦି ପର୍ଯ୍ୟେସରକେ ପାର୍ତନା କରିଲାଗିରଇଲା । ମରନେଅନି ତାକେ ରକିଆ କରବାକେ ପର୍ଯ୍ୟେସରକେ ବପୁଆଟେ ବଲି ସେ ଜାନିକରି ଏନ୍ତାରି କଲା । ସେ ନିଜେ ଦୟାଦରମ୍ ଦେକାଇଲାକେ ଆରି ପର୍ଯ୍ୟେସରକ୍ କାତା ମାନଲାକେ, ପର୍ଯ୍ୟେସର ତାର୍ ପାର୍ତନା ସୁନଲା । ି ଜିସୁ ପର୍ଯ୍ୟେସରକ୍ ପଅ ଅଇରଇଲେ ମିସା, ସେ ଦୁକ୍ କସଟ୍ ପାଇରଇଲାର୍ ଲାଗି, ତାର୍ କାତା ମାନବାକେ ସିକ୍ଲା । ି ସେ ପର୍ଯ୍ୟେସରକ୍ କାତା ମାନଲାକେ ପୁରାପୁରୁନ୍ ସିଦ୍ ଅଇଲା । ତାକେ ବିସ୍ବାସ୍ କରବା ଲକ୍ମନକେ କେବେ ନ ସାର୍ବା ମୁକ୍ତି ଦେବା ଲକ୍ ଅଇଲା । ି ସେଟାର୍ ପାଇ ତାକେ ପର୍ଯ୍ୟେସର ମଲ୍ଲକିସେଦକ୍ ପୁଜାରିର୍ ପାରା ବଡ୍ ପୁଜାରି କରି ବାଟଲା ।

**ବିସ୍ବାସ୍ ନ ଆଜାଇବାକେ ଜାଗରତ୍**

୧୧ ଏ ବିସଇ ଆରି ଅଦିକ୍ ତମ୍କେ ଜାନାଇବି ବଲି ମୁଇ ମନ୍ କଲିନି । ମାତର୍ ତମେ ଦାପ୍ରେ ବୁଜି ନାପାରାସକେ ବୁଜାଇବାକେ କସଟ୍ ଆଟେ । ୧୨ \*ତମେ ବିସ୍ବାସ୍ କରି ବେସିଦିନ୍ ଅଇଗାଲା ଆଟେ ।  
 ଆରି ଏବେ ତମେ ତମର୍ ସଙ୍ଗାରିମନ୍କେ ସିକାଇବାର୍ ରଇଲା । ମାତର୍ ପର୍ଯ୍ୟେସରକ୍ ପରତୁମ୍ ସିକିଆ ତମ୍କେ ଏବେ ସିକାଇବାକେ ଲକ୍ମର ଲତାଆଟେ । ତମେ ଗଟେକ୍ ଦୁଦ୍ କାଇବା ପିଲାର୍ପାରା ଆଟାସ୍ । କାଇକେବଇଲେ ଆଁଟ୍ଟା ମନ୍ କାତ୍ତରି ନାପାରାସ୍ । ୧୩ ଜେ ଦୁଦ୍ କାଇବାର୍ ଆଟେ, ସେ ଏବେ ମିସା ପିଲାସେ । ସେନ୍ତାରି ଲକ୍ମନ୍ ଟିକ୍ ଆରି ବୁଲ୍ ଚଲାଚଲ୍ତି କରବାଟା ଚିନି ନାପାରୁଲାଇନି । ୧୪ ଚାବି ଚାବି କାଇବା କାଦି ବଡ୍ ଲକ୍ମନର୍ପାଇ । ସେମନ୍ ନିକ ଆରି କାରାପ୍ ଚିନ୍ବାକେ, ନିଜ୍ଜକେ ଅବିଆସ୍ କରାଇ ଆଟତ୍ ।



୧୧ ତେବର୍ପାଇ କିରିସ୍ଟର୍ ମୁଲେଅନି ସିକିରଇବା ବିସଇ ତରକେ ତର୍ ନ ସିକିକରି ତାର୍ ଟିକିନିକି ବିସଇ ସିକ୍ । ଜେକ୍ଟିକି ଆମର୍ ବିସ୍ବାସ୍ ମିସା ଡାଁଟ୍ ଅଇସି । ରୁଚାଇ କାମ୍ମନ୍ ଚାଡିକରି ପର୍ଯ୍ୟେସରଟାମେ ବାଉଡବା ଜନ୍ଟା କି ଆମର୍ ବିସ୍ବାସର୍ ମୁଲ୍ ପାକ୍ନା ରଇଲା, ତେଇ ଆରିତରେକ୍ ସେଟାସେ କରବାର୍ ନାଇ । ୧୨ ତୁବନ୍ ବିସଇର୍ ସିକିଆ ଦେବାଟା, ଆଡ୍ ସଙ୍ଗାଇକରି ପାର୍ତନା କରବାଟା, ମଲା ଲକ୍ମନ୍ ଆରିତରେକ୍ ବର୍ବାଟା ଆରି ଲକ୍ମନକେ ସବୁଦିନର୍ପାଇ ରଇବା ପର୍ଯ୍ୟେସରକ୍ ନ ସାର୍ବା ବିଚାରନା । ୧୩ ଏବେ ଆମେ ଆଗ୍କେ ଜିବାକେ ପଡ୍ସି । ମାପୁରୁକେ ଆସାକରି ଆଗର୍ ବିସଇ ସିକ୍ ।

୧୪ କାଇକେବଇଲେ ଜେଡକି ଲକ୍ ତାକର୍ ବିସ୍ବାସ୍ ଚାଡିଆଟତ୍, ସେମନ୍ ମନ୍ ପର୍ଯ୍ୟେସରକ୍ ଉଜଲ୍ସଙ୍ ଉଗାଡି ଅଇ ଆଟେ । ସେ ଦେଇ ରଇବା ସୁଆଦ୍ ସେମନ୍ ଚାକିଆଟତ୍ । ଆରି ସୁକ୍ଲଆଡମା ପାଇଆଟତ୍ । ୧୫ ପର୍ଯ୍ୟେସରକ୍ ବାକିଅ କେତେକ୍ ନିକ ବଲି ସେମନ୍ ଜାନିଆଟତ୍ । ଆଇବା ଜୁଗେ ତାର୍ ଜନ୍ ବପୁ ସବୁକେ ଦେକାଇ ଅଇସି, ସେଟା ସେମନ୍ ଜାନିଆଟତ୍ । ୧୬ ଏଟା ସବୁ ଅଇଲା ପଟେ ସେମନ୍ ତାକର୍ ବିସ୍ବାସ୍ ଆରାଇ ଆଟତ୍ । ସେଟାର୍ପାଇ ସେମନ୍କେ ଆରିତରେକ୍ ମନ୍ ବାଉଡାଇବାକେ ସଅଜ୍ ନାଇ । କାଇକେବଇଲେ ସେମନ୍ ପର୍ଯ୍ୟେସରକ୍ ପଅକେ ଆରିତରେକ୍ କୁର୍ସେ ମରାଇକରି ଗୁଲାଇ ଲକ୍ମର୍ ମୁଆଟେ ଇଜଡ୍ ଜିକ୍ଲାଇନି ।

୧୭ ବର୍ସା ପାନି ଜମିଟାମେ ମାରୁଲେ ସେ ପାନି ଜମି ଜିକିନେଇସି । ସେନ୍ତାରି ଜମିକେ ପର୍ଯ୍ୟେସର୍ ଆସିର୍ବାଦ୍ କର୍ସି । ସେନ୍ତାରି ଜମିଟାମେ ଲକ୍ମନକେ ଦର୍କାର୍ ଅଇବା ଚାସ୍ କରିଅଇସି । ି ମାତର୍ ସେ ଜମିଟାମେ ଜଦି କାଟା ଗର୍ ଅଇସି, ଆରି ଲାଟାବୁଟା ଗାଜା ଅଇସି, ତେବେ ସେଟା କାଇ ଲତାକେ ନ ଲାଗେ । ଆରି ସେଟାକେ ପର୍ଯ୍ୟେସର୍ ଡଣ୍ଡ ଦେଇସି ଆରି ସେଟାମନ୍କେ ଜଇଟାମେ ପଡାଇଦେଇସି ।

୧୮ ଏ ଆଲାଦର୍ ମଇତର୍ମନ୍, ମୁଇ ଏନ୍ତାରି କଇତେରଇଲେ ମିସା ତମେ ସେନ୍ତାରି ନୁଆସ୍ ବଲି ମୁଇ ଜାନି । ତମେ ଆଗ୍ତୁଅନି ବିସ୍ବାସ୍ କଲାସିନି ଆରି ତମର୍ ଚଲାଚଲ୍ତି ନିକ ଆଟେ । ଏ ସବୁ ତମେ ମୁକ୍ତି ପାଇରଇବା ଗଟେକ୍ ଚିନ୍ । ୧୯ କାଇକେବଇଲେ, ପର୍ଯ୍ୟେସର୍ ଅନିଆଇ ନ କରେ । ତମେ କିରିରଇବା ନିକ କାମ୍ ସେ ନ ପାସ୍ରେ । ତାର୍ପାଇ ରଇବା ତମର୍ ଆଲାଦ୍ ମିସା । ସେ ଆଲାଦ୍ ତମର୍ ବିସ୍ବାସି ବାଇବଇନିକେ ସାଇଜ କଲାର୍ ପାଇ ତମେ ଦେକାଇ ଆଟାସ୍ । ୨୦ ମୁଇ ଜନ୍ଟା ମନ୍ କଲିନି, ସେଟା ଅଇଲାନି ସାରାସାରି ଜାକ ପର୍ଯ୍ୟେସର୍ ଜନ୍ କାତା ଦେଇଆଟେ, ସେଟା ପୁରାପୁରୁନ୍ ଅଇବାଜାକ ତମର୍

\* ୫:୭ ୫:୭ ମାଡିଉ ୨୭:୩୭-୪୨; ମାର୍କ ୧୪:୩୨-୪୨; ଲୁକ୍ ୨୨:୩୯-୪୭      \* ୫:୧୨ ୫:୧୨ ୧ମ କରକ୍ଟିୟ ୩:୨

ଆସା ନ ଚାଡ଼ା । ୧୨ ସେନ୍ତାରି କଲେ ଅଲସ୍ ନଅଇ ବିସ୍ବାସ୍ ଆରି ମୁର୍ତ୍ତି ରଇବା ଲକ୍ ଅଇସା । ସେନ୍ତାରି ଲକ୍ ପର୍ଯ୍ୟେସର୍ ଜନ୍ମା ଦେବାକେ କାତା ଦେଇଆଚେ, ସେମନ୍ ସେଟା ପାଇବାଇ ।

**ପର୍ଯ୍ୟେସର୍ ସପତ୍ ସତ୍ ଅଇସି**

୧୩ ପର୍ଯ୍ୟେସର୍ ଅବ୍ରାଆମ୍‌କେ କାତା ଦେଇରଇଲା ବେଲେ, ସେ ପୁରାପୁରୁନ୍ କର୍ବି ବଲି ସପତ୍ କରିରଇଲା । ତାର୍‌ଟାନେ ଅନି ଆରି କେ ମିସା ବଡ଼ ନ ରଇଲାକେ ନିଜର୍ ନାଉଁ ଦାରି ସପତ୍ କଲା । ୧୪ ସେ ଅବ୍ରାଆମ୍‌କେ କଇଲା, “ମୁଇ ତମ୍‌କେ ବାଇଦରେ ଆସିର୍ବାଦ୍ କର୍ବି । ଆରି ତର୍ କୁଟୁମ୍ ଜବର୍ କର୍ବି ।” ୧୫ ଅବ୍ରାଆମ୍ ତାର୍ କାତା ଦାରି ଜାଗିରଇଲାକେ, ପର୍ଯ୍ୟେସର୍ ସପତ୍ କଲାଟା ସେ ମିଲାଇଲା । ୧୬ ଜେଡେବେଲେ ଲକ୍‌ମନ୍ ପର୍ଯ୍ୟେସର୍ ସଇତ୍ କର୍ବାଇ, ସେମନ୍ ବଡ଼ଲକ୍‌ମନ୍ ନାଉଁ ଦାରି ପର୍ଯ୍ୟେସର୍ ସଇତ୍ କର୍ବାଇ । ସେନ୍ତାରି କଲେ ସେ ସପତ୍ ଲାଗିରଇବା ସବୁ ଦଦାପେଲାକେ ଚିଡ଼ାଇସି । ୧୭ ଜନ୍‌ଲକ୍‌ମନ୍ ସେ କାତା ଦେଇରଇବାଟା ମିଲାଇବାଇ, ସେମନ୍ ଏ ସବୁ ବିସଇ ଜାନତ୍ ବଲି ସେ ମନ୍ କରିରଇଲା । ତାର୍ ମନ୍ କେବେ ନ ବାଦ୍‌ଲେ ବଲି ସବୁ ଲକ୍ ଜାନିଅତ୍ । ସେଟାର୍‌ପାଇ ସେ ତାର୍ କାତାଦେଇ ରଇବାଟାନେ ତାର୍ ସପତ୍ ମିସା ମିସାଇଲା । ପର୍ଯ୍ୟେସର୍ ଦେଇରଇବା କାତା ଆରି ତାର୍ ସପତ୍ ସତ୍‌ସେ । ୧୮ ଏ ଦୁଇଟା ବିସଇ କେବେ ନ ବାଦ୍‌ଲେ । କାଇକେବଇଲେ ପର୍ଯ୍ୟେସର୍ ମିତ୍ ନ କଏ । ତେବର୍‌ପାଇ ଆମେ ମୁକ୍ତି ପାଇରଇବା ଲକ୍‌ମନ୍, ଆମର୍ ମନେ ବେସି ସାଆସ୍ ଦାରିଆତୁ । ଆରି ତାର୍‌ଟାନେ ରଇବା ଆମର୍ ଆସା ଡାଟ୍ ଆଚେ ।

୧୯ ଏ ଆସା ଆମର୍ ବିସବାସ୍ ଡାଟ୍ କରାଇସି । କାଇକେବଇଲେ ସେଟା ପୁରାପୁରୁନ୍ ଅଇସିଆକା । ଅମର୍ ଆସାର୍ ଲାଗି ଆମେ ପର୍ଯ୍ୟେସର୍‌ର ଜାଗାଇ ପୁରିଆତୁ । ଏଟା ଜେନ୍ତାରି ବଡ଼ ପୁଜାରି ମନ୍ଦିରର୍ ଅଦିକ୍ ସୁକଲ୍ ଜାଗାଇ ପୁରିସି । ଜନ୍ ଜାଗା କି ପାର୍‌ଦା ବିତ୍‌ରେ ଲୁଟିରଇସି । ୨୦ ସେ ଜାଗାଇସେ ଆମର୍ ଜିସୁ ଆଗତ୍ ଜାଇଆଚେ । ଆରି ସବୁଦିନର୍‌ପାଇ ମଲ୍‌କିସେଦକର୍ ପୁଜାରି ପଦ୍ ପାରା ସେ ବଡ଼ ପୁଜାରି ଅଇଲାଆଚେ ।



**ମଲ୍‌କିସେଦକ୍ ପୁଜାରି ଅଇବାଟା**

୧ ଏ ମଲ୍‌କିସେଦକ୍ ସାଲେମ୍ ରାଇଜର୍ ରାଜା ରଇଲା । ସେ ସବୁଟାନେଅନି ଉପ୍‌ରେ ରଇବା ପର୍ଯ୍ୟେସର୍ ପୁଜାରି ରଇଲା । ତାର୍‌ଟା ରାଜାମନ୍‌କେ ଜୁଇଦେ ଆରାଇକରି ବାଡ଼ୁଲାବେଲେ ମଲ୍‌କିସେଦକ୍ ଅବ୍ରାଆମ୍‌କେ ବେଟ୍ ଅଇବାର୍ ଗାଲା ଆରି ତାକେ ଆସିର୍ବାଦ୍ କଲା । ସେଡ଼କିବେଲେ ଜୁଇଦେ ଜିତିକରି ତେଇର୍ ଜେଡ଼କି କାଇକାଇଟା ନେଇକରି, ନିଜର୍‌ଟା କରିରଇଲା, ତେଇଅନି ଦସ୍‌ବାଗେ ଅନି ଗଟେକ୍‌ବାଗ୍ ଅବ୍ରାଆମ୍ ତାକେ ଦେଲା । ୨ ମଲ୍‌କିସେଦକ୍ ନାଉଁର୍ ଅରତ୍ ଅଇଲାନି, ଦରମ୍‌ସଙ୍ଗ୍ ରଇବା ରାଜା । ଆରି ସାନ୍ତ୍ରି ରାଜା ମିସା । କାଇକେବଇଲେ ସାଲେମ୍ ନାଉଁର୍ ଅରତ୍ ଅଇଲାନି ସାନ୍ତ୍ରି । ୩ ମଲ୍‌କିସେଦକ୍ ଆୟା ବାବା, ଆନିଦାଦିମନ୍ ବିସଇନେଇ କାଇଟା ଲେକା ଅଏନାଇ । ସେନ୍ତାରିସେ ତାର୍ ଜନ୍‌ମ୍ ମରନ୍ ବିସଇ ମିସା କାଇଟା ନାଇ । ସେଟାର୍ ପାଇ ସେ ପର୍ଯ୍ୟେସର୍‌ର ପଅ ପାରା । ସେ ସବୁଦିନର୍‌ପାଇ ପୁଜାରି ଅଇରଇସି ।

୪ ମଲ୍‌କିସେଦକ୍ କେଡେବଡ଼ ଲକ୍ ରଇଲାବଲି ଆମେ ଏତାଇଦେକୁ । ପର୍ଯ୍ୟେସର୍ ଆମେ ଜିଉଦିମନ୍‌ର ଡାକ୍‌ପୁଟା ପାଇରଇବା ଆନିଦାଦି ଅବ୍ରାଆମ୍ ମିସା ଜୁଇଦକରି ତେଇଅନି ମିଲାଇ ଆନିରଇବା କାଇକାଇଟା ଦସ୍ ବାଗେଅନି ଗଟେକ୍‌ବାଗ୍ ତାକେ ଦେଇରଇଲା । ୫ ମସାର୍ ନିୟମ୍ ଇସାବେ ଜିଉଦିମନ୍‌କେ ଏନ୍ତାରି ଗଟେକ୍ ନିୟମ୍ ଆଚେ । ଲେବି ବସ୍‌ର୍ ଜେଡ଼କି ନାତି ତିତିମନ୍ ପୁଜାରିଅଇବାଇ । ତାକର୍ ସଙ୍ଗେ ରଇବା ଜିଉଦିମନ୍ କାମାଇ ଆନ୍‌ବା ଚାସେଅନି ଦସ୍‌ବାଗେଅନି ଗଟେକ୍ ବାଗ୍ ନେବାଇ । ସେମନ୍ ସବୁ ଅବ୍ରାଆମର୍ ନାତିତିତି ଅଇରଇଲେ ମିସା ଏନ୍ତାରି କର୍ତେରଇଲାଇ । ୬ ମାତର୍ ମଲ୍‌କିସେଦକ୍ ଲେବିର୍ ନାତିତିତି ନ ଅଇରଇଲେ ମିସା, ସେ ଅବ୍ରାଆମର୍‌ଟାନେଅନି ଦସ୍‌ବାଗେଅନି ବାଗେକ୍ ନେଇତେରଇଲା । ସେବେଲେ ମଲ୍‌କିସେଦକ୍ ଅବ୍ରାଆମ୍‌କେ ଆସିର୍ବାଦ୍ କରି ରଇଲା । ଅବ୍ରାଆମ୍‌କେସେ ପର୍ଯ୍ୟେସର୍‌ର ସବୁକାତା ଦେଇରଇଲା । ୭ ଆମେସବୁ ଜାନିଆତୁ, ଜନ୍ ଲକ୍‌କେ ଆସିର୍ବାଦ୍ କର୍ବାକେ ଅଦିକାର୍ ଆଚେ, ସେ ଆସିର୍ବାଦ୍ ପାଇବା ଲକ୍‌ଟାନେଅନି ବଡ଼ । ୮ ଲେବିର୍ ଜେଡ଼କି ନାତିତିତିମନ୍, ଦସ୍‌ବାଗେ ଅନି ଗଟେକ୍ ବାଗ୍ ନେଇରଇଲାଇ, ସେମନ୍ ସବୁଲକ୍ ଜାକ ଗଟେକ୍ ଦିନ୍ ମର୍ବାଇ । ମାତର୍ ମଲ୍‌କିସେଦକ୍ ମରନ୍ ବିସଇ ସାସ୍‌ତରେ କନ୍ତ୍ରି ମିସା ଲେକା ଅଏନାଇ । ତାର୍ ବାଦୁଲେ ତେଇ ଲେକାଅଇଲା ଆଚେ, ତାର୍ ପୁଜାରି ପଦ୍ ନ ବାଦ୍‌ଲିକରି ସବୁ ଦିନର୍‌ପାଇ ରଇସି । ୯ ଲେବିର୍ ଜେଡ଼କି ସବୁ ନାତିତିତିମନ୍ ଦସ୍‌ବାଗେ ଅନି ଗଟେକ୍ ବାଗ୍ ନେଇତେ ରଇଲାଇ, ସେମନ୍ ଅବ୍ରାଆମର୍ ସଙ୍ଗ୍ ମିସିକରି ମଲ୍‌କିସେଦକ୍‌କେ ଦସ୍‌ବାଗେଅନି ଗଟେକ୍ ବାଗ୍ ଦେଲାବଲି ଆମେ କଇଅଇସି । ୧୦ କାଇକେବଇଲେ ଜେଡେବଲ୍ ମଲ୍‌କିସେଦକ୍ ଅବ୍ରାଆମ୍‌କେ ବେଟ୍ ଅଇଲା, ସେ ଲେବି

ଜନମ୍ ନ ଅଇରଇଲା, ମାତର ସେ ଅବ୍ରାହାମର ଗାଗତେ ରଇଲା । କାଇକେବଇଲେ ଅବ୍ରାହାମ୍ ତାର ଆନିଦାଦି ରଇଲା ।

<sup>୧୧</sup> ଲେବିର ନାତିତି ପୁଜାରି ଇସାବେ ବାବ୍ଲାୟାଲ ପର୍ଯ୍ୟେସର ତାର ନିୟମ୍ ଜିଉଦିମନ୍‌କେ ଦେଇରଇଲା । ମାତର ଲେବି ବସ୍ତର ପୁଜାରିମନ୍ ଜଦି ସିଦ୍‌ଲକ୍ ଅଇରଇତାଇ ଆଲେ, ଆରି ଗଟେକ୍ ପୁଜାରି ଆଇବାକେ ଦରକାର ନ ରଇଲା । ସେନ୍ତାର ଏ ପୁଜାରି ଆରଣ୍ ଜେ କି ଲେବିର ନାତିତି ରଇଲା, ତାର ପୁଜାରିପଦ୍ ନ ଦାରି ମଲ୍‌କିସେଦକର ପୁଜାରି ପଦ୍ ଦାରି ଆଇସି । <sup>୧୨</sup> ଜନ୍ ପୁଜାରି ଲକ୍‌ମନର ବାବୁଲେ ପର୍ଯ୍ୟେସର ମୁଆଟେ ଟିଆ ଅଇସି, ତାର ପୁଜାରି ପଦ୍ ବାଦଲାଇଲେ ଜନ୍ ନିୟମ୍ ମାନିଆଇଲାଇନି, ସେଟାମିସା ବାଦଲ୍‌ବାର୍ ଆଟେ । <sup>୧୩</sup> ଏ ସବୁ ବିସଇ ବାଦଲିଗାଲା ଆଟେବଲି ଆମେ ଜାନୁ । କାଇକେବଇଲେ ଆମର୍ ମାପରୁ ଜିସୁ ଜାର୍ ବିସଇନେଇ ଏ ସବୁ କାତା କଇଲୁନି, ସେ ଲେବି ବସ୍ତର ନାତିତି ନ ରଇଲା । ଜିଉଦା ବସେଅନି ଏବେଜାକ କେ ପୁଜାରି ବାବେ ସେବା କରତ୍ ନାଇ । <sup>୧୪</sup> ଜିଉଦା ତାର ଆନିଦାଦି ରଇଲା । ମସା ଦେଇରଇବା କାତାଇ ମିସା ଜିଉଦାର୍ ନାତିତିମନ୍ ପୁଜାରି ଅଇବା ବିସଇ କାଇଟା କଏ ନାଇ ।

**ମଲ୍‌କିସେଦକର ପାରା ଆରିଗଟେକ୍ ପୁଜାରି**

<sup>୧୫</sup> ଇତିଅନି ନିମାନ୍ ଜାନାପଡ଼ଲାନି ଜେ, ଆଗର୍ ରକାମ୍ ପୁଜାରି ଆରି ସେମନ୍ ମାନିଆଇତେରଇବା ନିୟମ୍ ଏବେ ବାଦଲାଇକରି ଗଟେକ୍ ନୁଆ ରକାମ୍ ପୁଜାରି ବାରଇଆଟେ । ସେ ମଲ୍‌କିସେଦକର ପୁଜାରି ପଦ୍ ଦାରି ଆଇବାଟା । <sup>୧୬</sup> ଆରି ସେ ମୁନୁସ୍‌ମନର ନିୟମ୍ ଆରି ରିତିନିତି ଇସାବେ ପୁଜାରି କରେନାଇ, ମାତର କେବେ ନ ସାର୍‌ବା ଗଟେକ୍ ବପୁର୍ ଜିବନ୍ ଲାଗି କଲାଆଟେ । ମଲ୍‌କିସେଦକର ପାରା ଗଟେକ୍ ବିନ୍ ପୁଜାରି ବାରଇଲା । <sup>୧୭</sup> କାଇକେବଇଲେ ତାର ବିସଇରେ ସାସ୍‌ତର୍ କଇଲାନି, “ମଲ୍‌କିସେଦକର ପୁଜାରି ପଦ୍‌ପାରା ତୁଇ ପୁଜାରି ଅଇ ଆରୁସ୍ ।” <sup>୧୮</sup> ପୁରନା ନିୟମ୍ ବାଦଲାଇଲା । କାଇକେବଇଲେ, ସେଟା ଲକ୍‌ମନ୍‌କେ ପର୍ଯ୍ୟେସର ଲଗେ ଆନ୍‌ବାକେ ବପୁ ନ ରଇଲା ଆରି ବେକାର୍ ରଇଲା । <sup>୧୯</sup> କାଇକେବଇଲେ ମସାର୍ ନିୟମ୍ କାଇଟା ମିସା ପୁରାପୁରୁନ୍ ସିଦ୍‌କରି ନାପାରଲା । ମାତର ଏବେ ଆମ୍‌କେ ଗଟେକ୍ ବପୁର୍ ଆସା ମିଲ୍‌ଲା ଆଟେ । ଜାର୍‌ଲାଗି ଆମେ ପର୍ଯ୍ୟେସର ଲଗେ ଅଇବାକେ ଆସିପାରଲୁନି ।

<sup>୨୦</sup> ଆରି ଆମର୍ ପାଇ ପର୍ଯ୍ୟେସର କାତାଦେଇ ରଇବାଟା ମିସା ଆଟେ । ବିନ୍ ଲକ୍‌ର ନାତିତିମନ୍ ପୁଜାରି ପଦେ ରଇଲାବେଲେ ସେ ଏନ୍ତ କାଇମିସା ସପଡ୍ କରି ନ ରଇଲା । <sup>୨୧</sup> ମାତର କିରିସ୍‌ଟ ପୁଜାରି ଅଇବାବେଲେ ପର୍ଯ୍ୟେସର ତାକେ ସପଡ୍ କରି କଇରଇଲା, “ମାପରୁ ଗଟେକ୍ ସପଡ୍ କଲା ଆଟେ

ତୁଇ ସବୁଦିନର୍‌ପାଇ ପୁଜାରି ଅଇରଇସୁ ।

କଇଲା ଏ କାତା କେବେ ନ ବାଦଲ୍ୟାଏ ।

ତମେ କାଲ୍‌କାଲ୍ ଜୁଗ୍ ଜୁଗର୍ ପାଇ ପୁଜାରି ଅଇସା ।”

<sup>୨୨</sup> କାଇକେବଇଲେ ପର୍ଯ୍ୟେସର ଜନ୍ ସପଡ୍ ତାକେ ଦେଇରଇଲା, ତାର ନୁଆ ରାଜିନାମା ପୁରାପୁରୁନ୍ ଅଇସିଆକା ବଲି ଜିସୁ ଡାଂଟ୍ ସଙ୍ଘ୍ କଇଲାନି ।

<sup>୨୩</sup> ଜିସୁର୍ ପୁଜାରି ପଦ୍ ଆରି ଲେବି ବସ୍ତର କେତେକ୍ କେତେକ୍ ପୁଜାରି ପଦ୍ ଦାରିରଇବା ବେସି ପୁଜାରିମନର ବିତ୍‌ରେ ଏନ୍ତାରି ବିନ୍ ରଇଲା । ସେମନ୍ ସବୁ ତାକର୍ ପୁଜାରିପଦ୍ କରିଲାଗି ରଅଡ୍ ନାଇ । କାଇକେବଇଲେ ସେମନ୍ ସବୁଲକ୍ ମରିଗାଲାଇ ।

<sup>୨୪</sup> ମାତର ଜିସୁ କେବେ ନ ମରେ । ଆରି ପୁଜାରି ଇସାବେ ରଇବା ତାର କାମ୍ ଆରି କାକେ ମିସା ଦିଆ ନ ଅଏ । <sup>୨୫</sup> ସେଟାର ପାଇ ଜନ୍ ଲକ୍‌ମନ୍ ତାକେ ବିସ୍‌ବାସ୍ କରି ଲଗେ ଆଇବାଇ, ସେମନ୍‌କେ ସବୁବେଲର୍‌ପାଇ ରକିଆ କରିପାର୍‌ସି । କାଇକେ ବଇଲେ ସେମନର୍ ପାଇ ପର୍ଯ୍ୟେସର ମୁଆଟେ ଗୁଆରି କରବାକେ ସେ ଜୁଗ୍ ଜୁଗର୍ ପାଇ ଜିବନ୍ ଅଇକରି ଆଟେ ।

<sup>୨୬</sup> ତେବର୍‌ପାଇ ଜିସୁ ଅଇଲାନି ଆମର୍ ବଡ୍ ପୁଜାରି । ସେ ଆମର୍‌ପାଇ ସମାନ୍ ଆଟେ । କାଇକେବଇଲେ ସେ ସୁକଲ୍, ତାର୍‌ଟାନେ କାଇ ବୁଲ୍, କି ପାପ୍ ନାଇ । ଆମର୍ ପାପିମନର୍‌ଟାନେଅନି ସେ ପୁରାପୁରୁନ୍ ବିନ୍‌ଆଟେ । ଆରି ପର୍ଯ୍ୟେସର ତାକେ ସରଗ୍ ଜେଡ୍‌କି ଜାଇ ଉଟାଇଆଟେ । <sup>୨୭</sup> ବିନ୍ ବଡ୍ ପୁଜାରି ମନ୍ ସବୁଦିନ୍ ପର୍ଯ୍ୟେସରଟାନେ ଦିନ୍‌କେ ବଲି ଦେବାର୍ ଆଟେ । ତାର୍‌ପଟେ ସେମନ୍ ଲକ୍‌ମନର୍ ପାପର୍‌ପାଇ ମିସା ବଲି ଦେବାର୍ ଆଟେ । ମାତର ଜିସୁ ଏନ୍ତାରି ନାଇ । ସେ ସବୁଲକ୍‌ର ପାଇ ମିସ୍‌ତେ ଗଟେକ୍‌ତର୍‌ସେ ବଲି ଅଇଲା ଆଟେ । ତାର ସେ ମରନ୍ ସବୁଦିନର୍‌ପାଇ ଅଇସି । <sup>୨୮</sup> କାଇକେବଇଲେ ମସାର୍ ନିୟମ୍ ଇସାବେ, ଜନ୍‌ଲକ୍ ବଡ୍ ପୁଜାରି ପଦ୍‌ପାଇରଇସି, ସେମନ୍‌କେ ମିସା ପାପ୍ ରଇସି । ମାତର ଜନ୍‌ଟା ପର୍ଯ୍ୟେସର ଗଟେକ୍ ସପଡ୍ କରି କାତା ଦେଇରଇଲା, ସେଟା ନିୟମ୍ ପଟେ

ଆଇଲା । ଜନ୍ ଲକ୍ ବାଚାଅଇରଇଲା, ତାର୍ ପଅ ରଇଲା । ସେ ସବୁଦିନର୍ପାଇ କାଇ ପାପ୍ ନ ରଇବା ପୁଜାରି ଅଇଆଟେ ।

୮

ଜିସୁ ଆମର୍ ବଡ଼ପୁଜାରି

୧ ଏ ସବୁ କାତାଇଅନି ତମ୍ବକେ ବୁଜଡ଼ ବଲି ମୁଇ ମନ୍ କଲିନି ଜେ, ଏ ଆମର୍ ବଡ଼ ପୁଜାରି ସରଗର୍ ସବୁର୍ ଉପ୍ରେ ପର୍ମେସରର୍ ଉଜାବାଟେ ବସ୍ଲା ଆଟେ । ୨ ଆରି ପର୍ମେସରର୍ ଅଦିକ୍ ସୁକଲ୍ ଜାଗାଇ ସେ ବଡ଼ ପୁଜାରି ଇସାବେ ସେବା କଲାନି । ସେ ତୁମ୍ବକୂଡ଼ିଆ ଲକ୍ମନ୍ ତିଆରକଲାଟା ନଏ, ମାତର୍ ସେଟା ମାପୁରୁ ତିଆର୍ କଲାଆଟେ ।

୩ ସବୁ ବଡ଼ପୁଜାରିମନ୍ ଲକ୍ମନ୍ ଦେଇରଇବା ପସୁମନ୍ ଆରି ବିନ୍ ରକାମର୍ ବଲି ପର୍ମେସର୍କେ ସର୍ପି ଦେବାକେ ବାଟ୍ଲାଆଟେ । ତେବର୍ପାଇ ଆମର୍ ବଡ଼ ପୁଜାରି ମିସା କାଇଟା ମିସା ପର୍ମେସର୍କେ ସର୍ପାଇବାର୍ ଆଟେ । ୪ ମାତର୍ ଏ ଜଗତେ ସେବା କରେନାଇ । ସେ ଜଦି ଏ ଜଗତେ ରଇତା, ତେବେ ସେ ଗଟେକ୍ ପୁଜାରି ନ ଅଇତା । କାଇକେ ବଇଲେ ଜିଉଦିମନ୍ ନିୟମ୍ ଇସାବେ ଦାନ୍ ସର୍ପିଦେବାକେ ପୁଜାରିମନ୍ ରଇଲା । ୫ ମାତର୍ ତାକର୍ ସେବା କର୍ବା ଜାଗା ସର୍ଗେ ରଇବା ସଡ଼ ବିସଇ ଅବ୍କା ଗଟେକ୍ ଚାଇପାରା । ସମାନ୍ ସେନ୍ତାରିସେ ମସାର୍ ବେଲେ ଅଇଲା । ସେ ଜେତେବଲ୍ ଗଟେକ୍ ତୁମ୍ବକୂଡ଼ିଆ ତିଆର୍ କର୍ବାକେ ଜାଇତେରଇଲା, ପର୍ମେସର୍ ତାକେ ତିଆରଲା, “ଜାଗର୍ଡ଼ ! ତୁଇ ସୁକଲ୍ ତୁମ୍ବକୂଡ଼ିଆଇ ଜେଡ଼କି କର୍ସୁ ବଇଲେ, ମୁଇ ତକେ ସେଟା ପର୍ବତେ ଦେକାଇଲା ରକାମ୍ କର୍ବାର୍ ଆଟେ ।” ୬ ଏ ଜଗତର୍ ପୁଜାରିମନ୍ କାମ୍ତେଇଅନି ଜନ୍ କାମ୍ ପର୍ମେସର୍ ଜିସୁକେ ସର୍ପିଦେଲା, ସେ କାମ୍ ଅଦିକ୍ ଗୁର୍ଡ଼ୁ ରଇବାଟା । ସେନ୍ତାରିସେ ଜନ୍ ନୁଆ ରାଜିନାମାସଙ୍ ସେ ପର୍ମେସର୍ ଆରି ମନୁସକାଡ଼ିକେ ଆରିତରେକ୍ ମିସାଇଲା, ସେଟା ପୁର୍ନା ରାଜିନାମାତେଇ ଅନି ନିକ । କାଇକେବଇଲେ, ନୁଆ ରାଜିନାମାତେଇ ରଇବା ପର୍ମେସରର୍ ସପଡ଼ ସବୁ ବେସି ନିକ ଆଟେ ।

୭ ପର୍ତୁମର୍ ରାଜିନାମାତେଇ ଜଦି କାଇ ବୁଲ୍ ନ ରଇତା, ତେବେ ପର୍ମେସର୍ ସେଟା ନ ବାଦ୍ଲାଇତା । ୮ ମାତର୍ ସେ ରାଜିନାମା ମାନିକରି ରଇଲା ଲକ୍ମନ୍ ଚଲାଚଲ୍ଡି ସଙ୍ ପର୍ମେସର୍ ସାର୍ଦା ନ ରଇଲା । କାଇକେବଇଲେ ସାସ୍ତରର୍ ମାପୁରୁ ବାକିଅଟାନେ ଲେକା ଅଇଲାଆଟେ,

“ଆଗକେ ଗଟେକ୍ ବେଲା ଆଇଲାନି

ଜେତେବେଲ୍ କି ଇସ୍ରାଏଲର୍ ଲକ୍ମନ୍କେ ଆରି ଜିଉଦାର୍ ଲକ୍ମନ୍କେ ମର୍ ନିଜର୍ କର୍ବାକେ ମୁଇ ଗଟେକ୍ ନୁଆ ରାଜିନାମା ଟିକ୍ କର୍ବି ।”

୯ ଏ ନୁଆ ରାଜିନାମା ଆଗର୍ ରାଜିନାମା ପାରା ନ ରଏ । ସେ ରାଜିନାମା ତାକର୍ ଆନିଦାଦିମନ୍କେ ମିସର୍ଦେସେଅନି ତାକି ଆନ୍ଲାବେଲେ ମୁଇ କରିରଇଲି । ଆଗର୍ ରାଜିନାମାର୍ ମର୍ ଆଦେସ୍ ସବୁ ସେମନ୍ ମାନଡ଼ନାଇ । ତେବର୍ପାଇ ମୁଇ ଆରି ସେମନ୍ରବାଟେ ନ ଦେକି ।

୧୦ ମାପୁରୁ ଆରିତରେକ୍ କଇଲା, ଇସ୍ରାଏଲର୍ ଲକ୍ମନ୍କେ ମର୍ ନିଜର୍ କର୍ବାକେ ମୁଇ ଜନ୍ ନୁଆ ରାଜିନାମା ତିଆରକର୍ବି ସେଟା ଏନ୍ତାରି ରଇସି । ମୁଇ ମର୍ ଆଦେସ୍ ତାକର୍ ଚିନ୍ତା କଲାଟାନେ ଦେବି ଆରି ତାକର୍ ମନ୍ ବିଡ଼ରେ ଲେକ୍ବି । ଆରି ମୁଇ ତାକର୍ ପର୍ମେସର୍ ଅଇରଇବି ଆରି ସେମନ୍ ମର୍ ନିଜର୍ ଅଇରଇବାଇ ।

୧୧ ଏଟାର୍ଲାଗି କେ ମିସା ମର୍ ବିସଇରେ ତାର୍ ସଙ୍ଗର୍ ଲକ୍ମନ୍କେ ସିକାଇବାକେ ନ ପଡେ । ଆରି ମୁଇ କେ ବଲି କେ ମିସା ତାକର୍ ବାଇମନ୍କେ ବାଡ଼ାଇବାକେ ନ ପଡେ । କାଇକେବଇଲେ, ସେବେଲେ ଗୁଲାଇ ଲକ୍ ବଡ଼ ଅଅଡ଼ କି ସାନ୍ ଅଅଡ଼ ମୁଇ କେ ବଲି ଜାନ୍ବାଇ ।

୧୨ ମୁଇ ସେମନ୍ ସବୁ ପାପ୍ କେମା କର୍ବି ଆରି

ସେମନ୍ କାଇ ଅନିଆଇ କଲାଟା ମିସା ମନେ ନ ଏତାଇ ।

୧୩ ଏବେ ଗଟେକ୍ ନୁଆ ରାଜିନାମା ଆଟେ ବଲି ପର୍ମେସର୍ କଇଲାକେ ପୁର୍ନା ରାଜିନାମାକେ କାଇ ମୁଲିଅ ନାଇ ବଲି ଆମେ ଜାନ୍ । ଜନ୍ଟା ପୁର୍ନା ଅଇଗାଲା ଆରି କାଇଟା ପାଇ ମିସା ଲଡାକେ ନ ଆଇଲେ, ସେଟା ବାଇରେ ପିଙ୍ଗିଦେବାଇ ।

୯

ସରଗ୍ ଆରି ମର୍ପୁରର୍ ପାର୍ଡନା

୧ ପର୍ମେସରର୍ ପର୍ତୁମ୍ ରାଜିନାମାତେଇ, ତାକେ କେନ୍ତାରି ଉପାସନା କର୍ବାର୍ ଆଟେ ବଲି ନିୟମ୍ ରଇଲା । ତାକେ ଏ ଜଗତେ ଉପାସନା କର୍ବାକେ ଗଟେକ୍ ତୁମ୍ ଉଟାଇରଇଲା । ୨ ଏ ତୁମ୍ଟାନେ ଦୁଇଟା ଜାଗା ରଇଲା । ପର୍ତୁମ୍ ଜାଗାକେ ସୁକଲ୍ ଜାଗା ବଲି ନାଉଁ ରଇଲା । ସେ ବିଡ଼ରେ ବଡ଼ିସଙ୍ଗିଇବା

କୁଦରା ଆରି ପରମେସରକେ ସରପିଦେବାକେ ରୁଚି ସଙ୍ଗଇବା ଗଟେକ୍ ଟେବୁଲ୍ ରଇଲା ।<sup>୩</sup> ସେ ଜାଗାଇ ପୁରବା ବାଟେ ଗଟେକ୍ ପାରଦା ରଇଲା । ପାରଦାର୍ ପରବାଟେ ଜନ୍ ଜାଗା ରଇଲା, ତାକେ ବଡ଼ ସୁକଲ୍ ଜାଗା ବଲି କଇତେ ରଇଲା ।<sup>୪</sup> ସେ ବଡ଼ ସୁକଲ୍ ଜାଗାଇ ଗଟେକ୍ ଦୁପ୍ ପଡ଼ାଇବା ସୁନାର୍ ବେଦି ଆରି ସୁନାର୍ ନିୟମ୍ ପେଡି ରଇଲା । ଏ ନିୟମ୍ ପେଡି ବିଡ଼ରେ, ମାନା ରଇବା ଗଟେକ୍ ସୁନାର୍ ଆଣ୍ଟି ରଇଲା । ତେଇ ପତର୍ କଅଁଲି ରଇବା ଆରଣ୍ ଦାରି ଇଣ୍ଟୁବା ତାଙ୍ଗ୍ ରଇଲା । ଆରି ପରମେସରର୍ ଆଦେସ୍ ଲେକାଅଇରଇଲା ଦୁଇ କଣ୍ଟ ଚାଟଡା ପାକ୍ନା ମିସା ରଇଲା ।<sup>୫</sup> ପେଡିର୍ ତାବ୍ନା ଉପ୍ରେ ପରମେସର ଆଟେ ବଲି ଚିନ୍ ଇସାବେ କେରୁବିନ୍ ବଲି ତାକ୍ବା ଦୁଇଟା ତେନା ରଇଲା ଜିହୁର୍ ମୁର୍ତି ରଇଲା । ତାକର୍ ଉଗାଡିଅଇରଇବା ତେନା ପେଡିର୍ ତାବ୍ନା ଉପ୍ରେ ତାବିଅଇଜାଇରଇଲା । ତାର୍ ଉପ୍ରେ ବନି ଚିଟିଅଇରଇଲା । ଜେନ୍ତାରିକି ଲକ୍ମନର୍ ପାପ୍କେମା ଅଇଜିବାକେ । ମାତର୍ ଏ ଚିକିନିକି ବିସଇ ରୁଜାଇବାକେ ଲତାନାଇ ।

<sup>୬</sup> ତୁମ୍ ବିଡ଼ରେ ଏ ସବୁ ବିସଇ ସାଜାଡିଅଇରଇଲା । ପୁଜାରିମନ୍ ସବୁଦିନ୍ ତାମ୍ ଗରର୍ ବାଇରର୍ ଜାଗାଇ ପୁରି, ସେମନର୍ କାମ୍ କର୍ବାଇ ।<sup>୭</sup> ମାତର୍ ବିଡ଼ରର୍ ଜାଗାଇ ବଡ଼ ପୁଜାରିସେ ଜିବାକେ ଅଦିକାର୍ ରଇଲା । ସେ ସିତି ବରସେକ୍କେ ତରେକ୍ ସେ ଜାଇତେରଇଲା । ସେ ନିଜର୍ ପାଇ ଆରି ଲକ୍ମନ ନ ଜାନିକରି କରଇରଇବା ପାପ୍ ପାଇ ବନି ନେଇକରି ଜଦି ନ ପୁରଲେ ସେ ଜାଇନାପାର୍ତେ ରଇଲା ।<sup>୮</sup> ଏ ସବୁ ବିସଇରଲାଗି ସୁକଲ୍ ଆଡ଼ମା ଜାନାଇଲାନି ଜେ, ପରମେସରର୍ ଅଦିକ୍ ସୁକଲ୍ ଜାଗାଇ ପୁରବାକେ ଲକ୍ମନକେ ଅଦିକାର୍ ନ ରଇଲା । କାଇକେବଇଲେ ସୁକଲ୍ ଜାଗା ଆରି ଅଦିକ୍ ସୁକଲ୍ ଜାଗା ବିସଇନେଇ ରଇବା ଆଗତୁର୍ ଆଦେସ୍ ସବୁ ଲକ୍ମନ ମାନିଆଇତେ ରଇଲା ।<sup>୯</sup> ସେ ସବୁ ବିସଇ ଗଟେକ୍ ବାନା ପାରା । ଜନ୍ଟା ସବୁ ଏବର୍ ଦିନେ ସିଦ୍ ଅଇଲା ଆଟେ । କାଇକେବଇଲେ ଜନ୍ ପସୁମନକେ ଉପାସନା ଇସାବେ ଲକ୍ମନ ପରମେସରକେ ସରପି ଦେଇତେ ରଇଲା, ସେଟା ସବୁ ଲକ୍ମନର୍ ବିବେକ୍ ଦଇ ନାପାର୍ଲା ।<sup>୧୦</sup> କାଇକେବଇଲେ ସେଟା ସବୁ ଗାଗଡ଼ର୍ ଲାଗି ରଇବା ନିୟମ୍ ରଇଲା । ଜେନ୍ତାରି କି, କାଇଟା କାଇଅଇସି, କାଇଟା ପିଇ ଅଇସି ଆରି ସେ ସବୁ ନିକ ସଙ୍ଗ୍ ଦଇବା ବିସଇ, ବାଇରେ ଦେକାଅଇବା ରିତିନିତି ସେ । ପରମେସରର୍ ନୁଆ ନିୟମ୍ ଚିକ୍ ଅଇବାଜାକ, ଏ ସବୁ କର୍ବାଟା ରଇଲା ।

<sup>୧୧</sup> ମାତର୍ ଆମେ ଜେଡ଼କିଲକ୍ ସବୁରତେଇଅନି ବଡ଼ିଆ ବିସଇ ପାଇଆରୁ, କିରିସ୍ଟ ଆମର୍ ବଡ଼ ପୁଜାରି ଅଇ ଆଇଲା ଆଟେ । ସେ ସେବା କର୍ବା ଜାଗାର୍ ତୁମ୍ ଲଗେ ରଇବା ଅଦିକ୍ ସୁକଲ୍ ଜାଗାଇଅନି ଅଦିକ୍ ମୁଲିଅ ରଇଲାଟା ଆରି ଅଦିକ୍ ସିଦ୍ ଆଟେ । କାଇକେବଇଲେ ସେଟା ଲକ୍ମନ ତିଆର୍ କଲାଟା ନଏଁ, କି ଏ ନସିଜିବା ଜଗତର୍ଟା ମିସା ନଏଁ ।<sup>୧୨</sup> କିରିସ୍ଟ ସେ ତାମ୍ ବାଟେଜାଇ ଏକାତରେକ୍ ସେ ବଡ଼ ସୁକଲ୍ ଜାଗାଇ ପୁରଲା । ସେ ତେଇ ପୁରବା ବେଲେ ବଲି କର୍ବାକେ ଚେଲି କି ପସୁ ବନି ନେଇ ନ ଜାଇରଇଲା । ମାତର୍ ସେ ନିଜର୍ ବନି ନେଇକରି ଜନ୍ ଜନ୍ଟା କର୍ବାର୍ ରଇଲା, ସେଟା ପୁରାପୁରୁନ୍ କଲା । ଜେନ୍ତାରି କି ଆମ୍କେ ମୁକ୍ଲାଇକରି କାଲ୍ କାଲ୍ ଜୁଗ୍ଜୁଗର୍ ପାଇ ମୁକ୍ତି ଦେଲା ।<sup>୧୩</sup> ଆଗର୍ କାଲେ ଚେଲି ଆରି ବଲଦ୍ମନର୍ ବନି ଆରି ପଡ଼ାଇଲା ବାଟିପିଲାର୍ ଚାର୍ ଚିଟ୍ବାଟା, ଏସବୁ ଅସୁକଲ୍ ଅଇରଇବା ଲକ୍ମନର୍ ଗାଗଡ଼ ଦଇବା କାମ୍କେସେ ଆଇଲା ।<sup>୧୪</sup> ଏଟା ଜଦି ଲକ୍ମନର୍ ଗାଗଡ଼ ଦଇପାର୍ଲା, ସେନ୍ତାଆଲେ କିରିସ୍ଟର୍ ବନିସଙ୍ଗ୍ ଆରି କେତେକ୍ ଅଦିକ୍ କରଇସି ? ନ ସାର୍ବା ଆଡ଼ମାର୍ପାଇ ସେ ନିଜେ ପରମେସରର୍ ସାଇଜ ନେଇ, କାଇ ପାପ୍ଦସ୍ ନ ଅଇତେ ବିରୁ ଇସାବେ ନିଜକେ ପୁରାପୁରୁନ୍ ସରପି ଦେଲାଆଟେ । ତାର୍ ବନିରଲାଗି ବାନିଆ ରିତିନିତି କାମେଅନି ଜିତି କରି ଆମର୍ ବିବେକ୍ ସୁକଲ୍ ଅଇସି । ଆରି ଆମେ ସତଇସେ ଜିବନ୍ ରଇଲା ପରମେସରର୍ ସେବା କର୍ବା ଅଦିକାର୍ ପାଇଆରୁ ।

<sup>୧୫</sup> ଏଟାର୍ପାଇ କିରିସ୍ଟସେ ନୁଆ ନିୟମ୍ ସାଦନ୍ କଲାଆଟେ । ଜେନ୍ତାରି କି, ଜେଡ଼କି ଲକ୍ମନକେ ପରମେସର୍ ତାକିଆଟେ, ସେମନ୍ ପରମେସର୍ ସପଡ଼ କରି କଇରଇବା ନ ସାର୍ବା ଆସିର୍ବାଦ୍ ପାଇବାଇ । କିରିସ୍ଟ ମଲାର୍ପାଇ ଆଗର୍ ରାଜିନାମାତେଇ କରଇରଇବା ସବୁ ପାପେଅନି ସେମନ୍ ମୁକ୍ଲଲାଇ ।

<sup>୧୬</sup> ଗଟେକ୍ ଲକ୍ ଜଦି ତାର୍ ଦନ୍ ସପତି ବାଗ୍ ବାଟା କର୍ବା ବିସଇର୍ ଚିଟି କରଇରଇସି । ସେଟା ଜାନାଇବାକେ ସେ ଲକ୍ ନାଉଁଦାରି ରାଜିନାମା ପାଆଟା ପତର୍ ରଇବାର୍ ଆଟେ । ସେ ମରିଗାଲାପଟେ ତାର୍ଟା ଜାନାପଡ଼ବାର୍ ଆଟେ ।<sup>୧୭</sup> କାଇକେ ବଇଲେ ବାଗ୍ବାଟା ଲେକିରଇଲା ଲକ୍ ବଟି ରଇଲା ଜାକ, ବାଗ୍ବାଟାର୍ କାଗଜ୍ ପତରର୍ କିଟି ମୁଲିଅ ନାଇ । ସେଟା ତାର୍ ମରିଗାଲା ପଟେ ସେ କାମ୍ ଦେଇସି ।<sup>୧୮</sup> ସେନ୍ତାରିସେ, ପରତୁମ୍ ରାଜିନାମା ମିସା ବନି ଜରାଇଲାକେସେ ସେଟାର୍ ମୁଲିଅ ରଇଲା ।<sup>୧୯</sup> ମସା ପରତୁମ୍ ନିୟମର୍ ଆଦେସ୍ ଲକ୍ମନର୍ ଲଗେ କଇଲା । ତାର୍ପଟେ ସେ ବଲଦ୍ ଆରି ଚେଲିମନର୍ ବନି ନେଇ ପାନି ସଙ୍ଗ୍ ମିସାଇଲା । ତାର୍ପଟେ ଅଲପ୍ ମେଣ୍ଟାର୍ ବାଲେ ଏସୁର୍ ନାଉଁର୍ ଗଟର୍ କେଦିତେଇ ଗୁଡ଼ାଇଲା । ପଟେ ସେଟା ବନିଟାନେ ରୁଡ଼ାଇ ନିୟମର୍ ବଇତେଇ ଆରି ଲକ୍ମନର୍ ଉପ୍ରେ ଚିଟ୍ଲା ।<sup>୨୦</sup> ସେ କଇଲା, ଜନ୍ ନିୟମ୍ ମାନ୍ବାକେ ପରମେସର୍ ତମ୍କେ ଆଦେସ୍ ଦେଲାଆଟେ, ଏ ବନି ସେ

ନିୟମକେ ଚିନ୍ ମାରିଆଚେ । ୨୧ ତାରପତେ ମସା ସେ ବନିନେଇ ତମ୍ପୁ, ମନ୍ଦିର ଆରି ପରମେସରକେ ପାରତନା କରବାବେଲେ କାମେ ଆଇବା ସବୁ ଜିନିଷ ପତର ଉପରେ ଚିତ୍ଲା । ୨୨ କାଇକେବଇଲେ ମସାରୁ ନିୟମ ଇସାବେ ସବୁ ବିସଇ ସୁକଲ୍ କରବାକେ, ବନି ଦରକାର । ବନି ନ ଜରାଇଲେ ପାପ୍ କେମା ନ ଅଏ ।

**କିରିସ୍ତ ବଲିଦାନ୍ ଅଇଲାଟା ପାପ୍ ଦୁର୍ କରସି**

୨୩ ତେବରପାଇ ଏ ସବୁ ବିସଇ ଜନ୍ମଟା ସର୍ଗେ ରଇବା ବିସଇ ଚୁଟାଇସେ ଆଚେ । ଏଟା ସବୁ ପସୁମନର୍ ବନିସଇ ସୁକଲ୍ କରାଇବାକେ ଦରକାର ରଇଲା । ମାତର୍ ସରଗର୍ ବିସଇମନକେ ସୁକଲ୍ କରବାକେ ସର୍ପି ଅଇବାଟା ଅଦିକ୍ ନିକ ଅଇରଇବାର ରଇଲା । ୨୪ କାଇକେବଇଲେ ଲକ୍ମନର୍ ଆତେ ତିଆର୍ ଅଇଲା ସୁକଲ୍ ଜାଗାଇ କିରିସ୍ତ ଜାଏନାଇ । ସେଟା ସତ୍ ଜାଗାର୍ ଚାୟାସେ ରଇଲା । ମାତର୍ ସେ ସତ୍ରେ ସର୍ଗେ ଗାଲା । ଆରି ସେ ଏବେ ତେଇ ଆଚେ । ପରମେସରର୍ ମୁଆଟେ ଆମର୍ ପାଇ ଗୁଆରି କଲାନ୍ତି । ୨୫ ଜିଉଦିମନର୍ ବଡ଼ ପୁଜାରି ଜେନ୍ତିକି ବରସକେ ତରେକ୍ ପସୁର୍ ବନି ନେଇ ବଡ଼ ସୁକଲ୍ ଜାଗାଇ ଜାଇସି, ସେନ୍ତାରି କିରିସ୍ତ ନିଜକେ ତରକେ ତର୍ ସର୍ପିଅଇକରି ତେଇ ଜାଏନାଇ । ୨୬ କାଇକେବଇଲେ, ସେ ଜଦି ସେନ୍ତାରି କରତା ଏ ଜଗତ୍ ତିଆର୍ ଅଇଲା ଦିନେଅନି ସେ ବେସି ତର୍ ଦୁକ୍ପାଇବାକେ ଅଇତା । ମାତର୍ ସେ ଏ ସାରାସାରି ଦିନ୍ ମନକେ ତରେକ୍ସେ ଏ ଜଗତେ ଆଇଲା ଆରି ନିଜକେ ସର୍ପିଦେଇକରି ସବୁ ପାପ୍ ଦାରିଗାଲା । ୨୭ ଆମେ ସବୁ ଲକ୍ ତରେକ୍ ମର୍ବୁ ଆରି ତାରପତେ ପରମେସରର୍ ମୁଆଟେ ବିଚାର୍ ଦିନେ ଚିଆଅଇବୁ । ୨୮ ସେନ୍ତାରିସେ କିରିସ୍ତ ମିସା ସବୁ ଲକ୍ ପାପ୍ ନିଜେ ନେବାକେ ବଲି ଇସାବେ ତରେକ୍ ସେ ସର୍ପାଇ ଅଇଲା । ସେ ଆରି ତରେକ୍ ଆଇଲାବେଲେ, ଆମର୍ ପାପ୍ପପାଇ ସେ ନ ଆସେ । ମାତର୍ ତାକେ ଜାଗି ରଇଲା ଲକ୍ମନକେ ଉଦାର୍ କରବାକେ ଆଇସି ।

**୧୦**

୧ ମସାରୁ ନିୟମ୍ ଅବକା ଗଟେକ୍ ବାନା ପାରା ରଇଲା । ଜନ୍ ନିକ ଆସିର୍ବାଦ୍ କିରିସ୍ତ ଆମକେ ଦେଇସି, ସେ ଆସିର୍ବାଦର୍ ଗୁନ୍ତଲନ୍ ତେଇ ତିସ୍ତେରଇଲା । ମାତର୍ ସେଟା ଆସିର୍ବାଦର୍ ସମାନ୍ ନଏ । ତେବରପାଇ ନିୟମ୍ ମାଙ୍ଗ୍ଲା ଇସାବେ, ସେମନ୍ ସବୁ ବରସେ ବଲି ସର୍ପାଇ ଅଇତେରଇଲା । ମାତର୍ ସେ ସବୁ ବଲି ସରପାଟା ପରମେସରଟାନେ ଆଇବା ଲକ୍ମନକେ ସିଦ୍ କରିନାପାରୁଲା । ୨ ସେନ୍ତାରି ଜନ୍ ଲକ୍ମନ ପରମେସରକେ ଉପାସନା କରତେରଇଲା, ଜଦି ସେମନ୍ ତାକର୍ ପାପେ ଅନି ସୁକଲ୍ ଅଇତାଇ, ତେବେ ସେମନକେ ତାକର୍ ପାପ୍ ଦସି ନ କରାଇତା । ଆରି ସବୁ ବଲିଦେବାଟା ସାରିଜାଇତା । ୩ ମାତର୍ ସବୁ ବରସେ ସେ ସମାନ୍ ବେଲାଇ ବଲି ସର୍ପିଦେବାଟା କରବାକେ ପଡ଼ୁଲା । ସେମନର୍ ପାପ୍ ରଇଗାଲା ଆତେ ବଲି ସେମନ୍ ତେଇଅନି ଜାନ୍ଲା । ୪ କାଇକେବଇଲେ ବଲ୍ଦମନର୍ ଆରି ଚେଲିମନର୍ ବନି କେବେ ମିସା ଆମର୍ ପାପ୍ ଦାରି ନ ନେଏ ।

୫ ଆମେ ଜାନିଆଚୁ ଜେ, କିରିସ୍ତ ଏ ଜଗତେ ରଇଲାବେଲେ ସେ ତାର୍ ବାବା ପରମେସରକେ କଇ ରଇଲା,

ବଲି ଆରି ସର୍ପିଦେବାଟା ତୁଇ ମନ୍ କରୁସ୍ ନାଇ ।

ସେଟାର୍ପାଇ ତୁଇ ମର୍ପାଇ ଗଟେକ୍ ଗାଗଡ଼ ତିଆର୍ କଲୁସ୍ ।

୬ ବେଦିଟାନେ ପଡ଼ାଇବା ପସୁମନକେ

ତୁଇ ମନ୍ କରୁସ୍ ନାଇ ।

କି ପାପ୍ ଦଇନେବା ବଲି ମିସା ନାଇ ।

୭ ତାରପତେ ମୁଇ କଇଲି, ଏ ପରମେସର୍,

ମର୍ ବିସଇ ନିୟମ୍ ବଇଟାନେ

ଜେନ୍ତି ଲେକାଅଇଆଚେ,

ସେ ଇସାବେ ତୁଇ ମନ୍ କଲାଟା

ପୁରାପୁରୁନ୍ କରବାକେ ରାଜିଆଚି ।

୮ ସେ ପର୍ତୁମ୍ କଇଲା, ତମେ ସର୍ପି ଦେବାଟା, କି ବେଦିଟାନେ ପଡ଼ାଇବାଟା, କି ପାପ୍ ଦାରିନେବା ପସୁମନର୍ ବନି ମନ୍ କରୁସ୍ ନାଇ । ଏ ସବୁ ବଲି ନିୟମ୍ ଇସାବେ ସର୍ପାଇ ଅଇରଇଲେ ମିସା, ସେ ଏନ୍ତାରି କଇଲା । ୯ ତାର୍ ପତେ ସେ ଆରିତରେକ୍ କଇଲା, ତୁଇ ଜାଇଟା ମନ୍ କଲୁସ୍ନି ସେଟା ସିଦ୍ କରବାକେ ଏ ପରମେସର୍, ମୁଇ ଇତି ଆଚି । ସେନ୍ତାରି ଆଗର୍ପାରା ବଲିଦେବାଟା ପରମେସର୍ ମନାକରି, ତାର୍ ବାଦୁଲେ କିରିସ୍ତର୍ ବଲି ଟିକ୍ କଲା । ୧୦ କିରିସ୍ତ ପରମେସରର୍ ମନ୍ କରବାଟା ସାଦନ୍ କଲା । ସେ ତାର୍ ଗାଗଡ଼ ସର୍ପିଦେଇକରି ଏକାତର୍ ସବୁବେଲର୍ପାଇ ଆମର୍ ପାପ୍ ଦଇଦେଲା ।

୧୧ ସବୁ ଜିଉଦି ପୁଜାରିମନ୍ ସେ ସମାନ୍ ବଲି ସର୍ପିଦେଇକରି ଦିନକେଦିନ୍ ଚିଆ ଅଇତେରଇଲା । ମାତର୍ ଏ ବଲି ଲକ୍ମନର୍ ପାପ୍ ନେଇ ନାପାରୁଲା । ୧୨ ମାତର୍ କିରିସ୍ତ ତରେକ୍ ସେ ନିଜକେ



ବଲିଅଇଲା, ସେଟା ଆମର ପାପକେ ଦାରିଗାଲା ଆରି ସେ ସରପାଇ ଅଇଲାଟା ସବୁଦିନର ପାଇ ନିକ । ସେ କରିରଇବା କାମ୍ ସାରାଇଲା ଇସାବେ ଗଟେକ୍ ତିନ୍ ପାରା, ପରମେସରର୍ ଉଜାବାଟେ ବସଲା । ୧୩ ସେ ଏବେ ମିସା ତେଇସେ ଜାଗିଆଟେ । ଜନ୍ ବେଲାଇ ପରମେସର ତାର ସବୁ ସତ୍ତ୍ୱମନକେ ତାର ପାଦେ ଆନ୍ସି । ୧୪ ଗଟେକ୍ ବଲିର୍ଲାଗି ଆମେ ଜେଡକିଲକ୍ ପାପେଅନି ଦଇଅଇ ଆରୁ, ସେ ଆମକେ ସବୁଦିନର ପାଇ ସିଦ୍ କରି ଆଟେ ।

୧୫ ସୁକଲ୍ ଆଡ଼ମା ମିସା ଆମକେ ତାର ସାକି ଦେଇ କଇଲାନ୍ତି,

୧୬ “ମାପରୁ କଇଲାନ୍ତି, ଆଇବା ଦିନ୍ମନକେ,

ମୁଇ ଏ ନୁଆଁ ରାଜିନାମା,

ସେ ଲକ୍ମନପାଇ କର୍ବି ।

ମୁଇ ମର୍ ନିୟମ୍ ସେମନର୍ ମନେ ସଙ୍ଗଇବି ଆରି

ଚିନ୍ତା କରବାଟାନେ ଲେକ୍ବି ।”

୧୭ ସେ ଆରି ତରେକ୍ କଇଲା, ତାକର୍ ପାପ୍ ଆରି କାରାପ୍ ଗୁନ୍ ଚଲନ୍ ମୁଇ ପାସରି ଜିବି । ୧୮ ସେନ୍ତାରି ଏ ସବୁ ବିସଇ କେମା ଅଇଲାଟା ପାଇ, ତାକର୍ ପାପ୍ ଦାରି ନେବାକେ ବଲି ଆରି ଦେବାକେ ନ ପଡେ ।

**ପରମେସରର୍ ଲଗେ ଆଇବାଟା**

୧୯ ଏ ମର୍ ବାଇବଇନିମନ୍, ଜିସୁର୍ ମରନର୍ ଲାଗି ଆମେ ଅଦିକ୍ ସୁକଲ୍ ଜାଗାଇ ପୁରବାକେ ଆମକେ ଅଦିକାର୍ ଆଟେ । ୨୦ କାଇକେବଇଲେ, ତାର୍ ଗାଗଡ୍ ସର୍ପି ଅଇଲାକେ ପାର୍ଦାବାଟେ ଆମକେ ନୁଆ ଆରି ଜିବନ୍ ରଇବା ବାଟ୍ ଉଗାଡିଦେଲା ଆଟେ । ୨୧ ଆରି ସେଡକିସେ ନଏଁ, ଆମକେ ଏବେ ଗଟେକ୍ ବଡ୍ ପୁଜାରିଆଟେ । ଜେ କି ପରମେସର ଗରର୍ ଅଦିକାରେ ରଇବା ଲକ୍ । ୨୨ ସେଟାପାଇ ତେବେ ଆସା, ଆମେ ସତଇସେ ମନକରି ଆରି ଡାକ୍ସଙ୍ଗ୍ ବିସବାସ୍ କରି ପରମେସରର୍ ଲଗେ ଜୁ । ଆମର୍ ବିବେକ୍ ଆମକେ ଦସ୍ ନ ଦେଲାପାରା କିରିସଟର୍ ବନିସଙ୍ଗ୍ ଚିତିଅଇକରି ଦଇଅଇ ରଇବାର୍ ଆଟେ । ଆରି ଆମର୍ ଗାଗଡ୍ ସୁକଲ୍ ପାନିସଙ୍ଗ୍ ଦଇଅଇଲାପାରା ରଇବାର୍ ଆଟେ । ୨୩ ଆମର୍ ଜନ୍ ଆସା ଉଁ, ବଲି ମାନିଆଇଲୁନି, ତାକେ ଡାକ୍ କରୁ । ଆମେ ଅଇସି କି ନଏଁ ଆଲେ, ବଲି ନ ବାବୁ । କାଇକେବଇଲେ ପରମେସର ଜନ୍ ସପଡ୍ କଲାଆଟେ, ସେଟା ସେ କର୍ସି ଆକା । ୨୪ ଆସା, ଆମେ ବିନ୍ ଲକ୍ମନକେ ମନ୍ଦେଇ ସେମନକେ ସାଇଜ କରୁ । ଗଟେକ୍ ଲକ୍ ଆରିଗଟେକ୍ ଲକ୍କେ ଆଲାଦ୍ କରି ନିକ କାମ୍ କରୁ । ୨୫ ଜେଡକି ଆରି କେଡେଲକ୍ କଲାଇନି, ଆମେ ମିସିବିଡି ରଇବା ବିସବାସି ବାଇବଇନି ମନର୍ ସଙ୍ଗ୍ ରୁଣ୍ଡବାକେ ଏଲା ନ କରୁ । ତାର୍ ବାଦୁଲେ ଆମର୍ ସଙ୍ଗାରିମନର୍ ବିସବାସ୍ ଡାକ୍ କରାଉ । ଆମର୍ ମାପରୁ ଜିସୁ ଆରିତରେକ୍ ଆଇବା ଦିନ୍ ଲଗେ କେଟି ଆଇଲାନ୍ତି ।

୨୬ କିରିସଟର୍ ବିସଇତେଇ ରଇବା ସଡ୍, ଆମେ ଜାନିକରି ପାପକରି ଲାଗିରଇଲେ, ଆମର୍ ପାପ୍ ଦାରିନେବାକେ ଆରି କାଇ ବଲି ନାଇ । ୨୭ ସେନ୍ତାରିଆଲେ ପରମେସରର୍ ଜନ୍ ବଡ୍ବିଚାର୍ ଦିନ୍ ଆଇଲାନ୍ତି, ତେଇ ତାର୍ ବେସି ଡର୍ ଲାଗିବା ବିଚାରନାପାଇ ଜାଗବାକେ ପଡ୍ସି । ପରମେସରର୍ ସବୁ ବିରଦିମନକେ କୁରୁପ୍ନାସ୍ କର୍ବା ସେ ବେସି ଲାଗ୍ତେରଇବା ଜଇର୍ ପାଇ ମିସା ଜାଗବାକେ ପଡ୍ସି । ୨୮ ମସାର୍ ନିୟମ୍ ନ ମାନବା ଗଟେକ୍ ଲକ୍କେ କାଇଟା ଅଇତେରଇଲା ବଲି ବାବିଦେକା । ଦୁଇ କି ତିନ୍ ଲକ୍ ତାର୍ ପାପର୍ ଲାଗି ସାକିଦେଲେ, ସେ କାଇମିସା ଦୟା ନ ପାଇକରି ମର୍ବାକେ ଆଦେସ୍ ଦେଇତେରଇଲାଇ ।

୨୯ ମସାର୍ ନିୟମ୍ ନ ମାନବା ଗଟେକ୍ ଲକ୍ ଦସା ସେନ୍ତାରି ରଇଲେ, ପରମେସରର୍ ପଅକେ ଇନ୍ କର୍ବା ଗଟେକ୍ ଲକ୍ ଦସା କେଡେକ୍ ଅଦିକ୍ ନ ରଏ । ଜଦି ତାର୍ ରାଜିନାମା ବନିକେ କାଇ ମୁଲିଅ ନାଇ ବଲି ଏଲାକରିଦେଲେ, ଏ ବନିର୍ ଲାଗି ସେ ପାପେଅନି ସେ ସୁକଲ୍ ଅଇରଇଲା । ସେନ୍ତାରି କର୍ବା ଲକ୍ ପରମେସରର୍ ଆଡ଼ମା ଜେ କି ଜିବନ୍ ଦୁକାଇ ଦୟା ଦେକାଇସି, ତାକେ ମିସା ମନ୍ଦୁକ୍ କରାଇଲାନ୍ତି । ତାର୍ ଡଣ୍ଡ୍ କେଡେକ୍ ଅଦିକ୍ ନ ଅଏ । ୩୦ କାଇକେବଇଲେ ଆମେ ଜାନିଆରୁ, ପରମେସର କଇଲା, “ବେର୍ ସୁଜାଇବାକେ ମର୍ ଅଦିକାର୍ ଆଟେ । ମୁଇସେ ବାଉଡାଇବି ।” ସେ ଏନ୍ତାରି ମିସା କଇରଇଲା, “ମୁଇସେ ମାପରୁ ଆରି ମର୍ ଲକ୍ମନକେ ମୁଇ ଆକା ବିଚାର୍ କର୍ବି ।” ୩୧ ଜିବନ୍ ରଇବା ଆରି ସବୁଟାଗାନେଅନି ବପୁ ରଇବା ପରମେସର ଡଣ୍ଡ୍ ପାଇବାକେ କେଡେକ୍ ଡର୍ ଲାଗ୍ସି ।

୩୨ ଗାଲା ଦିନ୍ମନକେ ତମେ କେନ୍ତାରି ରଇଲାସ୍, ତମେ ଏତାଇଦେକା । ପରମେସରର୍ ସଡ୍ ବିସଇର୍ ପାଇ ତମର୍ ମନ୍ ଉଗାଡି ଅଇଲାକେ, ତମକେ ବେସି ଦୁକ୍ କସ୍ଟ ଅଇଲେମିସା, ସେଟା ସବୁ ମୁର୍ଚି କରି ରଇଲାସ୍ । ଆରିତେଇ ଆରିଜାଆସ୍ ନାଇ । ୩୩ କେଡେ କେଡେ ଡର୍ ତମକେ ସବୁର୍ ମୁଆଟେ ଇଜଡ୍ ଜିକ୍ଲାଇ ଆରି କାରାପ୍ ଇସାବେ ଦେକ୍ଲାଇ । କେବେ କେବେ ଜନ୍ ଲକ୍ମନକେ ଦୁକ୍ ଆଇସି, ତାକର୍ ସମାନ୍ ଅଇତେରଇଲାସ୍ । ୩୪ ଆରି ବନ୍ଦି ଗରେ ରଇବା ତମର୍ ସଙ୍ଗାରିମନକେ ଦୟା ଦେକାଇଲାସ୍ । ତମର୍ଟାନେ ଜେଡକି ରଇଲାଟା ସେମନ୍ ମାର୍ଦାର୍ କରି ନେଲାବେଲେ, ତମେ ସାର୍ଦାସଙ୍ଗ୍ ମୁର୍ଚି

ରଇଲାସ୍ । କାଇକେବଇଲେ, ତମ୍ଭେ ତାର୍ତ୍ତେଇଅନି ନିକଟା ଆରି ନ ସାର୍ବା ଦିନ୍ ଜାକ ରଇବା ଦନ୍ୟପତି ଆଚେ ବଲି ଜାନିରଇଲାସ୍ । ୩୫ ସେଟାର୍ପାଇ ତମ୍ଭେ ସାଆସ୍ ଚାଡାନାଇ । ମାତର୍ ସେଟା କର୍ତ୍ତେରୁଆ । କାଇକେ ବଇଲେ ତମ୍ଭେ ଇନାମ୍ ବଡ଼ ରଇସି । ୩୬ ପର୍ମେସରର୍ ମନ୍ କଲାଟା ସାଦନ୍ କର୍ବାକେ ତମ୍ଭେ ମୁର୍ଚିକରି ରଇବାର୍ ଆଚେ ଆରି ସେ କାତା ଦେଇରଇବାଟା ତମ୍ଭେ ମିଲାଇସା ।

୩୭ ଜେନ୍ତାରିକି ସାସ୍ତରେ ଲେକା ଅଇଲାଆଚେ,  
ଚନେକ୍ ଜାଗିରୁଆ,

ଜେ ଆଇବାର୍ ଆଚେ, ସେ ଆଇସି ଆକା,  
ସେ ଅଲ୍‌ସମ୍ ନ ଅଏ ।

୩୮ ମର୍ ଜେଡ଼କି ଦରମ୍ ଲକ୍ ଆଚଡ଼,  
ସେମନ୍ ବିସ୍ବାସ୍ କରି ବୁଡ଼ବାଇ

ମାତର୍ ଜେ ଜଦି ପର୍ତ୍ତକେ ବାଅଡ଼ଲେ  
ମୁଇ ତାର୍ଟାନେ ସାର୍ଦା ନ ଅଇ ।

୩୯ ମାତର୍ ଆମେ ପର୍ମେସରକେ ନ ମାନିକରି ତାର୍ ତେଇଅନି ବେଗ୍ଲି ଜିବା ଲକ୍ ନଉଁ । ମାତର୍ ଆମେ ବିସ୍ବାସ୍ କରି ରକିଆ ପାଇଲା ଲକ୍ମନର୍ ସଙ୍ଗ୍ ଆରୁ ।

### ୧୧

#### ବିସ୍ବାସ୍

୧ ତେବେ ବିସ୍ବାସ୍ ଆଲେ କାଇଟା ? ଜନ୍ ବିସଇର୍ ପାଇ ଆମେ ଆସା କଲୁନି, ସେଟା ସିଦ୍ ଅଇସି ଆକା ବଲି ଆମର୍ ମନେ ଜାନ୍‌ବାଟା ଅଇଲାନି ବିସ୍ବାସ୍ । ଆରି ଜନ୍‌ଟା ଆମେ ଦେକି ନାପାରୁ, ସତଇସେ ଆଚେ ବଲି ଜାନ୍‌ବାଟା, ମିସା ବିସ୍ବାସ୍ । ୨ ପୁରବେ ରଇବା ଆମର୍ ଆନିଦାଦିମନର୍ ବିସ୍ବାସର୍ ଲାଗି ପର୍ମେସର୍ ସେମନ୍‌କେ ମନ୍‌କଲା ।

୩ ଆମର୍ ବିସ୍ବାସର୍ଲାଗି, ଏ ଜଗଡ଼ ଆରି ତେଇ ରଇବା ସବୁଜାକ ପର୍ମେସରର୍ ଆଦେସ୍ ଇସାବେ ତିଆର୍ ଅଇଲାଆଚେ ବଲି ଆମେ ଜାନ୍‌ଲୁନି । ତେବେ ଜନ୍‌ଟା ଦେକି ଅଇଲାନି, ସେଟା ଦେକି ନ ରଇଲା ଟାନେଅନି ତିଆର୍ ଅଇଆଚେ ।

୪ ଏବଲର୍ ବିସଇ ବାବି ଦେକୁ । ତାର୍ ବିସ୍ବାସର୍ ଲାଗି ସେ ଜନ୍‌ଟା ପର୍ମେସରକେ ସର୍ପି ଦେଇରଇଲା, ତାର୍ ବାଇ କଇନ୍ ଦେଲାଟାନେଅନି ନିକରଇଲା । ତାର୍ ବିସ୍ବାସର୍ ଲାଗି ପର୍ମେସର୍ ତାକେ ଦରମ୍ ବଲି ଏଜାଇଲା । ସେ ସର୍ପିଦେଲାଟା ପର୍ମେସର୍ ମାନ୍‌ଲାକେ ଆମେ ଏଟା ଜାନ୍‌ଲୁନି । ତେବର୍ପାଇ ଏବଲ୍ ମରିଗାଲେମିସା ତାର୍ ବିସ୍ବାସର୍ ଲାଗି, ସେ ଆମ୍ଭେ କାଇକାଟା କଇଲାନି ।

୫ ଆରି ଗଟେକ୍ ଲକ୍ ରଇଲା ଇନକ୍, ତାର୍ ବିସ୍ବାସର୍ ଲାଗି ସେ ମରେନାଇ, ମାତର୍ ଜିବନ୍ ରଇତେ ତାକେ ପର୍ମେସର୍ ଦାରିଗାଲା । ତେବେ ସେମନ୍ ତାକେ କଇଲାଇ ମିସା ମିଲାଇ ନାପାର୍ଲାଇ । କାଇକେବଇଲେ ପର୍ମେସର୍ ତାକେ ନେଇରଇଲା । ସାସ୍ତରେ ଏନ୍ତାରି ଲେକା ଅଇଲାଆଚେ, ତାକେ ଦାରି ନେବା ଆଗ୍ତୁ ପର୍ମେସର୍ ତାକେ ମନ୍ କରିରଇଲା । ୬ ତେବର୍ପାଇ ଜନ୍ ଲକ୍ମନ୍ ପର୍ମେସରର୍ ଲଗେ ଆଇବାକେ ମନ୍ କଲାଇନି, ପର୍ମେସର୍ ଆଚେ ବଲି ବିସ୍ବାସ୍ କର୍ବାର୍ ଆଚେ । ଜେଡ଼କି ଲକ୍ମନ୍ ତାକେ କଇବାଇ, ସେ ସେମନର୍ ଆସା କଲାଟା ପୁରାପୁରୁନ୍ କର୍ସି ।

୭ ନଅର୍ ବିସଇ ବାବିଦେକା । ତାର୍ ବିସ୍ବାସର୍ ଲାଗି ପର୍ତ୍ତକେ ଅଇବା ବିସଇ ପର୍ମେସର୍ ତାକେ ଜାଗ୍‌ରଡ଼ କରାଇଲାକେ, ସେ କାତା, ସେ ଏଲାକରେ ନାଇ । ତାର୍ ଆଗ୍ତୁ ସେ ସେନ୍ତାରିଟା କାଇଟା ନ ଦେକିରଇଲେ ମିସା, ସେ ବିସ୍ବାସ୍ କଲା । ତାର୍ପଚେ ସେ ଆରି ତାର୍ କୁଟୁମ୍ ରକିଆ ପାଇବାକେ ଗଟେକ୍ ବଡ଼ ଡଙ୍ଗା ତିଆର୍ କଲା । ତାର୍ ବିସ୍ବାସର୍ ଲାଗି ପର୍ମେସର୍ ତାକେ ଦରମ୍ ଲକ୍ ବଲି ଏଜଲା, ମାତର୍ ବିନ୍‌ଲକ୍ମନ୍‌କେ ଦସି କଲା ।

୮ ଅବ୍ରାଆମ୍ ମିସା ତାର୍ ବିସ୍ବାସର୍ ଲାଗି ପର୍ମେସରର୍ କାତା ମାନ୍‌ଲା । ପର୍ମେସର୍ ତାର୍ପାଇ ସଙ୍ଗ୍‌ରଇବା ଗଟେକ୍ ଦେସେ ଜା ବଲି କଇଲାକେ, ସେ ଦାପ୍‌ରେ ମାନ୍‌ଲା ଆରି ବାରଇଲା । ସେ କନ୍ତି ଗାଲିନି ବଲି ନାଜାନି ରଇଲେ ମିସା ସେ ସେନ୍ତାର୍ କଲା । ୯ ତାର୍ ବିସ୍ବାସର୍ ଲାଗି ପର୍ମେସର୍ ତାକେ ଦେବି ବଲି କାତା ଦେଇରଇଲା ଦେସେ, ସେ ବିନ୍‌ଦେସର୍ ଲକ୍ ପାରା ତୁମ୍ ଟାନି ରଇଲା । ସେନ୍ତାରିସେ ତାର୍ ପଥ ଇସାକ୍ ଆରି ଜାକୁବ୍ ତାର୍ ନାତି ମିସା ପର୍ମେସର୍ କାତା ଦେଇରଇଲାଟା ମିଲାଇବାଟାନେ ମିସ୍‌ଲାଇ । ୧୦ ଅବ୍ରାଆମ୍ ସେନ୍ତାରି ଜାଗାଇ ମୁର୍ଚିକରି ରଇଲା । କାଇକେବଇଲେ ପର୍ମେସର୍ ତିଆର୍ କଲା ସବୁଦିନ୍ ରଇବା ସରଗର୍ ନଅରେ ରଇବି ବଲି ସେ ଆସାକଲା ।

୧୧ ତାର୍ ବିସ୍ବାସର୍ ଲାଗି ଅବ୍ରାଆମ୍ ବେସି ଡକ୍‌ରା ରଇଲା ମିସା ଆରି ତାର୍ ମାଇଜି ସାଆରା ବାଞ୍ଜି ରଇଲେ ମିସା, ବାବା ଅଇଲା । ପର୍ମେସର୍ କାତା ଦେଇରଇଲାଟା ସିଦ୍ କର୍ସିଆକା ବଲି

☆ ୧୧:୩ ୧୧:୩ ଜଅନ୍ ୧:୩

ସେ ଜାନିରଇଲା । ୧୭ ଅବରାଆମ୍ କୁଲୁକୁଲା ଡକରା ଅଇଲାକେ ସେ ପିଲାଜିଲା କରି ନାପାରୁଲା । ଅଇଲେମିସା ତାର ନାତିତିତିମନ୍ ବାଦଲର୍ ତାରା ପାରା ଆରି ସମ୍ପଦୁରେ ରଇବା ବାଲି ପାରା ଜବର୍ ଅଇଗାଲା ।

୧୮ ଏ ସବୁ ଲକ୍ମନ୍ ସେମନ୍ ମଲାବେଲେ ମିସା ପର୍ମେସର୍କେ ବିସ୍ବାସ୍ କର୍ତ୍ତେ ରଇଲା । ପର୍ମେସର୍ ସେମନ୍କେ କାତା ଦେଇରଇଲାଟା, ସେମନ୍ ଜିବନ୍ ରଇଲାବେଲେ ନ ମିଲାଇରଇଲେ ମିସା, ଜନ୍ମଟା ପାଇବାଇ, ସେଟା ଦୁରିକେଅନି ଦେକ୍ଲାପାରା ଦେକି ସାର୍ଦା ଅଇଲା । ଏ ଜଗତେ ସେମନ୍ ବିନ୍ ଦେସର୍ ପାରା ଆରି ନିଜର୍ ଦେସେ ନ ରଇଲା ଲକ୍ମନ୍ପାରା ମାନିଅଇକରି ରଇଲା । ୧୯ ସେମନ୍ ମାନିଅଇ ରଇଲାଟାନ୍ ଅନି ଆମେ ଜାନ୍ତୁ ଜେ, ସେମନ୍ ନିଜର୍ଟା ବଲି ଜାନାଇବା ଗଟେକ୍ ଦେସ୍ କଜ୍ତେ ରଇଲା । ୨୦ ସେମନ୍ ଚାଡ଼ିକରି ଆସିରଇବା ଦେସ୍ ବିସଇନେଇ ଚିନ୍ତା କରନ୍ତାନା । ସେନ୍ତାରି କର୍ତାଇଆଲେ, ସେମନ୍ ବାଉଡ଼ବାକେ ଅଇତା । ୨୧ ସେମନ୍ ଚାଡ଼ିଆଇଲା ନଅର୍ତେଇଅନି ଅଦିକ୍ ନିକ ଗଟେକ୍ ନଅର୍ତ୍ତ ପାଇ ତାକର୍ ଆଁକି ରଇଲା । କାଇକେବଇଲେ, ସେମନ୍ ସରଗ୍ ଦେସ୍ ପାରାଟା କଜ୍ତେରଇଲା । ସେମନ୍ ତାକେ ପର୍ମେସର୍ ବଲି ତାକ୍ଲାର୍ ପାଇ, ସେ ଲାଜ୍ ଅଏନାଇ । କାଇକେବଇଲେ ସେ ତାକର୍ପାଇ ଗଟେକ୍ ନଅର୍ ତିଆରକଲା ଆଟେ ।

୨୨ ତାର ବିସ୍ବାସର୍ ଲାଗି ଅବରାଆମ୍ ଜେତେବେଲେ ପର୍ମେସର୍ ତାକେ ପରିକା କଲା, ସେ ତାର ପଅକେ ବଲି ଇସାବେ ସର୍ପି ଦେଲା । ମାତର୍ ପର୍ମେସର୍ କାତା ଦେଇରଇଲାଟାନ୍ ଅବରାଆମ୍ ବିସ୍ବାସ୍ ଡା଼ର୍ ରଇଲା । ଆରି ସେ ତାର ଗଟେକ୍ ବଲି ପଅ ଇସାକ୍ ବଲି ଇସାବେ ଦେବାକେ ରାଜି ରଇଲା । ୨୩ ତାର ପଅ ଇସାକର୍ ଲାଗି, ତାର ନାତିତିତିମନ୍ ଜବର୍ ଅଇଜିବାଇ ବଲି ପର୍ମେସର୍ ତାକେ କାତା ଦେଇରଇଲା । ୨୪ ଜଦି ଇସାକ୍ ମରିଗାଲେ, ପର୍ମେସର୍ ତାକେ ଜିବନ୍ କରି ଉଟାଇପାରୁସି ବଲି ଅବରାଆମ୍ ବାବିରଇଲା । ଆରି ସେବେଲେ ସେନ୍ତାରିସେ ତାକେ ମଲାତେଇଅନି ଜିବନ୍ ଅଇକରି ପାଇଲା ପାରା ସେ ରଇଲା ।

୨୫ ଇସାକ୍ ତାର ବିସ୍ବାସର୍ ଲାଗି, ତାର ପଅମନ୍ ଜାକୁବ୍ ଆରି ଏସ୍ଅକେ ଆଇବା ଦିନ୍ମନର୍ ପାଇ ଆସିରବାଦ୍ ଦେଲା ।

୨୬ ଜାକୁବ୍ ତାର ବିସ୍ବାସର୍ ଲାଗି, ସେ ମର୍ବା ବେଲେ ତାର ନାତିତିତିମନ୍ ଜେ କି ଜସେପର୍ ପଅମନ୍କେ ଆସିରବାଦ୍ କଲା । ସେ ଦାରିକରି ଇଶ୍ତବା ତାଙ୍ ଉପ୍ରେ ଆଉଜି କରି ପର୍ମେସର୍କେ ଉପାସନା କଲା ।

୨୭ ଜସେପ୍ ତାର ବିସ୍ବାସର୍ ଲାଗି ସେ ମର୍ବାବେଲେ ଆଇବା ଦନ୍ମନକେ ଇସ୍ରାଏଲର୍ ଲକ୍ମନ୍ ସବୁ ମିସର୍ ଦେସ୍ ଚାଡ଼ି ଜିବାଇ ବଲି କଇରଇଲା । ଆରି ତାର ମଲା ଗାଗଡ଼ସଙ୍ କାଇଟା କର୍ବାର୍ ଆଟେ ବଲି ସେମନ୍କେ ତିଆରି ରଇଲା ।

୨୮ ମସାର ଆୟାବାବାମନ୍ ତାକର୍ ବିସ୍ବାସର୍ ଲାଗି ଏବ୍ରିଅମନ୍ ପିଲାଟକିକେ ମରାଇବାର୍ ଆଟେ ବଲି ରାଜା ଆଦେସ୍ ଦେଇରଇଲା ମିସା, ସେମନ୍ ମସା ଜନମ୍ ଅଇଲାକେ ତାକେ ତିନ୍ମାସ୍ ଲୁଟାଇକରି ସଙ୍ଗଇଲା । ସେ ଗଟେକ୍ ସୁନ୍ଦର୍ ପିଲା ବଲି ସେମନ୍ ଦେକ୍ଲା । ରାଜା ଆଦେସ୍ କଲାଟାକେ ସେମନ୍ ଡରଡ଼ ନାଇ ।

୨୯ ମସା ତାର ବିସ୍ବାସର୍ ଲାଗି, ସେ ବଡ଼ ଅଇଲାକେ ରାଜାର୍ ଜିଇର୍ ପିଲା ବଲାଅଇବାକେ ମନ୍ କରି ନ ରଇଲା । ୩୦ ଚନେକର୍ପାଇ ସାର୍ଦା ଦେବା ପାପ୍ କର୍ବାତେଇଅନି, ପର୍ମେସର୍ ଲକ୍ମନ୍ ସଙ୍ଗ୍ କସର୍ ଅଇରଇବାଟା ଅଦିକ୍ ନିକ ବଲି ସେ ବାବୁଲା । ୩୧ ମସିଅର୍ ଲାଗି ଲାଜ୍ପାଇ ମୁର୍ଚିକରି ରଇବାଟା ମିସର୍ ଦେସେଅନି ମିଲାଇରଇବା ବଡ଼ ଦନ୍ ସପ୍ତିତେଇଅନି ଅଦିକ୍ ନିକଟା ବଲି ସେ ବାବୁଲା । ଆଇବା ଦିନ୍ମନକେ ମିଲାଇବା ପୁରୁସକାର୍ଟାନ୍ ସେ ଆଁକିପାକାଇ ରଇଲା ।

୩୨ ତାର ବିସ୍ବାସର୍ ଲାଗି, ସେବେଲେ ସେ ମିସର୍ଦେସ୍ ଚାଡ଼ିଆଇଲା । କାଇକେବଇଲେ, ସେ ରାଜାର୍ ରିସା ଡରେନାଇ । ଆକିସଙ୍ ଦେକି ନାପାର୍ବା ପର୍ମେସର୍କେ ଦେକ୍ଲା ପାରା ସେ ଆରି ସେ ଦେସେ ବାଉଡେନାଇ । ୩୩ ତାର ବିସ୍ବାସର୍ ଲାଗି ସେ ନିସ୍ତାର୍ ପରବ୍ ମାନ୍ଲା ଆରି ଇସ୍ରାଏଲ୍ ଲକ୍ମନ୍ ରଇବା ଗରର୍ କାପାଟେ, ଗଟେକ୍ ମେଣ୍ଟାପିଲାର୍ ବନି ଚିର୍ବାକେ ଆଦେସ୍ ଦେଲା । ସେ ଏନ୍ତାରି କଲାକେ ପର୍ମେସର୍ ଦୁଡ଼ ଇସ୍ରାଏଲ୍ ଲକ୍ମନ୍ ପଶୁଆ ପିଲାମନ୍କେ ମରାଏ ନାଇ ।

୩୪ ଇସ୍ରାଏଲ୍ ଲକ୍ମନ୍ ତାକର୍ ବିସ୍ବାସର୍ ଲାଗି ଲଇଡ଼ ନାଉର୍ ସମ୍ପଦୁର୍ ବିଡ଼ରେ ସୁକ୍ଲା ବୁଝ୍ପାରା ଇଣ୍ଡି ଇଣ୍ଡି ଲଙ୍ଗଲା । ସେମନ୍କେ କେଦି ଆନ୍ତେରଇବା ମିସର୍ ଦେସର୍ ଲକ୍ମନ୍, ସେନ୍ତାରି ଲଙ୍ଗବାକେ ଚେସ୍ଟା କଲାଇଜେ ସେମନ୍ ସବୁଲକ୍ ବୁଡ଼ଗାଲା । କାଇକେବଇଲେ ଜନ୍ ସମ୍ପଦୁରେ ସେମନ୍ ଇଶ୍ତବା ବେଲେ ପାନି ଦୁଇବାଗ୍ ଅଇରଇଲା, ପର୍ମେସର୍ ସେ ପାନି ମିସାଇଦେଲା ।

୩୫ ଇସ୍ରାଏଲ୍ ଲକ୍ମନ୍ ତାକର୍ ବିସ୍ବାସର୍ ଲାଗି ଜିରିକର୍ ପାରୁରିତେଇ ଆସି ସାଡ଼ ଦିନ୍ ଜାକ ତେଇ ବୁଲୁଲାକେ ତାର ପାରୁରି ବସ୍ଲିଗାଲା । ୩୬ ଜେରିକର୍ ନଅରେ ରଇବା ରାଆବ୍ ନାଉର୍ ଗଟେକ୍ ବେସିଆ ମାଇଜି, ତାର ବିସ୍ବାସର୍ ଲାଗି ପର୍ମେସର୍କେ ନ ମାନିକରି ରଇବା ଲକ୍ମନ୍ ସଙ୍ଗ୍ ମରେନାଇ

। ଇସ୍ରାଏଲର କବର ନେବା ଲକ୍ଷ୍ୟ ନୁହେଁ ନଅରେ ଆଇଲାବେଲେ ରାଆବ୍ ସେମନ୍‌କେ ସାଇଜ କଲା ।

<sup>୩୨</sup> ମୁଇ ଇତି ତେବ୍‌ବି । କାଇକେବଇଲେ ମୁଇ ଆରି କଇବାଟା ଆରାମ୍ କଲେ, ଗିଦିୟନ୍, ବାରାକ୍, ସାମ୍‌ସନ୍, ଜେପ୍‌ତା, ସାମୁଏଲ୍, ଆରି ବବିସ୍‌ତ୍‌ବକ୍‌ତାମନ୍‌ର ବିସ୍‌ବାସ୍ ବିସଇ କାତା ଅଇବାକେ ବେଲା ନ କେଟେ । <sup>୩୩</sup> ତାକର୍ ବିସ୍‌ବାସର୍ ଲାଗି କେତେକ୍ ଲକ୍ ରାଇଜେ ଜୁଇଦ୍ କରି ଜିଡ଼ଲାଇ । ବିନ୍‌ଲକ୍‌ମନ୍ ଦରମ୍ ଚଲାତଲ୍‌ତିକରି ପରମେସର୍ କାତା ଦେଇରଇବାଟା ମିଲାଇଲାଇ । ସେମନ୍ ବାଦରା ସିଅଁମନ୍‌କେ ଆରାଇଲାଇ । <sup>୩୪</sup> ବିନ୍ ଲକ୍‌ମନ୍ ତାକର୍ ବିସ୍‌ବାସର୍ ଲାଗି ଜବର୍ ଜଇଲାଟିଲାଇ ମିସା ପତଡ଼ନାଇ, । କାଣ୍ଡାତେଇଅନି ରକିଆ ପାଇଲାଇ । ସେମନ୍ ଦୁର୍‌ବଲ୍ ରଇଲାଇ । ମାତର୍ ତାକର୍ ବିସ୍‌ବାସର୍ ଲାଗି ଡାଟ୍ ଅଇଲାଇ । ଜୁଇଦ୍‌କର୍‌ବାକେ ବପୁ ଅଇଲାଇ । ସତ୍‌ରୁମନ୍‌ର ସଇନମନ୍‌କେ ଆରାଇଲାଇ । <sup>୩୫</sup> କେତେଟା ମାଇଜିମନ୍ ମିସା ତାକର୍ ବିସ୍‌ବାସର୍ ଲାଗି ସେମନ୍‌ର କୁଟୁମର୍ ଲକ୍‌ମନ୍‌କେ ମଲାତେଇଅନି ଜିବନ୍ ଅଇତେ ମିଲାଇଲାଇ । ବିସ୍‌ବାସିମନ୍‌କେ ବନ୍ଦିକରି ନେଲାଇ ।

ସେମନ୍ ମର୍‌ବାଜାକ ଦୁକ୍ କସଟ ପାଇଲେ ମିସା ତାକର୍ ବିସ୍‌ବାସ୍ ଚାତଡ଼ ନାଇ । ଆଇବା ଦିନ୍‌ମନ୍‌କେ ଅଦିକ୍ ନିକ ଜିବନ୍ ପାଇରୁ ବଲି ସେନ୍ତାରି ଅଇକରି ମଲାଇ । <sup>୩୬</sup> କେତେ ଲକ୍‌କେ କିଜାଇଲାଇ, କର୍ତ୍ତା ମାରାଇଲାଇ, ବିନ୍ ଲକ୍‌ମନ୍‌କେ ବନ୍ଦିକରି ଜଇଲେ ପୁରାଇଲାଇ, <sup>୩୭</sup> ବିନ୍ ଲକ୍‌ମନ୍‌କେ ପାକ୍‌ନା ମାରାଇ ମରାଇଲାଇ, । ଦୁଇପତାକରି କାଟାଇଲାଇ, କାଣ୍ଡା ସଙ୍ଗ୍ ମାରାଇଲାଇ । କେତେକ୍ ଲକ୍ ତାକର୍ ବିସ୍‌ବାସ୍ ଚାତଡ଼ନାଇକେ ଅଦ୍‌କା ଚେଲିମେଣ୍ଡା ଚାମ୍‌ସେ ଲୁଗାପାଇ ରଇଲା । ସେମନ୍ ବେସି ଅର୍‌କିଡ଼ ରଇଲାଇ । ସେମନ୍‌କେ ସାଦ୍‌ବାନ୍ଦ୍ କରି ତାଡ଼ନା କଲାଇ । <sup>୩୮</sup> ଏ ଜଗତର୍ କାରାପ୍ ଲକ୍‌ମନ୍, ସେ ଦରମ୍ ଲକ୍‌ମନ୍‌ର ସଙ୍ଗ୍ ମିସ୍‌ବାକେ ସମାନ୍ ନ ରଇଲାଇ, ବିନ୍ ବିସ୍‌ବାସିମନ୍ ନିଜର୍ ଗର୍‌ଦୁଆର୍ ଚାଡ଼ି ଆଜିଜାଇରଇବା ଲକ୍‌ମନ୍‌ର ପାରା ମରୁବାଲି ବୁଏଁ, ଆରି କୁପ୍‌ଲିତେଇ ରଇବା ପାଆରେ, ଆରି କଲେ ରଇଲାଇ ।

<sup>୩୯</sup> ତାକର୍ ବିସ୍‌ବାସର୍ ଲାଗି ସେମନ୍ ଡାକ୍‌ପୁଟା ଅଇଲାଇ । ଏଲେମିସା ପରମେସର୍ କାତା ଦେଇରଇବାଟା ସେମନ୍ ମିଲାଅଡ଼ ନାଇ । <sup>୪୦</sup> କାଇକେବଇଲେ ପରମେସର୍ ଗଟେକ୍ ବେସି ନିକ ଜଜ୍‌ନା ଆମର୍‌ପାଇ ଟିକ୍ କଲାଆଟେ । ଆମେ ସେ ଲକ୍‌ମନ୍‌ର ସଙ୍ଗ୍ ନ ମିସ୍‌ବାଜାକ, ସେ ସେମନ୍‌କେ କାତା ଦେଇରଇଲାଟା ସିଦ୍ ନ କରେ ।

### ୧୨

#### ପରମେସର୍ ଆମର୍ ବାବା

<sup>୧</sup> ଏବେ ଆମେ ସବୁ ଆରାଜିତାଟାନ୍‌ନେ ପାଇଲାଇବା ଲକ୍‌ମନ୍‌ପାରା ଆରୁ । ଆମର୍ ଚାରିବେଟ୍‌ତି ଗଟେକ୍ ବଡ଼ ଦଲ୍‌ର ସାକିମନ୍ ଦେକ୍‌ଲାଇନି । ତେବର୍‌ପାଇ ଜନ୍‌ଟାମନ୍ ଆମ୍‌କେ ବାଦା ଦେଲାନ୍ତି, ଆରି ଜନ୍ ପାପ୍‌ମନ୍ ଆମ୍‌କେ ପର୍‌କେ ଜିକ୍‌ଲାନ୍ତି, ସେଟା ସବୁ ବେଟି ପିଙ୍ଗିଦେବାର୍ । ଜନ୍ ଆରାଜିତା ଅଇ ପାଇଲାଇବାଟା ପରମେସର୍ ଆମର୍ ମୁଆଟେ ସଙ୍ଗ୍‌ଇଆଟେ, ତେଇ ଆମେ ମୁର୍‌ଚିକରି ପାଇଲା ସାରାଇଦେଉଁ । <sup>୨</sup> ଆମର୍ ଆଁକି ଜିସୁର୍‌ଟାନ୍‌ନେ ସଙ୍ଗ୍‌ଇ । ତାକେ ଆମେ ଆରାମେ ଅନି ସାରାସାରି ଜାକ ବିସ୍‌ବାସ୍ କରିଆରୁ । ଜନ୍ ସାର୍‌ଦା ତାର୍ ମୁଆଟେ ସଙ୍ଗ୍‌ଇରଇଲା, ସେ ସାର୍‌ଦାର୍‌ଲାଗି ରଇବା ଦୁକ୍‌କସଟ ମୁର୍‌ଚି କରି ରଇଲା । ଆରି ତେଇ ମର୍‌ବା ଲାଜର୍ ବିସଇ ମନେ ଦାରେନାଇ । ପରମେସର୍ ଆଜି ଜନ୍ ଜାଗାଇ ବସ୍‌ଲାଆଟେ, ତାର୍ ଉଜାବାଟେ ସେ ମିସା ବସ୍‌ଲାଆଟେ ।

<sup>୩</sup> ବାବିଦେକା, ସେ କେତେକ୍ ଦୁକ୍ କସଟ ପାଇଆଟେ । ସେ ପାପିମନ୍‌ର ଟାନ୍‌ନେଅନି କେତେକ୍ ଉଡା ସୁନିଆଟେ । ଜେନ୍ତାରିକି ଆସା ନ କରି ଚାଡ଼ି ଦିଆସ୍ ନାଇ । <sup>୪</sup> କାଇକେବଇଲେ ପାପର୍ ବିରୁଦେ ଆଇବା ଜୁଇଦେ ବନି ଜର୍‌ବା ଏଡ଼କି ତମେ କରାସ୍ ନାଇତା । <sup>୫</sup> ପରମେସର୍‌ର ସାସ୍‌ତରେ ଲେକା ଅଇଲାଟା ତମେ ପାସ୍‌ରିଗାଲାସ୍ କି ? ସେ ତାର୍ ପିଲାଜିଲାମନ୍‌କେ ମନ୍ ସାର୍‌ଦା କରାଇ ଏନ୍ତାରି କଇରଇଲା । ସେ କଇଲା, ମର୍ ପଅ ମାପ୍‌ରୁର ସାସନ୍ କର୍‌ବାଟା ଏଲା କର୍‌ବାର ନାଇ ।

ସେ ତମ୍‌କେ ଡଣ୍ଡ ଦେବାବେଲେ ଆସା ଚାଡ଼ବାର ନାଇ ।

<sup>୬</sup> କାଇକେବଇଲେ ମାପ୍‌ରୁ ଜେଡ଼କି ଲକ୍‌କେ ଆଲାଦ୍ କର୍‌ସି, ସେଡ଼କି ଲକ୍‌କେ ସେ ସାସନ୍ କର୍‌ସି । ଆରି ଜେଡ଼କି ଲକ୍‌କେ ତାର୍ ପିଲାଜିଲା ବଲି ଏଜିଆଟେ ସେ ସବୁ ଲକ୍‌କେ ଡଣ୍ଡ ଦେଇସି ।

<sup>୭</sup> ତେବର୍‌ପାଇ ତମର୍ ଦୁକ୍‌କସଟ ସବୁ ତମର୍ ବାବାଟେଇଅନି ମିଲିରଇବା ଡଣ୍ଡ ପାରା ବଲି ବାବ୍‌ବାର୍ ଆଟେ । ପରମେସର୍ ତମ୍‌କେ ତାର୍ ପିଲା ଜିଲା ବଲି ଏଜ୍‌ଲାନ୍ତି । ଏଟା ତମର୍ ଦୁକ୍‌କସଟ ପାଇବାତେଇଅନି ଜାନାପଡ଼ସି । କାଇକେବଇଲେ, ତାର୍ ପିଲାକେ ଡଣ୍ଡ ନ ଦେଲା ବାବା କେ ଆଟେ ? 「 ତେବର୍‌ପାଇ ତାର୍ ସବୁ ପିଲାଜିଲାପାରା ପରମେସର୍ ଜଦି ତମ୍‌କେ ଡଣ୍ଡ ନ ଦେଏ, ତାର୍ ଅରଡ଼ ଅଇଲାନ୍ତି ସତଇସେ ତମେ ତାର୍ ପିଲାଜିଲା ନୁଆସ୍, ମାତର୍ ଉପ୍‌କା ପିଲାଜିଲା । <sup>୮</sup> ଆମ୍‌କେ ଜନମ୍

ଦେଲା ବାବାମନ୍ ଡଣ୍ଡ ଦେଇରଇଲା ଆରି ସେଟାପାଇ ଆମେ ସେମନ୍‌କେ ମାନିଅ କର୍ତ୍ତେରଇଲୁ । ସେନ୍ତାଆଲେ ସର୍ଗେ ରଇବା ଆମର୍ ବାବାକେ ଆମେ କେତେକ୍ ଅଦିକ୍ ନିଜ୍‌କେ ସର୍ପିଅଇ ବଞ୍ଚୁ ? ୧୦ ଆମର୍ ବାବାମନ୍ ସେମନ୍ ଟକ୍ ବଲି ବାବ୍‌ବା ଇସାବେ, ଚନେକର୍‌ପାଇ ରଇବା ଏ ଜିବନେ ଆମକେ ଡଣ୍ଡ ଦେଇରଇଲା । ମାତର୍ ଜେତେବେଲେ ପର୍ମେସର୍ ଆମକେ ଡଣ୍ଡ ଦେଇସି, ଆମର୍ ନିକପାଇ ଦେଇସି । ଜେନ୍ତାରିକି ଆମେମିସା ତାପାପା ସୁକଲ୍ ଅଇବୁ । ୧୧ ଜେତେବେଲେ ଡଣ୍ଡ ପାଇବୁ, ଆମେ ସାର୍‌ଦା ନ ଅଉଁ, ମାତର୍ ଦୁକ୍ ଅଇବୁ । ସେଟା ସଡ୍, ମାତର୍ ସେ ଡଣ୍ଡ ପାଇଲାତେଇଅନି କାଇକାଇଟା ସିକଲା ପଟେ, ସେଟା ନିକ ବଲି ବାବ୍‌ବୁ । କାଇକେବଇଲେ ସେଟା ଆମକେ ସାନ୍ତିସଙ୍ଗ୍ ରଇବା ମନ୍ ଆରି ଗଟେକ୍ ଦରମ୍ ଚଲାଚଲ୍‌ତି କର୍‌ବାକେ ସାଇଜ କର୍‌ସି ।

**ସିକିଆ ଆରି ଚେଡ୍‌ନା**

୧୨ ତେବର୍‌ପାଇ ଅଦୁଆ ଅଇରଇବା ଆଡ୍ ଉଟାଆ ଆରି ଲୁଡ୍‌ଗୁଡି ଜାଇତେରଇବା ମାଣ୍ଡିମନ୍ ଡାଁଟ୍‌କରା । ୧୩ ସଲକ୍ ବାଟେ ଇଣ୍ଡିଜା । ସେନ୍ତାକଲେ ତମର୍ ନ ଆଇବା ପାଦ୍ ନିକଅଇ ଡାଁଟ୍ ଅଇସି ।

୧୪ ସବୁ ଲକ୍‌ର୍ ସଙ୍ଗ୍ ସୁସାରେ ଆରି ସୁକଲ୍ ସଙ୍ଗ୍ ରଇବାକେ ଚେସ୍‌ଟା କରା, ଆରିକେ ସୁକଲ୍ ନ ଅଇକରି ମାପୁରୁକେ ଦେକି ନାପାରଡ୍ । ୧୫ ଗଟେକ୍ ଲକ୍ ଆରିଗଟେକ୍ ଲକ୍‌କେ ଜାଗ୍‌ରଡ୍ କରାଆ । ଜେନ୍ତାରି କି ପର୍ମେସର୍ ଜିବନ୍ ଦୁକାଇକରି ଦୟା ଦେକାଇଲାଟାନେଅନି କେ ପର୍‌କେ ନ ଜାଅଡ୍ । କାଇକେବଇଲେ ସେନ୍ତାରି ଲକ୍ ପିତା ପଲ୍ ଦାବ୍‌ବା ଗଟେକ୍ ଗର୍ ପାରା ରଇସି ଆରି ବେସି ଲକ୍‌କେ ତାର୍ ବିସ୍ ସଙ୍ଗ୍ ଅଇରାନ୍ କର୍‌ସି । ୧୬ ଜାଗ୍‌ରତା ରୁଆ, ତମର୍ ବିଡ୍‌ରେ କେ ମିସା ବେସିଆ କାମ୍ କରାନାଇ । ପର୍ମେସର୍‌କେ ବିସ୍‌ବାସ୍ ନ କରି ରଇବା ଏସ୍‌ଅ ପାରା ନ ଉଆ । ସେ ଗଟେକ୍ କାଦିର୍‌ପାଇ ପର୍ମେସର୍ ସେ ପାଇସି ବଲି କାତା ଦେଇରଇବା ବଡ୍ ପିଲାର୍ ଅଦିକାର୍ ପାଲ୍‌ଟାଇଲା । ୧୭ ଆମେ ଜାନିଆରୁ ଜେ ସେ ସେନ୍ତାରି କଲାପଟେ, କରିରଇବା କାମର୍ ପାଇ ଦୁକ୍ କଲା । କାଇକେବଇଲେ ବାବାର୍ ବଡ୍ ପଅ ଇସାବେ ତାର୍ ବାବାର୍ ଆସିରବାଦ୍ ପାଇବାକେ ବେସି ମନ୍ କଲା । ମାତର୍ ତାର୍ ସଙ୍ଗ୍ କାନ୍ଦିକରି ବାବୁଜିଆ କଲାମିସା, ସେ ମିଲାଇ ନାପାରଲା କି କରିରଇବା କାମ୍ ମିସା ବାଦ୍‌ଲେ ନାଇ ।

୧୮ ଇସ୍‌ରାଏଲ୍‌ର୍ ଲକ୍‌ମନ୍ ପର୍ମେସର୍‌ର ଲଗେ ଆଇଲାପାରା ତମେ ଆସାସ୍ ନାଇ । ସେମନ୍ ଜନ୍‌ଟା ଦେକ୍‌ଲାଇ, ସେଟା ଜାନିପାରଲାଇ । ସିନୟ୍ ପର୍‌ବତେ ରଇବା ଜଇ ଦେକ୍‌ଲାଇ । ବେସି ଆନ୍ଦାର୍ ଅଇଲାଟା ଆରି ଜବର୍ ପବନ୍ ଆଇଲାଟା ତେଇ ରଇକରି ଜାନିପାରଲାଇ । ୧୯ ମଇରି ପୁକ୍‌ବାଟା ଆରି ସବଦ୍ ଅଇବାଟା ସୁନ୍‌ଲାଇ । ସେ ସବଦ୍ ସୁନ୍‌ଲାକେ ଲକ୍‌ମନ୍ ଆରି ନ ସୁନ୍ ବଲି ବାବୁଜିଆ କଲାଇ । ୨୦ କାଇକେବଇଲେ ତେଇ ଦେଇରଇବା ଆଦେସ୍‌କେ ସେମନ୍ ବେସି ଡର୍‌ଲାଇ । “ଗଟେକ୍ ପସୁ ମିସା ସେ ପର୍‌ବତେ ପାଦ୍ ମାଣ୍ଡିଲେ ତାକେ ପାକ୍‌ନା ସଙ୍ଗ୍ ମାରି ମରାଇବାର୍ ଆଟେ ।” ବଲି ଆଦେସ୍ ରଇଲା । ୨୧ ଜନ୍‌ଟା ଦେକିଅଇଲା ଆରି ସୁନି ଅଇଲା, ସେଟା ବେସି ଡର୍ ଲାଗ୍‌ବାଟା ରଇଲା । ଜେନ୍ତାରି କି ମସା ମିସା କଇଲା, “ସତଇସେ ମୁଇମିସା ତର୍‌ତରି କରି ଡର୍‌ଲିନି ।”

୨୨ ମାତର୍ ଏବେ ଆମେ ସିଅନ୍ ପର୍‌ବତେ ଆସିଆରୁ । ସେଟା ଅଇଲାନି ସର୍ଗେ ରଇବା ଜିରୁସାଲେମ୍ । ଜିବନ୍ ରଇବା ପର୍ମେସର୍‌ର ନଅରେ ଆଇଲୁ ଆରୁ । ଜନ୍‌ଟାନେ କି ଅଜାର୍ ଅଜାର୍ ଦୁଡ୍‌ମନ୍ ଆତଡ୍ । ୨୩ ପର୍ମେସର୍‌ର ପଣ୍ଡୁଆ ପିଲାମନ୍ ସାର୍‌ଦାସଙ୍ଗ୍ ରୁଣ୍ଡିରଇବା ଜାଗାଇ ଆମେ ଆଇଲୁଆରୁ । ତାକର୍ ନାଉଁମନ୍ ସର୍ଗେ ଲେକାଅଇଲା ଆଟେ । ଆମେ ପର୍ମେସର୍‌ର ଲଗେ ଆଇଲୁ ଆରୁ । ସେ ସବୁକେ ବିତାର୍ କର୍‌ସି । ସେ ସିଦ୍ କରିରଇବା ଦରମ୍‌ଲକ୍‌ର୍ ଆଡ୍‌ମାମନ୍‌ଟାନେ ଆଇଲୁ ଆରୁ । ୨୪ ଆରି ନୁଆ ରାଜିନାମା ତିଆର୍ କରିରଇବା ଜିସୁକିରିସ୍‌ଟର୍ ଲଗେ ଆଇଲୁଆରୁ । ସେ ତାର୍ ବନି ଜରାଇରଇଲା । ସେଟା ଏବଲ୍‌ର୍ ବନିତେଇଅନି ନିକ ଆଟେ ।

୨୫ ଜନ୍‌ଟା ତମ୍‌କେ ପର୍ମେସର୍ କଇଲାନି, ନ ସୁନ୍‌ଲା ଲକ୍‌ପାପା ଉଆ ନାଇ । କାଇକେବଇଲେ ପର୍ମେସର୍‌ର କାତା ନ ମାନିଲାକେ ଆମର୍ ଆନିଦାଦିମନ୍ ସିନୟ୍ ପର୍‌ବତେ ଡଣ୍ଡ ପାଇରଇଲାଇ । ଜନ୍ ଲକ୍ ଆମକେ ସର୍ଗେଅନି କଇଲାନି, ସେ କାତା ଆମେ ନ ସୁନିକରି ଏଲାକଲେ, କେତେକ୍ ଅଦିକ୍ ଡଣ୍ଡ ପାଇବୁ ? ୨୬ କାଇକେବଇଲେ, ସିନୟ୍ ପର୍‌ବତେ ପର୍ମେସର୍ କାତା ଅଇଲାବେଲେ, ଦର୍‌ତନି ରୁଲ୍‌ବୁଲିଗାଲା । ମାତର୍ ସେ ଏବେ କାତା ଦେଇ କଇଲା ଆଟେ, “ମୁଇ ଆରିତରେକ୍ ଦର୍‌ତନିକେ ରୁଲ୍‌ବୁଲାଇବି । ଅବ୍‌କା ଦର୍‌ତନିସେ ନଏଁ, ଆକାସେ ରଇବା ସବୁଜାକକେ ମିସା କର୍‌ବି ।” ୨୭ ଜେତେବେଲେ ସେ ଆରିତରେକ୍ ବଲି କଇରଇଲା, ତାର୍ ଅରଡ୍ ଅଇଲାନି ତିଆର୍ କରିରଇବା ସବୁଜାକ ରୁଲ୍‌ବୁଲାଇ କରି ସବୁଜାକ ଦାରିଜାଇସି । ଜେନ୍ତାରି କି ନ ରୁଲ୍‌ବୁଲ୍‌ବାଟାସେ ରଇସି ।

୨୮ ସେଟାପାଇ ଆମେ ପର୍ମେସର୍‌କେ ଦନିଅବାଦ୍ ଦେଉଁ । କାଇକେବଇଲେ ସେ ଆମକେ ସାସନ୍ କଲାନ୍ତି । ଆରି ତାର୍ ରାଇଜ୍ ନ ରୁଲ୍‌ବୁଲେ । ତାକେ ସାର୍‌ଦା କରାଇବାକେ ଡରିକରି ସନ୍‌ମାନ୍ ସଙ୍ଗ୍

ଉପାସନା କରୁ । ୨୯ କାଳକେବଳେ ଆମର ପରମେସ୍ୱର ସବୁକେ ପତାଇକରି କୁରୁପ୍ତନାସ୍ କରବା ଜଇପାରା ଆଟେ ।

### ୧୩

#### ପରମେସ୍ୱରକେ ସନ୍ତୁଷ୍ଟକରୁ

୧ କିରିସ୍ତଟାନେ ମିସିବିଡି ରଇବା ବିସ୍ୱାସି ବାଇବଇନି ପାରା ଆଲାଦ୍ କରାକରି ଅଇ ରୁଆ । ୨ ନ ଚିନ୍ତା ଲକ୍ଷ୍ମୀକେ ମିସା ତମର ଗର୍ମନକେ ଡାକିନିଆ । କାଳକେବଳେ କେତେଲକ୍ ନାନାଜିକରି ସେନ୍ତାରି ଦୁର୍ଦ୍ଦମନକେ ଡାକିନେଲା । ୩ ବନ୍ଦି ଗରେ ରଇବା ଲକ୍ଷ୍ମୀକେ ତମେ ତାକର ସଙ୍ଗ ରଇଲାପାରା ଦୟା ଦେକାଆ । ଦୁକ୍ଷ୍ମକ୍ଷ୍ମ ଅଇରଇବା ଲକ୍ଷ୍ମୀକେ ନିଜେ ତାକରପାରା ଦୁକ୍ଷ୍ମକ୍ଷ୍ମ ପାଇଲୁନି ବଲି ଏତାଆ ।

୪ ବିବା ଅଇବାଟା ସବୁଲକ୍ ନିକ ବଲି ମାନଡ଼ । ସବୁ ମାଇଜିମନସ୍ ମନ୍ ଗଟେକ୍ ମାଇଜି ଆରି ଗଟେକ୍ ମନସ୍ ଅଇକରି ସତ୍ତ୍ୱକ୍ ରଇବାରୁଆଟେ । ଜନ୍ ଲକ୍ଷ୍ମୀକେ ବେସିଆ କାମ୍ କରି ରଇବାଇ, ସେମନକେ ପରମେସ୍ୱର ଡଣ୍ଡ ଦେଇସି ।

୫ ତାରୁ ଆସା ଅଇକରି ତାରପଟେ ପାଲାଆ ନାଇ । କାଳକେବଳେ ପରମେସ୍ୱର କଇଲାଆଟେ, “ମୁଇ ତମକେ କେବେ ନ ପାସରି କି ନ ଚାଡ଼ି ।” ୬ ତେବର୍ପାଇ ଆମେ ସାସ୍ ଦାରି କଇପାରୁ ପରମେସ୍ୱର ଆକା ମକେ ସାଇଜ କର୍ସି,

ମୁଇ କେବେ ନ ଡରି

ଲକ୍ଷ୍ମୀକେ ମକେ କାଇଟା କରି ନାପାରଡ଼ ।

୭ ଜନ୍ ଲକ୍ଷ୍ମୀକେ ତମକେ ମୁକ୍ତି ଅଇସାବେ ଡାକିନେଇ ପରମେସ୍ୱର ବାକିଅ ସିକାଇତେରଇଲାଇ, ସେମନର ବିସଇ ବାବିଦେକା । ସେମନ କେନ୍ତ୍ର ଜିଲଲାଇ ଆରି ମଲାଇ ? ତମେ ତାର ପାରା ବିସ୍ୱାସ୍ କରା । ୮ କାଳକେବଳେ, ଜିସୁକିରିସ୍ଟ କେବେ ନ ବାଦ୍ଲେ । ସେ ଆଜିରପାଇ, କାଲିକରପାଇ, ଆରି ସବୁଦିନର ପାଇ ସମାନ୍ ସେ ରଇସି । ୯ ତେବର୍ପାଇ ଲକ୍ଷ୍ମୀକେ ତମକେ ବିନ୍ ବିନ୍ ସିକିଆ ସୁନାଇକରି ସତ୍ତ୍ୱବାଟେଅନି ବିନେ ନେବାକେ ରାଜି ଉଆନାଇ । କାଳକେବଳେ ପରମେସ୍ୱର ଜିବନ୍ ଦୁକାଇକରି ଦୟା ଦେକାଇଲାଟା ଆମର ମନକେ ଡାଟ୍ କର୍ସି । କାଦିର ଲାଗି ରଇବା ନିୟମ୍ ମାନବାଟା ନଏଁ । ସେନ୍ତାରି ନିୟମ୍ ମାନବା ଲକ୍ଷ୍ମୀ, ତେଇ ଅନି କାଇଟା ମିସା ପାଅଡ଼ ନାଇ ।

୧୦ ଜିଉଦିମନର ବେଦିଟାନେ ସେବା କରବା ପୁଜାରିମନ୍ ତେଇ ସର୍ପି ଦେଇରଇବା କାଇଟା ମିସା କାଇବାର ନଏଁ । ୧୧ ବଡ଼ ପୁଜାରି ପସୁମନର ବନି ନେଇକରି, ପାପର ବଲି ସର୍ପିଦେବାକେ ଅଦିକ୍ ସୁକଲ୍ ଜାଗାଇ ନେଇସି । ମାତର ପଡ଼ିଜାଇରଇବା ପସୁମନର ଗାଗଡ଼ ତୁମ୍ ଗର ବାଇରେ ରଇସି । ୧୨ ସେଟାସେ ଜିସୁକେ ଅଇରଇଲା । କାଳକେବଳେ, ତାକେ ନଅର ବାଇରେ ଲକ୍ଷ୍ମୀକେ ମରାଇରଇଲା । ଆରି ତାର ବନି ଗୁଲାଇ ମୁନୁସ୍ ଜାତିର ପାପ୍ ଦଇଦେଲା । ୧୩ ତେବର୍ପାଇ ନଅର ବାଇରେ ଜୁ । ଆରି ତାକେ ଆମେ ବିସ୍ୱାସ୍ କଲାବ୍ପାଇ, ଲକ୍ଷ୍ମୀକେ ଜେଡ଼କି ନିୟା କଲାଟା ଆମେ ମୁରଚିକରି ରଉ ।

୧୪ କାଳକେ ବଇଲେ ଆମେ ସବୁଦିନ୍ ଏ ଜଗତେ ନ ରଉ । ମାତର ଆଇବା ଦିନମନକେ କେବେ ନ ସାର୍ବା ଦିନଜାକ ରଇବା ନଅରେ ରଇବୁ ବଲି ଆମେ ଜାଗିଆରୁ । ୧୫ ତେବେ ଆସା । ଜିସୁକିରିସ୍ଟକେ ଦେଇକରି ଆମେ ସବୁବେଲେ ପରମେସ୍ୱରକେ ବଲି ସର୍ପି ଦେଇତେ ରଉ । ସେଟା ଆମର ଗଣ୍ଡେଅନି ଆଇବା ଉପାସନା । ସେ ଆକା ମାପୁରୁ ବଲି ଆମେ କର୍ଡ଼ । ୧୬ ନିକ କାମ୍ କରବାକେ ପାସରା ନାଇ । ଗଟେକ୍ ଲକ୍ଷ୍ମୀ ଆରି ଗଟେକ୍ ଲକ୍ଷ୍ମୀକେ ସାଇଜ କରା । କାଳକେବଳେ, ଏନ୍ତାରି ରଇବା ଚଲାଚଲ୍ଡି ପରମେସ୍ୱରକେ ସାର୍ଦା କରାଇବା ଗଟେକ୍ ବଲି ।

୧୭ ତମର ମୁକ୍ତି ଅଇଲକ୍ଷ୍ମୀକେ କାତା ମାନିକରି ଆଦେସ୍ ଦେଲାଟା କରା । ସେମନ୍ ଜାଗୁଆଲ୍ମନର ପାରା ନ ଡାକିକରି ତମର ଆଡ଼ମାନକେ ଜତନ୍ କଲାମି । କାଳକେବଳେ ସେମନକେ ତାକର କରିରଇବା କାମ୍ ପରମେସ୍ୱର କେ ଇସାବ ଦେବାକେ ପଡ଼ସି । ତମେ ଜଦି ତାକର କାତା ମାନସା, ସେମନ୍ ସାର୍ଦା ସଙ୍ଗ ସେବା କାମ୍ କରବାଇ । ତମେ ତାକର କାତା ନ ମାନଲେ, ସେମନ୍ ଦୁକ୍ ଅଇବାଇ । ତେବେ ତମକେ କାଇ ସାଇଜ ନଏଁ ।

୧୮ ଆମର ପାଇ ପାର୍ତନା କର୍ତ୍ତେରୁଆ । ଆମର ବିବେକ୍ ଆମେ କରିରଇବା କାମ୍ ସତ୍ତ୍ୱ ବଲି ସାକିଦେଲାମି । ୧୯ ମର୍ପାଇ ମିସା ପାର୍ତନା କରା । ଜେନ୍ତାରି କି ପରମେସ୍ୱର ଦାପ୍ରେ ମକେ ତମରଲଗେ ପାଟାଇସି ।

#### ସାରାସାରିର ପାର୍ତନା

୨୦ ଆମର ମାପୁରୁ ଜିସୁକେ ପରମେସ୍ୱର ମଲାତେଇଅନି ଉଟାଇଲା । ସେ ଗଟେକ୍ ଗଉଡ଼ପାରା ଆମକେ ଜାଗିରଇସି । ଆମେ ପରମେସ୍ୱର ସଙ୍ଗ ସବୁଦିନରପାଇ ଗଟେକ୍ ଅଇବାଟାକେ ତାର ବନି

ଜରାଜଳା । <sup>୨୧</sup> ଜିସୁକିରିସ୍ତର ଲାଗି ସାକ୍ତି ଦେବା ପର୍ଯ୍ୟନ୍ତ ତମକେ ସବୁ ରକାମର୍ ସାଇଜ ଦେଅ । ଜେନ୍ତାରି କି ସେ ମନ୍ କଲାଟା ତମେ ପୁରାପୁରୁନ୍ କରସା । ଆମେ କରବା କାମ୍ ତାକେ ସାର୍ଦା ଦେଅ । ଜିସୁକିରିସ୍ତକେ ଆମେ ନ ସାର୍ଦା ଦିନ୍‌ଜାକ ଡାକ୍‌ପୁଟା ଦେଉଁ ।

### ସେସ୍ କାତା

<sup>୨୨</sup> ଏ ମର୍ ବାଇବଇନିମନ୍, ମୁଇଁ ତମକେ ବାରୁଜିଆ କଲିନି, ମୁଇଁ ତମକେ କଇଲା ଏ ସବୁ କାତା ମୁରତିକରି ସୁନା । କାଇକେବଇଲେ, ଏ ଚିଟି ବେସି ଡେଙ୍ଗ୍ ନାଇ । <sup>୨୩</sup> ଆମର୍ ବାଇ ତିମତି ବନ୍ଦିଗରେ ଅନି ମୁକ୍ତି ଆଚେବଲି ଜାନ୍‌ସା । ସେ ଜଦି ସେ ଦାପରେ ଆଇସି, ତେବେ ମର୍ସଙ୍ଗ୍ ତାକେ ଡାକିଆନ୍‌ବି ।

<sup>୨୪</sup> ତେଇ ରଇବା ତମର୍ ମୁକ୍ତି ଲକ୍‌ମନ୍‌କେ ଆରି ପର୍ଯ୍ୟନ୍ତ ସବୁ ଲକ୍‌ମନ୍‌କେ ମର୍ ଜୁଆର୍ ଜାନାଇ ଦିଆସ୍ । ଇଟାଲିତେଇ ମର୍ ସଙ୍ଗ୍ ରଇବା ଆମର୍ ବାଇବଇନିମନ୍ ମିସା ଜୁଆର୍ ଜାନାଇଲାଇନି ।

<sup>୨୫</sup> ପର୍ଯ୍ୟନ୍ତ ତମକେ ସବୁଲକ୍‌କେ ତାର୍ ଜିବନ୍ ଦୁକାଇ ଦୟା ଦେକାଅ ।

## ଜାକୁବଙ୍କ ପତ୍ର ଜାକୁବ ଲେକିରଇବା ଚିଠି ଏ ବଇର ବିସଇ ଜାନବାଟା

ଜାକୁବ୍ ବଇ ଜାକୁବ୍ ନାଉଁ ଡାକ୍ତେରଇବା ଗଟେକ୍ ଲକ୍ ଲେକିଆତେ । ଦେକ୍‌ବାକେ ଗାଲେ ଏ ଜାକୁବ୍ ଜିସୁକିରିସ୍‌ଟର୍ ବାଇ ରଇଲା । ଜେ କି ଆଦିଅ ମଣ୍ଡଲିର୍ ଗଟେକ୍ ନେତା ରଇଲା ଆରି ଜିରୁସାଲମ୍ ସବାର୍ ଗଟେକ୍ ମେମର୍ ରଇଲା ପେରିଡ୍ ୧୫:୧୩ । ପେରିଡ୍ ପାଉଲ୍ ମିସା ଜାକୁବ୍‌କେ ମଣ୍ଡଲିର୍ ମୁଲ୍ ଡେଲି ବଲି ଡାକ୍ତେରଇଲା ଗାଲାତିୟ ୨:୯ ।

ଜାକୁବ୍ ବଇ ଜିସୁକିରିସ୍‌ଟ ଜନମ୍ ଅଇକରି ୫୦ ବରସ୍ ପଟେ ଲେକାଅଇଆତେ ବଲି ପଣ୍ଡିତମନ୍ ବିସ୍‌ବାସ୍ କର୍‌ବାଇ । ଜାକୁବ୍ ଜିରୁସାଲମ୍ ମଣ୍ଡଲିର୍ ନେତା ରଇଲା । ତେବର୍‌ପାଇ ସେ ତେଇ ବାସାଅଇକରି ରଇଲାବେଲେ ସେ ଏ ବଇ ଲେକିରଇଲା । ଜାକୁବ୍ ବିନ୍ ବିନ୍ ଦେସେ ଚିନ୍‌ବିନ୍ ଅଇଜାଇରଇବା ବାର୍‌ଟା କୁଟୁମ୍‌କେ ତାର୍ ବଇଟାନେ ନିଜେ ଜାନାଇଅଇଆତେ ୧:୧ ।

ଜାକୁବର୍ ଏ ବଇ ସବୁ ବିସ୍‌ବାସିମନ୍ ନିଜେ ବାଇବାର୍ ବିସଇ ଆତେ । ମାତର୍ ଜାକୁବ୍ ବାର୍‌ଟା କୁଟୁମ୍ ବିସଇ ନେଇକରି ସିଦା ସିଦା ଜିଉଦି ବିସ୍‌ବାସିମନ୍‌କେ ଲେକିଲାଆତେ । କାଇକେବଇଲେ ଏ ବଇ ଚିନ୍‌ବିନ୍ ଅଇଜାଇରଇବା ପଡ୍‌ବା ଲକ୍‌ମନ୍‌କେ କେଟାଇବା ବିସଇରେ ଜାନାଇଲାଇନି ।

ଜାକୁବ୍ ବିସ୍‌ବାସ୍ ଆରି କରମର୍ ନିକ ମିସିରଇବା ବିସଇ ଜାନାଇଲାନି ଜେ, ସଡ୍ ବିସ୍‌ବାସ୍ କର୍‌ବା କରମ୍‌ତେଇ ଜାନାପଡ୍‌ସି ୩:୧-୧୨ ।

ଦେକିଟାଇଁ କରି କାତା କଇବାକେ ମିସା ଜାଗ୍‌ରଡ୍ କରାଇଲାନି ।

### ଏ ବଇ ବିଡ୍‌ରେ ରଇବାଟା

- ୧. ଜାକୁବ୍ ତାର୍ ଚିଠି ପଡ୍‌ବା ଲକ୍‌ମନ୍‌କେ ଜୁଆର୍ ଜାନାଇଆତେ । ୧:୧
- ୨. ସେ ବିସ୍‌ବାସିମନ୍‌କେ ଦୁକ୍ ଅଇଲାବେଲେ ତାଟ୍‌ସଙ୍ଗେ ରଇବାକେ ସାଆସ୍ ଦେଇଆତେ । ୧:୨-୨୨
- ୩. କରମ୍ କରି କେନ୍ତାରି ବିସ୍‌ବାସ୍ ଦେକାଇ ଅଇସି, ସେ ବିସଇରେ କଇଆତେ । ୨:୧-୨୬
- ୪. ବାକିଅ କେନ୍ତାରି ଅଦିକ୍ ବପୁ ଅଇସି, ସେଟା ସେ ଜାନାଇଆତେ । ୩:୧-୧୨
- ୫. ଜାକୁବ୍ ପର୍‌ମେସରର୍ ଗିଆନ୍ ଜଗତର୍ ଗିଆନ୍ ଟାନେ ଅନି ବିନ୍ ଆତେ ବଲି ଚିକି ନିକି ଜାନାଇଆତେ । ୩:୧୩-୪:୧୦
- ୬. ପଟେ ସେ ପଡ୍‌ବା ଲକ୍‌ମନ୍‌କେ ବଡ୍‌ପନ୍ ନ ଅଇବାକେ ଜାଗ୍‌ରଡ୍ କରାଇଲାନି । ୪:୧୧-୫:୬
- ୭. ସାରାସାରି ଜାକୁବ୍, କେତେଟା ସାନ୍ ସାନ୍ ମାନ୍‌ବା ଆଦେସ୍ ଦେଇକରି ତାର୍ ଲେକା ସାରାଇଆତେ । ୫:୭-୨୦

୧\* ମୁଇ ଜାକୁବ ମାପୁର୍ ଜିସୁକିରିସ୍‌ଟ ଆରି ବାବା ପର୍‌ମେସରର୍ ଗଟେକ୍ ଗତିଦାଙ୍ଗଡା ।  
ଗୁଲାଇ ଜଗତେ ଚିନ୍‌ଚତର୍ ଅଇଜାଇରଇବା ପର୍‌ମେସରର୍ ବାର୍‌ଟା କୁଟୁମର୍ ଲକ୍‌ମନ୍‌କେ ମୁଇ ଜୁଆର୍ ଜାନାଇକରି ଏ ଚିଠି ଲେକିଲିନି ।

**ବିସ୍‌ବାସ୍ ଆରି ଗିଆନ୍**  
 ୨ ଏ ମର୍ ବାଇବଇନିମନ୍ ଜିବନ୍ ବିତାଇଲାବେଲେ ତମର୍ ବିସ୍‌ବାସ୍ ଡାଁଟ୍ ଆତେ କି ନାଇ ବଲି, ଜେଡ୍‌କି ଦୁକ୍ କସ୍‌ଟର୍ ପରିକା ଆଇଲେ, ଏଟା ଗଟେକ୍ ନିକ କରମର୍ ବିସଇ ବଲି ଏତାଆ । ୩ କାଇକେବଇଲେ, ଏନ୍ତାରି ଦୁକ୍ କସ୍‌ଟ ଆଇଲେ ତମର୍ ବିସ୍‌ବାସ୍ ପରିକାକରି ଡାଁଟ୍ ଆତେବଲି ଦେକାଇସି । ଆରି ମୁରର୍‌ବାଟା ଅଦିକ୍ ଅଦିକ୍ ଅଇସି ବଲି ତମେ ଜାନିଆଟାସ୍ । ୪ ତମେ ସାରାସାରିଜାକ ମୁରଟିକରି ରଇଲେ, କାଇ ବିସଇଟାନେ ମିସା ଉନା ନ ଅଇକରି ପୁରାପୁରୁନ୍ ସିଦ୍ ଅଇସା । ୫ ମାତର୍ ତମର୍ ବିଡ୍‌ରେ ଜଦି କାକେ ଗିଆନ୍ ଉନା ରଇ, ଗିଆନ୍ ପାଇବାର୍‌ଆଲେ ପର୍‌ମେସର୍‌କେ ମାଙ୍ଗା । ସେ ତାର୍ ଆଡ୍ ମେଲାକରି, ଦସ୍ ନ ଦାରି ସବୁକେ ଦାନ୍ କର୍‌ସି । ୬ ମାତର୍ ସେ ଅଇସି କି ନ ଅଏ ବଲିକରି ନ ବାବି, ବିସ୍‌ବାସର୍ ସଙ୍ଗ୍ ପାର୍‌ତନା କର୍‌ବାର୍‌ଆତେ । କାଇକେ ବଇଲେ ଜେ ଅଇସି କି ନ ଅଏ ବଲିକରି ବାବ୍‌ସି, ସେ ପବନ୍‌ସଙ୍ଗ୍ ଇଣ୍ଡିତେ ରଇବା ସମ୍‌ଦୁରର୍ ଉଲ୍‌କା ପାନି ପାରା ଗଟେକ୍ ଲକ୍ । ୭ ସେ ରକାମ୍ ଲକ୍ ମାପୁର୍ ଟାନେଅନି କାଇଟା ଆଲେ ପାଇବି ବଲିକରି ଆସା ନ କର । ୮ ସେ ତା, ଦୁଇମନିଆ ଲକ୍, ସେ କର୍‌ବା ସବୁ କାମ୍‌ଟାନେ ତବିର୍ ନ ରଏ ।

### ସାଉକାର୍ ଆରି ଅର୍‌କିଡ୍

\* ୧:୧ ୧:୧ ମାଡିଉ ୧୩:୫୫; ମାର୍‌କ ୬:୩; ପେରିଡ୍ ୧୫:୧୩; ଗାଲାତିୟ ୧:୧୯



୯ ଗଟେକ୍ କାକୁବ୍ତି ଅଇ ରଇବା ବିସ୍ବାସି ବାଇକେ ପର୍ମେସର୍ ସାଉକାର୍ କଲେ ସେ ସାର୍ଦା ଅ । ୧୦ ସେନ୍ତାରିସେ ଗଟେକ୍ ସାଉକାର୍ ବିସ୍ବାସିକେ ସେ ଅର୍କିଡ୍ କଲେ, ସେ ମିସା ସାର୍ଦା ଅ । କାଇକେବଇଲେ ସାଉକାର୍ ଲକ୍ ପଦାର୍ ଗାଁସର୍ ପୁଲ୍ ପାରା ଜାଉଲି ଜାଇସି । ୧୧ ଜେଡ୍ଡି କି ବେଲ୍ ଉଦିକରି ବେସି ତାଡିକଲେ ଗାଁସ୍ ସୁକିଜାଇସି, ତାର୍ ପୁଲ୍ ଜଡିଜାଇସି ଆରି ତାର୍ ବାନିମୁରତି ନସି ଜାଇସି । ସେନ୍ତାରିସେ, ସାଉକାର୍ ଲକ୍ମନ୍ କାମ୍ କରି କରି ମରିଜିବାଇ ।

**ପରିକା ଆରି ଦୁକ୍‌କସ୍‌ଟ**

୧୨ ଜନ୍ ଲକ୍ମନ୍ ପରିକା ଆଇଲେ ମିସା ମୁରତି କରି ରଇବାଇ, ସେମନ୍ କେଡେକ୍ ନିକ କରମର୍ ଲକ୍ । କାଇକେବଇଲେ ସେ ସବୁ ପରିକାଇ ସେମନ୍ ଡାଁଟ୍ ସଙ୍ଗ୍ ଟିଆଅଇଲାପତେ, ପୁରୁସ୍କାର୍ ପାଇବାଇ । ପର୍ମେସର୍ ତାର୍ ନିଜର୍ ଲକ୍ମନ୍‌କେ ଜନ୍ ଜିବନ୍‌ର୍ ମୁକୁଟ୍ ଦେବାକେ ସପଡ୍ କଲାଆତେ, ସେମନ୍ ସେଟା ପୁରୁସ୍କାର୍ ଇସାବେ ମିଲାଇବାଇ । ୧୩ କାକେ ମିସା ଦୁକ୍‌କସ୍‌ଟ ପାଇବା ପରିକା ଆଇଲେ, ଏ ପରିକା ପର୍ମେସର୍ ପାଟାଇଆତେ ବଲିକରି କଇବାର୍ ନାଇ । କାଇକେବଇଲେ ପର୍ମେସର୍‌କେ କେ ମିସା ପରିକାକରି ନାପାରେ । ଆରି ସେ ନିଜେ କାକେ ପରିକା ନ କରେ । ୧୪ ମାତର୍ ଗଟେକ୍ ଲକ୍ କରାପ୍ ଗୁନ୍‌ଚଲନ୍ ତାକେ ପରିକା କରାଇ ଅଇବାକେ ତାକିନେଇସି । ୧୫ ତାର୍‌ପତେ ତାର୍ କାରାପ୍ ଗୁନ୍‌ଚଲନେଅନି ପାପ୍ ବାରଇସି । ଆରି ପାପ୍ ଅଦିକ୍ ଅଦିକ୍ ବଡିଜାଇକରି ମରନ୍ ଆଇସି ।

୧୬ ଏ ମର୍ ଆଲାଦର୍ ବାଇବଇନିମନ୍, ତମେ ନାଡାଇଉଆ ନାଇ । ୧୭ ସବୁ ନିକ ଆରି ସିଦ୍ ରଇବା ଦାନ୍ ପର୍ମେସର୍ ଦେଲା ଆତେ । ବାଦ୍‌ଲେ ଉଜଲ୍ ଅଇବା ସବୁଜାକ ସେ ଡିଆରକଲା ଆତେ । ସେଟାମନ୍ ବାଦ୍‌ଲେ ବୁଲ୍‌ବାବେଲେ ବାଦ୍‌ଲସି ଆରି ଚାଇ ଏନେଡେନେ ଅଇସି । ମାତର୍ ପର୍ମେସର୍ ଅଲପ୍ ମିସା ସେନ୍ତାରି ନ କରେ । ୧୮ ତାର୍ ସଡ୍ ବାକିଅ ଆମ୍‌କେ ଜାନାଇକରି ତାର୍‌ଡେଇଅନି ଆମ୍‌କେ ଜିବନ୍ ଦେବାକେ ସେ ମନ୍ କଲା । ଜେଡ୍‌କି ସବୁ ବିସଇ ସେ ଡିଆରକଲା ମିସା ଆମେ ଅବ୍‌କା ତାର୍‌ପାଇସେ ଅଇବାକେ ସେ ମନ୍ କଲା ।

**ସୁନ୍‌ବାଟା ଆରି କାମ୍ କର୍‌ବାଟା**

୧୯ ଏ ମର୍ ଆଲାଦର୍ ବାଇବଇନିମନ୍, ମନେ ରକିରୁଆ । ତମେ ଆଗୁଡୁ ନିକକରି ସୁନା । ମାତର୍ ବାବିଡିକିକରି କାତା କୁଆ । ଦାପ୍‌ରେ ରିସା ଉଆନାଇ । ୨୦ କାଇକେବଇଲେ ମୁନ୍‌ସର୍ ରିସାର୍ ଲାଗି ପର୍ମେସର୍ ସୁକଲ୍‌ସଙ୍ଗ୍ ଜଜନା କଲାଟା ନସିଜାଇସି । ୨୧ ସେଟାର୍ ପାଇ ତମର୍ ଚଲାଟଲ୍‌ଡି ଟାନେଅନି ବାରଇବା ସବୁ ରକାମର୍ କାରାପ୍ ଅବିଆସ୍ ଚାଡିଦିଆସ୍ । ପର୍ମେସର୍‌କେ ନିଜର୍ ମନ୍ ସର୍ପି ଦିଆସ୍ । ତମର୍ ମନ୍ ବିଡ୍‌ରେ ସେ ଜନ୍ ବାକିଅ ରପିଆତେ ସେଟାକେ ଦିଆନ୍ ଦିଆ । ସେ ବାକିଅ ତମ୍‌କେ ରକିଆ କର୍‌ସି ।

୨୨ ବାକିଅ ଜନ୍‌ଟା କରା ବଲି କଇଲାନ୍, ସେଟା କରା । ଅବ୍‌କା ସୁନିକରି ରଇବା ଲକ୍ମନ୍‌ପାରା ଉଆ ନାଇ । ଏନ୍ତାରିକଲେ ତମେ ନିଜେ ନାଡାଇ ଅଇଲାସ୍‌ନି । ୨୩ ଜନ୍‌ଲକ୍ ପର୍ମେସର୍‌ର ବାକିଅ ଅବ୍‌କା ସୁନ୍‌ସି, ମାତର୍ ଡେଇର୍ କାତା ନ ନାମେ, ସେ ତାର୍ ମୁଏ ରଇବା ଆରଲା, ଦର୍‌ପନେ ଦେକ୍‌ବା ଲକ୍ ପାରା । ୨୪ ସେ ନିକ କରି ନିଜର୍ ଟାଁଇ ଦେକି ଅଇଡେରଇସି । ମାତର୍ ଡେଇଅନି ଉଟିଗାଲା ପତେ ତାର୍ ବାନିମୁରତି ପାସ୍‌ରି ଜାଇସି । ୨୫ ମାତର୍ ମୁନ୍‌ସର୍ ମୁକ୍‌ଡି ପାଇ ଗଟେକ୍ ପୁରାପୁରୁନ୍ ନିୟ୍‌ମ୍ ଆତେ । ଜେ ସେ କାତା ସୁନିକରି ନ ପାସ୍‌ରେ, ଆରି ତାର୍‌ଲାଗି ସବୁ ମନ୍‌ପରାନ୍ ଦେଇକରି ନିଜର୍ ଜିବନ୍‌ଡେଇ ମାନିକରି ରଇସି ବଇଲେ ପର୍ମେସର୍ ତାର୍ କରିରଇବା ସବୁ କାମ୍ ମଙ୍ଗ୍ କର୍‌ସି ।

୨୬ କେ ଜଦି ମୁଇ ନିଜେ ଗଟେକ୍ ଦରମ୍ ଲକ୍ ବଲି ବାବ୍‌ଲାନ୍, ସେ ଜଦି ତାର୍ ନିଜର୍ ଜିବ୍ ଜାଗର୍‌ତା କରେ ନାଇ, ସେ ନିଜେ ଆକା ନାଡାଇ ଅଇଲାନ୍ । ତାର୍ ରିଡିନିଡି କର୍‌ବାଟା ଚୁଟାଆଇସେ । ୨୭ ପର୍ମେସର୍ ଦେକ୍‌ବା ଇସାବେ ଜନ୍ ରିଡିନିଡି ସଡ୍ ଆରି ନିକ, ସେଟା ଅଇଲାନ୍ ଦୁକେ ରଇବା ଚୁଟାଚୁରି ପିଲାମନ୍ ଆରି ରାଣ୍ଡିଜୁଣ୍ଡିମନ୍‌ର୍ ଜତନ୍ କର୍‌ବାଟା । ପତେ ଜଗତର୍ ଜଞ୍ଜାଲେଅନି ମୁକ୍‌ବାଟା, ଜେନ୍ତାରିକି ସେ ସବୁ ତାକେ ନ ନସାଏ ।

**୨**

**ଲକ୍ ଦେକି କର୍‌ବା କାମେ ଜାଗର୍‌ଡ୍**

୧ ଏ ବାଇବଇନିମନ୍ ଆମର୍ ଡାକ୍‌ପୁଟା ମାପୁରୁ ଜିସୁ କିରିସ୍‌ଟକେ ବିସ୍ବାସ୍ କଲାବ୍‌ଲାଗି, ଲକ୍ମନ୍‌ର୍ ଅଲ୍‌ଗା ପିନ୍‌ଆଡା ଦେକିକରି, ନିଜର୍ ଚଲାଟଲ୍‌ଡି ବାଦ୍‌ଲାଇବାଟା ଟିକ୍ ନାଇ । ୨ ଜଦି ସବାଇ ଗଟେକ୍ ଲକ୍ ସୁନାର୍ ମୁନ୍‌ ଆରି ଜକ୍‌ମକି ଜାଇଡେରଇବା ବସ୍‌ତର୍ ପିନ୍‌କରି ତମର୍‌ଲଗେ ଆଇସି, ଆରି ଗଟେକ୍ ଲକ୍ ମୁର୍‌କି ରଇ ଚିର୍‌ବୁର୍‌ଅଇରଇବା ବସ୍‌ତର୍ ପିନ୍‌କରି ଆଇସି । ୩ ଆରି ତମେ ସୁନ୍‌ର୍ ବସ୍‌ତର୍ ପିନ୍‌ଆସି ରଇବା ଲକ୍‌କେ ଅଦିକ୍ ସନ୍‌ମାନ୍ ଦେଇକରି କଇସା, “ଆସା ଏ ନିକ କୁର୍‌ଡି ଉପ୍‌ରେ ବସା ।” ମାତର୍

ଅର୍କିଡ଼ ଲକ୍ଷ୍ମୀ କଲସା “ତେଜ ଜାଇ ଚିଆ ଅ ।” ନଇଲେ “ତଲେ ବସ୍ ।” ବଲିକରି କଲସୁ । ୪ ସେନ୍ତାର ଆଲେତା ତମେ ନିଜର ନିଜର ବିତରେ ବଡ଼ସାନ୍ ବଲିକରି ଅଲ୍ଗା ଇସାବେ ଦେକ୍ଲାସ୍ତି । ଆରି କାରାପ୍ ଇସାବେ ମୁ ଦେକି, ବିଚାର କଲାସ୍ତି ।

୫ ଏ ମର୍ ଆଲାଦର୍ ମଇତରମନ୍ ସୁନା, ପର୍ମେସର୍ ଏ ଜଗତର୍ ଅର୍କିଡ଼ ଲକ୍ଷ୍ମୀକେ ବାଟି ଆଚେ । ସେମନ୍ ତାକେ ବିସ୍ବାସ୍ କର୍ବାଇ ଆରି ତାର ରାଇଜେ କେଟ୍‌ବାଇ । ତାକେ ଆଲାଦ୍‌କର୍ବା ସବୁ ଲକ୍ଷ୍ମୀକେ ସେ ରାଇଜ୍ ଦେବିଲି କାତା ଦେଏ ନାଇ କି ? ୬ ମାତର୍ ତମେ ଅର୍କିଡ଼ ଲକ୍ଷ୍ମୀକେ ସମ୍ମାନ ଦିଆସ୍ ନାଇ । ସାଉକାର ଲକ୍ଷ୍ମୀକେ ତମ୍ଭକେ କସ୍ତ ଦେଲାଇନି । ସେମନ୍‌ସେ ତମ୍ଭକେ ବିଚାରନା ଜାଗାଇ ଜିକି ନେଲାଇନି । ୭ ତମ୍ଭକେ ଜନ୍ ନାଉଁ ଜିସୁ କିରିସ୍ତ ଦିଆଅଇଆଚେ, ସେ ନାଉଁ ନେଇକରି ନିନ୍ଦା କଲାଇନି ।

୮ ନିଜ୍ଜେ ଆଲାଦ୍ କଲାପାରା ବିନ୍ ଲକ୍ଷ୍ମୀକେ ଆଲାଦ୍ କରା । ସାସ୍ତରେ ଲେକା ଅଇରଇଲାପାରା ପର୍ମେସର୍‌ର ରାଇଜର୍ ଏ ନିୟମ୍ ଜଦି ତମେ ମାନସା, ସେନ୍ତାର ଆଲେ ଟିକ୍ କଲାସ୍ତି । ୯ ମାତର୍ ତମେ ଜଦି ବଡ଼ ସାନ୍ ଦେକ୍ଲାସ୍ତି, ପାପ୍ କଲାସ୍ତି । ଆରି ସେ ରିଡିନିଡିର୍ ଲାଗି ଦସି ବଲାଇ ଅଇଲାସ୍ତି । ୧୦ କାଇକେବଇଲେ ଜେ ମିସା ସବୁ ନିଅମ୍ ମାନିକରି ଗଟେକ୍ ନିୟମ୍ ଚାଡ଼ିଦେଲେ, କାଇ ନିୟମ୍ ନ ମାନିଲା ଲକ୍ଷ୍ମୀ ପାରା ଦସିଅଇ ଡଣ୍ଡ ପାଇସା । ୧୧ କାଇକେବଇଲେ ପର୍ମେସର୍ କଇଲାଆଚେ “ତମେ ବେସିଆ କାମ୍ କର୍ବାରନାଇ, ଆରି ନର୍ ମାର୍‌ବାର୍ ନାଇ” ବଲିକରି । ତେବେ ତମେ ଜଦି ବେସିଆ କାମ୍ ନ କରି, ଲକ୍ଷ୍ମୀକେ ମାର୍‌ସା, ତେବେ ତାର ନିଅମ୍ ମାନାସ୍ ନାଇ । ୧୨ ପର୍ମେସର୍ ବିଚାରନା କର୍ସି ବଲି ଜାନିକରି ସେନ୍ତାରି କାତା କଇ କାମ୍ କରି ଦେକାଆ । ଜନ୍ ନିୟମ୍ ଆମ୍ଭକେ ମୁକ୍ତାଇସି, ସେ ନିୟମ୍ ଇସାବେ ଆମ୍ଭକେ ବିଚାରନା କର୍ସି । ୧୩ କାଇକେବଇଲେ ଜନ୍‌ଲକ୍ ବିନ୍ ଲକ୍ଷ୍ମୀକେ ଦୟା ନ ଦେକାଏ, ପର୍ମେସର୍ ବିଚାରନା କର୍ବାବେଲେ ତାକେ ମିସା ଦୟା ନ ଦେକାଏ । ଜନ୍ ଲକ୍ଷ୍ମୀକେ ବିନ୍ ଲକ୍ଷ୍ମୀକେ ଦୟା କରିଆଚେ, ସେମନ୍ ବିଚାରନାଟାନେ ଡର୍‌ବାର୍ ନାଇ ।

**ବିସ୍ବାସ୍ ଆରି କାମ୍**

୧୪ ଏ ମର୍ ବାଇବଇନିମନ୍, ଜଦି ଗଟେକ୍ ଲକ୍ ମୁଇ ବିସ୍ବାସ୍ କଲିନି ବଲି କଇସି । ମାତର୍ ତାର କାମ୍ କଲାଟାନେ ସେଟା ନ ଡିସେ ବଇଲେ, ତାର ପାଇ କାଇ ମୁଲିଅ ନାଇ । ଏନ୍ତାରି ବିସ୍ବାସ୍ ତାକେ କାଇ ମୁକ୍ତି ଦେଇ ନାପାରେ । ୧୫ ଜଦି ଗଟେକ୍ ବିସ୍ବାସି ବାଇ କି ବଇନିକେ, ସେ ଦିନର୍ ପାଇ କାଇବାକେ କି ପିନ୍‌ବାକେ ନ ରଇଲେ, ୧୬ ତମ୍ଭର ବିତରେ କେଆଲେ ଗଟେକ୍ ଲକ୍ ତାର ଲଗେ ଜାଇ, ତକେ ପେଟ୍‌କେ କାଦି ଆରି ଗାଗଡ଼କେ ଲୁଗା ମିଲ ବଲି କଇସା । ତମେ ତାକେ ଲତାକେ ଲାଗ୍‌ବାଟା ନ ଦେଇ ଏନ୍ତାରି କଇଲେ କାଇ ଲାବ୍ ? ୧୭ ସେନ୍ତାରିସେ ଗଟେକ୍ ବିସ୍ବାସ୍ କର୍ବା ଲକ୍ ତାର ବିସ୍ବାସ୍ ସଙ୍ଗ୍ ନିକ କାମ୍ ମିସା ନ ଡିସ୍‌ଲେ ତାର ବିସ୍ବାସ୍ ମରିଗାଲା ଆଚେ ।

୧୮ ମାତର୍ କେ ଆଲେ ମକେ କଇସି, ଗଟେକ୍ ଲକ୍ ବିସ୍ବାସ୍ ଆଚେ ଆରି ଗଟେକ୍ ଲକ୍ ନିକ କାମ୍ ଆଚେ, ମୁଇ ତାକେ କଇବି ନିକ କାମ୍ ଚାଡ଼ି, ଗଟେକ୍ ଲକ୍‌କେ କେନ୍ତ୍ର ବିସ୍ବାସ୍ ଅଇସି ? । ଅବ୍‌କା ବିସ୍ବାସ୍ କର୍ତ୍ତେରଇବା ଲକ୍ ରଇଲେ ମକେ ଦେକାଆ । ମର୍ କର୍ବା ନିକ କାମ୍ ସଙ୍ଗ୍ ମର୍ ବିସ୍ବାସ୍ ମୁଇ ଦେକାଇବି । ୧୯ ପର୍ମେସର୍ ଗଟେକ୍‌ସେ ଆଚେବଲି ତମେ ବିସ୍ବାସ୍ କଲାସ୍ତି, ସେଟା ନିକ । ତୁମାମନ୍ ମିସା ସେନ୍ତାରି ବିସ୍ବାସ୍ କଲାଇନି ଆରି ଡରିକରି ଗଜ୍‌ଗଜି ଜିବାଇ । ୨୦ ମାତର୍ ଏ ନିଲ୍‌ଜାଇ ଲକ୍ଷ୍ମୀକେ ତମେ ବୁଜିନାପାରାସ୍, ଜଦି ଗଟେକ୍ ଲକ୍ ମୁଇ ବିସ୍ବାସ୍ କଲିନି, ବଲି କଇସି ଆରି ନିକ କାମ୍ ନ କରେ, ସେନ୍ତାଆଲେ ତାର ବିସ୍ବାସ୍ କର୍ବାଟା ରୁଚାଇସେ । ୨୧ ଆମ୍ଭର ପୁର୍‌ବର୍ ଆନିଦାଦି ଅବ୍‌ରାଆମ୍ କେ ଦେକା, ପର୍ମେସର୍ ତାକେ ଦରମ୍ ଲକ୍ ବଲି ଡାକ୍‌ଲା । ସେଟା ତାର ନିକ କାମ୍ ପାଇ । ଜେଡେବେଲେ ନିଜର୍ ପିଲା ଇସାକ୍‌କେ ବେଦିଟାନେ ବଲି ଦେବାବେଲେ ନେଇରଇଲା । ୨୨ ତମେ ଦେକ୍ଲାସ୍ତିଜେ, ତାର ବିସ୍ବାସ୍ ଆରି କରମ୍ ମିସିକରି ରଇଲା । ସେ କରରଇବା କରମ୍‌ର ଲାଗି ବିସ୍ବାସ୍ ସିଦ୍ ଅଇଲା । ୨୩ ଏଟାର ଲାଗି ଦରମ୍ ସାସ୍ତରର୍ ଏ ବାକିଅ ପୁରାପୁରୁନ୍ ଅଇଲା । ଅବ୍‌ରାଆମ୍ ପର୍ମେସର୍‌କେ ବିସ୍ବାସ୍ କଲା । ତାର ବିସ୍ବାସ୍‌ର ଲାଗି ପର୍ମେସର୍ ଦେକ୍‌ବା ଇସାବେ ଦରମ୍ ଲକ୍ ବଲି ଏଜାଇଅଇଲା । ଆରି ଲକ୍ଷ୍ମୀକେ ତାକେ ପର୍ମେସର୍‌ର ମଇତର୍ ବଲି ଡାକିରଇଲା । ୨୪ ଅବ୍‌କା ବିସ୍ବାସ୍ କଲେସେ ଗଟେକ୍ ଲକ୍ ଦରମ୍ ବଲି ନାମାଇଅଇ ନଏଁ, ମାତର୍ ତାର କର୍ବା ନିକ କାମ୍‌ର ଲାଗି ଅଇସି । ଏଟା ତମେ ଦେକ୍ଲାସ୍ତି ।

୨୫ ସେନ୍ତାରିସେ ବେସିଆ ମାଇଜି ରାଆବ୍‌କେ ମିସା ଅଇଲା । ସେ ଇସ୍‌ରାଏଲର୍ ଦେକାଦେକି କର୍ବା ଲକ୍ଷ୍ମୀକେ ଡାକିନେଲା ଆରି ବିନ୍ ବାଟେ ବାରଇଜିବାକେ ସାଇଜ କଲା । ସେ ଏନ୍ତାରି କଲାକେ ପର୍ମେସର୍ ଦେକ୍‌ବା ଇସାବେ ଗଟେକ୍ ଦରମ୍ ଲକ୍ ବଲି ଜାନାଇଅଇଲା ।

୨୬ ତେବେ, ଆତ୍‌ମା ଚାଡ଼ିଗାଲେ ଲକ୍ଷ୍ମୀକେ ଗାଗଡ଼ ଜେନ୍ତ୍ରକି ମଲା ସମାନ୍, ସେନ୍ତାରିସେ ନିକ କାମ୍ ନ କଲେ, ବିସ୍ବାସ୍ ମିସା ମଲା ସମାନ୍ ଆଚେ ।

### ୩

#### ଜିବକେ ବାନ୍ଧି ସଙ୍ଗାଇବାଟା

<sup>୧</sup> ଏ ମର ବାଇବଇନିମନ୍, ତମର ବିତ୍ତରେ ବାକିଅ ସିକିଆ ଦେବା ଗୁରୁ ଅଦିକ୍ ଉଆ ନାଇ । ଜନ୍ମକ୍ ବିନ୍ ଲକ୍ମନକେ ସିକାଇବାଇ ସେମନ୍ ଅଦିକ୍ ଡଣ୍ଡ ପାଇବାଇ, ଏଟା ଜାନିରୁଆ । <sup>୨</sup> ଆମେ ସବୁ ତରକେତର ବୁଲ୍ କଲୁନି । ମାତର ଜେ ମିସା ତାର କାତାବାତା କଇଲାବେଲେ ବୁଲ୍ ନ କରେ, ତେବେ ସେ ସିଦ୍ ଲକ୍ । ଆରି ସେ ତାର ସବୁଜାକ ମିସା ଜାଗରଡକରି ସଙ୍ଗାଇ ଆଟେ । <sup>୩</sup> ଗଟେକ୍ ଗଡାର ବିସଇ ବାବିଦେକ୍ । ଜଦି ଗଡା ଆମର କାତା ମାନ୍ବାର୍ ଆଟେ ବଇଲେ, ତାର ଟଣ୍ଡେ ଲାଗନ୍ ଚାବାଇଲୁନି । ଜେନ୍ତାରିକି ଗଡାର ଗୁଲାଇ ଗାଗଡ ମିସା ବୁଲାଇକରି, ଆମେ ଜନ୍ବାଟେ ମନ୍ କର୍ବୁ, ସେବାଟେ ନେଲୁନି । <sup>୪</sup> ସେନ୍ତାରିସେ ଗଟେକ୍ ବଡ ପାନିଜାଜର୍ ବିସଇ ଚିନ୍ତା କରିଦେକା । ସେଟା ବେସି ବଡ ରଇଲେ ମିସା ଜବର୍ ପବନ୍ ଆଇତେରଇଲେସେ ସେଟା ଚାଲାଇଅଇସି । ମାତର ଗଟେକ୍ ଜାଜଟାଲାଉ ସାନ୍ଟା ବୁଲାଇବା ଚକା ମାରିକରି ସେ ଜନ୍ତି ମନ୍ କର୍ସି, ଜାଜ୍ ସେ ବାଟେ ଚାଲାଇ ନେଇସି । <sup>୫</sup> ସେ ରକାମ୍ ଆକା ଆମର ଟଣ୍ଡେ ରଇବା ଜିବ୍ ମିସା ଆମର ଗାଗଡର ଗଟେକ୍ ସାନ୍ ଜିନିସ୍, ମାତର ଏଟା ବେସି ବଡବଡ କାତା କଇସି ।

ଗଟେକ୍ ଡଙ୍ଗରର ବିସଇ ବାବିଦେକା, ସେଟା ବଡେଟା ରଇଲେ ମିସା କଣ୍ଡେକ୍ ଜଇ ଇଙ୍ଗରା ଲାଗିକରି ସବୁ ପଡାଇଦେଇସି ।

<sup>୬</sup> ସେନ୍ତାରି ଜିବ୍ ମିସା ଜଇପାରା, ଜିବ୍ ବିତ୍ତରେ ମିଟ୍ଟାମନ୍ ବର୍ତ୍ତିଅଇ ଆଟେ । ସେଟା ଆମର ଗାଗଡ ବିତ୍ତରେ ବାସାଅଇ ଆଟେ । ଆମର ଗୁଲାଇ ଗାଗଡକେ କାରାପ୍ ଡାବିଦେଇସି । ଆମର ଜିବନ୍ ଜଇଟାନେ ପଡାଇଲାପାରା ପଡାଇ ଦେଇସି । ଆରି ସେ ଜଇ ନରକେଅନି ଆଇସି ।

<sup>୭</sup> କାଇକେବଇଲେ ସବୁ ରକାମର ଡଙ୍ଗରର ଜିଡ୍, ଉଡିବୁଲ୍ବାଟାମନ୍, ରାଜିବୁଲ୍ବାଟାମନ୍ ଆରି ପାନିତେଇ ରଇବାଟାମନ୍, ପୁର୍ବେଅନି ଲକ୍ମନ୍ ସେଟାମନ୍କେ ମାନାଇକରି ଆଟଡ । <sup>୮</sup> ମାତର ଏବେଜାକ ଜିବକେ କେ ମିସା ମାନାଅଡ ନାଇ । ତେଇ କାରାପ୍ ବିସଇ ପୁରୁନ୍ ଅଇଆଟେ । ସେ ତାର ନିଜର ମନ୍ କର୍ବା ଇସାବେ ଜାଇସି । ଆରି ମରନ୍ ଡାକିଆନ୍ବା ବିସ୍ ବର୍ତ୍ତି ଅଇଆଟେ । <sup>୯</sup> ଆମେ ଜିବ୍ ସଙ୍ଗ୍ ମାପୁରୁକେ ଆରି ବାବା ପରମେସର୍କେ ଦନିଅବାଦ୍ ଦେଲୁନି ଆରି ଏ ଜିବ୍ସଙ୍ଗ୍ ପରମେସର୍ ତାରପାରା ତିଆର୍ କରିରଇବା ମୁନ୍ସକେ ସାଇପ୍ ଦେଲୁନି । <sup>୧୦</sup> ଗଟେକ୍ ଟଣ୍ଡେଅନିସେ ଦନିଅବାଦ୍ ଦେବାଟା ଆରି ସାଇପ୍ ଦେବାଟା ବାରଇସି । ମର ବାଇବଇନିମନ୍, ଏନ୍ତାରି ଅଇବାଟା ଟିକ୍ ନଏ । <sup>୧୧</sup> ଗଟେକ୍ ରୁଆବିଲେଅନି, ଗଲାପାନି ଆରି ନିର୍ମଲ୍ପାନି ବାରଇସି କି ? ନାଇ, ନ ବାରଏ । <sup>୧୨</sup> ଏ ମର ବାଇବଇନିମନ୍, ତୁମ୍ରିଗଟେ ଜିଡପଲ୍ ନ ପଲେ କି କାଇ ଅଙ୍ଗୁର୍ ମାଲେ ତୁମ୍ରି ନ ପଲେ । ସେନ୍ତାରିସେ ଗଟେକ୍ ଗଲାପାନି ବାରଇବା ରୁଆଇ ଅନି ନିର୍ମଲ୍ପାନି ନ ବାରଏ ।

#### ସରଗର୍ ଗିଆନ୍

<sup>୧୩</sup> ତମର ବିତ୍ତରେ ଗିଆନି ଆରି ବୁଲ୍ଟିକ୍ ବଲି କଇବା ଲକ୍ ଆଟଡ କି ? ତାର ନିକକରି ଜିଇବାକାଇବାଟାନେଅନି ସେଟା ଦେକାଅ । ତାର ଜିବନେ, ଗଟେକ୍ ଗିଆନ୍ ରଇବା ଲକର୍ ଇସାବେ, ସବୁବିସଇ ସୁଆଲେ କଲାଆଟେ ବଲି ଦେକାଅ । <sup>୧୪</sup> ଜଦି ତମର ମନ୍ବିତ୍ତରେ ଛାଡ଼ଲା, କପ୍ଦାରବାଟା ଆରି ସବୁବେଲେ ନିଜର ବିସଇ ଚିନ୍ତା କର୍ବାଟା ରଇସି, ସେନ୍ତାରିଆଲେ ସେ ବିସଇଟାନେ ବଡପନ୍ ଉଆନାଇ । ଆରି ସଡ ବିସଇ ବୁଲ୍ ଆଟେବଲି କୁଆ ନାଇ । <sup>୧୫</sup> ଏନ୍ତାରି ଗିଆନ୍ ପରମେସର୍ ଟାନେଅନି ନ ଆସେ । ସେଟା ଜଗତେଅନି ଆଇସି । ପରମେସର୍ ଆଡ଼ମା ନ ରଇବାଟାନେ ଅନି ଆଇସି । ଆରି ସେଟା ସଇତାନର୍ ଗିଆନେ ଅନି ଆଇସି । <sup>୧୬</sup> ଜନ୍ ଜାଗାଇ ଲକ୍ମନର୍ ବିତ୍ତରେ ଛାଡ଼ା, ଆରି ନିଜର ବିସଇସେ ଚିନ୍ତା କର୍ବାଟା ରଇଲେ, ସେ ଜାଗାଇ ଲାଗାଲାଗି ଆରି ସବୁ ରକାମର କାରାପ୍ କାମ୍ ରଇସି । <sup>୧୭</sup> ମାତର ପରମେସର୍ ସିକାଇବା ଗିଆନ୍ ଜନ୍ମକ୍ମନକେ ଆଟେ, ତାକର ଗୁନ୍ତଲନେ ସେମନ୍ ସୁକଲ୍ ଅଇରଇବାଇ, ସାନ୍ତିସଙ୍ଗ୍ ରଇବାଇ, ସୁଆଲେ ରଇବାଇ, ଦୟା ଦେକାଇବାଇ, ଜିବନ୍ଦୁକାଇବାଇ ଆରି ତାକର ସବୁ କାମ୍ ନିକ ରଇସି । ସେମନ୍ ଲକ୍ମନକେ ବଡ ସାନ୍ ଇସାବେ ନ ଦେକଡ ଆରି ଚଲାନିକାତା ନ କଅଡ । <sup>୧୮</sup> ଜନ୍ ଲକ୍ମନ୍ ସାନ୍ତିପାଇ କାମ୍ କର୍ବାଇ, ସାନ୍ତି ସଙ୍ଗ୍ ରଇକରି ଦରମର୍ ବିଅନ୍ ବୁନ୍ବାଇ, ସେନ୍ତାରି ଲକ୍ମନ୍ ପରମେସର୍ ଦେକ୍ବା ଇସାବେ, ନିକ କାମର୍ ଦାନ୍ କାଟ୍ବାଇ ।

### ୪

#### ଜଗତର ସଙ୍ଗ୍ ମଇତର୍

<sup>୧</sup> ତମର ବିତ୍ତରେ ମାରାମାରି ଆରି ଲାଗାଜଡା କାଇକେ ଆଇଲାନି ? ତମର ମନ୍ବିତ୍ତରେ ଡସିରଇବା କାରାପ୍ ମନ୍କଲାଟା ଉଟିକରି ତମର ବିତ୍ତରେ ଜୁଜଲାନି, ଏଟାର ଲାଗି ଏନ୍ତାରି ଅଇଲାନି । ସେଟାପାଇ ଗଟେକ୍ ଲକ୍ ଆରିଗଟେକ୍ ଲକର୍ ସଙ୍ଗ୍ ଲାଗ୍ଲାସିନି । <sup>୨</sup> କାଇକେବଇଲେ ତମେ ଜନ୍ଟା ମିଲାଇବାକେ

ମନ୍ କଲାସନି, ସେଟା ମିଲାଇ ନାପାରଲେ, ମରାଇବାକେ ମନ୍‌କଲାସନି । ଜନ୍‌ଟା ମିଲାଇବାକେ ବେସି ମନ୍ ଅଇଲାନି, ସେଟା ମିଲାଇବାକେ ତମ୍‌କେ ବପୁନାଇ । ସେଟାପାଇ ତମ୍‌ତମ୍‌ବିତ୍‌ରେ ଲାଗାଜତା ଅଇ ମାରାମାରି ଅଇଲାସନି । ତମେ ପର୍‌ମେସର୍‌କେ ମାଙ୍‌ମାସ୍ ନାଇଜେ ମନ୍‌କଲାଟା ମିଲାଇ ନା ପାର୍‌ଲାସନି ।<sup>୩</sup> ତମେ ମାଙ୍‌ତେରଇସା, ମାତର୍ ସେ ତମ୍‌କେ ଦେଏ ନାଇ । କାଇକେବଇଲେ ସେଟା କାରାପ୍ କର୍‌ବାକେ ମାଙ୍‌ଲାସନି । ସୁକେ ରଇକରି ସାଇସାର୍‌ଦା ସଙ୍‌ ରଇବୁ ବଲି ମାଙ୍‌ଲାସନି ।<sup>୪</sup> ଏ ବିସ୍‌ବାସେ ବିସ୍‌ଦେବା ଲକ୍‌ମନ୍, ତମେ କାଇ ନାଜାନାସ୍ କି ଜଗତ୍‌କେ ଆଲାଦ୍ କରୁମନ୍ ପର୍‌ମେସର୍‌ ସତ୍‌ରୁ ବଲିକରି ? ଜନ୍‌ଲକ୍ ଏ ଜଗତ୍‌ର ଚଲାଚଲ୍‌ତି ଆଲାଦ୍ କର୍‌ବାଇ ସେମନ୍ ପର୍‌ମେସର୍‌ ବିରଦି ।<sup>୫</sup> ତମେ ଦରମ୍ ସାସ୍‌ତରେ ଲେକାଅଇରଇବା ଏ ବାକିଅ ଚୁଟାଇ ବଲିକରି ବାବ୍‌ଲାସନି କି ? ପର୍‌ମେସର୍ ଜନ୍ ଆଡ଼ମାକେ ଆମର୍ ବିତ୍‌ରେ ବାସାଅଇରଇବାକେ ଦେଲାଆଚେ, ସେ ଆମ୍‌କେ ପୁରାପୁରୁନ୍ ଅଦିକାର୍ କର୍‌ବାକେ ମନ୍ କଲାନି ।<sup>୬</sup> ମାତର୍ ପର୍‌ମେସର୍ ଜିବନ୍ ଦୁକାଇଲାଟା, ତାର୍‌ତେଇଅନି ଅଦିକ୍ ବପୁଆଚେ । ସେଟାପାଇ ସାସ୍‌ତର୍ କଇଲାନି, ଆଁକ୍‌ରିଆମନ୍‌କେ ପର୍‌ମେସର୍ ବିରଦ୍ କର୍‌ସି, ମାତର୍ ସୁଆଲେ ରଇବା ଲକ୍‌କେ ତାର୍ ଜିବନ୍ ଦୁକାଇ, ଦୟା କର୍‌ସି ।

<sup>୭</sup> ତେବର୍ ପାଇ, ତମେ ପର୍‌ମେସର୍‌କେ ସର୍‌ପାଇଉଆ । ସଇତାନ୍‌କେ ଜାକି ଦିଆସ୍ । ସେନ୍ତାରି କଲେ ସଇତାନ୍ ତମ୍‌ରଲଗେ ଅନି ପାଲାଇସି ।<sup>୮</sup> ପର୍‌ମେସର୍‌ର ଲଗେ ଆସା, ତେବେ ସେ ମିସା ତମ୍‌ର ଲଗେ ଲଗେ ରଇସି । ଏ ପାପିମନ୍, କାରାପ୍ କାମ୍‌କର୍‌ବାଟା ଚାଡ଼ିଦିଆସ୍ । ଆରି ଏ ଦୁଇବାଟେ ମନ୍‌କରୁମନ୍ ତମ୍‌ର ମନ୍ ନିର୍‌ମଲ୍ କରା ।<sup>୯</sup> ତମ୍‌ର ପାପର୍‌ଲାଗି ମାରିଚପି ଅଇକରି କାନ୍‌ତେରୁଆ । ନ ଆଁସିକରି କାନ୍‌ତେରୁଆ, ସାର୍‌ଦା ନ ଅଇକରି ଦୁକେ ରୁଆ ।<sup>୧୦</sup> ମାପୁରୁ ମୁଆଟେ ନିଜେ ନିଜେ ସର୍‌ପଇଆ, ସେ ତମ୍‌କେ ଉଟାଇସି ।

**ବିନ୍‌ଲକ୍‌ର ବିଚାର୍ କରାନାଇ**

<sup>୧୧</sup> ଏ ମର୍ ବାଇବଇନିମନ୍, ନିଜର୍ ନିଜର୍ ବିତ୍‌ରେ କୁଟ୍ କାତା କୁଆ ନାଇ । ଜଦି ବିସ୍‌ବାସି ବାଇମନର୍ ବିରୁଦେ କୁଟ୍ କାତା କଇ ତାକେ ଦସ୍ ଦେଇସା, ତମେ ପର୍‌ମେସର୍‌ର ନିୟମ୍ ବିରୁଦେ କାତା ଅଇଲାସନି । ଆରି ତାର୍ ନିୟମ୍‌କେ ବିଚାର୍ କଲାସନି । ପର୍‌ମେସର୍‌ର ନିୟମ୍ ବିଚାର୍ କଲେ, ତମେ ତାର୍ ଆଦେସ୍ ମାନାସ୍ ନାଇ । ମାତର୍ ବିଚାର୍‌କାରିଆ ଇସାବେ ରଇଲାସନି ।<sup>୧୨</sup> ପର୍‌ମେସର୍‌ସେ ନିୟମ୍ ଦେଇପାର୍‌ସି । ସେ ସେ ଆମ୍‌କେ ବିଚାର୍ କରପାର୍‌ସି । ସେ ସେ ଲକ୍‌ମନ୍‌କେ ରକିଆ କରପାର୍‌ସି ଆରି ସେ ସେ କୁରୁପ୍‌ନାସ୍ କରପାର୍‌ସି । ମାତର୍ ତମେ କେ ଜେ, ବିନ୍ ଲକ୍‌ର ବିଚାର୍ କରପାରାସ୍ ?

**ବଡ଼ପନ୍ ବିସଇର୍ ତେଡ଼ନା**

<sup>୧୩</sup> ତେବେ ମର୍ କାତା ସୁନା । ତମ୍‌ର ବିତ୍‌ରେ ଜନ୍ ଲକ୍‌ମନ୍ ଏନ୍ତାରି କାତା ଅଇତେରଇସା, ଆଜି ନଇଲେ କାଲିକେ ଆମେ ଏ ନଅରେ କି ସେ ନଅରେ ଜିବୁ, ତେଇ ବର୍‌ସେକ୍ ରଇବୁ ଆରି ବେବାର୍ କରି ତାରୁ ଅରଜ୍‌ବୁ ।<sup>୧୪</sup> ମାତର୍ କାଲିକେ କାଇଟା ଗର୍‌ସି, ସେଟା ତମେତା ନାଜାନାସ୍ ! ତମ୍‌ର ଜିବନ୍ ଦୁଉଁରି ସମାନ୍, ଜନ୍‌ଟାକି ଚନେକର୍ ପାଇ ଡିସ୍‌ସି ଆରି ମାୟା ଅଇଜାଇସି ।<sup>୧୫</sup> ତାର୍ ବାଦୁଲେ ତମେ ମାପୁରୁ ମନ୍ କଲେ ଆମେ ଜିଇକରି ଏନ୍ତାରି ନଇଲେ ସେନ୍ତାରି କରୁ ବଲି କଇବାର୍ ଆଚେ ।<sup>୧୬</sup> ମାତର୍ ତମେ ସେନ୍ତାରି କରାସ୍ ନାଇ । ଆଁକ୍‌ରିଆମନ୍ ଆରି ବଡ଼ପନ୍ କାତା କର୍‌ମନ୍ । ଏନ୍ତାରି ବଡ଼ପନ୍ କାତା କଇବାଟା ବୁଲୁଆଚେ ।

<sup>୧୭</sup> ଏତାଇ ରୁଆ । ଜେ ଜଦି ଏଟା ନିକ କାମ୍ ବଲି ଜାନେ, ମାତର୍ ସେଟା ନ କରେ ବଇଲେ, ପର୍‌ମେସର୍ ଦେକ୍‌ବା ଇସାବେ ସେ ଦସ୍ କଲାଆଚେ ।



**ସାଉକାର୍ ମନ୍‌କେ ଜାଗରତ୍ କରାଇବାଟା**

<sup>୧</sup> ଏ ସାଉକାର୍ ଲକ୍‌ମନ୍, ମର୍‌କାତା ସୁନା । ତମ୍‌କେ ଜନ୍ ଦୁକ୍‌କସ୍‌ଟ ଆଇଲାନି, ସେଟାପାଇ ମାରିଚପିଅଇ କାନ୍‌ ।<sup>୨</sup> \*ତମ୍‌ର ଦନ୍‌ସ୍‌ପତି କୁଇଗାଲାନି ଆରି ନିକନିକ ବସ୍‌ତର୍‌ମନ୍ ଅଲ୍‌ମା କାଇଲାନି ।<sup>୩</sup> ତମ୍‌ର ସୁନାରୁପା ଚିଲମ୍ ଦାର୍‌ଲାନି ଆରି ଏ ଚିଲମ୍ ଦାର୍‌ଲାଟାକେ ନେଇକରି ପର୍‌ମେସର୍ ତମ୍‌କେ ଦସି କର୍‌ସି । ଆରି ଜଇଟାନେ ପଡ଼ଲେ ଜେନ୍ତି ଗାଗଡ଼ ନସ୍‌ସି, ସେନ୍ତି ତମ୍‌ର ଗାଗଡ଼ ସେ କୁରୁପ୍‌ନାସ୍ କର୍‌ସି । ଏ ଜୁଗ୍ ସାର୍‌ବାକେ ଜାଇତେରଇଲେ ମିସା ତମେ ସବୁଲକ୍ ଦନ୍‌ସ୍‌ପତି ଚୁଲିଆଇଲାସନି ।<sup>୪</sup> ତମ୍‌ର ଜମିବାଡ଼ିଲଗେ କାମ୍‌କର୍‌ବା ବୁଡ଼ିଆର୍‌ମନ୍‌କେ ବୁଡ଼ି ଦିଆସ୍ ନାଇ । ତାର୍ ବାଦୁଲେ ସେମନ୍‌କେ ନାଡ଼ାଇ ଆଚାସ୍ । ସୁନା, ସେମନର୍ ବୁଡ଼ି ତମ୍‌ର ବିରୁଦେ କାନ୍‌ଲାପାରା ସୁନିଅଇଲାନି । ସେମନର୍ କାନ୍‌ବାଟା ସବୁର୍‌ଟାନେଅନି ବପୁ ରଇବା ମାପୁରୁ, ସୁନଲା ଆଚେ ।<sup>୫</sup> ଏ ଜଗତେ ତମେ ସାଇସାର୍‌ଦା ସଙ୍‌ ଜିଇଲାସନି

\* ୫:୨ ୫:୨ ମାଡ଼ିଉ ୭:୧୯

। ଜାଇଟା ମନ୍ କଲେ, ସେଟା କଲାସନି । ମାତର୍ ପର୍ମେସରର୍ ଡଣ୍ଡର୍ ଦିନ୍ ଦାପ୍ରେ ଆଇଲାନି ।  
୭ ତମେ ଦସ ନ କଲା ଲକ୍ମନ୍‌କେ ଦସି ବଲିକରି ମାରି ମରାଇଆଟାସ୍ । ଏଲେମିସା ସେମନ୍ ତମ୍‌କେ  
ଅଟ୍‌କାଅଟ୍ ନାଇ ।

**ସାଆସ୍ ଦାରିକରି ପାର୍ତନା କରା**

୭ ଏ ମର୍ ବାଇବଇନିମନ୍, ମାପୁରୁ ଆରିତରେକ୍ ଆଇବାଜାକ ମୁର୍ଚିକରି ରୁଆ । ଚାସିମନର୍ ବିସଇ  
ଟିକ୍ତାକରିଦେକା, ତାକର୍ ଜମିଅନି ନିକ ପସଲ୍ ମିଲ୍‌ବା ଜାକ ସେମନ୍ ଜାଗିକରି ରଇବାଇ । ଜେକ୍ତିକି  
ମାଟିବିଜାଇବାକେ ପର୍ତୁମର୍ ବରିସା ଆରି ନିଙ୍‌ବାପାଟ୍‌ବା ବେଲର୍ ସାରାସାରି ବର୍ସାକେ ମୁର୍ଚିକରି  
ଜାଗି ରଇବାଇ । ୮ ସେ ରକାମ୍ ତମେମନ୍ ମିସା ମୁର୍ଚି ଜାଗିରୁଆ । ତମର୍ ମନ୍ ଡାଟ୍‌କରି ରୁଆ,  
କାଇକେବଇଲେ ମାପୁରୁ ଆଇବା ଦିନ୍ ଲଗେ କେଟିଆଇଲାନି ।

୯ ଏ ମର୍ ବାଇବଇନିମନ୍, ନିଜର୍ ନିଜର୍ ବିତ୍ରେ ଦସ୍ ଦାରାଦାରି ଉଆ ନାଇ । ସେକ୍ତିଆଲେ ମାପୁରୁ  
ତମ୍‌କେ ବିଚାର ନ କରେ । ଦେକା ବଡ୍ ବିଚାରକାରିଆ ଲଗେ ଆଟେ । ୧୦ ମର୍ ବାଇବଇନିମନ୍, ଜନ୍  
ବବିସଡ୍‌ବକ୍‌ତାମନ୍ ମାପୁରୁ ନାଉଁ ଦାରି କାତାଦେଇ ରଇଲାଇ, ସେମନ୍‌କେ ଏତାଆ । ଦୁକ୍‌କସ୍‌ଟ  
ଆଇଲାବେଲେ । ସେମନ୍ ମୁର୍ଚିକରି ରଇଲାଇ । ତମେମିସା ସେକ୍ତାରି ଅଇକରି ମନେ ଏତାଆ ।  
୧୧ ସେମନ୍ ମୁର୍ଚିକରି ରଇଲାର୍‌ପାଇ ବଲି କେତେକରମର୍ ଲକ୍ ବଲି କଇଲୁନି । ସେକ୍ତାରିସେ ଆମୁର୍  
ବେସି ଦିନ୍‌ଜାକ ମୁର୍ଚିକରି ରଇଲାଟା ତମେ ସୁନି ଆଟାସ୍ । ସାରାସାରି ପଟେ ମାପୁରୁ ଜନ୍‌ରକାମ୍ ତାକେ  
ବାଉଡାଇଦେଲାଟା ଜାନିଆଟାସ୍ । କାଇକେ ବଇଲେ ଆମର୍ ମାପୁରୁ ଦୟାକର୍‌ସି ଆରି ପୁରାପୁରୁନ୍  
କଲିକରମ୍ ଦେକ୍‌ବା ମାପୁରୁ ।

୧୨ ଏ ମର୍ ବାଇବଇନିମନ୍, ତମେ କାତା ଦେଲା ବେଲେ ରାନ୍ ନିୟମ୍ ପାକାଆ ନାଇ । ସରଗର୍ କି  
ଏ ଜଗତର୍ ନାଉଁ ଦାରିକରି କାଇ ବିସଇ ରାନ୍ ପାକାଆ ନାଇ । ତମର୍ ଅଇବା କାତାଆଲେ “ ଡ୍ ” ଆରି,  
ନ ଅଇବା କାତା ଆଲେ “ ନାଇ ” ବଲିକୁଆ । ସେକ୍ତାର୍ ରଇଲେ, ତମେ ପର୍ମେସରର୍ ବିଚାରନାଟାମେ  
ଡଣ୍ଡ ନ ପାଆସ୍ ।

୧୩ ତମର୍ ବିତ୍ରେ କେ ଜଦି ଦୁକ୍ ଜଞ୍ଜାଲେ ରଇଲେ, ସେ ପାର୍ତନା କର । କେ ଜଦି ସାର୍‌ଦାସକ୍  
ଆଟେ ବଇଲେ, ସେ ପର୍ମେସରର୍ ଡାକ୍‌ପୁଟାର୍ ଗିଡ୍ ଗାଅ । ୧୪ ଏକେ ଜଦି ଜର୍‌ଦୁକା ଅଇ ରଇଲେ ସେ  
ମଣ୍ଡଲିର୍ ପାର୍ତନିମନ୍‌କେ ଡାକାଆ, ସେମନ୍ ମାପୁରୁ ନାଉଁଦାରି ଟିକନ୍ ରକଇ କରି ତାକେ ଲାଗାଇ,  
ପାର୍ତନା କର୍‌ବାଇ । ୧୫ ବିସ୍‌ବାସ୍ ସକ୍ ସରପ୍‌ଲା ପାର୍ତନା ଜରର୍ ଲକ୍‌କେ ନିମାନ୍ କରି ଉଟାଇସି ।  
ଜଦିସେ ପାପ୍‌କରି ରଇସି ବଇଲେ ମାପୁରୁ ତାକେ କେମା କର୍‌ସି । ନିଜର୍ ନିଜର୍ ଲଗେ ପାପ୍ କଲାଟା  
ଜାନାଆ ଆରି ନିଜର୍ ନିଜର୍ ପାଇ ପାର୍ତନା କରା । ସେକ୍ତାର୍ କଲେ, ତମେ ନିକ ଅଇସା । ୧୬ ଗଟେକ୍  
ଦରମ୍ ଲକ୍ ପାର୍ତନା କଲାଟା ବେସି ବପୁ ରଇସି ଆରି ସେ ପାର୍ତନାର୍ ଉତର୍ ଦେକିଅଇସି । ୧୭ ଏଲିଅର୍  
ବିସଇ ବାବିଦେକା, ସେ ମିସା ଆମର୍ ପାରାସେ ରଇଲା । ପୁର୍‌ବେ ଇସରାଏଲ୍ ଦେସେ ପାନି ନ ମାର ବଲି  
ସେ ମନ୍‌ଦିଆନ୍ ଦେଇ ପାର୍ତନା କର୍‌ତେରଇଲା । ସେଟାପାଇ ସେ ଦେସେ ତିନ୍ ବରସ୍ ଚ ମାସ୍ ଜାକ  
ପାନି ମାରେ ନାଇ । ୧୮ ଆରି ତରେକ୍ ପାନି ମାର ବଲି ପାର୍ତନା କଲାକେ ବାଦ୍‌ଲେଅନି ପାନି ମାର୍‌ଲା ।  
ତେବର୍‌ପାଇ ଜମିଟାମେ ତାସ୍ ଅଇଲା ।

୧୯ ଏ ମର୍ ବାଇବଇନିମନ୍ ତମର୍ ବିତ୍ରେ ଜଦି କେ ସଡ୍ ବାଟ୍ ଚାଡିକରି ବିନ୍ ବିନ୍ ବାଟେ ଗାଲେ,  
ତାକେ କେ ଆଲେ ଜାଇ ବାଉଡାଇ ଆନ୍‌ଲେ, ୨୦ ଏତାଇରୁଆଜେ, କେ ଜଦି, ଗଟେକ୍ ପାପିକେ  
ବୁଲ୍‌ବାଟେଅନି ବାଉଡାଇ ଆନ୍‌ସି, ସେ ତାକେ ମରନେଅନି ରକିଆ କର୍‌ସି । ଆରି ସେ ଲକ୍‌ର୍ ଜବର୍  
ପାପ୍ ରଇଲେ ମିସା ତାକେ କେମା ଅଇସି ।

☆ ୫:୧୨ ୫:୧୨ ମାଡିଉ ୫:୩୪-୩୭ ☆ ୫:୧୪ ୫:୧୪ ମାର୍‌କ୍ ୭:୧୩ ☆ ୫:୨୦ ୫:୨୦ ୧ ମ ପିତର୍ ୪:୮

## ପିତର ଲେଖିତ୍ୱ ପ୍ରଥମ ପତ୍ର ପିତର ଲେଖିତ୍ୱ ପତ୍ରରୁ ଚିତି ଏ ବଇର ବିଷୟ ଜାଣିବା

ପିତର ପତ୍ରରୁ ଚିତି ପେରିତ୍ ତିତସ୍ତ ଲାଗି ଲେଖାଅଇ ରଇଲା । ପିତର କେ ଆରି ସେ କାକେ ଏ ଚିତି ଲେଖିଲାନି, ସେ ଏଚିତିତେଇ ସବୁ ବିନ୍ ଦେସର୍ ବିସ୍ବାସି ବାଇବଇନି ମନର୍ ପାଇ ବଲିକରି ଏ ଚିତି ଲେଖିଲାନି ୧:୧;୧:୧୭ ଆରି ୨:୧୧ ସେ ତାକର୍ ପତ୍ରବା ଲକ୍ମନକେ ଏ ରକାମ୍ ବାବିକରି ଲେଖିଲାନି । କାଇକେବଇଲେ ସେମନ୍ ବିନ୍ବିନ୍ ଦେସେ ଚିନ୍ବିନ୍ ଅଇରଇଲା । ଏ ଚିତି କେତେଟା ଏପିସିଅ ମଣ୍ଡଲିଲଗେ ପାଉଲର୍ ଚିତି ରକାମ୍ । ବେସିଲକ୍ ବିସ୍ବାସ୍ କଲାଇନିଜେ, ପତ୍ରରୁ ପିତର ଜିସୁକିରିସ୍ତର୍ ଜନମ୍ ଅଇ ୬୫ ବରସ୍ ପତେ ଲେଖାଅଇ ରଇଲା । ପିତର ଏ ଚିତି ରମେଅନି ଜାକେକି ବାବିଲନ୍ ବଲିକରି କଇବାଇ ସିତିଅନି ସେ ଲେକି ରଇଲା । ୫:୧୩ ।

ପିତର ଏ ଚିତିତେଇ ଲକ୍ମନ କଇଲାଇ ନିଜେ, ଏ ବଇର ଆଦେସ୍ ତମ୍ କେ ସାଆସ୍ ଦେଇସି ଆରି ପର୍ମେସର୍ ସତ୍ ଆରି ଦୟାକେ ପରିକା କରବାଟା ଆକା ୫:୧୨ ଏଟା କେତେଟା ସମାନସେ ଆତେ ଆରି ୧ ମ ପିତୃ ୨:୧୧-୩:୭ ଏପିସିୟ ୫:୧୮-୬:୯ କଲସିଅ ୩:୧୮-୪:୭ ଏ ତିନଟା ଚିତିର୍ ସବୁବଇ ନିଜର୍ ନିଜର୍ ଲକ୍ ମନର୍ ବିଷୟ ଆରି ଅଦିକାର୍ ବିସୟରେ କଇଲା ଆତେ । ସାରାସାରି ବେଲାଇ କେଟ୍ଲାନିକେ କସ୍ଟ ବେଲାଇମିସା ତବିର ଅଇକରି ରଇବାକେ ବିସ୍ବାସିମନକେ ବପୁଦେଲାନି ୪:୧

### ଏ ବିତ୍ରେ ରଇବାଟା

- ୧. ପିତର ତାର ଚିତି ପତ୍ରବା ଲକ୍ମନକେ ତାର ନିଜର୍ ବିଷୟ ଆରି ସେ ରଇବା ଜାଗାର ବିଷୟ ଜାନାଇଆତେ । ୧:୧-୨
  - ୨. ପିତର ପର୍ମେସର୍ କେ ଦନିଅବାଦ୍ ଦେଇଆତେ । ଜେକ୍ଟିକି ସବୁଲକ୍ ପର୍ମେସର୍ ମୁକ୍ତିଟା ନେ ମିସ୍ବାଇ । ଜନ୍ଟାକି ତାକର୍ ଜିବନ୍ ଉଦାର୍ ଅଇସି । ୧:୩-୨:୧୦
  - ୩. ପତେ ଜଗତେ କେନ୍ତାରି ଜିଉନା କାତନା କରିଅଇସି ଆରି ମାଇଜି ମୁନ୍ସ୍ ସାଉକାର୍ ଆରି ଦାଙ୍ଗାତାମନର୍ ବିତ୍ରେ କେନ୍ତାରି ମିସିବିତି ରଇବାକେ ଅଇସି, ସେଟା ଜାନାଇଦେଲାନି । ୨:୧୧-୪:୧୧
  - ୪. ତାରପତେ ଦୁକ୍ କସ୍ଟ ଆଇଲାବେଲେ ତବିର ଅଇରଇବାକେ ପିତର ସେମନକେ ସାଆସ୍ ଦେଲାନି । ୪:୧୨-୫:୧୧
- ସେ ତାର ଚିତି ଲେଖିବାଟା ସାରାଇଆତେ । ୫:୧୨-୧୪

### ପିତର ଲେଖିତ୍ୱ ପତ୍ରରୁ ଚିତି

୧ ମୁଇ ପିତର, ଜିସୁକିରିସ୍ତର୍ ଗଟେକ୍ ପେରିତ୍ ସିସ୍ ।  
 ପତ୍ର, ଗାଲାତିଅ, କାପାଦକିଆ, ଆସିଆ ଆରି ବିତୁନିଆ ରାଇଜମନକେ, ବିନ୍ଦେସର୍ ଲକ୍ମନପାଠା ଚିନ୍ବିନ୍ ଅଇଜାଇରଇବା ପର୍ମେସର୍ ଲକ୍ମନକେ ମୁଇ ଏ ଚିତି ଲେଖିଲିନି । ୨ ତାର ଜଜନା ଇସାବେ ବାବା ପର୍ମେସର୍ ତମ୍ କେ ତାକଲା ଆତେ । ତାର ସୁକଲ୍ ଆତମାଇ ସେ ତମ୍ କେ ତାର ସୁକଲ୍ ଲକ୍ କରାଇସି । ତମେ ଜିସୁ କିରିସ୍ତକେ ମାନିକରି, ତାର ବନିତେଇ ଦଇଅଇକରି ରଇବାକେ ସେ ଏନ୍ତାରି ଜଜନା କଲା ।  
 ତାର ଜିବନ୍ଦୁକାଇଲାଟା ଆରି ସାନ୍ତି ପୁରାପୁରୁନ୍ ତମ୍ କେ ମିଲ ।

### ଜିବନ୍ ରଇବା ଆସା

୩ ଆମର୍ ମାପରୁ ଜିସୁକିରିସ୍ତର୍ ବାବା ପର୍ମେସର୍ କେ ଦନିଅବାଦ୍ ଦେଉଁ । କାଇକେବଇଲେ ସେ ଜବର୍ ଅଇତେ ଦୟା କଲାର୍ ପାଇ ଆମ୍ କେ ନୁଆ ଜିବନ୍ ଦେଲା ଆତେ । ଜିସୁକିରିସ୍ତକେ ମଲାଟାନେଅନି ଉଟାଇକରି ଏନ୍ତାରି କରିଆତେ । ଆମେ ମଲେ ମିସା ଆମ୍ କେ ଉଟାଇସି ବଲିକରି ପୁରାପୁରୁନ୍ ଆସାଆତେ । ୪ ସେଟାର୍ ପାଇ ପର୍ମେସର୍ ତାର ଲକ୍ମନପାଠାଇ ଜେଡ୍ କି ସବୁ ଆସିର୍ବାଦ୍ ସର୍ଗେ ଜତନ୍ କରି ସଙ୍ଗଆତେ, ସେଟା ସବୁ ଆମର୍ ଅଇସି ବଲି ଆସାକଲୁନି । ତେଇ ସେଟା ନ ନସେ କି ଚିଲମ୍ ନ ଦାରେ କି ଉନା ମିସା ନ ଅଏ । ୫ ଏ ସବୁ ଆସିର୍ବାଦ୍ ଆମ୍ ପାଇ । ତମେ ପର୍ମେସର୍ କେ ବିସ୍ବାସ୍ କଲାପାଇ, ତାର ବପୁ ତମ୍ କେ କାଇଟା ନ ଅଇତେ ସଙ୍ଗଇଲା ଆତେ । ସାରାସାରିଦିନେ ତାର ମୁକ୍ତି ସବୁଲକ୍ ଜାନିବା ଜାକ, ତମର୍ ଉପରେ ଜାଗତେରଇସି ।

୬ ଚନେକପାଇ ତମର୍ ଜିବନେ ବିନ୍ ବିନ୍ ଦୁକ୍ କସ୍ଟ ଆଇଲାକେ ମୁରଚିକରି ରଇବାକେ ପତ୍ରେଲେ ମିସା, ସେଟାର୍ ପାଇ ତମେ ସାରଦା ଅଇକରି ରୁଆ । ୭ ତମର୍ ଜିବନେ ଆଇଲା ଦୁକ୍ କସ୍ଟ ସବୁ ତମର୍

ବିସ୍ୱାସ୍ ସତ୍ତ୍ୱାତେ କି ନାଈ ବଲି ପରିକା କର୍ତ୍ତାକେସେ । ସୁନାଃ ବିସଈ ବାବିଦେକା, ଏ ଜଗତର୍ ସବୁ ବିସଈପାଠା ସୁନା ମିସା ନସିଜାଈସି । ସୁନା ନିକଟା କି କାରାପଟା ବଲି ଜାନବାକେ ଜଈଟାନେ ସିଲାଇବାଇ । ତମର୍ ବିସ୍ୱାସ୍ ସୁନାଟାନେଅନି ଅଦିକ୍ ମୁଲିଅ । ସେନ୍ତାରଥାଲେ ତମର୍ ବିସ୍ୱାସ୍ ନିକଟା କି ନାଈ ବଲି ପରିକା କର୍ତ୍ତାଆତେ । ତମର୍ ବିସ୍ୱାସ୍ ଜଦି ନିକଟା, ଜିସୁ କିରସଟ ଦେକା ଅଇବା ସେ ଦିନେ ତମେ ଡାକ୍ପୁଟା ଆରି ମଇମା ପାଇସା ।<sup>୮</sup> ଏବେ ତମେ ତାକେ ନ ଦେକିରଇଲେ ମିସା ଆଲାଦ୍ କଲାସ୍ନି ଆରି ବିସ୍ୱାସ୍ କଲାସ୍ନି । ସେଟାରପାଇ ତମର୍ ସାରଦା ବେସି ବଡ଼ ।<sup>୯</sup> ତମେ ବିସ୍ୱାସ୍ କଲାରପାଇ ତମକେ ସର୍ଗେ ନ ସାରବା ଜିବନ୍ ଆତେ ।

<sup>୧୦</sup> ପର୍ମେସର୍ ମୁନ୍ସୁସମନ୍କେ ତାକର୍ ପାପେଅନି କେନ୍ତ୍ରି ମୁକ୍ଲାଈସି ବଲି ପୁରବର୍ ବସିସତ୍ତ୍ୱକତାମନ୍ ମନ୍ଦିଆନ୍ କରି ପଡ଼ଲାଇ । ପର୍ମେସର୍ ତମ୍କେ ଦେବା ଏ ଦାନ୍ ବିସଈ, ସେମନ୍ ଆଗ୍କେ ଗଟ୍ବା କାତା କଇଲାଇ ।<sup>୧୧</sup> କିରିସ୍ଟ କେନ୍ତ୍ରି ଦୁକ୍କସ୍ଟ ମୁରଟ୍ଲା, ଆରି ସବୁ ନିନ୍ଦା ସାରଲା ପତେ ସେ କେନ୍ତ୍ରି ଡାକ୍ପୁଟା ପାଇଲା, ସେ ବିସଈ ପର୍ମେସର୍ ଆତ୍ମା ସେମନ୍କେ ଜାନାଇଲା । ଏଟା ସବୁ କେବେ ଅଇସି ଆରି କେନ୍ତ୍ରାରି ଅଇସି, ସେଟା ଜାନବାକେ ସେମନ୍ ବେସି ମନ୍ କଲାଇ । ସେଟାରପାଇ ସେମନ୍ ସେ ବିସଈ ମନ୍ଦିଆନ୍ କରି ପଡ଼ଲାଇ ।<sup>୧୨</sup> ମାତର୍ ଜନ୍ ଆଗ୍କେ ଗଟ୍ବା କାତା ସେମନ୍ କଇରଇଲାଇ, ସେଟା ସେମନ୍ ବଲ୍ପପାଇ ନାଈ ମାତର୍ ତମର୍ ବଲ୍ପପାଇ ବଲି ପର୍ମେସର୍ ସେମନ୍କେ ଜାନାଇଲା । ଆରି ଏବେ ସେଟା ପୁରାପୁରନ୍ ଅଇଲା । କାଇକେବଇଲେ ଜନ୍ ଲକ୍ମନ୍ ତମ୍କେ ସୁବ୍ କବର୍ ଜାନାଇଲା ଆତଡ଼, ତମେ ସେ କାତା ସୁନିଆଗାସ୍ । ସର୍ଗେଅନି ପାଟାଇରଇବା ସୁକ୍ଲାଆତ୍ମା ସେମନ୍କେ ବପୁଦେଲା । ଦୁତ୍ତମନ୍ ମିସା ଏ ବିସଈ ଜାନବାକେ ମନ୍ କଲାଇ ।

**ସୁକ୍ଲ ଅଇକରି ଜିଉନା କାଉନା କର୍ତ୍ତାଟା**

<sup>୧୩</sup> ସେଟାରପାଇ ତମେ ନିଜର୍ ନିଜର୍ ମନେ ପର୍ମେସର୍ ମନ୍କଲାଟା ପୁରାପୁରନ୍ କର୍ତ୍ତାକେ ଜାଗିରୁଆ । ଆରି ଜିସୁ କିରିସ୍ଟ ବାଉଡି ଆଇବା ବେଲାଈ ସେ ଜନ୍ ଆସିରବାଦ୍ ତମ୍କେ ଦେଇସି, ସେଟା ମିଲ୍ସି ବଲି ପୁରାପୁରନ୍ ଆସା ଉଆ ।<sup>୧୪</sup> ପର୍ମେସର୍ ଆଦେସ୍ ମାନିକରି ରୁଆ । ତାର୍ ସତ୍ତ୍ୱ ସିକ୍ଥା ଜାନବା ଆଗ୍ତୁ ତମେ କେନ୍ତ୍ରାରି ନିଜେ ମନ୍ କଲାଟା ପୁରାପୁରନ୍ କର୍ତ୍ତେରଇଲାସ୍, ସେନ୍ତାରି ଆରି କରାନାଇ ।<sup>୧୫</sup> ମାତର୍ ତମ୍କେ ଡାକ୍ଲା ମାପୁର ଜେନ୍ତାରି ସୁକ୍ଲ ଆତେ, ସେନ୍ତାରିସେ ତମେମନ୍ ମିସା ତମର୍ ସବୁ ବିସଈଟାନେ ସୁକ୍ଲ ଉଆ ।<sup>୧୬</sup> ତେବେ ସାସ୍ତରେ ଲେକା ଆତେ, ପର୍ମେସର୍ କଇଲାଆତେ, ମୁଇ ଜେନ୍ତାରି ସୁକ୍ଲ, ତମେ ମିସା ସେନ୍ତାରି ସୁକ୍ଲ ଉଆ ।

<sup>୧୭</sup> ପର୍ମେସର୍ ଜେଡେବେଲେ ମୁନ୍ସୁସମନ୍କେ ବିଚାର କର୍ସି, ସେ କାର୍ବିତ୍ତରେ ସାନ୍ ବଡ଼ ନ ଦେକେ । ଗଟେକ୍ ଗଟେକ୍ ଲକ୍କେ ତାକର୍ କଲା କାମ୍ ଇସାବେ ସେ ବିଚାର କର୍ସି । ତେବେ ତମେ ପାରତନା କର୍ତ୍ତାବେଲେ ପର୍ମେସର୍କେ ବାବା ବଲି ଡାକ୍ଲାସ୍ନି । ତମେ ଜେଡକି ଦିନ୍ ଏ ଜଗତେ ବଠିଆଗାସ୍, ତାକେ ମାନିକରି ରଇବାରଆତେ ।<sup>୧୮</sup> ତମର୍ ଆନିଦାଦିମନ୍ ଟାନେଅନି ଲତାକେ ନ ଆଇବା ରିଡିନିଅନି ସେ କାଇ ମୁଲିଅ ଦେଇକରି ତମ୍କେ ମୁକ୍ଲାଈଆତେ, ସେଟା ତମେ ଜାନିଆଗାସ୍ । ତମ୍କେ ମୁକ୍ଲାଈବାକେ ସେ ନସି ଜିବା ସୁନା କି ରୁପାର୍ ମୁଲିଅ ଦେଏ ନାଈ ।<sup>୧୯</sup> ମାତର୍ ବେସି ମୁଲିଅ ରଇବା ଜିସୁକିରିସ୍ଟର୍ ବନି, ଜନ୍ଟା ସେ ତାର୍ ମରନେ ରକଇଦେଲା । କାଇ ଦସ୍ କି କାଇ ଅବାଦ୍ ନ ରଇବା ମେଣ୍ଟାପିଲା ପାରା ବଲିଅଇଲା ।<sup>୨୦</sup> ଏ ଜଗତ୍ ତିଆର୍ ନ ଅଇବା ଆଗ୍ତୁ ପର୍ମେସର୍ କିରିସ୍ଟକେ ବାଟିରଇଲା । ମାତର୍ ଏବେ ଏ ସାରାସାରି ଦିନେ ସେ ତାକେ ଦେକାଇଲା ଆତେ । ଜେନ୍ତାରି କି ସେ ଆମ୍କେ ସାଇଜକରିପାର୍ସି ।<sup>୨୧</sup> ଜିସୁକିରିସ୍ଟର୍ ଲାଗି ତମେ ଏବେ ପର୍ମେସର୍କେ ବିସ୍ୱାସ୍ କଲାସ୍ନି । ସେ ଆକା କିରିସ୍ଟକେ ମରନେଅନି ଉଟାଇକରି ଡାକ୍ପୁଟା କଲା ଆତେ । ତେବ୍ପପାଇ ତମର୍ ବିସ୍ୱାସ୍ ଆରି ଆସା ଏବେ ପର୍ମେସର୍ଟାନେ ଆତେ ।

<sup>୨୨</sup> ତମେ ସତ୍ତ୍ୱ ମାନ୍ଲାର୍ ପାଇ, କାରାପ୍ ଚଲାଚଲ୍ପି ଚାଡିକରି ତମର୍ ସଙ୍ଗର୍ ବିସ୍ୱାସିମନ୍କେ ସତ୍ତ୍ୱ ଆଲାଦ୍ କଲାସ୍ନି । ମନ୍ ପରାନ୍ ଦେଇକରି ଗଟେକ୍ଲକ୍ ଆରି ଗଟେକ୍ ଲକ୍କେ ଆଲାଦ୍ କଲାସ୍ନି ।<sup>୨୩</sup> ତମେ ଆରିତରେକ୍ ଜନମ୍ ଅଇଲାସ୍କେ ଏନ୍ତାରି କଲାସ୍ନି । କେବେ ନ ମରବା ବାବାମାଆର୍ ପିଲାମନ୍ ଇସାବେ । ତାର୍ ବାକିଅ ତମ୍କେ ନୁଆ ଜିବନ୍ ଦେଲାଆତେ । ତାର୍ ବାକିଅ ସବୁଦିନପାଇ ରଇସି ।<sup>୨୪</sup> ସାସ୍ତରେ ଲେକାଅଇଲାପାରା, ଗୁଲାଈ ମୁନ୍ସୁ ଜାତି ଗାଁସ୍ ପାରା ।

ତାକର୍ ବାନିମୁର୍ତି ଗାଁସ୍ ପୁଲ୍ପପାରା ।

ଗାଁସ୍ ସୁକିଜାଇସି ଆରି ପୁଲ୍ ଜଡିଜାଇସି ।

<sup>୨୫</sup> ମାତର୍ ପର୍ମେସର୍ ବାକିଅ ସବୁଦିନ୍ ପାଇ ରଇସି ।

ଏ ବାକିଅ ଅଇଲାନି ତମ୍କେ ଜାନାଇରଇବା ସୁବ୍ କବର୍ ।

୨

ଜିବନ୍ ପାକ୍‌ନା ଆରି ସୁକଲ୍ କୁଟୁମ୍

୧ ତମେ ନୁଆ ଜିବନ୍ ପାଇଲାର୍‌ପାଇ ସବୁ କାରାପ୍ ବିସଇର୍‌ଟାନେଅନି ଦୁରିକେ ରୁଆ । ସବୁ ରକାମ୍ ମିର୍ କଇବାଟା, ନାଡାକବାଟା, ଛାଁସା ଅଇବାଟା ଆରି ନିନ୍ଦା କାତା କଇବାଟା ଚାଡ଼ିଦିଆସ୍ । ୨ ଏବେ ଜନମ୍ ଅଇଲା କଅଁଲା ପିଲାମନ୍ ଦୁଦ୍ କାଇବାକେ ଜେନ୍ତାରି ମନ୍ କରବାଇ, ସେନ୍ତାରିସେ ତମେ ଆଡ଼ମାର୍ ଦୁଦ୍ କାଇବାକେ ମନ୍ କରା । ସେଟା ଅଇଲାନି ପର୍‌ମେସରର୍ ସଡ଼୍ ବାକିଅ । ସେଟା କାଇବାକେ ମନ୍ କଲେ, ତମର୍ ମୁକ୍ତି ସିଦ୍ ଅଇବାଜାକ ତମେ ବିସବାସେ ଅଦିକ୍ ଅଦିକ୍ ବଡ଼ି ଆଇସା । ୩ ସାସ୍ତରେ ଲେକା ଅଇଲାପାରା “କାଇକେ ବଇଲେ, ମାପୁରୁ ଜିବନ୍ ଦୁକାଇ ଦୟା କଲାଟା ତମେ ଜାନିସାରାଇ ଆଚାସ୍ ।”

୪ ଡେବରପାଇ କିରିସ୍‌ଟର୍ ଲଗେ ଆସା । ସେ, ଗର୍ ତାଟ୍ କରବା ଜିବନ୍ ପାକ୍‌ନା ପାରା ଆଚେ । ଏ ପାକ୍‌ନା, କାଇ ମୁଲିଅ ନାଇ ବଲି, ଲକ୍‌ମନ୍ ଚାଡ଼ିଦେଇରଇଲାଇ । ମାତର୍ ପର୍‌ମେସର୍ ସେଟାକେସେ, ବେସି ମୁଲିଅ ରଇବାଟା ବଲି ବାଟିଆଚେ । ୫ ତାର୍ ଲଗେ ଆଇଲାର୍‌ପାଇ ତମେ ଜିବନ୍ ରଇବା ପାକ୍‌ନାପାରା ଅଇଆଚାସ୍ । କାଇକେବଇଲେ, ତମକେ ଜଡ଼ିକରି ଗଟେକ୍ ଆଡ଼ମା ରଇବା ମଣ୍ଡୁଲି ତିଆର୍ ଅଇଲାନି । ଆରି ପର୍‌ମେସରର୍ ସୁକଲ୍ ରଇବା ପୁଜାରି ଇସାବେ ତମେ ତାକେ ସେବା କଲାସ୍‌ନି । ଜିସୁକିରିସ୍‌ଟର୍ ଲାଗି ଏ ଆଡ଼ମାର୍ ସେବା ପର୍‌ମେସରକେ ସାର୍‌ଦା କରାଇସି । ୬ ସାସ୍ତରେ କଇଲାପାରା “ଦେକା, ମୁଇ ସବୁର୍‌ଡେଇଅନି ଅଦିକ୍ ମୁଲିଅ ରଇବା ପାକ୍‌ନା ବାଟ୍‌ଲିଆତି,

ସେଟା ଗର୍ କନର୍ ମୁଲ୍‌ପାକ୍‌ନା ଇସାବେ ସିୟନେ ସଙ୍ଗାଇଆତି  
କେ ଜଦି ତାକେ ବିସବାସ୍ କରବାଇ, ସେ କେବେ ଲାଜ୍ ନଏ ।”

୭ ତମେ ବିସବାସି ଲକ୍‌ମନର୍‌ପାଇ, ଏ ପାକ୍‌ନା ବେସି ମୁଲିଅ ରଇବାଟା । ମାତର୍ ଜେଡ଼କି ଲକ୍ ବିସବାସ୍ କରଡ଼ ନାଇ, ସାସ୍ତରେ ଲେକା ଅଇଲା ବିସଇ ସେମନ୍ ମନେ ରକ୍‌ବାର୍ ଆଚେ ।

“ଗର୍ ତିଆର୍ କରୁମନ୍ ଜନ୍ ପାକ୍‌ନା ଚାଡ଼ିଦେଇରଇଲାଇ,

ସେ ପାକ୍‌ନାକେସେ ପର୍‌ମେସର୍ ସବୁର୍‌ଟାନେ ଅନି ମୁଲିଅ ରଇବା ପାକ୍‌ନା କଲାଆଚେ ।”

୮ ସାସ୍ତରେ ଲେକା ଅଇଲା ଆରି ଗଟେକ୍ ବିସଇ ମିସା ସେମନ୍ ଏତାଇବାର୍ ଆଚେ ।

“ଏ ପାକ୍‌ନା କେତେ ଲକ୍‌ପାଇ ବାଦା ଆନ୍‌ସି ।

ଡେଇ ବେସି ଲକ୍ ଜଟିଆଇ ଅଇ ଅଦର୍‌ବାଇ ।”

“ସେମନ୍ ପର୍‌ମେସରର୍ ବାକିଅ ବିସବାସ୍ ନ କଲାପାଇ ଜଟିଆଇ ଅଇ ଅଦର୍‌ବାଇ । ଏଟା ତାକର୍‌ପାଇ ପର୍‌ମେସରର୍ ଜଜ୍‌ନା ରଇଲା ।”

୯ ମାତର୍ ତମେ, ବାଟି ଅଇରଇବା ପର୍‌ମେସରର୍ କୁଟୁମ୍ । ଆରି ଆମର୍ ରାଜାର୍ ପୁଜାରି ଦଲ୍ । ପର୍‌ମେସରର୍ ଚକିଡ଼ ଅଇଜିବା କାମ୍ ଜାନାଇବାକେ ସେ ବାଟିରଇବା ତାର୍ ନିଜର୍ ଲକ୍ ଅଇଆଚାସ୍ । ଆନ୍ଦାର୍ ବିଡ଼ରେ ଅନି ତାର୍ କାବା ଅଇଜିବା ଉଜଲେ ଜିବାକେ ସେ ତମକେ ଡାକି ଆଚେ । ୧୦ ଆଗେ ତମେ ତାର୍ ନିଜର୍ ଲକ୍ ନ ରଇଲାସ୍ । ମାତର୍ ଏବେ ତାର୍ ନିଜର୍ ଲକ୍ ଅଇଆଚାସ୍ । ଆଗେ ତାର୍ ଦୟା ପାଇ ନ ରଇଲାସ୍, ମାତର୍ ଏବେ ପାଇଆଚାସ୍ ।

ପର୍‌ମେସରର୍ ଗତି ଦାଙ୍ଗ୍‌ତା

୧୧ ଏ ମର୍ ମଇତର୍‌ମନ୍, ତମେ ଏ ଜଗତେ ବିଦେସି ପାରା ଆଚାସ୍ ଆରି ଚନେକର୍ ପାଇସେ ଇତି ରଇଲାସ୍‌ନି । ତମର୍ ଗାଗଡେ ରଇବା ପାପର୍ ଗୁନଟଲନେ ଅନି ଆଇବା ସବୁ ରକାମ୍ କାରାପ୍ ମନକରବା ଟାନେଅନି ଦୁରିକେ ରୁଆ । ୧୨ ତମର୍ ନଅରେ ରଇବା ବିସବାସ୍ ନ କରବା ଲକ୍‌ମନ୍ ଦେକ୍‌ବା ଇସାବେ ତମର୍ ଚଲାଟଲ୍‌ତି ନିକ ରଇବାର୍‌ଆଚେ । ସେନ୍ତାରି ରଇଲେ ସେମନ୍ ତମର୍ ବିରୁଦେ ନିନ୍ଦା କାତା କଇଲେ ମିସା, ତମେ କରୁରଇବା ନିକ କାମ୍ ଦେକିକରି ପର୍‌ମେସର୍ ବାଉଡ଼ିଆଇବା ଦିନେ ତାକେ ଡାକ୍‌ପୁଟା କରବାଇ ।

୧୩ ତମର୍ ଉପ୍‌ରେ ଅଦିକାର୍ କରବା ଲକ୍‌ମନ୍‌କେ ଆମର୍ ମାପୁରୁର୍ ଲାଗି ମାନିକରି ରୁଆ । ସବୁର୍‌ଟାନେଅନି ଅଦିକାର୍ ରଇବା ସାସନ୍‌କାରିଆକେ ମିସା ମାନିକରି ରୁଆ । ୧୪ ସବୁର୍‌ଟାନେଅନି ବଡ଼ ସାସନ୍‌କାରିଆ, ଜେ କି କାରାପ୍ କାମ୍ କରବା ଲକ୍‌ମନ୍‌କେ ତଣ୍ଟ ଦେବାକେ ଆରି ନିକ କାମ୍ କରବା ଲକ୍‌ମନ୍‌କେ ଡାକ୍‌ପୁଟା କରବାକେ ପାଟାଇଆଚେ, ତାକେ ମିସା ମାନିକରି ରୁଆ । ୧୫ କାଇକେବଇଲେ, ତମେ କରୁରଇବା ନିକ କାମ୍‌ରଲାଗି କାଇ ଲତାକେ ନ ଆଇବା କାତା କଇବୁଲ୍‌ବା ଲକ୍‌ମନ୍‌କେ ରୁପ୍ କରାଇବାକେ ପର୍‌ମେସର୍ ମନ୍ କଲାନି । ୧୬ ତମେ ମୁକ୍‌ଲିଲା ଲକ୍‌ମନ୍ ବଲି ତମର୍ ଜିବନ୍‌ର୍ ଚଲାଟଲ୍‌ଡିଡେଇ ଦେକାଆ । ମାତର୍ ଆମ୍‌କେ ମୁକ୍ତି ମିଲ୍‌ଲାଆଚେ ବଲି କାଇଟା ମିସା କରୁ ବଲି ନ ବାବିକରି ପର୍‌ମେସରକେ ସେବା କରା । ୧୭ ସବୁ ଲକ୍‌ମନ୍‌କେ ସନ୍‌ମାନ୍ ଦିଆସ୍ । ବିସବାସି

★ ୨:୯ ୨:୯ ଚିତସ୍ ୨:୧୪



ବାଇବଲ୍‌ନିମନ୍ତେ ଆଲାଦ୍ କରା । ପର୍ଯ୍ୟେସର୍‌କେ ମାନିକରି ରୁଆ । ଆରି ସବୁର୍ ଉପ୍‌ରର୍ ସାସନକାରିଆକେ ସନ୍‌ମାନ୍ ଦିଆସ୍ ।

**କିରିସ୍‌ଟ୍ ଦୁକ୍‌କସ୍‌ଟ୍ ସିକିଆ**

୧୮ ତମର୍ ବିତ୍‌ରେ ଜେଡକି ଲକ୍ ଗତିଦାଙ୍ଗଡା ଅଇଆଟାସ୍, ତମର୍ ସାଉକାର୍‌ମନ୍‌ କାତା ମାନିକରି ରୁଆ ଆରି ସେମନ୍‌କେ ପୁରାପୁରୁନ୍ ସନ୍‌ମାନ୍ ଦିଆସ୍ । ଦରମ୍ ରଇବା ସାଉକାର୍‌ମନ୍ ରଇଲେ, କି ଟେରା ରଇବା ସାଉକାର୍‌ମନ୍‌କେ ମିସା ଏନ୍ତାରି କର୍‌ତେରୁଆ । ୧୯ ତମର୍ କାଇ ବୁଲ୍ ନ ରଇଲେ ମିସା ମୁରଟିକରି ରଇଲେ, ତେଇ ପର୍‌ମେସର୍ ସାର୍‌ଦା ଅଇସି । କାଇକେବଇଲେ ତମେ ତାର୍ ମନ୍ କଲାଟା ସିଦ୍ କଲାସନ୍ । ୨୦ ଜଦି ବୁଲ୍ କଲାଟପାଇ ଦୁକ୍‌କସ୍‌ଟ୍ ମୁରଟି କରି ଡଣ୍ ପାଇଲେ, ତେଇ ତମେ କଲା କରମ୍‌ସେ ପାଇଆଟାସ୍ । ମାତର୍ ସଡକାମ୍ କରି ଦୁକ୍‌କସ୍‌ଟ୍ ମୁରଟିଲେ, ସେଟା ପର୍‌ମେସର୍‌କେ ସାର୍‌ଦା କରାଇସି । ୨୧ ସେନ୍ତାରି ଚଲାଚଲ୍‌ତି କର୍‌ବାକେ ପର୍‌ମେସର୍ ତମ୍‌କେ ଡାକ୍‌ଲାଆଟେ । କିରିସ୍‌ଟ୍ ତମର୍‌ପାଇ ଦୁକ୍‌କସ୍‌ଟ୍ ମୁରଟି କରି, ତମେ ଚଲାଚଲ୍‌ତି କର୍‌ବାଟା ଦେକାଇଆଟେ । ୨୨ ସେ କେବେ ପାପ୍‌କରି ନ ରଇଲା ଆରି ତାର୍ ଟଣ୍‌ଶ୍‌ଅନି ଗଟେକ୍ ମିସା ମିଟ୍‌କାତା ନ ବାରଇ ରଇଲା । ୨୩ ଲକ୍‌ମନ୍ ଡାକେ କିଜାଇଲାବେଲେ ସେ ନିନ୍ଦା କାତାକଇ ଟଣ୍ ଲାଗାଏ ନାଇ । ତାକେ ଦୁକ୍‌କସ୍‌ଟ୍ ଦେଲାକେ ସେ ଦମ୍‌କାଏ ନାଇ । ମାତର୍ କାଇ ଅନିଆଇ ନ କର୍‌ବା ପର୍‌ମେସର୍‌କେ ସବୁ ବିସଇ ଚାଡିଦେଲା । ୨୪ ଆମେ ପାପ୍ କଲାଟପାଇ ପାଇବା ଡଣ୍ କୁରୁସ୍‌କାଟେ ମରିକରି କିରିସ୍‌ଟ୍ ନିଜେ ବଇନେଲା । ପାପ୍ କର୍‌ବାଟା ଚାଡିକରି ଦରମ୍ ଚଲାଚଲ୍‌ତି କର୍‌ବାକେ ସେ ଏନ୍ତାରି କଲା । ତାର୍ ଗାଗ୍‌ଡେ ମାରି ରଇବା ଗାଉର୍ ଲାଗି ଆମେ ନିକ ଅଇଆରୁ । ୨୫ ଆଗଡୁ ତମେ ବାଟ୍ ବାନା ଅଇଲା ମେଣ୍ଡାପାରା ରଇଲାସ୍, ମାତର୍ ଏବେ ସେ ତମ୍‌କେ ଡାକି ଆନିଆଟେ । ସେ ଆକା ତମ୍‌କେ ଜଡନ୍‌କରି ତମର୍ ଆଡ୍‌ମାମନ୍‌କେ ଜାଗ୍‌ଲାନ୍ ।

**୩**

**ମାଇଜି ମୁନ୍‌ସର୍ ପାଇ ସିକିଆ**

୧ ✨ସେନ୍ତାରିସେ ତମେ ବିବାଅଇ ରଇବା ଏ ମାଇଜିମନ୍, ନିଜର୍ ନିଜର୍ ମୁନ୍‌ସ୍‌ମନ୍‌ର କାତାମାନିକରି ରୁଆ । କାଇକେବଇଲେ ତାକର୍ ବିତ୍‌ରେ କେ ଜଦି ପର୍‌ମେସର୍‌ର ବାକିଅ ବିସ୍‌ବାସ୍ ନ କରିଅଡ୍, ତମର୍ ନିକ ଚଲାଚଲ୍‌ତି ଦେକିକରି ସେମନ୍ ମିସା ମନ୍ ବାଦ୍‌ଲାଇବାଇ । ତମ୍‌କେ ପଦେକ୍ କଇବାକେ ନ ପଡେ । ୨ କାଇକେବଇଲେ ତମର୍ ସୁଆଲ୍ ଚଲାଚଲ୍‌ତି ଆରି ପର୍‌ମେସର୍‌କେ ମାନିକରି ରଇବାଟା ସେମନ୍ ଦେକ୍‌ବାଇ । ୩ ✨ବିନ୍ ମାଇଜିମନ୍ ଜେନ୍ତାରିକି, ପିନ୍ଦାଅଡା ଅଇକରି, ସୁନାବାନା ପିନ୍‌କରି, ଟେଣ୍ଟି ସାଜାଡିକରି, ନିଜେ ସୁନ୍‌ର୍ ଅଇବାଇ, ତମେ ସେନ୍ତାରି ଉଆନାଇ । ୪ ମାତର୍ ମନ୍‌ବିତ୍‌ରେ ସୁଆଲେ ରଇକରି ଆଡ୍‌ମାଇ ସୁସାରେ ରଇବା ଗଟେକ୍ ମାଇଜି ପର୍‌ମେସର୍ ଦେକ୍‌ବା ଇସାବେ ସୁନ୍‌ର୍ । ସେନ୍ତାରି ସୁନ୍‌ର୍ ରଇବାଟା ବେସି ମୁଲିଅ ଆରି ସବୁଦିନର୍‌ପାଇ ରଇସି । ୫ ପୁର୍‌ବେ ରଇବା ସୁକଲ୍ ମାଇଜିମନ୍ ଏନ୍ତାରିସେ ସେମନ୍ ଆସା କର୍‌ବାଟା ପର୍‌ମେସର୍‌କେ ସର୍‌ପିଦେଇ ନିଜର୍ ମୁନ୍‌ସ୍‌ମନ୍‌ର କାତା ମାନିକରି ସୁନ୍‌ର୍ ଅଇତେରଇଲାଇ । ୬ ପୁର୍‌ବେ ସାରା ସେନ୍ତାରି କର୍‌ତେରଇଲା । ସେ ତାର୍ ମନ୍‌ସ୍ ଅବ୍‌ରାଆମ୍‌କେ ନିଜର୍ ସାଉକାର୍ ଇସାବେ କାତା ମାନିକରି ରଇଲା । ତମେ ଜଦି ସଡକାମ୍ କରି କାଇଟାର୍ ପାଇ ଡରି ନ ରଇଲେ, ତମ୍‌କେ ମିସା ତାର୍ ଟକିମନ୍ ଇସାବେ ଲେକା କରସି ।

୭ ✨ସେନ୍ତାରିସେ ତମେ ବିବାଅଇରଇବା ଏ ମୁନ୍‌ସ୍‌ମନ୍, ନିଜର୍ ମାଇଜିମନ୍‌ର ସଙ୍ଗ୍ ବୁଜାମାନା ଅଇରୁଆ । କାଇକେବଇଲେ ସେମନ୍‌କେ ତମର୍‌ଟାନେଅନି ଉନା ବପୁଆଟେ । ସେମନ୍‌କେ ସନ୍‌ମାନ୍ ଦିଆସ୍, କାଇକେବଇଲେ ପର୍‌ମେସର୍ ଦେବା ନ ସାର୍‌ବା ଜିବନ୍ ତମର୍ ସଙ୍ଗ୍ ସେମନ୍‌କେ ମିସା ମିଲ୍‌ସି । ତମର୍ ପାର୍‌ତନା କର୍‌ବାଟା ବାଦା ନ ଆଇବାକେ ଏ ସବୁ ଆଦେସ୍ ମାନିକରି ରୁଆ ।

**ନିମାନ୍ କାମ୍‌ପାଇ ଦୁକ୍‌କସ୍‌ଟ୍**

୮ ସାରାସାରି ତମର୍ ସବୁଲକର୍ ମନ୍ ଗଟେକ୍ ଅ । ଦୁକ୍‌ସୁକ୍ ବେଲେ ତମର୍ ତମର୍ ବିତ୍‌ରେ ମିସିବିଡି ରୁଆ । ନିଜର୍ ନିଜର୍ ବିତ୍‌ରେ ଆଲାଦ୍ ଅଇକରି ସୁଆଲେ ରୁଆ । ୯ ତମର୍ ବିରୁଦେ କେ କାରାପ୍ କାମ୍ କଲେ ତାକେ ବେର୍‌ଦାରି ରୁଆନାଇ । ନିନ୍ଦାକାତା କଇଲେ ଟଣ୍ ଲାଗାଆ ନାଇ । ତାର୍ ବାଦୁଲେ ପର୍‌ମେସର୍ ସେମନ୍‌କେ ଦୟା ଦେକାଇବାକେ ପାର୍‌ତନା କରା । କାଇକେବଇଲେ ସେ ତମ୍‌କେ ଡାକ୍‌ଲାବେଲେ ମୁଇ ତମ୍‌କେ ଆସିର୍‌ବାଦ୍ କର୍‌ବି । ବଲି କାତା ଦେଇରଇଲା । ୧୦ ସାସ୍‌ତରେ ଲେକା ଅଇଲାପାରା,

“ଗଟେକ୍ ଲକ୍ ଜଦି ତାର୍ ଜିବନେ ସାର୍‌ଦାର୍ ଦିନ୍  
ଆରି ମଙ୍ଗ୍‌ଲର୍ ଦିନ୍ ଦେକ୍‌ବିବଲି ମନ୍‌କଲେ,

✨ ୩:୧ ୩:୧ ଏପିସିୟ ୫:୨୨; କଲସିଅ ୩:୧୮ ✨ ୩:୩ ୩:୩ ୧ମ ତିମତି ୨:୯ ✨ ୩:୭ ୩:୭ ଏପିସିୟ ୫:୨୫; କଲସିଅ ୩:୧୯

ସେ କାରାପ୍ କାତା ନ କଅ  
ଆରି ମିଚ୍ କାତା ନ କଅ ।

୧୧ “ସେ କରାପ୍ କାମ୍ ଚାଡ଼ିକରି, ନିକ ବିସଇ କରୁବାରୁ ଆତେ ।  
ତାର ସଙ୍ଗରୁ ଲକର ସଙ୍ଗ ସୁସାରେ ରଇବାରୁଆତେ ।”

୧୨ କାଇକେବଇଲେ ଦରମଲକ୍‌କେ ମାପୁରୁ ଜାଗିଲାଗିରଇସି ।

ସେମନ୍ ପାରତନା କଲାଟା ସୁନ୍‌ସି  
ଜେଡ଼କି ଲକ୍ କାରାପ୍ ବିସଇ କରୁବାଇ  
ସେମନ୍‌କେ ବିରଦ୍ କରସି ।

୧୩ ତମେ ଜଦି ନିକ କାମ୍ କରୁବାକେ ମନ୍ କଲେ, ତମର ବିରଦେ କେ ମିସା କାରାପ୍ କାମ୍ ନ କରଡ଼ । ୧୪ ସତ୍ କାମ୍ କରି ମୁରତି ରଇଲେ ତମେ କେଡେକ୍ କରମର ଲକ୍ । ଜନ୍ ଲକ୍‌ମନ୍ ତମକେ କସଟ ଦେଲାଇନି, ସେମନ୍‌କେ ଡରିକରି ଚିନ୍ତା କରାନାଇ । ୧୫ ମାତର୍ କିରିସଟକେ ମାପୁରୁବଲି ଡାକ୍‌ପୁଟା କରା ଆରି ସନ୍‌ମାନ୍ ଦିଆସ୍ । ବିସ୍‌ବାସି ଇସାବେ, ତମେ ଆସା କରୁବା ବିସଇ କେ ମିସା ପାଚାରଲେ, ସେମନ୍‌କେ ବାତାଇବାକେ ଜାଗରଡ଼ ଅଇରୁଆ । ୧୬ ମାତର୍ ମନ୍‌ବିଡ଼ରେ ସୁଆଲ୍ ରଇକରି, ସନ୍‌ମାନ୍ ଦେଇକରି କାତାଉଆ । ତମର ବିବେକ୍ ତମକେ ଦସି ନ କର । ଜେନ୍ତାରିକି ତମର ନିକ ଚଲାଚଲ୍‌ତି ବିରୁଦେ ଜେଡ଼କି ଲକ୍ ନିନ୍ଦା କରୁବାଇ, ତାକର୍ କାତାଇସେ ସେମନ୍ ଲାଜ୍ ଅଇବାଇ । ୧୭ କାଇକେବଇଲେ ତମେ ନିକ କାମ୍ କଲାଟା ଲାଗି ଦୁକ୍ କସଟ ମୁରଡ଼ବାକେ ପର୍‌ମେସର୍ ଜଦି ମନ୍ କଲେ, ସେନ୍ତାରି ଅଇବାଟା ନିକ । କାରାପ୍ କରି ଦୁକ୍ କସଟ ମୁରଡ଼ବା ବାଦୁଲେ, ସେଟା ନିକ । ୧୮ କିରିସଟ ମିସା ଆମର୍ ପାପରଲାଗି ଏକାତରେକ୍ ସବୁଲକ୍‌କପାଇ ଦୁକ୍‌କସଟ ଅଇ ମୁରତିକରି ମଲା । ସେ ଦରମ୍ ରଇ ପାପ୍‌କରିରଇବା ଲକ୍‌ମନ୍‌କେ ପର୍‌ମେସର୍‌ର ଲଗେ ଆନ୍‌ବାକେ ମରିଜାଇରଇଲା । ଲକ୍‌ମନ୍ ତାର ଗାଗଡ଼ ମରାଇଲାଇ, ମାତର୍ ତାର ଆଡ଼ମା ଜିବନ୍ ଅଇଆତେ । ୧୯ ମଲା ଲକ୍‌ମନ୍‌ ଆଡ଼ମା ବନ୍ଦିଅଇରଇବା ଜାଗାଇ, ଆଡ଼ମାର ଇସାବେ ସେ ସୁବ୍ କବର୍ ଜାନାଇଲା । ୨୦ ଏ ବନ୍ଦି ଆଡ଼ମାମନ୍ ପୁରବେ ନଅର୍ ବେଲେ ପର୍‌ମେସର୍‌ର କାତା ନ ମାନ୍‌ଲାଟାମନ୍ । ସେଡ଼କିବେଲେ ନଅ ବଡ଼ ଡଙ୍ଗା ତିଆର୍ କରଡେରଇଲା । ତାର କାତା ଲକ୍‌ମନ୍ ବିସବାସ୍ କରୁବାଇ ବଲି ପର୍‌ମେସର୍ ମୁରତିକରି ରଇଲା । କାଇକେବଇଲେ, ଏକାଇ ଆଟ୍ ଲକ୍‌ସେ ସେ ପାନିତେଇ ବୁଡ଼ତନାଇ । ସେମନ୍ ଡଙ୍ଗାଇ ଚଗିରଇଲାଇ ଆରି ରକିଆ ପାଇଲାଇ । ୨୧ ସେ ପାନି ଆମର୍ ତୁବନ୍ ବିସଇ ଜାନାଇଲାନି । ତମେ ତୁବନ୍ ନେଲାକେ ତମର୍ ଗାଗଡ଼ ମୁରକି ଦଇଅଇଲାଟା ପାଇ ନଏଁ, ମାତର୍ ଗଟେକ୍ ନିକ ବିବେକ୍ ସଙ୍ଗ ପର୍‌ମେସର୍‌କେ ଦେଇରଇଲା କାତାର ଲାଗି ତମକେ ମୁକ୍ତି କରସି । ଜିସୁ କିରିସଟ ମଲାତେଇଅନି ଜିବନ୍ ଅଇକରି ଉଟ୍‌ଲାକେ ଏଟା ଅଇସି । ୨୨ ସେ ସର୍‌ଗେ ବାଉଡ଼ି ଜାଇ ପର୍‌ମେସର୍‌ର ଉଜାବାଟେ ଆତେ । ସର୍‌ଗେ ରଇବା ସବୁ ଦୁଡ଼, ଅଦିକାର୍ ଆରି ବପୁ ଉପରେ ସେ ସାସନ୍ କଲାନ୍ତି ।

୪

ମନ୍ ବାଦ୍‌ଲାଇଲା ଜିବନ୍

୧ କିରିସଟ ନିଜର୍ ଗାଗଡେ ଦୁକ୍‌କସଟ ମୁରତିକରି ଜେନ୍ତାରି ଚିନ୍ତା କରଡେ ରଇଲା, ତମେମିସା ସେନ୍ତାରି ଚିନ୍ତାକରି ଡାଟ୍ ଉଆ । କାଇକେବଇଲେ ଜେ ଗାଗଡେ ଦୁକ୍‌କସଟ ମୁରଡ଼ସି, ସେ ଆରି ପାପ୍ କରୁବାକେ ମନ୍ ନ କରେ । ୨ ତେବର୍‌ପାଇ ତମର୍ ମନ୍‌କେ ଜାଗରଡ଼ କରା । ଜେନ୍ତାରିକି, ଏବେ ଅନି ତମର୍ ମରନ୍ ଜାକ, ପର୍‌ମେସର୍ ମନ୍ କଲା ଇସାବେ ଚଲାଚଲ୍‌ତି କରୁସା । ତମର୍ ପାପର ଗୁନ୍ ଚଲନ୍ ଇସାବେ କରାନାଇ । ୩ କାଇକେବଇଲେ ପର୍‌ମେସର୍‌କେ ନାଜାନ୍‌ଲା ଲକ୍ ଜନ୍‌ଟା କରୁବାକେ ମନ୍ କରୁବାଇ, ସେନ୍ତାରି ତମେମିସା କରଡେ ରଇଲାସ୍ । ଆରି ସେନ୍ତାରି କରି କରି ଚୁଟାଇ ଚୁଟାଇ ଦିନ୍ ଗାଲା । ତମର୍ ଗାଗଡର୍ ପାପେରଇବା ଗୁନ୍‌ଚଲନ୍ ଇସାବେ ଲାଜର୍ ବିସଇ, ପାଦ୍‌ରା କାମ୍ କରୁବାକେ ମନ୍ କରୁବା ବିସଇ, ମାଡ଼ିରଇବା ବିସଇ, କରାପ୍ ବିସଇଟାନ୍‌ମେ ମଜାମଜ୍‌ଲିସ୍ କରୁବା ବିସଇ ଆରି ପର୍‌ମେସର୍ ଗିନ୍‌କରୁବା ପୁଡ଼ଲା ପୁଜା କରୁବାଟାମନ୍ କରଡେରଇଲାସ୍ । ୪ ମାତର୍ ଏବେ, ବିସ୍‌ବାସ୍ ନ କଲା ଲକ୍‌ମନ୍ କାବାଅଇଗାଲାଇନି ଆରି ତମକେ ନିନ୍ଦାର୍ କାତା କଇଲାଇନି । କାଇକେବଇଲେ ସେମନ୍ କିରିରଇବା କାରାପ୍ ମଜାମଜ୍‌ଲିସ୍ ବିସଇତେଇ ତମେ ମିସାସ୍ ନାଇ । ୫ ମାତର୍ ସେମନ୍ ନିଜେ ପର୍‌ମେସର୍‌କେ ଇସାବ୍ ଦେବାକେ ପଡ଼ସି । ସେ ବଞ୍ଚିରଇବା ଆରି ମିରିରଇବା ସବୁକେ ବିଚାର୍ କରୁବାକେ ଜାଗିଆତେ । ୬ ସେଟାର୍‌ପାଇ ସୁବ୍‌କବର୍ ମିରିରଇବା ଲକ୍‌ମନ୍‌କେ ମିସା ଜାନାଇରଇଲାଇ । କାଇକେବଇଲେ ସବୁଲକ୍‌ମନ୍ ପାଇବା ଓଣ୍ଟ୍ ସେମନ୍ ପାଇରଇକରି ମିରିରଇଲେ ମିସା ତାକର୍ ଆଡ଼ମା ପର୍‌ମେସର୍‌ର ପାରା ବଞ୍ଚୁବାକେ ସୁବ୍ କବର୍ ଜାନାଇରଇଲାଇ ।

☆ ୩:୧୪ ୩:୧୪ ମାଡ଼ି ୫:୧୦

**ଇସ୍ରାଏଲ ଦେବା ଦାନର ନିମାନ୍ ଗୁମସ୍ତା**

୭ ମାତର ସବୁ ବିସଇ ସାର୍ବଦା ବେଲା ଲଗେ କେଟ୍‌ଲାବେ । ତେବର୍‌ପାଇ ନିଜେ ଜାଗରତ୍ ରୁଆ ଏନ୍ତାରି କଲେ ତମେ ନିକସଙ୍ଗ୍ ପାର୍‌ତନା କରିପାରାସ୍ । ୮ ସବୁଟାଗାନେଅନି ମୁକିଅ ବିସଇ ଅଇଲାନି ତମର ତମର ବିତ୍‌ରେ ଆଲାଦ୍ କରାକରି ଅଇବାଟା । କାଇକେବଇଲେ, ସେନ୍ତାରି ଆଲାଦ୍ କଲେ, ତମର ତମର ପାପ୍ ବିସଇ ଚିନ୍ତା ନ କରି ମୁରଚିକରି କେମା ଦିଆଦିଇ ଅଇସା । ୯ ତମର ବିତ୍‌ରେ ମୁରମୁରା ନଅଇ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଗତିଆ କରି ତାକାତାକି ଉଆ । ୧୦ ତାକେ ବିସ୍‌ବାସ୍ କରବା ସବୁଲକ୍‌କେ ପରମେସର୍ ବିନ୍ ବିନ୍ ଦାନ୍ ସର୍ପିଦେଲା ଆଟେ । ଗଟେକ୍ ବିସ୍‌ବାସ୍ ରଇବା ଗତିଦାଙ୍ଗ୍‌ତା ପାରା ସେ ଦେଇରଇବା ଦାନ୍ ବିନ୍ ଲକ୍‌ର ମଙ୍ଗ୍‌ଲ୍ ଅଇବାକେ ଦିଆସ୍ । ୧୧ ଜନ୍ ଲକ୍‌ମନ୍ କବର୍ ଜାନାଇଲାଇନି, ଆମେ ପରମେସର୍ କବର୍ ଜାନାଇଲୁନି, ବଲି ଜାଗରତ୍ ରଇବାର୍ ଆଟେ । ଜନ୍ ଲକ୍‌ମନ୍ ତାକର୍ ବାଇବଇନିମନ୍‌କେ ସେବା କଲାଇନି, ଆମେ ପରମେସର୍ ବପୁ ଦେଲାକେସେ, ସେବାକଲୁନି ବଲି ଏତାଅତ୍ । ତମେ କରିରଇବା ସବୁ କାମେ ଜିସୁକିରିସ୍‌ଟାଗାନେଅନି ପରମେସର୍ ତାକ୍‌ପୁଟା ପାଅ । ସେ ଆକା କାଲ୍ କାଲ୍ ଜୁଗ୍ ଜୁଗ୍ ମଇମା ଆରି ବପୁ ପାଇସି । ଆମେନ୍ !

**କିରିସ୍‌ଟ ବିସ୍‌ବାସିର୍ ଦୁକ୍**

୧୨ ଏ ମର୍ ମଇତର୍‌ମନ୍, ତମେ ବେସି ଦୁକ୍ କସ୍‌ଟ ମୁରଚିକରି ରଇବାବେଲେ କାବାଅଇଜିବାର୍ ନାଇ । ନ ଅଇବା ବିସଇ ମକେ କେନ୍ତାରି ଗଟ୍‌ଲାନି ବଲି ବାବ୍‌ବାର୍ ନାଇ । ୧୩ ତାର୍ ବାଦୁଲେ, କିରିସ୍‌ଟ ଦୁକ୍ କସ୍‌ଟ ମୁରଚିକରି ରଇଲାର୍ ପାରା ତମ୍‌କେ ମୁରଚିବାକେ ଆଇଲେ, ସାର୍‌ଦା ଉଆ । ଜନ୍ ଦିନେ ସେ ତାର୍ ତାକ୍‌ପୁଟା ଦେକାଇସି, ସେ ଦିନେ ତମେ ଅଦିକ୍ ସାର୍‌ଦା ଅଇସା । ୧୪ କିରିସ୍‌ଟର୍ ସିସ୍ ଅଇଲାର୍ ପାଇ ଲକ୍‌ମନ୍ ତମ୍‌କେ ନିୟା କଲେ, ତମେ କେତେକ୍ କରମର୍ ଲକ୍ ! କାଇକେବଇଲେ ବେସି ମଇମା ରଇବା ପରମେସର୍ ଆତ୍‌ମା ତମ୍‌ଟାଗାନେ ଆଟେ ବଲି ଜାନିପାରସା । ୧୫ ତମର ବିତ୍‌ରେ ଜଦି କେ ମିସା ନର୍ ମାର୍‌ଲାର୍ ପାଇ ନଇଲେ ତର୍ ଅଇଲାର୍ ପାଇ କି ନିୟମ୍ ନ ମାନ୍‌ଲାର୍‌ପାଇ କି ବିନ୍ ଲକ୍‌ର ବିସଇତେଇ ମୁଣ୍ଟ୍ ପୁରାଇଲାର୍‌ପାଇ ଦୁକ୍ କସ୍‌ଟ ପାଆନାଇ । ୧୬ ମାତର କିରିସ୍‌ଟକେ ବିସ୍‌ବାସ୍‌କରି ଜଦି ଦୁକ୍ କସ୍‌ଟ ପାଇଲେ ଲାଜ୍ ନ ଅଇ ପରମେସର୍‌କେ ତାକ୍‌ପୁଟା କରା । କାଇକେବଇଲେ ତମ୍‌କେ କିରିସ୍‌ଟର୍ ଲକ୍ ଇସାବେ ଲେକାଅଇଲା ଆଟେ ।

୧୭ କାଇକେବଇଲେ ପରମେସର୍ ସବୁ ଲକ୍‌କେ ବିଚାର୍ କରବାଦିନ୍ ଲଗେ କେଟ୍‌ଲା ଆଟେ । ଆରି ସେ ତାର୍ ନିଜର୍ ଲକ୍‌କେ ପରତୁମ୍ ବିଚାର୍ କରସି । ଜଦି ସେଟା ଆମର୍ ସଙ୍ଗ୍ ଆରାମ୍ ଅଇଲେ, ତାର୍ ସୁବ୍ କବର୍ ଚାଡିଦେଲା ଲକ୍‌ମନ୍‌ର ଦସା କେନ୍ତାର୍ ଅଇସି ? ୧୮ ଦରମ୍ ସାସ୍‌ତରେ ଲେକାଅଇଲାପାରା, “ଜଦି ଦରମ୍ ଲକ୍ ମୁକ୍ତି ପାଇବାଟା ଆବତ୍

ପରମେସର୍‌ର ବିସଇ କାଇ ଚିନ୍ତା ନ କରବା ପାପିମନ୍‌ର ବିସଇ କେନ୍ତାର୍ ରଇସି ?”

୧୯ ତେବର୍‌ପାଇ ପରମେସର୍ ମନ୍ କଲାକେ ତମେ ଜଦି ଦୁକ୍ କସ୍‌ଟ ମୁରଚିକରି ଆଟାସ୍, ସେନ୍ତାର୍ ଆଲେ ନିକ କାମ୍ କରବାକେ ଲାଗିରୁଆ ଆରି ନିଜେ ତାକେ ସର୍ପିଉଆ । ସେ କାତା ଦେଇରଇଲାଟା ସିଦ୍ କରସିଆକା ।



**ପରମେସର୍‌ର ମେଣ୍ଟାରିସି**

୧ ତମର୍ ମଣ୍ଟିଲିର୍ ପାର୍‌ଚିନ୍‌ମନ୍‌କେ ଗଟେକ୍ ବିସଇ କଇବାକେ ମୁଇ ମନ୍ କଲିନି । କାଇକେବଇଲେ ମୁଇ ମିସା ଗଟେକ୍ ପାର୍‌ଚିନ୍ । କିରିସ୍‌ଟ ଦୁକ୍‌କସ୍‌ଟ ମୁରଚିଲାଟା ମୁଇ ଦେକିଆଟି । ଆରି ତାର୍ ତାକ୍‌ପୁଟା ଜାନାଇବା ଦିନେ ମୁଇ ମିସା ତେଇ ମିସ୍‌ବି । ମୁଇ ତମ୍‌କେ ବାବୁଜିଆ କଲିନି, ୨ \*ତମେ ଦେକାରକା କରବା ବିସ୍‌ବାସିମନ୍‌କେ ଜତନ୍ କରା । କାଇକେବଇଲେ ସେମନ୍ ପରମେସର୍‌ର ମେଣ୍ଟାରିସି ପାରା । ପରମେସର୍ ସେ ଲକ୍‌ମନ୍‌କେ ତମ୍‌କେ ସର୍ପିଦେଇଆଟେ । ତମେ ସାର୍‌ଦାସଙ୍ଗ୍ ତାକର୍ ଜତନ୍ ନେବାର୍‌ଆଟେ । କାଇକେବଇଲେ ସେଟା ସେ ମନ୍ କଲାନି । ତାରୁ ଆସା ଅଇକରି ଏ କାମ୍ କରବାର୍ ନାଇ । ତାର୍‌ବାଦୁଲେ, ପରମେସର୍‌କେ ଆରି ତାର୍ ଲକ୍‌ମନ୍‌କେ ସେବାକରବାକେ ମନ୍ କରି ସେଟା କରା । ୩ ତମେ ଦେକାରକା କରବା ଲକ୍‌ମନ୍‌କେ ବାଦିଅ କରାନାଇ । ତାର୍ ବାଦୁଲେ ତମର୍ ନିକ ଚଲାଚଲ୍‌ତି ଦେକି ସେମନ୍ ସିକତ୍ । ୪ ଆରି ଜେତେବେଲେ ଜିସୁକିରିସ୍‌ଟ ଜେ କି ସବୁ ବିସ୍‌ବାସିମନ୍‌ର ବଡ୍ ନେତା ଦେକାଇ ଅଇସି, ଉଜଲ୍ ଉନା ନ ଅଇବା ତାକ୍‌ପୁଟାର୍ ପୁରୁସ୍‌କାର୍ ତମ୍‌କେ ଦେଇସି ।

୫ ସେନ୍ତାରିସେ ଏ ଦାଙ୍ଗ୍‌ତାମନ୍, ତମେ ବଡ୍‌ଲକ୍‌ମନ୍‌ର କାତା ମାନିକରିରୁଆ । ମନ୍ ବିତ୍‌ରେ ସୁଆଲ୍ ରଇ ଗଟେଲକ୍ ଆରି ଗଟେଲକ୍‌କେ ସେବା କରାକରି ଅଇରୁଆ । କାଇକେବଇଲେ ସାସ୍‌ତରେ ଲେକା ଅଇଲାଆଟେ ବଡ୍‌ପନ୍ ଅଇବା ଲକ୍‌ମନ୍‌କେ ପରମେସର୍ ବିରଦ୍ କରସି, ମାତର ମନେ ମନେ ସୁଆଲ୍

☆ ୫:୨ ୫:୨ ଜଅନ୍ ୨୧:୧୫-୧୭

ରଇବା ଲକ୍ଷ୍ମୀଙ୍କ ଦୟା ଦେଖାଇଥିବି । <sup>୭</sup> ଯଦୁରାଜାଙ୍କ ଅନି ବସୁ ରଇବା ପରମେଶ୍ଵରଙ୍କ ନିଜେ ସର୍ପିତା । ତାର ସମାନ୍ ବେଲାଇ ସେ ତମ୍ଭଙ୍କ ଉତ୍ତାପି । <sup>୭</sup> ତମ୍ଭର ସବୁଜାକ ଚିନ୍ତା କରବାଟା ପରମେଶ୍ଵରଙ୍କ ସର୍ପି ଦିଆସୁ, କାଇକେବଇଲେ, ସେ ତମ୍ଭଙ୍କ ଜତନ୍ କଲାନି ।

ଠାଗରତା ଅଇକରି ଜାଗିରୁଆ, କାଇକେବଇଲେ ଆମ୍ଭର ସବୁରୁ ସଇତାନ୍ କାକେ ମିସା ଗିଲ୍ଲି ବଲି ଅଡ଼ରି ବୁଲ୍ଲାନି । <sup>୯</sup> ବିସ୍ଵାସେ ତାଟ୍ ରଇକରି ତାକେ ବିରଦ୍ କରା । ଗୁଲାଇ ଦୁନିଆଇ ରଇବା ତମ୍ଭର ବିସ୍ଵାସି ବାଇବଇନିମନ୍, ଏନ୍ତାରି ଦୁକ୍ କସ୍ତ ପାଇ ମୁରତ୍ଲାଇନି ବଲି ତମ୍ଭେ ଜାନିଆଟାସ୍ । <sup>୧୦</sup> ଚନେକର୍ ଆଇବା ଦୁକ୍‌କସ୍ତ ମୁରତି ସାରାଇଲେ, ତମ୍ଭଙ୍କ ପରମେଶ୍ଵର କାଇ ଦସ୍ ନ ରଇବା, ତାର ସିଦ୍ ଲକ୍ କରାଇସି । ତମ୍ଭର ବିସ୍ଵାସ୍ ତାଟ୍ ଅଇବାକେ ସେ ତମ୍ଭଙ୍କ ବସୁ ଦେଇସି । ଆରି ତମ୍ଭଙ୍କ ନିକ କୁନାଦି ପାରା ତିଆର୍ କରସି । କିରିସ୍ତର୍ ସଙ୍ଗ୍ ମିସ୍ଲାଇପାଇ, ତାର ନ ସାରବା ମଇମାତେଇ ମିସ୍ଵାକେ ତମ୍ଭଙ୍କ ତାକ୍‌ଲାଆଟେ । ସେ ତମ୍ଭଙ୍କ ଜିବନ୍ ଦୁକାଇ ଦୟା କରି ଏ ସବୁ ବିସଇ କଲାଆଟେ । <sup>୧୧</sup> ତାକେ ସବୁରାଜାନେଅନି ବସୁଆଟେ, ସେ ସେ କାଲ୍ କାଲ୍ ଜୁଗ୍ ଜୁଗ୍ ସାସନ୍ କରସି । ଆମେନ୍ ।

### ସାରାସାରିର ଜୁଆର୍

<sup>୧୨</sup> ଯେ ଅଲପ୍ ବିସଇର୍ ଚିଟି ଲେକ୍‌ବାକେ ସିଲା ମକେ ସାଇଜ କିରିଇଲା । ସେ ଗଟେକ୍ ଆମ୍ଭର ବିସ୍ଵାସି ବାଇ । ତମ୍ଭର ବିସ୍ଵାସ୍ ତାଟ୍ କରାଇବାକେ ଆରି ପରମେଶ୍ଵର ତାର ଜିବନ୍ ଦୁକାଇ ଦୟା ଦେକାଇଲାଟା ତମ୍ଭେ ସତଇସେ ଜାନିଲାସିନି ବଲି ଚିକ୍ କରବାକେ ମୁଇ ଏ ଚିଟି ଲେକ୍‌ଲିନି । ତାର ଜିବନ୍ ଦୁକାଇଲାଟାନେ ତମ୍ଭେ ତାଟ୍ ସଙ୍ଗ୍ ରୁଆ ।

<sup>୧୩</sup> ଯଦିବିଲନେ ରଇବା ତମ୍ଭର ବିସ୍ଵାସି ବାଇବଇନିମନ୍ ତାକର୍ ଜୁଆର୍ ଜାନାଇଲାଇନି । ପରମେଶ୍ଵର ସେମନ୍‌କେ ବାଟ୍‌ଲାଆଟେ । ମାରକ୍ କାକେ କି ମର୍ ପଥ ଇସାବେ ଦେକ୍‌ଲିନି, ସେମିସା ତାର ଜୁଆର୍ ଜାନାଇଲାନି । <sup>୧୪</sup> ତମ୍ଭର ବିତ୍‌ରେ ଆଲାଦ୍ ଆଟେ ବଲି ଦେକାଇବାକେ ଆତେ ଦାରି ଜୁଆର୍ କରାକରିତା

କିରିସ୍ତର୍‌ତେଇ ଜେଡ୍‌କି ଲକ୍ ମିସ୍ଲାଇଆଟଡ୍ ସେମନ୍ ସବୁ ଲକ୍‌କେ ସାନ୍ତି ମିଲ ।

## ପିତର ଦ୍ଵିତୀୟଥର ଲେଖୁଥିବା ପତ୍ର ପିତର ଦୁଇପାଲି ଲେଖିରଚନା ଚିଠି ଏ ବଇର ବିସଇ ଜାନ୍‌ବାଟା

ପିତର ଦୁଇପାଲି ଲେଖିଲା ଚିଠି ଜାଣାଇଲାନି କି, ଏ ଚିଠି ପେରିତ୍ ପିତର ଲେଖିଲାଆତେ । ମାତର ଏବେ କେତେକ୍ କେତେକ୍ ପଣ୍ଡିତମନ୍ ଏଟା ସତ୍ ନାଇ ବଲି କଇଲାଇନି । କଇବାକେଗାଲେ ଏଟା ଗଟେକ୍ ବିନ୍ ପିତର ଲେଖିଆତେ । ସେ ଜିସୁକିରିସ୍ଟର ଗଟେକ୍ ସତ୍ ସାକି ରଇଲା ବଲି ଲେଖିଲା ଲକ୍ କଇଲାନି । ଦେକ୍‌ବା ଇସାବେ ଜିସୁକିରିସ୍ଟ ବାଦଲ୍‌ବା ବିସଇ କଇଲାନି ୧:୧୭-୧୮ । ପିତର ଏ ଚିଠି କିରିସ୍ଟ ଜନମ୍ ଅଇଲାପତେ ୫୭-୬୯ ବିତ୍ରେ ତାର୍ ମରନ୍ ଅଇବା ଆଗ୍ତୁ ଏଟା ଲେଖିଲାଆତେ । ପିତର ଏଟା ତାର୍ ଦୁଇପାଲି ଲେଖିବା ଚିଠିବଲି ମିସା କଇଆତେ ୩:୧ ।

ପିତର ପର୍ତୁମ୍ ଚିଠି ଲେଖାଅଇଲା ପତେ, ସେ ଲେକାର୍ ବେଲାକେ ଇତି ଜାଗାଦେଇ ଏଟାକେ ଦୁଇପାଲି ଲେଖିଲା ଚିଠି ବଲି କଇଆତେ । ଏ ଚିଠିଟାନ୍ ସବୁ ବିସ୍‌ବାସିମନ୍‌କେ ତାର୍ ସବୁ ବିସଇ ଦେଇଆତେ । ପିତର ବିସ୍‌ବାସିମନ୍‌କେ ସାଆସ୍ ଆରି ନିକସଙ୍ଗେ ଜିଉନା କାଉନା କର୍‌ବାକେ ଆରି ମିର୍ ସିକିଆ ଦେଉ ମନର୍ କାତା ନ ମାନି ଜାଗରତ୍ ରଇବାକେ ଏ ଚିଠିଟାନ୍ ଲେଖିଆତେ ୨ । ଜିସୁ ଆଇବାଟା ବେସି ଦିନ୍ ଆତେ ବଲି ମିର୍ କଇବା ଲକ୍‌ମନ୍‌କେ ସାଆସ୍ ଦେଲାନି । ପର୍‌ମେସର୍ ଦିରେ ରଇବା ପର୍‌ମେସର୍ ନଏ, ମାତର ସବୁଲକ୍ ତାର୍‌ଲାଗି ଉଦାର୍ ପାଅତ୍ ବଲି ସେ ମନ୍‌କଲାନି ୨ ଯ ପିତୃ ୩:୮-୯ ଏଟାସେ ଗଟେକ୍ ନିକସଙ୍ଗେ ଜିଉନା କାଉନା କର୍‌ବାଟା ୩:୧୪

### ଏ ବଇ ବିତ୍ରେ ରଇବାଟା

- ୧. ପିତର ତାର୍ ନିଜର୍ ବିସଇ ଆରି ତାର୍ ଚିଠି ପତ୍‌ବା ଲକ୍‌ମନ୍‌କେ ରଇବା ଜାଗା ବିସଇରେ ଜାଣାଇଲାନି । ୧:୧-୨
- ୨. ତାର୍‌ପତେ ବିସ୍‌ବାସି ବାଇବଇନିମନ୍‌କେ ନିକସଙ୍ଗେ ଜିଉନା କାଉନା କର୍‌ବାକେ ଏତାଇଦେଲାଆତେ । କାଇକେବଇଲେ ପର୍‌ମେସର୍ ଆମ୍‌କେ ସାଆସ୍ ଦେଲାଆତେ । ୧:୩-୨୧
- ୩. ସେ ମିର୍ ସିକାଇବା ଗୁରୁମନ୍‌କେ ଜାଗରତା କରାଇ ସାରାସାରି ପତେ ସେମନ୍‌ରଲାଗି କାଇଟା ଗଟ୍‌ସି, ସେଟା କଇଲାଆତେ । ୨:୧-୨୨
- ୪. ପିତର ଜିସୁକିରିସ୍ଟ ଆରିତରେକ୍ ଆଇବା ବିସଇ ଜାଗିରଇ ଜିଉନା କାଉନା କର୍‌ବାକେ ସାସ୍ ଦେଇଆତେ । ୩:୧-୧୮

### ପିତର ଦୁଇପାଲି ଚିଠି ଲେଖିବାଟା

୧ ମୁଇ ସିମନ୍ ପିତର, ଜିସୁକିରିସ୍ଟର ଗଟେକ୍ ଗତିଦାଙ୍ଗ୍‌ତା ଆରି ପେରିତ୍ ଅଇଆତି । ଆମେ ଜେକ୍ତି ଜିସୁକିରିସ୍ଟକେ ବିସ୍‌ବାସ୍ କରିଆରୁ, ସେନ୍ତାରି ବିସ୍‌ବାସ୍ କର୍‌ବା ଲକ୍‌ମନ୍‌କେ ଏ ଚିଠି ଲେଖିଲିନି । ସେ ଆମର୍ ପର୍‌ମେସର୍ ଆରି ମୁକ୍ତିକାରିଆ । ତାକେ ବିସ୍‌ବାସ୍ କର୍‌ବାକେ ସେ ଆକା ଆମ୍‌କେ ବପୁଦେଲାଆତେ । ସେ କର୍‌ବା ସବୁ କାମ୍ ଚିକ୍ ଆରି କାଇ ଅନିଆଇ ନାଇ ।  
 ୨ ପର୍‌ମେସର୍‌କେ ଆରି ଆମର୍ ମାପୁରୁ ଜିସୁକିରିସ୍ଟକେ ତମେ ଜାନ୍‌ଲାର୍ ପାଇ ତାର୍ ସାକ୍ତି ଆରି ସେ ଜିବନ୍ ଦୁକାଇ ଦୟା କଲାଟା ତମ୍‌କେ ମିଲ ।

### ପର୍‌ମେସର୍ ତାକ୍‌ଲାଟା ଆରି ବାଟ୍‌ଲାଟା

୩ ତାକେ ସାର୍‌ଦା କରାଇଲାପାରା ଚଲାଚଲ୍‌ତି କର୍‌ବାକେ ସେ ଆମ୍‌କେ ଲତାକେ ଆଇବା ସବୁ ବିସଇ ଦେଲାଆତେ । ତାର୍ ବପୁରଲାଗି ସେ ଆମ୍‌କେ ଏଟା ଦେଲାଆତେ ଆରି ଆମେ ତାକେ ଜାନ୍‌ଲାର୍‌ପାଇ ମିସା । ତାର୍ ମଇମାଇ ଆରି ଦରମେ ମିସ୍‌ବାକେ ସେ ସେ ଆମ୍‌କେ ଡାକିଆତେ । ୪ ତାର୍ ମଇମା ଆରି ଦରମର୍ ଲାଗି ସେ ଆମ୍‌କେ ବେସି ବଡ୍ ଆରି ବେସି ମୁଲିଅ ରଇବା ଦାନ୍ ଦେଲାଆତେ । କିରିସ୍ଟକେ ବିସ୍‌ବାସ୍ ନ କଲା ଲକ୍‌ମନ୍ ଜେକ୍ତିକି କାରାପ୍ ବିସଇ କର୍‌ବାକେ ମନ୍ କର୍‌ବାଇ, ସେନ୍ତାରି ମନ୍‌କର୍‌ବା ଟାନ୍‌ଅନି ମୁକ୍‌ଲାଇବାକେ ସେ ଆମ୍‌କେ ଏନ୍ତାରି କଲାଆତେ । ଏ ସବୁ ବିସଇ ତାକର୍ ମନ୍‌କେ ନସାଇସି । ମାତର ତମେ ପର୍‌ମେସର୍‌ର୍ ପାରା ଦରମ୍ ଅଇପାର୍‌ସା । ୫ ତେବେ କିରିସ୍ଟକେ ବିସ୍‌ବାସ୍ କଲାର୍ ପାଇ ନିକ ଚଲାଚଲ୍‌ତି କର୍‌ବାକେ ଚେସ୍‌ଟା କରା । ଏଟାର୍ ସଙ୍ଗ୍, ଗିଆନ୍ ସଙ୍ଗ୍ ଜିଉନାକାଉନା କର୍‌ବାକେ, ୬ ଜିଉନାକାଉନା ସଙ୍ଗ୍ ନିଜେ ଜାଗରତ୍ ଅଇରଇବାକେ, ଜାଗରତ୍ ରଇକରି ମୁର୍ଚି ରଇବାକେ, ମୁର୍ଚିକରି ରଇ ପର୍‌ମେସର୍‌କେ ସାର୍‌ଦା କର୍‌ବା ଗୁନ୍‌ଚଲନ୍ କର୍‌ବାକେ, ୭ ଗୁନ୍‌ଚଲନ୍‌ସଙ୍ଗ୍

ବାଇବଲ୍‌ନିକେ ଆଲାଦ୍ କରବାକେ, ବାଇବଲ୍‌ନିକେ ଆଲାଦ୍ କରି ସବୁଲକ୍‌କେ ଆଲାଦ୍ କରବାକେ ଚେସ୍‌ଟା କରା । ୮ ତମର ଚଲାଚଲ୍‌ତି ଜଦି ଏନ୍ତାରି ଅଦିକ୍ ଅଦିକ୍ ଅଇ ଆଇଲେ, ଆମର୍ ମାପ୍‌ରୁ ଜିସୁକ୍‌ରିସ୍‌ଟକେ ଜାନ୍‌ବା ବିସଇତେଇ ତମେ ଅଦିକ୍ ଅଦିକ୍ ବଢିଆଇସା । ୯ ଜଦି ଗଟେକ୍ ଲକ୍ ଏନ୍ତାରି ଜିଉନାକାଉନା ନ କଲେ, ସେ ଗଟେକ୍ ନିକ ନ ଡିସ୍‌ବା ଲକରପାରା ଅଇଆତେ । ସେ ପୁରବେ କରିରଇଲା ପାପର୍ ଲାଗି ପର୍‌ମେସର୍ କେମା ଦେଲାଆତେ ବଲି ପାସ୍‌ରିଦେଇ ଆତେ ।

୧୦ ତେବର୍‌ପାଇ ଏ ମର୍ ବାଇବଲ୍‌ନିମନ୍, ନିକ ଚଲାଚଲ୍‌ତି କରବାକେ ଚେସ୍‌ଟା କରା । ସେନ୍ତାରିକଲେ ପର୍‌ମେସର୍ ତମକେ ବାଟିକରି ତାର୍ ଲକ୍ ଅଇବାକେ ତାକ୍‌ଲାଆତେବଲି ସବୁଲକ୍‌କେ ଡିସ୍‌ସି । ଏ ସବୁ ବିସଇ କଲେ ତମେ କେବେ ମିସା ତାର୍‌ତେଇଅନି ବିନ୍‌ବାଟେ ନ ଜାଆସ୍ । ୧୧ ଆମର୍ ମାପ୍‌ରୁ ଜିସୁକ୍‌ରିସ୍‌ଟର୍ କେବେ ନ ସାର୍‌ବା ରାଇଜେ ପର୍‌ମେସର୍ ତମକେ ସାର୍‌ବା ସଙ୍ଗ୍ ଡାକିନେଇସି ।

୧୨ ଏ ସବୁ ବିସଇ ତମେ ଜାନିରଇଲେ ମିସା, ଆରି ପାଇଲା ସତ୍ ବିସଇଟାନେ ତାଟ୍ ଆଟାସ୍ ମିସା, ଏ ସବୁ ବିସଇ ତମକେ ଏତାଇଦେଇତେ ରଇବି । ୧୩ ମୁଇ ବଠିରଇବା ଜାକ ଏ ସବୁ ବିସଇ କାତା ଅଇବାଟା ନିକ । ଜେଡ୍‌ଜି ତମେ ସେଟା ଆରି ନ ପାସ୍‌ରାସ୍ । ୧୪ ମର୍ ଜିବନ୍ ଦାପ୍‌ରେ ସାରିଜାଇସି ବଲି ମୁଇ ଜାନି । କାଇକେବଇଲେ ଆମର୍ ମାପ୍‌ରୁ ଜିସୁକ୍‌ରିସ୍‌ଟ ମକେ ନିକସଙ୍ଗ୍ ଜାନାଇଆତେ । ୧୫ ଏ ସବୁ ବିସଇ ତମକେ ଏତାଇଦେବାକେ ମୁଇ ବେସି ଆବଡ୍ ଅଇଲିନି । ଜେନ୍ତାରିକି ମୁଇ ମଲାପତେ ମିସା ଏ ସବୁ ବିସଇ ଏତାଇସା ।

**କିରିସ୍‌ଟର୍ ମଇମା ସବୁଲକ୍ ଦେକ୍‌ବାଇ**

୧୬ ଆମର୍ ମାପ୍‌ରୁ ଜିସୁକ୍‌ରିସ୍‌ଟ ତାର୍ ସବୁ ବପୁରସଙ୍ଗ୍ ବାଉଡି ଆଇସି ବଲି ତମକେ କଇରଇଲୁ । ସେଟା ବିନ୍ ଲକ୍ ତାକର୍ ଚଲାକିକରି ତିଆର୍‌କଲା ଗଟେକ୍ କାତାନି ନଏ । ୧୭ \*ଆମେ ନିଜେ ଆକିସଙ୍ଗ୍ ତାର୍ ମଇମା ଦେକ୍‌ଲୁ । ବାବା ପର୍‌ମେସର୍ ତାକେ ତାକ୍‌ପୁଟା କରି ମଇମା ଦେଲାବେଲେ ଆମେ ତେଇ ରଇଲୁ । ସେ ନିଜେ ସବୁରଟାନେଅନି ମଇମା ପର୍‌ମେସର୍ କଇରଇଲା “ଏଟା ମର୍ ଆଲାଦର୍ ପ, ତାର୍‌ଟାନେ ମୁଇ ବେସି ସାର୍‌ବା ।” ୧୮ ସେ ସବଡ୍ ସୁନାବେଲେ ପର୍‌ମେସର୍‌ର୍ ସୁକଲ୍ ପର୍‌ବତେ ଆମେ ମିସା କିରିସ୍‌ଟର୍ ସଙ୍ଗ୍ ରଇଲୁ ।

୧୯ ବବିସତ୍‌ବକ୍‌ତାମନ୍‌ର୍ କାତା ସତ୍ ଆତେ ବଲି ଆମେ ଜାନିଆରୁ । ଏ ସବୁ କାତା ତମେ ମନ୍‌ଦିଆନ୍ ଦେଇ ସୁନା । କାଇକେବଇଲେ ସେଟା ଆନ୍‌ରେ ଲାଗିରଇବା ଗଟେକ୍ ବଡିର୍ ଉଜଲ୍ ପାରା ଆତେ । ସାକ୍‌ଲିଆ ଉଜଲ୍ ଡିସ୍‌ବା ତାର୍‌ପାରା ତମର୍ ମନ୍‌ବିଡ୍‌ରେ ଉଜଲ୍ ଦେଇସି । ୨୦ ବବିସତ୍‌ବକ୍‌ତାମନ୍ କେ ମିସା ନିଜେ ବାଟିକରି ସାସ୍‌ତର୍‌ଟାନେ ଲେକଡ୍‌ନାଇ । ଏଟା ତମେ ବାଇଦରେ ଜାନ୍‌ବାର୍ ଆତେ । ୨୧ କାଇକେବଇଲେ, ସେମନ୍ କେବେମିସା ନିଜର୍‌ତେଇଅନି କାଇ ବବିସତ୍ କାତା କଅଡ୍ ନାଇ । ମାତର୍ ପର୍‌ମେସର୍‌ଟାନେଅନି ଆଇଲା କାତା ସୁକଲ୍‌ଆଡ୍‌ମାର୍ ସାଇଜ ସଙ୍ଗ୍ କଇରଇଲାଇ ।

**୨**

**ମିର୍ ସିକିଆ ଦେଉମନ୍**

୧ ପୁରବେ ପର୍‌ମେସର୍‌ର୍ ଲକ୍‌ମନ୍‌ର୍ ବିଡ୍‌ରେ ମିର୍ କାତା କଇବା ବବିସତ୍‌ବକ୍‌ତାମନ୍ ମିସା ରଇଲାଇ । ସେନ୍ତାରିସେ ତମର୍ ବିଡ୍‌ରେ ମିସା ମିର୍ ସିକାଉମନ୍ ରଇବାଇ । ପର୍‌ମେସର୍‌ର୍ ବିସଇ ସେମନ୍ ମିର୍‌ଟା ସିକାଇବାଇ । ଜନ୍ ଲକ୍‌ମନ୍ ସେ କାତା ବିସ୍‌ବାସ୍ କରବାଇ, ସେମନ୍ ବିନାସ୍ ଅଇଜିବାଇ । ସେମନ୍‌କେ ମୁକ୍‌ଲାଇଲା ନିଜର୍ ମୁକ୍‌ତିକାରିଆକେ ସେମନ୍ ଚାଡିଦେବାଇ । ସେନ୍ତାରି କଲାର୍ ପାଇ ପର୍‌ମେସର୍ ସେମନ୍‌କେ ଦାପ୍‌ରେ କୁରୁପ୍‌ନାସ୍ କରସି । ୨ ବିସ୍‌ବାସି ବଲାଇଅଇବା ବେସି ଲକ୍‌ମନ୍ ତାକର୍ କାରାପ୍ ଚଲାଚଲ୍‌ତି ଦାର୍‌ବାଇ ଆରି ସତ୍ ବାଟର୍ ବିସଇନେଇ କାରାପ୍ କାତା କଇ ବୁଲ୍‌ବାଇ । ୩ ଏନ୍ତାଟା ସିକାଉମନ୍ ଲବ୍ ଅଇକରି ନିଜେ ତିଆର୍ କରିରଇବା କାତା କଇକରି ତମକେ ନାଡାଇବାଇ । ସେନ୍ତାରି ଲକ୍‌ମନ୍‌କେ ଡଣ୍ଡ ଦେବି ବଲି ପର୍‌ମେସର୍ କାତା ଦେଇରଇଲା । ଆରି ସେଟା କରବାକେ ସେ ଏବେ ଜାଗିଆତେ । ସେ ସେମନ୍‌କେ କୁରୁପ୍‌ନାସ୍ କରସି ଆକା ।

୪ ପୁରବେ କେତେଟା ଦୁଡ୍‌ମନ୍ ଜେତେବେଲେ ପାପ୍ କରିରଇଲାଇ, ପର୍‌ମେସର୍ ସେମନ୍‌କେ ଡଣ୍ଡ ନ ଦେଇକରି ଚାଡିଦେଏ ନାଇ । ମାତର୍ ସେମନ୍‌କେ ନର୍‌କେ ପିଙ୍ଗିଦେଲା । ସେମନ୍‌କେ ବିଟାର୍ କରି ଡଣ୍ଡଦେବା ଦିନ୍ ଜାକ ସେ ସେମନ୍‌କେ ବନ୍ଦିକରି ଆନ୍‌ରେ ସଙ୍ଗିଇସି । ୫ ଆଗର୍‌କାଲେ ବଠିରଇବା ଲକ୍‌ମନ୍ ପର୍‌ମେସର୍‌କେ ମାନିକରି ରଅଡ୍‌ନାଇକେ, ସେ ସେମନ୍‌କେ ଡଣ୍ଡ ନ ଦେଇକରି ଚାଡେନାଇ । ତାର୍‌ବାଦୁଲେ ସେମନ୍‌ପାଇ ବନିଆ ଆନାଇଲା । ତେଇ ସବୁଲକ୍ ବୁଡିଗାଲାଇ । ମାତର୍ ସେ ନଅ ଆରି ତାର୍ କୁଟ୍‌ମର୍ ସାଡ୍‌ଲକ୍‌କେ ସେ ରକିଆ କଲା । ସେବେଲେ ନଅ ପର୍‌ମେସର୍ ଦେକ୍‌ବା ଇସାବେ ଟିକ୍

\* ୧:୧୭ ୧:୧୭ ମାଡିଉ ୧୭:୧-୫; ମାର୍‌କ ୯:୨-୭; ଲୁକ୍ ୯:୨୮-୩୫

ବିସଇ କରବାର ଆଚେ ବଲି ଲକ୍ମନକେ କଇତେରଇଲା । ୬ ସଦମ୍ ଗମରା ନଅର୍ମନକେ ରଇବା ଲକ୍ମନକେ ପର୍ମେସର୍ ଦସିକରି ତାକର୍ ନଅର୍ମନକେ ପଡାଇକରି କୁରୁପ୍ନାସ୍ କରିଦେଲା । ସେମନ୍ ବେସି କାରାପ୍ କାମ୍ କଲାଇଜେ ଏନ୍ତାରି କଲା । ତାକେ ନ ମାନିକରି ରଇବା ଲକ୍ମନକେ ଏନ୍ତାରି ଦସା ଅଇସି ବଲି ଲକ୍ମନକେ ଦେକାଇଲା । ୭ ସେ ନଅର୍ମନ ପଡାଇବା ଆଗତୁ ସେ ଲଡକେ ରକିଆ କଲା । ଲଡ ଗଟେକ୍ ନିକଲକ୍ ରଇଲା । ତାର୍ ନଅର୍ମନ ଲକ୍ମନ କରରଇବା ପାଦ୍‌ରାପାଦ୍‌ରି କାମ୍ ଆରି ନିୟମ୍ ନ ମାନବାଟା ଦେକି ବେସି ଦୁକ୍ କରତେରଇଲା । ୮ ସେନ୍ତାରି କାରାପ୍ ଲକ୍ମନର୍ ବିଡରେ ଲଡ ନିକ ସଙ୍ଗ୍ ବଠିକରି ରଇଲା । ସେମନ୍ କରରଇବା କାରାପ୍ କାମ୍ ସେ ଦେକ୍‌ତେରଇଲା ଆରି କଇତେରଇବା ସଡ୍ ନ ରଇବା ବିସଇ, ସୁନ୍‌ତେରଇଲା । ସେ ଗଟେକ୍ ନିକ ଲକ୍ ରଇଲାଜେ ଏଟାମନ୍ ସୁନି ଦୁକ୍ କରତେରଇଲା । ୯ ସେନ୍ତାର୍ ଆଲେ ଦରମ୍ ଲକ୍ମନକେ ପର୍ମେସର୍ ତାକର୍ ଦୁକ୍ କସ୍‌ଟ ତେଇଅନି ଆରି ଆଇବା ପରିକାଇ ଅନି ରକିଆ କରସି । ଆରି କାରାପ୍ ଲକ୍ମନକେ ସେ ସବୁ ଲକ୍ମନକେ ବିଚାର୍ କରବା ଦିନ୍ ଜାକ ଡଣ୍ଡଦେଇ ସଙ୍ଗଇସି । ୧୦ ତାକର୍ ପାପର୍ ଗୁନ୍‌ଚଲନ୍ ଇସାବେ ଚଲାଚଲ୍‌ତିକରି ଲାଜର ବିସଇ କରବା ଲକ୍ମନକେ ସେ ବେସି ବଡ୍ ଡଣ୍ଡ ଦେଇସି । ତାକର୍ ଉପରେ ସାସନ୍ କରବାକେ ପର୍ମେସରର୍ ଜନ୍ ଅଦିକାର୍ ଆଚେ, ସେଟା ସେମନ୍ ନିର୍ଲାଇନି ।

ଏନ୍ତାରି ମିର୍ ସିକାଉ ଆଁକ୍‌ରିଆମନ୍, ନିଜର୍ ମନକେ ଆଇଲାଟା କରବାକେ ଡରଡ୍ ନାଇ । ସର୍ଗେ ମଇମାସଙ୍ଗ୍ ରଇବାଟାମନ୍‌କେ ମିସା ନିନ୍ଦା କରବାଇ । ୧୧ ତାକର୍‌ଟାନେଅନି ଅଦିକ୍ ବଡ୍‌ରଇ ବପୁ ରଇବା ଦୁଡ୍‌ମନ୍, ମାପୁରୁର୍ ମୁଆଟେ ଆକର୍ ବିସଇନେଇ ନିନ୍ଦାକାତା କଅଡ୍ ନାଇ । ୧୨ ମାତର୍ ଏମନ୍ ଡଙ୍ଗ୍‌ରେ ରଇବା ପସୁମନର୍‌ପାରା । ତାକର୍ ଗାଗଡ୍ ଜନ୍‌ଟା କରବାକେ ମନ୍ କରସି, ସେଟାସେ କଲାଇନି । ସେନ୍ତାରି ପସୁମନକେ ଲକ୍ମନ ଦାରିକରି ମରାଇବାଇ । ସେମନ୍ ନାଜାନ୍‌ଲା ବିସଇ ନେଇକରି ନିନ୍ଦାକାତା କଇବାଇ । ସେମନ୍‌କେ ଲକ୍ମନ ମରାଇଲା ପାରା ପର୍ମେସର୍ କୁରୁପ୍ନାସ୍ କରସି । ୧୩ ବିନ୍ ଲକ୍ମନକେ ସେମନ୍ ବେସି ଦୁକ୍ କସ୍‌ଟ ଦେଲାଇଆଚଡ୍‌କେ ପର୍ମେସର୍ ମିସା ସେମନ୍‌କେ ଦୁକ୍ କସ୍‌ଟ ଦେଇସି । ନିଜର୍ ଗାଗଡ୍ ମନ୍ କଲାଟା ପୁରାପୁରୁନ୍ କରବାକେ ସେମନ୍ କାଇଟା ମିସା କରବାଇ । ସେଟା ଦିନ୍‌ବେଲେ ମିସା କରବାଇ । ମାତର୍ ସେମନ୍ ତମର୍ ସଙ୍ଗ୍ କାଇବାକେ ବସ୍‌ଲାବେଲେ ମିସା ସେନ୍ତାରି ଅଇତେରଇବାଇ, ଜନ୍‌ଟାକି ତମ୍‌କେ ଇଜଡ୍ ଜିକି ଲାଜ୍ କରାଇସି । ୧୪ ବେସିଆ କାମ୍ କରବାକେ ସବୁବେଲେ ମନ୍ କରତେରଇବାଇ । ସେନ୍ତାରି କରବାଟାନେଅନି ସେମନ୍ କେବେ ନ ତେବଡ୍ । ମନ୍ ବିଡରେ ଦୁର୍‌ବଲ୍ ରଇବା ଲକ୍ମନକେ ନାଡାଇକରି ପାପ୍‌କାମ୍ କରବାଟାନେ ଡାକିନେବାଇ । ସେମନ୍ ବେସି ଲବି ଅଇଆଚଡ୍ । ପର୍ମେସର୍ ସେମନ୍‌କେ ସାଇପ୍ ଦେଲା ଆଚେ । ୧୫ ସଲକ୍ ବାଟ୍ ଚାଡିକରି ବାଟ୍‌ବାନା ଅଇଲାଇ ଆଚଡ୍ । ବେଅର୍ ପଅ ବାଲାମ୍, ଜେ କି ଗଟେକ୍ ବବିସଡ୍‌ବକ୍‌ତା ରଇଲା, ସେ ଜନ୍ ରକାମ୍ କାମ୍‌ମନ୍ କରରଇଲା, ଏମନ୍ ମିସା ସେନ୍ତାରି କଲାଇଆଚଡ୍ । ତାବୁ ଆସାଅଇ ବାଲାମ୍ ଏନ୍ତୁ ରଇଲାଜେ ସେଟା ମିଲାଇବାକେ ବୁଲ୍ କାମ୍ କରବାକେ ମିସା ତିଆର୍ ଅଇରଇଲା । ୧୬ ମାତର୍ ସେ କରରଇବା କାରାପ୍ କାମ୍‌ର୍ ଲାଗି, ପର୍ମେସର୍ ତାକେ ଦମ୍‌କାଇଲା । ତାର୍ ଗଦ୍ ନରଲକ୍ ପାରା କାତା ଅଇଲା ଆରି ଜନ୍ ବାୟା କାମ୍ କରବାକେ ସେ ଜାଇତେରଇଲା, ସେ କାମେଅନି ତାକେ ତେବାଇଲା ।

୧୭ ଏ ଲକ୍ମନ ପାନି ଆଁଟିଜାଇରଇବା ପାଜ୍‌ରା ପାରା । ଜବର୍ ପବନ୍ ଆସି ଉଡାଇନେବା ବାଦଲ୍ ପାରା । ପର୍ମେସର୍ ସେମନର୍‌ପାଇ ପୁରାପୁରୁନ୍ ଆନ୍ଦାର୍ ରଇବା ଗଟେକ୍ ଜାଗା ସଙ୍ଗଇଆଚେ । ୧୮ ସେମନ୍ ଲକ୍ମନକେ ସିକାଇବା ବେଲେ ମୁକିଅ ବିସଇପାରା ରଇସି, ମାତର୍ ତେଇ କାଇଟା ନ ରଏ । ଗାଗଡ୍ ମନ୍ କଲା ସବୁ ଗୁନ୍‌ଚଲନ୍ କରଅଇସି ବଲି ସେମନ୍ ସିକାଇବାଇ । ନୁଆ ନୁଆ ନିକ ଚଲାଚଲ୍‌ତି କରି ଆଇତେରଇବା ଲକ୍ମନକେ ସୁଡ୍‌ରାଇକରି ନେବାଇ । ୧୯ ତାକର୍ ସିକିଆ ମାନିକରି ରଇଲେ ମୁକ୍ତି ମିଲ୍‌ସି ବଲି ସେମନ୍ କାତାଦେବାଇ । ମାତର୍ ସେମନ୍ ନିଜେ କାରାପ୍ ଚଲାଚଲ୍‌ତିର୍ ଗତିଦାଙ୍ଗ୍‌ଡା ଅଇଆଚଡ୍ । ସେ କାରାପ୍ ଚଲାଚଲ୍‌ତି ସେମନ୍‌କେ କୁରୁପ୍ନାସ୍ କରସି । ଜଦି ଗଟେକ୍ ଲକ୍ମନକେ କାରାପ୍ ଅବିଆସ୍ ଦାରିଆଚେ, ସେ ତାର୍ ଗତିଦାଙ୍ଗ୍‌ଡା । ୨୦ ସେନ୍ତାରି ମିର୍ ସିକାଉମନ୍ ଲକ୍ମନକେ କୁରୁପ୍ନାସ୍ କରବା କାରାପ୍ ବିସଇତେଇଅନି ରକିଆ ପାଇକରି ଆମର୍ ମୁକ୍ତିକାରିଆ ମାପୁରୁ ଜିସୁକିରିସ୍‌ଟକେ ଜାନିରଇଲାଇ । ମାତର୍ ଆରିତରେକ୍ ସେ କାରାପ୍ ବିସଇମନ୍ କରବାକେ ନିଜେ ସର୍‌ପିଅଇଲାଇ ଆଚଡ୍ । ତାକର୍ ଏବର୍ ଇନସଡା ଆଗ୍‌ତୁର୍ ଇନସଡାଇ କେତେକ୍ ଅଦିକ୍ ଆଚେ । ୨୧ ଦରମ୍ ଚଲାଚଲ୍‌ତି କରବା ବାଟ୍ ସେମନ୍ କେବେ ଜାନିନରଇଲେ ତାକର୍ ପାଇ ନିକ ଅଇତା । ମାତର୍ ସେମନ୍ ଏବେ ଲକ୍ମନ ସିକିଆ ପାଇରଇବା ପର୍ମେସରର୍ ନିୟମ୍ ଚାଡିଦେଇଆଚଡ୍ । ୨୨ ସେମନ୍ କଲାପାରା ବିସଇ ଉପଦେସ୍ ବଇଟାନ୍‌ନେ ଲେକା ଅଇଲାଆଚେ । କୁକୁର୍ ଜନ୍‌ଟା ବାଡିକର୍‌ସି, ସେଟାସେ ଜାଇ କାଇସି, ଗୁସ୍‌ରିକେ ପାନି ଦୁଆଇଦେଇ ରଇଲେ ମିସା ସେ କାଦଲିଗେସେ ଜାଇ ଚକ୍‌ଟି ଅଇସି ।

ମାପୁରୁ ଆଇବା ଦିନ୍

<sup>୧</sup> ଏ ମର ଆଲାଦର୍ ବାଇବଇନିମନ୍, ଏଟା ମୁଇ ତମର୍ ଲଗେ ଦୁଇପାଲି ଅଇଲା ଚିଟି ଲେକ୍ଲିନି । ଏ ଦୁଇଟାଜାକ ଚିଟିତେଇ ଏ ସବୁ ବିସୟ୍ ମନେ ଏତାଇ ତମର୍ ମନେ ସୁକଲ୍ କର୍ବାପାଇ ଚିନ୍ତା କଲିନି । <sup>୨</sup> ବେସି ଆଗେ ସୁକଲ୍ ବବିସଡ୍‌ବକ୍‌ତାମନ୍ ଜନ୍‌ସବୁ କାତା ଜାନାଇ ରଇଲାଇ ଆରି ଉଦାର୍ କର୍ବା ମାପୁରୁ ଦେଇରଇବା ଆଦେସ୍ ତମ୍‌କେ ପେରିଡ୍ ସିସ୍‌ମନ୍ ଦେଇଆତଡ୍, ସେଟା ତମର୍ ମନେ ଏତାଇ ଦେବାକେ ମନ୍‌କଲିନି । <sup>୩</sup> ✽ପର୍‌ତମେ ଏଟା ଜାନା ଜେ, ସାର୍‌ଲା ଦିନ୍‌ମନ୍‌କେ ଲକ୍‌ମନ୍ ନିଜର୍ ନିଜର୍ କାରାପ୍ ମନକଲା ଇସାବେ ଚଲାଚଲ୍‌ତି କର୍ବାଇ । ସାରାସାରି ଦିନେ ସେମନ୍ ସଡ୍‌କେ ନିସାର୍ କରି ପାଟାର୍‌ବାଇ । <sup>୪</sup> ଆରି କିଜାଇକରି କଇବାଇ, “ଜିସୁ ଆଇବି ବଲି କାତା ଦେଇରଇଲାଟା, କେନେ ତେବେ ?” କାଇକେବଇଲେ ପୁରବେଅନି ଆମର୍ ଆନିଦାଦିମନ୍ ମଲାତେଇଅନି ଏବ୍‌କେ ଜାକ ସବୁ ବିସଇ ଜେନ୍ତି ରଇଲା, ଏବେ ମିସା ସେନ୍ତାରସେ ଆଚେ । <sup>୫</sup> ସେମନ୍ ଜାନି ଜାନି ପାସ୍‌ରିଗାଲାଇନି ଜେ ଆଗର୍ ବେଲ୍ ଆରି ବାଦଲ୍ ସବୁ ମାପୁରୁର୍ ବାକିଅର୍ ଲାଗି ଗର୍‌ଲା ଆଚେ, ଦର୍‌ତନି ପାନି ବିଡ୍‌ରେଅନି ବାରଇଲା ଆଚେ ଆରି ଦର୍‌ତନି ଚାରିବେଟ୍‌ତି ପାନି ରଇଲା ବଲି । <sup>୬</sup> ତାର୍‌ଲାଗି ସେ ସେବେଲେ ପୁରନା ଜଗଡ୍ ପାନି ସଙ୍ଗ୍ ବୁଡି ନସିଗାଲା । <sup>୭</sup> ମାତର୍ ଏବେ ରଇବା ବାଦଲ୍ ଆରି ଦର୍‌ତନି ସେ ବାକିଅର୍ ଲାଗି, ଦରମ୍ ନଇଲା ଲକ୍‌ମନ୍‌କେ ବିଚାର୍ ଆରି ବିନାସର୍ ଦିନ୍ ଜାକ, ଜଇ ସଙ୍ଗ୍ ନସ୍‌ଟ ଅଇବାକେ ଜମାଇକରି ସଙ୍ଗଇଲା ଆଚେ ।

<sup>୮</sup> ମାତର୍ ଏ ଆଲାଦର୍ ବାଇମନ୍, ମାପୁରୁ ଦେକ୍‌ବା ଇସାବେ, ଗଟେକ୍ ଦିନ୍‌ଜେ ଅଜାର୍ ବରସ୍ ପାରା, ଆରି ଅଜାର୍ ବରସ୍, ଗଟେକ୍ ଦିନ୍ ପାରା, ଏ ମୁଲିକା ରଇଲା ବିସଇ ତମେ ପାସ୍‌ରା ନାଇ । <sup>୯</sup> ଅଲସମ୍ ଅଇସି ବଲି କେତେଲକ୍ ଏତାଇଲାଇନି, ମାତର୍ ମାପୁରୁ ନିଜେ କାତା ଦେଲା ବିସଇ ସେନ୍ତାର୍ ଅଲସମ୍ କରେନାଇ । ମାତର୍ କେମିସା ଜେନ୍ତିକି ବିନାସ୍ ନଅଡ୍, ସେମନ୍ ସବୁ ମନ୍ ବାଦ୍‌ଲାଇବାଇ, ଏଟା ସେ ମନ୍‌କରି ତମର୍ ପାଇ ବଲି ଅଲସମ୍ ଅଇଲାନି ।

<sup>୧୦</sup> ✽ମାପୁରୁର୍ ଦିନ୍ ଚର୍ ଆଇଲା ରକାମ୍ କେଟିଜାଇସି । ସେ ଦିନେ ବାଦଲ୍ ସବୁ ବେସି ସବଡ୍ ସଙ୍ଗ୍ ନସ୍‌ଟ ଅଇଜାଇସି, ବାଦ୍‌ଲେ ଉଜଲ୍ ରଇବାଟାମନ୍ ସବୁ ସିଲିଜାଇସି, ପୁରତିବି ଆରି ସିତି ରଇଲା ଲକ୍‌ମନ୍ ତିଆର୍ କଲା ଜେତେକ୍ ସବୁ ଜିନିସ୍ ପଡିଜିବାଇ ।

<sup>୧୧</sup> ଏ ସବୁ ବିସଇ ଏ ରକାମ୍ ଆଜିଜାଇସି, ତେବର୍ ପାଇ ତମେମନ୍ ବେସି ସୁକଲ୍ ଆରି ଜାଗରଡ୍‌ସଙ୍ଗ୍ ରଇବାର୍ ଆଚେ । <sup>୧୨</sup> ମାପୁରୁ ଆଇବା ଦିନ୍‌କେ ଜାଗି କରି, ସେଟାଜେନ୍ତି ଦାପ୍‌ରେ ଆଇସି, ସବୁ ବେଲେ ଦରମ୍ ଚଲାଚଲ୍‌ତି କର୍ବାର୍ ଆଚେ ।

<sup>୧୩</sup> ✽ଆମେ ସେ କାତା ଦେଲା ଇସାବେ ନୁଆଁ ବାଦଲ୍ ଆରି ନୁଆଁ ପୁରତିବିକେ ଜାଗ୍‌ଲୁନି । ସେଟା ଦରମ୍‌ଲକର୍ ବାସା ଅଇବା ଜାଗା ଅଇସି ।

<sup>୧୪</sup> ସେଟାର୍ ପାଇ ଏ ଆଲାଦର୍ ବାଇମନ୍, ତମେ ସେ ଦିନ୍‌କେ ଜାଗ୍‌ତେରୁଆ । ପର୍‌ମେସର୍ ଦେକ୍‌ବା ଇସାବେ, କାଇ ଦସ୍ ନ ଅଇତେ, ସୁକଲ୍ ଲକ୍‌ମନ୍‌ର ପାରା, ତାର୍ ସଙ୍ଗ୍ ସାନ୍ତିଅଇ ରଇବାକେ ଜାଗ୍‌ରଡ୍ ଉଆ । <sup>୧୫</sup> ଆରି, ଆମର୍ ମାପୁରୁ ବେସି ଦିନ୍ ଜାଗ୍‌ବାଟା ଆରି ରକିଆ କର୍ବାଟା ବଲି ଏତାଆ । ଆମର୍ ଆଲାଦର୍ ବାଇ ପାଉଲ୍‌କେ ମିସା ମାପୁରୁ ତାକେ ଦେଲା ବୁଦି ଇସାବେ ତମର୍ ଲଗେ ଏନ୍ତାର୍ ଲେକ୍‌ଲା ଆଚେ । <sup>୧୬</sup> ସେ ତାର୍ ସବୁ ଚିଟି ଲଗେ ମିସା ଏ ସମାନ୍ ବିସଇ ଲେକ୍‌ଲାଆଚେ । ମାତର୍ ତେଇଅନି କେତେଟା ବିସଇ ଲକ୍‌ମନ୍‌କେ ବୁଜ୍‌ବାକେ କସ୍‌ଟ ଆଚେ । ଜନ୍ ଲକ୍‌ମନ୍ ନିକ ସିକଡ୍‌ନାଇ ଆରି ତାକର୍ ବିସ୍‌ବାସ୍‌ଟାନେ ତାଟ୍‌ନାଇ, ଏ ସବୁ ବିସଇର୍ ଅରଡ୍ ବୁଲ୍‌ଇସାବେ ବାତାଇଲାଇନି । ପର୍‌ମେସର୍ ବାକିଅତେଇରଇବା କେତେଟା ବିନ୍ ବିସଇମନ୍ ମିସା ଏନ୍ତାରି ବୁଲ୍‌କରି ବାତାଇଲାଇନି । ଏନ୍ତାରି କଲାପ୍‌ପାଇ ପର୍‌ମେସର୍ ସେମନ୍‌କେ କୁରୁପ୍‌ନାସ୍ କର୍ସି ।

<sup>୧୭</sup> ଏ ଆଲାଦର୍ ବାଇମନ୍, ତମେ ଆଗେ ଅନି ଏ ସବୁ ବିସଇ ଜାନି ଜାଗ୍‌ରତା ଅଇରୁଆ । କେତେବଲ୍ ନିୟମ୍ ନ ମାନ୍‌ଲା ଲକ୍‌ର୍ ଆସାର୍ କାମର୍ ପାନ୍‌ଲଗେ ଅଦ୍‌ରି, ତାଟ୍‌ସଙ୍ଗ୍ ରଇବା ବିସ୍‌ବାସେ ଅନି ଉନା ଉଆନାଇ । <sup>୧୮</sup> ମାତର୍ ଆମର୍ ମାପୁରୁ ଆରି ଉଦାର୍ କର୍ବା ଜିସୁକିରିସ୍‌ଟର୍ ଜିବନ୍ ଦୁକାଇଲାଟା ଆରି ଗିଆନ୍ ସଙ୍ଗ୍ ଅଦିକ୍ ଅଦିକ୍ ବଡା । ଏବେ ଆରି କାଲ୍ କାଲ୍ ଜୁଗ୍ ଜୁଗ୍ ଜାକ ସେ ତାକ୍‌ପୁଟା ପାଅ । ଆମେନ୍ ।

✽ ୩:୩ ୩:୩ ଜିଉଦା ୧:୧୮ ✽ ୩:୧୦ ୩:୧୦ ମାଡିଉ ୨୪:୪୩; ଲୁକ୍ ୧୨:୩୯; ୧ମ ତେସଲନିକିୟ ୫:୨; ପର୍କାସିତ ୧୬:୧୫ ✽ ୩:୧୩ ୩:୧୩ ପର୍କାସିତ ୨୧:୧



## ଯୋହନ ଲେଖିଥିବା ପ୍ରଥମ ପତ୍ର ଜଅନ୍ ଲେକିରଇବା ୧ ମ ଚିଠି ଏ ବଇର ବିସଇ ଜାନବାଟା

ଜଅନ୍ ପତ୍ରତୁମ୍ ଚିଠି ଜିସୁକିରିସ୍ଟ ଜନମ୍ ଅଇକରି ୫୦-୧୦୦ କିରିସ୍ଟାବ୍ଦ ବିତ୍ରେ ପେରିଡ୍ ଜଅନ୍ ଲେକି ରଇଲା ।

ଜଅନ୍ ନିଜକେ ଗଟେକ୍ ଲେକ୍ବା ଲକ୍ବର ଇସାବେ ଜାନାଇ ଅଏନାଇ । ମାତର୍ ପତ୍ରତୁମ୍ ପାଟେ ସେ ଜିସୁକିରିସ୍ଟର୍ ଜିବନର୍ ଆରି ମରିକରି ଉର୍ବା ବିସଇ ନେଇକରି ସେ ମୁଇନିଜେ ସାକିବଲିକରି କଇଲାନି ୧:୧-୩ ଜଅନ୍ ପତ୍ରତୁମ୍ ଲେକି ରଇଲାଟା ଜଅନ୍ ସୁସମାଚାର ଲଗେ ଲେକା ଅଇଲାପାରା ଅଲପ୍ ମିସ୍ସି । ସେ ଜେଡେବେଲେ ଏପିସିଡେଇ ରଇଲା । ସେ ଜଅନ୍ ସୁବକବର୍ ଆରି ଜଅନ୍ ଡିନିଟା ଚିଠି ଲେକିଆଟେ ବଲିକରି ବିସ୍ବାସ୍ କର୍ବାଇ । ଜନ୍ ବଇକି ପତ୍ରତୁମ୍ ଜଅନ୍ ଦୁତିଅ ଜଅନ୍ ତୁରତିଅ ଜଅନ୍ ।

ଗିଆନି ବଲିକରି କଇଡେରଇବା ଲକ୍ବମନର୍ ଗଟେକ୍ ଦଲ୍ ଜନ୍ଲକ୍ବମନର୍ ଲାଗି ମଣ୍ଡୁଲିଡେଇ କାଇଆଲେ ଗଟେକ୍ ଗଟ୍ନା ଆଇଲେ ଚିଆ ଅଇଡେ ରଇବା ଲକ୍ବମନ୍ । ସେ ବେଲେ ଜଅନ୍ ସବୁ ବିସ୍ବାସି ମନ୍କେ ଏ ଚିଠିଲେକି ରଇଲା । ସେମନ୍ ବିସ୍ବାସ୍ କର୍ବାଇକି ଜିସୁ ସତ୍ରେ ଆଇବା ପୁରାପୁରୁନ୍ ପର୍ମେସର୍, ମାତର୍ ଜଗଡେ ରଇବାବେଲେ ସେ ବନିମାଉଁସ୍ ଦାରିରଇବା ଗଟେକ୍ ନର୍ଲକ୍ବ ନର୍ଥ । ଜଅନ୍ ଜିସୁକିରିସ୍ଟର୍ ସଙ୍ଗ୍ ରଇବା ଗଟେକ୍ ସାକି ଆରି ତାର୍ ନିଜର୍ ଆଡ୍‌ସଙ୍ଗ୍ ଜିସୁକେ ଚିଇ ରଇଲାକେ ସେ ଏନ୍ତାରି ଲେକ୍ଲା ଆଟେ ୧:୧-୩ । ଜଅନ୍ ଏ ଚିଠି ଲେକ୍ବାର୍ ମୁକିଅ କାରନ୍ ଅଇଲାନି ତାର୍ ସାର୍ଦା ପୁରାପୁରୁନ୍ ଅଇବାଟା । ପତ୍ରତୁମ୍ ଜଅନ୍ ୧:୪ ଆରି ବିସ୍ବାସି ମନ୍କେ ପାପେଅନି ଦୁରକେ ରଇବାକେ ପତ୍ରତୁମ୍ ଜଅନ୍ ୨:୧ଆରି ବିସ୍ବାସି ମନ୍କେ ମିଡ୍ ସିକିଆଇଅନି ରକିଆକର୍ବାକେ, ପତ୍ରତୁମ୍ ଜଅନ୍ ୨:୨୨ ଆରି ବିସ୍ବାସି ମନ୍କେ ରକିଆ କର୍ବାକେ, ୫:୧୩

### ଏ ବଇବିତ୍ରେ ରଇବା ବିସଇ

- ୧. ଜଅନ୍ ତାର୍ ଚିଠିଟାନେ ନିଜର୍ ବିସଇ ଜାନାଇକରି ଆରି କାଇକେ ଲେକ୍ଲାନି ସେଟାସବୁ ଆଟେ । ୧:୧-୪
- ୨. ପର୍ମେସର୍ କେନ୍ତାରି ଉଜଲ୍ ବଲିକରି ବୁଜାଇଦେଇ ଜିସୁର୍ପାରା ଚଲାଚଲ୍ତି କର୍ବାକେ କଇଆଟେ । ୧:୫-୩:୧୦
- ୩. ଗଟେକ୍ଲକ୍ ଆରି ଗଟେକ୍ ଲକ୍ବକେ କେନ୍ତାରି ଆଲାଦ୍ କର୍ବାର୍ ଅଇସି ସେ ବିସଇ ମନେ ଏତାଇଦେଲା ଆଟେ । ୩:୧୧-୫:୧୨
- ୪. ସେ ତାର୍ ଲେକ୍ବାଟା ସାରାଇ ଆଟେ । ୫:୧୩-୨୧

### ଜିବନର୍ ବାକିଅ

୧ \*ଜାକେ ଜିବନର୍ ବାକିଅ ବଲି କଇଲାଇନି, ତାର୍ ବିସଇ ତମ୍‌କେ ଲେକ୍ଲୁନି । କାଇଟା ତିଆର୍ ନ ଅଇଡେ ପୁର୍ବେଅନି ସେ ରଇଲା । ତାର୍ ବାକିଅ ଆମେ ସୁନିଆରୁ । ସେ କିରିରଇବା କାମ୍‌ମନ୍ ଆମେ ଆଁକି ସଙ୍ଗ୍ ନିକ ଦେକି ଆରୁ । ଆରି ଆମେ ତାକେ ଆଡ୍ ସଙ୍ଗ୍ ଚିଇଲୁ ଆରୁ । ୨ \*ଏ ଲକ୍ବ ସତ୍ ଜିବନ୍ ଦେଇସି । ପର୍ମେସର୍ ଏ ଲକ୍ବକେ ସବୁକେ ଦେକାଇଲା । ଆରି ଆମେ ଦେକ୍ଲୁ ଆରି ତାର୍ ସତ୍ ବିସଇ ତମ୍‌କେ କଇଲୁନି । ସେ ଦେଇରଇବା ନ ସାର୍ବା ଜିବନର୍ ବିସଇ ତମ୍‌କେ ଜାନାଇଲୁନି । ପୁର୍ବେଅନି ସେ ଆମର୍ ବାବା ପର୍ମେସରର୍ ସଙ୍ଗ୍ ରଇଲା । ମାତର୍ ପର୍ମେସର୍ ତାର୍ ବିସଇ ଆମ୍‌କେ ଜାନାଇଲାଆଟେ । ୩ ଡେବର୍‌ପାଇ ଏ ଲକ୍ବ, ଜାର୍ ବିସଇ ଆମେ ଦେକିଆରୁ ଆରି ସୁନିଆରୁ, ତାର୍ ବିସଇ ଆକା ଆମେ ତମ୍‌କେ କଇଲୁନି । ଜେନ୍ତାରିକି ତମେ ମିସା ଆମର୍ ସଙ୍ଗ୍ ମିସିବିଡି ରଇସା । କାଇକେବଇଲେ ଆମେ ବାବା ପର୍ମେସରର୍ ସଙ୍ଗ୍ ଆରି ତାର୍ ପଅ ଜିସୁ କିରିସ୍ଟର୍ ସଙ୍ଗ୍ ମିସିବିଡି ଆରୁ । ୪ ଆମର୍ ସାର୍ଦା ଜେନ୍ତାରି ପୁରାପୁରୁନ୍ ଅଇସି, ଡେବର୍ ପାଇ ଏ ସବୁ ବିସଇ ତମ୍‌କେ ଲେକ୍ଲୁନି ।

### ପର୍ମେସର୍ ଆକା ଉଜଲ୍

୫ ମାତର୍ ଜନ୍ ବିସଇ ଜିସୁକିରିସ୍ଟ ଆମ୍‌କେ କଇଲା, ଆରି ଜାଇଟା ତମ୍‌କେ ଆମେ ଜାନାଇ ଆରୁ, ସେଟା ଅଇଲାନି ପର୍ମେସରର୍ ଉଜଲ୍ । ଆରି ତାର୍‌ଟାନେ ମୁଲ୍‌କେ ଆନ୍ଦାର୍ ନାଇ । ୬ ଡେବର୍‌ପାଇ ଆମେ ପର୍ମେସରର୍ ସଙ୍ଗ୍ ମିସିବିଡି ଆରୁ ବଲି କଇକରି କାରାପ୍ କାମ୍ କି ଆନ୍ଦାରେସେ ରଇବୁ ବଇଲେ, ଆମେ କଇବାଟା ମିଡ୍ । ଆରି ସତ୍ ବିସଇ ଆମେ ଚାଡିଦେଇଆରୁ ବଲି ଆମର୍ ଚଲାଚଲ୍ତିଟାନେ ଜାନାପଡ୍‌ଲାନି । ୭ ମାତର୍ ଆମେ ସତ୍ କାମ୍ କି ଉଜଲେ ରଇବୁ ଜେନ୍ତାରି କି ପର୍ମେସର୍ ସବୁବେଲେ ଉଜଲେଆଟେ

\* ୧:୧ ୧:୧ ଜଅନ୍ ୧:୧    \* ୧:୨ ୧:୨ ଜଅନ୍ ୧:୧୪

। ସେନ୍ତାର ଆଲେ ଆମେ ଗଟେକ୍ ଲକ୍ ଆରି ଗଟେକ୍ ଲକର୍ ସଙ୍ଗ୍ ମିସିବିଡି ଆରୁ । ଆରି ପର୍ମେସରର୍ ପଅ ଜିସୁର୍ ବନି ଆମର୍ ସବୁ ପାପ୍‌କେ ଦଇଦେଇସି ।

୮ ଆମେ କେବେମିସା ପାପ୍ କରୁନାଇ ବଲି କଇଲେ, ଆମେ ନିଜେସେ ନାଡାଇଅଇଲୁନି । ଆରି ସତ୍ ବିସଇ ଆମେ ନାଜାନୁନି । ୯ ଜଦି ଆମେ ବୁଲ୍ କରିଆରୁ ବଲି ପର୍ମେସର୍କେ ନ ଲୁଟାଇତେ କଇଲେ, ସେ ଆମର୍ ସବୁ ପାପ୍ କେମା କରସି । ଆରି ସବୁ କାରାପ୍ କାମେଅନି ଆମ୍‌କେ ସୁକଲ୍ କରସି । ୧୦ ଜଦି ଆମେ କେବେ ମିସା ପାପ୍ କରୁନାଇ ବଲି କଇଲେ, ପର୍ମେସର୍ ସତ୍‌ଟା ନର୍ସ ବଲି କଇଲୁନି । ଆରି ତାର୍ ବାକିଅ ମାନିକରି ରଉନାଇ ।

୨

ରକିଆ କାରି ଜିସୁ

୧ ଏ ମର୍ ପିଲାଟକି ପାରା ଅଇରଇବା ଲକ୍‌ମନ୍, ତମ୍‌କେ ମୁଇ ଏଟା ଲେକ୍‌ଲିନି । ଜେନ୍ତୁକି ତମେ ପାପ୍ ନ କରାସ୍ । ମାତର୍ କେ ଜଦି ପାପ୍ କଲେ ଆମର୍ ବାବା ପର୍ମେସରର୍ ମୁଆଟେ ଚିଆଅଇରଇବା ଗଟେକ୍ ଲକ୍ ଆମର୍ ପାଇ ଗୁଆରି କଲାନି । ସେ ଅଇଲାନି ଜିସୁକିରିସ୍ଟ । ପର୍ମେସର୍ ଦେକ୍‌ବା ଇସାବେ ସେ ପୁରାପୁରୁନ୍ ସତ୍‌ଆଟେ । ୨ ଆମର୍ ବୁଲ୍ କାମର୍‌ପାଇ ଆମର୍ ବାଦୁଲେ ପର୍ମେସର୍ ଜିସୁକେ ଡଣ୍ଡ ଦେଲା । ତାର୍‌ଲାଗି ଅବ୍‌କା ଆମର୍ ପାପ୍‌ସେ ନର୍ସ ମାତର୍ ଗୁଲାଇଟାନେ ରଇବା ସବୁଲକର୍ ପାପ୍ ସେ କେମା କରସି ।

୩ ଆମେ ତାକେ ଜାନୁବା ଲକ୍ ଅଇଲୁଆରୁ । ଜଦି ଆମେ ତାର୍ ତିଆରୁଲାଟା ମାନୁଲୁନି, ଏଟା ଡାଞ୍‌ସଙ୍ଗ୍ ଜାନୁଲୁନି । ୪ କେ ଜଦି ମୁଇ ପର୍ମେସର୍କେ ଜାନିଆଟିବଲି କଇକରି, ତାର୍ ତିଆରୁଲାଟା ନ ମାନେ, ସେ ମିର୍ କଇଲାନି ଆରି ସେ ସତ୍ ବିସଇମନ୍ ନାଜାନେ । ୫ ମାତର୍ ଜେ ଜଦି ତାର୍ ବାକିଅ ମାନସି, ସେନ୍ତାର ଆଲେ ପର୍ମେସରର୍‌ପାଇ ରଇବା ତାର୍ ଆଲାଦ୍ ସତଇସେ ପୁରାପୁରୁନ୍ ସିଦ୍ ଅଇଆଟେ । ଆମେ ପର୍ମେସରର୍ ସଙ୍ଗ୍ ମିସଲୁଆରୁ ବଲି ଦେକାଇବା ବିସଇ । ୬ କେ ଜଦି ପର୍ମେସରର୍ ସଙ୍ଗ୍ ମିସିଆଟି ବଲି କଇଲେ, ଜିସୁର୍ ଚଲାଟଲ୍‌ଡି ପାରା ଚଲ୍‌ବାର୍‌ଆଟେ ।

ନୁଆଁ ଆଗିଆ

୭ ଏ ମର୍ ଆଲାଦର୍ ମଇତର୍‌ମନ୍, ମୁଇଁ ତମର୍ ଲଗେ କାଇମିସା ନୁଆ ଆଦେସ୍ ଲେକିନାଇ । ତମେ ଜିସୁର୍ ସଙ୍ଗ୍ ଜିବାକେ ଆରାମ୍ କଲାବେଲେଅନି, ଏ ସମାନ୍ ଆଦେସ୍ ତମେ ଜାନିଆଟାସ୍ । ସେ ପୁରୁନା ଆଦେସ୍ ସୁନି ସାରାଇଆଟାସ୍ ।

୮ ମାତର୍ ଏଟା ଗଟେକ୍ ନୁଆ ଆଦେସ୍ ପାରା ମିସା ଆଟେ । କାଇକେବଇଲେ ତେଇର୍ ସତ୍ ବିସଇ କିରିସ୍ଟ ଲଗେ ଆରି ତମର୍ ଲଗେ ତିସ୍‌ଲାନି । ଆନ୍ଦାର୍ ଉଟିଗାଲାନି, ଆରି ସତ୍ ଉଜଲ୍ ତିସ୍‌ଲାନି ।

୯ ଜଦି କେ ମିସା ପର୍ମେସରର୍ ଉଜଲ୍ ଆରି ସୁକଲ୍ ଇସାବେ ଚଲାଟଲ୍‌ଡି କଲିନି ବଲି କଇକରି ତାର୍ ସଙ୍ଗ୍ ମିସିବିଡି ରଇବା ବିସ୍‌ବାସି ବାଇବଇନିମନ୍‌କେ ଗିନ୍ କରସି, ସେ ଏବେଜାକ ଆନ୍ଦାରେସେ ରଇଲାନି । ୧୦ ଜନ୍ ଲକ୍‌ମନ୍ ତାକର୍ ମିସିବିଡି ରଇବା ବିସ୍‌ବାସି ବାଇବଇନିମନ୍‌କେ ଆଲାଦ୍ କର୍‌ବାଇ, ସେମନ୍ ପର୍ମେସରର୍ ସୁକଲ୍ ଇସାବେ ଚଲାଟଲ୍‌ଡି କଲାଇନି । ସେମନ୍‌ର୍ ଜିବନେ ବିନ୍ ଲକ୍‌ମନ୍‌କେ ପାପ୍ କରାଇବା କାଇ ବିସଇ ନାଇ । ୧୧ ମାତର୍ ଜେ ମିସା ମିସିବିଡି ରଇବା ବିସ୍‌ବାସି ବାଇବଇନିମନ୍‌କେ ଗିନ୍ କଲେ, ସେ ଆନ୍ଦାରେ ଆଟେ । ସେ ବୁଲ୍ ଟିକ୍ ନାଜାନିକରି ଚଲାଟଲ୍‌ଡି କଲାନି । ସେ କନ୍ତି ଗାଲାନି ସେଟା ନାଜାନେ । କାଇକେବଇଲେ ସେ ଆନ୍ଦାର୍ ତାର୍ ଆକିକେ କାଣା କରିଆଟେ ।

୧୨ ଏ ଆଲାଦର୍ ପିଲାମନ୍, ମୁଇ ତମ୍‌କେ ଲେକ୍‌ଲିନି । କାଇକେବଇଲେ କିରିସ୍ଟର୍ ଲାଗି ତମର୍ ପାପ୍ କେମା ଅଇଲାଆଟେ । ୧୩ ଏ ବଡ୍‌ଲକ୍‌ମନ୍, ମୁଇ ତମ୍‌କେ ଲେକ୍‌ଲିନି, କାଇକେବଇଲେ ତମେ କିରିସ୍ଟକେ ଜାନିଆଟାସ୍ । କାଇଟା ତିଆର୍ ନ ଅଇବା ଆଗ୍‌ତୁ ସେ ରଇଲା । ଏ ଦାଙ୍ଗ୍‌ତାଦାଙ୍ଗ୍‌ଡିମନ୍ ମୁଇ ତମ୍‌କେ ଲେକ୍‌ଲିନି । କାଇକେବଇଲେ ସବୁ କାରାପ୍ କାମ୍ କରାଇବା ସଇତାନ୍‌କେ ତମେ ଆରାଇଆଟାସ୍ ।

୧୪ ଏ ଆଲାଦର୍ ପିଲାଟକିମନ୍, ମୁଇ ତମ୍‌କେ ଲେକ୍‌ଲିନି । କାଇକେବଇଲେ ତମେ ବାବା ପର୍ମେସର୍କେ ଜାନିଆଟାସ୍ । ଏ ବଡ୍ ଲକ୍‌ମନ୍ ମୁଇ ତମ୍‌କେ ଲେକ୍‌ଲିନି । କାଇକେବଇଲେ ତମେ କିରିସ୍ଟକେ ଜାନୁବା ଲକ୍ ଅଇଆଟାସ୍ । କାଇଟା ତିଆର୍ ନ ଅଇବା ଆଗ୍‌ତୁ ସେ ରଇଲା । ଏ ଦାଙ୍ଗ୍‌ତାମନ୍ ମୁଇ ତମ୍‌କେ ଲେକ୍‌ଲିନି, କାଇକେବଇଲେ ତମେ ବିସ୍‌ବାସେ ତାଟ୍ ଅଇଆଟାସ୍ । ପର୍ମେସରର୍ ବାକିଅ ସବୁବେଲେ ତମର୍ ମନେ ଆଟେ । ଆରି ସବୁ ରକାମ୍ ପାପ୍ କାମ୍ କରାଇବା ସଇତାନ୍‌କେ ଆରାଇଆଟାସ୍ ।

ଜଗତ୍‌କେ ଆଲାଦ୍ କରାନାଇ

☆ ୨:୭ ୨:୭ ଜଅନ୍ ୧୩:୩୪

୧୫ ମୁଇ ତମକେ କଇଲିନି ଏ ଜଗତର ଚଲାଚଳୁତି ଆରି ତେଇରଇବା ସବୁ କାରାପ୍ ବିସଇ ଆଲାଦ୍ କରାନାଇ । କାଇକେବଇଲେ ଏ ଜଗତର କାରାପ୍ ବିସଇର ଆଲାଦ୍ କରି, ବାବା ପରମେସରକେ ମିସା ଆଲାଦ୍ କରିନାପାରେ । ୧୬ ସେ କାରାପ୍ ଚଲାଚଳୁତି ତେଇ ଲକ୍ମନ୍ ଜାଇଟା ମନ୍ କରବାଇ, ଲକ୍ମନ୍ ଦେକିକରି ଲାଲୁସା ଅଇବାଟା, ସବୁ ବିସଇ ରଇଲାପାଇ ବଡ଼ପନ୍ ଅଇବାଟା ଏ ସବୁ ରଇସି । ଏ ରକାମ୍ ଚଲାଚଳୁତି ଏ କାରାପ୍ ଜଗତର ଲାଗି ଅଇଲାଆତେ । ଆମର୍ ବାବା ପରମେସର୍ ଏନ୍ତାରି କରବାକେ ଆମକେ ତିଆରେନାଇ । ୧୭ ଏ କାରାପ୍ ଜଗତ୍ ଆରି ତେଇର ସବୁ ରକାମ୍ ଚଲାଚଳୁତି ଦାପ୍ରେ ଉଚିଜାଇସି । ମାତର୍ ଜେ ପରମେସରକେ ମାନସି, ସେ ନ ସାରବା ଜିବନ୍ ପାଇସି ।

**କିରିସ୍ତର ସତ୍ତରୁ**

୧୮ ଏ ପିଲାଟକିମନ୍, ଏ ଦିନମନ୍ ଏ ଜଗତର ସାରାସାରି ଦିନ୍ । କିରିସ୍ତକେ ବିରଦ୍ କରବା ଗଟେକ୍ ଡାକ୍ପୁଟା ଲକ୍ ବାରଇସି ବଲି ଆମେ ତମକେ କଇରଇଲୁ, ସେଟା ମନେ ପାକାଆ । ଏବେମିସା କିରିସ୍ତକେ ବିରଦ୍ କରବାଟାମନ୍ ଜବର୍ ଉଚ୍ଚଲାଇ ଆଚଡ୍ । ସେଟାରଲାଗି ଏ ଜଗତର ସାରାସାରି ଦିନ୍ ଲଗେ ଅଇଲା ବଲି ଆମେ ଜାନୁଲୁନି । ୧୯ ଏ ବିରଦ୍ କରବାଟାମନ୍ ଆମର୍ ସଙ୍ଗ୍ ମିସିବିଡି ରଇଲାଇ । ଆରି ଏବେ ସେମନ୍ ଚାଡିଦେଲାଇ । ସେମନ୍ କେବେ ମିସା ଆମର୍ ମିସାବିତାଟାନେ ମିସଡନାଇ । ଜଦି ସେମନ୍ ସତଇସେ ଆମର୍ ସଙ୍ଗ୍ ବିସବାସି ଅଇରଇଲେ, ଆମର୍ ସଙ୍ଗ୍ ରଇତାଇ । ମାତର୍ ସେମନ୍ ଚାଡିଲାପାଇ ଆମର୍ ଦଲର୍ ଲକ୍ ନଅଡ୍ ବଲି ଜାନାପଡଲା ।

୨୦ ମାତର୍ କିରିସ୍ତ ତମକେ ସୁକଲ୍ ଆଡ଼ମା ଦେଲାଆତେ । ୨୧ ତମେ ସଡ଼ ନାଜାନାସ୍ ବଲିକରି ମୁଇ ତମକେ ଲେକ୍ଲିନି, ସେନ୍ତାରି ନଏଁ । ମାତର୍ ସେଟା ତମେ ନିକ ସଙ୍ଗ୍ ଜାନାସ୍ । ଆରି ସଡ଼ ସିକିଆ ସଙ୍ଗ୍ ବୁଲ୍ ସିକିଆ କେବେ ନ ମିସେ ।

୨୨ ତେବେ କେ ମିଟ୍ କଇଲାଇନି ? ଜିସୁକେ ମସିଅ ନଏଁ ବଲି ଜେ କଇଲାନି, ସେ ଆକା ସବୁରଟାନେଅନି ବଡ଼ ମିଟୁଆ । ସେନ୍ତାରି ଲକ୍ମନ୍ କିରିସ୍ତର ବିରଦି ଲକ୍ମନ୍ । ସେମନ୍ ଉଜେ ବାବା ପରମେସରକେ ଆରି ତାର୍ ପଅ ଜିସୁ କିରିସ୍ତକେ ନାମଡନାଇ । ୨୩ ଜେ ଜଦି ପରମେସରର୍ ପଅକେ ନାମେ ନାଇ, ସେ ବାବା ପରମେସରକେ ମିସା ନାମେ ନାଇ, ଜେ ପରମେସରର୍ ପଅକେ ନାମସି, ସେ ବାବା ପରମେସରକେ ମିସା ନାମସି ।

୨୪ ତମେ କିରିସ୍ତର ସଙ୍ଗ୍ ଜିବାକେ ଆରାମ୍ ଅଇଲାତେଇଅନି ଜନ୍ କବର୍ ସୁନିଆଟାସ୍, ସେଟା ସବୁବେଲେ ମନେ ପାକାଆ । ଜଦି ସେ କବର୍ ତମର୍ ମନେ ରଇସି, ସେନ୍ତାରିଆଲେ ତମେ ବାବା ପରମେସର ସଙ୍ଗ୍ ଆରି ତାର୍ ପଅର୍ ସଙ୍ଗ୍ ମିସିକରି ରଇସା । ୨୫ କିରିସ୍ତ ନିଜେ ଆମକେ ନ ସାରବା ଜିବନ୍ ଦେବି ବଲି କାତାଦେଇଆତେ ।

୨୬ ଜନ୍ ଲକ୍ମନ୍ ତମକେ ସୁକ୍କବର୍ ଜାନାଇଲୁନି ବଲି ବୁଲ୍ ସିକିଆ ଦେଇ ତମକେ ନାଡାଇବାକେ ଚେଷଟା କଲାଇନି, ସେମନ୍ ବିସଇ ଜାନାଇବାକେ ଏ ସବୁ ବିସଇ ମୁଇ ତମକେ ଲେକ୍ଲିନି । ୨୭ ମାତର୍ ତମେ ନାଡାଇ ନ ଉଆସ୍ । କାଇକେବଇଲେ କିରିସ୍ତ ତାର୍ ସୁକଲ୍ଆଡ଼ମା ତମକେ ଦେଇଆତେ । ସେ ସୁକଲ୍ଆଡ଼ମା ଏବେ ମିସା ତମର୍ ବିଡ଼ରେ ଆଚେ । ତେବର୍ପାଇ କେ ମିସା ବିନ୍ ଲକ୍ ତମକେ ସିକାଇବାକେ ଲଡାନାଇ । ସୁକଲ୍ଆଡ଼ମା ତମକେ ସବୁ ବିସଇର ସଡ଼ ସିକାଇସି । ତେଇ ସେ ଜନ୍ଟା ସିକାଇସି, ସେଟା ପୁରାପୁରୁନ୍ ସଡ଼ । ତେଇ କାଇ ବୁଲ୍ ବିସଇ ନ ରଏ । ତେବର୍ପାଇ ମୁଇ ତମକେ କଇଲିନି, କିରିସ୍ତର ସଙ୍ଗ୍ ମିସିରୁଆ ।

୨୮ ଏ ଆଲାଦର୍ ପିଲାଟକିମନ୍, ମୁଇ ତମକେ ଆରିତରେକ୍ କଇଲିନି କିରିସ୍ତର ସଙ୍ଗ୍ ମିସିକରି ରୁଆ । ଜେନ୍ତାରି କି ସେ ଆରିତରେକ୍ ଏ ଜଗତେ ବାଉଡିଆଇଲାବେଲେ ତାକେ ବେଟ୍ ଅଇବାକେ ତାକେ ନ ଡରୁ କି ଲାଜ୍ ମିସା ନ ଉଆସ୍ । ୨୯ ଆମେ ଜାନିଆରୁ, କିରିସ୍ତ ଅନିଆଇ କାମ୍ ନ କରେ । ଏଟାମିସା ଜାନିଆରୁ, ଜନ୍ଲକ୍ମନ୍ ସଡ଼ କାମ୍ କରବାଇ, ସେମନ୍ ପରମେସରର୍ ପିଲାଟକି ।

**୩**

**ପରମେସରର୍ ପିଲାଟକିମନ୍**

୧ \*ଅଲପ୍ ବାବିଦେକାପନି, ବାବା ପରମେସର ଆମକେ କେତେକ୍ ଆଲାଦ୍ କଲାନି । ତାର୍ ଏତେକ୍ ଆଲାଦର୍ ଲାଗି ଆମେ ତାର୍ ପିଲାଜିଲା ବଲାଇ ଅଇଲୁନି । ଆରି ସତଇସେ ଆମେ ତାର୍ ଅଇଆରୁ ବଲି ଏ ଜଗତର ଲକ୍ ବୁଜଡନାଇ । କାଇକେବଇଲେ ଆମର୍ ବାବା ପରମେସରକେ ସେମନ୍ ନାଜାନିଡ଼ । ୨ ଏ ମର୍ ଆଲାଦର୍ ମଇତରମନ୍, ଏବେ ଆମେ ପରମେସରର୍ ପିଲାଜିଲା ଅଇଆରୁ । ପଡ଼କେ ଆମେ କେନ୍ତାର୍ ଅଇରଇରୁ ବଲି ଏବେଜାକ ନାଜାନୁ । ମାତର୍ ଜେତେବେଲେ କିରିସ୍ତ ଏଜଗତେ ବାଉଡି ଆଇସି, ସେବେଲେ ସେ ଜେନ୍ତାରି ଆଚେ, ସେନ୍ତାରି ତାକେ ଆମେ ଦେକ୍ତୁ । ଆମେ ମିସା ତାର୍ପାରା

☆ ୩:୧ ୩:୧ ଜଅନ୍ ୧:୧୨

ଅଇଜିବୁ । ଏଟା ସତ୍ । ୩୧ ଜେଡ଼କି ଲକ୍ କିରିସ୍ତର୍ ପାରା ଅଇବୁ ବଲି ଆସା କଲାସ୍ନି, ନିଜେ ପାପ୍ କାମ୍ ଚାଡ଼ି ସୁକଲ୍ ରଇବାର୍ ଆଟେ । ଜେନ୍ତାରିକି କିରିସ୍ତ କେବେ ପାପ୍ ନ କରେ ।

୪ ଜେ ପାପ୍ କର୍ସି, ସେ ପର୍ମେସରର୍ ନିୟମ୍ ବିରୁଦ୍ଧେ ଗାଲାନି । କାଇକେବଇଲେ ନିୟମ୍ ନ ମାନବାଟା ଆକା ପାପ୍ । ୫ ଆମର୍ ପାପର୍ ଡଣ୍ଟ ନେବାର୍ପାଇ କିରିସ୍ତ ଏ ଜଗତେ ଆଇଲା, ସେଟା ତମେ ଜାନାସ୍ । ଆରି ସେ କାଇ ପାପ୍କାମ୍ ନ କରେ । ୬ ତେବେ ଜଦି ଗଟେକ୍ ଲକ୍ କିରିସ୍ତର୍ ସଙ୍ଗ୍ ମିସିରଇଲେ, ସେ ଆରି ପାପ୍ କର୍ବାର୍ ନାଇ । ମାତର୍ ଗଟେକ୍ ଲକ୍ ଜଦି ପାପ୍ କରିଲାଗିରଇସି, ସେ କିରିସ୍ତକେ ଦେକେନାଇ କି ନାଜାନେ ମିସା ।

୭ ଏ ପିଲାଟକିମନ୍, ତମେ କାର୍ଟାନେଅନି ମିସା ନାତାଇ ନ ଅଇବାକେ ଜାଗରତ୍ ଅଇରୁଆ । ପର୍ମେସର୍ ଦେକ୍ବା ଇସାବେ ଜନ୍ ଲକ୍ ଦରମ୍ କାମ୍ କର୍ବାଇ, ସେମନ୍କେସେ ଦରମ୍ ଲକ୍ ବଲି ଡାକ୍ସି । ସେନ୍ତାରି ଲକ୍ମନ୍ ପର୍ମେସର୍ ଦେକ୍ବା ଇସାବେ ଦରମ୍ । ଜେନ୍ତାରିକି କିରିସ୍ତ ଦରମ୍ ରଇଲା । ୮ ମାତର୍ ପାପ୍କରି ଲାଗିରଇବା ଲକ୍ମନ୍ ସଇତାନର୍ । କାଇକେବଇଲେ କାଇଟା ତିଆର୍ ନଅଇବା ଆଗ୍ତୁ ସଇତାନ୍ ପାପ୍ କରିଆଇଲାନି । ସଇତାନ୍ କରିରଇବା କାମ୍ କୁରୁପ୍ନାସ୍ କର୍ବାକେ ପର୍ମେସରର୍ ପଅ ଏ ଜଗତେ ଆଇଲା ।

୯ ପର୍ମେସରର୍ ପିଲା ଅଇରଇବା କେ ମିସା ପାପ୍କରିଲାଗି ରଇବାର୍ ନାଇ । କାଇକେବଇଲେ ପର୍ମେସରର୍ ଗୁନ୍ତଲନ୍ ତାକର୍ ବିତ୍ତରେ ଆଟେ । ସେମନ୍ ପର୍ମେସରର୍ ପିଲାଜିଲା ଅଇଲାକେ, ପାପ୍କରିଲାଗି ନ ରଅଡ୍ । ୧୦ କେ କେ ସଇତାନର୍ ପିଲାମନ୍ ଆରି କେ କେ ପର୍ମେସରର୍ ପିଲାମନ୍ ବଲି ଆମେ ଜାନୁ । ଜନ୍ ଲକ୍ମନ୍ ପର୍ମେସର୍ ଦେକ୍ବା ଇସାବେ ସତ୍ କାମ୍ ନ କରତ୍ । ଜନ୍ ଲକ୍ମନ୍ ମିସିବିଡ଼ିକରି ରଇବା ବିସ୍ବାସି ବାଇବଇନିମନ୍କେ ଆଲାଦ୍ ନ କରତ୍, ସେମନ୍ ତାର୍ ପିଲାଜିଲା ନ ଅଅଡ୍ ।

**ଗଟେକ୍ ଲକ୍ ଆରି ଗଟେକ୍ ଲକ୍କେ ଆଲାଦ୍ କରା**

୧୧ \*ଏ କବର୍ ତମେ ଆଗ୍ତୁଅନି ସୁନିଆସିଆଟାସ୍ । ସେଟା ଅଇଲାନି, ଆମେ ଗଟେକ୍ ଲକ୍ ଆରି ଗଟେକ୍ ଲକ୍କେ ଆଲାଦ୍ କର୍ବାର୍ ଆଟେ । ୧୨ ଆମେ କୟିନର୍ପାରା ଅଇବାର୍ ନାଇ । ସେ ଗଟେକ୍ ସଇତାନର୍ ଲକ୍ ରଇଲା । ଜେକି ଜେଡ଼କି କାରାପ୍ କାମ୍ କରାଇସି । ସେ ତାର୍ ସାନ୍ବାଇକେ ମିସା ମରାଇଲା । ସେ କାଇକେ ସେନ୍ତାରି କଲା ? କାଇକେବଇଲେ, ତାର୍ ନିଜର୍ ଜେଡ଼କି କାମ୍ କାରାପ୍ ରଇଲା, ତାର୍ ବାଇ ଏବଲର୍ କାମ୍ମନ୍ ସେଡ଼କି ଦରମ୍ ରଇଲା ।

୧୩ ତେବର୍ପାଇ ଏ ମର୍ ବାଇବଇନିମନ୍, ଏଜଗତର୍ ଲକ୍ମନ୍ ତମ୍କେ ଗିନ୍ କଲେ, କାବା ଅଇବାର୍ନାଇ । ୧୪ \* ଆମେ କିରିସ୍ତ ବିସ୍ବାସି ବାଇବଇନିମନ୍କେ ଆଲାଦ୍ କର୍ବାର୍ ଲାଗି ଏଟା ଜାନୁଲୁନି । ଜେ ଆଲାଦ୍ ନ କରେ, ସେ ଏବେ ମିସା ମରନର୍ ସାସନର୍ ତଲେଆଟେ । ୧୫ କେ ଜଦି ବିନ୍ ବିସ୍ବାସି ବାଇବଇନିମନ୍କେ ଗିନ୍ କର୍ସି, ନର୍ମାର୍ବା ଲକର୍ ସମାନ୍ । ଗଟେକ୍ ନର୍ମାରୁ ଲଗେ ପର୍ମେସରର୍ ନ ସାର୍ବା ଜିବନ୍ ନ ରଏ । ଏଟା ତମେ ଜାନିଆଟାସ୍ । ୧୬ ଏଟାର୍ଲାଗି ଆଲାଦ୍ କାଇଟା ଆମେ ଜାନୁଲୁନି । କିରିସ୍ତ ଆମର୍ପାଇ ତାର୍ ନିଜର୍ ଜିବନ୍ ଦେଲା । ସେନ୍ତାରିସେ ଆମେମିସା ଆମର୍ ମିସିବିଡ଼ିରଇବା ବିସ୍ବାସି ବାଇବଇନି ମନର୍ଲାଗି ମର୍ବାକେ ତିଆର୍ ଅଇବାର୍ଆଟେ । ୧୭ ଜଦି କାକେମିସା ବର୍ତ୍ତବାକେ ତାର୍ ଲଡାକେ ଲାଗ୍ବାଟା ସବୁ ବିସଇଆଟେ, ଆରି ତାର୍ ବିସ୍ବାସି ବାଇକେ ଲଡାଆଟେ ବଲି ସେ ଜାନେ, ମାତର୍ ତାର୍ପାଇ ଜିବନ୍ ଦୁକାଏ ନାଇ, ସେ ମୁଇ ପର୍ମେସର୍କେ ଆଲାଦ୍ କଲିନି ବଲି କଇନାପାରେ । ୧୮ ଆଲାଦର୍ ପିଲାମନ୍, ଆମର୍ ଆଲାଦ୍ ଅବ୍କା କୁଆବଲାଇ ରଇବାର୍ ନାଇ । ଆମେ ସତ୍ସଙ୍ଗ୍ ଗଟେକ୍ ଲକ୍ ଆରିଗଟେକ୍ ଲକ୍କେ ଆଲାଦ୍ କର୍ବାର୍ ଆଟେ । ଜେନ୍ତାରିକି ପର୍ମେସର୍ ସତ୍ସଙ୍ଗ୍ ଆମ୍କେ ଆଲାଦ୍ କର୍ସି ।

୧୯ ଆମେ ସବୁ ସେନ୍ତାରି ଗଟେକ୍ ଲକ୍ ଆରିଗଟେକ୍ ଲକ୍କେ ଆଲାଦ୍ କଲେ, ପର୍ମେସରର୍ ଲକ୍ବଲି ଜାନୁ ଆକା । ଜନ୍ଟା ସତ୍ ଆରି ଜନ୍ଟା ଟିକ୍, ସେ ତାର୍ ଲକ୍ମନ୍କେ ଦେକାଇସି । ଆରି ଆମେ ପର୍ମେସର୍କେ ପାର୍ତନା କଲାବେଲେ ନ ଡରୁ । ୨୦ ଆମର୍ ବିବେକ୍ ଜଦି ଆମ୍କେ ପାପିବଲି ଦସ୍ ଦେଲେ, ଆମେ ସାନ୍ତ୍ରିସଙ୍ଗ୍ ରଇବୁ । କାଇକେବଇଲେ ଆମର୍ ବିବେକ୍ ଟାନେଅନି ଆମେ ଜାନୁବାତେଇଅନି ପର୍ମେସର୍ ଅଦିକ୍ ଜାନେ । ଆରି ଆମେ କର୍ବା ସବୁ କାମ୍ ସେ ଜାନେ । ୨୧ ଏ ଆଲାଦର୍ ମଇତର୍ମନ୍, ଆମର୍ ବିବେକ୍ ଜଦି ଆମ୍କେ ଦସି ବଲି ନ ଜାନାଇଲେ, ଆମେ ପର୍ମେସର୍କେ ପାର୍ତନା କଲାବେଲେ ନ ଡରୁ । ୨୨ ଆମେ ତାକେ ଜେଡ଼କି ମାଙ୍ଗୁଲୁନି, ସେଟା ସବୁ ପର୍ମେସର୍ ଆମ୍କେ ଦେଇସି । କାଇକେବଇଲେ ସେ ତିଆରଲାଟା ସବୁ ଆମେ କଲୁନି । ୨୩ ଆରି ଏଟା ଅଇଲାନି ତାର୍ ଆଦେସ୍ । ତାର୍ ପଅ ଜିସୁକିରିସ୍ତକେ ବିସ୍ବାସ୍ କର୍ବାର୍ ଆରି ଜିସୁ ତିଆରଲାପାରା ଗଟେକ୍ ଲକ୍ ଆରିଗଟେକ୍ ଲକ୍କେ ଆଲାଦ୍ କର୍ବାର୍ । ୨୪ ଜେଡ଼କି ଲକ୍ ତାର୍ ଆଦେସ୍ ମାନ୍ବାଇ, ସେମନ୍ ସବୁ ପର୍ମେସରର୍

\* ୩:୫ ୩:୫ ଜଅନ୍ ୧:୨୯ \* ୩:୧୧ ୩:୧୧ ଜଅନ୍ ୧୩:୩୪ \* ୩:୧୪ ୩:୧୪ ଜଅନ୍ ୫:୨୪ \* ୩:୨୩ ୩:୨୩ ଜଅନ୍ ୧୩:୩୪;୧୫:୧୨,୧୭

ସଙ୍ଗ ମିସଲାଇ ଆଚଡ଼ । ଆରି ସେ ମିସା ସେନ୍ତାରିସେ । ସେ ଆମର ବଡ଼ିରେ ଆଚେ ବଲି ଏନ୍ତାରି ଆମେ ଜାନଲୁନି । ଜନ୍ ସୁକଲଆଡ଼ମା ପର୍ମେସର ଆମର ବିଡ଼ରେ ରଇବାକେ ଦେଲାପାଇ ।

**୪**

**ଆଡ଼ମା ମନକେ ଚିନା**

<sup>୧</sup>ଏ ଆଲାଦର୍ ବାଇବଇନିମନ୍, ଜଦି କେ ମିସା ପର୍ମେସରର ଆଡ଼ମା ମର୍ଟାନ୍ନେ ଆଚେ, ବଲି କଇବା ଲକ୍ମନର୍ କାତା ବିସ୍ବାସ କର୍ବାର ନାଇ । ମାତର୍ ସେନ୍ତାରି ଲକ୍ମନର୍ଟାନ୍ନେ ସତଇସେ ପର୍ମେସରର ଆଡ଼ମା ଆଚେ କି ନାଇ ଜାନବାକେ ମନ୍ଦିଆନ୍ ଦେଇ ସେ କଇବା କାତା ପରିକା କର୍ବାର ଆଚେ । କାଇକେବଇଲେ ମିର୍ କାତା ସିକାଉମନ୍ ବେସି ଲକ୍ ବାରଇଆଚଡ଼ । ପର୍ମେସର ଟାନ୍ନେଅନି ମିଲାଇଲା କବର୍ ବଲି ସବୁବାଟେ ଗାଲାଇ ଆଚଡ଼ । <sup>୨</sup>ଗଟେକ୍ ଲକ୍ମନର୍ଟାନ୍ନେ ପର୍ମେସରର ଆଡ଼ମା ଆଚେ କି ନାଇ ବଲି ଏନ୍ତାରି ତମେ ଜାନ୍ସା । ଜେ ଜିସୁକିରିସଟ ନରୁପ୍ ଦାରି ଏ ଜଗତେ ଆଇଲା ବଲି କଇଲେ, ତାରଟାନ୍ନେ ପର୍ମେସରର ଆଡ଼ମା ଆଚେ । <sup>୩</sup>ମାତର୍ ଜେ କି ଏ କାତା ନ ମାନେ, ତାରଟାନ୍ନେ ପର୍ମେସରର ଆଡ଼ମା ନାଇ । ସେନ୍ତାରି ଲକ୍ମନର୍ଟାନ୍ନେ କିରିସଟର୍ ବିରଦିର୍ ଆଡ଼ମା ଆଚେ । ଏ ଆଡ଼ମା ଜଗତେ ଆଇସି ବଲି ତମେ ସୁନିଆଗାସ୍ । ସେନ୍ତାରି ସେ ଆଡ଼ମା ଆଇଲାଆଚେ । ଆରି ଏବେ ମିସା ସେଟା ଜଗତେ ଆଚେ ।

<sup>୪</sup>ମାତର୍ ତମେ ପର୍ମେସରର ଲକ୍ । ଏ ଆଲାଦର୍ ପିଲାମନ୍, ସେନ୍ତାରି ବୁଲ୍ ସିକିଆ ଦେଉମନର୍ କାତା ମାନା ନାଇ । କାଇକେବଇଲେ ତମର୍ଟାନ୍ନେ ରଇବା ଆଡ଼ମା ଏ ଜଗତର୍ ଲକ୍ମନର୍ ଆଡ଼ମାତେଇଅନି ଅଦିକ୍ ବପୁଟା । <sup>୫</sup>ସେମନ୍ ଏ ଜଗତର୍ ଲକ୍ । ଆରି ଏ ଜଗତର୍ ଲକ୍ମନର୍ ତାକର୍ କାତା ସୁନ୍ବାଇ । କାଇକେବଇଲେ ସେମନର୍ ସିକିଆ ଆରି ଏ ଜଗତର୍ ଲକ୍ମନର୍ ସିକିଆ ସମାନ୍ଆଚେ । <sup>୬</sup>ମାତର୍ ଆମେ ପର୍ମେସରର ଲକ୍ । ଆରି ଜେଡ଼କି ଲକ୍ ପର୍ମେସରକେ ଜାନିଆଚଡ଼, ସେମନ୍ ସବୁ ଆମର୍ ସିକିଆ ମାନ୍ବାଇ । ମାତର୍ ଜେଡ଼କି ପର୍ମେସରର ଲକ୍ ନଅଡ଼, ଆମର୍ ସିକିଆ ନ ମାନଡ଼ । ଏଟାରଲାଗି ଗଟେକ୍ ଲକ୍କେ ସଡ଼ ଆଡ଼ମା ଆଚେ କି ସଇତାନର୍ ଆଡ଼ମା ଆଚେ ବଲି ଜାନିଅଇସି ।

**ପର୍ମେସର ଆଲାଦକାରିଆ**

<sup>୭</sup>ଏ ମର୍ ଆଲାଦର୍ ମଇତର୍ମନ୍, ଆମେ ଗଟେକ୍ ଲକ୍ ଆରିଗଟେକ୍ ଲକ୍କେ ଆଲାଦ୍ କରାକରି ଅଉଁ । କାଇକେବଇଲେ ଆଲାଦ୍ କର୍ବାକେ ପର୍ମେସର ଆମ୍ବକେ ସାଇଜ କର୍ସି । ଜେ ଜଦି ବିନ୍ ଲକ୍ମନକେ ଆଲାଦ୍ କର୍ସି, ସେ ପର୍ମେସରର ପିଲା ଆରି ପର୍ମେସରକେ ଜାନେ । <sup>୮</sup>ଜେ ବିନ୍ ଲକ୍ମନକେ ଆଲାଦ୍ ନ କରେ, ସେ ପର୍ମେସରକେ ନାଜାନେ । କାଇକେବଇଲେ ପର୍ମେସର ସବୁବେଲେ ଆଲାଦକାରିଆ । <sup>୯</sup>ପର୍ମେସର ଏନ୍ତାରି ଆମର୍ପାଇ ତାର୍ ଆଲାଦ୍ ଦେକାଇଲା । ସେ ଗଟେକ୍ ବଲି ତାର୍ ପିଲାକେ ଏ ଜଗତେ ପାଟାଇଲା । ଜେନ୍ତାରିକି ତାରଲାଗି ଆମେ ନ ସାର୍ବା ଜିବନ୍ ପାଇରୁ । <sup>୧୦</sup>ଏନ୍ତାରି ନଏଁଜେ, ଆମେ ପର୍ମେସରକେ ଆଲାଦ୍ କଲୁ, ମାତର୍ ସେ ଆମ୍ବକେ ଆଲାଦ୍ କଲା । ଆରି କୁରୁସକାଟେ ମଲାର୍ପାଇ ଆମର୍ ଡଣ୍ଡ ପାଇବାକେ ତାର୍ ପଅକେ ପାଟାଇଲା । ଏଟା ଅଇଲାନି ସଡ଼ସଙ୍ଗ୍ ଆଲାଦ୍ କର୍ବାଟା ।

<sup>୧୧</sup>ଏ ମର୍ ଆଲାଦର୍ ମଇତର୍ମନ୍, ଜେଡ଼କି ପର୍ମେସର ଆମ୍ବକେ ଏଡେକ୍ ଆଲାଦ୍ କଲାର୍ପାଇ, ଆମେମିସା ଗଟେକ୍ ଲକ୍ ଆରିଗଟେକ୍ ଲକ୍କେ ସେନ୍ତାରି ଆଲାଦ୍ କର୍ବାର ଆଚେ । <sup>୧୨</sup>କେ ମିସା ପର୍ମେସରକେ ଦେକଡ଼ ନାଇତା । ମାତର୍ ଆମେ ଜଦି ଗଟେକ୍ ଲକ୍ ଆରିଗଟେକ୍ ଲକ୍କେ ଆଲାଦ୍ କଲେ, ପର୍ମେସର ଆମର୍ ସଙ୍ଗ୍ ମିସିଆଚେ । ସେ ଆମର୍ଟାନ୍ନେ ତାର୍ ଆଲାଦ୍ ସିଦ୍ କର୍ସି ।

<sup>୧୩</sup>ପର୍ମେସରର ସଙ୍ଗ୍ ମିସିଆତୁ ବଲି ଆମେ ଜାନୁ । ଆରି ସେ ମିସା ଆମର୍ ସଙ୍ଗ୍ ମିସିଆଚେ । କାଇକେବଇଲେ ସେ ତାର୍ ଆଡ଼ମା ଆମ୍ବକେ ଦେଲାଆଚେ । <sup>୧୪</sup>ଆରି ଆମେ ଦେକିଆତୁ ପାପର୍ ଡଣ୍ଡେଅନି ଲକ୍ମନକେ ରକିଆ କର୍ବାକେ ବାବା ପର୍ମେସର ତାର୍ ପଅକେ ଏ ଜଗତେ ପାଟାଇଲା । ଏଟା ସଡ଼ କାତା ବଲି ବିନ୍ ଲକ୍ମନକେ କଇଲୁନି । <sup>୧୫</sup>ଜେ ମିସା ଜିସୁକେ ପର୍ମେସରର ପଅ ବଲି ନାମ୍ଲେ, ପର୍ମେସର ସେ ଲକ୍ ସଙ୍ଗ୍ ମିସିରଇସି । ଆରି ସେ ମିସା ପର୍ମେସରର ସଙ୍ଗ୍ ରଇସି । <sup>୧୬</sup>ପର୍ମେସର ଜନ୍ ଆଲାଦ୍ ଆମର୍ପାଇ ଦେକାଇଆଚେ, ସେଟା ଆମେ ଜାନଲୁନି ଆରି ବିସ୍ବାସ୍ କଲୁନି ।

ସେ ସବୁବେଲେ ଲକ୍ମନକେ ଆଲାଦ୍ କର୍ସି । ଜେଡ଼କି ଲକ୍ ପର୍ମେସରକେ ଆରି ବିନ୍ ଲକ୍ମନକେ ଆଲାଦ୍ କର୍ବାଇ, ସେମନ୍ ପର୍ମେସରର ସଙ୍ଗ୍ ମିସିଆଚଡ଼ । ଆରି ସେ ମିସା ତାକର୍ ସଙ୍ଗ୍ ଆଚେ । <sup>୧୭</sup>ପର୍ମେସର ଆମ୍ବକେ ଦେଇ ବିନ୍ ଲକ୍ମନକେ ଆଲାଦ୍ କର୍ବା କାମ୍ କଲାଆଚେ । ଜେଡ଼କି ସେ ସବୁକେ ବିଚାରନା କର୍ବା ଦିନେ ଆମେ ଡରିକରି ନ ରଉଁ । କିରିସଟ ଏ ଜଗତେ ରଇଲାବେଲେ, ଜେଡ଼କି ଟଲାଟଲ୍ଡି କର୍ତ୍ତେରଇଲା, ସେନ୍ତାରିସେ ଆମେମିସା ଟଲାଟଲ୍ଡି କରୁ । ଆରି ଆମେ ଡରିକରି ନ ରଉଁ । <sup>୧୮</sup>ଜେ ପର୍ମେସରକେ ଆଲାଦ୍ କର୍ସି, ସେ ତାକେ ନ ଡରେ । ତାର୍ ଆଲାଦ୍ ଆମର୍ ବିଡ଼ରେ କାମ୍

✧ ୪:୧୨ ୪:୧୨ ଜଅନ୍ ୧:୧୮

କରୁଥି, ଆମେ ତାକେ ଡରିନିଏଁ । ସେ ସେମାନଙ୍କେ ଡ଼ୁ ଦେଇସି ବଲି ଲକ୍ମନ ତାକେ ଡରୁଲାଇନି । ଜଦି କେ ମିସା ପରମେସରକେ ଡରୁଥି, ତାରୁ ଆଲାଦ୍ ସେ ଲକ୍ମନଟାନେ କାମ୍ କରେନାଇ ବଲି ଜାନାପଡୁସି ।

୧୯ ଆମେ ତାକେ ଆଲାଦ୍ କରୁବା ଆଗୁ ପରମେସର ଆମ୍ଭକେ ଆଲାଦ୍ କଲା । ସେଟାରୁପାଇ ଆମେ ତାକେ ଆଲାଦ୍ କଲୁନି । ୨୦ ଜଦି କେ ମିସା ମୁଇ ପରମେସରକେ ଆଲାଦ୍ କଲିନି ବଲି କଇସି, ମାତରୁ ନିଜରୁ ବିସ୍ବାସି ବାଇବଇନିକେ ଗିନ୍ କରୁସି, ସେନ୍ତାରୁଆଲେ ସେ ମିର୍ କଇଲାନି । କାଇକେବଇଲେ ଦୁଇଟା ଆକିଡେଇ ଡିସ୍ବା ବାଇବଇନିମନ୍‌କେ ଆଲାଦ୍ ନ କରୁବା ଗଟେକ୍ ଲକ୍, ନ ଡିସ୍ବା ପରମେସରକେ ଆଲାଦ୍ କରିନାପାରେ । ୨୧ ଆରି ସେ ଆମ୍ଭକେ ଏ ଆଦେସ୍ ଦେଇ ତିଆରୁଲାଆତେ, ଜେ ପରମେସରକେ ଆଲାଦ୍ କରୁସି, ତାରୁ ମିସିବିଡି ରଇବା ବିସ୍ବାସି ବାଇବଇନିମନ୍‌କେ ମିସା ଆଲାଦ୍ କରୁବାରୁ ଆତେ ।



ଏ ଜଗତେ ଜିଡୁବାଟା

୧ ଜେ କି ଜିସୁକେ ମସିଅ ବଲି ବିସ୍ବାସ୍ କରୁସି, ସେ ପରମେସରର୍ ପିଲା । ଆରି ଜେ କି ବାବାକେ ଆଲାଦ୍ କରୁସି, ସେ ତାରୁ ପିଲାକେ ମିସା ଆଲାଦ୍ କରୁସି । ୨ ପରମେସରର୍ ପିଲାମନ୍‌କେ ଆମେ ଆଲାଦ୍ କଲୁନି ବଲି ଏନ୍ତାରି ଜାନିଅଇସି । ପରମେସରକେ ଆଲାଦ୍ କରି ଆରି ତାରୁ ଆଦେସ୍ ମିସା ମାନିକରି । ୩ ଆମେ ଜଦି ସତଇସେ ପରମେସରକେ ଆଲାଦ୍ କଲେ, ତାରୁ ଆଦେସ୍ ସବୁ ମାନୁ । ସେ ଆମ୍ଭକେ ତିଆରୁଲା ବିସଇ ମାନୁବାକେ ଆମ୍ଭକେ ଆବଡୁ ନ ଲାଗେ । ୪ କାଇକେବଇଲେ ପରମେସରର୍ ସବୁ ପିଲା ଏ ଜଗତରୁ କାରାପ୍ ଚଲାଚଲୁଡି ନିତିକରି ଜିଡିପାରୁସି । ଆମ୍ଭ ବିସ୍ବାସର୍ ଲାଗି ଆମେ ଜଗଡୁକେ ଜିଡିଅଇସି । ୫ ଏ ଜଗଡୁକେ କେ ଆରାଇପାରୁସି ? ଜିସୁକେ ପରମେସରର୍ ପଅ ବଲି ଜେ ବିସ୍ବାସ୍ କରୁସି, ସେ ଏ ଜଗଡୁକେ ଆରାଇସି ।

ଜିସୁ କିରିସ୍‌ଟର୍ ଲାଗି ସାକି

୬ ଜିସୁକିରିସ୍‌ଟ ପରମେସରର୍ ପ ବଲିକରି, ତୁବନ୍ ଦେଉ ଜଅନ୍ ତାକେ ପାନିଡେଇ ତୁବନ୍ ଦେଲା । ଆରି ସେ ମଲାବେଲେ ତାରୁ ବନି ରକଇଅଇଲା । ଏନ୍ତାରି ନଏଁ ଜେ ସେ ଅବକା ପାନିସଙ୍ଗ୍ ତୁବନ୍ ଅଇଲା, ମାତରୁ ତାରୁ ମରନେ ତାରୁ ବନି ରକଇଅଇଲା । ଏ ସବୁ ବିସଇ ସଡୁ ବଲି ସୁକଲୁଆଡୁମା ଆମ୍ଭକେ ସାକିଦେଲାନି । କାଇକେବଇଲେ ସେ ସଡୁ ଆଡୁମା । ୭ ଡେବରୁପାଇ ତିନୁଟା ସାକିଡେଇଅନି ଆମେ ସଡୁ ଜାନୁଲୁନି । ୮ ସୁକଲୁଆଡୁମା, ତୁବନ୍ ଅଇରଇବା ପାନି, ଆରି ରକଇଅଇରଇବା ବନି, ତିନୁଟାଜାକ ସାକିଡେଇ ରାଜି ଅଇଆତଡୁ । ୯ ଜେଡେବେଲେ ଲକ୍ମନ ତାକର୍ ଜାନିରଇବା ବିସଇନେଇ ସାକିଦେବାଇ, ଆମେ ସେମନ୍‌କେ ବିସ୍ବାସ୍ କରୁ । ମାତରୁ ପରମେସର ଆମ୍ଭକେ ସାକିଦେବାଟା ତାରୁଡେଇଅନି ଅଦିକ୍ ମୁକିଅ । କାଇକେବଇଲେ ସେଟା ପରମେସରର୍ ସାକି । ସେ ତାରୁ ନିଜରୁ ପଅର୍ ବିସଇନେଇ ଆମ୍ଭକେ ସାକିଦେଲାନି । ୧୦ କେ ମିସା ଜିସୁକେ ପରମେସରର୍ ପଅ ବଲି ବିସ୍ବାସ୍ କଲେ, ପରମେସରର୍ ସାକି ତାକର୍ ମନ୍ ବିଡରେ ଆତେ । ପରମେସର କଇଲା କାତା ଜେ ଜଦି ବିସ୍ବାସ୍ ନ କରେ, ସେ ମିର୍ ବଲିକରି କଇଲାନି । କାଇକେବଇଲେ ତାରୁ ନିଜରୁ ପଅର୍ ବିସଇ କଇଲାଟା ସେମନ୍ ବିସ୍ବାସ୍ କରଡୁ ନାଇ । ୧୧ ସେ ସାକିଅ ଏଟା ସେ । ପରମେସର ଆମ୍ଭକେ ନ ସାରୁବା ଜିବନ୍ ଦେଲାଆତେ । ଏ ଜିବନ୍ ଆମେ ତାରୁ ପଅର୍ଲାଗି ମିଲାଅଆତୁ । ୧୨ ତାରୁ ପଅସଙ୍ଗ୍ ଜେ ମିସା ମିସିରଇବାଇ, ସେମନ୍ ଏ ନ ସାରୁବା ଜିବନ୍ ପାଇବାଇ । ଆରି ଜେ ତାରୁ ପଅସଙ୍ଗ୍ ମିସେନାଇ ସେ ଏ ଜିବନ୍ ମିସା ପାଏନାଇ ।

ନ ସାରୁବା ଜିବନ୍

୧୩ ତମେ ଜେଡୁକି ଲକ୍ ପରମେସରର୍ ପଅକେ ବିସ୍ବାସ୍ କଲାସ୍ନି, ତମ୍ଭକେ ଏ ଚିଟି ଲେକ୍‌ଲିନି । ଜେନ୍ତାରିକି ଆମ୍ଭକେ ନ ସାରୁବା ଜିବନ୍ ଆତେ ବଲି ତମେ ଜାନାସ୍ । ୧୪ ପରମେସରକେ ପାରୁତନା କରୁବାବେଲେ ଆମେ ଡରିକରି ରଉନାଇ । କାଇକେବଇଲେ ତାରୁ ମନ୍ କଲା ଇସାବେ ଆମେ କାଇଟା ମାଙ୍ଗ୍‌ଲେ ମିସା ସେ ଆମ୍ଭକେ ଦେଇସି । ୧୫ ଜେଡେବେଲେ ଆମେ ତାକେ ମାଙ୍ଗ୍‌ଲେ, ସେ ଆମ୍ଭ କାତା ସୁନ୍‌ସି । ଆମେ ତାକେ ପାରୁତନାଇ ଜାଇଟା ମାଙ୍ଗ୍‌ଲେ ସେଟା ଆମ୍ଭକେ ଦେଇସି ।

୧୬ ଜଦି ତମର୍ ସଙ୍ଗର୍ ବିସ୍ବାସି ବାଇ ପାପ୍‌କଲାନି ବଲି ଜାନୁଲେ, ଆରି ସେ ପାପ୍, ଲକ୍‌କେ ପରମେସରର୍ ଟାନେଅନି ସବୁଦିନରୁପାଇ ବେଗଲୁବା ପାରା ପାପ୍ ନଇଲେ, ସେ ଲକ୍‌କେ ରକିଆ କର ବଲି ତାକେ ଗୁଆରି କରୁବାରୁ ଆତେ । ଆରି ପରମେସର ସେ ଲକ୍‌କେ କେମାକରି ରକିଆ କରୁସି । ଏଟା ଜେନ୍ତାରି ପାପ୍ ଜନ୍‌ଟା ମରନର୍ ବାଟେ ଲକ୍‌ମନ୍‌କେ ନ ଡାକିନେଏ, ସେନ୍ତାରି ପାପର୍ ପାଇ । ମାତରୁ ପରମେସରର୍ ଟାନେଅନି ସବୁଦିନରୁପାଇ ବେଗଲୁବା ପାରା ପାପର୍ ପାଇ, ତମେ ତାକେ ଗୁଆରି କରା

ବଲି ମୁଞ୍ଚ କଇ ନାଇ । <sup>୧୭</sup> ସବୁ ରକାମର୍ ବୁଲ୍ କାମ୍ ପାପ୍‌ସେ । ମାତର୍ ସବୁ ରକାମର୍ ପାପ୍ ମରନର୍ ବାଟେ ନ ଡାକିନେଏ ।

<sup>୧୮</sup> ଆମେ ଜାନିଆରୁ, ଜେ ପର୍‌ମେସରର୍ ପିଲା ଅଇଗାଲା ଆଚେ, ସେ ପାପ୍‌କାମ୍ କରିଲାଗି ନ ରଏ । କାଇକେବଇଲେ ପର୍‌ମେସରର୍ ପଅ ତାକେ ଦେକାରକା କର୍‌ସି । ଆରି ସଇତାନ୍ ଜେ କି ସବୁ ରକାମ୍ କାରାପ୍ କାମ୍ କରାଇସି, ତାକେ କାଇଟା କରିନଏ ।

<sup>୧୯</sup> ଆମେ ଜାନିଆରୁ, ଆମେ ପର୍‌ମେସରର୍ ପିଲାଜିଲା ଆରି ଜେ କି ତାକେ ନାଜାନେ, ସଇତାନ୍ ସେମନ୍‌କେ ସାସନ୍ କଲାନ୍ତି ।

<sup>୨୦</sup> ଆମେ ଏଗା ମିସା ଜାନିଆରୁ ଜେ, ତାର୍ ପଅ ଏ ଜଗତେ ଆଇଲା ଆରି ଆମ୍‌କେ ସତ୍ ପର୍‌ମେସର୍‌କେ ଜାନାଇଲା । ଏ ସତ୍ ପର୍‌ମେସରର୍ ସଙ୍ଗ୍ ଆମେ ମିସିକରିଆରୁ । କାଇକେବଇଲେ ତାର୍ ପଅ ଜିସୁକିରିସ୍‌ଟର୍ ସଙ୍ଗ୍ ଆମେ ମିସିଆରୁ । ସେ ସେ ସତ୍ ପର୍‌ମେସର୍ ଆରି ସେ ସେ ଲକ୍‌ମନ୍‌କେ ନ ସାର୍‌ବା ଜିବନ୍ ଦେଇସି ।

<sup>୨୧</sup> ଏ ମର୍ ଆଲାଦର୍ ପିଲାଟକିମନ୍, ମିର୍ ପୁଡ୍‌ଲାମନ୍ ଟାନେଅନି ଦୁରିକେ ରୁଆ ।

## ଯୋହନ ଲେଖିଥିବା ଦ୍ୱିତୀୟ ପତ୍ର ଜଅନ୍ ଦୁଇପାଲି ଚିଠି ଲେଖିଲାଟା ଏ ବଇର ବିସଇ ଜାନବାଟା

ଜଅନ୍ ଲେଖିଲା ଦୁଇଟା ଚିଠି ଜିସୁକିରିସ୍ତ ଜନମେଅନି ୧୦୦ କିରିସ୍ତାବ୍ଦରେ ପେରିଡ୍ ଜଅନ୍ର ଲାଗି ଲେକା ଅଇରଇଲା । ଜଅନ୍ ନିଜକେ ଲେକିଆଟିବଲି ଜାନାଏନାଇ । ତାର ବାବୁଲେ ସେ ନିଜକେ ପାରଟିନ୍ ବଲିକରି ଜାନାଇ ଅଇଲାନି । ଜଅନ୍ର ଦୁତିଅ ଚିଠିର ବିସଇ ସଙ୍ଗ୍ ଜଅନ୍ ଲେଖିଲା ସୁସମାଚାର ରଇବା ବିସଇ ସଙ୍ଗେ ସମାନ୍ । ଏଟା ସତ୍ତ୍ୱେ ଜିସୁକେ ଜଅନ୍ ଇସାବେ ସେ ଗଟେକ୍ ଆରି ଗଟେକ୍ ଲକ୍‌କେ ଆଲାଦ୍ କର୍ବା ସମାନ୍ । ଜିସୁର୍ ଆଦେସକେ ମନ୍ଦେବାଇ, ସେ ରକାମ୍ ଜିସୁର୍ ଆଦେସକେ ମାନ୍‌ବାଟା ଅଇଲାନି, ତାକେ ଆଲାଦ୍ କର୍ବାର୍ ଜଅନ୍ ୧:୫-୬;୧:୭;୧୦ ।

ଏଟା ବିସ୍ତାସ୍ କରିଅଇସିଜେ, ଜଅନ୍ ଜେଡେବେଲେ, ଏପିସିଏ ବାସାଅଇ ରଇଲା, ସେ ସୁବ୍‌କବର୍ ସଙ୍ଗ୍ ତାର୍ ତିନ୍‌ଟା ଚିଠି ମିସା ଲେକି ରଇଲା । ସେଟା ଅଇଲାନି ୧ ଜଅନ୍, ୨ ଜଅନ୍, ଆରି ୩ ଜଅନ୍

### ଏ ବଇବିଡ୍‌ରେ ରଇବା ବିସଇ

- ୧. ଜଅନ୍ ଏ ଚିଠି କାର୍‌ପାଇ ଲେଖିଲାନି ଏଟା କଇ ତାର୍ ବିସ୍ତାସ୍ କର୍ବା ଲକ୍‌ମନ୍‌କେ ଜୁଆର୍ ଜାନାଇଲାନି । ୧:୧-୩
- ୨. ଜଅନ୍ ତାର୍ ମଣ୍ଡଲିମନ୍‌କେ ସାଆସ୍‌ଦେଇକରି ବଡ୍ ଆଦେସର୍ ବିସଇ ମନେ ଏତାଇଦେଲାନି । ୧:୪-୬
- ୩. ସେ ମିଡ୍‌ସିକିଆ ଦେଉ ମନର୍ ବିସଇ ଜାଗର୍‌ତା କଲାନି । ୧:୭-୧୧
- ୪. ସେ ଜନଲଗେ ବାସାଅଇ ଆଟେ ଡେଇର୍ ବିସ୍ତାସିମନ୍‌କେ ଜୁଆର୍ ଜାନାଇକରି ଏ ଲେକା ସାରାଇଆଟେ । ୧:୧୨-୧୩

୧ ପାରଟିନ୍ ଜଅନ୍‌ଜେ ମୁଇ ଏ ଚିଠି ଲେଖିଲିନି । ଏ ଚିଠି ଆମର୍ ଆଲାଦର୍ ବଇନି ଆରି ତାର୍ ପିଲାମନର୍‌ପାଇ । ମୁଇ ସତଇସେ ତମ୍‌କେ ସବୁଲକ୍‌ମନ୍‌କେ ଆଲାଦ୍ କଲିନି । ଆରି ମୁଇସେ ନାଇ, ସତ୍ ବିସଇ ଜାନିରଇବା ସବୁଲକ୍ ମିସା । ୨ ଆମେ ସତ୍ ବିସଇ ଜାନିରଇଲାଟପାଇ ତମ୍‌କେ ଆଲାଦ୍ କଲିନି । ଆରି କାଲକାଲ୍ ଜୁଗ୍‌ଜୁଗ୍ ପାଇ, ସେ ସତ୍ ବିସଇ ଜାନିରଇବୁ ।

୩ ଆମର୍ ବାବା ପର୍‌ମେସର୍ ଆରି ତାର୍ ପଅ ଜିସୁକିରିସ୍ତ ଆମ୍‌କେ ଆସିର୍‌ବାଦ୍ କରି ଦୟା ଦେକାଅ ଆରି ସାନ୍ତି ଆରି ସତ୍ତ୍ୱେ ବର୍‌ବାକେ ଦେଅ । ତମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କରା ।

### ସତ୍ ଆରି ଆଲାଦ୍

୪ ଆମର୍ ବାବା ପର୍‌ମେସର୍ ଆମ୍‌କେ ତିଆର୍‌ଲାପାରା ତମର୍ କେଡେଟା ପିଲାଟକିମନ୍ ତାର୍ ସତ୍‌ବାଟେ ଇଣ୍ଡିଲାଇନି ବଲି ସୁନିକରି ମୁଇ ବେସି ସାର୍‌ଦା ଅଇଲି । \*ଏବେ ଆରି ମର୍ ଆଲାଦର୍ ବଇନି, ମୁଇ ତକେ ଗଟେକ୍ ବିସଇ କର୍‌ବାକେ କଇବି । ଗଟେକ୍ ନୁଆ ଆଦେସ୍ କର୍ ବଲି କଇନାଇ । ମାତର୍ କିରିସ୍ତ ସଙ୍ଗ୍ ଜିବାକେ ଆରାମ୍ କର୍ବା ବେଲେଅନି ଏଟା ଆମେ ସୁନି ଆଇଲୁନି । ମୁଇ ମାଙ୍ଗିଲିନି ତମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କରା । ୬ ଏ ଆଲାଦର୍ ଅରଡ୍ ଅଇଲାନି ଆମେ ପର୍‌ମେସର୍ ଆଦେସ୍ ସବୁ ମାନ୍‌ବାର୍ ଆଟେ । କିରିସ୍ତ ସଙ୍ଗ୍ ଜିବାକେ ଆରାମ୍ କର୍ବା ବେଲେଅନି ଏଟା ଆମେ ସୁନି ଆଇଲୁନି । ତମେ ଗଟେକ୍ ଲକ୍ ଆରି ଗଟେକ୍ ଲକ୍‌କେ ଆଲାଦ୍ କରା ।

୭ କାଇକେ ବଇଲେ ମୁଇ ଏକ୍ତିବଲି କଇଲିନିଜେ ସତ୍ ନ ରଇବା ବିସଇ ସିକାଇକରି ଲକ୍‌ମନ୍‌କେ ନାଡାଇବା ବେସି ଲକ୍ ଗୁଲାଇବାଟେ ଆଟଡ୍ । ଜିସୁକିରିସ୍ତ ନର୍‌ରୁୟ୍ ଦାରି ଏ ଜଗଡେ ଆସେନାଇ ବଲି ସେମନ୍ କଇବାଇ । ଜଦି କେ ମିସା ସେନ୍ତାରି କଇଲେ, ସେ ଲକ୍‌ମନ୍‌କେ ନାଡାଇବା କିରିସ୍ତର୍ ବିରଦି । ି ଲକ୍‌ମନ୍ ତମ୍‌କେ ନାଡାଇ ନାପାରଡ୍, ତମେ ଜାଗରଡ୍‌ସଙ୍ଗ୍ ରଇବାର୍ ଆଟେ । ଜେନ୍ତାରିକି ପର୍‌ମେସର୍‌କେ କର୍ବା ତମର୍ ସେବା କାମ୍ ବେକାର୍ ନ ଅ । ମାତର୍ ତମର୍ ସେବାକାମର୍ ପାଇ ପର୍‌ମେସର୍ ତମ୍‌କେ ପୁରାପୁରୁନ୍ ଅଇଡେ ଇନାମ୍ ଦେଇସି ।

୯ ଜଦି କେ କିରିସ୍ତ ସିକାଇଲା ବିସଇ ବିସ୍ତାସ୍ ନ କରେ, ଆରି ତାର୍ ସିକିଆର୍ ସଙ୍ଗ୍ ତାର୍ ନିଜର୍‌ଟା ମିସାଇଲେ, ସେ କିରିସ୍ତର୍ ସଙ୍ଗ୍ ମିସେନାଇ । ମାତର୍ କେ ଜଦି କିରିସ୍ତ ସିକାଇଲା ବିସଇ ବିସ୍ତାସ୍ କର୍‌ଡେରଇସି, ସେ ବାବା ପର୍‌ମେସର୍ ସଙ୍ଗ୍ ଆରି ତାର୍ ପଅ ଜିସୁକିରିସ୍ତ ସଙ୍ଗ୍ ମିସିଲାଆଟେ । ୧୦ ଡେବର୍‌ପାଇ କେ ଜଦି ତମର୍‌ଟାମେ ଆସି, କିରିସ୍ତ ସିକାଇରଇବା ବିସଇଡେଇଅନି ବିନ୍ ବିସଇ

\* ୧:୫ ୧:୫ ଜଅନ୍ ୧୩:୩୪;୧୫:୧୨, ୧୭



କଲଲେ, ତାଙ୍କେ ତମର ଗରେ ମୁଲ୍‌କେ ଡାକିନିଆ ନାଇ, କି ସଙ୍ଗର ବିସ୍‌ବାସି ଇସାବେ ଜୁଆରବିଆର କରାନାଇ । <sup>୧୧</sup> ଜଦି କେ ମିସା ସେନ୍ତାରି ଲକ୍‌କେ ଜୁଆରବିଆର କର୍‌ସି, ସେ ବୁଲ୍ ସିକାଉର ସଙ୍ଗ ମିସିକରି ତାର କାରାପ୍ କାମେ ମିସ୍‌ଲାନି ।

#### ସାରା ସାରି ବେଲର କାତା

<sup>୧୨</sup> ମୁଇ ତମ୍‌କେ ବେସି ବିସଇ ଲେକ୍‌ବାକେ ମନ୍ କଲିନି, ମାତର ଚିଟିଟାନେ ଲେକ୍‌ବାକେ ମନ୍ କରିନାଇ । ତାରବାଦୁଲେ ଆସିକରି ତମର ମୁଆଟେ କାତା ଅଇବି । ତେବେ ଆମେ ପୁରାପୁରୁନ୍ ସାରଦା ଅଇବୁ ।

<sup>୧୩</sup> ପର୍‌ମେସର ବାଚିରଇବା ବଇନିର୍ ପିଲାମନ୍, ତମ୍‌କେ ଜୁଆର ଜାନାଇଲାଇନି ।

## ଯୋଜନ ଲେଖୁଥିବା ତୃତୀୟ ପତ୍ର ଜଅନ୍ ତିନିପାଲି ଚିଠି ଲେଖିଲାଟା ଏ ବଇର ବିସଇ ଜାନ୍‌ବାଟା

ଜଅନ୍‌ର ତିନିପାଲି ଚିଠି ଜଅନ୍‌ର ଲାଗି ୫୦-୧୦୦ କିରିସ୍‌ଟାବ୍‌ଦରେ ଜିସୁ କିରିସ୍‌ଟର ଜନମ୍ ପରେ ଲେଖାଅଇ ରଇଲା । ଜଅନ୍ ନିଜ୍‌କେ ଲେକିଆଟି ବଲିକରି ଜାନାଇଅଇ ନିଜ୍‌କେ ପାର୍‌ତିନ୍ ଇସାବେ କଇଲାନି ୧:୧ ସେ ଜଅନ୍‌ର ଦୁଇଟା ଚିଠିତେଇ ଜେନ୍ତାର ଲେକି ରଇଲା ୧:୧ । ଏଟା ବିସ୍‌ବାସ୍ କରି ଅଇସିଜେ, ସେ ଏପିସିତେଇ ରଇବାବେଲେ ଜଅନ୍ ଲେଖିଲା ନିମାନ୍ କବରସଙ୍ ୩ ଟା ଚିଠିମିସା ଲେକି ରଇଲା । ୧ ଜଅନ୍ ୨ ଜଅନ୍ ୩ ଜଅନ୍,

ଜଅନ୍ ଗାଥ ନାଉଁର ଗଟେକ୍ ବିସ୍‌ବାସିକେ ଏ ଚିଠି ଲଗେ ଲେଖିଲା ଆଟେ ।

### ଏ ବଇ ବିତ୍‌ରେ ରଇବାଟା

- ୧. ଜଅନ୍ ତାର ଚିଠିର ବିସଇ ଜାନାଇଲାନି । ୧:୧
- ୨. ସେ ଗାୟକେ ସାଆସ୍ ଦେଇକରି ନଅର୍ ମନକେ ବୁଲ୍‌ତେ ରଇବା ବିସ୍‌ବାସି ବାଇମନକେ, ଗତିଆ କୁଟୁମ୍‌କେ ଡାକି ଦେକାରକା କର୍‌ବାକେ ସିକାଇଲାନି । ୧:୨-୮
- ୩. ସେ ଦୁଇଲକ୍‌କେ ତାୟଟ୍‌ପିସ୍ ଆରି ତିମିଟିଅସ୍ ବିସଇ କଇସି । ୧:୯-୧୨
- ୪. ସାରାସାରି ପଟେ ଲେକା ସାରାଇଆଟେ । ୧:୧୩-୧୪

୧\*ଏ ମଣ୍ଡଲିର ପାର୍‌ତିନ୍ ଇସାବେ ମୁଇ ଜଅନ୍,  
ଏ ଚିଠି ଆଲାଦର୍ ଗାଇସ୍, ତକେ ଲେଖିଲିନି । ମୁଇ ତକେ ସତଇସେ ଆଲାଦ୍ କଲିନି ।  
୨ ଏ ମର୍ ଆଲାଦର୍ ମଇତର୍, ତମେ ଗାଗଡ୍ ଇସାବେ ବପୁ ଉଆ ଆରି ତମର୍ ସବୁ କାମ୍ ନିକ ଅ ବଲି ମୁଇ ପାର୍‌ତନା କଲିନି । ଜେନ୍ତାରିକି ମୁଇ ଜାନି, ତମେ ଆଡ୍‌ମାଇ ମିସା ନିକସେ ଆଟାସ୍ । ୩ ପର୍‌ମେସରର୍ ସଡ୍ ବାଟ୍ ଇସାବେ ତମେ ଚଲାଚଲ୍‌ତି କଲାସ୍‌ନି ବଲି କେତେଟା ସଙ୍‌ର୍ ବିସ୍‌ବାସି ବାଇମନ୍ ଇତି ଆସିକରି ଆମ୍‌କେ କଇଲାଇ । ଆରି ତମେ ସେନ୍ତାରିସେ ଚଲାଚଲ୍‌ତି କଲାସ୍‌ନି ବଲି ମୁଇ ଜାନି । ୪ ମର୍ ପିଲାମନ୍ ସଡ୍ ଇସାବେ ଚଲାଚଲ୍‌ତି କଲାଇନି ବଲି ସୁନ୍‌ଲାତେଇଅନି ଆରି କାଇ ବିସଇ ମକେ ସାର୍‌ଦା ନ କରାଏ ।

### ଗାୟସର୍ ସଡ୍ କରମର୍ ମଇମା

୫ ମର୍ ଆଲାଦର୍ ମଇତର୍, ତମର୍ ସଙ୍ ଚଇବା ବିନ୍ ଦେସର୍ ବିସ୍‌ବାସି ବାଇମନ୍‌ପାଇ ତମେ କର୍‌ବା କାମ୍ କେବେ କେବେ ନାଜାନିରଇଲେ ମିସା ସଡ୍‌ସଙ୍ କଲାସ୍‌ନି । ୬ ତାକର୍ ବିତ୍‌ରେଅନି କେତେକ୍ ଲକ୍ ଇତିର୍ ମଣ୍ଡଲିର ଲକ୍‌ମନକେ ତମର୍ ଆଲାଦର୍ ବିସଇ କାତା ଅଇଲାଇଆଟଡ୍ । ସେନ୍ତାରି ଲକ୍‌ମନକେ, ଜେତେବେଲେ ତମ୍‌କେ ଚାଡି ଅଲ୍‌ଗା ଜାଗାମନକେ ଜିବାବେଲେ, ଆଗକେ ପର୍‌କେ କାଇଟା ନ ବାବିକରି ସାଇଜ କରଲାଗିରୁଆ । ୭ ଏ ଲକ୍‌ମନ୍ ଜିସୁକିରିସ୍‌ଟର୍ ସେବା କାମ୍‌ରଲାଗି ଗୁଲାଇବାଟେ ବୁଲ୍‌ଲାଇନି । ଆରି କିରିସ୍‌ଟକେ ବିସ୍‌ବାସ୍ ନ କର୍‌ବା ଲକ୍‌ମନର୍‌ତେଇଅନି ସେମନ୍ କାଇ ସାଇଜ ନ ମାଙ୍‌ଡ । ୮ ତେବର୍‌ପାଇ ଆମେ ତାକର୍ ସଙ୍‌ର୍ ବିସ୍‌ବାସିମନ୍, ସେମନ୍‌କେ ଜାଇଟା ଲଡାଆଟେ ସେଟା ଦେଇତେଉଁ । ଏନ୍ତାରି ଲକ୍‌ମନକେ ସଡ୍ ଜାନାଇବା କାମ୍‌ଟାନେ ଆମେ ମିସିକରି କରୁ ।

### ତାୟଟ୍‌ପିସ୍ ଆରି ତିମିଟିଅସ୍

୯ ତମର୍ ନଅରେ ରଇବା ମଣ୍ଡଲିର ଲକ୍‌ମନକେ ମୁଇ ଆଗ୍‌ତୁ ଗଟେକ୍ ଚିଠି ଲେକିରଇଲି । ମାତର୍ ତାୟଟ୍‌ପିସ୍ ମର୍ କାତା ଦାରେନାଇ । କାଇକେବଇଲେ ସେ ନିଜେ ମଣ୍ଡଲିର ନେତା ଅଇବି ବଲି ମନ୍‌କଲାନି । ୧୦ ତେବର୍‌ପାଇ ମୁଇ ଜେତେବେଲେ ତମର୍ ନଅରେ ଆଇବାବେଲେ ତାୟଟ୍‌ପିସ୍ ଜାଇଟା କଲାନି, ସେଟାସବୁ ମଣ୍ଡଲିର ଲକ୍‌ମନକେ, କଇଦେବି ବଲି ମନ୍ କଲି । ସେ ମର୍ ବିରୁଦେ, ନ କର୍‌ଲାଟାମନ୍ କଇବୁଲ୍‌ଲାନି । ଆରି ତାର୍‌ତେଇଅନି ଅଦିକ୍ କାରାପ୍‌ଟା ମିସା ସେ କଲାନି । ଆମର୍ ସଙ୍‌ର୍ ବିସ୍‌ବାସିମନ୍, ଜେକି ସ୍‌ବ୍‌କବର୍ ଜାନାଇଲାଇନି, ସେ ସେମନ୍‌କେ ଡାକିନେବାକେ ନିର୍‌ଲାନି । ଜନ୍ ଲକ୍‌ମନ୍ ସେମନ୍‌କେ ଡାକିନେବାକେ ମନ୍ କଲାଇନି, ସେମନ୍‌କେ ତେବାଇଲାନି । ସେନ୍ତାରି ଲକ୍‌ମନକେ ମଣ୍ଡଲିର ସବାତେଇ ଆଇବାକେ ମନାକଲାନି ।

\* ୧:୧ ପେରିଡ୍ ୧୯:୨୯; ରମିୟ ୧୭:୨୩; ୧ମ କରନ୍ତ୍ରିୟ ୧:୧୪

୧୧ ଆଲ୍ଲାଦର୍ ମଇତର୍, କାରାପ୍ କାମ୍ କରି ଚଲାଚଲ୍ଲି କର୍ବା ଲକ୍ମନର୍ ପାରା ଉଆନାଇ । ତାର୍ ବାଦୁଲେ ନିକ କାମ୍ କର୍ବା ଲକ୍ମନର୍ପାରା ଉଆ । ଜଦି କେ କାରାପ୍ କାମ୍ କଲେ, ତାର୍ କାମେଅନି ସେ ପର୍ମେସର୍କେ ନାଜାନେ ବଲି ଡିସ୍ଲାନି ।

୧୨ ଡିମିଡିର୍ ଗଟେକ୍ ନିକ ଲକ୍ ବଲି ମଣ୍ଡଲିର୍ ସବୁଲକ୍ କଇଲାଇନି । ସେ ସର୍ ବିସଇ ଇସାବେ ଚଲାଚଲ୍ଲି କଲାନି । ତେବର୍ପାଇ ସେ ଗଟେକ୍ ନିକ ଲକ୍ ବଲି ଆମେ ଜାନିଆରୁ । ସେ ଗଟେକ୍ ନିକ ଲକ୍ ବଲି ମୁଇ ମିସା ସାକିଦେଲିନି । ଆରି ତମେ ଜାନାସ୍ ଆମେ ଗଟେକ୍ ଲକର୍ କାଇଆଲେ ବିସଇ କଇଲେ, ସେଟା ସର୍ ।

### ସାରା ସାରି କାତା

୧୩ ତମକେ ମୁଇ ବେସି ବିସଇ କଇବାକେ ମନ୍ କଲିନି, ମାତର୍ ଚିଟିଟାନେ ଲେକ୍ବାକେ ମନ୍ କରିନାଇ । ୧୪ ମୁଇ ଦାପ୍ରେ ତମଟାନେ ଆସିକରି ତମର୍ ମୁଆଟେ ସବୁ କାତା କଇବି ।

୧୫ ପର୍ମେସର୍ ତମକେ ସାନ୍ତି ଦେଅ ।

ମଣ୍ଡଲିତେଇ ରଇବା ତମର୍ ସବୁ ମଇତର୍ମନ୍ ଜୁଆର୍ ଜାନାଇଲାଇନି । ତମର୍ ନଅରର୍ ମଣ୍ଡଲିତେଇ ରଇବା ମର୍ ସବୁ ମଇତର୍ମନ୍କେ ଗଟେକ୍ ଗଟେକ୍ ଲକ୍କେ, ଜୁଆର୍ ଜାନାଆ ।

## ଜିଉଦାଙ୍କ ପତ୍ନୀ ଜିଉଦା ଲେକ୍‌ଲା ଚିଠି ଏ ବଇର ବିସଇ ଜାନବାଟା

ଏ ଚିଠି ଲେକ୍‌ଲା ଲକ୍‌ମ୍ ନାଉଁ ଇସାବେ ଏ ବଇର ନାଉଁ ଦିଆଅଇଆତେ । ଜିଉଦା ନିଜେ ଜାକୁବ୍ ଜିସୁର୍ ବାଇ ବଲି ଜାନାଇଅଇଲାନି । ତେବର୍‌ପାଇ ତାକେ ଜିସୁର୍ ବାଇମନର୍ ବିଡ୍‌ରେଅନି ଗଟେକ୍ ଲକ୍ ବଲି କଇବାଇ ୧ ପୁରନା ନିୟମର୍ ବିସଇ ଉଦାର କରଇଲାଇକେ ଏଟା ଗଟେକ୍ ନିକ୍ ମଣ୍ଡଲିକେ ଲେକା ଅଇରଇଲା ପାରା ମନେ ଆଇସି । ଜିଉଦାର ଚିଠି ସତ୍‌ରେ ପତ୍ନୀ ଲକ୍‌ମ୍‌ନ୍ ଜିଉଦି ବଲି ଜାନାଇଅଇଲାଇନି । ଜନ୍ ଲକ୍‌ମ୍‌ନ୍ କି ବାବା ପର୍‌ମେସର୍‌ର ଆଲାଦେ କିରିସ୍‌ଟର୍ ପାଇ ସଙ୍ଗଇଅଇଆତଡ୍ । ଜାଇଟା ଅବେ, ଜିଉଦା ବାଟାଇଅଇରଇବା ସବୁ ଲକ୍‌ମ୍‌ନକେ ନିଜର୍ ବିସଇରେ ଜାନାଇଲାନି । ଏ ଚିଠି ଜିସୁକିରିସ୍‌ଟ ଜନମ୍ ଅଇକରି ପାକାପାକି ୬୦ ବିଡ୍‌ରେ ଲେକାଅଇରଇଲା ।

ଜନ୍ ଲକ୍‌ମ୍‌ନ୍ ଟକାବଣ୍ଡା କର୍‌ବା ବିସବାସି ମନର୍ ବାଟେ ଜାଇତେରଇଲାଇ, ସେ ସବୁ ବିସବାସିମନ୍‌କେ ଜାଗ୍‌ରଡ୍ କରାଇବାକେ ଲେକାଅଇଆତେ । ସେ ଦଦାପେଲା ଅଇକରି ପୁରନା ନିୟମର୍ ବିସଇ ଆରି ଗଟିରଇବା ବିସଇ କଇଲାନି । ଏ ଚିଠିତେଇ ମିର୍ ସିକାଉମନର୍ ବିରୁଦେ ପିତରର୍ ୨ ଯୁ ଚିଠିତେଇ ବାବିକରି ଲେକା ଅଇଲାଟା ସଙ୍ଗ୍ ମିସିଆତେ । ଇତି ଦୁଡ୍ ଆରି ସଦମ୍ ଗମ୍‌ରା ବିସଇ ମିସା ଲେକାଅଇଆତେ ଜିଉଦା ୧:୪; ୨ ଯୁ ପିତର୍ ୨:୧

### ଏ ବଇ ବିଡ୍‌ରେ ରଇଲାଟା

- ୧. ଜିଉଦା ପର୍‌ତୁମ୍ ତାର ଚିଠି ପତ୍ନୀ ଲକ୍‌ମ୍‌ନକେ ନିଜର୍ ବିସଇ ଜାନାଇଆତେ । ୧:୧-୨
- ୨. ମିର୍ ସିକାଉମନର୍ ବିରୁଦେ ଜାଗ୍‌ରଡ୍ କରାଇଆତେ । ୧:୩-୪
- ୩. ସେ ପୁରନା ନିୟମର୍ ଲକ୍‌ମ୍‌ନକେ ଆରି ଅଇରଇବା ଗଟ୍‌ନାକେ ଦେକାଇ କଇବା ବିସଇ । ୧:୫-୧୬
- ୪. ଜାକୁବ୍ ଜାଗ୍‌ରଡ୍ କରାଇଲାଟା, ସେ ବିସଇ ସେମନର୍ ଦାଇଡ୍ କେନ୍ତାର ରଇବାର୍ ଆତେ ସେ ବିସଇ କଇଲାଆତେ ୧:୧୭-୨୩
- ୫. ସାରାସାରି ସେ ପର୍‌ମେସର୍‌କେ ଡାକ୍‌ପୁଟା କରି ସେ ଲେକ୍‌ବାଟା ସାରାଇଆତେ । ୧:୨୪-୨୫

୧ \*ମୁଇ ଜିଉଦା । ଜିସୁ କିରିସ୍‌ଟର୍ ଗଟେକ୍ ଗତିଦାଙ୍ଗ୍‌ତା ଆରି ଜାକୁବର୍ ବାଇ । ଜନ୍ ଲକ୍‌ମ୍‌ନକେ ପର୍‌ମେସର୍ ବାଟ୍‌ଲାଆତେ, ସେମନର୍‌ପାଇ ମୁଇ ଏ ଚିଠି ଲେକ୍‌ଲିନି । ବାବା ପର୍‌ମେସର୍ ତମ୍‌କେ ଆଲାଦ୍ କଲାନି । ଆରି ତମ୍‌କେ ଜିସୁକିରିସ୍‌ଟ ଦେକାରକା କର୍‌ବାକେ ସଙ୍ଗଇଆତେ ।

୨ ପର୍‌ମେସର୍ ତମ୍‌କେ ଦୟା ଦେକାଅ, ତାର୍ ସାନ୍ତି ଆରି ଆଲାଦ୍ ତମ୍‌କେ ଜବର୍ ଅଇତେ ମିଲ ।

### ବୁଲ୍ ସିକିଆ ଦେଉମନ୍

୩ ଏ ମର୍ ଆଲାଦର୍ ମଇତର୍‌ମନ୍, ଆମେ ପାଇରଇବା ମୁକ୍ତିର୍ ବିସଇ ତମ୍‌କେ ଲେକ୍‌ବି ବଲି ମନ୍ କଲିନି ମିସା, ସତ୍ ବିସଇର୍‌ପାଇ ଚିଆ ଅଇବାକେ ତମ୍‌କେ ସାର୍‌ଦା କରାଇବି ବଲି ମନ୍‌କଲି । ତାର୍ ସୁକଲ୍ ଲକ୍‌ମ୍‌ନର୍‌ପାଇ ପର୍‌ମେସର୍ ଏ ସତ୍ ସିକିଆ ଗଟେକ୍ ବେଲେ ସବୁଲକ୍‌ପାଇ ଦେଲାଆତେ । ୪ କାଇକେବଇଲେ ବିସବାସି ବଲି କେତେକ୍ ନାଡାଇବା ଲକ୍ କେ ନାଜାନ୍‌ତେ ପୁରିଆତଡ୍ । ଏ ଲକ୍‌ମ୍‌ନ୍ ପାଇବା ଡଣ୍ଡ ଆଗର୍ କାଲେଅନି ସାସ୍‌ତରେ ଲେକାଅଇଆତେ । ଏ ଲକ୍‌ମ୍‌ନ୍ ପର୍‌ମେସର୍‌ର ଅଦିକାର୍ ନାମଡ୍‌ନାଇ । ଆମର୍ ପର୍‌ମେସର୍ ଦରମ୍‌ଟା ବଲି ଲକ୍‌ମ୍‌ନ୍ ଜେନ୍ତାର୍ ସେନ୍ତାର୍ ବେସିଆ କାମ୍ କଲେମିସା କାଇଟା ନର୍‌ ବଲି କଇଲାଇନି । ମାପୁରୁ ଜିସୁକିରିସ୍‌ଟେ ଆମର୍ ମାଲିକ୍ ବଲି ସେମନ୍ ନାମଡ୍‌ନାଇ ।

୫ ଏ ସବୁ ବିସଇ ତମେ ଜାନିରଇଲେ ମିସା ମାପୁରୁ ଇସ୍ରାଏଲର୍ ଲକ୍‌ମ୍‌ନକେ ମିସର୍ ଦେସେଅନି ମୁକ୍‌ଲାକରି ଆନ୍‌ଲା ବିସଇ ତମ୍‌କେ ଏତାଇଦେବାକେ ମୁଇ ମନ୍ କଲିନି । ମାତର୍ ପତେ ଜେଡ୍‌କି ଲକ୍ ବିସବାସ୍ କରଡ୍‌ନାଇ, ସେମନ୍‌କେ ସବୁକେ କୁରୁପନାସ୍ କଲା । ୬ ସେଡ୍‌କିସେ ନର୍‌ ସେ ଦୁଡ୍‌ମନ୍‌କେ ମିସା ଡଣ୍ଡ ଦେଇରଇଲା । ପର୍‌ମେସର୍ ସେମନ୍‌କେ ଜେଡ୍‌କି ଅଦିକାର୍ ସର୍‌ପି ଦେଇରଇଲା, ସେମନ୍ ତାର୍‌ତେଇଅନି ଅଦିକ୍ ନେଲାଇ । ଆରି ତାକର୍ ଦେଇରଇବା ଜାଗା ଚାଡ୍‌ଲାଇ । ସେ ସେମନ୍‌କେ ବିଚାର୍ କର୍‌ବା ଦିନ୍ ଜାକ, ଗଟେକ୍ ଆନ୍‌ରର୍ ଜାଗାଇ, କେ ବାଙ୍ଗାଇ ନାପାର୍‌ଲା ପାରା, ସିକ୍‌ଲି ସଙ୍ଗ୍ ବାନ୍ଦିଆତେ । ୭ ସଦମ୍ ଗମ୍‌ରା ଆରି ତାର୍ ଚାରିବେଟ୍‌ତି ରଇବା ନଅର୍‌ମନର୍ ବିସଇ ଏତାଇଦେକା । ନ ଲିଦ୍‌ବା ଜଇଟାମେ ଡଣ୍ଡ ଇସାବେ ସେମନ୍ ଜେଡ୍‌କି ଦୁକ୍ କସ୍‌ଟ ପାଇଲାଇ, ସେଟା ସବୁଲକ୍‌ପାଇ ଗଟେକ୍

\* ୧:୧ ୧:୧ ମାଡିଉ ୧୩:୫୫; ମାର୍‌କ ୬:୩

ଜାଗରତ୍ ଅଇରଇବା ବିସଇ । ସେମନ୍ ଅଦ୍‌କା ପାଦରା ପାଦରି କାମ୍‌ସେ କରତ୍‌ନାଇ ମାତର୍ ମନସ୍ ମନସ୍ ବିତ୍‌ରେ ମାଇଜି ମାଇଜି ବିତ୍‌ରେ ବେସିଆ କାମ୍ କର୍ତ୍ତେ ରଇଲାଇ ।

୮ ସେନ୍ତାରିସେ ଏ ଲକ୍‌ମନ୍ ନିଜେ ଦର୍‌ସନ୍ ପାଇକରି ମିସା ପାଦରା ପାଦରି କାମ୍ କରି ନିଜର୍ ଗାଗତ୍ ଅସୁକଲ୍ କଲାଇନି । ମାପୁରୁର୍ ଅଦିକାର୍ ସେମନ୍ ଗିନ୍ କରି ସର୍‌ଗେ ରଇବାଟାମନ୍‌କେ ନିନ୍ଦା କଲାଇନି ।

୯ \*ମୁକ୍ତିଅ ଦୁଡ୍ ମିକାଏଲ୍ ମିସା ମସାର୍ ମଲା ଗାଗତ୍ ନେଇକରି ତପ୍‌ବାକେ କାର୍ ଅଦିକାର୍ ଆଚେ ବଲିକରି ସଇତାନର୍ ସଙ୍ଗ୍ ଦଦାପେଲା କର୍ତ୍ତେରଇଲା । ସେଡ୍‌କିବେଲେ ପର୍‌ମେସରର୍ ଜାଗାଇ ରଇ, ସଇତାନ୍‌କେ ବିଚାର୍ କର୍‌ବା ଅଦିକାର୍ ନେବାକେ ସେ ସାଆସ୍ କରେନାଇ । ତାର୍ ବାଦୁଲେ ମାପୁରୁ ତକେ ଡଣ୍ଡ ଦେଇସି ବଲି କଲା । ୧୦ ଏଲେମିସା ଏ ଲକ୍‌ମନ୍ ନ ବୁଜ୍‌ବା ବିସଇ ନେଇ ନିନ୍ଦା କାତା କଲାଇନି । ସେମନ୍ ଜେଡ୍‌କି ବିସଇ ବୁଜ୍‌ଲାଇନି, ସେଟା ସେମନ୍‌କେ ଅଦିକ୍ ବାବ୍‌ବାକେ ନ ପଡେ । ଜେନ୍ତାରି, କି ପସୁମନ୍ କାଇ ବିସଇ ନ ବାବଡ୍ । ଏ ସମାନ୍ ବିସଇ ଆକା ସେମନ୍‌କେ କୁରୁପ୍‌ନାସ୍ କର୍‌ସି । ୧୧ ସେମନ୍ କେଡେକ୍ ଡଣ୍ଡ ପାଇବା ଲକ୍ ସେମନ୍ କଇନର୍ ବାଟ୍ ଦାରଲାଇ ଆଚଡ୍ । ବିଲିଆମ୍ ପାପ୍ କଲାପାରା ସାର୍‌ଦା ସଙ୍ଗ୍ ପାପ୍ କଲାଇଆଚଡ୍ । କରା ବିରଦ୍ କଲାପାରା ସେମନ୍ ବିରଦ୍ କରି କୁରୁପ୍‌ନାସ୍ ଅଇବାଇ । ୧୨ ତମେ ଗଟେକ୍‌ଡେଇ ରୁଣ୍ଡିକରି ମିସି କାଇଲାବେଲେ, ତମର୍ ସଙ୍ଗ୍ ସେମନ୍ ଲାଜ୍ ଲାଗ୍‌ବା କାମ୍ କଲେ ମିସା ସେମନ୍ ତମର୍ ମୁଆଟେ ଲାଜ୍ ନ ଅଇକରି ସାଆସ୍ ସଙ୍ଗ୍ କାଇଲାଇନି । ମେଣ୍ଡାମନ୍‌କେ ନ ଚାରାଇ ନିଜେ ଚାରାଇଅଇଲା ଗଡ୍‌ଡ୍ ପାରା ଅଇଲାଇନି । ପବନ୍ ଆଇଲେ ଉଡାଇନେବା ପାନି ନ ମାର୍‌ବା ବାଦଲ୍‌ପାରା ଏମନ୍ ଆଚଡ୍ । ପଲ୍ ଦେବା ବେଲାଇ କାଇପଲ୍ ନ ରଇବା ଗଡ୍ ଜେନ୍ତାରି ଉପାଡିକରି ସୁକ୍‌ବାକେ ଚାଡ୍‌ଲାପାରା, ସେନ୍ତାରି ଅଇ ସେମନ୍ ଆଚଡ୍ । ୧୩ ସେମନ୍ ସମ୍‌ଦୁରର୍ ଲଅଡି ଜେନ୍ତି ପେପୁଲ୍ ବାବ୍‌କର୍‌ସି, ସେ ପେପୁଲ୍‌ପାରା ତାକର୍ ଲାଜର୍ ଚଲାଚଲ୍‌ତି ଡିସ୍‌ସି । ଆକାସର୍ କେଡେକ୍ କେଡେକ୍ ତାରାମନ୍ ଜେନ୍ତି ତାକର୍ ପାଇ ରଇବା ଜାଗାଇ ନ କିନ୍‌ରିକରି ବିନ୍‌ବାଟେ ବୁଲ୍‌ଡେରଇବାଇ, ସେମନ୍ ସମାନ୍ ସେନ୍ତାରିସେ । ପର୍‌ମେସର୍ ସେମନ୍‌ପାଇ ଗଟେକ୍ ବଡ୍ ଗଇରି ରଇବା ଆନ୍ଦାର୍ ଜାଗା ସଙ୍ଗ୍‌ଆଚେ । ଜିନ୍ତିକି ସେମନ୍ ସବୁଦିନର୍‌ପାଇ ରଇବାଇ ।

୧୪ ଅନକର୍ ବିସଇ ବାବିଦେକା । ସେ ଆଦମର୍‌ଗାନେ ଅନି ଆଇବା ସାଡ୍ ଲମର୍ ନାଡିଡିଡି । ଏନ୍ତାରିଲକ୍‌ମନ୍‌ର ବିସଇନେଇ ସେ ବବିସଡ୍‌ବକ୍‌ତା ଏନ୍ତାରି କଇଲା, ଦେକା ମାପୁରୁ ତାର୍ ଅଜାର୍ ଅଜାର୍ ସୁକଲ୍ ଦୁଡ୍‌ମନ୍‌ର ସଙ୍ଗ୍ ଆଇସି । ୧୫ ସେ ସବୁଲକ୍‌କେ ବିଚାର୍ କର୍‌ସି । ଆରି ଜେଡ୍‌କି ଲକ୍ ତାକେ ନାମାଡ୍‌ନାଇ, ସେମନ୍ ସବୁଲକ୍‌କେ ଦସି କର୍‌ସି । ସେମନ୍ କରିରଇବା ସବୁ କାରାପ୍ କାମର୍ ଲାଗି ମିସା ଦସିଅଇବାଇ ।

୧୬ ଏ ଲକ୍‌ମନ୍ ମୁରମୁରା ଅଇକରି ବିନ୍ ଲକ୍‌ମନ୍‌କେ ନିନ୍ଦା କର୍‌ବାଇ । ନିଜର୍ କାରାପ୍ ମନ୍ କଲାଟା ପୁରାପୁରୁନ୍ କର୍‌ବାକେ ମନ୍ କର୍‌ବାଇ, ନିଜର୍ ବିସଇନେଇ ବଡ୍‌ପନ୍ ଅଇବାଇ ଆରି ନିଜର୍ ଲାବ୍ ପାଇବାକେ ବିନ୍‌ଲକ୍‌କେ ନିକ କାତା କଇ ସୁଡ୍‌ରାଇବାଇ ।

**ଜାଗରତ୍ ରଇବାକେ ଆଦେସ୍**

୧୭ ମାତର୍ ଏ ମର୍ ଆଲାଦର୍ ମଇଡର୍‌ମନ୍, ଆମର୍ ମାପୁରୁ ଜିସୁ କିରିସ୍‌ଟର୍ ପେରିଡ୍ ସିସମନ୍ କାଇଟା ଅଇସି ବଲି କଇଲାଟା ତମର୍ ମନେ ରଅ । ୧୮ \*ସାରାସାରି ଦିନ୍ ମନ୍‌କେ ମାପୁରୁକେ କିଜାଇକରି ନିଜର୍ କାରାପ୍ ମନ୍ କଲାଟା ପୁରାପୁରୁନ୍ କର୍‌ବାକେ ମନ୍ କର୍‌ବା ଲକ୍‌ମନ୍ ରଇବାଇ ।” ସେମନ୍ ତମକେ ଏଡି କଇରଇଲାଇ । ୧୯ ଏନ୍ତାରି ସେମନ୍ ଲକ୍‌ମନ୍‌କେ ବେଗଲାଇବାଇ, ନିଜର୍ କାରାପ୍ ମନ୍ କଲାଟା ପୁରାପୁରୁନ୍ କର୍‌ବାକେ ମନ୍ କର୍‌ବାଇ । ସେମନ୍ ସୁକଲ୍‌ଆଡ୍‌ମା ପାଅଡ୍‌ନାଇ । ୨୦ ମାତର୍ ତମେ ମର୍ ଆଲାଦର୍ ମଇଡର୍‌ମନ୍, ଆମର୍ ବେସି ସୁକଲ୍ ରଇବା ବିସ୍‌ବାସେ ନିଜେ ତାଟ୍ ଅଇଡେରୁଆ । ସୁକଲ୍‌ଆଡ୍‌ମାର୍ ସାଇଜ ନେଇ ପାର୍‌ତନା କର୍‌ଡେରୁଆ । ୨୧ ମାପୁରୁ ଜିସୁକିରିସ୍‌ଟ ବାଡଡି ଆଇବା ଦିନ୍‌କେ ଜାଗଡେରୁଆ ଆରି ପର୍‌ମେସରର୍ ଆଲାଦେ ବଡିଆସା । ସେନ୍ତାରିଆଲେ ତମେ ତାର୍‌ସଙ୍ଗ୍ କାଲ୍‌କାଲ୍ ଜୁଗ୍‌ଜୁଗ୍ ରଇସା । କାଇକେବଇଲେ ସେ ଆମକେ ଦୟା ଦେକାଇଲା ଆଚେ ।

୨୨ ଦୁଇମନିଆ ଅଇବା ଲକ୍‌ମନ୍‌କେ ଦୟା ଦେକାଆ । ୨୩ କେବେ ନ ଲିବ୍‌ବା ଜଇଟାନେଅନି ଚାଡାଇକରି ସେମନ୍‌କେ ରକିଆ କରା । ତରିକରି ପାପ୍‌କର୍‌ବା ଲକ୍‌ମନ୍‌କେ ଦୟା ଦେକାଆ । ମାତର୍ ତାକର୍ ପାପ୍‌କାମେ ମୁରକି ରଇବା ବସ୍‌ତର୍ ମିସା ଗିନ୍ କରା ।

୨୪ ତମେ ଜେନ୍ତାରିକି ନ ଅଦର୍‌ଡେ, ପର୍‌ମେସର୍ ତମକେ ଦେକାରକା କର୍‌ସି । ସେ ଅଇଲାନି ମଇମା ପାଇବା ପର୍‌ମେସର୍ । କାଇ ଦସ୍ ନ ଦାରି ସାର୍‌ଦାସଙ୍ଗ୍ ତମକେ ତାର୍ ମୁଆଟେ ଚିଆକରାଇବାକେ ତାର୍ ବପୁଆଚେ । ୨୫ ଆମର୍ ମାପୁରୁ ଜିସୁକିରିସ୍‌ଟର୍ ଲାଗି ସେ ଗଟେକ୍ ସେ ପର୍‌ମେସର୍, ଜେ କି ଆମକେ

\* ୧:୯ ୧:୯ ପରକାସିତ ୧୨:୭ \* ୧:୧୮ ୧:୧୮ ୨ ଯୁ ପିତର୍ ୩:୩

ରକିଆ କଲାଆଚେ । ସବୁ ଡାକ୍ତରୀ, ମଇମା, ବପୁ ଆରି ସାସନ୍ କାଉଟା ନ ଅଇତେ ତାର୍ଟାସେ ରଇଲା,  
ଏବେ ତାର୍ଟାସେ ଆଚେ ଆରି କାଲ୍ କାଲ୍ ଜୁର୍ ଜୁର୍ ତାର୍ଟାସେ ରଇସି । ଆମେନ୍ !

## ଯୋହନ ଦର୍ଶନ ପାଇଥିବା ପୁସ୍ତକ ଜଅନ୍ ଦର୍ସନ୍ ପାଇରଇବା ବଇ ଏ ବଇ ବିସଇରେ ଜାନ୍‌ବାଟା

ପଢ଼କାସିତ ବଇ ନୁଆ ନିୟମର୍ ସାରାସାରି ବଇ । ଏ ବଇ ମିସା ଜଅନ୍ ଲେକିରଇଲା । ଏଟା ଜିସୁକିରିସ୍ଟ ଜନମ୍ ଅଇକରି ପାକାପାକି ୯୫ ବେଲେ ଲେକାଅଇରଇଲା ୧:୧ । ସେ ଜଅନ୍ ସୁବ୍‌କବର୍ ସଙ୍ଗ୍ ତିନଟା ଚିଟି ମିସା ଲେକିରଇଲା । ଜନ୍‌ଟାମନ୍ କି, ୧ ମ ଜଅନ୍, ୨ ଯ୍ ଜଅନ୍ ଆରି ୩ ଯ୍ ଜଅନ୍ । ଜଅନ୍ ଜାକେ କି ଜିସୁ ବେସି ନିକଲକ୍ ବଲି ଦେକ୍‌ତେରଇଲା ବଲି ଜାନିଅଇସି । ଜଅନ୍ ଆଇସ୍‌ଲାଣ୍ଡର୍ ପାଡ଼ରସ୍ ନାଉର୍ ଜାଗାଇ ରଇଲାବେଲେ ଏ ପଢ଼କାସିତ ବଇ ଲେକିରଇଲା । ଜଅନ୍ ୧୩:୨୩ କାଇକେବଇଲେ ଜିସୁକିରିସ୍ଟର୍ ସୁବ୍‌କବର୍ ଜାନାଇବାକେ ତେଇ ଜାଇ ବାସାଅଇରଇଲା ୧:୯ ।

ଜିସୁ ଆରିତରେକ୍ ଆଇବା ବେଲା ଲଗେ ଅଇରଇଲାଜେ, ଜିସୁକିରିସ୍ଟକେ ବିସ୍‌ବାସ୍ କରି ରଇବାକେ ପଡ଼ବା ଲକ୍‌ମନ୍‌କେ ଆସା ଆରି ସାଆସ୍ ଦେବାକେ ଏ ପଢ଼କାସିତ ବଇ ଜଅନ୍ ଲେକିରଇଲା ୧:୩:୨୨:୭ । ସେ ସାଡ଼ଟା ମଣ୍ଡଲିକେ ସବୁ ବିସ୍‌ବାସିମନର୍‌ପାଇ ନିକସଙ୍ଗ୍ ଲେକିଆଟେ ୨:୩ । ଜଅନ୍ ତାର୍ ଲେକାଟାନ୍‌ନେ ଆଗ୍‌କେ ଗଟ୍‌ବା ବବିସଡ଼ କାତା ୧:୩ ଆରି ସେ ଦର୍ସନ୍ ଦେକିରଇବା କେତେକ୍ କେତେକ୍ ଚିନ୍‌ମନର୍ ବିସଇ ଲେକିଆଟେ । ଏ ବଇଟାନ୍‌ନେ କେତେଟା ବାଗ୍‌ଟାନ୍‌ନେ ପୁରନା ନିୟମର୍ ବାଗ୍‌ସଙ୍ଗ୍ ସମାନ୍ ଆଟେ । ଜନ୍‌ଟାକି ଜିକରିୟ ୬:୧-୮ ଦେକିଅଇସି ।

ଜନ୍‌ଟା କି ସାଡ଼ଟା ମଇରି, ସାଡ଼ଟା ମୁତା । ଜନ୍‌ଟା ପର୍‌ମେସର୍ ମିସରର୍ ଲକ୍‌ମନ୍‌କେ ଡଣ୍ଟ ଦେବାକେ ମର୍‌ଡ଼ି ପାଟାଇରଇଲା । ଜାଡ଼ରା ୭:୯ ।

ପଢ଼କାସିତ ବଇ ସାରାସାରି ଜୁଗ୍ ବିସଇ ଜାନାଇଲାନି । ସାରାସାରି ବେଲେ ଜିସୁ ଜିଡ଼ସି ଆରି ଜେଡ଼କି ଲକ୍‌ମନ୍ ତାକେ ଆସାକରି ରଇବାଇ, ସେମନ୍ ସବୁବେଲର୍‌ପାଇ ତାର୍ ସଙ୍ଗ୍ ରଇବାଇ । ଏ ବଇ ଆମ୍‌କେ ଜାଗର୍‌ତା ଆରି ଆସା ଦେଲାନି ଜେ, ଜିସୁ ଦାପ୍‌ରେ ବାଡ଼ି ଆଇଲାନି ।

### ଏ ବଇ ବିଡ଼ରେ ରଇଲାଟା

- ୧. ଜଅନ୍ ନିଜର୍ ବିସଇ ଜାନାଇ ଅଇଲାଟା ଆରି ସେ ଆଗ୍‌କେ କାଇଟା ଅଇସି ସେ ବିସଇ ଦର୍ସନ୍ ଦେକ୍‌ଲାଟା । ୧:୧-୨୦
- ୨. ଜଅନ୍ ଜିସୁକିରିସ୍ଟର୍ ତେଇଅନି ସାଡ଼ଟା ମଣ୍ଡଲିକେ ଜାନାଇବାଟା । ୧:୧-୩:୨୨
- ୩. ସାଡ଼ଟା ଚିନ୍ ୪:୧;୮:୫ ସାଡ଼ଟା ମଇରି । ୮:୬;୧୧:୯
- ୪. ମାପ୍‌ରୁର୍ ପିଲାଜିଲା ଆରି ସାଡ଼ଟା ମୁଣ୍ଟ ଦାରିକରି ରଇବା ପୁରନା ସାଁପ୍ ସଙ୍ଗ୍ ଜୁଇଦ୍ କର୍‌ବାଟା । ୧୨:୧;୧୪:୨୦
- ୫. ସାଡ଼ଟା ରିସାର୍ ମୁତା ବିସଇରେ ଚିକିନିକି ଜାନାଇବାଟା । ୧୭:୧;୧୭:୧୮
- ୬. ସରଗ୍‌ପୁରେ ପର୍‌ମେସର୍ ତାର୍ ସଡ଼ୁ ସଙ୍ଗ୍ ଜୁଇଦ୍ କରି ଜିଡ଼ବାଟା । ୧୭:୧;୨୦:୧୫
- ୭. ନୁଆ ସରଗ୍ ଆରି ନୁଆ ଜଗଡ଼ । ୨୧:୧;୨୨:୨୧

୧ ଜାଇ ଜାଇଟା ଦାପ୍‌ରେ ଗଟ୍‌ବାକେ ଗାଲାନି, ପର୍‌ମେସର୍ ଜିସୁ କିରିସ୍ଟକେ ଜାନାଇ ରଇବା ବିସଇ ଏ ବଇଟାନ୍‌ନେ ଲେକାଅଇ ଆଟେ । ସେ ସବୁ ବିସଇ ତାର୍ ଦାଙ୍ଗ୍‌ଡାମନ୍‌କେ ଜାନାଇବାକେ ପର୍‌ମେସର୍ ତାକେ ଜାନାଇଲା । ତେବର୍‌ପାଇ ମୁଇ ଜଅନ୍ ଜେ କି ତାର୍ ସିସ୍ ଅଇଲିଆଟି, ମକେ ଜାନାଇବାକେ କିରିସ୍ଟ ତାର୍ ଦୁଡ଼କେ ପାଟାଇଲାଆଟେ । ୨ ଆରି ମକେ ଜେଡ଼କି ବିସଇ ଦେକାଇରଇଲା, ମୁଇ ସେଟାମନ୍ ସବୁ ଲେକିଆଟି । ଆରି ଏ ସବୁ ଜିସୁ କିରିସ୍ଟ ଜାନାଇରଇବା ପର୍‌ମେସରର୍ ସଡ଼ ବାକିଅ ବଲି ମୁଇ ତାଟ୍ ସଙ୍ଗ୍ କଇଲିନି । ୩ ଏ ବଇ ପଡ଼ିକରି ତେଇ ଲେକାଅଇରଇବା ଆଗ୍‌କେ ଗଟ୍‌ବା କାତାମନ୍ ବୁଜିକରି ମାନ୍‌ବା ଲକ୍‌ମନ୍ କେତେକ୍ କରମର୍ ଲକ୍‌ମନ୍ ! କାଇକେବଇଲେ ଏ ସବୁ ବିସଇ ଗଟ୍‌ବା ବେଲା କେଟ୍‌ଲା ।

### ସାଡ଼ଟା ମଣ୍ଡଲିକେ ଜୁଆର୍

୪ \*ମୁଇ ଜଅନ୍ ଆସିଆ ରାଇଜେ ରଇବା ସାଡ଼ଟା ମଣ୍ଡଲିକେ ଲେକ୍‌ଲିନି । ପର୍‌ମେସର୍ ଟାନ୍‌ନେଅନି ଆସିରଇବା ଜିବନ୍ ଦୁକାଇଲାଟା ଆରି ସାନ୍ତି ତମ୍‌କେ ମିଲ । ସେ ଏବେ ଆଟେ । ଆଗ୍‌ତୁ ମିସା ରଇଲା ଆରି କାଲ୍ କାଲ୍ ଜୁଗ୍ ଜୁଗ୍ ରଇସି । ସେ ବସିରଇବା ଜାଗାର୍ ମୁଆଟର୍ ସାଡ଼ଟା ଆଡ଼ମାମନ୍ ଟାନ୍‌ନେଅନି \* ଆରି ଜିସୁକିରିସ୍ଟ ଟାନ୍‌ନେଅନି । ସେ ଆକା ପର୍‌ମେସରର୍ ବିସଇର୍ ସଡ଼ ସାକି ଦେଇପାର୍‌ସି । ମଲା ଲକ୍‌ମନ୍‌ଟାନ୍‌ନେଅନି ତାକେସେ ପର୍‌ତୁମ୍ ଉଟାଇରଇଲା । ଏ ଜଗଡ଼ର୍ ସାସନ୍‌କାରିଆମନ୍ ଉପ୍‌ରେ

\* ୧:୪ ୧:୪ ପଢ଼କାସିତ ୪:୫

ରଇବା ସାସନକାରିଆ । ସେ ଆମ୍ଭଙ୍କେ ଆଲାଦ୍ କଲାନି । ଆମ୍ଭଙ୍କ ପାଇଁ ଗଟେକ୍ ବଲି ଇସାବେ ମଲାକେ ଆମ୍ଭଙ୍କ ପାପେଅନି ସେ ଆମ୍ଭଙ୍କେ ମୁକ୍ତକଲାଇଆଟେ । ୭ \*ତାର୍ ବାବା ପରମେସରକେ ସେବା କରବାପାଇ ସେ ଆମ୍ଭଙ୍କେ ଗଟେକ୍ ରାଜାର୍ କୁଚୁମେ ପୂଜାରି କଲାଆଟେ । ସେ କାଲ୍ କାଲ୍ ଜୁଗ୍ ଜୁଗ୍ ବପୁ ଆରି ମଇମା ପାଅ । ଆମେନ୍ । ୭ \*ଏଦେ ଦେକା ! ସେ ମେଗ୍ମାଲାଇ ବସି ଆଇଲାନି । ଗୁଲାଇ ଲକ୍ମନ୍ ତାକେ ଦେକ୍ବାଇ । ତାକେ କୁରୁସ୍କାଟେ କୁଟି ମାରିରଇବା ଲକ୍ମନ୍ ମିସା ଦେକ୍ବାଇ । ଏ ଜଗତେ ରଇବା ସବୁ ଲକ୍ମନ୍ ତାରଲାଗି ଦୁକ୍ କରବାଇ । ସେଟା ସେନ୍ତାରିସେ ଅଇସି । ଆମେନ୍ !

୮ \*ମାପରୁ ପରମେସର ସବୁରଟାନେଅନି ଅଦିକ୍ ବପୁରଟା । ସେ ଏବେ ମିସା ଆଟେ । ସେ ଆଗତୁ ରଇଲା । ଆରି କାଲ୍ କାଲ୍ ଜୁଗ୍ ଜୁଗ୍ ରଇସି । ସେ କଇଲାଆଟେ “ଆରାମେଅନି ସବୁ ବିସଇ କରବା ଲକ୍ ମୁଇ, ଆରି ସାରାଇବା ଲକ୍ ମିସା ମୁଇସେ ।”

**କିରିସ୍ଟ ଦରସନ୍ ଦେଲା**

୯ “ମୁଇ ଜଅନ୍, ତମର୍ ବିସବାସର୍ ଲାଗି ବାଇ ଅଇଲିଆଟି । ଜିସୁର୍ ସଙ୍ଗ୍ ଆମେ ମିସିଆରୁକେ, ତାର ରାଇଜେ ରଇବା ଲକ୍ମନ୍ ପାଇ ଆସିରଇବା ସବୁ ଦୁକ୍ କସଟଗାନେ ମୁଇ ତମର୍ ସଙ୍ଗ୍ ମୁରଟିକରି ଆଟି । ଚାରିବେଟ୍ଟି ସମ୍ପଦୁର୍ ରଇକରି ମଜାଇ ରଇବା ପାଡ଼ମସ୍ ବଲି ଗଟେକ୍ ରାଇଜେ ମକେ ନେଇରଇଲା । ମୁଇ ପରମେସରର୍ କାତା ଆରି ଜିସୁ ଦେଇରଇବା ସିକିଆ ଜାନାଇରଇଲିଜେ, ମକେ ସେନ୍ତାରି କଲା । ୧୦ ଆମେ ମିସିକରି ତାକେ ଆରାଦନା କରବା ମାପରୁର୍ ଦିନେ, ତାର୍ ଆଡ଼ମା ମକେ ଦାରିରଇଲା । ଆରି ଜବର୍ ଅଇତେ ମଇରି ବାଜ୍ଲା ପାରା ମର୍ ପଟ୍ଟାଟେ ସୁନ୍ଲି । ୧୧ ତୁଇ ଦେକ୍ଲାଟା ବଇଟାନେ ଲେକ୍ ଆରି ଏପିସିୟ, ସୁରନା, ପରଗାମା, ତିଆଟିରା, ସାର୍ଦି, ପିଲାଦେଲ୍ପିଆ ଆରି ଲାଉଦିକିଆଇ ମଣ୍ଡଲିଡେଇ ପାଟାଆ ବଲି ସେ ସବଦ୍ ସୁନ୍ଲି ।”

୧୨ ସେ ସବଦ୍ ସୁନ୍ଲାଇକେ, କେ କାତାଅଇଲାନି, ଦେକ୍ବି ବଲି ପାସଲ୍ଲି ଆରି ସାଡ଼ଟା ସୁନାର୍ ବଡି ତାଣ୍ଡି ଦେକ୍ଲି । ୧୩ ତାର୍ ମଜାଇ ନର୍ ପାରା ତିସ୍ତେରଇବା ଗଟେକ୍ ଲକ୍ମକେ ଦେକ୍ଲି । ତାର୍ ପାଦ୍ଜାକ ଅଇବା ଗଟେକ୍ ଡେଙ୍ଗ୍ ଲୁଗା ପିନ୍ଧିରଇଲା । ତାର୍ ବୁକ୍ତଲେ ଗଟେକ୍ ସୁନାର୍ ବେଲ୍ଟୁ ବାନ୍ଧି ରଇଲା । ୧୪ ତାର୍ ମୁଣ୍ଡୁର୍ ଚେଣ୍ଡି ଦଇଲା ଚାଉଲ୍ ଆରି ଦୁଦ୍ପାରା ଦବ୍ ରଇଲା । ଆରି ତାର୍ ଆଁକି ଲାଗତେ ରଇବା ଜଇ ପାରା ଗଜ୍ଜାଜି ଜାଇତେ ରଇଲା । ୧୫ ତାର୍ ପାଦର୍ ରେଡି ପିତଲ୍ ପାରା ଜଗ୍ଜାଗି ଜାଇତେରଇଲା, ଜନଟାକି ଜଇଟାନେ ପରିତଲ୍ ଅଇ ସୁନ୍ଦର୍ କରି ରେଡ୍ଲାପାରା । ଆରି ତାର୍ ସବଦ୍ ଅଦର୍ତେରଇବା ଜର୍ନା ପାନିର୍ ସବଦ୍ପାରା ଜବର୍ ସବଦ୍ ଅଇତେରଇଲା । ୧୬ ସେ ତାର୍ ଉଜା ବାଟର୍ ଆତେ ସାଡ଼ଟା ତାରା ଦାରି ରଇଲା, ଆରି ତାର୍ ଟଣ୍ଡେ ଅନି ଦୁଇବାଟେ ଦାର୍ ରଇବା ତିପ୍ତିପା କାଣ୍ଡା ବାରଇତେ ରଇଲା । ଆରି ତାର୍ ମୁଁ ମୁଇଦାନିଆର୍ ବେଲ୍ପାରା ଜଲ୍ଲି ଜାଇତେ ରଇଲା । ୧୭ \*ତାକେ ଦେକିକରି ମୁଇ ମଲାପାରା ଅଇକରି ତାର୍ ପାଦ୍ତଲେ ଅଦ୍ରି ଗାଲି । ତାର୍ ପଟେ ସେ ମର୍ ଉପରେ ତାର୍ ଉଜା ଆଡ଼ ସଙ୍ଗ୍ କରା କଇଲା, ତର୍ନାଇ, ମୁଇସେ ଆରାମ୍ ମୁଇସେ ସେସ୍ । ୧୮ ମୁଇସେ ଜିବନ୍ ରଇବା ଲକ୍ । କାଇକେବଇଲେ ମୁଇ ମରିରଇଲି ମିସା ଦେକା କାଲ୍ କାଲ୍ ଜୁଗ୍ ଜୁଗ୍ ବଟିକରି ଆଟି । ମର୍ ଆତେ ମରନର୍ ଆରି ପାତାଲର୍ କୁଟିକାଡି ଆଟେ । ମରିରଇବା ସବୁ ଲକ୍ମନ୍ ଉପରେ ଆରି ମଲାଲକ୍ମନ୍କେ କନ୍ତ୍ରି ପାଟାଇବାର୍, ସେଟା ମର୍ ଅଦିକାର୍ଆଟେ । ୧୯ ଡେବର୍ ପାଇ ତମେ ଏବେ ଜାଇଜାଇଟା ଦେକି ଆଗାସ୍ ଆରି ଜାଇଜାଇଟା ଏବେ ଗଟ୍ଲାନି ଆରି ପଟ୍ଟକେ ଗଟ୍ଟି, ସେଟା ସବୁ ଲେକିକରି ସଙ୍ଗୁଆ । ୨୦ ମର୍ ଉଜାବାଟେ ରଇବା ସାଡ଼ଟା ତାରା ଆରି, ସାଡ଼ଟା ସୁନାର୍ ବଡି ତାଣ୍ଡିର୍ ଅରଡ଼ ମୁଇ ତମ୍ଭଙ୍କେ କଇଦେବି । ସେ ସାଡ଼ଟା ବଡିତାଣ୍ଡି ଅଇଲାନି ସାଡ଼ଟା ମଣ୍ଡଲି । ସାଡ଼ଟା ତାର୍ମନ୍ ଅଇଲାଇନି, ସାଡ଼ଟା ମଣ୍ଡଲିର୍ ଦାଇଡ଼ ନେବା ଦୁଡ଼ମନ୍ ।

**୨**

**ଏପିସି ମଣ୍ଡଲିର୍ କାତା**

୧ ସେ କଇଲା, ଏପିସସ୍ ମଣ୍ଡଲିକେ ଦେକାରକା କରବା ଦୁଡ଼କେ ଲେକା । ଏ କବର୍ ମର୍ଟଗାନେଅନି ପାଟାଇଲିନି । ସାଡ଼ଟା ତାରାକେ ମୁଇ ମର୍ ଉଜାବାଟେ ଦାରିରଇବି । ସାଡ଼ଟା ସୁନାର୍ ବଡିତାଣ୍ଡି ମଜାଇ ଇଣ୍ଡିଡେରଇବି । ୨ ମୁଇ ତମର୍ ଚଲାଟଲ୍ଡି ଜାନି । ତମେ ଆବଡ଼ ଅଇ ପାଇଟି କରବାଟା ଆରି ଦୁକ୍ କସଟ ଆଇଲେ ମିସା ମୁରଟି କରି ରଇବାଟା ମୁଇ ଜାନି । କରାପ୍ ଲକ୍ମନ୍ କାମ୍ ତମ୍ଭଙ୍କେ ସାର୍ଦା ନ କରାଏ ବଲି ମୁଇ ଜାନି । ଜନ୍ ଲକ୍ମନ୍ ଆମେ ପେରିଡ଼ସିସ୍ ବଲି ନାଡାଇଲାଇନି, ସେମନ୍ ସଡ଼ କି ମିଟ୍ ବଲି ତମେ ପରିକା କରିଆଟାସ୍ । ସେମନ୍ ମିଟ୍ କଇଲାଇନି ବଲି ତମେ ଜାନିଆଟାସ୍ । ୩ ଦୁକ୍ କସଟ ଆଇଲେ ମିସା ମର୍ ଲାଗି ମୁରଟିକରି ରଇଲାସିନି । ଆରି ବିସବାସ୍ ଚାଡ଼ାସନାଇ । ୪ ମାଡର୍ ତମର୍

\* ୧:୭ ୧:୭ ପଢ଼କାସିତ ୫:୧୦ \* ୧:୭ ୧:୭ ମାଡିଉ ୨୪:୩୦; ମାର୍କ ୧୩:୨୭; ଲୁକ୍ ୨୧:୨୭; ୧ନ ଡେସଲନିକିୟ ୪:୧୭; ଜଅନ୍ ୧୯:୩୪,୩୭; ମାଡିଉ ୨୪:୩୦ \* ୧:୮ ୧:୮ ପଢ଼କାସିତ ୨୨:୧୩ \* ୧:୧୭ ୧:୧୭ ପଢ଼କାସିତ ୨:୮;୨୨:୧୩



ଚଲାଚଲୁଡିତେଇ ମକେ ଗଟେକ୍ ବିସଇ ବଲ୍ ନ ଲାଗେ । ସେଟା ଅଇଲାନି ଆଗେ ତମେ ମକେ ଜେନ୍ତି ଆଲାଦ୍ କର୍ତେରଇଲାସ୍, ଏବେ ସେନ୍ତାରି କରାସ୍ ନାଇ । <sup>୫</sup> ମର୍ପାଇ ରଇବା ତାଟ୍ ଆଲାଦ୍ ମନେ ଏତାଆ । ପାପେଅନି ବାଉଡା । ଆରି ଆଗତୁ କର୍ତେରଇବା ନିକ କାମ୍ମନ୍ କରା । କାଇକେବଇଲେ ତମେ ପାପେଅନି ନ ବାଅଡୁଲେ, ମୁଇ ତମର୍ଟାନେ ଆଇବି ଆରି ତମର୍ ବଡିଡାଣ୍ଟି ଗଟେକ୍ ଜାଗାଇଅନି ଆରି ଗଟେକ୍ ଜାଗାଇ ଗୁଟାଇଦେବି । <sup>୬</sup> ମାତର୍ ତମର୍ ଗଟେକ୍ ବିସଇ ମକେ ନିକ ଲାଗସି । ତମେ ନିକଲାତିଅର୍ ଲକ୍ମନ୍ କରବା କାମ୍ ଗିନ୍ କରସା । ଜନ୍ଟାକି ମୁଇମିସା ବେସି ଗିନ୍ କରବି । <sup>୭</sup> ଆଡୁମା ମଣ୍ଡଲିମନ୍କେ କଇବାଟା ମନ୍ଦିଆନ୍ ଦେଇକରି ସୁନା । ଜେ ଜିଡସି, ତାକେ ମୁଇ ପର୍ମେସରର୍ ବାଡେ ପଲିରଇବା ଜିବନ୍ ଗଟର୍ ପଲ୍ କାଇବାକେ ଦେବି ।

**ସୁମର୍ନା ମଣ୍ଡଲିର୍ କାତା**

<sup>୮</sup> <sup>୫</sup>ସୁମର୍ନା ମଣ୍ଡଲିକେ ଦେକାରକା କର୍ତେରଇବା ଦୁଡକେ ଲେକା । ଏ କବର୍ ମର୍ଟାନେଅନି ପାଟାଇଲିନି । ଆରାମେଅନି ସବୁ ବିସଇ କରବା ଲକ୍ ମୁଇ ଆରି ସାରାଇବା ଲକ୍ ମିସା ମୁଇସେ । ମୁଇ ମରିରଇଲି ଆରି ଜିବନ୍ ଅଇକରି ଉଟ୍ଲି । <sup>୯</sup> ତମର୍ ଦୁକ୍‌କସ୍ଟ ମୁଇ ଜାନି । ତମେ ଅର୍କଡ୍ ବଲି ମୁଇ ଜାନି । ମାତର୍ ସତଇସେ ତମେ ସାଉକାର୍ ଲକ୍ । ଜିଉଦିମନ୍ ତମର୍ କାରାପ୍ ବିସଇ କଇଲାଇନି ବଲି ମୁଇ ଜାନି । ମାତର୍ ସେମନ୍ ଆମେ ଜିଉଦି ବଲି କଇଲେମିସା ସତ୍‌ସେ ସେମନ୍ ପର୍ମେସରର୍ ଲକ୍ ନଅଡ୍ । ମାତର୍ ସଇତାନ୍ ଦଲର୍ ଲକ୍ । <sup>୧୦</sup> ତମେ ଜେଡକି ଦୁକ୍ କସ୍ଟ ମୁର୍ଟିକରି ରଇବାକେ ଗାଲାସ୍, ସେ ବିସଇ ଚିନ୍ତା କରି ତରାନାଇ । ସୁନା ତମକେ ସଇତାନ୍ ବନ୍ଦିଗରେ ପାକାଇକରି ପରିକା କରସି, ଦସ୍‌ଦିନ୍ ଜାକ ତମେ କସ୍ଟେ ରଇସା । ମାତର୍ ମର୍ବାକେ ପଡୁଲେ ମିସା ମକେ ବିସ୍‌ବାସ୍ କରି ରୁଆ । ଆରି ଇନାମ୍ ଇସାବେ ତମ୍‌କେ ନ ସାରବା ଜିବନ୍ ଦେବି ।

<sup>୧୧</sup> <sup>୫</sup>ଆଡୁମା ମଣ୍ଡଲିମନ୍କେ କଇବାଟା ମନ୍ଦିଆନ୍ ଦେଇ ସୁନା । ଜନ୍ ଲକ୍ କାରାପ୍‌କେ ଆରାଇକରି ଜିଡସି, ପଟର୍ ମରନେ ସେମନ୍ ତଣ୍ଟ ନ ପାଅଡ୍ ।

**ପର୍ଗାମ ମଣ୍ଡଲିର୍ କାତା**

<sup>୧୨</sup> ପର୍ଗାମ ମଣ୍ଡଲିକେ ଦେକାରକା କର୍ତେରଇବା ଦୁଡକେ ଲେକା । ଏ କବର୍ ମର୍ଟାନେଅନି ପାଟାଇଲିନି । ଦୁଇବାଟେ ଦାର୍ ରଇବା ଲାଗନ୍ କାଣ୍ଟା ମର୍ଟାନେ ଆଟେ । <sup>୧୩</sup> ତମେ ଜନ୍ ନଅରେ ରଇଲାସ୍, ସେଟା ସଇତାନର୍ ସାସନର୍ ଜାଗା ବଲି ମୁଇ ଜାନି । ମାତର୍ ସେନ୍ତାର୍ ଅଇଲେମିସା, ତମେ ମକେ ବିସ୍‌ବାସ୍ କଲାସିନି । ବିସ୍‌ବାସେ ମର୍କାମ୍ କରବା ଦାଙ୍ଗଡା ଆକ୍ତିପା ମର୍ ବିସଇ ସାକି ଦେଲାକେ ମରାଇରଇଲା । ତମେ ରଇବା ସଇତାନର୍ ନଅରେ ତାକେ ମରାଇରଇଲେ ମିସା ତମେ ବିସ୍‌ବାସ୍ ଚାଡାସ୍‌ନାଇ । <sup>୧୪</sup> ମାତର୍ ତମର୍ ଚଲାଚଲୁଡିଟାନେ କେତଟା ବିସଇ ମର୍ ମନ୍‌କେ ଜାଏନାଇ । କାଇକେବଇଲେ ତମର୍ ବିଡରେ କେତେକ୍ ଲକ୍ ବାଲାମର୍ ସିକିଆ ମାନ୍‌ଲାସିନି । ଇସ୍‌ରାଏଲର୍ ଲକ୍ମନ୍‌କେ ପାପବାଟେ ଡାକିନେବାକେ, ସେ ବାଲାକ୍‌କେ ସିକାଇରଇଲା । ସେମନ୍‌କେ ମୁର୍ଡିମନ୍‌କେ ସର୍ପି ଦେଇରଇବା କାଦି କାଇବାକେ ଆରି ବେସିଆ କାମ୍ କରବାକେ ସେ ସିକାଇତେରଇଲା । <sup>୧୫</sup> ସେନ୍ତାରିସେ ତମର୍ ବିଡରେ କେତେଲକ୍ ନିକଲାତିୟମନ୍‌ର ସିକିଆ ମିସା ମାନ୍‌ଲାସିନି । <sup>୧୬</sup> ଏବେ ତମର୍ ପାପେଅନି ବାଉଡା । ନଇଲେ ମୁଇ ତମର୍ଟାନେ ଦାପ୍‌ରେ ଆଇବି । ଆରି ମର୍ ଟଣ୍ଟେଅନି ବାରଇବା କାଣ୍ଟା ସଙ୍ଗ୍ ମୁଇ ସେ ଲକ୍ମନ୍‌ର ବିରୁଦେ ଜୁଇଦ୍ କରବି ।

<sup>୧୭</sup> <sup>୫</sup>ଆଡୁମା ମଣ୍ଡଲିମନ୍‌କେ କଇବାଟା ମନ୍ଦିଆନ୍ ଦେଇ ସୁନା । ଜେ ଜିଡସି, ସେମନ୍‌କେ ଲୁଟାଇକରି ସଙ୍ଗଇରଇବା ମାନା ଦେବି । ନୁଆ ନାଉଁ ଲେକିରଇବା ଗଟେକ୍ ଦବ୍ ପାକ୍‌ନା ମିସା ସେମନ୍‌କେ ଦେବି ।

**ତିଆଟିରା ମଣ୍ଡଲିକେ କବର୍**

<sup>୧୮</sup> ତିଆଟିରା ମଣ୍ଡଲିକେ ଦେକାରକା କର୍ତେରଇବା ଦୁଡକେ ଲେକା । ପର୍ମେସରର୍ ପଅ ମୁଇ ଏ କବର୍ ମର୍ଟାନେଅନି ପାଟାଇଲିନି । ମର୍ ଆଁକି ଜଇପାରା ଜଗ୍‌ଜଗି ଗାଲାନି ଆରି ପାଦ୍ ରେଡିରଇବା ପିତଲ୍‌ପାରା ଆଟେ । <sup>୧୯</sup> ତମର୍ ଚଲାଚଲୁଡି ମୁଇ ଜାନି । ତମର୍ ଆଲାଦ୍, ସଡ୍ ସଙ୍ଗ୍ କାମ୍ କରବାଟା, ସେବା କରବାଟା ଆରି ମୁର୍ଟିକରି ରଇବାଟା ମୁଇ ଜାନି । ଆଗତୁର୍ ଟାନେଅନି ଏବେ ଅଦିକ୍ ନିକ କଲାସିନି ବଲି ମୁଇ ଜାନି । <sup>୨୦</sup> ମାତର୍ ତମର୍ ଚଲାଚଲୁଡିତେଇ ଗଟେକ୍ ବିସଇ ମର୍ ମନ୍‌କେ ଜାଏନାଇ । ସେ ଜେଜେବଲ୍ ନାଉଁର୍ ମାଇଜିକେ ତମର୍ ଦଲେ ମିସାଇଲାସ୍ । ମୁଇ ନିଜେ ପର୍ମେସରର୍ ଦୁଡ୍ ବଲାଇଅଇଲାନି । ମର୍ ଗତିଦାଙ୍ଗଡାମନ୍‌କେ ସେ ବେସିଆ କାମ୍ କରବାକେ ସିକାଇଲାନି । ମୁର୍ଡିମନ୍‌କେ ସର୍ପିଦେଇରଇବା କାଦି ମିସା କାଇବାକେ କଇଲାନି । <sup>୨୧</sup> ପର୍ମେସର୍ ଟାନେ ବାଉଡ ବଲି ମୁଇ ତାକେ ଜାଗ୍‌ଲି, ମାତର୍ ତାର୍ ବେସିଆ କାମ୍ କରବାକେ ସେ ମନ୍ କଲା । <sup>୨୨</sup> ଡେବର୍‌ପାଇ ମୁଇ ତାକେ ବଡ୍

☆ ୨:୨ ୨:୭ ପର୍କାସିତ ୨୨:୨ ☆ ୨:୮ ୨:୮ ପର୍କାସିତ ୧:୧୭;୨୨:୧୩ ☆ ୨:୧୧ ୨:୧୧ ପର୍କାସିତ ୨୦:୧୪;୨୧:୮ ☆ ୨:୧୭ ୨:୧୭ ଜଅନ୍ ୬:୪୮-୫୦

ବେମାର ଦାରାଇବି । ଜେନ୍ତାରି କି ସେ ସଇଲାତେଇଅନି ଉଟିନାପାରେ । ତାର ସଙ୍ଗେ ଜେଡ଼କି ଲକ୍ମନ ପାପ କରିରଇଲା, ମୁଇ ସେମନକେ ବେସି ଦୁକ୍ କସଟ ଦେବି । ତାର କରାପ ଚଲାଚଲ୍ତିଟାନେ ମିସିରଇବା ଜେଡ଼କି ଲକ୍ମନ ନ ବାଉଡ଼ଲେ, ଏ ସବୁଜାକ ମୁଇ ଏବେସେ କରବି । ୨୩ ତାରବାଟେ ଜାଇତେରଇବା ସବୁ ଲକ୍ମନକେ ମୁଇ ମରାଇବି । ସେନ୍ତାରି ସବୁ ଲକ୍ମନ ଚିନ୍ତା ଆରି ମନ ଜାନ୍‌ବା ଲକ୍ମ ମୁଇସେ ବଲି ସବୁ ମଣ୍ଡଲି ଜାନ୍‌ବାଇ । ତମେ କରିରଇବା କାମ୍ ଇସାବେ ମୁଇ ତମକେ ବାଉଡ଼ାଇବି ।

୨୪ ମାତର୍ ତିଆଟିଆଇ ରଇବା, ତମେ ବାକି ଲକ୍ମନ ଏ କରାପ୍ ସିକିଆ ମାନାସନାଇ । ସଇତାନର୍ ଟିକିନିକି ସିକିଆ ବଲି ଲକ୍ମନ ମାନ୍‌ବା ସିକିଆ ତମେ ମାନାସନାଇ । ତେବର୍ପାଇ ତମେ ମାନ୍‌ବାକେ ବେସି ଆଦେସ୍ ମୁଇ ନ ଦେଇ । ୨୫ ମାତର୍ ମୁଇ ଆଇବା ଜାକ ତମେ ବିସ୍‌ବାସ୍ କଲାଟା ଡାଟ୍ ସଙ୍ଗେ ଦାରିରୁଆ । ୨୬ ଜେଡ଼କି ଲକ୍ମ ଜିତିକରି ସାରାସାରି ଜାକ ରଇବାଇ, ମୁଇ ମର୍ ବାବାଟାନେଅନି ପାଇରଇବା ସମାନ୍ ଅଦିକାର ସେମନକେ ଦେବି । ୨୭ ରାଇଜମନକେ ଲୁଆର୍ ଡାଙ୍ଗସଙ୍ଗେ ସାସନ୍ କରି ମାଟିର୍ ଆଣ୍ଡିପାରା ବାଙ୍ଗାଇବାକେ ମୁଇ ଅଦିକାର ଦେବି । ୨୮ ଆରି ମୁଇ ସେମନକେ ସାକ୍‌ଲିଆ ବେଲର୍ ତାରା ଦେବି । ୨୯ ଆଡ଼ମା ମଣ୍ଡଲିମନକେ କଇବାଟା ମନ୍ ଦିଆନ୍ ଦେଇ ସୁନା ।

### ୩

#### ସାରଦି ମଣ୍ଡଲିକେ କବର୍

୧ ସାରଦି ମଣ୍ଡଲିକେ ଦେକାରକା କରବା ଦୁଡ଼କେ ଲେକା । ଏ କବର୍ ମୁଇ ପାଟାଇଲିନି । ପର୍ମେସରର୍ ସାଡ଼ଟା ଆଡ଼ମା ଆରି ସାଡ଼ଟା ତାରା ମର୍ଲଗେ ଆଟେ । ତମର୍ ଚଲାଚଲ୍ତି ମୁଇ ଜାନି । ଲକ୍ମନ ଦେକ୍‌ବା ଇସାବେ, ତମେ ଆଡ଼ମାଇ ଜିବନ୍ ଆଟାସ୍ । ମାତର୍ ପର୍ମେସର୍ ଦେକ୍‌ବା ଇସାବେ ମରିଆଟାସ୍ । ୨ ତେବର୍ପାଇ ସଇଲାତେଇଅନି ଉଟା । ତମର୍ ଦୁର୍‌ବଲ୍ ବିସ୍‌ବାସ୍ ଡାଟ୍ କରା । ନଇଲେ ସେଟା ପୁରାପୁରୁନ୍ ମରିଜାଇସି । କାଇକେବଇଲେ ମୁଇ ଜାନି ଜେ ପର୍ମେସର୍ ତମର୍ ଟାନେ ସାରଦା ଅଇଲାପାରା ତମର୍ କାମ୍ ସିଦ୍ ଅଏନାଇ । ୩ ତମେ ଜନ୍ ସିକିଆ ସିକିଆଟାସ୍, ଆରି ଜନ୍‌ଟା ସୁନି ଆଟାସ୍, ସେଟା ଏତାଆ । ସେଟା ମାନିକରି ତମର୍ ପାପେଅନି ବାଉଡ଼ା । ସଇଲାତେଇଅନି ନ ଉଡ଼ଲେ ମୁଇ ଚର୍ ପାରା ଆସି ତମକେ ଡ଼େ ଦେବି । ମୁଇ କେଡେବେଲେ ଆଇବି, ସେଟା ତମେ ଜାନିନାପାରାସ୍ । ୪ ମାତର୍ ସାରଦିସେ ରଇବା ତମର୍ ବିଡ଼ରେ କେଡେଲକ୍ ବସ୍‌ତର୍ ପରିଚଲ୍ କରି ଆଟାସ୍ । ମୁଇ ଆଇବା ଦିନମନକେ ସୁକଲ୍ ବସ୍‌ତର୍ ପିନ୍‌କରି ମର୍ ସଙ୍ଗେ ଇଣ୍ଡିଆ । କାଇକେ ବଇଲେ ତମେ ସେଟା କର୍‌ବାକେ ଅଦିକାର ପାଇ ଆଡୁସ୍ । ୫ ଜେ ଜିଡ଼ସି ସେ ଏ ରକାମ୍ ସୁକଲ୍ ବସ୍‌ତର୍ ପିନ୍‌ସି । ଆରି ମୁଇ ଜିବନ୍ ବଇଲଗେଅନି ଜେନ୍ତୁଆଲେ ମିସା ତମର୍ ନାଉଁ ନ ଲିବାଇ । ମର୍ ବାବା ଆରି ତାର ଦୁଡ଼ମନର୍ ମୁଆଟେ ତମର୍ ନାଉଁ ମର୍ ଲକ୍ମନ ବଲି ସର୍ପି ଦେବି । ୬ ଆଡ଼ମା ମଣ୍ଡଲିମନକେ କଇବାଟା ମନ୍ ଦିଆନ୍ ଦେଇ ସୁନା ।

#### ପିଲାଦେଲ୍‌ପିଆ ମଣ୍ଡଲିକେ କବର୍

୭ ପିଲାଦେଲ୍‌ପିଆ ମଣ୍ଡଲିକେ ଦେକାରକା କରବା ଦୁଡ଼ର୍ ଲଗେ ଲେକା । ଏ କବର୍ ମୁଇ ପାଟାଇଲିନି । ମୁଇ ସୁକଲ୍ ଆରି ସଡ଼ । ଦାଉଦ୍ ରାଜାର କୁଟିକାଡ଼ି ମର୍ଟାନେ ଆଟେ । ମୁଇ ଉଗାଡ଼ଲେ, କେ ମିସା ଡାବି ନାପାରଡ଼ । ଆରି ମୁଇ ଡାବ୍‌ଲେ କେ ମିସା ଉଗାଡ଼ି ନାପାରଡ଼ । ୮ ମୁଇ ତମର୍ ଚଲାଚଲ୍ତି ଜାନି । ତମକେ ଅଲପ୍ ସେ ବପୁ ଆଟେବଲି ମିସା ଜାନି । ମାତର୍ ମର୍ ସିକିଆ ତମେ ମାନିଆଟାସ୍ ଆରି ସଡ଼ସେ ମର୍ ସିକିଆ ମାନ୍‌ଲାସ୍ । ତେବର୍ପାଇ ମୁଇ ତମର୍ ମୁଆଟେ ଗଟେକ୍ କାପାଟ୍ ଉଗାଡ଼ିଆଟି । ସେଟା କେ ମିସା ଡାବିନାପାରଡ଼ । ୯ ସୁନା ତମର୍ ବିଡ଼ରେ କେଡେଟା ଜିଉଦିମନ୍ ସଇତାନର୍ ଦଲେ ମିସିଆଟଡ଼ । ମାତର୍ ସେମନ୍ ଜିଉଦିଲକ୍ ନଅଡ଼ । ଆଇବା ଗଟେକ୍ ଦିନେ ମୁଇ ସେମନକେ ତମର୍ଟାନେଅନି ମାଣ୍ଡିକୁଟା ଦିଆଇବି । ମୁଇ ତମକେ ଆଲାଦ୍ କଲିନି ବଲି ସେମନ୍ ଜାନ୍‌ବାଇ । ୧୦ ଦୁକ୍ କସଟ ଆଇଲାବେଲେ ମୁର୍ଚିକରି ରୁଆ ବଲି ମୁଇ ତିଆର୍ଲାଟା ତମେ ମାନ୍‌ଲାସ୍ । ସେଟାପାଇ ଜଗତର୍ ସବୁ ଲକ୍ମକେ ପରିକା କର୍‌ବାକେ ଦୁକ୍ କସଟ ଆଇବା ବେଲାଅନି ମୁଇ ମିସା ତମକେ କାଇଟା ନ ଆଇବାକେ ରକିଆ କରି ସଙ୍ଗାଇବି । ୧୧ ମୁଇ ଦାପ୍‌ରେ ଆଇଲିନି । ଜନ୍ ସଡ଼ ସିକିଆ ତମେ ପାଇଆଟାସ୍, ସେଟା ମାନିକରି ରୁଆ । ଜେନ୍ତାରି କି ତମର୍ ଇନାମ୍ କେ ମିସା ଚରାଇନେଇ ନାପାରଡ଼ । ୧୨ ଜେ ଜିଡ଼ସି, ମୁଇ ତାକେ ଆମର୍ ପର୍ମେସରର୍ ମନ୍‌ରର୍ ମୁଲ୍‌ଡେଲି କରବି । ଆରି ସେମନ୍ ତେଇଅନି କେବେ ମିସା ଚାଡ଼ି ନ ଜାଅଡ଼ । ତାକର୍ ଉପ୍‌ରେ ମୁଇ, ମର୍ ପର୍ମେସରର୍ ନଅରର୍ ନାଉଁ ଆରି ନୁଆ ଜିରୁସାଲମର୍ ନାଉଁ ଲେକ୍‌ବି ।

☆ ୩:୩ ମାତିଉ ୨୪:୪୩,୪୪; ଲୁକ୍ ୧୨:୩,୪୦; ପର୍କାସିତ ୧୬:୧୫ ☆ ୩:୫ ୩:୫ ପର୍କାସିତ ୨୦:୧୨; ମାତିଉ ୧୦:୩୨; ଲୁକ୍ ୧୨:୮ ☆ ୩:୧୨ ୩:୧୨ ପର୍କାସିତ ୨୧:୨

ସେଟା ମର୍ ପରମେସରର ଟାନେଅନି ସର୍ଗେଅନି ଉଡ଼ରି ଆଇସି । ତାକର୍ ଉପରେ ମିସା ମର୍ ନୁଆ ନାଉଁ ଲେକ୍‌ବି ।

୧୩ ଆଡ଼ମା ମଣ୍ଡଲିମନ୍‌କେ କଇବାଟା ମନ୍ ଦିଆନ୍ ଦେଇ ସୁନା ।

**ଲାଉଦିକିଆ ମଣ୍ଡଲିକେ କବର୍**

୧୪ ଲାଉଦିକିଆ ମଣ୍ଡଲିକେ ଦେକାରକା କରବା ଦୁଡ଼କେ ଲେକା । ଏ କବର୍ ମୁଇ ପାଟାଇଲିନି । ମୁଇ ଅଇଲିନି, ଆମେନ୍ । ମୁଇ ଅଇଲିନି ସଡ଼ ବିସ୍‌ବାସର୍ ସାକି । ମର୍ଟାନେ ଅନି ପରମେସର୍ ସବୁ ବିସଇ ତିଆରକଲା । ୧୫ ମୁଇ ତମର୍ ଚଲାଚଲ୍‌ତି ଜାନି । ତମେ ବେସି କାକର୍ ନାଇ କି ବେସି ତପଲାଟା ପାରା ନାଇ, ମାତର୍ ଉସୁମ୍ ପାନିପାରା ଆଟାସ୍ । ତମେ ତପଡ଼ ଉଆ, ନଇଲେ କାକର୍ ଉଆ ବଲି ମୁଇ ମନ୍ କଲିନି । ୧୬ ମାତର୍ ତମେ ଉସୁମ୍ ଅଇଲାର ପାଇ ମୁଇ ତମ୍‌କେ ତୁକିଦେବି । ୧୭ ତମେ କଇଲାସିନି ମୁଇ ସାଉକାର୍, ମକେ ଜାଇ ଜାଇଟା ଦର୍କାର୍, ସେଟା ମର୍‌ଲଗେ ଆଟେ । ମାତର୍ ତମେ କେତେକ୍ କାକୁରତି ଅଇଆଟାସ୍, ତମେ ଅରକିଡ଼, ତୁମ୍‌ଣ୍ଡା ଆରି କାଣା, ସେଟା ତମେ ନାଜାନାସ୍ । ୧୮ ମୁଇ ତମକେ ବୁଦି ସିକାଇବି । ମର୍ଟାନେଅନି ସୁନା ଗେନା । ସୁନା ବଇଲେ ଅସ୍‌ଲି ସୁନା । ଜେନ୍ତାରିକି ତମେ ସତଇସେ ସାଉକାର୍ ଅଇସା । ମର୍ଟାନେଅନି ସୁକଲ୍ ଲୁଗା ଗେନା । ଜେନ୍ତାରି କି ତମେ ତୁମ୍‌ଣ୍ଡା ଅଇଲାର ପାଇ ଲାଜ୍ ନ ଉଆସ୍ । ଲାଗାଇଅଇବା ଅସ ମିସା ମର୍ଟାନେଅନି ନିଆ । ସେଟା ତମର୍ ଆଁକିଟାନେ ଲାଗାଆ । ଜେନ୍ତାରିକି ତମେ ଦେକିପାରସା । ୧୯ \*ମୁଇ ଜେଡ଼କି ଲକ୍‌କେ ଆଲାଦ୍ କଲିନି, ସେ ଲକ୍‌ମନ୍‌କେ ଦମ୍‌କାଇ କରି ତଣ୍ଡ ଦେଲିନି । ତେବର୍‌ପାଇ ତମର୍ ପାପେଅନି ବାଉଡ଼ା । ଜେନ୍ତାରି କି ସଡ଼ ବାବେ ମର୍‌ବାଟେ ଆଇସା । ୨୦ ଦେକା, ମୁଇ କାପାଟେ ଟିଆଅଇ ମାର୍‌ଲିନି । ଜେ ଜଦି ମର୍ ମାର୍‌ବା ସବଦ୍ ସୁନି କାପାଟ୍ ଉଗାଡ଼ଲେ ମୁଇ ବିଡ଼ରେ ପୁରବି ଆରି ସେମନର୍ ସଙ୍ଗ୍ କାଇବି । ୨୧ ଜେ ଜିଡ଼ସି ମର୍ ଲଗେ ତାକେ ବସାଇ ସାସନ୍ କର୍‌ବାକେ ଅଦିକାର୍ ଦେବି । ମୁଇ ଜିଡ଼ଲି ଆରି ଏବେ ମର୍ ବାବାର୍ ଲଗେ ବସି ସାସନ୍ କଲିନି । ୨୨ ଆଡ଼ମା ମଣ୍ଡଲିମନ୍‌କେ କଇବାଟା ମନ୍ ଦିଆନ୍ ଦେଇ ସୁନା ।



**ସର୍ଗେ ପାର୍‌ତନା**

୧ ସେବେଲେ ମୁଇ ଆରିଗଟେକ୍ ଦର୍‌ସନ୍ ଦେକ୍‌ଲି । ସର୍ଗେ ଗଟେକ୍ ଉଗାଡ଼ିରଇବା କାପାଟ୍ ରଇଲା । ଆଗେ ସୁନିରଇବା ମଇରି ପାରା ସବଦ୍ ଆରିତରେକ୍ ସୁନିଲି । ଉପରେ ଚଗି ଆଉ, ଏଟାରପଟେ କାଇଟା ଅଇସି ମୁଇ ତକେ ଜାନାଇବି । ୨ ସେ ଦାପ୍‌ରେ ଆଡ଼ମା ମକେ ଗଟେକ୍ ସପନ୍ ଦେକାଇଲା । ସର୍ଗର ବସ୍‌ବାଟାନେ ଗଟେକ୍ ଲକ୍ ବସିରଇବାଟା ମୁଇ ଦେକ୍‌ଲି । ୩ ତାର୍ ମୁ ଇରା ଆରି ମୁକ୍‌ତା ପାରା ଜଗ୍‌ଜଗି ଜାଇତେରଇଲା । କାଟାପଡ଼ିଆ ତିସ୍‌ବାପାରା ଇରା ମୁକ୍‌ତାର୍ ଇନ୍‌ଦୁନ୍‌ ବସ୍‌ବା ଜାଗାର୍ ଚାର୍‌ବେଟ୍‌ତି ଗୁଡ଼ିଆଇ ଅଇଲାପାରା ଅଇରଇଲା । ୪ ସେ ବସ୍‌ବା ଜାଗାର୍ ଗୁଲ୍‌ଟି ବିଡ଼ରେ କଡେ ଚାର୍‌ଟା ବସ୍‌ବା ଜାଗା ରଇଲା । ତେଇ ଦବ୍‌ଲୁଗା ପିନ୍‌କିରି ଆରି ସୁନାର୍ ମୁକ୍‌ଟ୍ ପିନ୍‌ କଡେଚାରିଟା ପାର୍‌ଟିନମନ୍ ବସିରଇଲା । ୫ \*ବସ୍‌ବା ଜାଗାଇଅନି ବିଜ୍‌ଲି ମାର୍‌ଲା ଆରି ଗୁଡ଼ଗାଡ଼ କରି ଗଡ଼ଗଡ଼ି ମାର୍‌ଲା । ବସ୍‌ବା ଜାଗାର୍ ମୁଆଟେ ସାଡ଼ଟା ଜଇଉମ୍‌ଲା ଲାଗ୍‌ତେରଇଲା । ସେଟା ଅଇଲାନି ପରମେସରର୍ ସାଡ଼ଟା ଆଡ଼ମା । ୬ ଆରି ବସ୍‌ବା ଜାଗାର୍ ମୁଆଟେ ନିର୍‌ମଲ୍ ଅଇକରି ତିସ୍‌ବା କାଁଟର୍ ସମ୍‌ଦୁର୍ ପାରା ରଇଲା । ବସ୍‌ବା ଜାଗାର୍ ଚାରିବେଟ୍‌ତି ଚାରିଟା ଜିବନ୍ ରଇବା ପସୁ ରଇଲା । ତାର୍ ମୁଆଟ୍ ବାଟେ ଆରି ପର୍‌ବାଟେ ଆଁକିମନ୍ ରଇଲା । ୭ ପର୍‌ତୁମର୍ ପସୁ ସିଅଁବାଗ୍‌ପାରା ତିସ୍‌ତେ ରଇଲା । ଦୁଇ ଲମର୍‌ଟା ସଣ୍ଡପାରା ରଇଲା । ତିନ୍ ଲମର୍‌ଟା ଲକ୍‌ର୍ ପାରା ବାନିମୁର୍‌ତି ରଇଲା । ଆରି ସାରାସାରିର୍‌ଟା ଉଡ଼ିବୁଲ୍‌ବା ଗିଦ୍ ପାରା ତିସ୍‌ତେ ରଇଲା । ୮ ସେ ଚାରିଟା ଜାକ ଜିବନ୍ ରଇବା ପସୁମନ୍‌କେ ଗଟେକ୍‌କେ ଚଅଟା ଲାକା ତେନା ରଇଲା । ଆରି ତାକର୍‌ବାଇରେ ବିଡ଼ରେ ମିସା ଆଁକି ରଇଲା । ଦିନ୍ ରାତି ଗିଡ଼ କଇବାଟା ସେମନ୍ ତେବଡ଼ନାଇ । ସବୁର୍‌ଟାନେ ଅନି ବପୁରଇବା ମାପୁର ପରମେସର୍, ସୁକଲ୍‌ଟା ! ସୁକଲ୍‌ଟା ! ସୁକଲ୍ ସେ ! ସେ ଆଗତୁ ରଇଲା, ଏବେ ଆଟେ ଆରି ସେ କାଲ୍ କାଲ୍ ଜୁଗ୍ ଜୁଗ୍ ରଇସି ! ୯ ଚାରିଟା ଜିବନ୍ ରଇବା ପସୁମନ୍ ଜେ ବସ୍‌ବା ଜାଗାଇ ବସିରଇଲା ତାର୍ ମୁଆଟେ ତାଣ୍ଡାସନ୍ ପଡ଼ି ତାକେ ଜୁଆର୍ କଲା । ସେ କାଲ୍ କାଲ୍ ଜୁଗ୍ ଜୁଗ୍ ବଠିରଇସି । ସେମନ୍ ପିନ୍‌ ରଇବା ମୁକ୍‌ଟ୍ ବସ୍‌ବା ଜାଗାର୍ ମୁଆଟେ ପିଙ୍ଗିଦେଇକରି କଇଲା, ୧୧ ଏ ଆମର୍ ମାପୁରୁ ଆରି ଆମର୍ ପରମେସର୍ ! ସବୁ ମଇମା, ତାକ୍‌ପୁଟା ଆରି ବପୁ ତୁଇ ଆକା ପାଇସୁ । ତୁଇ ସବୁଜାକ ତିଆର୍ କଲାସ୍ ଆରି ତମର୍ ମନ୍ କଲା ଇସାବେ ସେମନ୍ ତିଆରିଅଇ ବଠିଲାଲିନି ।

\* ୩:୧୯ ୩:୧୯ ଏବ୍‌ରି ୧୨:୬    ✦ ୪:୫ ୪:୫ ପରକାସିତ ୮:୫;୧୧:୧୯;୧୭:୧୮; ପରକାସିତ ୧:୪



**ବଜ୍ର ଆରି ମେଣ୍ଡାପିଲା**

<sup>୧</sup> ଜେ ବସ୍ତା ଜାଗାଇ ବସିରଇଲା ତାର ଉଜା ଆତେ ଗୁଡ଼ିଆଇଅଇରଇବା ଗଟେକ୍ ପୁରନା କାଗଜ୍ ଦେକ୍ଲି । ସେଟା ଦୁଇବାଟେ ଲେକା ଅଇରଇଲା । ଆରି ସାତଟା ସିଲ୍ ମାରି ଡାବିରଇଲା । <sup>୨</sup> ଆରି ଗଟେକ୍ ବେସି ବପୁରଇବା ଦୁଡ଼କେ ଦେକ୍ଲି । ସେ ଆଉଲିଅଇ କଇଲା “ଏ ସାତଟା ସିଲ୍ ପିଟାକକରି କେ, ଏ କାଗଜ୍ ମେଲାକରି ପାରସି ?” <sup>୩</sup> ମାତର ସରଗେ କି ମତ୍ତପୁରେ କି ପାତାଲେ କେ ମିସା ସେ କାଗଜ୍ ମେଲାକରି ଦେକି ନାପାରଲା । <sup>୪</sup> ସେ କାଗଜ୍ ମେଲାକରି ବିଡ଼ରଟା ଦେକ୍ବାକେ କେ ନାପାରଲାକେ ମୁଇ ବେସି ମନ୍ଦୁକ୍ କରି କାନ୍ଦିଲି । <sup>୫</sup> ତାରପଟେ ଗଟେକ୍ ପାର୍ଟିନ୍ ମକେ କଇଲା, “କାନ୍ଦନା, ଏଦେ ଦେକା ! ଜିଉଦା ବସେଅନି ଆଇବା ସିଅଁ, ଜେ କି ଦାଉଦର ଗଟେକ୍ ଡାକ୍ପୁଟାର ନାତିଡିଡି, ସେ ଜିଡ଼ଲାଆତେ । ସେ ସାତଟା ସିଲ୍ ବାଙ୍ଗାଇସି ଆରି କାଗଜ୍ ମେଲାକରି ପାରସି ।”

<sup>୬</sup> ତାରପଟେ ବସ୍ତା ଜାଗାର ମଜାଇ ଗଟେକ୍ ମେଣ୍ଡାପିଲା ଟିଆଅଇରଇବାଟା ଦେକ୍ଲି । ତାର ଚାରିବେଟ୍ଟି ଚାରିଟା ଜିବନ୍ ରଇବା ପସୁ ଆରି ପାର୍ଟିନ୍ମନ୍ ରଇଲା । ମେଣ୍ଡାପିଲା ମରାଇରଇଲାଟା ପାରା ଡିସ୍ତେରଇଲା । ତାକେ ସାତଟା ସିଲ୍ ଆରି ସାତଟା ଆଁକି ରଇଲା । ସେଟା ପର୍ମେସରର ସାତଟା ଆଡ଼ମା ରଇଲା । ପର୍ମେସର ସେ ସାତଟା ଆଡ଼ମାକେ ଗୁଲାଇ ଜଗତେ ପାଟାଇରଇଲା । <sup>୭</sup> ଜେ ବସ୍ତା ଜାଗାଇ ବସିରଇଲା, ତାର ଉଜାଆତେଅନି ସେ ମେଣ୍ଡା କାଗଜ୍ ନେଲା । <sup>୮</sup> ସେ ସେନ୍ତାରି କଲାକେ ସେ ଚାରିଟା ଜିବନ୍ ରଇବା ପସୁ ଆରି କଡେଚାରିଟା ପାର୍ଟିନ୍ମନ୍ ମେଣ୍ଡାର ମୁଆଟେ ଡାଣ୍ଡାସନ୍ ପଡ଼ି ଜୁଆର୍ କଲା । ସେମନ୍କେ ସବୁ ଲକର ଆତେ ଗଟେକ୍ ଗଟେକ୍ ଡୁଡୁଙ୍ଗା ଆରି ସୁନାର ଗିନାମନ୍କେ ଗନ୍ଦରସ୍ ରଇଲା । ସେଟା ଅଇଲାନି ପର୍ମେସରର ଲକ୍ମନ୍ ଗୁଆରି କରବାଟା । <sup>୯</sup> ସେମନ୍ ଗଟେକ୍ ନୁଆ ଗିଡ଼ କଇତେରଇଲା । “ଗୁଡ଼ିଆଇଅଇରଇବା କାଗଜ୍ ସିଲ୍ ବାଙ୍ଗାଇକରି ନେବାକେ ତୁଇସେ ପାରୁସ୍ । କାଇକେବଇଲେ ତୁଇ ମରାଇଅଇଲୁସ୍ ଆରି ତର ବଲି ଇସାବ୍ ମରନର ଲାଗି, ସବୁ ବସେଅନି, ସବୁବାସାଇଅନି, ସବୁ ରାଇଜେଅନି ଆରି ଲକ୍ମନ୍ ଦଲେଅନି ପର୍ମେସରର ପାଇ ତୁଇ ଲକ୍ମନ୍କେ ଆନ୍ଲୁସ୍ । <sup>୧୦</sup> \*ତୁଇ ସେମନ୍କେ ଗଟେକ୍ ପୁଜାରିମନ୍ ରାଇଜ୍ କରି ଆରୁସ୍ । ସେମନ୍ ଆମର୍ ପର୍ମେସରକେ ସେବା କରବାଇ । ଆରି ଏ ଜଗତେ ସାସନ୍ କରବାଇ ।”

<sup>୧୧</sup> ମୁଇ ଆରିତରେକ୍ ଦେକ୍ଲି । ତେଇ ଅଜାର ଅଜାର ଦୁଡ଼ମନ୍ ସବଦ୍ ସୁନ୍ଲି । ସେ ଦୁଡ଼ମନ୍ ଚାରିଟା ପସୁମନ୍ ଆରି ପାର୍ଟିନ୍ମନ୍ ଚାରିବେଟ୍ଟି ଟିଆ ଅଇଲା । <sup>୧୨</sup> ସେମନ୍ ଆଉଲି ଅଇକରି ଗିଡ଼ କଇତେ ରଇଲା, “ମରାଇଅଇରଇବା ମେଣ୍ଡାପିଲା, ସବୁ ବପୁ, ସବୁ ଦନ୍ସପତି, ସବୁ ଗିଆନ୍, ସବୁ ସକ୍ତି, ଡାକ୍ପୁଟା, ମଇମା, ଆରାଦନା ପାଇବା ଅଦିକାର୍ ତର ଲଗେ ଆତେ ।”

<sup>୧୩</sup> ଜଗତେ ରଇବା ସବୁ ଜିବନ୍ ରଇବାଟାମନ୍ ଜେନ୍ତାରି କି ସରଗେ ରଇବା ସବୁଜାକ, ଜଗତେରଇବା ସବୁଜାକ, ପାତାଲେ ରଇବା ସବୁଜାକ ଆରି ସମ୍ପୁରେ ରଇବାଟାମନ୍ ଗିଡ଼ ଗାଇତେରଇଲା । ଜେ ବସ୍ତା ଜାଗାଇ ବସିଆତେ ଆରି ମେଣ୍ଡାପିଲାକେ ଆରାଦନା, ଡାକ୍ପୁଟା, ମଇମା, ଆରି ବପୁ କାଲ୍ କାଲ୍ ଜୁଗ୍ ଜୁଗ୍ ଅ । <sup>୧୪</sup> ଚାରିଟା ଜିବନ୍ ରଇବା ପସୁମନ୍ କଇଲା, ଆମେନ୍ ! ଆରି ପାର୍ଟିନ୍ମନ୍ ଡାଣ୍ଡାସନ୍ ପଡ଼ି ଜୁଆରକଲା ।



**ସାତଟା ସିଲ୍ ଅରଡ଼**

<sup>୧</sup> ତାରପଟେ ସେ ମେଣ୍ଡାପିଲା ସାତଟା ସିଲ୍ ବିଡ଼ରେ ପରତୁମ୍ ସିଲ୍ ବାଙ୍ଗାଇବାଟା ମୁଇ ଦେକ୍ଲି । ଚାରିଟା ଜିବନ୍ ରଇବା ପସୁମନ୍ ବିଡ଼ରେଅନି ଗଟେକ୍ ପସୁ ଗଡ଼ଗଡ଼ି ସବଦ୍ପାରା କରି ମକେ କଇଲା “ ଆଉ ।” <sup>୨</sup> ତେଇ ମୁଇ ଦେକ୍ଲି, ଆରି ଏଦେ ଦେକା ! ଗଟେକ୍ ଦବ୍ଲା ଗଡା ଡିସ୍ଲା । ତାକେ ଚାଲାଇବା ଲକର ଆତେ ଦୁନ୍ ରଇଲା । ତାକେ ଗଟେକ୍ ମୁକୁଟ୍ ଦିଆ ଅଇଲା । ସେ ତାର ସତ୍ତୁମନ୍କେ ଆରାଇବାକେ ଦାପ୍ରେ ଗାଲା । <sup>୩</sup> ସେ ମେଣ୍ଡାପିଲା ଦୁଇ ଲମ୍ବର ସିଲ୍ ବାଙ୍ଗାଇଲା । ଆରି ସେ ଦୁଇ ଲମ୍ବର ଜିବନ୍ ରଇବା ପସୁ ମକେ କଇଲା “ଆଉ ।” <sup>୪</sup> ଆରି ଏଦେ ଦେକା ! ଆରିଗଟେକ୍ ରଙ୍ଗ୍ ରଇବା ଗଡା ବାରଇଲା । ଜଗତେ ଜୁଇଦ୍ କରାଇବାକେ ସେ ଗଡା ଚାଲାଉକେ ଦିଆଅଇରଇଲା । ଜେନ୍ତାରିକି, ଲକ୍ମନ୍ ତାକର୍ ତାକର୍ ବିଡ଼ରେ ମାରାମାରିଅଇ ମରବାଇ । ତାକେ ଗଟେକ୍ ବଡେଟା କାଣ୍ଡା ଦିଆଅଇଲା ।

<sup>୫</sup> ତାରପଟେ ସେ ମେଣ୍ଡାପିଲା ଡିନ୍ ଲମ୍ବର ସିଲ୍ ବାଙ୍ଗାଇଲା । ଡିନ୍ ଲମ୍ବର ଜିବନ୍ ରଇବା ପସୁ ମକେ କଇଲା “ଆଉ ।” ମୁଇ ଦେକ୍ଲି ଆରି ଏଦେ ଦେକା ! ଆରି ଗଟେକ୍ କାଲିଆ ଗଡା ଡିସ୍ଲା । ସେ ଗଡା ଚାଲାଉର୍ ଆତେ ଗଟେକ୍ ତୁଲ୍ବା କେଜି ରଇଲା । <sup>୬</sup> ଚାରିଟା ଜିବନ୍ ରଇବା ପସୁମନ୍ କଇତେରଇଲା

\* ୫:୧୦ ୫:୧୦ ପଢ଼କାସିତ ୧:୭

“ଦିନେକର ବୁଡିକେ ମାନେକ ମୁଣ୍ଡିଆ ଆରି ଦିନେକର ବୁଡିକେ ତିନ୍ ମାନ୍ ଦାନ୍ । ମାତର୍ ଅଙ୍ଗୁର୍ ବାଡ଼ ଆରି ଜିଡ଼ ଗର୍ ନସାଇବାରନାଇ ।”

୭ ତାରପତେ ସେ ମେଣ୍ଡାପିଲା ଚାରି ଲମ୍ବର ସିଲ୍ ବାଙ୍ଗାଲଲା । ଆରି ଚାରି ଲମ୍ବର ଜିବନ୍ ରଇବା ପସୁ ମକେ “ ଆଉ !” ବଲି କଇଲା । ୮ ତେଇ ମୁଇ ଦେକଲି, ଏଦେ ଦେକା ! ଗଟେକ୍ ଚାରୁଆ ଗଡ଼ା ଡିସିଲା । ଗଡ଼ା ଚାଲାଉ ଅଇଲାନି ମରନ୍ ଆରି ତୁମାମନର୍ ରାଇଜ୍ । ସେ ପତେ ପତେ ଆଇତେରଇଲା । ସେମନ୍‌କେ ଏ ଜଗତର୍ ଚାରିବାଗେ ଅନି ଗଟେକ୍ ବାଗ୍ ଉପ୍ରେ ଅଦିକାର୍ ଦେଇତେରଇଲା । ତେଇ ଜୁଇଦର୍ ଲାଗି, ମର୍ଡିର୍ ଲାଗି, ରଗର୍ ଲାଗି ଆରି ଡଙ୍ଗରର୍ ପସୁର୍ ଲାଗି ମରାଇବାକେ ଅଦିକାର୍ ଦେଲା ।

୯ ତାରପତେ ମେଣ୍ଡାପିଲା ପାଁର୍ ଲମ୍ବର ସିଲ୍ ବାଙ୍ଗାଲଲା । ଆରି ଏଦେ ଦେକା ! ବେଦିର୍ ତଲ୍‌ବାଟେ ସଡ଼ବାବେ ସାକି ଦେଲାରପାଇ ଆରି ପର୍ମେସରର୍ ବାକିଅ ଜାନାଇଲାରପାଇ ଜନ୍ ଲକ୍‌ମନ୍ ମରାଇ ଅଇରଇଲାଇ ତାକର୍ ଆଡ଼ମାମନ୍‌କେ ଦେକଲି । ୧୦ ସେମନ୍ ଆଉଲି ଅଇକରି କଇଲାଇ “ଏ ମାପୁରୁ ପର୍ମେସର ଜେ କି ସବୁରଟାନେଅନି ବପୁରଟା । ତୁଇ ସୁକଲ୍ ଆରି ସଡ଼ । ଆମକେ ମରାଇଲା ଲକ୍‌କେ ବିଚାରକରି ତଣ୍ଟ ଦେବାକେ ଆମେ ଆରି କେତେକ୍ ଦିନ୍ ଜାଗୁ ?” ୧୧ ସେମନ୍‌କେ ସବୁକେ ଗଟେକ୍ ଗଟେକ୍ ଦର୍ ବସତର୍ ଦିଆଅଇରଇଲା । ତାକର୍ ସଙ୍ଗେ ରଇବା ଦାଙ୍ଗତାମନ୍‌କେ ଆରି ବାଇମନ୍‌କେ ତାକର୍ ପାରାସେ ମରାଇଅଇସି । ଜେଡ଼କି ଲକ୍ ଅଇବା କାତା, ସେଡ଼କି ଲକ୍ ପୁରାପୁରୁନ୍ ନ ଅଇବାଜାକ ସେମନ୍‌କେ ଆରି କେତେଦିନ୍ ପୁଣ୍ଡିରଇବାକେ କୁଆ ଅଇଲା ।

୧୨ ✨ଆରି ଏଦେ ଦେକା ! ମେଣ୍ଡା ପିଲା ଚଅ ଲମ୍ବର ସିଲ୍ ବାଙ୍ଗାଲବାଟା ମୁଇ ଦେକଲି । ତେଇ ଦର୍ତନି ଜବର୍ଅଇତେ ଚୁଲ୍‌ଚୁଲ୍‌ଲା । ବେଲ୍ କାଲିଆ ଅଇ କରକର୍‌ସା ରଇବା ଲୁଗାପାରା ଅଇଗାଲା ଆରି ଜନ୍ ବନି ପାରା ପୁରାପୁରୁନ୍ ରଙ୍ଗ ଅଇଗାଲା । ୧୩ ଜବର୍ ପବନ୍ ଆସି ଗଟେକ୍ ତୁମ୍‌ରି ଗର୍ ଦୁନିଅଇଲେ ଜେନ୍ତାରି ନ ପାଚିଲା ତୁମ୍‌ରି ତଲେ ଅଦରସି, ସେନ୍ତାରିସେ ବାଦଲ୍‌ର୍ ତାରାମନ୍ ଦର୍ତନି ଉପ୍ରେ ଅଦର୍ଲାଇ । ୧୪ ✨ବାଦଲ୍ ତୁଇପତା ଅଇଗାଲା ଆରି କାଗଜ୍‌ପାରା ଗୁଡ଼ିଆଇଅଇଲା । ଗଟେକ୍ ଗଟେକ୍ ଡଙ୍ଗର୍ ଆରି ଚାରିବେଟ୍‌ତି ପାନିରଇ ମଜାଇ ରଇବା ସୁକ୍‌ଲା ଜାଗା ତାର୍ ଜାଗାଇ ଅନି ଅସକ୍‌ଲାଇ । ୧୫ ତାରପତେ ଏ ଜଗତର୍ ରାଜାମନ୍, ସାସନ୍‌କାରିଆମନ୍, ସନିଅର୍ ନେତାମନ୍, ସାଉକାର୍ ଆରି ବେସି ବପୁରଇବା ଲକ୍‌ମନ୍, ବନ୍ଦିରଇବା ଆରି ମୁକ୍‌ଲିରଇବା ଲକ୍‌ମନ୍ ସେନ୍ତାରି ସବୁଲକ୍‌ମନ୍ ପାଆରେ ଆରି ଡଙ୍ଗରେ ରଇବା ବଡ଼ ପାକ୍‌ନା ତଲେ ଜାଇ ଲୁଚ୍‌ଲାଇ । ୧୬ ✨ସେମନ୍ ଆମ୍‌କେ ଦୟା କର୍ ବଲି ବାବୁଜିଆ କଲାଇ । ଆରି ଡଙ୍ଗର୍‌ମନ୍‌କେ ଆରି ପାକ୍‌ନାମନ୍‌କେ ଆଉଲିଅଇକରି କଇଲାଇ, “ଆମର୍ ଉପ୍ରେ ଅଦରା ଆରି ଆମ୍‌କେ ଆଡୁକା ଉଆ । ଜେନ୍ତାରି କି ଜେ ବସ୍‌ବା ଜାଗାଇ ବସିଆଟେ, ସେ ଆମ୍‌କେ ନ ଦେକେ । ଆରି ମେଣ୍ଡାର୍ ବଡ଼ ରିସାଇଅନି ଆମେ ରକିଆ ପାଇବୁ । ୧୭ କାଇକେବଇଲେ ତାର୍ ରିସା ବେସି ରିସାର୍ ଦିନ୍ ଆଇଲାଆଟେ । ଆରି ଆମେ ସେଟା ମୁର୍ଚିରଇ ନାପାରୁ ।”



୧୪,୪୦୦୦ ଇସ୍ରାଏଲର୍ ଲକ୍

୧ ତାରପତେ ଦର୍ତନିର୍ ଚାରିଟା କନେ ଚାରିଟା ଦୁଡ଼ ଚିଆଅଇରଇବାଟା ମୁଇ ଦେକଲି । ଜେନ୍ତାରିକି କାଇ ପବନ୍ ଦର୍ତନି କି ସମ୍‌ଦୁରେ କି କାଇ ଗର୍ ଉପ୍ରେ ନ ଆଇବାକେ ପବନ୍‌କେ ଦାରି ଅଟକାଇ ରଇଲା । ୨ ପୁରୁର୍ ଦିଗେଅନି ଆରି ଗଟେକ୍ ଜିବନ୍ ରଇବା ପର୍ମେସରର୍ ସିଲ୍ ସଙ୍ଗ୍ ଆଇବାଟା ମୁଇ ଦେକଲି । ସେ ଦୁଡ଼ ସେ ଚାର୍‌ଟା ଦୁଡ଼ମନ୍‌କେ ଆଉଲି ଅଇ ତାକି କଇଲା । ପର୍ମେସର ସେମନ୍‌କେ ଦର୍ତନି ଆରି ସମ୍‌ଦୁର୍ ବିନାସ୍ କର୍ବାକେ ବପୁ ଦେଇରଇଲା । ୩ ସେ ଦୁଡ଼ କଇଲା ଆମର୍ ପର୍ମେସରକେ ସେବା କର୍ବା ଲକ୍‌ମନର୍ କାପାଲେ ଚିନ୍ ନ ଦେବା ଜାକ ଦର୍ତନିକେ କି ସମ୍‌ଦୁରକେ କି ଗର୍‌କେ ବିନାସ୍ ନ କରା । ୪ ସେମନ୍ ସେ ଲକ୍‌ମନ୍‌କେ ଚିନ୍ କରି ସାରାଇଲା ପତେ, ସଏ ଚାଲିସ୍ ଚାରି ଅଜାର୍ ଲକ୍‌ମନ୍‌କେ ଚିନ୍ ଦେଲୁ ବଲି ମକେ କଇଲା । ସେମନ୍ ଇସ୍ରାଏଲର୍ ବାର୍‌ଟା ବସେଅନି ରଇଲାଇ । ୫ ଜିଉଦା ବସେଅନି ବାରଅଜାର୍ । ସେନ୍ତାରିସେ ରୁବେନ୍‌ଅନି, ଗାଦ୍ ନାଉର୍ ଜାଗାଇଅନି ବାର ଅଜାର୍ । ୬ ଆସ୍‌ରେଅନି, ନାପ୍‌ତାଲିଅନି, ମାନାସେଅନି, ବାରଅଜାର୍ । ୭ ସିମିୟନ୍‌ଅନି, ଲବିଅନି, ଇସାକର୍ ତେଇଅନି ବାରଅଜାର୍ । ୮ ସବ୍‌ଲୁନେଅନି, ଜସେପେଅନି, ବନିୟମେଅନି, ବାରଅଜାର୍ ଲାକା ଚିନ୍ କଲାଇ ।

ବଡ଼ ଦଲ୍

✧ ୭:୧୨ ୭:୧୨ ପରକାସିତ ୧୧:୧୩;୧୭:୧୮; ମାଡିଉ ୨୪:୨୯; ମାର୍‌କ ୧୩:୨୪,୨୫; ଲୁକ୍ ୨୧:୨୫ ✧ ୭:୧୪ ୭:୧୪ ପରକାସିତ ୧୭:୨୦ ✧ ୭:୧୭ ୭:୧୭ ଲୁକ୍ ୨୩:୩୦

୯ ତାରପତେ ମୁଇଦେକଲି ଏଦେ ଦେକା ! ତେଇ ଏତେକ୍ ମାନ୍ଦା ଲକ୍‌କେ ଦେକଲି ଜେ ସେ ଲକ୍‌ମନକେ କେ ମିସା ଏଜି ନାପାରତ୍ । ସେମନ୍ ସବୁ ଜାତିଅନି, ବଞ୍ଚେଅନି, ରାଇଜେଅନି, ଆରି ବାସାଇଅନି ଆସିରଇଲାଇ । ସେମନ୍ ବସବା ଜାଗାର୍ ମୁଆଟେ ଆରି ମେଣ୍ଡାପିଲାର୍ ମୁଆଟେ ଟିଆଅଇଲାଇ । ସେମନ୍ ଦବ୍ ଲୁଗାପିନ୍ଦିକରି ଆରି ଆତେ କଜ୍‌ରି ତାଲ୍ ଦାରିରଇଲାଇ । ୧୦ ସେମନ୍ ଆଉଲି ଅଇକରି କଇତେ ରଇଲାଇ, “ଆମର୍ ପର୍ମେସର୍ ଜେ କି ବସବା ଜାଗାଇ ବସିଆଟେ, ତାର୍‌ଟାନେଅନି ଆରି ମେଣ୍ଡା ପିଲାର୍ ଟାନେଅନି ମୁକ୍ତି ମିଲ୍‌ସି ।” ୧୧ ସବୁ ଦୁଡ଼ମନ୍ ବସବା ଜାଗାର୍ ଆରି ପାର୍‌ଚିନ୍ ମନର୍ ଆରି ଚାରିଟା ଜିବନ୍ ରଇବା ପସୁମନର୍ ଚାରିବେଟ୍‌ଟି ଟିଆଅଇଲାଇ । ତାର୍‌ପତେ ସେମନ୍ ବସବା ଜାଗାର୍ ମୁଆଟେ ଡାଣ୍ଡାସନ୍ ପତି ପର୍ମେସର୍‌କେ ଜୁଆର୍ କରି, ୧୨ କଇଲାଇ, ଆମେନ୍, ଦନିଅବାଦ୍, ମଇମା, ଗିଆନ୍, ଡାକ୍‌ପୁଟା, ବପୁ ଆରି ସକ୍ତି କାଲ୍ କାଲ୍ ଜୁଗ୍ ଜୁଗ୍ ଆମର୍ ପର୍ମେସର୍‌କେ ଅ । ଆମେନ୍, ବଲି କଇତେରଇଲାଇ ।

୧୩ ପାର୍‌ଚିନ୍ ମନର୍ ବିଡ଼ରେ ଅନି ଗଟେକ୍ ଲକ୍ ଆସିକରି ମକେ ପାଚାରୁଲା, “ଏ ଲକ୍‌ମନ୍ କାଇକେ ଦବ୍ ଲୁଗା ପିନ୍ଦି ଆତଡ଼ ଆରି ସେମନ୍ କଡ଼ିଅନି ଆଇଲାଇ ?” ୧୪ \*ମୁଇ ତାକେ କଇଲି “ଆଗିଆ ମୁଇ ନାଜାନି, ତୁଇତା ଜାନୁସ୍ ।” ସେ ମକେ କଇଲା “ବେସି ବଡ଼ ତାଡ଼ନା ପତେ ରକିଆ ପାଇ ଆଇଲାଇଆତଡ଼ । ମେଣ୍ଡାପିଲାର୍ ବନି ସଙ୍ଗ୍ ସେମନ୍ ତାକର୍ ବସତର୍ ଦଇକରି ଦବ୍ କଲାଇଆତଡ଼ ।” ୧୫ ସେଗାର୍ ପାଇ ସେ ଲକ୍‌ମନ୍ ପର୍ମେସର୍‌ର ବସବା ଜାଗାର୍ ମୁଆଟେ ରଇ ତାର୍ ମନ୍ଦିରେ ଦିନ୍ ରାତି ତାକେ ସେବା କଲାଜିନି । ଜେ ବସବା ଜାଗାଇ ବସିଲାଆଟେ, ସେ ସେମନ୍‌କେ ରକିଆ କର୍‌ସି । ୧୬ ସେମନ୍‌କେ କେବେ ବୁକ୍ ନ ଲାଗେ କି ସସ୍ ନ କରେ । ବେଲ୍ କି ଅଦିକ୍ ତପି ରଇବା ତାତି ସେମନ୍‌କେ ପଡ଼ାଇନାପାରେ । ୧୭ କାଇକେବଇଲେ ବସବା ଜାଗାର୍ ମଜାଇ ରଇବା ମେଣ୍ଡାପିଲା, ସେ ଲକ୍‌ମନର୍ ସେବାକାରିଆ ଅଇସି, ଆରି ଜିବନ୍ ରଇବା ଗାଡ଼ବାଟେ ସେ ଲକ୍‌ମନ୍‌କେ ବାଟ୍‌କାଡ଼ାଇ ନେଇସି । ଆରି ପର୍ମେସର୍ ସେ ଲକ୍‌ମନର୍ ଆକିର୍ ଆଁସୁ ପୁତି ଦେଇସି ।

୮

ସାଡ଼ଟା ସିଲ୍

୧ ମେଣ୍ଡାପିଲା ଜେତେବେଲେ ସାଡ଼ ତମର୍ ସିଲ୍ ବାଙ୍ଗାଇଲା, ସେଡ଼କିବେଲେ ସର୍‌ଗେ ସମାନ୍ ଅଦ୍‌ଗଟା ଜାକ ଟିମ୍‌ରା ଅଇଗାଲା । ୨ ତାର୍‌ପତେ ପର୍ମେସର୍‌ର ମୁଆଟେ ସାଡ଼ଟା ଦୁଡ଼ମନ୍‌କେ ଟିଆଅଇ ରଇଲାଟା ମୁଇ ଦେକଲି । ସେ ମନ୍‌କେ ସାଡ଼ଟା ମଇରି ଦିଆଅଇ ରଇଲା । ୩ ତେଇ ଆରି ଗଟେକ୍ ଦୁଡ଼ ଆସିକରି ବେଦିଲଗେ ଟିଆ ଆଇଲା । ତାର୍ ଆତେ ଗନ୍‌ରସ୍ ପଡ଼ାଇବା ଗଟେକ୍ ସୁନାର୍ ଗିନା ରଇଲା । ପର୍ମେସର୍‌ର ଲକ୍‌ମନର୍ ପାର୍‌ତନା ସଙ୍ଗ୍ ମିସାଇବାକେ ତାକେ ବେସି ଗନ୍‌ରସ୍ ଦିଆଅଇରଇଲା । ତାର୍‌ପତେ ସେ ସେଟା ବସବା ଜାଗାର୍ ମୁଆଟେ ରଇବା ସୁନାର୍ ବେଦି ଉପ୍‌ରେ ସରପସି । ୪ ପଡ଼ତେରଇବା ଦୁପର୍ ଦୁଆଁ ପର୍ମେସର୍‌ର ଲକ୍‌ମନର୍ ପାର୍‌ତନା ସଙ୍ଗ୍ ଉପ୍‌ରେ ଗାଲା । ପର୍ମେସର୍‌ର ମୁଆଟେ ଟିଆଅଇରଇବା ଦୁଡ଼ ସେଟା ଦାରିରଇଲା । ୫ \*ତାର୍‌ପତେ ସେ ଦୁଡ଼ ଦୁପ୍ ପଡ଼ାଇବା ଅର୍‌କି ନେଇକରି ବେଦିଟାନର୍ ଜଇସଙ୍ଗ୍ ବର୍‌ଡ଼ି କଲା । ସେଟା ସେ ଦର୍‌ତନି ଉପ୍‌ରେ ପିଙ୍ଗିଦେଲା । ତେଇ ଗୁଡ଼ଗାଡ଼ କରି ଗଡ଼ଗଡ଼ି ମାରୁଲା ଆରି ବିଜ୍‌ଲି ମାରି ଦର୍‌ତନି ବୁଲ୍‌ବୁଲ୍‌ଲା ।

ମଇରି ବାଜା

୬ ତାର୍‌ପତେ ସାଡ଼ଟା ମଇରି ଦାରିରଇବା ସାଡ଼ଟା ଦୁଡ଼ ସେଟା ପୁକ୍‌ବାକେ ଡିଆର୍‌ଅଇଲାଇ । ୭ ପର୍‌ଡୁମର୍ ଦୁଡ଼ ତାର୍ ମଇରି ପୁକ୍‌ଲା ଆରି ଏଦେ ଦେକା ! କାରାପାକ୍‌ନା ଆରି ଜଇ ଜନ୍‌ଟା କି ବନି ସଙ୍ଗ୍ ମିସିରଇଲା, ସେଟା ଦର୍‌ତନି ଉପ୍‌ରେ ଡାଲିଅଇଲା । ଦର୍‌ତନି ତିନ୍‌ବାଗ୍ ଅନି ଗଟେକ୍ ବାଗ୍ ପଡ଼ିଗାଲା । ତାର୍ ସଙ୍ଗ୍ ତିନ୍‌ବାଗେ ଅନି ଗଟେକ୍ ବାଗର୍ ଗଡ଼ମନ୍ ଆରି ସବୁ ଗାଁସମନ୍ ମିସା ପଡ଼ିଗାଲା ।

୮ ତାର୍‌ପତେ ଦୁଇଲମର୍ ଦୁଡ଼ ମଇରି ପୁକ୍‌ଲା । ଆରି ଏଦେ ଦେକା ! ଗଟେକ୍ ବଡ଼ କୁପ୍‌ଲି, ଜନ୍‌ଟା ଜଇ ଲାଗ୍‌ତେରଇଲା, ସେଟା ସମ୍‌ଦୁର୍ ବିଡ଼ରେ ପିଙ୍ଗା ଅଇଲା । ଆରି ସମ୍‌ଦୁର୍ ପାନି ତିନ୍‌ବାଗେ ଅନି ଗଟେକ୍ ବାଗ୍ ବନି ଅଇଗାଲା । ୯ ଆରି ସମ୍‌ଦୁର୍ ବିଡ଼ରେ ରଇବା ତିନ୍‌ବାଗେଅନି ଗଟେକ୍ ବାଗ୍ ଜିଡ଼ଜିଆଦ୍ ମରିଗାଲାଇ । ଆରି ତିନ୍‌ବାଗେଅନି ଗଟେକ୍ ବାଗ୍ ପାନି ଜାଜ୍ ମିସା କୁରୁପ୍‌ନାସ୍ ଅଇଗାଲା ।

୧୦ ତାର୍‌ପତେ ତିନ୍ ଲମର୍‌ର ଦୁଡ଼ ତାର୍ ମଇରି ପୁକ୍‌ଲା । ଆରି ଏଦେ ଦେକା ! ସେ ଦାପ୍‌ରେସେ ଆକାସେ ଅନି ଜଇଅଲା ପାରା ଲାଗ୍‌ତେରଇବା ଗଟେକ୍ ବଡ଼ ତାରା ବାଦ୍‌ଲେଅନି ଅଦର୍‌ଲା । ସେଟା ତିନ୍‌ବାଗେଅନି ଗଟେକ୍ ବାଗର୍ ଗାଡ଼ମନ୍‌କେ ଆରି ଜଲାମନର୍ ଉପ୍‌ରେ ଅଦର୍‌ଲା । ୧୧ ସେ ତାରାର୍ ନାଉଁ

\* ୭:୧୪ ୭:୧୪ ମାଡ଼ିଉ ୨୪:୨୧; ମାର୍‌କ ୧୩:୧୯ \* ୮:୫ ୮:୫ ପରକାସିତ ୧୧:୧୯; ୧୭:୧୮

ଅଇଲାନି ଲାଗଦଣାତିକତତା । ତାରା ଅଦରଲୀକେ ତିନ୍ବାଗେ ଅନି ଗଟେକ୍‌ବାଗ୍ ପାନି ପିତା ଅଇଗାଲା । ସେ ପିତା ପାନି କାଇକରି ବେସିଲକ୍‌ମନ୍ ମରିଗାଲା ।

୧୨ ତାରପତେ ଚାର୍ ଲମରର୍ ଦୁଡ୍ ତାର୍ ମଇରି ପୁକ୍‌ଲା । ଆରି ଏଦେ ଦେକା ! ବେଲର୍ ତିନ୍ବାଗେଅନି ଗଟେକ୍ ବାଗ୍‌କେ ମାଡ୍ ଅଇଲା । ସେନ୍ତାରିସେ ଜନର୍ ତିନ୍ବାଗେଅନି ଗଟେକ୍ ବାଗ୍, ଆରି ତାରା ମନର୍ ତିନ୍ବାଗେ ଅନି ଗଟେକ୍ ବାଗ୍ ନସ୍‌ଟ ଅଇଗାଲା । ତେବର୍ ପାଇ ଜନ୍ ଆରି ତାରାମନର୍ ଉଜଲ୍ ଦେବାଟା ତିନ୍ବାଗେଅନି ଗଟେକ୍ ବାଗ୍ ଉନା ଅଇଗାଲା । ତାରପତେ ଦିନ୍‌ମିସା ତିନ୍ବାଗେ ଅନି ଗଟେକ୍ ବାଗ୍ ଆରି ରାତି ମିସା ତିନ୍ବାଗେ ଅନି ଗଟେକ୍ ବାଗ୍ ଉଜଲ୍ ନ ରଇଲା ।

୧୩ ତାରପତେ ମୁଇ ଆରି ଦେକ୍‌ଲି ଆରି ଏଦେ ଦେକା ! ଗଟେକ୍ ଗିଦ୍ ବେସି ଉପରେ ଉଡ୍‌ତେରଇଲା । ଆରି ଆଉଲି କଇତେରଇଲା, “କାଇ ଇନସ୍‌ତା, କାଇ ଇନସ୍‌ତା । ଜେତେବେଲେ ବାକି ତିନ୍‌ଟା ଦୁଡ୍‌ମନର୍ ମଇରି ଟାନେଅନି ସବଦ୍ ଆଇଲାବେଲେ, ଦର୍ତନି ଟାନେ ରଇବା ସବୁ ଲକ୍‌ମନର୍ ପାଇ କେତେକ୍ ଇନସ୍‌ତା ଅଇସି ।”

୯

୧ ତାରପତେ ପାର୍ ଲମରର୍ ଦୁଡ୍ ତାର୍ ମଇରି ପୁକ୍‌ଲା । ଆରି ଏଦେ ଦେକା ! ବାଦଲେଅନି ଦର୍ତନି ଉପରେ ଅଦ୍‌ରି ରଇବା ଗଟେକ୍ ତାରା ଦେକ୍‌ଲି । ତାକେ ପାତାଲର୍ କୁଟିକାତି ଦିଆଅଇରଇଲା । ୨ ସେ ତାରା ପାତାଲ୍ ଉଗାଡ୍‌ଲା ଆରି ତେଇଅନି ଗଟେକ୍ ଜଇଲାଗ୍‌ବା ବାଟି ଅନି ଦୁଆଁ ବାରଇଲା ପାରା ବାରଇଲା । ପାତାଲେଅନି ଆଇବା ଦୁଆଁର୍ ଲାଗି ବେଲର୍ ଉଜଲ୍ ଆରି ପବନ୍ ଆନ୍ଦାର୍ ଅଇଗାଲା । ୩ ଦର୍ତନିଟାନେ ରଇବା ଦୁଆଁର୍ ଲାଗି, ତେଇଅନି ଚିଟ୍‌କାମନ୍ ବାରଇଲା । ସେଟାମନ୍‌କେ ବିସ୍‌କାକ୍‌ତାର୍ ପାରା ବପୁ ଦିଆଅଇରଇଲା । ୪ ସେମନ୍‌କେ ଦର୍ତନିର୍ ଗାଁସ୍ କି ଗର୍ କି ବିନ୍ ବାତର୍ ଗର୍‌କୁଟ୍‌କେ ମାରାନାଇ ବଲି କୁଆଅଇରଇଲା । ପର୍‌ମେସରର୍ ସିଲର୍ ତିନ୍, ଜନ୍ ଲକ୍‌ମନର୍ କାପାଲେ ନ ରଇଲା, ସେମନ୍‌କେ ଆକା ମାର୍‌ବାକେ ଆଦେସ୍ ରଇଲା । ୫ ଏ ଲକ୍‌ମନ୍‌କେ ମରାଇବାକେ ଚିଟ୍‌କାମନ୍‌କେ ଆଦେସ୍ ନ ଦେଇରଇଲା । ମାତର୍ ପାର୍‌ମାସ୍ ଜାକ ସେମନ୍‌କେ କସ୍‌ଟ ଦେବାକେ ସେମନ୍ ଜନ୍ କସ୍‌ଟ ପାଇବାଇ, ସେଟା ଗଟେକ୍ ବିସ୍‌କାକ୍‌ତା ଚାବ୍‌ଲାବେଲର୍ ଦୁକାପାରା ରଇସି । ୬ ସେ ପାର୍‌ମାସ୍ ଜାକ କେନ୍ତ୍ରି କରି ମର୍‌ବୁ ବଲି ବାଟ୍ କଜ୍‌ବାଇ । ମାତର୍ ସେଟା ମିଲାଇନାପାରଡ୍ । ସେମନ୍ ମର୍‌ବାକେ ବେସି ମନ୍ କର୍‌ବାଇ, ମାତର୍ ସେଟା ନ ଅଏ ।

୭ ଜୁଇଦ୍ ପାଇ ତିଆର୍ ଅଇରଇବା ଗଡାମନର୍‌ପାରା ସେ ଚିଟ୍‌କାମନ୍ ତିସ୍‌ତେରଇଲା । ସେମନର୍ ମୁଣ୍ଟ୍ ସୁନାର୍ ମୁକୁଟ୍ ପିନ୍ଦି ରଇଲା । ସେମନର୍ ମୁ ଲକ୍‌ମନର୍ ମୁ ପାରା ରଇଲା । ୮ ସେମନର୍ ତେଣ୍ଟି ମାଇଜିଟ୍‌କିମନର୍‌ପାରା ଆରି ଦାଡ୍ ସିଅଁମନର୍‌ପାରା ରଇଲା । ତାକର୍ ବୁକେ ଲୁଆର୍ ସାଞ୍ଜୁ ଡାବିଅଇରଇଲା । ୯ ତାକର୍ ତେନାମନ୍ ଜାଡ୍‌ଲେ ଜୁଇଦ୍‌କେ ଜିବା ଗଡାର୍ ରତର୍ ସବଦ୍ ପାରା ସୁନିଅଇତେରଇଲା । ୧୦ ବିସ୍‌କାକ୍‌ତା ମନର୍ ପାରା ସେମନର୍ ଲେଞ୍ଜ୍ ଗଜିଆ ରଇଲା । ଆରି ବିସ୍‌କାକ୍‌ତା ପାରା ଚାବ୍‌ତେରଇଲା । ପାର୍‌ମାସ୍ ଜାକ ଲକ୍‌ମନ୍‌କେ ନସାଇବାକେ ତାକର୍ ଲେଞ୍ଜ୍‌ର୍ ବପୁ ରଇଲା । ୧୧ ତାକର୍ ଉପରେ ଗଟେକ୍ ରାଜା ସାସନ୍ କର୍‌ତେରଇଲା । ସେ ପାତାଲେ ଦେକା ରକା କର୍‌ବା ଦୁଡ୍ । ଏବ୍‌ରି ବାସାଇ ତାର୍ ନାଉଁ ଅଇଲାନି ଅବଦନ୍ । ଆରି ଗିରିକ୍ ବାସାଇ ଅପଲିୟନ୍ । ତାର୍ ଅରଡ୍ ଅଇଲାନି କୁରୁପ୍‌ନାସ୍ କର୍‌ବା ଲକ୍ ।

୧୨ ପର୍‌ତୁମର୍ ଡର୍ ଲାଗ୍‌ବା ଦୁକ୍ କସ୍‌ଟ ସାରଲା । ତାରପତେ ଆରି ଦୁଇଟା ଅଦିକ୍ ଦୁକ୍ କସ୍‌ଟ ଅଇବାଟା ଆଇଲାନି ।

୧୩ ତାରପତେ ଚଅ ଲମରର୍ ଦୁଡ୍ ତାର୍ ମଇରି ପୁକ୍‌ଲା । ଆରି ଏଦେ ଦେକା ! ପର୍‌ମେସର୍ ମୁଆଁଟେ ରଇବା ସୁନା ବେଦିର୍ ଚାରିଟା କନେଅନି ମୁଇ ଗଟେକ୍ ସବଦ୍ ସୁନ୍‌ଲି । ୧୪ ସେ ସବଦ୍ ଚଅ ଲମର୍ ଦୁଡ୍‌କେ କଇଲା, ବଡ୍ ଗାଡ୍ ଇଉପର୍‌ଟିସ୍ ଗାଡେ, ବାନ୍ଦି ସଙ୍ଗଇବା ଚାରିଟା ଦୁଡ୍‌ମନ୍‌କେ ମୁକ୍‌ଲାଇଦେସ୍ । ୧୫ ଚାର୍‌ଟା ଦୁଡ୍‌ମନ୍‌କେ ମୁକ୍‌ଲାଇଲା । ଗୁଲାଇ ମୁନ୍‌ସ୍‌ଜାତିର୍ ତିନ୍ ବାଗେଅନି ଗଟେକ୍ ବାଗ୍‌କେ ମରାଇବାକେ ସେମନ୍‌କେ ତିଆର୍ କରି ସଙ୍ଗଇରଇଲା । ଏ ସମାନ୍ ବରସର୍, ସମାନ୍ ମାସର୍, ସମାନ୍ ଦିନର୍, ସମାନ୍ ଗାଁଟାପାଇ ସେମନ୍‌କେ ସଙ୍ଗଇରଇଲା । ୧୬ ତାରପତେ ଗଟେକ୍ ବଡ୍‌ଦଲ୍ ଅଇକରି ଗଡାଲଗେ ଆଇତେ ରଇବା ସନିଅମନ୍ ଜନ୍‌ଲକ୍‌ମନ୍ କି ଦୁଇସ ଲକିଅ ଲକ୍‌ମନ୍ ଆତଡ୍ ବଲି ସେମନ୍ କଇଲା, ସେଟା ଦେକ୍‌ଲି । ୧୭ ମୁଇ ମର୍ ଦର୍‌ସନେ ଗଡାମନ୍‌କେ ଆରି ତାର୍ ଚାଲାଉମନ୍‌କେ ଦେକ୍‌ଲି । ତାକର୍ ସାଞ୍ଜୁମନ୍ ଜଇପାରା ରଇ ଆରି ନିଲି ପାରା ନିଲିଆ, ଅଲ୍‌ଦି ପାରା ରଇଲା । ସେ ଗଡା ମନର୍ ମୁଣ୍ଟ୍ ସିଅଁମନର୍ ମୁଣ୍ଟ୍ ପାରା ରଇଲା । ଆରି ତାକର୍ ଟଣ୍ଟେଅନି ଜଇ ଦୁଆଁ ଆରି ରକଡ୍ ପାରାଟା ବାରଇତେରଇଲା । ୧୮ ଗୁଲାଇ ମୁନ୍‌ସ୍‌ ଜାତିର୍ ତିନ୍‌ବାଗେ ଅନି ଗଟେକ୍ ବାଗ୍ ସେ ତିନ୍‌ଟା ମର୍‌ଡିର୍‌ଲାଗି ମରିଗାଲା । ଗଡାମନର୍ ଟଣ୍ଟେଅନି ଆଇବା ଜଇ ଦୁଆଁ ଆରି ଗନ୍‌ପାରା ତିନ୍‌ଟା ମର୍‌ଡି ଅଇଲା ।

୧୯ ଗତାମନର ବସୁ ତାକର ଟଣ୍ଡେ ଆରି ତାକର ଲେଖେ ମିସିକରି ରଇଲା । ତାକର ଲେଖି ମୁଣ୍ଡ ରଇବା ସାପ୍ତମନର ପାରା ରଇଲା । ସେଟାସଙ୍ଗ ସେମନ୍ ଲକ୍ମନକେ ମାର୍ତ୍ତେରଇଲା । ୨୦ ଏ ମର୍ତ୍ତି ଅଇଲା ପାଇ ଜେଡକି ରଇଲା ମନସ୍ ଜାତି, ଆତେ ତିଆରକରି ରଇବାଟାକେ ଚାତଡନାଇ । ଗର୍ସଙ୍ଗ, ପାକନାସଙ୍ଗ, ପିତଲସଙ୍ଗ, ରୁପାସଙ୍ଗ ଆରି ସୁନାସଙ୍ଗ ତିଆର କରଇବା ମୁର୍ତ୍ତିମନକେ ଆରି ତୁମାମନକେ ସେବା କରବାଟା ସେମନ୍ ଚାତଡନାଇ । ୨୧ ସେମନ୍ ଚରାଇବାଟା, ବେସିଆ କାମ୍ କରବାଟା, ଜାଦୁ ମୂର୍ତ୍ତି କରବାଟା ଆରି ନର ମରାଇବାଟା ମିସା ଚାତଡନାଇ ।

୧୦

ସରଗର ଦୁଡ଼ ଆରି ସାନ୍ତା ବଇ

୧ ତାରପଟେ ଏଦେ ଦେକା ! ସରଗେଅନି ଆରି ଗଟେକ୍ ବଡ଼ ଦୁଡ଼ ଉଡ଼ରି ଆଇବାଟା ମୁଇ ଦେକଲି । ତାକେ ଗଟେକ୍ ବାଦଲ୍ ଗୁଡାଇରଇଲା ଆରି ମୁଣ୍ଡେ ଗଟେକ୍ ଇନ୍ଦ୍ରଦୁନୁ ଗୁଡିଆଇ ଅଇରଇଲା । ତାର ମୁ ବେଲ୍ ପାରା ରଇଲା । ତାର ଗଡ଼ମନ୍ ଜଇର କୁନାଦି ପାରା ରଇଲା । ୨ ତାର ଆତେ ଉଗାଡି ଅଇରଇବା ଗଟେକ୍ ସାନ୍ ବଇ ରଇଲା । ସେ ତାର ଉଜାଗଡ଼ ସମ୍ପଦୁର୍ ବିଡ଼ରେ ସଙ୍ଗଇଲା ଆରି ତେବ୍ରି ଗଡ଼ ସୁକଲା ବୁଏଁ ସଙ୍ଗଇଲା । ୩ ସେ ଆଉଲି ଅଇଲାକେ ସିଅମନ୍ ଅଡ଼ରଲା ପାରା ସୁନିଅଇଲା । ସେ ଡାକଲା ପଟେ, ସାଡ଼ଟା ଗଡ଼ଗଡ଼ିମନ୍ ଅଡ଼ରିକରି କଇଲା । ୪ ସେମନ୍ କାତା ଅଇଲା ଦାପରେ ମୁଇ ଲେକବାକେ ଆରାମ୍ ଅଇରଇଲି । ମାତର୍ ସରଗେଅନି ଗଟେକ୍ ସବଦ୍ ସୁନ୍ଲି, ସାଡ଼ଟା ଗଡ଼ଗଡ଼ିମନ୍ କଇଲାଟା କେ ନାଜାନଲାପାରା ସଙ୍ଗ । ସେଟା ଲେକନାଇ । ୫ ତାରପଟେ ମୁଇ ଆଗତୁ ଦେକିରଇବା ଦୁଡ଼ ଜେ କି ସମଦୁରେ ଆରି ସୁକଲା ପଦାଇ ଟିଆ ଅଇରଇଲା, ସେ ତାର ଉଜା ଆଡ଼ ସରଗବାଟେ ଲାମାଇଲା । ୬ ପର୍ମେସରର୍ ନାଉ ଦାରି ସେ ଗଟେକ୍ ସପଡ଼ କଲା । ପର୍ମେସର କାଲ୍ କାଲ୍ ଜୁଗ୍ ଜୁଗ୍ ବୁଡ଼ି । ସେ ସରଗେ ରଇବାଟା, ଦରତନିତେଇ ରଇବାଟା ଆରି ସମଦୁରେ ରଇବା ସବୁଜାକ ତିଆର କଲା । ସେ ଦୁଡ଼ କଇଲା, “ଆରି ଅଲ୍‌ସମ୍ ନ ଅଏ ।” ୭ ମାତର୍ ଜେତେବେଲେ ସାଡ଼ ଲମର୍ ଦୁଡ଼ ତାର ମଇରି ପୁକସି, ସେଡ଼କିବେଲେ, ପର୍ମେସର କାକେ ନ ଜାନାଇରଇବା ତାର ମନ୍ କଲାଟା ପୁରାପୁରୁନ୍ ସିଦ୍ କରସି । ଏଟା ସେ ତାର ଦାଙ୍ଗତାମନକେ ଆରି ବବିସଡ଼ବକ୍ତାମନକେ ସେ ଆଗତୁ ଜାନାଇରଇଲା । ୮ ତାରପଟେ ସରଗେଅନି ଜନ୍ ସବଦ୍ ମରସଙ୍ଗ କାତା ଅଇତେରଇଲା, ସେଟା ଆରିତରେକ୍ ମକେ କଇଲା “ଜାଆ, ସମଦୁରେ ଆରି ସୁକଲା ଜାଗାଇ ଟିଆଅଇରଇବା ଦୁଡ଼ର୍ ଆତେଅନି ଉଗାଡି ଅଇରଇବା କାଗଜ୍ ବେଟ୍ ।” ୯ ମୁଇ ଦୁଡ଼ର୍ ଲଗେ ଗାଲି ଆରି ସାନ୍ତା କାଗଜ୍ ମକେ ଦେ ବଲି କଇଲି । ସେ ମକେ କଇଲା “ଏଟା ନେଇକରି କାଆ । ତର୍ ପେଟେ ଏଟା ପିତା ଅଇସି । ମାତର୍ ତର୍ ଟଣ୍ଡେ ସେଟା ମୁ ପାରା ମୁନ୍ଦୁର ରଇସି ।” ୧୦ ତେଇ ମୁଇ ଦୁଡ଼ର୍ ଟାନେଅନି ସାନ୍ତା କାଗଜ୍ ନେଲି ଆରି କାଇଲି । ସେଟା ମର୍ ଟଣ୍ଡେ ପାକାଇଲାକେ ମୁ ପାରା ସୁଆଦ୍ ରଇଲା । ମାତର୍ ଗିଲିଲା ପଟେ ପେଟ୍ ବିଡ଼ରେ ପିତା ଅଇଗାଲା । ୧୧ ତାରପଟେ ମକେ କଇଲା, “ସବୁ ରାଜାମନର୍ ବିସଇ, ବାସାମନର୍ ବିସଇ, ବୁସର୍ ବିସଇ, ଆରି ରାଇଜର୍ ବିସଇ, ଏ ସବୁଜାକର ଉପରେ ପର୍ମେସରର୍ କବର୍ ତୁଇ ଆରିତରେକ୍ ଜାଇ ଜାନାଇବାର୍ ଆଟେ ।”

୧୧

ଦୁଇଟା ସାକି

୧ ତାରପଟେ ମକେ ନାପୁବା ଡାଙ୍ଗ୍ ପାରା ଡିସ୍‌ବା ଡାଙ୍ଗ୍ ଗଟେକ୍ ଦିଆଅଇଲା । “ଜାଆ ଆରି ପର୍ମେସରର୍ ମନ୍ଦିର୍ ଆରି ବେଦି ନାପ୍ । ମନ୍ଦିରେ ପାର୍ତନା କରବା ଲକ୍ମନକେ ଏଜିକରି ଆଉ ।” ୨ ମାତର୍ ମନ୍ଦିର୍ ବାଇରେ ରଇବା ଡାଣ୍ଡୁ ନାପୁନାଇ । କାଇକେବଇଲେ ସେ ଜାଗା ଜିଉଦି ନ ଅଇଲା ଲକ୍ମନକେ ଦିଆଅଇଲା ଆଟେ । ସେମନ୍ ସୁକଲ୍ ନଅରେ ରଇ ୪୨ ମାସ୍ ଜାକ ସେ ନଅର୍କେ ଅସୁକଲ୍ କରିଦେବାଇ । ୩ ବାସ୍‌ତା ପିନ୍ଦିରଇବା ଦୁଇଟା ସାକିମନକେ ମୁଇ ପାଟାଇବି । ସେ ବାରସ ସାଟେଦିନ୍ ମୁଇ ସେମନକେ କଇଲାଟା ଜାନାଇବାଇ । ୪ ସେ ଦୁଇଟା ସାକିମନ୍ ଜଗତର୍ ମାପୁରୁର୍ ମୁଆଟେ ଟିଆଅଇବା ଜିଡ଼ ଗର୍ ଆରି ଦୁଇଟା ବଡ଼ି ଅଇଆଟଡ଼ । ୫ କେ ଜଦି ସେମନର୍ ଅନିଆଇ ଦେକି ମାର୍ବାକେ ଚେସ୍‌ଟା କରବାଇ, ତାକର ଟଣ୍ଡେଅନି ଜଇ ବାରକରାଇ ତାକର ବିରଦିମନକେ ବିନାସ୍ କରବାଇ । ଏଡ଼ାରି ଜେ ସେମନକେ ମାର୍ବାକେ ଚେସ୍‌ଟା କରବାଇ, ସେମନ୍ ମରିଜିବାଇ । ୬ ସେମନ୍ ପର୍ମେସରର୍ କବର୍ ଜାନାଇବାବେଲେ ଜେନ୍ତାରି କି ବରସା ନଅ ବଲି ବାଦଲ୍‌କେ ଡାବିକରି ସଙ୍ଗଇବାକେ ତାକର ଅଦିକାର୍‌ଆଟେ । ପାଜୁରା ପାନିମନକେ ବନି କରବାକେ ମିସା ତାକର ଅଦିକାର୍ ରଇସି । ଜେତେବେଲେ ମନକଲେ, ସେତେବେଲେ ଜନ୍ ରକାମ୍ ମର୍ତ୍ତି ଦରତନି ଉପରେ କେତେତର୍ ମିସା କରି ବାଦାଦେବାକେ, ସେମନର୍ ଅଦିକାର୍‌ଆଟେ । ୭ ସେମନ୍

☆ ୧୧:୭ ୧୧:୭ ଲୁକ୍ ୨୧:୨୪ ☆ ୧୧:୭ ୧୧:୭ ପରକାସିତ ୧୩:୫-୭;୧୭:୮



ତାଙ୍କର କବର ଜାନାଇଲା ପରେ, ଗଟେକ୍ ବେସି ଡର୍ ଲାଗବା ପସୁ ପାତାଲେଅନି ବାରଇଆସି ତାଙ୍କର ବିରୁଦେ ଜୁଇଦ୍ କରସି । ସେ ପସୁ ସେମନ୍‌କେ ଆରାଇକରି ମରାଇଦେଇସି । ୮ ବଡ଼ ନଅର୍ ସାଇର୍ ମଜାଇ ତାଙ୍କର ମଲା ଗାଗଡ଼ ରଇସି । ସେ ବଡ଼ ନଅରେ ତାଙ୍କର ମାପରୁ କୁରୁସ୍‌କାଟେ ସର୍ପି ଅଇରଇଲା । ସେ ନଅର୍ ସଦମ୍ କି ମିସର୍ ରାଇଜ୍ ପାରା ଆଟେ । ୯ ତିନ୍ ଦିନ୍ ଆରି ଅଦା ଦିନର୍ପାଇ ସବୁ ରାଇଜର୍, ସବୁ ଦେସର୍, ସବୁ ବସର୍, ସବୁ ଜାତିର୍ ଆରି ସବୁ ବାସାର୍ ଲକ୍ ଦେକ୍‌ବାଇ । ସେ ମଲା ମତାମନ୍‌କେ ତପବାକେ ସେମନ୍ ରାଜି ନଅଡ଼ । ୧୦ ଏ ଦୁଇ ଲକ୍ ମଲାର୍‌ପାଇ, ଜଗତର୍ ଲକ୍ ସାର୍‌ଦା ଅଇବାଇ । ଏ ଦୁଇଟା ବବିସଡ଼ବକ୍‌ତାମନ୍ ଜଗତେ ବେସି ଦୁକ୍‌କସ୍‌ଟ ଆନାଇଲାଇଜେ ଲକ୍‌ମନ୍ ସାର୍‌ଦା ଅଇବାଇ ଆରି ସାଇସାର୍‌ଦା ଅଇକରି ସାର୍‌ଦା ଅଇବା ଜିନିସ୍‌ମନ୍ ଦିଆନିଆ ଅଇବାଇ । ୧୧ ତିନ୍‌ଦିନ୍ ଆରି ଅଦା ଦିନ୍ ପଟେ ଜିବନ୍ ଦେବା ଗଟେକ୍ ପୁଣ୍ଡା ପର୍ମେସର୍ ଗାନେଅନି ଆସି ତାଙ୍କର ବିତ୍‌ରେ ପୁରଲା । ଆରି ଏଦେ ଦେକା ! ସେମନ୍ ଉଟ୍‌ଲାଇ । ସେମନ୍‌କେ ଦେକ୍‌ଲା ଲକ୍‌ମନ୍ ବେସି ଡରିଗାଲାଇ । ୧୨ ତାର୍‌ପଟେ ସରଗେ ଅନି ଗଟେକ୍ ଜବର୍ ସବଦ୍ ବବିସଡ଼ବକ୍‌ତାମନ୍‌କେ କଇଲା, “ଉପ୍‌ରେ ଆସା ।” ଆରି ତାଙ୍କର ବିରଦିମନ୍ ଦେକ୍‌ବାବେଲେ ସେମନ୍ ଗଟେକ୍ ବାଦଲ୍ ଉପ୍‌ରେ ବସି ସର୍‌ଗେ ଗାଲାଇ । ୧୩ ✨ସେଡ଼କିବେଲେ, ଏଦେ ଦେକା ! ବେସି ଦର୍‌ତନି ରୁଲ୍‌ବୁଲି ଗାଲା । ନଅର୍‌ର ଦସ୍‌ବାଗେଅନି ଗଟେକ୍ ବାଗ କୁରୁପ୍‌ନାସ୍ ଅଇଗାଲା । ଆରି ତେଇ ୭,୦୦୦ ଲକ୍‌ମନ୍ ମରିଗାଲାଇ । ବାକି ରଇଲା ଲକ୍‌ମନ୍ ଡରିକରି ସର୍‌ଗେ ରଇବା ପର୍ମେସର୍‌ର ବପୁକେ ତାକ୍‌ପୁଟା କଲାଇ । ୧୪ ବେସି ଡର୍ ଅଇବା ଦୁଇ ଲମର୍ ଦୁକ୍‌କସ୍‌ଟ ସାରିଗାଲା । ମାତର୍ ଏବେ ଦେକା ପଟର୍‌ଟା ଦାପ୍‌ରେ ଆଇସି ।

**ସାଡ଼ଟା ମଇରି**

୧୫ ତାର୍‌ପଟେ ସାଡ଼ ଲମର୍ ଦୁଡ଼ ତାର୍ ମଇରି ପୁକ୍‌ଲା । ଆରି ଏଦେ ଦେକା ! ସର୍‌ଗେ ଜବର୍ ଆଉଲି ଅଇବାଟା ସୁନିଅଇଲା । ଜଗତ୍‌କେ ସାସନ୍ କର୍‌ବା ବପୁ ଆମର୍ ମାପରୁ ଆରି ତାର୍ ମସିଅକେ । ସେ କାଲ୍ କାଲ୍ ଜୁଗ୍ ଜୁଗ୍ ସାସନ୍ କରସି । ୧୬ ତାର୍‌ପଟେ ପର୍ମେସର୍‌ର ମୁଆଟେ ବସ୍‌ବା ଜାଗାଇ ବସିରଇବା ୨୪ ଟା ପାର୍‌ତିମନ୍ ଡାଣ୍ଡାସନ୍ ପଡ଼ି ତାକେ ଜୁଆର୍ କଲାଇ । ୧୭ ସେମନ୍ ଏନ୍ତାରି କଇଲାଇ “ମାପରୁ ପର୍ମେସର୍ ସବୁରଗାନେଅନି ଉପ୍‌ରେ ଆଟେ । ସେ ସବୁବେଲେ ରଇଲା ଆରି ରଇସି ମିସା । ତର୍ ବଡ଼ ବପୁ ସଙ୍ଗ୍ ତୁଇ ସାସନ୍ କର୍‌ବାକେ ଆରାମ୍ କଲୁସ୍ । ଆରାମ୍ କଲାର୍‌ପାଇ ଆମେ ତକେ ଜୁଆର୍ କଲୁନି । ୧୮ ଜିଉଦି ନ ଅଇଲା ଲକ୍‌ମନ୍ ବେସି ରିସା ଅଇଜାଇରଇଲାଇ ।” କାଇକେବଇଲେ ଏବେ ରିସା ଅଇବା ପାଲି ତମର୍‌ଟା । ଏବେ ମଲା ଲକ୍‌ମନ୍ ବିଚାର୍ ଅଇସିବେ । ବବିସଡ଼ବକ୍‌ତାମନ୍ ଜେ କି ତମର୍ ଦାଙ୍ଗ୍‌ଡା ଅଇରଇଲାଇ, ସେମନ୍‌କେ ପୁରୁସ୍‌କାର୍ ଦେବା ବେଲା କେଟ୍‌ଲା । ତକେ ଜେଡ଼କି ନାମ୍‌ବା ଲକ୍, ବଡ଼ସାନ୍ ସମାନ୍ ଅଇକରି ଦର୍‌ତନିକେ ବିନାସ୍ କରିରଇବା ଲକ୍‌ମନ୍ ଏବେ ନିଜେ ବିନାସ୍ ଅଇବାଇ । ୧୯ ✨ସର୍‌ଗେ ରଇବା ପର୍ମେସର୍‌ର ମନ୍ଦିର୍ ଉଗାଡ଼ି ଅଇଲା ଆରି ତେଇ ରାଜିନାମାର୍ ପେଡ଼ି ଡିସ୍‌ଲା । ତାର୍‌ପଟେ ବିଜ୍‌ଲି ଜଟକ୍‌ଲା, ଗଡ଼ଗଡ଼ି ମାର୍‌ଲା ଦର୍‌ତନି ରୁଲ୍‌ବୁଲିଲା ଆରି ବେସି କାରାପାକ୍‌ନା ମିସା ମାର୍‌ଲା ।

**୧୨**

**ମାଇଜି ଆରି ସାଁପ୍**

୧ ତାର୍‌ପଟେ ବାଦ୍‌ଲେ ଗଟେକ୍ କାବାଅଇଜିବା ତିନ୍ ଡିସ୍‌ଲା । ଆରି ଏଦେ ଦେକା ! ଜନ୍ ବିତ୍‌ରେ ଗଟେକ୍ ମାଇଜି ଟିଆଅଇରଇବାଟା ଡିସ୍‌ଲା । ତାର୍ ଲୁଗା ବେଲ୍‌ପାରା ଜକ୍‌ଜକ୍ ଜାଇଡେରଇଲା । ୨ ସେ ମାଇଜି ବାର୍‌ଟା ତାରା ରଇବା ମୁକୁଟ୍ ପିନ୍‌ରଇଲା । ସେ ନିକ ଅଇବା ବେଲା ଲଗେ କେଟିରଇଲା । ଆରି ଦୁକାସୁକାର୍‌ଲାଗି କାନ୍‌ଡେରଇଲା ।

୩ ଆରି ବାଦ୍‌ଲେ କେବେ ଦେକି ନ ରଇବା ବିନ୍ ରକାମ୍ ତିନ୍ ଡିସ୍‌ଲା । ଆରି ଏଦେ ଦେକା ! ସାଡ଼ଟା ମୁଣ୍ଡ ଆରି ଦସ୍‌ଟା ସିଙ୍ଗ୍ ରଇବା ଗଟେକ୍ ବଡେଟା ଅଇ ରଙ୍ଗ୍ ରଇଲା ଅସୁର୍ ସାଁପ୍ ଡିସ୍‌ଲା । ତାର୍ ସାଡ଼ଟା ମୁଣ୍ଡେ ସାଡ଼ଟା ମୁକୁଟ୍ ରଇଲା । ୪ ବାଦ୍‌ଲେ ରଇବା ତିନ୍ ବାଗେଅନି ଗଟେକ୍ ବାଗର୍ ତାରାମନ୍‌କେ ତାର୍ ଲେଞ୍ଜ୍ ଜିକିନେଇକରି ଦର୍‌ତନିଟାନେ ପିଙ୍ଗିଦେଲା । ସେ ମାଇଜି ନିକ ଅଇଲାଦାପ୍‌ରେ ତାର୍ ପିଲାକେ କାଇବି ବଲି ମାଇଜିର୍ ମୁଆଟେ ଟିଆଅଇଲା । ୫ ତାର୍‌ପଟେ ସେ ମାଇଜି ଗଟେକ୍ ପିଲାକେ ଜନମ୍ ଦେଲା । ସେ ପିଲା ଜଗତର୍ ସବୁ ରାଇଜ୍ ଗଟେକ୍ ଲୁଆର୍ ଡାଙ୍ଗ୍‌ସଙ୍ଗ୍ ସାସନ୍ କରସି । ମାତର୍ ଚାଡ଼ାଇକରି ପର୍ମେସର୍ ବସ୍‌ବା ଜାଗାଇ ନିଆଅଇଲା । ୬ ପର୍ମେସର୍ ତାର୍‌ପାଇ ତିଆର୍ କରି ସଙ୍ଗିରଇବା ମରୁବୁଇଁ ବାଟେ ସେ ମାଇଜି ପାଲାଇଲା । ତେଇ ୧,୨୬୦ ଦିନ୍ ଜାକ ତାକେ ଜତନ୍ ନିଆଅଇସି ।

୭ ✨ତାର୍‌ପଟେ ସରଗ୍‌ପୁରେ ଗଟେକ୍ ଜୁଇଦ୍ ଆରାମ୍ ଅଇଲା । ମିକାଏଲ୍ ଆରି ତାର୍‌ଦୁଡ଼ମନ୍ ସେ ଅସୁର୍ ଆରି ତାର୍ ଦୁଡ଼ମନ୍‌ର ସଙ୍ଗ୍ ଜୁଇଦ୍ କଲାଇ । ୮ ସେମନ୍ ସେ ଅସୁର୍‌କେ ଆରାଇଲାଇ । ତାକେ

✨ ୧୧:୧୩ ୧୧:୧୩ ପଢ଼କାସିତ ୭:୧୨;୧୭:୧୮ ✨ ୧୧:୧୯ ୧୧:୧୯ ପଢ଼କାସିତ ୮:୫;୧୭:୧୮; ପଢ଼କାସିତ ୧୭:୨୧ ✨ ୧୨:୭ ୧୨:୭ ଜିଉଦା ୧:୯

ଆରି ତାର ଦୁଃଖମାନଙ୍କେ ସରଗେ ରଇବାକେ ଆଦେସ୍ ନ ରଇଲା । ୯ \*ସେ ଅସୁରୁ ସାଁପକେ ବାଇରେ ବେଟି ପିଙ୍ଗିଦେଲା । ସେ ଅସୁରୁସାଁପ ଦିଆବଲ୍ ବଲି ତାକ୍‌ବା ସାଁପ ରଇଲା । ଜେ କି ଗୁଲାଇ ଜଗତ୍ ନାତାଇରଇଲା । ତାର ଦୁଃଖମାନଙ୍କେ ଆରି ତାକେ ମିସ୍‌ତେ ଦରତନି ଉପରେ ପିଙ୍ଗିଦେଲା ।

୧୦ ତାରପତେ ସରଗେ ଗଟେକ୍ ଜବର୍ ସବଦ୍ ଅଇବାଟା ମୁଇ ସୁନ୍‌ଲି । ସେ ସବଦ୍ କଲା “ଏବେ ଲକ୍‌ମନର୍‌ପାଇ ଅଇରଇବା ପର୍‌ମେସରର୍ ମୁକ୍ତି ସିଦ୍ ଅଇଲାଆଟେ । ରାଜା ଇସାବେ ତାର ବପୁ ସେ ଦେକାଇଆଟେ । ତାର ମସିଅ, ତାର ଅଦିକାର୍ ଦେକାଇଲା ଆଟେ ।” କାଇକେବଇଲେ, ଜେ କି ପର୍‌ମେସରର୍ ମୁଆଟେ ଚିଆଅଇ ଆମର୍ ବାଇବଇନିମନ୍‌କେ ଦସ୍ ଦେଇତେରଇଲା, ତାକେ ସରଗେଅନି ବାର୍‌କରାଇ ଦେଲାଆଟେ । ୧୧ ମେଣ୍ଡାପିଲାର୍ ବନିରଲାଗି ଆରି ସେମନ୍ ଜାନାଇରଇବା ସତର୍ ଲାଗି ଆମର୍ ବାଇବଇନିମନ୍ ତାରସଙ୍ଗ୍ ଜୁଇଦ୍ କରି ଜିଡ଼ଲାଇ । ସେମନ୍ ମରିଜିବାଜାକ ଜାନିରଇଲେ ମିସା ବିସ୍‌ବାସ୍ କରତେରଇଲା । ୧୨ ତେବର୍‌ପାଇ, ତମେ ସରଗେ ରଇବା ଜେଡ଼କି ଲକ୍ ସାର୍‌ଦା ଉଆ । ମାତର୍ ଦରତନିତେଇ ଆରି ସମ୍‌ଦୁରେ ରଇବା ଲକ୍‌ମନ୍ ତମର୍‌ପାଇ କେତେ ଇନସ୍‌ତାର୍ ଦିନ୍ ଆଇସି । କାଇକେବଇଲେ ତମର୍ ବିଡ଼ରେ ସଇତାନ୍ ଉଡ଼ି ଆଇଲାଆଟେ । ସେ ବେସି ରିସାଅଇଆଟେ । କାଇକେବଇଲେ ସେ ଏବେ ବେଲା ଚନେକ୍‌ସେ ଆଟେବଲି ଜାନିଆଟେ ।

୧୩ ଅସୁରୁସାଁପ ମକେ ଦରତନିଲଗେ ପିଙ୍ଗିଦେଲାଇ ବଲି ଜାନିକରି ପିଲାକେ ଜନମ୍‌କରିରଇବା ମାଇଜିର୍ ପର୍ ପର୍ ଜିବାର୍‌ଦାରଲା । ୧୪ ମରୁବାଲି ବୁର୍ବ୍ ତାର ଜାଗାଇ କେଟ୍‌ବାକେ ଗଟେକ୍ ବଡ଼ ଗିଦର୍ ଦୁଇଟା ତେନା ତାକେ ଦିଆଅଇଲା । ତେଇ ଅସୁରୁ ସାଁପ ତାକେ ନ ମିଲାଇକରି କାଇଟା ନ କଲାପାରା ତିନ୍ ବରସ୍ ଅଦା ଦିନ୍ ତାର ଜତନ୍ ନିଆଅଇସି । ୧୫ ତାରପତେ ସେ ଅସୁରୁସାଁପ ତାର ଟଣ୍ଡେଅନି ବନିଆ ଅଇଜିବା ଏଡ଼କି ପାନି ବାର୍‌କରାଇଲା । ଜେନ୍ତାରି କି ସେ ପାନି ସେ ମାଇଜିକେ ବଞ୍ଚିଲାଇ ନେଇସି । ୧୬ ମାତର୍ ଦରତନି ସେ ମାଇଜିକେ ସାଇଜ କଲା । ଅସୁରୁସାଁପର୍ ଟଣ୍ଡେଅନି ଆଇଲାପାନି ତାର ନିଜର୍ ଟଣ୍ଡପାଡ଼ିକରି ଗିଲିଦେଲା । ୧୭ ସେଟାର୍‌ପାଇ ସେ ଅସୁରୁସାଁପ ବେସି ରିସାଅଇଗଲା । ଆରି ସେ ମାଇଜିର୍ ବାକିରଇବା ନାତିତିତି ମନର୍ ସଙ୍ଗ୍ ଜୁଇଦ୍ କରବାର୍ ଆଇଲା । ସେମନ୍ ପର୍‌ମେସରର୍ ଆଦେସ୍ ମାନିକରି ଜିସୁ ଜାନାଇରଇବା ସଡ଼ ଦାରିରଇବାଇ । ୧୮ ଆରି ସେ ଅସୁରୁସାଁପ ସମ୍‌ଦୁରର୍ ବାଲିଉପରେ ଜାଇ ଚିଆ ଅଇଲା ।

### ୧୩

#### ଦୁଇଟା ପସୁ

୧\* ତାରପତେ ମୁଇ ସମ୍‌ଦୁର୍ ବିଡ଼ରେ ଅନି ଗଟେକ୍ ପସୁକେ ବାରଇଆଇବାଟା ଦେକଲି । ତାକେ ଦସ୍‌ଟା ସିଙ୍ଗ୍ ଆରି ସାଡ଼ଟା ମୁଣ୍ଡ ରଇଲା । ତାର ସବୁ ସିଙ୍ଗେ ଗଟେକ୍ ଗଟେକ୍ ମୁକୁଟ୍ ରଇଲା । ଆରି ମୁଣ୍ଡ ଉପରେ ପର୍‌ମେସରକେ ନିନ୍ଦା କଲା ପାରା ବିନ୍ ବିନ୍ ରକାମର୍ ସାଡ଼ଟା ନାଉଁ ରଇଲା । ୨ ସେ ପସୁ ଚିତାବାଗ୍ ପାରା ରଇଲା । ତାରପାଦ୍ ବାଲୁର୍ ପାଦ୍‌ପାରା, ତାର ଟଣ୍ଡ ସିଆର୍ ଟଣ୍ଡ ପାରା ରଇଲା । ଆରି ସେ ଅସୁରୁସାଁପ, ସେ ପସୁକେ ନିଜର୍ ବପୁ, ସିଆସନ୍ ଆରି ତାର ବଡ଼ ଅଦିକାର୍ ଦେଲା । ୩ ସେ ପସୁର୍ ଦସ୍‌ଟା ମୁଣ୍ଡେଅନି ଗଟେକ୍ ମୁଣ୍ଡ ବେସି ମାଡ଼ ଅଇରଇଲାପାରା ଡିସ୍‌ତେରଇଲା । ମାତର୍ ସେଟା ନିକ ଅଇଲା । ଗୁଲାଇ ଜଗତର୍ ଲକ୍‌ମନ୍ କାବାଅଇଜାଇକରି ତାର ପତେ ପତେ ଗାଲାଇ । ୪ ଆରି ନିଜର୍ ଅଦିକାର୍ ସେ ପସୁକେ ଦେଲାକେ ସବୁ ଲକ୍ ଅସୁରୁ ସାଁପକେ ଜୁଆର୍ କଲାଇ । ଏନ୍ତାରି କଇକରି ମିସା ସେ ପସୁକେ ସେମନ୍ ଜୁଆର୍‌କଲାଇ । ଏ ପସୁର୍ ପାରା ଆରି କେ ନାଇ । ତାର ବିରଦେ ଜୁଇଦ୍ କରି କେ ମିସା ଜିତି ନାପାରତ୍ ।

୫ ସେ ପସୁକେ ୪୨ ମାସଜାକ ଅଦିକାର୍ ସଙ୍ଗାଇବାକେ ଆରି ପର୍‌ମେସରର୍ ବିରୁଦେ ବଡ଼ପନ୍ କାତା କଇବାକେ ପର୍‌ମେସର୍ ଆଦେସ୍ ଦେଲା । ୬ ସେ ପସୁ ପର୍‌ମେସରର୍ ନାଉଁକେ, ସେ ରଇବା ଜାଗାକେ ଆରି ସରଗେ ରଇବା ସବୁକେ ସାଇପ୍ ଦେବାର୍‌ଦାରଲା । ୭ ପର୍‌ମେସର୍ ଲକ୍‌ମନର୍ ସଙ୍ଗ୍ ଜୁଇଦ୍ କରି ସେମନ୍‌କେ ଆରାଇବାକେ ତାକେ ଅଦିକାର୍ ଦିଆଅଇଲା । ସବୁ ବସ୍‌ର୍ ଉପରେ, ରାଇଜର୍ ଉପରେ, ବାସା ଉପରେ ଆରି ଜାତିର୍ ପାଇ ତାକେ ଅଦିକାର୍ ଦିଆଅଇଲା । ୮ ଦରତନିଟାନେ ରଇବା ସବୁଲକ୍ ତାକେ ଜୁଆର୍‌କରବାଇ । ଜିବନ୍ ରଇବା ଲକ୍‌ମନର୍ ବଇଟାନେ ନାଉଁ ଲେକାଅଇରଇବା ଲକ୍‌ମନ୍‌ସେ ତାକେ ଜୁଆର୍ ନ କରତ୍ । କାଇଟା ଡିଆର୍ ନ ଅଇରଇବା ଆଗ୍‌ତୁ ଲେକା ଅଇଜାଇରଇଲା । ସେ ବଇ ମରାଇଜାଇରଇବା ମେଣ୍ଡାପିଲାଟା । ୯ କାନ୍ ରଇଲା ଲକ୍ ମନ୍‌ଦିଆନ୍ କରି ସୁନା । ୧୦ ପର୍‌ମେସରର୍ ଜଜ୍‌ନା ଇସାବେ ଜାର୍ କରମେ ବନ୍ଦିଗରେ ରଇବାର୍ ଆଟେ, ସେ ବନ୍ଦିଗରେ ଜାଇସି । ପର୍‌ମେସରର୍ ଜଜ୍‌ନା ଇସାବେ ଜାର୍ କରମେ କାଣ୍ଡାସଙ୍ଗ୍ ମରବାର୍‌ଆଟେ, ସେ କାଣ୍ଡାସଙ୍ଗ୍ ମାରାଇଅଇସି । ମାତର୍ ପର୍‌ମେସରର୍ ଲକ୍ ବିସ୍‌ବାସ୍ ଦାରି ମୁରଟିକରି ରଇବାର୍‌ଆଟେ ।

\* ୧୨:୯ ୧୨:୯ ଲୁକ୍ ୧୦:୧୮ \* ୧୩:୧ ୧୩:୧ ପର୍କାସିତ ୧୨:୩,୭-୧୨

୧୧ ଏଦେ ଦେକା ! ତାରପତେ ଦରତନି ଅନି ଆରିଗଟେକ୍ ପସୁ ବାରଇ ଆଇବାଟା ମୁଇ ଦେକଲି । ତାକେ ମେଣ୍ଡାପିଲାର୍ ସିଙ୍ଘାପାରା ଦୁଇଟା ସିଙ୍ଘ ରଇଲା ଆରି ଅସୁରସାପ୍ ପାରା କାତା କଇତେରଇଲା । ୧୨ ଆଗତୁର୍ ପସୁରପାରା ତାକେ ମିସା ଅଦିକାର୍ ରଇଲା । ସେ ଅଦିକାର୍ ସଙ୍ଘ ସେ ସେବା କରତେରଇଲା । ଜଗତେ ଆରି ଜଗତେରଇବା ସବୁ ଲକ୍ମନକେ, ଆଗତୁର୍ ପସୁକେ ଜୁଆର୍ କରା ବଲି ଡରାଇତେରଇଲା । ଏଡକି ବିତ୍ରେ ପରତୁମ୍ ପସୁର୍ ଗାଉ ସୁକିଜାଇତେରଇଲା ।

୧୩ ପରର୍ ପସୁ ବଡ଼ ବଡ଼ କାବା ଅଇଜିବା କାମ୍ମନ କଲା । ଦରତନିଟାମେ ରଇବା ସବୁଲକ୍ ଦେକଲାପାରା ସରଗେଅନି ଜଇ ବାରକରାଇତେରଇଲା । ୧୪ ପରତୁମ୍ ପସୁର୍ ମୁଆଟେ କେତେକ୍ କେତେକ୍ କାବାଅଇଜିବା କାମ୍ମନ କରବାକେ ତାକେ ଅଦିକାର୍ ରଇଲା । ସେ କାବା ଅଇଜିବା କାମ୍ମନର୍ ଲାଗି ଦରତନିତେଇ ରଇବା ସବୁ ଲକ୍ମନକେ ନାଡାଇଲା । ପରତୁମ୍ ପସୁ ଜେ କି କାଣ୍ଡାସଙ୍ଘ ମାରି ରଇଲେ ମିସା ଜିଇ ରଇଲା, ତାକେ ତାକ୍ପୁଟାରପାଇ ଗଟେକ୍ ମୁର୍ତି ତିଆରକରୁ ବଲି ସେ ଲକ୍ମନକେ କଇଲା । ୧୫ ପରର୍ ପସୁ ଆଗତୁ ତିଆର୍ କରିରଇବା ପସୁର୍ ମୁର୍ତିତେଇ ପୁଣ୍ଡବାକେ ଅଦିକାର୍ ପାଇଲା । ଜେନ୍ତାରି କି ସେକ୍ତି କଲେ, ସେ ମୁର୍ତି କାତା ଅଇକରି ତାକେ ଜୁଆର୍ ନ କରବା ସବୁଲକ୍ମକେ ମରାଇସି । ୧୬ ସେ ପସୁ ସାନ୍ ବଡ଼ ଲକ୍ମନକେ, ସାଉକାର୍ ଆରି ଅରକିଡ଼ ଲକ୍ମନକେ, ବନ୍ଦି ଆରି ମୁକ୍ତିରଇବା ଲକ୍ମନକେ ଆରି ସବୁକେ ତାକର୍ ଉଜାଆତେ ନଇଲେ ତାକର୍ କାପାଲେ ଗଟେକ୍ ଚିନ୍ ଗଦବାକେ ଡରାଇଲା । ୧୭ ଏ ଚିନ୍ ନ ଅଇତେ କେ ମିସା ଗେନା ବିକା କରି ନାପାରଲା । ଏ ଚିନ୍ ଅଇଲାନି, ସେ ପସୁର୍ ନାଉଁ ନଇଲେ ସେ ନାଉଁ ବାଦ୍ଲିରଇବା ଲମର୍ ।

୧୮ ସେ ପସୁର୍ ନମରର୍ ଅରଡ଼ ଗଟେକ୍ ଗିଆନ୍ ରଇବା ଲକ୍ମସେ ଜାନିଅଇସି । କାଇକେବଇଲେ ସେ ନମର୍ ଗଟେକ୍ ଲକ୍ମର୍ ନାଉଁର୍ ବାଦୁଲେ ଆଟେ । ସେ ନମର୍ ଅଇଲାନି ୭୬୭ ।

### ୧୪

#### ମେଣ୍ଡାପିଲାର୍ ସଙ୍ଘେ ଜିବାଲକ୍

୧\* ତାରପତେ ମୁଇ ସିୟନ୍ ପରବତେ ମେଣ୍ଡାପିଲା ଚିଆଅଇରଇବାଟା ଦେକଲି । ତାରୁ ସଙ୍ଘ ୧୪,୪୦୦୦ ଲକ୍ମନ ରଇଲା । ତାକର୍ କାପାଲେ ମେଣ୍ଡାପିଲାର୍ ନାଉଁ ଆରି ତାର ବାବାର ନାଉଁ ଲେକିରଇଲା । ୨ ଆରି ସରଗେ ଅନି ମୁଇ ଗଟେକ୍ ସବଦ୍ ସୁନଲି । ସେଟା ଗଟେକ୍ ଜବର୍ ଗଡ଼ଗଡ଼ି ଅଇ ବଡ଼ ସବଦର୍ ପାରା ଆରି ଜବର୍ ପାନି ଅଦରଲାପାରା ରଇଲା । ବିଶା ବାଜ୍ଲେ ସବଦ୍ ଅଇବା ଗିଡ଼ପାରା ସୁନି ଅଇଲା । ୩ ସେ ୧୪୪,୦୦୦ ଲକ୍ମନ ବସବା ଜାଗାର୍ ଚାରଟା ବଠିରଇବା ପସୁମନର୍, ପାର୍ତିନମନର୍ ମୁଆଟେ ଚିଆଅଇଲା । ସେମନ୍ ଗଟେକ୍ ନୁଆ ଗିଡ଼ କଇତେରଇଲା । ସେମନ୍ ଆକା ସେ ଗିଡ଼ ଜାନିରଇଲା । ସେମନ୍ସେ ମୁକ୍ତି ପାଇରଇବା ଲକ୍ମନ । ୪ ସେମନ୍ ନିଜେ ସୁକଲ୍ ରଇଲା । ମାଇଜି ମନର୍ ସଙ୍ଘ ମିସାବିତା ଅଇକରି ନିଜକେ ଅସୁକଲ୍ ଅଇ ନ ରଇଲା । ସେମନ୍ ପିଲାବେଣ୍ଡିଆ ପାରା ରଇଲା । ସେମନ୍ ସବୁବେଲେ ମେଣ୍ଡାପିଲାର୍ ସଙ୍ଘ ଜାଇତେରଇଲା । ସେମନ୍ ମୁନୁସଜାତିର୍ ବିତ୍ରେ ପରତୁମ୍ ତର୍ ମୁକ୍ତି ପାଇକରି ପରମେସରପାଇ ଆରି ମେଣ୍ଡାପିଲାରପାଇ ନିଜକେ ସର୍ପି ଅଇଆତଡ଼ । ୫ ସେମନ୍ କେବେ ମିସା ମିର୍ ନ କଅଡ଼ । କେ ମିସା ସେମନ୍କେ ଦସ୍ ଦେଇନାପାରେ ।

#### ତିନ୍ଟା ଦୁଡ଼ମନ୍

୬ ତାରପତେ ମୁଇ ଆରିଗଟେକ୍ ଦୁଡ଼କେ ଆକାସେ ଉଡ଼ି ଜିବାଟା ଦେକଲି । ଏ ଜଗତର୍ ସବୁ ରାଇଜେଅନି, ବାସାଇଅନି, ବଂସେଅନି, ଜାତିଅନି ଆଇବା ସବୁ ଲକ୍ମନକେ ଜାନାଇବା ପରମେସରର୍ କେବେ ନ ସାରବା ସୁବକବର୍ ଜାନାଇତେରଇଲା । ୭ ସେ ଆଉଲିଅଇକରି କଇଲା “ପରମେସରକେ ତାକ୍ପୁଟା କରା । ତାର ବଡ଼ ବଡ଼ କାମର୍ ପାଇ ତାକେ ଆରାଦନା କରା । ଲକ୍ମନକେ ବିଚାର୍ କରବାକେ ତାର ବେଲା କେଟ୍ଲାଆଟେ । ସରଗ, ଦରତନି, ସମ୍ପୁର୍, ଆରି ପାଜରା ପାନି ସବୁଜାକ ସେ ତିଆରକଲାଆଟେ, ତାକେ ଜୁଆର୍ କରା ।” ୮ \*ଆରି ଗଟେକ୍ ଦୁଡ଼ ପରତୁମ୍ ଦୁଡ଼ ପତେ ଗାଲା । ସେ କଇଲା “କୁରୁପ୍ନାସ୍ ଅଇଲା । ବେସି ତାକ୍ପୁଟାରଇବା ବାବିଲନ୍ କୁରୁପ୍ନାସ୍ ଅଇଲା ।” ତେଇର୍ ଲକ୍ମନ ବିନ୍ ଦେସର୍ ଲକ୍ମନକେ ତାକର୍ ମଦ୍ କୁଆଇଲା । ତାର ଅରଡ଼ ଅଇଲାନି, ତାକର୍ ପାରା କାରାପ୍ ଚଲାଚଲ୍ଡି କରାଇଲା । ୯ ସେ ଦୁଇଟା ଦୁଡ଼ମନର୍ ପତେପତେ ଆରି ଗଟେକ୍ ଦୁଡ଼ ଆସିକରି ଆଉଲି ଅଇକରି କଇବାର୍ ଦାରଲା, ଜେ ଜଦି ପସୁକେ କି ତାର ମୁର୍ତିକେ ପୂଜା କରସି ଆରି ନିଜର୍ କାପାଲେ କି ତାର ଆତେ ତାର ଚିନ୍ ଗଦାଇଅଇସି, ୧୦ ସେମନ୍ ପରମେସରର୍ ମଦ୍ କାଇବାଇ । ଜନ୍ଟାକି ପାନି ଗାବିକରି ଚପରା ନ କଲାଟା । ତାର ତର୍ ଲାଗ୍ବା ଡଣ୍ଡୁ ଆରି ବଡ଼ ରିସା ସେମନ୍ ମୁରବବାଇ । ସେମନ୍କେ କାଇ ଦୟା ନ ଦେକାଅଡ଼ । ସୁକଲ୍ ଦୁଡ଼ମନର୍ ମୁଆଟେ ଆରି ମେଣ୍ଡାପିଲାର୍

\* ୧୪:୧ ୧୪:୧ ପରକାସିତ ୭:୩    ✨ ୧୪:୮ ୧୪:୮ ପରକାସିତ ୧୮:୨

ମୁଆଁଟେ ଗନ୍ଧଗାନେ ପଡ଼ିକରି ବେସି ଦୁକ୍ କସ୍ତ ପାଇବାଇ । <sup>୧୧</sup> ଜଇଗାନେଅନି ଆଇବା ଦୁଆଁ, ଜନ୍ମଟାକି ସେମନ୍ଦକେ ଦୁକ୍ କସ୍ତ ଦେଲାନି, ସେଟା କାଲ୍ କାଲ୍ ଜୁଗ୍ ଜୁଗ୍ ଉପରେ ଜାଇତେ ରଇସି । ପସୁକେ କି ତାର୍ ମୁରତିକେ ପୁଜାକରବା ଲକ୍ ଦିନ୍ରାତି ପୁଣ୍ଡି ନାପାରତ୍ । ଜେନ୍ତୁକି ତାର୍ ନାଉଁର ନେଇରଇବା ଲକ୍ମନରପାଇ ମିସା । <sup>୧୨</sup> ପରମେସରର ଲକ୍ମନ ଜନ୍ ଲକ୍ମନ କି ତାର୍ ଆଦେସ୍ ନାମ୍ବାଇ, ଆରି ଜିସୁକେ ବିସ୍ବାସ୍ କରି ଆଟତ୍, ସେମନ୍ ମୁରତିକରି ରଇବାର୍ ଆଟେ । <sup>୧୩</sup> ତାର୍ପଟେ ସରଗେଅନି ମୁଇ ଏନ୍ତାରି ସୁନଲି । “ଏଟା ଲେକି ସଙ୍ଗଇର । ଏବେଅନି ମାପୁରୁଗାନେ ମିସଲ୍ୟାପଟେ ମରିଜିବାଇ ସେ ଲକ୍ମନ କେଡେକ୍ କରମର୍ ଲକ୍ । ଉଁ ବଲି ଆଡ଼ମା କଇଲାନି । ଏଟା ସତଇସେ ଗଟ୍ସି, ତାକର୍ ଆବଡ଼ କାମେଅନି ଚନେକ୍ ପୁଣ୍ଡିବାକେ ସେଟା ତାକର୍ ବେଲା ରଇସି । କାଇକେବଇଲେ ସେମନ୍ କରିରଇବା ନିକ କାମର୍ ଲାଗି ସେମନ୍ ପୁରୁସ୍କାର୍ ପାଇବାଇ ।”

**ପସଲ୍ ପାଟ୍ଲା**

<sup>୧୪</sup> ତାର୍ପଟେ ମୁଇ ଦେକଲି, ଏଦେ ଦେକା ! ଗଟେକ୍ ଦବ୍ ବାଦଲ୍ ଡିସଲ୍ୟା । ଆରି ଗଟେକ୍ ନରପାରା ଡିସ୍ବା ବାଦଲ୍ ଉପରେ ବସିରଇଲା । ତାର୍ ମୁଣ୍ଡେ ସୁନାର୍ ମୁକୁଟ୍ ଆରି ଆଟେ ଗଟେକ୍ ଗଜିଆ ଇଲା ଦାରିରଇଲା । <sup>୧୫</sup> ତାର୍ ପଟେ ମନ୍ଦିରେଅନି ଆରି ଗଟେକ୍ ଦୁଡ଼ ବାରଇ ଆଇଲା । ଆରି ବାଦଲ୍ ଉପରେ ବସିରଇଲା ଲକ୍ମନେ ଆଉଲିଅଇକରି କଇଲା “ବେଲା କେଟ୍ଲାବେ ।” ତମର୍ ପସଲ୍ ପାଟ୍ଲାଆଟେ । ତର୍ ଇଲାସଙ୍ଗ୍ ସେଟା କାଟ୍ । <sup>୧୬</sup> ତାର୍ପଟେ ବାଦଲେ ବସଲ୍ୟା ଲକ୍ ତାର୍ ଇଲା ଦର୍ତନି ଉପରେ ବୁଲାଇଲା । ଦର୍ତନିର୍ ଚାସ୍ ସବୁ କାଟାଅଇଲା । <sup>୧୭</sup> ସରଗର୍ ମନ୍ଦିରେଅନି ଆରିଗଟେକ୍ ଦୁଡ଼ ବାରଇ ଆଇବାଟା ମୁଇ ଦେକଲି । ତାର୍ ଆଟେ ମିସା ଗଟେକ୍ ଲାଗନ୍ ଇଲା ରଇଲା । <sup>୧୮</sup> ତାର୍ପଟେ ବେଦିଟାନେଅନି ଜଇ ଦେକାରକା କରବା ଆରିଗଟେକ୍ ଦୁଡ଼ ଆଇଲା । ସେ ଆଉଲିଅଇକରି ଲାଗନ୍ ଇଲା ଦାରିରଇବା ଦୁଡ଼କେ କଇଲା “ଦର୍ତନିଟାନେ ରଇବା ଅଙ୍ଗୁରବାଡର୍ ଅଙ୍ଗୁର୍ ପାଟ୍ଲାଆଟେ । ତର୍ ଇଲାଦାରି କାଟିନେ ।” <sup>୧୯</sup> ଡେବରପାଇ ସେ ଦୁଡ଼ ଦର୍ତନି ଉପରେ ତାର୍ ଇଲା ବୁଲାଇଲା । ମାଲେଅନି ଅଙ୍ଗୁର୍ କାଟ୍ଲା । ଆରି ଅଙ୍ଗୁର୍ ଆଜାଡ଼ବା କୁଣ୍ଡେ ତାଲିଦେଲା । ସେ ଜାଗା ଅଇଲାନି ପରମେସରର୍ ବଡ଼ ରିସାର୍ ଜାଗା । <sup>୨୦</sup> ନଗରର୍ ବାଇରେ ରଇବା କୁଣ୍ଡେ ଚକଟାଗାଲା ଜାଗାଇ, ଅଙ୍ଗୁର୍ମନ୍ ପିଚକଲାଇ ଆରି ତେଇଅନି ବନି ବାରଇଲା । ସେ ବନି ତିନ୍ସ କିଲମିଟର୍ ଲମ୍, ଆରି ଦୁଇମିଟର୍ କାଲ୍ସେଡ଼କି ବଇଗାଲା ।

**୧୫**

**ସାରାସାରିର୍ ମର୍ତ୍ତି**

<sup>୧</sup> ଏଦେ ଦେକା ! ତାର୍ପଟେ ଆକାସେ ଆରିଗଟେକ୍ କାବା ଅଇଜିବା ଚିନ୍ ମୁଇ ଦେକଲି । ତେଇ ସାଡ଼ଟା ଦୁଡ଼ମନ୍ଦକେ ସାଡ଼ଟା ମର୍ତ୍ତି ସର୍ପାଇ ଅଇରଇଲା । ଏ ସର୍ତେ ମର୍ତ୍ତି ସାରାସାରି ବେଲଟା । କାଇକେବଇଲେ ଏଟା ଅଇଲାନି ଦର୍ତନି ଉପରେ ପରମେସର୍ ଆନ୍ଦା ସାରାସାରିର୍ ତଣ୍ଡ । <sup>୨</sup> ତାର୍ପଟେ କାଟ୍ ପାରା ଡିସ୍ବା ସମ୍ବୁର୍ ସଙ୍ଗ୍ ଜଇ ମିସାଇଲା ପାରାଟା ଗଟେକ୍ ଦେକଲି । ପସୁ ଆରି ତାର୍ ମୁରତି ଉପରେ ଜୁଇଦ୍ କରି ଜିତିରଇବା ଲକ୍ମନକେ ମିସା ମୁଇ ଦେକଲି । ସେ ପସୁର୍ ନାଉଁ ଗଟେକ୍ ଲମ୍ବରର୍ ବାଦୁଲେ ରଇଲା । ସେମନ୍ କାଟର୍ ସମ୍ବୁର୍ ପାଲିବାଟେ ଟିଆ ଅଇରଇଲାଇ । ପରମେସର୍ ସେମନ୍ଦକେ ଦେଇରଇବା ବିଣା ତାକର୍ ଆଟେ ରଇଲା । <sup>୩</sup> ସେ ଲକ୍ମନ୍ ମସା ଜେ କି ପରମେସରର୍ ଗତିଦାଙ୍ଗ୍ଡା, ତାର୍ ଗିଡ଼ ଆରି ମେଣ୍ଡାପିଲାର୍ ଗିଡ଼ ଗାଇତେରଇଲାଇ । ମାପୁରୁ ପରମେସର୍ ଜେ କି ସବୁର୍ ଉପରେ ଆଟେ, ତମେ କରବା କାମ୍ ବେସି ବଡ଼ ଆରି କାବାଅଇଜିବାଟା । ତୁଇ ରାଇଜ୍ମନର୍ ରାଜା । ତର୍ ବାଟ୍ ସଡ଼ ଆରି ସମାନ୍ । <sup>୪</sup> ତମକେ ପରମେସର୍ ବଲି ନ ନାମ୍ବା ଲକ୍ କେ ନ ରଅଡ଼ । ତମକେ ତାକ୍ପୁଟା ନ କରବା ଲକ୍ କେ ନ ରଅଡ଼ । କାଇକେବଇଲେ ତମେସେ ସୁକଲ୍ । ସବୁ ରାଇଜ୍ମନ୍ ଲକ୍ମନ୍ ତମକେ ଜୁଆର୍ କରବାକେ, ତମର୍ ମୁଆଁଟେ ରୁଣ୍ଡିବାଇ । କାଇକେବଇଲେ ତମର୍ ଦରମ୍ କାମ୍ମନ୍ ସବୁ ସେମନ୍ ଦେକଲାଇ ଆଟତ୍ ।

<sup>୫</sup> ତାର୍ପଟେ ସୁକଲ୍ ତମୁ ରଇବା ସରଗର୍ ମନ୍ଦିର୍ ଉଗାଡ଼ି ଅଇରଇବାଟା ମୁଇ ଦେକଲି । <sup>୬</sup> ସାଡ଼ଟା ମର୍ତ୍ତି ସର୍ପାଇ ଅଇରଇବା ସାଡ଼ଟା ଦୁଡ଼ମନ୍ ମନ୍ଦିରେ ଅନି ବାରଇଲାଇ । ସେମନ୍ ଦବ୍ ରଇକରି ଜକ୍ଜକି ଜାଇତେରଇବା ବସ୍ତର୍ ପିନ୍ଦି ରଇଲାଇ । ଆରି ସୁନାର୍ ବେଲଟୁ ବୁକେ ବାନ୍ଦିଅଇରଇଲାଇ । <sup>୭</sup> ଚାଟା ଜିବନ୍ ରଇବା ପସୁମନର୍ ବିଡ଼ରେ ଗଟେକ୍ ସବୁବେଲର୍ ପରମେସରର୍ ରିସାସଙ୍ଗ୍ ବର୍ତ୍ତି ଅଇରଇବା ସାଡ଼ଟା ସୁନାର୍ ଗିନା, ସେ ସାଡ଼ଟା ଦୁଡ଼ମନ୍ଦକେ ଦେଲା । <sup>୮</sup> ପରମେସର୍ ବପୁ ଆରି ତାର୍ ମଇମାର୍ ଲାଗି ମନ୍ଦିର୍ ଦୁଆଁ ସଙ୍ଗ୍ ବର୍ତ୍ତି ଅଇଲା । ସେ ସାଡ଼ଟା ଦୁଡ଼ମନ୍ ସାଡ଼ଟା ମର୍ତ୍ତି ନ ସାରାଇବା ଜାକ, ମନ୍ଦିର୍ ବିଡ଼ରେ କେ ପୁରିନାପାର୍ଲାଇ ।

☆ ୧୪:୨୦ ୧୪:୨୦ ପଢ଼କାସିତ ୧୯:୧୫



ପରମେସରର ଗିନାର ରିସା

୧ ତାରପତେ ଗଟେକ୍ ମନ୍ଦିରେଅନି ଗଟେକ୍ ଜବର୍ ସବଦ୍ ସେ ସାତ୍ଟା ଦୁଡ଼ମନ୍ଦକେ କାତା ଅଇବାଟା ମୁଇ ସୁନ୍ଲି । “ଜାଆ ଆରି ପରମେସରର ରିସା ବର୍ତ୍ତି ଅଇରଇବା ସାତ୍ଟା ଗିନା ଦର୍ତ୍ତନି ଉପରେ ଆଜାଡିଦେସ୍ ।” ୨ ପରତୁମ୍ ଦୁଡ଼ ଗାଲା ଆରି ତାର ରିସାର୍ ଗିନା ଦର୍ତ୍ତନି ଉପରେ ଆଜାଡିଦେଲା । ଆରି ଏଦେ ଦେକା ! ଜନ୍ ଲକ୍ମନ୍ଦ୍ ଜେ କି ପସୁର୍ ତିନ୍ ଗଦିଅଇରଇଲା ଆରି ତାର ମୁରୁତିକେ ଦୁଆର୍ କରତେରଇଲା, ତାକର୍ ଗାଗ୍ତେ ମୁରୁତି ନାପାରଲା ପାରା ଉଟାନ୍ ବାରଇଲା । ୩ ତାରପତେ ଦୁଇ ଲମର୍ ଦୁଡ଼ ତାର ରିସାର୍ ଗିନା ସମଦୁରେ ଆଜାଡି ଦେଲା । ଆରି ଏଦେ ଦେକା ! ତେଇର୍ ପାନି ମଲାଲକର୍ ବନିପାରା ଅଇଗାଲା । ଆରି ସମଦୁରେ ରଇବା ଜୁଡ଼ିଆଦ୍ ମରିଗାଲା । ୪ ତାରପତେ ତିନ୍ ଲମର୍ ଦୁଡ଼ ତାର ରିସାର୍ ଗିନା ଗାଡ଼ମନ୍ଦକେ ଆରି ପାଜୁରାମନ୍ଦକେ ଆଜାଡିଦେଲା । ସେମାନର୍ ପାନି ସବୁ ବନି ଅଇଗାଲା । ୫ ତାରପତେ ପାନି ଦେକାରକା କରବା ଦୁଡ଼ ଏନ୍ତାରି କଇବାଟା ମୁଇ ସୁନ୍ଲି “ଏ ସୁକଲ୍ ରଇବା ପରମେସର ତମେ ଆଗେଅନି ଆରି ଏବେ ମିସା ଆଗାସ୍ । ତମର୍ ବିଚାରନା ଟିକ୍ ଆରେ ।” ୬ ପରମେସର ଲକ୍ମନ୍ଦ୍ ଆରି ବବିସଦ୍ବକ୍ତାମନ୍ଦର୍ ବନି ତାଲିଦେଲା । ତେବର୍ପାଇ ତମେ ସେମନ୍ଦକେ କାଇବାକେ ବନି ଦେଇଆଗାସ୍ । ସେମନ୍ଦ କରରଇବା କାମର୍ ପଲ୍ ସେମନ୍ଦ ଆକା ପାଇଲା ଆଚଡ଼ ।” ୭ ତାରପତେ ବେଦିଟାନ୍ଦେଅନି ଗଟେକ୍ ସବଦ୍ ମୁଇ ସୁନ୍ଲି । “ମାପରୁ ପରମେସର ଜେ କି ସବୁର୍ ଉପରେ ଆରେ, ତମର୍ ବିଚାରନା ସମାନ୍ ଆରି ସଡ଼ ।”

୮ ତାରପତେ ଚାରି ଲମର୍ ଦୁଡ଼ ତାର ରିସାର୍ ଗିନା ବେଲ୍ ଉପରେ ଆଜାଡ଼ଲା । ଆରି ଏଦେ ଦେକା ! ତାର ଅପରବଲ୍ ତାତି ସଙ୍ଗ୍ ଲକ୍ମନ୍ଦକେ ପଡ଼ାଇଦେବାକେ ବେଲ୍ ଆଦେସ୍ ପାଇଲା । ୯ ସେ ଅପରବଲ୍ ତାତିର୍ ଲାଗି ସେମନ୍ଦ ପଡ଼ିଗାଲା । ଆରି ପରମେସରର ନାଉଁ ଦାରି ସାଇପ୍ ଦେଲା । କାଇକେବଲେ ଏ ସବୁର୍ ମରୁତି ଉପରେ ତାରଆକା ଅଦିକାର ରଇଲା । ମାତର୍ ସେମନ୍ଦ ଏନ୍ତା ଅଇଲା ମସିଆ ତାକର୍ ପାପେଅନି ବାଉଡ଼ନାଇ । ଆରି ପରମେସରର ବଡ଼ କାମକେ ମାନଡ଼ନାଇ । ୧୦ ତାରପତେ ପାଁଟ୍ ଲମର୍ ଦୁଡ଼ ତାର ରିସାର୍ ଗିନା ପସୁର୍ ବସବା ଜାଗାର ଉପରେ ଆଜାଡିଦେଲା । ଆରି ଏଦେ ଦେକା ! ପସୁର୍ ରାଇଜେ ଆଦାର୍ ତାବିଅଇଦେଲା । ଆରି ଦୁକାର୍ ଲାଗି ଲକ୍ମନ୍ଦ୍ ନିଜର୍ ନିଜର୍ ଜିବ୍ ଚାବିଅଇଦେଲା । ୧୧ ତାକର୍ ଦୁକା ଆରି ଉଟାନ୍ଦର୍ ଲାଗି ସରଗର୍ ପରମେସରକେ ସେମନ୍ଦ ସାଇପ୍ ଦେଲା । ମାତର୍ ତାକର୍ କାରାପ୍ ଚଲାଟଲ୍ଡିର୍ ଲାଗି ସେମନ୍ଦ ବାଉଡ଼ନାଇ । ୧୨ ତାରପତେ ଚଅ ଲମର୍ ଦୁଡ଼ ତାର ରିସାର୍ ଗିନା ଇଉପର୍ଡିସ୍ ନାଉଁର୍ ଗଟେକ୍ ବଡ଼ଗାତେ ଆଜାଡିଦେଲା । ଆରି ଏଦେ ଦେକା ! ସେ ଗାତର୍ ପାନି ଆଁଟିଗାଲା । ସେନ୍ତାରି ପୁର୍ବେଅନି ଜନ୍ ରାଜାମନ୍ଦ୍ ଆରି ତାକର୍ ସନିଅମନ୍ଦ୍ ଆଇବାର୍ ରଇଲା, ସେମନ୍ଦପାଇ ବାଟ୍ ତିଆର୍ଅଇଲା । ୧୩ ତାରପତେ ତିନ୍ଦା ବେଙ୍ଗ୍ପାରା ତିସ୍ବା ଅସୁକଲ୍ ଆଡ଼ମାମନ୍ଦକେ ମୁଇ ଦେକଲି । ସେମନ୍ଦ ଅସୁର୍ସାପର୍ ଟଣ୍ଡେଅନି, ପସୁର୍ ଟଣ୍ଡେଅନି ଆରି ମିର୍ କଇବା ବବିସଦ୍ବକ୍ତାଟାର୍ ଟଣ୍ଡେଅନି ବାରଇ ଆଇତେରଇଲା । ୧୪ ସେମନ୍ଦ କାବାଅଇଜିବା କାମ୍ କରବା ତୁମାମନ୍ଦ୍ ଆଡ଼ମାମନ୍ଦ୍ । ଏ ତିନ୍ଦା ଆଡ଼ମା ଜଗତେ ରଇବା ସବୁ ରାଜାମନ୍ଦଟାନ୍ଦେ ଗାଲା । ବେସି ବପୁ ରଇବା ପରମେସରର ବଡ଼ ଦିନ୍ଦ୍ ଜୁଇଦେ ସେ ଆଡ଼ମାମନ୍ଦ୍ ସବୁ ରାଜାମନ୍ଦକେ ଚୁଲିଆଇ ଆନ୍ଦା ।

୧୫ \*ସୁନା, ମୁଇ ଚର୍ ପାରା ଆଇଲିନି । ଜନ୍ ଲକ୍ମନ୍ଦ୍ ଜାଗର୍ଡ଼ ରଇକରି ତାକର୍ ବସ୍ତର୍ ଜାଗର୍ଡ଼ା କରି ସଙ୍ଗାଇବାଇ, ସେମନ୍ଦ କେତେକ୍ କରମର୍ ଲକ୍ମନ୍ଦ୍ । ମୁଇ ଆଇବା ଦିନେ ସେମନ୍ଦ ଗଟେକ୍ ତୁମ୍ପା ଅଇକରି ଏନେତେନେ ବୁଲ୍ବା ଲକ୍ ପାରା ନ ରଏ । ଆରି ସେମନ୍ଦ ଲକ୍ମନ୍ଦକେ ଦେକି ଲାଜ୍ ନ ଅଅଡ଼ । ୧୬ ତାରପତେ ଆଡ଼ମାମନ୍ଦ୍ ସବୁ ରାଜାମନ୍ଦକେ ଗଟେକ୍ ଜାଗାଇ ଚୁଲିଆଇ ଆନ୍ଦା । ଏବ୍ରି ବାସାଇ ସେ ଜାଗାର୍ ନାଉଁ ଅଇଲାନି ଅମିଗର୍ଦନ୍ । ୧୭ ତାରପତେ ସାଡ଼ ଲମର୍ ଦୁଡ଼, ତାର ରିସାର୍ ଗିନା ପବନେ ଆଜାଡିଦେଲା । ଆରି ଏଦେ ଦେକା !! ମନ୍ଦିରେ ରଇବା ବସ୍ବା ଜାଗାଇ ଅନି ଗଟେକ୍ ବଡ଼ ସବଦ୍ ଆଇଲା । “ସେଟା ସବୁ ସାରିଗାଲା !” ୧୮ \*ଦାପ୍ରେ ବିଜ୍ଲି ମାରଲା, ଗଡ଼ଗଡ଼ି ମାରଲା ଆରି ବେସି ଦର୍ତ୍ତନି ଚୁଲ୍ଚୁଲ୍ଲା । ମୁନ୍ସ୍ ଜାତି ତିଆର୍ କଲାତେଅନି ଏନ୍ତାରି ଦର୍ତ୍ତନି ଚୁଲ୍ଚୁଲ୍ବାଟା କେବେ ନ ଅଇରଇଲା । ଏଟା ସବୁଟାନ୍ଦେ ଅନି କାରାପ୍ ରଇଲା । ୧୯ ସେ ବଡ଼ ନଅର୍ ତିନ୍ଦାଗ୍ ଅଇଗାଲା । ସବୁ ଦେସର୍, ସବୁ ରାଇଜର୍ ନଅର୍ମନ୍ଦ୍, ବିନାସ୍ ଅଇଗାଲା । ପରମେସର ତାକ୍ପୁଟା ରଇବା ବାବିଲନ୍ଦକେ ଏତାଇଲା । ଆରି ତାର ଗିନାଇଅନି ତାକେ ମଦ୍ କୁଆଇଲା । ଏଟାର୍ ଅରଡ଼ ଅଇଲାନି, ତାର ରିସାଇଅନି ଆଇବା ବଡ଼ ଡ଼୍ ସେମନ୍ଦ ପାଇବାଇ । ୨୦ \*ସମ୍ପଦ୍ ମଜାଇ ରଇବା ସୁକଲା ଜାଗାମନ୍ଦ୍ ସବୁ କୁପ୍ଲି, କି ଡ଼ଙ୍ଗର୍ମନ୍ଦ୍ ନ ରଇଲା । ୨୧ \*ଆକାସେଅନି ପଟାସ୍ କେଜି ଲାକା ରଇବା କାରାପାକ୍ନାମନ୍ଦ୍ ଲକ୍ମନ୍ଦର୍ ଉପରେ ଅଦର୍ଲା

\* ୧୭:୧୫ ୧୭:୧୫ ମାଡିଉ ୨୪:୪୩,୪୪; ଲୁକ୍ ୧୨:୩୯,୪୦; ପରକାସିତ ୩:୩ \* ୧୭:୧୮ ୧୭:୧୮ ପରକାସିତ ୮:୫;୧୧:୧୩,୧୯  
 \* ୧୭:୨୦ ୧୭:୨୦ ପରକାସିତ ୬:୧୪ \* ୧୭:୨୧ ୧୭:୨୧ ପରକାସିତ ୧୧:୧୯

। କାରାପାକନା ଅଦରଲା ବିପଦରଲାଗି ଲକ୍ମନ୍ ପରମେସରକେ ସାଇପ୍ ଦେଲା । କାଇକେବଇଲେ ସେଟାଗଟେକ୍ ବଡ଼ ବିପଦ୍ ରଇଲା ।

### ୧୭

#### ଡାକ୍ପୁଟା ବେସିଆ

୧ ତାରପତେ ସାଡ଼ଟା ଗିନାଦାରିରଇବା ସାଡ଼ଟା ଦୁଡ଼ମନର୍ ବିଡ଼ରେ ଅନି ଗଟେକ୍ ଦୁଡ଼ ମକେ ଆସିକରି କଇଲା, “ଇତି ଆଉ ।” ସେ ଡାକ୍ପୁଟାର ବେସିଆ କେନ୍ତାରି ଡଣ୍ଡ ପାଇସି, ସେଟା ମୁଇ ତକେ ଦେକାଇବି । ବେସି ଗାଡ଼ମନ୍ ମିସିରଇବା ଜାଗାଇ ସେ ନଅର୍ ତିଆର୍ ଅଇଲାଆତେ । ୨ ଜଗତର୍ ରାଜାମନ୍ ତାର ସଙ୍ଗ୍ ବେସିଆ କାମ୍ କଲା । ଜଗତର୍ ଲକ୍ମନ୍ ତାର ମଦ୍ କାଇକରି ମାଡ଼ଲା । ତାର ଅରଡ଼ ଅଇଲାନି, ତାକର୍ କାରାପ୍ ଚଲାଚଲ୍ଡିକେ ସେମନ୍ ମାନଲା ।

୩ ✨ମକେ ଆଡ଼ମା ଦାରିଦେଲା ଆରି ଦୁଡ଼ ମକେ ମରୁବାଲି ବୁର୍ଷ୍ ଡାକିନେଲା । ଆରି ଏଦେ ଦେକା ! ତେଇ ରଙ୍ଗ୍ ପସୁର୍ ଉପରେ ଗଟେକ୍ ମାଇଜି ବସିରଇବାଟା ମୁଇ ଦେକ୍ଲି । ତାକେ ସାଡ଼ଟା ମୁଣ୍ଡ ଆରି ଦସ୍ଟା ସିଙ୍ଗ୍ ରଇଲା । ପରମେସରକେ ନିନ୍ଦାକରବା ନାଉଁ ସେ ପସୁର୍ ଉପରେ ଲେକାଅଇରଇଲା । ୪ ସେ ମାଇଜି ରଙ୍ଗ୍ ଆରି ଜାମ୍‌କଲି ରଙ୍ଗ୍‌ର୍ ବସ୍‌ତର୍ ପିନ୍ଦିରଇଲା । ସେ ବେସି ସୁନାବାନା, ଆରି ବେସି ଦାମ୍ ଦେଇରଇବା ଇରାନିଲା ପିନ୍ଦିରଇଲା । ତାର୍ ଆତେ ସୁନାଟ୍ ଗିନା ଦାରିରଇଲା । ସେ କରିରଇବା ବେସିଆ କାମ୍‌ମନ୍ ଆରି କାରାପ୍ କାମ୍‌ମନ୍ ସେ ଗିନାଇ ବର୍ଡିଅଇରଇଲା । ୫ ତାର୍ କାପାଲେ ଲେକିରଇବା ନାଉଁ କେ ନାଜାନ୍‌ବା ଗଟେକ୍ ଅରଡ଼ ରଇଲା । “ଏ ଡାକ୍ପୁଟାର୍ ବାବିଲନ୍ !” ଜଗତେ କରିରଇବା ସବୁ ବେସିଆ କାମ୍‌ର୍ ଆରି କରାପ୍ କାମ୍‌ର୍ ଆୟା ତୁଇସେ । ୬ ଆରି ସେ ମାଇଜି ପରମେସରର୍ ଲକ୍ମନର୍ ବନି କାଇ ମାଡିରଇବାଟା ମୁଇ ଦେକ୍ଲି । ଜିସୁକେ ବିସ୍‌ବାସ୍ କରି ସାଦ୍‌ବାନ୍ ଅଇ ମରିଜାଇରଇବା ଲକ୍ମନର୍ ବନି କାଇକରି ମିସା ସେ ମାଡିରଇଲା । ମୁଇ ତାକେ ଦେକିକରି କାବା ଅଇଗାଲି । ୭ ଦୁଡ଼ ମକେ ପାଟାରଲା, “କାଇକେ ତୁଇ କାବା ଅଇଗାଲୁସ୍ ? ଏ ମାଇଜିର୍ ଆରି ତାକେ ଦାରିରଇବା ପସୁର୍ କେ ନାଜାନି ରଇବା ଅରଡ଼ ମୁଇ ତକେ କଇଦେବି ।” ସେ ପସୁକେ ସାଡ଼ଟା ମୁଣ୍ଡ ଆରି ଦସ୍ଟା ସିଙ୍ଗ୍ ରଇଲା । ୮ ✨ଆଗ୍‌ତୁ ତରେକ୍ ସେ ପସୁ ବର୍ଡିରଇଲା । ମାତର୍ ଏବେ ଆରି ସେ ନ ବର୍ଡେ । ପାତାଲେଅନି ସେଟା ବାରଇ ଆଇସି । ତାକେ ଆରି ତରେକ୍ ସେ ଡଣ୍ଡ ପାଇବା ଜାଗାଇ ନିଆଅଇସି । ଜଗତେରଇବା ଲକ୍ମନ୍, ସବୁ ତିଆର୍ ନ ଅଇବା ଆଗ୍‌ତୁ, ଜାର୍ ନାଉଁ ଜିବନ୍‌ରଇବା ବଇଟାନେ ଲେକାଅଡ଼ନାଇ, ସେମନ୍ ସେ ପସୁକେ ଦେକି କାବାଅଇଜିବାଇ । କାଇକେବଇଲେ ସେ ଆଗ୍‌ତୁ ବର୍ଡିରଇଲା, ଏବେ ଆରି ସେଟା ବର୍ଡିରଏନାଇ । ମାତର୍ ସେଟା ଆରିତରେକ୍ ଆଇସି ।

୯ “ଗଟେକ୍ ଗିଆନ୍ ରଇବା ଆରି ଚିନ୍ତା କରବା ଲକ୍‌ସେ ଏଟା ବୁଜିପାର୍‌ସି । ସେ ସାଡ଼ଟା ମୁଣ୍ଡର୍ ଅରଡ଼ ଅଇଲାନି, ସେ ମାଇଜି ବସ୍‌ବା ସାଡ଼ଟା କୁପ୍‌ଲି । ସେଟା ଅଇଲାନି ସାଡ଼ଟା ରାଜାମନ୍ ମିସା । ୧୦ ସେ ସାଡ଼ଟା ରାଜାମନର୍ ବିଡ଼ରେ ଅନି ପାଟଟା ରାଜା ବୁଡିଗାଲା । ଗଟେକ୍ ଏବେ ମିସା ସାସନ୍ କଲାନି । ସାରାସାରିଟା ଏବେଜାକ ଆସେନାଇତା । ସେ ଆଇଲେ ଚନେକର୍‌ପାଇ ସାସନ୍ କର୍‌ବାର୍‌ଆତେ । ୧୧ ଆରି ଜନ୍ ପସୁ ଜେ କି ଆଗ୍‌ତୁ ବର୍ଡିରଇଲା, ଆରି ଏବେ ସେ ବର୍ଡେନାଇ, ସେ ଅଇଲାନି ଆଟ୍ ଲମ୍‌ର୍ ରାଜା । ସାଡ଼ଟା ରାଜାମନର୍ ବିଡ଼ରେଅନି ସେ ଗଟେକ୍ । ଆରି ସେ ମିସା ବୁଡିଜାଇସି ।”

୧୨ ଜନ୍ ଦସ୍‌ଟା ସିଙ୍ଗ୍ ତୁଇ ଦେକିରଇଲୁସ୍, ସେଟା ଅଇଲାନି ଦସ୍‌ଟା ରାଜା । ସେମନ୍ ଏବେଜାକ ରାଇଜେ ସାସନ୍ କରଡ଼ ନାଇତା । ମାତର୍ ପସୁସଙ୍ଗ୍ ରାଜା ଇସାବେ ଗଟେକ୍ ଗିଟା ସାସନ୍ କର୍‌ବାକେ ଅଦିକାର୍ ଦିଆଅଇସି । ୧୩ ଏ ସବୁ ଦସ୍‌ଟା ରାଜାମନ୍‌କେ ଗଟେକ୍ ଆକା ଆଦେସ୍ ଆତେ । ତାକର୍ ସବୁ ବପୁ ଆରି ଅଦିକାର୍ ପସୁକେ ଦେବାଇ । ୧୪ ସେମନ୍ ମେଣ୍ଡାପିଲାର୍ ବିରୁଦେ ଜୁଇଦ୍ କର୍‌ବାଇ । ମାତର୍ ମେଣ୍ଡାପିଲା ସେମନ୍‌କେ ଆରାଇସି । କାଇକେବଇଲେ ସେ ସବୁ ମାପ୍‌ରୁମନର୍ ଟାନେଅନି ଉତେ ରଇବା ମାପ୍‌ରୁ । ଆରି ରାଜା ମନର୍‌ଟାନେ ଅନି ଉପରେ ରଇବା ରାଜା । ତାର୍ ଜେଡ଼କି ସିସ୍‌ମନ୍‌କେ ସେ ଡାକିକରି ବାଟ୍‌ଲାଆତେ, ଆରି ତାକେ ସଡ଼ ସଙ୍ଗ୍ ନାମ୍‌ବାଇ, ସେମନ୍‌ର୍ ସଙ୍ଗ୍ ସେ ଜୁଇଦ୍ କର୍‌ସି ।

୧୫ ଦୁଡ଼ ଏନ୍ତାରି ମିସା ମକେ କଇଲା, ତୁଇ ଜନ୍ ପାନି ଉପରେ ବେସିଆ ବସିରଇବାଟା ଦେକ୍‌ଲୁସ୍, ସେଟା ଅଇଲାନି ଏ ଜଗତର୍ ରାଇଜ୍‌ମନ୍, ଲକ୍ମନ୍, ଜାତିମନ୍ ଆରି ବାସାମନ୍ । ୧୬ ତୁଇ ଦେକିରଇବା ଦସ୍‌ଟା ସିଙ୍ଗ୍ ଆରି ସେ ପସୁ, ବେସିଆକେ ଗିନ୍ କର୍‌ବାଇ । ତାର୍‌ଟାନେ ରଇବାଟା ସବୁ ଚାଡାଇନେଇ ତୁମ୍‌ଣ୍ଡା କର୍‌ବାଇ । ତାର୍ ମାଉଁସ୍ କାଇକରି ତାକେ ଜଇଟାନେ ପଡାଇଦେବାଇ । ୧୭ କାଇକେବଇଲେ ପରମେସର୍ ତାର୍ ଜଜନା ପୁରାପୁରନ୍ କର୍‌ବାକେ ସେମନ୍‌ର୍ ମନ୍‌କେ ଏ କାତାଦେଇ ପାଟାଇଆତେ ।

☆ ୧୭:୩ ୧୭:୩ ପର୍କାସିତ ୧୩:୧ ☆ ୧୭:୮ ୧୭:୮ ପର୍କାସିତ ୧୧:୭

ସେମନ୍ ଗଟେକ୍ ଅଇ କାମ୍ କରବାଇ । ପର୍ମେସରର୍ ବାକିଅ ସିଦ୍ ଅଇବାଜାକ ତାର୍ ରାଇଜର୍ ସାସନ୍ କରବା ବପ୍ ପସୁକେ ଦେଲାଆଟେ ।

୧୮ ଆରି ଜନ୍ ମାଇଜିକେ ତୁଇ ଦେକ୍ଲୁସ୍, ସେ ଅଇଲାନି, ଜଗତର୍ ରାଜାମନ୍କେ ସାସନ୍ କରବା ସେ ବଡ୍ ନଅର୍ ।

### ୧୮

#### ବାବିଲନ୍ ବୁଡିଗାଲାଟା

୧ ତାର୍ପଟେ ଏଦେ ଦେକା ! ସର୍ଗେଅନି ଆରି ଗଟେକ୍ ଦୁଡ୍ ଉଡ୍ରିଆଇବାଟା ମୁଇ ଦେକ୍ଲି । ତାକେ ବେସି ଅଦିକାର୍ ରଇଲା । ଆରି ତାର୍ ଉଜଲ୍ ଗୁଲାଇ ଜଗତେ ବଡ୍ତି ଅଇଗାଲା । ୨ \*ସେ ବେସି ଆକ୍ମାରି କଇଲା, “ତାର୍ ଦସା ଅଇଲା ଆଟେ ! ସେ ବଡ୍ ବାବିଲନ୍ ମାଟିଲଗେ ମିସି ରୁନ୍‌ରୁନା ଅଇଗାଲାବେ ! ସେଟା ଏବେ ମାଟିବିଡ୍ରେ ତପିଅଇ ଗାଲାବେ ! ତାକେ ଏବେ ତୁମାମନ୍ ଆରି ଅସୁକଲ୍ ଆଡ୍‌ମାମନ୍ ବାଦାଦେଲାଇନି । ସବୁ ରକାମର୍ ଅସୁକଲ୍ ଆରି ଗିନ୍‌କରବା ଚଡ୍‌ଇମନ୍ ତାର୍ ବିଡ୍ରେ ବାସା ଅଇଆତଡ୍ । ୩ କାଇକେବଇଲେ ଜଗତର୍ ସବୁ ରାଇଜ୍‌ମନ୍, ତାର୍ ମଦ୍ କାଇ ମାଡିଜାଇଆତଡ୍ । ଏଟାର୍ ଅରଡ୍ ଅଇଲାନି ତାର୍ କାରାପ୍ ଚଲାଚଲ୍ତି ମାନ୍‌ବାକେ ସେମନ୍‌କେ ସୁଡ୍‌ରାଇଲା । ଜଗତର୍ ରାଜାମନ୍ ତାର୍ ସଙ୍ଗ୍ ବେସିଆ କାମ୍ କରବାର୍ ଅବିଆସ୍ କଲାଇ । ଜନ୍ ସପ୍ତି ପାଇବା ଆସାଇଅନି ଏ ଜଗତର୍ ବେବାର୍‌ମନ୍ ସାଉକାର୍ ଅଇଗାଲାଇ ।”

୪ ତାର୍ପଟେ ସର୍ଗେ ଅନି ଆରି ଗଟେକ୍ ସବଦ୍ ଏନ୍ତାରି କଇବାଟା ମୁଇ ସୁନ୍‌ଲି । “ମର୍ ଲକ୍‌ମନ୍ ତାର୍‌ଟାନେଅନି ବାରଇ ଆସା । ତମେ ଜଦି ତାର୍ ପାପେ ମିସ୍‌ଲେ, ସେ ପାଇବା ତଣ୍ଡେ ମିସ୍‌ସା । ୫ କାଇକେବଇଲେ ତାର୍ ସବୁଜାକ ପାପ୍ କୁପା କୁଡାଇଲା ପାରା ସର୍ଗେ ଜାକ କେଟ୍‌ଲା ଆଟେ । ଆରି ପର୍ମେସର୍ ତାକର୍ କାରାପ୍ ଚଲାଚଲ୍ତି ଏତାଇଲାନି । ୬ ତାର୍ କରିରଇବା କାମର୍ ଲାଗି ତାକେ ବାଉଡାଇ ଦିଆଅଇସି । ଆରି ସେ ସମାନ୍ ଡଣ୍ଡ ପାଇସି । ଲକ୍‌ମନ୍‌କେ ଦୁକ୍‌କସ୍‌ଟ୍ ଦେବାକେ ସେ ଜାଇଜାଇଟା କଲାଆଟେ, ସେଟା ତାକେ ଦୁଇ ଗୁନ୍ ଇସାବେ ବାଉଡାଇ ଦିଆଅଇସି । ସେ ଜେଡ୍‌କି କାନ୍ତୁର୍ ମଦ୍ ବିନ୍ ଲକ୍‌ମନ୍‌କେ କାଇବାକେ ଦେଇଡେରଇଲା, ତାର୍ ଦୁଇଗୁନ୍ ଅଦିକାର୍‌ଟା ତାକେ କାଇବାକେ ଦିଆଅଇସି । ୭ ତାର୍ ଜେଡ୍‌କି ଦନ୍ ସପ୍ତି ଆରି ବଡ୍‌ପନ୍ ଆଟେ, ସେ ଇସାବେ ତାର୍ ଦୁକ୍‌କସ୍‌ଟ୍ ଆରି କାକୁର୍ତି ରଇସି । ସେ ନିଜକେ କଇସି ‘ମୁଇ ଇଡି ସାସନ୍ କରବା ଗଟେକ୍ ରାନି ।’ ରାଣ୍ଡି ଅଇଲିଆଡି ଜେ ମୁଇ କାନ୍ଦି ? ୮ ସେଟାର୍‌ପାଇବଲି ଦିନେକ୍ ବିଡ୍ରେ ତାକେ ମର୍ଡି, ରଗ୍‌ଦୁକା, କାକୁର୍ତି ଆରି ଇନସ୍‌ତା ଆଇସି । ଆରି ସେ ଜଇଟାନେ ପଡିଜାଇସି । କାଇକେବଇଲେ ବେସି ବପୁର୍ ମାପରୁ ପର୍ମେସର୍ ତାକେ ବିଚାରନା କରସି ।”

୯ ତାର୍ ବେସିଆ କାମେ ଆରି ଲାଲ୍‌ସା ଅଇ ମିସ୍‌ଲା ଜେଡ୍‌କି ରାଜାମନ୍ ସେ ଜଇଲଗେ ପଡ୍‌ଲାତେଇଅନି ବାରଇବା ଦୁଆଁ ଦେକିକରି ଆକ୍‌ମାରି କାନ୍ଦବାଇ । ୧୦ ସେମନ୍ ଆମେମିସା ଡଣ୍ଡ ପାଇବୁ ବଲି ଡରିକରି ଦୁରିକେ ଟିଆଅଇ କଇବାଇ, “ଏଟା କାଇ ଇନସ୍‌ତା, କାଇ କାକୁର୍ତି, ଏ ବଡ୍ ଅଇକରି ସୁନ୍‌ର୍ ବାବିଲନ୍ । ତୁଇ ପାଇବା ଡଣ୍ଡ ଅଟାଡ୍ ଅଇଗାଲା । କାଇକେବଇଲେ ଗଟେକ୍ ଗଟା ବିଡ୍ରେ ତୁଇ କୁରୁପ୍‌ନାସ୍ ଅଇଗାଲୁସ୍ ।”

୧୧ “ଏ ଜଗତର୍ ବେବାର୍‌ମନ୍ ତାର୍‌ପାରା ଦୁକ୍ ଅଇକରି କାନ୍ଦଲାଇନି । କାଇକେବଇଲେ ତାକର୍ ଜିନିସ୍ ଆରି କେ ନ ଗେନଡ୍ ।” ୧୨ ତାକର୍ ସୁନାବାନା, ତାକର୍ ରୁପା, ଜବର୍ ଦାମ୍ ଦେଇରଇବା ଇରା ମଡିମନ୍, ସିଲ୍‌କୁ ଲୁଗା, ଜାମ୍‌କଲି ରଙ୍ଗର୍ ବସ୍‌ଡର୍, ରଙ୍ଗୁଆ ବସ୍‌ଡର୍, ବିନ୍ ବିନ୍ ରକାମର୍ ବେସି ଦାମ୍ ଦେବା ବାସ୍‌ନା ଗର୍, ଆଡିର୍ ଦାଡାଇଅନି ଜବର୍ ଦାମ୍‌ଦେବାଟାମନ୍, ଗଟେଅନି, ପିତଲେଅନି, ଲୁଆଇଅନି, ମାର୍‌ବଲ୍ ପାକ୍‌ନାଇ ଅନି, ଡିଆର୍ କରିରଇବାଟା, ବିନ୍ ବିନ୍ ଜିନିସ୍ କେ ମିସା ନ ଗେନଡ୍ । ୧୩ ତାଲ୍‌ଚିନି, ବିନ୍ ବିନ୍ ରକାମର୍ ମସଲା, ଦୁପ୍, ବାସ୍‌ନାଦେବା ଦିନ୍‌ସୁ, ଟୁଣ୍ଡି, ଅଙ୍ଗୁର୍ ମଦ୍, ଚିକନ୍, ଅଟା, ଗାମ୍, ଗରୁ, ମେଣ୍ଡା, ଗଡା, ରଡ୍, ଏନ୍ତାରିକି ଗଡିକଟ୍‌ବା ଦାଙ୍ଗ୍‌ଡା ଆରି ଲକ୍‌ମନ୍‌କେ ମିସା ଜାକେ କି ସେମନ୍ ଗଡିଦାଙ୍ଗ୍‌ଡା କରି ବିକ୍‌ବାଇ, ସେମନ୍‌କେ ମିସା ଗେନି ନେବାକେ କେ ନ ବାରଅଡ୍ । ୧୪ ବେବାର୍‌ମନ୍ ତାକେ କଇଲାଇ, “ଜନ୍ ସବୁ ଜିନିସ୍ ତମେ ନିଜର୍ କରବାକେ ମନ୍ କରଡେରଇଲାସ୍, ସେଟା ସବୁ ପୁରାପୁରୁନ୍ ନସ୍‌ଟ୍ ଅଇଗାଲା । ତମର୍ ଦନ୍ ସପ୍ତି ନସିଗାଲା ଆରି ଜେଡ୍‌କି ଜିନିସ୍ ତମ୍‌କେ ସାର୍‌ଦା କରାଇଡେରଇଲା, ସେଟାମନ୍ ଆରି ନ ତିସେ ।” ୧୫ ସେ ନଅରେ ବେବାର୍ କରି ବେବାର୍‌ମନ୍ ଜେଡ୍‌କି ସାଉକାର୍ ଅଇଗାଲାଇ, ସେ ନଅରର୍ ଡଣ୍ଡେ, ସେମନ୍‌କେ ମିସାଇବାଇ ବଲି ଡରିକରି ସେମନ୍ ଦୁରିକେ ରଇବାଇ । ସେମନ୍ ଆକ୍‌ମାରି କାନ୍ଦବାଇ । ୧୬ ଆରି ଏନ୍ତାରି କଇବାଇ “ଏଟା କାଇ ଇନସ୍‌ତା ! ଏ ବଡ୍ ନଅରର୍ ପାଇ କାଇ କାକୁର୍ତି ? ତେଇର୍ ଲକ୍‌ମନ୍ ଜାମ୍‌କଲିଆ ରଙ୍ଗର୍ ଆରି ଦବ୍ ସିଲ୍‌କୁ ଲୁଗା ପିନ୍‌ଡେରଇଲାଇ । ସେମନ୍ ସୁନା

\* ୧୮:୨ ୧୮:୨ ପରକାସିତ ୧୪:୮

ଆରି ବେସି ଦାମ୍ ଦେବା ଇରା ମୁକ୍ତାମନ୍ ପିନ୍ଧିରଇଲା । ୧୭ ମାତର ଗଟେକ୍ ଗାଁଟା ବିତରେ ତାକର ସବୁ ଦନ୍ ସପତି କୁରୁପନାସ୍ ଅଇଗାଲା । ପାନିଜାଜ୍ ଚାଲାଉମନ୍ ଆରି ଜାଜେ ଜିବାଲକ୍ମନ୍ ଜାଜେ କାମ୍ କରବା ଲକ୍ମନ୍ ଆରି ସମ୍ପଦୁରେ କାମ୍ କରି ଜିଉନାକାଉନା କରି ସାଉକାର୍ ଅଇରଇଲା, ସେମନ୍ ସବୁ ଦୁରିକେ ରଇକରି ଦେକ୍ତେରଇଲା । ୧୮ ସେ ନଅର୍ ପଡ଼ଲାକେ ତେଇଅନି ଉଟ୍ଲା ଦୁଆଁ ଦେକି ସେମନ୍ ଆଉଲି ଅଇକରି କଇଲା, “ଏ ନଅର ପାରା ଆରି କନ୍ ନଅର୍ ମିସା ନ ରଇଲା ।” ୧୯ ସେମନ୍ ତାକର ମୁଣ୍ଡେ ଦୁଲି ବିଚିଅଇଲା ଆରି ଆକ୍ମାରି କାନ୍ଦି କାନ୍ଦି କଇଲା, “ଏଟା କାଇ ଇନସତା । ଏ ବଡ଼ ନଅରର୍ ପାଇ କାଇ କାକୁରତି ?” ସମ୍ପଦୁରେ ଆସ୍ଜା ଅଇତେରଇବା ଜାଆଜ୍ ମନ୍ ତାକର ଦନର୍ ଲାଗି ସାଉକାର୍ ଅଇରଇଲା । ଆରି ଏବେ ଗଟେକ୍ ଗାଁଟା ବିତରେ ସେଟାସବୁ ନସିଗାଲା । ୨୦ ସେ ବଡ଼ ନଅରର୍ ଦସାର୍ଲାଗି ସରଗେ ରଇବା ଲକ୍ମନ୍ ସାର୍ଦା ଉଆ । ପର୍ମେସର୍ ସେ ନଅରକେ ଡଣ୍ଡ ଦେଲାକେ ତମେ ବିସ୍ତବକ୍ତାମନ୍, ପାର୍ଚିନ୍ମନ୍ ଆରି ପର୍ମେସର୍କେ ବିସ୍ତବା କରବା ଲକ୍ମନ୍ ସାର୍ଦା ଉଆ । ସେ ନଅରର୍ ଲକ୍ମନ୍ ତମ୍କେ ତାଉନା କର୍ତେରଇଲା ।

୨୧ ତାରପତେ ଏଦେ ଦେକା ! ଗଟେକ୍ ବେସି ବପୁର୍ ଦୁଡ଼ ଗଟେକ୍ ବଡ଼ ଜତା ଏଡ଼କି ପାକନା ବେଟି ସମ୍ପଦୁରେ ପିଙ୍ଗା । ଆରି କଇଲା “ଏନ୍ତାରିସେ ବଡ଼ ନଅର୍ ବାବିଲନ୍କେ ଜବର୍ ଅଇତେ ପିଙ୍ଗା । ଆରି ତାର ନାଉଁଗନ୍ ନ ମିଲେନି । ୨୨ ବିଣା ବାଜାଉମନ୍, ଗିଡ଼ଗାଉମନ୍, ବାଉଁସି ପୁକୁମନ୍ ଆରି ମଇରିର୍ ସବଦ୍ କେବେ ନ ସୁନଡ଼ । ସୁନ୍ଦର୍ ଜିନିସ୍ ତିଆରକରୁମନ୍ ତେଇଆରି ନ ତିସଡ଼ । ଲକ୍ମନ୍ ଜତାସଙ୍ଗ୍ ଗରବା ସବଦ୍ ମିସା ଆରି ନ ସୁନିଅଏ । ୨୩ ଏ ନଅର୍ କାଇବତିସଙ୍ଗ୍ ମିସା ଉଜଲ୍ ନ ତିସେ । ଏବେ ବିବା ଅଇବା ଦାଙ୍ଗତା ଦାଙ୍ଗତିର୍ କାତା ମିସା ନ ସୁନିଅଏ । ତମର୍ ବେବାରମନ୍ ଗୁଲାଇ ଜଗତେ ତାକ୍ପୁଟା ଅଇଆତଡ଼ । ଆରି ତର୍ ମାୟାଜାଲେ ପଡ଼ିକରି ଜଗତର୍ ଲକ୍ମନ୍ ସବୁ ନାତାଇଅଇଲା ।”

୨୪ ବଡ଼ ନଅର୍ ବାବିଲନ୍ ଡଣ୍ଡ ପାଇଆତେ । କାଇକେବଇଲେ ବିସ୍ତବକ୍ତାମନ୍ ଆରି ପର୍ମେସର୍ ଲକ୍ମନ୍ ବନି ସେ ନଅରେ ବଇଗାଲାଆତେ । ଆରି ଗୁଲାଇ ଜଗତେ ମରାଇଅଇରଇବା ଜେଡ଼କି ଲକ୍ ଏ ନଅରର୍ ଲାଗି ମରିଜାଇରଇଲା । ବାବଦାଦିମନ୍ ସାଦୁଲକ୍ମନ୍ ଆରି ପୁରତିବିତେଇ ମାରା ଜାଇରଇବା ସବୁଲକ୍ମନ୍ ବନି ସେ ତିସି ରଇଲା ।

## ୧୯

### ସର୍ଗର୍ ସାର୍ଦା

୧ ତାରପତେ ସରଗେ ଗଟେକ୍ ଜାଗାଇ ମାନ୍ଦା ଲକ୍ ଆଉଲିଅଇକରି ଏନ୍ତାରି କଇବାଟା ମୁଇ ସୁନ୍ଲି । “ପର୍ମେସର୍କେ ଜୁଆର୍ କରା । ସେ ଆମ୍କେ ମୁକ୍ତି ଦେଲାଆତେ । ଆମର୍ ପର୍ମେସର୍କେ ତାକ୍ପୁଟା ଆରି ବପୁ ଅ ।” ୨ ତାର ବିଚାରନା ଜାକ ସଡ଼ ଆରି ଅନିଆଇ ନ ଅଇତେ ଜନ୍ ବେସିଆ ମାଇଜି ଗୁଲାଇ ଜଗତକେ ତାର କାରାପ୍ ଚଲାଚଲ୍ତି ସଙ୍ଗ୍ ନସାଇତେରଇଲା, ସେ ତାକେ ଦସ୍ ଦେଲାଆତେ । ତାର ଦାଙ୍ଗତାମନ୍କେ ସେ ମରାଇଲାକେ ତାକେ ସେ ଡଣ୍ଡ ଦେଲାଆତେ । ୩ ସେମନ୍ ଆରିତରେକ୍ ଆଉଲିଅଇଲା । “ପର୍ମେସର୍କେ ଜୁଆର୍ କରା । ସେ ବଡ଼ ନଅର୍ ଜଇଲଗେ ପଡ଼ଲାର୍ପାଇ ଉଟ୍ଲା ଦୁଆଁ କେବେ ନ ସାରେ ।” ୪ ୨୪ ପାର୍ଚିନ୍ମନ୍ ଆରି ଚାର୍ଟା ଜିବନ୍ ରଇବା ପସୁମନ୍ ତାଣ୍ଡାସନ୍ ପତି ବସ୍ବା ଜାଗାଇ ବସିରଇବା ପର୍ମେସର୍କେ ଜୁଆର୍ କଲା । ଆମେନ୍ ପର୍ମେସର୍ ତାକ୍ପୁଟା ପାଅ । ବଇଲାଇ ।

### ମେଣ୍ଡାପିଲାର୍ ବିବା ବଜି

୫ ତାରପତେ ବସ୍ବା ଜାଗାଇଅନି ଗଟେକ୍ ସବଦ୍ ଆଇଲା । ସେଟା ଏନ୍ତାରି କଇଲା, “ଆମର୍ ପର୍ମେସର୍କେ ଜୁଆର୍ କରା । ତାର ଦାଙ୍ଗତାମନ୍, ଆକେ ନାମ୍ବା ଜେଡ଼କି ସବୁ ବଡ଼ସାନ୍ ଲକ୍ମନ୍ ତାକେ ଜୁଆର୍କରା ।” ୬ ତାରପତେ ଗଟେକ୍ ଜବର୍ ମାନ୍ଦା ଲକ୍ପାରା ଆରି ବେସି ସବଦ୍ କରି ଉପରେ ଅନି ଅଦର୍ତେରଇବା ଗଟେକ୍ ଜଲାପାରା ଆରି ଗୁଡ଼ଗୁଡ଼ ଅଇ ଆଇବା ଗଡ଼ଗଡ଼ି ପାରା ଗଟେକ୍ ସବଦ୍ ସୁନ୍ଲି । ସେମନ୍ ଏନ୍ତାରି କଇତେରଇଲା “ପର୍ମେସର୍କେ ଜୁଆର୍ କରା । ଆମର୍ ମାପରୁ ସବୁଟାମେଅନି ବପୁରଟା । ଆମର୍ ପର୍ମେସର୍ ଅଇଲାନି ମାପରୁ ।” ୭ ଆସା ଆମେ ସାର୍ଦା ସଙ୍ଗ୍ ଗିଡ଼ନାଟ୍ କରୁ ଆରି ତାର କାବାଅଇଜିବା କାମର୍ପାଇ ତାକେ ତାକ୍ପୁଟା କରୁ, କାଇକେବଇଲେ ମେଣ୍ଡାପିଲାର୍ ବିବା ଅଇବା ବେଲା ଲଗେ କେଟ୍ଲାବେ । ଆରି ତାର କନିଆଦାଙ୍ଗତିକେ ବିବା ଅଇବାକେ ନିଜେ ତିଆର୍ କଲାଆତେ । ୮ ତାକେ ସୁକଲ୍ ପିର୍ପିରା ଅଇ ଜକ୍ମକିଜିବା ବସ୍ତର୍ ପିନ୍ଧିବାକେ ଦିଆଅଇଆତେ । ପିର୍ପିରା ଲୁଗା ଅଇଲାନି, ପର୍ମେସର୍ ଲକ୍ମନ୍ ଦରମ୍ କାମ୍ ।



୯ \*ତାର୍ପତେ ଦୁତ୍ତ ମକେ କଇଲା, “ଏଟା ଲେକି ସଙ୍ଗଇର । ମେଣ୍ଡାପିଲାଟ୍ ବିବା ବଜିକେ ଜେଡ଼କି ଲକ୍‌କେ ଡାକିରା ଅଇଲାଆତେ । ସେମନ୍ କେଡେକ୍ ନିକ କରମର୍ ଲକ୍ ।” ଆରି ଦୁତ୍ତ କଇଲା, “ଏଟା ପର୍ମେସରର୍ ସତ୍ ବାକିଅ ।”

୧୦ ମୁଇ ତାକେ ଜୁଆର୍ କର୍ବି ବଲି ତାର୍ ଗଡେ ଡାଣ୍ଡାସନ୍ ପଡ଼ଲି, ମାତର୍ ସେ ମକେ କଇଲା, “ନିତୁ, ମୁଇ ଆରି ତର୍ ସଙ୍ଗର୍ ବିସ୍‌ବାସି ବାଇମନ୍ ଜେଡ଼କି ଲକ୍ ଆମେ ସବୁ ଜିସୁ ଜାନାଇରଇବା ସତ୍ ଦାରିଆତୁ, ଆମେ ସବୁ ଅବକା ଦାଙ୍ଗଡାମନ୍, ପର୍ମେସରକେ ଜୁଆର୍ କରା । କାଇକେବଇଲେ ଜିସୁ ଜନ୍ ସତ୍ ଜାନାଇଆତେ, ସେଟାସେ ବବିସତ୍ ବକ୍‌ତାମନ୍‌କେ କାତାଅଇବାକେ ବପୁଦେଲାଆତେ ।”

**ଦବ୍‌ଲା ଗଡ଼ାଇ ବସି ଜାଇତେ ରଇବା ଲକ୍**

୧୧ ତାର୍ପତେ ସରଗ୍ ଉଗାଡି ଅଇଲାଟା ମୁଇ ଦେକ୍‌ଲି । ଆରି ଏଦେ ଦେକା ! ଗଟେକ୍ ଦବ୍ ଗଡ଼ା ଆଇବାଟା ଡିସ୍‌ଲା । ଗଡ଼ା ଚାଲାଉର୍ ନାଉଁ ଅଇଲାନି ବିସ୍‌ବାସ୍ କର୍ବାଟା ଆରି ସତ୍‌ଟା । ସେ ଅନିଆଇ ନ କରି ତାର୍ ଜୁଇଦ୍ କର୍ସି ଆରି ଜିଡ଼ସି । ୧୨ ତାର୍ ଆଁକି ଲାଗ୍‌ତେ ରଇବା ଜଇପାରା ରଇଲା । ଆରି ତାର୍ ମୁଣ୍ଡେ ବେସି ମୁକୁଟ୍ ପିନ୍ଦି ରଇଲା । ଜନ୍ ନାଉଁ ତାର୍ ଉପ୍‌ରେ ଲେକା ଅଇରଇଲା, ସେଟାକେ ଚାଡ଼ିଦେଲେ ଆରି କେ ନାଜାନିରଇଲା । ୧୩ ତାର୍ ବସ୍‌ତର୍ ବନିତେଇ ବୁଡ଼ାଇଲାପାରା ରଇଲା । ତାର୍ ନାଉଁ ରଇଲା ପର୍ମେସରର୍ ବାକିଅ । ୧୪ ସର୍ଗର୍ ସନିଅମନ୍ ଦବ୍ ବସ୍‌ତର୍ ପିନ୍ଦିକରି ଆରି ଦବ୍‌ଗଡ଼ାଇ ବସି ତାର୍ ପତେ ପତେ ଜାଇତେରଇଲା । ୧୫ \*ତାର୍ ଟାଣ୍ଡେଅନି ଗଟେକ୍ ଗଜିଆ କାଣ୍ଡା ବାରଇଲା । ସେଟାସଙ୍ଗ୍ ସେ ଏ ଜଗତର୍ ରାଇଜ୍‌ମନ୍‌କେ ଆରାଇସି । ସେ ତାର୍ ସଙ୍ଗ୍ ତାକର୍ ଉପ୍‌ରେ ସାସନ୍ କର୍ସି । ବେସି ବପୁ ରଇବା ପର୍ମେସରର୍ ରିସା ସେମନ୍‌କେ ଦେକାଇସି । ସେ ତାର୍ ସତ୍‌ରୁମନ୍‌କେ ମାଣ୍ଡିକରି ରମ୍‌ଦିଦେଇସି । ଜେନ୍ତାରିକି ଅଙ୍ଗୁର୍ ପିଡ଼କିକରି ରସ୍ ବାର୍‌କରାଇସି । ୧୬ ତାର୍ ବସ୍‌ତରେ, ଜଙ୍ଗେ, ଏ ନାଉଁ ଲେକାଅଇରଇଲା । “ସବୁରାଜାମନ୍ ଉପ୍‌ରେ ରଇବା ରାଜା, ସବୁ ମାପ୍‌ରୁମନ୍ ଉପ୍‌ରେ ରଇବା ମାପ୍‌ରୁ ।”

୧୭ ତାର୍ପତେ ଏଦେ ଦେକା ବେଲ୍ ଉପ୍‌ରେ ଗଟେକ୍ ଦୁତ୍ତ ଚିଆଅଇରଇବାଟା ମୁଇ ଦେକ୍‌ଲି । ଆକାସର୍ ମଜାଇ ଉଡ଼ତେରଇବା ଜେଡ଼କି ସବୁ ଚଡ଼ଇମନ୍‌କେ ସେ ଆକ୍‌ମାରି କଇଲା “ଆସା ପର୍ମେସରର୍ ବଡ଼ ବଜିତେଇ ଜିବାକେ ସବୁଲକ୍ ଚୁଲ୍‌ଡିଆ । ୧୮ ଆସା ଆରି ରାଜାମନ୍, ମୁକିଆମନ୍ ଆରି ସଇନମନ୍ ମାଉଁସ୍ କାଇବାକେ ଆସା । ଗଡ଼ାମନ୍ ଆରି ତାକେ ଚାଲାଉମନ୍, ବଡ଼ ସାନ୍ ଲକ୍‌ମନ୍, ବନ୍ଦି ଆରି ମୁକ୍‌ଲି ରଇବା ଲକ୍‌ମନ୍ ସବୁ ଲକ୍‌ମନ୍ ମାଉଁସ୍ କାଇବାକେ ଆସା ।”

୧୯ ତାର୍ପତେ ସେ ପସ୍ତୁ ଜଗତର୍ ରାଜାମନ୍ ଆରି ତାକର୍ ସନିଅମନ୍ ଜେ ଗଡ଼ା ଚାଲାଉତେରଇଲା ଆରି ତାର୍‌ସନିଅମନ୍ ସଙ୍ଗ୍ ଜୁଇଦ୍ କର୍ବାକେ ରୁଣ୍ଡିଲାଟା, ମୁଇ ଦେକ୍‌ଲି । ୨୦ \*ଡେଇ ପସ୍ତୁକେ ବନ୍ଦିକରି ନେଲା । ତାର୍ ସଙ୍ଗ୍ ଜନ୍ ମିଡ଼ କଇବା ବବିସତ୍‌ବକ୍‌ତା, ଜେ କି ତାର୍ ମୁଆଟେ କାବାଅଇଜିବା କାମ୍‌ମନ୍ କର୍ତେରଇଲା, ତାକେ ମିସା ବନ୍ଦିଗରେ ନେଲା । ଏ କାବାଅଇଜିବା କାମ୍‌ମନ୍ ଲାଗି ସେ ଲକ୍‌ମନ୍‌କେ ନାଡ଼ାଇରଇଲା । ଜନ୍ ଲକ୍‌ମନ୍ କି ପସ୍ତୁର୍ ଚିନ୍ ଗଦିଅଇକରି ତାର୍ ମୁର୍ତ୍ତିକେ ଜୁଆର୍ କର୍ତେରଇଲା ସେ ପସ୍ତୁ ଆରି ମିଡ଼ କଇବା ବବିସତ୍‌ବକ୍‌ତା ଦୁଇଲକ୍‌ଜାକ ଜିବନ୍ ରଇତେ ଗନ୍ଦ୍ ଅଇତେରଇବା ଜଇର୍ ଗାଡେ ପିଙ୍ଗାଅଇଲା । ୨୧ ଗଡ଼ା ଚାଲାଉର୍ ଟାଣ୍ଡେଅନି ବାରଇ ଆଇବା କାଣ୍ଡା ସଙ୍ଗ୍ ତାକର୍ ସନିଅମନ୍ ମରିଗାଲା । ସବୁ ଚଡ଼ଇମନ୍ ତାକର୍ ମାଉଁସ୍ ପେଟ୍‌ପୁର୍ତେ କାଇଲା ।

**୨୦**

**ଅଜାର୍ ବରସର୍ ସାସନ୍**

୧ ତାର୍ପତେ ଏଦେ ଦେକା ! ସର୍ଗେଅନି ଗଟେକ୍ ଦୁତ୍ତ ଉଡ଼ି ଆଇବାଟା ମୁଇ ଦେକ୍‌ଲି । ତାର୍‌ଲଗେ ପାତାଲର୍ କୁଟିକାଡି ଆରି ଗଟେକ୍ ବଜ୍ ରଇବା ସିକ୍‌ଲି ରଇଲା । ୨ ସେ ଅସୁର୍ ସାଁପକେ ଦାରୁଲା । ଜନ୍ ଆଗର୍ କାଲେ ରଇଲା ସାଁପ, ସେଟା ଅଇଲାନି ସଇତାନ୍ । ତାକେ ଅଜାର୍ ବରସର୍‌ପାଇ ସିକ୍‌ଲିସଙ୍ଗ୍ ବାନ୍ଦିଦେଲା । ୩ ଦୁତ୍ତ ତାକେ ପାତାଲେ ପିଙ୍ଗିଦେଲା ଆରି କୁଟି ପାକାଇକରି ସିଲ୍ ମାରୁଲା । ଏନ୍ତାରି କଲାକେ ଅଜାର୍ ବରସ୍ ନ ସାର୍‌ତେ ସେ ବିନ୍ ବିନ୍ ରାଇଜର୍ ଲକ୍‌ମନ୍‌କେ ଆରି ନାଡ଼ାଇ ନାପାରେ । ତାର୍ପତେ ଚନେକର୍‌ପାଇ ତାକେ ଚାଡ଼ିଦେବାଇ ।

୪ ତାର୍ପତେ ମୁଇ କେଡେଟା ବସ୍‌ବା ଜାଗାମନ୍ ଦେକ୍‌ଲି । ଜେଡ଼କି ଲକ୍ ବସ୍‌ବା ଜାଗାଇ ବସିରଇଲା, ସେମନ୍‌କେ ନିଆଇ କର୍ବାକେ ବପୁ ଦିଆଅଇରଇଲା । ଆରି ତାଡ଼ନା ପାଇ ମରାଇଅଇରଇବା ଆଡ଼ମାମନ୍‌କେ ଦେକ୍‌ଲି । ଜିସୁ ଜାନାଇରଇଲା ସତ୍ ଆରି ପର୍ମେସରର୍ ବାକିଅ ସେମନ୍ ଜାନାଇରଇଲା । ପସ୍ତୁକେ କି ତାର୍ ମୁର୍ତ୍ତିକେ ସେମନ୍ ଜୁଆର୍ କରଡ଼ନାଇ । ପସ୍ତୁର୍ ଚିନ୍

\* ୧୯:୯ ୧୯:୯ ମାଡ଼ିଉ ୨୨:୨,୩    \* ୧୯:୧୫ ୧୯:୧୫ ପରକାସିତ ୧୪:୨୦    \* ୧୯:୨୦ ୧୯:୨୦ ପରକାସିତ ୧୩:୧-୧୮

ତାଙ୍କର କାପାଲେ କି ତାଙ୍କର ଆତେ ଗଦିଅଥଡ଼ ନାଲ । ସେମନ୍ ଜିବନ୍ ପାଇଲାଲ ଆରି ଅଜାର ବରସଜାକ କିରିସଫସଙ୍ଗ ରାଜା ଇସାବେ ସାସନ୍ କଲାଲ ।<sup>୫</sup> ଅଜାର ବରସ୍ ନ ସାରବାଜାକ ମରିଜାଇରଇବା ଜେଡ଼କି ବାକି ଲକ୍ ଜିବନ୍ ପାଅଡ଼ନାଲ । ଏଟାଆକା ପରତୁମ୍ ଜିବନ୍ ପାଇବାଟା ।<sup>୬</sup> ମଲାତେଇଅନି ପରତମେ ଜେଡ଼କି ଲକ୍କେ ଉଟାଇରଇଲାଲ, ସେମନ୍ କେତେକ୍ କରମର୍ ଲକ୍ । ପରର୍ ମରନ୍ ତାଙ୍କର ଉପରେ ସାସନ୍ ନ କରେ । ସେମନ୍ ପରମେସରର୍ ଆରି କିରିସଫର୍ ପୁଜାରି ଅଇବାଇ । ସେମନ୍ ତାଙ୍କର ସଙ୍ଗ ଅଜାରବରସ୍ ଜାକ ସାସନ୍ କରବାଇ ।

**ସଇତାନର୍ ଆରବାଟା**

<sup>୭</sup> ଅଜାର ବରସ୍ ସାରଲାପତେ ବନ୍ଦିଗରେଅନି ସଇତାନକେ ମୁକ୍ଲାଲବାଇ ।<sup>୮</sup> ତେଇଅନି ଜଗତର୍ ରାଇଜମନ୍କେ ନାଡ଼ାଇବାକେ, ଗୁଲାଲ ଜଗତେ ବିଚିଅଇରଇବା ରାଇଜମନ୍କେ ନାଡ଼ାଇବାକେ ସେ ବାରଇସି । ସେଟା ଅଇଲାନି ଗଗ୍ ଆରି ମାଗଗ୍ । ସଇତାନ୍ ସେମନ୍କେ ଜୁଇଦ୍ କରବାକେ ରୁଣ୍ଡାଇସି । ସମ୍ବୁରେ ରଇବା ବାଲି ଜେଡ଼କି ଆତେ, ସେଡ଼କି ଲକ୍ ସେମନ୍ ରଇବାଇ ।<sup>୯</sup> ସେମନ୍ ଗୁଲାଲ ଜଗତେ ବିଚି ଅଇବାଇ । ଆରି ପରମେସରର୍ ଲକ୍ ବାସାଅଇରଇବା ଜାଗାଲ ଆରି ସେ ମନ୍କର୍ବା ନଅରର୍ ଚାରିବେଟ୍ଟି ଆଇବାଇ । ମାତର୍ ଏଦେ ଦେକା ! ସରଗେଅନି ଜଇ ଅଦ୍ରି ସେମନ୍କେ କୁରୁପ୍ନାସ୍ କଲା ।<sup>୧୦</sup> ତାର୍ପତେ ସଇତାନ୍ ଜେ କି ସେମନ୍କେ ନାଡ଼ାଇଲା, ଜଇ ଆରି ଗନ୍ଦରସ୍ ରଇବା ଗାତେ ପିଙ୍ଗାଅଇଲା । ସେ ପସୁ ଆରି ମିଟ୍ କଇବା ବବିସଡ଼ବକ୍ତା ଆଗେଅନି ତେଇ ପିଙ୍ଗାଅଇରଇଲାଲ । ସେମନ୍ ତେଇରଇକରି ଦିନ୍ ରାତି କାଲ୍ କାଲ୍ ଜୁଗ୍ ଜୁଗ୍ ସେ ଲକ୍ମନ୍କେ କାବା କରିରଇଲା, ତାକେ ଜଇ ଆରି ଗନ୍ଦତେ ରଇବା ଗାତେ ନସଫ କରାଇଲା, ସେ ତେଇ ସେ ପସୁ ଆରି ମିଟ୍ସିକିଆ ଦେଉଁ ବାବବାଦିମନ୍ ମିସା ଆଚଡ଼, ଆରି ସେ ଲକ୍ମନ୍ ଦିନ୍ରାତିଜାକ କସଟ ବଗ୍ବାଇ ।

**ସାରାସାରି ବିଚାର୍**

<sup>୧୧</sup> ତାର୍ପତେ ମୁଇ ଗଟେକ୍ ବଡ଼ଟା ଦବ୍ ବସବା ଜାଗା ଆରି ଜେ ତାର୍ ଉପରେ ବସିରଇଲା, ତାକେ ଦେକଲି । ସରଗ୍ ଆରି ଦରତନି ତାର୍ ମୁଆଟେଅନି ପାଲାଲଲାଲ ଆରି କେବେ ତିସଡ଼ନାଲ ।<sup>୧୨</sup> ତାର୍ପତେ ମୁଇ ଜେଡ଼କି ମଲା ବଡ଼ ସାନ୍ ଲକ୍କେ ଦେକଲି । ସେମନ୍ ବସବା ଜାଗାର୍ ମୁଆଟେ ଟିଆଅଇରଇବାଟା ମୁଇ ଦେକଲି । ବଇମନ୍ ଉଗାଡ଼ି ଅଇଲା, ଜିବନ୍ ରଇବା ଲକ୍ମନ୍ ବଇ ମିସା ଉଗାଡ଼ି ଅଇଲା । ସେମନ୍ କଲା କାମ୍ ଇସାବେ ମଲା ଲକ୍ମନ୍କେ ବିଚାର୍ କଲାଲ । ସେମନ୍ କରିରଇବା କାମ୍ମନ୍ ବଇଟାନ୍ ଆଗ୍ତୁଅନି ଲେକା ଅଇରଇଲା ।<sup>୧୩</sup> ତାର୍ ପତେ ସମ୍ବୁରେ ଜେଡ଼କିଲକ୍ ମରିରଇଲାଲ, ସେମନ୍ ବାରଇଆଇଲାଲ । ମରନ୍ ଆରି ପାତାଲ୍ ମିସା ସେମନ୍ ଦାରିରଇବା ମଲାଲକ୍ମନ୍କେ ଚାଡ଼ିଦେଲାଲ । ସେମନ୍କେ ସବୁକେ କରିରଇବା କାମ୍ ଇସାବେ ବିଚାର୍ନା କଲାଲ ।<sup>୧୪</sup> ତାର୍ପତେ ମଲା ଲକ୍ ଜାଗାଅନି ଆଇଲା ସବୁଲକ୍ ଗାଗଡ଼ ଆରି ଆଡ଼ମା, ଜଇର୍ ଗାତେ ପିଙ୍ଗାଲ । ସେ ଗାଡ଼ ଅଇଲାନି ଦୁଇ ଲମରର୍ ମରନ୍<sup>୧୫</sup> ସେ ବେଲେ ଜେଡ଼କି ଲକ୍ ନାଉଁ ଜିବନ୍ ରଇବା ବଇଟାନ୍ ଲେକା ନ ଅଇରଇଲା, ସେ ସବୁଲକ୍କେ ଜଇଲାଗ୍ବା ଗାତେ ପିଙ୍ଗା ଅଇଲା ।

**୨୧**

**ନୁଆଁ ସରଗ୍ ଆରି ଜଗଡ଼**

<sup>୧</sup> ତାର୍ପତେ ଏଦେ ଦେକା ! ନୁଆଁ ସରଗ୍ ଆରି ନୁଆଁ ଜଗଡ଼ ଦେକଲି । ପରତୁମ୍ ସରଗ୍ ଆରି ପରତୁମ୍ ଜଗଡ଼ ଆରି ତିସେନାଲ । ସମ୍ବୁର୍ ମିସା ଆରି ତିସେନାଲ ।<sup>୨</sup> ଆରି ସେ ସୁକଲ୍ ନଅର୍ ଦେକଲି । ସେଟା ରଇଲା ନୁଆଁ ଜିରୁସାଲେମ୍ । ସରଗେଅନି, ପରମେସରଟାନ୍ ଅନି, ସେଟା ଉଡ଼ି ଆଇତେରଇଲା । ଗଟେକ୍ ଦାଙ୍ଗଡ଼ି ଦାଙ୍ଗଡ଼ାକେ ବେଟ୍ ଅଇବାକେ ଗାଲେ କେନ୍ତାଟା ପିନ୍ଦିରଇସି, ସେନ୍ତାରି ତିଆର୍ ପିଆର୍ ଅଇରଇଲା ।<sup>୩</sup> ବସବା ଜାଗାଅନି ଗଟେକ୍ ବଡ଼ ସବଦ୍ କାତାଅଇବାଟା ମୁଇ ସୁନ୍ଲି “ସାରାସାରି ବେଲେ ପରମେସର୍ ମୁନୁସ୍ଜାତି ସଙ୍ଗ୍ ବାସା ଅଇବାକେ ଆଇଲାଆତେ । ସେ ତାଙ୍କର ସଙ୍ଗ୍ ବାସା ଅଇସି । ଆରି ସେମନ୍ ତାର୍ ଲକ୍ ଅଇବାଇ । ପରମେସର୍ ନିଜେ ତାଙ୍କର ସଙ୍ଗ୍ ରଇସି । ଆରି ସେ ତାଙ୍କର ପରମେସର୍ ଅଇସି ।”<sup>୪</sup> ସେ ତାଙ୍କର ଆଁସୁ ପୁଟିଦେଇସି । କେ ଆରି ନ ମରଡ଼ । କାନ୍ଦାବୁବା, ଦୁକାସୁକା ନ ରଏ । ପୁର୍ନା ବିସଇ ଆରି ନ ତିସେ ।

<sup>୫</sup> ତାର୍ପତେ ଜେ ବସବା ଜାଗାଲ ବସିରଇଲା, ସେ କଇଲା “ମୁଇ ଏବେ ସବୁ ବିସଇ ନୁଆଁ କଲିନି ।” ସେ ମକେ ଆରି କଇଲା “ଏଟା ଲେକିକରି ସଙ୍ଗ । କାଇକେବଇଲେ ଏ ବାକିଅ ସବୁ ସଡ଼ । ଆରି ବିସବାସ୍ କରିଅଇସି ।”<sup>୬</sup> ସେ ଆରି କଇଲା ସେଟା ସାରିଗାଲା, ମୁଇ ଅଇଲିନି ଆରାମର୍ ଲକ୍ ଆରି ସାରାସାରିର୍ ଲକ୍ । ମୁଇ ସେ ଆରାମ୍ ମୁଇ ସେ ସାରାସାରି । ଜାକେ ଜଦି ସସ୍ କରସି, ପାଜୁରାପାନି କାଇବାକେ

☆ ୨୧:୧ ୨୧:୧ ୨ ଯ ପିତର୍ ୩:୧୩ ☆ ୨୧:୨ ୨୧:୨ ପଢ଼କାସିତ ୩:୧୨

ମୁଇ ତାକେ ଡାକିନେବି । ଏ ପାଜରାଇ ଅନି ଜନ୍ ପାନି ବାରଇସି, ସେଟା ନ ସାର୍ବା ଜିବନ୍ ଦେଇସି । ସେମନ୍‌କେ ସେଟା ଇନାମେ ମିଲସି ।<sup>୭</sup> ଜନ୍ ଲକ୍‌ମନ୍ ଜୁଇଦ୍ କରି ଜିଡ଼ବାଇ ସେମନ୍‌କେ ଇନାମ୍ ଦେବି, ଆରି ତାକର୍ ପର୍‌ମେସର୍ ଅଇବି ଆରି ସେମନ୍ ମର୍ ପିଲାଟକି ଅଇବାଇ ।<sup>୮</sup> ମାତର୍ ଜେ ମର୍‌ସଙ୍ଗ୍ ଆଇବାକେ ଡର୍‌ବାଇ, ଆରି ବିସ୍‌ବାସ୍ ନ କରଡ଼, ଜାର୍ ଚଲାଟଲ୍‌ତି କାରାପ୍, ଜେ କି ନର୍‌ମାରୁମନ୍ ଆଚଡ଼, ଜନ୍ ଲକ୍‌ମନ୍ କାରାପ୍ ରିତିନିତି ଅବିଆସ୍ କରବାଇ, ଜନ୍‌ଲକ୍‌ମନ୍ ମର୍‌ତର୍ ଜର୍‌ତର୍ କରବାଇ ଆରି ଜନ୍ ଲକ୍‌ମନ୍ ମିର୍ ଦେବ୍‌ତାମନ୍‌କେ ଜୁଆର୍ କରବାଇ, ଆରି ଜେଡ଼କି ସବୁ ମିରୁଆମନ୍ ରଇବାଇ, ତାକର୍ ସେସର୍ ବେଲା ଏନ୍ତାରି ଅଇସି । ସେମନ୍‌କେ ଲାଗ୍‌ତେରଇବା ଗନ୍‌ଟାମେ ପିଙ୍ଗା ଅଇସି । ସେଟା ଅଇଲାମି ପଚର୍ ମରନ୍ ।

<sup>୯</sup> ସାଡ଼ଟା ଦୁଡ଼ମନ୍‌ର ବିଡ଼ରେ ଗଟେକ୍ ଦୁଡ଼, ଜାର୍ ଆତେ ସାଡ଼ଟା ମର୍‌ତି ରଇବା ଗିନା ରଇଲା, ସେ ମକେ ଆସି କଇଲା ଆଉ ମୁଇ ତକେ କନିଆ ଦାଙ୍ଗ୍‌ତିକେ ଦେକାଇବି । ସେ ଅଇଲାମି ମେଣ୍ଡାପିଲାର୍ ମାଇଜି ।<sup>୧୦</sup> ସୁକଲ୍ ଆଡ଼ମା ମକେ ଦାରଲା, ଦୁଡ଼ ମକେ ଗଟେକ୍ ଉର୍ ଡଙ୍ଗର୍ ଟିପେ ଦାରିଗାଲା । ସେ ମକେ ସୁକଲ୍ ନଅର୍ ଜିରୁସାଲେମ୍ ପର୍‌ମେସର୍ ଟାନେଅନି, ସର୍‌ଗେଅନି ଉଡ଼ରି ଆଇବାଟା ଦେକାଇଲା ।<sup>୧୧</sup> ସେ ନଅର୍ ପର୍‌ମେସର୍‌ର ମଇମାସଙ୍ଗ୍ ଜକ୍‌ମକି ଜାଇତେରଇଲା । ଗଟେକ୍ ବେସି ଦାମ୍ ରଇବା ଜାସ୍‌ପର୍ ନାଉର୍ ଇରାପାକ୍‌ନା ପାରା ଜକ୍‌ମକି ଜାଇତେରଇଲା । ସେ ପାକ୍‌ନାଇ ଦେକ୍‌ଲେ ଏବାଟେ ଅନି ସେବାଟର୍‌ଟା ସବୁ ତିସ୍‌ତେରଇଲା ।<sup>୧୨</sup> ସେ ନଅରେ ଗଟେକ୍ ବେସି ଉର୍ କତି ରଇଲା । ତେଇ ବାର୍‌ଟା ଗେଟ୍ ରଇଲା ଆରି ବାର୍‌ଟା ଦୁଡ଼ମନ୍ ସେ ଗେଟ୍‌ମନ୍‌ର ଦେକାରକା କର୍‌ତେରଇଲାଇ । ଇସ୍‌ରାଏଲ୍ ଲକ୍‌ମନ୍‌ର ବାର୍‌ଟା ବର୍‌ସର୍ ନାଉର୍‌ମନ୍ ସେ ଗେଟେ ଲେକାଅଇରଇଲା ।<sup>୧୩</sup> ସବୁ ଦିଗେ ତିନ୍‌ଟାଲାକା କାପାଟ୍ ରଇଲା, ଉତର୍ ଦିଗେ ତିନ୍‌ଟା କାପାଟ୍ ଦକ୍‌ନିଦିଗେ ତିନ୍‌ଟା କାପାଟ୍ ଆରି ପଟିମଦିଗେ ତିନ୍‌ଟା କାପାଟ୍ ରଇଲା ।<sup>୧୪</sup> ବାର୍‌ଟା ମୁଲ୍ ପାକ୍‌ନାଇ ସେ ନଗରର୍ କତି ଉଟାଇରଇଲାଇ । ଆରି ସେ ପାକ୍‌ନା ଉପରେ ମେଣ୍ଡାପିଲାର୍ ବାର୍‌ଟା ପେରିଡ଼ ମନ୍‌ର ନାଉର୍ ଲେକା ଅଇରଇଲା ।<sup>୧୫</sup> ଜନ୍ ଦୁଡ଼ ମର୍‌ସଙ୍ଗ୍ କାତା ଅଇତେ ରଇଲା, ତାର୍ ଆତେ ନଗରକେ, ତାର୍ କାପାଟ୍ ମନ୍‌କେ ଆରି କତିମନ୍‌କେ ନାପ୍‌ବା, ସୁନାର୍ ନାପ୍‌ବା ଡାଙ୍ଗ୍ ରଇଲା ।<sup>୧୬</sup> ସେ ନଅର୍ ପୁରାପୁରୁନ୍ ଚାରିକନିଆ ରଇଲା । ତାର୍ ଲମ୍ ଆରି ଅସାର୍ ସମାନ୍ ରଇଲା । ଦୁଡ଼ ତାର୍ ନାପ୍‌ବା ଡାଙ୍ଗ୍ ସଙ୍ଗ୍ ନଅର୍ ନାପ୍‌ଲା । ସେ ନାପ୍‌ବା ଇସାବେ ସେଟା ଦୁଇଅଜାର୍ ଚାର୍‌ସ କିଲମିଟର୍ ଲମ୍ ରଇଲା । ତାର୍ ଲମ୍ ଅସାର୍ ଆରି ଉର୍ ସମାନ୍ ରଇଲା ।<sup>୧୭</sup> ଦୁଡ଼ କତି ମିସା ନାପ୍‌ଲା । ସେଟା ୬୦ ମିଟର୍ ଉର୍ ରଇଲା ।<sup>୧୮</sup> ଜାସ୍‌ପର୍ ନାଉର୍ ଗଟେକ୍ ବେସି ଦାମର୍ ଇରା ପାକ୍‌ନା ସଙ୍ଗ୍ କତି ତିଆର୍ ଅଇରଇଲା । ଅସ୍‌ଲି ସୁନା ସଙ୍ଗ୍ ନଅର୍ ତିଆର୍ ଅଇରଇଲା । ଆରି କାଁର୍‌ପାରା ସବୁ ତିସ୍‌ତେରଇଲା ।<sup>୧୯</sup> ସେ ନଅରର୍ କତିର୍ ମୁଲ୍ ପାକ୍‌ନାମନ୍ ବିନ୍ ବିନ୍ ରକାମର୍ ଇରାପାକ୍‌ନାମନ୍‌ର ସଙ୍ଗ୍ ସୁନ୍‌ର କରିରଇଲାଇ । ପର୍‌ତୁମ୍ ମୁଲ୍ ପାକ୍‌ନା ରଇଲା, ଇସ୍‌ପର୍ । ତାର୍‌ପଚର୍ ସପାୟର୍, ତାର୍ ପଚର୍ ଆଗାଟେ । ତାର୍ ପଚର୍ ଏମରଲ୍ ।<sup>୨୦</sup> ତାର୍ ପଚର୍ ଅନିକ୍ । ତାର୍ ପଚର୍ କର୍‌ନିଲିଅନ୍ । ତାର୍ ପଚର୍ ଅଲ୍‌ଦି ରଙ୍ଗର୍ କାଟ୍, ତାର୍ ପଚର୍ ବେରିଲ୍, ତାର୍‌ପଚର୍ ତପାଜ୍, ତାର୍ ପଚର୍ ଚାଲ୍‌କେଦନି, ତାର୍ ପଚର୍ ତରକଇ, ଆରି ସାରାସାରି ଆମେତି ।<sup>୨୧</sup> ବାର୍‌ଟା ମୁକ୍‌ତାଇ ବାର୍‌ଟା କାପାଟ୍ ତିଆର୍ ଅଇରଇଲା । ଗଟେକ୍ ଗଟେକ୍ କାପାଟ୍ ଗଟେକ୍ ଗଟେକ୍ ମୁକ୍‌ତାଇଅନି ତିଆର୍ ଅଇରଇଲା । ନଅରର୍ ବାଟ୍ ଅସ୍‌ଲି ସୁନାସଙ୍ଗ୍ ତିଆର୍ ଅଇରଇଲା । କାଁର୍‌ପାରା, ଏନେ ଅନି ଦେକ୍‌ଲେ ତେନର୍‌ଟାମନ୍ ତିସ୍‌ତେରଇଲା ।

<sup>୨୨</sup> ସେ ନଅରେ ମୁଇ ଗଟେକ୍ ମିସା ମନ୍‌ର ଦେକିନାଇ । କାଇକେବଇଲେ, ତାର୍ ମନ୍‌ର ରଇଲା ମାପୁରୁ ପର୍‌ମେସର୍ । ଜେ କି ସବୁର୍ ଉପରେ ଆଟେ, ଆରି ମେଣ୍ଡାପିଲା ।<sup>୨୩</sup> ସେ ନଅର୍ ଉପରେ ଉଜଲ୍ ଦେବାକେ ବେଲ୍ କି ଜନ୍ ଦର୍‌କାର୍ ନ ରଇଲା । କାଇକେବଇଲେ, ପର୍‌ମେସର୍‌ର ମଇମା ତେଇ ଉଜଲ୍ ଦେଇତେରଇଲା ଆରି ମେଣ୍ଡାପିଲା ତେଇର୍ ବତି ରଇଲା ।<sup>୨୪</sup> ସେ ଉଜଲେ ଜଗତର୍ ଲକ୍‌ମନ୍ ଇଣ୍ଡିଜିବାଇ ଆରି ରାଜାମନ୍ ତାକର୍ ଦନ୍ ସଁପତି ତେଇ ଆନି ସର୍‌ପି ଦେବାଇ ।<sup>୨୫</sup> ସେ ନଅରର୍ କାପାଟ୍‌ମନ୍ ସବୁବେଲେ ଉଗ୍‌ଡା ରଇସି । ସେଟା କେବେ ମିସା ଡାବିଅଇ ନ ରଏ । କାଇକେବଇଲେ ତେଇ କେବେ ରାତି ନ ଅଏ ।<sup>୨୬</sup> ରାଇଜ୍ ମନ୍‌ର ଡାକ୍‌ପୁଟା ଆରି ଦନ୍ ସଁପତି ସେ ନଅରେ ଆନ୍‌ବାଇ ।<sup>୨୭</sup> ମାତର୍ ଅସୁକଲ୍ ରଇବା କାଇ ବିସଇ ମିସା ସେ ନଅରେ ନ ପୁରେ । ଲାଜ୍ ଅଇବା କାମ୍‌ମନ୍ କର୍‌ବା ଲକ୍ କି ମିର୍ କଇବା ଲକ୍ କେ ମିସା ତେଇ ପୁରି ନାପାରଡ଼ । ମେଣ୍ଡାପିଲାର୍ ବଇଲଗେ ଜାର୍ ନାଉର୍ ଲେକାଅଇଆଟେ, ସେମନ୍‌ସେ, ସେ ନଅରେ ଜାଇପାରଡ଼ ।

**୨୨**

<sup>୧</sup> ତାର୍‌ପଚେ ଦୁଡ଼ ମକେ ଜିବନ୍‌ର ପାନି ରଇବା ଗାଡ଼ ଦେକାଇଲା, ଜନ୍‌ଟା କି କାଁର୍‌ପାରା ତିସ୍‌ତେରଇଲା । ପର୍‌ମେସର୍‌ର ବସ୍‌ବା ଜାଗାଇଅନି ଆରି ମେଣ୍ଡାପିଲାଟାମେଅନି ସେ ଗାଡ଼ର୍ ପାନି ଆଇତେରଇଲା ।  
<sup>୨</sup> ନଅରର୍ ବାଟର୍ ମଜାଇ ସେଟା ବଇ ଆଇତେରଇଲା । ଗାଡ଼ର୍ ଦୁଇବାଟେ ଜିବନ୍‌ର ଗର୍ ରଇଲା ।

ସେ ଗର୍ବ ମାସକେ ଗଟେକ୍ ତରୁ ଅଇ ବରସକେ ବାରତରୁ ପଲ୍ ଦାରୁସି । ରାଇଜ୍‌ମନ୍ ନିକ ଅଇବାକେ ତାରୁ ପତରୁମନ୍ ରଇଲା । ୩୩ ପରୁମେସରରୁ ଅବିସାପ୍ ରଇବା କାଇଟାମିସା ସେ ନଅରେ ନ ଡିସେ । ପରୁମେସରରୁ ଆରି ମେଣ୍ଡାପିଲାରୁ ବସ୍‌ବାଜାଗା ସେ ନଅରେ ରଇସି । ଆରି ତାରୁ ଦାଙ୍ଗ୍‌ତାମନ୍ ତାକେ ଜୁଆରୁ କରୁବାଇ । ୪ ସେମନ୍ ତାକେ ଦେକ୍‌ବାଇ ଆରି ତାରୁ ନାଉଁ ସେମନ୍‌ରୁ କାପାଲେ ଲେକାଅଇ ରଇସି । ୫ ତେଇ ଆରି ରାତି ନ ରଏ । ବଡିରୁ ଉଜଲ୍ କି ବେଲରୁ ଉଜଲ୍ ଦରକାରୁ ନ ପଡେ । କାଇକେବଇଲେ ମାପରୁ ପରୁମେସରୁ ତାକରୁ ଉଜଲ୍ ରଇସି । ସେମନ୍ ରାଜା ଇସାବେ କାଲ୍ କାଲ୍ ଜୁଗ୍ ଜୁଗ୍ ସାସନ୍ କରୁବାଇ ।

**ଜିସୁ ଆରିତରେକ୍ ଆଇବାଟା**

୬ ତାରୁପତେ ଦୁଡ୍ ମକେ କଇଲା “ଏ ବାକିଅ ସବୁ ସତ୍ ଆରି ବିସବାସ୍ କରିଅଇସି । ମାପରୁ ପରୁମେସରୁ ଜେ କି ତାରୁ ଆଡ଼ମା ବବିସତ୍‌ବକ୍‌ତାମନ୍‌କେ ଦେଇରଇଲା, ସେ ତାରୁ ଦୁଡ୍‌କେ ପାଟାଇଆଟେ । ଆଇବା ଦିନମନ୍‌କେ କାଇଟା ଅଇସି, ସେଟା ତାରୁ ଦାଙ୍ଗ୍‌ତାମନ୍‌କେ ଦେକାଇସି ।” ୭ ଜିସୁ କଇଲାନି, “ସୁନା ମୁଇ ଦାପ୍‌ରେ ଆଇଲିନି । ଏ ବଇରୁ, ଆଇବା ଦିନମନ୍‌କେ ଗଟ୍‌ବା କାତା, ଜେଡ୍‌କି ଲକ୍ ନାମ୍‌ବାଇ, ସେମନ୍ କେଡେକ୍ କରମରୁ ଲକ୍ ।” ୮ ମୁଇ ଜଅନ୍ ଏ ସବୁ ସୁନିଆତି ଆରି ଦେକିଆତି । ଏ ସବୁଜାକ ଦେକ୍‌ଲା ପତେ ଆରି ସୁନଲାପତେ ଜନ୍ ଦୁଡ୍ ମକେ ଏ ସବୁ ବିସଇ ଦେକାଇରଇଲା, ତାରୁ ପାଦେ ତାଣ୍ଡାସନ୍ ପଡ଼ଲି । ମୁଇ ତାକେ ଜୁଆରୁକରୁବାକେ ଜାଇରଇଲି । ୯ ମାତରୁ ସେ ମକେ କଇଲା, “ନିରୁ । କାଇକେବଇଲେ ମୁଇ ମିସା ତମରୁପାରା ଗଟେକ୍ ଲକ୍‌ସେ । ତମରୁ ଜେଡ୍‌କି ବବିସତ୍‌ବକ୍‌ତା ବାଇମନ୍ ଆରି ଜେଡ୍‌କି ବଇଟାମେ ରଇବା ବାକିଅମନ୍ ଆଟେ, ସେଟାମନ୍ ମାନିକରି ରଇଲାଇନି । ତାକରୁ ପାରା ମୁଇ ମିସା ଗଟେକ୍ ସେବାକାରିଆ । ପରୁମେସରୁକେ ଜୁଆରୁ କରା ।” ୧୦ ଆରି ସେ ମକେ କଇଲା, ଏ ବଇରୁ ଜେଡ୍‌କି ବିସଇ ତକେ ଜାନାଇଅଇଲାଆଟେ, ସେଟା କେ ନାଜାନଲା ପାରା ଲୁଟାଇ ସଙ୍ଗମାଇ । କାଇକେବଇଲେ ଏ ସବୁ ଗଟ୍‌ବା ବେଲା ଲଗେଆଟେ । ୧୧ ଜେ କରାପ୍ ଚଲାଚଲ୍‌ତି କରି ଜିଉନା କାଉନା କଲାଇନି, ସେ ସେନ୍ତାରିସେ କାରାପ୍ କରତେ ରଅ । ଜେ କି ନିକ ଚଲାଚଲ୍‌ତିକରି ଜିଉନା କାଉନା କଲାନି, ସେ ସେନ୍ତାରିସେ ନିକ କରତେରଅ । ଜେ କି ସୁକଲ୍ ଆଟେ, ସେ ସେନ୍ତାରିସେ ସୁକଲ୍ ରଅ । ୧୨ ଜିସୁ କଇଲାନି “ସୁନା ମୁଇ ଦାପ୍‌ରେ ଆଇଲିନି । ଲକ୍‌ମନ୍ କରିରଇବା କାମ୍ ଇସାବେ ମୁଇ ସେମନ୍‌କେ ପୁରୁସ୍‌କାରୁ ଦେବି । ୧୩ ମୁଇ ପରୁଡ଼ମରୁ ଲକ୍ ଆରି ସାରାସାରିରୁ ଲକ୍ । ମୁଇ ଆରାମ୍ କରୁବି ଆରି ମୁଇସେ ସାରାଇବି ।”

୧୪ ଜେଡ୍‌କି ସବୁଲକ୍ ତାକରୁ ବସ୍‌ତରୁ ଦଇକରି ସୁକଲ୍ କରୁବାଇ, ସେମନ୍ କେଡେକ୍ କରମରୁ ଲକ୍ ! ଜିବନରୁ ଗଟେଅନି ପଲ୍ କାଇକରି କାବାଟ୍‌ବାଟେ ଜାଇ କରି ନଅରେ ପୁରୁବାକେ ସେମନ୍ ଅଦିକାରୁ ପାଇବାଇ । ୧୫ ମାତରୁ ଜନ୍ ଲକ୍‌ମନ୍ ଲାଜ୍ ଅଇବା କାମ୍‌ମନ୍ କରୁବାଇ, ଜେଡ୍‌କି, ଜନ୍ତୁର୍ ମନ୍ତୁର୍ ଅବିଆସ୍ କରୁବାଇ, ବେସିଆ କାମ୍‌ମନ୍ କରୁବାଇ, ନରୁ ମରାଇବାଇ, ମୁରୁଡି ପୁଜା କରୁବାଇ, ଆରି କାତାଇ ଆରି କାମେ ମିର୍ କଇବାଇ, ସେମନ୍ ନଅରୁ ବାଇରେ ରଇବାଇ । ୧୬ “ମୁଇ ଜିସୁ, ମଣ୍ଡୁଲିଟାମେ ରଇବା ତମକେ ସବୁ ଲକ୍‌କେ ଏ ବିସଇ ଜାନାଇବାକେ ମରୁ ଦୁଡ୍‌କେ ପାଟାଇଆତି । ମୁଇ ଦାଉଦରୁ କୁଟୁମେ ଆତି । ମୁଇ କୁକ୍‌ତା ତାକ୍‌ବାବେଲେ ଉଜଲ୍‌ଦେବା ତାରା ।” ୧୭ ଆଡ଼ମା ଆରି କନିଆ ଦାଙ୍ଗ୍‌ତି କଇଲାନି ଆଉ, । ଜେଡ୍‌କି ଲକ୍ ଏଟା ସୁନଲାଇନି, ସେମନ୍ ମିସା ଆଉ, ବଲି କଇବାରୁଆଟେ । ଆସା ଜେଡ୍‌କି ଲକ୍‌କେ ସସ୍ କଲାନି, ଜିବନରୁ ପାନି ଇନାମେ ନିଆ ।

**ସାରାସାରିରୁ କାତା**

୧୮ ମୁଇ ଜଅନ୍ ସବୁକେ ଜାଗରୁଡ୍ କରାଇଲିନି, ଆଇବା ଦିନମନ୍‌କେ ଗଟ୍‌ବା ଏ ବଇରୁ ଜେଡ୍‌କି ବାକିଅ ଆଟେ, କେ ଜଦି ଇତି ଆରି କାଇ କାଇଟା ମିସାଇଲେ, ପରୁମେସରୁ ଏ ବଇଟାମେ ଜନ୍ ମରୁଡି ବିସଇ ଲେକ୍‌ଲାଆଟେ, ସେ ତାରୁ ପାଇବା ତଣ୍ଡ ସଙ୍ଗ୍, ଏ ମରୁଡି ମିସା ମିସାଇସି । ୧୯ ଏ ବବିସତ୍ କାତାରୁ ବଇଟାମେଅନି କେ ଜଦି କାଇ ବିସଇ ମିସା ଲୁଟାଇଦେଲେ, ଏ ବଇଟାମେ ଲେକାଅଇରଇବା ଜିବନରୁ ଗଟରୁ ପଲ୍ ଆରି ସୁକଲ୍ ନଅରେଅନି ସେମନ୍ ପାଇରଇବାଟା ତାକରୁଟାମେଅନି ଦାରିଜାଇସି । ୨୦ ଜେ କି ଏ ସବୁ ବିସଇରୁ ପାଇ ସାକି ଦେଇସି, ସେ କଇଲାନି ଉଁ ମୁଇ ଦାପ୍‌ରେସେ ଆଇଲିନି ! ସେନ୍ତାରିସେ ଅ ବେ ! ମାପରୁ ଜିସୁ ଆଉ ! ୨୧ ମାପରୁ ଜିସୁ ଜିବନ୍ ଦୁକାଇଲାଟା ସବୁରୁ ଲଗେ ରଅ । ଆମେନ୍ !

☆ ୨୨:୧୩ ୨୨:୧୩ ପର୍କାସିତ ୧:୮; ପର୍କାସିତ ୧:୧୭;୨:୮